


ସତ୍ ବଚନ୍



The New Testament in the Pengo language of India: ସତ୍ ବଚନ୍

ସତ୍ ବଚନ

The New Testament in the Pengo language of India: ସତ୍ ବଚନ

copyright © 2020 The Word for the World International

Language: Pengu (Pengo)

Contributor: The Word for the World International

ସତ୍ ବଚନ

ପୁନି ନିୟମ , 2020

The New Testament in Pengo Language.

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

PDF generated using Haiola and XeLaTeX on 25 Aug 2023 from source files dated 14 Apr 2023

347138c8-2363-58d9-a1b0-0259691b7d43

Contents

ମାତିତ୍ତ	1
ମାକ	48
ଲୁକ	78
ଜହନ୍	126
ପକ୍ଷାତାକାନ୍	161
ରମିୟ	202
୧ କରନ୍ତ୍ରିୟ	220
୨ କରନ୍ତ୍ରିୟ	237
ଗାଲାତିୟ	248
ଏପିସ୍ତଲିୟ	255
ପିଲିପିୟ	262
କଲସିୟ	267
୧ ଡେସ୍‌ଲନିକି	272
୨ ଡେସ୍‌ଲନିକି	276
୧ ତିମୋତି	279
ପିଲିପନ୍	284
ଏବି	286
ଜାକିବ	300
୧ ପିତର	305
୨ ପିତର	311
୧ ଜହନ୍	315
୨ ଜହନ୍	321
୩ ଜହନ୍	322
ଜିହୁଦା	323
ସ୍ତତି	325

ମାତିତ ଲିଖିତ ସୁସମାଚାର ମାତିତ ଲେକିକିତି ଜିସୁ କ୍ରିସ୍ତୁ ନେକ୍ରିକାବୁର ମାତିତ ପତି ବିସ୍ତେ ପାଦେକ୍

ମାତିତ ଲେକିକିତି ନେକ୍ରିକାବୁର ପୁନି ନିୟମ୍ ଜିସୁ କ୍ରିସ୍ତୁ ଜିବୁନ୍ତିଂ ଇନାକା ଚାରିଗଟା ପତି ପା ରଞ୍ଜାଙ୍ଗ । ଇ ଷ୍ଟିଜୁ ତାଙ୍ଗ୍ ପତିତିଂ ଜିସୁ କ୍ରିସ୍ତୁ ନେକ୍ରିକାବୁର ଇନାର୍ । ଇ ଷ୍ଟିଜାର୍ ଜିସୁ ହାତି ପାଚେ ମାତିତ, ମାର୍କ, ଲୁକ, ଆରି ଜହନ୍ ଲେକି କିତି ମାଚାନ୍ । ମାତିତ ଲେକିକିତି ନେକ୍ରିକାବୁର ଲେକାଆଜି ମାଚାକା ସମାନ୍ ତାରିକ୍ ପୁନ୍‌ଖାଦାଂ ମାଚାର୍ ପା ପଣ୍ଡିତାର୍ ଇନାର୍ ଇଦାଂ କ୍ରିସ୍ତୁ ଜିଲମ୍ ୬୦ ବାହୁଁ ଲେକା ଆଜି ମାଚାତ୍ । ଇଦାଂ ପା ପାତ୍ କିୟାନାତ୍ ଜେ ଇ ପତି ପାଲ୍ୟାସ୍ତନ୍ ଦେସ୍‌ନି ଜିରୁସାଲ୍ୟାମ୍ ଗାଡ୍‌ଦାଂ ଲେକା ଆଜି ମାଚାତ୍ ।

ମାତିତ ଇ ନେକ୍ରିକାବୁର ଲେକିକିତାକାନ୍ ଜିସୁ ତାଙ୍ଗ୍ ଚେଲା ଲାକେ କୁକ୍ତି ଆଗେ ହେଞ୍ଜାନ୍ ଇନାକାନ୍ ମାଚାନ୍ । ତା ବିନ୍ ତର ଲେବି ମାଚାତ୍, ହେଞ୍ଜାନ୍ ବାରଜାଣ ବିତ୍ରେ ପା ରକାନ୍ ମାଚାନ୍, ହେଞ୍ଜାନ୍ ଜିହୁଦିର୍ କାଜିଂ ଇ ନେକ୍ରିକାବୁର ଲେକିକିତି ମାଚାନ୍, ଇମ୍‌ଶାକା ଜିସୁ ତା ଲେକିକିତି ଲାମା ନିୟମ୍‌ତ ୬୦ ଗଟା ପାଦ୍‌ତିଙ୍ଗ୍ ଲେକାମାନି ସତ୍ ଆନାତ୍ । କ୍ରିସ୍ତୁ ଇତିସ୍ ମସିୟା ଇସ୍ତର୍ ବିଦି ଦରମ୍ ସାସ୍ତ୍ରତ ବେଶ୍‌ବାକ୍‌ଶାୟକିୟା ଆଜି ମାଚାତ୍ ଇଦାଂ ମାତିତ ସମାନ୍ ଲାକେ ହାନ୍ଦାୟ କିତି ମାଚାର୍, ମାତିତ ପା ଜପିନି ରାଜି ବିସ୍ତେ ବେସି ଲେକା ମାନାତ୍ ଜିହୁଦିର୍ କ୍ରିସ୍ତୁ ଇତିସ୍ ମସିୟାତି ରାଜିନି ସବୁ ଦିନ୍‌ନି ରାଜା ଆନାନ୍ ଇଞ୍ଜି ଆସା କିତି ମାଚାର୍ । ମାତିତ ହେ ପାତ୍‌ତିଂ ବୁଲାଈକିତି ଇସ୍ତର୍ ରାଜି ଜେ ରାଜି ପୁତ୍ ରାଜି ଆକାୟ । ଇ ବିସ୍ତେତିଂ ଇଞ୍ଜେଙ୍ଗ୍ ବେସି ପସୁ ପୁଜା ବେସି ହିତାର୍‌ନା ।

ମାତିତ ଲେକିକିତି ନେକ୍ରିକାବୁର ପୁନି ନିୟମ୍‌ତ ପର୍ତ୍ତୁମ୍ ପତି ଲାକେ ଲଡା, ଇନାକିଦେଂକି ଲାମା ନିୟମ୍ ବଚନିଂ ଆଦିକ୍ ବିସ୍ତେ ଲେକାଆତାଡ୍‌ନା, ଇ ପତି ଲାମା ନିୟମ୍ ହାଙ୍ଗ୍ ଆରି ପୁନିନିୟମ୍‌ତିଂ ମେହାଆତାଡ୍‌ନା । ପଣ୍ଡିତାର୍ ପା ଇନାର୍ ମାତିତ ତା ଲେକିକିତାକା, ମସାତି ବିଦି ପତିଙ୍ଗ୍ ଦାସ୍‌ତେଂ ସେସୁ କିତାଣ୍ଟି । ଜିସୁତି ମାତି ଜପି ହିଜି ମାତି ହିକ୍ୟା ମାତିତ ୫:୭ ଇସ୍ତର୍ ମସାଂ ବିଦି ହିନି ବିସ୍ତେ ଲାହାଙ୍ଗ୍ ପା ତୁଲାୟ କିୟାନାର୍, ୨ ବିବରଣି ୧୯:୩; ୨୩:୩୩

ପତି ବିସ୍ତେନି ରାହାଣ

- ୧. ଜିସୁ କ୍ରିସ୍ତୁ ଜିଲମ୍ ଆରି ହେବାକାମାୟ ଆରମ୍ ମାତିତ ୧:୧-୪
- ୨. ଜିସୁ କ୍ରିସ୍ତୁ ହେବାକାମାୟ ଆରି ହିକ୍ୟା ମାତିତ ୫:୧-୨୫
- ୩. ଜିସୁ କ୍ରିସ୍ତୁ ହାନାକା ଆରେ ନିଂନାକା ମାତିତ ୨୭:୧-୨୮

ଜିସୁ କ୍ରିସ୍ତୁ ଲାତ୍ରା ଜାଣାତିନା (ଲୁକ ୩:୨୩-୩୮)

^୧ ଅବ୍ରାହାମ୍ ଆରି ଦାଉଦ୍‌ତି ଲାତ୍ରା ଜିସୁ କ୍ରିସ୍ତୁ ଲାତ୍ରାରିତି ତାରେନ୍ ପତିତ ଲେକା ଆତାଡ୍‌ନା ।

^୨ ଅବ୍ରାହାମ୍ ମେହି ଇସାହାକ୍; ଇସହାକ୍ ମେହି ଜାକୁବ୍; ଜାକୁବ୍ ମେହି ଜିହୁଦା ଆରି ତା ଗଣ୍ଡାହିରିଂ ଜଲମ୍ କିତାନ୍, ^୩ ଜିହୁଦା ତାମର୍ ଖାସ୍ତିତାଂ ପେରସ୍ ଆରି ସେରହଙ୍ଗ୍ ଜଲମ୍ କିତାନ୍, ପେରସ୍ ହେସ୍ରଣ ଜଲମ୍ କିତାନ୍; ହେସ୍ରଣ ଆରାମ୍ ଜଲମ୍ କିତାନ୍ । ^୪ ହିସ୍ରଣ ମେହି ଆରାମ୍; ଆରାମ୍ ମେହି ଅମିନାଦାବ୍; ଅମିନାଦାବ୍ ମେହି ନହସନ୍; ନହସନ୍ ମେହି ସଲମନ୍; ^୫ ସଲମନ୍‌ତି ମାଜି ବୟଜ ମାଚାନ୍, ବୟଜତି ତେହି ତର୍ ରାହାବ୍, ବୟଜତି ମାଜି ଓବେଦ ତା ତର୍ ରୁଡ୍; ଓବେଦତି ମେହି ଜିସିୟ ।

^୬ ଜିସିୟ ମେହି ଦାଉଦ୍ ରାଜା । ଦାଉଦ୍ ମେହି ସଲମନ୍ ତେହି ଆଗେ ଉରିୟମ୍ ତକ୍ତି ମାଚାତ୍; ^୭ ସଲମନ୍ ମେହି ରହବୟାମ୍; ରହବୟାମ୍ ମେହି ଅବିୟ; ^୮ ଅବିୟ ମେହି ଆସା; ଆସା ମେହି ଜହସାପର୍; ଜହସାପର୍ ମେହି ଜରାମ୍; ଜରାମ୍ ମେହି ଉଜିୟ; ^୯ ଉଜିୟ ମେହି ଜତାମ୍; ଜତାମ୍ ମେହି ଆହାକ୍; ଆହାକ୍ ମେହି ହିଜକିୟ; ^{୧୦} ହିଜକିୟ ମେହି ମନସେହଙ୍ଗ୍ ଜଲମ୍ କିତାନ୍; ମନସେହ ମାଙ୍ଗେଙ୍ଗ୍ ଜଲମ୍ କିତାନ୍, ଆମନ୍ ଜସିୟଙ୍ଗ୍ ଜଲମ୍ କିତାନ୍, ^{୧୧} ଆମନ୍ ମେହି ଜସିୟ; ଜସିୟ ମେହି ଜିକନିୟ ଆରି ତା ଗଣ୍ଡାହିର୍, ବାବିଲନ୍‌ତିଂ ଦେସ୍‌ତ ଗେହ୍‌ନାକା ଆତି ସମୁତ ଜିକନିୟ ଜଲମ୍ ଆଜି ମାଚାନ୍ ।

^{୧୨} ବାବିଲନ୍‌ତ ଗେହ୍‌ନାକା ଆତି ପାଚେ ଜିକନିୟତି ମେହି ସଲ୍‌ତିୟେଲ୍ ବାବିଲନ୍‌ତ ଜଲମ୍ କିତାନ୍ । ସଲ୍‌ତିୟେଲ୍ ମେହି ଜିରୁବାବେଲ୍; ^{୧୩} ଜିରୁବାବେଲ୍ ମେହି ଅବିହୁଦଂ; ଅବିହୁଦ ମେହି ଏଲିୟାକିମ୍; ଏଲିୟାକିମ୍ ମେହି ଆସର୍; ^{୧୪} ଆସର୍ ମେହି ସାଦକ୍; ସାଦକ୍ ମେହି ଆକିମ୍; ଆକିମ୍ ମେହି ଏଲିହୁଦ୍; ଏଲିହୁଦ୍ ମେହି ଏଲାଜାର୍; ଏଲାଜାର୍ ମେହି ମତାନ୍; ^{୧୫} ଏଲିହୁଦ୍ ଏଲିୟାଜତିଂ ଜଲମ୍ କିନାନ୍, ଏଲିୟାଜର୍ ମତାନ୍‌ତିଂ ଜଲମ୍ କିନାନ୍ । ^{୧୬} ମତାନ୍ ଜାକୁବ୍‌ତିଂ ଜଲମ୍

କିନାନ୍, ଜାକୁବ୍ ମରିୟମ୍ ଡକ୍ତାରି ଜସେପ୍ତି ଜଲମ୍ କିନାନ୍ । ଇ ମରିୟମ୍ ପଟତା ଜିସୁ ଜଲମ୍ ଆତାନ୍ । ତାଙ୍ଗେଙ୍ଗ୍ କ୍ରିସ୍ଟ୍ ଇନ୍ୟାନାତ୍ ।

^{୧୭} ଇ ଲାକେ ଅବ୍ରାହାମ୍‌ତା ଦାଉଦ୍ ପାତେକ୍ ଚଉଦ ଟିକ୍; ଦାଉଦ୍‌ରତା ବାବିଲନ୍ ଗେହ୍ନାକା ପାତେକ୍ ଚଉଦ ଟିକ୍ ଆରେ ବାବିଲନ୍ ଗେହ୍ନାକା ତାଙ୍ଗ୍ କ୍ରିସ୍ଟ୍ ଜଲମ୍ ପାତେକ୍ ଚଉଦ ଟିକ୍ ।

**ଜିସୁ କ୍ରିସ୍ଟ୍ ଜଲମ୍
(ଲୁକା ୨:୧-୭)**

^{୧୮} ଇଦା ଆନାତା ଜିସୁ କ୍ରିସ୍ଟ୍ ଜଲମ୍ ବିସ୍ତେ । ତା ତେହି ମରିୟମ୍ ଜସେପ୍ ଲାହାଙ୍ଗ୍ ମାଲାକିୟା ଆଜି ମାତାତ୍ । ମାତର୍ ହେଞ୍ଜାର ବିବା ଝିନ୍ତୁ ଝିନ୍ତୁ ଆଗେ ମରିୟମ୍ ପୁତାତ୍ ଜେ ପୁଇପୁୟା ଜିରୁନ୍ ହୁକେ ମାଞ୍ଜେଙ୍ଗ୍ ଆସ୍ତାଙ୍ଗ୍‌ନା ଇଞ୍ଜି ପୁତାତ୍ ।

^{୧୯} ଜସେପ୍ ସବୁ ନାଞ୍ଜିଙ୍ଗ୍ ନ୍ୟାୟ କାମାୟ କିଜି ମାତାନ୍ । ଲାଗି ମରିୟମ୍‌ତି ମାନାୟାର ଲାଜୁତା ରାକ୍ୟା କିଦେଙ୍ଗ୍ ଇଞ୍ଜି ଡଗୁଜି ମାଲାକିତାକାଦିଂ ବାଙ୍ଗାୟ କିଦେଙ୍ଗ୍ ଇଞ୍ଜି ଉପାୟ ପାଟି କିତାନ୍ ।

^{୨୦} “ହେଞ୍ଜାନ୍ ଇଦା ଏଡକିନିହିଙ୍ଗ୍ ରଞ୍ଜାନ୍ ମାପୁତି ଦୁଡ୍ ତାଙ୍ଗେଙ୍ଗ୍ କେଡକଣତ ଚଞ୍ଜୟା ଆଜି ଇଚାନ୍, ଏ ଦାଉଦ୍ ଲାଜୁନି ଜସେପ୍ ! ମରିୟମ୍‌ତି ଡକ୍ତାରି ଲାକେ ଇଡଦେଂ ପାଣ୍ଡା ଆମା, ଇନାକିଦେଂକି ପୁଇପୁୟା ଜିରୁନ୍ ହୁକେ ମାଞ୍ଜେଙ୍ଗ୍ ଆସ୍ତାଙ୍ଗ୍‌ନା । ^{୨୧} *ତାଙ୍ଗ୍ ର ମାଜି ଜଲମ୍ ଆନାନ୍ । ଏନ୍ ତା ତର୍ ଜିସୁ ଇଚ୍ଚନାୟ, ଇନାକିଦେଂକି ହେଞ୍ଜାନ୍ ତା ଲଗାଂ ପାପ୍‌ତାଂ ରାକ୍ୟା କିନାନ୍ ।”

^{୨୨} ମାପୁତି ରଞ୍ଜାନ୍ ବେଶ୍‌ବାକ୍‌ଶାୟକିନାକାନ୍ ହୁକେ ଇମ୍‌ଣି ବେରଣ୍ ଝେଡ୍‌ଟି ମାତାନ୍, ହେଦାଂ ପୁରା ଆଦେଂ ଇଞ୍ଜି ଇ ସବୁ ଗିଟା ଆଜି ମାତାତ୍ ।

^{୨୩} “ହେ ଆଗେନିବେଶ୍ ଆନାତା, ରଞ୍ଜେଲ୍ ଜିପଲି ମାଞ୍ଜେଙ୍ଗ୍‌ଆସ୍ତି ମାଜି ଜଲମ୍ କିନାତ୍ । ହେ ମାଜି ‘ଇମାନ୍‌ୟେଲ୍’ ତର୍ଦ ତର୍ ଆନାତ୍ । ଇମାନ୍‌ୟେଲ୍ ଅରଡ୍ ଇସ୍ତର୍ ମାହୁଦାଂ ମାନାନ୍ ।”

^{୨୪} ଜସେପ୍ ହୁଡକାଣକ୍ ରିଙ୍ଗ୍‌ତି ପାଟେ ହେଞ୍ଜାନ୍ ମାପୁତି ଦୁଡ୍ ବଲ୍ ଲାହାଙ୍ଗ୍ କାମାୟ କିତାନ୍ । ହେଞ୍ଜାନ୍ ମରିୟମ୍‌ତିଂ ବିବା କିତାନ୍ । ^{୨୫} *ମାତର୍ ତା ହେ ମାଜି ଜଲମ୍ ଆନି ପାତେକ୍ ତା ଲାହାଙ୍ଗ୍ ରତେ ହୁଞ୍ଜାତାର୍ । ଜସେପ୍ ହେ ମାଜି ଜିସୁ ତର୍ ହିତାର୍ ।

୨

ଝେଡାହନି ଦେସ୍‌ନି ପଣ୍ଡିତାର୍

^୧ ହେରଦ୍ ରାଜା ସମୁତ ଜିହୁଦା ରାଜିନି ବେଡଲିହିମ୍ ଗାଡ୍‌ଦ୍ ଜିସୁ ଜଲମ୍ କିନାନ୍ । ଇଦାଂ ଅଲପ୍ ସମୁ ପାଟେ ଝେଡାହନି ଦେସ୍‌ନି କେତେଜାଣ୍ ପଣ୍ଡିତାର୍ ଜିରୁସାଲମ୍‌ତ ଝାଜି ଝେନ୍‌ବାତାର୍, ^୨ “ଇମ୍‌ଣି କାଡ୍‌ଦେ ଜିହୁଦିର୍ ରାଜା ଆନି କାଜିଂ ଜଲମ୍ ଆତାନ୍ନା, ହେଞ୍ଜାନ୍ ଇମେନ୍ ? ଝେଡାହନି ଦେସ୍‌ତାଂ ତା ହୁକାଙ୍ଗ୍ ହୁଡ୍‌ଜି ତାଙ୍ଗ୍ ପୁଜାକିନି କାଜିଂ ଆପେଂ ଝାତାପୁନା ।”

^୩ ହେଞ୍ଜାର୍ ଇ କାତା ଝେନ୍‌ଞ୍ଜି ରାଜା ହେରଦ୍ ଆରି ଜିରୁସାଲମ୍‌ନି ଝିଜାର୍ ବେସି ପାଣ୍ଡା ଆତାର୍ । ^୪ ହେରଦ୍ ଝିଜାର୍ ମୁଡ୍ ମାପୁହେବାକିନାକାନ୍ ଆରି ଦରମ୍ ଗୁରୁରିଂ କୁକ୍‌ଟି ହେଞ୍ଜାରିଂ ଝେନ୍‌ବାତାନ୍, “ଇନେନ୍‌କି ମସିୟା ଇଟିସ୍ କ୍ରିସ୍ଟ୍ ଇମେତାକେ ଜଲମ୍ ଆନାନ୍ ?”

^୫ ହେଞ୍ଜାର୍ ଉତର୍ ହିତାର୍, “ଜିହୁଦା ଦେସ୍‌ନି ବେଡଲିହିମ୍‌ତ ।” ଇ ବିସ୍ତେ ରଞ୍ଜାନ୍ ବେଶ୍‌ବାକ୍‌ଶାୟକିନାକାନ୍ ଲେକିକିନାନା,

^୬ “ଜିହୁଦା ଦେସ୍‌ନି ବେଡଲିହିମ୍ !

ଜିହୁଦାନି ମୁଡ୍ ବସ୍ତିକାଙ୍ଗ୍ ବିତ୍ତେ ଏପେଙ୍ଗ୍ ହାରୁକାଦେର୍ ଆକାୟ,

ଇନାକିଦେଂକି ନା ଇସ୍ତାଏଲ୍‌ୟର୍ ମାନାୟାରିଂ ଚାଲାୟକିଦେଂ ଇଞ୍ଜି ମିଙ୍ଗ୍‌ତାଂ ରଞ୍ଜାନ୍ ନେତା ହଡ୍‌ନାନ୍ ।”

^୭ ଇଦାଂ ଝେନ୍‌ଞ୍ଜି ହେରଦ୍ ଝେଡାହନି ଦେସ୍‌ନି ହେ ପଣ୍ଡିତାରିଙ୍ଗ୍ ଡଗୁଜି ବେଶକିନି ସବାତ କୁକ୍‌ଟି ସମାନ୍ ଇମ୍‌ଣି ସମୁତ ହେ ହୁକା ହସି ମାତାତ୍, ହେଞ୍ଜାର୍‌ତାଂ ବୁଜାଆତାର୍ । ^୮ ତା ପାଟେ ହେଞ୍ଜାରିଂ ବେଡଲିହିମ୍ ଗାଡ୍‌ଦ୍ ପକ୍‌ଟି ଇଚାନ୍, “ହାଲାଟ୍ ହେ କାଡ୍‌ଦେଂ ହାର୍ କିଜି ଦାହାଟ୍ ଆରେ ତାଙ୍ଗେଙ୍ଗ୍ ହୁଡ୍‌ଡିସ୍ ନାଙ୍ଗ୍ ଝେଡ୍‌ଚାଟ୍ ଆନ୍ ପା ହାଲ୍‌ଜି ତାଙ୍ଗେଙ୍ଗ୍ ପୁଜା କିନାଙ୍ଗ୍ ।”

^୯ ହେବେ ହେଞ୍ଜାର୍ ରାଜା ବେଶ୍ ଝେନ୍‌ଞ୍ଜି ହାଚାର୍; ଆରେ ହୁଡା, ହେଞ୍ଜାର୍ ଝେଡାହନି ଦେସ୍‌ତ ଇମ୍‌ଣି ହୁକା ହୁଡ୍‌ତାର୍, ହେଦାଂ ହେଞ୍ଜାର୍ ଆଗ୍‌ଦ ଆଗ୍‌ଦ ହାଲ୍‌ଜି, ଇମେତାକେ କାଡ୍‌ଦେ ମାତାନ୍, ପାଟେ ହେ ବାହା ଜପି ଟେବାତାତ୍ । ^{୧୦} ହେଞ୍ଜାର୍ ହେଦେଲିଂ ହୁଡ୍‌ଜି ବେସି ଝାରିତାଂ ଏଟେକ୍ ଉଲ୍‌କା ଆଜି ନିଙ୍ଗ୍‌ତାର୍ ହେଞ୍ଜାର୍ ହେଞ୍ଜାରିଂ ଆଗେ ଆଗେ ହାଲ୍‌ଜି ହୁକା ଆରେ କାଡ୍‌ଦେ ମାନି ଇଲ୍‌ ଜପି ସମାନ୍ ଟେବା ଆତାର୍ । ^{୧୧} ହେଞ୍ଜାର୍ ହେ ଇଲ୍‌ ବିତ୍ତେ ହଚାର୍ ଆରି କାଡ୍‌ଦେଂ ତେହି ମରିୟମ୍ ଲାହାଙ୍ଗ୍ ହୁଡ୍‌ଜି ମେଣ୍ଡାଙ୍ଗ୍‌କୁନ୍‌କିଜି ତାଙ୍ଗ୍ ପାତାନ୍ନା କିତାର୍ ଆରି ରତେ ଅଜି ମାଟି ହନା, କୁନ୍‌ୟୁର୍ ଆରି ବାସ୍‌ନା ଟିକାଣ୍ ହପ୍‌ଟି ଦାନ୍ ହିତାର୍ ।

* ୧:୨୧ ୧:୨୧ ଲୁକା ୧:୩୧. * ୧:୨୫ ୧:୨୫ ଲୁକା ୨:୨୧.

୧୨ ଇଦାଂ ପାଚେ ହେୱାର୍ ବିନ୍ ର ହାଜି ହିଜି ଜାର୍ ଦେସ୍ତ ହାଚାର୍ । ଇନାକିଦେଂକି ହେରଦ୍ ଲାଗାଂ ହାଞ୍ଜେଙ୍ଗ୍ କାଞ୍ଜିତି କାଜିଂ ଇସ୍ବର ହେୱାରିଂ କେଚ୍ଚକଣ୍ଡ ବଲ୍ ହିଜି ମାଚାନ୍ ।

ମିସରତ ହନ୍ତାର୍

୧୩ ହେୱାର୍ ହାତି ପାଚେ ମାପୁତି ଦୁଡ୍ ଜସେପ୍ତିଂ କେଚ୍ଚକଣ୍ଡ ଚଞ୍ଜୟା ଆଜି ଇଚାନ, “ହେରଦ୍ କାଡ୍ଦେଂ ଚୁଣି କାଜିଂ ଦାହନାନ୍ । ଲାଗିଂ ନିଙ୍ଗାଟ୍, କାଡ୍ଦେଂ ଆରି ତେହିଙ୍ଗ୍ ଅଜି ମିସର ଦେସ୍ତ ହାଲାର୍ । ହେ ବାହା ପିସ୍ତେଙ୍ଗ୍ ଇଞ୍ଜି ପାଚେକ୍ ହେବେ ମାନାର୍ ।”

୧୪ ଜସେପ୍ ନିଙ୍ଗିଜି କାଡ୍ଦେଂ ଆରି ତା ତେହିଙ୍ଗ୍ ଅଜି ହେ ନାଣା ମିସର ଦେସ୍ତ ହାଚାର୍ ।

୧୫ ହେରଦ୍ ହାନି ପାଚେକ୍ ହେବେ ହେୱାର୍ ମାଚାର୍ । ଇ ଓଜୁ ଗିଟାଆତି କାଜିଂ ବେଶ୍ବାକ୍ଶାୟକିନାକାନ୍ ବେରଣ୍ ପୁରା ଆତାଡ୍ । ମାପୁ ଇଞ୍ଜି ମାଚାନ, “ନା ମାଜିଂ ଆନ୍ ମିସର ଦେସ୍ତାଂ କୁକ୍ତି ତାସି ଖାତାଂ ।”

କାଡ୍ଦେରିଂ ଚୁଣାକା

୧୬ ଖେଡାହନି ଦେସ୍ତାଂ ଖାଜି ମାନି ହେରଦ୍ ପଞ୍ଜିତାର୍ କାଜିଂ ତାଲେଙ୍ଗ୍ ଟକାୟ କିଜି ହାଚାର୍ ଇଞ୍ଜି ପୁଞ୍ଜି, ହେରଦ୍ ରିସା ଆଜି ହାଚାନ ଆରେ ବେଡ୍ଲିହିମ୍ ଆରି ତା ଲାଗେ ଲାଗେନି ନାସ୍କୁକାଂ ମାନି ଦୁଇ ବାହୁଁ ଆରି ହେବେ ଉଣା ବାହୁଁନି ଓଜାର୍ କାଡ୍ଦେରିଂ ଚୁଣି କାଜିଂ ବଲ୍ ହିନାନ୍ । ହୁକାଂ ହସି ମାନି ସମ୍ବୁ ବିସ୍ତେ ହୁକାଂ ଗାଣାକିନାକାରିଂ ହେୱାନ୍ ଇମ୍ଣାକା ଖେନ୍ଞି ମାଚାନ, ହେ ଲାକେ ହେୱାନ୍ କାଡ୍ଦେର୍ ବାହୁଁନି ଇଚ୍ଚକାଡ୍ ହପ୍ତି ମାଚାନ ।

୧୭ ଇଦାଂ କାଜିଂ ବେଶ୍ବାକ୍ଶାୟକିନାକାନ୍ ଜିରିମିୟତି ର ବେରଣ୍ ପୁରା ଆତାଡ୍ । ଇଦାଂ ହେୱାନ୍ ଲେକିକିଜି ମାଚାନ,

୧୮ “ରାମା ବସ୍ତିତ ଚେରା ଆନାକା ଖେନାପା
ହେଦାଂ କାକୁଲ୍ଡି ଆଡ୍ବାନାକା କାଟ୍
ରାହେଲ୍ ତା ହିମ୍ଣାଂ କାଜିଂ ଆଡ୍ବାନାତା;
ହେଦେଲିଂ ଇମ୍ଣା ଦୁକ୍ସାରାୟ ଆଉତା,
ଇନାକିଦେଂକି ହେୱାର୍ ଓଜାର୍ ହାଚାର୍ ।”

ମିସରତାଂ ମାସ୍ଦି ହାଚାର୍

୧୯ ହେରଦ୍ ହାତି ପାଚେ ମାପୁତି ଦୁଡ୍ ମିସରତ ଜସେପ୍ତିଂ ଚଞ୍ଜୟାଆଜି ଇଚାନ, ୨୦ “ନିଙ୍ଗାଟ୍, କାଡ୍ଦେଂ ଆରି ତା ତେହିଙ୍ଗ୍ ଅଜି ଇସ୍ବାଏଲ୍ ଦେସ୍ତ ମାସ୍ଦି ହାଲାର୍ । ଇନାକିଦେଂକି ଇମ୍ଣାକାର୍ କାଡ୍ଦେତି ଜିବୁନ୍ ନାସ୍ କିଦେଙ୍ଗ୍ କାଜିଂ ସେସ୍ତୁ କିଜି ମାଚାର୍, ହେୱାର୍ ହାଚାର୍ ।” ୨୧ ଲାଗିଂ ଜସେପ୍ ନିଙ୍ଗିଜି କାଡ୍ଦେଂ ଆରି ମରିୟମ୍ତିଂ ଅଜି ଇସ୍ବାଏଲ୍ ଦେସ୍ତ ମାସ୍ଦି ହାଚାର୍ ।

୨୨ ମାଚର୍ ହେରଦ୍ ପାଚେ ତା ମାଜି ଆକ୍ ଲାୟ, ଜିହୁଦାନି ରାଜା ଆତାକା ଖେନ୍ଞି ହେୱାନ୍ ହେବେ ହାଞ୍ଜେଙ୍ଗ୍ ପାଣ୍ଡା ଆନାନ୍ । ମାଚର୍ କେଚ୍ଚକଣ୍ଡ ବିନ୍ ଦେସ୍ ପାୟାଜି ହେୱାନ୍ ଗାଲିଲି ରାଜିନିପ ହାଚାନ । ୨୩ ଆରେ ରଗ ବିନ୍ବାନି କେଚ୍ଚକଣ୍ଡ ପାୟା ଆଜି ହେୱାନ୍ ଗାଲିଲି ରାଜିତ ନାଜରିଡ୍ ବସ୍ତିତ ଇଲ୍ କିଜି ମାଚାନ । ଓସ୍ତି ବିତ୍ତେ ବେଶ୍ବାକ୍ଶାୟକିନାକାନ୍ତ ହାରିହାରା ଲେକାଆତାକା ରଞ୍ଜାଙ୍ଗ୍ ବଚନ୍ ପୁରା ଆତାଡ୍ । “ହେୱାନ୍ ନାଜରିଡିୟ ଇଞ୍ଜି ପୁରାଆନାନ୍ ।”

୩

ବାପ୍ତିସିମ୍ ହିନି ଜହନ୍ତି ପରଚାର୍

(ମାର୍କ ୧:୧-୮; ଲୁକ ୩:୧-୧୮; ଜହନ୍ ୧:୧୯-୨୮)

୧ ହେ ଖେଡାଲିଂ ବାପ୍ତିସିମ୍ ହିନି ଜହନ୍ ଜିହୁଦା ରାଜିନି ବାଟାରାଜିତ ଖାଜି ସ୍ତାୟାୟକିଦେଂ ଆରମ୍ କିତାନ । ୨ ✨ ହେୱାନ୍ ଇଞ୍ଜି ମାଚାନ, “ପାପ୍ ହାଜିତାଂ ମାନ୍ବାଦ୍ଲାୟ କିୟାଟ୍, ଇନାକିଦେଂକି ସାଗେ ରାଜି ଲାଗାଂ ।” ୩ ଜିସାୟ ବେଶ୍ବାକ୍ଶାୟକିନାକାନ୍ ଇମ୍ଣା ମୁଣିକାନ୍ତି ବିସ୍ତେ ଇଞ୍ଜି ମାଚାନ, ଜହନ୍ ନେ ହେ ମାନାୟ;
“ବାଲିବାଟାତ ଇନେର୍ ରକାନ୍ କିକିରାତିଂ କିଜି ଇନାନ୍ନା,

ମାପୁ କାଜିଂ ହାଜି ଜାଲ୍ଦି କିୟାଟ୍;
ହେୱାନ୍ ଖାନି କାଜିଂ ରଞ୍ଜାଙ୍ଗ୍ ଆଡ୍ଝା ହାଜି ରଚାଟ୍ ।”

୪ ହେ ଜହନ୍ ଉର୍ ତଲ୍ନି ହେୟା ଉସ୍ତିସ୍ ମାଚାନ । ହେୱାନ୍ ତା ମ୍ବେଙ୍ଗାତ ତଲ୍ନି ନୁଣ୍କୁ ଡରି ଗାଟ୍ତି ମାଚାନ । ପାମି ଆରି ରାନ୍ତିପୁକି ହେୱାନ୍ତି କାଦି ମାଚାଡ୍ । ୫ ଜିରୁସାଲମ୍ ବସ୍ତିତାଂ, ଜିହୁଦା ଦେସ୍ତ ଆରି ଜର୍ଦନ୍ ନାଗୁଡ୍ ଲାଗାଂ ଓଜାର୍ ନିପ୍ଣାକାର୍ ମାନାୟାର୍ ତା ଲାଗେ ଖାଜି ମାଚାର୍ । ୬ ହେୱାର୍ ଜାର୍ ଜାର୍ତି ପାପ୍ ମାନି କିଜି ଜହନ୍ତାଂ ଜର୍ଦନ୍ ନାଗୁଡ୍ତ ବାପ୍ତିସିମ୍ ଅଜି ମାଚାର୍ ।

✨ ୩:୨ ୩:୨ ମାତ୍ରିକ ୪:୧୭; ମାର୍କ ୧:୧୫.

୭ ✨ଏତେକାଡ଼ଦ ଜହନ୍ ହୁଡ଼ତାନ୍ ଆଦେକ୍ ପାରୁସିର୍ ଆରେ ସାଦୁକିର୍ ବାପ୍ରିସିମ୍ ଅନି କାଜିଂ ଖାନାରା; ହେଖାନ୍ ଇଚାନ୍, “କାଲୀଟିରାନ୍ ଲାତ୍ରା,” ଖାନିଦିନ୍ ମାପୁତି ଟାକ୍ରିତାଂ ହଡ଼େକ୍ କାଜିଂ ଇନେର୍ ମିଜେକ୍ ଚେଡ଼ନା ହିଡ଼ତାନ୍ ? 「ଲାଗିଂ ମାନବାଦଲ୍ଲାୟ୍ କିନି ହାଦ୍ ପାଡ଼ ଉଦ୍‌ଜାଣ୍ କିୟାଟ୍; ଆରେ, ଇଦାଂ ମି ହାଦ୍ କାମାୟ୍ କାବାଡ଼ତ୍ ଚଚାଟ୍ । ୯ ✨ବାବି କିମାଟ୍ ଜେ ଅବ୍ରାହାମ୍ ମା ଆବା, ଇଞ୍ଜି ମାନେ ମାନେ ଏପେକ୍ ଇନ୍‌ମାଟ୍, ଇନାକିଦେଂକି ଆନ୍ ମିଜ୍ ଇଞ୍ଜି ଇଟ୍‌ନାଙ୍ଗା ଜେ ଇସ୍‌ବର୍ ଇ କାଲ୍‌କୁକାଂ ଅଜି ଅବ୍ରାହାମ୍ ଲାତ୍ରା ଉଦ୍‌ଜାଣ୍ କିଦେକ୍ ଆଡ଼ନାନ୍ । ୧୦ ✨ ଆରେ, ନଜ୍ ପା ମାର୍‌କୁକାଂ ଦଲ୍‌ଦ କୁଡ଼େଲ୍ ଲାଗାତାଡ଼ନ୍; ଇମ୍‌ଣି ମାର୍‌କୁ ହାର୍ ପାଡ଼ ଆହ୍‌ଞ୍ଜିତିସ୍, ହେଦାଂ କାଦ୍‌ଦି ନାଣିତ ତୁହିୟା ଆନାଡ଼ । ୧୧ ଜହନ୍ ଖିଜାକାରିଂ ଉତର୍ ହିନାନ୍, “ଆନ୍ ହିନା ମିଜେକ୍ ମାନବାଦଲ୍ଲାୟ୍ କିଦେଂ ଏଜୁଂତାଂ ବାପ୍ରିସିମ୍ ହିଡ଼ତାଂନା, ମାତର୍ ନା ପାଚେ ଇନେନ୍ ଖାନାନା, ହେଖାନ୍ ନାଙ୍ଗତାଂ ସାକ୍ରିକାଟାକାନ୍, ତା ପାନାନି ପାଣ୍ଡାକ୍ ରିକ୍‌ଡେଂ ଇଞ୍ଜି ଆନ୍ ସମାନ୍ ଆକାୟ୍; ହେଖାନ୍ ମିଜେକ୍ ପୁଇପୁୟା ଜିବୁଡ଼ାଂ ଆରି ନାଣିତ ବାପ୍ରିସିମ୍ ହିଦ୍‌ନାନ୍ । ୧୨ ତା କେଇଦ ହେଚି ମାନାଡ଼, ଲାଗିଂ ବାରବାନି ତାସ୍ ନିର୍ମଲ୍ କିଜି ଚୁଣ୍ଡିତ ଗମ୍ ରୁଣ୍ଡାୟ୍ କିଜି ଇଡ଼ଦେଂ ଇଞ୍ଜି ହେଖାନ୍ କେଇଦ ହେଚି ମାନାଡ଼, ମାତର୍ ପୁଟା ଖିଜୁ ହେଖାନ୍ ହାଞ୍ଜିନାଣିତ ଦେସ୍‌ସି ତୁହିନାନ୍ ।”

ଜିସୁ ବାପ୍ରିସିମ୍ ଅତାନ୍
(ମାର୍କ ୧:୯-୧୧; ଲୁକ ୩:୨୧-୨୨)

୧୩ ହେ ପାଦ୍‌ନା ଜିସୁ ଗାଲିଲିତାଂ ଖାଜି ବାପ୍ରିସିମ୍ ମାନି କିଦେକ୍ ଇଞ୍ଜି ଜର୍ଦ୍ଦନ୍ ନାଗୁଡ଼ ଗୁଚିତ ଜହନ୍‌ତାଂ ବାପ୍ରିସିମ୍ ଅତାନ୍ । ୧୪ ମାତର୍ ଜହନ୍ ଜିସୁକ୍ ବୁଲ୍ଲାୟ୍‌କିଜି ଇଚାନ୍, “ଆନ୍ ହିନା ନି ତାଙ୍ଗ୍ ବାପ୍ରିସିମ୍ ଆନି କାତା-ଏନ୍ ଆଡ଼ିସ୍‌ପା ନା ଲାଗାଂ ଖାତାୟ୍‌ନା ?”

୧୫ ମାତର୍ ଜିସୁ ଉତର୍ ହିତାନ୍, ନଜ୍ “ନା କାତାତ ରାଜିଆ । ଇନାକିଦେଂକି ଇଦାଂ କାଜିଂ ଆସେକ୍ ଇସ୍‌ବର୍ ଇଚା କାମାୟ୍ କିଦେକ୍ ଆଡ଼ନାସ୍ ।” ଲାଗିଂ ଜହନ୍ ତାଙ୍ଗେକ୍ ବାପ୍ରିସିମ୍ ହିଦେଂ ରାଜି ଆତାନ୍ ।

୧୬ ଜିସୁ ବାପ୍ରିସିମ୍ ଅଜି ଏଜୁଂତାଂ ନିଜ୍‌ଜି ଖାନିହିଂ ହେଖାନ୍ ହୁଡ଼ତାନ୍ ବାଦାଡ଼ ଜେୟାଆତାଡ଼ନା ଆରେ ଇସ୍‌ବର୍‌ତି ଜିବୁନ୍ ପାଣ୍ଡକା ଲାକେ ତା ଜପି କୁଟ୍‌ଚାଡ଼ ।

୧୭ ✨ତା ପାଚେ ସାଗେତାଂ ଇ ଗାର୍ଜାନ୍ ଆତାଡ଼, “ଇଖାନ୍ ନା ଖାରିନି ମାଜି, ତାତାକେ ଆନ୍ ବେସି ଖାରି ।”



ସୟତାନ୍ ତାଙ୍ଗ୍ ଜିସୁ ପରିକ୍ୟା କିୟାତାନ୍
(ମାର୍କ ୧:୧୨-୧୩; ଲୁକ ୪:୧-୧୩)

୧ ✨ଇଦାଂ ପାଚେ ପୁଇପୁୟା ଜିବୁନ୍ ଜିସୁକ୍ ବାଲି ବାଗାନିପ ଅଜି ହାତାଡ଼ । ହେବେ ହେଖାନ୍ ସୟତାନ୍ ହୁଦାଂ ପରିକ୍ୟା କିୟାତାନ୍ । ୨ ଆରେ, ଚାଲିସ୍ ଖେଡ଼ା ଆରି ଚାଲିସ୍ ନାଣା ଉପାସ୍ କିଜି ହାରିହାରା ଜିସୁ ନାସ୍‌କି ଆତାନ୍ । ୩ ହେଖାଡ଼ାଂ ସୟତାନ୍ ଜିସୁ ଲାଗାଂ ଖାଜି ଇଚାଡ଼, “ଏନ୍ ଜଦି ଇସ୍‌ବର୍ ମାଜି, ଇ କାଲ୍‌କୁକାଂ ରୁଟି ଆଦେଂ ଇଞ୍ଜି ବଲ୍ ହିୟା ।”

୪ ମାତର୍ ଜିସୁ ଉତର୍ ହିନାନ୍, “ଦରମ୍ ସାସ୍‌ବର୍ତ୍ତ ଲେକା ମାନାଡ଼, ମାନାୟ୍ କେବଲ୍ ରୁଟିଂ ତିନ୍‌ଞ୍ଜି ଜିଉନ୍ । ମାତର୍ ଇସ୍‌ବର୍ ଖେଇଦିଂ ହଡ଼ନି ଖିଜୁ ବଚନ୍ ହୁକେ ଜିବୁନ୍ କାଜିଂ ଲଡ଼ା ।”

୫ ଇଦାଂ ପାଚେ ସୟତାନ୍ ଜିସୁକ୍ ପୁଇପୁୟା ଗାଡ଼ଦ୍ ଜିରୁସାଲମ୍‌ତ ଅଜି ହାତାଡ଼ । ହେବେ ତାଙ୍ଗେକ୍ ମନ୍ଦିରନି ବେସି ଜପି କୁଟି କିଜି ଇଚାଡ଼, ୬ “ଏନ୍ ଜଦି ଇସ୍‌ବର୍ ମାଜି, ତା ଆଡ଼ିସ୍ ଇବେତାଂ ତାରେନ୍ ଗୁମା । ଇନାକିଦେଂକି ଦରମ୍ ସାସ୍‌ବର୍ତ୍ତ ଲେକା ମାନାଡ଼,

ନିଜେକ୍ ରାକ୍ୟା କିଦ୍‌ନି କାଜିଂ ହେଖାନ୍ ଜାର୍ ଦୁଡ଼ରିଂ ନି ବିସ୍ତେ ବଲ୍ ହିନାନ୍ ।

ଏତେକାଡ଼ଦ ନି ପାନା କାଲ୍‌ଦ ଆଡ଼ନାଡ଼ ।
ଇଦାଂ କାଜିଂ ହେଖାର୍ ନି କେଇଦ ଆସ୍ତାନାର୍ ।”

୭ ଜିସୁ ସୟତାନ୍‌ତିଂ ଉତର୍ ହିତାନ୍, “ଦରମ୍ ସାସ୍‌ବର୍ତ୍ତ ଲେକାମାନାଡ଼, ଏନ୍ ମାପୁ ଜାର୍ ଇସ୍‌ବର୍‌ତିଂ ପରିକ୍ୟା କିଉୟ୍ ।”

「ତା ପାଚେ ସୟତାନ୍ ଜିସୁକ୍ ଜପି ଅଜି ଆରି ଜିସୁକ୍ ପୁର୍‌ନି ସବୁ ରାଜି ଆରେ ହେ ସବୁ ହଲ୍‌ନାକା ଚଟ୍‌ଚି ଇଚାଡ଼, ୯ “ଜଦି ଏନ୍ ଏତେକାଡ଼ଦ ମେଣ୍ଡାକ୍ କୁନ୍‌କିଜି ନାଙ୍ଗେକ୍ ପୁଜା କିଦ୍‌ନାୟ୍, ଇ ଖିଜୁ ନିଜେକ୍ ଆନ୍ ହିଦ୍‌ନାଂ ।”

୧୦ ଜିସୁ ଉତର୍ ହିତାନ୍, “ଦେହା ଆ ସୟତାନ୍ ! ଦରମ୍ ସାସ୍‌ବର୍ତ୍ତ ଲେକାମାନାଡ଼, କେବଲ୍ ନି ମାପୁ ଇସ୍‌ବର୍‌ତିଂ ପାର୍ତାନା କିୟା ଆରି ହେଖାନ୍ତି ହେବା କିୟା ।”

୧୧ ତା ପାଚେ ସୟତାନ୍ ତାଙ୍ଗ୍ ପିସ୍‌ସି ହାଚାଡ଼, ଆରେ ହୁଡ଼ାଟ୍, ଦୁଡ଼କୁ ଖାଜି ହେଖାନ୍ତି ହେବା କିଦେକ୍ ଲାଗିତିକ୍ ।

✨ ୩:୭ ୩:୭ ମାତ୍ରିକ ୧୨:୩୪; ୨୩:୩୩. ✨ ୩:୯ ୩:୯ ଜହନ୍ ୮:୩୩. ✨ ୩:୧୦ ୩:୧୦ ମାତ୍ରିକ ୭:୧୯. ✨ ୩:୧୨ ୩:୧୨ ମାତ୍ରିକ ୧୨:୧୮; ୧୭:୫; ମାର୍କ ୧:୧୧; ଲୁକ ୯:୩୫. ✨ ୪:୧ ୪:୧ ଏବ୍ରୁ ୨:୧୮; ୪:୧୫.

ଜିସୁ ଗାଲିଲିତ ତା କାମାୟ ଆରମ୍ଭ କିତାନ୍
(ମାର୍କ ୧:୧୪-୧୫; ଲୁକ ୪:୧୪-୧୫)

୧୨ *ଜହନ୍ତିଂ ଗେହ୍ତାଣ୍ଟା ଇଞ୍ଜି ଖେଟି ପାଚେ ଜିସୁ ଗାଲିଲିତ ହାଚାନ୍ । ୧୩ *ମାତର୍ ନାଜରିତ୍ତୟତ ମାନ୍‌ଖାଦାଂ ଜରୁଲୁନ୍ ଆରି ନପ୍ତାଲି ନାସ୍କୁକାଂ ମାନି ଗାଲିଲି ହାମ୍‌ଦୁର୍ ଗୁଟିନି କପର୍ନାହୁମ୍ ତାକେ ବାହା କିତାନ୍ ୧୪ ଇଦାଂ ହୁକେ ବେଣ୍‌ବାକ୍‌ଶାୟକିନାକାନ୍ ଜିସାୟତି ବେଣ୍ ପୁରା ଆତାଡ୍ । ହେଖାନ୍ ଇଞ୍ଜି ମାଚାନ୍ ।

୧୫ ଜର୍ଦନ୍ ନାଗୁଡ୍ ଆଣ୍ଟି ପାଡ୍‌କା ହାମ୍‌ଦୁର୍‌ତିଂ ଆଜ୍ ମାନି ହାଜି ଜପି ମାନାଡ୍ ଜରୁଲୁନ୍ ଆରି ନପ୍ତାଲି ଦେସ୍ ରିଣ୍ଟି ପାଚ୍ କିଞ୍ଜି ଜିହୁଦିର୍‌ତି ଗାଲିଲି !

୧୬ ମାଜଗାତ ବାହା କିଜିମାନି ମାନାୟାର୍ ର ଅଜଡ୍‌ନି ଦିବାସ୍ ହୁଡ୍‌ନାର୍ ହାକିନି ନାଣା ନାସ୍କୁକାଂ ମାନି ମାନାୟାର୍ ଜପି ହେ ଅଜଡ୍‌ଚଞ୍ଜୟା ଆତାଡ୍ ।

୧୭ *ହେ ସମୁତାଂ ଜିସୁ ସୁଣାୟ କିଜି ଇଚାନ୍, “ପାପ୍ ହାଜିତାଂ ମାନ୍‌ବାଦ୍‌ଲାୟ କିୟାଟ୍, ଇନାକିଦେଂକି ସାଗେ ରାଜି ଲାଗାୟ !”

ଜିସୁ ଚାରିଜାଣ୍ ଚେଲାରିଂ କୁକ୍‌ତାନ୍
(ମାର୍କ ୧:୧୬-୨୦; ଲୁକ ୫:୧-୧୧)

୧୮ ଜିସୁ ଗାଲିଲି ହାମ୍‌ଦୁର୍ ପାଡ୍‌ତିତ ବୁଲାନି ସମୁତ ସିମନ୍, ଇନେରିଂକି ପିତର୍ ଇଞ୍ଜି ଇନାର୍, ଆରେ ତା ଟଣ୍ଡାହିଙ୍ଗ୍ ଆନ୍ଦିୟ, ଇ ଟଣ୍ଡରିୟାରିଂ ହାମ୍‌ଦୁର୍‌ତ ଜାଲ୍ ତୁହିନାକା ହୁଡ୍‌ତାନ୍, ଇନେକିଦେଂକି ହେଖାର୍ ମିନ୍‌କୁ ଆହ୍‌ନାକାର୍ ମାଚାର୍ । ୧୯ ଜିସୁ ହେଖାରିଂ କୁକ୍‌ତି ଇଚାନ୍, “ନା ପାଚେ ପାଚେ ଖାତ । ଆନ୍ ମିଙ୍ଗେଙ୍ଗ୍ ମାନାୟ ଆହ୍‌ନାକା ହିକାଇ କିଦ୍‌ନାଙ୍ଗ୍ ।” ୨୦ ହେଖାର୍ ହେ ଦାପ୍ରେ ହେ ଜାଲ୍ ପିସ୍ତି ତା ଲାହାଙ୍ଗ୍ ହାଚାର୍ ।

୨୧ ଜିସୁ ଅଲପ୍ ଦେହା ହାଲ୍‌ଜି ଜାକୁର୍ ଆରି ଜହନ୍ ତର୍‌ଦାକାନ୍ ଜେବ୍‌ଦିତି ରିୟାର୍ ମାଜିରିଂ ବେଟା ଆତାନ୍ । ଇ ରି ଟଣ୍ଡରିୟାର୍ ଆରି ହେଖାର୍ ଲାତ୍ରାହି ତଙ୍ଗାତ କୁଟି ହେଖାରିତି ଜାଲ୍ ଗାଡ୍ କିଜି ମାନାକା ହୁଡ୍‌ଜି ହେଖାରିଂ କୁକ୍‌ତାନ୍ । ୨୨ ଜିସୁ ହେଖାରିଂ ପା କୁକ୍‌ତାନ୍ ଆରି ହେଖାର୍ ସାଙ୍ଗେ ସାଙ୍ଗେ ତଙ୍ଗା ଆରି ଲାତ୍ରାହିଂ ପିସ୍ତି ଜିସୁତି ପାଚେ ପାଚେ ହାଚାର୍ ।

ଜିସୁତି ହିକ୍ୟା, ପର୍‌ଚାର୍ ଆରି ଉଜ୍ କିନାକା
(ଲୁକ ୬:୧୭-୧୯)

୨୩ *ପାଚେ ଜିସୁ ହେଖାରିତି କୁଟୁମ୍ ଇଞ୍ଜି ହିକ୍ୟା ହିଜି ଇସ୍‌ତର୍ ରାଜିନି ନେକ୍‌କାବୁର୍ ସୁଣାୟ କିଜି ଆରି ଲକାର୍ ଓଜ୍‌ ବାନି ରଗ୍ ଆରି ଓଜ୍‌ ବାନି ବେମାର୍ ଉଜ୍ କିଜି ସବୁ ଗାଲିଲିତ ବୁଲାଦେଂ ଲାଗାତାନ୍, ୨୪ ଆରେ ହେଖାନ୍ତି ବିସ୍ତେ ମାନାୟାର୍ ଓଜ୍‌କାର୍ ସିରିୟା ପାଚେକ୍ ଓଜ୍‌ଜି ହାଚାଡ୍ ଆରି ଲକୁ ପୁଦା ତୁୟାତାକାର୍, ଆପ୍ରାଂ ଆରି ହିରକଲ୍ ଇଡ୍‌ୟାତି ରଗିରିଂ ସବୁ ବାର୍‌ବାନି ରଗ୍‌ତ ବେମାର୍ ଆରି ନନାକାରିଂ ହେଖାନ୍ ତାକେ ତାହିଖାତାର୍, ଆରେ ହେଖାନ୍ ହେଖାରିଂ ଉଜ୍ କିତାନ୍ । ୨୫ ଆରେ ଗାଲିଲି, ଦେକାପଲି, ଜିରୁସାଲମ୍, ଜିହୁଦା ରାଜି ଆରି ଜର୍ଦନ୍‌ନି ଆଣ୍ଟିପାଡ୍‌କାତାଂ ବେସି ହେନି ଲକୁ ଖାଜି ହେଖାନ୍ ପାଚେ ପାଚେ ହାଚାର୍ ।



ମାଡ୍ ଜପିତାଂ ଜିସୁତି ଉପ୍‌ଦେସ୍

୧ ଜିସୁ ମାନାୟ ଗହ୍‌ଲି ହୁଡ୍‌ଜି ମାଡ୍ ଜପି ଦୁମ୍‌ତାନ୍, ଆରେ କୁଟି ପାଚେ ହେଖାନ୍ତି ଚେଲାର୍ ହେଖାନ୍ ଚାର୍‌ବେଣ୍‌ତାଂ ବେଡ୍ କିଜି ଲାଗେ ଖାତାର୍ । ୨ ହେବେ ଜିସୁ ଖେଇ କିଜି, ହେଖାରିଂ ହିକ୍ୟା ହିଜି ଇଞ୍ଜେଙ୍ଗ୍ ଲାଗାତାନ୍ ।

ଇମ୍‌ଶାକାର୍ ଦନ୍‌ୟ
(ଲୁକ ୬:୨୦-୨୩)

- ୩ ଜିରୁନ୍‌ତ କାକୁଲ୍‌ତି ଲକୁ ଦନ୍‌ୟ,
ଇନାକିଦେଂକି ସାଗେ ରାଜି ହେଖାରିତି ।
- ୪ ଆଡ୍‌ବିନି ଲକୁ ଦନ୍‌ୟ,
ଇନାକିଦେଂକି ଇସ୍‌ର୍ ହେଖାରିଂ ଦୁକ୍‌ସାରାୟ କିନାନ୍ ।
- ୫ ସାଦୁ ଲକୁ ଦନ୍‌ୟ,
ଇନାକିଦେଂକି ହେଖାର୍ ପୁଟ୍‌ନି ଆଦିକାରି ଆନାର୍ ।

* ୪:୧୨ ୪:୧୨ ମାତ୍ରିକ ୧୪:୩; ମାର୍କ ୬:୧୭; ଲୁକ ୩:୧୯,୨୦. * ୪:୧୩ ୪:୧୩ ଜହନ୍ ୨:୧୨. * ୪:୧୬ ୪:୧୬ ମାତ୍ରିକ ୩:୨. * ୪:୨୩ ୪:୨୩ ମାତ୍ରିକ ୯:୩୫; ମାର୍କ ୧:୩୯.

- ୬ ଇସ୍ବତ୍ ଇଚାତାଂ ଇମଣାକାର୍ କାମାୟ କିନି ମାନାୟ ହେଞ୍ଜାର୍ ଦନ୍ୟ,
ଇନାକିଦେଂକି ଇସ୍ବର୍ ହେଞ୍ଜାରିଂ ସାରି ଆନାର୍ ।
- ୭ ଇମଣାକାର୍ ବିନ୍ଲକାରିଂ କାର୍ମା ଆନାନ୍, ହେଞ୍ଜାର୍ ଦନ୍ୟ,
ଇନାକିଦେଂକି ଇସ୍ବର୍ ହେଞ୍ଜାରିଂ ଦୟା କିନାନ୍ ।
- ୮ ଇନେରତି ମାନ୍ ସକଟ୍ ହେଞ୍ଜାନ୍ ଦନ୍ୟ,
ଇନାକିଦେଂକି ହେଞ୍ଜାର୍ ଇସ୍ବରତିଂ ହୁଡ଼ନାର୍ ।
- ୯ ଇମଣାକାର୍ ସୁସ୍ତା ହୁଗ୍ଲଡ଼ଦେଂ ସେସ୍ତୁ କିତାର୍ ହେଞ୍ଜାର୍ ଦନ୍ୟ,
ଇନାକିଦେଂକି ହେଞ୍ଜାର୍ ଇସ୍ବତ୍ ହିମ୍ଣାଂ ଇଞ୍ଜି ତାକ୍ପୁଟାନାର୍ ।
- ୧୦ *ଇସ୍ବତ୍ ଇଚାତ କାମାୟ କିଜି ଇମଣାକାର୍ ନିନ୍ଦାପାୟାନାର୍ ହେଞ୍ଜାର୍ ଦନ୍ୟ,
ଇନାକିଦେଂକି ସାଗେ ରାଜି ହେଞ୍ଜାର୍ତି ।

୧୧ * ମାନାୟାର୍ ଏଚେକାଡ଼ଦ ମିଙ୍ଗେଙ୍ଗ୍ ନା କାଜିଂ ନିନ୍ଦା ଆରି ଲାଜ୍ଜୁକ୍ କିଦନାର୍, ଆରେ ମିଚ୍ଚ ମି ବିରୁଦ୍ଧ ସବୁ ବାନ୍ୟା କାତା ଇଞ୍ଜିସ୍, ତେବେ ଏପେଙ୍ଗ୍ ଦନ୍ୟ । ୧୨ *ଞ୍ଜାରି କିଜି ଖାର୍ଯ୍ୟା ଆଡୁ, ଇନାକିଦେଂକି ସାଗେତ ମିଦାଂ ଇନାମ୍ ଜବର୍ । ହେ ଲାକେ ତ ହେଞ୍ଜାର୍ ମି ପୁର୍ବେନିକାର୍ ବେଶ୍ବାକ୍ଷାୟକିନାକାରିଂ ନିନ୍ଦା କିଜି ମାଚାର୍ ।

ହର୍ ଆରି ଦିବାସ୍

(ମାର୍କ ୯:୫୦; ଲୁକ ୪:୩୪-୩୫)

୧୩ *ଏପେଙ୍ଗ୍ ପୁତ୍ ନି ହର୍ ଲାକେ, ମାତର୍ ହର୍ ଜଦି ହଞ୍ଜାଦ୍ ଆଞ୍ଜିତିସ୍, ବାଟିଙ୍ଗ୍ ହେଦାଂ ଇମେ କାର୍ଯ୍ୟା ଆନାଡ଼ ? ହେଦାଂ ଆରେ ଇମେତାକେ କାମାୟତ ଖାଉଡ଼, କେବଲ୍ ବାଡ଼ ତୁହିଜି ମାନାୟାର୍ ପାନା ତାରେନ୍ କୁସ୍ପାୟ ଆନି ଜଗ୍ ।

୧୪ *ଏପେଙ୍ଗ୍ ପୁତ୍ ନି ଅଜଡ଼ । ମାଡ଼ି ଜପି ରଚ୍ଚି ଗାଡ଼ ଡ଼ଗୁଜି ମାଞ୍ଜେଙ୍ଗ୍ ଆଡୁଡ଼; ୧୫ *କି ମାନାୟାର୍ ବଇଟା କାଚାୟ କିଜି ମାଣ୍ ତାରେନ୍ ଇଚ୍ଚୁର୍, ମତର୍ ବଇଟା ଇଚ୍ଚୁର୍ ଜପି ଇଚ୍ଚୁନାର୍, ହେବେ ହେଦାଂ ଇଞ୍ଜି ମାନି ଓଜାରିଂ ଅଜଡ଼ ହିନାଡ଼ ।

୧୬ *ହେ ଲାକେ ମି ଦିବାସ୍ ଲକ୍ଚୁର୍ ମୁମ୍ଦ ଦିବାସ୍ ଆୟେଡ଼, ଇନେସ୍କି ହେଞ୍ଜାର୍ ମି ହାଡ଼ପା କାମାୟତ ହୁଡ଼ଜି ମି ସାଗେ ମାନି ବାଞ୍ଜାତି ପାଣ୍ଦିଂ କେଚ୍ଚନାର୍ ।

ବିଦି

୧୭ ଆନ୍ ଜେ ମସାତି ବିଦି କି ବେଶ୍ବାକ୍ଷାୟକିନାକାତ୍ ଦରମ୍ ସାସ୍ତର୍ ବୁଡାୟ କିଦେଙ୍ଗ୍ ଖାତାଂନା, ଇଦାଂ ବାବିକିମାଟ୍; ବୁଡାୟ କିଦେଙ୍ଗ୍ ଖାଞ୍ଜାତାଂନା ମାତର୍ ପୁରା କିଦେଙ୍ଗ୍ ଖାତାଂନା । ୧୮ *ଇନେକିଦେଂକି ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା, ସାଗେ ଆରି ପୁତ୍ ବୁଡା ଆଞ୍ଜି ପାତେକ୍ ମସାତି ବିଦି ର ଟପା, ଇନେସ୍ ପା ବୁଡା ଆଉଡ଼ । ଓଜୁ ବିସ୍ତେନି ଓଜୁ ବୁଡାଆଞ୍ଜି ପାତେକ୍ ଗିଟା ଆଉଡ଼ । ୧୯ ଲାଗିଂ ଇନେରକି ବିଦିନି ଓଜେଡ଼ାଂ ଗାଜା ବଲ୍କୁ ମାନିକିଞ୍ଜାତାନ୍ତି ଆରି ହେ ଲାକେ କିତିଲେ ବିନ୍ ଲକାଂ ହିକ୍ୟା ହିନାନ୍, ହେଞ୍ଜାନ୍ ସାଗେ ରାଜିତ ଓଜେ ତାଙ୍ଗ୍ ହାରୁ ଇଞ୍ଜି ଇନ୍ୟା ଆନାନ୍ । ୨୦ ଲାଗିଂ ଆନ୍ ଇଞ୍ଜନାଙ୍ଗା ଦରମ୍ ଗୁରୁର୍ ଆରି ପାରୁସିଚ୍ଚତାଂ ଆଦିକ୍ ପାତ୍ କିଜି ଇସ୍ବରତି ଇଚା ଲାକେ କାମାୟ କିତିସ୍ ହାଲ୍ଜି ଏପେଙ୍ଗ୍ ସାଗେ ରାଜିତ ହେଣ୍ଡେଙ୍ଗ୍ ଆଡ଼ନାଦେର୍ ।

ଚାକ୍ରି ବିସ୍ତେ ହିକ୍ୟା

୨୧ ଏପେଙ୍ଗ୍ ଖେଚାଦେଣ୍ଡା ଜେ; ଆଗେ କାଡ଼ଦ୍ ଲକାରିଂ ଖେଚ୍ଚାଣ୍ଡା, ନାର୍ ଅହ୍ମାଟ୍ । ଇନେର୍ ହେଦାଂ କିନାନ୍, ହେଞ୍ଜାନ୍ ବିଚାଣ୍ଡା କିୟାନାନ୍ ୨୨ ମାତର୍ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଇନେର୍ ଇମ୍ଣି ଟଣ୍ଡେନ୍ ଜପି ଚାକ୍ରି ଆନାନ୍,* ହେଞ୍ଜାନ୍ ବିଚାଣ୍ଡା ବାହାତ ଦାଣ୍ଡ ପାୟାନାନ୍ । ଆରେ, ଇନେର୍ ଜାର୍ ଟଣ୍ଡେନିଂ ବକ୍ଞା ଇଞ୍ଜି ଇନାନ୍, ହେଞ୍ଜାନ୍ ଗାଜା ବିଚାଣ୍ଡାତ ତାଣ୍ଡପାୟାନାନ୍, ଆରେ ଇନେର୍ ନାର୍ବକ୍ଞା ମୁକ୍ ଯା ଇଞ୍ଜି ଇନାନ୍, ହେଞ୍ଜାନ୍ ନାଣିଡ଼ିଞ୍ଜିନିତ ନରକ୍ଚତ ତାଣ୍ଡ ପାୟାନାନ୍ । ୨୩ ଲାଗିଂ, ଇସ୍ବତ୍ ବେଦି ଜପି ଗାର୍ଣି ଲାଗେ ଏପେଙ୍ଗ୍ ଜାର୍ ଆକାଡ଼ ତାସି ମାନି ଖେଡ଼ାଲିଂ ମି ବିରୁଦ୍ଧ ମି ଟଣ୍ଡେନ୍ ଇମ୍ଣି କାତା ମାନାଡ଼ ଇଞ୍ଜି ହେବେ ମାନ୍ତ ଏଡୁ ଖାଡ଼ିସ୍, ୨୪ ତା ଆଡ଼ିସ୍ ହେ ବାହାତ ଗାର୍ଣି ମୁମ୍ଦ ମି ଆକାଡ଼ ଇଡ଼ଜି ହାଲ୍ଗାଟ୍, ଆଗେ ଜାର୍ ଟଣ୍ଡେନ୍ ହୁକେ ମେହାଆଡୁ, ଆରେ ତା ପାତେ ଖାଜି ମି ଆକାଡ଼ ହିୟାଟ୍ ।

୨୫ “ମି କୁର୍ଲିୟା ହୁକେ ହାଜିଡ଼ ମାନି ଖେଡ଼ାଲିଂ ବେଗି ତା ହୁକେ ମେହାଦେଂ ବାଦ୍ନା ଚଞ୍ଜିୟାଡୁ, ଏଚେକାଡ଼ଦ କୁର୍ଲିୟା ନିଂ ବିଚାର୍କାର୍ଯ୍ୟା ମିଂ ମେଲ୍ୟାର୍ କେଇଦ ହେଲାୟ କିଦନାନ୍, ଆରେ ବିଚାର୍ କାର୍ଯ୍ୟା ନିଂ ଜାମାନିର୍ କେଇଦ ହେଲାୟ କିଦନାର୍, ଆରେ ଏନ୍ ଜେଲ୍ଚ ଗେହ୍ୟାନାୟ । ୨୬ ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା, ନି ଜପି ମାନି ଜରିମାନି ତାବୁଙ୍ଗ୍ ପା ହୁଜାଞ୍ଜି ପାତେକ୍ ଏପେଙ୍ଗ୍ ହେ ବାହାତାଂ ଇନେସ୍ ହସିଞ୍ଜାଦେଙ୍ଗ୍ ଆଡୁଦେର୍ ।”

* ୫:୧୦ ୫:୧୦ ୧ ପିତର୍ ୩:୧୪. * ୫:୧୧ ୫:୧୧ ୧ ପିତର୍ ୪:୧୪. * ୫:୧୨ ୫:୧୨ ପକ୍ୟାତାକା ୭:୫୨. * ୫:୧୩ ୫:୧୩ ମାର୍କ ୯:୫୦; ଲୁକ ୧୪:୩୪,୩୫.
 * ୫:୧୪ ୫:୧୪ ଜହନ୍ ୮:୨୭; ୯:୫. * ୫:୧୫ ୫:୧୫ ମାର୍କ ୪:୨୧; ଲୁକ ୮:୧୭; ୧୧:୩୩. * ୫:୧୬ ୫:୧୬ ୧ ପିତର୍ ୨:୧୨. * ୫:୧୮ ୫:୧୮ ଲୁକ ୧୬:୧୭. * ୫:୨୨ ୫:୨୨ ଇନେର୍ ଚାକ୍ରି ଆନାନ୍; କେତେକ୍ ପତିତ ଲେକାମାନାଡ଼ ଜେ ଇନେର୍ ବେକାର୍ ଚାକ୍ରି ଆନାନ୍

ଦାରି ବିଷ୍ଣେ ହିକ୍ୟା

୨୭ ଏପେଙ୍ଗ୍ ଝେଟାଦେଣ୍ଡା, ଲେକା ଆତାତୁନ୍ନା, ଦାରି କିମାଟ୍ ନାର୍ ଅହ୍ମାଟ୍ । ୨୮ ମାତରୁ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଇନେର ଇମ୍ପାଣି କଗ୍ଲେତି କାମାୟ୍ କାଜି ହୁଡ୍ଡିସ୍, ହେଝାନ୍ ତା ହୁକେ ମାନ୍ତ ମାନ୍ତ ଦାରି କିତାନେ । ୨୯ ଆରେ, ଜଦି ମିଙ୍ଗେଙ୍ଗ୍ ବାଦା ହିଦ୍ନାତା, ଏଚେକାଡ୍ ମି ବାଦା ଆତିସ୍, ଇତିସ୍ ହେ କାଣାଙ୍ଗାତି ଉଦ୍ଦି ତୁହି ହିୟାଟ୍, ଇନାକିଦେକି ମି ଝିଜୁ ଗାଗାଡ୍ ନରକ୍ତ ତୁହିୟାନି ବାଟା ର ପାଡ୍କା ନସ୍ ଆନାକା ନି ପାକ୍ୟାତ ହାର୍ । ୩୦ ଆରେ ମି ବୁଜ୍ଜି କେଇ ମିଦାଙ୍ଗ୍ ବାଦା ଆନାଟ୍, ହେଦେଲି ପା କାଦ୍ଦି ତୁହିୟାଟ୍ । ମିଦାଙ୍ଗ୍ ଝିଜୁ ଗାଗାଡ୍ ନରକ୍ତ ତୁହିୟାନି ବାଟା ର କେଇଗାଲ୍ ବାଦା ଆନାକା ମି ପାକ୍ୟା ହାର୍ ।

ହେଲ ନାଟ୍ନାକା ବିଷ୍ଣେ ହିକ୍ୟା

(ମାତ୍ରିକ ୧୯:୯; ମାର୍କ ୧୦:୧୧-୧୨; ଲୁକ ୧୭:୧୮)

୩୧ “ଜଦି ଇନେର ଜାର୍ କଗ୍ଲେଂ ପିସ୍ତେଙ୍ଗ୍ ମାନ୍କିନାନ୍, ହେଝାନ୍ ତାଙ୍ଗ୍ ଲେକା ହୁଦାଂ ର ହେଲ ହିଏନ୍ ଇ ସିକ୍ୟା ଏପେଙ୍ଗ୍ ଆଗେତାଂ ପାୟାତାଦେଣ୍ଡା । ୩୨ ମାତରୁ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା ଜେ, ଜଦି ଇନେରକି ଜାର୍ ତକ୍ତି ହେଲ ନାଟ୍ନାନ୍ ହେଝାନ୍ ହେଦେଲି ଦାରି କିନି ପାପ୍ତ ଦସି ଆନାନ୍ । ଜଦି ତା ତକ୍ତି ବିନ୍ ଲକୁ ଲାହାଙ୍ଗ୍ ମେହାତିସ୍, ତେବେ କେବଲ୍ ହେଝାନ୍ ହେଦେଲି ହେଲ ନାଟ୍ନାନ୍ । ଜଦି ଇମ୍ପାଣି ମାମାୟ୍ ହେଲ ନାଟ୍ନାତି ହେ କଗ୍ଲେଂ ବିବା କିତିସ୍ ତେବେ ହେଝାନ୍ ପା ଦାରି କାମାୟ୍ତ ପାପ୍ତ ଦସି ଆନାନ୍ ।”

ପାର୍ମାଣ୍ ବିଷ୍ଣେ ହିକ୍ୟା

୩୩ “ଆରେ ରଗ, ଏପେଙ୍ଗ୍ ଝେଟାଦେଣ୍ଡା ଜେ, ଆଗେନିକାରିଂ ଝେଟ୍ଟି ମାତାର୍, ଏପେଙ୍ଗ୍ ମିଟ୍ ପାର୍ମାଣ୍ କିମାଟ୍, ମତରୁ ଜାର୍ ପାର୍ମାଣ୍ ସବୁ ମାପୁତି ତରଦ କାମାୟ୍ କିନାଦେର ।” ୩୪ ମାତରୁ ଆନ୍ ମିଙ୍ଗ୍ ଝେଟ୍ଟାନାଙ୍ଗା, ମୁଡ୍ଡକେ ପାର୍ମାଣ୍ କିମାଟ୍; ସାଗେନି ଜିଦ୍ କିମାଟ୍, ଇନାକିଦେକି ହେଦାଂ ଇସ୍ତ ଗାଦି, ୩୫ କି ପୁଡ୍ ନି ପାର୍ମାଣ୍ କିମାଟ୍, ଇନାକିଦେକି ହେଦାଂ ହେଝାନ୍ତି ତଗ୍ନିବାହା; ଜିରୁସାଲମ୍ନି ପାର୍ମାଣ୍ କିମାଟ୍, ଇନାକିଦେକି ହେଦାଂ ଗାଜା ରାଜାତି ଗାଡ୍; ୩୬ କି ଜାର୍ କାପ୍ଡାନି ପାର୍ମାଣ୍ କିମାଟ୍, ଇନାକିଦେକି ହେଦାଂ ନି ର ତେମ୍ଲୁ ଡିଟେଂ କି କାହାୟ୍ କିଦେଙ୍ଗ୍ ମି ସାଲ୍ଲି ହିଲୁଡ୍ । ୩୭ ମାତରୁ ମିଦାଙ୍ଗ୍ ଆଁ କାତା ଆଁ ଆୟେଡ୍, ଆକାୟ୍ କାତା ଆକାୟ୍ ଆୟେଡ୍; ଇବେଣ୍ଡାଂ ଇନାକା ଆଦିକ୍, ହେଦାଂ ବାନ୍ୟାତାଂ ହନାଡ୍ ।

ଡାରା ବିଷ୍ଣେ ହିକ୍ୟା

(ଲୁକ ୭:୨୯-୩୦)

୩୮ “ଏପେଙ୍ଗ୍ ଝେଟାଦେଣ୍ଡା, ଲେକା ମାମାଟ୍, କାଣାଙ୍ଗା ବାଦୁଲ୍ଡତ କାଣାଙ୍ଗା ଆରି ଟାଡାଙ୍ଗ୍ ବାଦୁଲ୍ଡତ ଟାଡାଙ୍ଗ୍; ୩୯ ମାତରୁ ଆନ୍ ଇଞ୍ଜନାଙ୍ଗା, ଇନେର ନିଙ୍ଗେଙ୍ଗ୍ ବାନ୍ୟା କିଦ୍ନାର୍ ତାଙ୍ଗେଙ୍ଗ୍ ବାନ୍ୟା କିମାଟ୍ । ଜଦି ନି ବିନ୍ ତିନି କୁରୁଝାତ ଇନେର ଚାପଡା ଇଡ୍ଦାତାର୍, ଆରେ ରଞ୍ଜାଙ୍ଗ୍ ଚାପଡା ଇଡ୍ଦିନି କାଜିଂ ନି ତେବ୍ବି କୁରୁଝା ପା ଚଟାଟ୍ । ୪୦ ଜଦି ଇନେର ନି ଆଙ୍ଗି ଅନି କାଜିଂ ମି ବିରୁଦ୍ଦତ ନାଡାଈ କିଜି ମିଙ୍ଗେଙ୍ଗ୍ ବିଚାରକିନି ତାକେ ଅଜି ହାଞ୍ଜନାନ୍, ତାଙ୍ଗେଙ୍ଗ୍ ନି ଆଙ୍ଗି ପା ଦାନ୍ କିୟା ।” ୪୧ “ଜଦି ଇମ୍ପାଣି ମେଲ୍ୟା ବିତ୍ରେ ଇନେର ନିଙ୍ଗେଙ୍ଗ୍ ତା ବଜ୍ ପିଣ୍ଡି ର କିଲମିଟର୍ ହାନି କାଜିଂ ରୁଟ୍ଟାନାନ୍, ହେଝାନ୍ ହୁଦାଂ ରି କିଲମିଟର୍ ହାଲା । ୪୨ ଇନେର ନିଙ୍ଗେଙ୍ଗ୍ ଏନ୍ତାନାର୍, ତାଙ୍ଗେଙ୍ଗ୍ ହିୟାଟ୍, ମୁନା କିଝାଦାଂ ତାଙ୍ଗ୍ ହିୟା । ଇନେର ଇନାକା ମୁକ୍ତାୟ୍ ଏନ୍ତାନାର୍ ତାଙ୍ଗ୍ ହେଦାଂ ହିୟାଟ୍ ।”

ସାତୁରିଂ ଜିଉନଝାଟ୍

(ଲୁକ ୭:୨୭-୨୮, ୩୨-୩୬)

୪୩ “ହାଙ୍ଗ୍ଦାକାରିଂ ଜିଉନଝାଟ୍, ସାତୁରିଂ ଗିଣ୍ କିୟାଟ୍ । ଇ ହିକ୍ୟା ଆଗେତାଂ ଝେଟାଦେଣ୍ଡା । ୪୪ ମାତରୁ ଆନ୍ ମିଙ୍ଗ୍ ଇଞ୍ଜନାଙ୍ଗା, ସାତୁରିଂ ଜିଉନଝାଟ୍ । ଇମ୍ପାଣାକାର୍ ନିଙ୍ଗେଙ୍ଗ୍ ନିନ୍ଦା କିଦ୍ନାର୍, ହେଝାର୍ କାଜିଂ ପାର୍ତାନା କିୟାଟ୍ । ୪୫ ଇଦାଂ କିତିସ୍ ସାଗେନି ଆବା ମାଜି ଇଞ୍ଜି ଚିନା ଆନାନ୍ । ଇନାକିଦେକି ଇସ୍ତ ଗାଜା ଆରି ଦାମ୍ ଆରେ ଅଦାମ୍ ମାମାୟାରିଂ ଝେଡା ଅଜଡ୍ ହିନାନ୍ ଆରି ହାର୍ କାମାୟ୍ ଆରି ବାନ୍ୟା କାମାୟ୍ କିନାକାରିଂ ଝିଜାରିଂ ବାରୁହା ହିନାନ୍ । ୪୬ ଆରେ ଇମ୍ପାଣାକାର୍ ମିଙ୍ଗେଙ୍ଗ୍ ଜିଉନଝାଟ୍, ହେଝାରିଂ ଜିଉନଝାଟ୍, ଇସ୍ତ ଇନେକିଦେଂ ନିଙ୍ଗେଙ୍ଗ୍ ଇନାମ୍ ହିଦ୍ନାନ୍ ? ସିସ୍ତୁନ୍ନାକାର୍ ପା ହେଦାଂ କିତାର୍ ।” ୪୭ “ଆରେ ଏପେଙ୍ଗ୍ କେବଲ୍ ଜାର୍ ଜାର୍ ଟଣ୍ଡାରିଂ ଜଝାଟ୍ କିୟାଟ୍, ଲାଗିଂ ଏପେଙ୍ଗ୍ କି କାବାନି କାମାୟ୍ କିନାଦେରା ? ପାଟ୍ କିଝି ଜିହୁଦିର୍ ପା ହେଦାଂ କିଝାତାଣ୍ଡା ? ୪୮ ମି ସାଗେନି ଆବା ଇନେସ୍ ଦାମ୍, ଏପେଙ୍ଗ୍ ହେ ଲାକେ ଦାମ୍ ଆନାକା ମାମାଟ୍ ।”

☆ ୫:୨୯ ୫:୨୯ ମାତ୍ରିକ ୧୮:୯; ମାର୍କ ୯:୪୭. ☆ ୫:୩୦ ୫:୩୦ ମାତ୍ରିକ ୧୮:୮; ମାର୍କ ୯:୪୩. ☆ ୫:୩୧ ୫:୩୧ ମାତ୍ରିକ ୧୯:୭; ମାର୍କ ୧୦:୪. ☆ ୫:୩୨ ୫:୩୨ ମାତ୍ରିକ ୧୯:୯; ମାର୍କ ୧୦:୧୧, ୧୨; ଲୁକ ୧୭:୧୮; ୧ କରନ୍ତିୟ ୭:୧୦, ୧୧. ☆ ୫:୩୪ ୫:୩୪ ଜାକ୍ବ ୫:୧୨; ମାତ୍ରିକ ୨୩:୨୨.



ଦାନ ଦରମ୍ ବିଷ୍ଣେ ହିକ୍ୟା

^୧ *ଲକାରିଂ ଚର୍ଚ୍ଚନି କାଜିଂ ହେଞ୍ଜାର୍ ମୁମ୍ଦ ହାଦର୍ କାମାୟ୍ କିମାଟ୍ । ହେଦାଂ କିତିସ୍ ସାଗେନି ଆବା ତାଙ୍ ଏପେଙ୍ଗ୍ ଇନାମ୍ ଗାଟା ଆଉଦେର୍ ।

^୨ “ରକାନ୍ ଅକର୍ତ୍ତ୍ ଲକାଂ ଅଲପ୍ ଦାନ୍ ହିନିହିଂ କାପ୍ଟିୟାର୍ ଲାକେ ଜାର୍ ମୁମ୍ଦ ମରି ତୁବ୍ମାଟ୍ । ହେଞ୍ଜାର୍ ପାର୍ତାନା ଇଲ୍ଲୁକାଂ ଆରି ମାଦ୍‌ଣି ପାଟିତ ଜାର୍ କାପ୍ଟିୟାର୍ ଚର୍ଚ୍ଚନାର୍ । ମାନାୟାର୍‌ତାଂ ଜାଜ୍‌ମାଲ୍ ପାୟା ଆନି କାଜିଂ ହେଞ୍ଜାର୍ ଇଦାଂ କିତାର୍ । ଆନ୍ ହାଡ୍‌ପା ଇଞ୍ଜନାଙ୍ଗା ଜେ ହେଞ୍ଜାର୍ ଇଦାଂ ତାଙ୍ ହେଞ୍ଜାର୍‌ତି ଗାଟାନାକା ପୁରା ପାୟାଆତାରେ ।
^୩ ମାତର୍ ଏପେଙ୍ଗ୍ ଦାନ୍ କିନି ଖେଡାଲିଂ ମି ବୁଜ୍‌ଣି କେଇ ଇନାକା କିନାତା, ହେଦାଂ ମି ତେବ୍ରି କେଇ ପୁନ୍‌ମେଡ୍, ^୪ ଇନେସ୍ ମି ଦାନ୍ ଡଗ୍‌ଗୁତି ଆନାଡ୍, ଆରେ ମି ବାଞ୍ଜା ଜେ ଡଗ୍‌ଗୁଜି ହୁଡ୍‌ଦାନାନ୍, ହେଞ୍ଜାନ୍ ଇ ଲାକେ ଇ ଦାନ୍ ଡଗ୍‌ଗୁଜି ହିଦ୍‌ନାନ୍ ।”

**ପାର୍ତାନା ବିଷ୍ଣେ ହିକ୍ୟା
(ଲୁକ ୧୧:୨-୪)**

^୫ “ପାର୍ତାନା କିନି ଖେଡାଲିଂ କାପ୍ଟିୟାର୍ ଲାକେ ଆମାଟ୍, ଇନାକିଦେଂକି ହେଞ୍ଜାର୍ ଲକୁ ଚର୍ଚ୍ଚନି କାଜିଂ ପାର୍ତାନା ଇଲ୍ଲୁ ଆରି ହାଡାକ୍ ତେଡା ବାହାତ ନିଲ୍‌ଟି ପାର୍ତାନା କିଦେଙ୍ଗ୍ ଖାରିୟାନାର୍; ଆନ୍ ମିଙ୍ଗ୍ ହାଡ୍‌ପା ଇଞ୍ଜନାଙ୍ଗା, ହେଞ୍ଜାର୍ ଜାର୍ ଜାର୍ ନିଜାର୍‌ତି ଇନାମ୍ ଗାଟାତାଣ୍ଟା ।
^୬ ମାତର୍ ଏପେଙ୍ଗ୍ ପାର୍ତାନା କିନି ଖେଡାଲିଂ ଜାର୍ ବାକ୍ରା ବିତ୍ରେ ହାଲାର୍, କାପାଟ୍ ଗେହାଟ୍ ଆରି ମି ସାଗେନି ବାଞ୍ଜା ଇସ୍‌ବର୍‌ତିଂ ପାର୍ତାନା କିୟାଟ୍ । ଏପେଙ୍ଗ୍ ଡଗ୍‌ଗୁଜି ଇନାକା କିନାଦେର୍, ଡିଜୁ ହୁଡ୍‌ନି ବାଞ୍ଜା ଇସ୍‌ବର୍ ହେଦାଂ ହୁଡ୍‌ଜି ମିଙ୍ଗେଙ୍ଗ୍ ଇନାମ୍ ହିଦ୍‌ନାନ୍ ।”

^୭ “ଆରେ, ପାର୍ତାନା କିନି ଖେଡାଲିଂ ପାଟର୍ କିଞ୍ଜି ଜିହୁଦିର୍ ଲାକେ ପଲ୍ୟା ଅରଡ୍ ହିଲ୍‌ଖି ବେଣ୍ କିମାଟ୍, ଇନାକିଦେଂକି ହେଞ୍ଜାର୍ ବେସି କାତା ଇଟିଲେ ହେଞ୍ଜାର୍‌ତି ପାର୍ତାନା ଖେନ୍‌ୟାନାଡ୍ ଇଞ୍ଜି ବାବି କିତାର୍ ।
^୮ ହେଞ୍ଜାର୍ ଲାକେ ଆମାଟ୍ । ଏପେଙ୍ଗ୍ ଏନ୍‌ନି ଆଗେ ମିଦାଙ୍ଗ୍ ଇନାକା ଲଡା, ମି ସାଗେନି ବାଞ୍ଜା ହେଦାଂ ଡିଜୁ ପୁନାନ୍ ।
^୯ ଲାଗିଂ ଏପେଙ୍ଗ୍ ଇବାନି ପାର୍ତାନା କିନାଦେର୍;

ଏ ମା ସାଗେନି ଆବା,
ନି ତର୍ ପୁଇପୁୟା ଇଞ୍ଜି ମାନି ଆୟେଡ୍ ।

^{୧୦} ନି ରାଜି ଖାୟେଡ୍ ।
ଇନେସ୍ ସାଗେତ, ହେ ଲାକେ ପୁଟର୍ ତ ନି ଇଟା ପୁରାୟେଡ୍ ।

^{୧୧} ନେଞ୍ଜେଙ୍ଗ୍ ମାଙ୍ଗେଙ୍ଗ୍ ଲଡାନି କାଦି ହିଦା ।*

^{୧୨} ଆପେଂ ଇନେସ୍ ଜାର୍ ଜାର୍ ପାପିରିଂ କେମା କିନାପା,
ହେ ଲାକେ ମା ପାପ୍ ସବୁ କେମା କିଦା ।

^{୧୩} ପରିକ୍ୟାତ ମାଙ୍ଗେଙ୍ଗ୍ ତାହି ଖାଦ୍‌ମା,
ବାନ୍‌ୟାତାଂ ରାକ୍ୟା କିଦା । ଲାଗିଂ ରାଜି, ସାକ୍ତି ଆରି ଜୁଞ୍ଜାର୍ ଜୁଗ୍ ଜୁଗ୍ ନିୟାଂ । ଆମେନ୍ ।”

^{୧୪} * “ଏତେକାଡ୍‌ଦ ମାନାୟାର୍‌ତି ପାପ୍ ସବୁ କେମା କିନାଦେର୍, ତେବେ ମିଦାଙ୍ଗ୍ ସାଗେନି ବାଞ୍ଜା ମିଙ୍ଗେଙ୍ଗ୍ ପା କେମା କିଦ୍‌ନାନ୍;

^{୧୫} ମାତର୍ ଏତେକାଡ୍‌ଦ ଲକାରିଂ କେମା କିଞ୍ଜିତିସ୍, ତେବେ ମି ସାଗେନି ଆବା ପା ମିଙ୍ଗେଙ୍ଗ୍ ପାପ୍ ସବୁ କେମା କିଦୁନ୍ ।”

ଉପାସ୍ ବିଷ୍ଣେ ହିକ୍ୟା

^{୧୬} “ଉପାସ୍ କିନି ଖେଡାଲିଂ କାପ୍ଟିୟାର୍ ଲାକେ ମୁମ୍‌ରାଡ୍‌ମାଟ୍, ଇନାକିଦେଂକି ହେଞ୍ଜାର୍ ଉପାସ୍ କିନାରା ଇଞ୍ଜି ଲକାର୍ ମୁମ୍‌ଦ ହୁଡ୍‌ୟାନି କାଜିଂ ଜାର୍ ଜାର୍ ମୁମ୍‌ଦିଂ ରାଡ୍‌ନାର୍; ଆନ୍ ମିଙ୍ଗ୍ ହାଡ୍‌ପା ଇଞ୍ଜନାଙ୍ଗା, ହେଞ୍ଜାର୍ ଜାର୍ ଜାର୍ ଇନାମ୍ ଗାଟାତାଣ୍ଟା ।

^{୧୭} ମାତର୍ ଏପେଙ୍ଗ୍ ଉପାସ୍ କିନି ଖେଡାଲିଂ ଏପେଙ୍ଗ୍ ମୁମ୍ ଉରାଟ୍ ଆରି ମି କାପ୍‌ଡାତ ଚିକାଣ୍ ଉଚାଟ୍, ^{୧୮} ଇନେସ୍ ଏପେଙ୍ଗ୍ ଉପାସ୍ କିନାଦେରା ଇଞ୍ଜି ଲକାର୍ ମୁମ୍‌ଦ ହୁଡ୍‌ୟାଞ୍ଜାଦାଂ ଡଗ୍‌ଗୁଜି ମାନି ବାଞ୍ଜାତି ମୁମ୍‌ଦ ହୁଡ୍‌ୟାନାଦେର୍; ଆରେ, ମି ବାଞ୍ଜା ଜେ ଡଗ୍‌ଗୁଜି ହୁଡ୍‌ଦାନାନ୍, ହେଞ୍ଜାନ୍ ମିଙ୍ଗ୍ ପାଡ୍‌ହିଦ୍‌ନାନ୍ ।”

**ସାଗେତ ଆର୍ଜାତି ଦାନ୍
(ଲୁକ ୧୨:୩୩-୩୪)**

* ୭:୧ ୭:୧ ମାତୃତ ୨୩:୫. * ୭:୧୧ ୭:୧୧ ମା ଲଡା; ନେଜେଙ୍ଗ୍, ନଲେ ଡିଗା କାଜିଂ * ୭:୧୪ ୭:୧୪ ମାର୍ଚ୍ଚ ୧୧:୨୫,୨୬.

୧୯ * “ଇମେତାକେ ପ୍ତୁ ଆରି ଲିମ୍ ତିନାଡ଼ ପ୍ରାଲ୍ ଜିରାୟ୍ କିନାଡ଼, ଆରେ ଚର୍କୁ ଇଲ୍ ଚରି କିଡାର୍, ଏଲେଙ୍ଗ୍ବାଡ଼ ପୁଡ଼ ତ ଜାର୍ ଜାର୍ କାଜିଂ ଦାନ୍ ରୁଣ୍ଡାୟ୍ କିମାଟ୍ । ୨୦ ମାତର ଇମେତାକେ ପ୍ତୁକୁ ଆରି ପ୍ରାଲ୍ ନସ୍ କିଡଡ଼ ଆରି ଚର୍କୁ ହଣ୍ଡି ଦାନ୍ ଚର୍ ଅଦେଂ ଆଡୁର୍ । ଏଲେଙ୍ଗ୍ ସାଗେତ ଜାର୍ ଜାର୍ କାଜିଂ ଦାନ୍ ଆଜା ଆଡ, ୨୧ ଇନାକିଦେଂକି ଇମେତାକେ ମିଦାଙ୍ଗ୍ ଦାନ୍ ହେବେ ପା ମିଙ୍ଗେଙ୍ଗ୍ ମାନ୍ । ”

ଗାଗାଡ଼ନି ଅଜଡ଼
(ଲୁକ ୧୧:୩୪-୩୬)

୨୨ “କାଣ୍ଡକୁ ଗାଗାଡ଼ନି ଅଜଡ଼ ଲାକେ । ଏଚେକାଡ଼ଦ ମି କାଣ୍ଡକୁ ଅଣ୍ଡାଙ୍ଗ୍ ମାତିସ୍, ହେ ପାଦନା ମି ଝିଜୁ ଗାଗାଡ଼ ପା ଅଜଡ଼ ଲାକେ ଆନାଡ଼ । ୨୩ ମାତର କାଣ୍ଡକୁ ଜଦି ବାନ୍ୟା ଆନିକ୍, ଗାଗାଡ଼ନି ମାଜ୍ଗା ଆନାଡ଼ । ମି ଖାସ୍ କିନି ଅଜଡ଼ ଜଦି ମାଜ୍ଗା ଆନାଡ଼, ତେବେ ଏଚେକ୍ ମାଜ୍ଗା ବଇକାର୍ ମାଜ୍ଗା ଆନାଡ଼ !”

ଇସ୍ବର ଆରି ଦନ୍ ସଂପତି
(ଲୁକ ୧୬:୧୩; ୧୬:୨୨-୩୧)

୨୪ “ରକାନ୍ ମାନାୟ୍ ରି ମାପୁଡି ଆଡ଼ିଏନ୍ ଆଦେଂ ଆଡୁନ୍; ଇନାକିଦେଂକି ହେଝାନ୍ ରକାନିଂ ଗିଣ୍ କିନାନ୍ ଆରି ବିନ୍ ଲଗାଂ ଜିଉନନାନ୍, ଆଡ଼ିତିସ୍ ରକାନ୍ ପାଚେ ହାନାନ୍ ଆରି ବିନ୍ ନିକାନିଂ ମାନିକିଉନ୍ । ଏପେଙ୍ଗ୍ ଇସ୍ବର ଆରି ଦାନ୍, ରିୟାର୍ଡି ଆଡ଼ିଏନ୍ ଆଦେଂ ଆଡୁନ୍ ।”

୨୫ “ଇଦାଂ କାଜିଂ ଆନ୍ ମିଙ୍ଗ୍ ଇଞ୍ଜନାଙ୍ଗା, ଇନାକା ତିନାଦେର କି ଇନାକା ଉଣାଦେର, ଏପେଙ୍ଗ୍ ଏଡୁ କିଜି ମି ଜିରୁନ୍ କାଜିଂ, କି ଇନାକା ଉସ୍ପାନାଙ୍ଗ୍, ଏପେଙ୍ଗ୍ ଏଡୁ କିଜି ମି ଗାଗାଡ଼ କାଜିଂ ପା ଚିନ୍ତା କିମାଟ୍ । ତିନାଉଣାତାଂ ଜିରୁନ୍ ଆରି ହେନ୍ଦାଙ୍ଗ୍ ତାଂ ଗାଗାଡ଼ କି ଗାଜା ଆକାୟ୍ ? ୨୬ ପଚିକାଂ ହୁଡ଼ାଟ୍, ହେଝେକ୍ ଝିଡୁକ୍ କି ତ୍ରେସୁକ୍ପା । ତାସ୍ ତ୍ରେଜି ଟୁଣ୍ଡିତ ରୁଣ୍ଡାୟ୍ କିଜି ଇଚୁକ୍ । ମି ସାଗେନି ଆବା ଇସ୍ବର ହେଝାକାଂ ଜତନ୍ କିଜି କାଦି ହିନାନ୍ । ଏପେଙ୍ଗ୍ ଇନାକା ପଚିତାଂ ଗାଜା ଆକାୟ୍ ? ୨୭ ଆରେ, ମି ବିତ୍ରେ ଇନେର ଚିନ୍ତା କିଜି ଜାର୍ ଆଁଇସ୍ ଦାପ୍ରେ ବାଡାୟ୍ କିଦେଙ୍ଗ୍ ଆଡୁନାନ୍ ?”

୨୮ “ଆରେ ହେନ୍ଦାଙ୍ଗ୍ କାଜିଂ ଇନେକିଦେଂ ଚିନ୍ତା କିନାଦେରା ? ବାଟାନି ପୁଇକ୍ ବିସ୍ତେ ଏଡ଼ କିଜି ହିକ୍ୟା ମାନି କିୟାଟ୍, ହେଝାଙ୍ଗ୍ ଇନେସ୍ ଗାଜାନିଂ; ହେଝାଙ୍ଗ୍ ସବୁ କସ୍ କିଡକ୍, କି ନୁଲ୍ ଡ଼ଚୁକ୍, ୨୯ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ସଲମନ୍ ପା ଜାର୍ଡି ଝିଜୁ ହଲ୍ନାକାତ ଇଝାଙ୍ଗ୍ ବିତ୍ରେ ରଞ୍ଜାଙ୍ଗ୍ ଲାକେ ଉସ୍ପାଝାଦାଂ ମାଟାନ୍ । ୩୦ ମାତର ଇମ୍ଣି କାତ୍ରା ନେଜେଙ୍ଗ୍ ବାଡ଼ଦ ମାନାଡ଼, ଆରି ଝିଗାଲିଙ୍ଗ୍ ହଲ୍ଦ ଦେହିୟା ଆନାଡ଼, ତାଙ୍ଗେଙ୍ଗ୍ ଇନାଝାଡ଼ାଂ ଇସ୍ବର ଇ ଲାକେ ବେସ୍ କିଦନାନ୍, ଲାଗିଂ, ହେ ଅଲପ୍ ପାତଂ କିନାଦେର, ହେଝାନ୍ ମିଙ୍ଗେଙ୍ଗ୍ କି ଆଦିକ୍ ହାଡ଼ପା ହେନ୍ଦାପାଟା ହିଦୁନ୍ !”

୩୧ “ଲାଗିଂ ଇନାକା ତିନାକା ଇନାକା ଉଣାକା କି ଇନାକା ଉସ୍ପାନାକା ଇଦାଂ ଇଞ୍ଜି ମାନ୍ ଦୁକ୍ କିମାଟ୍ ? ୩୨ ଇନେକିଦେଂକି ପାତଂ କିଝି ଜିହୁଦିର୍ ଇ ସବୁ ବିସ୍ତେ ଦାସ୍ତି ବୁଲାନାଟ୍ । ଆରେ ଇ ସବୁ ବିସ୍ତେ ଇନେନ୍ ମିଙ୍ଗେଙ୍ଗ୍ ଲଡ଼ା, ହେଦାଂ ମିଦାଂ ସାଗେନି ଆବା ପୁଞ୍ଜନାନ୍ ।

୩୩ ମାତର ଏପେଙ୍ଗ୍ ପର୍ଡୁମ୍ ଇସ୍ବର ରାଜି ଆରି ଦାମ୍ ତେକାଟ୍, ଆରେ ଇ ଝିଜୁ ବିସ୍ତେ ପା ମିଙ୍ଗେଙ୍ଗ୍ ହିଦନାନ୍ । ୩୪ ସବୁ ନାଜିଂ ନି ହାବଡ଼ ନିତ୍ରେ କାଜିଂ ଇଞ୍ଜି ଲଡ଼ା ଆଏଡ଼ ଏଚେକ୍ ସାରି । ବିପ୍ତି ଆମାଟ୍ । ଝିଗାନି ଚିନ୍ତା ଝିଗା କିନାଦେର । ଝିଗାମାହିଙ୍ଗ୍ ବିସ୍ତେ ଚିନ୍ତା କିଜି ନେଜେଙ୍ଗ୍ନି ବିପ୍ତିତ ଲାମାୟ୍ କିମାଟ୍ ।”



ବିନ୍ନିକାରିଂ ଦସ୍ ଆହ୍ନାକା
(ଲୁକ ୬:୩୭, ୩୮, ୪୧, ୪୨)

୧ “ଏପେଙ୍ଗ୍ ଇନେସ୍ ବିଚାରକିୟା ଆଉଦେର, ଇଦାଂ କାଜିଂ ବିଚାର କିମାଟ୍ । ୨ * ଇନେକିଦେଂକି ଇମ୍ଣି ବିଚାରତ ବିଚାର କିନାଦେର, ହେ ବିଚାରତ ଏପେଙ୍ଗ୍ ବିଚାର କିୟାନାଦେର; ଆରେ ଇମ୍ଣି ମାଣ୍ଦ ଲାଟନାସ୍, ହେ ମାଣ୍ଡାଂ ମିଙ୍ଗେଙ୍ଗ୍ ମାଣ୍ଡାଂ ହିଦୟା ଆନାଡ଼ । ୩ ନି କାଣ୍ଡାତ ଝେଜ୍ଗୁ ଗାତ୍ରା ମାନିହିଂ ନି ଚଣ୍ଡେନ୍ କାଣ୍ଡାତ ହାରୁ ଗାତ୍ରା ଇନେକିଦେଂ ଦିୟାନ୍ କିନାୟା ? ୪ ଜାର୍ କାଣ୍ଡାତ ଝେଜ୍ଗୁ ଗାତ୍ରା ମାନୁ ମାନୁ ଏନ୍ ଇମ୍ଣି ସାସ୍ବରତାଂ ନି ଚଣ୍ଡେନ୍ କାଣ୍ଡାତାଂ ଦୁଡ଼ି ହପ୍ଚି ହିଦନାଂ ଇଞ୍ଜି ଇନାୟା ? ୫ କାପ୍ଚିୟାଟ୍ ! ନି କାଣ୍ଡାଗାନି ଝେଜ୍ଗୁ ଗାତ୍ରା ପର୍ଡୁମ୍ ହପ୍ୟା । ତା ଆଡିସ୍ ନି ଚଣ୍ଡେନ୍ କାଣ୍ଡାତ ଆଜିଂ ମାନି ଦୁଡ଼ି ଏନ୍ ଆଡ଼ଝା ହୁଡ଼ଦେଂ ଆଡୁନାୟ୍ । ଆରି ହୁଡ଼ଦେଂ ଆଡ଼ନାଦେର ।”

୬ “ନିକୁଡ଼ିକାଂ ପୁଇପୁୟା ଜିନିସ୍ ହିମାଟ୍ । ଇନାକିଦେଂକି ହେଦାଂ ମାସ୍ଦି ନିଙ୍ଗେଙ୍ଗ୍ କାପ୍ତେଦେଂ ଆଡ଼ଦାନାଡ଼ । ପାଞ୍ଜି ମୁମ୍ଦ ମୁଲ୍ଡା ତୁହି ହିମାଟ୍ । ତା ଦାମ୍ ବୁଜାଝାଦାଂ ହେଦେଲିଂ ହେଦାଂ କେବଲ୍ ପାନାତ କୁହ୍ନାଡ଼ ।

ଏନା, ଦାହା ଆରି ଦୁଝେରତ ଇଡ଼ା
(ଲୁକ ୧୧:୯-୧୩)

* ୭:୧୯ ୭:୧୯ ଜାକ୍ବ ୫:୨,୩. ☆ ୭:୨ ୭:୨ ମାର୍କ ୪:୨୪.

୭ ଏନା, ତା ଆଡ଼ିସ୍ ନିଜେଇଁ ହିନ୍ଦନାଡ଼; ଦାହା, ପାୟା ଆନାୟ; ଦୁଝେରତ ଇଡ଼ା, ଦୁଝେର ଜେୟାନାଡ଼ । ୮ ଇମ୍‌ଶାକାନ ଏନ୍‌ନାନ, ତାଜେଇଁ ହିୟାନାଡ଼; ଇନେନ୍ ଦାହନାନ, ହେଝାନ ଗାଟାନାନ; ଇନେନ୍ ଦୁଝେରତ ଇଡ଼ନାନ, ତା କାଜିଂ ଦୁଝେର ଜେସି ହିୟା ଆନାଡ଼ । ୯ ମି ବିତ୍ରେ ଏପେଇଁ ଆବା ଇନେନ୍ ମାନାନ, ଇନେରିଂ ଜାର ମାଜି ମିନ୍ ଏଡ଼ିସ୍ ହେଝାନ ତାଜେଇଁ ମିନ୍ ବାଦୁଲ ରାଡ଼ ହିନାନ, ତାଜେଇଁ ଇନାକା କାଲକୁ ହିନାୟ ୧୦ କି ହେଝାନ ମିନ୍କୁ ଏଡ଼ିତିସ୍ ତାଜି ଇନାକା ଏନ୍ ରାଡ଼ ହିନାୟ ? ୧୧ ଲାଗିଂ ଏପେଇଁ ଚୁଲୁଚୁଲିୟା ଆଡ଼ିସ୍ ପା ଏଚେକାଡ଼ଦ ଜାର ଜାର କାଡ଼ଦେରିଂ ହାଦ୍ ହାଦ୍ ଦାନ ହିଦେଂ ପୁନାଦେର, ତେବେ ମି ସାଗେନି ଆବା ତା ମୁମ୍‌ଦ ଏନ୍‌ନାକା ମାନାୟାରିଂ କେତେକ୍ ଆଦିକ୍ ହାଦ୍ ହାଦ୍ ଜିନିସ୍ ହିଉନ୍ ?”

୧୨ ଲାଗିଂ ମାନାୟାର୍ “ମି କାଜିଂ ଇନାକା ସବୁ କିନାର ଇଞ୍ଜି ଇଚା କିନାଦେର, ଏପେଇଁ ପା ହେଝାର କାଜିଂ ହେ ଲାକେ କିୟାଡ଼, ଇନେକିଦେଂକି ଇଦାଂ ନେ ମସାତି ବିଦି ଆରି ବେଶ୍‌ବାକ୍‌ଶାୟ କିନାକାରତି ଦରମ୍ ସାସ୍ତର ହିକ୍ୟାନି ହାଡ଼ପା ଅରଡ଼ ।”

ଚିପା ଦୁଝେର
(ଲୁକ ୧୩:୨୪)

୧୩ “ହିରୁ ଦୁଝେରତିଂ ହଣ୍ଡେଇଁ କସୁକିୟାଡ଼ । ଇନେକିଦେଂକି ନାସ୍ କିଦେଇଁ ଅସି ହାନି ହୁକେ ଓହାର ଆରି ହାଜି ଓହାର, ଆରେ ହେଦାଂ ହିଜି ହଣ୍ଡଗାନାକାର ହେନି । ୧୪ ମାତର ଓଜିଓଜି ଜିବୁନ୍ତିଂ ଅନି ହାଜି ବାନ୍ୟା ଆରି ତା ଦୁଝେର ଚିପା ଆରେ ଅଲପ୍ ମାନାୟ ଇ ହାଜି ଦାସ୍‌ତେଂ ଆଡ଼ନାର ।”

ମାର ଆରି ତା ପାଡ଼
(ଲୁକ ୭:୪୩-୪୪)

୧୫ “ଚାକ୍ରାୟ ବେଶ୍‌ବାକ୍‌ଶାୟକିନାକାର ତାଜି ଜାଗ୍ରଡ଼ ! ହେଝାର ବାଡ଼ି ମେଣ୍ଡା ଲାକେ ଚଞ୍ଜାନାର, ମାତର ହାଡ଼ପା ହେଝାର ରଞ୍ଜାଇଁ ରଞ୍ଜାଇଁ ହୁଣ୍ଡାର ବୁକା ।

୧୬ ହେଝାରତି ପାଡ଼ ହୁକେ ଏପେଇଁ ହେଝାରିଂ ଚିନ୍ କିନାଦେର । ଖାଡ଼ି ମାରତ ଅଞ୍ଜୁରପାଡ଼ ଆହୁଡ଼ କି ଲେକାଜାମୁ ମାରତ ତଗା ପାଡ଼ ଆହୁଡ଼ । ୧୭ ହାଦ୍ ମାରତ ହାଦ୍ ପାଡ଼ ଆହୁଡ଼ । ବାନିୟା ମାରତିନି ପାଡ଼ ବାନିୟା । ୧୮ ହାଦ୍ ମାରତ ବାନିୟା ପାଡ଼ ଆହୁଡ଼ କି ବାନିୟା ମାରତିନି ପାଡ଼ ହାର ଆଦେଂ ଆଡ଼ୁଡ଼ । ୧୯ ହାଦ୍ ପାଡ଼ ଆହୁଡ଼ିତିସ୍ ମାରତିଂ କାଦ୍‌ଦି ନାଶିତାକେ ଦେହନାର । ୨୦ ଲାଗିଂ ହେଝାରତି ପାଡ଼ ହୁକେ ଏପେଇଁ ହେଝାରିଂ ଚିନ୍ କିନାଦେର ।”

ଆନ୍ ମିଜେଇଁ ପୁଞ୍ଜୁଝାତାଂନା
(ଲୁକ ୧୩:୨୫-୨୭)

୨୧ “ଇମ୍‌ଶାକାର ନାଜେଇଁ ମାପୁ ମାପୁ ଇଞ୍ଜି କୁନ୍ତାନାର, ହେଝାର ବିତ୍ରେ ଓଜିଜାର ସାଗେ ରାଜିତ ହଣ୍ଡେଇଁ ଆଡ଼ୁର । ଇମ୍‌ଶାକାର ସାଗେନି ଆବା ଇସ୍‌ତ ଇଚା ହୁକେ କାମାୟ କିତାର, କେବଲ୍ ହେଝାର ସାଗେ ରାଜିତ ହଣ୍ଡେଇଁ ଆଡ଼ନାର । ୨୨ ଗାଜା ବିଚାର ଦିନ୍ ଏକାଝାଡ଼ିସ୍ ହେନି ନାଜେଇଁ ଇଞ୍ଜନାର, ମାପୁ ନି ତରଦାଂ ଆପେଂ ଇନାକା ଇସ୍‌ତ ନେକ୍ରି କାରୁର ସୁଶାୟ କିନାପା, ମାପୁ, ନି ତରନି ସାଲିତାଂ ବୁଡ଼ ପିହିକିତାପ୍‌ନା ଆରେ ବେସି କାବାଆନି କାମାୟ କିତାପନ୍ନା । ୨୩ ହେ ପାଦ୍‌ନା ହେଝାରିଂ ଆନ୍ ଇନାଜି, ମିଜେଇଁ ଆନ୍ ପୁଞ୍ଜୁଞ୍ଜ । ବାନ୍ୟାକାଦେର, ନା ଲାଗାତାଂ ଗୁଚା ଆଡ଼ !”

ରିୟାର ଇଲ୍ ରଡ଼ନାକାର
(ଲୁକ ୭:୪୭-୪୯)

୨୪ “ଇନେନ୍ ନା କାତା ଝେନ୍‌ଞ୍ଜି ପାଲି କିନାନ, ହେଝାନ ଚେରୁରା କାଲ୍ ଜପି ଇଲ୍ ରଡ଼ନି ବୁଦିକାରୟା ମାନାୟ ଲାକେ । ୨୫ ଅପ୍ରବଲ୍ ବାରହା ଆତାଡ଼, ନାଗୁଡ଼ ଏଜୁଂ ବାନ୍ ଜପି ଡ଼ିତାଡ଼ ଆରି ହେ ଇଲ୍ ଜପି ଅପ୍ରବଲ୍ ଡ଼ଲୁ ଆତାଡ଼, ମାତର ହେ ଇଲ୍ ବାହଡ଼ା ଝାତାଡ଼ ଇନାକିଦେଂକି ହେଦାଂ ଚେରୁରା ଜପି ମୁଡ଼ କୁନାଦି ମାତାଡ଼ ।

୨୬ ମାତର ଇମ୍‌ଶାକାର ନା କାତା ଝେନ୍‌ଞ୍ଜି ପାଲି କିଉର, ହେଝାର ବାଲି ଜପି ଇଲ୍ ରଡ଼ତି ମାତି ଚେପ୍‌ରିୟା ଲାକେ । ୨୭ ବେସି ବାରହା ଆତାଡ଼, ନାଗୁଡ଼ ଏଜୁଂ ଏକିତିକ୍ । ଅପ୍ରବଲ୍ ଡ଼ଲୁ ଆତାଡ଼ ଆରି ଇଲ୍ ମେଦ୍‌ନିତ ମେହାଆତାଡ଼ । ହେଦାଂ କେତେକ୍ ବଇଁକାର୍ ଆତାଡ଼ ।”

ଜିସୁତି କେମ୍‌ତା ହିକ୍ୟା

୨୮ ଓଜିଜନି ପାତେକ୍ ଜିସୁତି ଇ ଓଜିଜୁ କାତା ଝେନ୍‌ଞ୍ଜି ମାନାୟାର୍ ତା ହିକ୍ୟାତ କାବା ଆତାର । ୨୯ ହେଝାନ ବିନ୍‌ବିନ୍‌ନିକାର୍ ଦରମ୍ ଗୁରୁରିଂ ଲାକେ ହିକ୍ୟା ହିଝାଦାଂ ଆଦିକାର ପାୟାତି ମାନାୟ ଲାକେ ହିକ୍ୟା ହିଜି ମାତାନ ।

☆ ୭:୧୯ ୭:୧୯ ମାତ୍ରିକ ୩:୧୦; ଲୁକ ୩:୯. ☆ ୭:୨୦ ୭:୨୦ ମାତ୍ରିକ ୧୨:୩୩. ☆ ୭:୨୮ ୭:୨୮ ମାର୍କ ୧:୨୨; ଲୁକ ୪:୩୨.



ଜିସୁ ର ଗାଜା ରଗିଂ ଉଜ୍ କିତାକା
(ମାର୍କ ୧:୪୦-୪୫; ଲୁକ ୫:୧୨-୧୬)

^୧ ଜିସୁ ମାଡ଼ି ଜପିତାଂ ଜୁଡ଼ି ପାଚେ ବେସି ମାନାୟ୍ ତା ପାଚେ ପାଚେ ଖାତାର । ^୨ ତା ପାଚେ ଆରେ ହୁଡ଼ା, ରଖାନ୍ ଗାଜା ରଗାୟା ତା ତାକେ ଖାଜି ଜିଖାର କିଜି ଇଚାନ୍, “ଏ ମାପୁ, ଏନ୍ ଜଦି ଇଚା କିତାୟାଚି, ତା ଆଡିସ୍ ନାଜେକ୍ ସକର୍ କିଦଦେଂ ଆଡ଼ନାୟା ।”

^୩ ହେବେ ଜିସୁ କେଇ ଇଡ଼ି ତାଜେକ୍ ତୁଜି ଇଚାନ୍, “ଆନ୍ ଇଚା କିନାଜା, ସକର୍ ଆ ।” ହେ ଦାପ୍ରେ ହେ ଗାଜାରଗ୍ “ସକର୍ ଆତାଡ଼ ।” ^୪ ଆରେ, ଜିସୁ ତାଜେକ୍ ଇଚାନ୍, “ଖେନା, ଏନ୍ ଇନେସ୍ ଆଜି ଉଜ୍ ଆତାୟା, ଇନେରିଂ ଖେର୍ମା, ମାତର ହାଲା, ମାପୁହେବାକିନାକାନିଂ ଚଞ୍ଜୟା, ଆରେ ମସା ଇମ୍ଣି ଆକାଡ଼ଗାର୍ଣି ବିସ୍ତେ ବଲ୍ ହିଡ଼ନ୍ନା, ହେଦାଂ ହେଖାର ଲାଗାଂ ଏନ୍ ଉଜ୍ ଆତାଜ୍ନା ଇଞ୍ଜି ସାକି ହିୟା ।”

ଜିସୁ ର ରମିୟ ମେଲ୍ୟାଚ୍ଚି ଚାକର୍ଚିଂ ଉଜ୍ କିତାନ୍
(ଲୁକ ୭:୧-୧୦)

^୫ ଜିସୁ କପର୍ନାହୁମ୍ ବସ୍ତିତ ହର୍ଗିତିଲେ, ର ମୁଡ଼ମେଲ୍ୟା ତା କଚଟ୍ ଖାଜି ଗଞ୍ଜାରି କିଜି ଇଚାନ୍, ^୬ “ଏ ମାପୁ ନା ଆଡ଼ିଏନ୍ ହିରକଲ୍ ଇଡ଼ୟାଚି ରଗି ବେସି ନନାକାଦିଂ ଇଞ୍ଜି ମାକତାନ୍ନା ।”

^୭ ଜିସୁ ତାଜେକ୍ ଇଚାନ୍, “ଆନ୍ ହାଲ୍ଜି ତାଜେକ୍ ଉଜ୍ କିନାଜ୍ ।”

^୮ “ମୁଡ଼ମେଲ୍ୟା” ଉତର ହିତାନ୍, ମାପୁ, “ଏନ୍ ଜେ ନା ଇଞ୍ଜି କାଲ୍ ତଗ୍ନାୟା, ଆନ୍ ଏଲେକ୍ ଆକାୟା; ମାତର କେବଲ୍ ପାଦେକ୍ ବଲ୍ ହିଦା, ନା ଆଡ଼ିଏନ୍ ଉଜ୍ ଆନାନ୍ । ^୯ ଇନାକିଦେଂକି ଆନ୍ ରଖାନ୍ ତାରେନ୍ ମାନାଜ୍ ଆଡିସ୍ ପାନା ତାରେନ୍ ମେଲ୍ୟାଚ୍ ମାନାର୍; ଆନ୍ ରଖାନିଂ ଆଦିକାର୍ ହିଡିସ୍ ହେଖାନ୍ ହାନାନ୍; ଆରେ ରଖାନିଂ ଖା ଇଡିସ୍ ହେଖାନ୍ ଖାନାନ୍; ଆରେ ନା ହଲ୍ୟାଜ୍ ଇଦାଂ କିୟା ଇଡିସ୍ ହେଖାନ୍ ହେଦାଂ କିନାନ୍ ।”

^{୧୦} ଜିସୁ ଇଦାଂ ଖେନ୍ଞ୍ଜି କାବା ଆଜି ପାଚେ ଖାନି ମାନାୟାରିଂ ଇଚାନ୍, “ଆନ୍ ମିଜେକ୍ ହାଡ଼ପା ଇଞ୍ଜନାଜା, ଇସ୍ତାଏଲ୍ ବିତ୍ରେ ଇନେର୍ ତାକେ ଏଚେକ୍ ଗାଜା ପାଚି ପାୟାଖାତାଂନା । ^{୧୧} ମାତର ଆନ୍ ମିଜେକ୍ ଇଞ୍ଜନାଜା, ବେସି ଖେଡ଼ାହଡ଼ନି ବାଗାଜ୍ ଆରି ଖେଡ଼ାହାନି ବାଗାଜ୍ ଖାଜି ଅଗ୍ରାହାମ୍, ଇସ୍ତାଏଲ୍ ଆରି ଜାକୁର୍ ଲାହାଜ୍ ସାଗେ ରାଜିତ ବଜି ଚିଞ୍ଜେକ୍ କୁଚ୍ନାର୍ । ^{୧୨} ମାତର ଇମ୍ଣାକାର୍ ଇ ରାଜିତ ମାନି କାତା ହେଖାରିଂ ବାର୍ଡି ମାଜ୍ଗାତ ତୁହିୟା ଆନାର୍; ହେବେ ଆଡ଼ିସ୍ ଆରି ଚାତାଜ୍ କାଚ୍ନାର୍ ।” ^{୧୩} ଆରେ ଜିସୁ ପାଞ୍ଚକଡ଼ି ମେଲ୍ୟାଜ୍ ଇଚାନ୍, “ହାଲା ଏନ୍ ଇନେସ୍ କିଜି ପାଚି କିନାୟା, ନି କାଜିଂ ହେ ଲାକେ ଗିଚାଆୟେଡ଼ ।” ହେ ତାଣ୍ଡିଆଡ଼ିଏନ୍ ଉଜ୍ ଆତାଡ଼ ।

ଜିସୁ ହେନିଚିଂ ଉଜ୍ କିନାନ୍
(ମାର୍କ ୧:୨୯-୩୪; ଲୁକ ୪:୩୮-୪୧)

^{୧୪} ପାଚେ ଜିସୁ ପିତର ଇଞ୍ଜି ଖାଜି ତା ପଦାହିକ୍ ନମେର୍ ଆଜି ମାଗ୍ଜି ମାନାକା ହୁଡ଼ତାନ୍ । ^{୧୫} ହେବେ ହେଖାନ୍ ତା କେଇଦ ତୁଡାନ୍, ଆରେ ତାଜେକ୍ ନମେର୍ ପିସ୍ତାଡ଼, ପାଚେ ହେଦେଲ୍ ନିଜ୍ଜି ହେଖାରିଂ ହେବା କିଦେକ୍ ଲାଗାତାଡ଼ ।

^{୧୬} ମୁକାହାରେସ୍, ମାନାୟାର୍ ହେନି ପୁଦା ତୁୟାଆଡି ଲାଗାଂ ଜିସୁ କଚଟ୍ ତାହିଖାତାର୍, ହେବେ ଜିସୁ ଖେଇକିଡି ମାତର ପୁଦାଂ ପିହିକିତାନ୍ ଆରି ଖିଜାର୍ ବେମାରିଂ ଉଜ୍ କିତାନ୍, ^{୧୭} ଇ ଲାକେ ହେଖାନ୍ ଜିସାୟା ବେଶ୍ବାକ୍ଣାୟା କାଜିଂ ଇ ବଚନ୍ ପୁରାଆତାଡ଼, “ହେଖାନ୍ ନିଜେ ମା ନାଦାର୍ ଖିଜୁ ଇଡ଼ତାନ୍ ଆରେ ରଗ୍ ସବୁ ପିଣ୍ଡତାନ୍ ।”

ଜିସୁଚି ଚେଲା ଆନାକା ମାନ୍କିନି ମାନାୟାର୍
(ଲୁକ ୯:୫୭-୬୨)

^{୧୮} ଜିସୁ ତା ଚାରିବେଣ୍ଡି ତା ଚେଲାରିଂ ହୁଡ଼ି ହାମ୍ପୁର୍ ଆନ୍ଚି ପାଡ଼କା ହାନି କାଜିଂ ବଲ୍ ହିତାନ୍ । ^{୧୯} ଆରେ, ରଖାନ୍ ସାସ୍ତି ତା ଲାଗାଂ ଖାଜି ଇଚାନ୍, “ଏ ଗୁରୁ,” ଏନ୍ ଇମ୍ଣି ବାହାତ ହାନାୟା, “ଆନ୍ ନି ଲାହାଜ୍ ଖାନାଜ୍ ।”

^{୨୦} ହେବେ ଜିସୁ ହେଦେଲିଂ ଇଚାନ୍, “କଲ୍ୟାତିଂ ପାରା ମାନାଡ଼, ଆକାସ୍ନି ପଚିତିଂ ଗୁଡ଼ା ମାନାଡ଼, ମତର ମାନାୟା ମାଜି କାପ୍ଡା ଇଡ଼ଦେଂ ବାହା ହିଲୁଡ଼ ।”

^{୨୧} ଜିସୁକ୍ ଆରେ ର ଚେଲାହି ଇଚାନ୍, “ମାପୁ, ପର୍ଡୁମ୍ ହାଲ୍ଜି ମାଞ୍ଜି ଆବାଂ ମୁଚେକ୍ ଇଞ୍ଜି ନାଜେକ୍ ବଲ୍ ହିଦା ।”

^{୨୨} ଜିସୁ ତାଜ୍ ଇଚାନ୍, “ନା ପାଚେ ପାଚେ ଖାଡୁ, ହାତି ମାନାୟା ହାତି ଲାଗାଂ ମୁଚି ହିୟାଡ଼ ।”

ଜିସୁ ହୁଜାଖାଣିଚିଂ ଡିର୍ କିତାନ୍
(ମାର୍କ ୪:୩୫-୪୧; ଲୁକ ୮:୨୨-୨୫)

☆ ୮:୧୧ ୮:୧୧ ଲୁକ ୧୩:୨୯. ☆ ୮:୧୨ ୮:୧୨ ମାତ୍ରିକ ୨୨:୧୩; ୨୫:୩୦; ଲୁକ ୧୩:୨୮.

୨୩ ଦିନେକ୍ ଜିସୁ ଚେଲାହିର୍ ଲାହାଙ୍ଗ୍ ଡଙ୍ଗାତ ହାଲ୍‌ଜି ମାଚାର୍ । ୨୪ ହାଚାଗ୍ରେ ହାମ୍‌ଦୁର୍ତ୍ତ ର ବେସି ଗାଜା ତ୍ରିପ୍‌କୁ ହୁଜାଝାଣି ନିକ୍‌ତାତ୍ ଆରି ଡଙ୍ଗା ଏଜୁକାଂ ମୁଞ୍ଜି ନି ଲାକେ ଆତାତ୍ । ମାତର୍ ହେ ପାଦ୍‌ନା ଜିସୁ ହୁନ୍‌ଜି ମାଚାନ । ୨୫ ଚେଲାହିର୍ ତାଙ୍ଗ୍ ନିକ୍‌ଚି ଇଚାର୍, ଏ “ମାପୁ, ମାଲୋଙ୍ଗ୍ ରାକ୍ୟା କିଦା । ଆଞ୍ଜିତିସ୍ ଆପେଂ ମୁନ୍‌ଜି ହାନାପ୍ ।”

୨୬ ଜିସୁ ଦାକା କିଜି ଇଚାନ, “ଇନାକିଦେଂ ଏଚେକ୍ ପାତ୍ରା ଆନାଦେରା ?” ଏପେଙ୍ଗ୍ “ଇନାକା ଏଚେକ୍ ଅଲପ୍ ପାତ୍ କିନାକାଦେର୍ ? ତା ପାଚେ ହେଝାନ୍ ନିଙ୍ଗ୍‌ଜି ଦୁକା ଆରି ଲଡ଼ିତିଂ ତିର୍ ଆଦେଂ କାଜିଂ ବଲ୍ ହିତାନ । ସାଙ୍ଗେ ସାଙ୍ଗେ ଓଜୁ ତିର୍ ଆତାତ୍ ।”

୨୭ ହେବେ ଓଜାର୍ କାବା ଆତାର୍ । ହେଝାର୍ ରକାନ୍ ଆରେ ରକାନିଂ ବେଶ୍‌ବାର୍ କିତାର୍ “ଇଝାନ୍ ଇନେସ୍ ବାତ୍ ମାନାୟ୍ ? ଦୁକା ଆରି ଲଡ଼ି ପା ତା ବଲ୍ ମାନିକିନିକା ।”

ରିୟାରିଂ ପୁଦାତୁୟାଆତି ଲଗାଂ ଜିସୁ ଉଜ୍ କିତାନ

(ମାର୍କ ୫:୧-୨୦; ଲୁକ ୮:୨୬-୩୯)

୨୮ ଜିସୁ ହାମ୍‌ଦୁର୍ ଆନ୍‌ଚି ପାଡ଼କା ଗଦରିୟର୍ ନିପ ଏକିତି ଦାପ୍ରେ ରିୟାରିଂ ବେଟାଆତାନ । ହେଝାର୍ ହେବେ ମାନି ଦୁଗେର୍‌ନି ଛୁକିତ ମାଚାର୍ । ହେଝାର୍ ପୁଦାଆହ୍ୟାତାକାର୍ ଆରି ଏଚେକ୍ ବଇଁକାର୍ ଜେ ହେ ରାସ୍ତା ହିଜି ହାଞ୍ଜେଙ୍ଗ୍ ଝାଦେଙ୍ଗ୍ ଇନେର୍ ସାସ୍ କିଝାଦାଂ ମାଚାର୍ । ୨୯ ହେଝାର୍ ଜିସୁଙ୍ଗ୍ ହୁଡ଼ି ଦାପ୍ରେ କିକିରାତିଂ କିଜି ଇଚାର୍, “ଏ ଇସ୍‌ତ୍ ମେହି ! ନି ଲାହାଙ୍ଗ୍ ମାତି ଇନାକା ମାନାତ୍ ? ସମ୍‌ ଆଞ୍ଜିହିଙ୍ଗ୍‌ନେ ଏନ୍ ମାଲୋଙ୍ଗ୍ ଇନାକା ତାଣ୍ ହିଦେଂ ଇବେ ଝାତାଇନା ?”

୩୦ ହେବେତାଂ ଅଲପ୍ ଦେହା ର ମାନ୍ଦା ପାଞ୍ଜିଙ୍ଗ୍ ହାରାଆଜି ମାଚିକ୍ । ୩୧ ହେ ମାନାୟାର୍ ବିତ୍ରେ ମାନି ପୁଦାଂ ଜିସୁଙ୍ଗ୍ ଗଝାରି କିଜି ଇଚିକ୍, “ମାଙ୍ଗ୍ ଜଦି ପେସ୍‌ପେଦେଂ ଇଚା କିନାୟା, ହେ ପାଞ୍ଜିଙ୍ଗ୍ ବିତ୍ରେ ମାଙ୍ଗ୍ ପକ୍‌ତା ।”

୩୨ ଜିସୁ ଇଚାନ, “ହାଲାର୍ ।” ପୁଦାଂ ସାଙ୍ଗେ ସାଙ୍ଗେ ମାନାୟାତିଂ ପିସ୍ତି ପାଞ୍ଜିଙ୍ଗ୍ ବିତ୍ରେ ହଚିକ୍ । ପାଞ୍ଜିଙ୍ଗ୍ ମାନ୍ଦା ହସ୍ତି ହାଲ୍‌ଜି ମାତି ଗବାତାଂ ହନ୍‌ଚି ହାଲ୍‌ଜି ହାମ୍‌ଦୁର୍ତ୍ତ ମୁନ୍‌ଜି ହାଚିକ୍ ।

୩୩ ପାଞ୍ଜିଙ୍ଗ୍ ହାରାଇ କିଜି ମାଚି ମାନାୟା ଲାଗେନି ବସ୍ତିକାଙ୍ଗ୍ ହାଲ୍‌ଜି ପୁଦା ଆହ୍ୟାତାକାର୍ କାଜିଂ ଇନାକା ଗିଟା ଆଜି ମାଚାତ୍ ହେବେ ଓଜୁ ବେଶ୍ ଝେଚ୍‌ଚି ବୁଲାଇଆତାର୍ । ୩୪ ଲାଗିଂ ହେ ବସ୍ତିନି ଓଜାକାର୍ ଜିସୁଙ୍ଗ୍ ବେଟା ଆଦେଂ ହସି ଝାତାର୍ ଆରେ ତାଙ୍ଗ୍ ବେଟାଆଜି ହେ ନିପ ପିସ୍ତି ହାନ୍‌ଚିତାଂ ହାଞ୍ଜେଙ୍ଗ୍ ଜିସୁଙ୍ଗ୍ ଗଝାରି କିତାର୍ ।



ଜିସୁ ର ହିରକଲ୍‌ଇଡ଼ୟାତି ରଗିଂ ଉଜ୍ କିତାନ

(ମାର୍କ ୨:୧-୧୨; ଲୁକ ୫:୧୭-୨୬)

୧ ଜିସୁ ଡଙ୍ଗାତ ଦୁମ୍‌ଜି ହାମ୍‌ଦୁର୍ ଆନ୍‌ଚି ପାଡ଼କା ମାନି ଜାର୍ ବସ୍ତିତ ମାସ୍‌ଦି ହାଚାନ ।* ୨ ହେବେ ର ହିରକଲ୍ ରଗିଂ ମାନାୟାର୍ ତା ତାକେ ତାହିଝାତାର୍ । ରଗ୍ୟା ତା ଗାଚିତ ମାଗ୍‌ଜି ମାଚାନ । ହେଝାର୍‌ତି ଏଚେକ୍ ପାତ୍ ହୁଡ଼ି ଜିସୁ ହିରକଲ୍ ଇଡ଼ୟାତାକାନିଂ ଇଚାନ, “ବପା ସାସ୍ ଆହା । ନି ପାପ୍ କେମା ଆତାତ୍ ।”

୩ କେତେକ୍ ଦରମ୍ ଗୁରୁର୍ ଇକାତା ଝେନ୍‌ଜି ମାନେ ମାନେ ବାବି କିତାର୍, “ଇ ମାନାୟା ଇସ୍‌ରତିଂ ନିନ୍ଦା କିନାନା ।”

୪ ହେଝାର୍‌ତି ମାନ୍‌ତି କାତା ପୁଞ୍ଜି ଜିସୁ ଇଚାନ, “ଏପେଙ୍ଗ୍ ଇନାକିଦେଂ ଏଲେଙ୍ଗ୍ ବାନ୍ୟା ଚିନ୍ତା କିନାଦେରା ? ୫ ନି ପାପ୍ କେମା ଆତାତ୍ ?” ଇ କାତା ଇନାକା ଆଡ଼ଝା କି “ନିଙ୍ଗ୍‌ଜି ହାଲା” ଇନାକା ଆଦିକ୍ ଆଡ଼ଝା ? ୬ ମାତର୍ ପାପ୍ କେମା କିଦେଙ୍ଗ୍ ପୁତ୍ ତ ମାନାୟା ମାଜି ଜେ ଆଦିକାର୍ ମାନାତ୍, ଇ କାତା ମି ଆଗେ ପାର୍ମାଣ୍ କିନାଙ୍ଗ୍ ।” ତା ପାଚେ ଜିସୁ ହିରକଲ୍ ରଗିଂ ଇଚାନ, “ନିଙ୍ଗା, ନି କାଚେଲ୍ ଆସ୍ତି ମିଞ୍ଜି ତାଙ୍ଗ୍‌ଜି ହାଲା ।”

୭ ହେବେତାଂ ହେଝାନ୍ ନିଙ୍ଗ୍‌ଜି ଇଞ୍ଜି ତାଙ୍ଗ୍‌ଜି ହାଚାନ । ୮ ହେଦାଂ ହୁଡ଼ି ମାନାୟାର୍ ପାଣ୍ଡା ଆତାର୍, ଆରେ, ଇମ୍‌ଣି ଇସ୍‌ର୍ ମାନାୟାରିଂ ଏଲେଙ୍ଗ୍ ଆଦିକାର୍ ହିତାଣ୍ଡା, ହେଝାନ୍ତି ଜାଜ୍‌ମାଲ୍ କିତାର୍ ।

ଜିସୁ ମାତିଉଙ୍ଗ୍ କୁକ୍‌ତାନ

(ମାର୍କ ୨:୧୩-୧୭; ଲୁକ ୫:୨୭-୩୨)

୯ ଜିସୁ ହେବେତାଂ ତାଙ୍ଗ୍‌ଜି ହାଚି ପାଚେ ମାତିଉ ତରଦି ରଝାନ୍ ସିସ୍‌ସୁନ୍‌ନାକାନିଂ ତା ଏନ୍‌ନି ବାହାତ କୁଚ୍‌ଚାକା ହୁଡ଼ତାନ ଆରି ତାଙ୍ଗେଙ୍ଗ୍ କୁକ୍‌ଚି ଇଚାନ, “ନା ପାଚେପାଚେ ଝା ।”

ମାତିଉ ନିଙ୍ଗ୍‌ଜି ତା ଲାହାଙ୍ଗ୍ ହାଚାନ ।

୧୦ ଜିସୁ ମାତିଉ ଇଞ୍ଜି† ତିଞ୍ଜେଙ୍ଗ୍ କୁଚ୍‌ଚିହିଂ ହେନି ସିସ୍‌ସୁନ୍‌ନାକାର୍ ଆରି ପାପି ଲକୁ ତା ଲାହାଙ୍ଗ୍ ଆରି ତା ଚେଲାହିର୍ ଲାହାଙ୍ଗ୍ ତିଞ୍ଜେଙ୍ଗ୍ କୁଚ୍‌ଚାର୍ । ୧୧ କେତେକ୍ ଜାଣ୍ ପାରୁସିର୍ ଇଦାଂ ହୁଡ଼ି ତା ଚେଲାହିରିଂ ଇଞ୍ଜେଙ୍ଗ୍ ଲାଗାତାର୍, “ମି ଗୁରୁ ଇନାକିଦେଂ ସିସ୍‌ସୁନ୍‌ନାକାର୍ ଆରି ପାପିର୍ ଲାହାଙ୍ଗ୍ ତିନାନା ?”

* ୯:୧ ୯:୧ ନିଜାର୍ ବସ୍ତି କପର୍‌ନାହୁମ୍ † ୯:୧୦ ୯:୧୦ ହେଦାଂ ଜିସୁତି ଇଞ୍ଜି

୧୨ ମାତର ଜିସୁ ହେଦାଂ ଖେନଞ୍ଜି ଇଚାନ, “ଉଦ୍ ମାନାୟତିଂ ତାକ୍ତର ଲଡ଼ା ଆକାୟ, ମାତର ବେମାର ଲଗାଂ ଲଡ଼ା ମାନାତ୍ । ୧୩ *ସାସ୍ତରତ ଲେକା ଆତାତ୍ନା ଆନ୍ ପୁନାଙ୍ଗ୍ ପୁଜା ମାନ୍ କିଝାଦାଂ ଦୟା ମାନ୍ କିନାଙ୍ଗ୍, ଇ ବଚନି ଅରତ୍ ଏପେଙ୍ଗ୍ ହାଲ୍ଜି ହିକ୍ୟା କିୟାଟ୍, ଇନାକିଦେଂକି ଆନ୍ ଦରମ୍ ଲଗାଂ କୁକ୍ତେଂ ଖାଝାତାଂନା, ମତର ପାପିରିଂ କୁକ୍ତେଂ ଖାଝାତାଂନା ।”

ଉପାସ୍ କିନି ବିସ୍ତେ ପରସନ୍
(ମାର୍କ ୨:୧୮-୨୨; ଲୁକ ୫:୩୩-୩୯)

୧୪ ହେଝାଡ଼ାଂ ଜହନ୍ତି ଚେଲାହିର୍ ତା ତାକେ ଖାଜି ଇଚାର, “ଆପେଂ ଆରି ପାରୁସିର୍ ଉପାସ୍ କିନାପ, ମାତର ନି ଚେଲାଟ୍ ଉପାସ୍ କିଉର୍ ଇନାକିଦେଂ ?”

୧୫ ଜିସୁ ହେଝାରିଂ ଇଚାନ, “ବିବାଦାଂଣେନ୍ ଏଚେକାତ୍ତ୍ ପାତେକ୍ ବିବାକିନାକାର ହୁକେ ମାନାନ୍, ହେ ପାତେକ୍ ହେଝାରି କି ଦୁକ୍ କିଦେଙ୍ଗ୍ ଆଡ଼ନାର୍ ? ମାତର ସମ୍ମୁ ଖାନାତ୍, ଏଚେକାତ୍ତ୍ ହେଝାରିତାଂ ବିବା ଦାଙ୍ଗ୍ଣେନିଂ ନିକ୍ତି ଅୟା ଆନାତ୍, ଆରେ ହେଝାଡ଼ାଂ ହେଝାରି ଉପାସ୍ କିନାର୍ ।

୧୬ ଇନେର୍ ପୁନି ହେୟା ନି ଗନ୍ଦା ପୁନି ହେୟାତ୍ ମେହାୟ କିଉର୍, ଇନାକିଦେଂକି ହେ ହେୟା ଗନ୍ଦା ହେୟାତିଂ ବେସି କେଟ୍ଟି ଅନାତ୍ ଆରେ ଆଦେକ୍ ଗାଜା କାଣା ଆନାତ୍ । ୧୭ ଆରେ, ମାନାୟ ପୁନି ଅଙ୍ଗୁର୍ ରାସ୍ ପୁନି ତଲ୍ ମଣାତ ଇଟୁର୍; ଇଟ୍ଟିସ୍ ତଲ୍ ମଣା କେଞ୍ଜନାତ୍ ଆରେ ଅଙ୍ଗୁର୍ ରାସ୍ ବଂନାତ୍, ଆରେ ମଣା ଖିଜୁ କାରାପ୍ ଆନାତ୍; ମାତର ମାନାୟ ପୁନି ଅଙ୍ଗୁର୍ ରାସ୍ ପୁନି ମଣାତ ଇଟ୍ଟନାର୍, ଆରେ ରିଣ୍ଡିପା ରାକ୍ୟା ପାୟାନାତ୍ ।”

ଜାଇରସ୍ତି ଗାହ୍ଡି ଆରି ଜିସୁଙ୍ଗ୍ ହେୟାନି ଚେଲିଂ ତୁଡି କଗଲେ
(ମାର୍କ ୫:୨୧-୪୩; ଲୁକ ୮:୪୦-୫୬)

୧୮ ଜିସୁ ହେଝାରିଂ ଇ ଖିଜୁ କାତା ଇନିଝାଡ଼ାଲିଂ, ହୁଡ଼ା, ର ମୁଣିକା ତାତାକେ ଖାଜି ଜିଝାର୍ କିଜି ଇଚାନ, “ନା ଗାଡ଼ଟେ ହାଚାଟ୍ଟେ ହାତାତ୍, ମାତର ଏନ୍ ଖାଜି ତାଙ୍ଗେଙ୍ଗ୍ କେଇ ଇଡ଼ା, ଆରେ ହେଦେଲ୍ ଜିନାତ୍ ।”

୧୯ ହେବେ ଜିସୁ ନିଙ୍ଗ୍ଜି ତା ଚେଲାହିର୍ ଲାହାଙ୍ଗ୍ ତା ପାଚେ ପାଚେ ହାଚାର୍ ।

୨୦ ଜିସୁ ହାଜିତ୍ ହାନିହିଂ ର କଗଲେ ତା ପାଟ୍ ବାଗାଙ୍ଗ୍ ଖାଜି ତା ହେୟାନି ଚେଲିଂ ତୁଡାତ୍ । ହେଦେଲ୍ ବାର ବାହୁଁ ପାତେକ୍ ଗାଗାଡ଼ନାଡ଼ି ରଗ୍ତ ଡଣ୍ଡି ଆଜି ମାଚାତ୍ । ୨୧ ଇନାକିଦେଂକି ହେଦେଲ୍ ମାତ୍ର ମାତ୍ର ଇଞ୍ଜି ମାଚାତ୍, “କେବଲ୍ ତା ହେୟା ତୁଡିସ୍ ଆନ୍ ଉଦ୍ ଆନାଙ୍ଗ୍ ।”

୨୨ ମାତର ଜିସୁ ମାସ୍ତି ତାଙ୍ଗ୍ ହୁଡ଼ି ଇଚାନ, “ଗାଡ଼, ସାସ୍ ଆହା, ନି ପାଟିଂ ନିଙ୍ଗେଙ୍ଗ୍ ଉଦ୍ କିତାନନା ।” ହେ ଦାପ୍ଟେ କଗଲେ ଉଦ୍ ଆତାତ୍ ।

୨୩ ପାଚେ ଜିସୁ ହେ ଜିହୁଦି ମୁଣିକା ଇଞ୍ଜି ଖାଜି ହୁଡ଼ି ତୁବ୍ନାକାରିଂ ଆରି କିର କିଜି ମାନି ଲକ୍ତିଂ ହୁଡ଼ି, ୨୪ ଜିସୁ ଇଚାନ, “ଝିଜାଦେର୍ ଇବେଣ୍ଡାଂ ହସି ହାଲାଟ୍ । ଗାଡ଼ଟେ ହାଝାତାଡ଼ନା । କେବଲ୍ ହୁଞ୍ଜନାତା ।” ତା କାତା ଖେନଞ୍ଜି ହେଝାରି ଗୁଇତାର୍ । ୨୫ ମାତର ମାନାୟାରିଂ ବାଟ୍ ହପ୍ତି ପାଚେ, ହେଝାନ୍ ବିତ୍ତେ ହାଲ୍ଜି ଗାଡ଼ଟେଂ କେଇ ଆସ୍ତାନ୍, ଆରେ ହେଦେଲ୍ ନିଙ୍ଗ୍ଜି ନିଲ୍ଡାତ୍ । ୨୬ ଆରେ, ଇ କାତା ହେ ଦେସ୍ ସବୁନିପ ଝିଣ୍ଡାତ୍ ।

ଜିସୁ ରି କାଣାରିଂ ହୁଡ଼ିନି ସାକ୍ତି ହିତାନ୍

୨୭ ଜିସୁ ହେବେତାଂ ହାନିହିଂ ରିୟାର୍ କାଣାର୍ ପାଚେ ପାଚେ ହାଲ୍ଜି ଗାଜାକାଟ୍ କିଜି ଇଞ୍ଜେଙ୍ଗ୍ ଲାଗାତାର୍, “ଏ ଦାଉଦ୍ ମାଜି, ମାଙ୍ଗେଙ୍ଗ୍ ଦୟା କିଦା ।”

୨୮ ଜିସୁ ପର୍ଡ଼ମ୍ ଇଞ୍ଜି ହଶ୍ଗାତାନ୍ କାଣାର୍ ପା ହଶ୍ଗାତାର୍ । ହେବେ ଜିସୁ ହେଝାରିଂ ଖେନବାତାନ୍, “ଆନ୍ ମିଙ୍ଗେଙ୍ଗ୍ ଉଦ୍ କିଦେଙ୍ଗ୍ ଆଡ଼ଦାନାଂ ଇଞ୍ଜି ଏପେଙ୍ଗ୍ ପାଟିଂ କିନାଦେରା କି ?”

ହେଝାରି ଉତର ହିତାର୍ “ଆଁ ମାପୁ ।”

୨୯ ହେ ପାଦନା ଜିସୁ ହେଝାରିତି କାଣ୍ଡାତ ତୁଜି ଇଚାନ, “ମି ପାଟିଂ କାଜିଂ ହେଦାଂ ଆୟେଡ୍ ।” ୩୦ ହେ ଦାପ୍ଟେ ହେଝାରି କାଣ୍ଡାକ୍ ସାକ୍ତି ପାୟା ଆତାର୍ । ପାଚେ ଜିସୁ ହେଝାରିଂ ତାଟ୍ କିଜି ବଲ୍ ହିଜି ଇଚାନ, “ହୁଡ଼ାଟ୍, ଇ ବିସ୍ତେ ଇନେସ୍ ଇନେର୍ ପୁନିଝାକା ମାନାତ୍ ।”

୩୧ ମାତର ହେଝାରି ହେବେତାଂ ହାଲ୍ଜି ଜିସୁତି କାତା ଖିଜୁ ଦେସ୍ ନିପ ସୁଣାୟ କିତାର୍ ।

ଜିସୁ ର ଗୁଲାଂ କାତା ଇନି ସାକ୍ତି ହିତାନ୍

୩୨ ହେଝାରି ହସି ହାନିହିଂ, ହୁଡ଼ା, ମାନାୟାର୍ ରଝାନ୍ ଗୁଲା ପୁଦା ତୁୟାଆତାକାନିଂ ତା ତାକେ ତାହିଝାତାର୍ । ୩୩ ଆରେ, ବୁଡ଼ ପିସିଲେ, ହେ ଗୁଲା କାତା ଇଚାନ । ହେବେ ମାନାୟାର୍ କାବା ଆଜି ଇଚାର୍, “ଇସ୍ତାଏଲ୍ ବିତ୍ତେପା ଏଲେଙ୍ଗ୍ ଇନାଝାଡ଼ାଂ ପା ହୁଡ଼ିଝାତାପନା ।”

୩୪ *ମାତର ପାରୁସିର୍ ଇଚାର୍, “ହେ ମୁଣିକା ଗାଜା ବୁଡ଼ ଉପକାର୍ତାଂ ପୁଦାଂ ପିହିକିନାନା ।”

* ୯:୧୩ ୯:୧୩ ମାତୃତ ୧୨:୭. * ୯:୩୪ ୯:୩୪ ମାତୃତ ୧୦:୨୫; ୧୨:୨୪; ମାର୍କ ୩:୨୨; ଲୁକ ୧୧:୧୫.

୩୫ ଇଦାଂ ପାଚେ ଜିସୁ ହେଝାର୍ତ୍ତି କୁରୁମ୍ ଇଞ୍ଜ ହିକ୍ୟା ହିଜି ରାଜିନି ନେକ୍ରିକାରୁର୍ ସୁଣାୟ୍ କିଜି ଆରି ବାରବିନି ରଗ ଆରି ସବୁ ବାନି ବେମାର୍ ଉଜ୍ କିଜି ଝିଜୁ ଗାଡ଼, ଆରେ ନାସକ୍ତୁକାଂ ପ୍ଲୁଞ୍ଜେଙ୍ଗ୍ ଲାଗାତାର୍ । ୩୬ ଆରେ, ମାନାୟାରିଂ ହୁଡ଼ଜି ହେଝାର୍ କାଜିଂ ହେଝାନ୍ କାର୍ମାତିଂ ରାସ୍ ଇଚାନ୍, ଇନାକିଦେଂକି ହେଝାର୍ ରାକ୍ୟାହିଲ୍ଲିଝି ମେଣ୍ଡାଂ ଲାକେ ଉପାୟ୍ ହିଲ୍ଲିଝି ଆରି ଜେତେକେତେ ମାଚାର୍ । ୩୭ ହେଝାଡ଼ାଂ ଜିସୁ ଜାର୍ ଚେଲାରିଂ ଇଚାନ୍, ତାସ୍ ହିନା ବେସି ମତର୍ କାମାୟ୍ କିନାକାର୍ ଉଣା, ୩୮ ଲାଗିଂ ତା କାମାୟ୍ ବାହାତ କାମାୟ୍ କିନାକାରିଂ ପକ୍ନି କାଜିଂ କାମାୟ୍ ବାହିନି ହାଉକାର୍ ତାକେ ପାତୀନା କିୟାଟ୍ ।

୧୦

ବାରଜାଣ୍ ଚେଲାର୍

(ମାର୍କ ୩:୧୩-୧୯; ଲୁକ ୬:୧୨-୧୬)

୧ ଜିସୁ ତା ବାରଜାଣ୍ ଚେଲାରିଂ କୁକ୍ତି ପୁଦାଂ ପିହିକିନି କାଜିଂ ଆରି ସବୁ ବାନି ରଗ୍ ବେମାର୍ ଉଜ୍ କିନି କାଜିଂ ହେଝାରିଂ ଆଦିକାର୍ ସାକ୍ତି ହିତାନ୍ । ୨ ହେ ବାରଜାଣ୍ ପକ୍ୟାତାକାର୍ ତର୍ ଆତାଡ଼, ସିମନ୍, ପିତର୍ ତର୍ଦ ପା ଜାଣାଚିନା ଆରି ତା ଟଣ୍ଡାହି ଆହିୟ୍; ଜେବଦିତି ରି ମେହିର୍ ଜାକୁବ୍ ଆରି ତା ଟଣ୍ଡାହି ଜହନ୍; ୩ ପିଲିପ୍ ଆରି ବାର୍ତଲମି, ତମା ଆରି ସିସ୍ତ୍ରୁନ୍ନାକାର୍ ମାତ୍ରିତ, ଆଲପିୟ୍ ମେହି ଜାକୁବ୍, ଆରି ତଦିୟ୍, ୪ କିଶାନିୟ୍ ସିମନ୍ ଆରି ଇସ୍ପାରିୟ୍ତିୟ୍ ଜିହୁଦା, ଇନେନ୍ ଜିସୁଙ୍ଗ୍ ସାତୁ କେଇଦ ହେଲାୟ୍ କିତାକାନ୍ ।

ବାରଜାଣ୍ ଚେଲାରିଂ ପକ୍ତାନ୍

(ମାର୍କ ୬:୭-୧୩; ଲୁକ ୯:୧-୬)

୫ ଜିସୁ ଇ ବାରଜାଣ୍ ଚେଲାରିଂ ପକ୍ତି ହେଝାନ୍ ହେଝାରିଂ ବଲ୍ଲ ହିଜି ଇଚାନ୍, “ପାତ୍ କିଝି ଜିହୁଦିର୍ ନିପ ହାଲ୍ମାଟ୍ ଆରି ସିମିରଣିୟାନ୍ ଇମ୍ଣି ଗାଡ଼ଦ୍ ହଣ୍ଗାମାଟ୍, ୬ ମାତର୍ ଜାଙ୍ଗି ମାଚି ମେଣ୍ଡା ଲାକେ ଇସ୍ତାଏଲ୍ ଲାଗାଂ ହାଲାଟ୍ । ୭ ହେଝାର୍ ବିତ୍ତେ ସୁଣାୟ୍ କିଜି ଇନାଟ୍, ସାଗେ ରାଜି ଲାଗେ ଝାତାତେ ! ୮ ବେମାର୍ ଲଗାଂ ଉଜ୍ କିୟାଟ୍, ହାତି ଲଗାଂ ଆରେ ନିକ୍କାଟ୍, ଗାଜା ରଗ୍ୟାରିଂ ସକଟ୍ କିୟାଟ୍, ପୁଦାଂ ପିହିକିୟାଟ୍ । ଇନାକା ଉପକା ଗାଟା ଆତାଦେଣ୍ଡା, ହେଦାଂ ବିନ୍ନିକାରିଂ ଉପକା ଦାନ୍ ହିୟାଟ୍ ।” ୯ ମି ଜାଙ୍ଗିୟାତ “ହନା, କି ରୁପା କି ତମା, ଆରେ ଜାତ୍ରା କାଜିଂ ମଣା, ୧୦ କି ବିକ୍ୟା ଏନ୍ନି ମଣା ଆସ୍ତି ବୁଲ୍ମା ଆମାଟ୍ ଅଲପ୍ ରିଣ୍ଡାଂ ଆଙ୍ଗିଙ୍ଗ୍ ନଲେ ପାଣ୍ଡାଈଙ୍ଗ୍ କି ବାଡ଼ଗା ପା ଅମାଟ୍ । ଇନେକିଦେଂକି କାମାୟ୍ କିନାକାଦେର୍ ଜାର୍ ତାବୁଙ୍ଗ୍ ପାୟାନ୍ ଜଗ୍ ।”

୧୧ “ଆରେ, ଏପେଙ୍ଗ୍ ଇମ୍ଣି ଗାଡ଼ଦ୍ କି ନାସ୍ତ୍ର ହଣ୍ଗାମାଦେର୍, ହେବେ ଇମ୍ଣି ଲକ୍ ହେବା କିଦ୍ଦେଂ ଆଡ଼ଦାନାନ୍, ହେଦାଂ ଆନ୍ମାନ୍ କିୟାଟ୍, ଆରେ ଝାଝି ପାତେକ୍ ହେବେ ମାନାଟ୍ ।” ୧୨ ର ଇଞ୍ଜ ହଣ୍ଗିନି ଝେଡ଼ାଲିଂ ହେବେ ମାନି ମାନାୟାତିଂ ଇନାଟ୍, “ମିଦାଙ୍ଗ୍ ସୁସ୍ତା ଆୟେଡ୍ ।” ୧୩ ହେ ଇଲ୍ ଏଚେକାଡ଼ଦ୍ ଆନାଟ୍, ଲାଗିଂ ତା କାଜିଂ ମି ସୁସ୍ତା ଆଏଡ୍, ମାତର୍ ହେଦାଂ ଜଦି ଆଉଡ୍, ତା ଆତିସ୍ ମି ସୁସ୍ତା ମି ଲାଗାଂ ମାସ୍ଦି ଝାଏଡ୍ । ୧୪ ଜଦି ଇମ୍ଣି ଇଞ୍ଜ କି ଗାଡ଼ଦ୍ ମିଙ୍ଗେଙ୍ଗ୍ ଲକୁ ଇଡ଼ଦୁର୍, ପାନାନ୍ ଦୁଡ଼ି ଡାଡ଼ତି ହେ ବାହା ପିହାଟ୍ । ୧୫ ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା, ବିଚାର୍ ନାଜିଂ ଇଝାର୍ ତାଙ୍ଗ୍ ସଦମ୍ ଆରି ଗମରା ଦେସ୍ନି ମାନାୟାଟ୍ କାଜିଂ ଇସ୍ତର୍ ଆଦିକ୍ ଦସା ଆନାଟ୍ ।

ଝାନିଦିନ୍ନି ନିନ୍ଦା

(ମାର୍କ ୧୩:୯-୧୩; ଲୁକ ୨୧:୧୨-୧୬)

୧୬ ହୁଡ଼ାଟ୍, ହୁଣ୍ଡାଟ୍ ବୁର୍କାକାଂ ତାକେ ପା ମେଣ୍ଡାଂ ଲାକେ ଆନ୍ ମିଙ୍ଗେଙ୍ଗ୍ ପକ୍ତାନାଙ୍ଗା, ଇତିସ୍ ରାଟ୍ ଲାକେ ବୁଦ୍ୟା ଆରି ପାର୍ଝା ଲାକେ ହୁଦାଟ୍ ଆଡୁ । ୧୭ ମତର୍ ମାନାୟାଟ୍ ଜାଗ୍ରାଟ୍ ଆଜି ମାନାଟ୍, ଇନାକିଦେଂକି ହେଝାର୍ ମିଙ୍ଗେଙ୍ଗ୍ ବିଚାର୍ ବାହାତ ହେଲାୟ୍ କିଦ୍ନାର୍ ଆରି ହେଝାର୍ କୁରୁମ୍ ଇଞ୍ଜ କର୍ତା ଲାହାଂ ଟ୍ରାକ୍ତାନାର୍ । ୧୮ “ଆରେ ଏପେଙ୍ଗ୍ ନା କାଜିଂ ରାଜକାରିୟା ଆରି ରାଜାର୍ କଚଣତ ତାହିଝାୟାନାଦେର୍; ହେଦାଂ ହେଝାରିଂ ଆରି ପାତ୍ କିଝି ଜିହୁଦିର୍ କାଜିଂ ସାକି ଲାକେ ଆନାଦେର୍ । ୧୯ ମାତର୍ ଏଚେକାଡ଼ଦ୍ ହେଝାର୍ ମିଙ୍ଗେଙ୍ଗ୍ ହେଲାୟ୍ କିଦ୍ନାର୍, ହେଝାଡ଼ାଂ ଏପେଙ୍ଗ୍ ଇନେସ୍କି ଇନା କାତା ଇନାଦେର୍, ହେ ବିସ୍ତେନି ଚିନ୍ତା କିମାଟ୍, ଇନାକିଦେଂକି ଇନାକା ଇନାଦେର୍, ହେଦାଂ ହେ ଦାପ୍ତେ ମିଙ୍ଗେଙ୍ଗ୍ ହିଦ୍ୟାନାଟ୍ । ୨୦ ଲାଗିଂ ଏପେଙ୍ଗ୍ ଇନ୍ଝାକାଦେର୍, ମାତର୍ ମିଞ୍ଜି ଆବାତି ଜିବୁନ୍, ଇନେଟ୍କି ମି ଝାସ୍ତିତ କାତା ଇନାନ୍, ହେଝାନ୍ ବେଶକାର୍ୟା ଆନାନ୍ ।”

୨୧ ଚଣ୍ଡେନ୍ ଚଣ୍ଡେନିଙ୍ଗ୍ ଆରି ଆବା ମାଜି ହାକି ବାହାତ ହେଲାୟ୍ କିତାର୍ ଆରେ ହିମ୍ଣାଙ୍ଗ୍ ଆବା ଆୟାକାଂ ବିରୁଡ଼ତ ନିଙ୍ଗି ଅହ୍ନାର୍, ଆରି, ଏପେଙ୍ଗ୍ ନା ପାଚେଝାତି କାଜିଂ ଏପେଙ୍ଗ୍ ଝିଜାକାର୍ତାଂ ଗିଶ୍କିୟା ଆନାଦେର୍, ମତର୍ ଇନେଟ୍

☆ ୯:୩୬ ୯:୩୭ ଲୁକ ୧୦:୨. ☆ ୧୦:୧୦ ୧୦:୧୦ ୧ କରକ୍ତିୟ୍ ୯:୧୪; ୧ ଡିମତି ୫:୧୮. ☆ ୧୦:୧୪ ୧୦:୧୪ ପକ୍ୟାତାକା ୧୩:୫୧. ☆ ୧୦:୧୫ ୧୦:୧୫ ମାତ୍ରିତ ୧୧:୨୪. ☆ ୧୦:୧୫ ୧୦:୧୫ ଲୁକ ୧୦:୪-୧୨. ☆ ୧୦:୧୬ ୧୦:୧୬ ଲୁକ ୧୦:୩. ☆ ୧୦:୧୭ ୧୦:୧୭ ମାର୍କ ୧୩:୯-୧୧; ଲୁକ ୧୨:୧୧,୧୨; ୨୧:୧୨-୧୫. ☆ ୧୦:୨୧ ୧୦:୨୧ ମାର୍କ ୧୩:୧୨; ଲୁକ ୨୧:୧୬.

୧୧

ଜିସୁ ଆରି ବାପ୍ତିସ୍ମିମ୍ ଜହନ୍ (ଲୁକ ୭:୧୮-୩୫)

୧ ଜିସୁ ତା ବାରଜାଣ୍ ଚେଲାରିଂ ବଲ୍ ହିଜି ଝିପ୍ତି ପାଚେ ହେ ବାହା ପିସ୍ସି ଲାଗାଂନି ଗାଡ଼କାଂ ହାଲ୍ଲି ସୁଣାୟ୍ କିଦେଙ୍ଗ୍ ଲାଗାତାନ ।

୨ ଇବେଣ୍ଟାଂ ଜହନ୍ କ୍ରିସ୍ତୁତି କାମାୟ୍ନି ବିସ୍ତେ ଜଇଲ୍ତ ଝେନ୍ଝି ଜାର୍ ଚେଲାହିରିଂ କ୍ରିସ୍ତୁ ଲାଗାଂ ପକ୍ତାନ, ୩ ହେଝାର୍ ହାଲ୍ଲି ଜିସୁଙ୍ଗ୍ ଝେନ୍ବାତାର୍, “ଇନେର୍ ଝାନାକା ମାନାଡ଼, ହେଝାନ୍ କି ଏନ୍, ଆକାୟ୍ନି ଆପେଂ ଆଲ୍ଗା ନିକାନିଂ କାଜିଂ ମାନାପ୍ ?”

୪ ଜିସୁ ହେଝାରିଂ ଉତର୍ ହିତାନ, “ଏପେଙ୍ଗ୍ ହାଲ୍ଲି, ଇନା ଇନାକା ଝେଚାଦେଣ୍ଟା ଆରି ହୁଡ଼ନାଦେରା, ହେ ଜହନ୍ତିଂ ଝେଚାଟ୍ । ୫ କାଣାର୍ କାଣକୁ ହୁଡ଼ନାର୍, ମେଟାର୍ ତାଂନାର୍, ଗାଜା ରଗ୍ୟାର୍ ସକଟ୍ ଆନାର୍, ୬ ବଇରାର୍ ଝେନାର୍, ହାତାକାର୍ ନିଙ୍ଗନାର୍, ଆରେ ହିଲ୍ଝାକାର୍ ତାକେ ନେକ୍ରିକାରୁର୍ ସୁଣାୟ୍ କିୟାଆନାଡ଼; ୭ ଆରେ, ଆରେ ଇମ୍ଫି ମାନାୟ୍ ନାତାକେଣ୍ଟାଂ ବାଦା ପାୟା ଆଉନ୍, ହେଝାନ୍ ଦନ୍ୟ ।”

୮ ହେଝାର୍ ତାଙ୍ଗି ହାନିହିଂ ଜିସୁ ଜହନ୍ ବିସ୍ତେ ମାନାୟ୍ନିଂ ଇଞ୍ଜେଙ୍ଗ୍ ଲାଗାତାନ, ହୁଡ଼ଦେଂ ଇଞ୍ଜି ଏଚେକାଡ଼ଦ ବାଟାତ ହାଲ୍ଲି ମାଚାଦେର୍ ? ଇନାକା ହୁଡ଼ଦେଂ ହାଲ୍ଲି ମାଚାଦେର୍ ? ଇନାକା ଦୁକାତିଙ୍ଗ୍ ଜଲାଆନି ନାଡ଼ା ? ୯ ହେଦାଂ ଆଝିତିସ୍ ଏପେଙ୍ଗ୍ ଇନାକା ହୁଡ଼ଦେଂ ହସି ହାଲ୍ଲି ମାଚାଦେର୍ ? ଇନାକା ଦାମ୍ନି ହେୟା ଉସ୍ତି ର ମାନାୟ୍ତିଂ ? ହୁଡ଼ାଟ୍, ଇନେର୍ ଦାର୍ଜାହେୟା ଉସ୍ତିସ୍ ମାନାର୍, ହେଝାର୍ ରାଜା ଇଞ୍ଜି ମାନ୍ଗାନାର୍ । ୧୦ ହେଦାଂ ଆଝିତିସ୍ ଇନାକିଦେଂ ହସି ହାଲ୍ଲି ମାଚାଦେର୍ ? ଇନାକା ରଝାନ୍ ବେଣ୍ବାକ୍‌ଶାୟ୍‌କିନାକାନିଂ ହୁଡ଼ଦେଂ ? ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା, ବେଣ୍ବାକ୍‌ଶାୟ୍‌କିନାକାନତାଂ ଆଦିକ୍ ଗାଜା ମାନାୟ୍ତିଂ ହୁଡ଼ଦାଦେଣ୍ଟା । ୧୧ ଇନାବିସ୍ତେ ଇଦାଂ ଲେକା ମାନାଡ଼, ହୁଡ଼ାଟ୍ ଆପେଂ ଦୁଡ଼ତିଂ ମି ତାକେ ପକ୍ତା ନାପା, ହେଝାନ୍ ମି କାଜିଂ ମେହାଜି ରଚ୍ଚି ହିଦ୍‌ନାନ୍ ଇଝାନ୍ ହେ ମାନାୟ୍ । ୧୨ ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା, ପୁର୍ବେତାଂ ନଙ୍ଗ୍ ପାତେକ୍ ଇ ପୁଡ଼ିଂ ନି ଏଚେ ଜାଣ୍ ଚଞ୍ଚାର୍‌ନା, ଜହନ୍ ତାଙ୍ଗି ଗାଜାକାନ୍ ଇନେର୍ ହିଲୁର୍ । ମାତର୍ ସାଗେ ରାଜିତ ଇନେନ୍ ଝିଜାର୍‌ତାଂ ହିରୁକାନ୍, ହେଝାନ୍ ବାପ୍ତିସ୍ମିମ୍ ଜହନ୍ତାଂ ଗାଜାକାନ୍ । ୧୩ ଆରେ, ବାପ୍ତିସ୍ମିମ୍ ଜହନ୍ ସମ୍ପାତାଂ ନଙ୍ଗ୍ ପାତେକ୍ ସାଗେ ରାଜି ସାଲ୍ଲିତାଂ କାଟ୍ଟା ଆନାରା; ଆରେ, ସାଲ୍ଲିତାଂ କାଟ୍ଟାନାକାର୍; ବାଡ଼କାସ୍ତାଂ ହେଦାଂ ଆଦିକ୍ କିନାରା । ୧୪ ଇନାକିଦେଂକି ଝିଜାର୍ ବେଣ୍ବାକ୍‌ଶାୟ୍‌କିନାକାର୍ ଆରି ବିଦିନି ସାସ୍ତର୍ ଜହନ୍ ଝାନି ଦିନ୍ ପାତେକ୍ ମସାତି ବିଦି ବେଣ୍ବାକ୍‌ଶାୟ୍‌କିନାକାନ୍ ବିସ୍ତେ ଇଞ୍ଜି ମାଚାନ୍ । ୧୫ ଆରେ, ଏପେଙ୍ଗ୍ ଏଚେକାଡ଼ଦ ଇଡ଼ଦେଂ ମାନ୍ କିନାଦେର୍, ଲାଗିଂ ଇ ଜହନ୍ ଆନାନା, ହେଝାନ୍ ଏଲିୟ । ୧୬ ଇନେରିଂ କିତୁଲିଂ ମାନିକ୍, ହେଝାନ୍ ଝେନେନ୍ !

୧୭ “ମାତର୍ ଆନ୍ ଇନେର୍ ଲାହାଙ୍ଗ୍ ନଙ୍ଗିନି ମାନାୟ୍ନିଂ ତୁଲାଇ କିନାଙ୍ଗ୍ ? ଇମ୍ଫି କାଡ଼ଦେର୍ ଆଟ୍ ପାଦାତ କୁଚ୍ଚି ବିନେନିକାରିଂ କୁକ୍ଚି ଇନାର୍, ୧୮ ଆପେଂ ମି ତାକେ ହୁରୁଡ଼ି ତୁବ୍‌ତାପ୍, ଏପେଙ୍ଗ୍ ଏୟ୍‌ଝାତାଦେର୍; ଆପେଂ ଦୁକ୍‌କିତାପ୍, ଏପେଙ୍ଗ୍ ନେଞ୍ଜେତାକିତ ଇଡ଼ିୟା ଆଝାତାଦେର୍, ନଙ୍ଗିନି ନାର୍ ହେଝାର୍ ଲାକେ । ୧୯ ଇନାକିଦେଂକି ଜହନ୍ ଝାଜି ତିନ୍‌ଝାତାନ୍ କି ଉଝାତାନ୍, ଆରେ ଲକୁ ଇନାରା, ହେଝାନ୍ ପୁଦା ଆସ୍ତାଡ଼ନା । ୨୦ ମାନାୟ୍ ମାଜି ଝାଜି ତିନାଉଣା କିନାନ୍, ଲକୁ ଝିଜାର୍ ଇନାର୍, ହୁଡ଼ାଟ୍, ଇଝାନ୍ ରକାନ୍ ବାଡ଼ଝା ଆରି ମାଡ଼ଲି, ସିସ୍‌ସୁନ୍‌ନାକାର୍ ଆରେ ପାପିର୍ ହାଙ୍ଗ୍‌ଦାକାନ୍; ମତର୍ ଇସ୍ତର୍ ଗିଆନି ଜାର୍ କାମାୟ୍ ତାଙ୍ଗି ସମାନ୍ ଇଞ୍ଜି ପାର୍ମାଣ୍ ଆତାଡ଼ ।”

ପାତ୍ କିଝାତାର୍ ଗାଡ଼ଦାକାର୍ (ଲୁକ ୧୦:୧୩-୧୫)

୨୧ ଏଚେକାଡ଼ଦ ଇମ୍ଫି ଇମ୍ଫି ଗାଡ଼ଦ ତା ଆଦିକାର୍ ସାଲ୍ଲିନି କାମାୟ୍ କିୟାଆଜି ମାଚାଡ଼, ହେଝାନ୍ ହେ ଗାଡ଼ତିଙ୍ଗ୍ ହେଝାନ୍ ନିୟା କିଦେଙ୍ଗ୍ ଲାଗାତାନ, ଇନାକିଦେଂକି ହେଝାର୍ ମାନ୍‌ବାଦ୍‌ଲାଇ କିଝାଦାଂ ମାଚାର୍ । ୨୨ “ଏ ତାଣ୍ଟିନି କରାଜିନ୍, ଏ ତାଣ୍ଟିନି ବେଡ଼ସାଈଦା, ଇନାକିଦେଂକି ମି ବିତ୍ରେ ଇମ୍ଫି ଇମ୍ଫି ସାଲ୍ଲିନି କାମାୟ୍ କିୟାତାଡ଼ନା, ହେଦାଂ ଝିଜୁ ଇନାଝାତାଂ ସର ଆରି ସିଦନ୍ ତାକେ କିଆତାଡ଼ମା, ଲାଗିଂ ହେଝାର୍ ବେସିଦିନ୍ ପୁର୍ବେତାଂ ବାସ୍ତା ଉସ୍ତିସ୍ ନିସ୍ତାକେ କୁଚ୍ଚି ମାନ୍‌ବାଦ୍‌ଲାଇ କିତାର୍ମା । ୨୩ ଆଡ଼ିସ୍‌ପା ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଇସ୍ତର୍ ବିଚାର୍ ନାଜିଂ ମି ବାଟା ସର ଆରି ସିଦନ୍‌ନି ମାନାୟ୍ନିଂ ଆଦିକ୍ ଦୟା ଚଚ୍ଚାନାଡ଼ । ୨୪ ଆରେ, ଆଡ଼େ କପର୍ନାହୁମ୍, ନିକାଦେର୍ ଏପେଙ୍ଗ୍ ଜାର୍ତିଂ ସାଗେ ପାତେକ୍ ଲାମା ଆଦେଂ ଆଡ଼ନାୟ୍ ? କଝାଣ୍ ପାତାଲ୍‌ନି ଆଦାହାନାକା ଆନାଡ଼, ଇନାକିଦେଂକି ନି ବିତ୍ରେ ଇମ୍ଫି ଇମ୍ଫି ସାଲ୍ଲିନି କାମାୟ୍ କିୟାତାଡ଼ନା, ହେଦାଂ ଝିଜୁ ଏଚେକାଡ଼ଦ ସଦମ୍ ତାକେ କିଆତାଡ଼ମା, ଲାଗିଂ ହେଦାଂ ନେଞ୍ଜେଙ୍ଗ୍ ପାତେକ୍ ମାନ୍‌ଗାତାଡ଼ମା । ୨୫ ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା, ଇସ୍ତର୍ ବିଚାର୍ କିନାନ୍ ନିଙ୍ଗ୍ ତାଙ୍ଗି ନି ଦସ୍ ବାଟା ସଦମ୍ ଦେସ୍‌ନି ଦସ୍ ବେସି ଆନାଡ଼ ।”

* ୧୧:୫ ୧୧:୫ ଉକ୍ କିତାନ୍ ☆ ୧୧:୧୪ ୧୧:୧୪ ମାତ୍ରିକ ୧୭:୧୦-୧୩; ମାର୍କ ୯:୧୧-୧୩. ☆ ୧୧:୨୪ ୧୧:୨୪ ମାତ୍ରିକ ୧୦:୧୫; ଲୁକ ୧୦:୧୨.

ନା ତାକେ ୱାଜି ଜମାଟ୍
(ଲୁକ ୧୦:୨୧-୨୨)

୨୫ ହେୱାଡ଼ାଂ ଜିସୁ ପାଠାନା କିଜି ଇଚାନ, ଏ ଆବା, ସାଗେ ଆରି ପୁତ ଫାପୁ, ଏପେଙ୍ଗ ଗିଆନି ଆରି ବୁଦିୟା ମାନାୟାର ତାଙ୍ଗ ଇ ଓଜୁ ବିସ୍ତେ ଡକ୍ଟି ଇଡ଼ଜି ହିମଣାଙ୍ଗତାକେ ୱେଡ଼ଚାୟନା, ଇଦାଂ କାଜିଂ ନି ଜୁଝାର କିଦନାଙ୍ଗା; ୨୬ ଆବା, ଇନାକିଦେଂକି ଇଦାଂ ନି କାଣ୍ଡକୃତାଂ ଏଚେକସାରି ଆତାଡ଼ନ୍ନା ।

୨୭ *ନା ଆବା ନାଙ୍ଗେଙ୍ଗ ଓଜୁ ବିସ୍ତେ ନାବେ ସର୍ପି ଆତାଡ଼ନ୍ନା । ଆବାଂ ପିସ୍ତି ମାଜି ଆରେ ଇନେର୍ ପୁନୁର୍ ଆରି ମାଜି ପିସ୍ତି ଆବା ଆରେ ଇନେର୍ ପୁନୁର୍ । ମାଜି ଇମଣାକାର ତାକେ ଆବାଂ ହପ୍ପନାନ୍, କେବଲ୍ ହେୱାର ଆବାଂ ପୁଞ୍ଜେଙ୍ଗ ଆଡ଼ନାର ।

୨୮ “ଏ ୱାହନାକାଦେର୍ ଆରି ବଜପିଣ୍ଡି ମାନାୟ ନା ତାକେ ୱାଡୁ, ଆନ୍ ମିଙ୍ଗ ଜମଦେଂ ହିଦନାଂ । ୨୯ ନା ଜୁଝାଣ୍ଡ ଜାର ଜାର ଜପି ପିଣ୍ଡି, ଆରେ, ନା ତାକେ ହିକ୍ୟା କିୟାଟ୍, ଇନାକିଦେଂକି, ଆନ୍ ହୁଦାର ଆରି ଦାମ୍, ଆରେ ଏପେଙ୍ଗ ଜାର ଜାର ୱାସ୍ତିତ ଜମନାଦେର୍; ୩୦ ଆନ୍ ମି ଜପି ଇମଣି ଜୁଝାଣ୍ଡ ଇଚନାଂ, ହେଦାଂ ପିଣ୍ଡିଦେଂ ଆଡ଼ଞ୍ଜା । ଆରେ ମିଙ୍ଗ ଇମଣି ବଜ ହିଦନାଂ, ହେଦାଂ ବେସି ଉସାସ୍ ।”



ଜମ୍ନିବାର ବିସ୍ତେ ପର୍ସନ୍
(ମାର୍କ ୨:୨୩-୨୮; ଲୁକ ୬:୧-୫)

୧ ହେୱାଡ଼ାଂ ଜିସୁ ଜମ୍ନିବାର ନାଜିଂ ତାସ୍ ଜମିତିଂ ହିଜି ତାଙ୍ଗି ହାଲ୍ଜି ମାଚାନ୍, ଆରେ ତା ଚେଲାହିର୍ ନାସ୍କି ଆଜି ତାସ୍ନି ଜିକି ନାଡ଼ି ଚିଞ୍ଜେଙ୍ଗ ଲାଗାତାର । ୨ ମାତର୍ ପାରୁସିର୍ ହେଦାଂ ହୁଡ଼ଜି ଜିସୁଙ୍ଗ ଇଚାର, “ହୁଡ଼ାଟ୍, ଜମ୍ନିବାର ନାଜିଂ ଇନାକା କିନି ବିଦି ଆକାୟ, ହେଦାଂ ନି ଚେଲାର କିନାରା ।”

୩ ମତର୍ ହେୱାନ୍ ହେୱାରିଂ ଇଚାନ୍, “ଦାଉଦ୍ ଆରି ତା ହାଙ୍ଗଦାକାର ନାସ୍କି ଆନିହିଙ୍ଗ ହେୱାନ୍ ଇନାକା କିଜି ମାଚାନ୍, ହେଦାଂକି ଏପେଙ୍ଗ ପଡ଼ି କିଞ୍ଜାତାଦେଣ୍ଡା ? ୪ ହେୱାନ୍ ଇନେସ୍ କିଜି ଇସ୍ପର୍ ଇଞ୍ଜ ହଣ୍ଡି, ଇମଣି ଦର୍ସନି ରୁଟି କେବଲ୍ ମାପୁହେବାକିନାକାର ତିନି ବିଦି ମାଚାଟ୍, ମାଚାର ତା ଆରି ସାଙ୍ଗହିର୍ ତିକାନା ବିଦି ହିଲ୍ଝାତାଟ୍, ହେଦାଂ ହେୱାର ଚିଞ୍ଜି ମାଚାର । ୫ ମାତର୍ ଜମ୍ନିବାର ନାଜିଂ ମାପୁହେବାକିନାକାର ମନ୍ଦିର୍ ବିତ୍ତେ ଜମ୍ନିବାର୍ତିଂ ବିଚାଡ଼ କିଞ୍ଜିତିସ୍ ପା ହେୱାର ଦସ୍ ଆଉର୍, ବିଦିତାଂ ଏପେଙ୍ଗ ଇନାକା ଇଦାଂ ପଡ଼ି କିଞ୍ଜାତାଦେଣ୍ଡା ? ୬ ମତର୍ ଆନ୍ ମିଙ୍ଗେଙ୍ଗ ଇଞ୍ଜନାଙ୍ଗା, ମନ୍ଦିର୍ ତାଙ୍ଗ ଗାଜା ବିସ୍ତେ ଇବେ ମାନାଟ୍ ।

୭ *ସାସ୍ପର୍ ଇନାଟ୍ ଆନ୍ ପୁନାଙ୍ଗ ପୁଜା ମାନ୍ କିଞ୍ଜାଦାଂ ଦୟା ମାନ୍ କିନାଙ୍ଗ, ଇ କାତାନି ଅରଡ଼ ଜଦି ସଡ଼ ବୁଜାନାଦେର୍ ଦସିଲଗାରିଂ ଏପେଙ୍ଗ ଦସ୍ କିଞ୍ଜାତାଦେର୍ମା । ୮ ଇନାକିଦେଂକି ମାନାୟ ମାଜି ଜମ୍ନିବାର ନାଜିଂ ପା ମାପୁ ଆନାନ୍ ।”

ଞ୍ଜାଡ଼ି କେଇ ହାର ଆତାଡ଼
(ମାର୍କ ୩:୧-୬; ଲୁକ ୬:୬-୧୧)

୯ ଜିସୁ ହେ ବାହାତାଂ ହାଲ୍ଜି ହେୱାର କୁଟ୍ ମ ଇଞ୍ଜ ହଣ୍ଡାଗାତାନ୍ । ୧୦ ଆରେ ହୁଡ଼ାଟ୍, ହେବେ ରଞ୍ଜାନ୍ ଲକ୍ ମାଚାନ୍, ତା ର କେଇ ୱାଜିଜି ମାଚାଟ୍ । ଆରେ, ହେୱାର “ତା ବେରଣ୍ଡାଂ ଦାବା କିନି ହେଦାଂ କାଜିଂ ଜିସୁଙ୍ଗ ୱେନ୍‌ବାତାର, ଜମ୍ନିବାର ନାଜିଂ ଉଜ୍ କିନାକା ଇନାକା ବିଦି ମାନାଟ୍ ?”

୧୧ *ମାତର୍ ଜିସୁ ହେୱାରିଂ ଇଚାନ୍, ଜଦି “ଇନେର୍ଡି ରଞ୍ଜାଙ୍ଗ ମେଣ୍ଡା ମାନାଟ୍ ଆରି ହେଦାଂ ଜମ୍ନିବାର ନାଜିଂ କୁଇତାକେ ଆଡ଼ିସ୍ ଇନାକା ହେଦେଲିଂ ଜେ ତାଙ୍ଗେଙ୍ଗ ଆସ୍ତି ନିକୁନ୍, ଏଲେଙ୍ଗ ମାନାୟ ମି ବିତ୍ତେ ଇନେନ୍ ମାନାନ୍ ? ୧୨ ଲାଗିଂ, ମେଣ୍ଡା ତାଙ୍ଗ ମାନାୟ ଆରେ ଏଚେକ୍ ଆଦେକ୍ ଗାଜା । ବିଦି ଲାକେ ଜମ୍ନିବାର ନାଜିଂ ହାର କିନାକା ବିଦି ମାନାଟ୍ ।” ୧୩ ହେୱାଡ଼ାଂ ହେୱାନ୍ ହେ ମାନାୟ୍ତିଂ ଇଚାନ୍, ନି କେଇ ଲାମାୟ୍ କିଦା । ହେବେ ହେୱାନ୍ କେଇ ଲାମାୟ୍ କିଚାନ୍,

“ଆରେ ହେଦାଂ ଅଲ୍ଗା କେଇ ଲାକେ ଆରେ ହାରା ଆତାଡ଼ ।” ୧୪ ମାତର୍ ପାରୁସିର୍ ବାର୍ତ୍ତ ହାଲ୍ଜି ହେୱାନିଂ ବୁଡ଼ାୟ୍ କିନି କାଜିଂ ତା ବେରଣ୍ଡାଂ ମାନ୍‌ପାଟି କିଚାର ।

ଇସ୍ପର୍ ବାଟିକିତି ହେବାକାରୟା ଜିସୁ

୧୫ ଜିସୁ ହେଦାଂ ପୁଞ୍ଜି ହେବେତାଂ ହେ ବାହା ପିସ୍ତି ହସି ହାଚାନ୍, ହେନି ତା ପାଚେ ପାଚେ ହାଚାର, ଆରେ ହେୱାନ୍ ଓଜାର ରଗ୍ୟାରିଂ ଉଜ୍ କିଚାନ୍ । ୧୬ ଆରେ, ତାଙ୍ଗେଙ୍ଗ ୱେଡ଼ଓଜି କାଜିଂ ହେୱାନ୍ ହେ ବାନ୍ୟା ପୁଦାକାଂ ବେସି ତାଟ୍ କିଜି ବଲ୍ ହିଚାନ୍, ୧୭ ଇନେସ୍କି ଜିସାୟ୍ ବେଶ୍‌ବାକ୍‌ଶାୟ୍ କାଜିଂ ଏକାତାର ପୁରା ଆନାଟ୍,

☆ ୧୧:୨୨ ୧୧:୨୭ ଜହନ୍ ୩:୩୫; ଜହନ୍ ୧:୧୮; ୧୦:୧୫. ☆ ୧୨:୬ ୧୨:୬ ମାତ୍ରିକ ୯:୧୩. ☆ ୧୨:୧୧ ୧୨:୧୧ ଲୁକ ୧୪:୫.

୧୮ “ହୁଡ଼ାଟ୍, ମା ଆଡ଼ିଏନ୍, ଇନେରିଂକି ଆପେଙ୍ଗ ବାଟି କିତାପନ୍ନା; ମା ଖାରିନି ମାଜି ଇନେର୍ ତାକେ କି ଆପେଂ ଜିବୁନ୍ନି
 ବେସି ଖାରି
 ଆସେଙ୍ଗ୍ ତା ଜପି ନା ଜିବୁନ୍ ଜୁଦନାଡ଼,
 ଆରେ ହେଝାନ୍ ପାତର୍ କିଝି ଜିହୁଦିର୍ ଲାଗାଂ ନ୍ୟାୟ ବିଚାର କିଜି ସୁଣାୟ କିନାନ୍ ।
 ୧୯ ହେଝାନ୍ କୁଲର୍ କିଉନ୍ କି ଗାଜା କାଟ୍ ସୁଣାୟ କିଉନ୍,
 କି ହାକଡ଼ିତ ହେଝାନ୍ତି କାଟ୍ ଇନେର୍ ଝେନୁର୍
 ୨୦ ନାଦାର କାଟାକାରିଂ କାଜିଂ ହେଝାନ୍ ହୁଦାର ବେବାର କିନାନ୍ ନାଡ଼ା
 ଆରି ସାଇଜ ହିଲ୍‌ଖାକାରିଂ ଉପକାର କିନାନ୍ ।
 ନ୍ୟାୟ ବିଚାର ଆଝି ପାତେକ୍ ହେଝାନ୍ କି ସଦୁମ୍ ନୁଲ୍‌କଦାନି ବଇଟାତିଂ ପାଗୁନ୍ ।
 ୨୧ ଆରେ ତା ତରଦ ପାତର୍ କିଝି ଜିହୁଦିର୍ ଆହା କିତାର୍ ।”

ଜିସୁ ଆରି ବାଲ୍‌ଜିବୁଲ୍
 (ମାର୍କ ୩:୨୦-୩୦; ଲୁକ ୧୧:୧୪-୨୩)

୨୨ ହେଝାଡ଼ାଂ ରଝାନ୍ ପୁଦା ଆହ୍‌ୟାତି କାଣାଂ ଆରି କନ୍ୟାଲଗାଂ ତା ତାକେ ତାହିଝାତାର୍, ଆରେ ଜିସୁ ତାଙ୍ଗେଙ୍ଗ୍ ଉଜ୍
 କିତାନ୍; ହେବେ ହେ କନ୍ୟା ବେଣ୍ ଇଞ୍ଜେଙ୍ଗ୍ ଆଡ଼ତାନ୍ ଆରି ହୁଡ଼ଦେଂ ଆଡ଼ତାନ୍ । ୨୩ ଆରେ, ମାନାୟାର୍ କାବା ଆଜି
 ଇଞ୍ଜେଙ୍ଗ୍ ଲାଗାତାର୍, “ଇଝାନ୍ ଇନାକା ଦାଉଦ୍ ମାଜି ଆକାୟ୍ ?”

୨୪ *ମତର୍ ପାରୁସିର୍ ହେଦାଂ ଝେନଞ୍ଜି ଇଚାର୍, “ଇ ମୁଣିକା ଗାଜାପୁଦା ବାଲ୍‌ଜିବୁଲ୍ ଉପକାରତାଂ ପୁଦାଂ ପିହିକିଉନା
 ।”

୨୫ ମାତର୍ ଜିସୁ ହେଝାର୍ ମାଜି ଏଡ଼ ପୁଞ୍ଜି ହେଝାରିଂ ଇଚାନ୍, “ଇମ୍‌ଣି ରାଜି ରିବାଗ୍ ଆଜି ଜାର୍ ବେରୁତାଂ ନିଙ୍ଗନାଡ଼,
 ହେଦାଂ ଦୁଡ଼ି ଆଜି ହାନାଡ଼; ଆରେ, ଇମ୍‌ଣି ଗାଡ଼୍ କି ଇଲ୍ ରିବାଗ୍ ଆଜି ଜାର୍ ବେରୁତାଂ ନିଙ୍ଗନାଡ଼ ହେଦାଂ ତିର୍
 ଆଜି ମାଞ୍ଜେଙ୍ଗ୍ ଆଡ଼ୁଡ଼ । ୨୬ ଆରେ, ସୟତାନ୍ ଜଦି ସୟତାନ୍ତିଂ ପିହିକିତିସ୍, ତା ଆଡ଼ିସ୍ ହେଦାଂ ରିବାଗ୍ ଆଜି ଜାର୍
 ବିରୁଡ଼ତାଂ ନିଙ୍ଗତାତେ; ଲାଗିଂ ତା ରାଜି ଇନେସ୍ ତିର୍ ଆଜି ମାନାଡ଼ ? ୨୭ ଆନ୍ ଏତେକାଡ଼ଦ୍ ବାଲ୍‌ଜିବୁଲ୍ ଉପକାରତାଂ
 ପୁଦାକାଂ ପିହିକିନାଙ୍ଗ୍, ଲାଗିଂ ମି ମାଜିର୍ ଇନେର୍ ଉପକାରତାଂ ହେଝାକାଂ ପିହିକିନାର୍ । ଲାଗିଂ ହେଝାର୍ ନେ ମିଙ୍ଗେଙ୍ଗ୍
 ବିଚାରକାରୟାର୍ ଆଦନାର୍ ! ୨୮ ମାତର୍ ଆନ୍ ଜଦି ଇସ୍‌ସ୍ ଝାସ୍ ସାଇଜତାଂ ପୁଦାକାଂ ପିହିକିନାଙ୍ଗ୍, ଇଦାଂ କାଜିଂ ପାର୍ମାଣ୍
 ଆନାଡ଼ ସାଗେ ରାଜି ମି କାଜିଂ ଏକା ଝାତାତେ ।”

୨୯ “କି ଇନେର୍ ପର୍ତୁମ୍ ସାଲ୍ ଲଗାଂ ଗାଡ଼ିତିସ୍ ଇନେସ୍ କିଜି ତାଞ୍ଜି ହଣ୍‌ଗିସ୍ ତା ଦାନ୍ ସବୁ ଚର୍ କିଦେଙ୍ଗ୍ ଆଡ଼ନାନ୍ ?
 ତାଙ୍ଗେଙ୍ଗ୍ ଆଗେ ଗାଡ଼ିତିସ୍ ହିନା ତା ଇଲ୍ ଚର୍ କିଦେଙ୍ଗ୍ ଆଡ଼ନାନ୍ ।”

୩୦ * “ଇନେନ୍ ନା ପାକ୍ୟା ଆକାୟ୍, ହେଝାନ୍ ନା ବେରିୟା, ଆରେ ଇନେନ୍ ନାଲାହାଂ ରୁଣ୍ଡାୟ୍ କିଉନ୍, ହେଝାନ୍ ଜେଡ଼େ
 କେତେ କିନାନ୍ । ୩୧ ଆଡ଼ିସ୍‌ପା, ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା ମାନାୟାର୍ ଝିଜୁ ପାପ୍ ଆରି ନିନ୍ୟା କାତା କେମା କିୟା ଆନାଡ଼,*
 ମାତର୍ ଝାସ୍ ବେରୁ ନିନ୍ୟା କେମା କିୟା ଆଡ଼ଡ଼ । ୩୨ ଆରେ, ଇନେର୍ ଆୟେଡ଼ ମାନାୟ୍ ମାଜି ବେରୁତାଂ କାତା ଇନାନ୍,
 ତାଙ୍ଗେଙ୍ଗ୍ କେମା ହିୟା ଆନାଡ଼, ମାତର୍ ଇନେର୍ ଆୟେଡ଼ ପୁଇପୁୟା ଜିବୁନ୍ ବେରୁତାଂ କାତା ଇନାନ୍, ଇ ଜୁଗ୍‌ତ କି
 ପାଚେନି ଜୁଗ୍‌ତ ତାଙ୍ଗେଙ୍ଗ୍ କେମା ହିୟା ଆଡ଼ଡ଼ ।”

ମାର୍ ଆରି ତା ପାଡ଼୍
 (ଲୁକ ୬:୪୩-୪୫)

୩୩ “ହାଦର୍ ପାଡ଼୍ ଆହ୍‌ନି କାଜିଂ ମାର୍ ବାଡ଼କାସ୍ ଆନାକା ମାନାଡ଼ । ମିଦାଙ୍ଗ୍ ବାନ୍ୟା ମାର୍ ମାଡ଼ିସ୍ ହେବେତାଂ ଏପେଙ୍ଗ୍
 ବାନ୍ୟା ପାଡ଼୍ ପାୟା ଆନାଦେର୍ । ଇନାକିଦେଂକି ପାଡ଼୍ କାଜିଂ ମାର୍‌ତିଂ ପୁନ୍ୟା ଆନାଡ଼ । ୩୪ *ଆଡ଼େ କାଲାଟିରାନ୍‌ନି ଲାଡ଼ା,
 ଏପେଙ୍ଗ୍ ବାନ୍ୟା ଆଜି ଇନେସ୍ ବାଡ଼୍ ହାର୍‌ଦି କାତା ଇଞ୍ଜେଙ୍ଗ୍ ଆଡ଼ନାଦେର୍ ? ଇନାକିଦେଂକି ମାନ୍‌ନି ବାଡ଼୍ ତାଂ ଝେଇଦି
 କାତା ଇନାନ୍ । ୩୫ ହାଦର୍ ଲଗୁ ହାର୍‌ଦି ଝାସ୍‌ତାଂ ହାଦର୍ ଆଡ଼ମାଡ଼୍ ହପ୍‌ନାନ୍ । ଆରେ ବାନ୍ୟା ଲଗୁ ବାନ୍ୟା ଝାସ୍‌ତାଂ ବାନ୍ୟା
 ଆଡ଼ମାଡ଼୍ ହପ୍‌ନାନ୍ ।”

୩୬ “ମାତର୍ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ମାନାୟାର୍ ଇନେସ୍ ବାଡ଼୍ ପଲ୍ୟା କାତା ଇନାର୍, ବିଚାଣ୍ଡା-ନାଜିଂ ହେଝାର୍
 ହେବେନି ଉତର୍ ହିନାର୍; ୩୭ ମି କାତା କାଜିଂ ଏପେଙ୍ଗ୍ ବିଚାର୍ କିୟା ଆଜି ଦସିଆକାଇ ଦସି ଇଞ୍ଜି ପାର୍ମାଣ୍ ଆନାଡ଼ ।”

ଜୁନୁସ୍‌ତି ତିନ୍
 (ମାର୍କ ୮:୧୧-୧୨; ଲୁକ ୧୧:୨୯-୩୨)

୩୮ *ହେ ପାଦନା ସାସ୍‌ସିର୍ ଆରି ପାରୁସିର୍ ବିଡ଼େ କେଡ଼ ଜାଣ୍ ତାଙ୍ଗେଙ୍ଗ୍ ଉତର୍ ହିତାର୍, “ଏ ଗୁରୁ, ଆପେଂ ନିତାକେନ୍‌ଶ୍ଟାଙ୍ଗ୍

* ୧୨:୨୪ ୧୨:୨୪ ମାତ୍ରିକ ୯:୩୪; ୧୦:୨୫. * ୧୨:୩୦ ୧୨:୩୦ ମାର୍କ ୯:୪୦. * ୧୨:୩୧ ୧୨:୩୧ ଇସ୍‌ସ୍‌ତ ବିରୁଦ୍‌ତ ବାନ୍ୟା କାତା ଇଚାର୍ * ୧୨:୩୪
 ୧୨:୩୪ ମାତ୍ରିକ ୩:୬; ୨୩:୩୩; ଲୁକ ୩:୬; ମାତ୍ରିକ ୧୫:୧୮; ଲୁକ ୬:୪୫. * ୧୨:୩୮ ୧୨:୩୮ ମାତ୍ରିକ ୧୭:୧; ମାର୍କ ୮:୧୧; ଲୁକ ୧୧:୧୭.

ର ଚିନ୍ ହୁଡ଼ଦେଂ ମାନକିନାପା ।”

୩୯ ଜିସୁ ହେୱାରିଂ ଉତର ହିତାନ, “କେତେକ ଦାରି ଆରି ଇସ୍ବରତିଂ ପାତ୍ କିୱାକାନ୍ ତେକନାର୍, ମତର୍ ବେଶ୍ବାକ୍ଷାୟକିନାକାନ୍ ଜୁନସ୍ ଚିନ୍ ପିସ୍ସି ଅଲ୍ଗା ଇନା ଚିନ୍ ହେୱାରିଂ ହିୟା ଆଉଡ଼ । ୪୦ ଜୁନସ୍ ଇନେସ୍ ତିନ୍ ଦିନ୍ ଆରି ତିନ୍ ରାତି ଗାଜା ମିନ୍ ପଟ ବିତ୍ରେ ମାଚାନ୍, ମାନାୟ୍ ମାଜି ହେ ଲାକେ ତିନ୍ ଦିନ୍ ଆରି ତିନ୍ ରାତି ମେଦ୍ନି ପୁତ୍ ନି ଗରବ୍ ବିତ୍ରେ ମାନ୍ଗାନାନ୍ । ୪୧ ବିଚାର୍ଣ୍ଣାତ ଦିନ୍ ନିନିବିନି ମାନାୟାର୍ ମି ବିରୁଦ୍ଦତ ଦାବା କିଦେଙ୍ଗ୍ ନିଲ୍ନାର୍, ଇନାକିଦେଂକି ହେୱାର୍ ଜୁନସ୍ତ ସୁଶାୟ୍ କିନାକା ୱେନ୍ଝି ହେୱାର୍ ପାପ୍ ହାଜିତାଂ ମାନ୍ବାଦଲ୍ଲାୟ୍ କିତାର୍ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଜୁନସ୍ ତାଙ୍ଗ୍ ଗାଜାକାନ୍ ରୱାନ୍ ଇବେ ମାନାନ୍ । ୪୨ ଆରେ, ଜେନ୍ଦାଗାଙ୍ଗ୍ ଦେସ୍ନି ରାଣି ବିଚାର୍ଣ୍ଣାତ ଇ ନଙ୍ଗ୍ନି ଆଣ୍ଡାଙ୍ଗ୍ ଲାହାଙ୍ଗ୍ ନିଙ୍ଗ୍ନି ଇୱାରିଂ ଦସି କିନାଡ଼, ଇନାକିଦେଂକି ହେଦେଲ୍ ସଲମନ୍ତି ବୁଦିନି କାତା ୱେଞ୍ଜେଙ୍ଗ୍ ପୁତ୍ ନି ବାଗାତାଂ ୱାଜି ମାଚାଡ଼, ଆରେ ହୁଡ଼ା, ସଲମନ୍ତାଂ ଗାଜା ବିସ୍ସେ ଇ ବାହାତ ମାନାଡ଼ ।”

ବାନ୍ୟା ୱାସ୍ନିନି ସାକ୍ତି ମାନାଡ଼
(ଲୁକ ୧୧:୨୪-୨୬)

୪୩ “ବାନ୍ୟା ଜିରୁନିଂ ରକାନ୍ ମାନାୟତିଂ ହସି ହାତି ପାଚେ ଏଜୁଂ ହିଲ୍ଝି ବାହା ସବୁ ବୁଲ୍ଲା ଆଜି ଜମ୍ବଦେଂ ତେକନାଡ଼ ଆରି ହେଦାଂ ଗାଟା ଆଉଡ଼ । ୪୪ ହେବେ ହେଦାଂ ଇନାଡ଼, ଆନ୍ ଇମ୍ଫାଣି ଇଞ୍ଜାଙ୍ଗ୍ ହସି ୱାତାଂନା, ଆନ୍ ହେ ଇଞ୍ଜ ମାସ୍ଦି ହାନାଙ୍ଗ୍; ଆରେ, ହେଦାଂ ୱାଜି ହେ ବାହା ୱାରାକା, ଆରି ନିର୍ମଲ୍ ହୁଡ଼ତାଡ଼ । ୪୫ ହେପାଦନା ହେଦାଂ ହାଲ୍ଜି ଜାର୍ତାଂ ଆଦିକ୍ ବାନ୍ୟା ଆରେ ସାଡ଼ଗଟା ପୁଦାଂ ରଚେ ତାସି ୱାନାଡ଼, ଆରେ, ହେୱାଙ୍ଗ୍ ହସ୍ଜି ହେବେ ବାହାକିନିକ୍, ଆରେ ହେ ଲକ୍ତି ପର୍ଡୁମ୍ ଦସା ତାଙ୍ଗ୍ ହାରିହାରା ଦସା ଆଦେକ୍ ବାନ୍ୟା ଆନାନ୍ । ଇ ବାନ୍ୟା ଆଣ୍ଡେନ୍ ଇ ଜୁଗ୍ନି ମାନାୟାର୍ ହାର୍ ଗିଟା ଆନାଡ଼ ।”

ଜିସୁତି ତେହି ଆରି ଟଣ୍ଡାହିର୍
(ମାର୍କ ୩:୩୧-୩୫; ଲୁକ ୮:୧୯-୨୧)

୪୬ ଜିସୁ ମାନାୟାର୍ ଲାହାଙ୍ଗ୍ କାତା ଆନିୱେଡ଼ାଂ, ତାଞ୍ଜି ଆୟା ଆରି ଟଣ୍ଡାହିର୍ ବାର୍ତ ନିଲ୍ଚି ତା ଲାହାଙ୍ଗ୍ ବେଶ୍ କିଦେଙ୍ଗ୍ ଇଚା କିଜି ମାଚାର୍ । ୪୭ ହେବେ ରକାନ୍ ତାଙ୍ଗେଙ୍ଗ୍ ଇଚାନ୍, “ହୁଡ଼ା, ମିଞ୍ଜି ଆୟା ଆରି ଟଣ୍ଡାର୍ ବାର୍ତ ନିଲ୍ଚି ନି ଲାହାଙ୍ଗ୍ ବେଶ୍ କିଦେଙ୍ଗ୍ ମାନ୍ କିନାରା ।”†

୪୮ ମାତର୍ ଜେ ତାଙ୍ଗେଙ୍ଗ୍ ଇ କାତା ଇଚାନ୍, ତାଙ୍ଗେଙ୍ଗ୍ ଜିସୁ ଉତର ହିତାନ, “ମାଞ୍ଜି ଆୟା ଇଦେଲ୍ ? ଆରେ, ନା ଟଣ୍ଡାର୍ ଇନେର୍ ?” ୪୯ ଆରେ, ଜିସୁ ତା ଚେଲାହିର୍ ନିପ କେଇ ଚର୍ଚି ଇଚାନ୍, “ହୁଡ଼ା, ମାଞ୍ଜି ଆୟା ଆରି ମାଞ୍ଜି ଟଣ୍ଡାର୍, ୫୦ ଇନେର୍କି ସାଗେନି ଆବାତି ଇଚା କିନାନ୍, ହେୱାନ୍ ନା ଟଣ୍ଡାର୍, ତଶ୍ଦେକ୍ ଆରି ଆୟା ।”

୧୩

ବିୟାନ୍ ୱିଡ଼ନି ଉତର୍ମୁଡ଼ କାତା
(ମାର୍କ ୪:୧-୯; ଲୁକ ୮:୪-୮)

୧ ହେ ନାଜିଂ ଜିସୁ ଇଞ୍ଜାଙ୍ଗ୍ ହସି ହାଲ୍ଜି ହାମ୍ବୁର୍ ଗୁଚିତ ହେବେ ହିକ୍ୟା ହିଦେଂ କୁଚ୍ଚାନ । ୨ *ହେବେ ତା କଚଶ୍ଚ ବେସି ମାନାୟ୍ ରୁଣ୍ଡା ଆତିଲେ ହେୱାନ୍ ହାଲ୍ଜି ର ତଙ୍ଗାତ କୁଚ୍ଚାନ, ଆରେ ମାନାୟାର୍ ଗୁଚିତ ମାଚାର୍ ତା କାତା ୱେନ୍ଝି ମାଚାର୍ । ୩ ଆରେ, ଜିସୁ ଉତର୍ମୁଡ଼ ହୁକେ ହେୱାରିଂ ବେସି କାତା ଇଚାନ୍, ହୁଡ଼ାଡ଼,

“ରକାନ୍ ୱିଡ଼ନାକାନ୍ ୱିଦ୍ଦେଂ ହଡ଼ତାନ । ୪ ହେୱାନ୍ ୱିଡୁ ୱିଡୁ କେତେକ୍ ବିୟାନ୍ ହାଜି କଚଶ୍ଚ ଆର୍ତାଡ଼, ଆରେ ପଟିଂ ୱାଜି ହେୱାକାଂ ତିନ୍ଝି ହାଚିକ୍ । ୫ ଆରେ କେତେକ୍ ଅଲ୍ପ୍ ଚିକ୍ଲା ମାନି ଚେର୍ରା ବୁଇତ୍ ଆର୍ତାଡ଼ ଆରି ବାଜେକ୍ ଚିକ୍ଲା ହିଲ୍ଝିତିଲେ ଚାଣ୍ଡେକ୍ ନେସ୍ତାଡ଼, ୬ ମାତର୍ ୱେଡ଼ା ହଡ଼ତିଲେ, କାଡ଼ତାଡ଼ ଆରେ ଚିରା ହିଲ୍ଝିତିଲେ ୱାଜି ହାଚାଡ଼ । ୭ ଆରେ କେତେକ୍ ୱାଡ଼ି ମାର୍କୁକାଂ ପା ଆର୍ତାଡ଼, ଆରେ ୱାଡ଼ିଙ୍ଗ୍ବୁଗାଙ୍ଗ୍ ପାନ୍ତି ହେୱାଙ୍ଗ୍ ଚାପି କିଡିକ୍ । ୮ ମତର୍ ବିନେ କେତେକ୍ ହାଦ୍ ମେଦ୍ନିତ ଆର୍ତାଡ଼ ଆରି ପାଡ଼ ଆସ୍ତାଡ଼, କେତେକ୍ ପାଞ୍ଚକଡ଼ି ଗାଡ଼ହା, ଆଦିକ୍ କେତେକ୍ ତିନକଡ଼ି ଗାଡ଼ହା, ଆଦିକ୍ ଆରେ କେତେକ୍ ଚିକଡ଼ିଦସ୍ ଗାଡ଼ହା ଆଦିକ୍ ।”

୯ ଜିସୁ ଇଚାନ୍ “ଇନେରିଂ କିଡୁଲିଂ ମାନିକ୍, ହେୱାନ୍ ୱେନେନ୍ ।”

ଉତର୍ମୁଡ଼ ଉଦେସ୍
(ମାର୍କ ୪:୧୦-୧୨; ଲୁକ ୮:୯-୧୦)

୧୦ ଇଦାଂ ପାଚେ ଚେଲାର୍ ତା କଚଶ୍ ୱାଜି ୱେନ୍ଦାତାର୍, “ଏନ୍ ଇନାକିଦେଂ ହେୱାରିଂ ଉତର୍ମୁଡ଼ ହୁକେ କାତା ଇନାୟା ?”

† ୧୨:୪୭ ୧୨:୪୭ କେତେକ୍ ପତିତ ୪୭ ପଦ୍ ହିଲ୍ଚୁ * ୧୩:୨ ୧୩:୨ ଲୁକ ୫:୧-୩

୧୧ ଜିସୁ ଉତର ହିତାନ, “ଇନାକିଦେଂକି ସାଗେ ରାଜି ବିତ୍ରେନି ବେରଣ୍ ସବୁ ପୁନି କାଜିଂ ମିଙ୍ଗେଙ୍ଗ୍ ସାକ୍ତି ହିଦୟା ଆତାଡ଼ନା, ମାତର ହେଝାରିଂ ହିୟାଝାତାଡ଼ନା । ୧୨ *ଲାଗିଂ ଇନେରତି ବେସି ମାନାଡ଼, ତାଙ୍ଗେଙ୍ଗ୍ ହିୟାନାଡ଼, ଆରେ ତାଦାଙ୍ଗ୍ ବାଜେକ୍ ଆନାଡ଼; ମାତର ଇନେରିଂ ହିଲୁଡ଼, ତାତାକେ ଇନାକା ମାନାଡ଼, ହେଦାଂ ନେ ତା ତାକେଣ୍ଡାଂ ଅୟାନାଡ଼ । ୧୩ ହେଝାରିଂ ଆନ୍ ଉତରମୁଡ଼ ଲାହାଙ୍ଗ୍ ଇନାଙ୍ଗା, ହେଝାର୍ ହୁଡ଼ଜି ହୁଡ଼ଜି ହୁଡ଼ଦେଂ ଆଡୁର ଆରି ଝେନୁ ଝେନୁ ଝେଝେଙ୍ଗ୍ ଆଡୁର କି ବୁଜାଆଦେଂ ଆଡୁର । ୧୪ ଆରେ, ଜିସାୟତି ଇ ବେଣ୍‌ବାକ୍‌ଶାୟକିନାକା ହେଝାର୍ ବିସ୍ତେ ପୁରା ଆନାତା,

ଏପେଙ୍ଗ୍ ଝେନୁ ଝେନୁ ଝେନାଦେର, ମାତର ଇନେସ୍ ବାନି ବୁଜାଉଦେର,
ଆରେ ହୁଡ଼ଜି ହୁଡ଼ଜି ହୁଡ଼ନାଦେର, ମାତର ଇନେସ୍ ବୁଜାଉଦେର;

୧୫ ଇନାକିଦେଂକି ଇ ମାନାୟାର୍‌ତି ଜିବୁନ୍ ବଝାଡ଼ ଆତାଡ଼,
ହେଝାର୍ କିଡୁଲ୍‌ତ କସ୍‌ତାଂ ଝେଚାର୍ ଆରି ଜାର୍ ଜାର୍ କାଣ୍‌କୁ ଜୁଟ୍‌ଚାର୍,
ଇନେସ୍ ହେଝାର୍ କାଣ୍‌କାତାଂ ହୁଡ଼ର
ହେଦାଂ ଆଝିତିସ୍ ହେଝାର୍ କିଡୁଲ୍‌ତ ଝେଝେଙ୍ଗ୍ ଆଡ଼ତାର୍‌ମା,
ଆରେ ମାତ୍ର ବୁଜାଆଦେଂ ଆଡୁର, ଆରେ ମାସଦି ଝାଉର,
ଆରେ ଆପେଂ ହେଝାରିଂ ଉଜ୍ କିଦେଙ୍ଗ୍ କପ୍ ।”

୧୬*“ମାତର ଦନ୍ୟ ମି କାଣ୍‌କୁ, ଲାଗିଂ ହେଦାଂ ହୁଡ଼ନାଡ଼; ଦନ୍ୟ ମି କିଡୁଲିଂ, ଲାଗିଂ ହେଦାଂ ଝେନାନ୍ । ୧୭ ଇନାକିଦେଂକି ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା, ଏପେଙ୍ଗ୍ ଇନା ଇନାକା ହୁଡ଼ନାଦେର, ହେ ଝିଜୁ ବେସି ବେଣ୍‌ବାକ୍‌ଶାୟ ଆରି ଦାମ୍ ମାନାୟାର୍ ହୁଡ଼ଦେଂ ମାନ୍ କିତାର୍, ମାତର ହୁଡ଼ଝାତାର୍; ଆରେ, ଏପେଙ୍ଗ୍ ଇନା ଇନାକା ଝେଚାଦେଣ୍ଡା, ହେ ସବୁ ହେଝାର୍ ଝେଝେଙ୍ଗ୍ ମାନ୍ କିତାର୍, ମାତର ଝେଝେଙ୍ଗ୍ ଆଡ଼ଝାତାର୍ ।”

ଝିଡ଼ନାକାନ୍ତି ବିସ୍ତେ ଉତରମୁଡ଼
(ମାର୍କ ୪:୧୩-୨୦; ଲୁକ ୮:୧୧-୧୫)

୧୮ “ଲାଗିଂ ଝେନାଡ଼, ବିୟାନ୍ ଝିଡ଼ନାକାନ୍ ଉତରମୁଡ଼ନି ଅରଡ଼ ଇନାନ୍ନା । ବୁଜାଆଦେଂ ସେସ୍ କିୟାଡ଼ । ୧୯ ଇନେରକି ରାଜିନି ବଚନ୍ ଝେନ୍‌ଞ୍ଜି ବୁଜା ଆଉର, ସୟତାନ୍ ଝାଜି ତା ମାନ୍‌ତ ଇନାକା ଝିଡ଼ୟାଜି ମାତାଡ଼, ହେଦାଂ ଉନ୍‌ଦି ଅନାଡ଼, ହେଝାନ୍ ରଝାନ୍ ଝିଡ଼ତି ହାଜି ଗୁଟିତ ଆଜିଂ ମାନି ବିୟାନ୍ ଲାକେ । ୨୦ ଇନେର ଇସ୍‌ତ ବଚନ୍ ଆଏଡ଼ ବେରଣ୍ ଝେଡ଼ତି ଦାପ୍ରେ ଝାରୟା ଆଜି ହେଦାଂ ମାନି କିତାର୍, ହେଝାର୍ କାଲ୍‌କୁକୁଡ଼ି ବୁଇଟ୍ ଆଜିଂ ମାନି ବିୟାନ୍ ଲାକେ, ୨୧ ହେଝାର୍‌ତି ଚିରାଂ ଦେହା ହାଲ୍‌ଝାଦାଂ ମାତିଲେ ହେଝାର୍ ହେଦେଲିଂ ବେସି ସମୁ ଆସ୍ତି ଇଡ଼ଦେଂ ଆଡୁର । ଇ କାରୁର କାଜିଂ ଏଚେକାଡ଼ଦ କସ୍ କି ନିନ୍ଦା ଝାତିସ୍ ହେଝାର୍ ଦାପ୍ରେ ହେଦେଲିଂ ପିହ୍‌ନାର୍ । ୨୨ ଇନେନ୍ ଇସ୍‌ତ ବେରଣ୍ ଝେନାନ୍, ଆରେ ସଁସାର୍‌ନି ଚିନ୍ତା ଆରି ଦାନ୍‌ନି ବାୟା ବେଣ୍‌ତିଙ୍ଗ୍ ଚାପି କିନାଡ଼, ଆରେ ହେଝାନ୍ ପାଡ଼ ଆହେନ୍, ହେ ରଝାନ୍ ଝିଡ଼ୟାତି ଝାଡ଼ି ମାର୍‌କୁ ତାରେନ୍ ଲାକେ । ୨୩ ମାତର ଇନେର ବଚନ୍ ଝେନ୍‌ଞ୍ଜି ବୁଜାଆନାନ୍, ହାଦିଂ ଜମିତ ଆଜିଂ ମାତି ବିୟାନ୍ ଲାକେ ହେଝାର୍ ହାଦିଂ ପାଡ଼ ଆହ୍‌ନାଡ଼, ଇନେନ୍ ପାଞ୍ଚକଡ଼ି ଗାଡ଼ହା ଆଦିକ୍, ଇନେନ୍ ତିନକଡ଼ି ଗାଡ଼ହା ଆଦିକ୍, ଇନେନ୍ ରିକଡ଼ିଦସ୍ ଗାଡ଼ହା ଆଦିକ୍ ପାୟାନାନ୍, ହେଝାନ୍ ଝିଡ଼ୟାତି ହାଦିଂ ମେଦ୍‌ନି ଲାକେ ।”

କାତ୍ରା ଉତରମୁଡ଼

୨୪ “ଜିସୁ ହେଝାରିଂ ଆରେ ର ଉତରମୁଡ଼ ହିଜି ଇଚାନ୍, ସାଗେ ରାଜି ଜାର୍ ଜମିତ ହାଦିଂ ବିୟାନ୍ ଝିଡ଼ିମାତି ର ମୁଣିକା ଲାକେ; ୨୫ ମତର ଲକୁ ହୁଟ୍‌କାଣ୍‌କୁ ହନିହିଙ୍ଗ୍ ତା ସାତୁ ଝାଜି ହେ ଗାମ୍ ବିୟାନ୍ ବିତ୍ରେ କାତ୍ରା ଝିଡ଼ି ତାଙ୍ଗି ହାଚାନ୍ । ୨୬ ଏଚେକାଡ଼ଦ ଆକିଂ ହସି ପାଡ଼ ଆସ୍ତେଙ୍ଗ୍ ଲାଗାତାଡ଼, ହେ ପାଦ୍‌ନା କାତ୍ରା ପା ଚଞ୍ଜିୟାଆତାଡ଼ । ୨୭ ହେବେ ଇଞ୍ଜିମୁଣିକାଂ ହଲ୍ୟାହିର ତା କଚଣ୍ ଝାଜି ଇଚାର୍, ହାଉକାର୍, ଏନ୍ ଇନାକା ଜାର୍ ଜମିତାକେ ହାଦିଂ ବିୟାନ୍ ଝିଡ଼ିଝାଦାଂ ମାଚାୟ୍? ଲାଗିଂ କାତ୍ରାଂ ଇମେଣ୍ଡାଂ ଆତାଡ଼? ୨୮ ହେଝାନ୍ ହେଝାରିଂ ଇଚାନ୍, ରକାନ୍ ସାତୁ ଇଦାଂ କିତାନ୍‌ନା । ଆରେ, ହଲ୍ୟାହିର ତାଙ୍ଗେଙ୍ଗ୍ ଇଚାର୍, ଲାଗିଂ ଆପେଂ ହାଲ୍‌ଜି ହେ ଝିଜୁ ଜେଲ୍‌ଜି ରବେ କିନାପ୍, ଇଦାଂ ଇନାକା ନିମାନ୍? ୨୯ ମାତର ହେଝାନ୍ ଇଚାନ୍, ଆକାୟ୍, କାତେ ଏପେଙ୍ଗ୍ କାତ୍ରା ରୁଣ୍ଡାୟ୍ କିଡ଼ କିଡ଼ ହେ ଝିଜୁ ରଚେ ଗାମ୍ ଜେଲ୍‌ଜି ତୁହିହିନାଦେର । ୩୦ ତାସ୍ ତ୍ରେସ୍‌ଝି ପାତେକ୍ ରିଣ୍ଡାକାଂ ରଚେ ଗାଜାଆଦେଂ ପିହାଡ଼, ଆରେ କାତ୍ରା ତ୍ରେସ୍‌ନିହିଙ୍ଗ୍ ଆନ୍ ତ୍ରେସ୍‌ନା କାରିଂ ଇନାଙ୍ଗ୍, କାଚାୟ୍‌କିଦେଂ ହିଗ୍‌ଦ କାତ୍ରା ରବେ କିଜି ମୁଟା ଗାଚାଡ଼, ମାତର ଗାମ୍ ନା ଚୁଣ୍ଡିତ ରୁଣ୍ଡାୟ୍ କିଜି ଇଚାଡ଼ ।”

ଜିସୁ ହାର୍‌ହୁ ମାଞ୍ଜିନି ଉତରମୁଡ଼
(ମାର୍କ ୪:୩୦-୩୨; ଲୁକ ୧୩:୧୮-୧୯)

* ୧୩:୧୨ ୧୩:୧୨ ମାଡ଼ିତ ୨୫:୨୯; ମାର୍କ ୪:୨୫; ଲୁକ ୮:୧୮; ୧୯:୨୬. * ୧୩:୧୬ ୧୩:୧୬ ଲୁକ ୧୦:୨୩,୨୪.

୩୧ ଜିସୁ ହେୱାରିଂ ଆରେ ର ଉତ୍ତରମୁଡ଼ ହିଜି ଇଚାନ, “ସାଗେ ରାଜି ଇ ଲାକେ ର ହାରହୁ ମାଞ୍ଜି ଲାକେ, ଇନାକା ଅଜି ର ମାନାୟ୍ ଜାର ଜମିତ ଓଡ଼ତାନ । ୩୨ ହେଦାଂ ତ ଓଡ଼ୁ ବିୟାନ୍ ତାଙ୍ଗ ହିରୁ, ମତର୍ ହେଦାଂ ଗାଜାଆତିସ୍ ସବୁ କୁଚାତାଂ ଗାଜା ଆଜି ଇ ଲାକେ ମାର୍ ଆନାଡ଼ ଜେ, ବାଦାଡ଼ନି ପଟିଂ ଖାଜି ତା କେନ୍ଦାତ ବାହା କିନିକ୍ ।”

**ହଇନି ଉତ୍ତରମୁଡ଼
(ଲୁକ ୧୩:୨୦-୨୧)**

୩୩ ଜିସୁ ହେୱାରିଂ ଆରେ ର ଉତ୍ତରମୁଡ଼ ଇଚାନ, “ସାଗେ ରାଜି ହଇନି ଲାକେ; ରଞ୍ଜେଲ୍ କଗ୍ଲେ ହେଦାଂ ଅଜି ଆଦାବାସ୍ତା ମଇଦା ବିତ୍ରେ ଡାବାୟ୍ କିଜି ଇଟ୍ଟାଡ଼, ଆରେ ହାରିହାରା ଓଡ଼ୁ ହଇତାଡ଼ ।”

**ଉତ୍ତରମୁଡ଼ ଉପକାରତାଂ ହିକ୍ୟା
(ମାର୍କ ୪:୩୩-୩୪)**

୩୪ ଇ ଓଡ଼ୁ କାତା ଜିସୁ ଉତ୍ତରମୁଡ଼ କାଜିଂ ମାନାୟାରିଂ ଇଚାନ, ଆରେ ଉତ୍ତରମୁଡ଼ ପିସ୍ତ୍ର ହେୱାନ୍ ହେୱାରିଂ ଇନାକା ଇନ୍ଦ୍ୱାଦାଂ ମାଚାନ, ୩୫ ଇନେସ୍ କି ବେଶ୍ ବାକ୍ଶାୟ୍ କିନାକାର୍ କାଜିଂ ଇ ବେରଣ୍ ପୁରା ଆନାଡ଼, “ଆପେଂ ଜାର୍ ଖେଇ କିଜି ଉତ୍ତରମୁଡ଼ ହୁକେ କାତା ଇନାକା, ପୁତ୍ ଉବ୍ଜାଣ୍ ବୁଡାଆତି ଡ଼କୁତି ବିସ୍ତେ ସବୁ ଇନାସ୍ ।”

ଜିସୁ କାତ୍ରାନି ଉତ୍ତର ମୁଡ଼ନି ଅରଡ଼ ବୁଜାୟ୍ କିତାନ

୩୬ ପାଚେ ହେୱାନ୍ ମାନାୟାରିଂ ପିସ୍ତ୍ର ଇଞ୍ଜ ହଶ୍ଗାତାନ, ଆରେ ତା ଚେଲାହିର୍ ତା ଲାଗେ ଖାଜି ଇଚାର୍, “ଜମିନି କାତ୍ରାନି ଉତ୍ତରମୁଡ଼ ମାଞ୍ଜେଙ୍ଗ୍ ହାର୍ କିଜି ବୁଜାୟ୍ କିଦା ।”

୩୭ ଜିସୁ ଉତ୍ତର ହିଚାନ, “ହାଦ୍ ବିୟାନ୍ ଇନେନ୍ ଓଡ଼ନାନ୍, ହେୱାନ୍ ମାନାୟ୍ ମାଜି; ୩୮ ଜମି ପୁତ୍; ହାଦ୍ ବିୟାନ୍ ରାଜିନି ହିମଣାଂ, କାତ୍ରା ସୟ୍ତାନ ଜିବୁନ୍ ହିମଣାଂ; ୩୯ ଇମଣି ସାତୁ ହେଦାଂ ଓଡ଼ତାନ, ହେୱାନ୍ ସୟ୍ତାନ; ତାସ୍ ତ୍ରେସ୍ନି ଖେଡ଼ାଙ୍ଗ୍ ଜୁଗ୍ସେସ୍, ଆରେ ତ୍ରେସ୍ନାକାର୍ ଓଡ଼ଜାର୍ ସାଗେ ଦୁଡ଼ତର୍ । ୪୦ ତା ଆତିସ୍, କାତ୍ରା ଇନେସ୍ କି ରବେ କିଜି ନାଣିତ କାଡ଼ିକିୟାଆନାଡ଼, ଜୁଗ୍ସେସ୍ ଖେଡ଼ାଲିଂ ହେ ଲାକେ ଗିଟା ଆନାଡ଼ । ୪୧ ମାନାୟ୍ ମାଜି ଜାର ଦୁଡ଼ତରିଂ ପଲ୍ଲାନାନ୍, ଆରେ ହେୱାର୍ ତା ରାଜିତାଂ ସବୁ ବାଦାନିକା ବିସ୍ତେ ଆରି ବାନ୍ୟାରିଂ ରୁଣ୍ଡାୟ୍ କିନାନ୍, ୪୨ ଆରେ ହେୱାରିଂ ନାଣି ହଲିତ ତୁହିହିନାର୍, ହେବେ ଆଡ଼୍ବାନାର୍ ଆରି ଟାଡ଼ାଙ୍ଗ୍ କଡ଼ମଡ଼ ଆନାଡ଼ । ୪୩ ହେୱାଡ଼ାଂ ଦାମ୍ ର ହେୱାର୍ତି ଲାତ୍ରାହି ସାଗେନି ଆବା ରାଜିତ ଖେଡ଼ା ଲାକେ ଡ଼ିନ୍ଞି ଚଞ୍ଜୟା ଆନାର୍ । ଇନେରିଂ କିତୁଲ୍ ମାନାଡ଼, ହେୱାନ୍ ଖେନେନ୍ ।”

ମୁନ୍ତି ଦାନି ଉତ୍ତରମୁଡ଼

୪୪ “ସାଗେ ରାଜି ଜମିତ ଡ଼କୁତି ଦାନ୍ ଲାକେ । ର ମାନାୟ୍ ହେଦାଂ ହୁଡ଼ଜି ଡ଼କୁତି ଇଡ଼ତାନ ଆରି ଖାରିତାଂ ହାଲ୍ଜି ଜାର୍ତି ସବୁ ପ୍ରସି ହେ ଜମିତିଂ କଡ଼ତାନ ।”

ମୁନ୍ତାନି ଉତ୍ତରମୁଡ଼

୪୫ “ଆରେ, ସାଗେ ରାଜି ହାଦ୍ ହାଦ୍ ମୁନ୍ତା ଡେକ୍ତି ମାନି ର ବେପ୍ରିୟା ଲାକେ । ୪୬ ର ବେସି ଦାମ୍ନି ମୁନ୍ତା ହୁଡ଼ଜି ହେୱାନ୍ ହାଲ୍ଜି ଜାର୍ତି ସବୁ ପ୍ରସି ହେ ମୁନ୍ତାଡ଼ିଙ୍ଗ୍ କଡ଼ତାନ ।”

ମିନ୍କୁ ଆହ୍ନି ଜାଲ୍ନି ଉତ୍ତରମୁଡ଼

୪୭ “ସାଗେ ରାଜି ର ମିନ୍କୁ ଆହ୍ନି ଜାଲ୍ ଲାକେ । କେଉଟାର୍ ହାମ୍ବୁରଡ଼ ଜାଲ୍ ଇଡ଼ଜି ବାରବିନି ମିନ୍କୁ ଆହ୍ନାର୍ । ୪୮ ଜାଲ୍ ବଡ଼ ଆତିସ୍ ଗୁଟିତ ଜେଲ୍ଜି ତାସି ହାଦ୍ ହାଦ୍ ମିନ୍କୁ ସବୁ ଆଜି ଚପାତ ଇଟ୍ଟନାର୍ ଆରି ବାନ୍ୟା ମିନ୍କୁ ତୁହି ହିନାର୍ । ୪୯ ଜୁଗ୍ସେସ୍ ସମୁତ ଇ ଲାକେ ଗିଟା ଆନାଡ଼ । ସାଗେନି ଦୁଡ଼ତର୍ ଦାମ୍ ତାକେଣ୍ଡାଂ ପାପିୟାରିଂ ଆଲ୍ଗା କିଜି ୫୦ ହେୱାରିଂ ଆହ୍ନି ନାଣିତ ତୁହି ହିନାର୍ । ଆରେ ହେୱାରିଂ ନାଣି ହଲିତ ତୁହିହିନାର୍; ହେବେ ଆଡ଼୍ବାନାର୍ ଆରି ଟାଡ଼ାଙ୍ଗ୍ କାଟ୍ନାର୍ ।”

ପୁନାକା ଆରି ପୁନି ହିକ୍ୟା

୫୧ ଜିସୁ ଚେଲାରିଂ ଖେନ୍ଦାତାନ, “ଇ ସବୁ ବିସ୍ତେ ବୁଜାଆଦେଂ ଆଡ଼୍ବାଦେରା ?”
ହେୱାର୍ ଉତ୍ତର ହିଚାର୍, “ଆଁ ମାପୁ ।”

୫୨ ଜିସୁ ଗୁରୁରିଂ ଇଚାନ, “ଇନେସ୍ ରଞ୍ଜାନ୍ ଇଲ୍ ମୁଣିକା ଜାର କଟିତାଂ ଆତି ନେଚେକ୍ ପୁନାକା ଆରି ପୁନାକା ଆଡ଼୍ବାଡ଼ ହପ୍ନାନ, ସାଗେ ରାଜିତ ଚେଲା ଆଜି ମାତି ରକାର୍ ରକାର୍ ସାସ୍ତର୍ ତା ଲାକେ ।”

**ଜିସୁ ନାଜରିତ୍ତ ପେଜୟାତାନ
(ମାର୍କ ୬:୧-୬; ଲୁକ ୪:୧୬-୩୦)**

୫୩ ଜିସୁ ଇ ସବୁ ଉତ୍ତରମୁତ୍ ଓସ୍ତି ପାଚେ ହେ ବାହା ପିସ୍ସି ହାଚାନ । ୫୪ ଆରେ, ହେୱାନ ଜାର୍ତି ଆବା ଲାତ୍ରା ଗାଡ୍ଦ ଖାଜି ମାନାୟାରି ହେୱାର୍ତି କୁଟ୍ଟୁମ୍ ଇଞ୍ଜ ଇ ଲାକେ ହିକ୍ୟା ହିତାନ ଜେ, ହେୱାର୍ ତାନ୍ୟା ଆଜି ଇଚାର୍, “ଇ ମାନାୟାରି ଇ ଲାକେ ବୁଦି ଆରି ସାଲ୍ଲିନି କାମାୟ ଇମେତାଂ ଆତାଡ୍ ?” ୫୫ ଇଞ୍ଜାନ କି ହେ ବାତାୟ ମେହି ଆକାୟ ? ଇଞ୍ଜାନ୍ତି ତେହି ତର୍ ମରିୟମ୍ ଆକାୟ ? ଆରେ ଇଞ୍ଜାନ ଚଣ୍ଡାହିରତି ତର୍ ଇନାକା ଜାକୁବ୍, ଜସେପ୍, ସିମନ୍ ଆରି ଜିହୁଦା ଆକାୟ ? ୫୬ ଆରେ, ଇଞ୍ଜାନ୍ତି ତଣ୍ଡେହିକ୍ ଇନାକା ଓଜେକ୍ ମାଲାହାଂ ହିଲୁକ୍ ? ଲାଗିଂ “ହେୱାନ ଇ ବୁଦି ସବୁ ସାଲ୍ଲି ଇମେଣ୍ଡାଂ ଗାଟାତାନ ?” ୫୭ ଆରେ, ହେୱାର୍ ତା ତାକେଣ୍ଡାଂ ବାଦା ପାୟା ଆତାଡ୍ ।

ମାତର୍ ଜିସୁ ହେୱାରିଂ ଇଚାନ, “ବେଣ୍ଟବାକ୍ଣାୟ କିନାକାନ ଜାର୍ ଆବା ଲାତ୍ରା ଗାଡ୍, ଇଲ୍ ଆରି ଜାର୍ କୁଟ୍ଟୁମ୍ ପିସ୍ସି ଅଲ୍ଗା ଇମେତାକେ ହିନସ୍ତା କିୟାଉନ୍ ।” ୫୮ ଆରେ, ହେୱାନ ହେୱାର୍ତି ପାଚ୍ କିଞ୍ଜାକା କାଜିଂ ହେବେ ବେସି ସାଲ୍ଲିନି କାମାୟ କିଞ୍ଜାତାନ ।

୧୪

ବାପ୍ତିସିମ୍ ହିନି ଜହନ୍ତି ହାକି

(ମାର୍କ ୬:୧୪-୨୯; ଲୁକ ୯:୭-୯)

୧ ହେ ସମୁତ ଗାଲିଲିନି ରାଜା ହେରଦ୍ ଜିସୁତି ବିସ୍ତେନି କାତା ଖେଚାନ, ତା ହଲ୍ୟାହିରିଂ ଇଚାନ, ୨ “ଇଞ୍ଜାନ ବାପ୍ତିସିମ୍ ହିନି ଜହନ୍, ହେୱାନ ହାତି ତାକେଣ୍ଡାଂ ପା ନିଙ୍ଗ୍ତାନନା, ହେଦାଂ କାଜିଂ ଇ ଓଜ୍ଜୁ ସାଲ୍ଲି ତା ତାକେଣ୍ଡାଂ କାମାୟ କିନାତା ।”

୩ *ହେରଦ୍ ଜାର୍ ଚଣ୍ଡାହି ପିଲିପ୍ ଖାଣି ହେରଦିୟା କାଜିଂ ଜହନ୍ତିଂ ଆସ୍ତି ଆରି ଗାଟ୍ତି ବସିହାଡାତ ପ୍ରଦି ମାଚାର୍ । ୪ ଇନାକିଦେଂକି ଜହନ୍ ହେରଦିୟାକ୍ ଇଞ୍ଜି ମାଚାନ, “ଇଦେଲିଂ ରାକିକିନାକା ନି ବିଦି ହିଲୁଡ୍ ।” ୫ ଆରେ, ହେୱାନ ଜହନ୍ତିଂ ଅସ୍ତେକ୍ ମାନ୍ କିତାନ ହିନା, ମାନାୟାରିତିଂ ପାଣ୍ଡା ଆତାଡ୍, ଇନାକିଦେଂକି ହେୱାର୍ ତାକେକ୍ ବେଣ୍ଟବାକ୍ଣାୟକିନାକାନ ଇଞ୍ଜି ମାନିକିଜି ମାଚାର୍ ।

୬ ମାତର୍ ହେରଦ୍ତି ଜଲମ୍ ଦିନ୍ ଏକାଞ୍ଜାତିଲେ, ହେରଦିୟା ଗାହ୍ତି ମାନାୟାର୍ ମୁମ୍ଦ ଏନ୍ୟି ହେରଦ୍ତିଂ ଖାରି କି କିତାଡ୍ । ୭ ହେବେ “ହେରଦ୍ ପାର୍ମାଣ୍ କିଜି ରାଣ୍ କିତାନ ଜେ, ହେଦେଲ୍ ଇନାକାପା ଏନ୍ନାନାଡ୍, ହେୱାନ ହେଦେଲିଂ ହେଦାଂ ହିନାନ ।”

୮ ଆରେ, ହେଦେଲ୍ ତା ତେହି ହିକ୍ୟାତ ଆଜ୍ଞିଂ ଇଚାଡ୍, “ବାପ୍ତିସିମ୍ ହିନି ଜହନ୍ତି କାପ୍ଡା ଇ ଦାପ୍ରେ ଇବେ ର ତାଡ୍ଡିୟାତ ନାକ୍ ହିଦା ।”

୯ ଇବେ ରାଜା ଦୁକ୍ ଆତିସ୍ ପା ଜାର୍ ପାର୍ମାଣ୍ ଆରି ଜାର୍ ଲାହାକ୍ ବଜିତ କୁଟ୍ଟି ମାନି ମାନାୟାର୍ କାଜିଂ ହେଦାଂ ହିଦେଂ ବଲ୍ ହିତାନ, ୧୦ ଆରେ ମାନାୟା ପକ୍ତି ଜେଲ୍ତ ଜହନ୍ତି କାପ୍ଡା କାତି କିୟକିତାନ, ୧୧ ଆରେ ତା କାପ୍ଡା ର ତାଡ୍ଡିୟାତ ତାସି ହେ ଗାଡ୍ଡେଂ ହିଚାର୍, ପାଚେ ହେଦେଲ୍ ତା ତେହି ତାକେ ହେଦାଂ ଅତାଡ୍ । ୧୨ ହେବେ ଜହନ୍ ଚେଲାହିର୍ ଖାଜି ମାଡା ଅଜି ତାକେକ୍ ମୁଚ୍ଚାର୍ ଆରି ହାଲ୍ଲି ଜିସୁକ୍ ଖେଚାର୍ ।

ଜିସୁ ପାଞ୍ଚ ହାଜାର୍ ମାନାୟାରିଂ ଚିଞ୍ଜେକ୍ ହିତାନ

(ମାର୍କ ୬:୩୦-୪୪; ଲୁକ ୯:୧୦-୧୭; ଜହନ୍ ୬:୧-୧୪)

୧୩ ଜହନ୍ କାବୁର୍ ଖେଚି ଦାପ୍ରେ ଜିସୁ ବିନେ ଆଜି ତ୍ତଙ୍ଗାତ ଦୁମ୍ଜି ର ଚିମ୍ବରା ବାହାତ ହାଚାନ । ଜିସୁ ହେବେ ହାନାକା ପୁଞ୍ଜି ଲାଗେନି ଗାଡ୍ଡିକାର୍ତାଂ ହେନି ମାନାୟା ଗୁଟି ଗୁଟି ତାକ୍ଜି ଜିସୁତି ପାଚେ ପାଚେ ହାଚାର୍; ୧୪ ଆରେ, ଜିସୁ ହେୱାନ ତଙ୍ଗାତାଂ ହସି ବେସି ହେନି ମାନାୟାରିଂ ହୁଡ୍ଜି ହେୱାର୍ କାଜିଂ କାର୍ମାତିଂ ତାକ୍ ମାନ୍ତ ରାସ୍ ଇଚାଡ୍ । ଆରି ହେୱାର୍ ରଗିରିଂ ଉଜ୍ କିତାନ ।

୧୫ ଖେଡା ହାଚିଲେ ଚେଲାହିର୍ ତା କଚଣ୍ଡ ଖାଜି ଇଚାର୍, ଇ ବାହାତ ଚିମ୍ବରା, ଆରେ ଖେଡା ତ ହାଚାଚେ, “ଲାଗିଂ ମାନାୟାର୍ ଇନେସ୍ ନାସ୍ କୁକାଂ ହାଲ୍ଲି ଜାର୍ ଜାର୍ କାଜିଂ କାଦି କଡ୍ନାର୍, ହେଦାଂ କାଜିଂ ହେୱାରିଂ ହେଲ୍ ହିୟାଡ୍ ।”

୧୬ ମାତର୍ ଜିସୁ ହେୱାରିଂ ଇଚାନ, “ହେୱାର୍ ହାନି ଲଡା ଆକାୟ, ଏପେକ୍ ହେୱାରିଂ ଚିଚ୍ପାଡ୍ ।”

୧୭ ଚେଲାର୍ ହେୱାନିକ୍ ଇଚାର୍, “ମା ଇବେ କେବଲ୍ ପାଞ୍ଚଗଟା ରୁଟି ଆରି ରିଣ୍ଡାଂ ମିନ୍କୁ ମାନିକ୍ ।”

୧୮ ଜିସୁ ଇଚାନ, “ହେୱାକ୍ ଇବେ ନା କଚଣ୍ଡ ତାଡୁ ।” ୧୯ ଆରେ, ହେୱାନ ମାନାୟାରିଂ କାତ୍ରା ଜପି କୁଟ୍ଟି କାଜିଂ ବଲ୍ ହିତାନ, ଆରେ ଜିସୁ ହେ ପାଞ୍ଚଗଟା ରୁଟି ଆରି ରିଣ୍ଡାଂ ମିନ୍କୁ ଅଜି ସାଗେ ନିପ ଜପି ହୁଡ୍ଜି ଆସିର୍ବାଦ୍ କିତାନ ଆରି ରୁଟିଂ ତ୍ରିକ୍ତି ଚେଲାରିଂ ହିତାନ, ଆରେ ଚେଲାହିର୍ ମାନାୟାରିଂ ହିଚାର୍ । ୨୦ ଆରେ, ଓଜାକାର୍ ତିନ୍ଞି ପାଞ୍ଚାର୍ ଆରି ତ୍ରିକ୍ତି ରୁଟିତାଂ ଏଚେକ୍ ହାଚାଡ୍, ହେଦାଂ ଚେଲାର୍ ନିକ୍ତି ବାର ଚପା ବାଚ୍ କିତାର୍ । ୨୧ ତିନି ମାନାୟାର୍, କଗ୍ଲେକାଂ ଆରି ହିମ୍ଣାକାଂ ପିସ୍ସି, ଆନ୍ମାନତାଂ ପାଞ୍ଚ ହାଜାର୍ ଆଣ୍ଡାହିମ୍ଣାଂ ମାଚାର୍ ।

☆ ୧୪:୩ ୧୪:୩ ଲୁକ ୩:୧୯,୨୦.

ଜିସୁ ଏବଂ ଜପି ତା'ତାନ୍

(ମାର୍କ ୭:୪୫-୫୨; ଜହନ୍ ୬:୧୫-୨୧)

୨୨ ହେ ଦାପ୍ତେ ଜିସୁ ଚେଲାରିଂ ତଜ୍ଞାତ ଦୁମ୍ଭଜି ତା ମାଡ଼ି ଆନ୍ତି ପାଡ଼କା ଆଗେ ହାନ୍‌ଝେଙ୍ଗ୍‌ ଇଚାନ୍, ଆରେ ହେ‌ଝାନ୍ ଇବେଣ୍ଡାଂ ମାନାୟାରିଂ ଝିଜାରିଂ ହେଲ ହିତାନ୍ । ୨୩ ମାନାୟାରିଂ ହେଲ ହିତି ପାଚେ ଜିସୁ ପାର୍ତ୍ତନା କିନି କାଜିଂ ହସି ହାଲ୍‌ଜି ମାଡ଼ି ଜପି ହାଚାନ୍, ଆରେ ମିକା ଆତିଲେ ହେ‌ଝାନ୍ ହେବେ ରକାନ୍ ମାଚାନ୍ । ୨୪ ମାତର୍ ତଜ୍ଞା ହେ ପାଦ୍‌ନା ଗୁଚିତାଂ ବେସି ଦେହା ମାଚାଡ଼ ଆରି ଲଡ଼ି ଦୁକା କାଜିଂ ହେଦାଂ ତୁଙ୍ଗ୍‌ଜି ମାଚାଡ଼ ।

୨୫ ମାତର୍ କୁଜୁ କେପା ହେ‌ଝାନ୍ ହାମ୍‌ଦୁର୍ ଜପି ତାଙ୍ଗ୍‌ଜି ଚେଲାର୍ ତାକେ ଝାତାନ୍, ୨୬ ଆରେ ଚେଲାହିର୍ ତାଙ୍ଗ୍‌ଙ୍ଗ୍‌ ହାମ୍‌ଦୁର୍ ଜପି ତା'ନାକା ହୁଡ଼୍‌ଜି ପାଣ୍ଡା ଆଜି ଇଚାର୍, “ଇଦାଂ ତ ବାନ୍ୟା ପୁଦା” ଆରେ ହେ‌ଝାର୍ ପାଣ୍ଡୁତୁଂ କିକିରାତିଂ କିତାର୍ ।

୨୭ ମାତର୍ ଜିସୁ ହେ ଦାପ୍ତେ ହେ‌ଝାର୍ ଲାହାଙ୍ଗ୍‌ ବେଣ୍ କିଜି ଇଚାନ୍, ସାସ୍ ଆହାଟ୍, “ଇଝାଙ୍ଗ୍‌ ତ ଆନ୍, ପାଣ୍ଡା ଆମାଟ୍ ।”

୨୮ ହେବେ ପିତର୍ ଉତର୍ ହିତାନ୍, “ଏ ମାପୁ, ଇନାଝାଡ଼ାଂ ଏନ୍, ଲାଗିଂ ଏବୁଂ ଜପି ନି ତାକେ ହାନି କାଜିଂ ନାଙ୍ଗ୍‌ ବଲ୍‌ ହିଦା ।”

୨୯ ଜିସୁ ଇଚାନ୍, “ଝା” ହେବେ ପିତର୍ ତଜ୍ଞାତାଂ ଜୁଜି ଏବୁଂ ଜପି ତାଙ୍ଗ୍‌ଜି ଜିସୁ ତାକେ ହାଚାନ୍ । ୩୦ ମତର୍ ହେ‌ଝାନ୍ ଦୁକା ହୁଡ଼୍‌ଜି ପାଣ୍ଡା ଆତାନ୍, ଆରେ ମୁଞ୍ଜିନିହିଂ କିକିରାତିଂ କିଜି ଇଚାନ୍ “ଏ ମାପୁ, ନାଙ୍ଗ୍‌ଙ୍ଗ୍‌ ରାକ୍ୟା କିଦା ।”

୩୧ ଜିସୁ ହେ ଦାପ୍ତେ କେଇ ଲାମାୟ୍ କିଜି ତାଙ୍ଗ୍‌ଙ୍ଗ୍‌ ଆସ୍ତି ଇଚାନ୍, “ଏ ଅଲପ୍ ପାତ୍ କିନାକାୟ୍, ଇନାକିଦେଂ ପାତ୍ କିତୟା ?”

୩୨ ଆରେ, ହେ‌ଝାର୍ ହେ‌ଝାର୍ ଲାଗାଂ ହାଲ୍‌ଜି ତଜ୍ଞାତ ଦୁମ୍ଭତାନ୍, ଆରେ ଦୁକା ତିର୍ ଆତାଡ଼ । ୩୩ ହେବେ ତଜ୍ଞାତ ମାନି ଚେଲାର୍ ଜିସୁଙ୍ଗ୍‌ ପାର୍ତ୍ତନା କିଜି ଇଚାର୍, “ଏନ୍ ହାଡ଼ପା ଇସ୍‌ବର୍ ମେହିତି ।”

ଗିନେଟାୟର୍ ଜିସୁ ରଗିରିଂ ଉଜ୍ କିତାନ୍

(ମାର୍କ ୭:୫୩-୫୬)

୩୪ ହେ‌ଝାର୍ ନାସି ଗିନେସର୍ ନାସତ ଏକାତାର୍ । ୩୫ ଆରେ, ହେ ବାହାନି ମାନାୟାର୍ ତାଙ୍ଗ୍‌ ତିନ୍ କିତାର୍ ହେବେନି ଚାରିବେଣ୍‌ତାଂ ଝିଜୁ ନିପ କାବୁର୍ ପକ୍ତାର୍ ଆରି ମାନାୟାର୍ ସବୁ ରଗିରିଂ ତା ଲାଗାଂ ତାଝାଡ଼ାଟା; ୩୬ ଆରେ, ହେ‌ଝାର୍ ଇନେସକି ଜିସୁ ହେହାନି ଚେଲିଂ ତୁନାର୍, ଇଦାଂ ଜିସୁଙ୍ଗ୍‌ ଗଝାରି କିଦେଙ୍ଗ୍‌ ଲାଗାତାଟା, ଆରେ ଏତେକ୍ ଜାଣ୍ ତାଙ୍ଗ୍‌ଙ୍ଗ୍‌ ତୁତାଟା, ଝିଜାର୍ ଉଜ୍ ଆତାଟା ।

୧୫

ପୁର୍ବେ ନିକାରତି ହିକ୍ୟା

(ମାର୍କ ୭:୧-୧୩)

୧ ଦିନେକ୍ କେତେ ଜାଣ୍ ପାରୁସିର୍ ଆରି ଦରମ୍ ଗୁରୁର୍ ଜିରୁସାଲମ୍‌ତାଂ ଝାଜି ଜିସୁଙ୍ଗ୍‌ ଝେନ୍‌ବାତାଟା, ୨ “ମା ଆଗେ ପ୍ରାତିନାର୍ ରିତି ନିତି ହିଜି ହାଚାଣ୍ଡା, ମି ଚେଲାର୍ ଇନେକିଦେଂ ହେ ଝିଜୁ ଉଡ଼ା ଆନାରା ? ତିନି ଆଗେ ହେ‌ଝାର୍ ରିତିତ ଇନେକିଦେଂ ହାର୍ କିଜି କେଇ ନୁଜୁରା ।”

୩ ଜିସୁ ହେ‌ଝାରିଂ ଉତର୍ ହିତାନ୍, “ଏପେଙ୍ଗ୍‌ ପା ମି ରିତି ନିତି କାଜିଂ ଇନେକିଦେଂ ଇସ୍‌ବର୍‌ତି ବଲ୍‌ ଉଡ଼ା ଆନାଦେରା ? ୪ ଇସ୍‌ବର୍‌ତି ବଲ୍‌ କିତାନ୍‌ନା, ଆବାଂ ଆୟାଙ୍ଗ୍‌ ଝାରି କିୟାଟ୍ । ଆରେ ଇନେର୍ ତା ଆବା କି ଆୟାଂ ସାଇପ୍ ହିନାନ୍, ହେ‌ଝାନ୍ ହାକି ତାଣ୍ ପାୟା ଆନାନ୍ ।” ୫ “ମାତର୍ ଏପେଙ୍ଗ୍‌ ଇନାଦେରା ହିକ୍ୟା ହିନାଦେରା ଜେ ରଝାନ୍ ମାନାୟ୍ ଇମ୍‌ଣି ଅରଡ଼ ଲାହାଙ୍ଗ୍‌ ଜାର୍ ଆବାଂ କି ଆୟାଙ୍ଗ୍‌ ସାଇଜ କିଦେଙ୍ଗ୍‌ ଆଡ଼୍‌ତାନ୍‌ମା ହେଦାଂ ଇସ୍‌ବର୍‌ତି ଦାନ୍ କିତାନ୍‌ନା ଇଞ୍ଜି ଝେର୍‌ଚାଟା, ୬ ହେ‌ଝାନ୍ ଆରେ ତା ଆବା ଆୟାଂ* ହାତେନେ ଜତନ୍ କିତନ୍ । ଇ ଲାକେ ଏପେଙ୍ଗ୍‌ ମିଦାଂ ବଲ୍‌ମନ୍ ରିତିନିତି କାଜିଂ ଇସ୍‌ବର୍‌ତି ବଚନ୍ ବେକାଟ୍ କିନାଦେରା । ୭ ଆଡ଼େ କାପ୍‌ଟିୟାଟ୍, ଜିସାୟ୍ ମି ବିସ୍ତେ ସମାନ୍ ବାବ୍ରେ ବେରଣ୍ ଝେର୍‌ଚାତାନ୍‌ନା ।”

୮ “ଇସ୍‌ବର୍‌ ଇଞ୍ଜନାନା, ଇ ଜାତି ମୁମ୍‌ଦ ମାଙ୍ଗ୍‌ଙ୍ଗ୍‌ ଝାରି କିଦ୍‌ନାଟ୍, ମାତର୍ ହେ‌ଝାର୍ ମାନ୍ ମା ତାଙ୍ଗ୍‌ ଦେହା ମାନାଟ୍ ।

୯ ନାଙ୍ଗ୍‌ ହେ‌ଝାର୍ ପାର୍ତ୍ତନା କିଦେଙ୍ଗ୍‌ ପଲ୍ୟା, ଇନାକିଦେଂକି ହେ‌ଝାର୍ ମାନାୟାଟି ବିଦିଙ୍ଗ୍‌ ଦରମ୍ ବେରଣ୍ ଇଞ୍ଜି ହିକ୍ୟା ହିନାନ୍ ପଲ୍ୟା ମା ପାର୍ତ୍ତନା କିନାଟ୍ ।”

(ମାର୍କ ୭:୧୪-୨୩)

* ୧୫:୬ ୧୫:୭ କେତେକ୍ ପଢିତ କାର୍ ଆବା ନେଲେ ଆୟା ମାନାଟ୍ ।

୧୦ ତା ପାଚେ ଜିସୁ ମାନାୟତିଂ କଚଣ୍ଡ କୁକ୍ତି ଇଚାନ, “ମାନ ହିଜି ଝେନାଟ୍ ଆରି ବୁଜାଆଦେଂ ସେସ୍ତୁ କିୟାଟ୍; ୧୧ ମାନାୟ ତାଙ୍ଗ୍ ଝେୟ ବିତ୍ରେ ହାନାଡ୍, ହେଦାଂ ତାଙ୍ଗ୍ ବିଚାଡ୍ କିଉଡ୍; ମାତର୍ ଇନାକା ବିତ୍ରେତାଂ ଇନାକା ବାର୍ତ୍ତ୍ ଖାନାଡ୍, ହେଦାଂ ତାଙ୍ଗେଙ୍ଗ୍ ବିଚାଡ୍ କିନାଡ୍ ।”

୧୨ ଚେଲାର୍ ଜିସୁ ଲାଗେ ଖାଜି ଇଚାର୍, “ନି କାତା ଝେନ୍ଝି ପାରୁସିର୍ ରିସା ଆତାର୍ଣ୍ଣା, ଇଦାଂ ଇନାକା ଏନ୍ ପୁନୁୟା ?”

୧୩ ଜିସୁ ଉତର୍ ହିତାନ, “ଇମ୍ଫା ମାର୍କୁ ନା ସାଗେନି ଆବା ରୁଜ୍ଝାତାନ୍ନା, ହେ ଝିଜୁ ଉଟ୍ଟକା ଆଜି ହାନାଡ୍ । ୧୪ *ହେଝାର୍ ବିସ୍ତେ ତାନ୍ନା ଆମାଟ୍ । ହେଝାର୍ କାଣା ବିନ୍ କାଣାରିଂ ହାଜି ଚଟ୍ଟନାକାର୍ । ର କାଣା ଆରେ ର କାଣାଂ ହାଜି ଚଟ୍ଟିସ୍ ରିୟାର୍ ପା କ୍ଳୁଇଦ ଆର୍ଣ୍ଣାଟ୍ ।”

୧୫ ହେବେଣ୍ଡାଂ ପିତର୍ ତାଙ୍ଗ୍ ଉତର୍ ହିତାନ, “ଉତର୍ମୁଡ୍ ମାଙ୍ଗେଙ୍ଗ୍ ବୁଜାୟକିଦା ।”

୧୬ ଜିସୁ ଇଚାନ, ଏପେଙ୍ଗ୍ ପା ଇନାକା “ଇ ପାତେକ୍ ବୁଜାଆଉଦେରା ? ୧୭ ଇନାକା ଝେଇଦ ହଣାଡ୍, ହେଦାଂ ପଚତ ହାଲ୍ଲଜି ବାର୍ତ୍ତବାହାତ ହାନାଡ୍, ଇଦାଂ ଇନାକା ବୁଜା ଆଉଦେରା ? ୧୮ *ମାତର୍ ଝେଇଦାଂ ଇନାକା ସବୁ ହନାଡ୍, ହେଦାଂ ଖାୟିତାଂ ହନାଡ୍ ଆରି ହେଦାଂ ନେ ମାନାୟତିଂ ବିଚାଡ୍ କିନାଡ୍ । ୧୯ ଇନାକିଦେଂକି ମାନ୍ତାଂ କାରାପ୍ ବିସ୍ତେ, ବେକାର୍ ଚିନ୍ତା ମାନାୟ ଚୁଣାକା, ଦାରି, ମ୍ପୁନାକା, ମିର୍ ସାକି, ଆରି ନିୟା କିନାକା ହନାଡ୍ । ୨୦ ଇଦାଂ ଝିଜୁ କାମାୟ ମାନାୟତିଂ ବିଚାଡ୍ କିନାଡ୍, ମାତର୍ ହେଝାର୍ କିନି କାଜିଂ ମାତର୍ ରିତିନିତି ଲାକେ କେଇ ନୁସ୍ଝାଦାଂ ଚିଟିସ୍ ମାନାୟାରିଂ ବିଚାଡ୍ କିଉଡ୍ ।”

ର କଗ୍ଲେ ପାତର୍ କିନାକା

(ମାର୍କ ୭:୨୪-୩୦)

୨୧ ଜିସୁ ହେ ବାହା ପିସ୍ତ୍ର ସର ଆରି ସିଦନ୍ ନିପ ଲାଗେ ଗାଡ୍ଦ ହାଚାନ । ୨୨ ଆରେ ହୁଡା, ହେ ହାନ୍ଦିତାଂ ରଞ୍ଜେଲ୍ କିଣାନିୟ କଗ୍ଲେ ଗାଜା କାଟ୍ତାଂ ଇଞ୍ଜେଙ୍ଗ୍ ଲାଗାତାଡ୍, “ଏ ମାପୁ ଦାଉଦ୍ଡି ହିମ୍ଫା ନାଙ୍ଗ୍ ଦୟା କିଦା । ମାଞ୍ଜି ଗାଡ୍ଡେଂ ପୁଦା ଆସ୍ତାତାନ୍ନା ଆରି ହେଦେଲ୍ ବେସି କସ୍ତୁ ଆନାତା ।”

୨୩ ମାତର୍ ଜିସୁ ତାଙ୍ଗେଙ୍ଗ୍ ପାଦେକ୍ ପା ଉତର୍ ହିଝାତାନ । ଆରି ତା ଚେଲାହିର୍ ଖାଜି ତାଙ୍ଗ୍ ଗଝାରି କିଜି ଇଞ୍ଜେଙ୍ଗ୍ ଲାଗାତାର୍, “ଇଦେଲିଂ ହାଜି ଲଝାଡ୍ ହିୟା, ଇନାକିଦେଂକି ଇଦେଲ୍ ମା ପାଚେ ପାଚେ ଆଲା ଆନାତା ।”

୨୪ ଜିସୁ ଉତର୍ ହିତାନ, “ଜାଙ୍ଗ୍ତି ମେଣ୍ଡା ଲାକେ ହାଜିବାଣାତି ଇସ୍ତାଏଲ୍ନି ଲକ୍ ତାକେ ଆନ୍ ଝାତାଙ୍ଗ୍ନା ।”

୨୫ ମାତର୍ କଗ୍ଲେ ଖାଜି ଜିସୁଙ୍ଗ୍ ଜଝାର୍ କିଜି ଇଞ୍ଜେଙ୍ଗ୍ ଲାଗାତାଡ୍, “ମାପୁ, ନାଙ୍ଗେଙ୍ଗ୍ ଦୟା କିଦା ।”

୨୬ ଜିସୁ ଇଚାନ, “ହିମ୍ଫାଙ୍ଗ୍ତି ଆରାଣ୍ ଅଜି ନିକୁଡ୍ଡିଙ୍ଗ୍ କଚଣ୍ଡ ଚୁହିନାକା ହାର୍ ଆକାୟ ।”

୨୭ ମାତର୍ ହେଦେଲ୍ ଇଚାଡ୍, “ଆଁ, ମାପୁ, ମାତର୍ ନିକୁଡ୍ଡିଙ୍ଗ୍ ତ ଜାର୍ ଜାର୍ ମାପୁତି ପାଟା ତାରେନ୍ ଆରୁଡି ସୁକ୍ଡି ତିନିକ୍ ।”

୨୮ ଜିସୁ ତା କାତାନି ଉତର୍ ହିଜି ଇଚାନ, “ଏ କଇ, ନିୟାଂ ଗାଜା ପାତର୍, ନି ଇଚା ହୁକେ ନିଂ ଗିଟାଏଡ୍ ।” ହେ ସମୁତ ହେଦେଲ୍ଡି ଗାଡ୍ଡେ ଉଜ୍ ଆତାଡ୍ ।

ଜିସୁ ହେନି ମାନାୟାରିଂ ଉଜ୍ କିତାନ

୨୯ ଜିସୁ ହେବେତାଂ ହସି ଗାଲିଲି ଗୁଟି ଗୁଟି ହାଲ୍ଲଜି ର ମାଡ୍ଡି, ଜପି କୁଚାନ । ୩୦ ଆରେ, ବେସିହେନି ମାନାୟ ଚୁଟା, କାଣା, ଚଟା, ଗୁଲା, ଆରି ବେସି ବେମାର୍ ମାନାୟାରିଂ ତାସି ଜିସୁ ପାନା ତାରେନ୍ ଇଡ୍ଡତାର୍ ଆରେ ଜିସୁ ଝିଜାରିଂ ଉଜ୍ କିତାନ । ୩୧ ଇ ଲାକେ କନ୍ଦା ବେଣ୍ କିତାନ, ଚଟାର୍ ଉଜ୍ ଆତାର୍, ଚଟାର୍ ତାଙ୍ଗ୍ତାର୍, କାଣାର୍ ହୁଡ୍ନାରା, ଇଦାଂ ହୁଡ୍ଡତାର୍, ଆରି ଇସ୍ତାଏଲ୍ନି ଇସ୍ତର୍ ପାର୍ତାନା କିତାର୍ ।

ଜିସୁ ଚାରି ହାଜାର୍ ମାନାୟାରିଂ ଚିଟ୍ପାତାନ

(ମାର୍କ ୮:୧-୧୦)

୩୨ ଜିସୁ ଚେଲାହିର୍ ହିର୍ବିସ୍ ଇଚାନ, “ଇ ମାନାୟାର୍ କାଜିଂ ନାଙ୍ଗ୍ ଦୁକ୍ ହଡ୍ନାତା, ଇନାକିଦେଂକି ଇଝାର୍ ନା ଲାହାଙ୍ଗ୍ ତିନ୍ ଦିନ୍ ଆତାତେ ଆରି ନଙ୍ଗ୍ ହେଝାର୍ କଚଣ୍ଡ ଇନାକା ତିନାକା ହିଲୁଡ୍ । ହେଝାର୍ ତିନ୍ଝାଦାଂ ଇବେତାଂ ପକ୍ତେଂ, ଇ କାତା ଆନ୍ ମାନ୍କିଉଙ୍ଗ୍; ଇନାକିଦେଂକି ହାନିହିଂ ହାସ୍ଦ ହେଝାର୍ ନାସ୍ସି ବାଉଡା ଆସି ଗୁର୍ନାର୍ ।”

୩୩ ଚେଲାହିର୍ ତାଙ୍ଗ୍ ଝେନ୍ବାତାର୍, “ଏଚେକ୍ ମାନାୟାରିଂ ଚିଟ୍ପେଦେଂ ଆସେଙ୍ଗ୍ ଚିମ୍ପରା ବାହାତ ଇମେଣ୍ଡାଂ ଏଚେକ୍ ରୁଟିଂ ଗାଟାନାସ୍ ।”

୩୪ ଜିସୁ ହେଝାରିଂ ଝେନ୍ବାତାନ, ମି ତାକେ ଏଚଙ୍ଗ୍ ରୁଟିଂ ମାନିକ୍ ? ହେଝାର୍ ଇଚାର୍, “ସାଡ୍ଗଟା, ଆରେ, ଅଲପ୍ କେଡ୍ଗଟା ହିରୁ ମିନ୍କୁ ।”

୩୫ ଜିସୁ ମାନାୟାରିଂ ମେଦ୍ନିତ ଜପି କୁଚ୍ଚେଂ ଝେଚ୍ଚଚାନ । ୩୬ ଆରେ ଜିସୁ ହେ ସାଡ୍ଗଟା ରୁଟିଂ ଆରି ମିନ୍କୁ ଅଜି ଦନ୍ୟବାଦ୍ ହିଜି ହେ ସବୁ ଚେଲାହିରିଂ ହିତାନ, ହେଝାର୍ ମାନାୟାରିଂ ହିତାର୍ । ୩୭ ଆରେ, ଝିଜାର୍ ତିନ୍ଝି ପଟ୍ ପାନ୍ତଚାର୍

☆ ୧୫:୧୪ ୧୫:୧୪ ଲୁକ ୭:୩୯. ☆ ୧୫:୧୮ ୧୫:୧୮ ମାତ୍ରିକ ୧୨:୩୪.

ଆରି ତ୍ରିକୃତି ରୁଚିଂ ଏଚେକ୍ ହାରତାଡ଼, ହେଦାଂ ହେଞ୍ଜାର ପେସ୍ଦି ସାଡ଼ ଟପା ବାଡ଼ି କିତାର । ୩୮ କଗ୍ଲେ ଆରି ହିମ୍‌ଶାକାଂ ପିସ୍ତି ଚାରି ହାଜାର ଆଣ୍ଡାହିମ୍‌ଶାଂ ମାଚାର ।

୩୯ ଇଦାଂ ପାଚେ ଜିସୁ ମାନାୟାରିଂ ହେଲ ହିଜି ତ୍ତଙ୍ଗାତ ଦୁମ୍‌ଜି ମୁଗ୍‌ଦାନ୍ ନିପ ହାଚାନ୍ ।

୧୭

କାବାନି କାମାୟ ଚଚ୍‌ନି କାଜିଂ ଦାବା

(ମାର୍କ ୮:୧୧-୧୩; ଲୁକ ୧୨:୫୪-୫୬)

୧*ଦିନେକ୍ କେତେଜାଣ୍ ପାରୁସି ଆରି ସାଦୁକିର୍ ଜିସୁ ତାକେ ଖାଜି ତାଙ୍ଗେକ୍ ପରିକ୍ୟା କିଦେଂ ଖେନ୍‌ବାତାର ହେଞ୍ଜାରିଂ ଆକାସ୍‌ତାଂ ର ଚିନ୍ ଚଚ୍‌ନି କାଜିଂ ତାଙ୍ଗେକ୍ ଗଞ୍ଜାରି କିତାର । ୨ ମାତର୍ ଜିସୁ ହେଞ୍ଜାରିଂ ଉତର୍ ହିତାନ୍, “ମ୍ଠିକାହାରେସ୍ ଏପେକ୍ ଇଞ୍ଜିମାନାଦେର୍, ହାର ପାଗ୍ ଆନାଡ଼, ଇନାକିଦେଂକି ଆକାସ୍ ଗେରୁ ମାନ୍‌ଗାନାଡ଼ । ୩ ଆରେ, ଉଚ୍‌ଲ୍ଲା ହାକାଡ଼େ ଇଞ୍ଜିମାନାଦେର୍, ନେଞ୍ଜେକ୍ ଦୁକାବାହାଁ ଖାନାଡ଼, ଇନାକିଦେଂକି ଆକାସ୍ ଗେରୁ ଆରି ବାଦାଡ଼ ଆତାଡ଼ନ୍ନା । ଏପେକ୍ ବାଦାଡ଼ତାଂ ଇଚ୍‌କାଡ଼ ଆନାକା ଆଖାକା ବୁଜାନାଦେରା, ମାତର୍ କାଡ଼ନି ଇଚ୍‌କାଡ଼ ସବୁ ବୁଜାଉଦେରା ?” ୪*ଉଡ଼ପାତ୍ୟା ଆରି ଦାରୁଲ୍ଲାର ଲାତ୍ରା ଚିନ୍ ତେକ୍‌ନାର, ମତର୍ ଜୁନସ୍‌ତି ଚିନ୍ ପିସ୍ତି ବିନେନି ଇନାକା ପା ଚିନା ହେଞ୍ଜାରିଂ ହିୟାଉଡ଼ ।

ଆରେ ଜିସୁ ହେଞ୍ଜାରିଂ ପିସ୍ତି ହାଚାନ୍ ।”

ପାରୁସି ଆରି ସାଦୁକିର୍ ହିକ୍ୟା

(ମାର୍କ ୮:୧୪-୨୧)

୫ ଚେଲାର ହାମ୍‌ଦୁର୍ ଆଣ୍ଡିପାଡ଼କା ହାନିଖାଡ଼ାଲିଂ ରୁଚି ଅଦେଂ ବାଣା ଆତାର । ୬*ଜିସୁ ହେଞ୍ଜାରିଂ ଇଚାନ୍, “ଜାଗ୍ରତ୍ ଆଡ଼, ପାରୁସି ଆରି ସାଦୁକିର୍ ହିକ୍‌ନିତାଂ ଜାଗ୍ରତ୍ ଆଜି ମାନାଟ୍ ।”

୭ ହେବେ ହେଞ୍ଜାର ନିଜେ ନିଜେ ବେଶ୍‌କିବା ଆଜି ଇଞ୍ଜେକ୍ ଲାଗାତାର, “ଆପେଂ ରୁଚି ତାୟିଖାଖାତାପ୍‌ନା ଇଞ୍ଜି ହେଞ୍ଜାନ୍ ଇ କାତା ଇଞ୍ଜନାନା ।”

୮ ମାତର୍ ଜିସୁ ହେଦାଂ ପୁଞ୍ଜି ଇଚାନ୍, ଏ ଅଲପ୍ ପାଡ଼ି କିନାକାଦେର୍, “ମି କଚଣ୍ ରୁଚିଂ ହିଲୁକ୍ ଇଞ୍ଜି ଇନେକିଦେଂ ରକାନ୍ ଆରେ ରକାନ୍ ବେଶ୍ କିନାଦେରା ? ୯*ଏପେକ୍ ଇନାକା ନକ୍ ପାତେକ୍ ବୁଜା ଆଉଦେରା ? ପାଞ୍ଚ ହାଜାର ମାନାୟାରିଂ ପାଞ୍ଚଗଟା ରୁଚିଂ, ଆରି ଏଚେ ଟପା ନିକ୍‌ତାଦେର୍ ? ୧୦*ଆରେ ଚାରି ହାଜାର ମାନାୟାର କାଜିଂ ସାଡ଼ଗଟା ରୁଚିଂ କାତା ମାନେ ଆକାୟ ? ହେ ପାଦ୍‌ନା ଏଚେଗଟା ଟପାକ୍ ବାଡ଼ି କିଜି ମାଚାଦେର୍ ? ୧୧ ଆନ୍ ରୁଚିଂ ବିସ୍ତେ ଇନ୍‌ଖାଦାଂ ମାନ୍‌ଚାକ୍, ଏପେକ୍ ଇନେସ୍ ବୁଜା ଆଉଦେରା ? ଆନ୍ ଇଞ୍ଜନାକ୍, ପାରୁସି ଆରି ସାଦୁକିର୍ ହୟନାକା କାଜିଂ ଜାଗ୍ରତ୍ ମାନାଟ୍ ।”

୧୨ ହେ ପାଦ୍‌ନା ଚେଲାହିର୍ ବୁଜାତାର ଜେ ଜିସୁ ରୁଚିନି ହିକ୍‌ନି କାତା ଇନ୍‌ଖାଦାଂ ମାଚାନ୍, ମାତର୍ ପାରୁସି ଆରି ସାଦୁକିର୍ ହିକ୍ୟା କାଜିଂ ଜାଗ୍ରତ୍ କିଜି ହିଜି ମାଚାନ୍ ।

ଜିସୁ କ୍ରିଷ୍ଟ ମସିୟା ଆତାନ୍ନା

(ମାର୍କ ୮:୨୭-୩୦; ଲୁକ ୯:୧୮-୨୧)

୧୩ ଜିସୁ କାକ୍‌ସରିୟା ପିଲିପି ଗାଡ଼ ଲାଗାଂ ନିପ ଖାଜି ଜାର ଚେଲାରିଂ ଖେନ୍‌ବେଦେଂ ଲାଗାତାନ୍, “ମାନାୟ ମାଜି ଇନେର୍ ଇଞ୍ଜି ମାନାୟାର ଇନାକା ଇଞ୍ଜନାର ?”

୧୪*ଇବେତାଂ ହେଞ୍ଜାର ଇଚାର, “ଇନେର୍ ଇନେର୍ ଇନାର, ବାପ୍‌ସିମ୍ ଜହନ୍, ଇନେର୍ ଇନେର୍ ଇନାର ଏଲିୟ, ଆରେ ଇନେର୍ ଇନେର୍ ଜିରିମିୟ ଆରେ ବେଶ୍‌ବାକ୍‌ଶାୟ କିନାକାର ବିତ୍ତେ ରକାନ୍ ।”

୧୫ ଜିସୁ ଖେନ୍‌ବାତାନ୍, “ଆନ୍ ଇନେର୍ ଇ ବିସ୍ତେ ଏପେକ୍ ଇନାକା ଇନାଦେରା ?”

୧୬*ସିମନ୍ ପିତର୍ ଉତର୍ ହିତାନ୍, “ଏନ୍ କ୍ରିଷ୍ଟ ମସିୟା, ଜିବୁକ୍ତି ଇସ୍‌ତ ମାଜି ।”

୧୭ ଜିସୁ ଇଚାନ୍, “ଦନ୍‌ୟ ଏନ୍ ଜୁନସ୍‌ତି ମାଜି, ସିମନ୍ !” ଇ ହାଡ଼ପା ଏନ୍ ଇମ୍‌ଶି ମାନାୟତାଂ ଗାଗାଆଖାତାୟନା । “ନା ସାଗେନି ଆବା ଜାର ଇଦାଂ ମି ତାକେ ଇଚାନ୍ନା ।” ୧୮ “ଆରେ, ଆନ୍ ପା ମିଙ୍ଗେକ୍ ଇଞ୍ଜନାକା, ଏନ୍ ପିତର୍, ଆରେ ଇ କାଲ୍ ଜପି ଆନ୍ ଜାର ମଣ୍ଡଲି ରଚ୍‌ନାକ୍, ଆରେ ପାତାଲ୍‌ନି ସାକ୍ତି ହେଞ୍ଜାନିଂ ଆରାୟ କିଉଡ଼ ।” ୧୯*“ଆନ୍ ମିଙ୍ଗେକ୍ ସାଗେ ରାଜିନି କୁଚିକାଡ଼ିକ୍ ହିଦ୍‌ନାଂ । ଆରେ ଏପେକ୍ ପୁତ୍ ତ ଇନାକା ବନ୍ଦ୍ କିନାଦେର୍, ସାଗେତପା ହେଦାଂ ବନ୍ଦ୍ ମାନ୍‌ଗାନାଡ଼ । ଆରି ପୁତ୍ ତାକେ ଇନାକାପା ଜେନାଦେର୍, ସାଗେତ ପା ଜେନାଦେର୍ ।”

୨୦ ଜିସୁକ୍ କ୍ରିଷ୍ଟ ମସିୟା ଇଞ୍ଜି ଇନେର୍ ଆଗେ ଖେଡ଼ମାଟ୍ ଇଞ୍ଜି ଜିସୁ ଚେଲାହିରିଂ ବଲ୍ ହିତାନ୍ ।

* ୧୭:୧ ୧୭:୧ ମାତ୍ରିକ ୧୨:୩୮; ଲୁକ ୧୧:୧୭. * ୧୭:୩ ୧୭:୩ କେତେକ୍ ପତିତ ୨-୩ ପାଦ୍‌ତ ଜିସୁ ହିଲୁକ୍ । * ୧୭:୪ ୧୭:୪ ମାତ୍ରିକ ୧୨:୩୯; ଲୁକ ୧୧:୨୯. * ୧୭:୬ ୧୭:୬ ଲୁକ ୧୨:୧. * ୧୭:୯ ୧୭:୯ ମାତ୍ରିକ ୧୪:୧୭-୨୧. * ୧୭:୧୦ ୧୭:୧୦ ମାତ୍ରିକ ୧୫:୩୪-୩୮. * ୧୭:୧୪ ୧୭:୧୪ ମାତ୍ରିକ ୧୪:୧,୨; ମାର୍କ ୬:୨୪,୧୫; ଲୁକ ୯:୬,୮. * ୧୭:୧୭ ୧୭:୧୭ ଜହନ୍ ୬:୬୮,୭୯. * ୧୭:୧୯ ୧୭:୧୯ ମାତ୍ରିକ ୧୮:୧୮; ଜହନ୍ ୨୦:୨୩.

ଜିସୁ ନିଜେ ହାନି ଆରି ନିଜ୍ଞାନ ବିସ୍ତେ ସୁଶାୟ କିତାନ
(ମାର୍କ ୮:୩୧-୯:୧; ଲୁକ ୯:୨୨-୨୭)

୨୧ ହେ ସମୁତ ଜିସୁ କ୍ରିଷ୍ଟ ଚେଲାହିରିଂ ହାର କିଜି ଇଞ୍ଜେଙ୍ଗ ଲାଗାତାନ, “ଆନ୍ ଜିରୁସାଲମ୍ତ ହାଲ୍ଲି ପ୍ରାତିନ୍ ମୁଡ୍, ମାପୁହେବାକିନାକାନ୍, ଦରମ୍ ଗୁରୁ ଦରମ୍ ନେତାର କାଜିଂ ରୁପ୍ପୟାଆଜି ବେସି କସ୍ତୁ ବଗି କିନାଙ୍ଗ । ହାରିହାରା ହାନାଙ୍ଗ, ମାତର ତିନ୍ଦିନ୍ତାଂ ନିଜ୍ଞନାକା ମାନାଡ୍ ।”

୨୨ ହେବେତାଂ ପିତର ତାଙ୍ଗେଙ୍ଗ ର ବାହାତ ଅଜି ହାଲ୍ଲି ଉଲ୍ଲଟା ପାଲ୍ଲଟା କିଜି ଗଡ୍ଡକିଦେଂ ଲାଗାତାନ, “ଏ ମାପୁ, ଇସ୍ତର ନିଙ୍ଗେଙ୍ଗ ଦୟା କିଦେନ୍, ଇଦାଂ ନି କାଜିଂ ଇନାଞ୍ଜାଡାଂ ପା ଗିଟାଆମେଡ୍ ।”

୨୩ ମାତର ଜିସୁ ମାସ୍ତି ପିତରତିଂ ଇଚାନ, “ନା ଲାଗେତାଂ ଦେହା ଆ, ସୟତାନ, ଏନ୍ ନା ବାଦା ଲାକେ, ଇନାକିଦେଂକି ଏନ୍ ଇସ୍ତର ବିସ୍ତେ ବାବି କିଞ୍ଜାଦାଂ ମାନାୟ ବିସ୍ତେ ବାବିକିନାୟା ।”

୨୪ *ତା ପାଚେ ଜିସୁ ଚେଲାରିଂ ଇଚାନ, “ଜେ ଇନେର ନା ଲାହାଙ୍ଗ ଖାନାନ୍, ହେଞ୍ଜାନ୍ ମାନ୍ବାଦ୍ଲାୟ କିଜି ଜାର କୁସ୍ ଆସ୍ତି ନା ପାଚେ ପାଚେ ଖାନାକା ମାନାଡ୍ ।

୨୫ *ଇନାକିଦେଂକି ଇନେରକି ଜାରତିଂ ଜିରୁନ୍ ରାକ୍ୟା କିଦେଙ୍ଗ ଇଚା କିନାନ୍, ହେଞ୍ଜେନ୍ ହେଦାଂ ଆରାୟ କିନାନ୍; ମାତର ଇନେରକି ନା କାଜିଂ ଜାର ଜିରୁନ୍ ଆରାୟ କିନାନ୍, ହେଞ୍ଜେନ୍ ହେଦାଂ ପାୟାଆନାନ୍ । ୨୬ ଆରେ, ମାନାୟ ଏଚେକାଡ୍ଡ ଖିଜୁ ପୁତ୍ତିଂ ଲାବ୍ କିଜି ଜାର ଜିରୁନ୍ ଆରାୟ କିନାନ୍, ଲାଗିଂ ତାଦି ଇନା ଲାବ୍ ଆନାଡ୍ ? ମତର ମାନାୟ ଜାର ଜିରୁନ୍ ବାଦୁଲ୍ଲ ଇନାକା ହିନାୟ ? ୨୭ *ଆରି, ମାନାୟ ମାଜି ଜାର ଆବାତି ପାଣ୍ଡାଙ୍ଗ ଜାର ଦୁଡ୍ଡର ଲାହାଙ୍ଗ ଆରେ ରଗ ଜୁଦ୍ନାନ୍ ଆରି ହେ ପାଦନା ହେଞ୍ଜେନ୍ ଖିଜାର ମାନାୟାରିଂ ହେ କାମାୟ ହୁଡ୍ଡଜି ପାଡ୍ ହିଦ୍ନାନ୍ । ୨୮ ଆନ୍ ମିଙ୍ଗେଙ୍ଗ ହାଡ୍ପା ଇଞ୍ଜନାଙ୍ଗା ମାନାୟ ମାଜିଡି ଜାର ରାଜିତ ଜୁଦେଂ ହୁଡ୍ଡି ପାଚେକ୍ ଇବେ ନିଲ୍ଲଟିମାନି ମାନାୟାର ବିତ୍ରେତାଂ କେତେକ୍ ଇନେସ୍ ବାନି ହାକିତାଣ୍ଡ ପାୟା ଆଉନ୍ ।”



ଜିସୁତି ପାଗ୍ମାସ୍ବାନାକା
(ମାର୍କ ୯:୨-୧୩; ଲୁକ ୯:୨୮-୩୬)

୧ ଜିସୁ ଇ ଚଅ ଦିନ୍ ପାଚେ ପିତର ଆରି ଜାକୁବ୍, ଜହନ୍ ଟଣ୍ଡରିୟାରିଂ ଅଜି ର ପାନ୍ତି ମାଡ୍ଡିକପି ହାଚାର । ହେବେ ବିନେନିକାର ଇନେର ହିଲ୍ଲଖାତାର । ୨ ଚେଲାହିର ହୁଡ୍ଡ ହୁଡ୍ଡ ଜିସୁତି ର ତ୍ରିପ୍ପକୁ ପାଗ୍ମାସ୍ବାତାନ । ହେଞ୍ଜାନ୍ ଖେଇ ଖେଡାଲାକେ ଅଜଡ୍ ଆତାଡ୍ ଆରେ ହେଞ୍ଜାନ୍ତି ହେୟା ଅଜଡ୍ ଲାକେ ଡିଞ୍ଚାଡ୍ । ୩ ମସା ଆରି ଏଲିୟ ଜିସୁ ଲାହାଙ୍ଗ କାତାର୍ବାତା ଆନାକା ଚେଲାଟ୍ ହୁଡ୍ଡତାର ।

୪ ହେବେ ପିତର ଜିସୁଙ୍ଗ ଇଚାନ, “ଏ ମାପୁ, ଆସେଙ୍ଗ ଜେ ଇ ବାହାତ ମାନାସ୍, ଇଦାଂ ହାରଦାକା; ନି ଇଚା ଆତିସ୍ ଆନ୍ ଇବେ ତିନିଗଟା ପୁଟ୍ଟକୁ ରଚ୍ଚନାଙ୍ଗ ନି କାଜିଂ ରଞ୍ଜାଙ୍ଗ, ମସା କାଜିଂ ରଞ୍ଜାଙ୍ଗ ଆରି ଏଲିୟ କାଜିଂ ରଞ୍ଜାଙ୍ଗ ।”

୫ ହେଞ୍ଜାନ୍ ଇ କାତା ଇନ୍ନ ଇନ୍ନ, ହୁଡ୍ଡାଟ୍, ଇଚୁକ୍ ବାଦାଡ୍ ହେଞ୍ଜାରିଂ ତାବାୟ କିତାଡ୍, ଆରି ହୁଡ୍ଡାଟ୍, ଇ ସବଦ୍ ଆତାଡ୍, “ଇ ମା ଖାରିନି ମାଜି ଇଞ୍ଜାନ୍ ତାକେ ମା ଅପ୍ରବଲ୍ଲ ଖାରି, ଇଞ୍ଜାନ୍ତି ବଚନ୍ ମାନ୍ତ ଇଚାଟ୍ ।”

୬ ଇଦାଂ ଖେନ୍ଞି ଚେଲାହିର ମୁମ୍ ତାରେନ୍ କିତାର ଆରି ବେସି ପାଣ୍ଡା ଆତାର ।

୭ ଜିସୁ ହେଞ୍ଜାର ଲାଗେ ଖାଜି ହେଞ୍ଜାରିଂ ତୁବିସ୍ ଇଚାନ, “ନିଙ୍ଗା, ପାଣ୍ଡା ଆମାଟ୍ ।” ୮ ଲାଗିଂ ହେଞ୍ଜାର ଜପି ହୁଡ୍ଡଜି ଜିସୁଙ୍ଗ ପିସ୍ତି ହେବେ ଆରେ ଇନେରିଂ ହୁଡ୍ଡଖାତାର ।

୯ ହେଞ୍ଜାର ମାଡ୍ଡିତାଂ ଜୁଜି ଖାନିହିଂ ଜିସୁ ହେଞ୍ଜାରିଂ ବଲ୍ଲ ହିଜି ଇଚାନ, “ମାନାୟ ମାଜି ହାକିତାଂ ନିଜ୍ଞାନି ପାଚେକ୍, ଇନାକା ହୁଡ୍ଡତାଦେଣ୍ଡା ହେଦାଂ ନିଜ୍ଞାପି ପାଚେକ୍ ଇନେରିଂ ପା ଖେଟ୍ମାଟ୍ ।”

୧୦ ଚେଲାହିର ଜିସୁଙ୍ଗ ଖେନ୍ବତାର, “ଏଲିୟ ପର୍ଡୁମ୍ ଖାନାନ୍ ଇଞ୍ଜି ମା ଦରମ୍ ଗୁରୁର ଇନେକିଦେଂ ଇଞ୍ଚାଣ୍ଡା ?”

୧୧ ଜିସୁ ଉତର ହିତାନ, “ଆଁ, ହାଡ୍ପା ଏଲିୟ ପର୍ଡୁମ୍ ଖାଜି ସବୁ ବିସ୍ତେ ଜାଲ୍ଲଦି କିନାନ୍; ୧୨ *ମାତର ଆନ୍ ମିଙ୍ଗେଙ୍ଗ ଇଞ୍ଜନାଙ୍ଗା, ଏଲିୟ ଖାତାନେ ମତର ତାଙ୍ଗେଙ୍ଗ ତିନ୍କିଞ୍ଜାଦାଂ ମାନାୟାର ତା କାଜିଂ ଇନାକା ଇଚା, ହେଦାଂ କିତାନ୍ନା । ମାନାୟ ମାଜି କାଜିଂ ପା ହେଞ୍ଜାର ହେ ଲାକେ କାରାପ୍ ଚିନ୍ତା କିତାର ।”

୧୩ ହେଞ୍ଜେଡାଂ ଚେଲାଟ୍ ବୁଜାତାର ଜେ, ଜିସୁ ବାପ୍ତିସିମ୍ ହିନି ଜହନ୍ତି ବିସ୍ତେ ଇନାନ୍ନା ।

ଜିସୁ ପୁଦାଆହ୍ୟାତି କାଡ୍ଡେଂ ଉଜ୍ କିତାନ
(ମାର୍କ ୯:୧୪-୨୯; ଲୁକ ୯:୩୭-୪୩)

* ୧୭:୨୪ ୧୭:୨୪ ମାତ୍ରିକ ୧୦:୩୮; ଲୁକ ୧୪:୨୭. * ୧୭:୨୫ ୧୭:୨୫ ମାତ୍ରିକ ୧୦:୩୯; ଲୁକ ୧୭:୩୩; ଜହନ୍ ୧୨:୨୫. * ୧୭:୨୭ ୧୭:୨୭ ମାତ୍ରିକ ୨୫:୩୧; ରମିୟ ୨:୭. * ୧୭:୧୨ ୧୭:୧୨ ମାତ୍ରିକ ୧୧:୧୪.

୧୪ ପାଚେ ଚେଲାଋ ମାନାୟାର ଲାଗେ ଖାଜି, ରକାନ୍ ମାନାୟ ଜିସୁ ଲାଗେ ଖାଜି ମେଣ୍ଡା କୁନ୍ଦିକିଜି ଇଚାନ୍, ୧୫ “ଏ ମାପୁ, ନା ମାଜି ଦୟା କିୟା, ଇନାକିଦେଂକି ହେଖାନ୍ ଆପ୍ରାଂତ ବେସି କସୁ ପାୟାନାନା, ହେଖାନ୍ ରଗତିଂ ରଗ ନାଣିତ ଆରି ରଗତିଂ ରଗ ଏଜୁକାଂ ଆଣ୍ଟାନା । ୧୬ ଆନ୍ ନି ଚେଲାଋି କଚଣ୍ଡ ହେଖାନ୍ ତାଜି ମାଚାଙ୍ଗ, ମତର୍ ହେଖାଋ ହେଖାନ୍ ଉଜ୍ କିଦେଙ୍ଗ ହେଖାଋ ଆଡ଼଼ାତାର ।”

୧୭ ଜିସୁ ଉତର୍ ହିତାନ୍, “ଆଡ଼େ ପାତର୍ କିଞ୍ଜାକାର ଆରି ଉଚ୍ଚା ଆନି ମାନାୟ, ଏଚେକ୍ କାଡ଼୍ ଆନ୍ ମି ଲାହାଙ୍ଗ ମାନ୍‌ଗାନ୍ ? ଏଚେକ୍ କାଡ଼୍ ମି ଚିନ୍ତା ହୁଡ଼୍‌ଦାନାଙ୍ଗ ? ତାଙ୍ଗେଙ୍ଗ ନାତାକେ ତାଈଖାଡୁ ।” ୧୮ କାଡ଼୍‌ଦେ ବିତ୍ରେ ବୁଡ଼୍ ମାଚାଡ଼୍, ଜିସୁ ବୁଡ଼୍‌ତିଙ୍ଗ ଦାକା କିତିଲେ ବୁଡ଼୍ କାଡ଼୍‌ଦେତାଂ ହସି ହାଚାଡ଼୍ ଆରି କାଡ଼୍‌ଦେ ହେ ଦାପ୍ରେ ଉଜ୍ ଆତାନ୍ ।

୧୯ ଇଦାଂ ପାଚେ ଚେଲାଋ ଡ଼ଗୁଜି ଜିସୁଙ୍ଗ ଲାଗେ ଖାଜି ଇଚାଋ, ଆପେଙ୍ଗ “ଇନେକିଦେଂ ତାଙ୍ଗେଙ୍ଗ ପିହିକିଦେଂ ଆଡ଼଼ାତାପ ?”

୨୦ ଜିସୁ ହେଖାଋିଂ ଇଚାନ୍, “ଏପେଙ୍ଗ ଅଲପ୍ ପାତର୍ କାଜିଂ, ଇନାକିଦେଂକି ଆନ୍ ମିଙ୍ଗ ହାଡ଼୍‌ପା ଇଞ୍ଜନାଙ୍ଗା, ଜଦି ର ହାଋହୁ ମାଞ୍ଜି ଲାକେ ମି ପାତର୍ କିନାକା ମାନ୍‌ଗାନାଡ଼୍, ତା ଆତିସ୍ ଇ ମାଡ଼ିତିଂ ଇବେତାଂ ହେବେ ଗୁଚା ଇଞ୍ଜି ଇଚିସ୍ ହେଦାଂ ଗୁଚାଆନାଡ଼୍, ପାତର୍ ହୁକେ ଇନାକା ଆବଡ଼୍ ଆକାୟ ।” * ୨୧ ମାତର୍ “ପାର୍ତାନା ଆରି ଉପାସ୍ ପିସ୍ତି ବିନ୍ ଇନାକାପା ଉପାୟ ଇ ବାନି ବୁଡ଼୍ ହସି ହାଲୁଡ଼୍ ।”

ଜିସୁ ଜାଋ ହାକି ବିସ୍ତେ ଆରେ ରଗ ଖେଋଚାନ୍
(ମାର୍କ ୯:୩୦-୩୨; ଲୁକ ୯:୪୩-୪୫)

୨୨ ଚେଲାଋିଋ ଖିଜାଋ ଗାଲିଲିତ ରୁଣ୍ଡାଆତି ପାଚେ ଜିସୁ ହେଖାଋିଂ ଇଚାନ୍, “ମାନାୟ ମାଜି ମାନାୟାର କେଇଦ ଆହ୍‌ୟାଦେଂ ହାନାନା, ୨୩ ହେ ମାନାୟାର ମାନାୟ ମାଜି ଚୁଣାଋ, ମାତର୍ ତିନି ଦିନ୍ ପାଚେ ହେଖେନ୍ ଆରେ ନିଙ୍ଗନାନ୍,” ହେବେ ଚେଲାଋ ବେସି ଦୁକ୍ ଆତାର ।

ଜିସୁ ମନ୍ଦିରତ ସିସ୍ତ ହିତାନ୍

୨୪ ଜିସୁ ଆରି ତା ଚେଲାଋିଋ କପର୍ନାହୁମ୍ ଖାତି ପାଚେ ଦେଉଡ଼ିନି ସିସ୍ତୟୁନ୍‌ନାକାର ପିତର୍‌ତିଂ ଖେନ୍‌ବାତାର, “ମି ଗୁରୁ ଦେଉଡ଼ିନି ସିସ୍ତ ହିନାନ୍ କି ?”

୨୫ ହେଖେନ୍ ଇଚାନ୍ “ଆଁ ହିନାନ୍ ।”

ଆରେ ହେଖେନ୍ ଇଞ୍ଜି ଖାତିପାଚେ ଜିସୁ ଆଗେ ତାଙ୍ଗ ଇଚାନ୍, “ସିମନ୍ ନି ବଲ୍ ଇନାକା ? ପୁତର୍ ନି ରାଜାର ଇନେର୍ କଚଣ୍ଡାଂ ସିସ୍ତ କ୍ରି ରାଜା ପାଦ୍ ଅନାର ? ହେଖାଋ ପାରଜାତାଂ କି ବିଦେସ୍‌ନିକାରତାଂ ?”

୨୬ ପିତର୍ “ବିଦେସ୍‌ନିକାରତାଂ ଇଞ୍ଜି ଇଚିଲେ,” ଜିସୁ ତାଙ୍ଗ ଇଚାନ୍, “ଲାଗିଂ ତ ହିମ୍‌ଣାଂ ମୁକ୍ତା ଆତାଣ୍ଟା ? ୨୭ ମାତର୍ ଆସେଙ୍ଗ ଇନେସ୍ ହେଖାଋତି ବାଦାନି କାରଣ୍ ଆମେଡ଼୍, ଇଦାଂ କାଜିଂ ହାମ୍‌ଦୁର୍‌ତ ହାଲ୍‌ଜି ବାଣ୍‌ହି ଇଜାଟ୍ ଆରେ ପର୍ଡୁମ୍ ଇମଣି ମିନ୍ କାପ୍‌ନାଡ଼୍, ହେଦେଲିଂ ଅଜି ତା ଖେଇ ଏସ୍‌ତିସ୍ ର ରୁପା ତାରୁଙ୍ଗ ଗାଚାଆନାଦେର୍; ହେଦାଂ ଅଜି ନା କାଜିଂ ଆରି ମି କାଜିଂ ହେଖାଋିଂ ହିୟାଟ୍ ।”

୧୮

ସାଗେ ରାଜିତ ଖିଜାଋତାଂ ଗାଜାକାନ୍ ଇନେର୍ ?
(ମାର୍କ ୯:୩୩-୩୭; ଲୁକ ୯:୪୬-୪୮)

୧ * ହେ ପାଦ୍‌ନା ଚେଲାଋିଋ ଜିସୁ କଚଣ୍ ଖାଜି ଖେନ୍‌ବାତାର, ତେବେ “ସାଗେ ରାଜିତ ଇନେର୍ ଗାଜା ?”

୨ ଜିସୁ ର ହିରୁ ହିମ୍‌ଣାଂ ଲାଗେ କୁକ୍‌ତି ହେଖାଋ ବିତ୍ରେ ନିଲି କିଜି ଇଚାନ୍, ୩ “ଆନ୍ ମିଙ୍ଗେଙ୍ଗ ହାଡ଼୍‌ପା ଇଞ୍ଜନାଙ୍ଗା, ଏପେଙ୍ଗ ବାଦ୍‌ଲାଞ୍ଜିତିସ୍ ହିରୁ ହିମ୍‌ଣା ଲାକେ ଆଞ୍ଜିତିସ୍ ଇନେସ୍ କିତିସ୍‌ପା ସାଗେ ରାଜିତ ହଣ୍ଡେଙ୍ଗ ଆଡୁଦେର୍ । ୪ ଲାଗିଂ, ଇନେର୍‌କି ଇ ହିରୁ ହିମ୍‌ଣା ଲାକେ ଜାଋତିଂ ହାଦ୍‌ଦାମ୍ କିନାନ୍, ହେଖେନ୍ ସାଗେ ରାଜିତ ଗାଜାକାନ୍ । ୫ ଆରେ, ଇନେର୍ ନା ତର୍‌ଦାଂ ଇ ଲାକେ ର ହିରୁ ହିମ୍‌ଣାଂ ମାନ୍‌କିନାନ୍, ହେଖେନ୍ ନାଙ୍ଗେଙ୍ଗ ମାନ୍‌କିଦ୍‌ନାନ୍ ।”

ପାତର୍ ତ ବାଦା ଗିଚାୟକିନାକା
(ମାର୍କ ୯:୪୭-୪୮; ଲୁକ ୧୭:୧-୨)

୬ ମାତର୍ ଇନେର୍‌କି “ନା ତାକେ ପାତର୍ କିନାକାର ଇ ହିରୁହିମ୍‌ଣାଙ୍ଗ ବିତ୍ରେ ରକାନ୍ତି ବାଦା ଇନାକିଦେଂକି ଆନାଡ଼୍, ହେଦାଂ ଗାଡେଲ୍‌ତ ର ଗାଜା ଜାତାକାଲ୍ ଗାଋତି ତାଙ୍ଗେଙ୍ଗ ହାମ୍‌ଦୁର୍‌ତ ତୁସି ହିନାକା ହାଋ ଆନାଡ଼୍ । ୭ ମାନାୟାର୍‌ତି

* ୧୭:୨୦ ୧୭:୨୦ କେତେକ୍ ପତିତ୍‌୨୧ପାଦ୍‌ତି ମେହାୟ କିତାଣ୍ଟା; ମାତର୍ ଉପାସ୍ ଆରି ପାର୍ତାନା ପିସ୍ତି ଆରେ ଇନାକାତ ଇବାନି ବୁଡ଼୍ ପିହିକିଦେଂ ଆଡୁର୍ । (ମାତ୍ରିକ ୯:୨୯) ☆ ୧୮:୧ ୧୮:୧ ଲୁକ ୨୨:୨୪.

ପାତ୍ର ଚ ବାଦା ଗିଟାୟକିଦେଂ ଇଞ୍ଜି, ବେସି ବିସ୍ତେ ମାନାତ୍ । ହେଦାଂ କାଜିଂ ଇ ପୁତ୍ର ଚ ଅବସ୍ତା ଏଚେକ୍ ବଇଁକାର୍ ସବୁ ଦିନ୍ ଇ ଲାକେ ବାଦା ଖାନାତ୍, ମାତର୍ ଇନେନ୍ ବାଦା ଗିଟାୟକିନାନ୍, ତା ଓଜେ କେତେକ୍ ହାର୍ଦାକା !”

୮ “ଜଦି ମି କେଇ କି ପାନା କାଜିଂ ଏପେଙ୍ଗ ପାତ୍ର ବାଦା କିନାଦେର୍, ଲାଗିଂ ତାଙ୍ଗ୍ କାଦ୍ଦି ତୁସିହିୟାଟ୍ । ରି କେଇ ଆରି ରି ପାନା ମାନ୍ଞି ଓଜିଞିନାଣିତ ତୁସୟାନି ପାତେକ୍ ରକେଇ ଆରେ ର ପାନା ବିନେ ଆଜି ଓଜିଞି ଜିରୁନ୍ତ ହଣାକା ମି ପାକ୍ୟାତ ହାର୍ ।

୯ ଆରେ ମି କାଣ୍ଠା ଜଦି ନି ବାଦା ଆନାତ୍, ଲାଗିଂ ତାଙ୍ଗ୍ ଉନ୍ଦି ତୁଇ ହିୟାଟ୍; ରିଣ୍ଡାଂ କାଣ୍ଠାକୁ ଅଜି ନାଣି ବିତ୍ରେ ନରକ୍ ତାକେ କାଡ଼ିନି ବାଟା ଇଚିସ୍ ର କାଣ୍ଠା ଅଜି ଜିରୁନ୍ତ ହଣାକା ମି ପାକ୍ୟାତ ହାର୍ ।”

ଜାଙ୍ଗତି ମେଣ୍ଡାତି ଉତ୍ତରମୁତ୍
(ଲୁକ ୧୫:୩-୭)

୧୦ ଜାଗ୍ରତ୍, ଇ ହିରୁକାର୍ ବିତ୍ରେ ରକାନିଂ ନେ ଇଣ୍ କିମାଟ୍, ଇନାକିଦେଂକି ଆନ୍ ମିଙ୍ଗେଙ୍ଗ୍ ହାତ୍ପା ଇଞ୍ଜନାଙ୍ଗା ସାଗେତ୍ ହେଞ୍ଜରତ୍ ଦୁତ୍ତର୍ ସବୁ ଦିନ୍ ନା ସାଗେନି ଆବା ଲାଗାଂ ମାନାର୍ ।*

୧୧ ଇନାକିଦେଂକି ଇନାକା ଜାଙ୍ଗତାତ୍ନା, ହେଦାଂ ରାକ୍ୟା କିଦେଙ୍ଗ୍ ଇଞ୍ଜି ମାନାୟ ମାଜି ଖାତାନ୍ନା । ୧୨ “ଏପେଙ୍ଗ୍ ଇନାକା ଏତୁ କିନାଦେରା ? ଇମ୍ଠି ଲକ୍ତି ଜଦି ପାଞ୍ଚକଡ଼ି ମେଣ୍ଡାଂ ମାଚିସ୍, ଆରେ ହେଞ୍ଜାଙ୍ଗ୍ ବିତ୍ରେ ରଞ୍ଜାଙ୍ଗ୍ ଜାଙ୍ଗତିସ୍, ଲାଗିଂ ଇନାକା ନବେନଗଟାକାଂ ମାଡ଼ିତ ପିସ୍ସି ହେଞ୍ଜାନ୍ ହାଲ୍ଲଜି ହେ ବାଣାତି ମେଣ୍ଡାତିଂ ତେକ୍କୁନ୍ ? ୧୩ ଆରେ ହେଞ୍ଜେନ୍ ମେଣ୍ଡା ଗାଟାଆନାନ୍ ତା ଆଡିସ୍ ଆନ୍ ମିଙ୍ଗେଙ୍ଗ୍ ହାତ୍ପା ଇଞ୍ଜନାଙ୍ଗା, ନବେନଗଟା ବାଣା ଆଞ୍ଜାଦାଂ ମାଚିକ୍, ହେଞ୍ଜାଙ୍ଗ୍ ବିତ୍ରେ ଇ ରଞ୍ଜାଙ୍ଗ୍ କାଜିଂ ହେଞ୍ଜେନ୍ ଆଦିକ୍ ଖାରି କିନାନ୍ । ୧୪ ହେ ଲାକେ ଇ ହିରୁକାରିଂ ବିତ୍ରେ ଜେ ରଞ୍ଜାଙ୍ଗ୍ କାରାପ୍ ଆନାତ୍, ଇଦାଂ ଏପେଙ୍ଗ୍ ସାଗେନି ଆବାତି ମାନ୍ ଆକାୟ୍ ।”

ମି ବିରୁଦ୍ଧତ ଇନେର୍ ଦସ୍ କିଦ୍ନାନ୍

୧୫ *ଲାଗିଂ “ନି ଟଣ୍ଡେନ୍ ବିରୁଦ୍ଧତ ପାପ୍ କିନାନ୍, ଲାଗିଂ ହାଲ୍ଲଜି କେବଲ୍ ମି ରିୟାରିଂ ବିତ୍ରେ ହେଞ୍ଜାନିଂ ତା ଦସ୍ ଚଟାଟ୍; ଜଦି ହେଞ୍ଜାନ୍ ମି କାତା ଖେନାନ୍, ଲାଗିଂ ଏପେଙ୍ଗ୍ ଜାର୍ ଟଣ୍ଡେନିଂ ପାୟା ଆତାୟ୍ । ୧୬ ମାତର୍ ଜଦି ହେଞ୍ଜାନ୍ ଖେନୁର୍, ରକାନ୍ କି ରିୟାରିଂ ଅଜି ହାଲ୍ଲାଟ୍ । ଇନେସ୍ ରିୟାର୍ କି ତିନ୍ଜାଣ୍ ସାକିରିଙ୍ଗ୍ ମୁମ୍ଦ ଓଜୁ ଦାବା କାତା ତିର୍ କିୟାନାତ୍ ।” ୧୭ ଜଦି ହେଞ୍ଜାନ୍ ହେଞ୍ଜାର୍ କାତା ମାନିକିଉନ୍, ଲାଗିଂ ମଣ୍ଡଲିତିଂ ଇନାଟ୍, ଆରେ ଜଦି ହେଞ୍ଜାନ୍ ମଣ୍ଡଲି କାତା ପା ମାନିକିଓଡିସ୍, ଲାଗିଂ ହେଞ୍ଜାନ୍ ମି କାଣ୍ଠାତ ପାତ୍ର କିଓଡି ହିଦ୍ଦିର୍ ଆରି ସିସ୍ସୁନ୍ନାକାର୍ ଲାକେ ଆଏନ୍ ।

ମୁନା କିନାକା ଆରେ ବଲ୍ ହିନାକା

୧୮ *ଆନ୍ “ମିଙ୍ଗେଙ୍ଗ୍ ହାତ୍ପା ଇଞ୍ଜନାଙ୍ଗା, ଏପେଙ୍ଗ୍ ପୁତ୍ର ଚ ଇନାକାପା ବୟ୍ କିନାଦେର୍, ସାଗେତ୍ ହେଓଜୁ ବୟ୍ ମାନ୍ଗାନାତ୍, ଆରି ପୁତ୍ର ଚ ଇନାକା ଓଜୁ ଜେନାଦେର୍, ସାଗେତ୍ ହେଓଜୁ ଜେନାଦେର୍ ।”

୧୯ ଆରି, ଆନ୍ ମିଙ୍ଗେଙ୍ଗ୍ ହାତ୍ପା ଇଞ୍ଜନାଙ୍ଗା, ପୁତ୍ର ଚ ମି ବିତ୍ରେପା ରିୟାର୍ ଇନେସ୍ ବାତ୍ର ବିସ୍ତେ ର ମାନ୍ତାଂ ଆଜି ଇନାକା ଏନ୍ନାଦେର୍, ହେଦାଂ ନା ସାଗେନି ଆବାତି ଇଚା ହେଞ୍ଜାର୍ କାଜିଂ ଗିଟା ଆନାତ୍ ।

୨୦ “ଇନାକିଦେଂକି ଇମ୍ଠି ବାହାତ ରିୟାର୍ କି ତିନ୍ ଜାଣ୍ ନା ତର୍ଦାଂ ରୁଣ୍ଡା ଆନାର୍, ହେ ବାହାତ ଆନ୍ ହେଞ୍ଜାର୍ ବିତ୍ରେ ମାନ୍ଗାନାଂ ।”

କେମା ହିଞ୍ଜାଦାଂ ମାନି ଚାକ୍ରିୟା କାତା

୨୧ *ହେ ପାଦ୍ନା ପିତର୍ ଜିସୁ କଟଣ୍ ଖାଜି ଖେନ୍ବାତାନ୍, “ଏ ମାପୁ, ଏଚେକ୍ ହଟ୍ ନା ଟଣ୍ଡେନ୍ ନା ବିରୁଦ୍ଧତାଂ ପାପ୍ କିତିସ୍ ଆନ୍ ଏଚେକାଡ୍ଦ କେମା କିନାଙ୍ଗ୍ ? ଇନାକା ସାତ୍ ହଟ୍ ?”

୨୨ ଜିସୁ ତାଙ୍ଗେଙ୍ଗ୍ ଇଚାନ୍, “ନିଙ୍ଗେଙ୍ଗ୍ କେବଲ୍ ସାତ୍ ହଟ୍ ପାତେକ୍ ଇଞ୍ଜୁଙ୍ଗା, ମତର୍ ସତୁରି ଗୁଣ୍ ସାତ୍ ହଟ୍ ପାତେକ୍ ।

୨୩ ଇଚିସ୍ ସାଗେ ରାଜି ଜାର୍ ଆଡିୟାର୍ ଲାହାଙ୍ଗ୍ ଇସାବ୍ କିଦେଙ୍ଗ୍ ଇଚାକିନି ରଞ୍ଜାନ୍ ରାଜା ଲାକେ । ୨୪ ହେଞ୍ଜେନ୍ ଇସାବ୍ ଆରମ୍ କିତିଲେ, ଲାକେ ଟାକାଂ ରୁଣ୍ କିଜି ମାଚି ର ହେବାକାରି ରାଜା ଲାଗାଂ ତାହିଞ୍ଜାତାର୍ । ୨୫ ମାତର୍ ତା ହୁଜାଆଦେଂ ଇନାକା ହିଲ୍ଓଡିଲେ ତା ମାପୁ ତାଙ୍ଗ୍ ଆରି ତା ତକ୍ତିଙ୍ଗ୍, ହିମଣାଞ୍ଜାକଡା ଆରି ଓଜୁ ପ୍ରସି କର୍ଚ ଅଦେଂ ରାଜା ବଲ୍ ହିତାନ୍ । ୨୬ ଲାଗିଂ ହେ ହଲ୍ୟା ତାଙ୍ଗେଙ୍ଗ୍ ପାନା ତାରେନ୍ ଜୁଞ୍ଜାର୍ କିଜି ଇଞ୍ଜେଙ୍ଗ୍ ଲାଗାତାନ୍, ଏନ୍ ନା ବିସ୍ତେ ବାଡ଼କାସ୍ଆ, ଆନ୍ ନିଗେଙ୍ଗ୍ ଓଜୁ ହୁଜା ଆଜି ହିଦ୍ନାଂ ।” ୨୭ ହେବେତାଂ ହେ ହଲ୍ୟାତିଂ ମାପୁ କାର୍ମା ଆଜି ତାଙ୍ଗେଙ୍ଗ୍ ପିସ୍ତ୍ର ହିତାନ୍ ଆରି ରାଜା ରୁଣ୍ କେମା କିତାନ୍ ।

୨୮ ମାତର୍ “ହେ ହଲ୍ୟା ହସି ହାଲ୍ଲଜି ତାବେଣ୍ଡାଂ ପଚାସ୍ ଟାକା ରୁଣ୍ କିଜି ମାନି ର ହାଙ୍ଗ୍ଦାକାନ୍ ଚଞ୍ଜୟା ଆଜି ହେଞ୍ଜାନିଂ ଆଜି ତା ଗାତେଲ୍ ମିଞ୍ଜି ଇଞ୍ଜେଙ୍ଗ୍ ଲାଗାତାନ୍, ଏନ୍ ଇନାକା ଆସ୍ତାୟନା ହୁଜାଆଦା ।”

* **୧୮:୧୦** ୧୮:୧୦ ୧୮:୧୦ କେତେକ୍ ପଡିତ ୧୧ପାଦ୍ତିଂ ମେହାୟ୍ କିନାର୍, ଇନେକିଦେଂକି ଇନାକା ଜାଙ୍ଗତାତ୍ନା, ହେଦାଂ ଦାସ୍ତ୍ର ରାକ୍ୟା କିଦେଂ ମାନାୟ୍ ମାଜି ଖାତାନ୍ନା (ଲୁକ ୧୯:୧୦) * **୧୮:୧୫** ୧୮:୧୫ ଲୁକ ୧୭:୩. * **୧୮:୧୮** ୧୮:୧୮ ମାତ୍ରିକ ୧୭:୧୯; ଜହନ୍ ୨୦:୨୩. * **୧୮:୨୧** ୧୮:୨୧ ଲୁକ ୧୭:୩,୪.

୨୯ ଲାଗି “ତା ହାଙ୍ଗଦାକାନ କାଲ୍ ତାରେନ୍ ଆଜି ହେଝାନିଂ ଗଝାରି କିଜି ଇଞ୍ଜେଙ୍ଗ୍ ଲାଗାତାନ୍, ଏନ୍ ନା ବିସ୍ତେ ବାଡ଼କାସ୍ଆ, ଆନ୍ ନିଞ୍ଜେଙ୍ଗ୍ ହୁଜା ଆଜି ହିଦ୍ନାଂ ।”

୩୦ “ମତର୍ ହେଝେନ୍ ରାଜି ଆଝାତାନ୍, ମାତର୍ ହାଲ୍ଜି ରୁଣ୍ ହୁଜାଆଝି ପାତେକ୍ ତାଙ୍ଗ୍ ଜଇଲ୍ତ ପ୍ରତ୍ତାର୍ । ୩୧ ଲାଗି ତା ହାଙ୍ଗଦାକାର ଇ ଗର୍ନା ହୁଡ଼ଜି ବେସି ଦୁକ୍ ଆତାର ଆରି ହାଲ୍ଜି ହେଝାର୍ ମାପୁ ଲାଗାଂ ଝିନ୍ତୁ ଗର୍ଗାଗିଟା ଆଜି ମାତାଡ଼ ଝେର୍ଚାର୍ ।” ୩୨ ହେବେତାଂ ତା ମାପୁ ତାଙ୍ଗ୍ ଲାଗେ କୁକି କିଜି ଇଚାନ୍, “ଏଡେ ଉଡ଼ପାତ୍ୟା ହଲ୍ୟା, ଏନ୍ ନାଞ୍ଜେଙ୍ଗ୍ ଗଝାରି କିଡ଼ତିଲେ ଆନ୍ ନି ହେ ଝିନ୍ତୁ ରୁଣ୍ କେମା କିତାଙ୍ଗ୍; ୩୩ ଆନ୍ ଇନେସ୍ ଲାକେ ନିଞ୍ଜେଙ୍ଗ୍ ଦୟା କିଡ଼ତାଙ୍ଗ୍, ହେ ଲାକେ ପା ଜାର୍ ହାଙ୍ଗଦାକାର ଦୟା କିନାକା କି ନି କାମାୟ୍ ହିଲ୍ଝାତାଡ଼ ?” ୩୪ ଆରେ, ତା “ମାପୁ ରିସା ଆଜି ଝିନ୍ତୁ ରୁଣ୍ ହୁଜାଆଝି ତାଙ୍ଗ୍ ପାତେକ୍ ବାଦା ହିନି ମାନାୟାର୍ କେଇଦ ସର୍ପି କିତାର୍ ।”

୩୫ ଜିସୁ ଇନାକା ଝିସ୍ତି “ହେଝାରିଂ ଇଚାନ୍ ଜଦି ଝାସ୍ତିତାଂ ଜାର୍ ଜାର୍ ଚଣ୍ଡାରିଂ କେମା କିଝିତିସ୍, ତାଆତିସ୍ ନା ସାଗେନି ଆବା ପା ମି କାଜିଂ ହେ ଲାକେ କିଦ୍ନାନ୍ ।”

୧୯

ହେଲ ନାଟ୍ରି ବିସ୍ତେ ଜିସୁତି ହିକ୍ୟା (ମାର୍କ ୧୦:୧-୧୨)

୧ ଜିସୁ ଇ ଝିନ୍ତୁ କାତା ଇଞ୍ଜି ଝିସ୍ତି ପାତେ ଗାଲିଲି ପିସ୍ତି ଜର୍ଦନ୍ ନାଗୁଡ଼୍ ଆନ୍ତି ପାଡ଼କା ମାନି ଜିହୁଦା ନିପ ହାଚାନ୍ । ୨ ବେସିହେନି ମାନାୟାର୍ ତାଙ୍ଗେଙ୍ଗ୍ ଦାସ୍ତାର୍ ଆରି ହେଝାନ୍ ହେନି ରଗ୍ୟାରିଂ ଉଜ୍ କିତାନ୍ ।

୩ କେତେଜାଣ୍ ପାରୁସିର୍ ତା ଲାଗାଂ ଝାଜି ତାଙ୍ଗ୍ ଡକ୍ତାତ ପ୍ରଦଦେଂ ପାଟି କିତାର୍ । ହେଝାର୍ ତାଙ୍ଗ୍ ଝେନ୍ବତାର୍, “ମା ଦର୍ନିନି ମସାତି ବିଦି ଇସାବ୍ରେ ରକାନ୍ ଜେ ଇନା ବିସ୍ତେ ତା, କଗ୍ଲେଂ ହେଲ ହିଦେଂ ଆଡ଼ନାନ୍ କି ?”

୪ ହେଝେନ୍ ଉତର୍ ହିତାନ୍, ଏପେଙ୍ଗ୍ ଇନାକା ପଡ଼ି କିଝାତାଦେଣ୍ଟା ଜେ ଉବ୍ଜାଣ୍ କିନାକାନ୍ ଆରମ୍ପତାଂ ହେଝାରିଂ ଆଣ୍ଡେନ୍ ଆରି କଗ୍ଲେ କିଜି ଉବ୍ଜାଣ୍ କିତାନ୍, ୫ ଆରେ ଇଚାନ୍, “ଇଦାଂ କାଜିଂ ମାନାୟ୍ ଆବାଆୟାକାଂ ପିସ୍ତି ଜାର୍ କଗ୍ଲେ ତାକେ ମେହା ଆନାନ୍, ଆରେ ହେଝାର୍ ଦୁଲ୍ମାତାର୍ ଏକ୍ ଆନାର୍ ? ୬ ଲାଗି ହେଝାର୍ ଆରେ ରିକାର୍ ଆକାୟ୍, ମାତର୍ ଏକ୍ ଆନାର୍ । ଲାଗି, ଇସ୍ତର୍ ଇନାକା ମେହାୟ୍ କିଡ଼ତାନ୍ନା, ମାନାୟାର୍ ହେଦାଂ ଏଡାୟ୍ କିମେନ୍ ।”

୭ ହେଝାର୍ ହେଝାନିଂ “ଝେନ୍ବତାର୍, ଲାଗିଂ ମସା ଇନେକିଦେଂ ହେଲ ଆକି ହିଜି କଗ୍ଲେଙ୍ଗ୍ ହେଲ ହିନି କାଜିଂ ବଲ୍ ହିତାନ୍ ?”

୮ ଜିସୁ ଉତର୍ ହିତାନ୍, “ମି ମାନ୍ ଆର୍ଝା କାଜିଂ ମସା ହେ ଲାକେ କିଜି ମାଚାନ୍ । ମାତର୍ ଆଗେ ଉବ୍ଜାଣ୍ ଝେଡାଲିଂ ଏଲେଙ୍ଗ୍ ବିଦି ହିଲ୍ଝାତାଡ଼ ।”

୯ * “ମତର୍ ଆନ୍ ମିଙ୍ଗ୍ ଇଞ୍ଜନାଙ୍ଗା, ଇନେରକି ଜାର୍ ଡକ୍ତିଂ ଦାରି ଦସ୍ତ ପିସ୍ତି ବିନ୍ ବିସ୍ତେତାଂ ପିହ୍ନିଆକି ହିଜି ବିନ୍ କଗ୍ଲେଂ ବିବା କିଡ଼ିସ୍, ହେଝାନ୍ ଦାରି ଆନାନ୍ ।”

୧୦ ତେଲାର୍ ହେଝାନିଂ ଇଚାର୍, “କଗ୍ଲେ ହୁକେ ମାନାୟତିଂ ଜଦି ଇ ମାସ୍ତୁ ମେହାବିଡ଼ା, ଲାଗିଂ ବିବା କିଝାକା ହାର୍ ।”

୧୧ ଜିସୁ ଉତର୍ ହିତାନ୍, “ଇ ହିକ୍ୟା ଝିଜାକାର୍ କାଜିଂ ସମାନ୍ ଆକାୟ୍ । ଇସ୍ତର୍ ତାଙ୍ଗ୍ ଇମ୍ଘାକାରିଂ ଇଦାଂ ହିୟାତାଡ଼ନ୍ନା, କେବଲ୍ ହେଝାର୍ ନେ ଇଦାଂ ଇଡ଼ଦେଂ ଆଡ଼ନାର୍ । ୧୨ ଇନାକିଦେଂକି ଇନେର୍ ଇନେର୍ ଆୟା ଗରବ୍ତାଂ ବେଜୁ ଆଜି ଜଲମ୍ ଆତାଣ୍ଟା, ଆରେ ଇନେର୍ ଇନେର୍ ମାନାୟତାଂ ବେଜୁ କିୟାତାଣ୍ଟା, ଆରି ଆରେ ଇନେର୍ ଇନେର୍ ସାଗେ ରାଜି କାଜିଂ ଜାର୍ ଜାର୍ତିଂ ବେଜୁ କିତାଣ୍ଟା । ଇମ୍ଘାକାର୍ ଇଡ଼ଦେଂ ଆଡ଼ନାର୍, ହେଝାନ୍ ଇଚେନ୍ ।”

ଜିସୁ ହାରୁ ହିମ୍ଘାକାଂ ଆସିର୍ବାଦ୍ କିତାନ୍ (ମାର୍କ ୧୦:୧୩-୧୬; ଲୁକ ୧୮:୧୫-୧୭)

୧୩ ହିମ୍ଘାଂ ଜପି କେଇ ଇଡ଼ଜି ପାର୍ତନା କିଦେଙ୍ଗ୍ କାଜିଂ କେତେକ୍ ଲକୁ ହେଝାରିଂ ଜିସୁ ଲାଗେ ତାହିଝାତାର୍ । ହେ ଲକୁରିଂ ତେଲାର୍ ଦାକା ହିତାର୍ । ୧୪ ମାତର୍ ଜିସୁ ଇଚାନ୍, “ହିମ୍ଘାକାଂ ନା ଲାଗେ ଝାଦେଙ୍ଗ୍ ହିଆର୍ । ହେଝାରିଂ ବାଦା ହିମାଟ୍ । ଇନାକିଦେଂକି ସାଗେ ରାଜି ଇମ୍ଘାକାର୍ ଇଝାର୍ ଲାକେ ହେଝାର୍ତି ।”

୧୫ ଆରେ ହେଝାର୍ ଜପି କେଇ ଇଡ଼ଜି ଆସିର୍ବାଦ୍ କିତି ପାତେ ଜିସୁ ହେବେତାଂ ହାଚାନ୍ ।

ରକାନ୍ ମାଜାନ୍ ଦାଙ୍ଗେନ୍ (ମାର୍କ ୧୦:୧୭-୩୧; ଲୁକ ୧୮:୧୮-୩୦)

୧୬ ଦିନେକ୍ ରକାନ୍ ମାଜାନ୍ ଦାଙ୍ଗେନ୍ ଜିସୁ ଲାଗେ ଝାଜି ଝେନ୍ବତାନ୍, “ଗୁରୁ ! ଝିଜ୍ଝି ଜିବୁନ୍ ପାୟାଦେଂ କାଜିଂ ଆନ୍ ଇମ୍ଘା ହାର୍ଦି କାମାୟ୍ କିନାଙ୍ଗ୍ ?”

* ୧୯:୯ ୧୯:୯ ମାତ୍ରିକ ୫:୩୨; ୧ କରନ୍ତିୟ ୭:୧୦,୧୧.

୧୭ ଜିସୁ ତାଙ୍କେଇଁ ଇଚାନ୍, “ହାଦି କାମାୟ ବିସ୍ତେ ନାଜ୍ ଇନେକିଦେଂ ଖେନ୍‌ବା ଆଦନାଦେରା ? କେବଲ୍ ଇସ୍‌ବର ନେ ହାରଦାକାନ୍ । ହେଖାନ୍ତି ବଲ୍ ଖିଜୁ ମାନି କିତିସ୍, ଖିଜୁ ଜିରୁନ୍ ଲାବ୍ କିଦେଇଁ ଆଡନାସ୍ ।”

୧୮ ହେଖାନ୍ ଖେନ୍‌ବାତାନ୍, “ଇମଣି ଖିଜୁ ବଲ୍ ?”

ଜିସୁ ଇଚାନ୍, “ନାର୍ ଅହମାଟ୍, ଦାରି କିମାଟ୍ । ଚରି କିମାଟ୍, ଇନେର୍ ବିରୁଦ୍‌ତ ମିର୍ ଦାବା କିମାଟ୍ । ୧୯ ଆବାଂ ଆୟାଙ୍ଗ୍ ଖାରି କିୟାଟ୍ ଆରି ମି ପାଡ଼ହାନିକାରିଂ ଜାର୍ ଲାକେ ଜିଉ ନଖାଟ୍ ।”

୨୦ ହେ ଦାଙ୍ଗଣେନ୍ ତାଙ୍କେଇଁ ଇଚାନ୍, “ଇ ସବୁ ବଲ୍ ଆନ୍ ମାନି କିତାଂନା । ନାଦାଂ ଆରେ ଇନାକା କିନି ଲଡ଼ା ?”

୨୧ ସୁଣାୟ କିଜି ଜିସୁ ହେଖାନ୍ତିଂ ଉତର୍ ହିତାନ୍, “ଜଦି ଏନ୍ ହାର ଆଦେଂ ମାନ୍‌କିନାୟ୍, ହାଲା, ନିନ୍ଦାଂ ସବୁ ଦନ୍ ପ୍ରସି ହେ ଟାକାଙ୍ଗ୍ ଅକିଂ ତାରିଂ ଦାନ୍ କିୟା । ତା ଆତିସ୍ ଏନ୍ ସାଗେତ ଦନ୍ ଲାବ୍ କିନାୟ୍ । ଇ ଖିଜୁ କିତିପାରେ ନା ପାରେ ପାରେ ଖା ।”

୨୨ ମାତର୍ ଇ କାତା ଖେନ୍‌ଞ୍ଜି ଦାଙ୍ଗଣେନ୍ ଦୁକ୍ ଆଜି ହାଚାନ୍, ଇନାକିଦେଂକି ହେଖାନ୍ ବେସି ମାଜାନ୍ ମାଚାନ୍ ।

୨୩ ଜିସୁ ଚେଲାରିଂ ଇଚାନ୍, “ଆନ୍ ମିଙ୍ଗ୍ ହାଡ଼ପା ଇଞ୍ଜନାଙ୍ଗା, ମାଜାନିଂ ସାଗେ ରାଜିତ ହଣାକା ବେସି କସ୍ । ୨୪ ଆରେ ଆନ୍ ମିଙ୍ଗ୍ ଇଞ୍ଜନାଙ୍ଗା, ଇସ୍‌ବର୍ ରାଜିତ ମାଜାନ୍ ଲକୁ ହଣି ବାଟା ଚରିସ୍ ହୁଜାନି କାଣାତିଂ ଉର୍ ହଣାକା ଆଡ଼ଞ୍ଜା ।”

୨୫ ଚେଲାର୍ ଇଦାଂ ଖେନ୍‌ଞ୍ଜି କାବା ଆଜି ଇଚାର୍, “ତେବେ ଇନେର୍ ମୁକ୍ତି ଆଦେଂ ଆଡ଼ନାର୍ ?”

୨୬ ଜିସୁ ହେଖାରିଂ ସିଦା ହୁଡ଼ଜି ଇଚାନ୍, ଇଦାଂ “ମାନାୟତିଂ ପାକ୍ୟାତ ଆଡ଼ଞ୍ଜାକା, ମାତର୍ ଇସ୍‌ବର୍ ପାକ୍ୟାତ ଖିଜୁ ଆଡ଼ଞ୍ଜା ।”

୨୭ ଇଦାଂ ଖେନ୍‌ଞ୍ଜି ପିତର୍ ଇଚାନ୍, “ହୁଡ଼ା, ଆପେଂ ଖିଜୁ ପିସି ନି ପାରେ ପାରେ ଖାତାପନା । ଆପେଙ୍ଗ୍ ଇନାକା ଗାଟାନାପ୍ ।”

୨୮ ଜିସୁ ହେଖାରିଂ ଇଚାନ୍, “ଆନ୍ ମିଙ୍ଗ୍ ହାଡ଼ପା ଇଞ୍ଜନାଙ୍ଗା, ପୁନି ଜୁଗ୍‌ତ ଏଚେକାଡ଼୍‌ଦ ମାନାୟ୍ ମାଜି ଜାର୍ ଜାଜ୍‌ମାଲ୍‌ନି ଗାଦିତ କୁଚ୍‌ଚାନ୍, ହେ ଏଚେକାଡ଼୍‌ଦ, ନା ପାରେ ଖାତାଦେର୍ ଜେ ଏପେଙ୍ଗ୍, ଏପେଙ୍ଗ୍ ପା ବାର ଚେଲାର୍ ଗାଦିତ କୁଚ୍‌ଚି ଇସ୍‌ଏଲ୍‌ନି ବାର କୁଚ୍‌ଚୁମ୍ ଜପି ରାଜ୍ କିନାଦେର୍ । ୨୯ ଆରି ଇନେର୍‌କି ନା ତର୍ କାଜିଂ ଇଲ୍, କି ଟଣ୍ଡେନ୍ କି ତଣ୍ଡେଲ୍, କି ଆବା କି ଆୟା, ହିମଣା ଖାକଡ଼ା କି ତାରେନ୍ ପିହିନାନ୍, ହେଖାନ୍ ସହେ ଗୁଣ୍ ଆଦିକ୍ ପାୟାନାନ୍; ଆରି ଖିଜୁ ଜିରୁନ୍ ଆଦିକାର୍ ଆନାନ୍ ।” ୩୦ ☆ “ମାତର୍ ପର୍ତୁମ୍‌ତ ମାନି ଆଦେକ୍ ଲକୁ ପାରେ ଆର୍ନାର୍ ଆରି ପାରେ ମାନି ହେନି ଲକୁ ପର୍ତୁମ୍ ଆନାର୍ ।”

୨୦

ଅଙ୍ଗୁର୍ ବାଡ଼ନି କୁଲିୟା

୧ “ସାଗେ ରାଜି ଇନେସ୍, ଇଦାଂ ଆରେ ର ଉତର୍‌ମୁଡ଼୍ ଖେନାଟ୍ । ର ମାନାୟ୍ ଦିନେକ୍ ନାଣାଙ୍ଗେ ତା ଅଙ୍ଗୁର୍ ବାଡ଼ନ୍ କାମାୟ କିଦେଇଁ କୁଲିୟାରିଂ ତେକ୍‌ତେଂ ହତାନ୍ । ୨ ଆରେ ହେଖାନ୍ କୁଲିୟାର୍ ହୁକେ ଦିନେକ୍‌ତିଂ ର ଦିନ୍‌ନି ରୁଣ୍ ନାଟ୍‌ତି ହେଖାରିଂ ଜାର୍ ଅଙ୍ଗୁର୍ ବାଡ଼ନ୍ ପକ୍‌ତାନ୍ । ୩ ତା ପାରେ ଦିନ୍ ନଅ ଗଣ୍ ଖେଡ଼ାଲିଂ ବାଜାର୍‌ତ ହାଲ୍‌ଜି ହୁଡ଼ତାନ୍, ର କୁଦା ଲକୁ ପଲ୍ୟା ଆଜି ନିଲ୍‌ତାଣ୍ଟା ।” ୪ ହେଖାରିଂ ହେଖାନ୍ ଇଚାନ୍, ଏପେଙ୍ଗ୍ ପା ନା ଅଙ୍ଗୁର୍ ବାଡ଼ନ୍ ହାଲ୍‌ଜି କାମାୟ କିୟାଟ୍, ମିଙ୍ଗ୍ ସମାନ୍ କୁଲି ହିଦ୍‌ନାଂ । ୫ ହେଖାର୍ ହାଲ୍‌ଜି କାମାୟତ ଲାଗାତାର୍ । ଦିନ୍ ବାଟା ଆରି ତିନ୍‌ଟା ଖେଡ଼ାଲିଂ ସମାନ୍ ହେ ଲାକେ ଆରେ କେତେକ୍ କୁଲିୟାରିଂ ତାହିଖାଜି କାମାୟତ ଲାଗାୟ୍ କିତାନ୍ । ୬ ମିଡ଼କାହାରେସ୍ ପାଞ୍ଚଟା ଖେଡ଼ାଲିଂ ଆରେ ରଗ ବାଜାର୍‌ତ ହାଲ୍‌ଜି ହୁଡ଼ତାନ୍, ଆରେ କେତେକ୍ ଜାଣ୍ ନିଲ୍‌ତାଣ୍ଟା । ହେଖାରିଂ ଖେନ୍‌ବାତାନ୍, “ଖେଡ଼ାବୁଡ଼ି କାମାୟ କିଞ୍ଜାଦାଂ ଇନେକିଦେଂ ପଲ୍ୟା ସମ୍ ନସ୍ କିନାଦେରା ?” ୭ ହେଖାର୍ ଉତର୍ ହିତାର୍, ଇନେର୍ ତ ମାଂ କାମାୟତ କିୟକିଦ୍‌ଖାତାଣ୍ଟା । ହେଖାନ୍ ହେଖାରିଂ ଇଚାନ୍, ଆୟେଡ଼୍, ବାଟିଙ୍ଗ୍ ଏପେଙ୍ଗ୍ ଖିଜାକାଦେର୍ ନା ଅଙ୍ଗୁର୍ ବାଡ଼ନ୍ ହାଲ୍‌ଜି କାମାୟ କିୟାଟ୍ ।

୮ “ହେ ଦିନ୍ ମିଡ଼କାହାରେସ୍ ଅଙ୍ଗୁର୍ ବାଡ଼ନି ହାଉକାର୍ ଗୁମୁସ୍ତାଙ୍ଗ୍ ଇଚାନ୍, କୁଲିୟାରିଂ କୁକା । ଇମଣାକାର୍ ଖିଜାର୍‌ତାଂ ପାରେ କାମାୟ ହାଙ୍ଗ୍‌ତାଣ୍ଟା, ଆଗେ ହେଖାରିଂ ହାଜ୍‌ରି ହିଆ । ୯ ହେବେଣ୍ଟାଂ ଇମଣାକାର୍ ପାଞ୍ଚଟା ଖେଡ଼ାଲିଂ କୁଲି କିଜି ମାଚାର୍, ହେଖାର୍ ଖାଜି ରଞ୍ଜାଙ୍ଗ୍ ରଞ୍ଜାଙ୍ଗ୍ ରୁପା ଟାକାଂ ଗାଟାତାର୍ ।” ୧୦ ଆରେ, ପର୍ତୁମ୍ ଖାଜି କିଜିମାତି କୁଲିୟାର୍ ଖାଜି ଆଦିକ୍ ଗାଟାନାପ୍ ଇଞ୍ଜି ବାବିକିତାର୍, “ମତର୍ ହେଖାର୍ ପା ରଞ୍ଜାଙ୍ଗ୍ ରଞ୍ଜାଙ୍ଗ୍ ରୁପା ଟାକାଂ ଗାଟାତାର୍ । ୧୧ ହେଖାର୍ ହେଖାଙ୍ଗ୍ ଅଜି ହାଉକାର୍ ବିରୁଦ୍‌ତ ମାନ୍‌ଦୁକ୍ କିଜି ଇଚାର୍, ୧୨ ମିଡ଼କାହାରେସ୍ ପାଞ୍ଚଟା କାମାୟ ହାଙ୍ଗ୍‌ଜି ମାନି କୁଲିୟାର୍ ମତର୍ ରଗଣ୍ଟା କାମାୟ କିତାଣ୍ଟା । ଆସେଙ୍ଗ୍ ଇ କାରାତ ଖେଡ଼ାବୁଡ଼ି କିତାପ୍, ଇ ହାଜ୍‌ରି ହିନି ଖେଡ଼ାଂ ହେଖାରିଂ ମାହୁଦାଂ ସମାନ୍ କିଡ଼ତାନ୍ ।” ୧୩ ହାଉକାର୍ ହେଖାର୍ ବିତ୍ରେ ରକାନିଂ ଉତର୍ ହିଜି ଇଚାନ୍, “ଟଣ୍ଡେନ୍ ! ଆନ୍ ନିଂ ଅନ୍‌ପାୟ୍ କିଦ୍‌ଖାତାଂନା; ଏନ୍ ଇନାକା ନା ହୁଦାଂ ର ଟାକାଂ କାଜିଂ ରାଜି ଆଞ୍ଜାଦାଂ ମାଚାୟ୍ ? ୧୪ ନିନ୍ଦାଂ ଇମଣାକା, ହେଦାଂ ଅଜି ହାଲା, ମାତର୍ ଇ ହାରିହାରା ଲକାଂ ପାନି ଲାକେ ହିଦେଂ କାଜିଂ ନା ମାନ୍ । ୧୫ ନା ଜାର୍ ଦନ୍ ଇନେସ୍ ହାର୍ ହେ ଏଲେଙ୍ଗ୍

☆ ୧୯:୩୦ ୧୯:୩୦ ମାତୃତ ୨୦:୧୭; ଲୁକ ୧୩:୩୦.

କର୍ତ୍ତ କିଦେଈଁ ଇନାକା ନା ଆଦିକାର୍ ହିଲୁଡ଼ ? କି ଆନ୍ ଅଲପ୍ ଉଦାର୍ ଆତିଲେ ଏପେଈଁ ଝିଜାଦେର୍ ନାଈଁ ଆକର୍ ଆଦନାଦେର୍ ?”

୧୭ “ହେ ଲାକେ ପାଚେ ମାନି ମାନାୟ୍ ପର୍ତୁମ୍ ଆନାର୍ ଆରି ପର୍ତୁମ୍ ମାନି ମାନାୟ୍ ପାଚେ ଆନାର୍ ।”

ଜିସୁ ତା ହାକି ବିସ୍ତେ ତିନି ହର୍ କାଜିଂ ଝେଡ଼ତାନ୍

(ମାର୍କ ୧୦:୩୨-୩୪; ଲୁକ ୧୮:୩୧-୩୪)

୧୭ ଜିସୁ ଜିରୁସାଲମ୍ ତ ହାନି ହାସ୍ତ ବାର ଚେଲାର୍ ର ଲାଗେ କୁକ୍ତି ଅଜି ବିନେ କିଜି ହେଝାରିଂ ଇଚାନ୍, ୧୮ “ହୁଡ଼ାଟ୍ ଆସେଈଁ ଜିରୁସାଲମ୍ ତ ହାନାସା । ହେବେ ମାନାୟ୍ ମାଜି ମୁଡ଼୍ ମାପୁହେବାକିନାକାନ୍ ଆରି ଦରମ୍ ଗୁରୁର୍ କେଇଦ ହେଲାୟ୍ ଆନାନ୍ ହେଝାର୍ ହେଝାନିଂ ହାକି ତାଣ୍ ହିନାର୍ । ୧୯ ତା ପାଚେ ପାଚି କିଝି ଜିହୁଦିର୍ କେଇଦ ପିସ୍ତ୍ର ହିନାର୍ । ପାଚି କିଝି ଜିହୁଦି ତାଈଁ ଗୁଇନାର୍, କରତା ଇଡ଼ନାର୍ ଆରି କୁସ୍ତ ଦୁପନାର୍ । ମାତର୍ ତିନି ଦିନ୍ ପାଚେ ହେଝାନ୍ ଆରେ ନିଈଁନାନ୍ ।”

ର ଆୟାତି ଗଝାରି

(ମାର୍କ ୧୦:୩୫-୪୫)

୨୦ ଈ ଝେଡ଼ାଲିଂ ଜେବ୍ଦିତି ଡକ୍ତୁହି ତା ରି ମେହିର୍ ହୁକେ ଜିସୁ ତାକେ ଝାଜି । ଜିସୁଈଁ ଜଝାର୍ କିଜି ତାଈଁ ଅଲପ୍ ଏଡ଼ାଡ଼ ।

୨୧ ଜିସୁ ହେଦେଲିଂ ଝେନ୍ବାତାନ୍, “ଇନାକା ମାନ୍ କିନାୟା ?” ହେଦେଲ୍ ଇଚାଡ଼, “ଏନ୍ ଏଚେକାଡ଼୍ ମି ରାଜିତ ରାଜା ଆନାୟ୍, ନା ଈ ରି ହିମ୍ଣାକାଂ ନି ବୁଜ୍ଣି ଆରି ତେବ୍ରି ପାଡ଼କା କୁଚିକିନାୟ୍ ଇଞ୍ଜି ବଲ୍ ହିଦା ।”

୨୨ ଜିସୁ ଜେବ୍ଦି ରିୟାର୍ ମାଜିରିଂ ଉତର୍ ହିଚାନ୍, “ଏପେଈଁ ଇନାକା ଏନ୍ନାଦେରା, ହେଦାଂ ପୁନୁଦେରା । ଆନ୍ ଦୁକ୍ ବଗନି ବାହାତ ଉଣ୍ଡେଈଁ ହାନାଈଁ ? ହେବେ କି ଏପେଈଁ ଉଣ୍ଡେଈଁ ଆଡ଼ନାଦେର୍ ?”

ହେଝାର୍ ତାଈଁ ଇଚାର୍, “ଆଡ଼ନାପ୍ ।”

୨୩ ଜିସୁ ହେଝାରିଂ ଇଚାନ୍, “ଏପେଈଁ ନା ଦୁକ୍ ବଗନି ବାହାତ ଉଣାକା ସଡ଼, ମାତର୍ ନା ତିନାବାଗାଈଁ ଆରି ତେବ୍ରି ବାଗାଈଁ କୁଚ୍ଚେଂ ହିନାକା ନା ଆଦିକାର୍ ବିସ୍ତେ ଆକାୟ୍, ଇଚିସ୍ ଇମ୍ଣାକାର୍ କାଜିଂ ନା ଆବା କାଜିଂ ବାହା ଜାଲ୍ଦି କିୟା ଆତାଡ଼ନା, ହେଝାର୍ କୁଚ୍ଚନାର୍ ।”

୨୪ ବିନ୍ ଦାସ୍ ଜାଣ୍ ଇଦାଂ ଝେନ୍ଞି ହେ ଟଣ୍ଡିରିୟାର୍ ଜପି ରିସା ଆତାର୍ ।

୨୫ *ମାତର୍ ଜିସୁ ଚେଲାର୍ ଲାଗେ କୁକ୍ତି ଇଚାନ୍, “ପାଚି କିଝି ଜିହୁଦିର୍ ସାସନ୍ କାରିୟାର୍ ହେଝାର୍ ଜପି ରାଜକିନାର୍ ଆରି ଗାଜା ମୁଣିକାର୍ ହେଝାର୍ ଜପି ଝିଜୁ ରାଜକିନାର୍, ଇଦାଂ ଏପେଈଁ ପୁନାର୍ ।” ୨୬ *“ମି ବିଡ୍ରେ ହେ ଲାକେ ଆକାୟ୍, ମାତର୍ ମି ବିଡ୍ରେ ଜେ ଇନେର୍ ଗାଜା ଆଦେଂ ମାନ୍ କିନାନ୍, ହେଝେନ୍ ମି ହେବା କିନାକାନ୍ ଆୟେନ୍, ୨୭ ଆରେ ଇନେର୍କି ମୁଡ଼୍ ଆଦେଂ ଇଚା କିନାନ୍, ହେଝେନ୍ ମି ହଲ୍ୟା ଆୟେନ୍, ୨୮ ଇନେସ୍ ମାନାୟ୍ ମାଜି ହେବା ପାୟା ଆଦେଂ ଝାଝାତାନ୍ନା, ମାତର୍ ହେବା କିଦେଈଁ ଆରି ହେନି କାଜିଂ ମୁକ୍ତାୟ୍ କିନି ମୁଲ୍ଲାକେ ଜିରୁନ୍ ହିଦେଂ ଝାତାନ୍ନା ।”

ଜିସୁ ରିୟାର୍ କାଣାରିଂ ଉଜ୍ କିଚାନ୍

(ମାର୍କ ୧୦:୪୬-୫୨; ଲୁକ ୧୮:୩୫-୪୩)

୨୯ ହେଝାର୍ ଜିରିହ ବସ୍ତିତ ହସି ହାନି ଝେଡ଼ାଲିଂ ବେସିହେନି ମାନାୟାର୍ ତା ପାଚେ ପାଚେ ହାଚାର୍ । ୩୦ ଆରେ ହୁଡ଼ାଟ୍, ହାଜି କଚଣ୍ ରିୟାର୍ କାଣାର୍ ଜିସୁ ହେ ହାଜି ହାନାନା ଇଞ୍ଜି ଝେନ୍ଞି ଗାଜା କାଟ୍ କିଜି ଇଚାର୍, “ଏ ମାପୁ, ଦାଉଦ୍ ମେହି, ମାଈଁଦ୍ ଦୟା କିଦା ।”

୩୧ ଲକୁ ମୁମ୍ଦ ହେଝାରିଂ ଦାକା କିଜି ଚିମ୍ବରା ଆଦେଂ ଇଚାର୍ । ମାତର୍ ହେଝାର୍ ଆରି ଚେରା ଆଜି ଇଚାର୍, “ଏ ମାପୁ ଦାଉଦ୍ ମେହି, ମାଈଁ ଦୟା କିଦା ।”

୩୨ ହେବେତାଂ ଜିସୁ ନିଲ୍ଚି ହେଝାରିଂ ହିର୍ବିସ୍ ଝେନ୍ବାତାନ୍, “ଆନ୍ ମି କାଜିଂ ଇନାକା କିନାଈଁ ଇଞ୍ଜି ଏପେଈଁ ଇଚା କିନାଦେରା ?”

୩୩ ହେଝାର୍ ତାଈଁ ଇଚାର୍, “ଏ ମାପୁ, ଇନେସ୍ ମା କାଣ୍ଠା ଜେୟା ଆନାଡ଼ ।”

୩୪ ଆରେ, ଜିସୁ ଦୟା କିଜି ହେଝାର୍ କାଣ୍ଠା ତୁତାନ୍ ଆରି ହେ ଦାପ୍ରେ ହେଝାର୍ କାଣ୍ଠା ହୁଡ଼୍ ଜିସୁ ପାଚେ ପାଚେ ତାଈଁଦେଂ ଲାଗାତାର୍ ।

୨୧

ଜିରୁସାଲମ୍ ତ ଜିସୁ ରାଜା ଲାକେ ହଣ୍ଗାତାନ୍

(ମାର୍କ ୧୧:୧-୧୧; ଲୁକ ୧୯:୨୮-୪୦; ଜହନ୍ ୧୨:୧୨-୧୯)

* ୨୦:୨୫ ୨୦:୨୫ ଲୁକ ୨୨:୨୫,୨୬. * ୨୦:୨୬ ୨୦:୨୬ ମାତୃତ ୨୩:୧୧; ମାର୍କ ୯:୩୫; ଲୁକ ୨୨:୨୬.

୧ ହେ ପାଦନା ଜିସୁ ଆରି ଚେଲାର୍ ଜିରୁସାଲମ୍ କଚଣ୍ ବେଡ଼ପାଗି ନାସ୍ତା ଏକାତାର୍ ହେ ପାଦନା ରିୟାର୍ ଚେଲାର୍ ଜିଡ଼ମାଡ଼ି ଏକାତାର୍ । ୨ ମି “ଲାଗେ ହେ ନାସ୍ତ ହାଲାର୍, ଆରେ ହାନିଲାର୍ ଗାତ୍ୟା ଆଜି ମାନି ର ଗଦ ହିମ୍ଣା ଆରି ତା ଲାହାଙ୍ଗ୍ ର ହିମ୍ଣା ହୁଡ଼ନାଦେର୍; ହେଝେକିୟାଙ୍ଗ୍ ରିକ୍ତି ନା କଚଣ୍ ତାହିଝାଡ଼ୁ ।” ୩ ଆରେ, ଇନାଝାଡ଼ା ଇନେର୍ ମିଙ୍ଗେଙ୍ଗ୍ ଇନାକା ଇନାର୍, “ଲାଗିଂ ଇନାଦେର୍, ଇଝାଙ୍ଗ୍ ତାକେ ମାପୁ* ଲଡ଼ା ମାନାଡ଼ । ହେ ଦାପ୍ତେ ହେଝେନ୍ ହେଝେକିୟାଙ୍ଗ୍ ପଞ୍ଜାନାନ ।”

୪ ବେଶ୍‌ବାକ୍‌ଶାୟକିନାକାର୍ କାଜିଂ ଇଦାଂ ଇ ବଚନ୍ ଇନେସ୍ ପୁରା ଆନାଡ଼, ହେଦାଂ କାଜିଂ ଇଦାଂ ଗିଗା ଆତାଡ଼, ୫ “ସିୟନ୍‌ନି ଗାଡ଼ଚେଂ ଝେଟାଟ୍, ହୁଡ଼ା, ମି ରାଜା ନି କଚଣ୍ ଝାନାନା;

ହେଝାନ ହୁଦାର୍ ଆରି ଗଦ ହିମ୍ଣା ଜପି କୁଚ୍‌ଚାନା ଗଦ ଜପି କୁଚ୍‌ଚାକାନ ।”

୬ ହେବେ ଚେଲାର୍ ହାଲ୍‌ଜି ଜିସୁଙ୍ଗ୍ ବଲ୍ ତାଙ୍ଗ୍ କାମାୟ୍ କିତାର୍, ୭ ଆରେ ଗଦ ହିମ୍ଣା ତାସି ହେଝାଙ୍ଗ୍ ଜପି ହେୟା ପାସ୍‌ସି ହିତାର୍, ଆରେ ଜିସୁ ତା ଜପି କୁଚ୍‌ଚାନ । ୮ ଆରେ, ମାନାୟାର୍ ବିତ୍ତେ କେତେଜାଣ୍ ଜାର୍ ଜାର୍ ହେୟା ହାସ୍‌ଦ ପାସ୍‌ସାର୍ ଆରି କେତେଜାଣ୍ ମାର୍‌ଦାଂ ତାଡ଼ କାଦଦି ତାସି ହାସ୍‌ଦ ପାସ୍‌ସି ହିଦେଂ ଲାଗାତାର୍ । ୯ ଆରେ ତା ଆଗେ ଆରି ପାଚେ ହାଲ୍‌ଜି ମାନି ମାନାୟାର୍ ଗାଜା କାଚ୍‌ତାଂ ଇଞ୍ଜେଙ୍ଗ୍ ଲାଗାତାର୍, ହସାନ୍ନା “ଦାଉଦ୍‌ତି ହିମ୍ଣା ଦନ୍‌ସବାଦ୍ କିୟାଟ୍ ! ମାପୁ ତର୍‌ଦାଂ ଇନେର୍ ଝାନାରା, ହେଝେନ୍ ଦନ୍‌ସ ମାପୁ କେଚ୍‌କଣ୍ ଆୟେଡ଼ ।”

୧୦ ଆରେ, ହେଝେନ୍ ଜିରୁସାଲମ୍‌ତ ହଶ୍‌ଗାତାନ, ଗାଡ଼ନିକାର୍ ଇଝାନ ଇନେନ୍ ଇଞ୍ଜି ବିଙ୍ଗ୍‌ବିଙ୍ଗ୍ ଆତାଡ଼ ।

୧୧ ହେବେତାଂ ମାନାୟାର୍ ଇଚାର୍, “ଇଝେନ୍ ଗାଲିଲିନି ନାଜରିତ୍‌ତ ର ବେଶ୍‌ବାକ୍‌ଶାୟକିନାକାନ ଜିସୁ ।”

ଜିସୁ ମନ୍ଦିରତ ହାତାନ

(ମାର୍କ ୧୧:୧୫-୧୯; ଲୁକ ୧୯:୪୫-୪୮; ଜହନ୍ ୧:୧୩-୨୨)

୧୨ ପାଚେ ଜିସୁ ମନ୍ଦିରତ ହଶ୍‌ଜି ହେ ବାହାତ କଡ଼ନାକା ପ୍ରନାକାରିଂ ଝିଜାର୍ ମାନାୟାରିଂ ହପ୍‌ତାନ, ଆରେ ତାବୁଙ୍ଗ୍ ବେପ୍ରିୟାର୍‌ତି ପାଗା ଆରି ପାଣ୍ଡକା ବେପ୍ରିୟାର୍‌ତି କୁଚ୍‌ନି ବାହା ଉଲ୍‌ଗାୟ୍ କିତାନ, ୧୩ ଆରେ ଜିସୁ ହେଝାରିଂ ଇଚାନ, ଦର୍‌ମ ସାସ୍‌ସୁରତ ଲେକା ମାନାଡ଼, “ମା ଇଲ୍ ପାର୍‌ତାନା ଇଲ୍ ଇଞ୍ଜି ପୁଟା ଆନାଡ଼ ମାତର୍ ଏପେଙ୍ଗ୍ ତାଙ୍ଗେଙ୍ଗ୍ ଚକ୍‌ ଇଲ୍ କିତାଦେଶ୍ଟା ।”

୧୪ ଆରେ, ମନ୍ଦିରତ କାଶା ଆରି ହିରକଲ୍ ରଗି ମାନାୟ୍ ତା କଚଣ୍ ଝାତିଲେ, ହେଝେନ୍ ହେଝାରିଂ ଉଜ୍ କିତାନ । ୧୫ ମାତର୍ ମୁଡ଼ ମାପୁ ହେବାକିନାକାନ ଆରି ଗୁରୁର୍ ତା କିତି କାବା ଆନି କାମାୟ୍ ସବୁ ଆରି ମନ୍ଦିର ବିତ୍ତେ ହସାନ୍ନା “ଦାଉଦ୍‌ନି ହିମ୍ଣା” ଇଞ୍ଜି ଗାଜା କାଚ୍ କିଜି ମାନି କାଡ଼ଦେରିଂ ହୁଡ଼ଜି ରିସା ଆତାନ । ୧୬ ହେଝାର୍ ଜିସୁଙ୍ଗ୍ ଝେନ୍‌ବାତାର୍, “ଇଝାର୍ ଇନାକା ଇଞ୍ଜିନାରା, ଏପେଙ୍ଗ୍ ଝେନାଦେରା ?”

ଜିସୁ ହେଝାରିଂ ଇଚାନ, “ଆଁ, ଏନେଙ୍ଗ୍ ହିମ୍ଣା ଆରି ଉଶାକାର୍ ଝେଇ କାଜିଂ ମିଦାଙ୍ଗ୍ ଇନାକା ଦର୍‌ମ ସାସ୍‌ସୁରତ ଲେକାତାଡ଼ନା ପଡ଼ି କିଝାତାଇନା କି, ଏନ୍ ହିମ୍ଣା ଆରି କଡ଼ଗେ ହିମ୍ଣାକାଂ ଆଦିକ୍ ଝାରି କିଦେଙ୍ଗ୍ ହିକ୍ୟା ହିତାୟନା ?”

୧୭ ଇଦାଂ ଇଞ୍ଜି ଜିସୁ ହେଝାରିଂ ପିସ୍ତି ଜିରୁସାଲମ୍‌ତାଂ ହସି ବେଡ଼ନିୟା ହାଚାର୍ । ହେବେ ଜିସୁ ନାଶା ମାଚାନ ।

ଜିସୁ ତଗା ମାର୍‌ତିଂ ରାଣ୍ ହିତାନ

(ମାର୍କ ୧୧:୧୨-୧୪, ୨୦-୨୪)

୧୮ ହେ ଆକାଡ଼ ନାଜିଂ ଜିସୁ ଜିରୁସାଲମ୍‌ତାଂ ଝାନିହିଂ ନାସ୍‌କି ଆତାନ । ୧୯ ହାଜି କଚଣ୍ ର ତଗା ମାର୍ ମାଚାଡ଼ । ଜିସୁ ତା ଲାଗାଂ ହାଲ୍‌ଜି ହେବେ ଆକିଂ ପିସ୍ତି ଆରି ଇନାକା ହୁଡ଼ଝାତାନ । ଲାଗିଂ ଜିସୁ ମାର୍‌ତିଂ ଇଚାନ, “ଏନ୍ ଆରେ ମୁଡ଼କେ ପାଡ଼ ଆହ୍‌ମା ।” ହେ ଦାପ୍ତେ ତଗା ମାର୍ ଝାଜ୍‌ଜି ହାଚାଡ଼ ।

୨୦ ଚେଲାର୍‌ହିର୍ ଇଦାଂ ହୁଡ଼ଜି କାବା ଆଜି ଝେନ୍‌ବାତାର୍, “ତଗା ମାର୍ ଏଚେଟାଣ୍ ଝାଚ୍‌ଚାଡ଼ ଇନେସ୍ ?”

୨୧ ଜିସୁ ଉତର୍ ହିତାନ, “ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜିନାଙ୍ଗା, ଜଦି ମି ପାଚ୍ ମାନାଡ଼, ଆରେ ଏପେଙ୍ଗ୍ ପାଚ୍ କିଉଦେର୍, ଲାଗିଂ ଇ ତଗା ମାର୍ କାଜିଂ ଇନେସ୍ କିୟାଆତାଡ଼ନା, କେବଲ୍ ଇନେର୍ ହେ ଲାକେ କିନାଦେର୍, ହେଦାଂ ଆକାୟ୍, ମତର୍ ଜଦି ଇ ମାଡ଼ିତିଂ ପା ଏନ୍ ନିଙ୍ଗିଜି ହାମ୍‌ଦୁରତ ହାଲ୍‌ଜି ଆରା ଇଞ୍ଜି ଇନାଦେର୍, ତା ଆତିସ୍ ହେଦାଂ ଗିଗା ଆନାଡ଼ । ୨୨ ଆରେ, ପାଚ୍ କିଜି ପାର୍‌ତାନାତାଂ ଇନାକା ପା ଏନ୍‌ନାଦେର୍ ହେ ସବୁ ପାୟାନାଦେର୍ ।”

ଜିସୁତି ଆଦିକାର୍ ବିସ୍ତେ ପର୍‌ସନ୍

(ମାର୍କ ୧୧:୨୭-୩୩; ଲୁକ ୨୦:୧-୮)

* ୨୧:୩ ୨୧:୩ ମାପୁ; ନଲେ ହାଉକାର୍ । ☆ ୨୧:୨୧ ୨୧:୨୧ ମାତ୍ରିକ ୧୭:୨୦; ୧ କରନ୍ତିୟ ୧୩:୨.

୨୩ ପାଚେ ଜିସୁ ମନ୍ଦିରତ ହଣ୍ଡି ହିକ୍ୟା ହିନି ଖେଡାଲିଂ ମୁଡ଼୍ ମାପୁହେବା କିନାକାର ଆରି ମାନାୟାରତି ରୁଡାଲୁର ତା କଚଣ୍ଡ ଖାଜି ଖେନ୍ଦବାତାର, ଏନ୍ “ଇମ୍ପଣି ଆଦିକାରତାଂ ଇ ଖିଜୁ କିନାୟା ? ଆରେ, ନିଜେଙ୍ଗ୍ ଇନେର୍ ଇ ଆଦିକାର ହିଡ଼ତାର ?”

୨୪ ଜିସୁ ହେଖାରିଂ ଉତର୍ ହିତାନ୍, “ଆନ୍ ମିଜେଙ୍ଗ୍ କେବଲ୍ ର ପର୍ସନ୍ ଗଞ୍ଜାରି କିଦନାଙ୍ଗ୍ ହେ ଉତର୍ ହିଦେଂ ଆଡ଼ତିସ୍, ଆନ୍ ଇମ୍ପଣି ଆଦିକାର ଇ ଖିଜୁ କାମାୟ କିନାୟା, ମିଜେଙ୍ଗ୍ ଖେର୍ନାଙ୍ଗ୍ । ୨୫ ବାପ୍ତିସମ୍ ହିନାକା ଆଦିକାର ଜହନ୍ ଇନେର୍ତାଂ ଗାଟା ଆଜି ମାଚାନ୍ ? ସାଗେଟାଂ କି ମାନାୟତି ?”

ହେବେ ହେଖାର ହେଖାର ବିତ୍ରେ ବେଣକିତାର “ଇ ବିସ୍ତେ ଇନାକା ଇନାସ୍ ? ଜଦି ଇନାସ୍ ଇସ୍ପର୍ତାଂ, ଲାଗିଂ ଜହନ୍ତିଂ ଇନାକିଦେଂ ପାଚ୍ କିଉଦେରା ଇଞ୍ଜି ହେଖାନ୍ ମାଜେଙ୍ଗ୍ ଖେନ୍ଦବାଦାନାନ୍ । ୨୬ ମାନାୟତିଂ ଇଞ୍ଜି ଜଦି ଇନାସ୍, ଲାଗିଂ ମାନାୟାରିଂ ମାଙ୍ଗ୍ ପାଣ୍ଡୁ ହୁଡ଼ନାତା, ଇନାକିଦେଂକି ଖିଜାର୍ ମାନାୟାର୍ ଜହନ୍ ରକାନ୍ ବେଣ୍ଡବାକ୍ଣାୟ କିନାକାନ୍ ଇଞ୍ଜି ହେଖାର ପାଚ୍ କିନାରା ।” ୨୭ ହେଦାଂ କାଜିଂ ହେଖାର ଜିସୁ ଉତର୍ ହିଜି ଇଚାର୍, “ଆପେଂ ପୁନୁପ୍ ।”

ଜିସୁ ହେଖାରିଂ ଇଚାନ୍, “ଇନେର୍ ଆଦିକାରତାଂ ଇ ସବୁ କିନାୟା, ଆନ୍ ପା ମିଜେଙ୍ଗ୍ ଖେର୍ତୁଙ୍ଗ୍ ।”

ରିୟାର ମାଜିର୍ ଉତର୍ମୁଡ଼୍

୨୮ “ମତର୍ ଏପେଙ୍ଗ୍ ଇନାକା ମାନେ କିୟା ? ରଖାନ୍ ମାନାୟତିଂ ରିୟାର୍ ମାଜି ମାଚାର୍ । ହେଖେନ୍ ପର୍ତୁମ୍ କଚଣ୍ଡ ଖାଜି ଗାଜା ମାଜି ଇଚାନ୍, ମାଜି, ହାଲା, ନେଞ୍ଜେଙ୍ଗ୍ ଅଜୁର୍ ବାଡ଼୍ କାମାୟ କିୟା । ୨୯ ହେଖେନ୍ ଉତର୍ ହିତାନ୍, ନା ଇଚା ଆକାୟ, ମାତର୍ ପାଚେ ମାନ୍ଦାଦ୍ଲାୟ କିଜି ହାଚାନ୍ । ୩୦ ଆରେ, ଆବା ଆରେ ରକାନ୍ କଚଣ୍ଡ ଖାଜି ହେ ଲାକେ ଇଚାନ୍ । ହେଖାନ୍ ଉତର୍ ହିତାନ୍, ଗୁରୁ, ଆନ୍ ହାନାୟା, ମାତର୍ ହାଲ୍ଖାତାନ୍ । ୩୧ ଇନା, ଇ ରିୟାର୍ ମେହିର୍ ବିତ୍ରେ ଇନେର୍ ତା ଆବାତି ବଲ୍ ମାଜି କିଜି ମାଚାନ୍ ?” ହେଖାର ଇଚାର୍, “ଗାଜା ମେହି ।”

ଜିସୁ ହେଖାରିଂ ଇଚାନ୍, “ଆନ୍ ହାଡ଼ପା ଇଞ୍ଜନାୟା ସିସ୍ତୁନ୍ନାକାର୍ ଆରି ଦାରୁଲାର୍ ମିଜେଙ୍ଗ୍ ତାଙ୍ଗ୍ ଆଗେ ଇସ୍ପର୍ ରାଜିତ ହଣ୍ଡାର୍ । ୩୨ ଇନାକିଦେଂକି ଜହନ୍ ମି କଚଣ୍ଡ ଦାମ୍ ନି ହାଜି ହିଜି ଖାତାନ୍, ଆରେ ଏପେଙ୍ଗ୍ ତାଜେଙ୍ଗ୍ ପାଚ୍ କିଖାତାଦେର୍, ମତର୍ ସିସ୍ତୁନ୍ନାକାର୍ ଆରି ଦାରୁଲାର୍ ତାଜେଙ୍ଗ୍ ପାଚ୍ କିତାର୍, ମାତର୍ ଏପେଙ୍ଗ୍ ଇନେସ୍ ତାଜେଙ୍ଗ୍ ପାଚ୍ କିଦେଙ୍ଗ୍ ଆଡ଼ନାଦେର୍, ଇଦାଂ କାଜିଂ ହେଦାଂ ହୁଡ଼ି ପା ମାନ୍ଦାଦ୍ଲାୟ କିଖାତାଦେର୍ ।”

କାମ୍ଲିୟା ଅଜୁର୍ ବାଡ଼ି ବାଗ୍ ଉତର୍ମୁଡ଼୍

(ମାର୍କ ୧୨:୧-୧୨; ଲୁକ ୨୦:୯-୧୯)

୩୩ “ଆରେ ର ଉତର୍ମୁଡ଼୍ ଖେନାଟ୍ । ରଖାନ୍ ଇଲ୍ ହାଉକାର୍ ମାଚାନ୍, ହେଖାନ୍ ର ଅଜୁର୍ ବାଡ଼ି କିଜି ଚାରିବେଣ୍ଡତାଂ ବାଡ଼ି ଡ଼ରାନ୍ ଆରି ହେ ବିତ୍ରେ ଅଜୁର୍କୁଣ୍ଡି କାଚ୍ ମାଚା ରଚାନ୍, ଆରେ କାମ୍ଲିୟାରିଂ ହେ ବାଡ଼ି ବାଗ୍ ହିଜି ବିଦେସ୍ ହାଚାନ୍ ।

୩୪ ପାଚେ ପାଡ଼ି ସମୁ ଲାଗେ ଖାତିଲେ, ହେଖାନ୍ ଜାର୍ ପାଡ଼ି ଗାଟାଆଦେଂ କାଜିଂ କାମ୍ଲିୟାର୍ ଲାଗାଂ ଜାର୍ ଆଡ଼ିୟାରିଂ ପକ୍ତାନ୍ । ୩୫ ମାତର୍ କାମ୍ଲିୟାର୍ ହେଖାନ୍ ଆଡ଼ିୟାରିଂ ଆସ୍ତି ରକାନ୍ ଟ୍ରାକ୍ତାର୍, ଆରେ ରକାନ୍ ଅସ୍ତାର୍, ଆରେ ରକାନ୍ କାଲ୍କୁ ଇଡ଼ି ଅସ୍ତାର୍ । ୩୬ ଆରେ ରଗ ବାଡ଼ି ମାଲିକ୍ ହିଗ୍ଦତାଂ ବେସିହେନି ଆଡ଼ିୟାରିଂ ପକ୍ତାନ୍, ଆରେ ବାଗ୍ କାମ୍ଲିୟାର୍ ହେଖାର୍ ହେଖାର୍ କାଜିଂ ହେ ଲାକେ କିତାର୍ । ୩୭ ମାତର୍ ନା ମେହିଙ୍ଗ୍ ହେଖାର୍ ମାଜି କିନାର୍, ଇଦାଂ ଇଞ୍ଜି ଖିସ୍ତିହିଙ୍ଗ୍ ହେଖାନ୍ ପାଚେ ଜାର୍ ମାଜି ହେଖାର୍ ତାକେ ପକ୍ତାନ୍ ।”

୩୮ “ମତର୍ ହେ କାମ୍ଲିୟାର୍ ମେହିଙ୍ଗ୍ ହୁଡ଼ି ରଖାନ୍ ଆରେ ରଖାନ୍ ଇଚାର୍, ‘ଇଖାନ୍ ହୁଡ଼ାଟ୍ ହାଉକାର୍ ମେହି; ଖାଡୁ, ଇଖାନ୍ ଅଜି ଆସେଙ୍ଗ୍ ଇଖାନ୍ ଆଦିକାର୍ କେଇଦ ଅନାସ୍ ।’ ୩୯ ହେବେ ହେଖାର୍ ହେଖାନ୍ ଅଜି ଅଜୁର୍ ବାଡ଼ି ବାଗ୍ ତୁଇଜି ଅସ୍ତାର୍ ।

୪୦ ଜିସୁ ଖେନ୍ଦବାତାନ୍, ଏଚେକାଡ଼୍ଦ ହେ ଅଜୁର୍ ବାଡ଼ି ହାଉକାର୍ ଖାନାନ୍, ହେଖାଡ଼ାଂ ହେ କାମ୍ଲିୟାର୍ କାଜିଂ ହେଖାନ୍ ଇନାକା କିନାନ୍ ?”

୪୧ ହେଖାର୍ ହେଖାନ୍ ଇଚାର୍ “ହେଖାନ୍ ହେ ବାନ୍ଦିୟାରିଂ ହେଖାନ୍ ହାଡେନେ ଅହ୍ନାର୍ ଆରି ଇମ୍ପଣି ବିନ୍ ବାଗ୍ କାମ୍ଲିୟାର୍ ହେଖାନ୍ ସମାନ୍ ସମୁତ ବାଗ୍ ପାଡ଼ି ହିନାର୍, ହେଖାରିଂ ଅଜୁର୍ ବାଡ଼ି ବାଗ୍ ହିନାନାନ୍ ।”

୪୨ ଜିସୁ ହେଖାରିଂ ଇଚାନ୍, “ଏପେଙ୍ଗ୍ କି ଇନାଖାଡ଼ାଂପା ଦରମ୍ ସାସ୍ପର୍ତ ଇ କାତା ପଡ଼ି କିଖାତାଦେଣ୍ଡା, ‘ଇଲ୍ ରଚ୍ଚନାକାର୍ ଇମ୍ପଣି କାଲ୍ଦିଂ ମୁନାକିତାନ୍, ହେଦାଂ କନାନ୍ ମୁଡ଼କାଲ୍ ଆତାଡ଼; ମାପୁତାଂ ଇଦାଂ ଆତାଡ଼, ଆରେ ହେଦାଂ ମା କାଣ୍ଡୁତ କାବାଆନାକା ?”

୪୩ ଇଦାଂ କାଜିଂ ଆନ୍ ମିଜେଙ୍ଗ୍ ଇଞ୍ଜନାୟା, ଇସ୍ପର୍ ରାଜି ମିତାଙ୍ଗ୍ ଉନ୍ଦିୟାନ୍ଦାଡ଼, ଆରେ ଇମ୍ପଣି ଜାତି ହେବେନି ପାଡ଼ି ଆହ୍ନାଡ଼, ହେଖାନ୍ ହିୟାନ୍ଦାଡ଼ ।

୪୪ ଆରେ, ଇନେର୍ ଇ କାଲ୍ ଜପି ଆର୍ନାର୍, ହେଞ୍ଜାନ୍ ବିରାଆନାନ୍, ଆରେ ଇ କାଲ୍ ଇନେର୍ ଜପି ଆର୍ନାଡ୍, ହେଞ୍ଜାନ୍ ହେଦା° ବିରାୟ୍ କିନାଡ୍ ।”

୪୫ ମୁଡ଼ମାପୁହେବାକିନାକାର୍ ଆରି ପାରୁସିର୍ ଜିସୁତି ଇ ସବୁ ଉତର୍ମୁଡ଼୍ ଝେନ୍ଝି, ଜିସୁ ଜେ ହେଞ୍ଜାର୍ ବିସ୍ତେ ଇଟକାଡ଼୍ କିତାର୍ଣ୍ଣା ଇଞ୍ଜି, ବୁଜାଆତାର୍ । ୪୬ ଆରେ, ହେଞ୍ଜାର୍ ହେଞ୍ଜାନ୍ ଆସ୍ତେଙ୍ଗ୍ ସେସ୍ଟା କିତାର୍, ମାତର୍ ମାନାୟାରି° ପାଣ୍ଡାତାର୍, ଇନାକିଦେ°କି ହେଞ୍ଜାର୍ ହେଞ୍ଜାନ୍ ବେଣ୍ଟବାକ୍ଣାୟ୍ କିନାକାନ୍ ଇଞ୍ଜି ମାନି କିଜି ମାତାର୍ ।

୨୨

ବିବା ବଜିନି ଉତର୍ମୁଡ଼୍ (ଲୁକ ୧୪:୧୫-୨୪)

୧ ଜିସୁ ଆରେ ରଗ ଉତର୍ମୁଡ଼୍ ହୁକେ ଲକୁରି° ହିକ୍ୟା ହିତାନ୍, ୨ “ସାଗେ ରାଜି ଏଲେଙ୍ଗ୍, ରକାନ୍ ରାଜା ମାତାନ୍, ଇନେର୍କି ଜାର୍ ମାଜିଡି ବିବା ବଜି ଜାଲ୍ଦି କିତାନ୍, ୩ ଆରେ ହେ ବଜିତ କୁକ୍ୟାତି ଲକାର୍ କୁକ୍ତି ତାତେଙ୍ଗ୍ ଇଞ୍ଜି ହେଞ୍ଜାନ୍ ହେ ଆଡିୟାରି° ପକ୍ତାନ୍, ମାତର୍ ହେଞ୍ଜାର୍ ଝାଦେଙ୍ଗ୍ ମାନ୍ କିଞ୍ଜାତାର୍ । ୪ ଆରେ ରଗ ହେଞ୍ଜାନ୍ ବିନ୍ ଆଡିୟାରି° ପକ୍ତି ବଲ୍ ହିତାନ୍, କୁକ୍ତି ଲଗା° ଇନାଟ୍, ହୁଡ଼ାଟ୍, ‘ଆପେ° ମା’ ବଜି ଜାଲ୍ଦି କିତାପ୍ନା, ମା ସଣ୍ ଆରି ଦୁମା° ଅହ୍ରିଙ୍ଗ୍ ପାଗ୍ତାପ୍ନା, ଝିଜୁ ଜାଲ୍ଦି ଆତାଡ଼୍ନା, ଏପେଙ୍ଗ୍ ବିବା ବଜିତ ଝାଡୁ ।” ୫ “ମାତର୍ କୁକ୍ୟାତି ମୁଣିକାର୍ ଇ କାତାତି° ମାନିକିଞ୍ଜାଦା° ଜାର୍ ଜାର୍ କାମାୟ୍ କିଦେଙ୍ଗ୍ ଲାଗାତାର୍ ରଞ୍ଜାନ୍ ତା ବୁମିତ ହାତାନ୍, ଆରେ ରଞ୍ଜାନ୍ ଦୁକାଣ୍ଡ ହାତାନ୍ ଆରି, ୬ ଆରେ କେତେକ୍ ଜାଣ୍ ରାଜାତି ଆଡିୟାରି° ଆସ୍ତି ଅସ୍ପାତାର୍ । ୭ ରାଜା ରିସା ଆଜି ମେଲ୍ୟାରି° ପକ୍ତାନ୍ । ହେଞ୍ଜାର୍ ହେ ନାର୍ ମାରୁରି° ଅଜି ହେଞ୍ଜାର୍ଡି ବସ୍ତିକ୍ ନିସ୍ତ ମେହାୟ୍ କିତାର୍ ।” ୮ ତା ପାଚେ ରାଜା ଆଡିୟାରି° କୁକ୍ତି ଇଚାନ୍, “ବିବା ବଜି ଜାଲ୍ଦି, ମାତର୍ ଆନ୍ କୁକ୍ତାକାର୍ ଝାଦେଙ୍ଗ୍ କାଞ୍ଜାତାର୍ ।” ୯ “ଲାଗି° ରାଜ୍ତାଣ୍ଡି ତେଡ଼ା ତେଡ଼ା ହାଲ୍ଜି ଏଚେକ୍ ଲକା° ହୁଡ଼ନାଦେର୍, ଝିଜାକାରି° ମା ବଜିତ କୁକ୍ତି ତାହିଞ୍ଜାଡୁ ।” ୧୦ ଲାଗି° ଆଡିୟାର୍ ପାଟି ପାଟିତି° ବୁଲ୍ଲାଆଜି ହାର୍ ଆଏଡ଼୍ କି, ବାନ୍ଧା; ଏଚେକ୍ ଲଗା° ହୁଡ଼ତାର୍, ଝିଜାକାରି° କୁକ୍ତି ତାହିଞ୍ଜାତାର୍ ଆରି ବିବା ଇଞ୍ଜି ବାତ୍ କିତାର୍ ।

୧୧ “ରାଜା ଗତାକା° ହୁଡ଼ଦେ° ଝାତାନ୍ । ହେଞ୍ଜାନ୍ ହୁଡ଼ତାନ୍, ହେଞ୍ଜାର୍ ବିତ୍ତେ ରଞ୍ଜାନ୍ ବିବା ହେୟା ଉସ୍ପା ଝାଦା° ମାନି ରଞ୍ଜାନ୍ ହୁଡ଼ଜି ହେଞ୍ଜାନ୍ ଇଚାନ୍ । ୧୨ ରାଜା ହେଞ୍ଜାନ୍ ଝେନ୍ଦବାତାନ୍, ‘ବୟ୍, ବିବା ଇଲ୍ ହେୟା ଉସ୍ପାଝାଦା° ଇବେ ଝାତାୟ୍ ଇନେସ୍ ?’ ମାନାୟ୍ ଉତର୍ ହିଞ୍ଜାଦା° ଚିମ୍ବରା ଆତାନ୍ । ୧୩ ✨ରାଜା ଆଡିୟା ଝେଚ୍ଚାନ୍, ତା କେଇକାଲ୍ ଗାଟି ବାଟି ମାଜ୍ଗାତ ଦୁହିୟାଟ୍ । ହେବେ ଆଡ଼ବିସ୍ ଟାତାଙ୍ଗ୍ ରେଡିକିନାନ୍ ।”

୧୪ ଜିସୁ ଝିସ୍ତିହିଙ୍ଗ୍ ଇଚାନ୍, ଆଦିକ୍ କୁକ୍ୟାତାର୍, “ମାତର୍ ଅଲପ୍ ବାଟିକିୟାତାକାର୍ ।”

ହିନି ବିସ୍ତେ (ମାର୍କ ୧୨:୧୩-୧୭; ଲୁକ ୨୦:୨୦-୨୬)

୧୫ କେଡ଼ଜାଣ୍ ପାରୁସିର୍ ହାଲ୍ଜି ଜିସୁଙ୍ଗ୍ ପର୍ସନ୍ ଝେନ୍ଦବିସ୍ ହେଞ୍ଜାନ୍ ଡକ୍ତା ରାଡ଼ତେ° ଇଞ୍ଜି ଉପାୟ୍ ପାଟି କିତାର୍ । ୧୬ ହେଞ୍ଜାର୍ ନିଜାର୍ କେତେକ୍ ଜାଣ୍ ଚେଲ୍ଲାରି° ଆରି ହେରଦିୟା ଦଲ୍ଲି କେତେକ୍ ଜାଣ୍ ମାନାୟ୍ଡି ଜିସୁ ଲାଗେ ପକ୍ତାର୍, ହେଞ୍ଜାର୍ ଝେନ୍ଦବାତାର୍ “ଏ ଗୁରୁ ଆପେ° ପୁଚାପ୍ନା, ଏନ୍ ସଡ଼ କାତା ଇନାୟ୍ ଇସ୍ପର୍ ହାଡ଼ପା ବିସ୍ତେନି ହାଜି ସିକ୍ୟା ହିତାୟ୍ନା । ଆରେ ଇନେରି° ପାଣ୍ଡା ଆଉୟ୍, ଇନାକିଦେ°କି ଏନ୍ ମାନାୟ୍ଡି ମୁକ୍ମେଟ୍ ହୁଡ଼ୟ୍ । ୧୭ ଲାଗି° ମାଙ୍ଗ୍ ଝେଚ୍ଚା, ନି ଇନାକା ଇନାକା ? କାଈସର୍ଡି° ସିସ୍ ହୁନାକା ବିଦି ମାନାଡ଼୍ କି ଆକାୟ୍ ?”

୧୮ ମାତର୍ ଜିସୁ ହେଞ୍ଜାର୍ଡି କୁଟ୍ ପୁଞ୍ଜି ମାତାନ୍ । ଲାଗି° ହେଞ୍ଜାନ୍ ଇଚାନ୍, “ଆଡେ କାପ୍ତିୟାର୍, ନାଙ୍ଗ୍ ଡକ୍ତା ରାଡ଼ତେଦେ° ଇନେକିଦେ° ସେସ୍ଟା କିନାଦେରା ? ୧୯ ଇମ୍ଫା ଟାକା° ହିନାଦେରା, ହେବେଣ୍ଡା° ରଞ୍ଜୁ ତାସି ଚଟ୍ଟାଟ୍ ।

ହେଞ୍ଜାର୍ ରଞ୍ଜୁ ଅଦ୍ନି ତାସି ତାଙ୍ଗେଙ୍ଗ୍ ହିତାର୍ ।” ୨୦ ଜିସୁ ହେଞ୍ଜାରି° ଝେନ୍ଦବାତାନ୍, “ଇ ଅଦ୍ନି ଜପି ଇନେର୍ଡି ତର୍ ଆରି ପୁଡ଼ା ରଟ୍ୟା ଆତାଡ଼୍ନା ।”

୨୧ ହେଞ୍ଜାର୍ ଉତର୍ ହିତାର୍, “କାଈସର୍ଡି ।”

ଜିସୁ ହେଞ୍ଜାରି° ଇଚାନ୍, “ତେବେ ଇମ୍ଫାକା ରମ୍ଡି, ହେଦା° ରମ୍ଡି° ହିୟାଟ୍, ଆରି ଇମ୍ଫାକା ଇସ୍ପଟ୍, ହେଦା° ଇସ୍ପଟି° ହିୟାଟ୍ ।”

୨୨ ଇଦା° ଝେନ୍ଝି ହେଞ୍ଜାର୍, କାବା ଆଜି ହାଚାର୍ ।

ଆରେ ନିଙ୍ଗି ବିସ୍ତେ ପର୍ସନ୍ (ମାର୍କ ୧୨:୧୮-୨୬; ଲୁକ ୨୦:୨୭-୪୦)

୨୩ ହେ ଦିନ୍ ସାଦୁକି କୁଦାନି କେତେକ୍ ଜାଣ୍ ଜିସୁ ତାକେ ଝାତାର୍ । ସାଦୁକିର୍ ପାଟି କିଜି ମାତାର୍ ଜେ, ଆରେ ନିନାକା ଆକାୟ୍ । ୨୪ ହେଞ୍ଜାର୍ ଜିସୁଙ୍ଗ୍ ଝେନ୍ଦବାତାର୍, “ଗୁରୁ, ମସା ଇଞ୍ଜାନ୍ନା ଜେ, ଜଦି ରଞ୍ଜାନ୍ ମାନାୟ୍ ହିମ୍ଫାଞ୍ଜାକ୍ତା

☆ ୨୨:୧୩ ୨୨:୧୩ ମାତ୍ରିକ ୮:୧୨; ୨୫:୩୦; ଲୁକ ୧୩:୨୮.

ଆଖାଦୀ ହାତିସ୍, ବାଟିଙ୍ଗ୍ ତା ଟଣ୍ଡେନ୍ ହେ ରାଣ୍ଡିଙ୍ଗ୍ ବିବା କିନାନ୍ ଆରି ହେଝାର୍ଡି ହିମ୍‌ଶାଁ ହେ ହାତି ଲକ୍ଷ୍ମୀ ମାଜିର୍ ଇଞ୍ଜି ଇନ୍‌ୟା ଆନାର୍ । ୨୫ ଖେନାଟ୍, ମା ବିତ୍ରେ ସାଡ୍ ବାୟ୍ ଟଣ୍ଡାୟ୍ ମାଚାର୍, ଗାଜା ଟଣ୍ଡେନ୍ ବିବା କିଜି ହାତାନ୍, ହିମ୍‌ଶାଁଖାକ୍‌ଡା ହିଲ୍‌ଝିତିଲେ ଜାର୍ ଟଣ୍ଡେନ୍ କାଜିଂ ଜାର୍ କଗଲେଂ ପିସ୍ତାନ୍ । ୨୬ ମାତର୍ ରିୟାର୍, ତିନ୍ ଜାଣ୍ ଆରି ହାରିହାରା ସାଡ୍ ଟଣ୍ଡାୟ୍ ପା ହେ ଲାକେ ବିବା କିତାର୍ । ୨୭ ହାରିହାରା ହେ କଗଲେ ପା ହାତାଡ୍ । ୨୮ ଇମ୍‌ଣି ଦିନ୍ ହାତି ମୁଣିକାର୍ ଆରେ ନିଂନାର୍, ଇ କଗଲେ ଇନେର୍ ଡକ୍ତି ଇଞ୍ଜି ଇନ୍‌ୟା ଆନାଡ୍ ? ଝିଜାକାର୍ ତ ତାଙ୍ଗ୍ ବିବା କିଜି ମାଚାର୍ ।”

୨୯ ଜିସୁ ହେଝାରିଂ ଉତର୍ ହିତାନ୍, “ଏପେଙ୍ଗ୍ ବାୟା କାଦେର୍ । ସାସ୍ତର୍ କି ଇସ୍‌ତର୍ ସାକ୍ତି ବିସ୍ତେ ମିଦାଙ୍ଗ୍ ଇଟ୍‌କାଡ୍ ହିଲ୍‌ଝି କାଜିଂ ଇ କାତା ପୁନ୍‌ଝା ତାଦେଣ୍ଡା । ୩୦ ଆରେ ନିଂନିତ ପାଚେ ହାତି ଲକ୍ଷ୍ମୀ ହେଝାର୍ ସାଗେନି ଦୁଡ୍ ଲାକେ ଆନାର୍ । ହେଝାର୍ ବିବା ଆଉର୍ କି ବିବା କିଉର୍ । ୩୧ ହାତି ମୁଣିକାର୍ ଆରେ ନିଂନି ବିସ୍ତେ ଇସ୍‌ତର୍ ସାସ୍ତର୍ ଝେଟ୍‌ଚାତାନ୍ନା, ଏପେଙ୍ଗ୍ ଇନାକା ବାଈବଲ୍‌ତ ଇନାଝାଡାଂ ପଡି କିଝାତାଦେଣ୍ଡା ?” ୩୨ ଇସ୍‌ତର୍ ଇଞ୍ଜାନ୍ନା, ଆସେଙ୍ଗ୍ ଅବ୍ରାହାମ୍, ଇସ୍‌ହାକ୍, ଆରି ଜାକୁବ୍‌ତି ଇସ୍‌ତର୍ । ଇସ୍‌ତର୍ ତ ଜିତାକାତର୍ ଇସ୍‌ତର୍ ହାତାକାତର୍ ଆଦେଂ ଆଡୁନ୍ ।

୩୩ ଲକ୍ଷ୍ମୀ ଜିସୁତି ହିକ୍ୟା ଝେନ୍‌ଞ୍ଜି କାବା ଆତାର୍ ।

ମୁଡ୍ ବଲ୍

(ମାର୍କ ୧୨:୨୮-୩୪; ଲୁକ ୧୦:୨୫-୨୮)

୩୪ ଏଚେକାଡ୍‌ଦ ପାରୁସିର୍ ଝେଟାର୍ ଜେ ଜିସୁ ସାଦୁକିରିଂ ଉତର୍ କିୟକିଝାତାନ୍‌ଦେ, ହେଝାର୍ ରୁଣ୍ଡା ଆଜି ଜିସୁ ଲାଗେ ଝାତାର୍ ୩୫ ଆରି ହେଝାର୍ ବିତ୍ରେ ରକାନ୍ ଦରମ୍ ସାସ୍ତର୍ ଜିସୁଙ୍ଗ୍ ଡକ୍ତି ରାଡ୍‌ତେଂ ଇଞ୍ଜି ର ପରସନ୍ କିତାନ୍, ୩୬ “ଏ ଗୁରୁ,” ମସାତି ବିଦିତ “ଇମ୍‌ଣି ବଲ୍ ଝିଜେତିଂ ମୁଡ୍‌ଦାକା ।”

୩୭ ଜିସୁ ହେଝାନ୍ ଇଚାନ୍, “ନି ମାପୁ ଇସ୍‌ତର୍ ଝିଜୁ ଝାସ୍ତି, ଝିଜୁ ପାରାଣ୍ ଆରି ଝିଜୁ ମାନ୍ ହିଜି ଜିଉନଝାଟ୍ । ୩୮ ଇଦାଂ ନେ ପର୍ଡୁମ୍ ଆରି ମୁଡ୍ ବଲ୍ ।” ୩୯ “ରିଣ୍ଡାଙ୍ଗ୍ ମୁଡ୍ ବଲ୍ ଆନାତା, ମି ପାଡ୍‌ହା ଇଞ୍ଜାକାରିଂ ଜିବୁନ୍ ଲାକେ ଜିଉନଝାଟ୍ । ୪୦ ଇ ରିଣ୍ଡି ବଲ୍ ମସାତି ଝିଜୁ ବିଦି ଆରି ବେଣ୍‌ବାକ୍‌ଶାୟ୍‌କିନାକାତର୍ ସିକ୍ୟାତ ବାସ୍ କିନାଡ୍ ।”

କ୍ରିଷ୍ଟ ମସିୟା ଆନାନ୍

(ମାର୍କ ୧୨:୩୫-୩୭; ଲୁକ ୨୦:୪୧-୪୪)

୪୧ ଏଚେକାଡ୍‌ଦ ପାରୁସିର୍ ରୁଣ୍ଡାଆତି ଝେଡାଲିଂ ଜିସୁ ହେଝାରିଂ ଝେନ୍‌ବାତାନ୍, ୪୨ “କ୍ରିଷ୍ଟ ଇତିସ୍ ମସିୟା ତା ବିସ୍ତେ ଏପେଙ୍ଗ୍ ଇନାକା ବାବି କିନାଦେରା ? ହେଝାନ୍ ଇନେର୍ କୁଟୁମ୍ ?”

ହେଝାର୍ ଉତର୍ ହିତାର୍, “ହେଝାନ୍ ଦାଉଦ୍‌ତି ।”

୪୩ ଜିସୁ ଝେନ୍‌ବାତାନ୍, “ତା ଆତିସ୍ ଦାଉଦ୍ ମସିୟାଙ୍ଗ୍ ନା ମାପୁ” ଇଞ୍ଜି ଇନେକିଦେଂ ଲେକି କିତାନ୍‌ନା ? ଇନାକିଦେଂକି ଜିବୁନ୍ ପକ୍ତିଲେ ହେଝାନ୍ ଲେକି କିତାନ୍‌ନା,

୪୪ “ମାପୁ ନା ମାପୁଙ୍ଗ୍ ଇଚାନ୍,

ଆପେଂ ମି ସାତୁରିଂ ମି ପାନା ତାରେନ୍ ଇଟ୍‌ଝି,

ହେ ପାଚେକ୍ ମା ବୁଜ୍‌ଣି ବାଗାଙ୍ଗ୍ କୁଟି ମାନା ।”

୪୫ “ଲାଗିଂ ଦାଉଦ୍ ଜଦି ତାଙ୍ଗ୍ ମାପୁ ଇଞ୍ଜି କିତାର୍, ବାଟିଙ୍ଗ୍ ମସିୟା ଇନେସ୍ ତା ମାଜି ଇଞ୍ଜି ଇନାନ୍ ?”

୪୬ ହେବେ ଇନେର୍ ପା ହେଝାନ୍ ପାଦେକ୍ ଉତର୍ ହିଦେଂ ଆଡ୍‌ଝାତାର୍, ଆରେ ହେ ଦିନ୍‌ତାଂ ଇନେର୍ ଆରେ ହେଝାନ୍ ପରସନ୍ ଝେନ୍‌ବେଦେଂ ସାସ୍ କିଝାତାର୍ ।

୨୩

ଦରମ୍‌ଗୁରୁ ଆରି ପାରୁସିର୍ ବିରୁଦ୍‌ତ ଜିସୁତି ଚେତାହିନି କାତା

(ମାର୍କ ୧୨:୩୮-୩୯; ଲୁକ ୧୧:୪୩-୪୬; ୨୦:୪୫-୪୬)

୧ ହେଝେଡାଲିଂ ଜିସୁ ମାନାୟାରିଂ ଆରି ଚେଲାରିଂ ଇଚାନ୍, ୨ “ଦରମ୍ ଗୁରୁର୍ ଆରି ପାରୁସିର୍ ମସାତି ଗାଦିତ କୁଟ୍‌ଚାଣ୍ଡା । ୩ ଲାଗିଂ ହେଝାର୍ ଇନାକା କିଦେଙ୍ଗ୍ ଇନାରା, ହେଦାଂ କିୟାଟ୍ । ମାତର୍ ହେଝାର୍‌ତି କାମାୟ୍ କାବାଡ୍‌ତାକେ ପାଚେ ହାଲ୍‌ମାଟ୍ । ଇନାକିଦେଂକି ହେଝାର୍ ନିଜେ ହିତି ହିକ୍ୟା ସମାନ୍ କାମାୟ୍ କିଉର୍ । ୪ ହେଝାର୍ ହିକ୍ୟା ସବୁ ଲକାତର୍ ଗାଗାଡ୍ ଜପି ଜବର୍ ବଜ୍ ଲାଦିକିନାର୍, ମାତର୍ ହେଝିଜୁ ବଜ୍ ପିଣ୍ଡଦେଂ କାଜିଂ ଜାର୍‌ତିଂ ଝାଟ୍‌କା ହୁକେ ପା ଅଲପ୍ ହାଂ କିଉର୍ । ୫ ହେଝାର୍ ଲକାଂ ଚଟ୍‌ଚେଙ୍ଗ୍ ଇଞ୍ଜି ଜାର୍ ଜାର୍‌ତି ସବୁ କାମାୟ୍ କିବାନାର୍, ଇନାକିଦେଂକି ହେଝାର୍ ଜାର୍ ସାସ୍ତର୍ ବଚନ୍ ଲେକାଆତି ନିଦାଣ୍ଡ୍ ପତାତ ଡରି ଗାଚ୍ୟାତାରନା ଆରି ହେଝାର୍ ହେୟା କେତେକ୍ ଲାମା କିତାର୍ ଆରି ଆଜିନି ଚେଲିଂ ଗାଜା କିତାର୍, ୬ ଆରେ ବଜିତ ମୁଡ୍ ବାହା ଆରି କୁଟୁମ୍ ଇଞ୍ଜି ମୁଡ୍ ବାହାତ କୁଟ୍‌ଚେଂ ଝାର୍‌ୟା ଆନାର୍ ।” ୭ ଆରେ ଆଟ୍ ବାଜାର୍‌ତ ଜଝାର୍ ପାୟାଦେଂ ଆରି ମାନାୟାତିଂ “ଏ ଗୁରୁ” ଇଞ୍ଜି ଇନ୍‌ୟା ଆଦେଂ ଝାର୍‌ୟା ଆନାର୍ । ୮ ମାତର୍ ଏପେଙ୍ଗ୍

☆ ୨୩:୫ ୨୩:୫ ମାତ୍ରିକ ୬:୧.

ଗୁରୁ ଇଞ୍ଜି କୁକ୍ୟାମାଟ୍, ଇନାକିଦେଂକି ମିଞ୍ଜାତ୍ ରକାନ୍ ଗୁରୁ ଆରି ଏପେଙ୍ଗ୍ ଓଜାକାଦେର୍ ଟଣ୍ଡାର୍ । ୯ ଆରେ, ପୁତ୍ ତ ଇନେରିଂ ଏ ଆବା ଇନମାଟ୍, ଇନାକିଦେଂକି ମିଞ୍ଜାତ୍ ରଞ୍ଜାନ୍ ଆବା, ହେଞ୍ଜାନ୍ ସାଗେତ ମାନାନ୍ । ୧୦ ଆରେ, ମାଲିକ୍ ଇଞ୍ଜି ପା ଇନେର୍ କୁକ୍ତେମେର୍, ଇନାକିଦେଂକି ରକାନ୍ ମତର୍ ମି ମାଲିକ୍ ଆନାନା କ୍ରିସ୍ । ୧୧ *ମାତର୍ ମି ବିତ୍ରେ ଇମ୍ପାକାନ୍ ଗାଜାକାନ୍, ହେଞ୍ଜାନ୍ ମି ହେବା କିନାକାନ୍ ଆନାନ୍ । ୧୨ *ଇନେର୍ ଜାତ୍ ଉର୍ କିନାନ୍, ତାଙ୍ଗ୍ ନିଚ୍କିୟା ଆନାତ୍ ଆରି ଇନେର୍ ଜାତ୍ ନିଚ୍ କିନାନ୍, ହେଞ୍ଜାନ୍ ଉର୍ କିୟା ଆନାତ୍ ।

କାପ୍ଟିୟାର୍ ଦାମ୍ ରିଂ ଜିସୁ କେତ୍ତାନ୍
(ମାର୍କ ୧୨:୪୦; ଲୁକ ୧୧:୩୯-୪୨, ୪୩; ୨୦:୪୭)

୧୩ “ହାୟ୍, ଦରମ୍ ଗୁରୁର୍ ଆରେ ପାରୁସିକାଦେର୍, ମି ସେସ୍ ଦସା ଏଚେକ୍ ବଇଁକାର୍ ! ଆଡେ କାପ୍ଟିୟାର୍ ଦାମ୍ କୁଦା, ସାଗେ ରାଜିନି ହଣି ଦୁଞ୍ଜେର୍ ଗେସ୍ତି ଇଡ୍ଡାଦେଣ୍ଡା । ନିଜେ ହେବେ ହଣ୍ଡୁଦେରା ଆରି ଇମ୍ପାକାର୍ ହଣ୍ଡେଙ୍ଗ୍ ସେସ୍ କିନାରା, ହେଞ୍ଜାରିଂ ହାଜି ପିସ୍ତୁ ହିଉଦେରା ।

୧୪ ଏ କାପ୍ଟିୟାର୍ ଦରମ୍ ଗୁରୁର୍ ଆରି ପାରୁସିର୍, ମି ଦସା ବେସି ଆବ୍ଡ୍ ଆନାତ୍ ।”

୧୫ ଏ କାପ୍ଟିୟାର୍ ଆରେ “ସାସ୍ତ୍ରୀର୍ ଆରି ପାରୁସିର୍, ଦସା ବେସି ଆବ୍ଡ୍ ଏପେଙ୍ଗ୍ ହାମ୍ବୁର୍ ନାସି ଦେସ୍ତ ହାଲ୍ଜି ରକାନ୍ ମି ଦରମ୍ତ ମୁଚ୍ଚେଂ କାଜିଂ ଡେକ୍ଟି ବୁଲାନାଦେରା । ମାତର୍ ହେ ଲାକେ ରଞ୍ଜାନ୍ ଗାଟା ଆତିସ୍, ତାଙ୍ଗ୍ ନରକ୍ ହାନି କାଜିଂ ମିତାଂ ରି ଗୁଣ୍ ଆଦିକ୍ କିୟକିତାଦେଣ୍ଡା !”

୧୬ “ଆଡେ କାଶା ହାଜି ଚନ୍ଦନାକାଦେର୍, ମି ଦସା ଏଚେକ୍ କସୁମାନାତ୍ । ଏପେଙ୍ଗ୍ ସିକ୍ୟା ହିଜି ମାନାଦେର୍, ଇନେର୍ ମନ୍ଦିର୍ ତର୍ଦ ପାର୍ମାଣ୍ କିତିସ୍, ହେଦାଂ ହେଞ୍ଜାନ୍ ମାନିକିଦେଂ ବଲକାର୍ ଆକାୟ୍, ମାତର୍ ମନ୍ଦିର୍ତ ମାନି ହନା ତର୍ଦ ଇନେର୍ ପାର୍ମାଣ୍ କିତାର୍, ହେଞ୍ଜାନ୍ ହେଦାଂ ମାନିକିଦେଂ ପଡାନାତ୍ । ୧୭ ଡେ କାଶା ନିର୍ବୁଦିୟାର୍, ହନା ଗାଜା କି ହନାତିଂ ପୁଇପୁୟା କିଜି ମାନି ମନ୍ଦିର୍ ଗାଜା ?” ୧୮ ଆରେ ଏପେଙ୍ଗ୍ ଇଞ୍ଜିମାନାଦେର୍, ଇନେର୍ ଗାର୍ଣିତ ପାର୍ମାଣ୍ କିତିସ୍ ହେଦାଂ ଇନାକା ଆକାୟ୍, ମତର୍ ଇମ୍ପାକାର୍ ତା ଜପି ମାନି ଆକାତ୍ ପାର୍ମାଣ୍ କିନାନ୍, ହେଞ୍ଜାନ୍ ତାକେ ମାନାଦେରା । ୧୯ ଡେ କାଶାର୍, ଇମ୍ପାକା ମୁଡ୍ଦାକା-ଗାର୍ଣି କି ଆକାତ୍ ପୁଇପୁୟା କିଜି ମାନି ଗାର୍ଣି ? ୨୦ ଲାଗିଂ, ଇନେର୍ ଗାର୍ଣି ତର୍ଦ ପାର୍ମାଣ୍ କିନାନ୍, ହେଞ୍ଜାନ୍ ଗାର୍ଣି ଆରି ତା ଜପି ମାନି ଓଜୁ ଆକାତ୍ ଆଡ୍ଡାତ୍ ତର୍ଦ ପାର୍ମାଣ୍ କିନାନ୍ । ୨୧ ଆରେ, ଇନେର୍ ମନ୍ଦିର୍ ତର୍ଦ ପାର୍ମାଣ୍ କିନାନ୍, ହେଞ୍ଜାନ୍ ମନ୍ଦିର୍ ଆରି ହେବେ ବାହାକିତିକାଂ ଇସ୍ବର୍ ତର୍ଦାଂ ପାର୍ମାଣ୍ କିନାନ୍; ୨୨ ଆରେ, “ଇନେର୍ ସାଗେତିଂ ପାର୍ମାଣ୍ କିନାନ୍, ହେଞ୍ଜାନ୍ ଇସ୍ବର୍ ଗାଦି ହେବେ କୁଚ୍ଟି ମାତି ଇସ୍ବର୍ ତର୍ଦାଂ ପାର୍ମାଣ୍ କିନାନ୍ ।”

୨୩ “ଡେ କାପ୍ଟିୟାର୍ ଦରମ୍ ଗୁରୁର୍ ଆରି ପାରୁସିର୍ ଇନାକିଦେଂକି ଏପେଙ୍ଗ୍ ପଦିନା, ସ୍ପ୍, ଆରି ଜିରାତିଂ ଦସ୍ବାଗ୍ ର ବାଗ୍ ଇସ୍ବର୍ତିଂ ଦାନ୍ ହିନାଦେରା । ଆରେ ବିଦିନି ଆଗେ ବିସ୍ତେକାଂ ହୁଡ୍ଡାଙ୍ଗ୍ ଆତିସ୍ପା ଅବ୍ୟାସ୍ କିନାକା ଲଡା, ନ୍ୟାୟ୍ ବିଚାର୍, ଦୟା, ଆରେ ପାତ୍ତିଂ ଇ ସବୁ ପିସ୍ତାଣ୍ଡା; ମାତର୍ ଇ ଓଜୁ ମାନି କିନାକା ଆରି ବିନ୍ ସବୁ ପିସ୍ତାକା ମାନାତ୍ ।”

୨୪ “ଡେ କାଶା ହାଜି ଚନ୍ଦନାକାଦେର୍, ଏପେଙ୍ଗ୍ ପ୍ରାଚ୍ତିଂ ପୁଚାଦେଣ୍ଡା, ମାତର୍ ଉଚ୍ଚିଂ ଗୁସ୍ପି ମାନାଦେର୍ ।”

୨୫ “ଏ କାପ୍ଟିୟାର୍ ଦରମ୍ ଗୁରୁର୍ କେତେକ୍ ବଇଁକାର୍ ମି ସେସ୍ ହାଜି, ଡେ ଦରମ୍ ଗୁରୁ ଆରି ପାରୁସିର୍ । ଏପେଙ୍ଗ୍ ଗିନା ଆରି ତାଡ୍ଡିଆନି ବାର୍ ବାଗାଙ୍ଗ୍ ସକଟ୍ କିଜି ମାନାଦେର୍, ମାତର୍ ହେଞ୍ଜାକାଂ ବିତ୍ରେ ଆକର୍ ଆରି ଦାରିକାମତ ବାତ୍ ।” ୨୬ “କାଶା ପାରୁସିର୍ ! ଆଗେ ଗିନାନି ବିତ୍ରେ ସକଟ୍ କିୟାଟ୍, ଇନେସ୍ ହେବେନିକା ବାର୍ତ୍ ପା ନିର୍ମାଲ୍ ଆନାତ୍ ।”

୨୭ *ହାୟ୍, ଦରମ୍ ଗୁରୁର୍ କାପ୍ଟିୟାର୍ ସାସ୍ତ୍ରୀର୍ ଆରି ପାରୁସିର୍, ଇନେକିଦେଂକି ଏପେଙ୍ଗ୍ ଡିଞ୍ଜିନି ରଙ୍ଗିନି ଦୁଗେର୍ ଲାକେ । ହେଦାଂ ବାର୍ତ୍ ହଲ୍ଲାନାକା ଚଞ୍ଚାନାତ୍, ମାତର୍ ବିତ୍ରେ ହାତାକାର୍ତି ମେଗାଣା ପ୍ଲେକ୍ ଆରି ସବୁ ବାନି ବିଚାଡ୍ଡତ୍ ବାତ୍; ୨୮ ହେ ଲାକେ ଏପେଙ୍ଗ୍ ପା ବାର୍ତ୍ ମାନାୟାର୍ କାଶ୍ଟକାଂ ଦାମ୍ ଚନ୍ଦନାକାଦେର୍, ମାତର୍ ମି ବିତ୍ରେ କୁଚ୍ ଆରି ପାପ୍ତ ବାତ୍ ।”

ଜିସୁ ହେଞ୍ଜାରିତି ତାଣ୍ଡ ବଗ୍ କିନାକା ଷ୍ଟେଟ୍ତାନ୍
(ଲୁକ ୧୧:୪୫-୫୧)

୨୯ “ଏ କାପ୍ଟିୟାର୍ ଦରମ୍ ଗୁରୁ ଆରି ପାରୁସିର୍ ମି ଦସା କେତେକ୍ ବଇଁକାର୍ ଆନାତ୍ ! ଇନାକିଦେଂକି ଏପେଙ୍ଗ୍ ବେଶ୍ବାକ୍ ଶାୟ୍ କିନାକାର୍ତି ଦୁଗେର୍ ହଲ୍ଲାନାକା ରଚ୍ଚି ଆରି ଦାମ୍ ତ୍ ଦୁଗେର୍କାମ୍ ହଲ୍ଲିକିଜି ମାନାଦେର୍, ୩୦ ଆସେଙ୍ଗ୍ ଏଚେକାଡ୍ ମା ଆବା ଲାଡ୍ଡା ସମୁତ ମାତିସ୍, ତେବେ ବେଶ୍ବାକ୍ ଶାୟ୍ କିନାକାର୍ତାଂ ନେତେର୍ତ୍ତ ହେଞ୍ଜାରିତି ମେହାଣ୍ ଆମାଟ୍ । ୩୧ ଲାଗିଂ ଏପେଙ୍ଗ୍ ଜେ ବେଶ୍ବାକ୍ ଶାୟ୍ କିନାକାର୍ ପାଗନାକାର୍ ଲାଡ୍ଡାକାଦେର୍, ହେ ବିସ୍ତେ ଏପେଙ୍ଗ୍ ଆଁ ଜାର୍ ଜାର୍ କାଜିଂ ସାକି ହିନାଦେରା ।” ୩୨ “ବାଟିଙ୍ଗ୍ ଏପେଙ୍ଗ୍ ଆଗେ ତାଙ୍ଗାଟ୍, ମି ଆବାଲାଡ୍ଡାତି ବାକି କାମାୟ୍ତିଂ ପୁରା

* ୨୩:୧୧ ୨୩:୧୧ ମାତ୍ରିକ ୨୦:୨୭,୨୭; ମାର୍କ ୯:୩୫; ୧୦:୪୩,୪୪; ଲୁକ ୨୨:୨୭. * ୨୩:୧୨ ୨୩:୧୨ ଲୁକ ୧୪:୧୧; ୧୮:୧୪. * ୨୩:୨୭ ୨୩:୨୭ ପକ୍ୟାତାକା ୨୩:୩.

କିୟାଟ୍ ।” ୩୩ “ଡେ ରାଟ୍ କୁ ! କାଲାଟିରାଟ୍ ନି ବସ୍ ଯାଉ ! ନରକ୍ ଡାଣ୍ଡାଟା ରାକ୍ୟା ପାୟା ଆନାପ୍ ଇଞ୍ଜି ଇନେସ୍ ଆହା କିନାଦେରା ? ୩୪ ଲାଗି ଆନ୍ ଇଞ୍ଜିନାକା; ମି ତାକେ ବେଶ୍ ବାକ୍ ଶାୟ୍ କିନାକାର୍, ହିକାୟ୍ କିନି ଗୁରୁ ଆରି ଗିଆନିରି ପଲ୍ଲାନା । ହେଝାର୍ ବିତ୍ରେ କେତେଜାଣ୍ଡିଟି ଏପେଙ୍ଗ୍ ଟୁଣାଦେର୍, କେତେକ୍ ଜାଣ୍ଡିଟି କୁସ୍ତ ବୁପ୍ ନାଦେର୍, ଆରି ବିନ୍ ଲୁଗା କୁଟୁମ୍ ଇଞ୍ଜି କର୍ତ୍ତା ହୁକେ ଇଡ଼ଜି ର ଗାଡ଼୍ ଦା ଆରେ ର ଗାଡ଼୍ ଦ ପେସ୍ ନାଦେର୍ । ୩୫ ଇନେସ୍ କି ଦମ୍ ହେବଲ୍ ତା ନେତେରତା, ଇମ୍ ଶି ବେରିକିୟ୍ ଡି ମେହି ଜିକରିୟ୍ ଏପେଙ୍ଗ୍ ମନ୍ଦିର୍ ନି ପୁଇପୁୟା ବାହାତ ଆରି ଗାର୍ ଶି ମାଦ୍ ନି ବାହାତ ଅସ୍ତ୍ରାଦେର୍, ତା ଅସ୍ତ୍ର ପାତେକ୍ ପୁତ୍ ତ ଜେତେକ୍ ଦାମ୍ ଲଗାରି ଅସ୍ତ୍ରାଣ୍ଡା, ହେ ଝିଜାକାର୍ ତି ହାନି ଦାଣ୍ଡି ମି ଜପି ଆର୍ଦାନାଟ୍ । ୩୬ ଆନ୍ ମିଙ୍ଗ୍ ହାଡ଼ପା ଇଞ୍ଜିନାକା, ଇ ଝିଜାର୍ ମାନାୟାରି ଅସ୍ତ୍ରଲେ ନନ୍ ମାନାୟ୍ ଜପି ଇ ସବୁ ପଡାନାଟ୍ ।”

ଜିରୁସାଲମ୍ କାଜି ଜିସୁତି ଦୁକ୍
(ଲୁକ ୧୧:୩୪-୩୫)

୩୭ “ଏ ଜିରୁସାଲମ୍, ଏ ଜିରୁସାଲମ୍ । ଏନ୍ ବେଶ୍ ବାକ୍ ଶାୟ୍ କିନାକାରି ଟୁଟାୟ୍ ନା ଆରି ଇସ୍ତର୍ ପଲ୍ଲି କାରୁର୍ ହିନାକାରି କାଲ୍ କୁ ଇଡ଼ନାର୍ । କୁଜୁ ତା ମାରା ତାରେନ୍ ହିମ୍ ଶାକା ଆସ୍ତି ଇଡ଼ତି ଲାକେ, ନି ଲକ୍ ଡି ନା କାକା ତାରେନ୍ ରାକ୍ୟାକିଦେ କାଜି ଆନ୍ କେତେହର୍ ସେସ୍ କିତାନ୍ନା । ମାତର୍ ଏନ୍ ନାଙ୍ଗ୍ ହେଦା କିଦେଙ୍ଗ୍ ହିଦ୍ ଝାତାୟ୍ ନା । ୩୮ ହୁଡା, ମି ମନ୍ଦିର୍ ମି କେଇଦ ପିସ୍ତି ହିଦ୍ୟାଆନାତା । ୩୯ ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜି ଇଟ୍ ନାକା, ‘ମାପୁ ତର୍ଦ ଇନେର୍ ଝାନାରା, ହେଝାନ୍ ଦନ୍ୟ’ ଇଦା ଏତେକାଡ଼୍ ପାତେକ୍ ଇନ୍ ଝାତାନ୍ନା, ନଙ୍ଗ୍ ତାଙ୍ଗ୍ ଏନ୍ ନାଙ୍ଗ୍ ଆରେ ହୁଡ଼ଦେ ଆଡୁୟ୍ ।”

୨୪

ଜିସୁ ମନ୍ଦିର୍ ଦୁଡ଼ିମାସ୍ ନି ବିସ୍ତେ ଇଚାନ୍
(ମାର୍କ ୧୩:୧-୨; ଲୁକ ୨୧:୫-୬)

୧ ଜିସୁ ମନ୍ଦିର୍ ତା ହସି ହାନି ଝେଡାଲି ହେଝାନ୍ତି ତେଲାର୍ ହେଝାନି ମନ୍ଦିର୍ ନି ଇଲ୍ କୁ ତଟ୍ ତେଙ୍ଗ୍ କାଜି ହେଝାନ୍ ଲାଗେ ଝାତାର୍, ୨ ମାତର୍ ହେଝାନ୍ ହେଝାରି ଉତର୍ ହିତାନ୍, “ଏପେଙ୍ଗ୍ ଇନାକା ଇ ଝିଜୁ ହୁଡ଼ଚୁଦରା ? ଆନ୍ ମିଙ୍ଗ୍ ହାଡ଼ପା ଇଞ୍ଜିନାକା, ଇ ବାହାତ ର କାଲ୍ ବିନ୍ କାଲ୍ ଜପି ମାନୁଡ଼, ଝିଜୁ ଦୁଡ଼ି ମାସ୍ ନାଟ୍ ।”

ଦୁକ୍ ଆରି କସ୍
(ମାର୍କ ୧୩:୩-୧୩; ଲୁକ ୨୧:୭-୧୯)

୩ ପାତେ ହେଝାନ୍ ଜିଡ଼ମାଡ଼ି ଜପି କୁଟଚାନ୍, ତେଲାର୍ ହେଝାନ୍ ଲାଗେ ଡ଼ଗୁଜି ଝାଜି ଝେନ୍ ବାତାର୍, “ଇ ସବୁ ଇନାଝାଡ଼ା ଗିଟା ଆନାଟ୍, ଆରେ ନି ଝାନାକା ଆରି ଜୁଗସେସ୍ ନି ଇଟ୍ କାଡ଼ ଇନାକା, ହେଦା ମା ଝେଟ୍ ଚା ।”

୪ ହେବେ ଜିସୁ ହେଝାରି ଉତର୍ ହିତାନ୍, “ଜାଗ୍ରତ୍, ଇନେରକି ଇନେସ୍ ମିଙ୍ଗେଙ୍ଗ୍ ଚାକ୍ରାୟ୍ କିଦ୍ ମେର୍ ।” ୫ ଇନାକିଦେ କି ବେସିହେନି ନା ତର୍ଦ ଝାଜି “ଆନ୍ କ୍ରିସ୍ ଇଟିସ୍ ମସିୟା ଇଞ୍ଜି ଇଞ୍ଜି ଆଦେକ୍ ଡି ଚାକ୍ରାୟ୍ କିଦ୍ ନାର୍ । ୬ ଆରେ, ଏପେଙ୍ଗ୍ ଜୁଜ୍ ବିସ୍ତେ ଆରି ଜୁଜ୍ ନି ମାନାୟ୍ ଆଲି ଝେନାଦେର୍; ଜାଗ୍ରତ୍, ବାଇକାବିତାଡ଼ ଆମାଟ୍ । ଇନାକିଦେ କି ଇ ଝିଜୁ ଗିଟାନାଟ୍, ମାତର୍ ହେ ସମ୍ ଝିଜୁ ନାକା ଆକାୟ୍ । ୭ ଇନାକିଦେ କି ଜାତି ବିରୁଦ୍ ତ ଜାତି ଆରି ରାଜି ବିରୁଦ୍ ରାଜି ନିଗ୍ ନାଟ୍, ଆରେ ସବୁ ବାହାତ କାତାର୍ ଆରି ମେଦ୍ ନିଦାଲ୍ କାତାଟ୍ । ୮ ମାତର୍ ଇ ଝିଜୁ କଗ୍ ଲେ ହିମ୍ ଶାଗାଟାନ୍ କସ୍ ଏକାଝାନାଟ୍ ଦୁକ୍ ଆରିମ୍ ମତର୍ ।”

୯ “ହେ ଝେଡାଲି ଲକୁ ମିଙ୍ଗେଙ୍ଗ୍ ଦୁକ୍ ବଗି କିଦେଙ୍ଗ୍ କାଜି ହେଲାୟ୍ କିଦ୍ ନାର୍ ଆରି ମିଙ୍ଗ୍ ଅସ୍ତ୍ରାନାର୍, ଆରେ ନା ତର୍ ପାତ୍ କିନି କାଜି ଏପେଙ୍ଗ୍ ଝିଜୁ ଜାତିତା ଗିଣ୍ କିୟାନାଦେର୍ । ୧୦ ହେଝାଡ଼ା ବେସି ହେଝାରିତି ପାତ୍ ଆରାୟ୍ କିତାର୍, ଆରେ ରକାନ୍ ଆରେ ରକାନି ଆହିକିନାନ୍ ଆରି ରକାନ୍ ଆରେ ରକାନି ଗିଣ୍ କିନାନ୍, ୧୧ ଆରେ ବେସି ଚାକ୍ରାୟ୍ ବେଶ୍ ବାକ୍ ଶାୟ୍ କିନାକାର୍ ଝାଜି ବେସିହେନିଟି ଚାକ୍ରାୟ୍ କିନାର୍, ୧୨ ଆରେ ବାନ୍ୟା ବାଡାନି କାଜି ଆଦେକ୍ ମାନାୟାରିତି ଜିଉନନାକା କାଜି ହିଡ଼ତି ଆନାଟ୍ । ୧୩ ମତର୍ ଇନେର୍ ସେସ୍ ପାତେକ୍ ସାସ୍ ଆଜି ମାନାର୍, ହେଝାନ୍ ମୁକ୍ତି ଆନାନ୍ । ୧୪ ଆରେ, ସବୁ ଜାତି ଲାଗା ସାଜି ହିଦେ କାଜି ରାଜିନି ଇ ନେକ୍ରିକାରୁର୍ ସବୁ ପୁତ୍ ସୁଶାୟ୍ କିୟାଆନାଟ୍, ତା ପାତେ ଜୁଗ୍ ଝିଜୁନାଟ୍ ।”

ନାସ୍ କିନି ଗିଣ୍ ଜିନିସ୍
(ମାର୍କ ୧୩:୧୪-୨୩; ଲୁକ ୨୧:୨୦-୨୪)

୧୫ ଲାଗି ଏପେଙ୍ଗ୍ ଏତେକାଡ଼୍ “ଦାନିଏଲ୍ ବେଶ୍ ବାକ୍ ଶାୟ୍ କିନାକାନ୍ କାଜି ଲେକାଡି ନାସ୍ କିନି ଗିଣ୍ ଜିନିସ୍ ଡି ମନ୍ଦିର୍ ପୁଇପୁୟା ବାହାତ ମାନାକା ହୁଡ଼ନାଦେର୍, ପଡ଼ିକିନାକାଦେର୍ ବୁଜାଆଡୁ;” ୧୬ “ହେ ଏତେକାଡ଼୍ ଇମ୍ ଶାକାର୍ ଜିହୁଦା ରାଜି ମାନ୍ ଗାନାର୍, ହେଝାର୍ ମାଡ଼ିତ ହନ୍ ଝାଲେର୍; ୧୭ ଇନେର୍ ଜେଗନ୍ ଜପି ମାନାନ୍, ହେଝାନ୍ ଇଲ୍ ବିତ୍ରେ ଆଡ଼ମାଡ଼୍ ଅଦେ କାଜି ଜୁଜି ଝାମେନ୍ । ୧୮ ଆରେ, ଇନେର୍ ବୁମିତ ମାନ୍ ଗାନାର୍, ହେଝାନ୍ ଜାର୍ ହେୟା ତାକେଦେ”

☆ ୨୪:୯ ୨୪:୯ ମାଡ଼ିତ ୧୦:୨୨. ☆ ୨୪:୧୩ ୨୪:୧୩ ମାଡ଼ିତ ୧୦:୨୨. ☆ ୨୪:୧୭ ୨୪:୧୭ ଲୁକ ୧୭:୩୧.

ଉଲ୍ଲଟି ହାଲ୍ଲମେନ୍ । ୧୯ ହେୱେଡ଼ାଲିଂ ଇମ୍ପାଣାକାର୍ ଏସ୍ ପିସ୍ତାକାଦେଲ୍ କଗ୍ଲେ ଆରି ମାୟ୍‌ଉର୍‌ନି ଆୟା, ଆ, ହେୱେକ୍ ଦୁକ୍‌ନିକିକ୍, ୨୦ ମାତର୍ ମିଦାଙ୍ଗ୍ ହନ୍‌ନାକା ଇନେସ୍ ପିନି ମାସ୍ତ କି ଜମ୍‌ନିବାର୍ ନାଜିଂ ଆମେଡ୍, ଇଦାଂ କାଜିଂ ପାର୍ତାନା କିୟାଟ୍ । ୨୧ ଇନାକିଦେଂକି ହେୱେଡ଼ାଂ ଏପେଙ୍ଗ୍ ବେଜେକ୍ ଦୁକ୍ ଗିଟାନାଡ୍ ଜେ, ପୁତ୍ ନି ଆରମ୍‌ତାଂ ନେଞ୍ଜେଙ୍ଗ୍ ପାତେକ୍ ଗିଟାଞ୍ଜାତାଡ୍‌ନା, ଆରେ ଇନାଞ୍ଜାଡ଼ାଂ ପା ଗିଟାଆଦୁଡ୍ । ୨୨ ଆରେ, ହେ ସମ୍ପୁ ବାଟିଙ୍ଗ୍ ଉଣା କିଞ୍ଜାଦାଂ ମାଟିସ୍, ତେବେ ଇମ୍ପାଣାକା ପା ପାତାଡ୍ ମୁକ୍ତି ଆଞ୍ଜାତାମ୍, ମତର୍ ବାଟିକିତି ଲକୁ କାଜିଂ ହେ ସମ୍ପୁ ଉଣା କିୟା ଆନାଡ୍ ।”

୨୩ “ହେ ଏଚେକାଡ୍‌ଦ ହୁଡ଼ାଟ୍, କ୍ରିସ୍ଟ ଇବେ କି ହେବେ ଇନେର୍ ଏଚେକାଡ୍‌ଦ ମିଙ୍ଗ୍ ଏଲେଙ୍ଗ୍ ଇଞ୍ଜନାର୍, ତେବେ ହେଦାଂ ପାତ୍ କିମାଟ୍ । ୨୪ ଇନାକିଦେଂକି ଚାକ୍ରାୟ୍ କ୍ରିସ୍ଟୁର୍ ଆରି ଚାକ୍ରାୟ୍ ବେଶ୍‌ବାକ୍‌ଶାୟ୍ କିନାକାର୍ ନିଙ୍ଗ୍‌ଜି ଏପେଙ୍ଗ୍ ଗାଜା ଗାଜା ଚିନ୍ ଆରି କାବାନି କାମାୟ୍ ଚଟ୍‌ଚାନାର୍ ଜେ, ଜଦି ଆଡ୍‌ନାର୍, ତେବେ ବାଟିକିତି ଲଗାଂ ପା ବାମ୍‌ଶ୍ଟାୟ୍ କିତାର୍ । ୨୫ ହୁଡ଼ାଟ୍, ଆନ୍ ଆଗେତାଂ ମିଙ୍ଗେଙ୍ଗ୍ ଶ୍ଵେଟ୍‌ଚାନାଙ୍ଗା ।”

୨୬ ଲାଗିଂ, “ହୁଡ଼ାଟ୍, ହେଞ୍ଜାନ୍ ବାଟାତ ମାନାନ୍” ଲକୁ ଜଦି ମିଙ୍ଗ୍ ଇ କାତା ଇଞ୍ଜନାର୍, ତେବେ ହସି ହାଲ୍‌ମାଟ୍, “ହୁଡ଼ାଟ୍, ହେଞ୍ଜାନ୍ ବିତ୍ରେ ବାକ୍ରାତ ଡକ୍ଟୁଚାନନା ମାନାୟ୍ ଜଦି ଇଦାଂ ଇଞ୍ଜନାର୍, ତେବେ ହେଦାଂ ପାତ୍ କିମାଟ୍ । ୨୭ ଇନାକିଦେଂକି ବିଜ୍‌ଲି ଇନେସ୍ ଶ୍ଵେଡ଼ାହନିତାଂ ଇଡ୍‌ଜି ଶ୍ଵେଡ଼ାହାନି ପାତେକ୍ ବାଦାଡ୍ ଅଜଡ୍ ଆନାଡ୍, ହେ ଲାକେ ମାନାୟ୍ ମାଜିଡି ଖାନାକା ହେ ଲାକେ ଆନାଡ୍ ।”

୨୮ ଇମ୍ପେତାକେ ମଡ୍ ମାଟିସ୍, ହେବେ ରାମାଣିଙ୍ଗ୍ ରୁଣ୍ଡା ଆନିକ୍ ।

ମାନାୟ୍ ମାଜିଡି ଖାନାକା

(ମାର୍କ ୧୩:୨୪-୨୭; ଲୁକ ୨୧:୨୫-୨୮)

୨୯ ମତର୍ ହେ ସମ୍ପୁନି ଦୁକ୍ ପାଚେ ହାଚାଗ୍ରେ ମାଜ୍‌ଗା ଆନାଡ୍ ଆରି ଲେଞ୍ଜ ଅଜଡ୍ ହିଉଡ୍, ଆରେ ହୁକାଂ ଆକାସ୍‌ତାଂ ଆର୍‌ନିଂ ଆରି ଆକାସ୍‌ନି ସାକ୍ତି ସବୁ ଦାଲ୍‌କାନାଡ୍ । ୩୦ ହେ ଏଚେକାଡ୍‌ଦ ଆକାସ୍‌ତ ମାନାୟ୍ ମାଜିଡି ଇଟ୍‌କାଡ୍ ଚନ୍‌ଞ୍ଜାନାଡ୍, ଆରେ ହେୱେଡ଼ାଲିଂ ପୁତ୍ ତ ଝିକୁ ଜାତିନି ମାନାୟ୍ ଆଡ୍‌ବାନାର୍ ଆରି ମାନାୟ୍ ମାଜିଂ ଗାଜା ସାକ୍ତିତାଂ ଆରି ଗାଜା ପାଣ୍ ହୁକେ ବାଦାଡ୍‌ତ ଖାନାକା ହୁଡ୍‌ନାଦେର୍ । ୩୧ ଆରେ, ହେଞ୍ଜାନ୍ ଗାଜା ମରି ବାଜା ହୁକେ ଜାର୍ ଦୁଡ୍‌ରିଂ ପକ୍‌ତାନ୍ ଆରି ହେଞ୍ଜାର୍ ଆକାସ୍‌ନି ର ହାନ୍‌ତିତାଂ ବିନ୍ ହାନ୍‌ତି ପାତେକ୍ ଚାରି ଦିଗ୍‌ତାଂ ଇସ୍‌ତ୍ ବାଟିକିତି ଲଗାଂ ରୁଣ୍ଡାୟ୍ କିନାନ୍ ।

ତଗା ମାର୍‌ନି ହିକ୍ୟା

(ମାର୍କ ୧୩:୨୮-୩୧; ଲୁକ ୨୧:୨୯-୩୩)

୩୨ ତଗା ମାର୍‌ନି ଉତ୍‌ରମ୍‌ପୁଡ୍ ହିକ୍ୟା କିୟାଟ୍, ଏଚେକାଡ୍‌ଦ ହେ କେନ୍‌ଦାଂ ହାରା ଆଜି ଆକିଂ ଗିଲ୍‌ନିଂ, ହେ ଏଚେକାଡ୍‌ଦ ଜେଟ୍ ମାସ୍ ଏକା ଖାତାତେ ଇଞ୍ଜି ଏପେଙ୍ଗ୍ ପୁଞ୍ଜି ମାନାଟ୍; ୩୩ ହେ ଲାକେ ଏପେଙ୍ଗ୍ ପା ଇ ଝିକୁ ହୁଡ୍‌ଡିସ୍ ମାନାୟ୍ ମାଜି ଦୁଞ୍ଜେଟ୍ ଏକାଞ୍ଜାତାନେ ଇଞ୍ଜି ଇଦାଂ ପୁନାଟ୍ । ୩୪ ଆନ୍ ମିଙ୍ଗେଙ୍ଗ୍ ହାଡ୍‌ପା ଇଞ୍ଜନାଙ୍ଗା, ଇ ଝିକୁ ଗିଟାଞ୍ଜି ପାତେକ୍ ନେଞ୍ଜେଞ୍ଜିଗାନି ନାର୍ ଇନେସ୍ ବାଟ୍ ବୁଡା ଆଉର୍ । ୩୫ ଆକାସ୍ ଆରି ପୁତ୍ ବୁଡାନାଡ୍, ମତର୍ ନା ବଚନ୍ ସବୁ ମଡ୍‌କେ ବୁଡା ଆଉର୍ ।

ତା ଖାନାକା ସମାନ୍ ସମ୍ପୁ ଇନେର୍ ପୁନୁର୍

(ମାର୍କ ୧୩:୩୨-୩୬; ଲୁକ ୧୭:୨୭-୩୦, ୩୪-୩୬)

୩୬ ମାତର୍ ଇନାଞ୍ଜାଡ଼ାଂ ଖାନାନ୍ “ହେ ଦିନ୍ ଆରି ସମ୍ପୁ ବିସ୍ତେ ଇନେର୍ ପୁନୁର୍, ସାର୍‌ଗେନି ଦୁଡ୍‌ତର୍ କି ମାଜି* ପା ପୁନୁନ୍, କେବଲ୍ ମତର୍ ବାଞ୍ଜା ପୁନାନ୍ । ୩୭ ଆରେ, ନହତି ସମ୍ପୁତ ଇନେସ୍ ଗିଟା ଆଜି ମାଚାଡ୍, ମାନାୟ୍ ମାଜି ଖାନି ସମ୍ପୁତ ହେ ଲାକେ ଗିଟାଆନାଡ୍ । ୩୮ ଇନାକିଦେଂକି କୁପ୍‌କିନି ଆଗେନି ସମ୍ପୁତ ଜାଜ୍‌ତ ନହ ହଣି ଦିନ୍ ପାତେକ୍ ଲକୁ ଇନେସ୍ ତିନାଉଣା ଆରି ବିବା କିନାକା ଆରି ବିବା ହିଦେଂ ବିପ୍ରି ମାଚାର୍, ୩୯ ଆରେ ପୁର୍ ଖାଜି ଝିଜାରିଂ ବଡ଼ାୟ୍ କିଜି ଅଞ୍ଜି ପାତେକ୍ ଇନେସ୍ ପୁନ୍‌ଞ୍ଜାଦାଂ ମାଚାର୍, ମାନାୟ୍ ମାଜିଡି ଖାନାକା ପା ହେ ଲାକେ ଆନାଡ୍ ।” ୪୦ ହେ ଏଚେକାଡ୍‌ଦ ରିୟାର୍ ବୁମିତ ମାନ୍‌ଗାନାର୍, ରଞ୍ଜାନିଂ ଇଟ୍ୟା ଆନାଡ୍ ଆରି ବିନ୍ ଲଗାଂ ପିହ୍‌ୟା ଆନାଡ୍; ୪୧ ରିଶ୍ଟେକ୍ ଜାତା ନୁଜ୍‌ଜି ମାନିକ୍, ରଞ୍ଜିଲିଂ ଇଟ୍ୟାନାଡ୍ ଆରି ଆରେ ରଞ୍ଜିଲିଂ ପିହ୍‌ୟାନାଡ୍ । ୪୨ “ଲାଗିଂ, ଜାଗ୍ରତ୍ ମାନାଟ୍, ଇନାକିଦେଂକି ମି ମାପୁ ଇମ୍‌ଣି ଦିନ୍ ଖାନାନ୍, ହେଦାଂ ଏପେଙ୍ଗ୍ ପୁନୁଦେର୍ । ୪୩ ମତର୍ ଇଦାଂ ପୁଞ୍ଜି ମାନାଟ୍, ଇମ୍‌ଣି ଗାଡିତ ଚର୍ ଖାନାନ୍, ଇଦାଂ ଇଲ୍ ମୁଣିକା ଏଚେକାଡ୍‌ଦ ପୁଚାନ୍‌ଡି, ତା ଆତିସ୍ ହେଞ୍ଜାନ୍ ଜାଗ୍ରତ୍ ମାନ୍‌ଞ୍ଜି ଜାର୍ ଇଞ୍ଜ ଚର୍ କିଦେଙ୍ଗ୍ ହିଞ୍ଜାତାନ୍ । ୪୪ ଲାଗିଂ ଏପେଙ୍ଗ୍ ପା ଜାଲ୍‌ଦି ଆଜି ମାନାଟ୍, ଇନାକିଦେଂକି ଇମ୍‌ଣି ସମ୍ପୁତ ଏପେଙ୍ଗ୍ ଏଡ୍ କିଞ୍ଜାଦାଂ ମାନ୍‌ଗାନାଦେର୍, ହେ ସମ୍ପୁଦ ମାନାୟ୍ ମାଜି ଖାନାନ୍ ।”

☆ ୨୪:୨୧ ୨୪:୨୧ ହଡ୍‌ଡି ୭:୧୪. ☆ ୨୪:୨୭ ୨୪:୨୭ ଲୁକ ୧୭:୨୩, ୨୪. ☆ ୨୪:୨୮ ୨୪:୨୮ ଲୁକ ୧୭:୩୭. ☆ ୨୪:୨୯ ୨୪:୨୯ ହଡ୍‌ଡି ୭:୧୨; ହଡ୍‌ଡି ୭:୧୩. ☆ ୨୪:୩୦ ୨୪:୩୦ ହଡ୍‌ଡି ୧:୭. * ୨୪:୩୬ ୨୪:୩୬ କେତେକ୍ ପଡିତ ମାଜି ପା ହିଲୁନ୍ ☆ ୨୪:୪୩ ୨୪:୪୩ ଲୁକ ୧୭:୩୯, ୪୦.

ପାତଳ କିନାକାନ୍ ଆରି ପାତଳ କିଞ୍ଚି ଆଡ଼ିଏନ୍
(ଲୁକ ୧୨:୪୧-୪୮)

୪୫ “ତେବେ ମାପୁ ଜାରୁ ଲକ୍ଷ୍ମୀକୃତି ସମାନ୍ ଖେଡ଼ାଲିଂ ବାତ୍ୟା ହିଦେଂ କାଜିଂ ଇନେରିଂ ହେଞ୍ଜାରୁ ଜପି ବାଟି କିତାନ୍ନା, ଏଲେଙ୍ଗବାତଳ ପାତଳି ଆରି ବୁଦିକାରୟା ଆଡ଼ିଏନ୍ ଇନେର୍ । ୪୬ ମାପୁ ଖାଜି ଜାରୁତି ଇମ୍ଫଣି ଆଡ଼ିଏନ୍ ହେ ଲାକେ କିଜି ମାନାକା ହୁଡ଼ନାନ୍, ହେଞ୍ଜାନ୍ ଦନ୍ୟ । ୪୭ ଆନ୍ ମିଙ୍ଗେଙ୍ଗ ହାଡ଼ପା ଇଞ୍ଜନାଙ୍ଗ, ହେଞ୍ଜାନ୍ ହେଞ୍ଜାନ୍ ଜାରୁତି ଖିଜୁ ଦାନ୍ତିଙ୍ଗ ଜପି ବାଟି କିଦନାନ୍ । ୪୮ ମାତର୍ ଜଦି ହେ ବାନ୍ୟା ଆଡ଼ିଏନ୍ ନା ମାପୁ ଖାନାକା ମାଲାଆନାଡ଼ ଇଞ୍ଜି ମାନ୍ତ ମାନ୍ତ ଇଞ୍ଜି, ୪୯ ଜାରୁ ହାଂ ହାଙ୍ଗଦାକାରୁ ଗ୍ରାକ୍ତେଂ ଲାଗାନାନ୍, ଆରେ ମଦୁଞ୍ଜାରୁ ହୁକେ ତିନାଉଣା କିତିସ୍, ୫୦ ତା ଆତିସ୍ ଇମ୍ଫଣି ଦିନ୍ ହଲ୍ୟା କାଜିଂ କାସି ମାନ୍ଗୁନ୍ ଆରି ଇମ୍ଫଣି ସମୁତ ହେଞ୍ଜାନ୍ ପୁନ୍ଞାଦାଂ ମାନାନ୍, ହେ ଦିନ୍ ଆରି ହେ ସମୁତ ହେଞ୍ଜାତି ମାପୁ ଖାନାନ୍, ୫୧ ଆରେ ହେଞ୍ଜାନ୍ ହେଞ୍ଜାନ୍ ଗାଣ୍ଡା ଗାଣ୍ଡା କିଜି ହଚ୍ଚକାନାରୁ କାପ୍ତିୟାରୁ ହୁକେ ତାଦାଙ୍ଗ ବାଗ୍ ରଚନାନ୍; ହେବେ ଆଡ଼ବେଦେଂ ଆରି ଟାଡାଙ୍ଗ ରେଡିକିନାନ୍ ।”

୨୫

ଦସ୍ କଇକ୍ ଉତରମୁଡ଼

୧୫ “ହେଞ୍ଜେଡ଼ାଲିଂ ସାଗେଂ ରାଜି ଖାନାକା ଏଲେଙ୍ଗ ଆନାଡ଼ ।

ଦସ୍ ଜାଣ୍ ଜିପଲିକ୍ ଖିଜେକିକ୍ ର ର ବଇଟା ଅଜି ବିବାଦାଂଶେନିଂ ତାତେଙ୍ଗ ହାଲ୍ଲଜି ମାଟିକ୍ । ୧ ହେଞ୍ଜେକ୍ ବିତ୍ରେ ପାଞ୍ଚ ଜାଣ୍ ବୁଦିକାରୟାକ୍ ଆରି ପାଞ୍ଚ ଜାଣ୍ ନିରୁଦିୟାକ୍ ମାଟିକ୍ । ୨ ନିରୁଦିୟାକ୍ ବଇଟା ଅତିକ୍ ମାତର୍ ଜାରୁ ଜାରୁ କାଜିଂ ପା ଆଦିକ୍ ଟିକାଣ୍ ଅଞ୍ଜାଦାଂ ମାଟିକ୍ । ୩ ବୁଦୟାରୁ ଜାରୁ ଜାରୁ ବଇଟା ଲାହାଙ୍ଗ କାଚ୍ତ ଟିକାଣ୍ ଅଜି ମାତାରୁ ।”

୪ ବିବାଦାଂଶେନିଂ ଖାନାକା ମାଲା ଆତିଲେ କଇକ୍ ଡଗୁଜି ଡଗୁଜି ହୁଞ୍ଚିକ୍ । ୫ “ମାଦିମାଦା ନାଣା କିର ଇନାକା ଖେନ୍ୟା ଆତାଡ଼, ଇଞ୍ଜାନ୍ ହୁଡ଼ା ବିବାଦାଂଶେନିଂ ଖାତାନେ, ଖାଡୁ ହେଞ୍ଜାରିଂ ହାସ୍ଦାଂ ତାନାସ୍ ।” ୬ ହେଞ୍ଜାଡ଼ାଲିଂ ଜିପଲିକ୍ ନିଙ୍ଗଜି ଜାରୁ ଜାରୁ ବଇଟାଙ୍ଗ ଜାଲ୍ଲଦି କିତିକ୍ । ୭ ହେଞ୍ଜେଡ଼ାଂ ନିରୁଦିୟାଂ କଇକ୍ ବୁଦ୍ୟାକାଂ ଇତିକ୍, “ମାଙ୍ଗେଙ୍ଗ ଇଚୁକ୍ ଟିକାଣ୍ ହିଦାଡ଼ । ମା ବଇଟା ହାଜି ହାନାତା ।” ୮ “ବୁଦ୍ୟାକ୍ ଇତିକ୍, ମି କାଜିଂ ଆରି ମା କାଜିଂ ଟିକାଣ୍ ସାରି ଆଉଡ଼ । ଏପେଙ୍ଗ ଦୁକାଣ୍ଡ ହାଲ୍ଲଜି ଜାରୁ ଜାରୁ କାଜିଂ ଇଚୁଟିଂ ଟିକାଣ୍ କଡ଼ଜି ତାହିଞ୍ଜାଡୁ ।” ୯ ଲାଗିଂ ନିରୁଦୟାଂ କଇକ୍ ଟିକାଣ୍ କଡ଼ବେଂ ହସି ହାଟିକ୍ । ହେଞ୍ଜେକ୍ ତାଙ୍ଗଜି ହାଟି ପାଚେ ବିବାଦାଂଶେନିଂ ଖାଜି ଏକାଞ୍ଜାତାନ୍ । ଜାଲ୍ଲଦି ମାନି ପାଞ୍ଚଜାଣ୍ କଇକ୍ ତା ହୁକେ ବିବା ବଜିତ ହାଟି ପାଚେ କାପାଟ୍ ଗେସ୍ତାରୁ ।

୧୧ * “ପାଚେ ବିନ୍ ଜିପଲିକ୍ ପା ଖାଜି ଇତିକ୍, ଏ ମାପୁ, ଏ ମାପୁ, ମା କାଜିଂ କାପାଟ୍ ଜେସି ହିଦା । ୧୨ ମାତର୍ ବିବାଦାଂଶେନିଂ ଉତର୍ ହିତାନ୍, ଆନ୍ ମିଙ୍ଗ ହାଡ଼ପା ଇଞ୍ଜନାଙ୍ଗା, ଆନ୍ ମିଙ୍ଗ ପୁଞ୍ଜୁଙ୍ଗ ।”

୧୩ କାତା ଖିସ୍ତି ଜିସ୍ ଇଚାନ, ଜାଗ୍ରତ ମାନାଟ୍, ଇନାକିଦେଂକି ଏପେଙ୍ଗ ହେ ଦିନ୍ କି ହେ ସମୁ ପୁନ୍ଦେର୍ ।

ତିନ୍ ଚାକର୍ କାତା
(ଲୁକ ୧୯:୧୧-୨୭)

୧୪ “ସାଗେଂ ରାଜି ଇ ଲାକେ, ତାଦାଙ୍ଗ ଆରେ ରଞ୍ଜୁ ଉତରମୁଡ଼ ଖେନାଟ୍ । ଦିନେକ୍ ଆଡ଼ିୟା ମାନାୟ୍ କେଇଦ ତାଦାଙ୍ଗ ଦାନ୍ ପିସ୍ତି ହିଜି ବିଦେସ୍ ହାଞ୍ଜେଙ୍ଗ ହତାନ୍ । ୧୫ ହେଞ୍ଜାନ୍ ରକାନିଂ ହେବାକାରି ପାଞ୍ଚ ହାଜାରୁ ରୁପା ଟାକାଂ, ଆରେ ରକାନିଂ ରି ହାଜାରୁ ରୁପା ଟାକାଂ, ଆରେ ରକାନିଂ ଏକ୍ ହାଜାରୁ ରୁପା ଟାକାଂ, ଏପେଙ୍ଗ ଖିଜାରିଂ ହେଞ୍ଜାରୁ ସାକ୍ତି ହୁଡ଼ଜି ହିଜି ବିଦେସ୍ତ ହାତାନ୍ । ୧୬ ପାଞ୍ଚ ହାଜାରୁ ରୁପା ଟାକାଂ ପାୟା ଆଜି ମାଚାନ୍, ହେଞ୍ଜାନ୍ ଦାପ୍ତେ ହେଦାଂ ଅଜି ବେପାରୁ କିଜି ଆରେ ପାଞ୍ଚ ହାଜାରୁ ରୁପା ଟାକାଂ ଲାବ୍ କିତାନ୍ । ୧୭ ହେ ଲାକେ ଇନେର୍ ରି ହାଜାରୁ ରୁପା ଟାକାଂ ପାୟା ଆଜି ମାଚାନ୍, ହେଞ୍ଜାନ୍ ଆରେ ରି ହାଜାରୁ ରୁପା ଟାକାଂ ଲାବ୍ କିତାନ୍ । ୧୮ ମତର୍ ଇମ୍ଫଣି ଚାକର୍ ହାଜାରୁ ରୁପା ଟାକାଂ ପାୟା ଆଜି ମାଚାନ୍, ହେଞ୍ଜାନ୍ ର ଚିକ୍ଲା କାଚ୍ ହାଉକାଚ୍ ହେ ରୁପା ଟାକାଂ ଡକ୍ଟି ଇଡ଼ତାନ୍ ।”

୧୯ “ବେସି ଦିନ୍ ପାଚେ ଆଡ଼ିୟା ହାଉକାରୁ ମାସ୍ଦାତାନ୍ ଆରି ଚାକର୍ରିଂ ହୁକେ ହିସାବ୍ କିତାନ୍ । ୨୦ ପାଞ୍ଚ ହାଜାରୁ ଟାକାଂ ଅଜି ମାଟି ଚାକର୍ ହାଉକାରୁତି ଆରେ ପାଞ୍ଚ ହାଜାରୁ ହିଜି ଇଚାନ, ମାପୁ ଏନ୍ନାଙ୍ଗ ପାଞ୍ଚ ହାଜାରୁ ରୁପା ଟାକାଂ ହିଜି ମାଞ୍ଜାୟ୍, ହୁଡ଼ା, ଆନ୍ ପାଞ୍ଚ ହାଜାରୁ ଲାବ୍ କିତାନ୍ନା ୨୧ ହାଉକାରୁ ଖାରୟା ଆଜି ଇଚାନ, ହାରୁ କିତାୟନା, ଏନ୍ ନା ସାବାସ୍ ହାରୁଦାକାୟ ଆରି ପାତଳି ଆଡ଼ିୟା । ଏନ୍ ପାତଳି ବାବ୍ରେ ଅଲପ୍ ଦନ୍ଦିଂ କାରୁବାରୁ କିଦେଙ୍ଗ ଆଡ଼ତିଲେ ନି କେଇଦ ବେସି ଦାନ୍ ପିସ୍ତି ହିଦନାଂ । ଖା, ନା ମାପୁ ଖାରିତ ମେହାଆଦା !” ୨୨ “ରି ହାଜାରୁ ରୁପା ଟାକାଂ ଅଜି ମାଟି ହେବାକାରି ଖାଜି ଇଚାନ, ଏ ମାପୁ, ଏନ୍ନାଙ୍ଗ ରି ହାଜାରୁ ହିଜି ମାଞ୍ଜାୟ୍, ଆନ୍ ଆରେ ରି ହାଜାରୁ ରୁପା ଲାବ୍ କିତାନ୍ନା ।” ୨୩ ହାଉକାରୁ ଇଚାନ, “ସାବାସ୍ କିତାୟନା । ଏନ୍ ପା ନା ହାରୁଦି ଆଡ଼ିୟା । ଅଲପ୍ ଦାନ୍ତ ପାତଳି ତାଂ ଚଚ୍ଚାତାୟନା । ବେସି ଦାନ୍ ଆନ୍ ନିଂ ବାଟି କିଦନାଂ । ଖା ନା ଖାରିତ ମିହାଆଦା ।” ୨୪ “ସେସ୍ତ ଏକ୍ ହାଜାରୁ ରୁପା ଟାକାଂ ଅଜି ମାଟି ଲକୁ ଖାଜି ଇଚାନ,

☆ ୨୫:୧ ୨୫:୧ ଲୁକ ୧୨:୩୫. ☆ ୨୫:୧୧ ୨୫:୧୧ ଲୁକ ୧୩:୨୫.

ହାଉକାର, ଏନ୍ ରକାୟ କଟି ଲକୁ ଇଦାଂ ଆନ୍ ପୁନାଙ୍ଗ । ଓଡ଼ଓଡ଼ି ବାଡ଼୍ ଏନ୍ ତ୍ରେସ୍ନାୟ । ବିୟାନ୍ ଓଡ଼ଓଡ଼ାଦାଂ ତାସ୍ ରୁଣ୍ଡାୟ କିନାୟ । ୨୫ ହେଦାଂ କାଜିଂ ଆନ୍ ପାଣ୍ଡା ଆଜି ନି ରୁପା ଟାକାଂ ଅଜି ହାଉକାର୍ ମେଦ୍ନିତ ମୁଡ଼ି ଇଡ଼ଜି ମାଟାଙ୍ଗ । ହୁଡ଼ା, ନି ହେ ତାବୁଙ୍ଗ ।”

୨୬ “ହାଉକାର୍ ଇଚାନ୍, ଡେ ଆଡ଼ଓଡ଼ି, ଆଡ଼ସାୟ ଆଡ଼ିୟା ! ଏନ୍ କିନ୍ଦା ପୁଞ୍ଜିମାଟାୟ, ଆନ୍ ଇମେତାକେ ଓଡ଼ଓଡ଼ାଦାଂ ମାନାଂ, ହେବେ ତ୍ରେସ୍ନାଂ ଇମେତାକେ ଓଡ଼ଓଡ଼ାଦାଂ ମାନ୍ଗାନାଂ ହେବେ ତାସ୍ ତ୍ରେସ୍ନାଂ । ୨୭ ତେବେ ନା ଟାକାଂ ଅଜି ଏନ୍ କଲନ୍ତର୍ କାଜିଂ ଇଡ଼ଜି ମାଟାଂମା । ତା ଆଡ଼ିସ୍ ତାଙ୍ଗ୍ ଆନ୍ କଲନ୍ତର୍ ହୁକେ ଉଲ୍ଲଟି ଗାଟା ଆତାଂମା ।” ୨୮ ଇଦାଂ ଇଞ୍ଜି ହାଉକାର୍ ବଲ୍ ହିତାନ୍, “ଇ ରୁପା ତାବୁଙ୍ଗ୍ ଅଜି, ଇନେର୍ ତାକେ ଦସ୍ ହାଜାର୍ ରୁପା ଟାକାଂ ମାନିଙ୍ଗ୍, ହେଞ୍ଜାନିଂ ହିଆର୍ । ୨୯ *ଇନାକିଦେଂକି ଇମ୍ଫଣି ଲକୁତ ମାନିଂ, ହେଞ୍ଜାନିଂ ହିୟାଆନାଡ଼, ଆରେ ହେଞ୍ଜାନ୍ତି ବେସି ଆନାଡ଼; ମାଡର୍ ଇନେରିଂ ହିଲୁଡ଼, ହେଞ୍ଜାନ୍ ଲାଗେ ଇନାକା ମାନାଡ଼, ହେଦାଂ ନେ ତା ତାକେଣ୍ଡାଂ ଅୟାନାଡ଼ । ୩୦ ଇ କାମାୟ ଆଡ଼ଓଡ଼ି ଆଡ଼ିୟାତିଂ ବାଡ଼ି ମାଜ୍ଗାତ ତୁହିୟାଡ଼ । ହେବେ ହେଞ୍ଜାନ୍ ଆଡ଼ବିସ୍ ଟାଟାଙ୍ଗ୍ କଡ଼ମଡ଼୍ କିଜି ମାନେନ୍ ।”

ସେସ୍ ବିଚାର୍ଣ୍ଣା

୩୧ “ଏଚେକାଡ଼୍ ମାନାୟ ମାଜି ରାଜା ଆଜି ହେଞ୍ଜାନ୍ତି ସାଗେ ଦୁଡ଼ତର୍ ଲାହାଙ୍ଗ୍ ଖାନାନ୍, ରାଜା ଜାଜ୍ମାଲ୍ ହୁକେ ଗାଦିତ କୁଚ୍ଚାନ୍, ୩୨ ସବୁ ଜାତିନି ଲକୁ ତା ଲାଗାଂ ରୁଣ୍ଡା ଆନାଡ଼ । ହେ ଏଚେକାଡ଼୍ ମେଣ୍ଡାଗଡ଼ିୟା ଇନେସ୍ ଅତାଙ୍ଗ୍ ଆରି ମେଣ୍ଡାକାଂ ବିନେ କିନାନ୍, ମାନାୟ ମାଜି ହେ ଲାକେ ମାନାୟତିଂ ରି କୁଦା କିଜି ବାଗ୍ କିନାନ୍ । ୩୩ ମେଣ୍ଡାକାଂ ଜାର୍ ବୁଣ୍ଡି ବାଗାଙ୍ଗ୍ ଆରି ଅତାକାଂ ତେବ୍ରି ବାଗାଙ୍ଗ୍ ଇଚ୍ଚନାନ୍ ।” ୩୪ ତା ପାଚେ ହେଞ୍ଜାନ୍ତି ବୁଞ୍ଜିତ ମାନି ଲକାରିଂ ରାଜା ଇନାନ୍, “ଖାଡୁ, ମିଙ୍ଗେଙ୍ଗ୍ ନା ବାଞ୍ଜା ଆସିର୍ବାଦ୍ କିଡ଼ନ୍ନା । ପୁଡ଼ି ଉଦ୍ଜାଣି ଆରମ୍ଭତାଂ ଇମ୍ଫଣି ରାଜି ମି କାଜିଂ ଜାଲ୍ଦି ଆଜି ମାନାଡ଼, ଖାଡ଼ ହେବେ ହଶାଡ଼ । ୩୫ ଆନ୍ ନାସ୍କି ମାଟାଙ୍ଗ୍, ଏପେଙ୍ଗ୍ ଚିପାତାଦେଣ୍ଡା; ଆନ୍ ଏସ୍କି ଆଜି ମାଟାଙ୍ଗ୍, ଏପେଙ୍ଗ୍ ନାଙ୍ଗ୍ ଉଣ୍ଡେଙ୍ଗ୍ ହିଡ଼ତାଦେଣ୍ଡା । ଆନ୍ ଚିନାହିଲ୍ଖାଦାଂ ମାଟାଙ୍ଗ୍, ଏପେଙ୍ଗ୍ ନାଙ୍ଗ୍ ଇଞ୍ଜି ମାଞ୍ଜେଙ୍ଗ୍ ବାହା ହିଡ଼ତାୟ । ୩୬ ନାଗଡ଼ା ମାଟାଙ୍ଗ୍, ନାଙ୍ଗ୍ ହେନ୍ଦା ଉସ୍ମି କିଡ଼ତାଦେଣ୍ଡା । ଆନ୍ ବେମାର୍ ମାଟାଙ୍ଗ୍, ନାଙ୍ଗ୍ ଜତନ୍ କିନାଦେର୍ ।” ଆନ୍ ଜେଲ୍ ଇଞ୍ଜି ମାଟାଙ୍ଗ୍, ନାଙ୍ଗ୍ ହୁଡ଼ଦେଂ ଖାତାଦେର୍ । ୩୭ “ହେବେ ଦାମ୍ ର ତାଙ୍ଗ୍ ଉତର୍ ହିଦ୍ନାଡ଼, ଏ ମାପୁ, ଇନାଖାଡ଼ାଂ ଆପେଂ ନିଂ ନାସ୍କି ହୁଡ଼ଜି କାଦି ହିଡ଼ତାପ୍ କି ଏସ୍କି ହୁଡ଼ଜି ଉଦ୍ପି କିଡ଼ତାପ୍ ? ୩୮ ଆରେ ଇନାଖାଡ଼ାଂ ରଖାନ୍ ନିଂ ଚିନାହିଲ୍ଖି ଲକୁ ହୁଡ଼ଜି ଆହା ହିଡ଼ତାପ୍ ? କି ନାଗଡ଼ା ହୁଡ଼ଜି ହେନ୍ଦା ଉସ୍ମି କିଡ଼ତାପ୍ ? ୩୯ ଇନାଖାଡ଼ାଂ ନିଂ ବେମାର୍ କି ଜେଲ୍ ଇଞ୍ଜି ହୁଡ଼ଜି ହେବା କିଡ଼ତାପ୍ ? ୪୦ ଆରେ ରାଜା ହେଞ୍ଜାରିଂ ଉତର୍ ହିନାନ୍, ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜିନାଙ୍ଗା, ଏପେଙ୍ଗ୍ ନା ଇ ହାରୁ ଟଣ୍ଡା ବିତ୍ରେତାଂ ରଖାନ୍ କାଜିଂ ଇଦାଂ କିଜି ମାଟିଲେ ନା କାଜିଂ ନେ ହେଦାଂ କିନାଦେରା ।”

୪୧ “ତା ପାଚେ ତେବ୍ରିବାଗାଙ୍ଗ୍ ମାନି ଲକାରିଂ ହେଞ୍ଜାନ୍ ଇନାନ୍, ଡେ ସାଇପ୍ ପାୟାତି ମାନାୟାର୍ ! ନା ମୁମ୍ଦାଂ ଦେହା ଆ ! ସୟତାନ୍ ଆରି ତା ଦୁଡ଼ତର୍ କାଜିଂ ଇମ୍ଫଣି ଓଡ଼ଓଡ଼ିନାଣି ଜାଲ୍ଦି ଆଜି ମାନାଡ଼, ହେବେ ହାଲାଡ଼ । ୪୨ ଆନ୍ ନାସ୍କି ମାଟାଙ୍ଗ୍, ଏପେଙ୍ଗ୍ ନାଙ୍ଗ୍ ଚିଞ୍ଜେଙ୍ଗ୍ ହିଦ୍ଞାତାଦେର୍ । ଆନ୍ ଏସ୍କି ମାନିଞ୍ଜେଡ଼ାଲିଂ ନାଙ୍ଗ୍ ଏଜୁଂ ଉଣ୍ଡେଙ୍ଗ୍ ହିଦ୍ଞାତାଦେର୍ । ୪୩ ଆନ୍ ଚିନ୍ପୁନ୍ଓ ଖେଡ଼ାଲିଂ ନା ଇଞ୍ଜି ବାହା ହିଦ୍ଞାତାଦେର୍ । ଆନ୍ ନାଗଡ଼ା ମାନିହିଂ ହେନ୍ଦା ଉସ୍ମି କିଦ୍ଞାତାଦେର୍ । ବେମାର୍ ଆରି ଜଇଲ୍ତ ମାନିଞ୍ଜେଡ଼ାଲିଂ ନା ଜତନ୍ ଅଖାତାଦେଣ୍ଡା ।”

୪୪ “ହେଞ୍ଜାଡ଼ାଂ ହେଞ୍ଜାର୍ ଉତର୍ ହିଦ୍ନାନ୍, ଏ ମାପୁ, ଇନାଖାଡ଼ାଂ ଆପେଂ ନିଂ ନାସ୍କି, ଏସ୍କି, ବିଦେସି କି ନାଗଡ଼ା, ବେମାର୍ କି ଜଇଲ୍ତ ମାନାକା ହୁଡ଼ଜି ଆପେଂ ନିଂ ହେବା କିଦ୍ଞାତାନା ?”

୪୫ “ରାଜା ଉତର୍ ହିନାନ୍, ଆନ୍ ହାଡ଼ପା ଇଞ୍ଜିନାଙ୍ଗା, ଇ ହାରୁକାର୍ ବିତ୍ରେ ରକାନିଂ ଉପକାର୍ କିଦେଙ୍ଗ୍ ମୁନା କିନିହିଙ୍ଗ୍, ଏପେଙ୍ଗ୍ ନାଙ୍ଗ୍ ଉପକାର୍ କିଦେଙ୍ଗ୍ କାଞ୍ଜାତାଦେଣ୍ଡା । ୪୬ ଇ ଲକୁ ସବୁ ଦିନ୍ କାଜିଂ ତାଣ୍ ପାୟାନାର୍ ଆରି ଦାମ୍ ର ଓଡ଼ଓଡ଼ି ଜିବୁନ୍ ପାୟାନାର୍ ।”

୨୭

ଜିସୁ ବିରୁଦ୍ଧ କୁର୍

(ମାର୍କ ୧୪:୧-୨; ଲୁକ ୨୨:୧-୨; ଜହନ୍ ୧୧:୪୫-୫୩)

୧ ଇ ସବୁ ହିକ୍ୟା ହିଜି ଓଡ଼ିସ୍ ପାଚେ ଜିସୁ ଚେଲ୍ଲିଂ ଇଚାନ୍, ୨ “ରି ଦିନ୍ ପାଚେ ଜେ, ନିସ୍ତାର୍ ପାର୍ଟୁ ଆନାଡ଼, ଇଦାଂ ଏପେଙ୍ଗ୍ ପୁରାଦେଣ୍ଡା । ଆରେ ମାନାୟ ମାଜି ଜେ କୁସ୍ତ ଦୁପ୍ପୟା ଆପେଂ କାଜିଂ ହେଲ୍ଲାୟ କିୟାଆନାନ୍ ।”

୩ ହେ ଖେଡ଼ାଲିଂ ମୁଡ଼୍ ମାପୁହେବାକିନାକାନ୍ ଆରି ଲକୁଡ଼ି ବୁଡ଼ାଲୁର୍ କୟାପା ତର୍ନି ମୁଡ଼୍ ମାପୁହେବାକିନାକାନ୍ତି ହାକଡ଼ିତ ରୁଣ୍ଡା ଆତାର୍, ୪ ହେଞ୍ଜାର୍ ଡ଼ଗୁଜି ଜିସୁଙ୍ଗ୍ ଅସ୍ତେଙ୍ଗ୍ ମାନ୍ପାତି କିଡ଼ାର୍ । ୫ ମାଡର୍ ହେଞ୍ଜାର୍ ଇଚାର୍, “ପାର୍ଟୁ ଖେଡ଼ାଲିଂ ଇଦାଂ କିନାକା ହାର୍ ଆକାୟ, ଇନାକିଦେଂକି ମାନାୟାର୍ ଗଣ୍ଗଲ୍ କିଦ୍ନାଡ଼ ।”

* ୨୫:୨୯ ୨୫:୨୯ ମାତ୍ରିକ ୧୩:୧୨; ମାର୍କ ୪:୨୫; ଲୁକ ୮:୧୮.

ବେତନଯାତ ଜିସୁ ସିଗ୍ ଆତାନ୍
(ମାର୍କ ୧୪:୩-୯; ଜହନ୍ ୧୨:୧-୮)

୬ ଦିନେକ ଜିସୁ ବେତନିୟାତ ଗାଜା ରଗ୍ୟା ବଗ୍ କିଜି ସିମନ୍ ଇଞ୍ଜ ମାନି ଖେଡାଲି, ୭ ଶରଞ୍ଜେଲ୍ କଗ୍ଲେ ର କଣ୍ଡିତ ଦାମନି ବାସନା ଚିକାଣ୍ ଅସି ତା ତାକେ ଖାତାତ୍ ଆରି ହେଦେଲ୍ ଚିଞ୍ଜେକ୍ କୁଚ୍ଚି ସମୁତ ତାକ୍ଲେକ୍ କାପ୍ଡାତ ଖାକ୍ତେ ଲାଗାତାତ୍ । ୮ ହେଦାଂ ହୁଡ୍ଜି ଚେଲାର୍ ରିସା ଆଜି ଇଚାର୍, “ଏଚେକ୍ ନସ୍ କିନାତା ଇନାକିଦେଂ ? ୯ ଇ ବାସନା ଚିକାଣ୍ ବେସି ଟାକାଂତାଂ ପ୍ରୟା ଆତାମ୍ ଆରି ହେ ଦାନ୍ ଅକ୍ ତାରିଂ ଦାନ୍ ହିୟାତାମ୍ ।”

୧୦ ଜିସୁ ହେଦାଂ ପୁଞ୍ଜି ହେଖାରିଂ ଇଚାନ୍, ଇନେକିଦେଂ କଗ୍ଲେଂ କସ୍ ହିନାଦେରା ? ହେଦେଲ୍ ନା କାଜିଂ ହାର୍ କାମାୟ୍ କିନାତା । ୧୧ “ଅକ୍ ତ୍ ଲକ୍ଷୁତ ନିତ୍ରେ ମି ହୁଦାଂ ମାନାର୍, ମତର୍ ଆନ୍ ନିତ୍ରେ ମି ହୁଦାଂ ମାନୁକ୍ । ୧୨ ଆରେ, ନା ଦୁଗେରୁତ ମୁଚ୍ଚି କାମାୟ୍ ଲାକେ ନା ଗାଗାତ୍ତ ଇ ବାସନା ଚିକାଣ୍ ଖାକ୍ତାନାତା । ୧୩ ଆନ୍ ନିଂ ହାତ୍ପା ଇଞ୍ଜନାକ୍, ଖିଜୁ ପୁତ୍ ତ ଇମ୍ଣି ବାହାତ ପା ନେକ୍ଚିକାଚୁର୍ ଖେତ୍ୟାନାତ୍, ହେ ବାହାତ ଇ କଗ୍ଲେତି ଏତୁତି ତାଦାକ୍ ଇ କାମାୟ୍ନି କାତା ପା ଇନ୍ୟା ଆନାତ୍ ।”

ଜିସୁକ୍ ଆହିକିଦେଂ କାଜିଂ ଜିହୁଦାତି ରାଜି
(ମାର୍କ ୧୪:୧୦-୧୧; ଲୁକ ୨୨:୩-୬)

୧୪ ଜିସୁତି ବାରଜାଣ୍ ଚେଲାର୍ ବିତ୍ରେ ଇସ୍ପାରିୟ୍ତିୟ୍ ଜିହୁଦା ତରନି ରକାନ୍ ଚେଲା ମୁଡ୍ ମାପୁହେବାକିନାକାର୍ ତାକେ ହାଲ୍ଜି ଖେନ୍ବାତାନ୍, ୧୫ “ଜିସୁକ୍ ଆହି କିଜି ହିତ୍ତିସ୍ ନାକ୍ ଇନାକା ହିଦ୍ନାଦେର୍ ?” ହେଖାର୍ ତାକ୍ କଡେଦସ୍ ଗଟା ରୁପା ଟାକାଂ ଏଜା କିଜି ହିତାର୍ ।

୧୬ ହେ ଦିନ୍ତାଂ ଜିସୁକ୍ ହେଖାର୍ କେଇଦ ଆହିକିଦେଂ କାଜିଂ ସୁବିଦା ତେକ୍ତାନ୍ ।

ଚେଲାର୍ ହୁଦାଂ ଜିସୁତି ନିସ୍ତାର୍ ପାର୍ବୁ ବଜିତିନାକା
(ମାର୍କ ୧୪:୧୨-୧୫; ଲୁକ ୨୨:୬-୧୪; ୨୧-୨୩; ଜହନ୍ ୧୩:୨୧-୩୦)

୧୭ ପାଚେ ହଇଞ୍ଜି ରୁଚି “ପାର୍ବୁନି ପର୍ଡୁମ୍ ଦିନ୍ତ ଚେଲାର୍ ଜିସୁ ଲାହାକ୍ ଖାଜି ଖେନ୍ବାତାର୍, ଆପେଂ ଇମ୍ଣି ବାହାତ ନି କାଜିଂ ନିସ୍ତାର୍ ପାର୍ବୁ ବଜି ଜାଲ୍ଦି କିନାପ୍ ଇଞ୍ଜି ନି ଇଚା ?”

୧୮ ଜିସୁ ଉତର୍ ହିତାନ୍, ଗାଡ୍ଦ ହାଲ୍ଜି ହେ ଆମ୍ କ ଲଗାଂ ତାକ୍ଲେକ୍ ଇନାର୍, “ଗୁରୁ ଇଞ୍ଜାନ୍ନା, ହେଖାନ୍ତି ସମ୍ ଲାଗେ ଆଜି ଖାତାତେ । ହେଖାନ୍ତି ଚେଲାର୍ ଲାହାକ୍ ମି ଇଞ୍ଜ ହେଖାନ୍ ନିସ୍ତାର୍ ପାର୍ବୁ ମାନିକିନାନ୍ ।”

୧୯ ଜିସୁ ଇନି ହିସାବ୍ରେ ଚେଲାର୍ ନିସ୍ତାର୍ ପାର୍ବୁ ବଜି ଜାଲ୍ଦି କିତାର୍ ।

୨୦ ପାଚେ ମୁଡିଲେ ହେଖାନ୍ ବାରଜାଣ୍ ଚେଲାର୍ ଲାହାକ୍ ଚିଞ୍ଜେକ୍ କୁଚ୍ଚାର୍ । ୨୧ ତିନି ଖେଡାଲିଂ ଜିସୁ ଇଚାନ୍, “ଆନ୍ ମିକ୍ ହାତ୍ପା ଇଞ୍ଜନାକା, ମି ବିତ୍ରେ ରକାନ୍ ନାକ୍ଲେକ୍ ସତ୍ତୁ କେଇଦ ହେଲାୟ୍ କିଦ୍ନାନ୍ ।”

୨୨ ଚେଲାର୍ ବେସି ଦୁକ୍ ଆଜି ରକାନ୍ ପାଚେ ରକାନ୍ ଜିସୁକ୍ ଖେନ୍ବାତାର୍, “ମାପୁ ହେଖାକ୍ ଇନାକା ଆନ୍ ?”

୨୩ ଜିସୁ ଇଚାନ୍, “ଇନେର୍ ନା ଲାହାକ୍ ରଚେ ତାଡିୟାତ ରୁଚି କ୍ଳକ୍ନାନ୍, ହେଖାନ୍ ନାକ୍ ସତ୍ତୁ କେଇଦ ହେଲାୟ୍ କିଦ୍ନାନ୍ । ୨୪ ସାସ୍ତରର୍ ଇନେସ୍ ଲେକା ଆତାଡ୍ନା ମାନାୟ୍ ମାଜି ହାକିତାଣ୍ ଆନାନ୍, ମାତର୍ ଇନେର୍ ଆହିକିନାନ୍, ତା ଦସା କେତେକ୍ କସ୍ ! ହେ ମାନାୟ୍ ଜଲମ୍ ଆଖାଦାଂ ମାଟିସ୍ ତା ପାକ୍ୟାତ ହାରା ଆତାମ୍ ।”

୨୫ ସାତୁ କେଇଦ ହେଲାୟ୍ କିତି ଜିହୁଦା ନିକ୍ଜି ଖେନ୍ବାତାନ୍, “ଏ ଗୁରୁ, ହେଖାକ୍ ଇନାକା ଆନ୍ ?”

ଜିସୁ ହେଖାନ୍ ଇଚାନ୍, “ଏନ୍ ଇଞ୍ଜାୟ୍ନା ।”

ମାପୁ ବଜି
(ମାର୍କ ୧୩:୨୨-୨୬; ଲୁକ ୨୨:୧୪-୨୦; ୧ କରନ୍ତିୟ୍ ୧୧:୨୩-୨୫)

୨୬ ହେଖାର୍ ତିନି ଖେଡାଲିଂ ଜିସୁ ର ରୁଚି ଅଜି ଇସ୍ପରତିଂ ଦନ୍ୟବାଦ୍ ହିତାନ୍ ଆରି ହେଦାଂ ତ୍ରିକ୍ତି ଚେଲାର୍ ହିଜି ଇଚାନ୍, “ଇଦାଂ ନା ଗାଗାତ୍ ।”

୨୭ ତା ପାଚେ ହେଖାନ୍ ଉଣି ବାହା ଅଜି ଇସ୍ପରତିଂ ଜୁଞ୍ଜାର୍ କିତାନ୍ ଆରି ହେଦାଂ ଚେଲାର୍ ହିଜି ଇଚାନ୍, “ଏପେକ୍ ଓଜାକାଦେର୍ ଇବେଣ୍ଡାଂ ଉଶାଟ୍ ।” ୨୮ “ଇଦାଂ ନା ନେତେର୍ । ମାନାୟ୍ତିଂ ପାପ୍ କେମା କାଜିଂ ଆନ୍ ଇମ୍ଣି ନେତେର୍ ଖାକ୍ତି ହିଦେଂ ହାନାକା, ଇମ୍ଣାକା ଇସ୍ପର୍ ପୁନି ନିୟମ୍ ରତ୍ୟା ଆତାଡ୍ନା । ୨୯ ମାତର୍ ଆନ୍ ମିକ୍ ଇଞ୍ଜନାକା, ଇମ୍ଣି ଦିନ୍ ଆନ୍ ନା ବାଖାତି ରାଜିତ ମି ହୁଦାଂ ପୁନି କିଜି ଅକ୍ଚୁର୍ ପାଡ୍ନି ରାସ୍ ଉଶାକ୍, ହେ ଦିନ୍ ପାତେକ୍ ନେଞ୍ଜତାଂ ଆନ୍ ଇଦାଂ ଇନାଖାଡାଂ ପା ଉଣୁକ୍ ।”

୩୦ ଆରେ, ହେଖାର୍ ଜୁଞ୍ଜାର୍ କେରକ୍ ଶ୍ କେରତି ପାଚେ ଜିଡ୍ମାଡିତ ହସି ହାଚାର୍ ।

☆ ୨୨:୭ ୨୨:୭ ଲୁକ ୭:୩୭,୩୮.

ପିତୃତ ପାତ୍ର କିଞ୍ଚି ବିସ୍ତେ ଜିସୁ ଇଚାନ୍

(ମାର୍କ ୧୪:୨୭-୩୧; ଲୁକ ୨୨:୩୧-୩୪; ଜହନ୍ ୧୩:୩୬-୩୮)

୩୧ ଇ ଖେଡାଲି ଜିସୁ ହେଝାରିଂ ଇଚାନ୍, “ନେଞ୍ଜେଙ୍ଗ୍ ନାଣା ଏପେଙ୍ଗ୍ ଓଜାକାଦେର୍ ନାଙ୍ଗ୍ ପିସ୍ତ୍ର ହାନାଦେର୍ । ଇନାକିଦେଂକି ସାସ୍ତରତ ଲେକାତାଡନା, ଆସେଙ୍ଗ୍ ମେଣ୍ଡା ଗଡ଼ିୟାଙ୍ଗ୍ ଅସ୍ତିସ୍, ଆରେ ମାନ୍ଦା ନି ମେଣ୍ଡା ଜେଡେକେଡେ ଆଜି ହାନିକ୍ ।” ୩୨ “ମାତର୍ ଆନ୍ ନିଙ୍ଗ୍ନି ପାଚେ ମି ଆଗେ ଗାଲିଲି ରାଜି ହାନାଂ ।”

୩୩ ପିତର୍ ଜିସୁଙ୍ଗ୍ ଇଚାନ୍, “ବିନ୍ ଲଗୁ ଓଜାକାର ନିଂ ପିସ୍ତ୍ର ହାଟିସ୍ ପା ଆନ୍ ମୁଡ଼କେ ପିସ୍ତ୍ର ହାଲୁଙ୍ଗ୍ ।”

୩୪ ଜିସୁ ପିତର୍ ଇଚାନ୍, “ଆନ୍ ହାଡ଼ପା ଇଞ୍ଜନାଙ୍ଗା, ନେଞ୍ଜେଙ୍ଗ୍ ନାଣା କୁଜୁ କେଡ଼ନି ଆଗେ ଏନ୍ନାଙ୍ଗ୍ ପୁନୁଙ୍ଗ୍ ଇଞ୍ଜି ତିନିହର୍ ପାତ୍ର କିଡୁୟ୍ ।”

୩୫ ପିତର୍ ଉତର୍ ହିତାନ୍, “ନି ହୁକେ ହାଦେଂ ଲାଗ୍ଦିତିସ୍ପା ଆନ୍ ଇନାଝାଡ଼ାଂ ପା ଉଡ଼ା ଆଦୁଙ୍ଗ୍ ।”

ବିନ୍ ଚେଲାର୍ ପା ଓଜାକାର ହେ ଲାକେ ଇଚାର୍ ।

ଗେଡ଼ସିମନିତ ବାଡ଼୍ଦ ଜିସୁତି ପାର୍ତନା

(ମାର୍କ ୧୪:୩୨-୪୨; ଲୁକ ୨୨:୩୯-୪୭)

୩୬ ତା ପାଚେ ଜିସୁ ଜାର୍ ଚେଲାର୍ ହୁକେ ଗେଡ଼ସିମନି ତରନି ର ବାହାତ ହେଝାରିଂ ଇଚାନ୍, “ଆନ୍ ହେବେ ହାଲୁଜି ପାର୍ତନା କିନି ପାଚେକ୍ ଏପେଙ୍ଗ୍ ଇବେ କୁଚ୍ଚି ମାନାର୍ ।” ୩୭ ଆରେ, ଜିସୁ ପିତର୍ ଆରି ଜେବ୍ଦି ରିକାର୍ ମେହିରିଂ ଅତାନ୍ । ହେ ଏଚେକାଡ଼୍ଦ ଜିସୁ ବେସି ଦୁକ୍ ବାଦାତ ବିପ୍ତି ଆଜି ମାଚାନ୍ । ୩୮ ଜିସୁ ହେଝାରିଂ ଇଚାନ୍, “ଦୁକ୍ତ ନା ଝାସ୍ତି ବିପ୍ତି ଆନାତା । ଇବେ ଏପେଙ୍ଗ୍ ନା ଲାହାଙ୍ଗ୍ କାଜିଂ ମାନାର୍ ।”

୩୯ ଜିସୁ ଅଲପ୍ ଦେହା ହାଲୁଜି ମେଦ୍ନିତ ମୁମ୍ କୁନ୍ଦି କିଜି ପାର୍ତନା କିଚାନ୍, “ବାଝା ! ଜଦି ଆଦେଂ ଆନାଡ଼, ଇ ଦୁକ୍ବଗନି ଉଣି ବାହା ନା ତାଙ୍ଗ୍ ଦେହା ଅଝା, ମାତର୍ ନା ଇଚା ଆକାୟ୍, ନି ଇଚା ପୁରା ଆଏଡ଼ ।”

୪୦ ତା ପାଚେ ହେଝାନ୍ ଚେଲାର୍ ଲାଗାଙ୍ଗ୍ ଝାଜି ହୁଡ଼ତାନ୍, ହେଝାର୍ ହୁଞ୍ଚାଣ୍ଟା । ଜିସୁ ପିତର୍ତିଂ ଇଚାନ୍, “ଏପେଙ୍ଗ୍ ନା ହୁଦାଂ ରଗଣ୍ଟା କାଜିଂ ମାଞ୍ଜେଙ୍ଗ୍ ଆଡୁଦେରା ? ୪୧ ପରିକ୍ୟାତ ଇନେସ୍ ଆର୍ମାର୍, ହେଦାଂ କାଜିଂ ମାନ୍ଞି ପାର୍ତନା କିୟାର୍ । ଇନାକିଦେଂକି ମିଦାଙ୍ଗ୍ ଜିଚୁନ୍ ଇଚା, ମାତର୍ ଗାଗାଡ଼ ନାଦାର୍ ।”

୪୨ ଜିସୁ ଆରେ ରଗ ହାଲୁଜି ପାର୍ତନା କିଚାନ୍, ନା “ବାଝା ! ଜଦି ଦୁକ୍ବଗନି ଉଣି ବାହା ନାତାଙ୍ଗ୍ ଗୁଚା ଆଦେଂ ଆଡୁୟ୍ ଆରି ନାଙ୍ଗ୍ ହେଦାଂ ଉଣ୍ଟେଙ୍ଗ୍ ନେ ଆନାଡ଼, ନି ଇଚା ପୁରା ଆୟେଡ଼ ।” ୪୩ ହେଝାନ୍ ଆରେ ରଗ ମାସ୍ଦି ଚେଲାର୍ ହୁଞ୍ଜନାକା ହୁଡ଼ତାନ୍ । ହେଝାର୍ କାଣ୍ଟା କେଡେଙ୍ଗ୍ ଆଡ଼ଝାଦାଂ ମାଚାର୍ ।

୪୪ ଜିସୁ ହେଝାରିଂ ପିସ୍ତ୍ର ଅଲପ୍ ଦେହା ହାଲୁଜି ତିନିହର୍ କାଜିଂ ହେ ଲାକେ ପାର୍ତନା କିଚାନ୍ । ୪୫ ତା ପାଚେ ଚେଲାର୍ ତାକେ ଝାଜି ଇଚାନ୍, “ଏପେଙ୍ଗ୍ ଇ ପାଚେକ୍ ହୁଞ୍ଜିମାଞ୍ଜି ଜମ୍ନାଦେରା ? ହୁଡ଼ାର୍, ମାନାୟ୍ ମାଜି ପାପିର୍ କେଇଦ ହେଲାୟ୍ ଆନି ସମୁ ଝାତାଡ଼ । ୪୬ ନିଂଗାର୍ ଆସେଙ୍ଗ୍ ହାନାସ୍ । ଇଦି ହୁଡ଼ାର୍, ନାଙ୍ଗ୍ ଆହିକିଦ୍ନି ମାନାୟ୍ ମାଜି ଏକାଝାତାନେ ।”

ଜିସୁ ଗାଚ୍ୟା ଆଚାନ୍

(ମାର୍କ ୧୪:୪୩-୫୦; ଲୁକ ୨୨:୪୭-୫୩; ଜହନ୍ ୧୮:୩-୧୨)

୪୭ ହେଝାନ୍ କାତା ଇନିଝାଡାଲିଂ, ହୁଡ଼ାର୍, ବାରଜାଣ୍ଟା ବିଡ୍ରେ ଜିହୁଦା ତରନି ରକାନ୍ ଆରି ହେ ଲାହାଙ୍ଗ୍ ମୁଡ଼ ମାପୁହେବା କିନାକାର୍ ଆରି ମାନାୟାର୍ତି ବୁଡାଲୁର୍ ତାଙ୍ଗ୍ ପକ୍ୟାତି ହେନି ଲକୁ କାଣ୍ଟା ଆରି ଚେଙ୍ଗାଙ୍ଗ୍ ଆସ୍ତି ଝାତାର୍ । ୪୮ ଆରେ, ହେଝାନିଂ ସଡୁ କେଇଦ ହେଲାୟ୍ କିନାକାନ୍ ହେଝାରିଂ ଚଡ଼ି ଇଞ୍ଜି ମାଚାନ୍, “ଆନ୍ ଇନେରିଂ ଉଞ୍ଜନାଂ, ହେଝାନିଂ ନେ ଏପେଙ୍ଗ୍ ଇଚ୍ଚକାଡ଼ କିନାଦେରା । ହେଝାନିଂ ଆହାର୍ ।”

୪୯ ଆରେ, ହେଦାପ୍ରେ ଜିସୁତି ଲାଗାଂ ହାଲୁଜି ଝାଜି, ଏ ଗୁରୁ ଜୁଝାର୍, ଇଦାଂ ଇଞ୍ଜି ହେଝାନିଂ ବେସି ଡଞ୍ଚାନ୍ ।

୫୦ ଜିସୁ ହେଝାନିଂ ଇଚାନ୍, “ବୟ୍, ଏନ୍ କାମାୟ୍ ବେଗି ଓହ୍ଟା ।”

ଇଦାଂ ପାଚେ ହେଝାର୍ ଜିସୁଙ୍ଗ୍ ଆସ୍ତାର୍ ଆରି ଗାଚ୍ଚି ଅତାର୍ । ୫୧ ଆରେ ହୁଡ଼ାର୍, ଜିସୁ ଲାହାଙ୍ଗ୍ ମାନି ମାନାୟାର୍ ବିଡ୍ରେ ରକାନ୍ କାଣ୍ଟା ଉନ୍ଦି ମୁଡ଼ ମାପୁହେବାକିନାକାନ୍ ଆଡ଼ିୟାତିଂ କାଡ଼ତାନ୍ । ହେଝାଜି କିଡୁଲ୍ ରାସ୍ତିଲେ ନାଡ଼ଜି ହାଚାଡ଼ ।

୫୨ ଜିସୁ ତାଙ୍ଗ୍ ଇଚାନ୍, “ନି କାଣ୍ଟାତିଂ ହେ କାପୁତାକେ ଇଚା । ଇନେର୍ କାଣ୍ଟା ହପ୍ନାର୍, ହେଝାର୍ କାଣ୍ଟାତ ହାନାର୍ ।

୫୩ ଏପେଙ୍ଗ୍ ଇନାକା ପୁନ୍ଝାତାଦେଣ୍ଟା, ଆନ୍ ନା ବାଝାଙ୍ଗ୍ ଗଝାରି କିଦେଙ୍ଗ୍ ଏନ୍ଦିସ୍, ହେଝାନ୍ ନା କାଜିଂ ଦାପ୍ରେ ବାରଜାଣ୍ଟା ଚଣ୍ଟାର୍ ବାଟା ଆଦିକ୍ ସାଗେ ଦୁଡ଼ରିଂ ପକ୍ରେଡେଂ ଆଡ଼ନାନ୍ ? ୫୪ ମାତର୍ ତା ଆତିସ୍ ଇ ସବୁ ଗିଚାନାଡ଼ ଇଞ୍ଜି ସାସ୍ତରତ ଇନାକା ଲେକାମାନାଡ଼, ହେଦାଂ ପୁରା ଆନାଡ଼ ଇନେସ୍ ?”

୫୫ ହେଝେଡ଼ାଂ ଜିସୁ ମାନାୟାର୍ ଇଚାନ୍, ଚକ୍ଚୁ ବିରୁଦ୍ଦତ ହତି ଲାକେ କାଣ୍ଟା ଆରି ଚେଙ୍ଗାଙ୍ଗ୍ ତାସି ଏପେଙ୍ଗ୍ ଇନାକା “ନାଙ୍ଗ୍ ଆସ୍ତେଙ୍ଗ୍ ଝାତାଦେର୍ ? ଆନ୍ ନିଡ୍ରେ ମନ୍ଦିର୍ତ କୁଚ୍ଚି ହିକ୍ୟା ହିଜି ମାଚାଙ୍ଗ୍, ମାତର୍ ଏପେଙ୍ଗ୍ ନାଙ୍ଗ୍

☆ ୨୨:୩୨ ୨୨:୩୨ ମାତୃତ ୨୮:୧୭. ☆ ୨୨:୫୫ ୨୨:୫୫ ଲୁକ ୧୯:୪୭; ୨୧:୩୭.

ଆସ୍ତ୍ରାଞ୍ଜାତାଦେର୍; ^{୫୭} ହେଞ୍ଜାନ ଇନାକା ଆୟେଡ୍, ବେଶ୍‌ବାକ୍‌ଶାୟକିନାକାର୍ ସାସ୍ତ୍ରତ ଇନାକା ଇନାକା ଲେକିକିତାଣ୍ଣା, ହେ ସବୁ ପୁରା ଆଦେଂ କାଜିଂ ଇଦାଂ ଗିଟାତାଡ୍‌ନା ।”

ଏଚେକାଡ୍‌ଦ ଚେଲାର୍ ଝିଜାକାର୍ ଜିସୁଙ୍ଗ୍ ପିସ୍ତ୍ର ହନ୍ତାର୍ ।

ଜିହୁଦିତ୍ ଗାଜା ବିଚାଣ୍ଣା

(ମାର୍କ ୧୪:୫୩-୬୫; ଲୁକ ୨୨:୫୪-୫୫, ୬୩-୭୧; ଜହନ୍ ୧୮:୧୩-୧୪; ୧୯:୨୪)

^{୫୭} ଜିସୁଙ୍ଗ୍ ଗାଚ୍‌ଚାକାର୍ ହେଞ୍ଜାନିଂ ମୁଡ୍ ମାପୁହେବା କିନାକାନ୍ କୟାପା ଇଞ୍ଜ ଅତାର୍ । ହେବେ ଦରମ୍ ଗୁରୁ ଆରି ପ୍ରାଚିନାର୍ ରୁଣ୍ଡା ଆଜି ମାଚାର୍ । ^{୫୮} ପିତର୍ ଅଲପ୍ ଦେହା ମାନଞ୍ଜି ଜିସୁଙ୍ଗ୍ ତେଇଁ ଡକ୍‌ଚି ହାଚାନ, ଆରେ ହେଞ୍ଜାନ ମୁଡ୍ ମାପୁହେବା କିନାକାନ୍ ଇଞ୍ଜ ହାକ୍‌ଡି ପାତେକ୍ ହାଚାନ । ଇ ସବୁନି ଗର୍‌ନା ଇନାକା ଆନାଡ୍, ହୁଡ୍‌ଦେଂ କାଜିଂ ପିତର୍ ହେବେ ହେବା କାରୟାର୍ ହୁକେ କୁଚ୍‌ଚାନ । ^{୫୯} ଝିସ୍ତ୍ର ବିତ୍ରେ ମୁଡ୍ ମାପୁହେବା କିନାକାର୍ ଆରି ଗାଜା ସବାନି ମେମରାର୍ ଜିସୁଙ୍ଗ୍ ହାକି ଡାଣ୍ଡ ହିଦେଂ କାଜିଂ ହେ ବିରୁଦ୍‌ତ ମିର୍ ପାର୍ମାଣ୍ କିଦେଇଁ ସେସ୍ତା କିତାର୍ । ^{୬୦} ଝିଜାର୍ ଲକୁ ଜିସୁ ବିରୁଦ୍‌ତ ମିର୍ କାତା ଇଚାର୍ । ମାତର୍ ହେ ଲାକେ ଇନାକାପା ପାର୍ମାଣ୍ ଗାଚାଞ୍ଜାତାର୍ । ହାରିହାରା ରିକାର୍ ନିଂତାର୍, ^{୬୧} “ହେଞ୍ଜାର୍ ଇଚାର୍ ଇଞ୍ଜାନ ଇଞ୍ଜି ମାଚାନ, ଆନ୍ ଇସ୍ତର୍ ମିଦିରତିଂ ଡିକ୍‌ଚି ତିନି ଦିନ୍ ପାଚେ ହେଦେଲିଂ ଆରେ ରଚ୍‌ଚେଂ ଆଡ୍‌ନାଂ ।”

^{୬୨} ମୁଡ୍ ମାପୁହେବାକିନାକାନ୍ ନିଙ୍ଗ୍‌ଜି ଜିସୁଙ୍ଗ୍ ଝେନ୍‌ବାତାନ୍, “ଏନ୍ ଇନାକାପା ଉତର୍ ହିଉୟା ? ନି ବିରୁଦ୍‌ତ ଇଞ୍ଜାର୍ ଇ ସାକି ହିନାରା, ଇଦାଂ ଇନାକା ?” ^{୬୩} ମାତର୍ ଜିସୁ ପୁକ୍ ମାଚାନ । ମୁଡ୍ ମାପୁହେବାକିନାକାନ୍ ଇଚାନ, “ଜିବୁନିଂ ଇସ୍ତର୍ ତରଦ୍ ଆନ୍ ଜିସୁ ପାର୍ମାଣ୍ ହିଜି ଝେନ୍‌ବାଦ୍‌ନାଙ୍ଗା, ହାଡ୍‌ପା ଇନା, ଏନ୍ ଇନାକା ଇସ୍ତର୍ ମାଜି କ୍ରିସ୍ଟ ଇଚିସ୍ ମସିୟା ?”

^{୬୪} ଜିସୁ ଉତର୍ ହିଚାନ, “ଏନ୍ ଇଚାୟନା । ମାତର୍ ଆନ୍ ମିଙ୍ଗ୍ ଝିଜାରିଂ ଇଞ୍ଜନାଙ୍ଗା, ବେଗି ମାନାୟ୍ ମାଜି ସାଗେ ସାକ୍‌କାଚାକାନ୍ ଇସ୍ତର୍ ବୁଜଣି ବାଗାଙ୍ଗ୍ କୁଚ୍‌ଚେଂ ହାନାନା, ଆରେ ତାଙ୍ଗ୍ ସାଗେତ୍ ବାଦାଡ୍ ଲାହାଂ ଜୁଜି ଝାନାକା ଏପେଙ୍ଗ୍ ହୁଡ୍‌ନାଦେର୍ ।”

^{୬୫} ହେବେଶ୍ତାଂ ମୁଡ୍ ମାପୁହେବାକିନାକାନ୍ ଜାର୍ ହେୟା କେଚ୍‌ଚି ଇଚାନ, “ଇଞ୍ଜାନ ଇସ୍ତର୍ ନିୟା କିଚାନ, ସାକିତ ମାଦାଂ ଆରେ ଇନାକା ଲଡା ? ହୁଡ୍‌ଚାଚ୍ ଦାପ୍ରେ ଇଞ୍ଜାନ ଇସ୍ତର୍ ନିୟା ତ ଏପେଙ୍ଗ୍ ଝେଚାଦେର୍ । ^{୬୬} ଇ ବିସ୍ତ୍ରେ ମିଦାଙ୍ଗ୍ ମାନ୍ ଇନାକା ?”

ହେଞ୍ଜାର୍ ଉତର୍ ହିଚାର୍, “ହେଞ୍ଜାନ ପାରାଣ୍ ଡାଣ୍ଡ ପାୟାନି ବିଦି ।”

^{୬୭} ତା ପାଚେ ହେଞ୍ଜାର୍ ଜିସୁଙ୍ଗ୍ ମୁମ୍‌ଦ୍ ଏଝିଡିଂ ରୁବ୍‌ଜି ତାଙ୍ଗ୍ ମୁଚ୍‌କାକୁନ୍‌ତାର୍ । କେତେକ୍ ଜାଣ୍ ତାଙ୍ଗ୍ ଚାପ୍‌ଡା ଇଡ୍‌ଜି ଇଚାର୍, ^{୬୮} “ଏ କ୍ରିସ୍ଟ ଇଚିସ୍ ମସିୟା ! ଏନ୍ ବେଶ୍‌ବାକ୍‌ଶାୟ କିୟା । ଇନେର୍ ନିଂ ଇଡ୍‌ଦାତାର୍, ଝେଚ୍‌ଚା ତ !”

ପିତର୍ ଜିସୁଙ୍ଗ୍ ପାତର୍ କିଞ୍ଜାତାନ୍

(ମାର୍କ ୧୪:୬୬-୭୨; ଲୁକ ୨୨:୫୬-୬୨; ଜହନ୍ ୧୮:୧୫-୧୮, ୨୫)

^{୬୯} ମୁଡ୍ ମାପୁହେବାକିନାକାନ୍ ବାଚ୍ ଅହ୍‌ଶାତ ପିତର୍ ହାକ୍‌ଡିତ କୁଚ୍‌ଚି ମାନି ଝେଡାଲିଂ ରଞ୍ଜେଲ୍ ଆଡିଏଣି ଲାଗେ ଝାଜି ଇଚାଡ୍, “ଏନ୍ ପା ଗାଲିଲିୟ ଜିସୁ ଲାହାଙ୍ଗ୍ ମାଚାୟ ।”

^{୭୦} ମାତର୍ ପିତର୍ ଝିଜାକାର୍ ମୁମ୍‌ଦ୍ ଇ କାତା ମୁନାକିଜି ଇଚାନ, “ଏନ୍ ଇନାକା ଇନାୟା, ଆନ୍ ପୁନୁଙ୍ଗ୍ ।”

^{୭୧} ଇଦାଂ ଇଞ୍ଜି ହେଞ୍ଜାନ ହେ ଅହ୍‌ଶାନି ଦୁଝେର୍ କଚ୍‌ଶ୍‌ତ ହାଚାନ । ଆରେ ରଞ୍ଜେଲ୍ ଚାକ୍‌ଚଣି ତାଙ୍ଗ୍ ହୁଡ୍‌ଜି ହେବେ ମାନି ଲକାଂ ଇଚାଡ୍, “ଇଞ୍ଜାନ ନାଜରିତୟ ଜିସୁ ଲାହାଙ୍ଗ୍ ମାଚାନ ।”

^{୭୨} ପିତର୍ ଆରେ ରଗ ମୁନାକିଜି ଇଚାନ, “ପାର୍ମାଣ୍ କିଜି ଇନାଙ୍ଗା, ହେଞ୍ଜାନିଂ ଆନ୍ ପୁନୁଙ୍ଗ୍ ।”

^{୭୩} ଅଲପ୍ ସମ୍ ପାଚେ ଲାଗେ ନିଲ୍‌ଚି ମାନି ମାନାୟାର୍ ପିତର୍‌ଚି ଲାଗାଂ ଝାଜି ହେଞ୍ଜାନିଂ ଇଚାର୍, “ଏନ୍ ପା ହାଡ୍‌ପା ହେଞ୍ଜାର୍ ବିତ୍ରେ ରକାୟ୍ । ଇନେକିଦେଂକି ନି କାତାତାଂ ତ ପୁନ୍‌ଧାନାତା ।”

^{୭୪} ପିତର୍ ଇଚାନ, “ପାର୍ମାଣ୍ କିଜି ଇନାଙ୍ଗା, ନା କାତା ହାଡ୍‌ପା । ଆଝିତିସ୍ ଇସ୍ତର୍ ନାଙ୍ଗ୍ ଡାଣ୍ଡ ହିଦେନ୍ ।

ହେ ମାନାୟତିଂ ଆନ୍ ପୁନୁଙ୍ଗ୍ । ଦାପ୍ରେ କୁଜୁ କ୍ଳେତାଡ୍ ।” ^{୭୫} ଆରେ ଜିସୁ ଇନାକା ଇଞ୍ଜି ମାଚାନ, ପିତର୍ ମାତ୍ର ଏଡ୍‌ଞ୍ଜାତାଡ୍; “କୁଜୁ କେନି ଆଗେ ନାଙ୍ଗ୍ ପୁନ୍‌ଞ୍ଜାତାଂନା ଇଞ୍ଜି ଏନ୍ ତିନି ହର୍ କାତା ଇଞ୍ଜନାୟ୍ ।” ହେଞ୍ଜାନ ବାଚ୍ ହାଲ୍‌ଜି ବିପ୍ରି ଆଜି ଆଡିବାତାନ୍ ।

୨୭

ପିଲାତ ମୁମ୍‌ଦ୍ ଜିସୁ

(ମାର୍କ ୧୫:୧; ଲୁକ ୨୩:୧-୨; ଜହନ୍ ୧୮:୨୮-୩୨)

^୧ ଆର୍କାଡ୍ ନାଜିଂ ଉଚ୍‌ଲା ହାକାଡେ ପ୍ରାଚିନାର୍ ଜିସୁଙ୍ଗ୍ ଅସ୍ତ୍ରେଙ୍ଗ୍ ମୁଡ୍ ମାପୁହେବାକିନାକାର୍ ଆରି ଦରମ୍ ଗୁରୁର୍ ତିର୍ କିତାର୍ ।

^୨ ଆରେ ହେଞ୍ଜାର୍ ତାଙ୍ଗ୍ ହାକ୍‌ଡିତ ଗାଚ୍‌ଚି ରମିୟ ସାସ୍ତ୍ରି ମୁଡ୍ ନେତା ପିଲାତ ମୁଣିକା କେଇଦ ହେଲାୟ୍ କିତାର୍ ।

ଜିହ୍ୱଦାତି ହାକି
(ପଦ୍ୟାତାକା ୧:୧୮-୧୯)

^୩ ହେ ଏଚେକାଡ଼ଦ ହେଖାନିଂ ସତ୍ତୁ କେଇଦ ହେଲାୟ କିତି ଜିହ୍ୱଦା ଖେଚାନ ଜେ, ଜିହ୍ୱଦା ହାକି ତାଣ୍ଟ ବଲ୍ ଆତାଡ଼ନା, ହେଖାନିଂ ମାନବାଦଲାୟ କିତାନ ଆରି ମୁଡ଼୍ ମାପୁହେବାକିନାକାର ଆରି ବୁଡ଼ାଲୁରିଂ ତିରିସଗଟା ରୁପା ଟାକାଂ ମାସଦି ହିଜି ଇଚାନ, ^୪ “ରକାନ୍ତି ଦସ୍ ହିଲ୍ଲୁଝି ନେତେର ହେଲାୟ କିଜି ପାପ୍ କିତାଂନା ।”

ମାତର ହେଖାର ଇଚାର, “ହେବେ ମାଦାଂ ଇନାକା ମାନାଡ଼ ? ଏନ୍ ହେଦାଂ ବୁଜାଆ ।”

^୫ ଜିହ୍ୱଦା ହେଖାର ହିଡ଼ତି ରୁପା ଟାକାଂ ମାନ୍ଦିରତ ବିତ୍ରେ ତୁହିଜି ହାଚାନ । ପାଚେ ହେଖାନିଂ ହାଲ୍ଲି ଗାତେଲ୍ଲତ ତରି ଗାଟ୍ୟାଜି ଉଚ୍ଚକା ଆଜି ହାଚାନ ।

^୬ ମୁଡ଼୍ ମାପୁହେବାକିନାକାର ଟାକାଂ ରୁଣ୍ଡାୟ କିଜି ଇଚାର, ଇଦାଂ ନେତେରନି ଦାମ୍ । “ଇଦାଂ ମାନ୍ଦିରନି କଟିତ ଇଚନି ବିଦି ହିଲ୍ଲୁଡ଼ ।” ^୭ ହେ ଦାନଦିଂ ଇନେସ୍ କର୍ଚ କିଦେଙ୍ଗ୍ ଆଡ଼ନାର, ଇ ବିସ୍ତେ ତିର କିଜି “କୁମରାଂ ବୁମି ତରନି ଇଚୁଟିଂ ଜମି କଡ଼ତାର । ଇଦାଂ ବିଦେସ୍ତିର ଦୁଗେର ବାହା ଲାକେ ଚିନ୍ତା ଆତାଡ଼ ।” ^୮ ନଙ୍ଗ୍ ପାଚେକ୍ “ହେ ବୁମିତିଂ ନେତେର ବୁମିଂ” ଇଞ୍ଜି ଇନାରା ।

^୯ ଇ ଲାକେ ବେଶ୍‌ବାକ୍‌ଶାୟକିନାକାନିଂ ଜିରିମିୟ ଇଞ୍ଜି ମାଚାନ, ଇମ୍‌ଶାକା “ତିରିସ୍ ରୁପା ଟାକାଂ ବେପାର କିଦେଙ୍ଗ୍ ଇସାଏଲ୍ କାଡ଼ଦେର ସମାନ କିଜି ମାଚାର ହେଦାଂ ଅତାର । ^{୧୦} କଡ଼େଦସ୍ ଗଟା ଟାକାଂତାଂ ହେଖାର କୁମରାଂ ବୁମି କଡ଼ତାର, ହେଖାର ହେ କୁମରେନ୍ ତାବୁଙ୍ଗ୍‌ତାଂ କଡ଼ଜି ଅତାର ଇଦାଂ କିନି କାଜିଂ ନାଙ୍ଗେଙ୍ଗ୍ ମାପୁ ବଲ୍ ହିଜି ମାନଚାନ ।”

ପିଲାତ ଜିହ୍ୱଦା ପରସନ୍ କିତାନ
(ମାର୍କ ୧୫:୨-୫; ଲୁକ ୨୩:୩-୫; ଜହନ୍ ୧୮:୩୩-୩୮)

^{୧୧} ଜିହ୍ୱଦା ମୁମଦ ହୁଡ଼ଜି ରମିୟ ରାଜି ପାଲି କିନି ପିଲାତ ଖେନ୍‌ବାତାନ; “ଏନ୍ ଇନାକା ଜିହ୍ୱଦିର ରାଜା ?”

ଜିହ୍ୱ ତାଙ୍ଗ୍ ଉତର ହିଚାନ, ଆଁ “ଏନ୍ ହେଦାଂ ଇଚାୟନା ।” ^{୧୨} ଆରେ, ମୁଡ଼୍ ମାପୁହେବାକିନାକାର ଆରି ପ୍ରାଚିନାର ତା ବିରୁଦ୍ଧତ ତାଜିମାତି ଦାବାତ ଉତର ହେଖାନିଂ ଇନାକା ଇନ୍‌ଖାତାନ ।

^{୧୩} ଲାଗିଂ ପିଲାତ ତାଙ୍ଗ୍ ଇଚାନ, “ନି ବିରୁଦ୍ଧତ ହେଖାରୁତି ଦାବା ଖିଜୁ ଏନ୍ ଇନାକା ଖେଞ୍ଜେଙ୍ଗ୍ ଆଡ଼ୟା ?”

^{୧୪} ମାତର ଜିହ୍ୱ ତାଙ୍ଗ୍ ର କାତାନି ପାଦେକ୍ ପା ଉତର ହିଞ୍ଜାତାନ, ହେବେ ସାସନ୍‌କାରିୟା ବେସି କାବା ଆତାନ ।

ଜିହ୍ୱଦା ହାକି ତାଣ୍ଟ ଆତାଡ଼
(ମାର୍କ ୧୫:୨-୧୫; ଲୁକ ୨୩:୧୩-୨୫; ଜହନ୍ ୧୮:୩୯-୧୯:୧୭)

^{୧୫} ନିସ୍ତାର ପାର୍ଟୁ ଖେଡ଼ାଲିଂ ମାନାୟାରତି ଇଚା ହୁକେ ରମିୟ ରାଜି କିନାକାନିଂ ଜେ ରଖାନିଂ ବସି ମାନାକାନିଂ କୁଲାସ୍ କିନି ନିତି ମାଚାଡ଼ । ^{୧୬} ହେପାଦନା ଜିହ୍ୱ ହେଖାର ବାରବା ତରନି ରଖାନିଂ ତାକ୍‌ପୁଟା ବସି ମାଚାନ । ^{୧୭} ରୁଣ୍ଡାତି ମାନାୟାରିଂ ପିଲାତ ଖେନ୍‌ବାତାନ, “ଆନ୍ ଇନେରିଂ କୁଲାସ୍ କିନାଂ ଇଞ୍ଜି ମି ଇଚା ?” ବାରବାଙ୍ଗ୍ କି ଜିହ୍ୱ ଇନେରିଂ କ୍ରିସ୍ ଇନାର । ^{୧୮} ପିଲାତ ହାର କିଜି ପୁଞ୍ଜି ମାଚାନ ଜେ ଜିହ୍ୱଦିର ଆକାର ଆଜି ଜିହ୍ୱଦା ହେଖାନିଂ କେଇଦ ହେଲାୟ କିତାଣ୍ଟା ।

^{୧୯} ପିଲାତ ବିଚାର ବାହାତ କୁଚ୍‌ଚିମାତି ଖେଡ଼ାଲିଂ ତା ତକ୍‌ହି ର କାବୁର ପକ୍ତାଡ଼, “ହେ ଦାମ୍ ମାନାୟାତିଂ ଇନାକା ପା କିମା । ଖିଗା ନାଶାଲିଂ ର କେଚ୍‌କଣ୍ଡତ ତା କାଜିଂ ଆନ୍ ବେସି ଦୁକ୍ ପାୟା ଆତାଙ୍ଗ୍‌ନା ।”

^{୨୦} ମାତର ମୁଡ଼୍ ମାପୁହେବାକିନାକାର ଆରି ବୁଡ଼ାଲୁର ବାରବାଙ୍ଗ୍ ଏଡ଼େଙ୍ଗ୍ କାଜିଂ ଆରି ଜିହ୍ୱଦା ହାକି ତାଣ୍ଟ ହିଦେଂ କାଜିଂ ଲକୁରିଂ ବୁଜାୟକିତାର । ^{୨୧} ପିଲାତ ଆରେ ରଗ ମାନାୟାରିଂ ଖେନ୍‌ବାତାନ, “ଇ ରିକାର ବିତ୍ରେ ଆନ୍ ଇନେରିଂ କୁଲାସ୍ କିନାଂ ଇଞ୍ଜି ମି ଇଚା ହେଖାର ଉତର ହିଚାର,”

“ବାରବାଙ୍ଗ୍ ।”

^{୨୨} ପିଲାତ ହେଖାରିଂ ଖେନ୍‌ବାତାନ, “ତେବେ ଇନେରିଂ କ୍ରିସ୍ ଇନାର, ହେ ଜିହ୍ୱ କାଜିଂ ଇନାକା କିନାଂ ?”

“ତାଙ୍ଗେଙ୍ଗ୍ କୁସ୍‌ତ ଦୁପାର୍” ଇଞ୍ଜି ହେଖାର କିର କିତାର ।

^{୨୩} ପିଲାତ ଖେନ୍‌ବାତାନ, “ମାତର ହେଖାନିଂ ଇନା ଦସ୍ କିତାନନା ?”

ହେଖାର ଆରେ କିର କିଜି ଇଞ୍ଜେଙ୍ଗ୍ ଲାଗାତାର, “ତାଙ୍ଗେଙ୍ଗ୍ କୁସ୍‌ତ ଦୁପାର୍ ।”

^{୨୪} ଲାଗିଂ ପିଲାତ ଏଚେକାଡ଼ଦ ହୁଡ଼ଜାନ ଜେ, ହେଖାନିଂ ଇନାକା କିଦେଙ୍ଗ୍ ଆଡ଼ନା, ଆଖିତିସ୍ ଆରେ ଗଣ୍ଡଗଲ୍ ଆନାତା, ହେ ଏଚେକାଡ଼ଦ ହେଖାନିଂ ଏଜୁଂ ଅଜି ଲକୁର ମୁମଦ କେଇ ନୁଜ୍‌ଜି ଇଚାନ, “ଇ ନେତେରତ ଆନ୍ ଦସି ଆକାୟ, ଏପେଙ୍ଗ୍ ହେଦାଂ ବୁଜାଡ଼ ।”

^{୨୫} ଇବେ ଖିଜାର ଉତର ହିଚାର, “ଜିହ୍ୱତି ନେତେର ମାଙ୍ଗେଙ୍ଗ୍ ଆରି ମା ହିମ୍‌ଶାଙ୍ଗ୍ ଜପି ଆରେଡ଼ ।”

^{୨୬} ହାରିହାରା ପିଲାତ ବାରବାଙ୍ଗ୍ ମୁକ୍‌ଡ଼ାୟ କିଜି ଜିହ୍ୱଦା କର୍ତ୍ତା ଇଡ଼ି କିଦେଙ୍ଗ୍ ବଲ୍ ହିଚାନ, ତା ପାଚେ କୁସ୍ ହାକି କିଦେଙ୍ଗ୍ ମେଲ୍ୟାର କେଇଦ ପିସ୍ତି ହିଚାନ ।

ମେଲ୍ୟାର ଜିସୁଙ୍କ ଗୁଣଗୁଣ

(ମାର୍କ ୧୫:୧୭-୨୦; ଜହନ୍ ୧୯:୨-୩)

୨୭ ଇଦାଂ ପାଚେ ସାସନକିନାକାନିଂ ମେଲ୍ୟାର ଜିସୁଙ୍କ କୁଖାଡ଼୍ ବିତ୍ତେ ଅଜି ହାଲ୍ଲଜି ସବୁ ମେଲ୍ୟାରିଂ ହେଖାନ୍ତି ଲାଗେ ରୁଣ୍ଡାୟ କିତାର । ୨୮ ଆରେ, ହେଖାର ଜିସୁତି ଆଜି ଉନ୍ଦି ଅଜି ହେଖାନିଂ କାହରାତି କାଲାର ବାନି ଆଜି ଉସ୍ତି କିତାର, ୨୯ ଆରେ ଖାଡ଼ି ମୁକୁର୍ ରଚି ହେଖାନ୍ତି କାପଡ଼ାତ ତୁଜି କିତାର ଆରି ହେଖାନ୍ତି ବୁଜି କେଇଦ ର ନାଡ଼ା ହିତାର, ଆରେ ହେଖାନ୍ତି ମୁମ୍ଦ ମେଣ୍ଡା କୁନ୍ଦିକିଜି ଇଚାର, “ଏ ଜିହୁଦିତ ରାଜା ଜଖାର, ଇଦାଂ ଇଞ୍ଜି ହେଖାନିଂ ଗୁଣଗୁଣ ।” ୩୦ ଆରେ, ହେଖାର “ହେଖାନ ଜପି ଏଞ୍ଜିତଂ ବୁପଡ଼ାର ଆରି ହେ ନାଡ଼ା ଅଜି ହେଖାନ୍ତି କାପଡ଼ାତ ଚାପଡ଼ା ଇଡ଼ଦେଂ ଲାଗାତାର ।” ୩୧ ଆରେ, ହେଖାର ହେଖାନିଂ ଗୁଣଗୁଣ ପାଚେ ରାଜାର ଆଜି ଉନ୍ଦି ଅଜି ହେଖାନ୍ତି ନିଜାତ ହେୟା ଉସ୍ତି କିତାର ଆରି ତାଲୋଙ୍ଗ କୁସତ ବୁପଡ଼େଂ ଅଜି ହାଚାର ।

ଜିସୁ କୁସତ ବୁପଡ଼ାର

(ମାର୍କ ୧୫:୨୧-୩୨; ଲୁକ ୨୩:୨୭-୪୩; ଜହନ୍ ୧୯:୧୭-୨୭)

୩୨ ହେଖାର ହନି ଖେଡ଼ାଲିଂ ସିମନ୍ ତରଦି ରକାନ କୁରିଣିୟ ବସ୍ତ୍ରନିକାନ ମାନାୟତିଂ ହୁଡ଼ଜି ମେଲ୍ୟାର ଜିସୁତି କୁସ ପିଣ୍ଡଦେଂ କାଜି ଚାଚାୟ କିତାର । ୩୩ ଆରେ, ହେଖାର ଗଲଗତା ଇନି ତର ବାହାତ, ଇଚିସ୍, “ଇନେରିଂ ନିନ୍ଦାଣ୍ ବାତ ବାହା ଇଞ୍ଜି ଇନାର,” ହେବେ ଏକିସ୍, ୩୪ ହେଖାନିଂ କେନିମେହାତି ଅଲ୍ଲୁର୍ ରାସ୍ ଉଣ୍ଡେଙ୍ଗ ହିତାର, ମତର୍ ହେଖାନ ହେଦାଂ ଖେଣ୍ଡଜି ଉଣ୍ଡେଙ୍ଗ ମାନ କିଖାତାନ ।

୩୫ ପାଚେ ହେଖାର ହେଖାନିଂ କୁସତ ବୁପଡ଼ି ହେଖାନ୍ତି ହେୟାଙ୍ଗ ସବୁ ଦରମ୍ଗୁଲି ହୁକେ ଜାର ଜାର ବିତ୍ତେ ବାଟା କିଜି ଅତାର, ୩୬ ଆରେ ହେବେ କୁଚି ଜିସୁଙ୍କ କାସି ମାଚାର । ୩୭ ଆରେ, ହେଖାର ହେଖାନ୍ତି କାପଡ଼ାନି ଜପି ଇ ଦାବା ଆକି ଲେକିକିଜି ଡାଚରାର, “ଇଖାନ ଆନାନା ଜିହୁଦିତ ରାଜା ଜିସୁ ।” ୩୮ ହେ ଏଚେଖାଡ଼ା ହେଖାନ୍ତି ବୁଜି ବାଗାଙ୍ଗ ରକାନ ଆରି ତେବ୍ରି ବାଗାଙ୍ଗ ରକାନିଂ, ଏପେଙ୍ଗ ରିକାର ଚର୍କୁକାଂ ତା ହୁକେ କୁସତ ବୁପ୍ୟାତାର ।

୩୯ ଆରେ, ହେ ହାଜି ହିଜି ହାଲ୍ଲଜିମାନି ମାନାୟାର ଜାର ଜାର କାପଡ଼ା ତୁକ୍ଚି ହେଖାନିଂ ନିନ୍ଦା କିଜି ଇଞ୍ଜେଙ୍ଗ ଲାଗାତାର, ୪୦ “ଡେ ମନ୍ଦିର୍ ତ୍ରିକନିଲଗୁ ଆରି ତିନି ଦିନ୍ତାଂ ହେଦାଂ ରଚ୍ଚିଲଗୁ, ଏନ୍ ଏଚେକାଡ଼ଦ ଇସ୍ତ ମାଜି, ତେବେ ଜାରତିଂ ରାକ୍ୟା କିଜି କୁସତାଂ ଜୁଜି ଖା ।”

୪୧ ମୁଡ଼ ମାପୁହେବାକିନାକାର ପା ହେ ଲାକେ ଦରମ୍ ଗୁରୁର ଆରି ବୁଡ଼ାଲୁର୍ ହୁକେ ନିନ୍ଦା କିଦେଙ୍ଗ ଲାଗାତାର, ୪୨ “ହେଖାନ ବିନ୍ଲଗାଂ ରାକ୍ୟା କିତାନ, ଜାରତିଂ ରାକ୍ୟା କିଦେଙ୍ଗ ଆଡୁନା । ହେଖାନ ହିନା ଇସ୍ତାଏଲ୍ଲି ରାଜା, ହେଖାନ ଇ ଦାପ୍ରେ କୁସତାଂ ଜୁଜି ଖାୟେନ୍, ତେବେ ଆସେଙ୍ଗ ହେଖାନ ତାକେ ପାତ କିନାସ୍ । ୪୩ ହେଖାନ ଜାରତିଂ ଇସ୍ତ ମାଜି ଇଞ୍ଜି ଇସ୍ତ ଜପି ବାସ କିନାନ୍, ତା ଆତିସ୍ ହୁଡ଼ନାସ୍, ଇସ୍ତ ହେଖାନିଂ ନଙ୍ଗ ରାକ୍ୟା କିଦେଙ୍ଗ ଇଚା କିନାନ୍ କି ଆକାୟ ।

୪୪ ଆରେ, ଇମ୍ଣି ଚର୍କୁର୍ ହେଖାନ୍ତି ହୁକେ କୁସତ ବୁପ୍ୟା ଆଜି ମାଚାର, ହେଖାର ପା ହେଖାନିଂ ହେ ଲାକେ ନିନ୍ଦା କିଦେଙ୍ଗ ଲାଗାତାର ।”

ଜିସୁତି ହାକି

(ମାର୍କ ୧୫:୩୩-୪୧; ଲୁକ ୨୩:୪୪-୪୯; ଜହନ୍ ୧୯:୨୮-୩୦)

୪୫ ହେ ଦିନ୍ ମୁଣ୍ଡାମେଦାନ ସମୁତ ବାର ଗଣ୍ଡା ତାଙ୍ଗ ତିନି ଗଣ୍ଡା ପାଚେକ୍ ଦେସ୍ ଜାକ୍ ମାଜଗା ଆତାଡ଼୍, ୪୬ ମୁକାହାରେସ୍ ତିନି ଗଣ୍ଡା ଖେଡ଼ାଲିଂ ଜିସୁ ଗାଜା କାଚ୍ତାଂ ଇଚାନ, “ଏଲି, ଏଲି, ଲାମା ସବକ୍ତାନି ।” ଇଚିସ୍ “ଏ ଇସ୍ତର୍, ଏ ଇସ୍ତର୍, ନାଲୋଙ୍ଗ ଇନେକିଦେଂ ପିସ୍ତାତାୟ ?”

୪୭ ଲାଗେ ନିଲ୍ଚିମାନି କେତେକ୍ ଜାଣ୍ ଇଦାଂ ଖେନ୍ଞି ଇଚାର, “ହେଖାନ ଏଲିୟତିଂ କୁକ୍ନାନା ।” ୪୮ ହେ ଦାପ୍ରେ ହେଖାର ବିତ୍ତେ ରକାନ ମାନାୟ ହସ୍ତି ହାଲ୍ଲଜି କେନିମେହା ଅଲ୍ଲୁର୍ ରାସ୍ତ ର ରୁଆ କୁକ୍ଚି ହେ ନାଡ଼ା ଚିପ୍ତ ଗାଚ୍ଚି ଉଣ୍ଡେଙ୍ଗ ଜିସୁ ନିପ ଲାମାୟ କିତାନ ।

୪୯ ମାତର୍ ଆଦେକ୍ ମାନାୟାର ଇଚାର, “ମାନାଟ୍, ଏଲିୟ ଇଖାନିଂ ରାକ୍ୟା କିଦେଙ୍ଗ ଖାନାନା କି ଆକାୟ, ହୁଡ଼ନାସ୍ ।”

୫୦ ଜିସୁ ଆରେ ରଗ ଗାଜା କାଚ୍ତାଂ ହିର୍ବତାନ, ଆରେ ରଗ କିକିରାତିଂ ହିର୍ବିସ୍ ଜିବୁନ୍ ପିସ୍ତାନ ।

୫୧ ହେଖେଡ଼ାଲିଂ ମନ୍ଦିରତ ଜଲାଆନି ହେୟା ଜପିତାଂ ତାରେନ୍ ପାଚେକ୍ ରି ପାଡ଼ା ଆଜି କେନ୍ତାଡ଼ । ମେଦ୍ନି ଦାଲ୍ଲକାତାଡ଼, ଚେଚରାଂ ପାକାଆତିକ୍ । ୫୨ ଆରି ଦୁଗେର୍ ଜେୟା ଆଜି କେତେକ୍ ସାଦୁରତି ଗାଗାଡ଼ ଆରେରଗ ନିଙ୍ଗତାଡ଼ । ୫୩ ଇଖାର ଦୁଗେର୍ତାଂ ନିଙ୍ଗି ଖାତାର ଆରି ଜିସୁତି ଆରେ ନିନାକା ପାଚେ ହେଖାର ପୁଇପୁୟା ଗାଡ଼୍ ଜିରୁସାଲମ୍ତ ହାନାକାର ଆଦେକ୍ ହୁଡ଼ତାର ।

☆ ୨୭:୪୦ ୨୭:୪୦ ମାତ୍ରିକ ୨୭:୨୧; ଜହନ୍ ୨:୧୯.

୫୪ ଜିସୁଙ୍କ କାସି ମାନି ମୁଡ଼ଫେଲ୍ୟା ଆରି ମେଲ୍ୟାର ମେଦ୍ନି ଦାଲକାନାକା ଆରି ବିନ୍ଦିନ୍ନି ଗିଚାନାକା ହୁଡ଼ଜି ପାଣ୍ଡାତାର । ହେୱାର ଇଚାର, “ଇଝେନ୍ ହାଡ଼ପାନେ ଇସ୍ତୁର୍ ମାଜି ମାଚାନ ।”

୫୫ ☆ଗାଲିଲିତା ଜିସୁଙ୍କ ଡେକ୍ଟି ୱାଜି, ତାଙ୍ଗେଙ୍ଗ ହେବା କିଜି ମାନି ହେନି କଗଲେକ୍ ଦେହା ମାନଞ୍ଜି ଇ ୱିଜୁ ହୁଡ଼ଜି ମାଟିକ୍ । ୫୬ ଇଝେକ୍ ବିଡ୍ରେ ମାଟିକ୍ ମଗ୍ଦଲିନି ମରିୟମ୍, ଜାକୁବ୍ ଆରି ଜସେପ୍ତି ତେହି ମରିୟମ୍ ଆରି ଜେବ୍ଦିତି ତକ୍ତି ।

ଜିସୁଙ୍କ ମୁଚ୍ଚାର

(ମାର୍କ ୧୫:୪୨-୪୭; ଲୁକ ୨୩:୫୦-୫୬; ଜହନ୍ ୧୯:୩୮-୪୨)

୫୭ ମିଡ଼କାହାରେସ୍ ହାରାମାତିୟାନି ବସ୍ତ୍ରିନି ଜସେପ୍ ଇନି ରକାନ୍ ମାଜାନ ଲଗୁ ୱାଜି ଏକାୱାତାନ । ହେୱାନ ଜିସୁତି ଚେଲା ଆଜି ମାଚାନ । ୫୮ ହେୱାନ ପିଲାତଂ ବେଟା ଆଜି ଜିସୁତି ହାତି ଗାଗାଡ଼ତି ଅଦେଂ କାଜି ଲଝାଡ଼ ଏନ୍ନାନ ଲାଗିଂ ପିଲାତ ଜିସୁତି ହାତି ଗାଗାଡ଼ ହିଦେଂ । ୫୯ ପିଲାତ ଲଝାଡ଼ ହିତିଲେ ଜସେପ୍ ଜିସୁତି ଗାଗାଡ଼ତି ଅଜି ହାଲ୍ଜି ର ସକର୍ କଝାଣ୍ ହେନ୍ଦା କାଦ୍ୟାତ ହୁର୍ପାତାନ ଆରି ୬୦ ତା ଜାର୍ କାଜିଂ କାଲ୍ଦ କାଚ ମାଟି ର ପୁନି ଦୁଗେରତ ହେୱାନିଂ ଇଡ଼ତାର୍ ଆରି ଦୁଗେର ଦୁଝେର ର ଗାଜା କାଲ୍ ପାଡ଼କ୍ତି ହାଚାର । ୬୧ ମଗ୍ଦଲିନି ମରିୟମ୍ ଆରି ବିନ୍ ମରିୟମ୍ ହେବେ ଦୁଗେରତ ମୁମ୍ କିଜି କୁଚ୍ଟି ମାଟିକ୍ ।

ଦୁଗେରନି ଜାଗ୍ଝାଡ଼ାର୍

୬୨ ହେ ଆକାଡ଼ ନାଜିଂ ଇତିସ୍ ଜମ୍ନି ନାଜିଂ ମୁଡ଼ ମାପୁହେବାକିନାକାର୍ ଆରି ପାରୁସିର୍ ପିଲାତଂ ଲାଗେ ବେଟାଆଜି ଇଚାର, ୬୩ ☆“ମାପୁ ମାଦାଂ ଏଡୁ ମାନାଡ଼, ହେ ମିଚ୍ଝା ଜିଜି ମାନିହିଂ ଇଞ୍ଜି ମାଚାନ ‘ତିନି ଦିନ୍ ପାଚେ ଆନ୍ ଆରେ ନିଙ୍ଗନାଙ୍ଗ୍ ।’ ୬୪ ଲାଗିଂ ତିନି ଦିନ୍ ପାଚେକ୍ ହେ ଦୁଗେର କାଜିଂ ମାଞ୍ଜେଙ୍ଗ୍ ଜାଗ୍ଝାଡ଼ାରିଂ ବାଟିକିଜି ବଲ୍ ହିଆ, ଆଞ୍ଜିତିସ୍ ତା ଚେଲାର୍ ତା ଗାଗାଡ଼ତିଂ ଚରି କିଜି ଅଜି, ହେୱାନ ଜିଜି ନିଙ୍ଗତାନ୍ନା ଇଞ୍ଜି ଇଞ୍ଜେଙ୍ଗ୍ ଆଡୁର୍ । ହେୱାର୍ତି ଇ ମିଚ୍ କାତା ଆଗେତାଂ ଆଦିକ୍ ସବୁତାଂ ବାନ୍ୟା ଆନାଡ଼ ।”

୬୫ ପିଲାତ ଉଚର୍ ହିଚାନ, “ର କୁଦା ଜାଗ୍ଝାଡ଼ାରିଂ ଅହାଚ୍ ଆରି ହେ ଦୁଗେରତିଂ ଇନେସ୍ କିଜି ପା ହାର ଇଚ୍ଚନାଦେର୍ ।”

୬୬ ହେୱାର୍ ହାଲ୍ଜି ଦୁଗେରତିଂ ଜାଗ୍ରଡ଼ କିଦେଙ୍ଗ୍ ଇଞ୍ଜି ଜାଲ୍ଦି କିଚାର । ହେ ମୁମ୍ଦିଂ ଗେସ୍ତି ଇଡ଼ଜି ମାଟି କାଲ୍ ଜପି ଚିନ୍ ଇଡ଼ଜି କାନି କାଜିଂ ଜାଗ୍ଝାଡ଼ାରିଂ ଇଡ଼ତାର୍ ।

୨୮

ଜିସୁ ଆରେ ନିଂନାକା

(ମାର୍କ ୧୬:୧-୧୦; ଲୁକ ୨୪:୧-୧୨; ଜହନ୍ ୨୦:୧-୧୦)

୧ ଜମ୍ନିବାର୍ ୱିସ୍ତି ପାଚେ ସାଡ଼ଦିନ୍ନି ପର୍ତୁମ୍ ନାଜିଂ ଉଚ୍ଚଲା ହାକାଡ଼େ ମଗ୍ଦଲିନି ମରିୟମ୍ ଆରି ବିନ୍ ମରିୟମ୍ ଦୁଗେର ହୁଡ଼ଦେଂ ହାଟିକ୍ । ୨ ହେ ସମୁତ ବେସି ମେଦ୍ନିଦାଲକାତାଡ଼, ଇନାକିଦେଂକି ମାପୁତି ରଝାନ ଦୁଡ଼ ସାଗେତାଂ ଜୁଜି ୱାଜି ହେ ଦୁଗେର ରଚ୍ଟିମାଟି କାଲ୍ ଗୁଡ଼ତି ତା ଜପି କୁଚ୍ଚାନ । ୩ ହେୱାନ୍ତି ମୁମ୍ ବିଜ୍ଲି ଲାକେ ଅଜଡ଼ ମାଚାଡ଼ ଆରି ହେୱାନ୍ତି ହେନ୍ଦା ଆଞ୍ଜିଗା ଲାକେ ଡିନ୍ଜି ମାଚାଡ଼ । ୪ ଆରେ ଦୁଡ଼ତିଂ ହୁଡ଼ଜି ଜାଗ୍ଝାଡ଼ାର୍ ପାଣ୍ଡୁତିଂ ତ୍ରିଗ୍ଡାର୍ ଆରି ହାତି ଲାକେ ଆଚାର୍ ।

୫ ସାଗେ ଦୁଡ଼ ହେ କଗଲେକାଂ ଇଚାନ, “ପାଣ୍ଡାମାଟ୍ ।” ଆନ୍ ପୁନାଙ୍ଗ୍, ଏପେଙ୍ଗ୍ କୁସ୍ତ ହାତି ଜିସୁଙ୍କ ହୁଡ଼ଦେଂ ୱାତାଦେଣ୍ଡା । ୬ ହେୱାନ ଇବେ ହିଲୁନ୍ । ହେୱାନ ଇନେସ୍ ଇଞ୍ଜି ମାଚାନ, ହେ ଲାକେ ନିଂତାନ୍ନା । ୱାଡ଼, ତା ହାତି ମାଡ଼ା ଇମେତାକେ ଇଡ଼ଜି ମାଚାର୍, ହେ ବାହା ହୁଡ଼ାଟ୍ । ୭ “ବେଗି ହାଲ୍ଜି ତା ଚେଲାହିରିଂ ୱେଚାଟ୍, ‘ହେୱାନ ଆରେ ନିଙ୍ଗତାନ୍ନା ଆରି ମି ଆଗେ ହେୱାନ ଗାଲିଲିତ ହାଚାନନା । ହେବେ ଏପେଙ୍ଗ୍ ତାଙ୍ଗ୍ ହୁଡ଼ନାଦେର୍ ।’ ଆନ୍ ଇନାକା ଇଞ୍ଜାଙ୍ଗ୍ ହେଦାଂ ମାନ୍ତ ଇଚାଟ୍ ।”

୮ ଇଦାଂ ୱେନ୍ଞି ହେଝେକ୍ ବେଗି ଦୁଗେର ପିସ୍ତି ଚେଲାର୍ ତାକେ କାଚୁର୍ ହିଦେଂ ହଡ଼ିକ୍ । ପାଣ୍ଡା ଆଜି ପା, ହେଝେକ୍ ମାନ୍ତ ବେସି ୱାଚ୍ଚାଆଜି ମାଟିକ୍ ।

୯ ଆରେ ହୁଡ଼ାଟ୍, ଜିସୁ ହେୱାରିଂ ତ୍ରିପ୍କୁ ବେଟାଆଜି ଇଚାନ, “ମିଦାଙ୍ଗ୍ ସୁସ୍ତା ଆୟେଡ଼ । ହେୱାର୍ ତା ଲାଗେ ୱାଜି ତା ପାନା ଆସ୍ତି ଜଝାର୍ କିଚାର୍ ।” ୧୦ ଜିସୁ ହେୱାରିଂ ଇଚାନ, “ପାଣ୍ଡାମାଟ୍ ନା ଟଣ୍ଡାରିଂ ୱେଚାଟ୍, ହେୱାର୍ ଗାଲିଲିତ ହାଲେର୍ । ହେବେ ନାଙ୍ଗେଙ୍ଗ୍ ହୁଡ଼ଦାନାର୍ ।”

ଜାଗ୍ଝାଡ଼ାର୍ ୱେଚ୍ଚନାକା ବିସ୍ତେ

☆ ୨୭:୫୫ ୨୭:୫୫ ଲୁକ ୮:୨,୩. ☆ ୨୭:୬୩ ୨୭:୬୩ ମାତ୍ରିକ ୧୭:୨୧; ୧୭:୨୩; ୨୦:୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨; ୧୮:୩୧-୩୩.

^{୧୧} କଗ୍‌ଲେକ୍ ହାଲ୍‌ଜି ମାନି ଖେଡ଼ାଲିଂ, ହୁଡ଼ାଟ୍, ଜାଗ୍‌ଖାଡ଼ାର୍ କୁଦା ବିତ୍ରେତାଂ କେତେକ୍ ଜାଣ୍ ଗାଡ଼ଦ୍ ହାଲ୍‌ଜି ହେ ଖିଜୁ ଗର୍‌ଶାନି କାତା ମୁଡ଼୍ ମାପୁହେବାକିନାକାରଂ ଖେଡ଼ପାତାର୍ । ^{୧୨} ମୁଡ଼୍ ମାପୁହେବାକିନାକାର୍ ବୁଡ଼ାଲୁର୍ ହୁକେ ରୁଣ୍ଡା ଆଜି ଗାଣ୍‌ଜୁ କିତି ପାଚେ ହେ ମେଲ୍ୟାରିଂ ବେସି ଟାକାଂ ହିଜି ଇଚାର୍, ^{୧୩} “ଏପେଙ୍ଗ୍ ଇନାଟ୍, ଆପେଂ ହୁଞ୍ଜିମାଟି ଖେଡ଼ାଲିଂ ତା ଚେଲାହିର୍ ନାଶା ଖାଜି ହେଖାନିଂ ଚରି କିଜି ଅତାର୍ । ^{୧୪} ଆରେ ଜଦି ସାସନ୍ କାର୍‌ୟା ଇ କାତା ଖେନାନ୍ ଆପେଂ ତାଙ୍ଗ୍ ବୁଜାୟ୍ କିନାପ୍ ଜେ ନି ଦସ୍ ବିରକ୍‌ଲ୍ ଆକାୟ୍ । ଇ ବିସ୍ତେ ବିପ୍ରି ଆମା ।”

^{୧୫} ମେଲ୍ୟାର୍ ଟାକାଂ ଅଜି ହେଖାରିଂ ଇଞ୍ଜିମାଟି ସମାନ୍ କାମାୟ୍ କିତାର୍ । ହେଖାର୍ ହେ ଖେଡ଼ାଲିଂ ଇନାକା ଇଚାର୍, ଜିହୁଦିର୍ ନେଞ୍ଜେଙ୍ଗ୍ ପାତେକ୍ ହେ କାତା ସୁଣାୟ୍ କିନାରା ।

ଚେଲାରିଂ ଜିସୁ ଚଞ୍ଜ୍ୟା ଆତାନ୍

(ମାର୍କ ୧୬:୧୪-୧୮; ଲୁକ ୨୪:୩୬-୪୯; ଜହନ୍ ୨୦:୧୯-୨୩; ପକ୍ୟାତାକା ୧:୬-୮)

^{୧୬} ✱ମାତର୍ ଏଗାର୍ ଜାଣ୍ ଚେଲାର୍ ଆଗେ ଗାଲିଲିତ ହାଲ୍‌ଜି, ଜିସୁ ଇମ୍‌ଣି ମାଡ଼ି ବିସ୍ତେ ହାଲ୍‌ଜି ହେଖାରିଂ ଇଞ୍ଜି ମାଚାନ୍, ହେ ମାଡ଼ିତ ହାଚାର୍ । ^{୧୭} ଆରେ, ହେଖାର୍ ତାଙ୍ଗ୍ ହୁଡ଼ଜି ଜଖାର୍ କିତାର୍, ମତର୍ ଇନେର୍ ଇନେର୍ ପାତର୍ କିଖାତାର୍ । ^{୧୮} ଆରେ, ଜିସୁ ହେଖାର୍ ଲାଗେ ଖାଜି ବେଣ୍ କିଜି ଇଚାନ୍, “ସାଗେ ଆରି ପୁତର୍ ନି ଖିଜୁ ଆଦିକାର୍ ନାଙ୍ଗ୍ ହିଦ୍ୟାତାଡ଼ନ୍ନା । ^{୧୯} ✱ଲାଗିଂ, ଏପେଙ୍ଗ୍ ହାଲ୍‌ଜି ସବୁ ଜାତିନି ମାନାୟାରିଂ ବାଖା, ମାଜି, ଆରି ପୁଇପୁୟା ଜିବୁନ୍ ତରଦାଂ ବାପ୍ରିସିମ୍ ହିୟାଟ୍, ^{୨୦} ଆନ୍ ମିଙ୍ଗ୍ ଇମ୍‌ଣି ଇମ୍‌ଣି ବଲ୍ ହିଡ଼ନ୍ନା, ହେ ସବୁ ମାନି କିଦେଙ୍ଗ୍ ହିକ୍ୟା ହିଜି ଆରି ମାନ୍ତ ଇଚାଟ୍, ଜୁଗ୍‌ସେସ୍ ପାତେକ୍ ନିତ୍ରେ ତାଇନାଡ଼୍ ଆନ୍ ମିଙ୍ଗେଙ୍ଗ୍ ହାଙ୍ଗ୍ ହାଙ୍ଗ୍ ମାନାଂ ।”

ମାର୍କ ଲିଖିତ ସୁସମାଚାର ମାର୍କ ଲେକିକିତି ନେକ୍ରି କାବୁର୍ ମାର୍କ ପତି ବିସ୍ତେ ପାଦେକ୍

ଆନମାନତାଂ ତାରିକ୍ । ୬୭ AD ୭୦ AD ଲେକିକିତାକାନତି ତର୍ ମାର୍କ ଲେକିକିତି ବାହା ତର୍ ରମ୍ । ଜିସୁ କ୍ରିସ୍ତୁତି ଜିବୁନ୍ ବିସ୍ତେ ଇଞ୍ଜି ମାନି ପୁନିନିୟମିନି ଚାରିଗଟା ପତିଂ ବିତ୍ତେତାଂ ମାର୍କ ଲେକିକିତି ନେକ୍ରି କାବୁର୍ ରଞ୍ଜାଞ୍ । ହେ ଓ୍ଵିଜୁଡିଞ୍ ନେକ୍ରି କାବୁର୍ ଇନ୍ୟା ଆନାଡ୍, ଇମ୍ଣି ଅରଡ୍ ଆତାଡ୍ “ନେକ୍ରିକାବୁର୍ ।”

ହେଞ୍ଜାଞ୍ ଜିସୁତି ହାତି ପାଚେ ମାତିଉ, ମାର୍କ, ଲୁକ ଆରି ଜହନ୍ ତାଞ୍ ଲେକା ଆତାଡ୍ନା । ଚାରିଗଟା ନେକ୍ରିକାବୁର୍ ବିତ୍ତେ ମାର୍କ ଲେକିକିତି ନେକ୍ରିକାବୁର୍ ଆନାତା ଓ୍ଵିଜେଡିଂ ହାରୁଟି । ଇଦାଂ ପା ପାତ କିୟା ଆନାତ ଜେ, ଇ ନେକ୍ରିକାବୁର୍ ବିତ୍ତେ ଓ୍ଵିଜେଡିଂ ଆଗେ, କ୍ରିସ୍ତୁଦିନ୍ ୬୫-୭୦ ବିତ୍ତେ ଲେକା ଆତାଡ୍ନା । ବାଈବଲ୍ ପଣ୍ଡିତ୍ କୁର୍ ପାତ କିନାର ଜେ, ରମ୍ତ ମାନି କ୍ରିସ୍ତୁୟାନରିଂ ଖାରି କିଦେଞ୍ ଇଞ୍ଜି ରମ୍ତ ଇଦାଂ ଲେକା ଆତାଡ୍ନା, ମାର୍କ, ଇନେରକି ଜହନ୍ ମାର୍କ ତର୍ଦ୍ଦ ଜାଣାତିନା, ହେଞ୍ଜାନ୍ ପାଉଲ୍ ଆରି ବର୍ଣ୍ଣବାତି ହାଞ୍ଦାକାନ୍ ମାଚାନ୍, ମାତର୍ ଏଚେକାଡ୍ଦ ହେଞ୍ଜାନ୍ ହେଞ୍ଜାରିଂ ମିସ୍ନାରି ହାନିହାସ୍ଦ ପିସ୍ତି ଖାତାନ୍, ହେ ପାଦନା ହେ ତାକ୍ପୁଟା ଆନିତାକେ ମାଡ୍ ଖାତାଡ୍ ପକ୍ୟାତାକା । ପାଚେନି ଖେଡାଲିଂ ମାର୍କ ଆରେ ରଗ ବର୍ଣ୍ଣବା ହୁକେ ହାଚାନ୍ ପକ୍ୟାତାକା ୧୫:୩୭-୩୯ ମାର୍କ ପା ପିତର୍ ରକାନ୍ ହାଦ୍ ହାଞ୍ଦାକାନ୍ ଲାକେ ଜାଣାତିନା ମାଚାନ୍ ୧ ପିତର୍ ୫:୧୩ ଆତିସ୍ପା ମାର୍କ ରକାନ୍ ଜିସୁ ଜିବୁଡି ସିଦାସାକି ହିଲ୍ଖାତାନ୍, ଆତିସ୍ପା ପାଣ୍ଡିତ୍ କୁର୍ ପାତ କିତାର ଜେ, ହେଞ୍ଜାନ୍ ପିତର୍ତ ସାକିହିଦେଂ ଇଞ୍ଜି ଜାର ନେକ୍ରିକାବୁର୍ତ ଲେକିକିତାନ୍ନା । ନେକ୍ରିକାବୁର୍ତ ମାର୍କ ଚେଲେନ୍ ଆରି ଓ୍ଵିସ୍ତି ଖେଡାଂ ଜିସୁତି ହିକ୍ୟା ଜପି ଇଟ୍ କାଡ୍ କିତାନ୍ନା । ମାର୍କ ଇ ପୁସ୍ତକ୍ତ ଜିସୁ କ୍ରିସ୍ତୁଞ୍ ରକାନ୍ ସାଦୁ ଆଡିୟେନ୍ ଆରି ଇସ୍ତ କିତା ପୁରା କିଦେଞ୍ ଇଞ୍ଜି ସବୁ ଖେଡାଞ୍ ଜାଲ୍ଦି ମାନି ଖାରିକିନିତ ମାଜି ଲାକେ ଚିତ୍ରା କିତାନ୍ନା, ହେଦାଂ କାଜିଂ ହେଞ୍ଜାନ୍ ପୁଞ୍ଜି ଜିସୁତି କାବାଆନି କାମାୟ ବିସ୍ତେ ଲେକିକିତାନ୍ନା । ହାରିହାରା ହେଞ୍ଜାନ୍ ଓ୍ଵିଜୁ ପୁତ ନେକ୍ରି କାବୁର୍ ସୁଣାୟ କିଦେଞ୍ ର ଗାଜା ବଲ୍ ହୁକେ ଇ ନେକ୍ରି କାବୁର୍ ଲେକାତିଂ ଓ୍ଵିସ୍ତାନ୍ନା ।

ପତି ବିସ୍ତେନି ରାହାଣ୍

- ୧. ମୁଞ୍ଜିନି ଜହନ୍ ଆରି ଜିସୁତି ବାପ୍ତିସିମ୍ ୧:୧-୧୩
- ୨. ଗାଲିଲିତ ଜିସୁତି ହେବାକାମାୟ ୧:୧୪; ୯:୫୦
- ୩. ଜିରୁସାଲମ୍ତ ଜିସୁତି ହାନାକା ଆରି ମନ୍ଦିର୍ତ ହଣାକା ୧୦:୧; ୧୨:୪୪
- ୪. ଖାନି ବିସ୍ତେ ବେରଣ୍ ବାକ୍ଣାୟ କିନି କାତା ୧୩:୧-୩୭
- ୫. ଜିସୁତି ହାକି, ନିଞ୍ନାକା ଆରି ଗାଜା ବଲ୍ ୧୪:୧; ୧୬:୨୦

ବାପ୍ତିସିମ୍ ହିନି ଜହନ୍ତି ସୁଣାୟ କିନାକା
(ମାତିଉ ୩:୧-୧୨; ଲୁକ ୩:୧୧-୧୮; ଜହନ୍ ୧:୧୯-୨୮)

୧ ଇସ୍ତ ମାଜି ଜିସୁ କ୍ରିସ୍ତୁତି ନେକ୍ରିକାବୁର୍ ଆରମ୍ ।* ୨ ଜିସାୟ ବେଣ୍ ବାକ୍ଣାୟକିନାକାନ୍ତି ସାସ୍ତୁର୍ତାକେ ଇନେସ୍ ଲେକା ଆତାଡ୍ନା,

“ହୁଡାଟ୍, ଆନ୍ ନା ଦୁଡ୍ତିଂ ମି ଆଗେ ପଞ୍ଚାନାଞ୍ପା,”

“ହେଞ୍ଜାନ୍ ମିଞ୍ଜେଞ୍ ହାଜି ରଡ୍ତି ହିଦ୍ନାନ୍ ।”

୩ ବାଚାତ ବେସି ଗାଜାକାଟ୍ କିଜି ହିର୍ବାନାକାନ୍ତି କାଟ୍,

“ମାପୁତି ହାଜି ରଚାଟ୍,

ହେଞ୍ଜାନ୍ତି ରାଜା ହାକ୍ତ ହାଣ୍କୁ କିୟାଟ୍ ।”

୪ ପାଚେ ବାପ୍ତିସିମ୍ ହିନି ଜହନ୍ ବାଲି ବାଚାତ ହାଲ୍ଜି ପାପ୍ କେମା କାଜିଂ ପାପ୍ତାଂ ମାନ୍ବାଦ୍ଲାୟ କିନିଂ “ବାପ୍ତିସିମ୍ ସୁଣାୟ କିଦେଞ୍ ଲାଗାତାନ୍ ।” ୫ ହେବେ ସବୁ ରାଜିନି ଜିହୁଦା ଦେସ୍ ଆରି ସବୁ ଜିରୁସାଲମ୍ନି ମାନାୟାର୍ ହସି ହେଞ୍ଜାନ୍ ଲାଗାୟ ଖାଦେଞ୍ ଲାଗାତାର୍ ଆରି ଜାର୍ ଜାର୍ ପାପ୍ କିତାକା ମାନିକିଜି ହେଞ୍ଜାନ୍ତାଂ ଜର୍ଦ୍ଦନ୍ ନାଗୁଡ୍ ତାକେ ବାପ୍ତିସିମ୍ ଅତାର୍ ।

* ୧:୧ ୧:୧ କେତେକ୍ ପତିତ ଇସ୍ତମି ମାଜି ହିଲ୍ଡ୍ । † ୧:୪ ୧:୪ ଜହନ୍ ପାଚାତ ଚଞ୍ଜାତାନ୍, ବାପ୍ତିସିମ୍ ହିଜି ମାଚାନ୍ ଆରି ପର୍ଚାଟ୍ କିଜି ମାଚାନ୍; କେତେକ୍ ପତିତ ବାପ୍ତିସିମ୍ ହିନି ଜହନ୍ ବାଚାତ ଚଞ୍ଜାତାନ୍, ପର୍ଚାଟ୍ କିଜି ମାଚାନ୍ ।

୭ ହେ ଜହନ୍ ଉର୍ ତଲ୍ଲନି ହେୟା ଉସ୍ତସ୍ ମାଚାନ୍ ଆରି ତା ମ୍ଲୋଙ୍ଗାଙ୍ଗ ତଲ୍ଲନି ନୁଣ୍କୁ ଡରି ଗାଟି ମାଚାନ୍, ପାଚେ ପାମି ଆରେ ରାନ୍ତିପୁକି ହେଖାନ୍ତି କାଦି ମାଚାତ୍ । ୭ ଜହନ୍ ସୁଣାୟ୍ କିଜି ଝିଜାକାରିଂ ଉତର୍ ହିନାନ୍, “ନାଙ୍ଗ୍ ତାଙ୍ଗ୍; ଇନେର୍ ବେସି ସାକ୍ତିକାଟାକାନ୍, ହେଖାନ୍ ନା ପାଚେ ଖାନାନ୍; ଆନ୍ ତା ସମାନ୍ ଆକାୟ୍ ହେଖାନ୍ତି ପାନାନ୍ ଡରି ପାଣ୍ଡାଲଙ୍ଗ୍ ରିକ୍ତେଂ ସମାନ୍ ଆକାୟ୍ ।” ୮ ଆନ୍ ମିଙ୍ଗେଙ୍ଗ୍ ଏଜୁଂତାଂ ବାପ୍ରିସିମ୍ ହିତ୍ତାଂ, ମାତର୍ ହେଖାନ୍ ମିଙ୍ଗେଙ୍ଗ୍ ପୁଇପୁୟା ଜିବୁନ୍ତାଂ ବାପ୍ରିସିମ୍ ହିଦ୍ନାନ୍ ।

ଜିସୁତି ବାପ୍ରିସିମ୍ ଆରି ପରିକ୍ୟା
(ମାତିଉ ୩:୧୩-୪:୧୧; ଲୁକ ୩:୨୧-୨୨; ୪:୧-୧୩)

୯ ହେ ସମୁତ ଜିସୁ ଗାଲିଲିନି ନାଜରିତ୍ତୟତାଂ ଖାଜି ଜର୍ଦ୍ଦନ୍ ନାଗୁଡ୍ତାକେ ଜହନ୍ତାଂ ବାପ୍ରିସିମ୍ ଅନାନ୍ । ୧୦ ଆରେ ହେ ଦାପ୍ରେ ହେଖାନ୍ ଏଜୁଂତାଂ ନିଙ୍ଗିଜି ଖାନ୍ ଖେଡାଲିଂ ବାଦାଡ୍ ଜେୟା ଆତାଡ୍ ଆରେ ପୁଇପୁୟା ଜିବୁନ୍ତିଂ ପାର୍ଖା ଲାକେ ତା ଜପି ଜୁଦନାକା ହୁଡ୍ତାନ୍, ୧୧ ଆରେ, ବାଦାଡ୍ ତାଙ୍ଗ୍ ଇ କାତା ଆତାଡ୍, “ଏନେଙ୍ଗ୍ ନା ଖାରିନି ମାଜି, ନି ତାକେ ନାତାଂ ବେସି ଖାରି ମାନାତ୍ ।”

୧୨ ହେ ଦାପ୍ରେ ପୁଇପୁୟା ଜିବୁନ୍ ହେଖାନ୍ ବାଗାତ ଅଜି ହାଚାଡ୍ । ୧୩ ଜିସୁ ହେ ବାଗାତ ଚାଲିସ୍ ଦିନ୍ ମାନ୍ତ୍ରି ହେବେ ହେଖାନ୍ ସୟତାନ୍ ହୁଦାଂ ପରିକ୍ୟା ଆନାନ୍ । ହେଖାନ୍ ରାନ୍ ଜାଡ୍ ଲାହାଙ୍ଗ୍ ମାଚାନ୍, ଦୁଡ୍କୁ ହେଖାନ୍ ହେବା କିଜି ମାଟିକ୍ ।

ଜିସୁ ଚାରିଜାଣ୍ ମିନ୍କୁ ଆହ୍ନାକାରିଂ କୁକ୍ନାନ୍
(ମାତିଉ ୪:୧୨-୨୨; ଲୁକ ୪:୧୪-୧୫; ୫:୧-୧୧)

୧୪ ଜହନ୍ ଜେଲ୍ଲତ ହାଟି ପାଚେ, ଜିସୁ ଗାଲିଲିତ ଖାଜି ଇସ୍ପୁର୍ତି ନେକ୍ତିକାବୁର୍ ଗାଜା କାଟ୍ତାଂ ଇଞ୍ଜେଙ୍ଗ୍ ଲାଗାତାନ୍ । ୧୫ “ଜିସୁ ସୁଣାୟ୍ କିଦେଙ୍ଗ୍ ଲାଗାତାନ୍, ଦିନ୍ ଝିଜେ ଖାତାତେ, ଇସ୍ପୁର୍ତି ରାଜି ଲାଗାୟ୍ ଆତାତେ; ପାପ୍ତାଂ ମାନ୍ବାଦ୍ଲୟ୍ କିୟାଟ୍ ଆରି ନେକ୍ତିକାବୁର୍ ତାକେ ପାଟ୍ କିୟାଟ୍ ।”

୧୬ ଜିସୁ ଗାଲିଲି ହାମ୍ଦୁର୍ ପାଡ୍ତିଂ ହାଲ୍ଲି ମାନି ସମୁତ ସିମନ୍ ଆରେ ତା ଟଣ୍ଡାହି ଆହିୟଙ୍ଗ୍ ହାମ୍ଦୁର୍ତ ଜାଲ୍ ତୁହିନାକା ହୁଡ୍ତାନ୍, ଇତିସ୍ ହେଖାନ୍ ମିନ୍କୁ ଆସ୍ତି ଜିନାକାର୍ ମାଚାନ୍ । ୧୭ ଜିସୁ ହେଖାରିଂ ଇଚାନ୍, “ନା ପାଚେ ପାଚେ ଖାଡ୍, ଆନ୍ ମିଙ୍ଗେଙ୍ଗ୍ ମାନାୟ୍ ଆହ୍ନାକା ହିକାଜ କିଦ୍ନାଙ୍ଗ୍ ।” ୧୮ ହେବେ ହେଖାନ୍ ହେ ଦାପ୍ରେ ଜାଲ୍ ପିସ୍ତି ହେଖାନ୍ ପାଚେ ହାଚାଡ୍ ।

୧୯ ପାଚେ, ହେଖାନ୍ ଅଲପ୍ ଆଗେ ହାଲ୍ଲି ଜାକୁର୍ ଆରି ଜହନ୍ ତର୍ଦନାକାନ୍ ଜେବ୍ଦିତି ମାଜି ଜାକୁର୍ ଆରି ହେଖାନ୍ ଟଣ୍ଡାହି ଜହନ୍ତିଂ ତଙ୍ଗାତ କୁର୍ତି ହେଖାରିତି ଜାଲ୍ ଗାଡ୍ କିଜି ମାଚାନ୍ । ୨୦ ହେ ଦାପ୍ରେ ହେଖାନ୍ ହେଖାରିଂ କୁକ୍ତାନ୍, ପାଚେ ହେଖେର୍ ହେଖାନ୍ ଲାଡ୍ଡାହି ଜେବ୍ଦିତି କାମ୍ଲିୟାର୍ ହୁକେ ତଙ୍ଗାତାକେ ପିସ୍ତି ହେଖାନ୍ ପାଚେ ହାଚାଡ୍ ।

ଜିସୁ ପୁଦା ଆହ୍ନାତାକାନ୍ ଉଜ୍ କିତାନ୍
(ଲୁକ ୪:୩୧-୩୭)

୨୧ ପାଚେ ଜିସୁ ଆରି ଚେଲାର୍ କପର୍ନାହୁମ୍ ତାକେ ହାଚାଡ୍, ଆରେ ହେ ଦାପ୍ରେ ଜିହୁଦିର୍ ଜମ୍ନିବାର୍ ନାଜିଂ କୁଟୁମ୍ ଇଞ୍ଜ ହାଲ୍ଲିପା ହିକାୟ୍ କିଦେଙ୍ଗ୍ ଲାଗାତାନ୍ । ୨୨ ମାନାୟାର୍ ହେଖାନ୍ ହିକ୍ୟାତ କାବା ଆତାର୍, ଇନାକିଦେଂକି ହେଖାନ୍ ଦରମ୍ ଗୁରୁର୍ ଲାକେ ହିକାଜ କିଖାଦାଂ ଆଦିକାର୍ ପାୟା ଆତି ମାନାୟାର୍ ଲାକେ ହେଖାରିଂ ହିକ୍ୟା ହିଜି ମାଚାନ୍ ।

୨୩ ହେ ସମୁତ ହେଖାନ୍ ଜିହୁଦିର୍ କୁଟୁମ୍ ଇଞ୍ଜ ମାନି ରକାନ୍ ପୁଦା ଆହ୍ନା ଆତାକାନ୍ କିକିରାତିଂ କିଜି ଗାଜା କାଟ୍ତାଂ ଇଚାନ୍ । ୨୪ “ଏ ନାଜରିତ୍ତୟ୍ ଜିସୁ, ନି ଲାହାଙ୍ଗ୍ ମାଦାଂ ଇନାକା ମାନାତ୍ ? ଏନେଙ୍ଗ୍ ମାଙ୍ଗେଙ୍ଗ୍ ଝିସ୍ତେଦେଂ ଖାତାକନା ? ଏନେଙ୍ଗ୍ ଇମଣାକାୟ୍ ? ହେଦାଂ ଆନ୍ ପୁନାଙ୍ଗ୍, ଏନେଙ୍ଗ୍ ଇସ୍ପୁର୍ତି ହେ ପୁଇପୁୟା ମାନାୟ୍ତି ।”

୨୫ ଜିସୁ ହେଖାନ୍ ଦାକା ହିଜି ଇଚାନ୍, “ତିମ୍ରା ଆ ଇବେଣ୍ଡାଂ ହସି ହାଲା ।”

୨୬ ହେବେଣ୍ଡାଂ ହେ ବାନ୍ୟା ଜିବୁନ୍ ହେଖାନ୍ କିୟାୟ୍ କିଜି ଗାଜାକାଟ୍ ତାଙ୍ଗ୍ ଆଲା ଆଜି ହେଖାନ୍ତାଂ ହସି ହାଚାଡ୍ । ୨୭ ଇବେଣ୍ଡାଂ ଝିଜାର୍ ଏଚେକ୍ କାବା ଆତାର୍ ଜେ, ହେଖାନ୍ ହେଖାନ୍ନେ ଇନ୍ବା ଆତାର୍, “ଇଦାଂ ଇନାକା ? ଇଦାଂ ତ ଆଦିକାର୍ ପୁନ୍ ହିକିୟା, ହେଖାନ୍ ବାନ୍ୟା ଜିବୁନ୍ତିଂ ପା ବଲ୍ ହିନାନ୍, ଆରେ ହେଖାନ୍ ହେଖାନ୍ତି ବଲ୍ବଚନ୍ ମାନି କିନିକ୍ ।”

୨୮ ହେବେ ହେଖାନ୍ ବିସ୍ତେ ବେରଣ୍ ହେ ଦାପ୍ରେ ଗାଲିଲିନିପ ଚାର୍ବେଣ୍ଡିଂ ସବୁ ନାସ୍କୁକାଂ ଝିଶ୍ଲି ହାଚାଡ୍ ।

ଜିସୁ ହେନି ମାନାୟାରିଂ ଉଜ୍ କିନାକା
(ମାତିଉ ୮:୧୪-୧୭; ଲୁକ ୪:୩୮-୪୧)

୨୯ ତା ପାଚେ ଚେଲାର୍ କୁଟୁମ୍ ଇଞ୍ଜ ହସି ଜାକୁର୍ ଆରି ଜହନ୍ ଲାହାଙ୍ଗ୍ ହେ ଦାପ୍ରେ ସିମନ୍ ଆରି ଆହିୟର ଇଞ୍ଜ ହାଚାଡ୍ । ୩୦ ସିମନ୍ ପଦାହି ନମେର୍ ଆଜି କାଚେଲ୍ଲତ ହୁନ୍ତ୍ରି ମାଚାଡ୍, ଆରେ ହେଖାନ୍ ହେ ଦାପ୍ରେ ହେଦେଲ୍ ବେରଣ୍ ଜିସୁଙ୍ଗ୍

☆ ୧:୧୧ ୧:୧୧ ମାତିଉ ୩:୧୭; ୧୨:୧୮; ମାର୍କ ୯:୭; ଲୁକ ୩:୨୨.

ଝେଡ଼ିବାର । ୩୧ ହେବେଣ୍ଡା ହେଖାନ ଲାଗାୟ ହାଲୁଜି ହେଦେଲୁଡି କେଇ ଆଜି ତାଙ୍ଗେଙ୍ଗ ନିକତାନ, ଆରେ ହେଦେଲିଂ ନମେର ପିସ୍ତାଡ଼, ଆରେ ହେଦେଲୁ ହେଖାରିଂ ହେଦା କିଦେଙ୍ଗ ଲାଗାତାଡ଼ ।

୩୨ ମୁକାହାରେସ୍ ଝେଡ଼ା ହାତିପାଚେ ମାନାୟାର ହେଖାନ ତାକେ ନଚ୍ନାକାରିଂ ଆରେ ପୁଦା ଆହୟା ଆତାକାରିଂ ତାହିଝାଦେଂ ଲାଗାତାଡ଼ । ୩୩ ପାଚେ ସବୁ ଗାଡ଼ନିକାର ଇଲୁନି ଦୁଝେର ଲାଗାୟ ରୁଣ୍ଡା ଆତାଡ଼ । ୩୪ ହେବେ ଜିସୁ ବାରବିନି ରଗ୍ ଆହୟା ଆତାକାରିଂ ବେସି ରଗିରିଂ ଉଜ୍ କିତାନ, ଆରି ବେସି ପୁଦାଂ ପିହିକିତାନ, ପାଚେ ପୁଦାକାଂ ବେରଣ୍ କିଦେଙ୍ଗ ହିଝାତାନ, ହେଦାଂ କାଜିଂ ହେଖାନିଂ ଚିନ୍ କିଜି ମାତିକ୍ ।

ଗାଲିଲିତ ଜିସୁତି ସୁଣାୟ କିନାକା
(ଲୁକ ୪:୪୨-୪୪)

୩୫ ଆକାଡ଼ ନାଜିଂ ପ୍ରାଙ୍ଗନି ଝେଡ଼ାଲିଂ ମାଜଗା ମାନୁ ମାନୁ ହେଖାନ ନିଙ୍ଗି ହସି ହାଚାନ୍ ଆରି ର ସିଣିୟା ବାହାତ ହାଲୁଜି ହେବେ ପାତୀନା କିଦେଙ୍ଗ ଲାଗାତାନ । ୩୬ ଆରେ, ସିମନ୍ ଆରି ହେଖାନ ହାଙ୍ଗଦାକାର ହେଖାନିଂ ଇଚ୍ଚକାଡ଼ କିଜି, ୩୭ ବେଟ୍ଗାଟ୍ ଆଜି ହେଖାନିଂ ଇଚାଡ଼, “ଝିଜାକାର ନିଙ୍ଗେଙ୍ଗ ଦାସ୍ତାନାରା ।”

୩୮ ହେବେଣ୍ଡା ହେଖାନ ହେଖାରିଂ ଇଚାନ୍, ଝାଡ଼ ଆସେଙ୍ଗ “ବିନେନି ବାହାତ, ମାତର ହାଲୁଜି ଲାଗେନି ନାସ୍ତୁକାଂ ହାନାସ୍; ହେବେ ପା ଆନ୍ ସୁଣାୟ କିନାକା, ଇନେକିଦେଂକି ଆନ୍ ହେ ବେରଣ୍ କାଜିଂ ହଡ଼ତାଂନା ।”

୩୯ ପାଚେ ହେଖାନ ସବୁ ଗାଲିଲିନିପ ପ୍ଲାଞ୍ଜି ରୁଲ୍ଲା ଆଜି ହାଲୁଜି ହେଖାର ହେ କୁଚୁମ୍ ଇଞ୍ଜି ସୁଣାୟ କିତାର ଆରି ପୁଦାକାଂ ପିହିକିତାର ।

ଜିସୁ ର ଗାଜା ରଗିଂ ଉଜ୍ କିତାନ
(ମାତିଉ ୮:୧-୪; ଲୁକ ୫:୧୨-୧୬)

୪୦ ଇବେତାଂ ର ଗାଜାରଗ୍ କାଟାକାନ୍ ଜିସୁ ତାକେ ହେଖାନ ଝାଜି ମେଣ୍ଡା କୁଦିକିଜି ହେଖାନିଂ ଗଝାରି କିଜି ଇଚାନ୍, “ଏନେଙ୍ଗ ଜଦି ଇଚା କିତାୟୁଡି, ତା ଆଡିସ୍ ନାଙ୍ଗେଙ୍ଗ ସକଟ୍ କିଦନାୟ ।”‡

୪୧ ହେବେଣ୍ଡା ହେଖାନ, କାର୍ମାଠି ଆଜି କେଇ ପେସ୍ଦି ହେଖାନିଂ ତୁତାନ ଆରି ଇଚାନ୍, “ଆନ୍ ଇଚା କିନାକା ସକଟ୍ ଆ ।” ୪୨ ହେ ଦାପ୍ରେ ଗାଜାରଗ୍ ହେଝାଡ଼ି ହାଚାଡ଼ ଆରି ହେଖାନ ସକଟ୍ ଆତାନ୍ । ୪୩ ଆରେ, ଜିସୁ ହେଖାନିଂ ବେସି ଆଡ଼ଝା କିଜି ବଲୁହିଜି ହେ ଦାପ୍ରେ ପକ୍ତି ଇଚାନ୍ । ୪୪ ଜାଗ୍ରଡ଼ “ଇନାକା, ଇନେରିଂ ଇନ୍ମା, ମାତର ହାଲା ମାପୁହେବାକିନାକାନ୍ ତାକେ ଜାର୍ତିଂ ଚଞ୍ଜୟା; ଆରେ ମସା ଇନା ଇନାକା ବଲୁ ହିଡ଼ତାନ୍ନା ହେ ସବୁ ନିଜେ ନିର୍ମଲ୍ ଲାକେ ହେଝାର ଲାଗାଂ ସାକି ହିନି କାଜିଂ ସରପି ଆ ।”

୪୫ ମାତର ହେଖାନ ହସି ହାଲୁଜି ହେ ବିସ୍ତେ ବେସି ସୁଣାୟ କିଦେଂ ଲାଗାତାନ୍ ଜେ, ଜିସୁ ଆରି ଚଞ୍ଜୟା ଆଜି ମାଞ୍ଜେଙ୍ଗ ଆଡ଼ଝାତାନ, ମାତର ବାଡ଼ି ସିଣିୟା ବାହାତାକେ ମାଚାନ୍; ଆରେ ମାନାୟାର ଚାର୍ବେଣ୍ଡାଂ ହେଖାନ ତାକେ ଝାଦେଙ୍ଗ ଲାଗାତାଡ଼ ।

୨

ଜିସୁ ହିରକଲ୍ ରଗିଂ ଉଜ୍ କିତାନ
(ମାତିଉ ୯:୧-୮; ଲୁକ ୫:୧୭-୨୬)

୧ ଏଚେକ୍ ଦିନ୍ ପାଚେ, ଜିସୁ ଆରେ ରଗ କପର୍ନାହୁମ୍ ମାସ୍ଦି ଝାତାନ୍, ହେଖାନ ଇଞ୍ଜି ମାନାନ୍ ଇଞ୍ଜି ଝିଜାର ପୁଚାର । ୨ ହେବେ ଏଚେକ୍ ମାନାୟାର ରୁଣ୍ଡା ଆତାଡ଼, ଜେ, ଦୁଝେରତ ପା ବାହା ହିଲୁଝାତାଡ଼, ପାଚେ ହେଖାନ ହେଝାର ତାକେ ବେରଣ୍ ସୁଣାୟ କିଦେଙ୍ଗ ଲାଗାତାନ୍ । ୩ ଇବେ ପା ମାନାୟାର ର ହିରକଲ୍ ରଗିଂ ଚାରିଜାଣ୍ଡାଂ ପିଣ୍ଡି ଜିସୁ ଲାଗାଏ ତାସି ଝାତାର, ୪ ମାତର ବିଡ଼୍ ଲାଗିଂ ଜିସୁତାକେ ତାସ୍ ଝାଦେଂ ଆଡ଼ଝିତିଲେ, ହେଖାନ ଇମ୍ଣି ବାହାତ ମାଚାନ୍, ହେବେନି ଚାଉଣି ଜେତାର ଆରି ହେଦାଂ ତ୍ରିକ୍ତି ହେ କାଟେଲ୍ଡ ହିରକଲ୍ ଇଡ଼ିୟାତି ରଗି ହୁନ୍ଞି ମାଚାନ୍ ହେଦାଂ ଜୁଡ଼ତାତାର । ୫ ଜିସୁ ହେଝାର ପାଡ଼ି କିନାକା ହୁଡ଼ଜି ହେ ହିରକଲ୍ ରଗିଂ ଇଚାନ୍, “ଏ ବପା, ନି ପାପ୍ ସବୁ କେମା କିୟା ଆତାଡ଼ ।”

୬ ମାତର ଦରମ୍ ଗୁରୁଡ଼ ତାଙ୍ଗ୍ କେତେଜାଣ୍ ହେ ବାହାତ କୁଚ୍ଚି ନିଜେ ନିଜେତି ମାନ୍ତ ପୁସୁର ପାସାର ଆଜି ଝେଡ଼ପା ଆଜି ମାଚାର । ୭ “ଇ ମାନାୟ ଇନେକିଦେଂ ଏଲେଙ୍ଗ ଇନାନ୍ନା ? ହେଖାନ ଇସ୍ବର ନିୟା କିନାନା ! ହେଦାଂ ରଝାନିଂ ପିସ୍ତି ଇଚିସ୍ ଇସ୍ବରତିଂ ପିସ୍ତି ଆରେ ଇନେନ୍ ପାପ୍ କେମା କିଦେଙ୍ଗ ଆଡ଼ନାନ୍ !”

୮ ହେଝାର ଜେ, ମାନ୍ତ ମାନ୍ତ ଏଲେଙ୍ଗ ଝେଡ଼ପା ଆନାରା, ହେଦାଂ ଜିସୁ ନିଜେ “ହେ ଦାପ୍ରେ ପୁଞ୍ଜି ହେଝାରିଂ ଇଚାନ୍, ଏପେଙ୍ଗ ଜାର୍ ଜାର୍ ମାନ୍ତ ଇନେକିଦେଂ ଇ ସବୁ ଝେଡ଼ପା ଆନାଦେରା ?” ୯ “ଇନାକା ଆଡ଼ଝା ? ହିରକଲ୍ ରଗିଂ ନି ପାପ୍ ସବୁ କେମା କିୟା ଆଡ଼ତାଡ଼ ଇଞ୍ଜି ଇନାକା, କି ନିଙ୍ଗା, ନି କାଟେଲ୍ ଆସ୍ତି ତାଙ୍ଗା ଇଞ୍ଜି ଇନାକା ?” ୧୦ ମାତର ପୁଡ଼ି ତ ପାପ୍

‡ ୧:୪୦ ୧:୪୦ ନାଙ୍ଗ୍ ସକଟ୍ କିଦା, ଇ ରଗ୍ ରଝାନ୍ ମାନାୟୁଡି ବିଦି ଇସାପ୍ରେ ବିଗାଡ଼ କିଦନାନ୍ ଇଞ୍ଜି ଇନାକା ମାଚାଡ଼ । § ୧:୪୧ ୧:୪୧ କାର୍ମା; କେତେକ୍ ପତିତ ରିସା ମାନାଡ଼ ।

କେମା କିଦେଇଁ ମାନାୟ ମାଜି ଜେ ଆନ୍, ନା ଆଦିକାର୍ ମାନାଡ୍, ଇଦା° ଏପେଇଁ ପୁନାଦେର୍ ଇଦା° କାଜି° ହେ ହିରକଲ୍ ରଗି° ଇଚାନ୍, ୧୧ “ଆନ୍ ନିଜେଇଁ ଇଞ୍ଜନାଜା, ନିଜା, ନି କାଚେଲ୍ ଆସ୍ତି, ମିଞ୍ଜ ହାଲା !”

୧୨ ହେବେତା° ହେଞ୍ଜାନ୍ ନିଜ୍ଜି ହେ ଦାପ୍ରେ କାଚେଲ୍ ଆଜି ଓଜାକାର୍ ମୁମ୍ଦା° ହସି ହାଚାନ୍; ହେବେ ଓଜାର୍ କାବା ଆଜି ଇସ୍ପର୍ତି° ଗୁଣ୍ କେରଜି କେରଜି ଇଚାର୍, “ଆପେ° ଏଲେଇଁ ବାତାକା ଇନାଞ୍ଜାତା°ପା ହୁଡ଼ଞ୍ଜାଦା° ମାଚାପ୍ !”

ଜିସୁ ଲେବିଇଁ କୁକ୍ତାନ୍
(ମାତିଉ ୯:୯-୧୩; ଲୁକ ୫:୨୭-୩୨)

୧୩ ହେଞ୍ଜାନ୍ ଆରେ ରଗ ଗାଲିଲି ହାମ୍ଦୁର୍ ଗୁଚିତ ହସି ହାଚାନ୍, ଆରେ ମାନାୟର୍ ତା ତାକେ ଖାତିଲେ, ହେଞ୍ଜାନ୍ ହେଞ୍ଜାରି° ହିକାୟ କିଦେଇଁ ଲାଗାତାନ୍ । ୧୪ ଆରେ, ହାଲୁ ହାଲୁ ହେଞ୍ଜାନ୍ ଆଲପିତି ମାଜି ଲେବିଇଁ ନିଜ୍ ସିସ୍ତୁନ୍ନାକାନ୍ ବାହାତ କୁଚି ମାନାକା ହୁଡ଼ଜି ହେଞ୍ଜାନି° ଇଚାନ୍, “ନା ପାଚେ ଖା” ହେବେଶ୍ଟା° ହେଞ୍ଜାନ୍ ତା ପାଚେ ହାଚାନ୍ ।

୧୫ ଇଦା° ପାଚେ, ଜିସୁ ଲେବିର୍ ଇଞ୍ଜ* ଚିଞ୍ଜେଇଁ କୁଚି ଖେଡ଼ାଲି° ହେନି ସିସ୍ତୁନ୍ନାକାର୍ ଆରି ପାପିର୍ ହେଞ୍ଜାନ୍ ଆରି ଜିସୁ ଚେଲାହିର୍ ହୁକେ କୁଚାନ୍; ଇନାକିଦେ°କି ହେଞ୍ଜାର୍ ହେନି ମାଚାର୍, ଆରି ହେଞ୍ଜାନ୍ ପାଚେ ହାଲୁଜି ମାଚାର୍ । ୧୬ ହେଞ୍ଜାନ୍ ପାପିର୍ ଆରେ ସିସ୍ତୁନ୍ନାକାର୍ ହୁକେ ତିନ୍ଞି ମାଚାନ୍, ଇଦା° ହୁଡ଼ଜି ହେଞ୍ଜାନ୍ ପାରୁସି ଦଲ୍ଲି ସାସିର୍ ହେଞ୍ଜାନ୍ ଚେଲାରି° ଇଞ୍ଜେଇଁ ଲାଗାତାର୍, ଇଦା° ଇନାକା ? “ହେଞ୍ଜାନ୍ ଗାଚନାକାର୍ ହୁକେ ଆରି ପାପିର୍ ହୁକେ ରଚେ ତିନାମା ।”

୧୭ ଜିସୁ ହେଦା° ଖେନ୍ଞି ହେଞ୍ଜାରି° ଇଚାନ୍, “ଉଜ୍ ଆତାକାରି° ତାକ୍ତର୍ ଲଡ଼ାଆକାୟ, ମାତର୍ ଇନେର୍ ନଚ୍ନି ମାନାୟତି° ହେଞ୍ଜାରି° ତାକ୍ତର୍ ଲଡ଼ା ମାନାଡ଼; ଆନ୍ ଦାମ୍ ଲଗା° କୁକ୍ତେ° ଇଞ୍ଜି ଖାଞ୍ଜାତା°ନା, ମାତର୍ ପାପିରିଇଁ କୁକ୍ତେ° ଖାତା°ନା ।”

ଜିସୁ ଉପାସ୍ ବିସ୍ତେନି ପରସନ୍
(ମାତିଉ ୯:୧୪-୧୭; ଲୁକ ୫:୩୩-୩୯)

୧୮ ଜହନ୍ ଚେଲାହିର୍ ଆରେ ପାରୁସିର୍ ଉପାସ୍ କିଜି ମାଚାର୍ । “ଏଚେକ୍ଜାଣ୍ ଖାଜି ଜିସୁଇଁ ଇଚାର୍, ଜହନ୍ ଚେଲାହିର୍ ଆରେ ପାରୁସିର୍ ଚେଲାହିର୍ ଉପାସ୍ କିଚାର୍, ମାତର୍ ନି ଚେଲାର୍ ଉପାସ୍ କିଉରୁ ଇନେକିଦେ° ?”

୧୯ “ଜିସୁ ହେଞ୍ଜାରି° ଇଚାନ୍, ବିବାକିନାକାର୍ ହୁକେ ବିବା ଦା°ଶେନ୍ ମାନି ସମୁତ ହେଞ୍ଜାର୍ ଇନାକା ଉପାସ୍ କିଦେଇଁ ଆଡ଼ନାର୍ ? ବିବାଦା°ଶେନ୍ ଏଚେକ୍ ଖେଡ଼ାପାଚେକ୍ ହେଞ୍ଜାର୍ ହୁକେ ମାନାନ୍, ହେ ପାଡ଼ଚେକ୍ ହେଞ୍ଜାର୍ ଉପାସ୍ କିଦେଇଁ ଆଡ଼ୁର୍ । ୨୦ ମାତର୍ ସମୁ ଖାନାଡ଼, ଏଚେକାଡ଼ଦ୍ ହେଞ୍ଜାର୍ତା° ବିବା ଦା°ଶେନି° ନିକ୍ଚି ଅୟା ଆନାଡ଼, ଆରି ହେବେଶ୍ଟା° ହେ ଦିକ୍ତ ହେଞ୍ଜାର୍ ଉପାସ୍ କିଚାର୍ ।

୨୧ ଇନେନ୍ ପୁନି ହେୟାତ ପ୍ଲାନି ହେୟା ନୁଲ୍ ତଚୁନ୍; ତଚ୍ଚିସ୍ ପୁନି ହେୟା ମେହାୟ କିଚିସ୍ ପ୍ଲାନି ହେୟାତା° ବେସି କେଚ୍ଚି ଅନାଡ଼ ଆରି ଆଦିକ୍ ଗାଜା ଆଜି କେନ୍ଞି ହାନାଡ଼ । ୨୨ ଆରି, ଇନେର୍ ପୁନି ଅଙ୍ଗୁର୍ ରାସ୍ ପ୍ଲାନି ତଲ୍ ମଶାତ ଇଚୁର୍; ଇଚ୍ଚିସ୍ ହେଦା° ତଲ୍ ମଶା ପାଚ୍ଚି ତୁହିନାଡ଼, ଆରେ ଅଙ୍ଗୁର୍ ରାସ୍ ଆରି ତଲ୍ ମଶା ରିଶ୍ଟା° ନସ୍ ଆନିକ୍ । ମାତର୍ ପୁନି ଅଙ୍ଗୁର୍ ରାସ୍ ପୁନି ତଲ୍ ମଶାତ ଇଚ୍ଚନାକା ମାନାଡ଼ ।”

ଜମନି ଦିନ୍ ନାଜି° ପରସନ୍
(ମାତିଉ ୧୨:୧-୮; ଲୁକ ୬:୧-୫)

୨୩ ଦିନେକ୍ ଜିସୁ ଜମ୍ନିବାର୍ ନାଜି° ଜମିପାଚି ନିପ ହାଲୁଜି ମାଚାନ୍, ଆରେ ତା ଚେଲାହିର୍, ହାଲୁ ହାଲୁ ତାସ୍ନି ଜିକି ନାଚ୍ଚେଇଁ ଲାଗାତାର୍ । ୨୪ ଇବେଶ୍ଟା° ପାରୁସିର୍ ହେଞ୍ଜାନି° ଇଚାର୍, “ହୁଡ଼ା, ଜମ୍ନିବାର୍ ନାଜି° ଇନାକା କିନାକା ବିଦି ହିଲୁଡ଼, ଚେଲାର୍ ଇନେକିଦେ° ଆୟା° କିନାରା !”

୨୫ ଜିସୁ ହେଞ୍ଜାରି° ଇଚାନ୍, ଦାଉଦ୍ ନାସ୍କି ଖେଡ଼ାଇଁ ଏଚେକାଡ଼ଦ୍ ହେଞ୍ଜାନ୍ ଆରି ତା ହାଙ୍ଗଦାକାର୍ ନାସ୍କି ଆଜି ମାଚାର୍, ହେ ପାଦ୍ନା ହେଞ୍ଜାନ୍ ଇନାକା କିଜି ମାଚାନ୍, ହେଦା° ଏପେଇଁ ଇନାଞ୍ଜାତା° ପା ପଡ଼ି କିଞ୍ଜାତାଣ୍ଟା ?

୨୬ ଅବିୟାତର୍ ମୁଡ଼୍ ମାପୁହେବାକିନାକାର୍ ସମୁତ “ହେଞ୍ଜାନ୍ ଇନେସ୍ ଇସ୍ପର୍ତି ଇଞ୍ଜ ହାଲୁଜି ମାଚାନ୍, ଇମ୍ଣି ଦର୍ସନି ରୁଚି ଇସ୍ପର୍ତି° ହେବାକିନି ମୁଣିକା ପିସ୍ତି ଆରି ଇନେର୍ ତିନି ଆଦିକାର୍ ବିଦି ଆକାୟ, ହେଦା° ତିନ୍ଞି ମାଚାର୍, ପାଚେ ଜାଡ଼ ହାଙ୍ଗଦାକାରି° ପା ହିଜି ମାଚାନ୍ ।”

୨୭ ଆରି, ହେଞ୍ଜାନ୍ ହେଞ୍ଜାରି° ଇଚାନ୍, ଜମ୍ନିବାର୍ ଦିନ୍ ମାନାୟର୍ କାଜି° ଆତାଡ଼ନ୍ନା, “ମାନାୟର୍ ଜମ୍ନିବାର୍ କାଜି° ଆଞ୍ଜାତାଣ୍ଟା । ୨୮ ଲାଗି° ମାନାୟ ମାଜି ଜମ୍ନିବାର୍ ନାଜି° ପା ମାପୁ ଆନାନ୍ ।”

୩

ଜିସୁ ରକାନ୍ କଲା ମାନାୟତି° ଉଜ୍ କିଚାନ୍
(ମାତିଉ ୧୨:୯-୧୪; ଲୁକ ୬:୬-୧୧)

* ୨:୧୫ ୨:୧୫ ଲେବିର୍ ଇଞ୍ଜ; ନଲେ ତା (ତା, ଜିସୁତି) ଇଞ୍ଜ ।

^୧ ପାଚେ ହେୱାନ ଆରେ ରଗ କୁଟୁମ୍ ଇଞ୍ଜ ହାଚାନ୍, ହେବେ ରକାନ୍ ମାଚାନ୍, ହେୱାନ୍ତି ର କେଇ ୱାଜ୍ଜି ମାଚାଡ଼ ।
^୨ ଆରେ, ହେୱାନ ତାଙ୍ଗେଙ୍ଗ୍ ଇନେସ୍ କି ଜମ୍ନିବାରତ ଉଜ୍ କିନାନ୍, ହେଦାଂ ହୁଡ଼ନି କାଜିଂ ଇଞ୍ଜି ହେୱାର୍ ହେୱେନିଂ ହୁଡ଼ଜି ମାଚାର୍, ଇନେସ୍ ହେୱାର୍ ହେୱାନ ବିରୁଦ୍ଦତ ଦାବା କିନାର୍ । ^୩ ହେବେ ଇନେନ୍ କେଇ ୱାଜ୍ଜି ମାଚାଡ଼ ହେୱାନିଂ ଜିସୁ ଇଚାନ୍, “ଝା ମାଦି ନିଲା ।” ^୪ ପାଚେ, ହେୱାନ ହେୱାରିଂ ଇଚାନ୍, “ଜମ୍ନିବାରତ ଇନାକା କିନାକା ବିଦି ମାନାଡ଼ ? ହାର୍, କିନାକା କି ବାନ୍ୟା କିନାକା ? ଜିରୁନ୍ ରାକ୍ୟା କିନାକା କି ନସ୍ କିନାକା ? ମାତର୍ ହେୱାର୍ ଉତର୍ ହିଝାଦାଂ ଚିମ୍ପା ଆଜି ମାଚାର୍ ।”

^୫ ହେବେ ହେୱାନ ହେୱାରିଂ ମାନ୍ତ କୁଟ୍ ଲାଗିଂ ଦୁକ୍ ଆଜି ରିସାତାଂ ଚାର୍ବେଶ୍ତାଂ ହେୱାରିଂ ହୁଡ଼ଜି ହେ ମାନାୟ୍ତିଂ ଇଚାନ୍, “କେଇ ଲାମାୟ୍ କିୟା ।” ହେୱାନ କେଇ ଲାମାୟ୍ କିତାନ୍ ଆରି ହେଦାଂ ଆରେ ହାରା ଆତାଡ଼ । ^୬ ହେବେ ପାରୁସିର୍ ବାର୍ତ୍ତ ହାଲ୍ଜି ହେୱାନିଂ ବୁତାୟ୍ କିଦେଙ୍ଗ୍ ଇଞ୍ଜି ହେୱାନ ବିରୁଦ୍ଦତାଂ ହେରଦିୟାର୍ ରାଜା ଲାହାଙ୍ଗ୍ କୁଟ୍ କିଦେଙ୍ଗ୍ ଲାଗାଆତାର୍ ।

ହେନି ମାନାୟ୍ ଜିସୁ ପାଚେ ପାଚେ ହାଚାର୍

^୭ ଇ ୱାଡ଼ାଂ ଜିସୁ ତା ଚେଲାହିର୍ ଲାହାଙ୍ଗ୍ ବିନେ ଆଜି ଗାଲିଲି ହାମ୍ବୁରତ ହାଚାର୍, ପାଚେ ଗାଲିଲିତାଂ ହେନି ମାନାୟାର୍ ତା ପାଚେ ପାଚେ ହାଚାର୍; ଆରେ ଜିହୁଦା ରାଜି, ି ଜିରୁସାଲମ୍, ଇଦମ୍, ଜର୍ଦ୍ଦନି ଆଣ୍ଟି ପାଡ଼କା, ଆରେ ସୋର ଆରି ସିଦନି ଚାରବେଶ୍ତି ବେସି ମାନାୟାର୍ ହେୱାନ୍ତି ଝିଜୁ କାମାୟ୍ନି ବେରଶ୍ ଝେନ୍ଞି ତା ତାକେ ୱାତାର୍ । ^୯ ହେ ପାଦ୍ନା ବିଡ଼୍ କାଜିଂ, ମାନାୟାର୍ ଇନେସ୍ ହେୱାନ ଜପି କୁସ୍ପିସ୍ ହାଲ୍ଜି, ଇଦାଂ କାଜିଂ ହେୱାନ ନିଜ୍ ଚେଲାରିଂ ତା କାଜିଂ ର ହାରୁ ତଙ୍ଗା ଲାଗେ ଇଡ଼ଦେଂ ଇଚାନ୍; ^{୧୦} ଇନାକିଦେଂକି ହେୱାନ ହେନି ମାନାୟ୍ତିଂ ଉଜ୍ କିତିଲେ-ରଗିୟାର୍ ଝିଜାକାର୍ ହେୱାନିଂ ତୁଦେଂ ଇଞ୍ଜି ହେୱାନ ଜପି କୁସ୍ପିସ୍ ମାଚାର୍ । ^{୧୧} ଆରେ, ବାନ୍ୟା ଜିରୁନିଙ୍ଗ୍ ଆସ୍ତି ମାନି ଲଗାଙ୍ଗ୍ ହେୱାନିଂ ହୁଡ଼ଜି ମାଚିକ୍, ହେୱାଙ୍ଗ୍ ହେୱାନ ତାରେନ୍ ଗୁରଜି କିକିରାତିଂ କିଜି ଇଞ୍ଜି ମାଚିକ୍, “ଏନେଙ୍ଗ୍ ଇସ୍ପର୍ ମାଜିଡ଼ି ।”

^{୧୨} ହେବେତାଂ ତାଙ୍ଗେଙ୍ଗ୍ ୱେଡ଼ିଞ୍ଜି କାଜିଂ ହେୱାନ ହେ ବାନ୍ୟା ପୁଦାକାଂ ବେସି ତାଟ୍ କିଜି ବଲ୍ ହିତାନ୍ ।

**ଜିସୁ ବାରଜାଣ୍ଟି ଚେଲାରିଂ ବାଚିକିତାନ୍
(ମାତିଉ ୧୦:୧-୪; ଲୁକ ୬:୧୨-୧୬)**

^{୧୩} ଜିସୁ ମାଡ଼ି ଜପି ହାଲ୍ଜି, ଇମ୍ପାଣାକାରିଂ ମାନ୍ କିତାନ୍, ହେୱାରିଂ ଲାଗେ କୁକ୍ତାନ୍ ଆରେ ହେୱାର୍ ତା ଲାଗେ ୱାତାର୍ । ^{୧୪} ପାଚେ, ହେୱାନ ବାର ଜାଣ୍ଟିଂ ବାଚିକିତାନ୍, ଇନେସ୍ ହେୱାର୍ ତା ହୁକେ ରଚେ ମାନାର୍ ଆରେ ହେୱାନ, “ହେୱାରିଂ ସୁଣାୟ୍ କିନି କାଜିଂ ପକ୍ୟାତାକାନ୍ । ^{୧୫} ଆରି ହେୱାନ ହେୱାରିଂ ପୁଦାଂ ପିହି କିନାକା ଆଦିକାର୍ ହିତାନ୍ ।”

^{୧୬} ଜିସୁ ଇ ବାର ଜାଣ୍ଟିଂ ବାଚିକିତାନ୍ ଇଚିସ୍, ସିମ୍ନତିଂ, ହେୱାନ ପିତର୍ ଇଞ୍ଜି, ଆରେ ର ତର୍ ହିତାନ୍ । ^{୧୭} ଜେବ୍ଦି ମାଜି ଜାକୁବ୍ ଆରି ତା ଟଣ୍ଡେନ୍ ଜହନ୍, ଇନେରିଂ ହେୱାନ ବିନେରିଗସ୍, ଇଚିସ୍ “ବାଦାଡ଼୍ ଗାର୍ଜାନି ମାଜି” ଇଞ୍ଜି ଆରେ ର ତର୍ ହିତାନ୍; ^{୧୮} ଆନ୍ଦିୟ, ପିଲିପ୍, ବାର୍ତ୍ତଲମି, ମାତିଉ, ତମା, ଆଲପିତି ମେହି ଜାକୁବ୍, ତଦିୟ, କିଣାନିୟ୍ ସିମନ୍, ^{୧୯} ପାଚେ ଇସ୍ପାରିୟ୍ତିୟ୍ ଜିହୁଦା, ଇନେନ୍ ଜିସୁଙ୍ଗ୍ ସାତୁ କେଇଦ ଆହି କିତାନ୍ ।

**ଜିସୁ ଆରି ବାଲ୍ଜିବୁଲ୍
(ମାତିଉ ୧୨:୨୨-୩୨; ଲୁକ ୧୧:୧୪-୨୩; ୧୨:୧୦)**

^{୨୦} ପାଚେ ହେୱାନ ଇଞ୍ଜି ୱାତାନ୍; ଆରେ ରଗ ହେନି ମାନାୟାର୍ ରୁଣ୍ଡା ଆଦେଂ ଲାଗାତାର୍ ଜେ, ହେୱାର୍ ଚିଞ୍ଜେଙ୍ଗ୍ ପା ଆଡ଼ଝାତାର୍ । ^{୨୧} ଏଚେକାଡ଼ଦ୍ ଜିସୁ ଲାତ୍ରା ଇଦାଂ ୱେଚାର୍ ହେୱାଡ଼ାଂ ତାହିଝାଦେଂ ହାଚାର୍, ଇଚିସ୍ ତାଙ୍ଗେଙ୍ଗ୍ “ବାୟା ଆତାନ୍ନା !” ଇଞ୍ଜି ମାନାୟାର୍ କାତାବାର୍ତ୍ତା ଆଜି ମାଚାର୍,

^{୨୨} *ଆରେ, ଜିରୁସାଲମ୍ତାଂ ୱାଜି ମାନି ଦରମ୍ ଗୁରୁର୍ ଇଚାର୍, “ଇଝାନିଂ ବାଲ୍ଜିବୁଲ୍ ଲାଗା ଆତାଡ଼ନ୍ନା, ଆରେ ମୁଡ଼୍ ପୁଦାଂତାଂ ଗାଜା ସାଲ୍ଜି ହେୱାନ ପୁଦାଂ ପିହିକିନାନ୍ ।”

^{୨୩} ଇବେଣ୍ଡାଂ ହେୱାନ ହେୱାରିଂ ଲାଗେ କୁକ୍ତି ଉତର୍ମୁଡ଼୍ କାତା ହେୱାରିଂ ଇଚାନ୍, “ସୟ୍ତାନ୍ ଇନେସ୍ କିଜି ସୟ୍ତାନ୍ତିଂ ପିହିକିନାଡ଼ ?” ^{୨୪} ଜଦି ଇମ୍ପାଣି ରାଜି ବିନେ ଆଜି ନିଜ୍ଡି ବିରୁଦ୍ଦତ ନିଙ୍ଗନାଡ଼, ହେ ରାଜି ତିର୍ ଆଜି ମାଞ୍ଜେଙ୍ଗ୍ ଆଡୁଡ଼ । ^{୨୫} ଆରେ, ଜଦି ଇମ୍ପାଣି ଇଲ୍ ବିନେ ଆଜି ନିଜ୍ଡି ବିରୁଦ୍ଦତ ନିଙ୍ଗନାଡ଼, ବାଚିଙ୍ଗ୍ ହେ ଇଲ୍ ତିର୍ ଆଜି ମାଞ୍ଜେଙ୍ଗ୍ ଆଡୁଡ଼ । ^{୨୬} ହେ ଲାକେ, ସୟ୍ତାନ୍ନି ରାଜି ଜଦି ବିନେ ଆଜି ନିଜ୍ ବିରୁଦ୍ଦତ ନିଙ୍ଗତାଚେ, ଲାଗିଂ ହେଦାଂ ତିର୍ ଆଜି ମାଞ୍ଜେଙ୍ଗ୍ ଆଡୁଡ଼, ମାତର୍ ହେଦାଂ ଝିଜୁ ହାକି ଗିଚା ଆତାଚେ ।

^{୨୭} “ମାତର୍ ଇନେର୍ ପର୍ଡୁମ୍ ସାଲ୍ଜି କାଟାକାନିଂ ଗାଡ଼ିସ୍ ହେୱାନ ଇଞ୍ଜି ହଶ୍ଜି ହେୱାନ୍ତି ଆଡ଼ ଆତିୟାର୍ କ୍ଳିସ୍ତେଙ୍ଗ୍ ଆଡୁନ୍; ହେୱାନିଂ ଆଗେ ଗାଡ଼ିସ୍ ହିନା ହେୱାନ ତା ଇଞ୍ଜି ତର୍ କିନାନ୍ ।”

* ୩:୯ ୩:୯ ମାର୍କ ୪:୧; ଲୁକ ୫:୧-୩. * ୩:୨୭ ୩:୨୨ ମାତିଉ ୯:୩୪; ୧୦:୨୫.

୨୮ “ଆନ୍ ମିଙ୍ଗେଙ୍ଗ୍ ହାଡ଼ପା ଖେର୍ଚାନାଙ୍ଗା, ମାନାୟ୍ ମାଜିର୍ ଓଜୁ ପାପ୍ ଆରି ହେଖାର୍ ଓଜୁ କୁର୍ କାତା ଇଞ୍ଜି ଇସ୍ପରତିଂ ନିନ୍ଦା କିତାର୍, ହେ ଓଜୁ କେମା କିୟାନାଡ଼;” * ୨୯ ମାତର୍ ଜେ ଇନେର୍ ପୁଇପୁୟା ଜିବୁନ୍ତଂ ବିରୁଡ଼ତାଂ ନିନ୍ଦା କାତା ଇନାନ୍, ହେଖାନିଂ ଇମ୍ବି ଜୁଗ୍ତପା କେମା ହିଲୁଡ଼, ମାତର୍ ହେଖାନ୍ ଓଜୁଓ ପାପ୍ତ ଦସିଆନାନ୍ ।” ୩୦ ଦର୍ମ ସାସ୍ତର୍ “ହେଖାନିଂ ବାନ୍ୟାପୁଦା ଆସ୍ତାଡ଼ନା, ଇଦାଂ ହେଖାର୍ ଇଚିଲେ ହେଖାନ୍ ଇ କାତା ଇଚାନ୍ ।”

ଜିସୁ ତେହି ଆରେ ଟଣ୍ଡାହିର୍
(ମାତିଉ ୧୨:୪୭-୫୦; ଲୁକ ୮:୧୯-୨୧)

୩୧ ହେପାଦନା ଜିସୁ ତେହି ଆରି ଟଣ୍ଡାହିର୍ ଖାଜି ବାରତ ନିଲ୍ଚି ହେଖାନିଂ କୁକ୍ତେଂ ପଲ୍ଲାର୍ । ୩୨ ହେବେ ତା ଚାରିବେଶତାଂ କୁଚି ମାତି ମାନାୟାର୍ ହେଖାନିଂ ଇଚାର୍, “ହୁଡ଼ା, ମିଞ୍ଜିୟା, ଟଣ୍ଡେନ୍ ଆରି ତଣ୍ଡେକ୍ ବାରତ ମାନ୍ଞି ନିଙ୍ଗେଙ୍ଗ୍ ଦାସ୍ତାନାରା ।”

୩୩ ହେଖାନ୍ ହେଖାରିଂ ଉତର୍ ହିତାନ୍; ମାଞ୍ଜିୟା ଆରେ ଟଣ୍ଡାର୍ ଇନେର୍ ? ୩୪ ଆରି, ହେଖାନ୍ ଚାରବେଶତିଂ କୁଚି ମାତି ମାନାୟାରିଂ ହୁଡ଼ା ଇଚାନ୍, “ହୁଡ଼ା, ଇଖାର୍ ନା ଆୟା ଆରେ ନା ଟଣ୍ଡାର୍ । ୩୫ ଇନେର୍ପା ଇସ୍ପରନ୍ ଇଚାତିଂ ମାନିକିନାର୍, ହେଖାନ୍ ନା ଟଣ୍ଡେନ୍, ତଣ୍ଡେକ୍ ଆରେ ଆୟା ।”

୪

ବିୟାନ୍ ଓଡ଼ନି ବିସ୍ତେ କାତା
(ମାତିଉ ୧୩:୧-୯; ଲୁକ ୮:୪-୮)

୧ *ଜିସୁ ଗାଲିଲି ହାମ୍ବୁର୍ ଗୁଚିତ ଆରେ ରଗ ହିକାୟ୍ ହିଦେଙ୍ଗ୍ ଲାଗାତାନ୍, ଆରେ ହେନି ମାନାୟାର୍ ତା ଲାଗାଂ ରୁଣ୍ଡାଆତାର୍ ଜେ ହେଖାନ୍ ହାମ୍ବୁର୍ତ ମାନି ର ତଙ୍ଗାତ ହାଲ୍ଜି କୁଚିଚାନ୍ ଆରି ମାନାୟାର୍ ହାମ୍ବୁର୍ ଲାଗାଂ ର ବୁଇଡ଼ ମାଚାର୍ । ୨ ହେବେଣ୍ଡାଂ ହେଖାନ୍ ଉତର୍ମୁଡ଼ ହିଜି ହେଖାରିଂ ବେସି କାତା ବିସ୍ତେ ହିକାୟା ହିଦେଂ ଲାଗାତାନ୍, ପାଚେ ନିଜ୍ ହିକାୟା ବିସ୍ତେ ହେଖାରିଂ ଇଚାନ୍ ଖେନାଡ଼ ।

୩ “ହୁଡ଼ା, ରଖାନ୍ ଓଡ଼ନାକାନ୍ ଓଡ଼େଂ ହଡ଼ତାନ୍ । ୪ ହେଖାନ୍ ଓଡ଼ୁ ଓଡ଼ୁ କେତେକ୍ ବିୟାନ୍ ହାଜି କଚଣତ ଆରନାଡ଼, ପାଚେ ପଚିଂ ଖାଜି ହେଦାଂ ତିନିକ୍ । ୫ ଆରେ କେତେକ୍ ଅଲପ୍ ଚିକ୍ଲା ମାନି କାଲ୍କୁ କୁଡ଼ିତ ଆରନାଡ଼ ଆରି ବେସି ଚିକ୍ଲା ହିଲ୍ଓ କାଜିଂ ହାଣ୍ଡେଲ୍ ନେସନାଡ଼ । ୬ ମାତର୍ ଖେଡ଼ା ହଡ଼ତିସ୍ ମୁରଜା ଆନାଡ଼ ଆରେ ଚିରା ହାର୍ କିଜି ହାଲ୍ଓଡ଼ି କାଜିଂ ଖାଜି ହାଚାଡ଼ । ୭ ଆରେ କେତେକ୍ ଖାଡ଼ି କୁଡ଼ିକାଙ୍ଗ୍ ଆରନାଡ଼, ଆରେ ଖାଡ଼ିକୁଡ଼ି ନିଙ୍ଗି ଗାଜା ଆଜି, ହେଖାକାଂ ତାବାୟ୍ କିନିକ୍ ଆରି ଇନାକାପା ପାଡ଼ ଖାଉଡ଼ । ୮ ପାଚେ, ହାର୍ଦି ମେଦ୍ନିତ ଆରନାଡ଼, ଆରି ନେସ୍ଦି ପାନ୍ଚି ନିଙ୍ଗି ରିକଡ଼ି ଦସ୍ ଗାଡ଼ହା, ତିନକଡ଼ି ଗାଡ଼ହା ଆରେ ପାଞ୍ଚକଡ଼ି ଗାଡ଼ହା ପାଚେକ୍ ପାଡ଼ ଆସ୍ତାଡ଼ ।”

୯ ପାଚେ ହେଖାନ୍ ଇଚାନ୍, “ଇନେରିଂ ଖେଞ୍ଜେଙ୍ଗ୍ କିଡୁଲ୍ ମାନାଡ଼, ହେଖାନ୍ ଖେନେନ୍ ।”

ଜିସୁ କାତା ଖେଚି ବୁଜାୟ୍ କିତାନ୍
(ମାତିଉ ୧୩:୧୦-୧୭; ଲୁକ ୮:୯-୧୦)

୧୦ ହେଖାନ୍ ରକାନ୍ ମାନିଖେଡ଼ାଲିଂ ତା ହାଙ୍ଗ୍ଦାକାର୍ ବାରଜାଣ୍ ଚେଲାର୍ ଲାହାଙ୍ଗ୍ ହେଖାନିଂ ହେ ଉତର୍ମୁଡ଼କୁ ବିସ୍ତେ ଖେନ୍ବେଦେଂ ଲାଗାତାର୍ । ୧୧ “ହେବେଣ୍ଡାଂ ହେଖାନ୍ ହେଖାରିଂ ଇଚାନ୍,” ଇସ୍ପରତି ରାଜିନି ଡ଼କୁତି କାତା, ପୁଞ୍ଜେଙ୍ଗ୍ କାଜିଂ ମିଙ୍ଗେଙ୍ଗ୍ ସାକ୍ତି ହିଦୟା ଆତାଡ଼ନ୍ନା, “ମାତର୍ ହେ ବାରତି ମାନାୟାରିଂ ସବୁ ବିସ୍ତେ ଉତର୍ମୁଡ଼ ଇନ୍ୟାନାତା, ୧୨ ଇନେସ୍ ହେଖାର୍ ହୁଡ଼ା ହୁଡ଼ା ବୁଜାଆଦେଂ ଆଡୁର୍, ଆରି ଖେନ୍ ଖେନ୍ ପୁଞ୍ଜେଙ୍ଗ୍ ଆଡୁର୍, କାତେହିନା ହେଖାର୍ ଇସ୍ପରତାକେ ଖାନାର୍ ଆରି କେମା ପାୟା ଆନାର୍ ।”

ଜିସୁ ବିୟାନ୍ ଓଡ଼ନି କାତା ଖେଚିଚାନ୍
(ମାତିଉ ୧୩:୧୮-୨୩; ଲୁକ ୮:୧୧-୧୫)

୧୩ ହେଖାନ୍ ଆରେ ହେଖାରିଂ ଇଚାନ୍, “ଏପେଙ୍ଗ୍ ଇ କାତା ବୁଜା ଆଉଦେରା କି ? ଲାଗିଂ ଇନେସ୍ ବିନେନି ଓଜୁ ଉତର୍ମୁଡ଼ ବୁଜା ଆଦେଂ ଆଡ଼ନାଦେର୍ ? ୧୪ ଓଡ଼ନାକାନ୍ ଇସ୍ପରତି ବେରଣ୍ ଓଡ଼ନାନ୍ । ୧୫ ଇନେର୍ ଖେନାର୍, ଆରେ ଖେଚି ଦାପ୍ତେ ସୟତାନ୍ ଖାଜି ହେଖାର୍ ତାକେ ଓଡ଼ତାକା ବେରଣ୍ କିସ୍ତି ଅନାଡ଼ । ହେଖାର୍ ବେରଣ୍ ଓଡ଼ତାଆତି ହାଜିନି ମେଦ୍ନି ଲାକେ । ୧୬ ହେ ଲାକେ, ଇନେର୍ ଆଏଡ଼ ବେରଣ୍ ଖେଚି ଦାପ୍ତେ ଖାର୍ଯା ଆଜି ହେଦାଂ ମାନି କିତାର୍, ୧୭ ମାତର୍ ହେଖାର୍ ତାକେ ଚିରାବିଡ୍ରେ ହାଲ୍ଓଡ଼ି କାଜିଂ ଅଲପ୍ ଦିନ୍ ତିର୍ ମାନ୍ଗାନାର୍, ପାଚେ ବେରଣ୍ କାଜିଂ ଦୁକ୍ କି ନିନ୍ଦା ଖାଡ଼ିସ୍ ହେ ଦାପ୍ତେ ବାଦାପାୟା ଆନାର୍, ହେଖାର୍ ଓଡ଼ିୟାତି କାଲ୍କୁଡ଼ିନି ମେଦ୍ନି ଲାକେ । ୧୮ ଖାଡ଼ି କୁଡ଼ିତ ଆରତି ବିୟାନ୍ ଲାକେ

* ୩:୨୮ ୩:୨୮ ହେଖାର୍ ବାନ୍ୟା କାତା ଇଞ୍ଜେଙ୍ଗ୍ ଆଡ଼ନାର୍; ନଲେ ହେଖାର୍ ଇସ୍ପର ବିରୁଡ଼ତ ବାନ୍ୟା କାତା ଇଞ୍ଜେଙ୍ଗ୍ ଆଡ଼ନାର୍ । ✨ ୪:୧ ୪:୧ ଲୁକ ୫:୧-୩.

ହେ ନେକ୍ରିକାବୁର ଆରେ କେତେଜାଣ୍ ଝେନାର୍, ^{୧୯} ମାତର୍ ସଂସାର୍ନି ଚିନ୍ତା, ଦାନ୍ ଲବରା ଆରି ବାରବିନି ଲାବ୍ଡି ହେଝାର୍ ମାନ୍ତିଂ ଗୁରାୟ୍ କିନି କାଜିଂ ହେ କାତା ପାଡ଼୍ ପାୟା ଆଉଡ଼ । ^{୨୦} ଆରେ, ଇନେର୍ ବେରଣ୍ ଝେନଞ୍ଜି ହେଦାଂ ମାନିକିନାର୍ ଆରି ରିକଡ଼ିଦସ୍ ଗାଡ଼ହା, ତିନିକଡ଼ି ଗାଡ଼ହା, ଆରେ ପାଞ୍ଚକଡ଼ି ଗାଡ଼ହା ପାଡ଼ ଝାନାଡ଼, ହେଝାର୍ ଝିତିୟା ଆଜି ମାଟି ହାଦଂ ମେଦ୍ନି ଲାକେ ।”

**ମାଣ୍ ତାରେନ୍ ବଇଟା
(ଲୁକ ୮:୧୭-୧୮)**

^{୨୧} ଆରେ ରଗ ହେଝାନ୍ ହେଝାରିଂ ଇଚାନ୍, “ଇନେର୍ ଇନାଝାତାଂ ବଇଟା ଆହି କିଜି ମାଣ୍ ତାରେନ୍ କି କାଟେଲ୍ ତାରେନ୍ ଇନାକା ଇଟ୍ୟା ଆନାଡ଼ ? ବଇଟା ଇଚ୍ନି ବାହା ଜପି ଇଚ୍ଦେଂ ଇଞ୍ଜି ତାହି ଝାଝାକା ? ^{୨୨} ଇନାକିଦେଂକି ଚଞ୍ଜୟା ଆଝାକା ଇନାକା ଆକାୟ୍, ଆରେ ଜପି ଡ଼କୁତାଡ଼ନ୍ନା, ହେଦାଂ ବାଡ଼ ହଡ଼ତେଂ ଡ଼କୁତାଡ଼ନ୍ନା । ^{୨୩} ଜପି ଇନେରିଂ ଝେଞ୍ଜେଙ୍ଗ୍ କିଡୁଲ୍ ମାନାଡ଼, ହେଝେନ୍ ଝେନେନ୍ !”

^{୨୪} ହେଝାନ୍ ପାଟେ ହେଝାରିଂ ଇଚାନ୍, “ଇନାକା ଝେନାଦେରା, ହେ ବିସ୍ତେ ଜାଗ୍ରଡ଼ । ଇମ୍ଫଣି ମାଣ୍ତାଂ ଲାଚ୍ନାସ୍, ହେ ମାଣ୍ତାଂ ମିଙ୍ଗେଙ୍ଗ୍ ଲାଜ୍ଜି ହିଦ୍ନାଡ଼, ଆରି ମିଙ୍ଗେଙ୍ଗ୍ ଆଦିକ୍ ହିଦ୍ୟା ଆନାଡ଼ । ^{୨୫} ଇନାକିଦେଂକି ଇନେରିଂ ମାନାଡ଼, ତାଙ୍ଗ୍ ହିୟାଆନାଡ଼; ଆରି ଇନେରିଂ ହିଲୁଡ଼, ତା ତାକେ ଇନାକା ମାନାଡ଼, ହେଦାଂ ଇସ୍ପର୍ ତାକେଣ୍ଟାଂ ଅନାନ୍ ।”

ଗାଜାଆନି ବିୟାନ୍ନି କାତା

^{୨୬} ଆରେ ରଗ ହେଝାନ୍ ଇଚାନ୍, ଇସ୍ପର୍ତି ରାଜି ଇ ଲାକେ, ରଝାନ୍ ଜାର୍ ମେଦ୍ନିତ ବିୟାନ୍ ଝିଡ଼ନାନ୍ । ^{୨୭} ପାଟେ, ରଝାନ୍ ମାନାୟ୍ ନାଣା ହୁନ୍ଝିନାନ୍ ଆରି ଅଜଡ଼ ଆତିସ୍ ଜାଗ୍ରଡ଼ ଆନାନ୍, ଆରି ବିୟାନ୍ ଇନେସ୍ କିଜି ନେସ୍ଝ ପାନ୍ତାଡ଼, ହେଦାଂ ହେଝାନ୍ ପୁନୁନ୍ । ^{୨୮} ମେଦ୍ନି ନିଜେ ପାଡ଼ ଆହିକିନାଡ଼, ପର୍ତ୍ତୁମ୍ ଆକି, ପାଟେ କେନ୍ଦା, ତା ପାଟେ ଜିକିତ ଗମ୍ ବାଡ଼ । ^{୨୯} ମାତର୍ ତାସ୍ ହେନ୍ତାତେ ତାସ୍ ସମୁ ଝାତିସ୍ ହେଝାନ୍ କଝେସ୍ ଲାହାଙ୍ଗ୍ ତ୍ରେସ୍ନାନ୍ ।

**ହାର୍ହୁ ବିୟାନ୍ ନି ଉତର୍ମୁଡ଼୍
(ମାତିଉ ୧୩:୩୧-୩୨, ୩୪; ଲୁକ ୧୩:୧୮-୧୯)**

^{୩୦} ଜିସୁ ଆରେ ଇଚାନ୍, “ଆସେଙ୍ଗ୍ ଇନେର୍ ଲାହାଙ୍ଗ୍ ଇସ୍ପର୍ ରାଜିତିଂ ତାଡ଼ାୟ୍ କିନାସ୍ ? କି ଆରେ ଇମ୍ଫଣି ଉତର୍ମୁଡ଼୍ତ ହେଦାଂ ବୁଜାୟ୍ କିନାସ୍ ? ^{୩୧} ହେଦାଂ ରଞ୍ଜାଙ୍ଗ୍ ହାର୍ହୁ ମାଞ୍ଜି ଲାକେ; ମେଦ୍ନିତ ଝିତିନି ଝାଡ଼ାଙ୍ଗ୍ ହେଦାଂ ପୁଡ଼ିତ ସବୁ ପାଡ଼ତାଂ ହାରୁ । ^{୩୨} ମାତର୍ ଝିତିସ୍ ହେଦାଂ ପାନ୍ତି ସବୁ କୁଚାତାଂ ଗାଜା ଆନାଡ଼, ପାଟେ ତାଡ଼୍ ଏଲେଙ୍ଗ୍ ଆଜି ଗାଜା ଗାଜା ଆନିଂ ଜେ, ଆକାସ୍ନି ପଟିଂ ହେ ହିଡ଼ଡ଼ିତ ବାହା କିଦେଙ୍ଗ୍ ଆଡ଼ନିକ୍ ।”

^{୩୩} ହେଝାନ୍ ଇ ଲାକେ ବେସି ଉତର୍ମୁଡ଼୍ ହୁଦାଂ ହେଝାରିଂ ଝେନ୍ଝେଙ୍ଗ୍ ବୁଜାଆନି ସାକ୍ତି ସମାନ୍ ହେଝେର୍ ଲାଗେ ବେରଣ୍ ପର୍ତାଟା କିଜି ମାଚାନ୍, ^{୩୪} ଆରେ ଉତର୍ମୁଡ଼୍ ଝେଡ଼ଝାଦାଂ ହେଝାନ୍ ହେଝାର୍ ତାକେ ଇମ୍ଫଣି ବେରଣ୍ପା ଇନ୍ଝାଦାଂ ମାଚାନ୍ । ମାତର୍ ହେଝାନ୍ ବିନେନିକାର୍ ହିଲୁଝି ଝେଡ଼ାଲିଂ କାତା ତାଙ୍ଗ୍ ହେ ଚେଲାରିଂ ସବୁ ବିସ୍ତେ ବୁଜାୟ୍ କିଜି ମାଚାନ୍ ।

**ଜିସୁ ଗାଜା ଦୁକାତିଙ୍ଗ୍ ତିର୍ କିନାକା
(ମାତିଉ ୮:୨୩-୨୭; ଲୁକ ୮:୨୨-୨୫)**

^{୩୫} ହେଦାଂ କାଜିଂ ମିକାହାରେସ୍ ଆତିଲେ ଜିସୁ ହେଝାରିଂ ଇଚାନ୍, “ଝାଡୁ, ହାମ୍ଦୁର୍ ଆନ୍ତି ପାଡ଼କା ହାନାସ୍ ।” ^{୩୬} ହେବେତାଂ ହେଝାର୍ ମାନାୟାରିଂ ପିସ୍ତି, ଜିସୁ ଇମ୍ଫଣି ତଙ୍ଗାତ ମାଚାନ୍, ହେ ଲାକେ ହେଝାନ୍ ତଙ୍ଗା ଲାହାଙ୍ଗ୍ ଅଜି ହାଚାର୍, ପାଟେ ବିନ୍ ବିନ୍ ତଙ୍ଗାଙ୍ଗ୍ପା ହେଝାନ୍ ହୁକେ ମାଟିକ୍ । ^{୩୭} ଆରି, ତ୍ରିପ୍କୁ ହୁଜାଝାଣି ଆତାଡ଼, ପାଟେ ଲଡ଼ି ପଡ଼ନି କାଜିଂ ତଙ୍ଗାତ ଏଙ୍ଗୁ ବାଡ଼ି ଆଦେଂ ଲାଗିଡିକ୍ । ^{୩୮} ହେ ଏଚେକାଡ଼ଦ ହେଝାନ୍ ତଙ୍ଗାନି ପାଚ୍ବାଗାଂ ଆକ୍ସା କାପଡ଼ା ପାଟାତ ଡ଼ୁପ୍ତି ହୁନ୍ଜି ମାଚାନ୍; ଆରେ ହେଝାର୍ ହେଝାନିଂ ନିକ୍ତି ଇଚାର୍, “ଏ ଗୁରୁ, ଆପେଂ ହାତାପ୍, ନିଙ୍ଗ୍ ଇନାକା ଚିନ୍ତା ହିଲୁଡ଼ ?”

^{୩୯} ଇବେଣ୍ଟାଂ ହେଝାନ୍ ନିଙ୍ଗ୍ଜି ଦୁକାତିଙ୍ଗ୍ ଦାକା ହିଜି ଲଡ଼ିତିଂ ଇଚାନ୍, “ପୁକ୍ ଇନା, ଚିମ୍ଫରା !” ହେବେଣ୍ଟାଂ ଦୁକା ମଦା ଆତାଡ଼ ଆରେ ସବୁ ତିର୍ ଆତାଡ଼ । ^{୪୦} ଆରେ, ହେଝାନ୍ ହେଝାରିଂ ଇଚାନ୍, ଏପେଙ୍ଗ୍ “ଇନେକିଦେଂ ଏଚେକ୍ ତ୍ରିକୁଣା କାଦେର୍ ? ଇଦାଂ ! ଇନାକା ମିଙ୍ଗେଙ୍ଗ୍ ପାଡ଼ି ହିଲୁଡ଼ ?”

^{୪୧} ହେବେ ହେଝାର୍ ବେସି ପାଣ୍ଟା ଆଜି ହେଝେର୍ ହେଝାର୍ ଝେଡ଼ପା ଆଦେଂ ଲାଗାତାର୍, “ଇଝାନ୍ ଜେ ଇନେନ୍ ? ଦୁକା ଆରେ ହାମ୍ଦୁର୍ ରିଣ୍ଟାପା ଇଝାନ୍ ବଲ୍ ମାନି କିନିକା !”

☆ ୪:୨୨ ୪:୨୨ ମାତିଉ ୧୦:୨୭; ଲୁକ ୧୨:୨.



ଜିସୁ ରଖାନ୍ ପୁଦା ତୁୟାଆତା କାନିଂ ଉଜ୍ କିତାନ୍
(ମାତିଉ ୮:୨୮-୩୪; ଲୁକ ୮:୨୬-୩୯)

୧ ପାଚେ ଜିସୁ ଚେଲାହିର୍ ଗାଲିଲି ହାମ୍‌ଦୁର୍ ଆନ୍‌ଟି ପାଡ଼ାକା ଗରାସିୟର୍ ମାନି ନାସ୍ ଏକାତାର୍ । ୨ ଜିସୁ ତଙ୍ଗାତାଂ ଜୁତି ଦାପ୍ରେ ର ବାନ୍ୟା ଜିବୁନ୍ ଆତାକାନ୍ ଦୁଗେର୍ ତାଙ୍ଗ ହତ୍‌ତାନ୍ ଆରେ ହେୱାନିଂ ଗିଟା ଆତାନ୍ । ୩ ହେୱାନ୍ ଦୁଗେର୍‌ତ ବାହା କିଜି ମାଚାନ୍, ହେୱାନିଂ ଆରେ ଇନେର୍ ହିକ୍‌ଡିଂ ଗାଚ୍‌ଚେଙ୍ଗ୍ ଆଡ଼ୱାଦାଂ ମାଚାର୍, ୪ ହେୱାନ୍ ବେସିହର୍ ହିକ୍‌ଡିଂ ଆରେ କାଗଡ଼ା ଗାଚ୍‌ପସ୍ ମାଚାର୍, ହେୱାନ୍ ହିକ୍‌ଡିଂ ନାଚ୍‌ଟି ଗନ୍ଦା ଗନ୍ଦା କିଜି ତ୍ରିପକିସ୍ ମାଚାନ୍, ଆରେ ହେୱାନିଂ ଇନେର୍ ଗାଚ୍‌ଚେଙ୍ଗ୍ ସାଲ୍ଲି ହିଲ୍‌ଖାତାଡ଼ ୫ ହେୱାନ୍ ନାଣା ଖେଡ଼ା ସବୁ ଖେଡ଼ାଙ୍ଗ୍ ଦୁଗେର୍ ତାକେ ଆରେ ମାଡ଼ିଜପି ମାନ୍‌ଞ୍ଜି କିର୍‌ଡିପାଡ଼ି କିଜି ମାଚାନ୍, ପାଚେ କାଲ୍‌ହୁକେ ଜାର୍ ଗାଗାଡ଼ିଂ ଗାଞ୍ଜାଦାଞ୍ଜ କିଜି ମାଚାନ୍ ।

୬ ହେୱାନ୍ ଜିସୁଙ୍ଗ୍ ଦେହାତାଂ ହୁଡ଼ଜି ହନ୍‌ଟି ଖାଜି ତାଙ୍ଗେଙ୍ଗ୍ ଜଖାର୍ କିତାନ୍, ୭ ଆରେ ଗାଜା କାଚ୍‌ତାଂ କିକିରାଡ଼ିଂ ଆଜି ଇଚାନ୍, “ଏ ସତ୍‌ତି ଗାଜା ଇସ୍‌ବର୍ ମେହି ଜିସୁ ! ନି ହୁଦାଂ ନାଦି ଇନାକା ମାନାଡ଼ ? ନିଙ୍ଗେଙ୍ଗ୍ ଇସ୍‌ବର୍ ତର୍‌ଦାଂ ରାଣ୍ ହିଦ୍‌ନାଙ୍ଗା, ନାଙ୍ଗେଙ୍ଗ୍ କସ୍‌ ହିଦ୍‌ମା !” ୮ ଲାଗିଂ ଜିସୁ ହେୱାନିଂ ଇଞ୍ଜେଙ୍ଗ୍ ହାଲ୍‌ଜି ମାଚାନ୍, “ଆଡ଼େ ବାନ୍ୟା ପୁଦା, ଇ ମାନାୟ୍ ତାକେଣ୍ଟାଂ ହସି ହାଲା !”

୯ ଆରେ, ଜିସୁ ହେୱାନିଂ ଖେନ୍‌ବାତାନ୍, “ନି ତର୍ ଇନା ତର୍ ? ହେୱାନ୍ ତାଙ୍ଗେଙ୍ଗ୍ ଇଚାନ୍, ନା ତର୍ ‘ବାହିନି’ ଲାଗିଂ ଆପେଂ ହେନି !” ୧୦ ପାଚେ, ହେୱାନ୍ ହେଦାଂ କାଜିଂ ହେୱାରିଂ ହେ ବାଚ୍‌ତ ଅଲ୍‌ଗା ନାସ୍ ପକ୍‌ଖାଦାଂ ମାଚାନ୍, ହେଦାଂ କାଜିଂ ହେୱାନ୍ ତାଙ୍ଗେଙ୍ଗ୍ ବେସି ଗଞ୍ଜାରି କିତାନ୍ ।

୧୧ ହେବେ ମାଡ଼ି କନାତ ପାଞ୍ଜିଙ୍ଗ୍ ର ମାନ୍ଦା ହାରା ଆଜି ମାଚିକ୍ । ୧୨ ଆରେ, ହେୱାଙ୍ଗ୍ ଜିସୁଙ୍ଗ୍ ଗଞ୍ଜାରି କିଜି ଇଚିକ୍, “ହେ ପାଞ୍ଜିଙ୍ଗ୍ ବିତ୍ରେ ହଣିକାଜିଙ୍ଗ୍ ମାଙ୍ଗେଙ୍ଗ୍ ତା ତାକେ ପକ୍‌ତା ।” ୧୩ ହେୱାନ୍ ହେୱାରିଂ ହେଲ ହିତିଲେ, ବାନ୍ୟା ଜିବୁନିଙ୍ଗ୍ ହସି ପାଞ୍ଜିଙ୍ଗ୍ ବିତ୍ରେ ହଚିକ୍; ହେବେ ହେବେଣ୍ଟାଂ ହେ ମାନ୍ଦା ବେସି ତାନ୍ଦାତାଙ୍ଗ୍ ହନ୍‌ଟିହାଲ୍‌ଜି ହାମ୍‌ଦୁର୍ ଗୁଚିତାଂ ଆଜିଂ ମୁନ୍‌ଞ୍ଜି ହାତିଙ୍ଗ୍ । ୧୪ ପାଞ୍ଜିଙ୍ଗ୍ ଆନ୍‌ମାନ୍‌ତାଂ ରି ହାଜାର୍ ମାଚିକ୍ ।

୧୫ ହେୱାକାଂ ହାରାଈ କିଜି ମାଚି ମାନାୟ୍ ହଞ୍ଜି ହାଲ୍‌ଜି ଗାଡ଼ଦ ଆରେ ନାସ୍‌କ୍‌କାଂ ଖେଚ୍‌ଚାର୍; ହେବେ ଲକୁ ଇନାକା ଗିଟା ଆତାଡ଼ନ୍ଦା ଇଞ୍ଜି ହୁଡ଼ଗୁା ଖାତାର୍ । ୧୬ ଆରେ, ହେୱାର୍ ଜିସୁ ତାକେ ଖାଜି ହେ ପୁଦା ତୁୟାଆତାକାନ୍, ଇଚିସ୍, ଇନେରିଂ ହିଗ୍‌ଦ ବାହିନି ପୁଦା ତୁଜି ମାଚାଡ଼, ହେୱାନ୍ ହେନ୍ଦା ଉସ୍‌ସିସ୍ ହାଦ୍ ମାତ୍ର କୁଚ୍‌ଟି ମାନାକା ହୁଡ଼ଜି ପାଣ୍ଡା ଆତାର୍ । ୧୭ ଆରେ, ଇନେର୍ ହୁଡ଼ଜି ମାଚାର୍, ହେୱାର୍ ହେ ପୁଦା ଆହ୍‌ୟା ଆତାକାନ୍ କାଜିଂ ଇନାକା ଗିଟା ଆଜି ମାଚାଡ଼, ହେଦାଂ ଆରି ପାଞ୍ଜିଙ୍ଗ୍ ବିସ୍ତେ ହେୱାର୍ ତାକେ ହାଲ୍‌ଜି ବେରଣ୍ ଖେଚ୍‌ଚେଙ୍ଗ୍ ଲାଗାତାର୍ ।

୧୮ ହେବେଣ୍ଟାଂ ହେଖେର୍ ହେୱାର୍ ହାନ୍‌ଦିତାଂ ହାଞ୍ଜେଙ୍ଗ୍ ଜିସୁଙ୍ଗ୍ ଗଞ୍ଜାରି କିଦେଙ୍ଗ୍ ଲାଗାତାର୍ ।

୧୯ ପାଚେ ହେୱାନ୍ ତଙ୍ଗାତ ଦୁମ୍‌ନି ଖେଡ଼ାଲିଂ, ଇମ୍‌ଣି ମାନାୟ୍‌ତିଂ ଆଗେ ପୁଦା ଆସି ମାଚାଡ଼, “ଜିସୁ ତା ଲାହାଂ ମାନି କାଜିଂ ଚାନେକ୍ ଚାନେକ୍ ଗଞ୍ଜାରି କିତାନ୍ !”

୨୦ ମାତର୍ ଜିସୁ ହେଲ ହିଖାଦାଂ ତାଙ୍ଗେଙ୍ଗ୍ ଇଚାନ୍, “ମି ଇଞ୍ଜ, ମି ଖାସ୍‌ନିକାର୍ ତାକେ ହାଲା, ପାଚେ ମାପୁ ନି କାଜିଂ ଇନା ଇନାକା କାମାୟ୍ କିତାଡ଼ନା ଆରି ନି କାଜିଂ ଇମ୍‌ଣି ଦୟା ଚଚାତାଡ଼ନା, ହେ ସବୁ ହେୱାରିଂ ଖେଚା ।”

୨୧ ତା ପାଚେ ହେୱାନ୍ ହାଲ୍‌ଜି, ଜିସୁ ହେୱାନ୍ କାଜିଂ ଇମ୍‌ଣି ଇମ୍‌ଣି କାମାୟ୍ କିଜି ମାଚାନ୍, ହେ କାମାୟ୍ ଦେକାପଲି, ଇଚିସ୍ ଦସ୍‌ଗଟା ଗାଡ଼ତ୍ ସୁଣାୟ୍ କିଦେଙ୍ଗ୍ ଲାଗାତାନ୍, ହେବେ ଖିଜାକାର୍ ଖେନ୍‌ଞ୍ଜି କାବା ଆତାର୍ ।

ଜିସୁ ହାତି ଗାଡ଼ଚେଂ ଜିପ୍‌ତାନ୍, ଆରେ ର କଗ୍‌ଲେଂ ଉଜ୍ କିତାନ୍
(ମାତିଉ ୯:୧୮-୨୬; ଲୁକ ୮:୪୦-୫୨)

୨୨ ଜିସୁ ତଙ୍ଗାତାଂ ନାସି ଆରେ ରଗ ଉଲ୍‌ଟି ଖାତାନ୍, ତା ପାଚେ ହାମ୍‌ଦୁର୍ ଗୁଚିତ ମାନି ସମୁତ ବେସି ହେନି ଲକୁ ତା ଲାଗେ ରୁଣ୍ଡା ଆତାର୍ । ୨୩ ହେ ପାଦ୍‌ନା ନାଟି କୁଚ୍‌ମ୍ ଇଲ୍ ମୁଣିକା ବିତ୍ରେ ଜାଈରସ୍ ତର୍‌ଦାକାନ୍ ରକାନ୍ ଖାଜି ହେୱାନିଂ ହୁଡ଼ଜି କାଲ୍‌କୁ ତାରେନ୍ ତାଣ୍ଡାହାଣ୍ ମାକ୍‌ତାନ୍, ୨୪ “ଆରେ ବେସି ଗଞ୍ଜାରି କିଜି ଇଚାନ୍, ନା ଗାଡ଼ ହାତିଲାକେ, ହେଦେଲ୍ ଇନେସ୍ ରାକ୍ୟା ପାୟ୍‌ଜି ଜିନାଡ଼, ହେଦାଂ କାଜିଂ ଏନେଙ୍ଗ୍ ଖାଜି ତାଙ୍ଗେଙ୍ଗ୍ କେଇ ତୁଞ୍ଜା ।”

୨୫ ଇବେଣ୍ଟାଂ ହେୱାନ୍ ତା ହୁଦାଂ ହାଚାନ୍, ଆରି ବେସିହେନି ମାନାୟ୍ ହେୱାନ୍ ପାଚେ ପାଚେ ହାଞ୍ଜେଙ୍ଗ୍ ଲାଗାତାର୍, ଆରେ ହେୱାର୍ ତା ଜପି କୁସ୍‌ପିସ୍ ମାଚାର୍ ।

୨୬ ହେ ପାଦ୍‌ନା ବାର ବାହୁଁ ପାଚେକ୍ ଗାଗାଡ଼୍ ନାଡ଼୍‌ଞ୍ଜି ରଗ୍‌ନି ର କଗ୍‌ଲେ, ୨୭ ଇନେସ୍‌କି ବେସି ତାଙ୍ଗର୍ ତାଂ ବେସି ଦୁକ୍‌ପାୟା ଆଜି ଦାନ୍ ଖିସ୍‌ଲେପା ଅଲ୍‌ପ୍ ପା ହାରା ଆଖାଦାଂ ତାଦେଲ୍ ଆଦିକ୍ ବେମାର୍ ଆଜି ମାଚାଡ଼ । ୨୮ ହେଦେଲ୍ ଜିସୁ ବେରଣ୍ ଖେନ୍‌ଞ୍ଜି ମାନାୟ୍ ବିତ୍ରେ ପାଚ୍ ବାଗାଙ୍ଗ୍ ଖାଜି ହେୱାନ୍ ହେନ୍ଦାନ୍ ଚେଲିଂ ତୁଡାଡ଼, ଇନାକିଦେଂକି ହେଦେଲ୍ ଇଞ୍ଜି ମାଚାଡ଼, ୨୯ “ମାତର୍‌ଜେ ହେ ହେନ୍ଦା ତୁଡ଼ାଂଟି ଆନ୍ ଉଜ୍ ଆନାଙ୍ଗ୍ ।”

୨୯ ହେ ଦାପ୍ତେ ତା ନେତେର ହନାକା ଚେବା ଆତାଡ଼, ଆରେ ହେଦେଲ୍ ଜେ ରଗ୍ତାଂ ଉଜ୍ ଆତାଡ଼ନ୍ନା, ଇଦାଂ ହେଦେଲ୍ ତା ଗାଗାଡ଼ତ୍ ପୁଚାଡ଼ । ୩୦ ହେ ଦାପ୍ତେ ଜିସୁ ତାଙ୍ଗ୍ ସାକ୍ତି ହଜି ହାନାକା ମାନ୍ତ ପୁଞ୍ଜି, ମାନାୟ୍ ବିତ୍ରେ ଜେଶ୍ପାଡ଼କା ମାସ୍ଦି ଇଚାନ୍, “ଇନେର୍ ନା ହେନ୍ଦା ତୁଡ଼ତାର୍ ?”

୩୧ ତା ଚେଲାହିର୍ ହେଞ୍ଜାନ୍ ଇଚାର୍, “ଏନେଙ୍ଗ୍ତ ହୁଡ଼ୁନାୟା, ମାନାୟାର୍ ନି ଜପି କୁସ୍ପା ଆଦନାରା, ଆରି ଏନ୍ ଇନାୟା, ଇନେର୍ ନାଙ୍ଗ୍ ତୁଡ଼ତାର୍ ?”

୩୨ ମାତର୍ ଜେ ଇଦାଂ କିଜି ମାଚାଡ଼, ହେଦାଂ ହୁଡ଼ଦେଂ ହେଞ୍ଜାନ୍ ଚାରିବେଶ୍ତାଂ କାଣ୍କୁ କିଦେଙ୍ଗ୍ ଲାଗାତାନ୍ । ୩୩ ହେବେଶ୍ତାଂ ହେ କଗଲେ ତାଙ୍ଗେଙ୍ଗ୍ ସବୁ ଗିଟା ଆତାକା, ଆରେ ହେଦାଂ ପୁଞ୍ଜି ପାଣ୍ଡୁତୁଁ ତ୍ରିଗ୍ଜି ତ୍ରିଗ୍ଜି ଖାଜି ହେଞ୍ଜାନ୍ ତାଣ୍ଡାହାଡ଼ ମାଗ୍ଜି ଝିଜୁ ହାଡ଼ପା କାତା ହେଞ୍ଜାନ୍ ଝେର୍ଚାଡ଼ । ୩୪ ତା ପାଚେ ଜିସୁ ହେଦେଲ୍ ଇଚାନ୍, “ଏ କଇ, ନି ପାଚ୍ତାଂ ନିଙ୍ଗେଙ୍ଗ୍ ଉଜ୍ କିଜି ମାଞ୍ଜନାଡ଼ । ଏନ୍ ସୁସ୍ତାତାଂ ହାଲା, ଆରେ ନି ରଗ୍ତାଂ ଉଜ୍ ଆଜି ମାନା ।”

୩୫ ହେଞ୍ଜାନ୍ ଇ ବେରଶ୍ ଇନିହିଙ୍ଗ୍, ତା ନାଟି ମୁଣିକା ଇଞ୍ଜି ଲକୁ ଖାଜି ଇଚାର୍, “ନି ଗାଡ଼ହାତାତେ । ଗୁରୁଙ୍ଗ୍ ଇନାକିଦେଂ ଆରେ କସ୍ ହିନାୟା ?”

୩୬ ମାତର୍ ଜିସୁ ହେ ବେରଶ୍ ଝେନ୍ଞି ଝେନ୍ଞି ଲାକେ* ଆଜି ନାଟି ମୁଣିକାଂ ଇଚାନ୍, “ପାଣ୍ଡା ଆମା, ଜେ ମାତର୍ ପାଚ୍ତାଂ କିୟା ।” ୩୭ ପାଚେ, ଜିସୁ ପିତର୍ ଜାକୁର୍ ଆରେ ତା ଟଣ୍ଡାହି ଜହନ୍ ପିସ୍ତି ଆରେ ଇନେରିଂ ପା ତା ଲାହାଙ୍ଗ୍ ହାଞ୍ଜେଙ୍ଗ୍ ହିଞ୍ଜାତାନ୍ । ୩୮ ହେଞ୍ଜାନ୍ କୁଟୁମ୍ ନି ମୁଡ଼ଦାକାନ୍ ଇଞ୍ଜି ଖାଜି, ହେଞ୍ଜାନ୍ ଇଞ୍ଜି ଆଡ଼ାକୁକା ଆନାକା ଆରେ ବିଲ୍ଲକି ଆଜି ଆଡ଼ବାନାକା ହୁଡ଼ତାର୍, ୩୯ ଆରି ବିତ୍ରେ ହାଲ୍ଜି ହେଞ୍ଜାରିଂ ଇଚାନ୍, “ଇନାକିଦେଂ ଆଡ଼ାକୁକା ଆନାଦେରା ? କଇହିମ୍ଣା ହାଞ୍ଜାତାଡ଼ନା, ମାତର୍ ହୁଞ୍ଜନାତା ହେବେ ହେଞ୍ଜାର୍ ହେଞ୍ଜାନ୍ କିଜାୟ୍ କିଦେଙ୍ଗ୍ ଲାଗାତାର୍ !”

୪୦ ମାତର୍ ହେଞ୍ଜାନ୍ ଝିଜାକାରିଂ ବାଡ଼ ହପ୍ଟି କଇହିମ୍ଣା ତେହିଙ୍ଗ୍ ଲାଡ଼ାହିଙ୍ଗ୍ ଆରେ ତା ହାଙ୍ଗ୍ଦା କାରିଂ ଅଜି ହାଲ୍ଜି, କଇହିମ୍ଣା ଇମେତାକେ ମାଚାଡ଼, ହେ ବାହାତ ହଶ୍ଗାତାର୍, ୪୧ ଆରେ ହିମ୍ଣାତି କେଇ ଆସ୍ତି ହେଦେଲ୍ ଇଚାନ୍, “ଟଲିତାକୁମ୍,” ଇଟିସ୍ “ଏ କଇ ହିମ୍ଣା, ଆନ୍ ନିଙ୍ଗେଙ୍ଗ୍ ଇଞ୍ଜନାଙ୍ଗା, ନିଙ୍ଗା !”

୪୨ ହେ ଦାପ୍ତେ କଇହିମ୍ଣା ନିଙ୍ଗ୍ଜି ରୁଲ୍ଲାଆଦେଂ ଲାଗାତାଡ଼; ହେ କଇହିମ୍ଣା ବୟସ୍ ବାର ବାହୁଁ ଆଜି ମାଚାଡ଼ । ହେବେ ହେଞ୍ଜାର୍ ଝିଜାକାର୍ କାବା ଆଜି ହାଚାର୍ । ୪୩ ଆରେ, ଇନେର୍ପା ଜେ ଇ ବିସ୍ତେ ପୁନୁର୍, ଇଦାଂ କାଜିଂ ହେଞ୍ଜାନ୍ ହେଞ୍ଜାରିଂ ତାଟ୍ କିଜି ବଲ୍ ହିତାନ୍, ଆରେ “ହେ କଇହିମ୍ଣାଂ ଇଚୁଟିଂ ତିନାକା ହିଦେଂ ଝେର୍ଚାନ୍ ।”



ନାଜରିତ୍ତନି ଲକୁ ଜିସୁଙ୍ଗ୍ ମାନି କିଞ୍ଜାତାର୍
(ମାତିଉ ୧୩:୫୩-୫୮; ଲୁକ ୪:୧୬-୩୦)

୧ ହେ ବାହାତାଂ ଜିସୁ ଇମେତାକେ ଗାଜା ଆଜି ମାଚାନ୍ ଜାର୍ ଗାଡ଼ଦ୍ ଖାତାନ୍ ଆରେ ତା ଚେଲାହିର୍ ତା ପାଚେ ପାଚେ ଖାତାର୍ । ୨ ଜମ୍ନିବାର୍, ହେଞ୍ଜାନ୍ କୁଟୁମ୍ ଇଞ୍ଜି ହିକାଈ କିଦେଙ୍ଗ୍ ଲାଗାତାନ୍ । ଆରେ, ବେସି ଲକୁ ହେଞ୍ଜାନ୍ କାତା ଝେନ୍ଞି କାବା ଆଜି ଇଚାର୍, “ଇଞ୍ଜାନ୍ ଇ ସବୁ ଇମେତାଂ ପୁଚାନ୍ନା ?” ପାଚେ, ଇଞ୍ଜାନ୍ ଇମ୍ଣି ବୁଦିହିୟା ଆତାଡ଼ନ୍ନା ? “ଆରେ ଇମ୍ଣି ସାକ୍ତିନି କାମାୟ୍ ଇଞ୍ଜାନ୍ତି ତା କେଇ କାଜିଂ କାମାୟ୍ ଆନାତା, ଇ ସବୁ ଇନାକା ?” ୩ ଇଞ୍ଜାନ୍ ଜେ ହେ ବାତାୟ୍ ଆକାୟ୍ । ଇଞ୍ଜାନ୍ ହେ ମରିୟମ୍ ମେହି, ଆରି ଜାକୁର୍, ଜସି, ଜିହୁଦା ଆରେ ସିମନ୍ ଟଣ୍ଡେନ୍ ଆକାୟ୍ ପାଚେ, “ଇଞ୍ଜାର୍ ତଣ୍ଡେହିକ୍ ଇବେ ମା ଲାହାଙ୍ଗ୍ ରଚେ ହିଲ୍ଝିଡିକ୍” ଆରେ ଇଦାଂ ଇଞ୍ଜି ତାଙ୍ଗେଙ୍ଗ୍ ପାଚ୍ତାଂ କିଞ୍ଜାତାର୍ ।

୪* ହେବେତାଂ ଜିସୁ ହେଞ୍ଜାରିଂ ଇଚାନ୍, “ବିନେନିକାର୍ ରଞ୍ଜାନ୍ ବେଶ୍ ବାକ୍ଷାୟ୍ କିନାକାନିଂ ଗଞ୍ଜାରି କିତାର୍, ମାତର୍ ହେ ନିଜେ ଗାଡ଼ନି ମାନାୟାର୍, ହେ ଲକ୍ ବାକ୍ ଆରି ନିଜେ ଇଞ୍ଜିନି ଲକ୍ ବାକ୍ ପିସ୍ତି ତାଙ୍ଗେଙ୍ଗ୍ ଗଞ୍ଜାରି କିତାର୍ ।”

୫ ପାଚେ, ଅଲ୍ପ କେତେକ୍ ରଗିୟାରିଂ ଜପି କେଇ ଇଡ଼ଜି ହେଞ୍ଜାରିଂ ଉଜ୍ କିନାକା ପିସ୍ତି ଅଲ୍ଗା ଇମ୍ଣି ସାକ୍ତିତାଂ କାମାୟ୍ କିଦେଙ୍ଗ୍ ଆଡ଼ଞ୍ଜା ତାନ୍ଦେ । ୬ ଆରେ, ହେଞ୍ଜାର୍ ତି ପାଚ୍ତାଂ କିଞ୍ଜାକା କାଜିଂ କାବା ଆତାର୍ ।

ଜିସୁ ବାରଜାଶ୍ ଚେଲାରିଂ ପକ୍ତାନ୍
(ମାତିଉ ୧୦:୫-୧୫; ଲୁକ ୯:୧-୬)

୭ ପାଚେ ହେଞ୍ଜାନ୍ ବାରଜାଶ୍ ଲାଗେ କୁକ୍ଟି ହେଞ୍ଜାରିଂ ରିୟାର୍ ରିୟାରିଂ କିଜି ପକ୍ତେତେଂ ଆରାମ୍ କିତାନ୍ ଆରି ପୁଦାଂ ତୁୟାଆତି ମାନାୟ୍ତିଂ ପିହିକିଦେଂ ଇଞ୍ଜି ହେଞ୍ଜାରିଂ ଆଦିକାର୍ ହିତାନ୍; ୮ ଆରେ, “ଏପେଙ୍ଗ୍ ହାନିହିଂ ମାତର୍ ଜେ ବାଡ଼ଗା ପିସ୍ତି ରୁଟି କି ତରି ମଣାତ ତାରୁଙ୍ଗ୍ ଆମାଟ୍ ଇଞ୍ଜି ହେଞ୍ଜାରିଂ ବଲ୍ ହିତାନ୍; ୯ ମାତର୍ ହେଞ୍ଜାରିଂ କାଲ୍ଦ ପାଣ୍ଡାୟ୍ ତୁଜାଟ୍ ଇଚାନ୍, ରିଶ୍ତାଂ ଆଙ୍ଗିଙ୍ଗ୍ ଆର୍ପେଦେଂ ମୁନା କିତାନ୍ ।” ୧୦ ଆରେ, ଜିସୁ ହେଞ୍ଜାରିଂ ଇଚାନ୍, “ଏପେଙ୍ଗ୍ ଇମ୍ଣି ଇଞ୍ଜି ହଶ୍ଗାନାଦେର୍, ହେ ବାହାତାଂ ପକ୍ତିଞ୍ଜି ପାତେକ୍ ହେବେ ମାନାଟ୍ । ୧୧ ** ମାତର୍ ଇମ୍ଣି ନାସ୍ନି ମାନାୟ୍ ମିଙ୍ଗେଙ୍ଗ୍ ମାନ୍ କିଦୁର୍, ଆରେ ମି ବେରଶ୍ ଝେନ୍ଞୁର୍, ହେ ବାହାତାଂ ହାନି ଝେଡ଼ାଙ୍ଗ୍ ହେଞ୍ଜାର୍ ତାକେ ସାକି ହିଦେଂ ମି କାଲ୍ ପାନାନି ବୁଡ଼ି ତାତାର୍ ।

* ୫:୩୬ ୫:୩୬ ଝେନ୍ଞି ଝେନ୍ଞି ଲାକେ; ନଲେ ପାଣ୍ଡା ଆଞ୍ଜାଦାଂ । ✧ ୬:୪ ୬:୪ ଜହନ୍ ୪:୪୪. ✧ ୬:୧୧ ୬:୧୧ ପକ୍ତାତାକା ୧୩:୫୧. ✧ ୬:୧୧ ୬:୧୧ ଲୁକ ୧୦:୪-୧୧.

୧୨ ହେବେ ହେୱାର୍ ବାଟ ହାଲୁଜି ମାନବାଦଲ୍ଲାଇ କିନାକା ଜେ ମାନାଡ଼, ଇଦାଂ ସୁଣାୟ କିତାର୍, ୧୩ ଆରେ ଆଦେକ ପୁଦାଂ ପିହିକିତାର୍ ଆରେ ବେସି ହେନି ରଗି ଲଗାଙ୍ଗ୍ ଚିକାଣ୍ କାଜିଂ ଉଜ କିତାର୍ ।”

ବାପ୍ତିସିମ୍ ହିନି ଜହନ୍ତି ହାକି
(ମାତିଉ ୧୪:୧-୧୨; ଲୁକ ୯:୭-୯)

୧୪ ଜିସୁ ତର ଝିଣ୍ଡିଲେ ହେରଦ୍ ରାଜା* । ହେୱାନ୍ ବିସ୍ତେ ୱେଚାନ୍, ଆରେ ଲକୁ ଇଞ୍ଜି ମାଚାର୍, “ବାପ୍ତିସିମ୍ ଜହନ୍ ହାତି ତାକେଣ୍ଟାଂ ନିଙ୍ଗ୍ତାନ୍ନା ! ହେ ଇ ୱିଜୁ ସାକ୍ତି ହେୱାନ୍ ତାକେ କାମାୟ କିନାତା ।”

୧୫ ମାଚର ବିନେନିକାର୍ ଇଞ୍ଜି ମାଚାର୍, “ଆଗେଦିନି ରୱାନ୍ ଏଲିୟା,” ପାଚେ ଆରେ ଇନେ ଇନେର୍ ଇଞ୍ଜି ମାଚାର୍, “ବେଣ୍ଟବାକ୍ଷାୟକିନାକାନ୍ ତାଙ୍ଗ୍ ଇନାକାନ୍ ଲାକେପା ଇୱାନ୍ ରକାନ୍ ବେରଣ୍ଟ ବାକ୍ଷାୟ କିନାକାନ୍ ।”

୧୬ ମାଚର ହେରଦ୍ ଇଦାଂ ୱେନ୍ଞି ଇଚାନ୍, “ଇମଣି ଜହନ୍ତିଂ ଆପେଂ କାପ୍ତା ରାସ୍ତାପ୍ତା, ହେୱାନ୍ ନିଙ୍ଗ୍ତାନ୍ନା ।”

୧୭ ଲାଗିଂ ହେରଦ୍ ତା ଟଣ୍ଡୁହି ପିଲିପ୍ ୱାଣିଙ୍ଗ୍ ହେରଦିଆଙ୍ଗ୍ ବିବା କିତିଲେ ହେଦାଂ କାଜିଂ ନିଜେ ମାନାୟ ପକ୍ଚି ଜହନ୍ତିଂ ଆସି ଆରେ ଗାଟ୍ଟି ଜେଲ୍ ଇଞ୍ଜି ତୁଇଜି ମାଚାର୍ । ୧୮ ହେଦାଂ କାଜିଂ ଜହନ୍ ହେରଦ୍ତିଂ ଇଞ୍ଜି ମାଚାନ୍, “ନି ଟଣ୍ଡେନ୍ ୱାଣିଙ୍ଗ୍ ତକ୍ତି କିନାକା ନି ବିଦି ହିଲୁଡ଼ !”

୧୯ ହେବେତାଂ ହେରଦିୟା ଆକାର୍ ଆଜି ଜହନ୍ତିଂ ଅସ୍ତେଙ୍ଗ୍ ଇଞ୍ଜି ମାନ୍ କିଜି ମାଚାନ୍, ମାଚର ଆଡ଼ୱାଦାଂ ମାଚାନ୍; ୨୦ ଇନାକିଦେଂକି ହେରଦ୍ ଜହନ୍ତିଂ ରୱାନ୍ ଦାମ୍ ନିକାନ୍ ଆରି ପୁଇପୁୟା ପୁଞ୍ଜି ପାଣ୍ଡୁ ଆଜି ମାଚାନ୍, ଆରେ ତାଙ୍ଗେଙ୍ଗ୍ ରାକ୍ୟା କିଦେଙ୍ଗ୍ ସେସ୍ତୁ କିଜି ମାଚାନ୍, ଆରେ ହେ କାତା ୱେନ୍ଞି ବେସି ରିସା ଆତିସ୍ପା ୱାରିତାଂ ହେଦାଂ ୱେନ୍ଞି ମାଚାନ୍ ।

୨୧ ପାଚେ ହେରଦିୟାତି ପାଗ୍ ଦିନ୍ ଏକା ୱାତାଡ଼ । ହେରଦ୍ତି ଜଲମ୍ ଦିନ୍ ନାଜିଂ ପାଟ୍ ମଡ଼ି, ମୁଡ଼ମେଲ୍ୟା ଆରି ଗାଲିଲିନି ମୁଣିକାର୍ କାଜିଂ ମିକାଲିଂ ବଜି ଜାଲୁଦି କିତାନ୍ । ୨୨ ଆରେ, ହେରଦିୟା† ତା ଗାଡ଼ୁହି ବିତ୍ରେ ୱାଜି ଏନ୍ଦିପା, ହେରଦ୍ ଆରି ହେୱାନ୍ ହୁକେ ବଜିତ କୁଟ୍ଟି ଲଗାଙ୍ଗ୍ ଗୱାରି କିତାଡ଼ । ହେବେ ହେରଦ୍ ରାଜା ଗାଡ଼ୁଚେଂ ଇଚାନ୍, “ଇନାକା ମାନ୍ କିନାୟା, ଏନ୍ତା, ଆନ୍ ନିଙ୍ଗେଙ୍ଗ୍ ହେଦାଂ ହିଦ୍ନାଂ ।” ୨୩ ଆରେ, ହେୱାନ୍ ତା ତାକେ ପାର୍ମାଣ୍ କିତାନ୍, “ଏନ୍ ନାଙ୍ଗେଙ୍ଗ୍ ଇନାକା ଏନ୍ତାୟା, ହେଦାଂ ନିଙ୍ଗେଙ୍ଗ୍ ରାଜିନି ବାଗେ ପାତେକ୍ ଏକ୍ତିସ୍ପ ପା ଆନ୍ ହିଦିନାଂ !”

୨୪ ତା ପାଚେ ହେଦେଲ୍ ହସି ହାଲୁଜି ତା ତେହିଙ୍ଗ୍ ୱେନ୍ଦାତାଡ଼, “ଆନ୍ ଇନାକା ଏନ୍ନାଙ୍ଗ୍ ? ହେଦେଲ୍ ଇଚାଡ଼, ବାପ୍ତିସିମ୍ ଜହନ୍ତି କାପ୍ତା” ଏନା ।

୨୫ ହେ ଦାପ୍ତେ ହେଦେଲ୍ ରାଜା ଲାଗେ ୱାଜି ଇଦାଂ ଇଞ୍ଜି ଏନ୍ତାଡ଼, ତା ପାଚେ ତେହି ଇଚାଡ଼ ଜେ, “ଏନ୍ ବାପ୍ତିସିମ୍ ହିନି ଜହନ୍ତି କାପ୍ତା ର ତାଡ଼ିୟାତ ହେ ଦାପ୍ତେ ହିଦା !”

୨୬ ଇବେ ରାଜା ଦୁକ୍ ଆତିସ୍ପ ପା ଜାର୍ ପାର୍ମାଣ୍ ଆରି ବଜିତ କୁଟ୍ଟି ମାନାୟାର୍ ତାକେ ଆକାୟ ଇଞ୍ଜେଙ୍ଗ୍ ମାନ୍ କିୱାତାନ୍ । ୨୭ ଲାଗିଂ ରାଜା ହେ ଦାପ୍ତେ ର ଜାମାନ୍ତିଂ ପକ୍ଚି ହେୱାନ୍ତି କାପ୍ତା ତାସି ୱାଦେଙ୍ଗ୍ ଇଞ୍ଜି ବଲ୍ ହିତାନ୍ । ହେବେଣ୍ଟାଂ ହେୱାନ୍ ହାଲୁଜି ଜେଲ୍ତାଂ ଜହନ୍ତି କାପ୍ତା ରାସ୍ତା ତାହିୱାତାନ୍, ୨୮ ଆରେ ହେଦାଂ ର ତାଡ଼ିୟାତ ତାକେ ତାସି ଗାଡ଼ୁଚେଂ ହିତାନ୍, ଆରେ ଗାଡ଼ୁଚେ ହେଦାଂ ଅଜି ତା ତେହିଙ୍ଗ୍ ହିତାଡ଼ । ୨୯ ଜହନ୍ ରେଲାହିର୍ ହେବେନି କାରୁର୍ ୱେନ୍ଞି ୱାତାର୍ ଆରି ହେୱାନ୍ ମାଡ଼ା ଅଜି ଦୁଗେରତ ଇଚ୍ଚାର୍ ।

ଜିସୁ ପାଞ୍ଚ ହାଜାର୍ ମାନାୟାରିଂ ଚିଟ୍ପାନାକା
(ମାତିଉ ୧୪:୧୩-୨୧; ଲୁକ ୯:୧୦-୧୭; ଜହନ୍ ୬:୧-୧୪)

୩୦ ପାଚେ ପକ୍ୟାତାକାର୍ ଜିସୁ ତାକେ ରୁଣ୍ଡା ଆତାର୍, ଆରି ହେୱାର୍ ଇନା ଇନାକା କିଜି ମାଚାର୍ ଆରେ ଇନା ଇନାକା ହିକିୟା ହିଜି ମାଚାନ୍, ହେ ୱିଜୁ ହେୱାନ୍ ୱେଟ୍ପାତାର୍ । ୩୧ ହେବେତାଂ ହେୱାନ୍ ହେୱାରିଂ ଇଚାନ୍, “ଜାତୁ ଆସେଙ୍ଗ୍ ର ଚିମ୍ବ୍ ବାହାତ ଜମ୍ନାସ୍ । ଇନାକିଦେଂକି ହେନି ମାନାୟ ହାନାକା ୱାନାକା ଆଜି ମାନି କାଜିଂ ହେୱାର୍ ଚିଞ୍ଜେଙ୍ଗ୍ ପା ପାବ୍ ଆୱାଦାଂ ମାଚାର୍ ।” ୩୨ ତା ପାଚେ ହେୱାର୍ ବିନେ ଆଜି ର ତଙ୍ଗାତ ଚିମ୍ବ୍ ବାହାତାକେ ହସି ହାଚାର୍ ।

୩୩ ମାଚର ହେନି ହେୱାରିଂ ହସି ହାନାକା ହୁଡ଼ତାର୍ ଆରି ଚିନ୍ କିତାର୍, ଆରେ ମାନାୟାର୍ ୱିଜାକାର୍ ଗାଡ଼ୁଦାଂ ତାଙ୍ଗ୍ ଜି ହାଲୁଜି ହେବେ ରଚେ ହସ୍ତି ହାଲୁଜି ହେୱାର୍ ଆଗେ ଏକାତାର୍ । ୩୪ ହେୱାନ୍ ତଙ୍ଗାତାଂ ହସି ବେସି ହେନି ମାନାୟାରିଂ ହୁଡ଼ଜି ହେୱାର୍ କାଜିଂ କାର୍ମାତିଂ ତାଙ୍ଗ୍ ମାନ୍ତ ରାସ୍ ଇଚାନ୍, ଇନାକିଦେଂକି ହେୱାର୍ ଗଡ଼ିୟା ହିଲ୍ଡି ମେଣ୍ଟାଂ ଲାକେ ମାଚାର୍, ପାଚେ, ହେୱାନ୍ ହେୱାରିଂ ଆଦିକ୍ ବିସ୍ତେ ହିକାଇ ହିଦେଂ ଲାଗାତାନ୍ । ୩୫ ୱେଡ଼ା ଆଦିକ୍ ଆତିଲେ ତା ଚେଲାର୍ ତା କଚଣ୍ଟ ୱାଜି ଇଚାର୍, ଇ ବାହାତ ଚିମ୍ବ୍, ଆରେ “ବେସି ୱେଡ଼ା ଆତାତେ । ୩୬ ମାନାୟାର୍ ଇନେସ୍ ଚାରିବେଣ୍ଟି ନାସ୍ କୁ ନିକାର୍ ଆରେ ନାଟ ହାଲୁଜି ଜାର୍ ଜାର୍ କାଜିଂ ତିନ୍ଞେଙ୍ଗ୍ ଇଞ୍ଜି ଇନାକା କଡ଼ନାର୍, ଇଦାଂ କାଜିଂ ହେୱାରିଂ ପକା ।”

୩୭ ମାଚର ହେୱାନ୍ ହେୱାରିଂ ଉତର୍ ହିତାନ୍, “ଏପେଙ୍ଗ୍ ହେୱାରିଂ ଚିଟ୍ପାଟ୍ । ହେୱାର୍ ହେୱାନ୍ ଇଚାର୍, ଆସେଙ୍ଗ୍ ଇନାକା ସହେ ଟାକାନିଃ ରୁଟିଂ କଡ଼ଜି ଇୱାରିଂ ହିନାସ୍ ?”

☆ ୭:୧୩ ୭:୧୩ ଜାକ୍ବ ୫:୧୪. * ୭:୧୪ ୭:୧୪ ରାଜା ହେରଦ୍; ହେରଦ୍ ଅଣ୍ଡିପସ୍, ଗାଲିଲିନି ସାସନ୍ କାରୟା । † ୭:୨୨ ୭:୨୨ ହରଦିଆତି ଗାଡ଼ୁହି; କେତେକ ପତିତ ତା ଗାଡ଼ୁହି ହେରଦିୟା । ‡ ୭:୩୭ ୭:୩୭ ରୁପା ଟାକାଂ; ର ରୁପା ଟାକାଂ ରୱାନ୍ ଦେସି ନାଟାକାନ୍ ତିନ୍ଦିନିଜି କୁଲି ମାଚାଡ଼ ।

୩୮ “ହେୱାନ ହେୱାରିଂ ଇଚାନ୍, ମି ତାକେ ଏଚେଗଟା ରୁଟିଂ ମାନିକ ? ହାଲ୍‌ଜି ହୁଡ଼ାଟ୍ ।” ହେୱାର ବୁଜା ଆଜି ୱାଜି ହେୱାନିଂ ଇଚାର, “ପାଞ୍ଚ ଗଟା, ଆରେ ରିଣ୍ଡାଂ ମିନ୍‌କୁ ।”

୩୯ ଜିସୁ ବଲ୍ଲ ହିତାନ୍, ମାନାୟାରିଂ ବାଟାତ କଞ୍ଜାଣ୍ କାତ୍ରା ଜପି କୁଦା କୁଦା କିଜି କୁଟ୍‌ଟି କିୟାଟ୍ । ୪୦ ହେବେ ହେୱାର ସଏ ସଏ ଜାଣ୍ ଆରେ ପଚାସ୍ ପଚାସ୍ ଜାଣ୍ ଆଜି କୁଦା କୁଦା ଆଜି କୁଟ୍‌ଟାର । ୪୧ ପାଚେ ଜିସୁ ହେ ପାଞ୍ଚଗଟା ରୁଟିଂ ଆରେ ରିଣ୍ଡାଂ ମିନ୍‌କୁ ଆସ୍ତି ସାଗେତ ହୁଡ଼ଜି ଆସିର୍ବାଦ୍ କିଜି ଇଚାନ୍ ଆରି ରୁଟିଂ ତ୍ରିପକିସ୍ ମାନାୟାରିଂ ପାସ୍‌ପେଦେଂ ଚେଲାରିଂ ହିତାନ୍ । ପାଚେ, ହେ ଲାକେ ରିଣ୍ଡାଂ ମିନ୍‌କୁ ହେୱାରିଂ ବାଟା କିଜି ହିତାଟ୍ । ୪୨ ହେବେଣ୍ଡାଂ ଝିଜାକାର୍ ତିନ୍‌ଞ୍ଜି ପଟ ପାନ୍‌ଚାର, ୪୩ ଆରେ ହେୱେର୍ ତ୍ରିଜ୍‌ଜିଟି ରୁଟିଂ ପେସ୍‌ଜିପା ବାର ଟପା ବାଟ୍ କିତାର୍ ଆରି ମିନ୍‌କୁପା ଏଲେଙ୍ଗ୍‌ନେ ପେସ୍‌କାତାର । ୪୪ ରୁଟି ତିନି ମାନାୟା ପାଞ୍ଚ ହାଜାର୍ ଆଣ୍ଡାହିମ୍‌ଶାଂ ମାଚାର ।

ଜିସୁ ଏଣ୍ଡୁଂ ଜପି ତାଂତାନ୍

(ମାଡିଉ ୧୪:୨୨-୩୩; ଜହନ୍ ୬:୧୫-୨୧)

୪୫ ହେ ଦାପ୍ରେ ହେୱାନ ତା ଚେଲାରିଂ ତଙ୍ଗାତ ଦୁମ୍‌ଜି ବେଡ଼ସାଈଦା ନିପ ଆନ୍‌ଟି ପାଡ଼କା ଆଗେ ହାନ୍‌ଞ୍ଜେଙ୍ଗ୍ ଇଚାନ୍, ଆରେ ହେୱାନ ଇବେଣ୍ଡାଂ ମାନାୟାରିଂ ଝିଜାରିଂ ହେଲ ହିତାନ୍ । ୪୬ ଜିସୁ ହେୱାର ତାକେଣ୍ଡାଂ ହେଲ ଅତି ପାଚେ ଜିସୁ ପାର୍ତାନା କିନି କାଜିଂ ମାଡିଜପି ହାଚାନ୍ । ୪୭ ମିକାହାରେସ୍ ଆଡିଲେ ତଙ୍ଗା ହାମ୍‌ଦୁର୍ ମାଦି ମାଚାଡ୍ ଆରେ ହେୱାନ ମେଦ୍‌ନିତ ରକାନ୍ ମାଚାନ୍ । ୪୮ ଲଡି ଦୁକା କାଜିଂ ହେୱାରିଂ ତଙ୍ଗା ଗାଟି କିଦେଙ୍ଗ୍ କସ୍ ପାୟା ଆନାକା ହୁଡ଼ଜି ହେୱାନ ପୁରା ନାଶା କୁକୁ କେପା ଝେଡ଼ାଙ୍ଗ୍ ହାମ୍‌ଦୁର୍ ଜପି ତାଙ୍ଗି ଚେଲାର୍ ତାକେ ୱାତାନ୍, ଆରେ ହେୱାର କଟଣ୍‌ତାଂ ଆଗେ ତାଂଦେଙ୍ଗ୍ ପା ସାସ୍ ମାଚାନ୍ । ୪୯ ମାଚର୍ ହେୱାର ତାଙ୍ଗେଙ୍ଗ୍ ହାମ୍‌ଦୁର୍ ଜପି ତାଂନାକା ହୁଡ଼ଜି “ପୁଦା ଇଞ୍ଜି !” କିକିରାଡିଂ କିତାର୍ । ୫୦ ଇନାକିଦେଂକି ହେୱାର ତାଙ୍ଗେଙ୍ଗ୍ ହୁଡ଼ଜି ପାଣ୍ଡା ଆଜି ମାଚାର । ମାଚର୍ ଜିସୁ ହେ ଦାପ୍ରେ ହେୱାରିଂ ବେରଣ୍ କିଜି ହେୱାରିଂ ଇଚାନ୍, ପାତ୍ରା ଆମାଟ୍ “ସାସ୍ ଆଡୁ ଇଞ୍ଜାଙ୍ଗ୍ ତ ଆନ୍ ପାଣ୍ଡା ଆମାଟ୍ !”

୫୧ ଆରେ, ହେୱାନ ହେୱାର ଲାଗାଂ ହାଲ୍‌ଜି ତଙ୍ଗାତ ଦୁମ୍‌ତାନ୍, ଆରେ ଦୁକା ତିର୍ ଆତାଡ୍ । ହେବେ ହେୱାର ମାଡ଼ ମାଡ଼ କାବା ଆଜି ହାଚାର । ୫୨ ହେୱାର ପାଞ୍ଚ ହାଜାର୍ ମାନାୟାରିଂ ରୁଟି ଚିଟ୍‌ପିନି ବିସ୍ତେ ଅରଡ୍ ପୁନ୍‌ଝାଦାଂ ହିକାଝାଦାଙ୍ଗ୍ ମାଚାର ଇନାକିଦେଂକି ରୁଟି ନି ଗଟ୍‌ଶା ଝେଡ଼ାଙ୍ଗ୍ ହେୱାରଡି ବୁଦି ଆରଝାଦାଂ ମାଚାଡ୍, ଲାଗିଂ ହେୱାରିଂ ମାନ୍ ଆଟ୍‌ଝା ଆଜି ମାଚାଡ୍ ।

ଗିନେସର୍ ତାକେ ଜିସୁ ରଗି ଲଗାଂ ଉଜ୍ କିତାନ୍

(ମାଡିଉ ୧୪:୩୪-୩୬)

୫୩ ହେୱାର ନାସି ଗିନେସର୍‌ଡ୍ ନିପ ଏକିସ୍ ଗୁଟିତ ତଙ୍ଗା ଗାଟ୍‌ଚାର୍ । ୫୪ ଆରେ, ହେୱାର ତଙ୍ଗାତାଙ୍ଗ୍ କୁଡିଲେ, ମାନାୟାର୍ ହେ ଦାପ୍ରେ ତାଙ୍ଗ୍ ଚିନ୍ କିତାର୍, ୫୫ ହେ ଝିଜୁ ରାଜି ନିକାର ଚାରିବେଣ୍‌ତାଂ ହନ୍‌ଟି ହାଚାର୍, ଆରେ ଜିସୁ ଇମେ ଇମ୍‌ଣି ବାହାତ ମାନାନ୍ ଇଞ୍ଜି ଝେଚାର୍, ହେ ବାହାତ ରଗି ମାନାୟାରିଂ କାଟେଲ୍‌ତ ପିଣ୍ଡି ତାସି ୱାଦେଙ୍ଗ୍ ଲାଗାତାର୍ । ୫୬ ଆରେ, ହେୱାନ ଇମେ ଇମ୍‌ଣି ନାସ୍, ଗାଡ୍‌ଦ୍ କି ହାରୁନାସ୍‌ତ ହଚାର୍, ମାନାୟା ହେ ବାହାତ ଆଟ୍ ପାଦାଲାକେ ରଗି ଲଗାଙ୍ଗ୍ ଇଡ଼ଜି, ହେୱାର ଇନେସ୍‌କି ଜିସୁ ହେନ୍‌ନାନ୍ ଚେଲିଂ ତୁନାର୍, ଇଦାଂ ଜିସୁଙ୍ଗ୍ ଗଝାରି କିଦେଙ୍ଗ୍ ଲାଗାତାର୍; ଆରି, ଏଚେକ୍ ଜାଣ୍ ତାଙ୍ଗେଙ୍ଗ୍ ହୁଡ଼ାର୍, ଝିଜାର୍ ଉଜ୍ ଆତାର୍ ।



ପାରୁସିର୍‌ତି ରିଡିନିଡି

(ମାଡିଉ ୧୫:୧-୯)

୧ ପାଚେ ପାରୁସିର୍ ଆରି ଜିରୁସାଲମ୍ ତାଙ୍ଗ୍ ୱାଜି ମାଟି କେତେକ୍ ଦରମ୍ ଗୁରୁର୍ ତା ତାକେ ରୁଣ୍ଡା ଆତାର୍ । ୨ ହେୱାର ହେୱାନ୍ତି ଚେଲାର୍ ବିଡ୍ରେ କେତେଜାଣ୍ ରାଡ଼ା, ଇଚିସ୍ କେଇ ନୁସ୍‌ଝାଦାଂ ତିନାକା ହୁଡ଼ତାର୍ ।

୩ ପାରୁସିର୍ ଆରେ ଝିଜାର୍ ଜିହୁଦି ଲକ୍ ପ୍ରାଚିନାର୍ ରିଡି ନିଡି ନିୟମ୍ କିଜି ହାର୍ କିଜି କେଇ ନୁଜ୍‌ଝାତାର୍‌ତି ତିନୁର୍, ୪ ପାଚେ ଆଟ୍ ବାଜାର୍ ତାଙ୍ଗ୍ ୱାଜି ଜାର୍ ଜାର୍ ଜପି ଏଣ୍ଡୁଂ ତ୍ରିଞ୍ଜୟା ଆଝିତିସ୍ କୁଲେର୍ ଉଣ୍ଡୁର୍;* ଆରି ଗିନା, ମତା ଆରେ ପିତାଡ୍ ତାଡିଆ ତ ଏଣ୍ଡୁଂ କୁପକିସ୍ ନୁଜ୍‌ନାକା, କାଟେଲ୍ ଜପି ଏଣ୍ଡୁଂ ତିରନାକା ଇଞ୍ଜାଙ୍ଗ୍ ବିନ୍ ବିନ୍ ବେସି ରିଡି ନିଡି ମାନି କିଦେଙ୍ଗ୍ ଇଞ୍ଜି ହେୱାର ବଲ୍ ପାୟା ଆତାର୍ଣ୍ଣା ।

୫ ଲାଗିଂ ପାରୁସିର୍ ଆରେ ଦରମ୍ ଗୁରୁର୍ ହେୱାନିଂ ଝେନ୍‌ବାତାର୍, ମି ଚେଲାର୍ ପ୍ରାଚିନାର୍ ରିଡି ନିଡି ନିୟମ୍ ତାଙ୍ଗ୍ “ଇନାକିଦେଂ ବେବାର୍ କିଝାଦାଂ ରାଡ଼ା କେଇଦ୍ ତିନାରା ?”

୬ ହେୱାନ ହେୱାରିଂ ଇଚାନ୍, ଆଡ୍ରେ କାପ୍‌ଟିୟାର୍, ଜିସାୟା ମି ବିସ୍ତେ ସମାନ୍ ବାବ୍ରେ ବେରଣ୍ ଝେଡ଼ଚାତାନ୍‌ନା, ଇନେସ୍ ଲେକାମାନାଟ୍, ଇ ଜାତି ମୁମ୍‌ଦ୍ ମାଙ୍ଗେଙ୍ଗ୍ ୱାରି କିଦ୍‌ନାର୍,

* ୨:୪ ୨:୪ ଇନାକାପା ଅଲପ୍ ଆଟ୍‌ବାଜାର୍‌ତାଂ ୱାନାଡ୍ ପର୍ତ୍ତୁମ୍ ହେୱାର ନୁଜ୍‌ଝାଦାଂ ପାଚେକ୍; ନଲେ ହେୱାର ଆଟ୍ ବାଜାର୍‌ତ ୱାଜି ପର୍ତ୍ତୁମ୍ ନିଜେ ନୁଜ୍‌ଝାଦାଂ ପାଚେକ୍ ।

ମାତର ହେୱାର ମାନ ମା ତାଙ୍କ ଦେହା ମାନାତ୍ ।

୭ “ହେୱାର ମାନାୟାତ୍ରି ବିଦିଙ୍କ ଦରମ୍ ବେରଣ୍ ଇଞ୍ଜି ହିକ୍ୟା ହିନାନ୍ ପଲ୍ୟା ମା ପାର୍ତ୍ତାନା କିନାର୍ ।”

୮ “ଏପେଙ୍ଗ୍ ଇସ୍ବରତି ବଲ୍ ପିସ୍ତ୍ର ମାନାୟାତ୍ରି ରିତି ନିତି ଆସ୍ତ୍ର କୁଟ୍ତା ଦେରନା ।”

୯ ଆରେ, ଜିସୁ ହେୱାରିଂ “ଏପେଙ୍ଗ୍ ଜାର୍ ଜାର୍ ରିତି ନିତି ମାନି କିନି କାଜିଂ ଇସ୍ବରତି ବଲ୍ ମାନି କିତ୍ ଦେରା ।”

୧୦ ଇନାକିଦେଂକି ମସା ରିତି ନିୟମ୍ ହିତ୍ତାନା, “ଜାର୍ ଆବା ଆୟାକାଂ ୱାରି କିୟାଟ୍, ଆରେ ଇନେର୍ ତା ଆବା କି ଆୟାଂ ସାଲପ୍ ହିନାନ୍, ହେୱାନ୍ ହାକି ତାଣ୍ ପାୟା ଆନାନ୍ । ୧୧ ମାତର ଏପେଙ୍ଗ୍ ଇନାଟ୍, ଇନେର୍ ଏତେକାଡ୍ ଆବା କି ଆୟାଂ ଇନାର୍, ନା ତାଙ୍କ୍ ଇନାକାପା ମି ଉପକାର୍ ଆତାମା, ହେଦାଂ କର୍ବାନ୍, ଇଚିସ୍ ଅଡ୍ଗା ଆତାଡ୍ନା, ୧୨ ଲାଗିଂ ଏପେଙ୍ଗ୍ ତାଙ୍ଗେଙ୍ଗ୍ ତାଞ୍ଜି ଆବା କି ଆୟାଂ ଅଲପ୍ପା ଉପକାର୍ କିଦେଙ୍ଗ୍ ହିୱାଦାଂ ମାଚିସ୍; ୧୩ ଇ ଲାକେ ଏପେଙ୍ଗ୍ ଚାଲାଆତି ବେରଣ୍ ରିତି ନିତି କାଜିଂ ଇସ୍ବରତି ବଚନ୍ ପଲ୍ୟା କିନାଦେରା ଆରି ହେ ଲାକେ ବେସି ବିସ୍ତ୍ର କିନାଦେରା ।”

ଇମଣାକା ମାନାୟାତ୍ରିଂ ବାନ୍ୟା କିନାତ୍

(ମାତିଉ ୧୫:୧୦-୨୦)

୧୪ ଜିସୁ ଆରେ ରଗ ମାନାୟାଗଲି କଚଣ୍ଡ କୁକ୍ତି ହେୱାରିଂ ଇଚ୍ଚି, “ଏପେଙ୍ଗ୍ ୱିଜାକାଦେର୍ ନା କାତା ୱେନାଟ୍ ଆରି ବୁଜାଆତୁ । ୧୫ ମାନାୟାତ୍ରି ବାଟ୍ ଏପେଙ୍ଗ୍ ଇମଣି ବିସ୍ତ୍ର ହିଲୁଡ୍, ଇନାକା କି ତା ବିତ୍ରେ ହଣ୍ଡି ତାଙ୍ଗେଙ୍ଗ୍ ବିଚାଡ୍ କିଦେଙ୍ଗ୍ ଆଡ୍ଦାତାତ୍, ମାତର ଇନା ଇନାକା ମାନାୟା ତାଙ୍କ୍ ବାଟ୍ ହନାତ୍, ହେ ସବୁ ତାଙ୍ଗେଙ୍ଗ୍ ବିଚାଡ୍ କିନାତ୍ ।”†

୧୬ “ଜଦି ଇନେରିଂ ୱେଞ୍ଜେଙ୍ଗ୍ କିତୁଲିଂ ମାନିଙ୍ଗ୍, ହେୱାନ୍ ୱେନେନ୍ !”

୧୭ ଆରେ, ହେୱାନ୍ ମାନାୟା ତାକେଣ୍ଡାଂ ଇଲ୍ ବିତ୍ରେ ୱାତି ପାତେ ତା ତେଲାହିର୍ ତାଙ୍ଗେଙ୍ଗ୍ ଉତର୍ମୁଡ୍ନି ଅରଡ୍ ୱେନେବେଦେଂ ଲାଗାତାର୍ । ୧୮ ହେବେ ଜିସୁ ହେୱାରିଂ ଉତର୍ ହିତାନ୍, “ଏପେଙ୍ଗ୍ ପା ଇନାକା ହେ ଲାକେ ବୁଜାଆତଦେରା ?” ଇନାକା ଆୟେଡ୍ ହୱେଡ୍ ମାନାୟା ବାର୍ତାଂ ବିତ୍ରେ ହଚିସ୍, ହେଦାଂ ତାଙ୍କ୍ ବିଚାଡ୍ କିଦେଙ୍ଗ୍ ଆତୁଡ୍, ୧୯ “ଇନାକିଦେଂକି ତାଙ୍ଗେଙ୍ଗ୍ ହେ ମାନ୍ତ ହଣ୍ଡେଙ୍ଗ୍ ଆତୁଡ୍, ମାତର ପଚତ ହାଲ୍ଡି ବାଟ୍ ହନାତ୍ ଆରେ ଏଲେଙ୍ଗ୍ ଆଜି ୱିଜୁ ତିନି କାଦି ସକଟ୍ ଆନାକା, ଇଦାଂ ଜିସୁ ଇଚାନ୍ ।”

୨୦ ଆରି, ଜିସୁ ଇଚାନ୍, “ଇନାକା ମାନାୟା ତାକେଣ୍ଡାଂ ବାଟ୍ ହନାତ୍, ହେଦାଂ ନେ ତାଙ୍ଗେଙ୍ଗ୍ ବିଚାଡ୍ କିନାତ୍ ।

୨୧ ଇନାକିଦେଂକି ବିତ୍ରେତାଂ, ମାନାୟା ମାନତାଂ, ବାନ୍ୟା ଚିନ୍ତା ବାଟ୍ ହତ୍ନାତ୍ । ୨୨ ଦାରି, ଚରି, ନାର୍ ଅହନାକା, ଦାରିହାନାକା, ଲାବ୍ଡି, ତୁଲ୍ଡୁଲ୍ଲା ବଡ୍ପାଣିୟା, ନାଙ୍ଗ୍‌ରା, ବେରୁହୁଡ୍ନାକା, ନିୟା, ଆକର୍, ଟେପର୍, ୨୩ ଇଦାଂ ୱିଜୁ ବାନ୍ୟା ବିସ୍ତ୍ର ବିତ୍ରେତାଂ ହସି ମାନାୟାତ୍ରିଂ ବିଚାଡ୍ କିନାତ୍ ।”

ର ସୁରପେନିକିୟା କଗ୍ଲେତି ପାତ୍ କିତାତ୍

(ମାତିଉ ୧୫:୨୧-୨୮)

୨୪ ଇଦାଂ ପାତେ ହେୱେନ୍ ହେବେଣ୍ଡାଂ ନିଙ୍ଗ୍‌ଜି ସର୍ ଗାଡ୍‌ନ୍ ନାସ୍‌କୁକାଂ ହାଚାନ୍, ଆରି ର ଇଞ୍ଜି ହଚାନ୍, ଇନେର୍ ଇନେସ୍ ତାଙ୍ଗେଙ୍ଗ୍ ପୁନ୍ନୁର୍, ଇଦାଂ ମାନ୍ କିଜି ମାଚାନ୍, ମାତର ହେୱାନ୍ ତୁଗୁଜି ମାଞ୍ଜେଙ୍ଗ୍ ଆଡ୍‌ଝାତାନ୍ । ୨୫ ହେ ଦାପ୍ରେ ର କଗ୍ଲେ, ଇନେର୍ ଗାଡ୍‌ହିଙ୍ଗ୍ ବାନ୍ୟା ପୁଦା ତୁଜି ମାଚାତ୍, ହେଦେଲ୍ ହେୱେନ୍ ବିସ୍ତ୍ର ନି ବେରଣ୍ ୱେନଞ୍ଜି ତା କାଲ୍‌କୁ ତାରେନ୍ ୱାଜି ତାଣ୍ଡାହାଡ୍ ମାଗ୍‌ତାତ୍ । ୨୬ ହେଦେଲ୍ ସୁରପେନିକିୟା ନିପ ରଞ୍ଜେଲ୍ ଗ୍ରିକ୍ ଗାଡ୍‌ତେ ମାଚାତ୍ । ତା ଗାଡ୍‌ହି ତାକେଣ୍ଡାଂ ପୁଦାଂ ପିହି କିନି କାଜିଂ ହେଦେଲ୍ ତାଙ୍ଗେଙ୍ଗ୍ ଗଞ୍ଜାରି କିଦେଙ୍ଗ୍ ଲାଗାତାର୍ । ୨୭ ହେବେଣ୍ଡାଂ ଜିସୁ ହେଦେଲିଂ ଇଚାନ୍, “ପର୍ଡୁମ୍ ହିମ୍‌ଣାକାଂ ପଟ ପାଞ୍ଜି କିୟାଟ୍, ଇନାକିଦେଂକି ହିମ୍‌ଣାଙ୍ଗ୍‌ତି ଆରାଣ୍ ଅଜି ନିକୁଡିଙ୍ଗ୍ କଚଣ୍ଡ ତୁହିନାକା ହାର୍ ଆକାୟ୍ ।”

୨୮ ମାତର ହେଦେଲ୍ ହେୱେନିଂ ଉତର୍ ହିତାତ୍, ଆଁ, “ମାପୁ, ନିକୁଡିଙ୍ଗ୍ ପା ପାଟା ତାରେନ୍ ଆର୍ତ୍ତାକା ହିମ୍‌ଣାଂତି ଆରାଣ୍ ଲିତାଂ ତିନିକ୍ !”

୨୯ “ହେବେ ଜିସୁ ତାଙ୍ଗେଙ୍ଗ୍ ଇଚାନ୍, ଇ କାତା ଇଚିଲେ ଏନ୍ ହାଲା, ନି ଗାଡ୍ ତାଙ୍କ୍ ପୁଦା ହସି ହାଚାତେ !” ୩୦ ଆରେ, ହେଦେଲ୍ ଇଞ୍ଜି ହାଲ୍‌ଜି କଇ ହିମ୍‌ଣା କାଚେଲ୍‌ତ ମାଗ୍‌ଜି ମାନାକା ଆରି ପୁଦା ହସି ହାଲ୍‌ଜି ମାନାକା ହୁଡ୍‌ତାତ୍ ।

ଜିସୁ ବୈରାଙ୍ଗ୍ ଆରି ଗୁଲାଂ ଉଜ୍ କିତାନ୍

୩୧ ଆରେ ରଗ ହେୱାନ୍ ସର ହାନ୍‌ତାଂ ହାଲ୍‌ଜି ସିଦନ୍ ଆରେ ଦେକାପଲି ନି ହାନ୍‌ମାଦିତିଂ ହାଲ୍‌ଜି ଗାଲିଲି ହାମ୍‌ଦୁର୍ ଲାଗେ ୱାତାନ୍ । ୩୨ ଆରେ, ମାନାୟାତ୍ରି ରଞ୍ଜାନ୍ ବୈରା ଆରି ଗୁଲାଂ ତା ଲାଗେ ତାଲ୍‌ଝାତାର୍ ତା ଜପି କେଇ ଇଡ୍‌ଦେଂ ଇଞ୍ଜି ତାଙ୍ଗେଙ୍ଗ୍ ଗଞ୍ଜାରି କିତାର୍ । ୩୩ ଜିସୁ ତାଙ୍ଗେଙ୍ଗ୍ ମାନାୟା ତାକେଣ୍ଡାଂ ବିନେ କିଜି ରଞ୍ଜାନିଂ ଅଜି ହାଲ୍‌ଜି ହେୱାନିଂ ରି କିତୁଲିକାଂ ତା ୱାଚ୍‌କାଙ୍ଗ୍ ଇଚ୍‌ତାନ୍ ଆରି ଏଞ୍ଜିଂ ତୁପ୍‌ଜି ତା ୱେନ୍‌ଲ୍‌ତ ତୁତାନ୍, ୩୪ ଆରି ସାଗେ ହୁଡ୍‌ଜି ରାଗ୍‌ଦାଙ୍ଗ୍ ନେନ୍‌ଞ୍ଜି ହେୱାନିଂ ଇଚାନ୍, “ଇପ୍‌ପତ, ଇଚିସ୍ ଜେୟା ଆୟେଡ୍ !”

† ୭:୧୫ ୭:୧୫ କେତେକ ପତିତ ୧୬ ପାଦ୍ ମେହାୟ କିନାର୍; ଇନେର୍ତି ୱେନି କିତୁଲିଂ ମାନିଙ୍ଗ୍, ହେୱେନ୍ ୱେନେନ୍ । (୪:୨୩ ହୁଡ୍‌ଡ୍) ।

୩୫ ହେବେଣ୍ଡା ହେଖାନତି କିତୁଲିଂ ଜେୟା ଆତିକ୍ ଆରି ଖେୟୁଲ୍ ଗାୟାତାକା ହେ ଦାପ୍ରେ ଜେୟା ଆତାଡ଼, ଆରେ ହେଖାନ ହାର୍ କିଜି ବେରଣ୍ ଇଞ୍ଜେଙ୍ଗ୍ ଲାଗାତାନ୍ । ୩୬ ଆରେ, ଇ ବିସ୍ତେ ଇନେରିଂ ଖେର୍ମାଟ୍ ଇଞ୍ଜି ହେଖାନ ହେଖାରିଂ ଆର୍ଖା କିଜି ବଲ୍ ହିତାନ୍; ମାତର୍ ହେଖାନ ହେଖାରିଂ ଏଚେକ୍ ମୁନାକିତାନ୍, ହେଖାର୍ ବେସି ହେଦାଂ ସୁଣାୟ୍ କିଦେଂ ଲାଗାତାର୍ । ୩୭ ଆରେ, ମାନାୟାର୍ ବେସି କାବା ଆଜି ଇଚାର୍, “ହେଖାନ ଖିଜୁ କାମାୟ୍ ହାର୍ କିଜି କିତାନ୍ନା ! ହେଖାନ ବଇରାରିଂ ଖେନି ସାଲ୍ଲି ଆରି ଗୁଲାର୍ ବେଣ୍ କିନି ସାଲ୍ଲି ହିନାନା !”

┌

ଚାରି ହାଜାର୍ ମାନାୟାତିଂ ଚିତ୍ପାତାନ୍
(ମାତିଉ ୧୫:୩୨-୩୯)

୯ ହେଖାଡ଼ାଂ ହେନି ମାନାୟାର୍ ଆରେ ରଗ ରୁଣ୍ଡାଆତାର୍, ଆରେ ହେଖାର୍ ତାକେ ତିନାକା ଉଣାକା ଇନାକା ହିଲ୍ଲୁଞ୍ଚିଲେ ଜିସୁ ଚେଲାହିରିଂ ଲାଗେ କୁକ୍ଚି ହେଖାରିଂ ଖେର୍ମାଟ୍, ୯ “ହେନି ମାନାୟାର୍ କାଜିଂ ନାଙ୍ଗ୍ କାର୍ମା ହତନାତା, ଇନାକିଦେଂକି ଇଖାର୍ ତିନି ଦିନ ଆତାରେ ନା ହୁଦାଂ ମାନ୍ଞି ଖାନାରା ଆରେ ହେଖାର୍ ତାକେ ଇନାକାପା ତିନାକା ହିଲ୍ଲୁଡ଼,” ୩ ଜଦି ଆନ୍ ହେଖାରିଂ ନାସକିତାଂ ଇଞ୍ଜ ପକ୍ତାଂଚି, ତା ଆତିସ୍ ହାସ୍ଦ ହେଖାର୍ ନାସକି ବାଉଡ଼ା ଆନାର୍; ହେଖାର୍ ବିତ୍ରେ କେତେକ୍ ଦେହାତାଂ ଖାତାଣ୍ଡା ।

୪ ଚେଲାହିର୍ ତାଙ୍ଗ୍ ଖେନବାତାର୍, “ଇବେ ଇ ଚିମ୍ବରା ବାହାତାକେ ଇନେର୍ ଇମେଣ୍ଡାଂ ରୁଟି ତାସି ଇଖାରିଂ ପଟପାଞ୍ଜି କିଦେଙ୍ଗ୍ ଆଡ଼ନାସ୍ ?”

୫ “ଜିସୁ ହେଖାରିଂ ଖେନବାତାନ୍, ମି ତାକେ ଏଚେକ୍ ରୁଟିଂ ମାନିକ୍ ?” ହେଖାର୍ ଇଚାର୍, “ସାଡ଼ଗଟା ।”

୬ ହେବେତାଂ ଜିସୁ ମାନାୟାରିଂ ମେଦନିତ କୁଚ୍ଚେଂ ବଲ୍ ହିତାନ୍; ଆରି, ହେଖାନ ହେଖାରିଂ ସାଡ଼ଗଟା ରୁଟିଂ ଅଜି ଇସ୍ପୁର୍ତିଂ ଜୁଖାର୍ କିଜି ହେ ଖିଜୁ ତ୍ରିପକିସ୍ ବାଟାକିଜି ହିଦେଙ୍ଗ୍ ଇଞ୍ଜି ହେ ଚେଲାହିରିଂ ହିତାନ୍ ଆରେ ହେଖାର୍ ମାନାୟାରିଂ ହେଦାଂ ପାସ୍ପିସ୍ ହିତାର୍ । ୭ ପାଚେ, ହେଖାର୍ ତାକେ ଅଲପ୍ ପାରାନ୍ନେ କେଡ଼ ଗଟା ହିରୁ ମିନକୁ ମାଟିକ୍; ହେଖାଙ୍ଗ୍ ଖିଜୁ ହେଖାନ ଇସ୍ପୁର୍ତିଂ ଦନ୍ୟବାଦ୍ କିଜି ହେଖାରିଂ ବାଟା କିଦେଙ୍ଗ୍ ଇଞ୍ଜି ଇଚାନ୍ । ୮ ହେବେ ହେଖାର୍ ତିନିଞ୍ଜି ପଟ ପାନ୍ତାର୍ ଆରେ ସାଡ଼ ଟପା ହାର୍ତି ତ୍ରିକ୍ତି ରୁଟିଂ ନିକ୍ଚି ଅତାର୍ । ୯ ହେଖାର୍ ଆନ୍ମାନ୍ ତାଙ୍ଗ୍ ଚାରି ହାଜାର୍ ଲକୁ ମାଚାର୍ । ୧୦ ତା ପାଚେ ହେଖାନ ହେଖାରିଂ ପକ୍ତାନ୍ ଆରି ହେ ଦାପ୍ରେ ହେଖାନ ତା ଚେଲାର୍ ହୁଦାଂ ତଙ୍ଗାତ ଦୁମ୍ବି ଦଲ୍ଲମ୍ବୁତା ନିପ ଖାତାର୍ ।

ପାରୁସିର୍ତି ଚିନ୍ ଦାବା କିନାକା
(ମାତିଉ ୧୬:୧-୪)

୧୧ ପାଚେ ପାରୁସିର୍ ବାର୍ତ୍ ଖାଜି ତା ଲାହାଂ ବେଣ୍ କିବାଦେଂ ଲାଗାତାର୍ ଆରି ତାଙ୍ଗେଙ୍ଗ୍ ପରିକ୍ୟା କିନି ବାବ୍ନାତ ଆକାସନି ର ଚିନ୍ ଏଡ଼ାର୍ । ୧୨ ହେବେତାଂ ହେଖାନ ଜିବୁନ୍ତ ଗାଜା ପୁଣ୍ଡା ହିଜି ନେନ୍ତାନ୍, “ନେଞ୍ଜିଖିଗାନି ନାର୍ ଇନାକିଦେଂକି ଚିନ୍ ତେକ୍ନାରା ? ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା, ନେଞ୍ଜିଖିଗାନି ନାର୍ଦିଂ ଇନାକାପା ଚିନ୍ ହିୟା ଆଉଡ଼ !”

୧୩ ଆରେ, ହେଖାନ ହେଖାରିଂ ପିସ୍ପି ଆରି ରଗ ତଙ୍ଗାତ ଦୁମ୍ବି ଆନ୍ଚି ପାଡ଼ାକା ହାଚାନ୍ ।

ହେରଦ୍ ଆରେ ପାରୁସିର୍ତି ପାପ୍
(ମାତିଉ ୧୬:୫-୧୨)

୧୪ ଜିସୁତି ଚେଲାର୍ ରୁଟି ଅଦେଂ ବାଣା ଆତାର୍; ତଙ୍ଗାତ ହେଖାର୍ ତାକେ ମାତର୍ ରଞ୍ଜାଙ୍ଗ୍ନେ ରୁଟି ମାଚାଡ଼ । ୧୫ ପାଚେ ଜିସୁ ହେଖାରିଂ ଇଚାନ୍, “ଜାଗ୍ରଡ଼ ଆଡୁ,” ହେରଦ୍ତି ଆରି “ପାରୁସିର୍ତାଂ ଆରି ହେରଦ୍ତି ସାଦୁକିତ୍ ହଇନିତାଂ ଜାଗ୍ରଡ଼ ଆଜି ମାନାଟ୍ ।”

୧୬ ହେବେଣ୍ଡାଂ ହେଖେର୍ ନିଜେ ନିଜେ ବେଣ୍ କିବା ଆଜି ଇଞ୍ଜେଙ୍ଗ୍ ଲାଗାତାର୍, “ମା ତାକେ ରୁଟି ହିଲ୍ଲୁଡ଼ ଇଞ୍ଜି ହେଖାର୍ ଇଦାଂ ଇଚାର୍ ।”

୧୭ ଜିସୁ ହେଦାଂ ପୁଞ୍ଜି ହେଖାରିଂ ଇଚାନ୍, “ମି ତାକେ ରୁଟି ହିଲ୍ଲୁଡ଼ ଇଞ୍ଜି ଇନାକିଦେଂ ହାରି ବେଣ୍ କିବା ଆନାଦେରା ? ଏପେଙ୍ଗ୍ ଇନାକା ଇ ପାତେକ୍ ପୁନ୍ଦେରା କି ବୁଜା ଆଉଦେରା ? ଇନାକା ମି ମାନ୍ ଆର୍ଖା ଆତାଡ଼ନ୍ନା ୧୮ ମି ମାନ୍ ଇନାକା କାଲ୍ଲିକେ ଆତାଡ଼ନ୍ନା ? କାଣ୍ କୁ ମାନ୍ଞି ମାନ୍ଞି ହୁଡ଼ୁଦେରା ? ଆରେ, କିତୁଲିଂ ମାନ୍ଞି ମାନ୍ଞି ଖେନୁଦେରା ? ୧୯ ହେ ପାଞ୍ଚ ହାଜାର୍ ମାନାୟାର୍ ବିତ୍ରେ ଆନ୍ ଏଚେକାଡ଼୍ ପାଞ୍ଚଗଟା ରୁଟିଂ ତ୍ରିକ୍ତି ମାଚାଙ୍ଗ୍ ହେ ପାଦ୍ନା ଏପେଙ୍ଗ୍ ବାଡ଼୍ ଏଚେ ଟପା କୁଦ୍ରି ଆତି ରୁଟିଂ ଅଜି ମାଚାଦେର୍ ହେଦାଂ ମିଙ୍ଗେଙ୍ଗ୍ ଏଡ଼ ହିଲ୍ଲୁଡ଼ ?” ହେଖାର୍ ହେଖାନିଂ ଇଚାର୍, “ବାର ଦାଉଡ଼ା ।”

☆ ୮:୧୫ ୮:୧୫ ଲୁକ ୧୨:୧. ☆ ୮:୧୮ ୮:୧୮ ମାର୍କ ୪:୧୨.

୨୦ ଆରେ, “ହେ ଚାରି ହାଜାର ମାନାୟାର ବିତ୍ତେ ଆନ୍ ଏତେକାଡ଼୍ ସାତଗଟା ରୁଟି ଡ୍ରକ୍ଟି ମାଟାଙ୍ଗ, ହେ ପାଦ୍ନା ଏପେଙ୍ଗ ପୁରା ଏତେ ଟପା ଡ୍ରକ୍ଟି କୁଡ଼ି ନିକ୍ଟି ଅଜି ମାଟାଦେର୍ ?” ହେଝାର୍ ଇଚାର୍, “ସାତ ଟପା ।”

୨୧ ହେବେ ଜିସୁ ହେଝାରିଂ ଇଚାନ୍, “ଏପେଙ୍ଗ ଇନାକା ନଙ୍ଗ ପାତେକ୍ ବୁଜା ଆଉଦେରା ।”

ବେତ୍ସାଇଦା ତାକେ ର କାଣା ଲଗାଙ୍ଗ ଉଜ୍ କିତାନ୍

୨୨ ପାଚେ ହେଝାର୍ ବେତ୍ସାଇଦାତ ଖାତାର୍ । ଆରି, ଲକୁ ର କାଣାଙ୍ଗ ତା ଲାଗେ ତାଜି ତାଙ୍ଗେଙ୍ଗ୍ ତୁଦେଂ ହେଝାନିଂ ଗଝାରି କିତାର୍ । ୨୩ ଲାଗିଂ ହେଝାନ୍ କାଣାଙ୍ଗ କେଇ ଆଜି ତାଙ୍ଗେଙ୍ଗ୍ ନାସ୍ ବାର୍ଡ ଅସି ହାଚାନ୍, ଆରେ ହେ କାଣ୍ଟକାଂ ଏଝିଡ଼ିଂ ଆରେ ତା ଜପି କେଇ ଇଡ଼ିଜି ତାଙ୍ଗେଙ୍ଗ୍ ଝେନ୍‌ବାତାନ୍, “ଏନ୍ କି ଅଲପ୍ ହୁଡ଼ନାୟା ?”

୨୪ ହେଝାନ୍ ଜପି ହୁଡ଼ଜି ଇଚାନ୍, ଆନ୍ ମାନାୟାତିଂ ତାଂନାକା ହୁଡ଼ନାଙ୍ଗା, ମାତର୍ “ଆନ୍ ମାର୍ ଲାକେ ଇନାକା ତାଂନାକା ହୁଡ଼ନାଙ୍ଗା ।”

୨୫ ତାପାଚେ ହେଝାନ୍ ଆରେ ରଗ ତା କାଣାଙ୍ଗାତ କେଇ ତୁପ୍‌ତାନ୍; ହେବେ ହେଝାନ୍ ହାର୍ କିଜି ହୁଡ଼ତାନ୍ ଆରି ଉଜ୍ ଆଜି କାଣ୍ଟାମିଟ୍ ଇଚ୍‌ଝାଦାଂ ଝିଜୁ ହୁଡ଼ଦେଂ ଲାଗାତାନ୍ । ୨୬ ପାଚେ ଜିସୁ ହେଝାନିଂ ଇଞ୍ଜ ପକ୍ଟି ଇଚାନ୍, “ଇ ନାସ୍ ହାଲ୍‌ମା ମାତର୍ ଜାର୍ ଇଞ୍ଜ ହାଲା ।”

ପିତର୍ ଜିସୁଙ୍ଗ୍ କ୍ରିସ୍ଟ ଇଞ୍ଜି ମାନି କିତାନ୍

(ମାତିଉ ୧୬:୧୩-୨୦; ଲୁକ ୯:୧୮-୨୧)

୨୭ ଇଦାଂ ପାଚେ ଜିସୁ ଆରି ତା ଚେଲାହିର୍ କାଲସରିୟା ପିଲିପ୍‌ପି ନିପ ନାସ୍‌କୁକାଂ ହାଚାର୍, ଆରି ହାନି ହାସ୍‌ଦ ହେ ଚେଲାହିରିଂ ଜିସୁ ଝେନ୍‌ବେଦେଂ ଲାଗାତାନ୍, “ଆନ୍ ଇନେର୍ ଇଞ୍ଜି ଲକୁ ଇନାକା ଇଞ୍ଜି ବାବି କିନ୍ନାରା ?”

୨୮ ଇବେ ହେଝାର୍ ତାଙ୍ଗେଙ୍ଗ୍ ଇଚାର୍, “ବାପ୍‌ସିମ୍‌ହିନି ଜହନ୍,” ଆରେ ଇନେର୍ ଇନେର୍ ଏଲିୟ, ମାତର୍ ଇନେର୍ ଇନେର୍ ଇନାର୍, ବେଶ୍‌ବାକ୍‌ଶାୟକିନାକାନ୍ ବିତ୍ତେ ରକାନ୍ ।

୨୯ ହେଝାନ୍ ହେଝାରିଂ ଝେନ୍‌ବାତାନ୍, ମାତର୍ “ନାଙ୍ଗେଙ୍ଗ୍ ଇନେନ୍ ଇଞ୍ଜି ଏପେଙ୍ଗ ଇନାକା ଇଞ୍ଜନାଦେରା ?” ପିତର୍ ହେଝାନିଂ ଉତର୍ ହିତାନ୍, “ଏନ୍ ଆନାୟା ଇସ୍‌ବର୍ ବାଟିକିତି କ୍ରିସ୍ଟି ।”

୩୦ ମାତର୍ ଜିସୁ ହେଝାରିଂ “ହେ ବିସ୍ତେ ଇନେରିଂକି ଇନାକା ଝେର୍‌ଝେଦେଂ ବଲ୍ ହିତାନ୍ ।”

ଜିସୁ ହାନାକା ଆରି ନିଙ୍ଗ୍‌ନି ବିସ୍ତେ ଝେର୍‌ଚାନ୍

(ମାତିଉ ୧୬:୨୧-୨୮; ଲୁକ ୯:୨୨-୨୭)

୩୧ ଆରେ, ଜିସୁ ହେଝାରିଂ ହିକାଲ କିଦେଙ୍ଗ୍ ଲାଗାତାନ୍ ଜେ, “ମାନାୟା ମାଜି ଆତିସ୍‌ପା ବେସି ଦୁକ୍‌ପାୟା ଆଦେଂ ଆନାଡ୍ ଆରେ ପ୍ରାଟିନାର୍, ମୁଡ୍ ମାପୁହେବାକିନାକାନ୍ ଆରେ ସାସ୍‌ବିତ୍ ହୁକେ ମୁନା କିୟାଜି ହାଦେଂ ଆନାଡ୍, ଆରେ ତିନ୍‌ଦିନ୍‌ତାଂ ନିଙ୍ଗ୍‌ନାକା ମାନାଡ୍ ।” ୩୨ ଇ ବେରଶ୍ ହେଝାନ୍ ପୁଟ୍‌ତେ ଇଚାନ୍ । ହେବେଶ୍‌ୟାଂ ପିତର୍ ହେଝାନିଂ ର ବାହାତ ଅଜି ଗଡ଼କିଦେଂ ଲାଗାତାନ୍ । ୩୩ ମାତର୍ ହେଝାନ୍ ମାସ୍‌ଦି ହୁଡ଼ଜି ତା ଚେଲାହିରିଂ ପିତର୍‌ତିଂ ଗଡ଼ କିଜି ଇଚାନ୍, “ନା ମୁମ୍‌ଦାଂ ଗୁଟା, ସୟ୍‌ତାନ୍,” ଲାଗିଂ “ଏନ୍ ଇସ୍‌ବର୍ ବିସ୍ତେ ବାବି କିଝାଦାଂ ଏନ୍ ମାନାୟା ବିସ୍ତେ ବାବି କିନାୟା ।”

୩୪ ☆ତା ପାଚେ ଜିସୁ ତା ଚେଲାରିଂ ଆରି ରୁଶ୍‌ୟାତି ମାନାୟାରିଂ କୁକ୍ଟି ଇଚାନ୍, “ଇନେର୍‌କି ନା ହୁଦାଂ ଝାଦେଙ୍ଗ୍ ଇଚା କିନାନ୍, ହେଝାନ୍ ଜାର୍‌ତିଂ ପିହେନ୍ ଆରି ଜାର୍‌ତି କୁସ୍ ଆସ୍ତି ନା ପାଚେ ପାଚେ ଝାୟେନ୍ ।” ୩୫ ☆ଇନାକିଦେଂକି “ଇନେର୍ ଜାର୍ ଜିବୁନ୍ ବାଚାୟା କିଦେଙ୍ଗ୍ ଇଚା କିନାନ୍, ହେଝାନ୍ ହେଦାଂ ଆରାଲ କିନାନ୍; ମାତର୍ ଇନେନ୍ ଜଦି ନା ନେକ୍ରିକାରୁର୍ କାଜିଂ ତା ଜିବୁନ୍ ଆରାଲ କିନାନ୍, ହେଝାନ୍ ତା ଜିବୁନ୍ ରାକ୍ୟା କିନାନ୍ । ୩୬ ଆରେ, ମାନାୟା ଝିଜୁ ପୁଡ଼ିଂ ଲାବ୍‌କିଜି ଜାର୍ ଜିବୁନ୍ ହାଚନାନ୍, ହେଦାଂ ତାଙ୍ଗେଙ୍ଗ୍ ଇନା ଲାବ୍ ? ୩୭ ଆରେ, ମାନାୟା ଜାର୍ ଜିବୁନ୍ ବାଦୁଲ୍ ଇନାକା ହିଦେଂ ଆଡ଼ନାନ୍ ? ୩୮ ଲାଗିଂ ଇନେର୍ ଇ କାଡ଼ନି ଦାରିୟାର୍ ଆରି ପାପିର୍ ମାନାୟା ବିତ୍ତେ ନାଦାଂ ଆରି ନା ବଚନ୍ ବିସ୍ତେ ଲାଜା ଆନାନ୍, ମାନାୟା ମାଜି ଏତେକାଡ଼୍ ପୁଇପୁୟା ଦୁଡ଼ର୍ ଲାହାଙ୍ଗ୍ ନିଜେନି ଆବାତି ଜାଜ୍‌ମାଲ୍‌ତ ଆଜି ଝାନାନ୍, ହେବେତାଂ ହେଝାନ୍‌ପା ହେ ବିସ୍ତେ ଲାଜା ଆନାନ୍ ।”



୧ ଆରେ ରଗ ଜିସୁ ହେଝାରିଂ ଇଚାନ୍, “ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା, ଇସ୍‌ବର୍ ରାଜିତିଂ ସାକ୍ତି ହୁକେ ଏକା ଝାନାକା ହୁଡ଼ଝି ପାତେକ୍ ଇବେ ନିଲ୍‌ଟି ମାନି ମାନାୟା ବିତ୍ତେ କେତେ ଜାଶ୍ ଇନେସ୍ କିଡିସ୍ ପା ହାକି ଦିନ୍ ହୁଡ଼ରୁ ।”

ଜିସୁ ପାଗ୍‌ମାସ୍‌ନାକା

(ମାତିଉ ୧୬:୧-୧୩; ଲୁକ ୯:୨୮-୩୬)

୨ ☆ଚଅ ଦିନ୍ ପାଚେ ଜିସୁ ପିତର୍, ଜାକୁବ୍ ଆରି ଜହନ୍‌ତିଂ ହାଙ୍ଗ୍ ଅଜି ଅଲ୍‌ଗା ଆଜି ହେଝାରିଂ ର ପାକ୍ତି ମାଡ଼ିଜପି ଅଜି ହାଚାନ୍ । ୩ ଆରେ, ହେଝାର୍ ମୁମ୍‌ଦ ପାଗ୍‌ମାସ୍‌ବାତାନ୍, ତା ହେନ୍ଦ୍ରା ଏଲେଙ୍ଗ୍ ଅଜଡ଼୍ ଆରି ବେସି ଡ଼ିଞ୍ଜବାତାନ୍, ଜେ, ପୁଡ଼ିଂ ନି

☆ ୮:୩୪ ୮:୩୪ ମାତିଉ ୧୦:୩୮; ଲୁକ ୧୪:୨୭. ☆ ୮:୩୫ ୮:୩୫ ମାତିଉ ୧୦:୩୯; ଲୁକ ୧୬:୩୩; ଜହନ୍ ୧୨:୨୫. ☆ ୯:୨ ୯:୨ ୨ ପିତର୍ ୧:୧୭,୧୮.

ଇମ୍ପାଣି ଲଗୁପା ହେ ଲାକେ ଡିଞ୍ଜିବେଦେଂ ଆତୁର୍ । ୪ ଆରି, ମସା ଆରି ଏଲିୟ ଜିସୁ ଲାହାଙ୍ଗ୍ ବେରଣ୍ କିନାକାର୍ ହେଝାରିଂ ଚଞ୍ଜୟା ଆତାର୍ । ୫ ହେବେ ପିତର୍ ଜିସୁଙ୍ଗ୍ ଉତର୍ ହିତାନ୍, “ଏ ଗୁରୁ, ଆପେଂ ଜେ ଇ ବାହାତ ମାନାପ୍ !” ଇଦାଂ ହାରା ଆତାଡ୍; “ଆସେଙ୍ଗ୍ ଇବେ ତିନ୍‌ଗଟା ପୁର୍‌କୁ ରବ୍‌ନାସ୍, ନି କାଜିଂ ରଞ୍ଜାଙ୍ଗ୍, ମସା କାଜିଂ ରଞ୍ଜାଙ୍ଗ୍ ଆରେ ଏଲିୟ କାଜିଂ ରଞ୍ଜାଙ୍ଗ୍ ।” ୬ ପିତର୍ ଇନା ଉତର୍ ହିଦ୍‌ନାନ୍ ଇଞ୍ଜି ପୁନ୍‌ଝାଦାଂ ମାଚାର୍, ହେଝାଡ଼ାଂ ହେଝାର୍ ପାଣ୍ଡା ଆଜି ମାଚାର୍ ।

୭ ଆରେ, ଇରୁଟିଂ ବାଦାଡ୍ ଝାଜି ହେଝାରିଂ ପାଡ଼ାକଡାଡ୍, ଆରି ହେ ବାଦାଡ୍‌ତାଂ ଇ କାତା ଆତାଡ୍, “ଇଝାନ୍ ନା ଝାରିନି ମାଜି, ଇଝାନ୍ତି କାତା ଝେନାଟ୍ !” ୮ ଆରେ, ହାଚାଗ୍ରେ ହେଝାର୍ ଚାରିବେଣ୍‌ତାଂ ହୁଡ୍‌ଜି ହେଝାର୍ ହୁଦାଂ ଜିସୁଙ୍ଗ୍ ପିସି ଆରେ ଇନେରିଂ ପା ହୁଡ୍‌ଝାତାର୍ ।

୯ ହେଝାର୍ ମାଡ୍‌ଡିତାଂ ଜୁନି ଝେଡ଼ାଲିଂ ଜିସୁ ହେଝାରିଂ ଆଟ୍‌ଝା ବଲ୍ ହିଜି ଇଚାନ୍, “ଏପେଙ୍ଗ୍ ଇନା ଇନାକା ହୁଡ୍‌ନାଦେରା, ହେଦାଂ ଝିଜୁ ହାତି ମାନାୟ୍ ବିତ୍ରେତାଂ ମାନାୟ୍ ମାଜି ତାଙ୍ଗ୍ ନିଙ୍ଗ୍‌ଝି ପାତେକ୍ ଇନେରିଂ ପା ଝେଟ୍‌ମାଟ୍ ।”

୧୦ ହେବେଣ୍ଡାଂ ହେଝାର୍ ହେ କାତା ଆଜି “ହାତାକାର୍ ବିତ୍ରେ ଆରେ ନିଙ୍ଗ୍‌ନାକା ଜେ ଇନାକା ? ଜିସୁ ବିସ୍ତେ ଜାର୍ ଜାର୍ ବିତ୍ରେ କାତାବାଟା କିଦେଙ୍ଗ୍ ଲାଗାତାର୍ ।” ୧୧ ହେଝାର୍ ଜିସୁଙ୍ଗ୍ ଝେନ୍‌ବାତାର୍, “ତେବେ ଏଲିୟ ପର୍ତ୍ତୁମ୍ ଝାନାନ୍, ଇଞ୍ଜି ଦରମ୍ ଗୁରୁର୍ ଇ କାତା ଇନେସ୍ ଇନାର୍ ?”

୧୨ ହେବେଣ୍ଡାଂ ଜିସୁ ହେଝାରିଂ ଇଚାନ୍, “ଏଲିୟ ପର୍ତ୍ତୁମ୍ ଝାଜି ସବୁ ବିସ୍ତେ ରଟ୍‌ନି କାତା ସଡ୍, ମାତର୍ ମାନାୟ୍ ମାଜି ବେସି ଗିଣକିୟା ଆନାନ୍, ଇଦାଂ ଇନେସ୍ ହେଝାନ୍ ବିସ୍ତେ ଲେକା ଆତାଡ୍‌ନା ? ୧୩ ମାତର୍ ଆନ୍ ମିଙ୍ଗେଙ୍ଗ୍ ଇଞ୍ଜିନାଙ୍ଗା, ଏଲିୟ ଝାତାନେ, ଆରେ ହେଝାନ୍ ବିସ୍ତେ ଇନେସ୍ ଲେକା ଆତାଡ୍‌ନା, ହେ ଲାକେ ପା ହେଝାର୍ ତା-କାଜିଂ ଇନାକା ଇଚା ହେଦାଂ କିତାନ୍‌ନା ।”

ପୁଦାଆସ୍ତି କାଡ୍‌ଦେ ହାରା ଆତାନ୍
(ମାଡିଉ ୧୭:୧୪-୨୧; ଲୁକ ୯:୩୭-୪୩)

୧୪ ପାଚେ ହେଝାର୍ ଚେଲାର୍ ତାକେ ଝାଜି ହୁଡ୍‌ତାନ୍ ହେଝାର୍ ଚାରିବେଣ୍‌ତାଂ ବେସିହେନି ମାନାୟ୍ ଆରେ ଦରମ୍ ଗୁରୁର୍ ହେଝାର୍ ହୁକେ କାତାବାଟା କିନାରା । ୧୫ ମାନାୟାର୍ ହେଝାନ୍ ହୁଡ୍‌ଡି ଦାପ୍ରେ ବେସି କାବା ଆତାର୍ ଆରି ହନ୍‌ଟି ଝାଜି ହେଝାନ୍ ଜଝାର୍ କିଦେଙ୍ଗ୍ ଲାଗାତାର୍ । ୧୬ ହେବେତାଂ ଜିସୁ ଚେଲାର୍ ଝେନ୍‌ବାତାନ୍, “ଏପେଙ୍ଗ୍ ହେଝାର୍ ହୁକେ ଇନାକା ବେରଣ୍‌ବାଟ୍ କିନାଦେରା ?”

୧୭ ମାନାୟ୍ ବିତ୍ରେ ରଝାନ୍ ହେଝାନ୍ ଉତର୍ ହିତାନ୍, “ଏ ଗୁରୁ ଆନ୍ ନା ମାଜିଙ୍ଗ୍ ନି ତାକେ ତାସି ମାଚାଙ୍ଗ୍; ତାଙ୍ଗେଙ୍ଗ୍ ର ଗୁଲା ପୁଦା ଆସ୍ତାଡ୍‌ନା, ୧୮ ଇମ୍ପାଣି ବାହାତପା ହେଦାଂ ତାଙ୍ଗେଙ୍ଗ୍ ଆହ୍‌ନାଡ୍, ତାଙ୍ଗେଙ୍ଗ୍ ତାରେନ୍ ଗୁଡ୍‌ତାନ୍ନା, ହେଝାନ୍ ଝେଇଦାଂ ପୁମେଲ୍ ହନାଡ୍ ଆରେ ଚାତାଙ୍ଗ୍ କାଟ୍‌ନାନା ଆରି ହେଝାନ୍ ଝାଜି ହାନାନ୍; ତାଙ୍ଗେଙ୍ଗ୍ ପିସି କିନି କାଜିଂ ଆନ୍ ମି ଚେଲାର୍ ଇଞ୍ଜି ମାଚାଙ୍ଗ୍, ମାତର୍ ହେଝାର୍ ଆଡ୍‌ଝାତାର୍ ।”

୧୯ ଜିସୁ ହେଝାରିଂ ଉତର୍ ହିତାନ୍, “ଆଡେ ପାତ୍ କିଝି ଲାତ୍ରା ଏଚେକ୍ ଦିନ୍ ମି ହୁକେ ମାନାଙ୍ଗ୍ ? ଏଚେକ୍‌ଦିନ୍ ମି ଚିନ୍ତା ଆଡ୍‌ନା ? କାଡ୍‌ଦେଂ ନାତାକେ ତାଇଝାଡୁ !” ୨୦ ହେବେଣ୍ଡାଂ ହେଝାର୍ ତାଙ୍ଗେଙ୍ଗ୍ ହେଝାନ୍ ତାକେ ତାହି ଝାତାର୍ । ଆରି ହେଝାନ୍ ହୁଡ୍‌ଡି ଦାପ୍ରେ ହେ ପୁଦା ତାଙ୍ଗେଙ୍ଗ୍ ବେସି ମଡି କିତାଡ୍ ଆରି ହେ ମେଦ୍‌ନିତ ଗୁରୁଜି ପୁମେଲ୍ ଉର୍‌ଚି ଡଣ୍‌ଗୁରୁଦେଂ ଲାଗାତାନ୍ ।

୨୧ ହେ କାଡ୍‌ଦ ହେଝାନ୍ ତା ଲାତ୍ରାହିଙ୍ଗ୍ ଝେନ୍‌ବାତାନ୍, “ଏଚେଦିନ୍ ଆତାଡ୍ ଇଝାନ୍ ଏଲେଙ୍ଗ୍ ଆନାତା ?” ହେଝାନ୍ ଇଚାନ୍, “ହିରୁଝେଡ଼ାଙ୍ଗ୍ ତାଙ୍ଗ୍,”

୨୨ “ହେଝାନ୍ ତାଙ୍ଗେଙ୍ଗ୍ ଅସ୍ତେଙ୍ଗ୍ ଇଞ୍ଜି ବାର୍ ବାର୍ ନାଣିତ ଆରି ଏଜୁକାଂ ତୁହିହିତାଡ୍‌ନା; ମାତର୍ ଏନ୍ ଜଦି ଇନାକା କିଦେଙ୍ଗ୍ ଆଡ୍‌ନାୟ୍, ତା ଆତିସ୍ ମା କାଜିଂ କାର୍ମା ଆଜି ଉପକାର୍ କିଦା ।”

୨୩ ହେବେ ଜିସୁ ତାଙ୍ଗେଙ୍ଗ୍ ଇଚାନ୍, “ଇନାକା ଇଚାୟ୍ ? ଜଦି କିଦେଙ୍ଗ୍ ଆଡ୍‌ନାୟ୍ ! ପାତ୍ କିନାକାନ୍ ତାକେ ଝିଜୁ ଆନାଡ୍ ।”

୨୪ “ହେ ସାଙ୍ଗେ କାଡ୍‌ଦେ ଲାତ୍ରାହି ଗାଜା କାଟ୍‌ତାଂ ଇଚାନ୍, ଆନ୍ ପାତ୍ କିନାଙ୍ଗା, ନା ପାତ୍ କିଝାକା ବାତାୟ୍ କିଦା ।”

୨୫ ପାଚେ ଲକୁ ରବେ ହନ୍‌ଟି ଝାନାକା ହୁଡ୍‌ଜି ଜିସୁ ହେ ବାନାୟା ପୁଦା ଜିରୁନ୍‌ତିଂ ଦାମ୍‌କାୟ୍ କିଜି ଇଚାନ୍, “ଏ ଗୁଲା ଆରି ବୟିରା ଜିରୁନ୍ ଆନ୍ ନିଙ୍ଗେଙ୍ଗ୍ ବଲ୍ ହିଦ୍‌ନାଙ୍ଗା, ଇବେଣ୍ଡାଂ ହସି ହାଲା, ଆରେ ରଗ ଇନାଝାଡ଼ାଂପା ଇଝାନ୍ ତାକେ ହଣ୍‌ୟ୍ ।”

୨୬ ହେବେ ହେଦାଂ କିରିଡି ପାଡି କିଜି ତାଙ୍ଗେଙ୍ଗ୍ ମଡିକିଜି ହସି ହାଚାଡ୍, ଆରେ କାଡ୍‌ଦେ ହାତିଲାକେ ଆତାନ୍, ଏଲେଙ୍ଗ୍ ଆତି କାଜିଂ ଆଦେକ୍ ହେନି ଇଚାର୍, “ହେଝାନ୍ ହାତାନ୍ ।” ୨୭ ମାତର୍ ଜିସୁ ତା କେଇ ଆସ୍ତି ତାଙ୍ଗେଙ୍ଗ୍ ନିକ୍‌ତାନ୍, ଆରେ ହେଝାନ୍ ନିଙ୍ଗ୍‌ତାନ୍ ।

☆ ୯:୭ ମାଡିଉ ୩:୧୭; ମାର୍କ ୧:୧୧; ଲୁକ ୩:୨୨. ☆ ୯:୧୧ ୯:୧୧ ମାଡିଉ ୧୧:୧୪.

୨୮ ଆରେ, ହେୱାନ ଇଞ୍ଜି ୱାଡିଲେ, ହେୱାନ “ଚେଲାହିର୍ ହେୱାନିଂ କାଲେତାଂ ୱେନ୍‌ବେଦେଂ ଲାଗାତାର୍, ଆପେଂ ପୁଦାତିଙ୍ଗ ଇନେକିଦେଂ ପିହିକିଦେଂ ଆଡ଼ୱାତାପ୍ ?” ୨୯ ଜିସୁ ହେୱାରିଂ ଇଚାନ, “ପାର୍ତୀନା ଆଡ଼ିତିସ୍ ଆରି ଇମ୍‌ଣି ବାନ୍‌ଧା ପୁଦା ପିହିକିୟା ଆଉଡ଼ ।”

ଜିସୁ ଆରେ ରଗ ନିଜେ ହାନି ବିସ୍ତେ ଇଚାନ
(ମାଡିଉ ୧୭:୨୨-୨୩; ଲୁକ ୯:୪୩-୪୫)

୩୦ ଜିସୁ ଆରି ଚେଲାର୍ ହେ ବାହାତ ପିସ୍ତ୍ର ଗାଲିଲି ନିପତିଂ ଆଜି ହାଚାର୍, ଆରି ଇନେର୍ ହେଦାଂ ପୁନ୍‌ମେର୍ ଇଞ୍ଜି ମାନ ହିଲ୍‌ୱାତାଡ଼, ୩୧ ଇନାକିଦେଂକି ହେୱାନ ତା ଚେଲାରିଂ ଇ କାତା ଇଞ୍ଜି ହିକ୍ୟା ହିଜି ମାଚାନ, ହେୱାନ ହେୱେରିଂ ଇଚାନ । “ମାନାୟ୍ ମାଜି ମାନାୟ୍ କେଇଦ ହେଲାୟ୍ କିୟା ଆନାନ, ଆରେ ହେୱାର୍ ହେୱାନିଂ ଟ୍ରାକ୍‌ନାର୍ ଆରେ ହେୱାନ ହାଡି ପାଚେ ତିନ୍‌ଦିନ୍ ତାଙ୍ଗ୍ ପାଚେ ଆରେ ନିଙ୍ଗନାନ ।”

୩୨ ମାତର୍ ଚେଲାର୍ ହେ କାତା ବୁଜା ଆୱାତାର୍ ଆରେ ହେୱାନିଂ ୱେନ୍‌ବେଦେଂ ପାଣ୍ଡା ଆଜି ମାଚାର୍ ।

ଜିସୁ ଇଚାନ ଇନେର୍ ଗାଜାକାନ
(ମାଡିଉ ୧୮:୧୫; ଲୁକ ୯:୪୬-୪୮)

୩୩ ପାଚେ ହେୱାର୍ କପର୍‌ନାହୁମ୍ ୱାତାର୍ । ଜିସୁ ଇଞ୍ଜି ଏକିସ୍ ହେୱାରିଂ ୱେନ୍‌ବାତାନ, “ଏପେଙ୍ଗ୍ ହାସ୍‌ଦ ଇନାକା କାତା ବାର୍ତା କିଜି ମାଚାଦେର୍ ?”

୩୪ *ମାତର୍ ହେୱାର୍ ଚିମରା ଆଜି ମାଚାର୍, ଇନାକିଦେଂକି ସାଚେ ରାଜିତ ଇନେର୍ ଗାଜା, ଇ କାତା ଆସ୍ତ୍ର ହାସ୍‌ଦ ଗାଣ୍ଡୁ କିଜି ମାଚାର୍ । ୩୫ *ହେବେ ହେୱାନ କୁର୍ଚି ବାରଜାଣ୍ ଚେଲାରିଂ କୁକ୍‌ତାନ ଆରି ହେୱାରିଂ ଇଚାନ, “ଜଦି ଇନେର୍ ମୁଡ଼୍ ଆଦେଂ ଇଚା କିନାନ ତାଆତିସ୍ ହେୱାନ ୱିଜାକାର୍ ତାଙ୍ଗ୍ ହାରୁକାନ ଆରି ୱିଜାକାରିଂ ହେବା କିନାକାନ ଆୟେନ୍ ।” ୩୬ ଆରେ, ହେୱାନ ର ହାରୁ କାଡ଼ଦେଂ ଆସ୍ତ୍ର ହେୱାର୍ ମାଦି ନିଲି କିତାନ ଆରେ ତାଙ୍ଗେଙ୍ଗ୍ ତନ୍‌ଞ୍ଜି ହେୱାରିଂ ଇଚାନ, ୩୭ *ଇନେର୍ ନା ତରଦ ଏଲେଙ୍ଗ୍ ହାରୁ ହିମ୍‌ଣା ବିତ୍ରେ ରକାନିଂ ଇଚ୍‌ନାର୍, ହେୱାନ ନାଙ୍ଗେଙ୍ଗ୍ ଇଚ୍‌ନାନ, ଇନେର୍ ନାଙ୍ଗେଙ୍ଗ୍ ଇଚ୍‌ନାନ, ମାତର୍ ନା ପଲ୍ଲିତି ଆବାଙ୍ଗ୍ ମାନି କିନାନ ।”

ମାଙ୍ଗେଙ୍ଗ୍ ବିରଦ୍ କିଞ୍ଜି ଲଗୁ ମା ନିଜ୍ ଲକୁ
(ଲୁକ ୯:୪୯-୫୦)

୩୮ ଜହନ୍ ଜିସୁଙ୍ଗ ଇଚାନ, “ଏ ଗୁରୁ, ମା କୁଦା ତାକେ ରୱାନ ହିଲ୍‌ୱିତି ଲଗାଙ୍ଗ୍ ନି ତରଦାଂ ପୁଦା ପିହିନାକା ହୁଡ଼ତାପ୍, ଆରେ ହେୱାନ ମା କୁଦା ତ ହିଲ୍‌ୱିତିଲେ ମୁନାକିତାପ୍ ।”

୩୯ ମାତର୍ ଜିସୁ ଇଚାନ, “ତାଙ୍ଗେଙ୍ଗ୍ ମୁନା କିମାର୍; ଇନେକିଦେଂକି ନା ତରଦ ସାଲ୍ଲିନି କାମାୟ୍ କିଜି ହାଚାଗ୍ରେ ନାଦାଂ ବାନ୍‌ଧା କିଦେଙ୍ଗ୍ ଆଡ଼ନାନ, ଏପେଙ୍ଗ୍ ଲଗୁ ଇନେର୍ ହିଲ୍‌ର; ୪୦ *ଇନେକିଦେଂକି ଇନେର୍ ମା ବିରୁଡ଼୍ ଆକାୟ୍, ହେୱାନ ମାପାକ୍ୟା । ୪୧ *ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜିନାଙ୍ଗା, ଏପେଙ୍ଗ୍ କ୍ରିସ୍‌ତି ଲକୁ ଇଞ୍ଜି ଇନେର୍‌କି ମିଙ୍ଗେଙ୍ଗ୍ ର ଗିନା ଏଲ୍ଲୁଂ ଉଣ୍ଡେଙ୍ଗ୍ ହିଡ଼ତିସ୍, ହେୱାନ ଇନେସ୍ କିଜିପା ଜାର୍ ମୁକୁର୍ ଆରାୟ୍ କିଉନ୍ ।”

ପାତର୍ ତାକେ ପାପ୍ କିତାକା
(ମାଡିଉ ୧୮:୬-୯; ଲୁକ ୧୭:୧-୨)

୪୨ “ଜିସୁ ଆରେ ଇଞ୍ଜେଙ୍ଗ୍ ଲାଗାତାନ, ଇନେର୍ ପାତର୍ କିଜି ମାନି ଇ ହାରୁକାର୍ ବିସ୍ତେ ରକାନିଂ ବାଦା ଆତିସ୍, ହେୱାନ ହାକ୍‌ତ ର ଗାଜା ଜାତାକାଲ୍ ତୁଇ କିଜି ହେୱାନିଂ ହାମ୍‌ଦୁର୍ ତାକେ ତୁଇ ହିଗିତିସ୍ ହେଦାଂ କାଜିଂ ହାରା ଆତାମ୍ । ୪୩ *ଆରେ, ମି କେଇ ଜଦି ମିଦାଙ୍ଗ୍ ବାଦା ଆନାଡ଼, ତାଙ୍ଗେଙ୍ଗ୍ କାଦ୍‌ଦି ତୁସି ହିୟାଟ୍, ଆରି ରି କେଇ ଅଜି ନରକ୍, ଇତିସ୍ ହାଡ଼ିନାଣି ବିତ୍ରେ ହାନି ବାଟା ଟୁଟାଆଜି ଜିବୁନ୍‌ତ ହାଗାଗାକା ମି ପାକ୍ୟାତ ହାର୍ । ୪୪ ଇନାକିଦେଂକି ନାଣିତ ହେୱାର୍‌ତି ପ୍ଲିକୁ ଜିରା ଆଉକ୍, ଆରି ନାଣି ହାହୁଡ଼୍ । ୪୫ ଆରେ, ମି ପାନା ଜଦି ମିଙ୍ଗେଙ୍ଗ୍ ବାଦା ହିଦ୍‌ନାତା ହେଦେଲିଂ କାଦ୍‌ଦି ତୁସିହିୟାଟ୍, ରି ପାନାଙ୍ଗ୍ ତାସି ନରକ୍‌ତ ଦେହେନି ବାଟା ତଟା ଆଜି ଜିବୁନ୍‌ତ ହାନାକା ମି ପାକ୍ୟାତ ହାର୍ । ୪୬ ଇନାକିଦେଂକି ନାଣିତ ହେୱାର୍‌ତି ପ୍ଲିକୁ ଜିରା ଆଉକ୍, ଆରି ନାଣି ମୁଡ଼କେ ହାଉଡ଼୍ । ୪୭ *ଆରେ ମି କାଣ୍‌ଙ୍ଗା ଜଦି ମିଙ୍ଗେଙ୍ଗ୍ ବାଦା ହିଦ୍‌ନାତା, ଇତିସ୍ ହେ କାଣ୍‌ଙ୍ଗାତିଂ ଉନ୍‌ଦି ତୁହି ହିୟାଟ୍, ରି କାଣ୍‌କ୍ ଆଜି ନରକ୍‌ତ ତୁହିହିନି ବାଟା ର କାଣ୍‌ଙ୍ଗା ଅଜି ମାପୁ ରାଜିତ ହାଣାକା ମି ପାକ୍ୟାତ ହାର୍ । ୪୮ ଇନାକିଦେଂକି ନାଣିତ ହେୱାର୍‌ତି ପ୍ଲି ଱୍ଲୁଡ଼୍ ଆରି ନାଣି ହାଉଡ଼୍ ।”

୪୯ “ଲାଗିଂ ୱିଜାର୍ ନାଣିତ ହର୍ ଲାକେ ହୱାଡ଼୍ । ହର୍ ହାର୍‌ଦାକା, ମାତର୍ ହର୍ ଜଦି କାର୍‌ୟା ଆନାଡ଼, ତା ଆତିସ୍ ହେଦେଲିଂ ଇନାକାତ ହୱାଡ଼୍ କିୟାନାଡ଼ ? ଏପେଙ୍ଗ୍ ଜାର୍ ବିତ୍ରେ ହର୍ ହୱାଡ଼୍ ସମାନ୍ ମାନାଟ୍ ଆରି ହାରି ଲାହାଂ ସୁସ୍ତାତ ମାନାଟ୍ ।”

୫୦ *ହର୍ ହାର୍‌ଦାକା, ଏଲେଙ୍ଗ୍ ହର୍ ଲାକେ ଆୱାତାଡ଼ି, ତା ଆତିସ୍ ଇନାକାତ ହୱାଡ଼୍ କିନାକା ? ଏପେଙ୍ଗ୍ ଜାର୍

* ୯:୩୪ ୯:୩୪ ଲୁକ ୨୨:୨୪. * ୯:୩୫ ୯:୩୫ ମାଡିଉ ୨୦:୨୭,୨୭; ୨୩:୧୧; ମାର୍କ ୧୦:୪୩,୪୪; ଲୁକ ୨୨:୨୭. * ୯:୩୬ ୯:୩୬ ମାଡିଉ ୧୦:୪୦; ଲୁକ ୧୦:୧୬; ଜହନ୍ ୧୩:୨୦. * ୯:୪୦ ୯:୪୦ ମାଡିଉ ୧୨:୩୦; ଲୁକ ୧୧:୨୩. * ୯:୪୧ ୯:୪୧ ମାଡିଉ ୧୦:୪୨. * ୯:୪୩ ୯:୪୩ ମାଡିଉ ୫:୩୦. * ୯:୪୬ ୯:୪୬ ମାଡିଉ ୫:୨୯. * ୯:୫୦ ୯:୫୦ ମାଡିଉ ୫:୧୩; ଲୁକ ୧୪:୩୪,୩୫.

ଜାର୍ ତାକେ ହାର ଗୁଣ ଇଟାଟ୍ ଆରେ ଝିଜାକାଦେର୍ ସୁସ୍ତାତ ମାନାଟ୍ ।”

୧୦

ତକ୍ତିଂ ପିହ୍ନି ବିସ୍ତେ ଜିସୁ ହିକାଇ କିତାକା
(ମାତିଉ ୧୯:୧-୧୨; ଲୁକ ୧୬:୧୮)

୧ ଜିସୁ ହେ ବାହାତାଂ ହାଲ୍ଜି ପା ଜିହୁଦାନିପ ଆରି ଜର୍ଦନ୍ ନାଗୁଡ୍ ନାସି ଝାତାନ୍, ଆରେ ମାନାୟ୍ ତାକେ ଆରେ ରଗ ହେଦାଂ ମେହା ଆତାନ୍, ହେଝାନ୍ ନିଜେ ନି ନିତି ତାଙ୍ ହେଝାରିଂ ହିକାଇ କିଦେଙ୍ ଲାଗାତାନ୍ ।

୨ ଇବେଣ୍ଟାଂ ପାରୁସିର୍ ତା ତାକେ ଝାଜି ତାଙ୍ଗେଙ୍ ପରିକ୍ୟା କିଜି ଝେନ୍‌ବାତାର୍, ମା “ବିଦି ହିଦ୍‌ନାତା କି ରଝାନ୍ ତା ତକ୍ତିଂ ପିସି ହେଦାଂ ଇନାକା ଆଣ୍ଟେନ୍ ତାକେ ନ୍ୟାୟ୍ ମାନାଟ୍ କି ?”

୩ ଜିସୁ ହେଝାରିଂ ଉତର୍ ହିତାନ୍, “ମସା ମିଙ୍ଗେଙ୍ ଇନା ବଲ୍ ହିଡ୍‌ତାନ୍ନା ?”

୪ *ହେଝାର୍ ଇଟାର୍, “ହେଲ୍ ଆକି ଲେକି କିଜି କଗ୍‌ଲେଂ ପିହ୍ନି କାଜିଂ ମସା, ହେଲ୍ ହିତାନ୍ନା ।”

୫ ହେବେ ଜିସୁ ହେଝାରିଂ ଇଟାନ୍, “ମି ମାନ୍ ଆଟ୍‌ଝା ହୁଡ୍‌ଜି ମସା ମି କାଜିଂ ଇ ବଲ୍ ଲେକି କିତାନ୍ନା । ୬ ମାତର୍ ଉବ୍‌ଜାଣ୍ ଆତି ଆରମ୍‌ତାଂ ଇସ୍‌ବର୍ ହେ ଲାକେ ହେଝାରିଂ ଆଣ୍ଟେନ୍ ଆରେ କଗ୍‌ଲେ କିଜି ଉବ୍‌ଜାଣ୍ କିତାନ୍ ।” ୭ “ଇଦାଂ କାଜିଂ ଆଣ୍ଟେନ୍ ଜାର୍ ଆବା ଆୟାଂ ପିହିନାନ୍, ଆରି ହେଝାର୍ ଏକ୍ ଆନାର୍,* ୮ ଆରେ ହେଝାର୍ ରିକାର୍ ଆକାୟ୍, ମାତର୍ ର ଗାଗାଡ୍ ଆନାର୍ । ୯ ଲାଗିଂ ଇସ୍‌ବର୍ ଇମ୍‌ଶାକାରିଂ ମେହାୟ୍ କିତାନ୍ନା, ମାନାୟ୍ ହେଦାଂ ଏଡାୟ୍ କିମେର୍ ।”

୧୦ ପାଚେ ଚେଲାର୍ ଇଞ୍ଜ ହେଝାନିଂ ଇ ବିସ୍ତେ ଆରେ ରଗ ଝେନ୍‌ବେଦେଂ ଲାଗାତାର୍ । ୧୧ *ହେବେଣ୍ଟାଂ ହେଝାନ୍ ହେଝାରିଂ ଇଟାନ୍, “ଇନେର୍ ଜାର୍ ତକ୍ତିଂ ପିସି ବିନ୍‌ନିକାତିଂ ବିବାଆତିସ୍, ହେଝାନ୍ ତା ବିରୁଦ୍‌ତ ଦାରି ଆନାନ୍ । ୧୨ ଆରେ, ଜଦି କଗ୍‌ଲେ ଜାର୍ ତକ୍ତିଂ ପିସି ବିନ୍‌ଲୁଗାଂ ବିବା ଆତିସ୍, ଲାଗିଂ ହେଦେଲ୍ ଦାରି ।”

ଜିସୁ ହିମ୍‌ଶାକାଂ ଝାରି କିନାନ୍
(ମାତିଉ ୧୯:୧୩-୧୫; ଲୁକ ୧୮:୧୫-୧୭)

୧୩ ହେଝାନ୍ ଇନେସ୍ ହିମ୍‌ଶାକାଂ ତୁଜି ଆସିର୍ବାଦ୍ କିନାନ୍, ଇଦାଂ କାଜିଂ ହେଝାରିଂ ହେଝାନ୍ ତାକେ ତାତେଙ୍ ଲାଗାତାର୍, ମାତର୍ ଚେଲାର୍ ହେଝାରିଂ ଦାକା କିଟାର୍ । ୧୪ ଜିସୁ ହେଦାଂ ହୁଡ୍‌ଜି ରିସା ଆଜି ହେଝାରିଂ ଇଟାନ୍, “ହିମ୍‌ଶାକାଂ ନା ତାକେ ଝାଦେଙ୍ ହିଆଟ୍, ହେଝାରିଂ ମୁନାକିମାଟ୍, ଇଦାଂ କାଜିଂ ଇସ୍‌ବର୍‌ତି ରାଜି ଇ ଲାକେ ମାନାୟାଟ୍‌ତି । ୧୫ ଆନ୍ ମିଙ୍ଗେଙ୍ ହାଡ୍‌ପା ଇଞ୍ଜନାଙ୍ଗା, ଇନେର୍ ହିମ୍‌ଶାଂ ଲାକେ ଇସ୍‌ବର୍ ରାଜିତ ଆଝିତିସ୍, ହେଝାନ୍ ଇନେସ୍ କିଜି ପା ସାଗେଂ ରାଜିନିପ ହେବେ ହଣ୍ଟେଙ୍ ଆଡୁନ୍ ।” ୧୬ ଆରେ, ହେଝାନ୍ ହେଝାରିଂ ତୁକ୍‌ତି କେଇ ଇଡ୍‌ଜି ଆସି ବାଦ୍ କିତାନ୍ ।

ର ହାଝାକାର୍ ମାନାୟ୍ ବିସ୍ତେ
(ମାତିଉ ୧୯:୧୬-୩୦; ଲୁକ ୧୮:୧୮-୩୦)

୧୭ ଜିସୁ ହାନିହିଂ ହାଞ୍ଜେଙ୍ ଆରାମ୍ କିନି ଝେଡାଲିଂ ରକାନ୍ ହନ୍‌ତି ଝାଜି ହେଝାନ୍ ଲାଗାଂ ମେଣ୍ଟାକୁଦି କିଜି ହେଝାନିଂ ଝେନ୍‌ବାତାନ୍, “ଏ ସଡ୍ ଗୁରୁ, ଝିଜ୍‌ଝି ଜିବୁନ୍ ପାୟା ଆଦେଂ ଆନ୍ ଇନାକା କିନାଙ୍ ?”

୧୮ ହେବେଣ୍ଟାଂ ଜିସୁ ହେଝାନିଂ ଇଟାନ୍, “ନାଙ୍ଗେଙ୍ ହାର୍ ଇଞ୍ଜ ଇନେକିଦେଂ ଇଞ୍ଜନାୟା ?” ରଝାନ୍ ପିସି, ଇତିସ୍ “ଇସ୍‌ବର୍ ତାଙ୍ ଇନେର୍ ହାର୍‌କାର୍ ହିଲୁର୍ ।”

୧୯ ବଲ୍‌କୁ ତ ଏନ୍ ପୁରାୟନା, ନାର୍‌ତି ଅହମାଟ୍, ଦାରି କିମାଟ୍, କୁଟ୍ କିମାଟ୍, ଜାର୍ ଆବା ଆୟାକାଂ ଝାରି କିୟାଟ୍ । ୨୦ ହେଝାନ୍ ତାଙ୍ଗେଙ୍ ଇଟାନ୍, “ଏ ଗୁରୁ, ଇଦାଂ ଝିଜୁ ନିୟମ୍ ହାରୁଝେଡାଙ୍ଗାତାଂ ଆନ୍ ବେଣ୍ଟିୟା ଝେଡାତାଙ୍ ମାନି କିଜି ଝାନାଙ୍ ।”

୨୧ ଜିସୁ ହେଝାନ୍ କାଜିଂ ରବେ ହୁଡ୍‌ଜି ହେଝାନିଂ ଜିଉନଜି ଆରେ ଇଟାନ୍, “ନିନ୍‌ଦାଂ ର ବିସ୍ତେ ଉଶା ମାନାଟ୍, ଏନ୍ ହାଲ୍ଜି ନିଜେତି ସବୁ ପ୍ରସି ଅକ୍‌ଡ୍ ତାରିଙ୍ ଦାନ୍ ହିୟା, ଆରେ ଏନ୍ ସାଗେନି ଦାନ୍ ପାୟା ଆନାୟ୍; ଆରେ ଝାଜି ନା ପାଚେ ପାଚେ ଝା ।” ୨୨ ମାତର୍ ଇ କାତାତ ତା ମୁମ୍ ରାଡ୍‌ତାନ୍ ଆରେ ହେଝାନ୍ ଦୁକ୍ ଆଜି ହାଟାନ୍, ଇତିସ୍ ହେଝାନ୍ତି ବେସି ଦାନ୍ ମାଟାଡ୍ ।

୨୩ ପାଚେ ଜିସୁ ଚାରିବେଣ୍ଟାଂ ହୁଡ୍‌ଜି ନିଜେତି ଚେଲାରିଂ ଇଟାନ୍, “ଇନେର୍‌ତି ଦାନ୍ ମାନାଟ୍, ହେଝାର୍ କେତେକ୍ କସ୍‌ତାଂ ଇସ୍‌ବର୍ ରାଜିତ ହାନାର୍ ।”

୨୪ ଜିସୁତି କାତା ଝେନ୍‌ଞ୍ଜି ଚେଲାର୍ କାବା ଆତାର୍, ମାତର୍ ଜିସୁ ଆରେ ରଗ ହେଝେରିଂ ଇଟାନ୍, “ବପାର୍ ଇସ୍‌ବର୍ ରାଜିତ ହାନାକା କେତେକ୍ କସ୍ !” ୨୫ ଇସ୍‌ବର୍ ରାଜିତ ମାଜାନିଂ ହାଶାକା ଇତିସ୍ ହୁଜା କାଶାତ ଉର୍ ହାଶାକା ଆଡ୍‌ଝା, ର ମାଜାନ୍ ସାଗେଂ ରାଜିତ ହାଶାକା ବେସି କସ୍ ।

୨୬ ଇଦାଂ ହେଝାର୍ ବେସି କାବା ଆଜି ହେଝାର୍ ହେଝାରିଂ ଇନ୍‌ବା ଆତାର୍, “ଇତିସ୍ ଇନେର୍ ମୁକ୍ତି ପାୟା ଆନାନ୍ ?”

* ୧୦:୪ ୧୦:୪ ମାତିଉ ୫:୩୧. * ୧୦:୬ ୧୦:୬ କେତେକ୍ ପତିତ ଆରି ତା ତକ୍ତିଂ ଲାହାଂ ମେହାନାର୍ । * ୧୦:୧୧ ୧୦:୧୧ ମାତିଉ ୫:୩୨; ୧ କରନ୍ତିୟ ୭:୧୦,୧୧.

୨୭ ଜିସୁ ହେୱାରୀଁ ସିଦା ହୁଡ଼ଜି ଇଚାନ, “ଇଦାଂ ମାନାୟତିଂ କିୟା ଆୱାକା, ମାତର ଇସ୍ବରତି ଆକାୟ; ଇଚିସ୍ ଇସ୍ବରତି ଓଜ୍ଜୁ ଆନାତ୍ ।”

୨୮ ପିତର ହେୱାନିଂ ଇଚାନ, “ହୁଡ଼ାଟ୍, ଆପେଂ ଓଜ୍ଜେ ପିସ୍ସି ନି ପାଚେ ପାଚେ ୱାନାପା ।”

୨୯ ଜିସୁ ଇଚାନ, “ଆନ୍ ମିଜେଞ୍ ହାଡ଼ପା ୱେଚ୍ଚାନାଜା, ଇମ୍ଣାକାନ୍ ନା ନେକ୍ରିକାରୁର୍ କାଜିଂ ଇଲ୍ କି ଟଣ୍ଡେନ୍ କି ତଣ୍ଡେଲ୍ କି ଆୟା କି ଆବା କି ହିମ୍ଣାୱାକ୍ତା କି ରୁମି ପିସ୍ସାନନା । ୩୦ ଆରେ ଅଜ୍ଜୟ ଇ କାଡ଼ଦ ଦୁକ୍ ସାଜେ ସାଜେ ପାଞ୍ଚକଡ଼ି ଗୁଣ୍ଡ ଇଲ୍, ଟଣ୍ଡେନ୍, ତଣ୍ଡେଲ୍, ଆୟା, ହିମ୍ଣାୱାକ୍ତା ଆରେ ରୁମି, ଆରେ ପାଚେନି ଜୁଗ୍ତ ଓଜ୍ଜି ଜିରୁନ୍ ପାୟା ଆଉନ୍, ଏଲେଞ୍ ବାଡ଼ି ମାନାୟ ଇନେର୍ ହିଲ୍ଲୁର୍ । ୩୧ ଫାତର ଆଗେ ମାନି ହେନି ମାନାୟାର ପାଚେ ଆନାର୍ ଆରି ପାଚେ ମାନି ହେନି ମାନାୟାର ହିଗ୍ଦ ଆନାର୍ ।”

ଜିସୁ ତା ହାନାକା ବିସ୍ତେ ତିନ୍‌ହଟ୍ ୱେଚ୍ଚଚାନ
(ମାତିଉ ୨୦:୧୭-୧୯; ଲୁକ ୧୮:୩୧-୩୪)

୩୨ ହେୱାର୍ ଜିରୁସାଲମ୍ ତାକେ ହାନିୱାଡ଼ାଂ ହାସ୍ଦ ମାଚାର୍ ଆରି ଜିସୁ ହେୱାର୍ ଆଗେ ଆଗେ ହାଲ୍ଜି ମାଚାନ୍, ଆରି, ଚେଲାର୍ କାବା ଆରି ପାଚେ ମାତି ଲଗାଂ ପାଣ୍ଡୁ ଆଜି ମାଚାର୍ । ଇଦାଂ କାଜିଂ ହେୱାନ୍ ଆରେ ବାରଜାଣାତିଂ ବିନେ କିଜି, ହେୱାନ୍ ବିସ୍ତେ ଇନା ଇନାକା ଜିରୁସାଲମ୍ ଗିଟା ଆଦେଂ ହାନାତା, ହେ ଓଜ୍ଜେ ହେୱେରିଂ ଜାଣାଇ କିଦେଞ୍ ଲାଗାଆତାନ୍ । ୩୩ ହେୱେନ୍ ଇଚାନ, “ହୁଡ଼ାଟ୍, ଆପେଂ ଜିରୁସାଲମ୍‌ତ ହାନାପା; ମାନାୟ ମାଜି ମୁଡ଼ ମାପୁ ହେବା କିନାକାନ୍ ଆରେ ଦରମ୍ ଗୁରୁର୍ କେଇଦ ହେଲାଇ ଆନାନ୍, ଆରେ ହେୱାର୍ ହେୱେନିଂ ହାକିଦଣ୍ଡ ହିଜି ପାତ କିଓ ଜିହୁଦିର୍ କେଇଦ ହିନାର୍ । ୩୪ ଆରେ ହେୱାର୍ ହେୱେନିଂ କିଜାୟ କିନାର୍, ହେୱାନ୍ ଜପି ଏଓଡ଼ିଂ ରୁପ୍ନାର୍, ହେୱେନିଂ କରତା ଇଡ଼ିନାର୍ ଆରି ପାଗ୍ନାର୍, ଆରେ ତିନି ଦିନ୍ ପାଚେ ହେୱାନ୍ ଆରେ ଜିରୁନ୍ ଆଜି ନିଜ୍ଜାନାନ୍ ।”

ଜାକୁର୍ ଆରି ଜହନ୍ ଗୱାରି କିନାକା
(ମାତିଉ ୨୦:୨୦-୨୮)

୩୫ ପାଚେ ଜେବ୍‌ଦିତି ମାଜି ଜାକୁର୍ ଆରି ଜହନ୍ ଜିସୁ ତାକେ ୱାଜି ଇଚାର୍, “ଏ ଗୁରୁ, ମା ଇଚା ଜେ, ଆପେଂ ନିବେଣ୍ଡାଂ ଇନାକାପା ଏନ୍ତାନାପ୍, ହେଦାଂ ମା କାଜିଂ ଏନ୍ କିୟା ।”

୩୬ ହେବେଣ୍ଡାଂ ହେୱାନ୍ ହେୱେରିଂ ୱେନ୍‌ବାଚାନ୍, “ଆନ୍ ମି କାଜିଂ ଇନାକା କିନାଜ୍ ଇଞ୍ଜି ଏପେଞ୍ ମାନ୍ କିନାଦେରା ?”

୩୭ ହେୱେର୍ ହେୱେନିଂ ଇଚାର୍, “ଜାର୍ ଜାଜ୍‌ମାଲ୍ ପାୟା ଆତିସ୍ ଇନେସ୍ ମା ତାଜ୍ ରକାନ୍ ନିଜ୍ ତିନି କଚଣ୍ଡ ରକାନ୍ ତେବା କଚଣ୍ କୁଚ୍ଚଚାନ ମାଜେଞ୍ ଇ ବର୍ ହିଦା ।” ୩୮ ଫାତର ଜିସୁ ହେୱେରିଂ ଇଚାନ, “ଏପେଞ୍ ଇନାକା ଏନ୍‌ନାଦେରା, ହେଦାଂ ପୁନ୍‌ଦେରା । ଆନ୍ ଇମ୍ଣି ଗିଲାସ୍ତ ଉଣ୍ଡି ମାନାଜ୍, ହେବେ କି ଏପେଞ୍ ଉଣ୍ଡେଞ୍ ଆଡ଼ନାଦେର୍ କି ? ଇଚିସ୍ ଆନ୍ ଇମ୍ଣି ବାପ୍ତିସିମ୍‌ତ ବାପ୍ତିସିମ୍ ଆନାଜା, ହେବେ କି ଏପେଞ୍ ବାପ୍ତିସିମ୍ ଆଦେଂ ଆଡ଼ନାଦେର୍ କି ?”

୩୯ ହେୱାର୍ ହେୱେନିଂ ଇଚାର୍, “ଆଡ଼ନାପ୍ ।” ଜିସୁ ହେୱେରିଂ ଇଚାନ, ଆନ୍ ଇମ୍ଣି ଗିଲାସ୍ତ ଉଣାଜା, ଏପେଞ୍ ହେ ଗିଲାସ୍ତ ଉଣାଦେର୍, ଆରେ ଆନ୍ ଇମ୍ଣି ବାପ୍ତିସିମ୍‌ତ ବାପ୍ତିସିମ୍ ଆନାଜ୍, ଏପେଞ୍ ହେବେ ବାପ୍ତିସିମ୍ ଆନାଦେର୍;

୪୦ ମାତର ବୁଜ୍‌ଣି ବାଗାଜ୍ କି ତେବାବାଗାଜ୍ କୁଚ୍ଚେଂ ହିନାକା ନା ଆଦିକାର୍ ବିସ୍ତେ ହିଲ୍ଲୁଡ଼, ଇସ୍ବର୍ ଆବା ଇମ୍ଣାକାର୍ କାଜିଂ ବାହା ରଚି କିତାନ୍‌ନା, ହେୱାର୍ କୁଚ୍ଚନାର୍ ।

୪୧ ବିନ୍ ଦାସ୍ ଜାଣ ଇଦାଂ ୱେନ୍‌ଜି ଜାକୁର୍ ଆରେ ଜହନ୍ ଜପି ରିସା ଆଦେଂ ଲାଗାତାର୍ । ୪୨ ହେବେତାଂ ଜିସୁ ହେୱେରିଂ ରବେ କୁକ୍ଚି ଇଚାନ, “ଇମ୍ଣାକାର୍ ପାତ କିଓ ଜିହୁଦିରିଂ ରାଜ୍ କିନାକାର୍ ଲାକେ, ହେୱେର୍ ହେୱାର୍ ଜପି ରାଜି କିନାନ୍ ଆରି ପାତ କିଓ ଜିହୁଦିରିଂ ଗାଜାଲଗୁ ହେୱାର୍ ଜପି କାମାୟକି କିତାର୍, ଇଦାଂ ଏପେଞ୍ ପୁନାଟ୍ । ୪୩ ଫାତର ମି ବିତ୍ରେ ହେ ଲାକେ ଆକାୟ, ମାତର ମି ବିତ୍ରେ ଇନେର୍ ଗାଜାକାର୍ ଆଦେଂ ଇଚା କିତାର୍, ହେୱାନ୍ ମି କାଜିଂ ହେବା କିନାକାନ୍ ଆୟେନ୍; ୪୪ ଆରେ ମି ବିତ୍ରେ ଇନେର୍ ଗାଜାକାନ୍ ଆଦେଂ ଇଚା କିନାନ୍, ହେୱାନ୍ ଓଜ୍ଜାରିଂ ହଲ୍ୟା ଆୟେନ୍ । ୪୫ ଇନେକିଦେଂକି ମାନାୟ ମାଜି ପା ହେବା ପାୟା ଆଦେଂ ୱାଞ୍ଚାତାଂନା, ମତର ହେବା କିଦେଞ୍ ଆରି ହେନି କାଜିଂ ମୁକ୍ତାୟ କିନି ମୁଲ୍‌ଲାକେ ଜିରୁନ୍ ହିଦେଂ ୱାତାନ୍‌ନା ।”

ଜିସୁ ବାର୍ତିମୟ କାଣାଜ୍ ଉଜ୍ କିତାନ୍
(ମାତିଉ ୨୦:୨୯-୩୪; ଲୁକ ୧୮:୩୫-୪୩)

୪୬ ପାଚେ ହେୱାର୍ ଜିରିହ ତାକେ ଏକାତାର୍, ଆରେ ଜିସୁ ଚେଲାହିର୍ ଲାହାଜ୍ ଆରି ବେସି ମାନାୟ ଲାହାଜ୍ ଜିରିହତ ପିସ୍ତି ହାନିୱାଡ଼ାଂ ଟିମାୟର୍ ମେହି ବାର୍ତିମୟ ତର୍ ରକାନ୍ କାଣା ବିକାରି ହାଜି ଗୁଚିତ କୁଚ୍ଚି ମାଚାନ୍ । ୪୭ ହେୱାନ୍ ଜେ ନାଜରିତିୟନି ଜିସୁ, ଇଦାଂ ୱେନ୍‌ଜି ହେୱାନ୍ ଗାଜା ୱେଇଦାଂ ଇଞ୍ଜେଞ୍ ଲାଗାତାନ୍, “ଏ ଦାଉଦ୍ ମାଜି ଜିସୁ, ନାଜେଞ୍ ଦୟା କିଦା ।”

☆ ୧୦:୩୧ ୧୦:୩୧ ମାତିଉ ୨୦:୧୭; ଲୁକ ୧୩:୩୦. ☆ ୧୦:୩୮ ୧୦:୩୮ ଲୁକ ୧୨:୫୦. ☆ ୧୦:୪୩ ୧୦:୪୩ ମାତିଉ ୨୩:୧୧; ମାର୍ଚ୍ଚ ୯:୩୫; ଲୁକ ୨୨:୨୭.

୪୮ ଇବେତାଂ ବେସି ତାଙ୍ଗେଙ୍ଗ୍ ଆଲା ଆମା ଇଞ୍ଜି ଗଡ଼କିଦେଂ ଲାଗାତାର୍, “ମାତର୍ ହେଝାନ୍ ଆରି ଆଦିକ୍ ଗାଜା ଖେଇଦାଂ ଇଞ୍ଜେଙ୍ଗ୍ ଲାଗାତାନ୍, ଏ ଦାଉଦ୍ ମେହି, ନାଙ୍ଗେଙ୍ଗ୍ ଦୟା କିଦା ।” ୪୯ ହେବେତାଂ ଜିସୁ ନିଲ୍ଲି ଖେଟ୍ତାନ୍, “ହେଝାନ୍ ହିର୍ବାର୍ ।” ହେଝାର୍ ହେ କାଣ୍ଟୁ ହୁଡ଼୍ଝି ମାନାୟତିଂ ହିର୍ବିସ୍ ଇଚାନ୍, “ସାସ୍ ଆ, ନିଲା, ନିଙ୍ଗେଙ୍ଗ୍ କୁଲ୍ଲାନା ।”

୫୦ ହେବେତାଂ ହେଝାନ୍ ନିଲ୍ଲି ପା ହେନ୍ଦା ତୁହିଜି ଜିସୁ ତାକେ ଖାତାନ୍ ।

୫୧ ଜିସୁ ତାଙ୍ଗେଙ୍ଗ୍ ଉତର୍ ହିତାନ୍, “ଆନ୍ ନି କାଜିଂ ଇନାକା କିନାଙ୍ଗ୍ ଇଞ୍ଜି ଏନ୍ ଇନାକା ଇଚା କିନାୟା ?” ହେ କାଣା ମାନାୟ ହେଝାନ୍ ଇଚାନ୍, “ଏ ଗୁରୁ, ଆନ୍ ଇନେସ୍ ହୁଡ଼୍ଝେଂ ଆଡ଼ନାଂ ।”

୫୨ ଜିସୁ ତାଙ୍ଗେଙ୍ଗ୍ ଇଚାନ୍, “ହାଲା,” ନି ପାତ୍ କିନାକା ନିଙ୍ଗେଙ୍ଗ୍ ଉଜ୍ କିଡ଼ତାଡ଼ନ୍ । ହେ ଦାପ୍ରେ ହେଝାନ୍ ହୁଡ଼୍ଝାନ୍ ଆରେ ହାଜିତିଂ ହେଝାନ୍ ପାଚେ ପାଚେ ହାଚାନ୍ ।

୧୧

ଜିସୁ ଜିତା ଆଜି ହାନାକା

(ମାତିଉ ୨୧:୧-୧୧; ଲୁକ ୧୯:୨୮-୪୦; ଜହନ୍ ୧୨:୧୨-୧୯)

୧ ଏଚେକାଡ଼୍ ଦ ହେଝାର୍ ଜିରୁସାଲମ୍ ଲାଗାୟ ଖାଜି ଜିଡ଼ମାଡ଼ି ଲାଗେ ବେଡ଼ପାଗି ଆରି ବେଡ଼ନିୟା କଚଣତ ଖାତାର୍, ହେ ପାଦନା ଜିସୁ ନିଜ୍ ଚେଲାର୍ ତାଙ୍ଗ୍ ରିୟାର୍ ଇ କାତା ଖେଟ୍ଟି ପକ୍ତାନ୍, ୨ ମି ମୁମ୍ ହାଣ୍ଟୁ ହେ ନାସ୍ତ ହାଲାର୍ । “ହେବେ ହଣି ସାଙ୍ଗେ ସାଙ୍ଗେ, ଇମ୍ଣାକା ଜପି ଇନେର୍ ଇନାଝାଡ଼ାଂ କୁଡ଼୍ଝାତାର୍ନା, ଏଲେଙ୍ଗ୍ ବାର୍ତାକା ର ଗଦ ହିମ୍ଣାତିଂ ଗାଡ଼ଚାକା ହୁଡ଼୍ଝାଦେର୍, ହେଦେଲିଂ ରିକ୍ଟି ତାଙ୍ଗାଡ଼ୁ । ୩ ଆରେ, ଏଚେକାଡ଼୍ ଇନେନ୍ ମିଙ୍ଗେଙ୍ଗ୍ ଇନାକିଦେଂ ଏଲେଙ୍ଗ୍ କିନାଦେର୍ ଇଞ୍ଜି ଇନ୍ଟିସ୍, ହେଦାଂ ଇନାଦେର୍, ଇଦାଂ ତାକେ ମାପୁତି* ଲଡ଼ା ମାନାଡ଼, ଆରେ ହେଝାନ୍ ଆରେରଗ ବେଗି ପଲ୍ଲାନାନ୍ ।”

୪ ହେଝାର୍ ହାଲ୍ଜି ଦୁଖେର୍ ଲାଗାୟ ବାର୍ତ ହାକିଡ଼ିତ ର ଗଦ ହିମ୍ଣା ଗାଡ଼ଚାକା ହୁଡ଼୍ଝି ହେଦେଲିଂ ରିଲ୍ଲାର୍ । ୫ ହେବେ ନିଲ୍ଲିମାନି ମାନାୟାର୍ ବିତ୍ରେ ଇନେର୍ ଇନେର୍ ହେଝାରିଂ ଖେନ୍ଦାତାର୍, “ଗଦ ହିମ୍ଣାତିଂ ରିକ୍ଟି ଇନାକିନାଦେରା ?”

୬ ଜିସୁ ଇନେସ୍ ଖେଟ୍ଟି ମାଚାନ୍, ହେଝାର୍ ହେ ଲାକେ ହେଝାରିଂ ଉତର୍ ହିତାର୍, ପାଚେ ହେଝାର୍ ହେଝାରିଂ ପିସ୍ତୁ ହିତାର୍ । ୭ ଜିସୁ ଲାଗାୟ ଗଦ ହିମ୍ଣାତିଂ ତାସି ହେଝାର୍ ତା ଜପି ନିଜ୍ ନିଜ୍ନି ହେନ୍ଦା ପାସ୍ତାର୍, ଆରି ଜିସୁ ତା ଜପି କୁଚାନ୍ । ୮ ଆରେ ହେନି ହାସ୍ତ ଜାର୍ ଜାର୍ ହେନ୍ଦା ପାସ୍ତାର୍ ଆରେ କେତେଜାଣ୍ ଜମିତାଂ ତାଡ଼୍ କାଦ୍ଦି ତାସି ପାସ୍ତାର୍ । ୯ ଆରେ, ଆଗେ ଆରି ପାଚେ ହାଲ୍ଜିମାନି ମାନାୟାର୍ ଗାଜାକାଚ୍ତାଂ ଇଞ୍ଜେଙ୍ଗ୍ ଲାଗାତାର୍, “ହସାନ୍ନା ! ମାପୁତି ତର୍ଦ୍ଦ ଇନେନ୍ ଖାନାନା ଇସ୍ବର୍ ଆସିର୍ବାଦ୍ ହିଦ୍ନାନ୍ ! ୧୦ ମା ଆବା ଲାଡ଼ା ଦାଉଦ୍ଡି ଇମ୍ଣା ରାଜି ଖାନାତା, ହେଦାଂ ଇସ୍ବର୍ ଆସିର୍ବାଦ୍ କିଦେନ୍ ! ଜପଣି ଲକାର୍ଡି ହସାନ୍ନା !”

୧୧ ପାଚେ ଜିସୁ ଜିରୁସାଲମ୍ତ ଖାଜି ମନ୍ଦିରତ୍ ହଚାନ୍, ଆରେ ଚାର୍ବେଣ୍ଟି ସବୁ ବିସ୍ତେ ହୁଡ଼୍ଝି ମାଜ୍ଗା ଆତିଲେ ବାରଜାଣ୍ ହୁକେ ବେଡ଼ନିୟାତ ହସିହାଚାର୍ ।

ଜିସୁ ଇଚିଲେ ତଗାମାର୍ ହାନାଡ଼

(ମାତିଉ ୨୧:୧୮-୧୯)

୧୨ ହେ ଆକାଡ଼ ନାଜିଂ ହେଝାର୍ ବେଡ଼ନିୟାତାଂ ଖାଜି ମାତି ଖେଡ଼ାଲିଂ ଜିସୁ ନାସ୍କି ଆଚାନ୍; ୧୩ ଆରେ, ହେଝାନ୍ ଦେହାତାଂ ଆକିଂ ମାନି ର ତଗା ମାର୍ ହୁଡ଼୍ଝି, ଇନେସ୍ ଆତିସ୍ ହେବେ ପାଡ଼ ଗାଟାଆଦନାଡ଼, ଇ ଆହା କିଜି ଲାଗେ ହାଚାନ୍ । ମାତର୍ ଲାଗେ ଖାଜି ଆକିଂ ପିସ୍ତୁ ଆରି ଇନାକା ହୁଡ଼୍ଝେଂ ଆଡ଼୍ଝାତାନ୍, ଇନାକିଦେଂକି ହେ କାଡ଼୍ଦ ତଗାପାଡ଼୍ନି ସମୁ ହିଲ୍ଝାତାଡ଼ । ୧୪ ହେବେଣ୍ଟାଂ ଜିସୁ ମାର୍ଦିଙ୍ଗ୍ ଇଚାନ୍, “ଆରେ ମୁଡ଼୍ଝେ ନି ତାଂ ପାଡ଼୍ ଇନେର୍ ତିନ୍ମେର୍ !” ହେଝାନ୍ତି ଚେଲାର୍ ଇ କାତା ଖେଚାର୍ ।

ଜିସୁ ମନ୍ଦିର ତାକେ ହଚାନ୍

(ମାତିଉ ୨୧:୧୨-୧୭; ଲୁକ ୧୯:୪୫-୪୮; ଜହନ୍ ୨:୧୩-୨୨)

୧୫ ତାପାଚେ ହେଝାର୍ ଜିରୁସାଲମ୍ତ ଖାତାର୍, ଆରି ଜିସୁ ମନ୍ଦିର ବିତ୍ରେ ହଣ୍ଡି ହେଝାର୍ ପୁଜାକିଦେଂ କଡ଼ନାକାରିଂ ପନାକାରିଂ ହପ୍ତେଂ ଲାଗାତାନ୍, ଆରି ଟାକାଂ ବେପ୍ରିୟାର୍ ପାଟାଙ୍ଗ୍ ଆରି ପାଣ୍ଟକା ବେପ୍ରିୟାର୍ କୁଚ୍ନି ବାହା ଉଲ୍ଗାୟ କିତାନ୍, ୧୬ ଆରେ ମନ୍ଦିର ବିତ୍ରେ ଇନେରିଂ ପା ତାଡ଼ିଆ ଇନାକା ଅଦେଂ ହିଝାତାନ୍ । ୧୭ ଆରେ ଜିସୁ ହେଝାରିଂ ହିକ୍ୟା ହିଉ ହିଉ ଇଚାନ୍, ଇଦାଂ ଲେକା ଆତାଡ଼ନ୍ନା, “ମା ଇଲ୍ ଖିଜୁ ଜାତି କାଜିଂ ପାର୍ତାନା ଇଲ୍ ଇଞ୍ଜି ତାକ୍ପୁଗା ଆନାଡ଼, ମାତର୍ ଏପେଙ୍ଗ୍ ତାଙ୍ଗେଙ୍ଗ୍ ଚକ୍ଚୁ ଇଲ୍ କିତାଦେଣ୍ଟା !”

୧୮ ମୁଡ଼୍ ମାପୁହେବାକିନାକାନ୍ ଆରି ଦରମ୍ ଗୁରୁର୍ ଇଦାଂ ଖେନ୍ଝି ଜିସୁଙ୍ଗ୍ ଇନେସ୍ କିଜି ନାସ୍ କିନାର୍ ହେଦାଂ ଉପାୟ କିଦେଙ୍ଗ୍ ଲାଗାତାର୍; ଇନେକିଦେଂକି ଲକ୍ଷ୍ ହେଝାନ୍ ହିକ୍ୟାତ କାବା ଆତିଲେ ହେଝାର୍ ହେଝାନ୍ ପାଣ୍ଟା ଆଜି ମାଚାର୍ ।

* ୧୧:୩ ୧୧:୩ ମାପୁ; ନଲେ ଇଞ୍ଜି ହାଉକାର୍ ।

୧୯ ହେ ଦିନ୍ତ ମୁକା ଆତିଲେ ଜିସୁ ଆରି ଚେଲାର ଗାଡ଼ଦା ହସି ହାଲ୍‌ଜି ମାଚାର ।

ଜିସୁ ତଗାମାତ ବିସ୍ତେ ନି ସାକ୍ତି ଚତ୍ତାନ
(ମାତିଉ ୨୧:୨୦-୨୨)

୨୦ ନାଡ଼ିହିଙ୍ଗ ହେ ହାଜି ହିଜି ହାନି ଝେଡ଼ାଲି ହେଝାର ତଗା ମାର ଚିରାତା ଝାଜ୍‌ଜି ହାଲ୍‌ଜି ମାଚାକା ହୁଡ଼ତାର ।
୨୧ ହେବେ ପିତର ଆଗେନି କାତା ଏତୁ କିଜି ହେଝାନି ଇଚାନ, “ଏ ଗୁରୁ, ହୁଡ଼ା, ଏନ୍ ଇମ୍‌ଣି ତଗା ମାରଦି ସାଇପ୍ ହିଜି ମାଚାୟ ହେଦା ଝାଜ୍‌ଜି ହାଚାତେ ।”

୨୨ ଜିସୁ ଚେଲାରି ଉତର ହିତାନ, “ଇସ୍‌ବର ତାକେ ପାତ କିୟାଟ୍ ।” ୨୩ ଆନ୍ ମିଙ୍ଗେଙ୍ଗ ହାତ୍‌ପା ଇଞ୍ଜନାଙ୍ଗା, ଇନେରପା ଇ ମାଡ଼ିତି ନିଙ୍ଗା ଆରି ହାମ୍‌ଦୁରତ ଆରଗା ଇତିସ୍ ଆରି ଜାର ମାନ୍ ପାତ କିତିସ୍ ଇନାକା ଇତିସ୍, ହେଦା ଗିଟା ଆନାଡ଼ ଇଞ୍ଜି ପାତ କିଜି ହେଝାନ୍ କାଜି ହେଦା ଗିଟା ଆନାଡ଼ । ୨୪ ଲାଗି, ଆନ୍ ମିଙ୍ଗେଙ୍ଗ ଇଞ୍ଜନାଙ୍ଗା ଏପେଙ୍ଗ ଇନା ଇନାକା ପାର୍ତାନା କିନାଦେର ଆରି ଏନ୍‌ନାଦେରା, ହେ ସବୁ ଗାଟା ଆତାପନା ଇଞ୍ଜି ପାତ କିୟାଟ୍ ହେବେନି ହେ ସବୁ ପାୟନାଦେର । ୨୫ ଆରେ, ଏପେଙ୍ଗ ଏଚେଝାଡ଼ାପା ପାର୍ତାନା କିଦେଙ୍ଗ ନିଙ୍ଗାଟ୍ ଜଦି ଇନେର ବେରୁତ ମି ଇନାକା କାତା ମାଚିସ୍, ତା ଆତିସ୍ କେମା କିୟାଟ୍, ଇନେସ୍‌କି ମି ସାଗେନି ଆବାପା ମିଝାଙ୍ଗ ପାପ୍ ସବୁ କେମା କିଦନା ।

୨୬ ମାତର ଏପେଙ୍ଗ କେମା ହିଞ୍ଜିତିସ୍, ମି ସାଗେ ନି ଆବାପା ମିଦାଙ୍ଗ ବାନିୟାତାକା କେମା କିଦୁନ୍ ।

ଜିସୁତି ଆଦିକାର ବିସ୍ତେ ପର୍‌ସନ୍
(ମାତିଉ ୨୧:୨୩-୨୭; ଲୁକ ୨୦:୧-୮)

୨୭ ଆରେ ରଗ ହେଝାର ଆରି ଜିରୁସାଲମତ ଝାତାର, ଆରି, ଜିସୁ ମନ୍ଦିର୍ ବିତ୍ରେ ବୁଲାଇ ଆନି ଝେଡ଼ାଲି ମୁଡ଼ ମାପୁ ହେବା କିନାକାର, ଦରମ୍ ଗୁରୁର ଆରି ପ୍ରାଚିନାର ତାକେ ଝାଜି ଝେନ୍‌ବାତାର, ୨୮ “ଏନ୍ ଇମ୍‌ଣି ଆଦିକାରତ ଇ ସବୁ କିନାୟା ? କି ଇ ସବୁ କିଦେଙ୍ଗ ନିଙ୍ଗେଙ୍ଗ ଇନେର ଆଦିକାର ହିଡ଼ତାର ?”

୨୯ ମାତର ଜିସୁ ହେଝାରି ଇଚାନ, “ଆନ୍ ମିଙ୍ଗେଙ୍ଗ ର କାତା ଝେନ୍‌ବା ଆଦନା, ନାଙ୍ଗେଙ୍ଗ ଉତର ହିଦାଟ୍, ତାଆତିସ୍ ଆନ୍ ଇମ୍‌ଣି ଆଦିକାରତା ଇ ସବୁ କିନାଙ୍ଗା, ହେଦା ମିଙ୍ଗେଙ୍ଗ ଝେଚାନାଙ୍ଗ । ୩୦ ଜହନ୍‌ତି ବାପ୍‌ସିମ୍ ସାଗେତା କି ମାନାୟାରତା ଝାତାଟ୍ ?” ନାଙ୍ଗେଙ୍ଗ ଉତର ହିଦାଟ୍ ।

୩୧ ହେବେ ହେଝାର ହାରି ବେଣ୍ ବାଟ୍ କିଦେ ଲାଗାତାର, ଜଦି ସାଗେତା ଇତିସ୍, ତା ଆତିସ୍ ହେଝାନ୍ ଇଞ୍ଜନାନ୍, ତେବେ “ଏପେଙ୍ଗ ଇନାକିଦେ ଜହନ୍ତି ପାତ କିୟାଦେରା ? ୩୨ ଆରେ ମାନାୟାରତା ଇଞ୍ଜି ଇନାକା ଇନାସ୍ ?” ହେଝାର ମାନାୟାତି ପାଣ୍ଡା ଆଜି ମାଚାର; ଇନାକିଦେକି ଝିଜାକାର ଜହନ୍ତି ରକାନ, ବେଣ୍‌ବାକ୍‌ଣାୟ କିନାକାନ୍ ଇଞ୍ଜି ମାନି କିଜି ମାଚାର । ୩୩ ଲାଗି ହେଝାର ଜିସୁଙ୍ଗ ଉତର ହିତାର, “ଆପେ ପୁନ୍‌ପୁ ।” ଜିସୁ ହେଝାରି ଇଚାନ ତେବେ ଆନ୍ ଇମ୍‌ଣି ଆଦିକାରତ ଇ ସବୁ କିନାଙ୍ଗା, ହେଦା ଆନ୍ ମିଙ୍ଗେଙ୍ଗ ଝେଚରୁଙ୍ଗ ।

୧୨

ଅଙ୍ଗୁର ବାଡ଼ଦ ଆରି ବାଗ୍‌କିନି କାମ୍‌ଲିୟାର୍‌ନି କାତା
(ମାତିଉ ୨୧:୩୩-୪୭; ଲୁକ ୨୦:୯-୧୯)

୧ ଇଦା ପାଚେ ହେଝାନ୍ ହେଝାରି ଉତରମୁଡ଼ ଇଞ୍ଜେଙ୍ଗ ଲାଗାତାନ । “ରକାନ ର ଅଙ୍ଗୁର ବାଡ଼ କିଜି ତା ଚାରିବେଣ୍‌ତା ବାଡ଼ ଚତ୍ତାନ ଆରି ଅଙ୍ଗୁରକୁଣ୍ଡି କାଚ କାନାକାର ମାଚା ରଚ୍‌ଚାନ, ଆରେ କାମାୟ କିନାକାରି ହେ ବାଡ଼ ବାଗରେ ହିଜି ରାଜି ହତାନ । ୨ ପାଚେ କାମାୟ କିନାକାରତା ଅଙ୍ଗୁର ବାଡ଼ିନି ପାଡ଼ ପାୟା ଆଦେ ଇଞ୍ଜି ହେଝାନ୍ ର ଆଡ଼ିଏନି ସମାନ୍ ଝେଡ଼ାଲି ହେଝାର ତାକେ ପକ୍‌ତାନ । ୩ ମାତର ହେଝାର ହେଝାନି ଆଜି ଟ୍ରାକ୍‌ତାର ଆରି ଝାରା କେଇଦା ପଲ୍ଲାର । ୪ ହେଝାନ୍ ଆରି ରକାନି ଆଡ଼ିୟା ପକ୍‌ତାନ; ହେଝାର ହେଝାନ୍ତି ପା କାପ୍‌ଡ଼ା ପାଟ୍‌ତାର ଆରି ହେଝାନି ହିନ୍‌ସ୍ତା କିତାର । ୫ ହେଝାନ୍ ଆରେ ରକାନି ପକ୍‌ତାନ; ହେଝାର ତାଙ୍ଗେଙ୍ଗ ପା ଚୁଟାର । ହେବେ ହେଝାନ୍ ଆରେ ହେନିତି ପକ୍‌ତାନ; ହେଝାର ତାଙ୍ଗେ ପା କେତେକ୍ ଜାଣିତି ହେଝାର ଟ୍ରାକ୍‌ତାର ଆରେ କେତେକ୍ ଜାଣିତି ଚୁଟାର । ୬ ତା କଚଣିତ ରକାନ ମାତର ମାଚାନ, ହେଝାନ୍ ତା ଝାରିନି ମାଜି । ନା ମାଜି ହେଝାର ମାନିକିନାର, ଇଦା ଇଞ୍ଜି ହେଝାନ୍ ହାରିହାରା ହେଝାନି ହେଝାର ତାକେ ପକ୍‌ତାନ ।” ୭ ମାତର ହେ କୁଲିୟାର୍ ହେଝାର ହେଝାର ବେଣ୍‌କିବା ଆତାର ଇଝାନ୍ତ ମୁଣିକା କାଡ଼ଦେ, ଝାଡ଼ୁ, ଇଝାନି ଅହ୍‌ନାସ୍; ତା ଆତିସ୍ ମାଦା ଆଦିକାର ଆନାଡ଼ ! ୮ ହେବେଣ୍ଡା ହେଝାର ତାଙ୍ଗେଙ୍ଗ ଆସ୍ତି ଅସ୍ତାର ଆରି ଅଙ୍ଗୁର ବାଡ଼ ବାରତ ତୁହିତାର ।

୯ “ହେବେ ଅଙ୍ଗୁର ବାଡ଼ିନି ହାତକାର ଇନାକା ଇନାନ୍ ?” ହେଝାନ୍ ଝାଜି କୁଲିୟାରି ଟାଣ୍ଡେ ଅହ୍‌ନାନ୍ ଆରି ବିନ୍ ଲଗା ଅଙ୍ଗୁର ବାଡ଼ ହିନାନ୍ । ୧୦ ଏପେଙ୍ଗକି ଦରମ୍ ସାସ୍‌ବର
“ଇ ବଚନ୍ ପା ପଡ଼ି କିଝାତାଦେଣ୍ଡା, ଇଲ୍ ରଚ୍‌ନାକାର ଇମ୍‌ଣି କାଲ୍‌ଦି ମୁନା କିତାର, ହେଦା କନାନି ମୁଡ଼କାଲ୍ ଆତାଡ଼ ।

☆ ୧୧:୨୩ ୧୧:୨୩ ମାତିଉ ୧୭:୨୦; ୧ କରକ୍ତିୟ ୧୩:୨.

୧୧ ମାପୁତାଂ ଇଦାଂ ଆତାତ୍, ଆରି ହେଦାଂ ମା କାଣ୍ଡକୁକାଂ କାବା ଆନାକା ?”

୧୨ ଇବେଣ୍ଡାଂ ଜିହୁଦିର୍ ଜିସୁଙ୍ଗ୍ ଆସ୍ତେଙ୍ଗ୍ ହାତୁର୍ କିତାର୍, ମାତର୍ ହେଝାର୍ ମାନାୟ୍ତିଂ ପାଣ୍ଡା ଆତାର୍; ଇନାକିଦେଂକି ହେଝାନ୍ ହେ ଉତର୍ମୁଡ୍ ହେଝାରିଂ ଇଟ୍ କାଡ୍ କିଜି ଇଞ୍ଜି ମାଚାନ୍ ଇଞ୍ଜି ହେଝାର୍ ବୁଜାଆତାର୍, ଆରେ ହେଝାର୍ ହେଝାନିଂ ପିସ୍ସି ହାଚାର୍ ।

ଜିହୁଦିର୍ ଜିସୁଙ୍ଗ୍ ଡକ୍ଟାତ ହେଜି କିଦେଙ୍ଗ୍ ଚାଲାକି
(ମାତିଉ ୨୨:୧୫-୨୨; ଲୁକ ୨୦:୨୦-୨୬)

୧୩ ପାଚେ ହେଝାନ୍ କାତାନି ଗାଣ୍ଡୁ ଝେନ୍ଞି ଆସ୍ତେଙ୍ଗ୍ ଇଞ୍ଜି ହେଝାର୍ ପାରୁସିର୍ ଆରେ ହେରଦିୟା ଦାଡ୍ନି ମାନାୟାର୍ ବିତ୍ରେ କେତେକ୍ ଜାଣ୍ଡିଂ ହେଝାନ୍ ଲାଗାଂ ପଲ୍ଲାର୍ । ୧୪ ହେଝାର୍ ଝାଜି ହେଝାନିଂ ଇଚାର୍, “ଏ ଗୁରୁ ଆପେଂ ପୁନାପ, ଏନ୍ ହାଡ୍ପା ସଡ୍ ଆରି ଇନେରିଂ ପାଣ୍ଡା ଆଉୟ୍, ଇନାକିଦେଂକି ଏନ୍ ମାନାୟ୍ତି ମୁକ୍ମେଟ୍ ହୁଡ୍ମୁ ମାତର୍ ହାଡ୍ପା ରଚେ ଇସ୍ପୁର୍ତି ହାଜି ହିକ୍ୟାହିନାୟ୍ । ମାଙ୍ଗେଙ୍ଗ୍ ଝେଟ୍ଟା କାଈସର୍ ରାଜାଙ୍ଗ୍ ସିସ୍ତୁ ହୁନି ବିଦି କି ଆକାୟ୍ ?”

୧୫ ଆସେଙ୍ଗ୍ ହିନାସ୍ କି ଆକାୟ୍ ? “ମାତର୍ ହେଝାନ୍ ହେଝାର୍ତି କୁଟ୍ ପୁଞ୍ଜି ହେଝାରିଂ ଇଚାନ୍, ଇନେକିଦେଂ ନାଙ୍ଗେଙ୍ଗ୍ ପରିକ୍ୟା କିଦ୍ନାଦେରା ? ର ଟାକା ନା ଲାଗାୟ୍ ତାଡ୍, ଆନ୍ ହେଦାଂ ହୁଡ୍ନାଂ ।”

୧୬ ହେବେ ହେଝାର୍ ଅଦ୍ନି ତାହିଝାତାର୍ । ଜିସୁ ହେଝାରିଂ ଝେନ୍ଞାତାନ୍, “ଇ ପୁଡ୍ଡା ଆରି ତର୍ ଇନେରତି ?” ହେଝାର୍ ହେଝାନିଂ ଇଚାର୍, “କାଈସର୍ତି ।”

୧୭ ହେବେ ଜିସୁ ହେଝାରିଂ ଇଚାନ୍, “କାଈସର୍ତି ଇନାକା, ହେଦାଂ ରମିୟ୍ ରାଜାଙ୍ଗ୍ ହିୟାଟ୍ ଆରେ ଇସ୍ପୁର୍ତିଂ ଇନାକା ହେଦାଂ ଇସ୍ପୁର୍ତିଂ ହିୟାଟ୍ ।” ହେବେ ହେଝାର୍ ହେଝାନ୍ କାତାତ କାବା ଆତାର୍ ।

ହାଡିପାଚେ ନିଙ୍ଗନି ବିସ୍ତେ ପରସନ୍
(ମାତିଉ ୨୨:୨୩-୩୩; ଲୁକ ୨୦:୨୭-୪୦)

୧୮ ଇଦାଂ ପାଚେ ଆରେ ନିଙ୍ଗନାକା ମୁନା କିତାର୍ ସାଦୁକିର୍ ହେଝାନ୍ ଲାଗାଂ ଝାଜି ଝେନ୍ଞେଦେଂ ଲାଗାତାର୍, ୧୯ “ଏ ଗୁରୁ, ମସା ମାକାଜିଂ ଲେକିକିତାନ୍ନା ଜେ, ଜଦି ଇନେର୍ ଲାକୁ ନି ଟଣ୍ଡେନ୍ ହାଡିସ୍, ଆରି ତା ଡକ୍ଟୁହି ଜିବୁଡ୍ ମାତିସ୍, ଆରେ ତାଦାଙ୍ଗ୍ ଇନାକାପା ହିମ୍ଗାଝାକ୍ତା ହିଲ୍ଝିତିସ୍, ତା ଆଡିସ୍ ତା ଟଣ୍ଡେନ୍ ତା ଡକ୍ଟୁହିଙ୍ଗ୍ ଇଡ୍ଜି ତା ଟଣ୍ଡେନ୍ କାଜିଂ ହିମ୍ଗାଝାକ୍ତା ଉଦ୍ଜାଣ୍ କିନାନ୍ ।” ୨୦ ହୁଡ୍ଡାଟ୍, ସାଡ୍ ବାୟ୍ ଟଣ୍ଡାର୍ ମାଚାର୍; ଗାଜାକାନ୍ ର ଡକ୍ଟି ଇଟ୍ତାନ୍ ଆରି ହିମ୍ଗାଝାକ୍ତା ଆଝାଦାଂ ହାତାନ୍; ୨୧ ପାଚେ ଆରେ ରକାନ୍ ତାଙ୍ଗେଙ୍ଗ୍ ଇଡ୍ଜିପା ହିମ୍ଗାଝାକ୍ତା ଆଝାଦାଂ ହାତାନ୍ । ଆରେ ରକାନ୍ପା ହେ ଲାକେନେ ଆଜି ହାତାନ୍, ୨୨ ଆରେ, ସାଡ୍ଜାଣ୍ ଜାକ ହିମ୍ଗାଝାକ୍ତା ଆଝାଦାଂ ହାତାର୍; ହାରିହାରା ହେ କର୍ଲେ ପା ହାତାଡ୍ । ୨୩ ହାଜି ଆରେ ନିଂନି ଝେଡାଲିଂ ଏଚେକାଡ୍ଡ ହେଝାର୍ ନିଙ୍ଗନାର୍, ହେ ଏଚେକାଡ୍ଡ ହେଝାର୍ ବିତ୍ରେ ହେଦେଲ୍ ଇନେର୍ ଡକ୍ଟି ଆନାଡ୍ ? ସାଡ୍ ଜାଣ୍ ଜାକ୍ ହେଦେଲିଂ ବିବା କିଜି ମାଚାର୍ ।

୨୪ ଜିସୁ ହେଝାରିଂ ଇଚାନ୍, “ଏପେଙ୍ଗ୍ ଦରମ୍ ସାସ୍ପୁର୍, ଆରେ ଇସ୍ପୁର୍ ସାଲ୍ଟି ପୁନ୍ଝାଦାଂ କି ବାନ୍ୟା ହାଜିଡିଂ ହାନାଦେରା । ୨୫ ଜିସୁ ହାତାକାର୍ ବିତ୍ରେ ଆରେ ନିଙ୍ଗତି ପାଚେ ମାନାୟ୍ ବିବା କିଡର୍ କି ଇନେରିଂ ବିବାଆଦେଂ ହିଉର୍ । ମାତର୍ ସାଗେନି ଦୁଡ୍ ଲାକେ ମାନ୍ଗାନାର୍ । ୨୬ ମାତର୍ ହାତାକାର୍ ଜେ ନିଙ୍ଗନାର୍, ହେ ବିସ୍ତେ ଏପେଙ୍ଗ୍ କି ମସାତି ସାସ୍ପୁର୍ତ୍ତ ବୁଚାନି ବୁଜାଆନି କାତା ପଡି କିଝାତାଦେଣ୍ଡା ଜେ, ଇସ୍ପୁର୍ ଇନେସ୍ ହେଝାନିଂ ଇଚାନ୍ ଆପେଂ ଅବ୍ରାହାମତି ଇସ୍ପୁର୍, ଇସ୍ହାକ୍ତି ଇସ୍ପୁର୍ ଆରି ଜାକୁର୍ତି ଇସ୍ପୁର୍ ? ୨୭ ହେଝାନ୍ ହାଡି ଲଗାର୍ତି ଇସ୍ପୁର୍ ଆକାୟ୍ ମାତର୍, ଜିତାକାତ । ଏପେଙ୍ଗ୍ ବେସିବୁଜା ଆଉଦେରା !”

ମୁଡ୍ ବଲ୍
(ମାତିଉ ୨୨:୩୪-୪୦; ଲୁକ ୧୦:୨୫-୨୮)

୨୮ ହେ ଏଚେକାଡ୍ଡ ଦରମ୍ ଗୁରୁର୍ ବିତ୍ରେ ରକାନ୍ ଲାଗେ ଝାଜି ହେଝାର୍ କାତାବାର୍ତା ଝେନ୍ଞି ଜିସୁ ଆରି ସାଦୁକିରିଂ ହାଦ୍ ଉତର୍ ହିତାନ୍ନା, ଇଦାଂ ପୁଞ୍ଜି ହେଝାନିଂ ଝେନ୍ଞାତାନ୍, “ଝିଜୁ ବଲ୍ ବିତ୍ରେ ଇନାବାନି ବଲ୍ ମୁଡ୍ ?”

୨୯ ଜିସୁ ଉତର୍ ହିତାନ୍, ମୁଡ୍ ବଲ୍ ଇଦାଂ, “ଏ ଇସ୍ରାଏଲ୍, ଝେନା, ମାପୁ ମାଙ୍ଗେଙ୍ଗ୍ ଇସ୍ପୁର୍ ରକାନ୍ ମାତର୍ ଇସ୍ପୁର୍ ଆନାନ୍; * ୩୦ ଆରେ, ଏପେଙ୍ଗ୍ ମି ଝିଜୁ ଝାସ୍ତି, ଝିଜୁ ପାରାଣ୍, ଝିଜୁ ମାନ୍, ଆରି ମାନ୍ ଝିଜୁ ସାଲ୍ଟି ହିଜି ମାପୁ ଜାର୍ ଇସ୍ପୁର୍ତିଂ ଜିଉ ନଝାଟ୍ । ୩୧ ଆରେ ରଞ୍ଜାଙ୍ଗ୍ ଇଦାଂ, ଏନ୍ ନି ପାଡ୍ହା ଇଞ୍ଜି ଲଗାଂ ନି ଝାସ୍ତିଲାକେ ଜିଉ ନଝାଟ୍ । ଇ ବଲ୍ତିଂ ଆଦିକ୍ ଆରି ଇନାକାପା ସିଗ୍ ବଲ୍ ହିଲ୍ଡ ।”

୩୨ ହେବେ ହେ ଦରମ୍ ଗୁରୁର୍ ହେଝାନିଂ ଇଚାନ୍, “ଏ ଗୁରୁ, ହେଦାଂ ହାଡ୍ପା, ହେଝାନ୍ ଜେ ରଞ୍ଜାଙ୍ଗ୍ ଆରି ହେଝାନ୍ ଝାଡିସ୍ ଆରି ଇନେର୍ ଆକାୟ୍, ଇଦାଂ ଏନ୍ ହାଡ୍ପା ରଚେ ଇଚାଈନା । ୩୩ ଆରେ, ଝିଜୁ ଝାସ୍ତି, ଝିଜୁ ବୁଦି ଆରି ଝିଜୁ ସାଲ୍ଟି ହିଜି ହେଝାନିଂ ଜିଉ ନଝାଟ୍, ଆରି ପାଡ୍ହା ଇଞ୍ଜି ଲଗାଂ ଜାର୍ ଜିବୁନ୍ ଲାକେ ଜିଉନନାକା ଝିଜୁ ଗାର୍ଣି ଆରି ପୁଜାଡିଙ୍ଗ୍ ଗାଜାତି ।”

* ୧୨:୨୯ ୧୨:୨୯ ମା ମାପୁ ଇସ୍ପୁର୍ କେବଲ୍ ମାପୁ ଆନାନ୍; ନଲେ ମାପୁ ମା ଇସ୍ପୁର୍, ମାପୁ କେବଲ୍ ।

୩୪ ହେୱାନ ବୁଦି ଲାହାଙ୍ଗ ଉତର ହିଜି ମାନାକା ପୁଞ୍ଜି ଜିସୁ ହେୱାନିଂ ଇଚାନ, “ଇସ୍ବର ରାଜିତାଂ ଏନ୍ ଦେହା ଆକାୟ । ଇଦାଂ ପାଚେ ଇନେନ୍ ହେୱାନିଂ ଆରେ ଇମ୍ବି ପରସନ୍ ଝେନ୍ବେଦେଂ ସାସ୍ କିଞାତାର ।”

କ୍ରିଷ୍ଟ ଦାଉଦ୍ ଫାଜି
(ମାତିଉ ୨୨:୪୧-୪୬; ଲୁକ ୨୦:୪୧-୪୪)

୩୫ ମାତର ଜିସୁ ମନ୍ଦିରତ ହିକ୍ସା କିଜି ମାନି ସମୁତ ଝେନ୍ବଦାର, “କ୍ରିଷ୍ଟ ଜେ, ଦାଉଦ୍ ଫାଜି, ଇଦାଂ ଦରମ୍ ଗୁରୁର ଇନେସ୍ ଇନାର ? ୩୬ ନିଜେ ନେ ଦାଉଦ୍ ପୁଇପୁୟା ଜିବୁତ୍ତାଂ ବାର୍ତି ଆଜି ଇଞ୍ଜି ମାଚାନ, ମାପୁ ନା ମାପୁତିଂ ଇଚାନ, ଆପେଂ ଜେ ନି ସାତୁରିଂ ନି ପାନା ତାରେନ୍ ଇଡ଼ଞାତାପ୍ନା, ହେ ପାଚେକ୍ ନା ବୁଜ୍ଜିପାଡ଼କା କୁଚ୍ଚି ମାନାଟ୍ ।”

୩୭ ନିଜେନେ ଦାଉଦ୍ କ୍ରିଷ୍ଟଙ୍ଗ୍ ମାପୁ ଇଞ୍ଜି ଇନାନ; “ଲାଗିଂ ଇସ୍ବର ବାଚିକିତି ରାକ୍ୟାକାରିୟା କ୍ରିଷ୍ଟ ଇନେସ୍ ବାର୍ତି ମାଜି ଆନାନ ?”

ଦର୍ମ ଗୁରୁର ବିସ୍ତେ ଜିସୁତି ଝେଚ୍ଚନାକା
(ମାତିଉ ୨୩:୧-୩୬; ଲୁକ ୨୦:୪୫-୪୭)

୩୮ ଓଜାକାର ମାନାୟାର୍ ଝାରିତାଂ ହେୱାନ ବେରଣ୍ ଝେନ୍ଞି ମାଚାର । ଆରେ, ହେୱାନ ଜାର୍ତି ହିକ୍ୟା ବିତ୍ରେ ଇଚାନ, “ଦରମ୍ ସାସ୍ବରତାଂ ଜାଗ୍ରତ୍ !” ହେୱାର୍ ତେଙ୍ଗା ଆଜି ଆପ୍ ସ୍ ବୁଲ୍ଲା ଆନି କାଜିଂ, ଆରେ ଆଟ୍ ବାଜାର୍ତ, ଜଞ୍ଜାର ପାୟା ଆଦେଂ । ୩୯ “କୁଟୁମ୍ ଇଞ୍ଜି ଗାଜା ବାହା ଆରି ବଜିତ ଗାଜା ବାହା ପାୟା ଆଦେଂ ଝାରୟା ଆନାର; ୪୦ ହେୱାର୍ ରାଣ୍ଡିକାଂ ଇଲ୍ ଝିଜେ ନସ୍ବ କିଚାର ଆରି ଟକାୟ କିଜି ଲାମା ପାର୍ତାନା କିନାର; ହେୱାର୍ ତାଣ୍ ପାୟା ଆନାର !”

ର ରାଣ୍ଡି ଆୟାତି ଦାନ
(ଲୁକ ୨୧:୧-୪)

୪୧ ପାଚେ ହେ ଗାଦ୍ୟା ଇଲ୍ ମୁମ୍ବ କୁଚ୍ଚି ଲକାର ଇନେସ୍ ଟାକାଂ ରୁଣ୍ଡାଈକିତାର, ହେଦାଂ ହୁଡ଼୍ଜି ମାଚାନ । ଏଚେକାଡ଼୍ ହେନି ମାନାୟାର୍ ମାଜାନିଂ ହେବେ ବେସି ଇଡ଼ତାର; ୪୨ ଆରି, ରଞ୍ଜେଲ୍ ଅକ୍ ଡ଼ ରାଣ୍ଡି ରି ଟାକା ତାବୁଙ୍ଗ୍ ହେବେ ରାଡ଼ତାଡ଼ । ୪୩ ହେବେଣ୍ଡାଂ ଜିସୁ ନିଜ୍ଜିତ ଚେଲାରିଂ ଲାଗେ କୁକ୍ଚି ଇଚାନ, “ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା, ଟାକାଂ ପେଡ଼ି ଇଡ଼ଜିମାନି ଓଜାକାର୍ ତାକେଣ୍ଡାଂ, ଇ ଅକ୍ ଡ଼ ରାଣ୍ଡି ବେସି ଇଡ଼ିତାଡ଼ ନା । ୪୪ ଇନାକିଦେଂକି ଓଜାକାର୍ ନିଜେ ନିଜେତି ବେସି ଦାନ୍ଡ ଅଲପ୍ ଅଲପ୍ ଦାନ ଇଡ଼ିତାର, ମାତର ଇଦେଲ୍ ନିଜେତି ଇନାକା ହିଲ୍ଝାଦାଂ ନିଜେତି ଜିବୁନ୍ ବାଚାୟ କିଦେଙ୍ଗ୍ ହେଦେଲ୍ଡି ଇନାକା ମାଚାଡ଼, ହେ ଝିଜେ ରାଡ଼ତାଡ଼ ।”

୧୩

ମନ୍ଦିର ବାଡ଼ହାଆନି ବିସ୍ତେ
(ମାତିଉ ୨୪:୧-୨; ଲୁକ ୨୧:୫-୬)

୧ ଜିସୁ ମନ୍ଦିର ତାଙ୍ଗ୍ ହସି ହାନି ଝେଡ଼ାଲିଂ ତା ଚେଲାର୍ ତାଙ୍ଗେଙ୍ଗ୍ ରକାନ ହେୱାନିଂ ଇଚାନ, “ଏ ଗୁରୁ, ହୁଡ଼ା; ଇନେସ୍ ଗାଜା ଗାଜା କାଲ୍କୁ ଆରି ଏଚେକ୍ ହଲ୍ଲନି ଇଲ୍ !”

୨ ହେବେ ଜିସୁ ହେୱାନିଂ ଇଚାନ, “ଏନ୍ ଇନାକା ଇ ଝିଜୁ ଇଲ୍ ହୁଡ଼ନାୟା ? ର କାଲ୍ ବିନ୍ କାଲ୍ ଜପି ମାନୁଡ଼, ଝିଜୁ ହୁଡ଼ି ମାସନାଡ଼ ।”

ଜିସୁ ଜୁଗ୍ସେସ୍ ବିସ୍ତେ ଝେଚ୍ଚଚାନ
(ମାତିଉ ୨୪:୩-୧୪; ଲୁକ ୨୧:୭-୧୯)

୩ ପାଚେ ଜିସୁ ଜିଡ଼ମାଡ଼ି ଜପି ମନ୍ଦିର ହାଣ୍ଡକୁ କୁଚ୍ଚିଲେ ପିତର, ଜାକୁବ୍, ଜହନ୍ ଆରି ଆହିୟ ହେୱାନିଂ କାଲେତାଂ ଝେନ୍ବେଦେଂ ଲାଗାତାର, ଇ ସବୁ ଇନାଞାଡ଼ାଂ ଗିଟା ଆନାଡ଼, ୪ “ଇମ୍ବି ସମୁଦ ଇ ସବୁ ଗିଟା ଆନାଡ଼, ହେ ସମୁନି ଦିନ୍ ଚିନ୍ ଇନାକା, ହେଦାଂ ମାଙ୍ଗେଙ୍ଗ୍ ଝେଚ୍ଚଚା ।”

୫ ହେବେତାଂ ଜିସୁ ହେୱାରିଂ ଝେଚ୍ଚଚେଙ୍ଗ୍ ଲାଗାତାନ, “ଜାଗ୍ରତ୍, ଇନେସ୍ ଇନେର୍ ମିଙ୍ଗେଙ୍ଗ୍ ବାମ୍ବଣ୍ଡାୟ କିଦ୍ମେର୍ ।” ୬ ଆଦିକ୍ ମାନାୟାର୍ ନା ତରଦ ଝାଜି, “ଆନ୍ କ୍ରିଷ୍ଟ ! ଇଞ୍ଜି ହେୱାନ ଇଞ୍ଜି ଚାକ୍ତାୟ କିଦ୍ମାର । ୭ ଲାଗାୟ ଜୁଜ୍ଜିନି ସବଦ୍ କି ଦେହାନି ଜୁଜ୍ଜିନି କାବୁର ଝେନ୍ଞି ଏପେଙ୍ଗ୍ ପାଣ୍ଡାଆମାଟ୍ । ଏଲେଙ୍ଗ୍ କେତେକ୍ ଗଟ୍ଟା ହାଡ଼ପା ଗିଟାନାଡ଼ । ମାତର ଇଦାଂନି ଅରଡ଼ ଆକାୟ ଜେ ଝିଜ୍ଜି ଦିନ୍ ଇକାଞାତାଡ଼ । ୮ ମାତର ଜାତି ବିରୁଡ଼ତ ଜାତି ଆରି ରାଜି ବିରୁଡ଼ତ ରାଜି ନିଙ୍ଗନାଡ଼, ଆରେ ବାହା ବାହାତ ମେଦ୍ନି ଦାଲ୍କା ଆନାଡ଼ ଆରି କାତାର୍ ଆନାଡ଼, ଇ ସବୁ ଆରମ୍ବି ମୁଡ଼ଦାକା ।”

୯ *ମାତର୍ “ଏପେଙ୍ଗ ଜାର ଜାର ବିସ୍ତେ ଜାଗ୍ରତ୍ ଆଜି ମାନାଟ୍, ମାନାୟାର ମିଙ୍ଗେଙ୍ଗ ବିଚାର୍ଣ୍ଣା ବାହାତ ହେଲାୟ୍ କିଦନାର୍, ଆରି ଏପେଙ୍ଗ କୁଟୁମ୍ ଇଞ୍ଜ ଟ୍ରାକ୍‌ୟା ଆନାଦେର୍, ଆରି ନା କାଜିଂ ରାଜି ଚାଲାୟ୍ କିନାକାନ ଆରି ରାଜାର୍ ଲାଗେ ହେଞ୍ଜାର କାଜିଂ ସାକି ହିଦେଂ କାଜିଂ ନିଲି କିଦନାର୍ । ୧୦ ଆରେ, ପର୍ତୁମ୍ ସବୁ ଜାତି ତାକେ ଇସ୍ପରତି ନେକ୍ରିକାବୁର୍ ସୁଣାୟ୍ କିୟା ଆନାତ୍ । ୧୧ ଇଦାଂ କାଜିଂ ଏଚେକାଡ଼ଦ ମିଙ୍ଗେଙ୍ଗ ଲକୁ ଆସ୍ତି ହେଲାୟ୍ କିଦନାର୍, ହେ କାଡ଼ଦ ଏପେଙ୍ଗ ଇନାକା ଇନାଦେର୍, ହେ ବିସ୍ତେ ଆଗେନେ ଚିନ୍ତାକିମାଟ୍, ମାତର୍ ହେ ଖେଡ଼ାଲିଂ ମିଙ୍ଗେଙ୍ଗ ଇନାକା ହିଦ୍ୟାଆନାତ୍ ହେଦାଂ ଇନାଟ୍, ଇନାକିଦେଂକି ଏପେଙ୍ଗ ଇନାକାଦେର୍ ଆକାୟ୍ ମାତର୍ ପୁଇପୁୟା ଜିବୁନ୍ ଇନାକାନ ମାନାନ୍ । ୧୨ ଟଣ୍ଡେନ୍ ଟଣ୍ଡେନ୍‌କି ଆରି ଆବା ମାଜି ହାକି ବାହାତ ହେଲାୟ୍ କିତାର୍ ଆରେ ହିମ୍‌ଣାଙ୍ଗ୍ ଆବା ଆୟାକାଂ ବିରୁଡ଼ତ ନିଙ୍ଗ୍‌ଜି ଅହ୍‌ନାର୍ । ୧୩ *ଆରେ, ଏପେଙ୍ଗ ନା ପାଚେଞ୍ଜାତି କାଜିଂ ଏପେଙ୍ଗ ଝିଜାକାର୍‌ତାଂ ଗିଣ୍‌କିୟା ଆନାଦେର୍, ମତର୍ ଇନେର୍ ହାରିହାରି ପାତେକ୍ ସାସ୍ ଆଜି ମାନାନ୍ ହେଞ୍ଜାନ୍ ସାଗେ ମୁକ୍ତି ପାୟା ଆନାନ୍ ।”

ଜିସୁ ନାସ୍‌କିନି ବାନ୍‌ୟା ଗାଡ଼ା ବିସ୍ତେ ଇଚାନ୍
(ମାତିଉ ୨୪:୧୫-୨୮; ଲୁକ ୨୧:୨୦-୨୪)

୧୪ ମାତର୍ “ଏପେଙ୍ଗ ହେ ନାସ୍‌କିନି ଗିଣ୍ ଜିନିସ୍‌ତିଂ, ଇମେ ତାକେ ମାନ୍‌ଝି କାତା ଲଡ଼ା,” ହେବେ ମାନାକା ହୁଡ଼ନାଦେର୍ ପଡ଼ିକିନାକାର୍ ବୁଜାଆଏର୍, ଏଚେକାଡ଼ଦ ଇମ୍‌ଣାକାର୍ ଜିହୁଦା ରାଜିତ ମାନାଟ୍, ହେଞ୍ଜାର୍ ମାଡ଼ିତ ହନ୍‌ତି ହାଲେର୍; ୧୫ *ଇନେର୍ ଜେଗନ୍ ଜପି ମାତିସ୍, ତାରେନ୍ ଝାମେନ୍ ଆରି ଇଲ୍ ବିଡ୍ରେ ଇନାକାପା ତାକେଦେଂ ହାଲ୍‌ମେନ୍; ୧୬ ଆରେ ଇନେର୍ କାମାୟ୍ ବାହାତ ମାତିସ୍, ହେଞ୍ଜାନ୍ ତା ହେନ୍ଦା ଅଦେଂ ଉଲ୍‌ଟି ଝାମେନ୍ । ୧୭ ହେଞ୍ଜାଡ଼ାଂ ଇନେର୍ ଏସ୍ ପିସ୍ତାକା ଆରି ମାୟ୍ ଉର୍‌ନି ଆୟା, ଅୟ୍ ହେଞ୍ଜେକ୍ କସ୍‌ନିକିକ୍ ! ୧୮ ମାତର୍ ଇଦାଂ ଇନେସ୍ ପିନି ମାସ୍‌ତ ଆମେଡ଼, ହେଦାଂ କାଜିଂ ଇସ୍ପରତାକେ ପାର୍ତାନା କିୟାଟ୍ । ୧୯ *ଇନାକିଦେଂକି ହେଞ୍ଜାଡ଼ାଂ ଇ ଲାକେ କସ୍‌ଗିଟା ଆଦନାତ୍ ଜେ, ମାପୁ କିତି ଉର୍‌ଜାଣ୍ ଆରାମ୍ ତାଙ୍ଗ୍ ନେଜେଙ୍ଗ୍ ପାତେକ୍ ହେ ଲାକେ ଗିଟା ଆଞ୍ଜାତାଦନା, ଆରି ଇନାଞ୍ଜାଡ଼ାଂପା ଗିଟାଆଦୁଡ଼ । ୨୦ ଆରେ, ମାପୁ ହେ ସମୁଦିଙ୍ଗ୍ ଉଣା କିଞ୍ଜାଦାଂ ମାତିସ୍, ତେବେ ଇମ୍‌ଣି ପୁତ୍ ପା ମୁକ୍ତି ପାୟା ଆଞ୍ଜାତାମା; ମାତର୍ ହେଞ୍ଜାନ୍ ଇନେରିଂ ବାତି କିନାନା, ହେ ବାଚିକିତି ଲଗାଂ ସମୁଦଣା କିତାନ୍‌ନା ।

୨୧ ହେ ଏଚେକାଡ଼ଦ ହୁଡ଼ାଟ୍, କ୍ରିସ୍ଟ ଇବେ ! ଆଞ୍ଜିତିସ୍ “ହୁଡ଼ାଟ୍, ହେବେ ! ଇନେର୍ ଜଦି ମିଙ୍ଗେଙ୍ଗ୍ ଏଲେଙ୍ଗ୍ ଇନ୍‌ତିସ୍ ତେବେ ହେଦାଂ ପାତ୍ କିମାଟ୍ । ୨୨ ଚାକ୍ରାୟ୍ କ୍ରିସ୍ଟୁର୍ ଆରି ଚାକ୍ରାୟ୍ ବେଶ୍‌ବାକ୍‌ଣାୟ୍‌କିନାକାର୍ ଏଲେଙ୍ଗ୍ ଚିନ୍ ଆରି କାବାନି କାମାୟ୍ ଚର୍‌ଚାନାର୍, ଇନେର୍ ଜଦି ଆତିସ୍, ଲାଗିଂ ବାଚିକିତି ଲଗାଂ ବାମ୍‌ଣ୍ଡାୟ୍ କିତାର୍ । ୨୩ ମାତର୍ ଏପେଙ୍ଗ୍ ଜାଲ୍‌ଦି ଆଜି ମାନାଟ୍; ଆନ୍ ପୁର୍‌ବେତାଂ ଇ ବିସ୍ତେ ମିଙ୍ଗେଙ୍ଗ୍ ଝେର୍‌ଚାତାଂ ।”

ମାନାୟ୍ ମାଜି ଆରେ ରଗ ଝାନାକା
(ମାତିଉ ୨୪:୨୯-୩୧; ଲୁକ ୨୧:୧୫-୨୮)

୨୪ * “ମାତର୍ ହେଞ୍ଜାଡ଼ାଂ ହେ ଦୁକ୍ ପାଚେ ଝେଡ଼ା ମାଜ୍‌ଗା ଆନାତ୍ ଆରି ଲେଞ୍ଜ ଅଜଡ଼୍ ହିଉଡ଼ ।

୨୫ * ପାଚେ ହୁକାଙ୍ଗ୍ ବାଦାଡ଼ତାଂ ଆର୍‌ଦେଂ ଲାଗିନିକ୍ ଆରି ବାଦାଡ଼ନି ସାକ୍ତି ଝିଜୁ ତ୍ରିଗ୍‌ଜି ହାନିକ୍ । ୨୬ * ହେଞ୍ଜାଡ଼ାଂ ମାନାୟ୍ ମାଜି ବାଦାଡ଼ତ ଜବର୍ ସାକ୍ତି ଆରି ପାଣ୍‌ହୁକେ ବାଦାଡ଼ତ ଝାନାକା ହୁଡ଼ନାର୍ । ୨୭ ତା ବାଚିକିତି ମାନାୟ୍‌ରିଂ ପୁତ୍ ନି ର ହାନ୍‌ତିତାଂ ବିନ୍ ହାନ୍‌ତି ପାତେକ୍ ଦାସ୍‌ସି ରୁଣ୍ଡାୟ୍ କିନି କାଜିଂ ହେଞ୍ଜାନ୍ ତା ସାଗେନି ଦୁଡ଼କୁକାଂ ଚାର୍‌ବେଶ୍‌ତାଂ ପିକ୍‌ତାନ୍ ।”

ତଗାମାର୍‌ନି ହିକ୍ୟା
(ମାତିଉ ୨୪:୩୨-୩୫; ଲୁକ ୨୧:୨୯-୩୩)

୨୮ “ତଗା ମାର୍‌ଦିଂ ଉତର୍‌ମୁଡ଼୍ ହିକ୍ୟା କିୟାଟ୍, ଏଚେକାଡ଼ଦ ହେ କେନ୍ଦାଂ ଆକିଂ ଗିଲ୍‌ନିଂ, ହେ ଏଚେକାଡ଼ଦ ଜେଟ୍ କାଡ଼୍ ଲାଗାଂ ଏକା ଝାତାତେ ଇଞ୍ଜି ଏପେଙ୍ଗ୍ ପୁଞ୍ଜି ମାନାଟ୍; ୨୯ ହେ ଲାକେ ଏପେଙ୍ଗ୍‌ପା ଇ ସବୁ ଗର୍‌ଣା ହୁଡ଼ତିସ୍ ହେଞ୍ଜାନ୍ ଦୁଝେର୍ ଲାଗେ ଆତାତେ ଇଞ୍ଜି ପୁନାଟ୍ ।* ୩୦ ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା, ଇ ସବୁ ଗିଟାଝି ପାତେକ୍ ନେଞ୍ଜେଝିଗାନି ନାର୍ ଇନେସ୍ କିତିସ୍ ପା ବୁଡ଼ା ଆଉର୍ । ୩୧ ଆକାସ୍ ଆରି ପୁତ୍ ବୁଡ଼ା ଆନାତ୍, ମାତର୍ ନା ବଚନ୍ ଝିଜେ ବୁଡ଼ା ଆଉଡ଼ ।

ଜିସୁତି ଝାନିଦିନ୍ ଇନେର୍ ପୁନୁର୍
(ମାତିଉ ୨୪:୩୬-୪୪)

* ୧୩:୯ ୧୩:୯ ମାତିଉ ୧୦:୧୭-୨୦; ଲୁକ ୧୨:୧୧,୧୨. * ୧୩:୧୩ ୧୩:୧୩ ମାତିଉ ୧୦:୨୨. * ୧୩:୧୫ ୧୩:୧୫ ଲୁକ ୧୭:୩୧. * ୧୩:୧୯ ୧୩:୧୯ ହଡ଼ତି ୭:୧୪. * ୧୩:୨୪ ୧୩:୨୪ ହଡ଼ତି ୭:୧୨. * ୧୩:୨୫ ୧୩:୨୫ ହଡ଼ତି ୭:୧୩. * ୧୩:୨୬ ୧୩:୨୬ ହଡ଼ତି ୧:୭. * ୧୩:୨୯ ୧୩:୨୯ ସମୁ ଲାଗାଂ, ଆରମ୍ ଆଦେଂ ହାନାତା; ନଲେ ହେଞ୍ଜାନ୍ ଲାଗାଂ, ଝାଦେଂ ଜାଗ୍ରତ୍ ଆତାନ୍ନା ।

୩୨ ✨ମାତର ହେ ଦିନ କି ସମୁ ବିସ୍ତେ ଇନେର ପୁନୁର,” ସାଗେପୁରନି ଦୁଡ଼ର କି ମାଜିପା ପୁନୁନ; ମାତର ନା ସାଗେନି ଆବା ପୁନାନ । ୩୩ ଏପେଙ୍ଗ ଜାଲ୍‌ଦି ଆଜି ମାନାଟ୍, କାସି ମାନାଟ୍, ମାତର ହେ ସମୁ ଇନାଖାଡ଼ା ଆନାଡ଼ ହେଦା° ଏପେଙ୍ଗ ପୁନୁଦେର । ୩୪ ✨ହେଦା° ଏଲେଙ୍ଗ ଇନେସ୍ ରକାନ ମାନାୟ ଇଲ୍ ପିସ୍ତି ବିଦେସ୍ତ ହାଲ୍‌ଜି ବାହା କିନାକାନ, ଆରି ହେ ଆଡ଼ିୟାରି° ଆଦିକାର ହିଜି ଝିଜୁ କାମାୟ ରଚ୍‌ଚିପା ଦୁଝେରତ ଜାଗ୍‌ଖାଡ଼ାରି° କାତେଙ୍ଗ ବଲ୍ ହିତାନ । ୩୫ ଇଚିସ୍ ଏଚେକାଡ଼ଦ ଇଲ୍ ହାଉକାର ମିଙ୍ଗେଙ୍ଗ ଜାଗ୍ରତ ମାଞ୍ଜେଙ୍ଗ ଇଞ୍ଜନାନ, ମାତର ହେଝାନ ମ୍ବିକା ହାରେସ୍ କୁଜୁ ଚ୍ଚେନି ସମୁଦ କି ନାଶାଙ୍ଗେ ହେ ପାଦନା ହେଝାନ ଝାନାନ ହେଦା° ଏପେଙ୍ଗ ପୁନୁଦେର । ୩୬ ହେଝାନ ବେଗି ଝାଜିପା ହାଞ୍ଜେଙ୍ଗ ଆଡ଼ନାନ ଏପେଙ୍ଗ ଜଦି ସବୁଝେଡ଼ାଙ୍ଗ ଜାଗ୍ରତ ଆଜି ମାନାଦେର ଲାଗି° ହେଝାନ ମିଙ୍ଗେଙ୍ଗ ହୁଞ୍ଜନାକା ହୁଡ଼ଦେ° ଆଡ଼ଦୁନ୍ । ୩୭ ଆନ୍ ମିଙ୍ଗେଙ୍ଗ ଇନାକା ଇଞ୍ଜନାଙ୍ଗା, ହେଦା° ଝିଜାକାରି° ଇଞ୍ଜନାଙ୍ଗା, ଜାଗ୍ରତ ମାନାଟ୍ ।

୧୪

ଜିସୁଙ୍ଗ ଅସ୍ତେଙ୍ଗ ଇଞ୍ଜି ଜିହୁଦିରତି ଉପାୟ

(ମାତିଉ ୨୬:୧-୫; ଲୁକ ୨୨:୧-୨; ଜହନ୍ ୧୧:୪୫-୫୩)

୧ ହେ ନିସ୍ତାର ପାର୍ବୁ ଆରି ହଇଝି ରୁଚି ପାର୍ବୁ ଆଦେ° ରି ଦିନ୍ ମାତାଡ଼ । ହେ ଝେଡ଼ାଲି° ମୁଡ଼ ମାପୁ ହେବା କିନାକାର ଆରି ସାସ୍ତିର ଇନେସ୍ ଜିସୁଙ୍ଗ ଚାଲାକି କିଜି ଆସ୍ତେଙ୍ଗ ଆଡ଼ନାର, ହେବେ ନି ଉପାୟ ତେକ୍‌ଚି ମାତାର । ୨ “ଇନେକିଦେ°କି ହେଝାର ଇଚାର,” ପାର୍ବୁ ଝେଡ଼ାଲି° ଆକାୟ, “ଏଚେକାଡ଼ଦ ମାନାୟ ବିତ୍ରେ ଗଣ୍ଡଗଲ୍ ଆନାଡ଼ ।”

ଜିସୁ ବେଡ଼ନିଆତ ଚିକାଣ୍ କାସନାଡ଼

(ମାତିଉ ୨୬:୬-୧୩; ଜହନ୍ ୧୨:୧-୮)

୩ ଜିସୁ ବେଡ଼ନିୟାତ ଗାଜାରଗ୍‌ନି ସିମନ୍ ଇଞ୍ଜି ତିଞ୍ଜେଙ୍ଗ କୁଚ୍‌ଚି ଝେଡ଼ାଲି° ର କଗଲେ ର କଣ୍ଡିତ ବେସି ହାଦ୍‌କା ଜଟାମା°ସି ବାସନା ଚିକାଣ୍ ତାସି ଜିସୁ କାପ୍‌ଡ଼ାତ ଚିକାଣ୍ କଣ୍ଡି ତ୍ରିକ୍‌ଚି ଝାକ୍‌ତେଙ୍ଗ ଲାଗାତାଡ଼ ।

୪ ଆରେ କେତେକ୍ ହେବେ ମାତି ମାନାୟ ରିସା ଆଜି ହେଝାର ଝେଚ୍‌ପା ଆତାର, “ବାସନା ଚିକାଣ୍ ଇଦେଲ୍ ଇନେକିଦେ° ଆଲ୍‌କା କିନାତା ? ୫ ଇ ବାସନା ଚିକାଣ୍‌ତ ତିନ୍‌ସ ଦିନ୍‌ତି ଟାକା°* ଆଦିକ୍ ମଲ୍‌ତ ପ୍ରସି ହିଲ୍‌ଝାକାରି° ହିୟାତାଡ଼ମା । ଲାଗି° ହେଝାର ହେ କଗଲେ ହିମଣାତି କେଡ଼ତେଙ୍ଗ ଲାଗାତାର ।”

୬ ମାତର ଜିସୁ ଇଚାନ, “ଆନେ°ଲି° ପିହାଟ୍, ଇନେକିଦେ° ତାଙ୍ଗେଙ୍ଗ କସ୍ ହିନାଦେରା ? ହେଦେଲ୍‌ତ ନା କାଜି° ହାଦ୍ କାମାୟ କିନାତା ।” ୭ ଇନେକିଦେ°କି ଅକ୍‌ଡ଼ ଲଗ୍‌ ସବୁଝେଡ଼ାଙ୍ଗ ମି “ଲାଗା° ମାନାର, ଆରି ମିଦାଙ୍ଗ ଏଚେକାଡ଼ଦ ଇଚା ହେ ଏଚେକାଡ଼ଦ ପା ହେଝାରି° ଉପକାର କିଦେଙ୍ଗ ଆଡ଼ନାଦେର, ମତର ଆନ୍ ସବୁଝେଡ଼ାଙ୍ଗ ମି ତାକେ ମାନୁଙ୍ଗ । ୮ ହେଦେଲ୍ ଏଚେକ୍ ଆଡ଼ତାତାଡ଼, ହେଦା° ହେଦେଲ୍ କିତାଡ଼ନା; ହେଦେଲ୍ ଦୁରେର କାଜି° ନା ଗାଗାଡ଼ତି° ଆଗେନେ ଚିକାଣ୍ କାସ୍‌ଦାତାଡ଼ । ୯ ଆନ୍ ମିଙ୍ଗେଙ୍ଗ ହାଡ଼ପା ଇଞ୍ଜନାଙ୍ଗା, ଝିଜେ ପୁତ୍ ତାକେ ଇମ୍‌ଣି ବାହାତ ପା ନେକ୍‌କାବୁର ଝେଚ୍‌ଚିୟା ଆନାଡ଼, ହେ ବାହାତ ଇ କଗଲେ° ଏତୁ କିଦେଙ୍ଗ ତାଦେଲ୍‌ତି ଇ କାମାୟନି କାତା ପା ଇନିୟା ଆନାଡ଼ ।”

ଜିହୁଦା ଜିସୁଙ୍ଗ ସତୁ କେଇଦ ଆହିକିନାନ

(ମାତିଉ ୨୬:୧୪-୧୬; ଲୁକ ୨୨:୩-୬)

୧୦ ହେବେ ବାର ଚେଲାର ବିତ୍ରେ ଇସ୍ପାରିୟତିୟ ଜିହୁଦା ଇଞ୍ଜି ରକାନ ହେଝାନ ମୁଡ଼ ମାପୁହେବାକିନାକାର କେଇଦ ହେଲ୍‌ୟ କିଦେଙ୍ଗ କାଜି° ହେଝାର ତାକେ ହାଚାନ । ୧୧ ହେଦା° ଝେନ୍‌ଞ୍ଜି ଝାରିୟା ଆତାର ଆରି ହେଝାନି° ଟାକା° ହିଦେ° ଇଞ୍ଜି ପାମାଣ୍ କିତାର । ହେବେତା° ହେଝାନ ଜିସୁଙ୍ଗ ସୁବିଦା ହୁଡ଼ଜି ଇନେସ୍ ଆହିକିଦେ° ଆଡ଼ନାନ, ଇଦା° ଉପାୟ ତେକ୍‌ତେ° ଲଗାତାନ ।

ନିସ୍ତାର ପାର୍ବୁନି ବଜି

(ମାତିଉ ୨୬:୧୭-୨୫; ଲୁକ ୨୨:୭-୧୪; ୨୧:୩; ଜହନ୍ ୧୩:୨୧-୩୦)

୧୨ ପାଚେ ହେ ହଇଝି ରୁଚି ପାର୍ବୁନି ପର୍ଡ଼ମ୍ ଦିନ୍ତ, ଇମ୍‌ଣି ଦିନ୍ ନିସ୍ତାର ପାର୍ବୁନି ମେଣ୍ଡାହିମ୍‌ଣା ପୁଜାକିନାର, ହେ ଦିନ୍ ଜିସୁତି ଚେଲାର ହେଝାନି° ଝେନ୍‌ବାତାର, “ଆସେଙ୍ଗ ହାଲ୍‌ଜି ନି କାଜି° ନିସ୍ତାର ପାର୍ବୁ ତିଞ୍ଜେଙ୍ଗ ଜାଡ଼ନାୟ କିନାପ୍ ଇଞ୍ଜି ନି ଇଚା କିନାୟା ?”

୧୩ ହେବେତା° ହେ ଚେଲାର ବିତ୍ରେ ରିୟାରି° ଏଲେଙ୍ଗ ଝେଚ୍‌ଚି ପକ୍‌ତାନ । “ଏପେଙ୍ଗ ଗାଡ଼ଦ ହାଲ୍‌ଟ୍, ଆରି ରକାନ ଗାଗ୍ରି ଆସ୍ତି ହାନି ମାନାୟ ମିଙ୍ଗେଙ୍ଗ ବେଟା ଆଦନାନ, ତା ପାଚେ ପାଚେ ହାଲ୍‌ଟ୍; ୧୪ ଇମ୍‌ଣି ଇଞ୍ଜି ହେଝାନ ହଣାନ । ହେ ଇଞ୍ଜି ନି ମୁଣିକାଙ୍ଗ ଇନାଟ୍, ଗୁରୁ ଝେନ୍‌ବା ଆଦନାନା, ଆନ୍ ନା ଚେଲାର ହୁକେ ଇମେତାକେ ନିସ୍ତାର ପାର୍ବୁ ବଜି

☆ ୧୩:୩୨ ୧୩:୩୨ ମାତିଉ ୨୪:୩୬. ☆ ୧୩:୩୪ ୧୩:୩୪ ଲୁକ ୧୨:୩୬-୩୮. * ୧୪:୫ ୧୪:୫ ରୁପା ଟାକା° ୬:୩୭ ହୁଡ଼ାଟ୍ ।

କିନାଙ୍କ, ଇମେଡ଼ ନା ହେ ଗତାଙ୍କବାହା ।” ୧୫ ହେୱାନ ମିଙ୍ଗେଙ୍କ ହେବେ ଜାତନାୟ ଆରି ଜାଲଦି କିତି ଜପଣି ଗାଜା ବାକ୍ତା ଚଚାନାନ, ହେ ବାହାତ ମାକାଜିଂ ଜାଲଦି କିୟାଟ୍ ।

୧୬ ହେବେତାଂ ଚେଲାର୍ ହସି ଗାଡ଼ ବିତ୍ରେ ହଟାର୍, ଆରେ ଜିସୁ ହେୱାରିଂ ଇନେସ୍ ଇଞ୍ଜି ମାଚାନ, ହେ ଲାକେ ହୁଡ଼ଜି ନିସ୍ତାର୍ ପାରୁଁ ଦିକ୍ତି ବଜି ଜାଲଦି କିତାର୍ ।

୧୭ ମୁଡ଼ିଲେ ହେୱାନ ବାରଜାଣ୍ ଚେଲାର୍ ହୁକେ ୱାତାନ । ୧୮ ହେୱାର୍ କୁଡ଼ି ତିନି ସମୁଦ ଜିସୁ ଇଚାନ, “ଆନ୍ ହାଡ଼ପା ଇଞ୍ଜନାଙ୍ଗା, ମି ବିତ୍ରେ ରଚାନ, ଇନେରକି ନା ହୁକେ ତିନାନା, ହେୱାନ ନାଙ୍ଗେଙ୍କ୍ ସାତୁ କେଇଦ ହେଲାଇ କିଦନାନ ।”

୧୯ ହେବେ ହେୱାର୍ ଦୁକ୍ ଆଜି ରକାର ରକାର କିଜି ହେୱାନିଂ ୱେନ୍‌ବାତାର୍, “ହେୱାନ ଇନାକା ଆନ୍ ?”

୨୦ ଜିସୁ ହେୱାରିଂ ଇଚାନ, “ବାରଜାଣ୍ ବିତ୍ରେ ରଚାନ, ଇନେରକି ନା ହୁକେ ତାଡ଼ିୟାତ ରୁଟି କୁକନାନ ହେୱାନ ।

୨୧ ମାନାୟ ମାଜି ବିସ୍ତେ ସାସ୍ତର୍ ତାକେ ଇନେସ୍ ଲେକା ଆତାଡ଼ନା, ହେ ଲାକେ ହାକି ତାଣ୍ ପାୟାଦେଂ ହାନାନା, ମାତର ମାନାୟ ମାଜି ସତୁ କେଇଦ ହେଲାଇ କିୟା ଆନାନ, ଆ ହେୱାନ ଦାଣ୍ ପାୟା ଆନାନ ! ହେୱାନ ମାନାୟ ଜଲମ୍ ଆୱାଦାଂ ମାଟିସ୍ ହେୱାନ ତା ପାକ୍ୟାତ ହାର୍ ଆତାମ୍ !”

ଇସ୍ପୁଡ଼ି ବଜି

(ମାଡ଼ିଉ ୨୬:୨୬-୩୦; ଲୁକ ୨୨:୧୪-୨୦; ୧ କରନ୍ତିୟ ୧୧:୨୩-୨୫)

୨୨ ହେୱାର୍ ତିନି ୱେଡ଼ାଲିଂ ହେ ରୁଟି ଅସି ଆସିର୍ବାଦ୍ କିଜି ହେୱାରିଂ ହିତାନ ଆରି ହେଦାଂ ତ୍ରିକ୍ତି ହେୱାରିଂ ହିଜି ଇଚାନ, “ଇୟାଟ୍, ଇଦାଂ ନା ଗାଗାଡ଼ ।”

୨୩ ଆରେ, ହେୱାନ କଲ୍‌ସି ଆସ୍ତି ଜୁୱାର୍ କିସି ହେୱାରିଂ ହିତାନ “ଆରି ୱିଜାକାର୍ ହେବେଣ୍ଡାଂ ଉଟାର୍ ।” ୨୪ ଆରି, ଜିସୁ ହେୱାରିଂ ଇଚାନ, ଇମ୍‌ଣି ନିୟମିନି ନେତେର ବେସି ଲଗାଂ କାଜିଂ ରାକ୍ୟା ଆନାତା, ଇଦାଂ ନା “ହେ ନେତେର । ୨୫ ଆନ୍ ମିଙ୍ଗେଙ୍କ୍ ହାଡ଼ପା ଇଞ୍ଜନାଙ୍କ୍, ଆନ୍ ଏଚେକାଡ଼ଦ ପୁନି କିଜି ଇସ୍ପୁର ରାଜିତ ଅଙ୍ଗୁର୍ ପାଡ଼ନି ରାସ୍ ଉଣାଙ୍କ୍, ହେ ଦିନ୍ ପାତେକ୍ ଇଦାଂ ଆରି ଇନାୱାଡ଼ାଂପା ଉଣ୍ଡେଙ୍କ୍ କଙ୍ଗ୍ ।”

୨୬ ଆରେ, ହେୱାର୍ କେରତି ପାଚେ ଜିଡ଼ମାଡ଼ିତ ହସି ହାଚାର୍ ।

ଜିସୁ ପାଚେ ହାନାକାର୍ ୱିଜାକାର୍ ପିହନାର୍

(ମାଡ଼ିଉ ୨୬:୩୧-୩୫; ଲୁକ ୨୨:୩୧-୩୪; ଜହନ୍ ୧୩:୩୬-୩୮)

୨୭ ହେ ଏଚେକାଡ଼ଦ ଜିସୁ ହେୱାରିଂ ଇଚାନ, ଏପେଙ୍କ୍ ୱିଜାକାଦେର୍ ବାଦାପାୟା ଆନାଦେର୍, ଇନେକିଦେଂକି ଲେକା ଆତାଡ଼ନା,

“ଆସେଙ୍କ୍ ମେଣ୍ଡା ଗଡ଼ିୟାଙ୍କ୍ ଅସ୍ତିସ୍, ଆରି ମେଣ୍ଡାଂ ଜେଡ଼ କେଡ଼ ଆଜି ହାନିକ୍ ।”

୨୮ *ମାତର୍ ଆନ୍ ନିଙ୍ଗତି ପାଚେ ମି ଆଗେ ଗାଲିଲିତ ହାନାଙ୍କ୍ । ୨୯ ମତର୍ ପିତର୍ ହେୱାନିଂ ଇଚାନ, “ୱିଜାକାର୍ ନିଙ୍ଗେଙ୍କ୍ ପିସ୍ତି ହାନଟିସ୍ତା, ଆନ୍ ପିସ୍ତି ହାଞ୍ଜୁଙ୍କ୍ ।”

୩୦ ଜିସୁ ହେୱାନିଂ ଇଚାନ, “ଆନ୍ ନିଙ୍ଗେଙ୍କ୍ ହାଡ଼ପା ଇଞ୍ଜନାଙ୍ଗା, ନେଞ୍ଜେଙ୍କ୍ ଇ ନାଣା ରିହା କୁଡୁ କ୍ଲେନି ଆଗେ ଏନ୍ ନାଙ୍ଗେଙ୍କ୍ ତିନିହଟ୍ ପାଚ୍ କିଦୁୟ ।”

୩୧ ମାତର ହେୱାନ ଆଡ଼ୱା କିଜି ଇଞ୍ଜେଙ୍କ୍ ଲାଗାତାନ, “ଜଦି ଆନ୍ ନି ହୁକେ ହାଦେଂ ଲାଗ୍‌ଦାନାଡ଼ ଆଡିସ୍ ପା ଆନ୍ ନିଙ୍ଗେଙ୍କ୍ ମୁଡ଼କେ ଉଡ଼ା ଆଦୁଙ୍କ୍ । ଆରି ୱିଜାକାର୍‌ପା ହେ ଲାକେ ଇଚାର୍ !”

ଜିସୁ ଗେଡ଼ସିମିନି ବାଡ଼ଦ ପାର୍ତାନା କିଚାନ

(ମାଡ଼ିଉ ୨୬:୩୬-୪୬; ଲୁକ ୨୨:୩୯-୪୬)

୩୨ ପାଚେ ହେୱାର୍ ଗେଡ଼ସିମିନି ଇନି ତର ର ବାହାତ ୱାତାର୍, ଆରି ହେୱାନ ହେ ଚେଲାର୍ ଇଚାନ, “ଆନ୍ ପାର୍ତାନା କିନି ପାତେକ୍ ଏପେଙ୍କ୍ ଇବେ କୁଡ଼ି ମାନାଟ୍ ।” ୩୩ ଆରେ, ହେୱାନ ପିତର, ଜାକୁର୍ ଆରି ଜହନ୍‌ତିଂ ହାଙ୍କ୍ ଅଜି ଆଦିକ୍ କାବା ଆଜି ଆରି ବିପ୍ତି ଆଦେଂ ଲାଗାତାନ । ୩୪ ହେବେ ଜିସୁ ହେୱାରିଂ ଇଚାନ, “ନା ୱାସ୍ତି ହାକି ଲାକେ ବେସି ଦୁକ୍ ଆନାତା; ଏପେଙ୍କ୍ ଇବେ ମାନ୍‌ଞ୍ଜି କାସି ମାନାଟ୍ ।”

୩୫ ଜଦି ଆନାଡ଼ ହେ ଦୁକ୍ ଇନେସ୍ ଦେହା ଆନାଡ଼ ହେବେତାଂ ହେୱାନ ଅଲପ୍ ଦେହା ହାଲ୍‌ଜି ମେଦ୍‌ନିତ ଗୁରଜି, ପାର୍ତାନା କିଦେଙ୍କ୍ ଲାଗାତାନ । ୩୬ ଆରି ଜିସୁ ଇଚାନ, “ଆବା, ୱିଜୁ ନି ପୁରା, ଇ ଉଣି ଗିନା ନା ତାଙ୍କ୍ ଦେହା ଇଚା, ଆଡିସ୍‌ପା ନା ଇଚା ଆକାୟ, ମାତର ନି ଇଚା ।”

୩୭ ଆରେ, ହେୱାନ ୱାଜି ହେୱାରିଂ ହୁଞ୍ଜନାକା ହୁଡ଼ତାନ ଆରି ପିତରତିଂ ଇଚାନ, “ସିମନ୍, ଏପେଙ୍କ୍ ଇନାକା ହୁଞ୍ଜନାଦେରା ? ର ଗଣ୍ଡା କାତେଙ୍କ୍ ଆଡ଼ୱାତାଦେର୍ ?” ୩୮ “ପରିକ୍ୟାତ ଇନେସ୍ ଆର୍‌ମାଟ୍, ଇଦାଂ କାଜିଂ କାସିମାଞ୍ଜି ପାର୍ତାନା କିୟାଟ୍, ଜିବୁନ୍ ଇଚା, ମାତର ଗାଗାଡ଼ ନାଦାର୍ ।”

☆ ୧୪:୨୮ ୧୪:୨୮ ମାଡ଼ିଉ ୨୮:୧୭.

୩୯ ହେୱାନ ଆରି ଆଗେ ଲାକେ ହାଲ୍‌ଜି କାତା ଇଞ୍ଜି ପାର୍ତ୍ତନା କିତାନ୍ । ୪୦ ଆରେ ରଗ ୱାଜି ଜିସୁ ହେୱାରିଂ ହୁଞ୍ଜନାକା ହୁଡ଼ତାନ୍, ଇନେକିଦେଂକି ହେୱାର୍ ହୁଞ୍ଜକାଣ୍‌କୁଞ୍ ଜୁଡ଼ପିୟା ଆଜି ମାଟିକ୍, ଆରି ହେୱାନିଂ ଇନା ଉତର୍ ହିନାର୍, ହେଦାଂ ପୁନ୍‌ୱାଦାଂ ମାଚାର୍ ।

୪୧ ହେୱାନ ତିନିହର୍ ୱାଜି ହେୱାରିଂ ଇଚାନ୍, “ଏପେଙ୍ଗ୍ ଇନାକା ଆରି ହୁନ୍‌ୱାଦେଣ୍ଟା ? ଜବର୍ ଆତାତେ ! ହୁଡ଼ାଟ୍, ମାନାୟ୍ ମାଜି ପାପିର୍ କେଇତାକେ ହେଲାୟ୍ ଆନାନା । ୪୨ ନିଙ୍ଗାଟ୍, ଆସେଙ୍ଗ୍ ହାନାସ୍; ହୁଡ଼ାଟ୍, ଇନେର୍ ନାଙ୍ଗେଙ୍ଗ୍ ସତ୍ତୁ କେଇଦ ହେଲାୟ୍ କିଦନାନ୍ ହେୱାନ ଲାଗାଂ ୱାତାନେ !”

ଜିସୁ ଗାଟ୍ୟା ଆତାନ୍

(ମାତିଉ ୨୬:୪୭-୫୨; ଲୁକ ୨୨:୪୭-୫୩; ଜହନ୍ ୧୮:୩-୧୨)

୪୩ ଆରେ ସାଙ୍ଗେ ସାଙ୍ଗେ, ହେୱାନ କାତା ଇନି ୱାଡ଼ାଲିଂ ବାରଜାଣ୍ ବିତ୍ରେ ଜିହୁଦା ଇନି ରକାନ୍ ଆରି ହେନି ଲକୁ ହେୱାନ ହୁକେ ମୁଡ଼୍ ମାପୁ ହେବା କିନାକାର୍, ସାସିର୍ ଆରି ପ୍ରାଟିନାର୍ ତାଙ୍ଗ୍ ଲକୁ କାଣ୍ଟା ଆରି ଟେଙ୍ଗାଙ୍ଗ୍ ଆଜି ୱାତାର୍ । ୪୪ ଜିସୁଙ୍ଗ୍ ସତ୍ତୁ କେଇଦ ହେଲାୟ୍ କିନାକାନ୍ ଏଲେଙ୍ଗ୍ ଚର୍ଚ୍ଚି ହିଜି ଇଞ୍ଜି ମାଚାନ୍ । “ଆନ୍ ଇନେରିଂ ଡଞ୍ଜଗାନାଂ, ହେୱାନ ହେୱେନ୍, ହେୱାନିଂ ଆସି ଜାଗୁଡ଼ ତ ଅନାଦେର୍ ।”

୪୫ ଲାଗିଂ ହେୱାନ ହେପାଦନା ହେୱାନ ଲାଗେ ହାଲ୍‌ଜି, “ଏ ଗୁରୁ !” ଇଞ୍ଜି ହେୱାନିଂ ବେସି ତନ୍‌ଚାନ୍ । ୪୬ ହେବେତାଂ ହେୱାର୍ ତା ଜପି କେଇ କିସି ଆସ୍ତାର୍ । ୪୭ ମାତର୍ ଲାଗେ ନିଲ୍‌ଟିମାନି ମାନାୟାର୍ ତାଙ୍ଗ୍ ରକାନ୍ କାଣ୍ଟା ହପ୍‌ତାନ୍ ଆରି ମୁଡ଼୍ ମାପୁ ହେବା କିନାକାନ୍ ଆଡ଼ିଏନିଂ କେଇ କିଜି ତା କିତୁଲ୍ ହଣ୍‌ଜି ତୁହିତାନ୍ । ୪୮ ଜିସୁ ହେୱାରିଂ ଉତର୍ ହିତାନ୍, “ଚର୍କୁ ବିରୁଦ୍‌ତ ହତି ଲାକେ କାଣ୍ଟା ଆରି ଟେଙ୍ଗା ଆଜି ଇନାକା ନାଙ୍ଗେଙ୍ଗ୍ ଆସ୍ତେଙ୍ଗ୍ ୱାତାଦେଣ୍ଟା ? ୪୯ ସବୁ ଦିନ୍ ଆନ୍ ମି ହୁକେ ମନ୍ଦିରତ ମାନ୍‌ଞ୍ଜି ସିକ୍ୟା ହିଜି ମାଚାଙ୍ଗ୍, ମାତର୍ ନାଙ୍ଗେଙ୍ଗ୍ ଏପେଙ୍ଗ୍ ଆସ୍ତାୱାତାଦେର୍, ମାତର୍ ଦରମ୍ ସାସ୍ତର କାତା ଗିଟାଆନି କାଦ୍‌ଲିଂ ଇଞ୍ଜି ଇ ସବୁ ଗିଟା ଆନାତା ।” ୫୦ ହେବେ ୱିଜାର୍ ଟେଲାର୍ ହେୱାନିଂ ହେ ଏଟେକାଡ଼୍‌ଦ ପିସ୍ତି ହଙ୍ଗାର୍ ।

୫୧ ମାତର୍ ରକାନ୍ ଦାଙ୍ଗାଣା ହିମ୍‌ଣେନ୍ ତୁମ୍‌ଣ୍ଟା କୱାଣ୍ ହେୟା ପର୍ଚ୍ଚି ହେୱାନ ପାଚେ ପାଚେ ହାଲ୍‌ଜି ମାଚାନ୍, ହେୱାର୍ ହେୱାନିଂ ଆସ୍ତାର୍ । ୫୨ ମାତର୍ ହେୱାନ ହେ କୱାଣ୍ ହେୟା ପିସ୍ତି ତୁମ୍‌ଣ୍ଟା ଗାଗାଡ଼୍‌ତ ହନ୍‌ଚାନ୍ ।

ଜିହୁଦି ସବାତ ଜିସୁତି ବିଚାର୍

(ମାତିଉ ୨୬:୫୭-୬୮; ଲୁକ ୨୨:୫୪-୫୫, ୬୩-୬୧; ଜହନ୍ ୧୮:୧୩-୧୪; ୧୯:୨୪)

୫୩ ପାଚେ ହେୱାର୍ ଜିସୁଙ୍ଗ୍ ମୁଡ଼୍ ମାପୁ ହେବା କିନାକାର୍ ତାକେ ଅତାର୍, ଆରେ ମୁଡ଼୍ ମାପୁ ହେବା କିନାକାର୍, ପ୍ରାଟିନାର୍ ଆରି ସାସିର୍ ୱିଜାକାର୍ ୱାଜି ରୁଣ୍ଟାଆତାର୍ । ୫୪ ପିତର୍ ଦେହା ମାନ୍‌ଞ୍ଜି ହେୱାର୍ ପାଚେ ପାଚେ ମୁଡ଼୍ ମାପୁ ହେବା କିନାକାର୍ ହାକଡ଼ି ବିତ୍ରେ ହାଚାନ୍ ଆରି ପାଦ୍ ଆଦିକାରି ହୁକେ କୁଚ୍‌ଚି ନାଣି କାଇଜି ମାଚାର୍ । ୫୫ ଇଦାଂ ପାଚେ ମୁଡ଼୍ ମାପୁ ହେବା କିନାକାନ୍ ଆରି ଜିହୁଦି ସବାନିକାର୍ ଜିସୁଙ୍ଗ୍ ବିରୁଦ୍‌ତ ସାକି ଡେକ୍‌ଡେଂ ଲାଗାତାର୍, ମାତର୍ ଗାଟା ଆୱାତାର୍; ୫୬ ଇଦାଂ କାଜିଂ ବେସି ମିର୍ ସାକି ହିତାର୍ ମାତର୍ ହେୱାର୍ ସାକି ଗାଟାୱାତାର୍ ।

୫୭ ପାଚେ କେଡେକ୍ ଲଗୁ ନିଙ୍ଗାଜି ହେୱାନ ବେରୁତ ଇ ମିର୍ ସାକି ହିଜି ଇଞ୍ଜେଙ୍ଗ୍ ଲାଗାତାର୍ । ୫୮ “ଆପେଂ ଇୱାନ ତାଙ୍ଗ୍ ଇ କାତା ଇନାକା ୱେଟାପ୍‌ନା, ‘ଆନ୍ ଇ କେଇଦାଂ ରଚ୍‌ଚି ମନ୍ଦିରତିଂ ତ୍ରିକ୍‌ଚି ତିନ୍‌ଦିନ୍ ବିତ୍ରେ’ ଆରି ରଞ୍ଜାଙ୍ଗ୍ କେଇଦାଂ ରଚ୍‌ଞ୍ଚି ମନ୍ଦିର୍ ରଚ୍‌ନାଙ୍ଗ୍ ।” ୫୯ ମାତର୍ ଇବେପା ହେୱାର୍ ସାକି ଗାଟାୱାତାର୍ ।

୬୦ ହେବେ ମୁଡ଼୍ ମାପୁ ହେବା କିନାକାନ୍ ମାଦି ନିଲ୍‌ଚି ଜିସୁଙ୍ଗ୍ ୱେନ୍‌ବାତାନ୍, ନି ବିରୁଦ୍‌ତ ଇୱାର୍ ସାକି ହିନାରା, “ଏନ୍ ଇନାକାପା ଉତର୍ ହିତୟା ?”

୬୧ ମାତର୍ ହେୱାନ ଦୟା ଆତାନ୍ ଆରି ଇନାକାପା ଉତର୍ ହିୱାତାନ୍ । ମୁଡ଼୍ ମାପୁ ହେବା କିନାକାନ୍ ଆରେ ରଗ ୱେନ୍‌ବାତାନ୍ ହେୱାନ “ଏନ୍ ଇନାକା ମଙ୍ଗ୍‌ଲ୍ ପାୟାନି ଇସ୍‌ଚ୍‌ଚି ମାଜି କ୍ରିସ୍ତୁ ?”

୬୨ ଜିସୁ ଇଚାନ୍, “ଆନ୍ ହେୱାନ,” ଆରି ଏପେଙ୍ଗ୍ “ଆନ୍ ଜେ ମାନାୟ୍ ମାଜିଙ୍ଗ୍ ସାକ୍ତିତାଂ ବୁଜ୍‌ଣି ବାଗାଙ୍ଗ୍ କୁଚ୍‌ନାକା ଆରି ଆକାସ୍‌ନି ବାଦାଡ଼୍‌ତ ୱାନାକା ହୁଡ଼୍‌ନାଦେର୍ !”

୬୩ ହେବେ ତାଙ୍ଗ୍ ମୁଡ଼୍ ମାପୁ ହେବା କିନାକାନ୍ ତା ହେୟା କେଚ୍‌ଚି ଇଚାନ୍, “ସାକିତାଂ ମାଦାଂ ଆରି ଇନାକା ଲଡ଼ା ! ୬୪ ଏପେଙ୍ଗ୍ ତ ଇସ୍‌ଚ୍‌ଚି ନିୟା ୱେଟାଦେର୍, ମି ବିଚାର୍ କିନାକା ଇନାକା ?” ଇବେ ହେୱାର୍ ୱିଜାକାର୍ ହାକି ଦାଣ୍ଟ ପାୟା ଆନି ବିଦି ମାନାଡ଼୍ ଇଞ୍ଜି ୱିଜାକାର୍ ଇଚାର୍ ।

୬୫ ଆରେ ଇନେର୍ ଇନେର୍ ହେୱାନ ଜପି ରୁବ୍‌ଦେଂ ଲାଗାତାର୍ ଆରି ହେୱାନ ମୁମ୍‌ଦ ଗୁଗୁର୍ ମୁଗି କିଜି ବିଦା ଇଡ଼୍‌ଜି ଇଞ୍ଜେଙ୍ଗ୍ ଲାଗାତାର୍, “ଏନ୍ କିୟା ବେରଣ୍ ବାକ୍‌ଣାୟ୍ କିନାକାୟ୍ !” ପାର୍‌ମାଣ୍ ହିଦା । ଆରି ପାଦ୍ ଆଦିକାରିର୍ ଚାପ୍‌ଡ଼ା ଇଡ଼୍ ଇଡ଼୍ ହୁହୱାନିଂ ଆସି ଅତାର୍ ।

ପିତର୍ ଜିସୁଙ୍ଗ୍ ପାଚି କିୱାତାନ୍

(ମାତିଉ ୨୬:୬୯-୭୫; ଲୁକ ୨୨:୫୬-୬୨; ଜହନ୍ ୧୮:୧୫-୧୮; ୨୧:୨୫)

✱ ୧୪:୪୯ ୧୪:୪୯ ଲୁକ ୧୯:୪୭; ୨୧:୩୭.

୭୬ ଆରି ପିତର ତାରେନ୍ ହାକଡ଼ିତ ମାନିଖେଡାଲିଂ ମୁଡ଼୍ ମାପୁ ହେବା କିନାକାତ୍ ର ଆଡ଼ିଏଣି ଖାଜି ପିତର ନାଣି କାଜନାକା ହୁଡୁତାଡ଼, ୭୭ ଆରି ପିତରତିଂ ଇଟକାଡ଼ କିଜି ଇଚାଡ଼, “ଏନ୍ ପା ନାଜରିତିୟନି ଜିସୁ ହୁକେ ମାଚାୟ୍ ।”

୭୮ ମାତର ହେଖାନ ଉଡ଼ା ଆଜି ଇଚାନ୍, “ଆନ୍ ହେଖାନିଂ ପୁନୁଙ୍ଗ୍, ଆରି ଏନ୍ ଇନାକା ଇନାୟା, ଆନ୍ ବୁଜା ଆଉଙ୍ଗା ।” ପାଚେ ହାକଡ଼ି ଦୁଖେରତାଂ ହସି ହାଚାନ୍; କୁଜୁ କ୍ଳେତାଡ଼ ।†

୭୯ ଆରେ, ହେ ଆଡ଼ିଏଣି ହେଖାନିଂ ହୁଡ଼ଜି ଲାଗେ ନିଲ୍ଲିଟି ମାନିଲୁଗାଂ ଆରି ରଗ ଇଞ୍ଜେଙ୍ଗ୍ ଲାଗାତାଡ଼, “ଇଖାନ୍ ହେଖାର୍ ବିତ୍ରେ ରକାନ୍ !” ୭୯ ମାତର ଆରେ ପାଚି କିଖାଦାଂ ଇଞ୍ଜେଙ୍ଗ୍ ଲାଗାତାନ୍ । ଆରେ ଅଲପ୍ ସମୁ ପାଚେ ଲାଗାଂ ନିଲ୍ଲିଟି ମାନି ଲଗୁ ପିତରତିଂ ଇଚାଡ଼, “ଏନ୍ ହାଡ଼ପାନେ ହେଖାର୍ ବିତ୍ରେ ରକାୟ୍, ଇଚିସ୍ ଏନ୍ ତ ଗାଲିଲିୟ୍ ଲଗୁ ।”

୮୦ “ମାତର ପିତର ନିଜେତିଙ୍ଗ୍ ରାଣ୍ କିଜି ଆରେ ପାର୍ମାଣ୍ କିଜି ଇଞ୍ଜେଙ୍ଗ୍ ଲାଗାତାନ୍, ଏପେଙ୍ଗ୍ ଇମ୍ଣି ମାନାୟ୍ କାତା ଇନାଦେରା, ଆନ୍ ହେଖାନିଂ ପୁନୁଙ୍ଗ୍ !”

୮୧ ହେ ପାଦନା କୁଜୁ ରିହା କ୍ଳେତାଡ଼, ଇବେତାଂ କୁଜୁ ରିହା କ୍ଳେନିହିଂ ଆଗେ ଏନ୍ “ନାଙ୍ଗେଙ୍ଗ୍ ତିନିହର୍ ପାଚି କିଦୁୟ୍,” ଇ ଇମ୍ଣି କାତା ଜିସୁ ପିତରତିଂ ଇଞ୍ଜି ମାଚାନ୍, ହେଦାଂ ପିତରତିଂ ଏଡୁ ଖାତାଡ଼, ଆରି ହେଖାନ୍ ହେ କାତା ବାବିକିଜି ଆଡ଼ବେଦେଂ ଲାଗାତାନ୍ ।

୧୫

ପିଲାତ ଆଗେ ଜିସୁ

(ମାତିଉ ୨୭:୧-୨; ୧୧:୧୪; ଲୁକ ୨୩:୧-୫; ଜହନ୍ ୧୮:୨୮-୩୮)

୧ ଅଜଡ଼୍ ଆତି ଦାପ୍ରେ ସବୁ ଗାଜା ମିଟିଂ, ଇଚିସ୍ ପ୍ରାଚିନ୍ ଆରି ସାସ୍ପିରତି ହୁକେ ମୁଡ଼୍ ମାପୁହେବାକିନାକାର୍ ସବା କିଜି ଜିସୁଙ୍ଗ୍ ଗାର୍ଟି ଅଜି ପିଲାତ ତାକେ ହେଲାୟ୍ କିତାର୍ । ୨ ପିଲାତ ହେଖାନିଂ ଖେନ୍ବାତାନ୍, “ଏନ୍ କି ଜିହୁଦିର୍ ରାଜା ?” ଜିସୁ ହେଖାନିଂ ଉତର ହିତାନ୍, “ଏନ୍ ଇନାୟା ।”

୩ ଆରେ, ମୁଡ଼୍ ମାପୁହେବାକିନାକାର୍ ଜିସୁ ବିରୁଦ୍ଧତ ବେଜେକ୍ ଲାଗେଦେଂ ହାଙ୍ଗ୍ତାର୍ । ୪ ହେବେ ପିଲାତ ଆରେରଗ ହେଖାନିଂ ଖେନ୍ବାତାନ୍ “ଏନେଙ୍ଗ୍ ଇନାକା ଉତର ହିତୟା ? ହୁଡ଼ା, ଇଖାର୍ ନି ବିରଡ଼ତ ଦସ୍ ବାଜେକ୍ କିସି ଲାଗ୍ଦାନାରା !”

୫ ମାତର ଜିସୁ ଇନାକା ପା ଉତର ହିଖାତାନ୍, ହେଦାଂ କାଜିଂ ପିଲାତ କାବା ଆତାନ୍ ।

ଜିସୁତି ହାକି ଡାଣ୍ଡ

(ମାତିଉ ୨୭:୧୫-୩୧; ଲୁକ ୨୩:୧୩-୨୫; ଜହନ୍ ୧୮:୩୯; ୧୯:୧୭)

୬ ମତର ନିସ୍ତାର୍ ପାର୍ବୁଖେଡାଙ୍ଗ୍ ମାନାୟାର୍ ଇମ୍ଣି ଚରେକ୍ରିଙ୍ଗ୍ ଏନ୍ତି ମାଚାର୍, ହେଖାନିଂ ହେଖାନ୍ ହେଖାର୍ କାଜିଂ ମୁକ୍ତାୟ୍ କିଜି ମାଚାର୍ । ୭ ଇମ୍ଣି କୁଟୁମ୍ ବିରୁଦ୍ଧତ ଗଡ଼ମେଲି ଖେଡାଲିଂ ମାନାୟତିଂ ଅଜି ମାଚାନ୍, ହେଖାର୍ ହୁକେ ବାରବା ତରନି ରଖାନ୍ ବନ୍ଦି ମାଚାନ୍ । ୮ ଲାଗିଂ ଲକୁ ଜପି ହାଲ୍ଲିଜି ଜାର୍ ରିତି ହୁଦାଂ କିନି କାଜିଂ ଗଖାରି କିଦେଙ୍ଗ୍ ଲାଗାତାଡ଼ । ୯ ହେବେତାଂ ପିଲାତ ହେଖାରିଂ ଉତର ହିତାନ୍, “ଏପେଙ୍ଗ୍ ଇନାକା ଇଚା କିନାଦେରା ? ଆନ୍ ଇନାକା ମି କାଜିଂ ଜିହୁଦିର୍ ରାଜାଙ୍ଗ୍ ମୁକ୍ତାୟ୍ କିନାଙ୍ଗ୍ ?” ୧୦ ଇଚିସ୍ ମୁଡ଼୍ ମାପୁହେବାକିନାକାର୍ ଜେ କୁଟୁତ ହେଖାନିଂ ହେଲାୟ୍ କିଜି ମାଚାର୍, ହେଦାଂ ହେଖାନ୍ ବୁଜା ଆତାନ୍ ।

୧୧ ମାତର ହେଖାନ୍ ଇନେସ୍ ହେଖାର୍ କାଜିଂ ବାରବାଙ୍ଗ୍ ମୁକ୍ତାୟ୍ କିନାନ୍, ହେଦାଂ କାଜିଂ ମୁଡ଼୍ ମାପୁହେବାକିନାକାର୍ ଲକାଂ ମାତାୟ୍ କିତାର୍ । ୧୨ ମାତର ପିଲାତ ଆରେ ରଗ ହେଖାରିଂ ଉତର ହିତାନ୍, “ବାଟିଙ୍ଗ୍ ଏପେଙ୍ଗ୍ ଇନେରିଂ ଜିହୁଦିର୍ ରାଜା ଇଞ୍ଜି ଇନାଦେରା, ହେଖାନ୍ କାଜିଂ ଆନ୍ ଇନାକା କିନାଙ୍ଗ୍ ?”

୧୩ ହେଖାର୍ ପାଚେ କିର କିଜି ଇଚାଡ଼, “ହେଖାନିଂ କୁସ୍ତ ଦୁପାଟ୍ !”

୧୪ ହେବେତାଂ ପିଲାତ ହେଖାରିଂ ଖେନ୍ବାତାନ୍, ଇନେକିଦେଂ, “ହେଖାନ୍ ଇନା ଦସ୍ କିତାନ୍ନା ?” ମାତର ହେଖାର୍ ଆଦିକ୍ କିର କିତାର୍, “ହେଖାନିଂ କୁସ୍ତ ଦୁପାଟ୍ !”

୧୫ ଲାଗିଂ ପିଲାତ ମାନାୟତିଂ ସାରି କିଦେଙ୍ଗ୍ ଇଚା କିଜି ହେଖାର୍ କାଜିଂ ବାରବାତିଂ ମୁକ୍ତାୟ୍ କିତାନ୍, ପାଚେ ଜିସୁଙ୍ଗ୍ କରତା ଗ୍ରାକି କିସି କୁସ୍ତ ଦୁପାଦେଂ ଇଞ୍ଜି ହେଲାୟ୍ କିତାନ୍ ।

ମେଲ୍ୟାର୍ ଜିସୁଙ୍ଗ୍ କିଜାୟ୍ କିତାର୍

(ମାତିଉ ୨୭:୨୭-୩୧; ଜହନ୍ ୧୯:୨-୩)

୧୬ ହେବେତାଂ ମେଲ୍ୟାର୍ ହେଖାନିଂ ହାକଡ଼ି, ଇଚିସ୍ ବାଙ୍ଗ୍ଲା ବିତ୍ରେ ଆସସି ପା ସବୁ ମେଲ୍ୟାରିଂ କୁକ୍ଟି ରୁଣ୍ଡାୟ୍ କିତାର୍ । ୧୭ ହେଖାର୍ ହେଖାନିଂ କିଜାୟ୍ କିଦେଙ୍ଗ୍ ଇଞ୍ଜି କାହରାତି ବାନି ହେୟା ଉସ୍ପି କିତାର୍ ଆରି ଖାଡ଼ି ମୁକ୍ତୁଟ୍ ରଟି କାପଡ଼ାତ ତୁଜି କିତାର୍; ୧୮ ଆରେ, “ଏ ଜିହୁଦିର୍ ରାଜା !” ଜଖାର୍, ଇଦାଂ ଇଞ୍ଜି କିଜାୟ୍ କିଦେଙ୍ଗ୍ ଲାଗାତାଡ଼ । ୧୯ ପାଚେ, ହେଖାର୍ ର ପଲକା ନାଡ଼ା ଅସି କାପଡ଼ାତ ମାଟ୍ କିତାର୍ ଆରି ହେଖାନ୍ ଜପି ରୁପଡ଼ାର୍, କିଜାୟ୍ କିଜି ଆରି ମେଣ୍ଡାଂ କୁସିକିଜି ଜଖାର୍

† ୧୪:୨୮ ୧୪:୨୮ କେତେକ ପତିତ ଦାପ୍ରେ କୁଜୁ କ୍ଳେତାଡ଼ ।

କିଦେଈଁ ଲାଗାତାର । ୨୦ ହେୱାର୍ ହେୱାନିଂ କିଜାୟକିତି ପାଚେ ହେ କାର୍ଣାତି ବାନି ହେୟା କୁଡତି ଅଜି ହେୱାନ୍ତି ଜାର୍ ହେୟା ଉସ୍ମି କିତାର । ପାଚେ, ହେୱାର୍ ହେୱାନିଂ କୁସ୍ ଜପି ଦୁପ୍ତେଂ ବାଡି ଅତାର ।

ଜିସୁଙ୍ଗ କୁସ୍ ଜପି ଦୁପ୍ତାର୍

(ମାତିଉ ୨୭:୩୨-୪୪; ଲୁକ ୨୩:୨୪-୪୩; ଜହନ୍ ୧୯:୧୭-୨୭)

୨୧ *ହେ ଏଚେକାଡ଼ଦ ଆଲେକଜାଣ୍ଡର୍ ଆରି ରୁପ୍ତି ଲାତ୍ରାହି ସିମନ୍ ତରୁନି ରକାନ୍ କୁରିଣିୟ ମାନାୟ ଦେସିନାସ୍ତାଂ ୱାଜି ହେ ହାଜିହିଜି ହାଲ୍ଲଜି ମାଚାନ୍, ହେୱାର୍ ହେୱାନିଂ ହେୱାନ୍ତି କୁସ୍ ପିଣ୍ଡେଂ ବଲକ୍ୱାର୍ କିତାର । ୨୨ ଆରେ, ହେୱାର୍ ହେୱାନିଂ ଗଲ୍ଲଗତା ଇତିସ୍ “କାପ୍ତାବାହା ତର୍ ବାହାତ ଅତାର ।” ୨୩ ଆରେ, ହେୱାର୍ ହେୱାନିଂ ଗାନ୍ଦାରାସ୍ ମିହାଆତାକା ଅଲ୍ଲୁର୍ ରାସ୍ ହିତାର, ମାତର୍ ହେୱାନ୍ ହେଦାଂ ଅଦେଂ କାୱାତାନ୍ । ୨୪ ପାଚେ ହେୱାର୍ ହେୱାନିଂ କୁସ୍ତ ଦୁପ୍ତାର୍, ଆରେ ଇନେର୍ ଇନାକା ଗାଟାଆନାନ୍, ହେଦାଂ ଦରମ୍ଗୁଲି ହୁକେ ତିର୍ କିଜି ହେୱାନ୍ତି ହେୟା ସବୁ ଜାର୍ ଜାର୍ତାକେ ପାସ୍ପିସ୍ ଅତାର । ୨୫ ଦିନ୍ ନଅଠା ୱେଡାଲିଂ ହେୱାର୍ ହେୱାନିଂ କୁସ୍ତ ଦୁପ୍ତାର୍ । ୨୬ ଆରେ ହେୱାନ୍ତି ତା ବିରୁଦ୍ଧ ଇଦାଂ ଲେକା ଆଜି ମାଚାଡ଼, “ଜିହୁଦିତ୍ ରାଜା ।” ୨୭ ଆରେ, ହେୱାନ୍ତି ବୁଜଣି ପାଡ଼କା ରକାନ୍ ଆରି ତେବ୍ରି ପାଡ଼କା ରକାନିଂ, ଏଲେଙ୍ଗ୍ ରିକାର୍ ଚର୍ଜୁକାଂ ହେୱାର୍ ଜିସୁ ହୁକେ କୁସ୍ ତାକେ ଦୁପ୍ତାର୍ ।

୨୮ ହେବେ ଦରମ୍ ସାସ୍ତର୍ ଇ କାତା ପୁରାଆତାଡ଼, ହେୱାନ୍ ଚର୍ଜୁ ହୁକେ ସମାନ୍ ଆତାନ୍ । ୨୯ *ହେ ହାଜି ହିଜି ହାଲ୍ଲଜିମାନି ଲକୁ ଜାର୍ ଜାର୍ କାପ୍ତା ଜଲ୍ଲାୟ କିଜି ହେୱାନିଂ ନିୟା କିଦେଈଁ ଲାଗାତାର, ଆରେ ର ମନ୍ଦିର୍ ତ୍ରିକ୍ନି ଲଗୁ ଆରି ତିନି ଦିନ୍ତାଂ ଆରେ ରଚନାକାୟ !” ୩୦ କୁସ୍ତାଂ ଜୁଦା ଜାର୍ତିଂ ରାକ୍ୟା କିୟା ।

୩୧ ମୁଡ଼ ମାପୁହେବାକିନାକାର୍ ପା ହେ ଲାକେ ସାସ୍ତର୍ ହୁକେ ହେୱାର୍ ହେୱାର୍ ବିତ୍ତେ ହେୱାନିଂ ଗୁଇଜି ଇଞ୍ଜେଙ୍ଗ୍ ଲାଗାତାର, “ହେୱାନ୍ ବିନ୍ଲୁଗାଂ ରାକ୍ୟାକିତାନ୍ ଜାର୍ତିଂ ରାକ୍ୟା କିଦେଈଁ ଆଡୁନା ! ୩୨ ଏନ୍ ଜଦି ହାଡ଼ପା ଇସ୍ତାଏଲ୍ଲିନି ରାଜା କ୍ରିସ୍ଟୁ ବେଗି କୁସ୍ ତାଙ୍ଗ୍ ଜୁଜି ୱାୟେନ୍, ଇନେସ୍ କି ହେଦାଂ ହୁଡ଼ଜି ଆପେଂ ପାତ୍ କିନାପ୍ । ଆରେ ଇନେର୍ ତା ହୁକେ କୁସ୍ତ ଦୁପ୍ତାୟା ଆଜି ମାଚାଡ଼, ହେୱାର୍ ପା ତାଙ୍ଗେଙ୍ଗ୍ ନିୟାକିଦେଂ ଲାଗାତାର !”

ଜିସୁତି ହାକି

(ମାତିଉ ୨୭:୪୫-୫୬; ଲୁକ ୨୩:୪୪-୪୯; ଜହନ୍ ୧୯:୨୮-୩୦)

୩୩ ବାର ଗଣ୍ଡା ୱେଡାଲିଂ ଦେସ୍ ଜାକ୍ ମାଜ୍ଗା ଆଜି ତିନି ଗଣ୍ଡା ପାଚେକ୍ ମାଚାଡ଼ । ୩୪ ତିନି ଗଣ୍ଡା ୱେଡାଲିଂ ଜିସୁ ଗାଜାକାଟ୍ତାଂ କୁକ୍ତି ଇଚାନ୍, “ଏଲି, ଏଲି, ଲାମା ସାବାକ୍ତାନି ?” ଇତିସ୍ “ଏ ନା ଇସ୍ତର୍, ଏ ନା ଇସ୍ତର୍, ଏନ୍ ନାଙ୍ଗେଙ୍ଗ୍ ଇନାକିଦେଂ ପିସ୍ତାତାୟ ?”

୩୫ ଇଦାଂ ୱେନ୍ଞି ଲାଗାଂ ନିଲ୍ଲତି ମାନାୟାର୍ ବିତ୍ତେ ଇନେର୍ ଇନେର୍ ଇଚାର୍, ହୁଡ଼ାଡ଼, “ହେୱାନ୍ ଏଲିୟଙ୍ଗ୍ କୁକ୍ନାନା !” ୩୬ ଆରେ, ରକାନ୍ ହନ୍ତିହାଲ୍ଲଜି ର ରୁଆ ତ କେନିରାସ୍ ବାଡ଼ି କିଜି ହେଦାଂ ର ନାଡ଼ାତ କିଜି ହେୱାନିଂ ଉଣ୍ଡେଙ୍ଗ୍ ହିଜି ଇଚାନ୍, “ମାନାଟ୍, ଏଲିୟ ଇୱାନିଂ ଜୁଡ଼ତେଂ ୱାନାନା କି ଆକାୟ, ହୁଡ଼ନାସ୍ !”

୩୭ ମାତର୍ ଜିସୁ ଗାଜାକାଟ୍ କିଜି ପାରାଣ୍ ପିସ୍ତାନ୍ ।

୩୮ ଆରେ, ମନ୍ଦିରନି ପୁଇପୁୟା ବାହାତ ଟଣ୍ଡି ହେୟା ଜପିତାଂ ତାରେନ୍ ପାଚେକ୍ ରି ପାଡ଼ା ଆଜି କେନ୍ତାଡ଼ । ୩୯ ହେୱାର୍ ମୁମ୍ଦ ନିଲ୍ଲତିମାତି ପାଞ୍ଚକଡ଼ି ମେଲ୍ୟାର୍ ଆଦିକାରି ହେୱାନ୍ତି ପାରାଣ୍ ପିହ୍ନାକା ହୁଡ଼ଜି ଇଚାର୍,* “ହାଡ଼ପାନେ, ଇୱାନ୍ ରକାନ୍ ଇସ୍ତର୍ ମାଜି !” ମାଚାନ୍ ।

୪୦ *କେତେକ୍ ଜାଣ୍ କଗ୍ଲେହିମ୍ଣାଂ ପା ଦେହାତାଂ ହୁଡ଼ଜି ମାତିକ୍; ହେୱେକ୍ ବିତ୍ତେ ମଗ୍ଦଲିନି ମରିୟମ୍, ହାରୁ ଜାକୁର୍ ଆରି ଜସି ତେହି ମରିୟମ୍, ଆରେ ସଲମି ମାତିକ୍; ୪୧ ହେୱାନ୍ ଗାଲିଲିତ ମାନି ୱେଡାଲିଂ ହେୱେକ୍ ତା ପାଚେ ପାଚେ ହାଲ୍ଲଜି ହେୱାନିଂ ହେବା କିଜି ମାତିକ୍, ହେୱେକ୍ ହୁକେ ଜିରୁସାଲମ୍ତ ୱାଜିମାନି କଗ୍ଲେକ୍ ପା ହୁଡ଼ଜି ମାତିକ୍ ।

ଜିସୁତି ଦୁଗେର୍

(ମାତିଉ ୨୭:୫୭-୬୧; ଲୁକ ୨୩:୫୦-୫୬; ଜହନ୍ ୧୯:୩୮-୪୨)

୪୨ ୱେଡା ଆତିଲେ, ହେ ଦିନ୍ ଜୁତିପାତି କିନି ଦିନ୍, ଇତିସ୍ ଜମ୍ନିବାର୍ ଆଗେନି ଦିନ୍ ମାତିଲେ, ୪୩ ହାରାମାତିୟାର୍ନି ଜସେପ୍ ତରୁନି ଜିହୁଦି ଗାଜା ସବାନି ରକାନ୍ ମାଜାନ୍ ମେମର୍, ଇନେନ୍ ନିଜେପା ଇସ୍ତର୍ତି ରାଜିତିଂ କାସି ମାଚାନ୍, ହେୱାନ୍ ସାସ୍ତାଙ୍ଗ୍ ପିଲାତ ତାକେ ହାଲ୍ଲଜି ଜିସୁତି ଗାଗାଡ଼ ଏନ୍ନାନ୍ ।

୪୪ ମାତର୍ ଜେ ହାତାନେ ଇଦାଂ ୱେନ୍ଞି ପିଲାତ କାବା ଆତାନ୍, ଆରି ପାଞ୍ଚ କଡ଼ିନି ମେଲ୍ୟାର୍ ଆଦିକାରିଂ ଲାଗେ କୁକି କିଜି ହେୱାନିଂ ୱେନ୍ଦାତାନ୍, ହେୱାନ୍ ଇନାକା ବେସିଗାଡ଼ି ହାଜି ଆତାତେ ? ୪୫ ପାଞ୍ଚ କଡ଼ିନି ମେଲ୍ୟାର୍ ଆଦିକାର୍ ତାଙ୍ଗ୍ ପୁନ୍ଞି ଜିସୁ ଗାଗାଡ଼ିଂ ଜସେପ୍ତିଂ ହିତାନ୍ । ୪୬ ହେୱାନ୍ ରଞ୍ଜାଙ୍ଗ୍ କାୱାଣ୍ ହେୟା କଡ଼ଜି ତାଙ୍ଗେଙ୍ଗ୍ ଜୁଡ଼ତି ତାସି ହେବେ

☆ ୧୫:୨୧ ୧୫:୨୧ ରମିୟ ୧୭:୧୩. ☆ ୧୫:୨୯ ୧୫:୨୯ ମାର୍କ ୧୪:୫୮; ଜହନ୍ ୨:୧୯. * ୧୫:୩୯ ୧୫:୩୯ ହାଜି ମାଚାନ୍ କେତେକ୍ ପତିତ ଗାଜା କାଟ୍ତାଂ ତେରା ଆଜି ମାଚାନ୍ ଆରି ହାଜି ମାଚାନ୍ ମାନାଡ଼ । ☆ ୧୫:୪୦ ୧୫:୪୦ ଲୁକ ୮:୨୩.

ହେୱାନିଂ ହୁପାତାନ ଆରି କାଲ୍ ରେଟି ମାଡ଼ିତ କାର୍ତ୍ତି ର ଦୁଗେରତ ହେୱାନିଂ ଇଡ଼୍ଜି ଦୁଗେରନି ଦୁଖେରତ ଗାଜା କାଲ୍ ଗୁଡ଼ତାର । ୪୭ ହେୱାନିଂ ଇମ୍ଫଣି ବାହାତ ଇଡ଼ିତାରନା, ହେଦାଂ ମଗ୍ଦଲିନି ମରିୟମ୍ ଆରି ଜସି ତେହି ମରିୟମ୍ ହୁଡ଼୍ଜି ମାଟିକ୍ ।

୧୭

ଜିସୁତି ଆରେ ନିଙ୍ଗନାକା

(ମାଡ଼ିଉ ୨୮:୧-୮; ଲୁକ ୨୪:୧-୧୨; ଜହନ୍ ୨୦:୧-୧୦)

୧ ଜମ୍ଫନିବାର ହାଟିପାଚେ ମଗ୍ଦଲିନି ମରିୟମ୍ ଜାକୁବ୍ ତେହି ମରିୟମ୍ ଆରି ସଲମି ବାସନା ଚିକାଣ୍ କଡ଼୍ଡିକ୍, ଇନେସ୍କି ହେୱାନିଂ ହାଲ୍ଜି ଉଟି କିଦେଙ୍ଗ୍ ଆଡ଼ନିକ୍ । ୨ ଆରେ, ରଇବାର ନାଜିଂ ଉଟ୍ଲା ହାକାଡେ ହେୱେକ୍ ଦୁଗେରତ ହାଟିକ୍, ହେପାଦନା ୱେଡ଼ା ହସି ମାଟାଡ଼ । ୩ ହେୱେକ୍ ହେୱେକ୍ ବିଡ୍ରେ ବେଣ୍ କିବିସ୍ ମାଟିକ୍, ଇନେର୍ ମା କାଜିଂ ଦୁଗେରନି ଦୁଖେର କାଲ୍ ଗୁଡ଼ତି ହିଦନାର ? ଇନାକିଦେଂକି ହେଦାଂ ବେସି ଗାଜା କାଲ୍ ମାଟାଡ଼ । ୪ ଇ ଲାକେ ୱେଡ଼ାଲିଂ ହେୱେକ୍ ଏରି କିଜି ହୁଡ଼୍ଡିକ୍ ଜେ, କାଲ୍ ଗୁଡ଼ତାକା । ୫ ହେୱେକ୍ ଦୁଗେର ବିଡ୍ରେ ହଣ୍ଡି ଡ଼ିଞ୍ଜିନି ଆଜିଂ ଉସ୍ପାତାକାନିଂ ର ଦାଙ୍ଗାହିମ୍ଫଣା ବୁଡ଼ଣିବାଗାଂ କୁଟାକା ହୁଡ଼୍ଜି ବେସିକାବା ଆଡିକ୍ ।

୬ “ହେବେ ହେୱାନ୍ ହେୱାକାଂ ଇଚାନ୍,” କାବା ଆମାଟ୍, ଏପେଙ୍ଗ୍ କୁସ୍ତ ହାତି ନାଜରିତିୟନି ଜିସୁଙ୍ଗ୍ ତେକ୍ନାଦେରା; ହେୱାନ୍ ନିଙ୍ଗତାନ୍ନା, ହେୱାନ୍ ଇବେ ହିଲୁନ୍, ହୁଡ଼ାଟ୍, ଇ ବାହାତ ହେୱାର୍ ହେୱାନିଂ ଇଡ଼୍ଜି ମାଟାର । ୭ ମାତର୍ ଏପେଙ୍ଗ୍ ହାଲ୍ଜି ହେୱାନ୍ ଚେଲାରିଂ ଆରି ପିତର୍ତିଂ ବଲ୍ ହିତାନ୍, ଜିସୁ ମି ଆଗେ ଗାଲିଲିତ ହାତାନ୍ନା; ହେୱାନ୍ ମିଙ୍ଗେଙ୍ଗ୍ ଇନେସ୍ ଇଞ୍ଜି ମାନ୍ସାନ୍, ହେ ଲାକେ ଏପେଙ୍ଗ୍ ହେବେ ହେୱାନିଂ ହୁଡ଼ନାଦେର୍ ।

୮ ହେବେଣ୍ଡାଂ ହେୱେକ୍ ହାଡ଼ପା ହୁଡ଼୍ଜି ଦୁଗେର ତାଙ୍ଗ୍ ହସି ହଡ଼ିକ୍, ଇନେସ୍ ଲାକେ କି ହେୱେକ୍ ପାଡୁଡିଙ୍ଗ୍ ଡ୍ରିଗ୍ଜି ମାଟିକ୍ ଆରି କାବା ଆଜି ମାଟିକ୍, ଆରେ ଇନେରିଂ ଇନାକା ଇନ୍ଫିଡିକ୍, ଇନେକିଦେଂକି ହେୱେକ୍ ପାଣ୍ଡା ଆଜି ମାଟିକ୍ ।

ଜିସୁ ବେସି ଲଗାଂ ଚଞ୍ଜ୍ୟା ଆତାନ୍

(ମାଡ଼ିଉ ୨୮:୯-୧୦; ଜହନ୍ ୨୦:୧୧-୧୮)

୯ ସାଡ଼ ଦିନି ପର୍ଡୁମ୍ ରଇବାର ନାଜିଂ ଉଟ୍ଲା ହାକାଡେ ଜିସୁ ନିଙ୍ଗଜି, ଇନେରତାଂ ସାଡ଼ ପୁଦାଂ ପିହି କିଜି ମାଟାନ, ହେ ମଗ୍ଦଲିନି ମରିୟମ୍ତିଂ ପର୍ଡୁମ୍ ଚଞ୍ଜ୍ୟା ଆତାନ୍ । ୧୦ ହେଦେଲ୍ ହାଲ୍ଜି, ଇନେରକି ତା ହାଙ୍ଗ୍ ଆସି ମାଟିକ୍, ହେୱେକାଂ କାବୁର୍ ହିଡାଡ଼, ହେୱେକ୍ ଦୁକ୍ ଆରି ଆଡ଼ବିସ୍ ମାଟିକ୍ । ୧୧ ହେୱାନ୍ ଜିବୁନ୍ ମାନାନ୍ ଆରି ହେଦେଲିଂ ଚଞ୍ଜ୍ୟାଆତାନ୍ନା, ଇଦାଂ ୱେନ୍ଞି ହେୱାର୍ ପାଡ଼ିଂ କିଞ୍ଜାତାର ।

ଜିସୁ ରିୟାର୍ ଚେଲାରିଂ ଚଞ୍ଜ୍ୟାଆତାନ୍

(ଲୁକ ୨୪:୧୩-୩୫)

୧୨ ଇ ସବୁ ଗଟଣା ପାଚେ ହେୱାର୍ ବିଡ୍ରେ ରିକାର୍ ର ନାସ୍ତ ହାଲ୍ଜିମାନି ୱେଡ଼ାଲିଂ ହେୱାନ୍ ଆରି ବିନ୍ମୁଡ଼ିତ ହେୱାରିଂ ଚଞ୍ଜ୍ୟା ଆତାନ୍, ୧୩ ଆରେ ହେୱେକ୍ ହାଲ୍ଜି ବିନ୍ଲୁଗାଂ କାବୁର୍ ହିଡିକ୍, ମାତର୍ ହେୱେକ୍ କାତା ପା ପାଡ଼ିଂ କିଞ୍ଜାତାର ।

ଏଗାର୍ ଜାଣ୍ ହୁକେ ଜିସୁତି କାତାବାଡ଼ା

(ମାଡ଼ିଉ ୨୮:୧୭-୨୦; ଲୁକ ୨୪:୩୬-୪୯; ଜହନ୍ ୨୦:୧୯-୨୩; ପକ୍ୟାତାକା ୧:୭-୮)

୧୪ ଇଦାଂ ପାଚେ ଏଗାର୍ ଜାଣ୍ ଚେଲାର୍ ଚିଞ୍ଜେଙ୍ଗ୍ କୁଟି ୱେଡ଼ାଲିଂ ଜିସୁ ହେୱାରିଂ ଚଞ୍ଜ୍ୟା ଆତାନ୍ ଆରି ହେୱାର୍ଡି ପାଡ଼ିଂ କିଞ୍ଜାକା ଆରି ମାନ୍ ଆଟ୍ଞା କାଜିଂ ହେୱାରିଂ ଲେଡ଼ତାନ୍, ମାତର୍ ଇନେର୍ ହେୱାନିଂ ଆରି ନିଙ୍ଗନାକା ହୁଡ଼୍ଜି ମାଟାର, ହେୱାର୍ କାତା ୱିଜାକାର୍ ପାଡ଼ିଂ କିଞ୍ଜାଦାଂ ମାଟାର । ୧୫ ଆରେ, “ଜିସୁ ହେୱାରିଂ ଇଚାନ୍, ଏପେଙ୍ଗ୍ ୱିଜୁ ପୁଡ଼ିତ ହାଲ୍ଜି ସବୁ ନାର୍ ଜାତି ତାକେ ନେକ୍ରିକାବୁର୍ ସୁଣାୟ୍ କିୟାଟ୍ । ୧୬ ଇନେର୍ ପାଡ଼ିଂ କିଜି ବାପ୍ରିସିମ୍ ଅତିସ୍ ହେୱାନ୍ ରାକ୍ୟା ପାୟା ଆନାନ୍; ଆରେ ଇନେର୍ ପାଡ଼ିଂ କିଡର୍, ହେୱାର୍ ଦାଣ୍ ପାୟା ଆନାନ୍ । ୧୭ ଆରେ, ପାଡ଼ିଂ କିନାକାର୍ଡି ଇ ସବୁ ଚିନ୍ ପାୟା ଆନାନ୍, ହେୱାର୍ ନା ତର୍ଦ ପୁଦାଂ ପିହିକିନାର୍, ପୁନି ପୁନି ବେରଣ୍ଡ କାତା ଇନାର୍, ୧୮ କେଇଦ ରାଡ଼ ଆହ୍ନାର୍, ଆରେ ପାରାଣ୍ନାସ୍ ଅହ ଉଟିସ୍ ହେୱାର୍ଡି ଇନାକା ନସ୍ ଆଡ଼, ହେୱାର୍ ବେମାରିର୍ ଜପି କେଇ ଇଡ଼ିସ୍ ହେୱାର୍ ଉଜ୍ ଆନାର୍ ।”

ଜିସୁତି ସାଗେ ହାଗାନ୍

(ଲୁକ ୨୪:୫୦-୫୩; ପକ୍ୟାତାକା ୧:୯-୧୧)

୧୯ ଇ ଲାକେ ମାପୁ ଜିସୁ ହେଝାରିଂ କାତା ଇଚି ପାଚେ ସାଗେ ତାକେ ଅୟା ଆଜି ଇସ୍ପର୍ତି ବୁଜ୍‌ଣି କଚଣ୍ଡ କୁଚ୍‌ଚାନ୍ । ୨୦ ମାତର୍ ହେଝାର୍ ହାଲ୍‌ଜି ଝିଜୁ ତାକେ ପଚ୍‌ଚାର୍ କିତାର୍, ଆରି ମାପୁ ହେଝାରିଂ ହାଲ୍‌ଦାଂ ଅସି ଚିନ୍‌କୁତାଂ ହେ କାତା ପାର୍ମାଣ୍ ସିଗ୍ କିତାନ୍ ।

ଲୁକ ଲିଖିତ ସୁସମାଚାର ଲୁକ ଲେକିକିତି ନେକ୍ରିକାରୁର୍ ଲୁକ ପତି ବିସ୍ତେ ପାଦେକ୍

ଲୁକ ଲେକିକିତି ନେକ୍ରିକାରୁର୍ ଆତାଡ଼, ଜିସୁ କ୍ରିସ୍ତ ଜିରୁନ୍ ବିସ୍ତେ ଇଞ୍ଜି ମାନି ପୁନି ମେରା ଚାରିଗଟା ପତିଙ୍ଗ ବିତ୍ତେ ରଞ୍ଜାଙ୍ଗ । ହେଝାଙ୍ଗ ବିତ୍ତେ ଝିଜୁକାଙ୍ଗ “ନେକ୍ରିକାରୁର୍” ଇନାର୍, ଇମ୍‌ଶାକା ଅରଡ଼ “ନେକ୍ରିକାରୁର୍” ହେଝାଙ୍ଗ ଜିସୁ ହାତି ପାଚେ, ମାତିଉ, ମାର୍କ, ଲୁକ ଆରି ଜହନ୍ ତାଙ୍ଗ ଲେକାଆତାଡ଼ନା । ଲୁକ ଜିସୁତି ଜିରୁନ୍ ଗଟ୍‌ଶା ଲେକା ଲାହାଙ୍ଗ, ଜିସୁତି ହାକି ଆରି ଜିତି ପାଚେ ଜିସୁ ଚେଲାହିର୍ ଇମ୍‌ଶି ବିସ୍ତେ ସବୁ କିତାର୍, ହେଦାଂ ପା ଲେକି କିତାଣ୍ଟା ହେ ପତିତିଂ ପକ୍ୟା ଆତାକାର୍ କାମାୟନି ବିସ୍ତେ ଇଞ୍ଜି ଇନ୍‌ୟା ଆନାଡ଼ । ଲୁକ ପତି ଏଚେକାଡ଼ଦ ଆରି ଇମେତାକେ ଲେକା ଆତାଡ଼ନା, ହେ ବିସ୍ତେ ହାଡ଼ପା ଇନେର୍ ପା ପୁନୁର୍ ମତର୍ ବେସି ଜାଣ୍ ପଣ୍ଡିତାର୍ ରାଜି ଆନାର୍ ଜେ, ଇଦାଂ ହାଡ଼ପା ଆତିସ୍ ଜିସୁ କ୍ରିସ୍ତ ଜିଲମ୍ ସତୁରି ବାହୁଁ ପାଚେ ଲେକା ଆତାଡ଼ନା ।

ଲେକିକିତାକାନ୍ ଆତାନ୍ ଲୁକ, ଇନେନ୍‌କି ରଞ୍ଜାନ୍ ତାକ୍ତର୍ ମାଚାନ୍ । ତା ଲେକା ବାନି ଆରି ବାସା ଚିନ୍ତା ଚଟ୍‌ଚାନାଡ଼ ଜେ, ହିକାଆତି ମାନାୟ ମାଚାନ୍ । ଜିସୁତି ଜିରୁନ୍‌ନି ଗଟ୍‌ଶାଂ ଗିଟା ଆତାକା କାରୁମ୍ ଲାକେ, ଲେକି କିଜି ସଡ଼, ବାନି କିଦେଙ୍ଗ ବାବିକିନାନ୍, ଇନେନ୍‌କି ବିନେନିକାର୍ ହେଦାଂ ପତି କିଜି ଉପ୍‌କାର୍ ପାୟା ଆନାର୍ ୧:୧-୩ । ହେଝାନ୍ ରଞ୍ଜାନ୍ ଜିହୁଦି ହିଲ୍‌ଝାତାନ୍ କଲ୍‌ସି ୪:୧୦-୧୪ ଆରି ହେଝାନ୍ ଇ ଲାକେ ବାବ୍ରେ ଲେକିକିତାନ୍ । ବିନ୍‌ଜାତି ଜିହୁଦିର୍ ବୁଜାଆଦେଂ ଆଡ଼ନାର୍ । ହେ ଜିହୁଦି ରିତି ଝିଜୁ ବାନି କିନିହିଙ୍ଗ ଇଦାଂ ଆସେଙ୍ଗ ସାଡ଼ ହୁଡ଼ଦେଂ ଆଡ଼ନାସ୍:୮ ।

ଲୁକ ଲେକିକିତି ନେକ୍ରିକାରୁର୍, ମାତିଉ ଆରି ମାର୍କ ପତି ଲାହାଙ୍ଗ ସମାନ୍ ଆନାଡ଼, ଇନାକିଦେଂକି ହେଝାର୍ ସମାନ୍ ବିସ୍ତେ ଆରି ସମାନ୍ ବାବ୍ରେ ହପ୍‌ନାର୍ । ତିନିଗଟା ପତି ବିତ୍ତେତାଂ ଲୁକ ବାପ୍ରିସିମ୍ ହିନି ଜହନ୍ତି ଜଲମ୍ ବିସ୍ତେ ଆଦିକ୍ ବିସ୍ତେ ବାବି କିତାର୍ । ଆରି ଲୁକ ପାଟୀନା ଜପି ଆଦିକ୍ କିତାର୍ ୩:୨୧, ୫:୧୭, ୬:୧୨, ୧୧:୧-୧୨; ୨୨:୩୨ ଆରି ହେଝାନ୍ କେମା ଜପି ପା ଆଦିକ୍ କିତାର୍ ୩:୩, ୧୧:୪, ୧୭:୩-୪, ୨୩:୩୪; ୨୪:୪୭ ।

ପତି ବିସ୍ତେନି ରାହାଣ୍

- ୧. ଲୁକ ଲେକିକିତି ନେକ୍ରିକାରୁର୍ ବିସ୍ତେ ଆରି ଲେକାନି ବାନି କିତାର୍ ୧:୧-୪
- ୨. ଜିସୁତି ଜଲମ୍ ଆରି ହେଝାନ୍ ଇନେସ୍ ହେବାକାମାୟ କାଜିଂ ଜାଲ୍‌ଦି ଆତାର୍ ୧:୫-୨:୫୨
- ୩. ଜିସୁତି କାମାୟ ହାଣ୍‌କୁ, ଆଦିକ୍ ବାବ୍ରେ ହେଝାନ୍ ଏଚାକା କାବାଆନି କାମାୟ ଆରି ତା ହିକ୍ୟା ବିସ୍ତେ ଇନାର୍ ୩:୧-୨୦ ଇଦାଂ ଆନାତା ନେକ୍ରି କାରୁର୍‌ନି ଗାଜା ବାଗ୍ ।
- ୪. ହାରିହାରା ରିଣ୍ଡି ବିତ୍ତେ, ଜିସୁ ଇନେସ୍ ହାତାନ୍ ମୁଚ୍ୟାଆତାନ୍ ଆରି ହାତାକାର୍ ବିତ୍ତେ ଜିତାନ୍ । ପତି ବିତ୍ତେ ଲେକାମାନାଡ଼ ୨୨:୨୪

ଜିସୁତି ଜିରୁନ୍ ବିସ୍ତେ ଲୁକ ଲେକିକିତାକା

୧ ଏ ଡିଓପିଲସ୍, ଇମ୍‌ଶାକାର୍ ମା ବିତ୍ତେ କିଜି ମାତି ଗଟ୍‌ଶାଂ ଝିଜୁ ବେସି ବିସ୍ତେ ରିତି ହୁକେ ଲେକିକିଦେଂ ମାନ୍ କିତାର୍, ୨ ଆରମ୍‌ତାଂ ଇ ସବୁ ଗଟ୍‌ନା ହୁଡ଼ଜି ମାନି ମାନାୟାର୍ ଇନେସ୍ ହାଦ୍ ନେକ୍ରିକାରୁର୍ ସୁଶାୟକିନି ହେବାକାର୍‌ୟା ଆଡ଼, ହେ ଇସାବ୍ରେ ବାକି ବିସ୍ତେନିକିଂ ଲେକାତାଡ଼ନା । ୩ ଲାଗିଂ, ହେ ମାନିନି ତିୟପିଲ୍, ଆରମ୍‌ତାଂ ଝିଜୁ ବିସ୍ତେ ସମାନ୍ ବାବ୍ରେ ଦାସ୍ତି ହେବେନି ଆରମ୍‌ତାଂ ହାରିହାରାନି କାତା ମି କାଜିଂ ଲେକିକିଦେଂ ଆନ୍ ପା ମାନେ କିତାଂ, ୪ ଇନେସ୍‌କି ଏନ୍ ଇମ୍‌ଶି ଝିଜୁ ହିକ୍ୟା ପାୟା ଆତାୟନା, ହେ ସବୁ ବିସ୍ତେ ବୁଦି ଆର୍ଜା ଆନାୟ,

ବାପ୍ରିସିମ୍ ହିନି ଜହନ୍ତି ଜଲମ୍

* ଜିହୁଦା ଦେସ୍‌ନି ରାଜା ହେରଦତି ଝାଡ଼ାଙ୍ଗ “ଅବିୟତି ମାପୁହେବାକିନାକାନ୍ ଦଲ୍‌ନି ଜିକରିୟ ଇନି ରକାନ୍ ମାପୁହେବାକିନାକାନ୍ ମାଚାନ୍; ହେ କଗ୍‌ଲେ ହାରଣ୍ ଲାତ୍ରାନିକା ମାଚାଡ଼, ହେଦେଲ୍‌ତି ତର୍ ଏଲିସାବେଡ଼ । ୨ ହେଝାର୍ ରିକାର୍ ମାପୁତି ଝିଜୁ ବଲ୍ ଆରି ବିଦି ହୁକେ କାମାୟ କିଜି ଦସି ଆଝାଦାଂ ବେବାର୍ କିଜି ଇସ୍‌ବର୍ ମୁମ୍‌ଦ ଦାମ୍ ମାଚାର୍ । ୩ ମାଚର୍ ହେଝାର୍‌ତି ହିମ୍‌ଶାଝାକ୍‌ଡ଼ା ହିଲ୍‌ଝାତାର୍, ଇନାକିଦେଂକି ଏଲିସାବେଡ଼ ବାଞ୍ଜିଣି ମାଚାଡ଼, ହେଝାର୍ ଦସି ମାଚାର୍ ତାତାକେ ହିମ୍‌ଶା ଝାକ୍‌ଡ଼ା ହିଲ୍‌ଝାତାର୍ ହେଝାର୍ ବୟସ୍ ଆଦିକ୍ ଆଜି ମାଚାଡ଼ ।

୮ ହେଝାନ୍ ହେ କୁଦାନି ପାଲିହୁକେ ଇସ୍‌ବର୍ ଲାଗାଂ ମନ୍‌ଦିରତ ମାପୁତି ମାପୁହେବାକିନାକାନ୍ କାମାୟ କିନି ଝେଡ଼ାଲିଂ, ୯ ମାପୁହେବାକିନାକାନ୍ କାମାୟନି ରିତି ହୁକେ ଦରମ୍‌ଗୁଲି ହୁଦାଂ ତା ମାପୁ ମନ୍‌ଦିରତ ହଣ୍‌ଜିପା ଦୁପ୍‌ନି ହିଦେଂ ପଡ଼ାତାଡ଼, ୧୦ ଆରେ ଦୁପ୍‌ନି ହିନି ଝେଡ଼ାଲିଂ ଝିଜାକାର୍ ବାର୍ତ୍ତ ମାନ୍‌ଞ୍ଜି ପାଟୀନା କିଜି ମାଚାର୍ । ୧୧ ହେ ଝେଡ଼ାଲିଂ ମାପୁତି ର ଦୁଡ଼ ଦୁପ୍‌ନି

ଗାର୍ଣ୍ଣିନି ତିନି ପାତ୍ରକାତ ନିଲ୍ଠି ହେୱାନିଂ ଚଞ୍ଚ୍ୟା ଆତାତ୍ । ୧୨ ଜିକରିୟ୍ ହେୱାନିଂ ହୁଡ଼୍ଠି କାବା ଆତାନ ଆରି ପାଣ୍ଡା ଆତାନ ।” ୧୩ ମାତର ଦୁଡ଼୍ ହେୱାନିଂ ଇଚାତ୍, “ଜିକରିୟ୍, ପାଣ୍ଡା ଆମା, ଇନାକିଦେଂକି ନି ପାର୍ତ୍ତାନା କିନାକା ଖେଚାପ୍ନା, ଆରି ନି କଗଲେ ଏଲିସାବେଡ଼୍ ମି କାଜିଂ ର କାଡ଼୍ଦେ ଗାଟାଆନାତ୍, ଆରେ ଏପେଙ୍ଗ ହେ ତର ଜହନ୍ ହିନାଦେର୍ । ୧୪ ହେୱାନିଂ ମି ଖାରି ଆରି ଉପାସ୍ ଆନାନ, ଆରେ ଆଦିକ୍ ମାନାୟ୍ ତା ଜଲମ୍ତ କିତିତାକେ ଖାରି କିତାର୍ । ୧୫ ଲାଗିଂ ହେୱାନିଂ ମାପୁତି ଲାଗେ ଗାଜା ଆନାନ; ହେୱାନିଂ ଅକ୍ଟୁର୍ ରାସ୍ କି କାଲିଂ ଇନାଖାଡ଼ାଂପା ଉଣୁନ୍, ଆରେ ଆୟା ପଟତାଂ ପୁଇପୁୟା ଜିବୁନ୍ତ ପୁରା ଆନାନ, ୧୬ ଆରେ ହେୱାନିଂ ଇସ୍ରାଏଲ୍ ହିମ୍ଣାଖାକଡ଼ାକାଂ ପା ଆଦେକ୍ତିଂ ମାପୁ ହେୱାରିଂ ଇସ୍ବର ନିପ ଲେଉଟାୟ୍ କିନାନ । ୧୭ ଆବାର୍ତି ମାନ ହିମ୍ଣାଂ କାଜିଂ ଆରି ଅବୁଜା ଲଗାଂ ଦାମ୍ ଲଗାଂ ଗିଆନ୍ତାଂ ବେବାର୍ କିନି କାଜିଂ ତାହିଖାଦେଂ ଆରି ମାପୁ କାଜିଂ ଜାଲ୍ଦିନି ର ଲକ୍ଷୁ ମଣ୍ଡଲି ଜାଲ୍ଦିନି କିଦେଙ୍ଗ ହେୱାନିଂ ଏଲିୟଙ୍ଗ୍ ଜିବୁନ୍ ଆରି ସାଲ୍ଡିତାଂ ହେୱାନିଂ ଆଗେ ହାନାନ ।”

୧୮ ଇବେଣ୍ଡାଂ ଜିକରିୟ୍ ଦୁଡ଼୍ତିଂ ଇଚାନ, “ଆନ୍ ଇମ୍ଣି ଚିନ୍ ଲାହାଙ୍ଗ୍ ଇଦାଂ ପୁନାଙ୍ଗ୍ ? ଇନାକିଦେଂକି ଆନ୍ତ ବୁଡ଼୍ହି, ଆରେ ନା ଖାଣିପା ଜବର୍ ବାହୁଁ ଆତାତେ ।”

୧୯ “ଦୁଡ଼୍ ହେୱାନିଂ ଉତର ହିତାନ, ଆନ୍ ଗାବ୍ରିଏଲ୍, ଇମ୍ଣି ଇସ୍ବର ମିଙ୍ଗେଙ୍ଗ୍ ଇ ନେକ୍ଟିକାବୁର୍ ଖେଚ୍ଚିନି କାଜିଂ ନାଙ୍ଗ୍ ପକ୍ୟାତାଂନା, ଆନ୍ ତା ମୁମ୍ଦ ନିଲ୍ଠି ମାନାଙ୍ଗ୍ । ୨୦ ହୁଡ଼ାଟ୍, ଇ ଖିଜୁ ଗିଟାଖିଦିନ୍ ପାତେକ୍ ଏପେଙ୍ଗ୍ ଗୁଲ୍ମା ଲାକେ ବେଣ୍ଡିକିଦେଂ ଆଡୁଦେର୍, ଇନାକିଦେଂକି ନାଦାଂ ସବୁ ବଚନ୍ ସମାନ ସମୁତ ପୁରା ଆନାତ୍, ହେ ଖିଜୁ ଏପେଙ୍ଗ୍ ପାତ୍ କିଖାତାଦେର୍ ।”

୨୧ ଇବେତାଂ ମାନାୟାର୍ ଜିକରିୟ୍ କାସି ମାଚାର୍, ଆରେ ମନ୍ଦିରତ ହେୱାନ୍ତି ମାଲା ଆତିଲେ ହେୱାର୍ କାବା ଆଜି ମାଚାର୍ । ୨୨ ମାତର ହେୱାନିଂ ହସି ଖାଜି ହେୱାରିଂ ବେଣ୍ ଇଞ୍ଜେଙ୍ଗ୍ ଆଡ଼୍ଘାତାନ; ଇବେଣ୍ଡାଂ ହେୱାନିଂ ମନ୍ଦିରତ ଚଞ୍ଚୟା ଆତାନ୍ନା ଇଞ୍ଜି ହେୱାର୍ ବୁଜାଆତାର୍, ଆରେ ହେୱାନିଂ ହେୱାରିଂ କେଇଚ୍ଚି ଇଞ୍ଜେଙ୍ଗ୍ ଲାଗାତାନ ଆରି କନ୍ୟା ଆଜି ମାଚାନ ।

୨୩ ପାଚେ ହେ ହେବା ପାଲିନି ଦିନ୍ ସବୁ ଖିସ୍ତଲେ, ହେୱାନିଂ ନିଜାର୍ ଇଞ୍ଜି ହାଚାନ । ୨୪ ହେ ପାଚେ ହେ ତକ୍ତୁହି ଏଲିସାବେଡ଼୍ ମାଞ୍ଜେଙ୍ଗ୍ ଆସ୍ତାତ୍, ଆରେ ହେଦେଲ୍ ପାଞ୍ଜି ମାସ୍ ପାତେକ୍ ଇନେରିଂ ଖେଚ୍ଘାଦାଙ୍ଗ୍ ମାଚାତ୍, ୨୫ ତା ପାଚେ ହେୱାନିଂ ଇଚାନ, “ମାନାୟାର୍ ତାକେ ନା ଲାଜ୍ ହାଚ୍ଚେଦେଂ ଇଞ୍ଜି ମାପୁ ଦୟା କିଜି ନା କାଜିଂ ଏଲେଙ୍ଗ୍ କିଡ଼ତାନନା ।”

ଜିସୁ କ୍ରିଷ୍ଟ ଜଲମ୍ ବିସ୍ତେ ସୁଣାୟକିନାକା

୨୬ ଚଅ ମାସ୍ ପାଚେ ଗାବ୍ରିଏଲ୍ ଦୁଡ଼୍ ଇସ୍ବର ମାପୁ ଲାଗାଂ ଗାଲିଲିନି ନାଜରିତ୍ତୟ୍ ତର୍ଦି ଗାଡ଼୍ଦ ର ଗାଡ଼୍ଚେ ତାକେ ପକ୍ୟା ଆତାନ; ୨୭ ଦାଉଦ୍ ଲାତ୍ରାନି ଜସେପ୍ ତର୍ଦାକାନ ରଖାନ ଆଣ୍ଡେନ୍ ଲାହାଙ୍ଗ୍ ହେଦେଲ୍ ମାଲାକିୟା ଆଜି ମାଚାତ୍; ହେ ଜିପଲି ତର ମରିୟ୍ମ; ୨୮ ହେୱାନିଂ ଇଞ୍ଜି ହଣ୍ଡି ହେ ଲାଗେ ଖାଜି ଇଚାନ, “ଆଗ ଦୟା ପାୟାଆତାକାୟ୍, ନିନ୍ୟା ହାର୍ ଆଏଡ଼୍, ମାପୁ ନି ହୁଦାଂ ମାନାନ ।”

୨୯ ମାତର ହେଦେଲ୍ ଇ ବଚନ୍ତ କାବା ଆଜି ଇଦାଂ ଇନେସ୍ ବେରଣ୍ ଇଞ୍ଜି ମାନ୍ତ ବାବିକିଦେଂ ଲାଗାତାତ୍ । ୩୦ ହେବେଣ୍ଡାଂ ଦୁଡ଼୍ ହେଦେଲିଂ ଇଚାତ୍, “ଏ ମରିୟ୍ମ, ପାଣ୍ଡା ଆମା, ଇନାକିଦେଂକି ଏନ୍ ଇସ୍ବର ଲାଗେ ଦୟା ପାୟା ଆତାୟନା । ୩୧ ଆରି ହୁଡ଼ାଟ୍ ଏନ୍ ଏସ୍ ପିସ୍ତିପା ର କାଡ଼୍ଦେଂ ଗାଟାଆନାତ୍ ଆରି ହେୱାନିଂ ତର ଜିସୁ ତର ହିନାଦେର୍ । ୩୨ ହେୱାନିଂ ସିଗ୍ଦାକାନ ଆନାନ ଆରି ଇସ୍ବର ମାଜି ଇଞ୍ଜି ତାକ୍ପୁଟା ଆନାନ; ମାପୁ ଇସ୍ବର ହେୱାନିଂ ତାଞ୍ଜି ଆବା ଦାଉଦ୍ତି ଗାଦି ଦାନ କିତାର୍, ୩୩ ହେୱାନିଂ ଜାକୁବ୍ ଲାତ୍ରା ଜପି ଜୁଗ୍ ଜୁଗ୍ ରାଜି କିନାନ ଆରି ହେୱାନିଂ ରାଜିତ ଖିଜୁଡ଼୍ ।”

୩୪ ମାତର ମରିୟ୍ମ ଦୁଡ଼୍ ଇଚାତ୍, “ଇଦାଂ ଇନେସ୍ ଆନାତ୍ ? ଆନ୍ତ ଆଣ୍ଡେନ୍ତିଂ ପୁନୁଙ୍ଗ୍ ।”

୩୫ ଦୁଡ଼୍ ତାଙ୍ଗେଙ୍ଗ୍ ଉତର ହିତାତ୍, “ନେକ୍ଟି ଜିବୁନ୍ ନି ଜପି ଜୁଦନାତ୍ ଆରି ସିଗ୍ଦାକାନ ଇସ୍ବତ୍ ସାଲ୍ଡି ନିଙ୍ଗେଙ୍ଗ୍ ଆସ୍ତାନାତ୍, ଲାଗିଂ ଇନେର୍ ଜଲମ୍ ଆନାନ, ହେୱାନିଂ ପୁଇପୁୟା ଜିବୁନ୍ ଆରି ଇସ୍ବର ମେହି ଇଞ୍ଜି ତାକ୍ପୁଟାଆନାନ । ୩୬ ଆରେ ହୁଡ଼ାଟ୍, ମି ଇଞ୍ଜି ଏଲିସାବେଡ଼୍ ପା ବୁଡ଼ା ଖେଡ଼ାଲିଂ ର ମାଜିଂ ଗରବ୍ତ ଆସ୍ତାନନା । ଇନେର୍ ବାଞ୍ଜି ଇଞ୍ଜି ତାକ୍ପୁଟା, ନାଙ୍ଗ୍ ତାଙ୍ଗେଙ୍ଗ୍ ଚଅ ମାସ୍ ଆତାତନ୍ନା; ୩୭ ଇନାକିଦେଂକି ଇସ୍ବର ମାପୁ ବଚନ୍ ତାକେ ସବୁ ବିସ୍ତେ ଆଖାକା ଆନାତ୍ ।”

୩୮ “ଇବେଣ୍ଡାଂ ମରିୟ୍ମ ଇଚାତ୍,” ହୁଡ଼ାଟ୍, “ଆନ୍ ମାପୁତି ଆଡ଼ିୟାଣି; ମି କାତାହୁକେ ନାଙ୍ଗେଙ୍ଗ୍ ଗିଟାଆଏଡ଼୍ ।” ହେଦାଂ ପାଚେ ଦୁଡ଼୍ତ ତା ତାକେଣ୍ଡାଂ ହାଚାତ୍ ।

ମରିୟ୍ମ ଜିକରିୟ୍ ଆରି ଏଲିସାବେଡ଼୍ ତାକେ ହାଚାନ

୩୯ ଇଖାଡ଼ାଲିଂ ମରିୟ୍ମ ନିଙ୍ଗ୍ଜି ମାଡ଼ି ରାଜି ଜିହୁଦା ଦେସ୍ନି ର ଗାଡ଼୍ଦ ଦାପ୍ରେ ହାଚାତ୍, ୪୦ ଆରେ ଜିକରିୟ୍ ଇଞ୍ଜି ହଣ୍ଡିପା ଏଲିସାବେଡ଼୍ତିଂ ଜୁଖାର୍ କିତାତ୍ । ୪୧ ଆରେ, ଏଲିସାବେଡ଼୍ ମରିୟ୍ମତିଂ ଜୁଖାର୍ ଖେଚି ଦାପ୍ରେ ହିମ୍ଣା ତା ପଟତ ଏନ୍ଦି ନିଙ୍ଗ୍ଜାନ, ପାଚେ ଏଲିସାବେଡ଼୍ ପୁଇପୁୟା ଜିବୁନ୍ତ ବାତ୍ ଆଜି ଇଚାତ୍ ୪୨ ବେସି ଗାଜା କାଟ୍ ଆଜି ଇଚାତ୍, “କଗଲେ ବିତ୍ରେ ଏନ୍ ଦନ୍ୟବାଦ୍ ନି ଗରବ୍ନି ପାଡ଼୍ । ୪୩ ଆରେ, ନା ମାପୁ ତେହି ଜେ ନା ଲାଗେ ଖାନାତ୍, ନାଦାଂ ଇ

☆ ୧:୩୧ ୧:୩୧ ମାଡିଉ ୧:୨୧.

କାରୁମ୍ ଇମେଣ୍ଡା ଆତାତ ? ୪୪ ଇନାକିଦେଂକି ହୁଡ଼ାଟ୍, ନି ଇଚି ବେରଣ୍ ଖେଚିଦାପ୍ରେ ହିମ୍‌ଣା ନା ପଟତ ମାନି କାଡ଼ଦେ ଖାରୟା ଆଜି ଏନ୍ତାନ । ୪୫ ଇନେର୍ ପାତ କିତାର୍, ହେଖାନ୍ ଦନ୍ୟ, ଇନାକିଦେଂକି ମାପୁତା ତାଙ୍ଗେଙ୍ଗ୍ ଇନା ଇନାକା ଖେଚଚାନନା, ହେ ସବୁ କାମ୍ ଆନାତ୍ ।”

ମରିୟମ୍ ଇସ୍ବରତିଂ ନାନ୍ କିତାତ୍

୪୬ ଇବେଣ୍ଡା ମରିୟମ୍ ଇଚାଟ୍,

“ନା ଖାସ୍ମି ମାପୁଙ୍ଗ୍ କେରକଣ୍ କେରନାତା,”

୪୭ ଆରେ, “ନା ଜିବୁନ୍ ନାଙ୍ଗ୍ ବାଚାୟକିଡ଼ତି ଇସ୍ବର ମାପୁତାକେ ଖାରି ହଡ଼ନାତା;

୪୮ ଇନାକିଦେଂକି ହେଖାନ୍ ନିଜ୍ ଆଡ଼ିୟାଣି ପାତିଦିନିବୁକ୍ କାଜିଂ ହୁଡ଼ନାର୍ ।

ଆରେ ହୁଡ଼ାଟ୍, ମୁଡ଼ଦାଂ ଝିନ୍ନି ପାତେକ୍ ଲାତ୍ରା ଝିଜାର୍ ନାଙ୍ଗେଙ୍ଗ୍ ଦନ୍ୟ ଇଞ୍ଜି ଇଞ୍ଜନାର୍;

୪୯ ଇନାକିଦେଂକି ଗାଜା ସାକ୍ତିକାଗାକାନ୍, ହେଖାନ୍ ନା କାଜିଂ ଗାଜା କାମାୟ କିତାନନ୍ନା; ହେଖାନ୍ ତର୍ ପୁଇପୁୟା ।

୫୦ ଆରେ ତାଙ୍ଗେଙ୍ଗ୍ ପାଣ୍ଡା ଆନାକାର୍ କାଜିଂ ହେଖାନ୍ତି ଦୟା ଜୁଗ୍ ଜୁଗ୍ ମାନଗାନାତ୍ ।

୫୧ ହେଖାନ୍ ନିଜ୍ କେଇନି ବାପୁତାଂ ଚଡ଼ଚାନ୍ନା;

ଆକ୍ରିୟାରିଂ ହେଖାର୍ ମାନନି ମେହାଆନାକାରିଂ ଚିନ୍ଦିନ୍ କିତାନନ୍ନା;

୫୨ ହେଖାନ୍ ସାସନ୍ କାରୟାରିଂ ରାଜା ଗାଦିତାଂ ପିହିକିତାନ୍ନା, ଅକ୍ ଡ଼ ଲଗାଙ୍ଗ୍ ନିକ୍ତାଣ୍ଡା,

୫୩ ହେଖାନ୍ ନାସକି ଲଗାଂ ହାଦ୍ କାଦି ହିଜି ମାଚାନ୍,

ହାଉକାର୍ରିକାଂ ଖାରା କେଇଦାଂ ପଲ୍ଲାନନ୍ନା ।

୫୪ ମା ଦାଦି ଆକର୍ କାଜିଂ ତା ପାର୍ମାଣ୍ ହେଖାନ୍ ରାକ୍ୟା କିତାନନ୍ନା ଆରି ତା ଆଡ଼ିଏନ୍ ଇସ୍ରାଏଲ୍ତିଂ ଦୟା କିତାନନା ।

୫୫ ହେଖାନ୍ ଜୁଗ୍ ଜୁଗ୍ କାଜିଂ ଅବ୍ରାହାମ୍ ଆରି ତା ଝିଜାର୍ ଲାତ୍ରାନିକାରିଂ ଦୟା ଚଡ଼ଚି କିଦେଙ୍ଗ୍ ବାଣାଖାତାଣ୍ଡା ।”

୫୬ ଆରେ, ମରିୟମ୍ ତିନିମାସ୍ ପାତେକ୍ ଏଲିସାବେଡ଼ ଲାହାଙ୍ଗ୍ ମାନ୍‌ଞ୍ଜି ନିଜାର୍ ଇଞ୍ଜି ହାଚାଟ୍ ।

ବାପ୍ତିସ୍ମି ହିନି ଜହନ୍ତି ଜଲମ୍

୫୭ ପାଚେ ଏଲିସାବେଡ଼ ପାରହାଟ୍ ଆନି ଦିନ୍ ଏକାଖାତିଲେ, ହେଦେଲ୍ ର ମାଜି ଗାଗାଆତାଟ୍, ୫୮ ଆରେ ମାପୁ ଜେ ହେ କାଜିଂ ବେସି ଦୟା କିତାନନ୍ନା, ଇଦାଂ ଝେନ୍‌ଞ୍ଜି ତା ପାଡ଼ହା ଲଗୁ ଆରି ଖାସ୍ମିନିକାର୍ ତା ଲାହାଙ୍ଗ୍ ଖାରି କିଦେଙ୍ଗ୍ ଲାଗାତାର୍ ।

୫୯ ଆର୍ ଦିନ୍‌ତାଂ ହେଖାର୍ ହିମ୍‌ଣାତିଂ ସୁନ୍‌ଡ଼ କିଦେଙ୍ଗ୍ ଖାତାର୍ ଆରି ତା ଲାତ୍ରାହି ତର୍ ଲାକେ ହେ ତର୍ ଜିକରିୟ ଇଡ଼ଦେଂ ମାନ୍‌କିତାର୍ । ୬୦ ମାତର୍ ତା ତେହି ଇଚାଟ୍, “ଆକାୟ୍, ତା ତର୍ ଜହନ୍ ଆନାତ୍ ।”

୬୧ ହେଖାର୍ ତାଙ୍ଗେଙ୍ଗ୍ ଇଚାର୍, “ନି ଖାସ୍ମିନିକାରିଂ ବିତ୍ରେ ତ ଇନେରିଂ ଇ ତର୍ ହିଲୁଡ଼ ।” ୬୨ ଇବେଣ୍ଡା “ତାଙ୍ଗେଙ୍ଗ୍ ଇମ୍‌ଣି ତର୍ ହିନାସ୍ ଇଞ୍ଜି ତାଞ୍ଜିଆବା ମାନ୍ କିନାନା, ହେଦାଂ ହେଖାର୍ ତାଙ୍ଗେଙ୍ଗ୍ ଚାନ୍ୟା ଆଜି ଝେନ୍‌ବେଦେଂ ଲାଗାତାର୍ ।”

୬୩ ହେ ପାଚେ ହେଖାନ୍ ର ଲେକିକିନି ପାଟା ଏନ୍‌ଚି ଲେକିକିତାନ୍; “ତା ତର୍ ଜହନ୍ ।” ଇବେ ଝିଜାର୍ କାବା ଆତାର୍ ।

୬୪ ଆରେ, ହେ ଦାପ୍ରେ ତା ଝେଇ ଆରି ଝେନ୍‌ଲୁ ଜେୟାଆତାଟ୍ ଆରି ହେଖାନ୍ ବେଣ୍ ଇଞ୍ଜି ଇସ୍ବର ମାପୁ ଦନ୍ୟବାଦ୍ କିଦେଙ୍ଗ୍ ଲାଗାତାନ୍ । ୬୫ ଇବେଣ୍ଡା ହେଖାନ୍ ତା ଲାଗେ ଲାଗେ ନିକାର୍ ଝିଜାର୍ ପାଣ୍ଡା ଆଜି ହାଚାର୍, ଆରେ ଇ ଝିଜୁ କାତା ଜିହୁଦା ଦେସ୍‌ନି ମାଡ଼ିରାଜିନି ସବୁନିପ ଲକୁ ଝେଚ୍‌ପାଝେଚ୍‌ପି ଆତାର୍, ୬୬ ଆରେ ଝେନାକାର୍ ଝିଜାର୍ ହେ ଝିଜୁ ନିଜ୍; ନିଜାର୍ ମାଡ଼ ଇଡ଼ଜି ଇଚାର୍, “ଇ କାଡ଼ଦେ ଇନାକା ଆନାତ୍ ?” ଇନାକିଦେଂକି ହାଡ଼ପାନ୍‌ନେ ମାପୁ କେଇ ତା ହୁଦାଂ ମାନାତ୍ ।

ଜିକରିୟ ଇସ୍ବରତିଂ ନାନ୍ କିତାନ୍

୬୭ ଆରେ, ତା ଲାତ୍ରାହି ଜିକରିୟ ପୁଇପୁୟା ଜିବୁକ୍ତ ବାଚ୍ତି ଆଜି ଇ ବେଣ୍‌ବାକ୍‌ଶାୟ୍‌କିନାକାନ୍ ଇଚାନ୍,

୬୮ ଦନ୍ୟ ମାପୁ, “ଇସ୍ରାଏଲ୍‌ନି ଇସ୍ବର ମାପୁଙ୍ଗ୍,”

ଇନାକିଦେଂକି ନିଜାର୍ ଲଗାଂ ଦୟା ହୁଡ଼ଜି ହେଖାନ୍ ମୁକ୍ତି କିତାନନ୍ନା;

୬୯ ହେଖାନ୍ ନିଜାର୍ ଆଡ଼ିଏନ୍ ଦାଉଦ୍‌ନି ଲାତ୍ରାନି

ରକାନ୍ ସାକ୍ତିନିକାନ୍ ମା କାଜିଂ ମୁକ୍ତି କିଦ୍‌ଦେଂ ମାଙ୍ଗେଙ୍ଗ୍ ହିଡ଼ନ୍ନା,

୭୦ ଆଗେନି ସମୁତାଂ ନିଜ୍ ପୁଇପୁୟା ବେଣ୍‌ବାକ୍‌ଶାୟ୍‌କିନାକାର୍ ଝେଇ ତାଙ୍ଗ୍ ଇନେସ୍ ଇଞ୍ଜି ମାଚାର୍

୭୧ ହେ ଲାକେ ମା ବିତ୍ରେ ସାତୁର୍ତାଂ ଆରି

ମା ଝିଜାକାର୍ ଗିଣ୍‌କାରିୟାର୍ କେଇଦାଂ ମୁକ୍ତି ପାୟାତାୟନା,

୭୨ ହେଖାନ୍ ଇଚାନ୍, ମା ଆକର୍ କାଜିଂ ଦୟା ଚଡ଼ୟାତାନ୍ନା,

ଆରି ତାଂ ପୁଇପୁୟା ନିୟମ୍ ହେଖାନ୍ ନିତ୍ରେ ଏଡୁ କିଜି ମାନ୍‌ନେନ୍ ।

୭୩ ମା ଆବା ଅବ୍ରାହାମ୍ ଲାଗେ ଇମ୍‌ଣି ପାର୍ମାଣ୍ କିଜି ମାଚାନ୍,

- ୭୪ ପାଚେ ଇନେସ୍ ସାତୁ କେଇଦାଂ ମୁକ୍ତା ଆଜି ।
ପାଣ୍ଡା ଆଖାଦାଂ ଜିବୁନ୍ ମାନି ପାଚେକ୍ ହେୱାନ୍ ଲାଗେ,
୭୫ ଇନେସକି ଆସେକ୍ ପୁଇପୁୟା ଆରି
ଦାମି ଆଜି ତାତି ପାର୍ତାନା କିଦେକ୍ ଇଞ୍ଜି ମାଜେକ୍ ଆସିର୍ବାଦ୍ କିଦନାନ୍ ।
- ୭୬ “ଏ ନା ମାଜି ଏନ୍ ସିଗ୍ଦାକାନ୍ ଇସ୍ବତ୍
ର ବେଣ୍ଟବାକ୍ ଶାୟକିନାକାନ୍ ଲାକେ ତାକ୍ ପୁଟା ଆନାୟ ।
ଏନ୍ ମାପୁତି ରଖାୟ ଚାଣ୍ଟ ଦୁଡ୍ ଲାକେ ତା କାଜିଂ ତା ହାଜି ରଚ୍ନାୟ ।
- ୭୭ ପାପ୍ କେମା ପାୟା ଆନି କାଜିଂ ହେୱାର୍ ଜେ ମୁକ୍ତି ଆନାକା ଲାବ୍ ପାୟା ଆନାର୍
ତା ମାନାୟାରିଂ ଇ କାତା ଇଞ୍ଜେକ୍ ହାନାନ୍,
- ୭୮ ମା ଇସ୍ବର ଦୟାନିକାନ୍ ଆରି ହୁଦାର୍ ଜିବୁନ୍,
ହେୱାନ୍ ମା କାଜିଂ ମୁକ୍ତି ଆନାକା ମା କାଜିଂ ୱେଡା ହନାଡ୍,
୭୯ ଇମ୍ନାକାର୍ ହାତିଲାକେ ମାଜ୍ଗା ହିଡ୍ଡିତ ବାହାକିନାର୍,
ସୁସ୍ତା ହାଜିତ ହେୱାରିଂ ଅଜି ହାଞ୍ଜେକ୍ ଇଞ୍ଜି
ହେୱାନ୍ ୱିଜାର୍ ଜପି ସାଗେତାଂ ଅଜଡ୍ ହିଦେକ୍ ଆଡ୍ନାନ୍ ।”
- ୮୦ ପାଚେ, କାଡ୍ଦେ ଗାଜା ଆଜି ଜିବୁନ୍ତ ସାକ୍ତି ଆଦେଂ ଲାଗାତାନ୍ ଆରେ ଇସ୍ରାଏଲ୍ ଲାଗାଂ ପୁଟାଆଞ୍ଜି ପାଚେକ୍ ବାଗାତ ମାଚାନ୍ ।

୨

ଜିସୁତି ଜଲମ୍
(ମାତିଉ ୧:୧୮-୨୫)

୧ ହେ ସମୁତ ରମିୟ ପୁତ୍ରିଂ ନି ୱିଜୁ ରାଜକିନାକାନ୍ ମାନାୟାରିଂ ତର୍ ଲେକିକିନାକା ଇଞ୍ଜି କାଇସର୍ ଅଗସ୍ତାଂ ବଲ୍ ସୁଣାୟ କିଚାର୍ । ୨ ସିରିୟାନି ରାଜକିନାକାନ୍ କିରଣିୟତି ସମୁତ ପର୍ଡମ୍ ଇ ଲକୁ ଗାଣାକିନାକା ତର୍ ଲେକା ଆଜି ମାଚାଡ୍ । ୩ ହେଦାଂ କାଜିଂ ୱିଜାର୍ ତର୍ ଲେକିକିନାକା କିଦେକ୍ ଜାର୍ ଜାର୍ ଗାଡ୍ଦ ହାଲ୍ଲଜି ମାଚାର୍ ।
୪ ଆରେ, ଜସେପ୍ ପା ତର୍ ଲେକିକିଦେଂ ଇଞ୍ଜି ମରିୟମ୍ ଲାହାକ୍ ଗାଲିଲିନି ନାଜରିତୟ ଗାଡ୍ତାଂ ଜିହୁଦା ରାଜିନି ବେଡ୍ଲିହିମ୍ ତର୍ଦି ଦାଉଦ୍ନି ଗାଡ୍ଦ ହାଚାର୍, ଇନାକିଦେଂକି ହେୱାନ୍ ଦାଉଦ୍ ଲାତ୍ରା ଆରି ଜାତିନି ଲକ୍ ମାଚାନ୍; ୫ ହେୱାନ୍ ତା ମାଲାକିୟା ଆଜି ମରିୟମ୍ ଲାହାଂ ତର୍ ଲେକିକିନି କାଜିଂ ହାଚାର୍ । ମରିୟମ୍ ଏସ୍ପିସ୍ତ୍ରି ମାଚାଡ୍ । ୬ ହେୱାର୍ ହେ ବାହାତ ମାନି ୱେଡାଲିଂ ହେଦେଲ୍ଡି ଜଲମ୍ କିନି ସମ୍ମୁ ଏକାଞ୍ଜାତାଡ୍ ୭ ପାଚେ ହେଦେଲ୍ ଜାର୍ ପାଣ୍ଡା ମାଜି ଚଞ୍ଚାନ୍ ଆରି ହେୱାନିଂ ହେୟାତ ହୁରୁପିସ୍ କତି ହାଡାନି ତଞ୍ଚାତ ତ୍ରେପ୍ତାର୍, ଇନାକିଦେଂକି ମାନି ଇଲ୍ ହେୱାରିଂ ହିଲ୍ଖାତାଡ୍ ।

ମେଣ୍ଡାଗଡ୍ଡିୟାର୍ ଜିସୁତି ଜଲମ୍ କାରୁର୍ ପାୟା ଆତାର୍

୮ ହେ ୱେଡାକ୍ କେତେକ୍ ମେଣ୍ଡାଗଡ୍ଡିୟାର୍ ବାଗାତ ମାନ୍ଞ୍ଜି ନାଶା ହେୱାର୍ଡି ମେଣ୍ଡାଂ ମାନ୍ଦାତିଂ କାସି ମାଚାର୍ । ୯ ମାପୁତି ରଖାନ୍ ଦୁଡ୍ ହେୱାର୍ ଲାଗେ ନିଲ୍ଡାନ୍, ଆରେ ମାପୁତି, ଜାଜ୍ମାଲ୍ଲିନି ଅଜଡ୍ ହେୱାର୍ ଚାରିବେଣ୍ଟାଂ ଆଚାଡ୍ । ଆରି ହେୱାର୍ ବେସି ପାଣ୍ଡା ଆତାର୍ ୧୦ ହେବେଣ୍ଡାଂ ଦୁଡ୍ ହେୱାରିଂ ଇଚାନ୍, “ପାଣ୍ଡା ଆମାଟ୍; ହୁଡାଟ୍, ଆନ୍ ସବୁ ମାନାୟାରିଂ ବେସି ୱାରିନି ନେକ୍ଟିକାରୁର୍ ମିଜେକ୍ ୱେଚାନାଜା, ୧୧ ଇନାକିଦେଂକି ନେଞ୍ଜେକ୍ ଦାଉଦ୍ନି ଗାଡ୍ଦ ମି କାଜିଂ ମୁକ୍ତି କାରିୟା ହେୱାନ୍ କ୍ରିସ୍ଟୁ ମାପୁ ।” ୧୨ ଆରେ, ମି କାଜିଂ ଇଦାଂ ଚିନ୍ ଲାକେ ଆନାଡ୍, “ଏପେକ୍ ର କାଡ୍ଦେଂ ହେୟା ହୁରୁପିୟା ଆଜି କତି ହାଡାନି ତଞ୍ଚାତ ହୁନ୍ଜି ମାନାକା ହୁଡ୍ନାଦେର୍ ।”

୧୩ ପାଚେ, ହାଚାଗ୍ରେ ହେ ଦୁଡ୍ ହୁଦାଂ ସାଗେନି ଦଲ୍ ର ଗାଜାଦାଡ୍ ୱାଡାର୍ ଇସ୍ବର ମାପୁକ୍ ପାର୍ତାନା କିଜି କିଜି କେର୍ତାର୍, ୧୪ “ଜପ୍ତା ନିକାରିଂ ଇସ୍ବର ମାପୁକ୍ ଜାଜ୍ମାଲ୍,
ଆରେ ପୁତ୍ରିଂ ତ ହେୱାକ୍ତି ଏଚେକ୍ସାରି ବିଞ୍ଜାହିଂ ମାନାୟ ବିତ୍ରେ ସୁସ୍ତା ଆଏଡ୍ ।”

୧୫ ଦୁଡକ୍ ହେୱାର୍ ତାକ୍ ସାଗେତ ହାଚିପାଚେ ମେଣ୍ଡାଗଡ୍ଡିୟାର୍ ହେୱେର୍ ହେୱାର୍ ଇନ୍ବା ଆତାର୍ “ଞ୍ଜାତ ଆସେକ୍ ବେଡ୍ଲିହିମ୍ ପାଚେକ୍ ହାଲ୍ଲଜି, ମାପୁ ମାଜେକ୍ ଇମ୍ନା ବଚନ୍ନି ଗର୍ଶା ୱେଡ୍ଚାତାନ୍ନା, ହେଦାଂ ହୁଡ୍ନାୟ ।”

୧୬ ଇବେଣ୍ଡାଂ ହେୱାର୍ ବେଗିହାଲ୍ଲଜି ତେକ୍ଚି ମରିୟମ୍ ଆରି ଜସେପ୍ତିଂ, ଆରି କତିହାଡା ତଞ୍ଚାତ କାଡ୍ଦେଂ ତ୍ରେପ୍ତି ମାଚାକା ହୁଡ୍ତାର୍ । ୧୭ ହେୱାର୍ ତାଜେକ୍ ହୁଡ୍ଜି ହେ କାଡ୍ଦେ ବିସ୍ତ୍ରେ ହେୱେରିଂ ଦୁଡ୍ ଇମ୍ନା କାତା ଇଞ୍ଜି ମାଚାଡ୍, ହେଦାଂ ୱେଡ୍ଚାର୍, ୧୮ ପାଚେ ଏଚେକ୍ ମାନାୟ ମେଣ୍ଡାଗଡ୍ଡିୟାର୍ତାଂ ହେ ସବୁ ବେରଣ୍ ୱେଚାର୍, ହେୱାର୍ ୱିଜାର୍ ହେବେ କାବା ଆତାର୍ । ୧୯ ମାଚର୍ ମରିୟମ୍ ଇ ୱିଜୁ କାତା ମାନ୍ତ ଇଡ୍ଜି ଗାଜା ଏଡ୍ କିଦେକ୍ ଲାଗାତାଡ୍ । ୨୦ ଆରେ, ମେଣ୍ଡା

ଗଢ଼ିୟାରିଂ ଇନେସ୍ ଝେଟ୍ଟି ମାଚାର୍, ହେ ଲାକେ ହେଝାର୍ ଇନା ଇନାକା ଝେଟାର୍ ଆରି ହୁଡ଼ତାର୍, ହେ ଝିଜୁଡ଼ିଙ୍ଗ୍ ଇସ୍ବର୍ ମାପୁ ନାନ୍ଦ୍ ଆରି କେରକଣ୍ କେରଜି ଲେଉଟା ଆତାର୍ ।

ଜିସୁଙ୍ଗ୍ ମନ୍ଦିରତ ଏକିକିତାର୍

୨୧ *ଆର୍ ଦିନ୍ତାଂ ପାଚେ ସୁନ୍ନଡ଼ କିଦେଙ୍ଗ୍ ଜିସୁଙ୍ଗ୍ ମନ୍ଦିରତ ଅଜି ହାଚାର୍ ତା ତର୍ ଜିସୁ ଇଡ଼ତାର୍; ଇ ତର୍ ତାଙ୍ଗେଙ୍ଗ୍ ଏସ୍ ପିହ୍ଝି ଆଗେ ଦୁଡ଼ ଇଞ୍ଜି ମାଚାଡ଼ ।

୨୨ ପାଚେ ଏଚେକାଡ଼ଦ ମସାତି ବିଦି ଇସାବ୍ରେ ଜସେପ୍ ଆରି ମରିୟମ୍ତି ସକଟ୍ ଆନି ସମ୍ପ ଏକା ଝାତାଡ଼, ହେଝାର୍ ମାପୁତି ଉଦେସ୍ତ କାଡ଼ଦେଂ ପୁଜା କିନି କାଜିଂ ଜିରୁସାଲମ୍ତ ଅତାର୍, ୨୩ ଇନେସ୍କି ମାପୁତି ବିଦି ଲେକା ଆତି ଲାକେ “ଝିଜୁର୍ ପର୍ତୁମ୍ ଜନମ୍ଆତି ଆଣ୍ଡା ହିମ୍ଣାଂ ମାପୁ କାଜିଂ ପୁଇପୁୟା ଇଞ୍ଜି ହିସାବ୍ ଆନାଡ଼,” ୨୪ ମାପୁତି ବିଦି ସାସ୍ବର୍ ତାକେ ଲେକାଆତି ଇ ବଲ୍ଲ ହୁଦାଂ ହେଝାର୍ ହେଝେନିଂ ମାପୁଙ୍ଗ୍ କାଜିଂ ପୁଜାହିନାକା ଇଞ୍ଜି ଆରି ମାପୁନି ସାସ୍ବରତ ଲେକାଆତାଡ଼ନା “ରିଣ୍ଡାଂ ପାର୍ଝାଙ୍ଗ୍ ଆଝିତିସ୍ ରିଣ୍ଡାଂ ପାଣ୍ଡକା ହିମ୍ଣାଂ ପୁଜାକିଦେଙ୍ଗ୍ ଇଞ୍ଜି ତାଙ୍ଗେଙ୍ଗ୍ ଜିରୁସାଲମ୍ତ ଅତାର୍ ।”

ସିମିୟନ୍ ହାନା ଜିସୁଙ୍ଗ୍ ଚଞ୍ଚ୍ୟା ଆତାନ

୨୫ ଆରେ ହୁଡ଼ାଡ଼, ଜିରୁସାଲମ୍ତ ସିମିୟନ୍ ତରଦାକାନ୍ ରଝାନ୍ ଦାମ୍ ଆରି ହାରଦିମାନାୟ୍ ମାଚାନ୍; ହେଝାନ୍ ଇସ୍ରାଏଲ୍ନି ଦୁକ୍ସାରାୟ୍ କିଦେଙ୍ଗ୍ କାସି ମାଚାନ୍, ଆରେ ପୁଇପୁୟା ଜିରୁନ୍ ତା ତାକେ ଜୁଜି ମାଚାଡ଼ । ୨୬ ମାପୁ କ୍ରିସ୍ଟୁଙ୍ଗ୍ ହୁଡ଼ଝିତିସ୍ ତାଙ୍ଗେଙ୍ଗ୍ ହେଝାନ୍ତି ହାକିଆଡ଼ଡ଼, ପୁଇପୁୟା ଜିରୁନ୍ ହୁକେ ତାଙ୍ଗ୍ ଇ ବାସ୍ ହିୟାଆଜି ମାଚାନ୍ । ୨୭ ହେଝାନ୍ ଜିରୁନ୍ତାଂ ବାତ୍ ଆଜି ମନ୍ଦିରତ ଝାତାନ୍, ଆରେ ହିମ୍ଣା ଜିସୁତି ଆବା ଆୟା ଏଚେକାଡ଼ଦ ହେ ବିସ୍ତେ ନି ବିଦିନି ହୁକେ କାମାୟ୍ କିଦେଙ୍ଗ୍ ଇଞ୍ଜି ତାଙ୍ଗେଙ୍ଗ୍ ବିତ୍ରେ ତାଲଝାତାର୍, ୨୮ ହେଝାତାଂ ସିମିୟନ୍ ହିମ୍ଣାତିଂ ତ୍ରକ୍ଟି ଆଜି ଇସ୍ବରତିଂ ଦନ୍ୟବାଦ୍ କିଜି ଇଚାନ୍,

୨୯ “ଏ ମାପୁ, ଅଙ୍ଗୟ୍ ଏନ୍ ନି କାତା ଲାକେ

ନିଜ୍ ଆଡ଼ିୟାଙ୍ଗ୍ ସୁସ୍ତାତାଂ ତାଙ୍ଗି ହାଞ୍ଜେଙ୍ଗ୍ ହିନାୟ୍;

୩୦ ଇନାକିଦେଂକି ନା କାଣ୍ଡା ନି ମୁକ୍ତି ଆନାକା ହୁଡ଼ନାଙ୍ଗା,

୩୧ ଇମ୍ଣାକା ଏନ୍ ଝିଜୁର୍ ମାନାୟାର୍ ମୁମ୍ଦ ଜାଲ୍ଦି କିତାୟନା,

୩୨ ପାତ୍ କିଝି ଜିହୁଡିର କାଜିଂ ସଡ଼ ହନି ଅଜଡ଼,

ଆରେ ମି ଲକ୍ ଇସ୍ରାଏଲ୍ନି ଜାଜ୍ମାଲ୍ ଲାକେ କିତାୟନା ।”

୩୩ ହେଝାନ୍ କାଜିଂ ଇଚି ଝିଜୁ ବିସ୍ତେ ହେ ଆବା ଆୟା ଝେନ୍ଝି କାବା ଆଜି ମାଚାର୍ । ୩୪ ଆରେ, ସିମିୟନ୍ ହେଝାରିଂ ଆସିର୍ବାଦ୍ କିଜି ହେଝାନ୍ ତେହି ମରିୟମ୍ତିଂ ଇଚାନ୍, ଇ କାଡ଼ଦେ ଇସ୍ରାଏଲ୍ ବିତ୍ରେ “ହେନିରତି ଆରେ ନିଙ୍ଗିଜି ବୁତାଆନି କାଜିଂ ଇସ୍ବର ହୁକେ ବାଚିକିୟା ଆତାନ୍, ଇମ୍ଣାକାର୍ ବିରୁଦ୍ତ ବେସି ମାନାୟ୍ କାତା ଇନାର୍ ର ଚିନ୍ ଲାକେ ଆନାଡ଼ । ୩୫ ହେନି ତାଙ୍ଗେଙ୍ଗ୍ ବେରୁଆନାର୍ ନିଜେ ମାନ୍ନି ତ୍ତୁତି ବିଚାର୍ ସବୁ ହପ୍ନାନ୍ । ଦୁକ୍ ଲାକେ ର ଦାରାକାଣ୍ଡା ଜାର୍ ଝାନ୍ତିଂ ଚିରବିର କିନାୟ୍ ।”

୩୬ ଆରେ, ହାନ୍ନା ଇନି ରଞ୍ଜେଲ୍ ବେଶ୍ବାକ୍ଣାୟ୍କିନାକାଦେଲ୍ ମାଚାଡ଼; ହେଦେଲ୍ ଆସେର୍ ଜାତିନି ପେନୁଏଲ୍ ଗାଡ଼ହି । ତାଦାଙ୍ଗ୍ ବୟସ୍ ବେସି ଆଜି ମାଚାଡ଼, ହେଦେଲ୍ ଜିପଲି ମାନି ପାଚେ ସାଡ଼ବାହୁଁ ଆଣ୍ଡେନ୍ ହୁକେ ବାହା କିଜି ମାଚାଡ଼ ଆରି ଚାରିକଡ଼ି ଚାରିବାହୁଁ ପାଚେକ୍ ରାଣ୍ଡି ଆଜି ମାଚାଡ଼ । ୩୭ ହେଦେଲ୍ ବିରକୁଲ୍ ମନ୍ଦିର ପିହ୍ଝାଦାଙ୍ଗ୍ ଉପାସ୍ ଆରି ଗଝାରି ହୁକେ ଝେଡ଼ାନାଣା ମାପୁଙ୍ଗ୍ ପାର୍ତାନା କିଜି ମାଚାଡ଼ । ୩୮ କାଡ଼ଦେ ଜିସୁ ମନ୍ଦିରତ ଝାର୍ୟା ଆନିଝେଡ଼ାଂ ହାନ୍ନା ହେବେ ଏକିସ୍ ଇସ୍ବରତିଂ ଜୁଝାର୍ କିତାଡ଼ ଆରି ଇସ୍ବର ଜିରୁସାଲମ୍ତଂ ମୁକ୍ତି କିନାନ୍ ଇଞ୍ଜି ଇମ୍ଣାକାର୍ ପାତ୍ କିଜି କାସି ମାଚାର୍, ହେଝାନ୍ ଝିଜୁରିଂ କାଡ଼ଦେ ବିସ୍ତେ ଇଚାଡ଼ ।

ଜସେପ୍ ଆରି ମରିୟମ୍ ଇଞ୍ଜି ମାସଦି ହାଚାର୍

୩୯ *ପାଚେ ହେଝାର୍ ମାପୁତି ମସାତି ବିଦି ଇସାବ୍ରେ ଝିଜୁ କାମାୟ୍ ଝିସ୍ତି ଗାଲିଲିତ, ଜାର୍ ଗାଡ଼ ନାଜରିତ୍ତ ଲେଉଟାତାର୍ । ୪୦ ଆରେ, କାଡ଼ଦେ ଗାଜା ଆଦେଂ ଲାଗାତାନ୍ ଆରି ଗିଆନ୍ତ ପୁରା ଆଉ ଆଉ ସାକ୍ତି ମାନାୟ୍ ଆତାନ୍, ଆରେ ଇସ୍ବତ୍ ଦୟା ହେ ଜପି ମାଚାଡ଼ ।

କାଡ଼ଦେ ଜିସୁ ମନ୍ଦିରତ

୪୧ ତା ତେହି ଲାତ୍ରାହି ପାତି ବାହୁଁ ନିସ୍ବାର୍ ପାର୍ତୁ ଝେଡ଼ାଲିଂ ଜିରୁସାଲମ୍ତ ହାଲ୍ଜି ମାଚାର୍ । ୪୨ ହେଝାନ୍ତି ବାର ବାହୁଁ ଝେଡ଼ାଲିଂ ହେଝାର୍ ପାର୍ତୁ ରିତି ଇସାବ୍ରେ ହେବେ ହାଚିକ୍ । ୪୩ ପାର୍ତୁନି ସମ୍ପ ଝିସ୍ତି ଏଚେକାଡ଼ଦ ହେଝାର୍ ମାଜି ଝାଜି ମାଚାର୍, ହେ ଏଚେକାଡ଼ଦ କାଡ଼ଦେ ଜିସୁ ଜିରୁସାଲମ୍ତ ଟେବା ଆତାନ୍, ଆରେ ତା ତେହି ଲାତ୍ରାହି ହେଦାଂ ପୁନ୍ଝାଦାଂ

☆ ୨:୨୧ ୨:୨୧ ଲୁକ ୧:୩୧. ☆ ୨:୩୯ ୨:୩୯ ମାତିଉ ୨:୨୩.

ମାତାର । ୪୪ ମାତର ହେୱାନ ହାଙ୍ଗତା ହାତାକାର ହୁକେ ମାନାନ୍ ଇଞ୍ଜି ହେୱାର ଦିନେକନି ହାଜି ତାଙ୍ଗି ହାତାର, ଆରେ ୱାସିନିକାର ଆରି ଜାଣାଟିନା ଲକାର ତାକେ ହେୱାର ତେକ୍ତେ ଲାଗାତାର, ୪୫ ଆରେ ହେୱାନି ତେକ୍ତେ ଗାଟାଆଡ଼ିଲେ ଜିରୁସାଲମ୍ ତ ଲେଉଟା ଆଜି ହାତାର । ୪୬ ତିନି ଦିନ ପାଚେ ହେୱାର ହେୱାନି ମନ୍ଦିରତ ଗାଟାଆତାର; ହେୱାନ ପଣ୍ଡିତକୂର ବିତ୍ରେ କୁଟ୍ଟି ହେୱାର କାତା ୱେନ୍‌ଞ୍ଜି ମାତାନ୍ ଆରି ହେୱାରି ପରସନ୍ କିଜି ମାତାନ୍, ୪୭ ଆରେ ଏଚେକ୍ ମାନାୟ ହେୱାନ କାତା ୱେନ୍‌ଞ୍ଜି ମାତାର, ୱିଜାକାର ହେୱାନ୍ତି ବୁଦି ଆରି ଉତରତ କାବା ଆବିସ୍ ମାତାର । ୪୮ ହେୱାର ହେୱାନି ହୁଡ଼ି କାବା ଆତାର, ଆରି ତା ତେହି ତାଙ୍ଗି ଇଚାଡ଼, “ବପା, ମାଙ୍ଗେଙ୍ଗ୍ ଇନେକିଦେଂ ଏଲେଙ୍ଗ୍ ଚିନ୍ତା କିଡ଼ତାୟ ? ହୁଡ଼ା, ମିଞ୍ଜିବା ଆରି ଆନ୍ ବେସି ବିପ୍ରି ଆଜି ନିଙ୍ଗେଙ୍ଗ୍ ତେଙ୍ଗାନାପା ।”

୪୯ ଇବେତାଂ ହେୱାନ ହେୱାରିଂ ଇଚାନ୍, ଇନେକିଦେଂ “ଏପେଙ୍ଗ୍ ନାଙ୍ଗେଙ୍ଗ୍ ତେକ୍ଟି ମାଞ୍ଜାଦେର୍ ? ମାଞ୍ଜି ଆବାର ଇଞ୍ଜି ମାନାକା ଜେ ନା କାମାୟ, ଇଦାଂ ଇନାକା ପୁନ୍‌ୱାଦାଂ ମାଚାଦେର୍ ?” ୫୦ ମାତର ହେୱାନ ହେୱାରିଂ ଇମ୍‌ଣି କାତା ଇଚାନ୍, ହେଦାଂ ହେୱାର ବୁଜାଞ୍ଜାତାର ।

୫୧ ପାଚେ ହେୱାନ ହେୱାର ହୁକେ ଲେଉଟା ଆଜି ନାଜରିତୟତ ୱାତାନ୍ ଆରି ହେୱାରତି କାତା ମାନିକିଜି ମାତାନ୍; ଆରେ, ହେ ତେହି ଇ ସବୁ କାତା ଜାଗ୍ରତାଂ ହେ ମାନ୍ତ ଇଚ୍‌ତାଡ଼ । ୫୨ ଆରେ, ଜିସୁ ଗିଆନ୍‌ତ ଆରି ଗାଗାଡ଼ତ, ଆରେ ଇସ୍‌ସୁଟ୍ ଆରି ମାନାୟାରତି ଦୟାତ ଗାଜା ଆତାନ୍ ।

୩

ବାପ୍ରିସିମ୍ ହିନି ଜହନ୍ ସୁଣାୟ କିନାକା
(ମାତିଉ ୩:୧-୧୨; ମାର୍କ ୧:୧-୮; ଜହନ୍ ୧:୧୯-୨୮)

୧ ଡିବିରିୟା କାଲସରତି ରାଜ କିନାକା ପନ୍ଦର ବାହୁତ, ଏଚେକାଡ଼ଦ ପନ୍ତ୍ରୟ ପିଲାତ, ଜିହୁଦା ରାଜିତ ରାଜ କାମାୟ ଆରି ହେରଦ୍ ଗାଲିଲିନି ହାନ୍‌ରାଜା ମାତାନ୍, ଆରେ ତା ଟଣ୍ଡାହି ପିଲିପ୍ ଇଚୁରିୟା, ଆରି ତ୍ରାକନିତି ରାଜିନି, ଆରେ ଲୁସାନିୟା ଅବିଲିନି ନି ହାନ୍‌ ରାଜା ମାତାନ୍,

୨ ଆରି ହାନାନ ଆରି କୟାପା ମୁଡ଼୍ ମାପୁହେବାକିନାକାର ମାତାର, ହେ ଏଚେକାଡ଼ଦ ଇସ୍‌ସୁଟ୍ ବଚନ୍ ବାଟାତ ଜିକରିୟତି ମେହି ଜହନ୍ ତାକେ ଏକାଞ୍ଜାତାଡ଼ । ୩ ହେବେତାଂ ବାପ୍ରିସିମ୍ ହିନି ଜହନ୍ ଜର୍ଦନି ଲାଗାୟ ୱିଜୁ ନାସକୁ ହାଲ୍‌ଜି ପାପ୍ କେମା କାଜିଂ “ମାନ୍‌ବାଦ୍‌ଲାୟ କିନି ବାପ୍ରିସିମ୍ ସୁଣାୟ କିଦେଙ୍ଗ୍ ଲାଗାତାନ୍ ।” ୪ “ଇନେସକି ଜିସାୟ ବେଣ୍‌ବାକଣାୟକିନାକାନ୍ ସାସ୍‌ରତାକେ ଲେକାଆତାଡ଼ନା,

ବାଟାତ ଗାଜା କାଟ୍ କିଜି ମାନି ରକାନ୍ତି କାଟ୍,
ମାପୁତି ହାଜି ଜାଲ୍‌ଦି କିୟାଟ୍,
ହେୱାନ୍ତି ରାଜାହାଜି ହାଣ୍‌କୁ କିୟାଟ୍;

୫ ସବୁ ବାଟା ବାଟ୍ କିୟା ଆନାଡ଼, ଆରେ ସବୁ,
ମାଡ଼ିଙ୍ଗ୍ ଆରି କୁପ୍‌ଲିଙ୍ଗ୍ ହାରୁ କିୟା ଆନାଡ଼,
ବାଙ୍ଗା ହାଜି ସଲକ୍ କିୟାଟ୍ ସବୁ ହାଣ୍‌କୁ ଆନାଡ଼,
ଆରେ ଉଚ୍‌ନିଚ୍ ବୁମି ସାରିଆ ହାଜିତ ରଚିଆ ଆନାଡ଼;

୬ ଆରେ, ୱିଜୁ ପୁଟ୍ ଇସ୍‌ସୁଟ୍ ମୁକ୍ତି ଆନାକା ହୁଡ଼ନାର ।”

୭ *ଲୀଗିଂ, ହେୱାନ ତା ତାକେଣ୍ଡାଂ ବାପ୍ରିସିମ୍ ଆଦେଂ କାଜିଂ ହସି ୱାନି ମାନାୟାରିଂ ଇଚାନ୍, “କାଲ୍‌ଟିରାଚ୍‌ନି ଲାତ୍ରା,” ୱାନିଦିନ୍ ମାପୁତି ଟାକ୍ଟାଂ ହନ୍ତେଙ୍ଗ୍ କାଜିଂ ଇନେଚ୍ ମିଙ୍ଗେଙ୍ଗ୍ ଚେଡ଼ନା ହିଡ଼ତାନ୍ ? ୮ ଲୀଗିଂ ମାନ୍‌ବାଦ୍‌ଲାୟ କିନି ହାଦ୍ ପାଡ଼ ଉବ୍‌ଜାଣ୍ କିୟାଟ୍; ଆରେ, “ଅବ୍ରାହାମ୍ ତ ମା ଆବା, ଇଞ୍ଜି ମାନେ ମାନେ ଏପେଙ୍ଗ୍ ଇନ୍‌ମାଟ୍, ଇନାକିଦେଂକି ଆନ୍ ମିଙ୍ଗେଙ୍ଗ୍ ଇଞ୍ଜିନାଙ୍ଗା, ଇସ୍‌ଚ୍ ଇ କାଲ୍‌କୁକାଂ ପା ଅବ୍ରାହାମ୍ କାଜିଂ ମାଜି ଉବ୍‌ଜାଣ୍ କିଦେଙ୍ଗ୍ ଆଡ଼ନାନ୍ । ୯ *ଆରେ, ନଙ୍ଗ୍ ପା ମାର୍‌କୁକାଂ ଦଲ୍‌ଦ କୁଡେଲ୍ ଲାଗାତାଡ଼ନ୍ନା; ଇମ୍‌ଣି ମାର୍‌କୁ ହାଚ୍ ପାଡ଼୍ ଆହ୍‌ଞ୍ଜିତିସ୍, ହେଦାଂ କାଦ୍‌ଦି ନାଣିତ ତୁହିୟା ଆନାଡ଼ ।”

୧୦ ଇବେଣ୍ଡାଂ ମାନାୟାର ଜହନ୍‌ତିଂ ୱେନ୍‌ବେଦେଂ ଲାଗାତାନ୍, “ତା ଆତିସ୍ ଆସେଙ୍ଗ୍ ଇନାକା କିନାସ୍ ?”

୧୧ ଜହନ୍ ହେୱାରିଂ ଉତର ହିତାନ୍, “ଇନେଚ୍‌ତି ରିଣ୍ଡାଂ ଆଜିଙ୍ଗ୍ ମାନିଙ୍ଗ୍, ହେୱାନ ଇନେଚ୍‌ତି ହିଲୁଡ଼, ହେଦାଂ ରଞ୍ଜାଙ୍ଗ୍ ହିଏନ୍; ଆରେ, ଇନେଚ୍‌ତି କାଦି ମାନାଡ଼, ହେୱାନ ହେ ଲାକେ କିଏନ୍ ।”

୧୨ ସିସ୍‌ସୁନ୍‌ନାକାର ପା ବାପ୍ରିସିମ୍ ଅଦେଂ ୱାଜି ତାଙ୍ଗ୍ ୱେନ୍‌ବାତାର, “ଏ ଗୁରୁ, ଆପେଂ ଇନାକା କିନାପ୍ ?”

୧୩ ପାଚେ ଜହନ୍ ହେୱାରିଂ ଇଚାନ୍, “ମି କାଜିଂ ଏଚେକ୍ ଲତା ଆତାଡ଼ନ୍ନା, ତା ତାଙ୍ଗ୍ ଆଦିକ୍ ଏନ୍‌ମାଟ୍ ।”

୧୪ ମେଲ୍‌ଧାର ପା ହେୱାନିଂ ୱେନ୍‌ବେଦେଂ ଲାଗାତାର, ଆରେ, “ଆପେଂ ଇନାକା କିନାପ୍ ?”

☆ ୩:୭ ୩:୭ ମାତିଉ ୧୨:୩୪; ୨୩:୩୩. ☆ ୩:୯ ୩:୯ ମାତିଉ ୭:୧୯.

ହେୱାନ ହେୱାରିଂ ଇଚାନ, “ବାଡ଼କାସ୍ତାଂ କି ଟକାୟ କିଜି ଇନେରତି ପାଣ୍ଡୁକିମାଟ୍, ଆରେ ମି ଦାର୍ମାତାକେ ସାରିମାନାଟ୍ ।”

୧୫ ମାନାୟାର କାସି ମାନି କାଜିଂ ଆରି ଜହନ୍ ଇନେସକି କ୍ରିସ୍ଟୁ ଆନାନ୍, ଇଞ୍ଜି ଇଦାଂ ହେୱାନ କାଜିଂ ଓଜାକାର୍ ଜାର୍ ଜାର୍ ମାନ୍ତ ଗାଣ୍ଡୁ କିଜି ମାନବିତିଲେ, ୧୬ ଲାଗିଂ ଜହନ୍ ଓଜାକାରିଂ ଉତର୍ ହିତାନ୍, “ଆନ୍ ହିନା ମିଜେଙ୍ଗ୍ ଏଜୁଂତାଂ ବାପ୍ରିସିମ୍ ହିଦ୍ନାଜା, ମାତର୍ ନା ତାଙ୍ଗ୍ ଇନେର ଆଦିକ୍ ସାକ୍ତିକାଟାକାନ୍, ୱାନାନା ହେୱାନ ତା ପାଣ୍ଡୁଇଙ୍ଗ୍ ତରି ରିକ୍ତେଂ ସମାନ୍ ଆନ୍ ଆକାୟ, ହେୱାନ ମିଜେଙ୍ଗ୍ ପୁଇପୁୟା ଜିବୁନ୍ତ ଆରି ନାଣିତ ବାପ୍ରିସିମ୍ ହିନାନ୍ । ୧୭ ତା କେଇଦ ହେତି ମାନାଟ୍, ଲାଗିଂ ବାରବାନି ତାସ୍ ନିର୍ମାଲ୍ କିଜି ଟୁଣ୍ଡିତ ଗମ୍ ରୁଣ୍ଡାୟ କିଜି ଇଡ଼ଦେଂ ଇଞ୍ଜି ହେୱାନ କେଇଦ ହେତି ମାନାଟ୍, ମାତର୍ ପୁଟା ଓଜୁ ହେୱାନ ହାଓିନାଣିତ ଦେସ୍ଇ ତୁହିନାନ୍ ।”

୧୮ ହେୱାନ ଇ ଲାକେ ବେସି ଉପଦେସ୍ ହିଜି, ଆରେ ବାରବିନି ୱାରି ବେରଣ୍ ଷ୍ଟେଟି ମାନାୟ ଲାଗାଂ ନେକ୍ତିକାରୁର୍ ପରଚାର୍ କିଜି ମାଚାନ୍; ଆରି ମାନ୍ବାଦଲାୟ କିନି କାଜିଂ ମାନାୟାରିଂ ବୁଜାୟ କିତାନ୍ ୧୯ ମାତର୍ ଜହନ୍ ହାସି ରାଜା ହେରଦ୍ତିଂ ଆଦିକ୍ ଆଟ୍ଝା ଆଜି ଇଚାନ ଇନାକିଦେଂକି ଜାର୍ ଟଣ୍ଡେନ୍ ଡକ୍ତିଂ ହେରଦିଆତିଂ ବିବା କିଜି ମାଚାନ୍, ଆରି ବେସି ବିସ୍ତେ ବାନ୍ୟା କାମାୟ କିଜି ମାଚାନ୍, ୨୦ ହେ ଲାକେ ଆରେ ରଞ୍ଜାଙ୍ଗ୍ ହେରଦ୍ କାରାପ୍ କାମାୟ କିତାନ୍, ଜହନ୍ତିଂ ବନ୍ଦିତ ଇଡ଼ତାର୍ ।

ଜହନ୍ ଜିସୁଙ୍ଗ୍ ବାପ୍ରିସିମ୍ ହିତାନ୍
(ମାତିଉ ୩:୧୩-୧୭; ମାର୍କ ୧:୯-୧୧)

୨୧ ଓଜାର୍ ମାନାୟାର ବାପ୍ରିସିମ୍ ଆତି ପାଚେ ଜିସୁ ପା ବାପ୍ରିସିମ୍ ଅତାନ୍ । ଆରେ ପାର୍ତାନା କିନି ଷ୍ଟେଡାଲିଙ୍ଗ୍ ବାଦାଡ଼୍ ଜେୟା ଆତାଡ଼, ୨୨ ଆରି ପୁଇପୁୟା ଜିବୁନ୍ ଗାଗାଡ଼ତ ପାଣ୍ଡୁକା ଲାକେ ଜିସୁ ଜପି ଜୁଜି ୱାଜି ଜିସୁଙ୍ଗ୍ କୁଟଚାଡ଼; ଆରେ, ବାଦାଡ଼ତାଂ ଇ ବେରଣ୍ ଆତାଡ଼, “ଏନ୍ ମା ୱାରିନି ମାଜିଡି, ମି ତାକେ ମା ବେସି ୱାରି ।”

ଜିସୁତି ଲାତ୍ରାନି ପୁରାଣ୍
(ମାତିଉ ୧:୧-୧୭)

୨୩ ଜିସୁ କାମାୟ ହାଙ୍ଗନି ଷ୍ଟେଡାଲିଂ ତାଙ୍ଗେଙ୍ଗ୍ ତିରିସ୍ ବାହୁଁ ବୟସ୍ ଆଜି ମାଚାଡ଼; ଲକାର୍ ମାନ୍ତାଙ୍ଗ୍ ହେୱାନ ଜସେପ୍ ମେହି ମାଚାନ୍; ଜସେପ୍ ଏଲିତି ମେହି, ୨୪ ଏଲି ମତାତି ମେହି, ମତ୍ତତାତ ଲେବି ମେହି, ଲେବି ମଲ୍କିତି ମେହି, ମଲ୍କି ଜନ୍ମୟତି ମେହି, ଜନ୍ମୟ ଜସେପ୍ତି ମେହି, ୨୫ ଜସେପ୍ ମତିତ୍ୟାତି ମେହି, ମତିତ୍ୟା ଆମସ୍ତି ମେହି, ଆମସ୍ ନାହୁମ୍ତି ମେହି, ନାହୁମ୍ ହେଲସିତି ମେହି, ହେଲସି ନଗୟତି ମେହି, ୨୬ ନଙ୍ଗୟ ମହତତି ମେହି, ମହତ ମତିତ୍ୟାତି ମେହି, ମତିତ୍ୟା ସିମୟିତି ମେହି, ସିମୟି ଜସେକ୍ତି ମେହି, ଜସେକ୍ ଜଦାତି ମେହି, ୨୭ ଜଦା ଜହନ୍ତି ମେହି, ଜହନ୍ ରେସା ଜିରୁବ୍ବାବେଲ୍ତି ମେହି, ଜିରୁବ୍ବାବେଲ୍ ସଲ୍ଟିୟେଲ୍ ମେହି, ସଲ୍ଟିୟେଲ୍ ନେରିତି ମେହି, ୨୮ ନେରି ମଲ୍କିତି ମେହି, ମଲ୍କି ଅଦିତି ମେହି, ଅଦି କସାମ୍ତି ମେହି, କସାମ୍ ଏଲ୍ଦାନ୍ତି ମେହି, ଏଲ୍ଦାନ୍ ଏରତି ମେହି, ୨୯ ଏର ଜହ୍ମୟତି ମେହି, ଜହ୍ମୟ ଏଲିୟାଜରତି ମେହି, ଏଲିୟେଜର ଜରିମତି ମେହି, ଜରିମ୍ ମତାତି ମେହି, ମତାତ ଲେବିତି ମେହି, ୩୦ ଲେବି ସିମୟିନ୍ତି ମେହି, ସିମୟିନ୍ ଜିହୁଦାତି ମେହି, ଜିହୁଦା ଜସେପ୍ତି ମେହି, ଜସେପ୍ ଜନାମ୍ତି ମେହି, ଜନାମ୍ ଏଲିୟାକିମ୍ତି ମେହି, ୩୧ ଏଲିୟାକିମ୍ ମଲାହତି ମେହି, ମଲାହ ମନ୍ନାତି ମେହି, ମନ୍ନା ମତାତି ମେହି, ମତାତ ନାତନ୍ତି ମେହି, ନାତନ୍ ଦାଉଦ୍ତି ମେହି, ୩୨ ଦାଉଦ୍ ଜିସିୟତି ମେହି, ଜିସି ଓବେଦତି ମେହି, ଓବେଦ ବୟଜତି ମେହି, ବୟଜ ସେଲହତି ମେହି, ସେଲହ ନହସନ୍ତି ମେହି, ୩୩ ନହସନ ଅମିନାଦବ୍ତି ମେହି, ଅମିନାଦାବ୍ ଅଦ୍ନି ମେହି, ଅଦ୍ନି ଅଣ୍ଟି ମେହି, ଅଣ୍ଟି ହେସ୍ପାତି ମେହି, ହେସ୍ପା ପେରସ୍ତି ମେହି, ପେରସ୍ ଜିହୁଦାତି ମେହି, ୩୪ ଜିହୁଦା ଜାକୁବ୍ତି ମେହି, ଜାକୁବ୍ ଇସହାକ୍ତି ମେହି, ଇସହାକ୍ ଅବ୍ରାହାମ୍ତି ମେହି, ଅବ୍ରାହାମ୍ ତେରହତି ମେହି, ତେରହ ନାହରତି ମେହି, ୩୫ ନାହର୍ ସରୁଗତି ମେହି, ସରୁଗ ରଗୁତି ମେହି, ରଗୁ ପେଲଗତି ମେହି, ପେଲଗ ଏବର୍ତି ମେହି, ଏବର୍ ସେଲହତି ମେହି, ୩୬ ସେଲହ କେନାନ୍ତି ମେହି, କେନାନ୍ ଅର୍ପକ୍ୟଦତି ମେହି, ଅର୍ପକ୍ୟଦ ସେମ୍ତି ମେହି, ସେମ ନହତି ମେହି, ନହ ଲେମକତି ମେହି, ୩୭ ଲେମକ ମିତୁସିଲହତି ମେହି, ମିତୁସିଲହ ହନକତି ମେହି, ହନକ ଜେରଦତି ମେହି, ଜେରଦ ମହଲଲେଲତି ମେହି, ମହଲଲେଲ କେନାନ୍ତି ମେହି, ୩୮ କେନାନ୍ ଏନସତି ମେହି, ଏନସ୍ ସେତତି ମେହି, ସେତ ଆଦମ୍ତି ମେହି, ଆରମ୍ ଇସ୍ତତି ମେହି ।



ଜିସୁଙ୍ଗ୍ ସୟତାନ୍ ପରିକ୍ୟା କିତାଡ଼
(ମାର୍କ ୧:୧୨-୧୩; ଲୁକ ୪:୧-୧୨)

☆ ୩:୨୨ ମାତିଉ ୩:୧୭; ମାର୍କ ୧:୧୧; ଲୁକ ୯:୩୫.

୧୧ ଜିସୁ ପୁରୁଷାୟା ଜିବୁନ୍ତ ବାତ ଆଜି ଜର୍ଦନ ନାଗୁଡ଼ତାଂ ମାଜି ଖାତାନ୍, ଆରି ରିକଡ଼ି ଦିନ୍ ପାତେକ୍ ଜିବୁନ୍ ହୁଦାଂ ବାଟାତ ଚାଲାଆଜି ସୟତାନ୍ ତାଙ୍ଗେଙ୍ଗ୍ ପରିକ୍ୟା କିତାତ୍ । ୧୨ ହେବେ ହେଖାନ୍ ସୟତାନ୍ ହୁକେ ଚାଲିସ୍ ଦିନ୍ ପାତେକ୍ ପରିକ୍ୟା ଆତାନ୍ । ହେ ସମ୍ବୁ ବିତ୍ରେ ହେଖାନ୍ ଇନାକା ତିନିଖାଦାଂ ମାଚାନ୍, ଲାଗିଂ ଚାଲିସ୍ ଦିନ୍ ଖିସ୍ତିଲେ, ହେଖାନ୍ ନାସ୍ତି ଆତାନ୍ ।

୧୩ ହେବେ ସୟତାନ୍ ତାଙ୍ଗେଙ୍ଗ୍ ଇଚାତ୍, “ଏନ୍ ଜଦି ଇସ୍ତର୍ ମାଜି, ବାଟିଙ୍ଗ୍ ଇ କାଲ୍ଦିଂ ରୁଟି ଆଦେଂ ଇଞ୍ଜି ବଲ୍ ହିୟା ।”

୧୪ ଜିସୁ ହେଦେଲିଂ ଉତର ହିତାନ୍, “ଦରମ୍ ସାସ୍ତରତ ଲେକା ମାନାତ୍, ମାନାୟ୍ କେବଲ୍ ରୁଟିଂ ତିନିଞ୍ଜି ବାଟା ଆତନ୍ ।”

୧୫ ଆରେ, ସୟତାନ୍ ଜିସୁଙ୍ଗ୍ ଜପି ଅଜି ଅଲପ୍ ସମ୍ବୁ ବିତ୍ରେ ପୁତ୍ ନି ସବୁ ରାଜି ହେଖାନ୍ ଚଟ୍ଟାତ୍ । ୧୬ ଆରେ, ସୟତାନ୍ ତାଙ୍ଗ୍ ଇଚାତ୍, “ଆନ୍ ନିଙ୍ଗେଙ୍ଗ୍ ଇ ଖିଜୁ ଆଦିକାର୍ ଆରି ଇ ହଲ୍ଲାନାକା ହିଦନାଂ, ଇନାକିଦେଂକି ନାଙ୍ଗେଙ୍ଗ୍ ଇଦାଂ ଖିଜୁ ଆଦିକାର୍ ହିଡ଼ତାନ୍ନା, ଆରେ ଆନ୍ ଇନେରିଂ ଇଚା, ତାଙ୍ଗ୍ ହେଦାଂ ହିଦନାଂ ।” ୧୭ ଲାଗିଂ, “ଏନ୍ ଏଚେକାଡ଼୍ ଦ ମା ମୁମ୍ଦ ପୁଜା କିଦନାୟ୍, ଲାଗିଂ ଖିଜୁ ନିଦାଂ ଆନାତ୍ ।”

୧୮ ଜିସୁ ଉତର ହିତାନ୍, ସାସ୍ତର୍ ଲେକା ମାନାତ୍, “ଏନ୍ କେବଲ୍ ମାପୁ ଇସ୍ତର୍ତିଂ ଜୁଖାର୍ କିନାୟ୍, ଆରେ ହେଖାନ୍ତି ପାର୍ତାନା କିନାୟ୍ ।”

୧୯ ଆରେ, ସୟତାନ୍ ହେଖାନ୍ ଜିରୁସାଲମତ ଅଜି ମନ୍ଦିରନି ଜେଗନ୍ ଜପି ନିଲି କିଜି ତାଙ୍ଗ୍ ଇଚାତ୍, “ଏନ୍ ଜଦି ଇସ୍ତର୍ ମାଜି, ତା ଆତିସ୍ ଇବେତାଂ ତାରେନ୍ ଗୁମା ।” ୨୦ ଇନାକିଦେଂକି ଦରମ୍ ସାସ୍ତରତ ଲେକା ମାନାତ୍, “ନିଙ୍ଗେଙ୍ଗ୍ ରାକ୍ୟା କିଦନି କାଜିଂ ହେଖାନ୍ ଜାର୍ ଦୁଡ଼ରିଂ ନି ବିସ୍ତେ ବଲ୍ ହିନାନ୍ । ୨୧ ଦରମ୍ ସାସ୍ତରତ ଲେକା ମାନାତ୍, ଏଚେକାଡ଼୍ ନି ପାନା କାଲ୍ଦି ଆଡ଼ଦାନାତ୍, ଇଦାଂ କାଜିଂ ହେଖାର୍ ନି କେଇଦ ଆସ୍ତାନାର୍ ।”

୨୨ ଆରେ, ଜିସୁ ସୟତାନ୍ତିଂ ଉତର ହିତାନ୍, ଦରମ୍ ସାସ୍ତରତ ଲେକାମାନାତ୍, “ଏନ୍ ମାପୁ ଜାର୍ ଇସ୍ତର୍ତିଂ ପରିକ୍ୟା କିତୟ୍ ।

୨୩ ଜିସୁଙ୍ଗ୍ ସୟତାନ୍ ସବୁ ବାନି ପରିକ୍ୟା ଖିସ୍ତି ପାଚେ କେତେଦିନ୍ ପାତେକ୍ ତାଙ୍ଗ୍ ପିସ୍ତି ହାଚାତ୍ ।”

ଗାଲିଲିତ ଜିସୁତି କାମାୟ୍ ଆରମ୍
(ମାତିଉ ୪:୧୨-୧୭; ମାର୍କ ୧:୧୪-୧୫)

୨୪ ଇଦାଂ ପାଚେ ଜିସୁ ପୁରୁଷାୟା ଜିବୁନ୍ତି ସାକ୍ରିତାଂ ଗାଲିଲିତ ଲେଉଟା ଆତାନ୍, ଆରେ ଚାରିବେଣ୍ଟାଂ ସବୁ ରାଜିତ ଇଞ୍ଜେଙ୍ଗ୍ ଲାଗାତାନ୍ । ୨୫ ଆରି, ହେଖାନ୍ ହେଖାର୍ତି କୁଚୁମ୍ ଇଲ୍ ଲାଗେ ହିକ୍ୟା ହିଜି ଖିଜାର୍ତାଂ ଜାଜ୍ମାଲ୍ ପାୟା ଆଦେଂ ଲାଗାତାନ୍ ।

ଜିସୁଙ୍ଗ୍ ନାଜରିତ୍ ମାନିକିଖାତାର୍
(ମାତିଉ ୧୩:୫୩-୫୮; ମାର୍କ ୬:୧-୬)

୨୬ ଜିସୁ ଇମ୍ଣି ନାଜରିତୟ୍ ପାଲିକିୟା ଆଜି ମାଚାନ୍, ହେ ବାହାତ ହାରିହାରା ହାଚାନ୍ ଆରି ନିଜାର୍ ବିଦିତାଂ ଜମ୍ନିବାର୍ତ କୁଚୁମ୍ ଇଞ୍ଜି ହଟାନ୍, ଆରେ ସାସ୍ତର୍ ପଡ଼ି କିଦେଙ୍ଗ୍ ଇଞ୍ଜି ନିଲ୍ତାନ୍ । ୨୭ ହେବେଣ୍ଟାଂ ଜିସାୟ୍ ବେଣ୍ଟାକ୍ଷାୟ୍ କିନାକାନ୍ତି ପତି ତାଙ୍ଗେଙ୍ଗ୍ ହିତାର୍, ଆରେ ଜିସୁ ହେଦାଂ ଉନ୍ଦି, ଇମେତାକେ ଇ ବଚନ୍ ଲେକାଆତାତ୍ ନା ହେଦାଂ ହୁଡ଼ତାନ୍,

୨୮ ମାପୁତି ଜିବୁନ୍ ନା ତାକେ ଜୁଡ଼ତାନ୍ନା,

“ଲାଗିଂ ଇନାକା ହିଲ୍ଲାକାର୍ ଲାଗେ ନେକ୍ରିକାରୁର୍ ସୁଣାୟ୍ କିଦେଙ୍ଗ୍ ଇଞ୍ଜି ହେଖାନ୍ ନାଙ୍ଗେଙ୍ଗ୍ ସିଗ୍ କିଡ଼ନ୍ନା, ଜଇଲ୍ ମାନାକାରିଂ ମୁକ୍ତି କିନାକା ଆରି

କାଶାର୍ତାକେ ଲାଗେ ହୁଡ଼ିକିଦେଂ ବିସ୍ତେ ସୁଣାୟ୍ କିଦେଙ୍ଗ୍, ଆରେ କସ୍ତାୟାଆନି ଲଗାଂ ମୁକ୍ତି କିଦେଙ୍ଗ୍,

୨୯ ଆରେ ମାପୁତି ଦୟାନିବାର୍ତ୍ତ ହୁଣାୟ୍ କିଦେଙ୍ଗ୍ ହେଖାନ୍ ନାଙ୍ଗେଙ୍ଗ୍ ପକ୍ତାତାନ୍ନା ।”

୩୦ ପାଚେ ହେଖାନ୍ ପତି ତାବାୟ୍ କିଜି ହେବା କିନାକାରିଂ ହେଦାଂ ହିଜି କୁଚୁମ୍, ଆରେ କୁଚୁମ୍ ଇଞ୍ଜି ଖିଜାର୍ତି କାଣ୍କୁ ହେଖାନ୍ ଜପି ହୁଡ଼ଜି ମାଚାର୍ । ୩୧ ପାଚେ, “ହେଖାନ୍ ହେଖେରିଂ ଇଞ୍ଜେଙ୍ଗ୍ ଲାଗାତାନ୍, ନେଜେଙ୍ଗ୍ ଦରମ୍ ସାସ୍ତର୍ ଇ ବଚନ୍ ଏପେଙ୍ଗ୍ ଖେଟିଲେ ହେଦାଂ ପୁରାଆତାତ୍ ।”

୩୨ ଆରେ, ଖିଜାର୍ ହେଖାନ୍ ବିସ୍ତେ ସାକି ହିଦେଂ ଲାଗାତାର୍ ଆରେ ହେ ଖେଇତାଂ ଇମ୍ଣି ଦୟାନି ବଚନ୍ତ ହିଜି ଖାଜି ମାଚାତ୍; ଆରି ହେଖାର୍ ଇଞ୍ଜେଙ୍ଗ୍ ଲାଗାତାର୍, “ଇଖାନ୍ ଇନାକା ଜସେପ୍ ମେହି ଆକାୟ୍ ?”

୩୩ ହେବେଣ୍ଟାଂ ହେଖାନ୍ ଉତରମୁଡ଼୍ ହେଖେରିଂ ଇଚାନ୍, “ଏପେଙ୍ଗ୍ ଇନେସ୍ କିତିସ୍ପା ନାଙ୍ଗେଙ୍ଗ୍ ଇ ଟିକଲ୍ ବେରଣ୍ ଖେଚ୍ଚାନାଦେର୍, ହେ ତାକ୍ତର୍ ନିଜେ ନିଜତିଂ ଉଜ୍ ଆ; ଆରେ ଇନାନ୍ କପର୍ନାହୁମ୍ ଇନା ଇନାକା ଗିଟା ଆତାତନ୍ନା ଇଞ୍ଜି ଆପେଂ ଖେଚ୍ଚାପନା, ହେ ସବୁ ଇ ବାହାତ ନିଜ୍ ଦେସ୍ ଗାଡ଼୍ ଦପା କିୟା ।” ୩୪ ଆରେ, ହେଖାନ୍ ଇଚାନ୍, “ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜେନାଙ୍ଗ୍, ଇମ୍ଣି ବେଣ୍ଟାକ୍ଷାୟ୍ କିନାକାନ୍ ନିଜ୍ ଗାଡ଼୍ ଦ ମାନ୍ କିୟାଆତନ୍ ।” ୩୫ “ମାଚର୍ ଆନ୍ ମିଙ୍ଗେଙ୍ଗ୍

☆ ୪:୨୪ ୪:୨୪ ଜହନ୍ ୪:୪୪.

ହାତ୍‌ପା ଇଞ୍ଜନାଙ୍ଗ, ଏଲିୟତି ସମୁଦ ଏଚେକାଡ଼ଦ ତିନିବାରୁ ରଥମାସ୍ ପାତେକ୍ ଆକାସ୍‌ତାଂ ବାରୁହା ଆଞ୍ଜିତିଲେ ସବୁ ଦେସ୍‌ତ କାତାର୍ ଆରୁତାଡ଼, ହେ ପାଦନା ଇସ୍ରାଏଲ୍ ବିତ୍ରେ ହେନି ରାଣ୍ଡିକ୍ ମାଟିକ୍; ^{୨୭} ଆତିସ୍‌ପା ଏଲିୟ ହେଞ୍ଜାରୁତି ଇନେରୁ ତାକେପା ପକ୍ୟା ଆଞ୍ଜାଦାଂ କେବଲ୍ ସିଦନ୍ ଦେସ୍‌ନି ସାରିପଡ଼ତିଂ ର ରାଣ୍ଡି କଗଲେ ଲାଗେ ପକ୍ୟା ଆତାନ୍ । ^{୨୮} ପାଚେ, ବେଣ୍‌ବାକ୍‌ଶାୟକିନାକାନ୍ ଇଲିସାୟନି ସମୁତ ଇସ୍ରାଏଲ୍ ବିତ୍ରେ ବେସି ଗାଜା ରଗ୍ୟାର୍ ମାଚାର୍; ଆତିସ୍‌ପା ହେଞ୍ଜାରୁ ବିତ୍ରେ ଇନେରୁପା ଉଜ୍ ଆଞ୍ଜାଦାଂ ମାଚାର୍, କେବଲ୍ ସିରିୟା ଦେସ୍‌ନି ନାମାନ୍ ସକଟ୍ କିୟା ଆଜି ମାଚାର୍ ।”

^{୨୮} କୁରୁମ୍ ଇଞ୍ଜ ଇ ସବୁ ବେରଣ୍ ଝେନୁ ଝେନୁ ଝିଜାର୍ ରିସା ଆଚାର୍, ^{୨୯} ଆରେ ହେଞ୍ଜାରୁ ନିଙ୍ଗି ତାଙ୍ଗେଙ୍ଗ୍ ଗାଡ଼ତାଂ ହପ୍‌ତାତାର୍ ଆରି ହେଞ୍ଜାରୁତି ଗାଡ଼ ଇମ୍‌ଣି ମାଡ଼ି ଜପି ରଡ଼ଟିମାଚାର୍, ହେ ଝେଡ଼ାଙ୍ଗ୍ ଦାରିଆ ବାହାତ ତାରେନ୍ ତୁଇଦେଙ୍ଗ୍ ଇଞ୍ଜି ହେଞ୍ଜାନିଂ ହେବେ ଅଜି ହାଚାର୍; ^{୩୦} ମାଚର ଜିସୁ ହେଞ୍ଜାରୁ ବିତ୍ରେ ହିଜି ରୁଲ୍‌ଆଜି ହାଚାନ୍ ।

ଜିସୁ ପୁଦାଆହ୍‌ୟାତି ମାନାୟତିଂ ଉଜ୍ କିତାନ୍
(ମାର୍କ ୧:୨୧-୨୮)

^{୩୧} ହେଞ୍ଜାନ୍ କପନାହୁମ୍ ତରଦି ଗାଲିଲିତ ର ଗାଡ଼ଦ ଝାତାନ୍, ଜମ୍‌ନିବାରୁ ଝେଡ଼ାଙ୍ଗ୍ ମାନାୟାରିଂ ହିକ୍ୟା ହିକାୟ କିଦେଙ୍ଗ୍ ଲାଗାତାନ୍, ^{୩୨} ଆରେ ହେଞ୍ଜାରୁ ହେଞ୍ଜାନୁତି ହିକ୍ୟାତ କାବା ଆଚାର୍, ଇନାକିଦେଂକି ହେଞ୍ଜାନ୍ତି ବଚନ୍ ଆଦିକାର୍ ମେହା ମାଚାଡ଼ । ^{୩୩} ଦିନେକ୍ କୁରୁମ୍ ଇଞ୍ଜ ରଞ୍ଜାନ୍ ରାଡ଼ା ପୁଦା ଆହିୟା ଆତାକାନ୍ ମାଚାନ୍; ହେଞ୍ଜାନ୍ ଗାଜାକାଟାଂ ହିରବାତାନ୍, ^{୩୪} “ଆ, ନାଜରିତୟ ଜିସୁ, ମା ଲାହାଙ୍ଗ୍ ମିଦାଙ୍ଗ୍ ଇନାକା ମାଚାଡ଼ ? ଏନ୍ କି ମାଙ୍ଗେଙ୍ଗ୍ ନସ୍ କିଦେଙ୍ଗ୍ ଝାତାଇନା ? ଏନ୍ ଇନେରୁ ହେଦାଂ ଆନ୍ ପୁନାଙ୍ଗ୍; ଏନ୍ ଇସ୍‌ବର ମାପୁତି ହେ ପୁଇପୁୟା ମାନାୟ ।”

^{୩୫} ଜିସୁ ହେଦେଲିଂ ଦାକା ହିଜି ଇଚାନ୍, “ଟିମ୍‌ରା ଆ, ଇବେଣ୍ଡାଂ ହସି ହାଲା ।” ହେବେଣ୍ଡାଂ ହେ ରୁଡ଼ ହେଞ୍ଜେନିଂ ଝିଜାର୍ ମୁମ୍‌ଦ ତୁହିଜି ହେଞ୍ଜାନ୍ତି ଇନାକା କସ୍ ହିଞ୍ଜାଦାଂ ହେଞ୍ଜାନ୍ତାଂ ହସି ହାଚାଡ଼ ।

^{୩୬} ଇବେଣ୍ଡାଂ ଝିଜାର୍ କାବା ଆଜି ହେଞ୍ଜେର୍ ହେଞ୍ଜାରୁ ଝେଡ଼ପା ଆଚାର୍, “ଇଦାଂ ଇନା ବେରଣ୍ ? ହେଞ୍ଜାନ୍ ଆଦିକାର୍ ସାଲିତାଂ ହେଞ୍ଜାନ୍ ବାନ୍ୟା ଜିବୁନ୍‌ତିଂ ପା ବଲ୍ ହିନାନା, ଆରେ ହେଞ୍ଜାଙ୍ଗ୍ ହିଜି ହାନିକ୍ ।” ^{୩୭} ହେବେଣ୍ଡାଂ ହେଞ୍ଜାନ୍ ବିସ୍ତେ ବେରଣ୍ ଚାରବେଣ୍ଡାତାଂ ନାସ୍‌କୁକାଂ ଝିଣ୍ଡି ହାଚାଡ଼ ।

ଜିସୁ ବେସି ହେନିତିଂ ଉଜ୍ କିତାନ୍
(ମାଡ଼ିଉ ୮:୧୪-୧୭; ମାର୍କ ୧:୨୯-୩୪)

^{୩୮} ପାଚେ ଜିସୁ କୁରୁମ୍ ଇଞ୍ଜ ନିଙ୍ଗି ସିମନାରୁ ଇଞ୍ଜ ହାଚାନ୍ । ସିମନ୍ ପଦାହିଙ୍ଗ୍ ବେସି ନମେର୍ ଆଜି ମାଚାଡ଼, ଆରେ ହେଞ୍ଜାରୁ ତା ବିସ୍ତେ ହେଞ୍ଜାନିଂ ଗଞ୍ଜାରି କିତାର୍ । ^{୩୯} ହେବେଣ୍ଡାଂ ହେଞ୍ଜାନ୍ ହେ ଲାଗାୟ ନିଲ୍‌ତି ନମେର୍‌ତିଂ ଦାକା ହିତାନ୍, ଆରି ହେଦେଲିଂ ନମେର୍ ପିସ୍ତାଡ଼, ପାଚେ ହେଦେଲ୍ ହେ ସାଙ୍ଗେ ସାଙ୍ଗେ ନିଙ୍ଗି ହେଞ୍ଜାରୁତି ହେବା କିଦେଙ୍ଗ୍ ଲାଗାତାଡ଼ ।

^{୪୦} ଝେଡ଼ାହାନି ସମୁତ, ଇନେରୁ ଲାଗାଂ ବାରୁବିନ୍ ରଗ୍ ଆତି ମାନାୟାରୁ ମାଚାର୍, ହେଞ୍ଜାରୁ ଝିଜାରୁ ହେଞ୍ଜାରିଂ ଜିସୁ ଲାଗେ ତାଇଞ୍ଜାତାର୍ ଆରି ହେଞ୍ଜାନ୍ ଝିଜାରୁ ମାନାୟଜପି କେଇ ଇଡ଼ଜି ହେଞ୍ଜାରିଂ ଉଜ୍ କିତାନ୍ । ^{୪୧} ପାଚେ, ବୁଡ଼କୁପା କିକିରାତିଂ କିଜି କିଜି “ଏନ୍ ଇସ୍‌ବର ମାଜି” ଇଞ୍ଜି ଝେନୁଞ୍ଜି ବେସି ଲଗାଟାଂ ହସି ହାଚିକ୍ ଆରେ, ଜିସୁ ହେଞ୍ଜେରିଂ ଦାକା ହିଜି ବେରଣ୍ ଇଞ୍ଜେଙ୍ଗ୍ ହିଞ୍ଜାତାନ୍, ଇନାକିଦେଂକି ହେଞ୍ଜାନ୍ ଜେ କ୍ରିସ୍, ଇଦାଂ ହେଞ୍ଜାଙ୍ଗ୍ ପୁଞ୍ଜି ମାଟିକ୍ ।

ଗୁଡ଼ି ଇଞ୍ଜ ଜିସୁତି ସୁଣାୟ କିନାକା
(ମାର୍କ ୧:୩୫-୩୯)

^{୪୨} ନାଶାଙ୍ଗେ ଆନିହିଙ୍ଗ୍, ହେଞ୍ଜାନ୍ ଗାଡ଼ଦାଂ ହସି ର ଟିମ୍‌ରା ବାହାତ ହାଚାନ୍; ଆରି, ମାନାୟାରୁ ତାକେ ହେଞ୍ଜାନିଂ ଦାସ୍‌ତେଂ ହେ ଲାଗେ ଝାତାର୍, ଆରେ ହେଞ୍ଜାନ୍ ଇନେସ୍ ହେଞ୍ଜାରୁତାଂ ହାଜେଙ୍ଗ୍ ଆତୁନ୍, ହେଦାଂ କାଜିଂ ହେଞ୍ଜାନିଂ ଚେବାୟ କିଦେଙ୍ଗ୍ ସେସ୍ତା କିତାର୍ । ^{୪୩} ମାଚର ହେଞ୍ଜାନ୍ ହେଞ୍ଜାରିଂ ଇଚାନ୍, “ବିନ୍ ବିନ୍ ଗାଡ଼ଦ ପା ନାଙ୍ଗେଙ୍ଗ୍ ଲଡ଼ା ମାପୁ ରାଜିନି ନେକ୍ରିକାରୁର୍ ସୁଣାୟ କିଦେଙ୍ଗ୍ ଆନାଡ଼, ଇନାକିଦେଂକି ହେଦାଂ କାଜିଂ ଇସ୍‌ବର ନାଙ୍ଗେଙ୍ଗ୍ ପକ୍‌ତାତାନ୍ ।”

^{୪୪} ପାଚେ, ହେଞ୍ଜାନ୍ ଜିହୁଦା ଦେସ୍‌ନି କୁରୁମ୍ ଇଞ୍ଜ ସୁଣାୟ କିଦେଙ୍ଗ୍ ଲାଗାତାନ୍ ।



ଜିସୁ ପର୍ଡ଼ମ୍ ଚେଲାରିଂ କୁକ୍‌ତାନ୍
(ମାଡ଼ିଉ ୪:୧୮-୨୨; ମାର୍କ ୧:୧୭-୨୦)

^୧ *ଦିନେକ୍ ଜିସୁ ଗିନେସରଡ଼ ହମ୍‌ବୁର୍ ଗୁଡ଼ିତ ନିଲ୍‌ତି ମାଚାନ୍; ଆରି ମାନାୟାରୁ ଗହଲିତ ହେଞ୍ଜାନ୍ ଜପି ତବ୍‌ଗା ଆଜି ଇସ୍‌ବର ମାପୁ ବଚନ୍ ଝେନୁଞ୍ଜି ମାଚାର୍, ^୨ ଆରି, ହେଞ୍ଜାନ୍ ହାମ୍‌ବୁର୍ ଗୁଡ଼ିତ ରିଣ୍ଡାଂ ତଙ୍ଗାଙ୍ଗ୍ ମାନାକା ହୁଡ଼ତାର୍; ମିନକୁ ଆହ୍‌ନାକାର୍ ହେବେଣ୍ଡାଂ ଜୁଜି ଜାଲ୍ ନୁସ୍‌ଦି ମାଚାର୍ । ^୩ ହେ ତଙ୍ଗାଙ୍ଗ୍ ବିତ୍ରେତାଂ ଇମ୍‌ଶାକା ସିମନ୍‌ତି ମାଚାଡ଼, ହେବେ

☆ ୫:୧ ୫:୧ ମାଡ଼ିଉ ୧୩:୧,୨; ମାର୍କ ୩:୯,୧୦; ୪:୧.

ହେୱାନ ଦୁମ୍ଭି ମେଦନିତା ଅଲପ୍ ଦେହା ହାଜେଙ୍ଗ୍ ଇଞ୍ଜି ହେୱାନିଂ ଗଞ୍ଜାରି କିତାନ୍; ଆରେ, ହେୱାନ କୁଚ୍ଚି ତଙ୍ଗାତାଂ ହେନି ମାନାୟାର୍ତ ହିକ୍ୟା ହିଦେଂ ଲାଗାତାନ୍ ।

୪ ଜିସୁ ବେରଣ୍ଡା ଓସ୍ତି ସିମନ୍ତିଂ ଇଚାନ୍, “ଏଜୁଂ ବିତ୍ରେ ହାଲ୍ଲଜି ମିନ୍କୁ ଆସ୍ତେଙ୍ଗ୍ ଇଞ୍ଜି ମିଞ୍ଜାଙ୍ଗ୍ ଜାଲ୍ ଇଡାଟ୍ ।”

୫ ଈବେଣ୍ଡା ସିମନ୍ ଉତର୍ ହିତାନ୍, “ଏ ଗୁରୁ, ଆପେଂ ହାର୍ତାନାଣା କାମାୟ୍ କିଜି ଇନାକା ଆହ୍ୱାତାମ୍; ମାତର୍ ନି କାତାତାଂ ଆନ୍ ଜାଲ୍ ଇଡନାଙ୍ଗା ।” ୬ ଆରି, ହେୱାର୍ ହେଦାଂ ଇଡଜି ବେସି ମିନ୍କୁ ଆସ୍ତାର୍, ପାଚେ ହେୱାର୍ତି ଜାଲ୍ ନାଡବେଦେଂ ଲାଗାତାତ୍ । ୭ ହେବେଣ୍ଡାଂ ହେୱାର୍ ଇମଣି ତା ହାଙ୍ଗଦାକାର୍ ମାଚାର୍ ଅଲ୍ଲଗା ତଙ୍ଗାତାକେ ମାଚାର୍, ହେୱାର୍ ଇନେସ୍ ଖାଜି ହାଙ୍ଗ୍ କିଚାର୍, ଇଦାଂ କାଜିଂ ହେୱାର୍ ହେୱାରିଂ କୁଙ୍ଗାର୍ । ଇବେଣ୍ଡାଂ ହେୱାର୍ ଖାଜି ରିଣ୍ଡାଂ ତଙ୍ଗାକାଂ ଏଲେଙ୍ଗ୍ ବାତ୍ କିଚାର୍ ଜେ, ହେୱାଙ୍ଗ୍ ମୁଞ୍ଜିନି ଲାକେ ଆତାତ୍ । ୮ ମାତର୍ ସିମନ୍ ପିତର୍ ଇଦାଂ ହୁଡଜି ଜିସୁଙ୍ଗ୍ କାଲ୍କୁ ତାରେନ୍ ଦାଣ୍ଡହାଣ୍ଡି ମାଗ୍ଜି ଇଚାନ୍, “ଏ ମାପୁ ନା ଲାଗେତାଂ ହାଲା, ଲାଗିଂ ଆନ୍ ରଞ୍ଜାଙ୍ଗ୍ ପାପି ମାନାୟ୍ ।”

୯ ଇନାକିଦେଂକି ହେୱାର୍ ହେ ବାହାତ ଏଚେକ୍ ମିନ୍କୁ ଆସ୍ତାର୍ ଜେ ହେଦାଂ ହୁଡଜି ହେୱାନ୍ ଆରେ ତା ହାଙ୍ଗଦାକାର୍ କାବା ଆତାର୍ । ୧୦ ଆରି, ଜେବ୍ଦିରନି ରିୟାର୍ ମାଜି ମାଚାର୍ ଜାକୁବ୍ ଆରି ଜହନ୍, ଇମଣାକାର୍ କି ସିମନ୍ତିଂ ମେହାୟ୍କିଜି ମାଚାର୍, ହେୱାର୍ ବିତ୍ରେ ହେ ଲାକେ କାବା ଆତାର୍ । ଆରେ, ଜିସୁ ସିମନ୍ତିଂ ଇଚାନ୍, “ପାଣ୍ଡା ଆମା, ଆନ୍ ମିଜେଙ୍ଗ୍ ମାନାୟ୍ ଆହ୍ନାକା ହିକାଇ କିଦନାଙ୍ଗ୍ ।”

୧୧ ହେବେଣ୍ଡାଂ ହେୱାର୍ ତଙ୍ଗାଙ୍ଗ୍ ଗୁଚିତ ତାସି ଓଜୁ ପିସ୍ତି ଜିସୁ ପାଚେ ପାଚେ ହାଚାର୍ ।

ଜିସୁ ର ଗାଜା ରଗିଙ୍ଗ୍ ଉଜ୍ କିତାନ୍
(ମାତିଉ ୮:୧-୪; ମାର୍କ ୧:୪୦-୪୫)

୧୨ ରଗ ଜିସୁ ଗାଡ୍ଦ୍ ମାନି ସମୁତ, ହୁଡା, ଗାଜାରଗ୍ କାଟାକାନ୍ ହେ ବାହାତ ମାଚାନ୍; ହେୱାନ ଜିସୁଙ୍ଗ୍ ହୁଡଜି ମୁମ୍ ତାରେନ୍ କିଜି ତାଙ୍ଗେଙ୍ଗ୍ ଗଞ୍ଜାରି କିଜି ଇଚାନ୍, “ଏ ମାପୁ ଏନ୍ ଜଦି ଇଚା କିନାୟ୍, ତା ଆତିସ୍ ନାଙ୍ଗେଙ୍ଗ୍ ସକଟ୍ କିଦେଙ୍ଗ୍ ଆଡ୍ଦାନାୟ୍ ।”

୧୩ ହେବେଣ୍ଡାଂ ହେୱାନ କେଇ ଲାମାୟ୍ କିଜି ହେୱାନିଂ ତୁବିସ୍ ଇଚାନ୍, “ଆନ୍ ଇଚା କିନାଙ୍ଗା, ସକଟ୍ ଆ ।” ହେ ଦାପ୍ରେ ଗାଜାରଗ୍ ତା ତାକେଣ୍ଡାଂ ଦେହା ଆତାତ୍ । ୧୪ ଆରେ, ଜିସୁ ତାଙ୍ଗେଙ୍ଗ୍ ବଲ୍ ହିଜି ଇଚାନ୍ ଇନେରିଂପା ଖେଚ୍ମା, ମାତର୍ “ହାଲ୍ଲଜି ମାପୁହେବାକିନାକାନିଂ ତାକେ ହାଲା ନିଜେ ଚର୍ୟା, ଆରି ମସାତି ବଲ୍ ଇସାବ୍ରେ ଜାର୍ତି ନିର୍ମାଲ୍ ଲାକେ ହେୱାର୍ ଲାଗାଂ ସାକି ହିନି କାଜିଂ ପୁଜା କିୟା ।”

୧୫ ମାତର୍ ହେୱାନ୍ତି ବେଣ୍ଡା କାତା ଆରି ବେସି ଓଣିତାତ୍, ଆରି ବେସି ମାନାୟାର୍ ଖେଞ୍ଜେଙ୍ଗ୍ ଇଞ୍ଜି ଆରେ ଜାର୍ ଜାର୍ ରଗ୍ତାଂ ଉଜ୍ ଆଦେଂ ଇଞ୍ଜି ରୁଣ୍ଡା ଆଦେଂ ଲାଗାତାର୍; ୧୬ ମାତର୍ ହେୱାନ୍ ଚିମ୍ବରା ବାହାକାଂ ମାନ୍ଞି ପାର୍ତାନା କିଜି ମାଚାନ୍ ।

ଜିସୁ ର ହିରକଲ୍ଲରଗିଂ ଉଜ୍ କିତାନ୍
(ମାତିଉ ୯:୧-୧୮; ମାର୍କ ୨:୧-୧୨)

୧୭ ଦିନେକ୍ ଜିସୁ ହିକାୟ୍ କିଜି ମାଚାନ୍, ଆରି ଗାଲିଲିନି ସବୁ ନାସକୁ, ଆରେ ଜିହୁଦା ଦେସ୍ ଆରେ ଜିରୁସାଲମ୍ତାଂ ଖାନାକାରିଂ ପାରୁସି ଆରେ ମସାତି ବିଦି ଗୁରୁର୍ ଲାଗେନେ କୁଚ୍ଚି ମାଚାର୍ । ଆରି, ହେୱାନ ଇନେସ୍ ରଗିଂ ଉଜ୍ କିନାନ୍, ଇଦାଂ କାଜିଂ ମାପୁତି ସାକ୍ତି ହେବେ ମାଚାତ୍ । ୧୮ ଆରେ ହୁଡାଟ୍, କେତେକ୍ ଲଗୁ ର ପାକା ଖାଚ୍ଯାତି ରଗି ମାନାୟ୍ତିଂ କାଟେଲ୍ତ ପିଣ୍ଡଜି ତାସି ବିତ୍ରେ ଅଦେଂ କାଜିଂ ଆରି ଜିସୁଙ୍ଗ୍ ମୁମ୍ଦ ଇଡ୍ଦେଂ କାଜିଂ ସେସ୍ଟା କିଜି ମାଚାର୍ । ୧୯ ମାତର୍ ବିଡ୍ ଲାଗିଂ ତାଙ୍ଗେଙ୍ଗ୍ ବିତ୍ରେ ଅଦେଂ କାଜିଂ ହାଜି ଗାଗାଖାତିଲେ ହେୱାର୍ ଇଲ୍ ଚାଉଣି ହାଲ୍ଲଜି ଜେଗନ୍ ଜେସ୍ସି କାଟେଲ୍ ହୁକେ ତାଙ୍ଗ୍ ମାଦଣି ବାହାତ ଜିସୁ ମୁମ୍ଦ ଜୁଡ୍ତାର୍ । ୨୦ ହେୱାନ୍ ହେୱାର୍ ପାତ୍ କିନାକା ହୁଡଜି ଇଚାନ୍, “ଏ ମାନାୟ୍, ନି ଓଜୁ ପାପ୍ କେମା କିୟା ଆତାଡନ୍ନା ।”

୨୧ ହେବେ ସାସ୍ତର ଆରି ପାରୁସିର୍ ଜାର୍ ଜାର୍ ବିତ୍ରେ ଏଲେଙ୍ଗ୍ ଇଞ୍ଜେଙ୍ଗ୍ ଲାଗାତାର୍, ଇଞ୍ଜାନ୍ ଜେ ଇସ୍ବର୍ ନିନ୍ଦା କିନାନା, “ଇଞ୍ଜାନ୍ ଇନାକାନ୍ ? କେବଲ୍ ଇସ୍ବର୍ ପିସ୍ତି ଆରେ ଇନେର୍ ପାପ୍ କେମା କିଦେଙ୍ଗ୍ ଆଡ୍ଦାନାନ୍ ?”

୨୨ ମାତର୍ ଜିସୁ ହେୱାର୍ତି କାତାବାର୍ତା ପୁଞ୍ଜି ହେୱାରିଂ ଉତର୍ ହିତାନ୍, “ଏପେଙ୍ଗ୍ ଜାର୍ ଜାର୍ ମାନ୍ତ ଇନାକା କାତାବାର୍ତା କିନାଦେରା ? ୨୩ ଇନାକା ଆଡ୍ଡା ? ନି ଓଜୁ ପାପ୍ ସବୁ କେମା କିୟା ଆତାଡ୍ ଇଞ୍ଜି ଇନାକା, କି ନିଙ୍ଗା, ତାଙ୍ଗା ଇଞ୍ଜି ଇନାକା ?” ୨୪ ମାତର୍ ପୁତ୍ ତ ପାପ୍ କେମା କିଦେଙ୍ଗ୍ ମାନାୟ୍ ମାଜିତି ଆଦିକାର୍ ମାନାଡ୍, ଇଦାଂ ଇନେସ୍ ଏପେଙ୍ଗ୍ ପୁନାଦେର୍ ଇଦାଂ କାଜିଂ ହେୱାନ୍ ହିରକଲ୍ଲିୟାତି ରଗିଂ ଇଚାନ୍, “ଆନ୍ ନିଙ୍ଗ୍ ଇଞ୍ଜନାଙ୍ଗା, ନିଙ୍ଗା, ନି କାଟେଲ୍ ଆସ୍ତି ଜାର୍ ଇଞ୍ଜି ହାଲା ।”

୨୫ ହେବେତାଂ ହେୱାନ୍ ଦାପ୍ରେ ହେୱାର୍ ମୁମ୍ଦ ନିଙ୍ଗ୍ଜି, ଇମ୍ଫଣି କାଟେଲ୍ ଜପି ହେୱାନ୍ ହୁନ୍ଜି ମାଚାନ୍, ହେଦାଂ ଅଜି ଗାଜା ଇସ୍ବଟ୍ କେର୍ଜି କିଜି କିଜି ଜାର୍ ଇଞ୍ଜି ହାଚାନ୍ । ୨୬ ହେବେ ଓଜାକାର୍ କାବା ଆଜି ଇସ୍ବଟ୍ କେର୍ଦେଙ୍ଗ୍ ଲାଗାତାର୍ ଆରି ବେସି ପାଣ୍ଡା ଆଜି ଇଚାର୍, “ନେଞ୍ଜେଙ୍ଗ୍ ଆପେଙ୍ଗ୍ କି କାବାଆନି ଗଟ୍ଟା ହୁଡ୍ତାପ୍ !”

✧ ୫:୫ ୫:୫ ଜହନ୍ ୨୧:୩. ✧ ୫:୭ ୫:୭ ଜହନ୍ ୨୧:୭.

ଜିସୁ ଲେବିଙ୍କ କୁକୁତାନ୍

(ମାତିଉ ୯:୯-୧୩; ମାର୍କ ୨:୧୩-୧୭)

୨୭ ଇବେଣ୍ଟା ଜିସୁ ହସି ହାଲ୍ଲଜି ଲେବି ତରଦାକାନ୍ ରଖାନ୍ ସିସୁଧୁନ୍ନାକାନ୍ ଏନ୍ନି ବାହାତ କୁଚ୍ଚି ମାନାକା ହୁଡ୍ଡଜି ତାଙ୍ଗ ଇଚାନ୍, “ନା ପାଚେ ଖା ।” ୨୮ ହେବେଣ୍ଟା ଲେବି ଖିଜୁ ପିସ୍ତି ନିଙ୍ଗଜି ତା ପାଚେ ହାଞ୍ଜେଙ୍ଗ ଲାଗାତାନ୍ ।

୨୯ ଆରେ, ଲେବି ଜାର ଇଞ୍ଜ ହେଦା କାଜିଂ ର ଗାଜାବଜି କିତାନ୍, ଆରେ ବେସି ହେନି ସିସୁଧୁନ୍ନାକାର ଆରି ବିନ୍ ବିନ୍ ଲକୁ ହେଞ୍ଜାର ହୁକେ ଚିଞ୍ଜେଙ୍ଗ କୁଚ୍ଚାର । ୩୦ ହେବେଣ୍ଟା ପାରୁସିର୍ ଆରି ହେଞ୍ଜାର କୁଦାନି ସାସ୍ତିର୍ ତା ଚେଲାର ବିରୁଡ୍ଡତାଂ ଇଞ୍ଜେଙ୍ଗ ଲାଗାତାର, “ଏପେଙ୍ଗ ଇନେକିଦେଂ ସିସୁଧୁନ୍ନାକାର ଆରି ପାପିୟାର ହୁକେ ତିନାଉଣା କିନାଦେରା ?”

୩୧ ଜିସୁ ହେଞ୍ଜାରିଂ ଉତର୍ ହିତାନ୍, “ଉଜ୍ ଆତାକାର ତାକେ ତାଞ୍ଚରତିଂ ଲଡ଼ା ଆକାୟ୍, ମାତର୍ ଉଜ୍ ଆଞ୍ଜାତାକାରିଂ ଲଡ଼ା ମାନାଡ଼ । ୩୨ ଆନ୍ ଦାମ୍ ଲାଗାଙ୍ଗ କୁକ୍ତେଂ ଇଞ୍ଜି ଖାଞ୍ଜାତାଂନା, ମାତର୍ ମାନ୍ବାଦଲ୍ଲାୟ୍ କିନି କାଜିଂ ପାପିୟାରିଂ କୁକ୍ତେଂ ଖାତାଂନା ।”

ଉପାସ୍ କିନି ବିସ୍ତେ ପରସନ୍

(ମାତିଉ ୯:୧୪-୧୭; ମାର୍କ ୨:୧୮-୨୨)

୩୩ କେତେଜାଣି ଜିସୁଙ୍ଗ ଇଚାର୍, “ଜହନ୍ତି ଚେଲାର ଚାଣେକ୍ତିଂ ଚାଣେକ୍ ଉପାସ୍ ଆରି ପାର୍ତାନା କିଚାର୍, ପାରୁସିର୍ ଚେଲାର ପା ହେ ଲାକେ କିଚାର୍, ମାତର୍ ନି ଚେଲାର ତିନାଉଣା କିଚାର୍ ।”

୩୪ ହେବେଣ୍ଟା ଜିସୁ ହେଞ୍ଜେରିଂ ଇଚାନ୍, “ବିବା ଇଞ୍ଜି ଖାତାକାର ବିବାଦାଂଣେନ୍ ମାନି ଖେଡ଼ାଲିଂ ଏପେଙ୍ଗ କି ହେଞ୍ଜାରିଂ ଉପାସ୍ କିଇକିଦେଂ ଆଡ଼ନାଦେର୍ ? ମୁଡ଼କେ ଆକାୟ୍ ୩୫ ମାତର୍ ସମୁ ଖାନାଡ଼; ଏଚେକାଡ଼୍ଦ ହେଞ୍ଜେରତାଂ ବିବାଦାଂଣେନିଂ ନିକ୍ଚି ଅନାର୍, ହେ ପାଦନା ହେଞ୍ଜାଡ଼ାଂ ହେଞ୍ଜାର ଉପାସ୍ କିଚାର୍ ।”

୩୬ ଆରେ, ହେଞ୍ଜାନ୍ ହେଞ୍ଜେରିଂ ର ଉତର୍ମୁଡ଼ ଇଚାନ୍, “ଇନେର୍ ପୁନି ହେନ୍ଦାତାଂ ପ୍ଲାନି ହେନ୍ଦାତ ଇଚୁନ୍; ଇଚ୍ଚିସ୍ ହେ ପୁନି ହେନ୍ଦାତିଂ କେଚ୍ଚି ଅନାଡ଼, ଆରେ ପୁନିହେନ୍ଦା ପ୍ଲାନି ହେନ୍ଦା ହୁକେ ମିହାଆଉଡ଼ । ୩୭ ଆରେ, ଇନେର୍ ପୁନି ଅଞ୍ଚୁର୍ ରାସ୍ ପ୍ଲାନି ତଲ୍ ମଣାତ ଇଚୁନ୍; ଇଚ୍ଚିସ୍ ପୁନି ଅଞ୍ଚୁର୍ ରାସ୍ ମଣାତିଙ୍ଗ ପାଚ୍ନାଡ଼, ଆରେ ମଣା ନସ୍ ଆନାଡ଼ । ୩୮ ମାତର୍ ପୁନି ଅଞ୍ଚୁର୍ ରାସ୍ ପୁନି ମଣାତ ଇଚ୍ଚନାକା ମାନାଡ଼ । ୩୯ ଆରେ, ଇନେର୍ ପ୍ଲାନି ଅଞ୍ଚୁର୍ ରାସ୍ ଉଣ୍ଡି ପୁନି ଅଞ୍ଚୁର୍ ରାସ୍ ଉଣ୍ଡେଙ୍ଗ ମାନ୍ କିଉର୍, ଇନାକିଦେଂକି ହେଞ୍ଜାନ୍ ଇନାନ୍, ପ୍ଲାନାକା ନେ ହାର୍ ।”



ଜିସୁ ବିଚାର ନାଞ୍ଜିଙ୍ଗନି ପରସନ୍

(ମାତିଉ ୧୨:୧-୮; ମାର୍କ ୨:୨୩-୨୮)

୧ ରଗ ଜମ୍ନିବାର ନାଜିଂ ଜିସୁ ତାସ୍ଚୁମି ହିଜି ହାଲ୍ଲଜି ମାନି ଖେଡ଼ାଲିଂ ତା ଚେଲାହିର୍ ତାସ୍ଚି ଜିକି ନାଡ଼ଚି ନାଡ଼ଚି କେଇଦ ରାମ୍ଦାୟ୍ କିଜି ତିଞ୍ଜି ମାଚାର୍ । ୨ ମାତର୍ ପାରୁସିର୍ ବିତ୍ରେ କେତେକ୍ ଇଚାର୍, “ଜମ୍ନିବାରତ ଇନାକା କିନାକା ବିଦି ହିଲୁଡ଼, ହେଦାଂ ଏପେଙ୍ଗ ଇନେକିଦେଂ କିନାଦେରା ?”

୩ ଜିସୁ ହେଞ୍ଜାରିଂ ଉତର୍ ହିତାନ୍, “ଦାଉଦ୍ ଆରି ତା ମାନାୟାର୍ ନାସ୍କି ମାନି ଖେଡ଼ାଲିଂ ଇନାକା କିଜି ମାଚାନ୍, ହେଦାଂକି ଏପେଙ୍ଗ ପଡ଼ି କିଞ୍ଜାତାଦେଣ୍ଡା ? ୪ ଦାଉଦ୍ ଇନେସ୍ ଇସ୍ବର୍ ଇଞ୍ଜି ହଣ୍ଡି, ଇମ୍ଣି ଦର୍ସନି ରୁଚି କେବଲ୍ ମାପୁହେବାକିନାକାର ପିସ୍ତି ଆରେ ଇନେର୍ ଚିଞ୍ଜେଙ୍ଗ ବିଦି ହିଲୁଡ଼, ହେଦାଂ ଅଜି ତିଞ୍ଜି ମାଚାର୍, ଆରେ ଜାର ହାଙ୍ଗଦାକାରିଂ ପା ହିଜି ମାଚାନ୍ ।”

୫ ଆରେ, ହେଞ୍ଜାନ୍ ହେଞ୍ଜାରିଂ ଇଚାନ୍, “ମାନାୟ୍ ମାଜି ଜମ୍ନିବାର ନାଜିଂ ପା ମାପୁ ଆନାନ୍ ।”

ଜିସୁ ଜମ୍ନିବାର ର ରଗିଂ ଉଜ୍ କିତାନ୍

(ମାତିଉ ୧୨:୯-୧୪; ମାର୍କ ୩:୧-୬)

୬ ତାଞ୍ଜାନ୍ ଆରେ ର ଜମ୍ନିବାର ନାଜିଂ କୁଚ୍ଚୁମ୍ ଇଞ୍ଜି ହଣ୍ଡି ହିକାୟ୍କିଜି ମାଚାନ୍; ହେବେ ରକାନ୍ ମାନାୟ୍ ମାଚାନ୍, ହେ ବୁଜ୍ଣି କେଇ ଖାଜ୍ଜି ହାଲ୍ଲଜି ମାଚାଡ଼ । ୭ ଆରେ, ହେଞ୍ଜାନ୍ ଇନେସ୍କି ଜମ୍ନିବାରତ ଉଜ୍ କିନାନ୍, ଇଦାଂ ହୁଡ଼ଦେଂ କାଜିଂ ସାସ୍ତିର୍ ଆରି ପାରୁସିର୍ ତାଙ୍ଗ ଇଚ୍ଚକାଡ଼ କିଜି ଟେବା ଆତାର୍, ଇନେସ୍ ହେଞ୍ଜାର୍ ହେଞ୍ଜାନ୍ ବିରୁଡ୍ଡତ ଦାବା କିଦେଙ୍ଗ୍ ଆଡ଼ନାର୍ । ୮ ମାତର୍ ହେଞ୍ଜାନ୍ ହେଞ୍ଜାର୍ ମାନ୍ନି ଏଡ଼ ପୁଞ୍ଜି, ଇମ୍ଣି ମାନାୟ୍ତିଂ କେଇ ଖାଜ୍ଜି ମାଚାଡ଼, ତାଙ୍ଗେଙ୍ଗ ଇଚାନ୍, “ନିଙ୍ଗା, ମାଦି ନିଲା । ଆରେ, ହେଞ୍ଜାନ୍ ନିଙ୍ଗଜି ନିଲ୍ତାନ୍ ।” ୯ ହେବେ ଜିସୁ ହେଞ୍ଜାରିଂ ଇଚାନ୍, “ଆନ୍ ମିଙ୍ଗେଙ୍ଗ୍ ଖେନ୍ଦାଦନାଙ୍ଗା, ଜମ୍ନିବାର ଇନାକା କିନାକା ବିଦି ହାର୍ କିନାକା କି ବାନ୍ୟା କିନାକା ? ଜିବୁନ୍ ରାକ୍ୟା କିନାକା କି ନସ୍ କିନାକା ?” ୧୦ ଆରେ, ହେଞ୍ଜାନ୍ ଚାରିବେଣ୍ଟାଂ ଖିଜାକାରିଂ ହୁଡ଼ଜି ତାଙ୍ଗ ଇଚାନ୍, “ନି କେଇ ଲାମାୟ୍କିଦା ।” ହେବେ ହେଞ୍ଜାନ୍ ହେଦାଂ କିତାନ୍, ଆରେ ତା କେଇ ହାରା ଆତାଡ଼ ।

୧୧ ମାତର ହେୱାର ରିସା ଆଜି ବାଉଁ ହାଲୁକି, ଆରେ ଜିସୁଙ୍କ ବେରୁତାଂ ଇନେସ୍ କିତିସ୍ ଆଡ଼ନାର୍,* ହେ ବିସ୍ତେ ହେୱାର ହେୱେର୍ କାତାବାର୍ତା କିଦେଙ୍ଗ୍ ଲାଗାତାର୍ ।

ଜିସୁ ବାର ଚେଲାରିଂ ବାଟିକିତାନ୍

(ମାତିଉ ୧୦:୧-୪; ମାର୍କ ୩:୧୩-୧୯)

୧୨ ହେୱାଡ଼ାଂ ହେୱାନ୍ ଦିନେକ୍ ପ୍ରାର୍ତ୍ତନା କିଦେଙ୍ଗ୍ ଇଞ୍ଜି ମାଡିତ ହାଚାନ୍, ଇସ୍ପୁର୍ ତାକେ ପାର୍ତନା କିଜି କିଜି ହାର୍ତନାଣା ମାଚାନ୍ । ୧୩ ଅଜଡ଼ ଆତିଲେ, ହେୱାନ୍ ହେ ଚେଲାରିଂ ଲାଗେ କୁକ୍ଟି ହେୱାର୍ ବିତ୍ତେ ବାର ଜାଣ୍ତିଂ ବାଟି କିତାନ୍; ହେୱାନ୍ ପକ୍ୟାତାକାର୍ ତର ଇଡ଼ତାନ୍; ୧୪ ହେୱାର୍ ଆତାର୍ ସିମନ୍, ଇନେରିଂ ହେୱାନ୍ ପା ପିତର ତର ଇଡ଼ତାନ୍, ଆରି ହେ ଟଣ୍ଡାହି ଆହିୟ, ଜାକୁବ୍ ଆରି ଜହନ୍, ପିଲିପ୍ ଆରି ବାର୍ତଲମି, ୧୫ ମାତିଉ ଆରି ତମା, ଆଲପିତି ମାଜି ଜାକୁବ୍ ଆରି ସିମନ୍, ଇନେରିଂ ମୁମ୍ ଅଜଡ଼ ଇନାର୍, ୧୬ ଜାକୁବ୍ତି ମାଜି ଜିହୁଦା ଆରି ଇସ୍ପାରିୟତିୟ ଜିହୁଦା, ଇନେର୍ ଜିସୁଙ୍କ୍ ସାତୁ କେଇଦ ହେଲାର୍ କିତାନ୍ ।

ଜିସୁ ହିକ୍ୟା ହିତାନ୍ ଆରି ଉଜ୍ କିତାନ୍

(ମାତିଉ ୪:୨୩-୨୫)

୧୭ ଆରେ, ହେୱାନ୍ ହେୱାର୍ ହୁକେ ମାଡିତାଂ ଜୁଜି ୱାତାର୍ ସାରିୟା ବାଗାତ ନିଲ୍ତାର୍, ଆରେ ତା ବେସିହେନି ଚେଲାର୍ ଆରି ୱିଜାର୍ ଜିହୁଦା ରାଜି ଜିରୁସାଲମ୍ ଆରେ ହାମ୍ ଦୁର୍ ଗୁଟିତମାନି ସର ଆରି ସିଦନ୍ ଗାଡ଼ତାଂ ବେସିହେନି ତା ଲାଗେ ଏକାଞ୍ଚାତାର୍; ୧୮ ହେୱାର୍ ହେ ବେରଣ୍ ଖେଞ୍ଜେଙ୍ଗ୍ ଆରି ଜାର୍ ଜାର୍ ରଗତାଂ ଉଜ୍ ଆଦେଂ ୱାତାର୍, ଆରେ ଇମ୍ଣାକାର୍ ବାନ୍ୟା ଜିବୁନ୍କାଂ ତାଙ୍ଗ୍ କସ୍ ପାୟା ଆଜି ମାଚାର୍, ହେୱାର୍ ଉଜ୍ କିୟାଆତାର୍; ୧୯ ଆରେ ଲକୁ ତାଙ୍ଗ୍ ତୁଦେଂ ଇଞ୍ଜି ସେସ୍ କିଜି ମାଚାର୍, ଇନାକିଦେଂକି ତା ତାକେଣ୍ଟାଂ ସାକ୍ତି ହସି ୱିଜାକାରିଂ ଉଜ୍ କିଜି ମାଚାତ୍ ।

ଆସିର୍ବାଦ୍ ଆରି ଦୁକ୍

(ମାତିଉ ୫:୧-୧୨)

୨୦ ହେ ଖେଡ଼ାଙ୍ଗ୍ ହେୱାନ୍ ଜାର୍ ଚେଲାର୍ କାଜିଂ ହୁଡ଼ଜି ଇଚାନ୍, “ହିଲ୍ଫି କାକୁଲ୍ଡି ଲଗୁ ଜେ ଏପେଙ୍ଗ୍, ଏପେଙ୍ଗ୍ ଦନ୍ୟ, ଇନାକିଦେଂକି ଇସ୍ପତ୍ ରାଜି ମିଦାଙ୍ଗ୍ ।”

୨୧ “ନଙ୍ଗ୍ ନାସ୍ କି ଜେ ଏପେଙ୍ଗ୍, ଏପେଙ୍ଗ୍ ଦନ୍ୟ, ଇନାକିଦେଂକି ଏପେଙ୍ଗ୍ ପାଞ୍ଚାନ୍ନାଦେର୍ ।”

“ନଙ୍ଗ୍ ଆଡ଼ବାନାଦେର୍ ଜେ ଏପେଙ୍ଗ୍, ଏପେଙ୍ଗ୍ ଦନ୍ୟ, ଇନାକିଦେଂକି ଏପେଙ୍ଗ୍ ଗ୍ଲାଇନାଦେର୍ ।”

୨୨ ☆ “ମାନାର୍ ଆରେକାଡ଼ଦ୍ ମିଙ୍ଗେଙ୍ଗ୍ ଗିଣ୍ଡକିଦନାର୍ ଆରି ମାନାର୍ ମାଜି କାଜିଂ ବିନେ କିଦନାର୍, ଆରେ ନିନ୍ଦାକିଦନାର୍ ଆରି ମି ତର୍ଦିଂ ବାନ୍ୟା ଇଞ୍ଜି ମୁନାକିନାର୍, ତେବେ ଏପେଙ୍ଗ୍ ଦନ୍ୟ । ୨୩ ☆ହେ ଦିନ୍ ୱାରି କିଜି ଏନ୍ଦାଟ୍, ଇନାକିଦେଂକି ହୁଡ଼ାଟ୍, ସାଗେତ ମିଦାଂ ଇନାମ୍ ଜବର୍; ଆରେ, ହେ ଲାକେ ତ ହେୱାର୍ ଆବାନି ଲାତ୍ରାର୍ ବେଣ୍ଡବାକ୍ ଶାୟକିନାକାର୍ କାଜିଂ କିଜି ମାଚାର୍ ।”

୨୪ “ମାତର ହାୟ, ତାଣ୍ ପାୟା ଆଜି ମାଜାନ୍ ଜେ ଏପେଙ୍ଗ୍, ଇନାକିଦେଂକି ଏପେଙ୍ଗ୍ ଜାର୍ ଜାର୍ ସୁକ୍ ପାଇ କିନାଦେରା ।”

୨୫ “ହାୟ, ତାଣ୍ କାଜିଂ ନେଜେଞ୍ଜିଗା ପାଞ୍ଚାଦେର୍ଣ୍ଣା ଜେ ଏପେଙ୍ଗ୍, ଇନାକିଦେଂକି ଏପେଙ୍ଗ୍ ନାସ୍ କି ଆନାଦେର୍ ।”

“ହାୟ, ତାଣ୍ ପାୟା ଆନାଦେର୍ ନେଜେଞ୍ଜିଗା ଗ୍ଲାଇନାଦେର୍ ଜେ ଏପେଙ୍ଗ୍, ଇନାକିଦେଂକି ଏପେଙ୍ଗ୍ ଦୁକ୍ ଆରି ଆଡ଼ବାନାଦେର୍ ।”

୨୬ “ଏରେକାଡ଼ଦ୍ ୱିଜାର୍ ଲକୁ ମି ତର ଉପ୍ନାର୍, ହେ ଏରେକାଡ଼ଦ୍ ହାୟ, ଏପେଙ୍ଗ୍ ତାଣ୍ ପାୟାନି ଲଗୁ; ହେ ଲାକେ ତ ହେୱାର୍ତି ଆବା ଲାତ୍ରାର୍ ଚାକ୍ରାୟ ବେଣ୍ଡକିନାକାର୍ କାଜିଂ କିଜି ମାଚାର୍ ।”

ବେରିୟାରିଂ ଜିଉନ୍ଝାଟ୍

(ମାତିଉ ୫:୩୮-୪୮; ୬:୧୨)

୨୭ “ମାତର ଖେନାଦେରା ଜେ ଏପେଙ୍ଗ୍, ମିଙ୍ଗେଙ୍ଗ୍ ଆନ୍ ଇଞ୍ଜନାଙ୍ଗା, ମି ସାତୁରିଂ ୱାରି କିୟାଟ୍; ଇମ୍ଣାକାର୍ ମିଙ୍ଗେଙ୍ଗ୍ ନିନ୍ଦା କିଦନାର୍, ହେୱେରିଂ ଜିଉନ୍ଝାଟ୍; ୨୮ ଇମ୍ଣାକାର୍ ମିଙ୍ଗେଙ୍ଗ୍ ରାଣ୍ ହିଦନାର୍, ହେୱେରିଂ ଆସିର୍ବାଦ୍ କିୟାଟ୍; ଇମ୍ଣାକାର୍ ମିଙ୍ଗେଙ୍ଗ୍ ହିନ୍ସା କିଦନାର୍, ହେୱାର୍ କାଜିଂ ପାର୍ତନା କିୟାଟ୍ । ୨୯ ଇନେର୍ ନିଙ୍ଗେଙ୍ଗ୍ ର କୁର୍ଝାତ ଚାପଡ଼ା

* ୬:୧୧ ୬:୧୧ ଇଚାର୍; କେତେକ୍ ପଡିତ ରିସାତାଂ ଇଚାକା ମାନାଟ୍ ☆ ୬:୨୨ ୬:୨୨ ୧ ପିତର ୪:୧୪. ☆ ୬:୨୩ ୬:୨୩ ପକ୍ୟାତାକା ୬:୫୨.

ଇଡ଼ିଦାନାର୍, ହେଦାଂ କାଜିଂ ଅଲ୍‌ଗା କୁରୁଞ୍ଜା ଚଚା; ଆରେ, ଇନେର୍ ନି ହେୟା ଅନାର୍, ହେଦାଂ ନି ଉସ୍‌ପାନାକା ପା ଅଦେଂ ମୁନା କିମାଟ୍ । ୩୦ ଇନେର୍ ନିଜେଙ୍ଗ୍ ଏନ୍ତାନାର୍, ତାଜେଙ୍ଗ୍ ହିୟାଟ୍; ଆରେ ଇନେର୍ ନି ଦାନ୍ ଅନାର୍, ତାତାକେଣ୍ଡାଙ୍ଗ୍ ହେଦାଂ ଆରେ ରଗ ଏନ୍‌ମାଟ୍ । ୩୧ ☆ମାନାୟାର୍ ମି କାଜିଂ ଇନେସ୍ ବାନି ବେବାର୍ କିଦ୍‌ନାର୍ ଇଞ୍ଜି ଇଚା କିନାଦେର୍, ଏପେଙ୍ଗ୍ ହେଞ୍ଜାର୍ କାଜିଂ ହେ ଲାକେ କିୟାଟ୍ ।”

୩୨ ଆରେ, ଇମ୍‌ଶାକାର୍ ମିଜେଙ୍ଗ୍ ଜିଉନଦ୍‌ନାର୍, ହେଞ୍ଜାରିଂ ଜିଉନତିସ୍ ଏପେଙ୍ଗ୍ ଇନା ଆସିର୍ବାଦ୍ ପାୟା ଆନାଦେର୍ ? ଇନାକିଦେଂକି ପାପିର୍ ପା ଜାର୍ ଜାର୍ ଜିଉନନାକାରିଂ ଜିଉନନାର୍ । ୩୩ ଆରେ, ଇମ୍‌ଶାକାର୍ ମିଦାଙ୍ଗ୍ ହାର୍ କିନାର୍, ଜଦି ଏପେଙ୍ଗ୍ କେବଲ୍ ହେଞ୍ଜାରିଂ ହାର୍ କିନାଦେର୍, ତେବେ ଏପେଙ୍ଗ୍ ଇନାକା ଆସିର୍ବାଦ୍ ପାୟା ଆନାଦେର୍ ? ଇନାକିଦେଂକି ପାପିୟାର୍‌ପା ହେଦାଂ କିନାରା । ୩୪ ପାଚେ, ଇମ୍‌ଶାକାର୍‌ତାଂ ମିଦାଙ୍ଗ୍ ପାୟା ଆନି ଆହା ମାନାଟ୍, କେବଲ୍ ହେଞ୍ଜେରିଂ ରୁଣ୍ ହିତିସ୍ ଏପେଙ୍ଗ୍ ଇନା ଆସିର୍ବାଦ୍ ପାୟା ଆନାଦେର୍ ? ପାପିର୍ ପା ସମାନନେ ପାୟାଦେଂ ଇଞ୍ଜି ପାପିରିଙ୍ଗ୍ ରୁଣ୍ ହିନାର୍ ୩୫ ମାତର୍ ମି ସାତୁକାଂ ଜିଉନଞ୍ଜାଟ୍ ଆରି ହେଞ୍ଜାରିଂ ହାର୍ କିୟାଟ୍, ଆରେ ଉଲ୍‌ଟି ରୁଣ୍ ଆହା କିଞ୍ଜାଦାଂ ରୁଣ୍ ହିଆଟ୍; ତା ଆତିସ୍ ମିଦାଙ୍ଗ୍ ଇନାମ୍ ବେସି ଆନାଟ୍ ଆରି ଏପେଙ୍ଗ୍ ସିଗ୍‌ଦାକାନ୍ ମାପୁ ମେହି ଆନାଦେର୍, ଇନାକିଦେଂକି ହେଞ୍ଜାନ୍ ଲଡାଆଞ୍ଜି ଆରି ବାନ୍ୟାଙ୍ଗ୍ ପା ଦୟା କିନାନ୍ । ୩୬ ମିଞ୍ଜି ଆବା ଇନେସ୍ ଦାମ୍, ଏପେଙ୍ଗ୍ ହେ ଲାକେ ଦାମ୍ ଆତ ।

ଅଲ୍‌ଗା ବିନେନିକାର୍ କାଜିଂ ବିଚାର୍ କିମାଟ୍
(ମାଡ଼ିଉ ୭:୧-୫)

୩୭ “ଆରେ, ବିଚାର୍ କିମାଟ୍, ତା ଆତିସ୍ ଏପେଙ୍ଗ୍ ବିଚାର୍‌କିୟା ଆଉଦେର୍; ଦସ୍ କିମାଟ୍, ତା ଆତିସ୍ ଏପେଙ୍ଗ୍ ଦସି କିୟାଆଉଦେର୍ । କେମା କିୟାଟ୍, ତା ଆତିସ୍ ଏପେଙ୍ଗ୍ କେମା କିୟା ଆନାଦେର୍; ୩୮ ଦାନ୍ କିୟାଟ୍, ହେଦାଂ ମିଜେଙ୍ଗ୍ ଦାନ୍ ହିଦ୍‌ୟା ଆନାଟ୍; ଇସ୍‌ସ୍ ମାଣ୍‌ଦ ବାଟ୍ କିଜି ହେଦେଲିଂ ଲେପଟି ଡିଉଡିଉ ମିଜେଙ୍ଗ୍ ମାଣ୍‌ଦ ହିଦ୍‌ନାର୍; ଇନାକିଦେଂକି ଇମ୍‌ଶି ମାଣ୍‌ଦ ଲାଟ୍‌ନାସ୍, ହେ ମାଣ୍‌ତାଂ ମିଜେଙ୍ଗ୍ ଆରେ ମାଣ୍‌ଦାଂ ହିଦ୍‌ଆ ଆନାଟ୍ ।”

୩୯ ଜିସୁ ହେଞ୍ଜେରିଂ ର ଉତ୍‌ରମୁଡ୍ ପା ଇଚାନ୍, “କାଶା ଇନାକା କାଶାଂ ହାଜି ଚର୍‌ଚେଙ୍ଗ୍ ଆଡ୍‌ନାନ୍ ? ଜଦି ହେଞ୍ଜାନ୍ ହେ ଲାକେ କିନାନ୍, ଲାଗିଂ, ହେଞ୍ଜାର୍ ଇନାକା ରିୟାର୍ କ୍ଲୁଇଦ୍ ଆରୁର୍ ? ୪୦ ☆ଗୁରୁତାଂ ଚେଲା ଗାଜା ଆକାୟ୍; ମାତର୍ ଝିଜାର୍ ଚେଲା ହିକ୍ୟା ଝିସ୍‌ରାଟି ହାର୍ ଆଜି ନିଜାର୍ ଗୁରୁ ସମାନ୍ ଆନାର୍ ।”

୪୧ ଆରେ, ଇନେକିଦେଂ ନି ଟଣ୍ଡେନ୍ କାଣ୍‌ଜାତ ମାନି ଗାତ୍ରା ହୁଡ୍‌ନାୟା, ମାତର୍ ନି ନିଜ୍ କାଣ୍‌ଜାତ ଇମ୍‌ଶି ଝେଜ୍‌ଗୁ ଗାତ୍ରା ମାନାଟ୍, ହେଦାଂ ବାବିକିଦେଂ ଆଡ୍‌ୟା ? ୪୨ ଏପେଙ୍ଗ୍ ଜାର୍ କାଣ୍‌ଜାତ ମାନି ଦୁଲୁମ୍ ଗାତ୍ରା ହୁଡ୍‌ଞ୍ଜାଦାଂ ଇନେସ୍ ଜାର୍ ଟଣ୍ଡେନିଂ ଇଞ୍ଜେଙ୍ଗ୍ ଆଡ୍‌ନାୟ୍, ଟଣ୍ଡେନ୍, ଝା, ନି କାଣ୍‌ଜାତ ମାନି ଗାତ୍ରାତିଙ୍ଗ୍ ଉନ୍‌ଦି ହିଦ୍‌ନାଙ୍ଗ୍ ? ଆଡେ କାପ୍‌ଟିୟାର୍ ଆଗେ ଜାର୍ କାଣ୍‌ଜାତାଂ ଦୁଲୁମ୍ ଗାତ୍ରା ଉନ୍‌ଦିୟା ତା ପାଚେ ନିଜ୍ ଟଣ୍ଡେନ୍ କାଣ୍‌ଜାତ ମାନି ଝେଜ୍‌ଗୁ ଗାତ୍ରା ଉନ୍‌ଦିନି କାଜିଂ ହାର୍‌ଦାଂ ହୁଡ୍‌ଦେଂ ଆଡ୍‌ନାନ୍ ।

ମାର୍ ଆରି ତା ପାଡ୍
(ମାଡ଼ିଉ ୭:୧୬-୨୦; ୧୨:୩୩-୩୫)

୪୩ “ହାଦ୍ ମାର୍ ବାନ୍ୟା ପାଡ୍ ଝାଉଡ୍, ବାନ୍ୟା ମାର୍‌ତ ହାଦ୍ ପାଡ୍ ଆହୁଡ୍, ଇନେସ୍‌କି ହାର୍ ପାଡ୍ ଆହ୍‌ନାଟ୍ । ୪୪ ଇନାକିଦେଂକି ଝିଜୁ ମାର୍‌କୁ ଜାର୍ ପାଡ୍‌ଦାଂ ପୁନିୟା ଆନାଟ୍; ଝାଡିଙ୍ଗ୍ ବୁଚାତାଂତ ମାନାୟାର୍ ତଗା ଏଚୁର୍, କି ଝାଡିକୁଡିଙ୍ଗ୍‌ତାଂ ଅଙ୍ଗ୍‌ରପାଡ୍ ଏଚୁର୍ । ୪୫ ☆ହାଦ୍ ଲଗୁ ହାର୍‌ଦି ଝାସ୍‌ତାଂ ହାଦ୍ ଆଡ୍‌ମାଡ୍ ହପ୍‌ନାନ୍ । ଆରେ ବାନ୍ୟା ଲଗୁ ବାନ୍ୟା ଝାସ୍‌ତାଂ ବାନ୍ୟା ଆଡ୍‌ମାଡ୍ ହପ୍‌ନାନ୍; ଇନାକିଦେଂକି ମାନ୍ତ ବାଟ୍ ଆତାଡ୍‌ନା ଝେଇ କାତା ଇନାଟ୍ ।”

ରିବାନି ଇଲ୍ ରଚ୍‌ନାକା
(ମାଡ଼ିଉ ୭:୨୪-୨୭)

୪୬ “ଆରେ, ଏପେଙ୍ଗ୍ ଇନେକିଦେଂ ନାଜେଙ୍ଗ୍ ମାପୁ, ମାପୁ ଇଞ୍ଜି କୁଲ୍‌ନାଦେରା ମତର୍ ନା ବଚନ୍ ପାଲି କିଉଦେରା ? ୪୭ ଇମ୍‌ଶାକାର୍ ନା ଲାଗେ ଝାଜି ନା ବେରଣ୍ ଝେନ୍‌ଞ୍ଜି ହେ ସବୁ ପାଲି କିନାନ୍, ହେଞ୍ଜାନ୍ ଇନେର୍ ସମାନ୍ ଆନାନ୍, ହେଦାଂ ଆନ୍ ମିଜେଙ୍ଗ୍ ଝେଚାନାଙ୍ଗ୍ । ୪୮ ହେଞ୍ଜାନ୍ ଇ ଲାକେ ରକାନ୍ ଇଲ୍ ତ୍ରିକ୍‌ନି ମାନାୟ୍ ଲାକେ ଜେ ଡେଙ୍ଗାକିଜି କାଟ୍ କୁନାଦି କାଲ୍ ଜପି ଇଡ୍‌ଜି କୁଟିକିତାର୍; ଆରେ ପୁର୍‌ଆତିଲେ ହୁଞ୍ଜାଟ୍ ହେ ଇଞ୍ଜି ବେସି ଦକା ଇଡିତାଡ୍ ମାତର୍ ହେଦାଂ ଲେପ୍‌ପେଦେଂ ଆଡ୍‌ଞ୍ଜାତାଡ୍, ଇନାକିଦେଂକି ହେଦାଂ ହାର୍ କିଜି ରଚ୍‌ଚାକାମାତାଡ୍ । ୪୯ ମାତର୍ ଜେ ଝେନ୍‌ଞ୍ଜି ପାଲି କିଉନ୍, ହେଞ୍ଜାନ୍ କୁନାଦି କୁଟିକିଞ୍ଜାଦାଂ ମେଦ୍‌ନି ଜପି ଇଲ୍ ରଚ୍‌ନି ମାନାୟ୍ ଲାକେ; ଏଚେକାଡ୍‌ଦ ଇଲ୍‌ତିଂ ବେସି ଦକା ଇଡିତିସ୍, ଉଲ୍‌କା ହେ ମଲ୍‌ଦିଂ ବେସି ଦକା ଇଡ୍‌ତିଲେ, ହେ ଦାପ୍‌ପେ ହେଦାଂ ବାଡ୍‌ହା ଆତାଡ୍ ଆରେ ହେଦାଂ ନାସ୍ ବଇଙ୍ଗାର୍ ଆତାଡ୍ ।”

☆ ୭:୩୧ ୭:୩୧ ମାଡ଼ିଉ ୭:୧୨. ☆ ୭:୪୦ ୭:୪୦ ମାଡ଼ିଉ ୧୦:୨୪,୨୫; କହନ୍ ୧୩:୧୭; ୧୫:୨୦. ☆ ୭:୪୫ ୭:୪୫ ମାଡ଼ିଉ ୧୨:୩୪.



ଜିସୁ ରଖାନ ରମିୟ ମାନାୟତିଂ ଉଜ୍ଜ କିତାନ
(ମାତିଉ ୮:୧୨)

୧୧ ଜିସୁ ମାନାୟତିଂ ଖେରଚେକ୍ ମାନକିଜି ମାଚାନ ହେଖାନ ଓଜାର୍ କାତା ଓସ୍ତି କପର୍ନାହୁମ୍ ହଣଗାତାନ । ୧୨ ହେଖାଡ଼ାଂ ରଖାନ ପାଞ୍ଚକଡ଼ି ମେଲ୍ୟାର ମୁଡ଼ଦାକାନ ହଲ୍ୟାହି ବେମାର୍ ଆଜି ମାଚାନ, ହେଖାନ ତାଜେକ୍ ବେସି ଜିଉନଜି ମାଚାନ । ୧୩ ହେଖାନ ଜିସୁ ବିସ୍ତେ କାରୁର ପୁଞ୍ଜି, ହେଖାନ ଇନେସ୍ ଖାଜି ହେ ହଲ୍ୟାହିତି ଜିବୁନ୍ ରାକ୍ୟା କିନାନ, ଇଦାଂ କାଜିଂ ତା ତାକେ ଜିହୁଦିତ କେତେଜାଣ୍ ବୁଡ଼ାଲୁରିଂ ପକ୍ତି ତାଜେକ୍ ଗଞ୍ଜାରି କିତାନ । ୧୪ ହେଖାର୍ ଜିସୁ କଚଣତ ଖାଜି ତାଜେକ୍ ବେସି ଗଞ୍ଜାରି କିଦେକ୍ ଲାଗାତାର୍, ଏନ୍ ଜେ ହେଖାନ କାଜିଂ ଇଦାଂ କିନାୟ୍, “ହେଖାନ ହେବେନି ଦାୟିତ୍ ଆନାନ; ୧୫ ଇନାକିଦେଂକି ଜିସୁ ମାଜେକ୍ ଜାତିତିଂ ଜିଉନନାନ ଆରି ହେଖାନ ମା କାଜିଂ କୁରୁମ୍ ଇଞ୍ଜ ରଚ୍ଚି ହିଡ଼ନ୍ନା ।”

୧୬ ହେବେ ଜିସୁ ହେଖାର୍ ଲାହାକ୍ ରଚେ ହାଚାନ । ହେଖାନ ଇଞ୍ଜାକ୍ ଅଲପ୍ ଦେହା ଆତିଲେ, ପାଞ୍ଚକଡ଼ି ମେଲ୍ୟାର ହାକ୍ଦାକାରିଂ ପକ୍ତି ତାଜେକ୍ ଇଚାର୍, “ମାପୁ କସ୍ କିଦମା; ଇନାକିଦେଂକି ଏନ୍ ଜେ ମା ଇଞ୍ଜ କାଲ୍ ତଗନାୟ୍, ଆନ୍ ଏଲେକ୍ ବାରତି ଇନାକା ହିଲୁଡ଼; ୧୭ ଲାଗିଂ ଆନ୍ ନି କଚଣତ ହାଞ୍ଜେକ୍ ନିଜ୍ତିଂ ଖାରୟା ଆଖାଦାଂ ମାଚାକ୍; ମାତର୍ ପାଦେକ୍ ବଲ୍ କିଦା, ନା ଆଡ଼ିଏନ୍ ଉଜ୍ଜ ଆନାନ । ୧୮ ଇନାକିଦେଂକି ଆନ୍ ରଖାନ ବାନ୍ୟା ମାନାକ୍ ଆତିସ୍ ପା ନା ତାରେନ୍ ମେଲ୍ୟାର ମାନାର୍; ଆରେ, ଆନ୍ ରଖାନିଂ ଆଦିକାର୍ ହିତିସ୍ ହେଖାନ ହାନାନ; ଆରେ ରଖାନିଂ ଖା ଇଚିସ୍ ହେଖାନ ଖାନାନ; ମାତର୍ ନା ହଲ୍ୟା ଇଦାଂ କିୟା ଇଚିସ୍ ହେଦାଂ କିନାନ ।”

୧୯ ଜିସୁ ଇ ଓଜୁ କାତା ଖେନଞ୍ଜି ହେ ବିସ୍ତେ କାବା ଆତାର୍, ଆରେ ମାସ୍ଦି ହେ ପାଚେ ଖାଜିମାନି ମାନାୟତିଂ ଇଚାନ, “ଆନ୍ ମିଜେକ୍ ଇଞ୍ଜନାକ୍, ଇସ୍ତାଏଲ୍ ବିତ୍ରେ ପା ଏଚେକ୍ ଗାଜା ପାଚି ପାୟାଆଖାତାନ୍ନା ।”

୨୦ ଆରେ ପକ୍ୟାତାକାର୍ ମାନାୟ୍ ଇଞ୍ଜ ଲେଉଟା ଆଜି ହଲ୍ୟାହିକ୍ ଉଜ୍ଜ ଆତାକା ହୁଡ଼ତାର୍ ।

ଜିସୁ ର ରାଣ୍ଡିନି ହାତି ହିମଣାତିଂ ଜିପ୍ତାନ

୨୧ ଇଦାଂ ପାଚେ ହେଖାନ ନାଇନ୍ ତରଦି ଗାଡ଼ଦ୍ ହାଚାନ, ଆରି ହେଖାନ ଚେଲାହିର୍ ଆରି ବେସିହେନି ମାନାୟ୍ ହେଖାର୍ ହୁଦାଂ ହାଲ୍ଜି ମାଚାର୍ । ୨୨ ହେଖାନ ଗାଡ଼ନି ଦୁଞ୍ଜେର୍ ଲାଗେ ଏକାଖାତିଲେ, ହୁଡ଼ାଟ୍, ମାନାୟ୍ ରଖାନ ହାତି ମାନାୟତିଂ ବାର୍ଡି ପିଣ୍ଡୁଜି ତାସି ମାଚାର୍, ହେଖାନ ଜାର୍ ଆୟାନି ରଖାନ ମତର୍ କାଡ଼ଦେ, ମାତର୍ ହେ କଗଲେ ରାଣ୍ଡି; ଆରେ ଗାଡ଼ନି ବେସିହେନିମାନାୟ୍ ତା ଲାହାକ୍ ମାଚାର୍ । ୨୩ ହେଦେଲିଂ ହୁଡ଼ଜି ମାପୁ ତା କାଜିଂ କାର୍ମା ଆଜି ଦୁକ୍ ହୁଡ଼ଜି ତାଜେକ୍ ଇଚାନ, “ଆଡ଼ବାମା ।” ୨୪ ଆରେ, ହେଖାନ କଚଣତ ହାଲ୍ଜି ମାରାତ ତୁତାନ, ପାଚେ ପିଣ୍ଡୁତାକାର୍ ନିଲ୍ଡିଲେ ହେଖାନ ଇଚାନ, ନିଲାଟ୍, ହେଖାନ ଇଚାନ, “ଦାକ୍‌ଶେନ୍, ଆନ୍ ନିଜେକ୍ ଇଞ୍ଜନାକା ନିକା ।” ୨୫ ହେବେତାଂ ହାତି ଲଗୁ ନିକ୍ଜି କୁଚ୍‌ଚାନ, ଆରେ ବେଣ୍ କିଦେକ୍ ଲାଗାତାନ, ଆରେ ହେଖାନିଂ ତା ତେହି କେଇଦ ହେଲାୟ୍ କିତାର୍ ।

୨୬ ଇବେତାଂ ଓଜାକାର୍ ପାଣ୍ଡା ଆତାର୍, “ଆରେ ଇସ୍ତୁ ଗୁଣ୍ କେରଜି କିଉ କିଉ ଇଞ୍ଜେକ୍ ଲାଗାତାର୍,” ମା ବିତ୍ରେ ରଖାନ ଗାଜା ବେଣ୍‌ବାକ୍‌ଶାୟ୍‌କିନାକାନ ହନତାନନା “ଆରି ଇସ୍ତୁ ଜାର୍ ଲଗାଂ କାଜିଂ ମୁକ୍ତି କିଦେକ୍ ଖାତାନନା ।”

୨୭ ପାଚେ, ଜିସୁ ବିସ୍ତେ ଇ ବେରଣ୍ ଓଜାର୍ ଜିହୁଦା ଦେସ୍ ଆରି ଚାରିବେଣ୍‌ତାଂ ଓଜୁ ନାସ୍‌କୁକାଂ ଓଣ୍ଡାଡ଼ ।

ବାପ୍ତିସ୍ମି ଜହନ୍ତି ପରସନ୍
(ମାତିଉ ୧୧:୨-୧୯)

୨୮ ପାଚେ ଜହନ୍ ଚେଲାହିର୍ ଇ ଓଜୁ ବିସ୍ତେ ଖେଚ୍‌ଚାର୍ । ୨୯ ହେବେ ଜହନ୍ ଜାର୍ ଚେଲାର୍ ବିତ୍ରେ ରିୟାରିଂ କଚଣତ କୁକ୍ତି ମାପୁ ତାକେ ଇଦାଂ ଇଞ୍ଜି ପକ୍ତାନ, “ଇନେନ୍‌ତି ଖାନାକା ମାଚାଡ଼, ହେ ମାନାୟ୍ ଏନ୍, କି ନଲେ ଆପେଂ ଆରେ ରଖାନିଂ କାସିମାନାପ୍ ?”

୩୦ ହେ ମାନାୟାର୍ ଜିସୁକ୍ ଲାଗେ ହାଲ୍ଜି ଇଚାର୍, “ବାପ୍ତିସ୍ମି ହିନି ଜହନ୍ ମାଜେକ୍ ନି ତାକେ ଏଲେକ୍ ଇଞ୍ଜି ପକ୍ତାତାନ୍ନା, ଇନେନ୍‌ତି ଖାନାକା ଆନାଡ଼, ହେ ମାନାୟ୍ କି ଏନ୍, କି ଆପେଂ ଆରକାନିଂ କାଜିଂ ମାନାପ୍ ?”

୩୧ ହେଖାଡ଼ାଂ ହେଖାନ ବେସିଲଗାଂ ରଗ, ବେମାର୍ ଆରି ବାନ୍ୟାପୁଦା ଉଜ୍ଜ କିତାନ, ଆରି ହେନି କାଶାରିଂ କାଶକୁ ହୁଡ଼ିକିତାନ । ୩୨ ଜିସୁ ହେଖାରିଂ ଉତର୍ ହିତାନ, ଏପେକ୍ ହାଲ୍ଜି ଇନା ଇନାକା ହୁଡ଼ତାଦେର୍ ଆରି ଖେଚାଦେର୍, ହେଦାଂ ଓଜୁ ଜହନ୍ତିଂ ଖେଚାଟ୍; “କାଶାର୍ କାଶକୁ ହୁଡ଼ନାର୍, ଚଚାର୍ ତାଦେକ୍ ଆଡ଼ତାର୍, ଗାଜା ରଗ୍ୟାର୍ ସକଟ୍ ଆଦେଂ ଆଡ଼ତାର୍, ବଇରାର୍ ଖେଞ୍ଜେକ୍ ଆଡ଼ତାର୍, ହାତାକାର୍ ନିକ୍ନାର୍, ହିଲ୍‌ଖାକାର୍ ତାକେ ନେକ୍ତିକାରୁର୍ ସୁଶାୟ୍ କିତାର୍; ୩୩ ଆରେ ଇମ୍‌ଣି ମାନାୟ୍ ନାତାକେଣ୍ଡାଂ ବାଦା ପାୟା ଆଉନ୍, ହେଖାନ ଦନ୍ୟ ।”

୩୪ ଜହନ୍‌ନି ଦୁତର୍ ହାତିପାଚେ ଜିସୁ ଜହନ୍ ବିସ୍ତେ ବେରଣ୍ ଇଞ୍ଜେକ୍ ଲାଗାତାନ, ଏପେକ୍ ଇନାକା ହୁଡ଼ଦେଂ ଇଞ୍ଜି ହାଲ୍ଜି ମାନାଦେର୍ ? “ଇନାକା ଦୁକାତିକ୍ ଜଲ୍ଲାଆନି ନାଡ଼ା ? ୩୫ ହେଦାଂ ଆଓଡ଼ିସ୍ ଏପେକ୍ ଇନାକା ହୁଡ଼ଦେଂ ଇଞ୍ଜି ହସି ହାଲ୍ଜି ମାଚାଦେର୍ ? ଇନାକା ଦାମ୍‌ନି ହେନ୍ଦା ଉସ୍ତିତ ର ମାନାୟତିଂ ? ହୁଡ଼ାଟ୍, ଇମ୍‌ଣାକାର୍ ଦାମ୍‌ନି ହେନ୍ଦା ଉସ୍‌ପାତାନ ବିସ୍ତେ ସୁକ୍‌ତାକ୍ ଜିନାନ, ହେଖାର୍ ରାଜା ଗାଦିତ ମାନ୍‌ଗାନାର୍ । ୩୬ ନାଜେକ୍ ଇଞ୍ଜା, ହେଦାଂ ଆଓଡ଼ିସ୍ ଇନାକା ହୁଡ଼ଦେଂ

ଇଞ୍ଜି ହସି ହାଲୁକି ମାତାଦେର ? ଇନାକା ରଖାନ୍ ବେଶ୍‌ବାକ୍‌ଶାୟକିନାକାନି ? ଆନ୍ ମିଙ୍ଗେଙ୍ଗ୍ ହାତ୍‌ପା ଖେତାନାଙ୍ଗା, ବେଶ୍‌ବାକ୍‌ଶାୟ କିନାକାନ୍ତାଙ୍ଗ୍ ଆଦିକ୍ ଗାଜା ମାନାୟତି ।^{୨୭} ଇନେର ବିସ୍ତେ ଇଦା ଦରମ୍ ସାସ୍ତର ଲେକା ମାନାତ୍, ଇସ୍ତର ଇଚାନ୍ ହୁଡ଼ାଟ୍, ଆପେଂ ମା ଦୁଡ଼ତିଂ ମି ଆଗେ ପକ୍ତାନାପା, ହେଖାନ୍ ମି ଲାଗେ ମିଦାଙ୍ଗ୍ ହାଜି ରଚ୍ଚି ହିଦ୍‌ନାନ୍, ଇଖାନ୍ ହେ ମାନାୟ ।^{୨୮} ଆନ୍ ମିଙ୍ଗେଙ୍ଗ୍ ଇଞ୍ଜିନାଙ୍ଗା,” କଗ୍‌ଲେ ପଟତ ଜଲମ୍ ଖିଜାରତାଂ ବିତ୍ତେ ଜହନ୍ ତାଙ୍ଗ୍ ଗାଜାକାନ୍ ଇନେର ହିଲୁର୍; ଆତିସପା ସାଗେ ରାଜିତ ଇନେନ୍ ହିରୁକାନ୍, “ହେଖାନ୍ ଜହନ୍ ତାଙ୍ଗ୍ ପା ଗାଜାକାନ୍ ।”

^{୨୯} ଇମ୍‌ଣି ଇ ଖିଜୁ ବେରଶ୍ ଖେନ୍‌ଞ୍ଜି ମାଚାର୍, ହେଖାର୍, ହାତ୍‌ପାକିଜି ସିସ୍ତୁନ୍‌ନାକାର୍, ଇସ୍ତର ମାପୁଙ୍ଗ୍ ହାଦ୍ ଦାବି ଖିଜୁ ପାତ୍ କିଜି ଜହନ୍ ତାଙ୍ଗ୍ ବାପ୍ତିସିମ୍ ଅଜି ମାଚାନ୍; ^{୩୦} ମାତର୍ ପାରୁସିର୍ ଆରେ ଦରମ୍ ଗୁରୁର୍ ହେଖାର୍ ଜିବୁନ୍ କାଜିଂ ଇସ୍ତର ମାପୁ କାଜିଂ ଇଟ୍ୟା ଆଖାଦାଂ ତାତାଂ ବାପ୍ତିସିମ୍ ଅଖାଦାଂ ମାଚାନ୍ ।

^{୩୧} ଜିସୁ ଆରେ ରଗ ଇଚାନ୍ ଇନେର ଇ ଜୁଗ୍‌ଦି ମାନାୟାରିଂ ଆନ୍ ଇନେର ହୁଦାଂ ତୁଲାଇ କିନାଙ୍ଗ୍, “ଆରେ ହେଖାର୍ ଇନେର ଲାକେ ? ^{୩୨} ଇମ୍‌ଣି କାଡ଼ଦେର୍ ଆର୍ ବାଜାରତ କୁଚ୍ଚି ହେଖେର୍ ହେଖାର୍ କୁଚ୍ଚି ଇନାର୍, ଆପେଂ ମି ଲାଗାଂ ହୁରୁଡ଼ି ତୁବ୍‌ତାପ୍, ଏପେଙ୍ଗ୍ ଏନ୍‌ଖାତାଦେର୍; ଆପେଂ ହାତି କେଚ୍‌କଣ୍ କେଚ୍‌ତାପ୍, ଏପେଙ୍ଗ୍ ଆଡ଼ବାଖାତାଦେର୍, ହେଖାର୍ ହେଖେର୍ ଲାକେ । ^{୩୩} ଇନାକିଦେଂକି ବାପ୍ତିସିମ୍‌ହିନି ଜହନ୍ ଖାଜି ରୁଚି ତିନ୍‌ଖାତାନ୍ କି ଆରେ ଅଙ୍ଗୁର୍ ରାସ୍ ଉଶୁଖାତାନ୍, ଆରେ ଏପେଙ୍ଗ୍ ଇନାଦେରା, ହେଖାନ୍ ରୁଡ଼ ଆସ୍ତାତ୍‌ନା । ^{୩୪} ମାନାୟ ମାଜି ଖାଜି ତିନାଉଣା କିନାନ୍, ଆରେ ଏପେଙ୍ଗ୍ ଇନାଦେରା, ହୁଡ଼ାଟ୍, ଇଖାନ୍ ରକାନ୍ ବାଡ଼ଖା ଆରି ମଦ୍‌ଖା, ସିସ୍ତୁନ୍‌ନାକାର୍ ଆରି ପାପିୟାର୍ ହାଙ୍ଗ୍‌ଦାକାନ୍ । ^{୩୫} ମତର୍ ରୁଦି ନିଜାର୍ ଖିଜାର୍ ହିମ୍‌ଣାଂ ତାଙ୍ଗ୍ ସମାନ୍ ଇଞ୍ଜି ପାର୍ମାଣ୍ ଆତାତ୍ ।”

ପାରୁସି ସିମନ୍ ଇଞ୍ଜି ଜିସୁ

^{୩୬} ଆରି, ପାରୁସିର୍ ବିତ୍ତେ ରଖାନ୍ ଜିସୁ ନିଜାର୍ ଲାହାଙ୍ଗ୍ ଚିଞ୍ଜେଙ୍ଗ୍ ତାଙ୍ଗେଙ୍ଗ୍ ଗଖାରି କିଜି କୁଚ୍‌ତାନ୍ । ହେବେଣ୍ଡାଂ ହେଖାନ୍ ପାରୁସି ଇଞ୍ଜି ହଣ୍ଡି ଚିଞ୍ଜେଙ୍ଗ୍ କୁଚ୍‌ଚାର୍ । ^{୩୭} ଆରେ ହୁଡ଼ାଟ୍, ହେ ଗାଡ଼୍‌ଦ ରଞ୍ଜେଲ୍ ପାପିୟାଣି କଗ୍‌ଲେ ମାଚାତ୍; ଜିସୁ ହେ ପାରୁସି ଇଞ୍ଜି ତିନି କାଜିଂ କୁଚ୍‌ଚାନ୍ନା, ଇଦାଂ ପୁଞ୍ଜି ହେଦେଲ୍ ର କଣ୍ଡିତ ବାସ୍‌ନା ଚିକାଣ୍ ତାସି ଖାତାତ୍, ^{୩୮} ପାଚ୍‌ବାଗାଂ ତା ପାନା ତାରେନ୍ ନିଲ୍‌ଚି ଆଡ଼ଜି ଆଡ଼ଜି କାଣେଲ୍‌ତାଂ ହେଖାନ୍ ପାନାତିଂ ଉଦିକିଜି ଜାର୍ କାପ୍‌ଡ଼ାନି ତେମ୍‌ଲ୍‌ତାଂ ହେଦାଂ ନେନ୍‌ଦେଂ ଲାଗାତାତ୍ । ଆରେ ଜିସୁ ପାନାତିଂ ତନ୍‌ଞ୍ଜି ତନ୍‌ଞ୍ଜି ବାସ୍‌ନା ଚିକାଣ୍ କାସ୍‌ତାତ୍ । ^{୩୯} ହେଦାଂ ହୁଡ଼ାଟ୍, ଇମ୍‌ଣି ପାରୁସି ତାଙ୍ଗେଙ୍ଗ୍ କୁଚ୍‌ଚି ମାଚାନ୍, “ହେଖାନ୍ ମାନେ ମାନେ ଇଚାନ୍, ଇଖାନ୍ ଜଦି ବେଶ୍‌ବାକ୍‌ଶାୟକିନାକାନ୍ ଆଜି ମାଚାନ୍‌ଚି, ତା ଆତିସ୍ ଇଖାନିଂ ଜେ ତୁନାତା, ହେଦେଲ୍ ଇଦେଲ୍ ଆରି ଇନେସ୍ ବାଚ୍‌ନି କଗ୍‌ଲେ, ଇଚିସ୍, ହେଦେଲ୍ ଜେ ପାପିୟାଣି, ଇଦାଂ ପୁଚାନ୍‌ମା ।”

^{୪୦} ଜିସୁ ତାଙ୍ଗେଙ୍ଗ୍ ଉତର୍ ହିତାନ୍, “ସିମନ୍, ନିଙ୍ଗେଙ୍ଗ୍ ଆନ୍ ଇନାକାପା ଇଞ୍ଜିନାକା ମାନାତ୍ ।” ହେଖାନ୍ ଇଚାନ୍, “ଗୁରୁ ଇଞ୍ଜା ।”

^{୪୧} “ର ମାଜାନ୍‌ତାଂ ରିୟାର୍ ରିଶ୍ ଆଜି ମାଚାର୍; ରଖାନ୍ ପାଞ୍ଚସହ ଟାକାଂ ଆରି ଆରେ ରଖାନ୍ ରିକଡ଼ିଦସ୍ ଟାକାଂ ରିଶ୍ ଅଜି ମାଚାନ୍ । ^{୪୨} ହୁଜାଆଦେଂ ହେଖାର୍‌ଚି ଇନାକା ହିଲ୍‌ଞ୍ଜିତିଲେ ହେଖାନ୍ ରିଆର୍‌ଚି କେମା କିତାନ୍ । ଲାଗିଂ ହେଖାର୍ ବିତ୍ତେ ଇନେର ତାଙ୍ଗେଙ୍ଗ୍ ଆଦିକ୍ ଜିଉନନାନ୍ ?”

^{୪୩} ସିମନ୍ ଉତର୍ ହିତାନ୍, “ଆନ୍ ବାବିକିନାଙ୍ଗା, ହେଖାନ୍ ଇନେକିଦେଂ ଆଦିକ୍ ରୁଶ୍ ପିସ୍ତାନ୍, ହେଖାନ୍ । ହେଖାନ୍ ହେଖାରିଂ ଇଚାନ୍, ଏନ୍ ହାତ୍‌ପା ବିଚାର୍ କିତାୟ୍ ।” ^{୪୪} ଆରେ, ହେଖାନ୍ ହେ କଗ୍‌ଲେ କାଜିଂ ଖେଇ ମାସ୍‌ତି ସିମନ୍‌ତିଂ ଇଚାନ୍, “ଇ କଗ୍‌ଲେଂ ହୁଡ଼ନାୟା ? ଆନ୍ ମି ଇଞ୍ଜି ଖାତାଂ, ଏନ୍ ନା ପାନା କାଜିଂ ଏଙ୍ଗୁ ହିଦ୍‌ଖାତାୟ୍, ମାତର୍ ଇଦେଲ୍ କାଣେଲିଂ ଲାହାଙ୍ଗ୍ ନା ପାନା ଉଦିକିଜି ନିଜ୍‌ନି ତେମ୍‌ଲ୍‌ତାଂ ହେଦାଂ ନେନ୍‌ଡାତ୍ । ^{୪୫} ଏନ୍ ନାଙ୍ଗେଙ୍ଗ୍ ତଞ୍ଜି, ହିରବା ଆଦ୍‌ଖାତାୟ୍ ମାତର୍ ଆନ୍ ବିତ୍ତେ ଖାତି ସମ୍‌ତାଂ ଇଦେଲ୍ ନା ପାନା ତଞ୍ଜାନାକା ପିସ୍ତୁତେ । ^{୪୬} ଏନ୍ ନା କାପ୍‌ଡ଼ାତ ଚିକାଣ୍ କାସ୍‌ଦାଖାତାୟ୍, ମାତର୍ ଇଦେଲ୍ ନା ପାନାତ ବାସ୍‌ନା ଚିକାଣ୍ କାସ୍‌ଦାତାତ୍ । ^{୪୭} ଲାଗିଂ ଆନ୍ ନିଙ୍ଗେଙ୍ଗ୍ ଇଞ୍ଜିନାଙ୍ଗା, ଇଦେଲ୍‌ଚି ଆଦିକ୍ ପାପ୍ କେମା ଆତାଡ଼ନ୍ନା, ଇନାକିଦେଂକି ହେଦେଲ୍ ବେସି ଜିଉନନାନ୍; ମାତର୍ ଇନେରିଂ ଅଲପ୍ କେମା ହିୟାଆନାତ୍, ହେଖାନ୍ ଅଲପ୍ ଲାଡ଼ କିନାନ୍ ।”

^{୪୮} ଆରି, ଜିସୁ ହେ କଗ୍‌ଲେଂ ଇଚାନ୍, “ନି ପାପ୍ ଖିଜୁ କେମା ଆତାଡ଼ନ୍ନା ।”

^{୪୯} ହେବେଣ୍ଡାଂ ତା ଲାହାଙ୍ଗ୍ ତିନି କୁଚ୍‌ଚି ମାନି ମାନାୟାର୍ ମାନେ ମାନେ ଇଞ୍ଜେଙ୍ଗ୍ ଲାଗାତାର୍, “ପାପ୍ ପା କେମା କିନାନା ଜେ, ଇଖାନ୍ ଇନେନ୍ ?”

^{୫୦} ମାତର୍ ଜିସୁ ହେ କଗ୍‌ଲେଂ ଇଚାନ୍, “ନି ପାତ୍ ନିଙ୍ଗେଙ୍ଗ୍ ରାକ୍ୟା କିଡ଼ତାଡ଼ନ୍ନା; ସୁସ୍ତାତାଂ ହାଲା ।”



ଚେଲାର୍ ହୁଦାଂ ଜିସୁ ପାଚେ ପାଚେ ହାନିକିଙ୍ଗ୍ କଗ୍‌ଲେହିମ୍‌ଣାଂ

☆ ୭:୩୭ ୭:୩୭ ମାଡିଉ ୨୭:୭; ମାର୍କ ୧୪:୩; ଜହନ୍ ୧୨:୩.

୧ ଭବେଣ୍ଡା ଅଲପ୍ ସମୁ ପାଚେ ଜିସୁ ଗାଡ଼ଦ ଗାଡ଼ଦ ଆରେ ନାସକୁ ନାସକୁକାଂ ସୁଣାୟ କିଜି ମାପୁ ରାଜିନି ନେକ୍ରିକାରୁର ସୁଣାୟ କିଜି ପୁଞ୍ଜେଙ୍ଗ ଲାଗାତାର, ଆରେ ବାରଜାଣ୍ ଚେଲାହିର ତା ଲାହାଙ୍ଗ ମାଚାର, ୨ ଆରେ କେତେ ଜାଣ୍ କଗଲେହିମଣା ପା ତା ଲାହାଙ୍ଗ ହାଲୁଜି ମାଚିକ୍, ଇମଣି କଗଲେ ହିମଣାକାଂ ବାନ୍ୟାପୁଦାତାଂ ଉଜ୍ ଆଜି ମାଚିକ୍ ହେଝେକ୍ପା ତା ଲାହାଙ୍ଗ ମାଚିକ୍, ମରିୟମ୍ ଇମଣାକା କି ତର ମଗ୍ଦଲିନି ଇନାର ତା ତାକେଣ୍ଡା ସାଡ଼ଗଟା ପୁଦାଂ ହପ୍ତି ମାଚାର । ୩ ହେରଦତି ଗୁମୁସ୍ତା କୁଜାତି ଖାଣି ଜହନା, ସସ୍ତା, ଆରେ ଆଦିକ୍ ହେନି କଗଲେକ୍ ତା ଲାହାଙ୍ଗ ମାନ୍ଝି ଜାର ଜାର ଦାନ ହିଜି ହେଝାରତି ହେବା କିଜି ମାଚିକ୍ ।

ବିୟାନ୍ ଓଡ଼ନାକାନ୍ତି କାତା

(ମାତିଉ ୧୩:୧-୯; ମାର୍କ ୪:୧-୯)

୪ ବେସିହେନି ମାନାୟ ରୁଣ୍ଡା ଆନିହିଙ୍ଗ୍ ଆରି ଗାଡ଼ ଗାଡ଼ଦାଂ ମାନାୟ ତା ଲାଗେ ଖାତିହିଙ୍ଗ୍, ଜିସୁ ଇ ଉତରମୁଡ଼ ହିଜି ଖେଡ଼ତାନ,

୫ “ରଞ୍ଜାନ୍ ଓଡ଼ନାକାନ୍ ନିଜାର ବିୟାନ୍ ଓଡ଼ଦେଙ୍ଗ୍ ହଡ଼ତାନ । ହେଞ୍ଜାନ୍ ଓଡ଼ୁ ଓଡ଼ୁ କେତେକ୍ ହାଜି କଚଣ୍ଡ ଆରତାଡ଼ ଆରେ କାଲ୍ ତାରେନ୍ ଦୁଡ଼ି ଆଜି ହାତାଡ଼, ଆରେ ଆକାସ୍ନି ପଟିଂ ହେଦାଂ ଚିଟିକ୍ । ୬ ଆରେ କେତେକ୍ କାଲ୍କୁକୁଡ଼ି ଜପି ଆରତାଡ଼, ପାଚେ ନେସ୍ଇ ଚିକ୍ଲା ଅଦା ହିଲ୍ଓଡ଼ିଲେ ଖାଡ଼ତାଡ଼ । ୭ ଆରେ କେତେକ୍ ଖାଡ଼ି ମାର ବିତ୍ରେ ଆରତାଡ଼, ଆରେ ଖାଡ଼ିଙ୍ଗ୍ ମାରକୁ ହେଦାଂ ହାଙ୍ଗେ ହାଙ୍ଗେ ଗାଜା ଆଜି ହେଝାକାଂ ତାବାୟ କିତିକ୍ । ୮ ଆଦେକ୍ କେତେକ୍ ହାଦ୍ ମେଦ୍ନିତ ଆରତାଡ଼, ଆରେ ପାନ୍ତି ପାଞ୍ଚକଡ଼ି ଗୁଣ୍ ପାଡ଼ ଆସ୍ତାଡ଼ ।”

ଜିସୁ ଏଲେଙ୍ଗ୍ ଇଞ୍ଜି ଇଞ୍ଜି ଗାଜା କାର୍ତାଂ ଇଚାନ୍, “ଇନେରିଂ ଖେଞ୍ଜେଙ୍ଗ୍ କିତୁଲିଂ ମାନିକ୍, ହେଞ୍ଜାନ୍ ଖେନେନ୍ ।”

ଜିସୁତି ଉତରମୁଡ଼

(ମାତିଉ ୧୩:୧୦-୧୭; ମାର୍କ ୪:୧୦-୧୭)

୯ ଜିସୁ ଚେଲାହିର ଇ ଉତରମୁଡ଼ ଅରଡ଼ ଇନାକା ଇଞ୍ଜି ଖେନ୍ବେଦେଂ ଲାଗାତାର । ୧୦ ହେବେତାଂ ହେଞ୍ଜାନ୍ ଇଚାନ୍, “ଇସ୍ତ” ରାଜି ବିତ୍ରେନି ବିସ୍ତେ ପୁଞ୍ଜେଙ୍ଗ୍ ଇଞ୍ଜି ମିଙ୍ଗେଙ୍ଗ୍ ସାଲ୍ଲି ହିଦ୍‌ୟା ଆତାଡ଼ନ୍ନା, ମାତର ବିନେ ନିକାରିଂ ଉତରମୁଡ଼ଦାଂ ଖେଡ଼ୟାନାଡ଼, ଇନେସ୍କି ହେଝାର ହୁଡ଼ଜି ହୁଡ଼ଜି ହୁଡ଼ଦେଂ ଆଡୁର ଆରି ଖେନ୍ନୁ ଖେନ୍ନୁ ବୁଜାଆଉର୍ ।”

ଜିସୁ ଓଡ଼ନାକାନ୍ତି ଅରଡ଼ ବୁଜାୟ କିତାନ୍

(ମାତିଉ ୧୩:୧୮-୨୩; ମାର୍କ ୪:୧୩-୨୦)

୧୧ “ଉତରମୁଡ଼ନି ଅରଡ଼ ଇଦାଂ । ବିୟାନ୍ ଇସ୍ବର ମାପୁତି ବଚନ୍, ୧୨ ଆରେ ହାଜି କଚଣ୍ଡ ମାନି ବିୟାନ୍ ଲାକେ ବୁଜାଆନାର, କଚଣ୍ଡ ମାନି ବିୟାନ୍ ବୁଜାଆନାର, ହେଝାର ବଚନ୍ ଖେନାର; ତା ପାଚେ ସୟତାନ ଖାଜି, ଇନେସ୍କି ହେଝାର ପାଚ୍ କିଜି ମୁଲ୍ଲି ଆଉର୍ ଇଦାଂ କାଜିଂ ହେଝାର ମାନ୍ତିନି ବଚନ୍ ଉନ୍ଦି ଅନାଡ଼ । ୧୩ ଆରେ କାଲ୍କୁକୁଡ଼ି ବୁଜିନି ବିୟାନ୍ ଆରତି ଲାଗ୍ଦି ମାନାୟାରିଂ ବୁଜାଆନାଡ଼, ହେଝାର ବଚନ୍ ଖେନ୍ଞି ଖାରିତାଂ ଇଚ୍‌ନାର; ମାତର ହେଝାରତି ଚିରାହିଲ୍ଓଡ଼ିଲେ ହେଝାର ଅଲପ୍ ସମୁ ପାଚ୍ କିତାର ଆରି ପରିକ୍ୟା ସମୁତ ଦରମ୍ ପିହ୍‌ନାର । ୧୪ ଆରି ଖାଡ଼ି ମାରକୁ ବିତ୍ରେ ଆର୍ଡାକା ବିୟାନ୍, ଏଲେଙ୍ଗ୍ ବୁଜାଆନାଡ଼, ଇମଣାକାର ବଚନ୍ ଖେନ୍ଞି ରାଜିନି ଚିନ୍ତା, ଦାନ୍ ଆରି ସୁକ୍‌ବଗ୍‌ତାଙ୍ଗ୍ ମାନ୍ଝି ଜିବୁନ୍ ବିତାୟ କିଜି କିଜି ତାବାୟ କିୟା ଆନାର, ପାଚେ ହାଦ୍ ପାଡ଼ ଆହୁର୍ । ୧୫ ଆରି, ହାଦ୍ ମେଦ୍ନିତ ଆଜି ମାଚି ବିୟାନ୍ ଏଲେଙ୍ଗ୍ ବୁଜାଆନାଡ଼, ଇମଣାକାର ହାର ଆରି ଦାମ୍ ମାନ୍ତ ବଚନ୍ ଖେନ୍ଞି ହେଦାଂ ଆସି ଇଚ୍‌ନାର ଆରି ବାଡ଼କାସ୍ତାଂ ପାଡ଼ ଆନାର ।”

ମାଣ୍ ତାରେନ୍ ବଇଟା

(ମାର୍କ ୪:୨୧-୨୫)

୧୬ “ଇନେର୍ ବଇଟା କାଚାୟ କିଜି ମାଣ୍ ପୁକ୍ତି ଇଚୁନ୍, କି କାଚେଲ୍ ତାରେନ୍ ଇଚୁନ୍, ମାତର ବଇଟା ଇଚ୍‌ନି ଜପି ଇଚ୍‌ନାନ୍, ଇନେସ୍କି ହଣ୍‌ଗା ଖାନି ମାନାୟ ର ଅଜଡ଼ ହୁଡ଼ଦେଂ ଆଡ଼ନାର ।”

୧୭ ☆ “ଇନାକିଦେଂକି ଇନାକା ହଡ଼ଞାକା, ଇ ଲାକେ ଡ଼ଗୁତି ବିସ୍ତେ ଇନାକା ହିଲୁଡ଼, ଆଞ୍ଜିତିସ୍ ଇନାକା ପୁନ୍‌ଖାଦାଂ ହଞ୍ଜାକାହିଲୁଡ଼, ଇ ଲାକେ ଡ଼ଗୁତି ବିସ୍ତେ ଇନାକା ହିଲୁଡ଼ ।”

୧୮ ☆ “ଏପେଙ୍ଗ୍, ଇନେସ୍ ଖେନାଦେରା ହେ ବିସ୍ତେ ଜାଗ୍ରଡ଼; ଇନାକିଦେଂକି ଇନେରିଂ ମାନାଡ଼, ହେଞ୍ଜାନ୍ ହିୟାନାଡ଼, ଆରେ ଇନେରିଂ ହିଲୁଡ଼, ହେଞ୍ଜାନ୍ ଇନାକା ଜାରତି ମାନାଡ଼ ଇଞ୍ଜି ବାବି କିନାନ୍, ହେଦାଂ ପା ହେଞ୍ଜାନ୍ ତାଂ ଅୟାନାଡ଼ ।”

ଜିସୁ ତେହି ଆରେ ତଣ୍ଡାହିର

(ମାତିଉ ୧୨:୪୬-୫୦; ମାର୍କ ୩:୩୧-୩୫)

☆ ୮:୧୭ ୮:୧୭ ମାତିଉ ୧୦:୨୬; ଲୁକ ୧୨:୨. ☆ ୮:୧୮ ୮:୧୮ ମାତିଉ ୨୫:୨୯; ଲୁକ ୧୯:୨୭.

୧୯ ଜିସୁ ତେହି ଆରି ଚଣ୍ଡାହିର୍ ତା ଲାଗେ ଖାତାର୍, ମାତର୍ ମାନାୟାର୍ ଗହଲି ଲାଗିଂ ତା ଲାହାଙ୍ ମେହାଆଦେଂ ଆଡ଼଼ାଦାଂ ମାଚାର୍ । ୨୦ ଇନେର୍ ରଖାନ୍ ତାଜେଙ୍ ଇ କାରୁର୍ ହିତାର୍, “ମିଞ୍ଜିୟା ଆରି ଚଣ୍ଡାର୍ ନି ହୁକେ ବେଟାଆଦେଂ ଇଚା କିଜି ବାରତ ନିଲ୍ତାଣ୍ଣା ।”

୨୧ ମାତର୍ ହେଖାନ୍ ହେଖାରିଂ ଉତର୍ ହିତାନ୍, “ଇମ୍ଫାକାର୍ ଇସ୍ଵର୍ତି ବଚନ୍ ଖେନାର୍ ଆରି ମାନିକିନାର୍, ହେଖାର୍ ନା ଆୟା ଆରି ଚଣ୍ଡାର୍ ।”

ଜିସୁ ହାମ୍ବୁର୍ତ୍ତିଂ ଚିମ୍ବରା କିତାନ୍
(ମାତିଉ ୮:୨୩-୨୭; ମାର୍କ ୪:୩୫-୪୧)

୨୨ ଦିନେକ୍ ଜିସୁ ତା ଚେଲାହିର୍ ର ତଙ୍ଗାତ ଦୁମ୍ବତାର୍, “ଆରେ ହେଖାନ୍ ହେଖାରିଂ ଇଚାନ୍, ଖାଡୁ, ହାମ୍ବୁର୍ତ୍ତି ଆନ୍ତି ପାଡ଼କା ହାନାସ୍ ।” ହେବେତାଂ ହେଖାର୍ ତଙ୍ଗା ରିଙ୍ଗାର୍ । ୨୩ ମାତର୍ ହେଖାର୍ ତଙ୍ଗା ଗାଟିକିଜି ହାନି ସମୁତ ଜିସୁ ହୁନ୍ତାନ୍ । ହେଖାଡାଂ ହାମ୍ବୁର୍ତ୍ତି ତ୍ରିପକ୍ତ ହୁଜାଖାଣି ଆତାଡ଼, ଆରେ ହେଖାର୍ତି ତଙ୍ଗା ଏଜୁକାଂ ବାତ୍ ଆଦେଂ ଲାଗାତାଡ଼ ଆରି ହେଖାର୍ ସନିତ ପଡ଼ାତାର୍ । ୨୪ ହେବେତାଂ ଚେଲାର୍ ଲାଗେ ଖାଜି ହେଖାନ୍ତିଂ ନିକ୍ତି ଇଚାର୍, “ଏ ଗୁରୁ, ଏ ଗୁରୁ, ଆପେଂ ହାତାପ୍ ।”

ଇବେତାଂ ଜିସୁ ନିଙ୍ଗିଜି ଦୁକା ଆରି ଜବର୍ ଲଡ଼ିତିଂ ଦାକା ହିତାନ୍, ଆରି ହେ ସବୁ ଚିମ୍ବରା ଆଜି ତିର୍ ଆତାଡ଼ । ୨୫ ଆରେ, ହେଖାନ୍ ହେଖାରିଂ ଇଚାନ୍, “ମିଦାଙ୍ ପାତ୍ ଇମେଡ଼ ?”

ମାତର୍ ହେଖାର୍ ପାଣ୍ଡା ଆତାର୍ ଆରି କାବା ଆଜି ହେଖାର୍ ହେଖେର୍ ଇଞ୍ଜେଙ୍ ଲାଗାତାର୍, ଇଖାନ୍ ଇନେନ୍ ଜେ, ହେଖାନ୍ ଦୁକା ଆରି ଏଜୁକାଂ ପା ବଲ୍ ହିତିସ୍, ହେଖାଙ୍ ହେ ବଲ୍ ମାନିକିନିଙ୍ ।

ଜିସୁ ରଖାନ୍ ପୁଦାଆୟା ଆତାକାନିଂ ଉଜ୍ କିତାନ୍
(ମାତିଉ ୮:୨୮-୩୪; ମାର୍କ ୫:୧-୨୦)

୨୬ ପାଚେ ଜିସୁ ଆରି ତା ଚେଲାହିର୍ ଗାଲିଲିନି ଲାଗେ ହେ ପାଡ଼ାକାନି ଗରାସିୟର୍ ରାଜି ନିପ ଏକାତାର୍ । ୨୭ ହେଖାନ୍ ତଙ୍ଗାତାଙ୍ ହସି ଗୁଟିତ ଜୁଜି, ହେ ଗାଡ଼ନି ରକାନ୍ ପୁଦାଂ ଆହୟାତାକାନ୍ ହେଖାନ୍ତିଂ ଗିଚାତାନ୍; ହେଖାନ୍ ବେସି ବାହୁଁ ପାଚେକ୍ ହେୟା ଉସ୍ପାଖାଦାଂ ଆରି ଇଞ୍ଜ ମାନ୍ଝାଦାଂ ଦୁଗେର୍ତ ମାଚାନ୍ । ୨୮ ହେଖାନ୍ ଜିସୁଙ୍ ହୁଡ଼ିଜି କିକିରାତିଂ କିଜି ହେଖାନ୍ ସାରାଣ୍ ତାରେନ୍ ଆଜିଂ ଗାଜା କାଟାଂ ଇଚାନ୍, “ଏ ଗାଜା ଇସ୍ଵର୍ ମାପୁ ମାଜି ଜିସୁ, ନି ହୁକେ ନାଦାଂ ଇନାକା ମାନାଡ଼ ? ଆନ୍ ନିଙ୍ଗେଙ୍ ଗଞ୍ଜାରି କିଦ୍ନାଙ୍ଗା, ନାଙ୍ଗେଙ୍ କସୁହିଦ୍ମା ।” ୨୯ ଇନାକିଦେଂକି ଜିସୁ ବାନ୍ଧା ଜିରୁନ୍ତିଂ ହେ ମାନାୟତିଂ ହସି ହାଞ୍ଜେଙ୍ ଇଞ୍ଜି ବଲ୍ ହିଜି ମାଚାନ୍ । ହେ ଜିରୁନ୍ ବେସିହର୍ ତାଙ୍ଗେଙ୍ ଆସ୍ତି ମାଚାଡ଼, ଆରେ ମାନାୟାର୍ ତାଙ୍ଗେଙ୍ ହିକ୍ତିଂ ଆରି କାଲ୍ଦ କାଗଡ଼ା ଲାହାଙ୍ ଗାଟି ଇଡ଼ିଜି ମାଚାର୍, ମାତର୍ ହେଖାନ୍ ଗାଟିକା କାଦ୍ଲିଂ ନାଡ଼ି ପୁଦା ହୁଦାଂ ତାଙ୍ଗେଙ୍ ବାଟାତ ଅଜି ମାଚାଡ଼ ।

୩୦ ଜିସୁ ହେଖାନ୍ତିଂ ଖେନ୍ବାତାନ୍ “ନି ତର୍ ଇନାକା ?” ହେଖାନ୍ ଇଚାନ୍, ବାହିନି; ଇନାକିଦେଂକି ଆଦିକ୍ ପୁଦାଂ ହେଖାନ୍ ତାକେ ହଣ୍ଡି ମାଚିକ୍ । ୩୧ ଆରେ, ହେଖାନ୍ ଇନେସ୍ ହେଖାକାଂ ଜମ୍ପୁର୍ ହାଞ୍ଜେଙ୍ ବଲ୍ ହିଉନ୍, ଇଦାଂ କାଜିଂ ହେଖାଙ୍ ତାଙ୍ଗେଙ୍ ଗଞ୍ଜାରି କିଦେଙ୍ ଲାଗିତିକ୍ ।

୩୨ ହେବେ ମାଡ଼ି ଲାଗେ ର ଗାଜା ପାଞ୍ଜିଙ୍ ମାଦା ହାରାଆଜି ମାଚିକ୍, ଆରେ ହେଖାନ୍ ଇନେସ୍ ହେଖାକାଂ ହେ ପାଞ୍ଜିଙ୍ ବିତ୍ରେ ହଣ୍ଡେଙ୍ ବଲ୍ ହିନାନ୍, ଇଦାଂ କାଜିଂ ହେଖାଙ୍ ତାଙ୍ଗେଙ୍ ଗଞ୍ଜାରି କିତିକ୍ । ୩୩ ଜିସୁ ହେଖାରିଂ ବଲ୍ ହିତିଲେ, ପୁଦାଂ ହେ ମାନାୟ ତାକେଣ୍ଡାଂ ହସି ପାଞ୍ଜିଙ୍ ବିତ୍ରେ ହଟିକ୍; ହେବେ ହେ ମାଦାଂ ବେସିତାଦ୍ରାତାଂ ହସ୍ତି ହାଲ୍ଜି ହାମ୍ବୁର୍ ଗୁଟିତାଂ ଆଜିଂ ମୁନ୍ଞି ହାତିକ୍ ।

୩୪ ହାରାଇ କିଜି ମାଚି ମାନାୟାର୍ ହେ ଗଟ୍ଟା ହୁଡ଼ିଜି ହସ୍ତି ହାଲ୍ଜି ଗାଡ଼୍ ଆରେ ନାସ୍କୁକାଂ ହେଦାଂ ଖେର୍ଚାର୍ । ୩୫ ହେବେ ମାନାୟାର୍ ହେ ଗଟ୍ଟା ହୁଡ଼େଂ ହସି ଖାତାର୍; ଆରେ ହେଖାର୍ ଜିସୁ କତଣ୍ଡି ଖାଜି, ଇମ୍ଫାଣି ମାନାୟ ତାକେଣ୍ଡାଂ ପୁଦାଂ ହସି ମାଚିକ୍, ତାଙ୍ଗେଙ୍ ହେୟା ଉସ୍ପିସ୍ ହାର୍ ମାନ୍ତାଙ୍ ଜିସୁ କାଲ୍କୁ ତାରେନ୍ କୁଟି ମାନାକା ହୁଡ଼ି ପାଣ୍ଡା ଆତାର୍ । ୩୬ ଆରି ଇନେର୍ ହୁଡ଼ି ମାଚାର୍, ହେଖାର୍ ହେ ପୁଦାଆହୟା ଆଜି ମାଚି ମାନାୟ ଇନେସ୍ ଆଜି ଉଜ୍ ଆତାନ୍, ହେଦାଂ ହେଖାରିଂ ଖେର୍ପାତାର୍ । ୩୭ ହେବେ ଗରାସିୟାର୍ ଦେସ୍ନି ଚାରିବେଣ୍ଡି ମାନାୟ ଖିଜାର୍ ହେଖାର୍ ହାହିତାଂ ହାଞ୍ଜେଙ୍ ଜିସୁଙ୍ ଗଞ୍ଜାରି କିଚାର୍, ହେଖାର୍ ବେସି ପାଣ୍ଡା ଆଜି ମାଚାର୍; ଆରେ, ହେଖାନ୍ ର ତଙ୍ଗାତ ଦୁମ୍ବଜି ମାସ୍ପି ଖାତାର୍ । ୩୮ ମାତର୍ ଇମ୍ଫାଣି ମାନାୟ ତାକେଣ୍ଡାଂ ପୁଦାଂ ହସି ହାଲ୍ଜି ମାଚିକ୍,

“ହେଖାନ୍ ଜିସୁ ଲାଗାଂ ମାଞ୍ଜେଙ୍ ଗଞ୍ଜାରି କିତାନ୍ ।” ୩୯ “ମାତର୍ ହେଖାନ୍ ତାଙ୍ଗେଙ୍ ପକ୍ତି ଇଚାନ୍, ମିଞ୍ଜି ମାସ୍ପି ହାଲା, ଆରେ ଇସ୍ଵର୍ତି କାଜିଂ ଇମ୍ଫାଣି କାମାୟ କିତାନ୍ନା, ହେଦାଂ ଖିଜୁ ମାନାୟତିଂ ଖେଟା ।”

ହେବେ ହେଖାନ୍ ତାଙ୍ଗିଜି ହାଲ୍ଜି, ଜିସୁ ହେଖାନ୍ କାଜିଂ ଇମ୍ଫାଣି କାମାୟ କିଜି ମାଚାନ୍, ହେଦାଂ ଖିଜୁ ଗାଡ଼୍ ସୁଣାୟ କିଦେଙ୍ ଲାଗାତାନ୍ ।

ଜାଇରସ୍ ଗାହଡ଼ିଙ୍କ ଆରେ ର ରଗ୍ କଗ୍ଲେଂ ଉଦ୍ କିତାନ୍
(ମାତିଉ ୯:୧୮-୨୭; ମାର୍କ ୫:୨୧-୪୩)

୪୦ ଆରେ ଜିସୁ ମାସଦି ଖାତିଲେ ମାନାୟାର ଗହଲିତାଂ ତାଙ୍ଗେଙ୍ଗ୍, ଖାରିତାଂ ଇଟ୍ତାର୍, ଇନାକିଦେଂକି ଓଜାର୍ ତାଙ୍ଗେଙ୍ଗ୍ କାସି ମାଚାର୍ । ୪୧ ଆରେ, ହୁଡାଟ୍; ଜାଇରସ୍ ତରଦାକାନ୍ ରଖାନ୍ ଖାତାନ୍; ହେଖାନ୍ ରଖାନ୍ କୁଟୁମ୍ ଇଞ୍ଜ ମୁଡ଼ଦାକାନ୍ ମାଚାନ୍ । ହେଖାନ୍ ଜିସୁତି କାଲ୍ତାରେନ୍ ଗୁରଜି ଜାର୍ ଇଞ୍ଜ ଖାନି କାଜିଂ ଗଞ୍ଜାରି କିତାନ୍ । ୪୨ ଇନାକିଦେଂକି ତାତି ବାର ବାହୁଁ ବୟସ୍ନି ରଞ୍ଜେଲ୍ ମତର୍ ଗାଡ଼ତେ ମାଚାଡ଼, ଆରେ ହେଦେଲ୍ ହାନି ଲାକେ ଆଜି ମାଚାଡ଼ ।

ମାଚର ହେଖାନ୍ ହାନି ସମୁତ ମାନାୟାର ତା ଜପି କୁସପିସ୍ ମାଚାର୍ । ୪୩ ହେ ପାଦନା ବାର ବାହୁଁ ପାତେକ୍ ନେତେର ନାଡ଼ଞ୍ଜାକା ରଗ୍ୟାଣି ର କଗ୍ଲେ, ମାଚାଡ଼ ଇନେସକି ତା ଜିବୁନ୍ତ ସବୁ ଦାନ୍ ଓସ୍ତି ମାଚାଡ଼ ପା ଉଦ୍ ଆଡ଼ଞ୍ଜାଦାଂ ମାଚାଡ଼, ୪୪ ହେଦେଲ୍ ପାଟ୍ ବାଗାଙ୍ଗ୍ ଖାଜି ହେଖାନ୍ତି ହେହାନି ଚେଲିଂ ତୁଡାଡ଼, ଆରେ ହେ ସାଙ୍ଗେ ତାଙ୍ଗେଙ୍ଗ୍ ଗାଗାଡ଼ ଟେବା ଆତାଡ଼ । ୪୫ ହେବେଣ୍ଡାଂ ଜିସୁ ଇଚାନ୍, “ଇନେର ନାଙ୍ଗେଙ୍ଗ୍ ତୁଡ଼ତାର୍ ?”

ମାଚର ଓଜାର୍ ପାଟିଂ କିଓହିଙ୍ଗ୍, ପିତର୍ ଇଚାନ୍, “ଏ ଗୁରୁ, ମାନାୟାର ମେଲ୍ ମେଲ୍ ଆଜି ନି ଜପି କୁସପା ଆଦନାରା ।”

୪୬ ମାଚର ଜିସୁ ଇଚାନ୍, “ଇନେର ରଖାନ୍ ନାଙ୍ଗେଙ୍ଗ୍ ତୁଡ଼ତାନ୍, ଇନାକିଦେଂକି ନାଙ୍ଗତାଂ ସାକ୍ତି ହସି ହାତି ଲାକେ ଆନ୍ ପୁରାଙ୍ଗ୍ ।” ୪୭ ଏଚେକାଡ଼ଦ କଗ୍ଲେ ହୁଡ଼ତାଡ଼ ଜେ, ହେଦେଲ୍ ତରୁଜି ମାଞ୍ଜେଙ୍ଗ୍ ଆଡ଼ଞ୍ଜାତାଡ଼, ହେ ଏଚେକାଡ଼ଦ ହେଦେଲ୍ ତୁଗ୍ଜି ତୁଗ୍ଜି ଖାଜି ହେଖାନିଂ ତାଣ୍ଡାହାଡ଼ ମାଗ୍ଜି, ଇନାକିଦେଂ ତାଙ୍ଗେଙ୍ଗ୍ ତୁଡାଡ଼ ଆରି ଇନେସ୍ ସାଙ୍ଗେ ସାଙ୍ଗେ ଉଦ୍ ଆତାଡ଼ ହେଦାଂ ଓଜାର୍ ମାନାୟ ମୁମ୍ଦ ଖେଚଚାଡ଼ । ୪୮ ହେବେଣ୍ଡାଂ ହେଦେଲିଂ ଇଚାନ୍, “ଏ ଗାଡ଼ତେ ନି ପାଟିଂ ନିଙ୍ଗେଙ୍ଗ୍ ଉଦ୍ କିଡ଼ତାଡ଼ନ୍ନା, ସୁସ୍ତାତାଂ ତାଙ୍ଗ୍ଜି ହାଲା ।”

୪୯ ହେଖାନ୍ ଇ ବେରଣ୍ ଇଞ୍ଜିମାନିହିଂ କୁଟୁମ୍ ଇଞ୍ଜିନି ମୁଡ଼ଦାକାନ୍ ରଖାନ୍ ଖାଜି ଇଚାନ୍, “ନି ଗାଡ଼ ହାତାତେ, ଗୁରୁଙ୍ଗ୍ ଆରେ କସ୍ ହିମାଟ୍ ।”

୫୦ ମାଚର ଜିସୁ ଇଦାଂ ଖେନ୍ଞ୍ଜି ଜାଇରସ୍ତିଂ ଉତର୍ ହିତାନ୍, “ପାଣ୍ଡା ଆମା, କେବଲ୍ ପାଟିଂ କିୟା, ଆରେ ହେଦେଲ୍ ଉଦ୍ ଆନାଡ଼ ।”

୫୧ ଆରେ, ହେଖାନ୍ ଇଞ୍ଜ ଖାଜି ପିତର୍, ଜହନ୍ ଆରି ଜାକୁବ୍, ଆରେ ଗାଡ଼ତେ ଲାତ୍ରାହି ତେହିଙ୍ଗ୍ ପିସ୍ତି ଆରେ ଇନେରିଂ ତା ଲାହାଙ୍ଗ୍ ବିତ୍ରେ ହଣ୍ଡେଙ୍ଗ୍ କାଜିଂ ହିଞ୍ଜାଚାର୍ । ୫୨ ମାଚର ଓଜାକାର୍ ହେ କାଜିଂ ଆଡ଼ଜି ଆଡ଼ଜି ନେଞ୍ଜେଡାକିତ ଇଡ଼ିୟା ଆଜି ମାଚାର୍ । ହେବେଣ୍ଡାଂ ହେଖାନ୍ ଇଚାନ୍, “ଆଡ଼ବାମାଡ଼; ହେଦେଲ୍ ହାଞ୍ଜାତାଡ଼ନ୍ନା, ମାଚର ହୁଞ୍ଜୁନାତା ।”

୫୩ ମାଚର ହେଦେଲ୍ ହାତାତେ ଇଞ୍ଜି ପୁନ୍ଞ୍ଜି ମାତିଲେ ହେଖାର୍ ଜିସୁଙ୍ଗ୍ ଗ୍ରେଚ୍ଚେଂ ଲାଗାତାର୍ । ୫୪ ମାଚର ଜିସୁ ତା କେଇ ଆସ୍ତି ହିରବିସ୍ ଇଚାନ୍, “ଏ ଗାଡ଼ତେ ନିଙ୍ଗା ।” ୫୫ ହେବେ ତା ଜିବୁନ୍ ଖାତାଡ଼, ଆରେ ହେଦେଲ୍ ହେ ଦାପ୍ରେ ନିଙ୍ଗତାଡ଼, ଆରେ ଜିସୁ ତାଙ୍ଗେଙ୍ଗ୍ ଇଚୁଟିଂ ତିଞ୍ଜେଙ୍ଗ୍ ହିଦେଙ୍ଗ୍ ଇଞ୍ଜି ବଲ୍ ହିତାନ୍ । ୫୬ ଇବେ ହେ ଲାତ୍ରାହି ତେହି ଟାଟକା ଆତାର୍; ମାଚର ହେ ଗଟ୍ଟାଣି କାତା ଇନେରିଂ ଖେଚପାମାଡ଼ ଇଞ୍ଜି ବଲ୍ ହିତାନ୍ ।



ଜିସୁ ବାରଜାଣ୍ ଚେଲାରିଂ ପକ୍ତାନ୍
(ମାତିଉ ୧୦:୫-୧୫; ମାର୍କ ୬:୭-୧୩)

୧ ଇବେତାଂ ହେଖାନ୍ ବାରଜାଣ୍ ଚେଲାରିଂ କୁକ୍ତି ରବେ କିଜି ହେଖାରିଂ ସବୁ ପୁଦାଂ ପିହିକିଦେଂ, ଆରେ ରଗ୍ ଉଦ୍ କିଦେଙ୍ଗ୍ କାଜିଂ ସାକ୍ତି ଆରି ଆଦିକାର୍ ହିତାନ୍ । ୨ ଆରେ, ହେଖାନ୍ ହେଖାରିଂ ଇସ୍ତର୍ ରାଜିନି ନେକ୍ତିକାରୁର୍ ସୁଣାୟ୍ କିଦେଙ୍ଗ୍ ଆରି ରଗ୍ୟାରିଂ ଉଦ୍ କିନି କାଜିଂ ପକ୍ତାନ୍, ୩ ଆରି, ହେଖାରିଂ ଇଚାନ୍, “ମି ହାନି କାଜିଂ ବାଡ଼ଗା କି ମାଣା କି ରୁଟି କି ତାରୁଙ୍ଗ୍ ପା ଅମାଟ୍, ନଲେ ରିଣ୍ଡାଂ ଆଙ୍ଗିଙ୍ଗ୍ ରଚେ ଇଟ୍ମାଟ୍ । ୪ ଆରେ, ଏପେଙ୍ଗ୍ ଇମ୍ଣି ଇଞ୍ଜ ମାନିକିଦନାର୍, ହେ ବାହାତାଂ ହାଲ୍ଡି ପାତେକ୍ ହେବେ ମାନାଟ୍ । ୫ ଆରେ, ଏଚେକ୍ ଜାଣ୍ ମିଙ୍ଗେଙ୍ଗ୍ ମାନିକିଦୁର୍, ହେ ନାସ୍ତାଂ ଖାନିହିଂ ହେଖାର୍ ବିରୁଦ୍ ସାକି ହିନି କାଜିଂ ମି ପାନାନି ଦୁଡ଼ି ତାଡ଼ତି ତୁହିୟାଟ୍ ।

୬ ହେବେଣ୍ଡାଂ ହେଖାର୍ ହାଲ୍ଡି ଓଜୁ ବାହାତ ନେକ୍ତିକାରୁର୍ ସୁଣାୟ୍ କିତାର୍ ଆରି ଉଦ୍ କିଜି କିଜି ନାସ୍ତାକୁ ନାସ୍ତାକୁ ବୁଲାଆଦେଂ ଲାଗାତାର୍ ।”

ହେରଦ୍ ରାଜା ଗୁପା ଆତାନ୍
(ମାତିଉ ୧୪:୧-୧୨; ମାର୍କ ୬:୧୪-୨୯)

୭ ଇବେଣ୍ଡାଂ ଗାଲିଲିନି ସାମନ୍ତ ରାଜା ହେରଦ୍ ଇ ଓଜୁ ଗଟ୍ଟା ବିସ୍ତେ ଖେନ୍ଞ୍ଜି ବୁଦିଆନ୍ଦାର୍ ଆତାନ୍, ଇନାକିଦେଂକି ବାପ୍ତିସିମ୍ ହିନି ଜହନ୍ ହାତି ତାକେଣ୍ଡାଂ ନିଂତାନ୍ନା ଇଞ୍ଜି ଇନେ ଇନେର ଇଞ୍ଜି ମାଚାର୍ । ୮ ଆରେ, ଇନେ ଇନେର ଏଲିୟ

☆ ୯:୫ ୯:୫ ପକ୍ଷାତାକା ୧୩:୫୧. ☆ ୯:୫ ୯:୫ ଲୁକ ୧୦:୪-୧୧. ☆ ୯:୭ ୯:୭ ମାତିଉ ୧୨:୧୪; ମାର୍କ ୮:୨୮; ଲୁକ ୯:୧୯.

ଚଞ୍ଚା ଆତାନ୍ନା ଇଞ୍ଜି ଇଞ୍ଜି ମାଚାର ଆରି ବିନ୍ନିକାର ଆଗେଦିନ୍ତି ବେଶ୍‌ବାକ୍‌ଶାୟକିନାକାନ୍ତି ବିତ୍ତେ ରଞ୍ଜାନ୍ ଆରେ ନିଂତାନ୍ନା ଇଞ୍ଜି ଇଞ୍ଜି ମାଚାର ।

୯ ମାତର ହେରଦ୍ ଇଚାନ୍, “ଜହନ୍ତି କାପଡାତ ଆନ୍ ଚୁଟାଙ୍ଗନା, ମାତର ଇନେର୍ ବିସ୍ତେ ଏଲେଙ୍ଗ୍ ବାନି କାତା ଖେନାପା, ଇଞ୍ଜାନ୍ ଇନେନ୍ ? ଆରେ, ହେଞ୍ଜାନ୍ ତାଙ୍ଗେଙ୍ଗ୍ ହୁଡ୍‌ଦେଂ ଇଞ୍ଜି ସେସ୍ତା କିଜି ମାଚାନ୍ ।”

ଜିସୁ ପାଞ୍ଚ ହାଜାର ମାନାୟତିଂ ଚିତ୍‌ପାତାନ୍
(ମାତିଉ ୧୪:୧୩-୨୧; ମାର୍କ ୬:୩୦-୪୪; ଜହନ୍ ୬:୧-୧୪)

୧୦ ପାଚେ ପକ୍ୟାତାକାର ମାସ୍‌ଦି ଖାଜି, ଇନା ଇନାକା କିଜି ମାଚାର, ହେ ଖିଜୁ ତା ତାକେ ଖେଚ୍‌ପାତାର । ଆରେ ହେଞ୍ଜାନ୍ ହେଞ୍ଜାରିଂ ରଚେ ଅଜି ହାଲ୍‌ଜି ବିନେ ଆଜି ବେଡ୍‌ସାଇଦା ଇନି ଗାଡ୍‌ଦ ହାଚାର । ୧୧ ମାତର ମାନାୟାର ହେଦାଂ ପୁଞ୍ଜି ହେଞ୍ଜାନ୍ ପାଚେ ହାଚାର; ଆରେ, ହେଞ୍ଜାନ୍ କାର୍ମା ଆଜି ହେଞ୍ଜାରିଂ ଅଜି ହାଲ୍‌ଜି ଇସ୍‌ତ ରାଜି ବିସ୍ତେ ହେଞ୍ଜାରିଂ ଖେଚ୍‌ଚେଙ୍ଗ୍ ଲାଗାତାନ୍, ଆରେ ଇନେର୍‌ତି ଉଜ୍ ଆଦେଂ ଇଚା ମାଚାଡ୍, ହେଞ୍ଜାରିଂ ଉଜ୍ କିତାନ୍ ।

୧୨ ଇଦାଂ ପାଚେ ଖେଡା ହାନିହିଂ; ହେବେ ବାରଜାଣ ହେଞ୍ଜାନ୍ କଚଣ୍ଡ ଖାଜି ଇଚାର, “ମାନାୟାର ଇନେସ୍ ଚାରିବେଣ୍ଡି ନାସ୍‌କୁ ଆରି ଗୁଡାନ୍‌କାର ହାଲ୍‌ଜି ମାଞ୍ଜେଙ୍ଗ୍ ଆରି କାଦି ପାୟା ଆନାର, ହେଦାଂ କାଜିଂ ହେଞ୍ଜାରିଂ ପକାମ୍‌ଦେ, ଇନାକିଦେଂକି ଆସେଙ୍ଗ୍ ଇବେ ଚିମ୍‌ରା ବାହାତ ମାନାସ୍ ।”

୧୩ ମାତର ହେଞ୍ଜାନ୍ ହେଞ୍ଜାରିଂ ଇଚାନ୍, “ଏପେଙ୍ଗ୍ ହେଞ୍ଜାରିଂ ଚିତ୍‌ପାଚ୍ ।”

ହେଞ୍ଜାର ଇଚାର, “ମା ତାକେ ପାଞ୍ଚଗଟା ରୁଟିଂ ଆରେ ରିଣ୍ଡାଂ ମିନ୍‌କୁ ତାଙ୍ଗ୍ ଆଗ୍‌ଡା ହିଲ୍‌କୁ; ତାଆତିସ୍ ଆସେଙ୍ଗ୍ ଇନାକା ହାଲ୍‌ଜି ଇ ଖିଜାକାର ମାନାୟ କାଜିଂ କାଦି କଡ୍‌ନାସ୍ ?” ୧୪ ଇନାକିଦେଂକି ହେଞ୍ଜାର୍ ଆନ୍‌ମାନ୍ ପାଞ୍ଚ ହାଜାର୍ ଆଣ୍ଡାହିମ୍‌ଣାଂ ମାଚାର ।

“ଆରି, ଜିସୁ ଜାର୍ ଚେଲାହିରିଂ ଇଚାନ୍, ଇସାବ୍ କିଜି ରିକଡ୍‌ଦସ୍ ରିକଡ୍‌ ଦସ୍‌ଜାଣ୍ କିଜି ହେଞ୍ଜାରିଂ ମାନ୍ଦା ମାନ୍ଦା କିଜି କୁଚିକିୟାର୍ ।”

୧୫ ହେବେଣ୍ଡାଂ ହେଞ୍ଜାର୍ ହେ ଲାକେ କିଜି ଖିଜାରିଂ କୁଚିକିତାର୍ । ୧୬ ଆରେ, ଜିସୁ ହେ ପାଞ୍ଚଗଟା ରୁଟିଂ ଆରେ ରିଣ୍ଡାଂ ମିନ୍‌କୁ ଅଜି ବାଦାଡ୍‌ତି ହୁଡ୍‌ଜି ହେ ଖିଜୁକାଙ୍ଗ୍ ଆସିର୍ବାଦ୍ କିତାନ୍, ଆରେ ତ୍ରିପକିସ୍ ଖିଜୁ ଲଗାଂ ଚିତ୍‌ପି କିଦେଙ୍ଗ୍ କାଜିଂ ଚେଲାରିଂ ହିଦେଂ ଲାଗାତାନ୍ । ୧୭ ହେବେ ଖିଜାକାର୍ ତିନ୍‌ଞ୍ଜି ପଟ୍ ପାଞ୍ଚାର୍, ଆରେ ହେଞ୍ଜେର୍ ହେଞ୍ଜାର୍ କଚଣ୍ଡ ହାଚ୍‌ଡିକିଙ୍ଗ୍ ବାର ଚପା ତ୍ରିଙ୍ଗ୍‌ତି କୁଦ୍ରି ପେସ୍‌ଜି ଅଚାର ।

ଜିସୁଙ୍କ ପିତର ମାନିକିତାନ୍
(ମାତିଉ ୧୬:୧୩-୧୯; ମାର୍କ ୮:୨୭-୨୯)

୧୮ ରଗ ଜିସୁ ଚିମ୍‌ରାତାଂ ପାର୍ତାନ୍ନା କିଜି ମାନିହିଂ ଚେଲାହିର୍ ତା ଲାହାଙ୍ଗ୍ ମାଚାର, ଆରେ ଜିସୁ ହେଞ୍ଜାରିଂ ଖେନ୍‌ବାତାନ୍, “ଆନ୍ ଇନେନ୍ ଇଞ୍ଜି ମାନାୟାର ଇନାକା ଇଞ୍ଜନାରା ?”

୧୯ * “ଇବେ ହେଞ୍ଜାର୍ ଉତର୍ ହିତାର୍, ବାପ୍ରିସିମ୍ ହିନି ଜହନ୍,” ମାତର ଇନେର୍ ଇନେର୍ ଇନାର୍, “ଏଲିୟ, ଆରେ ଇନେର୍ ଇନେର୍ ଇନାରା, ଆଗେନି ଦିନ୍ତି ବେଶ୍‌ବାକ୍‌ଶାୟ କିନାକାନ୍ ବିତ୍ତେ ରଞ୍ଜାନ୍ ଆରେ ନିଂତାକାନ୍ ଆତାନ୍ନା ।”

୨୦ * ଜିସୁ ହେଞ୍ଜାରିଂ ଖେନ୍‌ବାତାନ୍, “ମାତର ଆନ୍ ଇନେନ୍ ଇଞ୍ଜି ଏପେଙ୍ଗ୍ ଇନାକା ଇଞ୍ଜନାଦେରା ?”

ପିତର ଉତର୍ ହିତାନ୍, “ଇସ୍‌ତ କ୍ରିସ୍ଟ୍ ।”

ଜିସୁ ନିଜେ ହାଜି ଆରେ ଜିବୁନ୍ ଖାଜି ବିସ୍ତେ ନି ବେରଣ୍
(ମାତିଉ ୧୬:୨୦-୨୮; ମାର୍କ ୮:୩୦-୯:୧)

୨୧ ଆରେ ଜିସୁ ହେଞ୍ଜେରିଂ ଇଚାନ୍ ଇଦାଂ ଇନେରିଂ ଖେଚ୍‌ମାଚ୍ ଇଞ୍ଜି ହେଞ୍ଜାରିଂ ତାଚ୍ କିଜି ବଲ୍ ହିଜି ଇଚାନ୍, ୨୨ ଆରେ ହେଞ୍ଜାନ୍ ହେଞ୍ଜାରିଂ ଇଚାନ୍, “ମାନାୟ ମାଜିଂ ଆଦିକ୍ ଦୁକ୍‌ପାୟା ଆନାକା ମାନାଡ୍ ଆରେ ବୁଡାଲୁର୍, ମୁଡ୍ ମାପୁହେବାକିନାକାନ୍ ଆରି ସାସ୍‌ିର୍ ହୁକେ ମୁନା କିୟା ଆଜି ହାନାକା ଆନାଡ୍, ଆରେ ତିନ୍‌ଦିନ୍‌ତାଂ ନିଙ୍ଗ୍‌ନାକା ମାନାଡ୍ ।”

୨୩ * ହେ ପାଦ୍‌ନା ଜିସୁ ଖିଜାରିଂ ଖେଚ୍‌ଚାନ୍, “ଇନେନ୍ ଏଚେକାଡ୍‌ଦ ନା ଲାହାଙ୍ଗ୍ ଖାଦେଙ୍ଗ୍ ଇଚା କିନାନ୍, ଖିଜୁ ପିସ୍‌ସି ସବୁଦିନା ହେଞ୍ଜାନ୍ କୁସ୍ ଆସ୍ତି ନା ଲାହାଙ୍ଗ୍ ଖାୟେନ୍ । ୨୪ * ଇନାକିଦେଂକି ଇନେନ୍ ଜାର୍ ଜିବୁନ୍ ରାକ୍ୟା କିଦେଙ୍ଗ୍ ଇଚା କିନାନ୍, ହେଞ୍ଜାନ୍ ତା ଜିବୁନ୍ ଆରାୟ କିନାନ୍; ମାତର ଇନେର୍ ଜଦି ନା କାଜିଂ ହେଞ୍ଜାନ୍ ଜିବୁନ୍ ଆରାୟ କିନାନ୍, ହେଞ୍ଜାନ୍ ହେଦାଂ ରାକ୍ୟା କିନାନ୍ । ୨୫ ଆରି, ମାନାୟ ଏଚେକାଡ୍‌ଦ ଖିଜୁ ପୁଡ୍‌ତିଂ ଲାବ୍ କିଜି ଜାର୍ ଜିବୁନ୍ ଆରାୟ କିନାନ୍, ତେବେ ତାଦାଙ୍ଗ୍ ଇନା ଲାବ୍ ? ୨୬ ଲାଗିଂ ଇନେର୍‌କି ଜଦି ନା ଆରେ ନାଦାଂ ବେରଣ୍ ବିସ୍ତେ ଲାଜକୁଡା ଆନାନ୍, ମାନାୟ ମାଜି ଏଚେକାଡ୍‌ଦ ଜାର୍‌ତି ଆରି ଆବାତି, ମତର୍ ପୁଇପୁୟା ଦୁଡ୍‌ର୍ ଜାଜ୍‌ମାଲ୍ ଖାନାନ୍, ହେଞ୍ଜେଡାଂ ହେଞ୍ଜାନ୍ ହେଦାଂ ବିସ୍ତେ

* ୯:୧୯ ୯:୧୯ ମାତିଉ ୧୪:୧,୨; ମାର୍କ ୬:୧୪,୧୫; ଲୁକ ୯:୬,୮. * ୯:୨୦ ୯:୨୦ ଜହନ୍ ୬:୬୮,୬୯. * ୯:୨୩ ୯:୨୩ ମାତିଉ ୧୦:୩୮; ଲୁକ ୧୪:୨୭.
* ୯:୨୪ ୯:୨୪ ମାତିଉ ୧୦:୩୯; ଲୁକ ୧୭:୩୩; ଜହନ୍ ୧୨:୨୫.

ଲାଜା ଆନାନ୍ । ୨୭ ମାତର୍ ଆନ୍ ମିଙ୍ଗେଙ୍ଗ୍ ହାତ୍‌ପା ଇଞ୍ଜନାଙ୍ଗା, ଇସ୍‌ତର୍ ରାଜି ହୁଡ୍‌ଝି ପାତେକ୍ ଇବେ ନିଲ୍‌ଚିମାନି ଲକୁ ବିତ୍ତେ ଏଚେକ୍‌ଜାଣ୍ ଇନେସ୍ କିଜିପା ହାକି ହୁଡ୍‌ରୁ ।”

ଜିସୁତି ପାଗ୍‌ମାସ୍‌ନାକା
(ମାଡିଉ ୧୭:୧-୮; ମାର୍କ ୯:୨-୮)

୨୮ ଇ ଝିଲୁ ଗର୍‌ଶାନି ଆର୍ ଦିନ୍ ପାଚେ ହେଝାନ୍ ପିତର୍, ଜହନ୍ ଆରି ଜାକୁବ୍‌ତିଂ ରଚେ ଅଜି ହାଲ୍‌ଜି ପାର୍ତାନା କିନି କାଜିଂ ମାଡି ଜପି ହାଚାର । ୨୯ ଆରେ, ଜିସୁ ପାର୍ତାନା କିନି ଝେଡାଲିଂ ତା ମୁମ୍ ବାଦଲି ଆତାଡ୍ ଆରି ତା ହେୟା ତିନ୍‌ସାଡ୍ ଆରି ଜବର୍ ଅଜଡ୍ ଆତାଡ୍ । ୩୦ ଆରେ ହୁଡାଟ୍ ତ୍ରିପକୁ, ମସା ଆରି ଏଲିୟ, ଇ ରିୟାର୍ ହେଝାନ୍ ଲାହାଙ୍ଗ୍ ବେରଣ୍ କିଦେଙ୍ଗ୍ ଲାଗାତାର୍; ୩୧ ହେଝାର୍ ସାଗେ ପାଣତାଂ ଚଞ୍ଜୟା ଆଜି ମାଚାର୍, ହେଝାନ୍ ଜିରୁସାଲମ୍‌ତ ଇନାଝାଡାଙ୍ଗ୍ ହାଞ୍ଜେଙ୍ଗ୍ ଜାଲ୍‌ଦି ଆଜି ମାନାର୍, ହେ ବିସ୍ତେ ଇଞ୍ଜି ମାଚାର୍ । ୩୨ ହେ ଝାଡାଙ୍ଗ୍ ପିତର୍ ଆରି ତା ହାଙ୍ଗ୍‌ଦାକାର୍ ହୁଡ୍‌କାଣ୍‌କୁ ହତିଲେ ହୁନ୍‌ଞ୍ଜି ମାଚାର୍; ମାତର୍ ହେଝାର୍ ହୁନ୍‌ଜି ନିଙ୍ଗ୍‌ନିହିଂ ହେଝାନ୍ତି ଜାଜମାଲ୍ ଆରି ତା ଲାହାଂ ନିଲ୍‌ଚି ମାନି ହେ ରିୟାରିଂ ହୁଡ୍‌ତାର୍ । ୩୩ ପାଚେ ହେଝାର୍ ତା ତାକେଣ୍ଡାଂ ହାନିହିଂ ପିତର୍ ଜିସୁଙ୍ଗ୍ ଇଞ୍ଜେଙ୍ଗ୍ ଲାଗାତାନ୍, “ଏ ଗୁରୁ, ଆପେଂ ଜେ ଇ ବାହାତ ମାନାପ, ଇଦାଂ ହାର୍‌ଦାକା; ଆସେଙ୍ଗ୍ ତିନ୍‌ଗଟା ପୁଟ୍‌କୁ ରଚ୍‌ନାସ୍, ନି କାଜିଂ ରଞ୍ଜାଙ୍ଗ୍, ମସା କାଜିଂ ରଞ୍ଜାଙ୍ଗ୍ ଆରେ ଏଲିୟ କାଜିଂ ରଞ୍ଜାଙ୍ଗ୍ ।” ମାତର୍ ହେଝାନ୍ ଇନାକା ଇନାନ୍ନା, ହେଦାଂ ପୁନ୍‌ଝାଦାଂ ମାଚାର୍ ।

୩୪ ପିତର୍ ଇଦାଂ ଇନୁ ଇନୁ ବାଦାଡ୍ ଝାଜି ହେଝାରିଂ ତାବାୟ୍ କିତାଡ୍, ଆରେ ହେଝାର୍ ବାଦାଡ୍‌ତାକେ ହଣ୍‌ଗିନିହିଙ୍ଗ୍ ପାଣ୍ଡା ଆତାର୍ । ୩୫ ପାଚେ ହେ ବାଦାଡ୍‌ତାଂ ଇ କାତା ଆତାଡ୍, “ଇଝାନ୍ ନା ମାଜି, ମା ବାଟି କିତି ଇଝାନ୍ତି ବଚନ୍ ଝେନାଟ୍ ।”

୩୬ ଆରେ, ହେ କାତା ଆତି ପାଚେ ଜିସୁ ରଝାନ୍‌ନେ ଚନ୍‌ଞ୍ଜାତାନ୍ । ପାଚେ, ହେଝାର୍ ଚିମ୍‌ରା ଆଜି ମାଚାର୍, ଆରେ ଇନା ଇନାକା ହୁଡ୍‌ଜି ମାଚାର୍, ହେବେଣ୍ଡାଂ ଇନା ବେରଣ୍ ହେଝାଡାଂ ଇନେରିଂ ଝେଟ୍‌ଝାତାର୍ ।

ପୁଦା ଆୟାତି କାଡ୍‌ଦେଂ ଜିସୁ ଉଜ୍ କିତାକା
(ମାଡିଉ ୧୭:୧୪-୧୮; ମାର୍କ ୯:୧୪-୨୭)

୩୭ ମାହିଙ୍ଗ୍‌ନି ଦିନ୍ ଜିସୁ ଆରେ ତିନ୍‌ଜାଣ୍ ଚେଲାର୍ ମାଡିତାଂ ଜୁଜି ଝାଡିଲେ, ବେସିହେନି ମାନାୟ୍ ତା ଲାହାଙ୍ଗ୍ ବେଟା ଆତାର୍ । ୩୮ ଆରେ ହୁଡାଟ୍, ମାନାୟ୍ ଗହଲି ବିତ୍ତେତାଂ ରଝାନ୍ ଗାଜା ଝେଇ କିଜି ଇଚାନ୍, “ଏ ଗୁରୁ, ଆନ୍ ନିଙ୍ଗେଙ୍ଗ୍ ଗଝାରି କିଦ୍‌ନାଙ୍ଗା, ନା ମାଜି କାଜିଂ କାର୍ମା ହୁଡା, ଇନାକିଦେଂକି ହେଝାନ୍ ନା ରଝାନ୍ ଇଞ୍ଜି ମାଜି; ୩୯ ହୁଡାଟ୍, ତାଙ୍ଗେଙ୍ଗ୍ ର ପୁଦା ଆହ୍‌ନାଡ୍, ଆରେ ହେଝାନ୍ ତ୍ରିପକୁ କିରଡି କିଜି ନିଙ୍ଗ୍‌ନାନ୍, ପାଚେ ହେଝାନ୍‌ି ଏଲେଙ୍ଗ୍ ମଡିକିନାଡ୍ ଜେ, ତା ଝେଇଦିଂ ପେପଲା ହଡ୍‌ନାଡ୍, ପାଚେ ହେଦାଂ ତାଙ୍ଗେଙ୍ଗ୍ ଚିର୍‌ବିର୍ କିଜି ତା ତାକେଣ୍ଡାଂ କେତେ କସ୍‌ତାଂ ହସି ହାନାଡ୍ । ୪୦ ତାଙ୍ଗେଙ୍ଗ୍ ପିହିକିଦେଂ ଇଞ୍ଜି ଆନ୍ ନି ଚେଲାରିଂ କୁକ୍‌ତି ମାଚାଙ୍ଗ୍, ମାତର୍ ହେଝାର୍ ଆଡ୍‌ଝାତାର୍ ।”

୪୧ ଜିସୁ ଉତର୍ ହିତାନ୍, “ଆଡେ ପାତ୍ କିଝାକାଦେର୍ ଆରି ବାନସା ଲାତ୍ରାର୍, ଏଚେକ୍ ଦିନ୍ ଆନ୍ ମି ଲାହାଙ୍ଗ୍ ରଚେ ମାନ୍‌ଞ୍ଜି ମି ଚିନ୍ତା ଏଚେକ୍ ହୁଞ୍ଜନାଙ୍ଗ୍ ? ମି ମାଜିଙ୍ଗ୍ ନା ତାକେ ତାଇଝାଡୁ ।”

୪୨ କାଡ୍‌ଦେ ଝାଉ ଝାଉ ପୁଦା ତାଙ୍ଗେଙ୍ଗ୍ ତାରେନ୍ ଗୁଡ୍‌ତି ବେସି ରାଗ୍‌ଦାଂ ମଡିକିତାଡ୍, ମାତର୍ ଜିସୁ ବାନସା ଜିବୁନ୍‌ତିଂ ଦାକା କିତାନ୍ ଆରି କାଡ୍‌ଦେଂ ଉଜ୍ କିଜି ତାଞ୍ଜିଆବା କେଇଦ ହିତାନ୍ । ୪୩ ହେବେ ଝିଜାକାର୍ ଇସ୍‌ତର୍ ଗାଜା ସାଲ୍‌ଜି କାଜିଂ କାବା ଆଜି ହାଚାର୍ । ମାତର୍ ହେଝାନ୍ କିତି ଝିଲୁ କାମାୟ୍ କାଜିଂ ଝିଜାକାର୍ ଚାନସା ଆଜି ମାନି ଝେଡାଙ୍ଗ୍ ଜିସୁ ତା ଚେଲାରିଂ ଇଚାନ୍ ।

ଜିସୁ ନିଜେ ହାନାକା ଝେଟ୍‌ଚାନ୍
(ମାଡିଉ ୧୭:୨୨-୨୩; ମାର୍କ ୯:୩୦-୩୨)

୪୪ “ଇ ଝିଲୁ ବେରଣ୍ ମି କିଡୁଲିକାଂ ନେଟ୍‌ଚାଟ୍; ଇନାକିଦେଂକି ମାନାୟ୍ ମାଜି ମାନାୟ୍ କେଇଦ ହେଲାୟ୍ କିୟା ଆଦେଂ ହାନାନା ।” ୪୫ ମାତର୍ ଚେଲାହିର୍ ହେ ଇ ବେରଣ୍ ବୁଜା ଆଝାତାର୍, ଆରେ ହେଦାଂ ହେଝାର୍‌ତାକେଣ୍ଡାଂ ତ୍ରିଗୁଜି ମାଚାଡ୍, ଇନେସ୍ ହେଦାଂ ହେଝାର୍‌ତି ଅବୁଜା ଆଡ୍‌ଡ୍, ଆରେ ହେଝାର୍ ହେ କାତା ବିସ୍ତେ ତାଙ୍ଗେଙ୍ଗ୍ ଝେନ୍‌ବେଦେଂ ପାଣ୍ଡା ଆଜି ମାଚାର୍ ।

ଝିଲୁ ତାଙ୍ଗ୍ ଗାଜା ଝିଲୁ ତାଙ୍ଗ୍ ହିରୁ
(ମାଡିଉ ୧୮:୧-୫; ମାର୍କ ୯:୩୩-୩୭)

୪୬ ହେଝାର୍ ବିତ୍ତେ ଇନେନ୍ ଗାଜାକାନ୍, ହେ ବିସ୍ତେ ହେଝାର୍ ବିତ୍ତେ ଇନ୍‌ବା ଆତାର୍ । ୪୭ ମାତର୍ ଜିସୁ ହେଝାର୍‌ତି ମାଡ୍‌ଟ୍ ବେଣ୍‌ବାଟ୍ କିନାକା ପୁନ୍‌ଞ୍ଜି ର ହିରୁକାନ୍ କାଡ୍‌ଦେଂ ଅଜି ଜାର୍ କଚଣ୍‌ଡ୍ ନିଲି କିଜି ହେଝାରିଂ ଇଚାନ୍, ୪୮ ଇନେର୍ ନା

☆ ୯:୩୫ ୯:୩୫ ମାଡିଉ ୩:୧୭; ୧୨:୧୮; ମାର୍କ ୧:୧୧; ଲୁକ ୩:୨୨. ☆ ୯:୩୫ ୯:୩୫ ୨ ପିତର୍ ୧:୧୭,୧୮. ☆ ୯:୪୭ ୯:୪୭ ଲୁକ ୨୨:୨୪. ☆ ୯:୪୮ ୯:୪୮ ମାଡିଉ ୧୦:୪୦; ଲୁକ ୧୦:୧୭; ଜହନ୍ ୧୩:୨୦.

ତରଦାଂ ଇ ହିରୁ ହିମ୍‌ଶାତିଂ ମାନିକିନାର୍, “ହେଞ୍ଜାର ନାଢେଞ୍ଜ ମାନିକିଦନାର୍, ଆରେ ଇନେର୍ ନାଢେଞ୍ଜ ଇର୍ଦାନାର୍, ହେଞ୍ଜାର ନା ପକ୍ତାତାକିନିଂ ମାନିକିନାର୍; ଇନାକିଦେଂକି ମି ଓଜାଦେର୍ ବିତ୍ତେ ଇନେନ୍ ହିରୁକାନ୍; ହେଞ୍ଜାନ୍ ଗାଜାକାନ୍ ।”

ଇନେର୍ ବେରିୟାର୍ ଆକାୟ୍ ହେଞ୍ଜାର୍ ସାଇଜ କାରିୟାର୍

^{୪୯} ହେବେ ଜହନ୍ ଉତର୍ ହିତାନ୍, “ଏ ଗୁରୁ, ଆପେଂ ରଞ୍ଜାନିଂ ନି ତରଦାଂ ପୁଦା ପିହି କିନାକା ହୁଡ଼ତାପ, ଆରେ ହେଞ୍ଜାନ୍ ମା ଦଲ୍ଲଦ ଖାଞ୍ଜିକାଜିଂ ତାଢେଞ୍ଜ ମୁନା କିତାପ୍ ।”

^{୫୦} ମାତର୍ ଜିସୁ ତାଢେଞ୍ଜ ଇଚାନ୍, “ମୁନା କିମାଟ୍,” ଇନାକିଦେଂକି ମିଦାଞ୍ ଆଣ୍ଟିପାକ୍ୟା ଆକାୟ୍, “ହେଞ୍ଜାନ୍ ମି ପାକ୍ୟା ।”

ସମିରଣିନି ନାସ୍ତ ଜିସୁଞ୍ ମାନିକିଞ୍ଜାତାଟ୍

^{୫୧} ପାଚେ ଏଚେକାଡ଼ଦ ଜିସୁ ପୁତ୍ ପିସ୍ତି ସାଗେ ହାନି ଦିନ୍ ଲାଗେ ଖାଜି ମାଚାଟ୍, ହେଞ୍ଜାଡ଼ାଂ ହେଞ୍ଜାନ୍ ଜିରୁସାଲମ୍‌ତ ହାଞ୍ଜେଞ୍ଜ ଡିୟାର୍ ଆତାନ୍, ^{୫୨} ହେଞ୍ଜାନ୍ ଆଗେ ଦୁଡ଼ତିଂ ପକ୍ତାନ୍ । ହେଞ୍ଜାର୍ ହାଲ୍ଲଜି ଜିସୁ କାଜିଂ ଜାଲ୍ଲଦି କିଦେଞ୍ଜ ସମିରଣିୟନି ତରଦି ର ନାସ୍ତ ହଣ୍ଡାତାଟ୍; ^{୫୩} ମାତର୍ ହେଞ୍ଜାନ୍ ଜିରୁସାଲମ୍‌ତ ହାଞ୍ଜେଞ୍ଜ ମାନ୍ କିତାନ୍‌ନା ଇଞ୍ଜି ପୁଞ୍ଜି ହେଞ୍ଜାର୍ ତାଢେଞ୍ଜ ଇର୍ଞ୍ଜାତାଟ୍ । ^{୫୪} ଇଦାଂ ହୁଡ଼ଜି ଜାକୁବ୍ ଆରେ ଜହନ୍, ଇ ରିୟାର୍ ଚେଲାହିର୍ ଜିସୁଞ୍ ଇଚାଟ୍, ମାପୁ “ଏଲିୟ ପା ଇନେସ୍ କିଜି କିଜି ମାଚାନ୍, ହେ ଲାକେ ସାଗେତାଂ ନାଣି ଆଜିଂ ହେଞ୍ଜାରିଂ ବୁଡ଼ାଇ କିନାଟ୍, ଇଦାଂ ଆପେଂ ଇଞ୍ଜିନାପ୍ ଇଞ୍ଜି ଇନାକା ନି ଇଚା ?”

^{୫୫} ମାତର୍ ହେଞ୍ଜାନ୍ ମାସ୍‌ଦି ହେଞ୍ଜାରିଂ ଗଡ଼ କିତାନ୍ ଆରି ଇଚାନ୍, ଏପେଞ୍ଜ ଇନେସ୍ ବାଡ଼ିଂ ଜିରୁନ୍‌ନି ମାନାୟ୍, ଇଦାଂ ପୁନୁଦେରା । ମାନାୟ୍ ମାସ୍‌ଦି ମାନାୟ୍‌ତିଂ ଜିରୁନ୍ ନସ୍ତ କିଦେଞ୍ଜ ଖାଞ୍ଜାଦାଞ୍ ରାକ୍ୟା କିଦେଞ୍ଜ ଖାତାଂନା । ^{୫୬} ତା ପାଚେ ହେଞ୍ଜାର୍ ଆରେ ର ନାସ୍ତ ତାଞ୍ଜି ହାଚାଟ୍ ।

**ଜିସୁ ଚେଲାହି ଆନାକା ମାନାଟ୍
(ମାତିଉ ୮:୧୯-୨୨)**

^{୫୭} ହେଞ୍ଜାର୍ ହାସ୍‌ଦିଞ୍ ହାନିହିଂ ରଞ୍ଜାନ୍ ମାନାୟ୍ ଜିସୁଞ୍ ଇଚାନ୍, ଏନ୍ ଇମ୍‌ଣି ବାହାତ ହାନାୟ୍, “ଆନ୍ ନି ପାଚେ ପାଚେ ଖାନାଞ୍ ।”

^{୫୮} ଜିସୁ ତାଢେଞ୍ଜ ଇଚାନ୍, କଲ୍ୟାତିଂ ପାରା ମାନାଟ୍, ଆକାସ୍‌ନି ଉମ୍‌ନି ପଚିତିଂ ଗୁଡ଼ା ମାନାଟ୍, ମାତର୍ ମାନାୟ୍ ମାଜି କାପଡ଼ା ଇଡ଼ଦେଂ ବାହା ହିଲୁଡ଼ ।

^{୫୯} ଆରି, ହେଞ୍ଜାନ୍ ଆରେ ରଞ୍ଜାନିଂ ଇଚାନ୍, “ନା ପାଚେପାଚେ ଖା ।”

ମାତର୍ ମାପୁ ଇଚାନ୍, “ପର୍ତ୍ତୁମ୍ ହାଲ୍ଲଜି ମାଞ୍ଜି ଆବାଂ ମୁଚେଞ୍ଜ ଇଞ୍ଜି ନାଢେଞ୍ଜ ବଲ୍ଲ ହିଦା ।”

^{୬୦} ମାତର୍ ଜିସୁ ତାଢେଞ୍ଜ ଇଚାନ୍, “ହାତାକାରିଂ ଜାର୍ ଜାର୍ ହାତି ଲଗାଂ ମୁଚେଞ୍ଜ ପିସ୍ତି ହିୟାଟ୍, ମାତର୍ ଏପେଞ୍ଜ ହାଲ୍ଲଜି ଇସ୍‌ବର୍ ରାଜିତ ସୁଣାୟ୍ କିୟାଟ୍ ।”

^{୬୧} ଆରେ ରଞ୍ଜାନ୍ ପା ଇଚାନ୍, ମାପୁ, “ଆନ୍ ନି ପାଚେ ପାଚେ ଖାନାଞ୍, ମାତର୍ ପର୍ତ୍ତୁମ୍ ମା ଇଞ୍ଜି ମାନି ମାନାୟ୍‌ଚାଂ ଜଞ୍ଜାର୍ ଇଞ୍ଜି ନାଢେଞ୍ଜ ବଲ୍ଲ ହିଦା ।”

^{୬୨} ମାତର୍ ଜିସୁ ତାଢେଞ୍ଜ ଇଚାନ୍, “ଇନେନ୍ ନାଢେଞ୍ଜ କେଇଆଜି ଜେନ୍‌ପାଡ଼କା ହୁଡ଼ନାନ୍, ହେଞ୍ଜାନ୍ ଇସ୍‌ବର୍ ରାଜିତ ହାଞ୍ଜେଞ୍ଜ ଆଡୁନ୍ ।”

୧୦

ଜିସୁ ସତ୍‌ବି ଜାଣ୍ଡିଂ ବାଚିକିତାନ୍

^୧ ଇଦାଂ ପାଚେ ମାପୁ ଆରେ ତିନକଡ଼ି ଦସ୍‌ଜାଣ୍ଡିଂ ବାଚି କିତାନ୍ ଆରି ତା ଇମ୍‌ଣି ଗାଡ଼ ଆରି ବାହାକାଂ ହାନାକା ମାଚାଟ୍, ହେଞ୍ଜାନ୍ ହାନି ଆଗେତାଂ ହେଞ୍ଜାରିଂ ରିୟାର୍ ରିୟାରିଂ କିଜି ହେବେ ପକ୍ତାନ୍ । ^୨ ଆରେ, ଜିସୁ ହେଞ୍ଜାରିଂ ଇଚାନ୍, “ତାସ୍ ହିନା ବେସି, ମାତର୍ କାମାୟ୍ କିନାକାର୍ ଉଣା; ଲାଗିଂ ନି କାମାୟ୍ ବାହାତ କାମାୟ୍ କିନାକାରିଂ ପକ୍ତାନ୍ କାଜିଂ ତାସି ଜମିନି ହାଉକାର୍ ତାକେ ପାର୍ତାନା କିୟାଟ୍ । ^୩ ଏପେଞ୍ଜ ହାଲାଟ୍; ହୁଡ଼ାଟ୍, ହୁଣ୍ଡାଟ୍ ବୁର୍କାକାଂ ବିତ୍ତେ ମେଣ୍ଡା ହିମ୍‌ଶାକାଂ ଲାକେ ଆନ୍ ମିଢେଞ୍ଜ ପଲ୍ଲାନାଞା । ^୪ ଜାଲିୟା ମଣା ଆରି ପାଣ୍ଡାଞ୍ଜ ଆମାଟ୍, ଆରେ ହାସ୍‌ଦ ଇନେରିଂ ଜଞ୍ଜାର୍ କିମାଟ୍ । ^୫ ଆରେ ଇମ୍‌ଣି ଇଞ୍ଜି ଏପେଞ୍ଜ ହଣ୍ଡାଗାନାଦେର୍, ହିଗ୍‌ଦ ଇନାଟ୍, ଇ ଇଲ୍ କାଜିଂ ସୁସ୍ତା ଆୟେଡ଼ । ^୬ ଆରେ, ହେ ବାହାତ ଇନେନ୍ ଜଦି ରଞ୍ଜାନ୍ ସୁସ୍ତାନିକାନ୍ ମାଚିସ୍, ତା ଆତିସ୍ ମି ତାକ୍‌ଣି ସୁସ୍ତା ହେ ଜପି ଦୁମ୍‌ନାଟ୍; ମାତର୍ ଜଦି ହିଲ୍‌ଞ୍ଜିତିସ୍, ତେବେ ହେଦାଂ ମିତାକେଣ୍ଡାଂ ମାଜି ଖାନାଟ୍ । ^୭ ଆରେ, ହେଞ୍ଜାର୍ ତାକେ ଇନାକା ମାନାଟ୍, ତିନଞ୍ଜି ଉଣ୍ଡି ହେ ଇଞ୍ଜି ମାନାଟ୍, ଇନେକିଦେଂକି କାମାୟ୍ କିନାକାଦେର୍ ଡାବୁଞ୍ ପାୟାନ୍ ଜଗ୍ । ଇଲ୍‌କୁକାଂ ଇଲ୍‌କୁ ହାଲ୍‌ମାଟ୍ । ^୮ ଆରେ, ଇମ୍‌ଣି ଗାଡ଼ଦ୍ ଏପେଞ୍ଜ ହଣ୍ଡାଦେର୍ ଆରି ଲକୁ ମିଢେଞ୍ଜ ଇଡ଼ଦାନାର୍, ହେବେ ମିଢେଞ୍ଜ ଇନାକା ଚିଡ଼ପା ଆଦନାର୍, ହେଦାଂ ତିନାଟ୍, ^୯ ହେ ବାହାତ ମାନି ରଗ୍ୟାରିଂ ଉଜ୍ କିୟାଟ୍, ଆରେ ହେଞ୍ଜାରିଂ ଇନାଟ୍, ଇସ୍‌ବର୍‌ତି ରାଜି ମି ତାକେ ଖାତାଚେ । ^{୧୦} ✨ମାତର୍

☆ ୧୦:୧୦ ୧୦:୧୦ ପକ୍ୟାତାକା ୧୩:୫୧.

ଇମ୍ପାଣି ଗାଡ଼ି ଏପେକ୍ ହଣାଦେଇ ଆରି ମାନାୟାର ମିଙ୍ଗେଇଁ ଇଡ଼ଦୁର, ହେବେ ହୁଗିତାକେ ହସି ହାଲ୍ଲି ଇନାଟ୍, ୧୧ ମି ଗାଡ଼ି ଇମ୍ପାଣି ଦୁଡ଼ି ମା ପାନାତ ଆଣ୍ଟାତନା, ହେଦାଂ ପା ମି କାଜିଂ ଡାଡ଼ନାପା; ମାତର ଇସ୍ପରତି ରାଜି ଜେ ଲାଗେ ଖାତାତେ, ଇଦାଂ ପୁନାଟ୍ । ୧୨ *ଆନ୍ ମିଙ୍ଗେଇଁ ଇଞ୍ଜନାଙ୍ଗା, ତା ବିଚାର ନାଞ୍ଜିଙ୍ଗ୍ ହେ ଗାଡ଼ି ଦାଣ୍ଟ ବାଟା ସଦମ୍ନି ଦାଣ୍ଟ ପାୟାନାଟ୍ ।”

ପାତର୍ କିଞ୍ଜାକାର ନାସ୍‌କୁନି ବିଚାର
(ମାତିଉ ୧୧:୨୦-୨୪)

୧୩ ହାୟ, ଡାଣ୍ଟି କଣ୍ଡି କରାଜିନ୍, ହାୟ, ଡାଣ୍ଟି କଣ୍ଡି ବେଡ଼ସାଇଦା, ଇନାକିଦେଂକି ମି ବିଡ୍ରେ ଇମ୍ପାଣି ଇମ୍ପାଣି ସାଲ୍ଲିନି କାମାୟ କିୟା ଆତାଡ଼ନ୍, ହେଦାଂ ଓଁଜୁ ଇନାଖାଡ଼ାଂ ସର ଆରେ ସିଦନ୍ ତାକେ କିୟାଆତାଡ଼ମା, ଲାଗିଂ ହେଖାର ବେସିଦିନ୍ ପୁର୍ବେତାଂ ବାସ୍ତା ଉସ୍ପିସ୍ ନିସ୍ତାକେ କୁଚ୍ଚି ମାନ୍‌ବାଦଲାଇୟ କିତାମା । ୧୪ ଆତିସ୍‌ପା ବିଚାଣ୍ଟାତ ମି ଦାଣ୍ଟ ବାଟା ସର ଆରି ସିଦନ୍‌ନି ଦାଣ୍ଟ ପାୟା ଆନାଟ୍ । ୧୫ ଆରେ, ଆଡ୍ରେ କପର୍ନାହୁମ୍, ଏନ୍ ଇନାକା ସାଗେ ପାତେକ୍ ଲାମା ଆଦେଂ ଆଡ଼ନାୟ ? ପାତାଲ୍ ପାତେକ୍ ନିଙ୍ଗ୍ ଆଦା ହାଞ୍ଜେଇଁ ଆଦନାଟ୍ ।

୧୬ *ଜିସୁ ଜାର୍ ଚେଲାରିଂ ଇଚାନ୍ ଇନେର ମି ବେରଣ୍ ଝେନାର୍, “ହେଖାର ନା କାତା ଝେନାନ୍, ଆରେ ଇନେର ମିଙ୍ଗେଇଁ ଇଡ଼ଦୁର, ହେଖାର ନାଙ୍ଗେଇଁ ଇଡ଼ଦୁର, ଆରେ ଇନେର ନାଙ୍ଗେଇଁ ଇଡ଼ଦୁର, ହେଖାର ନା ପକ୍ତାତାକାନିଂ ଇଚୁର୍ ।”

ବାସ୍‌ତୁରିଜାଣ୍ଟି ପିହ୍‌ୟାତାକାର

୧୭ ଇଦାଂ ପାତେ ହେ ବାସ୍‌ତୁରି ଜାଣ୍ ଖାରିତାଂ ମାସ୍‌ଦି ଖାଜି ଇଚାନ୍, “ମାପୁ, ପୁଦାଂପା ନି ତରଦାଂ ମାଙ୍ଗେଇଁ ମାନି କିଦ୍‌ନିକା ।”

୧୮ ମାତର ଜିସୁ ହେଖାରିଂ ଇଚାନ୍, “ବିଜ୍ଲି ଲାକେ ସାଗେତାଂ ସୟତାନ୍‌ତିଂ ଆଦାନାକା ଆନ୍ ହୁଡ଼ଜି ମାଚାଙ୍ଗ୍ ।”
୧୯ “ହୁଡ଼ାଟ୍, ଆନ୍ ମିଙ୍ଗେଇଁ ରାଟ୍ ଆରି କାଚାକୁପି ଜପି ତାଙ୍ଗ୍‌ଦେଂ ଆଦିକାର ହିଡ଼ତାଙ୍ଗ୍‌ନା, ଆରେ, ସାତୁର୍ ଓଁଜୁ ସାଲ୍ଲି ଜପି ଆଦିକାର ହିଡ଼ତାଂନା, ଆରେ ଇନାକା ପା ଇମ୍ପାଣି ବାନି ମିଙ୍ଗେଇଁ ନସ୍ କିଦୁଙ୍ଗ୍ । ୨୦ ଆତିସ୍‌ପା ବାନ୍‌ପା ଜିବୁନିଂ ଜେ ମି ତାରେନ୍ ମାନିଙ୍ଗ୍, ଇବେ ଖାରି କିମାଟ୍, ମାତର ମି ତର ଜେ ସାଗେତ ଲେକାମାନାଟ୍, ଇବେ ଖାରି କିୟାଟ୍ ।”

ଜିସୁତି ଖାରି
(ମାତିଉ ୧୧:୨୫-୨୭; ୧୩:୧୬-୧୭)

୨୧ ହେ ଝେଡ଼ାଙ୍ଗ୍ ଜିସୁ ପୁଇପୁୟା ଜିବୁଡ଼ାଂ ଖାରିୟା ଆଜି ଇଚାନ୍, “ଆବା, ସାଗେ ଆରି ପୁତର୍ ନି ମାପୁ, ଏନ୍ ଗିଆନି ଆରି ବୁଦ୍‌ୟାତି ଲକ୍ତାଙ୍ଗ୍ ଇ ଓଁଜୁ ବିସ୍ତେ ଡ଼କ୍ତୁଚି ଇଡ଼ଜି ହିମ୍‌ଶାଙ୍ଗ୍‌ତାକେ ଝେଚ୍‌ଚାୟନା, ଇଦାଂ କାଜିଂ ନି ନାୟ କିନାଙ୍ଗା; ଆଁ ଆବା, ଇନାକିଦେଂକି ଇଦାଂ ନି କାଣ୍‌କୁତାଂ ଏଚେକ୍‌ସାରି ଆତାଡ଼ନ୍ ।”

୨୨ *ନା ଆବାତି ଓଁଜୁ ବିସ୍ତେ ନାବେ ସର୍ପି ଆତାଡ଼ନ୍; ଆରେ ମାଜି ଇନେର, ଇଦାଂ ଆବାଂ ପିସ୍ତ୍ର ଇନେର ପୁନୁର୍, ଆରେ ଆବା ଇନେର ଇଦାଂ ମାଜି ପିସ୍ତ୍ର ଇନେର ପୁନୁର୍, ଆରେ ମାଜି ଇନେର ତାକେ ହେଖାନିଂ ଝେଚ୍‌ଚେଇଁ ମାନ୍ କିନାନ୍, ହେଖାନ୍ ପୁନାନ୍ ।”

୨୩ ଆରେ, ଜିସୁ ଜାର୍ ଚେଲାରିଂ ମାସ୍‌ଦିହୁଡ଼ଜି ଇଚାନ୍, “ଏପେକ୍ ଇନା ଇନାକା ହୁଡ଼ନାଦେରା, ହେ ଓଁଜୁ ଇମ୍ପାଣି କାଣ୍‌କୁ ହୁଡ଼ନାଟ୍, ହେଦାଂ ଦନ୍‌ପ । ୨୪ ଇନାକିଦେଂକି ଆନ୍ ମିଙ୍ଗେଇଁ ଇଞ୍ଜନାଙ୍ଗା, ଏପେକ୍ ଇନା ଇନାକା ହୁଡ଼ନାଦେରା, ହେଦାଂ ଓଁଜୁ ହେନି ବେଣ୍‌ବାକ୍‌ଶାୟକିନାର୍ ଆରି ରାଜା ହୁଡ଼ଦେଂ ମାନ୍ କିତାନ୍, ମାତର ହୁଡ଼ଦେଂ ଆଡ଼ଖାତାନ୍; ଆରେ, ଏପେକ୍ ଇନା ଇନାକା ଝେନାଦେରା, ହେ ଓଁଜୁ ହେଖାର ଝେଞ୍ଜେଇଁ ମାନ୍ କିତାର୍, ମାତର ଝେନ୍‌ଖାତାର୍ ।”

ହାଦର୍ ସମିରଣିୟ ଉତରମୁଡ଼

୨୫ ଆରେ ହୁଡ଼ାଟ୍, ରଖାନ୍ ଦରମ୍ ସାସ୍‌ପୁର୍ ନିକାନ୍ ନିଙ୍ଗ୍‌ଜି ତାଙ୍ଗେଇଁ ପରିକ୍ୟା କିଜି ଝେନ୍‌ବାତାନ୍, “ଏ ଗୁରୁ, ଓଁଜୁ ଜିବୁନ୍‌ନି ଆଦିକାର ଆଦେଂ ଇଞ୍ଜି ଆନ୍ ଇନା କିନାଙ୍ଗ୍ ?”

୨୬ ହେବେଣ୍ଟାଂ ଜିସୁ ତାଙ୍ଗେଇଁ ଇଚାନ୍, “ମସାତି ବିଦିତ ଇନାକା ଲେକା ମାନାଟ୍ ? ଏପେକ୍ ଇନେସ୍ ପଡ଼ିକିନାଦେରା ?”

୨୭ ହେଖାନ୍ ଉତର ହିତାନ୍, “ଏପେକ୍ ଓଁଜୁ ଖାସ୍‌ସିତାଂ, ଓଁଜୁ ପାରାଣ୍, ଓଁଜୁ ସାଲ୍ଲି ଆରି ଓଁଜୁ ମାନ୍ ହିଜି ମାପୁ ଜାର ଇସ୍‌ପୁର୍ ମାପୁ ଜିଉନ‌ଖାଟ୍; ଆରେ, ଜାର ପାଡ଼ହା ଇଞ୍ଜିନି ଲଗାଂ ଖାସ୍‌ଲାଇକେ ଜିଉନ‌ଖାଟ୍ ।”

୨୮ ହେବେ ଜିସୁ ତାଙ୍ଗେଇଁ ଇଚାନ୍, ଏନ୍ ହାଡ଼ପାରଚେ ଉତର ହିତାୟନା, “ଏପେକ୍ କିୟାଟ୍, ତା ଆତିସ୍ ଏପେକ୍ ଜିବୁନ୍ ପାୟା ଆନାଦେର ।”

୨୯ ମାତର ବିଦିବିଦାଣି ସାସ୍‌ପୁର୍ ଜାର୍‌ତିଂ ଦାମ୍ ଇଞ୍ଜି ଚର୍‌ଚେଇଁ ଇଚା କିଜି ଜିସୁଙ୍ଗ୍ ଝେନ୍‌ବାତାର୍, “ଲାଗିଂ ନା ପାଡ଼ହାନିକାର ଇନେର ?”

* ୧୦:୧୨ ୧୦:୧୨ ମାତିଉ ୧୧:୨୪; ମାତିଉ ୧୦:୧୫. * ୧୦:୧୬ ୧୦:୧୬ ମାତିଉ ୧୦:୪୦; ମାର୍କ ୯:୩୭; ଲୁକ ୯:୪୮; ଜହନ୍ ୧୩:୨୦. * ୧୦:୨୨ ୧୦:୨୨ ଜହନ୍ ୩:୩୫; ଜହନ୍ ୧୦:୧୫.

୩୦ ଜିସୁ ହେ ବେରଣ ଆସି ଇଚ୍ଛାନ୍, ରଖାନ୍ ମାନାୟ୍ ଜିରୁସାଲମ୍ ତାଂ ଜିରିହତ ହାଲୁ ହାଲୁ ଚର୍ଚ୍ଚୁକାଂ ହାବଡ଼ତାକେ ପଡ଼ାତାନ୍ । ହେଝାର୍ ତା ହେନ୍ଦ୍ରାପାଟା ତୁସ୍ ଦି ଅଜି ଆରି ଟ୍ରାକ୍ଟି ତାଙ୍ଗେଙ୍ଗ୍ ଦାରାମାୟା କାକୁଲ୍ତି କିଜି ପିସ୍ତ୍ର ହାଚାର୍ । ୩୧ ଗର୍ଣ୍ଣା ପାଚେ ରଖାନ୍ ମାପୁହେବାକିନାକାନ୍ ହେ ହାସ୍ ଦିଙ୍ଗ୍ ହାଲ୍ ଜି ମାଚାନ୍, ଆରେ ହେଝାନ୍ ତାଙ୍ଗେଙ୍ଗ୍ ହୁଡ଼୍ ଜି ହେଝାନ୍ ଆରେ ର ହାସ୍ ଦିଙ୍ଗ୍ ନାସି ହାଚାନ୍ । ୩୨ ଏଲେଙ୍ଗ୍ ଆଜି ରଖାନ୍ ଲେବିୟ ପା ହେ ବାହାତ ଖାଜି ହେଝାନ୍ ହୁଡ଼୍ ଜି ହେଝାନ୍ ପା ଆରେ ର ହାସ୍ ଦିଙ୍ଗ୍ ନାସି ହାଚାନ୍ । ୩୩ ମାତର୍ ରଖାନ୍ ସମିରଣିୟ ତା କଚଣ୍ଡ ଖାଜି ତାଙ୍ଗେଙ୍ଗ୍ ହୁଡ଼୍ ଜି କାମାତିଂ ଲବାୟ୍ କିତାନ୍, ୩୪ ଆରି ଲାଗେ ହାଲ୍ ଜି ତାଙ୍ଗେଙ୍ଗ୍ ନନିତାକେ ଚିକାଣ୍ ଆରେ ଅଙ୍ଗୁର୍ ରାସ୍ ଖାକ୍ତି ହେ ସବୁ ଗାଚ୍ଚାନ୍, ଆରେ ତାଙ୍ଗେଙ୍ଗ୍ ଜାର୍ ପସୁ ଜପି ଦୁପ୍ ଠି ଅଜି ର ତିନାକା ଉଣାକା ମାନି ବାହାତ ଅଜି ହାଲ୍ ଜି ତାଙ୍ଗେଙ୍ଗ୍ ଜତନ୍ କିତାନ୍ । ୩୫ ତା ପାଚେ ଆରେ ର ଦିନ୍ ହେଝାନ୍ ରିଣ୍ଡାଂ ଟାକାଂ ହପ୍ ଠି ହେବା ମାଲିକାରିଂ ହିଜି ଇଚ୍ଛାନ୍, ଇଝାନ୍ ଏନ୍ ହେବା କିୟା, ଆରେ ଇନାକା ଆଦିକ୍ କର୍ଚ୍ଚ କିନାୟ୍, ହେଦାଂ ଆନ୍ ମାସ୍ ଦି ଖାନିହିଂ ମିଙ୍ଗେଙ୍ଗ୍ ହିଦ୍ ନାଂ ।

୩୬ “ଇ ତିନ୍ ଜାଣ୍ ବିତ୍ରେ ଇନେନ୍ ଚର୍ଚ୍ଚୁକାଂ ତାକେ ଦାରାପଡ଼ା ଆତି ଲକ୍ତିଙ୍ଗ୍ ପାଡ଼ହାନିକାନ୍ ଇଞ୍ଜି ମାନ୍ତ କିନାଦେରା ?”

୩୭ ବିଦିବିଦାଣି ସାସ୍ତ୍ର ଇଚ୍ଛାନ୍ ଜେ ଏଲେଙ୍ଗ୍ କିଜି ଦୟା କିତାନ୍ ହେଝାନ୍, ଜିସୁ ତାଙ୍ଗେଙ୍ଗ୍ ଇଚ୍ଛାନ୍, “ହାଲାର୍, ଏପେଙ୍ଗ୍ ପା ହେ ଲାକେ କିୟାର୍ ।”

ଜିସୁ ମାର୍ତ୍ତା ଆରେ ମରିୟମ୍ ଇଞ୍ଜି

୩୮ ଜିସୁ ତା ଚେଲାହିର୍ ହେଝାର୍ ହାନିହିଂ ହେଝାନ୍ ର ନାସ୍ତ ହଣାଗାତାନ୍ ଆରି ମାର୍ତ୍ତା ତରନ୍ ରଞ୍ଜେଲ୍ କଗ୍ଲେ ଜିସୁଙ୍ଗ୍ ନିଜାର୍ ଇଞ୍ଜି ଅଜି ହାତାଡ଼ । ୩୯ ମରିୟମ୍ ଇନି ତାଙ୍ଗେଙ୍ଗ୍ ରଞ୍ଜେଲ୍ ତଣ୍ଡେହି ମାଚାଡ଼, ହେଦେଲ୍ ମାପୁଡ଼ି କାଲ୍ କୁ ତାରେନ୍ କୁଚ୍ଚି ତା ବଚନ୍ ଝେନ୍ ଝି ମାଚାଡ଼ । ୪୦ ମାତର୍ ମାର୍ତ୍ତା ହେବା କିନି ବିସ୍ତେତିଂ ବେସି ତାନ୍ଦ୍ରା ଆଜି ମାଚାଡ଼; ଲାଗିଂ ହେଦେଲ୍ ତା ଲାଗାଂ ଖାଜି ଇଚ୍ଛାଡ଼, “ଏ ମାପୁ, ନା ତଣ୍ଡେଲ୍ ଜେ ରଞ୍ଜେଲ୍ ନେ ନା ଜପି ଝି କାମାୟ୍ ହେଲାୟ୍ କିଡ଼ତାନ୍, ହେ ନିପ ଇନାକା ନିଙ୍ଗେଙ୍ଗ୍ ମାନ୍ ହିଲୁଡ଼ ? ଲାଗିଂ ନାଙ୍ଗେଙ୍ଗ୍ ଉପକାର୍ କିଦ୍ ନି କାଜିଂ ତାଙ୍ଗେଙ୍ଗ୍ ଇନା ।”

୪୧ ମାତର୍ ମାପୁ ତାଙ୍ଗେଙ୍ଗ୍ ଇଚ୍ଛାନ୍, “ମାର୍ତ୍ତା, ମାର୍ତ୍ତା, ଏନ୍ ବେସି ବିସ୍ତେ ଚିନ୍ତା କିଜି ଆରେ ବେସି ତାନ୍ଦ୍ରା ଆନାୟା, ୪୨ ମାତର୍ ଅଲପ୍ କେଡ଼ଗଟା, ଆତିସ୍ ରଞ୍ଜାଙ୍ଗ୍ ମାତର୍ ଲଡ଼ା; ମରିୟମ୍ ହାସ୍ ଦି ବାଗ୍ ବାତି କିତାଡ଼ନା, ଆରେ ତା ତାକେଣ୍ଡାଂ ହେଦାଂ ଚାକ୍ ରାଈ କିୟାଆଡ଼ ।”



**ପାର୍ତ୍ତାନା ବିସ୍ତେନି ଜିସୁତି ହିକ୍ୟା
(ମାତିଉ ୨:୯-୧୩; ୭:୭-୧୧)**

୧ ରଗ ହେଝାନ୍ ଇମ୍ ଶି ର ବାହାତ ପାର୍ତ୍ତାନା କିଜି ମାଚାନ୍; ହେଝାନ୍ ପାର୍ତ୍ତାନା ଝିସ୍ତିଲେ, ତା ଚେଲାହିର୍ ବିତ୍ରେ ରଞ୍ଜାନ୍ ତାଙ୍ଗେଙ୍ଗ୍ ଇଚ୍ଛାନ୍, “ଏ ମାପୁ, ବାପ୍ତିସିମ୍ ହିନି ଜହନ୍ ଇନେସ୍ ଜାର୍ ଚେଲାରିଂ ପାର୍ତ୍ତାନା କିଦେଙ୍ଗ୍ ହିକାଈକିତାନ୍, ଏନ୍ ପା ହେ ଲାକେ ମାଙ୍ଗେଙ୍ଗ୍ ପାର୍ତ୍ତାନା କିଦେଙ୍ଗ୍ ହିକାଈକିଦା ।” ୨ ଇବେ ଜିସୁ ହେଝାରିଂ ଇଚ୍ଛାନ୍, “ଏଚେକାଡ଼୍ ଏପେଙ୍ଗ୍ ପାର୍ତ୍ତାନା କିନାଦେର୍,

- ହେଝାଡ଼ାଂ ଇନାର୍,
- ଆବା, ନି ତର୍ ପୁଇପୁୟା ଇଞ୍ଜି ମାନି ଆୟେଡ଼ ।
- ନି ରାଜି ଖାୟେଡ଼ ।
- ୩ ନିତ୍ରେଦିନା ମାଙ୍ଗେଙ୍ଗ୍ ଲଡ଼ାନି କାଦି ହିଦା ।

୪ ମା ପାପ୍ ଝି କେମା କିଦା,
 ଇନାକିଦେଂକି ଆପେଂ ପା ଜାର୍ ଜାର୍ତି ବେରୁତାଂ ପାପ୍ କେମା କିନାପ୍ ।”
 “ପରିକ୍ୟାତ ମାଙ୍ଗେଙ୍ଗ୍ ତାହି ଝାଦ୍ ମା ।”

୫ ଆରେ, ଜିସୁ ତା ଚେଲାରିଂ ଇଚ୍ଛାନ୍, “ମିଙ୍ଗେଙ୍ଗ୍ ଇନେରିଂ ଏଲେଙ୍ଗ୍ ବାଡ଼ି ନି ସାଙ୍ଗ୍ ମାନାନ୍ କି, ଇନେର୍ ଲାଗେ ମାଦିମାଦାନାଣା ହେଝାନ୍ ହାଲ୍ ଜି ଇନାନ୍, ଏ ହାଈ, ନାଙ୍ଗେଙ୍ଗ୍ ତିନିଗଟା ରୁଟିଂ ଉଦାର୍ ହିଦା, ୬ ଇନାକିଦେଂକି ନା ରଞ୍ଜାନ୍ ସାଙ୍ଗ୍ ନା ତାକେ ଖାତାନ୍ନା, ତାଙ୍ଗେଙ୍ଗ୍ ବାଟା କିଜି ହିଦେଂ ନା ତାକେ ଇନାକା ହିଲୁଡ଼, ୭ ଆରେ ହେ ବିତ୍ରେତାଂ ଏଲେଙ୍ଗ୍ ଉତର୍ ହିନାନ୍, ନାଙ୍ଗେଙ୍ଗ୍ କସ୍ ହିଦ୍ ମା; ଦୁଝେର୍ ଗେହ୍ ଯା ଆତାତେ ଆରେ ନା ହିମ୍ ଶାଂ ନା ଲାହାଙ୍ଗ୍ ହୁଞ୍ଜୁନାରା; ଆନ୍ ନିଙ୍ଗ୍ ଜି ନିଙ୍ଗେଙ୍ଗ୍ ହିଦ୍ ଦେଂ ଆଡ଼ଦୁଙ୍ଗ୍ । ୮ ଆନ୍ ମିଙ୍ଗେଙ୍ଗ୍ ଇଞ୍ଜିନାଙ୍ଗା, ହେଝାନ୍ ଆତିସ୍ ପା ତା ସାଙ୍ଗ୍ ଆତିଲେ ତାଙ୍ଗେଙ୍ଗ୍ ନିଙ୍ଗ୍ ଜି ହିଉନ୍, ଆତିସ୍ ପା ହେଝାନ୍ ଲାଜାଆଝାଦାଂ ଚାନେକ୍ ଚାନେକ୍ ଏଡ଼ିଲେ ହେଝାନ୍ ନିଙ୍ଗ୍ ଜି, ହେଝାନ୍ତି ଏଚେକ୍ ଲଡ଼ା ହେଝାନ୍ତି ହେ ଏଚେକ୍ ହିନାନ୍ । ୯ ଆନ୍ ପା ମିଙ୍ଗେଙ୍ଗ୍ ଇଞ୍ଜିନାଙ୍ଗା, ଏନାର୍, ହେବେ ମିଙ୍ଗେଙ୍ଗ୍ ହିଦ୍ ନାନ୍; ତେକାର୍, ହେବେ ଏପେଙ୍ଗ୍ ଗାଟା ଆନାଦେର୍; ଦୁଝେର୍ ରିଂ ଇଡ଼ାର୍, ହେବେ ମି କାଜିଂ ଜେସ୍ ସି ହିଦ୍ ନାର୍ । ୧୦ ଇନାକିଦେଂକି ଇନେର୍ ଏନନାନ୍, ହେଝାନ୍ ପାୟା ଆନାନ୍; ଇନେର୍ ତେକନାନ୍, ହେଝାନ୍ ଗାଟାଆନାନ୍; ଆରେ, ଇନେର୍ ଦୁଝେର୍ ଇଡ଼ନାନ୍, ହେଝାନ୍

କାଜିଂ ଜେୟାନାଡ଼ । ୧୧ ଆରେ, ମି ବିତ୍ରେ ଏଲେଙ୍ଗ୍ ଆବା ଇନେନ୍ ମାନାନ୍, ଇନେରିଂ ଜାର୍ ମାଜି ମିନ୍ ଏକ୍ରିସ୍ ହେୱାନ୍ ତାଙ୍ଗେଙ୍ଗ୍ ମିନ୍ ବାଦୁଲ୍ ରାଡ଼ ହିନାନ୍ ? ୧୨ ଆତିସ୍ପା ରଣ୍ଡା ଏକ୍ରିସ୍ ହେୱାନ୍ ତାଙ୍ଗେଙ୍ଗ୍ କାଚାକୁପି ହିନାନ୍ ? ୧୩ ଲାଗିଂ ଏପେଙ୍ଗ୍ କୁଲ୍‌କୁଲିଆ ଆତିସ୍ପା ଏଚେକାଡ଼ଦ୍ ଜାର୍ ଜାର୍ ହିମ୍‌ଶାକାଂ ହାଦ୍ ହାଦ୍ ଦାନ୍ ହିଦେଂ ପୁନାଟ୍, ଲାଗିଂ ଇମ୍‌ଣି ଆବା ସାଗେତାଂ ଦାନ୍ ହିଦ୍‌ନାନ୍, ହେୱାନ୍ ତା ମୁମ୍‌ଦ ଏନ୍‌ନାସ୍ ମାନାୟାରିଂ କେତେକ୍ ଆଦିକ୍ ଲାକେ ପୁଇପୁୟା ଜିବୁନ୍ ହିଦ୍‌ନାନ୍ !”

ଜିସୁ ଆରେ ବାନ୍ୟା ଜିବୁନ୍

(ମାତିଉ ୧୨:୨୨-୩୦; ମାର୍କ ୩:୨୦-୨୭)

୧୪ ରଗ ଜିସୁ ର ପୁଦା ପିହି କିଜି ମାଚାନ୍, ହେ ପୁଦା ଗୁଲି । ପୁଦା ହସି ହାଟିପାଚେ ଗୁଲ୍ୟା ମାନାୟା ବେଣ୍ ଇଚାନ୍, ହେବେ ମାନାୟାର୍ କାବା ଆଜି ହାଚାର୍ । ୧୫ ମାତର୍ ହେୱାର୍ ବିତ୍ରେତାଂ ଇନେର୍ ଇନେର୍ ଇଚାର୍, “ଜିସୁ ମୁଣିକା ବାଲ୍‌ଜିବୁଲ୍ ସାକ୍ୟାତାଂ ପୁଦାଂ ପିହିକିନାନ୍ ।”

୧୬ ବିନ୍‌ଲଗୁ ତାଙ୍ଗେଙ୍ଗ୍ ଡକ୍‌କାତ ହେଜି କିଦେଙ୍ଗ୍ ଇଞ୍ଜି ମାନ୍‌କିଜି ମାଚାର୍ । ଲାଗିଂ ଇସ୍‌ବର୍ ଜେ ତା ସାଇଜ କାର୍‌ୟା ଇଚାକାଂ ପରିକ୍ୟା କିଦେଙ୍ଗ୍ ଆକାସ୍‌ତାଂ ର ଚିନ୍ ଏନ୍ତାର୍ । ୧୭ ମାତର୍ ଜିସୁ ହେୱାରିଂ ମାନ୍ତ୍ରିନି ବାଦ୍‌ନା ପୁଞ୍ଜି ହେୱାରିଂ ଇଚାନ୍, “ଇମ୍‌ଣି ରାଜି ବାଗ୍ ଆଜି ଜାର୍ ବିରୁଦ୍‌ତ ନିଙ୍ଗ୍‌ତିସ୍, ହେଦାଂ ନସ୍ ଆଜି ହାନାଡ଼, ଆରେ ଇମ୍‌ଣି ଇଲ୍ ରିବାଗ୍ ଆନାଡ଼ ହେ ଇଲ୍ ଜପି ଲେଦି ଆଜି ନସ୍ ଆନାଡ଼ । ୧୮ ଆରେ, ସୟ୍‌ତାନ୍ ପା ଜଦି ବାଗ୍ ଆଜି ଜାର୍ ବିରୁଦ୍‌ତ ନିଙ୍ଗ୍‌ନାଡ଼, ତା ଆତିସ୍ ତା ରାଜି ଇନେସ୍ ତିର୍ ଆଜି ମାନାଡ଼ ? ଆନ୍ ବାଲ୍‌ଜିବୁଲ୍ ସାଇଜତାଂ ପୁଦାକାଂ ପିହିକିନାନ୍ ଇଞ୍ଜି ଏପେଙ୍ଗ୍ ତ ଇଞ୍ଜିନାଦେରା ।” ୧୯ ମାତର୍ ଆନ୍ ଇନାୱାଡ଼ାଂ ବାଲ୍‌ଜିବୁଲ୍ ସାଇଜତାଂ ପୁଦାକାଂ ପିହିକିନାଙ୍ଗ୍, ଲାଗିଂ ମି ହିମ୍‌ଶାକାଂ ଇନେର୍ ସାଇଜତାଂ ହେୱାକାଂ ପିହିକିନାର୍ ? ଲାଗିଂ ହେୱାର୍ ନେ ମିଙ୍ଗେଙ୍ଗ୍ ବିଚାର୍‌କାର୍‌ୟାର୍ ଆଦ୍‌ନାର୍ । ୨୦ ଆନ୍ ଆରି ଇସ୍‌ବର୍ ସାକ୍ତି ସାଇଜତାଂ ଆନ୍ ପୁଦାକାଂ ପିହିକିନାଙ୍ଗ୍, ଆରି ଇଦାଂ ପାର୍‌ମାଣ୍ କିନାଡ଼ ଜେ, ଇସ୍‌ବର୍ ରାଜି ମିଦାଙ୍ଗ୍ ଲାଗେ ଆତାଡେ ।

୨୧ “ସାକ୍ତି ଲଗୁ ଏଚେକାଡ଼ଦ୍ ପାତେକ୍ ଆଡ଼ ଆତିୟାର୍ ତା ହାକ୍‌ଡିତ ଜାଲ୍‌ଦି ଆଜି ତା କାଲ୍ ରାକ୍ୟା କିନାନ୍, ହେ ପାତେକ୍ ତା ଦାନ୍ ଜାଗ୍‌ଡ଼ତାଂ ମାନ୍‌ଗାନାଡ଼; ୨୨ ମାତର୍ ଏଚେକାଡ଼ଦ୍ ତା ତାକେଣ୍ଡାଂ ଆଦିକ୍ ସାକ୍ତି ମାନାୟା ତାଙ୍ଗେଙ୍ଗ୍ ପାଣ୍ଡୁ କିଜି ଆବାର୍ ଆହ୍‌ନାନ୍, ହେୱାଡ଼ାଂ ଇମ୍‌ଣି ଆତିୟାର୍ ଜପି ତା ବାସ୍ ମାଚାଡ଼, ହେୱାକ୍ତି ଝିଜୁ କିସ୍ତି ଅନାନ୍ ଆରେ ତାଦାଙ୍ଗ୍ ଚର୍ କିଜିମାନି ଦନ୍‌ସ୍‌ପିତି ବାଟାକିଜି ଅନାନ୍ ।

୨୩ ଇନେର୍ ନା ପାକ୍ୟା ଆକାୟ୍, ହେୱାନ୍ ନା ବେରିୟା; ଆରେ, ଇନେର୍ ନା ଲାହାଙ୍ଗ୍ ରୁଣ୍ଡାୟ୍ କିଉନ୍, ହେୱାନ୍ ଜେଡେ କେତେ କିନାନ୍ ।”

ବାନ୍ୟାପୁଦା ହସି ୱାଡାଡ଼

(ମାତିଉ ୧୨:୪୩-୪୫)

୨୪ “ବାନ୍ୟା ଜିବୁନ୍ ରକାନ୍ ମାନାୟାତିଂ ହସିହାଟି ପାଚେ ଚିମ୍‌ରା ବାହା ଝିଜୁ ବୁଲ୍‌ଆଜି ଜମ୍‌ନାକା ଡେକ୍‌ନାଡ଼ ଆରେ ହେଦାଂ ଗାଟାଆଝିତିସ୍ ଇନାନ୍, ଆନ୍ ଇମ୍‌ଣି ଇଞ୍ଜାଙ୍ଗ୍ ହସିୱାଜି ମାଚାଙ୍ଗ୍, ଆନ୍ ହେ ଇଞ୍ଜି ଲେଉଟା ଆଜି ହାନାଂ; ୨୫ ଆରି, ହେଦାଂ ୱାଜି ହେଦାଂ ନିର୍ମଲ୍ ଆରି ହାର୍‌ଦାକା ହୁଡ଼ନାଡ଼ । ୨୬ ହେପାଦ୍‌ନା ହେଦାଂ ହାଲ୍‌ଜି ଜାର୍‌ତାଂ ଆଦିକ୍ ବାନ୍ୟା ଆରେ ସାଡ଼ଗଟା ପୁଦାଂ ରଚେ ତାସି ୱାନାଡ଼, ଆରି ହେୱାଙ୍ଗ୍ ହଣ୍‌ଜି ହେବେ ବାହାକିନିକ୍, ଆରେ ହେ ମାନାୟାତିଂ ପର୍ତୁମ୍ ଦସା ବାଟା ହାରିହାନି ଦସା ଆଦିକ୍ ବାନ୍ୟା ଆନାଡ଼ ।”

ବଚନ୍ ପାଲି କିନାକାନ୍ ଦନ୍ୟ

୨୭ ହେଦେଲ୍ ଇ ଝିଜୁ ବେରଣ୍ ଇନି ୱାଡାଙ୍ଗ୍ ମାନାୟାର୍ ବିତ୍ରେ ରଞ୍ଜେଲ୍ କଗଲେହିମ୍‌ଶା ଗାଜା କାର୍‌ତାଂ ଇଚାଡ଼, ଦନ୍ୟ ହେ ଗରବ୍, “ଇନାକା ନିଙ୍ଗେଙ୍ଗ୍ ଜଲମ୍ କିଡ଼ତାଡ଼ ଆରି ମାୟ୍ ହେବେତାଂ ଉଚାୟ୍ ।”

୨୮ ମତର୍ ଜିସୁ ଇଚାନ୍, “ଆନ୍ ଆକାୟ୍, ଇମ୍‌ଣାକାର୍ ଇସ୍‌ବର୍ ବେରଣ୍ ୱେନାର୍ ଆରି ମାନିକିନାର୍ ଇଚିସ୍, ହେୱାର୍ ଦନ୍ୟ ।”

କାବା କାମାୟ୍ ବିସ୍ତେ ଦାବା

(ମାତିଉ ୧୨:୩୮-୪୨; ମାର୍କ ୮:୧୨)

୨୯ ଶ୍ରେୟାହେନି ମାନାୟା ମାଦା ମାଦା ଆଜି ଜିସୁ ତାକେ ରୁଣ୍ଡାଆନି ୱେଡ଼ାଙ୍ଗ୍ ଜିସୁ ଇଞ୍ଜେଙ୍ଗ୍ ଲାଗାତାନ୍, ଇ ନଙ୍ଗ୍‌ନି ଆଣ୍ଡାହିମ୍‌ଶାଂ ବାନ୍ୟାନିକାର୍; ଇଞ୍ଜାର୍ ଚିନ୍ ଡେକ୍‌ନାର୍, ମତର୍ ଜୁନସ୍‌ତି ଚିନ୍ ପିସ୍ତି ଅଲ୍‌ଗା ଇମ୍‌ଣି ଚିନ୍ ହେୱାରିଂ ହିୟାଆଉଡ଼ । ୩୦ ଇନାକିଦେଂକି ଜୁନସ୍ ଇନେସ୍ ନିନିବିୟଡ଼ କାଜିଂ ଚିନ୍‌ଲାକେ ଆତାର୍, ମାନାୟା ମାଜି ପା ହେ ଲାକେ ଇ ନଙ୍ଗ୍‌ନି ଆଣ୍ଡାହିମ୍‌ଶାଂ କାଜିଂ ଆନାଡ଼ । ୩୧ ତିନିବାଗାଙ୍ଗ୍‌ନି ଦେସ୍‌ନି ରାଣି ବିଚାର୍ଣ୍ଣାତ ଇ ନଙ୍ଗ୍‌ନି ଆଣ୍ଡାହିମ୍‌ଶାଂ ମାନାୟାର୍ ଲାହାଙ୍ଗ୍ ନିଙ୍ଗ୍‌ଜି ନିଦା କିନାଡ଼, ଇନାକିଦେଂକି ହେୱାନ୍ ସଲମନ୍‌ଡି ବୁଦିନି କାତା ୱେଞ୍ଜେଙ୍ଗ୍ ପୁଡ଼ିନି ବାହାତାଂ ୱାଜି

☆ ୧୧:୨୩ ୧୧:୨୩ ମାର୍କ ୯:୪୦. ☆ ୧୧:୨୯ ୧୧:୨୯ ମାତିଉ ୧୨:୪; ମାର୍କ ୮:୧୨.

ମାତାତ; ଆରେ ହୁଡ଼ାଟ୍, ସଲମନ୍ତାଂ ଗାଜା ବିସ୍ତେ ଇ ବାହାତ ମାନାତ୍ । ୩୨ ନିନିବିନି ମାନାୟାର୍ ବିଚାର୍ଣ୍ଣାତ ଇ ନଙ୍ଗନି ଆଣ୍ଡାହିମ୍‌ଣାଂ ଲାହାଙ୍ଗ୍ ନିଙ୍ଗ୍‌ଜି ଇ ଜୁଗ୍‌ନି ମାନାୟାର୍ ଲାହାଙ୍ଗ୍ ନିଙ୍ଗ୍‌ଜି ହେଝାରିଂ ନିନ୍ଦା କିତାର୍, ଇନାକିଦେଂକି ହେଝାର୍ ଜୁନସ୍‌ତି ସୁଣାୟ୍ କିନାକା ମାନବାଦ୍‌ଲାଇୟ୍ କିଜି ମାତାର୍; ଆରେ ହୁଡ଼ାଟ୍, ଜୁନସ୍‌ତି ଗାଜା ବିସ୍ତେ ଇ ବାହାତ ମାନାତ୍ ।

ଗାଗାଡ଼ନି ଅଜଡ୍
(ମାତିଉ ୫:୧୫; ୬:୨୨-୨୩)

୩୩ “ଇନେର୍ ବଇଟା ଆହି କିଜି ଡ଼କୁତି ବାହା ଇଲ୍ କି ମାଣ୍ ତାରେନ୍ ଇଚୁର୍, ମାତର୍ ବଇଟା ଇଚ୍‌ନି ଜପି ଇଚ୍‌ନାର୍, ଇନେସ୍‌କି ବିତ୍ରେ ହଣାକାର୍ ମାନାୟାର୍ ଅଜଡ୍ ହୁଡ଼ଦେଂ ଆଡ଼ନାର୍ । ୩୪ ମି କାଣ୍‌କୁ ଗାଗାଡ଼ନି ଅଜଡ୍ । ଏଚେକାଡ଼ଦ ମି କାଣ୍‌କୁ ଅଣ୍ଡାଙ୍ଗ୍ ମାଟିସ୍, ହେପାଦନା ମି ଝିଜୁ ଗାଗାଡ଼ ପା ଅଜଡ୍ ଲାକେ ଆନାତ୍; ମାତର୍ ଏଚେକାଡ଼ଦ ହେଦାଂ ବାନ୍‌ଧା ମାନାତ୍, ହେପାଦନା ମି ଗାଗାଡ଼ ପା ମାଜ୍‌ଗା ଆନାତ୍ । ୩୫ ଲାଗିଂ ଜାଗ୍ରଡ୍, ଇନେସ୍‌କି ମି ଝାସ୍‌ତିନି ଅଜଡ୍ ମାଜ୍‌ଗା ଆଉଡ୍ । ୩୬ ଲାଗିଂ ଜଦି ମି ଝିଜୁ ଗାଗାଡ଼ ଅଜଡ୍ ଆଦନାତ୍ ଆରେ ହେବେ ଇମ୍‌ଣି ଆଦା ମାଜ୍‌ଗା ମାନଗୁଡ୍, ତା ଆତିସ୍ ଅଜଡ୍ ଇନେସ୍ ବଇଟା ମିଙ୍ଗେଙ୍ଗ୍ ଅଜଡ୍ ହିଦନାତ୍, ହେ ଲାକେ ମି ଝିଜୁ ଗାଗାଡ଼ ଅଜଡ୍ ଆନାତ୍ ।”

ଜିସୁ ପାରୁସିନି ଆରି ଦାମ୍ ନିକାରିଂ ନିନ୍ଦା କିତାର୍
(ମାତିଉ ୨୩:୧-୩୬; ମାର୍କ ୧୨:୩୮-୪୦)

୩୭ ଜିସୁ କାତା ଇନିଝାଡ଼ାଲିଂ ରଝାନ ପାରୁସି ତାଙ୍ଗେଙ୍ଗ୍ ଜାର୍ ଇଞ୍ଜି ତିନି କାଜିଂ ଗଝାରି କିଜି କୁକ୍‌ତାନ୍, ଆରେ ହେଝାନ ଇଞ୍ଜି ହଣ୍‌ଜିପା ଚିଞ୍ଜେଙ୍ଗ୍ କୁଚ୍‌ଚାନ । ୩୮ ମତର୍ ତିନିହିଙ୍ଗ୍ ଆଗେ ହେଝାନ୍ ଜେ ପର୍ତୁମ୍ ନୁସ୍‌ଝାଦାଂ ମାଚାନ, ଇଦାଂ ହୁଡ଼ଜି ହେ ପାରୁସି କାବା ଆତାନ । ୩୯ ହେବେ ମାପୁ ତାଙ୍ଗେଙ୍ଗ୍ ଇଚାନ, “ଏପେଙ୍ଗ୍ ପାରୁସିକାଦେର୍ ହିନା ଗିନା ଆରେ ତାଡ଼ିୟାନି ବାର୍ ବାଗାଙ୍ଗ୍ ସକଟ୍ କିଜି ମାନାଟ୍, ମତର୍ ମି ବିତ୍ରେ ନାଡ଼ାଇ କାମାୟ୍ ଆରି ପାଟ୍‌କାର୍ ବିତ୍ରେ ବାଡ଼ି । ୪୦ ଏ ନିର୍‌ବୁଦିୟାର୍, ଇନେର୍ ବାଡ଼ି ରଚ୍‌ଚାନ, ହେଝାନ୍ ଜେ ବିତ୍ରେ ପା ରଚ୍‌ଝାତାନ ? ୪୧ ଏପେଙ୍ଗ୍ ଲବ୍‌ତାଂ ଇନାକା ରୁଣ୍ଡାୟ୍ କିନାଦେରା ହେଦାଂ ଅକ୍‌ଡ଼ତାରିଂ ଦାନ୍ କିୟାଟ୍ ଲାଗିଂ ପୁରାପୁରି ସକଟ୍ ଆନାଦେର୍ ।”

୪୨ “ହାୟ୍ ଦାଣ୍ଡିନି ବାହା ପାରୁସିର୍, ଇନାକିଦେଂକି ଏପେଙ୍ଗ୍ ପଦିନା, ଆରୁଦ ଆରି ଝିଜୁ ଲାକେ କୁଚାନି ଦାନ୍ ହିଜି ମାନାଟ୍, ଆରେ ନମାୟ୍ ବିଚାର୍ ଆରି ଇସ୍‌ବର୍ ଜିଉନନିତ ଏଲା କିନାଦେରା; ମତର୍ ଇ ଝିଜୁ ମାନିକିନାସ୍ ଆରି ବିନେ ଝିଜୁ ଏଲା ଆଝାକା ମାନାତ୍ ।”

୪୩ “ହାୟ୍ ଦାଣ୍ଡିନି ବାହା ପାରୁସିର୍, ଇନାକିଦେଂକି ଏପେଙ୍ଗ୍ କୁଚ୍‌ମ୍ ଇଞ୍ଜି ମୁଡ଼ଦି ବାହା ଆରେ ଆଟ୍ ବାଜାର୍‌ତାକେ ଜୁଝାର୍ ପାୟା ଆଦେଂ ଜିଉନନାଦେର୍ ।

୪୪ ହାୟ୍, ତାଣ୍ଡିନି, ଇନାକିଦେଂକି ଏପେଙ୍ଗ୍ ହୁଡ଼ଝିତି ଦୁଗେର୍ ଲାକେ; ତା ଜପି ହାନାକାଦେରେ ମାନାୟ୍ ହେଦାଂ ଦୁଗେର୍ ଇଞ୍ଜି ପୁନୁର୍ ।”

୪୫ ଇବେ ମସାତି ବିଦି ସାସ୍‌ତିର୍ ବିତ୍ରେ ରକାନ୍ ଜିସୁଙ୍ଗ୍ ଉତର୍ ହିତାନ, “ଏ ଗୁରୁ, ଇଦାଂ ଇଞ୍ଜି ଏନ୍ ମାଙ୍ଗେଙ୍ଗ୍ ପା ଲାଜୁ କିଦ୍‌ନାୟା ।”

୪୬ ଜିସୁ ଇଚାନ, ହାୟ୍, “ଦରମ୍ ସାସ୍‌ତିର୍ ଜେ ଏପେଙ୍ଗ୍ ଏପେଙ୍ଗ୍ ପା ଦାଣ୍ଡିନି ବାହା, ଇନାକିଦେଂକି ଏପେଙ୍ଗ୍ ମାନାୟାର୍ ଜପି ବଜ୍ ଲାଦିକିନାଦେରା ଆରି ଜାର୍ ର ଝାଟ୍‌କାତାଂ ହିଜି ହେଦାଂ ତୁଜି ହାଙ୍ଗ୍‌କିଦୁୟା । ୪୭ ହାୟ୍, ଏପେଙ୍ଗ୍ ତାଣ୍ଡିନି ବାହା ଇନାକିଦେଂକି ଏପେଙ୍ଗ୍ ବେଶ୍‌ବାକ୍‌ଶାୟ୍ କିନାକାନ୍ତି ଦୁଗେର୍ ରଚ୍‌ଚି ମାନାଟ୍, ଇମ୍‌ଣାକାରିଂ ଦାଦିର୍‌ଆକର୍ ହେଝାରିଂ ଅଜି ମାତାର୍ । ୪୮ ଲାଗିଂ, ମି ଦାଦିର୍ ଆକର୍‌ତି କାମାୟ୍ ବିସ୍ତେ ଏପେଙ୍ଗ୍ ସାକି ଆନାଦେରା ଆରି ବାଟି କିନାଦେରା; ଇନାକିଦେଂକି ହେଝାର୍ ହିନା ହେଝେରିଂ ଅସ୍ତି ମାତାର୍, ମତର୍ ଏପେଙ୍ଗ୍ ହେଝାର୍‌ତି ଦୁଗେର୍‌ବାହା ରଚ୍‌ଚି କିଜି ମାନାଟ୍ ।” ୪୯ ଲାଗିଂ ଇସ୍‌ବର୍ ପା ଜାର୍ ବୁଦିତାଙ୍ଗ୍ ଝେଟ୍‌ତାନନା, ଆସେଙ୍ଗ୍ ହେଝାର୍ ତାକେ ବେଶ୍‌ବାକ୍‌ଶାୟ୍‌କିନାକାନ୍ ଆରି ପକ୍ୟାତାକାର୍‌ରିଂ; ପକ୍‌ନାପ୍ ହେଝାର୍ ବିତ୍ରେ ଇନେ ଇନେରିଂ ହେଝାର୍ ଗ୍ରାକ୍‌ନାର୍ ଆରି ଇନେ ଇନେରିଂ ନିନ୍ଦା କିନାର୍, ୫୦ ଇନେସ୍ ହେ ବଲ୍‌ନି ନେତେର୍‌ତାଂ, ଇମ୍‌ଣି ଜିକିରିୟ୍ ଗାର୍‌ଣି ଆରି ମନ୍ଦିର୍‌ନି ପୁଇପୁୟା ବାହାନି ମାଦି ହାତାନ, ହେଝାନ୍ତି ନେତେର୍ ପାତେକ୍ ପୁଡ଼ିନି ଆରମ୍‌ତାଂ ଏଚେକ୍ ବେଶ୍‌ବାକ୍‌ଶାୟ୍‌କିନାକାର୍‌ତି ନେତେର୍ ହାଚାଡନା, ୫୧ ହେବଲ୍ ଟୁଟିତାଂ ଆରମ୍ କିଜି ଜିକିରିୟ୍ ପାତେକ୍, ଇମ୍‌ଣାକାନିଂ ଗାର୍‌ଣି ଆରି ପୁଇପୁୟା ବାହା ବିତ୍ରେ ଟୁଟି ମାତାର୍ । ଆଁ ଆନ୍ ମିଙ୍ଗେଙ୍ଗ୍ ଇଞ୍ଜିନାଙ୍ଗା, ଇ ଜୁଗ୍‌ନି ମାନାୟାର୍ ହେଝାନ୍ ଝିଜାର୍‌ତି କାଜିଂ ନେତେର୍‌ନି ଦାଣ୍ଡି ବଗି କିନାନ୍ ।

୫୨ “ହାୟ୍, ତାଣ୍ଡିନି ବାହା ଦରମ୍ ସାସ୍‌ତିର୍, ଇନାକିଦେଂକି ଏପେଙ୍ଗ୍ ବୁଦିନି କୁଟିକାତି ଆରାୟ୍ କିନାଦେର୍; ଏପେଙ୍ଗ୍ ନିଜେ ନିଜେ ହଣ୍‌ଝାତାଦେର୍, ଆରି ହଣି କାଜିଂ ମାନ୍‌କିତି ମାନାୟାର୍ କସ୍ ହିତାଦେର୍ ।”

୫୩ ଆରି, ଜିସୁ ହେବେତାଂ ହସି ହାଟି ପାଚେ ସାସ୍‌ତିର୍ ଆରି ପାରୁସିର୍ ବେସି ବେରୁଆଜି, ୫୪ ତା ଝେଇଦାଂ ଇନା ବେଶ୍ ଆସ୍ତେଙ୍ଗ୍ ଇଞ୍ଜି ଡ଼କ୍‌କା ଉଚ୍‌ଚି ତାଙ୍ଗେଙ୍ଗ୍ ଆଦିକ୍ ବିସ୍ତେ ପର୍‌ସନ୍ ଝେନ୍‌ବେଦେଂ ଲଗାତାନ ।

୧୨

କପଟିର ତାଙ୍କ ଜାଗ୍ରତ୍ ଆତ୍ମ (ମାତିଉ ୧୦:୨୬-୨୭)

୧୧ *ଇବେତା* ହେନି ମାନାୟ ରୁଣ୍ଡା ଆଜି ହାରି ଜପି କୁସ୍ତା ଆତାର୍; ହେ ପାଦନା ହେଞ୍ଜାନ ପର୍ତ୍ତୁମ୍ ଜାର୍ ଚେଲାରିଂ ଇଞ୍ଜେଙ୍ଗ୍ ଲାଗାତାନ, “ପାରୁସିର୍ତ୍ତି ହଇନି ଲାଗ୍ଦି କୁର୍ ବିସ୍ତେ ଜାଗ୍ରତ୍ ଆଜି ମାନାର୍ । ୧୨ *ଇନାକା ଡକ୍ତୁତାଡ଼ନା ହେଦାଂ ଚନ୍ଦ୍ଜାନାଡ଼ ଆରି ଝିଜୁ ଡକ୍ତୁତାକା ବିସ୍ତେ ହପ୍ପୟାନାଡ଼ । ୧୩ ଇଚିସ୍ ଏପେଙ୍ଗ୍ ଇନା ଇନାକା ମାଜ୍ଗାତାଂ ଇନାଦେରା, ହେଦାଂ ଝିଜୁ ଅଜଡ଼ ତାକେ ଝେନ୍ୟାଆନାଡ଼, ଆରି ଇନାକା ଡକ୍ତୁତି ବିତ୍ରେ କାଲେତାଂ ଇଚାଦେଣ୍ଡା, ହେଦାଂ ବାକ୍ରାତ ଜେଗନ୍ ଜପି ସୁଣାୟ କିୟା ଆନାଡ଼ ।”

ଇନେରିଂ ପାଣ୍ଡା ଆନାଦେର୍ (ମାତିଉ ୧୦:୨୮-୩୧)

୧୪ “ମାତର୍ ନା ସାଙ୍ଗ୍ ଜେ ଏପେଙ୍ଗ୍, ମିଙ୍ଗେଙ୍ଗ୍ ଆନ୍ ଇଞ୍ଜନାଙ୍ଗା, ଇମଣାକାର୍କି ଗାଗାଡ଼ତିଂ ଅହ୍ନାର୍, ମତର୍ ତା ପାଚେ ଆରେ ବେସି ନସ୍ କିଦେଙ୍ଗ୍ ଆତ୍ତର୍, ହେଞ୍ଜାରିଂ ପାଣ୍ଡା ଆମାର୍ । ୧୫ ମାତର୍ ଇନେରିଂ ପାଣ୍ଡା ଆନାଦେର୍, ହେଦାଂ ଆନ୍ ମିଙ୍ଗେଙ୍ଗ୍ ଝେଚ୍ଚଚାନାଂ; ଅସ୍ତି ପାଚେ ନରକ୍ତ ତୁସିହିନି କାସି ଇନେରତି ଆଦିକାର୍ ମାନାଡ଼, ତାଙ୍ଗେଙ୍ଗ୍ ପାଣ୍ଡା ଆତ୍ତୁ; ଆଁ ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା, ତାଙ୍ଗେଙ୍ଗ୍ ପାଣ୍ଡା ଆତ୍ତୁ ।”

୧୬ “ପାଞ୍ଚଗଟା କଡ଼ିହାଡ଼ା ପଟିଂ ଇନାକା ଦୁଇ ଟାକା ତାବୁକାଂ ପ୍ରୟାଆଡ଼ ? ଆରି, ହେଞ୍ଜାଙ୍ଗ୍ ବିତ୍ରେତାଂ ରଞ୍ଜାଙ୍ଗ୍ ପା ଇସ୍ବର୍ ବାଣାଆଡ଼ନ୍ । ୧୭ ମାତର୍ ମି କାପଡ଼ାନି ଝିଜୁ ତେମୁଲ୍ ଗାଣା କିଡ଼ତାନନା ପାଣ୍ଡା ଆମାର୍; ଏପେଙ୍ଗ୍ ବେସି କଡ଼ିହାଡ଼ା ପଟିଂତାଂ ଆଦିକ୍ ଗାଜା ।”

କ୍ରିଷ୍ଟଙ୍ଗ୍ ମାନିକିନାକା ଆରି ପିହ୍ନାକା (ମାତିଉ ୧୦:୩୨-୩୩; ୧୨:୩୨; ୧୯-୨୦)

୧୮ “ଆରେ, ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଇମଣି ମାନାୟାରିଂ ମୁମ୍ପଦ ନାଙ୍ଗେଙ୍ଗ୍ ଏତୁ କିଦନାଦେର୍, ମାନାୟ ମାଜି ପା ଇସ୍ବର୍ ଦୁଡ଼ର୍ ମୁମ୍ପଦ ତାଙ୍ଗେଙ୍ଗ୍ ଏତୁ କିତାର୍; ୧୯ ମାତର୍ ଜେ ଲକ୍ତୁ ମୁମ୍ପଦ ନାଙ୍ଗେଙ୍ଗ୍ ଏତୁ କିଦୁଦେର୍, ହେଞ୍ଜାନ୍ ଇସ୍ବର୍ତ୍ତି ଦୁଡ଼ର୍ ମୁମ୍ପଦ ମାନି କିୟା ଆଡ଼ଦେର୍ ।”

୨୦ “ଆରେ, ଇନେର୍ ମାନାୟ ମାଜି ବିରଡ଼ତାଂ କାତା ଇନାଦେର୍, ତାଙ୍ଗେଙ୍ଗ୍ କେମା ହିୟାନାଡ଼; ମତର୍ ଜେ ପୁଇପୁୟା ଜିରୁନ୍ ବିରୁଡ଼ତାଂ ନିନ୍ଦା କାତା ଇନାର୍, ତାଙ୍ଗେଙ୍ଗ୍ କେମା ହିୟା ଆଡ଼ ।”

୨୧ “ଆରେ, ଏଚେକାଡ଼ଦ ହେଞ୍ଜାର୍ ମିଙ୍ଗେଙ୍ଗ୍ କୁଚୁମ୍ ଇଞ୍ଜ, ସାସନ୍ କିନାକାର୍ ଆରି ଆଦିକାର୍ ପାୟା ଆତି ମାନାୟାରିଂ ଲାଗେ ତାହିଞ୍ଜାନାର୍ ହେ ପାଦନା, ଏପେଙ୍ଗ୍ ଜାର୍ ପାକ୍ୟାତ ଇନେସ୍ କିଜି ଇନା କାତା ଉତର୍ ହିନାନ୍ ଇଞ୍ଜି ଇନାକା ଇନାଦେର୍, ହେଞ୍ଜାନ୍ ବିସ୍ତେ ଚିନ୍ତା କିମାର୍; ୨୨ ଇନାକିଦେଂକି ଇନାକା ଇନ୍ୟା ଆନାଡ଼, ହେଦାଂ ପୁଇପୁୟା ଜିରୁନ୍ ହେପାଦନା ମିଙ୍ଗେଙ୍ଗ୍ ହିକାଈକିଦନାନ୍ ।”

ମାଜାନ୍ ଆରେ ଅକର୍ତ୍ତି ଝେଚ୍ଚନି କାରୁର୍

୨୩ ମାନାୟାର୍ ବିତ୍ରେତାଂ ରଞ୍ଜାନ୍ ତାଙ୍ଗେଙ୍ଗ୍ ଇଚାନ୍, “ଏ ଗୁରୁ, ନା ଟଣ୍ଡେନିଂ ନା ଲାହାଙ୍ଗ୍ ଆବାତି ଦାନ୍ ବାଗ୍ କିଦେଙ୍ଗ୍ ଇଞ୍ଜି ବଲ୍ ଇନା ।”

୨୪ ମାତର୍ ହେଞ୍ଜାନ୍ ତାଙ୍ଗେଙ୍ଗ୍ ଇଚାନ୍, “ଏ ଟଣ୍ଡେନ୍, ଇନେନ୍ ନାଙ୍ଗେଙ୍ଗ୍ ମି ଜପି ବିଚାରକିନାକାନ୍ ଆରି ବାଚା କିନାକାନ୍ ମାଦି କିଜି ବାଚିକିତାନ୍ ?” ୨୫ ଆରେ, ହେଞ୍ଜାନ୍ ହେଞ୍ଜାରିଂ ଇଚାନ୍, “ଜାଗ୍ରତ୍, ଝିଜୁ ବାନି କଟିତାଂ ଜାର୍ ଜାର୍ତିଂ ଦେହା ଇଚାଟ୍, ଇନାକିଦେଂକି ରଞ୍ଜାନ୍ ମାନାୟତିଂ ଜିରୁନ୍ ତା ଦାନ୍ ଆଦିକ୍ ଜପି ମାନ୍କିଡ଼ନ୍ ।”

୨୬ ଆରେ, ଜିସୁ ହେଞ୍ଜେରିଂ ଇ ଉତର୍ମୁଡ଼ ଇଚାନ୍, “ରକାନ୍ ମାଜାନ୍ ମାନାୟତି ଜମିତାକେ ଆଦିକ୍ ପାଚି ଆତାଡ଼ । ୨୭ ହେବେ ହେଞ୍ଜାନ୍ ମାତ୍ର ମାତ୍ର ଏଡ଼ କିଜି ଇଚାନ୍, ଇନାକା କିନାଙ୍ଗ୍ ? ଇନାକିଦେଂକି ନା ପାଚି ମଦାୟ କିଜି ଇଚ୍ଚଦେଂ ଇଞ୍ଜି ବାହା ହିଲୁଡ଼ । ୨୮ ଆରି, ହେଞ୍ଜାନ୍ ଇଚାନ୍, ଇଦାଂ କିନାଙ୍ଗ୍; ନା ଚୁଣ୍ଡିଙ୍ଗ୍ ତ୍ରିକଟି ଗାଜାଙ୍ଗ୍ ଗାଜାଙ୍ଗ୍ କିଜି ରଚ୍ଚନାଙ୍ଗ୍ ଆରି ହେ ଝିଜୁ ତାକେ ନା ତାସ୍ ଆରି ଜିନ୍ସୁପାତି ଝିଜୁ ମଦାୟ କିଜି ଇଚ୍ଚନାଙ୍ଗ୍, ୨୯ ଆରି, ଆନ୍ ନା ଝାସ୍ତିତିଂ ଇନାଙ୍ଗ୍ ଏ, ଜିରୁନ୍, ଆଦିକ୍ ବାର୍ଣ୍ଣ କାଜିଂ ନିନ୍ଦାଂ ଆଦିକ୍ ଜିନ୍ସୁ ରୁଣ୍ଡା ଆତାଡ଼ନା, ଜମା, ତିନ୍ତୁ ଉଣଜି, ଝାରି କିୟା; ୩୦ ମତର୍ ଇସ୍ବର୍ ହେଞ୍ଜାନ୍ ଇଚାନ୍, ଆଡ଼େ ନିର୍ବୁଦ୍ୟା, ନେଞ୍ଜେଙ୍ଗ୍ ନାଣା ନି ଝାସ୍ତି ନିବେ ତାଙ୍ଗ୍ ଅୟାନାଡ଼; ହେବେତାଂ ଏନେଙ୍ଗ୍ ଇନା ଇନାକା ଜାର୍ କାଜିଂ ଜତନ୍ କିତାୟନା, ହେଦାଂ ଝିଜୁ ଇନେରତି ଆନାଡ଼ ?”

୩୧ ଇନେନ୍ ଜାର୍ କାଜିଂ ଦାନ୍ ରୁଣ୍ଡାୟ କିନାନ୍, “ମାତର୍ ଇସ୍ବର୍ ଆଗେ ହାଉକାର୍ ଆକାୟ, ହେଦାଂ କାଜିଂ ଇ ଲାକେ ଗିଟା ଆନାଡ଼ ।”

☆ ୧୨:୧ ୧୨:୧ ମାତିଉ ୧୨:୨; ମାର୍କ ୮:୧୫. ☆ ୧୨:୨ ୧୨:୨ ମାର୍କ ୪:୨୨; ଲୁକ ୮:୧୭.

ମାପୁତାକେ ପାତକିନାକା
(ମାତ୍ରି ୭:୨୫-୩୪)

୨୨ ଜିସୁ ଜାର ଚେଲାରିଂ ଇଚାନ, “ଇଦାଂ କାଜିଂ ଆନ୍ ମିଜେଙ୍ଗ ଇଞ୍ଜନାକା, ଇନାକା ତିନାଦେର୍, ଇ ଲାକେ ମି ଜିରୁନ୍ କାଜିଂ ଆତିସ୍ ଇନାକା ଉସ୍ପାନାଦେର୍, ଇ ଲାକେ ମି ଗାଗାଡ୍ କାଜିଂ ପା ଚିନ୍ତା କିମାଟ୍ । ୨୩ ଇନାକିଦେଂକି କାଦିତାଂ ଜିରୁନ୍ ଆରି ହେୟାତାଂ ଗାଗାଡ୍ ଗାଜା । ୨୪ ପଟିଂ ବିସ୍ତେ ହୁଡାଟ୍, ହେଝେକ୍ ଝିଡୁକ୍ କି ତ୍ରେସୁକ୍ପା, ଆରି ହେଝେକ୍ତି ଇଲ୍ କି ଚୁଣ୍ଟି ହିଲୁଡ୍, ଆରେ ଇସ୍ପୁର୍ ହେଝାକାଂ କାଦି ହିନାନ୍; ଏପେଙ୍ଗ ପଟିଂତାଂ ଆଦିକ୍ ଗାଜା । ୨୫ ଆରେ, ମି ବିତ୍ରେପା ଇନେର୍ ଚିନ୍ତା କିଜି କିଜି ଜାର ଆଇସ୍ ଲାମା କିଦେଙ୍ଗ୍ ଆଡ୍ନାନ୍ ? ୨୬ ଆତିସ୍, ଏପେଙ୍ଗ୍ ଜଦି ଝିଡୁଡାଙ୍ଗ୍ ହିରୁ କାମାୟ୍ କିଦେଙ୍ଗ୍ ପା ଆଡୁୟ୍, ଲାଗିଂ ବିନେ ଝିଡୁ ବିସ୍ତେ ହେଦାଂ ଇନେକିଦେଂ ଚିନ୍ତା କିନାଦେରା ? ୨୭ ପୁଇକୁ ବିସ୍ତେ ବାବି କିଜି ହୁଡାଟ୍, ହେଝାଙ୍ଗ୍ ଇନେସ୍ ନୁଲ୍ ନାଟୁକ୍ କି ତ୍ରେକ୍; ଆତିସ୍ପା ଆନ୍ ମିଜେଙ୍ଗ୍ ଇଞ୍ଜନାକା, ସଲମନ୍ ପା ଜାର ଝିଡୁ ହଲ୍ନାକାତ ଇଝାଙ୍ଗ୍ ବିତ୍ରେ ରଞ୍ଜାଙ୍ଗ୍ ଲାକେ ଉସ୍ପାଝାଦାଂ ମାଚାନ୍ । ୨୮ ମାତର୍ ଇମ୍ଣି କାରା ନେଜେଙ୍ଗ୍ ବାଡ୍ପ ମାନାଡ୍, ଆରି ଝିଗାଲିଙ୍ଗ୍ ହଲ୍ନଦ ଦେହିୟା ଆନାଡ୍, ତାଙ୍ଗେଙ୍ଗ୍ ଇନାଝାଡାଂ ଇସ୍ପୁର୍ ଇ ଲାକେ ବେସ୍ ହିଦ୍ନାନ, ଲାଗିଂ, ହେ ଅଲପ୍ ପାତକିନାଦେର୍, ହେଝାନ୍ ମିଜେଙ୍ଗ୍ ଏଚେକ୍ ଆଦିକ୍ ଲାକେ ହିଦୁନ୍ ।”

୨୯ ଆରେ, ଇନାକା ତିନାକା ଆରି ଇନାକା ଉଣାକା, ହେଦାଂ ଏପେଙ୍ଗ୍ ତେକ୍ତି ବୁଲ୍ଲାଆମାଟ୍ କି ମାନ୍ ଦୁକ୍ କିମାଟ୍, ୩୦ ଇନାକିଦେଂକି ପୁତକିନି ପାତକିଝି ହିଦ୍ନିର୍ ଇ ଝିଡୁ ବିସ୍ତେ ତେକ୍ତି ବୁଲ୍ଲା ଆନାଟ୍; ମାତର୍ ଇ ଝିଡୁ ବିସ୍ତେ ଜେ ମିଦାଙ୍ଗ୍ ଲଡା, ହେଦାଂ ମି ସାଗେନି ଆବା ପୁଞ୍ଜନାନ୍ । ୩୧ ଆତିସ୍ ଏପେଙ୍ଗ୍ ଇସ୍ପୁର୍ ରାଜି ତେକାଟ୍, ଆରି ଇ ଝିଡୁ ବିସ୍ତେ ପା ମିଜେଙ୍ଗ୍ ହିଦ୍ନାନ୍ ।

ସାଗେନି ଦାନ୍
(ମାତ୍ରି ୭:୧୯-୨୧)

୩୨ “ଏ ହିରୁ ମାୟା, ପାଣ୍ଡା ଆମାଟ୍, ଇନେକିଦେଂ ମିଜେଙ୍ଗ୍ ତା ରାଜି ହିଦ୍ନି କାଜିଂ ମି ଆବାତି ବେସି ଝାରି ଆନାତା । ୩୩ ମିଜେଙ୍ଗ୍ ଇନାକା ମାନାଡ୍, ହେଦାଂ ପ୍ରସି ହିଲ୍ଝାକାରିଂ ଦାନ୍ ହିୟାଟ୍; ଇନାକା ନସ୍ ଆଡ୍ ଇ ଲାକେ ମଣା ଜାର ଜାର କାଜିଂ ଜାଲ୍ଦି କିୟାଟ୍, ଇମେତାକେ ଚର୍ ଲାଗେ ଝାଉନ୍ କି ପୁଞ୍ଜୁ ନସ୍ କିଡକ୍, ଇ ଲାକେ ସାଗେନି ନସ୍ ଆଝି ଦାନ୍ ଆଜା ଆଡ । ୩୪ ଇନାକିଦେଂକି ଇମେତାକେ ମିଦାଙ୍ଗ୍ ଦାନ୍, ହେବେ ପା ମିଜେଙ୍ଗ୍ ମାନ୍ ।”

ଜାଗ୍ରତ୍ ମାନି ଚେଲାର୍

୩୫ ✨ “ମି ମେଙ୍ଗାଙ୍ଗ୍ ଗାଚ୍ୟା ଆଜି ମାନେଡ୍ ଆରି ଅଜଡ୍ ଆଜି ମାନେଡ୍; ୩୬ ଆରି, ମାପୁ ବିବା ଝେଡାଙ୍ଗ୍ ଲେଉଟା ଆଜି ଦୁଝେର୍ଡିଂ ଇଡିତିପାଚେ ଇମ୍ଣି ମାନାୟାଟ୍ ହେଦାଂ କାଜିଂ ସାଙ୍ଗେ ସାଙ୍ଗେ ଦୁଝେର୍ ଜେଡ୍ଡେଂ କାଜିଂ ମାନାଟ୍, ଏପେଙ୍ଗ୍ପା ହେଝାର୍ ଲାକେ ଆଜି ମାନାଟ୍ ।” ୩୭ ମାପୁ ଝାଜି ଇମ୍ଣି ଆଡିୟାରିଂ ଜାଗ୍ରତ୍ ହୁଡନାନ୍, ହେଝାର୍ ଦନ୍ୟ, “ଆନ୍ ମିଜେଙ୍ଗ୍ ହାଡ୍ପା ଇଞ୍ଜନାକା, ହେଝାନ୍ ନିଜେ ମେଙ୍ଗାଙ୍ଗ୍ ଗାଚ୍ଚି ହେଝାରିଂ ତିନି ବାହାତ କୁଚି କିଜି ଲାଗେ ହାଲ୍ଜି ହେବା କିତାର୍ । ୩୮ ଆରି, ହେଝାନ୍ ମାଦିମାଦାନାଣା ଅଜଡ୍ ଆନିହିଙ୍ଗ୍ ପା ଝାଜି ହେଝେରିଂ ହେ ଲାକେ ହୁଡନାନ୍, ତା ଆତିସ୍ ହେ ହଲ୍ୟାଟ୍ ଦନ୍ୟ । ୩୯ ✨ ମାତର୍ ଇଦାଂ ପୁଞ୍ଜି ମାନାଟ୍, ଇମ୍ଣି ସମୁତ ଚରେନ୍ ଝାନାନ୍ ଇଲ୍ ମୁଣିକା ଏଚେକାଡ୍ପ ପୁନାନ୍, ତାଆତିସ୍ ହେଝାନ୍ ଜାର ଇଞ୍ଜ ଚର୍ କିଦେଂ ହିଡନ୍ । ୪୦ ଏପେଙ୍ଗ୍ ପା ଜାଗ୍ରତ୍ ଆଜି ମାନାଟ୍, ଇନାକିଦେଂକି ଇମ୍ଣି ସମୁତ ଏପେଙ୍ଗ୍ ବାବି କିଜି ମାନ୍ଗୁଦେର୍, ହେ ସମୁତ ମାନାୟ ମାଜି ଝାନାନ୍ ।”

ପାତକିନାକାର୍ ଆରେ ପାତକିଝାକାର୍
(ମାତ୍ରି ୨୪:୪୫-୫୧)

୪୧ ହେବେତାଂ ପିତର୍ ଇଚାନ୍, “ଏ ମାପୁ, ଏନ୍ କେବଲ୍ ମାଜେଙ୍ଗ୍ କି ଝିଜାରିଂ ଇ ଉତର୍ମୁଡ୍ ଇଞ୍ଜନାନା ?”

୪୨ ମାପୁ ଉତର୍ ହିତାନ୍, “ଲାଗିଂ ଜାର ଲକ୍ବକ୍ତିଂ ସମାନ୍ ହିଦେଂ ଇଞ୍ଜି ମୁଣିକା ଇଲ୍ ଚାଲାୟ୍ କିନା କାନିଂ ଦାଇଡ୍ ହିଜି ମାଚାନ୍ ହେଝାନ୍ ସମାନ୍ ସମୁତ ବିନ୍ ହଲ୍ଲୟାରିଙ୍ଗ୍ ପା ଚିଞ୍ଜେଙ୍ଗ୍ ହିଜି ମାନ୍ଝାତାନ୍ ? ୪୩ ମାପୁ ଝାଜି ଜାର୍ତି ଇମ୍ଣି ଆଡିୟାଙ୍ଗ୍ ହେ ଲାକେ କିନାକା ହୁଡନାନ୍, ହେଝାନ୍ ଦନ୍ୟ । ୪୪ ଆନ୍ ମିଜେଙ୍ଗ୍ ହାଡ୍ପା ଇଞ୍ଜନାକା, ହେଝାନ୍ ତାଙ୍ଗେଙ୍ଗ୍ ଜାର୍ତି ଝିଡୁ ଦାନ୍ତିଙ୍ଗ୍ ଜପି ବାଚି କିଦ୍ନାନ୍ । ୪୫ ମାତର୍ ଜଦି ହେ ଆଡିଏନ୍ ନା ମାପୁ ଝାନାକା ବିଲମ୍ ମାନାଡ୍ ଇଞ୍ଜି ମାଡ୍ ମାଡ୍ ଇଞ୍ଜି ହଲ୍ଲୟା ଆଡିଏନ୍ ଶିକାଂ ଅସ୍ତେଙ୍ଗ୍ ଆରି ତିନିଞ୍ଜିଉଣ୍ଡି ଏକ୍ ଆଦେଂ ଆରାମ୍ କିତାର୍, ୪୬ ତା ଆତିସ୍ ଇମ୍ଣି ଦିନ୍ ଆଡିୟା କାଜିଂ ମାଞ୍ଜେଙ୍ଗ୍ ଆଡୁନ୍ ଆରି ଇମ୍ଣି ସମୁତ ହେଝାନ୍ ପୁଞ୍ଜି ମାନୁନ୍, ହେ ଦିନ୍ ଆରି ହେ ତାଣ୍ଡ୍ ତା ମାପୁ ଝାନାନ୍, ଆରେ ହେଝାନ୍ ତାଙ୍ଗେଙ୍ଗ୍ ରିବାଗ୍ କିଜି ପାତକିଝାକାର୍ ଲାହାଙ୍ଗ୍ ତା ବାଗ୍ତାକା ବାଚିକିନାର୍ ।”

୪୭ “ଆରେ, ଇମ୍ଣି ଆଡିୟା ଜାର ମାପୁ ମାନ୍ ପୁଞ୍ଜି ଜାଗ୍ରତ୍ ଆଜି ମାନୁନ୍ ଆଝିତିସ୍ ତା ଇଚାତାଂ କାମାୟ୍ କିଜି ମାନୁନ୍, ହେଝାନ୍ ବେସି ମାଡ୍ତାଙ୍ଗ୍ ମାଡ୍ଡକିୟାଆନାନ୍; ୪୮ ମାତର୍ ଇନେନ୍ ପୁନ୍ଝାଦାଂ ମାଡ୍ଡତିନି କାମାୟ୍ କିଜି ମାନାନ୍, ହେଝାନ୍

☆ ୧୨:୩୫ ୧୨:୩୫ ମାତ୍ରି ୨୫:୧-୧୩. ☆ ୧୨:୩୯ ୧୨:୩୯ ମାତ୍ରି ୨୪:୪୩,୪୪.

ଅଲପ୍ ମାଡ଼ତାଙ୍କ ମାଡ଼କିୟାଆନାନ୍ । ଇନେରିଂ ବେସି ହିୟାଆତାତୁନା, ତା ତାକେଣ୍ଡାଂ ବେସି ଦାବା କିୟାନାଡ଼ ଆରେ, ଲକ୍ଷୁ ଇନେନ୍ ତାକେ ବେସି ହେଲ୍ଲାୟ୍ କିୟାତାନ୍ନା, ତା ଲାଗାଂ ବେସି ଦାବା କିନାର୍ ।”

ଜିସୁ କାଜିଂ ରିବାଗ୍ ଆନାକା

୪୯ “ଆନ୍ ପୁତର୍ ତ ନାଣି ଆହି କିଦେଙ୍ଗ୍ ଖାତାଂନା, ଆରେ ହେଦାଂ ଜଦି ଆସ୍ତାତେ ତାଆତିସ୍ ନା ଆରେ ଇନାକା ମାନ୍, ୫୦ ମାତର୍ ନାଙ୍ଗ୍ ର ବାପ୍ତିସିମ୍ତ ବାପ୍ତିସିମ୍ ଆନାକା ମାନାଡ଼, ଆରି ହେଦାଂ ଝିଙ୍ଗ୍ ପାତେକ୍ ଆନ୍ ଇନେସ୍ ଦୁକ୍ ମାଡ଼ ବାବିକିନାଙ୍ଗା । ୫୧ ଆନ୍ ପୁତର୍ ତିଂ ସୁସ୍ତା ହିଦେଂ ଖାତାଂନା ଇଞ୍ଜି ଇନାକା ଏପେଙ୍ଗ୍ ଏଡ଼ କିନାଦେରା ? ଆକାୟ୍ ଆନ୍ ମିଙ୍ଗେଙ୍ଗ୍ ଇଞ୍ଜିନାଙ୍ଗା, କୁଦାକୁଦା କିଦେଙ୍ଗ୍ ଖାତାଂନା । ୫୨ ଇନାକିଦେଂକି ର ଇଞ୍ଜି ପାଞ୍ଚିନାଣ୍ ମାଟିସ୍ ରିୟାର୍ ବିରୁଡ଼ତାଂ ତିନ୍ନାଣ୍ ଆରି ତିନ୍ନାଣ୍ତିଂ ବିରୁଦ୍ତ ରିୟାର୍ ବିନେ ବିନେ ଆନାର୍ । ୫୩ ମାଜି ବିରୁଦ୍ତ ଆବା, ଆବା ବିରୁଦ୍ତ ମାଜି, ଗାଡ଼ଚେ ବିରୁଦ୍ତ ଆୟା, ଆୟା ବିରୁଦ୍ତ ଗାଡ଼ଚେ, କଡ଼ିୟା ବିରୁଦ୍ତ ପଦାହି ଆରି ପଦାହି ବିରୁଦ୍ତ କଡ଼ିୟାଣିହି ବିନେ ଆନାଡ଼ ।”

ସମ୍ବୁ ରୁଜାଆନାସ୍

(ମାତିଉ ୧୨:୨-୩)

୫୪ ଆରେ, ହେଖାନ୍ ମାନାୟାରିଂ ପା ଇଚାନ୍, ତେବା ପାଡ଼କାନି ବାଦାଡ଼ ନିଙ୍ଗ୍ନାକା ହୁଡ଼ତିସ୍ ହେ ଦାପ୍ରେ ଏପେଙ୍ଗ୍ ଇନାଟ୍, ବାର୍ହା ଖାନାଡ଼, ଆରେ ଏଲେଙ୍ଗ୍ ଲାକେ ଗିଟା ଆଦନାଡ଼; ୫୫ ଆରେ, ତିନିପାଡ଼କାନି ଦୁକା ଖାନାକା ହୁଡ଼ତିସ୍ ଏପେଙ୍ଗ୍ ଇନାଟ୍, ଗାଜା କାରା ଖାନାଡ଼, ଆରେ ହେଦାଂ ଗିଟା ଆଦନାଡ଼ । ୫୬ ଆଡେ କାପ୍ତିୟାର୍ କାଦେର୍, ଏପେଙ୍ଗ୍ ପୁତର୍ ତ ଆରେ ବାଦାଡ଼ତାଂ ହୁଡ଼ଜି ଝିଙ୍ଗ୍ ରୁଜା ଆନାଦେରା, ମାତର୍ ଇ ଦିନ୍ତ ଚିନ୍ ହୁଡ଼ଜି ଝିଙ୍ଗ୍ ଇନେସ୍ ରୁଜା ଆଉଦେରା ?

ସାତୁର୍ ହୁକେ ମେହାଆନାକା

(ମାତିଉ ୫:୨୫-୨୬)

୫୭ “ଆରେ, ଜାର୍ ଜାର୍ ଇନେକିଦେଂ ନ୍ୟାୟ୍ ବିଚାର୍ କିଉଦେରା ? ୫୮ ମି କୁର୍ଲିୟା ହୁକେ ସାସନ୍କିନାକାନ୍ କଚଣ୍ଡ ହାନିହିଁ ହାସ୍ତ ପା ତା ଲାହାଙ୍ଗ୍ ମୁକ୍ତା ଆଦେଂ ଜାତୁନ୍ କିୟାଟ୍, ଏଚେକାଡ଼ଦ ହେଖାନ୍ ନିଂ ବିଚାର୍କାର୍ଯ୍ୟା କଚଣ୍ଡ ଜେଲ୍ଜି ଅଦନାର୍, ଆରେ ବିଚାର୍ କିନାକାନ୍ ମିଙ୍ଗେଙ୍ଗ୍ ମେଲ୍ୟାର୍ କେଇଦ ସର୍ପି କିଦନାର୍, ଆରେ ମେଲ୍ୟାର୍ ମିଙ୍ଗେଙ୍ଗ୍ ତାନାଈଞ୍ଜି ବାଡ଼ି କିଦନାର୍ । ୫୯ ଆନ୍ ମିଙ୍ଗେଙ୍ଗ୍ ଇଞ୍ଜିନାଙ୍ଗା, ଏପେଙ୍ଗ୍ ହାରିହାରା ତାବୁଙ୍ଗ୍ ହୁଜା ଆଞ୍ଜି ପାତେକ୍ ହେ ବାହାତାଂ ଇନେସ୍ ଆଜି ହସିଖାଦେଙ୍ଗ୍ ଆଡୁଦେର୍ ।”

୧୩

ପାପ୍ତାଂ ଖାଡୁ ନଲେ ହାନାଦେର୍

୧ ହେ ସମୁତ କେଡ଼ଜାଣ୍ ମାନି କେଡେକ୍ ଲକ୍ ଜିସୁଙ୍ଗ୍ ଇଚାର୍ ଜେ ଲକ୍ଷୁ ଖାଜି, ପିଲାତ ଇମଣି ଗାଲିଲିୟରୁତି ନେଡେର୍ ହେଖାରୁତି ପୁଜା ଲାହାଙ୍ଗ୍ ମେହାୟକିଜି ମାଚାର୍, ହେଖାର୍ ବିସ୍ତେ ହେଖାନିଂ ଜାଣାଇ କିଚାର୍ । ୨ ହେବେତାଂ ଜିସୁ ହେଖାରିଂ ଉତର୍ ହିତାନ୍, “ଇଦାଂ ଝିଙ୍ଗ୍ ବଗ୍ କିଦେଙ୍ଗ୍ ଇ ଗାଲିଲିୟର୍ ଜେକନି ଝିଙ୍ଗ୍ ଗାଲିଲିୟର୍ ତାଙ୍ଗ୍ ଆଦିକ୍ ପାପିର୍ ଇଞ୍ଜି କି ଏପେଙ୍ଗ୍ ମାନେକିନାଦେରା ? ୩ କି ଆନ୍ ମିଙ୍ଗେଙ୍ଗ୍ ଝେର୍ଚନାଙ୍ଗା, ମାତର୍ ପାପ୍ ମାନ୍ବାଦ୍ଲୟ୍ କିଞ୍ଜିତିସ୍ ଏପେଙ୍ଗ୍ ଝିଜାକାଦେର୍ ହେ ଲାକେ ନସ୍ ଅନାଦେର୍ । ୪ ଇଚିସ୍ ସିଲହତ ହେ ଅଟର ଜାଣ୍ ଜପି ମାଚା କାଡ଼ଜି ହେଖାରୁତି ଜିରୁନ୍ ହାଚାଡ଼, ହେଖାର୍ ବିସ୍ତେ ଇନାକା ବାବି କିନାଦେର୍ ? ହେଖାର୍ ଝିଙ୍ଗ୍ ଜିରୁସାଲମ୍ ତାଙ୍ଗ୍ ଆଦିକ୍ ପାପିର୍ ଇଞ୍ଜି କି ଏପେଙ୍ଗ୍ ମାନେ କିନାଦେରା ? ୫ ଆନ୍ ମିଙ୍ଗେଙ୍ଗ୍ ଝେର୍ଚନାଙ୍ଗା, ମାତର୍ ପାପ୍ତାଂ ମାନ୍ବାଦ୍ଲୟ୍ କିଞ୍ଜିତିସ୍ ଏପେଙ୍ଗ୍ ଝିଜାକାଦେର୍ ହେ ଲାକେ ନସ୍ ଆନାଦେର୍ ।”

ପାଡ଼ ଖାଞ୍ଜି ତଗାମାର୍ କାତା

୬ ଆରେ, ଜିସୁ ଇ ଉତର୍ମୁଡ଼ ଇଚାନ୍, “ରକାନ୍ତି ଅଙ୍ଗୁର୍ ବାଡ଼ଦ ର ତଗା ମାର୍ ରୁଜଦି ମାଚାନ୍ । ମାଲିକ୍ ଖାଜି ହେବେନି ପାଡ଼ ତେକ୍ତାନ୍, ମାତର୍ ଗାଟା ଆଖାତାନ୍ । ୭ ଲାଗିଂ ହେଖାନ୍ କାନାକାନ୍ ଇଚାନ୍, ହୁଡ଼ା, ଇ ତିନି ବାହୁଁ ଆତାଡ଼ ଆନ୍ ଖାଜି ଇ ତଗା ମାରୁତି ପାଡ଼ ତେକ୍ନାଙ୍ଗା, ମାତର୍ ଗାଟା ଆଉଙ୍ଗା, ଇଦେଲିଂ କାଦିତୁସିୟା, ଇଦାଂ ଇନେକିଦେଂ ମେଦ୍ନିତିଂ ଆବାର୍ ଆହନାତା ? ୮ ମାତର୍ ମାଲିକ୍ତିଂ ଉତର୍ ହିତାନ୍, ମାପୁ, ଇଦେଲିଂ ଇ ବାହୁଁ ପା ପିସ୍ତ୍ରୁହିଦା, ଆନ୍ ଇବେତାଂ ଇଦାଂ ଚାରିବେଣ୍ଡତାଂ କାଚିଂ ଗାଡ଼ ହିନାଙ୍ଗ୍, ୯ ଆରେ ପାଚେ ପାଡ଼ ଖାତିସ୍ ହାର୍, ଆଞ୍ଜିତିସ୍ ହେଦେଲିଂ କାଦିଦି ତୁସିହିନାଙ୍ଗ୍ ।”

ଜିସୁ ଜମନିବାର୍ ନାଜିଂ ର କଗଲେଂ ଉଜ୍ କିତାନ୍

୧୦ ରଗ ଜିସୁ ଜମନିବାର୍ତ ର କୁଟୁମ୍ ଇଞ୍ଜି ହିକ୍ୟା ହିଜିମାଚାନ୍ । ୧୧ ଆରେ ହୁଡ଼ାଟ୍, ଅଟର ବାହୁଁ ପାତେକ୍ ବାନ୍ୟା ଜିରୁନ୍ କାଜିଂ ପାପିୟା ର କଗଲେ ହେବେ ମାଚାଡ଼, ହେଦେଲ୍ କୁବ୍ଡି ଆଜି ଇନେସ୍ ଆଜି ପା ଜାରତିଂ ହାଣ୍ଡକୁ କିଦେଙ୍ଗ୍ ଆଡ଼ଖାଦାଂ ମାଚାଡ଼ । ୧୨ ଜିସୁ ହେଦେଲିଂ ହୁଡ଼ଜି ଲାଗାୟ୍ କୁକ୍ତି ଇଚାନ୍, “ଏ କଗଲେ ନି ବେମାର୍ତାଂ ଉଜ୍ ଆତାୟ୍ ।”

୧୩ ଆରେ, ଜିସୁ ହେ ଜପି କେଇ ଇଡ଼ତାନ୍, ହେବେତାଁ ହେଦେଲ୍ ହେ ଦାପ୍ତେ ହାଣ୍ଡକୁ ଆଜି ଇସ୍ପରତିଂ ପାତୀନା କିଦେଙ୍ଗ୍ ଲାଗାତାଡ଼ ।

୧୪ ମାତର ଜିସୁ ଜମ୍ନିବାରତ ଉଜ୍ କିଦେଙ୍ଗ୍ କୁଚୁମ୍ ଇଲ୍ଲିନି ମୁଡ଼ଦାକାନ୍ ରିସା ଆଜି ମାନାୟାର୍ ତାକେ ଉତର ହିତାନ୍, “କାମାୟ୍ କିନି କାଜିଂ ଚଅ ଦିନ୍ ମାନାଡ଼, ଲାଗିଂ ହେ ଓଜୁନାଞ୍ଜିଙ୍ଗ୍ ଖାଜି ଉଜ୍ ଆଡୁ, ଜମ୍ନିବାର୍ ଖାମାଟ୍ ।”

୧୫ ମାତର ମାପୁ ହେଝାରିଂ ଉତର ହିତାନ୍, “ଏ କାପ୍ଟିୟାର୍, ଏପେଙ୍ଗ୍ ଓଜୁ ଇନାକା ଜମ୍ନିବାରତ ଜାର୍ ଜାର୍ ବାଡ଼ଦୁ କି ଗଦ ହାଡ଼ାତାଂ ରିକଟି ତାସି ଏଜୁଂ ଉଟ୍ପାମାଡୁ ? ୧୬ ଲାଗିଂ ହୁଡ଼ାଟ୍, ଅଟର ବାହୁଁ ପାତେକ୍ ସୟତାନ୍ ଲାହାଙ୍ଗ୍ ଇରିସ୍ ଅବ୍ରାହାମ୍ ଗାଡ଼ହି ଇ କଗ୍ଲେ ଇନାକା ଜମ୍ନିବାର୍ ଜାର୍ ଗାଟି ତାଙ୍ଗ୍ ଉଜ୍ ଆନାକା ଇନାକା ହିଲ୍ଖାତାଡ଼ ?” ୧୭ ଆରେ, ଜିସୁ ଇ କାତା ଇରିଲେ, ତାଙ୍ଗେଙ୍ଗ୍ ବେରିୟାର୍ ଓଜାର୍ ଲାଜୁ କିଦେଙ୍ଗ୍ ଲାଗାତାର୍, ମାତର ମାନାୟାର୍ ଜିସୁ ଇଞ୍ଜି ମାନି ଓଜୁ ଜାଜମାଲ୍ ଗାଜା କାମାୟ୍ ସାକାତାଂ ଖାରି କିଦେଙ୍ଗ୍ ଲାଗାତାର୍ ।

ହାରହୁ ମାଞ୍ଜିନି କାତା

(ମାଡିଉ ୧୩:୩୧-୩୩; ମାର୍କ ୪:୩୦-୩୨)

୧୮ ହେବେତାଁ ଜିସୁ ଇଚାନ୍, “ଇସ୍ପତ୍ ରାଜି ଇନେର୍ ଲାକେ ? ଆରି ଇନେର୍ ହାଙ୍ଗ୍ତାଂ ଆନ୍ ହେଦାଂ ତୁଲାଇ କିନାଙ୍ଗ୍ ? ୧୯ ହେଦାଂ ଇ ଲାକେ ରଞ୍ଜାଙ୍ଗ୍ ହାରହୁ ମାଞ୍ଜି ଲାକେ, ହେଦାଂ ଅଜି ରକାନ୍ ମାନାୟ୍ ଜାର୍ ବାଡ଼ଦ୍ ଓଜୁତାନ୍, ଆରେ ହେଦାଂ ପାନ୍ତି ମାର୍ ଆତାଡ଼, ଆରି ବାଦାଡ଼ତାଂ ପଟିଂ ଖାଜି ହେ ତାଡ଼ଦ୍ ବାହା କିତିଂ ।”

ହଇନିରୁଟି କାତା

(ମାଡିଉ ୧୩:୩୩)

୨୦ ଜିସୁ ଆରେ ଇଚାନ୍, “ଆନ୍ ଇନେର୍ ଲାହାଙ୍ଗ୍ ଇସ୍ପର ରାଜିତିଂ ତୁଲାଇ କିନାଙ୍ଗ୍ ? ୨୧ ହେଦାଂ ହଇନିରୁଟି ଲାକେ, ର କଗ୍ଲେ ହେଦାଂ ତାସି ମଣାତ ମଇଦା ବିତ୍ରେ ପ୍ଲୁକ୍ଟି ଇଟଡାଡ଼, ଆରେ ହାରିହାରା ଓଜୁ ହଇନି ଲାକେ ଆତାଡ଼ ।”

ହାକାଡ଼ ଦୁଝେର୍

(ମାଡିଉ ୭:୧୩-୧୪; ୨୧-୨୩)

୨୨ ଇବେତାଂ ହେଝାନ୍ ଗାଡ଼ ଗାଡ଼ଦ୍ ଆରି ନାସକୁ ନାସକୁ ବୁଲାଇ ଆଜି ହିକ୍ୟା ହିଉ ହିଉ ଜିରୁସାଲମ୍ ନିପ ହାଲ୍ଜି ମାଚାନ୍ । ୨୩ ଆରେ, ରକାନ୍ ତାଙ୍ଗେଙ୍ଗ୍ ଇଚାନ୍, “ମାପୁଙ୍ଗ୍, ମୁଲ୍ଲି ଆନାକା ପାୟା ଆନି ମାନାୟାର୍ ହିସାବ୍ ଇନାକା ଅଲପ୍ ?

ହେବେତାଂ ହେଝାନ୍ ହେଝାରିଂ ଇଚାନ୍,” ୨୪ ହିରୁ ଦୁଝେର୍ତିଂ ହଣ୍ଡେଙ୍ଗ୍ କସ୍ତକିୟାଟ୍, ଇନେକିଦେଂକି ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, “ବେସି ହେନି ହଣ୍ଡିନି କାଜିଂ ସେସ୍ଟ କିନାର୍, ମାତର ଆଡୁର୍ । ୨୫ ଇଲ୍ଲ ମୁଣିକା ନିଞ୍ଜି କାପାଟ୍ ବନ୍ଦ୍ କିତି ପାଚେ ଏଚେକାଡ଼ଦ୍ ଏପେଙ୍ଗ୍ ବାଡ଼ ନିଲ୍ଲିଟି ମାନାଦେର୍ ଆରି ଏ ମାପୁ, ମା କାଜିଂ ଦୁଝେର୍ ଜେତା, ଇଦାଂ ଇଞ୍ଜି କାପାଟ୍ ଇଡିଦେଂ ଲାଗାନାଦେର୍, ହେ ପାଦନା ହେଝାନ୍ ମିଙ୍ଗେଙ୍ଗ୍ ଉତର ହିଦନାନ୍, ଏପେଙ୍ଗ୍ ଇମ୍ଣି ବାହାନି ମାନାୟ୍ ହେଦାଂ ଆନ୍ ପୁନୁଙ୍ଗ୍ ।” ୨୬ ହେ ସମୁତ ଏପେଙ୍ଗ୍ ଇଞ୍ଜେଙ୍ଗ୍ ଲାଗାନାଦେର୍, “ଆପେଂ ନି ମୁମ୍ଦ ଉଚାପ୍ ଚିଚାପ୍, ଆରି ଏନ୍ ମାଙ୍ଗେଙ୍ଗ୍ ହାକ୍ଟିତ ହିକ୍ୟା ହିତାୟ୍ ।” ୨୭ ଆରେ, ହେଝାନ୍ ମିଙ୍ଗେଙ୍ଗ୍ ଇଞ୍ଜନାନ୍, ଏପେଙ୍ଗ୍ ଇମ୍ଣି ବାହାନି ମାନାୟ୍, ହେଦାଂ “ଆନ୍ ପୁନୁଙ୍ଗ୍; ଏ ଅଦାମ୍ ଓଜୁକାଦେର୍ ନା କଟଣ୍ଡାତାଂ ଦେହାଆଡୁ । ୨୮ ☆ଏଚେକାଡ଼ଦ୍ ଏପେଙ୍ଗ୍ ଅବ୍ରାହାମ୍, ଇସହାକ୍, ଜାକୁବ୍, ଆରି ଓଜାର୍ ବେଶ୍ବାକ୍‌ଶାୟ୍‌କିନାକାରିଂ ଇସ୍ପର ରାଜିତ ମାନି ଆରି ଜାର୍ ଜାର୍ତିଂ ବାର୍ତ୍ତ ତୁସିହିତାକା ହୁଡ଼ନାଦେର୍, ହେପାଦନା ହେବେ ଆଡ଼ବିସ୍ ଆରି ଗାଡ଼ାଙ୍ଗ୍ କାଟନାଦେର୍ । ୨୯ ଆରେ, ଷ୍ଟେଡାହ୍‌ଡ଼ନି ଆରି ଷ୍ଟେଡାହାନି ନିପ, ତିନିପାଡ଼କା ଆରି ଡେବାପାଡ଼କାନି ଲକୁ ଖାଜି ଇସ୍ପର ରାଜିତିଂ ତିଞ୍ଜେଙ୍ଗ୍ କୁଚନାର୍ । ୩୦ ☆ଆରେ ହୁଡ଼ାଟ୍, ଇମ୍ଣାକାର୍ ନଙ୍ଗୟ୍ ପାଚେ ମାନି କେଡେକ୍ ପର୍ଡୁମ୍ ଆନାର୍ ଆରି ପର୍ଡୁମ୍ ମାନି କେଡେକ୍ ପାଚେ ଆନାର୍ ।”

ଜିରୁସାଲମ୍ କାଜିଂ ଜିସୁତି ଦୁକ୍

(ମାଡିଉ ୨୩:୩୭-୩୯)

୩୧ ହେ ପାଦନା କେଡେକ୍ ପାରୁସିର୍ ଜିସୁ ଲାଗେ ଖାଜି ଇଚାର୍, “ଇ ବାହା ପିସ୍ତି ହସି ହାଲାଟ୍, ଇନାକିଦେଂକି ହେରଦ୍ ନିଙ୍ଗେଙ୍ଗ୍ ଅସ୍ତେଦେଂ ମାନ୍ କିନାନା ।”

୩୨ ହେବେତାଂ ଜିସୁ ହେଝାରିଂ ଇଚାନ୍, “ଏପେଙ୍ଗ୍ ହାଲ୍ଜି ହେ କଲ୍ୟାତିଂ ଷ୍ଟେଟାଟ୍, ହୁଡ଼ାଟ୍, ଆନ୍ ନେଞ୍ଜେଙ୍ଗ୍ ଆରି ଓଜା ପୁଦା ପିହିକିନାଙ୍ଗା ଆରି ଉଜ୍ କିନାଙ୍ଗା, ଆରେ ତିନି ଦିନ୍ତାଂ ଆନ୍ ପଡ଼କ୍ ଇନାଙ୍ଗ୍ । ୩୩ ଇନାକା ଆୟେଡ଼, ନେଞ୍ଜେଙ୍ଗ୍, ଓଜା ଆରି ମାହିଙ୍ଗ୍ ନାଙ୍ଗେଙ୍ଗ୍ ହାଞ୍ଜେଙ୍ଗ୍ ଆନାଡ଼, ଇନାକିଦେଂକି ଜିରୁସାଲମ୍‌ନି ବାଡ଼ ବେଶ୍ବାକ୍‌ଶାୟ୍‌କିନାକାର୍ ନାସ୍ ଆନାକା ହାର୍ ଆକାୟ୍ ।”

୩୪ “ଏ ଜିରୁସାଲମ୍, ଏ ଜିରୁସାଲମ୍, ବେଶ୍ବାକ୍‌ଶାୟ୍ କିନାକାର୍ତି ଚୁଣାକାୟ୍ ଆରି ଜାର୍ ତାକେ ପକ୍ୟାତାକାରିଂ କାଲ୍‌ଅହିୟାନି । କୁଜୁ ଇନେସ୍ ମାରା ତାରେନ୍ ଜାର୍ ହିମ୍ଣାକାଂ ରବେ କିନାଡ଼, ହେ ଲାକେ ଆନ୍ ଏଚେହ୍‌ଡ଼ ନି ହିମ୍ଣାକାଂ

☆ ୧୩:୨୮ ୧୩:୨୮ ମାଡିଉ ୨୨:୧୩; ୨୫:୩୦. ☆ ୧୩:୨୮ ୧୩:୨୮ ମାଡିଉ ୮:୧୧,୧୨. ☆ ୧୩:୩୦ ୧୩:୩୦ ମାଡିଉ ୧୯:୩୦; ୨୦:୧୨; ମାର୍କ ୧୦:୩୧.

ରବେ କିଦେଇଁ ମାନ କିତାଇଁ, ମାତର ଏପେଇଁ ମାନ କିଖାତାଦେର୍ । ୩୫ ହୁଡ଼ାଟ୍, ମି ଇଲ୍ ମି କେଇଦ ପିସ୍ତାତାଣ୍ଡା; ଆରେ ଆନ୍ ମିଙ୍ଗେଇଁ ଇଞ୍ଜନାଙ୍ଗା, ମାପୁ ତରଦ ଇନେନ୍ ଖାନାନା, ହେଖାନ୍ ଦନ୍ୟ, ଏପେଇଁ ଇମ୍ଫି ନାଜିଁ ଇ କାତା ଇନାଦେର୍, ହେ ଦିନ୍‌ଖାଞ୍ଜି ପାତେକ୍ ନାଙ୍ଗ ହାତେନେ ଆରେ ହୁଡ଼ୁଦେର୍ ।”

୧୪

ଜିସୁ ର ରଗ୍ୟାଂ ଉଜ୍ କିତାନ୍

୧ ରଗ ଜିସୁ ଜମ୍‌ନିବାର୍ ନାଜିଁ ତିନି କାଜିଁ ର ପାରୁସିର୍ ମୁଣିକା ଇଞ୍ଜ ହଟିଲେ, ହେଖାନ୍ ତାଙ୍ଗ ଇଟ୍‌କାଡ଼ କିଜି ମାଚାର୍ । ୨ ଆରେ ହୁଡ଼ାଟ୍, ହେଖାନ୍ ମୁମ୍‌ଦ ରକାନ୍ କାଲ୍‌କୁ କେଇକୁ ପୁଲ୍‌ଆତି ରଗ୍ୟା ନଟ୍‌ନି ମାନାୟ୍ ମାଚାନ୍ । ୩ ହେବେ ଜିସୁ ମସାତି ବିଦିନି ଗୁରୁର୍ ଆରି ପାରୁସିର୍ ଉତର୍ ହିତାନ୍, “ଜମ୍‌ନିବାର୍ ନାଜିଁ ଉଜ୍ କିନାକା ବିଦି କି ଆକାୟ୍ ?” ମାତର୍ ହେଖାନ୍ ଚିମ୍‌ରା ଆଜି ମାଚାର୍ ।

୪ ଆରେ, ହେଖାନ୍ ତାଙ୍ଗେଇଁ ଆସ୍ତି ଉଜ୍ କିତାନ୍ ଆରି ପକ୍‌ତାନ୍ । ୫ ଆରେ, ହେଖାନ୍ ହେଖାରିଁ ଇଚାନ୍, “ମି ବିତ୍ରେତାଁ ଇନେର୍ ଜାର୍ ହିମ୍‌ଶାଁ କି ବାଡ଼ୁ କୁଇତାକେ ଆତ୍ ସ ଇନାକା ହେଦେଲିଁ ଜମ୍‌ନିବାର୍ ନାଜିଁ ହେ ଦାପ୍‌ସେ ନିକୁନ୍ ?”

୬ ଆରେ, ହେଖାନ୍ ଇ ଝିଜୁ ବେରଣ୍‌ତ ଇନାକା ଉତର୍ ହିଦେଁ ଆଡ଼୍‌ଖାତାର୍ ।

ଦାମ୍ ଆନାକା ଆରେ ହେବା କିନାକା

୭ ଆରେ, କୁପକାୟାତି ମାନାୟାର୍ ଇନେସ୍ ମୁଡ଼୍ ମୁଡ଼୍ ବାହା ବାଚି କିଜି ମାଚାର୍, ଇଦାଁ ଇଟ୍‌କାଡ଼ କିଜି ହେଖାନ୍ ହେଖାରିଁ ଇ ଉତର୍‌ମୁଡ଼୍ ହିଜି ଇଚାନ୍, ୮ “ଏଚେକାଡ଼୍ ଏପେଇଁ ଇମ୍‌ଫି ଲକୁତାଙ୍ଗ ବିବାନି ବଜିତ କୁକ୍ୟାନାଦେର୍, ହେଖେଡ଼ାଁ ମୁଡ଼୍ ବାହାତ କୁଚ୍‌ମାଟ୍, କାତେହିନା ମିତାଙ୍ଗ ଆଦିକ୍ ଗାଜାଲକୁ ହେଖାନ୍‌ତାଁ କୁକ୍ୟା ଆଜି ମାନ୍‌ଗାନାନ୍, ୯ ଆରେ ଇନେର୍ ମିଙ୍ଗ ଆରି ତାଙ୍ଗ କୁକ୍‌ତାନ୍‌ଚି, ହେଖାନ୍ ଖାଜି ମିଙ୍ଗ ଇଞ୍ଜାନାନ୍, ଇଞ୍ଜାନିଁ ବାହା ହିଆ; ଆରେ, ହେଖାଡ଼ାଁ ଏପେଇଁ ଲାଜୁତାଁ ତାରେନ୍ ବାହାତ କୁଚ୍‌ଚେଁ ହାନାଦେର୍ । ୧୦ ମାତର୍ ଏଚେକାଡ଼୍ ଏପେଇଁ କୁକ୍ୟା ଆନାଦେର୍, ହେଖେଡ଼ାଁ ହାଲ୍‌ଜି ତାରେନ୍‌ନି ବାହାତ କୁଚ୍‌ଚାଟ୍, ଇନେସ୍ ମି କୁକ୍ୟାତି ଲକୁ ଖାଜି ମିଙ୍ଗେଇଁ ଇଞ୍ଜାନାନ୍, ଏ ବୟ୍, ଜପୁଣି ବାହାତ ଖା ଇଞ୍ଜାନାନ୍, ହେଖାଡ଼ାଁ ମି ହୁକେ କୁଚ୍‌ଚି ମାନି ଝିଜାକାର୍ ମାନାୟାର୍ ମୁମ୍‌ଦ ମି ଜାଜ୍‌ମାଲ୍ ଆନାଡ଼ । ୧୧ ଇନାକିଦେଁକି ଇନେର୍ ଜାର୍‌ତିଁ ଗାଜା ଇଞ୍ଜି ଚଞ୍ଜିୟାଆନାନ୍, ତାଙ୍ଗେଇଁ ହାରୁ ଆନାନ୍, ଆରେ ଇନେର୍ ଜାର୍‌ତିଁ ହାରୁ ଆନାନ୍, ହେଖାନିଁ ଉଚ୍ କିୟାନାଡ଼ ।”

୧୨ ଆରି, ଜିସୁ ନିଜେ କୁକ୍ୟାତି ଲଗାଁ ପା ଇଚାନ୍, “ଖେଡ଼ା କି ନାଶା ବଜି ହିଜି ଜାର୍ ବୟ୍ କି ଚଣ୍ଡେନ୍ କି ଖାସ୍‌ନିକାର୍ କି ମାଜାନ୍ ପାଡ଼୍‌ହାନିକାରିଁ କୁକ୍‌କି କିମାଟ୍, କାତେହିନା ହେଖାନ୍ ପା ଖାଜି ମିଙ୍ଗ କୁକ୍‌କି କିଦ୍‌ନାର୍ ଆରି ଏପେଇଁ ପ୍ରାତିପାଦ୍ ପାୟା ଆତାଦେର୍ । ୧୩ ମାତର୍ ବଜି ଜାଲ୍‌ଦି କିତିସ୍ ଅକ୍ ଡ଼, ଚୁଟା, ଚଟା ଆରି କାଶାରିଁ କୁପକାଟ୍; ୧୪ ତା ଆତିସ୍ ଏପେଇଁ ଦନ୍ୟ ଆନାଦେର୍, ଇନେକିଦେଁକି ମିଙ୍ଗେଇଁ ଆରେ ହିଦ୍‌ନି କାଜିଁ ହେଖାନ୍‌ଚି ଇନାକା ହିଲୁଡ଼; ଆରେ, ଦାମ୍ ଆରେ ନିଁନି ଖେଡ଼ାଲିଁ ମିଙ୍ଗେଇଁ ଆରେ ହିଦ୍ୟାନାଡ଼ ।”

ର ଗାଜା ବଜିନି ଉତର୍‌ମୁଡ଼୍ (ମାତିଉ ୨୨:୧-୧୦)

୧୫ ହେଦାଁ ଖେନ୍‌ଞ୍ଜି ଜିସୁକୁକେ ଚିଞ୍ଜେଇଁ କୁଚ୍‌ଚି ମାନି ଲଗାଁ ବିତ୍ରେ ରକାନ୍ ହେଖାନିଁ ଇଚାନ୍, ଇମ୍‌ଫି ଲଗୁ “ଇସ୍‌ତ୍ ରାଜିତ ତିନାନ୍, ହେଖାନ୍ ଦନ୍ୟ ।”

୧୬ ମାତର୍ ଜିସୁ ତାଙ୍ଗେଇଁ ଇଚାନ୍, “ରକାନ୍ ମାନାୟ୍ ମୁକା ସମୁତ ଗାଜାବଜି ହିଦେଁ ଇଚା କିଜି ବେସି ଜାଣ୍‌ତିଁ କୁକ୍‌ତାନ୍; ୧୭ ଆରେ, ତିନି ସମ୍‌ ଏକାଖାତିଲେ, ହେଖାନ୍ କୁକ୍‌ଚି ଲଗାଁ ଜାର୍ ଆଡ଼ିୟାତିଁ ପକ୍‌ଚି ଇଚାନ୍, ଏପେଇଁ ଖାଡୁ, ଇନାକିଦେଁ ଝିଜୁ ଜାଲ୍‌ଦି ଆତାତେ । ୧୮ ମାତର୍ ଝିଜାକାର୍ ର ମାନ୍ କିଜି କେମା ପାର୍ତ୍ତନା କିଦେଇଁ ଲାଗାତାର୍ । ପର୍ତୁମ୍ ରକାନ୍ ତାଙ୍ଗ ଇଚାନ୍, ଆନ୍ ଇଚୁଚିଁ ରୁମି କଡ଼୍‌ତାଁନ୍ନା, ନାଙ୍ଗ ହେଦାଁ ହୁଡ଼୍‌ଦେଁ ଲାଗ୍‌ଦାନାଡ଼; ଗଞ୍ଜାରି କିଦ୍‌ନାଙ୍ଗା, ଆନ୍ କେମା ପାୟା ଆତାଙ୍ଗନା ଇଞ୍ଜି ବାବି କିୟା ।” ୧୯ ଆରେ ରକାନ୍ ଇଚାନ୍, “ଆନ୍ ପାସ୍ ଆଡ଼୍‌ବାଡ଼ୁଇଁ କଡ଼୍‌ତାଁନ୍ନା, ଆରେ ଆନ୍ ହେଖାକାଁ ପରିକ୍ୟା କିଦେଇଁ ହାନାଙ୍ଗା; ଗଞ୍ଜାରି କିଦ୍‌ନାଙ୍ଗା, ଆନ୍ କେମା ପାୟାଆତାଁନ୍ନା ଇଞ୍ଜି ବାବି କିୟା ।” ୨୦ ବିନ୍ ଲଗୁ ଇଚାନ୍, “ଆନ୍ ପୁନ୍ ବିବା ଆତାଙ୍ଗନା, ଲାଗିଁ ହାଞ୍ଜେଇଁ ଆଡୁଙ୍ଗା ।”

୨୧ ଆରେ, ହେ ଆଡ଼ିଏନ୍ ଖାଜି ହେ ମାପୁଙ୍ଗ ହେ ସବୁ ଖେଚ୍‌ଚାନ୍ । ହେବେଣ୍ଡାଁ ଇଲ୍ ମୁଣିକା ରିସା ଆଜି ଜାର୍ ଆଡ଼ିଏନ୍ ଇଚାନ୍, “ବେଗି ଗାଡ଼୍‌ନି ହାକ୍‌ଡ଼ି ଆରି ଗଲିଗନ୍‌ଚି ହାଲ୍‌ଜି ଅକ୍ ଡ଼, ଚୁଟା, କାଶା ଆରି ଚଟାରିଁ ଇବେ ତାହିଝାଡୁ ।” ୨୨ ପାଚେ ହେ, ଆଡ଼ିଏନ୍ ଇଚାନ୍, “ଏ ମାପୁ, ନି ବଲ୍‌ତାଁ କିୟାଆତାଙ୍ଗନା, ଆତିସ୍‌ପା ଆରେ ବାହା ମାନାଡ଼ ।” ୨୩ ହେବେତାଁ ମାପୁ ହେ ଆଡ଼ିଏନ୍ ଇଚାନ୍, “ରାଜାର୍ ହାଜି ଆରି ଅଙ୍ଗୁର୍ ବାଡ଼୍‌ମାର୍‌ଚ ହାଲ୍‌ଜି, ନା ଇଲ୍ ଇନେସ୍‌କି ପୁରା ଆନାଡ଼, ହେଦାଁ କାଜିଁ ମାନାୟାର୍ ଖାନିକାଜିଁ ହିୟାଟ୍ । ୨୪ ଲାଗିଁ ଆନ୍ ମିଙ୍ଗେଇଁ ଇଞ୍ଜନାଙ୍ଗା, ହେ କୁକ୍ୟା ଆଜି ମାନି ମାନାୟାର୍ ପା ଇନେର୍ ନା ବଜିନି ଗୁଣି ମଦୁର୍ ପାୟା ଆଉର୍ ।”

☆ ୧୪:୫ ୧୪:୫ ମାତିଉ ୧୨:୧୧. ☆ ୧୪:୧୧ ୧୪:୧୧ ମାତିଉ ୨୩:୧୨; ଲୁକ ୧୮:୧୪.

**ଚେଲା ଆଦେଂ ମାନାଡ଼
(ମାତିଉ ୧୦:୩୭-୩୮)**

୨୫ ଦିନେକ୍ ବେସିହେନି ମାନାୟାର୍ ଜିସୁ ଲାହାଙ୍ଗ୍ ହାଲ୍ଲଜି ମାଚାର୍, ଆରେ ହେଖାନ୍ ଲେଉଟା ଆଜି ହେଖାରିଂ ଇଚାନ୍, ୨୬ “ଇନେର୍ ଜଦି ନା କଚଣ୍ ଖାଜି ଜାର୍ ଆବା, ଆୟା, ଡକ୍ରି, ହିମ୍ଣା, ଟଣ୍ଡେନ୍ ଆରି ତଣ୍ଡେକାଂ, ଇ ଲାକେ ଜାର୍ ଜିରୁନ୍ତିଂ ପା ଆଦିକ୍ ଖାରି କିଞ୍ଚିସ୍, ଲାଗିଂ ହେଖାନ୍ ନା ଚେଲା ଆଦେଂ ଆଡୁନ୍ । ୨୭ *ଇନେର୍ ଜାର୍ତି କୁସ୍ ପିଣ୍ଡୁଜି ନା ତେଇଁ ଖାଖାତାନ୍ତି, ହେଖାନ୍ ନା ଚେଲା ଆଦେଂ ଆଡୁନ୍ । ୨୮ ଇନାକିଦେଂକି ମିଙ୍ଗେଙ୍ଗ୍ ବିତ୍ରେ ଇନେର୍ ମାଚା ରସ୍ତେଂ ଇଚା କିଜି ହେଦାଂ ଖିସ୍ପିସ୍ କିନାକା ତାରୁଙ୍ଗ୍ ସାକ୍ତି ମାନାଡ଼ କି ଆକାୟ୍, ଇଦାଂ ପର୍ତ୍ତମ୍ କୁଚ୍ଚି କର୍ଚ୍ଚ ଇସାବ୍ ହୁଡ଼ୁଦେର୍ ? ୨୯ ହେ ଦିନ୍ତ ହେଖାନ୍ କୁନାଦି କୁଚି କିଜି ଖିସ୍ତେଙ୍ଗ୍ ଆଡ଼ଞ୍ଚିସ୍, ଏଚେଜାଣ୍ ହେଦାଂ ହୁଡ଼ୁନାର୍ ଖିଜାର୍ ତାଙ୍ଗେଙ୍ଗ୍ ଗୁଲ୍ଲଦେଂ ଲାଗାନାର୍, ୩୦ ଇ ମାନାୟ୍ ରଚ୍ଚେଂ ଆରାମ୍ କିଜି ଖିସ୍ତେଙ୍ଗ୍ ଆଡ଼ଞ୍ଚାତାନ୍ ।” ୩୧ “ମାଚର୍ ଇମ୍ଣି ରାଜା ଦସହାଜାର୍ ମେଲ୍ୟାରିଂ ଅଜି ବିନେ ରକାନ୍ ରାଜା ଲାହାଙ୍ଗ୍ ଜୁଜ୍ କିଦେଙ୍ଗ୍ ହାନି ଖେଡ଼ାଲିଂ, କଡେ ହାଜାର୍ ମେଲ୍ୟାର୍ ଆସି ବିରୁଦ୍ଧ ଖାଜିମାନି ରାଜା ଲାହାଙ୍ଗ୍ ଦସ୍ ହାଜାର୍ ମେଲ୍ୟାର୍ ଅଜି ଜୁଜ୍ କିଦେଙ୍ଗ୍ ଆଡ଼ନାଦେରା କି ଆକାୟ୍, ହେଦାଂ ପର୍ତ୍ତମ୍ କୁଚ୍ଚି ବିଚାର୍ କିଉର୍ ? ୩୨ ଜଦି ଆଡୁନ୍, ଲାଗିଂ ବିନେନି ରାଜା ଦେହା ମାନୁ ମାନୁ ହେଖାନ୍ ଦୁଡ଼ ପକ୍ଚି ହାନ୍ଦି ପାତୀନା କିନାନ୍ । ୩୩ ହେ ଲାକେ ମିଙ୍ଗେଙ୍ଗ୍ ବିତ୍ରେ ଇନେର୍ ଜାର୍ତି ଖିଜୁ ପିହ୍ଞିସ୍, ହେଖାନ୍ ନା ଚେଲା ଆଦେଂ ଆଡୁନ୍ ।”

**ଚିନ୍ତା କିଞ୍ଚି ହର୍
(ମାତିଉ ୫:୧୩; ମାର୍କ ୯:୫୦)**

୩୪ “ହର୍ଚ ହାର୍; ମାଚର୍ ହର୍ ପା ଜଦି ହ୍ଞାଦ୍ ଆଉଡ଼, ବାଟିଙ୍ଗ୍ ହେଦାଂ ଇମେ କାର୍ଯ୍ୟା ଆନାଡ଼ ? ୩୫ ହେଦାଂ ମେଦ୍ନିତ୍ କି ଗାଡ଼ଗାଦା କାଜିଂ ସମାନ୍ ଆକାୟ୍; ଲକୁ ହେଦାଂ ବାଟି ତୁସି ହିନାର୍ । ଇନେର୍ ଖେଞ୍ଜେଙ୍ଗ୍ କିତୁଲ୍ ମାନାଡ଼, ହେଖାନ୍ ଖେନେନ୍ ।”

୧୫

**ଜାଙ୍ଗ୍ତି ମେଣ୍ଡା
(ମାତିଉ ୧୮:୧୨-୧୪)**

୧ ଆରେ, ଦିନେକ୍ ସିସ୍ତୁୟ୍ନନାକାର୍ ଆରି ପାପିୟାର୍ ଖିଜାକାର୍ ହେଖାନ୍ ବଚନ୍ ଖେଞ୍ଜେଙ୍ଗ୍ କାଜିଂ ହେଖାନ୍ ତାକେ ଖାଜି ମାଚାର୍ । ୨ ହେବେ ପାରୁସିର୍ ଆରି ସାସିର୍ ଗାଣ୍ଡୁ କିଜି କିଜି ଇଚାର୍, “ଇଖାନ୍ ରକାନ୍ ପାପିୟାରିଂ ଇଚ୍ଚନାନ୍ ଆରି ହେଖାର୍ ହୁକେ ତିନାନ୍ !” ୩ ହେବେ ହେଖାନ୍ ହେଖାରିଂ ଇ ଉତର୍ମୁଡ଼ ଖେଚ୍ଚାନ, ୪ “ମି ବିତ୍ରେ ଏପେଙ୍ଗ୍ ଇମ୍ଣି ମାନାୟ୍ ମାନାନ୍ ଜେ ହେଖାନ୍ତି ପାଞ୍ଚକଡ଼ି ମେଣ୍ଡାଂ ମାଚିସ୍, ଆରେ ହେଖାଙ୍ଗ୍ ବିତ୍ରେ ରଞ୍ଜାଙ୍ଗ୍ ଜାଙ୍ଗ୍ତିସ୍, ଲାଗିଂ ହେ ଏକ୍ ଉଣା ପାଞ୍ଚକଡ଼ିକାଙ୍ଗ୍ ବାଟାତ ପିସ୍ତି ହେ ଜାଙ୍ଗ୍ତି ମେଣ୍ଡା ଗାଟାଞ୍ଚି ପାତେକ୍ ହେଦେଲିଂ ତେକୁନ୍ ? ୫ ଆରେ, ଗାଟାଆଡିସ୍ ହେଖାନ୍ ହେଦେଲିଂ ଖାରିତାଂ ପିଣ୍ଡୁଜି ଇଞ୍ଜି ତାହିଞ୍ଜାନାନ୍, ୬ ଆରେ ଜାର୍ ସାଙ୍ଗ୍ ପାଡ଼ହା ଇଞ୍ଜାକାରିଂ ରବେରୁଣ୍ଡାୟ୍ କିଜି ହେଖାରିଂ ଇନାନ୍, ନା ହୁକେ ଖାରି କିୟାଟ୍, ଲାଗିଂ ନା ଜାଙ୍ଗ୍ତି ମେଣ୍ଡା ଗାଟାତାଙ୍ଗ୍ । ୭ ଆନ୍ ମିଙ୍ଗ୍ ଇଞ୍ଜନାଙ୍ଗା, ହେ ଲାକେ ଇନେର୍ଚ୍ଚି ମାନ୍ବାଦଲ୍ଲାୟ୍ କିନି ଲଡ଼ା ଆକାୟ୍, ଏଲେଙ୍ଗ୍ ଏକ୍ ଉଣା ପାଞ୍ଚକଡ଼ି ଦାମ୍ ମାନାୟାରିଂ ପିସ୍ତି, ଇନେନ୍ ମାନ୍ ବାଦଲ୍ଲାୟ୍ କିନାନ୍, ଏଲେଙ୍ଗ୍ ରକାନ୍ ପାପ୍ନି କାଜିଂ ସାଗେତ୍ ବେସି ଖାରି ଆନାଡ଼ ।”

ଜାଙ୍ଗ୍ତି ରୁପା ତାରୁ

୮ “ଆଞ୍ଚିସ୍ ଏଲେଙ୍ଗ୍ ଇମ୍ଣି କଗ୍ଲେଲଗୁ ମାନାଡ଼ ଜେ, ତାଞ୍ଚି ଜଦି ଦସ୍ ରୁପା ତାରୁଙ୍ଗ୍ ମାଚିସ୍, ଆରେ ହେବେଣ୍ଡାଂ ରଞ୍ଜୁ ଜାଙ୍ଗ୍ତିସ୍, ଲାଗିଂ ହେଦେଲ୍ ବଚଟା ଆହି କିଜି ଇଲ୍ ପାପ୍ତି କିଜି ଗାଟାଞ୍ଚି ପାତେକ୍ ଜତନ୍ତାଂ ତେକୁଡ଼ ? ୯ ଆରେ, ହେଦାଂ ଗାଟାଆଡିସ୍ ହେଦେଲ୍ ହେ ହାଙ୍ଗ୍ଦାକାରିଂ ଆରି ପାଡ଼ହା ଇଞ୍ଜି ଲଗାଂ କୁକ୍ଚି ରୁଣ୍ଡାୟ୍ କିଜି ଇନାଡ଼, ନା ହୁକେ ଖାରି କିୟାଟ୍, ଲାଗିଂ ଇମ୍ଣି ଟାକା ଜାକ୍ଚି ମାଚାଙ୍ଗ୍, ହେଦାଂ ଗାଟାଆତାଙ୍ଗ୍ । ୧୦ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ହେ ଲାକେ ଇନେର୍ ମାନ୍ବାଦଲ୍ଲାୟ୍ କିଚାର୍, ଏଲେଙ୍ଗ୍ ବାଟି ପାପି କାଜିଂ ଇସ୍ତର୍ ଦୁଡ଼ର୍ ମୁମ୍ଦ ଖାର୍ଯ୍ୟା ଆଡୁ ।”

ଜାଙ୍ଗ୍ତି କାଡ଼ଦେ

୧୧ ଜିସୁ ଆରେ ଇଚାନ୍, “ରଞ୍ଜାନିଂ ରିକାର୍ ମାଜି ମାଚାର୍ । ୧୨ ହେଖାର୍ ବିତ୍ରେ ହାରୁ ମାଜି ଇଚାନ୍, ଆବା, ଦାନ୍ ଇମ୍ଣି ବାଗ୍ ନାଦାଂ ଆନାତା, ହେଦାଂ ନାଙ୍ଗ୍ ହିଦା ।” ହେବେଣ୍ଡାଂ ହେଖାନ୍ ଖିଜୁ ପାସ୍ପିସ୍ ହିତାନ୍ । ୧୩ ଅଲପ୍ ଦିନ୍ ପାଚେ ହାରୁ କାଡ଼ଦେ ସବୁ ରବେ ରୁଣ୍ଡାୟ୍ କିଜି ରାଜି ହତାନ୍, ଆରେ ହେବେ ପାଟକାର୍ ଆଜି ହେ ଦାନ୍ ଉପ୍ତାନ୍ । ୧୪ ମାଚର୍ ଖିଜୁ ଉପ୍ଚି ପାଚେ ଦେସ୍ତାକେ କାଚାର୍ ଆତ୍ ଲେ ତା ଅବାବ୍ ଆଦେଂ ଲାଗାତାଡ଼ । ୧୫ ହେବେଣ୍ଡାଂ ହେଖାନ୍ ହାଲ୍ଲଜି ହେ ଦେସ୍ତନି ରକାନ୍ ଲକୁତାକେ ଆହ୍ଚ ଅତାନ୍, ଆରେ ହେଖାନ୍ ତାଙ୍ଗ୍ ପାଞ୍ଜିଙ୍ଗ୍ ହାରାୟ୍ କିଦେଂ ଜମିତ ପକ୍ତାନ୍; ୧୬ ଆରେ ପାଞ୍ଜିଙ୍ଗ୍ କାଦି ତିନ୍ଞି ମାଚିକ୍, ହେବେ ହେଖାନ୍ ତା ପଟପାଞ୍ଜି ଜିଜି ମାଚାନ୍, ମାଚର୍ ଇନେର୍ ହେଖାନିଂ ଇନାକା ହିଞ୍ଜାଦାଂ

* ୧୪:୨୭ ୧୪:୨୭ ମାତିଉ ୧୦:୩୮; ୧୭:୨୪; ମାର୍କ ୮:୩୪; ଲୁକ ୯:୨୩.

ମାତାର । ୧୭ ମତର ହେୱାନ ଚେତନା ଆଜି ଇଚାନ୍, “ମାଞ୍ଜି ଆବା ତାକେ କେତେକ୍ କାମ୍‌ଲିୟାତ୍ କାଦି ହାଜ୍ ହାନାତା, ମାତର ଆନ୍ ଇବେ ନାସ୍‌କି ହାନାଙ୍ଗା । ୧୮ ଆନ୍ ନିଙ୍ଗଜି ନା ସାଗେନି ଆବା ଲାଗେ ହାନାଙ୍ଗ” ଆରି ତାଙ୍ଗ ଇନାଙ୍ଗ, “ଆବା, ଇସ୍‌ତ୍ ବିରୁଦ୍‌ତ ଆରି ନି ନଞ୍ଜରତ ପାପ୍ କିତାଙ୍ଗନା; ୧୯ ନି ମାଜି ଇଞ୍ଜି କୁକ୍ୟା ଆଦେଂ ଆନ୍ ଆରେ ତର ହିଲେଡ୍; ନାଙ୍ଗ ମି କାମ୍‌ଲିୟାର୍ ଲାକେ ଇଡ୍‌ଦା ।” ୨୦ ହେବେଣ୍ଡା ହେୱାନ ନିଙ୍ଗଜି ନିଜେ ଲାତ୍ରାହି ତାକେ ହାଚାନ୍ ।

“ମାତର ହେୱାନ ଦେହା ମାନୁ ମାନୁ ହେ ଲାତ୍ରାହି ତାଙ୍ଗ ହୁଡ୍‌ଜି ଦୟାତ କାର୍ମା ଆତାନ୍ ଆରି ହନ୍‌ଚିହାଲ୍‌ଜି ହେୱାନିଂ ପମ୍‌ଜି ତନ୍‌ଚାନ୍ ।” ୨୧ କାଡ୍‌ଦେ ତାଙ୍ଗେଙ୍ଗ ଇଚାନ୍, “ଆବା, ସାଗେନି ବିରୁଦ୍‌ତ ଆରି ନି ନଞ୍ଜରତ ଆନ୍ ପାପ୍ କିତାଙ୍ଗ, ନି ମାଜି ଇଞ୍ଜି କୁକ୍ୟାନ୍ ଆନ୍ ତର ଆକାୟ୍ ।” ୨୨ ମାତର ଲାତ୍ରାହି ହେ ଆଡ୍‌ୟାରିଂ ଇଚାନ୍, “ଝିଲୁଡ୍ ହାଦ୍ ଆଙ୍ଗି ବେଗି ତାହିଝାଜି ଇଝାନିଂ ଆର୍‌ପି କିୟାଟ୍, ଇଝାନ୍ କେଇଦ ଝାତୁସ୍ ଆରି ପାନାତ ପାଣ୍ଡାଲଙ୍ଗ ହିୟାଟ୍, ୨୩ ଆରେ ଦୁମାଟି ଅହ୍‌ରି ତାସି ଅହାଟ୍; ଝାତୁ ଆସେଙ୍ଗ୍ ତିନ୍‌ଞ୍ଜି ଝାରି କିନାସ୍, ୨୪ ଇନାକିଦେଂକି ନା ଇ ହିମ୍‌ଣା ହାଜି ମାଚାନ୍, ଆରେ ଜିତାନ୍ନା, ଜାଙ୍ଗଜି ମାଚାନ୍, ଆରେ ଗାଟାଆତାନ୍ ।” ହେବେଣ୍ଡା ହେୱାର୍ ଝାରି କିଦେଙ୍ଗ ଲାଗାତାର୍ ।

୨୫ “ଏଚେକାଡ୍‌ଦ ତା ଗାଜାକାନ୍ ମେହି ତାସ୍ ବାହାତ ମାଚାନ୍ । ହେୱାନ୍ ଏଚେକାଡ୍‌ଦ ଝାଜି ଇଲ୍ ଲାଗେ ଏକାଝାତାନ୍, ହେୱାଡ୍‌ଂ ବାଜା ଆରି ଏନ୍‌ନି ଗାଜ୍‌ନାକା ଝେନ୍‌ଞ୍ଜି, ୨୬ ଆଡ୍‌ୟାରିଂ ବିତ୍ରେ ରଝାନିଂ ଲାଗେ କୁକ୍‌ଟି ହେ ସବୁ ଇନାକା ଇଞ୍ଜି ଝେନ୍‌ବେଦେଂ ଲାଗାତାନ୍ ।” ୨୭ ହେୱାନ୍ ତାଙ୍ଗେଙ୍ଗ ଇଚାନ୍, “ନି ଟଣ୍ଡେନ୍ ଝାତାନ୍ନା, ଆରେ ମି ଆବା ହେୱାନିଂ ହାର୍‌ଦି ଗାଗାଡ୍‌ତ ଗାଟା ଆତିଲେ ଦୁମାଟି ଅହ୍‌ରି ଅସ୍ତାନ୍ନା ।” ୨୮ ହେବେତାଂ ହେୱାନ୍ ରିସା ଆଜି ବିତ୍ରେ ହାଞ୍ଜେଙ୍ଗ୍ ମାନ୍ କିଝାତାନ୍, ମାତର ହେ ଲାତ୍ରାହି ବାଡ୍‌ଝାଜି ତାଙ୍ଗେଙ୍ଗ୍ ବେସି ଗଝାରି କିଦେଙ୍ଗ ଲାଗାତାନ୍ । ୨୯ ମତର ହେୱାନ୍ ଆବାଂ ଉତର୍ ହିଚାନ୍, ହୁଡ୍‌ଂ ଏଚେକ୍ ବାହୁଁ ଆତାଡ୍ ଆନ୍ ନିଙ୍ଗେଙ୍ଗ୍ ଆଡ୍‌ଏନ୍ ଲାକେ କାମାୟ୍ କିଜି ଝାନାଙ୍ଗା, ଆରେ ଇନାଝାଡ୍‌ଂ ପାନି ବଲ୍ ଉଡ୍‌ଂ ଆଝାତାଂନା, ଆତିସ୍‌ପା ନା ହାଙ୍ଗ୍‌ଦାକାର୍ ହୁକେ ଝାରି କିଦେଙ୍ଗ୍ ଏନ୍ ନାଙ୍ଗେଙ୍ଗ୍ ଇନାଝାଡ୍‌ଂପା ଅତା ହିମ୍‌ଣା ରଞ୍ଜାଙ୍ଗ୍ ହିଦ୍‌ଝାତାୟ୍‌ନ୍ନା; ୩୦ ମାତର ନି ଇ ଇମ୍‌ଣି କାଡ୍‌ଦେ ଦାରିୟାର୍ ହୁକେ ନିୟାଂ ଝିଲୁ ଦାନ୍ ତିନ୍‌ଞ୍ଜି ଉପ୍ତାନ୍ନା, ଏଚେକାଡ୍‌ଦ ହେୱାନ୍ ଝାତାନ୍, ହେ ଏଚେକାଡ୍‌ଦ ଏନ୍ ହେଦାଂ କାଜିଂ ଦୁମା ଅହ୍‌ରି ଅସ୍ତାୟ୍ । ୩୧ ହେବେଣ୍ଡା ହେୱାନ୍ ତାଙ୍ଗେଙ୍ଗ ଇଚାନ୍, “ବପାହୟ୍, ଏନେଙ୍ଗ୍‌ତ ସବୁଝେଡାଙ୍ଗ୍ ନା ହୁକେ ମାନାୟା, ଆରେ ଇନାକା ସବୁ ନାଦାଂ, ହେ ସବୁ ନିୟାଂ; ୩୨ ମାତର ଇଝାନ୍ ଜେ ନି ଟଣ୍ଡେନ୍ ହାଜି ମାଚାନ୍, ଆରେ ରଗ ଜିତାନ୍, ଜାଙ୍ଗଜି ମାଚାନ୍, ଆରେ ଗାଟାଆଡ୍‌ତାନ୍, ହେଦାଂ କାଜିଂ ବଜି ଆରି ଝାରି କିନାକା ମାଚାଡ୍ ।”

୧୭

ଚାତୁର୍ ହଲିୟାହି

୧ ଜିସୁ ଚେଲ୍‌ଲାର୍ ପା ଇଚାନ୍, “ର ମାଜାନ୍ ମାନାୟ୍ ମାଚାନ୍, ତାଙ୍ଗେଙ୍ଗ୍ ରକାନ୍ ଗୁମୁସ୍ତା ମାଚାନ୍, ଆରେ ହେୱାନ୍ ହେ ଦାନ୍ କାରାପ୍ କିନାନା ଇଞ୍ଜି ହେଦାଂ ବିସ୍ତେ ଝେନ୍‌ଞ୍ଜି ହେୱାନ୍ ହେଝେନିଂ ହିର୍‌ବିସ୍ ଇଚାନ୍, ୨ ଆନ୍ ମି ବିସ୍ତେ ଇଦାଂ କି କାତା ଝେନାଙ୍ଗା ?” ନି ଗୁମୁସ୍ତା କାମାୟ୍ ନି ଇସାବ୍ ହିଦା ଇନେକିଦେଂ ଏନ୍ ଆରି ଗୁମୁସ୍ତା ଆଜି ମାଞ୍ଜେଙ୍ଗ୍ ଆଡ୍‌ୟ୍ । ୩ ହେବେତାଂ ହେ ଗୁମୁସ୍ତା ମାନେ ମାନେ ଇଚାନ୍, ଇନାକା କିନାଙ୍ଗ୍ ? ନା ମାପୁ ତ ନା ତାକେଣ୍ଡାଂ ଗୁମୁସ୍ତା ପାଦ୍ ପିହି କିଜି ଅନାନା । ଚିକ୍‌ଲ୍‌ଲା କାଦ୍‌ଦେଂ ନା ସାକ୍ତି ହିଲୁଡ୍, ଇସ୍‌ପିସ୍ ଚିଞ୍ଜେଙ୍ଗ୍ ନାଙ୍ଗେଙ୍ଗ୍ ଲାଜୁ ହଡ୍‌ନାତା । ୪ ଆନ୍ ଗୁମୁସ୍ତା ପାଦ୍‌ତାଙ୍ଗ୍ ପିସ୍ତି ପାଚେ ଲକୁ ଇନେସ୍‌କି ନାଙ୍ଗେଙ୍ଗ୍ ଜାର୍ ଜାର୍ ଇଞ୍ଜି ମାନ୍‌କିଦ୍‌ନାର୍, ଇଦାଂ କାଜିଂ ଇନାକା କିନାଙ୍ଗ୍, ହେଦାଂ ବୁଜା ଆନାଙ୍ଗା ।

୫ ଆରି, ହେୱାନ୍ ଜାର୍ ମାପୁତି ଝିଜାକାରିଂ କାଡ୍‌କ୍‌ତିଂ ଲାଗେ ହିର୍‌ବିସ୍ ପର୍ତୁମ୍ ରକାନିଂ ଇଚାନ୍, “ମି ଜପି ନାମାପୁତି ରୁଣ୍ ଅତାୟ୍‌ନା ? ଏଚେକ୍ ଚିକାଣ୍ ? ହେୱାନ୍ ଇଚାନ୍, ପାଞ୍ଚକଡ୍‌ ମାଣ୍ ଚିକାଣ୍ ।” ୬ ହେୱାନ୍ ଇଚାନ୍, “ସହେ ସିପା ଚିକାଣ୍ । ବେବାର୍ କିନାକାନ୍ ଇଚାନ୍, ଇଦାଂ ନି କାଗଜ୍, ଇବେ ପଚାସ୍ ଇଞ୍ଜି ଲେକିକିୟା । ୭ ତା ପାଚେ ହେୱାନ୍ ଆରେ ରକାନିଂ ଇଚାନ୍, ଏନ୍ ଏଚେକ୍ ରୁଣ୍ ଅତାୟ୍‌ନା ?” ହେୱାନ୍ ଇଚାନ୍, “ପାଞ୍ଚକଡ୍‌ ମାଣ୍ ଗାମ୍ । ହେୱାନ୍ ତାଙ୍ଗେଙ୍ଗ ଇଚାନ୍, ମି ଲେକିକିତି କାଗଜ୍ ଆସ୍ତି ଚାର୍‌କଡ୍‌ ଇଞ୍ଜି ଲେକି କିୟା ।” ୮ ହେ ଅଦାମ୍ ଗୁମୁସ୍ତା ବୁଦି ଲାହାଙ୍ଗ୍ କାମାୟ୍ କିଜିମାନି କାଜିଂ ମାପୁ ତାଙ୍ଗେଙ୍ଗ୍ ପାର୍ତାନା କିଚାନ୍, ଲାଗିଂ ଇ ଜୁଗ୍‌ନି ହିମ୍‌ଣାଂ ହେୱାର୍ ନିଜାର୍ ଜାତି ପାକ୍ୟାତ ଅଜଡ୍‌ନି ହିମ୍‌ଣାଙ୍ଗ୍ ବାଟା ଆଦିକ୍ ବୁଦିତି ।

୯ ଆନ୍ ପା ମିଙ୍ଗେଙ୍ଗ୍ ଝେଚାନାଙ୍ଗା, “ଅଦାମ୍ ଦାନ୍ ଜାର୍ ଜାର୍ କାଜିଂ ସାଙ୍ଗ ଲାବ୍ କିୟା, ଇନେସ୍ ହେଦାଂ ଝିସ୍ତିସ୍ ହେୱାର୍ ମିଙ୍ଗେଙ୍ଗ୍ ଝିଜ୍‌ଝି ଇଞ୍ଜି ମାନ୍ କିୟାଆନାଦେର୍ । ୧୦ ଇନେନ୍ ଅଲପ୍ ବିସ୍ତେ ପାତ୍ କିନାକାନ୍, ହେୱାନ୍ ଆଦିକ୍ ବିସ୍ତେ ପା ପାତ୍ ଆନାନ୍, ଆରେ ଇନେର୍ ଆଦିକ୍ ବିସ୍ତେ ପାତ୍ କିଝାକାନ୍ ହେୱାନ୍ ଆଦିକ୍ ବିସ୍ତେ ପା ପାତ୍ କିଚନ୍ । ୧୧ ଜଦି ଏପେଙ୍ଗ୍ ଅଦାମ୍ ଦାନ୍‌ତ ପାତ୍ ଆଝାତାଦେର୍, ଲାଗିଂ ଇନେର୍ ମିଙ୍ଗେଙ୍ଗ୍ ପାତ୍ କିଜି ହାଡ୍‌ପା ଦାନ୍ ମି କେଇଦ ସର୍‌ପି କିଦ୍‌ନାନ୍ ? ୧୨ ଆରେ, ଜଦି ଏପେଙ୍ଗ୍ ପାଚେନି ଦାନ୍ ବିସ୍ତେ ପାତ୍ ଆଝାତାୟ୍‌ନା, ଲାଗିଂ ଇନେର୍ ମିଙ୍ଗେଙ୍ଗ୍ ମି ଜାର୍ ବିସ୍ତେ ହିଦ୍‌ନାର୍ ?”

୧୩ “ଇମଣି ଆଡ଼ିୟା ରି ମାପୁଙ୍ଗ ହଲ୍ୟା ଆଦେଂ ଆଡୁନ୍; ଇନାକିଦେଂକି ହେଝାନ୍ ରକାନିଂ ଗିଣ୍ କିନାନ୍ ଆରି ବିନ୍ ଲଗାଂ ଜିଉନନାନ୍, ଲାଗିଂ ରକାନ୍ କାଜିଂ କାର୍ମା ଆନାନ୍ ଆରି ବିନ୍ ରକାନିଂ ଆଲଗା କିନାନ୍ । ଏପେଙ୍ଗ୍ ଇସ୍ତୁର୍ ଦାନ୍ ରିୟାର୍ତି ଆଡ଼ିଏନ୍ ଆଦେଂ ଆଡୁନ୍ ।”

ଜିସୁତି କେତେକ୍ କାତା

(ମାଡ଼ିଉ ୧୧:୧୨-୧୩; ୫:୩୧-୩୨; ମାର୍କ ୧୦:୧୧-୧୨)

୧୪ ଇ କାତା ଝେନ୍‌ଞ୍ଜି ଦାନ୍‌ଲବ୍ ପାରୁସିର୍ ପା ଜିସୁଙ୍ଗ୍ ନିନ୍‌କାଦେଂ ଲାଗାତାର୍ । ୧୫ ହେବେତାଂ ହେଝାନ୍ ହେଝାରିଂ ଇଚାନ୍, “ଇମଣାକାର୍ ଜାର୍ ଜାର୍ତିଂ ମାନାୟାର୍ କାଣ୍‌କୁକାଂ ଦାମ୍ ଇଞ୍ଜି ଚନ୍‌ନାର୍, ଏପେଙ୍ଗ୍ ହେ ଲାଗ୍‌ଦି ମାନାୟ୍, ମାତର୍ ଇସ୍ତୁର୍ ମିଦାଙ୍ଗ୍ ମାନ୍ ପୁନାନ୍; ଇନେକିଦେଂକି ଇନାକା ମାନାୟାର୍ ବିତ୍ରେ ଗାଜାଟି, ହେଦାଂ ମାପୁ କାଣ୍‌ଙ୍ଗାତ ଗିଣ୍ ।

୧୬ *ମସାତି ବିଦି ଆରେ ବେଶ୍‌ବାକ୍‌ଶାୟ୍‌କିନାକାର୍ ଦରମ୍ ସାସ୍ତୁର୍ ଜହନ୍ ପାତେକ୍ ହସିମାତାଡ୍ ହେ ସମୁତାଂ ସାର୍ଗେ ରାଜିନି ନେକ୍‌କାରୁର୍ ସୁଶାୟ୍‌କିଦେଂ ଆନାତା, ଆରେ ଝିଜାର୍ ଲକ୍ ସାକ୍ତିତାଂ ହେବେ ହଶାରା । ୧୭ *ମାତର୍ ମସାତି ବିଦିନି ର ଚପା ବୁଡାଆନି ବାଟା ମତର୍ ବାଦାଡ୍ ଆରି ପୁତ୍ ବୁଡାନାକା ଆଡ଼ଞ୍ଜା ।”

୧୮ *ଇନେକ୍‌କି ଜାର୍ ଡକ୍ଟିଂ ପିସ୍ତି ଆରେ ରଞ୍ଜେଲିଂ ବିବା ଆନାନ୍, ହେଝାନ୍ ଦାରି କିନାନ୍; ଆରି, ଇନେକ୍ ଆଶ୍ଟେନ୍ କାଜିଂ ପିସ୍‌ସି ଡକ୍ଟିଂ ବିବା ଆନାନ୍, ହେଝାନ୍ ଦାରି କିନାନ୍ ।”

ରଝାନ୍ ମାଜାନ୍ ଆରି ଲାଜାର୍

୧୯ “ର ମାଜାନ୍ ମାନାୟ୍ ମାଚାନ୍, ହେଝାନ୍ ମଲ୍‌ନି ହେୟା ଆପ୍ ସ୍ ବେସି ବିଝାହିଂ ଝିଜୁଦିନ୍ ତିନ୍‌ଞ୍ଜି ଉଶ୍‌ଜି ମାଚାନ୍; ୨୦ ମାତର୍ ତା ଦୁଝେର୍ କଚଣ୍ ଲାଜାର୍ ଇଞ୍ଜି ରଝାନ୍ ବିକାରି ମାନାୟ୍ ଗୁର୍‌ଜି ମାଚାନ୍, ତା ଗାଗାଡ୍‌ତ ଗାଅ ବାତ୍ ଆଜି ମାଚାଡ୍; ୨୧ ଲାଜାର୍ ହେ ମାଜାନ୍ ମାନାୟ୍ ଚେରୁଲ୍‌ତାଂ ଆରୁନି ଜୁଟା ତିନ୍‌ଞ୍ଜି ପଟ ପାଞ୍ଜିକିଦେଂ ଆହା କିଜି ମାଚାନ୍; ଆରେ ନିକୁଡ଼ିଂ ପା ଝାଜି ହେ ଗାଅ ଝିଜୁ ନାଙ୍ଗ୍‌ଞ୍ଜି ମାଟିଙ୍ଗ୍ । ୨୨ ଦିନେକ୍ ହେ ବିକାରି ହାତାନ୍ ଆରି ଦୁଡ୍‌ର୍ କାଜିଂ ଅବ୍ରାହାମ୍ ତାକେ ଡ୍ରକ୍ୟାଆତାନ୍; ପାଚେ ହେ ମାଜାନ୍ ମାନାୟ୍ ପା ହାତାନ୍ ଆରେ ଦୁଗେର୍‌ତ ମୁଚ୍ୟା ଆତାନ୍ । ୨୩ ଆରେ, ହେଝାନ୍ ନର୍କତ କଲ୍ ବଲ୍ ଆସ୍ତି ଜପି ହୁଡ଼ଜି ଦେହା ଅବ୍ରାହାମ୍ ଆରି ତା ଡ୍ରକ୍ୟାଆତାକା ଲାଜାର୍‌ତି ହୁଡ଼ତାନ୍ । ୨୪ ହେବେତାଂ ହେଝାନ୍ ହିରିବିସ୍ ଇଚାନ୍, ଏ ଆବା ଅବ୍ରାହାମ୍, ନାଙ୍ଗେଙ୍ଗ୍ ଦୟା କିଜି ଲାଜାର୍‌ତି ପକ୍‌ତା, ଇନେସ୍‌କି ହେଝାନ୍ ଏଡୁଂ ତା ଝାଟ୍‌କାତାଂ ଚିପ୍ କୁଡ଼କ୍‌ଚି ନା ଝେଦୁଲ୍‌ତ ହିଡ଼ଡ଼ି କିଦେନ୍, ଇଚିସ୍ ଆନ୍ ଇ ନାଣିତ କଲ୍ ବଲ୍ ଆନାଙ୍ଗା ।” ୨୫ ମାତର୍ ଅବ୍ରାହାମ୍ ଇଚାନ୍, “କାଡ଼ଦେ, ଏନ୍ ଜେ ଜିବୁନ୍ ମାନି ସମୁତ ନି ହାର୍ ବିସ୍ତେ ଝିଜୁ ପାୟା ଆତାୟ୍, ଆରେ ଲାଜାର୍ ହେ ଲାକେ କାରାପ୍ ବିସ୍ତେ ଝିଜୁ ଗାଟାଆତାନ୍, ଇଦାଂ ମାନେ କିୟା; ମାତର୍ ନଙ୍ଗ୍ ହେଝାନ୍ ଇ ବାହାତ ଦୁକ୍‌ସାରାୟ୍ ପାୟାତାନ୍, ଆରେ ଏନ୍ ନଙ୍ଗ୍ କଲ୍ ବଲ୍ ଆନାୟା । ୨୬ ହେଦାଂ ପିସ୍ତି ମି ଆରି ମା ବିତ୍ରେ ବେସିଗାଜା ଦେହା ମାନାଡ୍, ଇନେସ୍ ଇମଣାକାର୍ ଇ ବାହାତାଂ ମି ତାକେ ହାନି କାଜିଂ ମାନ୍‌କିନାନ୍, ହେଝାର୍ ହାଞ୍ଜେଙ୍ଗ୍ ଆଡୁର୍, କି ଆରି ହେ ବାହାତାଂ ଇନେକ୍ ମା କଚଣ୍ ନାସି ଝାଦେଙ୍ଗ୍ ଆଡୁର୍ ।” ୨୭ ହେବେତାଂ ହେଝାନ୍ ଇଚାନ୍, “ଏ ଆବା ତା ଆତିସ୍ ଆନ୍ ନିଙ୍ଗେଙ୍ଗ୍ ଗଝାରି କିଦ୍‌ନାଙ୍ଗା, ହେଝାନିଂ ନା ଆବା ଇଲ୍‌ତ ପଞ୍ଚାନାୟ୍, ୨୮ ଇନାକିଦେଂକି ନା ପାଞ୍ଜିକାଣ୍ ଚଣ୍ଡାର୍ ମାନାର୍; ହେଝାର୍ ପା ଇନେସ୍‌କି ଇ ବାଦା ବାହାତ ଝାଡ୍‌ର୍, ହେଦାଂ କାଜିଂ ହେଝାନ୍ ହେଝାର୍ କଚଣ୍ ସାକି ହିନାଦେର୍ ।”

୨୯ ମାତର୍ ଅବ୍ରାହାମ୍ ଇଚାନ୍, “ହେଝାର୍ କଚଣ୍‌ତ ମସା ଆରି ବେଶ୍‌ବାକ୍‌ଶାୟ୍ କିନାକାର୍ ଦରମ୍ ସାସ୍ତୁର୍ ମାନାଡ୍, ହେଝାଦେର୍ ହେଝାର୍ କାତା ଝେନାଟ୍ ।” ୩୦ ହେବେତାଂ ହେଝାନ୍ ଇଚାନ୍, “ଏ ଆବା ଅବ୍ରାହାମ୍, ହେଦାଂ ସାରି ଆକାୟ୍, ମତର୍ ଜଦି ହାତିମାନାୟ୍ କଚଣ୍‌ତାଂ ରକାନ୍ ହେଝାର୍ କଚଣ୍‌ତ ହାନାନ୍, ଏଲେଙ୍ଗ୍‌ଚି ହେଝାର୍ ମାନ୍‌ବାଦ୍‌ଲାୟ୍ କିନାର୍ ।” ୩୧ ମାତର୍ ହେଝାନ୍ ତାଙ୍ଗେଙ୍ଗ୍ ଇଚାନ୍, “ଜଦି ହେଝାର୍ ମସା ଆରି ବେଶ୍‌ବାକ୍‌ଶାୟ୍‌କିନାକାର୍ କାତା ଝେନ୍‌ଞ୍ଜାତାର୍‌ତି, ଏଲେଙ୍ଗ୍‌ଚି ହାତିମାନାୟ୍‌ତାଂ ପା ରଝାନ୍ ମୁକ୍‌ଡା ଆଜି ହାତିସ୍ ପା ହେଝାର୍ ପାତ୍ କିଡ୍‌ର୍ ।”



ପାପ୍

(ମାଡ଼ିଉ ୧୮:୨-୭; ୨୧-୨୨; ମାର୍କ ୯:୪୨)

୧ ଜିସୁ ତା ଚେଲାହିରିଙ୍ଗ୍ ଇଚାନ୍, ଇମଣି ସବୁ ବାଦା ହୁକେ ମାନାୟ୍ ପାପ୍‌ତ ଆରୁନାନ୍ ହେ ଝିଜୁ “ହାଡ଼ପା ଝାନାନ୍; ଜେ ଇ ସବୁନି କାରଣ୍ ଆନାଡ୍, ତା ହାରିହାରା ଦସା ବେସି ବୟ୍‌କାର୍ । ୨ ଇ ହାରୁକାର୍ ବିତ୍ରେତାଂ ରକାନ୍‌ନିଙ୍ଗ୍ ବାଦା ଆନି ବାଟା ଇଚିସ୍ ତା ଗାଡେଲ୍‌ତ ର ଜାତା କାଲ୍ ଡ଼ଇ କିଜି ହେଝାନିଂ ହାମ୍‌ଦୁର୍‌ତ ତୁସି ହିନାକା ଇଚିସ୍ ତା କାଜିଂ ହାର୍ ଆତାମ୍ । ୩ *ଲାଗିଂ, ଏପେଙ୍ଗ୍ ଜାର୍ ଜାର୍ କାମାୟ୍‌ତ ବିସ୍ତେ ଜାଗ୍ରତ୍ ଆଜି ମାନାଟ୍ ।”

* ୧୭:୧୭ ୧୭:୧୭ ମାଡ଼ିଉ ୧୧:୧୨,୧୩. ☆ ୧୭:୧୭ ୧୭:୧୭ ମାଡ଼ିଉ ୫:୧୮. ☆ ୧୭:୧୮ ୧୭:୧୮ ମାଡ଼ିଉ ୫:୩୨; ୧ କରନ୍ତିୟ ୭:୧୦,୧୧. ☆ ୧୭:୩ ୧୭:୩ ମାଡ଼ିଉ ୧୮:୧୫.

“ଜଦି ମି ଟଣ୍ଡେନ୍ ପାପ୍ କିତିସ୍, ଲାଗିଂ ହେଝାନିଂ ଗଡ଼୍ କିୟାଟ୍, ଆରେ ହେଝାନ୍ ଜଦି ମାନ୍ବାଦଲ୍ୟାୟ୍ କିତିସ୍, ଲାଗିଂ ହେଝାନିଂ କେମା ହିୟାଟ୍ ।^୪ ପାଚେ, ଜଦି ହେଝାନ୍ ଦିନେକ୍ ବିତ୍ତେ ସାଡ଼୍ ହଟ୍ ମି ବିରୁଡ଼ତ ପାପ୍ କିତିସ୍ ଆରି ସାଡ଼୍ ହଟ୍ ମି ତାକେ ଖାଜି ଆନ୍ ମାନ୍ବାଦଲ୍ୟାୟ୍ କିନାକା ଇଞ୍ଜି ଇନାନ୍, ଲାଗିଂ ହେଝାନିଂ ଏପେକ୍ କେମା ହିୟାଟ୍ ।”

ନି ପାତର୍ କିନାକା ବେସି ଆଟ୍‌ଝା

^୫ ହେବେଣ୍ଟାଂ ପକ୍ୟାତାକାର୍ ମାପୁକ୍ ଇଚାର୍, “ମା ପାତର୍ ବାତାୟ୍ କିୟା ।”

^୬ ମାପୁ ଇଚାନ୍, “ଜଦି ର ହାଟ୍‌ହୁ ମାଞ୍ଜି ଲାକେ ମିଦାକ୍ ପାତର୍ ମାଟିସ୍, ତା ଆତିସ୍ ଇ ତୁଡ଼ଝା ମାର୍ଦିକ୍ ଏନ୍ ଦଲ୍‌ଦାଂ ଉଟ୍‌କା ଆଜି ହାମ୍‌ଦୁରତ ରୁଜ୍‌ୟା ଆତ ଇଞ୍ଜି ଇଚିସ୍ ହେଦାଂ ମି ବଲ୍ ମାନିକିନାଡ଼ ।”

ରଝାନ୍ ହାଟ୍‌ଦିହଲ୍ୟା କାମାୟ୍

^୭ “ମାତର ମି ବିତ୍ତେ ଏଲେକ୍ ମାନାୟ୍ ଇନେନ୍ ମାନାନ୍, ଇନେର ଆଡ଼ିୟାଏନ୍ ଆଡ଼୍ ବୁଲାଇ କିଜି କି ମେଣ୍ଟାଂ ହାରାୟ୍ କିଜି ଖାତିସ୍ ହେଝାନ୍ ତାକ୍ ଇନାନ୍, ଇ ଦାପ୍ରେ ଖାଜି କୁଟ୍‌ଚି ତିନା ?” ଠ ହେଝାନ୍ ଇନାକା ହେଝାନିଂ ଇନୁନ୍, “ନା ତିନାକା ଜାଲ୍‌ଦି କିୟା, ଆରେ ଆନ୍ ତିଞ୍ଜି ଉଣ୍‌ଜି ଝିହ୍‌ଝି ପାତେକ୍ ନା ହେବା କିୟା, ତା ପାଚେ ଏନ୍ ତିନାୟ୍ ଉଣାୟ୍ ?”^୯ ଆଡ଼ିୟା ବଲ୍ କାମାୟ୍ ଇନାକା ହେଝାନିଂ ଜୁଝାର୍ କିନାନ୍ ?^{୧୦} ହେ ଲାକେ ଏପେକ୍‌ପା ବଚନ୍‌ତାଂ ଝିଜୁ କାମାୟ୍ କିତିପାଚେ ଇନାଟ୍, “ଆପେଂ ପୁନ୍‌ଝି ଆଡ଼ିୟାକାପ, ଇନା କାମାୟ୍ କିନାକା ହେଦାଂ କେବଲ୍ କିତାପନ୍ନା ।”

ଜିସୁ ଦସଜାଣ୍‌ତିଂ ଗାଜା ରଗ୍ୟାରିଂ ଉଜ୍ କିତାନ୍

^{୧୧} ଜିସୁ ଜିରୁସାଲମ୍‌ତ ହାନିଝାଡ଼ାଲିଂ ସମିରଣ୍ ଆରି ଗାଲିଲି ମାଦିତିଂ ହାଲ୍‌ଜି ମାଚାନ୍ ।^{୧୨} ଆରେ, ହେଝାନ୍ ଇମ୍‌ଣି ର ନାସତ ହଟାନ୍, ଦସଜାଣ୍ ଗାଜା ରଗ୍ୟାର୍ ହେଝାନ୍ ହୁକେ ବେଟା ଆତାର୍;^{୧୩} ହେଝାର୍ ଦେହା ନିଲ୍‌ଚିପା ଗାଜାକାଟ୍‌ତାଂ ଇଚାର୍, “ଏ ଜିସୁ, ଗୁରୁ, ମା ଦୟା ହୁଡ଼ଦା ।”

^{୧୪} ପାଚେ ଜିସୁ ହେଝାରିଂ ହୁଡ଼ଜି ଇଚାନ୍, “ଏପେକ୍ ହାଲ୍‌ଜି ଜାର୍ ଜାର୍‌ତିଂ ମାପୁହେବାକିନାକାରିଂ ଚଟାଟ୍ ।”

ଆରେ ହେଝାର୍ ହାଲୁ ହାଲୁ ସକଟ୍ ଆତାର୍ ।^{୧୫} ମାତର୍ ହେଝାର୍ ବିତ୍ତେ ରକାନ୍ ଜାର୍‌ତି ଉଜ୍ ଆନାକା ହୁଡ଼ଜି ଗାଜା କାଟ୍‌ତାଂ ଇସ୍‌ବର୍ ଗୁଣ୍ କେରଜି କେରଜି ଲେଉଟା ଆଜି ଖାଜି,^{୧୬} ଜିସୁତି କାଲ୍‌କୁ ତାରେନ୍ ଗୁରୁଜି ହେଝାନିଂ ଜୁଝାର୍ କିଦେକ୍ ଲାଗାତାନ୍; ହେଝାନ୍ ରକାନ୍ ସମିରଣ୍‌ୟନି ମାନାୟ୍ ।^{୧୭} ହେବେ ଜିସୁ ଉତର୍ ହିତାନ୍, “ଦସଜାଣ୍ ଇନାକା ସକଟ୍ ଆଝାତାଣ୍ଟା ? ଲାଗିଂ ଆରେ ନଅଜାଣ୍ ଇମେର୍ ?^{୧୮} ଲାଗିଂ ଆରେ ନଅ ଜାଣ୍ ଇମେର୍ ? ଇସ୍‌ବର୍‌ତିଂ ଜାଜ୍‌ମାଲ୍ କିନି କାଜିଂ ଇ ପାତର୍ କିଝି ଜିହୁଦି ଲକ୍‌ତିଂ ପିସ୍ତି ଆରେ ଇନେର୍ ମାସ୍‌ଦି ଖାତାର୍ ?”^{୧୯} ଆରେ, ଜିସୁ ହେଝାନିଂ ଇଚାନ୍, “ନିକ୍‌ଜି ହାଲା, ନି ପାତର୍ ନିକ୍‌କେକ୍ ଉଜ୍ କିଡ଼ତାଡ଼ନ୍ନା ।”

ଇସ୍‌ବର୍ ରାଜି ଖାନାତା

(ମାତିଉ ୨୪:୨୩-୨୮; ୨୮:୨୦)

^{୨୦} ଇସ୍‌ବର୍ ମାପୁତି ରାଜି ଇନାଝାଡ଼ାଂ ଖାନାତା, ଇ ବିସ୍ତେ ପାରୁସିର୍ ହେଝାନିଂ ଝେନ୍‌ବିତିଲେ ହେଝାନ୍ ହେଝାରିଂ ଉତର୍ ହିତାନ୍, “ଇସ୍‌ବର୍ ରାଜି ହୁଡ଼ନାକା ଲାକେ ଖାଉଟ୍;^{୨୧} ମାତର୍ ହୁଡ଼ାଟ୍, ଇବେ କି ହାବେ ଇଞ୍ଜି ମାନାୟାର୍ ଇଞ୍ଜୁର୍ ଇନାକିଦେଂକି ହୁଡ଼ାଟ୍, ଇସ୍‌ବର୍ ରାଜି ମି ବିତ୍ତେ ମାନାଡ଼ ।”

^{୨୨} ମାତର୍ ଜିସୁ ହେଝାନ୍ ଚେଲାହିରିଂ ଇଚାନ୍, “ଏଲେକ୍‌ବାତର୍ ସମୁ ଖାନାଟ୍, ଏଚେକାଡ଼୍‌ ଏପେକ୍ ମାନାୟ୍ ମାଜି ଦିନ୍‌କୁ ବିତ୍ତେ ର ଦିନ୍ ହୁଡ଼ଦେଂ ଇଚା କିନାଦେର୍, ମାତର୍ ହୁଡ଼ଚୁଦର୍ ।”^{୨୩} ହୁଡ଼ା, “ହେବେ, ହୁଡ଼ାଟ୍” ଇବେ ଇଞ୍ଜି ମାନାୟାର୍ ମିକ୍‌କେକ୍ ଇଞ୍ଜୁନାର୍, ମାତର୍ ଏପେକ୍ ହାଲ୍‌ମାଟ୍ ।

^{୨୪} ଇନାକିଦେଂକି ବିଜ୍‌ଲି ଇଡ଼ଜି ଇନେସ୍ ବାଦାଡ଼ତ ର ପାଡ଼କାତାଂ ଆର ପାଡ଼କା ପାତେକ୍ ଅଜଡ଼୍ ହିନାଟ୍, “ମାନାୟ୍ ମାଜି ହେ ଦିନ୍ତ ହେ ଲାକେ ଚଞ୍ଜାୟାନାନ୍ ।^{୨୫} ମାତର୍ ପର୍ଡୁମ୍ ହେଝାନ୍ ବେସି ଦୁକ୍‌ବଗି କିନାନ୍ ଆରି ଇ ଜୁଗ୍‌ତ ଲକୁ ତାକ୍ ମୁନାକିନାର୍ ।^{୨୬} ଆରେ, ନହ ଝେଡ଼ାଲିଂ ଇନେସ୍ ଗିଟା ଆଜି ମାଚାଟ୍, ମାନାୟ୍ ମାଜି ଝେଡ଼ାଲିଂ ପା ହେ ଲାକେ ଗିଟା ଆନାଟ୍;^{୨୭} ଜାଜ୍‌ତ ନହତି ହଣି ଝେଡ଼ାଲିକ୍ ଦିନ୍ ପାତେକ୍ ମାନାୟାର୍ ଚିନ୍‌ଜିଉଣ୍‌ଜି ଆରି ବିବା ଆନାକା ଆରି ବିବା ଆଦେଂ ଲୟା ମାଚାର୍ କେ, କୁକ୍‌ନାକା ଖାଜି ଝିଜାକାରିଂ ନାସ୍ କିତାଟ୍ ।”^{୨୮} ଲଟ ଝେଡ଼ାଲିଂ ପା ହେ ଲାକେ ଗିଟା ଆଜି ମାଚାଟ୍, ଲକୁ ତିନାଉଣାକା, କଡ଼ନାକା ପ୍ରନାକା, ମାର୍‌କୁ ରୁଜ୍‌ନାକା, ଆରି ଇଲ୍ ରଟ୍‌ଚେଂ ଲୟା ଆଜି ମାଚାର୍,^{୨୯} ମାତର୍ ଲଟ୍ ସଦମ୍‌ତାଂ ହସି ହାନି ଦିନ୍ ସାଚେତାଂ ନାଣି ଆରି ଗନ୍‌କ୍ ବାର୍‌ହା ଆଜି ଝିଜାକାରିଂ ନାସ୍‌କିତାଟ୍ ।^{୩୦} ମାନାୟ୍ ମାଜି ଚଞ୍ଜାୟାନି ଦିନ୍ ହେ ଲାକେ ଗିଟା ଆନାଟ୍ ।

^{୩୧} ☆ “ହେ ଦିନ୍ ଜେ ଇନେର୍ ଜେଗନ୍ ଜପି ମାଟିସ୍, ହେଝାନ୍ ଇଲ୍ ବିତ୍ତେ ମାନି ଜାର୍ ଆଡ଼ମାଡ଼ ଅନି କାଜିଂ ଜୁଜି ଖାମେନ୍; ହେ ଲାକେ ଜେ ବୁଇଁତାକେ ମାଟିସ୍, ହେଝାନ୍ ଲେଉଟି ଆଜି ହାଲ୍‌ମେନ୍ ।^{୩୨} ଲଟ୍‌ତି ଡକ୍ରି କାତା ଏଡୁ କିୟାଟ୍

☆ ୧୭:୩୧ ୧୭:୩୧ ମାତିଉ ୨୪:୧୭,୨୮; ମାର୍କ ୧୩:୧୫,୧୬.

। ୩୩ ✨ ଇନେର୍ ଜାର୍ ଜିବୁନ୍ ବାଚାୟ୍ କିଦେଙ୍ଗ୍ ସେସ୍ତୁ କିନାନ୍, ହେଞ୍ଜାନ୍ ହେଦାଂ ଆରାୟ୍ କିନାନ୍, ଆରେ ଇନେର୍ ଜାର୍ ଜିବୁନ୍ ଆରାୟ୍ କିନାନ୍, ହେଞ୍ଜାନ୍ ହେଦାଂ ବାଚାୟ୍ କିନାନ୍ । ୩୪ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ହେ ନାଣା ରିକାର୍ ର ଟାଟିତ ମାନଙ୍ଗାନାର୍, ରକାନିଂ ଇଟିୟା ଆନାଡ୍ ଆରି ବିନ୍ ଲଗାଂ ପିହ୍ଯା ଆନାଡ୍ । ୩୫ ରିଣ୍ଡେକ୍ କଗ୍ଲେକ୍ ର ଜାତାତ ନୁସ୍ଦି ମାନିକ୍, ରଞ୍ଜିଲିଂ ଇଟିୟା ଆନାଡ୍ ଆରି ରଞ୍ଜିଲିଂ ପିହ୍ଯାନାଡ୍ । ୩୬ ରିକାର୍ ଜମିତାକେ ମାଟିସ୍, ରକାନିଂ ଇଟିୟା ଆନାଡ୍ ଆରି ରକାନିଂ ପିହ୍ଯାନାଡ୍ ।”

୩୭ ହେବେଣ୍ଡାଂ ଚେଲାର୍ ହେଞ୍ଜାନିଂ ଉତର୍ ହିତାର୍, “ଏ ମାପୁ, ଇମେତାକେ ?”
 ଜିସୁ ହେଞ୍ଜାରିଂ ଇଚାନ୍, “ଇମେତାକେ ମାଡା, ହେବେ ରାମାଣିଙ୍ଗ୍ ପା ରୁଣ୍ଡା ଆନିକ୍ ।”

୧୮

ରାଣ୍ଡି ଆରି ବିଚାର୍ କିନାକାନ୍ତି କାତା

୧ ଖାହ୍‌ଖାଦାଂ ତାୟନାଡ୍ ପାର୍ତାନା କିନାକା ଜେ ମାନାଡ୍, ଇ ବିସ୍ତେ ହେଞ୍ଜାନ୍ ହେଞ୍ଜାରିଂ ଉତର୍ମୁଡ୍ ହିଜି ଇଚାନ୍, ୨ “ର ଗାଡ୍‌ଦ ରଞ୍ଜାନ୍ ବିଚାର୍ କିନାକାନ୍ ମାଚାନ୍, ହେଞ୍ଜାନ୍ ଇସ୍ପୁରିତିଂ ପାଣ୍ଡା ଆଞ୍ଜାଦାଂ ମାଚାନ୍ କି ମାନାୟ୍ତିଂ ମାନିକିଞ୍ଜାଦାଂ ମାଚାନ୍ । ୩ ହେ ଗାଡ୍‌ଦ ରଞ୍ଜେଲ୍ ରାଣ୍ଡି ମାଚାଡ୍, ହେଦେଲ୍ ଚାନେକ୍ ଚାନେକ୍ ହେଞ୍ଜାନ୍ ତାକେ ହାଲ୍‌ଜି ଇଞ୍ଜି ମାଚାଡ୍, ନା ଅନ୍ୟାୟ୍ତିଂ ବିଚାର୍ କିୟା ।” ୪ ଆରେ, ହେଞ୍ଜାନ୍ ଏଚେକ୍ ଖେଡାପାଡେକ୍ ରାଜି ଆଞ୍ଜାଦାଂ ମାଚାନ୍, ମାତର୍ ପାଚେ ହେଞ୍ଜାନ୍ ମାନେ ମାନେ ଇଚାନ୍, ଆତିସ୍ପା “ଆନ୍ ଇସ୍ପୁରିତିଂ ପାଣ୍ଡା ଆଉଙ୍ଗ୍ କି ମାନାୟ୍ତିଂ ମାନି କିଉଙ୍ଗ୍, ୫ ଆତିସ୍ପା ଇ ରାଣ୍ଡି କଗ୍ଲେ ନାଙ୍ଗେଙ୍ଗ୍ କସ୍ ହିଦ୍‌ନି କାଜିଂ ଆନ୍ ହେଦାଂ କାଜିଂ କିତି ଅନ୍ୟାୟ୍ ସବୁ ବିଚାର୍ କିନାଙ୍ଗ୍, ନଲେ ହେଦେଲ୍ ସବୁଖେଡାଙ୍ଗ୍ ଖାଜି ନାଙ୍ଗ୍ ତାନ୍ଦା କିଦ୍‌ନାଡ୍ ।”

୬ ହେବେଣ୍ଡାଂ ମାପୁ ଇଚାନ୍, “ଇ ଅଦାମ୍ ବିଚାର୍ କିନାକାନ୍ ଇନାକା ଇନାନ୍ଦା, ହେଦାଂ ଖେନା । ୭ ଲାଗିଂ ଇସ୍ପୁରିତିଂ ଇମ୍‌ଣି ବାଟିକିତି ଲକାର୍ ଖେଡା ନାଣା ହେଞ୍ଜାନିଂ କୁକ୍ତି ମାନାର୍, ହେଞ୍ଜାନ୍ କି ହେଞ୍ଜାର୍ କିତି କାମାୟ୍ ଅନ୍ୟାୟ୍ ବିଚାର୍ କିଉନ୍ ଆତିସ୍ପା ହେଞ୍ଜାନ୍ ହେଞ୍ଜାର୍ ସତ୍ତୁରୁର୍ କାଜିଂ ବେସି ଦାମ୍ ଆନାନ୍ ? ୮ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ହେଞ୍ଜାନ୍ ବେଗି ହେଞ୍ଜାର୍ କିତି କାମାୟ୍ ଅନ୍ୟାୟ୍ ବିଚାର୍ କିନାନ୍ । ମାତର୍ ମାନାୟ୍ ମାଜି ଖାଜି ପୁତ୍ ଇନାକା ପାତ୍ ହୁଡ୍‌ନାନ୍ ?”

ପାରୁସିର୍ ଆରି ଏନ୍‌ନାକାର୍ ଉତର୍ମୁଡ୍

୯ ଜାର୍ ଜାର୍ତିଂ ଦାମ୍ ମାନେ କିଜି ଆଲ୍‌ଗା ଖିଜାକାରିଂ ଲାଜ୍‌କୁଇ କିନାକାର୍ କେତେକ୍ ଜିବୁନ୍‌ତ ପାତ୍ ଲଗାଂ ଜିସୁ ଇ ଉତର୍ମୁଡ୍ ପା ଖେଚ୍‌ଚାନ୍, ୧୦ “ରିକାର୍ ମାନାୟ୍ ପାର୍ତାନା କିନି କାଜିଂ ମନ୍ଦିରତ ହାଚାର୍, ରକାନ୍ ପାରୁସି ଆରି ଆରେ ରକାନ୍ ସିସୁ ଏନ୍‌ନାକାନ୍ । ୧୧ ପାରୁସି ନିଲ୍‌ଟିପା ଜାର୍ ଲାଗେ ଇ ଲାକେ ପାର୍ତାନା କିଦେଙ୍ଗ୍ ଲାଗାତାନ୍, ଏ ଇସ୍ପୁର୍, ଆନ୍ ନିଙ୍ଗେଙ୍ଗ୍ ଜୁଞ୍ଜାର୍ ହିଦ୍‌ନାଙ୍ଗା ଜେ ଆନ୍ ବିନ୍ ଲକୁଲ୍‌କେ ପାଣ୍ଡୁକିନାକାଙ୍ଗ୍, ଅଦାମ୍, ନାଙ୍ଗ୍‌ରା କି ଇ ସିସୁ ଏନ୍‌ନାକାନ୍ ଲାକେ ପା ଆକାୟ୍; ୧୨ ଆନ୍ ରଇବାର୍ ଦିନ୍‌ତିଂ ରିହା ଉପାସ୍ କିନାଙ୍ଗା ଆରି ନା ଖିଜୁ କମାୟ୍‌କିତି ଦାନ୍ ଦସ୍ ବାଗ୍ ଦାନ୍ ହିନାଙ୍ଗା” ୧୩ ମାତର୍ ସିସୁ ଏନ୍‌ନାକାନ୍ ଦେହା ନିଲ୍‌ଟି ସାଗେସ୍ତୁ ହୁଡ୍‌ଦେଂ ପା ସାସ୍ କିଞ୍ଜାତାନ୍, ମାତର୍ ତା ନେଞ୍ଜେତାକିତ ଇଡ୍‌ୟା ଆଜି ଇଞ୍ଜେଙ୍ଗ୍ ଲାଗାତାନ୍, “ଏ ଇସ୍ପୁର୍, ଆନ୍ ପାପି, ନାଙ୍ଗେଙ୍ଗ୍ ଦୟା କିଦା ।” ୧୪ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ହେଞ୍ଜାନ୍ ପାରୁସି ଆକାୟ୍ ମାତର୍ ହେ ସିସୁ ଏନ୍‌ନାକାନ୍ ଦାମ୍ ଆଜି ଜାର୍ ଇଞ୍ଜ ହାଚାନ୍; ଇନାକିଦେଂକି ଇନେର୍ ଜାର୍ତିଂ ଜପି ଇଞ୍ଜି ଚଞ୍ଜା ଆନାନ୍, ହେଞ୍ଜାନିଂ ତାରେନ୍ କିୟା ଆନାଡ୍, ମାତର୍ ଜେ ଜାର୍ତିଂ ତାରେନ୍ କିନାନ୍, ହେଞ୍ଜାନିଂ ଉର୍ କିୟା ଆନାଡ୍ ।

ଜିସୁ ହିମ୍‌ଣାକାଂ ଆସିର୍ବାଦ୍ କିତାନ୍

(ମାତିଉ ୧୯:୧୩-୧୫; ମାର୍କ ୧୦:୧୩-୧୬)

୧୫ ଜିସୁ ଇନେସ୍ ହିମ୍‌ଣାକାଂ ତୁନାନ୍, ଇଦାଂ କାଜିଂ ଲକୁ ହେଞ୍ଜାରିଂ ପା ହେଞ୍ଜାନ୍ ତାକେ ତାତେଙ୍ଗ୍ ଲାଗାତାର୍, ମାତର୍ ଚେଲାର୍ ହେଦାଂ ହୁଡ୍‌ଜି ହେଞ୍ଜାରିଂ ଦାକା ହିଦେଂ ଲାଗାତାର୍ । ୧୬ ମାତର୍ ଜିସୁ ହେଞ୍ଜାରିଂ ଜାର୍ ଲାଗାଂ କୁକ୍ତି ଇଚାନ୍, ହିମ୍‌ଣାକାଂ ନା କଚଣ୍ଡ ଖାଦେଙ୍ଗ୍ ହିଆର୍, ଆରେ ହେଞ୍ଜାରିଂ ମୁନା କିମାଟ୍, ଇନାକିଦେଂକି ମାପୁଟି ରାଜି ଏଲେଙ୍ଗ୍‌ବାତ୍ ହିମ୍‌ଣାଂ । ୧୭ ଆନ୍ ମିଙ୍ଗେଙ୍ଗ୍ ହାଡ୍‌ପା ଇଞ୍ଜନାଙ୍ଗା, “ଇନେର୍ ହିମ୍‌ଣା ଲାକେ ଇସ୍ପୁଟ୍ ରାଜି ଇଟ୍‌ଞ୍ଜିତିସ୍, ହେଞ୍ଜାନ୍ ଇନେସ୍ କିଜିପା ହେବେ ହଣ୍ଡେଙ୍ଗ୍ ଆତୁନ୍ ।”

ରକାନ୍ ମାଜାନ୍ ମାନାୟ୍

(ମାତିଉ ୧୯:୧୬-୧୭; ମାର୍କ ୧୦:୧୭-୧୯)

୧୮ ରଞ୍ଜାନ୍ ଜିହୁଦି ନେତା ଜିସୁଙ୍ଗ୍ ଖେନ୍‌ବାତାନ୍, “ଏ ସଡ୍ ଗୁରୁ, ଖିଜ୍‌ଞ୍ଜି ଜିବୁନ୍ ପାୟାନ୍ କାଜିଂ ଆନ୍ ଇନାକା କିନାଙ୍ଗ୍ ?”

✨ ୧୭:୩୩ ମାତିଉ ୧୦:୩୯; ୧୭:୨୫; ମାର୍କ ୮:୩୫; ଲୁକ ୯:୨୪; ଜହନ୍ ୧୨:୨୫.

୧୯ “ହେବେଣ୍ଡାଂ ଜିସୁ ତାଙ୍ଗେଙ୍ଗ୍ ଇଚାନ୍, ନାଙ୍ଗେଙ୍ଗ୍ ସତ୍ ଇଞ୍ଜି ଇନେକିଦେଂ ଇଞ୍ଜିନାୟା ? ରକାନିଂ ପିସ୍ତ୍ରି, ଇଚିସ୍ତ୍ର, ଇସ୍ତ୍ରତିଂ ପିସ୍ତ୍ରି ଅଲଗା ଇନେର୍ ପା ହାର୍ ଆକାୟ । ୨୦ ବଲକ୍ତ ଏପେଙ୍ଗ୍ ପୁଚାଦେଣ୍ଡା, ଦାରି କିମାଟ୍, ନାର୍ ଅହ୍ମାଟ୍, ରର୍ କିମାଟ୍, ମିର୍ସାକି ହିମାଟ୍, ଜାର୍ ଆବା ଆୟାକାଂ ଜିଉନଝାଟ୍ ।”

୨୧ ହେଝାନ୍ ଇଚାନ୍, “ଇଦାଂ ଝିନ୍ଦୁ ଆନ୍ ବେଣ୍ଡିୟା ଝେଡାତାଂ ମାନିକିଜି ଝାନାଙ୍ଗା ।”

୨୨ ଜିସୁ ଇଦାଂ ଝେନ୍ଝି ତାଙ୍ଗେଙ୍ଗ୍ ଇଚାନ୍, “ନିୟାଂ ଆରେ ରଞ୍ଜାଙ୍ଗ୍ ବିସ୍ତେ ଅଲପ୍ ମାନାଟ୍; ଏନ୍ ଜାଟ୍ତି ଝିନ୍ଦୁ ପ୍ରସି ହିଲ୍ଝାକାରିଂ ଦାନ୍ ବାଟାକିଜି ହିଆ, ଆରେ ଏନ୍ ସାଗେତାଂ ଦାନ୍ ପାୟା ଆନାୟ; ପାଟେ, ଝାଜି ନା ପାଟେ ପାଟେ ଝା ।”

୨୩ ମାତର୍ ହେଝାନ୍ ଇ ଝିନ୍ଦୁ କାତା ଝେନ୍ଝି ବେସି ଦୁକ୍ତିଚାନ୍, ଇନାକିଦେଂକି ହେଝାନ୍ ବେସି ମାଜାନ୍ ମାଚାନ୍ ।

୨୪ ହେବେତାଂ ହେଦେଲ୍ ଦୁକ୍ତିଆନାକା ହୁଡ୍ଝି ଜିସୁ ତାଙ୍ଗେଙ୍ଗ୍ ଇଚାନ୍, “ଇନେର୍ଡି ଦାନ୍ ମାନାଟ୍, ହେଝାର୍ କେତେ କସ୍ତାଂ ମାପୁ ରାଜିତ ହଣାଟ୍ । ୨୫ ଇନାକିଦେଂକି ଇସ୍ତ୍ର ରାଜିତ ଦନିଲଗୁ ହଣିବାଟା ହୁଜାନି କାଣାତିଂ ଉଟ୍ ହଣାକା ଆଡ୍ଝା ।”

୨୬ ଇନେର୍ ଇ କାତା ଝେଚାଟ୍, ହେଝାର୍ ଇଚାଟ୍, “ଲାଗିଂ ଇନେର୍ ମୁକ୍ତି ପାୟା ଆଦେଂ ଆଡ୍ଝାଟ୍ ?”

୨୭ ମାତର୍ ହେଝାନ୍ ହୁଡ୍ଝି ଇଚାନ୍, “ଇନାକା ମାନାୟତାକେ ଆଡ୍ଝାଟ୍, ହେଦାଂ ଇସ୍ତ୍ର ତାକେ ଆନାଟ୍ ।”

୨୮ ହେବେଣ୍ଡାଂ ପିତର୍ ଇଚାନ୍, “ହୁଡ୍ଝା ଆପେଙ୍ଗ୍ ଜାଟ୍ ଜାଟ୍ତି ଝିନ୍ଦୁ ପିସ୍ତ୍ରପା ନି ପାଟେ ପାଟେ ଝାନାପା ।”

୨୯ ଜିସୁ ହେଝେରିଂ ଇଚାନ୍, “ଆନ୍ ମିଙ୍ଗେଙ୍ଗ୍ ହାଡ୍ପା ଝେଚ୍ଚନାଙ୍ଗା, ଇମ୍ଫି ମାନାୟ ମାପୁ ରାଜି କାଜିଂ ଇଲ୍ କି ତ୍ତ୍ରି ଚଣ୍ଡେନ୍ ଆବା ଆୟା ! ହିମ୍ଫାଝାକ୍ତା ପିସ୍ତ୍ରାଣ୍ଡା, ୩୦ ହେଝାର୍ ଇ କାଡ୍ଝା ବେସିଗୁଣ୍ ଆରି ପାଟେନି କାଡ୍ଝା ଝିନ୍ଦୁ ଜିରୁନ୍ ପାୟା ଆଉନ୍, ଏଲେଙ୍ଗ୍ବାତ୍ ମାନାୟ ଇନେର୍ ହିଲ୍ଝାଟ୍ ।”

ଜିସୁ ତିନିହଟ୍ ହାନିକାତା ଇଚାନ୍

(ମାତିଉ ୨୦:୧୭-୧୯; ମାର୍କ ୧୦:୩୨-୩୪)

୩୧ ପାଟେ ହେଝାନ୍ ବାରଜାଣ୍ଡିଂ ବିନେ କିଜି ହେଝାରିଂ ଇଚାନ୍, “ହୁଡ୍ଝାଟ୍ ଆସେଙ୍ଗ୍ ଜିରୁସାଲମ୍ତ ହାନାସା, ଆରେ ବେଣ୍ଡାକ୍ଫାୟକିନାଟ୍ ମାନାୟ ମାଜି ବିତ୍ତେ ଇମ୍ଫି ଝିନ୍ଦୁ ବିସ୍ତେ ଲେକା ମାନାଟ୍, ହେ ଝିନ୍ଦୁ ଜିତାଆନାନ୍; ୩୨ ଇନାକିଦେଂକି ଜିସୁ ପାଟ୍ କିଝି ଜିହୁଦିର୍ କେଇଦ୍ ହିୟାଆନାନ୍, ଆରେ ହେଝାଟ୍ ତାଙ୍ଗେଙ୍ଗ୍ ଲାଜ୍ଝୁଇ କିନାଟ୍, ହେଝାନିଂ ଗ୍ରେଚ୍ଚନାଟ୍ ହେଝାନ୍ ଜପି ରୁପ୍ଚନାଟ୍ । ୩୩ ହେଝେନିଂ କର୍ତ୍ତା ତ୍ତ୍ରି ଅହ୍ନାଟ୍, ଆରେ ତିନିଦିନ୍ ପାଟେ ଆରେ ନିନାନ୍ ।”

୩୪ ମାତର୍ ହେଝାଟ୍ ଇ ଝିନ୍ଦୁ ବିସ୍ତେ ଅଲପ୍ପା ବୁଜାଆଝାଟାଟ୍, ଇ କାତା ହେଝାଟ୍ତା ଡ୍ଝୁଜି ମାଟାଟ୍, ଆରି ଇନା ଇନାକା ଇଞ୍ଜି ମାଚାନ୍, ହେ ଝିନ୍ଦୁ ହେଝାଟ୍ ବୁଜାଆଝାଦାଂ ମାଚାଟ୍ ।

ଜିସୁ ର କାଣାଙ୍ଗ୍ ଉଜ୍ କିତାନ୍

(ମାତିଉ ୨୦:୨୯-୩୪; ମାର୍କ ୧୦:୪୬-୫୨)

୩୫ ଜିସୁ ଜିରିହନି ଲାଗେ ଆନି ସମୁତ ର କାଣା ହାଜି ଗୁଚିତ କୁଚ୍ଚି ବିକ୍ୟା ଏନ୍ତି ମାଚାନ୍ । ୩୬ ହେଝାନ୍ ମାନାୟ ହାନିହିଂ ଆଲି ଝେନ୍ଝି କାତା “ଇନାକା ଇଞ୍ଜି ଝେନ୍ବେଦେଂ ଲାଗାତାନ୍ ?”

୩୭ ହେଝାଟ୍ ତାଙ୍ଗେଙ୍ଗ୍ ଇଚାଟ୍, “ନାଜରିତ୍ତୟ ଜିସୁ ଇ ହାଜି ହିଜି ହାନାନ୍ନା ।”

୩୮ ହେବେଣ୍ଡାଂ କାଣା ଗାଜା କାଟ୍ତାଂ ଇଚାନ୍, “ଏ ଜିସୁ, ଦାଉଦ୍ ମାଜି, ନାଙ୍ଗେଙ୍ଗ୍ ଦୟା କିଦା ।”

୩୯ ମତର୍ ଆଗେ ହାଲ୍ଝି ମାଟି ମାନାୟାଟ୍ ହେଝାନିଂ ଚିମ୍ଫା ଆଦେଂ ଦାକା କିଦେଙ୍ଗ୍ ଲାଗାଟାଟ୍, ମତର୍ ହେଝାନ୍ ଆଦିକ୍ ଗାଜା କାଟ୍ତାଂ ଇଞ୍ଜେଙ୍ଗ୍ ଲାଗାତାନ୍, “ଏ ଦାଉଦ୍ତି ମାଜି, ନାଙ୍ଗେଙ୍ଗ୍ ଦୟା କିଦା ।”

୪୦ ହେବେତାଂ ଜିସୁ ନିଲ୍ଝି ହେଝାନିଂ ତା ଲାଗେ ତାତେଙ୍ଗ୍ ବଲ୍ ହିତାନ୍; ଆରେ, ହେଝାନ୍ ଲାଗାଂ ଏକିତିଲେ, “ହେଝାନ୍ ତାଙ୍ଗେଙ୍ଗ୍ ଝେନ୍ବତାତାନ୍,” ୪୧ “ଆନ୍ ନି କାଜିଂ ଇନାକା କିନାଙ୍ଗ୍ ଇଞ୍ଜି ଏନ୍ ଇଚା କିନାୟା ?”

ହେଝାନ୍ ଇଚାନ୍, “ଏ ମାପୁ ଆନ୍ ଇନେସ୍କି ଆରେ କାଣ୍ଝୁ ହୁଡ୍ଝାଟ୍ ।”

୪୨ ଜିସୁ ତାଙ୍ଗେଙ୍ଗ୍ ଇଚାନ୍, “କାଣ୍ଝୁ ହୁଡ୍ଝା; ନି ପାଟ୍ କିନାକା ନିଙ୍ଗେଙ୍ଗ୍ ଉଜ୍ କିଡ୍ତାଡ୍ଝା ।”

୪୩ ହେ ଦାପ୍ତେ ହେଝାନ୍ ହୁଡ୍ଝି ଇସ୍ତ୍ର କେଚ୍ଚକଣ୍ କିଉ କିଉ ଜିସୁ ପାଟେ ପାଟେ ହାଞ୍ଜେଙ୍ଗ୍ ଲାଗାତାନ୍ ଆରି ଲକ୍ଝୁ ଝିଜାକାଟ୍ ହେଦାଂ ହୁଡ୍ଝି ଇସ୍ତ୍ରତିଂ ପାର୍ତାନା କିଚାଟ୍ ।

୧୯

ଜିସୁ ଆରି ଜକିୟ

୧ ପାଟେ ଜିସୁ ଜିରିହତ୍ ହଣ୍ଡିପା ହେଦେଲିଂ ଆଜି ହାଲ୍ଝି ମାଚାଟ୍ । ୨ ଆରି ହୁଡ୍ଝାଟ୍, ଜକିୟ ତର୍ନି ରକାନ୍ ମାନାୟ ମାଚାନ୍, ହେଝାନ୍ ରକାନ୍ ମୁଡ୍ଝାକାନ୍ ସିସ୍ତ୍ରୁନ୍ନାକାନ୍ ଆରି ମାଜାନ୍ ମାନାୟ । ୩ ଜିସୁ ଇନେନ୍, ହେଦାଂ ହୁଡ୍ଝାଦେଂ ହେଝାନ୍ ସେସ୍ତୁ କିଜି ମାଚାନ୍, ମାତର୍ ଲକ୍ଝୁ ଗହଲି କାଜିଂ ହୁଡ୍ଝାଦେଂ ଆଡ୍ଝାଦାଂ ମାଚାନ୍, ଇନାକିଦେଂକି ହେଝାନ୍ କୁଜା ମାଚାନ୍ । ୪ ଲାଗିଂ ହେଝାନ୍ ମାନାୟ ଆଗେ ହଞ୍ଜି ହାଲ୍ଝି ହେଝାନିଂ ହୁଡ୍ଝି କାଜିଂ ର ତଗାମାଟ୍ତ ଦୁମ୍ତାନ୍, ଇନାକିଦେଂକି ହେ

ହାଜି ହିଜି ଜିସୁ ହାନାକା ମାଗାଡ଼ । ^୫ ଜିସୁ ହେ ବାହାତ ଖାଜି ଜପି ହୁଡ଼ଜି ହେଖାନିଂ ଇଚାନ, “ଜକିୟ ବେଗି ଜୁଜି ଖା, ଇନାକିଦେଂକି ନେଝେଙ୍ଗ୍ ନାଝେଙ୍ଗ୍ ମିଞ୍ଜ ହାଡ଼ପା ମାଝେଙ୍ଗ୍ ଲାଗ୍‌ଦାନାଡ଼ ।”

^୬ ହେବେତାଂ ହେଖାନ ବେଗି ଜୁଜି ଖାଜି ଖାରିତାଂ ଜିସୁଙ୍ଗ୍ ହେବା କିତାନ । ^୭ ହେଦାଂ ହୁଡ଼ଜି ଖିଜାକାର୍ ଗାଣ୍‌ଜୁ କିଜି ଇଝେଙ୍ଗ୍ ଲାଗାତାର୍, “ହେଖାନ ପାପିୟାର୍ ଇଞ୍ଜ ମାଝେଙ୍ଗ୍ ହାନାନା ।”

୮ ମାତର୍ ଜକିୟ ନିଲ୍‌ଟିପା ମାପୁଙ୍ଗ୍ ଇଚାନ, ଏ ମାପୁ, ହୁଡ଼ା, “ନା ଦାନତାଂ ଆନ୍ ଆଦା ହିଲ୍‌ଖାକାରିଂ ଦାନ୍ ହିନାଙ୍ଗା, ଆରି ଜଦି ଅନ୍‌ଧାୟତାଂ ଇନେରତାଂ ଅଲପ୍ ଅଜି ମାତିସ୍, ଲାଗିଂ ଚାରିଗୁଣ୍‌ତାଂ ହେଦାଂ ଲେଉଟାୟ କିନାଙ୍ଗା ।”

^୯ ହେବେଣ୍ଟାଂ ଜିସୁ ହେଖାନ ବିସ୍ତେ ଇଚାନ, “ନେଝେଙ୍ଗ୍ ଇ ଇଞ୍ଜ ମୁଲ୍‌କିନାକା ଏକାଞ୍ଜାତାଡ଼ନା, ଲାଗିଂ ଇଝାନପା ଅବାହାମ୍‌ତି ରକାନ୍ ମାଜି; ^{୧୦} ଇନାକିଦେଂକି ଇନାକା ଜାଙ୍ଗ୍‌ତାଡ଼ନା ହେଦାଂ ଡେକ୍‌ଡେଂ ରାକ୍ୟା କିଦେଙ୍ଗ୍ ମାନାୟ ମାଜି ଖାଡ଼ାନ୍ନା ।”

**ହନା ଟାକାଂନି କାତା
(ମାତିଉ ୨୫:୧୪-୩୦)**

^{୧୧} ଲକୁ ଇ ଉତ୍‌ରମୁଡ଼, ଖିଜୁ ଖେନି ଖେଡ଼ାଲିଂ ହେଖାନ ଆରି ରଞ୍ଜାଙ୍ଗ୍ କାତା ଇଚାନ, ଇନାକିଦେଂକି ହେଖାନ ଜିରୁସାଲମ୍‌ନି ଲାଗେ ଆଜି ମାଗାନ ଆରି ଇସ୍‌ରାଏଲି ରାଜି ବେଗି ମେଙ୍ଗିୟା ଆନାଡ଼ ଇଞ୍ଜି ହେଖାର୍ ବାବିକିଜି ମାଗାର୍ । ^{୧୨} ଲାଗିଂ ହେଖାନ ଇଚାନ, “ରକାନ୍ ଗାଜାକାନ୍ ମାନାୟ ଜାର୍ ରାଜି କାଜିଂ ରାଜା ପାଦ୍ ପାୟା ଆଜି ଲେଉଟା ଆଦେଂ କାଜିଂ ଦେହା ଦେସ୍‌ତ ହାଚାନ । ^{୧୩} ହେଖାନ ତା ଦସ୍ ଜାଣି ଆଡ଼ିୟାରିଂ କୁକ୍‌ଟି ହେଖାରିଂ ଦସ୍‌ଗଟା ତାରୁଙ୍ଗ୍ ହିଜି ଇଚାନ, ଆନ୍ ଖାନି ପାତେକ୍ ବେପାର୍ କିୟାର୍ ।” ^{୧୪} ମାତର୍ ହେଖାନ୍ତି ଦେସ୍‌ନିକାର୍ ହେଖାନିଂ ଗିଣ୍ କିଜି ମାଗାର୍, ଆରି ହେଖାର୍ ହେଖାନ ପାଚେ ଦୁଡ଼ ପକ୍‌ଟି ଇଚାନ, ଇଝାନ ଜେ ମା ଜପି ରାଜ୍ କିନାନ୍, “ଇଦାଂ ମା ଇଚା ଆକାୟ ।”

^{୧୫} “ପାଚେ ହେଖାନ ରାଜା ପାଦ୍ ପାୟା ଆଜି ଲେଉଟା ଆଜି, ଇମ୍‌ଣି ଆଡ଼ିୟାରିଂ ତାରୁଙ୍ଗ୍ ହିଜି ମାଗାନ, ହେଖାର୍ ବିଡ୍ରେ ବେପାର୍ କିଜି ଇନେର୍ ଏଚେକ୍ ଲାବ୍ କିତାଣ୍ଟା, ହେଦାଂ ପୁନିକାଜିଂ ହେଖାରିଂ ଜାର୍ ରାଜି ଲାଗେ କୁକ୍‌ଟି ତାହିଝାଦେଂ ବଲ୍ ହିଚାନ ।” ^{୧୬} ହେବେଣ୍ଟାଂ ପର୍ଡ଼ମ୍ ମାନାୟ ଖାଜି ଇଚାନ, “ମାପୁ, ନି ହିଡ଼ି ହନା ଟାକାଂ ଆରି ଦସ୍‌ଗଟା ତାରୁଙ୍ଗ୍ ଆନ୍ ଲାବ୍ କିତାଙ୍ଗ୍‌ନା ।” ^{୧୭} ହେଖାନ ତାଙ୍ଗେଙ୍ଗ୍ ଇଚାନ, “ଏନ୍ ରକାୟ ହାର୍‌ଦି ଆଡ଼ିୟା, ଏନ୍ ବେସି ଅଲପ୍ ବିସ୍ତେ ପାଡ଼ ଲାହାଂ କିତିଲେ ଏନ୍ ଦାସ୍‌ଗଟା ଗାଡ଼ ଜପି ଆଦିକାର୍ ପାୟା ଆ ।” ^{୧୮} ଆରେ ଆରେ ରକାନ୍ ଖାଜି ଇଚାନ, “ମାପୁ, ନି ତାରୁଙ୍ଗ୍ ପାଞ୍ଚଗଟା ନାଦାଂ ଲାବ୍‌କିତାଂନା ।” ^{୧୯} ହେଖାନ ତାଙ୍ଗେଙ୍ଗ୍ ପା ଇଚାନ, “ଏନ୍ ପା ପାଞ୍ଚଗଟା ଗାଡ଼ ଜପି ଆଦିକାର୍ ପାୟା ଆ ।” ^{୨୦} ଆରେ ରକାନ୍ ଖାଜି ଇଚାନ, “ମାପୁ, ହୁଡ଼ା, ଇଦାଂ ନି ତାରୁଙ୍ଗ୍, ଆନ୍ ଇଦାଂ ନା ତୁଝାଲ୍‌ତ ଗାଡ଼ି ଇଡ଼ଜି ମାଗାଙ୍ଗ୍; ^{୨୧} ଇନାକିଦେଂକି ଆନ୍ ନିଙ୍ଗେଙ୍ଗ୍ ପାଣ୍ଟା ଆଡ଼ତାଂ, ଲାଗିଂ ଏନ୍ ରକାୟ କଟିମାନାୟତି, ଇନାକା ଇଟ୍‌ଝାତାଂମା, ହେଦାଂ ନିକ୍‌ଟି ଅନାୟ, ଆରେ ଇନାକା ଖିଡ଼ଝାଦାଂ ମାନାୟ ହେଦାଂ ଡ୍ରେଜ୍‌ନାୟ । ^{୨୨} ହେଖାନ ତାଙ୍ଗେଙ୍ଗ୍ ଇଚାନ, ଏଡ୍ରେ ବାନ୍ୟା ଆଡ଼ିୟା, ନି ମୁମ୍‌ନି କାତାତିଂ ନି ବିଚାର୍ କିନାଙ୍ଗ୍ । ଆନ୍ ରକାଂ କଟି ଲଗ୍, ଇନାକା ଇଟ୍‌ଝାଦାଂ ମାନାଂ, ହେଦାଂ ନିକ୍‌ଟି ଅନାଙ୍ଗ୍, ଆରେ ଇନାକା ଖିଡ଼ଝାଦାଂ ମାନାଂ, ହେଦାଂ ଡ୍ରେଜ୍‌ନାଂ, ଇଦାଂ ଇନାକା ପୁଚାୟନା ?” ^{୨୩} ଲାଗିଂ, ବେକ୍‌ଡ ଇନେକିଦେଂ ନା ହନା ଟାକାଂ ଇଟ୍‌ଝାତାୟ ? ତାଆଡ଼ିସ୍ ଆନ୍ ଖାଜି କଲ୍‌କ୍‌ଟର୍ ଲାହାଙ୍ଗ୍ ପାୟାଆତାଂମା । ^{୨୪} ଆରେ, ହେ କଟଣ୍‌ତ ନିଲ୍‌ଟିମାନି ମାନାୟତିଂ ଇଚାନ, “ଇବେଣ୍ଟାଂ ଇ ତାରୁଙ୍ଗ୍ ଅଜି, ଇନେରିଂ ଦାସ୍‌ଗାକା ମାନିଙ୍ଗ୍, ହେଖାନିଂ ହିଆର୍ ।” ^{୨୫} ହେବେତାଂ ହେଖାର୍ ହେଖାନିଂ ଇଚାର୍, “ମାପୁ, ତାଦାଙ୍ଗ୍ ତ ଦାସ୍ ଗଟା ତାରୁଙ୍ଗ୍ ମାନିଙ୍ଗ୍ ।” ^{୨୬} ଆନ୍ ମିଙ୍ଗେଙ୍ଗ୍ ଖେଚାନାଙ୍ଗା, “ଇମ୍‌ଣି ମାନାୟତିଂ ମାନାଡ଼, ହେଖାନିଂ ହିୟାଆନଡ଼; ମାତର୍ ଇନେରତି ହିଲୁଡ଼, ହେ କଟଣ୍ ଇନାକା ମାନାଡ଼, ହେଦାଂ ନେ ହେଖାନତାଂ ଅୟାନାଡ଼ । ^{୨୭} ମାତର୍ ନା ଇମ୍‌ଣି ସାତୁର୍ ଆନ୍ ହେଖାର୍ ଜପି ସାସନ୍ କିନାଙ୍ଗ୍ ଇଞ୍ଜି ଇଚା କିଝାଦାଂ ମାଗାଙ୍ଗ୍, ହେଖାରିଂ ଇବେ ତାସି ନା ମୁମ୍‌ଦ ଟୁଣାଟ୍ ।”

**ଜିସୁ ଜିରୁସାଲମ୍‌ତ ହଣାକା
(ମାତିଉ ୨୧:୧-୧୧; ମାର୍କ ୧୧:୧-୧୧; ଜହନ୍ ୧୨:୧୨-୧୯)**

^{୨୮} ଇ ସବୁ କାତା ଇଞ୍ଜି ଜିସୁ ଆଗେ ହାଲ୍‌ଜି ଜିରୁସାଲମ୍‌ ନିପ ହାଞ୍ଜେଙ୍ଗ୍ ଲାଗାତାନ । ^{୨୯} ଆରେ, ଏଚେକାଡ଼୍‌ଦ ହେଖାନ ଜିଡ଼ମାଡ଼ି କଟଣ୍‌ତ ବେଡ଼ପାଗି ଆରି ବେଡ଼ନିୟା ଲାଗାଂ ଏକାତାନ, ହେ ଏଚେକାଡ଼୍‌ଦ ହେଖାନ ହେ ଚେଲାର୍ ବିଡ୍ରେତାଂ ରିକାରିଙ୍ଗ୍ ଇ କାତା ଇଞ୍ଜି ପକ୍‌ଡାନ, ^{୩୦} “ମି ହାଣ୍‌କୁ ହେ ନାସ୍‌ତ ହାଲ୍‌ଗ୍, ହେବେ ହଣି ଖେଡ଼ାଲିଙ୍ଗ୍, ଇନାକା ଜପି ଇନେର୍ ଇନାଞ୍ଜାତାଂ ଇନେର୍ କୁଟ୍‌ଝାତାନ୍ନା, ଏଲେଙ୍ଗ୍‌ବାଡ଼ିଂ ର ଗଦ ହିମ୍‌ଣା ଗାଡ଼ଚାକା ହୁଡ଼ନାଦେର୍, ହେଦେଲିଂ ରିକ୍‌ଟି ତାହିଝାଡୁ । ^{୩୧} ଆରେ, ବାଟିଙ୍ଗ୍ ଇନେର୍ ମିଙ୍ଗେଙ୍ଗ୍ ଇନେକିଦେଂ ରିକ୍‌ନାଦେରା ଇଞ୍ଜି ଖେନ୍‌ବାଡ଼ିସ୍, ଏପେଙ୍ଗ୍ ଇନାଦେର୍, ଇନାକିଦେଂକି ଇଦାଂ ତାକେ ମାପୁତି ଲଡ଼ା ମାନାଡ଼ ।”

☆ ୧୯:୧୦ ୧୯:୧୦ ମାତିଉ ୧୮:୧୧. ☆ ୧୯:୨୭ ୧୯:୨୭ ମାତିଉ ୧୩:୧୨; ମାର୍କ ୪:୨୫; ଲୁକ ୮:୧୮. ☆ ୧୯:୨୭ ୧୯:୨୭ ମାତିଉ ୨୫:୧୪-୩୦.

୩୨ ହେବେ ପକ୍ୟାତି ମାନାୟାର ହାଲ୍‌ଜିପା, ଜିସୁ ହେଝାରିଂ ଇନେସ୍ ଇଞ୍ଜି ମାତାନ୍, ହେ ଲାକେ ହୁଡ଼ତାର । ୩୩ ଆରେ, ହେଝାର ଗଦ ହିମ୍‌ଣାତିଂ ରିକ୍‌ନିଝେଡାଲିଂ ହେ ହାଉକାର ହେଝାରିଂ ଝେନ୍‌ବାତାର, “ଇନେକିଦେଂ ଗଦ ହିମ୍‌ଣାତିଂ ରିକ୍‌ନାଦେରା ?”

୩୪ ହେଝାର ଇଚାର, “ଇନାକିଦେଂକି ଇଦାଂ ତାକେ ମାପୁତି ଲଡ଼ା ମାନାତ୍ ।”

୩୫ ଆରେ, ହେଝାର ଗଦ ହିମ୍‌ଣାତିଂ ଜିସୁତାକେ ତାସି ତା ଜପି ଜାର ଜାର ହେନ୍ଦା ପାସସି ଜିସୁଙ୍କୁ କୁଟିକିତାର । ୩୬ ଆରେ, ଜିସୁ ହାନି ଝେଡାଲିଂ ମାନାୟାର ହାସଦ ଜାର ଜାର ହେନ୍ଦା ପାସସି ହିଦେଙ୍କ୍ ଲାଗାତାର ।

୩୭ ଆରେ, ଜିସୁ ଏଚେକାଡ଼ଦ ଜିଡ଼ମାଡ଼ିନି ଗାଡ଼ଗାଡ଼ା ବାହାତ ଲାଗାୟ ଆତାନ୍, ହେଝେଡାଲିଂ ସବୁ ଚେଲାର ମାନ୍ଦା ହୁଡ଼ଜି ମାତି ଝିଜୁ ସାଲିନି କାମାୟ କାଜିଂ ଝାରିତାଂ ଗାଜା କାଟ୍ କିଜି ଇସ୍‌ବର୍ ମାପୁତି ପାର୍ତାନା କିଜି ଇଚାର,

୩୮ “ମାପୁତି ତରଦ ଇମ୍‌ଣି ରାଜା ଝାନାନା, ଇସ୍‌ବର୍ ହେଝାନିଂ ଦନ୍‌ସବାଦ୍ କିଏନ୍ ।

ସାଗେତ ସୁସ୍ତା ଆରି ଜପ୍‌ଣି ଲକାତ୍ ଜାଜମାଲ୍ ଆୟେଡ଼ ।”

୩୯ ହେବେଣ୍ଡାଂ ମାନାୟାର ଗହଲି ବିତ୍ରେ କେତେକ୍ ପାରୁସିର୍ ତାଙ୍ଗେଙ୍କ୍ ଦାକା କିଜି ଇଚାର, “ଏ ଗୁରୁ, ନି ଚେଲାରିଂ ଚିମ୍‌ରା ଆଦେଂ ଇନା ।”

୪୦ ଜିସୁ ଉତର ହିତାନ୍, “ଆନ୍ ମିଙ୍ଗେଙ୍କ୍ ଇଞ୍ଜନାଙ୍ଗା, ଇଝାର ଚିମ୍‌ରା ଆତିସ୍, କାଲ୍‌କୁଙ୍କ୍ ଆଲାଆନିକ୍ ।”

ଜିସୁ ଜିରୁସାଲମ୍ କାଜିଂ ଆଡ଼ବାତାନ୍

୪୧ ଆରେ, ଏଚେକାଡ଼ଦ ଜିସୁ ଜିରୁସାଲମ୍ ଲାଗାୟ ଝାତାନ୍, ହେ ଏଚେକାଡ଼ଦ ଗାଡ଼ଦିଂ ହୁଡ଼ଜି ହେଦାଂ କାଜିଂ ଆଡ଼ବିସ୍ ଇଚାନ୍, ୪୨ “ଏନ୍, ଆଁ, ଏନ୍ ଜଦି ନେଞ୍ଜେଙ୍କ୍ ସୁସ୍ତାନି ବିସ୍ତ୍ରେ ପୁନ୍‌ଞ୍ଜିମାଚାୟତି ! ମାତର ନଙ୍ଗନି କାଣ୍‌କୁକାଂ ତୁଗୁଜି ମାଚାଡ଼ନ୍ନା । ୪୩ ସମ୍‌ ଝାନାତା ଏଚେକାଡ଼ଦ ମି ସାଡୁର ନି ଚାରିବେଣ୍ଡାତାଂ କାଲ୍‌ଦ ଗାଟି ନିଙ୍ଗେଙ୍କ୍ ଚେବାୟ କିଦ୍‌ନାର, ଆରେ ମିଦାଙ୍କ୍ ଝିଜୁ ହାଜି ଗେସ୍‌ତାନାର । ୪୪ ହେଝାର ନିଙ୍ଗେଙ୍କ୍ ଆରି ନି ଲାହାଙ୍କ୍ ନି ବିତ୍ରେ ମାନି ଝିଜାର ମାନାୟାରିଂ ବୁଡାଇ କିଦ୍‌ନାର, ର କାଲ୍‌ ଜପି ଆରେ ର କାଲ୍‌ ଜପି ମାନୁଡ଼, ଇନାକିଦେଂକି ଏଚେକାଡ଼ଦ ନିଙ୍ଗେଙ୍କ୍ ମୁକ୍ତି କିଦ୍‌ଦେଂ ଇଞ୍ଜି ଇସ୍‌ବର୍ ମାପୁ ଝାତାନ୍, ଏପେଙ୍କ୍ ତାଙ୍ଗେଙ୍କ୍ ପୁନ୍‌ଝାତାଦେର୍ ।”

ଜିସୁ ମନ୍ଦିରତ ହାଚାନ୍

(ମାତିଉ ୨୧:୧୨-୧୭; ମାର୍କ ୧୧:୧୫-୧୯; ଜହନ୍ ୨:୧୩-୨୨)

୪୫ ଆରେ, ଜିସୁ ମନ୍ଦିରତ ହାଜିପା ବେପାର କିନି ଲଗାଂ ଇଦାଂ ଇଞ୍ଜି ହପ୍‌ତେଂ ଲାଗାତାନ୍, ୪୬ ଦରମ୍ ସାସ୍‌ବରତ ଲେକାଆତାଡ଼ନା, ଇସ୍‌ବର୍ ଇଚାନ୍ “ମା ଇଲ୍ ପାର୍ତାନା ଇଲ୍ ଆନାଡ଼, ମାତର ଏପେଙ୍କ୍ ଚର୍କୁ ଇଲ୍‌ନି ପାରା କିତାଦେଣ୍ଡା ।”

୪୭ ଆରେ, ହେଝାନ୍ ନିତ୍ରେ ମନ୍ଦିରତ ହିକ୍ୟା ହିଜି ମାଚାନ୍, ମାତର ମୁଡ଼ ମାପୁହେବାକିନାକାନ୍, ସାସ୍‌ବିର୍ ମାନାୟାର୍‌ତି ନେତାର ଲାହାଂ ହେଝାନିଂ ଝିସ୍‌ପେଦେଂ ସେସ୍ତା କିଜି ମାଚାର, ୪୮ ମାତର ଝିଜୁ ଲଗୁ ର ମାଡ଼ ହେଝାନ୍ ହିକ୍ୟା ଝେନ୍‌ଞ୍ଜି ମାଚିଲେ ହେଝାର ଇନାକା କିନାପ୍ ଇଞ୍ଜି ତିର୍ କିଦେଙ୍କ୍ ଆଡ଼ଝାଦାଂ ମାଚାର ।

୨୦

ଜିସୁଙ୍କ୍ ଆଦିକ୍ ବିସ୍ତ୍ରେ ପରସନ୍

(ମାତିଉ ୨୧:୨୩-୨୭; ମାର୍କ ୧୧:୨୭-୩୩)

୧ ଇବେତାଂ ହେଝାନ୍ ଦିନେକ୍ ଏଚେକାଡ଼ଦ ମନ୍ଦିରତ ମାନାୟାରିଂ ହିକ୍ୟା ହିଜି ମାଚାନ୍ ଆରି ନେକ୍ରିକାରୁର୍ ପର୍‌ଚାର କିଜି ମାଚାନ୍, ଏଚେକାଡ଼ଦ ମୁଡ଼ ମାପୁହେବା କିନାକାର ଆରି ସାସ୍‌ବିର୍ ବୁଡାଲୁର୍ ହୁକେ ଝାଜି ତାଙ୍କ୍ ଇଚାର, ୨ “ଏନ୍ ଇମ୍‌ଣି ଆଦିକାରତ ଇ ଝିଜୁ କିନାୟା, କି, ଇନେର ନିଙ୍ଗ୍ ଇ ଆଦିକାର ହିଡ଼ତାନ୍, ହେଝାନ୍ ଇନେନ୍, ମାଙ୍ଗେଙ୍କ୍ ଝେଟ୍‌ଚା ।”

୩ ମାତର ଜିସୁ ହେଝାରିଂ ଉତର ହିତାନ୍, “ଆନ୍ ପା ମିଙ୍ଗେଙ୍କ୍ ର ବେରଣ୍ ଝେନ୍‌ବା ଆଦନାଂ, ନାଙ୍କ୍ ଝେଟ୍‌ଚାଟ୍, ୪ ବାପ୍‌ସିମ୍ ହିନି ଜହନ୍‌ତି ବାପ୍‌ସିମ୍ ସାଗେତାଂ କି ମାନାୟାତିଂ ଆତାଡ଼ ?”

୫ ହେବେ ହେଝାର ହେଝାର ବିତ୍ରେ କାତାବାର୍ତା କିଜି ଇଚାର, “ଜଦି ସାଗେତାଂ ଇଞ୍ଜି ଇନାସ୍, ତା ଆତିସ୍ ହେଝାନ୍ ଇଞ୍ଜନାନ୍, ଏପେଙ୍କ୍ ଇନେକିଦେଂ ତାଙ୍କ୍ ପାତ୍ କିଝାତାଦେର୍ ?” ୬ ମାତର ଜଦି ମାନାୟାତିଂ ଇଞ୍ଜି ଇନାସ୍, ବାଟିଙ୍କ୍ ଝିଜାକାର ଲକୁ ମାଙ୍କ୍ କାଲ୍‌କୁ ଇଡ଼ଜି ମାଟ୍‌କିଦ୍‌ନାର, ଇନାକିଦେଂକି “ଜହନ୍ ରକାନ୍ ଜେ ବେଶବାକ୍‌ଶାୟ କିନାକାନ୍, ଇଦାଂ ହେଝାର ପାତ୍ କିଜି ମାଚାର ।” ୭ ଲାଗିଂ ହେଦାଂ ଇମେତାଂ ଆତାଡ଼, “ଇଦାଂ ପୁନ୍‌ପ୍ ଇଞ୍ଜି ହେଝାର ଉତର ହିତାର ।”

୮ ଜିସୁ ହେଝାରିଂ ଇଚାନ୍, “ଆନ୍ ଇମ୍‌ଣି ଆଦିକାରତ ଇ ଝିଜୁ କିନାଙ୍ଗା, ହେଦାଂ ଆନ୍ ପା ମିଙ୍ଗେଙ୍କ୍ ଝେଟ୍‌ଚୁଙ୍କ୍ ।”

☆ ୧୯:୪୭ ୧୯:୪୭ ଲୁକ ୨୧:୩୭.

ଅଙ୍ଗୁର ବାଡ଼ ବାଗ୍ କିଛି ତିନାକାନ୍ କାତା
(ମାତିଉ ୨୧:୩୩-୪୬; ମାର୍କ ୧୨:୧-୧୨)

୯ ଇଦାଂ ପାଚେ ହେୱାନ୍ ମାନାୟାରିତି ଇ ଉତରମୁଡ଼ ଇଞ୍ଜେଙ୍ଗ୍ ଲାଗାତାନ୍ । “ରକାନ୍ ମାନାୟ ର ଅଙ୍ଗୁର ବାଡ଼ କିଛି ହେଦାଂ କାମଲିୟାରିଂ ଆଦି ହିଜି ବେସି ବାହୁଁ କାଜିଂ ବିଦେସ୍ତ ହାଚାନ୍ । ୧୦ ଆରେ, କାମଲିୟାରିଂ ଇନେସ୍ ତାଙ୍ଗ୍ ଅଙ୍ଗୁର ବାଡ଼ନି ପାଡ଼ ତାଙ୍ଗ୍ ବାଗ୍ ହିନାର୍, ଇଦାଂ କାଜିଂ ହେୱାନ୍ ରକାନ୍ ଆଡ଼ିଏନିଂ ହାଦିଂ ଖେଡ଼ାଲିଂ ହେୱାର୍ ତାକେ ପକ୍ତାନ୍, ମାତର୍ ହେ ଆଡ଼ିୟାରିଂ ତାଙ୍ଗେଙ୍ଗ୍ ମାଟ୍ କିଛି ଖାରା କେଇଦାଂ ପକ୍ତାନ୍ । ୧୧ ହେୱାନ୍ ପାଚେ ଆରେ ରକାନିଂ ଆଡ଼ିୟାରିଂ ପକ୍ତାନ୍; ହେୱାର୍ ତାଙ୍ଗ୍ ପା ଗ୍ରାକ୍ତାର୍ ଆରି ଲାଜୁ କିଛି ଖାରା କେଇଦାଂ ପକ୍ତାନ୍ । ୧୨ ପାଚେ ହେୱାନ୍ ଆରେ ରକାନିଂ ପା ପକ୍ତାନ୍; ମାତର୍ ହେୱାର୍ ତାଙ୍ଗ୍ ପା ଗାଅଦାଅ କିଛି ବାଡ଼ ତୁହିତାର୍ । ୧୩ ହେବେଣ୍ଟା ଅଙ୍ଗୁର ବାଡ଼ନି ହାଉକାର୍ ଇଚାନ୍, ଆନ୍ ଇନାକା କିନାଙ୍ଗ୍ ? ନା ଖାରିନି ହିମଣାତିଂ ପକ୍ତାନ୍, ଇନେସ୍ ଆଡିସ୍ ହେୱାର୍ ତାଙ୍ଗ୍ ମାନି କିନାର୍ । ୧୪ ମାତର୍ ଆଡ଼ିୟାରିଂ ତାଙ୍ଗ୍ ହୁଡ଼ଜି ହେୱାର୍ ହେୱେର୍ କାତାବାଡ଼ା କିଛି ଇଞ୍ଜେଙ୍ଗ୍ ଲାଗାତାର୍, ‘ଇଖାଡ଼ ମୁଣିକା, ଇଖାନିଂ ଅହ୍ନାସ୍, ଇନେସ୍ ମାଦାଂ ଆଦିକାର୍ ଆନାଡ଼ ।’ ୧୫ ଆରେ, ହେୱାର୍ ତାଙ୍ଗ୍ ଅଙ୍ଗୁର ବାଡ଼ ଅସ୍ତି ବାଡ଼ ତୁହି ହିତାର୍ ।”

“ବାଟିଙ୍ଗ୍, ଅଙ୍ଗୁର ବାଡ଼ନି ହାଉକାର୍ ହେୱାର୍ କାଜିଂ ଇନାକା କିନାନ୍ ? ୧୬ ହେୱାନ୍ ଖାଜି ଇ କାମଲିୟାରିଂ ନାସ୍ କିନାନ୍ ଆରି ବିନ୍ ଲଗାଂ ଅଙ୍ଗୁର ବାଡ଼ ହିନାନ୍ ।”

ଇଦାଂ ଖେନ୍ଝି ହେୱାର୍ ଇଚାର୍, “ହେଦାଂ ଆମେଡ଼ ।” ୧୭ ମାତର୍ ହେୱାନ୍ ହେୱାରିଂ ଗାଣ୍ଗାଣ୍ ହୁଡ଼ଜି ଇଚାନ୍, “ବାଟିଙ୍ଗ୍ ଇ ଇମ୍ଣି ବଚନ୍ ଲେକା ଆତାଡ଼ନ୍ନା, ତା ଅରଡ଼ ଇନାକା, ଇଲ୍ ରଚ୍ନାକାର୍ ଇମ୍ଣି କାଲ୍ଦିଂ ମୁନା କିତାର୍, ହେଦାଂ କନାନି ମୁଡ଼କାଲ୍ ଆତାଡ଼ ।

୧୮ ଇନେର୍ ହେ କାଲ୍ ଇନେର୍ ଜପି ଆର୍ନାର୍, ହେୱାନ୍ କୁଡ଼ିକ୍ତା ଆନାର୍, ଆରେ ହେ କାଲ୍ ଇନେର୍ ଜପି ଆର୍ନାନ୍, ହେଦେଲିଂ ହେଦାଂ ବିରାୟ୍ କିନାଡ଼ ।”

ହିନି ବିସ୍ତେ ପରସନ୍
(ମାତିଉ ୨୨:୧୫-୨୨; ମାର୍କ ୧୨:୧୩-୧୭)

୧୯ ଇବେ ସାସ୍ତିର୍ ଆରି ମୁଡ଼ ମାପୁହେବାକିନାକାର୍ ହେ ଦାପ୍ତେ ଆସ୍ତେଙ୍ଗ୍ ସେଷ୍ଟା କିତାର୍, ମାତର୍ ହେୱାର୍ ମାନାୟାରିଂ ପାଣ୍ଡା ଆତାର୍, ଇନାକିଦେଂକି ହେୱାନ୍ ହେ ଉତରମୁଡ଼ ହେୱାରିଂ ଇଚ୍ଚକାଡ଼ କିଛି ଇଞ୍ଜି ମାଚାନ୍ ଇଞ୍ଜି ହେୱାର୍ ବୁଜାତାର୍ । ୨୦ ହେବେଣ୍ଟା ହେୱାର୍ ଜିସୁଙ୍ଗ୍ ରାଜି ପାଲି କିନି କେଇଦ ଆରି ସାସନ୍ କିନାକାନ୍ ସାସନ୍ ଆଦିକାର୍ ହେଲାୟ୍ କିଦେଙ୍ଗ୍ କାଜିଂ ଉପାୟ୍ ତେକ୍ତି ଜିସୁତି କାତାନି ବୁଲ୍ ଆହ୍ନି ଉଦେସ୍ତ ଇମ୍ଣାକାର୍ କପଚ୍ତାଂ ଜାର୍ ଜାର୍ତିଂ ଦାମିଂ ଇଞ୍ଜି ଚଞ୍ଜିୟାଆନି ଚକ୍ତାଂ ପକ୍ତାନ୍ । ୨୧ ହେୱାର୍ ତାଙ୍ଗ୍ ଖେନ୍ବାତାର୍, “ଏ ଗୁରୁ, ଆପେଂ ପୁନାପ, ଏନ୍ ହାଡ଼ପା ରଚେ କାତା ଇନାୟ୍ ଆରି ହିକ୍ୟା ହିନାୟ୍, ଆରେ ଇନେର୍ତି ମୁକ୍ତେଟ୍ ହୁଡ଼ଜି କିଉୟ୍, ମାତର୍ ହାଡ଼ପା ଲାକେ ଇସ୍ପରତି ହାଜି ବିସ୍ତେ ହିକ୍ୟା ହିନାୟା । ୨୨ ମାଙ୍ଗେଙ୍ଗ୍ ଇଞ୍ଜା, କାଈସ୍ପରତିଂ ସିସ୍ତୁ ହିନାକା ମା ବିଦି ମାନାଡ଼ କି ଆକାୟ୍ ?”

୨୩ ମାତର୍ ଜିସୁ ହେୱାର୍ତି କାପ୍ଟି ପୁଞ୍ଜି ହେୱାରିଂ ଇଚାନ୍, ନାଙ୍ଗ୍ ର ଅଦ୍ନି ଚଚ୍ଚାଟ୍ । ୨୪ “ଇବେ ଇନେର୍ ଟାକାଂ ପୁଡ଼ଡ଼ା ଆରି ତର୍ ମାନାଡ଼ ?”

“ହେୱାର୍ ଇଚାର୍ କାଈସ୍ପରତି ।”

୨୫ ହେବେ ଜିସୁ ହେୱାରିଂ ଇଚାନ୍, “ବାଟିଙ୍ଗ୍ କାଈସ୍ପରତି ଇମ୍ଣାକା, ହେଦାଂ କାଈସ୍ପରତିଂ ହିଆଟ୍, ଆରେ, ଇସ୍ପତ୍ ଇମ୍ଣାକା, ହେଦାଂ ଇସ୍ପରତିଂ ହିଆଟ୍ ।”

୨୬ ଇବେଣ୍ଟା ହେୱାର୍ ମାନାୟ୍ ମୁମ୍ଦ ହେୱାନ୍ କାତାତ କୁନି ଆସ୍ତେଙ୍ଗ୍ ଆଡ଼ଞ୍ଜାତାର୍, ଆରେ ହେୱାର୍ ହେୱାନ୍ ଉତରତ କାବା ଆଜି ଚିମ୍ପା ଆଜି ମାଚାର୍ ।

ଆରେ ନିଙ୍ଗି ବିସ୍ତେ ପରସନ୍
(ମାତିଉ ୨୨:୨୩-୩୩; ମାର୍କ ୧୨:୧୮-୨୭)

୨୭ ଇଦାଂ ପାଚେ ଆରେ ନିଂନି ବିସ୍ତେ ଉଡ଼ାନାକାର୍ କେତେକ୍ ସାଦୁକିର୍ ଜିସୁ ଲାଗେ ଖାଜି ଖେନ୍ବାତାର୍, ୨୮ “ଏ ଗୁରୁ, ମସା ମା କାଜିଂ ଲେକିକିତାନ୍ନା ଇନେନ୍, ଜପି ଇମ୍ଣି ଲକ୍ତ ଟଣ୍ଡେନ୍, ତକ୍ତି ମାଞ୍ଜି ହିମ୍ଣାଖାକ୍ତା ଆଖାଦାଂ ହାଡିସ୍, ତା ଆଡିସ୍ ତା ଟଣ୍ଡେନ୍ ତା ତକ୍ତୁହିଂ ଇଡ଼ଜି ଜାର୍ ଟଣ୍ଡେନ୍ କାଜିଂ ଲାତ୍ରା ଉବ୍ଜାଣ୍ କିନାନ୍ । ୨୯ ଦିନେକ୍, ସାଡ଼ ବାୟ୍ ଟଣ୍ଡାର୍ ମାଚାର୍; ପର୍ତ୍ତୁମ୍ ର କଗ୍ଲେଂ ବିବା ଆତାନ୍ ଆରି ହିମ୍ଣାଖାକ୍ତା ଆଖାଦାଂ ହାତାନ୍; ୩୦ ପାଚେ ଆରେ ମାଜିୟା ବିବା ଆତାନ୍ ତାଙ୍ଗ୍ ଇଡ଼ତାନ୍; ୩୧ ହେ ଲାକେ ସାଡ଼ ଜାଣ୍ ଜାକ୍ ହିମ୍ଣାଖାକ୍ତା ଆଖାଦାଂ ହାତାର୍ । ୩୨ ହାରିହାରା କଗ୍ଲେ ପା ହାତାଡ଼ । ୩୩ ବାଟିଙ୍ଗ୍, ଆରେ ନିଂନିହିଂ ହେୱାର୍ ବିତ୍ରେ ହେଦେଲ୍ ଇନେର୍ ତକ୍ତି ଆନାଡ଼ ? ସାଡ଼ ଜାଣ୍ ଜାକ୍ ତାଙ୍ଗ୍ ବିବା ଆଜି ମାଚାର୍ ।”

୩୪ ଜିସୁ ହେୱାରିଂ ଇଚାନ୍, “ଇ ଜୁଗ୍ନି ମାନାୟାର୍ ବିବା କିତାର୍ ଆରି ବିବା ଆନିକ୍, ୩୫ ମାତର୍ ଇମ୍ଣି ମାନାୟାର୍ ହେ ସ୍ପା଼ର ଆରି ହାତାକାର୍ ବିତ୍ରେ ଆରେ ନିଂନାକା ପାୟାନି କାଜିଂ ନିଜେ ଗାଣା କିୟାନାର୍, ହେୱାର୍ ବିବା କିଉର୍ କି ବିବା

ଆଉର; ୩୭ ଆରେ, ହେୱାର ଆରେ ହାଦେଂ ଆଡୁର, ଇନାକିଦେଂକି ହେୱାର ଦୁଡକୁ ଲାକେ ମାନଙ୍ଗାନାର ଆରେ ନିଙ୍ଗି ଇସ୍ତଂ ମାଜି ଗାଡୁ ଆନାର । ୩୭ ମତର ହାତାକାର ଜେ ନିଙ୍ଗନାର, ଇଦାଂ ମସା ପା ବୁଟାନି କାତା ମାପୁତି ଅଗ୍ରାହାମ୍ତି ଇସ୍ତର, ଇସ୍ତାକତି ଇସ୍ତର ଆରି ଜାକୁବ୍ତି ଇସ୍ତର ଇଞ୍ଜି ଚଟ୍ଟି ହିନାର ।” ୩୮ ହେୱାନ ତ ହାତାକାର ଇସ୍ତର ଆକାୟ, ମତର ଜିତାକାରିଂ; ଇନାକିଦେଂକି ଝିଜାର ହେ ମୁମ୍ଦ ଜିବୁନ୍ ପାୟା ଆନାର ।

୩୯ ହେବେଶ୍ଟାଂ ସାସ୍ତ୍ରର ବିତ୍ରେ କେତେକ ଜାଣି ଉତର ହିତାର, “ଏ ଗୁରୁ, ଏନ୍ ସତ୍ ଇଚାୟ ।” ୪୦ ଇନାକିଦେଂକି ହେୱାର ତାଙ୍ଗ ଇମଣି ପରସନ୍ ଝେନ୍ବେଦେଂ ସାସ୍ କିଝାତାର ।

ଜିସୁ ଇନେର ମାଜି ?

(ମାତିଉ ୨୨:୪୧-୪୬; ମାର୍କ ୧୨:୩୫-୩୭)

୪୧ ମାତର ହେୱାନ ହେୱାରିଂ ଝେନ୍ବତାନ, “କ୍ରିଷ୍ଟ ଜେ ଦାଉଦ୍ ମାଜି, ଇଦାଂ ଲକୁ ଇନାକା ଇନାର ? ୪୨ ଇନାକିଦେଂକି ନିଜେ ଦାଉଦ୍ ନାୟ ସାସ୍ତ୍ର କିଜି ଇନାନ, ‘ମାପୁ ନା ମାପୁଙ୍ଗ ଇଚାନ,

୪୩ ଆପେଂ ଏଚେକ୍ ପାତେକ୍ ମି ସାତୁରିଂ ମି ତଗ୍ନିବାହା କିଝାତାପନା, ହେ ପାତେକ୍ ମା ବୁଜ୍ଣି ବାଗାଙ୍ଗ କୁଟ୍ଟି ମାନାର୍ ।’

୪୪ ଲାଗିଂ, ଦାଉଦ୍ ତାଙ୍ଗ ‘ମାପୁ’ ଇଞ୍ଜି ଇନାନ; ବାଟିଙ୍ଗ, ହେୱାନ ଇନେସ୍ ତା ମାଜି ?”

ଜିସୁ ଦରମ୍ ଗୁରୁର ବିରୁଦ୍ଧ ଚେତନା କିତାନ

(ମାତିଉ ୨୩:୧-୩୬; ମାର୍କ ୧୨:୩୮-୪୦; ଲୁକ ୧୧:୩୭-୫୪)

୫୫ ପାଚେ ହେୱାନ ସବୁଲଗାଂ ଝିଜାର ମୁମ୍ଦ ଚେଲାର ତାକେ ଇଚାନ, ୫୬ “ସାସ୍ତ୍ରତାଂ ଜାଗ୍ରତ୍ ! ହେୱାର ଲାମା ଆଜି ଉସ୍ତସ୍ ବୁଲାଆଦେଂ, ଆରେ ଆର୍ ବାଜାରତ୍ ଜଝାର, କୁଟ୍ଟମ୍ ଇଞ୍ଜି ମୁଡ୍ ବାହା ଆରି ବଜିତ ଆଗେନି ବାହା ଝାରିୟା ଆନାର; ୫୭ ହେୱାର ରାଣ୍ଡିକ୍ ଇଲକୁ ସବୁ ଚରି କିନାର ଆରି ଲାମା ପାର୍ତାନା କିନାର; ହେୱାର ବେସି ତାଣ୍ଡ ପାୟା ଆନାର ।”

୨୧

ର ରାଣ୍ଡିତି ଦାନ

(ମାର୍କ ୧୨:୪୧-୪୪)

୧ ଇଦାଂ ପାଚେ ଜିସୁ ଚାରିବେଣ୍ଡାଂ ହୁଡ୍ଜି ପା ମାଜାନିଂ ଗାଦ୍ୟାତାକେ ଜାର ଜାର ଦାନ ଝାକ୍ନାକା ହୁଡ୍ଜାନ । ୨ ଆରେ, ହେୱାନ ର ହିଲ୍ଡି ରାଣ୍ଡିକାଂ ହେବେ ରି ଟାକା ତାରୁଙ୍ଗ ଇଚ୍ଚନାକା ହୁଡ୍ଜି ଇଚାନ, ୩ “ଆନ୍ ମିଙ୍ଗେଙ୍ଗ୍ ହାଡ୍ପା ଇଞ୍ଜନାଙ୍ଗା, ଇ ହିଲ୍ଡି ରାଣ୍ଡି ଝିଜାକାରତାଂ ଆଦିକ୍ ଇଚ୍ଚତାଡ୍ନା, ୪ ଇନାକିଦେଂକି ଇଝାର ଝିଜାକାର ଗାଦ୍ୟାତାଂ ଜାର ଜାର ଦାଗାଙ୍ଗ୍ ଅଲପ୍ ଅଲପ୍ ଇଚ୍ଚତାର, ମାତର ଇଦେଲ୍ ତା କସ୍ତିକିତାକା ଦାନ ଜାର ଜିବୁନ୍ ବାଚାୟକିଦେଂ କାଜିଂ ଇଦେଲ୍ତି ଇନାକା ମାଚାଡ୍, ହେ ସବୁ ଇଚ୍ଚତାଡ୍ ।”

ଜିସୁ ମନ୍ଦିରତିଂ ଦୁଡ୍ମାସ୍ନି ବିସ୍ତେ ଝେଚ୍ଚତାନ

(ମାତିଉ ୨୪:୧-୨; ମାର୍କ ୧୩:୧-୨)

୫ କେତେଜାଣି ଚେଲାର “ମନ୍ଦିର ବିତ୍ରେ ବେଣ୍ଡକିଜି ମାଚାର । ହେୱାର ଇଞ୍ଜି ମାଚାର ହେବେ ମେହାୟକିଜି ମାଚି ହଲ୍ଲନି କାଲ୍ ଆରି ଇସ୍ତର ମାପୁ କାଜିଂ ଚଟ୍ଟି ମାଚି ଇନାମିଙ୍ଗ୍ ଲାହାଙ୍ଗ୍ ମନ୍ଦିର ଅପ୍ରବଲ୍ ହଲ୍ଲନାତା ।” ୬ “ଏପେଙ୍ଗ୍ ଇ ଇନାକା ସବୁ ହୁଡ୍ଜନାଦେରା, ସମୁ ଝାନାଡ୍, ଏଚେକାଡ୍ଦ ର କାଲ୍ ଆରେ ର କାଲ୍ ଜପି ମାନୁଡ୍, ମାଚିସ୍ ଝିଜୁ ମେଦ୍ନି ଦୁଡ୍ ମାସ୍ନାଡ୍ ।”

ଦୁକ୍ ଆରି ନିନ୍ଦା

(ମାତିଉ ୨୪:୩-୧୪; ମାର୍କ ୧୩:୩-୧୩)

୭ ହେବେଶ୍ଟାଂ ହେୱାର ତାଙ୍ଗେଙ୍ଗ୍ ଝେନ୍ବତାର, “ଏ ଗୁରୁ, ବାଟିଙ୍ଗ୍ ଇ ସବୁ ଇନାଝାଡାଂ ଗିଟା ଆନାଡ୍ ? ଆରେ, ଇନାଝାଡାଲିଂ ଇ ସବୁ ଗଟ୍ଟା ଲାଗେ ଆନାଡ୍, ହେ ସମୁନି ଇଚ୍ଚକାଡ୍ ଇନାକା ?”

୮ ହେବେଶ୍ଟାଂ ଜିସୁ ଇଚାନ, “ଜାଗ୍ରତ୍, ଏପେଙ୍ଗ୍ ଚାକ୍ରାୟ କିୟାଆମାର୍; ଇନାକିଦେଂକି ହେନି ନା ତରଦ୍ ଝାଜି, ଆନ୍ ହେୱାଙ୍ଗ୍ ଆରି ସମୁ ଲାଗାଂ ଇଞ୍ଜି ଇଞ୍ଜନାର, ହେୱାର ପାଚେ ହାଲ୍ମାର୍ । ୯ ମାତର ଏପେଙ୍ଗ୍ ଏଚେକାଡ୍ଦ ମେଲି ଆରି ଗଣ୍ଡଗଲ୍ ବିସ୍ତେ ଝେନାଦେର, ହେ କାଡ୍ଦ ପାଣ୍ଡା ଆମାର୍; ଇନାକିଦେଂକି ଇ ସବୁ ଆତିସ୍ପା ପର୍ଡୁମ୍ ଗିଟା ଆନାଡ୍, ମାତର ଦାପ୍ରେ ରାଜି ବୁଡାଆଉଡ୍ ।”

୧୦ ତା ପାଚେ ଜିସୁ ହେୱାରିଂ ଇଚାନ, “ଜାତି ବିରୁଦ୍ଧ ଜାତି ଆରି ରାଜି ବିରୁଦ୍ଧ ରାଜି ନିଙ୍ଗନାଡ୍, ୧୧ ଆରେ ବେସିଗାଜା ମେଦ୍ନି ଦାଲ୍ଲକା ଆନାଡ୍ ଆରେ ବାହା ବାହାତ ମାଡ୍ ଆରି କାତାର ଆନାଡ୍, ଆରେ ବାଦାଡ୍କାଂ ବେସି ଗାଜା ବାନା ଆରି ଗାଜା ଗାଜା ଚିନ୍କୁ ଚଞ୍ଜିୟାନି ।” ୧୨ “ମାତର ଇ ଝିଜୁ ଗଟ୍ଟା ଆଗେ ଲକୁ ମିଙ୍ଗେଙ୍ଗ୍ ଆସ୍ତାନାର୍ ଆରି କୁଟ୍ଟମ୍ ଇଞ୍ଜି ଆରି

ବନ୍ଦି ଇଞ୍ଜି ମିଙ୍ଗେଙ୍ଗ ହେଲାୟ କିଜି ଗିଣ୍ କିଦନାର୍, ଆରେ ନା ତର କାଜିଂ ଏପେଙ୍ଗ ରାଜା ଆରି ରାଜ୍ କିନାକାର୍ ତାକେ ଅୟା ଅନାଦେର୍, ^{୧୩} ଇଦାଂ ମି ପାକ୍ୟା ସାକି ଆନାଡ୍ । ^{୧୪} *ଆଞ୍ଜିତିସ୍, ନିଜେ ପାକ୍ୟାତାଂ ଇନାକା ଉତର୍ ହିନାଦେର୍, ହେ ବିସ୍ତେ ପୁର୍ବେତାଂ ଚିତା କିଞ୍ଜି କାଜିଂ ଜାର୍ ଜାର୍ ମାନ୍ତୁ ତିର୍ କିୟାଟ୍ ! ^{୧୫} ଇନାକିଦେଂକି ଆନ୍ ମିଙ୍ଗେଙ୍ଗ ଇ ଲାକେ କାତା ଆରି ଗିଆନ୍ ହିଦନାଂ ଆଞ୍ଜିତିସ୍ ମି ଞ୍ଜିଜୁ ବେୟାର୍ ଖେଇ ମାସ୍ତେଦେଂ ଆଡ୍ଡୁର୍ । ^{୧୬} ଆରେ ଏପେଙ୍ଗ ଆବା ଆୟା, ଟଣ୍ଡେନ୍, ଖାୟିନିକାର୍ ଆରି ବନ୍ଦୁ କୁଟୁମ୍ବିନିକାର୍ କାଜିଂ ପା ହେଲାୟ ଅନାଦେର୍, ଆରେ ମିତାଙ୍ଗ ଲକୁ ଇନେ ଇନେରିଂ ଅହନାର୍, ^{୧୭} ଆରେ ନା ତର କାଜିଂ ଏପେଙ୍ଗ ଖିଜାକାର୍ ତାକେ ଗିଣ୍ କିୟା ଅନାଦେର୍ । ^{୧୮} ମାତର୍ ମି କାପ୍ତାନି ତେମ୍ବୁଲ୍ ପା ନସ୍ ଆଉଡ୍ ! ^{୧୯} ମାତର୍ ଏପେଙ୍ଗ ସାସ୍ ମାଚିସ୍ ଜାର୍ ଜାର୍ ଖାୟି ଲାବ୍ କିନାଦେର୍ ।”

ଜିସୁ ଜିରୁସାଲମ୍ ବାଡ଼ହା ଆନି ବିସ୍ତେ ଖେର୍ଚାନ
(ମାତିଉ ୨୪:୧୫-୨୧; ମାର୍କ ୧୩:୧୪-୧୯)

^{୨୦} ମାତର୍ “ଏପେଙ୍ଗ ଏଚେକାଡ୍ଡ ଜିରୁସାଲମ୍ ତାକେ ମେଲ୍ୟାର୍ତାଂ ବେଡ଼ିକିନାକା ହୁଡ଼ନାଦେର୍, ହେପାଦନା ହେଦାଂ ବାଡ଼ହାଆନାକା ଜେ ଲାଗେ, ଇଦାଂ ପୁନାଟ୍ । ^{୨୧} ଏଚେକାଡ୍ଡ ଇନେର୍ ଜିହୁଦା ରାଜିତ ମାଚିସ୍, ହେଞ୍ଜାର୍ ଆତିସ୍ପା ମାଡ଼ିତ ହନ୍ତି ହାଲେର୍, ଆରେ, ଇନେର୍ ଗାଡ୍ଡ ବିତ୍ତେ ମାଚିସ୍, ହେଞ୍ଜାର୍ ଆତିସ୍ପା ହାଲେର୍; ଆରେ, ଇନେର୍ ନାସ୍କୁକାଂ ମାଚିସ୍, ହେଞ୍ଜାର୍ ଆତିସ୍ପା ଗାଡ୍ଡ ହଣ୍ଡେର୍; ^{୨୨} ଇନାକିଦେଂକି ଲେକାଆତି ବିସ୍ତେ ଞ୍ଜିଜୁ ଗିଟାଆନି କାଜିଂ ହେଦାଂ ତାଣ୍ ସମ୍ । ^{୨୩} ହେ ଖେଡାଲିଂ ଇନେର୍ ଏସ୍ ପିସ୍ତାକା ଆରି ମାୟ୍ଡର୍ନି ଆୟା, ଆ, ହେଞ୍ଜେକ୍ ଦୁକ୍ନିକିକ୍ ! ଇନାକିଦେଂକି ପୁର୍ତ୍ତ ଗାଜା ବିପତି ଆରି ଇ ଇସ୍ବର୍ ଜାତି କାଜିଂ ରିସା ଗିଟା ଆନାଡ୍, ^{୨୪} ଆରେ ହେଞ୍ଜାର୍ କାଣ୍ଟା ଦାରାତ ହାନାର୍ ଆରି ବନ୍ଦିଆଜି ଞ୍ଜିଜୁ ବିନ୍ଦାତି ତାକେ ମେହା ଆନାର୍, ଆରେ ପାଟ୍ କିଞ୍ଜି ଜିହୁଦିର୍ତି ଦିନ୍ପୁରାଆଞ୍ଜି ପାତେକ୍ ଜିରୁସାଲମ୍ ହେଞ୍ଜାର୍ତି ପାନା ତାରେନ୍ ଆଜି ମାନାଡ୍ ।”

ମାନାୟ ମାଜି ଖାନାକା
(ମାତିଉ ୨୪:୨୯-୩୧; ମାର୍କ ୧୩:୨୪-୨୭)

^{୨୫} *ଆରେ “ଖେଡା, ଲେଞ୍ଜି ଆରି ହୁକାଙ୍ଗ୍ ଚିନ୍ ଚନ୍ଦ୍ଜାନାଡ୍, ଆରି ପୁର୍ତ୍ତ ଜାତି ବିତ୍ତେ ଗଡ଼ମେଲି ଆନାଡ୍, ହାମ୍ବୁର୍ ଆରି ଲଡ଼ି ଗାର୍ଜାନ୍ କାଜିଂ ହେଞ୍ଜାର୍ ବୁଦିବାଣା ଆନାର୍, ^{୨୬} ଆରେ ପୁର୍ତ୍ତ ଜପି ଖାନି ଗର୍ଣା ଞ୍ଜିଜୁ କାସିପା ଲକୁ ଆପ୍ରାଂ ଆନାର୍, ଇନାକିଦେଂକି ଆକାସ୍ନି ସାକ୍ତି ସବୁ ପାଣ୍ଟା ଆନିଂ । ^{୨୭} *ହେ କାଡ୍ଡ ଲକୁ ମାନାୟ ମାଜି ଗାଜା ସାକ୍ତିତାଂ ଆରି ଗାଜା ପାଣ୍ଟାଙ୍ଗ୍ ଖାନାକା ହୁଡ଼ନାଦେର୍ । ^{୨୮} ମାତର୍ ଇ ସବୁ ଗର୍ଣା ହାଙ୍ଗ୍ତିସ୍ ଏପେଙ୍ଗ କାପ୍ତା ଜପି ହୁଡାଟ୍ ଆରି କାପ୍ତା ତାରେନ୍ କିୟାଟ୍, ଲାଗିଂ ମିଦାଙ୍ଗ୍ ମୁକ୍ତାନାକା ଲାଗେ ।”

ତଗା ମାର୍ନି ହିକ୍ୟା
(ମାତିଉ ୨୪:୩୨-୩୫; ମାର୍କ ୧୩:୨୮-୩୧)

^{୨୯} ଆରି, ହେଞ୍ଜାନ୍ ହେଞ୍ଜାରିଂ ର ଉତର୍ମୁଡ଼ ଖେର୍ଚାନ, ତଗା ମାର୍, ଆରେ “ଞ୍ଜିଜୁ ମାର୍କୁ ବିସ୍ତେ ଚିନ୍ତା କିୟାଟ୍ ହୁଡାଟ୍; ^{୩୦} ଏଚେକାଡ୍ଡ ହେଞ୍ଜାଙ୍ଗ୍ ଆକିଂ ଗିଲ୍ନିକ୍, ହେ ଏଚେକାଡ୍ଡ ଏପେଙ୍ଗ ହେଦାଂ ହୁଡ଼ି ଜେଟ୍ କାଡ୍ ଏକାଞ୍ଜାତାଡ଼ ଇଞ୍ଜି ଜାର୍ ଜାର୍ ପୁଞ୍ଜି ମାନାଟ୍, ^{୩୧} ହେ ଲାକେ ଏଲେଙ୍ଗ୍ ପା ଇ ସବୁ ଗର୍ଣା ହୁଡ଼ିସ୍ ଇସ୍ବର୍ ରାଜି ଏକାଞ୍ଜାତାଡ଼, ଇଦାଂ ପୁନାଟ୍ ।”
^{୩୨} “ଆନ୍ ମିଙ୍ଗେଙ୍ଗ ହାଡ଼ପା ଇଞ୍ଜନାଙ୍ଗା, ଇ ଞ୍ଜିଜୁଗିଟାଆଞ୍ଜି ପାତେକ୍ ଇ ନେଞ୍ଜେ ଞ୍ଜିଗାନି ନାର୍ ଇନେସ୍ ବାନି ବୁଡା ଆଉଡ୍ । ^{୩୩} ଆକାସ୍ ଆରି ପୁର୍ତ୍ତ ଞ୍ଜିଜୁନାଡ଼, ମାତର୍ ନା ବଚନ୍ ସବୁ ମୁଡ଼କେ ଞ୍ଜିଜୁଟ୍ ।”

ସବୁ ଖେଡାଙ୍ଗ୍ ଜାଲ୍ଦି ଆଜି ମାନାଟ୍

^{୩୪} ମାତର୍ ଏପେଙ୍ଗ ଜାର୍ ଜାର୍ ବିସ୍ତେ “ଜାଗ୍ରତ୍ ଆଜି ମାନାଟ୍, ଏଚେକାଡ୍ଡ ନି ମାନ୍ମୁଞ୍ଜନାକା ଆରି କାଲିଂ ଗହନାକାତ, ଆରେ ଜିଦେଂ କାଜିଂ ଚିନ୍ତାତ ତେରେ ପେତେ ଆନାଡ୍, ଆରି ହେ ଦିନ୍ ହାଚାଗ୍ରେ ମି ଜପି ଆନାଟ୍; ^{୩୫} ଇନାକିଦେଂକି ହାଦାଙ୍ଗ୍ ଡକ୍ଟା ଲାକେ ସବୁ ପୁର୍ତ୍ତ ନି ଲକୁ ଖିଜାକାର୍ ଜପି ଖାନାଡ଼ । ^{୩୬} ମାତର୍ ଏପେଙ୍ଗ ଇନେସ୍ ଇ ସବୁ ଖାନି ଦିନ୍ ଗର୍ଣାତାଂ ରାକ୍ୟା ପାୟା ଆଦେଂ ଆରି ମାନାୟ ମାଜି ଲାଗେ ନିଲ୍ତେଂ ବାଚିକିୟା ଆଡୁ, ଇଦାଂ କାଜିଂ ନିତ୍ତେ ପାର୍ତାନା କିଜି କାସି ମାନାଟ୍ ।”

^{୩୭} *ହେଞ୍ଜାନ୍ ନିତ୍ତେ ମନ୍ଦିର୍ତ ହିକାଇ କିଜି ମାଚାନ୍, ଆରେ ନିତ୍ତେ ନାଣା ହସି ହାଲ୍ଜି ଜିଡ଼ମାଡ଼ିତ ମାନ୍ଞ୍ଜି ମାଚାନ୍ । ^{୩୮} ଆରି, ଞ୍ଜିଜୁଲଗୁ ମନ୍ଦିର୍ତ ହେଞ୍ଜାନ୍ତି ହିକ୍ୟା ଖେନ୍ଞେଙ୍ଗ୍ ଉଟ୍ଲା ହାକାଡେ ହେଞ୍ଜାନ୍ତାକେ ଖାଜି ମାଚାର୍ ।

* ୨୧:୧୪ ୨୧:୧୪ ଲୁକ ୧୨:୧୧,୧୨. ☆ ୨୧:୨୫ ୨୧:୨୫ ହଡ଼ତି ୬:୧୨,୧୩. ☆ ୨୧:୨୭ ୨୧:୨୭ ହଡ଼ତି ୧:୭. ☆ ୨୧:୩୭ ୨୧:୩୭ ଲୁକ ୧୯:୪୭.

୨୨

ଜିସୁ ବିରୁଦ୍ଧ କୁଟ୍

(ମାତ୍ରିକ ୨୨:୧-୫; ୧୪:୧୭; ମାର୍କ ୧୪:୧-୨; ୧୦:୧୧; ଜହନ୍ ୧୧:୪୫-୫୩)

୧ ନିସ୍ତାର ପାର୍ଶୁ ତର ହଇଝିରୁଟି ନି ପାର୍ଶୁ ଲାଗା ଆଜି ଖାଜି ମାତାତ । ୨ ଆରି, ମୁଡ଼ ମାପୁହେବାକିନାକାର ଆରି ସାସ୍ତିର, ଇନେସ୍ ଜିସୁଙ୍ଗ ଡଗୁଜି ଅସ୍ତେଙ୍ଗ ଆଡ଼ନାର, ହେବେଣ୍ଡା ଉପାୟ୍ ତେକ୍ଟି ମାଗାର, ଇନାକିଦେଂକି ହେଖାର ମାନାୟ୍ତିଂ ପାଣ୍ଡା ଆଜି ମାଗାର ।

ଜିସୁଙ୍ଗ ଅହି କିଦେଙ୍ଗ ଇଞ୍ଜି ଜିହୁଦିତ ରାଜି

(ମାତ୍ରିକ ୨୨:୧୪-୧୬; ମାର୍କ ୧୪:୧୦-୧୧)

୩ ହେଖାଡ଼ାଂ ବାରଜାଣ୍ଟି ଚେଲାର ବିତ୍ତେ ଇସ୍ପାରିୟ୍ତିୟ୍ ଇନି ଜିହୁଦା ତାକେ ସୟ୍ତାନ ହଟାଡ଼; ୪ ଆରି, ହେଖାନ୍ ହାଲ୍ଲଜି, ଇନେସ୍ ଉପାୟ୍ତ ହେଖାନ୍ ମୁଡ଼ ମାପୁହେବାକିନାକାର ତାକେ ଆରି ମେଲ୍ୟାର କେଇଦ ହେଲାୟ୍ କିଦେଙ୍ଗ ଆଡ଼ନାନ୍, ହେଦାଂ ହେଖାର ହୁକେ ବେଣ୍ଟ କିତାନ୍ । ୫ ହେବେ ତାଙ୍ଗ ହେଖାର ଖାରିୟା ଆତାର ଆରି ହେଖାନ୍ ଟାକାଂ ହିଦେଂ ଗଜା କିତାର । ୬ ଆରି ହେଖାନ୍ ରାଜି ଆଜି ଜିସୁଙ୍ଗ ଆସ୍ତାର ହେଖାନ୍ ହେଖାର କେଇଦ ହେଲାୟ୍ କିଦେଙ୍ଗ କାଜିଂ ତେକ୍ଟି ମାଗାନ୍ ।

ନିସ୍ତାର ପାର୍ଶୁନି କାଦି ରଚନାକା ଜିସୁ ଜାଗ୍ରତ୍

(ମାତ୍ରିକ ୨୨:୧୭-୨୫; ମାର୍କ ୧୪:୧୨-୨୧; ଜହନ୍ ୧୩:୨୧-୩୦)

୭ ପାଚେ ଇମଣି ଦିନ୍ ନିସ୍ତାର ପାର୍ଶୁନି ମେଣ୍ଡା ପୁଜାକିଦେଙ୍ଗ ଲାଗଦାନାତ, ହଇଝି ରୁଟିନି ପାର୍ଶୁ ହେ ଦିନ୍ ଏକାଖାତାତ; ୮ ଆରେ, ହେଖାନ୍ ପିତର ଆରି ଜହନ୍ତିଂ ଇଦାଂ ଇଞ୍ଜି ପକ୍ତାନ୍, ଆସେଙ୍ଗ ଇନେସ୍ କି ତିନ୍ଞେଙ୍ଗ ଆଡ଼ନାସ୍, ଇଦାଂ କାଜିଂ “ଏପେଙ୍ଗ ହାଲ୍ଲଜି ମା କାଜିଂ ନିସ୍ତାର ପାର୍ଶୁ ବଜି ଜାଲ୍ଲଦି କିୟାଟ୍ ।”

୯ ହେବେତାଂ ହେଖାର ହେଖାନ୍ ଖେନ୍ଦାତାର, “ଆସେଙ୍ଗ ଇଦାଂ ଇମଣି ବାହାତ ଜାଲ୍ଲଦି କିନାପ୍ ଇଞ୍ଜି ଏନ୍ ଇଚା କିନାୟ୍ ?”

୧୦ ଜିସୁ ହେଖାରିଂ ଇଚାନ୍, “ହୁଡ଼ାଟ୍ ଏପେଙ୍ଗ ଗାଡ଼ଦ୍ ହଟିସ୍, ଏସ୍ ଗାଗ୍ରି ଅଜି ହାନି ରକାନ୍ ମାନାୟ୍ ମିଙ୍ଗେଙ୍ଗ ବେଟାଆଦନାନ୍; ହେଖାନ୍ ଇମଣି ଇଞ୍ଜି ହଣାନ୍, ହେଖାନ୍ ପାଚେ ପାଚେ ହେ ଇଞ୍ଜି ହାଲ୍ଲଜି ଇଲ୍ଲନି ମୁଣିକାଙ୍ଗ ଇନାଦେର୍,

୧୧ ‘ଗୁରୁ ନିଙ୍ଗେଙ୍ଗ ଖେନ୍ଦାଆନ୍ନା, ଆନ୍ ନା ଚେଲାର ଲାହାଙ୍ଗ ଇମେତାକେ ନିସ୍ତାର ପାର୍ଶୁ ତିଙ୍ଗେଙ୍ଗ ମାନି କିନାପ୍, ହେ ଗତାଙ୍ଗ ଇଲ୍ଲ ଇମେଟ୍ ?’ ୧୨ ହେବେତାଂ ହେଖାନ୍ ମିଦାଙ୍ଗ ହାଟ୍ କିଜି ଜାଲ୍ଲଦି କିତି ଜପଣି ଗାଜା ବାକ୍ସା ଚଟ୍ଟାନାନ୍, ହେ ବାହାତ ଜାଲ୍ଲଦି କିୟାଟ୍ ।”

୧୩ ଆରେ, ହେଖାର ହାଲ୍ଲଜି, ଜିସୁ ହେଖାରିଂ ଇନେସ୍ ଇଞ୍ଜି ମାଗାନ୍, ହେ ଲାକେ ହୁଡ଼ଜି ନିସ୍ତାର ପାର୍ଶୁନି ବଜି ଜାଲ୍ଲଦି କିତାର ।

ମାପୁ ବଜ

(ମାତ୍ରିକ ୨୨:୨୬-୩୦; ମାର୍କ ୧୪:୨୨-୨୬; ୧ କରନ୍ତିୟ୍ ୧୧:୨୩-୨୫)

୧୪ ଆରେ, ସମ୍ପୁ ଏକାଖାତିଲେ, ହେଖାନ୍ ବାରଜାଣ୍ଟି ପକ୍ୟାତାକାର ହୁକେ ଚିଙ୍ଗେଙ୍ଗ କୁଟ୍ଟାର । ୧୫ ଆରେ, ଜିସୁ ହେଖାରିଂ ଇଚାନ୍, “ନା ଦୁକ୍ ଆଗେ ଆନ୍ ମି ହୁକେ ଇ ନିସ୍ତାର ବଜି ମାନି କିଦେଙ୍ଗ ମାନ୍ତ ଇଚା କିତାଙ୍ଗ; ୧୬ ଇନାକିଦେଂକି ମିଙ୍ଗେଙ୍ଗ ଇଞ୍ଜିନାଙ୍ଗା, ମାପୁତି ରାଜିତ ଇଦାଂ ଅରଡ଼ ହାଡ଼ପା ପୁରା ଆଡ଼ି ପାତେକ୍ ଆନ୍ ଆରେ ଇନାଖାଡ଼ାଂ ପା ମାନି କିତାଙ୍ଗ ।”

୧୭ ଆରେ, ହେଖାନ୍ ଗିଲ୍ୟାସ୍ ଅଜି ଜୁଝାର କିଜି ହିଜି ଇଚାନ୍, “ଇଦାଂ ଅଜି ଜାର୍ ଜାର୍ ବିତ୍ତେ ବାଗ୍ କିୟାଟ୍,” ୧୮ ଇନାକିଦେଂକି ଆନ୍ ମିଙ୍ଗେଙ୍ଗ ଇଞ୍ଜିନାଙ୍ଗା, ମାପୁ ରାଜି ଖାଡ଼ି ପାତେକ୍ ଆନ୍ ଅଙ୍ଗୁର୍ ରାସ୍ ନେଞ୍ଗେଙ୍ଗ ତାଙ୍ଗ ଇଦାଂ ଆରେ ଉଣ୍ଡୁଙ୍ଗ ।

୧୯ ଆରେ, ହେଖାନ୍ ରୁଟି ଅଜି ଜୁଝାର କିଜି ଆରି ହେଦାଂ ତ୍ରିକ୍ଟି ହେଖାରିଂ ହିଜି ଇଚାନ୍, “ମି କାଜିଂ ହିତି ନା ଗାଗାଡ଼ ଇଦାଂ, ନାଙ୍ଗେଙ୍ଗ ଏତୁ କିଦେଙ୍ଗ ଇଦାଂ କିୟାଟ୍ ।” ୨୦ ଚିତି ପାଚେ ହେ ଲାକେ ହେଖାନ୍ ଗିଲ୍ୟାସ୍ ଅଜି ଇଚାନ୍, “ଇ ଗିଲ୍ୟାସ୍ ମି କାଜିଂ ରଚ୍ଟି ମାନି ନା ନେତେର୍ତାଂ ରଚ୍ଟି ପୁନି ନିୟମ୍ ।”

୨୧ ମାତର ହୁଡ଼ାଟ୍, “ଇନେର୍ ନାଙ୍ଗେଙ୍ଗ ସତୁ କେଇଦ ହେଲାୟ୍ କିଦନ୍ନା, ତା କେଇ ନା ଲାହାଙ୍ଗ ଟେବୁଲ୍ ଜପି ମାନାତ । ୨୨ ଇନାକିଦେଂକି ଇନେସ୍ ତିର୍ ଆତାଡ଼ନ୍ନା, ମାନାୟ୍ ମାଜି ହେ ଲାକେ ହାକି ପାୟା ଆନାନ୍, ମାତର ଇମଣି ମାନାୟ୍ତିଂ ହେଖାନ୍ ସତୁ କେଇଦ ହେଲାୟ୍ କିୟା ଆନାନ୍, ହାୟ୍ ତାଣ୍ଟ ପାୟା ଆନାନ୍ !”

୨୩ ଲାଗିଂ “ହେଖାର ବିତ୍ତେ ଇନେର୍ ଇଦାଂ କିଦେଙ୍ଗ ହାନାରା, ହେ ବିସ୍ତେ ହେଖାର ହେଖାର ଖେଟ୍ପା ଆଦେଂ ଲାଗାତାର ।”

ରକାନ୍ ଚାକର୍ ଲାକେ ଆଡୁ

୨୪ ✨ଆରେ, ହେୱାର ବିତ୍ରେ ଇନେର୍ ଗାଜା, ହେ ବିସ୍ତେ କେଡ଼ପା ଆଡାର । ୨୫ ହେବେତା ହେୱାନ ହେୱାରିଂ ଇଚାନ, “ପାତର୍ କିଞ୍ଚି ଜିହୁଦିର୍ ରାଜାର ହେୱାର ଜପି ଆଦିକାର କିତାର, ହେୱାର ଲକୁ ହେବାନିକାର ଇଞ୍ଚି ପୁଟାଆନାର । ୨୬ ✨✨ମାତର୍ ଏପେଙ୍ଗ ହେ ଲାକେ ଆମାର୍, ମତର୍ ମି ବିତ୍ରେ ଇନେର୍ ଗାଜାକାନ, ହେୱାନ ହାରୁକାନ ଲାକେ ଆୟେନ୍, ଆରି ଇନେର୍ ନେତା, ହେୱାନ ହେବାକାରୟା ଲାକେ ଆୟେନ୍ । ୨୭ ✨ଇନାକିଦେଂକି ଇନେର୍ ଗାଜାକାନ ? ଇନେର୍ ଚିଞ୍ଚେଙ୍ଗ କୁଚ୍ଚାନ୍ନା, କି ଜେ ହେବାକାରୟା ? ଇନେର୍ ଚିଞ୍ଚେଙ୍ଗ କୁଚ୍ଚାକାନ ହେୱାନ କି ଗାଜାକାନ ଆକାୟ ? ମାତର୍ ଆନ୍ ମି ବିତ୍ରେ ରକାଂ ହେବାକାରୟା ଲାକେ ମାନାଂ ।”

୨୮ ମାତର୍ “ଏପେଙ୍ଗ ନା ଝିଜୁ ପରିକ୍ୟାତ ନା ଲାହାଙ୍ଗ୍ ମାନ୍ଞି ଝାନାଦେରା; ୨୯ ଲାଗିଂ ନା ଆବା ରାଜି ରଚ୍ଚାନ୍ନା, ଆନ୍ ପା ହେ ଲାକେ ମି କାଜିଂ ରଚ୍ଚାନ୍ନା, ୩୦ ଇନେସ୍କି ଏପେଙ୍ଗ ନା ରାଜିତ ନା ଟେବୁଲ୍ତ ତିନ୍ଞି ଉଣ୍ଡି କିନାଦେର୍, ଆରେ ଗାଦିତ କୁଚ୍ଚି ଇସ୍ରାଏଲ୍ନି ବାର କୁଚ୍ଚୁମ୍ତିଂ ରାଜ୍ କିନାନ ।”

ପିତର୍ତି ଜିସୁଙ୍ଗ୍ ପାତର୍ କିଞ୍ଚି ଆରେ ୱେଚ୍ଚନାକା

(ମାତିଉ ୨୭:୩୧-୩୫; ମାର୍କ ୧୪:୨୭-୩୧; ଜହନ୍ ୧୩:୩୭-୩୮)

୩୧ “ସିମନ୍, ସିମନ୍, ହୁଡ଼ା କାମ୍ଲିୟା, ଗମ୍ତିଂ ପୁଟା ଆଲ୍ଗା କିଦେଙ୍ଗ ଇଞ୍ଚି ହାଣେଲ୍ତ ଚାଲାୟକିନି ଲାକେ ସୟତାନ୍ ପା ହାରଦିମାନାୟାରତାଂ ବାନିୟାରିଙ୍ଗ୍ ଆଲ୍ଗା କିଦେଙ୍ଗ ଇଞ୍ଚି ମିଙ୍ଗେଙ୍ଗ୍ ପରିକ୍ୟା କିଦେଙ୍ଗ୍ ଆଦିକାର ପାୟାଆତାଂନ୍ନା; ୩୨ ମାତର୍ ନି ପାତର୍ କିନାକା ଇନେସ୍ ଡଗ୍ଗୁଡ୍, ଇଦାଂ କାଜିଂ ଆନ୍ ନି ହୁଦାଂ ପାର୍ତାନା କିତାଙ୍ଗ୍; ଆରେ, ଏନ୍ ଲେଉଟା ଆଜି ଝାନିହିଂ ଜାର୍ ଟଣ୍ଡାରିଂ ସୁସ୍ତା କିୟା ।”

୩୩ ମାତର୍ ହେୱାନ ତାଙ୍ଗେଙ୍ଗ୍ ଇଚାନ, “ଏ ମାପୁ, ଆନ୍ ନି ଲାହାଙ୍ଗ୍ ବନ୍ଦି ଇଞ୍ଚି ହାଞ୍ଚେଙ୍ଗ୍ ଆରି ହାଦେଂ ଜାଲ୍ଦି ଆତାଙ୍ଗ୍ନା ।”

୩୪ ମାତର୍ ହେୱାନ ଇଚାନ, “ଏ ପିତର୍, ଆନ୍ ନିଙ୍ଗେଙ୍ଗ୍ ୱେଚ୍ଚନାକା, ନେଞ୍ଚେଙ୍ଗ୍ କୁଜୁ କ୍ରେନିହିଂ ଆରେ ଏନ୍ ଜେ ପୁଞ୍ଜନାୟ, ଇଦାଂ ତିନିହର୍ ପାତର୍ କିଦୁୟ ।”

ହାବଡ଼୍ କାଜିଂ ଜାଲ୍ଦି ଆଜି ମାନାଟ୍

୩୫ ✨ଆରେ, ହେୱାନ ହେୱାରିଂ ଇଚାନ, “ଏଚେକାଡ଼୍ଦ ଆନ୍ ମିଙ୍ଗେଙ୍ଗ୍ ବାଡି, ମଶା ଆରି କାଣ୍ଡା ପାଣ୍ଡାଲ୍ଗ୍ ତୁସ୍ତାଦାଙ୍ଗ୍ ପକ୍ଚି ମାନ୍ଞାଙ୍ଗ୍, ହେୱାତାଂ ମିଦାଙ୍ଗ୍ ଇନାକା ଅବାବ୍ ଆଜି ମାନାଟ୍ ?” ହେୱାର ଇଚାର୍, ଇନାକା “ଆକାୟ ।”

୩୬ ହେବେତାଂ ହେୱାନ ହେୱାରିଂ ଇଚାନ, “ମାତର୍ ନଙ୍ଗ୍, ଇନେର୍ତି ବାଡି ମାନାଟ୍, ହେୱାନ ହେଦାଂ ଅଞ୍ଚେନ୍, ହେ ଲାକେ ମଶା ପା ଅଞ୍ଚେନ୍, ଆରି ଇନେର୍ତି ହିଲ୍ଡ୍, ହେୱାନ ହେ ହେୟା ରଞ୍ଜାଙ୍ଗ୍ ପ୍ରସି କାଣ୍ଡା କଡେନ୍ ।” ୩୭ ଇନାକିଦେଂକି ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା,

“ହେୱାନ ଅଦାମର୍ ଲାହାଂ ଗାଣାକିୟା ଆତାନ୍,” ଇ କାତା ଲେକା ଆତାଡ଼୍ନା, “ହେଦାଂ ନା ତାକେ ପୁରାଆନାକା ମାନାଟ୍; ଲାଗିଂ ନା ବିସ୍ତେ ପୁରା ଆତାଡ଼୍ନା ।”

୩୮ ହେବେତାଂ ହେୱାର ଇଚାର୍, ମାପୁ, ହୁଡ଼ା, “ଇବେ ରିଣ୍ଡାଂ କାଣ୍ଡାଙ୍ଗ୍ ମାନିକ୍ । ଆରେ, ହେୱାନ ହେୱାରିଂ ଇଚାନ, ଏଚେକ୍ନେ ସାରି ।”

ଜିସୁ ଜିଡ଼ ମାଡିତ ମାପୁତି ପାର୍ତାନା

(ମାତିଉ ୨୭:୩୭-୪୨; ମାର୍କ ୧୪:୩୨-୪୨)

୩୯ ଜିସୁ ଗାଡ଼ଦାଂ ହସି ଜାର୍ ରିତି ହୁକେ ଜିଡ଼ମାଡିତ ହାଚାର୍, ଆରି ଚେଲାର୍ ପା ତା ପାଚେ ପାଚେ ହାଚାର୍ । ୪୦ ହେ ବାହାତ ଏକିସ୍ ଜିସୁ ହେୱାରିଂ ଇଚାନ, “ପରିକ୍ୟାତ ଇନେସ୍ ଆର୍ମାର୍, ଇଦାଂ କାଜିଂ ପାର୍ତାନା କିୟାଟ୍ ।”

୪୧ ଆରେ, ହେୱାନ ହେୱାର୍ ଆନ୍ମାନତାଂ ପାଞ୍ଚକଡି ଆଡ଼ତାଂ ଦେହା ହାଲ୍ଜି ମେଣ୍ଡାଙ୍ଗ୍ କୁନ୍ଦିକିଜି ଇ ପାର୍ତାନା କିଦେଙ୍ଗ୍ ଲାଗାତାର୍, ୪୨ “ଏ ଆବା,” ଜଦି ନି ଇଚା ମାନାଟ୍ ଲାଗିଂ “ଇ ଦୁକ୍ ନା ତାଙ୍ଗ୍ ଦେହା କିୟା, ଆତିସ୍ ପା ନା ଇଚା ଆକାୟ, ମାତର୍ ନି ଇଚା ପୁରା ଆୟେଡ୍ ।” ୪୩ ଆରେ, ସାଗେତାଂ ର ଦୁଡ଼ ଚଞ୍ଚୟା ଆଜି ତାଙ୍ଗେଙ୍ଗ୍ ସାଲ୍ଜି ହିତାନ୍ । ୪୪ ଆରେ, ଜିସୁ ମାନ୍ ବିତ୍ରେ ଦୁକ୍ତାଂ ଡିଙ୍ଗ୍ଜି ପାର୍ତାନା କିଦେଙ୍ଗ୍ ଲାଗାତାନ୍ ଆରି ତା ରୁମିଙ୍ଗ୍ ନେତେର୍ ଲାକେ ମେଦ୍ନିତ ଆର୍ଡିକ୍ ।

୪୫ ଆରେ, ହେୱାନ ପାର୍ତାନାତାଙ୍ଗ୍ ନିଙ୍ଗ୍ଜି ଚେଲାର୍ ଲାଗାଂ ଝାଜି ହେୱାରିଂ ଦୁକ୍ କାଜିଂ ହୁନ୍ଞାକାରିଂ ହୁଡ଼ତାନ୍; ୪୬ ଆରେ, ହେୱାନ ହେୱାରିଂ ଇଚାନ, “ଇନେକିଦେଂ ହୁଞ୍ଜନାଦେରା ? ପରିକ୍ୟାତ ଇନେସ୍ ଆର୍ମାର୍, ଇଦାଂ କାଜିଂ ନିଙ୍ଗ୍ଜି ପାର୍ତାନା କିୟାଟ୍ ।”

ଜିସୁ ସତୁ କେଇଦ ହେଲାୟ କିୟାତାନ୍

(ମାତିଉ ୨୭:୪୭-୫୨; ମାର୍କ ୧୪:୪୩-୫୦; ଜହନ୍ ୧୮:୩-୧୧)

✨ ୨୨:୨୪ ୨୨:୨୪ ମାତିଉ ୧୮:୧; ମାର୍କ ୯:୩୪; ଲୁକ ୯:୪୬. ✨ ୨୨:୨୬ ୨୨:୨୬ ମାତିଉ ୨୩:୧୧; ମାର୍କ ୯:୩୫. ✨ ୨୨:୨୭ ୨୨:୨୭ ମାତିଉ ୨୦:୨୫-୨୭; ମାର୍କ ୧୦:୪୨-୪୪. ✨ ୨୨:୨୭ ୨୨:୨୭ ଜହନ୍ ୧୩:୧୨-୧୫. ✨ ୨୨:୩୫ ୨୨:୩୫ ମାତିଉ ୧୦:୯,୧୦; ମାର୍କ ୭:୮,୯; ଲୁକ ୯:୩; ୧୦:୪.

୪୭ ଜିସୁ କାତା ଇନିଖାଡ଼ା, ହୁଡ଼ାଟ୍ ଲକୁ ଖାଜି ଏକାଖାଡ଼ାର, ଆରି ବାରଜାଣ୍ ବିତ୍ରେ ଜିହୁଦା ଇନି ରକାନ୍ ହେଖାର୍ ଆଗେ ଆଗେ ଖାଜି ଜିସୁଙ୍କ୍ ଡନ୍‌ଝେଙ୍କ୍ ହେ କଚଣ୍ଡତ ହାଚାନ୍ । ୪୮ ମାତର୍ ଜିସୁ ହେଖାନିଂ ଇଚାନ୍, “ଏ ଜିହୁଦା ଡନ୍‌ଝି ପା ମାନାୟ୍ ମାଜି ସତ୍ତୁ କେଇଦ ହେଲାୟ୍ କିଦ୍‌ନାୟା ?”

୪୯ ଇବେଣ୍ଟାଂ ଇନାକା ଗିଟା ଆନାଟ୍, ହେଦାଂ ହୁଡ଼ଜି ହାଙ୍ଗଦାକାର୍ ଇଚାଟ୍, “ମାପୁ, ଆପେଂ ଇନାକା କାଣ୍ଡାତ କାଡ଼ନାପ୍ ?” ୫୦ ଆରେ, ହେଖାର୍ ବିତ୍ରେ ରକାନ୍ ମୁଡ଼୍ ମାପୁହେବାକିନାକାନ୍ ଆଡ଼ିୟାଙ୍କ୍ ମାଟ୍‌କିଜି ହେ ତିନି କିତୁଲ୍ ରାସ୍‌ଦି ତୁହିତାନ୍ ।

୫୧ ମାତର୍ ଜିସୁ ଉତର୍ ହିତାନ୍, “ଏଚେକ୍ ହୁନ୍‌ଜି ମାନାଟ୍,” ଆରେ, ହେଖାନ୍ ହେ କିତୁଲ୍ ତୁଜି ତାଙ୍ଗେଙ୍କ୍ ଉଜ୍ କିତାନ୍ ।

୫୨ ଆରେ, ଜିସୁ ହେଖାନ୍ତି ବିରୁଦ୍‌ତ ଖାଜି ମାଟି ମୁଡ଼୍ ମାପୁହେବାକିନାକାର୍, ମନ୍ଦିରନ୍ ମୁଡ଼ଜାମାନ୍ ଆରି ବୁଡ଼ାଲୁରିଂ ଇଚାଟ୍, “ଚକ୍ଟୁ ବିରୁଦ୍‌ତ ହତି ଲାକେ କାଣ୍ଡା ଆରି ଟେଙ୍ଗା ଆଜି ଏପେଙ୍କ୍ ଇନାକା ହସି ଖାତାଦେଣ୍ଟା ? ୫୩ ଆନ୍ ନିତ୍ରେ ମି ହୁକେ ମନ୍ଦିରତ ମାନିଖେଡ଼ାଲିଂ ଏପେଙ୍କ୍ ନା ବିରୁଦ୍‌ତ କେଇ କିଦ୍‌ଖାତାଦେର୍, ମାତର୍ ଇଦାଂ ମି ସମୁ ଆରି ମାଜ୍‌ଗାନ୍ ଆଦିକାର୍ ।”

ପିତର୍ ଜିସୁଙ୍କ୍ ପାତର୍ କିଖାତାନ୍

(ମାତିଉ ୨୨:୫୭-୫୮; ୨୨:୬୯-୭୫; ମାର୍କ ୧୪:୫୩-୫୪; ୧୪:୬୬-୭୨; ଜହନ୍ ୧୮:୧୨-୧୮; ୧୮:୨୫-୨୭)

୫୪ ପାଚେ ହେଖାର୍ ହେଖାନିଂ ଆସ୍ତି ଅଜି ମୁଡ଼୍ ମାପୁହେବା କିନାକାର୍ ଇଞ୍ଜ ତାହିଖାଡ଼ାର୍; ମାତର୍ ପିତର୍ ଦେହା ମାନ୍‌ଞ୍ଜି ପାଚେ ପାଚେ ହାଚାନ୍ । ୫୫ ଆରେ, ହେଖାର୍ ହାକ୍‌ଡିନି ମାଦି ବାହାତ ନାଣି ତୁବ୍‌ଜି ରଚେ କୁଚ୍‌ଚିଲେ, ପିତର୍ ହେଖାର୍ ମାଦି କୁଚ୍‌ଚି ମାଚାନ୍ । ୫୬ ରଞ୍ଜେଲ୍ ଆଡ଼ିଏଣି ହେଖାନ୍ ନାଣି ଲାଗାଂ କୁଚ୍‌ଚି ମାନାକା ହୁଡ଼ଜି ହେଖାନିଂ ଇଚ୍‌କାଡ଼୍ କିଜି ହୁଡ଼ଜି ଇଚାଟ୍, “ଇଖାନ୍ ପା ହେଖାନ୍ ହୁକେ ମାଚାନ୍ ।”

୫୭ ମାତର୍ ପିତର୍ ପାତର୍ କିଖାଦାଂ ଇଚାନ୍, “ଏ ଆୟାତାଡ଼ି, ଆନ୍ ହେଖାନିଂ ପୁନ୍‌ଜ୍ ।”

୫୮ ଅଲପ୍ ସମୁ ପାଚେ ଆରି ରଞ୍ଜେଲ୍ ହେଖାନିଂ ହୁଡ଼ଜି ଇଚାଟ୍, “ଏନେଙ୍କ୍ ପା ହେଖାର୍ ବିତ୍ରେ ରକାୟ୍ ।”

ମାତର୍ ପିତର୍ ଇଚାନ୍, “ଆକାୟ୍, ଟଣ୍ଡେନ୍, ଆନ୍ ଆକାୟ୍ ।”

୫୯ ର ଗଣ୍ଟା ପାଚେ ରକାନ୍ ଆଟ୍‌ଖା କିଜି ଇଞ୍ଜେଙ୍କ୍ ଲାଗାତାନ୍, “ଇ ମାନାୟ୍ ପା ହାଡ଼ପାନେ ତା ହୁକେ ମାଚାନ୍, ଇନାକିଦେଂକି ହେଖାନ୍ ରକାନ୍ ଗାଲିଲିୟ୍ ମାନାୟ୍ ।”

୬୦ ମାତର୍ ପିତର୍ ଇଚାନ୍, “ଟଣ୍ଡେନ୍, ଏନ୍ ଇନାକା ଇନାୟା, ଆନ୍ ହେଦାଂ ପୁନ୍‌ଜ୍ ।”

ହେ ଦାପ୍ରେ ହେଖାନ୍ କାତା ଇନ୍ ଇନ୍ କୁଜୁ କ୍ଲେତାଟ୍, ୬୧ ଆରେ ମାପୁ ପିତର୍‌ତିଂ ର କାଣ୍‌କୃତ ହୁଡ଼ତାନ୍; ହେବେ “ନେଞ୍ଜେଙ୍କ୍ କୁଜୁ କ୍ଲେନି ଆଗେ ଏନ୍ ନାଙ୍ଗେଙ୍କ୍ ତିନି ହର୍ ପାତର୍ କିଦୁୟ୍,” ଇଦାଂ ଇମ୍‌ଣି କାତା ମାପୁ ପିତର୍‌ତିଂ ଇଞ୍ଜି ମାଚାନ୍, ୬୨ ହେଦାଙ୍କ୍ ତା ମାନ୍ତ ଖାତାଟ୍, ଆରି ହେଖାନ୍ ବାଟ୍ ହାଲ୍‌ଜି ବେସି ତାୟା ଆଜି ଆଡ଼୍‌ବାତାନ୍ ।

ଜିସୁଙ୍କ୍ ଗୁଇତାର୍

(ମାତିଉ ୨୨:୬୭-୭୮; ମାର୍କ ୧୪:୬୫)

୬୩ ଆରେ, ଇମ୍‌ଣି ମାନାୟାର୍ ଜିସୁଙ୍କ୍ ଆସ୍ତି ଇଡ଼ଜି ମାଚାର୍, ହେଖାର୍ ହେଖାନିଂ ମାଡ଼ଜି କିଉ କିଉ ଲାଜୁ କିତାର୍, ୬୪ ଆରେ ହେ ମୁମ୍‌ଦ ପାଡ଼ାକ୍‌ଚି ହେଖାନିଂ ଖେନ୍‌ବେଦେଂ ଲାଗାତାର୍, “ଏନ୍ କିନ୍ଦା ବେଣ୍‌ବାକିଣାୟ୍ କିନାକାୟ୍ ! ଇନାତ, ଇନେର୍ ନିଙ୍ଗେଙ୍କ୍ ମାଟ୍‌କିଡ଼ତାର୍ ?” ୬୫ ଆରେ, ହେଖାର୍ ଆଦିକ୍ ବେସି କାତା ହେଖାନ୍ ବିରୁଦ୍‌ତ ଇଞ୍ଜି ହେଖାନିଂ ନିନ୍ଦା କିଦେଙ୍କ୍ ଲାଗାତାର୍ ।

ଜିସୁଙ୍କ୍ ଗାଜା ସବାତାକେ ତାହିଖାଡ଼ାର୍

(ମାତିଉ ୨୨:୫୯-୬୬; ମାର୍କ ୧୪:୫୫-୬୪; ଜହନ୍ ୧୮:୧୯-୨୪)

୬୬ ଅଜଡ଼୍ ଆଡି ଦାପ୍ରେ ମାନାୟାର୍‌ତି ପ୍ରାଚିନାର୍, ଆରେ ମୁଡ଼୍ ମାପୁହେବାକିନାକାର୍ ଆରି ସାସ୍ତିର୍ ରୁଣ୍ଡା ଆଜି ଜାର୍‌ତିଂ ଗାଜା ମିଟିଙ୍ଗ୍‌ତାଂ ଅଜି ଇଚାଟ୍, “ଏନେଙ୍କ୍ ଜଦି କ୍ରିସ୍ଟୁ, ତେବେ ମାଙ୍ଗେଙ୍କ୍ ଖେଚ୍‌ଚା ।”

୬୭ ମାତର୍ ଜିସୁ ହେଖାରିଂ ଇଚାନ୍,

“ଆନ୍ ଜଦି କ୍ରିସ୍ଟୁ ମିଙ୍ଗେଙ୍କ୍ ଇଞ୍ଜନାଙ୍କ୍, ଏପେଙ୍କ୍ ତ ପାତର୍ କିଉଦେର୍ ।” ୬୮ ଆରେ, ଆନ୍ ଖେନ୍‌ବା ଆଡିସ୍, “ଏପେଙ୍କ୍ ଉତର୍ ହିଉଦେର୍ ।” ୬୯ ମାତର୍ ନଙ୍ଗ୍‌ତାଂ ମାନାୟ୍ ମାଜି ଇସ୍‌ତର୍ ସାକ୍ତିତାଂ ବୁନ୍‌ଣି ବାଗାଙ୍କ୍ କୁଚ୍‌ନାନ୍ ।

୭୦ ହେବେଣ୍ଟାଂ ଖିଜାକାର୍ ଖେନ୍‌ବାତାର୍, “ବାଟିଙ୍କ୍ ଏନ୍ ଇନାକା ଇସ୍‌ତର୍ ମାଜି ?”

ହେଖାନ୍ ହେଖାରିଂ ଇଚାନ୍, “ଆନ୍ ହେଖାନ୍ ଇଞ୍ଜି ଏପେଙ୍କ୍ ଇନାଦେରା ।”

୭୧ ଲାଗିଂ ହେଖାର୍ ଇଚାଟ୍, “ମାଦାଂ ଆରେ ସାକିନି ଲଡ଼ା ଆକାୟ୍ । ହେଖାନ୍ ଇନାକା ଇନାନା, ଆପେଂ ନିଜ୍ ହେଦାଂ ଖେଚାପ୍‌ନା ।”

୨୩

ଜିସୁଙ୍କ ପିଲାତ ତାକେ ତାହିଝାତାର

(ମାତିଉ ୨୭:୧୨; ୧୧:୧୪; ମାର୍କ ୧୫:୧-୫; ଜହନ୍ ୧୮:୨୮-୩୮)

୧ ପାଚେ ସବାନି ଝିଜାକାର ନିଙ୍ଗି ଜିସୁଙ୍କ ପିଲାତ ତାକେ ଅତାର । ୨ ଆରେ, ହେଝାର ଜିସୁ ବିରୁଦ୍ଧ ଦାବା କିଦେଙ୍ଗ ଲାଗାତାର, ଆପେ ହୁଡ଼ତାପ, ଇ ମାନାୟ୍ “ମା ଜାତିତଂ ରାଜା ବିଦ୍ଧ କିଦନାନା ଆରି କାଇସର୍ତଂ ସିସୁହିଦେଂ ମୁନାକିନାନ୍ନା ଆରି ଜାରତିଂ କ୍ରିସ୍ଟ ରାଜା ଇଞ୍ଜି ଇନାନ୍ନା ।”

୩ ଇବେଣ୍ଟାଂ ପିଲାତ ଜିସୁଙ୍କ ଝେନ୍‌ବାତାନ୍, “ଏନ୍ କି ଜିହୁଦିର୍ ରାଜାତି ?”

ଜିସୁ ଉତର ହିତାନ୍, “ଏନ୍ ଇଞ୍ଜିନାୟା ।”

୪ ହେବେଣ୍ଟାଂ ପିଲାତ ମୁଡ଼୍ ମାପୁହେବାକିନାକାନ୍ ଆରି ମାନାୟାରିଂ ଇଚାନ୍, ଆନ୍ “ଇ ମାନାୟାତିଂ ଇନାକାପା ଦସ୍ ପାୟାଆଝାତାଂ ।”

୫ ମାତର୍ ହେଝାର ଆରେ ଜବର୍ କିଜି ଇଞ୍ଜେଙ୍ଗ ଲାଗାତାର, “ଇଝାନ୍ ଝିଜୁ ଜିହୁଦା ଦେସ୍ତ ହିକ୍ୟା ହିଜି ଗାଲିଲିତାଂ ଆରମ୍ କିଜି ଇ ବାହା ପାତେକ୍ ପା ଲକାଂ ମାତାୟ୍ କିନାନା ।”

ଜିସୁଙ୍କ ହେରଦ୍ ଲାଗେ ପକ୍ତାନ୍

୬ ମାତର୍ ପିଲାତ ଇଦାଂ ଝେନ୍‌ଞ୍ଜି ଝେନ୍‌ବାତାନ୍, “ଇ ମାନାୟ୍ ଇନାକା ରକାନ୍ ଗାଲିଲିୟ ମାନାୟ୍ କି ?” ୭ ଆରେ, ହେଝାନ୍ ଜେ ହେରଦ୍‌ତି ଆଦିକାର ତାରେନ୍ ମାନାର୍, ଇଦାଂ ପୁଞ୍ଜି ହେଝାନ୍‌ତାଂ ହେରଦ୍ ଲାଗାଂ ପକ୍ତାନ୍, ଲାଗିଂ ହେଝାନ୍ ପା ଇ ସମୁତ ଜିରୁସାଲମ୍‌ତ ମାଚାନ୍ । ୮ ହେରଦ୍ ଜିସୁଙ୍କ ହୁଡ଼ଜି ବେସି ଝାରୟା ଆତାନ୍, ଇନାକିଦେଂକି ହେଝାନ୍ ହେ ବିସ୍ତେ ଝେନ୍‌ଞ୍ଜି ମାତିଲେ ତାଙ୍ଗେଙ୍ଗ୍ ବେସି ଦିନ୍‌ତାଂ ହୁଡ଼ଦେଂ ମାନ୍ କିଜି ମାଚାନ୍, ଆରେ ହେଝାନ୍ କାଜିଂ ଇମ୍‌ଶାକା ପା କାବାଆନି କାମାୟ୍ ଆନାକା ହୁଡ଼ଦେଂ ଆହା କିଜି ମାଚାନ୍ । ୯ ଲାଗିଂ ହେଝାନ୍‌ତାଂ ବେସି କାତା ଝେନ୍‌ବେଦେଂ ଲାଗାତାନ୍, ମାତର୍ ଜିସୁ ତାଙ୍ଗ୍ ଇନାକା ଇନ୍‌ଝାତାନ୍ । ୧୦ ଆରେ, ମୁଡ଼୍ ମାପୁହେବାକିନାକାର୍ ଆରି ସାସ୍ତ୍ରିର୍ ନିଲ୍‌ଚି ହେ ବିରୁଦ୍ଧ ବେସି ଇଞ୍ଜେଙ୍ଗ୍ ଲାଗିସ୍ ମାଚାନ୍ । ୧୧ ଆରେ, ହେରଦ୍ ଜାର୍ ମେଲ୍ୟାର୍ ହୁକେ ତାଙ୍ଗ୍ ଲାଜ୍ କିଜି ନିୟା କିଜି ଜିଲିମିଲି ହେୟା ଉସ୍ତି କିଜି ପିଲାତ ଲାଗେ ପକ୍ତି ତୁହିତାନ୍ । ୧୨ ହେ ଦିନ୍ ହେରଦ୍ ଆରି ପିଲାତ ହାରି ହାଙ୍ଗ୍‌ଦାକାର୍ ଆତାର୍; ଇଦାଂ ଆଗେ ହେଝାର୍ ହାରି ହାଙ୍ଗ୍‌ଦାକାର୍ ବିତ୍ତେ ସତ୍ତୁର୍ ମାଚାତ୍ ।

ଜିସୁତି ହାକି ତାଣ୍ଡିତାର୍

(ମାତିଉ ୨୭:୧୫-୨୬; ମାର୍କ ୧୫:୭-୧୫; ଜହନ୍ ୧୮:୩୯-୧୯:୧୭)

୧୩ ଇଦାଂ ପାଚେ ପିଲାତ ମୁଡ଼୍ ମାପୁହେବାକିନାକାର୍, ଗାଜାକାର୍ ଆରି ମାନାୟାରିଂ କୁକ୍ତି ରୁଣ୍ଡାୟ୍ କିଜି ହେଝାରିଂ ଇଚାନ୍, ୧୪ ଇଝାନ୍ ମାନାୟ୍ ବିଦ୍‌ବାଦା କିନାନା ଇଞ୍ଜି “ଏପେଙ୍ଗ୍ ଇଝାନିଂ ନା ଲାଗାଂ ତାସି ମାଚାଦେର୍; ଆରି ହୁଡ଼ାଟ୍, ଆନ୍ ମି ମୁମ୍‌ଦ ଇଝାନିଂ ପର୍ସନ୍ କିଜି, ହେ ବିରୁଦ୍ଧ ଏପେଙ୍ଗ୍ ଜେ ଝିଜାକାଦେର୍ ଇଝାନ୍ କାତା କିନାଦେରା, ହେ ଲାକେ ଇମ୍‌ଶାକା ପା ଦସ୍ ଇଝାନ୍‌ଗା ଗାଟାଆଝାତାପ୍ । ୧୫ ହେରଦ୍ ପା ଗାଟାଆଝାତାନ୍, ଇନାକିଦେଂକି ହେଝାନ୍‌ତାଂ ମା ତାକେ ଆରେ ପକ୍ତାତାନ୍; ଆରି ହୁଡ଼ାଟ୍, ଇଝାନ୍ ହାକିତାଣ୍ଡି ପାୟା ଆନି ଇନାକାପା କାମାୟ୍ କିଝାତାନ୍ନା; ୧୬ ଲାଗିଂ ଆପ୍ ଇଝାନିଂ ଗ୍ରାକି କିଜି ମୁକ୍ତି କିନାପ୍ ।” ୧୭ ପାର୍ଟୁ ଝେଡ଼ାଲିଂ ହେଝାର୍ କାଜିଂ ରକାନିଂ ମୁକ୍ତି କିଦେଙ୍ଗ୍ ଝାଜି ମାଚାତ୍ ।

୧୮ ମାତର୍ ହେଝାର୍ ଝିଜାକାର୍ ରବେ କିକିରାତିଂ କିଜି ଇଚାର୍, “ଇଝାନିଂ ଅହାଟ୍, ମା କାଜିଂ ବାରବାଙ୍ଗ୍ ମୁକ୍ତାୟ୍ କିୟାଟ୍ ।” ୧୯ ଇ ବାରବା ଗାଡ଼୍‌ଦ ଗିଟା ଆଜି ଇମ୍‌ଶି ଗଡ଼ମେଲି କାଜିଂ ଆରି ନାର୍ ଅହ୍‌ନି କାଜିଂ ବନ୍ଦି ଇଞ୍ଜି ଇଡ଼ଜି ମାଚାତ୍ ।

୨୦ ମାତର୍ ପିଲାତ ଜିସୁଙ୍କ ମୁକ୍ତି କିଦେଙ୍ଗ୍ ମାନ୍‌କିଜି ହେଝାରିଂ ଆରେ ରଗ ବୁଜାୟ୍ କିତାନ୍ । ୨୧ ମାତର୍ ହେଝାର୍ ଜବର୍ କିଜି ଇଞ୍ଜେଙ୍ଗ୍ ଲାଗାତାର୍, “ତାଙ୍ଗ୍ କୁସ୍ତ ଦୁପାଟ୍, କୁସ୍ତ ଦୁପାଟ୍ ।”

୨୨ ଆରେ, ଜିସୁ ହେଝାରିଂ ତିନି ହଟ୍ ଇଚାନ୍, “ଇନେକିଦେଂ, ହେଝାନ୍ ଇନା ଦସ୍ କିତାନ୍ନା ? ଆପେଂ ତା ତାକେ ଇନାକାପା ହାକି ତାଣ୍ଡି ଗାଟା ଆଉପା; ଲାଗିଂ, ଆପେଂ ତାଙ୍ଗେଙ୍ଗ୍ ତାଣ୍ଡି ହିଜି ପିସ୍ତି ହିନାପ୍ ।”

୨୩ ମାତର୍ ହେଝାନ୍ କୁସ୍ତ ଦୁପୟା ଆୟେନ୍ ଇଞ୍ଜି ଦାବା କିଜି ହେଝାର୍ ଗାଜା ଝେଇଦ୍ ଜିଦ୍ କିଦେଙ୍ଗ୍ ଲାଗାତାର୍, ଆରେ ହେଝାର୍‌ତି ଆଲି ଜିଶା ଆତାତ୍ । ୨୪ ଆରେ, ହେଝାର୍‌ତି ଦାବା ହୁଦାଂ କିୟାଆୟେଡ଼ ଇଞ୍ଜି ପିଲାତ ବଲ୍ ହିତାନ୍; ୨୫ ମାତର୍ ମାନାୟ୍ କାଜିଂ ନିଲ୍‌ଚି ଆରି ମାନାୟ୍ ଅସ୍ତି କାଜିଂ ଜଇଲ୍‌ତ ଇଟ୍ୟାଜି ମାତି ଇମ୍‌ଶି ମାନାୟ୍ କାଜିଂ ହେଝାର୍ ଦାବା କିଜି ମାଚାତ୍, ତାଙ୍ଗ୍ ହେଝାନ୍ ମୁକ୍ତି କିତାନ୍, ଆରେ ଜିସୁଙ୍କ ହେଝାନ୍ ହେଝାର୍ ମାନ୍‌ତାରେନ୍ ହେଲାୟ୍ କିତାନ୍ ।

ଜିସୁଙ୍କ କୁସ୍ତ ହାସ୍ତାର୍

(ମାତିଉ ୨୭:୩୨-୪୪; ମାର୍କ ୧୫:୨୧-୩୨; ଜହନ୍ ୧୯:୧୭-୨୭)

୨୬ ହେଝାର୍ ଜିସୁଙ୍କ ଅନିଝେଡ଼ାଲିଂ ବିତ୍ତେ ନାସ୍‌ତାଂ ଝାଜି ମାନି ସିମନ୍ ଇନି ରକାନ୍ କୁରିଶିୟ ଲାଗାଂ ଆସ୍ତି ଜିସୁତି ପାଚେ ପାଚେ କୁସ୍ ପିଣ୍ଡଦେଂ କାଜିଂ ହେଝାନ୍ ନିପିତ ହେଦାଂ ଇଡ଼ତାର୍ ।

୨୭ ଆରେ, ମାନାୟାର୍ତ୍ତି ଆରି ହେୱାନ କାଜିଂ ନେଞ୍ଜେତାକିତ ଇଡ଼ୟାଆନି ଆଡ଼ବିନି ଲଗାଂ ବେସି କଗଲେହିମ୍‌ଣାଂ ହେୱାନ୍ତି ପାଚେ ପାଚେ ହାଲ୍ଲଜି ମାଟିକ୍ । ୨୮ ମାତର ଜିସୁ ହେୱେକ୍ ନିପ ମାସ୍‌ଦି ପା ଇଚାନ, “ଗ ଜିରୁସାଲମ୍‌ନି ଗାଡ଼ଚେକ୍, ନା କାଜିଂ ଆଡ଼ବାମାଟ୍, ମତର ଜାର୍ ଜାର୍ କାଜିଂ ଆରି ଜାର୍ ଜାର୍ ହିମ୍‌ଣାଂ କାଜିଂ ଆଡ଼ବାଟ୍; ୨୯ ଇନାକିଦେଂକି ହୁଡ଼ାଟ୍, ଇନେର ବାଞ୍ଜିଣି, ଆରେ ଇନେର ଇନାୱାଡ଼ାଂପା ଏସ୍ ପିହ୍‌ୱାତାଡ଼ନ୍ନା ଆରି ମାୟ୍‌ଉଟ୍‌ୱା ତାଡ଼ନ୍ନା, ହେୱାକାଂ ଲକୁ ଏଚେକାଡ଼ଦ ଦନ୍ୟ ଦନ୍ୟ ଇଞ୍ଜି ଇନାର୍, ଏଲେଙ୍ଗ୍‌ବାତ୍ ସମୁ ୱାନାତା । ୩୦ ହେ ଏଚେକାଡ଼ଦ ଲକୁ ମାଡ଼ିକାଂ ଇଞ୍ଜେଙ୍ଗ୍ ଲାଗାନାର୍, ମା ଜପି ଆର୍‌ଦା, ଆରେ କୁପ୍‌ଲିକାଂ ଇଞ୍ଜେଙ୍ଗ୍ ଲାଗାନାର୍, ମାଙ୍ଗେଙ୍ଗ୍ ପ୍ଲୁକ୍‌ତା । ୩୧ ଇନାକିଦେଂକି ଲକୁ ଜପି ଜିଡ଼ ମାର୍ କାଜିଂ ଏଲେଙ୍ଗ୍ କିତାର୍, ୱାଟ୍‌ଟି ମାର୍ କାଜିଂ ବାଟିଙ୍ଗ୍ ଇନାକା କିତର୍ ?”

୩୨ ଆରେ, ହାକି ଡାଣ୍ଡ ପାୟା ଆଦେଂ କାଜିଂ ରିକାରିଙ୍ଗ୍ କାରାପ୍ କାମାୟ୍ ପା ହେୱାନ ହୁକେ ଅୟା ଆଜି ମାଚାର୍ । ୩୩ ଆରେ, ହେୱାର “ନିନ୍‌ୟାଣ୍” ଇନି ବାହାତ ଏକିସ୍ ହେବେ ହେୱାନିଂ କୁସ୍‌ତ ଦୁପ୍‌ତାର୍ ଆରି କାରାପ୍ କାମାୟ୍ କିନାକାର୍ ବିଡ୍ରେତାଂ ରକାନିଂ ତିନାବାଗାଙ୍ଗ୍ ଆରେ ରକାନିଂ ଡେବା ବାଗାଙ୍ଗ୍ କୁସ୍‌ତ ଦୁପ୍‌ତାର୍ । ୩୪ ହେ ଏଚେକାଡ଼ଦ ଜିସୁ ଇଚାନ, “ଆବା, ଇୱାରିଂ କେମା କିୟା, ଇନାକିଦେଂକି ଇୱାର୍ ଇନାକା କିନାରା, ହେଦାଂ ପୁନୁରା ।”

ଆରେ, ହେୱାର୍ ତା ହେୟା ସବୁ ବାଟା କିନି କାଜିଂ ଦରମ୍‌ଗୁଲି କିତାର୍ । ୩୫ ଆରେ, ମାନାୟାର୍ ନିଲ୍‌ଟିପା ହୁଡ଼ଜିମାଚାର୍ । ଆରି, ମୁଡ଼ଦାକାର୍ ପା ତାଙ୍ଗ୍ ବିଦ୍‌ବାଦ୍ କିଜି ଇଞ୍ଜେଙ୍ଗ୍ ଲାଗାତାର୍, ହେୱାନ ବିନ୍ ଲଗାଂ ରାକ୍ୟା କିତାନ; “ହେୱାନ ଜପି ଇସ୍‌ତ୍ ବାଟିକିୟାତି କ୍ରିସ୍, ବାଟିଙ୍ଗ୍ ନିଜ୍‌ଟିଙ୍ଗ୍ ରାକ୍ୟା କିଏନ୍ ।”

୩୬ ଆରେ, ମେଲ୍ୟାର୍ ପା ହେ ଲାଗାଂ ୱାଜି କେନିରାସ୍ ହିଜି ତାଙ୍ଗ୍ ଗୁଜି କିଜି ଇଚାର୍, ୩୭ “ଏନ୍ ଜପି ଜିହୁଦିତ୍ ରାଜା, ତା ଆତିସ୍ ନିଜ୍‌ଟିଙ୍ଗ୍ ରାକ୍ୟା କିୟା ।”

୩୮ ଆରେ, ହେୱାନ ଜପି ଲେକା ପା ଲେକା ଆଜି ମାଚାଟ୍, “ଇୱାନ ଜିହୁଦିତ୍ ରାଜା ।”

୩୯ ଆରେ, କୁସ୍‌ତ ଦୁପ୍‌ୟା ଆଜି ମାନି ଚର୍କୁକାଂ ତାଙ୍ଗ୍ ବିଡ୍ରେ ରକାନ ହେୱାନିଂ ନିନ୍‌ୟା କିଜି ଇଞ୍ଜେଙ୍ଗ୍ ଲାଗାତାନ, “ଏନ୍ ଇନାକା କ୍ରିସ୍ ଆକାୟ୍ ? ନିଜ୍‌ଟିଙ୍ଗ୍ ଆରି ମାଙ୍ଗେଙ୍ଗ୍ ରାକ୍ୟା କିଦା ।”

୪୦ ମାତର ଆରି ରକାନ ହେୱାନିଂ ଦାକା କିଜି ଉତର ହିଚାନ, ଏନ୍ ସମାନ୍ ତାଣ୍ଡୁତ ପାୟାଆନାୟା, “ଏନ୍ ଇସ୍‌ତ୍ ଇନାକା ପାଣ୍ଡା ପା ଆଉୟା ? ୪୧ ଆରେ, ଆପେଂ ହିନା ନ୍ୟାୟ୍‌ତାଂ ତାଣ୍ଡୁ ପାୟାଆନାପା, ଇନାକିଦେଂକି ନିଜ୍ ନିଜ୍ ବାନ୍ୟାକାମାୟ୍ ପାଡ଼୍ ପାୟାଆନାପା, ମାତର ଇ ମୁଣିକା ଇନାକାପା ଦସ୍ କିୱାତାନନା ।” ୪୨ ଆରେ, ହେୱାନ ଇଚାନ, “ଏ ଜିସୁ, ଏନ୍ ଜାର୍ ରାଜିତ ହଟିସ୍ ନାଙ୍ଗେଙ୍ଗ୍ ଏଡୁ କିଦ୍‌ନାୟ୍ ।”

୪୩ ହେବେଣ୍ଡାଂ ଜିସୁ ତାଙ୍ଗ୍ ଇଚାନ, “ଆନ୍ ନିଙ୍ଗେଙ୍ଗ୍ ହାଡ଼ପା ଇଞ୍ଜିନାଙ୍ଗା, ନେଞ୍ଜେଙ୍ଗ୍ ଏନ୍ ନା ହୁକେ ସାଗେ ରାଜିତ ଏକାୱାନାୟ୍ ।”

ଜିସୁତି ହାକି

(ମାତିଉ ୨୭:୪୫-୫୨; ମାର୍କ ୧୫:୩୩-୪୧; ଜହନ୍ ୧୯:୨୮-୩୦)

୪୪ ହେ ଏଚେକାଡ଼ଦ ହେ ପାଦନା ବାର ଗଣ୍ଡା ୱେଡ଼ାଲିଂ ଆଜି ମାଚାଟ୍, ଆରି, ୱେଡ଼ା ମାଜ୍‌ଗା ଆତିଲେ ତିନି ଗଣ୍ଡା ପାଡେକ୍ ଦେସ୍ ଜାକ୍ ମାଜ୍‌ଗା ଆତାଟ୍, ୪୫ ଆରେ ମନ୍‌ରୁନି ପାର୍‌ଦା ହେୟା ମାଦିତାଂ କେନ୍‌ଞ୍ଜି ହାଚାଟ୍ । ୪୬ ଆରେ, ଜିସୁ ଆଟ୍‌ୱା କିଜି କୁକ୍‌ଟି ଇଚାନ, “ଏ ଆବା, ନି କେଇଦ ନା ପାରାଣିନି ଜିବୁନ୍ ହେଲ୍‌ୟା କିଦ୍‌ନାଙ୍ଗା ।” ଇଦାଂ ଇଞ୍ଜି ହେୱାନ ପାରାଣ୍ ପିସ୍ତାନ ।

୪୭ ପାଞ୍ଜି କଡ଼ି ମୁଡ଼ଦାକାନ ମେଲ୍ୟାର୍ ଜପି ଗାଜାକାନ ଇ ଗଟ୍‌ଣା ହୁଡ଼ଜି ଇସ୍‌ବୁରତିଂ ଜାଜ୍‌ମାଲ୍ କିଜି ଇଚାନ, “ହାଡେନେ ଇୱାନ ଦାମ୍ ଲଗୁ ମାଚାନ ।”

୪୮ ଆରେ, ଇମ୍‌ଣି ମାନାୟାର୍ ହୁଡ଼ଦେଂ ରୁଣ୍ଡାଆଜି ମାଚାର୍, ୱିଜାକାର୍ ହେୱାର୍ ହେ ସବୁ ହୁଡ଼ଜି ନେଞ୍ଜେତାକିତ ଇଡ଼ିଆ ଆଜି ମାସ୍‌ଦି ହାଞ୍ଜେଙ୍ଗ୍ ଲାଗାତାର୍ । ୪୯ ମାତର ହେୱାନ୍ତି ଚିନାଜାଣା ୱିଜାକାର୍ ଆରି ଗାଲିଲିତାଂ ରଚେ ମିହାଆଜି ଜିସୁଙ୍ଗ୍ ପାଚେ ପାଚେ ୱାଜି ମାନି କଗ୍‌ଲେକ୍ ଦେହା ନିଲ୍‌ଟି ଇ ସବୁ ହୁଡ଼ଜି ମାଟିକ୍ ।

ଜିସୁଙ୍ଗ୍ ମୁଚ୍‌ଚାର୍

(ମାତିଉ ୨୭:୫୭-୬୧; ମାର୍କ ୧୫:୪୨-୪୬; ଜହନ୍ ୧୯:୩୮-୪୨)

୫୦ ଆରେ ହୁଡ଼ାଟ୍, ଜିହୁଦିତ୍ ହାରାମାତିୟା ଗାଡ଼ନି ଜସେପ୍ ଇନି ରକାନ ମାନାୟ୍ ଗାଜା ସବାନି ମେମର୍ ମାଚାନ; ହେୱାନ ରକାନ ହାର୍ ଆରି ଦାମ୍ ଲକୁ, ୫୧ ଜିହୁଦାନି ହାରାମାତିୟା ତରୁନି ନାସ୍‌ତ ଜସେପ୍ ଇଞ୍ଜି ରୱାନ ମାଚାନ । ଜିହୁଦି ରକାନ ଦାମ୍ ଆରି ମାନିନି ଲକ୍ ମାଚାନ ଆରେ ଇସ୍‌ବୁରତି ରାଜିନି ୱାନାକାଦିଂ କାସି ମାଚାନ । ଗାଜା ସବାନି ରୱାନ ମୁଣିକା ମାଟିସ୍ ପା, ହେୱାନ ହେୱାର୍‌ତି ଦାୟିଡ଼ ଆରି କାମାୟ୍ ଲାହାଂ ଏକ୍‌ଜୁଟ୍ ହିଲାତାର୍ । ୫୨ ହେୱାନ ପିଲାତ ତାକେ ହାଲ୍ଲଜି ଜିସୁତି ଗାଗାଡ଼୍ ଏଡ଼ାନ, ୫୩ ଆରେ ହେଦାଂ ଜୁଡ଼ି ତାସି କୱାଣ୍ ହେୟାତ ହୁଡ଼ପିସ୍, ଇମେତାକେ ଇନେର

☆ ୨୩:୩୦ ୨୩:୩୦ ହଡ଼ତି ୬:୧୭. ☆ ୨୩:୪୯ ୨୩:୪୯ ଲୁକ ୮:୨,୩.

ଇନାଞ୍ଜିଡ଼ାଂ ଇଟ୍ୟାଞ୍ଜାଦାଂ ମାଚାନ୍, ମାଡ଼ିତ କାଚିଂ ମାଚି ଏଲେଙ୍ଗ୍ ର ଦୁଗେରତ ତାଙ୍ଗେଙ୍ଗ୍ ଇଡ଼ତାର । ୫୪ ହେ ଦିନ୍ ଜାଲ୍ଦି କିନି ଦିନ୍ ମାଚାଡ଼, ଆରେ ଜମ୍ନିବାର ଲାଗେ ଆଜି ଖାଜି ମାଚାଡ଼ ।

୫୫ ଆରେ ଗାଲିଲିତାଂ ହେଖାନ୍ ହୁକେ ଖାଜିମାନି କଗଲେହିମ୍‌ଶାଂ ପାଚେ ପାଚେ ହାଲ୍‌ଜି ଦୁଗେର ଆରି ହେଖାନ୍ତି ଗାଗାଡ଼, ଇନେସ୍ ଇଡ଼ତାରନ୍ନା, ହେଦାଂ ହୁଡ଼ତିକ୍, ୫୬ ଆରେ ହେଖେକ୍ ମାସ୍‌ଦି ହାଲ୍‌ଜି ଆରି ବାସ୍‌ନା ଚିକାଣ୍ ଜାଲ୍‌ଦି କିତିକ୍ । ମାଚର ବିଦି ଇସାବ୍ରେ ହେ ନାଜିଂ ଜମ୍ନିବାର ମାଚିଲେ ହେଖାର ଜମ୍‌ତାର ।

୨୪

ଜିସୁ ହାତିତାକେଣ୍‌ୟା ନିଙ୍ଗନାକା

(ମାଡ଼ିତ ୨୮:୧-୧୦; ମାର୍କ ୧୬:୧-୮; ଜହନ୍ ୨୦:୧-୧୦)

୧ ମାଚର ସାଡ଼ ଦିନ୍‌ନି ରଇବାର ଉର୍ଲା ହାକାଡ଼େ ହେଖେକ୍ ଜାଲ୍‌ଦି କିତି ହାର୍‌ଦି ବାସ୍‌ନା ସାମାନ୍ ଅଜି ଦୁଗେର ତାକେ ହାଚିକ୍ । ୨ ଆରେ, ହେଖାର ଦୁଗେରତାଂ କାଲ୍ ଗୁଡ଼ତାକା ହୁଡ଼ତିକ୍, ୩ ମାଚର ବିତ୍ରେ ହାଲ୍‌ଜି ମାପୁ ଜିସୁତି ଗାଗାଡ଼, ଗାଗାଡ଼ିକ୍ । ୪ ଆରେ, ହେଖେକ୍ ହେଦାଂ କାଜିଂ ବୁଦିବାଣା ଆନିକା, ଏଲେଙ୍ଗ୍ ଖେଡ଼ାଙ୍ଗ୍ ହୁଡ଼ାଟ୍, ଅଜଡ଼ ହେସ୍ତା ଉସ୍ତସ୍ ରିକାର ଲକୁ ହେଖେକ୍ ତାକେ ଏକାତାର; ୫ ହେବେ ହେଖେକ୍ ପାଣ୍ଡା ଆଜି ମେଦନିତ ମୁମ୍ ଆତିଲେ, ହେଖାର ହେଖେକାଂ ଇଚାର, “ହାତିଲକାର ବିତ୍ରେ ଏପେଙ୍ଗ୍ ଇନେକିଦେଂ ଜିତାକାନିଂ ତେକ୍‌ନାଦେରା ? ୬ ହେଖାନ୍ ଇବେ ହିଲ୍‌ନ୍, ମାଚର ନିଂତାନ୍ନା । ହେଖାନ୍ ଗାଲିଲିତ ମାନି ଖେଡ଼ାଲିଂ ମିଙ୍ଗେଙ୍ଗ୍ ଖେଚ୍‌ଚି ମାନ୍‌ଆନ୍, ହେଦାଂ ଏଡୁ କିୟାଟ୍ ।” ୭ ମାନାୟ୍ ମାଜି ପାପିୟାଟ୍ କେଇଦ କୁସ୍‌ତ ହାଦେଂ ଆରି ତିନି ଦିତ୍ତ ଆରି ନିଙ୍ଗଦେଙ୍ଗ୍ ଆନାଡ଼ ।

୮ ହେବେଣ୍‌ୟା ହେଖାର ହେଖାନ୍ କାତା ଏଡୁ କିତାର, ୯ ଆରେ ଦୁଗେରତାଂ ମାସ୍‌ଦିହାଲ୍‌ଜି ଏଗାର ଜାଣ୍ ରେଲାର ଆରି ବିନ୍ ଲଗାଂ ଇ ସବୁ କାରୁର ଖେଚ୍‌ଚାର । ୧୦ ଇଖେକ୍ ମଗ୍‌ଦଲିନି ମରିୟ୍‌ମ୍ ଜହନା ଜାକୁବ୍ ତେହି ମରିୟ୍‌ମ୍ ଆରି ଇଖେକ୍ ହାଙ୍ଗ୍‌ଦାଂ ମାନି ବିନ୍ କଗଲେକ୍, ଇଖେକ୍ ପକ୍ୟାତାକାର୍‌ରିଂ ଇ ବିତ୍ରେ କାତା ଖେଚ୍‌ଚିକ୍ । ୧୧ ମାଚର ଇ ସବୁ କାତା ହେଖାର ତାକେ କ୍ଲେଖ୍‌କଣ୍ ଲାକେ ଲାଗାତାଡ଼, ଆରେ ହେଖାର ହେଖେକାଂ ପାଚି କିଖାତାର । ୧୨ ମାଚର ପିତର ନିଙ୍ଗଜି ଦୁଗେର ତାକେ ହନ୍‌ଚି ହାଚାନ୍, ଆରେ ଚଡ଼ଜି ହୁଡ଼ତାନ୍ ମଚର ହାରୁ ହେସ୍ତା ସବୁ ହୁଡ଼ତାନ୍, ଆରେ ହେଖାନ୍ ହେ ଗଟ୍‌ଶା ବିସ୍ତେ କାବା ଆଜି ତା ଇଞ୍ଜ ହାଚାନ୍ ।

ରି ରେଲାର ଇମାନୁୟେଲ୍ ନାସ୍ତ ହାଚାର

(ମାର୍କ ୧୬:୧୨-୧୩)

୧୩ ଆରେ ହୁଡ଼ାଟ୍, ହେ ଦିନ୍ ହେଖାର ବିତ୍ରେ ରିକାର ଜିରୁସାଲମ୍‌ତାଂ ବେସିଆଡ଼ିତିସ୍ ଏଗାର କିଲମିଟର୍ ଦେହାତାଂ ଇମାୟ୍ ନାସ୍‌ତ ହାଲ୍‌ଜି ମାଚାର ୧୪ ଆରି ଇ ଖିଜୁ ଗଟ୍‌ଶା ବିସ୍ତେ ହେଖାର ହାଖେଚ୍ କାତାବାର୍ତ୍ତା କିଜି ମାଚାର । ୧୫ ହେଖାର କାତାବାର୍ତ୍ତା ଆରି ବେରଣ୍‌ଖେଚ୍‌ପା ଆନି ଖେଡ଼ାଲିଂ ଜିସୁ ଆପେ ହେଖାର ତାକେ ଖାଜି ହେଖାର ହୁକେ ତାଙ୍ଗ୍‌ଦେଂ ଲାଗାତାନ୍; ୧୬ ମାଚର ହେଖାର କାଣକୁ ଏଲେଙ୍ଗ୍ ଗେହ୍‌ୟା ଆଜି ମାଚାଡ଼ ଜେ, ହେଖାର ଜିସୁଙ୍ଗ୍ ତିନକିଦେଂ ଆଡ଼ଖାତାର । ୧୭ ଜିସୁ ହେଖାରିଂ ଖେନ୍‌ବାତାନ୍, “ଏପେଙ୍ଗ୍ ତାଙ୍ଗ୍ ତାଙ୍ଗ୍ ଇମ୍‌ଶି ଖିଜୁ ବିସ୍ତେ କାତାବାର୍ତ୍ତା କିନାଦେରା, ହେ ଖିଜୁ ଇନାକା ?” ହେବେଣ୍‌ୟା ହେଖାର ବାଡ଼ିୟା ଆଜି ନିଲ୍‌ଚି ମାଚାର । ୧୮ ଆରେ ହେଖାର ବିତ୍ରେ କେଲୟ୍‌ପା ଇନି ରକାନ୍ ହେଖାନିଂ ଉତର ହିତାନ୍, “ଜିରୁସାଲମ୍‌ତ ବାହାକିନି ମାନାୟ୍ ବିତ୍ରେ ଏନ୍ ଇନାକା ରକାୟ୍ ହେ ବାହାନି ଏଚେକ୍ ଦିନ୍‌ନି ଗଟ୍‌ଶା ପୁନୁୟ୍ ?”

୧୯ ଜିସୁ ହେଖାରିଂ ଖେନ୍‌ବାତାନ୍, “ଇନେସ୍ ଇନେସ୍ ବାନି ଗଟ୍‌ଶା ?” ହେଖାର ତାଙ୍ଗେଙ୍ଗ୍ ଇଚାର, “ନାଜରିତ୍‌ୟାନି ଜିସୁତି ବିସ୍ତେ; ହେଖାନ୍ ଇସ୍‌ର ଆରି ଖିଜୁ ଲକାର କାଣକୁତ କାମାୟ୍‌ତ ଆରି ବଚନ୍‌ତ ସାକ୍ତିକାଟାକାନ୍ ବେଶ୍‌ବାକ୍‌ଶାୟ୍‌କିନାକାନ୍ ମାଚାନ୍, ୨୦ ଆରେ ମୁଡ଼ ମାପୁହେବାକିନାକାନ୍ ଆରି ମୁଡ଼ଦାକାର ଇନେସ୍ ତାଙ୍ଗ୍ ହାକି ତାଣ୍ ଆଦେଂ ହେଲାୟ୍ କିଜି ତାଙ୍ଗ୍ କୁସ୍‌ତ ଅସ୍‌ବାର, ଇ ଖିଜୁ ବିସ୍ତେ । ୨୧ ମାଚର ଇନେର ଇସ୍‌ସାଲ୍‌ତିଂ ମୁକ୍ତି କିନାନ୍, ହେଖାନ୍ ଜେ ଇଖାନ୍, ହେଦାଂ ଆପେଂ ଆହା କିଜି ମାଚାପ; ମାଚର ଇଦାଂ ପିସ୍ତ ଇ ଖିଜୁ ଗଟ୍‌ଶାନି ନେଞ୍ଜେଙ୍ଗ୍ ତାଙ୍ଗ୍ ତିନି ଦିନ୍ ଆତାଡ଼ । ୨୨ ଆରେ ପା, ମା ବିତ୍ରେତାଂ କେତେକ୍ ଜାଣ୍ କଗଲେକ୍ ମାଙ୍ଗେଙ୍ଗ୍ କାବା କିଡ଼କନା; ହେଖେକ୍ ଉର୍ଲା ହାକାଡ଼େ ଦୁଗେର ତାକେ ହାଲ୍‌ଜି ମାଚିକ୍, ୨୩ ଆରେ ହେଖାନ୍ତି ଗାଗାଡ଼ ଗାଗାଞ୍ଜାଦାଙ୍ଗ୍ ଖାଜି ଇଚିକ୍ ଜେ, ହେଖେକ୍ ଦୁତରିଂ ପା ହୁଡ଼ତିକ୍‌ନ୍ନା ଆରି ହେ ଦୁଡ଼କୁ ଇଚିକ୍ ଜେ, ହେଖାନ୍ ଜିତାକାନ୍ ମାନାନ୍ । ୨୪ ଆରେ, ମା ହାଙ୍ଗ୍‌ଦାକାର ବିତ୍ରେ ଇନେର ଇନେର ଦୁଗେର ଲାଗେ ହାଲ୍‌ଜି, କଗଲେହିମ୍‌ଶାଂ ଇନେସ୍ ଇଞ୍ଜି ମାଚିକ୍, ହେ ଲାକେ ହୁଡ଼ତିକ୍, ମାଚର ତାଙ୍ଗେଙ୍ଗ୍ ହୁଡ଼ଡ଼ିକ୍ ।”

୨୫ ହେବେଣ୍‌ୟା ହେଖେକାଂ ଇଚାନ୍, “ଏ ନିର୍‌ବୁଦିୟା କାଦେର୍ ଆରି ବେଶ୍‌ବାକ୍‌ଶାୟ୍‌କିନାକାର ହୁକେ ଇଚି ଖିଜୁ ବେରଣ୍‌ତ ପାଚି କିଦେଙ୍ଗ୍ ହିଡ଼ତି ମାନ୍ କାଦେର୍, ୨୬ ଇ ଖିଜୁ ଦୁକ୍ କିଜି ଜାର ପାଣ୍ ହଣ୍‌ଣେଙ୍ଗ୍ ଇନାକା କ୍ରିସ୍‌ତି ଲଡ଼ା

☆ ୨୪:୬ ୨୪:୬ ମାଡ଼ିତ ୧୬:୨୧; ୧୭:୨୨,୨୩; ୨୦:୧୮,୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨; ୧୮:୩୧-୩୩.

ହିଲ୍‌ଖାତାତ୍ ?” ୨୭ ଆରେ, ମସା ଆରି ଖିଜାର ବେଶ୍‌ବାକ୍‌ଶାୟ୍‌କିନାକାନତା ହାଙ୍ଗି ଖିଜୁ ଦରମ୍ ସାସ୍ତରତ ଜାର୍ କାଜିଂ
ବେରଣ୍ ହେଖାନ ହେଖାରିଂ ବୁଜାୟ୍ କିତାନ ।

୨୮ ଆରେ, ହେଖାର ଇମ୍‌ଣି ନାସ୍ତ ହାଲ୍‌ଜି ମାଚାର୍, ହେବେଣ୍ଟାଂ ଲାଗେ ଏକିନିହିଙ୍ଗ୍, ହେଖାନ ଆରେ ଆଗେ ହାଞ୍ଜେଙ୍ଗ୍
ଚାଟାୟ୍ କିତାନ । ୨୯ ମାତର୍ ହେଖାର ତାଙ୍ଗ୍ ଟେବାୟ୍ କିଜି ଇଚାର୍, “ମାହୁଦାଂ ମାନା, ଇନାକିଦେଂକି ମୁସି ଖାନାତା” ଆରି
ଖେଡ଼ା ହାଚାତେ । ହେବେଣ୍ଟାଂ ହେଖାନ ହେଖେର୍ ହୁଦାଂ ମାଞ୍ଜେଙ୍ଗ୍ ଇଞ୍ଜ ହାଚାନ । ୩୦ ଆରେ, ହେଖାର ହୁକେ ଚିଞ୍ଜେଙ୍ଗ୍
କୁଚି ପାଚେ ହେଖାନ ରୁଚି ଅଜି ଆସିର୍ବାଦ୍ କିତାନ, ଆରି ହେଦାଂ ତ୍ରିକ୍ତି ହେଖାରିଂ ହିଦେଂ ଲାଗାତାନ । ୩୧ ହେବେ
ହେଖାର କାଣ୍‌କୁ ଜେୟାଆତିକ୍ ଆରି ହେଖାର ତାଙ୍ଗ୍ ଚିନ୍ କିଚାର୍; ଆରେ, ହେଖାନ ହେଖାର ନଞ୍ଜରତାଂ ମାୟା ଆତାନ
। ୩୨ ହେବେଣ୍ଟାଂ ହେଖାର ହେଖେର୍ ଇଚାର୍, “ଏଚେକାଡ୍‌ଦ୍ ହାସ୍ତ ହେଖାନ ମା ହୁକେ କାତାବାର୍ତା କିଜି ମାଚାନ ଆରି
ମାଞ୍ଜେଙ୍ଗ୍ ଦରମ୍ ସାସ୍ତର ବୁଜାୟ୍ କିଜି ମାଞ୍ଜାନ, ହେଖେଡ଼ାଂ ଇନାକା ମା ମାନ କେଦ୍‌ଖାଦାଂ ମାଚାତ୍ ?”

୩୩ ଆରେ, ହେଖାର ହେପାଦନା ନିଙ୍ଗି ଜିରୁସାଲମ୍‌ତ ଲେଉଟା ଆଜି ରବେ ରୁଣ୍ଟା ଆଜି ମାନି ଏଗାର୍‌ଜାଣତିଂ ଆରି
ହେଖାର ହଲ୍ୟାରିଂ ହୁଡ଼ତାନ; ୩୪ ହେଖେର୍ ଇଞ୍ଜି ମାଚାର୍, “ମାପୁ ହାଡ଼ପା ନିଂତାନା ଆରି ସିମନ୍ତିଂ ଚଞ୍ଜୟା ଆତାନ ।”

୩୫ ଆରେ, ହେଖାରପା ହାଜିନି ସବୁ ଗଟଣା ଆରି ରୁଚି ତ୍ରିକ୍ତି ସମୁତ ହେଖାନ ଇନେସ୍ ହେଖାର ହୁକେ ଚିନା ଆତାନ,
ହେ ସବୁ ପୁଞ୍ଜେଙ୍ଗ୍ ଲାଗାଚାର୍ ।

ଜିସୁ ଜାର୍ ଚେଲାରିଂ ଚଞ୍ଜୟାଆତାନ

(ମାତିଡ ୨୮:୧୭-୨୦; ମାର୍କ ୧୬:୧୪-୧୮; ଜହନ୍ ୨୦:୧୯-୨୩; ପକ୍ୟାତାକା ୧:୭-୮)

୩୬ ମାତର୍ ହେଖାର ଇ ସବୁ ବେରଣ୍ ଇନିଞ୍ଜାଡାଲିଂ ମାପୁ ଜିସୁ ନିଜେ ହେଖାର ତାକେ ଏକାତାନ ଆରେ ଇଚାନ, “ମି
କାଜିଂ ସୁସ୍ତା ଆୟେଡ୍ ।”

୩୭ ମତର୍ ମାନାୟ୍‌ୟାର୍ କାବା ଆଜି ବେସି ପାଣ୍ଟା ଆଜି ର ପୁଦା ହୁଡ଼ନାରା ଇଞ୍ଜି ବାବି କିଚାର୍ । ୩୮ ହେବେଣ୍ଟାଂ ଜିସୁ
ହେଖାରିଂ ଇଚାନ, “ଇନେକିଦେଂ ପାଣ୍ଟା ଆନାଦେରା, ଆରେ, ମି ମାନ୍ତ ଇନେକିଦେଂ ଗାଣ୍‌ଜୁ ନିଙ୍ଗନାତା ? ୩୯ ଇଞ୍ଜାଙ୍ଗ୍ ଜେ
ଆନ୍, ନା କେଇ ଆରି ପାନା ହୁଡ଼ାଟ୍, ନାଙ୍ଗ୍ ତୁଜି ହୁଡ଼ାଟ୍, ଇନାକିଦେଂକି ନାଦାଂ ଇନେସ୍ ଜେଇ ଆରି ପ୍ରେନ୍ ମାନାକା
ଏପେଙ୍ଗ୍ ହୁଡ଼ନାଦେରା, ପୁଦାତିଙ୍ଗ୍ ହେ ଲାକେ ଆକାୟ୍ ।”

୪୦ ଆରେ ହେଖାନ ଇଦାଂ ଇଞ୍ଜି ହେଖେରିଂ ଜାର୍ କେଇ ଆରି ପାନା ଚଚଚାନ । ୪୧ ଲାଗିଂ ପା ହେଖାର ଖାରି କାଜିଂ
ପାତ୍ କିଞ୍ଜାଦାଂ କାବା ଆତିଲେ ହେଖାନ ହେଖାରିଂ ଖେନ୍‌ବାତାନ, “ଇବେ ମିବେ ଇନାକାତ ଇଚୁକ୍ କାଦି ମାନାତ୍ ?”

୪୨ ହେବେଣ୍ଟାଂ ହେଖାର ତାଙ୍ଗେଙ୍ଗ୍ ରଞ୍ଜାଙ୍ଗ୍ ଖାସ୍ତି ମିନ୍ ହିଚାର୍ । ୪୩ ଆରେ, ଜିସୁ ଅଜି ହେଖାର ମୁମ୍‌ଦ ଚିଚାନ ।

୪୪ ଆରି, ହେଖାନ ହେଖାରିଂ ଇଚାନ ମସାତି ବିଦି ଆରି ବେଶ୍‌ବାକ୍‌ଶାୟ୍‌କିନାକାର୍ ଆରି ନାନ୍‌କେର୍‌ନି ସାସ୍ତରତାକେ ନା
ବିସ୍ତେ ଇନା ଇନାକା ଇନାକା ଲେକା ଆତାଡ଼ନା, ହେ ସବୁ ପୁରା ଆନାକା ଲଡ଼ା, “ଆନ୍ ମି ହୁଦାଂ ରଚେ ମାନିହିଂ ମିଙ୍ଗେଙ୍ଗ୍
ଇ ସବୁ ବେରଣ୍ ଇଞ୍ଜିମାନଚାଙ୍ଗ୍ ।”

୪୫ ହେ ପାଦନା ହେଖାର ଇନେସ୍ ଦର୍ମ ସାସ୍ତର ବୁଜା ଆନାର୍, ହେଦାଂ କାଜିଂ ହେଖାନ ହେଖାରିଂ ବୁଦିନି ହାଜି
ଜେତାନ; ୪୬ ଆରେ, ହେଖାନ ହେଖାରିଂ ଇଚାନ, ଇ ଲାକେ ଲେକା ମାନାତ୍, “କ୍ରିସ୍ଟ ବୁକ୍‌ବଗି କିନାନ୍ ଆରି ତିନି ଦିନତାଂ
ହାକିତାକେତାଂ ନିଙ୍ଗନାନ୍, ୪୭ ଆରେ ଜିରୁସାଲମ୍‌ତାଂ ହାଙ୍ଗି ଖିଜୁ ଜାତି ତାକେ ହେଖାନ ତର୍‌ଦ ପାପ୍ କେମା କାଜିଂ
ମାନବାଦ୍‌ଲାୟ୍ ବେରଣ୍ ସୁଣାୟ୍ କିଚାର୍ । ୪୮ ଏପେଙ୍ଗ୍ ଇ ଖିଜୁ ବିସ୍ତେ ସାକି ଆନାଦେର୍ । ୪୯ ☆ ଆରେ ହୁଡ଼ାଟ୍, ନା ଆବା
ଇନାକା ରାଣ୍ ହିଡ଼ତାନା, ହେଦାଂ ଆନ୍ ମି ତାକେ ପଞ୍ଚାନାଙ୍ଗା, ମାତର୍ ଜପିତାଂ ସାକ୍ତି ପାୟାଞ୍ଜି ପାତେକ୍ ଏପେଙ୍ଗ୍ ଇ ଗାଡ଼୍‌ଦ
ମାନାଟ୍ ।”

ଜିସୁତି ସାଗେ ହାନାକା

(ମାର୍କ ୧୬:୧୯-୨୦; ପକ୍ୟାତାକା ୧:୯-୧୧)

୫୦ ☆ତା ପାଚେ ଜିସୁ ହେଖାରିଂ ବେଡ଼ନିୟା ହାନି ହାଜି ପାତେକ୍ ଅଜି ହାଚାର୍ ଆରି ଜାର୍ କେଇ ପେସ୍‌ଜି ହେଖେରିଂ
ଆସିର୍ବାଦ୍ କିତାନ । ୫୧ ଆରେ, ହେଖାରିଂ ଆସିର୍ବାଦ୍ କିଡ କିଡ ଜିସୁ ହେଖାର ତାଙ୍ଗ୍ ଏଡ଼ା ଆଜି ସାଗେଜପି ହାଚାନ ।

୫୨ ଆରେ, ହେଖାର ତାଙ୍ଗେଙ୍ଗ୍ ଜଞ୍ଜାର୍ କିଜି ବେସି ଖାରିତାଂ ଜିରୁସାଲମ୍‌ତ ଲେଉଟା ଆଚାର୍, ୫୩ ଆରେ ହେଖାର ନିତ୍ରେ
ମନ୍ଦିରତ ମାନଞ୍ଜି ଇସ୍ତର୍ ଦନ୍‌ସବାଦ୍ କିଜି ମାଚାର୍ ।

☆ ୨୪:୪୯ ୨୪:୪୯ ପକ୍ୟାତାକା ୧:୪. ☆ ୨୪:୫୦ ୨୪:୫୦ ପକ୍ୟାତାକା ୧:୯-୧୧.

ଯହନ ଲିଖିତ ସୁସମାଚାର ଜହନ୍ ଲେକିକିତି ନେକ୍ତିକାବୁର୍ ଜହନ୍ ଲେକିକିତି ବିସ୍ତେ ପାଦେକ୍

ଜିସୁ କ୍ରିସ୍ତୁ ଜିରୁନ୍ ବାତି କିଜି ମାନି ପୁନି ନିୟମନି ଚାରିଗଟା ପତିଙ୍ଗ ବିତ୍ତେ ଜହନ୍ ଲେକିକିତି ନେକ୍ତି କାବୁର୍ ରଞ୍ଜାଙ୍ଗ । ହେ ବିସ୍ତେକାଂ ନେକ୍ତି କାବୁର୍ ଇନାର, ଇମ୍‌ଶାକା ଅରଡ୍ “ନେକ୍ତି କାବୁର୍ ।” ହେଞ୍ଜାଙ୍ଗ ଇସ୍‌ବର ହାତି ପାଚେ ମାତିଉ, ମାର୍କ, ଲୁକ, ଆରି ଜହନ୍‌ତାଂ ଲେକା ଆତାଡ୍‌ନା । ଜହନ୍ ଲେକିକିତି ନେକ୍ତି କାବୁର୍ କ୍ରିସ୍ତୁ ଜିଲମ୍ ଚାରିକଡ଼ି ଦସ୍ ବାହୁଁ ପାଚେ ପକ୍ୟା ଆତି ଜହନ୍ ତାଙ୍ଗ ଲେକାଆତାଡ୍‌ନା । ଆତିସ୍‌ପା ଇ ନେକ୍ତି କାବୁର୍‌ତ ଇଦାଂ ଲେକି କିତାକାନ୍ ଜହନ୍ ଇଞ୍ଜି ହାରଦାଂ ଲେକା ଆଞ୍ଜାତାଡ୍‌ନା ମାତର୍ ଇ ନେକ୍ତି କାବୁର୍ ମେରା । ପର୍ତୁମ୍ ଜହନ୍ ଦୁଇ ଜହନ୍ ଆରି ତିନ୍ ଜହନ୍ ଲାହାଙ୍ଗ ଆନ୍ ମାନ୍ତ ସମାନ୍ । କେତେକ୍ ପାନିପତି ଲେକିକିତାର୍ ପାତ୍ କିତାର୍ ଇ ନେକ୍ତି କାବୁର୍ ଏପିସିୟତାଂ ଲେକା ଆତାଡ୍‌ନା, ଇନାକିଦେଂକି ଇ ସମୁ ଖେଡାଙ୍ଗ ଜହନ୍ ଏପିସିୟତ ବାହା କିଜି ମାଚାନ୍ ।

ଜହନ୍ ସଡ୍ ବାହେ ଇନାନ୍ “ଇସ୍‌ବର ନେ କ୍ରିସ୍ତୁ ଜିରୁନ୍ ଇସ୍‌ବର ମାଜି ।” ଜହନ୍ ୨୦:୩୧, ଇଦାଂ ପାତ୍ କିଦେଙ୍ଗ ଇଞ୍ଜି ମାନାୟାରିଂ ହାଙ୍ଗ କିନାକା ଆନାତା ଇ ନେକ୍ତି କାବୁର୍‌ନି ମୁଡ୍‌ଦାକା । ଇଦାଂ ପାତ୍ କିନି କାଜିଂ ଆସେଙ୍ଗ ଇନେସ୍ ଜିରୁନ୍ ପାୟା ଆନାସ୍ । ଇ ନେକ୍ତି କାବୁର୍ ଜିହୁଦି ଆରି ପାତ୍ କିଞ୍ଜି ଜିହୁଦି ରିୟାର୍ କାଜିଂ ଲେକା ଆଜି ମାଚାଡ୍ । ଇ ନେକ୍ତି କାବୁର୍‌ତ ଜିସୁତି ଉତର୍‌ମୁଡ୍ ତାଙ୍ଗ ତା କାବାଆନି କାମାୟିଙ୍ଗ ଆଦିକ୍ ଜର୍ ହିତାର୍‌ନା । ଜିସୁତି ବାପ୍ତିସମ୍ ଆରି ବାଟାତ ତା ପରିକ୍ୟା ଲାକେ କେତେକ୍ ଗର୍‌ଶାଂ ବିସ୍ତେ ଜହନ୍ ଇ ନେକ୍ତିବାର୍‌ତ ଇନାକା ଲେକିକିତନ୍ । ଇ ନେକ୍ତିବାର୍ ବିନ୍ ତିନିଗଟା ନେକ୍ତିକାବୁରିଂ ତାଙ୍ଗ ବିନ୍ ।

ପତି ବିସ୍ତେନି ରାହାଣ

- ୧. ନେକ୍ତି କାବୁର୍ ଆରମ୍ ଜହନ୍ ୧:୧-୧୮
- ୨. ଜିସୁତି କେତେକ୍ କାବାଆନି କାମାୟିଙ୍ଗ ଖିଜୁ ଜହନ୍ ୧:୧୯; ୧୨:୫୦
- ୩. ଜିସୁତି ଜିରୁନ୍, ହାତାକା ଆରି ଆରେ ରଗ ନିଂନାକା ଜହନ୍ ୧୩:୧; ୨୦:୩୧
- ୪. ଜିସୁତି ନିଙ୍ଗି ଚଞ୍ଜିୟାନାନ୍ ଜହନ୍ ୨୧:୧-୨୫

ଜିରୁନ୍‌ନି ବଚନ୍

୧ ହିଗ୍‌ଦ ବଚନ୍ ମାଚାନ୍, ବଚନ୍ ଇସ୍‌ବର ଲାହାଙ୍ଗ ମାଚାନ୍, ହେଞ୍ଜାନ୍ ଆରି ଇସ୍‌ବର ଏକ୍ ମାଚାନ୍ । ୨ ହେଞ୍ଜାନ୍ ହିଗ୍‌ଦ ଇସ୍‌ବର ଲାହାଙ୍ଗ ମାଚାନ୍ । ୩ ତା ଲାହାଙ୍ଗ ଇସ୍‌ବର ଖିଜୁ ବିସ୍ତେ ଉର୍‌ଜାଣ୍ କିତାନ୍; ଆରେ ଜେ ଖିଜୁ ଉର୍‌ଜା ଆତାଡ୍‌ନା, ହେବେତାଂ ପା ରଞ୍ଜାଙ୍ଗ ପା ହେଞ୍ଜାନ୍ ପିସ୍ତି ଉର୍‌ଜା ଆଞ୍ଜାତାଡ୍‌ନା । ୪ ହେଞ୍ଜାନ୍ ତାକେ ଜିରୁନ୍ ମାଚାଡ୍ ଆରି ହେ ଜିରୁନ୍ ମାନାୟାର୍‌ତି ଅଜଡ୍ । ୫ ହେ ଅଜଡ୍ ମାଜ୍‌ଗାତ ଅଜଡ୍ ଆଜି ଖାନାତା, ଆରେ ମାଜ୍‌ଗା ହେଦାଂ ମାନ୍ କିଞ୍ଜାତାଡ୍ ।

୬ ଇସ୍‌ବର କଚଣ୍ଡ କାବୁର୍ ଖେଡ୍‌ନି ରଞ୍ଜାନ୍ ମାନାୟ ଏକାତାନ୍; ହେଞ୍ଜାନ୍ ତର୍ ଜହନ୍ । ୭ ହେଞ୍ଜାନ୍ ଇନେସ୍ ଅଜଡ୍ ବିସ୍ତେ ସାକି ହିନାନ୍, ଆରେ ହେଞ୍ଜାନ୍ ଖେଡ୍‌ଞ୍ଜି ଖିଜାର୍ ପାତ୍ କିତାର୍, ଇଦାଂ କାଜିଂ ହେଞ୍ଜାନ୍ ହିଦେଂ ଇଞ୍ଜି ଖାତାନ୍ । ୮ ହେଞ୍ଜାନ୍ ନିଜେ ହେ ଅଜଡ୍ ହିଲ୍‌ଖାତାନ୍, ମାତର୍ ଅଜଡ୍ ବିସ୍ତେ ସାକି ହିଦେଂ ଇଞ୍ଜି ଖାତାନ୍ । ୯ ଇମ୍‌ଶି ହାଡ୍‌ପା ଅଜଡ୍ ପୁତ୍ ଖାଜି ଖିଜୁ ରାଜିନି ମାନାୟାରିଂ ଅଜଡ୍ କିନାଡ୍, ହେଦାଂ ନେ ହାଡ୍‌ପା ଅଜଡ୍ ।

୧୦ ହେଞ୍ଜାନ୍ ପୁତ୍ ମାଚାନ୍ ଆରି ପୁତ୍ ହେଞ୍ଜାନ୍ ହୁକେ ଉର୍‌ଜାଣ୍ ଆତାଡ୍, ଆତିସ୍‌ପା ପୁତ୍ ତାଙ୍ଗେଙ୍ଗ ଚିନ୍‌କିଦେଂ ଆଡ୍‌ଖାତାଡ୍ । ୧୧ ହେଞ୍ଜାନ୍ ଜାର୍ ରାଜିତ ଖାତାନ୍, ଆତିସ୍‌ପା ହେଞ୍ଜାନ୍ ଜାର୍ ଲକୁ ତାଙ୍ଗେଙ୍ଗ ମାନ୍ କିଞ୍ଜାତାର୍ । ୧୨ ମତର୍ ଏତେକ୍ ମାନାୟ ତାଙ୍ଗେଙ୍ଗ ମାନ୍ କିତାର୍, ଇତିସ୍ ଇମ୍‌ଶାକାର୍ ହେଞ୍ଜାନ୍ ତର୍‌ଦାଂ ପାତ୍ କିତାର୍, ହେଞ୍ଜାନ୍ ଖିଜାରିଂ ହେଞ୍ଜାନ୍ ଇସ୍‌ବର୍ କାଡ୍‌ଦେ ଆଦେଂ ଇଞ୍ଜି ଆଦିକାର୍ ହିତାନ୍; ୧୩ ହେଞ୍ଜାର୍ ନେତେର୍‌ତାଂ, ଗାଗାଡ୍‌ନି ଇଚାତାଂ ନଲେ ମାନାୟ ଇଚାତାଂ ଉର୍‌ଜା ଆଞ୍ଜାତାର୍, ଇତିସ୍ ଇସ୍‌ବରତାଂ ଉର୍‌ଜା ଆତାର୍ ।

୧୪ ଆରେ, ହେ ବଚନ୍ ମାନାୟ ଆତାନ୍, ଆରେ ଦୟା ଆରି ହାଡ୍‌ପାତ ବାତ୍ ଆଜି ମା ବିତ୍ତେ ବାହାକିତାନ୍, ଆରେ ଆବାତାଂ ଖାତି ଦୁଆଁ ମାଜିଙ୍ଗ ପାଣ୍ ଲାକେ ଆପେଂ ହେଞ୍ଜାନ୍‌ତି ପାଣ୍ ହୁଡ୍‌ତାପ୍ ।

୧୫ ଜହନ୍ ହେଞ୍ଜାନ୍ ବିସ୍ତେ ସାକି ହିଜି ଗାଜାକାଟ୍‌ତାଂ ଇଚାନ୍, “ଇନେନ୍ ନା ପାଚେ ଖାନାନା, ହେଞ୍ଜାନ୍ ନାଙ୍ଗ ତାଂ ଗାଜାକାନ୍ ଆତାନ୍ନା, ଇନାକିଦେଂକି ହେଞ୍ଜାନ୍ ନା ଆଗେ ମାଚାନ୍, ଇମ୍‌ଶାକାନ୍ ବିସ୍ତେ ଆନ୍ ଇଦାଂ ଖେଡ୍‌ଚି ମାନ୍‌ଚାଙ୍ଗ, ହେଞ୍ଜାନ୍ ଇଞ୍ଜାନ୍ ।”

☆ ୧:୨ ୧:୬ ମାତିଉ ୩:୧; ମାର୍କ ୧:୪; ଲୁକ ୩:୧,୨.

୧୭ ତା ଦୟାତା ବାତ ହୁକେ ମାଜେଙ୍ଗ୍ ଝିଜାର୍ ଆସିର୍ବାଦ୍ ପାୟା ଆତାସ୍ନା । ଆଁ, ଆସିର୍ବାଦ୍ ଜପି ଆସିର୍ବାଦ୍ ପାୟା ଆତାସ୍ନା । ୧୮ ଇସ୍ବର ବିଦି ମସା ହୁକେ ଆତାତ୍ନା, ମାତର୍ ଦୟା ଆରି ହାତ୍ପା ଜିସୁ କ୍ରିସ୍ତୁତି ହୁକେ ଖାତାତ୍ । ୧୯ ଇନେର୍ ଇନାଝାଡାଲି ଇସ୍ବରତି ହୁଡ଼ଝାଡାଣ୍ଟା, ଆବା ଖାକ୍ତ ମାନି କେବଲ୍ ତାଜେଙ୍ଗ୍ ପାଣ୍ଡା ମାଜି ତାଜେଙ୍ଗ୍ ହପ୍ତାନ ।

ବାପ୍ତିସିମ୍ ହିନି ଜହନ୍ତି ସାକି

(ମାତିଉ ୩:୧-୧୨; ମାର୍କ ୧:୧-୮; ଲୁକ ୩:୧-୧୮)

୧୯ ଏନେଙ୍ଗ୍ ଇନେର୍, ଇଦାଂ ଜହନ୍ତିଂ ଝେନ୍‌ବିନି କାଜିଂ ଜିହୁଦିର୍ ଏଚେକାଡ଼ଦ୍ ଜିରୁସାଲମ୍‌ତାଂ ମାପୁହେବାକିନାକାନ୍ ଆରି ଲେବିୟରିଂ ତା ଲାଗାଂ ପଲ୍ଲାତାର୍, “ହେପାଦ୍ନା ହେଝାନ୍ ଇ ସାକି ହିତାନ୍ ।”

୨୦ ହେଝାନ୍ ମାନି କିଝାଦାଂ, ହାର୍ କିଜି ଝେର୍‌ଚାନ୍, “ଆନ୍ କ୍ରିସ୍ତୁ ଆକାୟ୍ ।”

୨୧ ହେବେତାଂ ହେଝାର୍ ତାଜେଙ୍ଗ୍ ଝେନ୍‌ବାତାର୍, “ବାଟିଙ୍ଗ୍, ଏନ୍ ଇନାକା ଏଲିୟ ?” ହେଝାନ୍ ଇଚାନ୍, ଆନ୍ ଆକାୟ୍ ।

“ଏନ୍ ଇନାକା ହେ ବେଶ୍‌ବାକ୍‌ଶାୟ୍‌କିନାକାନ୍ ?

ହେଝାନ୍ ଉତର୍ ହିତାନ୍, ଆକାୟ୍ ।”

୨୨ ହେବେତାଂ ହେଝାର୍ ତାଜେଙ୍ଗ୍ ଇଚାର୍, ମାଜେଙ୍ଗ୍ ପଲ୍ଲିତି ମାନାୟାରିଂ ଇନେସ୍ ଉତର୍ ହିଦେଂ ଆଡ଼ନାପ୍, ଇଦାଂ କାଜିଂ “ଏନ୍ ଇନେର୍ ? ଜାର୍ତି ବିସ୍ତେ ଇନାକା ଇନାୟା ?”

୨୩ ଜିସାୟ୍ ବେଶ୍‌ବାକ୍‌ଶାୟ୍‌କିନାକାନ୍ ଇନେସ୍ ଇଞ୍ଜି ମାଚାନ୍, ହେ ଲାକେ ଜହନ୍ ଇଚାନ୍ ।

ଆନ୍ ହେ ଲାକେ ବାଲିବାଟାତ ଗାଜାକାଟ୍ କିଜି ମାନି ରଝାନ୍ତି କାଟ୍ ।

ମାପୁତି ହାଜି ହାଣକୁ କିୟାଟ୍ ।

୨୪ ଆରେ, ପାରୁସିର୍ ପକ୍ତି ମାତି କାରୁର୍ ହିନାକାର୍ ତାଜେଙ୍ଗ୍ ଇଚାର୍ । ୨୫ ହେଝାର୍ ତାଜେଙ୍ଗ୍ ଝେନ୍‌ବାତାର୍, “ଏନ୍ ଜପି କ୍ରିସ୍ତୁ କି ଏଲିୟ ହେ ବେଶ୍‌ବାକ୍‌ଶାୟ୍‌କିନାକାୟ୍ ଆକାୟ୍, ହେଦାଂ ଆଡିସ୍ ଇନେକିଦେଂ ବାପ୍ତିସିମ୍ ହିନାୟାୟା ?”

୨୬ ଜହନ୍ ହେଝେରିଂ ଉତର୍ ହିତାନ୍, “ଆନ୍ ଏଜୁଂତାଂ ବାପ୍ତିସିମ୍ ହିନାକା; ଇମ୍‌ଶାକାନିଂ ଏପେଙ୍ଗ୍ ପୁନୁଦେର୍, ହେଝାନ୍ ମି ବିତ୍ତେ ମାନାନ୍; ୨୭ ହେଝାନ୍ ନା ପାଚେ ଝାନାନା, ତାଙ୍ଗ୍ ପାନାନି ପାଣ୍ଡାକ୍ ଡରି ରିକ୍‌ତେଂ ଆନ୍ ସମାନ୍ ଆକାୟ୍ ।”

୨୮ ଜର୍ଦ୍ଦନ୍ ନାଗୁଡ଼୍ ଆଣ୍ଟିପାଡ଼କା ଇମ୍‌ଣି ବେଡ଼ନିୟାତ ଜହନ୍ ବାପ୍ତିସିମ୍ ହିଜି ମାଚାନ୍, ହେ ବାହାତ ଇ ଝିଜୁ ଗିଟା ଆତାତ୍ ।

ଇସ୍ବତ୍ ମେଣ୍ଡାହିମ୍‌ଶା

୨୯ ଆର୍କାଡ଼ ନାଜିଂ ହେଝାନ୍ ଜିସୁଙ୍ଗ୍ ଜାର୍ ଲାଗେ ଝାନାକା ହୁଡ଼ଜି ଇଚାନ୍, “ଏହେଁ ହୁଡ଼ା, ଇସ୍ବତ୍ ମେଣ୍ଡାହିମ୍‌ଶା, ଜେ ପୁଡ଼ିଂ ପାପ୍ ପିଣ୍ଡି ଅନାନ୍ । ୩୦ ନା ପାଚେ ଇନେନ୍ ଝାନାନା, ହେଝାନ୍ ନା ଗାଜାକାନ୍ ଆତାନ୍ନା, ଇନାକିଦେଂକି ହେଝାନ୍ ନା ଜଲମ୍ ଆଗେ ମାଚାନ୍, ଇମ୍‌ଶାକାନ୍ ବିସ୍ତେ ଆନ୍ ଇଦାଂ ଇଞ୍ଜି ମାଚାଙ୍ଗ୍, ହେଝାନ୍ ଇ ମାନାୟ୍ । ୩୧ ଆନ୍ ପା ତାଜେଙ୍ଗ୍ ଚିନ୍ କିଝାଦାଂ ମାଚାଙ୍ଗ୍, ମାତର୍ ହେଝାନ୍ ଇନେସ୍ ଇସ୍ବାଏଲ୍ ମାନାୟାର୍ ଲାଗେ ଚଞ୍ଜୟା ଆନାନ୍, ଇ କାଜିଂ ଆନ୍ ଏଜୁଂତାଂ ବାପ୍ତିସିମ୍ ହିଦେଂ ଝାତାଙ୍ଗନା ।”

୩୨ ଆରେ, ଜହନ୍ ସାକି ହିଜି ଇଚାନ୍, “ଆନ୍ ଜିରୁନ୍ତିଂ ପାଣ୍ଡାକା ଲାକେ ବାଦାଡ଼ତାଂ ତା ଜପି ଜୁଦ୍‌ନାକା ହୁଡ଼ତାଙ୍ଗ୍‌ନା, ଆରେ ହେଦାଂ ତା ଜପି କୁଚାଡ଼, ଏନେଙ୍ଗ୍ ନା ଝାରିନି ମାଜି, ନି ତାକେ ନାତାଂ ବେସି ଝାରି ମାନାଡ଼ ।” ୩୩ “ଆନ୍ ପା ତାଜେଙ୍ଗ୍ ଚିନ୍ କିଝାଦାଂ ମାଚାଙ୍ଗ୍, ମାତର୍ ଜେ ନାଜେଙ୍ଗ୍ ଏଜୁଂତାଂ ବାପ୍ତିସିମ୍ ହିଦେଂ ପକ୍‌ତାନ୍, ହେଝାନ୍ ନାଜେଙ୍ଗ୍ ଇଚାନ୍, ଇମ୍‌ଶାକାନ୍ ଜପି ଜିରୁନ୍ତିଂ ଜୁଦ୍‌ନାକା ହୁଡ଼ନାଦେର୍, ହେଝାନ୍ ହେ ମାନାୟ୍, ଜେ ପୁଇପୁୟା ଜିରୁଡ଼ାଂ ବାପ୍ତିସିମ୍ ହିନାନ୍ । ୩୪ ଆରେ, ଆନ୍ ହେଦାଂ ହୁଡ଼ତାଙ୍ଗ୍‌ନା, ଆରି ହେଝାନ୍ ଇସ୍ବତ୍ ମାଜି ଇଞ୍ଜି ସାକି ହିନାନା ।”

ଜିସୁତି ପର୍ତ୍ତମ୍ ଚେଲାର୍

୩୫ ପାଚେନି ନାଜିଂ ଆରେ ରଗ ଜହନ୍ ଆରି ହେ ଚେଲାର୍ ବିତ୍ତେ ରିକାର୍ ଲାହାଙ୍ଗ୍ ନିଲ୍‌ଚି ମାଚାର୍; ୩୬ ଆରେ, ହେଝାନ୍ ଜିସୁଙ୍ଗ୍ ହେ ହାଜି ହିଜି ହାନାକା ହୁଡ଼ଜି ତାଜେଙ୍ଗ୍ ଇଚାନ୍, “ଇଝାନ୍ ହୁଡ଼ାଟ୍, ଇସ୍ବତ୍ ମେଣ୍ଡାହିମ୍‌ଶା ।”

୩୭ ହେ ରିକାର୍ ଚେଲାର୍ ହେ ବେରଣ୍ ଝେନ୍‌ଞ୍ଜି ଜିସୁତି ପାଚେ ପାଚେ ହାଚାର୍ । ୩୮ ଜିସୁ ପାଟ୍‌ବାଗାଂ ମାସ୍‌ଦି ହେଝେରିଂ ପାଚେ ପାଚେ ଝାନାକା ହୁଡ଼ଜି ଝେନ୍‌ବାତାନ୍, “ଏପେଙ୍ଗ୍ ଇନାକା ଦାହ୍‌ନାଦେରା ?”

ହେଝାର୍ ତାଜେଙ୍ଗ୍ ଉତର୍ ହିତାର୍, “ରାବ୍‌ବି ଇନାକା ଅରଡ଼ ଗୁରୁ, ଏନ୍ ଇମେତାକେ ମାନାୟା ?”

୩୯ ହେଝାନ୍ ହେଝେରିଂ ଇଚାନ୍, “ଝାଡ଼, ହୁଡ଼ନାଦେର୍ ।” ହେବେଣ୍ଡା ହେଝାର୍ ହାଲ୍‌ଜି ହେଝାନ୍ତି ବାହା ହୁଡ଼ତାର୍, ଆରେ ହେ ନାଜିଂ ତା ହୁଦାଂ ମାଚାର୍; ଇନେକିଦେଂକି ହେପାଦ୍ନା ମ୍ରିକାହାରେସ୍ କମ୍‌ସେକମ୍ ଚାର୍‌ଟା ଆଜି ମାଚାଡ଼ ।

୪୦ ଇମ୍‌ଣି ରିକାର୍ ଜହନ୍ତି ବେରଣ୍ ଝେନ୍‌ଞ୍ଜି ଜିସୁତି ପାଚେ ପାଚେ ହାଲ୍‌ଜି ମାଚାର୍, ହେଝାର୍ ବିତ୍ତେ ରକାନ୍ ସିମନ୍ ପିତର୍ ଟଣ୍ଡାହି ଆହିୟ ମାଚାନ୍ । ୪୧ ହେଝାନ୍ ପର୍ତ୍ତମ୍ ଜାର୍ ଟଣ୍ଡେନ୍ ସିମନ୍ତିଂ ଚଞ୍ଜା ଆଜି ତାଜେଙ୍ଗ୍ ଇଚାନ୍,

ଆପେଂ ମସିୟାତି ହୁଡ଼ତାପ୍ନା, “ଇମ୍ମଣାକା ଅରଡ଼ କ୍ରିସ୍ତୁ ।” ୪୨ ହେୱାନ୍ ତାଙ୍ଗେଙ୍ଗ୍ ଜିସୁ ଲାଗାୟ୍ ତାହିୱାତାନ୍ । ଜିସୁ ହେୱାନ୍ ହୁଡ଼ଜି ଇଚାନ୍, “ଏନ୍ ଜହନ୍ ମେହି ସିମନ୍ ।” ଏନ୍ କୈପା ସବଦ୍ ଅରଡ଼ ପିତର ନଲେ କାଲ୍ ।

ଇସ୍ତୁର ପିଲିପି ଆରି ନିତନିୟେଲ୍ଡିଂ କୁକ୍ନାନ୍

୪୩ ଆକାଡ଼ ନାଜିଂ ଜିସୁ ଗାଲିଲିତ ହସି ହାଜେଙ୍ଗ୍ ଇଞ୍ଜି ମାନ୍ କିତାନ୍, ଆରେ ହେୱାନ୍ ପିଲିପ୍ପୟ୍ ଚଞ୍ଜ୍ୟା ଆଜି ତାଙ୍ଗେଙ୍ଗ୍ ଇଚାନ୍, “ନା ପାରେପାରେ ୱା ।” ୪୪ ପିଲିପ୍ପ୍ ବେଡ଼ସାଲଦାନି ଲକ୍ ମାଚାନ୍, ହେଦାଂ ଆହିୟ୍ ଆରି ପିତରତି ଗାଡ଼୍ ମାଚାଡ଼ । ୪୫ ପିଲିପ୍ପ୍ ନିତନିୟେଲ୍ଡିଂ ଚଞ୍ଜ୍ୟା ଆଜି ତାଙ୍ଗେଙ୍ଗ୍ ଇଚାନ୍, “ଇମ୍ମଣାକାନ୍ ବିସ୍ତେ ମସା ବିଦିନି ପତିତ ଲେକିକିତାନ୍ନା, ଆରେ ବେଶ୍‌ବାକ୍‌ଶାୟ୍‌କିନାକାର୍ ପା ଲେକିକିତାଣ୍ଡା, ଆସେଙ୍ଗ୍ ହେୱାନ୍ ଚଞ୍ଜ୍ୟା ଆତାସ୍ନା; ହେୱାନ୍ ଜସେପ୍ ମାଜି ନାଜରିତୟ୍ ଜିସୁ ।”

୪୬ ନିତନିୟେଲ୍ଡିଂ ତାଙ୍ଗେଙ୍ଗ୍ ୱେନ୍‌ବାତାନ୍, “ନାଜରିତୟ୍ଡା କି ଇନାକାପା ହାର୍ଦି ବିସ୍ତେ ୱାଦେଙ୍ଗ୍ ଆଡ଼୍‌ଦାନାଡ଼ କି?” ପିଲିପ୍ପ୍ ତାଙ୍ଗେଙ୍ଗ୍ ଇଚାନ୍, “ୱାଜି ହୁଡ଼ାଡ଼ ।”

୪୭ ଜିସୁ ନିତନିୟେଲ୍ଡିଂ ଜାର୍ ଲାଗେ ୱାନାକା ହୁଡ଼ଜି ହେ ବିସ୍ତେ ଇଚାନ୍, “ଇଦାଂ ହୁଡ଼ା ହାଡ଼ପାନେ ଇ ରକାନ୍ ଇସ୍ତାଏଲିୟ୍ ମାନାୟ୍, ଇୱାନ୍ ତାକେ ଚିଭଲି ହିଲୁଡ଼ ।”

୪୮ ନିତନିୟେଲ୍ଡିଂ ତାଙ୍ଗେଙ୍ଗ୍ ୱେନ୍‌ବାତାନ୍, “ଏନ୍ ନାଙ୍ଗେଙ୍ଗ୍ ଇନେସ୍ ଚିନକିଡ଼ତାୟ୍?”

ଜିସୁ ତାଙ୍ଗେଙ୍ଗ୍ ଉତର ହିତାନ୍, “ପିଲିପ୍ପ୍ ନିଙ୍ଗେଙ୍ଗ୍ କୁକ୍ତିନି ଆଗେ ଏନ୍ ଏଚେକାଡ଼୍‌ଦ ତଗା ମାର୍ ତାରେନ୍ ମାଚାୟ୍, ହେପାଦ୍‌ନା ଆନ୍ ନିଙ୍ଗେଙ୍ଗ୍ ହୁଡ଼ଜି ମାନ୍‌ଞ୍ଜାଙ୍ଗ୍ ।”

୪୯ ନିତନିୟେଲ୍ଡିଂ ତାଙ୍ଗେଙ୍ଗ୍ ଉତର ହିତାନ୍, “ଏ ଗୁରୁ, ଏନ୍ ଇସ୍ତୁତ୍ ମାଜି, ଏନ୍ ଇସ୍ତାଏଲ୍‌ନି ରାଜା ।”

୫୦ ଜିସୁ ତାଙ୍ଗେଙ୍ଗ୍ ଉତର ହିତାନ୍, “ଆନ୍ ନିଙ୍ଗେଙ୍ଗ୍ ତଗା ମାର୍ ତାରେନ୍ ହୁଡ଼ଜି ମାନ୍‌ଞ୍ଜାଙ୍ଗ୍ ଇଞ୍ଜି ଇଚିଲେ କି ଏନ୍ ପାତ୍ କିନାୟା? ଏନ୍ ଇବେତାଂ ଆରେ ଗାଜା ଗାଜା ବିସ୍ତେ ହୁଡ଼ନାୟ୍ ।” ୫୧ ଆରେ, ହେୱାନ୍ ତାଙ୍ଗେଙ୍ଗ୍ ଇଚାନ୍, “ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ୍ ଇଞ୍ଜିନାଙ୍ଗା, ଏପେଙ୍ଗ୍ ସାଗେତ ଜେୟାନ୍‌ଡା ଆରି ଇସ୍ତୁତ୍ ଦୁଡ଼ର୍ ମାନାୟ୍ ମାଜିତି ଜପି ଦୁମ୍‌ନାକା ଆରି ଜୁଦ୍‌ନାକା ହୁଡ଼ନାଦେର୍ ।”

୨

କାନ୍ନା ନାସ୍ତା ବିବା

୧ ତିନ୍ ଦିନ୍ତ ଗାଲିଲିନି କାନାତ ର ବିବା ମାଚାଡ଼, ଆରେ ଜିସୁ ତେହି ହେବେ ମାଚାଡ଼; ୨ ଜିସୁ ପା ଜାର୍ ଚେଲାର୍ ଲାହାଙ୍ଗ୍ ହେ ବିବାତ କୁକ୍ୟା ଆତାନ୍ । ୩ ବଜି ଓଜ୍‌ଓହିଙ୍ଗ୍ ହେୱାର୍‌ତି ଅଙ୍ଗୁର୍ ରାସ୍ ଓସ୍ତ୍ରଲେ ଜିସୁ ତେହି ଜିସୁଙ୍ଗ୍ ଇଚାଡ଼, “ହେୱାର୍‌ତି ଅଙ୍ଗୁର୍ ରାସ୍ ହିଲୁଡ଼ ।”

୪ ହେବେଶ୍ତାଂ ଜିସୁ ତାଙ୍ଗେଙ୍ଗ୍ ଇଚାନ୍, ନି ଲାହାଙ୍ଗ୍ ନାଦି ଇନାକା ମାନାଡ଼ “ନାଙ୍ଗ୍ ଇନେକିଦେଂ ଇବେ ମିହାୟ୍ କିଦ୍‌ନାୟା? ନା ସମ୍ ଅଙ୍ଗୟ୍ ପାତେକ୍ ଏକା ଆୱାତାଡ଼ନା ।”

୫ ହେ ତେହି ହେବା କିନାକାରିଂ ପାସ୍‌ପାନାକାରିଂ ଇଚାଡ଼, “ହେୱାନ୍ ମିଙ୍ଗେଙ୍ଗ୍ ଇନାକା ଇଞ୍ଜିନାନ୍, ହେଦାଂ କିୟାଡ଼ ।”

୬ ଆରେ, ହେବେ ଜିହୁଦିତ୍ ନିର୍ମଲ୍ ଆନି ରିତି ଲାକେ ସହେ ଲିଟର୍ ଏଜୁଂ ଇଡ଼ଜି ଚଅଗଟା କାଲ୍‌କୁ କୁଣ୍ଡ ଇଡ଼ଜି ମାଚାର୍ । ୭ ଜିସୁ ଆଡ଼ିୟାରିଂ ଇଚାନ୍, “କୁଣ୍ଡକୁକାଂ ଏଜୁଂ ବାତ୍ କିୟାଡ଼ ।” ହେବେଶ୍ତାଂ ହେୱାର୍ ହେ ଓଜ୍‌ ଅଟି ପାତେକ୍ ବାତ୍ କିଚାର୍ । ୮ ଆରେ, ହେୱାନ୍ ହେୱାରିଂ ଇଚାନ୍, “ନଙ୍ଗୟ୍ ଉନ୍‌ଦି ଅଜି ବଜିନି ମୁଣିକାଂ ଲାଗେ ଅହାଡ଼ ।” ହେବେଶ୍ତାଂ ହେୱାର୍ ଅଜି ହାଚାର୍ । ୯ ବଜିନି ମୁଣିକା ଅଙ୍ଗୁର୍ ରାସ୍ ଆଜି ମାଚି ହେ ଏଜୁଂ ୱେଶ୍‌ଜି ହେଦାଂ ଇମେତାଂ ୱାଡିକ୍, ଇଦାଂ ପୁନ୍‌ୱାଦାଂ ମାଚିଲେ ମାଚର୍ ଇମ୍‌ଣି ହେବା କିନାକାର୍ ଏଜୁଂ ଉନ୍‌ଦି ମାଚାର୍, ହେୱାର୍ ପୁନ୍‌ଞ୍ଜି ମାଚାର୍ ବିବାଆନାକାନିଂ କୁକ୍ତି ଇଚାର୍, ୧୦ “ଓଜ୍‌କାର୍ ପର୍ଡ଼ମ୍‌ତ ହାଦ୍ ଅଙ୍ଗୁର୍ ରାସ୍ ହିନାର୍, ଆରେ ମାନାୟାର୍ ଉଶ୍‌ଜି ହର୍‌ଚି ପାଚେ ଜବାକାଲିଂ ହିନାର୍; ଏପେଙ୍ଗ୍ ଅଙ୍ଗୟ୍ ପାତେକ୍ ହାଦ୍ ଅଙ୍ଗୁର୍ ରାସ୍ ଇଡ଼ତାଦେଶ୍‌ଣ୍ଡା ।”

୧୧ ଜିସୁ ଇ ଲାକେ ଗାଲିଲିନି କାନାତ ପର୍ଡ଼ମ୍ କାବାକିନି କାମାୟ୍ ହାଂଜି ଜାର୍ ପାଶ୍ ଚଡ଼ଚାନ୍, ଆରେ ତା ଚେଲାର୍ ତା ତାକେ ପାତ୍ କିଚାର୍ ।

୧୨ ଇଦାଂ ପାଚେ ହେୱାନ୍ ଜାର୍ ଆୟାଂ, ଟଣ୍ଡାର୍‌ବାଇ ଆରି ଚେଲାର୍ ଲାହାଙ୍ଗ୍ କପର୍‌ନାହୁମ୍ ତାକେ ହାଚାର୍; ପାଚେ, ହେୱାର୍ ହେବେ ବେସି ଦିନ୍ ମାନ୍‌ୱାଚାର୍ ।

ଇସ୍ତୁର ଜିରୁସାଲମ୍‌ତ ମନ୍ଦିରତ ହାଚାନ୍

(ମାତିଉ ୨୧:୧୨-୧୩; ମାର୍କ ୧୧:୧୫-୧୭; ଲୁକ ୧୯:୪୫-୪୬)

୧୩ ହେ ପାଦ୍‌ନା ଜିହୁଦିତ୍ ନିସ୍ତାର୍ ପାର୍ ଲାଗେ ଆଜି ମାଚାଡ଼, ଆରେ ଜିସୁ ଜିରୁସାଲମ୍‌ତ ହାଚାନ୍ । ୧୪ ହେବେ ହେୱାନ୍ ହୁଡ଼ତାନ୍, ମନ୍ଦିର ବିତ୍ରେ ମାନାୟ୍ କଡ଼ିଙ୍ଗ୍, ମେଶ୍ତା ଆରି ପାଣ୍ଡକା ବେପ୍‌ରିୟାରିଂ ଆରେ ତାରୁଙ୍ଗ୍ ବେପ୍‌ରିୟାରିଂ କୁଟ୍ ଜପି ଗାଡ଼ି କିଜି ମାନାକା ହୁଡ଼ତାନ୍ । ୧୫ ହେବେ ହେୱାନ୍ ଡରିତାଂ ର କରତା ରଚ୍‌ଚି କଡ଼ି ଆରି ମେଶ୍ତାକାଂ ଓଜ୍‌କାରିଂ ମନ୍ଦିରତାଙ୍ଗ୍

ବାର୍ତ୍ତ ହପ୍ତାଦ୍ଧ; ଆରେ, ତାବୁଙ୍ଗ ବେପ୍ପରିୟାର୍ତ୍ତି ତାବୁଙ୍ଗ ସବୁ ଡିଝିଜି ହେଝାର୍ତ୍ତି ଚେବୁଲିଂ ଉଲ୍ଗାୟ କିଜି ତାବୁଙ୍ଗ ତାରେନ୍ ଡିଝିତାର୍; ୧୭ ଆରେ, ହେଝାନ୍ ପାଣ୍ଡୁକା ବେପ୍ପରିୟାରିଂ ଇଚାନ୍, “ଇଝାକାଂ ଇବେଣ୍ଡା ଅହାଟ୍, ମାଞ୍ଜି ଆବା ଇଲ୍ଦିଂ ବେପ୍ପାବ୍ ଇଲ୍ କିମାଟ୍ ।” ୧୭ “ମି ଇଲ୍ କାଜିଂ ଇଚା ନାଲେଙ୍ଗ୍ ଝିସ୍ତାନାଟ୍ ଇଦାଂ ଲେକା ମାନାଟ୍ ଇଞ୍ଜି ତା ଚେଲାର୍ ମାତ୍ଟ ଏତୁ କିତାର୍ ।”

୧୮ ହେବେ ଜିହୁଦିର୍ତାଂ ଉତର୍ ହିତାର୍, “ଏନ୍ ଇ ସବୁ କାମାୟ କିନି କାଜିଂ ଆଦିକାର୍ ପାୟଆତାଂନା ଇଞ୍ଜି ଆପେଂ ଇନେସ୍ ପୁନାପ୍ ?” ଆରେ ଇମ୍ଣି ଚିନ୍ ହୁକେ ମାଲେଙ୍ଗ୍ ହେଦାଂ ଚଚ୍ଚାନାୟା ।

୧୯ ଜିସୁ ହେଝେରିଂ ଉତର୍ ହିତାନ୍, “ଏପେଙ୍ଗ୍ ଇ ମନ୍ଦିର୍ତିଂ ବାଡ଼ହାୟ କିୟାଟ୍, ଆରେ ତିନି ଦିନ୍ ବିତ୍ରେ ଆନ୍ ହେଦାଂ ରଚ୍ଚନାଙ୍ଗ୍ ।”

୨୦ ହେବେ ଜିହୁଦିର୍ ଇଚାର୍, “ଇ ମନ୍ଦିର୍ ରଚ୍ଚେଂ ଇଞ୍ଜି ରିକଡିଚ ବାହୁଁ ଲାଗାଆଡନା; ଆରେ ଏନ୍ ଇନାକା ହେଦେଲିଂ ତିନ୍ଦିନ୍ତାଂ ରଚ୍ଚେଂ ଆଡନାୟ ?”

୨୧ ମାତର୍ ହେଝାନ୍ ନିଜାର୍ ଗାଗାଡ଼୍ ବାଡ଼ାକା ମନ୍ଦିର୍ତିଂ ହୁଡ଼ଜି ଇଦାଂ ଇଞ୍ଜି ମାଚାନ୍ । ୨୨ ଲାଗିଂ ହେଝାନ୍ ହାତାକାର୍ ବିତ୍ରେତାଂ ନିଙ୍ଗତି ପାଚେ ତା ଚେଲାର୍ ହେଝାନ୍ ଇଦାଂ ଇଞ୍ଜି ମାଚାନ୍ ଇଞ୍ଜି ଏଡ଼ କିତାର୍; ପାଚେ, ହେଝାର୍ ଦରମ୍ ସାସ୍ତର୍ ଆରି ଜିସୁ ଇଞ୍ଜିମାଟି ବଚନ୍ ପାଚ୍ କିତାର୍ ।

ଜିସୁ ମାନାୟ ହାଡ଼ପା ପୁନାନ୍

୨୩ ନିସ୍ତାର୍ ପାର୍ଟୁ ସମୁତ ହେଝାନ୍ ଜିରୁସାଲମତ ମାନିଝାଡାଙ୍ଗ୍ ହେନି ତାଲେଙ୍ଗ୍ କିତାକା କାବାଆନି କାମାୟଙ୍ଗ୍ ହୁଡ଼ଜି ତା ତରଦାଂ ପାଚ୍ କିତାର୍, ୨୪ ମାତର୍ ଜିସୁ ହେଝାର୍ ଜପି ପାଚ୍ କିଝାଦାଂ ମାଚାନ୍ ଇନାକିଦେଂକି ହେଝାର୍ ମାତ୍ଟ ପୁନ୍ଞି ମାଚାନ୍, ୨୫ ଆରେ, ଇମ୍ଣାକାନ୍ ଜେ ମାନାୟ ବିସ୍ତେ ସାକି ହିନାନ୍, ଇଦାଂ ତାଦାଙ୍ଗ୍ ଲଡ଼ା ହିଲ୍ଝାତାଡ଼, ଲାଗିଂ ମାନାୟ ଝାସ୍ତିତ ଇନାକା ମାନାଟ୍, ହେଦାଂ ହେଝାନ୍ ନିଜେ ପୁଞ୍ଜିମାଚାନ୍ ।

୩

ଇସ୍ବର୍ ଆରି ନିକଦିମ୍

୧ ପାରୁସିର୍ ବିତ୍ରେ ନିକଦିମ୍ ତରଦାକାନ୍ ରଝାନ୍ ମାନାୟ ମାଚାନ୍, ହେଝାନ୍ ଜିହୁଦିର୍ ରଝାନ୍ ମୁଡ଼ଦାକାନ୍ । ୨ ହେଝାନ୍ ନାଶା ସମୁତ ଜିସୁତି ଲାଗେ ଝାଜି ତାଲେଙ୍ଗ୍ ଇଚାନ୍, “ଏ ଗୁରୁ, ଏନ୍ ଜେ ଇସ୍ବର୍ତାଂ ଝାଜି ମାଟି ଗୁରୁ, ଇଦାଂ ଆପେଂ ପୁନାପ୍, ଇନାକିଦେଂକି ଏନ୍ ଇ ଇମ୍ଣି ଝିଜୁ କାବାଆନି କାମାୟ କିତାୟନା, ଇସ୍ବର୍ ଲାହାଂ ହିଲ୍ଝିତିସ୍ ହେ ସବୁ ଇନେର୍ କିଦେଙ୍ଗ୍ ଆଡୁର୍ ।”

୩ ଜିସୁ ତାଲେଙ୍ଗ୍ ଉତର୍ ହିତାନ୍, “ହାଡ଼ପା ହାଡ଼ପା ଆନ୍ ନିଲେଙ୍ଗ୍ ଇଞ୍ଜନାଙ୍ଗ୍, ଆରେ ରଗ ଜଲମ୍ ଆଝିତିସ୍ ଇନେର୍ ଇସ୍ବର୍ ରାଜି ହୁଡ଼ଦେଂ ଆଡୁନ୍ ।”

୪ ନିକଦିମ୍ ତାଲେଙ୍ଗ୍ ଝେନ୍ବାତାନ୍, “ବୁଡ଼ହି ଆତିସ୍ ମାନାୟ ଇନେସ୍ କିଜି ଜଲମ୍ ଆନାନ୍ ? ହେଝାନ୍ ଇନାକା ରି ହାଜାର୍ ଆୟା ପଟତ ହଣ୍ଡି ଜଲମ୍ ଆଦେଂ ଆଡନାଂ ?”

୫ ଜିସୁ ଉତର୍ ହିତାନ୍, ହାଡ଼ପା ହାଡ଼ପା “ଆନ୍ ନିଲେଙ୍ଗ୍ ଇଞ୍ଜନାଙ୍ଗ୍,” ଏଜୁଂ ଆରି ଜିବୁନ୍ତାଂ ଜଲମ୍ ଆଝିତିସ୍ ଇନେର୍ ଇସ୍ବଟ୍ ରାଜିତ ହଣ୍ଡେଙ୍ଗ୍ ଆଡୁନ୍ । ୬ ଗାଗାଡ଼ତାଂ ଇନାକା ଆତାଡ଼ନ୍ନା, ହେଦାଂ ଗାଗାଡ଼; ଆରେ, ଜିବୁନ୍ତାଂ ଇନାକା ଆତାଡ଼ନ୍ନା, ହେଦାଂ ଜିବୁନ୍ । ୭ ନିଲେଙ୍ଗ୍ ଆରେ ରଗ ଜଲମ୍ ଆନାକା ମାନାଟ୍ ଇଞ୍ଜି ଆନ୍ ଜେ ନିଲେଙ୍ଗ୍ ଇନ୍ଚାଙ୍ଗ୍, ଇଦାଂ କାବା ଆମାଟ୍ । ୮ ଡ଼ଲ୍ ଇମ୍ଣି ବାଗାଙ୍ଗ୍ ମାନ୍ କିନାଟ୍, ହେ ବାଗାଙ୍ଗ୍ ହାନାଟ୍ ଆରେ ଏପେଙ୍ଗ୍ ତାଦାଙ୍ଗ୍ ଗାଜାର୍ ଝେନ୍ଞି ମାନାଦେର୍, ମାତର୍ ହେଦାଂ ଇମେତାଂ ଝାନାଟ୍ ଆରେ ଇମେ ନିପ ହାନାଟ୍, ହେଦାଂ ପୁନ୍ଦେର୍; ଜିବୁନ୍ତାଂ ଉବ୍ଜାଣ୍ ଝିଜାର୍ ମାନାୟ ବିସ୍ତେ ହେ ଲାକେ ।

୯ ନିକଦିମ୍ ତାଲେଙ୍ଗ୍ ଉତର୍ ହିତାନ୍, “ଇ ଝିଜୁ ଇନେସ୍ ଆନାଟ୍ ?”

୧୦ ଜିସୁ ତାଲେଙ୍ଗ୍ ଉତର୍ ହିତାନ୍, “ଏନ୍ ଇସ୍ତାଏଲ୍ନି ରକାୟ ଗୁରୁ ଆଜି ପା ଇନାକା ଇ ସବୁ ବୁଜାଆଡୟା ? ୧୧ ଆନ୍ ନିଲେଙ୍ଗ୍ ହାଡ଼ପା ଇଞ୍ଜନାଙ୍ଗା, ଆପେଂ ଇମ୍ଣାକା ପୁନାପ୍, ହେଦାଂ ଇନାପ୍, ଆରେ ଇନାକା ହୁଡ଼ତାପ୍ନା, ତା ବିସ୍ତେ ସାକି ହିନାପ୍, ଆରେ ଏପେଙ୍ଗ୍ ମାଦାଂ ସାକି ଇଚୁଦେରା । ୧୨ ଆନ୍ ମିଲେଙ୍ଗ୍ ପୁଟ୍ ବିସ୍ତେ ଇଞ୍ଜିସ୍ ଜଦି ଏପେଙ୍ଗ୍ ପାଚ୍ କିଝିତିସ୍, ତେବେ ମିଲେଙ୍ଗ୍ ସାଗେ ବିସ୍ତେ ଇଞ୍ଜିସ୍ ଇନେସ୍ ପାଚ୍ କିନାଦେର୍ ? ୧୩ ଇମ୍ଣି ମାନାୟ ମାଜି ସାଗେତାଂ ଜୁଡ଼ତାନ୍, ହେଝାନିଂ ପିସ୍ତି ଆରେ ଇନେର୍ ସାଗେ ହାଲ୍ଝାତାର୍ନା ।”

୧୪ ଆରେ, ମସା ଇନେସ୍କି ବାଟାତ ପିତାଡ଼୍ ରାଚ୍ତିଂ ଜପି ପେସ୍ଜି ମାଚାନ୍, ମାନାୟ ମାଜି ପା ହେ ଲାକେ ଜପି ପେଜ୍ୟା ଆନାନ୍, ୧୫ ଇନେସ୍ ଇନେର୍କି ତା ତାକେ ପାଚ୍ କିତାର୍, ହେଝାନ୍ ଝିଜ୍ଝି ଜିବୁନ୍ ପାୟା ଆନାନ୍ । ୧୬ ଇନାକିଦେଂକି ଇସ୍ବର୍ ପୁଟ୍ ଶିଂ ଏଚେକ୍ ଜିଉନତାନ୍ ଜେ, ହେଝାନ୍ ଜାର୍ ପାଣ୍ଡାଁ ମାଜିଙ୍ଗ୍ ଦାନ୍ କିତାନ୍, ଇନେସ୍ ଇନେର୍କି ତା ତାକେ

☆ ୨:୧୯ ୨:୧୯ ମାଡିଉ ୨୭:୨୧; ୨୭:୪୦; ମାର୍କ ୧୪:୫୮; ୧୫:୨୯.

ପାତକ କିତାର, ହେୱାନ ନସ୍ ଆଖାଦାଂ ଓଜ୍ଞି ଜିରୁନ୍ ପାୟା ଆନାନ୍ । ୧୭ ଇସ୍‌ର ତା ମେହିଙ୍ ପୁତ ତ ବିଚାର କିନି କାଜିଂ ଆକାୟ, ମାତର ପୁତ ଇନେସ୍ ତା ଲାହାଙ୍ ମୁକ୍ତି ଆନାନ୍ ହେଦାଂ କାଜିଂ ପକ୍‌ତାନନା ।

୧୮ ଇନେନ୍ ମାଜିତାକେ ପାତକ କିତାର, ହେୱାନ ବିଚାର କିୟାଆଉନ୍; ଇନେନ୍ ପାତକ କିଉନ୍, ହେୱାନ ବିଚାର କିୟାଆତାନେ, ଇନାକିଦେଂକି ହେୱାନ ଇସ୍‌ତ ପାଣ୍‌ଆଁ ମାଜି ତରଦ ପାତକ କିଞ୍ଜାତାନନା । ୧୯ ଆରେ, ହେ ବିଚାର ଇ, ପୁତ ଅଜଡ଼୍‌ଞ୍ଜାତାତ୍, ମାତର ମାନାୟାର୍ ଅଜଡ଼୍‌ ପିସ୍ତି ମାଜଗାତିଂ ଜିଉନତାର୍, ଇନାକିଦେଂକି ହେୱାର୍‌ତି କାମାୟ୍ ସବୁ ବାନ୍ୟା । ୨୦ ଇନାକିଦେଂକି ଇନେରକି ବାନ୍ୟା କାମାୟ୍ କିନାନ୍, ହେୱାନ ଅଜଡ଼୍‌ତିଂ ଗିଣ୍ କିନାନ୍, ଆରେ କାତେହିନା ସଡ଼୍ କାମାୟ୍‌ନି ଦସ୍ ହନାତ୍, ଇଦାଂ କାଜିଂ ହେୱାନ ଅଜଡ଼୍‌ ଲାଗାଂ ଖାଉନ୍ । ୨୧ ମାତର ଇନେନ୍‌କି ହାତ୍‌ପା ବେବାର୍ କିନାନ୍, ହେୱାନ ଅଜଡ଼୍‌ ଲାଗାଂ ଖାନାନ୍, ଇନେସ୍ ହେଦାଂ ଓଜ୍ଞି କାମାୟ୍ ସବୁ ଇସ୍‌ର ତାକେ କିତାକା ଇଞ୍ଜି ହନାତ୍ ।

ଜିସୁ ଆରି ଜହନ୍

୨୨ ଇଦାଂ ପାଚେ ଜିସୁ ଆରି ତା ଚେଲାର୍ ଜିହୁଦା ଦେସ୍‌ତ ହାଚାର୍, ଆରେ ହେୱାନ ହେ ବାହାତ ହେଞ୍ଜେର୍ ଲାହାଙ୍ ମାନଞ୍ଜି ବାପ୍ତିସିମ୍ ହିଦେଂ ଲାଗାତାନ । ୨୩ ଜହନ୍ ପା ସାଲମ୍ ଲାଗେ ଏନନ୍‌ତ ଜହନ୍ ବାପ୍ତିସିମ୍ ହିଜି ମାଚାନ, ଇନାକିଦେଂକି ହେ ବାହାତ ବେସି ଏଜୁଂ ମାଟିକ୍, ଆରେ ମାନାୟାର୍ ଖାଜି ବାପ୍ତିସିମ୍ ଅଜି ମାଚାର୍; ୨୪ ଜହନ୍ ହେ ପାଚେକ୍ ଜଲ୍ ଇଞ୍ଜି ଗେହନାକା ଆଖାଦାଂ ମାଚାନ ।

୨୫ ହେ ବିତ୍ରେ ନିର୍ମଲ୍ କାମ୍ ବିସ୍ତେ ଜହନ୍ କେତେକ୍ ଚେଲାର୍ ରଞ୍ଜାନ୍ ଜିହୁଦି ଲାହାଙ୍ ଉର୍ଜି କିବାଆତାର୍ ୨୬ ଆରେ, ହେୱାର୍ ଜହନ୍ ଲାଗେ ହାଲ୍‌ଜି ତାଙ୍ଗେଙ୍ ଇଚାର୍, “ଏ ଗୁରୁ, ଜେ ଜର୍ଦ୍‌ନି ଆଣ୍ଟିପାଡ଼କା ନି ଲାହାଙ୍ ମାଚାର୍, ଇନେନ୍ ବିସ୍ତେ ଏନ୍ ସାକି ହିତାୟନା, ହୁଡ଼ାଟ୍, ହେୱାନ ବାପ୍ତିସିମ୍ ହିନାନା ଆରି ଓଜ୍ଞାକାର୍ ତା ଲାଗେ ହାନାରା ।”

୨୭ ଜହନ୍ ଉତର ହିତାନ୍, “ସାଗେତାଂ ହିଦ୍ୟାଆଞ୍ଜିସ୍ ମାନାୟ୍ ବିରକ୍‌ଲ୍ ପାୟା ଆଉନ୍ । ୨୮ ଆନ୍ ଜେ କ୍ରିସ୍ଟୁ ଆକାୟ୍, ମାତର ତା ଆଗେ ପକ୍ୟା ଆତାଙ୍‌ନା, ଇଦାଂ ଆନ୍ ଇଞ୍ଜି ମାଚାଙ୍ ଇଞ୍ଜି ଏପେଙ୍ ନିଜ୍ ନିଜ୍ ନା ସାକି । ୨୯ ଇନେନ୍ ଗାଡ଼୍ ଇଚ୍‌ନାନ୍, ହେୱାନ ବିବାଦାଂଶେନ୍, ମାତର ବିବାଦାଂଶେନ୍‌ତି ଇମ୍‌ଣି ସାଙ୍ ଲାଗେ ନିଲ୍‌ଟି ତା କାତା ଖେନାନ୍, ହେୱାନ ବିବାଦାଂଶେନ୍‌ତି କାଟ୍ କାଜିଂ ବେସି ଖାର୍‌ୟା ଆନାନ୍, ଇ ଲାକେ, ନା ଇ ଖାରି ବାତ ଆତାଡ଼ନ୍ନା । ୩୦ ହେୱାନିଂ ଆତିସ୍‌ପା ବାତାନାକା ମାନାତ୍, ମାତର ନାଙ୍ଗେଙ୍ ଉଣାଆଦେଂ ମାନାତ୍ ।”

ସାଗେତାଂ ଖାନାକା ର ମାନାୟ୍

୩୧ ଇନେନ୍ ସାଗେତାଂ ଖାନାନ୍, ହେୱାନ ଓଜ୍ଞାର୍‌ତାଂ ଗାଜା; ଇନେନ୍ ପୁତ ତାଂ ଉବ୍‌ଜାଣ, ହେୱାନ ପୁତ ନିକାନ୍, ଆରେ ହେୱାନ ପୁତ ନି କାତା ଇନାନ୍; ଇନେନ୍ ସାଗେତାଂ ଖାନାନ୍, ହେୱାନ ଓଜ୍ଞାର୍‌ତାଂ ଗାଜାକାନ୍ । ୩୨ ହେୱାନ ଇନାକା ହୁଡ଼ତାନନା ଆରି ଖେଚାନନା, ହେଦାଂ ବିସ୍ତେ ହେୱାନ ସାକି ହିନାନ୍, ମାତର ତା ସାକି ଇନେର୍ ମାନକିଉର୍ । ୩୩ ଇନେନ୍ ତା ସାକି ଇଡ଼ତାନ୍ନା, ଇସ୍‌ର ଜେ ହାତ୍‌ପା, ଇଦାଂ ହେୱାନ ଚିନ୍ ଇଡ଼ତାନ୍ନା । ୩୪ ଇନାକିଦେଂକି ଇସ୍‌ର ଇନେରିଂ ପକ୍‌ଟି ମାଚାନ, ହେୱାନ ଇସ୍‌ରତି ବଚନ୍ ଇନାନ୍, ଇନେକିଦେଂକି ହେୱାନ ଇସ୍‌ରତି ଜିରୁନ୍‌ତ ବାତ । ୩୫ ଆବା ମାଜିଙ୍ ଜିଉନନାନ୍, ଆରେ ସବୁ ବିସ୍ତେ ତା କେଇଦ ହିତାନ୍ନା । ୩୬ ଇନେନ୍ ମାଜିତାକେ ପାତକ କିନାନ୍, ହେୱାନ ଓଜ୍ଞି ଜିରୁନ୍ ପାୟା ଆତାନ୍ନା, ମାତର ଇନେନ୍ ମାଜିଙ୍ ମାନିକିଉନ୍, ହେୱାନ ଜିରୁନ୍ ହୁଡ଼ନ୍, ମାତର ହେୱାନ ଇସ୍‌ତ କାକ୍ରିନି ଲକୁ ଆଜି ମାନାନ୍ ।

୪

ଜିସୁ ଆରି ସମିରଣିନି କଗ୍‌ଲେ

୧ ଜିସୁ ଜେ ଜହନ୍‌ତାଂ ଆଦିକ୍ ଚେଲା କିନାନା ଆରି ବାପ୍ତିସିମ୍ ହିନାନା ଇଞ୍ଜି ପାରୁସିର୍ ଖେଚାର୍ । ୨ ହାତ୍‌ପା ଜିସୁ ନିଜେ ବାପ୍ତିସିମ୍ ହିଞ୍ଜାଦାଂ ମାଚାନ, ତା ଚେଲାର୍ ହିଜି ମାଚାର୍ । ୩ ଇଦାଂ ପାରୁସିର୍ ଇଞ୍ଜିନାର୍ ଇଞ୍ଜି ଏତେକାଡ଼୍‌ଦ ଜିସୁ ଖେଚାନ । ହେଏଚେକାଡ଼୍‌ଦ ହେୱାନ ଜିହୁଦା ଦେସ୍ ପିସ୍ତି ଆରେ ରଗ ଗାଲିଲିତ ହାଚାନ୍ । ୪ ହେୱାନ ସମିରଣିନି ହାଜି ହିଜି ତାଙ୍ଗେଙ୍ ହାଞ୍ଜେଙ୍ ଲାଗାତାତ୍ । ୫ ଲାଗିଂ ହେୱାନ ହାଲ୍‌ଜି ଜାକୁବ୍ ଜାର୍ ମାଜି ଜସେପତିଂ ଇମ୍‌ଣି ତାରେନ୍ ଇରୁକ୍ ଦାନ୍ କିଜି ମାଚାନ୍, ହେବେତାଂ ଲାଗାୟ୍‌ନି ସମିରଣିନି ସୁକାର୍ ତରଦିନି ର ଗାଡ଼୍‌ଦ ଏକାତାର୍; ୬ ହେ ବାହାତ ଜାକୁବ୍‌ତି କୁଜ ମାଚାତ୍ । ଇତିସ୍, ଜିସୁ ହାସ୍‌ଦ ତାଙ୍ଗି ଖାସ୍ତି ମାତିଲେ ହେ, କୁଜ ଲାଗେ କୁଚ୍‌ଚାନ୍ । ହେଏଚେକାଡ଼୍‌ଦ ମୁଣ୍ଡାବେଲା ଆଜି ମାଚାତ୍ ।

୭ ଆରେ, ର ସମିରଣିନି କଗ୍‌ଲେ ଏଜୁଂ ଅଦେଂ ଖାତାତ୍ । ଜିସୁ ତାଙ୍ଗେଙ୍ ଇଚାନ୍, “ନାଙ୍ଗେଙ୍ ଏଜୁଂ ଉଣ୍ଡେଙ୍ ହିଦା ।” ୮ ହେ ପାଦନା ତା ଚେଲାର୍ କାଦି କଡ଼୍‌ଦେଂ କାଜିଂ ବସ୍ତିତ ହାଲ୍‌ଜି ମାଚାର୍ ।

୯ ହେବେ ସମିରଣିୟା କଗ୍‌ଲେ ଜିସୁଙ୍ ଇଚାତ୍, “ଏନ୍ ରଞ୍ଜାୟ୍ ଜିହୁଦି ଆରେ ଆନ୍ ରଞ୍ଜାଙ୍ ସମିରଣି କଗ୍‌ଲେ ଇନେସ୍ ନା କେଇଦି ଏଜୁଂ ଉଣ୍ଡେଙ୍ ଏଞ୍ଜାନାୟା ?” ଇନାକିଦେଂକି ସମିରଣିରତି ଲାହାଙ୍ ଜିହୁଦିର୍ ତୁବା ଆଉର୍ ।

୩:୨୪ ୩:୨୪ ମାତିଉ ୧୪:୩; ମାର୍କ ୬:୧୭; ଲୁକ ୩:୧୯,୨୦. ୩:୩୫ ୩:୩୫ ମାତିଉ ୧୧:୨୭; ଲୁକ ୧୦:୨୨.

୧୦ ଜିସୁ ତାଙ୍ଗେଇଁ ଉତର ହିତାନ୍, “ଇସ୍ପରତି ଦାନ୍ ଆରି ନାଁ ଉଣ୍ଡେଇଁ ହିଦା ଇଞ୍ଜି ଇନେନ୍ ନିଁ ଇଞ୍ଜିନାରା, ହେଝାର ଇନେର୍, ଏଲେଇଁ ଜଦି ଏନେଁ ପୁରାୟା, ତାଆତିସ୍ ଏନେଁ ତାଁ ଏନ୍ତାୟା, ଆରେ ହେଝାନ୍ ନିଙ୍ଗେଇଁ ଜିରୁନ୍ନି ଏନ୍ତୁଁ ହିଡ଼ତାନ୍ମା ।”

୧୧ ହେ କଗ୍ଲେହିମ୍‌ଶା ତାଙ୍ଗେଇଁ ଇଚାଡ଼, “ଏ ମାପୁ,” ଏନ୍ତୁଁ ମୁକ୍ତେଁ ଇଞ୍ଜି ନି ତାକେ ଇମ୍‌ଶି ବାହା ହିଲୁଡ଼, ଆରେ କୁଇ ତ ତେଙ୍ଗା, “ବାଟିଙ୍ଗ୍ ଏନ୍ ଇମେତାଁ ହେ ଜିରୁନ୍ନି ଏନ୍ତୁଁ ପାୟା ଆତାୟାନ୍ । ୧୨ ମା ଇମ୍‌ଶି ଆକର୍ ଦାଦିର୍ ଜାକୁର୍ ମାଙ୍ଗେଇଁ ଇ କୁଇ ହିଜି ମାନ୍‌ଚାନ୍, ଆରେ ନିଜେ, ଆରେ ତା ମାଜିର୍ ଆରି ପସୁରାହି ଇବେଣ୍ଡାଁ ଉଣ୍ଡି ମାଟିକ୍, ତା ତାକେଣ୍ଡାଁ କି ଏନ୍ ଗାଜା ?”

୧୩ ଜିସୁ ତାଙ୍ଗେଇଁ ଉତର ହିତାନ୍, “ଇନେରକି ଇ ଏନ୍ତୁଁ ଉଣାନ୍, ହେଝାନ୍ ଆରେ ରଗ ଏସ୍‌କି ଆନାନ୍; ୧୪ ମାତର୍ ଆନ୍ ଇମ୍‌ଶି ଏନ୍ତୁଁ ହିଦ୍‌ନାଁ, ହେଦାଁ ଇନେନକି ଉଣାନ୍, ହେଝାନ୍ ଇନାଝାତାଁ ପା ଏସ୍‌କି ଆଉନ୍, ଆତିସ୍ ଆନ୍ ତାଁ ଇମ୍‌ଶି ଏନ୍ତୁଁ ହିନାଁ, ହେଦାଁ ଝିଜ୍‌ଝି ଜିରୁନ୍ ଏନ୍ତୁଁ ଝିଜ୍‌ଝି ଲାକେ ତାତାକେ ଡିଜି ହାନ୍ ।”

୧୫ କଗ୍ଲେହିମ୍‌ଶା ତାଙ୍ଗେଇଁ ଇଚାଡ଼, “ଏ ମାପୁ,” ହିଗ୍‌ଦ ଏନ୍ତୁଁ ହିଦା ଇନେସ୍ ଏସ୍‌କି ଆନ୍ ଇନାଝାତାଁ ଏସ୍‌କି ଆଉଇଁ, “ଆରେ ଏନ୍ତୁଁ ମୁକ୍ତେଁ ଇଞ୍ଜି ଏତେକ୍ ହାଜି ଇବେ ଝାଦେଇଁ ଲାଗ୍‌ଦେମେଡ଼, ଇଦାଁ କାଜିଁ ନାଙ୍ଗେଇଁ ହେ ଏନ୍ତୁଁ ହିଦା ।” ୧୬ “ଜିସୁ ତାଙ୍ଗେଇଁ ଇଚାନ୍, ହାଲା, ନି ଆଣ୍ଡେନିଁ କୁକ୍‌ଚି ଇବେ ଝା ।”

୧୭ କଗ୍ଲେହିମ୍‌ଶା ତାଙ୍ଗେଇଁ ଉତର ହିତାଡ଼, “ନା ଆଣ୍ଡେନ୍ ହିଲୁନ୍ ।”
ଜିସୁ ତାଙ୍ଗେଇଁ ଇଚାନ୍, ଏନ୍ ନା ଆଣ୍ଡେନ୍ ହିଲୁନ୍ ଇଞ୍ଜି, ଇଦାଁ ସଡ଼ ଇଚାୟା; ୧୮ ମି ପାଞ୍ଜିଜାଣି ତକ୍‌ଦିର୍ ମାଚାର୍, ମାତର୍ ନଙ୍ଗୟା ଇନେର୍ ଲାହାଁ ମାନାୟା, ହେଝାନ୍ ନି ଆଣ୍ଡେନ୍ ଆକାୟା । ଇଦାଁ ଆନେଇଁ ହାଡ଼ପା ଇଞ୍ଜିନାଙ୍ଗା ।

୧୯ କଗ୍ଲେହିମ୍‌ଶା ତାଙ୍ଗେଇଁ ଇଚାଡ଼, “ଏ ମାପୁ,” ଏନ୍ ଜେ ରକାୟା ବେଣ୍‌ବାକ୍‌ଶାୟାକିନାକାୟା, ଇଦାଁ ଆନ୍ ପୁଞ୍ଜିନାଙ୍ଗା ।

୨୦ “ମା ଆବା ଲାତ୍ରା ଇ ମାଡ଼ିତ ପାର୍ତାନା କିତାର୍; ଆରେ, ଏପେଇଁ ଜିହୁଦି କାଦେର୍ ଇଞ୍ଜିନାଦେରା, ଇମ୍‌ଶି ବାହାତ ପାର୍ତାନା କିନାକା ଲଡ଼ା, ହେଦାଁ ଜିରୁସାଲମ୍‌ତ ମାନାଡ଼ ।”

୨୧ ଜିସୁ ତାଙ୍ଗେଇଁ ଇଚାନ୍ ଏ କଗ୍ଲେ, “ନା ବେରଣ୍ ପାତର୍ କିୟା, ଇ ସମୁ ଝାନାତା ଇମ୍‌ଶି ସମୁତ ଏପେଇଁ ଇ ମାଡ଼ିତ କି ଜିରୁସାଲମ୍‌ତ ପା ଆବାତି ପାର୍ତାନା କିଉଦେର୍ । ୨୨ ଏପେଇଁ ସମିରଣି ନିକାଦେର୍ ହାଡ଼ପା ଇନେକିଦେଁ ପୁନୁଦେରା, ତାଙ୍ଗେଇଁ ପାର୍ତାନା କିଜି ମାନାଟ୍ ମାତର୍ ଆପେଁ ଜିହୁଦିର୍ ଇନେରିଁ ପୁନାପ୍ ତା ପାର୍ତାନା କିନାପ୍, ଇନାକିଦେଁକି ମୁଲ୍ଲି ଆନାକା ଜିହୁଦିର୍ ବିତ୍ରେତାଁ ଝାନାଡ଼ । ୨୩ ମାତର୍ ଇମ୍‌ଶି ସମୁତ ହାଡ଼ପା ପାର୍ତାନା କିନାକାର୍ ଜିରୁକ୍ତ ଆରି ହାଡ଼ପାତ ଆବାତି ପାର୍ତାନା କିତାର୍, ହେ ଲାଗ୍‌ଦି ସମୁ ଝାନାତା; ଆରି, ନଙ୍ଗୟା ପା ଏକାଝାତାଡ଼; ଇନାକିଦେଁକି ଆବା ଏପେଇଁ ବାନି ପାର୍ତାନା ମାନ୍‌କିନାନ୍ । ୨୪ ଇସ୍‌ସର୍ ଜିରୁନ୍ ଆନାନ୍, ଆରେ କେବଲ୍ ଜିରୁନ୍ନି ସାକ୍ତି ଆରି ହାଡ଼ପା ହୁକେ ହେଝାତି ପାର୍ତାନା କିତାର୍, ହେଝାର୍ ଜିରୁକ୍ତ ଆରି ହାଡ଼ପାତ ପାର୍ତାନା କିନାକା ହେଝାର୍‌ତି ଲଡ଼ା ।”

୨୫ କଗ୍ଲେହିମ୍‌ଶା ତାଙ୍ଗେଇଁ ଇଚାଡ଼, ମସିୟା ଇମ୍‌ଶାକାନିଁ କ୍ରିସ୍ଟ ଇନାର୍, “ହେଝାନ୍ ଝାନାନା ଇଞ୍ଜି ଆନ୍ ପୁନାଙ୍ଗ୍; ଏତେକାଡ଼୍‌ଦ ହେଝେନ୍ ଝାନାନ୍, ହେଝାନ୍ ମାଙ୍ଗେଇଁ ସବୁ ବିସ୍ତେ ଜାଣାୟା କିଦ୍‌ନାନ୍ ।”

୨୬ ଜିସୁ ତାଙ୍ଗେଇଁ ଇଚାନ୍, “ମି ହୁଦାଁ ବେଣ୍‌କିଦ୍‌ନାଙ୍ଗା ଜେ ଆନ୍, ଆନ୍ ହେଝାଙ୍ଗ୍ ।”

୨୭ ଏଲେଇଁବାତର୍ ସମୁତ ତା ଚେଲାର୍ ଝାଜି ତାଙ୍ଗେଇଁ ର କଗ୍ଲେହିମ୍‌ଶା ଲାହାଙ୍ଗ୍ ବେଣ୍‌କିବାଆନାକା ହୁଡ଼ଜି କାବା ଆତାର୍, “ଇନାକା ଇଚା କିନାୟା,” ନଲେ ଇନେକିଦେଁ ହେଦାଁ ରତେ ବେଣ୍‌କିନାନା, “ଇଦାଁ ଇନେର୍ ତାଙ୍ଗେଇଁ ଝେନ୍‌ବେଦେଁ ସାସ୍ କିଝାତାର୍ ।”

୨୮ ହେବେତାଁ ହେ କଗ୍ଲେହିମ୍‌ଶା ଜାର୍ ଗାଗ୍ରି ଇଡ଼ଜି ବସ୍ତିତ ହାଲ୍‌ଜି ମାନାୟାରିଁ ଇଚାଡ଼, ୨୯ “ଝାଡୁ ରଝାନିଁ ହୁଡ଼ନାଦେର୍, ଆନ୍ ଇନା ଇନାକା କିତାଙ୍ଗ୍‌ନା, ହେ ଝିଜୁ ହେଝାନ୍ ନାଙ୍ଗେଇଁ ଇନ୍‌ଚାନ୍; ହେଝାନ୍ ଇନେସ୍ ଆତିସ୍ କ୍ରିସ୍ଟ କାତେ ?” ୩୦ ଇବେଣ୍ଡାଁ ଲକୁ ବସ୍ତିତ ହସି ତା ଲାଗେ ହାଞ୍ଜେଇଁ ଲାଗାତାର୍ ।

୩୧ ହେବେ ଚେଲାର୍ ତାଙ୍ଗେଇଁ ଗଝାରି କିଜି ଇଚାର୍, “ଏ ଗୁରୁ, ଇଚୁକ୍ ଚିନ୍‌ଞ୍ଜେଇଁ ଝା !”

୩୨ ମାତର୍ ଜିସୁ ହେଝେରିଁ ଉତର ହିତାନ୍, “ତିନି କାଜିଁ କାଦି ନାତାକେ ମାନାଡ଼ ତା ବିସ୍ତେ ଏପେଇଁ ଇଚୁକ୍ ପୁନୁଦେର୍ ।”

୩୩ ଲାଗିଁ ଚେଲାର୍ ହେଝେର୍ ହେଝାର୍ ଇଞ୍ଜେଇଁ ଲାଗାତାର୍, “ଇନେନ୍ ତାଙ୍ଗେଇଁ କାଦି ତାହିହିତାନ୍‌ନା କି ?”

୩୪ ଜିସୁ ହେଝାରିଁ ଇଚାନ୍, ନା ପକ୍‌ତାତାକାନ୍ ମାନ୍ ପୁରାକିନାକା ଆରି ତା ହିତି କାମାୟା ଝିହ୍‌ନାକା, “ଇଦାଁ ନେ ନା କାଦି ।” ୩୫ ଏପେଇଁ ଇଞ୍ଜିନାଦେରା ପାଚି ତ୍ରେସ୍‌ଦେଇଁ ଇଞ୍ଜି ଆରେ ଚାରି ମାସ୍ ମାନାଡ଼, ମାତର୍ ଆନ୍ ମିଙ୍ଗେଇଁ ଇଞ୍ଜିନାଙ୍ଗା ପାଚିଙ୍ଗ୍ ନିପହୁଡ଼ାଟ୍ ହେ ଝିଜୁ ତ୍ରେସ୍‌ଦେଇଁ ଇଞ୍ଜି ହେନ୍‌ତାତେ । ୩୬ ନଙ୍ଗୟା ପାତେକ୍ ତ୍ରେସ୍‌ନାକାନ୍ କୁଲି ପାୟାଆନାନା ମୁଡ଼୍ ପାୟାଆନାନା ଆରି ଝିଜ୍‌ଝି ଜିରୁନ୍ କାଜିଁ ପାଡ଼୍ ରୁଣ୍ଡାୟା କିନାନା, ଇନେସ୍ ଝିଡ଼ନାକାନ୍ ଆରି ତ୍ରେସ୍‌ନାକାନ୍ ରିକାର୍ ମେହାଆଜି ଝାରି କିତାର୍ । ୩୭ ଇନାକିଦେଁକି ରକାନ୍ ଝିଡ଼ନାନ୍ ଆରି ଆରେ ରକାନ୍ ତ୍ରେସ୍‌ନାନ୍, ଇ ବେରଣ୍ ହାଡ଼ପା ।

୩୮ ଏପେଙ୍ଗ ଇମ୍ନାକାନ୍ କାଜିଂ କାମାୟ କିଞ୍ଜାତାଦେଶ୍ଟା, ହେଦାଂ ତ୍ରେସ୍‌ଦେଙ୍ଗ୍ ଇଞ୍ଜି ଆନ୍ ମିଙ୍ଗେଙ୍ଗ୍ ପକ୍‌ତାତାଂ; ବିନ୍‌ଲଗୁ କାମାୟ କିନାରା, ଆରେ ଏପେଙ୍ଗ୍ ହେଞ୍ଜାର୍‌ତି କାମାୟ କିତି ଲାବ୍ ପାୟାଆନାଦେରା ।

୩୯ ଆନ୍ ଇନା ଇନାକା କିତାଙ୍ଗ୍‌ନା, ହେ ଓଁଜୁ ହେଞ୍ଜାନ୍ ନାଙ୍ଗେଙ୍ଗ୍ ଇନଚାନ୍ ଇ କାତା ଇମ୍ନା କଗ୍‌ଲେହିମ୍‌ଣା ସାକି ହିଜି ମାଚାଡ୍, “ତା ବେରଣ୍ କାଜିଂ ହେ ବସ୍ତୁତ ସମିରଣିୟର୍ ବିତ୍ରେ ହେନି ତାତାକେ ପାତ୍ କିତାର୍ ।” ୪୦ ଆରେ, ହେ ସମିରଣିୟର୍ ତାଂ ଲାଗେ ଖାଜି ହେଞ୍ଜାର୍ ଲାହାଙ୍ଗ୍ ମାଞ୍ଜେଙ୍ଗ୍ ଇଞ୍ଜି ତାଙ୍ଗେଙ୍ଗ୍ ଗଞ୍ଜାରି କିତାର୍, ଆରେ ହେଞ୍ଜାନ୍ ରି ଦିନ୍ ହେ ବାହାତ ମାଚାନ୍ ।

୪୧ ଆରେ, ଜିସୁତି ବଚନ୍ କାଜିଂ ଆରେ ହେନି ମାନାୟ ପାତ୍ କିତାର୍; ୪୨ ଆରେ, ହେଞ୍ଜାର୍ ହେ କଗ୍‌ଲେହିମ୍‌ଣାତିଂ ଇଚାର୍, “ନଙ୍ଗାୟ ମି ବେରଣ୍ କାଜିଂ ଆପେଂ ପାତ୍ କିତପା, ମାତର୍ ଆପେଂ ଜାର୍ ଜାର୍ ଖେନାପା, ଆରେ ଇଞ୍ଜାନ୍ ଜେ ହାଡ୍‌ପାନେ ପୁତ୍ ନି ମୁଞ୍ଜି କିଦ୍‌ନାକାନ୍, ଇଦାଂ ଆସେଙ୍ଗ୍ ପୁରାସ୍‌ନା ।”

ରାଜ୍ କାମାୟକିନି ମାଜି ଉଜ୍ କିତାନ୍

୪୩ ରି ଦିନ୍ ପାଚେ ହେଞ୍ଜାନ୍ ହେବେତାଂ ହସି ଗାଲିଲିତ ହାଚାନ୍ । ୪୪ “ଇନାକିଦେଂକି ବେଣବାକ୍‌ଣାୟ କିନାକାନ୍ ଜାର୍ ଦେସ୍‌ତ ମାନି ପାୟା ଆଉନ୍ ଇଞ୍ଜି ଜିସୁ ନିଜେ ସାକି ହିତାନ୍ ।” ୪୫ ପାଚେ, ହେଞ୍ଜାନ୍ ଗାଲିଲିତ ଖାତିଲେ, ପାର୍ତୁ ସମୁତ ହେଞ୍ଜାନ୍ ଜିରୁସାଲମ୍‌ତ ଇନା ଇନାକା କିଜି ମାଚାନ୍, ହେ ଓଁଜୁ ହୁଡ୍‌ଜିମାଟିଲେ ଗାଲିଲିର୍ ତାଙ୍ଗେଙ୍ଗ୍ ମାନି କିତାର୍, ଲାଗିଂ ହେଞ୍ଜାର୍ ପା ପାର୍ତୁତ ହାଲ୍‌ଜି ମାଚାର୍ ।

୪୬ ଇଦାଂ ପାଚେ ଗାଲିଲିନି ଇମ୍ନା କାନା ଗାଡ୍‌ଦ ହେଞ୍ଜାନ୍ ଏଜୁକାଂ ଅଙ୍ଗୁର୍ ରାସ୍ କିଜି ମାଚାନ୍, ହେ ବାହାତ ହେଞ୍ଜାନ୍ ଆରେ ରଗ ହାଚାନ୍ । ଆରେ ହେବେ ରକାନ୍ ଗୁମୁସ୍ତା ମାଚାନ୍, ତା ମାଜି କପର୍ନାହୁମ୍ ବିଡ୍ ଆଜି ମାଚାନ୍ । ୪୭ ଜିସୁ ଜିହୁଦା ଦେସ୍‌ତାଂ ଗାଲିଲିତ ହସି ଖାତାନ୍‌ନା, ଇଦାଂ ଖେନ୍‌ଞ୍ଜି ହେଞ୍ଜାନ୍ ତା ଲାଗେ ହାଲ୍‌ଜି ହେଞ୍ଜାନ୍ ଇନେସ୍ ଖାଜି ତା ମାଜିଙ୍ଗ୍ ଉଜ୍ କିନାନ୍, ଇଦାଂ କାଜିଂ ତାଙ୍ଗେଙ୍ଗ୍ ଗଞ୍ଜାରି କିଦେଙ୍ଗ୍ ଲାଗାତାର୍, ଇନାକିଦେଂକି ହେଞ୍ଜାନ୍ ହାନି ଲାକେ ଆଜି ମାଚାନ୍ । ୪୮ ହେବେତାଂ ଜିସୁ ତାଙ୍ଗେଙ୍ଗ୍ ଇଚାନ୍, “ଚିନ୍ ଆରେ କାବାନି କାମାୟ ହୁଡ୍‌ଓଁତିସ୍ ଏପେଙ୍ଗ୍ ଇନେସ୍ କିତିସ୍‌ପା ପାତ୍ କିତଦେର୍ ।”

୪୯ ଗୁମୁସ୍ତା ତାଙ୍ଗେଙ୍ଗ୍ ଇଚାନ୍, “ଏ ମାପୁ, ନା କାଡ୍‌ଦେ ହାନି ଆଗେ ଖା ।” ୫୦ ଜିସୁ ତାଙ୍ଗେଙ୍ଗ୍ ଇଚାନ୍, ହାଲା, ମି ମାଜି ଜିତାନେ । “ଜିସୁ ହେ ମାନାୟତିଂ ଇମ୍ନା ବଚନ୍ ଇଚାନ୍,

ହେଞ୍ଜାନ୍ ହେଦାଂ ପାତ୍ କିଜି ମାସ୍‌ଦି ହାଚାନ୍ ।” ୫୧ ପାଚେ, ହେଞ୍ଜାନ୍ ହାଲୁ ହାଲୁ ତା ଆଡ୍‌ୟାର୍ ତାଙ୍ଗେଙ୍ଗ୍ ବେର୍ ଆଜି ନି କାଡ୍‌ଦେ ଜିତାନେ ଇଞ୍ଜି ଇଚାର୍ ।

୫୨ ଇମ୍ନା ସମୁତ ଉପକାର୍ ଆଚାନ୍, ହେଦାଂ ହେଞ୍ଜାନ୍ ହେଞ୍ଜେରିଂ ଖେନ୍‌ବାଚାନ୍ । “ହେବେତାଂ ହେଞ୍ଜାର୍ ତାଙ୍ଗେଙ୍ଗ୍ ଇଚାର୍, ନିହିଙ୍ଗ୍ ଗନ୍‌ଚେଞ୍ଜେଡାଙ୍ଗ୍ ତାଙ୍ଗେଙ୍ଗ୍ ନମେର୍ ପିସ୍‌ତାଡ୍ ।” ୫୩ ଇବେତାଂ ଆବା ବୁଜାଆଚାନ୍ ଜେ, ଜିସୁ ଇମ୍ନା ସମୁତ ନି ମାଜି ଜିତାନେ ଇଞ୍ଜି ତାଙ୍ଗେଙ୍ଗ୍ ଖେର୍‌ଚି ମାଚାର୍, “ହାଡ୍‌ପା ହେ ସମୁତ ଇଦାଂ ଗିଗାଆଜି ମାଚାଡ୍ ।” ହେଞ୍ଜାନ୍ ଆରି ତା ଓଁଜାକାର୍ କୁଚୁମ୍ ପାତ୍ କିତାର୍ ।

୫୪ ଜିହୁଦାତାଂ ଆରେ ରଗ ଗାଲିଲିତ ଖାତି ପାଚେ ଇଦାଂ ଜିସୁତି ରିହା କାବାଆନି କାମାୟ କିତାନ୍ ।



ଜିସୁ ବାୟ୍ ଲାଗାୟ୍ ରଗ୍ୟାଙ୍ଗ୍ ଉଜ୍ କିତାନ୍

୧ ଇଦାଂ ପାଚେ ଜିହୁଦିତ୍ ର ପାର୍ତୁ ଏକାଞ୍ଜାତାଡ୍, ଆରେ ଜିସୁ ଜିରୁସାଲମ୍‌ତ ହାଚାନ୍ । ୨ ଜିରୁସାଲମ୍‌ନି ମେଣ୍ଡା ଦୁଖେର୍ କଚଣ୍ ର ବାୟ୍ ମାନାଡ୍; ଏବ୍ ବାସାତାଂ ତାଙ୍ଗେଙ୍ଗ୍ ବେଡ୍‌ସାଇଦା ଇଞ୍ଜି ଇନାର୍, ହେ ବାନ୍ତ ପାଞ୍ଚଗା ମଣ୍ଡମ୍ ମାନାଡ୍ । ୩ ହେ ମାଣ୍ଡମ୍‌ତ ହେନି ହେନି ସୁକ୍ ହିଲ୍‌ଖାକାର୍, କାଣା, ଚଟା, ଆରି ହିରକଲ୍‌ରଗି ମାଚାର୍ । ହେଞ୍ଜାର୍ ନାଗୁଡ୍ ଉଲ୍‌କା ଆନାକା କାଜିଂ ମାଚାର୍; ୪ ଇନାକିଦେଂକି ଇନା ଇନା ଖେଡାଙ୍ଗ୍ ମାପୁତି ରଞ୍ଜାନ୍ ଦୁଡ୍ ବାନ୍ତ ଜୁଜି ନାଗୁଡ୍ ଉଲ୍‌କାୟ୍ କିଜି ମାଚାନ୍, ଆରେ ନାଗୁଡ୍ ଉଲ୍‌କା ଆତି ସମୁତ ଇନେରକି ପର୍ତ୍ତମ୍ ହେବେ ହଣ୍‌ଜି ମାଚାନ୍, ହେଞ୍ଜାନ୍ ଇନେସ୍ ବାତ୍ ରଗ୍ ବେମାର୍ ମାଚାନ୍ ପା ଉଜ୍ ଆଜି ମାଚାର୍ । ୫ ହେବେ ତିରିସ୍‌ଆର୍ ବାହୁଁ ପାତେକ୍ ରଗ୍ୟା ରକାନ୍ ମାନାୟ୍ ମାଚାନ୍ । ୬ ଜିସୁ ତାଙ୍ଗେଙ୍ଗ୍ ମାଗଜିମାନାକା ହୁଡ୍‌ଜି ବେସିଦିନ୍‌ଡ୍ ରଗ୍ୟା ଇଞ୍ଜି ପୁଞ୍ଜି ତାଙ୍ଗେଙ୍ଗ୍ ଖେନ୍‌ବାଚାନ୍, “ଏନ୍ ଇନାକା ଉଜ୍ ଆଦେଂ ଇତା କିନାୟା ?”

୭ ରଗ୍ୟା ମାନାୟ୍ ଜିସୁଙ୍ଗ୍ ଉତର୍ ହିତାନ୍, “ଏ ମାପୁ, ଏଜୁଂ ଉଲ୍‌କା ଆନି ସମୁତ ନାଙ୍ଗେଙ୍ଗ୍ ବାୟ୍ ବିତ୍ରେ ଅଜି ହାଞ୍ଜେଙ୍ଗ୍ ଇଞ୍ଜି ନାଙ୍ଗ୍ ଇନେର୍ ହିଲୁର୍; ଆରେ, ଆନ୍ ହାଲୁ ହାଲୁ ବିନେ ନିକାନ୍ ନା ଆଗେ ହଣ୍‌ଗାନାନା ।”

୮ ଜିସୁ ତାଙ୍ଗେଙ୍ଗ୍ ଇଚାନ୍, “ନିଙ୍ଗା, ନି କାଚେଲ୍ ଆସ୍ତି ତାଙ୍ଗା ।” ୯ ହେ ଦାପ୍ରେ ହେ ମାନାୟ୍ ଉଜ୍ ଆଚାନ୍ ଆରି ଜାର୍ କାଚେଲ୍ ଆସ୍ତି ତାଙ୍ଗ୍‌ଦେଂ ଲାଗାତାନ୍ ।

☆ ୪:୪୫ ୪:୪୫ ଜହନ୍ ୨:୨୩.

ହେ ଦିନା ଜମ୍ବିବାର ମାତା । ୧୦ ହେବେତା, ଜିହୁଦିର ଉଦ୍ ଆତି ଲଗାଂ ଇଞ୍ଜେଙ୍ଗ ଲାଗାତାର, “ନେଞ୍ଜେଙ୍ଗ ଜମ୍ବିବାର, କାଟେଲ୍ ପିଣ୍ଡି ଅନାକା ନି ବିଦି ହିଲୁଡ୍ ।” ୧୧ ମାତର, ହେଝାନ୍ ହେଝାରିଂ ଉତର ହିତାନ୍, “ଜେ ନାଙ୍ଗେଙ୍ଗ ଉଦ୍ କିଡ଼ତାନ୍, ହେଝାନ୍ ନାଙ୍ଗେଙ୍ଗ ଇନ୍ତାନ୍, ନି କାଟେଲ୍ ଆସ୍ତି ତାଙ୍ଗା ।”

୧୨ ହେଝାର ତାଙ୍ଗେଙ୍ଗ ଝେନ୍ଦାତାର, “ନି କାଟେଲ୍ ଆସ୍ତି ତାଙ୍ଗା ଇଞ୍ଜି ଜେ ନିଙ୍ଗେଙ୍ଗ ଇନ୍ତାନ୍, ହେ ଲକ୍ ଇନେନ୍ ?”

୧୩ ମାତର ହେଝାନ୍ ଇନେନ୍, ହେଦାଂ ହେ ଉଦ୍ ଆତି ଲକ୍ ପୁନ୍ଝାଦାଂ ମାତାନ୍, ଇନାକିଦେଂକି ହେ ବାହାତ ହେନି ମାନାୟାର ମାନିକାଜିଂ ଜିସୁ ଏଡ଼ା ଆଜି ହାଲ୍ଜି ମାତାନ୍ ।

୧୪ ଇଦାଂ ପାଟେ ଜିସୁ ମନ୍ଦିରତ ଚଞ୍ଜା ଆଜି ତାଙ୍ଗେଙ୍ଗ ଇଚାନ୍, “ହୁଡ଼ାଟ୍, ଏପେଙ୍ଗ ଉଦ୍ ଆତାଦେଣ୍ଡା, ଆରେ ପାପ୍ କିମାଟ୍, ଇନେସକି ମି କାଜିଂ ଆଦେକ୍ କସ୍ତୁ ଗିଟା ଆଦ୍ନାତ୍ ।” ୧୫ ହେ ମାନାୟ ତାଙ୍ଗି ହାଲ୍ଜି, ଇନେର୍ ତାଙ୍ଗେଙ୍ଗ ଉଦ୍ କିଜି ମାତାର, ହେଝାନ୍ ଜିସୁ ଇଞ୍ଜି ଜିହୁଦି ନେତାରିଂ ଇଚାନ୍ । ୧୬ ଲାଗିଂ ଜିସୁ ଜମ୍ବିବାର ନାଜିଂ ଇଦାଂ କିଜି ମାଟିଲେ ଜିହୁଦିର ତାଙ୍ଗେଙ୍ଗ ଗାଣ୍ଡୁ କିଦେଙ୍ଗ ଲାଗାତାର । ୧୭ ମତର ଜିସୁ ହେଝାରିଂ ଉତର ହିତାନ୍, “ମାଞ୍ଜି ଆବା ସବୁ ନାଞ୍ଜିଙ୍ଗ କାମାୟ କିନାନା, ଆରେ ଆନ୍ ପା କିନାଙ୍ଗା ।”

୧୮ ଇ ନିୟମତାଂ ଜିହୁଦିର ତାଙ୍ଗେଙ୍ଗ ଆସ୍ତେଙ୍ଗ ଇଞ୍ଜି ଆରେ ଆଦେକ୍ ସେସ୍ତୁ କିଦେଙ୍ଗ ଲାଗାତାର, ଇନାକିଦେଂକି ହେଝାନ୍ ଜମ୍ବିବାର ନାଜିଂ ମାନିକିଝାତାନ୍ କେବଲ୍ ଆକାୟ୍, ମତର ଇସ୍ତର ଲାହାଙ୍ଗ୍ ଜାର୍ ଆବା ଇଞ୍ଜି ଇଞ୍ଜି ଜାର୍ତିଂ ଇସ୍ତର ଲାହାଙ୍ଗ୍ ସମାନ୍ କିଜି ମାତାନ୍ ।

ମାଜିଡ଼ି ଆଦିକାର୍

୧୯ ଲାଗିଂ ଜିସୁ ହେଝାରିଂ ଉତର ହିତାନ୍, “ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ ଇଞ୍ଜନାଙ୍ଗା, ମାଜି ହେଝାନ୍ ନିଜେ କିଦେଙ୍ଗ ଆଡୁନ୍ ତା ଆବା ଇନାକା କିନାନ୍ ହେଦାଂ ନେ ହୁଡ଼ିସ୍, ମାଜିପା ହେଦାଂ କିନାନ୍ । ଇନାକିଦେଂକି ହେଝାନ୍ ଇନା ଇନାକା କିନାନ୍, ମାଜିପା ହେଦାଂ ଝିଜୁ ହେ ଲାକେ କିନାନ୍ । ୨୦ ଇନାକିଦେଂକି ଆବା ମାଜିଙ୍ଗ୍ ଜିଉନନାର, ଆରେ ନିଜେ ଇନାକା କିନାନ୍ ହେ ଝିଜୁ ତାଙ୍ଗେଙ୍ଗ ଚନ୍ଦାନ୍ ଆରେ ଇବେତାଂ ଗାଜା କାମାୟିଙ୍ଗ୍ କିନି କାଜିଂ ହେଝାନ୍ ତାଙ୍ଗେଙ୍ଗ ଚନ୍ଦାନ୍ ଆରେ ଏପେଙ୍ଗ୍ ଝିଜାଦେର୍ କାବା ଆନାଦେର୍ । ୨୧ ଲାଗିଂ ଆବା ଇନେସ୍ କିଜି ହାତି ଲଗାଂ ନିକ୍ତି ଆରେ ଜିବୁନ୍ ହିନାନ୍, ହେ ଲାକେ ମାଜି ପା ଇନେରିଂ ମାନ୍ କିନାନ୍, ହେଝାରିଂ ଜିବୁନ୍ ହିନାନ୍ । ୨୨ ଆରେ, ଆବା ପା ଇନାକାନିଂ ବିଚାର୍ କିଉନ୍, ବିଚାର୍ କିନି କାଜିଂ ହେଝାନ୍ ଜାର୍ ମାଜି ଆଦିକାର୍ ହିତାନ୍ନା । ୨୩ ହେବେତାଂ ଆବାଂ ମାନି କିତାର୍ ମାଜିଙ୍ଗ୍ ପା ହେ ଲାକେ ଝିଜାର୍ ମାନି କିତାର୍, ଇନେନ୍ ମାଜିଙ୍ଗ୍ ମାନିକିଉନ୍ ତା ପଞ୍ଜିତି ଆବାଂ ପା ହେଝାନ୍ ମାନିକିଉନ୍ ।”

୨୪ “ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ ଇଞ୍ଜନାଙ୍ଗା, ଇନେର୍ ବଚନ୍ ଝେନ୍ଞି ନା ପକ୍ତାକାନିଂ ପାତ୍ କିନାନ୍, ହେଝାନ୍ ଝିଜୁ ଜିବୁନ୍ ପାୟା ଆତାନ୍ନା, ଆରେ ହେଝାନ୍ ବିଚାର୍ କିୟାଆଉନ୍ ହାକିତିଂ ନାସି ହାଲ୍ଜି ଜିବୁନ୍ ତାକେ ହଚାନ୍ନା । ୨୫ ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ ଇଞ୍ଜନାଙ୍ଗା, ଏପେଙ୍ଗ୍ ସମ୍ପୁ ଝାନାତା, ଏଚେକାଡ଼୍ ହାତାକାର୍ ଇସ୍ତର ମାଜି ଝେଇ ଝେନାର୍ ଆରି ଇନେର୍ ଝେନାର୍, ହେଝାର୍ ଜିବୁନ୍ ପାୟା ଆନାର୍ ଆରେ ଇ ଦିକ୍ତ ପା ଝାତାତେ । ୨୬ ଇନାକିଦେଂକି ଆବାଂ ଇନେସକି ନିଜେ ଜିବୁନ୍, ହେ ଲାକେ ହେଝାନ୍ ମାଜିଙ୍ଗ୍ ପା ନିଜେ ଜିବୁନ୍ ଆଦେଂ ହିତାନ୍ନା; ୨୭ ଆରେ, ହେଝାନ୍ ମାନାୟ ମାଜି ଆନି କାଜିଂ ହେଝାନ୍ ତାଙ୍ଗେଙ୍ଗ ବିଚାର୍ କିନାକା ଆଦିକାର୍ ହିତାନ୍ । ୨୮ ଇବେ କାବା ଆମାଟ୍, ଇ ସମ୍ପୁ ଝାନାତା ସମ୍ପୁତ ଦୁଗେର୍ତ୍ତ ଝିଜାକାର୍ ତା କାଟ୍ ଝେନାର୍, ୨୯ ହେଝାର୍ ଦୁଗେର୍ତାଂ ନିଙ୍ଗି ଝାନାର୍, ଆରେ ଇମ୍ଫାକାର୍ ହାର୍ଦି କାମାୟ କିତାଣ୍ଡା ହେଝାର୍ ଆରେ ନିଂଜି ଜିବୁନ୍ ଆନାର୍, ବାନ୍ୟା କାମାୟ କିନାକାର୍ ଆରେନିଂନାର୍ ଆରି ହେଝାର୍ ତାଣ୍ଡ ପାୟା ଆନାର୍ ।”

ଜିସୁ ପାକ୍ୟାତାଂ ସାକି

୩୦ “ଆନ୍ ରଝାଙ୍ଗ୍ ଇନାକା କିଦେଙ୍ଗ୍ ଆଡୁଙ୍ଗ୍; କେବଲ୍ ଇସ୍ତର ବଲ୍ତାଂ ଆନ୍ ବିଚାର୍ କିନାଙ୍ଗ୍ ଇନେସକି ଝେନାଙ୍ଗ୍, ହେ ଲାକେ ବିଚାର୍ କିନାଙ୍ଗ୍, ଆରେ ନା ବିଚାର୍ ସମାନ୍, ଇନାକିଦେଂକି ଆନ୍ ଜାର୍ ମାନ୍ ହୁଦାର୍ କିଦ୍ଦେଂ ସେସ୍ତୁ କିଝାଦାଂ ନା ପକ୍ତାତାକାନିଂ ଇଟା କିଦେଙ୍ଗ୍ ସେସ୍ତୁ କିନାଙ୍ଗ୍ ।”

୩୧ “ଜଦି ଆନ୍ ନିଜେ ବିସ୍ତେ ନିଜେ ସାକି ହିନାଙ୍ଗ୍, ତା ଆତିସ୍ ନା ସାକ୍ୟା ହାଡ଼ପା ଆକାୟ୍ । ୩୨ ନା ବିସ୍ତେ ଇନେନ୍ ରକାନ୍ ସାକି ହିନାନ୍, ହେଝାନ୍ ଆରେ ପୁନାନ୍; ଆରି, ନା ବିସ୍ତେ ତା ସାକି ଜେ ହାଡ଼ପା, ହେଦାଂ ଆନ୍ ପୁନାଙ୍ଗ୍ । ୩୩ ଏପେଙ୍ଗ୍ ଜହନ୍ ଲାଗାଂ ମାନାୟ ପକ୍ତାଦେଣ୍ଡା ଆରି ହେଝାନ୍ ହାଡ଼ପା ଲକାର୍ ସାକି ହିନାନା; ୩୪ ମାତର ଆନ୍ ମାନାୟତିଂ ସାକି ମାନି କିଉଙ୍ଗ୍, ଇତିସ୍ ଏପେଙ୍ଗ୍ ଇନେସକି ମୁକ୍ତି ଆନାଦେର୍, ହେଦାଂ କାଜିଂ ଇ ସବୁ ଇଞ୍ଜନାଙ୍ଗା । ୩୫ ଜହନ୍ ଆହୁନି ଅଜଡ଼୍ ବଇଟା ଲାକେ ମାତାନ୍, ଆରେ ଏପେଙ୍ଗ୍ ଅଲପ୍ ଦିନ୍ ତା ଅଜଡ଼୍ ଝାରି କିନି କାଜିଂ ଝାରିୟା ଆତାଦେର୍ । ୩୬ ମାତର ଜହନ୍ତି ସାକି ତାଙ୍ଗ୍ ନାତାଙ୍ଗ୍ ସଲ୍କେ ସାକି ମାନାତ୍, ଇନାକିଦେଂକି ଆବା ନାଙ୍ଗେଙ୍ଗ ଇମ୍ଫା ଇମ୍ଫା କାମାୟ ଝିସ୍ତେଙ୍ଗ୍ ହିଡ଼ନ୍ନା, ଜେ ଝିଜୁ କାମାୟ ଆନ୍ କିନାଙ୍ଗା, ଆବା ନାଙ୍ଗେଙ୍ଗ ପକ୍ତାତାନ୍ନା ଇଞ୍ଜି ହେ ଝିଜୁ ନା ବିସ୍ତେ ସାକି ହିନାଙ୍ଗା । ୩୭ ଆରେ, ଇମ୍ଫା ଆବା ନାଙ୍ଗେଙ୍ଗ ପକ୍ତାତାନ୍ନା, ହେଝାନ୍ ନା ବିସ୍ତେ ସାକି ହିଡ଼ତାନ୍ନା । ଏପେଙ୍ଗ୍ ଇନାଝାତାଂ ତା କାଟ୍ ଝେନ୍ନୁଙ୍ଗେ କି ତା ମୁମ୍

☆ ୫:୩୭ ୫:୩୭ ମାତିଉ ୩:୧୭; ମାର୍କ ୧:୧୧; ଲୁକ ୩:୨୨.

ହୁଡ଼ୁଛୁ, ୩୮ ଆରେ ତା ବଚନ ମି ଖସିତ ବାହା କିଖାତାତନା, ଇନାକିଦେଂକି ହେଖାନ ଇନେରିଂ ପକ୍ତାତାନ୍ନା, ତାଙ୍ଗେଙ୍ଗ୍ ଏପେଙ୍ଗ୍ ପାତର୍ କିଉଦେରା । ୩୯ ଏପେଙ୍ଗ୍ ଦରମ୍ ସାସ୍ତର ମାନିକିନାଦେରା, ଇନାକିଦେଂକି ହେବେ ଝିଜ୍ଝି ଜିବୁନ୍ ପାୟା ଆନାନ୍ ଇଞ୍ଜି ମାନ୍ତ କିନାଦେରା; ଆରେ, ହେ ଦରମ୍ ସାସ୍ତର ନା ବିସ୍ତେ ସାକି ହିନାଙ୍ଗା । ୪୦ ମାତର୍ ଏପେଙ୍ଗ୍ ଜିବୁନ୍ ପାୟା ଆଦେଂ ଇଞ୍ଜି ନା କଚଣ୍ ଖାଦେଙ୍ଗ୍ ମାନ୍ କିଉଦେରା ।”

୪୧ “ଆନ୍ ମାନାୟାରତାଂ ଜାଜ୍ମାଲ୍ ଇଚା କିଉଙ୍ଗା, ୪୨ ମାତର୍ ଆନ୍ ମିଙ୍ଗେଙ୍ଗ୍ ପୁଞ୍ଚାଙ୍ଗ୍ନା, ଏପେଙ୍ଗ୍ ଇନେସ୍ ବାତର୍ ମାନାୟ ଆରେ ମି ଖସିତ ଇସ୍ତୁରି ଜିଉନନାକା ଆକାୟ । ୪୩ ଆନ୍ ମାଞ୍ଜିଆବା ତର୍ଦାଂ ଖାତାଙ୍ଗ୍ନା, ଆରେ ଏପେଙ୍ଗ୍ ନାଙ୍ଗେଙ୍ଗ୍ ମାନ୍ କିଦୁଦେରା; ବିନ୍ ନିକାନ୍ ଜଦି ନିଜେ ତର୍ଦାଂ ଖାନାନ୍, ଲାଗିଂ ଏପେଙ୍ଗ୍ ତାଙ୍ଗେଙ୍ଗ୍ ମାନି କିନାଦେର୍ । ୪୪ ଏପେଙ୍ଗ୍ ନାଙ୍ଗ୍ ଇନେସ୍ ପାତର୍ କିଦ୍ନାଦେର୍ ? ଏପେଙ୍ଗ୍ ତ ରକାନ୍ ଆରେ ରକାନ୍ ତାଙ୍ଗ୍ ଜାଜ୍ମାଲ୍ ପାୟା ଆଦେଂ ମାନ୍ କିନାଦେରା, ଆରି ରଞ୍ଜାଙ୍ଗ୍ ମାତର୍ ଇସ୍ତୁରିତାଂ ଇମ୍ଫି ଜାଜ୍ମାଲ୍, ହେଦାଂ ଗାଟାଆନି କାଜିଂ ସେସ୍ତୁ କିଉଦେରା । ୪୫ ଆନ୍ ଜେ ଆବା ମୁମ୍ଦ ମି ବେରୁଡ଼ତାଂ ଝେନ୍ବା ଆଦନାଂ, ଇଦାଂ ମାନ୍ତ କିମାଟ୍; ଇମ୍ଫି ମସାତାକେ ଏପେଙ୍ଗ୍ ଆହା କିତାଦେଶ୍ଟା, ହେଖାନ ମି ବିରୁଡ଼ତାଂ ଝେନ୍ବା ଆଦନାରା । ୪୬ ଇନାକିଦେଂକି ଏପେଙ୍ଗ୍ ଜଦି ମସାଙ୍ଗ୍ ପାତର୍ କିନାଦେର୍, ଲାଗିଂ ନାଙ୍ଗେଙ୍ଗ୍ ପାତର୍ କିଦ୍ନାଦେର୍, ଲାଗିଂ ହେଖାନ ନା ବିସ୍ତେ ଲେକି କିତାନ୍ନା । ୪୭ ମାତର୍ ଏପେଙ୍ଗ୍ ଜଦି ମସା ଲେକିକିତି ବଚନ ପାତର୍ କିଉଦେର୍, ଲାଗିଂ ଇନେସ୍ ନା ବଚନ ପାତର୍ କିନାଦେର୍ ?”



ପାଞ୍ଚଗଟା ରୁଟିଂ ରିଶ୍ଟାଂ ମିନ୍କୁ

୧ ଇବେଶ୍ଟାଂ ଜିସୁ ଗାଲିଲି ହାମ୍ଦୁର୍, ଇଚିସ୍, ତିବିରିୟା ହାମ୍ଦୁର୍ ଆନଟି ପାଡ଼କା ହାଚାନ୍ । ୨ ଆରେ, ହେଖାନ ରଗ୍ୟାର୍ କାଜିଂ ଇନା ଇନା କାବାଆନି କାମାୟ କିଜି ମାଚାନ୍, ହେଦାଂ ଝିଜୁ ହୁଡ଼ଜି ହେନି ମାନାୟ ତାପାଚେ ଖାଦେଙ୍ଗ୍ ଲାଗାତାର୍ । ୩ ହେବେ ଜିସୁ ମାଡ଼ିଜପି ହାଲ୍ଜି ଜାର୍ ଚେଲାହିର୍ ଲାହାଙ୍ଗ୍ ହେବେ କୁଚ୍ଚାର୍ । ୪ ହେ ପାଦନା ଜିହୁଦିତର୍ ନିସ୍ତାର୍ ପାର୍ଟୁ ଏକା ଖାଜି ମାଚାତ୍ । ୫ ଆରେ, ଜିସୁ ଇଚ୍ଚକାଡ଼ କିଜି ବେସି ହେନି ମାନାୟାରିଂ ଜାର୍ କଚଣ୍ ଖାନାକା ହୁଡ଼ଜି ପିଲିପ୍ତିଂ ଇଚାନ୍, “ଇଖାର୍ ତିନି କାଜିଂ ଆସେଙ୍ଗ୍ ଇମେତାକେ ଜବର୍ ରୁଟିଂ କଡ଼ନାସ୍ ?” ୬ ମାତର୍ ହେଖାନ ପିଲିପ୍ତିଂ ପରିକ୍ୟା କିନି ଉପାୟତାଂ ଏଲେଙ୍ଗ୍ ଇଚାନ୍, ଇନାକିଦେଂକି ହେଖାନ ଇନାକା କିଦେଙ୍ଗ୍ ହାନାନା, ହେଦାଂ ହେଖାନ ନିଜେ ପୁଞ୍ଜି ମାଚାନ୍ । ୭ ପିଲିପ୍ ତାଙ୍ଗେଙ୍ଗ୍ ଉତର୍ ହିତାନ୍, “ଝିଜାରିଂ ଅଲପ୍ ଚିଚ୍ପେଦେଂ ଇଖାର୍ କାଜିଂ ଦୁଇସ ଟାକାଂ ରୁଟିଂ, ଜବର୍ ଆକାୟ ।”

୮ ସିମନ୍ ପିତର୍ ଟଣ୍ଡାହି ଆନ୍ଦିୟ ତର୍ଦାକାନ୍ ତା ଚେଲାହିର୍ ବିତ୍ତେତାଂ ରଞ୍ଜାନ୍ ତାଙ୍ଗେଙ୍ଗ୍ ଇଚାନ୍, “ଇବେ ରଞ୍ଜାନ୍ କାଡ଼ଦେ ମାନାନ୍, ୯ ତା ତାକେ କୁଜା ପାଞ୍ଚଗଟା ରୁଟିଂ ଆରି ରିଶ୍ଟାଂ ଖାସ୍ତି ମିନ୍କୁ ମାନିକ୍, ମାତର୍ ଏଚେକ୍ ହେନି କାଜିଂ ହେଦାଂ ଜବର୍ ଆକାୟ ।”

୧୦ “ଜିସୁ ଚେଲାରିଂ ଇଚାନ୍, ମାନାୟାରିଂ କୁଚିକିୟାଟ୍ ।” ହେ ବାହାତ ବେସି କାଚ୍ଚା ମାଚାତ୍ । ଲାଗିଂ ଆନ୍ମାନତାଂ ପାଞ୍ଚ ହାଜାର୍ ଆଣ୍ଡାହିମଣାଂ ମାଚାର୍ । ୧୧ ହେବେ ଜିସୁ ହେ ରୁଟି ଆସ୍ତି ଜୁଖାର୍ କିଜି କୁଚ୍ଚି ମାନି ମାନାୟାରିଂ ହେଦାଂ ବାଟାକିଜି ହିତାନ୍, ହେ ଲାକେ ମିନ୍କୁ ପା ହାସ୍ତିହିତାନ୍, ହେଖାର୍ ଏଚେକ୍ ଏନ୍ତିସ୍, ହେ ଏଚେକ୍ ହିତାନ୍ । ୧୨ ଆରେ ହେଖେର୍ ପଟପାଞ୍ଚିଲେ, ହେଖାନ ତା ଚେଲାରିଂ ଇଚାନ୍, “ଇନେସ୍କି ଅଲପ୍ କ୍ଳାଖାସ୍ ଆମେଡ଼, ଇଦାଂ କାଜିଂ ହାର୍ଜିମାନି ତ୍ରିକ୍ତି କୁଦ୍ରିଙ୍ଗ୍ ରବେ କିୟାଟ୍ ।” ୧୩ ହେବେ ହେଖାଙ୍ଗ୍ ହେଖାର୍ ଝିଜୁ ରବେ କିତାର୍, ଆରେ ମାନାୟାର୍ ଚିଚ୍ଚି ପାଚେ ହେ ପାଞ୍ଚ ଗଟା କୁଜା ରୁଟିଂ ଇମ୍ଫି ତ୍ରିଙ୍ଗ୍ଟି କୁଦ୍ରିଙ୍ଗ୍ ହାର୍ଜି ମାଚିକ୍, ହେବେ ହେଖାର୍ ବାର ଟପା ବାତର୍ କିତାର୍ ।

୧୪ ଲାଗିଂ, ମାନାୟାର୍ ତା କିତି କାବାଆନି କାମାୟ ହୁଡ଼ଜି ହେବେ ମାନି ମାନାୟାରିଂ ଇଞ୍ଜେଙ୍ଗ୍ ଲାଗାତାର୍, “ପୁତର୍ ଇମ୍ଫି ବେଶ୍ଟାକ୍ ଶାୟକିନାକାର୍ ଖାନାକା ମାଚାତ୍, ଇଖାନ୍ ହାଡ଼ପା ହେଖାନ୍ ।” ୧୫ ଲାଗିଂ, ହେଖାର୍ ଖାଜି ରାଜା କିନି କାଜିଂ ଜେ ତାଙ୍ଗେଙ୍ଗ୍ ସାକ୍ତିକାଟାକାନ୍ ଆସ୍ତେଙ୍ଗ୍ ସାସ୍ମାନାଡ଼, ଇଦାଂ ପୁଞ୍ଜି ଜିସୁ ଆରେ ରଗ ଏଡ଼ା ଆଜି ରଞ୍ଜାନ୍ନେ ମାଡ଼ିତ ହସି ହାଚାନ୍ ।

ଜିସୁ ନାଗୁଡ଼୍ ଜପି ତାଙ୍ଗ୍ନାକା

(ମାଡ଼ିଉ ୧୪:୨୨-୨୩; ମାର୍କ ୬:୪୫-୫୨)

୧୬ ହେ ନାଜିଂ ମିଡ଼ିଲେ ତା ଚେଲାହିର୍ ହାମ୍ଦୁର୍ ଗୁଚିତ ହାଚାର୍ ୧୭ ଆରେ ତଙ୍ଗାତ ଦୁମ୍ଫଜି ହାମ୍ଦୁର୍ ଆନଟି ପାଡ଼କା କପର୍ନାହୁମ୍ ନିପ ହାଞ୍ଜେଙ୍ଗ୍ ଲାଗାତାର୍ । ମାଜ୍ଗା ଆଜି ହାତାଡ଼, ଆରେ ଜିସୁ ହେ ପାଦନା ପାଚେକ୍ ହେଖାର୍ କଚଣ୍ଡତ ଖାଖାଦାଙ୍ଗ୍ ମାଚାନ୍, ୧୮ ଆରେ ବେସି ଦୁକା କିତିଲେ ଏଜୁକାଂ ଲଡ଼ି ନିଙ୍ଗ୍ଜି ମାଚାତ୍ । ୧୯ ଇବେପା ଚେଲାର୍ ପୁରା ପାଞ୍ଚ ଚଅ କିଲମିଟର୍ ତଙ୍ଗା କେଡ଼ା ଆଜି ହାଚିପାଚେ ଜିସୁଙ୍ଗ୍ ଏଜୁଂ ଜପି ତାଙ୍ଗ୍ଜି ତଙ୍ଗାତାକେ ଖାନାକା ହୁଡ଼ଜି ପାଣ୍ଡା ଆଚାର୍ । ୨୦ “ମାତର୍ ଜିସୁ ହେଖାରିଂ ଇଚାନ୍,” ଇଖାଙ୍ଗ୍ ତ ଆନ୍, “ପାଣ୍ଡା ଆମାଟ୍ ।” ୨୧ ଲାଗିଂ ହେଖାର୍ ତାଙ୍ଗେଙ୍ଗ୍ ତଙ୍ଗାତ ଅଦେଂ ମାନ୍ କିତାର୍, ଆରେ ହେଖାର୍ ଇମ୍ଫି ବାହାତ ହାଲ୍ଜି ମାଚାର୍, ତଙ୍ଗା ହେ ଦାପ୍ତେ ଗୁଚିତ ଏକାତାଡ଼ ।

ମାନାୟାର ଜିସୁଙ୍କ ଡେକ୍ଲାର

୨୨ ହେ ବାହାତ କେବଲ୍ ର ଡକ୍ଟା ମାଟାଡ୍, ଅଲଗା ଇମ୍ପାଣି ଡକ୍ଟା ହିଲ୍‌ଖାତାଡ୍, ଆରେ ହେବେ ଜେ ଜିସୁ ତା ଚେଲ୍‌ହିର୍ ଲାହାଙ୍ଗ୍ ହାଲ୍‌ଖାଦାଂ ମାଟାନ୍, ମତର୍ କେବଲ୍ ତା ଚେଲ୍‌ହିର୍ ହାଲ୍‌ଜି ମାଟାଟ୍, ଇଖାର ଇମ୍ପାଣି ମାନାୟାର୍ ତା ଆକାଡ୍ ନାଜିଂ ହାମ୍‌ଦୁର୍ ଆନ୍‌ଟି ପାଡ୍‌କା ନିଲ୍‌ଟି ମାଟାଟ୍, ହେଖାର ହୁଡ୍‌ଜି ମାଟାଟ୍ । ୨୩ ମାପୁଙ୍ଗ୍ ଜୁଖାର କିତି ପାଟେ ହେଖାର ଇମ୍ପାଣି ବାହାତ ରୁଟି ତିଞ୍ଜି ମାଟାଟ୍, ହେ ବାହାତ ତିବିରିୟାତାଂ ଆରେ କେଡ୍‌ଗଟା ଡକ୍ଟାଙ୍ଗ୍ ଖାଡିକ୍; ୨୪ ଲାଗିଂ ଜିସୁ କି ତା ଚେଲ୍‌ହିର୍ ଜେ ହେବେ ହିଲ୍‌ତାଟ୍, ଇବେ ଏଚେକାଡ୍‌ଦ ମାନାୟାରିଂ ହୁଡ୍‌ଡାଟ୍, ହେ ପାଦ୍‌ନା ହେଖାର ଖିଜାର୍ ଡକ୍ଟାଟ ଦୁମ୍‌ଜି ଜିସୁଙ୍କ ଡେକ୍ଲ କେକ୍ଲ କପର୍‌ନାହୁମ୍ ଖାତାଟ୍ ।

ଇସ୍ପର୍ ଜିବୁନିଂ କାଦି

୨୫ ଆରେ, ହେଖାର ହାମ୍‌ଦୁର୍ ଆଣ୍ଟିପାଡ୍‌କା ତାଙ୍ଗେଙ୍ଗ୍ ହୁଡ୍‌ଜି ଖେନ୍‌ବାତାଟ୍, “ଏ ଗୁରୁ, ଏନ୍ ଏଚେକାଡ୍‌ଦ ଇବେ ଖାତାୟ୍ ?” ୨୬ ଜିସୁ ହେଖାରିଂ ଉତର୍ ହିତାନ୍, ହାଡ୍‌ପା “ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, କାବାଆନି କାମାୟ୍ ହୁଡ୍‌ଦେଂ ଜେ ଏପେଙ୍ଗ୍ ନାଙ୍ଗ୍ ଡେକ୍ଲାନାଦେରା, ହେଦାଂ ଆକାୟ୍, ମତର୍ ରୁଟି ତିନିଞ୍ଜି ପଟ ପାଞ୍ଜ୍ୟାଖାଦାଂ ନାଙ୍ଗେଙ୍ଗ୍ ଡେକ୍ଲାନାଦେରା । ୨୭ ଇମ୍ପାଣି କାଦି ନସ୍‌ଆନାଡ୍, ହେଦାଂ କାଜିଂ ବେସି କସ୍‌କିମାଟ୍ । ମାଟର୍ ଇମ୍ପାଣି କାଦି ଖିଜ୍‌ଞ୍ଜି ଜିବୁନ୍ ହିନାଡ୍, ହେଦାଂ କାଜିଂ କାମାୟ୍ କିୟାଟ୍ । ଇ କାଦି ମାନାୟ୍ ମାଜି ହିଦ୍‌ନାନ୍, ଇନାକିଦେଂକି ଆବା ଇସ୍ପର୍ ହେଦାଂ କାଜିଂ ତାଙ୍ଗେଙ୍ଗ୍ ଇଡ୍‌ତାନ୍ନା ।”

୨୮ ହେବେ ହେଖାର ତାଙ୍ଗେଙ୍ଗ୍ ଖେନ୍‌ବାତାଟ୍, “ଇସ୍ପର୍‌ତି କାମାୟ୍ ସବୁ କିନି କାଜିଂ ଆପେଂ ଇନାକା କିୟାଆନାଡ୍ ?”

୨୯ ଜିସୁ ହେଖାରିଂ ଉତର୍ ହିତାନ୍, “ଇନେକିଦେଂ ଇସ୍ପର୍ ପକ୍‌ତାତାନ୍ନା, ତା ତାକେ ପାଟିଂ କିନାକା ନେ ଇସ୍ପର୍ କାମାୟ୍ ଆନାଡ୍ ।”

୩୦ ହେବେ ହେଖାର ଜିସୁଙ୍କ ଖେନ୍‌ବାତାଟ୍, ହେଦାଂ ଆଡିସ୍ ଏନ୍ ତିନିଲାକେ ଇନାକା କିଡ୍‌ୟନା ଜେ, “ହେଦାଂ ହୁଡ୍‌ଜି ଆପେଂ ନିଙ୍ଗେଙ୍ଗ୍ ପାଟିଂ କିଦ୍‌ନାୟ୍ ? ଖେଡ୍‌ଚା ଇନା କିଦେଙ୍ଗ୍ ଆଡ୍‌ନାୟ୍ ? ୩୧ ମା ଆକର୍ ବାଟାତ ମାନ୍ନା ତିଞ୍ଜି ମାଟାଟ୍, ଇନେସ୍ ସାସ୍ପର୍ ଲେକା ମାନାଡ୍, ତିନି କାଜିଂ ହେଖାନ୍ ହେଖାରିଂ ସାଗେତାଂ କାଦି ହିତାନ୍ ।”

୩୨ “ହେବେ ଜିସୁ ହେଖାରିଂ ଇଚାନ୍, ହାଡ୍‌ପା ହାଡ୍‌ପା ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ମସା ମିଙ୍ଗେଙ୍ଗ୍ ସାଗେତାଂ କାଦି ହିଦ୍‌ଖାତାନ୍‌ନା, ମାଟର୍ ମାଞ୍ଜି ଆବା ମିଙ୍ଗେଙ୍ଗ୍ ସାଗେତାଂ ହାଡ୍‌ପା କାଦି ହିନାନ୍ । ୩୩ ଇନାକିଦେଂକି ଇମ୍ପାଣି କାଦି ସାଗେତାଂ ଜୁଡ୍‌ତି ପୁଟିଂ ଜିବୁନ୍ ହିନାନ୍, ହେଦାଂ ଇସ୍ପର୍ କାଦି ।”

୩୪ ହେଖାର ଜିସୁଙ୍କ ଇଚାଟ୍, “ଏ ମାପୁ, ସବୁ ଖେଡ୍‌କାଙ୍ଗ୍ ମାଙ୍ଗେଙ୍ଗ୍ ଇ କାଦି ହିଦା ।”

୩୫ “ହେବେ ଜିସୁ ହେଖାରିଂ ଇଚାନ୍,” ଆନ୍ ହେ ଜିବୁନ୍ କାଦି, “ଇନେନ୍ ନା ଲାଗାଂ ଖାନାନ୍, ହେଖାନ୍ ଇନାଖାଡାଂପା ନାସକି ଆଉନ୍, ଆରେ ଇନେନ୍ ନା ତାକେ ପାଟିଂ କିନାନ୍, ହେଖାନ୍ ଇନାଖାଡାଂ ଏସକି ଆଉନ୍ । ୩୬ ମାଟର୍ ଏପେଙ୍ଗ୍ ନାଙ୍ଗେଙ୍ଗ୍ ହୁଡ୍‌ଜିପା ପାଟିଂ କିଦ୍‌ଦେରା, ଇଦାଂ ଆନ୍ ମିଙ୍ଗେଙ୍ଗ୍ ଇନ୍‌ଖାଙ୍ଗ୍‌ନା । ୩୭ ଆବା ଜେ ଖିଜାରିଂ ନାଙ୍ଗେଙ୍ଗ୍ ଦାନ୍ କିଦ୍‌ନାନ୍, ହେଖାର ନା କଚଣ୍ଡ ଖାନାଟ୍; ଆରେ, ଇନେର୍ ନା ତାକେ ଖାନାନ୍, ତାଙ୍ଗେଙ୍ଗ୍ ଇନେସ୍ କିଡିସ୍‌ପା ବାଡ୍ ହପୁଙ୍ଗ୍; ୩୮ ଇନାକିଦେଂକି ଆନ୍ ନିଜେ ମାନ୍ ମାନି କିଦେଙ୍ଗ୍ ଜୁଦ୍‌ଖାଦାଂ, ଇଡିସ୍ ନା ପକ୍‌ତାତାକାନିଂ ମାନ୍ ମାନି କିଦେଙ୍ଗ୍ ସାଗେତାଂ ଜୁଡ୍‌ତାଙ୍ଗ୍‌ନା । ୩୯ ଆରେ, ନା ପକ୍‌ତାତାକାନ୍ ଜେ ଖିଜାରିଂ ନାଙ୍ଗ୍ ଦାନ୍ କିଦ୍‌ନାନ୍, ହେଖାର ବିଡ୍ରେ ଇନେରିଂ ନେ ଇନେସକି ଆନ୍ ଆରାୟ୍ କିଖାଦାଂ, ମାଟର୍ ହାରିହାରା ଦିନ୍ତ ତାଙ୍ଗେଙ୍ଗ୍ ଆରେ ରଗ ଜିପ୍‌ନାଙ୍ଗ୍, ଇଦାଂ ତାଦାଙ୍ଗ୍ ମାନ୍ । ୪୦ ଇନାକିଦେଂକି ଇନେର୍‌କି ମାଜିଙ୍ଗ୍ ହୁଡ୍‌ଜି ତା ତାକେ ପାଟିଂ କିଚାଟ୍, ହେଖାନ୍ ଇନେସ୍ ଖିଜ୍‌ଞ୍ଜି ଜିବୁନ୍ ପାୟା ଆନାନ୍, ଇଦାଂ ନେ ମାଞ୍ଜି ଆବାତି ମାନ୍; ଆରେ, ଆନ୍ ତାଙ୍ଗେଙ୍ଗ୍ ହାରିହାରା ନାଜିଂ ଆରେ ରଗ ଜିପ୍‌ନାଙ୍ଗ୍ ।”

୪୧ “ଆନ୍ ସାଗେତାଂ ଜୁଜି ମାନ୍‌ଟି କାଦି ଆନାଙ୍ଗ୍, ହେଖାନ୍ ଇଦାଂ ଇଚିଲେ ଜିହୁଦିର୍ ତା ବେରୁତାଂ ନିନ୍ଦା କିଦେଙ୍ଗ୍ ଲାଗାତାଟ୍,” ୪୨ ଆରେ ଇଚାଟ୍ ଇଖାନ୍ ଜସେସ୍ ମେହି ଜିସୁ ଆକାୟ୍, “ଆରେ ଆପେଂ ଇନାକା ଇଖାନ୍ ଲାଡ୍‌ହା ହେହିଙ୍ଗ୍ ପୁନୁୟ୍ ? ଲାଗିଂ ଆନ୍ ସାଗେତାଂ ଜୁଡ୍‌ତାଙ୍ଗ୍‌ନା ଇଞ୍ଜି ହେଖାନ୍ ନଙ୍ଗ୍ ଇନେସ୍ ଇନାନ୍ନା ?”

୪୩ ଜିସୁ ହେଖାରିଂ ଉତର୍ ହିତାନ୍, ଜାର୍ ଜାର୍ ବିଡ୍ରେ ନିନ୍ଦା କିମାଟ୍ ? ୪୪ ଇମ୍ପାଣି ଆବା ନାଙ୍ଗ୍ ପକ୍‌ତାତାନ୍ନା ହେଖାନ୍ ନାତାକେ ଚଞ୍ଜିୟା ଆଦ୍‌ଞ୍ଜିସ୍ ଇନେର୍ ନା ଲାଗେ ଖାଦେଙ୍ଗ୍ ଆଡୁର୍ । ଇମ୍ପାଣାକାର୍ ଖାନାର୍ ହେଖାରିଂ ଆନ୍, ହାରିହାରା ନାଜିଂ ଆରେ ରଗ ଜିପ୍‌ନାଙ୍ଗ୍ । ୪୫ ବେଣ୍‌ବାକ୍‌ଶାୟ୍‌କିନାକାର୍ ଦରମ୍ ସାସ୍ପର୍ ତାକେ ଲେକିକିତାଣ୍ଟା, ଖିଜାର୍ କେବଲ୍ ଇସ୍ପର୍ ହିକ୍ୟା ପାୟା ଆନାଟ୍ । ଇନେର୍‌କି ଆବା ତାକେଣ୍ଟା ହିକ୍ୟା ଲାବ୍ କିତାନ୍‌ନା, ହେଖାନ୍ ନାତାକେ ଖାନାନ୍ । ୪୬ ଇନେନ୍ ଜେ ଆବାଂ ହୁଡ୍‌ଡାନ୍‌ନା, ହେଦାଂ ଆକାୟ୍; ଇନେର୍ ଇସ୍ପର୍ ତାକେଣ୍ଟା ଖାତାନ୍‌ନା, ହେଖାନ୍ ଆବାଂ ହୁଡ୍‌ଡାନ୍‌ନା । ୪୭ ହାଡ୍‌ପା ହାଡ୍‌ପା ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଇନେନ୍ ପାଟିଂ କିନାନ୍, ହେଖାନ୍ ଖିଜ୍‌ଞ୍ଜି ଜିବୁନ୍ ପାୟା ଆନାନ୍ । ୪୮ ଆନ୍ ଜିବୁନ୍ ହିନି କାଦି । ୪୯ ମି ଆକର୍ ବାଟାତ ମାନ୍ନା ଚିଚାଟ୍, ଆଡିସ୍‌ପା ହେଖାର୍ ହାତାଟ୍ । ୫୦ ମାଟର୍ ଇମ୍ପାଣି କାଦି ସାଗେତାଂ ଖାନାଟ୍, ତାଙ୍ଗେଙ୍ଗ୍ ଇନେର୍ ତିନାନ୍ ହେଖାନ୍ ଖିଜ୍‌ଞ୍ଜି ଜିବୁନ୍ ପାୟା ଆନାନ୍ । ୫୧ ଆନ୍ ସାଗେତାଂ ଜୁଡ୍‌ତାଙ୍ଗ୍ ହେ ଜିବୁନ୍

କାଦି; ଇନେର ଜଦି ଇ କାଦି ତିନାର, ହେଖାନ ଜୁଗ୍ ଜୁଗ୍ ପାତେକ୍ ଜିଜି ମାନାର; ଆଁ, ଆନ୍ ଇମ୍‌ଣି କାଦି ହିଦ୍‌ନା, ହେଦାଁ ନା ଜେଇ, ଆନ୍ ତା ପୁତ୍ ତିଁ ବାଚାୟକିଦେଁ ଇଞ୍ଜି ଜିବୁନ୍ ହିଦ୍‌ନାଁ ।

୫୨ ଇବେ ଜିହୁଦିର ହେଖେର ହେଖାର ରିସା ଆଜି ଇଞ୍ଜେଙ୍ଗ୍ ଲାଗାତାର, ଇଖାନ ଇନେସ୍ ମାଙ୍ଗେଙ୍ଗ୍ ଜାର ଜେଇ ତିଞ୍ଜେଙ୍ଗ୍ ହିଦେଁ ଆଡ୍‌ନାନ ?

୫୩ ହେବେ ଜିସୁ ହେଖାରିଁ ଇଚାନ, “ହାଡ୍‌ପା ହାଡ୍‌ପା ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ମାନାୟ୍ ମାଜିତି ଜେଇ ତିନ୍‌ଞ୍ଜିତିସ୍ ଆରି ତା ନେତେର ଉଣ୍‌ଞ୍ଜିତିସ୍, ମି ତାକେ ଜିବୁନ୍ ହିଲୁଡ୍ । ୫୪ ଇନେର ନା ଜେଇ ତିନାର ଆରି ନା ନେତେର ଉଣାର, ହେଖାନ ଞ୍ଜିଞ୍ଜି ଜିବୁନ୍ ପାୟା ଆନାନ, ଆରେ ଆନ୍ ହାରିହାରା ନାଜିଁ ତାଙ୍ଗେଙ୍ଗ୍ ଜିପିକିନାଙ୍ଗ୍ । ୫୫ ଇନାକିଦେଁକି ନା ଜେଇ ହାଡ୍‌ପା କାଦି ଆରି ନା ନେତେର ହାଡ୍‌ପା ଏଜୁଁ । ୫୬ ଇନେରକି ନା ଜେଇ ତିନାର ଆରି ନା ନେତେର ଉଣାର, ହେଖାନ ନା ତାକେ ମାନେନ୍ ଆରି ଆନ୍ ତା ତାକେ ମାନାଙ୍ଗ୍ । ୫୭ ଜିବୁନ୍‌ନି ଆବା ନାଙ୍ଗେଙ୍ଗ୍ ପକ୍‌ତାତାନ୍ନା ଆରି ଆନ୍ ଆବା କାଜିଁ ଜିଜି ମାନା, ହେ ଲାକେ ଜେ ନାଙ୍ଗେଙ୍ଗ୍ ତିଞ୍ଜିନାର, ହେଖାନ ପାନା କାଜିଁ ଜିଜି ମାନାନ୍ । ୫୮ ଇମ୍‌ଣି କାଦି ସାଗେତାଁ ଜୁଡ୍‌ତାନ୍ନା, ହେଦାଁ ଇ; ଆକର ଇନେସ୍ ତିନ୍‌ଞ୍ଜି ହାତାର, ହେ ଲାକେ ଆକାୟ୍; ଜେ ଇ କାଦି ତିନାର, ହେଖାନ ଜୁଗ୍ ଜୁଗ୍ ପାତେକ୍ ଜିଜି ମାନାନ୍ ।”

୫୯ ହେଖାନ କପର୍‌ନାହୁମ୍ ର କୁରୁମ୍ ଇଞ୍ଜି ହିକ୍ୟା ହିନି ସମୁତ ଇ ଞ୍ଜିଜୁ କାତା ଇଚାର ।

ଞ୍ଜିଞ୍ଜି ଜିବୁନ୍‌ନି ବଚନ

୬୦ ଲାଗିଁ, ତା ଚେଲାହିର ବିତ୍ରେ ହେନି ଇଦାଁ ଖେନ୍‌ଞ୍ଜି ଇଚାର, “ଇ ହିକ୍ୟା ଖେଞ୍ଜେଙ୍ଗ୍ ଦେସି କସ୍, ଇନେର ଇଦାଁ ଖେଞ୍ଜେଙ୍ଗ୍ ଆଡ୍‌ନାର ?”

୬୧ ମାତର ଜିସୁ, ତା ଚେଲାର ଇନେର ହେ ବିସ୍ତେ ନିୟା କିନାରା ଇଞ୍ଜି, ତା ମାତ୍ର ପୁଞ୍ଜି ହେଖାରିଁ ଇଚାନ, ବାଦାନି କାରଣ ଆନାତା ? ୬୨ ମାନାୟ୍ ମାଜି ଇମେତାଁ ଖାତାନ୍‌ନା, ହେବେ ତାଙ୍ଗେଙ୍ଗ୍ ହାନାକା ହୁଡ୍‌ତାନ୍ ଇନା କିନାନ୍ । ୬୩ କେବଲ୍ ଇସ୍‌ତ୍ ଖାସ୍ତି ଜିବୁନ୍ ହିଦେଁ ଆଡ୍‌ନାନ; ମାନାୟ୍ ଜେଇ ଇନାକା କିଦେଙ୍ଗ୍ ଆଡ୍‌ତୁଡ୍ ଇସ୍‌ତ୍ ହେ ଜିବୁନ୍ ହିନି ଖାସ୍ତିତିଁ ଏପେଙ୍ଗ୍ ଇନେସ୍ ପୁନାଦେର ହେଦାଁ କାଜିଁ ଆନ୍ ଇ ଞ୍ଜିଜୁ କାତା ଇଞ୍ଜନାଙ୍ଗା । ୬୪ ମାତର ମି ବିତ୍ରେ ଇନେ ଇନେର ପାତ୍ କିଉରା । ଇନାକିଦେଁକି ଇମ୍‌ଣାକାର ଜିସୁଙ୍ଗ୍ ପାତ୍ କିଖାଦାଁ ମାଚାର ଆରି ଇନେନ୍ ଜିସୁଙ୍ଗ୍ ସାତୁର କେଇଦ ଇନେନ୍ ହେଲାୟ୍ କିନାନ୍, ହେଦାଁ ଇସ୍‌ତ୍ ଆଗେତାଁ ପୁଞ୍ଜି ମାଚାନ୍ । ୬୫ ଜିସୁ ଆରେ ଇଚାନ, “ଇଦାଁ କାଜିଁ ଆନ୍ ମିଙ୍ଗେଙ୍ଗ୍ ଇନ୍‌ଆଙ୍ଗ୍‌ନା, ଆବା ତାକେଣ୍ଡାଁ ପକ୍ୟା ଆଞ୍ଜିତିସ୍ ଇନେର ନା କରଣ୍ ଖାଦେଙ୍ଗ୍ ଆଡ୍‌ତୁର ।”

୬୬ ହେ ସମୁତାଁ ତା ଚେଲାହିର ବିତ୍ରେ ହେନି ବେଣ୍‌କିଖାଦାଁ ହସି ହାଚାର, ଆରେ ତା ଲାହାଙ୍ଗ୍ ଚାଲା ବୁଲା କିଖାତାର । ୬୭ ହେବେ ଜିସୁ ବାରଜାଣ୍‌ତିଁ ଖେନ୍‌ବାତାନ୍, “ଏପେଙ୍ଗ୍‌ପା ନାଙ୍ଗ୍ ପିସ୍ତି ହାଞ୍ଜେଙ୍ଗ୍ ଇଚା କିନାଦେରା ?”

୬୮ ସିମନ୍ ପିତର ଜିସୁଙ୍ଗ୍ ଉତର ହିତାର, ମାପୁ, ଇନେର ତାକେ ହାନାପ୍ ? ନି ତାକେ ଞ୍ଜିଞ୍ଜି ଜିବୁନ୍‌ନି ବଚନ ମାନାଡ୍; ୬୯ ଆରେ, ଏନ୍ ଜେ ଇସ୍‌ତ୍ ହେ ପୁଇପୁୟା ମାନାୟ୍, “ଇଦାଁ ଆପେଁ ପାତ୍ କିତାପ୍‌ନା ଆରି ପୁଚାପ୍‌ନା ।”

୭୦ ଜିସୁ ହେଖାରିଁ ଉତର ହିତାନ୍, “ଆନ୍ ଇନାକା ମି ବାରଜାଣ୍‌ତିଁ ବାଚି କିଖାତାଁନା କି ? ଆରେ, ମି ବିତ୍ରେ ର ସୟ୍‌ତାନ୍ ।” ୭୧ ହେଖାନ ଇସ୍‌ଆରିୟ୍‌ତିୟ୍ ସିମନ୍ ମେହି ଜିହୁଦାଙ୍ଗ୍ ହୁଡ୍‌ଜି ଏପେଙ୍ଗ୍ ଇଚାନ, ଇନାକିଦେଁକି ହେଖାନ ବାରଜାଣ୍ ବିତ୍ରେ ରଖାନ, ଆରେ ହେଖାନ ତାଙ୍ଗେଙ୍ଗ୍ ସାତୁର କେଇଦ ହେଲାୟ୍ କିଦେଙ୍ଗ୍ ହାଲ୍‌ଜି ମାଚାନ୍ ।



ଜିସୁ ଆରି ତା ଟଣ୍ଡାହିର

୧ ଇଦାଁ ପାଚେ ଜିସୁ ଗାଲିଲିତ ବୁଲାଆଦେଁ ଲାଗାତାନ୍, ଇନାକିଦେଁକି ଜିହୁଦିର ତାଙ୍ଗେଙ୍ଗ୍ ଟାଣ୍ଡେ ଅହ୍‌ନି କାଜିଁ ସେସ୍ତା କିଜି ମାଚିଲେ, ହେଖାନ ଜିହୁଦା ଦେସ୍‌ତ ବୁଲାଆଦେଁ ମାନ୍ କିଖାଦାଁ ମାଚାନ୍ । ୨ ଜିହୁଦିର କୁଡ୍‌ୟା ବାହା ପାରୁନ୍‌ନି ସମୁ ଲାଗେ ଖାଜି ମାଚାଡ୍, ୩ ତା ଟଣ୍ଡାହିର ତାଙ୍ଗେଙ୍ଗ୍ ଇଚାର, “ଏନ୍ ଜେ ଇନା କାମାୟ୍ କିତାୟ୍‌ନା, ହେ ଞ୍ଜିଜୁ ଇନେସ୍‌କି ନି ଚେଲାର ପା ହୁଡ୍‌ନାର, ଇଦାଁ କାଜିଁ ଇବେଣ୍ଡାଁ ହସି ହାଲ୍‌ଜି ଜିହୁଦା ଦେସ୍‌ତ ହାଲାଟ୍, ୪ ଇନାକିଦେଁକି ଇନେର ଚଞ୍ଜିୟାଦେଁ ମାନ୍ କିତାନ୍ ଡ୍‌ଗୁଜି ଇନାକା କିଉନ୍ । ଏପେଙ୍ଗ୍ ଜଦି ଞ୍ଜିଜାଦେର, କିନାଦେରା, ଲାଗିଁ ଜାର୍‌ତିଁ ପୁତ୍ ତାକେ ଚଚାର ।” ୫ ଇନାକିଦେଁକି ତା ଟଣ୍ଡାହିର ପା ତା ତାକେ ପାତ୍ କିଖାଦାଁ ମାଚାର ।

୬ ହେବେ ଜିସୁ ହେଖାରିଁ ଇଚାନ, “ନା ସମୁ ନଙ୍ଗ୍ ପାତେକ୍ ଏକା ଖାଉତେ, ମାତର ମି ସମୁ ଏକା ଖାତାତେ । ୭ ପୁତ୍ ମିଙ୍ଗେଙ୍ଗ୍ ଗିଣ୍ କିଦୁଡ୍, ମାତର ନାଙ୍ଗେଙ୍ଗ୍ ଗିଣ୍ କିଦ୍‌ନାଡ୍, ଇନାକିଦେଁକି ତା କାମାୟ୍ ଜେ କାରାପ୍, ଆନ୍ ଇ ସାକି ହିତାଙ୍ଗ୍‌ନା । ୮ ଏପେଙ୍ଗ୍ ଇ ପାରୁଡ୍ ହାଲାଟ୍, ଆନ୍ ନଙ୍ଗ୍ ଇ ପାରୁଡ୍ ହାଲୁଙ୍ଗା, ଇନାକିଦେଁକି ନା ସମୁ ଇ ପାତେକ୍ ଏକା ଖାଉତେ ।” ୯ ଜିସୁ ହେଖାରିଁ ଇ ଞ୍ଜିଜୁ କାତା ଇଞ୍ଜି, ଗାଲିଲିତ ମାଚାନ୍ ।

କୁଡ୍‌ୟା ବାହା ପାରୁଡ୍ ଜିସୁ

୧୦ ମାତର ତା' ଟଣ୍ଡାହିର ପାର୍ଶ୍ୱତ ହାଟି ପାଚେ ହେଖାନ ପା ହାଚାନ, ଚଞ୍ଚିୟାଆଖାଦା° ଆକାୟ, ମତର ର ବାନି ଡଗୁଜି । ୧୧ ଲାଗି° ଜିହୁଦି ନେତାର ପାର୍ଶ୍ୱତ ତାଙ୍ଗେଙ୍ଗ୍ ତେକ୍ତି ତେକ୍ତି ଖେନ୍ବାତାର, “ହେଖାନ ଜେ ?”

୧୨ ଆରେ, ତା ବିସ୍ତେ ମାନାୟାର ବିତ୍ତେ ବେସି ହେଖାର ହେଖେର କାଲେ କାଲେ ବେଶ୍ କିଦେଙ୍ଗ୍ ଲାଗାତାର; “ଇନେ ଇନେର ଇଚାର, ହେଖାନ ରକାନ ହାର ଲଗୁ, ଆରେ ଇନେ ଇନେର ଇଚାର, ଆକାୟ, ହେଖାନ ମାନାୟାରି° ବୁଲ୍‌କାୟକିନାନା ।” ୧୩ ଆତିସ୍‌ପା ଜିହୁଦି ନେତାର ପାଣ୍ଡୁତି° ତା ବିସ୍ତେ ଖେଚ୍‌ରେଙ୍ଗ୍ ଇନେର ଇନାକା ଇନ୍‌ଖାଦା° ମାଚାର ।

୧୪ ମାତର ପାର୍ଶ୍ୱନି ଆଦା ସମୁ ହାଟି ପାଚେ, ଜିସୁ ମନ୍ଦିରତ ହାଲ୍‌ଜି ହିକ୍ୟା ହିଦେ° ଲାଗାତାନ । ୧୫ ଇବେ ଜିହୁଦି ନେତାର କାବା ଆଜି ଇଚାର, “ଇଖାନ ପାଚ୍ ପଡ଼ିକିଖାଦା° ଇନେସ୍ ପୁଚାନ ?”

୧୬ ଲାଗି° ଜିସୁ ହେଖାରି° ଉତର ହିତାନ, “ନା ହିକ୍ୟା ନା ଜାର୍‌ତି ଆକାୟ, ମାତର ନାଙ୍ଗ୍ ପକ୍‌ତାତାକାନ୍ତି ଇସ୍‌ରତା° ଖାନି ହିକ୍ୟା ହିନାଙ୍ଗା । ୧୭ ଇନେର ଜଦି ଇସ୍‌ର ଇଚା ମାନି କିଦେଙ୍ଗ୍ ମାନକିନାନ, ତା ଆତିସ୍ ଇ ହିକ୍ୟା ଇସ୍‌ରତା° ଆତାତନ୍ନା, କି ଆନ୍ ନି ତାକେଣ୍ଡା° ଇଞ୍ଜନାଙ୍ଗା, ହେଦା° ହେଖାନ ପୁନାନ । ୧୮ ଇନେନ୍ ଜାର୍‌ତା° ଇନାନ, ହେଖାନ ନିଜେ ଜାଜମାଲ୍ ପାୟା ଆଦେ° ଦାହନାନ, ମାତର ଇନେନ୍ ଜାର୍ ପକ୍‌ତାତାକାନି° ପାଦ୍ ପାୟା ଆଦେ° ଦାହନାନ, ହେଖାନ ହାଡ଼ପା ଇନାନ, ଆରେ ତାତାକେ ଇନାକାପା ଅଦାମ୍ ମିଚ୍ ହିଲୁଡ଼ । ୧୯ ମସା ଇନାକା ମିଙ୍ଗେଙ୍ଗ୍ ବିଦି ହିଦ୍‌ଖାତାନନା ? ଆତିସ୍‌ପା ମି ବିତ୍ତେ ରଖାନ ପା ବିଦି ମାନି କିଉଦେରା । ଏପେଙ୍ଗ୍ ଇନାକିଦେ° ନାଙ୍ଗେଙ୍ଗ୍ ଅସ୍ତେଦେ° ସେସ୍ କିଦ୍‌ନାଦେରା ?”

୨୦ “ମାନାୟାର ଉତର ହିଚାର,” ନିଙ୍ଗେଙ୍ଗ୍ ପୁଦା ଆସ୍ତାତାନ୍ନା, “ଇନେର ନିଙ୍ଗେଙ୍ଗ୍ ଅସ୍ତେଦେ° ସେସ୍ କିଦ୍‌ନା ?”

୨୧ ଜିସୁ ହେଖାରି° ଉତର ହିତାନ, “ଆନ୍ କାବାଆନି କାମାୟ କିତାଙ୍ଗ୍, ଆରେ ଏପେଙ୍ଗ୍ ଖିଜାଦେର କାବା ଆତାଦେଣ୍ଡା । ୨୨ ଇ କାଜି° ମସା ମିଙ୍ଗେଙ୍ଗ୍ ସୁନ୍ନଡ଼ ବିଦି ହିଡ଼ତାନ୍ନା ଇଦା° ଜେ ମସାତାକେଣ୍ଡା° ଆତାତନ୍ନା, ହେଦା° ଆକାୟ, ମାତର ଆକରତା°, ଆରେ ଏପେଙ୍ଗ୍ ଜମ୍‌ନିବାର ନାଜି° କାଡ଼ଦେରି° ସୁନ୍ନଡ଼ କିନାଦେରା । ୨୩ ମସାତି ବିଦି ଖିଜୁଞ୍ଜି କାଜି° ଜଦି ଜମ୍‌ନିବାର ନାଜି° କାଡ଼ଦେ° ସୁନ୍ନଡ଼ ପାୟା ଆନାନ, ତା ଆତିସ୍ ଆନ୍ ଜମ୍‌ନିବାର ନାଜି° ରଖାନ କାଡ଼ଦେ° ଖିଜୁ ଉଜ୍ କିତଲେ ଏପେଙ୍ଗ୍ ଇନାକିଦେ° ନା ଜପି ରିସା କିଦ୍‌ନାଦେରା ? ୨୪ ବାଚ୍ ବିସ୍ତେ ହୁଡ଼ଜି ବିଚାର କିଖାଦା° ନ୍ୟାୟ ବିଚାର କିୟାର ।”

ଇଖାନ ଇନାକା ମସିୟା

୨୫ ଇବେ ଜିରୁସାଲମ୍ ନିକାର ବିତ୍ତେ ଇନେର ଇନେର ଇଞ୍ଜେଙ୍ଗ୍ ଲାଗାତାର, “ଜିହୁଦି ନେତାର ହେଖାର ଇନେକିଦେ° ଅହ୍‌ନି କାଜି° ସେସ୍ କିଜି ମାଚାର, ଇଖାନ ଇନାକା ହେଖାନ ଆକାୟ ? ୨୬ ଆରେ ହୁଡ଼ାଚ୍, ହେଖାନ ହପ୍‌ତି କାତା ଇଞ୍ଜନାନା, ଆରେ ହେଖାର ତାଙ୍ଗେଙ୍ଗ୍ ଇନାକା କିଉରା । ଇଖାନ ଜେ କ୍ରିସ୍, ଇଖାନ ଇନାକା ନେତାର ହାଡ଼ପା ପୁଚାରେ ? ୨୭ ଇନାକା ଆୟେଡ଼, ଇଖାନ୍ତି ଆରମ୍ ଆସେଙ୍ଗ୍ ପୁନାସ୍, ମାତର ମସିୟା ଏରେକାଡ଼ଦ୍ ଖାନାନ, ହେ ପାଦ୍‌ନା ତା ଆରମ୍ ଇନେର ପୁନୁର ।”

୨୮ ହେବେ ଜିସୁ ମନ୍ଦିରତ ହିକ୍ୟା ହିଉ ହିଉ ଗାଜା କାଚ୍‌ତା° ଇଚାନ, ଏପେଙ୍ଗ୍ ନାଙ୍ଗେଙ୍ଗ୍ ଆରି ନା ଉବ୍‌ଜାଣ୍ ରିୟାଦେର ପୁନାଦେର ? ଆନ୍ ନିଜେତା° ଖାଖାତାଙ୍ଗ୍‌ନା, “ମାତର ନା ପକ୍‌ତାତାକାନ୍ ହାଡ଼ପା, ତାଙ୍ଗେଙ୍ଗ୍ ଏପେଙ୍ଗ୍ ପୁନୁଦେରା । ୨୯ ଆନ୍ ତାଙ୍ଗେଙ୍ଗ୍ ପୁନାଙ୍ଗ୍, ଇନାକିଦେ°କି ଆନ୍ ତା ତାକେଣ୍ଡା° ଖାତାଙ୍ଗ୍‌ନା, ଆରେ ହେଖାନ ନାଙ୍ଗେଙ୍ଗ୍ ପକ୍‌ତାତାନ୍ନା ।

୩୦ ହେବେ ହେଖାର ତାଙ୍ଗେଙ୍ଗ୍ ଆସ୍ତେଙ୍ଗ୍ ସେସ୍ କିତାର; ମାତର ଇନେର ତା ଜପି କେଇ କିଖାତାର, ଇନାକିଦେ°କି ତା ସମୁ ହେ ପାତେକ୍ ଏକା ଖାଖାଦାଙ୍ଗ୍ ମାଚାଡ଼ । ୩୧ ମାତର ମାନାୟାର ବିତ୍ତେ ହେନି ତାତାକେ ପାଚ୍ କିଜି ଇଞ୍ଜେଙ୍ଗ୍ ଲାଗାତାର, ଇଖାନ ଜେ ଖିଜାର କାବାଆନି କାମାୟ କିତାନ୍ନା, କ୍ରିସ୍ ଖାଜି ତା ତାକେଣ୍ଡା° ଇନାକା ଆଦିକ୍ କିନାନ ?”

ଜିସୁଙ୍ଗ୍ ବନ୍ଦି କିଦେଙ୍ଗ୍ କାନାକାରି° ପଲ୍ଲାର୍

୩୨ ପାରୁସିର ମାନାୟାର ତା ବିସ୍ତେ ବେଶ୍‌କିବାଆନାକା ଖେନ୍‌ଞ୍ଜି ଆରେ ମୁଡ଼୍ ମାପୁହେବାକିନାକାନ୍ ଆରି ପାରୁସିର ତାଙ୍ଗେଙ୍ଗ୍ ଆହ୍‌ନି କାଜି° କାନାକାରି° ପଲ୍ଲାର୍ । ୩୩ ହେବେ ଜିସୁ ଇଚାନ, “ଆନ୍ ଆରେ ଅଲ୍‌ପ୍ ସମୁ ମି ଲାହାଙ୍ଗ୍ ମାନଗାନାଙ୍ଗ୍ ଆରେ ପକ୍‌ତାତାକାନ୍ ତାକେ ହାନାଙ୍ଗା । ୩୪ ଏପେଙ୍ଗ୍ ନାଙ୍ଗେଙ୍ଗ୍ ତେକ୍‌ନାଦେର, ମତର ଗାଟାଆଦୁଦେର; ଆରେ, ଆନ୍ ଇମେତାକେ ମାନାଙ୍ଗ୍, ଏପେଙ୍ଗ୍ ହେବେ ହାଞ୍ଜେଙ୍ଗ୍ ଆଡୁଦେର ।”

୩୫ ହେବେ ଜିହୁଦିର ହେଖେର ହେଖାର ଇଚାର, “ଇଖାନ ଇମେତାକେ ହାଞ୍ଜେଙ୍ଗ୍ ହଡ଼ତାନ୍ନା ଜେ, ଆସେଙ୍ଗ୍ ତାଙ୍ଗେଙ୍ଗ୍ ଗାଟାଆଉସ୍ ? ଇଖାନ ଇନାକା ଗ୍ରିକ୍‌ନିକାର ବିତ୍ତେ ଜେଡ଼ କେଡ଼ ଜିହୁଦିର ତାକେ ହାଲ୍‌ଜି ଗ୍ରିକ୍‌ନିକାରି° ହିକ୍ୟା ହିଦେ° ହଡ଼ତାନ୍ନା ? ୩୬ ଏପେଙ୍ଗ୍ ନାଙ୍ଗେଙ୍ଗ୍ ତେକ୍‌ନାଦେର, ମତର ଗାଟା ଆଦୁଦେର, ଆରେ ଆନ୍ ଇମେତାକେ ମାନାଙ୍ଗ୍, ଏପେଙ୍ଗ୍ ହେବେ ହାଞ୍ଜେଙ୍ଗ୍ ଆଡୁଦେର, ହେଖାନ ଇ ଇମ୍‌ଣି କାତା ଇଚାନ, ହେ ଅରଡ଼ ଇନାକା ?”

ଜିରୁନ୍ ହିନି ଜଡ଼ି

୩୭ ଖିସ୍ତ୍ର ନାଜି°, ଇଚିସ୍, ପାର୍ଶ୍ୱନି ଗାଜା ଦିନ୍ତ, ଜିସୁ ନିଲ୍‌ତି ଗାଜା କାଚ୍‌ତା° ଇଚାନ, ଇନେର ଜଦି ଏସ୍‌କି ଆନାନ, “ଲାଗି° ହେଖାନ ନା ତାକେ ଖାୟେନ୍ । ୩୮ ଦରମ୍ ସାସ୍‌ର ଲେକାଆତାଡ଼ନା, ଇନେନ୍ ନା ତାକେ ପାଚ୍ କିଜି ହେଖାନ ଉଣେନ୍, ତା

ଝାସ୍ମିତାଂ ଜିରୁନ୍ନି ଏଜୁଂ ଡିଜି ହାନିକ୍ ।” ୩୯ ତା ତାକେ ପାତର୍ କିଝାକାର୍ ଇମ୍ଣି ଜିରୁନ୍ ପାୟାନି କାଜିଂ ହାଲ୍ଜି ମାଚାର୍, ଜିସୁ ବିସ୍ତେ ହେଝାନ୍ ଏପେଙ୍ଗ୍ ଇଚାନ୍, ଇନାକିଦେଂକି ଜିସୁ ହେପାତେକ୍ ଜାଜମାଲ୍ ପାୟାଆଝି କାଜିଂ ହେଝାର୍ ପୁଇପୁୟା ଜିରୁନ୍ ପାୟା ଆଝାଦାଂ ମାଚାର୍ ।

ମାନାୟାର୍ ବିତ୍ତେ ବାଗ୍‌ଆନାକା

୪୦ ଲାଗିଂ ମାନାୟାର୍ ବିତ୍ତେ ଇନେ ଇନେର୍ ଇ କାତା ଝେନ୍‌ଞ୍ଜି ଇଞ୍ଜେଙ୍ଗ୍ ଲାଗାତାର୍, “ଇଝାନ୍ ହାଡ଼ପା ହେ ବେଣବାକଣାୟକିନାକାନ୍ ।”

୪୧ ବିନେନିକାର୍ ଇଞ୍ଜେଙ୍ଗ୍ ଲାଗାତାର୍, “ଇଝାନ୍ କ୍ରିସ୍ଟ୍ ।”

ମାତର୍ ଇନେ ଇନେର୍ ଇଞ୍ଜେଙ୍ଗ୍ ଲାଗାତାର୍, “ଇନାକା ମସିୟା ଗାଲିଲିତାଂ ଝାଉନ୍ ! ୪୨ କ୍ରିସ୍ଟ୍ ଜେ ଦାଉଦ୍ ଲାତ୍ରାତାଂ ଆରି ଦାଉଦ୍ ନିକାର୍ ଇମେତାକେ ମାଚାର୍, ହେ ବେଡ୍‌ଲିହିମ୍ ନାସ୍ତାଂ ଝାନାନ୍, ଇଦାଂ ଇନାକା ଦରମ୍ ସାସ୍ତର୍ ବଚନ୍ ଇନୁତା ?” ୪୩ ଲାଗିଂ ମାନାୟାର୍ ବିତ୍ତେ ତା କାଜିଂ ବାଗ୍‌ଆନାକା ଗିଟା ଆତାଡ଼ । ୪୪ ଆରେ, ହେଝାର୍ ବିତ୍ତେତାଂ କେତେ ଜାଣ୍ ଆସ୍ତେଙ୍ଗ୍ ଇଚା କିଜି ମାଚାର୍, ମାତର୍ ଇନେର୍ ତା ଜପି କେଇ କିଝାତାର୍ ।

ଜିହୁଦି ନେତାର୍ ପାତର୍ କିଝାଦାଂ ମାଚାର୍

୪୫ ଝିସ୍ତ୍ରି ବିତ୍ତେ କାନାକାର୍ ମାସ୍‌ଦି ଝାତିଲେ ମୁଡ୍ ମାପୁହେବାକିନାକାନ୍ ଆରି ପାରୁସିର୍ ତାକେ ମାସ୍‌ଦି ଝାତାର୍, ଆରେ ହେଝାର୍ ହେଝାରିଂ ଝେନ୍‌ବାତାର୍, “ଏପେଙ୍ଗ୍ ଇନାକିଦେଂ ତାଙ୍ଗେଙ୍ଗ୍ ତାସ୍ ଝାଝାତାଦେର୍ ?”

୪୬ କାନାକାର୍ ଉତର୍ ହିତାର୍, “ଇ ମାନାୟ୍ ଇନେସ୍‌କି କାତା ଇନାନ୍, ଇମ୍ଣି ମାନାୟ୍ ଇନାଝାଡ଼ାଂ ହେ ଲାକେ ଇନ୍‌ଝାତାଂନା ।”

୪୭ “ହେବେ ପାରୁସିର୍ ହେଝାରିଂ ଉତର୍ ହିତାର୍,” ଏପେଙ୍ଗ୍ ପା ଇନାକା ବୁଲ୍‌କାଇ କିୟାତାଦେର୍ ? ୪୮ “ନେତାର୍ ବିତ୍ତେ କି ପାରୁସିର୍ ବିତ୍ତେ ଇନାକା ଇନେର୍ ତା ତାକେ ପାତର୍ କିନାରା, ଇଦାଂ ଏନ୍ ପୁନାୟ୍ ? ୪୯ ମାତର୍ ଇ ଇମ୍ଣି ଲଗୁ ମସାତି ବିଦି ପୁନୁର୍, ହେଦାଂ କାଜିଂ ଇଝାର୍ ଝିଜାର୍ ବାଗ୍‌ଇଟ୍‌ୟାଆତି ମାନାୟାର୍ ।”

୫୦ “ଇମ୍ଣି ନିକଦିମ୍ ଇଦାଂ ପାଚେ ତା ତାକେ ଝାଜି ମାଚାନ୍ ଆରି ଜେ ହେଝାର୍ ବିତ୍ତେ ରଝାନ୍, ହେଝାନ୍ ହେଝାରିଂ ଝେନ୍‌ବାତାନ୍, ୫୧ “ର ମାନାୟ୍ ତାଙ୍ଗ୍ ପର୍ଡୁମ୍ ଝେନ୍‌ଝାଦାଂ ଆରି ତା ମାନି ବିସ୍ତେ ପୁନ୍‌ଝାଦାଂ ମା ବିଦି ଇନାକା ତାଙ୍ଗେଙ୍ଗ୍ ଦସ୍ କିତାର୍ ?”

୫୨ “ହେଝାର୍ ତାଙ୍ଗେଙ୍ଗ୍ ଉତର୍ ହିତାର୍,” ଏପେଙ୍ଗ୍‌ପା ଇନାକା ର ଗାଲିଲି ମାନାୟ୍ ? ଗାଲିଲିତାଂ ଇମ୍ଣି ବେଣବାକଣାୟକିନାକାନ୍ ହତୁର୍, “ଇଦାଂ ଇଟ୍‌କାଡ଼୍ କିଜି ହୁଡ଼ାଡ଼୍ ।” ୫୩ ଆରେ ହେଝାର୍ ଝିଜାର୍ ଜାର୍ ଜାର୍ ଇଞ୍ଜି ହାଚାର୍ ।



ଦାରି କିନି କଗ୍‌ଲେ

୧ ମାତର୍ ଜିସୁ ଜିଡ଼ମାଡ଼ିତ ହାଚାନ୍ । ୨ ଆକାଡ଼ ନାଜିଂ ହେଝାନ୍ ଆରେ ରଗ ମନ୍ଦିର୍ତ ଝାତାନ୍, ଆରେ ଝିଜାର୍ ମାନାୟ୍ ତା କଚଣତ ଝାତିଲେ, ହେଝାନ୍ କୁଚି ହେଝାରିଂ ହିକ୍ୟା ହିଦେଂ ଲାଗାତାନ୍ । ୩ ଆରେ, ସାସ୍ତ୍ରି ଆରି ପାରୁସିର୍ ଦାରି କାମାୟ୍ ଦାରାପଡ଼ା ଆତି ର କଗ୍‌ଲେହିମ୍‌ଣାଂ ତାସ୍ ଝାଜି ହେଦେଲିଂ ମାଦି ବାହାତ ନିଲି କିଜି ଜିସୁଙ୍ଗ୍ ଇଚାର୍, ୪ “ଏ ଗୁରୁ, ଇ କଗ୍‌ଲେହିମ୍‌ଣା ଦାରି କାମାୟ୍ କିନି ସମୁତ ଦାରାପଡ଼ା ଆତାଡ଼ । ୫ ଇ ଲାକେ କଗ୍‌ଲେକାଂ କାଲ୍‌କୁ ଇଡ଼ଜି ଅସ୍ତେଙ୍ଗ୍ ମସା ମାଙ୍ଗେଙ୍ଗ୍ ବିଦିତ ବଲ୍ ହିଡ଼ନ୍ନା; ଲାଗିଂ ଏନ୍ ଇନାକା ଇଞ୍ଜନାୟା ?” ୬ ହେଝାର୍ ଇନେସ୍ ତାଙ୍ଗେଙ୍ଗ୍ ବେରୁତାଂ ଇନାର୍ ଇନାକିଦେଂକି ଗାଟା ଆନାର୍, ଇଦାଂ କାଜିଂ ହେଝାର୍ ତାଙ୍ଗେଙ୍ଗ୍ ପରିକ୍ୟା କିନି ବିସ୍ତେ ଇଦାଂ ଇଚାର୍ । ମାତର୍ ଜିସୁ ଟଡ଼ଜି ଝାଡ଼କାଙ୍ଗ୍ ହୁକେ ମେଦ୍‌ନିତ ଲେକିକିଦେଂ ଲାଗାତାନ୍ । ୭ ହେଝାର୍ ହେବେ ନିଲ୍‌ଚି ଆରେ ଝେନ୍‌ବିତିଲେ, ହେଝାନ୍ କାପଡ଼ା ନିକ୍ଚି ହେଝାରିଂ ଇଚାନ୍, ମି ବିତ୍ତେତାଂ ଇନେର୍ ଇନାଝାଡ଼ାଂ ପା ଇନା ପାପ୍‌କିଝାତାନ୍‌ନା, “ହେଝାନ୍ ପର୍ଡୁମ୍ ଝାଜି କାଲ୍ ଇଡେନ୍ ।” ୮ ଆରେ ରଗ ହେଝାନ୍ ଟଡ଼ଜି ମେଦ୍‌ନିତ ଲେକିକିଦେଂ ଲାଗାତାନ୍ । ୯ ହେଦାଂ ଝେନ୍‌ଞ୍ଜି ହେଝାର୍ ପ୍ରାତିନାର୍ ତାଂ ଆରମ୍ କିଜି ରଝାନ୍ ରଝାନ୍ ଆଜି ଝିଜାର୍ ହସି ହାଞ୍ଜେଙ୍ଗ୍ ଲାଗାତାର୍, ଆରେ କେବଲ୍ ଜିସୁ ଆରି ମାଦି ହେ କଗ୍‌ଲେହିମ୍‌ଣାଂ ମାଚିକ୍ । ୧୦ “ଆରେ ଜିସୁ କାପଡ଼ା ନିକ୍ଚି ତାଙ୍ଗେଙ୍ଗ୍ ଇଚାନ୍,” ଏ କଇ, ହେଝାର୍ ଇମେର୍ ? ଇନେର୍ ଇନାକା ନିଙ୍ଗେଙ୍ଗ୍ ଦାଣ୍ ଇଞ୍ଜି ବିଚାର୍ କିଝାତାର୍ କି ?

୧୧ “ହେଦେଲ୍ ଇଚାଡ଼, ଇନେର୍ ହିଲୁର୍ ମାପୁ ।”

ହେବେ ଜିସୁ ଇଚାନ୍, “ଆନ୍ ପା ନିଙ୍ଗେଙ୍ଗ୍ ଦାଣ୍ ହିଦ୍‌ନାଂ ଇଞ୍ଜି ବିଚାର୍ କିଦୁଙ୍ଗା; ହାଲା, ନେଞ୍ଜେଙ୍ଗ୍ ତାଙ୍ଗ୍ ଆରେ ପାପ୍ କିମା ।”

ଜିସୁ ପୁତର୍ ନି ଅଜଡ଼୍

☆ ୭:୫୦ ୭:୫୦ ଜହନ୍ ୩:୧,୨.

୧୨ ଜିସୁ ଆରେ ରଗ ପାରୁସିରିଂ ଇଚାନ, “ଆନ୍ ପୁତ୍ ନି ଅଜଡ୍” ଇନେର୍ ନା ପାଚେ ଖାନାର, “ହେଝାନ୍ ଇନାଖାଡ଼ାଂ ପା ମାଜଗାତ ବୁଲ୍ଲା ଆଉନ୍, ଇଚିସ୍ ଜିବୁନ୍ନି ଅଜଡ୍ ପାୟା ଆନାନ୍ ।”

୧୩ ☆ହେବେ ପାରୁସିର୍ ତାଙ୍ଗେଙ୍ଗ୍ ଇଚାର, “ଏପେଙ୍ଗ୍ ଜାର୍ ଜାର୍ତିଂ ବିସ୍ତେ ସାକି ହିନାଦେରା, ମି ସାକି ହାଡ଼ପା ଆକାୟ୍ ।”

୧୪ ଜିସୁ ହେଝାରିଂ ଉତର୍ ହିତାନ୍, ଆନ୍ ଜଦି ନିଜେ ବିସ୍ତେ ସାକି ହିଜିମାନାଂ, ଲାଗିଂ ପାନା ସାକି ହାଡ଼ପା, ଇନାକିଦେଂକି ଆନ୍ ଇମ୍ଣି ବାହାତାଂ ଖାତାଙ୍ଗ୍ନା ଆରି ଇମ୍ଣି ବାହାତାକେ ହାନାଙ୍ଗା, ହେଦାଂ ପୁନାଙ୍ଗ୍, “ମାତର୍ ଆନ୍ ଇମ୍ଣି ବାହାତାଂ ଖାନାଙ୍ଗ୍ କି ଇମ୍ଣି ବାହାତ ହାନାଙ୍ଗ୍, ହେଦାଂ ଏପେଙ୍ଗ୍ ପୁନୁଦେର୍ । ୧୫ ଏପେଙ୍ଗ୍ ମାନାୟାର୍ ବାବ୍ରେ ବିଚାର୍ କିଜି ମାନାଟ୍, ଆନ୍ ଇନେରିଂ ବିଚାର୍ କିଉଙ୍ଗ୍ । ୧୬ ମାତର୍ ଆନ୍ ଜଦି ବିଚାର୍ କିନାଙ୍ଗ୍, ଲାଗିଂ ପାନା ବିଚାର୍ ହାଡ଼ପା; ଇନାକିଦେଂକି ଆନ୍ ରଝାଙ୍ଗ୍ ଆକାୟ୍, ମତର୍ ନାଙ୍ଗ୍ ପକ୍ତାତାକାନ୍ ଆବା ନା ଲାହାଙ୍ଗ୍ ମାନାନ୍ । ୧୭ ଆରେ, ରିୟାର୍ତି ସାକି କାତା ସମାନ୍ ଆତିସ୍ ହେଝାର୍ ଇନାକା ଇନାରା ହେଦାଂ ହାଡ଼ପା, ଇଦାଂ ମି ବିଦିତ ପା ଲେକା ମାନାଟ୍ । ୧୮ ନା ନିଜେ କାଜିଂ ଆନ୍ ସାକି ହିନାଙ୍ଗା, ଆରେ ନାଙ୍ଗ୍ ପକ୍ତିତି ଆବା ନା ବିସ୍ତେ ସାକି ହିନାନା ।”

୧୯ ହେବେ ହେଝାର୍ ତାଙ୍ଗେଙ୍ଗ୍ ଝେନ୍ବେଦେଂ ଲାଗାତାର୍, “ମି ଆବା ଇମେନ୍ ?” ଜିସୁ ଉତର୍ ହିତାନ୍, “ଏପେଙ୍ଗ୍ ନାଙ୍ଗେଙ୍ଗ୍ ପୁଞ୍ଜୁଦେର୍ କି ମାଞ୍ଜି ଆବାଂ ପା ପୁନୁଦେର୍ ଜଦି ନାଙ୍ଗ୍ ପୁନ୍ରିସ୍, ଲାଗିଂ ମାଞ୍ଜି ଆବାଂ ପା ପୁଚାଦେର୍ମା ।”

୨୦ ମନ୍ଦିର୍ନି ଦାନ୍ ଇଚ୍ଚି ପେଡ଼ିଙ୍ଗ୍ ଇଡ଼ଜି ମାଟି ଇଞ୍ଜି ଜିସୁ ଇ ଝିଜୁ କାତା ବିସ୍ତେ ହିକ୍ୟା ହିଜି ମାଚାନ୍, ଆରେ ଇନେର୍ପା ତାଙ୍ଗେଙ୍ଗ୍ ଗେହ୍ନାକା କିଝାତାର୍ ଇନାକିଦେଂକି, ତା ସମ୍ପୁ ଏକାଖାଖାଦାଂ ମାଚାଡ଼ ।

ଜିସୁ ହାନି ବିସ୍ତେ ବେଶ୍ବାକ୍ଷାୟ୍ କିନାକା

୨୧ ଜିସୁ ଆରେ ରଗ ହେଝାରିଂ ଇଚାନ, “ଆନ୍ ହାନାଙ୍ଗା, ଆରେ ଏପେଙ୍ଗ୍ ନାଙ୍ଗ୍ ତେକ୍ତାନାଦେର୍ ମାତର୍ ଏପେଙ୍ଗ୍ ଜାର୍ ଜାର୍ ପାପ୍ତ ହାନାଦେର୍, ଆନ୍ ଇମେତାକେ ହାନାଙ୍ଗା, ଏପେଙ୍ଗ୍ ହେବେ ହାଞ୍ଜେଙ୍ଗ୍ ଆଡୁଦେର୍ ।”

୨୨ ଜିହୁଦି ନେତାର୍ ଇଞ୍ଜେଙ୍ଗ୍ ଲାଗାତାର୍, “ଆନ୍ ଇମେତାକେ ହାନାଙ୍ଗା, ଏପେଙ୍ଗ୍ ହେବେ ହାଞ୍ଜେଙ୍ଗ୍ ଆଡୁର୍, ଇଝାନ୍ ଇନାକା କକ୍ଲାପାଟିୟା ଆଦେଂ ବାବି କିନାନା କି ।”

୨୩ ହେବେ ଜିସୁ ହେଝାରିଂ ଇଚାର, “ଏପେଙ୍ଗ୍ ଇ ପୁତ୍ ନିକାଦେର୍ ମାତର୍, ଆନ୍ ଇ ପୁତ୍ ନିକାଂ ଆକାୟ୍ । ୨୪ ଲାଗିଂ ଏପେଙ୍ଗ୍ ଜେ ଜାର୍ ଜାର୍ ପାପ୍ତ ହାନାଦେର୍, ଆନ୍ ମିଙ୍ଗେଙ୍ଗ୍ ଇଦାଂ ଇନଚାଙ୍ଗ୍; ଇନାକିଦେଂକି ଆନ୍ ହେଝାଙ୍ଗ୍ ମାନାୟ୍, ଇଦାଂ ଏପେଙ୍ଗ୍ ପାତ୍ କିଦ୍ଝା ତାଦେର୍ ।”

୨୫ ହେବେ ହେଝାର୍ ତାଙ୍ଗେଙ୍ଗ୍ ଝେନ୍ବାତାର୍, “ଏନ୍ ଇନେନ୍ ?”

ଜିସୁ ହେଝାରିଂ ଇଚାନ, “ହେ କାତା ଆରମ୍ ତାଙ୍ଗ୍ ଇଞ୍ଜି ଖାନାଙ୍ଗା ? ୨୬ ମି ବିସ୍ତେ ଇଞ୍ଜେଙ୍ଗ୍ ଆରି ବିଚାର୍ କିଦେଙ୍ଗ୍ ଆନ୍ ମି ବିସ୍ତେ ବେସି ଇଞ୍ଜନାକା ମାନାଟ୍; ଇନେସ୍ ଆୟେଡ଼, ନାଙ୍ଗ୍ ପକ୍ତାତାକାନ୍ ହାଡ଼ପା, ଆରେ ଆନ୍ ତା ତାକେଣ୍ଟାଂ ଇନା ଇନାକା ଝେଚାଙ୍ଗ୍ନା, ହେଦାଂ ଝିଜୁ ପୁତ୍ ନିଂ ଝେଚ୍ନାଙ୍ଗା ।”

୨୭ ଜିସୁ ଜେ ଆବା ବିସ୍ତେ ହେଝାରିଂ ଇଞ୍ଜି ମାଚାନ୍, ଇଦାଂ ହେଝାର୍ ବୁଜାଆଖାତାର୍ । ୨୮ ଜିସୁ ଇଚାନ, “ଏତେକାଡ଼୍ ଏପେଙ୍ଗ୍ ମାନାୟ୍ ମାଜି ଜପି ପେସ୍ନାଦେର୍, ହେ ପାଦ୍ନା ଆନ୍ ଜେ ହେ ମାନାୟ୍ ଆରି ଆନ୍ ନିଜେ ଆଦିକାର୍ ଇନାକା କିଝାଦାଂ ଇଚିସ୍ ଆବା ନାଙ୍ଗେଙ୍ଗ୍ ଇନେସ୍ ହିକ୍ୟା ହିଡ଼ତାନ୍, ହେ ଲାକେ ଇ ଝିଜୁ କାତା ଜେ ଇଞ୍ଜନାଙ୍ଗା, ଇଦାଂ ଏପେଙ୍ଗ୍ ବୁଜାଆନାଦେର୍ । ୨୯ ନା ପକ୍ତାତାକାନ୍ ହେଝାନ୍ ନା ଲାହାଙ୍ଗ୍ ମାନାନ୍; ହେଝାନ୍ ନାଙ୍ଗେଙ୍ଗ୍ ରଝାନିଂ ପିସ୍ତ୍ର ହାଞ୍ଜାତାନ୍, ଇନାକିଦେଂକି ତାଦାଙ୍ଗ୍ ଇନାକା ମାନ୍ ହେଦାଂ ଆନ୍ କିନାଙ୍ଗ୍ ।”

୩୦ ଜିସୁତି ଇ ଝିଜୁ କାତା ଝେନ୍ଞି, ତା ତାକେ ପାତ୍ କିତାର୍ ।

ହାଡ଼ପା ମିଙ୍ଗେଙ୍ଗ୍ ମୁକ୍ତାୟ୍ କିଦ୍ନାଡ଼

୩୧ ଲାଗିଂ, ଜିସୁ ତାଙ୍ଗେଙ୍ଗ୍ ପାତ୍ କିଜି ମାନି ଜିହୁଦିରିଂ ଇଚାନ, “ଜଦି ଏପେଙ୍ଗ୍ ନା ହିକ୍ୟାତ ପାତ୍ କିଦ୍ନାଦେର୍ ତା ଆତିସ୍, ଲାଗିଂ ଏପେଙ୍ଗ୍ ହାଡ଼ପା ନା ଚେଲ୍ଲା କାଦେର୍, ୩୨ ଆରେ ଏପେଙ୍ଗ୍ ହାଡ଼ପା ପୁନାଦେର୍ ଆରି ହେ ହାଡ଼ପା ମିଙ୍ଗେଙ୍ଗ୍ ମୁକ୍ତାୟ୍ କିଦ୍ନାଡ଼ ।”

୩୩ “ହେଝାର୍ ତାଙ୍ଗେଙ୍ଗ୍ ଉତର୍ ହିତାର୍,” ଆପେଂ ଅବ୍ରାହାମ୍ନି ଲାତ୍ରା, ଇନାଖାଡ଼ାଂ ଇନେର୍ ଆଡ଼ିଏନ୍ ଆଖାତାକନା, “ଲାଗିଂ ଏପେଙ୍ଗ୍ ମୁକ୍ତା ଆନାଦେର୍ ଇଞ୍ଜି ଏପେଙ୍ଗ୍ ଇନେସ୍ ଇନାଦେରା ? ଇ ଅରଡ଼ ଇନାକା ?”

୩୪ ଜିସୁ ହେଝାରିଂ ଉତର୍ ହିତାନ୍, “ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଇନେର୍କି ପାପ୍ କିତାର୍, ହେଝାନ୍ ପାପ୍ନି ହଲ୍ୟା । ୩୫ ହଲ୍ୟା ଜାକ୍ଜୁଗ୍ ଇଞ୍ଜି ମାନ୍ଗୁନ୍, ମାତର୍ ମାଜି ଜୁଗ୍ ଜୁଗ୍ ମାନ୍ଗାନାନ୍ । ୩୬ ଲାଗିଂ, ମାଜି ଜଦି ମିଙ୍ଗେଙ୍ଗ୍ ମୁକ୍ତାୟ୍ କିଦ୍ନାନ୍, ତା ଆତିସ୍ ଏପେଙ୍ଗ୍ ହାଡ଼ପାରଚେ ମୁକ୍ତା ଆନାଦେର୍ । ୩୭ ଏପେଙ୍ଗ୍ ଜେ ଅବ୍ରାହାମ୍ନି ଲାତ୍ରା, ହେଦାଂ ଆନ୍ ପୁନାଙ୍ଗ୍; ମାତର୍ ନା ବଚନ୍ ମି ଝାସ୍ତିତ ହିଲ୍ଝିତିଲେ ଏପେଙ୍ଗ୍ ନାଙ୍ଗେଙ୍ଗ୍ ଅସ୍ତେଦେଂ ସେସ୍ତା କିଦ୍ନାଦେରା । ୩୮ ମାଞ୍ଜି

☆ ୮:୧୩ ୮:୧୩ ଜହନ୍ ୫:୩୧.

ଆବା ତାକେ ଇନା ଇନାକା ହୁଡ଼ତାଙ୍ଗନା, ହେଦାଂ ଆନ୍ ଇଞ୍ଜନାଙ୍ଗା, ମାତର୍ ମି ଆବା ଇଞ୍ଜନି ଲାକେ ଏନ୍ କାମାୟ୍ କିନାୟା ।”

ସୟତାନ୍ ମେହି

୩୯ ହେଝାର୍ ତାଙ୍ଗେଙ୍ଗ୍ ଉତର୍ ହିତାର୍, “ଅବ୍ରାହାମ୍ ମା ଆବା ଆଦନାନ୍ ।” ଜିସୁ ହେଝାରିଂ ଇଚାନ୍,

“ଜଦି ଏପେଙ୍ଗ୍ ଅବ୍ରାହାମ୍ ମେହି, ତା ଆତିସ୍ ଲାଗିଂ ଅବ୍ରାହାମ୍ତି କାମାୟ୍ କିତା ଦେର୍ମା; ୪୦ ମାତର୍ ଇନେର୍ ଇସ୍ବର୍ ତାକେଣ୍ଡାଂ ଝେନ୍ଝି ମାନି ହାଡ଼ପା ପିସ୍ତି ମିଙ୍ଗେଙ୍ଗ୍ ଇଞ୍ଜୁଙ୍ଗା, ଏଲେଙ୍ଗ୍ବାତ୍ ମାନାୟ୍ ଜେ ଆନ୍, ନାଙ୍ଗେଙ୍ଗ୍ ଏପେଙ୍ଗ୍ ନଙ୍ଗ୍ ଅସ୍ତେଙ୍ଗ୍ ସେସ୍ତୁ କିଦନାଦେରା; ଅବ୍ରାହାମ୍ ଏଲେଙ୍ଗ୍ କାମାୟ୍ କିଝାଦାଂ ମାଚାନ୍ । ୪୧ ଏପେଙ୍ଗ୍ ମି ଆବାତି କାମାୟ୍ ସବୁ କିନାଦେରା ।”

“ହେଝାର୍ ତାଙ୍ଗେଙ୍ଗ୍ ଇଚାର୍, ଆପେଂ ଦାରିତାଂ ଜଲମ୍ ଆଝାତାପ୍ତନା; ମା ରଝାନ୍ ମତର୍ ଆବା, ହେଝାନ୍ ଇସ୍ବର୍ ।”

୪୨ ଜିସୁ ହେଝାରିଂ ଇଚାନ୍, “ଇସ୍ବର୍ ଜଦି ହାଡ଼ପା ମି ଆବା, ତାଆତିସ୍ ଏପେଙ୍ଗ୍ ନାଙ୍ଗେଙ୍ଗ୍ ଜିଉ ନଡ଼ତାଦେର୍ମା; ଇନାକିଦେଂକି ଆନ୍ ଇସ୍ବର୍ ତାକେଣ୍ଡାଂ ଝାତାଙ୍ଗନା; ଆନ୍ ନିଜେ ତାଙ୍ଗ୍ ଝାଝାତାଙ୍ଗନା, ମାତର୍ ହେଝାନ୍ ନାଙ୍ଗେଙ୍ଗ୍ ପକ୍ତାତାନ୍ । ୪୩ ଆନ୍ ଇନାକା ଇଞ୍ଜନାଙ୍ଗ୍ ଏପେଙ୍ଗ୍ ଇନାକିଦେଂ ବୁଜା ଆଉଦେରା ? ଇନେକିଦେଂକି ଏପେଙ୍ଗ୍ ନା ହିକ୍ୟା ଝେନ୍ଝି ଇଚ୍ଚଦେଂ ଆଡୁଦେରା । ୪୪ ଏପେଙ୍ଗ୍ ମି ଆବା ସୟତାନ୍ ତାଙ୍ଗ୍ ହଡ଼ତାନ୍ନା, ଆରେ ମି ଆବାତି କାମାୟ୍ ମାନି କିଦେଙ୍ଗ୍ ମିଙ୍ଗେଙ୍ଗ୍ ମାନ୍ । ହେଝାନ୍ ଆଗେତାଂ ନାର୍ଅହ୍ନାକାନ୍, ଆରେ ହେଝାନ୍ ହାଡ଼ପା ମାନୁନ୍, ଇନାକିଦେଂକି ତା ତାକେ ସଡ଼ ହିଲୁଡ଼ । ହେ ପାଦନା ହେଝାନ୍ ମିଚ୍ ଇନାନ୍, ହେ ପାଦନା ହେଝାନ୍ ଜାର୍ତାଂ ଇନାନ୍; ଇନାକିଦେଂକି ହେଝାନ୍ ମିଚ୍ଝା ଆରି ମିଚ୍ ଇନି ଆବା । ୪୫ ମାତର୍ ଆନ୍ ହାଡ଼ପା ଇଞ୍ଜିଲେ ଏପେଙ୍ଗ୍ ନାଙ୍ଗେଙ୍ଗ୍ ପାତ୍ କିଦୁଦେରା । ୪୬ ନା ତାକେ ପାପ୍ ମାନାଡ଼ ଇଞ୍ଜି ମି ବିତ୍ତେତାଂ ଇନେର୍ ସାକି ହିନାନା ? ଆନ୍ ଏତେକାଡ଼୍ ହାଡ଼ପା ଇନାଙ୍ଗ୍, ଲାଗିଂ ଏପେଙ୍ଗ୍ ଇନାକିଦେଂ ନାଙ୍ଗେଙ୍ଗ୍ ପାତ୍ କିଦୁଦେରା ? ୪୭ ଇନେର୍ ଇସ୍ବର୍ ତାକେଣ୍ଡାଂ ଜଲମ୍ ଆତାନ୍ନା, ହେଝାନ୍ ଇସ୍ବର୍ ବଚନ୍ ଝେନାନ୍; ଇଦାଂ କାଜିଂ ଏପେଙ୍ଗ୍ ଝେନ୍ଦୁଦେରା, ଇନାକିଦେଂକି ଏପେଙ୍ଗ୍ ଇସ୍ବର୍ତାଂ ଜଲମ୍ ଆଝାତାଦେର୍ଣ୍ଣା ।”

ଜିସୁ ଆରେ ଅବ୍ରାହାମ୍

୪୮ ଜିହୁଦିର୍ ତାଙ୍ଗେଙ୍ଗ୍ ଝେନ୍ଦବାତାର୍, “ଏନ୍ ଜେ ରଝାୟ୍ ସମିରଣିୟତି ଆରି ନିଙ୍ଗେଙ୍ଗ୍ ଜେ ପୁଦା ତୁଡ଼ତାଡ଼ନା, ଇଦାଂ ଇନାକା ଆପେଂ ସମାନ୍ ଇଞ୍ଜଝାଦାଂ ମାନ୍ଚାପ୍ କି ?”

୪୯ ଜିସୁ ଉତର୍ ହିତାନ୍, “ନାଙ୍ଗେଙ୍ଗ୍ ପୁଦା ତୁଡ଼ଝାତାଡ଼ନା,” ମାତର୍ ଆନ୍ ମାଞ୍ଜି ଆବାଂ ମାନି କିନାଙ୍ଗା, ଆରେ ଏପେଙ୍ଗ୍ ନାଙ୍ଗେଙ୍ଗ୍ ମାନିକିଦୁଦେରା । ୫୦ ମାତର୍ ଆନ୍ ନିଜେ ଜାର୍ତିଂ ଜାଜ୍ମାଲ୍ ଦାସ୍ତେଂ କଙ୍ଗ୍; ମାତର୍ ଇ କାତା ଆନେଂ ଦାହ୍ନାଙ୍ଗା ଆରି ବିଚାର୍ କିଉଙ୍ଗା, ଏପେଙ୍ଗ୍ ଆରେ ରଝାନ୍ ମାନ୍କିନାନ୍ ହେଝାନ୍ ଇଞ୍ଜି ମାନାନ୍ । ୫୧ ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଜଦି ଇନେର୍ ନା ବଚନ୍ ପାଲି କିନାନ୍, ତା ଆତିସ୍ ହେଝାନ୍ ମୁଡ଼କେ ହାଉନ୍ ।

୫୨ ଜିହୁଦିର୍ ତାଙ୍ଗେଙ୍ଗ୍ ଇଚାର୍, “ନଙ୍ଗ୍ ଆପେଂ ପୁନ୍ଚାପ୍ ଜେ, ହାଡ଼ପା ନିଙ୍ଗେଙ୍ଗ୍ ପୁଦା ତୁଡ଼ତାଡ଼ନା, ଅବ୍ରାହାମ୍ ଆରି ବେଶ୍ବାକ୍ଶାୟ୍କିନାକାର୍ ହାତାରେ, ଆରେ ଏନ୍ ମୁଡ଼କେ ହାଉୟି । ୫୩ ଏନ୍ ଇନାକା ମା ଆବା ଅବ୍ରାହାମ୍ ତାଙ୍ଗ୍ ଗାଜା ? ହେଝାନ୍ ତ ହାତାନେ, ବେଶ୍ବାକ୍ଶାୟ୍କିନାକାନ୍ ପା ହାତାନେ, ଏନ୍ ଜାର୍ତିଂ ଇନେର୍ ଇଞ୍ଜି ଇନାୟା ?”

୫୪ ଜିସୁ ଉତର୍ ହିତାନ୍, “ଆନ୍ ଜଦି ଜାର୍ତିଂ ପାଦ୍ କିତାଙ୍ଗମା, ଲାଗିଂ ନା ଜାଜ୍ମାଲ୍ ଇନାକା ଆକାୟ୍; ଇନେର୍ ନାଙ୍ଗ୍ ପାଦ୍ ପାୟା ଆନି କାଜିଂ ନା ଆବା ଇନେରିଂ ଏପେଙ୍ଗ୍ ମି ଇସ୍ବର୍ ଇଞ୍ଜି ଇନାଦେରା; ୫୫ ଏପେଙ୍ଗ୍ ଇନାଝାଡ଼ାଂ ତାଙ୍ଗେଙ୍ଗ୍ ପୁନ୍ଦେରା, ଆନ୍ ତାଙ୍ଗେଙ୍ଗ୍ ପୁନାଙ୍ଗ୍ । ଆନ୍ ତାଙ୍ଗେଙ୍ଗ୍ ପୁନ୍ଦୁଙ୍ଗ୍ ଇଞ୍ଜି ଜଦି ଇନାଙ୍ଗ୍, ମି ଲାକେ ଆନ୍ ପା ମିଚ୍ଝା ଆନାଙ୍ଗ୍, ମାତର୍ ହାଡ଼ପା ଆନ୍ ତାଙ୍ଗେଙ୍ଗ୍ ପୁନାଙ୍ଗ୍ ଆରି ତା ବଚନ୍ ପାଲି କିନାଙ୍ଗ୍ । ୫୬ ମିଦାଙ୍ଗ୍ ଆବା ଅବ୍ରାହାମ୍ ନା ଝାନାକା ହୁଡ଼ଦେଂ ଆଡ଼ଦାନାଂ ଇଞ୍ଜି ଆହା କିଜି ଅବ୍ରାହାମ୍ ଝାରୟା ଆତାନ୍, ଆରେ ହେଝାନ୍ ହେଦାଂ ହୁଡ଼ଜି ଝାରି କିତାନ୍ ।”

୫୭ ହେବେ ଜିହୁଦିର୍ ତାଙ୍ଗେଙ୍ଗ୍ ଇଚାର୍, “ନିଙ୍ଗ୍ ତ ନଙ୍ଗ୍ ପାତେକ୍ ପଚାସ୍ ବାହୁଁ ବୟ୍ସ୍ ଆଝାତାଡ଼ନା, ଏନ୍ ଇନାକା ଅବ୍ରାହାମ୍ତି ହୁଡ଼ତାୟନା ?”

୫୮ “ଜିସୁ ହେଝାରିଂ ଇଚାନ୍,” ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, “ଅବ୍ରାହାମ୍ ଜଲମ୍ ପୁର୍ବେତାଂ ଆନ୍ ମାନାଙ୍ଗ୍ ।”

୫୯ ହେବେ ହେଝାର୍ ତା ଜପି ଇଚ୍ଚଦେଂ କାଲକୁ ପେସ୍ତାର୍, ମାତର୍ ଜିସୁ କାଲେ ମନ୍ଦିର୍ତାଙ୍ଗ୍ ହସି ହାଚାନ୍ ।



ଜଲମ୍ କାଶାଂ ଉଜ୍ କିତାନ୍

୧ ଜିସୁ ହାନି ସମୁତ ର ଜଲମ୍ କାଶାଂ ହୁଡ଼ତାନ୍ । ୨ ଆରେ, ତା ଚେଲାହିର୍ ତାଙ୍ଗେଙ୍ଗ୍ ଝେନ୍ଦବାତାର୍, “ଏ ଗୁରୁ ଇନେର୍ ପାପ୍ କିତିଲେ ଇଝାନ୍ କାଶା ଆଜି ଜଲମ୍ ଆତାନ୍ ? ନିଜେ କି ଇଝାନ୍ ଆବା ଆୟା ପାପ୍ କାଜିଂ ?”

୩ ଜିସୁ ଉତର୍ ହିତାନ୍, “ଇଝାନ୍ କି ଇଝାନ୍ ଆବା ଆୟା ପାପ୍ କିଝାତାର୍, ମାତର୍ ଇସ୍ବର୍ ସାକ୍ତି କାମାୟ୍ ଇନେସକି ଇଝାନ୍ ତାକେ ହପ୍ନାଡ଼, ଇଦାଂ କାଜିଂ କାଶା ଆଜି ଜଲମ୍ ଆତାନ୍ନା । ୪ ଦିନ୍ ମାନୁ ମାନୁ ନା ପକ୍ତାତାକାନ୍ କାମାୟ୍ କିନାକା

ଦାଇତ୍; ଇମ୍ବିଣି ସମୁତ ଏପେକ୍ ନାଶା ଖାନାତା ଇନେର୍ କାମାୟ୍ କିଦେକ୍ ଆଡୁର୍ । ୫*ଇ ପୁତର୍ ତ ମାନି ପାତେକ୍, ଆନ୍ ପୁତର୍ ନି ଅଜଡ୍ ।”

୬ ଇଦାଂ ଇଞ୍ଜି ହେଖାନ୍ ଚିକ୍ଲାତ ରୁପ୍ତାନ୍ ହେ ଏଞ୍ଜିତାଂ ଚିକ୍ଲା କିତାନ୍, ଆରେ ତା ରି କାଣ୍ଡକୁକାଂ ଚିକ୍ଲା କାସ୍ତାନ୍ ଆରି ତାଜେକ୍ ଇଚାନ୍ ହାଲା, ୭ “ସିଲହ ଅନୁବାଦ୍ କିତାନ୍, ଇଦାଂ ଅରଡ୍ ପକ୍ୟାତାକା ବାନ୍ଦ୍ତ ନୁସ୍ୟାୟା ଆ । ହେବେ ହେଖାନ୍ ହସି ହାଲ୍ଲି ନୁସ୍ୟାୟା ଆତାନ୍ । ଆରି କାଣ୍ଡକୁ ହୁଡ୍ଲି ହାଚାନ୍ ।”

୮ ଲାଗିଂ ହାଙ୍ଗ୍ଦାକାର୍, ଆରେ ଇମ୍ବିଣାକାର୍ ତାଜେକ୍ ଆଗେତାଂ ରଖାନ୍ ବିକାରି ଇଞ୍ଜି ହୁଡ୍ଲି ମାଚାର୍, ହେଖାର୍ ଖେନ୍ବାତାର୍, “ଇନେନ୍ କୁଚ୍ଚି ବିକ୍ୟା ଏନ୍ଚି ମାଚାନ୍, ଇଖାନ୍ ଇନାକା ହେଖାନ୍ ଆକାୟ୍ ?”

୯ ଇନେ ଇନେର୍ ଇଚାର୍, “ଇଖାନ୍ ହେଖାନ୍, ଆରେ ଇନେ ଇନେର୍ ଇଚାର୍, ଆକାୟ୍, ଇଖାନ୍ ତା ଲାକେ ।” ମାତର୍ ହେଖାନ୍ ଇଚାନ୍, “ଆନ୍ ହେ ମାନାୟ୍ ।”

୧୦ “ହେବେ ହେଖାର୍ ତାଜେକ୍ ଇଚାର୍, ତା ଆତିସ୍ ନି କାଣ୍ଡକୁ ଇନେସ୍ ହୁଡ୍ତାୟ୍ ?”

୧୧ ହେଖାନ୍ ଉତର୍ ହିତାନ୍, “ଇନେରିଂ ଜିସୁ ଇଞ୍ଜି ଇନାର୍, ହେ ମାନାୟ୍ ଚାଟ୍କାୟ୍ କିଜି ନା ରି କାଣ୍ଡକୁକାଂ କାସ୍ତାତାନ୍, ଆରେ ନାଜେକ୍ ଇଚାନ୍, ସିଲହତ ହାଲ୍ଲି ନୁସ୍ୟାୟା; ଲାଗିଂ ଆନ୍ ହସି ହାଲ୍ଲି ନୁସ୍ୟାୟା ଆତାଜ୍ ଆରି କାଣ୍ଡକୁ ହୁଡ୍ତାଜ୍ ।”

୧୨ “ହେଖାର୍ ତାଜେକ୍ ଖେନ୍ବାତାର୍,” ହେଖାନ୍ ଜେ ? ହେଖାନ୍ ଇଚାନ୍, “ଆନ୍ ପୁନୁକ୍ ।”

ପାରୁସିର୍ ଇ କାମାୟ୍ ଦାସ୍ତାର୍

୧୩ ଇନେନ୍ ଜଲମ୍ କାଶା ମାଚାନ୍, ହେଖାର୍ ତାଜେକ୍ ପାରୁସିର୍ ତାକେ ତାହିଖାତାର୍ । ୧୪ ଜିସୁ ଇମ୍ବିଣି ଦିନା ଚାଟ୍କାୟ୍ କିଜି ତା କାଣ୍ଡକୁ ଉଜ୍ କିଜି ମାଚାନ୍, ହେ ଦିନା ଜମ୍ବିନିବାର୍ । ୧୫ ଲାଗିଂ, ହେଖାନ୍ ଇନେସ୍ କାଣ୍ଡକୁ ହୁଡ୍ତାନ୍, ଇଦାଂ ପାରୁସିର୍ ପା ତାଜେକ୍ ଆରେ ରଗ ଖେନ୍ବେଦେଂ ଲାଗାତାର୍ । ହେବେ ହେଖାନ୍ ହେଖାରିଂ ଇଚାନ୍, “ହେଖାନ୍ ନା କାଣ୍ଡକୁକାଂ ଚିକ୍ଲା କାସ୍ତାତାନ୍, ପାତେ ଆନ୍ ନୁସ୍ୟାୟା ଆତାଜ୍ ଆରି ହୁଡ୍ତେଂ ଆଡ୍ନାଂ ।”

୧୬ ତା ପାତେ ପାରୁସିର୍ ପା ଇନେ ଇନେର୍ ଇଚାର୍, “ହେ ମାନାୟ୍ ଇସ୍ବର୍ ତାକେ ଖାଖାତାନ୍ନା, ଇନାକିଦେଂକି ହେଖାନ୍ ଜମ୍ବିନିବାର୍ ପାଲି କିଖାତାନ୍ନା ।”

ଆରେ, ଇନେ ଇନେର୍ ଇଚାର୍, “ପାପି ଲଗୁ ଇନେସ୍ ଇ ଲାକେ କାବାଆନି କାମାୟ୍ ସବୁ କିଦେକ୍ ଆଡ୍ନାନ୍ ?” ଏଲେକ୍ ବାବ୍ରେ ହେଖାର୍ ବିତ୍ରେ ଇନ୍ଦା ଆତାର୍ ।

୧୭ ଲାଗିଂ ହେଖାର୍ ଆରେ ରଗ ହେ କାଶା ଲଗାଂ ଖେନ୍ବାତାର୍, “ହେଖାନ୍ ଜେ ନି କାଣ୍ଡକୁ ଉଜ୍ କିଡ୍ତାନ୍, ଇବେ ଏନ୍ ତା ବିସ୍ତେ ଇନାକା ଇନାୟା ?”

“ହେଖାନ୍ ଇଚାନ୍,” ହେଖାନ୍ ରଖାନ୍ ବେଶ୍ବାକଶାୟ୍ କିନାକାନ୍ ।

୧୮ ହେଖାନ୍ ଜେ କାଶା ମାଚାନ୍ ଆରେ କାଣ୍ଡକୁ ହୁଡ୍ତାନ୍ନା, ହେ କାଣ୍ଡକୁ ପାୟା ଆତି ଲକ୍ ଆବା ଆୟାଂ କୁକ୍ଚି ଖେନ୍ବିଞ୍ଜି ପାତେକ୍ ଜିହୁଦି ନେତାର୍ ତା ବିସ୍ତେ ଇଦାଂ ପାତର୍ କିଖାତାର୍ । ୧୯ ହେଖାର୍ ହେଖାରିଂ ଖେନ୍ବାତାର୍, “ମି ଇମ୍ବିଣି କାଡ୍ତେ କାଶା ଆଜି ଜଲମ୍ ଆଜି ମାଚାନ୍ ଇଞ୍ଜି ଇନାଦେରା, ଇଖାନ୍ ଇନାକା ମି ହେ କାଡ୍ତେ ? ତା ଆତିସ୍ ହେଖାନ୍ ଇନେସ୍ ନକ୍ ହୁଡ୍ତେଂ ଆଡ୍ନାନ୍ନା ?”

୨୦ ହେବେ ତା ଆବା ଆୟା ଉତର୍ ହିତାର୍, “ଇଖାନ୍ ଜେ ମା ମାଜି ଆରି ଇଖାନ୍ ଜେ କାଶା ଆଜି ଜଲମ୍ ଆଜି ମାଚାନ୍, ଇଦାଂ ଆପେଂ ପୁନାପ୍; ୨୧ ମାତର୍ ହେଖାନ୍ ଇନେସ୍ ନକ୍ ହୁଡ୍ନାନ୍ନା, ହେଦାଂ ପୁନୁଦେରା, କି ଇନେର୍ ତା କାଣ୍ଡକୁ ଉଜ୍ କିତାନ୍, ହେଦାଂ ପା ଆପେଂ ପୁନାପା; ତାଜେକ୍ ଖେନ୍ବାଟ୍, ହେଖାନ୍ ତ ବେଶ୍ଲିୟା, ହେଖାନ୍ ଜାର୍ କାତା ନିଜେ ଇନାନ୍ ।” ୨୨ ତା ଆବା ଆୟା ଜିହୁଦିରିଂ ପାଶ୍ଟା ଆନି କାଜିଂ ଇ ଞ୍ଜି କାତା ଇଚାର୍, ଇନାକିଦେଂକି ଜଦି ଇନେର୍ ତାଜେକ୍ କ୍ରିସ୍ଟ ଇଞ୍ଜି ପାତର୍ କିନାନ୍, ତା ଆତିସ୍ ହେଖାନ୍ କୁଚ୍ଚୁମ୍ ପାଗ୍ରି କିୟାଆନାଡ୍ ଇଞ୍ଜି ଇବେଶ୍ଟାଂ ଜିହୁଦିର୍ ର କାତା କିଜି ମାଚାର୍ ।

୨୩ ହେଦାଂ କାଜିଂ, ତା ଆବା ଆୟା ଇଚାର୍, “ହେଖାନ୍ ବେଶ୍ଲିୟା, ତାଜେକ୍ ଖେନ୍ବାଟ୍ ।”

୨୪ ହେବେ ଆଗ୍ଦ କାଶା ମାଚି ମାନାୟ୍ତିଂ ହେଖାର୍ ରିହା କୁକ୍ଚି ଇଚାର୍, ଇସ୍ବର୍ତିଂ ପାଦ୍ ହିୟାଟ୍, “ହେ ମାନାୟ୍ ଜେ ପାପି, ଇଦାଂ ଆପେଂ ପୁନାପ୍ ।”

୨୫ “ହେବେ ହେଖାନ୍ ଉତର୍ ହିତାନ୍,” ହେଖାନ୍ ପାପି କି ଆକାୟ୍, “ଆନ୍ ହେଦାଂ ପୁନୁକ୍; ଆନ୍ ର ବିସ୍ତେ ପୁନାକ୍, ଆନ୍ କାଶା ମାଚାକ୍, ନକ୍ ହୁଡ୍ତେଂ ଆଡ୍ନାଂ ।”

୨୬ “ଲାଗିଂ ହେଖାର୍ ତାଜେକ୍ ଇଚାର୍, ହେଖାନ୍ ନିଜେକ୍ ଇନାକା କିଡ୍ତାନ୍ ? ହେଖାନ୍ ଇନେସ୍ କିଜି ନି କାଣ୍ଡକୁ ଉଜ୍ କିଡ୍ତାନ୍ ?”

୨୭ “ହେଖାନ୍ ହେଖାରିଂ ଉତର୍ ହିତାର୍,” ଆନ୍ ଖେଚ୍ଚାତାଂ, “ଆରେ ଏପେକ୍ ଖେନ୍ଖାତାଦେର୍; ଇନାକିଦେଂ ଆରେ ରଗ ଖେଜେକ୍ ମାନ୍ କିନାଦେରା ? ଏପେକ୍ ପା ଇନାକା ତା ଚେଲ୍ଲିହିର୍ ଆଦେଂ ମାନ୍ କିନାଦେରା ?”

☆ ୯:୫ ୯:୫ ମାଡିଉ ୫:୧୪; ଜହନ୍ ୮:୧୨.

୨୮ ହେବେ ହେୱାର ତାଙ୍ଗେଇ ବାଗ୍‌ଇଡ଼ିଜି ଇଚାର, “ଏନ୍ ହେୱାଡ଼ି ଚେଲା, ମାତର ଆପେଂ ମସା ଚେଲାକାପ । ୨୯ ଆପେଂ ପୁନାପ୍ ଜେ ଇସ୍‌ବର୍ ମସାଙ୍ କାତା ଇଚାନ୍ନା, ମାତର ଇ ମାନାୟ୍ ଇମେଣ୍ଟାଂ ୱାତାନ୍ନା, ହେଦାଂ ପା ଆପେଂ ପୁନୁପ୍ ।”

୩୦ ହେ ମାନାୟ୍ ହେୱାରିଂ ଉତର୍ ହିତାନ୍, “ହେୱାନ୍ ନା କାଣ୍‌କୁ ଉଜ୍ କିଡ଼ତାନ୍, ଆରେ ହେୱାନ୍ ଇମେଣ୍ଟାଂ ୱାତାନ୍ନା, ହେଦାଂ ଏପେଙ୍ ପୁନୁଦେର, ଇଦାଂ ତ କାବାଆନି କାତା । ୩୧ ଇସ୍‌ବର୍ ଜେ ପାପିର୍ କାତା ୱେନ୍‌ନ୍, ଇଦାଂ ଆପେଂ ପୁନାପ୍, ମାତର ଜଦି ଇନେର୍ ଇସ୍‌ବର୍ ହେବା କିନାକାନ୍ ଆଜି ତା ଇଚା ମାନି କିନାନ୍, ତା ଆତିସ୍ ହେୱାନ୍ ତା କାତା ୱେନାର୍ । ୩୨ ଆରମ୍ ସମୂତାଂ ଇନେନ୍ ଜଲମ୍ କାଣା କାଣ୍‌କୁ ଉଜ୍ କିଜି ମାଚାନ୍, ଇଦାଂ ତ ଇନାଞ୍ଜାଡ଼ାଂ ପା ୱେନ୍‌ୟା ଆଞ୍ଜାଦାଂ ମାଚାଡ଼ । ୩୩ ଇୱାନ୍ ମାନାୟ୍ ଇସ୍‌ବର୍ ତାକେଣ୍ଟାଂ ୱାଞ୍ଜାଦାଙ୍ ମାଚିସ୍ ଲାଗିଂ ଇ କାମାୟ୍ କିଦେଙ୍ ଆଡ଼ଞ୍ଜାତାନ୍‌ମା ।”

୩୪ ହେୱାର ତାଙ୍ଗେଇ ଉତର୍ ହିତାନ୍, “ଏନ୍ ତ ନିଜେ ପାପ୍‌ତ ଜଲମ୍ ଆତାୟ୍, ଆରେ ପାପ୍‌ତ ଗାଜା ଆତାୟ୍ ଏନ୍ ମାଙ୍ଗେଇ ହିକ୍ୟା ହିଦ୍‌ନାୟା ?” ହେବେ ହେୱାର ତାଙ୍ଗେଇ ବାରି କିତାନ୍ ।

ଜିବୁନ୍ କାଣ୍‌କୁ ହୁଡ଼ଞ୍ଜାକା

୩୫ ହେୱାର୍ ଜେ ତାଙ୍ଗେଇ ଗୁଡ଼ି ଇଞ୍ଜାଙ୍ ବାରି କିତାନ୍ ଇଞ୍ଜି, ଜିସୁ ଇଦାଂ ୱେନ୍‌ଞ୍ଜି ତାଙ୍ଗେଇ ବେଟା ଆଜି ଇଚାନ୍, “ଏନ୍ ଇନାକା ମାନାୟ୍ ମାଜିତାକେଣ୍ଟାଙ୍ ପାତ କିନାୟା ?”

୩୬ ହେୱାନ୍ ଉତର୍ ହିତାନ୍, “ଏ ମାପୁ, ହେୱାନ୍ ଇନେନ୍ ୱେଟ୍‌ଚା, ଇନେସ୍ ଆନ୍ ତା ତାକେ ପାତ କିନାଙ୍ ?”

୩୭ ଜିସୁ ତାଙ୍ଗେଇ ଇଚାନ୍, “ଏନ୍ ତାଙ୍ଗେଇ ହୁଡ଼ନାୟା, ଆରେ ଇନେନ୍ ନି ଲାହାଙ୍ ବେଣ୍ ଇନାନ୍ନା, ଇୱାନ୍ ହେୱାନ୍ ।”

୩୮ “ହେବେ ହେୱାନ୍ ଇଚାନ୍,” ମାପୁ ଆନ୍ ପାତ କିନାଙ୍; ଆରେ, ହେୱାନ୍ ତାଙ୍ଗେଇ ଜୱାର୍ କିତାନ୍ ।

୩୯ ଆରେ ଜିସୁ ଇଚାନ୍, ହୁଡ଼ଞ୍ଜି “ମାନାୟାର୍ ଇନେସ୍ ହୁଡ଼ନାର୍ ଆରି ହୁଡ଼ନି ମାନାୟାର୍ ଇନେସ୍‌କି ହୁଡ଼ରୁ, ଇ ବିଚାର୍ କାଜିଂ ଆନ୍ ପୁତ ତ ଜଗଡ଼ତ ୱାତାଙ୍‌ନା ।”

୪୦ ପାରୁସିର୍ ବିତ୍ରେ ଇମ୍‌ଣାକାର୍ ତା ଲାହାଙ୍ ମାଚାର୍, “ହେୱାର୍ ଇଦାଂ ୱେନ୍‌ଞ୍ଜି ତାଙ୍ଗେଇ ଇଚାର୍, ଆପେଂ ପା ଇନାକା କାଣା ?”

୪୧ ଜିସୁ ହେୱାରିଂ ଇଚାନ୍, ଜଦି “କାଣା ଆଜି ମାଚିସ୍, ତା ଆତିସ୍ ଏପେଙ୍ ପାପ୍ ଆତାମ୍ । ମାତର ଆପେଂ ହୁଡ଼ନାପା, ଇଦାଂ ନଙ୍ ଇନାଦେରା; ଏପେଙ୍ ପାପ୍‌ତ ମାନାଦେର୍ ।”



ମେଣ୍ଟା ଗଡ଼ିୟାନ୍ କାତା

୧ ହାଡ଼ପା ହାଡ଼ପା, “ଆନ୍ ମିଙ୍ଗେଇ ଇଞ୍ଜନାଙ୍, ଇନେର୍ ଦୁ଱େର୍‌ତିଂ ମେଣ୍ଟାହାଡ଼ା ତାକେ ହଣ୍‌ଗିଡ଼ିସ୍, ମତର ବିନେ ଇମ୍‌ଣି ହାଜି ଦୁମ୍‌ଜି ହଣାନ୍, ହେୱାନ୍ ଚର୍ ଆରି ତାକୁ; ୨ ଇନେନ୍ ଦୁ଱େର୍‌ତିଂ ହଣାନ୍, ହେୱାନ୍ ମେଣ୍ଟାଙ୍‌ନି ଗଡ଼ିୟା । ୩ ହଲ୍ୟାହି ତା କାଜିଂ ଦୁ଱େର୍ ଜେସି ହିନାନ୍, ପାଚେ ମେଣ୍ଟାଂ ତା କାଟ୍ ୱେନ୍‌ଞ୍ଜି, ଆରେ ହେୱାନ୍ ତା ମେଣ୍ଟାକାଂ ତର୍ ଆଜି କୁକ୍‌ଚି ବାଟ୍ ହପ୍‌ଚି ତାଇ ୱାନାନ୍ । ୪ ହେୱାନ୍ ତା ମେଣ୍ଟାଂ ଡ଼ିଜୁ ହପ୍‌ଚି ହେୱାକାଂ ଆଗେ ଆଗେ ମେଣ୍ଟା ଗଡ଼ିୟା ତାଙ୍‌ନାନ୍ ଆରି ମେଣ୍ଟାଂ ତା ପାଚେ ପାଚେ ତାଙ୍‌ନିକ୍, ଇନାକିଦେଂକି ହେୱାଙ୍ ତା କାଟ୍ ପୁନିକ୍; ୫ ମାତର ହେୱାଙ୍ ଚିନ୍‌ହିଲ୍‌ଞ୍ଜାକାର୍ ପାଚେ ପାଚେ ଇନାଞ୍ଜାଡ଼ାଂ ପା ହାଲୁକ୍, ମତର ତା ଲାଗାଂତିଂ ହନ୍‌ଚି ହାନିକ୍, ଇନାକିଦେଂକି ହେୱାଙ୍ ଚିନ୍‌ହିଲ୍‌ଞ୍ଜାକାର୍ କାଟ୍ ଆଣ୍‌ଗା ଆଉକ୍ ।”

୬ ଜିସୁ ହେୱାରିଂ ଇ ଉତର୍‌ମୁଡ଼ ଇଚାନ୍, ମାତର ହେୱାନ୍ ହେୱାରିଂ ଇନା ଇନାକା ଇଞ୍ଜି ମାଚାର୍, ହେ ସବୁ ଇନାକା ଇଞ୍ଜି ହେୱାର୍ ବୁଜା ଆଞ୍ଜାତାର୍ ।

ହାଦ୍ ମେଣ୍ଟା ଗଡ଼ିୟା ଇସ୍‌ବର୍

୭ ଲାଗିଂ ଜିସୁ ଆରେ ରଗ ଇଚାନ୍, “ହାଡ଼ପା ହାଡ଼ପା ଆନ୍ ମିଙ୍ଗେଇ ଇଞ୍ଜନାଙ୍, ଆନ୍ ମେଣ୍ଟାଂ ଦୁ଱େର୍ । ୮ ଇମ୍‌ଣାକାର୍ ନା ଆଗେ ୱାନାରା, ହେୱାର୍ ଡ଼ିଜାର୍ ଚର୍ ଆରି ତାକୁର୍, ମାତର ମେଣ୍ଟାଂ ଡ଼ିଜୁ ହେୱାର୍ କାତା ୱେନ୍‌କୁକ୍ । ୯ ନା ଦୁ଱େର୍, ଜଦି ଇନେର୍ ନାଙ୍ ହିଜି ହଣାର୍, ତା ଆତିସ୍ ହେୱାନ୍ ରାକ୍ୟା ପାୟା ଆନାନ୍ ଆରି ବିତ୍ରେ ୱାଜି ଆରି ବାଟ୍ ହାଲୁଜି ଚାରା ଗାଟା ଆନାନ୍ । ୧୦ ଚର୍ କେବଲ୍ ୱାନାନ୍ ଚର୍ କିଦେଙ୍, ଅସ୍ତେଙ୍ ଆରି ନସ୍‌କିନି କାଜିଂ; ହେୱାର୍ ଇନେସ୍‌କି ଜିବୁନ୍ ପାୟା ଆନାର୍ ଆରି ବେସି ପାୟା ଆନାର୍, ଇଦାଂ କାଜିଂ ଆନ୍ ୱାତାଙ୍‌ନା ।”

୧୧ “ଆନ୍ ହାଦ୍ ମେଣ୍ଟା ଗଡ଼ିୟା ଆନାଙ୍; ମେଣ୍ଟାଂ କାଜିଂ ଆନ୍ ଜିବୁନ୍ ହିନାଙ୍ । ୧୨ ଇନେନ୍ ମେଣ୍ଟା ଗଡ଼ିୟା ଆକାୟ୍, ମତର କାମ୍‌ଲିୟା, ମେଣ୍ଟାଂ ଇମ୍‌ଣିକିଙ୍ ନିଜାର୍‌ତି ଆକାୟ୍, ହେୱାନ୍ ହୁଣ୍ଟେର୍‌ବୁର୍କା ୱାନାକା ହୁଡ଼ଜି ମେଣ୍ଟାକାଂ ପିସ୍ତ୍ରି ହନ୍‌ନାନ୍, ଆରେ ହୁଣ୍ଟାର୍ ବୁର୍କା ହେୱାକାଂ ଆସ୍ତ୍ରି ଚିର୍‌ବିର୍ କିନିକ୍ । ୧୩ ଆଦି ଅଜି ମେଣ୍ଟାଂ କାଜିଂ ମାନାନ୍ ହେୱାନ୍ ହାନାନ୍, ଇନାକିଦେଂକି ହେୱାନ୍ ରଞ୍ଜାନ୍ କାମ୍‌ଲିୟା ମତର ମେଣ୍ଟାଂ କାଜିଂ ଚିନ୍ତା କିଉନ୍ । ୧୪ ଆନ୍ ହାଦ୍ ମେଣ୍ଟା ଗଡ଼ିୟା । ଆବା ଇନେସ୍‌କି ନାଙ୍ଗେଇ ପୁଞ୍ଜନାନ୍ ଆରି ଆନ୍ ଆବାଂ ପୁନାଙ୍, ୧୫ ଆନ୍ ହେ ଲାକେ ପୁନାଙ୍ ଆନ୍ ନା ଜାର୍ ମେଣ୍ଟାକାଂ ପୁନାଙ୍,

ଆରେ ହେୱାନ୍ ନା ଜାର୍ତି ମେଣ୍ଟା ନାଲୋଙ୍ଗ ପୁଞ୍ଜନିକ୍, ଆରେ ମେଣ୍ଟା କାଜି ଆନ୍ ନା ଜିବୁନ୍ ହିଦେଂ ରେଡି । ୧୭ ଇମ୍ଫି ମେଣ୍ଟା ଇ ମେଣ୍ଟାହାଡାତ ଆକାୟ୍, ନା ଏଲେଙ୍ଗ ଆଲଗା ମେଣ୍ଟା ମାନିକ୍, ହେୱାକାଂ ପା ନାଙ୍ଗ ତାହିୱାଦେଂ ଆନାଡ୍, ଆରେ ହେୱାଙ୍ଗ ନା କାଟ୍ ଖେଞ୍ଜନିକ୍; ହେବେ ର ଦାଡ୍ ଆରି ର ମାୟା ଆନିକ୍ ।”

୧୭ “ଆନ୍ ନା ଜିବୁନ୍ ଦାନ୍ କିନାଙ୍ଗ ମାନ୍ କିନାଙ୍ଗ ଆବା ନାଲୋଙ୍ଗ ଜିଉନନାନ୍, ଆରେ ଆନ୍ ନା ଜିବୁନ୍ ଆରେ ରଗ ମାନିକିନି କାଜି ହେଦାଂ ଦାନ୍ କିଡ୍ତାନ୍ । ୧୮ ଇନେର୍ ନା ତାକେଣ୍ଟା ହେଦାଂ ଅଦେଂ ଆଡୁର୍, ମତର୍ ଆନ୍ ନିଜେ ହେଦାଂ ଦାନ୍ କିନାଙ୍ଗ । ହେଦାଂ ଦାନ୍ କିଦେଙ୍ଗ ନା ଆଦିକାର୍ ମାନାଡ୍ ଆରି ହେଦାଂ ଆରେ ରଗ ମାନି କିଦେଙ୍ଗ ନା ଆଦିକାର୍ ମାନାଡ୍ । ଆନ୍ ମାଞ୍ଜି ଆବାତାଂ ଇ ବଲ୍ ପାୟା ଆତାଙ୍ଗନା ।”

୧୯ ଇ ଓଜୁ ବେଣ୍ କାଜି ଜିହୁଦିର୍ ବିତ୍ରେ ଆରେ ରଗ ପାଗ୍ରି କିତାର୍ । ୨୦ ହେୱାର୍ ବିତ୍ରେ ହେନି ଇଞ୍ଜେଙ୍ଗ ଲାଗାତାର୍, “ତାଲୋଙ୍ଗ ପୁଦା ତୁଡାଡ୍ତନା, ହେୱାନ୍ ପାଗ୍ରିଲା, ଇନାକିଦେଂ ତା କାତା ଖେନାଦେରା ?”

୨୧ ବିନେନିକାର୍ ଇଚାର୍, “ଇ ଓଜୁ କାତା ତ ପୁଦା ତୁୟାଆତି ମାନାୟତିଂ ଆକାୟ୍; ପୁଦା ଇନାକା କାଶାଂ କାଶଙ୍ଗ ଉଜ୍ କିଦେଙ୍ଗ ଆଡ୍ତନାନ୍ ?”

ଜିସୁଙ୍ଗ ମାନି କିୱାତାର୍

୨୨ ହେ ସମ୍ପୁ ପିନିମାସ୍ ମାଚାଡ୍, ହେୱାଡାଂ ଜିରୁସାଲମ୍ତ ମନ୍ଦିର୍ ରଡ୍ନି ପାର୍ଶୁ ଆତାଡ୍; ୨୩ ଆରେ ଜିସୁ ମନ୍ଦିର୍ତ ସଲମନ୍ ମଣ୍ଡମ୍ତ ବୁଲାଇ ଆଜି ମାଚାଡ୍ । ୨୪ ହେବେ ଜିହୁଦିର୍ ତାଲୋଙ୍ଗ ଚାରିବେଣ୍ଡାଂ ବେଡିକିଜି ଖାସ୍ତିନି କାତା ଖେନବେଦେଂ ଲାଗାତାର୍, “ଆରେ ଏଚେକାଡ୍ଦ ଦିନ୍ ମାଲୋଙ୍ଗ ହାବଡ୍ତ ଇଡ୍ଦାନାୟ୍ ? ଜଦି ଏନ୍ କ୍ରିସ୍ଟୁ, ତା ଆତିସ୍ ମାଲୋଙ୍ଗ ହାର୍ କିଜି ଖେଡ୍ତା ।”

୨୫ ଜିସୁ ହେୱାରିଂ ଉତର୍ ହିତାନ୍, ଆନ୍ ମିଲୋଙ୍ଗ ଇଞ୍ଜନାଙ୍ଗା, ମାତର୍ ଏପେଙ୍ଗ ପାତ୍ କିଉଦେରା; ମା ଆବା ତର୍ଦାଂ ଆଦିକାର୍ ପାୟା ଆତାଙ୍ଗନା ଆନ୍ ଇମ୍ଫି ଇମ୍ଫି କାମାୟ୍ କିନାଙ୍ଗା, ହେ ସବୁ ନା ବିସ୍ତେ ସାକି ହିନାଙ୍ଗା; ୨୬ ମାତର୍ ଏପେଙ୍ଗ ପାତ୍ କିଉଦେରା, ଇନାକିଦେଂକି ଏପେଙ୍ଗ ନା ମେଣ୍ଟାଂ ଆକାୟ୍ । ୨୭ ନା ମେଣ୍ଟାଂ ଓଜୁ ନା କାଟ୍ ଖେନିକ୍ ଆରି ଆନ୍ ହେୱାକାଂ ପୁନାଙ୍ଗ, ଆରେ ହେୱାଙ୍ଗ ନା ପାଚେ ପାଚେ ଖାନିକ୍, ୨୮ ଆରେ ଆନ୍ ହେୱାକାଂ ଓଜୁ ଜିବୁନ୍ ହିନାଙ୍ଗ, ଆରେ ହେୱାଙ୍ଗ ଇନାୱାଡାଂ ପା ବୁଡାଆଉକ୍, ଆରେ ଇନେର୍ ନା କେଇତାଂ ହେୱାକାଂ କ୍ରିସ୍ଟି ଅଦେଂ ଆଡୁର୍ । ୨୯ ମା ଆବା ନାଲୋଙ୍ଗ ଇନାକା ହିଡ୍ନା, ହେଦାଂ ସବୁ ତାକେଣ୍ଟାଂ ବେସି ଦାମ୍, ଆରେ ଆବା କେଇଦାଂ ଇନେର୍ ହେଦାଂ କ୍ରିସ୍ଟି ଅଦେଂ ଆଡୁର୍ । ୩୦ ଆବା ଆରି ଆନ୍ ଏକ୍ ।

୩୧ ଇ କାତା ଖେନଞ୍ଜି ଆରେ ଜିହୁଦିର୍ ତାଲୋଙ୍ଗ ଇଡ୍ଦେଂ କାଜିଂ ଆରେ ରଗ କାଲକୁ ପେସ୍ତାର୍ । ୩୨ ଜିସୁ ହେୱାରିଂ ଉତର୍ ହିତାନ୍, “ଆନ୍ ଆବା ତାକେଣ୍ଟାଂ ବେସି ହାଦ୍ କାମାୟ୍ ମିଲୋଙ୍ଗ ଚର୍ତାତାଂନା; ହେ ସବୁ କାମାୟ୍ ବିତ୍ରେ ଇମ୍ଫି କାମାୟ୍ କାଜିଂ ନାଙ୍ଗ ଅସ୍ତେଦେଂ କାଲକୁ ଡେକନାଦେରା ?” ୩୩ ଜିହୁଦିର୍ ତାଲୋଙ୍ଗ ଉତର୍ ହିତାନ୍, “ହାଦ୍ କାମାୟ୍ କାଜିଂ ଆପେଂ ନିଲୋଙ୍ଗ କାଲ୍ ଇଡ୍ଦୁପା, ମାତର୍ ଇସ୍ପର୍ତିଂ ନିନ୍ଦା କାଜିଂ, ଆରେ ଏନ୍ ମାନାୟ୍ ଆଜି ଜାର୍ତିଂ ଇସ୍ପର୍ ବଲାୟ୍ଆନାୟା ।”

୩୪ ଜିସୁ ହେୱାରିଂ ଉତର୍ ହିତାନ୍, “ମି ମସାତି ବିଦିତ ଇଦାଂ ଇନାକା ଲେକା ହିଲୁଡ୍, ଇସ୍ପର୍ ଇଚାନ୍, ଏପେଙ୍ଗ ଇସ୍ପର୍ ? ୩୫ ଆପେଂ ପୁନାପ୍ ସାସ୍ପର୍ ବଚନ୍ ଜୁଗ୍ ଜୁଗ୍ ହାଡ୍ପା । ଇସ୍ପର୍ତି ବେରଣ୍ ଇମ୍ଫିକାର୍ ତାକେ ହତାଡ୍ନା, ହେୱାରିଂ ଇବେ ଇସ୍ପର୍ ଇଚାନ୍ନା । ୩୬ ତା ଆତିସ୍ ଇନେରିଂ ଇସ୍ପର୍ ପୁଇପୁୟା କିଜି ପୁତ୍ ତ ପକ୍ତାନ୍, ତାଲୋଙ୍ଗ ଇନାକା ଏପେଙ୍ଗ, ଆନ୍ ଇସ୍ପର୍ତି ମାଜି, ଇଦାଂ ଆନ୍ ଇଞ୍ଜିଲେ, ଏନ୍ ଇସ୍ପର୍ତିଂ ନିନ୍ଦା କିନାୟା ଇଞ୍ଜି ଇନାଦେରା ? ୩୭ ଜଦି ଆନ୍ ମାଞ୍ଜି ଆବାତି କାମାୟ୍ ସବୁ କିଞ୍ଚିସ୍, ତାଆତିସ୍ ନାଲୋଙ୍ଗ ପାତ୍ କିଦ୍ମାଟ୍; ୩୮ ମାତର୍ ଜଦି ଆନ୍ ତା ଇଚା ମାନି କିନାଙ୍ଗ, ତା ଆତିସ୍ ପାତ୍ କିଞ୍ଚିସ୍ ପା, ନା କାମାୟ୍ ହୁଡ୍ଜି ପାତ୍ କିୟାଟ୍ ଲାଗିଂ ଏପେଙ୍ଗ ହାଡ୍ପା ବାବ୍ରେ ପୁଞ୍ଜେଙ୍ଗ ଆଡ୍ନାଦେର୍, ନା ଆବା ଇସ୍ପର୍ ନା ତାକେ ମାନାନ୍ ।”

୩୯ ହେବେଣ୍ଟାଂ ହେୱାର୍ ତାଙ୍ଗ ଆସ୍ତେଙ୍ଗ ଇଞ୍ଜି ଆରେ ରଗ ସେସ୍ଟୁ କିଦେଙ୍ଗ ଲାଗାତାର୍, ମାତର୍ ହେୱାନ୍ ହେୱାର୍ କେଇଦ ଆହ୍ମା ଆୱାଦାଂ ହସି ହାଚାନ୍ ।

୪୦ ✨ଇଦାଂ ପାଚେ ଇସ୍ପର୍ ଆରେ ରଗ ଜର୍ଦ୍ଦନି ଆନ୍ତି ପାଡ୍କା ହାଲ୍ଜି, ଜହନ୍ ଇମ୍ଫି ବାହାତ ହିଗ୍ଦ ବାପ୍ରିସିମ୍ ହିଜି ମାଚାନ୍, ହେ ବାହାତ ହାଲ୍ଜି ହେବେ ମାନ୍ଗାତାନ୍ । ୪୧ ଆରେ, ହେନି ତା ତାକେ ଖାଜି ଇଚାର୍, “ଜହନ୍ ହିନା ଇନାକାପା କାବାଆନି କାମାୟ୍ କିୱାତାନ୍,” ମାତର୍ ଇ ମୁଣିକା ବିସ୍ତେ ଜହନ୍ ଜେ ଓଜୁ କାତା ଇଚାନ୍, “ହେଦାଂ ସବୁ ହାଡ୍ପା ।” ୪୨ ଆରେ, ହେ ବାହାତ ହେନି ମାନାୟାର୍ ତା ତାକେ ପାତ୍ କିତାର୍ ।

୧୧

ଲାଜାର୍ତି ହାକି

୧ ✨ବେଡ୍ନିୟା ନିକାନ୍ ଲାଜାର୍ ତର୍ଦାକାନ୍ ରୱାନ୍ ମାନାୟ୍ ବେମାର୍ ମାଚାନ୍; ମରିୟମ୍ ଆରି ତା ତଣ୍ଡେହି ମାର୍ତା

✨ ୧୦:୪୦ ୧୦:୪୦ ଜହନ୍ ୧:୨୮. ✨ ୧୧:୧ ୧୧:୧ ଲୁକ ୧୦:୩୮,୩୯.

ହେ ନାସ୍ତ ମାଟିକ । ୨୫ ଇ ମରିୟମ୍ ମାପୁଙ୍ଗ କାଲ୍ ଜପି ବାସ୍ନା ଚିକାଣ୍ଡାଂ ନେନ୍ଦି ତା ତେମୁଲ୍ତାଂ ତା ପାନା ନୁଜ୍ଜି ମାଚାତ୍ ତା ଚଣ୍ଡାହି ଲାଜାର୍ ବେମାର୍ ମାଚାନ୍, ୨୬ ଲାଗିଂ ହେ ତଣ୍ଡେକ୍ ତା ତାକେ କାରୁର୍ ପଲ୍ଲିକ୍, “ମାପୁ, ହୁଡ଼ା, ଇନେରିଂ ଏନ୍ ଖାରି କିନାୟା, ହେଖାନ୍ ବେମାର୍ତ ମାନାନ୍ ।”

୨୭ ଇ କାରୁର୍ ଜିସୁ ଖେନ୍ଝି ଇଚାନ୍, “ଇ ରଗ୍ତ ଲାଜାର୍ ହାଉନ୍, ମାତର୍ ମାପୁତି ଜାଜ୍ମାଲ୍ କାଜିଂ, ଇନେସ୍କି ଇ ଲାକେ ଇସ୍ତର୍ ମାଜି ଜାଜ୍ମାଲ୍ ପାୟା ଆନାର୍ ।”

୨୮ ଜିସୁ ମାର୍ତା, ମରିୟମ୍ ତା ତଣ୍ଡେହି ଆରେ ଲାଜାର୍ତି ଜିଉ ନଜି ମାଚାନ୍ । ୨୯ ଆତିସ୍ପା, ଲାଜାର୍ ବେମାର୍ତ ମାନାନ୍ ଇଞ୍ଜି ଏଚେକାତ୍ତ୍ ହେଖାନ୍ ଖେଚାନ୍, ହେ ପାଦ୍ନା ହେଖାନ୍ ଇମ୍ଣି ବାହାତ ମାଚାନ୍, ହେ ବାହାତ ଆରେ ରି ଦିନ୍ ମାଚାନ୍ । ୩୦ ତା ପାଚେ ଜିସୁ ଚେଲାର୍ ଇଚାନ୍, “ଜାତ ଆସେଙ୍ଗ୍ ଆରେ ରଗ ଜିହୁଦା ଦେସ୍ତ ମାସ୍ତି ହାନାସ୍ ।”

୩୧ ଚେଲାର୍ ଜିସୁଙ୍ଗ୍ ଇଚାର୍, “ଏ ଗୁରୁ, ଜିହୁଦିର୍ ନିଙ୍ଗେଙ୍ଗ୍ କେଡ୍ଦିନ୍ ଆଗେ ଇଡ୍କାଦେଂ ସେସ୍ତୁ କିଜି ମାନ୍ଚାର୍, “ଆରେ ଏନ୍ ଆରି ରଗ ହେବେ ହାନାୟା ?”

୩୨ ଜିସୁ ଉତର୍ ହିତାନ୍, “ଖେଡ଼ାଲିଂ ଇନାକା ବାର ଗଣ୍ଡା ଆକାୟ୍ ? ଇନେର୍ ଖେଡ଼ାଲିଂ ତାଙ୍ଗ୍ତିସ୍ ଉଜ୍ଜର୍, ଇନାକିଦେଂକି ହେଖାନ୍ ଇ ପୁତ୍ ନି ଅଜଡ୍ ହୁଡ୍ନାନ୍; ୩୩ ମାତର୍ ନାଣା ତାଙ୍ଗ୍ତିସ୍ ହେଖାନ୍ ଉଜ୍ଜାନ୍, ଇନାକିଦେଂକି ଖାସ୍ତିତ ଅଜଡ୍ ହିଲୁଡ୍ ।” ୩୪ ଜିସୁ ଇ ଖିଜୁ କାତା ଇଚି ପାଚେ ହେଖାରିଂ ଆରେ ଇଚାନ୍, “ମା ବନ୍ଧୁ ଲାଜାର୍ ହୁଞ୍ଜନାନା, ମାତର୍ ତାଙ୍ଗ୍ ହୁନ୍ତାକାନିଂ ନିକ୍ତି କାଜିଂ ଆନ୍ ହାନାଙ୍ଗା ।”

୩୫ ହେବେତାଂ ଚେଲାହିର୍ ତାଙ୍ଗ୍ ଇଞ୍ଜି ମାଚାର୍, ମାପୁ, “ଜଦି ହେଖାନ୍ ହୁନ୍ତାନ୍ନା ତା ଆତିସ୍ ହେଖାନ୍ ଉଜ୍ ଆନାନ୍ ।”

୩୬ ଜିସୁ ଲାଜାର୍ ହାତି ବିସ୍ତେ ଇଚାନ୍, ମାତର୍ ହେଖାନ୍ ହୁନ୍ଞ୍ଜି ବିସ୍ତେ ଇଚାନ୍ ଇଞ୍ଜି ହେଖାର୍ ବାବିକିତାର୍ । ୩୭ ହେଦାଂ କାଜିଂ ଜିସୁ ହେ ପାଦ୍ନା ହେଖାରିଂ ହାଚ୍ଦାଂ ଇଚାନ୍, “ଲାଜାର୍ ହାତାନ୍ନା; ୩୮ ଆରେ, ଆନ୍ ଜେ ହେବାତ ହିଲ୍ଝିତିସ୍, ଇଦାଂ ଲାଗିଂ ମି କାଜିଂ ଖାରି କିନାଙ୍ଗା, ଇନେସ୍କି ଏପେଙ୍ଗ୍ ପାତ୍ କିନାଦେର୍; ମାତର୍ ଜାତୁ, ଆସେଙ୍ଗ୍ ତା କଚଣ୍ ହାନାସ୍ ।”

୩୯ ହେବେତାଂ ତମା, ଇନେରିଂ ଦିଦୁମ୍ ଇଞ୍ଜି ଇନାର୍, ହେଖାନ୍ ଜାର୍ ହାଙ୍ଗ୍ ଚେଲାହିରିଂ ଇଚାନ୍, “ଜାତୁ ଆସେଙ୍ଗ୍ ପା ଗୁରୁ ଲାହାଙ୍ଗ୍ ହାଲ୍ଜି ତା ଲାହାଂ ହାନାସ୍ ।”

ଜିସୁ ଆରେ ରଗ ନିଙ୍ଗି ଜିନାନ୍

୪୦ ଜିସୁ ବେଡ୍ନାପାତ୍ ଏକିସ୍ ଖେଚାନ୍ ଜେ, ହେଖାନ୍ ଦୁଗେର୍ତ ଇଡ୍ଜି ଚାରି ଦିନ୍ ଆତାତ୍ ଦୁଗେର୍ତ ଇଟ୍ୟା ଆତାନେ । ୪୧ ବେଡ୍ନିୟା ଜିରୁସାଲମ୍ କଚଣ୍ତ ମାଚାତ୍, ଆନ୍ମାନ୍ତାଂ ତିନି କିଲମିଟର୍ ଦେହା; ୪୨ ଆରେ, ଜିହୁଦି ଦେସ୍ନି ହେନି ମାନାୟ ବିତ୍ତେ ମାର୍ତା ଆରି ମରିୟମ୍ତିଂ ହେଖାରିଂ ଚଣ୍ଡେନ୍ ବିସ୍ତେ ଦୁକ୍ଜାଣାଇ କିଦେଙ୍ଗ୍ କାଜିଂ ହେଖାର୍ କଚଣ୍ ଖାଜି ମାଚାର୍ ।

୪୩ ହେବେତାଂ ଜିସୁ ଖାନାନା ଇଞ୍ଜି ଏଚେକାତ୍ତ୍ ମାର୍ତା ଖେଚାତ୍, ହେ ପାଦ୍ନା ହେଦେଲ୍ ବେଗାଆଦେଂ ହାତାତ୍, ମାତର୍ ମରିୟମ୍ ଇଞ୍ଜି ମାଚାନ୍ ୪୪ ମାର୍ତା ଜିସୁଙ୍ଗ୍ ଇଚାତ୍, “ମାପୁ ଜଦି ଏନ୍ ଇବେ ଖାଜି ମାଟିସ୍, ତା ଆତିସ୍ ନା ଚଣ୍ଡେନ୍ ହାଖାତାନ୍ମା, ୪୫ ମାତର୍ ନଙ୍ଗ୍ ପା ଆନ୍ ପୁନାଙ୍ଗ୍, ମାତର୍ ଏନ୍ ଇସ୍ତର୍ତିଂ ଇନାକାପା ଏନ୍ନାୟ୍, ଇସ୍ତର୍ ଜେ ହେଦାଂ ନିଙ୍ଗେଙ୍ଗ୍ ହିଦ୍ନାନ୍ ।”

୪୬ ଜିସୁ ତାଙ୍ଗେଙ୍ଗ୍ ଇଚାନ୍, “ମି ଚଣ୍ଡେନ୍ ଆରେ ଜିରୁନ୍ ପାୟା ଆଜି ନିଙ୍ଗନାନ୍ ।”

୪୭ ମାର୍ତା ଜିସୁଙ୍ଗ୍ ଇଚାତ୍, “ହେଖାନ୍ ଜେ ହାରିହାରା ଦିନ୍ତ ଆରେ ନିଂନି ସମୁତ ନିଙ୍ଗନାନ୍ ଇଦାଂ ଆନ୍ ପୁନାଙ୍ଗ୍ ।”

୪୮ ଜିସୁ ତାଙ୍ଗେଙ୍ଗ୍ ଇଚାନ୍, “ଆନ୍ ଆରେ ନିଂନାକାଂ ଆରି ଜିରୁନ୍, ଇନେର୍ ନା କଚଣ୍ ପାତ୍ କିଦ୍ନାନ୍, ହେଖାନ୍ ଜଦି ହାନାନ୍, ଆତିସ୍ପା ହେଖାନ୍ ଜିନାନ୍, ୪୯ ଆରେ ଇନେର୍କି ଜିନାନ୍ ଆରି ନାବେ ପାତ୍ କିନାନ୍, ହେଖାନ୍ ମୁଡ୍କେ ହାଉନ୍; ଇଦାଂ ଇନାକା ପାତ୍ କିନାଦେରା ?”

୫୦ ମାର୍ତା ହେଖାନିଂ ଇଚାତ୍, “ଆଁ, ମାପୁ, ଇନେର୍କି ପୁତ୍ ତ ଖାନାକା ମାଚାତ୍, ଏନ୍ ଜେ ଇସ୍ତର୍ ମାଜି ହେ କ୍ରିସ୍ଟ, ଇଦାଂ ନା ପାତ୍ ।”

ଜିସୁ ଆଡ୍ବାତାନ୍

୫୧ ଇଦାଂ ଇଚି ପାଚେ ମାର୍ତା ହାଲ୍ଜି ଜାର୍ ତଣ୍ଡେଲ୍ ମରିୟମ୍ତିଂ ଡ୍ବୁଜି କୁକ୍ତି ଇଚାତ୍, “ଗୁରୁ ଖାତାନେ ଆରେ ନିଙ୍ଗେଙ୍ଗ୍ କୁଞ୍ଚାନାନା ।” ୫୨ ହେଖାନ୍ ଇଦାଂ ଖେନ୍ଝି ବେଗି ନିଙ୍ଗି ତା କଚଣ୍ ହାଚାର୍ । ୫୩ ଜିସୁ ହେ ପାଦ୍ନା ନାସ୍କୁ ବିତ୍ତେ ଖାଖାଦାଙ୍ଗ୍ ମାଚାନ୍, ମାତର୍ ମାର୍ତା ହେଖେନିଂ ଇମ୍ଣି ବାହାତ ବେଗା ଆଜି ମାଚାତ୍, ହେପାତେକ୍ ହେଖାନ୍ ହେ ବାହାତ ମାଚାତ୍ । ୫୪ ବାଟିଙ୍ଗ୍ ଇମ୍ଣି ଜିହୁଦିର୍ ତା ଲାହାଙ୍ଗ୍ ଇଞ୍ଜି ମାନ୍ଞି ତାଙ୍ଗ୍ କୁପ୍କିସ୍ ମାଚାର୍, ହେଖାର୍ ମରିୟମ୍ତିଂ ବେଗି ନିଙ୍ଗି ହସିହାନାକା ହୁଡ୍ଜି, ହେଦେଲ୍ ଦୁଗେର୍ କଚଣ୍ତ ଆଡ୍ବିନି କାଜିଂ ହାନାରା, ଇଦାଂ ମାନେ କିଜି ହେ ପାଚେ ପାଚେ ହାଚାର୍ ।

☆ ୧୧:୨ ୧୧:୨ ଜହନ୍ ୧୨:୩।

୩୨ ହେବେତା ଜିସୁ ଇମ୍ବଣି ବାହାତ ମାତାନ୍, ମରିୟମ୍ ହେ ବାହାତ ଏକିସ୍ ତାଙ୍ଗେଙ୍ଗ୍ ହୁଡ଼୍ଜି ହେ କାଲ୍‌କୁ ତାରେନ୍ ଗୁରୁଜି ଇଚାଡ଼, “ଏ ମାପୁ, ଜଦି ଏନ୍ ଇବେ ଏକାଖାତାୟ୍‌ଚି, ତା ଆତିସ୍ ନା ଟଣ୍ଡେନ୍ ହାଖାତାନ୍‌ମା ।”

୩୩ ଲାଗି, ଜିସୁ ତାଙ୍ଗ୍ ଆରି ତା ଲାହାଙ୍ଗ୍ ଖାଜି ମାଟି ଜିହୁଦିରି ଆଡ଼ବାନାକା ହୁଡ଼୍ଜି ଜିବୁନ୍‌ତା ରାସ୍ ଇଚାନ୍, ଆରେ କାମାୟ୍ ପୁରା କିନି କାଜି ହିଜାଆଜି ଝେନ୍‌ବାତାନ୍, ୩୪ “ତାଙ୍ଗେଙ୍ଗ୍ ଇମେତାକେ ଇଡ଼୍‌ତାଦେଣ୍ଟା ?”

ହେଖାର୍ ତାଙ୍ଗେଙ୍ଗ୍ ଇଚାଡ଼, “ମାପୁ ଖାଜି ହୁଡ଼ା ।”

୩୫ ଜିସୁ ଆଡ଼ବାତାନ୍ । ୩୬ ହେବେତା ଜିହୁଦିରି ଇଚାଡ଼, “ହୁଡ଼ାଟ୍ ହେଖାନ୍ ତାଙ୍ଗେଙ୍ଗ୍ ଇନେସ୍ ଜିଉନଜି ମାତାନ୍ ।”

୩୭ ମାତର ହେଖାର୍ ବିତ୍ରେ ଇନେର୍ ଇନେର୍ ଇଚାଡ଼, “ଇ ଇମ୍ବଣି ମାନାୟ୍ ହେ କାଣା କାଣ୍‌କୁ ସାକ୍ତି ହିଖାଦା ମାତାନ୍ କି ? ହେଖାନ୍ ଇନାକା ଇଖାନ୍ତି ହାକି ପା ଜିପ୍‌ତେଙ୍ଗ୍ ଆଡ଼ଖାତାନ୍‌ମା ?”

ଜିସୁ ଲାଜାର୍‌ତି ହାକିତା ନିକ୍‌ତାନ୍

୩୮ ହେବେତା ଜିସୁ ଆରେ ରଗ ଖାସ୍ତିତା ରିସା ଆଜି ଦୁଗେର୍ କଚଣତ ଖାତାନ୍, ହେଦା ରଞ୍ଜାଙ୍ଗ୍ ପାରା, ଆରେ ତା ମୁମ୍‌ଦ ରଞ୍ଜାଙ୍ଗ୍ କାଲ୍ ମାଚାଡ଼ । ୩୯ ଜିସୁ ବଲ୍ ହିତାନ୍ ଇ କାଲ୍ ଗୁରାୟ୍ କିୟାଟ୍ । ହାତି ମାନାୟ୍‌ତି ତଣ୍‌ଦେହି,

ମାର୍ତୀ ତାଙ୍ଗେଙ୍ଗ୍ ଇଚାଡ଼, “ମାପୁ, ହେଖେନ୍ ଗାନ୍‌ଆତାନ୍‌ନେ, ଇନାକିଦେଂକି ହେଖେନ୍ ଚାରି ଦିନ୍ ଆତାଡ଼ ହାତାନ୍‌ନେ ।”

୪୦ ଜିସୁ ତାଙ୍ଗେଙ୍ଗ୍ ଇଚାନ୍, “ଜଦି ଏନ୍ ପାତ୍ କିନାୟା, ତା ଆତିସ୍ ଇସ୍‌ତ ଜାଜ୍‌ମାଲ୍ ହୁଡ଼୍‌ନାଦେର୍, ଇଦା ଇନାକା ଆନ୍ ମିଙ୍ଗେଙ୍ଗ୍ ଝେଡ଼୍‌ଖାତାଙ୍ଗ୍ ।” ୪୧ ହେବେତା ହେଖାର୍ କାଲ୍ ନେକ୍‌ତାର୍ ଆରେ, ଜିସୁ ଜପି ହୁଡ଼୍‌ଜି ଇଚାନ୍, “ଆବା, ଏନ୍ ନା ପାର୍ତୀନା ଝେଚାୟ୍ ଇଞ୍ଜି ଆନ୍ ନିଙ୍ଗେଙ୍ଗ୍ କୁଖାର୍ ହିଦ୍‌ନାଙ୍ଗା । ୪୨ ଏନ୍ ଜେ ନିତ୍ରେ ନା ପାର୍ତୀନା ଝେନ୍‌ଞ୍ଜି ମାନାୟା, ଇଦା ଆନ୍ ପୁରାଙ୍ଗାନ୍; ମାତର ଇମ୍ବଣି ମାନାୟାର୍ ଚାରିବେଣ୍‌ତା ନିଲ୍‌ତାଣ୍ଟା, ଏନ୍ ନାଙ୍ଗେଙ୍ଗ୍ ପକ୍‌ତାତାୟ୍‌ନା ଇଞ୍ଜି ହେଖାର୍ ଇନେସ୍‌କି ପାତ୍ କିଦ୍‌ନାର୍, ଇଦା ଲାଗି ହେଖାର୍ କାଜି ଆନ୍ ଇଦା ଇନ୍‌ଚାଙ୍ଗ୍ ।” ୪୩ ଇଦା ଇତି ପାଚେ ହେଖାନ୍ ଇଦା ଇଞ୍ଜି ଗାଜା କାଟ୍‌ତା ହିରବାତାନ୍, “ଲାଜାର୍, ହସି ଖା ।” ୪୪ ହେଖାନ୍ ହସି ଖାତାନ୍; ତା କେଇ ଆରି ପାନା ଦୁଗେର୍ ହେନ୍‌ଦାତା ଗାଚ୍ୟା ଆଜି ମାଚାଡ଼, ଆରେ, ତା ମୁମ୍‌ଦ ଇଚୁକ୍ ତୁଖାଲ୍ ହୁର୍‌ପିସ୍ ମାଚାଡ଼ । ଜିସୁ ହେଖାରି ଇଚାନ୍, “ଇଖାନ୍ତି ଗାଚ୍‌ଚାକା ରିକ୍‌ଚି ତାଙ୍ଗ୍‌ଜି ହାଞ୍ଜେଙ୍ଗ୍ ହିୟାଟ୍ ।”

ଜିସୁତି ବିରୁଦ୍‌ତ କୁଟ୍

(ମାତିଉ ୨୬:୧-୫; ମାର୍କ ୧୪:୧-୨; ଲୁକ ୨୨:୧-୨)

୪୫ ଆରେ, ଜିହୁଦିରି ବିତ୍ରେ ଆଦେକ୍, ଇଚିସ୍ ଇମ୍‌ଣାକାର୍ ମରିୟମ୍ କଚଣ ଖାଜି ମାଚାଡ଼, ହେଖାର୍ ଜିସୁତି କାରୁମ୍ ହୁଡ଼୍‌ଜି ମାଚାଡ଼, ଆରି ହେଖାର୍ ତାତାକେ ପାତ୍ କିତାର୍; ୪୬ ମାତର, ହେଖାର୍ ବିତ୍ରେ ଇନେର୍ ଇନେର୍ ପାରୁସିର୍ କଚଣ ହାଲ୍‌ଜି, ଜିସୁ ଇନାକା ଇନାକା କିଜି ମାଚାନ୍, ହେଖିଜୁ ହେଖାରି ଜାଣାୟ୍ କିତାର୍ । ୪୭ ହେବେତା ମୁଡ଼୍ ମାପୁହେବାକିନାକାନ୍ ଆରି ପାରୁସିର୍ ଗାଜା କୁଟ୍‌ମ୍ କୁକ୍‌ଚି ଇଚାଡ଼, “ଆସେଙ୍ଗ୍ ଇନାକା କିତାସ୍‌ନା ? ଇ ମାନାୟ୍ ତ ଆଦିକ୍ କାବା କାମାୟ୍ କିନାନା । ୪୮ ଜଦି ଆସେଙ୍ଗ୍ ହେଖାନ୍ ଇ ଲାକେ ପିସ୍‌ହିନାସ୍, ତା ଆତିସ୍ ଖିଜାର୍ ତା ତାକେ ପାତ୍ କିତାର୍, ଆରେ ରମିୟର୍ ଖାଜି ମାଦା ଇ ମନ୍‌ର ଆରି ଜାତିତି ରି କୁଦାତି ନସ୍ କିତାର୍ ।”

୪୯ ମାତର ହେଖାର୍ ବିତ୍ରେ ହେ ବାହୁଁ କାଜି, ବାଚିକିୟା ଆଜି ମାଟି ମୁଡ଼୍ ମାପୁହେବାକିନାକାନ୍ କୟାପା ଇଚାନ୍, “ଏପେଙ୍ଗ୍ ଏଚେକ୍ ବକ୍‌ଖା ! ଏପେଙ୍ଗ୍ ଇଦା ବୁଜା ଆଉଦେରା; ୫୦ ଖିଜୁ ଜାତି ଖିଜ୍‌ଖାଦା ମାନାୟାର୍ ବିତ୍ରେ ରକାନ୍ ଜେ ହାନାକା ମି ପାକ୍ୟାତା ହାର୍, ଇଦା ପା ଏପେଙ୍ଗ୍ ବୁଜା ଆଉଦେରା ।” ୫୧ କୟାପା ଇଦା ନିଜେ ମାନ୍ତ ଇନ୍‌ଖାଦା ମାଚାନ୍ ମାତର ହେଖାନ୍ ହେ ବାହୁଁନି ମୁଡ଼୍ ମାପୁହେବାକିନାକାନ୍ ଆଜି ମାଟିଲେ ଇ ବେଣ୍‌ବାକ୍‌ଶାୟ୍‌କିନାକାନ୍ ତା ଝେଇଦା ଇଞ୍ଜି ମାଚାନ୍, ଜିସୁ ଝେଚ୍‌ଚି ମାଚାନ୍ ଜେ ରାଜିନି ଜିହୁଦି ଜାତିନି ଇଚିସ୍, ୫୨ ଆରେ କେବଲ୍ ହେ ଜାତି କାଜି ଆକାୟ୍, ମତର ଇସ୍‌ତ ଚିନ୍‌ବିନ୍ ହିମ୍‌ଣାକା ପା ରୁଣ୍ଡାୟ୍ କିଜି ରବେ କିନି କାଜି ହାଦେ ହାନାନା, ଇଦା କାଜି ଇ ବେଣ୍‌ବାକ୍‌ଶାୟ୍‌କିନାକା ଇଚାନ୍ ।

୫୩ ଲାଗି ହେ ନାଜିତା ଜିହୁଦି ନେତାର୍ ତାଙ୍ଗେଙ୍ଗ୍ ଅସ୍ତେଙ୍ଗ୍ ଇଞ୍ଜି କୁଟ୍ କିତାର୍ । ୫୪ ଲାଗି, ଜିସୁ ଜିହୁଦିରି ବିତ୍ରେ ଆରେ ତିହାଆଖାଦା ବୁଲାଚାଲା ଆଖାତାନ୍, ମାତର ହେଖାନ୍ ହେ ବାହାତା ହସିହାଲ୍‌ଜି ବାଟାନି କଚଣ ମାନି ନିପ ଏପ୍ରିୟମ୍ ତରୁଦି ର ବସ୍ତିତ ହାଚାନ୍, ଆରେ ହେଖେନ୍ ଚେଲାଚ୍ ଲାହାଙ୍ଗ୍ ହେବେ ମାନ୍‌ଗାତାନ୍ ।

୫୫ ଜିହୁଦିତ “ନିସ୍‌ସାର୍” ପାରୁଁ ଲାଗେ ମାଚାଡ଼, ଆରେ ରାଜିତ ମାନି ମାନାୟ୍ ଆଦିକ୍ ଜାର୍ ଜାର୍‌ତି ସକଟ୍ କିନି କାଜି ନିସ୍‌ସାର୍ ପାରୁଁ ଆଗେ ଜିରୁସାଲମ୍‌ତ ହାଚାର୍ । ୫୬ ହେବେତା ହେଖାର୍ ଜିସୁଙ୍ଗ୍ ତେକ୍‌କୁ ତେକ୍‌କୁ ମନ୍‌ରତ ନିଲ୍‌ଚି ମାନି ସମୁତ ରକାନ୍ ଆରେ ରକାନି ଇଞ୍ଜେଙ୍ଗ୍ ଲାଗାତାର୍, “ଏପେଙ୍ଗ୍ ଇନାକା ମାନେ କିନାଦେରା ? ହେଖେନ୍ ପାରୁଁତି ଖାନାନ୍ କି ଆକାୟ୍ ?” ୫୭ ମୁଡ଼୍ ମାପୁହେବାକିନାକାନ୍ ଆରି ପାରୁସିର୍ ତାଙ୍ଗେଙ୍ଗ୍ ଆହ୍‌ନି କାଜି ହେଖେନ୍ ଇମେତାକେ ମାନାନ୍, ଇଦା ଜଦି ଇନେର୍ ପୁନାର୍, ହେଦା ହପ୍‌ତେ ବଲ୍ ହିଜିମାଚାନ୍ ।



ମରିୟମ୍ ଜିସୁଙ୍କ ଆସିବାଦ୍

(ମାତ୍ରିକ ୨୬:୨-୧୩; ମାର୍କ ୧୪:୩-୯)

୧ ଓସ୍ତ୍ରୀ ବିଦ୍ରୋହ ନିସ୍ତାର ପାର୍ବୁନି ଚଅ ଦିନ୍ ଆଗେ ଜିସୁ ବେଦନିୟା ହାତାନ୍; ଇମ୍ବଣି ଲାଜାର୍ତ୍ତି ଜିସୁ ହାତାକାର ବିଦ୍ରୋହ ନିକଟି ମାତାନ୍, ହେଖେନ୍ ହେ ବାହାତ ମାତାନ୍ । ୨ ଲାଗି ହେଖେର୍ ହେ କାଜି ହେ ବାହାତ ର ନାଶାବଜି ଜାଲ୍ଦି କିତାର୍; ମାର୍ତ୍ତା ହେବା ହିନାକା ଦାଇଡ୍ ମାତାତ୍, ଆରେ ଇମ୍ବଣାକାର ହେଖାର ଲାହା ତିନିହିଙ୍ଗ୍ କୁଚ୍ଚି ମାତାର୍, ଲାଜାର୍ ହେଖାର୍ ବିଦ୍ରୋହାଂ ରକାନ୍ ମାତାନ୍ ।

୩ ହେ ପାଦ୍ନା ମରିୟମ୍ ଆଦା ଲିଟର୍ ଆଦିକ୍ ଦାମ୍ନି ହାଦ୍ନାକା ଜଟାମାଂସି ଚିକାଣ୍ ତାସ୍ ଜିସୁ ପାମାତ ହେଦାଂ ଖାକ୍ତାତ୍ ଜାର୍ ତେମୁଲ୍ତା ହେ ପାମା ନୁସ୍ତାତ୍, ଆରେ ଚିକାଣ୍ ବାସ୍ନାତିଂ ଇଲ୍ ବାସ୍ନା ଆତାତ୍ । ୪ ମାତର୍ ଜିସୁ ଚେଲାହିର୍ ବିଦ୍ରୋହ ଇସ୍ପାରିୟତିୟ ଜିହୁଦା ତରଦାକାନ୍ ଇମ୍ବଣି ଚେଲା, ଇନେନ୍ ତାଙ୍ଗେଙ୍ଗ୍ ସାତୁ କେଇଦ ସର୍ପି କିଦେଙ୍ଗ୍ ହାଲ୍ଜି ମାତାନ୍, ହେଖାନ୍ ଇଚାନ୍, ୫ “ଇ ବାସ୍ନା ଚିକାଣ୍ ତିନ୍ସ ରୁପା ଚାକାଂ ପ୍ରସି ଇନେକଦେଂ ହିଲାଖାକାରିଂ ହିୟାଆଖାତାତ୍ ?” ୬ ହେଖାନ୍ ଜେ ହିଲାଖାକାରିଂ କାଜିଂ ଚିନ୍ତା କିଜି ମାତାନ୍ ଇଞ୍ଜି ଇଦାଂ ଇଚାନ୍, ହେଦାଂ ଆକାୟ୍, ମାତର୍ ହେଖାନ୍ ରକାନ୍ ଚର୍, ଆରେ ହେ କଚଣ୍ ଡାବୁଙ୍ଗ୍ମଣା ମାତିଲେ, ହେବେ ଇନା ଇନାକା ଇଡ୍ଜି ମାତାକା, ହେଦାଂ ହେଖାନ୍ ଚର୍ କିଜି ଅଜି ମାତାନ୍ ।

୭ ମାତର୍ ଜିସୁ ଇଚାନ୍, “ଇଦେଲିଂ ପିସ୍ତ୍ର ହିୟାଟ୍, ଇନେସ୍ତକି ନା ହାକି ଦିନ୍ କାଜିଂ ହେଦେଲ୍ ଇଦାଂ ଇଡ୍ଦେଂ ଆଡ୍ନାତ୍ । ୮ କାକୁଲ୍ତିୟାର୍ ତ ସବୁ ନାଞ୍ଜିଙ୍ଗ୍ ମି କଚଣ୍ ମାନାର୍, ମତର୍ ଆନ୍ ସବୁ ନାଞ୍ଜିଙ୍ଗ୍ ମି କଚଣ୍ ମାନ୍ଙ୍ଗ୍ ।”

ଲାଜାର୍ ବିରୁଦ୍ଧ କୁଚ୍

୯ ଇବେତାଂ ବେସିହେନି ଜିହୁଦିର୍ ମାନାୟ୍ ହେଖାନ୍ ବେଦନ୍ୟାତ ମାନାନ୍ ଇଞ୍ଜି ପୁଞ୍ଜି କେବଲ୍ ଜିସୁ କାଜିଂ ଆକାୟ୍, ମତର୍ ଇମ୍ବଣି ଲାଜାର୍ତ୍ତି ହେଖାନ୍ ହାତାକାର ବିଦ୍ରୋହ ନିକଟି ମାତାନ୍, ତାଙ୍ଗେଙ୍ଗ୍ ହୁଡ୍ନି କାଜିଂ ପା ଖାତାର୍ । ୧୦ ହେବେ ଲାଜାର୍ତ୍ତି ପା ଅହ୍ନାସ୍ ଇଞ୍ଜି ମୁଡ୍ ମାପୁହେବାକିନାକାନ୍ ଖେଚ୍ପା ଆତାର୍, ୧୧ ଇନାକିଦେଂକି ହେଦାଂ କାଜିଂ ଜିହୁଦିର୍ ବିଦ୍ରୋହାଂ ଆଦିକ୍ ହେଖାରିଂ ମାନିକିଖାଦାଂ ମାତାର୍ ଜିସୁ ତାକେ ପାତ୍ କିଜି ମାତାର୍ ।

ଜିସୁ ଜିରୁସାଲମତ ହଣାକା

(ମାତ୍ରିକ ୨୧:୧-୧୧; ମାର୍କ ୧୧:୧-୧୧; ଲୁକ ୧୯:୨୮-୪୦)

୧୨ ତା ଆର୍କାତ୍ ନାଜିଂ ନିସ୍ତାର୍ ପାର୍ବୁତିଂ ଖାଜି ମାତି ହେନି ମାନାୟାର୍ ଜିସୁ ଜିରୁସାଲମତ ଖାନାନା ଇଞ୍ଜି ଖେଚାର୍ । ୧୩ ହେଦାଂ କାଜିଂ କାଜ୍ରି ତାତ୍ ଆସ୍ତ୍ର ତାଙ୍ଗେଙ୍ଗ୍ ବେଟାଆନି କାଜିଂ ହସି ହାଚାର୍ “ଆରି ଗାଜା କାଟ୍ତାଂ ଇଞ୍ଜେଙ୍ଗ୍ ଲାଗାତାର୍, ହସାନ୍ନା ଇସ୍ପର୍ତ୍ତି ଦନ୍ୟବାଦ୍ କିୟାଟ୍ । ମାପୁ ତରଦାଂ ଇନେର୍ ଖାନାରା, ହେଖାନ୍ ଦନ୍ୟ; ଦନ୍ୟ ଇସ୍ପାଏଲ୍ନି ରାଜା ।”

୧୪ ଆରେ, ଜିସୁ ର ଗଦହିମ୍ଣା ଜପି କୁଚ୍ଚି ଖାଜି ମାତାନ୍, ଇଦାଂ ଦରମ୍ ସାସ୍ପର୍ତ୍ତ ଇନେସ୍ ଲେକା ଆତାଡ୍ନା, ୧୫ “ଏ ସିୟନି ଗାଡ୍ ! ପାଣ୍ଡା ଆମା, ହୁଡାଟ୍, ମି ରାଜା ଖାନାନା, ହେଖାନ୍ ଗଦ ହିମ୍ଣା ଜପି କୁଚ୍ ଖାନାନା ।”

୧୬ ହେ ଚେଲାହିର୍ ପର୍ତ୍ତୁମ୍ ଇ ଓଜ୍ଜୁ ବିସ୍ତେ ରୁଜା ଆଖାତାର୍, ମାତର୍ ଜିସୁ ଜାଜ୍ମାଲ୍ ପାୟା ଆତି ପାଚେ ଇ ଓଜ୍ଜୁ ବିସ୍ତେ ଜେ ହେ ବିସ୍ତେ ଲେକା ଆଜି ମାତାତ୍, ଆରେ ହେଦାଂ କାଜିଂ ହେଖାର୍ ଜେ ଇ ଓଜ୍ଜୁ କିଜି ମାତାର୍, ହେଦାଂ ହେଖାର୍ ମାତ୍ର ଏଡୁଖାତାତ୍ ।

୧୭ ଆରେ, ହେଖାନ୍ ଲାଜାର୍ତ୍ତି ଦୁଗେର୍ତାଂ ହିର୍ବିସ୍ ହାତାକାର ବିଦ୍ରୋହ ନିଙ୍ଗି ଖେଡାଲିଂ ଇମ୍ବଣି ମାନାୟାର୍ ହେ ଲାହାଙ୍ଗ୍ ମାତାର୍, ହେଖାର୍ ସାକି ହିଦେଂ ଲାଗାତାର୍ । ୧୮ ଇଦାଂ କାଜିଂ ମାନାୟାର୍ ତାଙ୍ଗେଙ୍ଗ୍ ମିହାଆଦେଂ ହାଲ୍ଜି ମାତାର୍, ଇନାକିଦେଂକି ହେଖାନ୍ ଇ କାବାଆନି କାମାୟ୍ କିତାନ୍ନା ଇଞ୍ଜି ହେଖାର୍ ଖେନଞ୍ଜି ମାତାର୍ । ୧୯ ହେବେତାଂ ପାରୁସିର୍ ହେଖେର୍ ହେଖାର୍ ଇନ୍ଦା ଆତାର୍, “ହୁଡ୍ନାଦେରା ତ, ଆପେଂ ଇନା କିଦେଙ୍ଗ୍ ଆଡୁପା ମା ଓଜ୍ଜାର୍ ସେସ୍ଟା କାମାୟ୍ ଆଉତା; ହୁଡାଟ୍, ପୁତ୍ ଜାକ୍ ତା ପାଚେ ହାଚାତେ ।”

ଜିସୁଙ୍କ ଦାସ୍ତେ କେତେଜାଣ୍ ଗ୍ରିକ୍ ମାନାୟ୍

୨୦ ପାରୁ ସମୁତ ପ୍ରାର୍ଥନା କିନି କାଜିଂ ଖାଜି ମାନି ମାନାୟାର୍ ବିଦ୍ରୋହ କେତେକ୍ ଗ୍ରିକ୍ ମାନାୟାର୍ ମାତାର୍ । ୨୧ ହେଖାର୍ ଗାଲିଲିନି ବେଦ୍ସାଈଦାନିକାନ୍ ପିଲିପ୍ ତାକେ ଖାଜି ତାଙ୍ଗ୍ ଗଖାରି କିଜି ଇଚାର୍, “ମାପୁ, ଜିସୁଙ୍କ୍ ହୁଡ୍ଦେଂ କାଜିଂ ମା ଇଚା ।”

୨୨ ପିଲିପିପ ହାଲ୍ଜି ଆହିୟଙ୍ଗ୍ ଇଚାନ୍, ଆରେ ଆହିୟ୍ ଆରି ପିଲିପ୍ ହାଲ୍ଜି ଜିସୁଙ୍କ୍ ଖେଚାର୍ । ୨୩ ଜିସୁ ହେଖାରିଂ ଉତର୍ ହିତାନ୍, “ମାନାୟ୍ ମାଜି ଜାଜ୍ମାଲ୍ ପାୟା ଆନି କାଜିଂ ସମୁ ଏକାଖାତାତ୍ । ୨୪ ହାଡ୍ପା ହାଡ୍ପା ମିଙ୍ଗେଙ୍ଗ୍ ଇଞ୍ଜନାଙ୍ଗା, ଗମ୍ ମାଞ୍ଜି ଜଦି ଚିକ୍ଲା ଆଜ୍ ହାଞ୍ଜିତିସ୍, ତା ଆଡିସ୍ ହେଦାଂ ରଞ୍ଜି ମତର୍ ମାନ୍ଗାନାତ୍ ମାତର୍ ଜଦି ହାନାତ୍ ତା ଆଡିସ୍

ଆଦିକ୍ ପାତ୍ ଅହନାତ୍ । ୨୫ ଇନେର୍ ଜାର୍ ଜିବୁନ୍ତି ଜିଉ ଗିଆନ୍ କିନାନ୍ । ହେୱେନ୍ ହେଦାଂ ଆରାୟ୍ କିନାନ୍, ଆରେ ଇନେର୍ ଜାର୍ ଜିବୁନ୍ତି ଇ ପୁତ୍ ତ ଗିଣ୍ କିନାନ୍, ହେୱାନ୍ ହେଦାଂ ଓଜ୍ଝି ଜିବୁନ୍ କାଜିଂ ରାକ୍ୟା କିନାନ୍ । ୨୬ ଇନେର୍ ଏଚେକାଡ୍ଦ ହେବା କାରିୟା, ଲାଗିଂ ହେୱାନ୍ ନା ଲାହାଙ୍ ଖାୟେନ୍; ଆରେ ଆନେଙ୍ ଇନେତାକେ ମାନଗାନାଙ୍, ନା ହେବା କାରିୟା ପା ହେବେ ମାନଗାନାନ୍; ଇନେର୍ ଏଚେକାଡ୍ଦ ନାଙ୍ ହେବା କିଦ୍ନାନ୍, ଲାଗିଂ ଆବା ହେୱାନ୍ ସସ୍ କିନାନ୍ ।”

ଜିସୁତି ସତ୍ ବେରଣ୍

୨୭ “ନଙ୍ ନା ୱାସ୍ ଦକ୍ଦକ୍ ଆଦ୍ନାତା, ଆରେ ଆନ୍ ଇନାକା କିନାଂ ? ବାଞ୍ଜା ନାଙ୍ ଇ ସମୁତାଂ ରାକ୍ୟା କିଦା ? ମାତର୍ ଇଦାଂ କାଜିଂ ତ ଆନ୍ ଇ ସମୁ ବିତ୍ରେ ୱାତାଂନା । ୨୮ ବାଞ୍ଜା, ଜାର୍ ତର୍ ଜାଜ୍ମାଲ୍ କିୟା ।”

ହେବେଣ୍ଟାଂ ବାଦାଡ୍ଡତାଂ ଇ ବେରଣ୍ ଆତାଡ୍, “ଆନ୍ ହେଦାଂ ପାଣ୍ କିତାଂନା, ଆରେ ରଗ ପାଣ୍ କିନାପ୍ ।”

୨୯ ଲାଗିଂ ଲାଗେ ନିଲ୍ଡି ମାନି ଲକୁ ଇଦାଂ ୱେନ୍ଝି, ବାଦାଡ୍ ଗାଜାଂ ଆତାଡ୍ ଇଞ୍ଜି ଇଚାର୍ ବିନ୍ ଲଗୁ ଇଚାର୍, “ରୱାନ୍ ଦୁଡ୍ ଇୱାନିଂ ବେଣ୍ ଇଚାଙ୍ନା ।”

୩୦ ଜିସୁ ଉତର୍ ହିତାନ୍, “ନା କାଜିଂ ଇ ବେରଣ୍ ଆୱାତାଡ୍ନା, ମତର୍ ମି କାଜିଂ ଆତାଡ୍ନା । ୩୧ ନଙ୍ ଇ ପୁତ୍ ବିଚାଣ୍ଟା ଏକାଞ୍ଜାତାଡ୍; ନଙ୍ ଇ ପୁତ୍ ନି ମୁଡ୍ଦାକାର୍ ବାଟ୍ ତୁହିୟା ଆନାନ୍ । ୩୨ ଆରେ, ଆନ୍ ଜଦି ପୁତ୍ ତାଂ ଜଦି ନିଙ୍ନାଂ, ତା ଆତିସ୍ ୱିଜାକାରିଂ ନିଜାର୍ ତାକେ ଜେଲ୍ନାଙ୍ ।” ୩୩ ହେୱାନ୍ ଇମ୍ଣି ବାନି ହାକି କିଦେଙ୍ ହାନାନା, ହେବେନି କାରୁଲ୍ ହିଜି ଇଦାଂ ୱେଚାନ୍ ।

୩୪ ହେବେଣ୍ଟାଂ ମାନାୟାର୍ ତାଙ୍ ଉତର୍ ହିତାର୍, “କ୍ରିସ୍ଟ୍ ସବୁ ଦିନ୍ କାଜିଂ ମାନାନ୍ ଇଞ୍ଜି ଆପେଂ ମସାତି ବିଦିତାଂ ୱେଚାଡ୍ନା, ବାଟିଙ୍ ମାନାୟ୍ ମାଜି ଆୱିତିସ୍ତା ଜଦି ନିଂନାନ୍ ଇଞ୍ଜି ଏନ୍ ଇନେସ୍ ଇନାୟା ? ଇ ମାନାୟ୍ ମାଜି ଇନେର୍ ?”

୩୫ ହେବେଣ୍ଟାଂ ଜିସୁ ହେୱାରିଂ ଇଚାନ୍, “ଆରେ ଅଲପ୍ ସମୁ ମତର୍ ଅଜଡ୍ ମି ବିତ୍ରେ ମାନାଡ୍ । ମାଜ୍ଗା ଇନେସ୍ ମିଙ୍ଗ୍ ଚିଞ୍ଜେମେଡ୍, ଇଦାଂ କାଜିଂ ମି ତାକେ ଅଜଡ୍ ମାନୁ ମାନୁ ବୁଲ୍ଲାବୁଲି କିୟାଟ୍; ଜେ ମାଜ୍ଗାତ ବୁଲ୍ଲାବୁଲି କିନାନ୍, ହେୱାନ୍ ଇନେତାକେ ହାନାନା, ହେଦାଂ ହେୱାନ୍ ପୁନୁନ୍ । ୩୬ ଏପେଙ୍ ଇନେସ୍ ଅଜଡ୍ନି ହିମ୍ଣାଂ ଆତ, ହେଦାଂ କାଜିଂ ଅଜଡ୍ ମି ତାକେ ମାନୁ ମାନୁ ଅଜଡ୍ତ ପାତ୍ କିୟାଟ୍ । ଜିସୁ ଇ ସବୁ କାତା ଇଞ୍ଜି ହାଚାନ୍ ଆରି ହେୱାଚାଂ ଡ୍ଗୁଜି ମାଚାନ୍ ।”

ମାନାୟାର୍ ଜିସୁଙ୍ ପାତ୍ କିଞ୍ଜାକା

୩୭ ମାତର୍ ହେୱାର୍ ମୁମ୍ଦ ଇସ୍ପର୍ ଏଚେକ୍ କାବା କାମାୟ୍ କିଜି ମାଚାନ୍, ଆତିସ୍ପା ହେୱାର୍ ହେୱାନ୍ ତାକେ ପାତ୍ କିଞ୍ଜାଦାଂ ମାଚାର୍, ୩୮ ଇନେସ୍ କି ବେଣ୍ବାକ୍ଣାୟ୍ କିନାକାନ୍ ଜିସାୟ୍ତି କାଜିଂ ଲେକାଆତି ଇ ବଚନ୍ ପୁରାଆନାଡ୍,

“ଏ ମାପୁ, ମା କାରୁର୍ ୱେନ୍ଝି ଇନେର୍ ପାତ୍ କିତାର୍ନା ?

ଆରେ ଇନେର୍ ମାପୁତି ମାରା ତାକେ ହତାଡ୍ନା ?”

୩୯ ଇଦାଂ କାଜିଂ ଜିସାୟ୍ ଆରେ ଇନାନ୍ନା,

ହେୱାର୍ ପାତ୍ କିଦେଙ୍ ଆଡ୍ଝାଦାଂ ମାଚାର୍, ଲାଗିଂ ଜିସାୟ୍ ଆରେ ଇଚାଙ୍ନା,

୪୦ “ଜିସୁ ହେୱାର୍ତି କାଣ୍ କାଣା କିତାନ୍ନା,

ଆରେ ହେୱାର୍ତି ମାନ୍ ଆର୍ଝା କିତାନ୍ନା, ଇନେସ୍ ହେୱାର୍ କାଣ୍ କୁତାଂ ହୁଡ୍ଦେଂ ଆଡୁର୍

ଆରି ମାନ୍ତ ବୁଜା ଆଦେଂ ଆଡୁର୍, ଆରେ ମାସ୍ଦି ୱାଉର୍,

ଆରେ ଆପେଂ ହେୱାରିଂ ଉଜ୍ କିଉପ୍ ।”

୪୧ ଜିସାୟ୍ ଇ ସବୁ ଇଚାନ୍, ଇନାକିଦେଂକି ହେୱାନ୍ ହେ ଗାଜା ପାଣ୍ ହୁଡ୍ଡାନ୍ ଆରେ ହେ ବିସ୍ତେ ଇଚାନ୍ ।

୪୨ ଆତିସ୍ପା ମୁଡ୍ଦାକାର୍ ବିତ୍ରେ ପା ଆଦେକ୍ ତାତାକେ ପାତ୍ କିତାର୍, ମାତର୍ ଏଚେକାଡ୍ଦ କୁଚୁମ୍ ପାଗ୍ରି ଆନାର୍, ପାଣ୍ଡୁଂ ଇଦାଂ କାଜିଂ ପାରୁସିର୍ କାଜିଂ ହେଦାଂ ମାନିକିଞ୍ଜାଦାଂ ମାଚାର୍, ୪୩ ଇନାକିଦେଂକି ହେୱାର୍ ଇସ୍ପର୍ତାଂ ପାଣ୍ ବାଟା ଇତିସ୍ ମାନାୟାର୍ତାଂ ଜାଜ୍ମାଲ୍ ଜିଉ ନତାନ୍ ।

ଜିସୁତି କାତାତାଂ ମାନାୟାରିଙ୍ ବିଚାର୍କିନାଡ୍

୪୪ ଜିସୁ ଗାଜା କାଟାଂ ଇଚାନ୍, “ଇନେର୍ ନା ତାକେ ପାତ୍ କିତାର୍, ହେୱାନ୍ କେବଲ୍ ନା ତାକେ ପାତ୍ କିଉନ୍, ମତର୍ ନା ପଲ୍ଡି ହାଉକାର୍ତାକେ ପାତ୍ କିତାର୍; ୪୫ ଆରେ, ଜେ ନାଙ୍ ହୁଡ୍ଦାତାନ୍ନା, ହେୱାନ୍ ନା ପଲ୍ଡି ହାଉକାର୍ତିଂ ପା ହୁଡ୍ଡାନ୍ନା । ୪୬ ଆନ୍ ପୁତ୍ ତାକେ ଅଜଡ୍ ଆଜି ୱାତାଂନା, ଇନେର୍ ନା ତାକେ ପାତ୍ କିତାର୍, ହେୱାନ୍ ଇନେସ୍ ମାଜ୍ଗାତ ବାହା କିଉନ୍ । ୪୭ ଇନେର୍ ଜଦି ନା ବଚନ୍ ୱେନ୍ଝି ମାନିକିଉନ୍, ତା ଆତିସ୍ ଆନ୍ ତାଦାଙ୍ ବିଚାର୍ କିଉଙ୍; ଇନାକିଦେଂକି ଆନ୍ ଜଗଡ୍ତାକେ ବିଚାର୍ କିଦେଙ୍ ୱାଞ୍ଜାଦାଂ ଇତିସ୍ ପୁତ୍ ମୁଲ୍ଡି କିଦେଙ୍ ୱାତାଂନା । ୪୮ ଜେ ନାଙ୍ ମୁନା କିଦ୍ନାର୍ ଆରି ନା ବଚନ୍ତିଂ ମାନିକିଉର୍, ନା ମୁମ୍ଦ ତା ବିଚାର୍ ଆନାଡ୍; ଆନ୍ ଇମ୍ଣି ବଚନ୍ ଇଚାଙ୍ନା, ହେଦାଂ ହାରିହାରା ଦିନ୍ତ ହେୱାନ୍ତି ବିଚାଣ୍ଟା କିନାନ୍ । ୪୯ ଇନାକିଦେଂକି ଆନ୍ ନା ତାକେଣ୍ଟାଂ ଜାର୍ ଆଦିକାର୍

ତାଙ୍କ ଇନ୍‌ଖାତାନ୍ନା, ମତର ଆନ୍ ଇନାକା ଇନାନ୍ ଆରି ଇନାକା ହପନା, ହେଦାନ୍ ନା ପଲ୍ଲିତି ହାଉକାର୍ ବାଞ୍ଜା ନାଙ୍ଗେଙ୍ଗ୍ ବଲ୍ ହିଡ଼ତାନ୍ନା; ^{୫୦} ଇତିସ୍ ଆନ୍ ପୁନାଙ୍ଗ୍ ହେ ବଲ୍ ଝିଜ୍ଝି ଜିରୁନ୍ ହିଦ୍‌ନାନ୍ ମାଞ୍ଜିଆବା ନାଙ୍ଗେଙ୍ଗ୍ ଇନାକା ଇଞ୍ଜେଙ୍ଗ୍ ବଲ୍ ହିଡ଼ନା କେବଲ୍ ଏଚେକ୍ ଆନ୍ ଇନାଙ୍ଗା ।”

୧୩

ଜିସୁ ଚେଲାର୍ ପାନା ନୁଜ୍‌ଜି ହିତାନ୍

^୧ ନିସ୍ତାର ପାର୍ଶୁ ଆନି ଆଗେ ଜିସୁ ଇ ପୁତ୍ ତା ଆବା ତାକେ ଜାର୍ ହାନି ସମ୍ପୁ ଏକାଞ୍ଜାତାକା ପୁଞ୍ଜି, ପୁତ୍ ତ ମାନି ଜାର୍‌ନି ଇମ୍‌ଣି ମାନାୟାରି ହେଞ୍ଜାନ୍ ଜିଉ ନଜି ଝାଜି ମାଚାନ୍, ହେଞ୍ଜାର କାଜି ବେସି ଜିଉନତାନ୍ ।

^୨ ଆରେ, ନାଶାବଜି ସମୁତ, ଏଚେକାଡ଼୍ ସୟତାନ୍ ସିମନ୍ତି ଇସ୍‌ସାରିୟତିୟ ମେହି ଜିହୁଦା ମାନ୍ତି ଜିସୁଙ୍ଗ୍ ସତ୍ତୁ କେଇଦ ହେଲ୍‌ୟ କିଦେଙ୍ଗ୍ କାଜି କାରୁର୍ କିଜି ମାଚାନ୍, ^୩ ହେ ଏଚେକାଡ଼୍, ଆବା ଜେ ଝିଜୁ କେଇଦ ଝିଜୁ ବିସ୍ତେ ହେଲ୍‌ୟ କିତାନ୍‌ନା ଆରି ହେଞ୍ଜାନ୍ ଜେ ଇସ୍‌ସୁର୍ତା ଝାତାନ୍ନା, ଆରେ ଇସ୍‌ସୁର୍ ତାକେ ହାନାନା ଇଦା ପୁଞ୍ଜି ମାଚାନ୍, ^୪ ଇଦା ପୁଞ୍ଜି ହେଞ୍ଜାନ୍ ଚିଞ୍ଜେଙ୍ଗ୍ କୁଚ୍‌ତି ତାକେଣ୍ଡା ନିଙ୍ଗି ଜାର୍ ହେୟା ଉନ୍ଦି ର ତୁଆଲ୍ ଅଜି ଜାର୍ ମ୍ଲେଙ୍ଗାତ ଗାଚ୍ୟା ଆତାନ୍ । ^୫ ହେ ପାଚେ ହେଞ୍ଜାନ୍ ବାହାତ ଏଜୁ ଝାକତାନ୍, ଆରେ ଚେଲାର୍‌ତି ପାନାଙ୍ଗ୍ ନୁସ୍‌ଜି ଜାର୍ ମ୍ଲେଙ୍ଗାତ ଗାଚ୍ୟା ଆଜି ମାଚି ତୁଆଲ୍ ହୁଦା ନେନ୍‌ଦେ ଲାଗାତାନ୍ । ^୬ ଜିସୁ ସିମନ୍ ପିତର୍ ତାକେ ଝାତାନ୍; ଇନେନ୍ ତାଙ୍ଗେଙ୍ଗ୍ ଇଚାନ୍, “ମାପୁ, ଏନ୍ ଇନାକା ନା ପାନା ନୁଜ୍‌ତାତାଇନା ?”

^୭ ଜିସୁ ତାଙ୍ଗେଙ୍ଗ୍ ଉତର୍ ହିତାନ୍, “ଆନ୍ ଇନାକା କିନାଙ୍ଗା, ହେଦାନ୍ ନଙ୍ଗ୍ ପୁନୁଦେର୍, ମାତର୍ ପାଚେ ବୁଜାନାଦେର୍ ।”

^୮ ପିତର୍ ହେଞ୍ଜାନ୍ ଇଚାନ୍, “ଏନ୍ ମୁଡ଼କେ ଇନାଞ୍ଜାତା ପା ନା ପାନା ନୁଜ୍‌ଜି ହିଦ୍‌ୟ ।” ଜିସୁ ତାଙ୍ଗେଙ୍ଗ୍ ଉତର୍ ହିତାନ୍, “ଜଦି ଆନ୍ ମିଙ୍ଗ୍ ନୁସ୍‌ଦିଝିତିସ୍, ତା ଆତିସ୍ ନା ହୁକେ ମିଦାଙ୍ଗ୍ ଇନାକା ବାଗ୍ ହିଲୁଡ଼ ।”

^୯ ସିମନ୍ ପିତର୍ ତାଙ୍ଗେଙ୍ଗ୍ ଇଚାନ୍, “ମାପୁ, କେବଲ୍ ନା ପାନା ଆକାୟ୍, ମତର୍ ନାଦା କେଇ ଆରି କାପ୍‌ଡ଼ା ପା ।”

^{୧୦} ଜିସୁ ତାଙ୍ଗ୍ ଇଚାନ୍, “ଇନେନ୍ ଇବାତାନ୍‌ନା, ହେଞ୍ଜାନ୍ ପାନା ନୁସ୍‌ଦି ପିସ୍ତି ଆରେ ଇନାକା ଲଡ଼ା ଆକାୟ୍, ହେଞ୍ଜାନ୍ ହାତେ ସକର୍; ଏପେଙ୍ଗ୍ ସକର୍ କାଦେର୍, ମାତର୍ କେବଲ୍ ରକାନ୍ ଆକାୟ୍ ।”

^{୧୧} ଇନାକିଦେକି ଇନେର୍ ତାଙ୍ଗ୍ ସତ୍ତୁ କେଇଦ ହେଲ୍‌ୟ କିନାନ୍, ଜିସୁ ହେଞ୍ଜାନ୍ ପୁଞ୍ଜି ମାଚାନ୍; ପାଚେ ହେଞ୍ଜାନ୍ ଇଚାନ୍, “ଏପେଙ୍ଗ୍ ରଞ୍ଜାନ୍ ପିସ୍ତି ଝିଜାକାଦେର୍ ସକର୍ ।”

^{୧୨} ହେ ପାଚେ ଜିସୁ ହେଞ୍ଜାର୍‌ତି ପାନା ନୁଜ୍‌ଜି ହିଜି ଜାର୍ ହେୟା ଉସ୍‌ସି ଆରେ ରଗ ଜାର୍ ଗାଦିତ କୁଚ୍‌ତି ପାଚେ ହେଞ୍ଜାରି ଝେନ୍‌ବାତାନ୍, “ଆନ୍ ମି କାଜି ଇନାକା କିତାନ୍‌ନା, ହେଦାନ୍ ଏପେଙ୍ଗ୍ ବୁଜା ଆତାଦେଣ୍ଡା ?” ^{୧୩} “ଏପେଙ୍ଗ୍ ନାଙ୍ଗେଙ୍ଗ୍ ଗୁରୁ ଆରି ମାପୁ ଇଞ୍ଜି କୁଞ୍ଜାନାଦେରା, ଆରେ ହାଡ଼ପା ଇନାଦେରା; ଇନାକିଦେକି ଆନ୍ତି ହେଞ୍ଜାଙ୍ଗ୍ ।” ^{୧୪} ଆରେ, ମାପୁ ଆରି ଗୁରୁ ଜେ ମିଞ୍ଜାଙ୍ଗ୍ ଆନ୍, ଆନ୍ ଜଦି ମିଞ୍ଜାଙ୍ଗ୍ ପାନା ନୁଜ୍‌ଜି ହିଡ଼ତାନ୍‌ନା, ତେବେ ମିଦାଙ୍ଗ୍ ପା ରକାନ୍ ଆରେ ରକାନ୍ତି ପାନା ନୁସ୍‌ନାକା ଲଡ଼ା । ^{୧୫} ଇନାକିଦେକି ମି କାଜି ଆନ୍ ଇନେସ୍ କିତାନ୍‌ନା, ଏପେଙ୍ଗ୍ ପା ହେ ଲାକେ କିୟାଟ୍, ଇଦା କାଜି ଆନ୍ ମିଙ୍ଗେଙ୍ଗ୍ ର ଉତର୍‌ମୁଡ଼୍ ଚଚ୍‌ଚାତାନ୍‌ନା । ^{୧୬} ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଆଡ଼ିଏନ୍ ଜାର୍ ହାଉକାର୍‌ତା ଆଦେକ୍ ମୁଡ଼୍‌ଦାକାନ୍ ଆକାୟ୍, ଆଞ୍ଜିତିସ୍ ପକ୍ୟାତାକାର୍ ଜାର୍ ପକ୍‌ତାକାନ୍‌ତା ମୁଡ଼୍‌ଦାକାନ୍ ଆକାୟ୍ । ^{୧୭} ନଙ୍ଗ୍ ଏପେଙ୍ଗ୍ ଇ ସଡ଼ ପୁଚାଦେର୍‌ଚି, ତେବେ ହେ ଲାକେ କିତିସ୍ ଏପେଙ୍ଗ୍ ଦନ୍‌ୟ ।

^{୧୮} “ଆନ୍ ମିଙ୍ଗ୍ ଝିଜାକାର୍ ବିସ୍ତେ ଆନ୍ ଇ କାତା ଇଞ୍ଜୁଙ୍ଗା; ଆନ୍ ଇମ୍‌ଣାକାରି ବାଚି କିତାଙ୍ଗ୍‌ନା, ହେଞ୍ଜାରି ଆନ୍ ପୁନାଙ୍ଗ୍ ମାତର୍ ସାସ୍ତୁରି ଇ ବଚନ୍ ହାଡ଼ପା ସଡ଼ ଆନାଡ଼ । ହେବେ ଏଲେଙ୍ଗ୍ ଗିଗନାତା, ଇନେନ୍ ନା ଆରାଣ୍ଡି ତିନାନ୍, ହେଞ୍ଜାନ୍ ନା ବିରୁଦ୍‌ତ ଲାଡ଼ ତଗ୍‌ନାନ୍ । ^{୧୯} ହେଦାନ୍ ଗିଗାନ୍ ସମୁତ, ଆନ୍ ହେଞ୍ଜାନ୍‌ନେ ଇଞ୍ଜି ଏପେଙ୍ଗ୍ ଇନେସ୍ ପାତ୍ କିନାଦେର୍, ଇଦା କାଜି ହେଦାନ୍ ଗିଗାଆନି ଆଗେ ଆନ୍ ନଙ୍ଗ୍ ମିଙ୍ଗ୍ ଝେଚ୍‌ଚାନାଙ୍ଗା ଆନ୍ ଜେ ହେଞ୍ଜାଙ୍ଗ୍ । ^{୨୦} ହାଡ଼ପା ହାଡ଼ପା ଆନ୍ ମିଙ୍ଗ୍ ଝେଚ୍‌ଚାନାଙ୍ଗା, ଇନେର୍ ନା ପଲ୍ଲି ଲଗା ଇଚ୍‌ନାର୍, ହେଞ୍ଜାର୍ ନାଙ୍ଗ୍ ଇଡ଼୍‌ଦାନାର୍ ଆରି ଇନେର୍ ନାଙ୍ଗ୍ ଇଡ଼୍‌ଦାନାର୍, ହେଞ୍ଜାନ୍ ନାଙ୍ଗ୍ ପଲ୍ଲିତି ହାଉକାର୍‌ତି ଇଚ୍‌ନାର୍ ।”

ବିସାସ୍‌ତାକେ ବିସ୍‌ହିନାକା ବିସ୍ତେ ଜିସୁ ପୁଚାନ୍

(ମାତିଉ ୨୭:୨୦-୨୫; ମାର୍କ ୧୪:୧୭-୨୧; ଲୁକ ୨୨:୨୧-୨୩)

^{୨୧} ଜିସୁ ଇ ଝିଜୁ କାତା ଝେଚ୍‌ଚି ପାଚେ ଜିରୁଡ଼୍ ଦୁକ୍ କିତାନ୍ ଆରି ଚଞ୍ଜିୟାଆଜି ସାକି ହିଜି ଇଚାନ୍, “ହାଡ଼ପା ହାଡ଼ପା ଆନ୍ ମିଙ୍ଗ୍ ଇଞ୍ଜନାଙ୍ଗା, ମି ବିତ୍ରେ ରକାନ୍ ନାଙ୍ଗ୍ ସତ୍ତୁ କେଇଦ ହେଲ୍‌ୟ କିଦ୍‌ନାନ୍ ।”

^{୨୨} ଜିସୁ ହେ ବିସ୍ତେ ଝେଚ୍‌ଚାନ୍, ହେ ବିସ୍ତେ ବୁଦି ବାମ୍‌ଣ୍ଡା ଆଜି ଚେଲାର୍ ହାରି ହୁଡ଼କାଆଦେ ଲାଗାତାର୍ । ^{୨୩} ଜିସୁ ଚେଲାର୍ ବିତ୍ରେ ରଞ୍ଜାନ୍ ଇନେରି ଜିସୁ ଜିଉନଜି ମାଚାନ୍ ହେଞ୍ଜାନ୍ ଜିସୁ ତିନାବାଗା କୁଚ୍‌ତି ତିନ୍‌ଜି ମାଚାନ୍ । ^{୨୪} ଇତିସ୍ ସିମନ୍ ପିତର୍ ହେଞ୍ଜାନ୍ ଚଚ୍‌ଚି କିଜି ଇଚାନ୍, “ହେଞ୍ଜାନ୍ ଇନେର୍ କାତା ଇନାନ୍ନା, ହେଦାନ୍ ଝେନ୍‌ବାଟ୍ ।”

☆ **୧୩:୧୭** ୧୩:୧୭ ମାତିଉ ୧୦:୨୪; ଲୁକ ୭:୪୦; ଜହନ୍ ୧୫:୨୦. ☆ **୧୩:୨୦** ୧୩:୨୦ ମାତିଉ ୧୦:୪୦; ମାର୍କ ୯:୩୭; ଲୁକ ୯:୪୮; ୧୦:୧୭.

୨୫ ହେୱାନ ହେ ଲାକେ କୁଚ୍ଚି ମାନୁଞ୍ଜି ଜିସୁ ନେଞ୍ଜେତାକିତ ଇଡ଼ିୟା ଆଜି ତାଙ୍ଗ୍ ଝେନ୍‌ବାତାନ୍, “ମାପୁ, ହେୱାନ ଇନେର୍ ?”

୨୬ ଲାଗି ଜିସୁ ଉତର୍ ହିତାନ୍, “ଇନେର୍ କାଜି ଆନ୍ ଇ ରୁଚି ରଞ୍ଜି କୁକ୍‌ନା ଆରି ଇନେରି ହେଦା ହିନା, ହେୱାନ ।” ହେବେ ହେୱାନ ହେ ରୁଚିତି କୁକ୍‌ଚି ହେଦା ଅଜି ସିମନ୍ ଇସ୍ତାରିୟତିୟ ମେହି ଜିହୁଦାଙ୍ଗ୍ ହିତାନ୍ । ୨୭ ହେୱାନ ରୁଚି ପାୟା ଆତି ପାଚେ ସୟତାନ୍ ତାଙ୍ଗ୍ ବିତ୍ରେ ହଟାଡ୍ । ହେବେ ଜିସୁ ତାଙ୍ଗ୍ ଇଚାନ୍, “ଇନାକା କିନାକା ମାନାଡ୍, ହେଦା ବେଗି କିୟା ।” ୨୮ ମାତର୍ ହେୱାନ ତା ଇଦା ଇନାକିଦେ ଇଚାନ୍ ତାଙ୍ଗ୍ ଇ କାତା ଇଞ୍ଜି ମାଚାନ୍, ହେଦା ତିଞ୍ଜେଙ୍ଗ୍ କୁଚ୍ଚି ମାତି ଲକୁ ବିତ୍ରେ ଇନେର୍ ପୁନ୍‌ଖାତାର୍ । ୨୯ ଇନାକିଦେକି ଜିହୁଦା ତାକେ ତାବୁଙ୍ଗ୍‌ମଣା ମାଚିଲେ, ପାରୁ କାଜି ଇନା ଇନାକା ଲଡ଼ା, ହେଦା କଡ଼ଦେ ଆଞ୍ଜିତିସ୍ ଅକ ଚାରି ଅଲପ୍ ଦାନ୍ ହିଦେ ଜିସୁ ତାଙ୍ଗ୍ ଇଚାନ୍ ଇଞ୍ଜି ଇନେ ଇନେର୍ ବାବି କିତାର୍ ।

୩୦ ତା ପାଚେ ଇସ୍ତାରିୟତିୟ ହେୱାନ ରୁଚି ତିନ୍‌ଞ୍ଜି ହେୱାନ ହେ ସାଙ୍ଗେ ହସି ହାଚାନ୍, ହେ ଏଚେକାଡ଼୍‌ଦ ନାଣା ସମ୍ ।

ଜିସୁତି ପୁନି ବଲ୍

୩୧ ହେୱାନ ହସି ହାଚି ପାଚେ ଜିସୁ ଇଚାନ୍, “ନଙ୍ଗ୍ ମାନାୟ୍ ମାଜି ଜାଜ୍‌ମାଲ୍ ପାୟା ଆତାନ୍ ଆରି ତା ତାକେ ଇସ୍ତର୍ ପା ପାଦ୍‌ପାୟାଆତାନ୍ । ୩୨ ଜଦି ଇସ୍ତର୍ ତା ତାକେ ପାଦ୍‌ପାୟାଆତିସ୍, ତେବେ ଇସ୍ତର୍ ପା ତାଙ୍ଗେଙ୍ଗ୍ ଜାର୍‌ତାକେ ପାଦ୍ ପାୟାନାକା କିନାନ୍, ଆରେ ବେଗି ହେୱାନି ଜାଜ୍‌ମାଲ୍ କିନାନ୍ ।” ୩୩ ଜିସୁ ଇଚାନ୍ “ଏ ବପାର୍,” ଆନ୍ ଆରେ ଅଲପ୍ ସମ୍ ମି ହୁକେ ମାନା । ଏପେଙ୍ଗ୍ ନାଙ୍ଗ୍ ଡେଞ୍ଜାନାଦେର୍; ଆରେ, ଆନ୍ ଇମ୍‌ଣି ବାହାତ ହାନାଙ୍ଗା, ଏପେଙ୍ଗ୍ ହେ ବାହାତ ହାଞ୍ଜେଙ୍ଗ୍ ଆଡୁଦେର୍, ଇଦା ଆନ୍ ଇନେସ୍ ଜିହୁଦି ନେତାର୍ ଇଚାର୍, ହେ ଲାକେ ନଙ୍ଗ୍ ଏପେଙ୍ଗ୍ ପା ଇନାଦେରା । ୩୪ “ଏପେଙ୍ଗ୍ ରକାନ୍ ଆରେ ରକାନି ଜିଉନ‌ଖାଟ୍, ଇ ପୁନି ବଲ୍ ଆନ୍ ମିଙ୍ଗ୍ ହିଦ୍‌ନାଙ୍ଗା; ଆନ୍ ଇନେସ୍ ମିଙ୍ଗ୍ ଜିଉ ନଡ଼ତାନ୍‌ନା, ଏପେଙ୍ଗ୍ ପା ହେ ଲାକେ ରକାନ୍ ଆରେ ରକାନି ଜିଉନ‌ନାକା ମାନାଡ୍ । ୩୫ ଜଦି ମିଦାଙ୍ଗ୍ ରକାନ୍ ଆରେ ରକାନ୍ ତାକେ ଜିଉନ‌ବାନାକା ମାଚିସ୍, ତା ଆତିସ୍ ଏପେଙ୍ଗ୍ ଜେ ନା ଚେଲା, ଇଦା ଝିଜାକାର୍ ହେଦା ପୁଞ୍ଜେଙ୍ଗ୍ ଆଡ଼ନାର୍ ।”

ପିତର୍ ପାତ କିଞ୍ଚି ବିସ୍ତେ

(ମାତିଉ ୨୭:୩୧-୩୫; ମାର୍କ ୧୪:୨୭-୩୧; ଲୁକ ୨୨:୩୧-୩୪)

୩୬ ସିମନ୍ ପିତର୍ ତା ଝେନ୍‌ବାତାନ୍, “ମାପୁ, ଏନ୍ ଇମେତାକେ ହାନାୟା ?” ଜିସୁ ଉତର୍ ହିତାନ୍, “ଆନ୍ ଇମେତାକେ ହାନାଙ୍ଗା, ଏପେଙ୍ଗ୍ ନଙ୍ଗ୍ ନା ପାଚେ ପାଚେ ହାଞ୍ଜେଙ୍ଗ୍ ଆଡୁଦେର୍ ? ଆନ୍ ନି କାଜି ଜାର୍ ଜିବୁନ୍ ହିନାଙ୍ଗ୍ ।”

୩୭ ପିତର୍ ହେୱାନି ଝେନ୍‌ବାତାନ୍, “ମାପୁ, ଆନ୍ ନଙ୍ଗ୍ ଇନେକିଦେ ନି ପାଚେ ପାଚେ ହାଞ୍ଜେଙ୍ଗ୍ ଆଡୁଙ୍ଗ୍ ? ଆନ୍ ନି କାଜି ଜାର୍ ଜିବୁନ୍ ହିଦେ ଆଡ଼ନା ।”

୩୮ ଜିସୁ ଉତର୍ ହିତାନ୍, “ଏନ୍ ଇନାକା ନା କାଜି ଜାର୍ ଜିବୁନ୍ ହିନାୟ୍ ? ହାଡ଼ପା ହାଡ଼ପା ଆନ୍ ନିଙ୍ଗେଙ୍ଗ୍ ଝେଚ୍‌ଚାନାଙ୍ଗା, ଗାଞ୍ଜା କୁଜୁ କ୍ଲେନିହି ଏନ୍ ନାଙ୍ଗ୍ ତିନିହର୍ ପାତ କିଦୁୟ୍ ।”

୧୪

ଇସ୍ତର୍ ନେ ହାଜି

୧ “ମି ମାନ୍ ବିଲ୍‌କି ଆମେଡ୍, ଏପେଙ୍ଗ୍ ଇସ୍ତର୍ ତାକେ ପାତ କିୟାଟ୍, ନା ତାକେ ପା ପାତ କିୟାଟ୍ ।” ୨ ନା ଆବାର୍ ଇଞ୍ଜି ଜବର୍ ବାହା ମାନି; ଜଦି ହଲ୍‌ଝିତିସ୍, ତା ଆତିସ୍ ଆନ୍ ମିଙ୍ଗେଙ୍ଗ୍ ଝେଚ୍‌ଚାତାମା, ଆନ୍ ମି କାଜି ବାହା ଜାଲ୍‌ଦି କିଦେଙ୍ଗ୍ ହାନାଙ୍ଗା; ୩ ଆରେ, ଆନ୍ ହାଲ୍‌ଜି ମି କାଜି ବାହା ଜାଲ୍‌ଦି କିତିସ୍ ଆରେ ରଗ ଝାନାଙ୍ଗ୍, ଆରେ ଆନ୍ ଇମ୍‌ଣି ବାହାତ ମାନା, ଏପେଙ୍ଗ୍ ପା ଇନେସ୍ ହେ ବାହାତ ମାନାଦେର୍, ହେଦା କାଜି ମିଙ୍ଗ୍ ଜାର୍‌ତାକେ ଅଜି ହାଞ୍ଜିନା । ୪ ଆରେ, ଆନ୍ ଇମ୍‌ଣି ବାହାତ ହାନାଙ୍ଗା, ହେ ହାଜି ଏପେଙ୍ଗ୍ ପୁନାଦେର୍ ।

୫ ତମା ଜିସୁଙ୍ଗ୍ ଝେନ୍‌ବାତାନ୍, “ମାପୁ, ଏନ୍ ଇମ୍‌ଣି ବାହାତ ହାନାୟା, ହେଦା ଆପେ ପୁନୁପ୍; ହାଜି ଇନେସ୍ ପୁଞ୍ଜେଙ୍ଗ୍ ଆଡ଼ନାପ୍ ?”

୬ ଜିସୁ ତାଙ୍ଗ୍ ଇଚାନ୍, “ଆନ୍ ହାଜି, ହାଡ଼ପା ଆରି ଜିବୁନ୍; ନା ହିଜି ହାଲ୍‌ଝିତିସ୍ ଇନେର୍ ଆବା ତାକେ ହାଲୁନ୍ ।

୭ ଜଦି ଏପେଙ୍ଗ୍ ନାଙ୍ଗ୍ ପୁଞ୍ଜିମାଞ୍ଚିସ୍, ତା ଆତିସ୍ ନା ଆବା ପା ପୁଚାଦେର୍ମା; ନଙ୍ଗ୍ ତାଙ୍ଗ୍ ତାଙ୍ଗେଙ୍ଗ୍ ପୁନାଦେରା ଆରି ତାଙ୍ଗ୍ ହୁଡ଼ତାଦେର୍ଣ୍ଣା ।”

୮ ପିଲିପ୍ ଜିସୁଙ୍ଗ୍ ଇଚାନ୍, “ମାପୁ, ମାଙ୍ଗେଙ୍ଗ୍ ଆବା ଚଞ୍ଜୟା ଆୟିକିଦା, ହେଦା ମା କାଜି ସାରି ।”

୯ ଜିସୁ ହେୱାନି ଇଚାନ୍, “ପିଲିପ୍, ଏଚେକ୍ ଦିନ୍ ଆନ୍ ମି ହୁଦା ମାନାଙ୍ଗା, ଆରେ ଏନ୍ ଇନାକା ନାଙ୍ଗ୍ ପୁଞ୍ଜିଖାତାଦେର୍ ? ଇନେର୍ ନାଙ୍ଗ୍ ହୁଡ଼ଦାତାନ୍‌ନା, ହେୱାନ ଆବା ହୁଡ଼ଦାନ୍‌ନା; ମାଙ୍ଗେଙ୍ଗ୍ ଆବା ଚତିକିଦା ଇଞ୍ଜି ଏପେଙ୍ଗ୍ ଇନେସ୍ ଇନାଦେରା ?

☆ ୧୩:୩୩ ୧୩:୩୩ ଜହନ୍ ୭:୩୪.

୧୦ ଆନ୍ ଜେ ଆବା ତାକେ ମାନା° ଆରି ଆବା ନା ତାକେ ମାନାନ୍, ଇ କାତା ଇନାକା ପାତର୍ କିଉଦେରା ? ଆନ୍ ମିଙ୍ଗ୍ ଜେ ଝିଜୁ ବଚନ୍ ଇନାତ୍,” ହେ ସବୁ ନା ଜାର୍ତା° ଇନୁଙ୍ଗ୍, “ମାତର୍ ଆବା ନା ତାକେ ମାନୁଞ୍ଜି ଜାର୍ କାମାୟ୍ କିନାନା । ୧୧ ଆନ୍ ଜେ ଆବା ତାକେ ମାନା° ଆରି ଆବା ଜେ ନା ତାକେ ମାନାନ୍, ନା ଇ କାତା ପାତର୍ କିୟାଟ୍, ଆଞ୍ଜିତିସ୍ ନା କାମାୟ୍ ହୁଡ଼ଜି ପାତର୍ କିୟାଟ୍ । ୧୨ ହାଡ଼ପା ହାଡ଼ପା ଆନ୍ ମିଙ୍ଗ୍ ଇଞ୍ଜନାଙ୍ଗା, ନା ତାକେ ଇନେର୍ ପାତର୍ କିତାର୍, ଆନ୍ ଇମଣି ଇମଣି କାମାୟ୍ କିନାଙ୍ଗା, ହେଞ୍ଜାନ୍ ପା ହେ ସବୁ କିନାନ୍, ଆରେ ହେ ସବୁ ବାଟା ଆଦିକ୍ ଗାଜା କାମାୟ୍ କିନାନ୍, ଇନାକିଦେ°କି ଆନ୍ ଆବା ତାକେ ହାନାଙ୍ଗା । ୧୩ ଆରେ, ଆବା ଇନେସ୍ ମାଜି ତାଙ୍ଗ୍ ଜାଜ୍ମାଲ୍ ପାୟା ଆନାନ୍, ଇଦା° କାଜି° ଏପେଙ୍ଗ୍ ନା ତରଦ ଇନାକା ପା ଏଞ୍ଜିତିସ୍, ହେଦା° ଆନ୍ ହିଦ୍ନା° । ୧୪ ଜଦି ଏପେଙ୍ଗ୍ ନା ତରଦ ଇନାକାପା ବିସ୍ତେ ନାଙ୍ଗ୍ ଏଞ୍ଜାନାଦେର୍, ଆନ୍ ହେଦା° କିନାଙ୍ଗା ।”

ପୁଇପୁୟା ଜିବୁନ୍ ଦାନି ବେଶ୍‌ହିନାକା

୧୫ “ଜଦି ଏପେଙ୍ଗ୍ ନାଙ୍ଗ୍ ଜିଉନଦନାଦେର୍, ତା ଆତିସ୍ ନା ବଲ୍ ସବୁ ମାନିକିନାଦେର୍ । ୧୬ ଆରେ, ଆନ୍ ଆବା° ଗଞ୍ଜାରି କିନା°, ଆରେ ମି ହୁଦା° ସବୁ ଦାନ୍ ମାନି କାଜି° ହେଞ୍ଜାନ୍ ମିଙ୍ଗ୍ ଆରେ ରକାନ୍ ଉପକାର୍ କିଦ୍ନାକାନ୍ ହିଦ୍ନାନ୍, ୧୭ ହେଞ୍ଜାନ୍ ଆନାନା ହାଡ଼ପାନ୍ ଜିବୁନ୍ ହିଦ୍ନାନ୍ । ପୁତର୍ ତାଙ୍ଗ୍ ଇଡ଼ଦେ° ଆଡୁଡ଼, ଇନାକିଦେ°କି ପୁତର୍ ତାଙ୍ଗ୍ ହୁଡ଼ତୁ କି ପୁନୁଡ଼; ମାତର୍ ଏପେଙ୍ଗ୍ ତାଙ୍ଗ୍ ପୁନାଟ୍, ଇନାକିଦେ°କି ହେଞ୍ଜାନ୍ ମି ହୁକେ ମାନ୍‌ଗାନାନ୍, ଆରେ ହେଞ୍ଜାନ୍ ମି ଝାସ୍ତିତ ମାନ୍‌ଗାନାନ୍ ।”

୧୮ “ଆନ୍ ହାତି ପାଟେ ମିଙ୍ଗ୍ ଚୁରା ହିମଣା କିଜି ପିସ୍ତ୍ର ହାଞ୍ଜୁଙ୍ଗ୍, ଆନ୍ ମି ତାକେ ମାସ୍‌ଦି ଝାନାଙ୍ଗା । ୧୯ ଅଲପ୍ ମାତର୍ ସମ୍ମୁ ମାନାତ୍, ପୁତର୍ ନାଙ୍ଗ୍ ଆରେ ହୁଡ଼ଦୁଡ଼; ମତର୍ ଏପେଙ୍ଗ୍ ନାଙ୍ଗ୍ ହୁଡ଼ଦାନାଦେର୍, ଇନାକିଦେ°କି ଆନ୍ ଜିତାକା°, ଏପେଙ୍ଗ୍ ପା ଜିତାକାଦେର୍ ମାନାଦେର୍ । ୨୦ ଆନ୍ ଜେ ନା ଆବା ତାକେ ଆରେ ଏପେଙ୍ଗ୍ ଜେ ନା ତାକେ ଆରି ଆନ୍ ମି ତାକେ ମାନା°, ଇଦା° ହେ ଦିନ୍ ଝାତିସ୍ ଏପେଙ୍ଗ୍ ପୁନାଦେର୍ ।”

୨୧ “ଇନେର୍ ନା ବଲ୍ ସବୁ ଝେନ୍‌ଞ୍ଜି ମାନିକିନାର୍, ହେଞ୍ଜାନ୍ ନାଙ୍ଗ୍ ଜିଉ ନଦ୍‌ନାନ୍, ଆରେ ଇନେର୍ ନାଙ୍ଗେଙ୍ଗ୍ ଜିଉ ନଦ୍‌ନାନ୍, ନା ବାଝା ତାଙ୍ଗ୍ ଜିଉ ନନାନ୍, ଆରେ ଆନ୍ ହେଞ୍ଜାନ୍ ଜିଉ ନନା° ଆରି ତା ଲାଗା° ଜାର୍ତି° ହପ୍‌ନାଙ୍ଗା ।”

୨୨ ଜିହୁଦା, ଇସ୍ପାରିୟ୍‌ତିୟ୍ ଜିହୁଦା ହିଲ୍‌ଝାତାନ୍ ହେଞ୍ଜାନ୍ ଝେନ୍‌ବାତାନ୍, “ଏ ମାପୁ, ଇଦା° ଇନେସ୍ ଆନାତ୍ ? ଜାର୍ତି° ପୁତର୍ ତାକେ ଝେର୍‌ୟାଝାଦା° ମା ତାକେ ଇନେସ୍ ହପ୍‌ନାଦେର୍ ?”

୨୩ ଜିସୁ ହେଞ୍ଜାନ୍ ଉତର୍ ହିତାନ୍, “ଜଦି ଇନେର୍ ନାଙ୍ଗ୍ ଜିଉନଦନାନ୍, ତା ଆତିସ୍ ହେଞ୍ଜାନ୍ ନା ବଚନ୍ ମାନିକିନାନ୍, ଆରେ ନା ଆବା ହେଞ୍ଜାନ୍ ଜିଉ ନନାନ୍, ଆରେ ଆପେ° ହେ କଟଣ୍ ଝାଜି ଆବା ଆରି ଆନ୍ ବାହା କିନାପ୍ । ୨୪ ଇନେର୍ ନାଙ୍ଗ୍ ଜିଉ ନଦୁନ୍, ହେଞ୍ଜାନ୍ ନା ବଚନ୍ ମାନିକିଉନ୍, ଆରେ ଇମଣି ବଚନ୍ ଏପେଙ୍ଗ୍ ଝେନାଦେରା, ହେଦା° ନାଦା° ଆକାୟ୍, ମତର୍ ନା ପଞ୍ଜିତି ମୁଣିକା ଆବାତି ।”

୨୫ “ଆନ୍ ମି ଲାହାଙ୍ଗ୍ ମାନ୍‌ଞ୍ଜି ମାନ୍‌ଞ୍ଜି ମିଙ୍ଗ୍ ଇ ଝିଜୁ କାତା ଇନ୍‌ଝାଙ୍ଗ୍‌ନା । ୨୬ ହେ ଉପକାର୍ କିଦ୍ନାକାନ୍, ଇତିସ୍ ଇମଣି ପୁଇପୁୟା ଜିବୁନ୍‌ତି° ବାଝା ନା ତରଦ ପଞ୍ଜାନାନ୍, ହେଞ୍ଜାନ୍ ମିଙ୍ଗ୍ ଝିଜୁ ବିସ୍ତେ ହିକ୍ୟା ହିଦ୍ନାନ୍, ଆରେ ଆନ୍ ମିଙ୍ଗ୍ ଇନା ଇନାକା ଇଞ୍ଜାଙ୍ଗ୍‌ନା, ହେ ସବୁ ମିଙ୍ଗେଙ୍ଗ୍ ଏଡୁକିୟ୍ କିଦ୍ନାନ୍ ।”

୨୭ “ଆନ୍ ମିଙ୍ଗ୍ ନା ସୁସ୍ତା ହିଜି ହାନାଙ୍ଗା, ନା ଜାର୍ତି ସୁସ୍ତା ମିଙ୍ଗ୍ ଦାନ୍ କିଦ୍ନାଙ୍ଗା; ପୁତର୍ ଇନେସ୍‌କି ଦାନ୍ କିଦ୍ନାତ୍, ଆନ୍ ମିଙ୍ଗ୍ ହେ ଲାକେ ଦାନ୍ ହିଦୁଙ୍ଗା । ମି ମାନ୍ ଦୁକ୍ କି ପାଣ୍ଡା ଆମେଡ଼ ।”

୨୮ “ଆନ୍ ଜେ ହାନାଙ୍ଗା ଆରି ମି ତାକେ ମାସ୍‌ଦି ଝାନାଙ୍ଗା, ନା ଇ କାତା ତ ଝେଟାଦେଣ୍ଟା । ଜଦି ଏପେଙ୍ଗ୍ ନାଙ୍ଗ୍ ଜିଉନଜି ମାନ୍‌ଞ୍ଜିସ୍, ତା ଆତିସ୍ ଆନ୍ ନା ଆବା କଟଣ୍ ହାନାଙ୍ଗା ଇଞ୍ଜି ଝାରି କିତାଦେର୍‌ମା, ଇନାକିଦେ°କି ବାଝା ନା ତାଙ୍ଗ୍ ଗାଜାକାନ୍ । ୨୯ ଆରେ, ହେଦା° ଗିଟାଆନ୍ ସମୁତ ଏପେଙ୍ଗ୍ ଇନେସ୍ ପାତର୍ କିନାଦେର୍, ଇଦା° କାଜି° ହେଦା° ଗିଟାଆନ୍ ଆଗେ ଆନ୍ ନଙ୍ଗ୍ ମିଙ୍ଗ୍ ଝେର୍‌ଚାତା°ନା । ୩୦ ଆନ୍ ମି ଲାହାଙ୍ଗ୍ ଆରେ ଆଦିକ୍ ସମ୍ମୁ କାତାବାର୍ତ୍ତା କିଦୁଙ୍ଗ୍, ଇନାକିଦେ°କି ପୁତର୍ ନି ମୁଡ଼ଦାକାନ୍ ଝାନାନା; ଆରେ, ନା ତାକେ ତାଦାଙ୍ଗ୍ ଇନାକା ହିଲୁଡ଼; ୩୧ ମାତର୍ ଆନ୍ ଜେ ବାଝାଙ୍ଗ୍ ଜିଉ ନନା° ଆରି ବାଝାତି ବଲ୍ ଲାହା° କାମାୟ୍ କିନାଙ୍ଗା, ଇଦା° ଇନେସ୍ ପୁତର୍ ପୁଞ୍ଜେଙ୍ଗ୍ ଆଡ଼ଦାତାତ୍, ଇଦା° କାଜି° ଇ ଲାକେ ପୁଞ୍ଜନାତ୍ ।”

“ଝାଡୁ, ଆସେଙ୍ଗ୍ ଇ ବାହାତା° ହାନାସ୍ ।”

୧୫

ହାଡ଼ପା ଅଙ୍ଗୁର୍ କୁଡ଼ି ଜିସୁ

୧ “ଆନ୍ ହାଡ଼ପା ଅଙ୍ଗୁର୍ କୁଡ଼ି, ଆରେ ନା ଆବା କାମ୍‌ଲିୟା । ୨ ନା ତାକେ ମାନି ଇମଣି କେନ୍ଦା° ପାଡ଼୍ ଆହ୍‌ଝିତିସ୍, ହେଦା° ହେଞ୍ଜାନ୍ କାଦ୍‌ଦି ତୁହିନାନ୍; ଆରେ ଇମଣି କେନ୍ଦା° ପାଡ଼୍ ଆହ୍‌ନାତ୍, ଆଦିକ୍ ପାଡ଼୍ ଆହ୍‌ନି କାଜି° ହେଞ୍ଜାନ୍ ହେଦା° ନିର୍ମଲ୍ କିନାନ୍ । ୩ ଆନ୍ ମିଙ୍ଗେଙ୍ଗ୍ ଇମଣି ବେରଣ୍ ଇନ୍‌ଝାଙ୍ଗ୍‌ନା, ହେଦା° କାଜି° ଏପେଙ୍ଗ୍ ସକଟ୍ ଆତାଦେଣ୍ଟା । ୪ ନା ତାକେ ମାନାଟ୍, ହେବେ ଆନ୍ ମି ତାକେ ମାନା° । କେନ୍ଦା° ଇନେସ୍ ଅଙ୍ଗୁର୍ କୁଡ଼ିତ ମାନ୍‌ଞ୍ଜିତିସ୍ ଜାର୍ତା° ପାଡ଼୍ ଆସ୍ତେଙ୍ଗ୍ ଆଡୁଡ଼, ହେ ଲାକେ ଏପେଙ୍ଗ୍ ପା ନା ତାକେ ମାନ୍‌ଞ୍ଜିତିସ୍ ପାଡ଼୍ ଆସ୍ତେଙ୍ଗ୍ ଆଡୁଡ଼େର୍ ।”

୫ “ଆନ୍ ଅଞ୍ଜୁର୍ କୁଡ଼ି, ଏପେଙ୍ଗ କେନ୍ଦା, ଇନେର୍ ନା ତାକେ ମାନ୍‌ଜାମାନ୍ ଆରି ଆନ୍ ଇନେର୍ ତାକେ ମାନା, ହେୱାନ୍ ବେସି ପାଡ଼ ଆହ୍‌ନାନ୍; ଇନାକିଦେଂକି ନା ପିସ୍ତ୍ରି ଏପେଙ୍ଗ ଇନାକା କିଦେଙ୍ଗ ଆଡୁଦେର୍ ।^୬ ଇନେର୍ ଏଚେକାଡ଼୍‌ଦ ନା ତାକେ ମାନ୍‌ଝିତିସ୍, ତା ଆଡିସ୍ ହେଦା କାଡ଼ଦି କେନ୍ଦା ଲାକେ ବାଡ଼ ତୁହିୟା ଆନାଡ଼ ଆରି ୱାଜ୍‌ଜି ହାନାଡ଼, ଆରେ ଲକୁ ହେୱାକାଂ ରୁଣ୍ଡାୟ୍ କିଜି ନାଣିତ ତୁହିନାନ୍ ଆରି ହେୱାଙ୍ଗ କାଡ଼ଜିହାନିକ୍ ।”^୭ “ଏପେଙ୍ଗ ଜଦି ନା ତାକେ ମାନାଦେର୍, ଆରେ ନା ବଚନ୍ ମି ତାକେ ମାଟିସ୍, ତା ଆଡିସ୍ ଇମ୍‌ଣି ବିସ୍ତେ ଇଚା କିନାଦେର୍, ହେଦା ଏନାଟ୍, ଆରେ ମି କାଜିଂ ହେଦା ହିଦ୍‌ନାନ୍ ।^୮ ଏପେଙ୍ଗ ବେସି ପାଡ଼ ଆସ୍ତ୍ରିସ୍ ନା ଆବା ଜାଜ୍‌ମାଲ୍ ପାୟା ଆନାନ୍, ଆରେ ଏନେଙ୍ଗ ନା ହାଡ଼ପା ଚେଲା ଆନାୟ୍ ।^୯ ଆବା ଇନେସ୍ ନାଙ୍ଗ୍ ଜିଉନତାନ୍‌ନା, ଆନ୍ ପା ହେ ଲାକେ ମିଙ୍ଗେଙ୍ଗ୍ ଜିଉନତାଙ୍ଗ୍‌ନା; ନା ଜିଉନଦ୍‌ନିତ ତିର୍ ଆଜି ମାନାଟ୍ ।^{୧୦} ଆନ୍ ଇନେସ୍ ନା ଆବାତ ବଲ୍ ମାନି କିଜି ତାଦାଙ୍ଗ୍ ଜିଉନନିତାକେ ତିର୍ ଆଜି ମାନାଙ୍ଗା, ହେ ଲାକେ ଏପେଙ୍ଗ୍‌ପା ଏଚେକାଡ଼୍‌ଦ ନା ବଲ୍ ମାନିକିନାଦେର୍, ତା ଆଡିସ୍ ନା ଜିଉନନିତାକେ ତିର୍ ଆଜି ମାନାଦେର୍ ।”

^{୧୧} “ନା ୱାରି ଇନେସ୍ ମି ତାକେ ମାନାଡ଼, ଆରେ ମି ୱାରି ଇନେସ୍ ବାଡ଼ି ଆନାଡ଼, ଇଦାଂ କାଜିଂ ଆନ୍ ଇ ଝିଜୁ ମିଙ୍ଗେଙ୍ଗ୍ ୱେଚ୍‌ଚାତାଙ୍ଗ୍ ।^{୧୨} ଆନ୍ ଇନେସ୍ ମିଙ୍ଗେଙ୍ଗ୍ ଜିଉନତାଙ୍ଗ୍‌ନା, ଏପେଙ୍ଗ୍ ରକାନ୍ ଆରେ ରକାନିଂ ବିତ୍ରେ ଜିଉନବାଆଡୁ, ଇଦାଂ ନା ବଲ୍ ।^{୧୩} ଜାର୍ ହାଙ୍ଗ୍‌ଦାକାରିଂ କାଜିଂ ଜାର୍ ଜିରୁନ୍ ହିନି ବାଟା ଇନେର୍‌ତି ଆରେ ଆଦିକ୍ ଗାଜା ଜିଉନନାକା ହିଲୁଡ଼ ।^{୧୪} ଆନ୍ ମିଙ୍ଗେଙ୍ଗ୍ ଇମ୍‌ଣି ବଲ୍ ହିଦ୍‌ନାଙ୍ଗା, ହେଦା ଜଦି ମାନିକିନାଦେର୍, ତେବେ ଏପେଙ୍ଗ୍ ନା ହାଙ୍ଗ୍‌ଦାକାଦେର୍ ।^{୧୫} ଆନ୍ ମିଙ୍ଗେଙ୍ଗ୍ ଆରେ ଆଡିଏନ୍ ଇଞ୍ଜି ଇଞ୍ଜୁଙ୍ଗା, ଇନାକିଦେଂକି ହାଉକାର ଇନାକା କିନାନ୍, ଆଡିଏନ୍ ହେଦା ପୁନୁନ୍, ମାତର୍ ଆନ୍ ମିଙ୍ଗେଙ୍ଗ୍ ହାଙ୍ଗ୍‌ଦାକାର ଇଞ୍ଜି ଇଞ୍ଜାଙ୍ଗ୍‌ନା, ଇନାକିଦେଂକି ଆନ୍ ନା ଆବାତାଂ ଇନା ଇନାକା ୱେଚାଙ୍ଗ୍‌ନା, ହେ ସବୁ ମିଙ୍ଗେଙ୍ଗ୍ ୱେଚ୍‌ଚାତାଙ୍ଗ୍ ।^{୧୬} ଏପେଙ୍ଗ୍ ନାଙ୍ଗ୍ ବାଟି କିଦ୍‌ଝାତାଦେଣ୍ଡା, ମାତର୍ ଆନ୍ ମିଙ୍ଗେଙ୍ଗ୍ ବାଟି କିଡ଼ତାଙ୍ଗ୍‌ନା, ଆରେ ଏପେଙ୍ଗ୍ ଇନେସ୍ ହାଲ୍‌ଜି ପାଡ଼ ଉବ୍‌ଜାଣ୍ କିନାଦେର୍ ଆରି ମିଝାଙ୍ଗ୍ ପାଡ଼ ତିର୍‌ମାନ୍‌ଜାମାଡ଼, ଇଦାଂ କାଜିଂ ମିଙ୍ଗେଙ୍ଗ୍ ବାଟି କିଡ଼ତାଙ୍ଗ୍‌ନା । ହେବେ ଏପେଙ୍ଗ୍ ନା ତର୍‌ଦ୍‌ଆବାଂ ଇନାକା ଏନ୍‌ନାଦେର୍, ହେୱାନ୍ ହେଦାଂ ମିଙ୍ଗେଙ୍ଗ୍ ହିଦ୍‌ନାନ୍; ^{୧୭} ଏପେଙ୍ଗ୍ ଇନେସ୍ ରକାନ୍ ଆରେ ରକାନିଂ ଜିଉନଝାଟ୍, ଇଦାଂ କାଜିଂ ଆନ୍ ମିଙ୍ଗେଙ୍ଗ୍ ଇ ଝିଜୁ ବଲ୍ ହିଦ୍‌ନାଙ୍ଗା ।”

ପୁତ୍‌ତିଂ ଗିଣ୍

^{୧୮} “ଜଦି ମିଙ୍ଗେଙ୍ଗ୍ ପୁତ୍‌ତିଂ ଗିଣ୍ କିଡ଼ତିସ୍, ତେବେ ମିଙ୍ଗେଙ୍ଗ୍ ଗିଣ୍ କିଦ୍‌ନି ଆଗେ ହେଦାଂ ଜେ ନାଙ୍ଗ୍ ଗିଣ୍ କିଡ଼ତାଡ଼୍‌ନା, ଇଦାଂ ପୁନାଟ୍ ।^{୧୯} ଏପେଙ୍ଗ୍ ଜଦି ପୁତ୍‌ତିଂ ଡବ୍‌ଜାଣ୍ ଆତାଦେମ୍‌ନା, ତେବେ ପୁତ୍‌ତିଂ ମିଙ୍ଗେଙ୍ଗ୍ ଜାର୍ ଲକୁର୍ ପୁଞ୍ଜି ଜିଉ ନତାମ୍‌ନା; ମାତର୍ ଏପେଙ୍ଗ୍ ପୁତ୍‌ତିଂ ଡବ୍‌ଜାଣ୍ ଆଝାତାୟ୍‌ନା, ନଲେ ଆନ୍ ମିଙ୍ଗେଙ୍ଗ୍ ପୁତ୍‌ତିଂ ବାଟି କିଡ଼ତାଡ଼୍‌ନା, ଇଦାଂ କାଜିଂ ପୁତ୍‌ତିଂ ମିଙ୍ଗ୍ ଗିଣ୍ କିଦ୍‌ନାଡ଼ ।”^{୨୦} *ଆଡିଏନ୍ ଜାର୍ ହାଉକାରତାଙ୍ଗ୍ ଗାଜା ଆକାୟ୍, ଆନ୍ ମିଙ୍ଗ୍ ଇ ଇମ୍‌ଣି ବଚନ୍ ୱେଚ୍‌ଚାତାଙ୍ଗ୍‌ନା, ହେଦାଂ ଏଡୁ କିୟାଟ୍ । ହେୱାର୍ ଜଦି ନାଙ୍ଗ୍ ଇଣ୍ କିଡ଼ତାର୍‌ନା, ତା ଆଡିସ୍ ମିଙ୍ଗ୍ ପା ଇଣ୍ କିଦ୍‌ନାର୍, ହେୱାର୍ ଜଦି ନା ବଚନ୍ ମାନିକିତାଣ୍ଡା, ତା ଆଡିସ୍ ମି ବଚନ୍ ପା ମାନିକିନାର୍ ।^{୨୧} ମାତର୍ ହେୱାର୍ ନା ପଲ୍ଲି ହାଉକାର୍‌ତିଂ ପୁନ୍‌ଝାଦାଂ ମାଟିଲେ ନା ତର୍ କାଜିଂ ମିଙ୍ଗ୍ ପା ଇ ସବୁ କିଦ୍‌ନାର୍ ।^{୨୨} ଜଦି ଆନ୍ ୱାଜି ହେୱାରିଂ ଇନ୍‌ଝାଦାଂ ମାଟିସ୍, ତା ଆଡିସ୍ ହେୱାର୍‌ତି ପାପ୍ ଆଝାତାମ୍‌ନା; ମାତର୍ ନଙ୍ଗ୍ ହେୱାର୍‌ତି ପାପ୍ ବିସ୍ତେ ହେୱାର୍ ଇନେର୍ ପା ଚଚା କିଦେଙ୍ଗ୍ ଆଡୁର୍ ।^{୨୩} ଇନେର୍ ନାଙ୍ଗ୍ ଗିଣ୍ କିଦ୍‌ନାର୍, ହେୱାନ୍ ନା ଆବାଂ ପା ଗିଣ୍ କିନାନ୍ ।^{୨୪} ଇମ୍‌ଣି କାମାୟ୍ ଝିଜୁ ଆରେ ଇନେର୍ କିତାତାଣ୍ଡା, ଆନ୍ ଜଦି ହେ ଝିଜୁ ହେୱାର୍ ବିତ୍ରେ କିଝାଦାଂ ମାଟିସ୍, ତା ଆଡିସ୍ ହେୱାର୍‌ତି ପାପ୍ ଆଝାତାମ୍‌ନା; ମାତର୍ ନଙ୍ଗ୍ ହେୱାର୍ ହୁଡ଼ତାର୍‌ନା, ଆରେ ନାଙ୍ଗ୍ ଆରି ନା ଆବା ରିୟାରିଂ ଗିଣ୍ କିଡ଼ତାର୍‌ନା ।^{୨୫} ମତର୍ ହେୱାର୍ ବିନାସୁନ୍‌ରେ ନାଙ୍ଗ୍ ଗିଣ୍ କିଡ଼ତାର୍, ହେୱାର୍‌ତି ମସାତି ବିଦିତ ଲେକାଆତି ଇ ବଚନ୍ ଇନେସ୍ ପୁରା ଆନାଡ଼, ଇଦାଂ କାଜିଂ ଏଲେଙ୍ଗ୍ ଗିଟା ଆନାତା ।

^{୨୬} “ଆବାତି ତାକେଣ୍ଡା ଆନ୍ ମି ଲାଗାଂ ଇମ୍‌ଣି ଉପ୍‌କାର୍ କିଦ୍‌ନାକାନିଂ ପଲ୍ଲାନାଂ, ଆବା ତାକେଣ୍ଡା ହତି ହେ ହାଡ଼ପାନି ଜିରୁନ୍ ୱାଡିସ୍ ନା ବିସ୍ତେ ସାକି ହିଦ୍‌ନାନ୍; ^{୨୭} ଆରେ, ଏପେଙ୍ଗ୍ ପା ସାକି, ଇନାକିଦେଂକି ଏପେଙ୍ଗ୍ ଆରମ୍‌ତାଂ ନା ହୁକେ ମାନାଦେରା ।”

୧୭

^୧ “ଏପେଙ୍ଗ୍ ଇନେସ୍ ପାତ୍‌ତିଂ କିଉଦେର୍, ଇଦାଂ କାଜିଂ ଆନ୍ ମିଙ୍ଗେଙ୍ଗ୍ ଇ କାତା ଇଞ୍ଜିନାଙ୍ଗା ।^୨ ମିଙ୍ଗେଙ୍ଗ୍ ଲକୁ ହେୱାର୍ କୁଟୁମ୍ ଇଞ୍ଜାଙ୍ଗ୍ ପାଗ୍ରି କିଦ୍‌ନାର୍ । ଏଲେଙ୍ଗ୍‌ବାଡ଼ି ସମ୍‌ନୁ ୱାନାତା ଏଚେକାଡ଼୍‌ଦ ବାବିକିଦ୍‌ନାର୍ ଜେ ମିଙ୍ଗେଙ୍ଗ୍ ଅସ୍ତ୍ରିନି କାଜିଂ ହେୱାର୍ ଇସ୍‌ରତିଂ ହେବା କିନାରା ।^୩ ଆରେ, ହେୱାର୍ ଇଦାଂ ଝିଜୁ କିନାର୍, ଇନାକିଦେଂକି ହେୱାର୍ ଆବାଂ କି ନାଙ୍ଗ୍ ପୁଞ୍ଜିଝାତାଣ୍ଡା ।^୪ ମତର୍ ଇ ସବୁ ଗିଟାଆନି ସମ୍‌ନୁ ଏକାଝାତିସ୍, ଆନ୍ ଜେ ମିଙ୍ଗେଙ୍ଗ୍ ୱେଚ୍‌ଚି ମାନ୍‌ଝାଙ୍ଗ୍, ଇଦାଂ ଇନେସ୍ ଏପେଙ୍ଗ୍ ଏଡୁ କିନାଦେର୍, ଇଦାଂ କାଜିଂ ଆନ୍ ଇ ଝିଜୁ କାତା ମିଙ୍ଗେଙ୍ଗ୍ ୱେଚ୍‌ଚାତାଙ୍ଗା ।”

ପୁଇପୁୟା ଜିବୁନ୍‌ନି କାମାୟ୍

☆ ୧୫:୨୦ ୧୫:୨୦ ମାଡିଉ ୧୦:୨୪; ଲୁକ ୬:୪୦; ଜହନ୍ ୧୩:୧୭.

୫ ମାତର ନାହିଁ ଆନ୍ ନା ପଲ୍ଲିତି ହାଉକାରତାକେ ହାନାଙ୍ଗା, ଆରେ ଏପେଙ୍ଗ “ଇମ୍ଫାଣି ବାହାତ ହାନାୟା” ଇଞ୍ଜି ମି ବିତ୍ରେ ଜନେର୍ ନାଙ୍ଗ୍ ଝେନ୍‌ବା ଆଦୁଦେରା । ୬ ମାତର ଆନ୍ ମିଙ୍ଗେଙ୍ଗ୍ ଇ ଝିଲୁ କାତା ଇଞ୍ଜି ମାଟିଲେ ମି ମାନ୍ ଦୁକ୍ତ ବାତ୍ ଆତାଡ଼ନ୍ନା । ୭ ମାତର ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜିନାଙ୍ଗା, ନା ହାନାକା ମି କାଜି ହାର୍, ଇନାକିଦେଂକି ଆନ୍ ହାଲ୍‌ଝିତିସ୍ ହେ ଉପକାର୍ କିନାକାନ୍ ମି ତାକେ ଝାଉନ୍, ମତର ଆନ୍ ହାତିସ୍ ହେଝାନିଂ ମି ତାକେ ପଲ୍ଲାନା । ୮ “ହେଝାନ୍ ଝାଜି ପାପ, ଦାମ୍ ଆରି ବିଚାର ବିସ୍ତେ ପୁତ୍ ହାଡ଼ପା ପାମ୍‌ଣା ହିନାନ୍; ୯ ହେଝାନ୍ ଝେର୍‌ଚାନାନ୍ ଜେ ନା ତାକେ ପାତ୍ କିଝାକାର୍ ନେ ପାପ; ୧୦ ଦାମ୍ ବିସ୍ତେ ହେଝାର୍ ବୁଲ୍ ଇନାକିଦେଂକି ଆନ୍ ଆବା ତାକେ ହାନାଙ୍ଗା ଆରି ଏପେଙ୍ଗ୍ ନାଙ୍ଗ୍ ଆରେ ହୁଡ଼ଦୁଦେର୍; ୧୧ ବିଚାଣ୍ଟା ବିସ୍ତେ ହେଝାର୍ ବୁଲ୍ ଇନାକିଦେଂକି ଇ ଜଗଡ଼ତ ମୁଡ଼ଦାକାନ୍ ବିଚାଣ୍ଟା ଆତାତେ ।”

୧୨ “ଆନ୍ ମିଙ୍ଗେଙ୍ଗ୍ ଆଦିକ୍ କାତା ଇଞ୍ଜିନାକା ମାନାଡ଼, ମତର ଏପେଙ୍ଗ୍ ନାଙ୍ଗ୍ ହେ ସବୁ ହୁନ୍‌ଝେଙ୍ଗ୍ ଆଡୁଦେର୍ । ୧୩ ମାତର ହେଝାନ୍, ହାଡ଼ପା ଜିରୁନ୍ ଝାତିସ୍ ହେଝାନ୍ ଝିଲୁ ହାଡ଼ପା ବୁଜାଆଦେଂ ସାଲ୍ଲି ହିଦ୍‌ନାନ୍, ହେଝାନ୍ ଜାର୍ ଆଦିକାର୍ ସାଲ୍ଲିତାଂ ଇନାକା ଇଞ୍ଜୁନ୍ ଇସ୍‌ର ତାକେ ଇନାକା ଝେର୍‌ଚାନା ଏଚେକ୍ ହେଝାନ୍ ଚର୍‌ଚନାନ୍ ଇନାକା ଗିଟା ଆଦେଂ ହାନାତା, ହେଦାଂ ମିଙ୍ଗେଙ୍ଗ୍ ଝେର୍‌ଚାନାନ୍ । ୧୪ ହେଝାନ୍ ନାଙ୍ଗ୍ ଜାଜମାଲ୍ ହିଦ୍‌ନାନ୍, ଇନାକିଦେଂକି ହେଝାନ୍ ନା ବିସ୍ତେ ସବୁ କାତା ଅଜି ମିଙ୍ଗେଙ୍ଗ୍ ଜାଣାୟ୍ କିଦ୍‌ନାନ୍ । ୧୫ ଇନା ଇନାକା ଆବାତି, ହେ ସବୁ ନାଦାଂ; ଇଦାଂ କାଜି ଆନ୍ ଇଚାଂ, ପୁଲ୍‌ପୁୟା ଜିରୁନ୍ ହେଝାନ୍ ନା ବିସ୍ତେ ଅଜି ମିଙ୍ଗେଙ୍ଗ୍ ଜାଣାୟ୍ କିଦ୍‌ନାନ୍ ।”

ଦୁକ୍ ଆରି ଝାରି

୧୬ “ମତର ଅଲ୍‌ପ୍ ସମ୍ ମାନାଡ଼, ଏପେଙ୍ଗ୍ ଆରେ ନାଙ୍ଗ୍ ହୁଡ଼ଦୁଦେର୍, କେଡ଼ଦିନ୍ ପାଚେ ଏପେଙ୍ଗ୍ ନାଙ୍ଗେଙ୍ଗ୍ ହୁଡ଼ଦାନାଦେର୍ ।”

୧୭ ହେବେଣ୍ଟାଂ ତା ଚେଲାହିର୍ ବିତ୍ରେତାଂ ଇନେ ଇନେର୍ ରକାନ୍ ଆରେ ରକାନ୍ ଇଚାର୍, “ଅଲ୍‌ପ୍ ମତର ସମ୍ ମାନାଡ଼, ଏପେଙ୍ଗ୍ ନାଙ୍ଗେଙ୍ଗ୍ ହୁଡ଼ଦୁଦେର୍, କେଡ଼ଦିନ୍ ପାଚେ ଏପେଙ୍ଗ୍ ନାଙ୍ଗେଙ୍ଗ୍ ହୁଡ଼ଦାନାଦେର୍ ଆରି ଆନ୍ ଆବାତି ଲାଗେ ହାନାଙ୍ଗା, ଇ ଇମ୍ଫାଣି କାତା ହେଝାନ୍ ମାଙ୍ଗେଙ୍ଗ୍ ଇଞ୍ଜିନାକା, ଇଦାଂ ଇନାକା ?” ୧୮ “ଅଲ୍‌ପ୍ ସମ୍ ଇଞ୍ଜି ହେଝାନ୍ ଇନାକା ଇନାନ୍ନା ? ହେଝାନ୍ ଇନାକା ଇନାନ୍ନା, ଆପେଂ ବୁଜାଆଦେଂ ଆଡୁପା ।”

୧୯ ହେଝାର୍ ତାଙ୍ଗ୍ ଝେନ୍‌ବେଦେଂ ଇଚା କିନାରା ଇଞ୍ଜି ପୁଞ୍ଜି ଜିସୁ ହେଝାରିଂ ଇଚାନ୍, “ଅଲ୍‌ପ୍ ମତର ସମ୍ ମାନାଡ଼, ଏପେଙ୍ଗ୍ ନାଙ୍ଗ୍ ହୁଡ଼ଦୁଦେର୍, ଆରେ ରଗ ଅଲ୍‌ପ୍ ସମ୍ ପାଚେ ଏପେଙ୍ଗ୍ ନାଙ୍ଗ୍ ହୁଡ଼ଦାନାଦେର୍, ଆନ୍ ଇ ଇମ୍ଫାଣି କାତା ଇନ୍‌ଆଙ୍ଗ୍, ହେ ବିସ୍ତେ ଅଜି ଏପେଙ୍ଗ୍ ଇନାକା ରକାନ୍ ରିକାର୍ ବେଣ୍‌ବାଟ୍ କିନାଦେରା ? ୨୦ ଆନ୍ ହାଡ଼ପା ମିଙ୍ଗେଙ୍ଗ୍ ଇଞ୍ଜିନାଙ୍ଗା, ଏପେଙ୍ଗ୍ ଆଡ଼ବାନାଦେର୍ ଆରି ଦୁକ୍ କିନାଦେର୍, ମାତର ପୁତ୍ ଝାରି କିନାଡ଼; ଏପେଙ୍ଗ୍ ଦୁକ୍ ଆନାଦେର୍, ମାତର ମିଦାଙ୍ଗ୍ ଦୁକ୍ ଝାରିତାଂ ବାତ୍ ଆନାଡ଼ । ୨୧ କନାତ କୁଚ୍‌ଚେଂ ସମ୍ ଏକାଝାତିସ୍ କଗଲେ ପାୟା ଆନାଡ଼; ମାତର ହେଦେଲ୍ ହିମ୍‌ଣା ଗାଟାଆତି ପାଚେ ପୁତ୍ ଚ ରକାନ୍ ମାନାୟ୍ ଜଲ୍‌ମ୍ ଆତାନ୍ନା, ଇ ଝାରି କାଜି ଆରେ କସ୍‌ତିଂ ଏତୁ କିଉଡ଼ । ୨୨ ହେ ଲାକେ ଏପେଙ୍ଗ୍ ନାଙ୍ଗ୍ ଦୁକ୍ ପାୟାଆନାଦେରା, ମାତର ଆନ୍ ଆରେ ରଗ ମିଙ୍ଗେଙ୍ଗ୍ ଚଞ୍ଜିୟାଆଦ୍‌ନାଂ, ଆରେ ମିଦାଙ୍ଗ୍ ଝାସ୍‌ତିତାଂ ଝାୟା ଆନାଡ଼ ଆରି ଇନେର୍ ମିତାଙ୍ଗ୍ ମିଙ୍ଗେଙ୍ଗ୍ ଝାରି ଜେଲ୍‌ଜି ଅଦୁର୍ ।”

୨୩ “ହେ ଦିନ୍ ନାଙ୍ଗ୍ ଇନାକା ଝେନ୍‌ବା ଆଦୁଦେର୍ । ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ୍ ଇଞ୍ଜିନାଙ୍ଗା, ଜଦି ଏପେଙ୍ଗ୍ ଆବାଂ ଇନାକାପା ଏନ୍‌ନାଦେର୍, ବାଟିଙ୍ଗ୍ ନା ତର୍‌ଦ ହେଝାନ୍ ମିଙ୍ଗେଙ୍ଗ୍ ହେଦାଂ ହିଦ୍‌ନାନ୍ । ୨୪ ଇ ପାଚେକ୍ ଏପେଙ୍ଗ୍ ନା ତର୍‌ଦ ଇନାକା ଏନ୍‌ଝାତାଦେଣ୍ଟା, ନାଙ୍ଗ୍ ଏନାଟ୍ ଏପେଙ୍ଗ୍ ହେଦାଂ ପାୟାନାଦେର୍ ମିଦାଙ୍ଗ୍ ଝାରି ଇନେସ୍ ବାତ୍ ଆନାଡ଼ ।”

ପୁତ୍ ଜପି ଜିଣାନାକା

୨୫ “ଆନ୍ ମିଙ୍ଗେଙ୍ଗ୍ ଝାଚ୍‌କା ଚର୍‌ଚି ଇ ସବୁ କାତା ଇଞ୍ଜାଙ୍ଗ୍‌ନ୍ନା; ସମ୍ ଝାନାତା, ଏଚେକାଡ଼୍‌ଦ ଆନ୍ ଆରେ ଝାଚ୍‌କାଙ୍ଗ୍ ଚର୍‌ଚି ମିଙ୍ଗେଙ୍ଗ୍ ଝେର୍‌ଚୁଙ୍ଗ୍, ମାତର ଆବାତି ବିସ୍ତେ ପୁଟ୍‌ଚେରଚେ ମିଙ୍ଗେଙ୍ଗ୍ ଜାଣାୟ୍ କିଦ୍‌ନାଂ । ୨୬ ହେ ଦିନ୍ ଏପେଙ୍ଗ୍ ନା ତର୍‌ଦ ତାଙ୍ଗେଙ୍ଗ୍ ଏନ୍‌ନାଦେର୍, ଆରେ, ଆନ୍ ଜେ ମିଦାଙ୍ଗ୍ ପାକ୍ୟାତ ଆବାଂ ଗଝାରି କିନାଙ୍ଗ୍, ଇଦାଂ ଆନ୍ ମିଙ୍ଗେଙ୍ଗ୍ ଇଞ୍ଜୁଙ୍ଗା; ୨୭ ଇନାକିଦେଂକି ଆବା ନିଜେ ମିଙ୍ଗେଙ୍ଗ୍ ଜିଉନ୍‌ଦ୍‌ନାନ୍, ଲାଗିଂ ଏପେଙ୍ଗ୍ ନାଙ୍ଗେଙ୍ଗ୍ ଜିଉନ୍‌ଦ୍‌ନାଦେରା ଆରି ଆନ୍ ଜେ ଇସ୍‌ର ତାକେଣ୍ଟାଂ ଝାତାଙ୍ଗ୍‌ନା, ହେଦାଂ ଏପେଙ୍ଗ୍ ପାତ୍ କିତାଦେଣ୍ଟା । ୨୮ ଆନ୍ ଆବାତାଂ ଜଗଡ଼ତାକେ ଝାତାଙ୍ଗ୍‌ନା; ଆରେ ରଗ ଆନ୍ ପୁତ୍ ପିସ୍ତି ଆବା ତାକେ ହାନାଙ୍ଗା ।”

୨୯ ଇ କାତା ଝେନ୍‌ଞ୍ଜି ଚେଲାହିର୍ ଇଚାର୍, “ହୁଡ଼ା, ନଂ ଏନ୍ ରାକ୍‌କିଜି ଝେର୍‌ଚାନାୟା ଆରି ଝାଚ୍‌କା ଚର୍‌ଚି କାତା ଆରେ ଇନ୍‌ୟା । ୩୦ ନାଙ୍ଗ୍ ଆପେଂ ଇଦାଂ ପୁନାପ୍ ଜେ ଏନ୍ ଜେ ସବୁ ବିସ୍ତେ ପୁନାୟ୍ ଆରେ ଇନେରିଂ ଝେନ୍‌ବେଦେଂ ଲଡ଼ା ଆକାୟ୍, ହେଦାଂ ନାଙ୍ଗ୍ ଆପେଂ ପୁତାପ; ଇସ୍‌ର ତାକେଣ୍ଟାଂ ଏନ୍ ଝାତାୟ୍‌ନ୍ନା ଇଞ୍ଜି ଆପେଂ ଇଦାଂ ହୁକେ ପାତ୍ କିନାପା ।”

୩୧ ଜିସୁ ହେଝାରିଂ ଉତର୍ ହିତାନ୍, “ଏପେଙ୍ଗ୍ ଇନାକା ନାଙ୍ଗ୍ ପାତ୍ କିନାଦେରା କି ? ୩୨ ହୁଡ଼ାଟ୍, ସମ୍ ଝାନାତା, ଆଁ, ଝାତାତେ, ଏଚେକାଡ଼୍‌ଦ ଏପେଙ୍ଗ୍ ଚିନ୍‌ବିନ୍ ଆଜି ଝିଜାକାଦେର୍ ଜାର୍ ଜାର୍ ଇଞ୍ଜି ହନ୍‌ଚି ହାନାଦେର୍, ଆରେ ନାଙ୍ଗେଙ୍ଗ୍ ରଝାନିଂ ପିସ୍ତି ହାନାଦେର୍; ଆତିସ୍‌ପା ରକାଂ ଆକାୟ୍, ଇନାକିଦେଂକି ଆବା ନା ହୁକେ ମାନାନ୍ । ୩୩ ଏପେଙ୍ଗ୍ ଇନେସ୍ ନା

ତାକେ ମାନଞ୍ଜି ସୁସ୍ତା ପାୟା ଆଡୁ, ଇଦାଂ କାଜିଂ ଆନ୍ ମିଙ୍ଗେଙ୍ଗ୍ ଇ ସବୁ ବିସେ ଇନ୍‌ସାଙ୍ଗ୍‌ନା । ପୁତ୍‌ତ ମି କାଜିଂ ଦୁକ୍ ମାନାଡ, ମାତର୍ ସାସ୍ ଆହାଡ; ଆନ୍ ପୁତ୍‌ତିଂ ଜିଣା ଆତାଙ୍ଗ୍‌ନା ।”



ଜିସୁଙ୍ଗ୍ ମାପୁହେବାକିନାକାନ୍ ପାର୍ତ୍ତାନା

୧୧ ଜିସୁ ଇ ଓଁଜୁ ବେରଣ୍ ଇଞ୍ଜି ସାର୍ଗେନିପ ଜପି ହୁଡ୍‌ଜି ଇଚାନ୍, “ଆବା, ସମୁ ଏକା ଖାତାତେ; ନି ମାଜିଙ୍ଗ୍ ଜାଜ୍‌ମାଲ୍ କିୟା, ଇନେସ୍ ମାଜି ନିଙ୍ଗେଙ୍ଗ୍ ପାଣ୍ କିଦ୍‌ନାମା, ୯ ଏପେଙ୍ଗ୍ ତାଙ୍ଗେଙ୍ଗ୍ ଓଁଜାର୍ ମାନାୟାରିଂ ଆଦିକାର୍ ହିତାୟନା, ହେଞ୍ଜେରିଂ ଓଁଜୁଜି ଜିବୁନ୍ ହିଦେଂ ଇଞ୍ଜି ତାଙ୍ଗେଙ୍ଗ୍ କେଇଦ ଓଁଜୁ ବଜ୍ ଜପି ଆଦିକାର୍ ହିତାଦେର୍ । ୧୩ ଆରେ, ରକାନ୍ ମତର୍ ହାଡ୍‌ପା ଇସ୍‌ବର୍ ଜେ, ଏନ୍ ମିଙ୍ଗେଙ୍ଗ୍ ଆରି ମି ପକ୍ୟାତାକାନ୍ ଜିସୁ ଜିସୁଙ୍ଗ୍ ପୁନାକା ନେ ଓଁଜୁଜି ଜିବୁନ୍ ଆନାନ୍, ୪ ଏପେଙ୍ଗ୍ ନାଙ୍ଗେଙ୍ଗ୍ ଇମଣି କାମାୟ୍ କିଦେଙ୍ଗ୍ ହିଡ୍‌ତାଦେଣ୍ଟା, ହେଦାଂ ଆନ୍ ଓଁସ୍ତ୍ର ପୁତ୍‌ତ ମିଙ୍ଗେଙ୍ଗ୍ ଜାଜ୍‌ମାଲ୍ କିଦ୍‌ନାଙ୍ଗା । ୫ ଆରେ ନଙ୍ଗାୟ୍ ଏ ଆବା, ପୁତ୍‌ତିଂ ନି ଉଦ୍‌ଜାଣ୍ ଆଗେ ମି ହୁଦାଂ ନା ଇମଣି ପାଣ୍ ମାତାଡ, ତା ପାତେ ଏପେଙ୍ଗ୍ ନାଙ୍ଗେଙ୍ଗ୍ ନି ଜାଜ୍‌ମାଲ୍ ନାଙ୍ଗ୍ ହିଦା ।”

୬ “ଏପେଙ୍ଗ୍ ନାଙ୍ଗେଙ୍ଗ୍ ପୁତ୍‌ତିଂ ବିତ୍ରେ ଇମଣି ମାନାୟାରିଂ ଦାନ୍ କିନାଦେର୍, ଆନ୍ ହେଞ୍ଜାର୍ ଲାଗେ ନି ତର୍ ଖେଟ୍ୟାତାନ୍; ହେଞ୍ଜାର୍ ମିଞ୍ଜାର୍ ମାତାଡ୍ ଆରି ଏପେଙ୍ଗ୍ ହେଞ୍ଜାରିଂ ନାଙ୍ଗେଙ୍ଗ୍ ଦାନ୍ କିଡ୍‌ତାୟ୍, ଆରେ ହେଞ୍ଜାର୍ ନି ବଲ୍ ପାଲି କିନାରା । ୭ ଏପେଙ୍ଗ୍ ନାଙ୍ଗେଙ୍ଗ୍ ଇନା ଇନାକା ଦାନ୍ କିଡ୍‌ତାଦେଣ୍ଟା, ହେ ଓଁଜୁ ଜେ ନିଙ୍ଗ୍ ତାଙ୍ଗ୍ ଆତାଡ୍‌ନା, ଇଦାଂ ହେଞ୍ଜାର୍ ନଙ୍ଗାୟ୍ ବୁଜାଆତାଣ୍ଟା; ୮ ଇନାକିଦେଂକି ଏପେଙ୍ଗ୍ ନାଙ୍ଗେଙ୍ଗ୍ ଜେ ଓଁଜୁ ବଚନ୍ ଦାନ୍ କିନାଦେର୍, ଆନ୍ ହେଞ୍ଜେରିଂ ହେ ସବୁ ଦାନ୍ କିତାଙ୍ଗ୍‌ନା, ଆରେ ହେଞ୍ଜାର୍ ଇଡ୍‌ତାଡ୍‌ନା, ଆରେ ଆନ୍ ଜେ ମିତାଙ୍ଗ୍ ଖାନାଙ୍ଗା, ହେଦାଂ ହାଡ୍‌ପାରେତେ ପୁଚାଣ୍ଟା ଆରି ଏପେଙ୍ଗ୍ ନାଙ୍ଗେଙ୍ଗ୍ ପକ୍‌ତାତାୟ୍‌ନା ଇଞ୍ଜି ପାତ୍‌ତିଂ କିନାୟା ।”

୯ “ଆନ୍ ହେଞ୍ଜାର୍ କାଜିଂ ଗଞ୍ଜାରି କିନାଙ୍ଗା; ପୁତ୍‌ତିଂ ଇଞ୍ଜି ପାର୍ତ୍ତାନା କିଡ୍‌ଜା, ମାତର୍ ଏପେଙ୍ଗ୍ ନାଙ୍ଗେଙ୍ଗ୍ ଇମଣାକାରିଂ ହିତାଦେର୍‌ନା, ହେଞ୍ଜାର୍ କାଜିଂ ପାର୍ତ୍ତାନା କିନାଙ୍ଗା, ଇନାକିଦେଂକି ହେଞ୍ଜାର୍ ମିଞ୍ଜାର୍; ୧୦ ଇନା ଇନାକା ନାଦାଂ, ହେ ଓଁଜୁ ମିଦାଙ୍ଗ୍, ଆରେ ଇନା ଇନାକା ମିଦାଙ୍ଗ୍, ହେ ଓଁଜୁ ନାଦାଂ; ଆରେ, ଆନ୍ ହେଞ୍ଜାର୍ ତାକେ ଜାଜ୍‌ମାଲ୍ ପାୟା ଆତାଙ୍ଗ୍‌ନା । ୧୧ ଆନ୍ ଆରେ ଇ ପୁତ୍‌ତିଂ ମାନୁଙ୍ଗା, ମାତର୍ ଇଞ୍ଜାର୍ ପୁତ୍‌ତିଂ ମାନାର୍; ଆରେ, ଆନ୍ ସାଞ୍ଜି କାଜିଂ ମି ଲାଗେ ହାନାଙ୍ଗା । ପୁଇପୁୟା ଆବା, ମି ତର୍‌ଦ ହେଞ୍ଜାରିଂ ରାକ୍ୟା କିୟା ଇମଣି ତର୍ ଏନ୍ ନାଙ୍ଗେଙ୍ଗ୍ ହିଡ୍‌ତାୟ୍‌ନା, ହେ ଲାକେ ଆପେଂ ଇନେସ୍‌କି ଏକ୍, ହେଞ୍ଜାର୍ ହେ ଲାକେ ଏକ୍ ଆନାର୍ ।”

୧୨ “ହେଞ୍ଜାର୍ ଲାହାଙ୍ଗ୍ ମାନି ସମୁତ୍ ଆନ୍ ହେଞ୍ଜାରିଂ ମି ତର୍‌ଦାଂ ରାକ୍ୟା କିଜି ଖାତାଙ୍ଗ୍‌ନା ଇମଣି ତର୍ ଏନ୍ ନାଙ୍ଗେଙ୍ଗ୍ ହିଡ୍‌ତାଦେଣ୍ଟା, ଆରେ ଆନ୍ ହେଞ୍ଜାରିଂ ଜାଗ୍ରଡ୍‌ତାଂ ରାକ୍ୟା କିତାଙ୍ଗ୍‌ନା ଆରି ସାସ୍‌ବର୍ତ୍ତ ଇନେସ୍ ଜିତା ଆନାଡ, ଇଦାଂ କାଜିଂ ନାସ୍ ଆନି କାଡ୍‌ଦେ ପିସ୍ତ୍ର ହେଞ୍ଜାର୍ ବିତ୍ରେ ରଞ୍ଜାନ୍ ଇନେନ୍ ନସ୍ ଆଞ୍ଜାତାଣ୍ଟା । ୧୩ ମାତର୍ ଅଙ୍ଗାୟ୍ ଆନ୍ ମି ଲାଗେ ହାନାଙ୍ଗା, ଆରେ ହେଞ୍ଜାର୍ ଖାସ୍‌ତ ନା ଖାରି ଇନେସ୍ ବାତ୍‌ତିଂ ଆନାଡ, ହେଦାଂ କାଜିଂ ପୁତ୍‌ତିଂ ମାନୁ ମାନୁ ଆନ୍ ଇ ସବୁ ଇଞ୍ଜନାଙ୍ଗା । ୧୪ ଆନ୍ ହେଞ୍ଜାରିଂ ନି ବଚନ୍ ହିଡ୍‌ତାଙ୍ଗ୍‌ନା, ଆରେ ପୁତ୍‌ତିଂ ହେଞ୍ଜାରିଂ ଗିଣ୍ କିନାତା, ଇନାକିଦେଂକି ଆନ୍ ଇନେସ୍ ଇ ପୁତ୍‌ତିଂ ଆକାୟ୍, ହେଞ୍ଜାର୍ ହେ ଲାକେ ଇ ପୁତ୍‌ତିଂ ଖାଞ୍ଜାତାଙ୍ଗ୍‌ନା । ୧୫ ଏପେଙ୍ଗ୍ ହେଞ୍ଜାରିଂ ପୁତ୍‌ତିଂ ତାଙ୍ଗ୍ ଅଞ୍ଜାଡ୍ ଇଞ୍ଜି ଆନ୍ ପାର୍ତ୍ତାନା କିନାଙ୍ଗା, ମାତର୍ ହେଞ୍ଜାରିଂ ସୟ୍‌ତାନ୍ ତାଙ୍ଗ୍ ରାକ୍ୟା କିୟା ଇଞ୍ଜି ଗଞ୍ଜାରି କିନାଙ୍ଗା । ୧୬ ଆନ୍ ଇନେସ୍ ପୁତ୍‌ତିଂ ଆଞ୍ଜାତାଂନା, ହେଞ୍ଜାର୍ ହେ ଲାକେ ପୁତ୍‌ତିଂ ଆକାୟ୍ । ୧୭ ହାଡ୍‌ପା କାଜିଂ ହେଞ୍ଜାରିଂ ପୁଇପୁୟା କିୟାଡ୍, ମିଦାଙ୍ଗ୍ ବଚନ୍ ନେ ସଡ୍ । ୧୮ ଏନ୍ ନାଙ୍ଗେଙ୍ଗ୍ ଇନେସ୍ ପୁତ୍‌ତିଂ ପକ୍‌ତାତାୟ୍‌ନା, ଆନ୍ ପା ହେଞ୍ଜେରିଂ ହେ ଲାକେ ପୁତ୍‌ତିଂ ପକ୍‌ତାଙ୍ଗ୍‌ନା । ୧୯ ଆରେ, ହେଞ୍ଜାର୍ ପା ଇନେସ୍ ହାଡ୍‌ପା ହୁକେ ପୁଇପୁୟା ଆନାର୍, ଇଦାଂ କାଜିଂ ଆନ୍ ହେଞ୍ଜାରିଂ କାଜିଂ ନିଙ୍ଗେଙ୍ଗ୍ ପୁଇପୁୟା କିଦ୍‌ନାଙ୍ଗା ।”

୨୦ “ଆନ୍ କେବଲ୍ ଇଞ୍ଜାର୍ କାଜିଂ ଗଞ୍ଜାରି କିଜି ପାର୍ତ୍ତାନା କିଡ୍‌ଜା, ମାତର୍ ଇଞ୍ଜାର୍ ବଚନ୍ ହୁକେ ଇମଣାକାର୍ ନା ତାକେ ପାତ୍‌ତିଂ କିତାଡ୍, ହେଞ୍ଜାର୍ କାଜିଂ ପା ପାର୍ତ୍ତାନା କିନାଙ୍ଗା, ୨୧ ହେଞ୍ଜାନ୍ ଓଁଜାର୍ କାଜିଂ ପା ପାର୍ତ୍ତାନା କିଜି ମାତାନ୍ । ହେଞ୍ଜାର୍ ଓଁଜାକାର୍ ଏକ୍ ଆନାର୍; ଇଦାଂ ନା ପାର୍ତ୍ତାନା । ଆବା, ଏନ୍ ଇନେସ୍‌କି ନା ତାକେ ଆରି ଆନ୍ ନି ତାକେ ମାନାଙ୍ଗ୍, ହେଞ୍ଜାର୍ ପା ହେ ଲାକେ ଇନେସ୍‌କି ଏନ୍‌ନାଙ୍ଗ୍ ପକ୍‌ତାତାନ୍ ଇଞ୍ଜି ପୁତ୍‌ତିଂ ପାତ୍‌ତିଂ କିଦ୍‌ନାଡ୍ । ୨୨ ଆରେ, ଏନ୍ ନାଙ୍ଗେଙ୍ଗ୍ ଇମଣି ପାଣ୍ ହିଡ୍‌ତାୟ୍‌ନା, ଆନ୍ ହେଞ୍ଜାରିଂ ହେଦାଂ ହିତାଙ୍ଗ୍‌ନା, ଇନେସ୍ ଆପେଂ ଇନେସ୍‌କି ଏକ୍, ହେଞ୍ଜାର୍ ହେ ଲାକେ ଏକ୍ ଆନାର୍; ୨୩ ଆନ୍ ହେଞ୍ଜାର୍ ତାକେ, ଆରେ ଏନ୍ ନା ତାକେ, ଇନେସ୍ ହେଞ୍ଜାର୍ ହାଡ୍ ଆଜି ଏକ୍ ଆନାର୍, ଇନେସ୍ ପୁତ୍‌ତିଂ ବୁଜାଆନାଡ୍ ଜେ, ଏନ୍ ନାଙ୍ଗେଙ୍ଗ୍ ପକ୍‌ତାତାୟ୍, ଆରେ ନାଙ୍ଗେଙ୍ଗ୍ ଇନେସ୍‌କି ଜିଉନତାୟ୍, ହେଞ୍ଜାରିଂ ପା ହେ ଲାକେ ଜିଉନତାୟ୍ ।”

☆ ୧୭:୧୨ ୧୭:୧୨ ଜହନ୍ ୧୩:୧୮.

୨୪ “ଏ ଆବା, ଏନ୍ ନାଜେଙ୍ଗ୍ ଇମ୍‌ଣାକାରିଂ ହିଡ଼ତାୟନା, ଆନ୍ ଇମେତାକେ ମାନେଙ୍ଗ୍, ହେଝେର୍ ପା ଇନେସ୍ ହେବେ ନା ଲାହାଙ୍ଗ୍ ମାନେର୍ ଆରି ପୁତ୍ ଝିଜ୍‌ନି ଆଗେ ଏନ୍ ନାଜେଙ୍ଗ୍ ଜିଉନଜି କିଦ୍‌ନି କାଜିଂ ନାଜେଙ୍ଗ୍ ଇମ୍‌ଣି ପାଣ୍ ହିଡ଼ତାୟନା, ନା ହେ ପାଣ୍ ହେଝାର୍ ଇନେସ୍ ହୁଡ଼ନାର୍, ଇଦାଂ ନା ମାନ୍ । ୨୫ ଏ ଦାମ୍ ଆବା, ପୁତ୍ ନିଜେଙ୍ଗ୍ ପୁଞ୍ଜୁଝାତାଡ଼ନା, ମାତର୍ ଆନ୍ ନିଜେଙ୍ଗ୍ ପୁଞ୍ଜାଙ୍ଗନା; ଆରେ, ଇଦାଂ ଜେ ନାଜେଙ୍ଗ୍ ପକ୍‌ତାତାୟ, ହେଦାଂ ଇଝାର୍ ପୁରାଣ୍; ୨୬ ଆରେ ଏନ୍ ନାଜେଙ୍ଗ୍ ଇମ୍‌ଣି ଜିଉଡ଼ ଜିଉନତାୟନା, ହେଦାଂ ଇନେସ୍ ହେଝାର୍ ତାକେ ମାନାଡ଼ ଆରି ଆନ୍ ହେଝାର୍ ତାକେ ମାନ୍‌ଗାନାଙ୍ଗ୍, ଇ କାଜିଂ ଆନ୍ ହେଝାରିଂ ନି ତର୍ ଝେର୍‌ଚାତାଂନା ଆରି ଝେର୍‌ନାଙ୍ଗ୍ ।”

୧୮

ଜିସୁ ସାତୁର୍ କେଇଦ ଆହ୍‌ୟା ଆତାନ୍

(ମାତିଉ ୨୬:୪୭-୫୨; ମାର୍କ ୧୪:୪୩-୫୦; ଲୁକ ୨୨:୪୭-୫୩)

୧ ଜିସୁ ଇ ପାର୍ତନା ଝିଜୁ କାତା ଇଞ୍ଜି ଜାର୍ ଚେଲାର୍ ଲାହାଙ୍ଗ୍ କିଦ୍‌ଣ ନାଗୁଡ଼ କନାନି ଆଣ୍ଟିପାଡ଼କାତ ହସି ହାଚାର୍ । ହେବେ ରଞ୍ଜାଙ୍ଗ୍ ବାଡ଼ ମାତାଡ଼, ଆରେ ହଝାନ୍ ଆରେ ତା ଚେଲାହିର୍ ହେବେ ହଟାର୍ । ୨ ଇମ୍‌ଣି ଜିହୁଦା ତାଜେଙ୍ଗ୍ ସତୁ କେଇଦ ହେଲାଇ କିତାନ୍, ହେଝାନ୍‌ପା ହେ ବାହା ପୁଞ୍ଜି ମାଚାନ୍, ଇନାକିଦେଂକି ଜିସୁ ବେସିହଟ୍ ଜାର୍ ଚେଲାହିର୍ ଲାହାଙ୍ଗ୍ ହେ ବାହାତ ହାଲ୍‌ବିସ୍ ମାଚାର୍ । ୩ ଲାଗିଂ, ଜିହୁଦା ମେଲ୍ୟାର୍ ଆରେ ମୁଡ଼ ମାପୁହେବା କିନାକାର୍ ଆରି ପାରୁସିର୍‌ତାଂ ପାୟାତାକାର୍ ମନ୍ଦିର୍ କାନାକାର୍ ବଇଟା, ଜୁଜରା ଆରି ଆତିୟାର୍ ଆସ୍ତି ହେବେ ଝାତାନ୍ । ୪ ହେବେତାଂ ଜିସୁ, ହେ କାଜିଂ ଇନା ଇନାକା ଗିଟା ଆଦେଂ ହାନାତା, ହେ ଝିଜୁ ପୁଞ୍ଜି ଆଗେ ଝାଜି ହେଝାରିଂ ଝେନ୍‌ବାତାନ୍, “ଏପେଙ୍ଗ୍ ଇନେରିଂ ତେକ୍‌ନାଦେରା ?”

୫ ହେଝାର୍ ଜିସୁଙ୍ଗ୍ ଉତର୍ ହିଡାର୍, “ନାଜରିତିୟ ଜିସୁଙ୍ଗ୍ ।”

ହେଝାନ୍ ହେଝାରିଂ ଇଚାନ୍, “ଆନ୍ ହେଝାନ୍ ।”

ଇମ୍‌ଣି ଜିହୁଦା ତାଙ୍ଗ୍ ସାତୁ କେଇଦ ସର୍ପି କିତାନ୍, ହେଝାନ୍‌ପା ହେଝାର୍ ଲାହାଙ୍ଗ୍ ନିଲ୍‌ଟି ମାଚାନ୍ । ୬ ଜିସୁ ଏତେକାଡ଼ଦ ହେଝାରିଂ ଝେର୍‌ଚାନ୍, “ଆନ୍ ହେଝାନ୍,” ହେ ପାଦନା ହେଝାର୍ ପାର୍ ଗୁଟା ଆଜି ମେଦନିତ ଗୁର୍‌ତାର୍ । ୭ ହେବେଣ୍ଟାଂ ହେଝାନ୍ ହେଝାରିଂ ଆରେ ରଗ ଝେନ୍‌ବାତାନ୍, “ଏପେଙ୍ଗ୍ ଇନେରିଂ ତେକ୍‌ନାଦେରା ?” ହେଝାର୍ ଇଚାର୍, “ନାଜରିତିୟ ଜିସୁଙ୍ଗ୍ ।”

୮ ଜିସୁ ଉତର୍ ହିଡାନ୍, “ଆନ୍ ଜେ ହେଝାନ୍, ଇଝାନ୍ ଆନ୍ ମିଜେଙ୍ଗ୍ ଝେର୍‌ଚାତାଂ । ଲାଗିଂ ଏପେଙ୍ଗ୍ ଜଦି ନାଙ୍ଗ୍ ତେକ୍‌ନାଦେରା, ତା ଆତିସ୍ ଇଝାରିଂ ହାଞ୍ଜେଙ୍ଗ୍ ପିସ୍ତି ହିୟାର୍ ।” ୯ ଜିସୁ ଇଦାଂ ଇଚାନ୍, ଇନେସ୍ ତା ଲେକାଆତି ବଚନ୍ ପୁରା ଆନାଡ଼, “ଏନ୍‌ନାଙ୍ଗ୍ ଇନେରିଂ ହିଡ଼ତାୟନା, ହେଝାର୍ ବିତ୍ରେ ଆନ୍ ରକାନିଂ ପା ଆରାୟ କିଝାତାଂନା ।”

୧୦ ସିମନ୍ ପିତର୍ ଲାଗାଂ କାଣ୍ଟା ମାତିଲେ ହେଝାନ୍ ହେଦାଂ ହପିର୍ ମୁଡ଼ ମାପୁହେବାକିନାକାନ୍ ଆଡ଼ିଏନିଂ ତତାନ୍ ଆରି ତା ତିନି କିଡୁଲ୍ ନାଟି ତୁହିତାନ୍; ହେ ଆଡ଼ିଏନ୍ତି ତର୍ ମାଲ୍‌କ । ୧୧ ହେବେଣ୍ଟାଂ ଜିସୁ ପିତର୍‌ତିଂ ଇଚାନ୍, “କାଣ୍ଟା ଇଚ୍‌ନିତାକେ ଇଚା; ଆବା ନାଙ୍ଗ୍ ଇମ୍‌ଣି ବାହା ହିଡ଼ନା, ଆନ୍ ଇନାକା ହେବେ ଗସ୍‌ତେଙ୍ଗ୍ ଆଡୁଙ୍ଗ୍ ?”

ହାନାନ ମୁମ୍‌ଦ ଇସ୍‌ବର

(ମାତିଉ ୨୬:୨୯-୩୦; ମାର୍କ ୧୪:୨୬-୨୮; ଲୁକ ୨୨:୫୫-୫୬)

୧୨ ଇଦାଂ ପାଚେ ରମିୟ ନେତାର୍‌ନି ମେଲ୍ୟାର୍, ମୁଡ଼ମେଲ୍ୟା, ଆରେ ଜିହୁଦିର୍ ମେଲ୍ୟାର୍ ଜିସୁଙ୍ଗ୍ ଆସ୍ତି ଗାଚ୍‌ଚାର୍ । ୧୩ ଆରେ ତାଜେଙ୍ଗ୍ ଗାଚ୍‌ଚି ପର୍ତୁମ୍ ହାନାନ ତାକେ ଅଡାର୍, କୟାପା ପଡ଼ଲେହି ମାଚାନ୍ ଇନାକିଦେଂକି ହେଝାନ୍ ହେ ବାହୁନି ମୁଡ଼ ମାପୁହେବା କିନାକାର୍ ମାଚାନ୍ । ୧୪ ମାନାୟାର୍ ବିତ୍ରେ ରକାନ୍ ହାନାକା ହାର୍ ଇଞ୍ଜି ଜିହୁଦିରିଂ ଜେ ଝେର୍‌ଚି ମାଚାନ୍, ଇଝାନ୍ ହେ କୟାପା ।

ପିତର୍ ଜିସୁଙ୍ଗ୍ ପାତ୍ କିଝାତାନ୍

(ମାତିଉ ୨୬:୨୯-୩୦; ମାର୍କ ୧୪:୨୬-୨୮; ଲୁକ ୨୨:୫୫-୫୬)

୧୫ ସିମନ୍ ପିତର୍ ଆରି ଆରେ ରକାନ୍ ଚେଲାହି ଜିସୁ ପାଚେ ପାଚେ ହାଲ୍‌ଜି ମାଚାର୍ । ହେ ଚେଲା ମୁଡ଼ ମାପୁହେବାକିନାକାନିଂ ଚିନା ଜାଣା ମାଚାନ୍ ଆରି ଜିସୁତି ହୁକେ ମୁଡ଼ ମାପୁହେବାକିନାକାନ୍ ହାକ୍‌ଡିତ ହଟାର୍; ୧୬ ମାତର୍ ପିତର୍ ବାଡ଼ ଦୁଝେର୍‌ତ ଲାଗେ ନିଲ୍‌ଟି ମାଚାନ୍ । ଲାଗିଂ, ହେ ଇମ୍‌ଣି ବିନ୍ ଚେଲା ମୁଡ଼ ମାପୁହେବାକିନାକାନ୍ ମେହାଣ୍ ମାଚାନ୍, ହେଝାନ୍ ବାଡ଼ ହାଲ୍‌ଜି ଦୁଝେର୍ କାନାକାନିଂ ଝେର୍‌ଚି ପିତର୍‌ତିଂ ବିତ୍ରେ ତାହିଝାତାନ୍ । ୧୭ ହେବେ ହେ ଦୁଝେର୍‌ତ କାନାକାଦେଲ୍ ଆଡ଼ିଏଣି ପିତର୍‌ତିଂ ଇଚାଡ଼, “ଏନ୍ ପା ଇନାକା ଇ ମାନାୟତିଂ ଚେଲାର୍ ବିତ୍ରେ ରକାୟ ଆକାୟ ?”

ପିତର୍ ଇଚାନ୍, “ଆନ୍ ଆକାୟ ।”

☆ ୧୮:୧୧ ୧୮:୧୧ ମାତିଉ ୨୬:୩୯; ମାର୍କ ୧୪:୩୬; ଲୁକ ୨୨:୪୨. ☆ ୧୮:୧୪ ୧୮:୧୪ ଜହନ୍ ୧୧:୪୯, ୫୦.

୧୮ ପିନି କାଜି ଆଡ଼ିୟା ଆରି କାନାକାର ନାଣିଆହି କିଜି ହେବେ ନିଲ୍ତି କାଇଜି ମାଚାର; ପିତର ପା ହେୱାର ଲାହାଙ୍ଗ ନିଲ୍ତି ନାଣି କାଇଜି ମାଚାନ ।

ମୁଡ଼୍ ମାପୁହେବାକିନାକାର ଜିସୁଙ୍ଗ ପର୍ଯ୍ୟନ୍ତ କିତାନ
(ମାତିଉ ୨୭:୫୯-୬୬; ମାର୍କ ୧୪:୫୫-୬୪; ଲୁକ ୨୨:୬୬-୭୧)

୧୯ ମୁଡ଼୍ ମାପୁହେବାକିନାକାନ ଜିସୁଙ୍ଗ ତା ଚେଲାହିର ବିସ୍ତେ ଆରି ହେ ହିକ୍ୟା ବିସ୍ତେ ୱେନ୍‌ବାତାର । ୨୦ ଜିସୁ ତାଙ୍ଗେଙ୍ଗ ଉତର ହିତାନ, “ଆନ୍ ପୁତ ତାକେ ହପ୍ତି କାତା ଇଚାଙ୍ଗନା; ଇମେତାକେ ୱିଜାର ଜିହୁଦିର ରୁଣ୍ଡା ଆନାର, ଇ ଲାକେ କୁଟୁମ୍ ଇଞ୍ଜି ଆରି ମନ୍ଦିରତ ଆନ୍ ନିତ୍ରେ ହିକ୍ୟା ହିନାଙ୍ଗା; ଆନ୍ ଲୁକାମ୍‌ରେ ଇନାକା ହିଞ୍ଜାତାମ୍ ୨୧ ନାଙ୍ଗ ଇନେକିଦେଂ ୱେନ୍‌ବା ଆଦନାଦେରା ? ଆନ୍ ହେୱାରିଂ ଇନାକା ଇଚାଙ୍ଗନା, ଇନେର ୱେଚାରନା, ହେୱାରିଂ ୱେନ୍‌ବାଟ୍; ହୁଡାଟ୍, ଆନ୍ ଇନା ଇନାକା ଇଚାଙ୍ଗନା ହେୱାର ହେୱିଜୁ ପୁନାର ।”

୨୨ ଜିସୁ ଇଦାଂ ଇଚିଲେ ମେଲ୍ୟାର ବିତ୍ରେ ରକାନ ଜିସୁଙ୍ଗ ଚାପଡ଼ା ଇଡ଼୍‌ଜି ଇଚାନ, “ଏନ୍ ମୁଡ଼୍ ମାପୁହେବାକିନାକାନି ଏନେଙ୍ଗ ଉତର ହିନାୟା ?”

୨୩ ଜିସୁ ତାଙ୍ଗେଙ୍ଗ ଉତର ହିତାନ, “ଜଦି ଆନ୍ ବାନ୍‌ୟା ଇଚାଂ, ତା ଆତିସ୍ ୱିଜାରିଂ ମୁମ୍‌ଦ ବାନ୍‌ୟା ପାର୍ମାଣ୍ ହିୟା; ମାତର ଜଦି ହାର ଇନ୍‌ଚାଙ୍ଗ, ତା ଆତିସ୍ ଇନେକିଦେଂ ନାଙ୍ଗେଙ୍ଗ ମାଡ଼୍‌ଜି କିଦନାୟା ?”

୨୪ ହେବେ ହାନାନ ତାଙ୍ଗେଙ୍ଗ ଗାଚ୍ୟା ଆତାକାନି ମୁଡ଼୍ ମାପୁହେବାକିନାକାର କୟାପା ଲାଗେ ପକ୍ତାନ ।

ପିତର ଜିସୁଙ୍ଗ ଆରେ ରଗ ପାତ କିଞ୍ଜାତାନ
(ମାତିଉ ୨୭:୭୧-୭୫; ମାର୍କ ୧୪:୬୯-୭୨; ଲୁକ ୨୨:୫୮-୬୨)

୨୫ ୱିସ୍ତ୍ର ବିତ୍ରେ ସିମନ୍ ପିତର ନିଲ୍ତି ନାଣି କାଇଜି ମାଚାନ । ହେବେଣ୍ଡା ହେୱାର ତାଙ୍ଗେଙ୍ଗ ୱେନ୍‌ବାତାର, “ଏନ୍ ପା ଇନାକା ହେ ଚେଲାଟ୍ ବିତ୍ରେ ରଞ୍ଜାୟ ଆକାୟ ?”

ମାତର ପାତ କିଞ୍ଜାଦାଂ ଇଚାନ, “ଆକାୟ ଆନ୍ ଆକାୟ ।”

୨୬ ମୁଡ଼୍ ମାପୁହେବା କିନାକାନ ଆଡ଼ିୟାର ବିତ୍ରେ ରଞ୍ଜାନ, ଇଚିସ୍ ପିତର ଇନେରତି କିତୁଲ୍ ରାସ୍‌ଦି ମାଚାନ, ତା ହାଙ୍ଗଦାକାନ ରକାନ ଇଚାନ, “ଆନ୍ ଇନାକା ନିଙ୍ଗ୍ ତା ଲାହାଙ୍ଗ୍ ବାଡ଼୍‌ଦ ହୁଡ଼୍‌ଜି ମାଞ୍ଜିଞ୍ଜାତା ?”

୨୭ ହେବେଣ୍ଡା ପିତର ଆରେ ରଗ ପାତ କିଞ୍ଜାତାନ; ଆରେ ହେ ଦାପ୍ରେ କୁଜୁ କ୍ଳେତାଡ଼ ।

ପିଲାତ ମୁମ୍‌ଦ ଜିସୁ
(ମାତିଉ ୨୭:୧-୨; ୧୧:୧୪; ମାର୍କ ୧୫:୧-୫; ଲୁକ ୨୩:୧-୫)

୨୮ ପାଚେ ହେୱାର ଜିସୁଙ୍ଗ କୟାପାଙ୍ଗ ଲାଗାଂ ବାଙ୍ଗଲାତ ଅତାର ନାଡ଼ିସ୍ ଆଜି ମାଚାଡ଼; ଆରେ, ହେୱାର ଇନେସ୍ ବିଚାଡ଼ ଆଞ୍ଜାଦାଂ ନିସ୍ତାର ପାର୍ବୁନି ବଜି ମାନକିଦେଂ ଆଡ଼ନାର, ଇଦାଂ କାଜି ନିଜେ ବାଙ୍ଗଲା ବିତ୍ରେ ହିଞ୍ଜାତାର । ୨୯ ଲାଗିଂ, ପିଲାତ ହେୱାରତାଂ ହସି ୱାଜି ୱେନ୍‌ବାତାନ, “ଇ ମାନାୟ ବିରୁଦ୍‌ତ ଏପେଙ୍ଗ ଇମ୍‌ଣି କାତା ତାହିଞ୍ଜାନାଦେରା ?”

୩୦ ହେୱାର ତାଙ୍ଗ୍ ଉତର ହିତାର, “ଇ ମାନାୟ ଜଦି ପାପ୍ୟା ଆଞ୍ଜାଦାଂ ମାଚିସ୍, ତା ଆତିସ୍ ଆପେଂ ତାଙ୍ଗେଙ୍ଗ ନି କେଇଦ ହେଲାୟ କିଦଞ୍ଜାତାପ୍ମା ।”

୩୧ ହେବେଣ୍ଡା ପିଲାତ ହେୱାରିଂ ଇଚାନ, “ଏପେଙ୍ଗ ଇଞ୍ଜାନିଂ ଅଜି ହାଲ୍‌ଜି ମି ବିଦି ଲାହାଙ୍ଗ୍ ଇଞ୍ଜାକ୍ତି ବିଚାର କିୟାଟ୍ ।” ଜିହୁଦିର ହେଞ୍ଜାନିଂ ଇଚାର, “ଇନେରିଂ ପାରାଣ୍ ତାଣ୍ ହିଦେଂ ମା ଆଦିକାର ହିଲ୍‌ଡ଼ ।”

୩୨ ଜିସୁ ଇମ୍‌ଣି ବାନି ହାକି କିଦେଙ୍ଗ୍ ହାନାନା, ହେବେତାଂ ୱେଡ଼୍‌ତି ହେଞ୍ଜାନ ଇମ୍‌ଣି ବଚନ୍ ଇଚାନ ହେଦାଂ ଇନେସ୍ ପୁରା ଆନାଡ଼, ଇଦାଂ କାଜି ହେୱାର ଇଦାଂ ଇଚାର ।

୩୩ ପିଲାତ ବାଙ୍ଗଲା ବିତ୍ରେ ହିଞ୍ଜି ଜିସୁଙ୍ଗ କୁକ୍‌ତି ତାଙ୍ଗ୍ ୱେନ୍‌ବାତାନ, “ଏନ୍ ଇନାକା ଜିହୁଦିର ରାଜା ?”

୩୪ ଜିସୁ ଉତର ହିତାନ, “ଏନ୍ ଇନାକା ନିଜ୍‌ତାଙ୍ଗ୍ ଇଦାଂ ଇଚାୟନା, କି ବିନ୍‌ଲଗ୍‌ଗୁ ନା ବିସ୍ତେ ନିଙ୍ଗ୍ ଇଦାଂ ଇଞ୍ଚାରନା ?”

୩୫ ପିଲାତ ଉତର ହିତାନ, “ଆନ୍ ଇନାକା ରକାଂ ଜିହୁଦି ? ନି ଜାତିନିକାର ଆରି ମୁଡ଼୍ ମାପୁହେବାକିନାର ନିଙ୍ଗେଙ୍ଗ ମା କେଇଦ ହେଲାୟ କିଡ଼ତାଣ୍ଡା; ଏନ୍ ଇନାକା କିତାୟନା ?”

୩୬ ଜିସୁ ଉତର ହିତାନ, “ନା ରାଜି ଇ ପୁତ ବିସ୍ତେ ଆକାୟ; ଜଦି ନା ରାଜି ଇ ପୁତ ବିସ୍ତେ ଆତାମ୍, ତା ଆତିସ୍ ଆନ୍ ଇନେସ୍ ଜିହୁଦି ନେତାର କେଇଦ ହେଲାୟ ଆଞ୍ଜାତାମ୍, ହେଦାଂ କାଜିଂ ନା ହେବା କିନାକାର ଜୁଜ୍ କିତାର୍ମା; ମାତର ନା ରାଜି ହାଡ଼ପା ବିସ୍ତେ ଆକାୟ ।”

୩୭ ହେବେଣ୍ଡା ପିଲାତ ହେଞ୍ଜାନିଂ ୱେନ୍‌ବାତାନ, “ତା ଆତିସ୍ ଏନ୍ ରଞ୍ଜାୟ ରାଜା କି ?” ଜିସୁ ଉତର ହିତାନ, “ଏନ୍ ତ ଇଞ୍ଜନାୟା, ଆନ୍ ରକାଂ ରାଜା । ଆନ୍ ଇନେସ୍ ହାଡ଼ପା ପାକ୍ୟାତ ସାକି ହିନାଙ୍ଗ୍, ଇଦାଂ କାଜିଂ ଆନ୍ ଜଲମ୍ ଆତାଙ୍ଗନା ଆରି ପୁତ ଞ୍ଜାତାଙ୍ଗନା । ଇନେନ୍‌କି ହାଡ଼ପାନି ମାଜି, ହେଞ୍ଜାନ ନା କାତା ୱେନାନ ।”

☆ ୧୮:୩୭ ୧୮:୩୭ ଜହନ୍ ୩:୧୪; ୧୨:୩୨.

୩୮ ପିଲାତ ଜିସୁଙ୍କ ଇଚ୍ଛା, “ହାତ୍‌ପା ଇନାକା ?”

ଇଦାଂ ଇଞ୍ଜି ପିଲାତ ଆରେ ଜିହୁଦି ତାକେ ବାଡ଼ ହାଲ୍‌ଜି ହେଝାରିଂ ଇଚ୍ଛାନ୍, “ଆପେଂ ଇବେ ଇନାକାପା ଦସ୍ ପାୟା ଆଉପା ।”

ଜିସୁ କାଜିଂ ହାକି ରାଜି

(ମାତିଉ ୨୭:୧୫-୩୧; ମାର୍କ ୧୫:୨-୨୦; ଲୁକ ୨୩:୧୩-୨୫)

୩୯ ମାତର୍ ନିସ୍ତାର୍ ପାର୍ଟୁ ଖେଡାଲିଂ ମି କାଜିଂ ରଞ୍ଜାନିଂ ମୁକ୍ତାୟ୍ କିନାପ୍, ଇଦାଂ ମି ରିତି ନିତି ମାନାତ୍; ଲାଗିଂ, “ଜିହୁଦିର୍ ରାଜାଙ୍କ୍ ଆପେଂ ମି କାଜିଂ ମୁକ୍ତାୟ୍ କିଜି ହିଦ୍‌ନାପ୍ ଇଞ୍ଜି ଇନାକା ମି ମାନ୍ କିନାଦେରା କି ?”

୪୦ ହେବେ ହେଝାର୍ ଆରେ ରଗ କିକିରାତିଂ କିଜି ଇଚ୍ଛାନ୍, “ଇ ମାନାୟ୍ ଆକାୟ୍, ମାତର୍ ବାରବାଙ୍କ୍ ।” ଇ ବାରବା ରକାନ୍ ତରେନ୍ ମାଚାନ୍ ।

୧୯

୧ ତା ପାତେ ପିଲାତ ଜିସୁଙ୍କ୍ ଅଜି ହାଲ୍‌ଜି କରତା ଟ୍ରାକି କିତାନ୍ । ୨ ଆରେ, ମେଲ୍ୟାର୍ ଖାଡ଼ି ମୁକୁଟ୍ ରଚ୍ଚି ତା କାପ୍‌ଡାତ ତୁଜି କିତାର୍ ଆରି ହେଝାନିଂ କାହରାତି କାଲାର୍ ବାନି ଆଜି ଉସ୍ତ୍ରି କିତାର୍; ୩ ହେଝାର୍ ତା ତାକେ ଖାଜି ଇଚ୍ଛାନ୍, “ଏ ଜିହୁଦିର୍ ରାଜା, ଜୁଗ୍ ଜୁଗ୍ ମାନା” ଆରେ, ହେଝାର୍ ହେଝାନିଂ ଚାପ୍‌ଡା ଇଡ୍‌ଦେଂ ଲାଗାତାର୍ ।

୪ ପିଲାତ ଆରେ ରଗ ବାଡ଼ି ହାଲ୍‌ଜି ହେଝାରିଂ ଇଚ୍ଛାନ୍, ହୁଡାଟ୍, “ଆପେଂ ଜେ ତା ତାକେ ଇନାକାପା ଦସ୍ ପାୟା ଆଉପା,” ଇଦାଂ ଇନେସ୍ ଏପେଙ୍କ୍ ପୁନାଦେର୍, “ଇଦାଂ କାଜିଂ ଆପେଂ ତାକେଙ୍କ୍ ମି ତାକେ ହପ୍‌ଚି ତାଡ୍‌ପନା ।” ୫ ହେବେଣ୍ଡାଂ ଜିସୁ ହେ ଖାଡ଼ି ମୁକୁଟ୍ ଆରି କାହରାତି କାଲାର୍ ବାନାନି ଆଜି ଉସ୍ତ୍ରିସ୍ ବାଡ଼ି ଖାତାନ୍ । ପିଲାତ ହେଝାରିଂ ଇଚ୍ଛାନ୍, ହୁଡାଟ୍, ଇଞ୍ଜାନ୍ “ହେ ମାନାୟ୍ !” ୬ ହେବେଣ୍ଡାଂ ମୁଡ୍ ମାପୁହେବାକିନାକାନ୍ ଆରି ମନ୍ଦିର୍ କାନାକାର୍ ତାକେଙ୍କ୍ ହୁଡ଼ି କିକିରାତିଂ କିଜି ଇଚ୍ଛାନ୍, “କୁସ୍‌ତ ଦୁପାର୍, କୁସ୍‌ତ ଦୁପାର୍ ।” ପିଲାତ ହେଝାରିଂ ଇଚ୍ଛାନ୍, “ଏପେଙ୍କ୍ ହେଝାନିଂ ଅଜି କୁସ୍‌ତ ଦୁପାର୍, ଇନାକିଦେଂକି ଆପେଂ ତା ତାକେ ଇନାକାପା ଦସ୍ ପାୟା ଆଉପା ।”

୭ ଜିହୁଦିର୍ ତାକେଙ୍କ୍ ଉତର୍ ହିତାର୍, “ମାଦାଂ ରଞ୍ଜାଙ୍କ୍ ବିଦି ମାନାନ୍ ଆରି ହେ ରିତି ହୁକେ ହେଝାନ୍ ହାନି ଲଡା, ଇନାକିଦେଂକି ହେଝାନ୍ ଜାର୍‌ତିଂ ଇସ୍‌ର୍ ମାଜି ଇଞ୍ଜି ଇନାନ୍ନା ।”

୮ ହେବେଣ୍ଡାଂ ପିଲାତ ଇ କାତା ଖେନ୍‌ଞ୍ଜି ଆଦିକ୍ ପାଣ୍ଡା ଆତାନ୍; ୯ ଆରେ, ହେଝାନ୍ ଆରେ ରଗ ବାଙ୍କ୍‌ଲାତ ହଶ୍‌ଗିସ୍ ଜିସୁଙ୍କ୍ ଖେନ୍‌ବାତାନ୍, “ଏନ୍ ଇମେଣ୍ଡାଂ ଖାତାୟ୍‌ନା ?”

ମାତର୍ ଜିସୁ ତାକେଙ୍କ୍ ଉତର୍ ହିଞ୍ଜାତାନ୍ । ୧୦ ହେବେଣ୍ଡାଂ ପିଲାତ ତାକେଙ୍କ୍ ଇଚ୍ଛାନ୍, “ନାକେଙ୍କ୍ କାତା ଇଞ୍ଜିୟା ? ନିକେଙ୍କ୍ ମୁକ୍ତାୟ୍ କିଦେଙ୍କ୍ ମା ଆଦିକାର୍ ମାନାତ୍ ଆରି ନିକେଙ୍କ୍ କୁସ୍‌ତ ଦୁପ୍‌ତେଦେଂ ମା ଆଦିକାର୍ ମାନାତ୍, ଇଦାଂ କି ଏନ୍ ପୁନ୍‌ୟା ?”

୧୧ ଜିସୁ ଉତର୍ ହିତାନ୍, “ଜଦି ଇସ୍‌ର୍ ତାଙ୍କ୍ ହଡ଼୍‌ଝାଦାଙ୍କ୍ ମାଚିସ୍, ତା ଆତିସ୍ ନା ବିରୁଦ୍‌ତ ନିନ୍ଦାଂ ଇନାକାପା ଆଦିକାର୍ ମାନ୍‌ଖାତାଡ଼ମା, ଲାଗିଂ ଜେ ନାକେଙ୍କ୍ ନି କେଇଦ୍ ହେଲାୟ୍ କିତାଙ୍କ୍‌ନା, ତା ପାପ୍ ଅଲପ୍ ।”

୧୨ ହେବେଣ୍ଡାଂ ପିଲାତ ଜିସୁଙ୍କ୍ ମୁକ୍ତାୟ୍ କିଦେଙ୍କ୍ ସେସ୍ତ୍ କିତାନ୍, ମାତର୍ ଜିହୁଦିର୍ କିକିରାତିଂ କିଜି ଇଚ୍ଛାନ୍, “ଜଦି ଏନ୍ ଇ ମାନାୟ୍‌ତିଂ ମୁକ୍ତାୟ୍ କିନାୟ୍, ତା ଆତିସ୍ ଏନ୍ ସମ୍‌ରାଟ୍‌ତିଂ ସାଙ୍କ୍ ଆକାୟ୍; ଇନେର୍‌କି ଜାର୍‌ତିଂ ରାଜା ଇଞ୍ଜି ଇନାନ୍, ହେଝାନ୍ କାଈସ୍‌ରତିଂ ବିରୁଡ଼ତାଂ କାତା ଇନାନ୍ ।”

୧୩ ପିଲାତ ଇ ଖିଜୁ କାତା ଖେନ୍‌ଞ୍ଜି ଜିସୁଙ୍କ୍ ହପ୍‌ଚି ତାସି “କାଲ୍‌କୁମଣ୍ଡାମ୍,” ଇନେରିଂ ଏବ୍ରି ବାସାତ “ଗବ୍‌ବତା,” ଇଞ୍ଜି ଇଚ୍ଛାନ୍, ହେ ବିଚାର୍ କିନି ବାହାତ କୁଚ୍‌ଚାନ୍ । ୧୪ ହେ ଦିନ୍ ନିସ୍ତାର୍ ପାର୍ଟୁନି ଜାଲ୍‌ଦି କିନି ଦିନ୍, ଆରେ ହେଝାଡ଼ାଂ ବେସିଆଉତିସ୍ ଖେଡାଲିଂ ସମ୍‌ ଆଜି ମାଚାତ୍ । ଆରେ, ପିଲାତ ଜିହୁଦିର୍ ଇଚ୍ଛାନ୍, “ହୁଡାଟ୍, ମି ରାଜା !” ୧୫ ହେବେଣ୍ଡାଂ ହେଝାର୍ କିର କିତାର୍, “ତାକେଙ୍କ୍ ଅହାଟ୍, ଅହାଟ୍, କୁସ୍‌ତ ଦୁପାର୍ ।” ପିଲାତ ହେଝାରିଂ ଇଚ୍ଛାନ୍, ଆପ୍ ଇନାକା ମି ରାଜାଙ୍କ୍ କୁସ୍‌ତ ଦୁପ୍‌ନାପ୍ କି ? ମୁଡ୍ ମାପୁହେବାକିନାକାର୍ ଉତର୍ ହିତାର୍, “କାଈସ୍‌ରତିଂ ପିସ୍ ମାକେଙ୍କ୍ ଆରେ ରାଜା ଇନେର୍ ହିଲୁନ୍ ।” ୧୬ ହେବେଣ୍ଡାଂ ହେଝାନ୍ ଇନେସ୍ କୁସ୍‌ତ ଦୁପ୍‌ୟା ଆତାନ୍‌ମା, ଇଦାଂ କାଜିଂ, ହେଝାନ୍ ହେଝାନିଂ ହେଝାର୍ ଇଚ୍ଛାତାଂ ହେଲାୟ୍ କିତାନ୍, ତା ପାତେ ଜିସୁଙ୍କ୍ ଅଜି ହାଚାର୍ ।

ଜିସୁଙ୍କ୍ କୁସ୍‌ତ ଦୁପ୍‌ତାର୍

(ମାତିଉ ୨୭:୩୨-୪୪; ମାର୍କ ୧୫:୨୧-୩୨; ଲୁକ ୨୩:୨୭-୪୩)

୧୭ ଆରେ, ଜିସୁ ନିଜେ କୁସ୍‌ ପିଣ୍ଡି ନିନ୍ଦାଶ୍ ତର୍‌ନି ବାହାତ ହାଚାନ୍, “ଇମ୍‌ଣାକା ଏବ୍ରି ବାସାତାଂ ଗଲ୍‌ଗତା ଇଞ୍ଜି ଇନାର୍, ହେବେ ହସି ହାଚାର୍ ।” ୧୮ ହେବେ ହେଝାର୍ ଜିସୁଙ୍କ୍ କୁସ୍‌ତ ଦୁପ୍‌ତାର୍ ଆରି ତା ଲାହାଙ୍କ୍ ଆରେ ରିୟାରିଂ ଦୁପ୍‌ତାର୍, ରିକଣ୍ଡାଂ ରିକାରିଙ୍କ୍ ଆରି ମାଦି ଜିସୁଙ୍କ୍ । ୧୯ ଆରେ, ପିଲାତ ର ଦାବା କାଗଜ୍ ପା ଲେକିକିଜି କୁସ୍‌ ଜପି ତାଡ଼ଚାନ୍ । “ହେବେ ଲେକା ମାଚାତ୍, ନାଜରିତିୟ୍ ଜିସୁ, ଜିହୁଦିର୍ ରାଜା । ୨୦ ଜିହୁଦିର୍ ବିତ୍ରେ ହେନି ଇ ଦାବା କାଗଜ୍ ପଡ଼ି କିତାର୍, ଇନାକିଦେଂକି ଇମ୍‌ଣି ବାହାତ ଜିସୁଙ୍କ୍ କୁସ୍‌ତ ଦୁପ୍‌ଚି ମାଚାର୍, ହେଦାଂ ଗାଡ଼ନି ଲାଗେ ମାଚାତ୍; ଆରେ, ହେ କାଗଜ୍ ଏବ୍ରି, ଲାଗିନ୍, ଆରି

ଗ୍ରିକ୍ ବାସାତ ଲେକା ଆଜି ମାତାତ । ୨୧ ଲାଗି ଜିହୁଦିର୍ ମୁଡ଼୍ ମାପୁହେବାକିନାକାର ପିଲାତଂ ଇଚାର୍, ଜିହୁଦିର୍ ରାଜା ଇଞ୍ଜି ଲେକିକିଞ୍ଜାଦାଂ ଇଚିସ୍ ଆନ୍ ଜିହୁଦିର୍ ରାଜା ଇଞ୍ଜି ହେଞ୍ଜାନ୍ ଇଚାନ୍, ଇଦାଂ ଲେକିକିୟାଟ୍ ।”

୨୨ ପିଲାତ ଉତର୍ ହିତାନ୍, “ଆପେଂ ଇମ୍ଣାକା ଲେକିକିତାପ୍ନା, ଲେକିକିତାପ୍ନା ।”

୨୩ ମେଲ୍ୟାର୍ ଜିସୁଙ୍ଗ୍ କୁସ୍ତ ଦୁପ୍ତି ପାଚେ ହେଞ୍ଜାନ୍ତି ଆଜି ଅଜି ଚାରି ବାଟା କିତାର୍, ଝିଜାକାର୍ ମେଲ୍ୟାର୍ କାଜିଂ ର ର ବାଟା, ଆରେ ହେଞ୍ଜାର୍ ହେଞ୍ଜାନ୍ତି ଆଜି ପା ଅତାର୍ । ହେ ଆଜି ତ୍ତଥା ଆଞ୍ଜାଦାଂ ଜପିତାଂ ତାରେନ୍ ପାଚେକ୍ ଝିଜୁ ତ୍ତର୍ୟା ଆଜି ମାତାତ୍ । ୨୪ ଲାଗିଂ ମେଲ୍ୟାର୍ ରକାନ୍ ଆରେ ରକାନିଂ ଇଚାର୍, “ଇଦାଂ ହେୟା କେଚୁସ୍, ମାତର୍ ଇଦାଂ ଇନେର୍ତି ଆନାତ୍, ହେଦାଂ କାଜିଂ ଦରମ୍ଗୁଲି କିନାସ୍,” ଇନେସ୍ କି ଦରମ୍ ସାସ୍ତରତାକେ ଇ ବଚନ୍ ପୁରା ଆନାତ୍, ହେଞ୍ଜାର୍ ଜାର୍ ଜାର୍ ବିତ୍ରେ ନା ଆଜି ବାଟା କିତାର୍, “ଆରେ ନା ଆଜି କାଜିଂ ଦରମ୍ଗୁଲି କିତାର୍ । ଲାଗିଂ ମେଲ୍ୟାର୍ ଇ ସବୁ କିତାର୍ ।”

୨୫ ମାତର୍ ଜିସୁତି କୁସ୍ ଲାଗେ ହେ ତେହି ମରିୟମ୍, ହେଞ୍ଜାନ୍ ତେହି ତଣ୍ଡେହି, କଲପାତି ତକ୍ତୁହି ମରିୟମ୍, ଆରି ମଗ୍ଦଲିନି ମରିୟମ୍ ନିଲ୍ଲଟି ମାଚିକ୍ । ୨୬ ଜିସୁ ଜାର୍ ଆୟା ଆରି ଇମ୍ଣା ଚେଲାଂ ଜିଉନଜି ମାଚାନ୍, ହେ ଲାଗାଂ ନିଲ୍ଲଟି ମାନାକା ହୁଡ଼ଜି ତାଡ଼ିଙ୍ଗ୍ ଇଚାନ୍, “ହୁଡ଼ା ନି ମାଜି !”

୨୭ ତା ପାଚେ ହେଞ୍ଜାନ୍ ହେ ଚେଲାଂ ଇଚାନ୍, ହୁଡ଼ାଟ୍, “ଇଦେଲ୍ ମିଞ୍ଜି ଆୟା !” ଆରେ, ହେ ସମୁତାଂ ହେ ଚେଲା ତାଙ୍ଗେଙ୍ଗ୍ ଜାର୍ ଇଞ୍ଜି ଅଜି ହାଚାନ୍ ।

ଜିସୁତି ହାକି

(ମାତିଉ ୨୭:୪୫-୫୬; ମାର୍କ ୧୫:୩୩-୪୧; ଲୁକ ୨୩:୪୪-୪୯)

୨୮ ଇଦାଂ ପାଚେ ଜିସୁ ଦରମ୍ ସାସ୍ତର୍ ବଚନ୍ ଇନେସ୍ ପୁରା ଆନାତ୍, ଇଦାଂ କାଜିଂ ଝିଜୁ ବିସ୍ତେ ନଂଗୟ୍ ଝିସ୍ତାତ୍ନା ଇଞ୍ଜି ପୁଞ୍ଜି ଇଚାନ୍, “ନାଙ୍ଗେଙ୍ଗ୍ ଏସ୍ କି ଦିନାତା ।”

୨୯ ହେବେ କେନିରାସ୍ ବାତ୍ ର ବାହା ମାତାତ୍; ଲାଗିଂ ହେଞ୍ଜାର୍ କେନିରାସ୍ ବାତ୍ ର ରୁଆ ଉଚୁଟିଂ ଏଜପନାଲତ୍ ତେଙ୍ଗା ବେଡ଼ଗା ଆହି କିଜି ତାଙ୍ଗ୍ ମୁମ୍ ଲାଗାଂ ହିତାର୍ । ୩୦ ହେବେଣ୍ଡାଂ ଜିସୁ ହେ କେନିରାସ୍ ଉଣ୍ଡି ଇଚାନ୍, ଝିସ୍ତାତ୍; ଆରେ,

ହେଞ୍ଜାନ୍ କାପ୍ଡା ତାରେନ୍ କିଜି ଜିରୁନ୍ ପିସ୍ତାନ୍ ।

ଜିସୁଙ୍ଗ୍ କଚଣ୍ଡ ବାଲାକୁଦନାକା

୩୧ ହେ ଦିନ୍ ଜାଲ୍ଦି କିନି ଦିନ୍ ମାଚିଲେ, ଗାଗାଡ଼୍ ଇନେସ୍ ଜମ୍ନିବାର୍ ନାଜିଂ କୁସ୍ ଜପି ମାନ୍ଗୁଡ଼ ଇନାକିଦେଂକି ହେ ଜମ୍ନିବାର୍ ଗାଜା ଦିନ୍ ମାତାତ୍, ହେଦାଂ କାଜିଂ ହେଞ୍ଜାରିତି କାଲ୍କୁ ତ୍ରିକକାଟ୍ ଆରି ହେଞ୍ଜାରିଂ କୁସ୍ତ ତାଙ୍ଗ୍ ତାରେନ୍ ଜୁଡ଼ତାଟ୍ ବିନ୍ ବାହାତ ଅୟାଆୟେର୍ ଇଞ୍ଜି ଜିହୁଦି ନେତାର୍ ପିଲାତଂ ଗଞ୍ଜାରି କିତାର୍ । ୩୨ ଲାଗିଂ ମେଲ୍ୟାର୍ ଝାଜି ପର୍ଡୁମ୍ ନିକାନିଂ କାଲ୍ ଆରି ତା ହୁଦାଂ ଇମ୍ଣା ରକାନ୍ କୁସ୍ତ ଦୁପ୍ତା ଆଜି ମାଚାନ୍, ତା କାଲ୍ ପା ତ୍ରିକତାର୍ । ୩୩ ମାତର୍ ହେଞ୍ଜାର୍ ଜିସୁତି ଲାଗେ ଝାଜି ହେଞ୍ଜାନ୍ ହାତାନେ ଇଞ୍ଜି ହୁଡ଼ଜି ହେଞ୍ଜାନ୍ତି କାଲ୍ ତ୍ରିକଞ୍ଜାତାର୍, ୩୪ ମେଲ୍ୟାର୍ ବିତ୍ରେ ରକାନ୍ ବାଲାତାଂ ହେଞ୍ଜାନିଂ କଚଣ୍ଡ କୁନ୍ତାନ୍, ଆରେ ଦାପ୍ତେ ନେତେର୍ ଆରି ଏଜୁଂ ହଡ଼ତିକ୍ । ୩୫ ଇନେର୍ ହୁଡ଼ତାର୍ନା, ହେଞ୍ଜାନ୍ ସାକି ହିନାନା, ଇନେସ୍ କି ଏପେଙ୍ଗ୍ ପା ପାତ୍ କିୟାଟ୍; ଆରେ, ହେଞ୍ଜାନ୍ତି ସାକି ହାଡ଼ପା, ଆରେ ହେଞ୍ଜାନ୍ ଜେ ହାଡ଼ପା ଇନାନ୍ନା, ଇଦାଂ ହେଞ୍ଜାନ୍ ପୁନାନ୍ । ୩୬ ଇନାକିଦେଂକି ଦରମ୍ ସାସ୍ତର୍ ଇ ବଚନ୍ ପୁରା ଆଦେଂ କାଜିଂ ଇ ଝିଜୁ ବିସ୍ତେ ଗିଟା ଆତାତ୍, “ହେଞ୍ଜାନ୍ତି ଉଚୁକ୍ ପା ପ୍ରେନ୍ ତ୍ରିଙ୍ଗୁଡ଼ ।” ୩୭ ଆରେ ରଗ ଦରମ୍ ସାସ୍ତର୍ ଆରେ ର ବଚନ୍ ଇଦାଂ ଲେକାଆତାତ୍ନା, ହେଞ୍ଜାର୍ ଇନେରିଂ ଅସ୍ତାର୍, ହେଞ୍ଜାନ୍ କାଜିଂ ହୁଡ଼ନାନ୍ ।

ଜିସୁତି କବର୍

(ମାତିଉ ୨୭:୫୭-୬୧; ମାର୍କ ୧୫:୪୨-୪୬; ଲୁକ ୨୩:୫୦-୫୬)

୩୮ ଇ ସବୁ ଗଟ୍ଣା ପାଚେ, ଇମ୍ଣା ହାରାମାତିୟାତି ଜସେପ୍ ଜିସୁତି ରକାନ୍ ଚେଲା ମାଚାନ୍, ମାତର୍ ଜିହୁଦି ନେତାର୍ ପାଣ୍ଡୁଟ୍ ତ୍ତୁଜି ମାଚାନ୍, ହେଞ୍ଜାନ୍ ଜିସୁତି ଗାଗାଡ଼୍ ଅଦେଂ କାଜିଂ ପିଲାତଂ ଗଞ୍ଜାରି କିତାନ୍ । ହେବେ ପିଲାତ ପିସ୍ତ୍ର ହିତାନ୍ । ଲାଗିଂ ହେଞ୍ଜାନ୍ ଝାଜି ହେଞ୍ଜାନ୍ତି ଗାଗାଡ଼୍ ଅତାର୍ । ୩୯ ଇମ୍ଣା ନିକଦିମ୍ ପର୍ଡୁମ୍ ନାଣା ସମୁତ ହେ ଲାଗାୟ୍ ଝାଜି ମାଚାନ୍, ହେଞ୍ଜାନ୍ ପା କମସେକମ୍ ତିରିସ୍ କେଜି ବାସ୍ନା ଚିକାଣ୍ ମିହାଆତି ଅଙ୍ଗୁର୍ ତାହିଞ୍ଜାତାନ୍ । ୪୦ ହେଞ୍ଜାର୍ ଜିସୁତି ଗାଗାଡ଼୍ ଅଜି ଜିହୁଦିତ୍ ମାଡ଼ା ମୁଚ୍ରିନି ବିଦି ଲାକେ ହେଦାଂ ହାର୍ଦି ବାସ୍ନା ଜିନିସ୍ ହୁକେ କଞ୍ଜାଣ୍ ହେୟାତ ହୁପାତାର୍ । ୪୧ ହେଞ୍ଜାନ୍ ଇମ୍ଣା ବାହାତ କୁସ୍ ଦୁପ୍ତା ଆଜି ମାଚାନ୍, ହେ ବାହାତ ର ବାଡ଼୍ ମାତାତ୍, ଆରେ ହେ ବାଡ଼୍ ର ପୁନି ଦୁଗେର୍ ମାତାତ୍, ହେବେ ଇନେର୍ ଇନାଞ୍ଜାତାଂ ଇଚ୍ୟା ଆଞ୍ଜାଦାଂ ମାତାତ୍ । ୪୨ ଆରେ, ଜିହୁଦିତ୍ ଜାଲ୍ଦି କିନି ଦିନ୍ କାଜିଂ ହେ ବାହାତ ହେଞ୍ଜାର୍ ଜିସୁଙ୍ଗ୍ ଇଚ୍ଡାଟ୍, ଇନାକିଦେଂକି ହେ ଦୁଗେର୍ ଲାଗାୟ୍ ମାତାତ୍ ।

☆ ୧୯:୩୭ ୧୯:୩୭ ହଡ଼ତି ୧:୭. ☆ ୧୯:୩୯ ୧୯:୩୯ ଜହନ୍ ୩:୧,୨.

୨୪ ମାତର ଜିସୁ ଏଚେକାଡ଼୍ ଦ ଖାଜି ମାଚାନ, ହେପାଦନା ବାରଜାଣ ବିତ୍ରେ ତମା ତରଦାକାନ ରକାନ, ଇମ୍‌ଶାକାନିଂ “ଦିଦୁମ୍” ଇନାର ହେଖାନ ହେଖାର ଲାହାଙ୍ ହିଲ୍‌ଖାତାନ । ୨୫ ଲାଗିଂ, ବିନ୍ ଚେଲାର ତାଙ୍‌ଜେଙ୍ ଇଚାର, “ଆପେଂ ମାପୁଙ୍ ହୁଡ଼ତାପନା ।”

ତମା ହେଖାନ ହେଖେରିଂ ଇଚାନ, “ତା କେଇଦ ଖାଡ଼ିଙ୍ ବିନ୍‌ସବୁ ହୁଡ଼଼ିତିସ୍ ଆରି ହେ ସବୁ ବାହାତ ନା ଖାଚକାଙ୍ ହୁଡ଼଼ିତିସ୍ ଆରି ହେ କାଲକୁ ନା କେଇ ହୁଡ଼଼ିତିସ୍ ଆନ୍ ଇନାଖାଡ଼ାଂପା ପାତର୍ କିତଙ୍ ।”

୨୬ ଆଚ୍ ଦିନ୍ ପାଚେ ତା ଚେଲାର ଆରେ ରଗ ବିତ୍ରେ ମାଚାର ଆରି ତମା ହେଖାର ଲାହାଙ୍ ମାଚାନ । କାପାଚ୍ ସବୁ ବନ୍ଦ ମାନି ସମୁତ ଜିସୁ ଖାଜି ମାଦି ନିଲ୍‌ଚି ଇଚାନ, “ମିଦାଙ୍ ସୁସ୍ତା ଆଏଡ଼ ।” ୨୭ ପାଚେ ହେଖାନ ତମାଙ୍ ଇଚାନ, “ଇନ୍‌ଚାଙ୍ କେଇ ଲାମାୟକିଦା ନା କେଇ ହୁଡ଼ା, ନା କାଲକୁ ହୁଡ଼ା; ପାତର୍ କିଖାକାର ଆଜି ପାତର୍ କିୟାଚ୍ ।”

୨୮ ତମା ତାଙ୍‌ଜେଙ୍ ଉତର ହିତାନ, “ନା ମାପୁ, ନା ଇସ୍‌ର ।”

୨୯ ଜିସୁ ତାଙ୍‌ଜେଙ୍ ଇଚାନ, “ଏନ୍ ଇନାକା ନାଙ୍ ହୁଡ଼ି ପାତର୍ କିଦନାୟା ? ଇମ୍‌ଶାକାର ହୁଡ଼଼ାଦାଂ ପାତର୍ କିଚାର, ହେଖାର ଦନ୍‌ୟ ।”

ଇ ପତିନି ଉଦେସ୍

୩୦ ଜିସୁ ଚେଲାର ମୁମ୍‌ଦ ଇ ଲାକେ ବେସି ଆରି ବିନ୍‌ବିନ୍ ବାନି କାବାଆନି କାମାୟ କିତାନନ୍ନା, ହେ ଖିଜୁ ଇ ପତିତ ଲେକା ଆଖାତାଡ଼ନା । ୩୧ ମାତର ଏପେଙ୍ ଇନେସ୍ ପାତର୍ କିନାଦେର୍ ଜେ ଜିସୁ ଇସ୍‌ର ମାଜି କ୍ରିସ୍‌ଆତାନ୍ନା, ଆରେ ପାତର୍ କିଜି ଇନେସ୍‌କି ଏପେଙ୍ ହେ ତରଦାଂ ଜିରୁନ୍ ପାୟା ଆନାଦେର୍, ଇଦାଂ କାଜିଂ ଇ ଖିଜୁ ଲେକାଆତାଡ଼ନା ।

୨୧

ସାଡ଼ ଜାଣ୍ ଚେଲାରିଂ ଜିସୁ ଚଞ୍ଜିୟା ଆତାନ

୧ ଇଦାଂ ପାଚେ ଜିସୁ ତିବିରିୟା ହାମ୍‌ଦୁର୍ ଗୁଚିତ ବାରଜାଣ୍ ଚେଲାରିଂ ଆରେ ରଗ ଚଞ୍ଜିୟାଆତାନ । ହେଖାନ ଇ ଲାକେ ଚଞ୍ଜିୟାଆତାନ; ୨ ସିମନ୍ ପିତର, ତମା, ଇମ୍‌ଶାକାନିଂ ଦିଦୁମ୍ ଇନାର, ଗାଲିଲିନି କାନାନିକାନ ନିତନିୟେଲ୍, ଜେର୍ଦ୍ଦି ମାଜିର ଆରି ତା ଚେଲାର ବିତ୍ରେତାଂ ଆରେ ରିକାର ରବେ ମାଚାର । ୩ ସିମନ୍ ପିତର ହେଖାରିଂ ଇଚାର, “ଆନ୍ ମିନ୍‌କୁ ଆସ୍ତେଙ୍ ହାନାଙ୍ ।”

ହେଖାର ତାଙ୍‌ଜେଙ୍ ଇଚାର, “ଆପେଂ ପା ମି ଲାହାଙ୍ ହାନାପ୍ ।” ହେଖାର ହସି ହାଲ୍‌ଜି ତଙ୍‌ପତ କୁଚ୍‌ଚାର, ଆରେ ହେ ମିକା ବିଚ୍‌କୁଲ୍ ଆସ୍ତେଙ୍ ଆଡ଼଼ାତାର । ୪ ମାତର ଅଜଡ଼ ଆତି ପାଚେ ଜିସୁ ଗୁଚିତ ନିଲ୍‌ତାନ; ଆତିସ୍‌ପା ହେଖାନ ଜିସୁ ଇଞ୍ଜି ଚେଲାର ପୁନ୍‌ଖାତାର । ୫ ଜିସୁ ହେଖେରିଂ ଇଚାନ, “ହିମ୍‌ଶାଂ, ମି ତାକେ ଇନାକା ଇଚୁକ୍ ତିନାକା ମାନାଡ଼ ?”

ହେଖାର ତାଙ୍‌ଜେଙ୍ ଉତର ହିତାର, “ହିଲ୍‌ଡ଼ ।”

୬ ଜିସୁ ହେଖେରିଂ ଇଚାନ, “ତଙ୍‌ପାନି ତିନିପାଡ଼କା ଲାଗାୟ ଜାଲ୍ ଇଡ଼ାଚ୍, ଆରେ ଏପେଙ୍ ପାୟା ଆନାଦେର୍ ।” ହେବେଣ୍ଡାଂ ହେଖାର ଜାଲ୍ ଇଡ଼ିତାର, ଆରେ ଏଚେକ୍ ମିନ୍‌କୁ ହେସ୍‌ତିକ୍ ଜେ, ହେଖାର ହେଦାଂ ଜେଲ୍‌ଦେଂ ସାକ୍ତି ହିଲ୍‌ତାଡ଼ ।

୭ ହେବେତାଂ ଜିସୁ ଇମ୍‌ଶି ଚେଲାହିଂ ଜିଉନଜି ମାଚାନ, ହେଖାନ ପିତରତିଂ ଇଚାନ, “ଇଖାନ୍ତ ମାପୁ ।” ସିମନ୍ ପିତର ଇଖାନ୍ତ ମାପୁ ଇଞ୍ଜି ଖେନ୍‌ଞ୍ଜି ତୁମ୍‌ଶ୍ଟା ଗାଗାଡ଼ ଆଜି ମାଚିଲେ ଜାର ହେୟା ପର୍ଚି ହାମ୍‌ଦୁର୍‌ତ ଗୁମ୍‌ତାନ; ୮ ମାତର ବିନ୍ ଚେଲାର ମିନ୍‌କୁ ବାତର୍ ଆଜି ମାଚି ଜାଲ୍ ଜେଲ୍‌ଜି ଜେଲ୍‌ଜି ହାରୁ ତଙ୍‌ପତ ଖାତାର, ଇନାକିଦେଂକି ହେଖାର ଗୁଚିତାଂ ଆଦିକ୍ ଦେହା ହିଲ୍‌ଖାତାର, କେବଲ୍ ଆଦେକ୍ ଦୁଇସ୍ ଆଡ଼ ଦେହା ମାଚାର । ୯ ହେଖାର ଗୁଚିତ ଜୁଜି ହେବେ ରିକାଙ୍ ନାଣି, ଆରେ ହେ ଜପି ଖାସ୍ତି ମିନ୍ ଆରି ରୁଚି ଇଡ଼ି ମାଚାକା ହୁଡ଼ତାର ।

୧୦ ଜିସୁ ହେଖେରିଂ ଇଚାନ, “ଏପେଙ୍ ନଙ୍‌ୟ ଇମ୍‌ଶି ମିନ୍ ଆସ୍ତାଦେର୍ଣ୍ଣା, ହେବେଣ୍ଡାଂ ଉଚୁଙ୍ ତାଡ଼ ।”

୧୧ ସିମନ୍ ପିତର ହାଲ୍‌ଜି ସହେ ପଚାସ୍‌ତିନ୍ ଗାଜା ଗାଜା ମିନ୍‌କୁତ ବାତର୍ ଆଜି ମାଚି ଜାଲ୍ ଗୁଚିତ ଜେଲ୍‌ଜି ତାତାର; ଆରେ ଏଚେକ୍ ମିନ୍‌କୁକାଂ ପା ଜାଲ୍ ନାଡ଼଼ାତାଡ଼ । ୧୨ ଜିସୁ ହେଖେରିଂ ଇଚାନ, “ଖାଜି ତିନାଚ୍ ।” ଚେଲାର ବିତ୍ରେ ଇନେନ୍ “ଏନ୍ ଇନାକାୟ” ଇଞ୍ଜି ତାଙ୍‌ଜେଙ୍ ଖେନ୍‌ବେଦେଂ ସାସ୍ କିଖାଦାଂ ମାଚାର, ଇନାକିଦେଂକି ହେଖାନ ଜେ, ମାପୁ, ଇଦାଂ ହେଖାର ପୁଞ୍ଜିମାଚାର । ୧୩ ଜିସୁ ଖାଜି ରୁଚି ଆସ୍ତି ହେଖେରିଂ ହିତାନ, ଆରେ ହେ ଲାକେ ମିନ୍‌କୁ ପା ହିତାନ ।

୧୪ ହାତାକାର ବିତ୍ରେ ନିଙ୍‌ତି ପାଚେ ଜିସୁ ଚେଲାରିଂ ଇଖାନ ତିନି ହର୍ ଚଞ୍ଜିୟାଆତାନ ।

ଜିସୁ ଆରି ପିତର

୧୫ ହେଖାର ଚିପାଚେ ଜିସୁ ସିମନ୍ ପିତରତିଂ ଖେନ୍‌ବାତାନ, “ଏ ଜହନ୍‌ତି ମାଜି ସିମନ୍, ଏନ୍ ଇନାକା ନାଙ୍‌ଜେଙ୍ ଇଖାରତାଂ ବେସି ଜିଉନଦ୍‌ନାୟା ?”

ସିମନ୍ ତାଙ୍‌ଜେଙ୍ ଇଚାନ, “ଆଁ, ମାପୁ, ଆନ୍ ଜେ ନିଙ୍‌ଜେଙ୍ ଖାରି କିଦନାଙ୍ ।”

ହେଦାଂ ଏନ୍ ପୁନାୟ । “ହେଖାନ ତାଙ୍‌ଜେଙ୍ ଇଚାନ, ନା ମେଣ୍ଡାକାଂ ହାରାୟକିୟା ।”

^{୧୭} ହେୱାନ ଆରେ ରଗ ରିହା ତାଙ୍ଗେଙ୍ଗ୍ ଖେନ୍‌ବାତାନ୍, “ଏ ଜହନ୍ ମେହି ସିମନ୍, ଏନ୍ ଇନାକା ନାଙ୍ଗ୍ ଜିଉନଦ୍‌ନାୟା ?”

ହେୱାନ ତାଙ୍ଗେଙ୍ଗ୍ ଇଚାନ୍, “ଆଁ, ମାପୁ, ଆନ୍ ଜେ ନିଙ୍ଗେଙ୍ଗ୍ ଖାରି କିଦ୍‌ନାଙ୍ଗା ।”

ହେଦା° ଏନ୍ ପୁନାୟ୍ । ହେୱାନ ତାଙ୍ଗେଙ୍ଗ୍ ଇଚାନ୍, “ନା ମେଣ୍ଡାକା° ହାରାୟ୍ କିୟାର୍ ।” ^{୧୭} ଜିସୁ ତିନ୍‌ତର୍ ତାଙ୍ଗେଙ୍ଗ୍ ଖେନ୍‌ବାତାନ୍, “ଏ ଜହନ୍ ମେହି ସିମନ୍, ଏନ୍ ଇନାକା ନାଙ୍ଗେଙ୍ଗ୍ ଖାରି କିଦ୍‌ନାୟା ?”

ଏନ୍ ଇନାକା ନାଙ୍ଗେଙ୍ଗ୍ ଖାରି କିଦ୍‌ନାୟା, ଇଦା° ଇଞ୍ଜି ହେୱାନ ତିନ୍‌ତର୍ ପିତର୍‌ତି° ଖେନ୍‌ବିତିଲେ ହେୱାନ ଦୁକ୍ ଆଜି ତାଙ୍ଗେଙ୍ଗ୍ ଇଚାନ୍, “ମାପୁ, ଏନ୍ ଖିଜୁ ବିସ୍ତେ ପୁନାୟ୍; ଆନ୍ ଜେ ନିଙ୍ଗେଙ୍ଗ୍ ଖାରି କିଦ୍‌ନାଙ୍ଗା, ହେଦା° ଏନ୍ ପୁନାୟ୍ ।”

ଜିସୁ ତାଙ୍ଗେଙ୍ଗ୍ ଇଚାନ୍, “ନା ମେଣ୍ଡାକା° ହାରାୟ୍‌କିୟା ।” ^{୧୮} ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ୍ ଇଞ୍ଜିନାଙ୍ଗା, ବେଣ୍ଡିୟା ମାନି ସମୁତ ଏନ୍ ଜାର ଗାତ୍ୟା ଆଜି ଇମେନିପ ମାନ୍, ହେ ନିପ ବୁଲ୍‌ଆଜି ମାଚାୟ୍, ମାତର୍ ବୁଡ଼ାଆତିସ୍ ଏନ୍ ଜାର କେଇ ଲାମାୟ୍ କିନାୟ୍ ଆରି ବିନ୍ ନିକାନ୍ ନିଙ୍ଗ୍, ଗାଡ଼ତି, ଇମେନିପ ନି ମାନ୍ ମାନ୍‌ଗୁଡ଼, ହେନ୍‌ଟା° ନିଙ୍ଗେଙ୍ଗ୍ ଅଜି ହାଞ୍ଜିନାର୍ ।

^{୧୯} ହେୱାନ ଇନେସ୍ ବାନି ହାକିଦାଣ୍ ହୁକେ ଇସ୍‌ବର୍‌ତି° ଜାଜ୍‌ମାଲ୍ କିନାନ୍, ହେବେ ଚର୍‌ତି ହିଜି ହେୱାନ ଇଦା° ଇଚାନ୍ । ଇଦା° ଖେର୍‌ତି ପାଚେ ହେୱାନ ତାଙ୍ଗେଙ୍ଗ୍ ଇଚାନ୍, “ନା ପାଚେ ପାଚେ ଖାତ ।”

ଜିସୁ ଆରି ତା ଖାରିନି ଚେଲା

^{୨୦} ✠ଜିସୁ ଇମ୍‌ଣି ଚେଲାହି° ଜିଉନଜି ମାଚାନ୍ ଆରି ଜେ ମ୍ରିକା କୁଲେରୁଉଣି ସମୁତ ତାଙ୍ଗେଙ୍ଗ୍ ନେଞ୍ଜେଡାକିତ ଇଡ଼ିୟା ଆଜି, “ମାପୁ, ନିଙ୍ଗେଙ୍ଗ୍ ଇନେନ୍ ବେରିୟାର୍ କେଇଦ ହେଲାୟ୍ କିଦ୍‌ନାନ୍ ଇଞ୍ଜି ଖେନ୍‌ବିସ୍ ମାଚାନ୍, ହେ ଚେଲାଙ୍ଗ୍ ପିତର୍ ମାସ୍‌ଦି ପାଚେ ଖାଜି ମାନାକା ହୁଡ଼ତାନ୍ ।” ^{୨୧} ପିତର୍ ତାଙ୍ଗେଙ୍ଗ୍ ହୁଡ଼ଜି ଜିସୁଙ୍ଗ୍ ଖେନ୍‌ବାତାନ୍, “ମାପୁ, ଇଞ୍ଜିନ୍ ବିସ୍ତେ ଇନାକା ଇଞ୍ଜିନାୟା ?”

^{୨୨} ଜିସୁ ତାଙ୍ଗେଙ୍ଗ୍ ଇଚାନ୍, ନା, ଖାନି ପାଚେକ୍ ହେୱାନ ମାନେନ୍ ଇଞ୍ଜି “ଜଦି ଆନ୍‌ମାନ୍ କିନାଙ୍ଗ୍, ତା ଆତିସ୍ ହେବେ ମିଦାଙ୍ଗ୍ ଇନାକା ମାନାଡ଼ ? ଏପେଙ୍ଗ୍ ନା ପାଚେ ଖାତ ।”

^{୨୩} ହେବେଣ୍ଡା° ହେ ଚେଲା ଜେ ହାଉନ୍ ଇଞ୍ଜି, ଟଣ୍ଡାର୍ ବିତ୍ରେ ଇ ବେରଣ୍ ଖିଣ୍ଡି ହାତାଡ଼, ମାତର୍ ହେୱାନ ହାଉନ୍ ଇଞ୍ଜି ଜିସୁ ତାଙ୍ଗେଙ୍ଗ୍ ଖେର୍‌ଖାଦାଙ୍ଗ୍, ମାତର୍ “ନା ଖାନି ପାଚେକ୍ ହେୱାନ ମାନେନ୍ ଇଞ୍ଜି ଜଦି ଆନ୍‌ମାନ୍ କିନାଙ୍ଗ୍, ତା ଆତିସ୍ ହେବେ ମିଦାଙ୍ଗ୍ ଇନାକା ମାନାଡ଼ ଇଞ୍ଜି ଇଞ୍ଜି ମାଚାନ୍ ।”

^{୨୪} ଜେ ଇ ଖିଜୁ ବିସ୍ତେ ସାକି ହିନାନା ଆରି ଇ ଖିଜୁ ଲେକିକିତାନ୍‌ନା, ହେୱାନ ହେ ଚେଲା; ଆରେ, ହେ ସାକି ଜେ, ହାଡ଼ପା, ହେଦା° ଆପେ° ପୁନାୟ୍ ।

ଓସ୍ତି କାତା

^{୨୫} ଆରେ, ଜିସୁ ଆରି ବେସି ବେସି କାମାୟ୍ ପା କିଜି ମାଚାନ୍; ହେୱାଙ୍ଗ୍ ଖିଜୁ ଜଦି ରଞ୍ଜାଙ୍ଗ୍ ରଞ୍ଜାଙ୍ଗ୍ କିଜି ଲେକା ଆତାମ୍, ତା ଆତିସ୍ ଏଚେକ୍ ପତିଙ୍ଗ୍ ଲେକା ଆତିକ୍‌ମା ଜେ, ନା ବାବ୍‌ନାତ ଖିଜୁ ପୁତର୍ ତ ପା ହେ ଖିଜୁ ଇର୍‌ନି କାଜି° ବାହା ଆଖାତାମ୍ ।

✠ ୨୧:୨୦ ୨୧:୨୦ ଜହନ୍ ୧୩:୨୫.

ପ୍ରେରିତ ଶିଷ୍ୟମାନଙ୍କର କାର୍ଯ୍ୟଗୁଡ଼ିକ ପକ୍ୟାତାକାତ କାମାୟ ପକ୍ୟାତାକାନ୍ ପତି ବିଷ୍ଣୁ ପାଦେକ୍

ପକ୍ୟାତି ପତି ଆନାତା ମଣ୍ଡଳିନି ଆରମ୍ଭ ଆରି ଇନେସ୍ ଇଦାଂ ଜିରୁସାଲମ୍ତାଂ, ଜିହୁଦା, ସମରିଆ ଆରି ବାରତ ଇନେସ୍ ମେଙ୍ଗତାତ୍ ଇଦାଂ ଜିସୁତି ସାଗେ ଦୁମ୍ନି ଆଗେତାଂ ତା ତେଲାରରିଂ ଇଞ୍ଜି ମାତାନ୍ । ୧:୮ ପକ୍ୟାତି ପତି ଲୁକ ତାଂ ଲେକାତାତ୍ନା ଇନେରକି ଲୁକ ଲେକିକିତି ନେକ୍ରିକାବୁର୍ ପା ଲେକିକିଜି ମାତାନ୍ । ହେଞ୍ଜାନ୍ ରଞ୍ଜାନ୍ ଡାକ୍ତର ମାତାନ୍ ଆରି ବୁଲ୍ କିଞ୍ଜାଦାଂ ଲେକିକିନାକାନ୍ ୧:୧ଲେକିକିନିତ ବେସି ତ୍ରିକାତ୍ ମାତାନ୍ । ହେଞ୍ଜାନ୍ ରିଣ୍ଡି ନେକ୍ରିକାବୁର୍ ଆରି ପକ୍ୟାତି ପତିତ ତିଅପିଲତିଂ ଲେକିକିନାକା ଇନେରକି ହେଞ୍ଜାନ୍ ରଞ୍ଜାନ୍ ଗ୍ରିକ୍ ମାତାନ୍, ପତିତିଂ ରିଣ୍ଡି ଗ୍ରିକ୍ ଆରି ଜିହୁଦି କୁଟୁମ୍ କାଜିଂ ମାତାତ୍ । ଇତିସ୍ ପକ୍ୟାତି ପତି ଜିସୁ କ୍ରିସ୍ତୁତି ଜଲମ୍ ପାତେ ୬୦ ତାଂ ୬୪ ବିତ୍ରେ ଲେକା ଆଜି ମାତାତ୍, ଇନେକିଦେଂକି ପାଉଲ୍ଡି ବନ୍ଦିମୁକ୍ତି ଆଗେତାଂ ପତି ଲେକିକିନି କାମାୟ ସେସ୍ ଆଜି ମାତାତ୍ । ଲୁକ ପା ପକ୍ୟାତି ପାଉଲ୍ ଲାହାଂ ବୁଲାନାତ୍ ଆରି ପକ୍ୟାତି ପତି ଆନ୍ତକିଆତାଂ ଲେକା ଆଜି ମାନ୍ଗାନାତ୍ । ପକ୍ୟାତି ପତି ଲୁକ ନେକ୍ରିକାବୁର୍ ଚାଲାନି କାମାୟ ଆନାତ୍ ଆରି ଜିସୁତି ସାଗେ ଦୁମ୍ନାକା ଆରମ୍ଭ ଆନାତ୍ । ଲୁକ ଲେକିକିତି ନେକ୍ରିକାବୁର୍ ଉଦେସ୍ତ ପକ୍ୟାତି ଲେକାନି ଉଦେସ୍ ଲାହାଂ ସମାନ୍ ଆନାତ୍ । ହେଞ୍ଜାନ୍ ତିଅପିଲତିଂ ଆରି ବୁଦିପାୟାନି କ୍ରିସ୍ତୁୟାନରିଂ ହାତ୍ପା ଆଦେଂ ଇଚାକିନାର୍ ଇନାକା ହେଞ୍ଜାରିଂ ହିକ୍ୟା ହିଜିମାତି ବିଷ୍ଣୁ ଜିସୁ କ୍ରିସ୍ତୁତି ଜିରୁନ୍ ଆରି ମେଙ୍ଗଜି ଲାବ୍ କିଜି ମାତିଲେ କ୍ରିସ୍ତୁୟାନରିଂ ନେକ୍ରିକାବୁର୍ ବୁଲ୍ କିଞ୍ଜାଦାଂ ଇସାବ୍ କିଜି ଇଚ୍ଚନାର୍ । ପକ୍ୟାତି ପତିତ ଆଗେନି ମଣ୍ଡଳି କ୍ରିସ୍ତୁତାକେ ପାତ୍ ଇଚ୍ଚନି କାଜିଂ ମା କାଜିଂ ଉତର୍ମୁଡ୍, ଜାଣାୟକିନାତ୍ । ପକ୍ୟାତାକାର୍ତି ଉତର୍ମୁଡ୍ତାଂ ମାଙ୍ଗେଙ୍ଗ୍ ପୁନ୍ୟାନାତ୍ ଜେ, ଇନେସ୍ ପୁଇପୁୟା ଜିରୁନ୍ତିଂ ମାନି କିତାର୍ ବିନ୍ଲକାର୍ ତାକେ ନେକ୍ରିକାବୁର୍ ବେରଣ୍ ହପ୍ପୟାନାତ୍ ।

ପତି ବିତ୍ରେନି ରାହାଣ୍

- ୧. ପୁଇପୁୟା ଜିରୁନ୍ ଜୁଦନାକା ଆରି ମଣ୍ଡଳି ବାତାନାକା । ୧:୧-୮:୧
- ୨. ମଣ୍ଡଳିନି ଇଣ୍ଡି ଆରି ନେକ୍ରିକାବୁର୍ ମେଙ୍ଗଜି ଲାବ୍ କିନାତ୍ । ୮:୨-୧୨:୨୩
- ୩. ପାଉଲ୍ଡି ପର୍ଡୁମ୍ ମିସିନାରି ଜାତ୍ରା । ୧୨:୨୪-୧୪:୨୮
- ୪. ପୁନ୍ ପାତ୍ କିନାକାରିଂ ଲଡା ଆରି ଜିରୁସାଲମ୍ତ ସବା । ୧୫:୧-୩୫
- ୫. ପାଉଲ୍ ରିଣ୍ଡି ମିସିନାରି ଜାତ୍ରା କିନାନ୍ । ୧୫:୩୬-୧୮:୨୨
- ୬. ପାଉଲ୍ଡି ତିନି ମିସିନାରି ଜାତ୍ରା କିନାନ୍ । ୧୮:୨୩-୨୦:୩୮
- ୭. ପାଉଲ୍ ଜିରୁସାଲମ୍ତ ବନ୍ଦି ଆନାନ୍ । ୨୧:୨୬
- ୮. ପାଉଲ୍ଡିଂ ରମ୍ତ ଜାତ୍ରା । ୨୨:୨୮

ପୁଇପୁୟା ଜିରୁନ୍ତିଂ ପାର୍ମାଣ୍

୧ ☆ ଏ ଖାରିନି ତିୟପିଲ୍,

ଇମ୍ଣି ଦିନ୍ ଜିସୁ ଜାର୍ ବାଟିକିତି ପକ୍ୟାତାକାରିଂ ପୁଇପୁୟା ଜିବନ୍ ଲାହାଙ୍ଗ୍ ବଲ୍ ହିଜି ଜପି ଅୟାତାନ୍, ^୨ ବାଦାଡ୍ତ ଦୁମ୍ନି ପାତେକ୍ ଇମ୍ଣି ସବୁ କାମାୟ କିଜି ମାତାର୍ ଆରି ବଲ୍ ହିଜି ମାତାର୍, ହେ ଖିଜୁ ବିଷ୍ଣୁ ଲେକିକିଜି ମାତାଙ୍ଗ୍ । ବାଦାଡ୍ତ ଦୁମ୍ନି ଆଗେ ଇମ୍ଣାକାରିଂ ହେଞ୍ଜାନ୍ ଜାର୍ ପକ୍ୟାତାକାର୍ ଲାକେ ବାଟି କିଜି ମାତାନ୍, ହେଞ୍ଜାରିଂ ହେଞ୍ଜାନ୍ ପୁଇପୁୟା ଜିରୁନ୍ ସାକ୍ତିତାଂ ବଲ୍ ହିଜି ମାତାନ୍ । ^୩ ଜିସୁ ପା ଜାର୍ ଦୁକ୍ବଗ୍ ପାତେ ଆଦେକ୍ ପାର୍ମାଣ୍ ହୁକେ ହେଞ୍ଜାର୍ ତାକେ ଜାର୍ତିଂ ଜିଜି ମାନାକା ଚଚ୍ଚାନ, ଆରେ ରିକଡ୍ ଦିନ୍ ପାତେକ୍ ତାଇନାତ୍ ହେଞ୍ଜାରିଂ ଚଞ୍ଜା ଆଜି ଇସ୍ପରତି ରାଜିନି ବିଷ୍ଣୁ ଇଚାନ୍ । ^୪ ରଗ ହେଞ୍ଜାର୍ ହୁକେ ଚିଞ୍ଜେଙ୍ଗ୍ କୁଚ୍ଚି ଖେଡାଲିଂ ଜିସୁ ହେଞ୍ଜାରିଂ ଇ ବଲ୍ ହିଜି, “ଏପେଙ୍ଗ୍ ଜିରୁସାଲମ୍ତାଂ ହାଲ୍ମାଟ୍, ମାତର୍ ଆବାତି ଇମ୍ଣି ପାର୍ମାଣ୍ ବିଷ୍ଣୁ ନା ତାଙ୍ଗ୍ ଖେଚାଦେଣ୍ଡା, ହେବେ କାସିମାନାଟ୍; ^୫ ଇନେକିଦେଂକି ଜହନ୍ ଏସ୍ତ ବାପ୍ରିସିମ୍ ହିତାନ୍ ସଡ୍, ମାତର୍ ଅଲପ୍ ଦିନ୍ ବିଷ୍ଣୁ ପୁଇପୁୟା ଜିରୁନ୍ତ ବାପ୍ରିସିମ୍ ଆନାଦେର୍ ।”

ଜିସୁତି ବାଦାଡ୍ତ ଦୁମ୍ନାକା
(ମାର୍କ ୧୬:୧୯-୨୦; ଲୁକ ୨୪:୫୦-୫୩)

☆ ୧:୧ ୧:୧ ଲୁକ ୧:୧-୪. ☆ ୧:୫ ୧:୫ ମାତିଉ ୩:୧୧; ମାର୍କ ୧:୮; ଲୁକ ୩:୧୬; ଜହନ୍ ୧:୩୩.

୭ ଲାଗିଂ ହେୱାର୍ ରବେ ରୁଣ୍ଡା ଆଜି ହେୱାନିଂ ଗଞ୍ଜାରି କିଦେଙ୍ଗ ଲାଗାତାର୍; “ଏ ମାପୁ, ଏନ୍ ଇନାକା ଇ ସମୁତ ଇସ୍ରାଏଲ୍ କେଇଦ ଆରେରଗ ରାଜିନି ବଜ୍ ହେଲ୍ଲୟ୍ କିନାୟା ?”

୮ ହେୱାନ୍ ହେୱାରିଂ ଇଚାନ୍, “ଇମଣି ଓଁଜୁ କାଡ଼୍ କି ସମୁ ଆବା ଜାର୍ ଆଦିକାର୍ ତାରେନ୍ ଇଡ଼ତାନ୍ନା ହେଦାଂ ମିଦାଙ୍ଗ୍ ପୁନି ବିସ୍ତେ ଆକାୟ୍ । ୮ ମାତର ପୁଇପୁୟା ଜିରୁନ୍ ମି ଜପି ଜୁଜି ଖାତିସ୍, ଏପେଙ୍ଗ୍ ସାକ୍ତି ପାୟାନାଦେର୍, ଆରେ ଜିରୁସାଲମ୍ ଓଁଜୁ ଜିହୁଦା ରାଜି ଆରି ସମିରଣ୍ ଆରେ ପୁତ୍ ନି ହାରିହାରା ହାନ୍ଦି ପାତେକ୍ ପା ନା ସାକି ଆନାଦେର୍ ।” ୯ ହେୱାନ୍ ଇ ଓଁଜୁ କାତା ଇଚି ପାଚେ ହେୱାର୍ ହୁଡ଼ ହୁଡ଼ ହେୱାନ୍ ଜପି ଅୟାତାନ୍, ଆରେ ଅଲପ୍ ବାଦାଡ଼ତ୍ ହେୱାନିଂ ହେୱାର୍ ନଞ୍ଜରତାଂ ଦେହା ଆତାନ୍ ।

୧୦ ଜିସୁ ହାଲୁ ହାଲୁ ହେୱାର୍ ବାଦାଡ଼ ନିପ ମିଚ୍କିଞ୍ଜାଦାଂ ହୁଡ଼ନାରା, ଇ ଲାକେ ସମୁତ, ହୁଡ଼ାଟ୍, ଡିଞ୍ଜିନି ହେନ୍ଦା ଉସ୍ତାତାକାର୍ ରିକାର୍ ଆଣ୍ଡାଙ୍ଗ୍ ହେୱାର୍ ଲାଗାଂ ଇକାଞ୍ଜାତାର୍, ୧୧ ଆରେ ହେୱାର୍ ଇଚାର୍, “ଏ ଗାଲିଲିୟର୍ ଲକ୍ତୁ, ଇନାକିଦେଂ ଏପେଙ୍ଗ୍ ବାଦାଡ଼ ନିପ ହୁଡ଼ଜି ନିଲ୍ତାଦେର୍ଣ୍ଣା ? ଇ ଇମଣି ଜିସୁ ମିତାଙ୍ଗ୍ ବାଦାଡ଼ତ୍ ଅୟାତାନ୍, ହେୱାନିଂ ଏପେଙ୍ଗ୍ ଇନେସ୍ ବାନି ବାଦାଡ଼ତ୍ ହାନାକା ହୁଡ଼ତାଦେର୍, ହେୱାନ୍ ହେ ଲାକେ ମାଜ୍ଦି ଖାନାନ୍ ।”

**ଜିହୁଦାତି ବାହାତ ମାତିଆତି ପୁରାକିନାକା
(ମାତିଉ ୨୭:୩-୧୦)**

୧୨ ଇଦାଂ ପାଚେ ପକ୍ୟାତାକାର୍ ଜିଡ଼ ଇନି ମାଡ଼ିତାଂ ଜିରୁସାଲମ୍ ମାସ୍ଦି ଖାତାର୍ । ହେ ଜିରୁସାଲମ୍ ଲାଗେ, ର ଜମ୍ନିବାର୍ନି ହାଜି ର କିଲମିଚର୍ ଦେହା ମାଚାଡ଼ । ୧୩ ହେୱାର୍, ଇଚିସ୍ ପିତର୍, ଜହନ୍, ଜାକୁବ୍, ଆନ୍ଦ୍ରିୟ୍, ପିଲିପ୍, ତମା, ବାର୍ତ୍ତଲମି, ମାତିଉ, ଆଲପିତି ମେହି ଜାକୁବ୍, ତିରକାଡ଼୍ ସିମନ୍ ଆରି ଜାକୁବ୍ତି ମେହି ଜିହୁଦା, ଜିରୁସାଲମ୍ ଗାଡ଼୍ ବିତ୍ରେ ହଣ୍ଡି, ଇମଣି ଜପଣି ବାକ୍ରାତ ହେୱାର୍ ବାହା କିଜି ମାଚାର୍, ହେବେ ହାଚାର୍ । ୧୪ ଇଞ୍ଜାର୍ ଓଁଜାର୍ କଗ୍ଲେରାହିଂ ହୁକେ ଆରି ଜିସୁତି ତେହି ମରିୟମ୍ ଆରି ହେୱାର୍ତି ଟଣ୍ଡାର୍ ଲାହାଙ୍ଗ୍ ର ମାନ୍ତ ପାର୍ତାନାତ ଲାଗା ଆଜି ମାଚାର୍ ।

୧୫ ହେ ପାର୍ତାନା ଖେଡାଲିଂ ପିତର୍ ତରଦି ଟଣ୍ଡାର୍ ବିତ୍ରେ ମାଦି ଇଞ୍ଜ ଇଚାନ୍ ହେବେ ଜିସୁ ଆନମାନତାଂ ଚକଡ଼ି ଜାଣ୍ ରବେ ମାଚାର୍, ୧୬ “ଟଣ୍ଡାର୍, ଆରେ ତଣ୍ଡେକ୍ ଇମଣି ଇସ୍ପାରିଡ଼ ଜିହୁଦା ଜିସୁଙ୍ଗ୍ ଆହ୍ନି ମାନାୟାରିଂ ହାଜି ଚଚ୍ଚି ମାଚାନ୍, ହେ ବିସ୍ତେ ପୁଇପୁୟା ଜିରୁନ୍ ପୁର୍ବେତାଂ ଦାଉଦ୍ତି ଖେଇଦାଂ ଇନାକା ଇଞ୍ଜି ମାଚାର୍, ହେ ସାସ୍ତର୍ ବଚନ୍ ପୁରାଦେଂ ଲଡ଼ା ମାଚାଡ଼; ୧୭ ଇନାକିଦେଂକି ହେୱାନ୍ ମା ଦଲ୍ଦ ରଞ୍ଜାନ୍ ଇଞ୍ଜି ଗାଣାକିୟାଜି ମାଚାନ୍ ଆରି ହେବା ପାଦ୍ତ ମେହାଆଜି ମାଚାନ୍ ।”

୧୮ ଇ ମାନାୟ୍ ଜିହୁଦା ଅଦାମ୍ ମଲ୍ ହୁକେ ର ବୁମି କଡ଼ଜି ମାଚାନ୍, ଆରେ, ହେୱାନ୍ କାପ୍ଡା ଇଡ଼ୟାଜି ଆତ୍ ଲେ ହେୱାକ୍ତି ପଚ ପାଡ଼ତାଡ଼ ଆରି ଖାହିଂ ହସି ହାଚିକ୍; ୧୯ ଆରେ, ଇଦାଂ ଜିରୁସାଲମ୍ ଗାଡ଼ଦ ବାହାକିତି ଓଁଜାକାର୍ ପୁଚିଲେ ହେ ବୁମି ହେୱାର୍ତି ଜାର୍ ବେରଣ୍ଡତ “ହକଲ୍ଦମା” ଇଚିସ୍ “ନେତେର୍ ବୁମି” ଇଞ୍ଜି ପୁଟାତାଡ଼ ।

୨୦ “ଆରେ ପତିତ ଲେକାମାନାଡ଼,
ହେୱାକ୍ତି ବାହା ମେଲ୍ଲୟେଡ଼,

ହେବେ ଇନେର୍ ବାହା କିମେନ୍ ।”

ଆରି ହେୱାନ୍ କାମାୟ୍ତ ଆରେ ବିନ୍ନିକାନ୍ ପାୟାୟେନ୍ ।”

୨୧ “ଲାଗିଂ, ମାପୁ ଜିସୁ ଜହନ୍ ହୁକେ ବାପ୍ତିସିମ୍ ଅନି ସମୁତାଂ ଆରମ୍ କିଜି, ମା ଲାଗାଂ ଜପିତାଂ ଅୟାନି ଦିନ୍ ପାତେକ୍ ଏତେକ୍ ସମୁ ମା ବିତ୍ରେ ବୁଲ୍ଲା ଚାଲ୍ଲା ଆଜି ମାଚାର୍ । ୨୨ ହେ ସମୁ ଇମଣି ମାନାୟାର୍ ମା ହାଙ୍ଗ୍ଦାକାର୍ ଆତାଣ୍ଡା, ହେୱାର୍ ବିତ୍ରେତାଂ ଜହନ୍ ବାପ୍ତିସିମ୍ ଅଜି ମା ଲାହାଂ ହେୱାକ୍ତି ଆରେ ନିନାକା ସାକି ଆଦେଂ ଲଡ଼ା ।”

୨୩ ହେବେ ହେୱାର୍ ରିୟାରିଂ, ଇଚିସ୍ ଜସେପ୍ତିଂ, ଇନେରିଂ ବର୍ସବା ଇଞ୍ଜି ଇନାର୍ ଆରି ଇନେର୍ତ୍ କୁକ୍ନି ତର୍ ଜୁସ୍, ଆରି ମତିୟ ବିନେ ତର୍ ହିଚାର୍, ୨୪ ଇ ପାର୍ତାନା କିଚାର୍, “ମାପୁ ସବୁ ଲକାର୍ତି ଚିନ୍ତା ପୁନି ମାପୁ ଇ ରିୟାର୍ ବିତ୍ରେତାଂ ମି ହୁକେ ଇନେର୍ ବାଚି କିୟାତାନ୍ ମାଙ୍ଗେଙ୍ଗ୍ ଖେଚ୍ଚାଟ୍, ୨୫ ଇ ମାନାୟ୍, ଜିହୁଦାତି ବାହାତ ପକ୍ୟାତି ହେବା ପାଦ୍ କାମାୟ୍ କିନାନ୍ ।” ୨୬ ଆରେ, ହେୱାର୍ ହେ ରିୟାର୍ କାଜିଂ ଦରମ୍ଗୁଲି କିଚାର୍, ଆରେ ମତିୟ ତର୍ଦ ଦରମ୍ଗୁଲି ନିତାଡ଼; ହେବେ ହେୱାନ୍ ଏଗାର୍ ଜାଣ୍ ପକ୍ୟାତାକାର୍ ଲାହାଂ ମିହାତାନ୍ ।

୨

ପୁଇପୁୟା ଜିରୁନ୍ତି ଜୁଦନାକା

୧ ଜିହୁଦିର୍ତି ପେଣ୍ଟିକସ୍ ପାର୍ବୁ ଦିନ୍ ଏକାଖାତିଲେ, ଓଁଜାର୍ ର ବାହାତ ରୁଣ୍ଡାଜି ମାଚାର୍ । ୨ ଆରେ, ହାଚାଗ୍ରେ ବେସି ଦୁକାନି ଗାର୍ଜାନ୍ ଲାକେ ର ଗାର୍ଜାନ୍ ହାଚାଗ୍ରେ ବାଦାଡ଼ତାଂ ଖାଜି, ଇମଣି ଇଞ୍ଜ ହେୱାର୍ କୁଚ୍ଚି ମାଚାର୍, ହେ ଇଲ୍ଲିନି ଓଁଜେନିପ ମେଙ୍ଗ୍ତାଡ଼, ୩ ଆରେ ନାଣି ଲାକେ ଖେୟୁଲିଂ ହେୱାର୍ତି ନଞ୍ଜର୍ ଆଜି ରଞ୍ଜାଙ୍ଗ୍ ରଞ୍ଜାଙ୍ଗ୍ କିଜି ହେୱାର୍ତି ଓଁଜାରିଂ

☆ ୧:୯ ୧:୯ ମାର୍କ ୧୭:୧୯; ଲୁକ ୨୪:୫୦,୫୧. ☆ ୧:୧୩ ୧:୧୩ ମାତିଉ ୧୦:୨-୪; ମାର୍କ ୩:୧୭-୧୯; ଲୁକ ୬:୧୪-୧୬. ☆ ୧:୨୧ ୧:୨୧ ମାତିଉ ୩:୧୬; ମାର୍କ ୧:୯; ଲୁକ ୩:୨୧; ମାର୍କ ୧୬:୧୯; ଲୁକ ୨୪:୫୧.

ଜପିତାଂ ତୁତାତ୍ । ୪ ହେବେ ଓଜାକାର ପୁଞ୍ଜପୁୟା ଜିବୁନ୍ତ ବାତ ଆତାର, ଆରେ ଜିବୁନ୍ ହେଞ୍ଜାରିଂ ଇନେସ୍ ଇଞ୍ଜେଙ୍ଗ୍ ସାକ୍ତି ହିତାତ୍, ହେ ଲାକେ ହେଞ୍ଜାରି ବିନ୍ ବିନ୍ ବେରଣ୍ଡିତ କାତା ଇଞ୍ଜେଙ୍ଗ୍ ଲାଗାତାର ।

୫ ଇ ସମୁତ ପେଣ୍ଡିକସ୍ ପାର୍ବୁ ପାଲି କିନି ଉଦେସ୍ତ ବାଦାତ୍ ତାରେନ୍ ମାନି ସବୁ ଜାତିତାଂ ପୁଜାରିର୍ ଜିହୁଦିର୍ ଖାଜି ଜିରୁସାଲମ୍ନତ ବାହା କିଜି ମାଚାର୍; ୬ ଆରେ, ହେ ଗାର୍ଜାନ୍ ଖେଚିଲେ, ହେନି ଲକୁ ରୁଣ୍ଡା ଆଜି କ୍ରିସ୍ଟୁଙ୍ଗ୍ ପାତ କିନାକାର୍ ଜାଣକେ ଜାର୍ ଜାର୍ ବେରଣ୍ଡିତ ହେଞ୍ଜାରିଂ କାତା ଇନାକା ଖେନ୍ଞି କାବା ଆତାର । ୭ ଆରେ, “ହେଞ୍ଜାରି କାବା ଆରି ବକ୍ଷା ଆଜି ଇଞ୍ଜେଙ୍ଗ୍ ଲାଗାତାର, ହୁଡ଼ାତ୍, ଇ ଇମ୍ଫଣି ମାନାୟାର୍ କାତା ଇନାରା, ହେଞ୍ଜାରି ଓଜାକାର୍ ଇନାକା ଗାଲିଲିୟର୍ ଆକାୟ୍ ? ୮ ଖାଟିଙ୍ଗ୍, ଆସେଙ୍ଗ୍ ଇନେସ୍ ଜାଣକେ ଇନାକା ଜାର୍ ଜାର୍ ବାସା ବେରଣ୍ଡି କାତା ଖେନାସା ? ୯ ପାତ ଯା, ମାଦିୟା ଆରି ଏଲାନି, ଆରେ ମେସପଟାମିଆ, ଜିହୁଦା ଦେସ୍ ଆରି କାସ୍ତାଦକିଆ, ପନ୍ତୁ ଆରି ଆସିଆ, ୧୦ ପୁଗିଆ ଆରି ପଂପୁଲିଆ, ମିସର୍ ଆରି କୁରିଣି ଲାଗେନି ଲିବିଆ ନିପନି ଲକୁ, ଆରି ରମତାଂ ଖାଜି ମାନି ଜିହୁଦି ଆରି ଜିହୁଦି ଦରମ୍ଫିନାକାର୍, ୧୧ ଆରେ କ୍ରିତିୟ ଆରି ଆରବିୟ ଲକୁ ଜେ ଆସେଙ୍ଗ୍, ଆସେଙ୍ଗ୍ ଜାର୍ ଜାର୍ ବାସାତ ଜିହୁଦିରିଂ ଇସ୍ପୁର୍ତି ଗାଜା ଗାଜା ସାକ୍ତି କାମାୟନି କାତା ଇନାକା ଖେନାସା ।” ୧୨ ଆରେ, ଓଜାକାର୍ କାବା ଆରି ବୁଦିବାଣା ଆଜି ହାରି ଇଞ୍ଜେଙ୍ଗ୍ ଲାଗାତାର, “ଇଦାଂ ଅରତ୍ ଇଚିସ୍ ଇନାକା ?”

୧୩ ମାତର୍ ବିନ୍ଲଗୁ ପାତ କିନାକାରିଂ ଗୁଜି ଇଚାର୍, “ଇଞ୍ଜେର୍ ପୁନି ଅଙ୍ଗୁର୍ ରାସ୍ତ ହର୍ତାଣ୍ଡା ।”

ପିତରୁତି ପରଚାର୍

୧୪ ମାତର୍ ପିତର୍ ଏଗାର୍ ଜାଣ୍ ହୁକେ ଇଞ୍ଜି ଗାଜା କାର୍ତାଂ ହେଞ୍ଜାରି ତାକେ ଇଞ୍ଜି ଇଚାନ୍, ଏ ଜିହୁଦିର୍ ଲଗୁ ଆରି ଜିରୁସାଲମ୍ନି ଓଜାକାଦେର୍, ଏପେଙ୍ଗ୍ ଇଦାଂ ପୁନାଟ୍ ଆରି ନା ବଚନ୍ ଖେନାଟ୍ । ଆନ୍ ଇ ବିସ୍ତେ ରୁଜାୟ୍ କିଦନାଙ୍ । ୧୫ ଇନାକିଦେଂକି ଏପେଙ୍ଗ୍ ଇନେସ୍ ବାବି କିନାଦେରା, ଇଞ୍ଜାରି ହେ ଲାକେ ହର୍ତାଣ୍ଡାଣ୍ଡା, ଲାଗିଂ ନଙ୍ଗ୍ ସମୁ ନାଡ଼ିହିଂ ନଅ ଗଣ୍ଡା ମତର୍ । ୧୬ ମାତର୍ ଜୟେଲ୍ ଇଞ୍ଜି ମାଚାନ୍, ବେଣ୍ଡାକ୍ଷାୟକିନାକାର୍ ତାଙ୍ଗ୍ ଇନାକା ଲେକାମାନାତ୍, ଇଦାଂ ହେ ବିସ୍ତେ ।

୧୭ “ଇସ୍ପୁର୍ ଇନାନ୍,
ସେସ୍ କାଡ଼ଦ ଏଲେଙ୍ଗ୍ କିନାଙ୍,
ଆନ୍ ଓଜାକାର୍ ଜପି ନା ଜିବୁନ୍ ବେସି ବାବ୍ରେ ହିନାଙ୍,
ହେବେ ମି ହିମ୍ଫା ଖାକ୍ତାର୍ ବେଣ୍ଡାକ୍ଷାୟକିନାକାନ୍,
ଆରେ ମି ଦାଙ୍ଗ୍ଣାର୍ ହୁଡ଼ନାର୍,
ଆରେ ମି ପ୍ରାଟିନାର୍ କ୍ଳେଞ୍ଜନାର୍,
୧୮ ଆଁ, ହେ କାଡ଼ଦ ଆସେଙ୍ଗ୍ ଆଡ଼ିୟାଣି,
ଆଣ୍ଡାଙ୍ଗ୍ ଆରି କଗ୍ଲେହିମ୍ଫାଂ,
ଜପି ଜାର୍ ଜିବୁନ୍ ହିନାଙ୍, ହେବେ ହେଞ୍ଜାରି ବେଣ୍ଡାକ୍ଷାୟକିନାକାର୍ ।
୧୯ ଆସେଙ୍ଗ୍ ଜପିନି ବାଦାଡ଼ତ୍ ବାର୍ବିନ୍ କାବାନି କାମାୟ୍,
ଆରେ ତାରେନ୍ନି ପୁତ୍ ତ ବାର୍ବିନ୍ ଚିନ୍କୁ, ନେତେର୍,
ନାଣି ଆରି ବେସି କଦା ଚର୍ଚାନାପ୍ ।
୨୦ ମାପୁଡ଼ି ସିଗ୍ ଆରି ଜାଜ୍ମାଲ୍ନି ଦିନ୍
ଖାନି ଆଗେ, ଖେଡ଼ା ମାଜ୍ଗା ଆନାତ୍,
ଆରି ଲେଞ୍ଜି ନେତେର୍ ଆନାତ୍ ।
୨୧ ଆରେ, ଏଲେଙ୍ଗ୍ ଗିଚାନାତ୍ ଜେ,
ଇନେର୍ ମାପୁଡ଼ି ତର୍ଦ ପାର୍ତାନା କିନାନ୍, ହେଞ୍ଜାରି ରାକ୍ୟା ପାୟା ଆନାନ୍ ।”

୨୨ “ଏ ଇସ୍ରାଏଲିୟନି ଲକୁ, ଇ ଓଜୁ କାତା ଖେନାଟ୍ । ନାଜରିତୟ ଜିସୁ ବାର୍ବିନ୍ ସାକ୍ତିନି କାମାୟ୍, କାବାନି କାମାୟ୍ ଆରି ଚିନ୍କୁ ହୁକେ ମି ଲାହାଂ ଇସ୍ପୁର୍ତି ପକ୍ୟାତି ମୁଣିକା ଇଞ୍ଜି ପାର୍ମାଣ୍ଡା ଆତାନ୍ନା, ହେଞ୍ଜାନ୍ତାଂ ଇସ୍ପୁର୍ ଜେ ମିଙ୍ଗେଙ୍ଗ୍ ପା ଇ ଓଜୁ କାମାୟ୍ କିତାନ୍ନା, ଇଦାଂ ଏପେଙ୍ଗ୍ ଇଦାଂ ପୁନାଟ୍ ଇନାକିଦେଂକି ମି ବିତ୍ରେ ଇ ଓଜୁ ଗର୍ଣ୍ଣା ବାତ ଆତାଡ଼ନ୍ନା” ୨୩ ଇସ୍ପୁର୍ ତା ଉପାୟ୍ ଇସାବ୍ରେ ଜିସୁଂ ମି କେଇଦ ହେଲାୟ୍ କିନି କାଜିଂ ତିର୍ କିଜି ମାଚାନ୍ ଆରେ ଏପେଙ୍ଗ୍ ତାଙ୍ଗେଙ୍ଗ୍ ଅଦାମ୍ ହୁକେ କୁରୁସ୍ତ ଦୁପ୍ତି ଅସ୍ତି ମାଚାଦେର୍; ୨୪ ମାତର୍ ଇସ୍ପୁର୍ ହାକିତାଂ ମୁକ୍ତାୟ୍ କିଜି ଇସ୍ପୁର୍ ହେଞ୍ଜାନିଂ ନିକ୍ତାନ୍ନା, ଇନାକିଦେଂକି ହେଞ୍ଜାନ୍ ଜେ ହାକିତାଂ ଗାର୍ଯ୍ୟାନାନ୍ ହେଦାଂ ମୁଡ଼େଆକାୟ୍ । ୨୫ ଦାଉଦ୍ ତ ହେଞ୍ଜାନ୍ତି ବିସ୍ତେ ଇଚାନ୍ନା,
“ନା ମୁମ୍ଦ ନିତ୍ରେ ମାପୁଙ୍ଗ୍ ହୁଡ଼ତାଂ, ଇନାକିଦେଂକି ଆନ୍ ଇନେସ୍ ବିପ୍ତି ଆମେଙ୍ଗ୍,
ହେଦାଂ କାଜିଂ ହେଞ୍ଜାନ୍ ନା ବୁଜ୍ଠି ପାଡ଼କାତ ମାନାନ୍ ।”

☆ ୨:୨୩ ୨:୨୩ ମାତିଉ ୨୭:୩୫; ମାର୍କ ୧୫:୨୪; ଲୁକ ୨୩:୩୩; ଜହନ୍ ୧୯:୧୮. ☆ ୨:୨୪ ୨:୨୪ ମାତିଉ ୨୮:୫,୬; ମାର୍କ ୧୬:୬; ଲୁକ ୨୪:୫.

୨୬ ଲାଗିଂ ନା ମାତ୍ର ଖାରି,
 ଆରି ନା ଖେନ୍ଦୁଲ୍ ସାର୍ଦା ଆତାଡ଼,
 “ଆରେ ନା ଗାଗାଡ଼୍ ପା ବାସର୍ତ ବାହା କିନାଡ଼,
 ନା ବାସର୍ତ ବାହା କିନାଡ଼ ।

୨୭ ଇନାକିଦେଂକି ଏନ୍ ନା ଖାସ୍ତିତିଂ ପାତାଲ୍ତ ପିସ୍ତୁୟୁ,
 କି ଜାର୍ ପୁଇପୁୟା ହେବାକାରିୟାଂ ଜିରା ଆଦେଂ ହିଉୟୁ ।

୨୮ ଏନ୍ନାଙ୍ଗ୍ ଜିରୁନ୍ନି ହାଜି ଚଟ୍ଟାତାୟନା, ଏନ୍ ଲାଗେ ମାନାକା
 ଏନ୍ ଜାର୍ ଲାଗେ ନାଂ ଖାରିତ ବାତର୍ କିଦ୍ନାୟୁ ।”

୨୯ “ଏ ଇସ୍ରାଏଲ୍ ଟଣ୍ଡାର୍ ଆରି ତଣ୍ଡେକ୍, ଆବା ଲାତ୍ରା ମୁଣିକା ଦାଉଦ୍ତି ବିସ୍ତେ ଆନ୍ ମିଙ୍ଗେଙ୍ଗ୍ ପୁଟ୍ତେ ଇଞ୍ଜେଙ୍ଗ୍ ଆଡ଼ନାଂ ଜେ, ହେଖାନ୍ ହାତାନ୍, ଆରେ ଦୁଗେର୍ ପାୟାତାନ୍, ଆରେ ହେଖାନ୍ତି ଦୁଗେର୍ ନେଞ୍ଜେଙ୍ଗ୍ ପାତେକ୍ ମା ବିଡ୍ଡେ ମାନାଡ଼ ।” ୩୦ ରାଜା ଦାଉଦ୍ ରଖାନ୍ ବେଣ୍ବାକ୍‌ଶାୟକିନାକାର୍ ବାବ୍ରେ ହେଖାନ୍ତି ନେତେର୍ତାଂ ଗାଟାତି ରଖାନ୍ ହେଖାନ୍ତି ଗାଦିତ ରାଜା କିଜି କୁଚି କିନି କାଜିଂ ଇସ୍ତୁର୍ ହେଖାନ୍ତି ପାର୍ମାଣ୍ କିଜି ମାତାନ୍ ଇଞ୍ଜି ପୁନ୍‌ଞ୍ଜି ମାତାନ୍, ୩୧ ଇଦାଂ ପୁଚିଲେ ହେଖାନ୍

ଆଗେନିକା କେଞ୍ଜନାକା ହୁକେ କ୍ରିସ୍ତୁତି ଆରେ ନିନାକା ବିସ୍ତେ ଇଚାନ୍,
 ଇନାକିଦେଂକି ହେଖାନ୍ ପାତାଲ୍ତ ତୁହିକିୟା ଆଖାତାନ୍, କି ହେଖାନ୍ତି ଗାଗାଡ଼୍ କି ଗାଗାଡ଼୍ ଜିରା ଆଖାତାନ୍ ।

୩୨ ଇ ଜିସ୍ତୁତି ଇସ୍ତୁର୍ ନିକ୍ତାନ୍ନା, ହେ ବିସ୍ତେ ଆସେଙ୍ଗ୍ ଓଜାକାସ୍ ସାକି । ୩୩ ଜିସ୍ତୁ ତା ଆବା ଇସ୍ତୁର୍ତି ବୁଜ୍‌ଶି ବାଗାଙ୍ଗ୍ ଆରେ ନିଙ୍ଗ୍‌ତାନ୍ନା, ଆରି ଆବାତି ପାର୍ମାଣ୍ ଇସାବ୍ରେ ହେଖାନ୍ତାଂ ପୁଇପୁୟା ଜିରୁନ୍ ପାୟାତାନ୍ନା, ଏପେଙ୍ଗ୍ ନଙ୍ଗ୍‌ୟୁ ହୁଡ଼ନାଦେରା ଆରି ଖେନାଦେରା ହେଦାଂ ତା ଦାନ୍ । ୩୪ ଇନାକିଦେଂକି ଦାଉଦ୍ ନିଜେ ବାଦାଡ଼୍ତ ଦୁମ୍‌ଖାଦାଂ ମାତାନ୍,

ମତର୍ ହେଖାନ୍ ନିଜେ ଇନାନ୍ନା,
 ମାପୁ ନା “ମାପୁଙ୍ଗ୍ ଇଚାନ୍,

୩୫ ଆନ୍ ଇମ୍‌ଶି ପାତେକ୍ ମି ସାତୁରିଂ ମି ପାନା ତାରେନ୍ ଇଟ୍‌ଖାତାପ୍‌ନା,
 ହେ ପାତେକ୍ ମା ବୁଜ୍‌ଶିତ କୁଚି ମାନାଡ଼ ।”

୩୬ “ଲାଗିଂ, ଓଜୁ ଇସ୍ରାଏଲ୍ ପୁନେର୍ ଜେ, ଇମ୍‌ଶି ଜିସ୍ତୁଙ୍ଗ୍ ଏପେଙ୍ଗ୍ କୁସ୍‌ତ ଅସ୍ତାଦେର୍, ହେଖାନ୍ତି ଇସ୍ତୁର୍, ମାପୁ ଆରି କ୍ରିସ୍ତୁ ଚି ପାଦ୍‌ତ ବାଚିକିତାନ୍ନା ।”

୩୭ ଇ କାତା ଖେନ୍‌ଞ୍ଜି ହେଖାନ୍ତି ମାତ୍ର ରାସ୍ ଆଜି ହାଗାଡ଼୍, ଆରେ ହେଖାନ୍ ପିତର୍ ଆରି ବାକି ପକ୍ୟାତାକାର୍‌ରିଂ ଇଚାର୍,
 “ଟଣ୍ଡାର୍, ଆସେଙ୍ଗ୍ ଇନାକା କିନାସ୍ ?”

୩୮ ହେବେ ପିତର୍ ହେଖାନ୍ତିଂ ଇଚାନ୍, “ଏପେଙ୍ଗ୍ ମାନ୍‌ବାଦ୍‌ଲାଇୟୁ କିୟାଟ୍, ଆରେ ଜାର୍ ଜାର୍ ପାପ୍ କେମା କାଜିଂ ସବୁଜାଣ୍ ଜିସ୍ତୁ କ୍ରିସ୍ତୁତି ତର୍ଦ୍ଦ ବାପ୍‌ସିମ୍ ଆଡୁ; ତା ଆତିସ୍ ଏପେଙ୍ଗ୍ ପୁଇପୁୟା ଜିରୁନ୍ତି ଦାନ୍ ପାୟାନାଦେର୍ । ୩୯ ଇନାକିଦେଂକି ଇ ଇସ୍ତୁର୍ତି ପାର୍ମାଣ୍ ମି କାଜିଂ, ମି ହିମ୍‌ଶାଖାକ୍‌ତା କାଜିଂ, ଆରେ ଇସ୍ତୁର୍ତି କୁକ୍ୟାତି ଦେହା ଦେହାତାଂ ମାନି ଏତେକ୍ ମାନାୟାରିଂ ମାପୁ ମା ଇସ୍ତୁର୍ ତା ତାକେ କୁକ୍‌ତାନାନ୍, ହେ ଓଜାକାର୍ କାଜିଂ ଆନାଡ଼ ।”

୪୦ ଆରି ବିନ୍‌ବିନ୍ ବେସି କାତା ହୁକେ ସାକି ହିଦେଂ ଲାଗାତାନ୍ ଆରି ହେଖାନ୍ତିଂ ଉପ୍‌ଦେସ୍ ହିଜି ଇଚାନ୍, “ଇ ଇଲ୍ ଲାତ୍ରାତାଂ ଏପେଙ୍ଗ୍ ରାକ୍ୟା ପାୟା ଆଡୁ ।” ୪୧ ହେବେ ଇମ୍‌ଶାକାର୍ ହେଖାନ୍ତି ବଚନ୍ ଖାସ୍ତିତ ଇଡ଼ତାର୍, ହେଖାନ୍ ବାପ୍‌ସିମ୍ ଅତାର୍, ଆରେ ହେ ଦିନ୍ ଆନାର୍ କିୟା ତିନ୍‌ହାଜାର୍ ଲକୁ ଦଲ୍ ହୁକେ ମେହା ଆତାର୍ । ୪୨ ହେଖାନ୍ ପକ୍ୟାତାକାର୍ ହିକ୍ୟା ମେହାବିଡ଼ାତ, ରୁଚି ତ୍ରିକ୍‌ନିତ ଆରି ପାର୍ତ୍ତନାତ ର ମାନ୍ ଆଜି ମାତାର୍ ।

ପାତର୍ କିନାକାତର୍ ନିତ୍ରେନି ଜିରୁନ୍

୪୩ ଆରେ, ଲକୁ କାବାନି କାମାୟୁ ପାଣ୍ଡାଦେଂ ଲାଗାତାର୍, ପକ୍ୟାତାକାର୍ ହୁଦାଂ ପା ଆଦେକ୍ କାବା କାମାୟୁ ଆରି ତିନ୍‌କୁ ଆଦେଂ ଲାଗାତାଡ଼ । ୪୪ ମତର୍ ଇମ୍‌ଶାକାର୍ ପାତର୍ କିତାର୍, ହେଖାନ୍ ହାରିତିଂ ଓଜାକାର୍ ରବେ ମାନ୍‌ଞ୍ଜି ସବୁ ଜିନିସ୍ ସିଦାସାଦା ସମ୍ପତି ଇଞ୍ଜି ଗିୟାଣ୍ କିଜି ମାତାର୍ । ୪୫ ଆରେ ହେଖାନ୍ ଜାର୍ ଜାର୍ ସମ୍ପତି ପ୍ରହି, ଇନେର୍ତର୍ ଇନେସ୍ ଲଡ଼ା, ହେ ଲାକେ ଓଜାକାର୍ ପାସ୍‌ପିସ୍ ହିଦେଂ ଲାଗାତାର୍ । ୪୬ ଆରେ, ହେଖାନ୍ ର ମାନ୍ ଆଜି ନିତ୍ରେ ମନ୍ଦିର୍ତ୍ତ ମେହାଜି ମାତାର୍ ଇଲ୍‌କୁ ଇଲ୍‌କୁ ରୁଚି ତ୍ରିକ୍‌ଟି ଖାରିତାଂ ଆରି ହୁଦାର୍ ମାତ୍ର ତିନାଉଣା କିଜି ୪୭ ଇସ୍ତୁର୍ତିଂ ଦନ୍‌ସାଦ୍ କିଜି ମାତାର୍ ଆରି ଓଜାକାର୍ ମାନାୟାନ୍ତି ଲାଡ଼ ଆଜି ମାତାର୍ । ଆରେ, ମାପୁ ରାକ୍ୟା ଗାଟାତି ଲକାଂ ନିତ୍ରେ ମଣ୍ଡଲି ଦଲ୍ ହୁକେ ପାତର୍ ମେହାୟୁ କିଦେଙ୍ଗ୍ ଲାଗାତାର୍ ।

୩

ପିତର୍ ରଖାନ୍ତିଂ ଚଟା ବିକାରିଂ ଉଜ୍ କିତାନ୍

☆ ୨:୪୪ ୨:୪୪ ପକ୍ୟାତାକା ୪:୩୨-୩୫.

୧ ଦିନେକ ପାର୍ଥାନାନି ସମାନ୍ ସମୁତ, ଇତିସ୍ ମିକାହାରେସ୍ ତିନ୍ ଗଣ୍ଡା ଝେଡାଲିଂ, ପିତର ଆରି ଜହନ୍ ମନ୍ଦିରତ ହାଲ୍ଜି ମାଚାର । ୨ ଏଲେଙ୍ଗ୍ ଝେଡାଲିଂ ଜଲମତାଂ ଚଟା ରଞ୍ଜାନ୍ ମାନାୟ୍ ପିଣ୍ଡିୟା ଆଜି ହାଲ୍ଜି ମାଚାନ୍, ମନ୍ଦିରତ ହଣାକାର୍ ମାନାୟାର୍ତା ବିକ୍ୟା ଏନ୍ନି କାଜିଂ ଲକୁ ହେଞ୍ଜାନ୍ ନିତ୍ରେ ହେବେ ହଲ୍ଜି ତର ନି ଦୁଝେରତ ଇଡବିସ୍ ମାଚାର । ୩ ହେଞ୍ଜାନ୍ ପିତର ଆରି ଜହନ୍ତିଂ ମନ୍ଦିରତ ହଣେଙ୍ଗ୍ ହାନିହିଂ ହୁଡ଼ଜି ଗଞ୍ଜାରି କିଜି ବିକ୍ ଏନ୍ତେଙ୍ଗ୍ ଲାଗାତାନ୍ । ୪ ପିତର ଆରି ଜହନ୍ତାଙ୍ଗ୍ ର ଲୟାତ ହୁଡ଼ତାର୍, ଆରେ ପିତର ଇଚାନ୍, “ମା ନିପ ହୁଡ଼ଦା ।” ୫ ହେବେ ହେଞ୍ଜାନ୍ ହେଞ୍ଜାର୍ ତାଙ୍ଗ୍ ଅଲପ୍ ଗାଗାନି ଆହାତ ହେଞ୍ଜାର୍ ନିପ ହୁଡ଼ଜି ମାଚାନ୍ । ୬ ମତର ପିତର ଇଚାନ୍, “ରୁପା କି ହନା ନାଦାଂ ହିଲୁଡ଼, ମତର ନାଦାଂ ଇନାକା ମାନାଡ଼, ହେଦାଂ ଆନ୍ ନିଂ ହିଦନାଙ୍ଗା, ନାଜରିତିୟ୍ ଜିସୁ କ୍ରିସ୍ତୁତି ତରଦ ତାଙ୍ଗା ।” ୭ ଆରେ, ହେଞ୍ଜାନ୍ ତା ତିନା କେଇ ଆସ୍ତି ହେଞ୍ଜାନ୍ ନିକତାନ୍, ହେବେଣ୍ଡାଂ ଦାପ୍ତେ ହେଞ୍ଜାନ୍ତି ପାନା ଆରି କାଲ୍ଜି ଗାଟିଂ ସବୁ ବାଡ଼କାସ୍ ଆତାନ୍, ୮ ହେଞ୍ଜାନ୍ ତରଜି ନିଲ୍ତାନ୍, ଆରେ, ତାଙ୍ଗଦେଂ ଲାଗାତାନ୍, ଆରେ ହେଞ୍ଜାନ୍ ତାଙ୍ଗୁ ତାଙ୍ଗୁ ଆରି ତରଜି ତରଜି, ଆରେ ଇସ୍ପରତିଂ ପାର୍ଥାନା କିଡ଼ କିଡ଼ ହେଞ୍ଜାର୍ ହୁକେ ମନ୍ଦିରତ ହଚାନ୍ । ୯ ହେବେ ମାନି ମାନାୟାର୍ ଝିଜାକାର୍ ହେଞ୍ଜାନ୍ ତାଂନାକା ଆରି ଇସ୍ପରତିଂ ଦୁଞ୍ଜାର୍ କିନାକା ହୁଡ଼ତାର୍; ୧୦ ଆରେ ଇମ୍ଫଣି ରଞ୍ଜାନ୍ ମନ୍ଦିରନି ହଲ୍ଜି ଦୁଝେର ଲାଗେ କୁଚ୍ଚି ବିକ୍ ଏନ୍ତି ମାଚାନ୍, ଇଞ୍ଜାନ୍ ହେ ଲକୁ ଇଞ୍ଜି ହେଞ୍ଜାର୍ ତିନକିତାର୍, ଆରେ ତାଙ୍ଗ୍ ଇନାକା ଗିଟାତାଡ଼ନ୍ନା, ହେଦାଂ ହୁଡ଼ଜି ହେଞ୍ଜାର୍ ବେସି ବକ୍ଝା ଆରି କାବା ଆଜି ହାଚାର୍ ।

ଉପାସ୍ ମନ୍ଦିରତ ପିତରତି ପର୍ଚାର୍

୧୧ ହେଞ୍ଜାନ୍ ପିତର ଆରି ଜହନ୍ତିଂ ଆସ୍ତି ମାନି ଝେଡାଲିଂ ଲକୁ ଝିଜାକାର୍ ବେସି କାବା ଆଜି ସଲମନ୍ତି ମଣ୍ଡମତ ହୁଡ଼ଜି ହେଞ୍ଜାର୍ତି ଲାଗେ ରଚେ ହନ୍ତି ଝାତାର୍ । ୧୨ ପିତର ହେଦାଂ ହୁଡ଼ଜି ମାନାୟାରିଂ ଉତର ହିତାନ୍, “ଏ ଇସ୍ତାଏଲିୟର ଲକୁ, ଏପେଙ୍ଗ୍ ଇନେକିଦେଂ ଇ ମାନାୟ୍ ବିସ୍ତେ କାବା ଆନାଦେରା ? କି ଆସେଙ୍ଗ୍ ଇନେସ୍ ଜାର୍ ସାକ୍ତି କି ଲବାୟ୍ ବାଡ଼କାସ୍ତାଂ ଇଞ୍ଜାନ୍ ତାଂଦେଂ ସାକ୍ତି ହିତାପନା, ହେଦାଂ ବାବି କିଜି ମା କାଜିଂ ଇନେକିଦେଂ ମାପ ହୁଡ଼ଦାନାଦେରା ? ୧୩ ଅବ୍ରାହାମ୍, ଇସ୍ହାକ୍ ଆରି ଜାକୁବ୍ତି ଇସ୍ପର, ମା” ବୁଡାତ ଇସ୍ପର, ଜାର୍ ଆଡ଼ିଏନ୍ ଜିସୁଙ୍ଗ୍ ଝିଜି ଜାଜମାଲ୍ କିତାନ୍ନା; ମାତର ଏପେଙ୍ଗ୍ ହେଞ୍ଜାନ୍ ମୁଡ଼ ତାକେ ହେଲାଇୟ୍ କିନାଦେର । ଏଲେଙ୍ଗ୍ କି ବିଚାର୍ କାର୍ଯ୍ୟା ହେଞ୍ଜାନ୍ ମୁକ୍ତି କିଦେଙ୍ଗ୍ ତିର କିଜି ମାଚାନ୍ ପା ହେଞ୍ଜାନ୍ ପିଲାତ ମୁମ୍ଦ ପାତ କିଞ୍ଜାତାଦେର । ୧୪ ଏପେଙ୍ଗ୍ ହେ ପୁଇପୁୟା ଆରି ଦାମ୍ ଲଗାଂ ପାତ କିନାଦେର, ଆରେ ରଞ୍ଜାନ୍ ନାରମାରୁଙ୍ଗ୍ ଇନେସ୍ ମି କାଜିଂ କେମା କିୟାନାଡ଼, ଇଦାଂ ପାର୍ଥାନା କିତାଦେର, ୧୫ ମାତର ଜିବୁନ୍ନି ହାଜି ଚଚନାକାନି ଅସ୍ତାର୍, ହେଞ୍ଜାନ୍ ଇସ୍ପର ହାତାକାର୍ ବିତ୍ରେ ନିକତାନ୍ନା, ଆପେଂ ହେବେନି ସାକି । ୧୬ ଆରେ, ହେଞ୍ଜାନ୍ତି ତରଦ ପାତ କିତିଲେ ଇ ଇମ୍ଫଣି ମାନାୟତିଂ ଏପେଙ୍ଗ୍ ହୁଡ଼ନାଦେରା ଆରି ପୁଚାଦେଣ୍ଡା, ଇଞ୍ଜାନ୍ ଜିସୁ ତରଦ ବାଡ଼କାସ୍ କିତାନ୍ନା; ଆଁ, ହେଞ୍ଜାନ୍ତି ହୁଦାଂ ହିଡ଼ତି ପାତ ମି ଝିଜାକାର୍ ମୁମ୍ଦ ଇଞ୍ଜାନ୍ ପୁରା ଉଜ୍ କିତାନ୍ନା ।

୧୭ “ଆରେ ନଙ୍ଗ୍, ଏ ଇସ୍ତାଏଲ୍ ଟଣ୍ଡାର୍ ଆରି ତଣଦେକ୍, ମି ମୁଣିକାର୍ ଇନେସ୍, ଏପେଙ୍ଗ୍ ପା ହେ ଲାକେ ଗିୟାନ୍ହିଲ୍ଝି କାଜିଂ ଇଦାଂ କିତାଦେଣ୍ଡା ଇଞ୍ଜି ଆନ୍ ପୁନାଙ୍ଗ୍ । ୧୮ ମାତର ଇସ୍ପର ଜାର୍ କ୍ରିସ୍ତୁ ଦୁକ୍ବଗ୍ ବିସ୍ତେ ଝିଜାକାର୍ ବେଣ୍ଡାକ୍ଷାୟକିନାକାର୍ ଝେଇଦାଂ ଇନା ଇନାକା ପୁର୍ବେତାଂ ସୁଣାୟ୍ କିଜି ମାଚାର୍, ହେ ସବୁ ହେଞ୍ଜାନ୍ ଇ ବାନି ପୁରା କିତାନ୍ନା । ୧୯ ଲାଗିଂ, ଇନେସ୍ ମିଦାଂ ପାପ୍ କେମା ଆନାଡ଼, ଇଦାଂ କାଜିଂ ମାନ୍ବାଦ୍ଲାଇୟ୍ କିଜି ଇସ୍ପର ନିପ ମାଜ୍ଡି ଝାଡ଼, ୨୦ ତା ଆତିସ୍ ମାପୁତି ଲାଗାଂ ସୁସ୍ତାନି ସମ୍ପୁ ଇକାଞ୍ଜାନ୍ତା; ଆରେ, ମି କାଜିଂ ଆରେନିଂତି କ୍ରିସ୍ତୁଙ୍ଗ୍, ଇତିସ୍ ଜିସୁଙ୍ଗ୍ ହେଞ୍ଜାନ୍ ପକ୍ତାନାନ୍ । ୨୧ ଝିଜୁ ବିସ୍ତେ ଆରେ କିଦେଙ୍ଗ୍ ଇମ୍ଫଣି ସମ୍ପୁନି କାତା ବେସି ପ୍ଲାଡ଼ନିକାଡ଼ଦାଂ ଇସ୍ପର ଜାର୍ ପୁଇପୁୟା ବେଣ୍ଡାକ୍ଷାୟକିନାକାର୍ ଝେଇ ହୁଦାଂ ଝେଚ୍ଚାନ୍ନା, ହେ ସମ୍ପୁ ଏକାଞ୍ଜାନ୍ତି ପାତେକ୍ ହେଞ୍ଜାନ୍ ହାତେ ବାଦାଡ଼ତ ଇଟ୍ୟା ଆଦେଂ ଆନାଡ଼ । ୨୨ ଇ ବିସ୍ତେ ମସା ଇଞ୍ଜି ମାଚାନ୍, ମି ମାପୁ ଇସ୍ପର ମିଙ୍ଗେଙ୍ଗ୍ ଟଣ୍ଡାର୍ ବିତ୍ରେ ନା ଲାକେ ରଞ୍ଜାନ୍ ବେଣ୍ଡାକ୍ଷାୟକିନାକାର୍ ପକ୍ତାନାନ୍ । ହେଞ୍ଜାନ୍ ଜାର୍ ମାନାୟାରିଂ ବିତ୍ରେତାଂ ରଞ୍ଜାନ୍ ଆନାନ୍ ହେଞ୍ଜାନ୍ ମିଙ୍ଗ୍ ଇନାକା ଝେଚ୍ଚାନ୍ନାନ୍, ହେ ସବୁ ବିସ୍ତେ ଏପେଙ୍ଗ୍ ପାଲି କିନି ଲଡ଼ା । ୨୩ ମାତର ଏଲେଙ୍ଗ୍ ଗିଟାନ୍ତା ଜେ, ଇମ୍ଫଣି ଝାସ୍ତି ହେ ବେଣ୍ଡାକ୍ଷାୟକିନାକାର୍ ବଚନ୍ ଝେଚ୍ଚୁନ୍, ଇସ୍ପରତି ମାନାୟାର୍ ବିତ୍ରେ ନସ୍ତୁ ଆନାନ୍ । ୨୪ ଆଁ, ସାମୁୟେଲ୍ ଆରି ହେଞ୍ଜାନ୍ତି ପାଚେନି ସମ୍ପୁତାଂ ଏଚେକ୍ ବେଣ୍ଡାକ୍ଷାୟକିନାକାର୍ କାତା ଇଚାଣ୍ଡା, ହେଞ୍ଜାର୍, ଝିଜାକାର୍ ପା ଇ କାଡ଼ ବିସ୍ତେ ବେଣ୍ଡା କିତାଣ୍ଡା । ୨୫ ଏପେଙ୍ଗ୍ ହେ ବେଣ୍ଡାକ୍ଷାୟକିନାକାର୍ ହିମ୍ଫଣାଂ, ଆରେ ମି ଲାଡ଼ା ହୁକେ ପୁଡ଼ିନି ଝିଜୁ କୁଚ୍ଚୁମ୍ ଆସିର୍ବାଦ୍ ପାୟାନାର୍, ଇ ବଚନ୍ ଇସ୍ପର ଅବ୍ରାହାମ୍ତି ଇଞ୍ଜି ମି ବୁଡ଼ାଲୁର୍ ହୁକେ ଇମ୍ଫଣି ନିୟ୍ମ୍ ରଚ୍ଚି ମାଚାନ୍, ଏପେଙ୍ଗ୍ ହେ ନିୟ୍ମ୍ନି ହିମ୍ଫଣାକାଦେର । ୨୬ ଇସ୍ପର ପର୍ଚ୍ଚୁମ୍ ମି କାଜିଂ ଜାର୍ ହେ ଆଡ଼ିଏନ୍ନିଂ ବାଚି କିତାନ୍, ଝିଜାରିଂ ବାନ୍ୟା ହାଜିତାଂ ମାସ୍ନି ଆସିର୍ବାଦ୍ ହିନାନ୍ ଇଞ୍ଜି ପକ୍ତାନ୍ ।”



ଜିହୁଦି ଗାଜା ସବାତ ପିତର ଆରି ଜହନ୍

୧ ହେୱାର୍ ମାନାୟାର ଲାଗେ କାତା ଇ ଖାଡ଼ାଲିଂ ମାପୁହେବାକିନାକାନ୍ ମନ୍ଦିରନ୍ ମୁଡ଼ମେଲ୍ୟା ଆରି ସାଦୁକିର ହେୱାର୍ ଲାଗେ ଏକାଖାତାର୍; ୨ ହେୱାର୍ ରିସା ଆଜି ମାଚାର୍, ଇନାଦେଂକି ଜିସୁ ଇଚାନ୍ ପଦ୍ୟାତାକାର୍ ଲକୁରିଂ ହିକ୍ୟା ହିଜି ହାତାକାର୍ ଆରେ ନିନାକା ଇଞ୍ଜି ପାର୍ମାଣ୍ କିଜି ମାଚାର୍ । ୩ ଆରେ, ହେୱାର୍ ହେୱାରିଂ ଆସ୍ତି ଆର୍କାଡ଼ ଦିନ୍ ପାତେକ୍ ଜଇଲ୍ ଇଞ୍ଜି ଇଚ୍ଚତାର୍, ଇନାକିଦେଂକି ହେ ଖେଡ଼ାଙ୍ ମୁକାହାରେସ୍ ଆଜି ମାଚାଡ଼ । ୪ ମାଚର୍ ହେୱାର୍ତି ହିକ୍ୟା ଖେନ୍ଞ୍ଜି ମାନି ବେସି ହେନି ମାନାୟାର୍ ହେବେ ପାତ୍ କିତାର୍, ହେୱାର୍ତି ବାତାନାକା ଲମର୍ ପାସ୍ ହାଜାର୍ ଆତାର୍ ।

୫ ତା ଆର୍କାଡ଼ ନାଜିଂ ଜିହୁଦି ମୁଣିକାର୍, ପ୍ରାଚିନ୍ ଆରି ସାସ୍ତର ଗୁରୁ ଜିରୁସାଲମ୍ତ ରୁଣ୍ଡାତାର୍; ୬ ହେୱାର୍ ମୁଡ଼ ମାପୁହେବାକିନାକାନ୍ ହାନାନ, କୟାପା, ଜହନ୍, ଆଲେକ୍ଜାଣ୍ଡର, ଆରେ ମାପୁହେବାକିନାକାନ୍ ନି ବସ୍ତନି ଖିଜାର୍ ଲକୁ ମାଚାର୍ । ୭ ହେୱାର୍ ପଦ୍ୟାତାକାରିଂ ମାଦ୍‌ଣି ବାହାତ ନିଲି କିଜି ଖେନ୍‌ବେଦେଂ ଲାଗାତାର୍, ଇନେସ୍ ସାଲିତ କି ଇମ୍‌ଣି ତରଦ “ଏପେଙ୍ଗ୍ ଇଦାଂ କିତାଦେଣ୍ଡା ?”

୮ ହେବେ ପିତର୍ ପୁଇପୁୟା ଜିରୁନ୍‌ତ ବାତ୍ ଆଜି ହେୱାରିଂ ଇଚାନ୍, “ଏ ମାନାୟାତ୍ ମୁଣିକା ଆରି ପ୍ରାଚିନାର୍,” ୯ ନେଞ୍ଜେଙ୍ଗ୍ ଜଦି ରଖାନ୍ ରଗ୍ୟା କାଜିଂ କିଜି ମାଚି ହାଦ୍ କାମାୟ୍ ବିସ୍ତେ ମାଂ ପରସନ୍ ଖେନ୍‌ବିତିସ୍ ଜେ, ଇ ମାନାୟ୍ ଇନା ଉପାୟ୍‌ତ ଉଜ୍ ଆତାନ୍ନା, ୧୦ ତା ଆତିସ୍ ଏପେଙ୍ଗ୍ ଖିଜାକାଦେର୍ ଆରି ଖିଜୁ ଇସ୍ତାଏଲ୍ ଲକୁ ପୁନାଟ୍, ଇମ୍‌ଣି ନାଜରିତିୟ୍ ଜିସୁ କ୍ରିଷ୍ଟଙ୍ ଏପେଙ୍ଗ୍ କ୍ଲସ୍‌ତ ଅସ୍ତାଦେର୍, ଇନେରିଂ ଇସ୍‌ବର୍ ହାକିତାଂ ବିତ୍ରେ ନିକ୍‌ତାନ୍ନା, ହେୱାନ୍ତି ତରଦାଂ ଆଁ ହେୱାନ୍ତି ହୁକେ ଇ ମାନାୟ୍ ଉଜ୍ ଆଜି ମି ମୁମ୍‌ଦ ନିଲ୍‌ତାନ୍ନା । ୧୧ ଇଲ୍ ରଚ୍‌ନାକାଦେର୍,

ଇମ୍‌ଣି କାଲ୍ ଇଚ୍‌ଖାତାର୍ ହେ କାଲ୍‌ନେ,
ଇଲ୍‌ନି ମୁଡ଼କାଲ୍ ଆତାଡ଼ ।

୧୨ ହେୱାନିଂ ପିସ୍ତି ଆରେ ଇନେର୍ ତାକେ ମୁକ୍ତି ହିଲୁଡ଼, ଇନାକିଦେଂକି ଇମେତାଂ ମାଂ ମୁକ୍ତି ଗାଟାଦେଂ ଆନାଡ଼, ବାଦାଡ଼ତ ତାରେନ୍ ମାନାୟ୍ ବିତ୍ରେ ଆରେ ଇନାକାପା ତର୍ ହିୟାଖାତାଡ଼ନା ।

୧୩ ହେୱାର୍ ପିତର୍ ଆରି ଜହନ୍ ସାସ୍ ହୁଡ଼ଜି ଆରି ହେୱାର୍ ଜେ ଅସିକ୍‌ତି ଆରି ଗିୟାନ୍ ହିଲ୍‌ଖି ଲଗୁ, ଇଦାଂ ରୁଜାଜି କାବା ଆତାର୍, ଆରେ ହେୱାର୍ ଜିସୁତି ହୁଦାଂ ମାଚାର୍ ଇଞ୍ଜି ହେୱାରିଂ ଚିନିକିତାର୍, ୧୪ ଆରେ ହେ ଉଜ୍ ଆଜି ମାଚି ମାନାୟ୍‌ତିଂ ହେୱାର୍ ହୁକେ ଇଞ୍ଜି ମାନାକା ହୁଡ଼ଜି, ବିରୁଦ୍‌ତ ମୁଡ଼େ ଇଞ୍ଜେଙ୍ଗ୍ ଆଡ଼ଖାତାର୍ । ୧୫ ପାଚେ ହେୱାରିଂ ସବାତାଂ ହସି ହାଞ୍ଜେଙ୍ଗ୍ ବଲ୍ ହିଜି ହେୱାର୍ ରକାନ୍ ଆରେ ରକାନ୍ ବିତ୍ରେ ରୁଜାବୁଜି କିଜି ଇଞ୍ଜେଙ୍ଗ୍ ଲାଗାତାର୍, ୧୬ ଇ ମାନୟାରିଂ ଇନାକା କିନାସ୍ “ଇନାକିଦେଂକି ଇଖାର୍‌ତାଂ ଜେ, ର ଗାଜା କାବା କାମାୟ୍ ଆତାଡ଼ନ୍ନା, ଇଦାଂ ଜିରୁସାଲମ୍ ନିକାରିଂ ତାକେ ଖିଣ୍ଡାଡ଼ନ୍ନା, ଆରେ ଆସେଙ୍ଗ୍ ହେଦାଂ ପାତ୍ କିଖାଦାଂ ଆଡୁସ୍; ୧୭ ମାଚର୍ କାତା ଇନେସ୍ ମାନାୟ୍ ବିତ୍ରେ ଆରେ ବେସି ମେଙ୍ଗ୍‌ମେଡ଼, ଇଦାଂ କାଜିଂ ଜିସୁ ତରଦ ଇମ୍‌ଣି ମାନାୟ୍‌ତିଂ ଆରେ ମୁଡ଼କେ ଇନ୍‌ଖି କାଜିଂ ହେୱାରିଂ ଚିମ୍‌ରା କିନାନ୍ ।”

୧୮ ପାଚେ ପିତର୍ ଜହନ୍‌ତିଂ କୁକ୍‌ତି ଜିସୁତି ତର୍ ମୁଡ଼କେ କାତା ଇନ୍‌ଖି କାଜିଂ ଆରି ହିକ୍ୟା ହିଖି କାଜିଂ ତାଟ୍ ବଲ୍ ହିତାନ୍ । ୧୯ ମାଚର୍ ପିତର୍ ଆରି ଜହନ୍ ହେୱାରିଂ ଉତର୍ ହିତାର୍, “ଇସ୍‌ବର୍ତି କାତା ଖେନି ବାଟା ମି କାତା ଖେନାକା ଇସ୍‌ବର୍ତି କାଣ୍‌କୁତ ଦାମ୍ କି ମିର୍, ହେଦାଂ ଏପେଙ୍ଗ୍ ବିଚାର୍ କିୟାଟ୍ । ୨୦ ଇନାକିଦେଂକି ଆପେଂ ଇନାକା ଇନାକା ହୁଡ଼ତାପନ୍ନା ଆରି ଖେଚାପନ୍ନା, ହେ ସବୁ ଇନ୍‌ଖାଦାଂ ମାଞ୍ଜେଙ୍ଗ୍ ଆଡୁପ୍ ।” ୨୧ ହେବେ ହେୱାର୍ ଲକୁ କାଜିଂ ହେୱାରିଂ ତାଣ୍ଡ୍ ହିଦେଂ ଇମ୍‌ଣାକା ପା ହାଜି ଗାଟାଖାତିଲେ ହେୱାରିଂ ଆଦିକ୍ ପାଣ୍ଡ୍ ଚୁଚ୍‌ତି ପିସ୍ତି ହିତାର୍, ଖାଟିଙ୍ଗ୍ ଇନାକା ଗିଟାଜି ମାଚାଡ଼, ହେଦାଂ କାଜିଂ ଲକୁ ଖିଜାର୍ ଇସ୍‌ବର୍ତି ଜାଜ୍‌ମାଲ୍ କିଦେଙ୍ଗ୍ ଲାଗାତାର୍, ୨୨ ଇମ୍‌ଣି ମାନାୟ୍ ତାକେ ହେ ଉଜ୍ ଆନାକା କାବା କାମାୟ୍ କିୟାଜି ମାଚାଡ଼, ହେୱାନ୍ତି ରିକ୍‌ତି ବାହୁଡ଼ାଂ ଆଦିକ୍ ଆଜି ମାଚାଡ଼ ।

ପାତ୍ କିନାକାର୍ତି ସାସ୍ କାଜିଂ ପାର୍ତାନା

୨୩ ହେୱାର୍ ମୁକ୍ତା ଆଜି ଜାର୍ ହାଙ୍ଗ୍‌ଦାକାର୍ ଲାଗେ ହାଚାର୍ ଆରି ମୁଡ଼ ମାପୁହେବାକିନାକାନ୍ ଆରି ପ୍ରାଚିନାର୍ ହେୱାରିଂ ଇନାକା ଇନାକା ଇଞ୍ଜି ମାଚାର୍, ହେ ସବୁ ଖେଚ୍‌ଚାର୍ । ୨୪ ପାତ୍ କିନାକାର୍ ହେଦାଂ ଖେନ୍‌ଞ୍ଜି ରମାନ୍ତ ଇସ୍‌ବର୍ତି ଲାଗେ ଗାଜାକାଟ୍‌ତାଂ ପାର୍ତାନା କିଜି ଇଚାର୍, “ଏ ମାପୁ ଏନ୍ ବାଦାଡ଼ତ, ପୁତ୍, ହାମ୍‌ଦୁର୍ ଆରି ହେ ସବୁ ବିତ୍ରେ ଖିଜୁ ବିସ୍ତେ ଉବ୍‌ଜାଣ୍ କିତାୟ୍‌ନା ୨୫ ଏନ୍ ଜାର୍ ଆଡ଼ିଏନ୍ ମା ଆବା ଦାଉଦ୍‌ତି ଖେଇ ହିଜି ପୁଇପୁୟା ଜିରୁନ୍ ହୁଦାଂ ଇ କାତା ଇଚାୟ୍‌ନା, ପାତ୍ କିଖି ଜିହୁଦି ଇନେକିଦେଂ ରିସା କିତାର୍,

ଆରେ ମାନାୟାର୍ ଇନେକିଦେଂ ଖାରାକା ବିସ୍ତେ ହାୟାୟ୍ କିତାର୍ ?

୨୬ ମାପୁତି ବିରୁଦ୍‌ତ ଆରି ହେୱାନ୍ତି ସିଗ୍‌ଆତାକାର୍ ବିରୁଦ୍‌ତ,

ପୁତ୍ ନି ରାଜାର୍ ଜାଲ୍‌ଦି ଆତାର୍,
ଆରେ ମୁଣିକାର୍ ରବେ ରୁଣ୍ଡାତାର୍ ।

୨୭ ✱ ଇନାକିଦେଂକି ମି ଇମଣି ପୁଇପୁୟା ଆଡ଼ିଏନ୍ ଜିସୁଙ୍ଗ୍ ଏନ୍ ସିଗ୍ କିତାୟ୍, ହାଡ଼ପାନେ ହେଝାନ୍ତି ବିରୁଦ୍ଧ ହେରଦ୍ ଆରି ପନ୍ତିୟ ପିଲାତ ରିକାର୍ ପାତର୍ କିଝି ଜିହୁଦି ଆରି ଇସ୍ରାଏଲ୍ ଲକୁ ହୁଦାଂ ଇ ଗାଡ଼ଦ୍, ୨୮ ନି ଜଜନା ହୁଦାଂ ଜେ ଝିଲୁ ଗିଗାନାଡ଼ ଇଞ୍ଜି ପୁର୍ବେତାଂ ବାଡି ଆଜି ମାଗାଡ଼, ହେଦାଂ କିଦେଙ୍ଗ୍ ରବେରୁଣ୍ଡା ଆତାର୍ । ୨୯ ଆରେ ନଙ୍ଗ୍, ଏ ମାପୁ, ହେଝାନ୍ତି ପାଣ୍ଡୁକାରିଂ ମେହା; ଆରେ, ନି ଆଡ଼ିୟାରିଂ ପୁରା ସାସ୍ ହୁକେ ନି ବଚନ୍ ଇଞ୍ଜେଙ୍ଗ୍ ସାକ୍ତି ହିଦା, ୩୦ ଆରେ ହେ ସାଙ୍ଗେ ସାଙ୍ଗେ ନି ପୁଇପୁୟା ଆଡ଼ିଏନ୍ ଜିସୁଡି ତରଦ୍ ଉଜ୍ କିଦେଙ୍ଗ୍ କାଜିଂ ଆରି ଚିନ୍କୁ ଆରି କାବାନି କାମାୟ୍ କିଦେଙ୍ଗ୍ କାଜିଂ ନି କେଇ ଲାମାୟ୍ କିଦା ।”

୩୧ ହେଝାର୍ ପାର୍ତନା କିତି ପାରେ, ଇମଣି ବାହାତ ରବେ ରୁଣ୍ଡାଜି ମାଗାର୍, ଇମଣି ବାହାତ ରବେ ମାଗାର୍, ହେଦାଂ କମ୍ପାତାଡ଼, ଆରେ ଝିଜାକାର୍ ପୁଇପୁୟା ଜିହୁନ୍ତ ପୁରା ଆଜି ସାସ୍ତ ଇସ୍ପରତି କାବୁର୍ ଇଞ୍ଜେଙ୍ଗ୍ ଲାଗାତାର୍ ।

ପାତର୍ କିନାକାର୍ ଦାନ୍ ବାଟାକିତାର୍

୩୨ ✱ ପାତର୍ କିନାକାରିଂ ଲକୁ ର ଝାସ୍ ଆରି ର ପାରାଣତ ମାଗାର୍; ହେଝାନ୍ତି ବିତ୍ରେ ଇନେରପା ଜାର୍ ସଂପତିତାଂ ଇରୁକ୍ ଜାତର୍ ଇଞ୍ଜି ଇନ୍ଝାଦାଂ ମାଗାର୍, ମତର୍ ହେଝାନ୍ତି ଝିଲୁ ବିସ୍ତେ ସିଦାସାଦା ମାଗାଡ଼ । ୩୩ ପଦ୍ୟାତାକାର୍ ଗାଜା ସାକ୍ତି ହୁକେ ମାପୁ ଜିସୁଡି ଆରେ ନିନାକା ବିସ୍ତେ ସାକି ହିଦେଂ ଲାଗାତାର୍, ଆରେ ଇସ୍ପର୍ ଝିଜାକାର୍ ଜପି ବେସି ଦୟା କିଜି ମାଗାନ୍ । ୩୪ ଲାଗିଂ ହେଝାର୍ ବିତ୍ରେ ଇନେରିଂ ଇନାକାପା ଅବାବ୍ ହିଲ୍ଝାତାଡ଼, ଇନାକିଦେଂକି ଏଚେକ୍ ଲକାତର୍ ରୁମି କି ଇଲ୍ ମାଗାଡ଼, ହେଝାର୍ ହେଦାଂ ପ୍ରସି ଦନ୍ନି ମଲ୍ ତାସି, ୩୫ ଆରେ ଜାଣକେ ରଝାନିଂ ତାଦି ଅବାବ୍ ହୁଡ଼ଜି ପଦ୍ୟାତାକାର୍ ଚେଲାର୍ ପାସପିସ୍ ମାଗାର୍ ।

୩୬ ଆରେ, ଜସେପ୍ ତରନ୍ ବାହାତ ଜଲମ୍ ଆଜି ମାନି ଲେବି ଲାତ୍ରାନି ରଝାନ୍ ସାଇପ୍ରସ୍ ଜାତିନି ଲକୁ, ଇନେରିଂକି ପଦ୍ୟାତାକାର୍ ବର୍ଣ୍ଣବା ଇଞ୍ଜି କୁକ୍ନି ତର୍ ହିଜି ମାଗାର୍ ଅନୁବାଦ୍ କିତିସ୍ “ଇଦାଂ ନି ଅରଡ଼ ଦୁକ୍ସାରାୟ୍ନି ମାଜି.” ୩୭ ହେଝାନ୍ତି ରଞ୍ଜି ରୁମି ମାଗାଡ଼; ହେଝାନ୍ ହେଦାଂ ପ୍ରସି ହେବେନି ଟାକାଂ ତାସି ପଦ୍ୟାତାକାର୍ତି ପାନା ତାରେନ୍ ଇଡ଼ତାନ୍ ।



ହନନିୟ୍ ଆରି ସପିରା

୧ ହନନିୟ୍ ତରଦାକାନ୍ ରଝାନ୍ ମୁଣିକା ଜାର୍ ତକ୍ତି ସପିରା ଲାହାଂ ଅଲପ୍ ଜମି ପ୍ରତାର୍, ୨ ମାତର୍ ତକ୍ତୁହି ର ମାନ୍ କିଜି ହେବେନି ମଲ୍ତାଂ ଅଲପ୍ ତକ୍ତୁଚି ଇଡ଼ଜି ବାଗ୍ ମତର୍ ତାହି ପଦ୍ୟାତାକାର୍ତି ମୁମ୍ଦ ଇଡ଼ତାନ୍ । ୩ ହେବେ ପିତର୍ ଇଚାନ୍, ଏ “ହନନିୟ୍, ପୁଇପୁୟା ଜିହୁନ୍ ଲାଗେ ମିର୍ ଇଞ୍ଜେଙ୍ଗ୍ ଆରି ରୁମିନି ମଲ୍ଦାଂ ଅଲପ୍ ତକ୍ତୁଚି ଇଡ଼ଦେଂ ଇନାକିଦେଂ ସୟ୍ତାନ୍ ନି ମାତ୍ର ପୁରା ଆଦିକାର୍ କିଡ଼ତାଡ଼ନା ? ୪ ପ୍ରଝି ଆଗେ ହେଦାଂ ଇନାକା ଆଝାଦାଂ ମାଗାଡ଼ ? ଆରେ, ପ୍ରତି ପାଚେ ହେବେନି ମଲ୍ କି ନି ନିଜ୍ଜି ଆଦିକାର୍ ହିଲ୍ଝାତାଡ଼ ? ଝାଟିଙ୍ଗ୍ ଏନ୍ ଇନେସ୍ ଜାର୍ ମାତ୍ର ଇନାକିଦେଂ ଇ ବିସ୍ତେ ବାବି କିତାୟ୍ ? ଏନ୍ ଜେ ମାନାୟ୍ ଲାଗେ ମିର୍ ଇଚାୟ୍, ହେଦାଂ ଆକାୟ୍, ମତର୍ ଇସ୍ପର୍ତି ଲାଗେ ମିର୍ ଇଚାୟ୍ ।” ୫ ଇ କାତା ଝେନ୍ଝି ସାଙ୍ଗେ ସାଙ୍ଗେ ହନନିୟ୍ ତୁହିୟାଜି ପାରାଣ୍ ପିସ୍ତାନ୍ । ହେବେ ଏଚେକ୍ ଲକୁ ଇଦାଂ ଝେଚାର୍, ଝିଜାକାର୍ ବେସି ପାଣ୍ଡା ଆତାର୍ ।

୬ ଆରେ, ଦାଂଶାର୍ ନିଂଜି ହେଝାନିଂ ହେୟାତ ହୁର୍ପାତାର୍ ଆରି ବାଡ଼ ଅଜି ହାଲ୍ଜି ମୁର୍ଚାର୍ ।

୭ ତିନି ଗଣ୍ଡା ପାଚେ ହେଝାନ୍ତି ତକ୍ତୁହି ଝାତାଡ଼, ମତର୍ ଇନାକା ଗିଗାତାଡ଼ନା, ହେଦାଂ ହେଦେଲ୍ ପୁନ୍ଝାଦାଂ ମାଗାଡ଼ । ୮ ଆରେ, ପିତର୍ ହେଦେଲିଂ ଝେନ୍ବାତାନ୍, ଝେଚା ତ, “ଏପେଙ୍ଗ୍ ଇନାକା ଏଚେକ୍ ଟାକାକାଂ ରୁମି ପ୍ରତାଦେର୍ ?”

ହେଦେଲ୍ ଇଚାଡ଼, “ଆଁ, ଏଚେକ୍ନେ ।”

୯ ହେବେ ପିତର୍ ହେଦେଲିଂ ଇଚାନ୍, ମାପୁଡି “ଜିହୁନ୍ତିଙ୍ଗ୍ ପରିକ୍ୟା କିଦେଙ୍ଗ୍ କାଜିଂ ଏପେଙ୍ଗ୍ ଇନାକିଦେଂ ର ମାତ୍ର ବେଣ୍ କିତାଦେର୍, ହୁଡ଼ାଡ଼, ଇନେର୍ ନି ତକ୍ତାଂ ମୁର୍ଚାଣ୍ଡା, ହେଝାର୍ ଦୁଝେର୍ ଲାଗେ ଇକାଝାତାରେ, ଆରେ ହେଝାର୍ ନିଂ ବାଡ଼ ପିଣ୍ଡୁଜି ଅଜି ହାଞ୍ଜନାର୍ ।” ୧୦ ହେଦାପ୍ରେ ହେଦେଲ୍ ହେଝାନ୍ତି ପାନା ତାରେନ୍ ତୁହିଆ ଆଜି ପାରାଣ୍ ପିସ୍ତାଡ଼, ଆରେ, ଦାଂଶାର୍ ବିତ୍ରେ ଝାଜି ହେଦେଲିଂ ହାତାକା ହୁଡ଼ଜି ବାଡ଼ ଅତାର୍ ଆରି ହେଦେଲ୍ ତକ୍ତୁହି ଲାଗେ ହେଦେଲିଂ ମୁର୍ଚାର୍ । ୧୧ ହେବେ ଝିଲୁ ମଣ୍ଡୁଲି ଆରି ଏଚେକ୍ ଲକୁ ଇ ସବୁ ବିସ୍ତେ ଝେଚାର୍, ହେଝାର୍ ଝିଜାକାର୍ ବେସି ପାଣ୍ଡା ଆତାର୍ ।

ଚିନ୍ କାମାୟ୍ ଆରି କାବାନି କାମାୟ୍

୧୨ ପଦ୍ୟାତାକାର୍ତି ହୁଦାଂ ମାନାୟାର୍ ବିତ୍ରେ ବେସି ଆଡ଼ିଆରି ଆରି କାବାନି କାମାୟ୍ ଆଦେଂ ଲାଗାତାଡ଼, ଆରେ ଝିଲୁ ମଣ୍ଡୁଲି ରମାନ୍ ସଲମନ୍ତି ମଣ୍ଡୁମତ୍ ରୁଣ୍ଡାଜି ମାଗାର୍, ୧୩ ମାତର୍ ମାନାୟ୍ ବିତ୍ରେତାଂ ଇନେର୍ ହେଝାର୍ ହୁଦାଂ ମେହାଆଦେଂ ସାସ୍ କିଝାଦାଂ ମାଗାର୍; ଆତିସ୍ ପା ବିନ୍ ଲକୁ ହେଝାରିଂ ଝାରି କିଜି ମାଗାର୍, ୧୪ ମାତର୍, ଆରେ ଆଦିକ୍ତାଂ ଆଣ୍ଡା ଆରି କଗଲେକ୍ ମାପୁ ତାକେ ପାତର୍ କିଜି ଇ ଦଲ୍ଦ ମେହାଆଦେଂ ଲାଗାତାର୍, ୧୫ ଏଲେଂକି, ପିତର୍ ଝାନି ଝେଡାଲିଂ କେବଲ୍ ହେଝାନ୍ତି ଡିଗା ଇନେସ୍ ରଗ୍ୟାର୍ ତାକେ ଇନେର୍ ଇନେର୍ ଜପି ଆର୍ନାଡ଼, ଇଦାଂ କାଜିଂ ଲକୁ ହେଝାରିଂ ହାକ୍ତିତ ପିଣ୍ଡୁଜି

✱ ୪:୨୭ ୪:୨୭ ଲୁକ ୨୩:୭-୧୧; ମାତିତ ୨୭:୧,୨; ମାର୍କ ୧୫:୧; ଲୁକ ୨୩:୧; ଜହନ୍ ୧୮:୨୮,୨୯. ✱ ୪:୩୨ ୪:୩୨ ପଦ୍ୟାତାକା ୨:୪୪,୪୫.

ଆଜି, ଚାଟି ଆରି କାଚେଲତ ଇଡ଼ବିସ୍ ମାଚାର୍ । ୧୭ ଜିରୁସାଲମ୍ ଚାରିବେଣ୍ଟି ବସ୍ତିତାଂ ମାନାୟାର୍ ପା ରଗ୍ୟାରିଂ ଆରି ବାନ୍ୟା ଜିରୁନ୍ ହୁଦାଂ ଆହ୍ୟାତି ଲୁଗାରିଂ ତାହି ରୁଣ୍ଡା ଆଜି ମାଚାର୍, ଆରେ ହେଝାର୍ ଝିଜାକାର୍ ଉଜ୍ ଆତାର୍ ।

ପକ୍ୟାତାକାର୍ କାଜିଂ ଇଣ୍

୧୭ ପାଚେ ମୁଡ଼୍ ମାପୁହେବାକିନାକାନ୍ ଆରି ହେଝାର୍ତି ହାଙ୍ଗଦି ଝିଜାକାର୍, ଇଡିସ୍ ସାଦୁକିର୍ କୁଦା, ପକ୍ୟାତାକାର୍ ଜପି ଆକାର୍ତ ରିସା ଆଜି ନିଂତାର୍ ୧୮ ଆରି ପକ୍ୟାତାକାର୍ତି ଆସ୍ତି ଗାଟି ସାଦା ଜଇଲ୍ତ ଇଡ଼ତାର୍ । ୧୯ ମାତର୍ ରଝାନ୍ ମାପୁତି ଦୁଡ଼୍, ନାଣାଝେଡାଲିଂ ଜଇଲ୍ନି ଦୁଝେର୍ତ୍ତ ରିକ୍ତାଡ଼୍ ଆରି ହେଝାରିଂ ହପ୍ତି ତାସି ଇଚାଡ଼୍, ୨୦ “ହାଲାର୍, ମନ୍ଦିର୍ ବିତ୍ରେ ଇଞ୍ଜ ମାନାୟାର୍ ଇ ପୁନି ଜିରୁନ୍ନି ବିସ୍ତେ ଝିଜୁ ବଚନ୍ ଇନାର୍ ।” ୨୧ ଇଦାଂ ଝେନ୍ଝି ହେଝାର୍ ନାଡ଼ିହିଂ ମନ୍ଦିର୍ତ ହଣ୍ଡି ହିକ୍ୟା ହିଦେଂ ଲାଗାତାର୍ ।

ଝିସ୍ତି ବିତ୍ରେ ମୁଡ଼୍ ମାପୁହେବାକିନାକାନ୍ ଆରି ପକ୍ୟାତାକାରିଂ ତା ଚେଲାର୍ ଝାଜି ଗାଜା ସବା ଆରି ଇସ୍ରାଏଲ୍ ହିମଣାଂତି ପ୍ରାଚିନାର୍ କୁକ୍ତି ରବେ କିତାର୍, ଆରେ, ହେଝାରିଂ ତାଈଝାନି କାଜିଂ ଜଇଲ୍ତ ଲକାଂ ପକ୍ତାର୍ । ୨୨ ମାତର୍ ହେବା କିନାକାର୍ ହାଲ୍ଜି ଜଇଲ୍ ଇଞ୍ଜ ହେଝାରିଂ ଗାଟାଝାଦାଂ ମାସଦି ଝାଜି ଇଚାର୍, ୨୩ “ଆପେଂ ହୁଡ଼ତାପ୍, ଜଇଲ୍ ଇଞ୍ଜ ଆଟ୍ଝା କିଜି ଗେସ୍ତାକା ମାନାଡ଼୍ ଆରି ଦୁଝାରିଂକାଂ ଜାଗ୍ଝାଡ଼ାର୍ ନିଲ୍ତାଣ୍ଡା, ମତର୍ ଦୁଝେର୍ ଜେଡିଲେ, ଜଇଲ୍ ଇଲ୍ ଆପେଂ ଇନେରିଂ ଗାଟାଝାତାପ୍ ।” ୨୪ ଇ ସରୁ କାତା ଝେନ୍ଝି ମନ୍ଦିର୍ନି ଜାଗ୍ଝାଡ଼ାର୍ ଆରି ମୁଡ଼୍ ମାପୁହେବାକିନାକାନ୍ ଇବେନି ଦସା ଇନାକା ଏଡ଼ କିଜି ପକ୍ୟାତାକାର୍ ବିସ୍ତେ କାବା ଆଦେଂ ଲାଗାତାର୍ । ୨୫ ଏଲେଙ୍ଗ୍ ଝେଡାଲିଂ ରଝାନ୍ ମାନାୟ୍ ଝାଜି ହେଝାରିଂ କାରୁର୍ ହିତାନ୍, “ହୁଡ଼ାଟ୍, ଏପେଙ୍ଗ୍ ଇମ୍ଣି ଲୁଗାଂ ଜଇଲ୍ ଇଞ୍ଜ ଇଡ଼ଜି ମାଟାଦେର୍, ହେଝାର୍ ମନ୍ଦିର୍ ଇଞ୍ଜ ମାନାୟାର୍ତି ହିକ୍ୟା ହିନାରା ।” ୨୬ ମନ୍ଦିର୍ନି ମେଲ୍ୟାର୍ କାମ୍ଲିୟାର୍ ଲାହାଙ୍ଗ୍ ହାଲ୍ଜି ପକ୍ୟାତି ଚେଲାର୍ ଆରେରଗ ତେୟ୍ ଝାତାର୍ । ହେଝାର୍ ଇନେସ୍ବାନି ପା ପାଣ୍ଡା ଆଝାତାର୍, ଇନାକିଦେଂକି ହେଝାରିଂ ପାଣ୍ଡା ମାଚାଡ଼୍ ଜେ ମାନାୟାର୍ ହେଝାର୍ ଜପି କାଲ୍କୁ ଇଡ଼ନାର୍ ।

୨୭ ହେଝାର୍ ହେଝାରିଂ ତାହି ଗାଜା ସବା ମୁମ୍ଦ ନିଲି କିୟକିତାର୍ । ହେବେଣ୍ଡାଂ ମୁଡ଼୍ ମାପୁହେବାକିନାକାନ୍ ହେଝାରିଂ ଝେନ୍ଝାବାତାନ୍, ୨୮ “ଆପେଂ ମିଙ୍ଗେଙ୍ଗ୍ ଇ ତର୍ତ୍ତ ହିକ୍ୟା ହିଦେଂ ବେସି ଆଟ୍ଝା ଲାକେ ମୁନାକିଜି ମାନ୍ଝାପ୍, ମାତର୍ ହୁଡ଼ାଟ୍, ଏପେଙ୍ଗ୍ ଇନାକିନାଦେରା ମି ହିକ୍ୟାତ ଜିରୁସାଲମ୍ ପୁରା କିଜି ହେ ମାନାୟ୍ତି ନେତେର୍ନି ଦସ୍ ମା ଜପି ଲାଦି କିଦେଂ ମାନ୍କିନାଦେରା ।”

୨୯ ମାତର୍ ପିତର୍ ଆରି ଆଦେକ୍ ପକ୍ୟାତାକାର୍ ଉତର୍ ହିତାର୍, “ଆପେଂ ଇସ୍ପର୍ତିଂ ମାନିକିନାପ୍ ମାନାୟାର୍ ମାନି କିଡପ୍ । ୩୦ ଇମ୍ଣି ଜିସୁଙ୍ଗ୍ ଏପେଙ୍ଗ୍ କୁସତ ଡ଼କ୍ କିଜି ଅସ୍ତି ମାଟାଦେର୍, ମା ରୁଡାତ୍ ଇସ୍ପର୍ ହେଝାନିଂ ହାକିତାଂ ନିକ୍ତାନ୍ନା । ୩୧ ଆରେ, ହେଝାନ୍ ଇନେସ୍ ଇସ୍ରାଏଲ୍ତିଂ ମାନ୍ବାଦ୍ଲାୟ୍ ଆରି ପାପ୍ କେମା ଦାନ୍ କିନାନ୍, ଇଦାଂ କାଜିଂ ଇସ୍ପର୍ ଜାର୍ ରୁଜ୍ଠି କେଇ ହୁଦାଂ ହେଝାନିଂ ଗାଜାକାନ୍ ଆରି ମୁକ୍ତିକିନାକାନ୍ ଲାକେ ଗାଜା କିତାନ୍ନା । ୩୨ ଆରେ, ଆପେଂ ଇ ଝିଜୁ କାତା ବିସ୍ତେ ସାକି, ଆରେ ଇମ୍ଣି ପୁଇପୁୟା ଜିରୁନ୍ ଇସ୍ପର୍ ହେଝାଡ଼ି ବଲ୍ ମାନିକିନାକାରିଂ ହିଡ଼ତାନ୍ନା, ହେଝାନ୍ ପା ସାକି ।”

୩୩ ଇ କାତା ଝେନ୍ଝି ଗାଜା ସବାନି ମାନାୟାର୍ ବେସି ରିସା ଆତାର୍ ଆରି ପକ୍ୟାତାକାରିଂ ଅହ୍ନି କାଜିଂ ରୁହାୟ୍ କିଦେଙ୍ଗ୍ ଲାଗାତାର୍ । ୩୪ ମାତର୍ ଗମଲିୟେଲ୍ ତର୍ନି ରକାନ୍ ପାରୁସି, ଇନେନକ୍ ସାସ୍ପର୍ ଗୁରୁ ଆରି ଝିଜାକାର୍ ଲାଗେ ସନ୍ମାନ୍ ପାୟାଜି ମାଚାନ୍, ହେଝାନ୍ ଗାଜା ସବାତ ନିଲ୍ତି ପକ୍ୟାତାକାରିଂ ଅଲପ୍ ସମ୍ପୁ କାଜିଂ ହପ୍ତେଂ ବଲ୍ ହିତାନ୍, ୩୫ ଆରେ ହେଝାନ୍ ହେଝାରିଂ ଇତାନ୍, “ଏ ଇସ୍ରାଏଲିୟନି ଲକୁ, ଇଝାର୍ କାଜିଂ ଏପେଙ୍ଗ୍ ଇନାକା କିଦେଙ୍ଗ୍ ଜାଲ୍ଦି ଆନାଦେରା, ହେ ବିସ୍ତେ ଜାଗ୍ଡ଼ ଆଡୁ । ୩୬ ଇନାକିଦେଂକି ଇଦାଂ ଆଗେ ତିଡଦା ନିଂଜି ଜାର୍ତିଂ ରଝାନ୍ ଗାଜା ମାନାୟ୍ ଇଞ୍ଜ ଇଚାନ୍, ଆରେ ଚାର୍ସ ଲକୁ ତା ହୁଦାଂ ମେହା ଆତାର୍, ଆସା କିତାର୍ ହେଝାନ୍ ହାତାନ୍, ଆରେ ଏଚେକ୍ ଲକୁ ତାଙ୍ଗ୍ ବାସ୍ କିତାର୍, ହେଝାର୍ ଝିଜାର୍ ଜେଡେକେଡ଼୍ ଆତାର୍ ଆରି କାମାୟ୍ କିଦେଙ୍ଗ୍ ଆଡ଼ଝାତାର୍ । ୩୭ ହେ ମାନାୟ୍ ପାଚେ ଲକୁ ଗାଣାକିନାକା ଝେଡାଲିଂ ଗାଲିଲିୟା ଜିହୁଦା ନିଂଜି ମାନାୟାର୍ ତା ପାଚେ ଜେଲ୍ଜି ଅଜି ଗଣ୍ଡଗଲ୍ କିୟକିତାନ୍; ହେଝାନିଂ ଅସ୍ପାର୍, ଆରେ ଏଚେକ୍ ଲକୁ ତାଙ୍ଗ୍ ବାସ୍ କିଜି ମାଚାର୍, ହେଝାର୍ ଝିଜାକାର୍ ଜେଡେକେଡ଼୍ ଆଜି ହାଚାର୍ । ୩୮ ନଙ୍ଗ୍ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଏପେଙ୍ଗ୍ ଇ ଲକୁ କାଜିଂ ଇନାକା କିଝାଦାଂ ହେଝାରିଂ ପିସ୍ତି ହିଆଟ୍, ଇନାକିଦେଂକି ଇ ରୁହାୟ୍ କି ଇ କାମାୟ୍ ଜଦି ମାନାୟ୍ତାଂ ଆଜି ମାଟିସ୍, ତା ଆଡିସ୍ ହେଦାଂ କ୍ଳାଝାସ୍ ଆଜି ହାନାଡ଼୍; ୩୯ ମାତର୍ ଜଦି ହେଦାଂ ଇସ୍ପର୍ତାଂ ଆଜି ମାଟିସ୍, ତା ଆଡିସ୍ ଏପେଙ୍ଗ୍ ହେଝାରିଂ ନସ୍ କିଦେଙ୍ଗ୍ ବାସ୍ ଆଦେଂ ଆଡୁଦେର୍, ଏଚେକାଡ଼୍ ଏପେଙ୍ଗ୍ ଇସ୍ପର୍ତି ବିରୁଦ୍ତ ଜୁଜ୍ କିନାଦେରା ଇଞ୍ଜ ଚଞ୍ଚାମାନାଦେର୍ ।”

ଗାଜା ସବାନି ମାନାୟାର୍ ଗମଲିୟାତି କାତା ମାନି କିତାର୍ ୪୦ ହେଝାର୍ ହେଝାଡ଼ି କାତାତ ବାସ୍ ଆତାର୍, ଆରେ ପକ୍ୟାତାକାର୍ତିଂ ଲାଗାଂ କୁକ୍ତି ହେଝାରିଂ କର୍ତା ତାଂ ଗ୍ରାକ୍ତାର୍ ଆରି ଜିସୁତି ତର୍ତ୍ତ କାତା ଇନ୍ଝି କାଜିଂ ବଲ୍ ହିଜି ପିସ୍ପାର୍ । ୪୧ ହେବେ ହେଝାର୍ ଜେ ଜିସୁ ତର୍ କାଜିଂ ଅପ୍ମାନ୍ ବଗ୍ କିଦେଙ୍ଗ୍ ଲଡ଼ା ଇଞ୍ଜ ଇନ୍ୟାଜି ମାଚାର୍, ହେଦାଂ କାଜିଂ ହେଝାର୍ ଝାରି କିଡ କିଡ ଗାଜା ସବାତାଂ ହସି ହାଚାର୍; ୪୨ ଆରେ ହେଝାର୍ ନିତ୍ରେ ମନ୍ଦିର୍ତ ଆରି ହିକ୍ୟା ହିଦେଂ ଆରି ଜିସୁ ଜେ କ୍ରିସ୍, ଇ ନେକ୍ରିକାରୁର୍ ସୁଣାୟ୍ କିଦେଙ୍ଗ୍ ଟେବା ଆଝାତାର୍ ।

✠ ୫:୨୮ ୫:୨୮ ମାଡିଉ ୨୭:୨୫.



ସାତ୍ ଜାଣ୍ ହାଂଝାର୍

^୧ ଇ ଖେଡାଲିଂ, ଏଚେକାଡ଼ଦ୍ ଚେଲାର୍ ବାତା ଆଜି ମାଚାର୍, ହେଝାଡ଼ାଂ ଗ୍ରିକ୍ ବାସାନିକାର୍ ଜିହୁଦିର୍ ଏବ୍ରିୟ ବାସାନି ଜିହୁଦି ବିରୁଦ୍ଦ ନିନ୍ଦା କିଦେଙ୍ଗ୍ ଲାଗାତାର୍, ଇନାକିଦେଂକି ନିତ୍ରେ ହେବା କିଦେଙ୍ଗ୍ ହେଝାର୍ତି ରାଣ୍ଡିକାଂ ପାଚାରି କିଝାଦାଂ ମାଚାର୍ । ^୨ ହେବେ ବାର୍ ଜାଣ୍ ଚେଲାର୍ ପାତ୍ କିନାକାର୍ ଲାଗାୟ୍ କୁକ୍ତି ଇଚାର୍, “ଇସ୍ପୁର୍ତି ବଚନ୍ ପରଚାର୍ ପିସ୍ତି କାଦି ପାସ୍ପେଦେଂ ମା ହେବାତ ମାନାକା ହାର୍ ଆକାୟ୍ । ^୩ ଲାଗିଂ ଏ ଟଣ୍ଡାର୍ ଆରି ତଣ୍ଡେକ୍, ଇମ୍ଣାକାରିଂ ଆସେଙ୍ଗ୍ ଇ କାମାୟ୍ତ ବାଟି କିଦେଙ୍ଗ୍ ଆଡ଼ନାସ୍, ଏପେଙ୍ଗ୍ ତାକ୍ପୁଟାତାକାର୍ ଆରି ଜିରୁନ୍ ଆରି ଗିୟାନ୍ତ ପୁରା ସାତ୍ ଜାଣ୍ତିଂ ମି ବିତ୍ରେ ସାକି ହିନାକାରିଂ ବାଟି କିଜି ତିର୍ କିୟାଟ୍; ^୪ ମାତର୍ ଆସେଙ୍ଗ୍ ପାର୍ତ୍ତନାତ ଆରି ବଚନ୍ ପରଚାର୍ ହେବା କାମାୟ୍ତ ରଲ୍ଲାକେ ଲାଗା ଆଜି ମାନାସ୍ ।”

^୫ ଇ କାତା ଖିଜୁ ମାନାୟ୍ ନଞ୍ଜରତ ହାର୍ ଚଞ୍ଜାନାଡ଼, ଆରେ ହେଝାର୍ ପାତ୍ ଆରି ପୁଇପୁୟା ଜିରୁନ୍ତ ବାତ୍ ସ୍ତିପାନ୍ ତରନ୍ ରଝାନ୍ ମୁଣିକାଂ, ଆରେ ପିଲିପ୍, ପ୍ରକର, ନିକାନର୍, ତିମନ, ପାର୍ମନା ଆରି ପର୍ତ୍ତୁମ୍ ଆନ୍ତିୟକିଆନି ପାତ୍ କିଝି ଜିହୁଦି ନିକଲାୟ୍ତିଂ ବାଟି କିଜି, ^୬ ପଦ୍ୟାତ୍ମକାର୍ତି ମୁମ୍ଦ ଏକାତାର୍, ଆରେ ହେଝାର୍ ହେଝାର୍ତି କାପ୍ଡା ଜପି କେଇ ଇଡ଼୍ଜି ପାର୍ତ୍ତନା କିତାର୍ ।

^୭ ଇଦାଂ ପାଚେ ଇସ୍ପୁର୍ତି ବଚନ୍ ଆଦିକ୍ ମେଙ୍ଗ୍ତାଡ଼ ଆରେ ଜିରୁସାଲମ୍ତ ଚେଲାର୍ ଲମ୍ବର ବାତାଦେଂ ଲାଗାତାଡ଼; ଆରେ, ମାପୁହେବାକିନାକାନ୍ ବିତ୍ରେତାଂ ବେସି ହେନି କ୍ରିସ୍ଟୁଙ୍ଗ୍ ପାତ୍ କିନାକାର୍ ଆତାର୍ ।

ସ୍ତିପାନ୍ ବନ୍ଦି କିତାର୍

^୮ ସ୍ତିପାନ୍ ଦୟା ଆରି ସାକ୍ତିତ ବାତ୍ ଆଜି ଲକୁ ବିତ୍ରେ ଗାଜା ଗାଜା କାବାନି କାମାୟ୍ ଆରି କାମାୟ୍ କିଦେଙ୍ଗ୍ ଲାଗାତାନ୍ । ^୯ ମାତର୍ ଲିବତ୍ ନ, କୁରିଣିୟ ଆରି ଆଲେକ୍ଜାଣ୍ଡ୍ରିୟ ଗାଡ଼କୁକାଂ ବାହା କିନାକାର୍ ତରଦ୍ ତାକ୍ପୁଟା ଜିହୁଦିର୍ତି ପାର୍ତ୍ତନା ଇଲ୍ଲିନି କେତେ ଜାଣ୍, ଆରେ କିଲିକିୟା ଆରି ଆସିଆ ନିକାର୍ କେତେକ୍ ଲକୁ ନିଙ୍ଗ୍ଜି ସ୍ତିପାନ୍ ହୁଦାଂ କାତା ବାର୍ତ୍ତା କିଦେଙ୍ଗ୍ ଲାଗାତାର୍ । ^{୧୦} ମତର୍ ହେଝାନ୍ ଇମ୍ଣା ଗିୟାନ୍ ଆରି ଜିରୁନ୍ତିଂ ସାକ୍ତିତ କାତା ଇଞ୍ଜି ମାଚାନ୍, ହେଝାର୍ ହେଦାଂ ବିରଦ୍ କିଦେଙ୍ଗ୍ ଆଡ଼ଝାତାର୍ । ^{୧୧} ହେବେ ହେଝାର୍ ମାନାୟାର୍ ଲାଞ୍ଜି ହିଜି ପୁସ୍ତରାୟ୍ କିତାର୍, ଆରେ ହେଝାର୍ ଇଚାର୍, “ଆପେଂ ଇଦାଂ ମସା ଆରି ଇସ୍ପୁର୍ତି ବିରୁଦ୍ଦ ନିନ୍ଦା ବଚନ୍ ଇନାକା ଖେନାପା ।” ^{୧୨} ଆରେ, ହେଝାର୍ ମାନାୟାରିଂ, ଆରେ ପ୍ରାଚିନ୍ ଆରି ସାସ୍ପୁର୍ ଗୁରୁରିଂ ରିସା କିଜି ହେଝାନିଂ ମାଡିବହାତାର୍ ଆରି ହେଝାନିଂ ବାଡ଼କାସ୍ତାଂ ଆଜି ଗାଜା ପଞ୍ଚାଦିତ ତାହିଝାତାର୍, ^{୧୩} ଆରେ ମିର୍ ସାକିରିଂ ନିଲି କିତାର୍; ହେଝାର୍ ଇଚାର୍, “ଇ ମାନାୟ୍” ଇ ପୁଇପୁୟା ବାହା ଆରି ମସାତି ବିଦି ବିରୁଦ୍ଦ ବଚନ୍ ଇଞ୍ଜେଙ୍ଗ୍ ଲାଗାତାନ୍, ^{୧୪} ଇନାକିଦେଂକି ନାଜରିତିୟ ହେ ଜିସୁ ଇ ମନ୍ଦିର୍ ସେସ୍ କିନାନ୍, ଆରେ ମସା ମାଂ ଇନା ଇନା ରିତିନିତି ହିଡ଼ତାନ୍ନା, ହେ ସବୁ ବାଦ୍ଲାୟ୍ କିନାନ୍ ଇଞ୍ଜି ହେଝାନ୍ ଇନାକା ଆପେଂ ଖେଚାପ୍ପା । ^{୧୫} ହେ ଏଚେଖେଡାଲିଂ ଗାଜା ପଞ୍ଚାଦିତ କୁଚ୍ଚି ମାନି ଖିଜାର୍ ତାଙ୍ଗ୍ ହୁଡ଼୍ଜି ସ୍ତିପାନ୍ ମୁମ୍ ବାଦାଡ଼ତ୍ ଦୁଡ଼୍ତି ମୁମ୍ ଲାକେ ହୁଡ଼୍ତାର୍ ।



ସ୍ତିପାନ୍ତି ପରଚାର୍

^୧ ହେବେ ମୁଡ଼୍ ମାପୁହେବାକିନାକାନ୍ ଖେନ୍ବାତାନ୍, “ଇଦାଂ ଖିଜୁ ଦାବା ହାଡ଼ପା କି ?”

^୨ ସ୍ତିପାନ୍ ଇଚାନ୍, “ଏ ଟଣ୍ଡାର୍ ଆରି ଆବାର୍, ଖେନାଟ୍ । ମା ଆବା ଅବ୍ରାହାମ୍ ହାରଣ୍ ଗାଡ଼ଦ୍ ବାହା କିନି ଆଗେ ଏଚେକାଡ଼ଦ୍ ହେଝାନ୍ ମେସପଟାମିଆତ୍ ଦେସ୍ତ ମାଚାନ୍, ହେ ଏଚେକାଡ଼ଦ୍ ହେଝାନ୍ ଜାଜ୍ମାଲ୍ଲି ଇସ୍ପୁର୍ ହେଝାନିଂ ଚଞ୍ଜ୍ୟା ଆଜି ଇଚାନ୍, ^୩ ଏନ୍ ପାର୍ତ୍ତନା ଜାର୍ ଦେସ୍ତାଂ ଆରି ଜାର୍ ଖାସ୍ତିନିକାରିଂ ବିତ୍ରେ ହସି ଖା, ଆରେ ଆପେଂ ନିଂ ଇମ୍ଣା ଦେସ୍ ଚଚ୍ଚାନାପ, ହେ ଦେସ୍ତ ହାଲା ।” ^୪ ହେବେ କଲ୍ଲଦିୟର୍ ଦେସ୍ତାଂ ହସି ହେଝାନ୍ ହାରଣ୍ତ ବାହା କିତାନ୍, ଆରେ ତା ଆବାତି ହାତି ପାଚେ, ହେବେତାଂ ଏପେଙ୍ଗ୍ ନଙ୍ଗ୍ ଇମ୍ଣା ଦେସ୍ତ ବାହା କିତାଦେର୍ନା, ଇ ଦେସ୍ତିଂ ଇସ୍ପୁର୍ ହେଝାନିଂ ତାସି ଖାତାନ୍, ^୫ ଆରେ, ହେଝାନ୍ ହେଝାନିଂ ହେବେ ଇମ୍ଣାକା ପା ଆଦିକାର୍ ହିଝାତାନ୍, କି, ର ପାନା ଇଡ଼୍ଦେଂ ଅଲପ୍ ରୁମି ହିଝାତାନ୍, ଆରେ ହେ ଏଚେକାଡ଼ଦ୍ ଅବ୍ରାହାମ୍ତି ହିମ୍ଣାଂ ହିଲ୍ଲିଝିସ୍ ପା ହେଝାନ୍ ହେଝାନିଂ ଆରି ହେଝାନ୍ତି ଖାନିବାହୁନି ଲାତ୍ରାତିଂ ହେଦାଂ ଆଦିକାର୍ କିଦେଙ୍ଗ୍ କାଜିଂ ହିନାଂ ଇଞ୍ଜି ପାର୍ମାଣ୍ କିତାନ୍ । ^୬ ଇସ୍ପୁର୍ ଇ ଲାକେ ଇଚାନ୍, “ହେଝାନ୍ତି ଲାତ୍ରା ବିଦେସ୍ତ ବାହା କିତାର୍ ଆରି ହେ ବାହାତ ଲକୁ ହେଝାରିଂ ଚାଲିସ୍ ବାହୁଁ ପାଚେକ୍ ଆଡ଼ୟାତ ଇଡ଼୍ଜି ହେଝାର୍ କାଜିଂ ଉଡ଼୍ପାଡ଼ କିତାର୍ । ^୭ ଆରେ, ଇସ୍ପୁର୍ ଇଚାନ୍, ହେଝାର୍ ଇମ୍ଣା ଜାତିତ ହେବା କିନାକାନ୍ ଆନାନ୍, ଆନ୍ ତାତି ବିଚାର୍ କିନାଂ; ତା ପାଚେ ହେଝାର୍ ହେ ଦେସ୍ତାଂ ହସି ଖାଜି ଇ ବାହାତ ମା ପାର୍ତ୍ତନା କିତାର୍ ।” ^୮ ଆରେ, ହେଝାନ୍ ହେଝାରିଂ ସୁନ୍ନତ୍ ନିୟମ୍ ହିତାନ୍, ଆରେ ତାହୁଦାଂ ଅବ୍ରାହାମ୍ ଇସ୍ତହାକ୍ତିଂ ଜଲମ୍ ହିଜି ଆଟ୍ ଦିନ୍ତାଂ ହେଝାନିଂ ସୁନ୍ନତ୍ କିତାନ୍; ଇସାହାକ୍ ଜାକୁବ୍ଙ୍ଗ୍, ଆରେ ଜାକୁବ୍ତି ବାର୍ ଆବାଲାତ୍ରାରିଂ ଜଲମ୍ ହିଜି ହେ ଲାକେ ସୁନ୍ନତ୍ କିତାନ୍ ।

୯ “ଜାକୁବତି ହିମ୍‌ଶାଁ ହେୱାର ଟଣ୍ଡାର ଜସେପ୍‌ତିଂ ତାରା ଆଜି ମିସରତ ଅନି କାଜିଂ ହେୱାନିଂ ପ୍ରତାର, ମତର ଇସ୍‌ବର ହେୱାନ ହୁଦାଂ ମାଚାନ, ୧୦ ଆରେ, ହେୱାନ୍ତି ସବୁ ଦୁକ୍‌ତାଂ ହେୱାନିଂ ଉଦାର କିଜି ମିସରନି ରାଜା ପାର ମୁମ୍‌ଦ ହେୱାନିଂ ଦୟା ଆରି ଗିୟାନ୍ ହିତାନ; ହେବେ ପାର ହେୱାନିଂ ମିସର ଆରି ଜାରତି ଝିଜୁ ଇଲ୍‌କୁନି ସାସନ୍‌କାରୟା ବାବ୍ରେ ବାଟି କିତାନ । ୧୧ ପାଚେ ସବୁ ମିସର ଆରି କିଶାନ୍‌ତ କାତାର ଆରତାଡ଼, ଆରେ ବେସି ଦୁକ୍ ଗିଟାତାଡ଼, ଆରେ ମା ଆଗେନି ବୁଡ଼ାଲୁର କାଦି ପାୟା ଆଖାତାର । ୧୨ ମାତର ମିସରତ କାଦି ମାନାଡ଼ ଇଞ୍ଜି ଝେନ୍‌ଞ୍ଜି, ଜାକୁବ୍ ତା ମେହିରିଂ ପର୍ତୁମ୍ ପକ୍‌ତାନ । ୧୩ ହେବେ ହେୱାର ଆରେ, ରିହା ହାନି ଖାଡ଼ାଲିଂ ଜସେପ୍ ତା ଟଣ୍ଡାର ଲାଗାଂ ଜାଣାତିନା ଆତାନ, ଆରେ ପାର ଜସେପ୍‌ତି ପାର୍ତାନାନି ଜାଣାତିନା ଆତାର । ୧୪ ତା ପାଚେ ଜସେପ୍ ତା ଲାତ୍ରାହି ଜାକୁବ୍ ଆରି ତିନିକଡ଼ି ପନ୍‌ର ଜାଣି ଝାୟି ପାର୍ତାନା ଝିଜାକାରିଂ କୁକିକିଦେଂ ମାନ କିତାନ । ୧୫ ହେବେ ଜାକୁବ୍ ଆରେ ମିସରତ ହାଟି ପାଚେ, ହେୱାନ ନିଜେ ଆରି ମା ଆବା ଲାତ୍ରାର ହାତାର, ୧୬ ଆରେ, ହେୱାର ହାଟି ମଡ଼୍‌ସିକିମ୍‌ତ ଅୟାଜି, ଅବ୍ରାହାମ୍ ହେବେ ହମର ହିମ୍‌ଶାଞ୍ଜାକ୍‌ଡ଼ା ତାଙ୍ଗ୍ ଇମ୍‌ଣି ଦୁଗେର୍ ରୁପା ମଲ୍ ହିଜି କଡ଼ଜି ମାଚାନ, ହେବେ ମୁର୍‌ୟାତାନ ।”

୧୭ “ମାତର ଇସ୍‌ବର ଅବ୍ରାହାମ୍ ଲାଗେ ଇମ୍‌ଣି ପାର୍ମାଣ୍ କିଜି ମାଚାନ, ହେ ପାର୍ମାଣ୍ ପୁରା ଆନି ଝେଡ଼ାଲିଂ ଲାଗେ ଆତିଲେ, ମା ଲକୁ ମିସର ଦେସ୍‌ତ ବାଡ଼ାଜି ବେସି ଆଜି ନିଂତାର । ୧୮ ଝିସ୍ତି ପାଚେ ମିସରତ ଆରେ ରଞ୍ଜାନ ରାଜା ଆତାନ, ହେୱାନ ଜସେପ୍‌ତିଂ ପୁନ୍‌ଖାଦାଂ ମାଚାନ । ୧୯ ହେୱାନ ମା ଜାତି କାଜିଂ ଚକ୍‌ଲିଆ ଚିନ୍ତା କିତାନ, ଆରେ, ମା ଆବା ଲାତ୍ରାର ଇନେସ୍ ଜାର ଜାର ହିମ୍‌ଶାଁ ଜିଜି ମାନ୍‌ଝି କାଜିଂ ବାର୍ତ୍ତ ହୁହିନାନ । ୨୦ ହେ ସମୁତ ମସା ଜଲମ୍ ଆତାନ, ହେୱାନ ଇସ୍‌ବରତି କାଣ୍‌କୁକାଂ ବେସି ହଲ୍‌ଜି ମାଚାନ ଆରି ତିନି ମାସ୍ ପାଚେକ୍ ତା ଲାତ୍ରାହି ଇଞ୍ଜି ପହାକିୟା ଆଜି ମାଚାନ । ୨୧ ପାଚେ ହେୱାନ ଏଚେକାଡ଼ଦ ବାରତ ହୁହିୟା ଆତାନ, ହେ ଏଚେକାଡ଼ଦ ପାରତି ଗାଡ଼ହି ହେୱାନିଂ ନିକ୍‌ତି ଅଜି ତା ହିମ୍‌ଶା ଲାକେ ପହା କିତାଡ଼ । ୨୨ ଆରେ, ମସା ମିସରିୟରତି ସବୁ ବିଦ୍ୟାତ ସିକିଡ଼ ଆଜି ବଚନ୍ ଆରି କାମାୟତ ଜାଣାତିନା ଆତାନ ।

୨୩ ମସାତି ରିକଡ଼ି ବାହୁଁ ପୁରାନି ଝେଡ଼ାଲିଂ ତା ଟଣ୍ଡାର, ଇଚିସ୍ ଇସ୍ରାଏଲ୍ ହିମ୍‌ଶାକାଂ ହେବା କିନି କାଜିଂ ହେୱାନ୍ତି ମାନ୍ତ ଉବ୍‌ଜା ଆତାଡ଼ । ୨୪ ହେୱାର ବିତ୍ରେ ରକାନ କାଜିଂ ରଞ୍ଜାନ ମିସରିୟର ଅନ୍ୟାୟ କିଜି ମାନାକା ହୁଡ଼ଜି, ମସା ତା ରାକ୍ୟାକିଦେଂ ମିସରିୟ ରଞ୍ଜାନ କାଜିଂ ପାର୍ମାଣ୍ ଅଜି ହେୱାନିଂ ଅସ୍ତାର ।” ୨୫ ହେୱାନ୍ତି କେଇ ହୁଦାଂ ଇସ୍‌ବର ଜେ ହେୱାନତି ଟଣ୍ଡାରରିଂ ମୁକ୍ତି କିନାନା, ଇଦାଂ ହେୱାର ବୁଜାନାର ଇଞ୍ଜି ହେୱାନ ବାବି କିଜି ମାଚାନ, ମତର ହେୱାର ବୁଜାଖାତାର । ୨୬ ଆକାଡ଼ ନାଜିଂ ହେୱାନ ରିୟାର ଇସ୍ରାଏଲିୟରିଂ ଗଣ୍ଡଗଲ୍ କିଜି ମାନାକା ହୁଡ଼ତାନ ଆରି ହେୱାର ବିତ୍ରେ ସୁସ୍ତା ମେହାୟ କିଦେଙ୍ଗ୍ ସେସ୍ତା କିତାନ । ହେୱାନ ଇଚାନ, “ଝେନାଟ୍, ଏପେଙ୍ଗ୍ ରିୟାଦେର୍‌ତ ଇସ୍ରାଏଲିୟ ଟଣ୍ଡାର । ଇନେକିଦେଂ ଏଲେଙ୍ଗ୍ ଅନ୍ୟାୟ କିନାଦେରା ?” ୨୭ ମାତର ଇମ୍‌ଣି ପାଡ଼ହା ଇଞ୍ଜି କାଜିଂ ଅନ୍ୟାୟ କିଜି ମାଚାନ, ହେୱାନ ମସାଙ୍ଗ୍ ତିଗ୍‌ଜି ଇଚାନ, “ଇନେର୍ ନିଂ ମା ଜପି ମୁଣିକା ଆରି ବିଚାରକାରୟା ଲାକେ ବାହି ହିଡ଼ତାନ ?” ୨୮ “ନିହିଂ ଇନେସ୍ ହେ ମିସରିୟରତି ଅସ୍ତି ମାଚାୟ, ହେ ଲାକେ ନାଙ୍ଗ୍ ଅସ୍ତେଦେଂ ମାନ କିଦ୍‌ନାୟା ?” ୨୯ ଇ କାତା ଝେନ୍‌ଞ୍ଜି ମସା ମିଦିୟନ୍ ଦେସ୍‌ତ ବାହା କିତାନ; ହେବେ ହେୱାନ୍ତି ରିଆର୍ ହିମ୍‌ଶାଁ ଜଲମ୍ ଆତାର ।

୩୦ ପାଚେ “ରିକଡ଼ି ବାହୁଁ ବାଟି ଆତିଲେ, ସିନୟ ମାଡ଼ିନି ବାଟାତ ରଞ୍ଜାନ ଇସ୍‌ବରତି ଦୁଡ଼ର୍ ବୁଟାତ ନାଣିଅଜଡ଼ତ ହେୱାନିଂ ଚଞ୍ଜାତାନ । ୩୧ ମସା ହେଦାଂ ହୁଡ଼ଜି କାବା ଆତାନ, ଆରେ ହାର ଲାକେ ହୁଡ଼ଦେଂ କାଜିଂ ଲାଗେ ହାନି ଝେଡ଼ାଲିଂ ମାପୁତି ଇ କାତା ଝେଚାନ ।” ୩୨ “ଆନ୍ ମି ବୁଡ଼ାଆକଟିଂ ଇସ୍‌ବର, ଅବ୍ରାହାମ୍, ଇସ୍ରାଏଲ୍ ଆରି ଜାକୁବ୍‌ତି ଇସ୍‌ବର । ହେବେ ମସା ତ୍ରିଗ୍‌ଜି ହାର ହୁଡ଼ଦେଂ ସାସ୍ କିଖାତାନ ।” ୩୩ ତା ପାଚେ ମାପୁ ହେୱାନିଂ ଇଚାନ, “ନି ପାନାତାଂ ପାଣ୍ଡାଲଙ୍ଗ୍ ଉଦା, ଇନାକିଦେଂକି ଏନ୍ ଇମ୍‌ଣି ମେଦ୍‌ନିତ ନିଲ୍‌ତାୟନା, ହେଦାଂ ପୁଇପୁୟା ମେଦ୍‌ନି । ୩୪ ମିସରତ ମା ଇମ୍‌ଣି ଲକୁ ମାନାର, ଆପ୍ ହେୱାରତି ଦୁକ୍ ହୁଡ଼ତାପନ୍ନା ଆରି ହେୱାରତି ଆଡ଼ାକୁକା ଝେଚାପନ୍ନା, ଆରେ ହେୱାରିଂ ଉଦାର କିନି କାଜିଂ ଜୁଡ଼ତାପନ୍ନା; ଆରେ ନଂ ଖା, ଆନ୍ ନିଂ ମିସରତ ପକ୍ତାନାଂ ।”

୩୫ “ଇନେର୍ ନିଂ ମୁଡ଼ଦାକାନ ଆରି ବିଚାରକାରୟା ଲାକେ ବାଟି କିଡ଼ତାନ ଇଞ୍ଜି ଇଞ୍ଜି ଇ ଇମ୍‌ଣି ମସାଙ୍ଗ୍ ହେୱାର ମାନିକିଖାଦାଂ ମାଚାର, ହେୱାନିଂ ଇସ୍‌ବର ବୁଟାତ ଚଞ୍ଜାଆ ଆଜି ଦୁଡ଼ତି ଉପ୍‌କାରତାଂ ସାସନ୍ ଆରି ଉଦାରକାରୟା କିଜି ପକ୍‌ତାନ । ୩୬ ଇ ମୁଣିକା ମିସର୍ ଦେସ୍, ନେତେର୍ ହାମ୍‌ଦୁର୍ ଆରି ରିକଡ଼ି ବାହୁଁ ପାଚେକ୍ ବାଟାତ ବାର୍‌ବିନି କାବାନି କାମାୟ ଆରି ତିନକୁ ସାଦନ୍ କିଜି ହେୱାରିଂ ହପ୍‌ତି ତାହିଖାତାନ । ୩୭ ମସା ନିଜେ ଇସ୍ରାଏଲ୍‌ନି ମାନାୟରିଂ ଇଞ୍ଜି ମାଚାନ, ଇସ୍‌ବର ନାଂ ଇନେସ୍ ପକ୍ତାତାନ ହେ ଲାକେ ମି ଲାଗାଂ ରଞ୍ଜାନ ବେଶ୍‌ବାକ୍‌ଶାୟକିନାକାର ପକ୍ତାନାନ, ହେୱାନ ମି ଜାର ଟଣ୍ଡାର ବିତ୍ରେ ରଞ୍ଜାନ ଆନାନ ।” ୩୮ ଇ ମୁଣିକା ମଣ୍ଡଲି ବିତ୍ରେ ମାନଞ୍ଜି ସିନୟ ମାଡ଼ିତ ହେୱାନ ହୁକେ କାତା ଇଞ୍ଜିମାଟି ଦୁଡ଼ତି ଆରି ମା ଆକର୍ ବିତ୍ରେ ମାଡ଼ଶାକାନ ମାଚାନ; ହେୱାନ ମିଙ୍ଗ୍ ଦାନ କିଦ୍‌ଦେଂ କାଜିଂ ଜିଜି ମାନାକା ବଚନ୍ ପାୟାତାନ ।

୩୯ “ମାଦାଂ ଆବାରଲାତ୍ରା ହେୱାର ହେୱାନ୍ତି କାତା ମାନିକିଖାଦାଂ ହେୱାନିଂ ମାନ କିଖାତାର, ଆରେ ଜାର ଜାର ମାନ୍ତ ମିସର ଦେସ୍‌ତ ମାସ୍‌ଡି ହାଲ୍‌ଜି ହାରଣ୍‌ଙ୍ଗ୍ ଇଚାର, ୪୦ ହେଦାଂ ହେୱାର ହାରଣ୍‌ଙ୍ଗ୍ ଇଚାର, ମା ଆଗେ ଆଗେ ହାନି କାଜିଂ ମା କାଜିଂ ପେନ୍‌କୁକାଂ ରଚା, ଇନାକିଦେଂକି ଇ ଇମ୍‌ଣି ମସା ମାଙ୍ଗେଙ୍ଗ୍ ମିସର୍ ଦେସ୍‌ତାଂ ହପ୍‌ତି ତାଈଖାଡ଼ତାନ, ତା କାଜିଂ ଇନାକା ଗିଟାତାଡ଼ନା, ହେଦାଂ ଆପେଂ ପୁନୁପ୍ ।” ୪୧ ଆରେ, ହେ ସମୁତ ହେୱାର ର ବାଟି ରଚାର ଆରି ହେ ପୁଡ଼ଡ଼ା

ଇସାବ୍‌ରେ ପୁଜାକିଦେଇଁ ଜାର୍ ଜାର୍ କେଇ ରଚ୍ଚି ଆଡ଼ମାଡ଼ିଂ ବଜି କିଜି ଖାରି କିଦେଇଁ ଲାଗାତାର । ୪୭ ମାତର ଇସ୍‌ବର ମାସ୍‌ଦି ହେଖାରିଂ ବାଦାଡ଼ତ ହୁକାକାଂ ପାର୍ତ୍ତନା କିଦେଇଁ ପିସ୍ତ୍ର ହିତାର, ଇନେସ୍ ବେଶ୍‌ବାକ୍‌ଶାୟକିନାକାର ପଡିତ ଲେକା ମାନାଡ଼,

“ଏ ଇସ୍‌ସାଏଲ୍ ଲାତ୍ରା !

ବାଗାତ ରିକଡ଼ି ବାହୁଁ ପାତେକ୍,

ଏପେଇଁ ମା କାଜିଂ ପସୁ ପୁଜା ଆରି ଆକାଡ଼ କିଖାଦାଂ ମାଗାଦେର୍ ।

୪୩ ଲାଗିଂ ଏପେଇଁ ପାର୍ତ୍ତନା କିନି କାଜିଂ ଇମ୍‌ଣି ପୁଡ଼ତାଂ ରଚ୍ଚି ମାଗାର୍,
ମଲକର୍ ତୁମ୍ ଆରି ରମ୍‌ମା ପେନକୁନି ହୁକାତିଂ ଏପେଇଁ ଅଜି ପୁଜା କିତାର ।”
ଲାଗିଂ ଆପ୍ ବାବିଲନ୍‌ତ,

ଆନ୍‌ଚି ବାଗାଇଁ ପଲ୍ଲାନାଇଁ ।

୪୪ “ବାଗାତ ମା ଆଗେନି ଆବାରଲାତ୍ରା ଲାହାଂ ଇସ୍‌ବରତି ମାନାକା ତାକେ ସାକି ତୁମ୍ ମାଗାଡ଼ । ଇସ୍‌ବର ମସାଇଁ ଇନେସ୍ ରଚ୍ଚି ଖେଚ୍ଚି ମାଗାନ୍ ଆରି ମସାଂ ଇମ୍‌ଣି ହାଦାକା ରଚ୍ଚି ମାଗାନ୍, ଇଦାଂ ହେ ଲାକେ ରଚ୍ଚୟାଜି ମାଗାଡ଼ । ୪୫ ଆରେ, ମା ଆକର୍ ହେଦାଂ ଗାଗାଜି, ଇସ୍‌ବର ହେଖାର୍ ମୁମ୍‌ଦାଂ ଇମ୍‌ଣି ଜାତିରିଂ ହପ୍‌ଚି ତୁହିତାର, ହେ ଜାତିରିଂ ଆଦିକାରତ ହେଖାର୍ ଜିହସ୍‌ୟତି ଇଚି ହଣ୍ଡି ହେଦାଂ ଦାଉଦ୍‌ତି ଖେଡ଼ାଂ ପାତେକ୍ ଇଡ଼ତାନ୍ । ୪୬ ହେଖାନ୍ ଇସ୍‌ବର କାଶ୍‌କୁତ ଦୟା ପାୟାଜି ଜାକୁବ୍‌ତି ଇସ୍‌ବର କାଜିଂ ର ଇଲ୍ ରଚ୍ଚି କାଜିଂ ପାର୍ତ୍ତନା କିତାନ୍ । ୪୭ ମାତର ସଲମନ୍ ହେଖାନ୍ତି କାଜିଂ ର ମନ୍ଦିର୍ ଇଲ୍ ରଚ୍ଚିତାନ୍ ।”

୪୮ “ଆଡିସ୍‌ପା ଇନେର୍ ସିଗ୍‌ଦାକାନ୍ ଇସ୍‌ବର, ହେଖାନ୍ କେଇଦ ରଚ୍ଚି ଇଲ୍ ବାହା କିତନ୍ ! ଇନେସ୍‌କି ବେଶ୍‌ବାକ୍‌ଶାୟକିନାକାର ଲେକିକିତାନ୍ନା ।”

୪୯ ମାପୁ ଇଚାନ୍ “ବାଦାଡ଼ତ ମା ଗାଦି,
ପୁତ୍ ମା ପାନା ତାରେନ୍, ମାପୁ ଇଚାନ୍ନା,
ଏପେଇଁ ମା କାଜିଂ ଇନେସ୍‌ବାନି ଇଲ୍ ରଚ୍ଚିନାଦେର୍ ?
କି ମା ଜମ୍‌ନି ବାହା ଇମେଡ଼ ?

୫୦ ମା କେଇ ଇନାକା ଇ ଖିଜୁ ବିସ୍ତେ ଉବ୍‌ଜାଶ୍ କିଖାତାଂନା ?”

୫୧ ସ୍ତ୍ରୀପାନ୍ ଆରେ ଇଚାନ୍ “ଏପେଇଁ ଏଚେକ୍ ଅମାନସା । ମି ମାନ୍ତ ଏଚେକ୍ ଅସ୍ତୁନ୍ତ । ଇସ୍‌ବରତି ବଚନ୍ କାଜିଂ ଏପେଇଁ ଖେନ୍‌ଖାକାଦେର୍ । ଏପେଇଁ ସମାନ୍ ମି ଆଗେନି ଆବା ଲାତ୍ରା ଲାକେ; ଏପେଇଁ ତାଇନାଡ଼ ପୁଇପୁୟା ଜିବୁନ୍‌ତିଂ ବିରଦ୍ କିନାଦେରା । ୫୨ ବେଶ୍‌ବାକ୍‌ଶାୟକିନାକାର ବିତ୍ରେ ଇନେରିଂ ମି ଆକର୍ କେତେଖାଦାଂ ମାଗାର୍ ? ଇନେର୍ ହେ ଦାମ୍ ମୁଣିକା ଖାନ୍ ବିସ୍ତେ ଆଗେତାଂ ଖେଚ୍ଚି ମାଗାର୍, ହେଖାରିଂ ହେଖାର୍ ଅସ୍ତାର୍; ନଇଁ ଏପେଇଁ ହେଖାନ୍ ସାତୁ କେଇଦ ହେଲାୟ କିଜି ଅସ୍ତାଦେର୍; ୫୩ ଏପେଇଁ ଦୁଡ଼ର୍ ହୁଦାଂ ଆଗେନି ବିଦିତାଂ ଗାଗାଜି ମାଗାଦେର୍, ମତର୍ ବିଦି ପାଲି କିଖାତାଦେର୍ ।”

ସ୍ତ୍ରୀପାନ୍‌ତି ହାକି

୫୪ ଗାଜା ସବାନି ମାନାୟାର୍ ଖିଜୁ କାତା ଖେନ୍‌ଖି ହେଖାର୍ ମୁମ୍‌ରାଡ଼ତାର, ଆରେ ହେଖାନ୍ କାଜିଂ ଟାଡାଙ୍ଗ୍ ରେଚି କିଦେଇଁ ଲାଗାତାର । ୫୫ ମାତର ହେଖାନ୍ ପୁଇପୁୟା ଜିବୁନ୍‌ତ ବାତ୍ ଆଜି ବାଦାଡ଼ତ ର କାଶ୍‌ଗାତ ହୁଡ଼ତାନ୍, ଆରି ଇସ୍‌ବରତିଂ ଜାଜମାଲ୍ ଆରି ଜିସୁଇଁ ଇସ୍‌ବରତି ବୁଜଣି ପାଡ଼କା ନିଲ୍‌ଚି ମାନାକା ହୁଡ଼ଜି ଇଚାର, ୫୬ ହେଖାନ୍ ଇଚାନ୍ “ହୁଡ଼ାଟ୍, ଆନ୍ ବାଦାଡ଼ତ ଜେୟାତି ଆରି ମାନାୟ ମାଜିଇଁ ଇସ୍‌ବରତି ବୁଜଣି ବାଗାଇଁ ନିଲ୍‌ଚି ମାନାକା ହୁଡ଼ନାଙ୍ଗା ।”

୫୭ ମତର୍ ହେଖାର୍ ଗାଜାକାଟ୍‌ତାଂ କିକିରାତିଂ କିଜି ଜାର୍ ଜାର୍ କିତୁଲ୍‌ତିଂ ଗେସ୍‌ତାର, ଆରେ ପାଡ଼କାତାଙ୍ଗ୍ ଆଜି ହେଖାନ୍ତି ଜପି ମାଡିବହା ଆତାର, ୫୮ ଆରେ, ହେଖାର୍ ହେଖାନ୍ ଗାଡ଼ଦାଂ ହପ୍‌ଚି କାଲ୍‌କୁ ଇଡ଼ଦେଂ ଲାଗାତାର; ଆରେ, ମିର୍ ସାକିର୍ ସାଉଲ୍ ଇନି ରଖାନ୍ ଦାଂଶେନ୍‌ତି ପାନା ଲାଗାୟ ଜାର୍ ଜାର୍ ହେୟାଙ୍ଗ୍ ଇଡ଼ତାର । ୫୯ ହେଖାଡ଼ାଂ ହେଖାର୍ ସ୍ତ୍ରୀପାନ୍‌ତିଂ କାଲ୍‌କୁ ଇଡ଼ଜି ମାଗାର୍, ହେଖାଡ଼ାଂ ହେଖାନ୍ ପାର୍ତ୍ତନା କିଜି ଇଚାନ୍, “ଏ ମାପୁ ଜିସୁ, ନା ଜିବୁନ୍‌ତିଂ ଇଚା ।” ୬୦ ଆରେ, ହେଖାନ୍ ମେଣ୍ଡାଙ୍ଗ୍ କୁନ୍‌କିଜି ଗାଜାକାଟ୍‌ତାଂ କୁକ୍‌ଚି ଇଚାନ୍, “ଏ ମାପୁ, ଇ ପାପ୍ ଇଖାର୍ ବିରୁଦ୍‌ତ ଗାଣା କିମା ।” ହେଖାନ୍ ଇଦାଂ କାଶ୍‌କୁ ଜୁଚ୍ଚି ହାତାନ୍ ।



ପାତ୍ କିନାର୍ ମଣ୍ଡୁଲି ଜପି ସାଉଲ୍‌ତି ନିୟା

୧ ସାଉଲ୍ ହେଖାନ୍ତି ପାରାଶ୍ ନାସ୍ତ ରାଜି ମାଗାନ୍ । ସାଉଲ୍ ମଣ୍ଡୁଲି ଜପି ନିୟା କିନାକା ।

ହେ ଦିନ ଜିରୁସାଲମତ ମାନି ମଣ୍ଡଳି କାଜିଂ ବେସି ନିନ୍ଦା ଆତାଡ଼, ହେବେ ପଦ୍ୟାତାକାର୍ତି ପିସ୍ତ୍ର ଆଦେକ୍ ଝିଜାକାର୍ ଜିହୁଦା ରାଜି ଆରି ସମିରଣ୍ ନିପ ଚାରିବେଶତାଂ ଚିନ୍ଦିନ୍ ଆଜି ହାଚାର୍ । ୨ ଆତିସ୍ପା କେତେ ଜାଣ୍ ହୁଦାର୍ ଲଗୁ ସ୍ତ୍ରପାନତିଂ କବର୍ ହିଜି ହେଝାନ୍ କାଜିଂ ବେସି ଦୁକ୍ କିତାର୍ ।

୩ ମତର୍ ସାଉଲ୍ ଇଲ୍ଲକୁ ଇଲ୍ଲକୁ ହଶ୍ତି ଆଶ୍ତାରିଂ ଆରି କଗ୍ଲେକାଂ ଜେଲ୍ଲି ତାହି ଜଇଲ୍ଲ ଇଞ୍ଜ ହେଲ୍ଲୟ୍ କିଜି ମଣ୍ଡଳିତିଂ ବୁଡାୟ୍ କିଦେଙ୍ଗ୍ ଲାଗାତାନ୍ ।

ସମିରଣ୍ତ ନେକ୍ରିକାରୁର୍ ପର୍ଚାର୍

୪ ହେବେ ପାତର୍ କିନାକାର୍ ଜେଡେକେତେ ଆଜି ମାଚାର୍, ହେଝାର୍ ଚାରିବେଶତାଂ ବୁଲା ଆଜି ନେକ୍ରିକାରୁର୍ନି ବଚନ୍ ସୁଣାୟ୍ କିଦେଙ୍ଗ୍ ଲାଗାତାନ୍ । ୫ ଆରେ, ପିଲିପ୍ ସମିରଣ୍ତ ମୁଡ୍ ଗାଡ୍ଡ ହାଲ୍ଲଜି ମାନାୟାର୍ ଲାଗେ କ୍ରିସ୍ତୁତି ନେକ୍ରିକାରୁର୍ ସୁଣାୟ୍ କିଦେଙ୍ଗ୍ ଲାଗାତାନ୍ । ୬ ଆରେ, ମାନାୟାର୍ ପିଲିପ୍ତି କାତା ଝେନଞ୍ଜି ଆରି ହେଝାନ୍ତି କିତି କାବା କାମାୟ୍ ସବୁ ହୁଡ଼ଜି ରମାନ୍ତ ହେଝାନ୍ତି କାତା ମାନ୍ ହିଜି ମାଚାର୍ । ୭ ଇନାକିଦେଂକି ବାନ୍ୟା ଜିବୁନ୍ ବେସି ଲକୁତାଂ ହେ ଜିବୁନିଂ ଗାଜାକାର୍ତ କିକିରାତିଂ କିଜି ହସି ଝାଦେଂ ଲାଗିତିକ୍; ଆରେ ବେସି ହିରକୁଲ୍‌ରଗ୍ୟାର୍ ଆରି ଚଗାର୍ ଉଜ୍ ଆତାର୍ । ୮ ହେବେ ଗାଡ୍ଡ ବେସି ଝାରିୟା ଆତାଡ଼ ।

୯ ମାତର୍ ସିମନ୍ ତରୁନି ରକାନ୍ ମାନାୟ୍ ଇଦାଂ ଆଗେ ହେ ଗାଡ୍ଡ ଜତର୍ କାମାୟ୍ କିଜି ଜାର୍ତିଂ ରକାନ୍ ଗାଜା ମାନାୟ୍ ଇଞ୍ଜ ଇଞ୍ଜ ସମିରଣ୍ତ ଜାତିତିଂ କାବା କିଜି ମାଚାନ୍; ୧୦ ଇସ୍ପୁର୍ତି “ଇମ୍‌ଣି ସାକ୍ତିତିଂ ଗାଜା ଇଞ୍ଜ ଇନ୍ୟାନାଡ଼, ହାରୁକାର୍ତାଂ ଗାଜା ପାତେକ୍ ଝିଜାକାର୍ ଇଝାନ୍ ହେଝାନ୍ ଇଞ୍ଜ ହେଝାନିଂ ମାନି କିଜି ମାଚାର୍ ।” ୧୧ ହେଝାର୍ ହେଝାନିଂ ମାନି କିନାକା ଇଦାଂ ଜେ, ହେଝାନ୍ ବେସି ଦିନ୍ ଆତାଡ଼ ଜାର୍ ଜତର୍ କାମାୟ୍ ହୁଦାଂ ହେଝାରିଂ କାବା କିଜି ମାଚାନ୍ । ୧୨ ମାତର୍ ପିଲିପ୍ ଇସ୍ପୁର୍ତି ରାଜି ଆରି ଜିସୁ କ୍ରିସ୍ତୁତି ତର୍ ବିସ୍ତେ ନେକ୍ରିକାରୁର୍ ସୁଣାୟ୍ କିତିଲେ ହେଝାର୍ ଏଚେକାଡ୍ଡ ହେଝାନ୍ତି କାତାତ ପାତର୍ କିତାର୍, ହେ ଏଚେକାଡ୍ଡ ଆଶ୍ତାଙ୍ଗ୍ ଆରି କଗ୍ଲେକ୍ ଝିଜାର୍ ବାପ୍ରିସିମ୍ ଅଦେଂ ଲାଗାତାନ୍ । ୧୩ ଆରେ, ସିମନ୍ ନିଜେ ପା ପାତର୍ କିଜି ବାପ୍ରିସିମ୍ ଅତାନ୍ ଆରି ପିଲିପ୍ତି ହାଙ୍ଗ୍ ହାଙ୍ଗ୍ ମାଚାନ୍, ଆରେ ବାର୍ବିନ୍ ଚିନ୍କୁ ଆରି ଗାଜା ଗାଜା ସାକ୍ତିନି କାମାୟ୍ ହୁଡ଼ଜି କାବା ଆଦେଂ ଲାଗାତାନ୍ ।

୧୪ ସମିରଣ୍ତ ଲକୁ ଜେ ଇସ୍ପୁର୍ତି ତରଦାଂ ବଚନ୍ ମାନି କିତାଣ୍ଟା, ଇଦାଂ ଏଚେକାଡ୍ଡ ଜିରୁସାଲମତ ମାନି ପଦ୍ୟାତାକାର୍ ଝେଚାର୍, ହେ ଏଚେକାଡ୍ଡ ହେଝାର୍ ପିତର୍ ଆରି ଜହନ୍ତିଂ ହେଝାର୍ ଲାଗେ ପକ୍ତାର୍ । ୧୫ ହେଝାର୍ ହାଲ୍ଲଜି, ହେ ଲକୁ ଇନେସ୍ ପୁଇପୁୟା ଜିବୁନ୍ ପାୟାନାର୍, ଇଦାଂ କାଜିଂ ହେଝାର୍ କାଜିଂ ପାର୍ତାନା କିତାର୍, ୧୬ ଇନାକିଦେଂକି ଇ ପାତେକ୍ ହେଝାନ୍ ହେଝାର୍ ବିତ୍ରେ ଇନେର୍ ଜପି ପା ପୁଇପୁୟା ଜିବୁନ୍ ଜୁଦ୍‌ଝାଦାଂ ମାଚାଡ଼, କେବଲ୍ ହେଝାର୍ ମାପୁ ଜିସୁତି ତରଦ ବାପ୍ରିସିମ୍ ଆଜି ମାଚାର୍ । ୧୭ ହେ ଏଚେଝେଡାଲିଂ ପିତର୍ ଆରି ଜହନ୍ ହେଝାର୍ ହେଝାର୍ତି ଜପି କେଇ ହିତାନ୍, ଆରେ ହେଝାର୍ ପୁଇପୁୟା ଜିବୁନ୍ ଗାଟା ଆତାର୍ ।

୧୮ ପଦ୍ୟାତାକାର୍ତି କେଇ ହିତି ହୁଦାଂ ଜିବୁନ୍ ଝାନାକା ହୁଡ଼ଜି, ସିମନ୍ ହେଝାରିଂ ଟାକାଂ ହିଜି ଇଚାନ୍, ୧୯ “ନାଙ୍ଗ୍ ପା ଇ ସାକ୍ତି ହିଦାଟ୍, ଇନେସ୍ ଆନ୍ ଇମ୍‌ଣାକାନ୍ ମାନାୟ୍ ତାରେନ୍ କେଇ ହିନାଙ୍ଗ୍, ହେଝାନ୍ ପୁଇପୁୟା ଜିବୁନ୍ ଗାଟାନାନ୍ ।”

୨୦ ମାତର୍ ପିତର୍ ହେଝାନିଂ ଇଚାନ୍, ନି ଟାକାଂ “ନି ହୁଦାଂ କର୍ ଆୟେକ୍, ଇନାକିଦେଂକି ନି ଟାକାଂ ହୁଦାଂ ଇସ୍ପୁର୍ତି ଦାନ୍ କଡ୍‌ଦେଂ ବାବି କିତାୟ୍ । ୨୧ ଇ ବିସ୍ତେ, ନି ବାଗ୍ ହିଲୁଡ୍ କି ଆଦିକାର୍ ହିଲୁଡ୍, ଇନାକିଦେଂକି ଇସ୍ପୁର୍ତି ମୁମ୍‌ଦ ନି ମାନ୍ତ ହୁଦାର୍ ଆକାୟ୍ । ୨୨ ଲାଗିଂ, ନି ଇ ବାଡ଼ପାଣ୍ଡାଂ ମାନ୍‌ବାଦ୍‌ଲାୟ୍ କିଜି ମାପୁତି ତାକେ ପାର୍ତାନା କିୟା, ଇନେସ୍ ଆତିସ୍ପି ନି ମାନ୍ତ ହାୟାୟ୍ କିନାକା କେମା ଆଦ୍‌ନାଡ଼ । ୨୩ ଇନାକିଦେଂକି ନି ଅଦାମ୍ ବିସ୍ତେ ବାତର୍ ଆଜି ପାପ୍ ତାକେ ଗାଟା ଆତାଡ଼ନ୍ନା ଇଞ୍ଜି ଆନ୍ ହୁଡ଼ନାଙ୍ଗା ।”

୨୪ ହେବେ ସିମନ୍ ଜହନ୍ ଆରି ପିତର୍ତିଂ ଇଚାନ୍, ଏନ୍ ଇନାକା ଇନାକା ଇଞ୍ଜାୟ୍, ହେବେତାଂ ଇମ୍‌ଣାକା ପା ବିସ୍ତେ ଇନେସ୍ ନା କାଜିଂ ପଡାମେଡ଼, ଇଦାଂ କାଜିଂ “ଏପେଙ୍ଗ୍ ନା କାଜିଂ ମାପୁତି ଲାଗେ ପାର୍ତାନା କିୟା ।”

୨୫ ଇ ବାନି ହେଝାର୍ ସାକି ହିଜି ଆରି ମାପୁତି ବଚନ୍ ଇଞ୍ଜି ସମିରଣ୍ତାୟ୍ ଆଦେକ୍ ନାସ୍‌କୁକାଂ ନେକ୍ରିକାରୁର୍ ସୁଣାୟ୍ କିଜି କିଜି ଜିରୁସାଲମତ ମାସ୍‌ଦି ହାଚାର୍ ।

ପିଲିପ୍ ଆରି ଇତିଓପିଆ ବେଜୁର୍

୨୬ ପାଚେ ମାପୁତି ରଝାନ୍ ଦୁଡ୍ ପିଲିପ୍ତିଂ ଇଚାଡ଼, “ନିଙ୍ଗା, ବୁଦ୍‌ଣି ବାଗାଙ୍ଗ୍ ଇମ୍‌ଣି ହାଡାକ୍ ଜିରୁସାଲମତାଂ ଇଦାଂ ଗଲ୍ଲା ନିପ ହାଲ୍ଲଜି ମାନା,” ହେ ନିପ ହାଡାକ୍ ହାଲ୍ଲା । ହେଦାଂ ଚିମ୍‌ରା ବାହା ମାଚାଡ଼ । ନେଜେଝିଗା ଚିନ୍ତା କିୟାଆଉତା । ୨୭ ହେବେତାଂ ହେଝାନ୍ ନିଂଜି ହାଚାନ୍ । ଆରେ ହୁଡାଟ୍, ଇତିଓପିଆ ଦେସିୟାତର୍ କଣ୍ଟାକି ତରୁନି ରାଣିତି ତାରେନ୍ ରଞ୍ଜେଲ୍ ଗାଜା ପାଦ୍ ପାୟାତି ଇତିଓପିଆନି ବେଜୁ, ଇନେର୍ ତାଦେଲ୍‌ତି ଝିଜୁ ଦନ୍‌କଟିନି ସାସନ୍ କାର୍‌ୟା ମାଚାନ୍, ହେଝାନ୍ ପାର୍ତାନା କିନି କାଜିଂ ଜିରୁସାଲମତ ଝାଜି ମାଚାନ୍ । ୨୮ ହେଝାନ୍ ମାସ୍‌ଦି ହାଲ୍ଲ ହାଲ୍ଲ ଜାର୍ ହାଗାଡ଼ତ କୁର୍ତି ଜିସାୟ୍ ବେଶ୍‌ବାକ୍‌ଶାୟ୍ କିନାକାର୍ ସାସ୍‌ର୍ ଗାଜାକାର୍ତାଂ ପଡ଼ି କିଜି ମାଚାର୍ । ୨୯ ହେଝେଡାଂ ପୁଇପୁୟା ଜିବୁନ୍ ପିଲିପ୍ତିଂ ଇଚାଡ଼,

“ଲାଗେ ହାଲୁକି ଇ ହାଗାଡ଼ ହୁଦାଂ ମାନା ।” ୩୦ ହେବେ ପିଲିପ୍ ହସ୍ତିହାଲୁକି ହେଖାନ୍ ଜିସାୟ ବେଶ୍‌ବାକ୍‌ଶାୟକିନାକାର୍ ସାସ୍ତ୍ର ପଢ଼ି କିନାକା ଝେନ୍‌ଝି ଝେନ୍‌ବାତାନ୍, “ଏନ୍ ଇନାକା ପଢ଼ି କିନାୟା, ହେଦାଂ ଇନାକା ବୁଜାନାୟା ?”

୩୧ ହେଖାନ୍ ଇଚାନ୍, “ଇନେର୍ ନାଙ୍ଗ ବୁଜାୟ ହିଦ୍‌ଝିତିସ୍ ଆନ୍ ଇନେସ୍ ବୁଜାଦେଂ ଆଡ଼ନାଂ ?” ଆରେ, ହେଖାନ୍ ପିଲିପ୍ ଦୁମ୍‌ଜି ଖାଜି ତା କଚଣ୍ଡ କୁଚ୍‌ଚେଙ୍ଗ ଗଞ୍ଜାରି କିତାନ୍ । ୩୨ ସାସ୍ତ୍ରନ୍ ଇମ୍‌ଣି ବାଗ୍ ହେଖାନ୍ ପଢ଼ି କିଜି ମାଚାନ୍,

ହେଦାଂ ଇଦାଂ, ହେଖାନ୍ ମେଣ୍ଡା ଲାକେ “ହାନି କାଜିଂ ଅୟାତାନ୍,
ଆରେ ତଲ୍ ଉନ୍‌ନି ମୁମ୍‌ଦ ମେଣ୍ଡାହିମ୍‌ଣା ଇନେସ୍ ପୁକ ମାନ୍‌ଘାନାଡ଼,
ହେ ଲାକେ ହେଖାନ୍ ତା ମୁମ୍ ଜେୟା ଆଖାତାନ୍ ।”

୩୩ ହେଖାନ୍ତି ଅପ୍‌ମାନ୍ ଆନିହିଙ୍ଗ ହେଖାନ୍ତି ତାଣ୍ ମାସ୍‌ଦି ହାଚାଡ଼ ।

ହେଖାନ୍ତି ଲାଡ଼ା ଇନେର୍ ହାୟାୟ କିଦେଙ୍ଗ୍ ଆଡ଼ନାର୍ ?
ଇନେକିଦେଂକି ହେଖାନ୍ତି ଜିବୁନ୍‌ନି ପୁତ୍ ତାଂ ମାସ୍‌ଦି ହାଚାଡ଼ ।

୩୪ ବେଜୁ ଉତର୍ ହିଜି ପିଲିପ୍‌ତିଂ ଇଚାନ୍, ଆନ୍ ନିଂ ପାର୍ତ୍ତାନା କିଦ୍‌ନାଂ, “ବେଶ୍‌ବାକ୍‌ଶାୟକିନାକାର୍ ଇନେର୍ ବିସ୍ତେ ଇ ବେରଣ୍ ଇଚାନ୍ନା ? ଜାର୍ ବିସ୍ତେ କି ଆରେ ଇନେର୍ ବିସ୍ତେ ?” ୩୫ ହେବେ ପିଲିପ୍ ଝେଇ ଜେସି ସାସ୍ତ୍ର ଇ ବଚନ୍‌ତାଂ ହାଂଜି ହେଖାନ୍ ତାକେ ଜିସୁତି ନେକ୍‌କାବୁର୍ ପର୍‌ଚାର୍ କିତାର୍ । ୩୬ ଆରେ, “ହେଖାର୍ ହାସ୍‌ଦ ହାଲୁ ହାଲୁ ର ଏଜୁଂ ମାନି ଲାଗେ ଏକାତାର୍; ହେବେ ବେଜୁ ଇଚାନ୍,” ଇବେ ତ ଏଜୁଙ୍ଗ୍ ମାନିକ୍, ନା ବାପ୍‌ସିମ୍ ଆନି କାଜିଂ ଇନାକା ବାଦା ମାନାଡ଼ କି ? ୩୭ ପିଲିପିପ ଇଚାନ୍, ଏନ୍ ଝିଜୁ ଝାସ୍ତି ହୁଦାଂ ଜଦି ପାତ୍ କିନାୟା, ତା ଆତିସ୍ ହେବେ ହେଖାନ୍ ଉତର୍ ହିତାନ୍, ଜିସୁ କ୍ରିସ୍ତ ଜେ ଇସ୍‌ରତି ମାଜି, ଇଦାଂ ଆନ୍ ପାତ୍ କିନାଙ୍ଗା । *

୩୮ ଆରେ, ହେଖାନ୍ ହାଗାଡ଼ ନିଲି କିଦେଙ୍ଗ୍ ବଲ୍ ହିତାନ୍, ଆରେ ପିଲିପିପ ଆରି ବେଜୁ ରିୟାର୍ ଏଜୁଙ୍ଗ୍ ବିତ୍ରେ ଜୁଜି ହାଚାର୍, ଆରେ ପିଲିପ୍ ହେଖାନ୍ ବାପ୍‌ସିମ୍ ହିତାନ୍ । ୩୯ ହେଖାର୍ ଏଜୁଙ୍ଗ୍ ବିତ୍ରେତାଂ ନିଂଜି ଖାଜି, ମାପୁତି ଜିବୁନ୍ ପିଲିପ୍‌ତିଂ ଅଜି ହାଚାଡ଼, ଆରେ ବେଜୁ ହେଖାନ୍ ଆରେ ହୁଡ଼୍‌ଝାତାନ୍; ଆତିସ୍‌ପା ହେଖାନ୍ ଖାରି କିଉ କିଉ ଜାର୍ ହାସ୍‌ଦିଂ ହାଚାନ୍ । ୪୦ ମାତର୍ ପିଲିପ୍ ଅସ୍‌ଦଦ୍ ତରନ୍ ଗାଡ଼ଦ୍ ଚଞ୍ଜା ଆତାନ୍, ଆରେ ହେଖାନ୍ ହାଲୁ ହାଲୁ ଗାଡ଼ଦ୍ ଗାଡ଼ଦ୍ ନେକ୍‌କାବୁର୍ ସୁଣାୟ କିଜି କାଈସରିୟା ଦେସ୍‌ତ ହାଲୁକି ଏକାତାର୍ ।



ସାଉଲ୍‌ତି ମାନ୍‌ବାଦ୍‌ଲାୟ କିନାକା
(ପଦ୍ୟାତାକା ୨୨:୬-୧୬; ୨୬:୧୨-୧୮)

୧ ମାତର୍ ସାଉଲ୍ ଇ ପାତେକ୍ ପା ମାପୁତି ଚେଲାର୍ ବିରୁଦ୍‌ତ ପାଣ୍ଡୁ ଆରି ପାରାଶ୍‌ନାସ୍ କାତା ଇଞ୍ଜି ମୁଡ଼୍ ମାପୁହେବାକିନାକାନ୍ ଲାଗେ ହାଚାନ୍, ୨ ଆରେ, ଇ ହାଜିନି ଇମ୍‌ଣି ଆଣ୍ଡେନ୍ କି କଗ୍‌ଲେକ୍ ଚଞ୍ଜା ଆତିସ୍, ହେଖାରିଂ ଇନେସ୍ ଗାଚ୍‌ତି ଜିରୁସାଲମ୍‌ତ ତାତେଙ୍ଗ୍ ଆଡ଼ନାନ୍, ଇଦାଂ କାଜିଂ ଦମ୍‌ନେସକ୍‌ନି ଝିଜୁ ପାର୍ତ୍ତାନା ଇଲ୍ ଲାଗେ ହେଖାନ୍‌ତାଂ ଆକି ଏନ୍ତାର୍ ।

୩ ପାଚେ ହେଖାନ୍ ହାଲୁ ହାଲୁ ଦମ୍‌ନେସକ୍‌ନି ଲାଗାୟ ଆତିଲେ, ହାଚାଚ୍ରେ ବାଦାଡ଼ତାଂ ଅଜଡ଼୍ ହେଖାନ୍ ଚାରିବେଣ୍‌ତିଂ ତ୍ରିପ୍‌କି ନିଂତାଡ଼ । ୪ ହେବେ ହେଖାନ୍ ମେଦ୍‌ନିତ ଗୁରୁଜି ହେଖାନ୍ କାଜିଂ ଇ କାଚ୍ ଝେଚାନ୍, “ଏ ସାଉଲ୍, ଏ ସାଉଲ୍, ଇନାକିଦେଂ ନାଙ୍ଗ ନିୟା କିଦ୍‌ନାୟା ?”

୫ ହେଖାନ୍ ଇଚାନ୍, “ଏ ମାପୁ, ଏନ୍ ଇମ୍‌ଣାକାୟ ?”
ଆରେ ହେଖାନ୍ ଇଚାନ୍, ଇନେରିଂ ଏନ୍ ନିୟା କିଦ୍‌ନାୟା ହେଖାନ୍ ଆନ୍ ହେ ଜିସୁ ? ୬ “ମାତର୍ ନିଙ୍ଗା, ଗାଡ଼ଦ୍ ହଣ୍‌ଗା, ଆରେ ନିଂ ଇନାକା କିଦେଙ୍ଗ୍ ଆନାଡ଼, ହେଦାଂ ଝେର୍‌ୟାନାଡ଼ ।”

୭ ଇମ୍‌ଣି ଲକୁ ହେଖାନ୍ ହୁକେ ହାଲୁକି ମାଚାର୍, ହେଖାର୍ ହେ ଗାର୍ଜାନ୍ ଆନାକା ଝେନ୍‌ଝି ଇନେରିଂ ହୁଡ଼୍‌ଝିତିଲେ କାବା ଆଜି ନିଲୁତି ମାଚାର୍ । ୮ ଆରେ, ସାଉଲ୍ ମେଦ୍‌ନିତାଂ ନିଙ୍ଗିଜି ଏଚେକାଡ଼ଦ୍ ଜାର୍ କାଣ୍‌କୁ ମେସ୍‌ତାନ୍, ହେ ଏଚେକାଡ଼ଦ୍ ହେଖାନ୍ ମୁଡ଼େ ହୁଡ଼୍‌ଦେଂ ଆଡ଼୍‌ଝାତାନ୍ । ଲାଗିଂ ହେଖାର୍ ସାଉଲ୍‌ତି କେଇ ଆଜି ହେଖାନ୍ ଦମ୍‌ନେସକ୍‌ତ ଅତାର୍ । ୯ ଆରେ, ହେଖାନ୍ ତିନି ଦିନ୍ ପାତେକ୍ କାଣା ଆଜି ମାଚାନ୍, ଆରେ ହେ ସମୁତ ହେଖାନ୍ ମୁଡ଼େ ତିନ୍‌ଝାତାନ୍ କି ଉଣ୍‌ଝାତାନ୍ ।

୧୦ ଦମ୍‌ନେସକ୍‌ତ ହନନିୟ୍ ତରନ୍ କ୍ରିସ୍ତୁତି ଚେଲା ମାଚାନ୍, ମାପୁ ହେଖାନ୍ ଚଞ୍ଜା ଆଜି ଇଚାନ୍, “ହନନିୟ୍ ।”
“ହେଖାନ୍ ଇଚାନ୍, ଏ ମାପୁ, ଇଚାନ୍ ।”

୧୧ ହେବେଣ୍ଡାଂ ମାପୁ ହେଖାନ୍ ଇଚାନ୍, “ନିଙ୍ଗା, ହାଣ୍‌କୁ ତରନ୍ ହାଜିଡ଼ ହାଲୁକି ଜିହୁଦା ଇଞ୍ଜି ତାର୍ସ ଗାଡ଼ନ୍ ସାଉଲ୍ ତରନ୍ ରଞ୍ଜାନ୍ ମୁଣିକାତିଂ ଆନ୍‌ମାନ୍ କିୟା; ହେଖାନ୍ ପାର୍ତ୍ତାନା କିନାନା; ୧୨ ଆରେ, ହେଖାନ୍ ଇନେସ୍ ନଂଜର୍ ଗାଚାନାନ୍, ଇଦାଂ କାଜିଂ ହନନିୟ୍ ତରନ୍ ରଞ୍ଜାନ୍ ମାନାୟ ଖାଜି ହେଖାନ୍ ଜପି କେଇ ହିଡ଼ତାନ୍ ଇଞ୍ଜି କେଚ୍‌କଣ୍ ହୁଡ଼୍‌ତାନ୍ନା ।”

* ୮:୩୭ ୮:୩୭ ଏପେଙ୍ଗ୍ ଜଦି ମାତ୍ର ପାତ୍ କିନାଦେର୍ ତା ଆତିସ୍ ଏଜୁଡ଼ାଂ ବାପ୍‌ସିମ୍ ଅଦେଂ ଆଡ଼ନାଦେର୍ ।

୧୩ ମାତର ହନନିୟ ଉତର ହିତାନ, “ମାପୁ ଜିରୁସାଲମତ ମି ପୁଇପୁୟାର କାଜିଂ ଇ ମାନାୟ ଜେ ଏଚେକ୍ ବିଦବାଦ୍ କିତାନନା, ହେଦାଂ ଆନ୍ ଆଦେକ୍ତାଂ ଇ ମାନାୟ ବିସ୍ତେ ଖେଚାଙ୍ଗନା । ୧୪ ଆରେ, ଇ ବାହାତ ଏଚେକ୍ ଲଗୁ ନି ତରଦ୍ ପାର୍ତାନା କିନାରା, ହେଝାରିଂ ଗାଚ୍ଚି କାଜିଂ ହେଝାନ୍ ମୁଡ୍ ମାପୁହେବାକିନାକାନ୍ ତାରେନ୍ତାଂ ଆଦିକାର୍ ଗାଚାତାନା ।”

୧୪ ମାତର ମାପୁ ହେଝାନ୍ ଇଚାନ୍, “ହାଲା, ଇନାକିଦେଂକି ହେଝାନ୍ ପାତ୍ କିଝି ଜିହୁଦି, ରାଜା ଆରି ଝିଜାର୍ ଇସ୍ରାଏଲ୍ ନି ହିମ୍ବଣାଂ ମୁମ୍ଦ ମା ତର ପିଶ୍ଚିନି କାଜିଂ ମା ରଝାନ୍ ବାଚିକିତି ଲଗୁ; ୧୬ ଲାଗିଂ ନା ତର କାଜିଂ ହେଝାନ୍ ଜେ ବେସି ଦୁକ୍ ବଗ୍ କିଦେଙ୍ଗ୍ ଆନାତ୍, ହେଦାଂ ଆନ୍ ନିଜେ ତାଙ୍ଗ୍ ଖେଚନାଙ୍ଗ୍ ।”

୧୬ ହେବେଶ୍ଟାଂ ହନନିୟ ହାଲ୍ଲଜି ହେ ଇଞ୍ଜ ହଶ୍ଗାତାନ୍, ଆରେ ହେଝାନ୍ତି ଜପି କେଇ ହିଜି ଇଚାନ୍, “ସାଉଲ୍ ଟଣ୍ଡେନ୍,” ମାପୁ, ଇଚିସ୍ ଇମ୍ବଣି ଜିସୁ ନି ଝାନ୍ ହାସ୍ଦ ନିଂ ଚଞ୍ଚାତାନ୍, ଏନ୍ ଇନେସ୍ ହୁଡ୍ଦେଂ ଆଡ୍ନାୟ ଆରି ପୁଇପୁୟା ଜିରୁନ୍ତ ପୁରା ଆ, ଇଦାଂ କାଜିଂ ହେଝାନ୍ ନାଙ୍ଗ୍ ପକ୍ଷାତାନା । ୧୮ ହେ ଦାପ୍ରେ ସାଉଲ୍ କାଶ୍ଗାତାଂ ମିନ୍ ପାଡିଂ ଲାକେ ଇନାକା ହଡ୍ତାତ୍ ଆରି ହେଝାନ୍ ହୁଡ୍ତାନ୍; ଆରେ, ହେଝାନ୍ ନିଙ୍ଗ୍ଜି ବାପ୍ତିସିମ୍ ଅତାନ୍, ୧୯ ଆରେ ହେଝାନ୍ ତିନିଞ୍ଜି ବାଡ୍କାସ୍ ଅତାନ୍ । ଇଦାଂ ପାଚେ ହେଝାନ୍ ଦମ୍ଲେସକ୍ତ ମାନି ଚେଲାର୍ ହୁକେ କେତେକ୍ ଦିନ୍ ମାଚାନ୍ ।

ଦାମେସକସ୍ତ ସାଉଲ୍ ପଚରା

୨୦ ଆରେ, ଜିସୁ ଜେ ଇସ୍ତୁରତି ମାଜି, ଇଦାଂ ହେଝାନ୍ ମାଲାଝାଦାଂ କୁରୁମ୍ ଇଞ୍ଜ ଲାଗାଂ ସୁଣାୟ କିଦେଙ୍ଗ୍ ଲାଗାତାନ୍ । ୨୧ ଆରେ, ଇମ୍ବଣାକାର୍ ହେଝାନ୍ତି କାତା ଖେଚାର୍, ହେଝାର୍ ଝିଜାକାର୍ କାବା ଆଜି ଇଞ୍ଜେଙ୍ଗ୍ ଲାଗାତାର୍, ଇ ତର ଆଜି ପାର୍ତାନା କିନି ମାନାୟାର୍ତ୍ତେ ଜେ “ଜିରୁସାଲମତ ଦାଣ୍ଡୁ ହିଜି ମାଚାନ୍, ଆରେ ଇନେସ୍ ହେଝାରିଂ ଗାଚ୍ଚି ମୁଡ୍ ମାପୁହେବାକିନାକାନ୍ ଲାଗେ ଅଦେଂ ଆଡ୍ନାନ୍, ହେ କାମାୟତିଂ ଇ ବାହାତ ଝାଜି ମାଚାନ୍, ଇଝାନ୍ କି ହେଝାନ୍ ଆକାୟ୍ ?”

୨୨ ମାତର ସାଉଲ୍ ବେସି ହର୍ ସାକ୍ତିତାଂ ନିଙ୍ଗ୍ତାନ୍, ଆରେ ଇଝାନ୍ ଜେ କ୍ରିସ୍ଟୁ ଇଦାଂ ପାର୍ମାଣ୍ କିଜି ଦମ୍ଲେସକ୍ ନିକାରିଂ ଜିହୁଦିରିଂ ଉତର ହିଦେଂ ଆଡ୍ଝାତାର୍ ।

୨୩ ☆ବେସି ଦିନ୍ ହାଚି ପାଚେ ଜିହୁଦିର୍ ସାଉଲ୍ତିଂ ଅହ୍ନି କାଜିଂ ହୁଡ୍ତୁର୍ କିତାର୍; ୨୪ ଆତାର୍ ହେଝାର୍ତି ଗାଣ୍ଡୁ ସାଉଲ୍ତି କିତୁଲ୍ଲତ ଝାତାତ୍ । ଆରେ, ହେଝାର୍ ଇନେସ୍ ତାଙ୍ଗ୍ ଅସ୍ତେଙ୍ଗ୍ ଆଡ୍ନାର୍, ଇଦାଂ କାଜିଂ ଖେଡ୍ନାଣା ପା ଗାଡ୍ଡିନ୍ ଦୁଝେରତ୍ ସବୁ କାସି ମାନ୍ବାତାର୍, ୨୫ ମାତର ହେଝାନ୍ତି ଚେଲାର୍ ନାଣାଲିଂ ତାଙ୍ଗ୍ ଅଜି ର ଟପାତ କୁଝାଡ୍ ହିଜି ତାରେନ୍ ଜୁଡ୍ତାର୍ ।

ଜିରୁସାଲମତ ସାଉଲ୍

୨୬ ପାଚେ ହେଝାନ୍ ଜିରୁସାଲମତ ହାଲ୍ଲଜି ଚେଲାର୍ ହୁକେ ମିହାଦେଂ ସେସ୍ଟୁ କିଜି ମାଚାନ୍; ମତର ହେଝାନ୍ ଜେ ରଝାନ୍ ଚେଲା, ଇଦାଂ ପାତ୍ କିଝାଦାଂ ଝିଜାକାର୍ ତାଙ୍ଗ୍ ପାଣ୍ଡାଜି ମାଚାର୍ । ୨୭ ମାତର ବର୍ଣ୍ଣବା ତାଙ୍ଗ୍ ରଚେ ଅଜି ପଦ୍ୟାତାକାର୍ତି ଲାଗେ ତାହିଝାତାନ୍, ଆରେ ହାସ୍ଦ ହେଝାନ୍ ଇନେସ୍ ମାପୁତି ଚଞ୍ଚାତାକା ଆରି ହେଝାନ୍ ଜେ ହେଝାନ୍ ହୁକେ କାତାବାର୍ତା କିଜି ମାଚାନ୍, ଆରେ ଇନେସ୍ବାନି ହେଝାନ୍ ଦମ୍ଲେସକ୍ତ ଜିସୁତି ତରଦ୍ ସାସ୍ତାଂ ପଚରାର୍ କିଜି ମାଚାନ୍, ଇ ସବୁ ହେଝାନ୍ ହେଝାର୍ତି ଲାଗେ ବାକ୍ଶାୟ କିତାନ୍ । ୨୮ ଆରେ, ସାଉଲ୍ ପଦ୍ୟାତାକାର୍ ଲାହାଂ ମାଚାନ୍ ଆରି ଝିଜୁ ଜିରୁସାଲମତ ଚାର୍ବେଶ୍ତାଂ ହାଲ୍ଲଜି ସାସ୍ ଲାହାଂ ମାପୁତି ତର ବିସ୍ତେ ପଚରାର୍ କିତାର୍ ୨୯ ମାପୁତି ତର ସାସ୍ ହୁକେ ପଚରାର୍ କିଦେଙ୍ଗ୍ ଲାଗାତାନ୍, ଆରେ ହେଝାନ୍ ଗ୍ରିକ୍ ବେଶ୍ନିକାର୍ ଜିହୁଦିର୍ ହୁକେ କାତାବାର୍ତା ଆରି ବେଶ୍ବାର୍ କିଜି ମାଚାନ୍, ମତର ହେଝାର୍ ତାଙ୍ଗ୍ ଅସ୍ତେଙ୍ଗ୍ କାଜିଂ ସେସ୍ଟୁ କିଦେଙ୍ଗ୍ ଲାଗାତାର୍ । ୩୦ ହେଦାଂ ପୁଞ୍ଜେଙ୍ଗ୍ ଆଡ୍ଡିଲେ ପାତ୍ କିନି ଟଣ୍ଡାର୍ ତାଙ୍ଗ୍ କାଈସରିୟାତ ଅଜି ହାଲ୍ଲଜି ତାର୍ଥତ ପକ୍ତିତୁହିତାର୍ ।

୩୧ ଇ ବାନି ସାଚେ ଜିହୁଦା ରାଜିତ, ଗାଲିଲି ଆରି ସମିରଶ୍ତ ମଣ୍ଡଲି ସାସ୍ନି ବାଲ୍ବଲ୍ଲାୟ ପାୟାଜି ଆରି ମାପୁତି ପାଣ୍ଡୁ ବେବାର୍ କିଜି ସୁସ୍ତା ବଗି କିତାର୍, ଆରେ ପୁଇପୁୟା ଜିରୁନ୍ ଉପକାର୍ତାଂ ବାତାଦେଂ ଲାଗାତାର୍ ।

ଲୁଦ ଆରି ଜପ୍ପାତ ପିତର

୩୨ ନଙ୍ଗ୍ ପିତର ସବୁ ନିପ ବୁଲାଆଜି ଲୁଦନିକାର୍ ପୁଇପୁୟାର୍ ଲାଗେ ପା ଝାତାର୍ । ୩୩ ହେ ବାହାତ ହେଝାନ୍ ଏନିୟ୍ ତରନି ରଝାନ୍ ହୁଡ୍ତାନ୍, ହେଝାନ୍ ଆଚ୍ ବାହୁଁ ପାଚେକ୍ କାଚେଲ୍ତ ହୁଞ୍ଜି ମାଚାନ୍; ତାଙ୍ଗ୍ ହିରକଲ୍ ଆଜି ମାଚାତ୍ । ୩୪ ପିତର ହେଝାନ୍ ଇଚାନ୍, “ଏନିୟ, ଜିସୁ କ୍ରିସ୍ଟୁ ନିଂ ଉଜ୍ କିତାନ୍ନା; ନିଙ୍ଗା, ନି ଟାଟି ଜାଲ୍ଲଦି କିୟା । ହେବେ ହେଝାନ୍ ଦାପ୍ରେ ନିଙ୍ଗ୍ତାନ୍ ।” ୩୫ ଆରେ, ଲୁଦ ଆରି ସାରଶନିକାର୍ ଝିଜାର୍ ତାଙ୍ଗ୍ ହୁଡ୍ଡି ମାପୁନିପ ଲେଉଟାତାର୍ ।

୩୬ ଜାପତ ଟାବିତା ତରନି ରଞ୍ଜେଲ୍ ଆଡ୍ଡାଣି ମାଚାତ୍, ତାଦାଂ ଗ୍ରିକ୍ ତର ଅରଡ୍ ଦର୍କା । ଇଚିସ୍ “ହରିଣି” ମାଚାତ୍, ହେଦେଲ୍ ତା ସବୁ ସମ୍ପୁ ହାର୍ଦି କାମାୟତ ଆରି ହିଲ୍ଝାକାରିଂ ହେବା କିଜି ମାଚାତ୍ । ୩୭ ହେଝେଡାଲିଂ ହେଦେଲ୍ ବେମାର୍ ଆଜି ପାରାଣ୍ ପିସ୍ତାତ୍, ହେବେ ହେଝାର୍ ତାଙ୍ଗ୍ ଇଡ୍ପିସ୍ ଜପଣି ବାକ୍ରାତ ହୁଚ୍ପାତାର୍ । ୩୮ ଆରେ, ଲୁଦ ଜାପନି ଲାଗେ ମାଚିଲେ ଚେଲାର୍ ପିତର ଲୁଦତ ମାନାନ୍ ଇଞ୍ଜି ଝେନ୍ଞି, “ରିୟାର୍ ମାନାୟତିଂ ହେଝାନ୍ ଲାଗେ ପକ୍ତି ଇଦାଂ ଗଝାରି

☆ ୯:୨୩ ୯:୨୩ ୨କରକ୍ରିୟ ୧୧:୩୨,୩୩.

କିତାରୁ, ମା ଲାଗେ ବେଗି ଖା ।”^{୩୯} ଲାଗିଂ ପିତରୁ ନିର୍ଦ୍ଦି ହେଖାର ହୁକେ ହାଚାନ । ହେଖାନୁ ଖାତିଲେ, ହେଖାର ହେଦେଲିଂ ହେ ଜପଣି ବାକ୍ରାତ ଅଜି ହାଚାରୁ, ଆରେ ରାଣ୍ଡିକ୍ ଖିଜେକିକ୍ ତାଙ୍ଗ୍ ହେଦେଲିଂ ବେଡ଼ି କିଜି ଆଡ଼ବିସ୍ ଆଡ଼ବିସ୍ ଦର୍କା ହେଖାର ହୁକେ ମାନି ଖେଡ଼ାଲିଂ ଇମଣି ସବୁ ଆଜି ଆରି ହେହାଙ୍ଗ୍ ରବ୍ତି ମାଚାରୁ, ହେ ସବୁ ଚବ୍ତେଂ ଲାଗିତିକ୍ ।^{୪୦} ମାତରୁ, ପିତରୁ ଖିଜାରିଂ ହପ୍ତି ମେଣ୍ଡାଙ୍ଗ୍ କୁନ୍ଦିକିଜି ପାର୍ତନା କିତାନୁ, ଆରେ ହାତି ଗାଗାଡ଼୍ ନିପ ମାସ୍ତି ଇଚାନୁ, “ଗାବିତା, ନିଙ୍ଗା ।” ହେବେ ହେଦେଲୁ କାଣକୁ ମେଲା କିତାଡ଼, ଆରେ ପିତରୁତିଂ ହୁଡ଼ଜି ନିଂଜି କୁଚ୍ଚାଡ଼ ।^{୪୧} ଆରେ, ହେଖାନୁ କେଇ ଲାମାୟ କିଜି ହେଦେଲିଂ ନିକ୍ତାନୁ ଆରି ସାଦୁରିଂ ଆରି ରାଣ୍ଡିକାଂ କୁକ୍ତି ହେଦେଲିଂ ଜିଜି ମାନାକା ଚଚ୍ଚାନୁ^{୪୨} ଇ କାତା ଜାପତ ସବୁନିପ ଜାଣାତାଡ଼ ଆରି ଆଦେକ୍ ମାପୁ ତାକେ ପାତ୍ କିତାରୁ ।^{୪୩} ଆରେ, ପିତରୁ ବେସି ଦିନୁ ଜାପତ ସିମନ୍ ତରୁନି ରଖାନୁ ତଲୁ ରଚ୍ଚନାକାନୁ ଇଞ୍ଜ ବାହା କିତାନୁ ।

୧୦

ପିତରୁ ଆରି କର୍ଣ୍ଣଲିୟ

^୧ କାଲସରିୟା ଲକ୍ କର୍ଣ୍ଣଲିୟ ତରୁନି ରଖାନୁ ମୁଣିକା ମାଚାନୁ, ହେଖାନୁ “ଇତାଲିକ ତରୁନି ମେଲ୍ୟାତ୍ ରଖାନୁ ପାଞ୍ଚକଡ଼ି ମୁଡ଼ମେଲ୍ୟାରୁ ମାଚାନୁ ।”^୨ ହେଖାନୁ ରଖାନୁ ହୁଦାରୁ, ଆରେ ଇଞ୍ଜିବାହାୟ ଇସ୍ପରତିଂ ପାଣ୍ଡାଜି ମାଚାରୁ । ହେଖାନୁ ଜିହୁଦି ଗରିବରିଂ ବେସି ଦାନୁ ହିଜି ମାଚାନୁ, ଆରେ ତାଲନାଡ଼ ଇସ୍ପରତି ଲାଗେ ପାର୍ତନା କିଜି ମାଚାରୁ ।^୩ ଦିନେକ୍ ମିକାହାରେସ୍ ତିନୁ ଗଣ୍ଡା ଖେଡ଼ାଲିଂ ହେଖାନୁ ହାଡ଼ପା ରଚେ ର କେଚକଣ୍ ହୁଡ଼ତାନୁ, ଇନେସ୍ ଇସ୍ପରତି ରଞ୍ଜେଲୁ ଦୁଡ଼ ହେଖାନୁ ଲାଗେ ଖାଜି ଇନାତା, “ଏ କର୍ଣ୍ଣଲିୟ ।”

^୪ ହେଖାନୁ ବାଦାଡ଼ତ ଦୁଡ଼ ହୁଡ଼ଜି ପାଣ୍ଡାଜି ଇଚାନୁ, “ଏ ମାପୁ, ଇନାକା ?”

ହେଖାନୁ ହେଖାନିଂ ଇଚାନୁ, ନି ପାର୍ତନା ଆରି ଦାନୁ ସବୁ ଏଡ଼ କିଜି ପୁଜା ଲାକେ ଜପି ଇସ୍ପରତି ଲାଗେ ନିଂତାଡ଼ନା ।^୫ ନଙ୍ଗ୍ ଏନୁ ଜାପତ ମାନାୟ ପକ୍ତି ସିମନ୍ ପିତରୁତିଂ କୁକ୍ତି ତାହିଖା, ହେଖାନ୍ତି ବିନୁ ତରୁ ପିତରୁ, ^୬ ହେଖାନୁ ସିମନ୍ ତରୁନି ରଖାନୁ ତଲୁ ରଚ୍ଚନାକାନୁ ଗତେନୁ ଲାକେ ବାହା କିନାନା, ହେଖାନ୍ତି ଇଲୁ ହାମ୍ପୁରୁ ଗୁଚିତ ।^୭ ହେଖାନୁ ହୁଦାଂ ବେଶ୍ ଇଞ୍ଜି ମାଚି ଦୁଡ଼ ହାଚି ପାଚେ ହେଖାନୁ ଜାରୁ ଇଲୁନି ଆଡ଼ୟାରୁ ବିତ୍ରେ ରିୟାରିଂ, ଆରେ ହେଖାନ୍ତି ହେବା କିଜିମାନି ମେଲ୍ୟାରୁ ବିତ୍ରେ ରଖାନୁ ଦାମ୍ ମେଲ୍ୟାଙ୍ଗ୍ କୁକ୍ତାନୁ, ^୮ ଆରେ ହେଖାରିଂ ଖିଜୁ କାତା ବୁଜାୟ କିଜି ଜାପତ ପକ୍ତାନୁ ।

^୯ ଆର୍କାଡ଼ ନାଜିଂ ହାଲୁ ହାଲୁ ଏଚେକାଡ଼ତ ଗାଡ଼ନି ଲାଗେ ଆଚାରୁ, ହେପାଦନା ପିତରୁ ଖେଡ଼ା ବାରୁ ଗଣ୍ଡା ଖେଡ଼ାଲିଂ ପାର୍ତନା କିଜି କାଜିଂ ଜେଗନ୍ ଜପି ହାଚାନୁ, ^{୧୦} ଆରେ ହେଖାନୁ ନାସକି ଆଜି ଚିଞ୍ଜେଙ୍ଗ୍ ମାନୁ କିତାନୁ, ମତରୁ ହେଖାରୁ କାଦି ଜାଲୁଦି କିଜି ଖେଡ଼ାଲିଂ ହେଖାନୁ କେଚକଣ୍ ହୁଡ଼ତାନୁ; ^{୧୧} ହେଖାନୁ ହୁଡ଼ତାନୁ ବାଦାଡ଼ତ ଜେୟାତାଡ଼ନୁ, ଆରେ ର ତାଡ଼ିୟା ତାରେନୁ ଖାନାତା, ଇନେସ୍ ର ଗାଜା ହେହା ଚାରି କନାତ ଆହୟା ଆଜି ପୁତ୍ ଜପି ଜୁଡ଼ୟାଦ୍ନାତା; ^{୧୨} ହେବେ ପୁତ୍ ନି ସବୁବାନି ଚାରୁ ଗଡ଼ିଆ ତାଡ଼କୁ, ରାଙ୍ଗାନିକିଂ ଆରି ବାଦାଡ଼ନି ପଟିଙ୍ଗ୍ ମାନିଙ୍ଗ୍ । ^{୧୩} ଆରେ, ହେଖାନୁ କାଜିଂ ଇ କାତା ଆତାଡ଼, “ଏ ପିତରୁ, ନିଙ୍ଗା, ପାଗଜି ତିନା ।”

^{୧୪} ମାତରୁ ପିତରୁ ଇଚାନୁ, “ଆକାୟ, ମାପୁ, ଆନୁ ଇନାଖାଡ଼ାଂ ପା ଇମଣି ପୁଇପୁୟା ହିଲୁଖାକା ଆରି ରାଡ଼ା ଆତାକା ଜିନିସ୍ତିଂ ତିନୁଖାତାଂନୁ ।”

^{୧୫} ଆରେ ରିହା ହେଖାନୁ କାଜିଂ ଇ କାତା ଆତାଡ଼, “ଇସ୍ପର ଇନାକା ସକଟ୍ କିତାନୁନୁ, ହେଦାଂ ଏନୁ ବିଗାଡ଼ ଇଞ୍ଜି ଇନୁମା ।” ^{୧୬} ଇ ବାନି ତିନୁହଟ୍ ଆତାଡ଼, ଆରେ ହେ ଦାପ୍ରେ ହେଦାଂ ଉଲ୍ଟି ବାଦାଡ଼ତ ନିକ୍ତି ଅୟାତାଡ଼ ।

^{୧୭} ପିତରୁ ଇମଣି ଦର୍ସନ୍ ଗାଗାଜି ମାଚାନୁ, ହେବେନି ଅରଡ଼ ଇନାକା, ହେଦାଂ ବାବି କିଜି ରୁଦିବାମତା ଆନି ଖେଡ଼ାଲିଂ, ହୁଡ଼ାଟ୍, କର୍ଣ୍ଣଲିୟତି ପକ୍ୟାତି ଲକ୍ ସିମନ୍ତି ଇଲୁ ତେକ୍ତି ଦୁଖେର ଲାଗେ ନିଲ୍ଟି ମାଚାନୁ, ^{୧୮} ହେଦାଂ କୁକ୍ତି ହେଖାରୁ ଖେନୁବାତାରୁ ପିତରୁ କୁକ୍ତି ତରୁ “ସିମନ୍ ହେବେ ଗତେନୁ ଲାକେ ବାହା କିନାନା କି ଆକାୟ ?”

^{୧୯} ପିତରୁ ହେ କେଚକଣ୍ ବିସ୍ତେ ବାବି କିଜି ଖେଡ଼ାଲିଂ ପୁଇପୁୟା ଜିବୁନ୍ ତାଙ୍ଗ୍ ଇଚାଡ଼, “ହୁଡ଼ା, ତିନୁ ଜାଣ୍ ଲକ୍ ନିଂ ତେକ୍ତାନାରା । ^{୨୦} ନିଙ୍ଗା ଜାଲୁଦି ଆଜି ତାରେନୁ ହାଲା ଆରି ହେଖାରୁ ଲାହାଂ ହାଜେଙ୍ଗ୍ ତିନ୍ତା କିମା, ଇନାକିଦେଂକି ଆନୁ ହେଖାରିଂ ପଲ୍ଲାତାମା ।” ^{୨୧} ହେବେ ପିତରୁ ହେ ମାନାୟାରୁ ଲାଗେ ହାଲୁଜି ଇଚାନୁ, ହୁଡ଼ାଟ୍, ଏପେଙ୍ଗ୍ ଇନେରିଂ ତେକ୍ନାଦେରା, “ଆନୁ ହେଖେନୁ । ଏପେଙ୍ଗ୍ ଇନା ଲଡ଼ାତିଂ ଖାତାଦେଣ୍ଡା ?”

^{୨୨} ହେଖାରୁ ଇଚାରୁ, “କର୍ଣ୍ଣଲିୟ ତରୁନି ରଖାନୁ ପାଞ୍ଚକଡ଼ି ମେଲ୍ୟାରୁ ମୁଡ଼ଦାକାନୁ, ହେଖାନୁ ଦାମ୍ ଲଗୁ ଆରି ଇସ୍ପରତିଂ ପାଣ୍ଡା ଆନାକାନୁ, ଆରେ ଖିଜୁ ଜିହୁଦି ଜାତିରୁ ଲାଗେ ତାକ୍ପୁଟାଲଗୁ ହେଖାନୁ ଜାରୁ ଇଞ୍ଜି ନିଂ କୁକିକିଦେଂ ପକ୍ତି ନି ତାଙ୍ଗ୍ ସାକି କାତା କାଜିଂ ପୁଇପୁୟା ଦୁଡ଼ ହୁଦାଂ ସିଦାବଲୁ ଗାଗାତାନ୍ନା ।” ^{୨୩} ହେବେ ହେଖାନୁ ହେଖାରିଂ ବିତ୍ରେ କୁକ୍ତି ଅଜି ହେଖାରିଂ ହେବା କିତାନୁ ।

ତା ଆର୍କାଡ଼ ନାଜିଂ ହେଖାନୁ ନିଂଜି ହେଖାରୁ ହୁକେ ହାଚାନୁ, ଆରେ ଜାପତ ନି ପାତ୍ କିଜି ଗଣ୍ଡାରୁ ବିତ୍ରେ କେତେକ୍ ଜାଣ୍ ହେଖାନୁ ହୁଦାଂ ହାଚାରୁ । ^{୨୪} ଆର୍କାଡ଼ ନାଜିଂ ହେଖାରୁ କାଲସରିୟାତ ହଚାରୁ, ଆରେ, କର୍ଣ୍ଣଲିୟ ଜାରୁ ଖାସ୍ ଆରି

ଲାଗେନି ହାଙ୍ଗଦାକାରିଂ କୁକ୍ତି ରୁଣ୍ଡାୟ କିଜି ହେଝାରିଂ କାସି ମାତାନ୍ । ୨୫ ପିତର ହଟିଲେ କର୍ଣ୍ଣଲିୟ ହେଝାନିଂ ଗିଟାଜି ସାରାଣ୍ଡ ତାରେନ୍ ଆଜି ହେଝାନିଂ ଜଝାର କିତାନ୍ । ୨୬ ମାତର ପିତର ହେଝାନିଂ ନିକ୍ତି ଇଚାନ୍, “ନିଲା ଆନ୍ ପା ରଝାଙ୍ଗ ମାନାୟ ।” ୨୭ ହେବେ ହେଝାନ୍ ହେଝାନ୍ତି ହୁଦାଂ କାତା କିଉ କିଉ ବିତ୍ରେ ହାଲ୍ଲଜି ହୁଡ଼ତାନ୍, ଜବର ଲକୁ ରୁଣ୍ଡା ଆତାଣ୍ଡା, ୨୮ ଆରେ ହେଝାନ୍ ହେଝାରିଂ ଇଚାନ୍, ବିନ୍ ଜାତିନି ଇମ୍ଫଣି ଲକୁ ହାଙ୍ଗ ମେହାନାକା ନଲେ ତା ଲାଗେ ବାନ୍ୟା ଜିହୁଦି ମାନାୟ ପାକ୍ୟାତ ଇନେସ୍ ବିଦି ହିଲୁଡ଼, ହେଦାଂ “ଏପେଙ୍ଗ ପୁରାଦେଣ୍ଡା; ଆତିସ୍ପା ଇମ୍ଫଣି ଲକୁରିଂ ରାଡ଼ା କି ସକଟ୍ ଆକାୟ ଇଞ୍ଜି ଇନ୍ଝି କାଜିଂ ଇସ୍ପର ନାଙ୍ଗ ଚଟ୍ଟାତାନ୍ନା । ୨୯ ହେଦାଂ କାଜିଂ ନାଙ୍ଗ କୁକ୍ତାତାନ୍ନା ଆନ୍ ପା ଆପତି କିଝାଦାଂ ଝାତାଂ । ଲାଗିଂ ଆନ୍ ଝେନ୍‌ବାଆଦନାଂ, ଇନାକିଦେଂ ଏପେଙ୍ଗ ନାଙ୍ଗେଙ୍ଗ କୁକିକିତାଦେଣ୍ଡା ?”

୩୦ କର୍ଣ୍ଣଲିୟ ଇଚାନ୍, “ତିନି ଦିନ୍ ଆଗେ ସମାନ୍ ଇ ଝେଡ଼ାଲିଂ ଆନ୍ ଜାର ଇଞ୍ଜି ମିକାହାରେସ୍ ତିନ୍ ଗଣ୍ଡା ଝେଡ଼ାଲିଂ ପାର୍ତାନା କିଜି ମାତାଙ୍ଗ; ତ୍ରିପକୁ, ତ୍ରିଞ୍ଜିନି ହେହା ଉସ୍ତାତାକାନ୍ ରଝାନ୍ ମୁଣିକା ନା ମୁମ୍ଦ ଇଞ୍ଜି ଇଚାନ୍, ୩୧ କର୍ଣ୍ଣଲିୟ, ନି ପାର୍ତାନା ଝେନ୍‌ୟା ଆତାଡ଼ନ୍ନା; ଆରେ, ନି ଦାନ୍ ସବୁ ଇସ୍ପରତି ମୁମ୍ଦ ଏତାୟ କିୟାତାଡ଼ନ୍ନା । ୩୨ ଲାଗିଂ, ଜାପତ ଲକୁ ପକ୍ତି ପିତର ତରନି କୁକ୍ତି ସିମନ୍ ଲାଗାଂ କୁକ୍ତି ତାହିଝା, ହେଝାନ୍ ହାମ୍‌ଦୁର ଗୁଟିତ ସିମନ୍ ତଲ୍ଲ ରଚନାକାନ୍ ଇଞ୍ଜି ଗତେନ୍ ଲାକେ ବାହା କିତାନ୍ନା । ୩୩ ଇଦାଂ କାଜିଂ ଆନ୍ ମାଲାୟ କିଝାଦାଂ ନି ତାକେ ଲକୁ ପକ୍ତାତାଂ, ଆରେ ଏନ୍ ଜେ ଝାତାୟନା, ହାର କିତାୟନା । ଲାଗିଂ, ମାପୁ ନିଂ ଇନାକା ସବୁ ବଲ୍ଲ ହିଡ଼ତାନ୍ନା, ହେଦାଂ ଝେଞ୍ଜେଙ୍ଗ କାଜିଂ ଆପେଂ ଝିଜାପ୍ ଇସ୍ପରତି ମୁମ୍ଦ ଏକାଝାତାପ୍ପା ।” ୩୪ “ହେବେ ପିତର ମୁମ୍ ରିକ୍ତି ଇଚାନ୍, ହାଡ଼ପାନ୍ ଇସ୍ପର ଜେ ମୁକ୍‌ମେଟ୍ କିଉନ୍ ।

ପିତରତି ପରଚାର

୩୫ ମତର ଝିଜେ ଜାତିତ ଜେ ଇନେର୍ ହେଝାନିଂ ପାଣ୍ଡାଜି ଦାରୁମ୍ କାମାୟ କିତାର୍, ହେଝାନ୍ ଜେ ହେଝାନ୍ତି ଲାଗେ ଇଟ୍ୟାନାର୍, ଇଦାଂ ଆନ୍ ସଡ଼ କାମାୟ । ୩୬ ହେଝାନ୍ତ ଜିସୁ କ୍ରିସ୍ତୁଟି ହୁକେ ସୁସ୍ତାନି ନେକ୍ତିକାରୁର୍ ପରଚାରକିକ କିଜି ଇସ୍ତାଏଲ୍ ମାଜିର୍ ଲାଗାଂ ଇ ବଚନ୍ ପକ୍ତାନ୍; ହେ ଜିସୁ କ୍ରିସ୍ତୁ ଝିଜାର୍ ମାପୁ । ୩୭ ଏପେଙ୍ଗ ପୁନାଦେର୍ ଜେ ବାପ୍ତିସିମ୍ ଜହନ୍‌ଡି ସମୁତାଂ ହେ ନେକ୍ତିକାରୁର୍ ଗାଲିଲିତାଂ ଆରମ୍ କିଜି ସବୁ ଜିହୁଦାତି ବଚନ୍ ପରଚାର ଆତାଡ଼ନ୍ନା, ୩୮ ନାଜରିତୟ ଜିସୁଟି କାତା, ଇନେସ୍ ଇସ୍ପର ହେଝାନିଂ ପୁଇପୁୟା ଜିବୁନ୍ ଆରି ସାଲ୍ଲିତ ସିଗ୍ କିତାର୍, ଆରେ ହେଝାନ୍ ହାର କିଉ କିଉ ଆରି ସୟତାନ୍ କିତି ବେମାର୍ ଝିଜୁ ଲୁଗାଂ ଉଜ୍ କିଉ କିଉ ଝିଜେ ରୁଲାତାନ୍, ଇନାକିଦେଂକି ଇସ୍ପର ହେଝାନିଂ ଆତାଜି ମାତାନ୍ । ୩୯ ଆରେ, ହେଝାନ୍ ଜିହୁଦିରତି ଦେସ୍ ଆରି ଜିରୁସାଲମତ ଇନାକା ଇନାକା କିତାନ୍, ଆସେଙ୍ଗ ହେ ସବୁନି ସାକି; ହେଝାନିଂ ହେଝାର୍ କୁସ୍ତ ଡ଼ସି ଅସ୍ତାର୍ । ୪୦ ହେଝାନିଂ ଇସ୍ପର ତିନି ଦିନ୍‌ତାଂ ଆରେ ନିକ୍ତାନ୍ନା; ଆରେ ହେଝାନ୍ ମାନାୟାର୍ ତାକେ ଚଞ୍ଜୟାତାନ୍; ୪୧ ଝିଜାର୍ ଲକୁ ସିଦା ଆଦେଂ ହିଝାତାନ୍, ମତର ଇସ୍ପରତି ହୁଦାଂ ଆଗେ କିତି ସାକି ଜେ ଆସେଙ୍ଗ, ମା ସିଦା ଆଦେଂ ହିତାନ୍ । ହେଝାନ୍ ହାକିତାକେଣ୍ଡାଂ ନିଂତି ପାଚେ ଆପେଂ ହେଝାନ୍ତି ଲାହାଙ୍ଗ୍ ତିନାଉଣା କିତାପ୍, ୪୨ ଆରେ ମାନାୟାର୍ ଲାଗେ ସୁଣାୟ କିଦେଙ୍ଗ୍, ଆରେ ହାତି ଆରି ଜିଜି ମାନାୟାତ ବିଚାରକାରୟା ଆଦେଂ କାଜିଂ ଇସ୍ପର ହେଝାନିଂ ବାଟି କିତାନ୍ନା ଇଞ୍ଜି ସାକିହେଦେଂ ହେଝାନ୍ ମାଂ ବଲ୍ଲ ହିଡ଼ତାନ୍ । ୪୩ ଇନେର୍କି ହେଝାନ୍ ତାକେ ପାତ୍ କିତାର୍, ହେଝାନ୍ ଜେ ହେଝାନ୍ତି ତରନି ସାଲ୍ଲିତ ପାପ୍ କେମା ପାୟାନାନ୍, ଇଦାଂ ଝିଜୁ ବେଣ୍‌ବାକ୍‌ଶାୟକିନାକାର୍ ହେଝାନ୍ତି ବିସ୍ତେ ସାକି ହିନାର୍ ।”

ପାତ୍ କିଝି ଜିହୁଦିର୍ ପୁଇପୁୟା ଜିବୁନ୍ ଗାଟାତାର୍

୪୪ ପିତର ଇ ସବୁ ହିକ୍ୟା ହିନି ଝେଡ଼ାଲିଂ ଏଚେକାଡ଼ଦ ଲଗୁ ବଚନ୍ ଝେନ୍‌ଞ୍ଜି ମାତାର୍, ହେ ଝିଜାର୍ ଜପି ପୁଇପୁୟା ଜିବୁନ୍ ଜୁଡ଼ତାଡ଼ । ୪୫ ହେବେ ପିତର ହୁଦାଂ ଝାତି ସୁନ୍ନଡ଼ ପାତ୍ କିନାକାର୍ ଝିଜାର୍ ପାତ୍ କିଝି ଜିହୁଦିର୍ ଜପି ପା ପୁଇପୁୟା ଜିବୁନ୍ ହିନାକା ହୁଡ଼ଜି କାବା ଆତାର୍; ୪୬ ଇନାକିଦେଂକି ହେଝାର୍ ଜିହୁଦି ପାତ୍ କିନାକାର୍ ବାର୍‌ବିନ୍ ବେଣ୍‌ତ କାତା ଇନାକା ଆରି ଇସ୍ପରତି ଦନ୍‌ସବାଦ୍ କିଜି ମାନାକା ଝେନ୍‌ଞ୍ଜି ମାତାର୍, ହେପାଦନା ପିତର ଉତର ହିତାନ୍ । ୪୭ “ଇ ଇମ୍ଫଣି ଲକୁ ମା ଲାକେ ପୁଇପୁୟା ଜିବୁନ୍ ପାୟା ଆତାଣ୍ଡା, ଇଝାର୍ ଇନେସ୍ ବାପ୍ତିସିମ୍ ଆଉର୍, ହେଦାଂ କାଜିଂ କି ଇନେର୍ ଏଜୁଙ୍ଗ୍ ମୁନା କିଦେଙ୍ଗ୍ ଆଡୁର୍ ?” ୪୮ ଆରେ, ହେଝାନ୍ ହେଝାରିଂ ଜିସୁ କ୍ରିସ୍ତୁଟି ତରଦ ବାପ୍ତିସିମ୍ ହିନି କାଜିଂ ବଲ୍ଲ ହିତାନ୍ । ପାଚେ ହେଝାର୍ ଅଲପ୍ ଦିନ୍ ମାଞ୍ଜେଙ୍ଗ୍ କାଜିଂ ହେଝାନିଂ ଗଝାରି କିତାର୍ ।



ଜିରୁସାଲମ୍ ମଣ୍ଡଲିତ ପିତରତି କାରୁର୍ ଝେଚ୍‌ନାକା

୧ ପାତ୍ କିଝି ଜିହୁଦିର୍ ପା ଜେ ଇସ୍ପରତି ବଚନ୍ ଇଡ଼ତାର୍‌ନା, ଇଦାଂ ପକ୍ୟାତାକାର୍ ଆରି ଜିହୁଦା ରାଜିତ ମାନି ପାତ୍ କିନି ଟଣ୍ଡାର୍ ଝେଚାର୍ । ୨ ଆରେ, ଏଚେକାଡ଼ଦ ପିତର ଜିରୁସାଲମ୍‌ତ ଝାତାନ୍, ହେ ଏଚେକାଡ଼ଦ ସୁନ୍ନଡ଼ ଆତି ଚେଲାର୍ ହେଝାନ୍ ହୁଦାଂ ବିଚାର କିଜି ଇଚାର୍, ୩ “ଏନ୍ ପାତ୍ କିଝି ଜିହୁଦି ଲକାରିଂ ଇଞ୍ଜି ହଟ୍‌ପିସ୍ ହେଝାର୍ ହୁକେ ଚିଚାୟନା ।” ୪ ମାତର ପିତର ସବୁ କାତାତିଂ ରୁଜାୟ କିଦେଙ୍ଗ୍ ଆରମ୍ କିଜି ଇଚାନ୍,

୫ “ଆନ୍ ଜାପ ଗାଡ଼ଦ ପାତନା କିଜି ମାତାଜ୍ ଆରି ଦର୍ସନ୍ ଗାଟାତା, ର ପାଡ଼କାତାଜ୍ ଖାନାତା, ଇନେସ୍ ର ଗାଜା ହେୟା ଚାରି କନାତ ଆସ୍ତି ବାଦାଡ଼ତା ହେଦା ହୁଡ଼ତା, ହେଦା ନା” ଲାଗା ଟେବାତାଡ଼, ୬ ଆରେ ବାଦାଡ଼ତା ହେଦା ନା ପାତେକ୍ ଖାତାଡ଼; ଆନ୍ ହେଦା ହୁଡ଼ଜି ଚିନ୍ତା କିଦେଜ୍ ଲାଗାତା ଆରି ହେବେ ପୁତ୍ରି ଚାରିଗଡ଼ିୟା ଜାଡ଼, ରାକ୍ତି ପସୁ, ରାବ୍ କୁ ପାଣା ଆରି ପୁତ୍ରିନି ପଟିଜ୍ ସବୁ ହୁଡ଼ତା, ୭ ଆରେ, ନାଜ୍ ଇଞ୍ଜିମାଞ୍ଚି ର କାତା ପା ଆନ୍ ଖେଟାଜ୍, ଏ ପିତର, “ନିଜା, ପାଗ୍ଜି ତିନା ।” ୮ ମାତର ଆନ୍ ଇଚାଜ୍, ଆକାୟ, ମାପୁ, ରାଡ଼ା କି ସକଟ୍ ହିଲ୍ଲିଜି ଜିନିସ୍ ନା ମୁମ୍ଦ ଇନାଖାଡ଼ା ହଟ୍ପି କିଖାତାନା । ୯ ମାତର ରିହା ବାଦାଡ଼ତା ର କାଟ୍ ଉତର ହିଡ଼ତାଡ଼, “ଇସ୍ବର ଇନାକା ସକଟ୍ କିତାନ୍ନା, ଏନ୍ ହେଦା ବିଚାଡ଼ ଇଞ୍ଜି ଇନ୍ମା ।” ୧୦ ଇ ବାନି ତିନି ହଟ୍ ଆତାଡ଼, ପାଚେ ଖିଜୁ ଆରେରଗ ବାଦାଡ଼ତ ଅୟାତାଡ଼ । ୧୧ ଆରେ ହୁଡ଼ାଟ୍, ଦାପ୍ରେ ତିନ୍ ଜାଣ୍ ମାନାୟ, ଆପେ ଇମ୍ବି ଇଞ୍ଜି ମାଗାପ୍, ହେବେନି ମୁମ୍ଦ ଖାଜି ନିଲ୍ଲତାଡ଼, ହେଖାର କାଇସରିୟାତା ନା ତାକେ ପକ୍ୟାଜି ମାଚାର । ୧୨ ଆରେ, ମୁଡ଼େ ଆନ୍ମାନ୍ କିଖାଦା ହେଖାର ହୁଦା ହାଞ୍ଜେଜ୍ କାଜି ପୁଇପୁୟା ଜିବୁନ୍ ନାଜ୍ ଖେଟଚାତାଡ଼ । ଆରେ, ଇ ଚଅ ଜାଣ୍ ପାତ୍ କିନି ଟଣ୍ଡାର ପାନା ହୁଦା ତାରେନ୍ ହାଚାର, ଆରେ ଆପେ ହେ କର୍ଣ୍ଣଲିୟା ଇଲ୍ ହଟାପ୍ । ୧୩ ହେଖାନ୍ ଇନେସ୍ ରଖାନ୍ ଦୁଡ଼ ତାକେ ଦର୍ସନ୍ ପାୟାଜି ମାଚାନ୍, ହେଦା ମାଜେଜ୍ ଖେଟଚାତାନ୍, ହେ ଦୁଡ଼ ଇନେସ୍ ହେଖାଜି ଇଞ୍ଜି ଇଚାନ୍, ଜାପତ ଲକୁ ପକଟି ପିତର କୁକ୍ନି ତର ସିମନ୍ତି କୁକ୍ନି ତାହିଖାଡ଼; ୧୪ ଇନେର ଖିଜାର ବଚନ୍ ହୁଦା ଏପେଜ୍ ଆରି ମି ଖିଜାର ଇଲ୍ଲିକାର ରାକ୍ୟା ଆନାର, ହେଖାନ୍ ମିଜେଜ୍ ହେ ସବୁ ଖେଟଚାତାନ୍ । ୧୫ ପାଚେ ଆନ୍ କାତା ଇଞ୍ଜେଜ୍ ଆରମ୍ ଖେଡାଲି ପୁଇପୁୟା ଜିବୁନ୍ ଆଗ୍ଦ ମା ଜପି ଜୁଡ଼ି ଲାକେ ହେଖାର ଜପି ପା ଜୁଡ଼ତାଡ଼ । ୧୬ ହେପାଦନା ମାପୁତି ଇ ବଚନ୍ ନା ଏଡ଼ୁ ଖାତାଡ଼, ଜହନ୍ ଖିଜାକାରି ଉତର ହିତାନ୍, “ଜହନ୍ ହିନା ଏସଡ଼ଜ୍ତା ବାପ୍ରିସିମ୍ ହିତାନ୍ ହାଡ଼ପା ମତର ଏପେଜ୍ ପୁଇପୁୟା ଜିବୁନ୍ତା ବାପ୍ରିସିମ୍ ଆନାଦେର ।” ୧୭ ଲାଗି, ଆସେଜ୍ ମାପୁ ଜିସୁ କ୍ରିସ୍ଟି ତାକେ ପାତ୍ କିନି ଖେଡାଲି ଇସ୍ବର ଇନେସ୍ ଦାନ୍ ହିଜି ମାଞ୍ଚାନ୍, ହେ ଲାକେ ଏଚେକାଡ଼ଦ ହେଖାରି ପା ହାରି ଦାନ୍ ହିତାନ୍, ଆନ୍ ଇନେର ଜେ ଇସ୍ବରତି ବାଦା ହିଦେ ଆଡ଼ତାମା ?

୧୮ ଇ ସବୁ କାତା ଖେଟିଲେ ହେଖାର ଚିମ୍ବରା ଆତାର ଆରି ଇସ୍ବରତି ଜାଜମାଲ୍ କିଜି ଇଚାର, “ଖାଟିଜ୍” ଇସ୍ବର ପାତ୍ କିଖି ଜିହୁଦିର ପା ପୁଇପୁୟା ଜିବୁନ୍ ପାୟାଜି କାଜି ମାନ୍ବାଦଲାୟ ଦାନ୍ କିତାନ୍ନା ।

ଆନ୍ତ୍ରିୟକିଆ ମଣ୍ଡଲି

୧୯ ଖିସ୍ତି ବିତ୍ରେ ସ୍ତିପାନ୍ କାଜି ଗିଟାଜି ମାଟି ଦୁକ୍ କାଜି ଇମ୍ବିକାର ଜେଡ଼େକେଡ଼ ଆଜି ମାଚାର, ହେଖାର ପୈନିକିଆ, କୁପ୍ ଆରି ଆନ୍ତ୍ରିୟକିଆ ପାତେକ୍ ବୁଲା ଆଜି ଆପକା ଜିହୁଦିର ପିସ୍ତି ଆରେ ଇନେର ତାକେ ବଚନ୍ ପରଚାର କିଖାଦା ମାଚାର । ୨୦ ମାତର ହେଖାରତି ବିତ୍ରେ କେଡେକ୍ ସାଇପ୍ରସ୍ ଆରି କୁରିଣିୟ ଲକୁ ଆନ୍ତ୍ରିୟକିଆତା ଖାଜି ଗ୍ରିକ୍ ତାକେ ପା କାତା ଇଞ୍ଜି ମାପୁ ଜିସୁତି ନେକ୍ଟିକାରୁର ପରଚାର କିଦେଜ୍ ଲାଗାତାଡ଼ । ୨୧ ଆରେ, ହେଖାର ଲାହା ମାପୁତି କେଇ ମାଚାଡ଼, ଆରେ ବେସି ମାନାୟ ପାତ୍ କିଜି ମାପୁନିପ ମାସ୍ଦି ଖାତାର ।

୨୨ ହେଖାରତି ବିସ୍ତେତି କାରୁର ଜିରୁସାଲମ୍ ମଣ୍ଡଲିତ ଖେନ୍ୟାତାଡ଼, ହେବେ ହେଖାର ଆନ୍ତ୍ରିୟକିଆ ପାତେକ୍ ବର୍ଣ୍ଣବାଜ୍ ପଲ୍ଲାର । ୨୩ ହେଖାନ୍ ଏକିସ୍ ଇସ୍ବରତି ଦୟା ହୁଡ଼ଜି ଖାରୟା ଆତାନ୍, ଆରେ ଇନେସ୍ ହେଖାର ମାନ୍ନି ର ମାନ୍ତ ମାପୁତି କାଜି ଜେଲ୍ୟା ଆଜି ମାନାର, ହେଦା କାଜି ଖିଜାରି ଖାରିକିୟ କିତାର; ୨୪ ଇନାକିଦେକି ବର୍ଣ୍ଣବା ରଖାନ୍ ହାର୍ଦି ମୁଣିକା, ଆରେ ପୁଇପୁୟା ଜିବୁନ୍ ଆରି ପାତ୍ ତ ବାତ୍ ମାଚାନ୍ । ଇ ବାନି ବେସି ବେସି ମାନାୟ ମାପୁ ତାକେ ମେହା ଆତାର ।

୨୫ ପାଚେ ହେଖାନ୍ ସାଉଲ୍ତି ତେକ୍ନି କାଜି ତାର୍ପତ ହସି ହାଚାନ୍, ୨୬ ଆରେ, ହେଖାନ୍ ହେଖାନ୍ ଗାଟାଜି ଆନ୍ତ୍ରିୟକିଆତ ତାହିଖାତାନ୍ । ହେଖାର ବାତ୍ ର ବାହୁ ପାତେକ୍ ମଣ୍ଡଲି ହୁଦା ମାନ୍ତ୍ରି ବେସି ଲୁଗାଜ୍ ହିକ୍ୟା ହିତାନ୍, ଆରେ ଆନ୍ତ୍ରିୟକିଆତ ଚେଲାର ପର୍ଡୁମ୍ କ୍ରିସ୍ଟିୟାନ୍ ଇଞ୍ଜି ଇନ୍ୟା ଆତାର ।

୨୭ ହେ ଖେଡାଲି କେଡେକ୍ ଜାଣ୍ ବେଶ୍ବାକ୍ଶାୟକିନାକାର ଜିରୁସାଲମ୍ତା ଆନ୍ତ୍ରିୟକିଆତ ଖାତାର । ୨୮ ହେଖାର ବିତ୍ରେ ଆଗାବ ତରୁନି ରଖାନ୍ ମୁଣିକା ନିଜି ସବୁ ପୁତ୍ରିତ ବେସି କାତାର ଆର୍ଣ୍ଣାଡ଼ ଇଞ୍ଜି ଜିବୁନ୍ ହୁଦା ଖେଟଚାନ୍; ହେଦା କ୍ଲାଉଦିଅତି ସମ୍ ମାନି ଖେଡାଲି ଗିଟାତାଡ଼ । ୨୯ ହେବେ ଚେଲାର ସବୁ ଜାଣ୍ ଜାର୍ ସାଲ୍ଲି ହୁଦା ଜିହୁଦା ରାଜି ନିକାର ପାତ୍ କିନି ଟଣ୍ଡାର କାଜି ହେବା ପକ୍ରେଜ୍ ତିର କିତାର, ୩୦ ଆରେ ହେଖାର ପା ହେଦା କିଜି ବର୍ଣ୍ଣବା ଆରି ସାଉଲ୍ତି କେଇଦ ପ୍ରାଚିନାରତି ଲାଗେ ପଲ୍ଲାର ।



ଆଦିକ୍ କସ୍ ପାୟାନାକା

☆ ୧୧:୧୭ ୧୧:୧୭ ପଦ୍ୟାତକା ୧:୫. ☆ ୧୧:୧୯ ୧୧:୧୯ ପଦ୍ୟାତକା ୮:୧-୪. ☆ ୧୧:୨୮ ୧୧:୨୮ ପଦ୍ୟାତକା ୨୧:୧୦.

୧ ଆନମାନରେ ହେ ଖେଡ଼ାଲିଂ ହେରଦ ରାଜା ମଣ୍ଡଲିନି କେତେକ ଜାଣ୍ଡିଂ ହରବର କିନି କାଜିଂ କେୟ କିତାନ୍ ।
 ୨ ହେଝାନ୍ ଜହନ୍ତି ଟଣ୍ଡେନ୍ ଜାକୁବ୍ କାଣ୍ଡାତା ଅସ୍ତାନ୍ । ୩ ଆରେ ଜିହୁଦିର୍ ହେବେ ସତକ ଆନାକା ହୁଡ଼ଜି ହେଝାନ୍
 ପିତରତିଂ ପା ଗେସ୍ତାର । ହେ ଖେଡ଼ାଲିଂ ହଇଝି ରୁଟିନି ପାର୍ତୁ ମାଚାଡ଼ । ୪ ପାଚେ ହେରଦ ତାଙ୍ଗ ଆସ୍ତି ଜଇଲ୍ତ ଇଡ଼ତାନ୍,
 ଆରେ, ନିସ୍ତାର ପାର୍ତୁ ପାଚେ ହେଝାନ୍ ତାଙ୍ଗ ମାନାୟାର ଲାଗେ ହପ୍ତି ତାହିଝାଦେଂ କାଜିଂ ମାନ୍ କିଜି ଝିଜୁ କୁଦାନି ଚାରି
 ଜାଣ୍ ଲାକେ ମାଞ୍ଜି ଚାରଗଟା ମେଲ୍ୟା କୁଦା ଲାଗେ ତାଙ୍ଗ କାଚେଂ ଇଞ୍ଜି ହେଲ୍ଲୟ କିତାନ୍ । ୫ ଲାଗିଂ, ପିତର ଜଇଲ୍ତ
 ଗେହ୍ୟା ଆଜି ମାଚାନ୍, ମତର ତା କାଜିଂ ମଣ୍ଡଲି ହୁଦାଂ ରମାନ୍ତ ଇସ୍ପରତି ଲାଗେ ପାର୍ତାନା କିଜି ମାଚାନ୍ ।

ଜଇଲ୍ ଇଲ୍ତାଂ ପିତରତି ମୁକ୍ତାନାକା

୬ ପାଚେ ହେରଦ ଇମଣି ଦିନ୍ ପିତରତିଂ ହପ୍ତି ତାଚେଙ୍ଗ ହାଲ୍ଲଜି ମାଚାନ୍, ହେ ଆକାଡ଼ ନାଣାଲିଂ ରିଣ୍ଡି ହିକ୍ତିଂତାଂ
 ଗାତ୍ୟା ଆଜି ରି ମେଲ୍ୟାତ ବିତ୍ରେ ହୁଞ୍ଜି ମାଚାନ୍, ଆରେ ଜାଗ୍ଝାଡ଼ାର ଦୁଝେର ମୁମ୍ଦ ଜଇଲ୍ ରାକ୍ୟା କିଜି ମାଚାନ୍
 । ୭ ଆରେ ହୁଡ଼ାଟ୍, ତ୍ରିପକୁ ମାପୁତି ରଝାନ୍ ଦୁଡ଼ ଏକାତାଡ଼, ଆରେ ବାକ୍ତା ଅଜଡ଼ ଆତାଡ଼, ଆରେ ଦୁଡ଼ ପିତର ତିଙ୍ଗ
 ନେଞ୍ଜେତାକିତ ଇଡ଼ଜି ତାଙ୍ଗ ନିକ୍ତି ଇଚାନ୍, “ବେଗି ନିଙ୍ଗା ।” ହେବେ ତା କେଇଦାଂ ହିକ୍ତିଂ କୁସଦି ହାଟିକ୍ । ୮ ଆରେ,
 ଦୁଡ଼ ତାଙ୍ଗ ଇଚାଡ଼, “ମେଙ୍ଗାଙ୍ଗ ଗାତ୍ୟା ଆରି ପାଣ୍ଡାୟ ତୁଜା ।” ପିତର ହେ ଲାକେ କିତାନ୍ ! ଆରେ ଦୁଡ଼ ତାଙ୍ଗ ଇଚାନ୍,
 “ଗାଗାଡ଼ତ ହେୟା ତୁହିଜି ନା ପାଚେ ପାଚେ ଝା ।” ୯ ପିତର ହସି ହେଝାନ୍ତି ପାଚେ ପାଚେ ହାଚାନ୍, ମାତର ଦୁଡ଼ତାଂ
 ଇନାକା କିୟାତାଡ଼, ହେଦାଂ ଜେ ହାଡ଼ପା, ହେଝାନ୍ ହେଦାଂ ବୁଜାଝାଦାଂ କେଚକଣ୍ ହୁଡ଼ନାନ୍ ଇଞ୍ଜି ବାବି କିଜି ମାଚାନ୍ ।
 ୧୦ ଏଚେକାଡ଼ଦ ହେଝାର ପର୍ତୁମ୍ ଆରି ରିଣ୍ଡି ଜାଗ୍ଝାଡ଼ାର କୁଦା ନାସି, ଇମଣି ଲଝା ଦୁଝାର ହିଜି ଗାଡ଼ଦ ହାଞ୍ଜେଙ୍ଗ ଆନାଡ଼,
 ହେଦାଂ ଲାଗେ ଝାଡ଼ାର, ହେ କାଡ଼ଦ ହେ ଦୁଝେର ଜାର ମାନ୍ତିଙ୍ଗ ହେଝାର କାଜିଂ ମେଲ୍ୟା ଆଜି ହାଚାଡ଼, ଆରେ ହେଝାର
 ହସିହାଲ୍ଲଜି ର ହାକ୍ତିତ ହାରିହାରା ପାଚେକ୍ ହାଚାଡ଼, ଆରେ ଦାପ୍ତେ ହେ ଦୁଡ଼ ତା ତାକେଣ୍ଡାଂ ମାୟା ଆଜି ହାଚାଡ଼ ।

୧୧ ହେଝାଡ଼ାଂ ପିତର ଚେଡ଼ନା ଆଜି ଇଚାନ୍, ମାପୁ ଜେ ଜାର ଦୁଡ଼ତିଂ ପକ୍ତି ହେରଦ କେଇଦାଂ ଆରି ଜିହୁଦିର୍ ଲକୁତାଂ
 ଝିଜୁ ଆହାତାଂ ନାଂ ଉଦାର କିଡ଼ତାନ୍ନା, “ଇଦାଂ ଆନ୍ ନଙ୍ଗ ହାଡ଼ପା ପୁଚାଙ୍ଗ ।”

୧୨ ହେଝାନ୍ ଇ କାତା ଜାଗ୍ରତ୍ ଆଜି ମାର୍କ କୁକ୍ନି ଜହନ୍ତି ତେହି ମରିୟମ୍ ଇଞ୍ଜି ଝାତାନ୍; ହେ ବାହାତ ବେସି ରୁଣ୍ଡା
 ଆଜି ପାର୍ତାନା କିଜି ମାଚାନ୍ । ୧୩ ପିତର ବାଡ଼ ଦୁଝେରତ ଇଡ଼ତିଲେ, ରଦା ତରନି ରଞ୍ଜେଲ୍ ଆଡ଼ିଏଣି ଇନେର୍ ଇଞ୍ଜି
 ଝେନ୍ଦବେଦେଂ ହାଚାଡ଼ । ୧୪ ହେଝାନ୍ ପିତରତି କାଟ୍ ବେସି ଝାରି କାଜିଂ ଦୁଝେର ଜେଝାଦାଂ ବିତ୍ରେ ହଞ୍ଜି ହାଲ୍ଲଜି, ଦୁଝେର
 ଲାସେଙ୍ଗ ପିତର ନିଲ୍ତାନ୍ନା ଇଞ୍ଜି ଇଚାଡ଼ । ୧୫ ହେଝେକ୍ ହେଦେଲିଂ ଇଟିକ୍, “ଏନ୍ ବାଇରି । ମାତର ହେଝେକ୍ ହେଦାଂ
 ସଡ଼ ଇଞ୍ଜି ଆଟ୍ଝା ଲାକେ ଇଞ୍ଜେଙ୍ଗ ଲାଗିତିକ୍ । ହେଝେକ୍ ଇଟିକ୍ ଇଝାନ୍ ହେଝାନ୍ତି ଦୁଡ଼ ।”

୧୬ ମାତର ପିତର ଦୁଝାରତ ତାୟନାଡ଼ ଇଡ଼ଜି ମାଚାନ୍, ଆରେ ହେଝେକ୍ ଜେସି ହେଝାନ୍ତି ହୁଡ଼ଜି କାବା ଆଡ଼ିକ୍ ।
 ୧୭ ମାତର ହେଝାନ୍ ହେଝାରିଂ ଚିମ୍ପରା ଆଜି ମାଞ୍ଜେଙ୍ଗ କାଜିଂ କେଇ ଜିଞ୍ଜି, ମାପୁ ଇନେସ୍ ତାଙ୍ଗ ଜଇଲ୍ ତାଂ ହପ୍ତି
 ତାହିଝାତାନ୍ନା, ହେଦାଂ ହେଝେକ୍ ଲାଗେ ହାୟାୟ କିତାନ୍ । ଆରେ ହେଝାନ୍ ଇଚାନ୍, “ଇ ଝିଜୁ କାତା ଜାକୁବ୍ ଆରି ପାଚିଂ
 କିନି ଟଣ୍ଡାର୍ରିଂ ଝେଚାଟ୍ । ଆରେ, ହେଝାନ୍ ହାଲ୍ଲଜି ବିନ୍ ବାହାତ ତାଂଜି ହାଚାନ୍ ।”

୧୮ ନାଡ଼ିସ୍ ଆତି ପାଚେ ପିତର ଇମେ ହାଚାନ୍ ଇଞ୍ଜି ମେଲ୍ୟାର ବିତ୍ରେ ବେସି ଝିଣ୍ଡାତାଡ଼ । ୧୯ ଆରେ ହେରଦ ହେଝାନ୍ତିଂ
 ତେକ୍ତି ଗାଟାଝିତିଲେ ଜାଗ୍ଝାଡ଼ାରିଂ ପର୍ସନ୍ କିତି ପାଚେ ହେଝାରିଂ ଅସ୍ତେଙ୍ଗ କାଜିଂ ବଲ୍ ହିତାନ୍ ।

ପାଚେ ହେଝାନ୍ ଜିହୁଦା ରାଜିତାଂ କାଈସରିୟାତ ହାଲ୍ଲଜି ହେବେ ମାନ୍ଗାତାନ୍ ।

ହେରଦତି ହାକି

୨୦ ହେ ଏଚେକାଡ଼ଦ ହେରଦ ରାଜା ସର ଆରି ସିଦନ୍ ଲକୁ ଜପି ବୟ୍ଲାର ରିସା ଆଜି ମାଚାନ୍, ଲାଗିଂ ହେଝାର ବିତ୍ରେତାଂ
 ର ଦଲ୍ ହେଝାନ୍ତିଂ ଚଞ୍ଜୟା ଆଦେଂ ହାଚାଡ଼ । ପର୍ତୁମ୍ ହେଝାର ହୁଞ୍ଜି ଇଲ୍ତ ଦାୟିଡ଼ତ ମାନି ଲ୍ଲାସ୍ତିଂ ବୁଜାୟ କିଜି ତା
 ଉପକାର ପାୟାତାଡ଼ । ତା ପାଚେ ହେଝାର ହେରଦତି ଲାଗାଂ ହାଲ୍ଲଜି ସୁସ୍ତା ବିକ୍ୟା କିତାର, ଇନେକିଦେଂକି ହେରଦତି
 ରାଜିତାଂ ହେଝାରତି ଦେସ୍ତାଂ ଗାଦି ଗାଦି ଆଡ଼ମାଡ଼ ହାଲ୍ଲଜି ମାଚାଡ଼ ।

୨୧ ଲାଗିଂ ର ତିର୍ କିତି ନାଜିଂ ହେରଦ ରାଜା ହେୟା ଉସ୍ପିସ୍ ଗାଦିତ କୁଚ୍ତି ହେଝାରତି ଲାଗେ ସୁଣାୟ କିତାନ୍, ୨୨ ହେବେ
 ମାନାୟାର ଆଲା ଆଜି ଇଞ୍ଜେଙ୍ଗ ଲାଗାତାଡ଼, “ଇଦାଂ ତ ଇସ୍ପରତି କାଟ୍, ମାନାୟତି କାଟ୍ ଆକାୟ ।” ୨୩ ହେ ଦାପ୍ତେ ମାପୁତି
 ରଞ୍ଜେଲ୍ ଦୁଡ଼ ହେରଦତିଂ ମାଡ଼ଜି କିତାଡ଼, ଇନାକିଦେଂକି ହେଝାନ୍ ଇସ୍ପରତିଂ ଜାଜମାଲ୍ ହିଝାତାନ୍, ଆରେ ହେଝାନ୍ ପ୍ତି
 ହୁଦାଂ ତିନ୍ୟା ଆଜି ପାରାଣ୍ ପିସ୍ତାନ୍ ।

୨୪ ମାତର ଇସ୍ପରତି ବଚନ୍ ଆଦିକ୍ ମେଙ୍ଗଦେଂ ଲାଗାତାଡ଼ ।

୨୫ ପାଚେ ବର୍ଣ୍ଣବା ଆରି ସାଉଲ୍ ଜାରତି ଲକାରିଂ ହେବାକାମାୟ ଝିପ୍ତି ଜହନ୍ତିଂ କୁକ୍ନି ତର ମାର୍କ ହାଙ୍ଗ୍ ଅଜି
 ଜିରୁସାଲମ୍ତ ଲେଉଟା ଆଜି ହାଚାଡ଼ ।

୧୩

ବର୍ଣ୍ଣବା ଆରି ସାଉଲ୍ ପଦ୍ୟାତି ତେଲା ଲାକେ ବାଟିକିୟା ଆତାନ୍

^୧ ହେପାଦନା ଆନ୍ତ୍ରିୟକିଆନି ମଣ୍ଡଲିତ ବର୍ଣ୍ଣବା, ସିମିୟନ୍, ଇନେରିଂ ନିଗର ଇଞ୍ଜି ଇନାର୍, କୁରିଣିୟ ଲୁକିୟ, ସାମବ୍ରାଜା ହେରଦ୍ତି ରତେ ପହାକିତି ମନହେମ ଆରି ସାଉଲ୍, ହେଝାର୍ ବେଶ୍‌ବାକ୍‌ଶାୟକିନାକାର୍ ଆରି ଗୁରୁର୍ ମାଚାର୍ । ^୨ ହେଝାର୍ ମାପୁତି ହେବା ଆରି ଉପାସ୍ କିନି ଝେଡାଲିଂ ପୁଇପୁୟା ଜିବୁନ୍ ଇଚାଡ୍, “ଇମ୍‌ଣି କାମାୟ୍ କାଜିଂ ଆପ୍ ବର୍ଣ୍ଣବା ଆରି ସାଉଲ୍‌ତିଂ ବାଟି କିତାପ୍‌ନା, ହେଦାଂ କାଜିଂ ହେଝାରିଂ ବିନେ କିୟାଟ୍ ।”

^୩ ହେବେ ହେଝାର୍ ଉପାସ୍ ଆରି ପାତୀନା କିତି ପାଚେ ହେଝାର୍ ଜପି କେଇ ହିଜି ହେଝାରିଂ ହେଲ ହିତାର୍ ।

ସାଇପୁସତ ହେବାକାମାୟ୍

^୪ ଇ ବାନି ବର୍ଣ୍ଣବା ଆରି ସାଉଲ୍ ପୁଇପୁୟା ଜିବୁନ୍ ହୁଦାଂ ପଦ୍ୟା ଆଜି ସେଲୁକିଆତ ହାଚାର୍; ହେବେତାଂ ହେଝାର୍ ହାମଦୁର୍ ଜାଜ୍‌ତ ଦୁମଜି କୁପ୍ରତ ହାଚାର୍ । ^୫ କାମଲିୟାର୍ ସାଲାମି ବସ୍ତିତ ଏକିତି ପାଚେ ଜିହୁଦିରତି ଝିଜୁ ପାତୀନା ଇଲ୍‌ତ ଇସ୍‌ରତି ବଚନ୍ ପୁଚାର୍ କିଦେଙ୍ଗ ଲାଗାତାର୍; ଆରେ, ଜହନ୍ ମାର୍କ ପା ହେବାକାର୍‌ୟା ଲାକେ ହେଝାର୍ ହୁକେ ମାଚାନ୍ ।

^୬ ଆରେ, ହେଝାର୍ ଝିଜୁ ଏସ୍‌କୁପଲି ବୁଲା ଆଜି ପାପତ ଝାଜି ରଝାନ୍ ରୁଟ୍‌କି ଚାକ୍ରାୟ୍ ବେଶ୍‌ବାକ୍‌ଶାୟକିନାନ୍‌ନିଂ ହୁଡ୍‌ତାର୍; ହେଝାନ୍ ରଝାନ୍ ଜିହୁଦି, ଆରେ ତା ତର୍ ବଜ୍‌ସୁ । ^୭ ହେଝାନ୍ ସାସନ୍ କାର୍‌ୟା ସେଗିଂ ପାଉଲ୍ ସାଙ୍ଗ୍ ମାଚାନ୍, ହେ ସାସନ୍‌କାର୍‌ୟା ରଝାନ୍ ବୁଦିକାର୍‌ୟା ମୁଣିକା । ହେଝାନ୍ ଇସ୍‌ରତି ବଚନ୍ ଝେଞ୍ଜେଙ୍ଗ୍ ମାନ୍ କିଜି ବର୍ଣ୍ଣବା ଆରି ସାଉଲ୍‌ତିଂ ଲାଗାଂ କୁକ୍‌ତାନ୍ । ^୮ ମାତର୍ ହେ ରୁଟ୍‌କି ଅଲ୍ଲିମା ଇଦାଂ ତା ଗିକ୍‌ତର୍ । ହେଝାରିଂ ବାଦା ହିତାଡ୍ ଇନାକିଦେଂକି ହେଝାନ୍ ସାସନ୍‌କାର୍‌ୟାଙ୍ଗ୍ କ୍ରିସ୍ଟ ପାତୀ କିନାକାର୍ କାଜିଂ ଅଲ୍‌ଗା କିଜି ଇଡ୍‌ଦେଂ ଚେସ୍ଟା କିଜି ମାଚାର୍ । ^୯ ମତର୍ ସାଉଲ୍, ଇନେରିଂ ପାଉଲ୍ ପା ଇନାର୍, ପୁଇପୁୟା ଜିବୁନ୍‌ତ ବାତୀ ଆଜି ତାଙ୍ଗ୍ ମିଟ୍‌କିଝାଦାଂ ହୁଡ୍‌ଜି ଇଚାନ୍, ^{୧୦} ଏ “ସୟ୍‌ତାନ୍ ମାଜି, ଝିଜୁ ବାନି ଟକ୍‌ଝା ଆରି କାପ୍‌ଟିତ ମାନ୍‌ତ ବାତୀ, ଆରେ ଝିଜୁ ବାନି ଦାମିଂ ଡି ସାତୁରିଂ, ଏପେଙ୍ଗ୍ ମାପୁତି ସିଦା ହାଜିତିଂ ବାଂଟା କିଦେଙ୍ଗ୍ କାମାୟ୍ କିନାୟା ? ^{୧୧} ଆରେ ନଙ୍ଗ୍ ହୁଡ୍‌ଟାଟ୍, ମାପୁତି କେଇ ମି ଜପି ମାନାଡ୍, ଏପେଙ୍ଗ୍ କାଶା ଆଜି ଏଚେକ୍ ଗାଡ୍ ପାତେକ୍ ଝେଡା ହୁଡ୍‌ଚୁଦର୍ ।”

ହେ ଦାପ୍ରେ ଗୁକ୍‌ଟା ଆରି ମାଜ୍‌ଗା ତାଙ୍ଗ୍ ଡାବାୟ୍ କିତାଡ୍, ଲାଗିଂ ତାଙ୍ଗ୍ କେଇ ଆସ୍ତି ହାଜି ଚଚେଂ କାଜିଂ ହେଝାନ୍ ଇନ୍‌ଟିଂ ହାନ୍‌ଟିଂ ବାଇବିକଲ୍ ଆଜି ମାନାୟ୍‌ତିଂ ତେକ୍‌ତେଂ ଲାଗାତାନ୍ । ^{୧୨} ହେ ସାସନ୍‌କାର୍‌ୟା ଇ ଗଟ୍‌ଶା ହୁଡ୍‌ଜି ପାତୀ କିତାନ୍ ଇନାକିଦେଂକି ମାପୁତି ସିକ୍ୟା ଝେନ୍‌ଞ୍ଜି କାବା ଆଜି ପାତୀ କିତାନ୍ ।

ଆନ୍ତ୍ରିୟକିଆତ ପିସିଦିଆନି ହେବାକାମାୟ୍

^{୧୩} ପାଚେ ପାଉଲ୍ ଆରି ତା ହାଙ୍ଗ୍‌ଦାକାର୍ ପାପ୍ ତରନ୍ ବାହା ଏଜୁକାଂ ହାଲ୍‌ଜି ପଂପୁଲିଆନି ପଗିଂତ ଝାତାନ୍; ଜହନ୍ ତରନ୍ ମାର୍କ ହେଝାରିଂ ଇବେତାଂ ପିସ୍ତି ଜିରୁସାଲମ୍‌ତ ମାସ୍‌ଦି ହାଚାନ୍ । ^{୧୪} ହେଝାର୍ ପଗିଂତାଂ ହସି ଝାଜି ପିସିଦିଆନି ଆନ୍ତ୍ରିୟକିଆତ ଇକାତାର୍, ଆରେ ଜମିନିବାର୍‌ତ କୁଟୁମ୍ ଇଞ୍ଜି ହାଲ୍‌ଜି କୁଟ୍‌ଚାର୍ । ^{୧୫} ଆରେ, ବିଦି ଆରି ବେଶ୍‌ବାକ୍‌ଶାୟକିନାକାର୍ ସାସ୍‌ର ପଡିକିତି ପାଚେ ପାତୀନା ଇଲ୍‌ନି ମୁଣିକାର୍ ହେଝାର୍‌ତି ତାକେ ସାସ୍ ହିଜି ଇଦାଂ ଝେଟ୍‌ଟି ପକ୍‌ତାନ୍, “ଟଣ୍ଡାର୍, ଦୁକ୍‌ସାରାୟ୍ କିନାକା ଲକାର୍ କାଜିଂ ଜପି ଏପେଙ୍ଗ୍ ଇମ୍‌ଣି ବୁଜାନି କାତା ମାନାଡ୍, ଲାଗିଂ ଝେଟ୍‌ଚାଟ୍ ।” ^{୧୬} ହେବେ ପାଉଲ୍ ନିଲ୍‌ଟି କେଇଦାଂ ଝାଟ୍‌କା ଚଟ୍‌ଟି ଇଞ୍ଜେଙ୍ଗ୍ ଲାଗାତାନ୍,

“ଏ ଇସ୍ରାଏଲିୟ ଲକୁ ଆରି ଇସ୍‌ରତିଂ ପାଶ୍ଟା ଆନାକାର୍, ପାତୀ କିଝି ଜିହୁଦି ନା କାତା ଝେନାଟ୍ । ^{୧୭} ଇ ଇସ୍ରାଏଲ୍ ଜାତିନି ଇସ୍‌ର ମା ଆବାଲାତ୍ରାରିଂ ବାଟି କିତାନ୍, ଆରେ ହେଝାର୍ ମିସର୍ ଦେସ୍‌ତ ବାହା କିଜିମାନି ଝେଡାଲିଂ ହେଝାରିଂ ନିକ୍‌ତାନ୍, ଆରେ ସାଲ୍‌ନି ବାପାଙ୍ଗ୍ ହୁଦାଂ ମିସର୍‌ତାଂ ହେଝାରିଂ କାତାୟ୍ କିଜି ତାହିଝାତାନ୍ । ^{୧୮} ପାଚେ ରିକଡ୍‌ଟି ବାହୁଁ ପାତେକ୍ ବାଟାତ ହେଝାନ୍ ହେଝାରିଂ ଚିନ୍ତା ହୁଞ୍ଚାନ୍, ^{୧୯} ଆରେ କିଶାନ୍ ଦେସ୍‌ତ ସାଡ୍‌ଗଟା ଜାତିତିଂ ବୁଡାୟ୍ କିଜି ତା ବାଟିକିତି ମାନାୟାରିଂ ହେ ଦେସ୍ ହିତାନ୍ ।” ^{୨୦} ଇଦାଂ ପାଚେ ବେଶ୍‌ବାକ୍‌ଶାୟକିନାକାର୍ ସାମୁୟେଲ୍ ପାତେକ୍ ବିଚାର୍‌କାର୍‌ୟାରିଂ ବାଟି କିତାର୍ ।

“ଇଦାଂ ପାଚେ ବେଶ୍‌ବାକ୍‌ଶାୟକିନାକାନ୍ ସାମୁଏଲ୍‌ତି ପାତେକ୍ ବିଚାର୍‌କାର୍‌ୟାରିଂ ବାଟି କିତାନ୍ । ^{୨୧} ତା ପାଚେ ହେଝାର୍ ର ରାଜା ଗାଟାଦେଂ କାଜିଂ ପାତୀନା କିତାର୍, ଆରେ ଇସ୍‌ର ରିକଡ୍‌ଟି ବାହୁଁ ପାତେକ୍ ବିନ୍‌ଧାମିନ୍ କୁଟୁମ୍‌ନି କିସ୍ତି ମେହି ସାଉଲ୍‌ତିଂ ହେଝାନ୍ ହିତାନ୍ । ^{୨୨} ପାଚେ ଇସ୍‌ର ହେଝାରିଂ ଗାଦିତାଂ ଜୁଡ୍‌ତି ହେଝାର୍‌ତି ରାଜା ଆଦେଂ କାଜିଂ ଦାଉଦ୍‌ତିଂ ନିକ୍‌ତାନ୍; ହେଝାନ୍ ପା ତା ବିସ୍ତେ ସାକି ହିଜି ଇଚାନ୍, ଆନ୍ ଜିସିୟତି ମେହି ଦାଉଦଂ ଗାଟାତାପ୍‌ନା, ହେଝାନ୍ ମା ମାନ୍ତ୍ର କାତା ଇନାନ୍, ହେଝାନ୍ ଝିଜୁ ବିସ୍ତେ ହାଂଜି ନା ଇଚା ମାନି କିନାନ୍ ।” ^{୨୩} ତା ଲାତ୍ରାତାଂ ଇସ୍‌ର ପାର୍‌ମାଣ୍ ହୁଦାଂ ଇସ୍ରାଏଲ୍ କାଜିଂ ରଝାନ୍ ମୁକ୍ତିକିନାକାନ୍ ଇତିସ୍ ଜିସୁତିଂ ଉବ୍‌ଜାଣ୍ କିତାନ୍‌ନା । ^{୨୪} ଜିସୁ ତା କାମାୟ୍ ଆରମ୍ କିନି ଆଗେ ଜହନ୍ ସବୁ ଇସ୍ରାଏଲ୍ ଲକୁତାକେ ଆକ୍‌ତୁ ମାନ୍‌ବାଦ୍‌ଲାଇନ୍‌ନି ବାପ୍ରିସିମ୍ ସୁଶାୟ୍ କିଜି ମାଚାନ୍; ^{୨୫} ଆରେ, ଜହନ୍ ଜାର୍ କିତି କାମାୟ୍

☆ ୧୩:୨୪ ୧୩:୨୪ ମାର୍କ ୧:୪; ଲୁକ ୩:୩. ☆ ୧୩:୨୫ ୧୩:୨୫ ଜହନ୍ ୧:୨୦; ମାତିଉ ୩:୧୧; ମାର୍କ ୧:୭; ଲୁକ ୩:୧୭; ଜହନ୍ ୧:୨୭.

କିଠ କିଠ ଇଚାନ୍, “ଆନ୍ ଇନେନ୍ ଇଞ୍ଜି ଏପେଙ୍ଗ୍ ବାବି କିନାଦେରା, ଆନ୍ ହେଞ୍ଜାଙ୍ଗ୍ ଆକାୟ୍ । ମତର୍ ହୁଡ଼ାଟ୍, ନା ପାନାନ୍ତି ପାଣ୍ଡାଈଙ୍ଗ୍ ତରି ରିକ୍ତେଂ ଆନ୍ ସମାନ୍ ଆକାୟ୍ ।”

୨୭ “ଏ ଟଣ୍ଡାର୍, ଅଭାହାମତି ଲାତ୍ରାନ୍ ହିମଣାଞ୍ଜାକ୍ତା ଆରି ମି ବିତ୍ରେତାଂ ଇସ୍ବରତିଂ ପାଣ୍ଡା ଆନାକାର୍ ମା ଲାଗେ ଇ ମୁକ୍ତିନ୍ ବଚନ୍ ପଦ୍ୟା ଆତାତ୍ନା । ୨୭ ଇନାକିଦେଂକି ହେଞ୍ଜାନ୍ ଜେ ମୁକ୍ତାତି ମୁଣିକା ଇଲ୍ ପୁନ୍ଞାଦାଂ ମାତାର୍ ଜିରୁସାଲମତ ବାହା କିନାକାର୍ ଆରେ ହେଞ୍ଜାର୍ତ ବିଚାର୍ କାରୟା ହେଞ୍ଜାନ୍, ଆରେ ନିତ୍ରେ ଜମ୍ନିବାର୍ତ ପାଟ୍ ପଡ଼ିକିନାକା ବେଶ୍ବାକ୍ଶାୟ୍କିନାକାର୍ ବଚନ୍ ସବୁ ପୁନ୍ଞିତଲେ ହେଞ୍ଜାନ୍ ଦସି କିଜି ହେ ଓଡୁ ପୁରା କିତାନ୍, ୨୮ ଆରେ, ହେଞ୍ଜାନ୍ତି ପାରାଶ୍ ଡାଣ୍ଡୁନି ଇମଣାକା ପା ନିଂ ଗାଟାଞ୍ଜିତଲେ ହେଞ୍ଜାନ୍ ଅସ୍ବେଙ୍ଗ୍ କାଜିଂ ପିଲାତଙ୍ଗ୍ ଗଞ୍ଜାରି କିତାର୍ । ୨୯ ଆରେ, ହେଞ୍ଜାନ୍ତି ବିସ୍ବେ ଦର୍ମ ସାସ୍ବରତ ଇନାକା ସବୁ ଲେକା ଆତାତ୍ନା, ହେ ଓଡୁ ହେଞ୍ଜାର୍ ପୁରା କିତି ପାଚେ ହେଞ୍ଜାନ୍ କୁସ୍ତାଂ କୁଡ଼ତି ତାହି ଦୁଗେରତ ମୁଚ୍ଚାର୍ । ୩୦ ମାତର୍ ଇସ୍ବର ହେଞ୍ଜାନ୍ ହାତାକାର୍ତାଂ ନିକ୍ତାନ୍ନା, ୩୧ ଆରେ, ଇମଣାକାର୍ ହେଞ୍ଜାନ୍ତି ହୁଦାଂ ଗାଲିଲିତାଂ ଜିରୁସାଲମତ ଞ୍ଜାଜି ମାତାର୍, ହେଞ୍ଜାର୍ ବେସି ଦିନ୍ ପାଚେକ୍ ହେଞ୍ଜାନ୍ କେଚ୍ବକ୍ଶ ପାୟାତାର୍; ହେଞ୍ଜାର୍ ନଙ୍ଗ୍ ଇସ୍ବାଏଲ୍ ମାନାୟାର୍ ଲାଗାଂ ହେଞ୍ଜାନ୍ତି ସାକି ଆନାପ୍ । ୩୨ ଆରେ, ଆବାଲାତ୍ରାତି ଲାଗେ କିତି ପାର୍ମାଶ୍ ବିସ୍ବେ ଆପେଂ ମିଙ୍ଗେଙ୍ଗ୍ ଇ ନେକ୍ତିକାବୁର୍ ଞ୍ଜେଚ୍ଚାନାପା, ୩୩ ଇସ୍ବର ଜିସୁଙ୍ଗ୍ ନିକ୍ତି ହେଞ୍ଜାର୍ତ ହିମଣାଂ ଜେ ଆସେଙ୍ଗ୍, ମା କାଜିଂ ହେ ପାର୍ମାଶ୍ ପୁରା କିତାନ୍ନା, ଇନେସ୍ ଗିତ ସଂଗିତା ଦୁଇ ବାଗ୍ତ ନାୟ୍ତ ପା ଲେକାମାନାତ୍, ଏନ୍ ନା ମାଜି,

ନେଞ୍ଜେଙ୍ଗ୍ ଆନ୍ ନିଂ ଆବା ଆତାଂନା ।”

୩୪ ଆରେ ଦୁଗେରତ ବୁଡ଼ାଦେଂ ପିସ୍ବି ହିଞ୍ଜାଦାଂ ହେଞ୍ଜେନିଂ ହାକିତାଂ ନିକ୍ତେଂ ଇସ୍ବର ଇ କାତା ଇଚାନ୍; ଦାଉଦ୍ ହିଜି ମାନି ପାତ୍ ଇସାବ୍ରେ

ଆନ୍ ମିଙ୍ଗେଙ୍ଗ୍ ପୁଇପୁୟା ଆରି ହାତ୍ପା ଦୟା ଦାନ୍ କିଦ୍ନାଙ୍ଗ୍ ।

୩୫ ଆରେ, ହେଞ୍ଜାନ୍ ପା ଆରେ ରଞ୍ଜାଙ୍ଗ୍ ନାୟ୍ତ ଇଚାନ୍ନା,

“ଏନ୍ ଜାର୍ ପୁଇପୁୟା ହେବାକାର୍ରିଂ ନସ୍ବୁ ଆଦେଂ ହିଉୟ୍ ।”

୩୬ ଦାଉଦ୍ ତ ଜାର୍ ହାରି ଞ୍ଜେଡ଼ାନି ମାନାୟାର୍ ବିତ୍ରେ ଇସ୍ବରତି କିତି ଆଗେ ହୁଦାଂ ହେବାକିନାକା କାମାୟ୍ କିତିପାଚେ କାଶ୍କୁଜୁଞ୍ଜାନ୍ ଆରି ଜାର୍ ଆବା ଲାତ୍ରାର୍ ଲାଗେ କବର୍ ପାୟା ଆଜି ଜିରା ଆତାନ୍; ୩୭ ମାତର୍ ଇନେରିଂ ଇସ୍ବର ନିକ୍ତାନ୍ନା, ହେଞ୍ଜାନ୍ ନସ୍ବୁ ଆଞ୍ଜାତାନ୍ନା । ୩୮ ଲାଗିଂ, ଏ ଟଣ୍ଡାର୍ ଏପେଙ୍ଗ୍ ପୁନାଟ୍, ମସାତି ଲାହାଂ ମୁକ୍ତା ଆଦେଂ ଆଡ଼ଞ୍ଜାତାର୍, ମାପୁ ଜିସୁ ହୁକେ କେବଲ୍ ପାପ୍ କେମାନି ଆପେଂ ପର୍ଚାର୍ କିୟା ଆନାତା । ୩୯ ମସାତି ବିଦି ହୁଦାଂ ପାପ୍ କେମା ପାୟାଞ୍ଜି ଓଡ଼ାର୍ ହେ ଜିସୁ ହୁକେ ପାତ୍ କିନି କାଜିଂ ହେ ପାପ୍ କେମା ପାୟାନାର୍ ଇଦାଂ ଏପେଙ୍ଗ୍ ବୁଜାନି ଲଡ଼ା । ୪୦ ଲାଗିଂ ଜାଗ୍ରତ୍, ଏଚେକାଡ଼ଦ୍ ବେଶ୍ବାକ୍ଶାୟ୍କିନାକାର୍ ସାସ୍ବରତ ଇନାକା ଇନ୍ୟାତାତ୍ନା, ହେଦାଂ ଇନେସ୍ ମି କାଜିଂ ଗିଟାମେଡ୍,

୪୧ “ଏ ମାନକିଞ୍ଜି ଲଗ୍,

ଏପେଙ୍ଗ୍ ହୁଡ଼ଜି, ଆରେ କାବା ଆଜି ନସ୍ବୁ ଆତୁ;

ଲାଗିଂ ଆନ୍ ମି ଞ୍ଜେଡ଼ାଲିଂ ର କାମାୟ୍ ପୁରା କିତାଂନା,

ଜଦି ଇନେର୍ ହେ କାମାୟ୍ ମି ତାକେ ହାୟାୟ୍ କିତିସ୍,

ଞ୍ଜାଟିଙ୍ଗ୍ ଏପେଙ୍ଗ୍ ମୁଡ଼କେ ହେଦେଲିଂ ପାତ୍ କିମାଟ୍ ।”

୪୨ ପାଉଲ୍ ଆରି ବର୍ଣ୍ଣବା ହସି ହାନି ଞ୍ଜେଡ଼ାଲିଂ, ଇନେସ୍ ଆକାତ୍ ଜମ୍ନିବାର୍ତ ହେ ସବୁ ବଚନ୍ ହେଞ୍ଜାରିଂ ଇନ୍ୟାନାତ୍ ? ଇଦାଂ କାଜିଂ ହେଞ୍ଜାର୍ ଗଞ୍ଜାରି କିଦେଙ୍ଗ୍ ଲାଗାତାର୍ । ୪୩ ମିଟିଂ ଇଲ୍ ଓଡୁତି ପାଚେ ଜିହୁଦି ଆରି ଜିହୁଦି ମାଡ଼ଣିୟାର୍ ପାତ୍ କିଞ୍ଜି ଜିହୁଦିର୍ ବିତ୍ରେ ବେସି ପାଉଲ୍ ଆରି ବର୍ଣ୍ଣବାତି ପାଚେ ପାଚେ ହାଚାର୍, ହେଞ୍ଜାର୍ ପଦ୍ୟାତାକାରିଂ ହୁକେ କାତାବାର୍ତା କିଜି ଇସ୍ବରତି ଦୟାତ ତିର୍ ଆଜି ମାଞ୍ଜେଙ୍ଗ୍ ହେଞ୍ଜାରିଂ ରାଜି କିକିତାର୍ ।

୪୪ ଆରେ, ଆକାତ୍ ଜମ୍ନିବାର୍ତ ଓଡ଼ାକାର୍ ଗାଡ଼ନି ଲକୁ ମାପୁତି ବଚନ୍ ଞ୍ଜେଞ୍ଜେଙ୍ଗ୍ କାଜିଂ ରୁଣ୍ଡା ଆତାର୍ । ୪୫ ମାତର୍ ଜିହୁଦିର୍ ମାନାୟାରିଂ ହୁଡ଼ଜି ରିସାତ ବାତ୍ ଆତାର୍, ଆରେ ନିୟା କିଠ କିଠ ପାଉଲ୍ତି କାତାତ ଆଡୁଙ୍ଗ୍ ଆଦେଂ ଲାଗାତାର୍ । ୪୬ ହେବେଣ୍ଡାଂ ପାଉଲ୍ ଆରି ବର୍ଣ୍ଣବା ସାସ୍ବତାଂ ଇଚାର୍, ଆଗେ ମି ଲାଗେ ଇସ୍ବରତି ବଚନ୍ ଇନାକା ମାତାତ୍; ଏପେଙ୍ଗ୍ ହେଦାଂ ମୁନାକିଜି ଜାର୍ ଜାର୍ତିଂ ଓଡ଼ଞ୍ଜି ଜିବୁନ୍ନି ଆଚ୍କାଡ଼ ଇଞ୍ଜି ବିଚାର୍ କିଜି ମାଟିଲେ, ହୁଡ଼ାଟ୍, ଆପେଂ ପାତ୍ କିଞ୍ଜି ଜିହୁଦି ତାକେ ହାନାପା, ୪୭ ଇନାକିଦେଂକି ମାପୁ ମାଂ ଇ ବାନି ବଲ୍ ହିଡ଼ାଣ୍ଡା,

“ଆପେଂ ପାତ୍ କିଞ୍ଜି ଜିହୁଦି ଅଜଡ଼ ଲାକେ ମିଙ୍ଗ୍ ରଚ୍ଚାତାପନ୍ନା,

ଇନେସ୍ ଏପେଙ୍ଗ୍ ପୁତ୍ ନି ହାଦି ପାଚେକ୍ ମୁକ୍ତିନି ଲାକେ ଆନାଦେର୍ ।”

☆ ୧୩:୨୮ ୧୩:୨୮ ମାଡ଼ିଉ ୨୭:୨୨,୨୩; ମାର୍କ ୧୫:୧୩,୧୪; ଲୁକ ୨୩:୨୧-୨୩; ଜହନ୍ ୧୯:୧୫. ☆ ୧୩:୨୯ ୧୩:୨୯ ମାଡ଼ିଉ ୨୭:୫୭-୬୧; ମାର୍କ ୧୫:୪୨-୪୭; ଲୁକ ୨୩:୫୦-୫୬; ଜହନ୍ ୧୯:୩୮-୪୨. ☆ ୧୩:୩୧ ୧୩:୩୧ ପଦ୍ୟାତାକା ୧:୩.

୪୮ ପାତକିଞ୍ଚି ଜିହୁଦିର୍ ଇଦାଂ ଖେନଞ୍ଚି ଖାରୟା ଆତାର୍; ଆରେ, ମାପୁତି ବଚନି ଜାଜମାଲ୍ କିଦେଙ୍ଗ ଲାଗାତାର୍, ଆରେ ଏଚେକ୍ ମାନାୟ୍ ଖିଜଞ୍ଚି ଜିହୁଦିନି କାଜିଂ ବାଚିକିୟା ଆଜି ମାଚାଦେର୍, ହେଞ୍ଚାର୍ ପାତକିଞ୍ଚି କିତାର୍,

୪୯ ଆରେ ଖିଜୁ ନିପ ମାପୁତି ବଚନି ମେଙ୍ଗି ହାତାତ୍ । ୫୦ ମାତର୍ ଜିହୁଦି ଦରମ୍ ପାତକିଞ୍ଚି ଜିହୁଦିର୍ ଗାଜା କଗଲେକାଂ ଆରି ଗାଡ଼ନି ମୁଡ଼ଦି ମୁଡ଼ଦି ମୁଣିକାରିଂ ଜିହୁଦିର୍ ଚେଗାୟ୍ କିତାର୍, ଆରେ ପାଉଲ୍ ଆରି ବର୍ଣ୍ଣବାତି ଜପି ନିନ୍ଦା ଗିଟାୟ୍ କିଜି ଜାର୍ ହାୟିତାଂ ହେଞ୍ଚାରିଂ ହପ୍ତି ତୁହିତାର୍ । ୫୧ *ହେବେଶ୍ଟାଂ ପକ୍ୟାତାକାର୍ ଜାର୍ ଜାର୍ ପାନାନି ଦୁଡ଼ି ହେଞ୍ଚାର୍ ବିରୁଦ୍ଧତ ଡାଡ଼ତି ଇକନିୟତ ହାଚାର୍, ୫୨ ଆରେ ଆକ୍ରିକିୟ ଚେଲାର୍ ଖାରିତ ଆରି ପୁଇପୁୟା ଜିହୁଦି ବାତ ଆଦେଂ ଲାଗାତାର୍ ।

୧୪

ଇକନିୟତ ହେବାକାମାୟ୍

୧ ଇକନିୟତ ପା ହେ ଲାକେ ଗିଟାତାତ୍; ପାଉଲ୍ ଆରି ବର୍ଣ୍ଣବା ଜିହୁଦିର୍ ପାତାନା ଇଞ୍ଚି ହଶ୍ଚି ଏଲେଙ୍ଗ ପରଚାର୍ କିତାର୍ ଜେ, ଜିହୁଦି ଆରି ଗ୍ରିକତି ବିତ୍ରେ ବେସି ଲକୁ ପାତକିଞ୍ଚି କିତାର୍ । ୨ ମାତର୍ ଇମ୍ମାଣି ଜିହୁଦିର୍ ପାତକିଞ୍ଚି କିତାର୍, ପକ୍ୟାତାକାର୍ ପାତକିଞ୍ଚି ଜିହୁଦି ଖାସ୍ତିତଂ ଟିଉଲ୍ମାୟ୍ କିଜି ଚଣ୍ଡାର୍ ବିରୁଦ୍ଧତ ବାନ୍ୟା ବାନ୍ୟା ହପ୍ତି ହିତାର୍ । ୩ ପାଉଲ୍ ଆରି ବର୍ଣ୍ଣବା ବେସି ଦିନ୍ ପାତେକ୍ ହେ ବାହାତ ମାନଞ୍ଚି ମାପୁତି ଜପି ବାସକିଞ୍ଚି ସାସ୍ତାଂ ପରଚାର୍ କିତାର୍; ଆରେ, ହେଞ୍ଚାର୍ତି କେଇ ହୁଦାଂ ବାର୍ବିନ୍ ଚିନ୍କୁ ଆରି କାବାନି କାମାୟ୍ କିଜି ଜାର୍ ଦୟାନି ବଚନି ପାକ୍ୟାତ ସାକି ହିତାର୍ । ୪ ମାତର୍ ଗାଡ଼ନି ଲକୁ ରିବାଗ୍ ଆତାର୍, ହେଞ୍ଚାର୍ ବିତ୍ରେତାଂ କେଡ଼ଜାଣ୍ ଜିହୁଦିରିଂ ଆରି କେତେକ୍ ପକ୍ୟାତାକାର୍ରିଂ ବାଚି କିତାର୍ ।

୫ ଏଚେକାଡ଼ଦ୍ ପାତକିଞ୍ଚି ଜିହୁଦିର୍ ଆରି ଜିହୁଦିର୍ ହେଞ୍ଚାର୍ତି ମୁଣିକା ହୁଦାଂ ହେଞ୍ଚାତ ଉଡ଼ପାଡ଼ କିଦେଙ୍ଗ ଆରି କାଲକୁ ଇଡ଼ଦେଂ ଚିର୍ କିତାର୍, ୬ ହେ ଏଚେକାଡ଼ଦ୍ ପକ୍ୟାତାକାର୍ ହେଦାଂ ପୁଞ୍ଚି ଲୁକାୟନିଆନି ଲୁସ୍ତା ଆରି ଦବ ଗାଡ଼, ଆରେ ଚାରିବେଶ୍ଚି ନିପ ହନ୍ତି ହାଚାର୍, ୭ ଆରେ ହେଞ୍ଚାର୍ ନେକ୍ରିକାରୁର୍ ସୁଣାୟ୍ କିଦେଙ୍ଗ ଲାଗାତାର୍ ।

ଲୁସ୍ତା ଆରି ଦବ ଗାଡ଼ ପାଉଲ୍ ଆରି ବର୍ଣ୍ଣବା

୮ ଲୁସ୍ତାତ ରଞ୍ଚାନ୍ ମାନାୟ୍ ମାଚାନ୍, ହେଞ୍ଚାକ୍ରି ପାନା ବେମାର୍, ହେଞ୍ଚାନ୍ ଆୟା ପଟତାଂ ଚଟା, ଆରେ ହେଞ୍ଚାନ୍ ଇନାଞ୍ଚାଡ଼ାଂ ତାଞ୍ଚାଦାଂ ମାଚାନ୍ । ୯ ହେ ମାନାୟ୍ ପାଉଲ୍ତି ପରଚାର୍ ଖେନଞ୍ଚି ମାଚାନ୍ । ପାଉଲ୍ ତାଙ୍ଗ୍ ମିଚ୍‌କିଞ୍ଚାଦାଂ ହୁଡ଼ଜି ଉଜ୍ ଆନି କାଜିଂ ତା ପାତକିଞ୍ଚି ମାଚିଲେ ହୁଡ଼ଜି ଗାଜା କାଟତାଂ ଇଚାନ୍ । ୧୦ ପାଉଲ୍ ଗାଜାକାଟତାଂ ଇଚାନ୍ “ପାନାତ ବଜ୍ ହିଜି ହାଣ୍କୁ ଆଜି ନିଲା ।” ହେବେ ହେଞ୍ଚାନ୍ ଚାର୍ବେଶ୍ଚାଂ ତାଦେଂ ଲାଗାତାନ୍ । ୧୧ ପାଉଲ୍ ଇନାକା କିତାନ୍ନା, ଲକୁର୍ ହେଦାଂ ହୁଡ଼ଜି ଲୁକାୟନିଆ ବାସାତ ଗାଜାକାଟତ ଇଞ୍ଚେଙ୍ଗ ଲାଗାତାନ୍, “ପେନ୍କୁ ମାନାୟ୍ ଲାକେ ମା ବିତ୍ରେତାଂ ଜୁଜି ଖାତାନ୍ନା ।” ୧୨ ହେଞ୍ଚାର୍ ବର୍ଣ୍ଣବାତିଂ ଜିଅସ୍ ନଲେ ପେନ୍କୁ ଆରି ପାଉଲ୍ ମୁଡ଼ଦାକାନ୍ ମାଚିଲେ ହେଞ୍ଚାନିଂ ହେରମିସ୍ ନଲେ ବାଗ୍ ପେନ୍ ଇଞ୍ଚି ଇଚାର୍ । ୧୩ ଗାଡ଼ ମୁମ୍ଦ ମାନି ଜିଅସ୍ ମନ୍ଦିରତ ମାପୁହେବାକିନାକାନ୍ କେତେକ୍ ସଶ୍ଚ୍ ଆରି ପୁଇମାଡ଼ ନି ଦୁଖେର୍ ଲାଗେ ତାହି ଖାଜି ପକ୍ୟାତାକାର୍ ହୁଦାଂ ପୁଜା ହିଦେଂ ମାନ୍ କିଜି ମାଚାର୍ ।

୧୪ ମାତର୍ ପକ୍ୟାତାକାର୍, ଇଚିସ୍ ବର୍ଣ୍ଣବା ଆରି ପାଉଲ୍ ଇଦାଂ ଖେନଞ୍ଚି ଜାର୍ ଜାର୍ତି ହେହ୍ କେଚ୍ଚି ଲକୁ ବିତ୍ରେ ବେଗି ହଞ୍ଚିହାଲ୍ଜି ଗାଜାକାଟତାଂ ଇଞ୍ଚେଙ୍ଗ ଲାଗାତାର୍; ୧୫ “ଏ ଗାଜାକାଦେର୍, ଇନାକିଦେଂ ଇ ଖିଜୁ କିନାଦେରା ? ଆପେଂ ପା ମି ଲାକେ ମାନାୟ୍‌କାପ୍, ମି ଲାଗାଂ ଇ ନେକ୍ରିକାରୁର୍ ପରଚାର୍ କିତାପ୍, ଇନେସ୍ ଏପେଙ୍ଗ ଇ ସବୁ ଆହାର୍ ଆଡ଼ଫାଡ଼ତାଂ ମାସଦି ଜିଜି ମାନାକା ଇସ୍ପୁଡ଼ି କାଜିଂ ମାସଦାନାର୍ । ହେଞ୍ଚାନ୍ ବାଦାଡ଼ତ ସବୁ, ପୁତ, ହାମ୍‌ଦୁର୍ ଆରି ହେ ସବୁତ ମାନି ଖିଜୁ ଉବ୍‌ଜାଣ୍ କିତାନ୍ନା; ୧୬ ହେଞ୍ଚାନ୍ ଆଗେତାଂ ଆଶ୍ଟାଂ ଦାରାମେରା ଖିଜୁ ଜାତିନି ଲଗାଂ ଜାର୍ ଜାର୍ ହାସ୍ଦ ତାଦେଂ ପିସ୍ତି ହିଜି ମାଚାନ୍ । ୧୭ ଆତିସ୍‌ପା ହେଞ୍ଚାନ୍ ଜାର୍ତିଂ ସାକି ହିଲ୍‌ଖି କାଜିଂ ଇଚ୍‌ଖାତାନ୍ନା, ଇନାକିଦେଂ ହେଞ୍ଚାନ୍ ହାର୍ କିଡ଼ତାନ୍ନା, ଆରେ ଆକାସ୍ତାଂ ବାହା ଆରି ପାଡ଼ହିନି କାଡ଼ ହିଜି ଇଚ୍‌କାଡ଼ ଆରି ଖାରିତାଂ ମିଙ୍ଗେଙ୍ଗ ମାଡ଼ ସାରି କିଡ଼ତାନ୍ନା ।” ୧୮ ଇ ସବୁ କାତା ଇଞ୍ଚି ହେଞ୍ଚାର୍ ବେସି କସ୍ତ ହେଞ୍ଚାର୍ କାଜିଂ ପୁଜା କିତିଲେ ଲକୁରିଂ ଚିମ୍‌ରା କିତାନ୍ ।

୧୯ ମାତର୍ ଆକ୍ରିୟକିଆ ଆରି ଇକନିୟତାଂ ହେବେ ଜିହୁଦିର୍ ଖାଜି ଲକୁରିଂ ବୁଜାୟ୍ କିତାର୍, ଆରେ ପାଉଲ୍ତିଂ କାଲକୁ ଇଡ଼ଜି ହେଞ୍ଚାନ୍ ହାତାନ୍ନା ଇଞ୍ଚି ବାବି କିଜି ବାଚି ଜେଲ୍‌ଜି ଅତାର୍ । ୨୦ ମାତର୍ ଚେଲାର୍ ହେଞ୍ଚାନିଂ ଚାର୍ବେଶ୍ଚାଂ ନିଲ୍‌ତିଲେ ହେଞ୍ଚାନ୍ ନିଂଜି ଗାଡ଼ଦ୍ ହଚାନ୍ । ଆକାଡ଼ ନାଜିଂ ବର୍ଣ୍ଣବାତି ହୁଦାଂ ଦବ ଗାଡ଼ ହସି ହାଚାର୍ ।

ସିରିଆନି ଆକ୍ରିୟକିଆତ ମାସ୍‌ଦି ଖାନାକା

୨୧ ପାଉଲ୍ ଆରି ବର୍ଣ୍ଣବା ହେ ଦବ ଗାଡ଼ ନେକ୍ରିକାରୁର୍ ସୁଣାୟ୍ କିଜି ଆରି ହେନିରିଂ ଚେଲା ଆତାକା ପାଚେ ଲୁସ୍ତା, ଇକନିୟ ଆରି ଆକ୍ରିୟକିଆତ ମାସ୍‌ଦି ଖାତାର୍, ୨୨ ଆରେ, ହେ ବାହାକାଂ ଚେଲାର୍‌ତି ଖାସ୍ତିତଂ ସୁସ୍ତା କିତାର୍ ଆରି ପାତକିଞ୍ଚି ତାଟ୍ ମାନି କାଜିଂ ହେଞ୍ଚାରିଂ ଖାରିକିୟ କିଜି ଇଚାର୍, ବେସି ଦୁକ୍ କସ୍ ପା ହିଜି ମାଂ “ଇସ୍ପୁଡ଼ି ରାଜିତ ହଶ୍ଚେଙ୍ଗ୍ ଆନାଡ଼ ।” ୨୩ ଆରେ,

* ୧୩:୫୧ ୧୩:୫୧ ମାତିଉ ୧୦:୧୪; ମାର୍କ ୬:୧୧; ଲୁକ ୯:୫; ୧୦:୧୧.

ହେୱାର ହେୱାର କାଜିଂ ଜାଣକେ ମଣ୍ଡଲିତ ପ୍ରାଚିନାରିଂ ବାଚି କିଜି ଉପାସ ହୁଦାଂ ପାର୍ତ୍ତନା କିତାର୍, ଆରେ ଇମ୍ଣି ମାପୁ ତାକେ ହେୱାର ପାତଂ କିଜି ମାଚାର୍, ହେୱାନ୍ତି କେଇଦ ହେୱାରିଂ ହେଲ୍ଲାୟ କିତାର୍ ।

୨୪ ପାଚେ ହେୱାର ପିସିଦିଆ ନିପ ହିଜି ପଂପୁଲିଆତ ୱାତାର୍, ୨୫ ଆରେ ପଗଂ ତ ବଚନ୍ ପରଚାର୍ କିଜି ଆତାଲିଆତ ହାଚାର୍ । ୨୬ ହେବେତାଂ ଜାଜତ ଦୁମ୍ଫଜି ହେୱାର ଆନ୍ତିୟକିଆତ ମାସଦି ୱାତାର୍, ହେୱାର ଇମ୍ଣି କାମାୟ କିଜି ମାଚାର୍, ହେଦାଂ କିନି କାଜିଂ ଇସ୍ଵରତି ଦୟାତ ହେଲ୍ଲାୟ କିୟା ଆଜି ହେ ବାହାତାଂ ହସି ମାଚାର୍ ।

୨୭ ହେୱାର ଆନ୍ତିକିଆତ ଏକିସ୍ ମଣ୍ଡଲିନି ମାନାୟାରିଂ ରବେ କିତାର୍, ଇସ୍ଵର ହେୱାର କାଜିଂ ଇନାକା ସବୁ କିଜି ମାଚାତ୍ ଆରି ପାତଂ କିଞ୍ଜି ଜିହୁଦିର୍ କାଜିଂ ପାତଂ ନି ଦୁଞ୍ଜେର ଇନେସ୍ ଜେସି ମାଚାର୍ ହେ ସବୁ ହେୱେକାଂ ୱେଚ୍ଚାର୍ । ୨୮ ଆରେ, ହେୱାର ତେଲାର୍ ହୁଦାଂ ବେସି ଦିନ୍ ପାଚେକ୍ ମାଚାର୍ ।

୧୫

ଜିରୁସାଲମ୍ ମଣ୍ଡଲିତ ସେବା

୧ ଇଦାଂ ବିତ୍ରେ ଏଚେକ୍ ଲକୁ ଜିହୁଦା ରାଜିତାଂ ୱାଜି ପାତଂ କିନି ଟଣ୍ଡାର୍ରିଂ ଇ ହିକ୍ୟା ହିଦେଂ ଲାଗାତାର୍, “ମସାତି ବିଦି ଇସାପ୍ରେ ଏପେକ୍ ସୁନ୍ନତ୍ ଆଞ୍ଜିତିସ୍ ରାକ୍ୟା ପାୟାଦେଂ ଆତୁଦେର୍ ।” ୨ ଇବେ ପାଉଲ୍ ଆରି ବର୍ଣ୍ଣବାତି ହେୱାର ହୁକେ ବେସି ଜିକାଟାଣା ଆରି କାତାତ ଜିକାଜିକି ଆତିଲେ ଟଣ୍ଡାର୍ ପାଉଲ୍ ବର୍ଣ୍ଣବଦା ଆରି ଜାର୍ ବିତ୍ରେ ଆରେ ଏଚେଜାଣ୍ ଇ ପରସନ୍ ଅଜି ଜିରୁସାଲମ୍ ପଦ୍ୟାତାକାର୍ ଆରି ପ୍ରାଚିନାର୍ ଲାଗେ ହାଲେର୍ ଇଞ୍ଜି ତିର୍ କିତାର୍ ।

୩ ଲାଗିଂ, ମଣ୍ଡଲି ହେୱାରିଂ ହାଜି ଚଚ୍ଚି ହେଲ ହିତି ପାଚେ ହେୱାର ପୈନିକିଆ ଆରି ସମିରଣ୍ ହିଜି ହାଲୁ ହାଲୁ ପାତଂ କିଞ୍ଜି ଜିହୁଦିର୍ ମାନବାଦଲ୍ଲାୟ ବିସ୍ଵେ ହାନ୍ଦାୟ କିଜି ୱିଜାର୍ ଟଣ୍ଡାର୍ତି ବେସି ୱାରିହପ୍ତାର୍ । ୪ ପାଚେ ହେୱାର ଜିରୁସାଲମ୍ ଇକିସ୍ ମଣ୍ଡଲି, ଆରେ ପଦ୍ୟାତାକାର୍ ଆରି ପ୍ରାଚିନାର୍ ହୁଦାଂ ବାନ୍ଦାୟ ପାୟାତାର୍, ଆରେ ଇସ୍ଵର ହେୱାର ଲାହାକ୍ ମାନ୍ଞି ଇନେସ୍ ୱିଜୁ କାମାୟ କିଜି ମାଚାନ୍, ହେ ସବୁ ହାନ୍ଦାୟ କିତାର୍ । ୫ ମାତର୍ ପାରୁସି କୁଦାନି କେତେକ୍ ଜାଣ୍ ପାତଂ ନିକାର୍ ନିଂଜି ଇଚାର୍, “ପାତଂ କିଞ୍ଜି ଜିହୁଦିର୍ ତେଲାର୍ ସୁନ୍ନତ୍ କିନାସ୍ ଆରି ମସାତି ବିଦି ମାନି କିଦେକ୍ କାଜିଂ ହେୱାରିଂ ବଲ୍ ହିନାକା ଲଡା ।”

୬ ପାଚେ ଇ ବିସ୍ଵେ କାତାବାର୍ତ୍ତା କିନି କାଜିଂ ପଦ୍ୟାତାକାର୍ ଆରି ପ୍ରାଚିନାର୍ ରୁଣ୍ଡା ଆତାର୍ । ୭ *ବେସି କାତାବାର୍ତ୍ତା ଆତି ପାଚେ ପିତର୍ ନିଂଜି ହେୱାରିଂ ଇଚାନ୍, “ଏ ଟଣ୍ଡାର୍, ତଣ୍ଡେକ୍ ଏପେକ୍ ପୁଚାଦେର୍ଣ୍ଣା ଜେ, ନା ୱେଇ ହୁଦାଂ ପାତଂ କିଞ୍ଜି ଜିହୁଦିର୍ ଇନେସ୍ ନେକ୍ଟିକାରୁର୍ ୱେନ୍ଞି ପାତଂ କିତାର୍, ଇଦାଂ କାଜିଂ ବେସି ଦିନ୍ ଆଗେ ଇସ୍ଵର ବିତ୍ରେତାଂ ନାକ୍ ବାଚି କିଡ଼ତାନନା । ୮ *଱୍ଵାସ୍ମି ପୁନି ଇସ୍ଵର ମାଂ ଇନେସ୍ ପୁଇପୁୟା ଜିରୁନ୍ ହିଡ଼ତାନ୍ନା, ପାତଂ କିଞ୍ଜି ଜିହୁଦିର୍ ପା ହେ ଲାକେ ହିଜି ହେୱାର ପାକ୍ୟାତ ସାକି ହିନାନା । ୯ ଆରେ, ହେୱାନ୍ ମାଂ ଆରି ହେୱାର ବିତ୍ରେ ଇନାକାପା ବିନ୍ ତାରେନ୍ ଇଚ୍଱ାଦାଂ ପାତଂ ହୁକେ ହେୱାର ମାନ୍ତ ସକଚ୍ କିତାନ୍ନା । ୧୦ ଲାଗିଂ ଇମ୍ଣି ଜୁ଱୍ଵାଶ୍ଚ ମାଂ ଆବା ଲାତ୍ରା ଆରି ଆସେକ୍ ପିଣ୍ଡେଂ ସାକ୍ତି ହିଲୁଡ଼, ହେ ଜୁ଱୍ଵାଶ୍ଚ ତେଲାର୍ ନିପିତ ହିଜି ଇନାକିଦେଂ ଏପେକ୍ ଇସ୍ଵରତିଂ ପରିକ୍ୟା କିନାଦେରା ? ୧୧ ଆକାୟ ଇଦାଂ ସମାନ୍ ଆକାୟ ହେୱାର ଇନେସ୍ ପାତଂ କିଜି ରାକ୍ୟା ଆତାଣ୍ଣା, ଆପେଂ ପା ସମାନ୍ ହେ ଲାକେ ପାତଂ କିଜି ମାପୁ ଜିସୁତି ଉପକାର୍ ଦୟା ପାୟାତାପନା ।”

୧୨ ଇବେ ସବାନିକାର୍ ଚିମ୍ପା ଆତାର୍, ଆରେ ବର୍ଣ୍ଣବା ଆରି ପାଉଲ୍ ହୁଦାଂ ପାତଂ କିଞ୍ଜି ଜିହୁଦିର୍ ବିତ୍ରେ ଇସ୍ଵର ଇନେସ୍ ୱିଜୁ ଚିନ୍କୁ ଆରି କାବାନି କାମାୟ କିଜି ମାଚାନ୍, ହେୱାର ତାକ୍ ହେବେନି ବିସ୍ଵେ ୱେଞ୍ଜେକ୍ ଲାଗାତାର୍ । ୧୩ ହେୱାର କାତା ୱିସ୍ତି ପାଚେ ଜାକୁବ୍ ଉତର୍ ହିଜି ଇଚାନ୍, “ଏ ଟଣ୍ଡାର୍, ଆରି ତଣ୍ଡେକ୍ ନା କାତା ୱେନାଚ୍ । ୧୪ ଇସ୍ଵର ଜାର୍ ତର୍ କାଜିଂ ପାତଂ କିଞ୍ଜି ଜିହୁଦିର୍ ବିତ୍ରେତାଂ କୁଦା ମାନାୟ ଇଚ୍ଚେଂ ଇଞ୍ଜି ଇନେସ୍ ପର୍ତ୍ତମ୍ ହେୱାର କାଜିଂ ଦୟା ହୁଡ଼ଜି ମାଚାନ୍, ହେଦାଂ ସିମନ୍ ବୁଜାୟ କିତାନ୍ନା । ୧୫ ଆରେ, ବେଶ୍‌ବାକ୍‌ଶାୟକିନାକାର୍ ବଚନ୍ ଇଦାଂ ସବୁ ପୁରା ବାବ୍ରେ ମେହା ଆନାତା, ଇନେସ୍ ସାସ୍ଵରତି ଲେକାମାନାଡ଼,

୧୬ ‘ମାପୁ ଇନାନ୍’

ଇଦାଂ ପାଚେ ଆନ୍ ମାସଦି ୱାନାକ୍ ଆରି ଦାଉଦ୍ତି ମୁନ୍ତି ଇଲ୍ ଆରେ ରଚ୍ଚନାକ୍,

ଆନ୍ ତାଦାଂ ଦୁଡ଼ି ମାସତାକା ସବୁ

ଆରେ ରଚ୍ଚି ହେଦାଂ ଆରେ ରଗ ସାକ୍ତି କିନାକ୍ ।

୧୭ ସବୁ ମାନାୟ ଜାତି ନା ଲାଗାୟ ପାର୍ତ୍ତନା କିଦେକ୍ ୱାନାର୍, ଇମ୍ଣି ପାତଂ କିଞ୍ଜି ଜିହୁଦି ମା ତର୍ଦ ଦାକ୍‌ପୁଟା ହେୱାର ମାପୁକ୍ ତେକ୍ନାର୍,

ସବୁ ସାଦିନ୍ କାରୟା ମାପୁ ଇଦାଂ ଇନାନ୍ ।

୧୮ ପୁନି ସମୁତାଂ ଇସ୍ଵର ଜାର୍ ୱିଜୁ କାମାୟ ୱେଚ୍ଚାତାନ୍ନା ।”

☆ ୧୫:୭ ୧୫:୭ ପଦ୍ୟାତାକା ୧୦:୧-୪୩. ☆ ୧୫:୮ ୧୫:୮ ପଦ୍ୟାତାକା ୧୦:୪୪; ୨:୪.

୧୯ ଲାଗି, “ନା ବିଚାର ଇଦା,” ପାତ୍ର କିଞ୍ଚି ଜିହୁଦିର୍ ବିତ୍ରେ ଇମ୍ନାକାର ଇସ୍ବର ନିପ ମାସ୍ଦାନାର, ହେଞ୍ଜାରି ଆପ୍ କସ୍ ହିଉପ୍, ୨୦ ମତର୍ ପୁଡ଼ାକା ପୁଜାକିନାକା ବିସ୍ତେ ବିଚାଡ଼, ଲକାର ଦାରି, ଆତାକା ହୁଦା ହାତି ପାରାଣିକ୍ ଆରି ନେତେରତା ବିନେ ମାନି କାଜି ଆପ୍ ହେଞ୍ଜାରି ଲେକି କିନାପ୍ । ୨୧ ଇନାକିଦେକି ପୁନି କାଡ଼ଦା ସବୁ ଗାଡ଼ଦ ମସାତି ବିଦି ସୁଶାୟ କିଦେକ୍ ମାନାର, ଲାଗି ପାତି ଜମ୍ନିବାରତ ପାର୍ତାନା ଇଲ୍ ଓଜୁ ହେଞ୍ଜାରି ବିଦି ପାଟ୍ ସୁଶାୟ କିୟାନାତା ।

ପାତ୍ର କିନାତ ଜିହୁଦିର୍ ଲାଗେ ଆକି

୨୨ ହେପାଦନା ପଦ୍ୟାତାକାର ଆରି ପ୍ରାଚିନାର ଓଜାର ମଣ୍ଡଲି ହୁଦା ଜାରତି ବିତ୍ରେ ମାନାୟାର, ଇତିସ୍ ଟଣ୍ଡାର ବିତ୍ରେ ଆଦିକ୍ ବର୍ସବା ତରଦ ଡାକ୍ପୁଟ ଜିହୁଦା ଆରି ସିଲାତି ବାତି କିଜି ପାଉଲ୍ ଆରି ବର୍ଣ୍ଣବା ଲାହାକ୍ ଆନ୍ତିୟକିଆତ ପକ୍ତେ ବାତି କିତାର, ୨୩ ଆରେ, ପାତ୍ର କିନାକାରି ହେଞ୍ଜାରିତ କେଇଦ ଇଦା ଲେକି କିଜି ପକ୍ତାର ।

“ଆନ୍ତିୟକିଆ, ପାତ୍ର କିନାର ସିରିୟା ଆରି କିଲିକିୟାନି ପାତ୍ର କିଞ୍ଚି ଜିହୁଦି ଟଣ୍ଡାରି ପଦ୍ୟାତାକାର ଆରି ପ୍ରାଚିନ ଟଣ୍ଡାରି ଜଞ୍ଜାର । ୨୪ ଆପେ ଖେରାପନ୍ନା ଜେ, ଆପେ ଇମ୍ନା ମାନାୟାର ଇମ୍ନାକା ପା ବଲ୍ ହିଉପେ, ମା ବିତ୍ରେ ଇବାନି ଏଚେକ୍ ଲଗୁ କାତା ହୁଦା ମି ଖାସ୍ତିତି ତିର୍ କିଞ୍ଜାଦା ମିକ୍ କସ୍ କିଡ଼ତାଣ୍ଡା; ୨୫ ଲାଗି ଆସେକ୍ ଓଜାୟ ରବେ ଆଜି କେଡ଼ ଜାଣ୍ କାରୁର ଅନାକାରି ବାତି କିଜି ମି ତାକେ ପକ୍ତନି କାଜି ତିର୍ କିନାପା । ହେଞ୍ଜାର ମା ଖାରିନି ହାକ୍ଞାରି ବର୍ଣ୍ଣବା ଆରି ପାଉଲ୍ତି ଲାହା ହାନାର । ୨୬ ଇ ଟଣ୍ଡାର ମାପୁ ଜିସୁ କ୍ରିସ୍ତୁତି ହେବାତ ଜାର ଜିବୁନତି ବିପଦ୍ କିତାଣ୍ଡା । ୨୭ ଲାଗି ଆପେ ଜିହୁଦା ଆରି ସିଲାତି ମି ତାକେ ପକ୍ତନାପା । ଆପେ ଇନାକା ଲେକିକିତାପନା ହେଦା, ହେଞ୍ଜାର ହାର ବାବେ ହେଦା ମିକ୍ତେକ୍ ଖେଟଚାନାର । ୨୮ ଇନାକିଦେକି ପୁଡ଼ା ଲାଗେ ପୁଜାକିତି ଆକାଡ଼, ନେତେର, ନେଞ୍ଜି ହୁଦା ହାତି ପାରାଣିତି ଜେ ଆରି ଲକାର ଦାରିତା ବିନେ ମାନାକା, ଇ ଏଚେକ୍ ଲଡ଼ାନି ବିସ୍ତେ ପିସ୍ତି ମି ଜପି ଆରେ ଆଦିକ୍ ବଲ୍ ହିଦ୍ଞାଦା ପୁଇପୁୟା ଜିବୁନ୍ ଆରି ମା ନଜରତ ବେସି ଇଚା ଆତାଡ଼, ୨୯ ହେ ଏଚେଗଟା ନିୟମ୍ ଆତାଡ଼ ପୁଡ଼ାକା ଉଦେସ୍ ତା ପୁଜାକିତି ଇମ୍ନାକା କାଦି ତିନୁଦେର, ନେତେର ଉଣ୍ଡୁଦେର, ଗାଡେଲ୍ ଡିପ୍ତି ଇମ୍ନା ଜିବୁନିକା ଜେଇ ତିନୁଦେର ଆରି ଦାରିତା ଦେହା ମାନାର । ଇ ସବୁ କାମାୟ କିଞ୍ଜାଦାକ୍ ଜାଗ୍ରତ୍ ମାଟିସ୍, ମିଦାକ୍ ହାରା ଆନାଡ଼ । ମା ବାୟାୟ ଇଚାଟ୍ ।”

୩୦ ହେବେ କାରୁର ହିନାକାର ହେଲଖେୟ ଆଜି ଆନ୍ତିୟକିଆତ ଖାତାର, ଆରେ ଚେଲାରି ରୁଣ୍ଡାୟ କିଜି ଚିଟି ହିତାର । ୩୧ ହେଞ୍ଜାର ହେଦା ପତି କିଜି ଦୁକ୍ସାରାୟ ଗାଟାଜି ଖାରୟା ଆତାର । ୩୨ ଆରେ, ଜିହୁଦା ଆରି ସିଲା ନିଜ୍ ନିଜ୍ ପା ବେଣ୍ଡାକଣାୟକିନାକାର ମାଟିଲେ ଆଦେକ୍ କାତା ହୁଦା ଟଣ୍ଡାରି ଖାରିକିୟ କିଜି ହେଞ୍ଜାରି ସୁସ୍ତା କିତାର । ୩୩ ଆରେ, ହେଞ୍ଜାର ହେବେ ଏଚେକ୍ ଦିନ୍ ମାଟି ପାଚେ ହେଞ୍ଜାର ପକ୍ତି ମାଟି ଲକୁ ଲାଗାୟ ମାସ୍ଦି ହାଞ୍ଜେକ୍ ପାତ୍ର କିନି ଟଣ୍ଡାରତା ସୁସ୍ତାତ ହେଲ ଅତାର, ୩୪ ମାତର୍ ସିଲା ହେବେ ମାଞ୍ଜେକ୍ ହାର ବାବି କିତାନ ।

୩୫ ପାଉଲ୍ ଆରି ବର୍ଣ୍ଣବା ଆନ୍ତିୟକିଆତ ମାନଞ୍ଜି ଆରେ ବିନ୍ ବିନ୍ ଆଦେକ୍ ଲକୁ ଲାହାକ୍ ପା ମାପୁତି କାତା ହିକ୍ୟା ହିଜି ନେକ୍ରିକାରୁର ସୁଶାୟ କିଦେକ୍ ଲାଗାତାର ।

ପାଉଲ୍ ଆରି ବର୍ଣ୍ଣବାତି ବିତ୍ରେ ବିନେ

୩୬ କେତେକ୍ ଦିନ୍ ପାଚେ ପାଉଲ୍ ବର୍ଣ୍ଣବାକ୍ ଇଚାନ, ଆସେକ୍ ଇମ୍ନା ସବୁ ଗାଡ଼ଦ ମାପୁତି କାତା ପରଚାର କିଜି ମାଚାସ୍, ହେ ଓଜୁ ଗାଡ଼ଦ “ନକ୍ ମାସ୍ଦି ହାଲ୍ଜି ଟଣ୍ଡାରି ବେଟାଜି, ହେଞ୍ଜାର ଇନେସ୍ ମାନାର ହୁଡ଼ନାସ୍ ।” ୩୭ ହେବେ ଜହନ୍ ମାର୍କ ତରନି ଡାକ୍ପୁଟା ଜହନ୍ତି ପା ହାକ୍ ଅଦେ କାଜି ବର୍ଣ୍ଣବାତି ମାନ୍ ମାଚାଡ଼; ୩୮ ମାତର୍ ହେଞ୍ଜାନ୍ ହେଞ୍ଜାରି ପିସ୍ତି ପଂପୁଲିଆତ ଖାଜି ମାଚାନ ଆରି ହେଞ୍ଜାର ଲାହାକ୍ କାମାୟତ ହାଲ୍ଞାଦା ମାଚାନ, ହେଞ୍ଜାନି ହାକ୍ଦ ଅଦେ ପାଉଲ୍ ହାର ବାବି କିଞ୍ଜାତାନ । ୩୯ ହେବେ ବେସି ଟଣ୍ଡାଗଲ୍ ଆତିଲେ ହେଞ୍ଜାର ହାରି ବିନେ ଆତାର, ବର୍ଣ୍ଣବା ମାର୍କକ୍ ହାକ୍ ଅଜି ଜାଜ୍ତ କୁଚ୍ଚି କୁପ୍ତ ହାଚାର, ୪୦ ମାତର୍ ପାଉଲ୍ ସିଲାକ୍ ବାତି କିଜି ଟଣ୍ଡାର ହୁଦା ମାପୁତି ଦୟାତ ହେଲାୟ ଆଜି ହାଚାର, ୪୧ ଆରେ ହେଞ୍ଜାନ୍ ସିରିୟା ଆରି କିଲିକିୟା ହିଜି ହାଲୁ ହାଲୁ ମଣ୍ଡଲିକା ବାଡ଼କାସ୍ କିତାର ।



ପାଉଲ୍ ଆରି ସିଲାତି ହୁଦା ତିମତିତି ହାନାକା

୧ ପାଚେ ପାଉଲ୍ ଦବ ଆରି ଲୁସ୍ତାତ ପା ଖାତାର, ଆରେ ହୁଡ଼ାଟ୍, ହେ ବାହାତ ତିମତି ତରଦ ରଞ୍ଜାନ୍ ଚେଲା ମାଚାନ, ହେଞ୍ଜାନ୍ ରଞ୍ଜାନ୍ ପାତ୍ର ନି ଜିହୁଦି କଗ୍ଲେନି ମାଜି ମାତର୍ ହେଞ୍ଜାନ୍ତି ଆବା ରଞ୍ଜାନ୍ ଗ୍ରିକ୍ ଲଗୁ । ୨ ଲୁସ୍ତା ଆରି ଇକନିୟତ ମାନି ପାତ୍ର କିନି ଟଣ୍ଡାର ହେଞ୍ଜାନ୍ତି ସାକି ଡାକ୍ପୁଟାୟ କିଜି ମାଚାର । ୩ ତାକ୍ତେକ୍ ହାକ୍ଦ ଅଦେ ପାଉଲ୍ ଇଚା କିତାନ, ଆରେ ହେ ସବୁ ନିପ ମାନି ଜିହୁଦିର୍ କାଜି ତାକ୍ ଅଜି ସୁନ୍ନତ୍ କିତାନ; ଇନାକିଦେକି ତିମତି ଲାତ୍ରାହି ରଞ୍ଜାନ୍ ଗ୍ରିକ୍ ଲଗୁ ଇଞ୍ଜି ଓଜାକାର ପୁଞ୍ଜି ମାଚାର । ୪ ଆରେ, ହେଞ୍ଜାର ବିନ୍ ବିନ୍ ବସି ହିଜି ହାଲୁ ହାଲୁ ଜିରୁସାଲମ୍ନି ପଦ୍ୟାତାକାର ଆରି

☆ ୧୫:୩୮ ୧୫:୩୮ ପଦ୍ୟାତାକା ୧୩:୧୩.

ପ୍ରାଚୀନାର ହୁଦାଂ ରଚ୍ଚି ବଲ୍ ବିଚାର ସବୁ ମାନି କିଦେଇ ପାତ କିନାକାର ଲାଗେ ହେଲାୟ କିବିସ୍ ମାଚାର । ୫ ଇ ବାନି ମଣ୍ଡଲି ନିକାର ପାତ ତ ଡାଟ ଆଜି ଦିନତି ଦିନ ଇସାବରେ ବାତାଦେଂ ଲାଗାତାତ ।

ତ୍ରୟାତ ପାଉଲ୍ କେଚକଣ୍

୬ ପୁଇପୁୟା ଜିବୁନ୍ ହେଝାର ଆସିଆ ଦେସ୍ତ ପରଚାର କିଦେଇ ମୁନା କିତ୍ଲେ ହେଝାର ପୁଗିଆ ଆରି ଗାଲାତିୟ ନିପ ହାଚାର, ୭ ଆରେ, ହେଝାର ମୁସିଆ ଲାଗାୟତ ଏକିସ୍ ବିଦୁନିଆତ ହାଞ୍ଜେଇ କାଜିଂ ସେସ୍ କିତାର, ମତର ଜିସୁତି ଜିବୁନ୍ ହେଝାରିଂ ହାଞ୍ଜେଇ ହିଝାତାତ । ୮ ଲାଗିଂ ହେଝାର ମୁସିଆ ଲାଗେ ହିଜି ତ୍ରୟାତ ଖାତାର । ୯ ଆରେ, ନାଣାଲିଂ ପାଉଲ୍ ର କେଚକଣ୍ ଗାଟାତାନ୍, ମାକିଦନିଆନି ରଝାନ୍ ମାନାୟ ଇଞ୍ଜ ତାଙ୍ ଗଝାରି କିଜି ଇନାନ୍ନା, ମାକିଦନିଆ ନାସି “ଝାଜି ମାଂ ଉପକାର କିଦା ।” ୧୦ ପାଉଲ୍ ଇ କେଚକଣ୍ ଗାଟାତି ପାଚେ ଆପେଂ ଦାପ୍ତେ ମାକିଦନିଆତ ହାଞ୍ଜେଇ ଜାଲ୍ଦି କିତାପ୍, ଇନାକିଦେଂକି ହେଝାର ଲାଗାୟ ନେକ୍ରିକାରୁର ପରଚାର କିଦେଇ ଇସ୍ବ ମାଂ କୁକ୍ତାନ୍ନା ଇଞ୍ଜି ଆପେଂ ବୁଜାତାପ୍ ।

ପିଲିପ୍ପିତ ଲୁଦିଆତି ମାନ୍ବାଦଲାୟ

୧୧ ଲାଗିଂ ତ୍ରୟାତାଂ ଜାଜ୍ତ ଆପେଂ ହାଣ୍ଡକୁ ହାସଦ ସାମତ୍ରାକିତ ହାଚାପ୍ ଆରି ଆକୀଡ଼ ନାଜିଂ ନିୟାପଲିତ ଏକାତାପ୍ । ୧୨ ହେବେତାଂ ପିଲିପିତ ହାଚାପ୍, ଇଦାଂ ମାକିଦନିଆନି ହେ ରାଜି ର ମୁଡ଼ ଗାଡ଼, ଆରେ ର ରମିୟ କଲ୍ନି, ହେ ଗାଡ଼ଦ୍ ଆପେଂ କେତେକ୍ ଦିନ୍ ମାଚାପ୍ । ୧୩ ଜମ୍ନିବାରତ ଆପେଂ ଗାଡ଼ ଦୁଝାରତାଂ ହସି ନାଗୁଡ଼ ଗୁଚିତ ହାଚାପ୍, ହେବେ ପାର୍ତାନାନି ବାହା ମାନାଡ଼ ଇଞ୍ଜି ଆପେଂ ବାବି କିଜି ମାଚାପ୍, ଆରେ ଆପେଂ କୁଚ୍ଚି ରୁଣ୍ଡାଜି ମାନି ଆୟାତାଡ଼ିକାଂ କାତା ଇଞ୍ଜେଇ ଲାଗାତାପ୍ । ୧୪ ଆରେ, ତ୍ରୟାତିରା ଗାଡ଼ଦ୍ ଖାଙ୍ଗାବାତ୍ ହେୟା ପୁନି ଲୁଦିଆ ତରନି ରଞ୍ଜେଲ୍ ତାଡ଼ି ମାଚାଡ଼, ହେଦେଲ୍ ଜେ ଇସ୍ବଚିଂ ପାର୍ତାନା କିନାକାଦେଲ୍ ମାଚାଡ଼, ହେଦେଲ୍ ମା କାତା ଝେନ୍ଞି ମାଚାଡ଼ । ହେଦେଲ୍ ଇନେସ୍ ପାଉଲ୍ତି ଇଚି ବିସ୍ତେ କାଜିଂ ମାନ୍ତ ଦିଆନ୍ କିତାଡ଼, ଇଦାଂ କାଜିଂ ମାପୁ ହେଦେଲିଂ ମାନ୍ ଜେସି ହିତାନ୍ । ୧୫ ଆରେ, ହେଦେଲ୍ ଆରି ତାଦେଲ୍ତି ପାର୍ତାନା ବାପ୍ତିସିମ୍ ଆତି ପାଚେ ହେଦେଲ୍ ମାଂ ଗଝାରି କିଜି ଇନ୍ଝାଡ଼, ଏପେଇ ଜଦି ନାଙ୍ “ମାପୁତି ଲାଗେ ପାତ ଇଞ୍ଜି ବିଚାର କିଜି ମାଞ୍ଚିସ୍, ଝାଟିଙ୍ ନା ଇଞ୍ଜି ଝାଜି ବାହା କିୟାଟ୍” ଆରେ, ହେଦେଲ୍ ମାଂ ଅସି ହାଞ୍ଚାଡ଼ି ।

ପିଲିପ୍ପିନି ଜଇଲ୍ତ ପାଉଲ୍ ଆରି ସିଲା

୧୬ ଦିନେକ୍ ଆପେଂ ପାର୍ତାନା ବାହାତ ହାଲ୍ଜି ମାନି ଝାଡ଼ାଙ୍ ର ବାନ୍ୟା ଜିବୁନ୍ କଡ଼ତି ଆଡ଼ିଏଣି ଗାଡ଼ଚେଂ ବେଟା ଆତାପ୍ । ତା ବିତ୍ତେ ମାନି ପୁଦାନି ସାଲ୍ଡି ହୁକେ ହେଦେଲ୍ ଆଗେନି କାତା ଇଞ୍ଜି ମାଚାଡ଼ । ହେଦେଲ୍ ମାନାୟାରତି କାରୁମ୍ ଗାଣାକିଜି, ହାଉକାରିଂ କାଜିଂ ବେସି ଟାକାଂ ଆଦାୟ କିଜି ମାଚାଡ଼ । ୧୭ ହେଦେଲ୍ ପାଉଲ୍ ଆରି ମା ପାଚେ ପାଚେ ଝାଜି କିକିରାତିଂ କିଜି ଇଞ୍ଜେଇ ଲାଗାତାଡ଼, “ଇ ମୁଣିକାର ର ଇସ୍ବଚି ଆଡ଼ିୟାର, ହେଝାର ମିଙ୍ ମୁକ୍ତିନି ହାଜି ଜାଣାୟକିଦନାରା ।” ୧୮ ହେଦେଲ୍ ବେସି ଦିନ୍ ପାଚେକ୍ ଇଦାଂ କିତାଡ଼ । ମତର ପାଉଲ୍ ରିସା ଆଜି ମାସ୍ଦି ହେ ଜିବୁନ୍ତିଙ୍ ଇଚାନ୍, ତା ତାଙ୍ ହସି ହାଞ୍ଜେଇ ଆନ୍ ନିଂ “ଜିସୁ କ୍ରିସ୍ତୁତି ତରଦ୍ ବଲ୍ ହିଦ୍ନାଙ୍ ।” ଇବେଣ୍ଡା ହେଦେଲ୍ ହେ ଦାପ୍ତେ ହସି ହାଚାଡ଼ । ୧୯ ମତର ତା ମାପୁ ମୁଣିକାତ୍ ଜାରତିଂ ଲାବ୍ ଆହା ହାଚାକା ହୁଡ଼ଜି ପାଉଲ୍ ଆରି ସିଲାତିଂ ଆଜି ହେଝାରିଂ ଚକ୍ ବାହାତ ସାସନ୍କାରୟାତ ଲାଗେ ଜାଲ୍ଜି ଅତାର । ୨୦ ଆରେ, ହେଝାର ହେଝାରିଂ ବିଚାରକାରୟାତ ଲାଗେ ତାହି ଇଚାର, “ଇ ମାନାୟାର ଜିହୁଦି, ଇଝାର ମା ଗାଡ଼ଦ୍ ଗଣ୍ଡଗଲ୍ କିନାରା । ୨୧ ମା, ରମିୟ ଲକାରତି ଇମ୍ଣି ସବୁ ରିତିନିତି ଇନାକା କି ମାନି କିନାକା ବିଦି ଆକାୟ, ହେଦାଂ ଇଝାର ପରଚାର କିନାରା ।” ୨୨ ହେବେ ଲକୁ ପା ହେଝାରତି ବିରୁଦ୍ତ ନିଂତାର, ଆରେ ବିଚାରକାରୟାର ପାଉଲ୍ ଆରି ସିଲାତି ହେୟା ଉନ୍ଦି ହେଝାରିଂ ବାଡ଼ଗେମାଡ଼ କିଦେଇ କାଜିଂ ବଲ୍ ହିତାର । ୨୩ ହେଝାର ହେଝାରିଂ ବେସି ଗ୍ରାକି କିୟକିତି ପାଚେ ଜଇଲ୍ ଇଞ୍ଜି ଇଡ଼ଜି ହେଝାରିଂ ଜାଗୁଡ଼ତାଂ ରାକ୍ୟା କିନି କାଜିଂ ଜଇଲ୍ ଇଚ୍ଚନାକାନିଂ ଆଟ୍ଝା ବଲ୍ ହିତାର । ୨୪ ହେଝାନ୍ ଇ ବାନି ଆଟ୍ଝା ବଲ୍ ଗାଟା ଆଜି ହେଝାରିଂ ବିତ୍ତେ ଜଇଲ୍ ଇଞ୍ଜି ଇଡ଼ଜି ହେଝାରତି ପାନାତ ଗାଜା କୁଚ୍ଚିଲ୍ ଗାଚ୍ଚାର ।

୨୫ ମାତର ମାଦିମାଦାନାଣା ପାଉଲ୍ ଆରି ସିଲା ଇସ୍ବଚି ଲାଗାୟ ପାର୍ତାନା ଆରି ଗୁଣ୍ଡାଣି କିଜି ମାଚାର, ଆରେ ବନ୍ଦିର୍ ଝେନ୍ଞି ମାଚାର । ୨୬ ହେ ଏଚେକାଡ଼ଦ୍ ହାଚାଚ୍ତେ ଏଲେଇଁ ଗାଜା ମେଦ୍ନି ଦାଲ୍କା ଆତାଡ଼ ଜେ, ଜଇଲ୍ ଇଲ୍ନି କୁନାଦି ତ୍ରିଙ୍ଦେଂ ଲାଗାତାଡ଼, ଆରେ ଦାପ୍ତେ ଝିଜୁ ଜଇଲ୍ ଦୁଝେର୍ ଜେୟା ଆତାଡ଼, ଆରେ ସବୁ ଜାଣ୍ଡି ହିକ୍ତି ଗାଟି ରିଂଜି ହାଟିକ୍ । ୨୭ “ଇବେ ଜଇଲ୍ ଇଲ୍ ଇଚ୍ଚନାକାନ୍ ହୁଚ୍ଚକାଣ୍ଡୁତାଂ ନିଂଜି ଜଇଲ୍ ଇଲ୍ନି ଦୁଝେର୍ ମେଲା ଆତାକା ହୁଡ଼ଜି ବନ୍ଦିର୍ ହନ୍ତି ହାଚାଣ୍ଡା ଇଞ୍ଜି ବାବି କିଜି, କାଣ୍ଡା ହପ୍ତି ଜାରତିଂ ଅହ୍ୟାଦେଂ ହାଲ୍ଜି ମାଚାନ୍ ।” ୨୮ ମାତର ପାଉଲ୍ ବେସି ଗାଜାକାଚ୍ତାଂ କୁକ୍ଚି ଇଚାନ୍, “ଜାରତିଂ ଇମ୍ଣାକା ପା ନସ୍ କିମା, ଇନାକିଦେଂକି ଆପେଂ ଝିଜାକାପ୍ ଇବେ ମାନାପ୍ ।”

୨୯ ହେବେ ହେଝାନ୍ ବଇଟା ତାଚେଇ ଇଞ୍ଜି ଗୁମ୍ଜି ପାଣ୍ଡୁତିଂ ତ୍ରିଗ୍ଜି ତ୍ରିଗ୍ଜି ପାଉଲ୍ ଆରି ସିଲାତି ମୁମ୍ଦ୍ ଗୁର୍ତାନ୍, ୩୦ ଆରେ ହେଝାରିଂ ବାଟ୍ ତାହି ଇଚାନ୍, “ମାପୁର୍, ରାକ୍ୟା ପାୟାଦେଂ କାଜିଂ ନାଙ୍ ଇନାକା କିଦେଇ ଆନାଡ଼ ?”

୩୧ ହେୱାର ଇଚାର, “ମାପୁ ଜିସୁ ତାକେ ପାତର୍ କିୟାଟ୍, ତା ଆତିସ୍ ଏପେଙ୍ଗ୍ ଝିଜୁ କୁରୁମ୍ ରାକ୍ୟା ପାୟାନାଦେର୍ ।”
 ୩୨ ପାଚେ ହେୱାର ତାଙ୍ଗ୍ ଆରି ତା ଇଞ୍ଜ ମାନି ଝିଜାରିଂ ମାପୁତି ବଚନ୍ ଇଚାନ୍ । ୩୩ ଆରେ, ହେୱାନ୍ ହେୱାରିଂ ନାଣା ହେ ସମୁତ ଅଜି ହେୱାରତି ଟ୍ରାକ୍ୟାତି ଗାଝ୍ ସବୁ ନୁସ୍ତାନ୍, ଆରେ, ହେୱାନ୍ ଆରି ହେୱାନ୍ତି ପାର୍ତାନା ହେ ଦାପ୍ରେ ବାପ୍ତିସିମ୍ ଆତାର । ୩୪ ହେବେ ହେୱାନ୍ ହେୱାରିଂ ଜାର ଇଞ୍ଜ ଅସି ହାଲ୍ଜି କାଦି ଚିପ୍ପାତାନ୍, ଆରେ ଝିଜୁ ପାର୍ତାନା ହୁକେ ଇସ୍ପର୍ ତାକେ ପାତର୍ କିଜି ଜବର୍ ଝାରୟା ଆତାର ।

୩୫ ନାଡ଼ିସ୍ ଆତିଲେ ବିଚାରକାରୟାର ଜାମାନିରିଂ ଇଦାଂ ଇଞ୍ଜି ପନ୍ଧାର, “ହେ ଲକୁରିଂ ପିହାଟ୍ ।”

୩୬ ଇବେଣ୍ଟାଂ ଜଇଲ୍ ଇଲ୍ ପାଉଲ୍ତିଂ ଇ କାତା ଇଞ୍ଜି ଝେଟ୍ଟାନ୍, ମିଙ୍ଗେଙ୍ଗ୍ ପିସ୍ତ୍ର ହିଦେଂ କାଜିଂ “ବିଚାରକିନାକାର ଲକୁ ପନ୍ଧାତାଣ୍ଟା । ଲାଗିଂ ନଙ୍ଗ୍ ହସି ଝାଜି ସୁସ୍ତାତ ତାଂଜି ହାଲ୍ଟା ।”

୩୭ ମାତର୍ ପାଉଲ୍ ହେୱାରିଂ ଇଚାନ୍, “ରମିୟ ଲକୁ ଜେ ଆପେଂ, ମା ବିଚାର କିଝାଦାଂ ହେୱାର୍ ରିସାରେ ମାଂ ଟ୍ରାକ୍ତି ପାଚେ ଜଇଲ୍ତ ତୁହିଦାତାଣ୍ଟା, ଆରେ ନଙ୍ଗ୍ କି ଲୁକାମ୍ରେ ମାଂ ପିସ୍ତ୍ର ହିଦ୍ଦାରା ? ହେଦାଂ ଆଉଡ୍, ମତର୍ ହେୱାର୍ ନିଜେ ଝାଜି ମାଂ ବାର୍ତ୍ ଅଦେର୍ ।”

୩୮ ଇବେଣ୍ଟାଂ ଜାମାନିର୍ ବିଚାରକାରୟାରିଂ ଇ ଝିଜୁ ବଚନ୍ ଜାଣାୟ୍ କିତାର୍, ଆରେ ହେୱାର୍ ଜେ ରମିୟ ଲକୁ, ଇଦାଂ ଝେନ୍ଞି ହେୱାର୍ ପାଣ୍ଟା ଆତାର୍, ୩୯ ଆରେ, ହେୱାର୍ ଝାଜି ହେୱାରିଂ ଗଝାରି କିତାର୍, ଆରେ ହେୱାରିଂ ଜଇଲ୍ ଇଞ୍ଜାଙ୍ଗ୍ ହପ୍ତି ତାସି ଗାଡ୍ଦାଂ ହସିହାଞ୍ଜେଙ୍ଗ୍ କାଜିଂ ହେୱାରିଂ ଗଝାରି କିତାର୍ । ୪୦ ହେବେଣ୍ଟାଂ ପାଉଲ୍ ଆରି ସିଲା ଜଇଲ୍ ତାଂ ହସିହାଲ୍ଜି ଲୁଦିଆତି ଇଲ୍ଦ ହଟାର୍, ଆରେ ଟଣ୍ଟାର୍ ଲାହାଙ୍ଗ୍ ବେଟା ଆଜି ହେୱାରିଂ ଝାରିକିୟକିନି ପାଚେ ହାଚାର୍ ।



ତେସ୍ଲନିକିତ ହେବାକାମାୟ୍

୧ ପାଚେ ହେୱାର୍ ଆଂପିପଲି ଆରି ଆପଲନିଆ ହିଜି ହାଲ୍ଜି ତେସ୍ଲନିକିତ ଝାଚାର୍; ହେବେ ଜିହୁଦିର୍ତି ର ପାର୍ତାନା ଇଲ୍ ମାଚାଡ୍ । ୨ ପାଉଲ୍ ତା ରିତି ଇସାବ୍ରେ ହେୱାର୍ ଲାଗାଂ ହାଚାନ୍, ଆରେ ତିନି ଗଟା ଜମନିବାର୍ ପାଚେକ୍ ସାସ୍ତର୍ ବଚନ୍ ଅଜି ହେୱାରିଂ ବୁଜାୟ୍ କିତାନ୍, ୩ ଆରେ, କ୍ରିସ୍ତୁତି ଜେ ଦୁକ୍ବଗ୍ ଆରି ହାତାକାର୍ ବିତ୍ରେ ନିଂନାକା ଲଡା ମାଚାଡ୍, ଆରେ ହେୱାନ୍ ଇମଣି ଜିସୁଙ୍ଗ୍ ହେୱାର୍ ଲାଗାଂ ସୁଣାୟ୍ କିନାନା, ହେୱାନ୍ କ୍ରିସ୍ତୁ, ଇବେନି ନିର୍ମଲ୍ ପାର୍ମାଣ୍ଟ ହିତାନ୍ । ୪ ହେବେଣ୍ଟାଂ ହେୱାର୍ ବିତ୍ରେ କେତେକ୍ ଜାଣ୍ ପାତର୍ କିଜି ପାଉଲ୍ ଆରି ସିଲାତି ଲାହାଙ୍ଗ୍ ମେହା ଆତାନ୍; ଆରେ, ଜିହୁଦି ପାର୍ତାନା କିନାକାର୍ ଗ୍ରିକ୍ତି ବିତ୍ରେ ହେନି ଲକୁ ଆରି ଆଦେକ୍ କଗ୍ଲେକ୍ ହେୱାର୍ ଲାହାଙ୍ଗ୍ ମେହାତିକ୍ ।

୫ ମାତର୍ ଜିହୁଦିର୍ ଆକାର୍ତ ରିସା ଆଜି ବାଜାଣ୍ଟି କେତେକ୍ ବାନ୍ୟା ମାନାୟାର୍ ଲାହାଙ୍ଗ୍ ଅଜି ଲକୁ ଗହ୍ଲି କିଜି ଗାଡ୍ଦା ଗଣ୍ଟଗଲ୍ କିୟକିତାର୍, ଆରେ ଜାସୋନତିଂ ଇଞ୍ଜ ମାଡିବହା ଆଜି ହେୱାରିଂ ମାନାୟାର୍ ଲାଗାୟ୍ ହପ୍ତି ତାଚେଙ୍ଗ୍ କାଜିଂ ସେସ୍ତୁ କିତାର୍ । ୬ ମତର୍ ହେୱାରିଂ ଗାଟାଝିତିଲେ ହେୱାର୍ ଜାସୋନ ଆରି କେତେକ୍ ଟଣ୍ଟାର୍ ଗାଡ୍ଡି ସାସନ୍କାରୟାର୍ ଲାଗାୟ୍ ଜେଲ୍ଜି ତାହି ଗାଜାକାଟ୍ତାଂ କୁକ୍ତି ଇଚାର୍, “ଇଝାର୍ ଇମଣି ମାନାୟାର୍ ପୁତର୍ତିଂ ଉଲ୍ଟାପଲ୍ଟା କିଜି ତୁହିତାରେ, ହେୱାର୍ ଇବେ ପା ଝାତାଣ୍ଟା; ହେୱାରିଂ ଜେସନ୍ ଇଡ୍ତାନ୍ନା । ୭ ଜାସୋନ ହେୱାର୍ ଇଲ୍ ଇଚ୍ତାନ୍ନା । ଜିସୁ ତରଦ୍ ଆରେ ରଝାନ୍ ରାଜା ମାନାନ୍ ଇଞ୍ଜି ଇଞ୍ଜି ଇଝାର୍ ଝିଜାର୍ କାଇସ୍ପର୍ତି ବଲ୍ ମାନିକିନାରା ।” ୮ ହେୱାର୍ତି ଇ କାତା ଝେନ୍ଞି ଲକୁ ସବୁ ଆରି ସାସନ୍କାରୟାର୍ ରିସା ଆଜି ଗଣ୍ଟଗଲ୍ କିତାର୍ । ୯ ପାଚେ ହେୱାର୍ ଜାସୋନ ଆରି ହେୱାନ୍ତି ହାଂଙ୍ଝାର୍ତାଂ ଜାମ୍ଲି ଅଜି ହେୱାରିଂ ପିସ୍ତ୍ର ହିତାର୍ ।

ବେରିଆତ ହେବାକାମାୟ୍

୧୦ ଆରେ, ଟଣ୍ଟାର୍ ଆରି ତଣ୍ଟାଦେକ୍ ମାଲାଝାଦାଂ ପାଉଲ୍ ଆରି ସିଲାଙ୍ଗ୍ ନାଣାକାଡ୍ଦା ବେରିୟାତ ପକ୍ତିହିତାର୍; ହେୱାର୍ ହେ ବାହାତ ଏକିସ୍ ଜିହୁଦିର୍ତି ପାର୍ତାନା ଇଞ୍ଜ ହାଚାର୍ । ୧୧ ତେସ୍ଲନିକିତ ମାନି ଜିହୁଦିର୍ତାଂ ଇଝାର୍ ହାଦ୍ଦାକାର୍ ମାଚାର୍ । ଇଝାର୍ ପୁରା ଝାରିତାଂ ବଚନ୍ ଇଚ୍ତାର୍, ଆରେ ଇ ଝିଜୁ ହାଡ୍ପା କି ଆକାୟ୍, ହେଦାଂ ପୁଞ୍ଜେଙ୍ଗ୍ କାଜିଂ ଦିନକେ ସାସ୍ତର୍ନି ପରସନ୍ ତେକ୍ତି ମାଚାର୍ । ୧୨ ଲାଗିଂ ହେୱାର୍ତି ବିତ୍ରେ ଆଦେକ୍ ଆରି ଗ୍ରିକ୍ତି ବିତ୍ରେ ଆଦେକ୍ ମୁସ୍ତିଦାର୍ ତାଡ଼ିକ୍ ଆରି ଆଣ୍ଟୁ ହିମ୍ଣାଂ ପା ପାତର୍ କିତାର୍ । ୧୩ ମାତର୍ ଏଚେକାଡ୍ଦା ତେସ୍ଲନିକିୟ ଜିହୁଦିର୍ ପୁଚାର୍ ଜେ, ଇସ୍ପର୍ତି ବଚନ୍ ପାଉଲ୍ତି ହୁଦାଂ ବେରିୟାତ ପା ପରଚାର୍ ଆନାତା, ହେ ଏଚେକାଡ୍ଦା ହେୱାର୍ ହେ ବାହାତାଂ ପା ଝାଜି ଲକୁରିଂ ଚିଉଲ୍ଲାୟ୍ ଆରି ରିସା କିତାର୍ । ୧୪ ହେବେଣ୍ଟାଂ ଟଣ୍ଟାର୍ ମାଲାଝାଦାଂ ପାଉଲ୍ତିଂ ହାମ୍ଦୁର୍ ନିପ ହାନି କାଜିଂ ପନ୍ଧାର୍, ଆରେ ସିଲା ଆରି ତିମତି ହେ ବେରିଆତ ମାଚାର୍ । ୧୫ ମାତର୍ ଇମ୍ଣାକାର୍ ପାଉଲ୍ତିଂ ଏତେନ୍ସ୍ ଅଜି ହାଚାର୍, ହେୱାର୍ ତାଙ୍ଗ୍ ଏତେନ୍ସ୍ ପାଚେକ୍ ତାଇଝାଚାର୍, ଆରେ ସିଲା ଆରି ତିମତି ଇନେସ୍ ବେଗି ତା ଲାଗାୟ୍ ଝାନାର୍, ଇ ବଲ୍ ଗାଟାଜି ହେୱାର୍ ହାଚାର୍ ।

ଆତିନିସ୍ତ ପାଉଲ୍ତି ହେବାକାମାୟ୍

୧୭ ଏତେନ୍ୟତ ପାଉଲ୍ ହେୱାର୍ କାଜିଂ ମାନି ଖେଡ଼ାଲିଂ ହେ ଗାଡ଼୍ ପୁଡ଼ଡ଼ାତ ବାଡ଼ି ହୁଡ଼ଜି ତା ଜିରୁନ୍ତ ରିସା ଆଜି ନିଂତାନ୍ । ୧୭ ଲାଗିଂ ହେୱାନ୍ ପାତୀନା ଇଞ୍ଜି ଜିହୁଦିର ଲାହାଂ ଇସ୍ବରତି ପାତୀନା କିନାକାନ୍ ପାତଂ କିଞ୍ଜି ଜିହୁଦି ଲାହାଂ ଇ ବିସ୍ବେ ସବୁ ନାଞ୍ଜିଙ୍ଗ୍ କାତା ବାତୀ କିଦେଙ୍ଗ୍ ଲାଗାତାର୍ । ବସ୍ତି ବାଜାର୍ ଚକ୍ତି ବାହାକାଂ ବୁଲ୍ଲୀଚାଲା ଆଜି ମାନି ପାତିଦିନ୍ ଇମ୍ଫାକାର୍ ହୁଦାଂ ହୁଡ଼କା ଆଜି ମାଚାର୍, ହେୱାରିଂ ଉପଦେସ୍ ହିଜି ମାଚାନ୍ । ୧୮ ହେବେଣ୍ଡାଂ “ଏପିକୁରିୟ୍ ଆରି ସ୍ତ୍ରୟିକ” କେତେକ୍ ହୁଡ଼ନାକାର୍ ପା ତା ହୁଦାଂ କାତାବାତୀ କିଦେଙ୍ଗ୍ ଲାଗାତାର୍, ଆରେ ଇନେର୍ ଇନେର୍ ଇଚାର୍, “ଇ କାଡ଼୍ଦେ ଇନାକା ଇଞ୍ଜେଙ୍ଗ୍ ଇଚା କିନାନା ?”

ଆରେ ଇନେର୍ ଇନେର୍ ଇଚାର୍, ହେୱାନ୍ ପୁଦାଙ୍ଗତି ବିସ୍ବେ ପରଚାର୍ କିନାକାନ୍ ଲାକେ ପୁନ୍ୟାନାତା । ଇନାକିଦେଂକି ହେୱାନ୍ ଜିସୁ ଆରି ଆରେ ନିଂନାକା ବିସ୍ବେନି ନେକ୍ରିକାରୁର୍ ପରଚାର୍ କିଜି ମାଚାନ୍ ହେୱାର୍ ଇଦାଂ ଇଚାର୍ ୧୯ ପାଚେ ହେୱାର୍ ପାଉଲ୍ତିଂ ଆରିୟପାଗତ ଗାଜା ସବାତ ଅସି ହାଲ୍ଜି ଇଚାର୍, ଇଦାଂ ଜେ ପୁନି ହିକ୍ୟା “ଏନ୍ ହିନାୟା, ହେଦାଂ ଇନାକା ଇଞ୍ଜି ଆପେଂ ପୁଞ୍ଜେଙ୍ଗ୍ ଆଡ଼ନାପ୍ କି ? ୨୦ ଇନାକିଦେଂକି ଏନ୍ କେତେକ୍ କାବା ବିସ୍ବେ ମାଂ କିଡୁଲ୍ତ ପୁନି କିଡ଼ତାୟନା, ଲାଗିଂ, ଇ ଖିଜୁ କାତାନି ଅରଡ଼ ଇନାକା, ଆପେଂ ହେଦାଂ ପୁଞ୍ଜେଙ୍ଗ୍ ଇଚା କିନାପା !” ୨୧ ଆତିନିୟ୍ ଲକୁ ଖିଜାର୍ ଆରି ହେବେ ବାହାକିନି ବିଦେସିର୍ କେବଲ୍ ଇମ୍ଫାକା ପୁନି କାତା ଇନାକା ଆରି ଖେନାକା ପିସ୍ତି ଆରେ ଇନାକାତ ବେସି ସମୁ ବିତାୟ କିଞ୍ଜାଦାଂ ମାଚାର୍ ।

୨୨ ଇବେଣ୍ଡାଂ ପାଉଲ୍ ଆରିୟପାଗନି ମାଦଣି ବାହାତ ନିଲ୍ଚି ଇଚାନ୍, “ଆତିନିୟ୍ ଲଗ୍, ଏପେଙ୍ଗ୍ ଜେ ଖିଜୁ ବିସ୍ବେ ଗାଜା ଦେବି ଲବାୟ୍ କିନାଦେରା, ଇଦାଂ ଆନ୍ ହୁଡ଼ନାଙ୍ଗା ।” ୨୩ ଇନାକିଦେଂକି ଆନ୍ ବୁଲ୍ଲାନି ସମୁତ ମି ପୁଜାକିତି ଖିଜୁ ଦିନିସ୍ ହୁଡ଼ ହୁଡ଼ ରୁ ଗାରଣି ପା ହୁଡ଼ତାଂ, ଇମ୍ଫାଣି ଜପି ଇ କାତା ଲେକା ଆତାଡ଼ନା, “ପୁନ୍ଝିତି ଇସ୍ବରତି ଉଦେସ୍ତ ପେନ୍କୃତି କାଜିଂ ! ଲାଗିଂ, ଏପେଙ୍ଗ୍ ପୁନ୍ଝାଦାଂ ଇନେରିଙ୍ଗ୍ ପୁଜା କିନାଦେରା, ଆନ୍ ତାଙ୍ଗ୍ ମି ଲାଗାୟ୍ ପରଚାର୍ କିନାଙ୍ଗା ।”

୨୪ *ଇମ୍ଫାଣି ଇସ୍ବର ପୁତଂ ତ ଆରି ତାରେନିକା ଖିଜୁ ଆଡ଼ମାଡ଼ ଉବ୍ଜାଣ୍ କିତାନ୍ନା, ହେୱାନ୍ ବାଦାଡ଼ତ ଆରି ପୁତଂ ନି ମାପୁ ଆତିଲେ କେଇରଡ଼ି ମାଦିରଡ଼ ବାହା କିଡ଼ନ୍, ୨୫ କି ହେୱାର୍ତି ଇମ୍ଫାକା ଅବାବ୍ ମାତିଲେ ମାନାୟ୍ କେଇ ହୁଦାଂ ଉଜ୍ କିଜି ହେୱାନ୍ ହେବା କିୟା ଆଉନ୍, ଲାଗିଂ ହେୱାନ୍ ନିଜେ ଖିଜାରିଂ ଜିରୁନ୍ନି, ନେନ୍ଞେଙ୍ଗ୍ ଆରି ଖିଜୁ ଆଡ଼ମାଡ଼ ଦାନ୍ କିଦନାନ୍ । ୨୬ ରଞ୍ଜାନ୍ ମାନାୟ୍ତାଂ ହେୱାନ୍ ନାର୍ ଜାତିତିଂ ଉବ୍ଜାୟ୍ କିତାନ୍ନା ଆରି ତା କାତାଂ ହେୱାର୍ ପୁତଂ ନି ବିନ୍ ବିନ୍ ବାହାତ ବାହା କିନାରା ଆଗେ ଇସ୍ବର ବାଚି କିତାନ୍ନା । ୨୭ ହେୱାର୍ତି ଉଦେସ୍ ମାଚାଡ଼, ଖିଜାର୍ ଇନେସ୍ ହେୱାର୍ତି ଦାସ୍ଜି ପାୟାନାର୍ । ମାଚର୍ ହାଡ଼ପା ଇସ୍ବର ଇନେରତାଂ ଦେହା ଆକାୟ୍ । ୨୮ ଇନାକିଦେଂକି “ହେୱାନ୍ତି ତାକେ ମା ପ୍ରେନ୍, ହାନାକା ଆରି ଜିଜି ମାନାକା ।”

ଇନେସ୍ ମା ଜାର୍ କେଣ୍ଡାକାତଂ ବିତ୍ରେ ପା କେତେକ୍ ଜାଣ୍ ଇଚାଣ୍ଡା,
 “ଇନାକିଦେଂକି ଆପେଂ ପା ହେୱାନ୍ତି ଲାତ୍ରା ।”

୨୯ ଖାଟିଙ୍ଗ୍, ଆପେଂ ଇସ୍ବରତି ଲାତ୍ରା ଆତିଲେ ଇସ୍ବରତି ତିନ୍ ଲାକେ ମାନାୟ୍ ରଚନାକାନ୍ ଆରି ହାୟାୟ୍ କିନାକାନ୍ ଇସାପ୍ରେ ବଲ୍କାର୍ କିଜି ହନା କି ରୁପା କି କାଲ୍ ଲାକେ ବାବିକିନାକା ମା ଲଡ଼ା ଆକାୟ୍ । ୩୦ ମାନାୟାର୍ ଇସ୍ବରତିଂ ପୁନ୍ଝି ଖେଡ଼ାଲିଂ ହେୱାନ୍ ଦସ୍ ଆହ୍ଝାଦାଂ ମାଚାନ୍, ମାଚର୍ ନଙ୍ଗ୍ ହେୱାନ୍ ସବୁତିଂ ଖିଜାକାରିଂ ହେୱାରିଂ ପାପ୍ ହାଜିତାଂ ମାନ୍ବାଦଲ୍ଲାୟ୍ କିଦେଙ୍ଗ୍ ବଲ୍ ହିନାଙ୍ଗା । ୩୧ ଇନାକିଦେଂକି ଇମ୍ଫାଣି ନାଜିଂ ହେୱାନ୍ ଜାର୍ କିତି ମୁଣିକାର୍ ହୁଦାଂ ଦାମଂ ନି ପୁତଂ ନି ବିଚାର୍ କାମାୟ୍ କିନାନ୍, ଏପେଙ୍ଗ୍ ର ନାଜିଂ ତିର୍ କିତାନ୍ନା, ଆରେ ହେଦେଲିଂ ହାକିତାକେଣ୍ଡାଙ୍ଗ୍ ବିତ୍ରେ ନିକ୍ତାନ୍ନା ଇ ବିସ୍ବେ ଖିଜାତଂ ଲାଗେ ଜାଣାୟ୍ କିତାନ୍ନା ।

୩୨ ହାତାକାର୍ ଆରେ ନିଂନାକା କାତା ଖେନଞ୍ଜି ଇନେର୍ ଇନେର୍ ଗ୍ଲାଇଦେଂ ଲାଗାତାର୍ ଆରେ ଇନେର୍ ଇନେର୍ ଇଚାର୍, ଆପେଂ ଆରେ ରଗ “ମିତାଙ୍ଗ୍ ଇ ବିସ୍ବେ ଖେନାସ୍ ।” ୩୩ ଇ ବାନି ପାଉଲ୍ ହେୱାର୍ ବିତ୍ରେତାଂ ହସି ହାଚାନ୍ । ୩୪ ମାଚର୍ ଇନେର୍ ଇନେର୍ ଲକୁ ତା ପାକ୍ୟା ଆଜି ପାତଂ କିଚାର୍; ହେୱାର୍ତି ବିତ୍ରେ ଏରିୟପାଗିୟ୍ ଦିୟ୍ନୁସିୟ୍, ସବାନି ରଞ୍ଜାନ୍ ଦାମାରି ତରନି ରଞ୍ଜେଲ୍ ତାଡ଼ି ଆରି ହେୱାର୍ ହୁଦାଂ ଆରେ କେତେକ୍ ଲକୁ ମାଚାର୍ ।

୧୮

କରିନ୍ତ୍ରିୟ୍ ବସ୍ତିତ ପାଉଲ୍ତି ହେବାକାମାୟ୍

୧ ଇ ଖିଜୁ ଗ୍ରଣା ପାଚେ ହେୱାନ୍ ଏତେନ୍ୟତାଂ ହାଲ୍ଜି କରନ୍ତିତ ଖାତାନ୍ । ୨ ଆରେ, ହେୱାନ୍ ଆକ୍ଲିଲା ତରନି ରଞ୍ଜାନ୍ ଜିହୁଦିଙ୍ଗ୍ ବେଟା ଆତାନ୍, ପନ୍ତ ହେୱାନ୍ତି ଜଲ୍ମ୍ ବାହା; ହେୱାନ୍ ଅଲପ୍ ଦିନ୍ ଆତାଡ଼ ଜାର୍ କଗ୍ଲେ ପ୍ରିସ୍ଲିଲ୍ଲା ଲାହାଙ୍ଗ୍ ଇତାଲିଆତାଂ ଖାଜି ମାଚାର୍, ଇନାକିଦେଂକି କ୍ଲାଉଦିଅ ଖିଜାର୍ ଜିହୁଦିରିଂ ରମ୍ତାଂ ହସି ହାଞ୍ଜେଙ୍ଗ୍ ବଲ୍ ହିଜି ମାଚାନ୍ । ହେୱାନ୍ ହେୱାର୍ ଲାହାଙ୍ଗ୍ ବେଟାୟ୍ କିଦେଙ୍ଗ୍ ହାଚାନ୍, ୩ ଆରେ, ହାରିବେପାରିର୍ ମାତିଲେ ହେୱାର୍ ହୁକେ ବାହା କିଚାର୍, ଆରେ ହେୱାର୍ କାମାୟ୍ କିଦେଙ୍ଗ୍ ଲାଗାତାର୍, ଇନାକିଦେଂକି ବେପାତଂ ହେୱାର୍ ତୁମ୍ ରଚନାକାର୍ ମାଚାର୍ । ୪ ଆରେ,

☆ ୧୭:୨୪ ୧୭:୨୪ ପଦ୍ୟାତାକା ୭:୪୮.

ପାତି ଜମ୍ବିନିବାରତ ହେଖାନ ପାର୍ତ୍ତନା ଇଲ୍ଲ ଆଲ୍ଲଚାନା ହିଜି ଜିହୁଦି ଆରି ଗ୍ରୀକ୍ରିଂ ପାତ୍ ବାତାୟ କିଦେଙ୍ଗ୍ ସେସ୍ତୁ କିତାନ ।

୫ ଏଚେକାତ୍ତ୍ୱ ସିଲ୍ଲା ଆରି ତିମତି ମାକିଦନିଆତାଂ ଖାତାର୍, ହେ ଏଚେକାତ୍ତ୍ୱ ପାଉଲ୍ ବଚନ୍ ପର୍ଚାରତ ବେସି ମାନଦିଆନ୍ ମାନଞ୍ଜି, ଜିସୁ ଜେ କ୍ରିସ୍ଟୁ ଆନାନ୍, ଇଦାଂ ଜିହୁଦିରତି ଲାଗାୟ ସାକି ହିବିସ୍ ମାଚାନ୍ । ୬ ମତର୍ ହେଖାର୍ ଆପତି ଆରି ନିୟା କିତିଲେ ହେଖାନ ଜାର୍ ହେୟା ତାତ୍ତ୍ୱି ହେଖାରିଂ ଇଚାନ୍, “ମି ନେତେର୍ ମି କାପ୍ତା ଜପି ଆରେତ୍, ଆନ୍ ପାପି ଆକାୟ ନଙ୍ଗ୍ ପାତ୍ କିଞ୍ଜି ଜିହୁଦିର ଲାହାଙ୍ଗ୍ ହାନାଂ ।” ୭ ହେବେଣ୍ଡାଂ ହେଖାନ ହେ ବାହାତାଂ ହାଲ୍ଲଜି ତିତସ୍ ଜୁସ୍ତ ତରନି ରଖାନ ଇସ୍ପୁରତି ପୁଜା କିନାକାନ୍ ଇଞ୍ଜ ହାଚାନ୍, ହେଦାଂ ପାର୍ତ୍ତନା ଇଲ୍ଲତିଙ୍ଗ୍ ଲାଗାଜି ମାଚାତ୍ । ୮ ମତର୍ ପାର୍ତ୍ତନା ଇଲ୍ଲନି ମୁଣିକା କ୍ରିସ୍ଟୁ ଆରି ଇଲ୍ଲନିକାର୍ ମାପୁ ତାକେ ପାତ୍ କିତାର୍, କରନ୍ତ୍ରିୟ ବିତ୍ତେ ଆଦେକ୍ ଖେନ୍ଞ୍ଜି ପାତ୍ କିଦେଙ୍ଗ୍ ଲାଗାତାର୍ ଆରି ବାପ୍ତିସିମ୍ ଆତାର୍ ।

୯ ଆରେ, ମାପୁ ନାଶା ହୁଡ୍ଡନାକା ହୁଦାଂ ପାଉଲ୍ତିଂ ଇଚାନ୍, “ପାଣ୍ଡା ଆମା, ତିମ୍ବରା ଆଖାଦାଂ ପର୍ଚାର କିୟା, ୧୦ ଇନାକିଦେଂକି ଆପ୍ ମି ଲାହାଙ୍ଗ୍ ମାନାପ୍, ଇମ୍ବି ଲଗୁ ପା ମି କେତି କିଦେଙ୍ଗ୍ ନିଂ ମାଡିବହା ଆଦୁନ୍, ଲାଗିଂ ମାଖାର୍ ଆଦେକ୍ ଲକୁ ଇ ଗାତ୍ତ୍ୱ ମାନାର୍ ।” ୧୧ ଆରେ, ହେଖାନ ହେଖାର୍ ଲାଗାୟ ଇସ୍ପୁରତି ବଚନ୍ ହିକ୍ୟା ହିଜି ବାହେକ୍ ଆଦା ହେବେ ବାହା କିତାନ ।

୧୨ ମତର୍ ଗାଲ୍ଲିୟନ୍ ଆକାୟାନି ରମିୟ ସାସନ୍କାରୟା ମାନି ଖେଡାଲିଂ ଜିହୁଦିର ପାଉଲ୍ତି ବିରୁଦ୍ଧତ ର ମାନ୍ ଆଜି ନିଂଜି ତାଙ୍ଗ୍ ଗାଦି ଲାଗାୟ ତାହି ଇଚାର୍, ୧୩ “ଇ ମାନାୟ” ବିଦିନି ଉଲ୍ଲଟା ବାବ୍ରେ ଇସ୍ପୁରତି ପାର୍ତ୍ତନା କିଦେଙ୍ଗ୍ ଲକାରିଂ ଚିଉଲ୍ଲାୟ କିନାକା ।

୧୪ ମତର୍ ପାଉଲ୍ ମୁମ୍ ରିକ୍ତି କାତା ଇଞ୍ଜେଙ୍ଗ୍ ଜାଲ୍ଲଦି ଆତିହିଂ, ଗାଲ୍ଲିୟନ୍ ଜିହୁଦିରଂ ଇଚାନ୍, ଇନେସ୍କିତିସ୍ପା ଅନ୍ୟାୟ କି ବାନ୍ୟା କାମାୟ ଜଦି ଆଜି ମାଚିସ୍ ଖାଟିଙ୍ଗ୍, ହେ ଜିହୁଦିର, କାଲେତାଂ ମି କାତା ଖେନାକା ହାରାଖାତାତ୍ତ୍ୱା; ୧୫ ମତର୍ ଜଦି ଇ ସବୁ ଆପ୍କା ବଚନ୍, ତର୍ ଆରି ମି ବିଦି ବିସ୍ତେ କିର ଆନାତ୍, ଖାଟିଙ୍ଗ୍ ଏପେଙ୍ଗ୍ ନିଜେ ହେଦାଂ ବୁଜାନାଦେର୍; ଆନ୍ ଇ ସବୁ ବିସ୍ତେ ବିଚାରକାରୟା ଆଦେଂ ଇଚା କିତଙ୍ଗା । ୧୬ ଆରେ, ଇଦାଂ ଇଞ୍ଜି ହେଖାନ ଗାଦି ବାହାତାଂ ପେସ୍ପାର୍ । ୧୭ ହେବେଣ୍ଡାଂ ଖିଜାର୍ ପାର୍ତ୍ତନା ଇଲ୍ଲନି ମୁଣିକା ସସ୍ଥନାତିଂ ଆସ୍ତି ଗାଦି ବାହାତ ଗ୍ରାକ୍ତେଂ ଲାଗାତାର୍; ମତର୍ ଗାଲ୍ଲିୟନ୍ ହେ ଖିଜୁ ବିସ୍ତେ ହୁଡ୍ଡଞ୍ଜାତାନ ।

ସିରିନି ଆନ୍ତ୍ରିୟକିଆତ ପାଉଲ୍ ମାସ୍ଦି ଖାତାନ

୧୮ ପାଉଲ୍ ବେସି ଦିନ୍ ପାତ୍ କିନି ଟଣ୍ଡାର୍ ଆରି ତଣ୍ଡେକ୍ ଲାହାଂ ଇଦାଂ ପାଚେ ପାଉଲ୍ ବେସି ଦିନ୍ ବାହା କିତାନ । ତା ପାଚେ ହେଖାନ ପିସ୍ତ୍ର ପ୍ରିସ୍ତିଲ୍ଲା ଆରି ଆକ୍ତିଲ୍ଲା ଲାହାଂ ସିରିୟାନି ଏସ୍ ଜାଜ୍ତ ହାଚାର୍ । କେକ୍ସେୟାତାଂ ଏସ୍ ଜାଜ୍ ଆରେମ୍ କିନି ଆଗେ ତାଙ୍ଗେଙ୍ଗ୍ ର ମାନ୍ତ ଇସାବ୍ରେ ହେଖାନ୍ତି କାପ୍ତା କୁରାୟ କିୟକିତାର୍ । ୧୯ ପାଚେ ହେଖାର୍ ଏପିସତ ଖାତାର୍, ଆରେ ହେଖାନ ହେ ବାହାତ ହେଖାରିଂ ପିସ୍ତ୍ର ନିଜେ ପାର୍ତ୍ତନା ଇଞ୍ଜ ହଣ୍ଡି ଜିହୁଦିରଂ ଲାହାଙ୍ଗ୍ ଆଲ୍ଲଚାନା କିତାର୍ । ୨୦ ଆରେ, ହେଖାର୍ ତାଙ୍ଗ୍ ଆଦିକ୍ ସମୁ ମାଞ୍ଜେଙ୍ଗ୍ ଗଞ୍ଜାରି କିତିଲେ, ହେଖାନ ରାଜି ଆଖାତାନ । ୨୧ ମତର୍ ହେଖାନ ହେଲ୍ ଅଜି ଇଚାନ୍, “ଇସ୍ପୁରତି ଇଚା ଆତିସ୍ ଆରେ ରଗ ମି ତାକେ ମାସ୍ଦି ଖାନାଙ୍ଗ୍” ହେଖାନ ଜାଜ୍ତ ହାଲ୍ଲଜି ଏପିସତ ମାସ୍ଦି ହାଚାନ୍ ।

୨୨ କାଈସରିୟାତ ଏକିସ୍ ହେଖାନ ଜାଜ୍ ତାଂ ଜୁତାନ, ଆରେ ହାଲ୍ଲଜି ମଣ୍ଡଲିତିଂ ମେହାଜି ଆନ୍ତ୍ରିୟକିଆତ ତାଂଜି ହାଚାନ୍ । ୨୩ ହେ ବାହାତ କେତେକ୍ ସମୁ ମାଚି ପାଚେ ହେଖାନ ହାଚାନ୍, ଆରେ ଦାଡିତାଂ ଗାଲ୍ଲାତିୟ ନିପ ଆରି ପୁଗିଆ ହିଜି ହାଲ୍ଲୁ ହାଲ୍ଲୁ ଚେଲାର୍ ଖିଜାରିଂ ସୁସ୍ତା କିଜି ମାଚାନ୍ ।

ଏପିସସ୍ ଆରି କରନ୍ତିତ ଆପଲ୍ଲ

୨୪ ଖିସ୍ତ୍ର ବିତ୍ତେ ଆପଲ୍ଲ ତରନି ରଖାନ ଜିହୁଦି ଏପିସତ ଖାତାନ, ହେଖାନ୍ତି ଜଲମ୍ ବାହା ଆଲେକ୍ଜାଣ୍ଡ୍ରିୟ; ହେଖାନ ହାର୍ ବେରଣ୍ କିନାକାନ୍ ଆରି ଦରମ୍ ସାସ୍ପୁରତ ଆଡ୍ଡନାକାନ୍ ମାଚାନ୍ । ୨୫ ଇ ମୁଣିକା ମାପୁତି ହାଜି ବିସ୍ତେ ସିକ୍ୟା ପାୟା ଆଜି ମାଚାନ୍, ଆରେ ଜିବୁନ୍ତ ରିସାଜି ଜିସୁତି ବିସ୍ତେ ହାର୍ଦି ହିକ୍ୟା ହିଜି ମାଚାନ୍, ମାତର୍ ହେଖାନ ଆପ୍କା ଜହନ୍ତି ବାପ୍ତିସିମ୍ ବିସ୍ତେ ପୁଞ୍ଜି ମାଚାନ୍; ୨୬ ହେଖାନ ପାର୍ତ୍ତନା ଇଲ୍ଲ ସାସ୍ ଲାହାଙ୍ଗ୍ କାତା ଇଞ୍ଜେଙ୍ଗ୍ ଲାଗାତାନ । ମତର୍ ପ୍ରିସ୍ତିଲ୍ଲା ଆରି ଆକ୍ତିଲ୍ଲା ତା କାତା ଖେନ୍ଞ୍ଜି ତାଙ୍ଗ୍ ଜାର୍ଡି ଲାହାଙ୍ଗ୍ ଇଡ୍ଡଜି ଆଦିକ୍ ଟିକିନିକି ବାବ୍ରେ ଇସ୍ପୁରତି ହାଜି ବିସ୍ତେ ତାଙ୍ଗ୍ ହିକ୍ୟା ହିତାର୍ । ୨୭ ହେଖାନ ଆକାୟା ଦେସ୍ତ ହାନି କାଜିଂ ଇଚା କିତିଲେ ଟଣ୍ଡାର୍ ତାଙ୍ଗ୍ ବାସ୍ ହିଜି ତାଙ୍ଗ୍ ଇଟ୍ଟନି କାଜିଂ ଚେଲାରିଂ ଲେକିକିତାନ । ହେଖାନ ହେବେ ଏକିସ୍, ଇମ୍ବିଶାକାର୍ ପାତ୍ କିଜି ମାଚାର୍, ଇସ୍ପୁରତି ଦୟା ହୁଦାଂ ହେଖାର୍ଡି ବେସି ଉପ୍କାର୍ କିତାନ, ୨୮ ଇନାକିଦେଂକି ଜିସୁ ଜେ କ୍ରିସ୍ଟୁ, ଇଦାଂ ଦରମ୍ ସାସ୍ପୁରତ ହୁଦାଂ ପାର୍ମାଣ୍ କିଜି ହେଖାନ ହପ୍ନି ସାକ୍ତି ଲାହାଙ୍ଗ୍ ଜିହୁଦିରତି ଜିକାଟାଣା ସବୁ ଆରାୟ କିଦେଙ୍ଗ୍ ଲାଗାତାନ ।



ଏପିସତ ପାଉଲ୍

୧ ଆପଲ୍ଲ କରନ୍ତିତ ମାନି ଖେଡାଲିଂ ପାଉଲ୍ ଖେଡାହନି ବିତ୍ରେ ହିଜି ହାଲ୍ଲଜି ଏପିସ ଗାଡ୍ଦ ଏକାତାନ୍ ହେବେ ହେଖାନ୍ କେତେକ୍ ଚେଲାରିଂ ଚଞ୍ଚାତାନ୍ । ୨ ହେଖାନ୍ ହେଖାରିଂ ଖେନ୍ବାତାନ୍, “ପାତ୍ କିନି ଖେଡାଲିଂ ଇନାକା ପୁଇପୁୟା ଜିରୁନ୍ତିଂ ଗାଟାଜି ମାଟାଦେର୍ କି ?”

ହେଖାର୍ ତାଙ୍ଗ୍ ଉତର୍ ହିତାନ୍, ଆକାୟ୍ “ପୁଇପୁୟା ଜିରୁନ୍ ଜେ ମାନାଡ୍, ଇଞ୍ଜି ଆପେଂ ଖେନ୍ଖାତାପ୍ ।”

୩ ଲାଗିଂ ହେଖାନ୍ ଖେନ୍ବାତାନ୍, “ଖାଟିଙ୍ଗ୍ ଏପେଙ୍ଗ୍ ଇନାକାତ ବାପ୍ରିସିମ୍ ଆଜି ମାଟାଦେର୍ ?”

“ହେଖାର୍ ଇଚାନ୍, ଜହନ୍ତି ବାପ୍ରିସିମ୍ତ ।”

୪ ହେବେଶ୍ଟାଂ ପାଉଲ୍ ଇଚାନ୍, “ଜହନ୍ ମାନ୍ବାଦଲ୍ଲାୟ୍ କିନି ବାପ୍ରିସିମ୍ତ ବାପ୍ରିସିମ୍ ହିଜି, ଜିସୁ ପାଚେ ଇନେର୍ ଖାନାନ୍, ହେଖାନ୍ ତାକେ, ଇଚିସ୍ ଜିସୁତି ତାକେ ପାତ୍ କିଦେଙ୍ଗ୍ ଆନାଡ୍ ଇଞ୍ଜି ଜହନ୍ ଇସ୍ତାଏଲ୍ ଲକୁରିଂ ଇଞ୍ଜି ମାଟାନ୍ ।”

୫ ହେଖାର୍ ଇଦାଂ ଖେନ୍ଞ୍ଜି ମାପୁ ଜିସୁତି ତର୍ଦ ବାପ୍ରିସିମ୍ ଆତାନ୍, ୬ ଆରେ ପାଉଲ୍ ହେଖାର୍ ଜପି କେଇ ଇଚ୍ଚିଲେ, ପୁଇପୁୟା ଜିରୁନ୍ ହେଖାର୍ ଜପି ଜୁଡ୍ତାନ୍, ଆରେ ହେଖାର୍ ବାର୍ବିନ୍ ବାସାତ କାତା ଇଞ୍ଜେଙ୍ଗ୍ ଆରି ବେଶ୍ବାକ୍ଷାୟ୍ କିନାକାନ୍ ପା ଇଞ୍ଜେଙ୍ଗ୍ ଲାଗାତାନ୍ । ୭ ହେଖାର୍ ଖିଜାନ୍ ଆନ୍ ମାନ୍ତ ବାନ୍ ଜାଣ୍ ଆଶ୍ଟାହିମ୍ଣାଂ ମାଟାନ୍ ।

୮ ପାଚେ ହେଖାନ୍ ପାର୍ତାନା ଇଞ୍ଜି ହଣ୍ଡି ତିନ୍ ମାସ୍ ପାଚେକ୍ ସାସ୍ ଲାହାଙ୍ଗ୍ ଇସ୍ପର୍ଚ୍ଚି ରାଜି ବିସ୍ତେ ଉପଦେସ୍ ହିଜି ପାତ୍ ବାତାୟ୍ କିଦେଂ ସେସ୍ଟା କିଦେଙ୍ଗ୍ ଲାଗାତାନ୍ । ୯ ମତର୍ ହେ ଏଚେକାଡ୍ଦ ଏଚେକ୍ ଲକୁ ଆଟ୍ଝା ଆରି ଅମାନ୍ୟା ଆଜି ଲକୁର୍ ମୁମ୍ଦ ହେ ହାଜି ବିସ୍ତେ ନିଦା କିଦେଙ୍ଗ୍ ଲାଗାତାନ୍, ହେ ଏଚେକାଡ୍ଦ ହେଖାନ୍ ହେଖାରିଂ ପିସ୍ତି ଚେଲାରିଂ ବିନେ କିତାନ୍, ଆରେ ନିତ୍ରେ ତୁରାନ୍ନି ଇଲ୍ ଆଲ୍ଚାନା କିଦେଙ୍ଗ୍ ଲାଗାତାନ୍ । ୧୦ ଇ ବାନି ରି ବାହୁଁ ପାଚେକ୍ ଆତାଡ୍; ହେବେ ଆସିଆ ନିକାନ୍ ଜିହୁଦି ଆରି ଗ୍ରିକ୍ ଖିଜାନ୍ ମାପୁତି ବଚନ୍ ଖେଚାନ୍ ।

ସ୍ଲୋବାନି ହିମ୍ଣାଂ

୧୧ ଆରେ, ଇସ୍ପର୍ ପାଉଲ୍ତିଂ କେଇ ହୁଦାଂ ଆବିଞ୍ଚି ସାକ୍ତିନି କାମାୟ୍ କିଜି ମାଟାନ୍, ୧୨ ଏଲେଂକି ପାଉଲ୍ ତା ଗାଗାଡ୍ତାଂ ରୁମାଲ୍ କି ତୁଖାଲ୍ ରଗ୍ୟାନ୍ ଲାଗେ ତାହିଖାତିସ୍, ହେଖାର୍ ତାଙ୍ଗ୍ ରଗ୍ ପିସ୍ତି ହାଲ୍ଲଜି ମାଟାଡ୍ ଆରି ବାନ୍ୟାପୁଦା ହସି ହାଲ୍ଲଜି ମାଟିକ୍ । ୧୩ ମତର୍ ବୁଲାନି ଜିହୁଦିର୍ ରୁଚ୍ କିଆର୍ ବିତ୍ରେ କେତେକ୍ ଜାଣ୍ତିଂ ବାନ୍ୟାପୁଦା ଲାଗାଜି ମାଟି ଲକୁର୍ ଜପି ମାପୁ ଜିସୁତି ତର୍ ଇଚିଲେ କସ୍ ଆଜି ଇଚିକ୍, ଇମ୍ଣା ଜିସୁଙ୍ଗ୍ “ପାଉଲ୍ ସୁଣାୟ୍ କିଦେଙ୍ଗ୍ ଲାଗାନାନା, ଆନ୍ ମିଙ୍ଗ୍ ହେଖାନ୍ତି ବଲ୍ ହିଦ୍ନାଙ୍ଗା ।” ୧୪ ଆରେ, ସ୍ଲୋବା ତର୍ନି ରଖାନ୍ ଜିହୁଦି ମୁଡ୍ ମାପୁହେବା କିନାକାନ୍ତି ସାଡ୍ଜାଣ୍ ମାଜିର୍ ଇ ଲାକେ କିଜି ମାଟାନ୍ ।

୧୫ ହେବେ ବାନ୍ୟାପୁଦା ହେଖାରିଂ ଉତର୍ ହିତାନ୍, “ଆପ୍ ଜିସୁଙ୍ଗ୍ ପୁନାପ୍ ଆରି ପାଉଲ୍ତିଂ ଚିନିକିତାପ୍ନା; ମତର୍ ଏପେଙ୍ଗ୍ ଇମ୍ଣାକାଦେର୍ ?”

୧୬ ହେ ଏଚେକାଡ୍ଦ ବାନ୍ୟାପୁଦା ଆହ୍ୟାତି ଲଗୁ ହେଖାର୍ଚ୍ଚି ଜପି ଗୁମ୍ଜି ସାକ୍ତିତାଂ ହେଖାନ୍ ରିୟାରିଂ ଆରାୟ୍ କିଜି ହେଖାରିଂ ଦାକା କିତାଡ୍ ଜେ, ହେଖାର୍ ନାଗ୍ଡା ଆରି ଗାଅଦାଆ ଆଜି ହେ ଇଲ୍ତାଙ୍ଗ୍ ହସି ହାଚାନ୍ । ୧୭ ଇ କାତା ଏପିସ ନିକାନ୍ ଜିହୁଦି ଆରି ଗ୍ରିକ୍ ଖିଜାନ୍ ପୁଚାନ୍ । ହେବେ ଖିଜାନ୍ ପାଶ୍ଟା ଆତାନ୍, ଆରେ ମାପୁ ଜିସୁତି ତର୍ ଜାଜ୍ମାଲ୍ ଆଦେଂ ଲାଗାତାଡ୍ । ୧୮ ଆରେ, ପାତ୍ ନିକାନ୍ ବିତ୍ରେ ଆଦେକ୍ ଖାଜି ଜାନ୍ ଜାନ୍ କାମାୟ୍ ମାନିକିତାନ୍ ଆରି ଖେଚ୍ଚେଂ ଲାଗାତାନ୍, ୧୯ ଆରେ ମନ୍ତର୍ କାମାୟ୍ କିନାକାନ୍ ଆଦେକ୍ ଜାନ୍ ଜାନ୍ ପତି ତାହିଖାଜି ରୁଣ୍ଡାୟ୍ କିଜି ଖିଜାକାନ୍ ମୁମ୍ଦ ହୁଡ୍ଜି ତୁହିତାନ୍; ହେଖାର୍ ହେ ସବୁନି ମଲ୍ ହିସାବ୍ କିଚିଲେ ହେଦାଂ ରିକଡ୍ ଦସ୍ ହାଜାନ୍ ରୁପା ଟାକାଂ ଇଞ୍ଜି ହୁଡ୍ତାନ୍ । ୨୦ ଇ ଲାକେ ମାପୁତି ବଚନ୍ ସାକ୍ତିତାଂ ବାତାଦେଂ ଆରି ଆଦିକ୍ ସାକ୍ତି ଆଦେଂ ଲାଗାତାଡ୍ ।

ଏପିସତ ଲାଗାଜଡ୍

୨୧ ଇ ଖିଜୁ ବିସ୍ତେ ଖିସ୍ତି ପାଚେ ପାଉଲ୍ ମାକିଦନିଆ ଆରି ଆକାୟା ହିଜି ଜିରୁସାଲମ୍ତ ହାଞ୍ଜେଙ୍ଗ୍ ମାନ୍ତ ତିର୍ କିଜି ଇଚାନ୍, “ହେବେ ହାଟି ପାଚେ, ନାଙ୍ଗ୍ ରମ୍ତ ପା ହାଞ୍ଜେଙ୍ଗ୍ ଆନାଡ୍ ।” ୨୨ ଆରେ, ଇମ୍ଣାକାନ୍ ହେଖାନ୍ତି ହେବା କିଜି ମାଟାନ୍, ହେଖାର୍ ବିତ୍ରେ ତିମତି ଆରି ଏରାସ୍, ଇ ରିୟାରିଂ ମାକିଦନିଆତ ପକ୍ତି ହେଖାନ୍ ନିଜେ ଅଲପ୍ କାଡ୍ ପାଚେକ୍ ଆସିଆ ଦେସ୍ତ ମାଟାନ୍ ।

୨୩ ହେ ଖେଡାଲିଂ ଇ ହାଜି ବିସ୍ତେ ବେସି ଅଜି ଏପିସତ ବେସି ଗଣ୍ଡଗଲ୍ ଆତାଡ୍ । ୨୪ ଇନାକିଦେଂକି ଦିମିତ୍ରିୟ୍ ତର୍ନି ରଖାନ୍ ହନାରି ଆର୍ଚେମିନି ରୁପା ମନ୍ଦିର୍ ରଚ୍ଚି ମାଟାନ୍, ଆରେ ବାନାରଚ୍ଚନାକନ୍ ବେସି ଲାବ୍ କିଜି ମାଟାନ୍ । ୨୫ ହେଖାନ୍ ହେଖାରିଂ ଆରି “ହେ ବେପ୍ରିୟାନ୍ ବାନାରଚ୍ଚନାକାରିଂ କୁକ୍ଚି ଇଚାନ୍, ମାପୁର୍, ଇ ବେପାର୍ ହୁଦାଂ ଆପେଂ ଦନ୍ ପାୟାନାପ୍ ଇଞ୍ଜି ଏପେଙ୍ଗ୍ ପୁନାଦେରା; ୨୬ ଆରେ, କେଇଚ୍ଚି ପୁଡ୍ତାଂ ଇସ୍ପର୍ ଆକାୟ୍ ଇଞ୍ଜି ଇଞ୍ଜି ଇ ପାଉଲ୍ କେବଲ୍ ଏପିସତ

☆ ୧୯:୪ ୧୯:୪ ମତିଉ ୩:୧୧; ମାର୍କ ୧:୪,୭,୮; ଲୁକ ୩:୪,୧୭; ଜହନ୍ ୧:୨୭,୨୭.

ଆକାୟ, ମତର ଓଜୁ ଆସିଆତ ଦେସତ ଜବର ମାନାୟତିଂ ବୁଜାୟ କିୟ କିଜି ଇନାନା, ଇଦାଂ ଏପେଙ୍ଗ ହୁଡ଼ନାଦେରା ଆରି ଖେନାଦେରା । ୨୭ ଇବେ ଜେ କେବଲ୍ ମା ଇ ବେପାର୍‌ନି ବାନାଧା ତର ଆନାକା ପାଣ୍ଡୁ ମାନାଡ଼, ହେଦାଂ ଆକାୟ, ମତର ଇମ୍‌ଣି ଗାଜା ପେନ୍ ଆର୍ତ୍ତେମିତି ଓଜୁ ଆସିଆ ଆରି ପୁତ୍ ଜାକ୍ ପାର୍ତ୍ତାନା କିତାର, ହେଖାନ୍ତି ମନ୍ଦିର ପା ଉଣା ଆନାକା ଆରି ତାଦାଂ ସନ୍‌ମାନ ନସ୍ ଆଦେଂ ପା ଗିଗାନି ପାଣ୍ଡୁ ମାନାଡ଼ ।”

୨୮ ଇ କାତା ଖେନ୍‌ଞ୍ଜି ହେଖାର ରିସାତ ବାତ୍ ଆଜି ରାଟୁ କିଜି ଇଞ୍ଜେଙ୍ଗ ଲାଗାତାର, ଏପିସିୟରତି “ଆର୍ତ୍ତେମି ଗାଜା ପୁଡ଼ଡ଼ା ଜୟ ଆଏଡ଼ ।” ୨୯ ଇବେଣ୍ଡାଂ ଗାଡ଼୍ କିରତ ବାତ୍ ଆତାଡ଼, ଆରେ ହେଖାର ର ମାନତାଂ ପାଉଲ୍‌ତି ରଚେ ହାତାକାନ୍ ମାକିଦନିଆନି ଗାୟ ଆରି ଆରିସ୍ତାକ୍‌ତିଂ ଆସି ମେଲ୍ୟାର ରୁମିତ ହନ୍‌ସ୍ତ ହାତାର । ୩୦ ଇବେ ପାଉଲ୍ ଲକୁ ବିତ୍ରେ ହାଞ୍ଜେଙ୍ଗ ଇଚା କିତାନ୍, ମତର ଚେଲାର ତାଙ୍ଗ୍ ହାଞ୍ଜେଙ୍ଗ୍ ହିଞ୍ଜାତାର । ୩୧ ଆରେ, ଆସିଆନି ମୁଡ଼୍ କାମାୟ କିନାକାର ବିତ୍ରେତାଂ ପା ଏଚେକ୍ ଜାଣ୍ ହେଖାନ୍ତି ହାଙ୍ଗ୍‌ଦାକାର ମାଟିଲେ ଲକୁ ପକ୍‌ତି ମେଲ୍ୟାର ରୁମି ବିତ୍ରେ ସାସ୍ ହିଲ୍‌ଖାଦାଂ ହାଲ୍‌ଖି କାଜିଂ ତାଙ୍ଗ୍ ଗଞ୍ଜାରି କିତାନ୍ । ୩୨ ହେ ଏଚେକାଡ଼୍ ଇନେର ଇନେର ଇ କାତା, ଇନେର ଇନେରକି ହେ କାତା ଇଞ୍ଜି କିକିରାତିଂ କିଜି ମାଗାର, ଇନାକିଦେଂକି ସବା ରାଟୁତ ବାତ୍ ଆଜି ମାଗାଡ଼, ଆରେ ହେଖାର ଜେ ଇନାକିଦେଂ ରବେରୁଣ୍ଡା ଆତାଣ୍ଡା, ହେଦାଂ ଆଦେକ୍ ପୁନ୍‌ଖାଦାଂ ମାଗାର । ୩୩ ଆରେ, ଜିହୁଦିର ଆଲେକ୍‌ଜାଣ୍ଡ୍ରତିଂ ଆଗେ ହପ୍‌ତି ତାହିଞ୍ଜାତିଲେ ଲକୁ ବିତ୍ରେତାଂ ଇନେର ଇନେର ତାଙ୍ଗ୍ ଚିଉଲ୍‌ୟ କିତାର; ହେବେ ଆଲେକ୍‌ଜାଣ୍ଡ୍ର କେଇଦାଂ ଚଟ୍‌ତି ଲକୁର ଲାଗାୟ ହେଖାରତି ପାକ୍ୟାଜି ଇଞ୍ଜେଙ୍ଗ୍ ଇଚା କିତାନ୍ । ୩୪ ମତର ହେଖାନ୍ ରଞ୍ଜାନ୍ ଜିହୁଦି ଇଞ୍ଜି ହେଖାର ପୁଚାର, ହେ ଏଚେକାଡ଼୍ ଓଜୁର କାର୍‌ତ ରି ଗଣ୍ଡା ପାତେକ୍ କିକିରାତିଂ କିଜି ଇଞ୍ଜେଙ୍ଗ୍ ଲାଗାତାର, ଏପିସିୟରତି “ଆର୍ତ୍ତେମି ଗାଜା ପୁଡ଼ଡ଼ା ଜୟ ଆଏଡ଼ ।”

୩୫ ପାଚେ ଗାଡ଼ନି ମୁସ୍‌ଦାର ଲକୁ ଓଜୁତିଂ ସୁସ୍ତା କିଜି ଇଚାର, “ଏ ଏପିସିୟନି ଲକୁର, ଏପିସ ଗାଡ଼୍ ଜେ ଗାଜା ପୁଡ଼ଡ଼ା ଆର୍ତ୍ତେମି ମନ୍ଦିର ଆରି ବାଦାଡ଼୍ ତାଂ ଜୁଜି ଖାଜିମାନି ପୁଡ଼ଡ଼ା ମନ୍ଦିରନି କାର୍‌ନିୟା, ଇଦାଂ ଇନେର ପୁନ୍‌ଖାତାଣ୍ଡା ? ୩୬ ଇନେର ମାନିକିଉର ଇ ସବୁ କାତା ତ୍ରିଙ୍ଗ୍‌ଞ୍ଜିଲେ ମିଦାଙ୍ଗ୍ ସୁସ୍ତା ଆନାକା ଆରି ବାବିକିଞ୍ଜି କାମାୟ କିଞ୍ଜି କାତା । ୩୭ ଇନାକିଦେଂକି ଇ ଇମ୍‌ଣି ଲକୁରିଂ ଏପେଙ୍ଗ୍ ତାହିଞ୍ଜାତାଦେଣ୍ଡା, ଇଞ୍ଜାରତ ମନ୍ଦିର ଚରି କିନାକାର ଆକାୟ କି ମା ଦେବିତିଂ ନିୟା କିନାକାର ଆକାୟ । ୩୮ ଲାଗିଂ ଜଦି ଇନେରତ୍ ବିରୁଦ୍‌ତ ଦିମିତ୍ରିୟ ଆରି ତା ହାଙ୍ଗ୍‌ଦାକାନ୍ ବାନାର୍‌ଚ୍‌ନାକାତ୍ ଇନାକାପା କାତା ମାଟିସ୍, ତା ଆତିସ୍ ବିଚାଣ୍ଡା ଇଲ୍ ଜେତାକା ମାନାଡ଼ ଆରି ସାସନ୍‌କାର୍‌ୟାର ମାନାଡ଼; ହେଖାର ହାରି ବିରୁଦ୍‌ତ ଦାବା କିଏର । ୩୯ ମତର, ଜଦି ମିଦାଙ୍ଗ୍ ବିନ୍ ଇମ୍‌ଣି ଦାବା ମାଟିସ୍, ଖାଟିଙ୍ଗ୍ ନିୟମ୍ କିତି ର ସବାତ ତା ରୁଜୁକ୍ ଆନାଡ଼ । ୪୦ ଇନାକିଦେଂକି ହାଡ଼ପାନେ ନେଞ୍ଜେଙ୍ଗ୍‌ନି କିର ଅଜି ମା ବିରୁଦ୍‌ତ ଦାବା ଆନି ପାଣ୍ଡୁ ମାନାଡ଼; ଆପେଂ ଇ କିର ଇମ୍‌ଣି କାରଣ୍ ଚଟ୍‌ଚେଙ୍ଗ୍ ଆଡୁପ୍ ।” ୪୧ ଇଦାଂ ଇଞ୍ଜି ହେଖାନ୍ ସବାନି ଓଜୁରିଂ ହେଲ୍‌ଖେୟ ହିତାନ୍ ।

୨୦

ମାକିଦନିଆ ଆରି ଆକାୟାତ ଜାତ୍ରା

୧ ହେ ଗଣ୍ଡଗଲ୍ ଚିମ୍‌ରା ଆତି ପାଚେ ପାଉଲ୍ ଚେଲାରିଂ କୁକ୍‌ତି ହେଖାରିଂ ଖାରିକିୟକିନି ପାଚେ, ଆରେ ହେଖାର ତାଙ୍ଗ୍ ହେଲ୍‌ଖେୟ ଅଜି ମାକିଦନିଆତ ହାତାର । ୨ ହେଖାନ୍ ଇମ୍‌ଣି ନିପ ହିଜି ହାଲ୍‌ଜି ହେଖାନ୍ ମାନାୟାରିଂ ବେସି ଖାରିକିୟକିନି ପାଚେ ଗ୍ରିସ୍‌ତ ଖାତାନ୍ । ୩ ହେଖାନ୍ ହେ ବାହାତ ତିନ୍ ମାସ୍ ମାଞ୍ଜି ଏଚେକାଡ଼୍‌ଦ ଜାଜ୍‌ତ ଦୁମ୍‌ଜି ସିରିୟାତ ହାଞ୍ଜେଙ୍ଗ୍ ସେସ୍ତା କିତାନ୍, ଏଚେଖାଡ଼ାଂ ଜିହୁଦିର ପାଉଲ୍‌ତିଂ ବିରୁଦ୍‌ତ ହାଡୁର କିତିଲେ ହେଖାନ୍ ମାକିଦନିଆ ହିଜି ମାସ୍‌ଦିହାଞ୍ଜେଙ୍ଗ୍ ବାବି କିତାନ୍ । ୪ ଆରେ ବେରିୟାନିକାର ପୁରତି ମାଜି ସପାତ୍ର, ତେସ୍‌ଲନିକିୟ ନିକାର ବିତ୍ରେ ଆରିସ୍ତାକ୍ ଆରି ସେକ୍‌ୟ, ଦବ୍‌ନି ଗାୟ, ତିମତି, ଆରେ ଆସିଆନି ଲକୁ ବିତ୍ରେ ତୁକିକ ଆରି ତ୍ରପିମ ତା ହାଙ୍ଗ୍‌ଦାଂ ହାତାର । ୫ ଇଞ୍ଜାର ଓଜୁର ଆଗେ ହାଲ୍‌ଜି ତ୍ରୟାତ ମାଙ୍ଗେଙ୍ଗ୍ କାସି ମାନ୍‌ସ୍ତାନ୍ । ୬ ଆରେ, ହଇଞ୍ଜି ରୁଟିନି ପାର୍‌ ପାଚେ ଆପେଂ ଜାଜ୍‌ତ ଦୁମ୍‌ଜି ପିଲିପିତାଂ ହାଜି ଆସ୍ତାପ୍, ଆରେ ପାଞ୍ଚ ଦିନ୍ତ ତ୍ରୟାତ ହେଖାର ଲାଗାୟ ଖାତାପ୍; ହେ ବାହାତ ଆପେଂ ସାଡ଼ ଦିନ୍ ମାଗାପ୍ ।

ତ୍ରୟାତ ପାଉଲ୍‌ତି ହାରିହାରା ହାନାକା

୭ ଆପେଂ ସାଡ଼ନି ପର୍ତୁମ୍ ରଇବାର ନାଜିଂ ଏଚେକାଡ଼୍‌ଦ ତିଞ୍ଜେଙ୍ଗ୍ ରବେରୁଣ୍ଡା ଆଜି ମାଗାପ୍, ପାଉଲ୍ ହେ ଏଚେଖାଡ଼ାଂ ଆକାଡ଼ ନାଜିଂ ହାନାନ୍ ଇଞ୍ଜି ଜାଲ୍‌ଦି ଆଜି ମାଟିଲେ ହେଖାରିଂ ଉପ୍‌ଦେସ୍ ହିଦେଂ ଲାଗାତାନ୍ ଆରି ଆଦାନାଣା ପାତେକ୍ ଲାମା କାତା ହିତାନ୍ । ୮ ଇମ୍‌ଣି ଜପ୍‌ଣି ବାକ୍ରାତ ଆପେଂ ରବେ ରୁଣ୍ଡାଜି ମାଗାସ୍, ହେ ବାକ୍ରାତ ବେସି ବଇଟାଂ କାତା ଆଜି ମାଟିକ୍ । ୯ ଆରେ, ଚିଟ୍‌କି ଜପି ଇଉତୁକ ତରନି ରଞ୍ଜାନ୍ ଦାଂଶେନ୍ ଲଗୁ କୁଟ୍‌ତି ମାଗାନ୍, ହେଖାନିଂ ବେସି ହୁଟ୍‌କାଣ୍‌କୁ ହସି ମାଟିକ୍; ଆରେ ପାଉଲ୍ ଆରେ ତେଙ୍ଗା ଉପ୍‌ଦେସ୍ କିତିଲେ ହେଖାନ୍ ହୁଟ୍‌କାଣ୍‌କୁ ମାୟାତାଂ ତିନି ପାଉରତାଂ ତାରେନ୍ ଆର୍ତ୍ତାନ୍, ଆରେ ତାଙ୍ଗ୍ ନିକ୍‌ତି ଖେଡ଼ାଲିଂ ହେଖାନ୍ ହାତାନ୍ନା ଇଞ୍ଜି ପୁନ୍‌ଧାତାଡ଼ । ୧୦ ହେବେ ପାଉଲ୍ ତାରେନ୍ ଜୁଜି ଖାଜି ତାଙ୍ଗ୍ ପମ୍‌ଜି ଇଚାନ୍, “ତିନ୍ତା କିମା, ଇନାକିଦେଂକି ଇଞ୍ଜାନ୍ ତାକେ ଜିରୁନ୍ ମାନାଡ଼ ।” ୧୧ ପାଚେ ହେଖାନ୍ ଜପି ହାଲ୍‌ଜି ରୁଟି ତ୍ରିକ୍‌ତି

ଚିତାନ୍, ଆରେ ହେୱାର୍ ଲାହାଙ୍ଗ ନାଡ଼ିହିଙ୍ଗ ଆନି ପାତେକ୍ ବେସି କାତାବାର୍ତ୍ତା କିଜି ହାଜି ଆସ୍ତାନ୍ । ୧୨ ଆରେ, ହେୱାର୍ ହେ କାଡ଼ଦେଙ୍ଗ ଜିଜି ମାନାକା ଗାଟାଜି ଆଦିକ୍ ଖାରିକିୟକିନି କାଜି ହେୱାର୍ ଆଦିକ୍ ହେୱାରି ଆରି ଇଞ୍ଜ ଅସି ହାଚାର୍ ।

ଭ୍ରାୟାତାଂ ମିଲିଟସ୍ତ ହାନାକା

୧୩ ମତର୍, ଆପେଂ ଆକ୍ତୁ ଜାଜ୍ତ ଦୁମ୍ଜି ଆସସ୍ତ ହାଚାପ୍, ହେବେତାଂ ପାଉଲ୍ତିଂ ଅସି ହାନି କାଜିଂ ବାବି କିଜି ମାଚାପ୍, ଇନାକିଦେଂକି ହେୱାନ୍ ନିଜେ ହାଜିତ ହାଞ୍ଜେଙ୍ଗ କାଜିଂ ଇଚା କିଜି ହେ ବାନି ତିର୍ କିଜି ମାଚାନ୍ । ୧୪ ଏତେକାଡ଼୍ ହେୱାନ୍ ମାଂ ଆସସ୍ତ ବେଟା ଆଡ଼ତାନ୍, ଆପେଂ ତାଙ୍ଗ୍ ଜାଜ୍ତ ଅଜି ମିତୁଲିନିତ ଏକାତାପ୍, ୧୫ ଆରେ ହେ ବାହାତାଂ ଜାଜ୍ ରିକ୍ତି ଆପେଂ ଆକାଡ଼ ନାଜିଂ କିୟସ୍ ମୁମ୍ଦ ଏକାଞ୍ଜାତାପ୍, ରି ଦିନ୍ତାଙ୍ଗ୍ ଜାଜ୍ ସାମତ ତୁକାୟକିତାପ୍ ଆରି ଆକାଡ଼ ଦିନା ମିଲିତତ ଏକାତାପ୍ । ୧୬ ଇନାକିଦେଂକି ପାଉଲ୍ତି ଆସିଆତ ଇନେସ୍ ସମୁ ମାଞ୍ଜେଙ୍ଗ୍ ଆମେଡ଼, ଇଦାଂ କାଜିଂ ହେୱାନ୍ ଏପିସ ପିସ୍ତ୍ର ହାଞ୍ଜେଙ୍ଗ୍ ବିଚାର୍ କିଜି ମାଚାନ୍, ଲାଗିଂ ଆତିସ୍ କାତେ ପେଣ୍ଟିକସ୍ ନାଜିଂ ଜିରୁସାଲମ୍ତ ଏକିନି କାଜିଂ ହେୱାନ୍ ତିରକାଡ଼୍ ଆସିସ୍ ମାଚାନ୍ ।

ଏପିସିୟ ମଣ୍ଡଲିନି ପାଉଲ୍ତି ହାନି ପରଚାର୍

୧୭ ମିଲିତତାଂ ପାଉଲ୍ ଏପିସତ ଲକ୍ତୁ ପକ୍ତି ମଣ୍ଡଲିନି ପ୍ରାତିନାରିଂ ଜାର୍ ଲାଗେ କୁକ୍ତି ତାହିୱାତାନ୍ । ୧୮ ହେୱାର୍ ତା ଲାଗାୟ୍ ଏକିତିଲେ ହେୱାନ୍ ହେୱାରିଂ ଇଚାନ୍, ରମିୟ ରାଜିନି “ଆସିଆତ ମାନି ପର୍ତୁମ୍ ଦିନ୍ତାଂ ଆନ୍ ଓଜୁ ସମୁ ମି ବିତ୍ରେ ଇନେସ୍ ଚିନ୍ତା କିତାଂ, ୧୯ ପୁରାବାତ ହୁଦାର୍ ମାନ୍ତ ମେଣ୍ଡାଙ୍ଗ୍ କୁୟି ହୁଦାଂ ଜିହୁଦିର୍ତ ବାର୍ବିନ୍ କୁର୍ କାଜିଂ ନାଙ୍ଗ୍ ଇମ୍ଣି ଇମ୍ଣି ପରିକ୍ୟା ଗିଟାଜି ମାଚାଡ଼, ହେ ସବୁ ପା ଇନେସ୍ ମାପୁତି ହେବା କିଜି ମାଚାଙ୍ଗ୍, ୨୦ ଏପେଙ୍ଗ୍ ପୁନାଟ୍ ଜେ, ଆନ୍ ମାନାୟାର୍ ଲାଗାଂ ପରଚାର୍ କିନି ସମୁତ ଆରି ମି ଇଲ୍ ଉପ୍ଦେସ୍ ହିନି ସମୁତ ମି ଉପ୍କାର୍ ଆନି ଲାକେ ଇମ୍ଣାକା ପା ବିସ୍ତେ ଖେଚ୍ଚେ, ବନ୍ କିଞ୍ଜାଦାଂ ମାଚାଙ୍ଗ୍ ୨୧ ହିକ୍ୟା ହିଦେଂ ମଦାଞ୍ଜାଦାଂ ଇସ୍ବର ତାକେ ମାନ୍ବାଦ୍ଲୟ୍ ଆରେ, ମା ମାପୁ ଜିସୁତି କାଜିଂ ପାତ୍ ନି ବିସ୍ତେ ଜିହୁଦି ଆରି ଗ୍ରିକ୍ତି ଲାଗାୟ୍ ସାକି ହିଜି ମାଚାଙ୍ଗ୍ ହେଦାଂ ଏପେଙ୍ଗ୍ ପୁନାଟ୍ । ୨୨ ନଙ୍ଗ୍ ହୁଡାଟ୍, ଆନ୍ ପୁଇପୁୟା ଜିରୁନ୍ତ ଉଦେସ୍ ପାୟାଜି ଜିରୁସାଲମ୍ତ ହାନାଙ୍ଗା, ହେ ବାହାତ ନା କାଜିଂ ଇନାକା ସବୁ ଗିଟାଚାଡ଼, ହେଦାଂ ଆନ୍ ପୁନୁଙ୍ଗ୍, ୨୩ ନା କାଜିଂ ଜେ ହିକ୍ତି ଗାଚ୍ନାକା ଆରି ଦୁକ୍ ମାନାଡ଼, କେବଲ୍ ଏତେକ୍ ପୁନାଙ୍ଗ୍, ଇଦାଂ ପୁଇପୁୟା ଜିରୁନ୍ତ ଗାଡ଼୍ ବସ୍ତିତ ସାକି ହିଡ଼ତାନ୍ନା । ୨୪ ମାତର୍ ଆନ୍ ଇନେସ୍ ନା ସମାନ୍ ହାଜିନି ହାରିହାରା ପାତେକ୍ ହଡ୍ଡେଙ୍ଗ୍ ଆଡ଼ନାଙ୍ଗ୍, ଆରେ ଇସ୍ବରତି ଦୟାନି ନେକ୍ତିକାରୁର୍ ପାକ୍ୟାତ ସାକି ହିନି କାଜିଂ ମାପୁ ଜିସୁତାଂ ଇମ୍ଣି ହେବାନି କାମାୟ୍ ପାୟାତାନ୍ନା, ହେଦାଂ ଇନେସ୍ ପୁରାକିଦେଂ ଆଡ଼ନାୟ୍, ଇଦାଂ କାଜିଂ ଆନ୍ ଜାର୍ ଜିରୁନ୍ତି ହାଦ୍ନାକା କିଞ୍ଜାଦାଂ ହେଦାଂ ହାରୁ କିନାଙ୍ଗା ।”

୨୫ ଆରେ ନଙ୍ଗ୍ ହୁଡାଟ୍, ଇମ୍ଣାକାର୍ ବିତ୍ରେ ଆନ୍ “ଇସ୍ବରତି ରାଜି ସୁଶାୟ୍ କିଦେଙ୍ଗ୍ ଇଞ୍ଜି ବୁଲାଆତାଂ, ଏଲେଙ୍ଗ୍ ଜେ ଏପେଙ୍ଗ୍ ଓଜାକାଦେର୍, ଆରେ ହୁଡାଟ୍ ନା ମୁମ୍ ହୁଡ଼ୁଦେର୍ ଇଞ୍ଜି ଆନ୍ ପୁନାଙ୍ଗ୍ । ୨୬ ଲାଗିଂ ଆନ୍ ଜେ ଓଜାକାତ୍ ନେତେର୍ନି ପାପି ଆକାୟ୍, ଇଦାଂ ଆନ୍ ନେଞ୍ଜେଙ୍ଗ୍ ମିଙ୍ଗ୍ ସାକି ହିଦ୍ନାଙ୍ଗା । ୨୭ ଆନ୍ ଇସ୍ବରତି ଇଚା ଓଜୁ କିତାକା ମିଙ୍ଗେଙ୍ଗ୍ ଜାଣାୟକିଦେଂ ମଦାଞ୍ଜାଦାଂ ମାଚାଙ୍ଗ୍ । ୨୮ ଏପେଙ୍ଗ୍ ଜାର୍ ଜାର୍ ବିସ୍ତେ, ଆରେ ଇମ୍ଣି ମଣ୍ଡଲିତିଂ ଇସ୍ବର ଜାର୍ ଜାର୍ ନେତେର୍ନି କଡ଼ତାର୍ନା, ତା ହେ ମଣ୍ଡଲିତିଂ ପାଲି କିଦେଙ୍ଗ୍ କାଜିଂ, ପୁଇପୁୟା ଜିରୁନ୍ତ ଜେ ମିଙ୍ଗେଙ୍ଗ୍ ଓଜୁ ମାୟା ବିତ୍ରେ ମୁଣିକା ଲାକେ ବାଚି କିତାଣ୍ଟା, ହେୱାର୍ତି ବିସ୍ତେ ଜାଗ୍ରତ୍ ମାନାଟ୍ । ୨୯ ଆନ୍ ପୁନାଙ୍ଗ୍, ଆନ୍ ହାନି ପାଚେ ମି ବିତ୍ରେ ବଇଁକାର୍ ହୁଣ୍ଡାର୍ ବୁର୍କାଙ୍ଗ୍ ଖାନିକ୍ ଆରି ମାୟାତିଂ ଚିର୍ବିର୍ କିଞ୍ଜାଦାଂ ପିହୁକ୍ । ୩୦ ଆରେ, ଲକ୍ ମି ବିତ୍ରେତାଂ ପା ନିଂଜି ଚେଲାର୍ତିଂ ଜାର୍ତିଂ ପାଚେ ଜାଲ୍ଜି ଅଦେଂ କାଜିଂ ଉଲ୍ଟା କାତାଂ ଇନାର୍, ଇଦାଂ ଆନ୍ ପୁନାଙ୍ଗ୍ । ୩୧ ଲାଗିଂ, ଏପେଙ୍ଗ୍ କାସି ମାନାଟ୍, ଆରେ ଆନ୍ ତିନି ବାହୁଁ ପାତେକ୍ ଖେଡ଼ନାଣା ମେଣ୍ଡାଙ୍ଗ୍ କୁୟିକିଜି ଜାଣ୍ଡକେ ରଞ୍ଜାନିଂ ଚେଡ଼ନା ହିଦେଂ ଜେ ଜମ୍ଞାଦାଂ ମାଚାଙ୍ଗ୍, ଇଦାଂ ଏତୁ କିୟାଟ୍ ।”

୩୨ “ନଙ୍ଗ୍ ଆନ୍ ମିଙ୍ଗ୍ ମାପୁ ତାକେ ଆରି ହେୱାନ୍ତି ଦୟାନି ବଚନ୍ ଲାଗେ ହେଲାୟ୍ କିଦ୍ନାଙ୍ଗା, ହେୱାନ୍ ମିଙ୍ଗ୍ ହାର୍ କିଦ୍ନି କାଜିଂ ଆରି ପୁଇପୁୟା କିଦ୍ଦେଂ ଓଜାର୍ ବିତ୍ରେ ଆର୍ଞ୍ଜା କିଦ୍ନି ଆରି ଇସ୍ବରତି ମାନାୟାର୍ ସବୁ ଦୟା ମିଙ୍ଗେଙ୍ଗ୍ ହିଦ୍ଦେଂ ରାଜି । ୩୩ ଆନ୍ ଇନେରିଂ ରୁପା କି ହନା କି ହେୟା ଲବ୍ କିଞ୍ଜାଦାଂ ମାଚାଙ୍ଗ୍ । ୩୪ ନା ଇ କେଇ ରିଣ୍ଡାଂ ଜେ ନାଞ୍ଜାଙ୍ଗ୍ ଆରି ନା ହାଙ୍ଗ୍ଦାକାର୍ତି ଅବାଟ୍ ବାତ୍ କାଜିଂ ହେବାକିନାକା କିଜି ଖାନାଙ୍ଗା, ଇଦାଂ ଏପେଙ୍ଗ୍ ନିଜେ ପୁନାଟ୍ । ୩୫ ଗାଟାନି ତାଂ ଦାନ୍ ହିନାକା ଆଦିକ୍ ଖାରି ମାନ୍ଗାନାଡ଼, ନିଜେ ମାପୁ ଜିସୁତି ଇ ବଚନ୍ତିଂ ଏତୁ କିଜି ଇ ବାନି କସ୍ କାମାୟ୍ ହୁଦାଂ ଆସେଙ୍ଗ୍ ନାଦାର୍ ଲକ୍ତୁରିଂ ଉପ୍କାର୍ କିନି ଲଡ଼ା, ଇ ବିସ୍ତେ ସବୁ ଖେଡ଼ାଂ ମିଂ ହାଦ୍ନାକା ଚଚ୍ଚାତାଂନା ।”

୩୬ ଇ ସବୁ କାତା ଇତି ପାଚେ, ହେୱାନ୍ ମେଣ୍ଡାଙ୍ଗ୍ କୁୟିକିଜି ଓଜାର୍ ଲାହାଙ୍ଗ୍ ହେୱାର୍ ପାର୍ତାନା କିତାନ୍, ୩୭ ଆରେ, ହେୱାର୍ ବେସି ଆଡ଼ବିସ୍ ପାଉଲ୍ତିଂ ପମ୍ଜି ହେୱାନିଂ ତନ୍ଞେଙ୍ଗ୍ ଲାଗାତାର୍, ୩୮ ହେୱାର୍ ହେୱାନ୍ତି ମୁମ୍ ଆରେ, ଆରେ ରଗ ହୁଡ଼ୁରୁ ଇଞ୍ଜି ପାଉଲ୍ ଇମ୍ଣି କାତା ଇଞ୍ଜି ମାଚାନ୍, ହେଦାଂ କାଜିଂ ବେସି ଦୁକ୍ କିତାର୍ । ପାଚେ ହେୱାର୍ ତାଙ୍ଗ୍ ଜାଜ୍ ପାତେକ୍ ଅସି ହାଚାର୍ ।

☆ ୨୦:୨୪ ୨୦:୨୪ ୨ ତିମତି ୪:୭.

୨୧

ପାଉଲ୍ ଜିରୁସାଲମ୍‌ତ ହାନାକା

୧ ହେୱାର୍‌ତା ହେଲ ଅସି ଆପେ ଜାଜ୍‌ତ ଦୁମ୍‌ଜି ହାଣ୍ଡକୁ ହାଜିତ୍ କସ୍‌ତ ଖାତାପ୍, ଆର୍କାତ୍ ନାଜିଂ ରଦାତ, ଆରେ ହେ କାଟାକାଟା ହାଲ୍‌ଜି ପାତାର୍‌ତ ଖାତାପ୍ । ୨ ହେବେତା ଆପେ ପୈନିକିଆତ ନାସି ହାଲ୍‌ଜି ମାନି ର ଜାଜ୍ ଗାଟାଜି ଆପେ ହେବେ ଦୁମ୍‌ଜି ଚାଲାତାପ୍ । ୩ ପାରେ କୁପ୍ତ ହୁଡ୍‌ଝିତିଲେ ଆପେ ତେବ୍‌ସି ବାଗାଙ୍ଗ୍ ପିସ୍ତ୍ର ସିରିୟାତ ଚାଲାଜି ଚାୟର୍ ଇକାତାପ୍, ଇନାକିଦେଂକି ହେବେ ଜାଜ୍‌ତା ଜିନିସ୍ ଜୁଡ୍‌ନାକା ମାଟାତ୍ । ୪ ହେବେତା ଚେଲାରିଂ ତେକ୍‌ଟି ହେୱାରିଂ ବେଟା ଆଜି ସାଡି ଦିନ୍ ହେବେ ମାଟାପ୍, ଆରେ, ପାଉଲ୍ ଇନେସ୍‌କି ଜିରୁସାଲମ୍‌ତ ହାଲୁନ୍, ଇଦାଂ କାଜିଂ ହେୱାର୍ ଜିବୁନ୍‌ତା ହେୱାନିଂ ଇଟାର୍ । ୫ ହେ ସାଡି ଦିନ୍ ମାଟି ପାଟେ ହେ ବାହାତାଂ ହାଟାପ୍, ଆରେ ହେୱାର୍ ଝିଜାର୍ କଗ୍‌ଲେ ଆରି ହିମ୍‌ଶାଖାକ୍‌ଡା ହୁକେ ମାଜେଙ୍ଗ୍ ଗାଡ୍‌ନି ବାଡି ପାଟେକ୍ ମାଜେଙ୍ଗ୍ ପିସ୍ତ୍ରେଙ୍ଗ୍ ଖାତାର୍, ଆରେ, ଆପେ ହାମ୍‌ବୁର୍ ଗୁଟିତ ମେଣ୍ଡାଙ୍ଗ୍‌କୁନ୍‌ଦି କିଜି ପାଟାନା କିତାପ୍, ୬ ପାଟେ ଆପେ ଜାଜ୍‌ତ ଦୁମ୍‌ତାପ୍, ଆରେ ହେୱାର୍ ଇଞ୍ଜ ମାସ୍‌ଦି ହାଟାର୍ ।

୭ ଆପେ ଚାୟର୍‌ତା ଏସ୍‌ଜାଜ୍‌ତା ହାନାକା ଝିସ୍ତ୍ର ପାଉଲ୍‌ମାଲତ ଏକାତାପ୍ ଆରି ଟଣ୍ଡାରିଂ ଜୱାର୍ କିଜି ର ଦିନ୍ ହେୱାର୍ ହୁକେ ମାଟାପ୍ । ୮ ଆର୍କାତ୍ ନାଜିଂ ଆପେ କାଲସରିୟାତ ହାଟାପ୍, ଆରେ ସାଡି ଜାଣିତି ବିତ୍ରେ ମାନି ନେକ୍‌କାବୁର୍ ପର୍‌ଟାର୍ କିନାକାନ୍ ପିଲିପ୍‌ତି ଇଞ୍ଜ ହାଣ୍ଡି ହେୱାନ୍ ହୁକେ ମାଟାପ୍ । ୯ ହେୱେକ୍ ଚାରି ଜାଣ୍ ଜିପଲିକ୍ ଗାଡ୍‌ତେକ୍, ବେଶ୍‌ବାକ୍‌ଶାୟକିନିକିକ୍ ମାଟିକ୍ । ୧୦ ହେ ବାହାତ ଆପେ ବେସି ଦିନ୍ ମାଟି ପାଟେ ଆଗାବ ତର୍‌ନି ରଞ୍ଜାନ୍ ବେଶ୍‌ବାକ୍‌ଶାୟକିନାକାର୍ ଜିହୁଦା ରାଜିତାଂ ଖାତାନ୍ । ୧୧ ହେୱାନ୍ ମା ଲାଗାୟ ଖାଜି ପାଉଲ୍‌ତି ମେଙ୍ଗାଙ୍ଗ୍ ଗାଡ୍‌ୟାନାକା ତରି ଅଜି ଜାର୍ କେଇଦ ଗାଡ୍‌ଟି ଇଟାନ୍, “ପୁଇପୁୟା ଜିବୁନ୍ ଇଦାଂ ଇନାନ୍, ଇ ମେଙ୍ଗାଙ୍ଗ୍ ଗାଡ୍‌ୟାତି ବେଲ୍‌ଟ୍ ମୁଣିକାତିଂ ଜିରୁସାଲମ୍ ନିକାର୍ ଜିହୁଦିର୍ ଏପେଙ୍ଗ୍ ଗାଡ୍‌ଟି ପାଟି କିଝି ଜିହୁଦିର୍ କେଇଦ ହେଲାୟ କିତାର୍ ।”

୧୨ ଇ ଝିଜୁ କାତା ଝେନ୍‌ଞ୍ଜି ଜିରୁସାଲମ୍‌ତ ହାଲ୍‌ଝି କାଜିଂ ଆପେ ଆରି ହେ ବାହାନି ଲକୁ ତାଙ୍ଗ୍ ଗଝାରି କିତାପ୍ । ୧୩ ହେବେ ପାଉଲ୍ ଉତର୍ ହିତାନ୍, “ଏପେଙ୍ଗ୍ ଆଡ୍‌ବିସ୍ ଆରି ମାନ୍ତ କସ୍ ହିଜି ଇନାକା କିନାଦେରା ? ଇନାକିଦେଂକି ଆନ୍ ମାପ୍ ଜିସ୍ତୁତି ତର୍ କାଜିଂ ଜିରୁସାଲମ୍‌ତ କେବଲ୍ ଗାଟ୍ୟା ଆଦେଂ ଜାଲ୍‌ଦି, ହେଦାଂ ଆକାୟ୍, ମତର୍ ହାଦେଂ ପା ଜାଲ୍‌ଦି ମାନାଂ ।”

୧୪ ଆପେ ହେୱାରିଂ ବୁଜାୟ୍ କିକିୟ୍ କିଦେଙ୍ଗ୍ ଆଡ୍‌ଝାଦାଂ ହେବେ ରିସା ଆଜି ଇଟାପ୍, “ମାପୁତି ଇଟା ପୁରା ଆୟେଡ୍ ।”

୧୫ ଆପେ ଇ କେତେକ୍ ଦିନ୍ ପାଟେ ଆଡ୍‌ମାଡ୍ ଅଜି ଜିରୁସାଲମ୍‌ତ ଚାଲାତାପ୍ । ୧୬ ଆରେ, ମା ହାଙ୍ଗ୍‌ଦାଂ କାଲସରିୟାତ ପା କେତେକ୍ ଜାଣ୍ ଚେଲାର୍ ହାଟାର୍, ହେୱାର୍ ସାଲପ୍‌ସ୍ ମନାସୋନ ତର୍‌ନି ରଞ୍ଜାନ୍ ପୁନି ଚେଲାଂ ହାଙ୍ଗ୍‌ଦାଂ ତାହିଝାତାର୍, ହେୱାନ୍ତି ଇଞ୍ଜ ମାଦାଂ ମାନାକା ମାଟାତ୍ ।

ଜାକୁବ୍ ଲାହାଙ୍ଗ୍ ମେହାଣ୍

୧୭ ଆପେ ଜିରୁସାଲମ୍‌ତ ଏକିତିଲେ, ପାଟି କିନି ଟଣ୍ଡାର୍ ମାଂ ଝାରିତାଂ ଇଡ୍‌ଦାତାର୍ । ୧୮ ଆର୍କାତ୍ ନାଜିଂ ପାଉଲ୍ ମାହୁଦାଂ ଜାକୁବ୍ ଇଞ୍ଜ ହାଟାନ୍, ଆରେ ହେ ବାହାତ ଝିଜାର୍ ପ୍ରାଟିନାର୍ ରୁଣ୍ଡାତାର୍ । ୧୯ ହେୱାନ୍ ହେୱାରିଂ ଜୱାର୍ କିତି ପାଟେ, ଇସ୍‌ବ୍ ପାଟି କିଝି ଜିହୁଦିର୍ ବିତ୍ରେ ଇମ୍‌ଣି ସବୁ କାମାୟ୍ ହେୱାନ୍ତି ହେବା କାଜିଂ ସାଦନ୍ କିଜି ମାଟାନ୍ ରଞ୍ଜାଙ୍ଗ୍ ରଞ୍ଜାଙ୍ଗ୍ କିଜି ହେ ସବୁ ହେୱାର୍ ଲାଗାଂ ଝେଡ୍‌ଟି ମାଟାନ୍ । ୨୦ ହେୱାର୍ ହେଦାଂ ଝେନ୍‌ଞ୍ଜି ଇସ୍‌ବ୍‌ତିଂ ଜାଜ୍‌ମାଲ୍ କିଦେଙ୍ଗ୍ ଲାଗାତାର୍, ଆରେ ତାଙ୍ଗ୍ ଇଟାର୍, “ଏ ଟଣ୍ଡେନ୍, ଜିହୁଦିର୍‌ତି ବିତ୍ରେ ଜେ ଏଚେକ୍ ହାଜାର୍ ପାଟି କିନାର୍, ଇଦାଂ ଏପେଙ୍ଗ୍ ହୁଡ୍‌ନାଦେରା, ହେ ଝିଜୁ ମସାତି ବିଦି ପାକ୍ୟାତ ଆଗେ । ୨୧ ଆରେ, ପାଟି କିଝି ଜିହୁଦିର୍ ବିତ୍ରେ ବାହା କିନାକାର୍ ଝିଜାର୍ ଜିହୁଦିର୍ ଜାର୍ ଜାର୍ ହିମ୍‌ଶାକାଂ ସୁନ୍‌ଡ୍ କିଝି ଆରି ବିଦିବିଦାଣି ଲାହାଙ୍ଗ୍ ଚାଲାଝାଦାଂ ଇଞ୍ଜ, ମସାତି ବିଦି ପିସ୍ତ୍ରେଙ୍ଗ୍ କାଜିଂ ଏପେଙ୍ଗ୍ ଜେ ହେୱାରିଂ ହିକ୍ୟା ହିଜି ମାନାଟ୍, ମି ବିସ୍ତ୍ରେ ଇ କାରୁର୍ ହେୱାର୍ ହିଡ୍‌ତାଣ୍ଡା । ୨୨ ଲାଗିଂ ଇନାକା କିୟାନାତ୍ ? ଏପେଙ୍ଗ୍ ଝାତାଦେଣ୍ଡା ଇଞ୍ଜ ହେୱାର୍ ହାତେ ଝେନାର୍ । ୨୩ ଲାଗିଂ ଆପେ ମିଙ୍ଗ୍ ଇନାକା ଝେଡ୍‌ଚାନାପା, ହେଦାଂ କିୟାଟ୍ । ମା ଲାଗେ ଚାରି ଜାଣ୍ ଲକ୍ ମାନାର୍, ହେୱାର୍ ରଞ୍ଜାଙ୍ଗ୍ ଅଡ୍‌ଗା ଆତାଣ୍ଡା; ୨୪ ହେୱାରିଂ ଅଜି ହେୱାର୍ ହୁକେ ଜାର୍‌ତିଂ ସକର୍ କିୟାଟ୍, ଆରେ ହେୱାର୍‌ତି କାପ୍‌ଡା ହେନ୍‌ନାକା ଲସ୍ କାଉଡ୍‌ତି ପିଣ୍ଡାଟ୍, ତା ଆଡିସ୍ ହେୱାର୍ ମି ବିସ୍ତ୍ରେ ଇମ୍‌ଣି ସବୁ କାରୁର୍ ଗାଟାତାଣ୍ଡା, ହେବେତାଂ ଜେ ମୁଡ୍‌ଡେ ହାଡ୍‌ପା ଆକାୟ୍, ଆଝିତିସ୍ ଏପେଙ୍ଗ୍ ଜେ ନିଜେ ପା ମସାତି ବିଦି ମାନି କିଜି ଚିନ୍ତା କିନାଦେରା, ଇଦାଂ ଝିଜାକାର୍ ପୁନାର୍ । ୨୫ ମତର୍ ଇମ୍‌ଣି ପାଟି କିଝି ଜିହୁଦିର୍ ପାଟି କିତାଣ୍ଡା, ହେୱାର୍ ଲାଗାଂ ଆପେ ର ଆକି ଲେକିକିଜି ବଲ୍ ହିତାପ୍‌ନା ଜେ, ମା ରାଜି ଇସାବ୍ରେ ହେୱାର୍ ପୁଡ୍‌ଡା ଲାଗାଂ ପୁଜାକିତି ଆତାଡ୍ ତିନୁର୍, ନେତେର୍ ଉଣ୍ଡୁର୍, ହାକ୍‌ମଡ୍‌କିତି ଜାଡ୍ ଜାଇ ତିନୁର୍ ଆରି ଦାରିତାଂ ଦେହା ମାନ୍‌ଗାନାର୍, ଆପେ ଇଦାଂ ବିଚାର୍ କିଜି ଲେକି କିତାପ୍‌ନ୍ନା ।”

☆ ୨୧:୮ ୨୧:୮ ପଦ୍ୟାତକା ୭:୫; ୮:୫. ☆ ୨୧:୧୦ ୨୧:୧୦ ପଦ୍ୟାତକା ୧୧:୨୮.

୨୬ ପାଉଲ୍ ହେବେଣ୍ଡା ହେ ଲଗା ଅଜି ଆକାଡ଼ ନାଜି ହେଞ୍ଜାର ହୁକେ ଜାରତି ସକଟ୍ କିଜି ମନ୍ଦିର ବିତ୍ରେ ହଟାନ, ଆରେ ହେଞ୍ଜାରତି କେଡ଼ଜାଣ୍ଡି କାଜି ଆକାଡ଼ ପୁଜା ଆନି ପାତେକ୍ ସକଟ୍ କାମାୟତ କେତେକ୍ ଦିନ୍ ଲାଗାନାଡ଼, ହେଦାଂ ଖେଟ୍ତାନ ।

ପାଉଲ୍ ମନ୍ଦିର ବିତ୍ରେ ଆହ୍ମୟା ଆତାନ

୨୭ ହେ ସାଡ଼ ଦିନ୍ ପୁରା ଆଜି ଖାତାନ, “ଆସିଆନି ଜିହୁଦି ମନ୍ଦିରତ ପାଉଲ୍ତି ହୁଡ଼ଜି ଲକୁରି ଚିଉଲ୍ଲୟ କିତାର, ଆରେ ହେଞ୍ଜାନି ଆସ୍ତି କିକିରାତି ଆଜି ଇଞ୍ଜେଙ୍ଗ୍ ଲାଗାତାର, ୨୮ ଏ ଇସ୍ରାଏଲିୟନି ଲକୁ, ସାଇଜ କିଦାଟ୍; ସବୁ ବାହାତ ଇମ୍ଣି ମାନାୟ ମା ଜାତି, ମସାତି ବିଦି ଆରି ଇ ବାହା ବିରୁଦ୍ଦତ ଝିଜାରି ହିକ୍ୟା ହିନାନ୍, ହେଞ୍ଜାନ୍ ଇଞ୍ଜାନ୍; ଆରେ ପା ଗ୍ରିକ୍‌କାରି ପା ମନ୍ଦିର ବିତ୍ରେ ତାସି ପୁଇପୁୟା ବାହାତ ବିଚାଡ଼୍ କିତାନନ୍ନା ।” ୨୯ *ଇନାକିଦେଂକି ହେଞ୍ଜାର ଆଗେ ଗାଡ଼୍ ବିତ୍ରେ ପାଉଲ୍ ଲାହାଙ୍ଗ୍ ଏପିସିୟନି ତ୍ରପିମତି ହୁଡ଼ଜି ମାଚାର, ଆରେ ପାଉଲ୍ ହେଞ୍ଜାନି ମନ୍ଦିର ବିତ୍ରେ ତାହିଞ୍ଜାନାର ଇଞ୍ଜି ଇଟ୍‌କାଡ଼୍ କିଜି ମାଚାର ।

୩୦ ଇବେଣ୍ଡା ଗାଡ଼୍ ସବୁ ଝିଣ୍ଡାଡ଼୍, ଲକୁ ରବେ ହନ୍ତାର, ଆରେ ହେଞ୍ଜାର ପାଉଲ୍ତି ଆସ୍ତି ମନ୍ଦିର ବାର୍ତ୍ତ ଜେଲ୍‌ଜି ତାହିଞ୍ଜାତାର; ଆରେ ହେ ଦାପ୍ରେ ଦୁଖେର୍ ସବୁ ଗେସ୍‌ତାର । ୩୧ ଆରେ, ହେଞ୍ଜାନି ହେଞ୍ଜାର ଗ୍ରାକ୍‌ତେଂ କାଜିଂ ସେସ୍ତା କିତିଲେ, ଝିଜାର ଜିରୁସାଲମ୍ ଗଣ୍ଡଗଲ୍‌ତ ବାଡ଼୍ ଆତାଡ଼୍‌ନା ଇଞ୍ଜି ରମିୟ ମେଲ୍ୟାର ହାଜାର ମୁସ୍ତିଦାର ଲାଗେ କାରୁର୍ ଝାତାଡ଼୍ । ୩୨ ହେବେଣ୍ଡା ହେ ଦାପ୍ରେ ମେଲ୍ୟା ଆରି ପାଞ୍ଜକଡ଼ି ମେଲ୍ୟାର ଅସି ହେଞ୍ଜାର ଲାଗେ ହନ୍ତାର । ହେଞ୍ଜାର ହାଜାର ମୁସ୍ତିଦାର ଆରି ମେଲ୍ୟାରି ହୁଡ଼ଜି ପାଉଲ୍ତି ଗ୍ରାକ୍‌ତେଂ ବନ୍ଦ୍ କିତାର । ୩୩ ହେ ଏତେକାଡ଼୍‌ଦ ହାଜାର ମୁସ୍ତିଦାର ଲାଗେ ଝାଜି ହେଞ୍ଜାନି ଆସ୍ତି ରିଣ୍ଡି ହିକ୍‌ଡ଼ିଂତା ହେଞ୍ଜାନି ଗାଟ୍‌ତେଂ ବଲ୍ ହିତାନ, “ଆରେ ହେଞ୍ଜାନ୍ ଇନେନ୍ ଆରି ଇନାକା କିତାନନ୍ନା ଇଞ୍ଜି ଝେନ୍‌ବାତାନ ।” ୩୪ ହେବେ ଲକୁ ବିତ୍ରେ ଇନେର୍ ଇ କାତା, ଇନେର୍ ଇନେର୍ ହେ କାତା ଇଞ୍ଜି କିକିରାତି କିଦେଙ୍ଗ୍ ଲାଗାତାର । ଆରେ, ହେ ଗଣ୍ଡଗଲ୍‌ନି ଇନାକିଦେଂକି ହାତେନେ ମୁଡ଼େ ପୁଞ୍ଜେଙ୍ଗ୍ ଆଡ଼୍‌ତିଲେ ହେଞ୍ଜାନି ମେଲ୍ୟାର ମାନି ବାହାତ ଅଦେଂ କାଜିଂ ବଲ୍ ହିତାନ । ୩୫ ଆରେ, ଏତେକାଡ଼୍‌ଦ ହେଞ୍ଜାନ୍ ପାଉଲ୍ ଜପି ଝାତାନ, ହେ ଏତେକାଡ଼୍‌ଦ ଲକୁ ରିସା କାଜିଂ ମେଲ୍ୟାର ପାଉଲ୍ତି ପିଣ୍ଡି ଅଦେଂ ଲାଗାତାର, ୩୬ ଇନାକିଦେଂକି ତାଙ୍ଗ୍ ଅହାଟ୍ ଇଞ୍ଜି ବେସି ଲକୁ ପାତେ ହାଲୁ ହାଲୁ କିକିରାତି କିଜି ଅହାଟ୍, “ଅହାଟ୍ ଇଞ୍ଜି ମାଚାର ।”

ପାଉଲ୍ ଜାର୍ ଜିରୁନ୍ ପାକ୍ୟା ଇଚାନ

୩୭ ହେଞ୍ଜାର ପାଉଲ୍ତି ବାହା ବିତ୍ରେ ଅଦେଂ କାଜିଂ ଜାଲ୍‌ଦି କିନି ଝେଡ଼ାଲିଂ ହେଞ୍ଜାନ୍ ହାଜାର ମେଲ୍ୟାରିଂ ଇଚାନ, “ଆନ୍ ମିଙ୍ଗ୍ ଇନାକା ଇଞ୍ଜେଙ୍ଗ୍ ଆଡ଼୍‌ନାଂ କି ?”

ହେବେଣ୍ଡା ହେଞ୍ଜାନ୍ ଇଚାନ, “ଏନ୍ କି ଗ୍ରିକ୍ ପୁନାୟ ?” ୩୮ ଲାଗି, “ଇ ଆଗେ ଇମ୍ଣି ମିସରିୟର୍ ଲକୁ ରାଟୁ କିଜି ଚାରି ହାଜାର କାଙ୍ଗାରୁଙ୍ଗ୍ ବାଗାତ ଅଜି ମାଚାର, ଏନ୍ କି ହେଞ୍ଜାନ୍ ଆକାୟ ?”

୩୯ ହେବେଣ୍ଡା ପାଉଲ୍ ଇଚାନ, “ଆନ୍‌ତ ରଞ୍ଜାନ୍ ଜିହୁଦି, ତାର୍ସ ଗାଡ଼୍‌ନି ଲକୁ, କିଲିକିୟାନି ର ଗାଜା ଗାଡ଼୍‌ନି ମାନାୟ; ଇ ଲକୁରି କାତା ଇଞ୍ଜେଙ୍ଗ୍ କାଜିଂ ନାଙ୍ଗ୍ ଦାଇଡ଼୍ ହିଦେଂ କାଜିଂ ଆନ୍ ନିଂ ଗଞ୍ଜାରି କିଦନାଙ୍ଗା ।”

୪୦ ହେଞ୍ଜାନ୍ ଦାଇଡ଼୍ ହିତିଲେ ପାଉଲ୍ ପାଉଲ୍ ଇଞ୍ଜି ଲକୁରିଂ କେଇ ହୁଦାଂ ଚଟ୍‌ଚାନ; ଆରେ, ଝିଜାର ଚିମ୍ପା ଆତି ପାତେ ହେଞ୍ଜାନ୍ ଏବ୍ରି ବେରଣ୍ଡତ ହେଞ୍ଜାରିଂ ଇଞ୍ଜେଙ୍ଗ୍ ଲାଗାତାନ ।

୨୨

୧ ଟଣ୍ଡାର ଆରି ଆବାକାଦେର୍, “ଆନ୍ ନଙ୍ଗ୍ ମି ଲାଗେ ଇମ୍ଣି ନା ପାକ୍ୟାତାଂ ସାକି କାତା ଇଞ୍ଜନାଙ୍ଗା, ହେଦାଂ ଝେନାଟ୍ ।” ୨ ହେଞ୍ଜାନ୍ ହେଞ୍ଜାର ଲାଗେ ଏବ୍ରି ବେରଣ୍ଡତ କାତା ଇନାକା ଝେନ୍‌ଞ୍ଜି ହେଞ୍ଜାର ଆଦିକ୍ ଚିମ୍ପା ଆଜି ମାଚାର । ହେବେଣ୍ଡା ହେଞ୍ଜାନ୍ ଇଚାନ,

୩ “ଆନ୍ ରକାଂ ଜିହୁଦି, କିଲିକିୟାନି ତାର୍ସତ ନାଦାଂ ଜଲମ୍, ମତର୍ ଆନ୍ ଇ ଗାଡ଼୍‌ଦ ପହାପାଲି ଆତାଙ୍ଗ୍‌ନା, ମା ଆବାଲାତ୍ରାତି ହାରୁ ବିଦି ଲାହାଙ୍ଗ୍ ଗମଲିୟେଲ୍‌ତି ମୁମ୍‌ଦ ତାରେନ୍ କୁଟ୍‌ତି ହିକ୍ୟା ପାୟାତାଂନା, ଏପେଙ୍ଗ୍ ଝିଜାକାଦେର୍ ନେଞ୍ଜେଙ୍ଗ୍ ଇନେସ୍ ଝାରି କାଦେର୍, ଇସ୍‌ବ୍‌ତି ପାକ୍ୟାତ ଆନ୍ ପା ହେ ଲାକେ ଆଗେ ମାଚାଙ୍ଗ୍; ୪ *ଆନ୍ ଇ ମାପୁତି ହାଜିଡ଼ । ଆଣ୍ଡେନ୍ ଆରି କଗ୍‌ଲେ ଝିଜାରିଂ ଗାଟ୍‌ତି ଜଇଲ୍‌ତ ତୁହିଜି ହାନି ପାତେକ୍ କସ୍ ହିଜି ମାଚାଙ୍ଗ୍ । ୫ ନା ଇ କାତା ଜେ ହାଡ଼୍‌ପା, ମୁଡ଼୍ ମାପୁହେବାକିନାକାନ୍ ଆରି ଗାଜା ସବାନି ବୁଡ଼ାଲୁର୍ ଇଦାଂ ନି ସାକି । ଇ ମାନାୟାରିଂ ବଦି କିଜି ଆରି ହିକ୍‌ଡ଼ିଂତାଂ ଗାଟ୍‌ତି ଦାଣ୍ଡୁ କିନି କାଜିଂ ଜିରୁସାଲମ୍‌ତ ତାସି ଝାନି କାଜିଂ ଆନ୍ ମୁଡ଼୍ ମାପୁହେବାକିନାକାନ୍‌ତାଂ ଜିନାଜାଣା ଆକି ଅଜି ଦମ୍ଲେସକ୍‌ତ ମାନି ଜିହୁଦି ଟଣ୍ଡାର ଲାଗାଂ ହାଚାଙ୍ଗ୍ ।”

**ପାଉଲ୍ ତା ମାନ୍ ବାଦ୍‌ଲୟ ବିସ୍ତେ ହାନ୍ଦାୟ କିତାନ
(ପଦ୍ୟାତାକା ୯:୧-୧୯; ୨୭:୧୨-୧୮)**

☆ ୨୧:୨୯ ୨୧:୨୯ ପଦ୍ୟାତାକା ୨୦:୪. ☆ ୨୨:୪ ୨୨:୪ ପଦ୍ୟାତାକା ୮:୩; ୨୭:୯-୧୧.

୭ ମତର “ଆନ୍ ହାଲୁ ହାଲୁ ଦମ୍ବେସକ୍ତ ନି ଲାଗେ ଆତିଲେ, ଆତିସ୍ ମୁଣ୍ଡାମେଦାନତ ହାଚାଗ୍ରେ ନା ଚାରିବେଶତାଂ ବାଦାଡ଼ତାଂ ଗାଜା ଅଜଡ଼ ଆତାଡ଼ । ୭ ହେବେ ଆନ୍ ମେନ୍ଦିତ ଗୁର୍ତ୍ତାଙ୍ଗ, ଆରେ ନା କାଜିଂ ଇ ବଚନ୍ ଖେଚାଙ୍ଗ, ସାଉଲ୍, ସାଉଲ୍, ଇନାକିଦେଂ ନାଙ୍ଗ ଇଣ୍ କିଦ୍ନାୟା ?” ୮ ଆନ୍ ଉତର ହିତାଂ, “ମାପୁ, ଏନ୍ ଇମ୍ପାଣାକାୟା ?” ଲାଗିଂ ହେଖାନ୍ ଇନ୍‌ସାନ୍, “ଏନ୍ ଇମ୍ପାଣି ନାଜରିତିୟ ଜିସୁତିଂ ନିୟା କିନାୟା, ଆନ୍ ହେଖାଙ୍ଗ ।” ୯ ଇମ୍ପାଣାକାର ନା ଲାହାଙ୍ଗ ମାଚାର୍, ହେଖାର୍ ହେ ଅଜଡ଼ ହୁଡ଼ତାର୍ ହାଡ଼ପା, ମତର ଇନେର୍ ନାଙ୍ଗେଙ୍ଗ କାତା ଇସ୍ତାର୍, ହେଖାନ୍ତି କାଟ୍ ଖେନ୍‌ଖାତାର୍ । ୧୦ ହେବେ ଆନ୍ ଇଚାଙ୍ଗ, “ମାପୁ ଇନାକା କିନାଙ୍ଗ ?” ଲାଗିଂ ମାପୁ ନାଙ୍ଗ ଇସ୍ତାନ୍, “ନିଙ୍ଗା, ଦମ୍ବେସକ୍ତ ହାଲା, ଇସ୍ତର ଇମ୍ପାଣି ଖିଜୁ କାମାୟା କିନି କାଜିଂ ନିଂ କିଆତାଡ଼ନା, ହେ ସବୁ ନିଂ ହେବେ ଇନାୟାନ୍ ।” ୧୧ ହେ ଅଜଡ଼ନି ଜାଜ୍‌ମାଲ୍ କାଜିଂ ଆନ୍ ହୁଡ଼ଦେଂ ଆଡ଼଼ିତିଲେ, ନା ଲାହାଙ୍ଗ ମାନି ଲକୁ ହୁଦାଂ ତାଂଜି ଦମ୍ବେସକ୍ତ ତାଇଖାତାର୍ ।

୧୨ “ହେ ଗାଡ଼ଦ ହନନିୟ ତର ନି ସାକି ମାନାୟା ମାଚାନ୍ । ହେଖାନ୍ ମା ବିଦି ପାଲି କିଜି ମାଚାନ୍ ଆରି ହେବେ ବାହା କିଜିମାନି ଜିହୁଦିର୍ ଖିଜାକାର୍ ତାଙ୍ଗେଙ୍ଗ ମାନି କିଜି ମାଚାର୍ । ୧୩ ନା ଲାଗେ ଖାଜି ଲାଗେ ନିଲ୍‌ଚି ନାଙ୍ଗ ଇସ୍ତାନ୍, ସାଉଲ୍ ‘ଟଣ୍ଡେନ୍, ହୁଡ଼ନି ସାକ୍ତି ଗାଟା ଆ ।’ ହେ ପାଦନା ଆନ୍ ହେଖାନ୍ ହୁଡ଼ତାଂ ।” ୧୪ ଆରେ, ହେଖାନ୍ ଇସ୍ତାନ୍, “ମା ଆବାଲାତାତି ଇସ୍ତର ହେଖାନ୍ତି ଇଚା ପୁଞ୍ଜେଙ୍ଗ କାଜିଂ ଆରି ହେ ଦାମ୍ ଲଗାଂ ହୁଡ଼ଦେଂ କାଜିଂ, ଆରେ ହେଖାନ୍ତି ଖେଇଦାଂ କାତା ଖେଞ୍ଜେଙ୍ଗ କାଜିଂ ନିଂ ବାଟି କିଡ଼ତାନ୍‌ନା, ୧୫ ଇନାକିଦେଂକି ଏନ୍ ଇନା ଇନାକା ହୁଡ଼ତାୟାନ୍ ଆରି ଖେଚାୟାନ୍, ହେ ସବୁ ବିସ୍ତେ ଖିଜୁ ଲକୁ ଲାଗେ ହେଖାନ୍ତି ସାକି ଆତାୟା । ୧୬ ଆରେ, ନଙ୍ଗ ଏନ୍ ଇନାକିଦେଂ ମାଲା ଆନାୟା ? ନିଙ୍ଗା, ବାପ୍ତିସିମ୍ ଆ, ଆରେ ହେଖାନ୍ତି ତରଦ ପାଟାନ୍‌ନା କିଜି ଜାର୍ ପାପ୍ ସବୁ ନୁଜିତୁହିୟା ।”

ଇସ୍ତର ପରଚାର କାଜିଂ ପାଉଲ୍‌ତିଂ କୁକ୍‌ନାକା

୧୭ “ଇଦାଂ ପାଚେ ଆନ୍ ଜିରୁସାଲମତ ମାସଦି ଖାଜି ମନ୍ଦିରତ ପାଟାନ୍‌ନା କିନି ଖେଡ଼ାଲିଂ କେଚକଣତ ହୁଡ଼ତାଂ । ୧୮ ମାପୁଙ୍ଗ କେଚକଣତ ହୁଡ଼ତାଂ, ହେଖାନ୍ ନାଙ୍ଗେଙ୍ଗ ଇସ୍ତାନ୍, ମାଲା ଆଖାଦାଂ ବେଗି ଜିରୁସାଲମତାଂ ହସିହାଲା, ଇନାକିଦେଂକି ହେଖାର୍ ନା ବିସ୍ତେନି ସାକି ଇଡ଼ତୁର୍ ।” ୧୯ ହେବେଶ୍ତାଂ ଆନ୍ ଇଚାଙ୍ଗ, “ମାପୁ ଆନ୍ ଜେ ନି ତାକେ ପାତ୍ କିନାକାରିଂ ପାଟାନ୍‌ନା ଇଲ୍ ଆସ୍ତି ବନ୍ଦିତ ତୁହିଜି ମାଚାଙ୍ଗ ଆରି ଟ୍ରାକ୍ତି ମାଚାଙ୍ଗ, ଇଦାଂ ହେଖାର୍ ନିଜେ ପୁନାର୍, ୨୦ ଆରେ, ଏଚେକାଡ଼ଦ ନି ସାକି ସ୍ତିପାନତିଂ ନେତେର୍ ହପ୍‌ୟା ଆଜି ମାଚାଡ଼, ହେ ପାଦନା ଆନ୍ ପା ଲାଗେ ନିଲ୍‌ଚି ହେଦାଂ ରାଜି ମାଚାଙ୍ଗ, ଆରେ ଅସ୍ତାକାର୍ ହେୟା ଇଡ଼ଜି କାସି ମାଚାଙ୍ଗ ।” ୨୧ ହେବେଶ୍ତାଂ ମାପୁ ନାଙ୍ଗେଙ୍ଗ ଇସ୍ତାନ୍, “ହାଲା ଇନାକିଦେଂକି ଆପ୍ ନିଂ ଦେହା ପାତ୍ କିଖି ଜିହୁଦିର୍ ଲାଗେ ପଲ୍‌ନାପ୍ ।”

୨୨ ମାନାୟାର୍ ଇ ପାଚେକ୍ ହେଖାନ୍ତି କାତା ଖେନ୍‌ଖି ଗାଜା ଖେଇଦାଂ ଇଚାର୍, “ଏପେଙ୍ଗ ତାଙ୍ଗେଙ୍ଗ ପୁଟାଂ ଦେହା କିୟାଟ୍, ଇନାକିଦେଂକି ତାଦାଂ ଜିଜି ମାନି ଲଡ଼ା ଆକାୟା ।” ୨୩ ଆରେ, ଏଚେକାଡ଼ଦ ହେଖାର୍ କିକିରାତିଂ କିଜି ଜାର୍ ଜାର୍ ହେୟା ତୁହିଜି ବାଦାଡ଼ ନିପ ଦୁଡ଼ି ତୁହିଦେଂ ଲାଗାତାର୍, ୨୪ ହେ ଏଚେଖେଡ଼ାଲିଂ ହାଜାର୍ ମେଲ୍ୟାର୍ ହେଖାନ୍ ଗାଡ଼ ବିତ୍ରେ ଅଦେଂ ବଲ୍ ହିତାନ୍, ଆରେ, ଲକୁ ଇନାକିଦେଂ ତା ବିରୁଦ୍ଧତ ଏପେଙ୍ଗ କିକିରାତିଂ କିନାରା, ଇଦାଂ ପୁଞ୍ଜେଙ୍ଗ କାଜିଂ କରତା ଇଡ଼ନି ହୁଦାଂ ତା ପରିକ୍ୟା କିନି କାଜିଂ ବଲ୍ ହିତାନ୍ । ୨୫ ମତର ହେଖାର୍ ହେଖାନ୍ ତରି ଗାର୍‌ନି ସମୁତ ପାଉଲ୍ ହେବେ ମାନି ରଖାନ୍ ମୁସ୍ତିଦାର୍‌ତିଂ ଇଚାନ୍, “ଇମ୍ପାଣି ପାପ୍ତ ଇ ପାଚେକ୍ ବିଚାର୍ କିୟାଖାଦାଂ ମାନି ରଖାନ୍ ରମିୟ ଦାଙ୍ଗେନ୍‌ତିଂ କରତା ଇଡ଼ନାକା ଇନାକା ବିଦି ?”

୨୬ ହେ ପାଞ୍ଚକଡ଼ି ମୁସ୍ତିଦାର୍ ଇଦାଂ ଖେନ୍‌ଖି ହାଜାର୍ ମୁସ୍ତିଦାର୍‌ତ ଲାଗେ ହାଲ୍‌ଜି ତାଙ୍ଗ୍ ହେ କାତା ଖେଚ୍‌ଚି ଇଚାନ୍, “ଏନ୍ ଇନାକା କିଦେଙ୍ଗ୍ ହାନାୟା ? ଇଖାନ୍ତ ରଖାନ୍ ରମିୟ ।”

୨୭ ହେବେଶ୍ତାଂ ହାଜାର୍ ମୁସ୍ତିଦାର୍ ଖାଜି ତାଙ୍ଗ୍ ଇଚାନ୍, ନାଙ୍ଗ୍ ଖେଚ୍‌ଚା, “ଏନ୍ କି ରକାୟା ରମିୟ ? ପାଉଲ୍ ଇଚାନ୍ ଆଁ ।”

୨୮ ହେବେଶ୍ତାଂ ହାଜାର୍ ମୁସ୍ତିଦାର୍ ଉତର ହିତାନ୍, “ବେସି ତାରୁଙ୍ଗ୍ ହିଜି ଇ ପାଦ୍ ପାୟାତାଂନା । ପାଉଲ୍ ଇଚାନ୍, ମତର ଆନ୍ ଜଲମତାଂ ରମିୟ ଦାଂଶାର୍ ।”

୨୯ ଖାଟିଙ୍ଗ୍ ଇମ୍ପାଣାକାର୍ ତାଙ୍ଗ୍ ପରିକ୍ୟା କିଦେଙ୍ଗ୍ ସେସ୍ତୁ କିଜି ମାଚାର୍, ହେଖାର୍ ହେ ଦାପ୍ତେ ହେବେତାଂ ଚିମ୍ପା ଆତାର୍, ଆରେ ହାଜାର୍ ମୁସ୍ତିଦାର୍ ପା ହେଖାନ୍ ଜେ ରଖାନ୍ ରମିୟ, ଇଦାଂ ବୁଜାତିଲେ ଆରି ତାଙ୍ଗ୍ ଗାର୍‌ଚେଂ ପାଣ୍ଡା ଆତାର୍ ।

ଗାଜା ସବା ମୁମ୍‌ଦ ପାଉଲ୍

୩୦ ମତର ଇନାକିଦେଂ ହେଖାନ୍ ଜିହୁଦିରତି ହୁଦାଂ ଦାବା ଆତାନ୍ନା, ହେଦାଂ ହାଡ଼ପା ରଚେ ପୁଞ୍ଜେଙ୍ଗ ଇଚାତ ହେଖାନ୍ ତା ଆକାଡ଼ ନାଜିଂ ହେଖାନ୍ତି ଗାଟି ରିକ୍ତି ମୁଡ଼ ମାପୁହେବାକିନାକାନ୍ ଆରି ସବୁ ଗାଜା ସବାତିଂ ରବେ ଖାଜି କାଜିଂ ବଲ୍ ହିତାନ୍, ଆରେ ପାଉଲ୍‌ତିଂ ଅସି ହେଖାର୍ ମୁମ୍‌ଦ ନିଲି କିତାର୍ ।

☆ ୨୨:୨୦ ୨୨:୨୦ ପଦ୍ୟାବଳୀ ୭:୫୮.

୨୩

^{୧୧}ଆରେ, ପାଉଲ୍ ଗାଜା ସବା କାଜିଂ ସମାନ୍ ହୁଡ଼ଜି ଇଚାନ୍, “ଟଣ୍ଡାର୍, ଆନ୍ ଇ ଦିନ୍ ପାତେକ୍ ପୁରା ହାରଦି ଚିନ୍ତା ଇସ୍ପରତି ସାକ୍ୟତ ଆଚାର୍ ବେବାର୍ କିଜି ଖାତାଂନା ।” ^{୧୨}ହେବେଣ୍ଟାଂ ମୁଡ଼୍ ମାପୁହେବାକିନାକାନ୍ ହାନାନ୍ ପାଉଲ୍ ଲାଗେ ନିଲ୍ତି ମାନି ଲୁଗାଂ ତା ମୁମ୍ଦ ଇଡ଼ଦେଂ କାଜିଂ ବଲ୍ ହିତାନ୍ । ^{୧୩}ହେ ଏଚେକାଡ଼ଦ ପାଉଲ୍ ତାଙ୍ଗ୍ ଇଚାନ୍, “ଏ ତିଞ୍ଜିନି ବାଡ଼, ଇସ୍ପର ନିଂ ଇଡ଼ଦାନାନ୍, ଏନ୍ ରଞ୍ଜେମାଡ଼ ମସାତି ବିଦି ଇସାପ୍ରେ ନା ବିଚାର୍ କିଦେଙ୍ଗ୍ କୁଚ୍ଚି ମସାତି ବିଦି ବିରୁଦ୍ଦ ନାଙ୍ଗ୍ ଇଡ଼କିଦ୍ନି କାଜିଂ କି ବଲ୍ ହିନାୟା ?”

^{୧୪}ହେବେ ଲାଗେ ନିଲ୍ତି ମାନି ଲକୁ ଇଚାର୍, “ଏନ୍ କି ଇସ୍ପରତି ମୁଡ଼୍ ମାପୁହେବାକିନାକାନ୍ ନିନ୍ଦା କିନାୟା ?”

^{୧୫}ଆରେ ପାଉଲ୍ ଇଚାନ୍, “ଏ ଇସ୍ରାଏଲ୍ ନି ଟଣ୍ଡାର୍, ହେଖାନ୍ ମୁଡ଼୍ ମାପୁହେବାକିନାକାନ୍ ଇଞ୍ଜି ଆନ୍ ପୁନ୍ଖାଦାଂ ମାତାଙ୍ଗ୍; ଇନାକିଦେଂକି ଦରମ୍ ସାସ୍ପରତ ଲେକା ମାନାଡ଼, ଏପେଙ୍ଗ୍ ଜାର୍ ଲକ୍ତି ମୁଣିକାତିଂ ସାଇପ୍ ହିଡ଼ଦେର୍ ।”

^{୧୬}ମତର୍ ପାଉଲ୍ ର ବାଗ୍ ସାଦୁକି ଆରେ ଆଣ୍ଟି ବାଗ୍ ପାରୁସି ଇଞ୍ଜି ପୁଞ୍ଜି ଗାଜା ସବାତ ଗାଜାକାଟାଂ ଇଚାନ୍, “ଏ ଇସ୍ରାଏଲ୍ ନି ଟଣ୍ଡାର୍, ଆନ୍ ରଖାଙ୍ଗ୍ ପାରୁସି ଆରି ପାରୁସିତି ମେହି; ଆରେ ଇ ବାସ୍, ଇଚିସ୍ ହାତାକାତ୍ ଆରେ ନିନାକା ବିସ୍ତେ ଆନ୍ ବିଚାର୍ କିଆନାଙ୍ଗା ।”

^{୧୭}ହେଖାନ୍ ଇ କାତା ଇଚିଲେ ପାରୁସି ଆରି ସାଦୁକିର୍ ବିତ୍ରେ ଗଣ୍ଡଗଲ୍, ଆରି ସବାତ କୁଦାଗଡ଼୍ ଗିଚାତାଡ଼ । ^{୧୮}ଇନାକିଦେଂକି ସାଦୁକିର୍ ଆରେ ନିନାକା, ବାଦାଡ଼ତ ଦୁଡ଼୍ କି ପୁଇପୁୟା ଜିରୁନ୍ ହିଲୁଡ଼୍ ଇଞ୍ଜି ଇନାର୍, ମତର୍ ପାରୁସିର୍ ହାରି ମାନି କିଚାର୍ । ^{୧୯}ଇବେ ବେସି ଗଣ୍ଡଗଲ୍ ଗିଚାତାଡ଼, ଆରେ ପାରୁସିର୍ତ୍ତି କୁଦାନି କେତେକ୍ ସାସ୍ପର ଗୁରୁର୍ ନିଂଜି ଜିକାଟାଣା କିଜି ଇଚାର୍, “ଆପେଂ ଇ ମାନାୟତାକେ ଇମ୍ଣାକା ପା ଦସ୍ ହୁଡ଼ପ୍, ପୁନ୍ଖାକା ଇମ୍ଣାକା ଜିରୁନ୍ କି ବାଦାଡ଼ତ ଦୁଡ଼୍ ହେଖାନ୍ ହୁଦାଂ କାତା ଇଚାନ୍ନା ।”

^{୨୦}ଇ ବାନି ବେସି ଗଣ୍ଡଗଲ୍ ଆତିଲେ, ଏଚେକାଡ଼ଦ ପାଉଲ୍ ହେଖାନ୍ ହୁଦାଂ ଗାଣ୍ଡା ଗାଣ୍ଡା ଆନାନ୍, ଇ ପାଣ୍ଡାଜି ହାଜାର୍ ହାଜାର୍ ମେଲ୍ୟାର୍ ହେଖାନ୍ ବିତ୍ରେ ତାଙ୍ଗ୍ ବଲ୍ଡକାର୍ କିଜି ଗାଡ଼୍ ବିତ୍ରେ ଅଜି ତାତେଙ୍ଗ୍ କାଜିଂ ମେଲ୍ୟାରିଂ ହାଞ୍ଜେଙ୍ଗ୍ ବଲ୍ ହିତାନ୍ ।

^{୨୧}ହେ ନାଣା ମାପୁ ତା ଲାଗେ ଇଞ୍ଜି ଇଚାନ୍, “ସାସ୍ ଆହା, ଇନାକିଦେଂକି ଏନ୍ ଇନେସ୍ ଜିରୁସାଲମ୍ତ ମା ବିସ୍ତେ ସାକି ହିତାୟନା, ହେ ଲାକେ ନିଂ ରମ୍ତ ପା ସାକିହିଦେଂ ଆନାଡ଼ ।”

ପାଉଲ୍ତିଂ ଅହ୍ନି କାଜିଂ ଉପାୟ୍

^{୨୨}ଦିନ୍ ଆତିଲେ, ଜିହୁଦିର୍ କୁଦା କୁଦା ଆଜି ପାଉଲ୍ତିଂ ଅହ୍ନି ପାତେକ୍ କାଦିପିଦି ତୁଡିସ୍ ସାଇପ୍ ଆନାପ୍ ଇଞ୍ଜି ରାଣତ ଜାର୍ ଜାର୍ତିଂ ଇଡ଼ତାର୍ । ^{୨୩}ଇ ହାତୁର୍ କିଜିମାନି ଲକୁ ରିକଡ଼ି ଜାଣତାଂ ଆଦିକ୍ ମାଚାର୍ । ^{୨୪}ହେଖାନ୍ ମୁଡ଼୍ ମାପୁହେବାକିନାକାନ୍ ଆରି ପ୍ରାଚିନାର୍ ଲାଗେ ଖାଜି ଇଚାର୍, “ଆପେଂ ପାଉଲ୍ତିଂ ଅହ୍ନି ପାତେକ୍ ମୁଡ଼େ ତିଞ୍ଜେଙ୍ଗ୍ କପ୍ ଇଞ୍ଜି ଜାର୍ ଜାର୍ତିଂ ଆଚ୍ଝା ରାଣ୍ଡି ଅତାପନ୍ନା । ^{୨୫}ଇଚିସ୍, ଏପେଙ୍ଗ୍ ଆଦିକ୍ ହାର୍ କିଜି ହେଖାନ୍ତି ବିଚାର୍ କିଦେଙ୍ଗ୍ ମାନ୍ କିନାନା ଇଞ୍ଜି ହାତୁର୍ କିଜି ତାଙ୍ଗ୍ ମି ଲାଗେ ତାତେଙ୍ଗ୍ କାଜିଂ ନଙ୍ଗ୍ ଗାଜା ସବା ଲାହାଙ୍ଗ୍ ହାଜାର୍ ମୁସ୍ତିଦାର୍ତିଂ ଖାରି କିୟାଟ୍ । ହେଖାନ୍ ମି ଲାଗେ ତାନି ଆଗେ ଆପେଂ ହେଖାନିଂ ଅସ୍ତେଙ୍ଗ୍ ଜାଲ୍ଦି ମାନାପ୍ ।”

^{୨୬}ମତର୍ ପାଉଲ୍ ବାଣ୍ଡା ମେଲ୍ୟାର୍ ଡ୍ରଗୁଜି ମାନାକା କାତା ଖେନ୍ଞି ଖାଜି ରସ୍ତି ବିତ୍ରେ ହଣ୍ଡି ପାଉଲ୍ତିଂ ଖେଚ୍ଚାନ୍ । ^{୨୭}ହେବେଣ୍ଟାଂ ପାଉଲ୍ ରଖାନ୍ ହାଜାର୍ ମୁସ୍ତିଦାର୍ତିଂ କୁକ୍ଚି ଇଚାନ୍, “ଇ ଦାଂଶେନ୍ତିଙ୍ଗ୍ ହାଜାର୍ ମୁସ୍ତିଦାର୍ ଲାଗେ ଅହାଟ୍, ଇନାକିଦେଂକି ତାଙ୍ଗ୍ ଖେଚ୍ଚେଙ୍ଗ୍ କାଜିଂ ଇଖାନ୍ତି ଅଲପ୍ କାତା ମାନାଡ଼ ।” ^{୨୮}ଲାଗିଂ ହେଖାନ୍ ହେଖାନିଂ ହାଜାର୍ ମୁସ୍ତିଦାର୍ ଲାଗାୟ୍ ଅସି ହାଲ୍ଜି ଇଚାନ୍, “ବନ୍ଦି ପାଉଲ୍ ଜାର୍ ଲାଗେ ନାଙ୍ଗ୍ କୁକ୍ଚି ନି ଲାଗେ ଇ ଦାଂଶେନ୍ତିଙ୍ଗ୍ ତାହିଞ୍ଜାଦେଂ କାଜିଂ ଗଞ୍ଜାରି କିଡ଼ତାନ୍, ନିଂ ଇଞ୍ଜେଙ୍ଗ୍ କାଜିଂ ଇଖାନ୍ତି ଅଲପ୍ କାତା ମାନାଡ଼ ।”

^{୨୯}ହାଜାର୍ ମୁସ୍ତିଦାର୍ ହେଖାନିଂ କେଇ ଆସ୍ତି ତାଙ୍ଗ୍ ମାନାୟାର୍ ଲାଗାୟ୍ ଅଜି ଖେନ୍ବତାନ୍, “ନାଙ୍ଗ୍ ଖେଚ୍ଚିନି କାଜିଂ ନିନ୍ଦାଂ ଇନାକା ମାନାଡ଼ ?”

^{୩୦}ହେଖାନ୍ ଇଚାନ୍, ପାଉଲ୍ ବିସ୍ତେ ଆଦିକ୍ ହାର୍ କିଜି ଡେକ୍ନି କାଜିଂ କପଚ୍ଚାତାଂ “ଜିହୁଦିର୍ ତାଙ୍ଗ୍ ନିହିଂ ଗାଜା ସବା ଲାଗାୟ୍ ତାହିଞ୍ଜାଦେଂ କାଜିଂ ନିଂ ଗଞ୍ଜାରି କିଦ୍ନି କାଜିଂ ରମାନ୍ ଆତାଣ୍ଡା । ^{୩୧}ମତର୍ ହେଖାନ୍ତି କାତା ରାଜି ଆମାଟ୍; ଇନାକିଦେଂକି ରିକଡ଼ି ଜାଣତାଂ ଆଦିକ୍ ଲକୁ ହେଖାନିଂ ଅହ୍ନି ପାତେକ୍ ତିନା ଉଣା କିଉପ୍ ଇଞ୍ଜି ପାର୍ମାଣ୍ କିଜି ଡ୍ରଗୁଜି ମାଚାର୍ । ନଙ୍ଗ୍ ହେଖାନ୍ ନି ବୁଜାୟ୍ କିନାକା କାସି ଜାଲ୍ଦି ଆଜି ମାଚାର୍ ।”

^{୩୨}ହେବେଣ୍ଟାଂ ହାଜାର୍ ମୁସ୍ତିଦାର୍ ହେ ଦାଂଶେନ୍ତିଙ୍ଗ୍ ହେଲଖେୟ୍ ହିଜି ତାଙ୍ଗ୍ ବଲ୍ ହିତାନ୍, “ଏନ୍ ଜେ ଇ ଖିଜୁ କାତା ନାଙ୍ଗ୍ ଖେଚ୍ଚାତାୟନା, ହେଦାଂ ଇନେରିଂ ଖେଚ୍ଚୟ୍ ।”

ପାଉଲ୍ତିଂ କାଈସରିୟାତ ପକ୍ଷାର୍

^{୩୩}ପାଚେ ହେଖାନ୍ ରିକାର୍ ପାଞ୍ଜକଡ଼ି ମୁସ୍ତିଦାର୍ତିଂ କୁକ୍ଚି ଇଚାନ୍, କାଈସରିୟା ପାତେକ୍ “ହାନି କାଜିଂ ନାଣା ନଅ ଗଣ୍ଡା ସମୁତ ଦସ୍ କଡ଼ି ମେଲ୍ୟାର୍, ତିନ୍କଡ଼ି ଦସ୍ ଜାଣ୍ ଗଡ଼ା ଦୁମ୍ନାକାର୍ ଆରି ଦସ୍କଡ଼ି ବାଲାସ୍ତାକାରିଂ ଜାଲ୍ଦି କିୟାଟ୍

☆ ୨୩:୩ ୨୩:୩ ମାଡିଉ ୨୩:୨୭,୨୮.

। ୨୪ ଆରେ, ହେୱାର ଇନେସ୍ ପାଉଲ୍ ପସୁ ଜପି କୁଟି କିଜି ସାସନ୍‌କାର୍‌ୟା ପେଲିକସ୍‌ତି ଲାଗାୟ ରାକ୍ୟା ହିଲ୍‌ୱାଦା° ଆସି ହାନାର୍, ଇଦା° କାଜି° ହେଦା° ଜାଲ୍‌ଦି କିନି କାଜି° ହେୱାନ୍ ବଲ୍ ହିତାନ୍ ।” ୨୫ ଆରେ, ହେୱାନ୍ ଇ ଲାକେ ର ଆକି ଲେକିକିତାନ୍ ।

୨୬ “ଗାଜା ସାଏବ୍ ସାସନ୍ କାର୍‌ହା ପେଲିକସ୍‌ତି° କ୍ଲାଉଦିଆ ଲୁସିୟାତି ଜୱାର୍ । ୨୭ ଜିହୁଦିର୍ ଇ ଲକ୍‌ତି° ଆସି ଅସ୍ତେଜ୍ ହାନି ସମୁତ୍ ଆନ୍ ମେଲ୍ୟାତ୍ ହୁଦା° ହାଲ୍‌ଜି ହେୱାନ୍ ରୱାନ୍ ରମିୟ ଇଞ୍ଜି ପୁଞ୍ଜି ଇୱାନି° ଉଦାର୍ କିତା° । ୨୮ ଇମ୍‌ଣି କାରଣତା° ହେୱାର ଇୱାନ୍ ବିରୁଦ୍‌ତ ଦସି କିନାରା, ହେଦା° ପୁଞ୍ଜେଜ୍ ମାନ୍ କିଜି ଆନ୍ ଇୱାନି° ହେୱାର୍‌ତି ଗାଜା ସବା ଲାଗାୟ ଆସି ହାତାଜ୍ । ୨୯ ପାରାଣ୍ ଡାଣ୍ କି ହିକ୍‌ଡି ଗାତ୍ୟାନି ଜଗ୍ ଇମ୍‌ଣାକା ପା ବିସ୍ତେ ଇୱାନି° ବିରୁଦ୍‌ତ ଦାବା କିୱାଦା° ହେୱାର୍‌ତି ବିଦି ବାବ୍ରେ ଗଣ୍‌ଗଲ୍ ବିସ୍ତେ ଦାବା କିୟାତାଦ୍‌ନା ଇଞ୍ଜି ଆନ୍ ବୁଜାତା° । ୩୦ ଇ ଲକ୍ ବିରୁଦ୍‌ତ ମାନ୍ ପାତିକିତାର୍ ଇଞ୍ଜି ନାଜ୍ କାରୁର୍ ହିଡ୍‌ତିଲେ ଆନ୍ ଇୱାନି° ମାଲା ଆୱାଦା° ନି ଲାଗାୟ ପଞ୍ଚାତା°, ଇୱାନ୍ତି ଦାବାକିନାକାରି° ପା ନି ମୁମ୍‌ଦ ଇୱାନ୍ ବିରୁଦ୍‌ତ ସାକି ହିଦେ° ବଲ୍ ହିତା° ।”

୩୧ ହେବେଣ୍ଟା° ମେଲ୍ୟାର୍ ପାୟାତି ବଲ୍‌ତା° ପାଉଲ୍‌ତି° ଅଜି ମାଜ୍‌ଗାତ ତାଜ୍ ଆନ୍ତିପାତ୍ରିତ ତାହିୱାତାର୍ । ୩୨ ଆକାଡ୍ ନାଜି° ମେଲ୍ୟାର୍ ଗଡ଼ା ଦୁମ୍‌ନାକାରି° ତା ହୁଦା° ହାନି କାଜି° ଗାଡ୍‌ଦ ମାସ୍‌ଦି ହାତାର୍ । ୩୩ ପାତେ ଗଡ଼ା ଦୁମ୍‌ନାକାର୍ କାଇସରିୟାତ ୱାଜି ସାସନ୍‌କାର୍‌ୟାଜ୍ ଆକି ହିତାର୍, ଆରେ ପାଉଲ୍‌ତି° ପା ହେୱାନ୍ କେଇଦ ହେଲ୍‌ୟାୟ କିତାର୍ । ୩୪ ହେ ଆକି ପଡ୍ କିତି ପାତେ, ହେୱାନ୍ ଇମ୍‌ଣି ରାଜିନି ଲଗୁ ଇଞ୍ଜି ୱେନ୍‌ବାତାନ୍, ଆରେ, ହେୱାନ୍ ଜେ କିଲିକିୟାନି ଲଗୁ, ଇଦା° ପୁଞ୍ଜି ୩୫ ଆରେ ହେୱାନ୍ ଇଚାନ୍, ନି ଦାବାକାରିୟାର୍ ପା ଇକାୱାତାର୍, “ଆନ୍ ନି କାତା ୱେନାଜ୍ ।” ଆରେ ହେୱାନ୍ ହେରଦ୍‌ତି ବାଜ୍‌ଲାତ ତାଜ୍ ଇଡ୍‌ଦେ° କାଜି° ବଲ୍ ହିତାନ୍ ।

୨୪

ପାଉଲ୍ ଜିହୁଦିର୍‌ତି ହୁଦା° ଦାବାକିୟାତାନ୍

୧ ପାଞ୍ଚ ଦିନ୍ ପାତେ ହାନାନ ମୁଡ୍ ମାପୁହେବାକିନାକାନ୍ କେତେକ୍ ପ୍ରାଚିନାରି° ଆରି ତର୍ତ୍ତୁଲ୍ ତର୍ ନି ରୱାନ୍ ଅକିଲ୍ ହୁଦା° କାଇସରିୟାତ ୱାତାନ୍, ଆରେ ହେୱାର୍ ପାଉଲ୍‌ତି ବିରୁଦ୍‌ତ ସାସନ୍‌କାର୍‌ୟା ଲାଗେ ଦାବା କିତାର୍ । ୨ ହେୱାନି° କୁକିକିତିଲେ ତର୍ତ୍ତୁଲ୍ ହେୱାନି° ଦାବା କିଜି ଇଞ୍ଜେଜ୍ ଲାଗାତାନ୍,

“ଏ ଗାଜା ସାଏବ୍ ପେଲିକସ୍, ନି ହୁଦା° ଆପେ° ଜେ ମି ରାଜି ବେସି ସୁସ୍ତା ପାୟାତାପ୍‌ନା, ଆରେ ନି ପ୍ରାତିପାଡ୍‌ଦ ଇ ଜାତି କାଜି° ବାରବିନ୍ କାମାୟ ଆତାଡ୍‌ନା, ୩ ଇଦା° ଆପେ° ସବୁ ବାବ୍ରେ ଆରି ସବୁ ବାହାତ ବାତ୍ ପେଲିକସ୍‌ତି° ୱାରି ଲାହାଜ୍ ମାନି କିତାପ୍‌ନା । ୪ ମତର୍ ଆନ୍ ଇନେସ୍ ଆଦିକ୍ ୱାହି କିଦୁଜ୍, ଇଦା° କାଜି° ଏନ୍ ଜାର୍ ଦୟା ଗୁଣ୍‌ତ ମାଦା° ଏରେଗଟା କାତା ୱେଞ୍ଜେଜ୍ କାଜି° ଆନ୍ ନି° ଗୱାରି କିଦ୍‌ନାଜା । ୫ ଇନାକିଦେ°କି ଆସେଜ୍ ଇ ଲକ୍‌ତି° ମାର୍‌ଡି ଲାକେ ପୁତ୍ ନି ୱିଜୁ ୱିଜାର୍ ଜିହୁଦିର୍‌ତି ବିତ୍ରେ କୁଲ୍ କିବାନାକାନ୍ ଆରି ନାଜରିତିୟ କୁଦାନି ରୱାନ୍ ମୁଡ୍ ନେତା ଇଞ୍ଜି ପୁଚାପ୍‌ନା; ୬ ଆରେ ପା ଇୱାନ୍ ମନ୍ଦିର୍ ବିଟାଡ୍ କିଦେଜ୍ ସେସ୍ଟା କିଜି ମାଚାନ୍, ମତର୍ ଆପେ° ଇୱାନି° ଆସ୍ତାପ୍ ଆରେ ମି ବିଦି ଇସାପ୍ରେ ଇୱାନ୍ତି ବିଚାର୍ କିଦେଜ୍ ଇଚା କିଜି ମାଚାପ୍ । ୭ ମତର୍ ହାଜାର୍ ମୁସ୍ତିଦାର୍ ଲୁସିୟା ୱାଜି ଜବର୍ ବଲ୍‌ଡକାର୍‌ତା° ଇୱାନି° ମା କେୟଦା° କିସ୍ ଅତାନ୍, ୮ ଆରେ, ଇୱାନ୍ତି ଦାବାକାର୍‌ୟାରି° ନି ମୁମ୍‌ଦ ଇକାୱାନି କାଜି° ବଲ୍ ହିତାନ୍ । ଇ ଇମ୍‌ଣି ୱିଜୁ ବିସ୍ତେ ଆପେ° ତେକ୍‌ତି ଇଦା° ବିରୁଦ୍‌ତ ଦାବା କିନାପା, ଏନ୍ ନିଜେ ଇୱାନି° ପର୍‌ସନ୍ କିତିସ୍ ହେ ସବୁ ପୁଞ୍ଜେଜ୍ ଆଡ୍‌ନାୟ ।” ୯ ଜିହୁଦିର୍ ପା ଦାବାତ ମିହାଜି ଇ ୱିଜୁ କାତା ହାଡ୍‌ପା ଇଞ୍ଜି ଇଞ୍ଚାର୍ ।

ପେଲିକସ୍‌ତି ମୁମ୍‌ଦ ପାଉଲ୍‌ତି ୱାସ୍‌ହିତାନ୍

୧୦ ହେବେଣ୍ଟା° ସାସନ୍‌କାର୍‌ୟା କାତା ଇନି କାଜି° ପାଉଲ୍‌ତି° ଚଡ୍‌ତିଲେ, ହେୱାନ୍ ଉତର୍ ହିତାନ୍, “ଏନ୍ ଆଦିକ୍ ବାହୁ ଆତାଡ୍ ଇ ଜାତିନି ବିଚାର୍‌କାର୍‌ୟା ମାନାନ୍ ଇଞ୍ଜି ପୁନିକାଜି° ଆନ୍ ସାସ୍‌ତ ନା ପାକ୍ୟା ବାତି କିନାଜା । ୧୧ ବାର ଦିନ୍‌ତା° ଆଦିକ୍ ଆଉଡ୍ ଆନ୍ ପାର୍‌ତାନା କିନି କାଜି° ଜିରୁସାଲମ୍‌ତ ହାଲ୍‌ଜି ମାଚାଜ୍, ଇଦା° ଏନ୍ ପୁଞ୍ଜେଜ୍ ଆଡ୍‌ନାୟ । ୧୨ ଆରେ, ଇୱାର୍ ମନ୍ଦିର୍‌ତ କି ପାର୍‌ତାନା ଇଞ୍ଜି କି ଗାଡ୍‌ଦ ନାଞ୍ଜେଜ୍ ଇନେର୍ ହୁଦା° ଗଣ୍‌ଗଲ୍ କିନାକା କି ଲକା° ଟିଉଲାୟ କିନାକା ହୁଡ୍‌ଦାୱାତାଣ୍ଟା, ୧୩ ଆରେ, ନଜ୍ ଇୱାର୍ ନା ବିରୁଦ୍‌ତ ଇମ୍‌ଣି ୱିଜୁ ବିସ୍ତେ ଅଜି ଦାବା କିନାରା, ହେ ସବୁ ନି ଲାଗେ ପାର୍‌ମାଣ୍ କିଦେଜ୍ ଆଡ୍‌ର । ୧୪ ମତର୍ ଇୱାର୍ ଇନେରି° ର ବିନ୍‌ଦମ୍ କୁଦା ଇଞ୍ଜି ଇନାର୍, ଆନ୍ ହେ ହାଜି ଇସାପ୍ରେ ମା ଆବା ଲେଡ୍ରାତି ଇସ୍‌ରତି ପାର୍‌ତାନା କିଜି ମାନା°; ଇନା ଇନାକା ମସାତି ବିଦି ଇସାପ୍ରେ ଆରି ଇନା ଇନାକା ବେଣ୍‌ବାକଣାୟକିନାକାର୍ ସାସ୍‌ରତ ଲେକା ମାନାଡ୍, ହେ ସବୁ ଆନ୍ ପାତ୍ କିନାଜ୍; ୧୫ ଆରେ, ଦାମ୍ ଆରି ଅଦାମ୍ ରିୟାର୍ ଆରେ ନିନାକା ଆନାଡ୍ ଇଞ୍ଜି ଇନାକା ଇୱାର୍ ନିଜେ କାସି ମାନାର୍, ଆନ୍ ପା ଇସ୍‌ରତା° ହେ ଲାକେ ବାସ୍ ଇଡ୍‌ତା°ନା ଇଞ୍ଜି ନି ଲାଗେ ମାନି କିନାଜା । ୧୬ ଇ ଏଡ୍ ତା° ଆନ୍ ପା ନିଜେ ନିତ୍ରେ ଇସ୍‌ରତି ଆରି ମାନାୟତି କାଜି° ଦସି ହିଲ୍‌ୱି ଚିନ୍ତା ରାକ୍ୟା କିଦେଜ୍ ଜାଡ୍‌ନ୍ କିଜି ମାନାଜା ।”

୧୭ ☆ “ବେସି ବାହୁଁ ପାଚେ ଆନ୍ ନା ଜାତି ଲାଗେ ଦାନ୍ ତାତେଙ୍ଗ କାଜିଂ ଆରି ପୁଜା ହିନି କାଜିଂ ଜିରୁସାଲମ୍ତ ହାଲଜି ମାଚାଙ୍ଗ । ୧୮ ହେ ଖେଡାଲିଂ ଇଞ୍ଜାର ନାଙ୍ଗେଙ୍ଗ ମନ୍ଦିରତ ସକଟ୍ ଆଜି ମାନାକା ହୁଡ଼ଜି ମାଞ୍ଜାର୍; ଆନ୍ ଇମଣାକା ପା ଲକ୍ଷୁରିଂ ନଲେ ଗଣ୍ଡଗଲ୍ତ ମେହା ଆଞ୍ଜାଦାଂ ମାଚାଙ୍ଗ । ୧୯ ମାତର୍ ଆସିଆନି କେତେକ୍ ଜିହୁଦିର୍ ମାଚାର୍; ଜଦି ହେଞ୍ଜାର୍ତି ନା ବିରୁଦ୍ତ ଇମଣାକା ପା କାତା ମାଚିସ୍, ତାଆତିସ୍ ନି ମୁମ୍ଦ ଏକିସ୍ ଦାବା କିନାକା ହେଞ୍ଜାର୍ତି ହାର୍ ଆତାମ୍ । ୨୦ ଆରେରଗ ଆନ୍ ଗାଜା ସବା ମୁମ୍ଦ ଇଞ୍ଜି ମାଚାଙ୍ଗ୍ ଆନ୍ ଇମଣି ପାପ୍ତ ବାନ୍ୟା ଆଜି ମାଚାଙ୍ଗ୍, ହେଦାଂ ଇବେ ମାନି ଇ ମାନାୟାର୍ ଇଞ୍ଜେର୍ । ୨୧ ଆତିସ୍ପା ଆନେଙ୍ଗ୍ ର କାତା ଇଞ୍ଜି ମାଚାଙ୍ଗ୍, ହେଞ୍ଜାର୍ ବାହାତ ଇଞ୍ଜି ମାନି ସମୁତ ଆନ୍ ଆର୍ଞ୍ଜା କିଜି ଇଞ୍ଜି ମାଚାଙ୍ଗ୍, ହାକିର୍ ଆରେ ନିଂନାକା ଇଞ୍ଜି ଆନ୍ ପାତ୍ କିଜି ମାଚିଲେ ନେଞ୍ଜେଙ୍ଗ୍ ନି ହୁଦାଂ ବିଚାର୍ କିୟାନାଙ୍ଗା ।”

୨୨ ମତର୍ “ପେଲିକସ୍ ହେ ହାଜି ବିସ୍ତେ ଏଚେକ୍ ଆଦିକ୍ ହାତୁର୍ ପୁଞ୍ଜି ମାଚିଲେ ବିଚାର୍ ଟେବାୟ୍ କିଜି ଇଚାନ୍, ହାଜାର୍ ମୁସ୍ତିଦାର୍ ଲୁସିୟା ଖାତିସ୍ ଆପ୍ ମିଦାଙ୍ଗ୍ ବିସ୍ତେ ତିର୍ କିନାପ୍ ।” ୨୩ ଆରେ, ହେଞ୍ଜାନ୍ ପାଞ୍ଜକଡ଼ି ମୁସ୍ତିଦାର୍ତି ହେଞ୍ଜାଡ଼ି ଇମଣାକା ପା ଖାସ୍ତିନି ଜାର୍ ଲଗାଂ ହେଞ୍ଜାଡ଼ି ହେବାକିନାକା କାଜିଂ ମୁନା କିଞ୍ଜାଦାଂ, ଆରେ ତା ବନ୍ଦି ଲାକେ ରାକ୍ୟା କିଜି ତା କାଜିଂ କଞ୍ଜାଣ୍ ଚିନ୍ତା କିଦେଙ୍ଗ୍ ବଲ୍ ହିତାନ୍ ।

ପେଲିକସ୍ ଆରି ଦୁସିଲାତି ମୁମ୍ଦ ପାଉଲ୍

୨୪ କେତେକ୍ ଦିନ୍ ପାଚେ ପେଲିକସ୍ ଦୁସିଲା ତରୁନି ଜାର୍ ଜିହୁଦିୟା ତକ୍ତୁହି ଲାହାଙ୍ଗ୍ ଖାଜି ପାଉଲ୍ତିଂ କୁକ୍ତି କ୍ରିସ୍ଟ ଜିସୁତିତାକେ ପାତ୍ ବିସ୍ତେ ହେଞ୍ଜାନ୍ ତାକେ ଖେଚାନ୍ । ୨୫ ମତର୍ ହେଞ୍ଜାନ୍ ଦାମ୍, ଖାସ୍ତିତିଂ ଆରି ଖାନିଦିନ୍ତ ବିଚାର୍ କାମାୟ୍ ବିସ୍ତେ କାତା ଇନି ସମୁତ ପେଲିକସ୍ ପାଣ୍ଡା ଆଜି ଉତର୍ ହିତାନ୍, “ନଙ୍ଗ୍ ଏପେଙ୍ଗ୍ ହାଲାର୍, ସୁବିଦା ସମୁ ପାୟାତିସ୍ ଆପ୍ ମିଙ୍ଗ୍ କୁକିକିମ୍ପାପ୍ ।” ୨୬ ଆରେ ପା ପାଉଲ୍ ତାଙ୍ଗ୍ ଟାକାଂ ହିଦ୍ନାଂ ଇଞ୍ଜି ହେଞ୍ଜାନ୍ ଆହା କିଜି ମାଚାନ୍; ହେଦାଂ କାଜିଂ ରଗତିଂ ରଗ ତାଙ୍ଗ୍ କୁକ୍ତି ତା ଲାହାଙ୍ଗ୍ କାତାବାର୍ତା କିବିସ୍ ମାଚାନ୍ ।

୨୭ ମାତର୍ ଦୁଇ ବାହୁଁ ବାତ୍ ଆତି ପାଚେ ପକ୍ ଯେସୁ ପେଲିକସ୍ତି ପାଦ୍ତ ବାଚି କିୟାତାନ୍, ଆରେ ପେଲିକସ୍ ଜିହୁଦିର୍ତ୍ତ ବଲ୍ବଲ୍ଲାୟ୍ ଆଦେଂ ଇଚା କିଜି ପାଉଲ୍ତିଂ ବନ୍ଦି ଅବସ୍ତାତ ଇଡ଼ଜି ହାଚାନ୍ ।

୨୫

କାଈସରିୟାତି ଲାଗେ ପାଉଲ୍ତି ଗଞ୍ଜାରି

୧ ହେବେଣ୍ଡାଂ ପେସୁ ଆଦିକାର୍ ପାଦ୍ ଇଚି କିଜି ତିନି ଦିନ୍ ପାଚେ କାଈସରିୟାତାଂ ଜିରୁସାଲମ୍ତ ହାଚାନ୍, ୨ ଆରେ, ମୁଡ୍ ମାପୁହେବାକିନାକାନ୍ ଆରି ଜିହୁଦିର୍ତ୍ତ ମୁଡ୍ ମୁଣିକାର୍ ପାଉଲ୍ତି ବିରୁଦ୍ତ ତା ଲାଗେ ଗଞ୍ଜାରି କିତାର୍, ୩ ଆରେ ହେଞ୍ଜାନ୍ ଇନେସ୍ ତାଙ୍ଗ୍ ଜିରୁସାଲମ୍ତ କୁକ୍ତି ପଞ୍ଜାନାନ୍, ଇଦାଂ କାଜିଂ ଗଞ୍ଜାରି ଆଗେ ତା ବିରୁଦ୍ତ ଇ ଦୟା ପାର୍ତାନା କିତାର୍, ଆରେ, ହେଞ୍ଜାର୍ ତାଙ୍ଗ୍ ହାସ୍ତ ଅହି କିନି କାଜିଂ ତୁଗୁଜି କୁଚ୍ଚାର୍ । ୪ ହେବେ ପେସୁ ଉତର୍ ହିତାନ୍, “ପାଉଲ୍ କାଈସରିୟାତ ଗେହ୍ୟାଜି ମାନାନା, ଆରେ ଆନ୍ ପା ବେଗି ହେବେ ହାନାଙ୍ଗ୍ । ୫ ଲାଗିଂ, ମି ବିତ୍ତେ ଇମଣାକାର୍ ସାକ୍ତିକାଟାକାନ୍, ହେଞ୍ଜାର୍ ମା ଲାହାଙ୍ଗ୍ ହାଲଜି ହେ ଲକ୍ନି ଜଦି ଇମଣାକା ପା ଦସ୍ ମାଚିସ୍, ତେବେ ତା ବିରୁଦ୍ତ ଦାବା କିୟାଟ୍ ।”

୬ ପାଚେ ହେଞ୍ଜାନ୍ ହେଞ୍ଜାର୍ ବିତ୍ତେ ଆର୍ କି ଦସ୍ ଦିନ୍ତାଂ ଆଦିକ୍ ମାନଞ୍ଜାଦାଂ କାଈସରିୟାତ ମାସଦି ହାଚାର୍, ଆରେ ଆକାର୍ ନାଜିଂ ଗାଦିତ କୁଚ୍ଚି ପାଉଲ୍ତିଂ ତାନି କାଜିଂ ବଲ୍ ହିତାନ୍ । ୭ ପାଉଲ୍ ଖାତିଲେ ଜିରୁସାଲମ୍ତାଂ ଖାତାକାର୍ ଜିହୁଦିର୍ ହେଞ୍ଜାଡ଼ି ଚାରିବେଣ୍ଡାଂ ବେଡ଼ି କିଜି ନିଲ୍ତାର୍ ଆରି ତା ବିରୁଦ୍ତ ବେସି ଗାଜା ଦାବା କିତାର୍ । ମତର୍ ହେଞ୍ଜାର୍ ଇ ସବୁ ପାର୍ମାଣ୍ କିଦେଙ୍ଗ୍ ରାଜି ଆଞ୍ଜାତାର୍ । ୮ ହେବେ ପାଉଲ୍ ଜାର୍ ପାକ୍ୟା ପାଡ଼କା କିଜି ଖେଚାନ୍, “ଜିହୁଦିର୍ନି ମସାତି ବିଦି ବିରୁଦ୍ତ କି ମନ୍ଦିର୍ ବିରୁଦ୍ତ କି କାଈସର୍ତ୍ତ ବିରୁଦ୍ତ ଆନ୍ ଇନାକାପା ପାପ୍ କିଞ୍ଜାତାଂମ୍ ।”

୯ ମତର୍ ପେସୁ ଜିହୁଦିର୍ତ୍ତ ଦୟା ଆଦେଂ ଇଚା କିଜି ପାଉଲ୍ତିଂ ଉତର୍ ହିତାନ୍, “ଏନ୍ କି ଜିରୁସାଲମ୍ତ ହାଲଜି ହେ ବାହାତ ମା ମୁମ୍ଦ ଇ ସବୁ ବିସ୍ତେ ଅଜି ବିଚାର୍ ଆଦେଂ ଇଚା କିନାୟା ?”

୧୦ ମତର୍ ପାଉଲ୍ ଇଚାନ୍, “ଆନ୍ କାଈସର୍ତ୍ତ ଗାଦି ତାରେନ୍ ନିଲ୍ତାଂମ୍, ହେ ବାହାତ ବିଚାର୍ ଆନାକା ମାନାଡ଼ । ଆନ୍ ଜିହୁଦିର୍ତ୍ତ କାଜିଂ ଇନାକାପା ଅନ୍ୟାୟ୍ କିଞ୍ଜାତାଂମ୍, ଏନ୍ ପା ହେଦାଂ ଏଚେକ୍ ହାର୍ ଇଞ୍ଜି ପୁନାୟ୍ । ୧୧ ଖାଚିଙ୍ଗ୍, ଜଦି ଆନ୍ ଅନ୍ୟାୟ୍ କିତାକାଂ ଆଜି ମାଚିସ୍ ଆରି ହାକି ଜଗ୍ ଇନାକାପା କାମାୟ୍ କିଜି ମାଚିସ୍, ତା ଆତିସ୍ ଆନ୍ ହାକି ବଗ୍ କିଦେଙ୍ଗ୍ ମୁନା କିଦୁଙ୍ଗା; ମତର୍ ଇଞ୍ଜାର୍ ନା ବିରୁଦ୍ତ ଇନାକା ସବୁ ଦାବା କିନାରା, ହେ ସବୁ ବିତ୍ତେ ଜଦି ପାଦେକ୍ ପା ସଡ଼୍ ଆକାୟ୍, ତା ଆତିସ୍ ଇମଣି ମାନାୟ୍ ପା ହେଞ୍ଜାର୍ କେଇଦ ନାଙ୍ଗ୍ ହେଲ୍ଲାୟ୍ କିଦେଙ୍ଗ୍ ଆତୁର୍ । ଆନ୍ କାଈସର୍ତ୍ତ ସାରାଣ୍ଡତ ବିଚାଣ୍ ଆଦେଂ କାଜିଂ ପାର୍ତାନା କିନାଙ୍ଗା ।”

୧୨ ହେବେ ପେସୁ ମଡ଼ିମଣ୍ଡଲ୍ ଲାହାଙ୍ଗ୍ ବୁଜାସୁଜା କିଜି ଉତର୍ ହିତାନ୍, ଏନ୍ “କାଈସରିୟାତି ସାରାଣ୍ଡତ ବିଚାଣ୍ ଆଦେଂ କାଜିଂ ପାର୍ତାନା କିତାୟ୍ନା, ଏନ୍ କାଈସର୍ ଲାଗେ ହାନାୟ୍ ।”

ଆଗ୍ରିପା ଆରି ବଣ୍ଟି କିତି ମୁମ୍ଦ ପାଉଲ୍

☆ ୨୪:୧୭ ୨୪:୧୭ ପଦ୍ୟାତ୍ମକା ୨୧:୧୭-୨୮.

୧୩ କେତେକ ଦିନ ହାତ ପାଚେ ରାଜା ଆଗ୍ରପା ଆରି ବଣ୍ଟିକି କାଈସରିୟାତ ଖାଜି ପେସୁତି ବେଟା ଆତାର । ୧୪ ହେଖାର ବେସି ଦିନ ହେ ବାହାତ ମାଟିଲେ, ରାଜା ଆଗେ ପେସୁ ପାଉଲ୍ଲତି କାତା ଖେଡ଼ି ଇଚାନ, “ପେଲିକସ୍ ରଖାନ ଲଗା ବନ୍ଦି କିଜି ଇଡ଼ଜି ହାଚାନା । ୧୫ ଆନ୍ ଜିରୁସାଲମତ ମାନି ସମୁତ ଜିହୁଦିରତି ମୁଡ଼ ମାପୁହେବାକିନାକାନ୍ ଆରି ପ୍ରାଚିନାର ତା ବିସ୍ତେ ନା ଲାଗେ ଗଞ୍ଜାରି କିଜି ତା ବିରୁଦ୍ଦତ ଦଣ୍ଡବଲ୍ଲ ପାର୍ତାନା କିତାର । ୧୬ ଆନ୍ ହେଖାରି ଉତର ହିତା, ଇନାକାନ୍ ଆରି କାତା ନାହାୟ୍ ମୁକାମୁକି ଆଖି ପାତେକ୍, ଆରେ କାତା ନାହାତି ବିରୁଦ୍ଦତ ବିଚାର କିଜିମାନି ଦାବା ସମୁତ ଖାସ୍ତିପାକ୍ୟା ପାଡ଼କା କିନି ସୁବିଦା ପାୟାଖି ପାତେକ୍ ହେଖାନି ହେଲାଇ କିନାକା ରମିୟରତି ବିଦି ଆକାୟ୍ । ୧୭ ଲାଗି ହେଖାର ନା ହାଙ୍ଗଦା ଇ ବାହାତ ଖାତିଲେ, ଆନ୍ ମାଲ୍ୟାଖାଦା ଆକାଡ଼ ନାଜି ଗାଦିତ କୁରତି ହେ ମାନାୟ୍ତି ତାତେକ୍ କାଜି ବଲ୍ଲ ହିତା । ୧୮ ଦାବାକାରିର ଇଞ୍ଜ, ଆନ୍ ଇନେସ୍ବାନି ଦସ୍ନି କାତା କାସି ମାଚାଙ୍ଗ୍, ହେ ଲାକେ ଇନାକାପା ଦାବା ହେଦା ବିସ୍ତେ ତାଖାତାର । ୧୯ ମତର ହେଖାରତି ଜାର ଦାରୁମ୍ ଆରେ ଜିସୁ ତର ନି ରଖାନ ହାତି ମୁଣିକା, ଇନେରି ପାଉଲ୍ଲ ଜିଜି ମାଚାନ୍ ଇଞ୍ଜ ଇଞ୍ଜି ମାଚାନ୍, ହେ ସବୁ ବିସ୍ତେ ତା ବିରୁଦ୍ଦତ ହେଖାରତି ଏଚେକ୍ କୁଲ୍ଲ ମାଚାଡ଼ । ୨୦ ଇ ଖିଜୁ ବିସ୍ତେ ଇନେସ୍ବାନି ତେକ୍ନାଙ୍ଗ୍ ଇଞ୍ଜି ଆନ୍ ବୁଦିବାଣା ଆଜି, ହେଖାନ ଜିରୁସାଲମତ ହାଲ୍ଲଜି ହେବେ ଇ ଖିଜୁ ବିସ୍ତେ ବିଚାର ଆଦେ କାଜି ଇଚା କିନାନ୍ କି ଆକାୟ୍, ଇଦା ଖେନ୍ବାତା । ୨୧ ମତର ପାଉଲ୍ଲ ରାଜାରତା ରାଜା ବିଚାର କାଜି ଇଚ୍ୟାନି କାଜି ପାର୍ତାନା କିତିଲେ, ଆନ୍ ତାଙ୍ଗେକ୍ କାଈସରତି ଲାଗେ ପକ୍ଷି ପାତେକ୍ ବନ୍ଦି କିଜି ଇଡ଼ଦେ ବଲ୍ଲ ହିତା ।”

୨୨ ହେବେଣ୍ଡା ଆଗ୍ରପା ପେସୁତି ଇଚାନ, “ଆପେ ପା ନିଜେ ହେ ଲକ୍ନି କାତା ଖେଞ୍ଜେକ୍ ଇଚା କିନାପା ।”
 ହେଖାନ ଇଚାନ, “ଝିଗା ଏପେକ୍ ତାଦି କାତା ଖେନାଦେର ।”

୨୩ ଲାଗି, ଆକାଡ଼ ନାଜି ଆଗ୍ରପା ଆରି ବଣ୍ଟିକି ଗାଜା ବିଡ଼ତ ଖାଜି ମୁଡ଼ ମୁଡ଼ ମେଲ୍ୟାର ଆରି ଗାଡ଼ନି ମୁଡ଼ ମୁଡ଼ ମୁଣିକାର ହୁଦା ବିଚାର୍ଣ୍ଣା ବାହାତ ହଟିଲେ ପେସୁତି ବଲ୍ଲ ଇସାବରେ ପାଉଲ୍ଲତି ତାହିଖାୟାତାନ । ୨୪ ହେବେ ପେସୁ ଇଚାନ, “ଏ ରାଜା ଆଗ୍ରପା ଆରି ମାହୁଦା ଇ ବାହାତ ମାଟି ଗାଜାଲଗୁ କାଦେର, ଏପେକ୍ ଇ ଲକ୍ତି ହୁଡ଼ନାଦେରା, ଇଖେନ୍ ବିରୁଦ୍ଦତ ଜିରୁସାଲମତ ଆରି ଇ ବାହାତ ପା ଜିହୁଦି ଲକୁ ମା ଲାଗେ ଗଞ୍ଜାରି କିଜି ତାଦା ଆରେ ଜିଜି ମାନାକା ହାର ଆକାୟ୍ ଇଞ୍ଜି ଚେରା ଆତାର । ୨୫ ମାତର ହେଖାନ ହାକି ଜଗ୍ ଇନାକାପା କାମାୟ୍ କିଖାତାନ୍ନା ଇଞ୍ଜି ଆନ୍ ବୁଜାତା, ଆରେ ହେଖାନ ନିଜେ ଜାରାରତା ରାଜା ଲାଗେ ବିଚାର ଆନି କାଜି ପାର୍ତାନା କିତିଲେ ଆନ୍ ତାଙ୍ଗ୍ ପକ୍ନି କାଜି ତିର କିତାଙ୍ଗ୍ । ୨୬ ନା ମାପୁତି ଲାଗେ ତା ବିସ୍ତେ ଲେକିକିନି କାଜି ନାଦା ଇନାକାପା ସଡ଼ ବିସ୍ତେ ଆକାୟ୍ । ଲାଗି ବିଚାର କିଜି ଇନେସ୍ ଆନ୍ ଲେକିକିନି କାଜି ଇଚୁଟି ପାୟାଦେ ଆଡ଼ନାଙ୍ଗ୍, ହେଦା କାଜି ତାଙ୍ଗ୍ ମିବେ, ବେସିନି, ଏ ରାଜା ଆଗ୍ରପା, ମି ମୁମ୍ଦ ତାତାନ୍ନା; ୨୭ ଇନାକିଦେକି ବନ୍ଦିତି ପକ୍ତିନି ସମୁତ ତା ବିରୁଦ୍ଦତ ଦାବାକା ଇନ୍ଧି କାଜି ନାଙ୍ଗେକ୍ ମେହାଆଖି ଲାକେ ବୁଜା ଆଦନାତା ।”

୨୭

ଆଗ୍ରପାତି ମୁମ୍ଦ ପାଉଲ୍ଲତି ଜାରତି ହେଲାଇ କିନାକା

୧ ହେବେଣ୍ଡା ଆଗ୍ରପା ପାଉଲ୍ଲତି ଇଚାନ, “ନିଙ୍ଗେକ୍ ଜାର ପାକ୍ୟାତ କାତା ଇନି କାଜି ହେଲ ହିଆତାଡ଼ । ହେ ଏଚେକାଡ଼ଦ ପାଉଲ୍ଲ କେକ୍ ମେଲାଇ କିଜି ଜାର ପାକ୍ୟାତ ଇଞ୍ଜେକ୍ ଲାଗାତାନ,”

୨ “ଏ ରାଜା ଆଗ୍ରପା, ଜିହୁଦିର ନା ବିରୁଦ୍ଦତ ଇମ୍ଣି ଖିଜୁ ଦାବା କିନାରା, ହେ ବିସ୍ତେ ଆନ୍ ଜେ ନେଞ୍ଜେକ୍ ନି ଲାଗେ ଜାତିଙ୍ଗ୍ ଖେଡ଼ଚେକ୍ ପାବ୍ ପାୟାତାନ୍ନା, ଇଦା କାଜି ଆନ୍ ଜାରତି ଖାରି ବାବି କିନାଙ୍ଗା, ୩ ବେସିଆତିସ୍ ଇ ଇନାକିଦେକି ଜେ, ଏନ୍ ଜିହୁଦିର ବିତ୍ରେ ଚାଲାତି ସବୁ ରିତିନିତି ଆରି ମାନ୍ ବିସ୍ତେ ବେସି ପୁନାୟ୍; ଇଦା କାଜି ସାସ୍ ଆଜି ନା କାତା ଖେଞ୍ଜେକ୍ କାଜି ଆନ୍ ନି ଗଞ୍ଜାରି କିଦନାଙ୍ଗା ।

୪ ବେଣ୍ଡାଆ କାଡ଼ତା ଆଗେତା ଜାର ଜାତି ବିତ୍ରେ ଆରି ଜିରୁସାଲମତ ନା ଆଚାର ଚିନ୍ତା ଜିହୁଦିର ଖିଜାକାର ପୁନାର୍; ୫ ହେଖାର ନାଙ୍ଗେକ୍ ପର୍ତ୍ତମତା ପୁନ୍ଞ୍ଜି ମାଟିସ୍ ଜଦି ଇଚା କିନାନ୍, ଖାଟିକ୍ ସାକି ହିଜି ଆଡ଼ନାର୍ ଜେ, ଆନ୍ ମା ଦରମ୍ନି ସବୁତା ଆଡ଼ଖା ମାନ୍ ଇସାପ୍ରେ ପାରୁସି ଆଜି ଜିଜି ମାଚା ।” ୬ ଆରେ, ମା ଆବା ଲାତ୍ରା ଲାଗାଙ୍ଗ୍ ଇସ୍ବର ଇମ୍ଣି ପାର୍ମାଣ୍ କିଜି ମାଚାନ୍, ହେ ପାର୍ମାଣ୍ନି ବାସ୍ କାଜି ଆନ୍ ବିଚାର ଆନି କାଜି ନଙ୍ଗ୍ ନିଲ୍ଲତାନ୍ନା । ୭ ମା ବାର୍ ପାର୍ତାନା ହେ ପାର୍ମାଣ୍ନି ପାଡ଼ ଗାଚାନି ଆହାତ ଖେଡ଼ାନାଣା ର ମାତ୍ର ଇସ୍ବରତି ପାର୍ତାନା କିନାରା । ଏ ରାଜା, ବାସ୍ କାଜି ଆନ୍ ଜିହୁଦିରତି ହୁଦା ଦାବା ଆନାଙ୍ଗା । ୮ ଇସ୍ବର ଜେ ହାତାକାରିକ୍ ନିକ୍ତାନ୍ନା, ହେଦା ଇନାକିଦେ ଏପେକ୍ ବିଚାରତ ପାତି କିଖାକାଦେର୍ ଇଞ୍ଜି ବୁଜା ଆନାତା ?

୯ “ନାଜରିତିୟ ଜିସୁତି ତର ବିରୁଦ୍ଦତ ନାଦା ଆଦିକ୍ କାମାୟ୍ ଜେ ମାନାଡ଼, ଇଦା ଆନ୍ ନିଜେ ବାବି କିଜି ମାଚାଙ୍ଗ୍ । ୧୦ ଆରେ, ଜିରୁସାଲମତ ଆନ୍ ଇଦା ପା କିଜି ମାଚାଙ୍ଗ୍, ମୁଡ଼ ମାପୁହେବାକିନାକାନ୍ ତାରେନ୍ ଆଦିକାର ପାୟା ଆଜି ପୁଲ୍ଲପୁୟାର୍ ବିତ୍ରେ ଆଦେକ୍ତି ଜଇଲ୍ଲତ ଗେସ୍ସି କିଜି ମାଚାଙ୍ଗ୍, ଆରେ, ହେଖାରତି ପାରାଣ୍ ଦାଣ୍ ସମୁତ ଆନ୍ ପା

☆ ୨୭:୫ ୨୭:୫ ପଦ୍ୟାତାକା ୨୩:୭; ପିଲିପିୟ ୩:୫. ☆ ୨୭:୯ ୨୭:୯ ପଦ୍ୟାତାକା ୮:୩; ୨୨:୪,୫.

ହେୱାର୍ତ୍ତି ବିରୁଦ୍ଧ ନା ମାନ ପାକ୍ୟାତାଂ ହିଜି ମାତାଞ୍ଜ, ୧୧ ଆରେ ଝିଜୁ କୁଟୁମ୍ ଇଞ୍ଜ ରଗତିଂ ରଗ ହେୱାରିଂ ତାଣ୍ଡ ହିଜି ଜିସୁତିଂ ନିନ୍ଦା କିନି କାଜିଂ ହେୱାରିଂ ବଲକାର୍ କିଜି ମାତାଞ୍ଜ, ଆରେ ହେୱାର୍ତ୍ତି ବିରୁଦ୍ଧ ବେସି ବାତା ଆଜି ବିଦେସ୍ତନି ଗାଡ଼କୁ ପାତେକ୍ ପା ହେୱାରିଂ ନିନ୍ଦା କିଜି ମାତାଞ୍ଜ ।”

**ନିଜୁତିଂ ବାଦଲ୍ଲାଇଆନି ବିସ୍ତେ ପାଉଲ୍ଲତି ଇନାକା
(ପଦ୍ୟାତାକା ୯:୧-୧୯; ୨୨:୭-୧୭)**

୧୭ “ଇ ଇସାପ୍ରେ ମୁଡ଼୍ ମାପୁହେବାକିନାକାନ୍ ତାରେନ୍ ଆଦିକାର୍ ଆରି ବଲ୍ ଆକି ଅଜି ଦମ୍ପେସକ୍ତ ହାନି ସମୁତ, ୧୩ ଏ ଏଗ୍ରିପା ରାଜା, ମୁଣ୍ଡାମେଦାନ୍ କାଡ଼୍ ହାଜି ବିତ୍ରେ ଆକାସ୍ତାଂ ଆଦିକ୍ ଡ଼ିଞ୍ଜନାକା ଅଜଡ଼୍ ଆରି ନା ଉପକାର୍ ନିକାରିରିଂ ଚାରିବେଶତାଂ ଚଞ୍ଜ୍ୟାନାକା ହୁଡ଼ତାଂ । ୧୪ ଆପେଂ ଝିଜାପ୍ ମେଦନିତ ଗୁଡ଼୍ ଲେ, ଆନ୍ ଏବ୍ରି ବାସାତ ନା କାଜିଂ ଇ ବେଶ୍ ଝେରାଞ୍ଜ, ସାଉଲ୍, ସାଉଲ୍, ଇନାକିଦେଂ ମାଂ ଇଶ୍ କିଦନାୟା ? ତିଡ଼ି ବେଡ଼ଗାତ ଲାଡ଼ ଇଡ଼ନାକା ନି ପାକ୍ୟାତ କସ୍ତୁ ।” ୧୫ ହେବେଶ୍ଟାଂ ଆନ୍ ଇରାଞ୍ଜ, “ମାପୁ, ଏନ୍ ଇମ୍ଫାଣାକାୟା ?” ଲାଗିଂ ମାପୁ ଇଞ୍ଜାନ୍, “ଇମ୍ଫାଣି ଜିସୁଞ୍ଜ୍ ଏନ୍ ଇଶ୍ କିନାୟା, ଆପ୍ ହେୱାଞ୍ଜ । ୧୬ ମତର୍ ନିଜା, ପାନାତ ସାଲ୍ଲି ହିଜି ନିଲା, ଇନାକିଦେଂକି ଆପ୍ ନିଜେଞ୍ଜ୍ ମା ହେବା କିନାକାର୍, ଆରେ ଏନ୍ ମା ଇମ୍ଫାଣି ଇମ୍ଫାଣାକା ହୁଡ଼ତାୟାନା ପାୟା ଆତାଇନା ଆରି ଗାଟାନାୟା, ହେ ଝିଜୁ ବିସ୍ତେ ସାକି ଲାକେ ବାଟି କିଦନି ଇସାପ୍ରେ ନିଂ ଚଞ୍ଜ୍ୟା ଆଡ଼ତାପ୍ । ୧୭ ଇମ୍ଫାଣି ଜିହୁଦି ଆରି ପାଡ଼୍ କିଝି ଜିହୁଦିର୍ ମାନାୟାର୍ ତାକେ ଆନ୍ ମିଜେଞ୍ଜ୍ ପକ୍ତାନାଂ, ହେୱାର୍ତ୍ତାକେଶ୍ଟାଂ ଆନ୍ ମିଜେଞ୍ଜ୍ ଉଦାର୍ କିଦନାୟା । ୧୮ ଇନେସ୍ ମାଜ୍ଗାତାଂ ଅଜଡ଼୍ କାଜିଂ ଆରି ସୟ୍ତାନନି ସାଲ୍ଲିତାଂ ଇସ୍ପରତି ନିପ ମାସ୍ତାନାର୍, ଆରେ ପାପ୍ କେମା ଆରି ମା ତାକେ ପାଡ଼୍ ହୁଦାଂ ପୁଇପୁୟା କିତି ଲକୁ ବିତ୍ରେ ଆଦିକାର୍ ପାୟା ଆନାର୍,” ହେଦାଂ କାଜିଂ ହେୱାର୍ତ୍ତି କାଶ୍କୁ ହୁଡ଼ିକିନି କାଜିଂ ଆପ୍ ନିଂ ହେୱାର୍ତ୍ତି ତାରେନ୍ ପଲ୍ଲାନାପା, ଆରେ ଆପ୍ ନିଂ ହେୱାର୍ ତାଞ୍ଜ ରାକ୍ୟା କିଦନାପ୍ ।

ଜାର୍ତ୍ତିଂ କାମାୟ ବିସ୍ତେ ପାଉଲ୍ଲତି ବାକ୍ଶାୟା

୧୯ “ଲାଗିଂ, ଏ ରାଜା ଆଗ୍ରିପ୍ପା, ଆନ୍ ହେ ସାଗେନି ଚଞ୍ଜ୍ୟାନାକା ଉଡ଼ାଦେଂ ଆଡ଼ୱାଦାଂ, ୨୦ ମତର୍ ପର୍ତୁମ୍ତ ଦମ୍ପେସକ୍ତି ଆରି ଜିରୁସାଲମ୍ନି ମାନାୟାର୍ ଲାଗାଂ, ପାଚେ ଜିହୁଦା ରାଜିନି ଝିଜୁ ନିପ, ଆରେ ପାଡ଼୍ କିଝି ଜିହୁଦିର୍ ଲାଗାଂ ପା ସୁଶାୟା କିଦେଞ୍ଜ୍ ଲାଗାତାଂ, ଇନେସ୍ ହେୱାର୍ ମାନ୍ବାଦଲ୍ଲାଇ କିଜି ଇସ୍ପରତି କାଜିଂ ମାସ୍ତି ଝାନାର୍ ଆରି ମାନ୍ବାଦଲ୍ଲାଇନି ହାଦ଼୍ କାମାୟ କିନାନ୍ । ୨୧ ଇ କାରଣତାଂ ଜିହୁଦିର୍ ମନ୍ଦିର୍ ବିତ୍ରେ ନାଞ୍ଜ୍ ଆସ୍ତି ଅସ୍ତେଦେଂ ସେସ୍ତୁ କିଜି ମାତାର୍ । ୨୨ ଲାଗିଂ, ଇସ୍ପରତି ତାକେ ସାୟ୍ଜ ପାୟାଜି ଆନ୍ ନେଞ୍ଜେଞ୍ଜ୍ ପାତେକ୍ ହାରୁ ଆରି ଗାଜା ଝିଜାର୍ ଲାଗାୟା ସାକି ହିଜି ଝାନାଞ୍ଜା, ଆରେ ବେଶ୍ବାକ୍ଶାୟାକିନାକାର୍ ଆରି ମସାଂ ଇନାକା ଇନାକା ଗିଟାନାଡ଼ ଇଞ୍ଜି ଇରାଣ୍ଡା, ହେ ସବୁ ପିସ୍ତି ଆରେ ଇନାକାପା ଇନୁଞ୍ଜା, ୨୩ ଇତିସ୍ କ୍ରିସ୍ତୁ ନିଜେ ଦୁକ୍ତବର୍ କିଜି ଆରେ, ପର୍ତୁମ୍ ହାତାକାର୍ ବିତ୍ରେତାଂ ଆରେ ନିନାକା ଜିହୁଦି ଆରି ପାଡ଼୍ କିଝି ଜିହୁଦିର୍ ଲାଗାୟା ମୁକ୍ତାନି ଅଜଡ଼୍ ହପ୍ତାନ ।”

୨୪ ଇ ଲାକେ ହେୱାନ୍ ଝାସ୍ତିପାକ୍ୟାନି କିଜିମାନି ସମୁତ ପେସ୍ତୁ ଗାଜା କାର୍ତାଂ ଇଚାନ୍, “ପାଉଲ୍ ଏନ୍ ବାୟାତି; ବେସି ବିଦ୍ୟା ନିଜେଞ୍ଜ୍ ବାୟା କିଦନାତା ।”

୨୫ ମତର୍ ପାଉଲ୍ ଇଚାନ୍, ଏ ଗାଜାଲଗୁ ପେସ୍ତୁ, “ଆନ୍ ବାୟା ଆକାୟା, ମତର୍ ହାଡ଼ପାନେ ଆରି ତିର୍ ବୁଦିନି ବଚନ୍ ବାକ୍ଶାୟା କିନାଞ୍ଜା । ୨୬ ରାଜା ତ ଇ ଝିଜୁ ବିସ୍ତେ ପୁନାନ୍, ଆରେ ଆନ୍ ତା ଲାଗେ ପା ସାସ୍ତ କାତା ଇନାଞ୍ଜା, ଇନାକିଦେଂକି ଇ ଝିଜୁ ବିସ୍ତେ ଇମ୍ଫାଣାକା ପା କାତା ହେୱାଡ଼ି ପୁନ୍ଝାତାକା ଆକାୟା ଇଞ୍ଜି ନା ପାଡ଼୍; ଇଦାଂ ତ ଡ଼ଗୁଜି କିୟା ଆଝାତାଡ଼ନା । ୨୭ ଏ ରାଜା ଆଗ୍ରିପ୍ପା, ଏନ୍ ଇନାକା ବେଶ୍ବାକ୍ଶାୟାକିନାକାର୍ ପାଡ଼୍ କିନାୟା ? ଏନ୍ ପାଡ଼୍ କିନାୟା ଇଞ୍ଜି ଆନ୍ ପୁନାଞ୍ଜ ।”

୨୮ ହେବେଶ୍ଟାଂ ଆଗ୍ରିପ୍ପା ପାଉଲ୍ଲତିଂ ଇଚାନ୍, “ଅଲପ୍ ସମୁତ ଏନ୍ ମାଜେଞ୍ଜ୍ କ୍ରିସ୍ତୁୟାନ୍ କିଦେଞ୍ଜ୍ ଆଡ଼ନାୟା ଇଞ୍ଜି ବାବି କିନାୟା ।”

୨୯ ପାଉଲ୍ ଇଚାନ୍, “ଅଲପ୍ ଆୟେଡ଼୍ କି ବେସି ଆୟେଡ଼୍, କେବଲ୍ ଏନ୍ ଆକାୟା, ମତର୍ ଏଚେକ୍ ଲଗୁ ନେଞ୍ଜେଞ୍ଜ୍ ନା କାତା ଝେନାରା, ଇନେସ୍ ହେୱାର୍ ଝିଜାର୍ ପା ଇ ଗାଟି ପିସ୍ତି ନା ଲାକେ ଆନାର୍, ଆତିସ୍ ପା ହିକ୍ଡିତାଂ ଗାଡ଼ୟା ଆଏର୍ ଇଦାଂ ଆନ୍ ଇସ୍ପରତି ଲାଗାୟା ପାର୍ତାନା କିନାଞ୍ଜା ।”

୩୦ ହେବେଶ୍ଟାଂ ରାଜା, ସାସ୍ତନକାର୍ୟା, ବଣ୍ଟି କି ଆରି ହେୱାର୍ ହୁଦାଂ କୁଡ଼ି ମାନି ମୁଣିକାର୍ ନିଜ୍ଜି ହାଲ୍ଲି ମାତାର୍ ୩୧ ବିନେ ଆଜି ହାରି କାତାବାର୍ତ୍ତା କିଡ଼ କିଡ଼ ଇଚାର୍, “ଇ ମାନାୟା ହାକି କି ହିକ୍ଡି ଗାଟ୍ୟାନି ଜଗ୍ ଇମ୍ଫାଣାକା ପା କାମାୟ କିଝାତାନ୍ନା ।” ୩୨ ଆରେ, ଆଗ୍ରିପ୍ପା ପେସ୍ତୁଞ୍ଜ୍ ଇଚାନ୍, “ଇ ଲକ୍ ଜଦି କାଇସ୍ପରତି ମୁମ୍ଦ ବିଚାଣ୍ଡା ଆନି କାଜିଂ ପାର୍ତାନା କିଝାଦାଂ ମାଟିସ୍, ତେବେ ମୁକ୍ତାୟା କିଦେଞ୍ଜ୍ ଆଡ଼୍ୟାତାଡ଼ମା ।”

☆ ୨୭:୨୦ ୨୭:୨୦ ପଦ୍ୟାତାକା ୯:୨୦,୨୮,୨୯.



ପାଉଲଟିଂ ଏସ୍ ଜାଜତାଂ ରମତ ହାନାକା

୧ ଏଚେକାଡ଼୍ ଦ ଆପେଂ ଜାଜତ ଦୁମ୍ବି ଇତାଲିଆତ ହାନି କାଜିଂ ବିଚାର ମାଚାଡ଼, ହେ ଏଚେକାଡ଼୍ ପାଉଲ ଆରି ବିନେ ଏଚେକ୍ ଗାଡ଼ୟାତି “ରାଜାଣ୍ ଫେଲ୍ୟା଼ କୁଦାନି ଜୁଲିଅ ତରୁନି ରଞ୍ଜାନ୍ ପାଞ୍ଚକଡ଼ି ମୁସ୍ତିଦାଡ଼ି କେଇଦ ହେଲାୟ୍ ଆତାନ୍ ।” ୨ ହେବେଣ୍ଡାଂ ଆସିଆ ହାରୁ ଗୁଟିତ ବାରବିନି ବାହାତ ହାନି କାଜିଂ ହଡ଼ତି ର ଆଦ୍ରାମୁତିୟ୍ ଜାଜତ ଆପେଂ ଦୁମ୍ବି ଜାଜ୍ ରିକ୍ଟି ତୁହିତାପ୍; ଆରେ, ମାକିଦନିଆନି ଆରିସ୍ତାର୍କ ତରୁନି ରଞ୍ଜାନ୍ ତେସ୍ଲନିକିୟ୍ ଲଗୁ ମା ଲାହାଙ୍ ମାଚାନ୍ । ୩ ଆକାଡ଼ ନାଞ୍ଜିଙ୍ ଆପେଂ ସିଦନ୍ତ ଏକାତାପ୍, ଆରେ ଜୁଲିଅ ପାଉଲଟି କାଜିଂ ଦୟା ଚିନ୍ତା କିଜି ଜାର ହାଙ୍ଦାକାର ଇସ୍ବର ଲାଗେ ହାଲ୍ଜି ହେବା ପାୟାଦେଂ କାଜିଂ ହେଲ ହିତାନ୍ । ୪ ହେ ବାହାତାଂ ଜାଜ୍ ରିକ୍ଟି ଉଲ୍ଟି ଦୁକା ଆତିଲେ ଆପେଂ କୁପ୍ରିନି ଗୁଟି ଗୁଟି ଚାଲାଜି ୫ କିଲିକିୟା ଆରି ପଂପୁଲିଆ ହାଣ୍ଡକୃତ ହାମ୍ବୁର ନାସି ଲୁକିଆନି ମୁରାତ ଗାଡ଼୍ ଖାତାପ୍ । ୬ ହେବେ ପାଞ୍ଚକଡ଼ି ମୁସ୍ତିଦାର ଇତାଲିଆତ ହାଲ୍ଜି ମାନି ର ଆଲେକ୍ଜାଣ୍ଡ୍ରିୟ୍ ବାହାନି ତର୍ ଜାଜ୍ ଗାଟାଜି ହେବେତାଂ ମାଙ୍ଗେଙ୍ ଦୁପ୍ତାତାର୍ ।

୭ ପାଚେ ଆଦେକ୍ ଦିନ୍ ପାଚେକ୍ କାଲେ କାଲେ ହାଲ୍ଜି କସ୍ତ ଏସ୍କୁପଲି କ୍ରିଦର ହାଣ୍ଡକୃତ ଏକିସ୍ ଦୁକା ମାଙ୍ଗେଙ୍ ଆଗେ ହାଞ୍ଜେଙ୍ ପିସ୍ତି ହିଦ୍ଡିତିଲେ ସାଲ୍ଲନିନି ହାଣ୍ଡକୁ ହିଜି କ୍ରିଡିନି ଗୁଟି ଗୁଟି ହାଚାପ୍, ୮ ଆରେ କସ୍ତ ଗୁଟି ଗୁଟି ହାଲ୍ଜି “ହଲ୍ଜି ବାଦ୍ନି ତରୁନି ର ବାହାତ ଖାତାପ୍, ଲାସାୟା ବସ୍ତି ହେବେଣ୍ଡାଂ ଲାଗେ ମାଚାଡ଼ ।”

୯ ଇ ଲାକେ ଆଦେକ୍ ସମ୍ବୁ ଝିସ୍ତାଡ଼, ଆରେ ଏସଚାଲା ଆଦେଂ ନଙ୍ ଦୁକ୍ନି ଦିନ୍ ପଡ଼ାତାଡ଼, ଇନାକିଦେଂକି ହେ ଏଚେକାଡ଼୍ ଉପାସ୍ ପାର୍ବୁ ଝିସ୍ସି ମାଚାଡ଼ । ଲାଗିଂ ପାଉଲ୍ ହେଞ୍ଜାରିଂ ଜାଗ୍ରତ୍ କିଜି ଇଚାନ୍, ୧୦ “ଗାଜା ଲକୁର୍, ଇ ଏସ୍କାଂ ହାନିହିଂ ଜେ କେବଲ୍ ମାଲ୍ ଆରି ଜାଜ୍ନି ନସ୍ତି ଆନାଡ଼, ହେଦାଂ ଆକାୟ୍, ମତର୍ ମା ଜିବୁନ୍ତ ପା ଜେ ନସ୍ତି ଆରି ପର୍ତ୍ ଆନାଡ଼, ଇଦାଂ ଆନ୍ ପୁନାଙ୍ ।” ୧୧ ମାତର୍ ମେଲ୍ୟା ପାଉଲଟି କାତାତ ପାତ୍ କିଞ୍ଜାଦାଂ ଜାଜ୍ନି ଗୁମୁସ୍ତା ଆରି ଜାଜ୍ନି ହାଉକାର କାତାତ ରାଜି ଆଚାର୍ । ୧୨ ଆରେ, ହେ ଜାଜ୍ ଟେବାନି ବାଦ୍ ପିନି କାଡ଼ ହାଟିକିଦେଂ କାଜିଂ ସୁବିଦା ହିଲ୍ଡିତିଲେ ଇନେସ୍ପା ବାନିତ ପୈନିକ୍ସତ ଏକିସ୍ ହେବେ ପିନି କାଡ଼ ହାଟିଚେଙ୍ କାଜିଂ ହେବେତାଂ ଜାଜ୍ ପିସ୍ତେଙ୍ ଆଦେକ୍ ଲଗୁ ବୁଜାମୁଣା କିତାର୍; ହେ ପୈନିକ୍ସ କ୍ରିଡିନି ର ଜାଜ୍ ଟେବାନି ବାଦ୍, ହେଦାଂ ଦିଗ୍-ଝେଡ଼ାହନି ଆରି ଝେଡ଼ାହନି ଝେଡ଼ାହନି ନିପ ।

ହାମ୍ବୁରତ ଦୁକା

୧୩ ପାଚେ ଦିଗିନି ଦୁକା କାଲେ କାଲେ ଆତିଲେ ହେଞ୍ଜାର୍ ଜାର୍ ଜାର୍ତି ମାନ୍ତାକା ପୁରା ଆତାଡ଼ ଇଞ୍ଜି ମାନେ କିଜି ଗୁଲ୍ପେଟି ଗାଚାସି ମାନି ଗାଜା ତରିତାଂ ତଙ୍ଗାତିଂ ଜେଲ୍ନାକା ଗେଙ୍ଜି କ୍ରିଡିନି ଗୁଟିତ ବେସି ଲାଗେ ହିଜି ହାଞ୍ଜେଙ୍ ଲଗାତାର୍ । ୧୪ ମତର୍ ଅଲପ୍ ସମ୍ବୁ ପାଚେ, ଇନେରିଂ ଇଉରକ୍ଲିଲ୍ ଇଞ୍ଜି ଇନାର୍, ହେ ଜବର୍ ଦୁକା ଗୁଟିତ ହାଲ୍ଜି ବାଦା କିଦେଙ୍ ଲାଗାତାଡ଼ । ୧୫ ଜାଜ୍ ତରୁତ ଆଜ୍ ଦୁକାନି ମୁକାମୁକି ଆଦେଂ ଆଡ଼ଝିତିଲେ ଆପେଂ ତାଙ୍ଗେଙ୍ ବଡ଼ାଜି ହାଞ୍ଜେଙ୍ ପିସ୍ତିହିତାପ୍ । ୧୬ ଆରେ, କ୍ଲାଉଦ ତରୁନି ର ହାରୁ ଏସ୍କୁପଲିନି ଜମ୍ନି ବାହାତ ହାଲ୍ଜି କସ୍ତାଂ ଜାଜ୍ନି ତଙ୍ଗାମୁଣ୍ଡିତିଂ ଆସ୍ତି ରାକ୍ୟା କିଦେଙ୍ ଆଡ଼ତାପ୍, ୧୭ ଆରେ ହେଞ୍ଜାର୍ ହେଦେଲିଂ ନିକ୍ଟି ଅତି ପାଚେ ବେସି ଉପାୟ୍ତ ଜାଜ୍ତିଂ ତାରେନ୍ ଅଜି ହାଲ୍ଜି ଗାଟାର୍, ଆରେ ଏଚେକାଡ଼୍ ହେଞ୍ଜାର୍ ସୁତ୍ ତରୁନି ବାଲିତ ଲାଗାନାଡ଼ ଇଞ୍ଜି ପାଣ୍ଡାଜି ପାଟାଂ ତୁହିଜି ବଡ଼ାଦେଂ ଲାଗାତାର୍ । ୧୮ ତରୁତ ମାଦାଂ ବେସି କସ୍ ଆତିଲେ ତା ଆକାଡ଼ ନାଜିଂ ଗାଟ୍ଝାଡ଼ାର୍ ଜିନିସ୍ ତୁହିଦେଂ ଲାଗାତାର୍, ୧୯ ଆରେ ଆକାଡ଼ ନାଜିଂ ଜାର୍ କେଇଦ ଜାଜ୍ନି ଜିନିସ୍ସିଂ ସବୁ ତୁହିତାର୍ । ୨୦ ବେସି ଦିନ୍ ପାଚେକ୍ ଝେଡ଼ା କି ହୁକାଂ ଚଞ୍ଜିଡ଼ିଲେ, ଆରେ ଜବର୍ ହୁଜାଞ୍ଜି ଲାଗାଜି ମାଟିଲେ ହାରିହାରା ମା ରାକ୍ୟା ପାୟାନାକା ଝିଜୁ ବାସ୍ ଗୁରାଆତାଡ଼ ।

୨୧ ଆରେ, ଝିଜାକାର୍ ବେସି ଦିନ୍ ପାଚେକ୍ ନାସ୍ କି ମାନି ପାଚେ ପାଉଲ୍ ହେଞ୍ଜାର୍ ବିତ୍ରେ ଇଞ୍ଜି ଇଚାନ୍, “ଗାଜାଲକୁ, ନା କାତା ଆସ୍ତି କ୍ରିଡିତାଂ ଜାଜ୍ ରିକ୍ଝାଦାଂ, ଆରେ ଇ ନାହାଁତାକା ଆରି କର୍ତ୍ ପୁରାୟ୍ କିନାକା ମାଦାଂ ମାଚାଡ଼ । ୨୨ ଇନାକା ଆୟେଡ଼, ନଙ୍ ଆନ୍ ମିଙ୍ ଇଞ୍ଜନାଙ୍, ସାସ୍ ଆହାଟ୍, ଇନାକିଦେଂକି ମି ବିତ୍ରେ ଇନେରତ୍ ଜିବୁନ୍ ନାସ୍ ଆଉଡ଼, କେବଲ୍ ଜାଜ୍ ନସ୍ତି ଆନାଡ଼ । ୨୩ ଲାଗିଂ ଆନ୍ ଇମ୍ଣି ଇସ୍ବରତି ଲଗୁ, ଆରେ ଇନେରତ୍ ବିତ୍ରେ ଆନ୍ ପାଟାନା କିନାଙ୍, ହେଞ୍ଜାଡ଼ି ରଞ୍ଜେଲ୍ ଦୁଡ଼ ଇ ନାଶାତ ନା ଲାଗାୟ୍ ଇଞ୍ଜି ଇଞ୍ଜାନ୍, ୨୪ ପାଉଲ୍ ପାଣ୍ଡା ଆମା; କାଇସ୍ବରତି ମୁମ୍ବ୍ ନିଂ ନିଲ୍ଡେଂ ଆନାଡ଼, ଆରେ ହୁଡ଼ା, ନି ହାଂହାନାକାର୍ ଝିଜାରିଂ ଇସ୍ବର ମିଙ୍ କେମା କିଡ଼ତାନ୍ନା । ୨୫ ଲାଗିଂ, ଟଣ୍ଡାର୍, ସାସ୍ ଆହାଟ୍, ଇନାକିଦେଂକି ଇସ୍ବର ତାକେ ନା ପାତ୍ ମାନାଡ଼ ଜେ, ନାଙ୍ଗେଙ୍ ଇନେସ୍ ଇନ୍ୟା ଆତାଡ଼ନ୍ନା, ସମାନ୍ ହେ ଲାକେ ଗିଟାନାଡ଼ । ୨୬ ମତର୍ ମାଂ ଇମ୍ଣାକା ପାର ଏସ୍କୁପଲିତ ହାଲ୍ଜି ଲାଗାୟ୍ କିତାର୍ ।”

୨୭ ଇ ଲାକେ ଆପେଂ ଆଦ୍ରିଆ ହାମ୍ବୁରତ ଇଣ୍ଡିଙ୍ ହାଣ୍ଡିଙ୍ ଚାଲା ଆଉ ଆଉ ଏଚେକାଡ଼୍ ଚଉଦ ଦିନ୍ ନାଶା ଏକାଞ୍ଜାତାଡ଼, ହେ ଏଚେକାଡ଼୍ ମାଦିମାଦା ନାଶା ସମୁତ ଗାଟ୍ଝାଡ଼ାର୍ ଇମ୍ଣି ବାଟାତ ଲାଗେ ଆନାରା ଇଞ୍ଜି ଆନ୍ମାନ୍ କିତାର୍ । ୨୮ ଲାଗିଂ ହେଞ୍ଜାର୍ ଲାଜ୍ଜି ସହେ କୁଡ଼େ ପୁର୍ ଏଜୁଙ୍ ଗାଟାତାର୍, ଆରେ ଅଲପ୍ ଆଗେ ହାଲ୍ଜି ଆରେ ରଗ ଲାଜ୍ଜି ନବେ ପୁର୍ ଏଜୁଙ୍ ଗାଟାତାର୍ । ୨୯ ଏଚେକାଡ଼୍ ଆସେଙ୍ ଇମ୍ଣି କାଲ୍କୁକୃତି ବୁନିତ ହାଲ୍ଜି ଆରନାସ୍, ଇ

ପାଣ୍ଡୁଜି ହେୱାର ପାଟପାଟକାତାଂ ଚାରଗଟା ଆକସା ତୁହିଜି ମେଦାନ୍ ପାତୀନା କିଜି ମାଚାର । ୩୦ ଆରେ, ଗାଟ୍‌ଖାଡ଼ାର ଜାଜନି ହାଣ୍ଡକୁବାଗତାଂ ଆକସା ତୁହିନି ଚାଲାକିତ ତଙ୍ଗାମୁଣ୍ଡିତାଂ ହାମ୍‌ଦୁରତ ଜୁଡ଼ି ଜାଜତାଂ ହନ୍ତି ହାଞ୍ଜେଙ୍ଗ କାଜିଂ ସେଷ୍ଟା କିତାର, ୩୧ ପାଉଲ୍ ମୁସ୍ତିଦାର ଆରି ମେଲ୍ୟାରିଂ ଇଚାନ, “କେଉଟାର ଜାଜତ ମାନଞ୍ଜିତିସ୍ ଏପେଙ୍ଗ ରାକ୍ୟା ପାୟାଦେଂ ଆଡୁଦେର ।” ୩୨ ହେବେଣ୍ଡାଂ ମେଲ୍ୟାର ତଙ୍ଗାନି ତରି ସବୁ ରାସ୍‌ଦି ହେଦେଲିଂ ଏଜୁକାଂ ତୁହିତାର ।

୩୩ ଆରେ, ଖେଡ଼ା ଆଜି ଖାଜିମାନି ପାତେକ୍ ପାଉଲ୍ ହେୱାରିଂ ଅଲପ୍ ଚିଞ୍ଜେଙ୍ଗ କାଜିଂ ଖାରିକିୟ କିଜି ଇଚାନ, “ନେଞ୍ଜେଙ୍ଗତାଂ ଚଉଦ ଦିନ୍ ଆତାଡ଼ ଏପେଙ୍ଗ କାସି ମାନଞ୍ଜି ମୁଡ଼େ ତିନ୍‌ଖାଦାଂ ନାସକି ମାନାରା । ୩୪ ଲାଗିଂ କାଦି କିନି କାଜିଂ ଆନ୍ ମିଙ୍ଗେଙ୍ଗ ଉପ୍‌ଦେସ୍ ହିଦ୍‌ନାଙ୍ଗା, ଇନେକିଦେଂକି ହେଦାଂ ମି ମୁକ୍ତି କାଜିଂ ଲଡ଼ା; ଲାଗିଂ ମିଦାଂ ଇନେରତି କାପ୍‌ତାନି ର ତେମୁଲ୍ ନସ୍ ଆଉଡ଼ ।” ୩୫ ପାଉଲ୍ ଇ ସବୁ କାତା ଇଞ୍ଜି ରୁଚି ଅଜି ଖିଜାକାର ମୁମଦ ଇସ୍‌ରତିଂ ଦନ୍‌ସବାଦ୍ ହିଜି ହେଦାଂ ତ୍ରିକ୍‌ଚି ଚିଞ୍ଜେଙ୍ଗ ଲାଗାତାର । ୩୬ ହେବେ ହେୱାର ଖିଜାର ସାସ୍ ପାୟା ଆଜି ଜାର ଜାର ପା ଚିଚାର । ୩୭ ଆପେଂ ଜାଜତ ଖିଜାକାପ୍ ତେରକଡ଼ି ସଉଲ୍ ଜାଣ୍ ଲକୁ ମାଚାପ୍ । ୩୮ ହେୱାର ସାରି ଚିଚି ପାଚେ ହାମ୍‌ଦୁରତ ଗମ୍ ତୁହିଜି ଜାଜତିଂ ଉସାସ୍ କିଦେଙ୍ଗ ଲାଗାତାର ।

ଜାଜ ବିପଦ୍

୩୯ ଖେଡ଼ା ଆତିଲେ, ହେ ଦେସ୍ ହେୱାର ଚିନା ଆଡ଼ଖାତାର, ମତର ହେୱାର ବାଲିଗୁଚି ମାନି ରଞ୍ଜାଙ୍ଗ କଡ଼ୟ୍ ହୁଡ଼ଜି ଇନେସ୍‌ପା ଲାକେ ହେବେ ଜାଜ ଟେବାୟ୍ କିଦେଙ୍ଗ ଇଞ୍ଜି ସେଷ୍ଟା କିତାର । ୪୦ ଲାଗିଂ ହେୱାର ଆକସା ସବୁ ରାସ୍‌ଦି ହେୱାକାଂ ହାମ୍‌ଦୁରତ ପିସ୍ତାର, ଆରେ ହାଙ୍ଗେ ହାଙ୍ଗେ ମୁଣ୍ଡିନି ତରି ସବୁ ରିକ୍‌ଚି ଦୁକା ନିପ ହାଞ୍ଜେଙ୍ଗ ସେଷ୍ଟା କିତାର । ୪୧ ମତର ହେୱାର ରି ହାମ୍‌ଦୁର ମିହାଜି ମାନି ବାହାତ ହାଲ୍‌ଜି ଆତ ଲେ, ଜାଜ ଆକସା କ୍ଳୟଦ ଲାଗାତାଡ଼; ତା ହାଣ୍ଡକୁନି ବାଗ୍ ଲାଗାଜି ଚାଲାଖାତାଡ଼ଦେ, ମତର ପାଟ୍ ବାଗ୍‌ନି ଲଡ଼ି ବେସି କାଜିଂ ତ୍ରିଙ୍ଗ୍‌ଦେଂ ଲାଗାତାଡ଼ ।

୪୨ ହେ ଏଚେକାଡ଼ଦ ଗେହ୍ୟାତାକାର ବିତ୍ରେତାଂ ଇନେର୍ ଉମ୍‌ଜି ହାନାର, ଇଦାଂ କାଜିଂ ହେୱାରିଂ ଅସ୍ତେଙ୍ଗ କାଜିଂ ମେଲ୍ୟାର ବିଚାର କିତାର, ୪୩ ମତର ପାଞ୍ଚକଡ଼ି ମୁସ୍ତିଦାର ପାଉଲ୍‌ଙ୍ଗ ରାକ୍ୟା କିଦେଙ୍ଗ ଇଚା ହେୱାରତି ବାଦ୍‌ନାତ ହେୱାରିଂ ଟେବାଖାଦାଂ ବଲ୍ ହିତାନ୍ ଜେ, ଇମ୍‌ଶାକାର ଉମ୍‌ଦେଂ ଆଡ଼ନାର, ହେୱାର ହାମ୍‌ଦୁରତ ଗୁମ୍‌ଜି ପର୍ତ୍ତୁମ୍ ମେଦ୍‌ନିତ ହାଲେର୍, ୪୪ ଆରେ ବାକିନିକାର ବିତ୍ରେ ଇନେ ଇନେର୍ ପାଟାଂ ଆରି ଆରେ ଇନେ ଇନେର୍ ଜାଜନି ଇନା ଇନାକା ତ୍ରିଂତାକା ଆସି ହାଲେର୍ । ଇ ବାନି ଖିଜାର ରାକ୍ୟା ହିଲ୍‌ଖି ମେଦ୍‌ନିତ ଏକାତାର ।

୨୮

ମାଲ୍‌ତି ଏସ୍‌କୁପ୍‌ଲିତ ପାଉଲ୍

୧ ଆପେଂ ରାକ୍ୟା ପାୟାତି ପାଚେ ହେ ଏସ୍‌କୁପ୍‌ଲି ମେଲିତି ଇଞ୍ଜି ପୁଚାପ୍ । ୨ ଆରେ, ବିଦେସି ମା କାଜିଂ ବେସି ଦୟା ଚଟ୍‌ଚାତାନ୍, ଇନାକିଦେଂକି ବାହା ଆରି ପିନି ଆଜି ମାଚିଲେ ହେୱାର ନାଣି ଆହି କିଜି ମା ଖିଜାରିଂ ଜିଉନଡ଼ତାର । ୩ ମତର ପାଉଲ୍ ପେଣ୍ଡା ଖେଜ୍‌ଗୁ ରୁଣ୍ଡାୟ୍ କିଜି ନାଣି ଜପି ତୁହିତିଲେ, କେଦ୍‌ନି କାଜିଂ ର କାଲାଟିରାଟ୍ ହସି ହେୱାନିଂ କେଇଦ କାପ୍‌ଚି ହୁର୍‌ପିସ୍ ମାଚାଡ଼ । ୪ ବିଦେସି ହେୱାନ୍ କେଇଦ ହେ ଜାଡ଼ ଜଲାଜି ମାନାକା ହୁଡ଼ଜି ହାରି ଇଞ୍ଜେଙ୍ଗ ଲାଗାତାର, “ଇ ଲକ୍ ହାଡ଼ପା ନାର ଅସ୍ତାକାନ୍, ହାମ୍‌ଦୁରତାଂ ରାକ୍ୟା ପାୟାତିସ୍ ପା ଦାରୁମ୍ ଇଖାନିଂ ଜିଜି ମାଞ୍ଜେଙ୍ଗ ହିଞ୍ଜାତାଡ଼ ।” ୫ ମତର ହେ ଜାଡ଼ତିଂ ଡାଡ଼ତି ନାଣିତ ତୁହିତାନ୍, ଆରେ ହେୱାନ୍ତି ମୁଡ଼େ ନସ୍ ଆଖାତାଡ଼ । ୬ ହେୱାନ୍ ଜେ ପୁଲାଆନାନ୍ କି ହାଚାଟ୍ରେ ହାନାନ୍, ଇଦାଂ ହେୱାର କାସି ମାଚାର; ମତର ବେସି ଖେଡ଼ା ପାତେକ୍ କାସି ମାଚାର ପାଚେ ହେୱାନ୍ତି ଇମ୍‌ଶାକା ପା ନସ୍ ଆଖାକା ହୁଡ଼ଜି ହେୱାର ଜାର ଜାର ମାନ୍ ବାଦ୍‌ଲାୟ୍ କିଜି ଇଚାର, “ଇଞ୍ଜାନ୍ ରଞ୍ଜାନ୍ ମାପୁ ।”

୭ ହେ ବାହିନି ଲାଗେ ପୁଲ୍‌ୟ ତରନି ହେ ଏସ୍‌କୁପ୍‌ଲିନି ମୁଡ଼୍‌ମୁଣିକାତ ଇଲ୍ ଆରି ତାରେନ୍ ମାଚାଡ଼; ହେୱାନ୍ ମାଙ୍ଗେଙ୍ଗ ଇଡ଼ିଜି ତିନି ଦିନ୍ ପାତେକ୍ ଖାରିତାଂ ଗୁଣ୍ କିଜି ମାଂ ବେବାର୍ କିଡ଼ତାର । ୮ ହେ ସମୁତ ପୁଲ୍‌ୟତି ଲାଡ଼ାହି ନମେର୍ ଆରି ବାଦାଣ୍ଡିଂ ନାଦାର ଆଜି ହୁଞ୍ଜି ମାଚାନ୍, ଆରେ ପାଉଲ୍ ବିତ୍ରେତାଂ ତା ଲାଗେ ହାଲ୍‌ଜି ପାତୀନା କିତାନ୍ ଆରି ହେୱାନ୍ତି ଜପି କେଇ ଇଡ଼ିଜି ହେୱାନିଂ ଉଜ୍ କିତାନ୍ । ୯ ଇ ଗଟ୍‌ନା ପାଚେ ହେ ଏସ୍‌କୁପ୍‌ଲିତ ମାନି ବାକି ବେମାରିର୍ ପା ଖାଜି ଉଜ୍ ଆତାର; ୧୦ ହେୱାର ପା ମାଙ୍ଗେଙ୍ଗ ବେସି ସନ୍‌ମାନ୍ ହୁଦାଂ ଖାରି କିଡ଼ତାର, ଆରେ, ମାଦାଂ ହାନି ଖେଡ଼ାଲିଂ ମା ଲଡ଼ାନି ଜିନିସିଂ ସବୁ ହିଡ଼ତାର ।

ମାଲ୍‌ତିତାଂ ରମ୍‌ତ

୧୧ ତିନ୍ ମାସ୍ ପାଚେ ଆପେଂ ର ଆଲେକ୍‌ଜାଣ୍ଡ୍ରିୟ ଜାଜତ ଦୁମ୍‌ଜି ହାଚାପ୍, ହେ ଜାଜ ଇ ଏସ୍‌କୁପ୍‌ଲିତ ପିନି କାଡ଼ କାଚି କିଜି ମାଚାଡ଼, ତା ତର “ମିତୁନ୍ ।” ୧୨ ସୁରାକ୍‌ସାତ ଏକିସ୍ ଆପେଂ ହେବେ ତିନି ଦିନ୍ ମାଚାପ୍, ୧୩ ଆରେ ହେ ଏସ୍ ଜାଜତ ବୁଲାଜି ରେଗିୟତ ଏକାତାପ୍ । ର ଦିନ୍ ପାଚେ ତିନିବାଗାଙ୍ଗନି ଦୁକା ଇଡ଼ିଲେ ରି ଦିନ୍‌ତାଂ ପୁତେଅଲିତ ଏକାତାପ୍; ୧୪ ହେ ବାହାତ ଆପେଂ ଟଣ୍ଡାର୍‌ଚିଂ ବେଟ୍ ଆତାପ୍, ଆରେ ହେୱାର ଲାହାଂ ସାଡ଼ ଦିନ୍ ମାଞ୍ଜେଙ୍ଗ କାଜିଂ ହେୱାର ମାଂ ଗଞ୍ଜାରି କିଡ଼ତାର; ଇ ଲାକେ ଆପେଂ ରମ୍‌ତ ଏକାତାପ୍ । ୧୫ ରମ୍‌ନି ପାଡ଼ କିନି ଟଣ୍ଡାର୍ ଆରି ତଣ୍‌ଦେକ୍ ମାଂ କାବୁର୍ ଗାଟାଜି ହେ ବାହାତାଂ

“ଆପପିୟତି ଆର୍ ଆରି ତିନି ଦରମସାଲା ଇଲ୍ ପାତେକ୍ ମାଂ ବେଟାଆଦେଂ କାଜିଂ ଖାତାର୍, ଆରେ ପାଉଲ୍ ହେଝାରିଂ ହୁଡ଼ଜି ଇସ୍ପୁରତିଂ ଦନ୍ୟବାଦ୍ କିଜି ସାସ୍ ପାୟାତାର୍ ।”

ରମ୍ ଗାଡ଼୍ ପାଉଲ୍

୧୭ ଆରେ, ଆପେଂ ରମ୍ତ ଏକିତିଲେ, ପାଉଲ୍ ଜାର୍ କାନି ମେଲ୍ୟାର୍ ଲାହାଂ ବିନେ ବାହା କିଦେଙ୍ଗ୍ କାଜିଂ ହେଲ୍ ପାୟାତାନ୍ ।

୧୮ ତିନି ଦିନ୍ ପାଚେ ହେଝାନ୍ ଜିହୁଦିରତି ମୁଡ଼୍ ମୁଡ଼୍ ମୁଣିକାରିଂ କୁକ୍ତି ରବେ କିତାନ୍, ଆରେ ହେଝାର୍ ରୁଣ୍ଡା ଆତିଲେ, ପାଉଲ୍ ହେଝାରିଂ ଇଚାନ୍, “ଏ ଇସ୍ରାଲ୍ ନି ଟଣ୍ଡାର୍, ଜଦି ଆନ୍ ନିଜ୍ ଜାତି ବିରୁଦ୍ କି ମା ଆବା ଲେଡ୍ରାତି ରିତିନିତି ବିରୁଦ୍ ମୁଡ଼େ କିଝାଦାଂ ମାଚାଙ୍ଗ୍, ଆତିସ୍ପା ଜିରୁସାଲମ୍ତାଂ ଗେହ୍ୟାତି ଲାକେ ରମିୟରତି କେଇଦ୍ ହେଲ୍ଲାୟ୍ ଆତାଙ୍ଗ୍ । ୧୮ ହେଝାର୍ ନା ବିଚାର୍ କିଜି ନା ତାକେଣ୍ଡାଂ ପାରାଣ୍ ଦାଣ୍ଡିନି ଇନା କାରଣ୍ ଝେନ୍ବିସ୍ ତେକ୍ତି ହିଲ୍ଝିତିଲେ ନାଂ ମୁକ୍ତି କିଦେଂ ଇଚା କିଜି ମାଚାର୍; ୧୯ ମତର୍ ଜିହୁଦିର୍ ହେବେନି ବିରୁଦ୍ ଇତିଲେ ଆନ୍ କାଇସର୍ତି ଲାଗେ ବିଚାଣ୍ଡା ଆନି କାଜିଂ ପାର୍ତାନା କିଦେଙ୍ଗ୍ ବାୟ୍ଦ୍ ଆତାଂ; ନାଦାଂ ଜେ ନିଜ୍ ଜାତି ବିରୁଦ୍ ଦାବା କିନାକା ଅଲପ୍ ମାଚାଡ଼୍, ହେଦାଂ ଆକାୟ୍ । ୨୦ ଲାଗିଂ, ଇ କାରଣତାଂ ଆନ୍ ମିଜେଙ୍ଗ୍ ନା ଲାହାଂ ବେଟାଜି ଆରି କାତାବାର୍ତା କିଦେଙ୍ଗ୍ ଗଝାରି କିତାଙ୍ଗ୍, ଇନାକିଦେଂକି ଇସ୍ରାଏଲ୍ ନି ମାନାୟାର୍ ବାସ୍ କାଜିଂ ଆନ୍ ଇ ହିକ୍ତିଂତାଂ ଗାଚ୍ୟାତାଂନା ।”

୨୧ ହେବେଣ୍ଡାଂ ହେଝାର୍ତାଂ ଇଚାର୍, “ନି ବିସ୍ତେ ଜିହୁଦା ଦେସ୍ତାଂ ଆପେଂ ଇମ୍ଝାକା ପା ଆକି ପାୟାଖାତାପ୍ନା, କି ଟଣ୍ଡାର୍ ବିତ୍ରେ ଇନେର୍ ଇବେ ଝାଜି ନି ବିସ୍ତେ ଇମ୍ଝାକାର୍ପା ବାନ୍ୟା କାରୁର୍ ହିଦ୍ଝାତାଣ୍ଡା କି ଇନ୍ଝାତାଣ୍ଡା । ୨୨ ମତର୍ ନି ବାବ୍ନା ଇନାକା, ହେଦାଂ ଆପେଂ ନିତାଂ ଝେଝେଙ୍ଗ୍ ଇଚା କିନାପା; ଇନାକିଦେଂକି ଇ କୁଦା ବିସ୍ତେ ଆପେଂ ପୁନାପ୍ ଜେ, ଝିଜେ ହେଝାନ୍ ବିରୁଦ୍ କାତା ଇନ୍ୟାନାତା ।”

୨୩ ଇବେଣ୍ଡାଂ ହେଝାର୍ ତା ଲାହାଂ ର ଦିନ୍ ତିର୍ କିଜି ବେସି ଲଗୁ ହେଝାନ୍ ବାହାତ ଖାତାର୍, ଆରେ ହେଝାନ୍ ନାଡ଼ିସ୍ତାଂ ମିକାହାରେସ୍ ପାତେକ୍ ହେଝାର୍ତି ଲାଗେ ଗାଣ୍ଡା କିଜି ଇସ୍ପୁରତି ରାଜି ବିସ୍ତେ ସାକି ହିତାନ୍, ଆରେ ମସାତି ବିଦି ଆରି ବେଣ୍ଡାକ୍ଝାୟ୍ କିନାକାର୍ ସାସ୍ପୁର୍ ଅଜି ଜିସୁତି ବିସ୍ତେ ହେଝାର୍ତି ପାତ୍ ବୁଡାୟ୍ କିଦେଙ୍ଗ୍ ସେସ୍ଟା କିତାନ୍ । ୨୪ ହେବେଣ୍ଡାଂ ଇନେ ଇନେର୍ ଇଚି ବିସ୍ତେ ପାତ୍ କିଝାତାର୍, ମତର୍ ଇନେ ଇନେର୍ ପାତ୍ କିଝାତାର୍ । ୨୫ ଆରେ, ହେଝାର୍ ଜାର୍ ଜାର୍ ବିତ୍ରେ ରମାନ୍ ଆଝିତିଲେ ହେଲ୍ଝେୟ୍ ଅତାର୍; ହେଝାର୍ ହାନି ଆଗେ ପାଉଲ୍ ଇ ର ବଚନ୍ ଇଚାନ୍, ମି ଆବାଲାଡ୍ରାତି ବେଣ୍ଡାକ୍ଝାୟ୍ କିନାକାର୍ ଜିସାୟ୍ତି ହୁଦାଂ “ପୁଇପୁୟା ଜିବୁନ୍ ହାତେରତେ ଇଞ୍ଜି ମାଚାର୍, ୨୬ ଇ ମାନାୟାର୍ ଲାଗେ ହାଲ୍ଜି ଇନାକା,

ଏପେଙ୍ଗ୍ ଝେନ୍ ଝେନ୍ ଝେନାଦେର୍,
ମତର୍ ଇମ୍ଝା ପ୍ରକାର୍ ବୁଜା ଆଉଦେର୍,
ଆରେ, ହୁଡ଼ଜି ହୁଡ଼ଜି ହୁଡ଼ନାଦେର୍, ମତର୍ ଇନେସ୍ କିତିସ୍ପା ପୁଞ୍ଜେଙ୍ଗ୍ ଆଡୁଦେର୍;

୨୭ ଇନାକିଦେଂକି ଇ ଲକ୍ଷ୍ମି ନିର୍ବୁଦିୟା,
ହେଝାର୍ କିତୁଲ୍ତ କସ୍ତ ଝେଟାର୍ ଆରି ଜାର୍ ଜାର୍ କାଣ୍ କୁଚ୍ଚାର୍,
ଇନେସ୍ ହେଝାର୍ କାଣ୍ କୁଚ୍ ହୁଡ଼ୁ ଆରି କିତୁଲ୍ତ ଝେନ୍ଦୁର୍,
ଆରେ ମାତ୍ର ବୁଜା ଆଉର୍,
ଆରେ ମାସ୍ଦି ଝାଉର୍,
ଆରେ ଆପ୍ ହେଝାରିଂ ଉଜ୍ କିଉପ୍ ।”

୨୮ “ହାରିହାରା ପାଉଲ୍ ଇଚାନ୍ ଏପେଙ୍ଗ୍ ପୁନ୍ଞ୍ଜି ମାନାଟ୍, ମୁକ୍ତି ଇସ୍ପୁର୍ ପାତ୍ କିଝି ଜିହୁଦିର୍ ଲାଗାଂ ପକ୍ଷାତାଂନା ହେଝାର୍ ହେଦାଂ ଝେନାର୍ ।”

୨୯ ଆରେ, ହେଝାନ୍ ଇ, ସବୁ କାତା ଇତିଲେ, ଜିହୁଦିର୍ ଜାର୍ ଜାର୍ ବିତ୍ରେ କାତାବାର୍ତା କିଉ କିଉ ହେବେତାଂ ହାଚାର୍ । ୩୦ ପାଉଲ୍ ର ଇଲ୍ ବାଡା ଅଜି ଦୁଇ ବାହ୍ନି ପାତେକ୍ ମାଚାନ୍ ଆରି ତାଂ ହୁଡ଼ଜି କାଜିଂ ଝାଜିମାନି ଝିଜାରିଂ ହେବେ କୁକ୍ତି ମାଚାନ୍ । ୩୧ ସାସ୍ତ ଆରି ବାଦାଝାଦାଂ ଇସ୍ପୁରତି ରାଜିନି କାତା ସୁଣାୟ୍ କିଦେଙ୍ଗ୍ ଲାଗିସ୍ ମାଚାନ୍ ଆରି ମାପୁ ଜିସୁ କ୍ରିସ୍ତି ବିସ୍ତେ ସବୁ ହିକ୍ୟା ହିଜି ମାଚାନ୍ ।

ରମିୟ ମଣ୍ଡଳୀ ନିକଟରେ ପ୍ରେରିତ ପାଉଲଙ୍କ ପତ୍ର ରମିୟ ମଣ୍ଡଳୀ ତାଙ୍କେ କୁକ୍ୟାତି ପାଉଲ୍‌ତି ଆକି ରମିୟ ମଣ୍ଡଳୀ ବିଷ୍ଣେ ପାଦେକ୍

ରମିୟ ପତି ଆସ୍ତି ମାନଗାନାତ୍ ପକ୍ୟାତାକାନ୍ତି ପାଉଲ୍‌ତି ହୁଦାଂ ୫୪ ତାଂ ୫୮ ବିତ୍ରେ ଜିସୁକ୍ରିସ୍ତୁତି ଜଲମ୍ ପାଚେ ଲେକା ଆଜି ମାଚାତ୍ । ପାଉଲ୍ ରମ୍‌ତ ହାନି ଆଗେତାଂ ରି ଜିହୁଦି ଆରି ପାତ୍ ହିଲ୍‌ଝି ଜିହୁଦି କ୍ରିସ୍ତୁୟାନର୍‌ରିଂ ବଲ୍ ହିଦେଂ ଇ ଆକି ଲେକିକିଜି ମାଚାନ୍ । ଓଜୁ ଜାତି ଇନେସ୍ ଜିସୁ କ୍ରିସ୍ତୁତିଂ ପାତ୍ ଆରି ମାନି କିତାର୍ ୧୬:୨୬ ଇଦାଂ କାଜିଂ ହେୱାନ୍ କରନ୍ତି ଗାଡ୍‌ଦ ମାନି ୱେଡାଲିଂ ରମିୟ କ୍ରିସ୍ତୁୟାନର୍‌ରିଂ ବଲ୍ ହିନି କାଜିଂ ଇ ଆକି ଲେକିକିଜି ମାଚାନ୍ ।

ଜାଣ୍‌କେ ବାହାତ ଜାଣ୍‌କେ ୱେଡାଲିଂ କ୍ରିସ୍ତୁୟାନାତ୍ କାଜିଂ ରମିୟ ପତି ରଞ୍ଜାଙ୍ଗ୍ ବେସିଗାଜା ପତି, ଇନେକିଦେଂକି ଆସେଙ୍ଗ୍ ଇନେସ୍ ଜିସୁ କ୍ରିସ୍ତୁତି ହୁଦାଂ ମୁକ୍ତି ପାୟାଦେଂ ଆଡନାସ୍ ପାଉଲ୍ ବୁଲ୍‌କିୱାଦାଂ ଆରି ନିର୍ମଲ୍ ବାବ୍ରେ ବୁଜାୟ୍ ହିନାନା । ପାଉଲ୍ ପ୍ଲାନି ନିୟମତିଂ ପା ଜିସୁକ୍ରିସ୍ତୁତି ନେକ୍ରିକାବୁର୍ ଲାହାଂ ମିହାୟ୍ କିନାନ୍ । ପତିନି ୧:୧୨ ପାଦ୍ ଆଜି ବେସି ପଣ୍ଡିତ୍‌କୂର୍ ଜିକାଟାଣା କିଜି ଇନାର୍ ଜେ, ଇଦାଂ ବେସିଗାଜା କିଜି । ଇନାକା ଇବେ ଇନ୍ୟାନାତ୍, “ଆନ୍ ନେକ୍ରିକାବୁର୍ କାଜିଂ ଲାଜା ଆଉଙ୍ଗ୍ ଇନେକିଦେଂକି ଇମ୍‌ଗାକାର୍ ପାତ୍ କିତାର୍ ଜାଣ୍‌କେତି କାଜିଂ ଇଦାଂ ଇସ୍‌ବର୍‌ତି ସାକ୍ତିକାଟାକା । ପ୍ରତୁମ୍ ଜିହୁଦି ପାଚେ ପାତ୍ କିଝି ଜିହୁଦିର୍ କାଜିଂ ପା ।” ପ୍ରତୁମ୍ ବାଗ୍‌ତ ୧:୧୨ ତେଙ୍ଗା ଇସ୍‌ବର୍‌ତି ବଚନ୍ ଆରି ରିବାଗ୍ ୧୩-୧୫ କ୍ରିସ୍ତୁୟାନ୍ ଜିବୁନ୍‌ନି ବେସି ବେବାରିକିନି ବଲ୍ ଆନାତ୍ ।

ପତି ବିଷ୍ଣେନି ରାହାଣ୍

- ୧. ପାଉଲ୍‌ଦିକ୍‌ୟା ଆତିସ୍ ଜାର୍‌ତିଂ ଜାଣା କିଜି, ଇନେରିଂ ଆକି ଲେକିକିନାନା ହେଦାଂ ଇଞ୍ଜି ଆକି ଆରମ୍ କିନାନ୍ । ୧:୧-୧୫
- ୨. ନାର୍ ଜାତିନି ରାଜି ଆରି ଜିସୁକ୍ରିସ୍ତୁତି ହୁକେ ମୁକ୍ତି ଆନାତ୍ । ୧:୧୬-୧୧:୩୬
- ୩. କ୍ରିସ୍ତୁୟାନ୍ ଜିବୁନ୍ ଜିପ୍‌କା କାଜିଂ ଆଦେକ୍ ବେବାର୍ ବଲ୍ । ୧୨:୧-୧୫; ୧୩
- ୪. ହେୱାନ୍ ରମିୟ ଲଗୁରିଂ ବେସି ବାନ୍ଦାୟ୍ ଜାଣାୟ୍ ଲେକା ଝିହ୍‌ନାନ୍ । ୧୬

ପାଉଲ୍‌ତି ବନ୍ଦାଣି

୧ ପାଉଲ୍, କ୍ରିସ୍ତୁ ଜିସୁତି ଆଡିଏନ୍ ଆରି କୁକ୍ୟାତି ରଞ୍ଜାନ୍ ପକ୍ୟାତାକାନ୍, ଆରେ ଇସ୍‌ବର୍ ଜାର୍ ମାଜି ମା ପାପୁ କ୍ରିସ୍ତୁତି ବିଷ୍ଣେ ଜାର୍ ଇମ୍‌ଣି ନେକ୍ରିକାବୁର୍ ଦରମ୍ ସାସ୍‌ବର୍‌ତ ଜାର୍ ବେଶ୍‌ବାକ୍‌ଶାୟ୍‌କିନାକାନ୍ ହୁକେ ଆଗେ ରାଣ୍ କିଜି ମାଚାନ୍, ହେ ନେକ୍ରିକାବୁର୍ କାଜିଂ ବିନେ ଆଜି ମାନି ପାଉଲ୍‌ତି ଆକି ।

୨ ପୁଲ୍‌ପୁୟା ଦରମ୍ ସାସ୍‌ବର୍ ଲେକାଜି ମାନି ଇସାବ୍ରେ ଇ ନେକ୍ରିକାବୁର୍ ବିଷ୍ଣେ ଇସ୍‌ବର୍‌ତି ବେସି ପାନି କାଡ୍‌ତାଂ ହେୱାନ୍ତି ବେଶ୍‌ବାକ୍‌ଶାୟ୍‌କିନାକାନ୍ତି ହୁକେ ପାର୍‌ମାଣ୍ କିଜି ମାଚାନ୍ । ୩ ହେ ଜିସୁ କ୍ରିସ୍ତୁଗାଗାଡ୍‌ ବିଷ୍ଣେ ମାନାୟ୍ ଲାକେ ହେୱାନ୍ ଦାଉଡ୍‌ତି ଲାଡ୍ଡା, ୪ ମାତର୍ ଦାରୁମ୍‌ନି ପୁଲ୍‌ପୁୟା ଜିବୁନ୍ ବିଷ୍ଣେ ହାତାକାର୍ ବିତ୍ରେତାଂ ଆରେ ନିଂନାକା ହୁକେ ଇସ୍‌ବର୍ ମାଜି ମାପୁ ଜିସୁ ଇଞ୍ଜି ସାକ୍ତି ଲାହାଙ୍ଗ୍ ଚଞ୍ଜୟାତାନ୍; ୫ କ୍ରିସ୍ତୁତି ଲାଗିଂ ଇସ୍‌ବର୍ ନାଙ୍ଗ୍ ପକ୍ୟାତି ତେଲା ଲାକେ ବାତି କିଜି ସବୁ ଜାତିନି ମାନାୟାର୍ ଲାଗାଂ ପରଚାର୍ କିଦେଙ୍ଗ୍ ପାଦ୍ ହିତାଣ୍ଡା-ଇନେସ୍ ହେୱାର୍ କ୍ରିସ୍ତୁ ଜିସୁତାକେ ପାତ୍ କିଜି ତା ବଲ୍ ମାନିକିୱାକାର୍ ଆନାର୍ । ୬ ରମ୍‌ନି ଆଦିବାସି ! ଏପେଙ୍ଗ୍ ପା ଜିସୁ କ୍ରିସ୍ତୁ ପାଚେ ହାଞ୍ଜେଙ୍ଗ୍ କାଜିଂ କୁକ୍ୟା ଆତାଣ୍ଡା । ୭ ଇତିସ୍ ରମ୍‌ନି ଇନେରିଂ ଇସ୍‌ବର୍ ୱାରିକିନାନ୍ ଆରି ହେୱାନ୍ତି ଜାର୍ ଲକ୍ତୁ ହେବା କିନି କାଜିଂ କୁକ୍ୟା ଆତାନ୍ନା, ହେ ଓଜାରିଂ ତିଟି ଲେକି କିନାଙ୍ଗା । ମାପୁ ଜିସୁ କ୍ରିସ୍ତୁତାଂ ଦୟା ଆରି ସୁସ୍ତା ସାଦୁର୍ କାଜିଂ ଆଏଡ୍ ।

ଦନ୍ୟବାଦ୍ ପାର୍ତାନା

୮ ପର୍ତୁମ୍‌ତ, ମି ପାତ୍ ନି ନେକ୍ରିକାବୁର୍ ଜେ ସବୁ ଜଗତ୍‌ତ ୱେନ୍‌ୟାଆନାତା, ଇଦାଂ କାଜିଂ ଆନ୍ ମି ଓଜାର୍ କାଜିଂ ଜିସୁ କ୍ରିସ୍ତୁତି ହୁଦାଂ ନା ଇସ୍‌ବର୍‌ତି ଜଞ୍ଜାର୍ କିନାଙ୍ଗା । ୯ ଓଜୁ ୱାସ୍‌ତି ଇମ୍‌ଣି ଇସ୍‌ବର୍‌ତି ହେବା କିନାଙ୍ଗା ଆରି ଇମ୍‌ଣି ଇସ୍‌ବର୍ ମାଜିତି ନେକ୍ରିକାବୁର୍ ୱେନ୍‌କିନାକା ମାନାତ୍, ହେ ଇସ୍‌ବର୍ ନା ସାକି, ପାର୍ତାନା ଆନ୍ ଇନାକା ଇନାଙ୍ଗା ହେଦାଂ ହାଡ୍‌ପା, ୧୦ ପାର୍ତାନା କିନି ୱେଡାଲିଂ ଆନ୍ ନିତ୍ରେ ମିଂ ଏଡ୍ କିଦ୍‌ନାଙ୍ଗ୍ ଆରି ମି ଲାଗାଂ ୱାନି କାଜିଂ ନାଂ ପାଦ୍ ଗାଟାଦେଂ ଇସ୍‌ବର୍‌ତିଂ ଗଞ୍ଜାରି କିଜି ୱାନାଙ୍ଗା । ୧୧ ଲାଗିଂ ଏପେଙ୍ଗ୍ ଇନେସ୍ ତିର୍ ଆଜି ମାନାଦେର୍, ହେଦାଂ କାଜିଂ ଆନ୍ ମିଙ୍ଗେଙ୍ଗ୍ ଇମ୍‌ଣି ଆମ୍‌କ୍ ଦାନ୍ ହିଦ୍‌ନି କାଜିଂ ମି ଲାହାଂ ଚଞ୍ଜୟା ଆଦେଂ ବେସି ଇଚା କିନାଙ୍ଗା, ୧୨ ଆଓଡିସ୍ ଇନେସ୍ ମିଦାଂ ଆରି ନାଦାଂ, ରିୟାର୍ ପାକ୍ୟାତ ପାତ୍ ହୁକେ ଆନ୍ ମି ବିତ୍ରେତାଂ ମି ଲାହାଂ ୱାରି ପାୟାନାଙ୍ଗ୍ ।

୧୩ ☆ଏ ଟଣ୍ଡାର ଆରେ ତଣ୍ଡେକ, ବାକି ପାତ୍ କିଞ୍ଚି ଜିହୁଦିର୍ ବିତ୍ରେ ଇନେସ୍, ମି ବିତ୍ରେ ପା ହେବାନି ଆନ୍ ଇନେସ୍ ଅଲପ୍ ପାଡ୍ ପାୟାନାଙ୍ଗ୍, ହେଦାଂ କାଜିଂ ମି ଲାଗାଂ ହାନି କାଜିଂ ଆନ୍ ଜେ ଚାନେକ୍ ଚାନେକ୍ ମାନ୍ କିଜି ମାତାଂ ମାତର ଇ ପାତେକ୍ ବାଦା ପାୟା ଆଜି ଖାନାଙ୍ଗା ହେ ବିସ୍ତେ ଜେ ଏପେଙ୍ଗ୍ ପୁଞ୍ଜି ମାନାଟ୍, ଇଦାଂ ନା ଇଚା ଆକାୟ୍ । ୧୪ ଗ୍ରିକ୍ କି ବୁଦି ହିଲ୍‌ଖାକାର୍, ପଡ଼ିକିତାକାର୍ କି ପଡ଼ିକିଖାତାକାର୍ ଖିଜାର୍ ଲାଗାଂ ଆନ୍ ରିଣ୍ । ୧୫ ଲାଗିଂ ରମ୍‌ନିକାର୍ ଜେ ଏପେଙ୍ଗ୍, ମି ଲାଗାଂ ପା ନେକ୍ରିକାରୁର୍ ସୁଣାୟ୍ କିଦେଙ୍ଗ୍ ଆନ୍‌ମାନ୍ କିତାଂନା ।

ନେକ୍ରିକାରୁର୍ନି ସାକ୍ତି

୧୬ ଇନେକିଦେଂକି ଆନ୍ ନେକ୍ରିକାରୁର୍ ବିସ୍ତେ ଲାଜୁ ଆଉଙ୍ଗ୍, ଲାଗିଂ ହେଦାଂ ଖିଜାର୍ ପାତ୍ କିନାକାର୍ ପାକ୍ୟାତ ମୁକ୍ତା ଆନି କାଜିଂ ଇସ୍ତର୍ ସାକ୍ତି ଆନାଟ୍, ପର୍ତ୍ତୁମ୍ ଜିହୁଦି ପା ଗ୍ରିକ୍ ପାକ୍ୟାତ । ୧୭ ହେବେ ତ ଇସ୍ତର୍‌ହିତି ଦାମ୍ ହନାତା, ହେଦାଂ ପାତ୍ ଆରି ପାତ୍ ଲାକେ, ଇନେସ୍ ଲେକାମାନାଟ୍, “ଦାମ୍ ପାତ୍ ହୁକେ ଜିନାନ୍ ।”

ପାପ୍ କାଜିଂ ଇସ୍ତର୍‌ତି ରିସା

୧୮ ଇନେକିଦେଂକି ଇମ୍‌ଣି ମାନାୟାର୍ ଅଦାମ୍ ତ ହାଡ୍‌ପାତିଂ ମୁନା କିତାର୍, ହେଖାର୍‌ତି ଖିଜୁ ପୁଇପୁୟା ଆଖାଦାଂ ଆରି ଅଦାମ୍ ବିରୁଡ୍‌ତ ସାଗେତାଂ ଇସ୍ତର୍ ରିସା ହନାତା, ୧୯ ଲାଗିଂ ଇସ୍ତର୍ ବିସ୍ତେ ଇନାକା ମାନାଟ୍, ହେଦାଂ ହେଖାର୍ ଖାସ୍ତିତ ହନାତା; ଇସ୍ତର୍ ହେଖାରିଂ ଡାଣ୍ ହିନାନ୍ । ୨୦ ଇସ୍ତର୍ ଜଗଡ୍‌ତ ଉବ୍‌ଜାଣ୍ କିନି ସମୁତାଂ, ହେଖାନ୍ତି ତ୍ତୁତି ଗୁଣ୍ ଇତିସ୍‌ତା କାବା କିନି ଅବ୍ୟାସ୍ ଖିଜୁ ସାକ୍ତି ସମାନ୍ ବାବେ ହସି ଖାନାଟ୍ ହେଦାଂ ଉପ୍‌ଜାଣ୍ ବିସ୍ତେକାଂ ହେଦାଂ ପୁନ୍ୟାନାଟ୍ । ଲାଗିଂ ହେଖାର୍ ପୁନ୍‌ଖାତାଣ୍ଟା ଇଞ୍ଜି ଆବ୍‌ଡ୍ ରୁଚ୍‌ଚେଙ୍ଗ୍ ଆଡୁର୍ । ୨୧ ଇନେକିଦେଂକି ହେଖାର୍ ଇସ୍ତର୍‌ତି ପୁନ୍‌ଞ୍ଜି ତାଙ୍ଗେଙ୍ଗ୍ ଇସ୍ତର୍ ଇଞ୍ଜି ଜାଜ୍‌ମାଲ୍ କିଖାତାର୍ କି ଦନ୍ୟବାଦ୍ କିଖାତାର୍, ମାତର୍ ଜାର୍ ଜାର୍ ବାନିୟା ଗାଣ୍‌ଜୁତ ମେହାତାର୍ ଆରି ହେଖାର୍‌ତି ବୁଜାଞ୍ଚି ମାନ୍ ମାଜ୍‌ଗା ଆତାଟ୍; ୨୨ ହେଖାର୍ ନିଜ୍‌ତିଂ ଗିଆନି ଇଞ୍ଜି ମାନେ କିତାର୍, ମାତର୍ ହାଡ୍‌ପାନେ ହେଖାର୍ ମୁରୁକ୍ । ୨୩ ଜିରାଞ୍ଚି ଇସ୍ତର୍ ଜାଜ୍‌ମାଲ୍ ପୁଜା କିଖାଦାଂ ହେଖାର୍ ହାତି ମାନାୟତିଂ, ଜାଡ୍, ପଟିଂ, କି ରାଟ୍‌କୁକାଂ ପୁଡ୍‌ଡାଂ ରଟ୍‌ତି ହେଖାକାଂ ପୁଜା କିନାରା । ୨୪ ଲାଗିଂ ଇସ୍ତର୍ ହେଖାର୍‌ତି ମାନ୍‌ନି ଆରି ହେଖାର୍ ଜାର୍ ଜାତ୍ ବାନ୍ୟାକାମାୟ୍ ଇସାପ୍ରେ ବିଚାଡ୍ କାମାୟ୍‌ତ ମୁଞ୍ଚାଣ୍ଟା-ହେଖାର୍ ଗାଗାଡ୍ ହାରି ହୁଦାଂ ଲାଜ୍‌ନିକା ଲାହାଙ୍ଗ୍ ଇଟ୍‌ନାର୍ । ୨୫ ଇନେକିଦେଂକି ହେଖାର୍ ଇସ୍ତର୍ ସଡ୍ ପିସ୍‌ସି ମିଚ୍ ମାନିକିତାର୍ ଆରି ମାପୁଙ୍ଗ୍ ପିସ୍‌ସି ଉବ୍‌ଜାଣ୍ ଆତି ଜିନିସ୍‌ନି ପୁଜା ଆରି ଆସିର୍ବାଦ୍ ହେବା କିତାର୍; ହେଖାନ୍ ଜୁଗ୍ ଜୁଗ୍ ଦନ୍ୟ । ଆମେନ୍ । ୨୬ ଇ କାରଣତାଂ ଇସ୍ତର୍ ହେଖାରିଂ ଲାଜୁ ପାପ୍ ଖିଜୁ ହେଲାୟ୍ କିତାନ୍, ଇନେକିଦେଂକି ହେଖାର୍‌ତି କଗ୍‌ଲେକ୍ ହାର୍ ବେବାର୍ ପିସ୍ତି ବାନ୍ୟା ବେବାର୍ କିଡିକ୍, ୨୭ ଆଣ୍ଟାହିମ୍‌ଣାଂ ପା ମାଡ୍‌ଜିଙ୍ଗ୍ କଗ୍‌ଲେ ଲାହାଂ ସାରି ଆଖାଦାଂ ପାତି ବାନ୍ୟା କାମାୟ୍‌ତ ହଣାରା । ଆଣ୍ଟାଙ୍ଗ୍ ହାରି ଗିଣ୍ ବେବାର୍ କିନାରା ଆରି ଇନାକାକି ବାନ୍ୟା କାମାୟ୍ କାଜିଂ ଡାଣ୍ ପାୟାନାରା । ୨୮ ଇ ମାନାୟାର୍ ଇସ୍ତର୍ ବିସ୍ତେ ହାର୍ ଚିନ୍ତା କିଦେଙ୍ଗ୍ ଇଚା କିଞ୍ଚିଲେ, ଇସ୍ତର୍ ହେଖାରିଂ ପିସ୍ତାନ୍ନା ଆରି ହେଖାର୍ ବିଚାଡ୍‌ମାନ୍ ଆଜି ମାନାୟ୍‌ମାନ୍ ବେବାର୍ କିଡରା । ୨୯ ହେଖାର୍ ସବୁ ବାନି ଅଦାମ୍, ରୁଲ୍‌ରୁଲିୟା, ବାନ୍ୟା, ଲବ୍, ଆରି ବାନ୍ୟାକାମାୟ୍‌ତ ବାତ୍ । ହେଖାର୍ ତାରା, ନାର୍‌ମାରୁ, କୁଲ୍‌ଆ, ବାଣାୟ୍‌କିନାକାନ୍ ଆରି ଜାଡ୍‌କୁ, ହେଖାର୍ ଲକାତ୍ ଗାଣ୍‌ଜୁ କିନାର୍; ୩୦ ହେଖାର୍ ରୁଗ୍‌ଲିୟା, ନିୟାନିକାନ୍, ଇସ୍ତର୍‌ତି ଗିଣ୍, ନାର୍‌ମାରୁ, କୁଲ୍‌ୟା, ଆକ୍ରିୟା, ବାନ୍ୟାକାମାୟ୍ କିନାକାନ୍, ୩୧ ଆବା ଆୟା ବଲ୍ ମାନିକିଖାକା, ବୁଦିହିଲାକା, ନିୟମ୍ ଡ୍ରିକ୍‌ନାକାନ୍, ସମାନ୍ ଦୟା ଆରି ବୁଦିହିଲାକାନ୍ ମାନାର୍ । ୩୨ ଇମ୍‌ଣାକାର୍ ଇ ଲାକେ ବେବାର୍ କିତାର୍, ହେଖାର୍ ଜେ ହାକିନି ଜଗାୟ୍, ଇସ୍ତର୍‌ତି ଇ ବିଦି ହେଖାର୍ ପୁଟିସ୍‌ପା କେବଲ୍ ଇନେନ୍ ଇ ଲାକେ ବେବାର୍ କିତାର୍ ହେଦାଂ ଆକାୟ୍, ମାତର୍ ଇ ଲାକେ ବେବାର୍ କିଜି ମାନି ମାନାୟ୍‌ରତି ପାକ୍ୟା ଖାରିତାଂ ବାତି କିତାର୍ ।

୨

ଇସ୍ତର୍ ନିୟାୟ୍ ବିଚାର୍

୧ ଟଣ୍ଡାର୍ ଆରି ତଣ୍ଡେକ୍, ଏପ୍ ଇନାକା ଲକାତ୍ ବିଚାର୍ କିନାଦେରା ? ଏପ୍ ଇମ୍‌ଣାକା ପା ମୁଣିକା ଆତିସ୍‌ପା, ଇଦାଂ ମି ପାକ୍ୟାତ କିନାକା ହାର୍ ଆକାୟ୍ । ଲକାର୍‌ତି ଦସ୍ ଆସ୍ତି ଏପ୍ ଜଦି ନିଜେ ହେଦାଂ କିଜି ମାଟିସ୍, ହେଦାଂ ହୁଦାଂ ଏପ୍ ଜାର୍‌ତି ଦସି କିନାଦେରା । ୨ ଆପ୍ ପୁନାପ୍, ଇସ୍ତର୍ ଏଲେଂ କିଜିମାନି ମାନାୟ୍‌ରତି ହାଡ୍‌ପା ବିଚାର୍ କିନାନ୍ । ୩ ଇମ୍‌ଣି ବାନ୍ୟାକାମାୟ୍ କାଜିଂ ଏପ୍ ଲକାରିଂ ଦସ୍ କିନାଦେରା, ହେଦାଂ ଜଦି ନିଜେ କିଜି ମାନାଦେର୍, ଏପ୍ ଇସ୍ତର୍‌ତି ବିଚାର୍ ମୁମ୍‌ଦ ହାଲୁପ୍ ଇଞ୍ଜି ଇନାକା ବାବି କିନାଦେରା ? ୪ ଆଜି ମାନ୍‌ଗାନାଟ୍, ଏପ୍ ଇସ୍ତର୍ ବେସି ଦୟା ଆରି ହୁଦାର୍‌ତି ଉଡା ଆନାଦେରା । ଏପ୍ ଆତିସ୍‌ପା ପୁଚାଦେଣ୍ଟା ଜେ, ଏପ୍ ମାନ୍‌ବାଦ୍‌ଲାୟ୍ କିଦେଙ୍ଗ୍ ଇଞ୍ଜି ଇସ୍ତର୍ ଏଚେକ୍ ଦୟା କିଡ୍‌ତାନ୍‌ନା । ୫ ମାତର୍ ଏପେଙ୍ଗ୍ ଗର୍‌ୟା ଆରି ଆଟ୍‌ଖା ମାନ୍ । ଲାଗିଂ ହାରିହାରା ଦିନି ନ୍ୟାୟ୍‌ବିଚାର୍ ଖେଡାଲିଂ ଏପ୍ ଇସ୍ତର୍‌ତି ରିସାନି ଲକୁ ଆଜି ବେସି ଡାଣ୍ ପାୟାନାଦେର୍ । ୬ ହେଖାନ୍ ଖିଜାର୍ ମାନାୟାରିଂ ନିଜ୍ ନିଜ୍ କାମାୟ୍ ଇସାବେ ପାଡ୍ ହିଦ୍‌ନାନ୍;

☆ ୧:୧୩ ୧:୧୩ ପକ୍ୟାତାକା ୧୯:୨୧. ☆ ୧:୨୧ ୧:୨୧ ଏପିସ୍‌ୟ ୪:୧୭,୧୮.

୭ ଇମ୍ପାଟାକାର ସାସ୍ ଲାହାଁ ହାରଦି କାମାୟ କିଜି ଜାଜ୍‌ମାଲ୍, ସନ୍‌ମାନ୍ ଆରି ହାଞ୍ଜାକା ଦାହ୍‌ନାର୍, ହେଞ୍ଜାରିଂ ଓଜ୍‌ଓଜି ଜିରୁନ୍ ହିନାନ୍ । ୮ ମାତର୍ ଇନେର୍ ଜାର୍‌ତିଂ ହୁଡ୍‌ନାକାର୍, ହାଡ୍‌ପା ହାଜି ପିସ୍ତି, ମତର୍ ଅଦାମ୍ କାତାତ ଆହ୍‌ନାର୍ । ହେଞ୍ଜାରିତି କାଜିଂ କାଜି ଆରେ କପ୍ ଗିଟାନାଡ୍ । ୯ ପର୍ତ୍ତୁମ୍‌ତ ଜିହୁଦି ଆରି ପା ଗ୍ରିକ୍, ଓଜାରିଂ ବାନ୍‌ଧା କାମାୟ କିନି ମାନାୟ ଖାସ୍ତି ଜପି କସ୍ ଆରି ହାବଡ୍ ଗିଟାନାଡ୍, ୧୦ ମାତର୍ ଇମ୍ପାଟାକାର୍ ହାର୍ କାମାୟ କିତାର୍, ହେଞ୍ଜାରି ଜିହୁଦି ଆଏର୍ କି ଗ୍ରିକ୍ ଆଏର୍, ଇସ୍‌ବର୍ ହେଞ୍ଜାରିଂ ସନ୍‌ମାନ୍, ଜାଜ୍‌ମାଲ୍ ଆରି ସୁସ୍ତା ହିନାନ୍ । ୧୧ ଇନେକିଦେଂକି ଇସ୍‌ବର୍‌ତି ଲାଗାଂ ମୁକ୍‌ମେଟ୍ ହିଲୁଡ୍ ।

୧୨ ଲାଗିଂ ଏଚେକ୍ ବିଦି ହିଲୁଓଜି ଆଜି ପାପ୍ କିତାର୍‌ନା, ହେଞ୍ଜାରି ପା ବିଦି ପିସ୍‌ସି ନସ୍ ଆନାର୍; ଆରେ, ଏଚେକ୍ ବିଦି ପାୟା ଆଜି ପାପ୍ କିତାର୍‌ନା, ହେଞ୍ଜାରି ବିଦି ଇସାବେ ବିଚାର୍ କିୟାନାର୍, ୧୩ ଇନେକିଦେଂକି ବିଦିନି ଖେନାକାର୍ ଇସ୍‌ବର୍ ମେହାଣ୍ଡ ଦାମ୍‌ର୍ ଆକାୟ, ମାତର୍ ବିଦି ପାଲିକିନାକାର୍ ଦାମ୍‌ ଗାଣାକିୟାନାର୍ । ୧୪ ଲାଗିଂ ପାତ୍ କିଓଜି ଜିହୁଦିରତି ହେ ବିଦି ମାନ୍‌ଓଜିସ୍ ପା, ଏଚେକାଡ୍‌ଦ ହେଞ୍ଜାରି ହାର୍ ବାବ୍ରେ ବିଦି ଲାକେ କାମାୟ କିତାର୍, ହେପାଦ୍‌ନା ହେଞ୍ଜାରି ବିଦି ପାୟା ଆଓଜିସ୍‌ସା ନିଜେ ଜାର୍ ଜାର୍ କାଜିଂ ବିଦି ପାଲି କିତାଣ୍ଡା; ୧୫ ହେଞ୍ଜାରିତି କାମାୟ ହୁଦାଂ ଇଦାଂ ପୁନ୍‌ଧାମାତା ଜେ, ବିଦିନି ନିୟମକୁ ହେଞ୍ଜାରିତି ମାନ୍ତ ଲେକା ଅତାନ୍ନା । ଇ କାତାନି ହାଡ୍‌ପା ହେଞ୍ଜାରିତି ବୁଦି ହୁଦାଂ ପାର୍ମାଣ୍ ସଡ୍ ଚିନ୍ତା କିନିଓଡାଲିଂ ବୁଦି ହେଞ୍ଜାରିଂ ପକ୍ୟା ଆନାଡ୍, ବିନ୍‌ଚିନ୍ତା ଖେଡାଲିଂ ଦସି କିନାଡ୍ । ୧୬ ଇମ୍‌ଣି ଦିନ୍ତ ଇସ୍‌ବର୍ ନା ନେକ୍ରିକାରୁର୍ ଇସାବେ ଜିସ୍ କ୍ରିସ୍‌ତି ହୁକେ ମାନାୟାରିତି ଡକ୍ଟୁଡି ବିସ୍ରେ ବିଚାର୍ କିନାନ୍, ହେ ଦିନ୍ ଇଦାଂ ହନାଡ୍ ।

ଜିହୁଦି ଆରି ବିଦି

୧୭ ଏପେଙ୍ଗ୍ ଜାର୍‌ତିଂ ଜିହୁଦି ଇନ୍‌ଧାମାଦେରା, ବିଦି ଜପି ବାସ୍ କିଜି ଆରି ଇସ୍‌ବର୍ ଲାହାଁ ନିଜେ ଜିଣା ଆଜି ଗରବ୍ କିନାଦେରା; ୧୮ ମି କାଜିଂ ଇସ୍‌ବର୍‌ତି ଇଚା ପୁଚାଦେଣ୍ଡା ଆରି, ବିଦିତାଂ ସଡ୍ ଆରି ବାନ୍‌ଧା ଗିଆନ୍ ପାୟା ତାଦେଣ୍ଡା; ୧୯ ହାଡ୍‌ପା ରଚେ ପୁଚାଦେଣ୍ଡା, ଜେ ଏପେଙ୍ଗ୍ ମାଜ୍‌ଗାନି ହାଜି ଚର୍‌ନାକାଦେର୍, ମାଜ୍‌ଗାତ ମାନି ମାନାୟାର୍ କାଜିଂ ଅଜଡ୍ ଲାକେ, ୨୦ ବୁଦିହଲୁଓଜାକାର୍‌ତି ବୁଜାୟକିନାକାର୍, ପୁନ୍‌ଖାକାତ୍ ଗୁରୁ । ମି ପାତ୍ ଜେ, ବିଦିତାଂ ଏପେଙ୍ଗ୍ ବାଡ୍ ହାଡ୍‌ପା ଆରି ଗିଆନ୍ ଲାବ୍ କିତାଦେଣ୍ଡା । ୨୧ ତେବେ ଲକାଂ ହିକ୍ୟା ହିନାଦେରା ଜେ ଏପ୍, ଏପ୍ ଇନାକା ଜାର୍‌ତିଂ ହିକ୍ୟା ହିଉଦେରା ? ଚରି କିମାଟ୍ ଇଞ୍ଜି ପରଚାର୍ କିଜି ଏପ୍ କି ଚରି କିନାଦେରା ? ୨୨ ଦାରି କିମାଟ୍ ଇଞ୍ଜି ଖେଡ୍‌ତି ଏପେଙ୍ଗ୍ କି ଦାରି କିନାଦେରା ? ପୁଡ୍‌ଡା ପୁଜାତିଂ ଗିଣ୍ କିନାଦେରା ଜେ ଏପେଙ୍ଗ୍, ଏପ୍ ଇନାକା ମାନ୍‌ବିର୍ ଚରି କିନାଦେରା ? ୨୩ ଏପେଙ୍ଗ୍ ଇସ୍‌ବର୍‌ତି ବିଦି ପାୟା ତାଦେଣ୍ଡା ଇଞ୍ଜି ଗରବ୍ କିନାଦେରା, ମାତର୍ ହେଦେଲିଂ ଉଡାଜି ଇସ୍‌ବର୍‌ତି ଅପ୍‌ମାନ୍ କିନାଦେରା କି ? ୨୪ ଇନେକିଦେଂକି ଇନେସ୍ ଲେକା ମାନାଡ୍, “ମି କାଜିଙ୍ଗ୍ ପାତ୍ କିଓଜି ଜିହୁଦିର୍ ବିତ୍ରେ ଇସ୍‌ବର୍ ଡର୍ ନିୟାନାତା ।”

୨୫ ଜଦି ଏପେଙ୍ଗ୍ ବିଦି ପାଲି କିନାଦେର୍, ତେବେ ହାଡ୍‌ପାତ ସୁନ୍‌ଡ୍ ଆନି ଲଡା, ମାତର୍ ବିଦି ମାନି କିଓଜିସ୍, ତେବେ ମି ସୁନ୍‌ଡ୍ ଅସୁନ୍‌ଡ୍ ମେହା ଆନାଡ୍ । ୨୬ ଲାଗିଂ ଜଦି ସୁନ୍‌ଡ୍ ଆଓଜି ମାନାୟ ବିଦିନି ବିଦିବିଦାଣି ପାଲି କିତାର୍, ବାଟିଙ୍ଗ୍ ହେଞ୍ଜାରି ସୁନ୍‌ଡ୍ ଆଞ୍ଜାତାକା ଇନାକା ସୁନ୍‌ଡ୍ ଇଞ୍ଜି ଗାଣା କିୟାଉନ୍ ? ୨୭ ଆରେ, ତର୍‌ଦିଂ ସୁନ୍‌ଡ୍ ଆଞ୍ଜାତାକାର୍ ମାନାୟ ଜଦି ବିଦି ପାଲି କିତାର୍, ବାଟିଙ୍ଗ୍ ଲେକିକିତି ବିଦି ଆରି ସୁନ୍‌ଡ୍‌ନି ବିଦି ପାୟା ଆଜି ପା ବିଦି ମାନିକିଉଦେରା ଜେ ଏପେଙ୍ଗ୍ ହେଞ୍ଜାନ୍ ମି ବିଚାର୍ କିଦ୍‌ନାନ୍ । ୨୮ କେବଲ୍ ଗାଗାଡ୍ ବାବ୍ରେ ସୁନ୍‌ଡ୍ ଆଜି ଜପି ଜିହୁଦି ଇଞ୍ଜି ଜାଣା ଆଜି ମାନି ଲଗୁ ହାଡ୍‌ପାରିଚେ ଜିଉଦି ଆକାୟ; ୨୯ ମାତର୍ ଖାସ୍ତି ଇନେନ୍ ଜିହୁଦି, ହେଞ୍ଜାନ୍ ଜିହୁଦି, ଆରେ ସମାନ୍ ବାବ୍ରେ ଆକାୟ, ମାତର୍ ଜିରୁନ୍‌ନିକା ବାବ୍ରେ ଗାଗାଡ୍‌ତ ଇନେନ୍ ସୁନ୍‌ଡ୍ ହେଦାଂ ହାଡ୍‌ପା ସୁନ୍‌ଡ୍ । ଇ ବାଡ୍ ଲକ୍ ମାନାୟାରିତାଂ ଖାରି ପାୟା ଆଉର୍, ମାତର୍ ଇସ୍‌ବର୍‌ତାଂ ପାୟାନାର୍ ।

୩

୧ ବାଟିଙ୍ଗ୍ ଜିହୁଦି ଲକ୍‌ନି ଇନାକା ? ସୁନ୍‌ଡ୍ କି ଉପ୍‌କାର୍ ଇନାକା ? ସବୁ ବାନି ବେସି । ୨ ପର୍ତ୍ତୁମ୍, ଇସ୍‌ବର୍ ବଚନ୍ ହେଞ୍ଜାରି ତାକେ ହେଲାୟ ଆଜି ମାଚାନ୍ । ୩ ଆଓଜିସ୍ ଏଚେ ଜାଣ୍ ପାତ୍ କିଞ୍ଜାକାର୍ ଆଜି ମାନ୍‌ଗାନାର୍ । ମାତର୍ ହେଦାଂ ଇଞ୍ଜି ଇନାକା ଇସ୍‌ବର୍‌ତି ପାତ୍ କିନାକା ଇନାକା ପଲ୍ୟା ଆନାଡ୍ ? ୪ ମୁଡ୍ରେ ଆକାୟ । ମାନାୟାର୍ ଓଜାରି ମିଡ୍‌ଖାର୍ ଆତିସ୍‌ପା, ଇସ୍‌ବର୍ ହାଡ୍‌ପା । ସାସ୍‌ବର୍ତ ଲେକାମାନାଡ୍, “ନି ବଚନ୍ ହୁକେ ଏନ୍ ସମାନ୍ ଇଞ୍ଜି ପାର୍ମାଣ୍ ଆଡ, ଏପେଙ୍ଗ୍ ବିଚାଣ୍ଡା ଆତିହିଂ ଏନ୍ ଜିତା ଆ ।” ୫ ମାତର୍ ଜଦି ମା ଅଦାମ୍ ଇସ୍‌ବର୍ ଦାମ୍‌ର୍ ସମାନ୍ ପାର୍ମାଣ୍ କିନାଡ୍, ବାଟିଙ୍ଗ୍ ଆପ୍ ଇନାକା ଇନାସ୍ ? ଇମ୍‌ଣି ଇସ୍‌ବର୍ ଡାଣ୍ଡାଂ କିତି ପାଡ୍ ହିଦ୍‌ନାନ୍, ହେଞ୍ଜାନ୍ କି ଦାମ୍‌ହିଲ୍‌କାନ୍ ? ଆନ୍ ମାନାୟ ବାବ୍ରେ ଇଞ୍ଜିନାଙ୍ଗା । ୬ ହେଦାଂ ଇନାଞ୍ଜାଡାଂ ପା ଆମେଡ୍; ଇନେକିଦେଂକି ହେଦାଂ ଆତିସ୍ ବିଚାର୍ କାର୍‌ହା ଆଓଜିସ୍, ଇସ୍‌ବର୍ ଇନେସ୍ ପୁଡ୍ ନିଆୟ ବିଚାର୍ କିନାନ୍ । ୭ ମାତର୍ ଜଦି ନାଦାଂ ମିର୍ ହୁକେ ଇସ୍‌ବର୍ ହାଡ୍‌ପା ହେଞ୍ଜାରି ଜାଜ୍‌ମାଲ୍ କାଜିଂ ବେସି ବାବ୍ରେ ବାତା ଆତାଡ୍, ତାଆତିସ୍ ଆନ୍ ପା ଆରେ ଇନେକିଦେଂ ପାପି ଇଞ୍ଜି ବିଚାର୍ କିୟାନା ? ୮ ଆସେଙ୍ଗ୍ ଇନେକିଦେଂ ଇନ୍‌ସ୍, “ଞ୍ଜାତ ବାନ୍‌ଧାକାମାୟ କିନାସ୍, ଏବେଣ୍ଡାଂ ହାଡ୍‌ପାଡ୍ ଗାଟାଆଦ୍‌ନାଡ୍ ? ଆନ୍ ସମାନ୍ ଏଲେଂ କାତା ଇନାଙ୍ଗା ଇଞ୍ଜି ଦାବା କିଜି ଏଚେକ୍ ଜାଣ୍ ନାଂ ନିୟା କିଦ୍‌ନାରା । ହେଞ୍ଜାରି ଇଦାଂ କାଜିଂ ବିଚାର୍ ପାୟାନି କାତା, ନିଚୟ ପାୟାନାର୍ ।”

ଇନେର୍ ଦାମ୍ ଆକାୟ

୯ ବାଟିଙ୍ଗ୍ ଇନାକା ଜିହୁଦିର୍ ଅବସ୍ତା ଗ୍ରିକ୍ତା ଆଦିକ୍ ହାର ? ମୁଡେ ଆକାୟ । ଆନ୍ ଆଗେତା ଇଚାନ୍ନା ଜେ ରି କୁଦା ପା ଜିହୁଦି ଆରି ଗ୍ରିକ୍ ପାପ୍ତ ତାରେନ୍ ମାନାର୍, ୧୦ ଇନେସ୍ ଲେକାମାନାଡ୍, “ଦାମ୍ ର୍ ଇନେର୍ ହିଲୁର୍, ଆକାୟ, ରଞ୍ଜାନ୍ ପା ଆକାୟ ।”

୧୧ ରଞ୍ଜାନ୍ ପା ଗିୟାନି କି ଇସ୍ପୁର୍ତି ହାଡ୍ପା ହେବା କିନାକାନ୍ ହିଲୁନ୍ ।

୧୨ ହେଞ୍ଜାର୍ ଓଜାର୍ ହାଦେଂ ହାଚାଣ୍ଟା, ରତେ ବହା ଆତାଣ୍ଟା; ଇନେର୍ ଦୟା କାମାୟ୍ କିତାର୍, ଇ ଲାକେ ଇନେର୍ ଆକାୟ, ଆକାୟ ଇ ଲାକେ ଇନେର୍ ଆକାୟ ।

୧୩ ହେଞ୍ଜାର୍ତି ବଚତ୍ତ ଆବ୍ତୁଟ୍ଟି ଗାଣ୍ଟୁ, ଝେଇଦାଂ ମିର୍ ଜାରାଣ୍ ହାନାକା, ଅଟି ତାରେନ୍ କାଲାଟି ରାଚ୍ନି ବିସ୍ ମାନାଡ୍ ।

୧୪ ହେଞ୍ଜାର୍ତି କାଣ୍ଟୁତ ଇସ୍ପୁର୍ତି ଅଲପ୍ ପା ପାଣ୍ଟୁ ହିଲୁଡ୍ ।

୧୫ ହେଞ୍ଜାର୍ତି ପାନା ନେତେର୍ କିଦେଙ୍ଗ୍ ତିକ୍ତିକା;

୧୬ ହେଞ୍ଜାର୍ ଇମେତାକେ ହାନାର୍, ହେବେ ନାସ୍ ଆରି ଦୁକ୍ ଉବ୍ଜାଣ୍ ଆନାଡ୍, ୧୭ ଆରେ ସୁସ୍ତାନି ହାଜି ହେଞ୍ଜାର୍ ପୁନୁର୍ ୧୮ ହେଞ୍ଜାର୍ତି ଇସ୍ପୁର୍ତି ପାଣ୍ଟୁ ହେଞ୍ଜାର୍ କାଣ୍ଟୁ ଆଗେ ମାନ୍ଗୁଡ୍ ।

୧୯ ଆରେ, ଆପ୍ତ ପୁନାପ୍ ଜେ, ବିଦି ଇନା ଇନାକା ଇନାଡ୍, ହେ ସବୁ ବିଦିବିଦାନ୍ ତାରେନ୍ ମାନି ମାନାୟାରିଂ ଇନାଡ୍, ଇନେସ୍ ଓଜୁ ଝେଇ ବୟ୍ ଆନାଡ୍ ଆରି ଓଜୁ ପୁତ୍ ଇସ୍ପୁର୍ତି ବିଚାରତ୍ ତାଣ୍ଟୁ ଆନାଡ୍; ୨୦ ଇନେକିଦେଂକି ମସାତି ବିଦିନି କିତିକାମାୟ୍ ହୁକେ ଇମ୍ଣି ମାନାୟ୍ ତା ମୁମ୍ପଦ ଦାମ୍ ଗାଣ୍ଟି ଆଉର୍, ଇନେକିଦେଂକି ମସାତି ବିଦି ହୁକେ ପାପ୍ନି ଗିଆନ୍ ଜଲମ୍ ଆନାଡ୍ ।

ପାତ୍ ତ ଦାମ୍ ର୍ ଗାଣାକିଆନାଡ୍

୨୧ ଇସ୍ପୁର୍ ମାଂ ଦାମ୍ କିଦେଙ୍ଗ୍ ବିଦି ମାତର୍ ନଙ୍ଗ୍ ବିଦି ପିସ୍ତି ଇସ୍ପୁର୍ତି ଦାମ୍ ହତାଡ୍ନା, ଆରେ ହେଦାଂ ବିସ୍ତେ ବିଦି ଆରି ବେଶ୍‌ବାକ୍‌ଶାୟକିନାକାର୍ ଦରମ୍ ସାସ୍ତର୍ ସାକି ହିନାତା, ୨୨ କେବଲ୍ ଜିସ୍ତୁ କ୍ରିସ୍ତୁତି ତାକେ ପାତ୍ କିନି କାଜିଂ ଲକୁ ଇସ୍ପୁର୍ତି କାଣ୍ଟୁତ ଦାମ୍ ଗାଣା କିଆନାନ୍ । ଇସ୍ପୁର୍ ଇନେରିଂ ମୁକ୍‌ମେଟ୍ କିଞ୍ଜାଦାଂ କ୍ରିସ୍ତୁତାକେ ପାତ୍ କିନାକାର୍ ଓଜାକାରିଂ ପାବ୍ ହିନାନ୍ ।

୨୩ ଓଜାର୍ତ ପାପ୍ କିତାର୍ନା, ଆରେ ଇସ୍ପୁର୍ତି ଜାଜ୍‌ମାଲ୍‌ନି ବାତ୍ ତାଂ ଉଣା ଆତାଣ୍ଟା, ୨୪ ମାତର୍ ଇସ୍ପୁର୍ କ୍ରିସ୍ତୁ ଜିସ୍ତୁତି ହୁଦାଂ ମଲ୍‌ଆଞ୍ଜାଦାଂ ଇମ୍ଣି ଦୟାନି ଦାନ୍ କିଡ୍‌ତାନ୍ନା, ହେଦାଂ ଇନେର୍ ଇଡ୍‌ନାର୍, ହେଞ୍ଜାର୍ ମାପୁ ଜିସ୍ତୁ ମୁକ୍‌ଡାନାକା ହିନାନ୍ ଆରି ହେଞ୍ଜାର୍ ଇସ୍ପୁର୍ କାଣ୍ଟୁତ ଦାମ୍ ଆନାର୍ । ୨୫ ଇସ୍ପୁର୍ ଜିସ୍ତୁକ୍ ଦାନ୍ ହିଡ୍‌ତାନ୍, ଇନେସ୍ ହେଞ୍ଜାନ୍ତି ହାକି, ହେଞ୍ଜାନ୍ତି ତାକେ ନେତେର୍ତ ପାତ୍ କିଜି ମାନି ଲକୁ ପାପ୍ କେମାନି ଉପାୟ୍ ଆନାଡ୍ । ଇସ୍ପୁର୍ ଜାର୍ ଦାମ୍ ତିଂ ହପ୍‌ତେଂ ଇଦାଂ କିତାନ୍, ଇସ୍ପୁର୍ ହୁଦାର୍ ଆଜି ଆଗେ କିତି ପାପ୍ ଆହ୍‌ଞ୍ଜାତନ୍ନା, ୨୬ ଆରେ ନଙ୍ଗ୍‌ନି କାଡ୍‌ଦ ଜାର୍ ଦାମ୍ ହପ୍‌ନି କାଜିଂ ହେଞ୍ଜାନ୍ ଇଦାଂ କିତାନ୍ନା, ଇନେସ୍ ହେଞ୍ଜାନ୍ ନିଜେ ଦାମ୍ ଆରି ଜିସ୍ତୁତି ତାକେ ପାତ୍ କିନାକାରିଂ ଦାମ୍ ଗାଣାକିଆନାକାର୍ ଇଞ୍ଜି ଚଞ୍ଜାନାର୍ ।

୨୭ ବାଟିଙ୍ଗ୍ ଗରବ୍ ଇମେ ତାକେ ? ହେଦାଂ ଦେହା ଆତାଡ୍ । ଇନେସ୍‌ବାତ୍ ବିଦି ହୁକେ ? ଇନାକା କିନି କାମାୟ୍ ବିଦି ହୁକେ ? କି ପାତ୍ ନି ବିଦି ହୁକେ । ୨୮ ବାଟିଙ୍ଗ୍ ମା ବୁଜାନାକା ଇଦାଂ, ମାନାୟ୍ ବିଦିତ କିତି କାମାୟ୍ ପିସ୍‌ସି ପାତ୍ ହୁକେ ଦାମ୍ ଗାଣାକିୟାନାନ୍ । ୨୯ କି ଇସ୍ପୁର୍ କି କେବଲ୍ ଜିହୁଦିର୍ତ ଇସ୍ପୁର୍ ? ହେଞ୍ଜାନ୍ କି ପାତ୍ କିଞ୍ଜି ଜିହୁଦିର୍ତ ପା ଇସ୍ପୁର୍ ଆକାୟ୍ ? ଆଁ ପାତ୍ କିଞ୍ଜି ଜିହୁଦିର୍ତ ପା । ୩୦ ଇନେକିଦେଂକି ଇସ୍ପୁର୍ ତ ରଞ୍ଜାନ୍, ଆରେ ହେଞ୍ଜାନ୍ ପାତ୍ କାଜିଂ ସୁନ୍ନଡ୍‌ତିଂ ଆରି ପାତ୍ କାଜିଂ ଅସୁନ୍ନଡ୍‌ତିଂ ଦାମ୍ ଗାଣାକିନାନ୍ । ୩୧ ବାଟିଙ୍ଗ୍ ଆପ୍ କି ପାତ୍ ହୁକେ ବିଦିତିଂ ଓଜ୍‌ନାପା ? ହେଦାଂ ଇନାଞ୍ଜେଡାଂ ପା ଆମେଡ୍ ଇଚିସ୍ ଆପ୍ ପାତ୍ ହୁକେ ବିଦିନି କୁନାଦି ତାଟ୍ କିନାସା ।



ଅବ୍ରାହାମ୍‌ତି ପାତ୍ ନି ଦାମ୍

୧ ଞ୍ଜାଟିଂ ଗାଗାଡ୍ ବାବ୍ରେ ମା ଆକର୍ ଅବ୍ରାହାମ୍ ଇନାକା ପାୟା ଆତାନ୍ ଇଞ୍ଜି ଇନାସ୍ ? ୨ ଇନାକିଦେଂକି ଅବ୍ରାହାମ୍ ଜଦି କିନି କାମାୟ୍‌ନି ଦାମ୍ ଇଞ୍ଜି ଗାଣା କିୟାତାନ୍, ଲାଗିଂ ତା ଗରବ୍ କିନାକା ମାନାଡ୍, ମାତର୍ ଇସ୍ପୁର୍ତି ଲାଗାଂ ହିଲେଡ୍ । ୩ ଇନେକିଦେଂକି ସାସ୍ତର୍ ଇନାକା ଇନାଡ୍ ? “ଅବ୍ରାହାମ୍ ଇସ୍ପୁର୍ ତାକେ ପାତ୍ କିତାନ୍, ଆରେ ଇ ପାତ୍ କାଜିଂ ଇସ୍ପୁର୍ ହେଞ୍ଜାନିଂ ଦାମ୍ କିଜି ଇଡ୍‌ତାନ୍ । ୪ ଇନେର୍ କାମାୟ୍ କିନାନ୍, କୁଲି ତାରୁଂ ତା ପାୟାନାକା-ଇନେର୍ତାଂ ଦାନ୍ ଲାକେ ହେଞ୍ଜାନ୍ ପାୟା ଆଉନ୍ । ୫ ମାତର୍ ଇନେର୍ କାମାୟ୍ ଜପି ପାତ୍ କିଉନ୍, ମତର୍ ଦାମ୍ ହିଲାକାନିଂ ଦାମ୍ ଇଞ୍ଜି ଇନେର୍ ଗାଣାକିନାର୍, ହେଞ୍ଜାନ୍ ତାକେ ପାତ୍ କିନାନ୍, ହେଞ୍ଜାନ୍ ପାକ୍ୟାତ ହେଞ୍ଜାନ୍ତି ପାତ୍ ଦାମ୍ ଇଞ୍ଜି ଗାଣାନାଡ୍ ।

☆ ୩:୨୨ ୩:୨୨ ଗାଲାତିୟ ୨:୧୭. ☆ ୩:୩୦ ୩:୩୦ ଗାଲାତିୟ ୩:୨୦. ☆ ୪:୩ ୪:୩ ଗାଲାତିୟ ୩:୭.

୭ ଇମଣି ମାନାୟତି କାମାୟ କାବାଡ଼ ନିପ ହୁଡ଼ଝାଦାଂ ଇସ୍ବର ହେୱାନିଂ ଦାମିଂ ଇଞ୍ଜି ଇଚ୍ଚନାନ୍, ହେୱାନିଂ ୱାରିକିୟ କିଜି ଦାଉଦ୍ ଇଚାନ୍ନା ।

୮ ଇମଣାକାର୍ତ୍ତି ଅପରାଦ୍ ସବୁ କେମା ଆତାଡ଼ନ୍ନା, ଆରେ

ଇମଣାକାର୍ତ୍ତି ପାପ୍ ସବୁ କେମା ପାୟାତାନ୍ନା, ହେୱାର୍ ଦନ୍ୟ ।

୯ ମାପୁ ଇମଣାକାରିଂ ଦନ୍ୟ ଇଞ୍ଜି ମାନାୟତି ପାପ୍ ଗାଣା କିଉନ୍, ହେୱାନ୍ ଦନ୍ୟ ।”

୧୦ ଇବେ ଦାଉଦ୍ ଇନେରିଂ ଦନ୍ୟ ଇଞ୍ଜି ଇଚାନ୍ନା, ହେୱାର୍ ଇନାକା କେବଲ୍ ସୁନ୍ନଡ଼ ଲଗୁ ମାଚାର୍ ? କି, ଅସୁନ୍ନଡ଼ ଲଗୁ ପା ଦନ୍ୟ ଆଦେଂ ଆଡ଼ନାର୍ । ଆସ୍ ଇନାସା-ଅବ୍ରାହାମ୍ ପାତ୍ ହୁକେ ଦାମିଂ ଇନ୍ୟା ଆତାନ୍ । ୧୦ ବାଟିଙ୍ଗ୍, ହେଦାଂ ଇମଣି ସମୁ ଝେଡ଼ାଲିଂ ଗିଟାଜି ମାଚାଡ଼ ? ଅବ୍ରାହାମ୍ ସୁନ୍ନଡ଼ ଆନି ପାଚେ ଆକାୟ୍, ତା, ଆଗେତାଂ ପାଚେ ଆକାୟ୍ । ୧୧ ଆରେ, ହେୱାନ୍ ସୁନ୍ନଡ଼ଆଞ୍ଜି ଅବସ୍ତାତ ପାତ୍ ଇସାବ୍ତ ଦାମିଂ ଗାଣାକିୟାଜି ହେବେନି ଚିନ୍ ଇଚ୍ଚୟାନି ଇସାବେ ସୁନ୍ନଡ଼ ଚିନ୍ ପାୟାତାନ୍, ଇନେସ୍ ସୁନ୍ନଡ଼ଆଞ୍ଜି ଅବସ୍ତାତ ମାନି ଝିଜାର୍ ପାତ୍ କିନାକାର୍ ପାକ୍ୟାତ ଦାମିଂ ଗାଣାକିୟାନି କାଜିଂ ହେୱାନ୍ ହେୱାର୍ତ୍ତି ଆବା ଆନାନ୍, ୧୨ ଆରେ, ଇନେସ୍ ହେୱାନ୍ ସୁନ୍ନଡ଼ ଆତାକାରିଂ ଆବା ଆନାନ୍, ଇଚିସ୍ ଇମଣାକାର୍ ସୁନ୍ନଡ଼ ପାୟାତାର୍, କେବଲ୍ ହେୱାର୍ତ୍ତି ଆକାୟ୍, ମତର୍ ସୁନ୍ନଡ଼ ଆଞ୍ଜାତାକାର୍ତ୍ତି ସମୁତ ମା ଆବା ଅବ୍ରାହାମ୍ତି ଇମଣି ପାତ୍ ମାଚାଡ଼, ହେବେନି ପାଦ୍ ଚିନ୍ ହିଜି ଇମଣାକାର୍ ହାନାର୍ ହେୱାର୍ତ୍ତି ଆବା ।

ପାତ୍ କିନାକାରିଂ ଇସ୍ବର୍ତ୍ତ୍ତି ପାର୍ମାଣ୍

୧୩ ଇନେକିଦେଂକି ଅବ୍ରାହାମ୍ ବିଦି ପାଲି କିଜି ମାନି କାଜିଂ ଆକାୟ୍ । କେବଲ୍ ହେୱାନ୍ତି ପାତ୍ କାଜିଂ ଇସ୍ବର୍ତ୍ତି ହୁକେ ଦାମିଂ ଲାକେ ଆଦିକାର୍ ପାୟାତାନ୍ ଆରି ହେଦାଂ କାଜିଂ ହେୱାନ୍ ହେୱାନ୍ତି ଲାତ୍ରାର୍ ପୁତ୍ ଆଦିକାର୍ ଆନାର୍ ଇଞ୍ଜି ରାଣ୍ କିଜି ମାଚାନ୍ ୧୪ ଲାଗିଂ ଜଦି ବିଦି ପାଲି କିତାର୍, କେବଲ୍ ହେୱାର୍ ଜଦି ଇସ୍ବର୍ତ୍ତି ଦାନ୍ ଗାଟାତିସ୍, ତେବେ ମାନାୟତି ପାତ୍ ପଲ୍ୟା, ଇସ୍ବର୍ତ୍ତି ରାଣ୍ ପା ୧୫ ଇନାକିଦେଂକି ବିଦି ଉଡ଼ାନି ହୁଦାଂ ମାନାୟ୍ ଇସ୍ବର୍ତ୍ତି ରିସାନି ଲଗୁ ଆନାନ୍ । ମାତର୍ ଇମେତାକେ ବିଦି ହିଲୁଡ଼, ହେବେ ବିଦି ଉଡ଼ାନାକା ପରସନ୍ ନିଚ୍ଚୁତା । ୧୬ ଲାଗିଂ ଇ ପାର୍ମାଣ୍ ପାତ୍ କାଜିଂ ପାୟାନାନ୍, ଇନେସ୍ ହେଦାଂ ଦୟା ଇସାବେ ଆନାଡ଼, ଆରେ ତାପାଚେ ସବୁ ଲାତ୍ରା ପାକ୍ୟାତ, କେବଲ୍ ମସାତି ବିଦି ଲାତ୍ରା ପାକ୍ୟାତ ଆକାୟ୍, ମତର୍ ଅବ୍ରାହାମ୍ତି ପାତ୍ କିନି ଲାତ୍ରା ପାକ୍ୟାତ ପା ହେ ପାର୍ମାଣ୍ ତିର୍ ମାଚାଡ଼ । ୧୭ ଇ ବିସ୍ତେ ସାସ୍ବର୍ତ୍ତି ଲେକାମାନାଡ଼, “ନିଂ ଆପ୍ ବେସି ଜାତିନି ଆବା କିଦନାପ୍,” ଇସ୍ବର୍ତ୍ତି କାଣ୍ କୁତ ଇ ପାର୍ମାଣ୍ ହାଡ଼ପା ମାଚାଡ଼, ଇନେକିଦେଂକି ଇମଣି ଇସ୍ବର୍ତ୍ତି ଅବ୍ରାହାମ୍ ପାତ୍ କିଜି ମାଚାନ୍, ହେୱାନ୍ତି ବଚନ୍ ହାକିତିଂ ଜିବୁନ୍ କିନାଡ଼ ଆରି ୱାରାକାଦଲିଙ୍ଗ୍ ଝିଜୁ ବିସ୍ତେ ଉଚ୍ଚୟା କିନାଡ଼ । ୧୮ “ଆହା କିନି କାଜିଂ ଇମଣାକା ପା କାରଣ୍ ହିଲ୍ଡ଼ିତିସ୍ ପା ଅବ୍ରାହାମ୍ ପାତ୍ କିଜି ଆହାଲ୍ଲାବ୍ଡ଼ି ଆତାନ୍ । ଲାଗିଂ ହେୱାନ୍ ବେସି ଜାତିନି ଆବା ଆତାନ୍, ଇନେକିଦେଂକି ସାସ୍ବର୍ ଇସାପ୍ତେ ହେୱାନିଂ ପାର୍ମାଣ୍ ଗାଟାଜି ମାଚାଡ଼; ୧୯ ଅବ୍ରାହାମ୍ ବୟସ୍ ପାଞ୍ଚକଡ଼ି ବାହୁଁ ଆତିଲେ ହେୱାନ୍ ଜାର୍ ଗାଗାଡ଼ତିଂ ଜିବୁନ୍ ପାଗ୍ନାକା ଆରି ସାରାତି ପଟତିଂ ହାକି ଇଞ୍ଜି ବାବି କିତାର୍ ପା ପାତ୍ ନାଦାର୍ ଆଞ୍ଜାତାର୍, ୨୦ ଇଚିସ୍ ଇସ୍ବର୍ତ୍ତି ପାର୍ମାଣ୍ କାଜିଂ ହୁଡ଼ଜି ପାତ୍ କିଞ୍ଜାକା ହୁକେ ପାତ୍ କିଞ୍ଜାତାନ୍, ହେୱାନ୍ ଇସ୍ବର୍ତ୍ତି ଜାଜ୍ମାଲ୍ କିତାର୍ । ୨୧ ମାତର୍ ଇସ୍ବର୍ ଇନାକା ପାର୍ମାଣ୍ କିତାନ୍ନା, ହେଦାଂ ମାନି କିଦେଙ୍ଗ୍ ପା ହେୱାନ୍ ଜେ ଆଡ଼ନାନ୍, ହେୱାନ୍ ପୁରା କିନାନ୍ ଇଞ୍ଜି ପାତ୍ ବାଡ଼କାସ୍ ଆତାନ୍ । ୨୨ ଇଦାଂ କାଜିଂ ପା ଇଦାଂ ହେୱାନ୍ତି ପାକ୍ୟାତ ଦାମିଂ ଇଞ୍ଜି ଗାଣା କିୟାତାନ୍; ୨୩ ତା ପାକ୍ୟାତ ଜେ ଗାଣା କିୟାତାନ୍, ଇଦାଂ ଇନାକା ହେୱାନ୍ତି କାଜିଂ ଲେକା ଆଞ୍ଜାତାଡ଼ନା, ୨୪ ମତର୍ ମା କାଜିଂ ପା ଲେକା ଆତାଡ଼ନ୍ନା; ଇନେକିଦେଂକି ଜେ ମା ମାପୁ ଜିସୁ ହାତାକାର୍ ବିତ୍ତେ ନିଂତାନ୍ନା, ହେୱାନ୍ ତାକେ ପାତ୍ କିନାପା ଜେ ଆପେଂ, ମା ପାକ୍ୟାତ ପା ହେଦାଂ ଗାଣା କିୟାତାଡ଼; ୨୫ ହେ ଜିସୁ ମା ପାପ୍ କାଜିଂ ହେଲ୍ଲାୟ୍ କିୟାତାନ୍, ଆରେ ଇସ୍ବର୍ତ୍ତି ଲାଗାୟ୍ ମାଜେଙ୍ଗ୍ ଦାମିଂ କିଦେଙ୍ଗ୍ ଇଞ୍ଜି ଆରେ ନିଂତାନ୍ନା ।”



ପାତ୍ ହୁଦାଂ ଇସ୍ବର୍ତ୍ତି ଲାହାଂ ହାର୍ମେହାଣ୍

୧୬ ନଂ ପାତ୍ ହୁକେ ଆସେଙ୍ଗ୍ ଇସ୍ବର୍ତ୍ତି କାଣ୍ କୁତ ଦାମିଂ ଆତାପ୍ନା ଆରି ମାପୁ ଜିସୁ କ୍ରିଷ୍ଟ କାଜିଂ ଇସ୍ବର୍ତ୍ତି ଲାହାଂ ସୁସ୍ତାତ ମାନାପ୍ । ୧ ଇମଣି ଉପକାର୍ନି ଅବସ୍ତା ବିତ୍ତେ ଆପ୍ ମାନାପ୍, ହେବେ ହେୱାନ୍ ହୁକେ ପାତ୍ ହଣ୍ଡେଙ୍ଗ୍ ପା ଆଡ଼ତାପ୍; ଆରେ, ଆପ୍ ଇସ୍ବର୍ତ୍ତି ଜାଜ୍ମାଲ୍ନି ବାସ୍ ଗରବ୍ କିନାପା । ୨ କେବଲ୍ ହେଦାଂ ଆକାୟ୍, ଝିଜୁ ବାନି ଦୁକ୍ତ, କସ୍ତ ପା ଗରବ୍ କିନାପା, ଲାଗିଂ ଦୁକ୍ତାଂ ସାସ୍, ସାସ୍ତାଂ ପୁନାକା, ୪ ଆରେ, ବାଦନାତାଂ ବାସ୍ ଜେ ଜଲ୍ମ୍ ଆନାଡ଼, ଇଦାଂ ଆସେଙ୍ଗ୍ ପୁନାସ୍ । ୫ ଆରେ, ବାସ୍ ଲାଜ୍ କିଦୁଡ଼, ଇନେକିଦେଂକି ଇସ୍ବର୍ ହିଡ଼ତି ପୁଇପୁୟା ଜିବୁନ୍ ହୁକେ ମା ୱାସ୍ତିତ ଇସ୍ବର୍ତ୍ତି ଜିଉନନାକା ମେଙ୍ଗ୍ୟା ଆତାନ୍ନା ।

୬ ଇନେକିଦେଂକି ଏଚେକାଡ଼ଦ୍ ଆପ୍ ଉପାୟ୍ ହିଲ୍ଡ଼ାକା ମାଚାପ୍, ହେପାଦନା କ୍ରିଷ୍ଟ ସମାନ୍ ସମୁତ ପାତ୍ କିଞ୍ଜାକାର୍ କାଜିଂ ହାତାନ୍ । ୭ ଦାମିଂ ମାନାୟ୍ କାଜିଂ ଆରେ ରଞ୍ଜାନ୍ ଜାର୍ତ୍ତି ପାରାଣ୍ ହିନାକା ବେସି ହୁଡ଼ୟା ଆଉଡ଼ । ଆତିସ୍

ଇମ୍ପାଣ୍ଟାକାନ୍ ପା ହାର କାଜିଂ ଇନେର୍ ହିଦେଂ ଜାଲ୍ଦି ଆଦେଂ ଆଡ୍‌ନାନ୍ । ୮ ମାତର୍ ଆପ୍ ପାପି ମାନି ସମୁତ ପା କ୍ରିଷ୍ଣ ଜେ ମା କାଜିଂ ହାତାନ୍, ହେବେ ଇସ୍‌ବର୍ ମା କାଜିଂ ଜାର୍ ଜିଉନନାକା ହପ୍‌ତାନ୍ନା । ୯ ଲାଗିଂ, ଇଦାଂ ଆରେ ହାତ୍‌ପା ଜେ, ଆପ୍ ନଙ୍ଗ୍‌ୟ୍ ହେଞ୍ଜାନ୍ତି ନେତେର୍ ହୁକେ ଦାମ୍ ଗାଣାକିୟାକା ଆତିଲେ ହେଞ୍ଜାନ୍ ହୁକେ ଇସ୍‌ବର୍ତି ରିସାତାଂ ରାକ୍ୟା ପାୟାନ୍ନାସ୍ । ୧୦ ଇନେକିଦେଂକି ଆପ୍ ସାତୁ ମାନି ସମୁତ ଜଦି ଇସ୍‌ବର୍ ଲାହାଙ୍ଗ୍ ହେଞ୍ଜାନ୍ତି ମାଜିତି ହାକି ହୁକେ ମେହା ଆତାପ୍, ତା ଆତିସ୍ ଇଦାଂ ଆଦିକ୍ ହାତେନେ ଜେ, ଆପ୍ ମେହାଜି ହେଞ୍ଜାନ୍ତି ଜିବୁନ୍ ହୁକେ ମୁକ୍ତି ଆନାସ୍ । ୧୧ ଆରେ, କେବଲ୍ ହେଦାଂ ଆକାୟ୍, ମାତର୍ ମା ଇମ୍‌ଣି ମାପୁ ଜିସୁ କ୍ରିଷ୍ଣତି ହୁକେ ଆପ୍ ନଙ୍ଗ୍ ମେହାଜି ଲାବ୍ କିତାପ୍‌ନା; ହେଞ୍ଜାନ୍ତି ହୁକେ ଆପ୍ ଇସ୍‌ବର୍ ତାକେ ଗରବ୍ ପା କିନାପା ।

ଆରମ୍ ଆରି କ୍ରିଷ୍ଣ

୧୨ ଲାଗିଂ, ଇନେସ୍ ରଞ୍ଜାନ୍ ମାନାୟ୍ ହୁକେ ପାପ୍ ଆରି ପାପ୍ ହୁକେ ହାକି ପୁତ୍ ହଟାଡ୍, ଆରେ ହେ ବାନି ହାକି ଝିଜାର୍ ମାନାୟ୍ କାଜିଂ ଗିଟାତାଡ୍, ଲାଗିଂ ଝିଜାର୍ତ ପାପ୍ କିତାଡ୍ । ୧୩ ବିଦି ହିନି ପୁର୍ବେତାଂ ଜଗତ୍‌ତ ପାପ୍ ମାତାଡ୍, ମାତର୍ ବିଦି ହିଲ୍‌ଝି ଝେଡାଲିଂ ପାପ୍‌ନି ଇସାବ୍ ଇଟ୍ୟାଞ୍ଜାଦାଂ ମାତାଡ୍ । ୧୪ ଆଦମ୍ ସମୁତାଂ ମସାତି ସମୁ ପାତେକ୍ ଇନେର୍ ଆରମ୍ ଲାକେ ବଲ୍ ମାନିକିଞ୍ଜାଦାଂ ପାପ୍ କିଞ୍ଜାଦାଂ ମାତିସ୍ ପା, ଝିଜାର୍ ହାକିନି ତାରେନ୍ ଆତାଡ୍ ।

ଇନେର୍ତ୍ତି ଞ୍ଜାନାକା ଆଜି ମାତାଡ୍, ଆରମ୍ ହେଞ୍ଜାନ୍ତି ର ହାରି ମୁମ୍; ୧୫ ମାତର୍ ପାପ୍ ଇନେସ୍, ଉପକାର୍ ଦାନ୍ ପା ଜେ ହେ ଲାକେ, ହେଦାଂ ଆକାୟ୍, ଇନେକିଦେଂକି ଜଦି ରଞ୍ଜାନ୍ତି ପାପ୍ ହୁକେ ହେନି ହାତାଡ୍, ତା ଆତିସ୍ ଇସ୍‌ବର୍ ଉପକାର୍ ଆରି ରଞ୍ଜାନ୍ ମାନାୟ୍‌ତିଂ, ଇତିସ୍ ଜିସୁ କ୍ରିଷ୍ଣତି ଉପକାର୍ ହିତି ଦାନ୍ ହେନି କାଜିଂ ଆଦିକ୍ ବେସି ଆତାଡ୍ । ୧୬ ଆରେ, ରଞ୍ଜାନ୍ ପାପ୍ କିତିଲେ ଇନେସ୍ ପାଡ୍ ଆତାଡ୍, ଇ ଦାନ୍‌ନି ପାଡ୍ ହେ ଲାକେ ଆକାୟ୍; ଇନେକିଦେଂକି ରଞ୍ଜାନ୍ କାଜିଂ ଇମ୍‌ଣି ବିଚାର୍, ହେବେନି ପାଡ୍ ଦାଣ୍ଡ ବଲ୍ ଆତାଡ୍, ମାତର୍ ହେନିର୍ତ୍ତି ପାପ୍ ତାରେନ୍ ଇମ୍‌ଣି ଉପକାର୍ ଦାନ୍, ହେବେନି ପାଡ୍ ଦାମ୍ ଗାଣାତାଡ୍; ୧୭ ଲାଗିଂ ଜଦି ରଞ୍ଜାନ୍ ପାପ୍‌ତ ହେ ରଞ୍ଜାନ୍ ହୁକେ ହାକି ରାଜ୍ କିତାଡ୍, ବାଟିଙ୍ଗ୍ ଇମ୍‌ଣାକାର୍ ଉପକାର୍ ଆରି ଦାମ୍ ଦାନ୍‌ନି ବେସି ଅୟାନ୍‌ନାର୍ ହେଞ୍ଜାର୍ ର ମାନାୟ୍, ଇତିସ୍ ଜିସୁ କ୍ରିଷ୍ଣତି ହୁକେ ଆରେ ଆଦିକ୍ ଜିବୁନ୍‌ତ ରାଜ୍ କିତାଡ୍ ।

୧୮ ଲାଗିଂ, ରଞ୍ଜାନ୍ ପାପ୍‌ନି ପାଡ୍ ଲାକେ ଇନେସ୍ ଝିଜାର୍ ମାନାୟାତ୍ କାଜିଂ ଦାଣ୍ଡ ବଲ୍ ଗିଟାତାଡ୍, ହେ ଲାକେ ପା ରଞ୍ଜାନ୍ତି ଦାମ୍ କାତା କାରୁମ୍‌ନି ପାଡ୍ ଲାକେ ଝିଜାର୍ ମାନାୟାତ୍ କାଜିଂ ଜିବୁନ୍ ହିଦ୍‌ନି ଦାମ୍ ଗାଣା କିୟାକା ଗିଟାତାଡ୍ । ୧୯ ଇନେକିଦେଂକି ଇନେସ୍ ରଞ୍ଜାନ୍ତି ବଲ୍ ମାନିକିଞ୍ଜାଦାଂ ହୁକେ ହେନି ପାପିର୍ ଆତାଡ୍, ହେ ଲାକେ ରଞ୍ଜାନ୍ତି ବଲ୍ ମାନିକିତିଲେ ଝିଜାର୍ ଇସ୍‌ବର୍ ମୁମ୍‌ଦ ଦାମ୍ ଆନାଡ୍ ।

୨୦ ଇଦାଂ ପିସ୍ତ୍ର ବିଦି ପା ହଟାଡ୍, ଇନେସ୍ ପାପ୍ ଆଦିକ୍ ଆନାଡ୍; ମାତର୍ ଇମେତାକେ ପାପ୍ ଆଦିକ୍ ଆତାଡ୍, ହେବେ ଉପକାର୍ ଆରେ ବେସି ଆଦିକ୍ ଆତାଡ୍, ୨୧ ଇନେସ୍ ପାପ୍ ଇନେସ୍‌ବାନି ହାକିତ ରାଜ୍ କିଜି ମାତାଡ୍, ହେ ଲାକେ ଉପକାର୍ ପା ମା ମାପୁ ଜିସୁ କ୍ରିଷ୍ଣତି ହୁକେ ଝିଜାନ୍ତି ଜିବୁନ୍ ଲାକେ ଦାମ୍ ଦାନ୍ କିଜି ରାଜ୍ କିନାଡ୍ ।



ପାପ୍ କାଜିଂ ହାକି; ମାତର୍ କ୍ରିଷ୍ଣତି ଲାହାଙ୍ଗ୍ ମେହାନି ହୁକେ ଜିନାନ୍

୧ ବାଟିଙ୍ଗ୍, ଆସେଙ୍ଗ୍ ଇନାକା କିନାସ୍ ? ଉପକାର୍ ଇନେସ୍ ବେସି ଆନାଡ୍, ଇଦାଂ କାଜିଂ କି ପାପ୍‌ତ ମାନାସ୍ ? ୨ ହେଦାଂ ଇନାଞ୍ଜାତାଂ ପା ଆମେଡ୍ । ପାପ୍ କାଜିଂ ହାକି ଜେ ଆପ୍, ଆପ୍ ହେବେ ଇନେସ୍ ଆରେ ଜିବୁନ୍ କାଟି କିନାସ୍ ? ୩ ଆପ୍ ଏତେକ୍ ମାନାୟ୍ ଜିସୁ କ୍ରିଷ୍ଣତି ତାକେ ବାପ୍‌ସିମ୍ ଆତାପ୍‌ନା, ଝିଜାର୍ ଜେ ହେଞ୍ଜାନ୍ତି ହାକିତ ବାପ୍‌ସିମ୍ ଆତାପ୍‌ନା, ଇଦାଂ କି ଏପେଙ୍ଗ୍ ପୁନ୍‌ଦେର୍ ? ୪ ଲାଗିଂ, ଆପ୍ ବାପ୍‌ସିମ୍ ହୁକେ ହାକିତ ହେଞ୍ଜାନ୍ ଲାହାଙ୍ଗ୍ ମୁର୍‌ୟା ଆତାସ୍‌ନା, ଇନେସ୍ କ୍ରିଷ୍ଣ ଆବାତି ଜାଜ୍‌ମାଲ୍ ହୁକେ ହାତାକାର୍ ବିତ୍ରେ ଇନେସ୍ ନିଙ୍ଗ୍‌ତାନ୍, ଆସେଙ୍ଗ୍ ପା ହେ ବାନି ଜିବୁନ୍‌ନି ପୁନି ବାବ୍ରେ ବେବାର୍ କିନାସ୍ ।

୫ ଇନେକିଦେଂକି ଜଦି ଆପ୍ ହେଞ୍ଜାନ୍ତି ହାକିନି ଲାକେ ହାତିସ୍ ହେଞ୍ଜାନ୍ତି ଲାହାଙ୍ଗ୍ ଏକ୍ ଆତାପ୍‌ନା, ତା ଆତିସ୍ ହାତ୍‌ପା ହେଞ୍ଜାନ୍ତି ଆରେ ନିଂନାକା ଲାକେ ପା ନିଙ୍ଗ୍‌ଜି ହେଞ୍ଜାନ୍ତି ଲାହାଙ୍ଗ୍ ଏକ୍ ଆନାସ୍ । ୬ ଇନେସ୍ ଆସେଙ୍ଗ୍ ଆରେ ପାପ୍‌ନି ଆଡିଏନ୍ ମାନୁସ୍, ଇଦାଂ କାଜିଂ ପାପ୍‌ନି ଗାଗାଡ୍ ନସୁ ଆନି କାଜିଂ ମା ପୁନି ଗୁଣ୍ ଜେ ହେଞ୍ଜାନ୍ତି ଲାହାଙ୍ଗ୍ କୁସତ ହାତାନ୍ନା, ୭ ଇଦାଂ ତ ଆପ୍ ପୁନାପ୍, ଇନେକିଦେଂକି ଇନେର୍ ହାତାନ୍ନା, ହେଞ୍ଜାନ୍ ପାପ୍‌ତାଂ ମୁକ୍ତା ଆତାନ୍ନା । ୮ ମାତର୍ ଆପ୍ ଜଦି କ୍ରିଷ୍ଣତି ଲାହାଙ୍ଗ୍ ହାତାସ୍‌ନା, ତା ଆତିସ୍ ଆପ୍ ଜେ ହେଞ୍ଜାନ୍ତି ଲାହାଙ୍ଗ୍ ପା ଜିନାସ୍, ଇଦାଂ ଆପ୍ ପାତ୍ କିନାସ୍ । ୯ କ୍ରିଷ୍ଣ ହାତାକାର୍ ବିତ୍ରେତାଂ ନିଙ୍ଗ୍‌ତିଲେ ଜେ ଆରେ ଇନାଞ୍ଜାତାଂ ହାଉର୍, ଇଦାଂ ତ ଆପ୍ ପୁନାପ୍; ହେଞ୍ଜାନ୍ତି ଜପି ହାକିନି ଆରେ ରାଜ୍ କିଉଡ୍ । ୧୦ ଇନେକିଦେଂକି ହେଞ୍ଜାନ୍ ଇନେସ୍ ହାତାନ୍, ତା ପାତେ ହେଞ୍ଜାନ୍ ରଗ ପାପ୍ କାଜିଂ ହାତାନ୍; ମାତର୍ ହେଞ୍ଜାନ୍ ଇମ୍‌ଣି ଜିବୁନ୍ତି ଜିତାକାନ୍, ହେବେ ହେଞ୍ଜାନ୍ ଇସ୍‌ବର୍ କାଜିଂ ଜିତାକାନ୍ ମାନ୍‌ଗାନାନ୍ । ୧୧ ହେ ବାନି ଏପେଙ୍ଗ୍ ପା ଜାର୍ ଜାର୍‌ତିଂ ପାପ୍ କାଜିଂ ହାକି, ଏପେଙ୍ଗ୍ ନଂ କ୍ରିଷ୍ଣ ଜିସୁତି ହୁଦାଂ ଜିବୁନ୍ତି ଇସ୍‌ବର୍ତି ଲାହାଂ ମେହା ଆତାଦେଣ୍ଡା ।

☆ ୬:୪ ୬:୪ କଲସିୟ ୨:୧୨.

୧୭ ଇଦାଂ କାଜିଂ ପାପ୍ ମି ହାକି ଗାଗାଡ଼୍ତ ରାଜ୍ କିମେଡ଼, ହେଦାଂ କିତିସ୍, ଏପେଙ୍ଗ୍ ହେବେନି ବାନ୍ୟା ଲାଲ୍‌ସାତ ମୁଞ୍ଜି ହାଲ୍‌ମାଟ୍; ୧୮ ଏପେଙ୍ଗ୍ ଜାର୍ତିଂ ଇମଣାକା ପା ପାପ୍ ଲାଗାଂ ହେଲ୍‌ୟ୍ ଆଜି ଅଦାମ୍‌ନି ଆତିୟାର୍ ଲାକେ ବେବାର୍ ଆମାଟ୍ । ନଲେ ହାକିତାଂ ରାକ୍ୟା ପାୟାଜି ଜିବୁନ୍ ଗାଗା ଆଜି ମାଟିଲେ ଏପେଙ୍ଗ୍ ସଡ଼କାମାୟ୍ ପୁରାୟ୍ କିଦେଙ୍ଗ୍ ଜାର୍ ଜାର୍ତିଂ ପୁରା ଇସ୍ପୁରତାକେ ହେଲ୍‌ୟ୍ କିୟାଟ୍ । ୧୯ ଇନେକିଦେଂକି ପାପ୍ ମି ଜପି ରାଜ୍ କିଦମେଡ଼, ଲାଗିଂ ଏପେଙ୍ଗ୍ ବିଦିନି ତଲ୍ୟା ଆକାୟ୍, ମତର୍ ଇସ୍ପୁର୍ ଉପକାର୍ତ ତାରେନ୍ ମାନାଟ୍ ।

ଦାମ୍‌ର୍ତ୍ତ ଆଡ଼ିଏନ୍

୧୫ ବାଟିଙ୍ଗ୍ ଇନାକା ? ଆପ୍ ଜେ ବିଦି ତାରେନ୍‌ନିକାପ୍ ଆକାୟ୍, ମତର୍ ଉପକାର୍ତ୍ତ ତାରେନ୍‌ନିକାପ୍, ଇଦାଂ କାଜିଂ କି ପାପ୍ କିନାସ୍ ? ହେଦାଂ ଇନିଞ୍ଜାଡ଼ାଂ ପା ଆମେଡ଼ । ୧୬ ହାକିନି ପାପ୍ କି ଦାମ୍‌ର୍ ନିକାର୍ ବଲ୍‌ତାଂ, ଇଦାଂ ବିଡ୍ରେତାଂ ଇମଣାକା ଲାଗାଂ ଏପେଙ୍ଗ୍ ବଲ୍ ମାନି କିନି କାଜିଂ ଜାର୍ ଜାର୍ତିଂ ଆଡ଼ିଏନ୍ ଲାକେ ହେଲ୍‌ୟ୍ ଆନାସ୍, ଇତିସ୍ ଇମଣାକାର୍ ବଲ୍ ମାନିକିନାଦେର୍, ହେଞ୍ଜାଡ଼ି ଜେ ଏପେଙ୍ଗ୍ ଆଡ଼ିୟାକାଦେର୍, ଇନାକା ପୁନୁଦେର୍ ? ୧୭ ମାତର୍ ଇସ୍ପତ୍ ଜୁଞ୍ଜାର୍ ଆଏଡ଼ ଜେ, ଏପେଙ୍ଗ୍, ଇମଣାକାର୍ କି ହିଗ୍‌ପ ପାପ୍‌ନି ଆଡ଼ିଏନ୍ ମାଟାଦେର୍, ନଙ୍ଗ୍ ଇମଣି ହିକ୍ୟାନି ହାର୍‌ଦାକା ଲାଗାଂ ହେଲ୍‌ୟ୍ କିୟା ଆତାଦେଣ୍ଟା, ଖାସ୍ତି ଲାହାଙ୍ଗ୍ ହେବେନି ବଲ୍ ମାନି କିତାଦେଣ୍ଟା, ୧୮ ଆରେ ପାପ୍‌ତାଂ ମୁକ୍ତା ଆଜି ଦାମ୍‌ର୍ ଆଡ଼ିୟା ଆତାଦେଣ୍ଟା । ୧୯ ମି ଗାଗାଡ଼୍ ନାଦାର୍ କାଜିଂ ଆନ୍ ମାନାୟ୍ ବାବ୍ରେ ଇଞ୍ଜନାଙ୍ଗା; ଏପେଙ୍ଗ୍ ଇନେସ୍ ବାନ୍ୟା କାଜିଂ ଜାର୍ ଜାର୍ କେଇଗାଲ୍ ବିଟାଡ଼୍ ଆରି ଅଦାମ୍‌ ଲାଗାଂ ଆଡ଼ିଏନ୍ ଲାକେ ହେଲ୍‌ୟ୍ କିୟାଜି ମାଟାଦେର୍, ହେ ଲାକେ ନଙ୍ଗ୍ ଜାର୍ ଜାର୍ କେଇଗାଲ୍ ପୁଇପୁୟା କାଜିଂ ଦାମ୍‌ର୍ ଲାଗାଂ ଆଡ଼ିଏନ୍ ଲାକେ ହାର୍‌କିଜି ହେଲ୍‌ୟ୍ ଆତ ।

୨୦ ଇନେକିଦେଂକି ଏପେଙ୍ଗ୍ ପାପ୍‌ନି ଆଡ଼ିଏନ୍ ମାନି ସମୁତ ଦାମ୍‌ର୍ ବିସ୍ତେ ଡିଲା ମାଟାଦେର୍ । ୨୧ ବାଟିଙ୍ଗ୍, ହେ ସମୁତ ମିଦାଂ କି ପାଡ଼୍ ମାଟାଡ଼୍ ? ଜେ ଝିଜୁ ବିସ୍ତେ ଏପେଙ୍ଗ୍ ନଙ୍ଗ୍ ଲାଜ୍ କୁଇ କିନାଦେରା, ହେବେଣ୍ଟାଂ ଇନାକା ଲାବ୍ ଗାଟାତାୟ୍; ହେ ଝିଜୁନି ଇସାପ୍‌ତ ହାକି । ୨୨ ମାତର୍ ନଙ୍ଗ୍ ପାପ୍‌ନି ତାରେନ୍‌ତାଂ ମୁକ୍ତା ଆଜି ଇସ୍ପତ୍ ଆଡ଼ିୟା ଆତିଲେ ଏପେଙ୍ଗ୍ ପୁଇପୁୟା ଉଦେସ୍ତ ପାଡ଼୍ ପାୟାନାଦେରା, ଆରେ ଇବେନି ଇସାପ୍ ଝିଜୁ ଜିବୁନ୍ । ୨୩ ଇନେକିଦେଂକି ପାପ୍‌ନି କୁଲି ତାବୁଙ୍ଗ୍ ହାକି, ମାତର୍ ଇସ୍ପତ୍ ଉପକାର୍ ଦାନ୍ ମା ମାପୁ କ୍ରିସ୍ଟ ଜିସୁତି ମେହାଣ୍ଡ ଝିଜୁ ଜିବୁନ୍ ଆନାଡ଼ ।



ବିବା ଉତ୍ତର୍‌ମୁଡ଼୍

୧ ଏ ଟଣ୍ଡାର୍ ଆରି ତଣ୍ଡେକ୍, ମାନାୟ୍ ଏଚେକ୍ ଦିନ୍ ପାତେକ୍ ଜିବୁନ୍ ମାନାନ୍, ହେ ପାତେକ୍ ବିଦି ଜେ ତା ଜପି ରାଜ୍ କିନାଡ଼, ଇଦାଂ ଏପେଙ୍ଗ୍ ଇନାକା ପୁନୁଦେର୍ ? ଆନ୍‌ତ ବିଦି ପୁନି ମାନାୟାରିଂ ଇନାଙ୍ଗା । ୨ ଆଣ୍ଡେନ୍ ଏଚେକ୍ ଦିନ୍ ପାତେକ୍ ଜିବୁନ୍ ମାନାନ୍, ହେ ପାତେକ୍ କଗଲେ ଆଣ୍ଡେନ୍ ଲାହାଙ୍ଗ୍ ବିଦି ହୁକେ ଗାଟାୟାତାଡ଼ନା, ମାତର୍ ଆଣ୍ଡେନ୍ ହାତିସ୍ କଗଲେ ଆଣ୍ଡେନ୍ ବିଦିତାଂ ମୁକ୍ତା ଆନାଡ଼ । ୩ ଲାଗିଂ, ଆଣ୍ଡେନ୍ ଜିଜି ମାନୁ ମାନୁ କଗଲେ ଜପି ବିନ୍ ମାନାୟ୍ ଲାହାଙ୍ଗ୍ ମେହା ଆନାଡ଼, ତା ଆତିସ୍ ତାଙ୍ଗେଙ୍ଗ୍ ଦାରିୟାଣି ଇଞ୍ଜି ଇନ୍ୟାନାଡ଼; ମାତର୍ ଜପି ଆଣ୍ଡେନ୍ ହାତିସ୍, ତେବେ କଗଲେ ବିଦିତାଂ ମୁକ୍ତା ଆନାଡ଼, ଆରେ ଜପି ବିନ୍ ମାନାୟ୍ ଲାହାଙ୍ଗ୍ ମେହାନାଡ଼, ତା ଆତିସ୍ ହେଦେଲ୍ ଦାରିୟାଣି ଆଡ଼ । ୪ ଲାଗିଂ ଏ ନା ଟଣ୍ଡାର୍ ଆରି ତଣ୍ଡେକ୍, କ୍ରିସ୍ଟି ଗାଗାଡ଼୍ ହୁକେ ଏପେଙ୍ଗ୍ ପା ବିଦି କାଜିଂ ହାତାଦେଣ୍ଟା, ଇନେସ୍ ଏପେଙ୍ଗ୍ ବିନ୍‌ନିକାନ୍ ଲାହାଙ୍ଗ୍ ମେହାନାଦେର୍, ଇତିସ୍ ଆପ୍ ଇସ୍ପର୍ କାଜିଂ ପାଡ଼୍ ଉବ୍‌ଜାୟ୍ କିନି କାଜିଂ ଜେ ହାକିତାଂ ନିଙ୍ଗ୍‌ତାର୍‌ନା, ହେଞ୍ଜାନ୍‌ତି ଲାହାଙ୍ଗ୍ ମେହା ଆତ । ୫ ଇନେକିଦେଂକି ଏଚେକାଡ଼୍‌ପ୍ ଆପ୍ ଗାଗାଡ଼୍ ତାରେନ୍ ମାଟାସ୍, ହେପାଦ୍‌ନା ବିଦି ହୁକେ ପାପ୍ ଆହାନିକିଂ ମା କେଇଗାଲ୍ ବିଡ୍ରେ ହାକି କାଜିଂ ପାଡ଼୍ ଉବ୍‌ଜାୟ୍ କିଦେଙ୍ଗ୍ କାମାୟ୍ କିଜି ମାଟାପ୍, ୬ ମାତର୍ ଇମଣାକା ହୁକେ ଆପ୍ ଗାଟାଜି ମାଟାପ୍, ହେଦାଂ କାଜିଂ ହାଜି ଆପ୍ ନଙ୍ଗ୍ ବିଦିତାଂ ମୁକ୍ତା ଆତାପ୍‌ନା; ଲାଗିଂ ଆପ୍ ଲେକିକିତି ପୁନି ବାବ୍ରେ ଆଡ଼ିଏନ୍ କାମାୟ୍ କିଞ୍ଜାଦାଂ ଜିବୁନିଂ ପୁନି ବାବ୍ରେ ଆଡ଼ିଏନ୍ କାମାୟ୍ କିନାପା ।

ବିଦି ଆରି ପାପ୍

୭ ବାଟିଙ୍ଗ୍ ଆପ୍ ଇନାକା ଇନାସ୍ ? ବିଦି ଇନାକା ପାପ୍ ? ହେଦାଂ ଇନାଞ୍ଜାଡ଼ାଂ ପା ଆମେଡ଼ । ଇତିସ୍ ପାପ୍ ଇନାକା, ହେଦାଂ ବିଦି ପିସ୍ତ୍ର ଆନ୍ ପୁନ୍‌ଞ୍ଜାତାଂମା; ଇନେକିଦେଂକି ଲତ୍ରା ଆମାଟ୍, ବିଦି ଇଦାଂ ଇନ୍‌ଞ୍ଜାଦାଂ ମାଟିସ୍, ଲତ୍ରା ଇନାକା, ହେଦାଂ ଆନ୍ ପୁନ୍‌ଞ୍ଜାତାଂମା । ୮ ମାତର୍ ପାପ୍ ଉପାୟ୍ ପାୟାଜି ବଲ୍ ହୁକେ ନା ତାକେ ସବୁ ବାନି ଲବ୍ ଉବ୍‌ଜାତାଡ଼; ଇନେକିଦେଂକି ବିଦି ପିସ୍ତ୍ର ପାପ୍ ହାକି । ୯ ଆରେ, ଆନ୍ ର ସମୁତ ବିଦି ପିସ୍ତ୍ର ଜିବୁନ୍ ମାଟାଂ, ମାତର୍ ବଲ୍ ଖାତିଲେ ପାପ୍ ଜିତାଡ଼, ଆରେ ଆନ୍ ହାତାଙ୍ଗ୍; ୧୦ ହେବେ ଜିବୁନ୍‌ନି ଇମଣି ବଲ୍, ହେଦାଂ ନା ପାକ୍ୟାତ ଜିବୁନ୍‌ନି ହାକି ଇଞ୍ଜି ଜାଣାତାଡ଼ । ୧୧ ଇନେକିଦେଂକି ପାପ୍ ଉପାୟ୍ ହୁଡ଼୍‌ଜି ବଲ୍ ହୁକେ ନାଙ୍ଗ୍ ଜାଟାୟ୍ କିଡ଼ତାଡ଼, ଆରେ ହେଦାଂ ହୁକେ ନାଙ୍ଗ୍ ଅସ୍ତାତାଡ଼ ।

୧୨ ଲାଗିଂ, ବିଦି ପୁଇପୁୟା, ଆରେ ତାଦି ବଲ୍ ପୁଇପୁୟା, ସମାନ୍ ଆରି ହାର୍‌ଦାକା । ୧୩ ତା ଆତିସ୍, ଇନାକା ହାର୍‌ଦାକା ହେଦାଂ ଇନାକା ନା ହାକିନି କାରଣ୍ ଆଜି ମାଟାଡ଼ ? ମୁଡ୍ରେ ଆକାୟ୍ । ପାପ୍ ନେ ହେଦାଂ କିତାଡ଼ । ହାଦ୍ ବିଦିତିଂ ବେବାର୍

କିଛି ପାପ ନାଦାଁ ହାକି ଗିରାୟ କିଡ଼ତାଡ଼ । ହେଦାଁ ଲାହାଁ ପାପୁନି ହାଡ଼ପା ଲାଗୁଦାକା ଚଞ୍ଚାନାଡ଼ । ଲାଗିଂ ବଲ୍ ହୁକେ ପାପୁନି ବେସି ବୟଙ୍କାରୁନି ଜାଣାନାଡ଼ ।

ମାନାୟ ମାତ୍ର ଗାତ୍ରା

୧୪ ଲାଗିଂ, ବିଦି ଜେ ଆମ୍ବିକ୍, ଇଦାଁ ଆପ୍ ପୁନାପ୍; ମାତର ଆନ୍ ଗାଗାଡ଼ନି, ପାପୁନି କଡ଼ତି ଆଡ଼ିଏନ୍ ।
୧୫ ଈନେକିଦେଂକି ଆନ୍ ଇନାକା କିନାଙ୍ଗ୍, ହେଦାଁ ପୁନୁଙ୍ଗ୍; ଲାଗିଂ ଆନ୍ ଇନାକା ଇଚା କିନାଙ୍ଗ୍, ହେଦାଁ କିଉଙ୍ଗ୍, ଇଚିସ୍ ଇନାକା ଆନ୍ ଗିଣ୍ କିନାଙ୍ଗ୍ ହେଦାଁ ନେ କିନାଙ୍ଗ୍ । ୧୬ ମାତର ଇନାକା ଆନ୍ ଇଚା କିଉଙ୍ଗ୍, ହେଦାଁ ଜଦି କିନାଙ୍ଗ୍, ବାଟିଙ୍ଗ୍ ବିଦି ଜେ ହାରଦାକା, ହେଦାଁ ଆନ୍ ମାନି କିନାଙ୍ଗ୍ । ୧୭ ଲାଗିଂ ଆନ୍ ଆରେ ହେଦାଁ କିଉଙ୍ଗ୍, ମାତର ନା ତାକେ ବାହାକିତି ପାପ୍ ହେଦାଁ କିନାଙ୍ଗ୍ । ୧୮ ଈନେକିଦେଂକି ନା ତାକେ ଇଚିସ୍, ନା ଗାଗାଡ଼ତ ଜେ ଇମ୍ଫଣି ହାରଦି ବିସ୍ତେ ବାହା କିଞ୍ଚାତାଡ଼ନା, ଇଦାଁ ଆନ୍ ପୁନାଙ୍ଗ୍, ଲାଗିଂ ଆନ୍ ଇଚା କିଦେଙ୍ଗ୍ ଆଡ଼ନାଙ୍ଗ୍, ମାତର ଇନାକା ହାରଦାକା, ହେଦାଁ କିନି କାଜିଂ ନା ସାକ୍ତି ହିଲୁଡ଼ । ୧୯ ଈନେକିଦେଂକି ଇମ୍ଫଣି ହାରଦି କାମାୟ କିଦେଙ୍ଗ୍ ଆନ୍ ଇଚା କିନାଙ୍ଗ୍, ହେଦାଁ କିଉଙ୍ଗ୍, ମାତର ଇମ୍ଫଣି ବାନିୟା କାମାୟ କିଦେଙ୍ଗ୍ ଆନ୍ ଇଚା କିଉଙ୍ଗ୍, ହେଦାଁ କିନାଙ୍ଗ୍ । ୨୦ ମାତର ଇନାକା ଆନ୍ ଇଚା କିଉଙ୍ଗ୍, ହେଦାଁ ଜଦି କିନାଙ୍ଗ୍, ତେବେ ଆନ୍ ନିଜେ ହେଦାଁ ଆରେ କିଉଙ୍ଗ୍, ମାତର ନା ବିତ୍ତେ ବାହାକିତି ପାପ୍ ହେଦାଁ କିନାଡ଼ ।

୨୧ ଲାଗିଂ, ହାରଦି କାମାୟ କିଦେଙ୍ଗ୍ ଇଚା ଜେ ଆନ୍, ନା ଲାଗାଁ ଜେ ବାନିୟା ଏକାଞ୍ଚାନାଡ଼, ଇ ବିଦି ଆନ୍ ହୁଡ଼ନାଙ୍ଗ୍ ।
୨୨ ଈନେକିଦେଂକି ବିତ୍ତେନି ମାନାୟତି ବାବନା ଇସାବେ ଆନ୍ ଇସ୍ତୁଡ଼ି ବିଦିତ ପାଲି କିନାକା ନା ଇଚା, ୨୩ ମାତର ଆନ୍ ନା କେଇ ଗାଲପାତ ର ବିନ୍ ଅବସ୍ତା ହୁଡ଼ନାଙ୍ଗ୍, ହେଦାଁ ନା ମାନି ବିଦି ବିନ୍ ପାକ୍ୟାତ ଜୁଜ୍ କିନାଡ଼, ଆରେ ନା କେଇ ଗାଲପାତ ଇମ୍ଫଣି ପାପୁନି ବିଦି ମାନାଡ଼, ନାଙ୍ଗ୍ ହେବେନି ବୟ କିଦନାଡ଼ । ୨୪ ହାୟ, କାରୁମ୍ ହିଲୁଞ୍ଚି ମାନାୟ ଜେ ଆନ୍, ନାଙ୍ଗ୍ ଇ ହାକିନି ଗାଗାଡ଼ତାଁ ଈନେର୍ ମୁକ୍ତାୟ କିଦନାନ୍ ? ୨୫ ଜୁଞ୍ଚାର ଇସ୍ତୁଡ଼ି, ମା ମାପୁ ଜିସୁ କ୍ରିସ୍ତୁ ହୁକେ ଇଦାଁ ହେଞ୍ଚାନ୍ ପୁରା କିତାନ୍ନା ।

୬୫୫୫, ଇଦାଁ ଆନାତା ନା ଅବସ୍ତା । ଇସ୍ତୁଡ଼ି ବିଦି କେବଲ୍ ଆନ୍ ନା ମାତ୍ର ମାନି କିଦେଙ୍ଗ୍ ଆଡ଼ନାଙ୍ଗ୍ । ମାତର ନା ଗାଗାଡ଼ ଇସାବେ ନାଁ ପାପୁନି ଆଡ଼ିଏନ୍ ଆଦେଂ ଜବର୍ଦସ୍ତ୍ର କିଦନାତା ।



ଆମ୍ବିକ୍ ଜିବୁନ୍

୧ ଲାଗିଂ ଇମ୍ଫଣାକାର କ୍ରିସ୍ତୁ ଜିସୁତି ତାକେ ମାନାର୍, ହେଞ୍ଚାର କାଜିଂ ନଙ୍ଗ୍ ଇମ୍ଫଣି ଦାଣ୍ଡ ହିଲୁଡ଼ । ୨ ଈନେକିଦେଂକି ଜିନି ଜିବୁନ୍ ବିଦି କ୍ରିସ୍ତୁ ଜିସୁତି ମେହାଣ୍ଡତ ମିଙ୍ଗେଙ୍ଗ୍ ପାପ୍ ଆରି ହାଡ଼ିବାରତି ବିଦିତାଁ ମୁକ୍ତାୟ ଆତାପନା । ୩ ମାନାୟତି ବେବାର ନାଦାର କାଜିଂ ମସା ହିଡ଼ତି ବିଦି ଇନାକା ପୁରା କିଦେଙ୍ଗ୍ ଆଡ଼ଞ୍ଚାତାଡ଼, ଇସ୍ତୁଡ଼ ହେଦାଁ କିତାନ୍ନା । ମାନାୟ ଜିବୁନ୍ ପାପୁତିଂ ଦାଣ୍ଡ କିନି କାଜିଂ ହେଞ୍ଚାନ୍ ଜାର ମାଜିଙ୍ଗ୍ ପାପ୍ୟା ମାନାୟ ଲାକେ ପକ୍ତାତାନ୍ ଆରି କ୍ରିସ୍ତୁ ଜିସୁ ପାପୁନି ସାକ୍ତି ବୁତାୟ କିତାନ୍ । ୪ ଈନେସ୍ ଗାଗାଡ଼ ବାବନା ଇସାବେ ଚିନ୍ତା କିଞ୍ଚାଦାଁ ପୁଇପୁୟା ଜିବୁନ୍ ଇସାବେ ଚିନ୍ତା କିଜି ମାନାସ୍ ଜେ ଆସେଙ୍ଗ୍, ମା ତାକେ ବିଦିନି ଦାରୁମ୍ ବିଦି ପୁରା ଆନାଡ଼ ।

୫ ଈନେକିଦେଂକି ଇମ୍ଫଣାକାର ଗାଗାଡ଼ମାନ୍, ହେଞ୍ଚାର ଗାଗାଡ଼ ବିସ୍ତେ ମାନ୍ଦ୍ୟାନ୍ କିତାର୍, ମାତର ଇମ୍ଫଣାକାର ଆମ୍ବିକ୍ତ ମାନ୍, ହେଞ୍ଚାର ପୁଇପୁୟା ଜିବୁନ୍ ବିସ୍ତେ ବାବି କିତାର୍ । ୬ ଈନେକିଦେଂକି ଗାଗାଡ଼ନି ମାନ୍ ହାତାକା, ମାତର ଆମ୍ବାନି ବାବନା ଜିବୁନ୍ ଆରି ସୁସ୍ତାନିକା; ୭ ଲାଗିଂ ଗାଗାଡ଼ନି ମାନ୍ ଇସ୍ତୁଡ଼ି ବିରୁଦ୍ତ ସାତୁ; ଈନେକିଦେଂକି ହେଦାଁ ଇସ୍ତୁଡ଼ି ବିଦିନି ତଲ୍ୟା ଆକାୟ, ତଲ୍ୟା ଆନାକା ଆଡୁନ୍; ୮ ଇମ୍ଫଣାକାର ଗାଗାଡ଼ନି ତାରେନ୍ ମାନାର୍, ହେଞ୍ଚାର ଇସ୍ତୁଡ଼ି ସାରି ଆଦେଂ ଆଡୁର୍ ।

୯ ମାତର ଇସ୍ତୁଡ଼ି ପୁଇପୁୟା ଜିବୁନ୍ ଜଦି ମି ତାକେ ବାହା କିନାଡ଼, ତା ଆଡ଼ିସ୍ ଏପେଙ୍ଗ୍ ଗାଗାଡ଼ ତାରେନ୍ ଆକାୟ, ମତର ଜିବୁନ୍ ତାରେନ୍ ମାନାଦେର୍ । ଜଦି ଈନେର୍ କ୍ରିସ୍ତୁ ଜିବୁନ୍ ପାୟାଜି ମାନ୍ଗୁନ୍, ତେବେ ହେଞ୍ଚାନ୍ ହେଞ୍ଚାନ୍ ଆକାୟ । ୧୦ ମାତର ଜଦି କ୍ରିସ୍ତୁ ମି ତାକେ ବାହା କିଜି ମାନ୍ଗାନାନ୍, ମି ଗାଗାଡ଼ ପାପ୍ତ ବୁତା ଆଦେଂ ହାଲୁଜି ମାଟିସ୍ ପା, ପୁଇପୁୟା ଜିବୁନ୍ ମିଙ୍ଗେଙ୍ଗ୍ ଜିବୁନ୍ ହିଦନାନ୍, ଈନେକିଦେଂକି ଇସ୍ତୁଡ଼ି କାଣ୍ଡକୃତ ଏପେଙ୍ଗ୍ ଦାମ୍ ଗାଣା କିଆତାଦେଣ୍ଡା । ୧୧ ଆରେ ଈନେର୍ ହାତାକାର ବିତ୍ତେତାଁ ଜିସୁଙ୍ଗ୍ ନିକ୍ତାନ୍, ହେଞ୍ଚାନ୍ ଜିବୁନ୍ ଜଦି ମି ତାକେ ବାହା କିନାଡ଼, ତେବେ ଜେ ହାତାକାର ବିତ୍ତେତାଁ କ୍ରିସ୍ତୁ ନିକ୍ତାର୍, ହେଞ୍ଚାନ୍ ମି ତାକେ ବାହା କିଜିମାନି ଜାର ଜିବୁନ୍ ହୁକେ ମି ହାଡ଼ି ଗାଗାଡ଼ତି ପା ଜିବୁନ୍ କିଦନାନ୍ ।

୧୨ ଲାଗିଂ, ଏ ଟଣ୍ଡାର୍ ଆରି ତଣ୍ଡାଦେକ୍, ଆସେଙ୍ଗ୍ ରିଣ ମା କାମାୟ ଆତାଡ଼ ମାନାୟ ଲାକେ ଜିବୁନ୍ ଜିଉଣା କିଉସ୍, ଈନେକିଦେଂକି ହେଦାଁ କିତିସ୍ ହାନାଦେର୍; ୧୩ ମାତର ଜଦି ପୁଇପୁୟା ଜିବୁନ୍ ଉପକାରତାଁ ଜାର ପାପ୍ ଗାଗାଡ଼ତି ବୁତାୟ କିଜି ଆରେ ପାପ୍ କାମାୟ କିଞ୍ଚିତିସ୍, ତେବେ ଏପେଙ୍ଗ୍ ଜିନାଦେର୍ । ୧୪ ଲାଗିଂ ଏଚେକ୍ ମାନାୟ ଇସ୍ତୁଡ଼ି ଜିବୁନ୍ ହୁକେ ଚାଲାନାର୍, ହେଞ୍ଚାର ଇସ୍ତୁଡ଼ି ମାଜିର୍ ।

☆ ୭:୧୫ ୭:୧୫ ଗାଲତିୟ ୫:୧୭. ☆ ୮:୧୧ ୮:୧୧ ୧ କରନ୍ତିୟ ୩:୧୭.

୧୫ ✠✠ଇନେକିଦେଂକି ଇସ୍‌ରାଏଲ୍ ହିତ୍‌ତି ହେ ଜିବୁନ୍ ମିଙ୍ଗେଙ୍ଗ ଆଡ଼ିଏନ୍‌ତାଂ ମୁକ୍‌ଡାୟ୍ କିଡ଼ତାନନା, ଏପ୍ ଆରେ ପାଣ୍ଡାନାକା ଲଡ଼ା ଆକାୟ୍ । ନଲେ ପୁଇପୁୟା ଜିବୁନ୍ ମିଙ୍ଗେଙ୍ଗ ଇସ୍‌ରାଏଲ୍ ହିମ୍‌ଗାଙ୍ଗ୍ ଆଦେଂ ପାବ୍ ହିଡ଼ତାନା । ହେଝାନ୍ତି ସାଲ୍ଟି ପୁଞ୍ଜେଙ୍ଗ୍ ଆଡ଼୍‌ଜି ଆସେଙ୍ଗ୍ ନଂ ଇସ୍‌ରାଏଲ୍ “ଆବା” ଇଞ୍ଜି ଇନାସା । ୧୬ ଆପ୍ ଇସ୍‌ରାଏଲ୍ ମାଜିର୍ ଇଞ୍ଜି ହେ ଜିବୁନ୍ ନିଜେ ମା ଜିବୁନ୍ ଲାହାଙ୍ଗ୍ ସାକି ହିନାନ୍, ୧୭ ଆରେ ଜଦି ମାଜି, ବାଟିଙ୍ଗ୍ ଆଦିକାର୍ ପାୟାତାକାନ୍, ଇତିସ୍ ଜଦି କ୍ରିସ୍‌ତି ଲାହାଙ୍ଗ୍ ଜାଜ୍‌ମାଲ୍ ପା ଆନି କାଜିଂ ଆପ୍ ହେଝାନ୍ ଲାହାଙ୍ଗ୍ ଦୁକ୍‌ବଗ୍ କିନାପ୍, ବାଟିଙ୍ଗ୍ ଇସ୍‌ରାଏଲ୍ ଆଦିକାର୍ ପାୟାତାକାନ୍ ଆରି କ୍ରିସ୍‌ତି ଆଦିକାର୍ ପାୟାତାକାନ୍ ଆନାପ୍ ।

ଝାନିଦିନ୍ତୁ ଜାଜ୍‌ମାଲ୍

୧୮ ଇମ୍‌ଣି ଜାଜ୍‌ମାଲ୍ ମା କାଜିଂ ହନାଡ଼, ହେଦାଂ ତୁଲ୍‌ୟ୍ କିଜି ଇ ନଙ୍ଗିନି କାଡ଼ଦ ଦୁକ୍‌ବଗ୍ ଇନାକାପା ଆକାୟ୍ । ୧୯ ଲାଗିଂ ଉବ୍‌ଜାଣି ଝାରି ଲାହାଂ ଇସ୍‌ରାଏଲ୍ ହିମ୍‌ଗାଙ୍ଗ୍ ହପ୍‌ନି କାଜିଂ କାନାଙ୍ଗା । ୨୦ ଇନେକିଦେଂକି ଉବ୍‌ଜାଣ୍ ପଲ୍ୟା ତଲ୍ୟା ଆତାଡ଼, ତା ନିଜ୍ ଇଚାତାଂ ଆକାୟ୍, ମାତର୍ ଇନେର୍ ହେଦେଲିଂ ତଲ୍ୟା କିତାନ୍, ହେଝାନ୍ ଆହାତାଂ; ୨୧ ଆରେ ହେଦାଂ ବାସ୍ ମେହା ଆଜି ତଲ୍ୟା ଆତାଡ଼, ଲାଗିଂ ଉବ୍‌ଜାଣ୍ ନିଜେ ପା ଇସ୍‌ରାଏଲ୍ ହିମ୍‌ଗାଙ୍ଗ୍ ଜାଜ୍‌ମାଲ୍ ପାୟାତି ଅବସ୍ତା ବିସ୍ତେ ନିଜ୍ ଇଚା ପାୟାତି କାଜିଂ ବୁଡାତି ଆଡ଼ିଏନ୍‌ତାଂ ମୁକ୍‌ଡା ଆନାନ୍ । ୨୨ ଇନେକିଦେଂକି ଝିଜୁ ଉବ୍‌ଜାଣ୍ ଜେ ନେଞ୍ଜେଙ୍ଗ୍ ପାତେକ୍ ରଚେ ଆଡ଼ବାନାତା ଆରି ଜଲ୍‌ମ୍ କିନିନନାକାତ ବିଲ୍‌କି ଆନାତା, ଇଦାଂ ଆପ୍ ପୁନାପ୍ । ୨୩ ✠ଆରେ, କେବଲ୍ ହେଦାଂ ଆକାୟ୍, ମାତର୍ ଆସେଙ୍ଗ୍ ଇସ୍‌ରାଏଲ୍ ପର୍ଡୁମ୍ ପାଡ଼ ଲାକେ ଜିବୁନ୍‌ତିଂ ପାୟାତାପ୍‌ନା ଜେ ଆପେଂ, ଆପ୍ ନିଜେ ନିଜେ ପା ମାଜି, ଇତିସ୍ ଜାର୍ ଜାର୍ ଗାଗାଡ଼ି ମୁକ୍‌ଡାକା କାଜିଂ କାସି ମାନ୍ ମାନ୍ ଜାର୍ ଜାର୍ ଝାସ୍‌ତି ଆଡ଼ବାନାସା । ୨୪ ଇନେକିଦେଂକି ବାସ୍ ତ ଆସେଙ୍ଗ୍ ମୁକ୍‌ତି ଆତାସ୍‌ନା; ମାତର୍ ହୁଡ଼୍‌ତି ଇମ୍‌ଣି ଆହା, ହେଦାଂ ଆହା ଆକାୟ୍, ଲାଗିଂ ଇନାକା ରଝାନ୍ ହୁଡ଼ନାନ୍, ହେଦାଂ କାଜିଂ ହେଝାନ୍ ଇନେକିଦେଂ ଆରେ ଆହା କିନାନ୍ ? ୨୫ ମାତର୍ ଇନାକା ହୁଡ଼ସ୍, ଜଦି ହେଦାଂ କାଜିଂ ବାସ୍ କିନାସ୍, ତା ଆତିସ୍ ସାସ୍‌ତାଂ କାସି ମାନାସ୍ ।

୨୬ ଆସେଙ୍ଗ୍ ନାଦାର୍, ମାତର୍ ପୁଇପୁୟା ଜିବୁନ୍ ମାଂ ଉପ୍‌କାର୍ କିଦ୍‌ନାନ୍ । ଇନେସ୍ ପାର୍ତାନା କିଦେଙ୍ଗ୍ ଆନାଡ଼, ହେଦାଂ ଆସେଙ୍ଗ୍ ପୁନୁସ୍ । ଲାଗିଂ ପୁଇପୁୟା ଜିବୁନ୍ ଇନ୍‌ଝି ବେରଣ୍‌ତ ମା କାଜିଂ ଇସ୍‌ରାଏଲ୍ ଗଝାରି କିନାନ୍ । ୨୭ ଆରେ, ଇନେର୍ ମା ଝାସ୍‌ତି ଦାହ୍‌ନାନ୍, ହେଝାନ୍ ମାନ୍‌ନି ବାବ୍‌ନା ଇନାକା, ହେଦାଂ ପୁନାନ୍, ଇନେକିଦେଂକି ହେଝାନ୍ ପୁଇପୁୟା ଇସ୍‌ରାଏଲ୍ ଇଚା ଇସାବେ ସାଦୁର୍ କାଜିଂ ଗଝାରି କିନାନ୍ । ୨୮ ଇମ୍‌ଣାକାର୍ ଇସ୍‌ରାଏଲ୍ ଜିଉନନାର୍, ଇମ୍‌ଣାକାର୍ ହେଝାନ୍ତି ଇଚା ଇସାବେ କୁକ୍ୟାତାଣ୍ଟା, ଇସ୍‌ରାଏଲ୍ ଜେ ଝିଜୁ ବିସ୍ତେ ହେଝାନ୍ତି ହାର୍ କିନାନ୍, ଇଦାଂ ଆପ୍ ପୁନାପ୍ । ୨୯ ଇନେରିଂ ଇସ୍‌ରାଏଲ୍ ବାଟି କିତାନ୍, ହେଝାରିଂ ହେଝାନ୍ତି ମାଜିଡ଼ି ଲାକେ ଆଦେଂ କାଜିଂ ଆଗେତାଂ ବାଟି କିତାନ୍ । ତାଆତିସ୍, ଇସ୍‌ରାଏଲ୍ ମାଜି ହେଝାନ୍ତି ଗାଜା ଟଣ୍ଡେନ୍ ଆନାନ୍ । ୩୦ ଇମ୍‌ଣାକାର୍ ଏଲେଙ୍ଗ୍ ବାଟି କିୟା ଆଜି କୁକ୍ୟାତାଣ୍ଟା, ହେଝାନ୍ ଇସ୍‌ରାଏଲ୍ କାଣ୍‌କୁତ ଦାମ୍ ଇନ୍‌ପାଜି ଜାଜ୍‌ମାଲ୍ ଆତାଣ୍ଟା ।

ଜିସୁ କ୍ରିସ୍‌ଟାକେ ଇସ୍‌ରାଏଲ୍ ଜିଉନନାକା

୩୧ ବାଟିଙ୍ଗ୍ ଇ ଝିଜୁ କାଣ୍‌କୁତ ଆପ୍ ଇନାକା ଇନାସ୍ ? ଜଦି ଇସ୍‌ରାଏଲ୍ ମା ପାକ୍ୟା, ବାଟିଙ୍ଗ୍ ମା ବିନ୍ ପାକ୍ୟା ଇନେର୍ ? ୩୨ ଇନେର୍ ଜାର୍ ମାଜିଙ୍ଗ୍ ପା କେମା କିଝାତାନ୍, ମତର୍ ମା ଝିଜାର୍ କାଜିଂ ହେଝାନ୍ ହେଲ୍‌ୟ୍ କିତାର୍, ହେଝାନ୍ ଇନେସ୍ ହେଝାନ୍ ଲାହାଙ୍ଗ୍ ପା ଝିଜୁ ବିସ୍ତେ ମାଙ୍ଗେଙ୍ଗ୍ ଉପ୍‌କାର୍‌ତ ଦାନ୍ କିଉନ୍ ? ୩୩ ଇସ୍‌ରାଏଲ୍ ବାଟିକିତି ମାନାୟାରିତି ବିରୁଡ଼ତ ଇନେର୍ ଦାବା କିତାର୍ ? ହେଝାରିଂ ଦସିଆକାୟ୍ ଇଞ୍ଜି ନିଜେ ଇସ୍‌ରାଏଲ୍ ପୁଟାୟ୍ କିତାନ୍ । ୩୪ ଇନେର୍ ଦାଣ୍ଟ ବଲ୍ ହିଦ୍‌ନାନ୍ ? କ୍ରିସ୍‌ଟି ଜିସୁତ ହାତାନ୍, ଇତିସ୍ ହେଝାନ୍ ନିଙ୍ଗ୍‌ତାନ୍, ହେଝାନ୍ ଇସ୍‌ରାଏଲ୍ ତିନିବାଗାଂ ମାନାନ୍, ହେଝାନ୍ ପା ମା କାଜିଂ ମାଜାୟ୍‌ନିକା ପାର୍ତାନା କିନାନ୍ । ୩୫ କ୍ରିସ୍‌ଟି ଜିଉନନିତାଂ ଇନେର୍ ମାଙ୍ଗେଙ୍ଗ୍ ଆଲ୍‌ଗା କିଦ୍‌ନାର୍ ? କି ଦୁକ୍, କି କସ୍, କି ଇଣ୍, କି କାତାର୍, କି ନାଗ୍‌ଡ଼ା, କି ବିପଦ୍, କି କାଣ୍ଟା ? ୩୬ ଇନେସ୍ ସାସ୍‌ରତ ଲେକାତାଡ଼ନା,

“ମି କାଜିଂ ଆପେଂ ସବୁ ଦିନ୍ ହାନାପା; ଆସେଙ୍ଗ୍ ଅହ୍‌ୟାତି ମେଣ୍ଟା ଲାକେ ଗାଣା କିୟାତାପ୍‌ନା ।”

୩୭ ଆତିସ୍‌ପା ଇନେର୍ ମାଙ୍ଗେଙ୍ଗ୍ ଜିଉନଡ଼ତାନ୍, ହେଝାନ୍ତି ହୁକେ ଆପ୍ ଇ ଝିଜୁ ବିସ୍ତେ ସବୁତାକେ ଜିତା ଆତାପ୍‌ନା । ୩୮ ଆନ୍ ହାଡ଼ପା ପୁନାଙ୍ଗ୍ ଜେ ହେଝାନ୍ ଜିଉନନିତାଂ ଆସେଙ୍ଗ୍ ଇନାଝାଡ଼ାଂ ବିନେ ଆଉସ୍ । ହାକି କି ଜିବୁନ୍, ସରଗ୍ ଦୁଡ଼ କି ଆକାସ୍‌ନି ଇମ୍‌ଣାକା ପା ଆଦିକାରି କି ସାଲ୍ଟି, ନଂ କି ଝାନିଦିନ୍ତୁ, ୩୯ ଜପିନି ବିସ୍ତେ କି ବୁଇନି ବିସ୍ତେ କି ବିନ୍ ଇମ୍‌ଣି ଉବ୍‌ଜାତି ଜିନିସ୍ ମା ମାପୁ କ୍ରିସ୍‌ଟି ଜିସୁତି ହୁକେ ହତି ଇସ୍‌ରାଏଲ୍ ଜିଉନନିତାଂ ଜେ ମାଙ୍ଗେଙ୍ଗ୍ ବିନେ କିଦେଙ୍ଗ୍ ଆଡ଼ୁଡ଼ ।



ଇସ୍‌ରାଏଲ୍ ଆରି ହେଝାନ୍ତି ମାନାୟାର୍

✠ ୮:୧୫ ୮:୧୫ ଗାଲାତିୟ ୪:୫-୭. ✠ ୮:୧୫ ୮:୧୫ ମାର୍କ ୧୪:୩୭; ଗାଲାତିୟ ୪:୭. ✠ ୮:୨୩ ୮:୨୩ ୨କରନ୍ତ୍ରୟ ୫:୨-୪.

^୧ ଇଦାଂ ଆନ୍ କ୍ରିସ୍ତୁତି ମୁମ୍ଦ ହାତ୍ତପା ଇଞ୍ଜିନାଙ୍ଗା, ମିର୍ ଇନୁଙ୍ଗା, ନା ଚିନ୍ତା ପୁଇପୁୟା ଜିବୁନ୍ତି ସାକ୍ରିତାଂ ନା ଲାହାଙ୍ଗ୍ ସାକି ହିଦ୍ନାନା, ^୨ ଆନ୍ ଜେ ଏଚେକ୍ ବିପ୍ରି ଆରି ବେସି ଦୁକ୍ତ ନା ଖାସ୍ତି ଏଚେକ୍ ଖାସ୍ତାଦ୍ନା, ଇ କାତା ଆନ୍ ପଲ୍ୟା ଇନୁଙ୍ଗା । ^୩ ଇନେକିଦେଂକି ଇମଣାକାର୍ ଗାଗାଡ୍ ବାବ୍ରେ ନା ଜିହୁଦିର୍ ଚଣ୍ଡାର୍, ତଣ୍ଡେକ୍ କାଜିଂ ଆନ୍ ନିଜେ କ୍ରିସ୍ତୁତାଂ ବିନେ ଆଜି ଇସ୍ପୁର୍ତି ହୁକେ ସାଇପ୍ କାଜିଂ ଇଚା । ^୪ ଇସ୍ପୁର୍ ହେଝାରିଂ ଜାର୍ତିଂ ଇସ୍ତାଏଲିୟ୍ ମାଜି ଲାକେ ଇଡ୍ଜି ହେଝାର୍ ଲାଗାଂ ଜାର୍ତି ଜାଜ୍ମାଲ୍ ନିୟମ୍ ହପ୍ତି ମାଚାର୍; ହେଝାର୍ ଲାହାଂ ଲାଗାଜି ହେଝାରିଂ ବିଦି ହିଜି ମାଚାଙ୍ଗ୍, ହେଝାର୍ ହାତ୍ତପା ପାର୍ତାନା କିନାର୍; ହେଝାର୍ ଇସ୍ପୁର୍ତାଂ ଜାଣା ପାୟାତାର୍ଣ୍ଣା । ^୫ ଆକର୍ ଦାଦିର୍ ହେଝାର୍ତି, ଆରେ ଗାଗାଡ୍ ବାବ୍ରେ ହେଝାର୍ ବିତ୍ରେତାଂ କ୍ରିସ୍ତୁ ହତ୍ତଦାନା; ହେ ଦୟାନି ଇସ୍ପୁର୍ ଜୁଗ୍ ଜୁଗ୍ ଦନ୍ୟ, ଆମେନ୍ ।

^୬ ଇସ୍ପୁର୍ତାଂ ରାଣ୍ ଆଖାତାଦ୍ନା ଇଞ୍ଜି ଆନ୍ ଇନୁଙ୍ଗା, ଇନେକିଦେଂକି ଇସ୍ତାଏଲ୍ ଝିଜାର୍ ଇସ୍ପୁର୍ତି ଲକୁ ଆକାୟ୍, ^୭ ନଲେ ଅବ୍ରାହାମ୍ ଲାତ୍ରା ଇଞ୍ଜି ଜେ ଝିଜାର୍ ମାଜିର୍, ହେଦାଂ ଆକାୟ୍; ମାତର୍ “ଇସ୍ତହାକ୍ ତାକେ ମି ଲାତ୍ରା ତାକ୍ପୁଟା ଆନାଡ୍ ।” ^୮ ଇବେନି ଅରଡ୍ ଇଦାଂ, ଗାଗାଡ୍ ବାବ୍ରେ ଇମ୍ମଣି ମାଜିର୍ ହେଝାର୍ ଜେ ଇସ୍ପୁର୍ତାଂ ମାଜିର୍, ହେଦାଂ ଆକାୟ୍ ମାତର୍ ପାର୍ମାଣ୍ କିତି ମାଜିର୍ ଲାତ୍ରା ଲାକେ ଗାଣାକିୟାନାର୍ । ^୯ ଇନେକିଦେଂକି ଇଦାଂ ତ ପାର୍ମାଣ୍ କିତି ବଚନ୍, ଇ ଦିନ୍ତ ଆପେଂ ଖାନାକା, ଆରେ ସାରା ର ମାଜି ଗାଟା ଆଜି ମାନଗାନାଡ୍ । ^{୧୦} ଆରେ କେବଲ୍ ହେଦାଂ ଆକାୟ୍, ମାତର୍ ରିବିକା ପା ରଖାନ୍ ମାନାୟ୍ ହୁଦାଂ, ଇଚିସ୍ ମା ଆକର୍ ଇସ୍ତହାକ୍ ହୁଦାଂ ମାଜେଙ୍ଗ୍ ଆସ୍ତି ପାଚେ, ^{୧୧} ଏଚେକାଡ୍ ହିମ୍ମଣାଂ ଜଲମ୍ ଆଖାଦାଂ ମାଚାର୍, ଆରେ ହାର୍ ନଲେ ବାନ୍ୟା କିଝାଦାଂ ମାଚାର୍, ହେପାଦ୍ନା କାମାୟ୍ କାଜିଂ ଆକାୟ୍, ମତର୍ କୁକ୍ୟାତାର୍ତି ଇଚା କାଜିଂ ବାଚି କିତି ଇସାବେ ଇସ୍ପୁର୍ତାଂ ଇଚା ଇନେସ୍ ତିର୍ ମାନଗାନାଡ୍, ^{୧୨} ଇଦାଂ କାଜିଂ ଇ କାତା ତାଙ୍ଗ୍ ଇନ୍ୟା ଆଜି ମାଚାଡ୍, “ଗାଜାକାନ୍ ହାରୁକାନ୍ତି ଆଡ଼୍ିଏନ୍ ଆନାନ୍; ^{୧୩} ଇନେସ୍ ଲେକାମାନାଡ୍, ଜାକୁର୍ ଆପ୍ ଜିଉନତାପ୍, ମାତର୍ ଏସୌତିଙ୍ଗ୍ ଗିଣ୍ କିତାପ୍ ।”

^{୧୪} ବାଚିଙ୍ଗ୍ ଆସେଙ୍ଗ୍ ଇନାକା ଇନାସ୍ ? “ଇସ୍ପୁର୍ ତାକେ କି ଇନାକା ଅନ୍ୟାୟ୍ ମାନାଡ୍ ? ହେଦାଂ ଇନାଖାଡାଙ୍ଗ୍ ପା ଆମେଡ୍ ।” ^{୧୫} ଇନେକିଦେଂକି ହେଝାନ୍ ମସାଙ୍ଗ୍ ଇନାନା, “ଇନାକା ଜପି ମା ଦୟା ମାନାଡ୍, ହେଦେଲିଂ ଆସେଙ୍ଗ୍ ଦୟା କିନାସ୍, ଆରେ ଇନାକା ଜପି ମା କାର୍ମା ମାନାଡ୍, ହେଝାନିଂ ଆସେଙ୍ଗ୍ କାର୍ମା ଆନାପ୍ ।” ^{୧୬} ଲାଗିଂ, ଇନେର୍ ମାନ୍ କିନାନ୍, କି ଇନେର୍ ସେସ୍ଟା କିନାନ୍, ହେଦାଂ ତାଂ ଇଦାଂ ଆଉଡ୍, ମତର୍ ଦୟାଲୁ ଇସ୍ପୁର୍ତାଂ ଆନାଡ୍ । ^{୧୭} ଲାଗିଂ ସାସ୍ପୁର୍ ପାରଙ୍ଗ୍ତିଂ ଇନାଡ୍, ଆପ୍ ଇନେସ୍ ମି ତାକେ ମା ସାକ୍ରି ଚର୍ନାସ୍, “ଆରେ ଇନେସ୍ ଝିଜୁ ପୁର୍ତାଂ ତ ମା ତର୍ ଚଞ୍ଜିୟା ଆନାଡ୍, ଇ ଇଦାଂ କାଜିଂ ତ ଆପ୍ ମିଙ୍ଗେଙ୍ଗ୍ ନିକ୍ତାତାପ୍ ।” ^{୧୮} ଲାଗିଂ, ହେଝାନ୍ ଇନେରିଂ ମାନ୍ କିନାନ୍, ହେଝାନିଂ ଦୟା କିନାନ୍, ଆରେ ଇନେରିଂ ଇଚା କିନାନ୍, ହେଝାନିଂ ଆର୍ଝା କିନାନ୍ ।

ମାପୁତି ରିସା ଆରି ଦୟା

^{୧୯} ଇବେ ଏପ୍ ନାଙ୍ଗ୍ ଇଞ୍ଜିନାଦେରା, “ତେବେ ହେଝାନ୍ ଆରେ ଦସ୍ ଆସ୍ତାନାର୍ ଇନେକିଦେଂ ? ଇନେକିଦେଂକି ହେଝାନ୍ତି ଇଚା ଇନେର୍ ବିରୁଦ୍ କିଦେଙ୍ଗ୍ ଆଡ୍ନାର୍ ?” ^{୨୦} ମାତର୍ ଏ ମାନାୟ୍, ଏନେଙ୍ଗ୍ ଇନାକାୟ୍ ଜେ ଇସ୍ପୁର୍ତିଂ ବିରୁଦ୍ କିନାଦେର୍ ? ରଚ୍ଚି ଆଡ୍ମାଡ୍ କି ରଚ୍ଚାକାନିଂ ଇନାଦେର୍, ନାଙ୍ଗ୍ ଇଲାକେ ରଚ୍ଚାତାଦେର୍ ଇନାକିଦେଂ ? ^{୨୧} କି ର ଚିକ୍ଲାତାଂ ର ବାହା ସସ୍ କାଜିଂ ଆରି ବିନ୍ନିକା ସସ୍ କିଝି କାଜିଂ ରଚ୍ଚି କାଜିଂ କି ଚିକ୍ଲା ଜପି କୁମ୍ରେନ୍ ଆଦିକାର୍ ଆକାୟ୍ ?

^{୨୨} ମାତର୍ ଇସ୍ପୁର୍ ଜାର୍ ରିସା ଚର୍ଚ୍ଚି କାଜିଂ ଆରି ଜାର୍ ସାକ୍ରି ଜାଣାୟ୍ କିନି କାଜିଂ ଇଚା କିତିସ୍ ପା ଜଦି ନାସ୍ ଜାଲ୍ଦି ଆଜି ମାଚି ରିସାନି ବାହାନିକିଂ କାଜିଂ ଲାମାହୁଦାର୍ ଲାହାଙ୍ଗ୍ ସାସ୍ ଆସ୍ତାତାର୍ଣ୍ଣା, ^{୨୩} ଆରେ, ଜଦି ଜାଜ୍ମାଲ୍ କାଜିଂ ହେଝାନ୍ତି ହୁକେ ଆଗେତାଂ ରଚ୍ଚୟାଜି ମାନାକା ଦୟାନି ଲଗୁ ଜେ ଆସେଙ୍ଗ୍, ମା ଲାଗାଂ ଜାଜ୍ମାଲ୍ ଲାକେ ଦାନ୍ ହପ୍ତି କାଜିଂ ହେଦାଂ କିତାର୍ନା; ତା ଆତିସ୍ ଏପେଙ୍ଗ୍ ଇନାକା ଇନାଦେର୍ ? ^{୨୪} ହେଦାଂ କାଜିଂ ତ ହେଝାନ୍ କେବଲ୍ ଜିହୁଦିର୍ ବିତ୍ରେତାଂ ଆକାୟ୍, ମତର୍ ପାତାଂ କିଝି ଜିହୁଦିର୍ ବିତ୍ରେତାଂ ପା ମାଙ୍ଗେଙ୍ଗ୍ କୁକ୍ତାତାନ୍ନା, ^{୨୫} ଇନେସ୍ ହେଝାନ୍ ହସେୟ୍ତି ପତିତ ପା ଇନାନ୍,

“ଇମ୍ମଣାକାର୍ ମା ଲକ୍ ହିଲ୍ଝାତାର୍,
ହେଝାରିଂ ନିଜ୍ତି ମା ଲକ୍ ବାବ୍ରେ କୁକ୍ନାପ୍ ।”

ଇମ୍ମଣି ଜାତିତିଂ ଆପ୍ ଜିଉନଖାଦାଂ ମାଚାପ୍, ହେଝାନିଂ

ମା ଝାରିନିକାନ୍ ଇଞ୍ଜି ଇନାସ୍; ^{୨୬} “ଆରେ, ଇମ୍ମଣି ବାହାତ ଏପେଙ୍ଗ୍ ମା ଲକ୍ ଆକାୟ୍ ଇଞ୍ଜି ହେଝାରିଂ ଇନ୍ୟାଜି ମାଚାଡ୍, ହେ ବାହାତ ହେଝାର୍ ଜିତି ଇସ୍ପୁର୍ତାଂ ମାଜିର୍ ଇଞ୍ଜି ତାକ୍ପୁଟା ଆନାଡ୍ ।”

^{୨୭} ଆରେ, ଜିସାୟ୍ ଇସ୍ତାଏଲ୍ ବିସ୍ତେ ଗାଜା କାଚ୍ତାଂ ଇନାର୍, “ଇସ୍ତାଏଲିୟାର୍ ମାଜିର୍ ଗିଣ୍ ହାମ୍ପୁର୍ଚ୍ଚି ବାଲି ଲାକେ ଆତିସ୍ ପା କେବଲ୍ ବାକି ମୁକ୍ତି ଆନାକା ପାୟା ଆନାଡ୍ ।” ^{୨୮} “ଲାଗିଂ ମାପୁ ପୁର୍ତାଂ ତ ଜାର୍ ବଚନ୍ତ ବାତାଂ କିନାନ୍, ହେଝାନ୍ ହେଦାଂ ପୁରା ଲାକେ ଅଲପ୍ କିନାନ୍ ।” ^{୨୯} ଆରେ, ଇନେସ୍ ଜିସାୟ୍ ଆଗେ ଇଚାନ୍ନା, “ବୁଡ୍ କୁ ମାପୁ ଜଦି ମା କାଜିଂ ର ବାକି ଇଡ୍ଝାତାନ୍ମା, ବାଚିଙ୍ଗ୍ ଆସେଙ୍ଗ୍ ସଦମ୍ ଲାକେ ଆତାସ୍ମା, ଆରି ଗମରା ସମାନ୍ କିୟା ଆତାସ୍ମା ।”

ଇସ୍ତାଏଲ୍ କାଜିଂ ପାଉଲ୍ତି ପାର୍ତାନା

୩୦ ବାଟିଙ୍ଗ୍, ଆସେଙ୍ଗ୍ ଇନାକା ଇନାସ୍ ? ଇମ୍ବଣି ପାତ୍ କିଞ୍ଚି ଜିହୁଦିର୍ ଦାମ୍ ଆଦେଂ ମାନ୍ କିଞ୍ଚାଦାଂ ମାତାର୍, ହେଞ୍ଜାର୍ ଦାମ୍, ଇ ଲାକେ କି ପାତ୍ ଲାକେ ଦାମ୍, ଲାବ୍ କିତାର୍ନା । ୩୧ ମାତର ଇସ୍ରାଏଲ୍ ଦାମ୍ ମସାତି ବିଦି ପାତେ ହାଲୁ ହାଲୁ ହେ ମସାତି ବିଦି ପାତେକ୍ ଏକାଞ୍ଚାତାନ୍ । ୩୨ ଇନେକିଦେଂ ? ଇନେକିଦେଂକି ହେଞ୍ଜାର୍ ପାତ୍ ହୁକେ ହେଦାଂ ଦାହ୍‌ଞ୍ଚାଦାଂ କାମାୟ୍ ହୁକେ ଦାସ୍ତି ମାତାର୍ । ହେଞ୍ଜାର୍ ହେ ବାଦା ହିଜି ମାନି କାଲ୍‌ଦ ବାଦା ପାୟାଜି ଉଜ୍‌ଡାର୍, ୩୩ ଇନେସ୍ ଲେକାମାନାଡ୍,

“ହୁଡ୍‌ଡାର୍ ଆସେଙ୍ଗ୍ ସିୟନ୍‌ତ
 ର ବାଦା ବାର୍ତି କାଲ୍ ଆରି ବାଦା ବାର୍ତି କାଲ୍ ରଦ୍‌ପ୍ନା,
 ଆରେ ଇନେର୍ ତାତାକେ ପାତ୍ କିନାନ୍,
 ହେଞ୍ଜାନ୍ ଲାଜା ଆଉନ୍ ।”

୧୦

୧ ଏ ଟଣ୍ଡାର୍ ଆରି ତଣ୍ଡାଦେକ୍, ହେଞ୍ଜାର୍ ଇନେସ୍ ମୁକ୍‌ଡାଦେଂ ଆଡ୍‌ନାର୍, ଇଦାଂ ନା ଞ୍ଚାସ୍ତିନି ଆହା ଆରି ହେଞ୍ଜାର୍ କାଜିଂ ଇସ୍ତ ଲାଗେ ନା ପାର୍ତାନା । ୨ ଇନେକିଦେଂକି ଇସ୍ତ ବିସ୍ତେ ଜେ ହେଞ୍ଜାର୍ତି ଇଚା ମାନାଡ୍, ଇଦାଂ ଆନ୍ ହେଞ୍ଜାର୍ ପାକ୍ୟାତ ସାକି ହିନାଙ୍ଗା, ମାତର ହେ ଇଚା ଗିଆନ୍‌ମେହା ଆକାୟ୍ । ୩ ଲାଗିଂ ମାନାୟ୍ତି ଦାମ୍ କିଜି ଇଡ୍‌ଦେଂ କାଜିଂ ଇସ୍ତ ହିଡ୍‌ଡି ଦାମ୍ କାତା ବିସ୍ତେ ପୁନ୍‌ଞ୍ଚାଦାଂ ଆରି ଜାର୍ ଜାର୍ ଦାମ୍ କାତା ରଡ୍‌ଚେଙ୍ଗ୍ ସେସ୍ତୁ କିଜି ହେଞ୍ଜାର୍ ଇସ୍ତ ହିଡ୍‌ଡି ଦାମ୍ କାତା ପୁନ୍‌ଞ୍ଚାତାୟ୍ । ୪ ଇନେକିଦେଂକି ଜାଣ୍‌କେ ପାତ୍ କିନାକାର୍ ପାକ୍ୟାତ ଦାମ୍ ଗାଣାକିୟା ଆନି କାଜିଂ କ୍ରିସ୍ତୁ ବିଦିନି ହାରିହାରା ।

ଓଜାର୍ କାଜିଂ ମୁକ୍‌ଡାନାକା

୫ ଇନେକିଦେଂକି ମସା ଲେକିକିତାନ୍‌ନା, ଇମ୍ବଣି ମାନାୟ୍ ବିଦିନି ଦାମ୍ ପାଲି କିନାନ୍, ହେଞ୍ଜାନ୍ ତା ହୁକେ ଜିନାନ୍ । ୬ ମାତର ପାତ୍ ବାର୍ତି ଦାମ୍ ଏଲେଙ୍ଗ୍ ଇନାଡ୍, “ମାନ୍ତ ମାନ୍ତ ଇନ୍‌ମାଡ୍ ‘ଇନେର୍ ସାଗେ ଦୁମ୍‌ନାର୍’ ଇଚିସ୍ କ୍ରିସ୍ତୁଙ୍ଗ୍ ଜୁଡ୍‌ଡି ତାନି କାଜିଂ ? ୭ କି ‘ଇନେର୍ ପାତାଲ୍‌ତ ଜୁନାନ୍’ ଇଚିସ୍, କ୍ରିସ୍ତୁଙ୍ଗ୍ ହାତାକାର୍ ବିଡ୍‌ଡେତାଂ ନିକ୍‌ଚି ତାହିଞ୍ଚାନି କାଜିଂ ?” ୮ ଇନେକିଦେଂକି ସାସ୍ତର ଇସାପ୍ରେ, “ଇସ୍ତରତି କାତା ମି ଲାଗେ, ମି ମୁମ୍ ଆରି ମାନ୍ତ ମାନାଡ୍ ।” ପାତ୍ ବିସ୍ତେ ଇ କାବୁର୍ ନେ ଆପ୍ ସୁଣାୟ୍ କିନାପା । ୯ ଲାଗିଂ ଏପେଙ୍ଗ୍ ଜଦି ଞ୍ଚାଇଦାଂ ଜିସୁ ମାପୁ ଇଞ୍ଜି ମାନି କିନାଦେର୍, ଆରେ ଇସ୍ତ ହେଞ୍ଜାନିଂ ହାତାକାର୍ ବିଡ୍‌ଡେତାଂ ନିକ୍‌ତାନ୍‌ନା ଇଞ୍ଜି ଞ୍ଚାସ୍ତିତ ପାତ୍ କିନାଦେର୍, ବାଟିଙ୍ଗ୍ ମୁକ୍ତି ଆନାକା ପାୟାନାନ୍; ୧୦ ଇନେକିଦେଂକି ଦାମ୍ କାତା ପାୟାଜି କାଜିଂ ମାନାୟ୍ ଞ୍ଚାସ୍ତିତ ପାତ୍ କିନାନ୍ ଆରି ମୁକ୍‌ଡାନାକା ପାୟାଜି କାଜିଂ ଞ୍ଚେଇଦାଂ ମାନି କିନାନ୍ । ୧୧ ଲାଗିଂ ସାସ୍ତର ଇନାଡ୍, ଇମ୍ବଣାକାର୍ ହେଞ୍ଜାନ୍ ତାକେ ପାତ୍ କିତାର୍, ହେଞ୍ଜାନ୍ ଲାଜା ଆଉନ୍ । ୧୨ ଇନେକିଦେଂକି ଜିହୁଦି ଆରି ଗିକ୍ ବିଡ୍‌ଡେ ଇନାକାପା ବିନେ ଆକାୟ୍, ଲାଗିଂ ଓଜାର୍‌ତି ତ ର ମାପୁ, ଆରେ ଏଚେକ୍ ଲକ୍ ହେଞ୍ଜାନ୍‌ତି ଲାଗାଂ ପାର୍ତାନା କିତାର୍, ହେଞ୍ଜାନ୍ ଓଜାର୍ କାଜିଂ ହେଞ୍ଜାନ୍ ଉପ୍‌କାର୍‌ନି ଦାନ୍‌ଲାକେ । ୧୩ ଇନେକିଦେଂକି ଇମ୍ବଣାକାର୍ ମାପୁତି ତର୍ ଆସ୍ତି ପାର୍ତାନା କିନାନ୍, ହେଞ୍ଜାନ୍ ମୁକ୍ତି ଆନାନ୍ ।

୧୪ ବାଟିଙ୍ଗ୍ ଇନେରିଂ ହେଞ୍ଜାର୍ ପାତ୍ କିଞ୍ଚାତାୟ୍, ହେଞ୍ଜାନ୍ ଲାଗାଂ ଇନେସ୍ ପାର୍ତାନା କିତାର୍ ? ଆରେ ଇନେର୍ତି କାତା ହେଞ୍ଜାର୍ ଞ୍ଚେନ୍‌ଞ୍ଚାତାୟ୍, ଇନେସ୍ ହେଞ୍ଜାନ୍‌ତାକେ ପାତ୍ କିତାର୍ ? ଆରେ ସୁଣାୟ୍‌କିନାକାର୍ ପିସ୍ତି ହେଞ୍ଜାର୍ ଇନେସ୍ ଞ୍ଚେନାର୍ ? ୧୫ ଆରେ ପକ୍ୟାତାକାନ୍ ଆଓଡିତିସ୍ ଇନେସ୍ ସୁଣାୟ୍ କିନାର୍ ? ଇନେସ୍ ଲେକାମାନାଡ୍, “ଇମ୍ବଣାକାର୍ ନେକ୍ରି ବିସ୍ତେନି ନେକ୍ରିକାବୁର୍ ତାନାର୍, ହେଞ୍ଜାର୍‌ତି ପାନା ଇନେସ୍ ହାର୍‌ମେହାଣ୍ ।” ୧୬ ମାତର ଓଜାର୍ ହେ ନେକ୍ରିକାବୁର୍ ମାନିକିଞ୍ଚାତାୟ୍ । ଇନେକିଦେଂକି ଜିସାୟ୍ ଇନାନ୍, “ଏ ମାପୁ, ମା କାବୁର୍ ଞ୍ଚେନ୍‌ଞ୍ଜି ଇନେର୍ ପାତ୍ କିତାର୍ନା ?” ୧୭ ଲାଗିଂ, ନେକ୍ରିକାବୁର୍ ଞ୍ଚେନି ହୁକେ ପାତ୍ ଉଦ୍‌ଜା ଆନାଡ୍ ଆରି କ୍ରିସ୍ତୁତି ବଚନ୍ ପର୍‌ଚାର୍ କିନାକା ନେ ହେ ନେକ୍ରିକାବୁର୍ ।

୧୮ ମାତର ଆନ୍ ଇନାଙ୍ଗ୍, ହେଞ୍ଜାର୍ କି ଞ୍ଚେନ୍‌ଞ୍ଚାତାୟ୍ ? ଆଁ ହାଡ୍‌ପା ସାସ୍ତରତ ଲେକାମାନାଡ୍;
 “ସବୁ ପୁତ୍ ତ ହେଞ୍ଜାର୍‌ତି କାର୍,
 ଆରେ ପୁତ୍ ନି ହାନ୍ଦି ପାତେକ୍ ହେଞ୍ଜାର୍‌ତି ବଚନ୍ ଓଞ୍ଜି ହାଚାଡ୍‌ନା ।”

୧୯ ମାତର ଆନ୍ ଇନାଙ୍ଗ୍, ଇସ୍ରାଏଲ୍ ଇନାକା ପୁନ୍‌ଞ୍ଚାତାୟ୍ ? ପର୍ତୁମ୍‌ତ ମସା ଇନାନ୍,
 “ଆସେଙ୍ଗ୍ ଗାଣା କିଆଞ୍ଜି
 ଜାତିର୍ ହୁକେ ମି ତାରା ଉଦ୍‌ଜାୟ୍ କିନାପ୍,
 ର ବୁଦିହିଲ୍‌ଞ୍ଜି ଜାତି ହୁକେ ମିଙ୍ଗେଙ୍ଗ୍ ରିସାକିୟ୍ କିନାପ୍ ।”

୨୦ ତାପାଚେ ଜିସାୟ୍ ସାସ୍ତାଂ ଇନାନ୍,
 “ଇମ୍ବଣାକାର୍ ମାଙ୍ଗ୍ ଦାସ୍ତାଞ୍ଚାଦାଂ ମାତାର୍, ହେଞ୍ଜାର୍ ମାଙ୍ଗେଙ୍ଗ୍ ପାୟା ଆତାର୍;
 ଇମ୍ବଣାକାର୍ ମା ବିସ୍ତେ ସୁଣାୟ୍ କିଞ୍ଚାଦାଂ ମାତାର୍, ହେଞ୍ଜାର୍ ଲାଗାଂ ଆସେଙ୍ଗ୍ ଚଞ୍ଜିୟା ଆତାସ୍ ।”

୨୧ ମାତର ହେୱାନ ଇସ୍ରାଏଲ୍ ବିସ୍ତେ ଇନାନା, “ଆସେଙ୍ଗ୍ ବଲ୍ ମାନିକିୱାଦାଂ ଆରି ଓଁଜୁ କୁଚୁମ୍ ମାନାୟାର କାଜିଂ ଖେଡ଼ାରୁତି କେଇ ଲାମାୟ କିନାପା ।”

୧୧

ଇସ୍ରାଏଲ୍‌ନିକାର କାଜିଂ ଇସ୍ପରତି ଦୟା

୧୧*ତେବେ ଆନ୍ ଇନାଙ୍ଗ୍, ଇସ୍ପର କି ଜାର ଲକାରିଂ ପିସ୍ତାନ୍ନା ? ହେଦାଂ ଇନାଖାଡ଼ାଙ୍ଗ୍ ଆମେଡ଼, ଇନେକିଦେଂକି ଆନ୍ ପା ଅବ୍ରାହାମ୍ ଲାଡ଼ା ଉଦ୍‌ଜାଣ୍ ବିନାମିନ୍ କୁଚୁମ୍‌ନି ରଖାନ୍ ଇସ୍ରାଏଲିୟ ଲକ୍ । ୧୨ ଇସ୍ପର ଜାରୁତି ଇମଣି ମାନାୟାରିଂ ଆଗେତାଂ ପୁନୁଞ୍ଜି ମାଚାନ୍, ହେୱାରିଂ ପିହିୱାଦାଂ ମାଚାନ୍ । ଏଲିୟତି ଲେକାତ ସାସ୍ପୁର୍ ଇନାକା ଇନାଡ଼, ହେଦାଂକି ଏପେଙ୍ଗ୍ ପୁନୁଦେର୍ ? ହେୱାନ ଇନେସ୍ ଇସ୍ରାଏଲ୍ ବିରୁଡ଼ତ ଇସ୍ପରତି ତାକେ ଗଞ୍ଜାରି କିନାନ୍, ୧୩ “ମାପୁ, ହେୱାର୍ ମି ବେଣ୍‌ବାକ୍‌ଶାୟକିନାକାରିଂ ଅସ୍ତାଣ୍ଟା, ମି ଗାରଣିଙ୍ଗ୍ କାରତାରନା, ଆରେ ଆନ୍ ରଖାଙ୍ଗ୍ ବାକି ମାନାଙ୍ଗ୍, ଆରେ ହେୱାର୍ ନା ଜିରୁନ୍ ଅଦେଂ ଦାସ୍ତାନାରା ।” ୧୪ ଏଲିୟଙ୍ଗ୍ ଇସ୍ପର ଇନା ଉତର୍ ହିଜି ମାନାନ୍ ? “ବାମ୍‌ଶ୍ଟାୟକିନି ପେନ୍ ବାଆଲ୍ ପୁଡ଼ଡ଼ାତିଂ ପୁଜା କିଜି ମାନ୍‌ଞ୍ଜି ସାଡ଼ ହାଜାର୍ ମାନାୟତିଂ ମା କାଜିଂ ଇଡ଼ତାପ୍‌ନା ।” ୧୫ ନଂ ସମାନ୍ ହେ ଲାକେ ଗିଟାତାଡ଼ନା । ଇସ୍ପର ଉପକାର୍ କିଜି ଇମଣାକାରିଂ ବାଟି କିଜି ମାଚାନ୍, ହେୱାରୁତି ବିତ୍ରେତାଂ ଅଲପ୍ ଏଚେକ୍ ଜାଣ୍ ବାକି ମାନାର୍ । ୧୬ ଇସ୍ପର ହେୱାରିଂ ବାଟି କିତାନ୍‌ନା ଜାର୍ ଉପକାର୍ କାଜିଂ । ଜଦି ହେୱାରୁତି ସଡ଼ କାମାୟ ଲାଗିଂ ଇସ୍ପର ହେୱାରିଂ ବାଟି କିଜି ମାଚିସ୍, ହେୱାରୁତି ଉପକାର୍ ହାଡ଼ପା ଉପକାର୍ ଆଖାତାମ୍ ।

୧୭ ଖାଟିଂ ଇନାକା ଆତାଡ଼ ? ଇସ୍ରାଏଲିୟର୍ ଇନାକା ତେକ୍‌ତି ମାଚାର୍, ହେଦାଂ ଗାଟା ଆଖାତାର୍ । କେବଲ୍ ଇସ୍ପର ବାଟି କିତି ରଞ୍ଜାଙ୍ଗ୍ ହାରୁ କୁଦା ତାଦାଂ ଗାଟା ଆତାନ୍ । ବିନ୍ ଲଗୁ ଇନେର୍ ଇସ୍ପରତି କୁକ୍‌ତାକା କାଜିଂ ଦିଆନ୍ ହିୱାତାର୍ । ୧୮ ଇନେସ୍ ଲେକାମାନାଡ଼, “ଇସ୍ପର ନେଞ୍ଜେଙ୍ଗ୍ ପାତେକ୍ ହେୱାରିଂ ଆର୍‌ଞ୍ଜାନ୍ ଜିରୁନ୍ ହିତାରନା, ଇ ଲାକେ କାଣ୍‌କୁ ହିତାରନା, ଇନେସ୍ ହେୱାର୍ ହୁଡ଼ରୁ, ଆରେ ଇ ଲାକେ କିଡୁଲ୍ ହିତାରନା, ଇନେସ୍ ହେୱାର୍ ଖେନୁର୍ ।” ୧୯ ହେୱାରୁତି ବିସ୍ତେ ଦାଉଦ୍ ଲେକିକିତାନ୍ନା;

“ହେୱାର୍ ଖାରିକିନି ଖେଡ଼ାଲିଂ ଡ଼କ୍ତାତ ଆରେ ।

ରୁଡ଼ା ଆଜି ଡ଼ାଣ୍ଟ ବଗ୍ କିଏର୍ ।”

୧୦ ଇନେସ୍ ହେୱାର୍ କାଶାଙ୍ଗ୍ ଆଜି ହୁଡ଼ଦେଂ ଆଡ଼ମେର୍,

ତାଇନାଡ଼ ଦୁକ୍ କସ୍ ବଗ୍ କିଜି କିଜି ହେୱାରୁତି ମ୍ବେଙ୍ଗାଙ୍ଗ୍ ଗଂଜି ହାଲେଡ଼ ।

୧୧ ଲାଗିଂ ଆନ୍ ଇଞ୍ଜନାଙ୍ଗ୍, ହେୱାର୍ ଇନାକା ନସ୍ତୁଆନି କାଜିଂ ଅସ୍ତାର୍ ? ହେଦାଂ ଇନାଖାଡ଼ାଙ୍ଗ୍ ପା ଆମେଡ଼, ହେୱାର୍ ପାପ୍ କିତିଲେ, ହେୱାରିଂ ଆକର୍ ଆନି କାଜିଂ ପାତ୍ କିଞ୍ଜି ଜିହୁଦିର୍ ମୁକ୍‌ଡ଼ାନାକାନି ଆଦିକାରି କିଆତାଡ଼ । ୧୨ ଜିହୁଦିତ୍ ପାପ୍, ଜଗଡ଼ତ ବିନ୍ ଲଗାଂ କାଜିଂ ବେସି ଆସିର୍ବାଦ୍ ତାହିୱାତାଡ଼ନା । ଜିହୁଦିତ୍ ଆମିକ୍ ଅକ୍ ଡ଼ କାଜିଂ ପାତ୍ କିଞ୍ଜି ଜିହୁଦିର୍ ଆସିର୍ବାଦିନ୍ ଦାନ୍ ଲାବ୍ କିତାଣ୍ଟା । ଜଦି ଓଁଜାର୍ ଜାତି ରାକ୍ୟା ପାୟାଦେଂ ଆଡ଼ତାଡ଼, ତାଆତିସ୍ ତାହୁଦାଂ ଆରେ ଏଚେକ୍ ଆଦିକ୍ ଆସିର୍ବାଦ୍ ଗାଟା ଆଉଡ଼ ?

ପାତ୍ କିଞ୍ଜି ଜିହୁଦିର୍‌ତି ମୁକ୍‌ଡ଼ାନାକା

୧୩ ମାତର ବିନ୍‌ଜାତି ଜେ ଏପେଙ୍ଗ୍, ମିଙ୍ଗେଙ୍ଗ୍ ଆନ୍ ଇଞ୍ଜନାଙ୍ଗା । ଆନ୍ ପାତ୍ କିଞ୍ଜି ଜିହୁଦିର୍ କାଜିଂ ପକ୍ୟାତାକାନ୍ ନା ହେବା ପାଦ୍‌ନି ଜାଜ୍‌ମାଲ୍ କିନାଙ୍ଗା, ୧୪ ଇନେସ୍ ଇନେସ୍‌ବାନି ନା ନିଜାର୍ ଜାତିରିଂ ତିରକାଡ଼୍ କିୟକିଜି ହେୱାର୍ ବିତ୍ରେତାଂ ଏଚେକ୍ ଜାଣ୍ତିଂ ମୁକ୍ତି କିଦେଙ୍ଗ୍ ଆଡ଼ନାଂ । ୧୫ ଇନେକିଦେଂକି ଜଦି ହେୱାରୁତି ଦେହାକିନି ହୁକେ ପୁଡ଼ିତ ମେହାନାକା ଗିଟାତାଡ଼, ତେବେ ହେୱାରୁତି ଇଟ୍‌ନାକା ହୁକେ ଇନାକା ହାଡ଼ପା ହାତାକାର୍ ବିତ୍ରେତାଂ ଜିରୁନ୍ ଲାବ୍ ଆଉଡ଼ ?

୧୬ ରୁଟିତାଂ ଇରୁଟିଂ ଇସ୍ପର ତରଦାଂ ପୁଜା କିଜି ମାଚିସ୍ ପୁଇପୁୟା, ସବୁ ରୁଟି ପା ପୁଜା କିତାକା ଇନାମାଡ଼ । ରଞ୍ଜାଙ୍ଗ୍ ମାର୍‌ଦିଂ ଦଲ୍ ପୁଜା ଆଜି ମାଚିସ୍, ତା କେନ୍ଦାଙ୍ଗ୍ ତାଡ଼ ପା ପୁଜା ଆକାଡ଼ ହିଆତାନ୍ନା ଇଞ୍ଜି ବାବି କିଦେଙ୍ଗ୍ ଆନାଡ଼ । ୧୭ ମାତର ଜଦି କେତେକ୍ କେନ୍ଦାଂ ତ୍ରିଙ୍ଗ୍‌ତିକ୍ ଆରି ଏପେଙ୍ଗ୍ ରାକ୍ତି ଜିଡ଼ ମାର୍‌ନି କେନ୍ଦାଂ ଆତିସ୍‌ପା ହେ ସବୁ ବିତ୍ରେ କଲମ୍ କିତାର୍, ଆରେ ହେୱାର୍ ଲାହାଙ୍ଗ୍ ଜିଡ଼ମାର୍ ଦଲ୍‌ନି ରାସ୍‌ନି ମେହା ଆତାର୍, ୧୮ ଲାଗିଂ ହେ ତାଡ଼ ବିରୁଡ଼ତ ଗରବ୍ କିମାଟ୍; ମାତର ଜଦି ଗରବ୍ କିୟାଟ୍, ଏପେଙ୍ଗ୍ ଜଦି ଦଲ୍‌ତିଂ ଆହ୍‌ଞ୍ଜାତାଦେଣ୍ଟା, ମତର୍ ଦଲ୍ ମିଙ୍ଗେଙ୍ଗ୍ ଆସ୍ତାଡ଼ନା, ଇଦାଂ ପୁନୁଞ୍ଜି ମାନାଟ୍ ।

୧୯ ଏପ୍ ଇଞ୍ଜେଙ୍ଗ୍ ଆଡ଼ନାଦେର୍, “ଆଁ, ମାତର ନାଂ ବାହା ହିଦ୍‌ନି କାଜିଂ ତ ହେ କେନ୍ଦାଂ କାତ୍ୟା ଆଜି ମାଚାଡ଼ ।” ୨୦ ହେଦାଂ ହାଡ଼ପା । ହେୱାର୍ ପାତ୍ କିଞ୍ଜାକା ହୁକେ ହେୱାର୍ କାଟି କିତାର୍, ଏପେଙ୍ଗ୍ କେବଲ୍ ପାତ୍ ହୁଦାଂ ହେ ବାହା ଆଦିକ୍‌ତାଂ ଆଦିକ୍ କିତାଦେଣ୍ଟା । ମାତର ଗରବ୍ କିଞ୍ଜାଦାଂ ପାଣ୍ଟା ଆତ । ୨୧ ଜଦି ମାର୍‌ନି ସବୁ କେନ୍ଦାଙ୍ଗ୍ ଲାକେ ଇହୁଦିରିଂ ଇସ୍ପର ଡ଼ାଣ୍ଟ ହିୱାଦାଂ ପିସ୍ତ୍ର ହିୱାତାନ୍, ମିଙ୍ଗେଙ୍ଗ୍ ଇନାକା ହେୱାନ ପିସ୍ତ୍ର ହିଦ୍‌ନାନ୍ ? ୨୨ ଲାଗିଂ, ଇସ୍ପତ୍ ଦୟା ଆରି ଡ଼ାଟ୍ ରୁଜା ଆତ; ଇମ୍‌ଣାକାର୍ ମୁଞ୍ଜିତାର୍, ହେୱାର୍ କାଜିଂ ଆର୍‌ଞ୍ଜା, ମାତର ଏପେଙ୍ଗ୍ ଜଦି ଇସ୍ପତ୍ ଦୟାତି ସାରାଣ୍ ଆଜି ମାନାଟ୍, ତା ଆତିସ୍

☆ ୧୧:୧ ୧୧:୧ ପିଲିପିୟ ୩:୫.

ମି କାଜିଂ ହେୱାନ୍ତି ଦୟା; ନଲେ ଏପେଙ୍ଗ ପା କାତ୍ୟାନାର । ୨୩ ଆରେ, ହେୱାର୍ ଜଦି ପାତ୍ କିୱାକାତ ମାନୁର, ବାଟିଙ୍ଗ ହେୱାର୍ ପା କଲମ୍ କିୟାନାର, ଇନେକିଦେଂକି ହେୱାରିଂ ଆରେ ରଗ କଲମ୍ କିନି କାଜିଂ ଇସ୍ବର କିଦେଙ୍ଗ ଆଡ୍ନାନ । ୨୪ ପାତ୍ କିୱି ଜିହୁଦିର୍ ରାନ୍ତି ଜିଡ଼ମାରନି କେନ୍ଦାଙ୍ଗ ଲାକେ । ହେଦାଂ କାତ୍ୟା ଆଜି ମିର୍ ବାବ୍ରେ ବାଡ଼ନି ଜାଗ୍ରତ୍ କିତି ଜିଡ଼ ମାର୍ ଲାହାଂ ମେହାୟ୍ କିଆତାନା । ଜିହୁଦି ଜାତି ବାଡ଼ନି ଜାଗ୍ରତ୍ କିତି ଜିଡ଼ମାର୍ ଲାକେ । ଇ ମାର୍ନି କାଡ଼ତି କେନ୍ଦାଂ ଆରେରଗ ମାର୍ ଲାହାଂ ମେହାୟ୍ କିନି ଇସ୍ବରତି ପାକ୍ୟାତ ଆଡ଼଱ା ।

ଓଜାର୍ କାଜିଂ ଇସ୍ବତ୍ ଦୟା

୨୫ ଇନେକିଦେଂକି ଏ ଟଣ୍ଡାର୍ ଆରି ତଣ୍ଡେକ୍, ଏପେଙ୍ଗ ଇନେସ୍ ଜାର୍ ଜାର୍ତିଂ ବୁଦ୍ୟାର୍ ଇଞ୍ଜି ମାନେ କିଡ଼ଦେର୍ ଇଦାଂ କାଜିଂ ଏପେଙ୍ଗ ଜେ ଇ ତ୍ତୁହାଡ଼ପା ବିସ୍ତେ ପୁନ୍‌ୱାଦାଂ ମାନାସ୍, ଇଦାଂ ନା ଇଚା ଆକାୟ୍, ଇଚିସ୍, ଏତେକ୍ ପାତେକ୍ ପାତ୍ କିୱି ଜିହୁଦିର୍ ବାତ୍ ଗିଣ୍ଡତ ହଣ୍ଡାତାରନା, ହେ ପାତେକ୍ ଇସ୍ବାଏଲ୍ ବାଗ୍ତ ଆଡ଼଱ା ଆତାଡ଼ନା; ୨୬ ଆରେ, ଇବାନି ଓଜାର୍ ଇସ୍ବାଏଲ୍ ମୁକ୍ତା ଆନାର୍, ଇନେସ୍ ଲେକାମାନାଡ଼, “ସିୟନ୍ତାଂ ମୁକ୍ତିକିନାକାନ୍ ଜୁଦ୍ନାନ୍, ହେୱାନ୍ ଜାକୁର୍ତାଂ ଅଦାମ୍ ଦେହା କିନାନ୍ ।”

୨୭ ଆରେ, ଏଚେକାଡ଼ଦ ଆସେଙ୍ଗ ହେୱାର୍ତି ପାପ୍ ସବୁ ଚରି କିନାସ୍, ହେପାଦ୍ନା ଇଦାଂ ହେୱାର୍ ଲାହାଙ୍ଗ୍ ମା ନିୟମ୍ ଆନାଡ଼ ।

୨୮ ନେକ୍ତିକାରୁର୍ ବିସ୍ତେ ବିଚାର୍ କିତିସ୍ ହେୱାର୍ ମି କାଜିଂ ବିରୁଡ଼ ଆଦ୍ନାର୍, ମାତର୍ ବାଚିକିତି ବିସ୍ତେ ବିଚାର୍ କିତିସ୍ ଦାଦି ଅଜାର୍ କାଜିଂ ହେୱାର୍ ୱାରିନି ମାଜି । ୨୯ ଇନେକିଦେଂକି, ଇସ୍ବତ୍ ଦାନ୍ ସବୁ ଆରି କୁକ୍ନାକା ପଲ୍ୟା ଆଉଡ଼ । ୩୦ ଲାଗିଂ ଏପେଙ୍ଗ ଇନେସ୍ ଆଗେ ଇସ୍ବତ୍ ବଲ୍ ମାନି କିୱାଦାଂ ମାଚାଦେର୍, ମାତର୍ ନଙ୍ଗ ହେୱାର୍ତି ବଲ୍ ମାନିକିୱାଦାଂ ହୁକେ ଦୟା ପାୟା ତାଦେଣ୍ଡା, ୩୧ ହେ ଲାକେ ଇୱାର୍ ପା ନଙ୍ଗ୍ ବଲ୍ ମାନିକିୱାକାର୍ ଆତାଣ୍ଡା, ଇନେସ୍ ମି କାଜିଂ ହଡ଼ତାର୍ ଦୟା ହୁକେ ଇୱାର୍ ପା ନଙ୍ଗ୍ ଦୟା ଅୟାନାର୍ । ୩୨ ଇନେକିଦେଂକି ଓଜାରିଂ ଦୟା କିନି କାଜିଂ ଇସ୍ବର ଓଜାରିଂ ବଲ୍ ମାନିକିୱାଦାଂ ହେଲାୟ୍ କିତାନା ।

ଇସ୍ବତ୍ ଜାଜ୍ମାଲ୍

୩୩ ଆ ! ଇସ୍ବତ୍ ବୁଦି ଆରି ଗିଆନ୍ ଲାକେ ଦାନ୍ କେତେ ସିମା ହିଲୁଡ଼ ! ହେୱାନ୍ତି ବିଚାର୍ ସବୁ ଇନେସ୍ ବେସି ବୁଦି ଆରି ହେୱାନ୍ତି ହାଜି ସବୁ ଇନେସ୍ ବୁଜାଆଉର୍ ! ୩୪ ଇନେକିଦେଂକି, ମାପୁତି ମାନ୍ ଇନେର୍ ପୁଚାଣ୍ଡା ?

କି ହେୱାନ୍ତି ବୁଜାୟ୍ କିନାକାନ୍ ଇନେର୍ ଆତାଣ୍ଡା ?

୩୫ ନଲେ ଇନେର୍ ହେୱାନିଂ ପର୍ତୁମ୍ତ ଦାନ୍ କିତାନା, ଆରେ ତାଙ୍ଗେଙ୍ଗ ଇନାମ୍ ଦାନ୍ କିୟାନାଡ଼ ?

୩୬ ଲାଗିଂ ଓଜୁ ବିସ୍ତେ ହେୱାନ୍ତାଂ, ହେୱାନ୍ ହୁକେ ଆରି ହେୱାନ୍ତି କାଜିଂ; ଜୁଗ୍ ଜୁଗ୍ ଜାଜ୍ମାଲ୍ ହେୱାନ୍ତି । “ଆମେନ୍ ।”
*

୧୨

ଇସ୍ବରତି ହେବାତ ଜିବୁନ୍

୧ ଲାଗିଂ, ଏ ଟଣ୍ଡାର୍, ଆନ୍ ମିଙ୍ଗେଙ୍ଗ ଇସ୍ବରତି ଦୟା କାଜିଂ ଗୱାରି କିଦ୍ନାଙ୍ଗା, ଏପେଙ୍ଗ ଜାର୍ ଜାର୍ ଗାଗାଡ଼ତିଂ ଜିବୁନ୍, ପୁଇପୁୟା ଆରି ଇସ୍ବରତି ହାର୍ ଇଚ୍ନାକା ପୁଜାଲାକେ ଆକାଡ଼ ହିୟାଟ୍, ଇଦାଂ ତ ମିଦାଂ ହାଦାକା ପାର୍ତାନା । ୨ ଏପେଙ୍ଗ ଇ ନଙ୍ଗ୍ ଜୁଗ୍ନି ପାଚେ ହାଲ୍ମାଟ୍, ମାତର୍ ଇନେସ୍ ଏପେଙ୍ଗ ଇସ୍ବତ୍ ଇଚା ଇନାକା ଇଚିସ୍ ହାର୍ଦାକା, ହାର୍ ଇଚ୍ୟାନାକା ଆରି ହାଦାକା ବିସ୍ତେ ଇନାକା, ଇଦାଂ ପରିକ୍ୟା କିଜି ବୁଜାନାଦେର୍, ଇଦାଂ କାଜିଂ ଜାର୍ ଜାର୍ ମାନ୍ନି ପୁନାକା ହୁକେ ବାଦ୍ଲି ଆଡ଼ ।

୩ ଇନେକିଦେଂକି ନାଙ୍ଗ୍ ହିଡ଼ତି ଉପକାର୍ ହୁକେ ଆନ୍ ମି ବିତ୍ରେ ମାନି ଓଜୁ ଜାଣ୍ଡିଂ ଇଞ୍ଜିନାଙ୍ଗା, ଜାର୍ ବିସ୍ତେ ଇନେସ୍ ବାବି କିମାଟ୍, ତା ତାଂ ଜାର୍ତିଂ ଆଦିକ୍ ଗାଜା ଇଞ୍ଜି ବାବି କିମାଟ୍; ମାତର୍ ଇସ୍ବର ଇନେରିଂ ଇମ୍ଣି ଇସାବ୍ରେ ପାତ୍ ରଚାଦେଣ୍ଡା, ହେ ଇସାବ୍ରେ ଓଜୁ ଜାଣ୍ ବୁଦିକାର୍ଯ୍ୟା ଲାକେ ଜାର୍ ବିସ୍ତେ ବାବି କିୟାଟ୍ । ୪ ଇନେକିଦେଂକି ଇନେସ୍ ର ଗାଗାଡ଼ତ ମାଦାଂ ବେସି କେଇଗାଲ୍ ମାନାଡ଼, ମାତର୍ ଓଜୁ ଗାଗାଡ଼ ସବୁନି କାମାୟ୍ ର ବାନି ଆକାୟ୍, ୫ ହେ ଲାକେ ବେସି ଜେ ଆସେଙ୍ଗ୍, ଆସେଙ୍ଗ୍ କ୍ରିସ୍ତାକେ ର ଗାଗାଡ଼ ଆରି ଜାଣ୍ଡକେ ହାରି କେଇଗାଲ୍ । ୬ ଆରେ, ମାଙ୍ଗେଙ୍ଗ୍ ହିଡ଼ତି ଉପକାର୍ ଇସାବ୍ରେ ଆପେଂ ବାରବିନି ଦାନ୍ ପାୟାତାପ୍ନା; ଲାଗିଂ ହେ ଦାନ୍ ଜଦି ବେଶ୍‌ବାକ୍‌ଶାୟ୍‌କିନାକା ଆନାଡ଼, ୱାଡ଼

* ୧୧:୩୬ ୧୧:୩୭ ଇନାକା ଆନାକା ଆଏଡ଼ ଇଞ୍ଜି ଇନାସ୍ ଇଦିଲିଂ, “ଆମେନ୍” ☆ ୧୨:୪ ୧୨:୪ ୧ କରନ୍ତିୟ ୧୨:୧୨. ☆ ୧୨:୬ ୧୨:୬ ୧ କରନ୍ତିୟ ୧୨:୪-୧୧.

ଆସେଇଁ ପାତ୍ର ନି ଏଚେକ୍ ଇସାବେ ବେଶ୍‌ବାକ୍‌ଶାୟ୍ କିନାସ୍; ୭ କି ହେଦାଂ ଜଦି ହେବାକାର୍‌ୟା କାମାୟ୍ ଆନାଡ୍, ତା ଆତିସ୍ ଖାଡ୍, ମା ହେବାକାର୍‌ୟା କାମାୟ୍‌ତ ଲାଗିସ୍ ମାନାସ୍; ୮ ନଲେ ଇନେର୍ ହିକ୍ୟା ହିନାନାନ୍, ହେଖାନ୍ ସିକ୍ୟାଦାନ୍‌ତ କି ଇନେର୍ ଖାରିକିୟ୍ କିନାନ୍, ହେଖାନ୍ ଉପଦେସ୍ ଦାନତ ଲାଗିସ୍ ମାନେନ୍, ଇନେର୍ ଜାତୁନ୍ ଅନାନ୍, ହେଖାନ୍ ହୁଦାର୍ ବାବେ ଦାନ୍ କିଏନ୍; ଇନେର୍ ହାର୍ ମାତ୍ରାଙ୍ଗ୍ ହେଖାନ୍ ଜାତୁନ୍‌ତାଂ କିଏନ୍; ଇନେର୍ ଦୟା କିନାନ୍, ହେଖାନ୍ ପୁରାମାନ୍‌ତାଂ ହେଦାଂ କିଏନ୍ ।

୯ ଜିଉନନାକା କାପ୍‌ଟିୟା ଆଏଡ୍ । ଇନାକା ବାନିୟା, ହେଦାଂ ଗିଶ୍ କିୟାଟ୍; ଇନାକା ହାର୍, ହେବେ ଲାଗିସ୍ ମାନାଟ୍; ୧୦ ଟଣ୍ଡାର୍ ଜିଉତ ହାରି କାଜିଂ ଜିଉ ନନାକାଦେର୍ ଆଡ୍; ଖାରିତ ହାରିତିଂ ଗାଜା ଗିଆନ୍ କିୟାଟ୍; ୧୧ ତ୍ରିକାଡ୍‌ତ କାକାର୍ ଆମାଟ୍, ଜିରୁନ୍‌ତ ଗରମ୍ ଆଡ୍; ପୁରା ବକ୍ତିତାଂ ମାପୁତି ହେବା କିୟାଟ୍; ୧୨ ବାସ୍‌ତ ଖାରି କିୟାଟ୍; ଦୁକ୍ତ ହୁଦାର୍ ଆଡ୍; ପାର୍ତାନାତ ଏକା ସମାନ୍ ଲାଗିସ୍ ମାନାଟ୍ । ୧୩ ସାଦୁରତି ଅବାବ୍ ଉପକାର୍ କିୟାଟ୍; ସସ୍ ହିନିତ ମେହା ଆଡ୍ ।

୧୪ ✧ ଇମ୍‌ଶାକାର୍ ମିଙ୍ଗେଙ୍ଗ୍ ଇଶ୍ କିଦନାର୍, ହେଖାରିଂ ଆସିର୍ବାଦ୍ କିୟାଟ୍; ଆସିର୍ବାଦ୍ କିୟାଟ୍ ରାଶ୍ ହିମାଟ୍ । ୧୫ ଇମ୍‌ଶାକାର୍ ଖାରି କିନାର୍, ହେଖାର୍ ଲାହାଙ୍ଗ୍ ଖାରି କିୟାଟ୍; ଇମ୍‌ଶାକାର୍ ଆଡ୍‌ବାନାର୍, ହେଖାର୍ ଲାହାଙ୍ଗ୍ ଆଡ୍‌ବାଟ୍ । ୧୬ ହାରି କାଜିଂ ରମାନ୍ ଆଡ୍; ବାନ୍ୟାମାନାୟ୍ ଆଖାଦାଂ ହିଲ୍‌ଖାକାରିଂ ମେହା ଆଡ୍ । ଜାର୍ ଜାର୍ ବୁଦିତ ବାବି କିମାଟ୍ ।

୧୭ ବାନିୟା ବାବୁଲ୍ ଇନେରିଂ ବାନିୟା କିମାଟ୍; ଝିଜାର୍ ମାନାୟ୍‌ରିଂ କାଶ୍‌କୁତ ଇନା ଇନାକା ହାର୍‌ଦାକା, ହେ ସବୁ ଚିନ୍ତା କିୟାଟ୍; ୧୮ ଆଡ୍‌ତିସ୍, ମିଦାଂ ଏଚେକ୍ ପାତେକ୍ ଆଡ୍‌ନାଦେର୍, ଝିଜାର୍ ମାନାୟ୍‌ର ଲାହାଙ୍ଗ୍ ସୁସ୍ତାତ ମାନାଟ୍ । ୧୯ ଏ ଖାରିନିକାଦେର୍, ଏପେଙ୍ଗ୍ ନିଜେ ନିଜେ ବାଦ୍‌ଲି ଅମାଟ୍, ମାତର୍ ରିସା କାଜିଂ ବାହା ପିସ୍ତ୍ର ହିୟାଟ୍; ଇନେକିଦେଂକି ଲେକାମାନାଟ୍, “ମାପୁ ଇନାନ୍, ବାଦ୍‌ଲି ଅନାକା ମା ଆଦିକାର୍, ଆପ୍ ତା କାମାୟ୍‌ନି ପାଡ୍ ହିନାପ୍ ।” ୨୦ ଇତିସ୍ ଜଦି ମି ସାତୁ ନାସ୍‌କି, ଲାଗିଂ ତାଙ୍ଗ୍ ଚିଟ୍‌ପାଟ୍; “ଜଦି ହେଖାନ୍ ଏସ୍‌କି ତାଙ୍ଗ୍ ଉଟ୍‌ପାଟ୍; ଇନେକିଦେଂକି ଏଲେଙ୍ଗ୍ କିତିସ୍ ଏପେଙ୍ଗ୍ ତା କାପ୍‌ଡା ଜପି ଆହ୍‌ନି ଗତାଂ ଗାଦି କିନାଦେର୍ ।” ୨୧ ବାନିୟା କାମାୟ୍‌ତ ଆରା ଆମାଟ୍ ଝିଜୁ ବାନ୍ୟା ବିସ୍ତେ ହାର୍‌ଦି ବେବାର୍ ହୁକେ ଜିତା ଆଡ୍ ।

୧୩

ସାସନ୍ କିନାକାର୍ କାଜିଂ କାମାୟ୍

୧ ଜାଶ୍‌କେ ଜାଶ୍ ଆଦିକାର୍ ଗାଟାତି ସାସନ୍‌କାର୍‌ଆତି ତଲ୍ୟା ଆନାସ୍, ଇନେକିଦେଂକି ଆଦିକାର୍ କେବଲ୍ ଇସ୍‌ବରତାଂ ଖାନାଡ୍, ଆରେ ଇନେନ୍ ଝିଜୁ ଲକୁ ଆଦିକାର୍ ପାୟାତି ସାସନ୍‌କାର୍‌ୟା ମାନାନ୍, ହେଖାର୍ ଇସ୍‌ବରତି ହୁଦାଂ ବାଚିକିୟାତାକାର୍ । ୨ ଲାଗିଂ, ଇନେନ୍ ଆଦିକାର୍ ଟେବାୟ୍ କିନାନ୍, ହେଖାନ୍ ଇସ୍‌ବର ଚଟ୍‌ଚାକାଦ୍‌ଲିଂ ଟେବାୟ୍ କିନାନ୍, ଆରେ ଇମ୍‌ଶାକାର୍ ଟେବାୟ୍ କିନାର୍, ହେଖାର୍ ଜାର୍ ଜାର୍ ଜପି ତାଶ୍ ଗିଟାୟ୍‌କିନାର୍ । ୩ ଇନେକିଦେଂକି ମୁଡ୍‌ଦାକାର୍ ହାର୍ କାଜିଂ ପାଶ୍ଟାନାକାର୍ ଆକାୟ୍, ମାତର୍ ବାନ୍ୟା କାମାୟ୍ କାଜିଂ ପାଶ୍ଟା ଆନାଦେର୍ । ଏପେଙ୍ଗ୍ କି ଆଦିକାର୍ ପାୟାତି ସାସନ୍‌କାର୍‌ୟା ଲାଗାଂ ପାଶ୍ଟା ଆଖାଦାଂ ଇତା କିନାଦେର୍ ? ବାଚିଙ୍ଗ୍ ହାଦ୍ କାମାୟ୍ କିୟାଟ୍, ତା ଆତିସ୍ ହେଖାନ୍‌ତାଂ ଖାରିକିୟ୍‌କିଆ ଆନାଦେର୍, ୪ ଏନେଙ୍ଗ୍ ହାର୍ କିଦେଙ୍ଗ୍ କାଜିଂ ହେଖାନ୍ ଇସ୍‌ବରତି ବାଚିକିୟାତାକାନ୍ । ମାତର୍ ଏପେଙ୍ଗ୍ ଜଦି ବାନ୍ୟାକାମାୟ୍ କିଜି ମାନାଟ୍, ଖାରିଂ ସାସନ୍‌କାର୍‌ୟା ଲାହାଂ ପାଶ୍ଟା ଆଡ୍, ଇନେକିଦେଂକି ମିଙ୍ଗେଙ୍ଗ୍ ତାଶ୍ ହିନି କାଜିଂ ହାପ୍‌ରାଚେ ହେଖାନ୍ତି କେମ୍‌ତା ମାନାଟ୍ । ହେଖାନ୍ ଇସ୍‌ବରତି ବାଚିକିତି ହେବାକାର୍‌ୟା । ବାନ୍ୟା କାମାୟ୍ କିନାକାରିଂ ସାସନ୍ କିଦେଙ୍ଗ୍ ହେଖାନ୍ ଇସ୍‌ବରତି ବଲ୍ ପାଲି କିନାନ୍ । ୫ ଲାଗିଂ ଏପେଙ୍ଗ୍ ସାସନ୍‌କାର୍‌ୟାତି ବଲ୍ ମାନିକିନାକା ଲଡା-କେବଲ୍ ଇସ୍‌ବରତି ଦାଶ୍ ପାଶ୍ଟାତୁଂ ଆକାୟ୍, ମତର୍ ନିଜେ ଚିନ୍ତାନ୍ ନାସ୍‌ତାଂ ରାକ୍ୟା ପାୟାନ୍ କାଜିଂ । ୬ ଲାଗିଂ ଇ କାରଣତାଂ ଏପେଙ୍ଗ୍ ସିସ୍ତୁ ପା ହିଜି ମାନାଦେର୍, ଇନେକିଦେଂକି ହେଖାର୍ ଇସ୍‌ବରତି ହେବାକାରି ଲାକେ ଇ କାମାୟ୍‌ତ ଲାଗିସ୍ ମାନାଟ୍ । ୭ ଇନେରିଂ ଇନାକା ଗାଟାନାଟ୍, ହେଖାନିଂ ସିସ୍ତୁ ହିଆଟ୍; ଇନେରିଂ ହିଦେଂ ଆନାଟ୍, ହେଖାନିଂ ହିଆଟ୍, ଇନେରିଂ ଟିକସ୍ ହିଦେଂ ଆନାଟ୍, ହେଖାନିଂ ସିସ୍ତୁ ହିଆଟ୍, ଇନେରିଂ ପାଶ୍ଟା ଆୟାନାଟ୍, ହେଖାନିଂ ପାଶ୍ଟା ଆଡ୍, ଇନେରିଂ ଖାରିଆନାଟ୍, ହେଖାନିଂ ଖାରିକିଆଟ୍ ।

ଚଣ୍ଡେନ୍ ଲାକେ ଜିଉନଖାଟ୍

୮ ହାରିତିଂ ଜିଉନନାକା ପିସ୍ତ୍ର ଆରେ ଇନେର୍ ତାକେ ରିଶ୍‌ୟା ଆମାଟ୍, ଇନେକିଦେଂକି ଇନେର୍ ବିନ୍ ଲଗାଙ୍ଗ୍ ଜିଉନନାନ୍, ହେଖାନ୍ ବିଦି ପୁରା କିନି ଲଡା । ୯ “ଇନେକିଦେଂକି ଦାରି କିମାଟ୍, ନାର୍‌ତିଂ ଟୁଶ୍‌ମାଟ୍, ଚରି କିମାଟ୍, ଲାବ୍‌ଡି ଆମାଟ୍, ଆରେ ଜଦି ଆରେ ଇମ୍‌ଶାକା ପା ବଲ୍ ମାଚିସ୍, ହେଦାଂ ସାର୍ ବାବେ ଇ ବଚନ୍‌ନି ମାନାକାନ୍ ଆନାନ୍, ଲାଗିଂ, ପାଡ୍‌ହା ଇଞ୍ଜାକାରିଂ ଖାସ୍ତିଲାକେ ଜିଉନଖାଟ୍ । ୧୦ ଏନେଙ୍ଗ୍ ରଖାନିଂ ଜିଉନଜି ମାଚିସ୍, ହେଖାନ୍ କାଜିଂ ଇନାଖାଡାଂ ପା ଅନ୍ୟାୟ୍ କିଉଦେର୍ । ଲାଗିଂ ଜିଉନନାକା ହୁକେ ନେ ଝିଜୁ ବିଦି ମାନି କିୟାନାଟ୍ ।

୧୧ ଆରେ, ନଙ୍ଗ୍ ମି ହୁର୍‌କାଶ୍‌କୁତାଂ ଜାଗ୍ରଡ୍ ଆନି ସମ୍ ଜେ ଇକାଖାତାଟ୍, ଇଦାଂ ପୁନ୍‌ଞ୍ଜି ଇ ସବୁ କିୟାଟ୍; ଇନେକିଦେଂକି ମା ପାତ୍ର କିନି ଦିନ୍‌ତାଂ ନଂ ମୁକ୍‌ତାନାକା ମାଦାଂ ଆଦିକ୍ ଲାଗେ । ୧୨ ନାଶା ଅଜଡ୍‌ଆନାତା, ଦିନ୍ ଲାଗେ; ଲାଗିଂ ଖାଡ୍,

✧ ୧୨:୧୪ ୧୨:୧୪ ମାଡିଉ ୫:୪୪; ଲୁକ ୬:୨୮.

ଆସେଇଁ ମାଜ୍‌ଗାନି କାମାୟ ସବୁ ପିସ୍ତି ଅଜଡ଼ନ୍ ଆତିୟାର୍ ଲାକେ ଜାଲ୍‌ଦି କିଜି ଉସ୍‌ପାନାସ୍ । ୧୩ ରଙ୍ଗରାସ୍‌ଆ ଆରି କାଲିଂଉଣାକା, ବାନ୍ୟାକାମାୟ୍ ଆରି ଦାରିକାମାୟ୍, ଗଣ୍ଡଗଲ୍ ଆରି ରିସାତ ତିନ୍ତା କିଝାଦାଂ ଖାତୁ, ଆସେଇଁ ଦିନ୍‌ନି ହାଉଦାଂ ତିନ୍ତା କିନାସ୍ । ୧୪ ଆରେ ମାପୁ ଜିସୁ କ୍ରିସ୍ତୁତିଂ ଏପେଇଁ ହେୟା ଲାକେ ଉସ୍ତାଟ୍, ଆରେ ବାନ୍ୟାଆହା ହପ୍‌ପିସ୍ ଗାଗାଡ଼୍ କାଜିଂ ଜାଲ୍‌ଦି କିମାଟ୍ ।”

୧୪

ଚଣ୍ଡେନ୍‌ତି ଦସ୍ ଆହ୍‌ମାଟ୍

୧୫*ପାତର୍ ତ ଇନେର୍ ନାଦାର୍, ତାଙ୍ଗ୍ ଇଟାଟ୍, ମାତର୍ ବିନ୍ ବିନ୍ ମାନ୍ତି ବିସ୍ତେ ଗାଣ୍‌ଜୁ କିନି କାଜିଂ ହେଦାଂ କିମାଟ୍ । ୧୬ ସବୁ ଜିନିସ୍ ତିନି କାଜିଂ ରଞ୍ଜନ୍ ମାନାୟ୍ ପାତର୍ ମାନାଡ଼୍, ମାତର୍ ଇନେର୍ ପାତର୍ ତ ନାଦାର୍, ହେଝାନ୍ କେବଲ୍ କୁଟା ତିନାନ୍ । ୧୭ ଇନେନ୍ ତିନାନ୍, ହେଝାନ୍ ଲାୟ୍ ତିନ୍‌ଡି ମାନାୟ୍‌ତିଂ ବେକାର୍ ଇନ୍‌ମା; ଆରେ, ଇନେନ୍ ଲାୟ୍ ତିନୁନ୍, ହେଝାନ୍ ଲାୟ୍ ତିନି ଲକୁତି ବିଚାର୍ କିମେନ୍, ଇନେକିଦେଂକି ଇସ୍‌ର୍ ତାଙ୍ଗ୍ ଇଡ଼ତାନ୍ନା । ୧୮ ଏପ୍ ଇନେର୍ ଜେ ବିନ୍ ଆଡ଼ିଏନ୍‌ନି ବିଚାର୍ କିନାଦେରା ? ହେଝାନ୍ ଜାର୍ ମାପୁ ଲାଗାଂ ତିର୍ ମାନାନ୍ କି ମୁଞ୍ଜନାନ୍; ଆଁ, ତାଙ୍ଗେଇଁ ତିର୍ କିୟାନାଡ଼୍, ଇନେକିଦେଂକି ତାଙ୍ଗେଇଁ ତିର୍ କିଦେଇଁ ମାପୁତି ସାକ୍ତି ମାନାଡ଼୍ ।

୧୯ ରଞ୍ଜନ୍ ମାନାୟ୍ ର ଦିନ୍ ବାଟା ବିନ୍ ଦିନ୍‌ତିଂ ଆଦିକ୍ ଇଜଡ଼୍ କିନାନ୍, ଆରେ ରଞ୍ଜନ୍ ସବୁନାଜିଂ ସମାନ୍ ଲାକେ ଇଜଡ଼୍ କିନାନ୍ । ଝିଜାର୍ ମାନାୟ୍ ଜାର୍ ମାନ୍ତି ବିଚାର୍ କିଏନ୍ । ୨୦ ଇନେର୍ ହାର୍ ଦିନ୍ ବାବି କିନାନ୍, ହେଝାନ୍ ମାପୁତି ଉଦେସ୍ତ ହେଦାଂ ମାନି କିନାନ୍; ଆରେ ଇନେର୍ ତିନାନ୍, ହେଝାନ୍ ମାପୁତି ଉଦେସ୍ତ ତିନେନ୍, ଇନେକିଦେଂକି ହେଝାନ୍ ଇସ୍‌ର୍‌ତିଂ ଦନ୍‌ସବାଦ୍ ହିନାନ୍; ଆରେ ଇନେର୍ ତିନୁନ୍, ହେଝାନ୍ ମାପୁତି ଉଦେସ୍ତ ତିନୁନ୍ ଆରି ଇସ୍‌ର୍‌ତିଂ ଦନ୍‌ସବାଦ୍ ହିନାନ୍ । ୨୧ ଇନେକିଦେଂକି ମା ବିଡେତାଂ ଇନେର୍ ଜାର୍ କାଜିଂ ଜିଉନ୍, ଆରି ଜାର୍ କାଜିଂ ହାଉନ୍ । ୨୨ ଲାଗିଂ, ଜଦି ଆସେଇଁ ଜିନାସ୍, ତେବେ ମାପୁତି କାଜିଂ ଜିନାସ୍, କି ଜଦି ହାନାସ୍, ବାଟିଙ୍ଗ୍ ମାପୁତି କାଜିଂ ହାନାସ୍ । ଇତିସ୍, ଜଦି ଆସେଇଁ ଜିନାସ୍ କି ହାନାସ୍, ଆସେଇଁ ମାପୁତି ଆନାସ୍ । ୨୩ ଇନେକିଦେଂକି କ୍ରିସ୍ତୁ ଇନେସ୍ ହାକି ଆରି ଜିବୁନ୍ ରିୟାର୍‌ତି ମାପୁ ଆନାନ୍, ହେଦାଂ କାଜିଂ ହେଝାନ୍ ହାତାନ୍, ଆରେ ଆରେ ଜିତାନ୍ । ୨୪*ମାତର୍ ଏପେଇଁ ଇନେକିଦେଂ ଜାର୍ ଚଣ୍ଡେନ୍‌ନିଂ ବିଚାର୍ କିନାଦେରା ? କି ଏପେଇଁ ଇନେକିଦେଂ ଜାର୍ ଚଣ୍ଡେନ୍‌ନିଂ ଅଲ୍‌ଗା ହୁଡ଼ନାଦେରା ? ଆପେଂ ଝିଜାକାପ୍ ତ ଇସ୍‌ର୍‌ତି ବିଚାର୍ ବାହାନି ମୁମ୍‌ଦ ନିଲ୍‌ନାସ୍ । ୨୫ ଲାଗିଂ ଲେକାମାନାଡ଼୍,

“ମାପୁ ଇନାନ୍, ଆପ୍ ଜିବୁନ୍ ମାନି ପାତେକ୍,
ଝିଜାର୍ ମେଣ୍ଡାଂ ମା ମୁମ୍‌ଦ ତାଣ୍ଡାହାଣ୍ ମାଗ୍‌ନାକା,
ଆରେ ଝିଜୁ ଝେନ୍‌ଲ ଇସ୍‌ତ କେରନାଡ଼୍ ।
୨୬ ଲାଗିଂ, ମାଦାଂ ଝିଜାର୍ ମାନାୟାରିଂ ଇସ୍‌ର୍ ମୁମ୍‌ଦ ଜାର୍ ଜାର୍‌ତି ଇସାବ୍ ହିୟାନାଡ଼୍ ।”

ଚଣ୍ଡେନ୍‌ତି ବୁତାୟ୍ କିମାଟ୍

୨୭ ଲାଗିଂ ଖାତ, ଆପ୍ ଆରେ ହାରି ବିଚାର୍ କିଉସ୍; ମତର୍ ଇନେର୍ ଇନେସ୍ ଜାର୍ ଚଣ୍ଡେନ୍‌ତି ହାଜିଡ଼୍ ବାଦା ଲାଗ୍‌ଦି ନଲେ ବୁତାନାକା ବିସ୍ତେ ଇଚୁନ୍ ଇଦାଂ ଏପେଇଁ ବିଚାର୍ କିୟାଟ୍ । ୨୮ ଆନ୍ ପୁନାଙ୍ଗ୍ ଆରି ମାପୁ ଜିସୁତି ତାକେ ହାଡ଼ପା ଗିଆନ୍ କିନାଙ୍ଗ୍ ଜେ, ଇମ୍‌ଣାକା ପା ବିସ୍ତେ ନିଜେ ସକଟ୍ ଆକାୟ୍, ମାତର୍ ଇମ୍‌ଣାକାର୍ ଇମ୍‌ଣାକା ପା ଜିନିସ୍‌ତିଂ ସକଟ୍ ଆକାୟ୍ ଇଞ୍ଜି ପାତର୍ କିନାନ୍, କେବଲ୍ ହେଦେଲିଂ କାଜିଂ ହେଦାଂ ସକଟ୍ ଆକାୟ୍ । ୨୯ ଇନେକିଦେଂକି ମି ଚଣ୍ଡେନ୍ ଜଦି କାଦି କାଜିଂ ଦୁକ୍ ଆନାନ୍, ତା ଆତିସ୍ ଏପେଇଁ ଆରେ ଜିଉନନିତ ବେବାର୍ କିଉଦେରା । ଇମ୍‌ଣାକା କାଜିଂ କ୍ରିସ୍ତୁ ହାତାନ୍, ହେଦାଂ ଏପେଇଁ ମି କାଦି ହୁକେ ନସ୍ କିମାଟ୍ । ୩୦ ଏପେଇଁ ଇନେରିଂ ହାର୍ ଇଞ୍ଜି ମାନେ କିନାଦେରା, ତାହୁଦାଂ ମିଦାଂ ତର୍ ନିନ୍ଦା ଆମେଡ଼୍ । ୩୧ ଇନେକିଦେଂକି ଇସ୍‌ତ ରାଜି ତିନାକା ଉଣାକା ଆକାୟ୍, ମାତର୍ ଦାମ୍, ସୁସ୍ତା ଆରି ପୁଇପୁୟା ଜିବୁନ୍‌ତି ତାକେ ଖାରି ଆନାଡ଼୍ । ୩୨ ଲାଗିଂ ଇନେର୍ ଇ ବିସ୍ତେ କ୍ରିସ୍ତୁତି ହେବା କିନାନ୍, ହେଝାନ୍ ଇସ୍‌ର୍ ଲାଗାଂ ଇଟ୍ୟାନାକାନ୍ ଆରି ମାନାୟାର୍ ଲାଗାଂ ପରିକ୍ୟାସିଦ୍ ଆନାନ୍ ।

୩୩ ଇତିସ୍ ଖାତ, ଇମ୍‌ଣି ଇମ୍‌ଣି ବିସ୍ତେ ସୁସ୍ତାନିକା, ଆରେ ଇମ୍‌ଣି ଇମ୍‌ଣି ବିସ୍ତେ ହୁକେ ହାରି ହାର୍ ରଟ୍‌ନାସ୍, ହେ ସବୁନି ଆସେଇଁ ପାତେ ପାତେ ହାନାସ୍ । ୩୪ କାଦି କାଜିଂ ଇସ୍‌ତ କାମାୟ୍ ନସ୍ କିମାଟ୍ । ଝିଜୁ ବିସ୍ତେ ଆତିସ୍‌ପା ସକଟ୍; ଆତିସ୍‌ପା ଇମ୍‌ଣି ମାନାୟ୍ ଇନାକା ତିନାକା ବାଦା ପାୟାନାନ୍, ହେଦାଂ ପାକ୍ୟାତ ହେଦାଂ ବାନିୟା । ୩୫ ଜେଇ ତିନାକା କି ଅଲ୍‌ଚୁର୍ ରାସ୍ ଉଣାକା କି ଇମ୍‌ଣି ବିସ୍ତେ ମି ଚଣ୍ଡେନ୍‌ତି ବାଦା ଆତିସ୍, ହେଦାଂ କିଞ୍ଜିସ୍ ହାର୍ । ୩୬ ମି ଇମ୍‌ଣି ପାତର୍ ମାନାଡ଼୍, ହେଦାଂ ଏପେଇଁ ଇସ୍‌ର୍ ମୁମ୍‌ଦ ଜାର୍ ଝାସ୍ତିତାଂ ଆସ୍ତି ମାନାଟ୍ । ଇନେର୍ ଇନାକା ପରିକ୍ୟାସିଦ୍ ଇଞ୍ଜି ବାବିକିନାନ୍, ହେଝାନ୍ ଜଦି ହେବେ ଜାର୍‌ତିଂ ଦସି କିଉନ୍, ତେବେ ହେଝାନ୍ ଦନ୍‌ସ । ୩୭ ମାତର୍ ଇନେର୍ ରିମାନ୍ୟାଜି ତିନାନ୍, ହେଝାନ୍ ଦାଣ୍ଡ ପାୟାନାନ୍, ଇନେକିଦେଂକି ହେଝାନ୍ ପାତର୍ ତିନୁନ୍; ଆରେ ଇନାକା ଉଚୁଟିଂ ପାତର୍ ତାଂ ଆଉଡ଼୍, ହେଦାଂ ପାପ୍ ।

☆ ୧୪:୧ ୧୪:୧ କଲସିୟ ୨:୧୭. ☆ ୧୪:୧୦ ୧୪:୧୦ ୨କରନ୍ତିୟ ୫:୧୦.

୧୫

ବିନେନିକାରିଂ ଖାରିକିୟ କିୟାଟ୍ ଜାର୍ତିଂ ଆକାୟ

^୧ ଇନେର୍ ପାତର୍ ଆର୍ଖା, ହେଞ୍ଜାର ନାଦାର ପାତର୍ ଟଣ୍ଡେନିଂ ଦସ୍ ନାଦାର କାଜିଂ କୁଆଣ୍ ଆଏର୍ । ଇନେର୍ କେବଲ୍ ଜାର୍ତିଂ ଖାରି କିନି କାଜିଂ ଇଚା କିନେନ୍ । ^୨ ନଲେ ବିନିନିକାର୍ ହାର୍ କାଜିଂ ଆରି ହେଞ୍ଜାର୍ତି ପାତର୍ ବାପୁ କିନି କାଜିଂ ହେଞ୍ଜାରିଂ ଖାରି ଇଚ୍ଚନାକା ମା ଲଡା । ^୩ କ୍ରିଷ୍ଟ ଜାର୍ତି ସୁକ୍ କାଜିଂ ମୁଡେ କିଞ୍ଜାଦାଂ ମାଚାନ୍ । ନଲେ ସାସ୍ତର୍ ବଚନ୍ ଇସାପ୍ରେ, “ହେଞ୍ଜାର୍ ମିଜେଙ୍ଗ୍ ହିଜିମାଞ୍ଜିନି ଅପମାନ୍ ଆନ୍ ହୁଞ୍ଜନାଙ୍ଗା ।” ^୪ ଆରେ ଆସେଙ୍ଗ୍ ଇନେସ୍ ସାସ୍ତର୍ ଇସାବ୍ରେ ସାସ୍ ଆରି ଦୁକ୍ସାରାୟ ହୁକେ ବାସ୍ ପାୟା ଆନାସ୍, ଇଦାଂ କାଜିଂ ଆଗେ କାଡ୍ ଇନା ଇନାକା ଲେକା ଆଜି ମାଚାଡ୍, ହେ ସବୁ ମା ହିକ୍ୟା କାଜିଂ ଲେକା ଆତାଡ୍ନା । ^୫ କ୍ରିଷ୍ଟ ଜିସୁତି ଖାରିନି ପାଚେ ଲାକେ ଖିଜାର୍ତି ହେ ବାନି ମାନ୍ ବାବ୍ନା ଆନି କାଜିଂ ସାସ୍ ଆରି ଖାରିନି ଆଦାର ଇସ୍ତର୍ ମିଜେଙ୍ଗ୍ ବାପୁ କିଦେନ୍ । ^୬ ଇନେସ୍ ର ମାନ୍ଦାଂ ର ଖାଇଦାଂ ଏପେଙ୍ଗ୍ ଇସ୍ତର୍ ଆରି ମା ମାପୁ ଜିସୁ କ୍ରିଷ୍ଟି ଆବାତି ଜାଜ୍ମାଲ୍ କିୟାଟ୍ ।

ପାତର୍ କିଞ୍ଜି ଜିହୁଦିର୍ କାଜିଂ ହାର୍ଦି କାବୁର୍

^୭ ଲାଗିଂ ଇସ୍ତର୍ ଜାଜ୍ମାଲ୍ କାଜିଂ କ୍ରିଷ୍ଟ ଇନେସ୍ ମିଜେଙ୍ଗ୍ ଇଡ୍ଦାତାନ୍, ଏପେଙ୍ଗ୍ ପା ହେ ଲାକେ ହାରିତିଂ ଇଚାଟ୍ । ^୮ ଇନେକିଦେଂକି ଆନ୍ ଇଞ୍ଜନାଙ୍ଗ, କ୍ରିଷ୍ଟ ଇସ୍ତର୍ ହାଡ୍ପା କାଜିଂ ସୁନ୍ନଟ୍ ମାନାୟାରିଂ ହେବାକାରୟା କିୟା ଆତାଡ୍ନା, ଇନେସ୍ ହେଞ୍ଜାନ୍ ଆକର୍ଦାଦିରିଂ ହିଡ୍ଡି ପାର୍ମାଣ୍ ହାଜି ତିର୍ କିନାନ୍, ^୯ ଆରେ, ଇନେସ୍ ପାତର୍ କିଞ୍ଜି ଜିହୁଦିର୍ ଇସ୍ତର୍ ଦୟା କାଜିଂ ହେଞ୍ଜାନ୍ତି ଜାଜ୍ମାଲ୍ କିତାର୍; ଇନେସ୍ ଲେକା ମାନାଡ୍, “ଇଦାଂ କାଜିଂ ଆନ୍ ପାତର୍ କିଞ୍ଜି ଜିହୁଦିର୍ ବିଡ୍ରେ ନିଂ ଖାରିକିୟ କିଦ୍ନାଙ୍ଗ, ଆରେ ନି ତର୍ ଖାରିକିୟ କିନାଙ୍ଗ ।”

^{୧୦} ଆରେ ହେଞ୍ଜାନ୍ ଇନାନ୍, ଏ ପାତର୍ କିଞ୍ଜି ଜିହୁଦିର୍, ଏପେଙ୍ଗ୍ ହେଞ୍ଜାନ୍ତି ମାନାୟାର୍ ଲାହାଙ୍ଗ୍ ଖାରି କିୟାଟ୍ । ^{୧୧} ଆରେ, “ଏ ପାତର୍ କିଞ୍ଜି ଜିହୁଦିର୍ ଖିଜାଦେର୍ ମାପୁଙ୍ଗ୍ ଖାରିକିୟ କିୟାଟ୍, ଆରେ, ମାନାୟା ଖିଜାର୍ ହେଞ୍ଜାନ୍ତି ଖାରିକିୟ କିୟାଟ୍ ।”

^{୧୨} ଆରେ ଜିସିୟ ଇନାନ୍, “ଜିସାୟତି ଦଲ୍ ମାନ୍ଗାନାଡ୍, ଆରେ, ଇନେର୍ ପାତର୍ କିଞ୍ଜି ଜିହୁଦିର୍ ଜପି ସାସନ୍ କିଦେଙ୍ଗ୍ ନିଙ୍ଗନାର୍, ପାତର୍ କିଞ୍ଜି ଜିହୁଦିର୍ ହେଞ୍ଜାନ୍ ଜପି ବାସ୍ କିତାର୍ ।”

^{୧୩} ଖିଜୁ ବାସ୍ ନି ଆଦା, ଇସ୍ତର୍ ମିଜେଙ୍ଗ୍ ପାତର୍ କାଜିଂ ମିଜେଙ୍ଗ୍ ଖାରି ଆରି ସୁସ୍ତାତ ବାତର୍ କିଦେନ୍ । ପୁଇପୁୟା ଜିବୁନ୍ ସାକ୍ତିତ ମିଦାଂ ବାସ୍ ନି ବାତା ଆୟେଡ୍ ।

ପାଉଲ୍ ପାତର୍ କିଞ୍ଜି ଜିହୁଦିର୍ କାଜିଂ ଜିସୁତି ହେବାକାମାୟ

^{୧୪} ଆରେ ଏ ନା ଟଣ୍ଡାର୍ ଆରି ତଣ୍ଡେକ୍, ନା ପାତର୍, ଏପେଙ୍ଗ୍ ଖିଜାକାଦେର୍ ସଡ୍ଗୁଣ୍, ଆରେ ଗିଆନ୍ତ ବାତର୍ ଆରି ହାରିତିଂ ହିକ୍ୟା ହିଦେଂ ଆଡ୍ନାଦେର୍ । ^{୧୫} ଆତିସ୍ପା ନାଙ୍ଗ୍ ଇସ୍ତର୍ତି ଦାଇଡ୍ ହିୟାଜି ମାନି ଦୟା କାଜିଂ ଆନ୍ ମିଜେଙ୍ଗ୍ ଆରେରଗ ଏଡ୍ଡକିୟ କିଦ୍ନି କାଜିଂ କେତେକ୍ ଇସାବ୍ ଆଦିକ୍ ସାସ୍ ଲାହାଂ ମି ଲାଗାଂ ଲେକିକିନାଙ୍ଗା । ^{୧୬} ଇନେକିଦେଂକି ପାତର୍ କିଞ୍ଜି ଜିହୁଦିର୍ ଇନେସ୍ ପୁଇପୁୟା ଜିବୁନ୍ ହୁକେ ପୁଇପୁୟା କିୟା ଆଜି ଆକାଡ୍ ଲାକେ ହାର୍ ଇଚ୍ୟା ଆନାର୍, ଇଦାଂ କାଜିଂ ହେଞ୍ଜାର୍ ଲାଗାଂ କ୍ରିଷ୍ଟ ଜିସୁତି ହେବାକାରିୟା ଆଜି ଇସ୍ତର୍ ନେକ୍ରିକାବୁର୍ ପର୍ଚାର୍ କିନି କାଜିଂ ନାଙ୍ଗ୍ ହେ ଉପକାର୍ ହିଡ୍ଡାଡ୍ନା । ^{୧୭} ଲାଗିଂ କ୍ରିଷ୍ଟ ଜିସୁତି ଲାହାଂ ମେହାଜି ଇସ୍ତର୍ତି କାଜିଂ ଇ ହେବାକାମାୟ କିଜି ମାଚିଲେ ଆନ୍ ଗର୍ବେ ବାବି କିନାଙ୍ଗା । ^{୧୮} ଇନେକିଦେଂକି ପାତର୍ କିଞ୍ଜି ଜିହୁଦିର୍ ବଲ୍ ମାନି କିନି କାଜିଂ କ୍ରିଷ୍ଟ ନା ହୁକେ ବଚନ୍ତ ଆରି କାମାୟତ, ଇଚିସ୍ ବିନ୍ବିନ୍ ଚିନ୍ ଆରି କାବାନି କାମାୟତ, ପୁଇପୁୟା ଜିବୁନ୍ ସାକ୍ତିତ ଇନା ଇନାକା କିଞ୍ଜାତାନ୍ନା, ଏଲେଙ୍ଗ୍ ଇମ୍ପାକା ପା ବିସ୍ତେ କିଦେଙ୍ଗ୍ ଆନ୍ ସାସ୍ କିଡ୍ଙ୍ଗ୍ । ^{୧୯} ଇଦାଂ ହେଞ୍ଜାନ୍ ଇଚାନ୍ନା, ବଚନ୍ ଆରି କାମାୟ ହୁଦାଂ ଆରି ଇସ୍ତର୍ତି ପୁଇପୁୟା ଜିବୁନ୍ତି ସାକ୍ତିତ ଚିନ୍କୁ ଆରେ କାବାନି କାମାୟ । ଲାଗିଂ ଆନ୍ ଜିରୁସାଲମ୍ତାଂ ଇଲ୍ଲିରିକ୍ତ ହାନି ଖେଡାଲିଂ ହାଜିଡ୍ କ୍ରିଷ୍ଟି ନେକ୍ରିକାବୁର୍ ବେସିକିଜି ସୁଣାୟ କିତାଂନା । ^{୨୦} ଇମ୍ପାଣି ବାହାକାଂ ମାନାୟାର୍ କ୍ରିଷ୍ଟି ବିସ୍ତେ ଖେନ୍ଖାତାଣ୍ଟା, ହେବେ ହେଞ୍ଜାନ୍ତି ନେକ୍ରିକାବୁର୍ ପର୍ଚାର୍ କିନାକା ନା ଇଚ୍ଚକାଡ୍, ଇନେକିଦେଂକି ବିନ୍ଲଗୁ କୁନାଦି କିତିତାକେ ଇଲ୍ ରଚ୍ଚେଙ୍ଗ୍ ଆନ୍ମାନ୍ କିଡ୍ଙ୍ଗା । ^{୨୧} ଇନେସ୍ ଲେକାମାନାଡ୍,

“ଇମ୍ପାଣାକାର୍ ହେଞ୍ଜାନ୍ତି କାବୁର୍ ପାୟାଖାତାଣ୍ଟା,
ହେଞ୍ଜାର୍ ହୁଡ୍ନାର୍, ଆରେ ଇମ୍ପାଣାକାର୍ ଖେନ୍ଖାତାଣ୍ଟା, ହେଞ୍ଜାର୍ ବୁଜାଆନାର୍ ।” ଜିସାୟ ୫୨:୧୫ ।

ରମ୍ ହାନି କାଜିଂ ପାଉଲ୍ତି ଇଚା

^{୨୨} ବେସିହଚ୍ ମି ଲାଗାଂ ଖାନି କାଜିଂ ନା ଇଚା ପଲ୍ୟା ଆତାନ୍ନା । ^{୨୩} ମାତର୍ ନଙ୍ଗ୍ ଇ ସବୁ ପାଚିନିପ କାମାୟ କିଦେଙ୍ଗ୍ ଆରେ ବାହା ହିଲ୍ଡିତିଲେ ଆରେ, ବେସି ବାହୁ ଆତାଡ୍ ମି ଲାଗାଂ ହାନି କାଜିଂ ଆହା କିଜି ଖାଜି ମାଚିଲେ, ^{୨୪} ଆନ୍ ସ୍ପେନ୍ତିଂ

☆ ୧୫:୨୨ ୧୫:୨୨ ରମିୟ ୧:୧୩.

ହାନି ସମୁତ ଖାନାଙ୍ଗ; ଇନେକିଦେଂକି ହାସଦ ମିଙ୍ଗେଙ୍ଗ ମେହାଜି ପର୍ତ୍ତୁମ୍ ମି ମେହାଣ୍ଡ କେତେକ୍ ହିସାବରେ ପାଞ୍ଜି ଲାବ୍ କିତି ପାଚେ ହେ ବାହାତ ହାନି କାଜିଂ ଏପେଙ୍ଗ ନାଙ୍ଗ ହାଜି ଖେଚ୍ଚାଚାନାଦେର୍ ଇଞ୍ଜି ଆହା କିନାଙ୍ଗ । ୨୫* ଇ ଦାପ୍ରେ ପୁଇପୁୟା ଇସ୍ପୁରତି ଲକ୍ତୁରିଂ ହେବା କିଦେଙ୍ଗ ଜିରୁସାଲମ୍ ହାଞ୍ଜେଙ୍ଗ ହତାଂନା । ୨୬ ଇନେକିଦେଂକି ଜିରୁସାଲମତ ପୁଇପୁୟା ସାଦୁର୍ ବିତ୍ରେ ଇମ୍ନାକାର୍ ହିଲକାର୍, ହେଞ୍ଜାର୍ କାଜିଂ ମାକିଦନିଆ ଆରି ଆକାୟାନି ମଣ୍ଡଲିକାଂ ମେହାଣ୍ଡ ଚର୍ଚ୍ଚି ଅଲପ୍ ଦାନ୍ ରୁଣ୍ଡାୟ୍ କିଦେଙ୍ଗ ହାର୍ କିତାଣ୍ଡା । ୨୭ ଆଁ ହେଞ୍ଜାର୍ ଇଦାଂ ହାର୍ ବୁଜାଆତାଣ୍ଡା ସଡ୍, ହେଲ ହେଞ୍ଜାର୍ ହେଞ୍ଜାର୍ତି ଲାଗାଂ ରିଣ୍ ପା ଲଡା; ଇନେକିଦେଂକି ଜଦି ପାତ୍ କିଞ୍ଜି ଜିହୁଦିର୍ ହେଞ୍ଜାର୍ତି ଖାସ୍ତି ବିସ୍ତେ ମେହା ଆତାଣ୍ଡା, ତେବେ ହେଞ୍ଜାର୍ ସଁସାର୍ ବିସ୍ତେ ପା ହେଞ୍ଜାର୍ତି ହେବା କିନି କାଜିଂ ରିଣ୍ । ୨୮ ଲାଗିଂ, ଇକାମାୟ୍ ପୁରା କିତି ପାଚେ ଆରି ଇ ରୁଣ୍ଡାୟ୍ କିଜି ଇଡ୍ଡତି ଦାନ୍ ଲାଗ୍ଦି ପାଡ୍ ହେଞ୍ଜାର୍ତି କେଇଦ ହେଲାୟ୍ କିତି ପାଚେ ମି ଲାଗାଂ ହିଜି ସ୍ପେନ୍ତ ହାନାଙ୍ଗ । ୨୯ ଆରେ ଆନ୍ ପୁନାଙ୍ଗ, ଏଚେକାଡ୍ଡ ଆନ୍ ମି ଲାଗାଂ ଏକା ଖାନାଙ୍ଗ, ହେପାଦନା କ୍ରିସ୍ତୁତି ଆସିର୍ବାଦ୍ନି ବାତ୍ ଡ ଏକାନାଂ ।

୩୦ ଏ ଟଣ୍ଡାର୍ ଆରି ଟଣ୍ଡାର୍, ଆନ୍ ମା ମାପୁ ଜିସୁ କ୍ରିସ୍ତୁତି କାଜିଂ ଆରି ଜିରୁନ୍ ଜିଉନନି କାଜିଂ ନା କାଜିଂ ଇସ୍ପୁତ୍ ଲାଗାଂ ନା ଲାହାଙ୍ଗ ଜାତୁନ୍ତାଂ ପାତ୍ନା କିନି କାଜିଂ ମିଙ୍ଗେଙ୍ଗ ଗଞ୍ଜାରି କିଦନାଙ୍ଗ, ୩୧ ଇନେସ୍ ଆନ୍ ଜିହୁଦା ରାଜିତ ବଲ୍ ମାନିକିଞ୍ଜି ମାନାୟାର୍ତାଂ ରାକ୍ୟା ପାୟାନାଙ୍ଗ, ଆରେ ଜିରୁସାଲମ୍ କାଜିଂ ନା ଇମ୍ନା ହେବା, ହେଦାଂ ଇନେସ୍ ପୁଇପୁୟା ସାଦୁର୍ ଲାଗାଂ ହାର୍ ଇଟ୍ୟାନାଡ୍, ୩୨ ଆରେ, ଇସ୍ପୁତ୍ ଇଚାତ ଆନ୍ ଇନେସ୍ ଖାରିତାଂ ମି ଲାଗାଂ ଏକା ଖାଜି ମି ଲାହାଙ୍ଗ ଆରାମ୍ ପାୟାଆନାଙ୍ଗ । ୩୩ ସୁସ୍ତାହିନାକାନ୍ ଇସ୍ପୁର୍ ମି ଖିଜାର୍ ଲାହାଙ୍ଗ ମାନେନ୍ । ଆମେନ୍ ।

୧୭

ପାଉଲ୍ଡି ବନ୍ଦାଣି

୧ କେଙ୍ଗେୟା ମଣ୍ଡଲିନି ରଞ୍ଜେଲ୍ ହେବା କିନାକାଦେଲ୍ ମା ତଣ୍ଡେଲ୍ ପୌବିତି ପାକ୍ୟାତ ଆନ୍ ମିଙ୍ଗେଙ୍ଗ ଗଞ୍ଜାରି କିଦନାଙ୍ଗ, ୨ ଏପେଙ୍ଗ ସାଦୁର୍ତି ଆଡ୍ନି ସମାନ୍ ବାବ୍ରେ ତାଙ୍ଗେଙ୍ଗ ମାପୁତି ତର୍ଦ ଇଚ୍ଚନାଦେର୍, ଆରେ ଇମ୍ନାକା ପା ବିସ୍ତେ ମିତାଂ ହେଞ୍ଜାନ୍ତି ଉପକାର୍ ଲଡା ଆନାଡ୍, ହେ ବିସ୍ତେ ତାଙ୍ଗ୍ ଉପକାର୍ କିନାଦେର୍; ଇନେକିଦେଂକି ହେଞ୍ଜାନ୍ ନିଜେ ପା ହେନିର୍ଡି ଆରି ନା ନିଜାର୍ତି ଉପକାର୍ କିତାର୍ନା ।

୩* କ୍ରିସ୍ତୁ ଜିସୁତି କାମାୟ୍ତ ନା ହାଙ୍ଗଦାକାର୍ ପ୍ରିସ୍ତା ଆରି ଆକ୍ଲିଲାତିଂ ଜୁଞ୍ଜାର୍ ଖେଚାଟ୍; ୪ ହେଞ୍ଜାର୍ ନା ପାରାଣ୍ କାଜିଂ ଜାର୍ ଜାର୍ ଜିରୁନ୍ତିଂ ଆପଡ୍ କିତାର୍; କେବଲ୍ ଆନ୍ ଜେ ହେଞ୍ଜାରିଂ ଦନ୍ୟବାଦ୍ କିନାଙ୍ଗ, ହେଦାଂ ଆକାୟ୍, ମାତର୍ ପାତ୍ କିଞ୍ଜି ଜିହୁଦିର୍ ମଣ୍ଡଲି ଲାଗାଂ ପା ହେଞ୍ଜାରିଂ ଦନ୍ୟବାଦ୍ ହିନାରା; ୫ ଆରେ ହେଞ୍ଜାର୍ ଇଞ୍ଜି ମାନି ମଣ୍ଡଲିତିଂ ଜୁଞ୍ଜାର୍ ଖେଚାଟ୍ ।

ନା ଖାରିନି ଏପାଈନେତତିଂ ଜୁଞ୍ଜାର୍ ଖେଚାଟ୍, ହେଞ୍ଜାନ୍ କ୍ରିସ୍ତୁତି କାଜିଂ ଆସିଆନି ପର୍ତ୍ତୁମ୍ ପାଡ୍ ଲାକେ । ୬ ମରିୟମ୍ତିଂ ଜୁଞ୍ଜାର୍ ଖେଚାଟ୍, ହେଦେଲ୍ ମି କାଜିଂ ବେସି କସ୍ କିଜି ମାଗାଡ୍ । ୭ ନା ନିଜ୍ଜାତି ଆରି ରଚେବାଦି ଆୟ୍ନିକ୍ ଆରି ଜୁନିୟାତିଂ ଜୁଞ୍ଜାର୍ ଖେଚାଟ୍; ହେଞ୍ଜାର୍ ପକ୍ୟାତାକାର୍ ବିତ୍ରେ ତାକ୍ପୁଟା ଆରି ନା ଆଗ୍ଦ ପା କ୍ରିସ୍ତୁତି ଦୟାପାୟା ଆତାଣ୍ଡା ।

୮ ମାପୁତାକେ ନା ଖାରିନି ବନ୍ଦୁ ଆମ୍ନିୟାତାନିଂ ଜୁଞ୍ଜାର୍ ଖେଚାଟ୍ । ୯ କ୍ରିସ୍ତୁତି ହେବାତ ନା ହାଙ୍ଗଦାକାର୍ କାମାୟ୍ କିନାକାନ୍ ଉର୍ବାଣତିଂ ଆରି ନା ଖାରିନି ସ୍ତାକ୍ତିଂ ଜୁଞ୍ଜାର୍ ଖେଚାଟ୍ । ୧୦ କ୍ରିସ୍ତୁତାକେ ପରିକ୍ୟାସିଦ୍ ଆପେଲ୍ଲାଙ୍ଗ୍ ଜୁଞ୍ଜାର୍ ଖେଚାଟ୍ । ଆରିସ୍ପୁଲ୍ଡିଂ କୁଟୁମ୍ନି ମାନାୟାରିଂ ଜୁଞ୍ଜାର୍ ଖେଚାଟ୍ । ୧୧ ନା ନିଜ୍ଜାତିରିଂ ହେରଦିୟନ୍ତିଂ ଜୁଞ୍ଜାର୍ ଖେଚାଟ୍ । ନାକ୍ ସଙ୍ଗତିଂ କୁଟୁମ୍ ବିତ୍ରେ ଇମ୍ନାକାର୍ ମାପୁତି ଆସିର୍ବାଦ୍ ପାୟାତାଣ୍ଡା, ହେଞ୍ଜାରିଂ ଜୁଞ୍ଜାର୍ ଖେଚାଟ୍ ।

୧୨ ମାପୁତି କାମାୟ୍ତ କସ୍ କିଜି ମାନି କୁପେଣା ଆରି କୁପସାତିଂ ଜୁଞ୍ଜାର୍ ଖେଚାଟ୍ । ଖାରିନି ପସ୍ତିଂ ଜୁଞ୍ଜାର୍ ଖେଚାଟ୍, ହେଞ୍ଜାନ୍ ମାପୁତି କାମାୟ୍ତ ବେସି କସ୍ କିତାନ୍ନା । ୧୩ ମାପୁତି ବାଟିକିତି ରୁପ୍ତିଂ ଆରି ତାଂ ତେହିଙ୍ଗ୍ ଜୁଞ୍ଜାର୍ ଖେଚାଟ୍, ହେଦେଲ୍ ପା ନା ଆୟା ଲାକେ । ୧୪ ଅସୁକ୍ତି, ପ୍ଲେଗନ୍, ହର୍ମ୍ ସ, ପାତ୍ରବା, ହର୍ମ୍ ସ, ଆରେ ହେଞ୍ଜାର୍ତି ହାଙ୍ଗଦାଂ ମାନି ଟଣ୍ଡାରିଂ ଆରି ତଣ୍ଡେକ୍କାଂ ଜୁଞ୍ଜାର୍ ଖେଚାଟ୍ । ୧୫ ପିଲଲଗ୍ ଆରି ଜୁଲିଆ, ନିରୁସ୍ ଆରି ତା ତଣ୍ଡେଲ୍; ଆରେ ଅଲୁମ୍ପା ଆରି ହେଞ୍ଜାର୍ତି ଲାହାଂ ମାନି ଖିଜାର୍ ସାଦୁରିଂ ଜୁଞ୍ଜାର୍ ଖେଚାଟ୍ ।

୧୬ ପୁଇପୁୟା ତଞ୍ଜନାକା ହିଜି ହାରିତିଂ ଜୁଞ୍ଜାର୍ କିୟାଟ୍ । କ୍ରିସ୍ତୁତି ଖିଜୁ ମଣ୍ଡଲି ମିଙ୍ଗେଙ୍ଗ୍ ଜୁଞ୍ଜାର୍ ଖେଚ୍ଚାଚାନାରା ।

ପାଉଲ୍ଡି ହାରିହାରା ବଲ୍

୧୭ ଏ ଟଣ୍ଡାର୍ ଆରି ତଣ୍ଡେକ୍, ଏପେଙ୍ଗ ଇମ୍ନା ହିକ୍ୟା ପାୟାତାଣ୍ଡା, ହେବେନି ପାଲ୍ଟା ଇମ୍ନାକାର୍ ଦଲ୍ଗଣ୍ଡଗଲ୍ ଆରି ବାଦାନି କାରଣ୍ ଗିଟାୟ୍ କିତାର୍, ହେଞ୍ଜାରିଂ ଚିନ୍ ଇଡ୍ଡି ହେଞ୍ଜାର୍ତାଂ ବିନେ ମାଞ୍ଜେଙ୍ଗ୍ କାଜିଂ ଆନ୍ ମିଙ୍ଗେଙ୍ଗ୍ ଗଞ୍ଜାରି କିଦନାଙ୍ଗ । ୧୮ ଇନେକିଦେଂକି ଇ ଲାକେ ମାନାୟାର୍ ମା ମାପୁ କ୍ରିସ୍ତୁତି ଆଡ୍ନିନ୍ ଆକାୟ୍, ମାତର୍ ଜାର୍ ଜାର୍ ବାତ୍ ଆଡ୍ନିନ୍ ଆତାଣ୍ଡା, ଆରେ ମିଚ୍ଚବଚନ୍ ଆରି ଚିକ୍ଣିତ ହୁଦାର୍ ମାନ୍ ମାନାୟାର୍ତି ମାନ୍ ବୁଲ୍ଲାୟ୍କିନାର୍ । ୧୯ ଲାଗିଂ ମି ବଲ୍ଡାଂ କାତା ଖିଜୁ ଲକାର୍ତି ବିତ୍ରେ ମେଙ୍ଗୟାତାଡ୍; ଇଚିସ୍ ଆନ୍ ମି କାଜିଂ ଖାରି କିନାଙ୍ଗ, ମାତର୍ ଏପେଙ୍ଗ ଇନେସ୍

* ୧୫:୨୫ ୧୫:୨୫ ୧ କରନ୍ତିୟ ୧୭:୧-୪. * ୧୭:୩ ୧୭:୩ ପକ୍ୟାତାକା ୧୮:୨.

ହାର୍ଦ୍ଦି ବିସ୍ତେ ଗିଆନ୍ ଆରି ସତ୍‌କିଞ୍ଚି ବିସ୍ତେ ଅମାନ୍ୟା ଆମାଟ୍, ଇଦାଂ ନା ମାନ୍ । ୨୦ ଆରେ ସୁସ୍ତାହିନାକାନ୍ ଇସ୍‌ବର୍ ସୟତାନ୍ତିଂ ବେଗି ମି ପାନା ତାରେନ୍ ଓହ୍‌ନାନ୍ ।

ମା ମାପୁ ଜିସୁ କ୍ରିସ୍ଟି ଉପକାର ମି ଲାହାଙ୍ଗ୍ ଆଏଡ୍ ।

୨୧ ☆ନା ହାଙ୍ଗ୍‌ଦାକାନ୍ ତିମତି, ଆରେ ନା ନିଜ୍‌ଜାତିର୍ ଲୁକିୟ, ଜାସନ୍ ଆରି ସସିପାତ୍ର ମିଙ୍ଗେଙ୍ଗ୍ ଜୁଝାର୍ ଜାଣାୟ୍ କିଦ୍‌ନାରା ।

୨୨ ଇ ଆକି ଲେକିକିନାକାନ୍ ଜେ ଆନ୍ ତତ୍‌ୟ, ଆନ୍ ମାପୁତି ତର୍ଦ୍ଦ ମିଙ୍ଗେଙ୍ଗ୍ ଜୁଝାର୍ ଝେର୍‌ଚାନାନା ।

୨୩ ନା ଆରି ଓଜୁ ମଣ୍ଡଲିନି ଗତାଂ ହେବା କିନାକାନ୍ ଗାୟ୍ ମିଙ୍ଗେଙ୍ଗ୍ ଜୁଝାର୍ ଜାଣାୟ୍ କିଦ୍‌ନାନା । ଇ ଗାଡ୍‌ନି ଆଦିକାର୍ ଏରାୟ୍ ଆରି ଟଣ୍ଡେନ୍ କ୍ୱାର୍ଡ ମିଙ୍ଗେଙ୍ଗ୍ ଜୁଝାର୍ ଜାଣାୟ୍ କିଦ୍‌ନାରା । ୨୪ ମା ମାପୁ ଜିସୁ କ୍ରିସ୍ଟି ଉପକାର ମି ଓଜାର୍ ଲାହାଙ୍ଗ୍ ଆଏଡ୍ । ଆମେନ୍ ୨୫ ଇମ୍‌ଣି ଇସ୍‌ବର୍ ନା ନେକ୍ରିକାରୁର୍ ଆରି ଜିସୁ କ୍ରିସ୍ଟି ବିସ୍ତେନି ସୁଣାୟ୍‌କିନି ଇସାବ୍‌ରେ, ଇତିସ୍ ଇମ୍‌ଣି ହାର୍ଦ୍ଦାକା ଓଜ୍‌ଞ୍ଚି କାଡ୍‌ତାଂ ତରୁଜି ମାଟାଡ୍ ।

ପାର୍ତନା ଆରି ଖାରି ଲାହାଂ ଆକି ଓଜ୍‌ନାକା

୨୬ ମତର୍ ନଙ୍ଗ୍ ହତାଡ୍‌ନା, ଆରେ ପାତ୍ କିଜି ବଲ୍‌ମାନି ଆନି କାଜିଂ ଓଜ୍‌ଞ୍ଚି ମାପୁ ଇସ୍‌ବର୍ତିଂ ବଲ୍ ଇସାବ୍‌ରେ, ବେଣ୍‌ବାକ୍‌ଶାୟ୍‌କିନାକାର୍‌ତି ସାସ୍‌ବର୍ ଉପକାର୍‌ତାଂ ଓଜୁ ଜାତିର୍ ମାନାୟାର୍ ଲାଗାଂ ପୁନି କିତାର୍‌ନା, ହେ ବିଡ୍ରେନି ହତି ଇସାବ୍‌ରେ ମିଙ୍ଗେଙ୍ଗ୍ ସୁସ୍ତାକିଦେଂ ଆଡ୍‌ନାନ୍, ୨୭ ଜିସୁ କ୍ରିସ୍ଟି ହୁକେ ଜୁଗ୍ ଜୁଗ୍ ହେ ରଞ୍ଜାନ୍ ମତର୍ ଗିଆନ୍‌ବାନ୍ ଇସ୍‌ବର୍ ଜାଜ୍‌ମାଲ୍ ଆଏଡ୍ । ଆମେନ୍ ।

କରକ୍ତିୟ ମଣ୍ଡଳୀରେ ପାଉଲକ ପ୍ରଥମ ପତ୍ର ମା ମଣ୍ଡଳି ତାକେ ପାଉଲକ ପତ୍ରମ୍ ଆକି ପାଦେକ୍

ପତ୍ରମ୍ କରକ୍ତିନି ଆକି ପକ୍ୟାତି ପାଉଲକି ହୁଦାଂ ଜିସୁ କ୍ରିସ୍ତୁତି ଜଲମ୍ନି ରିକଡ଼ି ପନ୍ଦର ୫୫ ବାହୁଁ ପାଚେ ଲେକା ଆଜି ମାଚାଡ଼ ୧:୧ । ପାଉଲକି ହୁଦାଂ ଲେକା ଆଜି ମାଚି ରିଣ୍ଡି ଆକି ବିତ୍ରେତାଂ ଇଦାଂ ଆନାତା ପତ୍ରମ୍ ଆକି । ହେୱାନ୍ ଆଜି ମାନାଡ଼ ଇ ଆକି ଏପିସିତ ମାନି ୱେଡ଼ାଲିଂ ଲେକି କିଜି ମାଚାନ୍ । ମାସିଦନିୟାତାଂ କରକ୍ତିତ ମାନି ପୁର୍ବେତାଂ ଲେକି କିତାନ୍ନା ୧୭:୫-୯ ।

ପାଉଲ ଇ ଆକିତ ମଣ୍ଡଳି ବିତ୍ରେ କୁଦା ବାଗ୍‌ଆନାକା ଆରି କିଞ୍ଜିକାମାୟତ ଆହା ହୁଦାଂ ବାରବିନି ବାନ୍ୟା କାମାୟ ଚାଲା ଆଜି ମାଚି ବିସ୍ତେ ମଣ୍ଡଳିନି କୁଟୁମ୍‌ତିଂ ତାଙ୍ଗ୍ ୱେନ୍‌ଞ୍ଜି ଉତର୍ ହିନିତ ଦିୟାନ୍ ହିନାନ୍ । କରକ୍ତି ଗାଡ଼ କିଞ୍ଜିକାମାୟ ଆହା ବିସ୍ତେ ଜାଣାସୁଣା ମାଚାଡ଼ । ଲାଗିଂ ମଣ୍ଡଳି ଇ ଆବ୍‌ଡ଼କ୍‌ୱାଂ ଗିଟା ଆଜି ମାଚାଡ଼ ଇବେ କାବା ଆନାକା ମୁଡ଼େ ଆକାୟ । ପତ୍ରମ୍ କରକ୍ତି ଜିଉନନାକା ଜପି ରଞ୍ଜାଙ୍ଗ୍ ତାକ୍‌ପୁଟା ଆନାଡ଼ ।

ଇ ପତି ବିସ୍ତେନି ରାହାଣ୍

- ୧. ପାଉଲ କରକ୍ତିୟରଂ ବନ୍ଦାୟ କିତାର୍ ଆରି ହେୱାନ୍‌ଡ଼ି କାଜିଂ ଇସ୍‌ପୁର୍‌ତିଂ ଜଞ୍ଜାର୍ ହିନାନ୍ । ୧:୧-୯
- ୨. ପାଉଲ କରକ୍ତି ମଣ୍ଡଳିତାଂ ପାୟାତି ମଣ୍ଡଳି ବିନେ ବିନେ ବିସ୍ତେ ହିକ୍ୟା ହିନାନ୍ । ୧:୧୦-୪:୨୧
- ୩. ବିନେନିକା ହେ କିଞ୍ଜି କାମାୟ ଆହା ଆରି ରଞ୍ଜାନ୍ ବିନେ ଲଗାଂ ଦାକ୍‌ର୍‌ତ ଅନି ବିସ୍ତେ ଲେକି କିନାନ୍ । ୫-୭
- ୪. ପାଚେ ବିବା ବିସ୍ତେ, ପୁଡ଼ଡ଼ାତିଂ ପୁଜାକିନାକା, ଉପ୍ରିୟା ପାର୍ତ୍ତାନା କିନାକା, ପୁଇପୁୟାତି ଦାନ୍ ଆରି ଆରେ ନିଂନାକା ଲେକି କିନାନ୍ । ୭-୧୫
- ୫. ହାରିହାରା ହେୱାନ୍ ଏତେକ୍ ଚିନ୍ତାକିନାକା ଆରି ଜାର୍ ବିସ୍ତେ ଲେକି କିଜି ଝିହନାନ୍ । ୧୬

୧ ଆନ୍ ପାଉଲ, ଇସ୍‌ପୁର୍ ଇଚାତ କ୍ରିସ୍ତୁ ଜିସୁତି କୁକ୍ୟାତି ରଞ୍ଜାନ୍ ପକ୍ୟାତାକାନ୍, ମା ଟଣ୍ଡେନ୍ ସସ୍ତିନା,

୨ କରକ୍ତି ବସ୍ତିତ ଇସ୍‌ପୁର୍ ମଣ୍ଡଳିତ ଆପେଂ ଲେକିକିନାପା; ଇମ୍‌ଣାକାର ଇସ୍‌ପୁର୍ ପୁଇପୁୟା ମାନାୟ ଆନି କାଜିଂ କୁକ୍ୟାତାକାର୍ ଆରି ଇସ୍‌ପୁର୍ କ୍ରିସ୍ତୁ ଲାହାଙ୍ଗ୍ ମେହା ହୁକେ ଇସ୍‌ପୁର୍ ଆଜି ଝିଜ୍‌ଝି ଆରି ସବୁ ମା ମାପୁ ଜିସୁତି ପାର୍ତ୍ତାନା କିତାର୍

୩ ମି କାଜିଂ ମା ଆବା ଇସ୍‌ପୁର୍ ଆରି ମାପୁ ଇସ୍‌ପୁର୍ କ୍ରିସ୍ତୁ ଜିସୁତି ତାଙ୍ଗ୍ ଉପ୍‌କାର୍ ଆରେ ସୁସ୍ତା ଆଏଡ଼ ।

କ୍ରିସ୍ତୁତି ହୁକେ ଆସିର୍ବାଦ୍

୪ ଇନାକିଦେଂକି ଏନ୍ କ୍ରିସ୍ତୁ ଜିସୁ ଲାହାଙ୍ଗ୍ ମେହାଆନି କାଜିଂ ଇସ୍‌ପୁର୍ ମିଜେଙ୍ଗ୍ ଇମ୍‌ଣି ଉପ୍‌କାର୍, ହିଡ଼ନ୍ନା ହେଦାଂ କାଜିଂ ଇସ୍‌ପୁର୍‌ତିଂ ଜୁଞ୍ଜାର୍ ହିନାଙ୍ଗା, ୫ ଇନାକିଦେଂକି ତା ତାକେ ଝିଜୁ ବିସ୍ତେ, ବେସି ଇସ୍‌ପୁର୍ ସବୁ ବାନି ହିକ୍ୟା ହିନିତ ଆରି ସବୁ ବାନିନି ଗିଆନ୍ ଏପେଙ୍ଗ୍ ହାଉକାର୍ ଆତାଦେଣ୍ଡା । ୬ ଇ ବାନି କ୍ରିସ୍ତୁତି ସାକି ମି ବିତ୍ରେ ତିର୍ ଆତାଡ଼ନ୍ନା । ୭ ହେଦାଂ କାଜିଂ ମାପୁ ଜିସୁ କ୍ରିସ୍ତୁତି ହତାକାତିଂ କାସି ମାନି ୱେଡ଼ାଲିଂ ମିଦାଂ ଇମ୍‌ଣାକାପା ଆମ୍‌କ୍ ଆସିର୍ବାଦ୍‌ନି ଅସୁବିଦା ଆଡ଼ଞ୍ଜାତାଡ଼ନା । ୮ ମା ମାପୁ ଜିସୁ କ୍ରିସ୍ତୁତି ଅଜଡ଼ତ ଇନେସକି ଏପେଙ୍ଗ୍ ଇଦାଂ କାଜିଂ ହେୱାନ୍ ପା ମିଜେଙ୍ଗ୍ ହାରିହାରା ପାତେକ୍ ଆଡ଼ଞ୍ଜା ଲାହାଙ୍ଗ୍ କିଦ୍‌ନାନ୍ ପାଚେ ମାପୁ ଜିସୁ କ୍ରିସ୍ତୁତି ଝାନି ଦିକ୍ତ ଦସିକିଞ୍ଜାତାକାନ୍ ବାଚିକିୟାନାନ୍ । ୯ ଇମ୍‌ଣି ଇସ୍‌ପୁର୍ ତା ମାଜି ମାପୁ ଜିସୁ କ୍ରିସ୍ତୁତି ମେହାବିଡ଼ା ଆନି କାଜିଂ ମିଜେଙ୍ଗ୍ କୁକ୍‌ତାତାନ୍ନା ହେୱାନ୍ ସବୁଞ୍ଜେଡ଼ାଙ୍ଗ୍ ପାତର୍‌ନିକାନ୍ ।

ମଣ୍ଡଳିତ ବାଗ୍‌ବାଗ

୧୦ ଏ ଟଣ୍ଡାର୍, ଆରି ଟଣ୍ଡେକାଦେର୍ ମା ମାପୁ ଜିସୁ କ୍ରିସ୍ତୁତି ତର୍‌ଦ ଆନ୍ ମିଜେଙ୍ଗ୍ ଗଞ୍ଜାରି କିଦ୍‌ନାଙ୍ଗା, ଇନ୍‌ବା ଆନି ସମୁତ ର ମାନ୍ ଇନାଡ଼, ତା ଆତିସ୍ ମି ବିତ୍ରେ ଇମ୍‌ଣାକା ଗଡ଼ମାର୍ ଆଉଡ଼, ମତର୍ ଏପେଙ୍ଗ୍ ର ମାନ୍‌ତାଂ ଆରି ର ବାବ୍‌ନାତ ମେହାଆଡୁ । ୧୧ ଏ ନା ଟଣ୍ଡାର୍, ଆରେ ଟଣ୍ଡେକ୍, କ୍ଲୟିତି ଲକ୍‌ବାକ୍‌ତାଂ ମି ବିସ୍ତେ ନା ତାକେ ଇଦାଂ ହତାଡ଼ନା ଜେ, ମି ବିତ୍ରେ ଗଡ଼ମାର୍ ମାନାଡ଼ । ୧୨ *ନା କାତା ବାବିକିୟାଡ଼ ଇ, ମି ବିତ୍ରେତାଂ ଇନେ ଇନେର୍ ଇନାଡ଼, ଆନ୍ ପାଉଲକି, ଇନେ ଇନେର୍ ଇନାଡ଼, ଆନ୍ ଆପଲ୍‌କି, ଇନେ ଇନେର୍ ଇନାଡ଼, ଆନ୍ କେପାତି, ଆରେ ଇନେ ଇନେର୍ ଇନାଡ଼ ଆନ୍ କ୍ରିସ୍ତୁତି । ୧୩ କ୍ରିସ୍ତୁ କି ରିବାଗ୍ ଆତାନ୍ନା ? ମି କାଜିଂ କି ପାଉଲ୍ କୁସ୍‌ତ ହାଜି ମାଚାନ୍ ? ଇତିସ୍ ଏପେଙ୍ଗ୍ କି ପାଉଲ୍ ତର୍‌ଦ ବାପ୍ରିସିମ୍ ଆଜି ମାଚାଦେର୍ ? ୧୪ * ଇସ୍‌ପୁର୍‌ତି ଦନ୍ୟବାଦ୍ ହିନାଙ୍ଗା ଜେ କ୍ରିସ୍ତୁ ଆରି ଗାୟତି ପିସ୍ତି ମି ବିତ୍ରେତାଂ ଆନ୍ ଇନେରିଂ ବାପ୍ରିସିମ୍ ହିଞ୍ଜାତାଙ୍ଗା । ୧୫ ଲାଗିଂ ନା ଚେଲା ଲାକେ ବାପ୍ରିସିମ୍ ଅତାଣ୍ଡା ଇଞ୍ଜି ମି ବିତ୍ରେ ଇନେ ଇନେର୍ ଇଞ୍ଜେଙ୍ଗ୍ ଆଡୁର୍ । ୧୬ *ଆଁ

* ୧:୧୭ ୧:୧୭ ପକ୍ୟାତାକା ୧୮:୨୪. * ୧:୧୪ ୧:୧୪ ପକ୍ୟାତାକା ୧୮:୮; ପକ୍ୟାତାକା ୧୯:୨୯; ରମିୟ ୧୭:୨୩. * ୧:୧୭ ୧:୧୭ ୧ କରକ୍ତିୟ ୧୭:୧୫.

ଆନ୍ ସ୍ତ୍ରୀପାନ୍ କୁଦାନିକାରିଂ ପା ବାପ୍ତିସିମ୍ ହିତାଙ୍ଗନା; ଇଦାଂ ପିସ୍ତ୍ରୀ ଆନ୍ ଆରେ ଇନେରିଂ ପା ବାପ୍ତିସିମ୍ ହିତାଙ୍ଗନା ଇଞ୍ଜି ନା ଏତୁ ଖାତତା । ୧୭ ଇନାକିଦେଂକି କ୍ରିସ୍ଟୁ ନାଙ୍ଗେଙ୍ଗ୍ ବାପ୍ତିସିମ୍ ହିନି କାଜିଂ ପଲ୍ଲୀଖାତାନନା, ମତର ନେକ୍ରିକାବୁରୁ ସୁଣାୟ କିନି କାଜିଂ ପଲ୍ଲୀତାନନା; ହେଦାଂ ପା ବଚନ୍ ତାଟ୍ତାଙ୍ଗ୍ ଆକାୟ, କାତେହିନା କ୍ରିସ୍ଟି କୁସ୍ ପଲ୍ୟା ଆନାତ୍ ।

ଇସ୍ତର୍ ସାକ୍ତି ଆରି ଗିୟାନି କାଦି କ୍ରିସ୍ଟୁ

୧୮ ଇନାକିଦେଂକି ବୁଡା ଆନି ଲକୁ କାଜିଂ କୁସ୍ ଜପି କ୍ରିସ୍ଟି ହାକିନି କାତା ମୁକ୍ତ୍ୟା ମତର, ମତର ମୁକ୍ତି ଆନାକା ପାୟାଜିମାନି ମା କାଜିଂ ହେଦାଂ ଇସ୍ତର୍ ସାକ୍ତି ଆନାତ୍ । ୧୯ ଲାଗିଂ ଇଦାଂ ସାସ୍ତର ଲେକା ମାନାତ୍, “ଆନ୍ ଗିୟାନିରତାଂ ଗିଆନ୍ ନାହାୟ କିନାଙ୍ଗ୍, ଆରେ ବୁଦିନିକାରିଙ୍ଗ୍ ବୁଦି ଇରୁପ୍ ।

୨୦ ଗିଆନିର ଇନେର ? ସାସ୍ତର ଇନେର ? ଇ ଜୁଗ୍ନି ବେରଣିୟା ଇନେର ? ଇସ୍ତର କି ପୁତ୍ରିଂ ଗିଆନିଂ ମୁକ୍ତ୍ୟା ଇଞ୍ଜି ହପ୍ତାତାଣ୍ଟା ? ୨୧ ଇସ୍ତର ତା ଗାଜା ଗିଆନିତ ତିର କିଜି ମାତାନ ଜେ ମାନାୟ ଜଗତ୍ ଜାର ଗିଆନି ହୁକେ ଇସ୍ତରତିଂ ପୁଞ୍ଜେଙ୍ଗ୍ ଆତୁସ୍ ବିନ୍ ପାକ୍ୟାତ ଆସେଙ୍ଗ୍ ସୁଣାୟକିନାକା ଇତିସ୍ ବୁଦି ହିଲ୍ଖାକାର ନେକ୍ରିକାବୁରତ ପାତ୍ କିନି ମାନାୟାରିଂ ରାକ୍ୟା କିନି ଇସ୍ତର ଇତା କିତାନନା । ୨୨ ଇନାକିଦେଂକି ଜିହୁଦିର ତିନ୍ ତେକ୍ନାର, ଆରେ ଗ୍ରିକ୍ ଲକୁ ଗିଆନି ତେକ୍ନାର, ୨୩ ମତର ଆସେଙ୍ଗ୍ କୁସ୍ତ ହାକି କ୍ରିସ୍ଟିଂ ସୁଣାୟ କିନାସ୍, ହେଞ୍ଜାନ୍ ଜିହୁଦିର କାଜିଂ ବାଦାଲାକେ ଆରି ପାତ୍ କିଞ୍ଜି ଜିହୁଦିର କାଜିଂ ମୁକ୍ତ୍ୟା ଲାକେ, ୨୪ ମତର ଜିହୁଦି ଆରି ଗ୍ରିକ୍, ଇନେର କୁକ୍ୟାଆତାଣ୍ଟା, ହେଞ୍ଜାର କାଜିଂ କ୍ରିସ୍ଟୁ ଇସ୍ତର୍ ସାକ୍ତି ଆରି ଇସ୍ତର୍ ଗିଆନି ଲାକେ ଆନାତ୍ । ୨୫ ଲାଗିଂ ଇସ୍ତର୍ ମୁରୁକ୍ ବିସ୍ତେ ମାନାୟନି ଗିଆନିତାଂ ଆଦିକ୍ ଗିଆନିବାତ୍, ଆରେ ଇସ୍ତର୍ ନାଦାର ବିସ୍ତେ ମାନାୟତି ସାକ୍ତିତାଂ ଆଦିକ୍ ବାଡ଼କାସ୍ ।”

୨୬ ଏ ଟଣ୍ଡାର, ଆରି ତଣ୍ଡେକାଦେର ଏତେକାଡ଼ଦ ଇସ୍ତର କୁକ୍ତିନି ସମୁତ ଏପେଙ୍ଗ୍ ଇନେସ୍ ମାତାଦେର, ସଁସାରନି ବାବନାରେ ଆଦେକ୍ ଗିୟାନି, ଆଦେକ୍ ସାକ୍ତିକାଟାକାର କି ଆଦେକ୍ ଗାଜାବସ୍ କୁକ୍ୟାଖାତାଣ୍ଟା; ୨୭ ଇସ୍ତର ଗିଆନିଂ ଲାଜୁକିଦେଂ କାଜିଂ ପୁତ୍ରିଂ ହୁକେ ମୁରୁକ୍ ମାନାୟାରିଂ ବାଟି କିତାନ; ୨୮ ଇଦାଂ କାଜିଂ ଇସ୍ତର ଗିଆନିଂ ଲାଜୁକିନି କାଜିଂ ପୁତ୍ରିଂ ମୁରୁକ୍ ବିସ୍ତେ ସବୁ ବାଟି କିତାନ, ଆରେ ସାକ୍ତି ବିସ୍ତେ ସବୁ ଲାଜୁକିନି କାଜିଂ ଇସ୍ତର ପୁତ୍ରିଂ ନାଦାର ବିସ୍ତେ ସବୁ ବାଟି କିତାନ, ୨୯ ଆରେ ଇନାକା ପୁତ୍ରିଂ କାଣ୍ଡକୁକାଙ୍ଗ୍ ମାନିନି ମାନାୟ, ହେ ସବୁତିଂ ପଲ୍ୟା କିନି କାଜିଂ ଇସ୍ତର ପୁତ୍ରିଂ ହାରୁକାନ ଆରି ଗ୍ଲାଇନି ବିସ୍ତେନିକିଂ, ଆଁ, ଗାଣାକିଦେଂଆଡ଼ଞ୍ଜି ବିସ୍ତେନିକିଂ ବାଟି କିତାନ । ୩୦ ମତର ଇସ୍ତର କାଜିଂ ଏପେଙ୍ଗ୍ କ୍ରିସ୍ଟୁ ଜିସ୍ତୁତି ତାକେ ମାନାଦେର, ହେଞ୍ଜାନ୍ ଇସ୍ତରତାଂ ମା କାଜିଂ ଗିଆନି, ତା ହୁକେ ମୁମ୍ଦ ଆପେଂ ଦାମ୍, ପୁଇପୁୟା ଲକ୍ ଆଜି ମୁକ୍ତାନାକା ଲାକେ ଆତାପନା । ୩୧ ଲାଗିଂ, ଦରମ୍ ସାସ୍ତର ଇନେସ୍ ଲେକା ମାନାତ୍, “ଇନେନ୍ ଗରବ୍ କିନାନ, ହେଞ୍ଜାନ୍ ମାପୁତାକେ ଗରବ୍ କିଏନ୍ ।”

୨

କୁସ୍ନି କ୍ରିସ୍ଟି ବିସ୍ତେ କାବୁର

୧ ଲାଗିଂ, ଏ ଟଣ୍ଡାର, ଆରି ତଣ୍ଡେକାଦେର ଏତେକାଡ଼ଦ ଆନ୍ ମି ତାକେ ଖାଜି ମାତାଙ୍ଗ୍, ହେ ପାଦନା ଇସ୍ତର୍ ହାଡ଼ପା ବଚନ୍ ଇଞ୍ଜିମାତାଂ କି ଗିଆନି ହାରଦାକା ଲାହାଙ୍ଗ୍ ଜେ ମି ତାକେ ସୁଣାୟ କିଜି ମାତାଙ୍ଗ୍, ହେଦାଂ ଆକାୟ । ୨ ଇନାକିଦେଂକି ଜିସ୍ଟୁ କ୍ରିସ୍ଟୁ, ଇତିସ୍ କୁସ୍ତ ହାତି ଜିସ୍ଟୁ କ୍ରିସ୍ଟୁ ପିସ୍ତ୍ରୀ ମି ବିତ୍ରେ ଆରେ ଇନା ବିସ୍ତେ ପୁନ୍ଞି କାଜିଂ ଆନମାନ୍ କିତାଙ୍ଗ୍ । ୩ ଆରେ, ଆନ୍ ନାଦାର, ପାଣ୍ଡୁତୁଂ ଆରି ତ୍ରିଗ୍ଜି ମି ଲାହାଙ୍ଗ୍ ମାତାଙ୍ଗ୍; ୪ ନା ହିକ୍ୟା ଆରି ନେକ୍ରିକାବୁର, ମାନାୟାର ଗିଆନି ଜପି କୁଟ୍ତାଦାଂ ଇସ୍ତର୍ ସାକ୍ତି ଜପି କୁଟ୍ତାତ୍, ୫ ଇଦାଂ କାଜିଂ ନା ମି ପାତ୍ ହିକ୍ୟା ଆରି ନା ସୁଣାୟ କିନାକା, ଗିଆନି ହଲ୍ଲନାକା ବଚନ୍ ସମାନ୍ ଆଖାଦାଂ ଇସ୍ତରତି ଆରି ସାକ୍ତିନି ପାର୍ମାଣ୍ ସମାନ୍ ଆଜି ମାତାତ୍ ।

ଇସ୍ତର୍ ଗିଆନି

୬ ଆମିକ୍ ବାବ୍ରେ ହେଞ୍ଜାକାର ଲକୁ ବିତ୍ରେ ଗିଆନି କାତା ଇନାପ୍, ମତର ହେଦାଂ ଇ ଜୁଗ୍ନି ଗିଆନି ଆକାୟ କି ଇ ଜୁଗ୍ନି କୁଟ୍ତାକାର ଗିଆନି ଆକାୟ, ୭ ମତର ଆପେଂ ହାଡ଼ପା କାତା ଗିଆନି ଲାକେ ଇସ୍ତର୍ ଗିଆନି କାତା ଇନାପା; ହେଞ୍ଜାନ୍ ତ୍ରିକ୍ତ ଗିଆନି ଇସ୍ତର ମାଦାଂ ଜାଜମାଲ୍ କାଜିଂ ସଁସାରନି ଆଗେ ତିର କିଜି ମାତାନ । ୮ ଇ ଜୁଗ୍ନି ମୁତ୍ତଦାକାର ବିତ୍ରେ ଇନେର ହେଦାଂ ପୁନ୍ଞାତାଣ୍ଟା, ଇନାକିଦେଂକି ହେଞ୍ଜାର ହେଦାଂ ପୁଞ୍ଜି ମାତିସ୍ ଜାଜମାଲ୍ନି ମାପୁତି କୁସ୍ତ ଦୁପି କିଞ୍ଜାତାର୍ମା; ୯ ମତର ଇନେସ୍ ଲେକା ମାନାତ୍, “କାଣ୍ଡକୁ ଇନାକା ହୁଡ଼ଞ୍ଜିକନା, କିତୁଲିଂ ଇନାକା ଖେନ୍ଞିକନା, ଆରେ ମାନାୟ ଖାସ୍ତିତ ଇନାକା ଉବ୍ଜାଣ୍ ଆଖାତାନା, ଜେ ସବୁ ବିତ୍ରେ ଇସ୍ତର ଜାର ଜିଉନି ଲକୁ କାଜିଂ ଜାଲ୍ଦି କିତାନନା । ୧୦ ମତର ଇସ୍ତର ମା କାଜିଂ ଖାସ୍ତି ହୁଦାଂ ହେଞ୍ଜାନ୍ ଓଜୁ ବିସ୍ତେ ଖେଟ୍ତାନ; ଲାଗିଂ ଖାସ୍ତି ଓଜୁ ବିସ୍ତେ, ଆଁ, ଇସ୍ତର୍ ବିତ୍ରେନି

☆ ୨:୩ ୨:୩ ପକ୍ୟାତାକା ୧୮:୯.

ବିସ୍ତେ ସବୁ ଡେକନାନ୍ । ୧୧ ମାନାୟ ବିସ୍ତେ ସବୁ ମାନାୟାତାକେ ମାନି ଖାସ୍ତି ପିସ୍ତି ଆରେ ଇନେର୍ ପୁନାର୍ ? ହେ ଲାକେ ପା ଇସ୍ତର୍ ବିସ୍ତେ ସବୁ ଇସ୍ତର୍ ଖାସ୍ତି ପିସ୍ତି ଆରେ ଇନେର୍ ପୁନର୍ । ୧୨ ଇନେସ୍ତି ଇସ୍ତର୍ ହୁଦାଂ ମା ଉପକାରତ ହିଦ୍ୟାତି ବିସ୍ତେନିକିଂ ଆପେଂ ପୁଞ୍ଜେଙ୍ଗ୍ ଆଡ୍‌ନାପ, ଇଦାଂ କାଜିଂ ଆପେଂ ପୁତ୍ରିଂ ଜିବୁନ୍ ଗାଟାଞ୍ଜାଦାଂ ଇସ୍ତର୍ ଜିବୁନ୍ ପାୟାତାପନା ।”

୧୩ ହେ ସବୁ ବିସ୍ତେ ପା ଆପେଂ ମାନାୟାତ୍ ଗିଆନ୍ ହୁଦାଂ ହିକାତି ବଚନ୍ତାଂ ଇନ୍‌ଞ୍ଜାଦାଂ ମାନାପ, ମତର୍ ଖାସ୍ତିନି ବିସ୍ତେ ସବୁ ଖାସ୍ତିନି ବିସ୍ତେ ହୁଦାଂ ବୁଜାୟ ଆମିକ୍ ହୁଦାଂ ହିକାତି ବଚନ୍ ଇଞ୍ଜି ମାନାପ । ୧୪ ହାତ୍‌ପା ମାନାୟ ଇସ୍ତର୍ ଖାସ୍ତି ବିସ୍ତେନିକିଂ ଇଟ୍‌ର୍, ଇନାକିଦେଂକି ହେ ସବୁ ତା ତାକେ ମୁରୁକ୍‌ନିକା, ଆରେ ହେଞ୍ଜାନ୍ ହେ ସବୁ ବୁଜାଆଦେଂ ଆଡୁନ୍, ଲାଗିଂ ହେ ସବୁତଙ୍ଗ୍ ଆମିକ୍ ଜିବୁନ୍ ହୁକେ ବିଚାର୍ କିୟାନାତ୍ । ୧୫ ମତର୍ ଇନେନ୍ ଆମିକ୍, ହେଞ୍ଜାନ୍ ଓଁଜୁ ବିସ୍ତେ ବିଚାର୍ କିନାକାନ୍, ଆତିସ୍‌ପା ଇନେର୍ ତାଦାଂ ବିଚାର୍ କିଉନ୍ । ୧୬ ଇନାକିଦେଂକି ଇନେନ୍ ମାପୁତି ମାନ୍ ପୁତାନ୍‌ନା ଜେ, ହେଞ୍ଜାନ୍ ତାଙ୍ଗେଙ୍ଗ୍ ହିକ୍ୟା ହିଦେଂ ଆଡ୍‌ନାନ୍ ? ମତର୍ ଆପେଂ କ୍ରିସ୍ତି ମାନ୍ ପାୟାତାପନା ।

୩

ଇସ୍ତର୍ତି ହେବା କିନାକାନ୍

୧ ଏ ଟଣ୍ଡାର୍, ଆରି ତଣ୍ଡେକ୍ ଆନ୍ ଆମିକ୍ ଲଗାଂ ଇନି ଲାକେ ମିଙ୍ଗେଙ୍ଗ୍ ଇଞ୍ଜେଙ୍ଗ୍ ଆଡ୍‌ଦାଞ୍ଜାତାଂ, ମତର୍ ଗାଗାଡ୍ ମାନାୟତିଂ ଆରି କ୍ରିସ୍ତ ତାକେ ହିମ୍‌ଶାକାଂ ଇତି ଲାକେ ମିଙ୍ଗେଙ୍ଗ୍ ଇନ୍‌ଚାଙ୍ଗ୍ । ୨ ଆନ୍ ମିଙ୍ଗେଙ୍ଗ୍ ପାଲ୍ ଉଟ୍‌ପିସ୍ ବିନ୍ କାଦି ହିଦ୍‌ଞ୍ଜାତାଙ୍ଗ୍‌ନା, ଇନାକିଦେଂକି ଏପେଙ୍ଗ୍ ହେଦାଂ ଇଡ୍‌ଦେଂ ମାନ୍ କିଞ୍ଜାତାଦେର୍, ଆରେ ନଙ୍ଗ୍‌ପା ମାନ୍ କିଉଦେରା, ୩ ଲାଗିଂ, ନଙ୍ଗ୍ ପାତେକ୍ ଏପେଙ୍ଗ୍ ସିଂସାର୍‌ନି ମାନାୟାତ୍ ଲାକେ ଚିନ୍ତା କିନାଦେରା ଇନାକିଦେଂକି ଏଚେକାଡ୍‌ଦ ମି ବିସ୍ତେ ରିସା ଆନାକା ଆରି କେଡ୍‌ନାକା ମାନାତ୍, ଏପେଙ୍ଗ୍ କି ପଟ୍‌ତି ହୁଡ୍‌ନା କାଦେର୍ ଆକାୟ ଆରି ମାନାୟନି ଗୁଣ୍ ଇସାପ୍‌ତାଂ କି ଚିନ୍ତା କିଉଦେରା ? ୪ ଇନେନ୍ ଏଚେକାଡ୍‌ଦ ରଞ୍ଜାନ୍ ଇନାନ୍, ଆନ୍ ପାଉଲ୍‌ତି ଦାହ୍‌ନାକାଂ, ଲାଗିଂ ଆରେ ରକାନ୍ ଆକାୟ, ଆନ୍ ଆପଲ୍‌ତି ଦାହ୍‌ନାକାଂ, ହେ ପାଦ୍‌ନା ଏପେଙ୍ଗ୍ କି ସିଂସାର୍‌ନି ଲକୁ କାଦେର୍ ଆକାୟ ?

୫ ଆପଲ୍ ଇନେନ୍ ? ପାଉଲ୍ ପା ଇନେନ୍ ? ହେଞ୍ଜାର୍ ତ ହେବାକାରୟା ମତର୍ ଇମ୍‌ଶାକାର୍ ହୁକେ, ଓଁଜାରିଂ ମାପୁ ଇନେସ୍ ହିଡ୍‌ତାଡ୍‌ନା, ହେଦାଂ କାଜିଂ ପାତ୍ କିତାଦେଣ୍ଡା । ୬ ଆନ୍ ରୁସ୍‌ୟାଂନା, ଆପଲ୍ ଏସ୍ ତିର୍ତ୍ତାନ୍ନା, ମତର୍ ଇସ୍ତର୍ ବାଡାୟ କିନାନା । ୭ ଲାଗିଂ, ଇନେନ୍ ରୁଜ୍‌ନାନ୍ ଆରେ ଇନେନ୍ ଏସ୍ ହିନାନ୍, ହେଞ୍ଜାନ୍ ମୁଲେ ଆକାୟ, ମତର୍ ଗାଜାୟ କିନାକାନ୍ ଜେ ଇସ୍ତର୍, ହେଞ୍ଜାନ୍ ଗାଜାକାନ୍ । ୮ ଇନେନ୍ ରୁଜ୍‌ନାନ୍ ଆରି ଇନେନ୍ ଏସ୍ ହିନାନ୍, ହେଞ୍ଜାର୍ ରିୟାର୍ ଏକ୍, ଇନାକିଦେଂକି ଇସ୍ତର୍ ଜାଣକେତିଂ ଜାର୍ ଜାର୍ କାମାୟ ଇସାପ୍‌ତାଂ ଇନାମ୍ ପାୟାନାନ୍ । ୯ ଇନାକିଦେଂକି ଆପେଂ ଇସ୍ତର୍ ହାଙ୍ଗ୍‌ଦାକାର୍; ଏପେଙ୍ଗ୍ ଇସ୍ତର୍ ତାରେନ୍, ଇସ୍ତର୍ ଇଲ୍ । ୧୦ ନାଙ୍ଗେଙ୍ଗ୍ ହିୟାଆଡ୍‌ତି ଇସ୍ତର୍ ଦୟା ଲାକେ ଆନ୍ ରଞ୍ଜାଙ୍ଗ୍ ବୁଦିନିକାଂ ଇଲ୍ ରଚ୍‌ନାକାଂ ଲାକେ କୁନାଦି ରଚ୍‌ଚାଙ୍ଗ୍‌ନା, ବିନ୍ ନିକାନ୍ ତା ଜପି ରଚ୍‌ଚାନ୍‌ନା । ମତର୍ ଓଁଜାକାର୍ ତା ଜପି ଇନେସ୍ ଇଚ୍‌ଚାଣ୍ଡା, ହେ ବିସ୍ତେ ଜାଗ୍ରତ୍ ଆୟେନ୍ । ୧୧ ଇନାକିଦେଂକି ଇମ୍‌ଣି ମୁଡ୍‌କୁନାଦି ରଚ୍‌ଚାନ୍‌ନା, ତା ପିସ୍ତି ବିନ୍ ମୁଡ୍‌କୁନାଦି ଇନେର୍ ରଚ୍‌ଚେଂ ଆଡ୍‌ର୍, ହେ ମୁଡ୍‌କୁନାଦି ଜିସ୍ତୁ କ୍ରିସ୍ତ । ୧୨ ମାତର୍ ଜଦି ଇନେର୍ ହେ ମୁଡ୍‌କୁନାଦି ଜପି ହନା, ରୁପା, ବେସି ଦାମ୍‌ନି କାଲ୍, ଖେଜ୍‌ଗ୍, କାତ୍ରା ନଲେ ପିରି ହିଜି ରଚ୍‌ଚାନ୍, ୧୩ ତା ଆତିସ୍ ଓଁଜାକାର୍ କାମାୟ ଇନେସ୍, ହେଦାଂ ହନାତ୍, ଇନାକିଦେଂକି ହେ ଦିନ୍ ହେଦାଂ ହନାତ୍, ଲାଗିଂ ହେ ନାଜିଂ ନାଣି ଲାହାଙ୍ଗ୍ ହନାତ୍, ଆରେ ଓଁଜାକାର୍ କାମାୟ ଇନେସ୍, ହେଦାଂ ନାଣିତ ପରିକ୍ୟା କିନାନ୍ । ୧୪ ଇନେନ୍ ଇନାକା ଇଚ୍‌ଚାନ୍ନା, ତାଦାଙ୍ଗ୍ ହେ କାରୁମ୍ ଜଦି ମୁଡ୍‌କୁନାଦି ମାନାତ୍, ଖାଟିଙ୍ଗ୍ ହେଞ୍ଜାନ୍ ଇନାମ୍ ପାୟାନାନ୍; ୧୫ ଜଦି ଇନେର୍ତ୍ତି କାମାୟ କାଡ୍‌ନାତ୍, ତାଦାଂ ବୁତାନାତ୍, ଆତିସ୍‌ପା ହେଞ୍ଜାନ୍ ନିଜେ ରାକ୍ୟା ପାୟାନାନ୍, ମତର୍ ହେଦାଂ ନାଣି ଜପି ହିଜି ହାଟି ଲାକେ ଆନାତ୍ ।

୧୬ ଏପେଙ୍ଗ୍ ନିଜେ ପୁନୁଦେରା ଜେ, ଏପେଙ୍ଗ୍ ଇସ୍ତର୍ ମନ୍ଦିର୍, ଆରେ ଇସ୍ତର୍ତ୍ତି ଖାସ୍ତି ମି ଖାସ୍ତିତ ବାହା କିଡ୍‌ତାନ୍; ୧୭ ଜଦି ଇମ୍‌ଣି ଲଗୁ ଇସ୍ତର୍ ମନ୍ଦିର୍ତ୍ତି ବୁଡାୟ କିନାନ୍, ଖାଟିଙ୍ଗ୍ ଇସ୍ତର୍ ତାଙ୍ଗେଙ୍ଗ୍ ବୁଡାୟ କିନାନ୍, ଇନାକିଦେଂକି ଇସ୍ତର୍ ମନ୍ଦିର୍ ପୁଇପୁୟା, ହେ ମନ୍ଦିର୍ ଏପେଙ୍ଗ୍ ।

୧୮ ଇନେର୍ ଜାର୍‌ତି ଟେପର୍ କିମେନ୍ । ମି ବିତ୍ରେ ଜଦି ଇମ୍‌ଣି ଲଗୁ ଇ ଜୁଗ୍‌ତ ଜାର୍‌ତି ବୁଦିୟା ଇଞ୍ଜି ମାନେ କିନାନ୍, ଖାଟିଙ୍ଗ୍ ହେଞ୍ଜାନ୍ ଇନେସ୍‌କି ବୁଦିୟା ଆଦେଂ ଆଡ୍‌ନାନ୍, ଇଦାଂ କାଜିଂ ହେଞ୍ଜାନ୍ ମୁରୁକ୍ ଆୟେନ୍ । ୧୯ ଇନାକିଦେଂକି ଇ ପୁତ୍ରିଂ ଗିଆନ୍ ଇସ୍ତର୍ ତାକେ ମୁରୁକ୍‌ନିକା । ଲାଗିଂ ଦରମ୍ ସାସ୍ତର୍‌ର୍ ଲେକା ମାନାତ୍, ହେଞ୍ଜାନ୍ ଗିଆନିର୍ ହେଞ୍ଜାର୍‌ତି ହାଡ୍‌ରତାଂ ଆହ୍‌ନାନ୍; ୨୦ ଆତିସ୍‌ପା, ସାସ୍ତର୍‌ର୍ ପା ଲେକା ମାନାତ୍ “ମାପୁ ପୁନାନ୍ ଜେ ଗିଆନିର୍ ଚିନ୍ତା ବାଦ୍‌ନା ପଲ୍ୟା । ୨୧ ଲାଗିଂ, ଇନେର୍ ମାନାୟତାକେ ଗରବ୍ କିମେନ୍; ୨୨ ଇନାକିଦେଂକି ଓଁଜୁ ବିସ୍ତେ ମିଦାଙ୍ଗ୍; ପାଉଲ୍ ଇନାଟ୍ କି ଆପଲ୍ ଇନାଟ୍ କି କେପା ଇନାଟ୍, ପୁତ୍ରିଂ ଇନେଡ୍ କି ଜିବୁନ୍ ଇନେଡ୍, କି ହାକି ଇନେଡ୍, ନଙ୍ଗ୍ ବିସ୍ତେ ଇନେନ୍‌କି ଖାନିଦିନ୍ତି ବିସ୍ତେ ଇନେନ୍, ଓଁଜୁନେ ମିଦାଙ୍ଗ୍, ୨୩ ମତର୍ ଏପେଙ୍ଗ୍ କ୍ରିସ୍ତି, ଆରେ କ୍ରିସ୍ତ ଇସ୍ତର୍ ।

☆ ୩:୨ ୩:୨ ଏକ୍ରି ୫:୧୨, ୧୩. ☆ ୩:୪ ୩:୪ ୧ କରକ୍ରିୟ ୧:୧୨. ☆ ୩:୬ ୩:୬ ପକ୍ୟାତାକା ୧୮:୪-୧୧; ପକ୍ୟାତାକା ୧୮:୨୪-୨୮. ☆ ୩:୧୭ ୩:୧୭ ୧ କରକ୍ରିୟ ୬:୧୯; ୨ କରକ୍ରିୟ ୬:୧୭.

୪

ପକ୍ୟାତାକାର୍ତ୍ତ ହେବାକାମାୟ

୧ ମାନାୟାର ମାଙ୍ଗେଇଁ କ୍ରିଷ୍ଣତି ହେବା କିନାକାର, ଆରେ ଇସ୍ବରତିଁ ହାରଦିଗିଆନ୍ନି ଇଲକାରନିୟା ଇଞ୍ଜି ମାନେ କିଦେର୍ । ୨ ଆରେ, ଇଲକାରନିୟା ବିସ୍ତେ ଇଦାଁ ନିଜେ ମାନାକା ମାନାଡ଼, ଇନେସକି ପାତର୍ ଚଞ୍ଜାନାଡ଼ । ୩ ମତର୍ ମି ହୁଦାଁ ନଲେ ଇମଣାକା ପା କାବାଆନି ବିଚାର ସବା ହୁକେ ବିଚାର୍ଣ୍ଣା ଆନାକା ନା ପାକ୍ୟାତ ବେସି ଆଡ଼ଞ୍ଜା ବିସ୍ତେ, ଏଲେଇଁ କି ଆନ୍ ନିଜେ ପା ଜାର୍ତ୍ତି ବିଚାର କିଉଞ୍ଜା । ୪ ଇନାକିଦେଂକି ଆନ୍ ଜାର୍ ବିରୁଦ୍ଧତ ଇନାକା ପୁନୁଇଁ । ଆତିସ୍ପା ଇବେ ଆନ୍ ଦସି ଇଞ୍ଜି ପାର୍ମାଣ୍ ଆହ୍ୟାଞ୍ଜାତାଁନା । ମାତର୍ ଜେ ନା ବିଚାର କିନାନ୍ ହେଞ୍ଜାନ୍ ମାପୁ । ୫ ଲାଗିଁ ସମୁନି ଆଗେ ମାପୁତି ଖାଞ୍ଜି ପାତେକ୍ ଇନାକାପା ବିସ୍ତେ ବିଚାର କିମାଟ୍; ହେଞ୍ଜାନ୍ ମାଜଗାନି ତୁକୁତି ବିସ୍ତେ ନିକିଇଁ ଅଜଡ଼ତ ଚଟ୍ଟଚାନାନ୍, ଆରେ ମାନ୍ତ କିତାକା ସବୁ ଖେଚନାନ୍; ହେ ପାଦନା ଖିଜାକାର ଇସ୍ବର୍ ତାକେ ବଲ୍ବଲାଇୟ ପାୟାନାର୍ । ୬ ଏ ଟଣ୍ଡାର୍, ଆରେ ତଣ୍ଡେକ୍ ଆନ୍ ମିଙ୍ଗେଇଁ ହିକ୍ୟା କାଜିଁ ଇ ସବୁ କାତା ନା ନିଜେତିଁ ଆରି ଆପଲୁତିଁ ଇଟକାଡ଼ ଜିସୁ ଉତରମୁଡ଼ ହିଡ଼ତାଁ, ଇନେସକି ଇନାକା ସାସ୍ବରର୍ତ୍ତ ଲେକା ମାନାଡ଼, ହେଦାଁ ଆଗେ ହାନାକା ବିଦି ହିଲୁଡ଼; ଇଦାଁ ଏପେଇଁ ମାତାଁ ହିକ୍ୟା କିୟାଟ୍, ଆରେ ଇନେସ୍ ମିତାକେଣ୍ଡାଁ ଇନେନ୍ ରଞ୍ଜାନ୍ ପାକ୍ୟା ଆରି ବିନ୍ନିକାନିଁ ପାକ୍ୟା ଆଜି ଗାବ୍ ଆମାଟ୍ । ୭ ଇନାକିଦେଂକି ଇନେନ୍ ମିଙ୍ଗେଇଁ ଗାଜା କିଡ଼ତାନ୍ନା, ଆରେ ଇନାକା ଏପେଇଁ, ଦାନ୍ ଲାକେ ପାୟାଞ୍ଜାତାଦେଣ୍ଡାଁ, ଇଦାଁ ମିଦାଞ୍ ଇନାକା ମାନାଡ଼ ? ମତର୍ ଜଦି ଏପେଇଁ ହେଦାଁ ଇସ୍ବର୍ ଦାନ୍ ଲାକେ ପାୟା ତାଦେଣ୍ଡାଁ ଖାଟିଇଁ ହେଦାଁ ଦାନ୍ ଲାକେ ପାୟାଆଞ୍ଜି ଲାକେ ଇନାକିଦେଂ ଗରବ୍ କିନାଦେରା ?

୮ ଖିସ୍ତିପାଚେ ଏପେଇଁ ଇନାକା ସାରି ଆଜି ହାଚାଦେରେ ? ଇଦାଁ ବିତ୍ରେ ଏପେଇଁ ଇନାକା ହାଉକାର୍ ଆତାଦେର୍ ? ମାଞ୍ ପିସ୍ତି ଏପେଇଁ ଇନାକା ରାଜା ଆତାଦେଣ୍ଡାଁ ? ଆଁ, ଏପେଇଁ ରାଜା ଆଜି ମାଟିସ୍ ହାରା ଆତାମା, ଇନେସ୍ ଆପେଁ ପା ମି ଲାହାଞ୍ ରାଜି କିଦେଇଁ ଆଡ଼ତାପମା । ୯ ଇନାକିଦେଂକି ନାଦି ମାନେ ଆନାତା, ପକ୍ୟାତାକାପ୍ ଜେ ଆପେଁ, ମା ଇସ୍ବର୍ ହାତି ମୁମ୍ଦ ହେଲାଇୟ କିତି ସବୁତିଁ ହାରିହାରା ମାନାୟାରିଁ ଲାକେ ହୁଡ଼କିତାନ୍ନା, ଲାଗିଁ ଆପେଁ ପୁତର୍, ଦୁଡ଼, ଆରି ମାନାୟାର ଲାଗେ ଗୁଇକିଆନି ବିସ୍ତେ ଆତାପମା । ୧୦ ଆସେଇଁ କ୍ରିଷ୍ଣତି କାଜିଁ ମୁକ୍ତାୟା, ମତର୍ ଏପେଇଁ କ୍ରିଷ୍ଣତି ମେହାଣ୍ ତାକେ ଏପେଇଁ ରୁଦି ମାନାକାଦେର୍; ଆପେଁ ନାଦାର୍ ମତର୍ ଏପେଇଁ ବାଡ଼କାସ୍; ଏପେଇଁ ଜାଜମାଲ୍ ପାୟାତାକାଦେର୍, ମତର୍ ଆପେଁ ମାନି ହିଲ୍ଞାକାପ୍ । ୧୧ ଇ ସମୁ ପାତେକ୍ ପା ଆପେଁ ନାସକିନିକାପ୍ ଆରି ଏସ୍ମିନିକାପ୍, ବାଡ଼କାସ୍ ହିଲାକାପ୍ ଆରି ଟ୍ରାକ୍ମାନାପା, ଆରେ ଆହ୍ବର ହିଲାଇଦାଁ ବୁଲାଇଆଜି ବୁଲାଇଆଜି ୧୨ ଶଜାର୍ କେଇଦ କସୁ କିନାପା, ନିନ୍ଦାକିୟା ଆଜି ଆସିର୍ବାଦ୍ କିନାପା, ନିନ୍ଦା ପାୟା ଆଜି ହୁଞ୍ଜନାପା, ୧୩ ଲାଜକୁଗିସ୍ ମେହାନି ବେଣ୍ କିନାପା; ଇ ପାତେକ୍ ପା ଆପେଁ ପୁତର୍ ନି ଗାତ୍ରା, ଖିଜାକାତର୍ ପ୍ରାଲ୍ ଲାକେ ଆତାପମା । ୧୪ ଆନ୍ ମିଙ୍ଗେଇଁ ଲାଜକୁଇଁ କିଦେଂ ଇ ସବୁ ବିସ୍ତେ ଲେକିକିଉଞ୍ଜା ମତର୍ ନା ଖାରିନି ମାଜି ଇଞ୍ଜି ଏଡୁ ଜିସୁ ମିଙ୍ଗେଇଁ ଚେଟନା ହିଦନି କାଜିଁ ଇ ସବୁ ଲେକିକିନାଞ୍ଜା । ୧୫ ଇନାକିଦେଂକି ଜଦିପା କ୍ରିଷ୍ଣତି ବିସ୍ତେ ମିଦାଞ୍ ଦସ୍ ହାଜାର୍ ଗୁରୁର୍ ମାଟିସ୍, ଆତିସ୍ପା ମିଙ୍ଗେଇଁ ହେନି ଆବାର୍ ହିଲୁଡ଼; ଇନାକିଦେଂକି କ୍ରିଷ୍ଣ ଜିସୁ ତାକେ ଆନ୍ ମିଙ୍ଗେଇଁ ନେକ୍ରିକାରୁର୍ କାଜିଁ ଜଲମ୍ ହିଡ଼ତାଞ୍ଜନା । ୧୬ ଶଲାଗିଁ ଆନ୍ ମିଙ୍ଗେଇଁ ଗଞ୍ଜାରି କିଦନାଞ୍ଜା, ଏପେଇଁ ନା ପାଚେ ଖାଡୁ । ୧୭ ଇଦାଁ କାଜିଁ ଆନ୍ ମି ତାକେ ତିମତିଇଁ ପକ୍ତାତାଞ୍ଜନା, ମାପୁ ତାକେ କ୍ରିଷ୍ଣ ଜିସୁ ତାକେ ମାନ୍ଞି ନା ଖାରିନିକାନ୍ ଆରି ପାତର୍ ନି ମାଜି, ଇନେସକି ଆନ୍ ଖିଜୁ ତାକେ ସବୁ ମଣ୍ଡଲିତ ହିକ୍ୟା ହିଜି ମାନାଞ୍, ହେ ଲାକେ ହେଞ୍ଜାନ୍ ମିଙ୍ଗେଇଁ ନା କ୍ରିଷ୍ଣତି ଚିତ୍ରା ସବୁ ଏଡୁ କିଇକିଦନାନ୍ । ୧୮ ଆନ୍ ମି ତାକେ ହାଲୁଇଁ ଇଞ୍ଜି ଏଡୁ କିଜି ଜିସୁ ଇନେ ଇନେର୍ ଗରବ୍ତ ବାତର୍ ଆତାମ୍ନା । ୧୯ ମତର୍ ଜଦି ମାପୁ ମାନ୍ କିନାନ୍ ଆନ୍ ମି ତାକେ ବେଗି ଖାନାଞ୍, ଆରେ ଇନେର୍ ଗରବ୍ କିନାରା, ହେଞ୍ଜାର୍ତ୍ତି ବଚନ୍ ଆକାୟ, ମତର୍ ସାକ୍ତି ବୁଜା ଅନାଞ୍ ! ୨୦ ଇନାକିଦେଂକି ଇସ୍ବର୍ ରାଜି କେବଲ୍ କାତାନି ବିସ୍ତେ ଆକାୟ ମତର୍ ବେସି ସାକ୍ତି ବିସ୍ତେ । ୨୧ ମି ମାନ୍ ଇନାକା, ଆନ୍ ବାଡ଼ଗା ଆସ୍ତି ମି ଲାଗେ ହାନାଞ୍ କି ଜିଉନନାକା ଆସ୍ତି ଆରି କାଲେତାଞ୍ ଅଜି ହାନାଞ୍ ?

୫

ମଣ୍ଡଲିତ ବାନ୍ୟା ଚିତ୍ରା

୧ ହାଡ଼ପାନେ ଖେନ୍ୟାନାନାତା ଜେ, ମି ବିତ୍ରେ ଦାରି ମାନାଡ଼, ଆରେ ଏପେଇଁ ଦାରି, ଇନାକା କି ପାତର୍ କିଞ୍ଜି ଜିହୁଦିର୍ ବିତ୍ରେ ପା ଆଉଡ଼, ଏଲେଇଁକି ରଞ୍ଜାନ୍ ଜାର୍ ଆବାନି ତକ୍ତିଁ ଇଟ୍ଟାନ୍ନା । ୨ ଆରେ ଇନେର୍ ଇ କାମାୟ କିତାନ୍ନା ହେଞ୍ଜାନ୍ ଇନେସ୍ ମି ବିତ୍ରେତାଁ ଦେହା କିୟା ଆୟେନ୍ ଇଦାଁ କାଜିଁ ଆଡ଼ବାଞ୍ଜାଦାଁ ଇତିସ୍ କି ଗରବ୍ କିନାଦେରା । ୩ ମତର୍ ନା ଗାଗାଡ଼ତ ଖାଞ୍ଜିତିସ୍ ପା ଜିବୁଡ଼ ଏକାଞ୍ଜାଦାଁ ମାନ୍ଞି ଏଲେଇଁବାନି କାମାୟ କିନାନା ଏକିସ୍ ମାଟି ଲାକେ ଆନ୍ ମାପୁ ତା ବିଚାର କିଜି ଖିସ୍ତାତାଁନା, ୪ ଇତିସ୍, ଏପେଇଁ ଆରି ନା ଖାସ୍ତି ମା ମାପୁ ଜିସୁତି ତର୍ଦ ସାକ୍ତି ଉପକାର୍ତାଁ ରୁଣ୍ଡା ଆଜି ଇଦାଁ ତିର୍ କିତାପମ୍ନା ଜେ, ୫ ଇନେସ୍ ମାନାୟାରିଁ ଗାଗାଡ଼ନି ନାସ୍ କାଜିଁ ସୟତାନ୍ କେଇଦ ହେଲାଇୟ କିନି ଲଡ଼ା, ଇନେସ୍

☆ ୪:୧୨ ୪:୧୨ ପକ୍ୟାତାକା ୧୮:୩. ☆ ୪:୧୭ ୪:୧୭ ୧ କରକ୍ରିୟା ୧୧:୧; ପିଲିପିୟ ୩:୧୭.

ମାପୁ ଜିସୁତି ଦିନ୍ତ ତା ଜିବୁନ୍ ରାକ୍ୟା ପାୟାନାନ୍ । ୬* ମିଦାଙ୍ଗ୍ ଏପେଙ୍ଗ୍ ଗରବ୍ କିନାକା ହାର୍ ଆକାୟ୍ । ଏପେଙ୍ଗ୍ କି ପୁନୁଦେରା ଜେ, ଅଲପ୍ ଇଞ୍ଜି ହୈନାକା ସବୁ ହାରାୟ୍ ହୈନାକା କିନାତ୍ ? ୭ ଏପେଙ୍ଗ୍ତ ହୈନାକା ସକଟ୍ ମାନାୟ୍, ଲାଗିଂ ଇନେସ୍ ଏପେଙ୍ଗ୍ ପୁନି ହାରାୟ୍ ଆଦେଂ ଆଡ଼ନାଦେର୍ ଇଦାଂ କାଜିଂ ପ୍ଲାନି ପାସ୍ ତୁହି ହିଆର୍; ଇନାକିଦେଂକି ମା ନିସ୍ତାର୍ ପାର୍ବୁ ମେଣ୍ଡାହିମଣା ଇତିସ୍ କ୍ରିସ୍ଟୁ ମା କାଜିଂ ପୁଜାଲାକେ କୁସ୍ତ ହାତାନନା । ଲାଗିଂ ଖାତୁ, ଆସେଙ୍ଗ୍ ପୁନି ହୈନାକା କି ବାନ୍ୟା ଆରି ବାନ୍ୟାକାମାୟ୍ ହୈନାକା ହୁଦାଂ ପାର୍ବୁ ପାଲି କିଞ୍ଜାଦାଂ ହୁଦାର୍ ଆରି ହାଡ଼ପାଲାକେ ହଇଞ୍ଜି ରୁଟି ହୁଦାଂ ପାର୍ବୁ ପାଲି କିନାସ୍ । ୯ ଦାୟାର୍ ହୁଦାଂ ମେହାଞ୍ଜାଞ୍ଜି କାଜିଂ ଆନ୍ ମିଙ୍ଗ୍ ନା ଆକିତ ଲେକିକିଜି ମାଗାଙ୍ଗ୍ ମାଗାଙ୍ଗ୍; ୧୦ ଇ ଜଗଡ଼ନି ଦାରି କି ଦାନ୍ ଲଗ୍ରା କି ଲକାର୍ ଜିନିସ୍ ଚଣ୍ଡା କି ପୁଡ଼ତା ପୁଜାକିନାକାର୍ ଲାହାଙ୍ଗ୍ ଜେ ମୁଡ଼େ ମେହାଣ୍ ଆଉନ୍ । ହେଦାଂ ଆକାୟ୍; ତା ଆତିସ୍ ମିଙ୍ଗ୍ ଜଗଡ଼ତାଂ ବାଟ୍ ହାଞ୍ଜେଙ୍ଗ୍ ଲଡ଼ା । ୧୧ ମତର୍ ନା ଲେକିକିନି ବାଦନା ଇଦାଂ ମାଗାଡ଼ ଜେ, ଜଦି ଇମଣି ଲଗ୍ରା ଚଣ୍ଡେନ୍ ଇଞ୍ଜି ତାକ୍ପୁଟା ଆଜି ଦାରି କି ଦାନ୍ ଲଗ୍ରା କି ପୁଡ଼ତା ପୁଜାକିନାକାର୍ କି ବାନ୍ୟା କି ମଦୁଆ କି ଲକାର୍ ଜିନିସ୍ ଚଣ୍ଡା ଆନାନ୍, ଖାଟିଙ୍ଗ୍ ଏପେଙ୍ଗ୍ ଲକୁ ଲାହାଙ୍ଗ୍ ମେହାଆମାଟ୍, ଆରେ ହେଞ୍ଜାନ୍ ଲାହାଙ୍ଗ୍ ତିନମାଟ୍ । ୧୨ ଇନାକିଦେଂକି ବାରତି ମାନାୟାର୍ତ୍ ବିଚାର୍ କିନାକାଙ୍ଗ୍ ଆନ୍ ଇନେନ୍ ? ମତର୍ ମଣ୍ଡଲିନିକାରିଙ୍ଗ୍ ବିଚାର୍ କିନି ଦାକଡ଼ ମାଦାଂ ଇନାକା ଆକାୟ୍ ? ୧୩ ମତର୍ ଇମଣାକାର୍ ବାଟ୍ ମାନାର୍, ହେଞ୍ଜାର୍ତି ବିଚାର୍ ଇସ୍ପର୍ କିନାନ୍ । ହେ ବାନ୍ୟା ଲଗାଙ୍ଗ୍ ମି ବିତ୍ରେତାଂ ହପାଟ୍ ।



କ୍ରିସ୍ଟିୟାନ୍ ଚଣ୍ଡାର୍ ବିରୁଦ୍ଧ ଗଣ୍ଡଗଲ୍

୧ ମି ବିତ୍ରେତାଂ ଇନେରତି ବିନ୍ ଲଗାଂ ବିରୁଦ୍ଧ କାତା ମାଟିସ୍ ହେଞ୍ଜାନ୍ କି ବିଚାର୍ କାଜିଂ ପୁଇପୁୟା ସାଦୁର୍ ଲାଗାଂ ହାଲ୍ଖାଦାଂ ଅଦାମ୍ ଲାଗାଂ ହାନି କାଜିଂ ସାସ୍ କିନାନ୍ ? ୨ କି ସାଦୁର୍ ଜେ ଜଗଡ଼ନି ବିଚାଣ୍ଡା କିତାର୍, ଇ କାତା କି ଏପେଙ୍ଗ୍ ପୁନୁଦେର୍ ? ଆରେ ଜଦି ପୁତ୍ ମି ପୁଇପୁୟା ହୁଦାଂ ବିଚାଣ୍ଡା ଆନାତ୍, ଖାଟିଙ୍ଗ୍ ଏପେଙ୍ଗ୍ କି ଅଲପ୍ ଅଲପ୍ ବିସ୍ତେ ବିଚାଣ୍ଡା କିଦେଙ୍ଗ୍ ଆଡୁଦେର୍ ? ୩ ଆସେଙ୍ଗ୍ ଜେ ଦୁଡ଼ରତି ବିଚାର୍ କିନାକା, ଇଦାଂ କି ଏପେଙ୍ଗ୍ ପୁନୁଦେର୍ ? ୪ ଖାଟିଙ୍ଗ୍ ସଁସାର୍ ଜିବୁନ୍ କାତା କି ଇନାକା ? ଲାଗିଂ, ଜଦି ବିଚାର୍ କାଜିଂ ମିଦାଙ୍ଗ୍ ସଁସାର୍ ଜିବୁନ୍ ବିସ୍ତେ ଇମଣି ବିସ୍ତେ ମାଟିସ୍, ଖାଟିଙ୍ଗ୍ ମଣ୍ଡଲିତ ଇମଣାକାର୍ ବୁଜାଆଉର୍, ହେଞ୍ଜାରିଂ ବିଚାଣ୍ଡା କିଦେଙ୍ଗ୍ ବାଟି କିୟାଟ୍ ? ୫ ଆନ୍ ମିଙ୍ଗ୍ ଲାଜ୍ ହିଦନି କାଜିଂ ଇଦାଂ ଇଞ୍ଜନାଙ୍ଗା । ଚଣ୍ଡାର୍ ଚଣ୍ଡାର୍ ବିତ୍ରେ ଗଣ୍ଡଗଲ୍ କିଦେଙ୍ଗ୍ ଆଡ଼ନାଦେର୍, ଏପେଙ୍ଗ୍ ଇନାକା ରଞ୍ଜାନ୍ ଇଞ୍ଜି ଗିଆନି ଲଗ୍ରା ହାଡ଼ପା ବିତ୍ରେ ବିଚାର୍ କିନାକାନ୍ ହିଲୁନ୍ ? ୬ ମତର୍ ଚଣ୍ଡାର୍ ଚଣ୍ଡାର୍ ବିରୁଦ୍ଧ ବିଚାଣ୍ଡା ଇଞ୍ଜି ଦାବା କିନାନ୍, ହେଦାଂ ଆରେ ପାତ୍ କିଞ୍ଜାକାର୍ ଲାଗାଂ ।

୭ ଏପେଙ୍ଗ୍ ଜେ ହାରି ବିରୁଦ୍ଧ ବିଚାର୍ ଇଞ୍ଜି ଦାବା କିନାଦେରା, ହେବେ ଏପେଙ୍ଗ୍ ହାଡ଼ପା ଦସି । ନଲେ ଇନେକିଦେଂ ଅନ୍ୟାୟ୍ ହୁଞ୍ଜୁଦେରା ? ଇତିସ୍ ଇନେକିଦେଂ ଅନ୍ୟାୟ୍ ମାନିକିଉଦେରା ? ଇତିସ୍ ଇନାକିଦେଂ ନସ୍ଟୁ ମାନି କିଉଦେରା ? ମତର୍ ଏପେଙ୍ଗ୍ ଜାର୍ ଜାର୍ ଅନ୍ୟାୟ୍ ଆରି ନସ୍ଟୁ କିନାଦେରା, ଆରେ ହେଦାଂ ଚଣ୍ଡାର୍ ଆରି ତଣ୍ଡଦେକ୍ କାଜିଂ କିନାଦେରା । ୮ କି ଅଦାମ୍ ଜେ ଇସ୍ତ୍ ରାଜିତ ଆଦିକାର୍ ଆଉର୍, ଇଦାଂ କି ଏପେଙ୍ଗ୍ ପୁନୁଦେରା ? ବୁଲକା ଆମାଟ୍, ଦାରି କି ପୁଡ଼ତା ପୁଜାକିନାକାର୍ କି ଲକାର୍ଦାରି କି କଗ୍ଲେ ଚିନ୍ତା ଦାରୁଲା ୧୦ କି ମୁଟିଈଡ଼ନାକାନ୍ କି ଚରେନ୍ କି ଦାନ୍ ଲଗ୍ରା କି ମଦ୍ଞା କି ବାନ୍ୟା ଲକାତ୍ ଜିନିସ୍ ଚରି କିନାକାନ୍ ଇଞ୍ଜାର୍ ଇସ୍ତ୍ ରାଜିତ ହେଞ୍ଜାର୍ ବାଗ୍ ପାୟା ଆଉର୍ । ୧୧ ଆରେ, ମି ବିତ୍ରେ ଇନେର୍ ଇନେର୍ ଏପେଙ୍ଗ୍ ମାଗାଦେର୍; ମତର୍ ମାପୁ ଜିସୁ କ୍ରିସ୍ଟି ତରଦ ଆରି ମା ଇସ୍ତ୍ ହୁଦାଂ ଏପେଙ୍ଗ୍ ନୁଜୟା ଆତାଦେଣ୍ଡା, ପୁଇପୁୟା କିୟା ଆତାଦେଣ୍ଡା ଆରି ଦାମ୍ ଇଞ୍ଜି ଗାଣ୍ଡି ଆତାଦେଣ୍ଡା ।

ଜାର୍ ଗାଗାଡ଼ିଂ ଇସ୍ତ୍ ଜାଜ୍ମାଲ୍ କାଜିଂ ଚିନ୍ତା କିୟାଟ୍

୧୨ ଓଜୁ ବିସ୍ତେ ଆଡ଼ଦେଂ ନା ଦାକଡ଼ ହିଡ଼ତାଣ୍ଡା, ମତର୍ ଓଜୁ ବିସ୍ତେ ହାର୍ଦାକା ଆକାୟ୍ । ଓଜୁ ବିସ୍ତେ ଆଡ଼ଦେଂ ନା ଆଦିକାର୍ ମାନାତ୍, ମତର୍ ଆନ୍ ଇମଣି ବିସ୍ତେ ତାରେନ୍ ଆଉଙ୍ଗ୍ ୧୩ ବିନ୍ନିକାର୍ ଇଞ୍ଜେଙ୍ଗ୍ ଆଡ଼ନାର୍ କାଦି ପଟ୍ କାଜିଂ, ଆରେ ପଟ୍ କାଜିଂ, ମତର୍ ଇସ୍ପର୍ ହାରିତିଂ ବୁଡାୟ୍ କିନାନ୍ । ଗାଗାଡ଼ ଦାରି କାଜିଂ ଆକାୟ୍, ମତର୍ ମାପୁତି କାଜିଂ, ଆରେ ମାପୁ ଗାଗାଡ଼ କାଜିଂ; ୧୪ ଇସ୍ପର୍ ମାପୁଙ୍ଗ୍ ହାକିତାଂ ନିକ୍ତାନ, ଆରେ, ଜାର୍ ସାକ୍ତି ହୁଦାଂ ମାଙ୍ଗେଙ୍ଗ୍ ପା ନିକ୍ତାନାନ୍ ।

୧୫ ମି ଗାଗାଡ଼ ଜେ କ୍ରିସ୍ଟି ଗାଗାଡ଼ ଲାକେ, ଇଦାଂ କି ପୁନୁଦେରା ? ଖାଟିଙ୍ଗ୍ ଆନ୍ ଇନାକା କ୍ରିସ୍ଟି ଗାଗାଡ଼ ଅଜି ଦାରିଆତି ଗାଗାଡ଼ କିନାଙ୍ଗ୍ ? ହେଦାଂ ଇନାଞ୍ଜାଡ଼ାଂ ପା ଆମେଟ୍ । ୧୬ କି ଇନେର୍ ଦାରିଆ ଲାହାଙ୍ଗ୍ ମେହାନାନ୍, ହେଞ୍ଜାନ୍ ତା ଲାହାଙ୍ଗ୍ ର ଗାଗାଡ଼ ଆନାନ୍, ଇଦାଂ କି ଏପେଙ୍ଗ୍ ପୁନୁଦେର୍ ? ଇନାକିଦେଂକି ଲେକା ମାନାତ୍, “ହେଞ୍ଜାର୍ ରିଆର୍ ଏକ୍ ଆନାର୍ ।” ୧୭ ମତର୍ ଇନେର୍ ମାପୁତି ଲାହାଙ୍ଗ୍ ଖାସ୍ତି ମେହା ଆନାର୍, ହେଞ୍ଜାନ୍ ହେଞ୍ଜାନ୍ ଲାହାଙ୍ଗ୍ ର ଜିବୁନ୍ ଆନାତ୍ ।

୧୮ ଦାରିତାଂ ଦେହା ହାଲାଟ୍ । ମାନାୟ୍ ବିନ୍ ଇମଣାକା ପା ପାପ୍ କିତିସ୍, ହେଦାଂ ଗାଗାଡ଼ନି ବାଟ୍ହତାକା; ମତର୍ ଇନେର୍ ଦାରି କିତାନ୍, ହେଞ୍ଜାନ୍ ଜାର୍ ନିଜ୍ ଗାଗାଡ଼ ବିରୁଦ୍ଧ ପାପ୍ କିନାନ୍ । ୧୯ ଏପ୍ ଇନାକା ପୁନୁଦେରା କି ଜେ ମି ଗାଗାଡ଼

* ୫:୭ ୫:୭ ଗାଲାତିୟ ୫:୯.

ପୁରୁଷା ଜିବୁନିଂ ମନ୍ଦିର, ଇନାକା ଏପେଙ୍ଗ ଇସ୍ବରତାଂ ପାୟା ଆତାଦେଣ୍ଡା ? ଆରେ, ଏପେଙ୍ଗ ଜାର୍ ଜାର୍ତିଂ ଆକାୟ୍; ୨୦ ଇନାକିଦେଂକି ଏପେଙ୍ଗ ଜବର୍ ମଲ୍ଦ କଡ଼ୟାତାଦେଣ୍ଡା; ଲାଗିଂ ମି ଗାଗାଡ଼ତ ଇସ୍ବତ୍ ଜାଜମାଲ୍ ହପାଟ୍ ।



ବିବା ବିସ୍ତେନି ପରସନ୍

୧ ଏପେଙ୍ଗ ଇମ୍ଣି ସବୁ ବିସ୍ତେ ଲେକି କିତାଦେରନା, ହେ ସବୁନି ଉତର ଇଦାଂ, କଗ୍ଲେ ହିମ୍ଣାକାଂ ତୁଝାକା ଆଣ୍ଡାଙ୍ଗ ପାକ୍ୟାତ ହାର୍; ୨ ମତର୍ ଦାରି ପାଣ୍ଡୁ କ୍ଳାଜିଂ ଜାଣକେ ଆଣ୍ଡାଙ୍ଗତି ଜାର୍ତିଂ କଗ୍ଲେ ମାନେଡ୍, ଆରେ ଜାଣକେ କଗ୍ଲେକ୍ନି ଜାର୍ତିଂ ଆଣ୍ଡେନ୍ ମାନେନ୍ । ୩ ଆଣ୍ଡେନ୍ କଗ୍ଲେତି ପାୟାଏଡ୍, ଆରେ ହେ ଲାକେ ପା କଗ୍ଲେ ଆଣ୍ଡେନିଂ ପାୟାଏଡ୍ । ୪ କଗ୍ଲେତି ଜାର୍ ଗାଗାଡ଼ ଜପି କେମତା ଆକାୟ୍, ମତର୍ ଆଣ୍ଡେକ୍ତି ମାନାଡ୍; ହେ ବାନି ପା ଆଣ୍ଡେକ୍ତି ଜାର୍ ଗାଗାଡ଼ ଜପି ଆଦିକାର୍ ଆକାୟ୍, ମତର୍ କଗ୍ଲେତି ମାନାଡ୍ । ୫ ହାରିତିଂ ଆବ୍ଡ କ୍ଳିମାଟ୍, ଏଚେକାଡ଼ଦ ପାର୍ତାନା କାଜିଂ ପାବ୍ ଗାଗାନି କାଜିଂ ଦୁଲ୍ମାତାର୍ ର ବୁଜାମାଣା ଆଜି ଅଲପ୍ କାଡ଼ ବିନେ ମାଞ୍ଜେଙ୍ଗ୍ ଆଡ଼ନାଦେର୍; ଆରେ, ମିଦାଙ୍ଗ୍ ମାନ୍ ଦାବାୟ୍ ଅବାବ୍ ଲାଗିଂ ସୟ୍ତାନ୍ ଇନେସ୍ ମିଙ୍ଗେଙ୍ଗ୍ ପରିକ୍ୟା କିଦୁଡ୍, ଇଦାଂ କାଜିଂ ଆରେ ରଗ ରୁଣ୍ଡା ଆଡୁ ।

୬ ମତର୍ ଆନ୍ ବଲ୍ ହିଡ଼ି ଲାକେ ଇଞ୍ଜାଦାଂ ବୁଜାୟ୍ କିଡ଼ି ଲାକେ ଇଦାଂ ଇଞ୍ଜନାଙ୍ଗା । ୭ ଆଡିସ୍ପା, ଇନେସ୍ ସବୁ ଲଗୁ ନା ଲାକେ ଆନାର୍, ଇଦାଂ ନା ଇତା । ମତର୍ ଇନେର୍ ଏପେଙ୍ଗ, ଇନେର୍ ହେ ଏଲେଂ, ଜାଣକେ ଇସ୍ବରତାଂ ଦାନ୍ ପାୟାତାଣ୍ଡା ।

୮ ମତର୍ ଆନ୍ ଝାଟା ଆରି ରାଣ୍ଡିକାଂ ଇନାଙ୍ଗା, ହେଝେକ୍ ନା ଲାକେ ମାଟିସ୍ ହେଝେକ୍ ପାକ୍ୟାତ ହାର୍ । ୯ ମତର୍ ଜଦି ହେଝେକ୍ ମାନ୍ତର୍ ସାମାଲି କିଦେଙ୍ଗ୍ ଆଡ଼ଝିତିସ୍, ଝାଟିଙ୍ଗ୍ ହେଝେକ୍ ବିବା ଆୟେକ୍; ଇନାକିଦେଂକି କାମାୟ୍ତ ତାହାନି ବାଟା ବିବା ଆନାକା ହାର୍ ।

୧୦ ମତର୍ ଇଲ୍ଲା ଆତାକାରିଂ ଆନ୍ ବଲ୍ ହିନାଂ, ଆନ୍ ଆକାୟ୍, ମତର୍ ମାପୁ ବଲ୍ ହିନାନ୍, କଗ୍ଲେ ଜାର୍ ତକ୍ରାତାଂ ବିନେ ଆମେଡ୍, ୧୧ ମତର୍ ଜଦି ହେଦେଲ୍ ବିନ୍ ବିନ୍ ଆଡିସ୍, ଝାଟିଙ୍ଗ୍ ହେଦେଲ୍ ଆରେ ବିବା କିମେଡ୍, ଆଝିତିସ୍ ଜାର୍ ଆଣ୍ଡେନ୍ ଲାହାଙ୍ଗ୍ ମେହା ଆୟେଡ୍, ଆରେ ଆଣ୍ଡେନ୍ ଜାର୍ କଗ୍ଲେଂ ପିହ୍ମେନ୍ ।

୧୨ ମତର୍ ବିନ୍ ଲଗାଂ ଝିଜାରିଂ ଆନ୍ ଇନାଂ ମାପୁ ଇନୁନ୍, ଜଦି ଇମ୍ଣି ଟାଣ୍ଡେନ୍ ତାକେ ପାତ୍ ହିଝି ତକ୍ତି ମାଟିସ୍, ଆରେ ହେଝାନ୍ ତା ଲାହାଙ୍ଗ୍ ବାହା କିଦେଙ୍ଗ୍ ରାଜି ଆଏନ୍, ତା ଆଡିସ୍ ହେଝାନ୍ ହେଦେଲିଂ ପିହ୍ମେନ୍ । ୧୩ ଆରେ, ଇନେର୍ ତକ୍ତି ତାକେ ପାତ୍ କିଝାକାନ୍ ଆଣ୍ଡେନ୍ ମାଟିସ୍, ଆରେ ହେଝାନ୍ ଲାହାଙ୍ଗ୍ ବାହା କିଦେଙ୍ଗ୍ ରାଜି ଆଏଡ୍, ହେଦେଲ୍ ତା ତକ୍ରାହିଂ ପିହ୍ମେଡ୍ । ୧୪ ଇନାକିଦେଂକି ପାତ୍ କିଝି ଆଣ୍ଡେନ୍ ପାତ୍ କିନି ତକ୍ତି ଲାହାଙ୍ଗ୍ ସକଟ୍ କିୟାଆନାତାଡ଼ନା, ଆରେ ପାତ୍ କିଝି ତକ୍ତି ପାତ୍ କିନି ଆଣ୍ଡେନ୍ କାଜିଂ ସକଟ୍ କିୟାଆନାତାଡ଼ନା; ହେଦାଂ ଆଝିତିସ୍ ମି ହିମ୍ଣାଂ ରାଡ଼ା ଆତାମା, ମାତର୍ ନଙ୍ଗ୍ ହେଝାର୍ ସକଟ୍ । ୧୫ ଆଡିସ୍ପା ଜଦି ପାତ୍ କିଝାକା ବିନେ ଆଦେଂ ଇତା କିଡିସ୍, ଝାଟିଙ୍ଗ୍ ହେଦେଲ୍ ବିନେ ଆୟେଡ୍; ଏଲେଙ୍ଗ୍ ବାହାତ ହେ ଟାଣ୍ଡେନ୍ କି ତଣ୍ଡେଲ୍ ହୁର୍ପିୟା ଆଝାତାଣ୍ଡା, ଇସ୍ବର୍ ମିଙ୍ଗ୍ ସୁସ୍ତାତ ବେବାର୍ କିଦଦେଂ ଆସ୍ତାତାନ୍ନା । ୧୬ ଲାଗିଂ ଏ କଗ୍ଲେ, ଏପେଙ୍ଗ୍ ଜେ ଜାର୍ ପାତ୍ ତକ୍ରାତି ମୁକ୍ତିନି କାରଣ ଆନାଦେର୍, ଇଦାଂ ଇନାକା ପୁନୁୟ୍ ? କି ଏ ଆଣ୍ଡାଙ୍ଗ୍, ଏପେଙ୍ଗ୍ ଜେ ଜାର୍ କଗ୍ଲେତି ମୁକ୍ତିନି କାରଣ ଆନାଦେର୍, ଇଦାଂ ଇନାକା ପୁନାଦେର୍ ?

ଇନେସ୍ କୁକ୍ତାକା ହେ ଏଲେଙ୍ଗ୍ ଚିନ୍ତା

୧୭ କେବଲ୍ ମାପୁ ଇନେରିଂ ଦାନ୍ ପାସ୍ତାତାନ୍ନା, ଇସ୍ବର୍ ଝିଜାରିଂ ଇନେସ୍ କୁକ୍ତାନ୍ନା ହେଝାନ୍ ହେ ଲାକେ ଚିନ୍ତା କିଏନ୍ । ଆନ୍ ସବୁ ମଣ୍ଡଲିତ ଏଲେଙ୍ଗ୍ ବାନି ବଲ୍ ହିନାଂ । ୧୮ ଇନେନ୍କି ସୁନ୍ନଡ୍ ଲାକେ ଇସ୍ବର୍ ହୁକେ କୁକ୍ୟାତାନ୍ନା ? ହେଝାନ୍ ସୁନ୍ନଡ୍ ଆକାୟ୍ ଲାକେ ଚଞ୍ଜୟା ଆଦେଂ ସେସ୍ କିମେନ୍ । ଇନେ ଇନେନ୍କି ସୁନ୍ନଡ୍ ଆକାୟ୍ ଲାକେ କୁକ୍ୟାତାନ୍ନା ? ହେଝାନ୍ ସୁନ୍ନଡ୍ ଆମେନ୍ । ୧୯ ସୁନ୍ନଡ୍ ଆନାକା କି, ଆରେ ସୁନ୍ନଡ୍ ଆକାୟ୍ ମୁଡ୍ ଆକାୟ୍, କେବଲ୍ ଇସ୍ବତ୍ ବଲ୍ ପାଲି କିନାକା ନେ ଗାଜା । ୨୦ ଇସ୍ବର୍ ଝାଟିଲେ ହେ ଇମ୍ଣି ଅବସ୍ତାତ କୁକ୍ୟାତାଦେଣ୍ଡା, ହେଝାନ୍ ହେବେ ମାନେନ୍ । ୨୧ ଏପେଙ୍ଗ୍ କି ଆଡିଏନ୍ ଆଜି କୁକ୍ୟାତାଦେଣ୍ଡା ? ଚିନ୍ତା କିମାଟ୍; ମତର୍ ଏଚେକାଡ଼ଦ ମୁକ୍ତା ଆଦେଂ ଆଡ଼ନାଦେର୍, ତେବେ ନଲେ ସୁବିଦା ହୁଡ଼ାଟ୍ । ୨୨ ଇନାକିଦେଂକି ଇନେର୍ ଆଡିଏନ୍ ଆଜି ମାପୁତାକେ କୁକ୍ୟାତାନ୍ନା, ହେଝାନ୍ ମାପୁତି ମୁକ୍ତାତି ଲଗୁ; ହେ ଲାକେ ଇନେର୍ ମୁକ୍ତା ଆଜି କୁକ୍ୟାତାନ୍ନା, ହେଝାନ୍ କ୍ରିସ୍ତୁତି ଆଡିଏନ୍ । ୨୩ ଏପେଙ୍ଗ୍ ବେସି ମଲ୍ଦ କଡ଼ୟାତାଦେଣ୍ଡା, ମାନାୟ୍ନି ଆଡିଏନ୍ ଆମାଟ୍ । ୨୪ ଏ ଟଣ୍ଡାର୍, ଆରି ତଣ୍ଡେକ୍ ଜାଣକେ ଇମ୍ଣି ଅବସ୍ତାତ କୁକ୍ୟାତାଦେଣ୍ଡା; ହେଝାନ୍ ଇସ୍ବତ୍ ରଚେ ମାନ୍ଞି ହେ ଅବସ୍ତାତ ମାନେନ୍ ।

ଝାଟା ଆରି ରାଣ୍ଡିକ୍ ବିସ୍ତେ ପରସନ୍

୨୫ ଗାଡ଼ଚେକ୍ତି ବିସ୍ତେ ଆନ୍ ମାପୁତାଂ ଇମ୍ଣାକା ପା ବଲ୍ ଗାଟାଝାତାନ୍ନା; ମତର୍ ମାପୁତି ଦୟାତାଂ ପାତ୍ ଲଗୁ ଆଜି ଜାର୍ତିଂ କାତା ହିନାଙ୍ଗା ।

୨୬ ଆନ୍ ବାବି କିନାଙ୍ଗା ଜେ, ମାନାୟ ଇନେସ୍ ମାନାନ୍, ସୁନ୍ନତ୍ ଆଞ୍ଜି କସ୍ତୁ ଲାଗିଂ ହେ ଲାକେ ମାନାକା ହାର୍ । ୨୭ ଏପେଙ୍ଗ୍ ଜେ ତକ୍ରି ହୁଦାଂ ମାନାଦେର୍ ? ଲାଗିଂ ମୁକ୍ତା ଆନି କାଜିଂ ସେସ୍ତୁ କିମାଟ୍ । ଏପେଙ୍ଗ୍ ଜେ ତକ୍ରି ହୁଦାଂ ମୁକ୍ତାନାଦେର୍ ? ତେବେ ତକ୍ରି ଗାଟାନି କାଜିଂ ସେସ୍ତୁ କିମାଟ୍ । ୨୮ ମତର୍ ଜଦି ଏଲେଙ୍ଗ୍ ବିବା କିତାଦେଣ୍ଟା, ତା ଆତିସ୍ପା ପାପ୍ କିଞ୍ଜାତାଦେଣ୍ଟା; ଆରେ ଜଦି ଜିପଲି ବିବା କିତାତ୍ତନା, ତା ଆତିସ୍ ହେଦେଲ୍ ପାପ୍ କିଞ୍ଜାତାତ୍ତନା । ଆତିସ୍ପା ଏଲେଙ୍ଗ୍ ଲଗୁ ଗାଗାଡ୍ କସ୍ତୁ ବଗ୍‌କିନି କାଜିଂ; ଆରେ ଏପେଙ୍ଗ୍ ଇନେସ୍‌କି ହେବେତାଂ ରାକ୍ୟା ପାୟାତୁ, ଇଦାଂ ନା ମାନ୍ ।

୨୯ ମତର୍ ଏ ଟଣ୍ଡାର୍, ନା କାତା ମାନ୍ ଏଲେଙ୍ଗ୍, ସମୁ ବେସି ଉଣା, ଲାଗିଂ ଇମ୍‌ଣାକାତ୍ ତକ୍ରି ମାନାତ୍, ହେଞ୍ଜାର୍ ତକ୍ରି ହିଲ୍‌ଞ୍ଜି ଲାକେ ଆଏର୍ । ୩୦ ଆରେ, ଇନେର୍ ଆଡ୍‌ବାନାର୍, ହେଞ୍ଜାର୍ ଆଡ୍‌ବାଞ୍ଜାକାର୍ ଲାକେ ଆଏର୍; ଆରେ, ଇନେର୍ ଦୁକ୍ କିତାର୍, ହେଞ୍ଜାର୍ ଦୁକ୍ କିଞ୍ଜାକାର୍ ଲାକେ ଆଏର୍; ଇନେର୍ କଡ୍‌ନାର୍, ହେଞ୍ଜାର୍ କଡ୍‌ଞ୍ଜାକାର୍ ଲାକେ ଆଏର୍; ୩୧ ଆରେ, ଇନେର୍ ସିଂସାର୍ ବିସ୍ତେ ବଗ୍ କିତାର୍, ହେଞ୍ଜାର୍ ବଗ୍ କିଞ୍ଜାକାର୍ ଲାକେ ଆଏର୍ । ଇନାକିଦେଂକି ଇ ଜଗତ୍‌ନି ବାନା ବାଦ୍‌ଲା ଆନାତା ।

୩୨ ମତର୍ ଏପେଙ୍ଗ୍ ଇନେସ୍‌କି ଚିନ୍ତା କିମାଟ୍, ଇଦାଂ ନା ଇତା । ଇନେନ୍ ଖାଟା, ହେଞ୍ଜାନ୍ ଇନେସ୍‌କି ମାପୁତି ମାନ୍‌ସତକ୍ ଆନାଦେର୍, ହେଦାଂ କାଜିଂ ମାପୁନି ବିସ୍ତେ ଆସ୍ତି ଚିନ୍ତା ଆତୁ; ୩୩ ମତର୍ ଇନେନ୍ ଇଲା ଆତାକାନ୍, ହେଞ୍ଜାନ୍ ଇନେସ୍ ଜାର୍ ତକ୍ରିତି ମାନ୍‌ସତକ୍ ଲଗୁ ଆନାନ୍, ହେଦାଂ କାଜିଂ ହେଞ୍ଜାନ୍ ପୁତ୍‌ନି ବିସ୍ତେ ଆସ୍ତି ଚିନ୍ତା କିନାନ୍, ଆରେ ତା ମାନ୍ ବିନେବିନେ ଆନାତ୍ । ୩୪ ଲାଗିଂ ହେଞ୍ଜାନ୍‌କି ମାନ୍ ରିବାଗ୍ ଆୟେଡ୍ ଡିଣ୍ଡା କଗ୍‌ଲେ ଆରି ଜିପଲି ମାପୁ କାମାୟ ଗାଗାଡ୍‌ତ ଆରି ଜିବୁଡ୍ ପୁଇପୁୟା ଆନି କାଜିଂ ମାପୁତି ବିସ୍ତେ ଅଜି ଚିନ୍ତା ଆନାର୍; ମତର୍ ଇନେଲ୍ ଇଲା ଆତାକା, ହେଦେଲ୍ ଇନେସ୍ ଜାର୍ ଆଣ୍ଡେଡ୍‌ତି ମାନ୍‌ସତକ୍ କଗ୍‌ଲେ ଆନାତ୍, ହେଦାଂ କାଜିଂ ପୁତ୍‌ନି ବିସ୍ତେ ଅଜି ଚିନ୍ତା ଆତୁ ।

୩୫ ଇ କାତା ଆନ୍ ମିଦାଙ୍ଗ୍ ଜାର୍ ହାର୍ କାଜିଂ ଇଞ୍ଜନାଙ୍ଗା, ମିଙ୍ଗ୍ ଗାଟିତ ଆସ୍ତେଙ୍ଗ୍ ଇଞ୍ଜୁଙ୍ଗା, ମତର୍ ଏପେଙ୍ଗ୍ ଇନେସ୍ ହାର୍ ଚିନ୍ତା ଜିସୁ ର ମାପୁ ତାକେ ଲାଗାଜି ମାନାଟ୍, ଇଦାଂ କାଜିଂ ଇଞ୍ଜନାଙ୍ଗା ।

୩୬ ମତର୍, ଖାଟିଙ୍ଗ୍ ଇମ୍‌ଣି ମାନାୟ ଜାର୍ ଗାଡ୍‌ତେନି ଜିପଲି ଅବସ୍ତା ହାଟାତ୍ତନା, ଆରେ ହେଦେଲ୍ ତା କାଜିଂ କିଞ୍ଜାକା ଚିନ୍ତା କିନାତା ଇଞ୍ଜି ବାବି କିନାତ୍, ତେବେ ଲଡ୍‌ନିମାନ୍ କିତିସ୍ ହେଦେଲ୍ ଇନାକା ଇତା, ହେଦାଂ କିଏଡ୍; ହେବେ ପାପ୍ ଆକାୟ୍; ହେଞ୍ଜେକ୍ ବିବା ଆୟେକ୍ । ୩୭ ମତର୍ ଜେ ଖାସ୍ତିତ ତିର୍ ମାନାତ୍, ଆରେ ଲଡ୍‌ତା କିଞ୍ଜିତିସ୍, ଆରେ ଇନେର୍‌ତି ଜାର୍ ଇତା ଲାହାଙ୍ଗ୍ କିଦେଙ୍ଗ୍ ଆଦିକାର୍ ମାଟିସ୍, ଆରେ ଇନେର୍ ଜାର୍ ଗାଡ୍‌ତେଂ ଜିପଲି ଇଡ୍‌ଦେଂ କାଜିଂ ଖାସ୍ତିତ ତିର୍ କିତାନ୍ନା, ହେଦେଲ୍ ହାର୍ କିତାତ୍ତନା । ୩୮ ଲାଗିଂ ଇନେର୍ ଜାର୍ ଜିପଲି ବିବା କିନାନ୍, ହେଞ୍ଜାନ୍ ହାର୍ କିନାନ୍, ଆରେ ଇନେର୍ ବିବା କିତନ୍, ହେଞ୍ଜାନ୍ ଆରେ ହାର୍ କିନାନ୍ ।

୩୯ ଆଣ୍ଡେନ୍ ଜିଜି ମାନି ପାତେକ୍ କଗ୍‌ଲେ ଗାଟ୍ୟାଜି ମାନାତ୍; ମତର୍ ଆଣ୍ଡେନ୍ ହାତିସ୍, ଖାଟିଙ୍ଗ୍ କଗ୍‌ଲେ ମାପୁତି ତାକେ ପାତ୍‌ନିକା ଇନେରିଂ ମାନ୍, ହେଞ୍ଜାନିଂ ବିବା କିଦେଙ୍ଗ୍ ଜାର୍‌ମାନ୍ । ୪୦ ମତର୍ ହେଦେଲ୍ ହେ ଲାକେ ମାଟିସ୍ ଆଦିକ୍ ସୁକ୍ ଆନାତ୍, ଇଦାଂ ନା ଇନାକା, ଆରେ ଆନ୍ ପା ଇସ୍‌ତ୍ ଜିବୁନ୍ ପାୟାତାଂନା ଇଞ୍ଜି ବାବି କିନାଙ୍ଗା ।

୮

ପେନ୍ ଆକାଡ୍ ବିସ୍ତେ

୧ ପେନ୍ ପୁଜାକିତି ଆକାଡ୍ ବିସ୍ତେ ନା ଉତର୍ ଇଦାଂ, ମାଦାଂ ଝିଜାକାତ୍ ଗିୟାନ୍ ମାନାତ୍ ଇଞ୍ଜି ଏପେଙ୍ଗ୍ ଇନାକା ଇନାଦେରା, ହେଦାଂ ଆପ୍ ପୁନାପ୍ । ଗିୟାନ୍ ଆକାର୍ ଉବ୍‌ଜାଣ୍ କିନାତ୍, ମତର୍ ଜିଉନନିତାଂ ହାର୍‌ଦାକା ହନାତ୍ । ୨ ଜଦି ଇନେର୍ ଇମ୍‌ଣି ବିସ୍ତେ ପୁନାନ୍ ଗିଆନି ଇଞ୍ଜି ବାବି କିତାର୍, ଲାଗିଂ ହେଞ୍ଜାନ୍, ଇନେସ୍ ପୁନାକା ଲଡ୍‌ତା ହେଞ୍ଜାନ୍ ଇ ପାତେକ୍ ପୁନ୍‌ଞ୍ଜାତାନ୍ନା; ୩ ମତର୍ ଜଦି ଇନେର୍ ଇସ୍‌ରତିଂ ଜିଉନନାର୍, ଇସ୍‌ର ତାଙ୍ଗେଙ୍ଗ୍ ପୁଟାନ୍‌ନା । ୪ ଲାଗିଂ ପେନ୍ ପୁଜାକିତି ଆକାଡ୍ ତିନି ବିସ୍ତେ ଆସେଙ୍ଗ୍ ପୁନାସ୍ ଜେ, ପୁତ୍‌ନି ପେନ୍‌କୁ ଇଞ୍ଜି ଇନାକା ମୂଲ୍ୟ ହିଲେଡ୍, ଆରେ ର ଇସ୍‌ର ପିସ୍‌ସି ରିଣ୍ଡାଂ ହିଲେକ୍ । ୫ ଇନାକିଦେଂକି ସାଗେତ୍ ଆୟେଡ୍ କି ପୁତ୍‌ନି ଆୟେଡ୍, ଇମ୍‌ଣାକାରିଂ ପେନ୍ ଇଞ୍ଜି ଇନାର୍, ଆତିସ୍‌ପା ହେଞ୍ଜେକ୍ ମାନ୍‌ଗିନିକ୍‌ପା ଇ ଲାକେ ତ ହେନି ପେନ୍‌କୁ ଆରି ବେସି ମାପୁ ମାନିକ୍, ୬ ମତର୍ ମା ରଞ୍ଜାନ୍ ମତର୍ ଇସ୍‌ର, ଇତିସ୍ ଇମ୍‌ଣି ଆବା ତାକେଣ୍ଡାଂ ସବୁ ବିସ୍ତେ ଉବ୍‌ଜା ଆତାତ୍ତନା, ଆରେ ଆସେଙ୍ଗ୍ ହେଞ୍ଜାନ୍ କାଜିଂ ଉପ୍‌ଜା ଆତାସ୍‌ନା ଆରେ ରଞ୍ଜାନ୍ ମତର୍ ମାପୁ, ଜିସୁ କ୍ରିସ୍ତୁ ହେଞ୍ଜାନ୍ ହୁକେ ଝିଜୁ ବିସ୍ତେ ଆତାତ୍ତନା, ଆରେ ହେଞ୍ଜାନ୍ ହୁକେ ଆସେଙ୍ଗ୍ ଆତାସ୍‌ନା ।

୭ ଆତିସ୍‌ପା ଝିଜାକାର୍‌ତି ଇ ଗିଆନ୍ ହିଲୁଡ୍; ମାତର୍ କେତେକ୍ ଲକୁ ଇ ପାତେକ୍ ପେନ୍ ମାନାତ୍ ଇଞ୍ଜି ପୁନ୍‌ଞ୍ଜି ପେନ୍ ପୁଜାକିତି ଆକାଡ୍ ତିନାର୍, ଆରେ ହେଞ୍ଜାର୍‌ତି ବାବ୍‌ନା ନାଦାର୍ ମାଟିସ୍ ଦସି ଆନାର୍ । ୮ ମତର୍ ତିନାକାଉଣାକା ମାଙ୍ଗେଙ୍ଗ୍ ଇସ୍‌ତ୍ ଲାଗାଂ ଇଟ୍‌ନାକା କି ଇଟ୍‌ୟାଞ୍ଜାକା କିୟା ଆଉଡ୍; ତିନ୍‌ଞ୍ଜିତିସ୍ ମାଦାଂ ନସ୍ ଆଉଡ୍ କି ଚିତିସ୍ ମାଙ୍ଗେଙ୍ଗ୍ ଲାବ୍ ଆଦୁଡ୍ ।

୯ ମତର୍ ଜାଗ୍ରଡ୍, ଏତେକାଡ୍‌ଦ ମିଦାଙ୍ଗ୍ ଇ ଜାର୍ ଆଦିକାର୍ ନାଦାରିଂ ଉସ୍‌ନାକା ଆନାତ୍ । ୧୦ ଇନାକିଦେଂକି ଗିଆନି ଜେ ଏପେଙ୍ଗ୍, ମିଙ୍ଗେଙ୍ଗ୍ ଜଦି ଇନେର୍ ମନ୍‌ଦିର୍ ଇଞ୍ଜି ତିନିତାକେ କୁଟ୍‌ନାକା ହୁଡ୍‌ଦାନାର୍, ଲାଗିଂ ହେଞ୍ଜାନ୍ ନାଦାର୍ ଆଜି ମାଟିସ୍ ହେଞ୍ଜାନ୍ ବିବା ଇନାକା ପେନ୍‌କୁ ଆକାଡ୍ ଚିଜେଙ୍ଗ୍ ସାସ୍ ଆଉଡ୍ ? ୧୧ ଲାଗିଂ ଇମ୍‌ଣି ନାଦାର୍ ଟଣ୍ଡେନ୍ କାଜିଂ କ୍ରିସ୍ତୁ

ହାତାନ୍, ହେୱାନ୍ “ମି ଗିୟାନ୍” ହୁକେ ନସ୍ତୁ ଆନାତା । ୧୨ ଇ ଲାକେ ଟଣ୍ଡାର ବିରୁତାଂ ପାପ୍ ଜିସୁ ଆରି ହେୱାର୍ତି ନାଦାର ବାବନାତିଂ ଗାଅ ଜିସୁ ଏପେଙ୍ଗ୍ କ୍ରିସ୍ତୁତି ବିରୁଦ୍ଧତ ପାପ୍ କିନାଦେରା । ୧୩ ଲାଗିଂ ଜଦି ତିନାକା ଉଣାକା ନା ଟଣ୍ଡେନ୍ ବାଦାନି କାରଣ୍ ଆତିସ୍, ୱାଟିଙ୍ଗ୍ ନା ଟଣ୍ଡେନ୍ ଇନେସ୍ ନା ହୁଦାଂ ବାଦା ପାୟା ଆଉନ୍, ଇଦାଂ କାଜିଂ ଆନ୍ ମୁଡ୍ ପା ଜାଇ ତିନୁଙ୍ଗ୍ ।



ପକ୍ୟାତାକାର୍ତି ଆଦିକାର୍ ଆରି କାମାୟ

୧ ଏପେଙ୍ଗ୍ ଇନାକା ଜାର୍ତାରେନ୍ ମାନାୟ ଆକାୟ ? ଆନ୍ ଇନାକା ରୱାଙ୍ଗ୍ ପକ୍ୟାତାକାନ୍ ଆକାୟ ? ଆନ୍ ଇନାକା ମା ମାପୁ ଜିସୁଙ୍ଗ୍ ଚଞ୍ଚୟା ୱାତାଂନା ? ଏପେଙ୍ଗ୍ ଇନାକା ମାପୁ ତାକେ ନା କିତି କାମାୟ ଆକାୟ ? ୨ ଜଦି ଆନ୍ ବିନ୍ନିକାର୍ ଲାଗାଂ ରୱାଙ୍ଗ୍ ପକ୍ୟାତାକାନ୍ ଆକାୟ, ଆତିସ୍ପା ମି ଲାଗାଂ ଆତିସ୍ପା ରୱାଙ୍ଗ୍ ପକ୍ୟାତାକାନ୍, ଇନାକିଦେଂକି ମାପୁତାକେ ଏପେଙ୍ଗ୍ ନା ପକ୍ୟାତି ପାଦ୍ତ ଚିନ୍ଲାକେ ।

୩ ନା ବିଚାର୍ କିନାକାରିଂ ନା ଉତର ଇଦାଂ । ୪ ତିନାଉଣା କିଦେଙ୍ଗ୍ ଇନାକା ମା ଆଦିକାର୍ ଆକାୟ ? ୫ ବିନ୍ ଓଁଜାର୍ ପକ୍ୟାତାକାର୍, ମାପୁତି ଟଣ୍ଡାର୍ ଆରି ତଣ୍ଡେକ୍ କେପାତି ଲାକେ ପାତ୍ କିନି କଗ୍ଲେ ବିବା କିଜି ରତେ ଅଜି ହାଞ୍ଜେଙ୍ଗ୍ ଇନାକା ମା ଆଦିକାର୍ ଆକାୟ ? ୬ କି ଜିନି ଜପି କସ୍ ପିସ୍ତେଂ ଇନାକା କେବଲ୍ ଆନ୍ ଆରି ବର୍ଣ୍ଣବଂ ଆଦିକାର୍ ଆକାୟ ? ୭ ଇନେନ୍ ଜାର୍ କର୍ତ୍ତ ଇନା଱ାତାଂ ମେଲ୍ୟା ବୁରୁତି କିନାନ୍ ? ଇନେନ୍ ଅଙ୍ଗୁର୍ ବାଡ୍ କିଜି ହେବେନି ପାଡ୍ ତିନୁନ୍ ? ନଲେ ଇନେନ୍ ପସୁମାୟା ପାଲି କିଜି ମାୟାନି ପାଲ୍ ଉଣୁନ୍ ?

୮ ଆନ୍ ମାନାୟ ବାବ୍ରେ ଇନାକା ଇ ସବୁ କାତା ଇନାଙ୍ଗା ? ମସାତି ବିଦି ପା ଇନାକା ଇ ସବୁ କାତା ଇନୁଡ୍ ? ୯ ଈଂ ଇନାକିଦେଂକି ମସାତି ବିଦିତ ଇଦାଂ ଲେକା ମାନାଡ୍, “କଟେରତ ବୁଲାନି ବଇଲ୍ତି ମୁଡ୍ଲାତ ଗାଡ୍ମାଡ୍ । ଇସ୍ପର୍ ଇନାକା ବଇଲା ବିସ୍ତେ ଚିତା କିନାନ୍ ? ୧୦ ହେୱାନ୍ ଇନାକା କେବଲ୍ ମା କାଜିଂ ଇଦାଂ ଇନୁନ୍ ? ଆଁ ମା କାଜିଂ ଇଦାଂ ଲେକି କିୟାଆତାଡ୍ନା, ଇନେସ୍ ଇନେନ୍ ତାସ୍ କିନାନ୍, ଆହାତ ହେୱାନ୍ତି ତାସ୍ କିନି ଲଡ୍ଡା, ଆରେ ଇନେନ୍ ବେଙ୍ଗ୍ଲା ଗାଡ୍ମାନ୍, ବାଗ୍ ପାୟାନି ଆହାତ ତ ବେଙ୍ଗ୍ଲା କିନି ଲଡ୍ଡା । ୧୧ ଈଂ ଜଦି ଆପେଂ ମି କାଜିଂ ହାଦ୍ ବିୟାନ୍ ଓଁଡ୍ନାପା, ଲାଗିଂ ମିଦାଙ୍ଗ୍ ଇ ବାର୍ତି ତାସ୍ ତ୍ରେସ୍ତି ଇନାକା ଅଲପ୍ନି ବିସ୍ତେ ? ୧୨ ଜଦି ବିନ୍ନିକାର୍ ମିଙ୍ଗେଙ୍ଗ୍ ବାଗ୍ ଆଦିକାର୍ ମାନାର୍, ତେବେ ଆପେଂ ଇନାକା ଆରେ ଆଦିକ୍ ଆକାୟ ?

ଆତିସ୍ପା ଆସେଙ୍ଗ୍ ହେ ଆଦିକାର୍ ବେବାର୍ କିଉପା; ମାତର୍ ଇନେସ୍ ଆପେଂ କ୍ରିସ୍ତୁତି ନେକ୍ରିକାବୁର୍ ଇମ୍ଫଣି ବାଦା ଉବ୍ଜାୟ କିମେଡ୍, ଇଦାଂ କାଜିଂ ଓଁଜାପ୍ ହୁଞ୍ଜାପା । ୧୩ ଇମ୍ଫଣାକାର୍ ମନ୍ଦିରତ ହେବା କିତାର୍, ହେୱାର୍ ଜେ ମନ୍ଦିରତାଂ କାଦି ପାୟାନାର୍, ଆରେ ଇମ୍ଫଣାକାର୍ ଗାର୍ଣିନି ବାଗି ଆନାର୍, ଇଦାଂ ଇନାକା ପୁନ୍ନୁଦେରା ? ୧୪ ଈଂ ହେ ଲାକେ ଇମ୍ଫଣାକାର୍ ନେକ୍ରିକାବୁର୍ ସୁଣାୟ କିତାର୍, ହେୱାର୍ ଜେ ନେକ୍ରିକାବୁର୍ ହୁକେ ଜିନି ଚିନ୍ତା କିତାର୍, ଇଦାଂ ମାପୁ ବଲ୍ ହିତାନ୍ନା ।

୧୫ ମତର୍ ଆନ୍ ଇ ସବୁ ବିସ୍ତେ ଇନାକା ଚିନ୍ତା କିଉଙ୍ଗା, ଆରେ ନା କାଜିଂ ଇନେନ୍ ଏପେଙ୍ଗ୍ କିନାନ୍, ଇଦାଂ କାଜିଂ ଆନ୍ ଇ ସବୁ ଲେକି କିଉଙ୍ଗା; ଇନାକିଦେଂକି ଇନେର୍ ନା ଇ ଗରବ୍ ପଲ୍ୟା ବାଟା ଇତିସ୍ ନା ହାନାକା ହାର୍ । ୧୬ ଇନାକିଦେଂକି ଆନ୍ ଜଦି ନେକ୍ରିକାବୁର୍ ସୁଣାୟ କିନାଙ୍ଗ୍, ହେବେ ନା ଗରବ୍ କିନାକା ଇନାକା ଆକାୟ, ଲାଗିଂ ହେଦାଂ କିନି କାଜିଂ ଆନ୍ ପାକା; ଆରେ ଜଦି ଆନ୍ ନେକ୍ରିକାବୁର୍ ସୁଣାୟ କିଉନ୍, ଲାଗିଂ ହାୟ, ନା ଉଣୁନି ବାହା । ୧୭ ଇନାକିଦେଂକି ଜଦି ଆନ୍ ନିଜେ ଏଲେଙ୍ଗ୍ କିନାଙ୍ଗ୍, ଲାଗିଂ ନା ଇନାମ୍ ମାନାଡ୍; ମତର୍ ଜଦି ନିଜେ କିଉଙ୍ଗ୍, ଲାଗିଂ ନେ ଗୁମୁସ୍ତାନି ବଦ୍ ନା ତାକେ ହେଲାୟ ଆତାଡ୍ନା । ୧୮ ଲାଗିଂ ନା ଇନାମ୍ ଇନାକା ? ହେଦାଂ ଇଦାଂ ଜେ, ଇନେସ୍ ଆନ୍ ନେକ୍ରିକାବୁର୍ତ ମାନି ନା ଆଦିକାର୍ ଚିନ୍ତା କି଱ାଦାଂ ନେକ୍ରିକାବୁର୍ ସୁଣାୟ କିଉ କିଉ ହେ ନେକ୍ରିକାବୁର୍ତିଂ ମଲ୍ଲିଲ୍ଲିଓ ବିସ୍ତେ କିନାନ୍ ।

୧୯ ଇନାକିଦେଂକି ଇନେସ୍ ଆନ୍ ଆଦିକ୍ ହେନି ମାନାୟ ଲାବ୍ କିଦେଙ୍ଗ୍ ଆଡ୍ନାଙ୍ଗ୍, ଇଦାଂ କାଜିଂ ଆନ୍ ଇନେର୍ ତାରେନ୍ ଆଡ୍ଡିତିସ୍ତା ଜାର୍ତିଂ ଓଁଜାର୍ ଆଡ୍ଡୟା କିତାଙ୍ଗ୍ । ୨୦ ଇନେସ୍ ଆନ୍ ଜିହୁଦିରିଙ୍ଗ୍ ଲାବ୍ କିଦେଙ୍ଗ୍ ଆଡ୍ନାଙ୍ଗ୍, ଇଦାଂ କାଜିଂ ଜିହୁଦିର୍ ଲାଗାଂ ଆନ୍ ଜିହୁଦି ଲାକେ ଆତାଙ୍ଗ୍; ଇନେସ୍ ବିଦି ତାରେନ୍ ମାନି ମାନାୟାରିଂ ଲାବ୍ କିଦେଙ୍ଗ୍ ଆଡ୍ନାଙ୍ଗ୍, ଇଦାଂ କାଜିଂ ଆନ୍ ବିଦିନି ତାରେନ୍ ଆଡ୍ଡିତିସ୍ତା ବିଦି ତାରେନ୍ ମାନାୟାର୍ ଲାଗାଂ ବିଦି ବୁଇନି ଲାକେ ଆତାଙ୍ଗ୍ । ୨୧ ହେ ଲାକେ ମସାତି ବିଦିଓସ୍ତି ଲାବ୍ କିନି କାଜିଂ ଆନ୍ ହେୱାର୍ ବିତ୍ରେ କାମାୟ କିନି ୱାଡାଙ୍ଗ୍ ପାତ୍ କିଓ୍ଵି ଜିହୁଦିର୍ ଲାକେ ବିଦି ବାର୍ତ ବେବାର୍ କିନାଙ୍ଗା । ଇ ଅରଡ୍ ଆକାୟ ଜେ, ଆନ୍ ଇସ୍ପର୍ତି ନିୟମ୍ ପାଲି କିଉଙ୍ଗ୍ । ହାଡ୍ପାତ ଆନ୍ କ୍ରିସ୍ତୁତି ବିଦି ତାରେନ୍ ଆତାଂ । ୨୨ ଇନେସ୍ ଆନ୍ ନାଦାରିକାଂ ଲାବ୍ କିଦେଙ୍ଗ୍ ଆଡ୍ନାଙ୍ଗ୍, ଇଦାଂ କାଜିଂ ଆନ୍ ନାଦାର୍ତ ଲାଗାଂ ନାଦାର୍ ଲାକେ ଆତାଙ୍ଗ୍; ଇନେସ୍ ଆନ୍ ଇମ୍ଫଣିବାନି କେତେଜାଣ୍ଡିଂ ରାକ୍ୟା କିଦେଙ୍ଗ୍ ଆଡ୍ନାଙ୍ଗ୍, ଇଦାଂ କାଜିଂ ଆନ୍ ଓଁଜାର୍ ଲାଗାଂ ସବୁବାନି ଆତାଙ୍ଗା ।

୨୩ ଆନ୍ ଇନେସ୍ ନେକ୍ରିକାବୁର୍ନି ଆସିର୍ବାଦ୍ତ ମେହା ଆନାଙ୍ଗ୍, ଇଦାଂ କାଜିଂ ଆନ୍ ନେକ୍ରିକାବୁର୍ କାଜିଂ ସବୁ କିନାଙ୍ଗ୍ । ୨୪ ଇମ୍ଫଣାକାର୍ କାତ୍ରା ବୁଇତ୍ ହନ୍ନାର୍, ହେୱାର୍ ଓଁଜାର୍ ହନ୍ନାର୍ ସଡ୍, ମତର୍ କେବଲ୍ ରୱାଙ୍ଗ୍ ଜେ ଇନାମ୍ ପାୟାନାନ୍, ଇଦାଂ କି ଏପେଙ୍ଗ୍ ପୁନ୍ନୁଦେରା ? ଏପେଙ୍ଗ୍ ଇନେସ୍ ଇନାମ୍ ପାୟାନାଦେର୍, ଇଦାଂ କାଜିଂ ହେ ଲାକେ ହନାଡ୍ ।

☆ ୯:୯ ୯:୯ ଚିମତି ୫:୧୮. ☆ ୯:୧୧ ୯:୧୧ ରିନିୟ ୧୫:୨୭. ☆ ୯:୧୪ ୯:୧୪ ମାତିଉ ୧୦:୧୦; ଲୁକ ୧୦:୭.

୨୫ ଇନେନ୍‌କି କ୍ରାସ୍‌ନିତ ବାଗ୍‌ଅନାର୍, ହେୱାନ୍ ସବୁ ବିସ୍ତେ ବାଗ୍ ଅନାନ୍; ହେୱାର୍ ଅଲପ୍ କାଜିଂ ମୁକୁର୍ ପାୟାନ୍ କାଜିଂ ହେଦାଂ କିନାନ୍; ମତର୍ ଆସେଙ୍ଗ୍ ଜିରାଓ୍ ମୁକୁର୍ ପାୟାନ୍ କାଜିଂ ହେଦାଂ କିନାସ୍ । ୨୬ ଲାଗିଂ ଆନ୍ ହନ୍‌ନାଙ୍ଗା, ମତର୍ ଇର୍‌କାଡ଼ତାଂ ଆକାୟ୍, ଆନ୍ ଇଞ୍ଜିକ୍‌ଜି କିନାଙ୍ଗା, ମତର୍ ୱାରିକିନିବାହାତ ଗାଅ କିନାକା ଲକୁ ଲାକେ ଆକାୟ୍ । ୨୭ ଆନ୍ କସ୍ ହୁନ୍‌ଞ୍ଜି ଗାଗାଡ଼ତିଂ ଆର୍‌ଝା କିତାଂନା ଆରି ଜାର୍‌ତିଂ ତାରେନ୍ ଇଡ଼ତାଙ୍ଗାନ୍ । ଇନାକିଦେଂକି ବିନ୍ ମାନାୟାର୍ ଲାଗାଂ ନେକ୍‌କାରୁର୍ ସୁଣାୟ୍ କିଜି ମାଟିସ୍ ପା ଆନ୍ ଜାର୍‌ତିଂ ଇନେସ୍ ଆନ୍ ପିସ୍ତ୍ର ଇନାମ୍ ଆଡ଼ତ୍ ।

୧୦

ପର୍‌କୁ ବିରୁଦ୍‌ତ ଜାଗରତ୍

୧ ଇନାକିଦେଂକି, ଏ ଟଣ୍ଡାର୍, ଆରି ତଣ୍ଡଦେକ୍ ମା ଆକର୍ ଓଜାର୍ ବାଦାଡ଼ ତାରେନ୍ ମାଟାର୍, ୨ ଆରେ ଓଜାକାର୍ ହାମଦୁର୍ ନାସି ହାଟାର୍, ଆରେ ଓଜାର୍ ବାଦାଡ଼ ଆରି ହାମଦୁର୍‌ତ ମସାତି ଇସାପତାଂ ବାପ୍ତିସିମ୍ ଆଡ଼ାର୍, ୩ ଆରେ ଓଜାର୍ ର ହାଦ୍ କାଦି ଚିଟାର୍ ୪ ଆରି ଓଜାର୍ ର ହାଦ୍‌କା ଉଟାର୍ ଲାଗିଂ ହେୱାର୍ ଓଜାରିଙ୍ଗ୍ ପାଞ୍ଜିନି ହାମାନ୍‌ନି ସମାନ୍‌ତାଂ ଉଣଜି ମାଟାର୍, ଆରେ ହେ ସମାନ୍ କ୍ରିସ୍ଟ୍ ୫ ଆତିସ୍‌ପା ହେୱାର୍ ବିତ୍ରେ ଆଦେକାର୍ ତାକେ ଇସ୍ତର୍ ମାନ୍ ହିଲ୍‌ଝାଡ଼ତ୍, ଲାଗିଂ ହେୱାର୍ ବାଟାତ ହାଟାର୍, ସବୁ କାତା ଜେ ଏପେଙ୍ଗ୍ ପୁନ୍‌ଝାଦାଂ ମାନାଦେର୍, ଇଦାଂ ନା ଇଟା ଆକାୟ୍ ।

୬ ହେୱାର୍ ଇନେସ୍ ବାନି ବାନ୍‌ସା ବିସ୍ତେ ଆହା ଆଜି ମାଟାର୍, ଆସେଙ୍ଗ୍ ଇନେସ୍‌କି ହେ ଲାକେ ଆହା ଆଡ଼ସ୍, ଇଦାଂ କାଜିଂ ଇ ସବୁ ବିସ୍ତେ ମା ପାକ୍ୟାତ ଉତର୍‌ମୁଡ଼ ଲାକେ ଆଡ଼ତ୍‌ନା । ୭ ଇନେସ୍ ହେୱାର୍ ବିତ୍ରେ କେଡ଼ଜାଣ୍ ପୁଡ଼ତା ପୁଜା କିଟାର୍, ହେ ଲାକେ ଏପେଙ୍ଗ୍ ପୁଡ଼ତା ପୁଜାକିନାକାର୍ ଆମାଟ୍; ସାସ୍ତ୍ରତ ଇନେସ୍ ଲେକା ମାନାଡ଼, ମାନାୟାର୍ ତିଞ୍ଜେଙ୍ଗ୍ କୁଟ୍‌ଚିସ୍, ଆରେ ବିନ୍ କାମାୟ୍‌ତ ହର୍‌ଟାର୍ । ୮ ହେ ବାର୍‌ତି ଆସେଙ୍ଗ୍ ପାପ୍ କିଡ଼ସ୍ ଇନେସ୍‌କି ହେୱାର୍ ବିତ୍ରେ କେଡ଼ଜାଣ୍ ଦାରି କିଜି ରଞ୍ଜେ ନାଜିଂ କଡ଼େଡିନ୍ ହାଜାର୍ ହାଟାର୍, ହେ ଲାକେ ଆସେଙ୍ଗ୍ ଦାରି କିଡ଼ସ୍ । ୯ ଇନେସ୍ ହେୱାର୍ ବିତ୍ରେ କେଡ଼ଜାଣ୍ ମାପୁତିଂ ପରିକ୍ୟା କିଜି ରାଟ୍ ତାଙ୍ଗ୍ ବୁଡ଼ା ଆଡ଼ାର୍, ହେ ଲାକେ ଆସେଙ୍ଗ୍ ମସିୟା ମାପୁଙ୍ଗ୍ ପରିକ୍ୟା କିଡ଼ସ୍ । ୧୦ ଇନେସ୍‌କି ହେୱାର୍ ବିତ୍ରେ କେଡ଼ ଜାଣ୍ କାତା ଇଞ୍ଜି ମାନାୟାର୍ ହୁଦାଂ ବୁଡ଼ା ଆଡ଼ାର୍, ହେ ଲାକେ ଏପେଙ୍ଗ୍ କାତା ଇନ୍‌ମାଟ୍ ।

୧୧ ଇ ଓଜିକ୍ କାତା ଲାକେ ହେୱାର୍ କାଜିଂ ଗିଟା ଆଡ଼ତ୍, ଆରେ ଇମ୍‌ଣାକାର୍ ଜୁଗ୍ ଓଜିକ୍ କାଡ଼ ବାହା କିତାସ୍‌ନା, ଏଲେଙ୍ଗ୍ ଜେ ଆସେଙ୍ଗ୍ ମା ଚେଡ଼ନା କାଜିଂ ହେ ଓଜିକ୍ ଲେକା ଆଡ଼ତ୍‌ନା ।

୧୨ ଲାଗିଂ ଇନେନ୍ ଜାର୍‌ତିଂ ତିର୍ ଇଞ୍ଜି ମାନେ କିନାନ୍, ହେୱାନ୍ ଇନେସ୍ ଦେହା ମୁର୍‌ୟା ଆଡ଼ନ୍, ଇଦାଂ କାଜିଂ ହେୱାନ୍ ଜାଗରତ୍ ଆଏନ୍ । ୧୩ ମାନାୟାର୍ କାଜିଂ ଇନେସ୍ ବାନି ପରିକ୍ୟା ଆନାକାପା, ହେଦାଂ ପିସ୍ତ୍ର ବିନ୍‌ବାନି ପରିକ୍ୟା ମି କାଜିଂ ଗିଟାଆଡ଼ତ୍; ମତର୍ ଇସ୍ତର୍‌ତି ପାଟି ନିକାନ୍, ହେୱାନ୍ ମିଙ୍ଗେଙ୍ଗ୍ ଇନେସ୍ ଆତିସ୍‌ପା ପରିକ୍ୟାତ ପରିକ୍ୟା ଆଦେଂ ହିଦୁନ୍, ମତର୍ ଇନେସ୍ ଏପେଙ୍ଗ୍ ମାନିକିଦେଙ୍ଗ୍ ଆଡ଼ନାଦେର୍, ଇଦାଂ କାଜିଂ ପରିକ୍ୟା ଗିଟାଆନି ସାଙ୍ଗେ ସାଙ୍ଗେ ହେୱାନ୍ ବାର୍‌ତି ହାଜି ପା ରଡ଼ନାନ୍ ।

୧୪ ଲାଗିଂ, ଏ ନା ୱାରିନିକାଦେର୍, ପୁଡ଼ତା ପୁଜାତାଂ ହାଲାଟ୍ । ୧୫ ଆନ୍ ବୁଦିକାର୍‌ୟା ମାନାୟ୍‌ତିଂ ଇନି ଲାକେ ଇଞ୍ଜିନାଙ୍ଗା; ଆନ୍ ଇନାକା ଇଞ୍ଜିନାଙ୍ଗା, ହେଦାଂ ଏପେଙ୍ଗ୍ ନିଜେ ବିଟାର୍ କିୟାଟ୍ । ୧୬ ଇମ୍‌ଣି ଆସିର୍‌ବାଦିନି ବାହାତିଂ ଆସେଙ୍ଗ୍ ଆସିର୍‌ବାଦି କିନାସ୍, ହେଦାଂକି କ୍ରିସ୍ତ୍‌ତି ନେତେର୍‌ନି ମେହାଣ୍ ଆକାୟ୍ ? ଇମ୍‌ଣି ରୁଟି ଆସେଙ୍ଗ୍ ତ୍ରିକନାସ୍, ହେଦାଂକି କ୍ରିସ୍ତ୍‌ତି ଗାଗାଡ଼ନି ମେହାଣ୍ ଆକାୟ୍ ? ୧୭ ଇନାକିଦେଂକି ରୁଟି ରଞ୍ଜାଙ୍ଗ୍ ଆତିଲେ ଆସେଙ୍ଗ୍ ହେନି ଆତିସ୍‌ପା ରଞ୍ଜେ ଗାଗାଡ଼ ଆନାସ୍, ଲାଗିଂ ଆସେଙ୍ଗ୍ ଓଜାର୍ ହେ ରଞ୍ଜେ ରୁଟିନି ବାଗି ।

୧୮ ଇମ୍‌ଣାକାର୍ ଇସ୍ତାଏଲ୍‌ନି ଲକୁ ବିସ୍ତେ ବାବି କିୟାଟ୍, ହେୱାରିଂ ହୁଡ଼ାଟ୍; ଇମ୍‌ଣାକାର୍ ପୁଜାକିତି ଜେଇ ତିନାର୍, ହେୱାର୍ କି ଇସ୍ତର୍ ଗାର୍‌ଣିତ ମେହାଆଡ଼ତ୍ ? ୧୯ ଲାଗିଂ ପେନ୍ ଆକାଡ଼ ଇଞ୍ଜି ଜେ ଇନାକା ମାନାଡ଼ ଆରି ପୁଡ଼ତା ଇଞ୍ଜି ଜେ ଇନାକା ମୁଲ୍ୟ ମାନାଡ଼, ଇଦାଂ କି ଆନ୍ ଇଞ୍ଜିନାଙ୍ଗା ? ୨୦ ଆକାୟ୍, ମତର୍ ଆନ୍ ଇଞ୍ଜିନାଙ୍ଗା ଜେ, ଇନା ଇନାକା ହେୱାର୍ ପୁଜାଲାକେ ହିନାର୍, ହେ ସବୁ ହେୱାର୍ ଇସ୍ତର୍ ଉଦେସ୍‌ତ କିଝାଦାଂ ବୁଡ଼କୁ ଉଦେସ୍‌ତ କିଟାର୍, ଆରେ ଏପେଙ୍ଗ୍ ଜେ ବୁଡ଼କୁ ମେହା ଆଡ଼, ଇଦାଂ ନା ମାନ୍ ଆକାୟ୍ । ୨୧ ଏପେଙ୍ଗ୍ ମାପୁତି ଉଣିବାହା ଆରି ବୁଡ଼କୁ ଉଣିବାହା ରିବେ ଉଣ୍ଡେଙ୍ଗ୍ ଆଡ଼ଦେର୍; ଏପେଙ୍ଗ୍ ମାପୁତି ପାଟା ଆରି ବୁଡ଼କୁତି ପାଟା ରିବେ ବାଗି ଆଦେଂ ଆଡ଼ଦେର୍ । ୨୨ ଆଓଡିସ୍ ଆପେଂ ଇନାକା ମାପୁତି ବେରୁ ହପ୍‌ନାସ୍ ? ଆସେଙ୍ଗ୍ କି ତାତାକେଣ୍ଡାଙ୍ଗ୍ ସାକ୍ତିନିକାସ୍ ?

୨୩ ଓଜିକ୍ ବିସ୍ତେ ଜାଗ୍ରତ୍ କିଦେଙ୍ଗ୍ ଆଦିକାର୍ ମାନାଡ଼, ମତର୍ ଓଜିକ୍ ବିସ୍ତେ ହାର୍ ଆକାୟ୍ । ଓଜିକ୍ ବିସ୍ତେ ମାନି କିଦେଙ୍ଗ୍ ଜାର୍‌ତାରେନ୍ ମାନାଡ଼, ମତର୍ ଓଜିକ୍ ବିସ୍ତେତାଂ ବାନ୍‌ସା ଉବ୍‌ଜା ଆଡ଼ତ୍ । ୨୪ ଇନେର୍ ନିଜାର୍‌ତିଂ ସେସ୍ତୁ କିମେନ୍, ମତର୍, ଓଜାକାର୍‌ତି ବିନ୍‌ନିକାନ୍‌ତି ହାର୍ ସେସ୍ତୁ କିଏନ୍ ।

୨୫ ବାଜାର୍‌ତ ଇନାକା ବେପାର୍ ଆନାଡ଼, ବାବ୍‌ନା କାଜିଂ ଇନାକା ପର୍‌ସନ୍ ଷ୍ଟେନ୍‌ବାଝାଦାଂ ହେଦାଂ ତିନାଟ୍, ୨୬ ଇନାକିଦେଂକି ସାସ୍ତ୍ରତ୍ ଲେକା ମାନାଡ଼ ପୁଟି ଆରି ହେବେ ମାନି ଓଜିକ୍ ବିସ୍ତେ ମାପୁତି ।

☆ ୧୦:୧୭ ୧୦:୧୭ ମାଡିଉ ୨୭:୨୭-୨୮; ମାର୍କ ୧୪:୨୨-୨୪; ଲୁକ ୨୨:୧୯,୨୦.

୨୭ ପାତ୍ର କିଞ୍ଚାକାରତ୍ରି ବିଦ୍ରେତାଂ ଇନେର ଜଦି ମିଙ୍ଗେଙ୍ଗ୍ ଚିଞ୍ଚେଙ୍ଗ୍ କୁଞ୍ଚାନାର୍, ଆରେ ଏପେଙ୍ଗ୍ ହାଞ୍ଚେଙ୍ଗ୍ ଇଚା କିନାଦେର, ଲାଗିଂ ଇନାକା ଆୟେତ୍ ମିଙ୍ଗେଙ୍ଗ୍ ବାଟାହିଦ୍ନାର୍, ବାବ୍ନା କାଜିଂ ଇନାକା ପରସନ୍ ଝେନ୍‌ବାଞ୍ଚାଦାଙ୍ଗ୍ ହେଦାଂ ତିନାଟ୍ । ୨୮ ମତର୍ ଇନେର ଜଦି ମିଙ୍ଗେଙ୍ଗ୍ ଇଞ୍ଚନାର୍, ଇଦାଂ ପୁଜାଈସାତ୍ରେ ଆକାତ୍ ହିୟା ଆତାତ୍ନା, ଝାଟିଙ୍ଗ୍ ଜେ ଇଦାଂ ପୁନିକିତ୍ତାତ୍, ତା କାଜିଂ ପୁଜା ଆତାତ୍ ବାବ୍ନା କାଜିଂ ହେଦାଂ ତିନିମାଟ୍ ୨୯ ମି ଜାର୍ ବାବ୍ନା କାଜିଂ ଇଞ୍ଚି ଆନ୍ ଇଞ୍ଚୁଙ୍ଗା, ମତର୍ ହେଞ୍ଚାନ୍ତି ବାବ୍ନା କାଜିଂ ।

ନା ଜାର୍ ତାରେନ୍ ଇନେକିଦେଂ ବିନେନି ବାବ୍ନା ହୁଦାଂ ବିଚାର୍ଣ୍ଣା ଆନାତ୍ ? ୩୦ ଜଦି ଆନ୍ ଇସ୍‌ସ୍‌ରତିଂ ଜୁଞ୍ଚାର୍ ହିଜି ତିନାଙ୍ଗ୍, ଝାଟିଙ୍ଗ୍ ଇସ୍‌ସ୍‌ରତିଂ ଜୁଞ୍ଚାର୍ ହିନି ବିସ୍ତେ, ତା କାଜିଂ ନିନ୍ଦାକିୟାଆନାଂ ଇନାକିଦେଂ ?”

୩୧ ହେଦାଂ କାଜିଂ, ଏପେଙ୍ଗ୍ ତିନାଟ୍ କି ଉଣାଟ୍ କି ଇନାକାପା କିୟାଟ୍, ଇସ୍‌ସ୍‌ତ୍ରଂ ଜାଜ୍‌ମାଲ୍ କାଜିଂ ସବୁ କିୟାଟ୍ । ୩୨ ଜିହୁଦି ଆରେ ଜିହୁଦି ଆକାୟ୍ କି ଗିକ୍ କି ଇସ୍‌ସ୍‌ତ୍ରଂ ମଣ୍ଡଲି, ଇନେର ଅତ୍ତଜା ଆନାକା ଇନାକିଦେଂକି ଆନାଦେର, ୩୩ ଏପେଙ୍ଗ୍ ନା ଲାକେ ଚିନ୍ତା କିୟାଟ୍ ଆନ୍ ସବୁ ବିସ୍ତେ ଝିଜାରିଂ ପଟପାଞ୍ଚି କିଦେଙ୍ଗ୍ ସେସ୍‌ କିନାଙ୍ଗା । ଜାର୍ ଚିନ୍ତା କିଞ୍ଚାଦାଂ, ବିନଲକାର୍ତ୍ତି ମୁକ୍ତି ଲାବ୍ ଉଦେସ୍‌ତ ଝିଜାରିତ୍ ମଙ୍ଗଲ୍ କିନାଙ୍ଗା ।

୧୧

୧ ଆନ୍ ଇନେସ୍‌କି କ୍ରିସ୍‌ତି ପାଚେପାଚେ ହାନାଙ୍ଗ୍, ଏପେଙ୍ଗ୍ ପା ହେ ଲାକେ ନା ପାଚେପାଚେ ଝାନାକାଦେର ଆତ ।

ପାର୍ତୀନାତ କାପ୍‌ତାତ ମୁଗ୍‌ନାକା

୨ ଏପେଙ୍ଗ୍ ଜେ ଝିଜୁ ବିସ୍ତେ ନାଙ୍ଗେଙ୍ଗ୍ ଏତୁ ଜିସୁ ମାଞ୍ଚାଟ୍ ଆରି ଆନ୍ ମିଙ୍ଗେଙ୍ଗ୍ ଜେ ଝିଜାର୍ ବିଦି ହିତାଙ୍ଗ୍‌ନା, ହେ ଝିଜୁ ପାଲି କିନାଦେରା, ଇଦାଂ କାଜିଂ ଆନ୍ ମିଦାଙ୍ଗ୍ ଜୁଞ୍ଚାର୍ । ୩ ମତର୍ କ୍ରିସ୍‌ ଜେ ଝିଜାର୍ ଆଣ୍ଡାଙ୍ଗ୍‌ନି କାପ୍‌ତା ଲାକେ ଆରି ଆଣ୍ଡାଙ୍ଗ୍ ଜେ କଗ୍‌ଲେ କାପ୍‌ତା ଲାକେ ଆରି ଇସ୍‌ସ୍‌ ଜେ କ୍ରିସ୍‌ତି କାପ୍‌ତା ଲାକେ, ଇଦାଂ ଏପେଙ୍ଗ୍ ପୁନାଟ୍ ଇଞ୍ଚି ନା ଇଚା । ୪ ଇମ୍‌ଣାକାନ୍ ପା ଆଣ୍ଡେନ୍ ଜାର୍ କାପ୍‌ତା ଗୁଗ୍‌ରମୁଗ୍‌ଜି ପାର୍ତୀନା କିନାନ୍ କି ବେଶ୍‌ବାକ୍‌ଣାୟ୍ କିନାନ୍, ହେଞ୍ଚାନ୍ ଜାର୍ କାପ୍‌ତାନି ଇନେନ୍ କ୍ରିସ୍‌ ଅପ୍‌ମାନ୍ କିନାନ୍ । ୫ ଏପେଙ୍ଗ୍ ବାନି କଗ୍‌ଲେ ଜେ କାପ୍‌ତା ଟାଙ୍ଗ୍‌ରିଂ ଲାକେ ଅପ୍‌ମାନ୍ କିନାନ୍, ଗୁଗ୍‌ର ମୁଗ୍‌ଞ୍ଚାଦାଂ ପାର୍ତୀନା କିନାତ୍ କି ବେଶ୍‌ବାକ୍‌ଣାୟ୍ କିନାତ୍, ହେଦେଲ୍ ଜାର୍ କାପ୍‌ତାନି ଅପ୍‌ମାନ୍ କିନାତ୍, ଲାଗିଂ ହେଦାଂ ତା କାପ୍‌ତା ହେନାଆତି ହୁକେ ସମାନ୍ । ୬ ଇନାକିଦେଂକି ଜଦି କଗ୍‌ଲେ କାପ୍‌ତାତ ଗୁଗ୍‌ର ମୁଗ୍‌ଞ୍ଚିତ୍ସ୍, ଝାଟିଙ୍ଗ୍ ହେଦେଲ୍ ତେମ୍‌ଲ୍ ପା ଆହିକିଏତ୍; ମତର୍ ଜଦି କଗ୍‌ଲେ ପାକ୍ୟାତ ତେମ୍‌ଲ୍ ଆହିକିନାକା କି କାପ୍‌ତା ହେନାଆନାକା ଲାଜୁ, ତା ଆତିସ୍ ହେଦେଲ୍ କାପ୍‌ତାତ ପ୍ଲକ୍ୟା ଆୟେତ୍ । ୭ ଆଣ୍ଡାଙ୍ଗ୍ ଇସ୍‌ସ୍‌ତ୍ରଂ ତ୍ରିଗା ଆରି ଜାଜ୍‌ମାଲ୍ ଲାକେ ଆତିଲେ ହାତ୍‌ପାନେ ତାଦାଂ କାପ୍‌ତା ପ୍ଲକ୍‌ନାକା ଲଡା ଆକାୟ୍, ମତର୍ କଗ୍‌ଲେ ଆଣ୍ଡେନ୍ ଜାଜ୍‌ମାଲ୍ ଲାକେ । ୮ ଇନାକିଦେଂକି ଆଣ୍ଡେନ୍ କଗ୍‌ଲେ ତାଙ୍ଗ୍ ଉବ୍‌ଜାଣ୍ ଆଞ୍ଚାତାନ୍ନା, ମତର୍ କଗ୍‌ଲେ ଆଣ୍ଡେନ୍‌ତାଂ ଉବ୍‌ଜାଣ୍ ଆତିକ୍‌ନା । ୯ ଆରେ କଗ୍‌ଲେ କାଜିଂ ତ ଆଣ୍ଡେନ୍ ଉବ୍‌ଜାଣ୍ ଆଞ୍ଚାତାନ୍ନା; ମତର୍ ଆଣ୍ଡେନ୍ କାଜିଂ କଗ୍‌ଲେ ଉବ୍‌ଜାଣ୍ ଆତାତ୍‌ନା । ୧୦ ଇଦାଂ କାଜିଂ ଦୁତ୍ କାଜିଂ କଗ୍‌ଲେ ଜାର୍ କାପ୍‌ତାତ ଆଦିକାର୍‌ନି ଚିନ୍ ପ୍ଲକି କିୟାନାକା ଲଡା । ୧୧ ହେ ଇନାକା ଆଏତ୍ ମାପୁତାକେ ଆଣ୍ଡେନ୍‌ତାଂ କଗ୍‌ଲେ ଆଲ୍‌ଗା ଆକାୟ୍ କି କଗ୍‌ଲେ ତାଙ୍ଗ୍ ଆଣ୍ଡେନ୍ ଆଲ୍‌ଗା ଆକାୟ୍ । ଇନାକିଦେଂକି କଗ୍‌ଲେ ଇନେସ୍ ଆଣ୍ଡେନ୍‌ତାଂ ଉବ୍‌ଜାଣ୍, ୧୨ ଇନାକିଦେଂକି ଆଣ୍ଡେନ୍ ପା ହେ ଲାକେ କଗ୍‌ଲେ ହୁକେ ଉବ୍‌ଜାଣ୍; ମତର୍ ଝିଜୁ ବିସ୍ତେ ଇସ୍‌ସ୍‌ତାଂ ଉବ୍‌ଜାଣ୍ ।

୧୩ ଏପେଙ୍ଗ୍ ନିଜେ ନିଜେ ବିଚାର୍ କିୟାଟ୍, କାପ୍‌ତା ପ୍ଲକ୍‌ଞ୍ଚାଦାଙ୍ଗ୍ ଇସ୍‌ସ୍‌ ଲାଗେ ପାର୍ତୀନା କିନି କଗ୍‌ଲେ ପାକ୍ୟାତ ଇନାକା ହାର୍ ? ୧୪ ସ୍‌ସ୍‌ସ୍‌ ନିଜେ କି ମିଙ୍ଗେଙ୍ଗ୍ ହିକ୍ୟା ହିଦୁତ୍ ଜେ, ଆଣ୍ଡେନ୍ ତେଙ୍ଗା ତେମ୍‌ଲ୍ ଇଟ୍‌ଟିସ୍ ତା ପାକ୍ୟାତ ହେଦାଂ ଲାଜୁ, ୧୫ ମତର୍ କଗ୍‌ଲେ ତେଙ୍ଗା ତେମ୍‌ଲ୍ ଇଟ୍‌ଟିସ୍ ତା ପାକ୍ୟାତ ହେଦାଂ ଜାଜ୍‌ମାଲ୍‌ନିକା ? ଇନାକିଦେଂକି କାପ୍‌ତା ଗୁଗ୍‌ରମୁକ୍ତି ଲାକେ ତା ତେମ୍‌ଲ୍ ତାଙ୍ଗେଙ୍ଗ୍ ହିୟାଆତାତ୍‌ନା । ୧୬ ମତର୍ ଇନେର ଗାଣ୍ଡୁ କିଦେଙ୍ଗ୍ ମାନ୍ କିତ୍‌ସ୍ ହେଞ୍ଚାନ୍ ପୁନେନ୍ ଜେ, ମାଦାଂ ଏଲେଙ୍ଗ୍ ଅଲ୍‌ଗା ନିତି ହିଲୁତ୍, କି ଇସ୍‌ସ୍‌ତ୍ରଂ ମଣ୍ଡଲିତ ଇନାକା ହିଲୁତ୍ ।

ମାପୁତି ବଜ୍

(ମାତିଉ ୨୬:୨୭-୨୯; ମାର୍କ ୧୪:୨୨-୨୫; ଲୁକ ୨୨:୧୪-୨୦)

୨୭ ମତର୍ ମିଦାଙ୍ଗ୍ ରୁଣ୍ଡାନାକା ଜେ ବାନ୍ୟା ଆଞ୍ଚାଦାଂ ଇଚିସ୍ ବାନ୍ୟା ଆନାତା, ଇବେ ଆନ୍ ମିଦାଙ୍ଗ୍ ଜୁଞ୍ଚାର୍ ହିଦେଂ ଆତ୍‌ଞ୍ଚାଦାଂ ଇ ବଲ୍ ହିଦ୍‌ନାଙ୍ଗା । ୨୮ ଇନାକିଦେଂକି ପର୍ତ୍ତୁମ୍ ଆନ୍ ଝେଚାଙ୍ଗ୍‌ନା ଜେ, ମଣ୍ଡଲି ଲାକେ ମିଦାଙ୍ଗ୍ ଲକୁ ବିତ୍ ଝେଡାଲିଂ ମି ବିଦ୍ରେ କୁଦାକୁଦା କେତ୍‌ପାନାକା ଗିଟା ଆଜି ମାନାତ୍, ଆରେ ଆନ୍ ଏଚେକ୍ ଇସ୍‌ସ୍‌ତାଂ ଇଦାଂ ପାତ୍ରଂ କିନାଙ୍ଗା । ୨୯ ଇନେସ୍ ମି ବିଦ୍ରେ ପରିକ୍ୟାସିଦ୍ ମାନାୟାର୍ ହତ୍‌ନାର୍, ଇଦାଂ କାଜିଂ ମି ବିଦ୍ରେ ତ କୁଦାକୁଦା କେତ୍‌ପାନାକା ହାତେନେ ଗିଟାନାତ୍ । ୩୦ ମିଦାଙ୍ଗ୍ ର ଦଲ୍ ଲାକେ ରଚେମାନ୍‌ଞ୍ଚି ଇମ୍‌ଣି ତିନିତାକେ ମେହାନାଦେରା ହେଦାଂ ମାପୁବଜ୍ ଆକାୟ୍ । ୩୧ ଇନାକିଦେଂକି ତିନି ସମୁତ ଜାଣ୍‌କେ ଆଲ୍‌ଗାନିକାରିଂ କାଞ୍ଚାଦାଂ ଜାର୍ କାଦି ତିନାନ୍, ହେଦାଂ କାଜିଂ ରଞ୍ଚାନ୍ ନାସ୍‌କି ମାନାନ୍ ଆରି ରଞ୍ଚାନ୍ ହତ୍‌ନାନ୍ । ୩୨ ଇନାକା ? ମିଦାଙ୍ଗ୍ କି ତିନାକାଉଣାକା କିନି କାଜିଂ ଇଲ୍ ହିଲୁତ୍ ? କି ଏପେଙ୍ଗ୍ ଇନାକା

ଇସ୍ଵତ୍ ଫଣ୍ଡଲିତିଂ ଏଲା ଆନାଦେରା, ଆରେ ଇମ୍ଫଣାକାର୍ତ୍ତି ହିଲୁଡ଼, ହେଞ୍ଜାରିଂ ଲାଜୁ କୁଗାନାଦେରା ? ଆନ୍ ମିଙ୍ଗେଙ୍ଗ୍ ଇନାକା ଇଞ୍ଜନାଙ୍ଗ୍ ? ଇନାକା ମିଦାଙ୍ଗ୍ ଜୁଞ୍ଜାର୍ ? ବିରକ୍ତୁଲ୍ ଆକାୟ୍ ।

୨୩ ଇନାକିଦେଂକି ଆନ୍ ମାପୁତାକେ ପାୟାତି ଇମ୍ଫଣି ହିକ୍ୟା ମିଙ୍ଗେଙ୍ଗ୍ ହିଡ଼ତାଂନା, ହେଦାଂ ଇ, ସାତୁ କେଇଦ ହେଲାଇୟ୍ କିଆନି ନାଶାଲିଙ୍ଗ୍ ମାପୁ ଜିସୁ ରୁଟି ଅଜି, ୨୪ ଇସ୍ଵରତିଂ ଜୁଞ୍ଜାର୍ ହିଜି, ହେଦାଂ ତ୍ରିକ୍ତି ଇଚାନ୍, “ଇଦାଂ ମି କାଜିଂ ନା ଗାଗାଡ଼; ନାଙ୍ଗେଙ୍ଗ୍ ଏଡୁକିଦନି କାଜିଂ ଇଦାଂ କିୟାର୍ । ୨୫ ହେ ଲାକେ ଚିଚି ପାଚେ ହେଞ୍ଜାନ୍ ଉଣି ବାହା ପା ଆସ୍ତି ଇଚାନ୍, ଇ ଉଣି ବାହା ନା ନେତେରତାଂ ରଚ୍ଚି ଇସ୍ଵତ୍ ପୁନି ନିୟମ; ଏପେଙ୍ଗ୍ ଏଚେ ହର୍ ଇବେତାଂ ଉଶାଦେର୍, ହେ ଏଚେ ହର୍ ନାଙ୍ଗେଙ୍ଗ୍ ଏଡ଼ କିଦେଂ କାଜିଂ ଇଦାଂ କିୟାର୍ ।”

୨୬ ଇନାକିଦେଂକି ଏଚେ ହର୍ ଏପେଙ୍ଗ୍ ଇ ରୁଟି ତିନାଦେର୍ ଆରି ଇ ଉଣି ବାହାତାଂ ଉଶାଦେର୍, ହେଏଚେ ହର୍ ଏପେଙ୍ଗ୍ ମାପୁତି ଖାନି ପାଚେକ୍ ହେଞ୍ଜାନ୍ତି ହାକି କାରୁର୍ ସୁଶାୟ୍ କିନାଦେର୍ । ୨୭ ଲାଗିଂ, ଇନେର୍ ଜଗ୍‌ହିଲ୍‌ଞ୍ଜି ବାବ୍ରେ ମାପୁତି ଇ ରୁଟି ତିନାନ୍ କି ଇ ବାହାତାଂ ଉଶାନ୍, ହେଞ୍ଜାନ୍ ମାପୁତି ଗାଗାଡ଼ନି ଆରି ନେତେରନି ବେରୁଡ଼ ପାପ୍ କିନାନ୍ । ୨୮ ମତର୍ ମାନାୟ୍ ଜାର୍ତି ପରିକ୍ୟା କିଏନ୍, ଆରେ ହେ ଏଲେଙ୍ଗ୍ ବାବ୍ରେ ଇ ରୁଟି ତିନେନ୍ ଆରେ ଇ ବାହାତାଂ ଉଶେନ୍ । ୨୯ ଇନାକିଦେଂକି ଇନେନ୍ ମାପୁ ଗାଗାଡ଼ତିଂ ହାଡ଼ପା ଅରଡ଼ ପୁନ୍‌ଞ୍ଜାଦାଂ ତିନାନ୍ ଆରି ଉଶାନ୍, ହେଞ୍ଜାନ୍ ଜାର୍ ତାଣ୍ଡ କାଜିଂ ତିନାନ୍ ଆରି ଉଶାନ୍ । ୩୦ ଇଦାଂ କାଜିଂ ମି ବିତ୍ରେ ବେସି ନାଦାରିଂ ଆରି ନଚ୍‌ନାକା, ଆରେ ହେନି ହାତାଣ୍ଡା । ୩୧ ମତର୍ ପର୍ତ୍ତୁମ୍ ଜଦି ଆସେଙ୍ଗ୍ ଜାର୍ ଜାର୍ତି ବିଚାର୍ କିନାର୍, ତେବେ ଇସ୍ଵତ୍ ବିଚାଣ୍ଡା ଆମେର୍ । ୩୨ ମତର୍, ପୁତ୍‌ନି ଖିସ୍ତି ଲକ୍ ଲାହାଙ୍ଗ୍ ଇନେସ୍‌କି ଦାଣ୍ଡ ପାୟା ଆଉସ୍, ଇଦାଂ କାଜିଂ ମାପୁତି ହୁକେ ବିଚାଣ୍ଡା ଆଜି ଆସେଙ୍ଗ୍ କସ୍ ବଗ୍ କିନାସା ।

୩୩ ଲାଗିଂ, ନା ଟଣ୍ଡାର୍, ଏପେଙ୍ଗ୍ ମାପୁତି ତିନି କାଜିଂ ରୁଣ୍ଡାଆନି ଖେଡ଼ାଲିଂ ହାରି କାଜିଂ ମାନାର୍ । ୩୪ ମି ରୁଣ୍ଡାନାକା ଇନେସ୍ ଇସ୍ଵତ୍ ତାଣ୍ଡ କାରଣ୍ ଆଉଡ଼, ଇଦାଂ କାଜିଂ ଜଦି ଇନେର୍ ନାସ୍‌କି, ଖାଟିଙ୍ଗ୍ ହେଞ୍ଜାନ୍ ଇଞ୍ଜ ତିନେନ୍, ବାକି ଖିଜୁ ବିସ୍ତେ ଆନ୍ ହାତିସ୍ ବୁଜାନାଙ୍ଗ୍ ।

୧୨

ପୁଇପୁୟା ଜିବୁନ୍‌ନି ଦାନ୍

୧ ଏ ଟଣ୍ଡାର୍ ଆରି ତଣ୍ଡଦେକ୍ ଆମ୍‌କ୍ ଦାନ୍ ବିସ୍ତେ ଜେ ଏପେଙ୍ଗ୍ ପୁନାର୍ ଇଞ୍ଜି, ଇଦାଂ ନା ମାନ୍ ଆକାୟ୍ । ୨ ଏପେଙ୍ଗ୍ ପୁନାର୍ ଜେ, ଏଚେକାଡ଼ଦ୍ ଏପେଙ୍ଗ୍ ପାତ୍ କିଞ୍ଜି ଜିହୁଡ଼ିର୍ ମାଚାଦେର୍, ହେ ପାଦ୍‌ନା ଇନେସ୍ ପୁନୁୟା ଆଜି ମାଚାଦେର୍, ହେ ଲାକେ ଚାକ୍ରାୟ୍ ବାବ୍ରେ ଚାଲା ଆଜି ପେନ୍ ପୁଦା ଲାହାଂ ମାଚାଦେର୍ ୩ ହେଦାଂ କାଜିଙ୍ଗ୍ ଆନ୍ ମିଙ୍ଗେଙ୍ଗ୍ ଖେଚ୍‌ଚାନାଙ୍ଗା, ଇସ୍ଵତ୍ ଜିବୁନ୍ ପାୟା ଆଜି କାତା ଇନାକା ଇମ୍ଫଣି ଲଗୁ ସାଇପ୍‌ନିକାନ୍ ଇଞ୍ଜି ଇନୁନ୍, ଆରେ ଇମ୍ଫଣି ମାନାୟ୍ ପୁଇପୁୟା ଜିବୁନ୍ ପାୟା ଆଞ୍ଜାଦାଂ ଜିସୁ ମାପୁ ଇଞ୍ଜି ଇଞ୍ଜେଙ୍ଗ୍ ଆଡୁନ୍ ।

୪ ☆ଉପକାର୍ ଦାନ୍ କେତେକ୍ ବାନି, ମାତାର୍ ଜିବୁନ୍ ରଞ୍ଜାଙ୍ଗ୍; ୫ ହେବା କେତେକ୍ ବାନି, ଆରେ ମାପୁ ରଞ୍ଜାଙ୍ଗ୍; ୬ କାମାୟ୍ ବିନ୍‌ବିନ୍ ବାନି, ମତର୍ ଇସ୍ଵର୍ ରଞ୍ଜାଙ୍ଗ୍, ହେଞ୍ଜାନ୍ ଖିଜାକାର୍ ତାକେ କାମାୟ୍ କିନାନ୍ । ୭ ଖିଜାର୍ତି ହାର୍ କାମାୟ୍ କିନି କାଜିଂ ଜାଣ୍‌କେ ମାନାୟ୍ ବିତ୍ରେ ପୁଇପୁୟା ଜିବୁନ୍‌ତି ସାଲ୍ଟି ବିନ୍‌ବିନ୍ ବାବ୍ରେ ହନାଡ଼ । ୮ ଇନାକିଦେଂକି ରଞ୍ଜାନିଂ ଜିବୁନ୍ ହୁଦାଂ ବୁଦିନି ବଚନ୍, ବିନ୍ ନିକାନିଂ ହେ ଜିବୁନ୍‌ନି ହିକ୍ୟା ଇସାପ୍‌ରେ ଗିଆନି ବଚନ୍, ୯ ଆରେ ର ରଞ୍ଜାନିଂ ହେ ଜିବୁନ୍ ହୁଦାଂ ପାତ୍ କିନି ଦାନ୍ ହିଦ୍‌ନାନ୍, ଆରେ ରଞ୍ଜାନିଂ ହେ ରଞ୍ଜେ ଜିବୁନ୍ତି ହୁଦାଂ ଉଜ୍ କିନାକା ସାଲ୍ଟି ହିନାନ୍, ୧୦ ବିନ୍ ନିକାନିଂ ବାର୍‌ବିନ୍ ସାଲ୍ଟିନି କାମାୟ୍ ପୁରା କିଦେଙ୍ଗ୍, ଆରେ ରଞ୍ଜାନିଂ ବେଣ୍‌ବାକିଶାୟ୍‌କିନାକା ଇଞ୍ଜେଙ୍ଗ୍, ବିନ୍ ନିକାନିଙ୍ଗ୍ ବିନେ ବିନେନି ଜିବୁନ୍ ଚିନ୍‌କିଦେଙ୍ଗ୍, ଆରେ ରଞ୍ଜାନିଂ ବାର୍‌ବିନ୍ ପୁନି ଲକାର୍ ବେରଣ୍ ଇଞ୍ଜେଙ୍ଗ୍, ଆରେ ରଞ୍ଜାନିଂ ବେରଣ୍‌ନି ଅରଡ଼ ଖେଚ୍‌ନି ସାଲ୍ଟି ଦାନ୍ କିୟାଆନାଡ଼ । ୧୧ ମତର୍ ହେଞ୍ଜାନ୍ ର ମତର୍ ଜିବୁନ୍ ଜାର୍ ଇଚା ଇସାପ୍‌ତାଂ ଜାଣ୍‌କେ ଜାର୍ତିଂ ବିନେ ବିନେ ଲାକେ ଦାନ୍ ପାସ୍‌ପିସ୍ ହିଜି ଇ ଖିଜୁ କାମାୟ୍ ପୁରା କିନାନ୍ ।

କ୍ରିସ୍ତୁ ଗାଗାଡ଼

୧୨ ☆କ୍ରିସ୍ତୁ ବେସି କେଇଗାଲ୍ ର ଗାଗାଡ଼ ଲାକେ, ଆରେ ହେବେନି କେଇଗାଲ୍ ମତର୍, ଗାଗାଡ଼ନି ଖିଜୁ କେଇଗାଲ୍ ବେସି ଆତିସ୍‌ପା, ରଞ୍ଜି ଗାଗାଡ଼ ଆନାଡ଼ ହେ ଲାକେ ପା କ୍ରିସ୍ତୁ । ୧୩ ଲାଗିଂ ଆସେଙ୍ଗ୍ ଜିହୁଡ଼ି କି ପାତ୍ କିଞ୍ଜାକାର୍ କି ଗ୍ରିକ୍ ଆଏସ୍, ଆଡ଼ିଏନ୍ ଆଏସ୍ କି ଜାର୍ ତାରେନ୍ ଆଏସ୍, ଖିଜାକାର୍ ତ ରଞ୍ଜି ଜିବୁନ୍ ହୁଦାଂ ରଞ୍ଜି ଗାଗାଡ଼ ଆନି ଇସାପ୍‌ତାଂ ବାପ୍‌ସିମ୍ ଆତାସ୍‌ନା; ଆରେ ଖିଜାସ୍ ରଞ୍ଜି ଜିବୁନ୍ତାଂ ଉଟାସ୍‌ନା ।

୧୪ ଇନାକିଦେଂକି ଗାଗାଡ଼ ତ ର କେଇଗାଲ୍ ଆକାୟ୍, ମତର୍ ବେସି । ୧୫ ପାନା ଜଦି ଇନାଡ଼, “ଆନ୍ କେଇ ଆକାୟ୍” ଲାଗିଂ ଗାଗାଡ଼ କେଇଗାଲ୍ ଆକାୟ୍, ତେବେ ଇଦାଂ କାଜିଂ ହେଦାଂ ଜେ ଗାଗାଡ଼ନି କେଇଗାଲ୍ ଆକାୟ୍, ହେଦାଂ ଆକାୟ୍ । ୧୬ ଆରେ କିତୁଲ୍ ଜଦି ଇନାଡ଼, ଆନ୍ କାଣ୍‌ଙ୍ଗା ଆକାୟ୍, ଲାଗିଂ ଗାଗାଡ଼ କେଇଗାଲ୍ ଆକାୟ୍, ଖାଟିଙ୍ଗ୍ ଇଦାଂ କାଜିଂ ହେଦାଂ ଜେ ଗାଗାଡ଼ନି କେଇଗାଲ୍ ଆକାୟ୍, ହେଦାଂ ଆକାୟ୍ । ୧୭ ଖିଜୁ ଗାଗାଡ଼ ଜଦି କାଣ୍‌କୁ ଆନାଡ଼, ଖାଟିଙ୍ଗ୍ ଖେନାକା

☆ ୧୨:୪ ୧୨:୪ ରମିୟ ୧୨:୬-୮. ☆ ୧୨:୧୨ ୧୨:୧୨ ରମିୟ ୧୨:୪,୫.

ଇମେତାକେ ? ଓଁକୁ ଗାଗାଡ଼ ଜଦି କିତୁଲ୍ ଆନାଡ଼, ଖାଟିଙ୍ଗ୍ ମୁଞ୍ଜନାକା ଇମେନିକା ? ୧୮ ମତର୍ ଇସ୍ୱର୍ କେଇଗାଲ୍ ରଞ୍ଜାଙ୍ଗ୍ ରଞ୍ଜାଙ୍ଗ୍ କିଜି ଗାଗାଡ଼ତ ଜାର୍ ଇଚା ଇସାପ୍ତା ବିଡ଼ାୟ୍ କିତାନନ୍ନା । ୧୯ ଆରେ, ଜଦି ହେ ଓଁକୁ ରଞ୍ଜି କେଇଗାଲ୍ ଆଜି ମାଟିସ୍, ଖାଟିଙ୍ଗ୍ ଗାଗାଡ଼ ଇମେ ତାକେ ? ୨୦ ମତର୍ ହାଡ଼ପାତ କେଇଗାଲ୍ ବେସି, ମତର୍ ଗାଗାଡ଼ ରଞ୍ଜାଙ୍ଗ୍ ।

୨୧ “ନି ତାକେ ନା ଲଡ଼ା ଆକାୟ୍ ଇଞ୍ଜି କାଶ୍ଟା କେଇଦିଙ୍ଗ୍ ଇଞ୍ଜେଙ୍ଗ୍ ଆଡୁଡ଼, କି ନି ତାକେ ନା ଲଡ଼ା ଆକାୟ୍ ଇଞ୍ଜି କାପଡ଼ା ପାନାତି ଇଞ୍ଜେଙ୍ଗ୍ ଆଡୁଡ଼ ।” ୨୨ ଆଓଡିସ୍ ବିନ୍ ପାକ୍ୟାତ ଗାଗାଡ଼ନି ଜେ ଓଁକୁ କେଇଗାଲ୍ ଆଦିକ୍ ନାଦାର୍ ଇଞ୍ଜି ବୁଜା ଆନାଡ଼, ହେ ସବୁ ରଲ୍ଲାକେ ଲଡ଼ା; ୨୩ ଆରେ, ଗାଗାଡ଼ ଇମ୍ଫଣି ସବୁ କେଇଗାଲ୍ ଆଦିକ୍ ଇନାକାହିଲ୍ଝାକା ଇଞ୍ଜି ମାଙ୍ଗେଙ୍ଗ୍ ପୁନ୍ୟାଦନାଡ଼, ହେ ସବୁ କେଇଗାଲ୍ ଆସେଙ୍ଗ୍ ଆଦିକ୍ ହର୍ ଖାରିକିନିତାକେ ବେସି ରଞ୍ଜି କିନାସ୍; ଆରେ ମା ହଲ୍ଝି କେଇଗାଲ୍ ଆଦିକ୍ ହର୍ ହଲ୍ଲନାଡ଼, ୨୪ ଇତିସ୍ ଗାଗାଡ଼ନି ହଲ୍ଲନି କେଇଗାଲ୍ କାଜି ଆସେଙ୍ଗ୍ ଏଚେକ୍ ଦିଆନ୍ ହିଜି ମାନୁସ୍ । ଇସ୍ୱର୍ ନିଜେ ଗାଗାଡ଼ତି ଇ ବାବ୍ରେ ରଚ୍ଚାନ ଜେ, ଇମ୍ଫଣି କେଇଗାଲ୍ ଜାତୁନ୍ ଲଡ଼ା, ହମାନ୍ ହେଞ୍ଜାଙ୍ଗ୍ ଆଦିକ୍ ଲଡ଼ା । ୨୫ ମତର୍ ଇନେସ୍ ଗାଗାଡ଼ ବିଡ୍ରେ ଗଡ଼ମାର୍ ଗିଓଡିସ୍, ନଲେ କେଇଗାଲ୍ ସମାନ୍ ବାବ୍ରେ ହାରି ହାର୍ ଚିତା କିନିକ୍, ଇଦାଂ କାଜି ଇସ୍ୱର୍ ଇନାକାହିଲ୍ଝି କେଇଗାଲ୍ ଆଦିକ୍ ହର୍ ଦୁକ୍କିନାକା ହିଜି ଗାଗାଡ଼ତି ରବେ କିତାନନା । ୨୬ ଆରେ, ରଞ୍ଜି କେଇଗାଲ୍ ଦୁକ୍ବଗ୍ କିତିସ୍ ଓଁକୁ କେଇଗାଲ୍ ତା ଲାହାଙ୍ଗ୍ ଦୁକ୍ବଗ୍ କିନିକ୍, ନଲେ ର କେଇଗାଲ୍ ଜାଜମାଲ୍ ପାୟାତିସ୍ ଓଁକୁ କେଇଗାଲ୍ ତା ଲାହାଙ୍ଗ୍ ଖାରି କିନିକ୍ ।

୨୭ ଏପେଙ୍ଗ୍ କ୍ରିସ୍ତୁଟି ଗାଗାଡ଼, ଆରେ ର ର ଜାଣ୍ ର ର କେଇଗାଲ୍ ଲାକେ । ୨୮ ଆରେ, ଇସ୍ୱର୍ ମଣ୍ଡଲିତ ପର୍ତୁମ୍ତ ପକ୍ୟାତାକାନ୍, ଜେତାକା ବେଶ୍‌ବାକ୍‌ଶାୟ୍‌କିନାକାନ୍, ତିନ୍ତାକେ ହିକ୍ୟା ଗୁରୁ, ଇ ଲାକେ ବାର୍‌ବିନ୍ ମାନାୟ୍‌ତିଙ୍ଗ୍ ବାଟି କିତାନନ୍ନା; ପାଚେ ସାଲ୍ଲିନି କାମାୟ୍, ତା ପାଚେ ଉଜ୍ କିନି ସାଲ୍ଲି, ଲକାର୍ ଉପକାର୍, ଚାଲାନି କେମ୍‌ତା ଆରି ବାର୍‌ବିନି ବାସା ଦାନ୍ କିତାଣ୍ଟା । ୨୯ ଓଁଜାକାର୍ କି ପକ୍ୟାତାକାର୍ ? ଓଁଜାକାର୍ କି ବେଶ୍‌ବାକ୍‌ଶାୟ୍‌କିନାକାର୍ ? ଓଁଜାକାର୍ କି ଗୁରୁର୍ ? ଓଁଜାର୍ କାବା କିନି ସାଲ୍ଲି ଓଁଜାର୍ ତାକେ ହିଲୁଡ଼ ? ୩୦ ଓଁଜାକାର୍ ଉଜ୍ କିନି ଦାନ୍ ପାୟାତାଣ୍ଟା କି ? ଓଁଜାର୍ ଲକାର୍ ବାସାତ ବେଶ୍ କିତାର୍ କି ? ଓଁଜାର୍ ବାସାନି ଅରଡ଼ କିତାର୍ କି ? ୩୧ ମତର୍ ନିୟାନ୍ ଦାନ୍ ଓଁକୁ ପାୟାନି କାଜି ଲାଗିସ୍ ସେସ୍ୱା କିୟାଟ୍ ।

ଆଦିକ୍‌ତାଂ ଆନ୍ ମିଙ୍ଗେଙ୍ଗ୍ ର ବାଲ୍ଲନି ହାଜି ଚଚ୍ଚାନାଙ୍ଗା ।

୧୩

ପର୍ତୁମ୍ ଜାଣାଟିନା

୧ ଜଦି ଆନ୍ ମାନାୟାରି ଆରି ଦୁଡ଼ର୍ତ୍ତି ବାସାତ କତା ଇନାଙ୍ଗ୍, ମାତର୍ ନା ଜିଉନନାକା ମାନ୍‌ଗୁଡ଼, ତେବେ ଆନ୍ ଗାଜ୍ରାନି ଗଣ୍ଟା ନଲେ ଚମ୍ ଚମ୍ ଗାଜ୍ରାନି କେଇ ତାପଡ଼ିଙ୍ଗ୍ ଲାକେ ଆନାତା । ୨ ଆରେ, ଜଦି ନା ବେଶ୍‌ବାକ୍‌ଶାୟ୍‌କିନାକା ସାଲ୍ଲି ମାଟିସ୍ ଆରି ଆନ୍ ଓଁକୁ ନେକ୍ଟି କାତା ଆରି ସବୁ ଗିୟାନ୍ତ ଆଡ଼ବେଂ ଆଜି ମାଟିସ୍, ଆରେ ମାଡ଼ିତି ଗୁଟାୟ୍ କିନି କାଜି ନା ପୁରା ପାତ ମାଟିସ୍, ମତର୍ ନା ଜିଉନନାକା ହିଲ୍ଝିତିସ୍, ଖାଟିଙ୍ଗ୍ ଆନ୍ ମୁଡ଼େ ଆକାୟ୍ । ୩ ଆରେ, ଜଦି ଆନ୍ ଅକର୍ତ୍ତ ଲଗାଂ ତିଚ୍ପି କିନି କାଜି ନା ଓଁଜେ ହିଦେଂ କିନାଙ୍ଗ୍, ଆରେ ଜଦି ଆନ୍ ନାଦାଂ ଗାଗାଡ଼ତି ହୁଡ଼ଜି ଆନି କାଜି ହେଲ୍ଲାୟ୍ କିନାଙ୍ଗ୍, ମତର୍ ନା ଜିଉନନାକା ହିଲ୍ଝିତିସ୍, ଖାଟିଙ୍ଗ୍ ନାଦି ମୁଡ଼କେ ଲାବ୍ ଆକାୟ୍ । ୪ ଜିଉନନାକା ସାହାସ୍ ଆହ୍‌ନାକା ଆରି ସମାଲିକିନାକା । ଜିଉନନାକା ବାନ୍‌ସା, ତାରା କିଉନ୍, ଜିବୁନ୍ ବାଲ୍‌ବଲ୍ଲାୟ୍ କିଉନ୍, ତାରା କିଉନ୍, ୫ ଇନେରିଂ ଇନ୍‌ଓଁ ଚିନ୍ତା କିଉନ୍, ନିଜ୍‌ତି ସେସ୍ୱା କିଉନ୍, ରିସା ଆଉନ୍, ନାହାୟ୍‌କିନି ଏତୁତ ଇଚୁନ୍, ୬ ଅଦାମ୍‌ତ ଖାରି କିଉନ୍, ମତର୍ ହାଡ଼ପାତ ଖାରି କିନାନ୍; ୭ ଓଁକୁ ହୁଞ୍ଜନାନ୍, ଓଁକୁ ପାତ କିନାନ୍, ଓଁକୁ ବାସ କିନାନ୍, ଓଁକୁ ବିସ୍ତେ ସାସ୍ ଆସ୍ତି ମାନାନ୍ ।

୮ ଜିଉନନାକା ମୁଡ଼େ ଓଁକୁଡ଼; ମତର୍ ଜଦି ଇସ୍ୱର୍ ତାଙ୍ଗ୍ କାରୁର୍ ସୁଶାୟ୍ କିନି ସାଲ୍ଲି ମାନାଡ଼, ହେଦାଂ ବୁଡାନାଡ଼, ଜଦି ଲକାର୍ ବାସା ମାଟିସ୍, ହେ ସବୁ ଚିମ୍ପାନାଡ଼, ଜଦି ଗିୟାନ୍ ମାଟିସ୍, ହେଦାଂ ବୁଡା ଆନାଡ଼ । ୯ ଇନାକିଦେଂକି ଆସେଙ୍ଗ୍ ଅଲପ୍ ବାବ୍ରେ ପୁନାସ୍ ଆରି ଅଲପ୍ ବାବ୍ରେ ବେଶ୍‌ବାକ୍‌ଶାୟ୍ କିନାସ୍ । ୧୦ ମତର୍ ସବୁ ବିସ୍ତେ ଇକାଞ୍ଜାତିସ୍ ଅଲପ୍ ବିସ୍ତେ ବୁଡାନାଡ଼ ।

୧୧ ହିମ୍‌ଶା ମାନି ସମୁତ ଆନ୍ ହିମ୍‌ଶା ଲାକେ ବେଶ୍ ଇଞ୍ଜି ମାଚାଙ୍ଗ୍, ହିମ୍‌ଶା ଲାକେ ବାବି କିଜି ମାଚାଙ୍ଗ୍, ହିମ୍‌ଶା ଲାକେ ବିଚାର୍ କିଜି ମାଚାଙ୍ଗ୍, ବେସ୍ ଆତିଲେ ଆନ୍ ହିମ୍‌ଶା ବିସ୍ତେ ସବୁ ପିସ୍ତାଙ୍ଗ୍ । ୧୨ ଇନାକିଦେଂକି ନଙ୍ଗ୍ ଆସେଙ୍ଗ୍ ଚିକିନିକି ବଚନ୍‌ଲଗ୍‌ଦି ଦାପାଣି ଉପକାର୍‌ତାଂ ହୁଡ଼ନାପା, ମତର୍ ହେ ପାଦ୍‌ନା ହାରିମ୍‌ମ୍‌ଦ ଆଜି ହୁଡ଼ନାସ୍; ଏଚେଞ୍ଜେଡାଲିଂ ଆନ୍ ଅଲପ୍ ବାବ୍ରେ ପୁନାଙ୍ଗା, ମତର୍ ହେ ପାଦ୍‌ନା, ଆନ୍ ଇନେସ୍ ଜାଣା, ହେ ଲାକେ ପା ଜାଣା ପାୟାନାଙ୍ଗ୍ ।

୧୩ ଇତିସ୍ ପାତ, ବାସ, ଜିଉନନାକା, ଇ ତିନି ତିଚ୍ ଆନାଡ଼, ଆରେ ଇଞ୍ଜାବ୍ ବିଡ୍ରେ ଜିଉନନାକା ଗାଜା ।

୧୪

ବେଶ୍‌ବାକ୍‌ଶାୟ୍‌କିନାକା ଆରି ବିନ୍‌ବାସା

☆ ୧୩:୨ ୧୩:୨ ମାଡିଉ ୧୭:୨୦; ୨୧:୨୧; ମାର୍ଚ୍ଚ ୧୧:୨୩.

୧ ଜିଉନନାକା ଇଚ୍ଚକାତ୍ କିୟାଟ୍, ଆରେ ଆମିକ୍ ଦାନସବୁ ପାୟାନି କାଜିଂ, ବେସି ଇନେସ୍ ବେଶ୍‌ବାକ୍‌ଶାୟ ଇଞ୍ଜେକ୍ ଆଡ୍‌ନାଦେର୍, ଇଦାଂ କାଜିଂ ରବେ ସେସ୍ କିୟାଟ୍ । ୨ ଇନାକିଦେଂକି ଇନେନ୍ ଲକାର୍ ବାସା କାତା ଇନାନ୍, ହେୱାନ୍ ମାନାୟତିକ୍ ବେଶ୍ ଇନୁନ୍, ମତର୍ ଇସ୍‌ରତିଂ ଇନାନ୍, ଲାଗିଂ ଇନେର୍ ହେଦାଂ ବୁଜାଆଡନ୍, ମତର୍ ହେୱାନ୍ ଜିବୁନ୍ ହୁଦାଂ ଚିକିନିକି ବିସ୍ତେ ଇନାନ୍ । ୩ ମତର୍ ଇନେନ୍ ବେଶ୍‌ବାକ୍‌ଶାୟ କିନାନ୍ ଇସ୍‌ତର୍ ବଚନ୍ ପର୍ତାର୍ କିନାନ୍, ହେୱାନ୍ ହେଦାଂ ମାନାୟାରିଂ ଇନାନ୍, ତାପାଟେ ହେୱାରିଂ ରଚ୍‌ନାସ୍, ଖାରିକିୟ କିନାକାନ୍ ଆରି ଦୁକ୍‌ସାରାୟ ବେଶ୍ ଇନାନ୍ । ୪ ଇନେନ୍ ଲକାର୍ ବାସାତ କାତା ଇନାନ୍, ହେୱାନ୍ ନିଜାର୍‌ତି ହାର୍‌ଦାକା ହପ୍‌ନାନ୍, ମତର୍ ଇନେନ୍ ବେଶ୍‌ବାକ୍‌ଶାୟ ଇନାନ୍, ହେୱାନ୍ ମଣ୍ଡଲିନି ହାର୍‌ଦାକା ହପ୍‌ନାନ୍ ।

୫ ଏପେକ୍ ଝିଜାଦେର୍ ଜେ ବିନ୍ ବାସାତ କାତା ଇନାଦେର୍, ଇଦାଂ ନା ଇଚା, ମାତର୍ ଏପେକ୍ ଜେ ବେଶ୍‌ବାକ୍‌ଶାୟ ଇନାଦେର୍, ଇଦାଂ ନାଦି ଆଦିକ୍ ଇଚା; ଇନେନ୍ ବିନ୍ ବାସାତ କାତା ଇନାନ୍, ହେୱାନ୍ ଜଦି ମଣ୍ଡଲି ରଚ୍‌ନାନ୍ ପାୟାନି କାଜିଂ ବାସାନି ଅରଡ୍ କିଉନ୍, ଖାଟିକ୍ ହେଦାଂ ବାଟା ଜେ ବେଶ୍‌ବାକ୍‌ଶାୟ କିନାନ୍, ହେୱାନ୍ ଗାଜାକାନ୍ । ୬ ଏପେକ୍ ଇବେ ଏ ଟଣ୍ଡାର୍, ଆନ୍ ଜଦି ମି ଲାଗାଂ ହାଲ୍‌ଜି ହତି ବଚନ୍, କି ବୁଦି, କି ବେଶ୍‌ବାକ୍‌ଶାୟ କିନାକା, କି ହିକ୍ୟାନି କାତା ଇନ୍‌ଖାଦାଂ କେବଲ୍ ବିନ୍‌ବାସାତ କାତା ଇନାନ୍, ଲାଗିଂ ହେବେ ଆନ୍ ମିଦାକ୍ ଇନାକା ଉପକାର୍ କିଦନାକ୍ ?

୭ ହୁର୍ଡି ଆସଡ୍ କି ଗମଣ୍ ଆସଡ୍, ଜିବୁନ୍‌ହିଲ୍‌ଝି ବାଜା ଆଡ୍‌ତିସ୍ ପା ଜଦି କାଟ୍‌ତ ସମାନ୍ ମାନ୍‌ଗୁଡ୍, ଲାଗିଂ ହୁର୍ଡିତ ଇନାକା ଆଡ୍‌ନାତା କି ଗମଣ୍ ଇନାକା ଆଡ୍‌ନାତା, ହେଦାଂ ଇନେସ୍ ପୁନ୍ୟାଆନାଡ୍ ? ୮ ଆରେ, ମରି ଜଦି ବୁଜାଆଡ୍ କାଟ୍, ଲାଗିଂ ଇନେନ୍ ଜୁଜ୍ କାଜିଂ ରଞ୍ଜନାନ୍ ? ୯ ହେ ଲାକେ ଏପେକ୍ ପା ଜଦି ଝେନ୍‌ଲୁ ହୁକେ ଆଡ୍‌ଝା ଇନି କାତା ଇନୁସ୍, ଲାଗିଂ ଇନାକା ଇନାଦେରା, ହେଦାଂ ଇନେସ୍ ପୁନ୍ୟାଆନାଡ୍ ? ଇନାକିଦେଂକି ଏପେକ୍ ଖାରାକାଦ୍‌ଲିଂ ଇନାକା ଲାକେ ଆନାଡ୍ । ୧୦ ପୁଡ୍‌ତ ବେସି ବାନି ବାସା ମାନାଡ୍, ଆରେ ଇମଣି ସବଦ୍ ଅରଡ୍ ଖାରାକା ଆକାୟ । ୧୧ ଲାଗିଂ ଆନ୍ ଜଦି ହେ ସବଦ୍‌ନି ଅରଡ୍ ବୁଜାଆଡ୍‌ତିସ୍, ଲାଗିଂ ଇନେନ୍ ଇନାର୍, ଆନ୍ ତା କାଜିଂ ବିଦେସି ଲାକେ ଆନାକ୍, ଆରେ ହେୱାନ୍ ନା ଲାଗାଂ ଅତିନା ଲାକେ ଆନାନ୍ । ୧୨ ହେ ମାନାୟ ଏପେକ୍ ପା ଆମିକ୍ ଦାନ୍ ସବୁ ପାୟାଦେଂ ର ସେସ୍ କିଜି ମାଟିଲେ ମଣ୍ଡଲି ରଚ୍‌ନାସ୍ ପାତ୍ କିନାକାନ୍ କାଜିଂ ହେ ସବୁ ବେସି ପାୟା ଆଦେଂ ସେସ୍ କିୟାଟ୍ ।

୧୩ ଲାଗିଂ, ଇନେନ୍ ଲକାର୍ ବାସାତ କାତା ଇନାନ୍, ହେୱାନ୍ ଇନେସ୍ ଅରଡ୍ କିଦେକ୍ ଆଡ୍‌ନାନ୍, ଇଦାଂ କାଜିଂ ପାର୍ତାନା କିଏନ୍ । ୧୪ ଇନାକିଦେଂକି ଆନ୍ ଜଦି ବିନ୍ ବାସାତ ପାର୍ତାନା କିନାକ୍, ଲାଗିଂ ନା ଜିବୁନ୍ ପାର୍ତାନା କିନାଡ୍, ମତର୍ ନା ବୁଦି ପାଡ୍‌ଆହ୍‌ଝାକା ଆନାଡ୍ । ୧୫ ଲାଗିଂ ନା କିନାକା ଇନାକା ? ଆନ୍ ଜିବୁନ୍ ହୁକେ ପାର୍ତାନା କିନାକ୍; ଆରେ ବୁଦି ଲାହାକ୍ ପା ପାର୍ତାନା କିନାକ୍; ଜିବୁନ୍ ହୁକେ କେରନାକ୍, ଆରେ ବୁଦି ଲାହାକ୍ ପା କେରନାକ୍ । ୧୬ ହେଦାଂ ଆଡ୍‌ତିସ୍ ଏପେକ୍ ଜଦି ମି ଜିବୁନ୍ ହୁକେ ଜୁଝାର୍ ହିୟାଟ୍, ଲାଗିଂ ସାଦାସିଦା ମାନାୟ ମି କାତା ବୁଜା ଆଡ୍‌ତିସ୍ ଇନେସ୍ ମି ଦନ୍‌ସବାଦ୍‌ତ ଆମେନ୍ ଇନାଦେର୍ ? ୧୭ ଲାଗିଂ ଏପେକ୍ ହାର୍ ଲାକେ ଜୁଝାର୍ ହିନାଦେରା ସଡ୍, ମତର୍ ହେ ବିନ୍‌ନିକାନ୍‌ତି ହାର୍ ଆମାଟ୍ ।

୧୮ ଆନ୍ ମି ଝିଜାଦେର୍ ତାକ୍ ଆଦିକ୍ ଲାକେ ଲକାର୍ ବାସାତ କାତା ଇନାକ୍ ଇଞ୍ଜି ଇସ୍‌ରତିଂ ଜୁଝାର୍ ହିନାକ୍; ୧୯ ଆଡ୍‌ତିସ୍‌ପା ଆନ୍ ଇନେସ୍‌କି ବିନ୍‌ନିକାରିଂ ପା ହିକ୍ୟା ହିଦେଂ ଆଡ୍‌ନାକ୍, ଇଦାଂ କାଜିଂ ମଣ୍ଡଲିତ ଲକାର୍ ବାସାତ ଦସ୍ ହାଜାର୍ ବେଶ୍ ଇନି ବାଟା ଇତିସ୍ ବୁଦି ଲାହାକ୍ ପାଞ୍ଚଗଟା ବେଶ୍ ଇଞ୍ଜେକ୍ ମାନ୍ କିନାକ୍ ।

୨୦ ଏ ଟଣ୍ଡାର୍, ବୁଦିତ ହିମଣା ଲାକେ ଆମାଟ୍, ଇତିସ୍ ବାନ୍‌ସା ବିସ୍ତେ ହିରୁହିମଣା ଲାକେ ଆଡ୍, ମତର୍ ବୁଦିତ ଏପେକ୍ ଗାଜାକାର୍ ଆଡ୍ । ୨୧ ମସାତି ବିଦିତ ଲେକାମାନାଡ୍, ମାପୁ ଇନାନ୍, ବିଦେସ୍‌ନି ବେଶ୍‌ଇନାକାର୍ ହୁକେ ଆରି ବିଦେସ୍‌ନିକାର୍‌ତି ଝେୟ୍ ହୁକେ ଆସେକ୍ ଇ ମାନାୟାରିଂ କାତା ଇନାସ୍, ତା ଆଡ୍‌ତିସ୍ ପା ହେୱାର୍ ମା କାତା ଝେଞ୍ଚୁର୍ ।

୨୨ ଲାଗିଂ ଲକାର୍ ବାସାତ କାତା ଇନାକା ପାତ୍‌ନିକାର୍‌ତି କାଜିଂ ଚିନ୍ ଲାକେ ଆକାୟ, ମତର୍ ପାତ୍‌କିଝାକାର୍‌ତି କାଜିଂ ଚିନ୍ ଲାକେ; ବିନ୍ ପାକ୍ୟାତ ବେଶ୍‌ବାକ୍‌ଶାୟକିନାକା ଇନାକା ପାତ୍‌କିଝାକାର୍‌ତି କାଜିଂ ଚିନ୍ ଲାକେ ଆକାୟ, ମତର୍ ପାତ୍‌କିନାକାର୍‌ତି କାଜିଂ ଚିନ୍ ଲାକେ ।

୨୩ ଆରେ ପା ସବୁ ମଣ୍ଡଲିଂ ଜଦି ମେହା ଆନିକ୍ ଆରି ଝିଜାର୍ ଲକାର୍ ବାସାତ ବେଶ୍ ଇନାର୍, ଆରେ ସଲ୍‌କେ କି ପାତ୍‌କିଝି ମାନାୟାର୍ ଝାନାର୍, ତା ଆଡ୍‌ତିସ୍ ଏପେକ୍ ପାଗ୍‌ଲା ଇଞ୍ଜି ଇନାକା ହେୱାର୍ ଇନୁର୍ ? ୨୪ ମତର୍ ଜଦି ଝିଜାର୍ ବେଶ୍‌ବାକ୍‌ଶାୟକିନାକା ଇନାର୍, ଆରେ ରଝାନ୍ ପାତ୍‌କିଝାକାନ୍ କି ସଲ୍‌କେନି ଲକ୍ ଝାନାନ୍, ଲାଗିଂ ହେୱାନ୍ ଝିଜାର୍‌ତି ହୁକେ ଦସି ଇଞ୍ଜି ପାର୍‌ମାଣ୍ ଆନାଡ୍, ଝିଜାର୍‌ତି ହୁକେ ବିଚାର୍ ଆନାଡ୍, ୨୫ ତା ଝାୟ୍‌ନି ତ୍‌କୁତି ବିସ୍ତେ ସବୁ ହନାଡ୍; ହେବେ ହେୱାନ୍ ମୁମ୍ ତାରେନ୍ କିନାନ୍ ଆରି ଇସ୍‌ର ଜେ ହାଡ୍‌ପା ମି ବିତ୍ତେ ମାନାନ୍, ଇଦାଂ ମାନି କିଜି ତାଙ୍ଗେକ୍ ଜୁଝାର୍ କିନାଦେର୍ ।

୨୬ ଏ ଟଣ୍ଡାର, ଆରେ ତଣ୍ଡାଦେକ୍ ତେବେ କାମାୟ୍ ଇନାକା ? ଏପେଙ୍ଗ୍ ମେହାଆନି ସମୁତ କେରକଣ, କି ହିକ୍ୟା, କି ହତି ବଚନ୍, କି ପରବାସା କି ବାସାନି ଅରଡ୍, ଏଲେଙ୍ଗ୍ ଓଜାରୁତି ଇନାକା କି ଇନାକା ମାନାଡ୍ । ଓଜୁ ବିସ୍ତେ ରଚ୍ଚି କାଜିଂ କିୟାଆୟେଡ୍ । ୨୭ ଜଦି ଇନେର୍ ଲକାର୍ ବାସାତ କାତା ଇନାନ୍, ଲାଗିଂ ରିୟାର୍ ନଲେ ଆଦିକ୍ ଆତିସ୍ ତିନ୍ ଜାଣ୍ ପାଲି ଇସାପତାଂ ଇନାର୍, ଆରେ ରଖାନ୍ ଅରଡ୍ କିଏନ୍ । ୨୮ ମତର୍ ଜଦି ଇମଣି ଅରଡ୍ ଇନାକାନ୍ ମାନୁନ୍, ତା ଆତିସ୍ ହେଖାନ୍ ମଣ୍ଡଲିତ ଚିମରା ମାନେନ୍ ଆରି ମାନେମାନେ ଇସ୍ପୁରତିଂ ଇନେନ୍ । ୨୯ ଆରେ, ରିୟାର୍ କି ତିନ୍ ଜାଣ୍ ବେଶ୍‌ବାକ୍‌ଶାୟ୍‌କିନାକା ଇନେର୍, ଆରେ ବିନ୍‌ନିକାର୍ ବିଚାର୍ କିଏର୍ । ୩୦ ମତର୍ କୁଟ୍‌ଚାକାର୍ ବିନେ ଇନେର୍ କାଜିଂ ଜଦି ଇମଣି ବଚନ୍ ହନାଡ୍, ତା ଆତିସ୍ ପର୍ତ୍ତୁମ୍ ନିକାନ୍ ଚିମରା ଆୟେନ୍ । ୩୧ ଇନାକିଦେଂକି ଇନେସ୍ ଓଜାରୁ ହିକ୍ୟା ପାୟାନ୍‌ର, ଆରେ ଓଜାରୁ ଗିୟାନ୍ ପାୟା ଆନାର୍, ଇଦାଂ କାଜିଂ ଏପେଙ୍ଗ୍ ଓଜାଦେର୍ ରଖାନ୍ ରଖାନ୍ ଜିସୁ ବେଶ୍‌ବାକ୍‌ଶାୟ୍‌କିନାକା ଇଞ୍ଜେଙ୍ଗ୍ ଆଡ୍‌ନାଦେର୍ । ୩୨ ବେଶ୍‌ବାକ୍‌ଶାୟ୍‌କିନାକାନ୍ ଜିବୁନ୍ ବେଶ୍‌ବାକ୍‌ଶାୟ୍‌କିନାକାର୍ ମେହାଣ୍ । ୩୩ ଇନାକିଦେଂକି ଇସ୍ପୁର୍ ରାଚୁନି ଇସ୍ପୁର୍ ଆକାୟ୍, ମତର୍ ହେଖାନ୍ ସୁସ୍ତା ଖାରିନି ଇସ୍ପୁର୍ ।

ଇସ୍ପୁରତି ବିନ୍‌ବିନ୍ ସାଦୁର୍ ପାର୍ତାନା ମଣ୍ଡଲିତ ଇନେସ୍ । ୩୪ ସାଦୁରତି ଓଜୁ ମଣ୍ଡଲିତ ଇନେସ୍ ଆଜି ମାନାଡ୍, ହେ ଲାକେ କଗ୍‌ଲେହିମଣାଂ ମଣ୍ଡଲିତ ଚିମରା ଆଜି ମାନେକ୍, ଲାଗିଂ ବେଶ୍ ଇନି କାଜିଂ ହେଞ୍ଜେକ୍ ହେଲ ପାୟାଓଡିକ୍‌ନା, ଇତିସ୍ ବିଦିନି ନିତି ଇସାପତାଂ ହେଞ୍ଜେକ୍ ମେହାଜି ମାନେକ୍ । ୩୫ ହେଞ୍ଜେକ୍ ଜଦି ଇମଣି ବିସ୍ତେ ବୁଜାଆଦେଂ ମାନକିନିକ୍, ତେବେ ଇଞ୍ଜେ ଜାର୍ ଜାର୍ ଆଣ୍ଡାକାଂ ଖେନ୍‌ବେକ୍, ଇନାକିଦେଂକି ମଣ୍ଡଲି ବିତ୍ତେ ବେଶ୍ ଇନାକା କଗ୍‌ଲେକ୍ ପାକ୍ୟାତ ଲାଜୁ ।

୩୬ ଇନାକା ? ଇସ୍ପତ୍ ବଚନ୍ କି ମିତାକେଶ୍ଟାଙ୍ଗ୍ ହଡ୍‌ତାଡ୍‌ନା ? କି କେବଲ୍ ମିଦାଙ୍ଗ୍ ଲାଗାଂ ଖାତାଡ୍‌ନା ? ୩୭ ଇନେର୍ ଜଦି ଜାରୁତିଂ ବେଶ୍‌ବାକ୍‌ଶାୟ୍‌କିନାକାନ୍ କି ଆମିକ୍ ଦାନ୍ ପାୟାତାଙ୍ଗ୍‌ନା ଇଞ୍ଜେ ମାନେ କିତାର୍, ତା ଆତିସ୍ ଆନ୍ ମିଙ୍ଗେଙ୍ଗ୍ ଇନା ଇନାକା ଲେକିକିନାଙ୍ଗା, ହେ ସବୁ ଜେ ମାପୁତି ବଲ୍, ଇଦାଂ ହେଖାନ୍ ପୁନେନ୍ । ୩୮ ମତର୍ ଜଦି ହେଖାନ୍ ପୁଞ୍ଜେଙ୍ଗ୍ ଆଡ୍‌ନୁ, ତେବେ ହେଖାନ୍ ପୁଞ୍ଜେଙ୍ଗ୍ ଆଡ୍‌ଖାକାନ୍ ମାନେନ୍ ।

୩୯ ଲାଗିଂ ଏ ନା ଟଣ୍ଡାର, ବେଶ୍‌ବାକ୍‌ଶାୟ୍‌କିନାକା ଇଞ୍ଜେଙ୍ଗ୍ ହାଡ୍‌ପା ସେସ୍ତୁ କିୟାଟ୍; ଆରେ, ଲକାର୍ ବାସାତ ବେଶ୍ ଇଞ୍ଜେଙ୍ଗ୍ ମୁନା କିମାଟ୍ । ୪୦ ମତର୍ ଓଜୁ ହାଡ୍‌ପା ବାବ୍ରେ ହାର୍ ଇସାବ୍‌ରେ କିୟାଆଏଡ୍ ।

୧୫

କ୍ରିଷ୍ଟି ଆରେ ନିଂନାକା

୧ ହେ ଟଣ୍ଡାର, ଆନ୍ ମି ଲାଗାଂ ଇମଣି ନେକ୍ରିକାରୁର୍ ସୁଶାୟ୍ କିଜି ମାଟାଙ୍ଗ୍, ଇମଣାକା ଏପେଙ୍ଗ୍ ଇଡ୍‌ଜି ମାଟାଦେର୍, ତା ପାଚେ ପା ତିର୍ ଆଜି ମାନାଦେରା, ଆନ୍ ଇମଣି ବାନି ମି ଲାଗାଂ ହେଦାଂ ସୁଶାୟ୍ କିଜି ମାଟାଙ୍ଗ୍, ଇଦାଂ ମିଙ୍ଗେଙ୍ଗ୍ ଏଡୁକି କିଦନାତା; ୨ ଜଦି ଏପେଙ୍ଗ୍ ହେଦାଂ ନେକ୍ରିକାରୁର୍ ଆଟ୍‌ଖା ବାବ୍ରେ ଆଜି ମାନାଟ୍, ତେବେ ହେଦାଂ ହୁକେ ମୁକ୍ତି ଆନାଦେରା, ଆଓଡିସ୍ ତ ଏପେଙ୍ଗ୍ ବେକାରେ ପାତ୍ କିନାକାଦେର୍ ଆଜି ମାଟାଦେର୍ ।

୩ ଇନାକିଦେଂକି ଇମଣି ଇମଣି ହିକ୍ୟା ଆନ୍ ପାୟା ଆଜି ମାଟାଙ୍ଗ୍, ହେ ବିତ୍ତେତାଂ ଇ ମୁଡ୍ ହିକ୍ୟା ମିଙ୍ଗେଙ୍ଗ୍ ହିଜି ମାନଟାଙ୍ଗ୍ ଇତିସ୍, କ୍ରିଷ୍ଟି ସାସ୍ପୁର୍ ଇସାବ୍‌ବ୍ରେ ମା ପାପ୍ କାଜିଂ ହାତାନ୍, ୪ *ମୁର୍‌ୟାତାନ୍ ଆରି ସାସ୍ପୁର୍ ଇସାପତାଂ ତିନି ଦିନ୍‌ତାଂ ନିଙ୍ଗତାନ୍; ୫ *ହେଖାନ୍ କେପା, ଆରେ, ତା ପାଚେ ବାରଜାଣ୍ଡିଂ ଚଞ୍ଜୟା ଆତାନ୍; ୬ ଇଦାଂ ପାଚେ ରଞ୍ଜେମାଟ୍ ପାଞ୍ଚସ୍ ତାଙ୍ଗ୍ ଆଦିକ୍ ଟଣ୍ଡାରିଂ ଚଞ୍ଜୟା ଆତାନ୍; ହେଖାନ୍ ବିତ୍ତେଶ୍ଟାଂ ଆଦେକାର୍ ନେଜେଙ୍ଗ୍ ପାଚେକ୍ ଜିବୁନ୍ ମାନାର୍, ମତର୍ ଇନେର୍ ଇନେର୍ ହାତାରେ । ୭ ତା ପାଚେ ହେଖାନ୍ ଜାକୁବ୍‌ତିଂ, ଆରେ, ଓଜାରୁ ପକ୍ୟାତାକାର୍‌ରିଂ ଚଞ୍ଜୟା ଆତାନ୍ ।

୮ *ହାରିହାରା ବେକାର୍ ଲାକେ ରଖାନ୍ ଜେ ଆନ୍, ହେଖାନ୍ ନାଙ୍ଗେଙ୍ଗ୍ ପା ଚଞ୍ଜୟା ଆତାନ୍ । ୯ *ଇନାକିଦେଂକି ଇସ୍ପତ୍ ମଣ୍ଡଲିତିଂ ଇଶ୍ ଜିସୁ ମାଟିଲେ ପକ୍ୟାତାକାର୍ ବିତ୍ତେ ଆନ୍ ହିରୁକାଂ, ଆରେ ପକ୍ୟାଆତାର୍ ତର୍‌ଦ ତାକ୍‌ପୁଟା ଆଦେଂ ଜଗ୍ ଆକାୟ୍ । ୧୦ ମତର୍ ଆନ୍ ଇନାକା ଆତାଙ୍ଗ୍‌ନା, ହେଦାଂ ଇସ୍ପତ୍ ଉପ୍‌କାର୍‌ତ ଆତାଙ୍ଗ୍‌ନା, ଆରେ ନା ହିଡ୍‌ତି ହେଖାନ୍ତି ହେ ଉପ୍‌କାର୍ ପଲ୍ୟା ଆଖାତାଡ୍‌ନା । ମତର୍ ଆନ୍ ହେ ଓଜାରୁ ତାଙ୍ଗ୍ ଆଦିକ୍ କସ୍ କିତାଂନା, ଆତିସ୍‌ପା ଆନ୍ ଆକାୟ୍, ମତର୍ ନା ଲାହାଙ୍ଗ୍ ମାନି ଇସ୍ପତ୍ ଉପ୍‌କାର୍ ହେଦାଂ କିଡ୍‌ତାନ୍‌ନା । ୧୧ ଲାଗିଂ ଆନ୍ ଆନାଂ, କି ହେଖାନ୍ ଆୟେର୍, ଇ ଲାକେ ଆସେଙ୍ଗ୍ ସୁଶାୟ୍ କିଜି ମାନାସ୍, ଆରେ ଇ ଲାକେ ଏପେଙ୍ଗ୍ ପାତ୍ କିନାକାଦେର୍ ଆତାଦେଶ୍ଟା ।

ମାଦାଂ ଆରେ ନିଂନାକା

୧୨ ଲାଗିଂ କ୍ରିଷ୍ଟ ଜେ ହାତାକାର୍ ବିତ୍ତେତାଂ ଆରେ ନିଂନାକା, ଇଦାଂ ଜଦି ସୁଶାୟ୍ କିୟାନାତା, ଲାଗିଂ ହାତାକାରୁତି ନିଙ୍ଗନାକା ଆକାୟ୍ ଇଞ୍ଜେ ମି ବିତ୍ତେ ଇନେର୍ ଇନେର୍ ଇନେସ୍ ଇନାର୍ ? ୧୩ ଜଦି ହାତାକାରୁତି ଆରେ ଆରେ ନିଂନାକା ଆକାୟ୍, ତେବେ କ୍ରିଷ୍ଟ ପା ନିଙ୍ଗଖାତାନ୍‌ନା; ୧୪ ଆରେ, ଜଦି କ୍ରିଷ୍ଟ ନିଙ୍ଗଖାତାନ୍‌ନା, ତେବେ ତ ମା ସୁଶାୟ୍‌କିନାକା ପଲ୍ୟା, ମି ପାତ୍ ପା ବେକାର୍, ୧୫ ଆରେ, ଆସେଙ୍ଗ୍ ଇସ୍ପତ୍ ବିସ୍ତେ ଇନେନ୍ ମିଟ୍ ସାକି, ଇଦାଂ ହନାଡ୍ । ଇନାକିଦେଂକି ଆପେଂ

☆ ୧୫:୪ ୧୫:୪ ମାଟିଉ ୧୨:୪୦; ପକ୍ୟାତାକା ୨:୨୪-୩୨. ☆ ୧୫:୫ ୧୫:୫ ଲୁକ ୨୪:୩୪; ମାଟିଉ ୨୮:୧୭,୧୭; ମାର୍କ ୧୭:୧୪; ଲୁକ ୨୪:୩୬; ଜହନ୍ ୨୦:୧୯.
 ☆ ୧୫:୮ ୧୫:୮ ପକ୍ୟାତାକା ୯:୩-୬. ☆ ୧୫:୯ ୧୫:୯ ପକ୍ୟାତାକା ୮:୩.

ଇସ୍ତତ୍ ବିରୁଦ୍ଧ ସାକ୍ଷି ହିଜି ମାନେନ୍ ଜେ ହେଖାନ୍ କ୍ରିସ୍ତୁଙ୍ଗ୍ ନିକ୍ତାନନା; ମତର୍ ଜଦି ହାତାକାର୍ ନିଜ୍ଞିତିସ୍, ତେବେ ହେଖାନ୍ ହେଖାନିଂ ନିକ୍ତାତାନନା । ୧୭ ଲାଗିଂ ଜଦି ହାତାକାର୍ ନିଜ୍ଞିରଦେ, ଲାଗିଂ କ୍ରିସ୍ତୁ ପା ନିଜ୍ଞିତାନନା; ୧୭ ଆରେ, ଜଦି କ୍ରିସ୍ତୁ ନିଜ୍ଞିତାନନା, ଲାଗିଂ ମି ପାତ୍ ପଲ୍ୟା, ଆରେ ଏପେଙ୍ଗ୍ ଇ ପାତେକ୍ ଜାର୍ ଜାର୍ ପାପ୍ତ ମାନାଦେରା । ୧୮ ତା ଆତିସ୍ ଇମ୍ଫାକାର୍ କ୍ରିସ୍ତୁତାକେ ହାତାନନା, ହେଖାର୍ ପା ରୁଡା ଆତାର୍ଣ୍ଣା । ୧୯ ଜଦି କେବଲ୍ ଇ ଜିବୁନ୍ କାଜିଂ ଆସେଙ୍ଗ୍ କ୍ରିସ୍ତୁତାକେ ବାସ୍ କିତାପ୍ନା, ଲାଗିଂ ଝିଜାକାର୍ ମାନାୟାର୍ତାଂ ଆସେଙ୍ଗ୍ ଦୟା ନିକାପ୍ ।

୨୦ ମତର୍ ହାତପାତ କ୍ରିସ୍ତୁ ହାତାକାର୍ ମାନାୟାର୍ ପର୍ତ୍ତୁମ୍ ପାତ୍ ଲାକେ ମି ବିତ୍ରେତାଂ ନିଜ୍ଞିତାନନା । ୨୧ ଇନାକିଦେଂକି ମାନାୟ୍ ହୁକେ ହାକି ଏକାଞ୍ଜାତିଲେ ମାନାୟ୍ ହୁକେ ପା ହାତାକାର୍ତ୍ତି ଆରେ ନିଂନାକା ଏକାଞ୍ଜାତାନନା । ୨୨ ଲାଗିଂ ଆଦମ୍ ହୁକେ ମାନି ଇନେସ୍ ଝିଜାର୍ ହାନାର୍, ହେ ଲାକେ ପା କ୍ରିସ୍ତୁତି ହୁକେ ଝିଜାର୍ ଜିନାର୍ । ୨୩ ଇନାକିଦେଂକି ଝିଜାକାର୍ ଜାର୍ ଜାର୍ ଦାଡିତ ପର୍ତ୍ତୁମ୍ ପାତ୍ ଲାକେ କ୍ରିସ୍ତୁ, ପାରେ କ୍ରିସ୍ତୁତି ଝାନି ସମୁତ ହେଞ୍ଜାତି ଆସିର୍ବାଦ୍ ପାୟାତାକାର୍; ୨୪ ତା ପାରେ ଜୁଗ୍ ଏକାଞ୍ଜାନାଡ୍, ହେ ସମୁତ ହେଞ୍ଜାନ୍ ଝିଜାର୍ ଆଦିକାରି, ଝିଜୁ ଆଦିକାର୍ ଆରି ସାକ୍ତି ବୁତାୟ୍ କିତି ପାରେ ଆବା ଇସ୍ତରତିଂ ରାଜି ରାଜକିନାକା ହେଲ୍ଲାଇଁ କିନାନ୍ । ୨୫ ଇନାକିଦେଂକି ହେଞ୍ଜାନ୍ ଝିଜୁ ସାତୁରିଂ ନିଜ୍ ପାନା ତାରେନ୍ ଇଟ୍ଝି ପାତେକ୍ ତାଙ୍ଗେଙ୍ଗ୍ ଆତିସ୍ପା ରାଜ୍ କିଦେଙ୍ଗ୍ ଆନାଡ୍ । ୨୬ ହାରିହାରା ସାତୁ ଲାକେ ହାକିତିଂ ବୁତାୟ୍ କିୟାନାଡ୍; ୨୭ ଇନାକିଦେଂକି ଝିଜୁ ବିସ୍ତେ କ୍ରିସ୍ତୁତି ପାନା ତାରେନ୍ ମେହାୟ୍ କିତାନ୍ । ଏଚେକାଡ୍ଦ ହେଞ୍ଜାନ୍ ଇନାନ୍, ଝିଜୁ ବିସ୍ତେ ମେହାୟ୍ କିୟାଆତାଡ୍ନା, ଇଦାଂ ହାରିକିତାକା ଝିଜୁ ବିସ୍ତେ ଜେ ହେଞ୍ଜାତି ମେହାୟ୍ କିତାର୍, ହେଞ୍ଜାନ୍ ହେ ସବୁନି ହେବେନିକାର୍ ଆକାୟ୍ । ୨୮ ଆରେ ଝିଜୁ ବିସ୍ତେ ମାଜିତି ତଲ୍ୟା କିୟାତି ପାରେ, ଜେ ଝିଜୁ ବିସ୍ତେ ହେଞ୍ଜାତି ତଲ୍ୟା କିତାନ୍, ନିଜେ ମାଜି ପା ହେଞ୍ଜାତି ତଲ୍ୟା ଆନାନ୍, ଇନେସ୍ ଇସ୍ତର୍ ସର୍ବେ ସର୍ବା ଆନାନ୍ ।

୨୯ ହାତାକାର୍ କାଜିଂ ଇମ୍ଫାକାର୍ ହାତାକାର୍ କାଜିଂ ବାପ୍ତିସିମ୍ ଆନାର୍, ହେଞ୍ଜାର୍ ଇନାକା କିନାର୍ ? ଜଦି ହାତାକାର୍ ମୁଡ୍ଡେ ନିଜ୍ଞିର୍, ଲାଗିଂ ହେଞ୍ଜାର୍ କାଜିଂ ହେଞ୍ଜାର୍ ଇନେକିଦେଂ ବାପ୍ତିସିମ୍ ଆନାର୍ ? ୩୦ ଆପେଂ ପା ଇନେକିଦେଂ ଝିଜୁ ସମୁତ ସନି ଗିଟା ଆଏଡ୍ ? ୩୧ ଏ ଟଣ୍ଡାର୍, ଆରି ତଣ୍ଡେକ୍ ମାପୁ ଜିସୁ କ୍ରିସ୍ତୁତାକେ ମି ବିସ୍ତେ ଆନ୍ ଇମ୍ଫା ଗରବ୍ କିତାଙ୍ଗ୍ତି, ହେବେ ରାଣ୍ କିଜି ଇଞ୍ଜନାଙ୍ଗା, ଆନ୍ ସବୁନାଜିଂ ହାନାଙ୍ଗା । ୩୨ ଜଦି ଆନ୍ କେବଲ୍ ମାନାୟାର୍ ଇଟ୍ଝିକାଡ୍ ଇସାପ୍ତାଂ ଆନ୍ ଏପିସତ ରାନ୍ ପସୁଙ୍ଗ୍ ଲାହାଙ୍ଗ୍ ଜୁଜ୍ କିନାଙ୍ଗା, ତେବେ ହେବେ ନା ଲାବ୍ ଇନାକା ? ଜଦି ହାତାକାର୍ ନିଜ୍ଞିର୍, ଲାଗିଂ “ଞାଡ୍, ଆସେଙ୍ଗ୍ ତିନାସ୍ତାୟ୍ ଇନାକିଦେଂକି ଝିଗାଲିଂ ଆସେଙ୍ଗ୍ ହାନାସ୍ ।

୩୩ ଏପେଙ୍ଗ୍ ଚାକ୍ରାୟ୍ ଆମାଟ୍, ବାନ୍ୟା ଲାଗାଜଡାତ ହାରିଦି ଗୁଣ୍ଡିଂ ନାହାୟ୍ କିୟାନାଡ୍ । ୩୪ ସମାନ୍ ବାବ୍ରେ ଜାଗ୍ରଡ୍ ଆଡ୍, ପାପ୍ କିମାଟ୍; ଇନାକିଦେଂକି ଇନେର୍ ଇନେର୍ ଇସ୍ତତ୍ ବିସ୍ତେ ଗିଆନ୍ ହିଲୁଡ୍; ଆନ୍ ମିଙ୍ଗେଙ୍ଗ୍ ଲାଜୁ କାଜିଂ ଇ କାତା ଇଞ୍ଜନାଙ୍ଗା ।”

ଆରେ ନିଜ୍ଞିତି ଗାଗାଡ୍

୩୫ ମତର୍ ଇନେର୍ ଇନାର୍, ହାତାକାର୍ ଇନେସ୍ ନିଜ୍ଞିନାର୍ ? ଇନେସ୍ ବାତ୍ ଗାଗାଡ୍ତ ହେଞ୍ଜାର୍ ଝାନାର୍ ? ୩୬ ଏ ବୁଦିହିଲ୍ଝାକାଦେର୍, ଏପେଙ୍ଗ୍ ନିଜେ ଇନାକା ଝିତାଟ୍, ହେଦାଂ ହାଞ୍ଜିତିସ୍ ଜିବୁନ୍ ଆଡଡ୍, ୩୭ ଆରେ, ଇମ୍ଫା ଗାଗାଡ୍ ଆନାଡ୍, ହେଦାଂ ଏପେଙ୍ଗ୍ ଝିଡ୍ମାଟ୍, ମତର୍ ଗାଁ ଆଏଡ୍ କି ବିନ୍ ଇମ୍ଫା ତାସ୍ ଆୟେଡ୍, ହେଦାଂ କେବଲ୍ ମାଞ୍ଜି ମାତର୍; ୩୮ ମତର୍ ଇସ୍ତର୍ ଜାର୍ ଇଚା ଇସାପ୍ତାଂ ତାଙ୍ଗେଙ୍ଗ୍ ଦଲ୍ ହିନାନ୍, ଆରେ ଝିଜୁ ବିୟାନ୍ ବିତ୍ରେତାଂ ଝିଜୁକାଂ ତା ନିଜେ ଗାଗାଡ୍ ହିନାନ୍ ।

୩୯ ଝିଜୁ ଗାଗାଡ୍ ଇବାନି ଗାଗାଡ୍ ଆକାୟ୍, ମତର୍ ମାନାୟାର୍ତ୍ତି ରବାନି ଗାଗାଡ୍, ପସୁକ୍ତି ବିନ୍ବାନି ଗାଗାଡ୍, ଆରେ ପଟିଂତି ଆରେ ରବାନି ଗାଗାଡ୍ ଆରି ମିନ୍କୁତି ବିନ୍ବାନି ଗାଗାଡ୍ ।

୪୦ ସାଗେନି ଗାଗାଡ୍ ମାନାଡ୍, ପୁତ୍ ଗାଗାଡ୍ ପା ମାନାଡ୍, ମତର୍ ଆକାସ୍ନି ଗାଗାଡ୍ ରବାନି ଜେଞ୍ଜେନାକା, ଆରେ ପୁତ୍ ନି ଗାଗାଡ୍ନି ହଲ୍ଲନାକା ବିନ୍ବାନି । ୪୧ ଝେଡା ରବାନି କାରା, ଲେଞ୍ଜିନି ବିନ୍ବାନି କାରା, ଆରି ହୁକାନ୍ ବିନ୍ବାନି ଜେଞ୍ଜେନାକା; ଇନାକିଦେଂକି ଜେଞ୍ଜେନିତ ର ହୁକା ହଲ୍ଲନାକା ବିନ୍ ହୁକା ତାଙ୍ଗ୍ ବିନେ ।

୪୨ ହାତାକାର୍ତ୍ତି ଆରେ ନିଂନାକା ପା ହେ ଲାକେ ମାଡାତାଂ ଝିଡ୍ମାନାଡ୍, ଲସ୍ଝାଦାଂ ନିଜ୍ଞିନାଡ୍; ୪୩ ନାଡ୍ଝାଦାଂ ଝିଡ୍ମାନାଡ୍, ଜାଜ୍ମାଲ୍ ଆଜି ନିଜ୍ଞିନାଡ୍; ନାଦାର୍ତାଂ ଝିଡ୍ମାନାଡ୍, ସାକ୍ତି ଆଜି ନିଜ୍ଞିନାଡ୍; ୪୪ ହାଡ୍ପା ଗାଗାଡ୍ ଝିଡ୍ମାନାଡ୍, ଆମ୍ଫିକ୍ ଗାଗାଡ୍ ନିଜ୍ଞିନାଡ୍ । ଜଦି ହାଡ୍ପା ଗାଗାଡ୍ ମାନାଡ୍, ଝାଟିଙ୍ଗ୍ ଆମ୍ଫିକ୍ ଗାଗାଡ୍ ପା ମାନାଡ୍ । ୪୫ ଏଲେଙ୍ଗ୍ ପା ଲେକା ମାନାଡ୍, ପର୍ତ୍ତୁମ୍ ମାନାୟ୍ ଆଦମ୍ ଜିତି ପାରାଣ୍ ଲାକେ ଉବ୍ଜାଣ୍ ଆଜି ମାତାନ୍ । ହାରିହାରା ଆଦମ୍ ଝାସ୍ନି ବାତ୍ ଜିବୁନ୍ ଆତାନ୍ । ୪୬ ମତର୍ ଇନାକା ଆମ୍ଫିକ୍, ହେଦାଂ ପର୍ତ୍ତୁମ୍ ଆକାୟ୍, ମତର୍ ଇନାକା ହାଡ୍ପା, ହେଦାଂ ପର୍ତ୍ତୁମ୍, ପାରେ ଆମ୍ଫିକ୍ । ୪୭ ପର୍ତ୍ତୁମ୍ ମାନାୟ୍ ପୁତ୍ ନିକା, ଚିକ୍ଲାତାଂ ରଡ୍ମାତାକାନ୍, ଦୁଇନି ମାନାୟ୍ ସାଗେତାଂ ଝାତାକାନ୍ । ୪୮ ଇମ୍ଫାକାର୍ ଚିକ୍ଲାତାଂ ରତ୍ୟାତାର୍ନା, ହେଞ୍ଜାର୍ ଚିକ୍ଲାତାଂ ରତ୍ୟାୟାତାକାର୍ ହେ ମାନାୟ୍ ଲାକେ, ଆରେ ଇମ୍ଫାକାର୍ ସାଗେନିକାର୍, ହେଞ୍ଜାର୍ ସାଗେତାଂ ଝାତାକାର୍ ହେ ମାନାୟ୍ ଲାକେ । ୪୯ ଆରେ ଆପେଂ ଇନେସ୍କି ଚିକ୍ଲାତ ରତ୍ୟାତାକାପ୍ ହେ ମାନାୟ୍ତ୍ତି ଡିଗା ଆସାପ୍ନା, ହେ ଲାକେ ହେ ସାଗେନି ମୁଣିକାତି ଡିଗା ପା ଆହ୍ନାସ୍ ।

୫୦ ଏ ଟଣ୍ଡାର, ଆରି ତଣ୍ଡେକ୍ ଆନ୍ ଇଦାଂ ଇଞ୍ଜନାଙ୍ଗା, ନେତେର୍ ଜେଇ ଇସ୍ତର୍ ରାଜି ଆଦିକାର୍ କିଦେଙ୍ଗ୍ ଆଡୁଡ୍, କି ଲସ୍ ଲସ୍‌ଝାଦାଂ ଆଦିକାର୍ କିଉଡ୍ । ୫୧ *ହୁଡ଼ାଟ୍, ଆନ୍ ମିଙ୍ଗେଙ୍ଗ୍ ର ହାଦ୍ ବେରଣ୍ ଇଞ୍ଜନାଙ୍ଗା, ମତର୍ ଆସେଙ୍ଗ୍ ଝିଜାକାସ୍ ହୁଞ୍ଜୁସ୍, ୫୨ ମାତର୍ ର ମାନ୍ତ, କାଣ୍‌କାମିର୍ ଇର୍‌ଝାଦାଂ, ହାରିହାରା ମରି ଗାଜାର୍‌ତ ଆସେଙ୍ଗ୍ ଝିଜାକାସ୍ ମାନ୍‌ବାଦ୍‌ଲାୟ୍ କିନାସ୍; ଇନାକିଦେଂକି ମରି ଆଡ଼ନାଡ୍, ଆରେ ହାତାକାର୍ ଜିରାଝିତ ବାଟାଆଜି ନିଙ୍ଗନାର୍, ଆରେ ଆସେଙ୍ଗ୍ ବାଦ୍‌ଲା ଆନାସ୍ । ୫୩ ଇନାକିଦେଂକି ଇନାକା ଜିରାନି ଗାଗାଡ଼ିତ୍ ଜିରାଆଝି ଲାଗ୍‌ଦି ଉସ୍‌ପେଦେଂ ଆନାଡ୍, ଆରେ ଇ ଗର୍‌ନାତ ଗାଗାଡ଼ିତ୍ ନାସ୍‌ଝାଝିଲାଗ୍‌ଦି ହେନ୍ଦା ଉସ୍‌ପେଦେଂ ଲାଗ୍‌ଦାନାଡ୍ । ୫୪ ମତର୍ ଇ ନସ୍ ଆନି ଗାଗାଡ଼ ନସ୍‌ଝାଝି ହେନ୍ଦା ଆରି ଇ ହାତି ଗାଗାଡ଼ ବୁଡାଆଝି ହେନ୍ଦା ଉସ୍‌ପିତି ପାଚେ ଇ ଲେକିକିତି ବଚନ୍ ପୁରାନାଡ୍, “ଜୟ୍ ହାକିତିଂ ଝିସ୍ତାଡ଼ନା, ୫୫ ଆଡେ ହାକି, ଇମେଡ୍ ନିନ୍ଦାଂ, ଜୟ୍ ହାକି ଇମେଡ୍ ନିନ୍ଦାଂ ସାକ୍ତି ।”

୫୬ ହାକିନି ସାତୁ ପାପ, ଆରେ ପାପ୍‌ନି ସାକ୍ତି ବିଦି; ୫୭ ମତର୍ ଇମ୍‌ଣି ଇସ୍‌ବର୍ ମା ମାପୁ ଜିସୁ କ୍ରିସ୍ତୁଟି ହୁକେ ମାଂ ଜୟ୍ ଦାନ୍ କିତାର୍, ହେଝାନ୍ତି ଜୁଝାର୍ ଆୟେଡ୍ ।

୫୮ ଲାଗିଂ, ଏ ନା ଝାରିନି ଟଣ୍ଡାର ଆରି ତଣ୍ଡେକ୍, ମାପୁତି ହେବାତ ମି କସ୍ ପଲ୍ୟା ଆକାୟ୍, ଇଦାଂ ପୁଞ୍ଜି ମାପୁତି କାମାୟ୍‌ତ ସୁସ୍ତାତାଂ ଆରି ତିର୍ ମାନାଟ୍ ନିତ୍ରେ ଆଦିକ୍‌ତାଂ ଆଦିକ୍ ଜାତୁନ୍ ଆଡୁ ।

୧୭

ଜିସୁ ମାନାୟାର୍ କାଜିଂ ଡାବୁଙ୍ଗ୍ ସାଇଜ

୧ ପୁଇପୁୟାର୍ କାଜିଂ ଦାନ୍ ରୁଣ୍ଡାକିନି ବିସ୍ତେ ଇନେସ୍‌କି ଆନ୍ ଗାଲାତିଆନି ବାଟାତ ମାନି ମଣ୍ଡଲିଂ ବଲ୍ ହିନାଙ୍ଗା, ଏପେଙ୍ଗ୍ ପା ହେ ଲାକେ କିୟାଟ୍ । ୨ ଆନ୍ ହାତିସ୍ ଇନେସ୍ ଦାନ୍ ରୁଣ୍ଡାୟ୍ କିଦେଙ୍ଗ୍ ଲାଗ୍‌ଡୁଡ୍, ଇଦାଂ କାଜିଂ ସାଡ୍ ଦିନ୍‌ନି ପର୍ତ୍ତୁମ୍ ରଇବାର୍ ଦିନା ଏପେଙ୍ଗ୍ ଝିଜାକାଦେର୍ ଜାର୍ ଜାର୍ ସୁବିଦା ଇସାପ୍‌ତାଂ ନିଜେ ନିଜେ ତାକେ ଇନା ଇନାକା ରୁଣ୍ଡାୟ୍ କିଜି ବିନେ ଇଟାଟ୍ । ୩ ଆରେ, ଆନ୍ ଏକିତିସ୍ ଏପେଙ୍ଗ୍ ଇମ୍‌ଣାକାରିଂ ଜଗ୍ ମାନେ କିନାଦେର୍, ଆନ୍ ହେଝାରିଂ ଗଜା ହିଜି ଜିରୁସାଲମ୍‌ତ ମିଙ୍ଗେଙ୍ଗ୍ ଦାନ୍ ଅନି କାଜିଂ ପଲ୍ଲାନାଂ; ୪ ଆରେ, ଜଦି ନାଦାଂ ପା ହାନାକା ସମାନ୍ ଆନାଡ୍, ଲାଗିଂ ହେଝାନ୍ ନା ଲାହାଙ୍ଗ୍ ହାନାର୍ ।

ପାଉଲ୍‌ତି ହାନି ଜଜନା

୫ ମତର୍ ଆନ୍ ମାକିଦନିଆ ହିଜି ହାତି ପାଚେ ମି ଲାଗାଂ ହାନାଙ୍ଗ୍; ଲାଗିଂ ଆନ୍ ମାକିଦନିଆ ହିଜି ହାନାଙ୍ଗ୍; ୬ ଆରେ, କାଚେ ହିନା ମି ଲାହାଙ୍ଗ୍ କେତେକ୍ ଦିନା ମାନାଙ୍ଗ୍, କି ପିନିମାସ୍ ପା ଜିଉଣା କିନାଙ୍ଗ୍, ଇନେସ୍‌କି ଆନ୍ ଇମ୍‌ଣି ବାହାତ ହାନାଙ୍ଗ୍, ହେ ବାହାତ ହାନି କାଜିଂ ଏପେଙ୍ଗ୍ ନାଙ୍ଗ୍ ହାଜି ଚଟ୍‌ଚାନାଦେର୍ । ୭ ଇନାକିଦେଂକି ନଙ୍ଗ୍ ହାଜିତ୍ ହାନି ସମୁତ ମି ଲାହାଙ୍ଗ୍ ବେଟ୍‌ଆଦ୍‌ଦେଂ ଆନ୍ ଇଚା କିଉଙ୍ଗା, ଲାଗିଂ ମାପୁ ପିସ୍ତ୍ରୁ ହିତିସ୍ ମି ଲାହାଙ୍ଗ୍ ବେସି ଦିନା ମାଞ୍ଜେଙ୍ଗ୍ ଆହା କିନାଙ୍ଗା ।

୮ *ମତର୍ ଆନ୍ ପେଣ୍ଟିକସ୍ ପାର୍ଟୁ ପାଚେକ୍ ଏପିସତ ମାନାଙ୍ଗ୍; ୯ ଇନାକିଦେଂକି ପାଡ୍ ଆହ୍‌ନି କାମାୟ୍ କାଜିଂ ନା କାଜିଂ ଅହାର୍ ଦୁଝେର୍ ଜେୟାତାଡ଼ନା, ପାକ୍ୟା ହିଲ୍‌ଝାକାର୍ ପା ହେନି ମାନାର୍ ।

୧୦ *ଜଦି ତିମତି ହାନାନ୍, ତେବେ ଇନେସ୍ ପାଣ୍ଡାଝାଦାଂ ମି ବିତ୍ରେ ମାନାନ୍, ହେ ବିସ୍ତେ ମାନ୍‌କିୟାଟ୍, ଇନାକିଦେଂକି ଆନ୍ ଇନେସ୍, ହେଝାନ୍ ପା ହେ ଲାକେ ମାପୁତି କାମାୟ୍ କିନାନ୍, ୧୧ ଲାଗିଂ ଇନେର୍ ତାଙ୍ଗେଙ୍ଗ୍ ଅଲ୍‌ଗା ହୁଡ୍‌ମେନ୍ । ମତର୍ ହେଝାନ୍ ଇନେସ୍ ନା ଲାଗାଂ ଝାଦେଙ୍ଗ୍ ଆଡ଼ନାନ୍, ଇଦାଂ କାଜିଂ ତାଙ୍ଗ୍ ସୁସ୍ତାତାଂ ହାଜି ଚଟାଟ୍; ଇନାକିଦେଂକି ହେଝାନ୍ ଟଣ୍ଡାର ଲାହାଙ୍ଗ୍ ଝାନାନ୍ ଇଞ୍ଜି ଆନ୍ କାନାଙ୍ଗା ।

୧୨ ମତର୍ ଟଣ୍ଡେନ୍ ଆପଲ୍‌ତି ବିସ୍ତେ ଇନାଙ୍ଗା, ଟଣ୍ଡାର ଲାହାଙ୍ଗ୍ ମି ଲାଗାଂ ହାନି କାଜିଂ ଆନ୍ ତାଙ୍ଗ୍ ବେସି ଗଝାରି କିତାଙ୍ଗ୍, ମତର୍ ନଙ୍ଗ୍ ହାଞ୍ଜେଙ୍ଗ୍ ହେଝାନିଂ ମୁଡେ ଇଚା ହିଲୁଡ୍, ମତର୍ ଉପାୟ୍ ଆତିସ୍ ହେଝାନ୍ ହାନାନ୍ ।

ହାରିହାରାନି କାତା

୧୩ ଏପେଙ୍ଗ୍ ଜାଗ୍ରତ୍ ମାନ୍‌ଞ୍ଜି ପାଚ୍‌ତ୍ ତିର୍ ଆଜି ମାନାଟ୍, ସାସ୍‌ନିକାନ୍ ଆଜି ସାକ୍ତି ଆଡୁ । ୧୪ ମିଦାଙ୍ଗ୍ ସବୁ କାମାୟ୍ ଜିଉନନିତ ସମାନ୍ ଆୟେଡ୍ ।

୧୫ ଏ ଟଣ୍ଡାର, ଆରି ତଣ୍ଡେକ୍ ଆନ୍ ଗଝାରି କିଦ୍‌ନାଙ୍ଗା ସ୍ତ୍ରୀପାନ୍‌ତି ଜାର୍‌ଲଗୁ ଜେ ଆକାୟାନି ପୁଇପୁୟାତ ପାଚ୍‌ କିନାକାନ୍ ଲାକେ; ଆରେ, ସାଦୁର୍‌ତି ହେବାତ ବାଚ୍‌ ଆତାଣ୍ଟା, ଇଦାଂ ଏପେଙ୍ଗ୍ ପୁନାଟ୍; ୧୬ ଏଲେଙ୍ଗ୍‌ବାନି ମାନାୟ୍‌ତିଙ୍ଗ୍, ଆରେ, ଝିଜାର୍ ହାଙ୍ଗ୍‌ଦାକାର୍ ଆରି କସ୍‌କିନି ମାନାୟାର୍ ମେହା ଆଡୁ, ମିଙ୍ଗେଙ୍ଗ୍ ଇ ଗଝାରି କିଦ୍‌ନାଙ୍ଗା ।

☆ ୧୫:୫୧ ୧୫:୫୧ ୧ ତେସ୍‌ଲନିକି ୪:୧୫-୧୭. ☆ ୧୭:୫ ୧୭:୫ ପକ୍ୟାତାକା ୧୯:୨୧. ☆ ୧୭:୮ ୧୭:୮ ପକ୍ୟାତାକା ୧୯:୮-୧୦. ☆ ୧୭:୧୦ ୧୭:୧୦ ୧ କରକ୍ରିୟ ୪:୧୭.

୧୭ ସ୍ତ୍ରୀପାନ୍, ପର୍ତ୍ତୁନାତ ଆରି ଆକାୟାତି ଜୁଦନିତ ଆନ୍ ଖାରି କିନାଜା, ଇନାକିଦେଂକି ମି ଖାଞ୍ଜିତି କାଜିଂ ନା ଇମ୍ଫଣି ଅବାବ୍ ମାଚାଡ଼, ହେଦାଂ ହେଖାର୍ ବାତ୍ କିତାଣ୍ଟା, ୧୮ ଲାଗିଂ ହେଖାର୍ ନାଦାଂ ଆରି ମି ଜିବୁକ୍ରିଜ୍ ଜଡ଼ାୟ୍ କିତାଣ୍ଟା; ଲାଗିଂ ଏପେଙ୍ଗ୍ ଏଲେଙ୍ଗ୍‌ବାନି ମାନାୟାରିଂ ଜଗ୍ ପୁଞ୍ଜି ମାନି କିୟାଟ୍ ।

୧୯ *ଆସିଆନି ରାଜିନି ମଣ୍ଡୁଲିଂ ଲାଗାଂ ମିଙ୍ଗେଙ୍ଗ୍ ଜଖାର୍ କିଦ୍ନାରା । ଆକ୍ଫିଲା ଆରି ପ୍ରିସ୍ନା ହେଖାର୍ ଇଲ୍ ଲାଗେ ମଣ୍ଡୁଲି ଲାହାଙ୍ଗ୍ ମାପୁତାକେ ମିଙ୍ଗେଙ୍ଗ୍ ବେସି ବେସି ଜଖାର୍ କିଦ୍ନାରା । ୨୦ ଇବେନି ଚଣ୍ଡାର୍ ଆରି ତଣ୍ଡେକ୍ ପାତ୍ କିନାକାଦେର୍ ।

୩ ଝିଜାଦେର୍ ମିଙ୍ଗେଙ୍ଗ୍ ଜଖାର୍ କିଦ୍ନାରା । ପୁଇପୁୟାତାଂ ତଞ୍ଜିନି କାଜିଂ ହାରି ଜୁଖାର୍ ଜାଣାୟ୍ କିୟାଟ୍ ।

୨୧ ଆନ୍ ପାଉଲ୍ ନିଜେ କେଇଦ୍ ଲେକିକିଜି ଜଖାର୍ କିଦ୍ନାଜା ।

୨୨ ଜଦି ଇନେର୍ ମାପୁଙ୍ଗ୍ ଜିଉନଉନ୍, ତେବେ ହେଖାନ୍ ରାଚ୍‌ଲାକେ ଆସନ୍ । ୨୩ ମାପୁ ଜିସୁତି ଉପ୍‌କାର୍ ମି ଲାହାଙ୍ଗ୍ ଆସଡ଼ ।

୨୪ କ୍ରିସ୍ଟୁ ଜିସୁତି ତାକେ ନା ଜିଉନନାକା ମି ଝିଜାଦେରିଂ ଆସଡ଼ ।

କରକ୍ରିୟ ମଣ୍ଡଳୀ ନିକଟକୁ ପାଉଲଙ୍କ ଦ୍ୱିତୀୟ ପତ୍ର କରକ୍ରିୟ ମଣ୍ଡଳୀ ଲାଗାଂ ପାଉଲ୍‌ତି ରିଣ୍ଡି ଆକି

୨ କରକ୍ରିୟ ପତ୍ରିନି ପାଦେକ୍

ରି କରକ୍ରିୟ ପକ୍ୟାତି ପାଉଲ୍ ହୁଦାଂ ଆଜି ମାଟିସ୍ ଜିସୁ କ୍ରିସ୍ତୁ ଜିଲମ୍‌ନି ଆତିସ୍ ରିକତି ପନ୍‌ର-ରିକତି ସୌଉଲ ୫୫ ତାଂ ୫୬ ବାହୁଁ ପାଚେ ଲେକା ଆଜି ମାଟାତ୍ । ମା ଲାଗେ ମାନି କରକ୍ରିୟ ମଣ୍ଡଳିତିଂ ଲେକା ଆଜି ମାନି ଆକି ବିତ୍ରେତାଂ ଇଦାଂ ଆନାତା ପାଉଲ୍‌ତି ରି ଆକି । ପଣ୍ଡିତାର୍ ପାତ୍ କିନାର୍ ଜେ, ଇଦାଂ ପୁର୍ବେତାଂ ପାଉଲ୍ କରକ୍ରିୟ ମଣ୍ଡଳି ଲାଗାଂ ଆବ୍‌ଡୁନିକା ଆକି ଲେକି କିଜି ମାଟାନ୍ ୨:୩-୪ ପାଦ୍ ହେଝାନ୍ ଇନାକା ଇନାନ୍ନା, ହେବେନି ଇମ୍‌ଣାକା ପା ଲେକି କିତାକା ମା ଲାଗାୟ୍ ହିଲୁଡ୍ । ଆଜି ମାନାତ୍ ପାଉଲ୍ ମାକିଦନିୟାତ ମାନି ଖେଡାଲିଂ ରି କରକ୍ରିୟ ଲେକି କିଜି ମାଟାନ୍ ୨:୧୩ ।

ରି କରକ୍ରିୟ ଆନାତା ରଞ୍ଜାଙ୍ଗମତର, ହେଦାଂ ବେସି ଜାର୍‌ତି ଆରି ମାନ୍ତ ଚିନ୍ତାକିନାକା । କରକ୍ରିୟତ ମାନି ମଣ୍ଡଳି ବିସ୍ତେ ତିତସ୍‌ତି ତାଂ ନେକ୍ରିକାବୁର୍ ପାୟା ଆଜି ପାଉଲ୍ ଖାରି କିନାନ୍ । ଇ ଆକିତ ପୁନି ନିୟମିନି ହୁଡ୍‌ନିତାଂ ଦାନ୍ ବିସ୍ତେ ହିକ୍ୟା ପାୟା ଆଜି ମାନାସ୍ । ଇ ଆକିତ, ଇମେତାକେ ପାଉଲ୍ ଜିରୁସାଲମ୍‌ନି ପାତ୍ କିନାକାରିଂ ଉପକାର୍ କିନି କାଜିଂ ଟାକାଂ ରୁଣ୍ଡାୟ୍ କିଦେଙ୍ଗ୍ ଖେଡ୍‌ନାନ୍ ୮:୯ । ଇଦାଂ ପୁନ୍ୟାନାତା ଜେ, ମଣ୍ଡଳି ବାର୍‌ତାଂ ଏତେକ୍ ମିର୍ ପକ୍ୟାତାକାର୍, ହେଝାର୍ ଜାର୍‌ତିଂ ପାଦ୍ ବାତାୟ୍ କିଦେଙ୍ଗ୍ ପାଉଲ୍‌ତି ବିରୁଦ୍‌ତ ମଣ୍ଡଳିନି ଏତେକ୍ ମାନି ମାନାୟାରିଂ ରିସା ଆନାନା । ହେଝାର୍ ପାଉଲ୍‌ତି ଆଦିକାର୍‌ତିଂ ପାତ୍ କିଦେଙ୍ଗ୍ ଆଡୁରା । ଇନାକାକି ରି କରକ୍ରିୟ ହାରିହାରାତ ହେଝାନ୍ ରଞ୍ଜାନ୍ ଜିସୁ କ୍ରିସ୍ତୁ ଆଦିକାର୍‌ତ ରଞ୍ଜାନ୍ ପକ୍ୟାତାକାନ୍ ଇଞ୍ଜି ତାଟ୍ ଲାହାଙ୍ଗ୍ ପାର୍ମାଣ୍ କିନାନା ।

୨ କରକ୍ରିୟ ପତ୍ରି ବିସ୍ତେନି ରାହାଣ୍

- ୧. ପାଉଲ୍ ଆକିନି ମୁଡ୍‌ଦ ବାନ୍ଦାୟ୍ କିନାନ୍ ୧:୧-୭
- ୨. ପାଉଲ୍ ହେଝାନ୍ତି ହାନି ଜାଲ୍‌ଦିତ ବାଦ୍‌ଲାଇକିନାକା ଆରି ହେଝାର୍‌ତି ବିସ୍ତେ ରୁଜୁକ୍ ଆରି ହେଝାନ୍ତି ଆକି ବିସ୍ତେ ହେଝାର୍‌ତି ଜବାକ୍ ୧:୮-୭:୧୬
- ୩. ପାଉଲ୍ ଜିରୁସାଲମ୍‌ନି ପାତ୍ କିଞ୍ଜାକାର୍ କାଜିଂ ଦାନ୍ ରୁଣ୍ଡାୟ୍ କିନି ବିସ୍ତେ ଖେଡ୍‌ନାନା ୮:୧-୯:୧୫
- ୪. ହାରିହାରା ପାଉଲ୍ ହେଝାନ୍ତି ପକ୍ୟାତି ପାଦ୍ ହାର୍ ଇଡ୍‌ନାନ୍ ଆରି ଆରେ ହାଞ୍ଜେଙ୍ଗ୍ କାଜିଂ ଜାଗ୍ରତ୍‌କି କିନାନ୍ ୧୦:୧-୧୩:୧୪

^୧ *ଆନ୍ ପାଉଲ୍, ଇସ୍‌ବର ଇଚାତ କ୍ରିସ୍ତୁ ଜିସ୍ତୁତି ରଞ୍ଜାନ୍ ପକ୍ୟାତାକାନ୍, ଆରେ ଟଣ୍ଡେନ୍ ତିମତି କରକ୍ରିୟ ମାନି ପୁଇପୁୟା ଇସ୍ତୁତ୍ ମଣ୍ଡଳି, ଆରେ ସବୁ ଆକାୟାତ ମାନି ସବୁ ସାଦୁର୍ ଲାଗାଂ ଗଜା ଲେକିକିନାପା;

^୨ ମା ଆବା ଇସ୍‌ବର ଆରି ମାପୁ ଜିସୁ କ୍ରିସ୍ତୁତାଂ ଉପକାର୍ ଆରି ସୁସ୍ତା ମି କାଜିଂ ଆଏଡ୍ ।

ପାଉଲ୍ ମାପୁଙ୍ଗ୍ ଜୁଞ୍ଜାର୍ କିନାନା

^୩ ମା ମାପୁ ଜିସୁ କ୍ରିସ୍ତୁ ଇସ୍‌ବର ଆରି ଆବା ଜୁଞ୍ଜାର୍ କିୟାଟ୍, ହେଝାନ୍ ଦୟା ଆନି ଆବା ଆରି ଖିଜୁ ଦୁକ୍‌ସାରାୟ୍ କିନି ଇସ୍‌ବର; ^୪ ଇସ୍ତୁତ୍ ହୁକେ ଇମ୍‌ଣି ଦୁକ୍‌ସାରାୟ୍‌ତ ଆପ୍ ଦୁକ୍‌ସାରାୟ୍ ଆନାପା, ହେ ଦୁକ୍‌ସାରାୟ୍ ହୁକେ ଇନେସ୍ ସବୁବାନି କସ୍ତୁ ବଗ୍‌କିନି ମାନାୟାରିଂ ଦୁକ୍‌ସାରାୟ୍ ହିଦେଂ ଆଡ୍‌ନାଦେର୍, ଇଦାଂ କାଜିଂ ହେଝାନ୍ ମା ଖିଜୁ କସ୍ତୁତ ମାଙ୍ଗେଙ୍ଗ୍ ଦୁକ୍‌ସାରାୟ୍ ହିଇ କିଦ୍‌ନାର୍ । ^୫ ଇନାକିଦେଂକି କ୍ରିସ୍ତୁତି କାଜିଂ ମା ଦୁକ୍‌ବଗ୍ ଇନେସ୍ ବେସି, ହେ ଲାକେ ଇସ୍‌ବର ହୁକେ ମା ଦୁକ୍‌ସାରାୟ୍ ପା ବେସି । ^୬ ମତର୍ ଆସେଙ୍ଗ୍ ଦୁକ୍‌ବଗ୍ କିତିସ୍ ହେଦାଂ ମି ଦୁକ୍‌ସାରାୟ୍ ଆରି ମୁକ୍‌ଡାନି କାଜିଂ; କି ଆସେଙ୍ଗ୍ ଦୁକ୍‌ସାରାୟ୍ ପାୟା ଆତିସ୍ ହେଦାଂ ମି ଦୁକ୍‌ସାରାୟ୍ କାଜିଂ; ଆପେଂ ଇମ୍‌ଣି ବାନି ଦୁକ୍‌ବଗ୍ କିନାସ୍, ହେ ବାନି ଦୁକ୍‌ବଗ୍ ସାସ୍ ଲାହାଙ୍ଗ୍ ହୁଞ୍ଜେଙ୍ଗ୍ ହେ ଦୁକ୍‌ସାରାୟ୍ କାମାୟ୍ ପୁରା କିନାନା । ^୭ ଆରେ, ମି ବିସ୍ତେନି ମା ବାସ୍ ତିର୍, ଲାଗିଂ ଏପେଙ୍ଗ୍ ଇନେସ୍ ଦୁକ୍‌ବଗ୍‌ନି ମେହାଆଜି, ହେ ଲାକେ ପା ଦୁକ୍‌ସାରାୟ୍ କିଜି ଜେ ମେହା ଆତାଦେଣ୍ଡା, ଇଦାଂ ଆସେଙ୍ଗ୍ ପୁନାସ୍ ।

^୮ *ଇନାକିଦେଂକି, ଏ ଟଣ୍ଡାର୍, ଆରି ତଣ୍ଡେକ୍ ଆସିଆ ଦେସ୍‌ତ ମା ଜପି ଗିଟାଆଜି ମାଟି କସ୍ତୁ ବିସ୍ତେ ଏପେଙ୍ଗ୍ ଜେ ପୁରାଦେଣ୍ଡା, ଇଦାଂ ମା ଇଚା ଆକାୟ୍; ଆପ୍ ମା ସାକ୍ରିତାଂ ବେସି ଲାକେ ଖାଜି ମାଟାପ, ଏଲେଙ୍ଗ୍‌ବାତ୍ ଜିରୁନ୍‌ନି ଆହା ପା ପିସ୍ତ୍ର ମାଟାପ; ^୯ ଆପ୍ ଦାଣ୍ଡଦେସ୍ ହେଲାଇ କିୟା ଆତାପ୍‌ନା ଇଞ୍ଜି ଜାର୍ ଜାର୍ ମାନ୍ତ ଅହ୍ୟା ଆଜି ମାଟାପ, ଇନେସ୍ ଆପ୍ ଜାର୍ ଜାର୍ ଜପି ବାସ୍ ହିଞ୍ଜାଦାଂ ଇତିସ୍ ଇମ୍‌ଣି ଇସ୍‌ବର ହାତାକାରିଂ ନିକ୍‌ନାନ୍, ତା ଜପି ଦିଆନ୍ କିନାସ୍; ^{୧୦} ହେଝାନ୍ ମାଙ୍ଗେଙ୍ଗ୍ ଏପେଙ୍ଗ୍ ବେସି ହାକିତାଂ ବାରାୟ୍ କିତିସ୍, ଆରି ବାରାୟ୍ କିଦ୍‌ନାନ୍, ଆରେ ହେଝାନ୍ ଜେ ଖାନିକାଡ୍‌ଦ ବାରାୟ୍ କିଦ୍‌ନାନ୍, ତା ଜପି ମା ଇ ବାସ୍ ମାନାତ୍ । ^{୧୧} ଏପେଙ୍ଗ୍ ତ ମାଦି ବାହା ଆସି ପାର୍ତାନାତ ମା ଉପକାର୍ କିଦ୍‌ନାଦେରା,

☆ ୧:୧ ୧:୧ ପକ୍ୟାତାକା ୧୮:୧. ☆ ୧:୮ ୧:୮ ୧ କରକ୍ରିୟ ୧୫:୩୨.

ଇନେସ୍ ମାଙ୍ଗେଙ୍ଗ୍ ଇମ୍ଣି ଉପକାର ଦାନ କିତ୍ତାର୍ତ୍ତନା, ହେଦାଂ କାଜିଂ ବେସି ଲକାର୍ ଖାଇଦାଂ ମା କାଜିଂ ବେସି ଲକ୍ ଇସ୍ବରତିଂ ଜୁଞ୍ଜାର୍ ହିନାର୍ ।

ପାଉଲ୍‌ତି ଉପାୟନି ବାଦ୍‌ଲି

^{୧୭} ପୁତ୍ରଂ ତ, ବେସି ମି କାଜିଂ, ଆପେଂ ସଂସାରନି ଗିଆନତ୍ ଚିନ୍ତା କିଞ୍ଜାଦାଂ ଇତିସ୍ ଇସ୍ବତ୍ରଂ ଉପକାର୍ତ୍ତ, ତା ପୁଇପୁୟା ଆରି ସଲ୍‌କେ ବାବ୍ରେ ଲାକେ ଚିନ୍ତା କିଜି ମାତାପ୍ ଇଞ୍ଜି ମା ବୁଦି ଜେ ସାକି ହିନାତା, ଇଦାଂ ମା ଗରବେ ବିସ୍ତେ । ^{୧୮} ଇନାକିଦେଂକି ଏପେଙ୍ଗ୍ ଇନା ଇନାକା ପଡ଼ି କିଜି ବୁଜା ଆନାଦେର୍, ହେ ସବୁ ପିସ୍ତ୍ର ଆପ୍ ମି ଲାଗାଂ ଆରେ ଇନାକା ଲେକି କିତପା, ^{୧୯} ଆରେ, ମା ମାପୁ ଜିସୁତି ଦିନ୍ତ ଏପେଙ୍ଗ୍ ଇନେସ୍ ବାନି ମା ଗରବ୍ କାରଣ, ହେ ଲାକେ ଆପେଂ ଜେ ମି ଗରବ୍‌ନି କାରଣ, ଇଦାଂ ଏପେଙ୍ଗ୍ ଇନେସ୍‌କି ମା ବିସ୍ତେ ଅଲପ୍ ବାବ୍ରେ ବୁଜା ଆତାଦେଣ୍ଟା, ହେ ଲାକେ ହାରିହାରା ପାତେକ୍ ବୁଜାଆତାଦେଣ୍ଟା ଇଞ୍ଜି ଆନ୍ ବାସ୍ କିନାଙ୍ଗା ।

^{୨୦} ଆରେ, ଏପେଙ୍ଗ୍ ଇନେସ୍ ରିହା ଉପକାର ଲାବ୍ କିଦେଂ ଆଡ଼ନାଦେର୍, ^{୨୧} ଆରେ, ମି ଲାଗାଂ ହିଜି ମାକିଦନିଆତ ହାଲ୍‌ଜି ଆରି ଆରେ ରଗ ମାକିଦନିଆତାଂ ମି ଲାଗାଂ ଖାଜି ମି ଉପକାର୍ତ୍ତ ଜିହୁଦା ଦେସ୍ତ ହାଞ୍ଜେଙ୍ଗ୍ ଆଡ଼ନାନ୍, ଇଦାଂ କାଜିଂ ଆନ୍ ହେ ପାତ୍ରଂ ତ ପର୍ତୁମ୍ ମି ଲାଗାଂ ହାନି କାଜିଂ ମାନ୍ କିଜି ମାତାଙ୍ଗ୍ । ^{୨୨} ଖାଟିଙ୍ଗ୍ ଏଲେଙ୍ଗ୍ ବାନି ମାନ୍ କିଦେଂ ଆନ୍ ଇନାକା ଅଲପ୍ ବାବ୍ରେ ମାନ୍ କିଜି ମାତାଙ୍ଗ୍ ? ନଲେ ଆନ୍ ଇନାକା ଉପାୟ କିତାଙ୍ଗ୍, ହେଦାଂ ଇନାକା ତାଣ୍ଟି ବାବ୍ରେ କିଜି ମାତିସ୍ ଜେ ନା କାତା “ଆ,” ଆରି ଆକାୟ୍ ହାରି ଆନାଡ଼ । ^{୨୩} ମତର୍ ଆତିସ୍‌ପା ଇସ୍ବର୍ ପାତ୍ରଂ ଆନାନ୍, ଲାଗିଂ ମି କାଜିଂ ମାଦାଂ ଆପେଂ ଇମ୍ଣି ବଚନ୍ ହିଦ୍‌ନାପା ହେଦାଂ ଆଁ ଆରି ଆକାୟ୍ ଆଉଡ଼ । ^{୨୪} ଇନାକିଦେଂକି ଇସ୍ବତ୍ରଂ ମାଜି କ୍ରିସ୍ତୁ ଜିସୁ, ଜେ ମା ହୁଦାଂ, ଇତିସ୍, “ନା” ହୁକେ ଆରି ସିଲ୍‌ଲାନ୍ ଆରି ତିମତି ହୁକେ ମି ବିତ୍ରେ ସୁଣାୟ୍ କିୟା ଆତାନ୍, ହେଞ୍ଜାନ୍ “ଆଁ” ଆରି ଆକାୟ୍ ଇନାଆ ଖାତାନ୍, ଇତିସ୍ ଇସ୍ବର୍ ତାକେ “ଆଁ” ଇଚାନ୍ନା । ^{୨୫} ଲାଗିଂ ଇସ୍ବତ୍ରଂ ଏଚେକ୍ ପାର୍ମାଣ, ହେଞ୍ଜାନ୍ ଓଜାର୍‌ତି “ଆଁ” ତାତାକେ ମାନାଡ଼; ଇଦାଂ କାଜିଂ ପା ତା ହୁକେ ଇସ୍ବତ୍ରଂ ଜାଜ୍‌ମାଲ୍ ହିସାବେ ଆପ୍ “ଆମେନ୍” ଇଞ୍ଜି ମାନାପ୍ । ^{୨୬} ନିଜେ ଇସ୍ବର୍, ଜେ ମାଙ୍ଗେଙ୍ଗ୍ ମି ଲାହାଙ୍ଗ୍ କ୍ରିସ୍ତୁତାକେ ତିର୍ କିନାନ୍, ଆରେ ମାଙ୍ଗେଙ୍ଗ୍ ସିଗ୍‌କିତାଣ୍ଟା ହେଞ୍ଜାନ୍ ଇସ୍ବର୍; ^{୨୭} ହେଞ୍ଜାନ୍ ମାଙ୍ଗେଙ୍ଗ୍ ବିନେ କିତ୍ତାନ୍ନା ଆରି ମା ଜିବୁନ୍‌ତ ତା ପୁଇପୁୟା ଜିବୁନ୍‌ତିଂ ରତ୍‌ତାତାନ୍ନା । ପୁଇପୁୟା ଜିବୁନ୍ ଆନାନା, ମା ଜପି ଇସ୍ବର୍‌ତି ଆଦିକାର୍‌ନି ଚିନ୍ ଆରି ଖାନି ଦିନ୍‌ତ ଆସେଙ୍ଗ୍ ଇନାକା ଗାଟା ଆନାସ୍ ତାଦି ମାଲିକ୍ ଲାକେ ।

^{୨୮} ମତର୍ ଆନ୍ ଇସ୍ବର୍‌ତିଂ ସାକି ମାନିକିଜି ନା ଖାୟ୍ ପାର୍ମାଣ୍ କିତାଙ୍ଗ୍‌ନା ଜେ, ମି କାଜିଂ ଦୟା ପିଣ୍ଡି ଆନ୍ କରକ୍ରିତ ଆରେ ରଗ ହାଲ୍‌ଖା ତାଙ୍ଗ୍‌ନା । ^{୨୯} ଏପେଙ୍ଗ୍ ଇମ୍ଣି କାତାତ ପାତ୍ରଂ ଜପି ଜେ, ମାଦାଂ ମାନାଡ଼, ହେଦାଂ ଆକାୟ୍, ଇତିସ୍ ମି ଖାରି କାଜିଂ ମି ହାଙ୍ଗ୍‌ଦାକାର୍ ଆନାପ୍; ଲାଗିଂ ପାତ୍ରଂ ତ ଏପେଙ୍ଗ୍ ତିର୍ ଆଜି ମାନାଦେରା ।

୨

^୧ ମତର୍ ମି ଲାଗାଂ ନା ହାନାକା ଇନେସ୍ ଆରେ ରଗ ଦୁକ୍ ଆଉଡ଼, ଇଦାଂ ଆନ୍ ମାନ୍ତ୍ ତିର୍‌କିତାଂ । ^୨ ଲାଗିଂ ଆନ୍ ଜଦି ମିଙ୍ଗେଙ୍ଗ୍ ଦୁକ୍ କିଦ୍‌ନାଂ, ଲାଗିଂ ଇନେରିଂ ଆନ୍ ଦୁକ୍ ହିନାଂ, ହେଦାଂ ପିସ୍ତ୍ର ଆରେ ଇନେର୍ ନାଙ୍ଗ୍ ଦୁକ୍‌କିନାକା ହିଦ୍‌ନାନ୍ ? ^୩ ଆରେ, ଇମ୍ଣାକାର୍ ତାଂ ନା ଦୁକ୍‌କିନାକା ପାୟାନାକା ଲଡ଼ା ହେଞ୍ଜାର୍‌ତାଂ ଆନ୍ ଖାଜି ଇନେସ୍ ଦୁକ୍ ପାୟା ଆଉନ୍ । ଇଦାଂ କାଜିଂ ଆନ୍ ଇ କାତା ଲେକିକିଜି ମାତାଙ୍ଗ୍, ଲାଗିଂ ନା ଖାରିତାଂ ଇନେନ୍ ମି ଖାରି, ଇଦାଂ ମି ଓଜାର୍ ବିସ୍ତେ ନା ପାତ୍ରଂ । ^୪ ଇନାକିଦେଂକି ବେସି କସ୍ ଆରି ଖାୟ୍‌ନି ନନାକାତ ବେସି କାଣେଲ୍ ଲାହାଙ୍ଗ୍ ଆନ୍ ମିଙ୍ଗେଙ୍ଗ୍ ଲେକି କିଜି ମାତାଙ୍ଗ୍; ଇନେସ୍ ଏପେଙ୍ଗ୍ ଦୁକ୍ ଆଡ଼, ଏପେଙ୍ଗ୍ ଆକାୟ୍, ମତର୍ ମି କାଜିଂ ନାଦାଂ ଜେ ଆଦିକ୍ ବେସି ଜିଉନନାକା ମାନାଡ଼, ଇଦାଂ ଇନେସ୍ ଏପେଙ୍ଗ୍ ବୁଜାଆଡ଼ ।

ଦସି ଲାଗାଂ କେମା ହିୟାଟ୍

^୫ ମତର୍ ଜଦି ଇନେର୍ ଦୁକ୍ ହିଦ୍‌ନାନ୍, ହେଞ୍ଜାନ୍ ନାଙ୍ଗେଙ୍ଗ୍ ଦୁକ୍ ହିଦ୍‌ଖାତାନ୍‌ନା, ମତର୍ ଏଚେକ୍ ତାକେ ଆନ୍ ଆଦିକ୍ ଆଡ଼ଞ୍ଜା ଆଦେଂ ମାନ୍ କିତାଙ୍ଗା ମି ଓଜାରିଂ ଦୁକ୍ ହିଦ୍‌ନାଙ୍ଗା । ^୬ ଆଦେକ୍ ହୁକେ ଏପେଙ୍ଗ୍ ଲକ୍ ଇମ୍ଣି କସ୍ ପାୟାନାଙ୍ଗା, ହେଦାଂ ତା ପାକ୍ୟାତ ସାରି, ^୭ ଲାଗିଂ ଏଚେକାଡ଼୍‌ଏ ଏପେଙ୍ଗ୍ ମାନାୟ୍ ବେସି ଦୁକ୍‌ତ ମୁଜ୍‌ନାନ୍, ଇଦାଂ କାଜିଂ ଏପେଙ୍ଗ୍ ତାଙ୍ଗେଙ୍ଗ୍ ଇତିସ୍ କେମା କିୟାଟ୍ ଆରି ଦୁକ୍‌ସାରାୟ୍ କିୟାଟ୍ । ^୮ ଇତିସ୍, ହେଦାଂ କାଜିଂ ଜିଉନନାକା ଚିନ୍ତା ରତି କିଦେଙ୍ଗ୍ ଆନ୍ ମିଙ୍ଗେଙ୍ଗ୍ ଗଞ୍ଜାରି କିଦ୍‌ନାଙ୍ଗା । ^୯ ଇନାକିଦେଂକି ଏପେଙ୍ଗ୍ ଓଜୁ ବିସ୍ତେ ଜେ ଆଁ ଇନାଦେର୍ ମି ବିସ୍ତେ ହେବେନି ପାର୍ମାଣ୍ ଇନେସ୍ ଆନ୍ ପାୟାନାଙ୍ଗ୍, ଇସାପ୍‌ତ ଆନ୍ ବଲ୍ ପାଲି କିନି କାଜିଂ ହେ ଗଜା ପା ଲେକିକିଜି ମାତାଙ୍ଗ୍ । ^{୧୦} ମତର୍ ଏପେଙ୍ଗ୍ ଇନେର୍‌ତି ଇନାକା କେମା କିୟାଟ୍, ଆନ୍ ପା ତାଙ୍ଗେଙ୍ଗ୍ କେମା କିନାଙ୍ଗ୍; ଇନାକିଦେଂକି ଆନ୍ ଜଦି ଇନାକା କେମା କିତାଂନ୍ନା, ତେବେ ଇନାକା କେମା କିତାଂନ୍ନା, ହେଦାଂ କ୍ରିସ୍ତୁ ମୁମ୍‌ଦ ମି କାଜିଂ କେମା କିତାଂନ୍ନା, ^{୧୧} ଇନେସ୍ ସୟ୍‌ତାନ୍ ମା ବେରୁତ ଇନାକିଦେଂ ଆଡ଼ଦୁଡ଼ ମତର୍ ବେଗି ପାୟା ଆଉଡ଼ । ଇନାକିଦେଂକି ଆପ୍ ତା ଓଜୁ ହାନ୍‌ୟ ବିସ୍ତେ ଗିଆନ୍ ହିଲୁଡ଼ ।

☆ ୧:୧୭ ୧:୧୭ ପକ୍ୟାତାକା ୧୯:୨୧.

୧୨ ଆରେ, କ୍ରିଷ୍ଣତି ନେକ୍ତିକାରୁର୍ ସୁଶାୟ କିନି କାଜିଂ ଆନ୍ ତ୍ରୟାତାଂ ଖାତି ପାଚେ ମାପୁତି କାମାୟ କାଜିଂ ପାଗ ଲାକେ ଦୁଖେର୍ ଜେୟା ଆତିସ୍ପା ୧୩ ନା ଟଣ୍ଡେନ୍ ତିତସ୍ତିଂ ହୁଡ଼଼ାଦାଂ ଜିରୁନ୍ତ ଚିନ୍ତା କିତାଙ୍ଗ ହେଞ୍ଜାରତାଂ ହେଲ ଅଜି ମାକିଦନିଆତ ହଟାଙ୍ଗ ।

ଜିସୁ କ୍ରିଷ୍ଣ ହୁକେ ଜିତାନାକା

୧୪ ମତର୍ ଇସ୍ତର୍ କୁଞ୍ଜାର ଆଏଡ଼, ହେଞ୍ଜାନ୍ ସବୁ ନାଜିଂ ମାଙ୍ଗେଙ୍ଗ ଅଜି କ୍ରିଷ୍ଣତାକେ ଜିତାନି ହାଜି କିତାନ୍ନା, ଆରେ ସବୁ ବାହାତ ତା ଗିଆନ୍ ଲାକେ ହୁଞ୍ଜିନି ବାହା ମା ହୁଦାଂ ଚଡ଼ଚାତାନ୍ନା, ୧୫ ଇନାକିଦେଂକି ମୁକ୍ତି ଆନାକା ପାୟାନାକା ଆରି ରୁଡ଼ା ଆଜି ମାନି ମାନାୟାର ବିତ୍ରେ ଆସେଙ୍ଗ ଇସ୍ତର୍ କାଣ୍ଗାତ କ୍ରିଷ୍ଣତି ହାରଦିଗାୟା ଲାକେ ମାନାପ୍ । ୧୬ ର ପାକ୍ୟାନି ମାନାୟାର କାଜିଂ ହାତି ଲାକେ ଆରି ବିନ୍ ପାକ୍ୟାନି ମାନାୟାର କାଜିଂ ଜିରୁନ୍ ବାସ୍ନା ଲାକେ । ଆରେ ଇ ଓଜୁ କାଜିଂ ଇନେର୍ ଏପେଙ୍ଗ କାମାୟ କିଦେଙ୍ଗ ଆଡ଼ନାନ୍ ? ୧୭ ହେ ହେନି ମାନାୟାର ଇନେସ୍ ଇସ୍ତର୍ ବଚନ୍ ବାତାୟ କିତାର୍, ଆପତ ହେଞ୍ଜାର ଲାକେ କିଉପା, ମତର୍ ସୁସାର ବାବ୍ରେ ଇସ୍ତର୍ ବଲ୍ ଲାକେ, ତା ସାକିତ ଆପ୍ କ୍ରିଷ୍ଣତାକେ ସତ୍ନିକା ହୁଦାଂ ମାନ୍ଞି କାତା ଇନାପା ।

୩

ପୁନି ମେରାନି ଆଡ଼ୟାର୍

୧ ଆପ୍ କି ଆରେ ରଗ ଜିରୁନ୍ତ ପାର୍ତାନା କିଦେଙ୍ଗ ହାଙ୍ଗନାପା ? କି ଇନେର୍ ଇନେର୍ତି ଲାକେ ଇନାକା ମି ଲାଗାଂ ନଲେ ମି ଲାଗାଂତାଂ ମା ପାର୍ତାନାନି ଆକି ଲଡ଼ା ? ୨ ଏପେଙ୍ଗ ତ ମା ମାନ୍ତ ଲେକାତାତ୍ନା ଆରେ ଓଜାର୍ ମାନାୟାର ପୁଞ୍ଜି ଆରି ପଡ଼ି କିଜି ମା ଗଜା ଲାକେ ୩ ଆରେ, ଏପେଙ୍ଗ ଜେ ମା ହେବାତ ଲେକାତି କ୍ରିଷ୍ଣତି ଆକି ଲାକେ, ଇଦାଂ ହନାତା ହେଦାଂ ଖାରାକାତ ଲେକାଖାତାତ୍ନା, ମତର୍ ଜିରୁନ୍ ଇସ୍ତର୍ ଜିରୁନ୍ ହୁକେ ଲେକା ଆତାଡ଼ନ୍ନା, କାଲ୍ ପାଟାତ ଆକାୟ୍, ମତର୍ ଜେଇ ମାନି ଜିରୁନ୍ ବାତର୍ ପାଟାତ ।

୪ ଆରେ, କ୍ରିଷ୍ଣତି ହୁକେ ଇସ୍ତର୍ ଜପି ଆହା ଇଡ଼ଜି ମା ଇ ବାନି ବାସ୍ ମାନାଡ଼ । ୫ ଆପ୍ ଜେ ଜାର୍ତାଂ ଇନାକା ହପ୍ତେଂ ମାନ୍, ଏପେଙ୍ଗ ଆକାୟ୍, ମତର୍ ମା ବାପୁ ଇସ୍ତର୍ତାଂ; ୬ ହେଞ୍ଜାନ୍ ତ ମାଙ୍ଗେଙ୍ଗ ଅକରନି ହେବାକାରୟା କିତାନ୍ନା, ମତର୍ ଜିରୁନ୍ତିଂ ଇତିସ୍ ପୁନି ନିୟମନି ହେବାକାରୟା ଆଦେଂ ବାପୁ ହିତାନ୍ନା; ଇନାକିଦେଂକି ଅକର୍ ହାତାକା, ମତର୍ ଜିରୁନ୍ ହେ ଜିରୁନ୍ ଲାକେ ।

୭ ଆରେ, ଜଦି ଅକର୍ତ ପାଟା କାଲ୍ ଜପି କାର୍ତ ହାତି ଲାକେ ମସାତି ବିଦିନି ହେବାକାମାୟ୍ ଏଲେଙ୍ଗ ଜାଜ୍ମାଲ୍ତ ହସି ମାଟାଡ଼ ଜେ, ଇସ୍ତାଏଲ୍ ହିମ୍ଶାଂ ମସାତି ମୁମ୍ଦ ଚାଣେକ୍ତିଂ ଅଜଡ଼ କାଜିଂ ହେଞ୍ଜାନ୍ତି ମୁମ୍ ଇଟ୍କାଡ଼ କିଜି ହୁଡ଼ଦେଂ ଆଡ଼ଞ୍ଜାତାର୍, ୮ ଲାଗିଂ ପାର୍ତାନା ହେବାକାମାୟ୍ ଏଚେକ୍ ଆଦିକ୍ ଜାଜ୍ମାଲ୍ ଇସ୍ତର୍ ତାକେ ମେହା ଆଞ୍ଜାତାମ୍ ? ୯ ଇନାକିଦେଂକି ଜଦି ଦାଣ୍ଡୁ ଗିଆନ୍ନି ହେବାକାମାୟ୍ ଜାଜ୍ମାଲ୍ ତେବେ ଦାମ୍ ନି ହେବାକାମାୟ୍ ଇତିସ୍ ଆରି ଆଦିକ୍ ଜାଜ୍ମାଲ୍ ମେହା । ୧୦ ଲାଗିଂ ପୁନି ଜାଜ୍ମାଲ୍ ମେହାଆଜି ମାଟାଡ଼, ହେଦାଂ ହେବେତାଂ ବେସି ଆଦିକ୍ ଜାଜ୍ମାଲ୍ ମେହା ବିସ୍ତେନି ପିସ୍ତି ପୁନି ଜାଜ୍ମାଲ୍ ଆଞ୍ଜିତି ଲାକେ ଆତାସ୍ନା । ୧୧ ଇନାକିଦେଂକି ଜଦି ଅଲପ୍ ବିସ୍ତେ ଜାଜ୍ମାଲ୍ ମେହାଆତାଡ଼, ତେବେ ଜୁଗ୍ ଜୁଗ୍ ବିସ୍ତେ ଆରେ ଆଦିକ୍ ଜାଜ୍ମାଲ୍ତ ମାନାଡ଼ ।

୧୨ ଆତିସ୍ପା, ଏଲେଙ୍ଗବାତର୍ ବାସ୍ ପାୟା ଆଜି ଆପେଂ ବେସି ସାସ୍କାପ୍ ଆନାପ୍, ୧୩ ଆରେ, ଇସ୍ତାଏଲ୍ ହିମ୍ଶାଂ ଇନେସ୍ ହେ ଅଲପ୍ କାଜିଂ ଜାଜ୍ମାଲ୍ ରୁଡାନି ବାହା କାଜିଂ ତିର୍ ହୁଡ଼ରୁ, ହେଦାଂ କାଜିଂ ମସା ଇନେସ୍ ବାନି ଜାର୍ ମୁମ୍ଦ ତାବାୟ୍ ଆଜି ମାଟାର୍, ଆପ୍ ହେ ବାନି କିଉପା । ୧୪ ମତର୍ ହେଞ୍ଜାର୍ତି ଗିଆନ୍ କାଣ୍କୁ ଆର୍ତିକନା, ଇନାକିଦେଂକି ନେଜେଙ୍ଗ ପାତେକ୍ ଲାମା ନିୟମ୍ତ ପାଟ୍ ସମୁତ ହେ ତାବାୟ୍ କିୟାତାକା ଆଗେ ଲାକେ ମାନାତା, ଆରେ କ୍ରିଷ୍ଣତାକେ ହେ ତାବାୟ୍ କିୟାତାକା ଜେ ରୁଡା ଆନାଡ଼, ଇଦାଂ ହଉତା । ୧୫ ମତର୍ ନେଜେଙ୍ଗ ପାତେକ୍ ମସାତି ବିଦି ପାଟ୍ ପଡ଼ିକିନି ସମୁତ ହେଞ୍ଜାର୍ ନେଞ୍ଜେଡାକି ତାବାୟ୍ କିୟାତାକା ହାର୍ ମାନ୍ଗାନାଡ଼, ୧୬ ମତର୍ ଦରମ୍ ସାସ୍ତର୍ ଇନାଡ଼ ଇମ୍ଶାକାର୍ ମାପୁନିପ ହାନାର୍ ହେଞ୍ଜାର୍ ତାବାୟ୍ କିୟାତାକା ଜେୟାନାଡ଼ । ୧୭ ମାପୁ ଜିରୁନ୍ ଆନାନ୍; ଆରେ ଇମେତାକେ ମାପୁତି ଜିରୁନ୍ ହେବେ ଜାର୍ ମାନ୍ । ୧୮ ମତର୍ ଆସେଙ୍ଗ ଓଜାସ୍ ପୁକୟାତି ମୁମ୍ ଦାର୍ପାଣ୍ଡ୍ ହୁଡ଼୍ତି ଲାକେ ମାପୁତି ଜାଜ୍ମାଲ୍ ହୁଡ଼୍ ହୁଡ଼୍ ଜାଜ୍ମାଲ୍ ମେହାତି ଅବସ୍ତାତାଂ ଆଦିକ୍ ଜାଜ୍ମାଲ୍ ମେହାତି ଅବସ୍ତା ଗାଟାଜି ହେଞ୍ଜାନ୍ତି ହେ ପୁଡ଼ା ବାଦ୍ଲା ଆତାସ୍ନା; ଲାଗିଂ ମାପୁ ଇନେନ୍କି ଜିରୁନ୍, ହେଞ୍ଜାନ୍ ତାଂ ଇ ସବୁ ଆନାତା ।

୪

ଚିକ୍ଲା ଟାଣ୍ଡିତାଂ ସାର୍ଗେନି କାରୁର୍

୧ ଲାଗିଂ, ଆପ୍ ଦୟା ପାୟା ଆଜି ଇ ହେବାକାରୟା ପାଦ୍ ପାୟା ଆଦେଂ ସାସ୍ ହିଲ୍ଞାକା ଆକାୟ୍, ୨ ମତର୍ ଆପ୍ ଲାଜୁ ଡ଼କୁତି ବିସ୍ତେ ସବୁ ପିସ୍ତାପନା; ଲାଗିଂ ଆପ୍ ବାନ୍ୟାତାଂ ଚିନ୍ତା କିଉପା ନଲେ ଇସ୍ତର୍ ବଚନ୍ ଚାଡ଼ୁର୍ତାଂ ଚିନ୍ତା କିଉପା, ମତର୍

ହାତ୍‌ପାତା° ହପ୍‌ନି ହୁକେ ଇସ୍‌ସ୍‌ର ସାକିତ ଜାଣକେ ମାନାୟାର୍‌ତି ଗିଆନ୍ ଲାଗା° ଜାର୍ ଜାର୍‌ତି ହାର୍‌ଦାକା ଚର୍‌ନାପା ।
 ୩ ମତର୍ ଆତିସ୍‌ପା ମାଦା° ନେକ୍ରିକାରୁର୍ ପ୍ଲୁକ୍ୟା ଆତାଡ୍ ହେଦା° ରୁଡାତାକାରି° ପାକ୍ୟାତ ପ୍ଲୁକ୍ୟାତାଡ୍; ୪ ଇସ୍‌ସ୍‌ର ଗାଗାଡ୍
 ଜେ କ୍ରିସ୍‌ତା ଜାଜ୍‌ମାଲ୍ ଲାକେ ନେକ୍ରିକାରୁର୍ ଅଜଡ୍ ଇନେସ୍ ଇବାନି ମାନାୟାର୍ କାଜି° ହମେଡ୍, ଇଦା° କାଜି° ଇ ସିଂସାର୍‌ନି
 ପାତ୍ କିଞ୍ଜାକାର୍‌ତି ଗିଆନ୍ କାଣ୍‌କୁ କାଣା କିତାଡ୍‌ନା । ୫ ଇନାକିଦେ°କି ଆପ୍ ଜାର୍‌ତି ସୁଣାୟ୍ କିତପା, ମତର୍ କ୍ରିସ୍‌ତ୍ ଜିସ୍‌ସୁ
 ଜେ ମାପୁ ଆରେ ଜିସ୍‌ସୁତି କାଜି° ଆପ୍ ଜେ ମି ଆଡ୍‌ୟା, ଇଦା° ସୁଣାୟ୍ କିନାପ୍ । ୬ ଇନାକିଦେ°କି ଇମ୍‌ଣି ଇସ୍‌ସ୍‌ର ଇଞ୍ଜି
 ମାଚାନ୍ “ମାଜ୍‌ଗାତା° ଅଜଡ୍ ହଞ୍ଜେଡ୍ ଇଞ୍ଜି ବଲ୍ ହିଜି ମାଚାନ୍ ।” ଇମ୍‌ଣି ଇସ୍‌ସ୍‌ର, ହେଞ୍ଜାନ୍ ଜିସ୍‌ସୁ କ୍ରିସ୍‌ସୁତି ମୁମ୍‌ଦ ହତି ଇସ୍‌ସ୍‌ତ୍
 ଜାଜ୍‌ମାଲ୍‌ନି ଗିଆନ୍‌ନି ଅଜଡ୍ ଚର୍‌ନି କାଜି° ମା ଖାସ୍‌ସିତ ଅଜଡ୍ ହପ୍‌ତାନ୍‌ନା ।

୭ ମତର୍ ଗାଜା ସାକ୍ତି ଜେ ଇସ୍‌ସ୍‌ରତି, ଆରେ ହେଦା° ଜେ ମା ତା° ଉର୍‌ଜାଣ ଆକାୟ୍, ଇଦା° ଇନେସ୍ ହନାଡ୍, ଇଦା° କାଜି°
 ଆପ୍ ଇ ଦାନ୍ ଚିକ୍‌ଲା ଟାଣ୍ଡିତ ପାୟାତାପ୍‌ନା; ୮ ଆପ୍ ସବୁବାନି ଦୁକ୍‌ବଗ୍ କିନାପା, ଆତିସ୍‌ପା ମାନ୍‌ବାଜାୟ୍ କିଞ୍ଜାତାପ୍‌ନା;
 ହାତି ଗିଆନ୍ ଆତାପ୍‌ନା, ଆତିସ୍‌ପା ମାନ୍‌ବାଜାୟ୍ କିଞ୍ଜାତାପ୍‌ନା । ୯ ହିଣ୍‌ପାୟାତାପ୍‌ନା, ଆତିସ୍‌ପା ପିହ୍‌ୟା ଆଞ୍ଜାତାପ୍‌ନା;
 ଆଦା ମୁର୍‌ୟାତାପ୍‌ନା, ଆତିସ୍‌ପା ରୁଡା ଆଞ୍ଜାତାପ୍‌ନା; ୧୦ ଆପେ° ନିତ୍ରେ ଜିସ୍‌ସୁତି° ହାତି ଗାଗାଡ୍‌ତ ଏଡୁ କିନାପା, ଇନେସ୍
 ଜିସ୍‌ସୁତି ଜିବୁନ୍ ପା ମା ଗାଗାଡ୍‌ତ ହଞ୍ଜେଡ୍ । ୧୧ ଇନାକିଦେ°କି ଜିସ୍‌ସୁତି ଜିବୁନ୍ ଇନେସ୍ ମା ହାତି ଗାଗାଡ୍‌ତ ହନାଡ୍, ଇଦା°
 କାଜି° ଆପ୍ ଜିବୁନ୍ ଆତିସ୍‌ପା ନିତ୍ରେ ଜିସ୍‌ସୁତି କାଜି° ହାକି ମୁମ୍‌ଦ ହେଲାୟ୍ କିଞ୍ଜାତାପ୍‌ନା । ୧୨ ଇ ବାନିତ ମା ତାକେ ହାକି,
 ମତର୍ ମି ତାକେ ଜିବୁନ୍ କାମାୟ୍ ମାନି କିନାଜା ।

୧୩ “ଆନ୍ ପାତ୍ କିତାଜ୍ ଲାଗି° କାତା ଇଚା° ।” ଇ ଲେକିକିତି ବଚନ୍ ଲାକେ ହେ ପାତ୍ ଲାଗ୍‌ଦି ଜିବୁନ୍ ପାୟା ଆଜି
 ମାଟିଲେ ଆପ୍ ପା ପାତ୍ କିନାସ୍ ଲାଗି° କାତା ଇନାସ୍; ୧୪ ଇନାକିଦେ°କି ଆପ୍ ପୁନାସ୍ ମାପୁ ଜିସ୍‌ସୁଜ୍ ଇନେର୍ ନିକ୍‌ତାର୍
 ହେଞ୍ଜାନ୍ ମାଜେଜ୍ ପା ଜିସ୍‌ସୁତି ଲାହାଜ୍ ନିକ୍‌ତାନାନ୍ ଆରି ତା ମୁମ୍‌ଦ ନି ଲାହାଜ୍ ମାନ୍‌ଗାନାନ୍ । ୧୫ ଲାଗି° ସବୁ ବିସ୍‌ସେ
 ମି କାଜି° ଆନାତା, ଇନେସ୍ ହେନି ମାନାୟାର୍‌ତାକେ ଉପ୍‌କାର୍ ବେସି ବାଡା ଆଜି ଇସ୍‌ସ୍‌ତ୍ ଜାଜ୍‌ମାଲ୍‌ତ ବେସି ଜୁଞ୍ଜାର୍
 କାରଣ୍ ଆନାଡ୍ ।

ପାତ୍ ନି ଜିବୁନ୍

୧୬ ଲାଗି° ଆପ୍ ଖାହୁପା ମତର୍ ମା ବାର୍‌ତି ମାନାୟାର୍ କିତି ପାୟା ଆଞ୍ଜିତିସ୍ତା ମା ଖାସ୍‌ସିନି ମାନାୟାର୍ ଦିନ୍‌ତି° ଦିନ୍ ପୁନାକା
 ଆନାତା । ୧୭ ଇନାକିଦେ°କି ଇ ଅଲପ୍ କାଡ୍ କାଜି° ଲକୁ ଦୁକ୍ ବେସି ବଞ୍ଚାଡ୍ ଲାକେ ମା କାଜି° ଓଜ୍‌ଓଜ୍ କାଡ୍ ପାତେକ୍ ଗାଜା
 ଇ ଜାଜ୍‌ମାଲ୍ ମାନ୍‌କିନାପା; ୧୮ ଲାଗି° ଆପେ° ହୁଡ୍‌ନି କାଜି° ଇଚ୍‌କାଡ୍ କିଞ୍ଜାଦା° ହୁଡ୍‌ଓଜ୍ ବିସ୍‌ସେ କାଜି° ଇଚ୍‌କାଡ୍ କିନାପା
 ଇନାକିଦେ°କି ବାହା ବିସ୍‌ସେ ଅଲପ୍ କାଡ୍ କାଜି° ମତର୍ ବାହା ହୁଡ୍‌ଓଜ୍ ବିସ୍‌ସେ ଓଜ୍‌ଓଜ୍ କାଡ୍ ପାତେକ୍ ।

୫

୧ ଇନାକିଦେ°କି ଜଦି ମା ଇ ତୁମ୍ ଲାକେ ଦିନେକ୍‌ନି ଗାଗାଡ୍ ଇଲ୍ ଡ୍ରିଜ୍‌ଜି ହାନାଡ୍, ଖାଟିଜ୍ ଇସ୍‌ସ୍‌ର ରର୍‌ତି କାଈଦା°
 ରର୍‌ତି ମା ର ଓଜ୍‌ଓଜ୍‌କାଡ୍ ପାତେକ୍ ଇଲ୍ ଜେ ସାଗେତ୍ ମାନାଡ୍, ଇଦା° ଆସେଜ୍ ପୁନାସ୍ । ୨ ଲାଗି° ଆପେ° ତ ମା ସାଗେନି
 ଇଲ୍ ଲାକେ ହେୟାତ ଉସ୍‌ପେଦେ° ବେସି ଇଚା କିଜି ଇଞ୍ଜି ମାନ୍ ମାନ୍ ଆଡ୍‌ବାନାପା;

୩ ଇ ଲାକେ ଉସ୍‌ପିତିସ୍ ଆସେଜ୍ ନାଗ୍‌ଡା ଚଞ୍ଜୁସ୍ । ୪ ଇନାକିଦେ°କି ଆସେଜ୍ ଇ ତୁମ୍‌ତ ବାହା କିଜି ଖାସ୍‌ସି ଆଡ୍‌ବାନାସା
 । ଲାଗି° ଆପ୍ ଜେ ଉସ୍‌ପେଦେ° ପିସ୍‌ସେଜ୍ ମାନ୍ କିନାସ୍, ହେଦା° ଆକାୟ୍, ମତର୍ ଜିବୁନ୍ ଇନେସ୍ ପୁତ୍‌ତି° ଗୁହ୍‌ନାଡ୍,
 ଇଦା° କାଜି° ଇ ହେୟା ଜପି ବିନ୍ ହେୟା ଉସ୍‌ପେଦେ° ଆସେଜ୍ ଇଚା କିନାସା । ୫ ଆରେ ଜେ ଇଦା° କାଜି° ମାଜେଜ୍
 ଜାଲ୍‌ଦି କିଡ୍‌ତାନ୍‌ନା, ହେଞ୍ଜାନ୍ ଇସ୍‌ସ୍‌ର, ହେଞ୍ଜାନ୍ ମାଜେଜ୍ ହାଡ୍‌ପା ଲାକେ ଜିବୁନ୍ ପା ଦାନ୍ ହିଡ୍‌ନ୍ନା ।

୬ ଇଚିସ୍ ଆସେଜ୍ ନିତ୍ରେ ସାହାସିକାପ୍, ଆରେ ଇ ଗାଗାଡ୍‌ତ ଏଚେକାଡ୍‌ଦ ଦିନା ପାତେକ୍ ବାହା କିନାପା, ହେ ପାତେକ୍
 ଇନେର୍ ମାପୁତା° ଇଞ୍ଜାଜ୍ ଦେହା ବାହାକିନାପା, ଇଦା° ପୁନାସ୍ । ୭ ଇନାକିଦେ°କି ଆପ୍ ବାହା ବିସ୍‌ସେ ହିଜି ଜିବୁନ୍ ଜିଉଣା
 କିଞ୍ଜାଦା° ପାତ୍‌ତ ଜିବୁନ୍ ଜିଉଣା କିନାସ୍ । ୮ ଆସେଜ୍ ସାସ୍‌ନିକାପ୍, ଆରେ, ଗାଗାଡ୍‌ତା° ଦେହା ବାହା ଜିସ୍‌ସୁ ଆରି ମାପୁ
 ଲାଗା° ବାହା କିଦେଜ୍ ମା ଆଦିକ୍ ସାରି । ୯ ଲାଗି° ପା ନିଜ୍ ଇଞ୍ଜାକାର୍ ଆଏର୍ କି ବିନ୍ ଇଞ୍ଜି ଆଏର୍, ତା ଲାଗା° ସାରି ଆନି
 ମା ଇଚା । ୧୦ ଇନାକିଦେ°କି ହାର୍ ଆଏଡ୍ ନଲେ ବାନ୍‌ସା ଆଏଡ୍ ଓଜ୍‌କାର୍ ପୁତ୍‌ନି ଗାଗାଡ୍ ହୁକେ କିତି କାମାୟ୍ ଲାକେ
 ପାଡ୍ ପାୟାନି କାଜି° କ୍ରିସ୍‌ସୁତି ବିଚାର୍ ମୁମ୍‌ଦ ମା ଓଜ୍‌କାରି° ଚଞ୍ଜ୍‌ୟାନାକା ମାନାଡ୍ ।

କ୍ରିସ୍‌ସୁତି ଲାହା° ମେହାଜି ହେବାକିନାକା

୧୧ ଲାଗି°, ମାପୁ ବିସ୍‌ସେନି ପାଶ୍ଟାନାକା ପୁଟିଲେ ଆପ୍ ମାନାୟାରି° ପୁସ୍‌ରାଈ କିନାସା, ମତର୍ ଆପ୍ ଇସ୍‌ସ୍‌ତ୍ ମୁମ୍‌ଦ
 ହତାକାପ୍, ଆରି ମି ଚିନ୍ତା ସାକ୍ତି ଲାଗା°ପା ଜେ ହତାପ୍‌ନା ଇଦା° ଆନ୍ ଆହା କିନାଜ୍ । ୧୨ ଆପ୍ ଆରେ ରଗ ମି ଲାଗା° ଜିବୁନ୍
 ଦୁକ୍‌କିନାକା କିଉପା, ମତର୍ ଇମ୍‌ଣାକାର୍ ଖାସ୍‌ସିତା° ବିସ୍‌ସେନି ଗରବ୍ କିଞ୍ଜାଦା°, ବାର୍‌ତି ବିସ୍‌ସେ ଗରବ୍ କିତାର୍, ହେଞ୍ଜାରି°
 ଇନେସ୍ ଉତର୍ ହିଦେ° ଆଡ୍‌ନାଦେର୍, ଇଦା° କାଜି° ମା ପାକ୍ୟାତ ଗରବ୍ କିନି କାଜି° ମିଜେଜ୍ ସୁବିଦା ହିଦ୍‌ନାପା ।

☆ ୫:୧୦ ୫:୧୦ ରମିୟ ୧୪:୧୦.

୧୩ ଲାଗିଂ ଜଦି ଆପ୍ ବୁଦ୍ଧିହିଲ୍‌ଖାକାପ୍, ହେଦାଂ ଇସ୍‌ତଂ କାଜିଂ; ନଲେ ଜଦି ହାଦଂ ଗିଆନିର୍, ହେଦାଂ ମି କାଜିଂ ।
 ୧୪ ଇନାକିଦେଂକି କ୍ରିସ୍ତୁ ଜିଉନନାକା ମାଜେଂକ୍ ଲାତ୍ରାତ ଇଡ଼ିଜି ଚିଲ୍‌ୟକିଦ୍‌ନାନା, ଲାଗିଂ ଆପ୍ ଇ ବିଚାର୍ କିତାପ୍‌ନା ଜେ
 ରଖାନ୍ ଓଜାରିଂ କାଜିଂ ହାନି ବଗ୍ ଜିସୁ ମାଟିଲେ ଓଜାର୍ ହାତାର୍; ୧୫ ଆରେ ହେଖାନ୍ ଓଜାର୍ କାଜିଂ ହାକି ବଗ୍ କିତାନ୍,
 ଇନେସ୍ ଇମ୍‌ଣାକାର୍ ଜିତାକାର୍, ହେଖାର୍ ଆରେ ଜାର୍ ଜାର୍ କାଜିଂ ଜିବୁନ୍ ଜିଉଣା କିଖାଦାଂ ଇତିସ୍ ଜେ ହେଖାର୍ କାଜିଂ
 ହାକି ବଗ୍ କିତାର୍ ଆରେ ନିଜ୍‌ତାନ୍, ତା କାଜିଂ ଜିବୁନ୍ ଜିଉଣା କିତାର୍ ।

୧୬ ଲାଗିଂ ନେଜେଂକ୍‌ତାଂ ଆପ୍ ଗାଗାଡ଼ ଇସାବେ ଇନେରିଂ ବିଚାର୍ କିଉପା, ଆତିସ୍‌ପା କ୍ରିସ୍ତୁଟିଂ ଗାଗାଡ଼ ଇସାବେ ଆପ୍
 ବିଚାର୍ କିନାପା, ଆତିସ୍‌ପା ନଜ୍ ଆରେ ତାଜେଂକ୍ ହେ ଲାକେ ବିଚାର୍ କିଉପା । ୧୭ ଲାଗିଂ ଜଦି ଇନେର୍ କ୍ରିସ୍ତୁତାକେ
 ମାନାନ୍, ଖାଟିକ୍ ହେଖାନ୍ ପୁନି ଉର୍‌ଜାଣ୍ ଆତାନ୍ନା; ଲାମା ବିସ୍ତେ ସବୁ ବୁଡା ଆତାଡ଼ନ୍ନା, ହୁଡାଟ୍, ପୁନି ବିସ୍ତେ ସବୁ ଆତାଡ଼ନ୍ନା
 । ୧୮ ମତର୍ ଓଜୁ ବିସ୍ତେ ଇସ୍‌ରତାଂ ଆତାଡ଼ନ୍ନା; ହେଖାନ୍ କ୍ରିସ୍ତୁଟି ହୁକେ ଜାର୍ ଲାହାକ୍ ମାଜେଂକ୍ ମେହାୟ୍ କିଡ଼ତାନ୍‌ନା ଆରି
 ହେ ସୁସ୍ତାନି ହେବା ପାଦ୍ ମାଜ୍ ହିଡ଼ତାନ୍ନା । ୧୯ ହେ ସୁସ୍ତାନି ବଚନ୍ ଆନାତା, ଇସ୍‌ର କ୍ରିସ୍ତୁଟି ହୁକେ ପୁତଂ ନି ମାନାୟାର୍
 ଜାତିତିଂ ତା ଲାହାଂ ଆରେ ମେହାୟ୍ କିଦେଂକ୍ ବିଦି ହିଡ଼ାଣ୍ । ତା ବିରୁଦ୍‌ତ ହେଖାର୍‌ତି ପାପ୍ ସବୁ ହେଖାନ୍ ଆରେ ତା
 ହିସାବେ ଇନ୍‌ଖାତାନ୍ନା । ଆରେ ଇ ଆରେ ମେହାୟ୍‌ତ କାତା ସୁଣାୟ୍ କିନି ଦାୟ୍‌ଡ଼ ମା ଜପି ହେଲାୟ୍ କିଡ଼ତାନ୍‌ନା ।

୨୦ ଲାଗିଂ ଇସ୍‌ର ମା ହୁଦାଂ କୁକ୍‌ତି ମାଟିଲେ ଆପ୍ କ୍ରିସ୍ତୁଟି ପାକ୍ୟାତ ରାଜ୍‌ବୁଡ଼ିନି କାମାୟ୍ କିନାପା; କ୍ରିସ୍ତୁଟି ପାକ୍ୟାତ
 ତାଜ୍ ଆପ୍ ଗଞ୍ଜାରି କିଦ୍‌ନାପା, ଏପେକ୍ ଇସ୍‌ର ଲାହାଂ ମେହାଆଡୁ । ୨୧ ଇନାକାନ୍‌ତାକେ ପାପ୍ ଇନାକାପା ହିଲ୍‌ଖାତାଡ଼
 ତାଜେଂକ୍ ହେଖାନ୍ ମା କାଜିଂ ପାପ୍ ଲାକେ କିତାନ୍ ଇନେସ୍ ଆପ୍ ତାହୁଦାଂ ଇସ୍‌ତଂ ଦାମଂ ଲାକେ ଆନାସ୍ ।



୧ ଆରେ ପା ଇସ୍‌ତଂ ଉପକାର୍ ପାୟାତି ଇନେସ୍ ମି ତାକେ ପଲ୍ୟା ଆଉଡ଼, ଇଦାଂ କାଜିଂ ତା ଲାହାକ୍ ରବେ କାମାୟ୍
 କିଜି, ଜିସୁ ଆପେଂ ଗଞ୍ଜାରି କିଦ୍‌ନାପା । ୨ ଇନାକିଦେଂକି “ହେଖାନ୍ ଇନାନ୍, ଆପ୍ ଉପକାର୍‌ନି ସମୁତ ମି ପାର୍ତ୍ତାନା ଖେଟାପ୍,
 ଆରେ ମୁକ୍‌ତାନି ଦିନ୍ତ ଆପ୍ ମି ହେବା କିତାପ୍ ।” ଖେନାଟ୍ ନଜ୍ ବେସି ଉପକାର୍‌ନି “ସମୁ ହୁଡାଟ୍, ନଜ୍ ମୁକ୍‌ତାନି ଦିନ୍ ।”

୩ ଇନେସ୍ ମା ହେବା ପାଦ୍ ଦସ୍ ଆମେଡ଼, ହେଦାଂ କାଜିଂ ଆପ୍ ଇମ୍‌ଣି ବିସ୍ତେ ବାଦା ହିଦ୍‌ମେଡ଼, ୪ ଇତିସ୍ ଆପେଂ
 ସବୁ ଅବସ୍ତାତ ଜାର୍‌ତିଂ ଇସ୍‌ର ହେବାକାର୍‌ୟା ଲାକେ ଜାଣା କିଇକିଦ୍‌ନାପା । ଓଜୁଓଜି କାମାୟ୍ ଲାହାକ୍ ଆପ୍ ସବୁ
 ବାନି ଦୁକ୍, ଅବାଦ୍ ଆରି କସ୍ ହୁଞ୍ଚାପ୍‌ନା; ୫ ମାନତାଂ, ଜଇଲ୍‌ଇଞ୍ଜାକ୍ ମାନିହିଂ, ଗଣ୍‌ଗଲ୍‌ତାଂ, କସ୍‌ତାଂ, ରେଡ଼ନାତାଂ,
 ଉପାସ୍‌ତାଂ, ୬ ପୁଇପୁୟାତାଂ, ଗିଆନ୍‌ତାଂ, ଲାମାହୁଦାର୍‌ତାଂ, ଦୟା, କଖାଣ୍ ବାବ୍ରେ, ପୁଇପୁୟା ଜିବୁଡ଼ାଂ, କାପ୍‌ତିୟା ଆଖାଦାଂ,
 ଜିଉନନାକା, ୭ ସଡ଼ ବଚନ୍‌ତ ଇସ୍‌ତଂ କାରୁର୍‌ନି ସାକ୍ତିତ ବୁଣି ଆରି ତେବ୍ରି କେଇଦ ଦାମଂ ଆଡ଼ ଆତିୟାର୍ ହୁକେ,
 ୮ ଜାଜ୍‌ମାଲ୍ ଆରି ଖାରି କିଖାକାର୍ ହୁକେ ତାକ୍‌ପୁଟାଆଖାକା ଆରି ତାକ୍‌ପୁଟା ଆନାକା ହୁକେ, ମିଡ଼୍‌ଖା ଲାକେ ଆଓତିସ୍
 ହାଡ଼ପା ଇନାକାନ୍, ୯ ଅଟିନା ଲାକେ, କି ଜାଣାତିନା, ହାତିଲାକେ, କି ହୁଡାଟ୍ ଆପ୍ ଜିତାପ୍‌ନା, ତାଣ୍‌ପାୟାତି ଲକ୍ ଲାକେ
 ହାଖାତାପ୍‌ନା, ୧୦ ଆଓତିସ୍ ହାତି ଲାକେ, ଅକଂ ଡ଼ ଲାକେ, ମତର୍ ନିତ୍ରେ ଦୁକ୍‌କିନାକା, ଇନାକା ହିଲ୍‌ଖାକାର୍ ଲାକେ,
 ମତର୍ ହେନି କାଜିଂ ଦାନ୍ ହିନି ଲକୁ ଲାକେ, ମୁଡ଼କେ ପୁନ୍‌ଖାତାକା ଲାକେ, ଆଓତିସ୍ ଓଜୁଡ଼ିଂ ଆଦିକାରି; ଇ ଓଜାର୍‌ତ
 ଆପ୍ ଇସ୍‌ତଂ ହେବାକାରିୟାର୍ ଲାକେ ଜାର୍ ଜାର୍‌ତି ଜଗ୍ ଇଞ୍ଜି ହପ୍‌ନାପା ।

୧୧ ଏ କରକ୍ରିୟ, ଖାରିନି ଟଣ୍ଡାର୍ ଆରି ତଣ୍ଡେକ୍ ମି କାଜିଂ ମା ଖେଇ ଜେୟା ଆତାଡ଼ନ୍ନା, ମା ଖାସ୍ ଅହାର୍ ଆତାଡ଼ନ୍ନା
 । ୧୨ ମି କାଜିଂ ମା ଜିଉନନାକା ଉରୁଟିଂ ଆକାୟ୍, ମତର୍ ମି ଜିଉନନାକା ଉରୁଟିଂ । ୧୩ ଜାର୍ ମାଜିରିଂ ଇନି ଲାକେ ଆନ୍
 ଇଞ୍ଜନାକା, ଜିଉନନାକା ଲାକେ ଦାନ୍ ହିଦେଂ କାଜିଂ ଏପେକ୍ ପା ଅହାର୍ ମାନ୍ ଆତ ।

ଜିତି ଇସ୍‌ରତି ମନ୍ଦିର୍

୧୪ ପାତଂ କିଖାକାର୍ ଲାହାକ୍ ସମାନ୍ ଆଓି ଲାକେ ଜାଚାୟ୍ କିୟାମାଟ୍, ଇନେକିଦେଂକି ଦାମଂ ଆରି ଅଦାମଂ ବିତ୍ରେ
 ଇନାକା ମେହାଣ୍ ? ନଲେ ମାଜ୍‌ଗା ଲାହାଂ ଅଜଡ଼ ଇନାକା ମେହାଣ୍ ?

୧୫ ବିଲିୟାର୍ ଲାହାକ୍ କ୍ରିସ୍ତୁଟି କି ମେହାଣ୍ ? ନଲେ ପାତଂ କିଖାକାନ୍ ଲାହାକ୍ କି ପାତଂ କିନାକାନ୍ ଇନାକା ମେହାଣ୍ ?
 ୧୬ ଶୁବୁଡ଼ା ଲାହାକ୍ ଇସ୍‌ତଂ ମନ୍ଦିର୍‌ନି କି ମେହାଣ୍ ? ଇନାକିଦେଂକି ଆନ୍ ଜିତି ଇସ୍‌ତଂ ମନ୍ଦିର୍ ଆନାକ୍, ଇନେସ୍
 ଇସ୍‌ର ଇଚାନ୍ନା,

“ଆପ୍ ହେଖାର୍ ବିତ୍ରେ ବାହା କିନାସ୍; ଆରେ
 ହେଖାର୍ ବିତ୍ରେ ବୁଲାଆନାସ୍;
 ଆନ୍ ହେଖାର୍‌ତି ଇସ୍‌ର ଆନାସ୍,
 ଆରେ ହେଖାର୍ ମା ଲକୁ ଆନାର୍ ।”

୧୭ “ଲାଗିଂ ମାପୁ ଇଦାଂ ଇନାନ୍, ଏପେକ୍ ହେଖାର୍ ବିତ୍ରେତାଂ ହସି ଖାତ, ଆରେ ବିନେ ଆତ, ଆରେ, ରାଡ଼ା ଆଡ଼ମାଡ଼,
 ତୁମାଟ୍; ଆରେ, ଆପ୍ ମିଜେଂକ୍ ଇଡ଼୍‌ଦାନାପ୍ ।”

☆ ୬:୫ ୬:୫ ପକ୍ୟାତାକା ୧୭:୨୩. ☆ ୬:୧୭ ୬:୧୭ ୧ କରକ୍ରିୟ ୩:୧୬; ୬:୧୯.

୧୮ “ଆନ୍ ମି ଆବା ଆନାଙ୍ଗ,
ଆରେ, ଏପେଙ୍ଗ ମା ମାଜି ଗାଡ଼୍ ଆନାଦେର୍, ଇଦାଂ
ସବୁ ସାକ୍ତିକାଟି ମାପୁ ଇନାନ୍ ।”

୭

୧ ଇତିସ୍ ଏ ଖାରିନି ଟଣ୍ଡାର୍, ଆରି ତଣ୍ଡେକ୍ ଇ ଖିଜୁ ରାଣ୍ ପାୟାଦେଂ ଖାଡ, ଗାଗାଡ଼୍ ଆରି ଜିବୁନ୍ନି ସବୁ ସକର୍ତ୍ତାଂ
ଜାର୍ ଜାର୍ତିଂ ପୁଇପୁୟା କିନାସ୍, ଆରି ଇସ୍ବରତିଂ ପାଣ୍ଡୁ ଆଜି ପୁଇପୁୟାତାଂ ହାର୍ ଆନାସ୍ ।

ପାଉଲ୍ଡି ଖାରି

୨ ମି ଜିବୁନ୍ନିତ ମାଙ୍ଗେଙ୍ଗ୍ ବାହା ହିଦାଟ୍; ଆପ୍ ଇନେର୍ ଅନ୍ୟାୟ୍ କିତପା, ଇନେରିଂ ନସ୍ କିତପା, ଇନେରତି ଖିହି କିତପା
। ୩ ଆନ୍ ମିଙ୍ଗେଙ୍ଗ୍ ଦସ୍ ହିଦ୍ନି କାଜିଂ ଇଦାଂ ଇଞ୍ଜୁଙ୍ଗା; ଇନାକିଦେଂକି ଆନ୍ ଆଗେ ଇନ୍ଦାଙ୍ଗ୍ନା, ଏପେଙ୍ଗ୍ ମା ଖାସ୍ତିତ
ଏପେଙ୍ଗ୍ ବାହା ପାୟା ଆତାଦେର୍ଣ୍ଣା ଜେ, ହାତିସ୍ ଆପ୍ ରଚେ ହାନାସ୍, ଆରେ ଜିତିସ୍ ରଚେ ଜିନାସ୍ । ୪ ମି ତାକେ ନା ପୁରା
ପାତ୍ ମାନାଡ଼, ମି ବିସ୍ତେ ନା ବେସି ଗରବ୍; ଆନ୍ ଦୁକ୍ସାରାୟ୍ତ ବାଡ଼, ମା ଖିଜୁ ଦୁକ୍ତ ନା ଦୁକ୍କିନାକା ଡିଜି ହାନାତା
।

୫ ଇନାକିଦେଂକି ମାକିଦନିଆତ ଏକିତି ପାଚେ ପା ବାଡ଼ ଜୁଜ୍ ଆରି ବିତ୍ରେ ପାଣ୍ଡୁ ଇ ଲାକେ ସବୁ ବାନି ଦୁକ୍ବଗ୍ କିତିଲେ
ମା ଗାଗାଡ଼୍ ପା ଜମ୍ପାତାଡ଼ । ୬ ଆତିସ୍ପା ତ୍ରିକାଡ଼ କିନାକାରିଂ ଦୁକ୍ସାରାୟ୍ କିନାନ୍ ଜେ ଇସ୍ବର, ହେଞ୍ଜାନ୍ ତିତସ୍ ଖାନାକା
ହୁକେ ମାଙ୍ଗେଙ୍ଗ୍ ଦୁକ୍ସାରାୟ୍ କିଦନାନ୍, ୭ ଆରେ, କେବଲ୍ ତିତସ୍ ଖାନାକା ହୁକେ ଆକାୟ୍, ମତର୍ ଇମ୍ଫି ଦୁକ୍ସାରାୟ୍
ହୁକେ ହେଞ୍ଜାନ୍ ମି ବିସ୍ତେ ଦୁକ୍ସାରାୟ୍ ପାୟା ଆଜି ମାତାନ୍, ତା ହୁକେ ପା ଦୁକ୍ସାରାୟ୍ କିତାନ୍, ଇନାକିଦେଂକି ହେଞ୍ଜାନ୍ ମି
ତ୍ରିକାଡ଼ ଆନାକା, ମି ଆଡ଼୍ବାନାକା, ନା ପାକ୍ୟାତ ମି ଖାରିନି ବିସ୍ତେ ମାଙ୍ଗେଙ୍ଗ୍ ଖେର୍ଚାତାନ୍ନା; ହେବେ ଆନ୍ ଆରେ ଆଦିକ୍
ଖାରି ଆତାଙ୍ଗ୍ ।

୮ ଲାଗିଂ ନା ଆକି ହୁକେ ଆତିସ୍ପା ଆନ୍ ମିଙ୍ଗେଙ୍ଗ୍ ଦୁକ୍ କିତ୍ତାଂ, ଆତିସ୍ପା ଆନ୍ ହେଦାଂ କାଜିଂ ଦୁକ୍ ଆକାୟ୍; ହେ ଆକି
ମିଙ୍ଗେଙ୍ଗ୍ ଅଲପ୍ କାଡ଼ କାଜିଂ ପା ଦୁକ୍ ଜିସ୍ ମାଟିଲେ ହୁଡ଼ଜି ଆନ୍ ଦୁକ୍ ଆଜି ମାଟିସ୍ ପା ୯ ନଙ୍ଗ୍ ଦୁକ୍କିନାକା କିନାଙ୍ଗା,
ଏପେଙ୍ଗ୍ ଜେ ଦୁକ୍ ଆତିସ୍, ହେଦାଂ କାଜିଂ ଆକାୟ୍, ମତର୍ ମି ଦୁକ୍ ଜେ ମି ମାନ୍ବାଦ୍ଲାୟ୍ କିନି କାରଣ୍ ଆତାଡ଼, ଇଦାଂ
କାଜିଂ; ଲାଗିଂ ମା ହୁକେ ମିଦାଂ ଇନେସ୍ ଇନାକାପା ନସ୍ ଆଉଡ଼, ହେଦାଂ କାଜିଂ ଏପେଙ୍ଗ୍ ଇସ୍ବତ୍ ଇଚା ଲାକେ ଦୁକ୍
ପାୟା ଆତାର୍ । ୧୦ ଇନାକିଦେଂକି ଇସ୍ବତ୍ ଇଚା ଲାକେ ଇମ୍ଫି ଦୁକ୍, ହେଦାଂ ମୁକ୍ତାନି କାଜିଂ ଏପେଙ୍ଗ୍ ମାନ୍ବାଦ୍ଲାୟ୍
ହପ୍ନାଡ଼, ଇନାକା କାଜିଂ ଏଡୁକିଦେଂ ଲାଗୁଡ଼; ମତର୍ ଜଗଡ଼ନି ଦୁକ୍ ହାକି ହପ୍ତାନାଡ଼ । ୧୧ ଲାଗିଂ ହୁଡ଼ାଟ୍, ଇସ୍ବତ୍
ଇଚା ଲାକେ ଏପେଙ୍ଗ୍ ଇ ଇମ୍ଫି ଦୁକ୍ ପାୟାତାଦେର୍, ହେଦାଂ ମି ତାକେ କେତେକ୍ ଖାରି, ଆଁ, କେତେକ୍ ଦାବା ଖିସ୍ତାଦେର୍,
ଆଁ କେତେକ୍ ରିସା, ଆଁ କେତେକ୍ ପାଣ୍ଡୁ ଆଁ କେତେକ୍ ମାନ୍, ଆଁ କେତେକ୍ ଖାରି, ଆଁ କେତେକ୍ ଉପାୟ୍ ହପ୍ତାଡ଼ନା । ଇ
ବିସ୍ତେ ଏପେଙ୍ଗ୍ ପୁରା ଅନ୍ୟାୟ୍ ଇଞ୍ଜି ସାକି ହିନାୟା ।

୧୨ ଲାଗିଂ ଆତିସ୍ପା ମି ଲାଗାଂ ଲେକିକିତାଂ, ଆତିସ୍ପା ଜେ ଅନ୍ୟାୟ୍ କିତାଂନା, ନଲେ ଇନେନ୍ ଅନ୍ୟାୟ୍ ହୁଞ୍ଜାନା,
ହେଦାଂ କାଜିଂ ଜେ ଲେକିକିତାଂ, ହେଦାଂ ଆକାୟ୍, ମତର୍ ମା କାଜିଂ ମି ମାନ୍ ଇନେସ୍ ଇସ୍ବର ମୁମ୍ପଦ ମି ବିସ୍ତେ ହନାଡ଼
ହେଦାଂ କାଜିଂ ଲେକିକିତାଂ । ୧୩ ଆରେ ମା ଦୁକ୍ସାରାୟ୍ ଲାଗିଂ ଆପ୍ ବେସି ଖାରି, ହେଦାଂ ଖେର୍ଚେଂ ଆନ୍ ଆକି
ଲେକିକିତାଙ୍ଗ୍ନା ।

ଆପ୍ କେବଲ୍ ଖାରିୟା ଆଖାତାପନା । ଏପେଙ୍ଗ୍ ତିତସ୍ତିଂ ସବୁ ବାନିନି ଉପକାର୍ କିଜି ଇନେସ୍ ବାବ୍ରେ ଖାରି କିତାଦେର୍ଣ୍ଣା,
ହେଦାଂ ତା ଜିବୁନ୍ ମାଙ୍ଗେଙ୍ଗ୍ ଖାରି କିତାଡ଼ । ୧୪ ଲାଗିଂ ଜଦି ଇମ୍ଫି ବିସ୍ତେ ତିତସ୍ ଲାଗାଂ ମି ବିସ୍ତେ ଆନ୍ ଗରବ୍ କିତାଙ୍ଗ୍ନା,
ଖାଟିଙ୍ଗ୍ ଲାଜାଆଖାତାଂନା, ଇତିସ୍ ଇନେସ୍ ଆପେଂ ସବୁ ବିସ୍ତେ ମିଙ୍ଗେଙ୍ଗ୍ ହାଡ଼ପା ଇଞ୍ଜି ମାନ୍ତାପ୍, ହେ ଲାକେ ତିତସ୍
ମୁମ୍ପଦ ମା ଗରବ୍ ପା ହାଡ଼ପା ଇଞ୍ଜି ଜାଣା ଆତାଡ଼ନା । ୧୫ ଆରେ, ଇନେସ୍ ପାଣ୍ଡୁ ଆରି ତ୍ରିପ୍କିସ୍ ଏପେଙ୍ଗ୍ ତାଙ୍ଗ୍ ମାନି କିଜି
ଖିଜାଦେର୍ ତାଙ୍ଗ୍ ମାନିକିନାଦେର୍, ଇଦାଂ ଏଡୁ କିଜି ମି କାଜିଂ ତା ଖାସ୍ତିନି ଜିଉନନାକା ଆଦିକ୍ ବାତାଆନାତା । ୧୬ ଆନ୍
ଜେ ସବୁ ବିସ୍ତେ ମି ତାକେ ପୁରା ପାତ୍ କିତିଲେ, ଇଦାଂ କାଜିଂ ବେସି ସୁକ୍ ଆନାଙ୍ଗା ।

୮

କ୍ରିସ୍ଟିୟାନ୍ ଦାନ୍

୧*ଏ ଟଣ୍ଡାର୍, ଆରି ତଣ୍ଡେକ୍ ମାକିଦନିଆନି ମଣ୍ଡଲିନିକାର୍ ବିତ୍ରେ ଇସ୍ବତ୍ ହତ୍ତାଡ଼ନା ଇମ୍ଫି ଉପକାର୍ ହତାଡ଼ନା,
ହେଦାଂ ଆପ୍ ମିଙ୍ଗେଙ୍ଗ୍ ଜାଣାୟ୍ କିଦନାପା । ୨ ହେଞ୍ଜାର୍ ବେସି ଦୁକ୍ ଲାକେ ପରିକ୍ୟାତ ଆର୍ତ୍ତିସ୍ନେ ହେଞ୍ଜାର୍ତି ବେସି
ଦୁକ୍କିନାକା ବେସି ନାସକି ବିତ୍ରେ ପା ବେସି ବାବ୍ରେ ଆଦିକ୍ ଦାନ୍ ହିଜି ଉବ୍ଜାଣ୍ ଆତାଡ଼ନା । ୩ ଇନାକିଦେଂକି ଆନ୍ ସାକି
ହିନାଙ୍ଗା ଜେ, ହେଞ୍ଜାର୍ତି ସାକ୍ତି ଇସାବ୍ରେ, ଇତିସ୍ ହେଞ୍ଜାର୍ତି ସାକ୍ତିନି ବେସି ବାବ୍ରେ ହେଞ୍ଜାର୍ ଦାନ୍ କିତାର୍; ୪ ସାଦୁର୍

* ୮:୧ ୮:୧ ରମିୟ ୧୫:୨୭.

ହେବାତ ମେହାଣ୍ଡାଂ ଉପକାର ପାୟାନି କାଜିଂ ହେଞ୍ଜାର ମାନ୍ତ ବେସି ଗଞ୍ଜାରି ଲାହାଂ ମାଙ୍ଗ ଗଞ୍ଜାରି କିତାର । ୫ ଇବେଣ୍ଡାଂ ହେଞ୍ଜାର ଜେ କେବଲ୍ ମା ଆହା ଇସାପ୍ରେ କିତାର, ହେଦାଂ ଆକାୟ୍ ମତର ଇସ୍ପତ୍ ମାନ୍ ହୁକେ ଚାଲା ଆଜି ପର୍ତ୍ତୁମ୍ ଜାର ଜାରତିଂ ମାପୁତି ଲାଗାଂ ଆରି ମା ଲାଗାଂ ହେଲାଇ କିତାର । ୬ ଗଞ୍ଜାରି ହେବାକାମାୟ୍ କାଜିଂ ତିତସ୍ ମି ବିତ୍ରେ ଇ ଉପକାର କାମାୟ୍ ଇମ୍ଫଣି ବାନି ହାଙ୍ଗ୍ଜି ମାତାର ହେ ଲାକେ ହେଦାଂ ଇନେସ୍ ଓସ୍ତ୍ରସ୍ ପା, ଇଦାଂ କାଜିଂ ତାଙ୍ଗେଙ୍ଗ୍ ଖାରି କିତାପ୍ । ୭ ଆରେ ପାତ୍, କାତାପାଣ୍ଡା, ଗିଆନ୍ ଆରି ସବୁବାନି ତ୍ରିକାଡ୍, ଆରେ ମି କାଜିଂ ମା ଜିଉନନିତ, ଇ ଲାକେ ଓଜୁ ବିସ୍ତେ ଇନେସ୍ ମି ତାକେ ବେସି ବାବ୍ରେ ଚଞ୍ଜୟାନାତା, ହେ ଲାକେ ଇ ଉପକାର କାମାୟ୍ ପା ମି ତାକେ ବେସି ବାବ୍ରେ ଚଞ୍ଜୟା ଆଏଡ୍ ।

୮ ଆନ୍ ବଲ୍ ହିଦ୍ନି ଲାକେ ଇଞ୍ଜୁଙ୍ଗା, ମତର ବିନ୍ନିକାର୍ତି ତ୍ରିକାଡ୍ ଲେକି କିଜି ମି ଜିଉନନାକା ହାଦ୍ଦାମ୍ ପା ହାଡ୍ପା ପାର୍ମାଣ୍ କିନି କାଜିଂ ଇଞ୍ଜନାଙ୍ଗା । ୯ ଇନାକିଦେଂକି ମା ମାପୁ ଜିସୁ କ୍ରିସ୍ତୁ ଉପକାର ଏପେଙ୍ଗ୍ ପୁନାଟ୍, ଏପେଙ୍ଗ୍ ଇନେସ୍ ତା ଅକ୍ତ୍ ହୁକେ ମାଜାନ୍ ଆତ, ଇଦାଂ କାଜିଂ ହେଞ୍ଜାନ୍ ମାଜାନ୍ ଆତିସ୍ପା ଇନେସ୍ ମି କାଜିଂ ଅକ୍ତ୍ ଆତାନ୍ ।

୧୦ ଇ ବିସ୍ତେ ନା ଇନାକା ଇଦାଂ, ହେଦାଂ ତ ମି କାଜିଂ ହାର୍ଦାକା, ଲାଗିଂ ହାଟି ବାହୁତାଂ ଏପେଙ୍ଗ୍ ଜେ ପର୍ତ୍ତୁମ୍ କିଜି କାମାୟ୍ କିଦେଙ୍ଗ୍ ହାଙ୍ଗ୍ତାଦେର୍, ହେଦାଂ ଆକାୟ୍, ମତର ଇଦାଂ କିନି କାଜିଂ ପର୍ତ୍ତୁମ୍ତ ଇତା ପା କିଜି ମାତାଦେର୍; ୧୧ ଲାଗିଂ କାମାୟ୍ କିଜି ହାଲାଟ୍ ଆରି ମି ପାବ୍ହୁଡ୍ଜି ହେଦାଂ ଓହ୍ଲାଟ୍ । ଉପାୟ୍ ମାନିକିନି ସମୁତ ମି ଇମ୍ଫଣି ମାନ୍ ମାତାଡ୍ କାମାୟ୍ ଓଜୁନି ପାତେକ୍ ହେଦାଂ ଇଡ୍ଜି ମାନାଟ୍ । ୧୨ ଇନାକିଦେଂକି ଜଦି ଦୁକ୍କିନାକା ମାଟିସ୍, ଲାଗିଂ ହେଦାଂ ରଞ୍ଜାନ୍ତି ଅବାବ୍ ଲାକେ ହାର୍ ଇଟ୍ନାକା ଆକାୟ୍, ନଲେ ହେଞ୍ଜାନ୍ତି ଇନାକା ମାନାଟ୍, ହେ ହିସାବେ ହାର୍ ଇଟ୍ୟାନାଟ୍ ।

୧୩ ଲାଗିଂ ବିନ୍ନିକାର୍ ଇନେସ୍ ସୁକ୍ପାୟାନାଟ୍, ଆରେ ଏପେଙ୍ଗ୍ ଦୁକ୍ ପାୟା ଆନାଦେର୍, ଇଦାଂ କାଜିଂ ଆନ୍ ଇଦାଂ ଇଞ୍ଜୁଙ୍ଗା; ୧୪ ମତର ସମାନ୍ ବାବ୍ନା ଚଞ୍ଜୟାନି କାଜିଂ ନଙ୍ଗ୍ନି ସମୁତ ମି ଦାନ୍ତାଂ ହୁକେ ହେଞ୍ଜାରିତି ଅବାବ୍ ବାତ୍ ଆନାତା, ଇନେସ୍ ହେଞ୍ଜାରିତି ଦାନ୍ ପା ମିଦାଂ ଅବାବ୍ ବାତ୍ କିନାଟ୍, ଆରେ ଇ ଲାକେ ସମାନ୍ ବାବ୍ନା ଚଞ୍ଜୟାନାଟ୍, ୧୫ ଦରମ୍ ସାସ୍ତୁର୍ତ୍ତ ଲେକାମାନାଟ୍, “ଇନେର୍ ବେସି ରୁଣ୍ଡାୟ୍ କିତାନ୍, ତାଦାଂ ହାର୍ଞାତାଡ୍, ଆରେ ଇନେର୍ ଅଲପ୍ ରୁଣ୍ଡାୟ୍ କିତାନ୍, ତାଦାଂ ଅବାବ୍ ଆଞ୍ଜାତାଡ୍ ।”

ତିତସ୍ ଆରି ତା ହାଙ୍ଗ୍ଦାକାର

୧୬ ଇସ୍ପତ୍ ଜୁଞ୍ଜାର ଆଏଡ୍, ହେଞ୍ଜାନ୍ ମି କାଜିଂ ତିତସ୍ତି ମାନ୍ତ ଉପକାର କିଦେଙ୍ଗ୍ ତ୍ରିକାଡ୍ ଉବ୍ଜାଣ୍ କିତାନ୍ନା; ୧୭ ଇନାକିଦେଂକି ହେଞ୍ଜାନ୍ ଜେ କେବଲ୍ ମା ଗଞ୍ଜାରି ଇଡ୍ଡାନ୍, ହେଦାଂ ଆକାୟ୍, ମତର ହେଞ୍ଜାନ୍ ନିଜେ ବେସି ଖାରି ଜିସୁ ନିଜ୍ ଇତାତ ମି ଲାଗାଂ ହାନାନା । ୧୮ ଆରେ, ତା ଲାହାଙ୍ଗ୍ ଆପ୍ ଆରେ ରଞ୍ଜାନ୍ ଟଣ୍ଡେନ୍ନିଂ ପକ୍ତାନାପା; ନେକ୍ରିକାବୁର୍ ପରଚାର ବିସ୍ତେ ତା କେରକଣ୍ ସବୁ ମଣ୍ଡଲିତ ମେଙ୍ଗ୍ଜି ହାନାତା, ୧୯ କେବଲ୍ ଏଚେକ୍ ଆକାୟ୍, ମାପୁତି ଜାଜ୍ମାଲ୍ ଆରି ମା ବାନ୍ଦାଣି ହପ୍ନି କାଜିଂ ଇମ୍ଫଣି ଦୟାନି କାମାୟ୍ ଆପେଂ ମାନିକିତାପ୍ନା, ହେବେ ମା ସାଙ୍ଗ୍ ଆନି ହେବା କାଜିଂ ବିନ୍ବିନ୍ ମଣ୍ଡଲିତାଂ ବାଟି କିୟାତାନ୍ନା ।

୨୦ ମା ହୁକେ ଆତି ଇ ହେବା ଲାକେ ବେସି ଦାନ୍ ବିସ୍ତେ ଇନେର୍ ଇନେସ୍ ମାଙ୍ଗେଙ୍ଗ୍ ଦସି କିଦୁର୍, ହେଦାଂ କାଜିଂ ଜାଗ୍ଡ୍ ଆନାପା; ୨୧ ଇନାକିଦେଂକି କେବଲ୍ ମାପୁତି ମୁମ୍ଦ ଆକାୟ୍, ମତର ମାନାୟାର୍ ମୁମ୍ଦ ପା ଇନାକା ସବୁ ନେକ୍ତାକା, ହେଦାଂ ଓଜୁ ଆପ୍ ଏଡ୍ କିନାପ୍ ।

୨୨ ଆରେ, ଆପ୍ ମା ଆରେ ରଞ୍ଜାନ୍ ଟଣ୍ଡେନ୍ନିଂ ପା ହେଞ୍ଜାର ଲାହାଙ୍ଗ୍ ପକ୍ତାନାପା, ତାଙ୍ଗେଙ୍ଗ୍ ଆପ୍ ବେସି ବିସ୍ତେ ବେସିହର୍ ପରିକ୍ୟା କିଜି ତ୍ରିକାଡ୍ ଇଞ୍ଜି ପାର୍ମାଣ୍ ଖେଚାପ୍ନା, ଆରେ ମି ତାକେ ଆର୍ଞ୍ଜା ପାତ୍ କିତିଲେ ହେଞ୍ଜାନ୍ ନଙ୍ଗ୍ ଆରେ ଆଦିକ୍ ତ୍ରିକାଡ୍ ଆତାନ୍ନା ।

୨୩ ତିତସ୍ତି ବିସ୍ତେ ଜଦି ଇନେର୍ ଖେନ୍ବାତିସ୍, ହେଞ୍ଜାନ୍ ନା ମେହାଣ୍; ଆରି ମି କାଜିଂ ନା ହାଙ୍ଗ୍ଦାକାନ୍ କି ନଲେ ମା ଟଣ୍ଡାର ବିସ୍ତେ ଖେନ୍ବା ଆତିସ୍, ହେଞ୍ଜାର ମଣ୍ଡଲି ନିକାର୍ ହୁକେ ପକ୍ୟାତାକାନ୍, ଆରେ କ୍ରିସ୍ତୁ ଜାଜ୍ମାଲ୍ ଲାକେ । ୨୪ ଲାଗିଂ ମି ଜିଉନନାକା ଆରି ମି ବିସ୍ତେ ମା ଗରବ୍ ପାର୍ମାଣ୍ ମଣ୍ଡଲି ନିକାର୍ ଲାଗାଂ ହେଞ୍ଜାରିଂ ଚଚାଟ୍ ।



ବିନ୍ ମଣ୍ଡଲିନି କ୍ରିସ୍ତୁୟାରିଂ କାଜିଂ ଉପକାର

୧ ହାତେନେ ସାଦୁର୍ତ୍ତ ହେବା ବିସ୍ତେ ମି ଲାଗାଂ ଲେକିକିନାକା ନା ପାକ୍ୟାତ ଆଦିକ୍ ମତର; ୨ ଇନାକିଦେଂକି ଆନ୍ ମି ଇଚା ପୁନାଙ୍ଗ୍, ଆରେ ହେ ବିସ୍ତେ ମାକିଦନିଆ ଲକୁ ଲାଗାଂ ମି ବିସ୍ତେ ଆନ୍ ଗରବ୍ କିନାଂ ଜେ, ଆକାୟା ହାଟି ବାହୁତାଂ ଜାଲ୍ଦି ଆତାତେ, ଆରେ ମି ଇଚା ହେଞ୍ଜାର ବିତ୍ତେତାଂ ଆଦେକ୍ ଲକୁତାଂ ଖାରିକିକିତାଂ । ୩ ଆତିସ୍ପା ଆନ୍ ଟଣ୍ଡାରିଂ ପକ୍ତାନାଙ୍ଗା, ଇନେସ୍ ଇ ବିସ୍ତେ ମି ବିସ୍ତେ ମା ଗରବ୍ ପଲ୍ୟା ଆମେଡ୍, ଆରେ ନା କାତା ଇସାବ୍ରେ ଏପେଙ୍ଗ୍ ଦାନ୍ ଲାହାଙ୍ଗ୍ ଜାଲ୍ଦି ଆତ, ୪ ଏଚେକାଡ୍ ମାକିଦନିଆନି ଇମ୍ଫଣାକାନ୍ ପା ଏଚେକାଡ୍ ନା ଲାହାଙ୍ଗ୍ ଖାଜି ମିଙ୍ଗେଙ୍ଗ୍ ଜାଲ୍ଦି ଆଞ୍ଜାକା ହୁଡ୍ଡିସ୍, ତେବେ ମି କାତା ହେବେ ମାନେଡ୍, ଆପେଂ ଇ ଆର୍ଞ୍ଜା ପାତ୍ ବିସ୍ତେ ଲାଜା ଆନାସ୍ । ୫ ଲାଗିଂ ମିଦାଙ୍ଗ୍ ଆଗେ ପାର୍ମାଣ୍

ଦାନ ଇନେସ୍ ସାରି ବିସ୍ତେ ଆଖାଦାଂ ସତ୍ ବିସ୍ତେ ଆନାତ୍, ଇଦାଂ କାଜିଂ ଆଗେତାଂ ହେ ଦାନ ରୁଣ୍ଡାୟ୍ କିଜି ଜାଲ୍ଦି କିଦେଙ୍ଗ୍ ଆଗେ ମି ଲାଗାଂ ହାନି କାଜିଂ ଆନ୍ ଟଣ୍ଡାରିଂ ଗଞ୍ଜାରି କିଦେଙ୍ଗ୍ ମାନ କିତାଂ ।

^୭ ମତର୍ ଇଦାଂ ହାତ୍ପା, ଇନେର୍ ଅଲପ୍ ଓଡ୍ନାନ, ହେଞ୍ଜାନ୍ ପା ଅଲପ୍ ତ୍ରେସ୍ନାନ; ଆରେ ଇନେନ୍ ବେସି ଓଡ୍ନାନ, ହେଞ୍ଜାନ୍ ପା ବେସି ତ୍ରେସ୍ନାନ । ^୮ ଓଡ୍ନାକାର୍ ଜାର୍ ଖାସ୍ତିତ ଇନେସ୍ ରିମାନ୍ୟା କିତାନନ୍ନା, ହେ ଲାକେ କିଏନ୍, ଲବ୍‌ରା ବାବ୍ରେ ଆକାୟ୍ ଇତିସ୍ ଟାଟାୟ୍ ଲାକେ ଆକାୟ୍; ଇନାକିଦେଂକି ଇସ୍ବର୍ ରମାନ୍ୟା ମୁଣିକାଂ ଜିଉନନାନ୍ । ^୯ ଆରେ, ଓଡ୍ନା ବିସ୍ତେ ନିତ୍ରେ ସାରି ଲାକେ ପାୟାଜି ଏପେଙ୍ଗ୍ ଇନେସ୍ ଓଡ୍ନା ହାତ୍ପା କାମାୟ୍ କାଜିଂ ଆଦିକ୍ତାଂ ଆଦିକ୍ ତର୍ ଦାନ କିଦେଙ୍ଗ୍ ଆଡ୍ନାଦେର୍, ଇଦାଂ କାଜିଂ ଇସ୍ବର୍ ମିଙ୍ଗେଙ୍ଗ୍ ସବୁବାନି ଉପକାର୍ ବେସି ବାବ୍ରେ ହିଦେଂ ରାଜି ଆତାନ୍ନା, ^{୧୦} ଇନେସ୍ ଦରମ୍ ସାସ୍ବର୍ତ୍ତ ଲେକା ଆତାଡ୍ନା,

“ହେଞ୍ଜାନ୍ ମେଲା କେଇଦ ପାସ୍ପାତାନନା, ହେଞ୍ଜାନ୍ ନାସ୍କିନିକାରିଂ ଦାନ ହିନାନା,
ତା ଦାମ୍ କାତା ଜୁଗ୍ ଜୁଗ୍ କାଡ୍ ପାତେକ୍ ।”

^{୧୦} ଆରେ, ଇନେର୍ ବିୟାନ୍ ଓଡ୍ନାକାରିଂ ବିୟାନ୍ ଆରି ତିନି କାଜିଂ କାଦି ହିଦ୍ନାନ, ହେଞ୍ଜାନ୍ ଓଡ୍ନା କାଜିଂ ମିଙ୍ଗେଙ୍ଗ୍ ବିୟାନ୍ ହିଦ୍ନାନ ଆରି ହେଦାଂ ବାତାୟ୍ କିଦ୍ନାନ, ଆରେ, ମି ଦାମ୍ ନି ପାଡ୍ ବାତାୟ୍ କିଦ୍ନାନ; ^{୧୧} ଇ ଲାକେ ଏପେଙ୍ଗ୍ ସବୁ ବିସ୍ତେ ମାଜାନ୍ ଆଜି ସବୁବାନି ମୁକ୍ତାୟ୍ତାଂ ଚଟ୍ଟେଙ୍ଗ୍ ଆଡ୍ନାଦେର୍, ଆରେ ହେଦାଂ ମା ହୁକେ ଇସ୍ବର୍ ମିଙ୍ଗେଙ୍ଗ୍ ଦନ୍ୟବାଦ୍ ନିକାନ୍ କିଦ୍ନାର୍ । ^{୧୨} ଇନାକିଦେଂକି ଇ ଦାନ ଲାକେ ହେବା ଜେ କେବଲ୍ ସାଦୁର୍ତ୍ତି ବାକି ବାତ୍ କିନାଙ୍ଗା, ହେଦାଂ ଆକାୟ୍, ମତର୍ ତାପାରେ ପା ଇସ୍ବର୍ତ୍ତି ଉଦେସ୍ତ ବେସି ଜୁଞ୍ଜାର୍ ଡିଜି ହାନାତା, ^{୧୩} ଇତିସ୍ ଇ ହେବା କାମାୟ୍ନି ପାର୍ମାଣ୍ ପାୟାଜି ଲକୁ ମି ମାନି କାଜିଂ କ୍ରିସ୍ତୁତି ନେକ୍ରିକାବୁର୍ କାଜିଂ ଟାଟାୟ୍, ଆରେ ସାଦୁର୍ତ୍ତି ଆରି ଓଡ୍ନା କାଜିଂ ମି ମେହାଣ୍ଡ ହୁଦାର୍ କାଜିଂ ଇସ୍ବର୍ ପାଣ୍ ପାର୍ତାନା କିନାରା, ^{୧୪} ଆରେ, ମି କାଜିଂ ଇସ୍ବର୍ ବେସି ଉପକାର୍ କାଜିଂ ହେଞ୍ଜାର୍ ପା ମି କାଜିଂ ପାର୍ତାନା କିଉ କିଉ ମି କାଜିଂ ଦୟାତ ଏତୁ କିଦ୍ନାର୍ । ^{୧୫} ଇସ୍ବର୍ ହାୟାୟ୍‌କିନି ଦାନ କାଜିଂ ତାଦି ଜୁଞ୍ଜାର୍ ଆଏଡ୍ ।

୧୦

ପଲ୍ୟା ସୁଣାୟ୍ କିନି ପାଉଲ୍‌ତି ଉତର୍

^୧ ମି ମୁମ୍‌ଦ ମି ବିତ୍ରେତାଂ ହୁଦାର୍, ମାତର୍ ଚଞ୍ଜୟା ଆଦ୍‌ଖାଦାଂ ମି କାଜିଂ ସାସ୍ନିକାଂ ଜେ ଆନ୍ ପାଉଲ୍, ଆନ୍ ନିଜେ କ୍ରିସ୍ତୁତି ହଞ୍ଜାଦ୍ ଆରି ଦୟା ବାବ୍ରେ ଏତୁ କିଜି ମିଙ୍ଗେଙ୍ଗ୍ ଗଞ୍ଜାରି କିଦ୍ନାଙ୍ଗା; ^୨ ଆଁ ଆନ୍ ପାର୍ତାନା କିନାଙ୍ଗା ଜେ, ଆପ୍ ଗାଗାଡ୍ ହିସାବେ ଚିନ୍ତା କିନାପା ଇଞ୍ଜି ଇମ୍‌ଶାକାର୍ ମାନେ କିତାର୍, ଏପେଙ୍ଗ୍ ଇନେ ଇନେର୍ତ୍ତି ବିରଦ୍ ସାସ୍ ଚଟ୍ଟେଙ୍ଗ୍ ଇଞ୍ଜି ଆନ୍ ଇମ୍‌ଣି ବିଚାର୍ କିତାଙ୍ଗା, ଏକାଞ୍ଜି ଇନେସ୍ ନାଙ୍ଗେଙ୍ଗ୍ ହେବାନି ସାସ୍ ଚଟ୍ଟେଙ୍ଗ୍ ଆଉଡ୍; ^୩ ଇନାକିଦେଂକି ଆପ୍ ପୁତ୍ ତ ବାହା କିନାକା ହାତ୍ପା, ମତର୍ ଆପ୍ ସ୍‌ସାର୍ ମାନାୟ୍ ବାବ୍ରେ ଜୁଜ୍ କିଞ୍ଜାତାପନା, ^୪ ଲାଗିଂ ମା ଜୁଜ୍ନି ଆଡ୍ ଆତିୟାର୍ ସ୍‌ସାର୍ତ୍ତ ଆକାୟ୍, ମତର୍ ସାତୁର୍ ଆଡ୍‌ଖା ଗାଡ୍ ଦୁଡ୍‌ମାଜି କିନି କାଜିଂ ଇସ୍ବର୍ ମୁମ୍‌ଦ ହେ ଓଡ୍ନା ସାକ୍ତି ଆତାଦେଣ୍ଡା; ^୫ ଆପ୍ ଗାଣ୍ଡୁ ସବୁ ଆରି ଇସ୍ବର୍ ଗିଆନ୍ ବିରୁଦ୍ତ ହଡ୍ଡି ଓଡ୍ନା ଲାମା ବିସ୍ତେ ଦୁଡ୍‌ମାଜି କିନାସ୍, ଆରେ ଜାଣ୍‌କେ ହାନ୍‌ଦାୟ୍ କିଜି କ୍ରିସ୍ତୁତି ବଲ୍ ମାନିକିନାକାସ୍ ଆନାସ୍, ^୬ ଆରେ, ଏଚେକାଡ୍‌ଦ୍ ଏପେଙ୍ଗ୍ ପୁରା ମେହାଆନାଦେର୍, ହେ ପାଦ୍ନା ଓଡ୍ନା ପାଟ୍‌କାର୍ ଆନି କାଜିଂ ଆପ୍ ଜାଲ୍‌ଦି ମାନାପ୍ ।

^୭ ଏପେଙ୍ଗ୍ ଚାରିବେଣ୍ଡାଂ ଇନାକା ଗିଟା ଆଦ୍‌ନାତା ହୁଡାଟ୍ । ଜଦି ଇନେର୍ ଜାର୍‌ତିଂ କ୍ରିସ୍ତୁତି ଇଞ୍ଜି ପାତ୍ କିନାନ୍, ନଲେ ହେଞ୍ଜାନ୍ ଇନେସ୍ କ୍ରିସ୍ତୁତି, ଆପ୍ ପା ଇନେର୍ ହେ ଲାକେ କ୍ରିସ୍ତୁତି, ଇଦାଂ ହେଞ୍ଜାନ୍ ଆରେ ନିଜେ ଏତୁ କିଏନ୍ । ^୮ ଇନାକିଦେଂକି ମା ଆଦିକାର୍ ବିସ୍ତେ ଆନ୍ ଅଲପ୍ ଆଦିକ୍ ଗରବ୍ କିତିସ୍ ପା ଲାଜ୍ ପାୟା ଆଉଙ୍ଗ୍; ମିଙ୍ଗେଙ୍ଗ୍ ଦୁଡ୍‌ମେହାୟ୍ କିଦ୍ନି କାଜିଂ ମାପୁ ମାଙ୍ଗେଙ୍ଗ୍ ଇ ଆଦିକାର୍ ହିଦ୍‌ଖାଦାଂ ମିଦାଙ୍ଗ୍ ରଚ୍‌ନି କାଜିଂ ହିଡ୍‌ନ୍ନା; ^୯ ନା ଆକି ହୁକେ ଆନ୍ ମିଙ୍ଗେଙ୍ଗ୍ ପାଣ୍ଡୁ ମତର୍ ଚଟ୍ଟେଙ୍ଗାଙ୍ଗା ଇଞ୍ଜି ପାଣ୍ଡୁ ଆମାଟ୍ । ^{୧୦} ଇନାକିଦେଂକି “ଇନେର୍ ଇନେର୍ ଇନାର୍, ତାଦି ପାଉଲ୍‌ତି ଆକିଂ ସବୁ ହାତ୍‌ଦିକିଂ ଆରି ଗାଜା ସାକ୍ତି, ମତର୍ ମେହାଣ୍ଡ ତା ଗାଗାଡ୍ ନାଦାର୍ ଆରି ତା ବଚନ୍ ବାନ୍ୟା ।” ^{୧୧} ଆପ୍ ଖାଜି ମାନ୍‌ଡି ସମୁତ ଆକି ହୁଦାଂ ବଚନ୍ତ ଇନେସ୍, ଏକାଞ୍ଜି ମାନି ସମୁତ କାମାୟ୍ତ ପା ଜେ ହେ ଲାକେ, ଇଦାଂ ଇ ଲାକେ ମାନାୟାର୍ ବଜ୍ ଆଏର୍ ।

^{୧୨} ଇନାକିଦେଂକି ଇମ୍‌ଶାକାର୍ ଜିବୁନ୍‌ତ ଖାରିକିକିନାକା, ହେଞ୍ଜାର୍ ବିତ୍ରେତାଂ ଇନେ ଇନେର୍ତ୍ତି ରଚେ ଜାର୍ ଜାର୍‌ତିଂ ଇସାବ୍ ନଲେ ତୁଲ୍‌ୟ କିଦେଙ୍ଗ୍ ଆପ୍ ସାସ୍ କିଉପା; ମତର୍ ହେଞ୍ଜାର୍ ନିଜେ ନିଜେ ଜାର୍ ଜାର୍ ଲାଗାଂ ହୁକେ ଜାର୍ ଜାର୍‌ତି ଆଡ୍‌ନାକା ଆରି ଜାର୍ ଜାର୍ ଲାହାଙ୍ଗ୍ ଜାର୍ ଜାର୍‌ତି ତୁଲ୍‌ୟ କିଜି ଆହରତାଂ ଚଟ୍ଟେଙ୍ଗ୍ । ^{୧୩} ମତର୍ ଆପ୍ ହାନ୍‌ଦି ମାନିକିଞ୍ଜାଦାଂ ଗରବ୍ କିଉପ; ମତର୍ ଏପେଙ୍ଗ୍ ପା ମା ହାନ୍‌ଦିନିକାପ୍ ଆନି କାଜିଂ ଇସ୍ବର୍ ମା କାଜିଂ ନିଲ୍‌ତାନନା ଇମ୍‌ଣି ହାନ୍‌ଦି ରଚ୍‌ତାଦେଣ୍ଡା, ହେବେନି ଆଡ୍‌ନାକା ଲାକେ ଗରବ୍ କିନାପ୍ । ^{୧୪} ଇନାକିଦେଂକି ଏପେଙ୍ଗ୍ ମା ହାନ୍‌ଦିନି ମେହା ଆଖାଦାଂ ମାତି ଲାକେ ଆପ୍ ଜେ ହାନ୍‌ଦି ମାନିକିଞ୍ଜାତାସ୍ନା, ହେଦାଂ ଆକାୟ୍, ଲାଗିଂ କ୍ରିସ୍ତୁତି ନେକ୍ରିକାବୁର୍ ସୁଣାୟ୍ କିଉ କିଉ ଆପ୍ ମି ପାତେକ୍ ପା ପର୍ତୁମ୍ ହାଲ୍‌ଜି ମାଟାପ୍; ^{୧୫} ଆପ୍ ହାନ୍‌ଦି ଜିତା ଆଜି ଆରେ ରକାକ୍ତି କିସ୍ ବିସ୍ତେ ଗରବ୍ କିଉପା, ମତର୍ ମି ପାତ୍ ନି ବାତାନାକା

ସାଙ୍ଗେ ସାଙ୍ଗେ ମା ବାସି ହିସାବେ ମା କାମାୟ ମି ହୁକେ ଇନେସ୍ ଜବରତା ଆଦିକ୍ ତର ମେଙ୍ଗୟା ଆନାଡ୍, ୧୭ ଆରେ, ଆପ୍ ଆରେ ରଖାନ୍ ହାନ୍ଦି ବିତ୍ତେ ତା କିତି କାମାୟ ବିସ୍ତେ ଗରବ୍ କିଖାଦା ମି ପାଡ଼ହା ନାସକୁକା ଇନେସ୍ ନେକ୍ତିକାରୁର୍ ସୁଣାୟ କିଦେଙ୍ଗ୍ ଆଡ଼ନାକା, ଇଦା ବାସି କିନାପା ।

୧୭ ସାସ୍ତରୁର୍ତ୍ତ ଲେକାମାନାଡ଼ “ମତର ଇନେର ଗରବ୍ କିନାନ୍, ହେଖାନ୍ ମାପୁ କିତି କାମାୟ କାଜି ଗରବ୍ କିଏନ୍ ।” ୧୮ ଇନାକିଦେକି ଇନେର ଜାରତି ଖାରି କିନାନ୍, ହେଖାନ୍ ପରିକ୍ୟାସିଦ୍ ଆକାୟ, ମତର ମାପୁ ଇନେରତି ଖାରି କିନାନ୍, ହେଖାନ୍ ପରିକ୍ୟାସିଦ୍ ।



ପାଉଲ୍ ଆରି ବୁଲ୍‌କାୟକିନି ପକ୍ୟାତାକାନ୍

୧ ଏପେଙ୍ଗ୍ ଜଦି ନାଦା ଅଲପ୍ ଅବୁଜା ହୁଞ୍ଚାଦେରମା ! ଆଁ ଏପେଙ୍ଗ୍ ତ ନା କାଜି ହୁଞ୍ଚନାଦେରା । ୨ ଇନାକିଦେକି ଇସ୍ତର୍ ବିସ୍ତେ ତ୍ରିକାଡ଼୍ ଆନ୍ ମି କାଜି ଇଚା, ଲାଗି ଆନ୍ ମିଙ୍ଗେଙ୍ଗ୍ ଦାମି ଜିପଲି ହିସାବେ ର ଆଣ୍ଡାତାକେ, ଇଚିସ୍ କ୍ରିସ୍ତୁତି ତାକେ, ସର୍ପି କିନି କାଜି ପାର୍ମାଣ୍ କିତାନ୍ନା । ୩ ମତର ରାଡ଼ ଜାର ଚାଲକିତା ହବା ଇନେସ୍ ବୁଲ୍‌କାୟକିତାଡ଼, ହେ ଲାକେ ଏଚେକାଡ଼୍ ମି ମାନ୍ କ୍ରିସ୍ତୁତି କାଜି ଦାମି ଆରି ପୁଇପୁୟାତା ବୁଲ୍‌କାନାର, ଇଦା ନାଙ୍ଗ୍ ପାଣ୍ଡୁ ହୁଡ଼ନାତା । ୪ ଇନାକିଦେକି ଇମଣି ଜିସୁଙ୍ଗ୍ ଆସେଙ୍ଗ୍ ପରଚାର୍ କିଖାତାସ୍, ଏପେଙ୍ଗ୍ ବିନ୍ ଜିସୁଙ୍ଗ୍ ଜଦି ଇନେର ଖାଜି ପରଚାର୍ କିତାର୍, କି ଇମଣି ପୁଇପୁୟା ଜିବୁନ୍ତ ଏପେଙ୍ଗ୍ ଗାଟାଖାତାଦେର୍, ଏପେଙ୍ଗ୍ ର ବିନ୍ ଜିବୁନ୍ତ ଗାଟା ଆଡୁ, କି ଇମଣି ନେକ୍ତିକାରୁର୍ ଏପେଙ୍ଗ୍ ଅଖାତାଦେର୍, ଏପେଙ୍ଗ୍ ର ବିନ୍ ନେକ୍ତିକାରୁର୍ ଗାଟା ଆଡୁ, ତା ଅତିସ୍ ଏପେଙ୍ଗ୍ ତ ବେସି ହୁଦାର୍ ।

୫ ଇନାକିଦେକି ହେ ମୁଡ଼ଦି ପକ୍ୟାତାକାର୍ତା ଆନ୍ ଜେ ଇନେସ୍ପା ହାରୁ ଆକାୟ, ଇଦା ବାବି କିନାଙ୍ଗା । ୬ ମତର ଆତିସ୍ପା ଆନ୍ କାତା ଇଞ୍ଜେଙ୍ଗ୍ ଆଡୁଙ୍ଗ୍, ଆତିସ୍ପା ଗିୟାନ୍ତ ପାଚେ ଆକାୟ; ହାଡ଼ପାତ ଆସେଙ୍ଗ୍ ଖିଜୁ ବାନିତ ଖିଜୁ ବିସ୍ତେ ମି କାଜି ଇଦା ହପ୍ପାପ୍ ।

୭ ନଲେ ଏପେଙ୍ଗ୍ ଇନେସ୍ ପୁନାଦେର୍, ଇଦା କାଜି ଆନ୍ ଜାରତି ହୁଦାର୍ କିଜି ଜେ ମଲ୍‌ହିଲ୍‌ଖାଦା ମି ଲାସେଙ୍ଗ୍ ଇସ୍ତର୍ ନେକ୍ତିକାରୁର୍ ପରଚାର୍ କିତାଙ୍ଗ୍, ଇବେ ଇନାକା ପାପ୍ କିତା ? ୮ ମି ହେବା କିନି କାଜି ଆନ୍ ବିନ୍‌ବିନ୍‌ନି ମଣ୍ଡଲି ଲାଗା ଦାମା ଅଜି ହେଖାରି ଚର କିତା, ୯ ମତର ଆନ୍ ମି ବିତ୍ତେ ମାନି ଖେଡ଼ାଲି ଏଚେକାଡ଼୍ ଅବାବ୍ ଆଜି ମାତାଙ୍ଗ୍, ହେ ଏଚେଖାଡ଼୍ ଆନ୍ ଇମଣାକାନ୍ତି ବଜ୍ ଲାକେ ଆଖାଦା ମାଟାଙ୍ଗ୍, ଇନାକିଦେକି ମାକିଦନିଆତା ଟଣ୍ଡୁର୍ ଖାଜି ନା ଅବାବ୍ ପୁରା କିଜି ମାନ୍‌ଚାର୍, ଆରେ ଇମଣାକା ପା ବିସ୍ତେ ମି ବଜ୍ ଲାକେ ଆଖାଦା ଜାର ବିସ୍ତେ ଜାଗ୍ରତ୍ ଆଜି ମାଟାଙ୍ଗ୍, ଆରେ ଜାଗ୍ରତ୍ ଆଜି ମାନା । ୧୦ ନା ତାକେ ମାନି କ୍ରିସ୍ତୁତି ହାଡ଼ପାତି ସାକି ମାନିକିଜି ଆନ୍ ଇନାଙ୍ଗା ଜେ, ଆକାୟାନି ନିପ ନାଦା ଇ ଗରବ୍ ଇନେର ବାଙ୍ଗାୟ କିଦେ ଆଡୁର୍ । ଇନେକିଦେ ? ୧୧ ଆନ୍ ଇନାକିଦେ ଏପେଙ୍ଗ୍ ଇନାଙ୍ଗା ? ଆନ୍ ଇନାକା ମିଙ୍ଗେଙ୍ଗ୍ ଜିଉ ନଦୁଙ୍ଗା ? ଇସ୍ପର୍ ପୁନାନ୍, ମିଙ୍ଗେଙ୍ଗ୍ ଆନ୍ ଏଚେକ୍ ଜିଉନଦନାଙ୍ଗା ।

୧୨ ମତର ଗରବ୍‌ନି ବିସ୍ତେ ମା ଲାକେ ଚଞ୍ଜିନି କାଜି ଇମଣାକାର୍ ହାଜି ଡେକ୍‌ନାର୍, ଆନ୍ ଇନେସ୍ ହେଖାରି ହାଜି ହିଉଙ୍ଗ୍, ଇଦା କାଜି ଆନ୍ ଇନାକା କିନାଙ୍ଗା, ହେଦା କିଜି ମାନା । ୧୩ ଇନାକିଦେକି ଏପେଙ୍ଗ୍ ଲଗୁ ଚାକ୍ତାୟ ପକ୍ୟାତାକାର୍ ଆରି ମିଡ଼଼ା କାମଲିୟା, ହେଖାର୍ କ୍ରିସ୍ତୁତି ପକ୍ୟାତାକାର୍ତି ବେସି ଆହ୍‌ନାର୍ । ୧୪ ଆରେ ଇଦା କାବାନାକା ଆକାୟ, ଇନାକିଦେକି ସୟତାନ୍ ନିଜେ ଅଜଡ଼ନି ସାଗେ ଦୁଡ଼ ବେସି ଆହ୍‌ନାଡ଼ । ୧୫ ଲାଗି, ଜଦି ତାଦା ହେବା କିନିକିକ୍ ପା ଦାମି ନି ହେବା କିନାକାତ୍ ବେସି ଆହ୍‌ନିକ୍, ଖାଟିଙ୍ଗ୍ ହେଦା ଗାଜା ବିସ୍ତେ ଆକାୟ; ହେଖାର୍ତି ସେସ୍ ଦସା ହେଖାର୍ତି କାମାୟ ଇସାପ୍ରେ ଗିଟାନାଡ଼ ।

ପକ୍ୟାତାକାତ୍ ଚେଲାଲାକେ ପାଉଲ୍‌ତି ଦୁକ୍‌ବଗ୍

୧୬ ଆନ୍ ଆରେ ରଗ ଇଞ୍ଜନାଙ୍ଗା, ଇନେର ନାଙ୍ଗ୍ ବୁଦିହିଲ୍‌ଖାକାନ୍ ଇଞ୍ଜି ବାବି କିଦ୍‌ମେର୍; ମତର ଜଦି ଏପେଙ୍ଗ୍ ଇନେସ୍ ବାବି କିନାଦେର୍, ଖାଟିଙ୍ଗ୍ ପାନାଙ୍ଗ୍ ବୁଦିହିଲ୍‌ଖାକାନ୍ ଲାକେ ଇଡ଼ଦାନାଦେର୍, ଇନେସ୍ ଆନ୍ ପା ଅଲପ୍ ଗରବ୍ କିଦେଙ୍ଗ୍ ଆଡ଼ନାଙ୍ଗ୍ । ୧୭ ଆନ୍ ଇନାକା ଇଞ୍ଜନାଙ୍ଗା, ହେଦା ମାପୁତି ଇନି ଇସାପ୍ରେ ଇନୁଙ୍ଗା, ମତର ବୁଦିହିଲ୍‌ଖାକାନ୍ ଲାକେ ଏଲେଙ୍ଗ୍ ବେସି ସାସ୍ତ ଗରବ୍ କିଜି ଇନାଙ୍ଗା । ୧୮ ଆଦେକ୍ ସିସାର୍‌ନି ବାବ୍ରେ ଗରବ୍ କିଜି ମାଟିଲେ ଆନ୍ ପା ଗରବ୍ କିନାଙ୍ଗ୍ । ୧୯ ଇନାକିଦେକି ଏପେଙ୍ଗ୍ ବୁଦିକାରୟା ଆଡ଼ିଏନ୍ ଇଞ୍ଜି ହିନା ଖାରିତାଙ୍ଗ୍ ନିର୍ବୁଦିୟାତ୍ କାଜି ହୁଦାର୍ ଆନାଦେରା । ୨୦ ଲାଗି ଜଦି ଇନେର ଆଡ଼ିଏନ୍ କିଜି ଇଡ଼ତିସ୍, ମି ଦାନ୍ କେତି କିନାନ୍, ମିଙ୍ଗ୍ ଡ଼କ୍ତାତ ହେଜି କିଜି ଆସ୍ତାନାଡ଼, ଆକାର୍ କିଦନାନ୍ କି ମି କୁରୁଖାତ ଚାପଡ଼ା ଇଡ଼ଦାନାନ୍, ଖାଟିଙ୍ଗ୍ ଏପେଙ୍ଗ୍ ହେଦା ହୁଞ୍ଜନାଦେର୍ । ୨୧ ଆନ୍ ଲାଜୁ ଲାହାଙ୍ଗ୍ ମାନି କିନାଙ୍ଗା ଜେ, ଆପେ ତ “ନାଦାର୍” ଆତାସନା ।

ଆତିସ୍ପା ଇମଣାକା ପା ବିସ୍ତେ ଇନେର ସାସି ଆନାର୍ ଆନ୍ ରିସା ଆଜି ଇନାଙ୍ଗା, ଆନ୍ ପା ସାସି । ୨୨ ହେଖାର୍ କି ଏବ୍ରିୟର୍ ? ଆନ୍ ପା ଏବ୍ରିୟ । ହେଖାର୍ କି ଇସ୍ପାଏଲିୟର୍ ? ଆନ୍ ପା ଇସ୍ପାଏଲିୟ । ହେଖାର୍ କି ଅବାହାମ୍‌ତି ମାଜିର୍ ?

ଆନ୍ ପା ଅବ୍ରାହାମ୍‌ତି ମାଜି । ୨୩ *ହେୱାର୍ କି କ୍ରିଷ୍ଣୁତି ହେବାକାରୟା ? ଆନ୍ ବାୟରା ଲାକେ ଇନାକ୍ମା, ଆନ୍ ଆଦିକ୍ ରତେ କ୍ରିଷ୍ଣୁତି ହେବାକାରୟା, ଆଦିକ୍ କସ୍ କିନିତ, ଆଦିକ୍ ଜୟିଲ୍ ହାନିତ, ବେସି ମାଡ୍ ହୁଞ୍ଜିନିତ, ତାଇନାଡ୍ ହାକି ମୁମ୍‌ଦ ଆଦେଂ; ୨୪ ଆନ୍ ଜିହୁଦିତ୍ ପାଞ୍ଚ ହର୍ ଏକ୍‌ଉଣା ରିକଡି ମାଡ୍ ପାୟାତାଂନା, ୨୫ *ରମିୟର୍ ହୁକେ ତିନି ହର୍ ବାଡ୍‌ଗେ ମାଡ୍, ରଗ କାଲ୍‌କୁ ମାଡ୍, ତିନି ହର୍ ଜାଜ୍‌ତ୍ରିଂନାକା ହୁଞ୍ଜାଙ୍ଗ୍‌ନା, ତେଙ୍ଗା ଏଜୁକାଂ ଖେଡାନାଣା ଚବିସ୍ ଗନ୍‌ଟା ହୁଞ୍ଜାଙ୍ଗ୍‌ନା, ୨୬ *ବେସିହର୍ ହାନିହିଂ, ନାଗୁଡନି ଆପଡତ, ଚକ୍‌ ଆପଡତ, ଜାର୍ ଜାତିରତାଂ ଆପଡତ, ଜିହୁଦି ଆରି ପାତ୍ କିଞ୍ଜି ଜିହୁଦି ତାଙ୍ଗ୍ ଆପଡତ, ଗାଡନି ଆପଡତ, ବାଗାନି ଆପଡତ, ହାମ୍‌ଦୁଣ୍ଡି ଆପଡତ, ୨୭ ବାମ୍‌ଶ୍ଟାୟକିନି ଟଣ୍ଡାରତାଂ ଆପଡତ, କସ୍ତ ଆରି କସ୍ ବଗତ, ବେସିହର୍ ହୁଞ୍ଜାଂଦାଂ, ନାସ୍‌କି ଆରି ଏସକି, ବେସିହର୍ ଉପାସ୍‌ତ, ପିନି ଆରି ନାଗଡାତ । ୨୮ ବାକି ଡିଜୁ ବିସ୍ତେ ପିସ୍ତି ଆରେ ର ବିସ୍ତେ ନିତ୍ରେ ନା ଜପି ଦୁମ୍‌ଦାନାତା, ଇତିସ୍ ମଣ୍ଡଲି ସବୁ କାଜିଂ ଚିନ୍ତା ହଡନାତା । ୨୯ ଇନେର୍ ନାଦାର୍ ଆତିସ୍ ଆନ୍ ଇନାକା ନାଦାର୍ ଆକାୟ୍ ? ଇନେର୍ ବାଦା ପାୟାତିସ୍ ଆନ୍ ଇନାକା ଦୁକ୍ ଆଉଙ୍ଗ୍ ?

୩୦ ଜଦି ନାଦି ଗରବ୍ କିନାକା ଲଡା ଆତିସ୍, ଖାଟିଙ୍ଗ୍ ଆନ୍ ନା ନାଦାର୍ ବିସ୍ତେ ନା ଗରବ୍ କିନାକା ମାନାଡ୍ । ୩୧ ଆନ୍ ଜେ ମିର୍ ଇନୁଙ୍ଗା, ଇଦାଂ ମାପୁ ଜିସ୍ତୁତି ଇସ୍‌ବର୍ ଆରି ଆବା ପୁନାନ୍; ହେୱାନିଂ ଜୁଗ୍ ଜୁଗ୍ ଜଖାର୍ । ୩୨ *ଦନ୍ତେସକ୍‌ତ ହାରେତା ରାଜାତି ସାସନକାରୟା ନାଙ୍ଗ୍ ଆସ୍ତିନି କାଜିଂ ହେ ଗାଡନି ଦୁଞ୍ଜେର୍ ଜାଗ୍‌ଖାଡାରିଂ କାୟ୍ କିଜି ମାଗାନ୍, ୩୩ ଆରେ ଟପାତ ର ଚିଟକି ହିଜି କୁଞ୍ଜାଡ୍ ହିଜି ନାଙ୍ଗ୍ ଜୁଡତାର୍, ଆରେ, ଆନ୍ ହେୱାନ୍ତି କେଇଦାଂ ରାକ୍ୟା ପାୟାତାଂ ।

୧୨

ପାଉଲ୍‌ତି ହାରଦାକା ହୁଡନାକା

୧ ଆତିସ୍‌ପା ଗରବ୍ କିନାକା ନେକ୍ରାକା ଆକାୟ୍, ଆତିସ୍‌ପା ଲାଗିଂ ନାଙ୍ଗେଙ୍ଗ୍ ଗରବ୍ କିଦେଙ୍ଗ୍ ଲାଗ୍‌ତାନାତା; ଆନ୍ ମାପୁତିଙ୍ଗ୍ “ହୁଡଦେଂ” ଆରେ ଚଞ୍ଜୟା ଆନି ବିସ୍ତେ ଇନାଙ୍ଗ୍ । ୨ ଆନ୍ କ୍ରିଷ୍ଣୁ ତାଂ ମାନି ଲଗାଂ ରଖାନିଂ ପୁନାଙ୍ଗ୍, ହେୱାନ୍ ଚଉଦ ବାହୁଁ ଆଗେ ତିନ୍ ସାଗେ ପାତେକ୍ ଅଜି ମାଗାନ୍ । ହେୱାନ୍ ଗାଗାଡତ ମାଗାନ୍ କି ଗାଗାଡନି ବାଡ୍ ମାଗାନ୍, ଆନ୍ ପୁନୁଙ୍ଗ୍; ଇସ୍‌ବର୍ ପୁନାନ୍ । ୩ ଆଁ, ଆନ୍ ଇ ଲାକେ ରଖାନ୍ ମାନାୟ୍‌ତିଙ୍ଗ୍ ପୁନାଙ୍ଗ୍, ହେୱାନ୍ ଜିରୁନ୍ ମାନି ଦେସ୍‌ତ ଅଜି ମାଗାର୍ ହେୱାନ୍ ଗାଗାଡତ ମାଗାନ୍ କି ଗାଗାଡ୍ ବାଡ୍ ମାଗାନ୍, ଆନ୍ ପୁନୁଙ୍ଗ୍ ଇସ୍‌ବର୍ ପୁନାନ୍ । ୪ ହେବେ ହେୱାନ୍ କାତାତ ଇଞ୍ଜେଙ୍ଗ୍ ଆଡ୍‌ଖାଦାଂ ଆରି ଇଞ୍ଜେଙ୍ଗ୍ ଆଡ୍‌ଖାଦାଂ ଲାକେ କାତା ଖେନ୍‌ଞ୍ଜି ଆଦିକାର୍ ହିଲୁଡ୍ । ୫ ଇ ଲାକେ ରଖାନ୍ ବିସ୍ତେ ଆନ୍ ଗରବ୍ କିନାଙ୍ଗ୍, ଇନାକିଦେଂକି ଆନ୍ ଜାର୍ ବିସ୍ତେ ନା ନାଦାର୍ ପିସ୍ତି ଆରେ ବିନ୍ ବିସ୍ତେ ଗରବ୍ କିଉଙ୍ଗ୍ । ୬ ଆରେ ଗରବ୍ କିଦେଙ୍ଗ୍ ଇଚା କିତାନ୍ ଆଁ ବୁଦି ହିଲୁଞ୍ଜି ଲାକେ ଆଉଙ୍ଗ୍ ଲାଗିଂ ଆନ୍ ହାଡପା ଇନାଙ୍ଗ୍; ଇନାକିଦେଂକି କାତେ ଇନେର୍ ନାଙ୍ଗେଙ୍ଗ୍ ଇନେସ୍ ହୁଡଦାନାର୍ କି ନାତାଙ୍ଗ୍ ଇନେସ୍, ଖେନାର୍ ନା କାଜିଂ ହତି ବିସ୍ତେ ଆଦିକ୍ ଗାଜା କାଜିଂ ଇନେସ୍ ନା ବିସ୍ତେ ଆଦିକ୍ ବୁଜାଖାଦାଂ, ଇଦାଂ କାଜିଂ ଆନ୍ ଇଞ୍ଜେଙ୍ଗ୍ ଖାହ୍‌ନାଙ୍ଗା ।

୭ ଲାଗିଂ ଆନ୍ ଇନେସ୍ ଆଦିକ୍ ଗରବ୍ ଆଉଙ୍ଗ୍, ଇଦାଂ କାଜିଂ ନାଙ୍ଗେଙ୍ଗ୍ କସ୍ କିଦେଙ୍ଗ୍ ନା ଗାଗାଡତ ସୟ୍‌ତାନ୍ ଦୁଡ୍ ଲାକେ ଦୁକ୍ ହିଦ୍ୟାତାଡ୍, ଆଁ ଇନେସ୍ ଆନ୍ ଆଦିକ୍ ଗରବ୍ ଆଉଙ୍ଗ୍, ଇଦାଂ କାଜିଂ ହେଦାଂ ହିଦ୍ୟାତାଡ୍ । ୮ ଇନେସ୍ ହେଦାଂ ନାତାଂ ଦେହା ଆଡ୍, ଇଦାଂ କାଜିଂ ଆନ୍ ମାପୁଙ୍ଗ୍ ହେ ବିସ୍ତେ ତିନ୍‌ହର୍ ଗଞ୍ଜାରି କିତାଂ । ୯ ଆରେ, ହେୱାନ୍ ନାଙ୍ଗେଙ୍ଗ୍ ଇଞ୍ଜାନ୍ନା, ମା ଉପକାର୍ “ମି କାଜିଂ ସାରି, ଇନାକିଦେଂକି ନାଦାର୍ ତାଙ୍ଗ୍ ମା ସାକ୍ତି ହାର୍ ଆନାଡ୍ ।” ଲାଗିଂ ଇନେସ୍ କ୍ରିଷ୍ଣୁତି ସାକ୍ତି ନା ଜପି ବାହା କିନାଡ୍, ଇଦାଂ କାଜିଂ ଆନ୍ ବେସି ଖାରିତାଂ ଇତିସ୍ ନା ନାଦାର୍ ତାଙ୍ଗ୍ ଗରବ୍ କିନାଙ୍ଗ୍ । ୧୦ ଲାଗିଂ କ୍ରିଷ୍ଣୁ କାଜିଂ ନାଦାର୍ ତାଙ୍ଗ୍, ଅପମାନ୍‌ତ, କସ୍ତ, ଇଣ୍‌ତ, ହିଲୁଞ୍ଜିହିଂ ଆନ୍ ସାରି ଆନାଙ୍ଗ୍; ଇନାକିଦେଂକି ଏତେକାଡ୍‌ଦ ଆନ୍ ନାଦାର୍, ହେ ପାଦନା ଆନ୍ ସାକ୍ତି ।

କରକ୍ରିନି ଲକୁ କାଜିଂ ପାଉଲ୍‌ତି ଏଡୁ

୧୧ ଆନ୍ ବୁଦିହିଲୁଞ୍ଜାକାଂ ଆତାଙ୍ଗ୍‌ନା, ଏପେଙ୍ଗ୍ ନାଙ୍ଗ୍ ଟାଟାୟ୍ କିଡ୍‌ତାଦେର୍, ଇନାକିଦେଂକି ନା ଖାରି କିନାକା ମିଦାଙ୍ଗ୍ ମାଗାଡ୍; ଲାଗିଂ ଆତିସ୍‌ପା ଆନ୍ ଇନାକା ଆକାୟ୍, ଆତିସ୍‌ପା ଇମଣି ବିସ୍ତେ ହେ “ଗାଜାକାନ୍ ପକ୍ୟାତାକାର୍‌ରିଂ” ତାଙ୍ଗ୍ ଉଣା ଆକାୟ୍ । ୧୨ ହେ ଡିଜୁ ତିନ୍ ଆରି କାବାନି କାମାୟ୍ ଆରେ ସାକ୍ତିନି କାମାୟ୍ ପକ୍ୟାତାକାର୍‌ତି ଇଟ୍‌କାଡ୍ ଇସାବ୍, ହେ ସବୁ ହାଡପାତ ମି ବିତ୍ରେତାଂ ପୁରା ବେସି ସାସ୍ ଲାହାଙ୍ଗ୍ ଆତାଡନ୍ନା । ୧୩ ଇନାକିଦେଂକି ଆନ୍ ତାରୁଙ୍ଗ୍ ଏକ୍ରିନି କାଜିଂ ମି ଜପି ବଜ୍ ଲାକେ ଆଖାତାଂନା, ଇଦାଂ ରଞ୍ଜାଙ୍ଗ୍ ବିସ୍ତେ ପିସ୍ତି ବାକି ଅଦାମ୍ ମଣ୍ଡଲିତାଂ ଏପେଙ୍ଗ୍ ଇନାକାତ ହାର୍ କିତାଦେଣ୍ଡା ? ନାଦାଂ ଇ ଦସ୍ କେମା କିଦା ।

୧୪ ହୁଡାଟ୍, ଆନ୍ ମି ଲାଗାଂ ହାନି କାଜିଂ ଇ ତିନ୍ ହର୍ ଜାଲ୍‌ଦି ମାନାଙ୍ଗ୍, ଆରେ ଆନ୍ ମି ବଜ୍ ଲାକେ ଆଉଙ୍ଗ୍, ଇନାକିଦେଂକି ଆନ୍ ମି ଦାନ୍ ଦାହ୍‌ଖାଦାଂ ମିଙ୍ଗେଙ୍ଗ୍ ଦାସ୍ତାନାଙ୍ଗା । ଲାଗିଂ ହିମଣାଂଖାକ୍‌ଡାଂତି ଆୟା ଆବାର୍‌ତି କାଜିଂ ରୁଣ୍ଡାୟ୍ କିନାକା ଲଡା ଆକାୟ୍, ମତର୍ ହିମଣାଂଖାକ୍‌ଡାଂ କାଜିଂ ଆବାର୍ ଆୟାକ୍‌ତି ରୁଣ୍ଡାୟ୍ କିନି ଲଡା । ୧୫ ଆରେ, ଆନ୍ ମି ଖାସ୍ତି

* ୧୧:୨୩ ୧୧:୨୩ ପକ୍ୟାତାକା ୧୭:୨୩. * ୧୧:୨୫ ୧୧:୨୫ ପକ୍ୟାତାକା ୧୭:୨୨; ପକ୍ୟାତାକା ୧୪:୧୯. * ୧୧:୨୭ ୧୧:୨୭ ପକ୍ୟାତାକା ୯:୨୩; ପକ୍ୟାତାକା ୧୪:୫. * ୧୧:୩୨ ୧୧:୩୨ ପକ୍ୟାତାକା ୯:୨୩-୨୫.

କାଜିଂ ବେସିଝାରିତାଂ ଉପକାର କିଦନାଜ୍, ଆଁ, ନା ଜିବୁନ୍ ପା ଉପକାର କିନାଜ୍ । ଆନ୍ ମିଙ୍ଗେଙ୍ଗ୍ ଆଦିକ୍ ବେସି ବାବ୍ରେ ଜିଉନଦନାଜ୍ ଇଞ୍ଜି ଇନାକା ଅଲପ୍ ଜିଉନନାକା ପାୟାନାଦେରା ?

୧୭ ମତର୍ ଇନେସ୍ ଆଏଡ୍, ଆନ୍ ନିଜେ ମିଙ୍ଗେଙ୍ଗ୍ ଝାଞ୍ଜି କିଦଝାତାଂନା, ମତର୍ ଚାଲାକି ଆଜି ଆନ୍ ମିଙ୍ଗେଙ୍ଗ୍ ଚାତୁର୍ରେ ଆସ୍ତାତା ! ୧୭ ଆନ୍ ମି ଲାଗାଂ ଇମ୍ଝାକାରିଂ ପକ୍ତାତାଜ୍ନା, ହେଝାର ବିତ୍ରେତାଂ ଇମ୍ଝା ମାନାୟ୍ ହୁକେ କି ମିଙ୍ଗାତାଂ ଅଲପ୍ ଲାବ୍ କିତାଜ୍ନା ? ୧୮ ଆନ୍ ତିତସ୍ତିଂ ହାନି କାଜିଂ ଗଝାରି କିଜି ମାନଚାଜ୍ ଆରେ ତା ଲାହାଜ୍ ହେ ଟଣ୍ଡେନିଂ ପକ୍ତିମାନଚାଜ୍ । ତିତସ୍ କି ମିତାଂ ଅଲପ୍ ଲାବ୍ କିତାଣ୍ଟା ? ଆସେଙ୍ଗ୍ ଇନାକା ର ମାତ୍ର ଚିତ୍ରା କିଝାତାସ୍ନା ? ଆସେଙ୍ଗ୍ ଇନାକା ର ପାଦ୍ ଚିନ୍ତ ହାଲ୍ଝାତାସ୍ନା ?

୧୯ ଇ ପାତେକ୍ ଏପେଙ୍ଗ୍ ଏତୁ କିନାଦେରା ଜେ, ଆପେଂ ମି ଲାଗାଂ ଦସ୍ କାଚିକିନାପା । ଇସ୍ତର୍ ସାକିତ କ୍ରିସ୍ତୁତି ହେବା କାରିୟା ଲାକେ ଆପେଂ କାତା ଇନାପା । ମାତର୍ ଏ ଝାରିନିକାଦେର୍, ସବୁ ବିସ୍ତେ ମି ରଚ୍ନି କାଜିଂ ଇଞ୍ଜନାପା । ୨୦ ଇନାକିଦେଂକି ଏଚେକାଡ୍ଡ ଇଚିସ୍ ଆନ୍ ଏକାଝାତିସ୍, ମିଙ୍ଗେଙ୍ଗ୍ ଇନେସ୍ ହୁଡ୍ଡେଂ ମାନ୍ କିଦନାଜ୍, ହେ ଲାକେ ମିଙ୍ଗେଙ୍ଗ୍ ହୁଡ୍ଡୁଂ, ଆରେ, ଏପେଙ୍ଗ୍ ନାଙ୍ଗେଙ୍ଗ୍ ଇନେସ୍ ହୁଡ୍ଡେଂ ମାନ୍ କିଉଦେର୍, ହେ ଲାକେ ନାଙ୍ଗ୍ ହୁଡ୍ଡାଟ୍, ଇଦାଂ କାଜିଂ ଆନ୍ ପାଣ୍ଟା ଆନାଜ୍; ଏଚେକାଡ୍ଡ ଇଚିସ୍ ଗଣ୍ଡଗଲ୍, କୁର୍, ରିସା, ବାଡ୍ପାଣିୟା, ଲକାର୍ନିୟା, କିତୁଲ୍ଡ ଇନ୍ଦା ଆନାକା, ମଲ୍କାତା, ଗଣ୍ଡଗଲ୍ ଆନାଡ୍; ୨୧ ଏଚେକାଡ୍ଡ ଆନ୍ ଆରେ ରଗ ଏକାଝାତିସ୍ ନା ଇସ୍ତର୍ ମି ବିସ୍ତେ ନାଙ୍ଗେଙ୍ଗ୍ ଆରେ ରଗ ବାଚି କିଦନାନ୍, ଆରେ, ଇମ୍ଝାକାର୍ ଆଗେ ପାପ୍ କିତାଣ୍ଟା, ଆରେ ଜାର୍ ଜାର୍ କିତି ବିଟାଡ୍, ଦାରି ଆରି ଲାଡ୍ସା କାଜିଂ ମାନ୍ବାଦଲ୍ଲୟ୍ କିଝାତାଣ୍ଟା, ଏପେଙ୍ଗ୍ ହେନି ମାନାୟାର୍ କାଜିଂ ଆନ୍ ଆଡ୍ବନାଜ୍ ।

୧୩

ହାରିହାରା ଦାବା ଆରି ଜୁଝାର୍

୧ ଇ ତିନ୍ ହର୍ “ଆନ୍ ମି ଲାଗାଂ ଝାନାଜ୍ ସାସ୍ତର୍ ଇନେସ୍ ଇନାଡ୍ । ରିୟାର୍ କି ତିନ୍ଜାଣ୍ଟ ସାକିରିଂ ମୁମ୍ଦ ଝିଜୁ ଦାବା କାତା ତିର୍ କିୟାନାଡ୍ ।” ୨ ଇମ୍ଝାକାର୍ ଆଗେ ପାପ୍ କିଜି ମାଚାର୍, ହେଝାରିଂ ଆରି ବାକି ଝିଜାରିଂ ଆନ୍ ଇନେସ୍ ଆଗେ ରିହା ଏକିସ୍ ମାନି ସମୁତ ଇଞ୍ଜି ମାଚାଜ୍, ନଙ୍ଗ୍ ମାନ୍ଝିହିଙ୍ଗ୍ ହେ ଲାକେ ଆଗେତାଂ ଇଞ୍ଜନାଜ୍ ଜେ, ଜଦି ଆନ୍ ଆରେ ରଗ ହାନାଜ୍, ତା ଆଡିସ୍ ହେଝାର୍ ତାଣ୍ଡତାଂ ପିହୁଙ୍ଗ୍; ୩ ଲାଗିଂ ଇମ୍ଝା କ୍ରିସ୍ଟୁ ନା ତାକେ କାତା ଇଞ୍ଜନାନା, ଏପେଙ୍ଗ୍ ତା ପାର୍ମାଣ୍ଡ୍ ଡେକ୍ନାଦେରା; ହେଝାନ୍ ମି କାଜିଂ ନାଦାର୍ ଆକାୟ୍, ମତର୍ ମି ବିତ୍ରେ ସାକ୍ତିକାଟାକାନ୍ ଆତାନ୍ନା । ୪ ଇନାକିଦେଂକି ଆଡିସ୍ପା ହେଝାନ୍ ନାଦାର୍ କାଜିଂ କୁସ୍ତ ଦୁମ୍ତାନ, ଆଡିସ୍ପା ଇସ୍ତର୍ ସାକ୍ତି କାଜିଂ ହେଝାନ୍ ଜିତାନନା । ଆସେଙ୍ଗ୍ ପା ତା ତାକେ ନାଦାର୍, ମତର୍ ଇସ୍ତର୍ ସାକ୍ତି କାଜିଂ ଆପ୍ ମି କାଜିଂ ତା ଲାହାଜ୍ ଜିବୁନ୍ ଆନାସ୍ ।

୫ ମି ପାତର୍ ତ ମାନାଦେର୍ କି ଆକାୟ୍, ହେ ବିସ୍ତେ ଜାର୍ ଜାର୍ତିଂ ପରିକ୍ୟା କିୟାଟ୍, ଜାର୍ ଜାର୍ତି ବିଚାର୍ କିୟାଟ୍ ନଲେ ଜିସ୍ତୁ କ୍ରିସ୍ଟୁ ଜେ ମି ତାକେ ମାନାନ୍, ଇଦାଂ କି ଏପେଙ୍ଗ୍ ଜାର୍ ଜାର୍ ବିସ୍ତେ ପୁନ୍ନୁଦେର୍ ? ଜଦି ଇଦାଂ ଆଡଡ୍, ତା ଆଡିସ୍ ଏପେଙ୍ଗ୍ ପୁରା ବାବ୍ରେ ଆରା ଆତାଦେଣ୍ଟା । ୬ ମତର୍ ଆନ୍ ବାସ୍ କିନାଜ୍, ଆସେଙ୍ଗ୍ ଜେ ପରିକ୍ୟା ହାର୍, ଇଦାଂ ଏପେଙ୍ଗ୍ ପୁନାଦେର୍ । ୭ ମତର୍ ଏପେଙ୍ଗ୍ ଇନେସ୍ ଇମ୍ଝାକାପା ବାନ୍ୟା କାମାୟ୍ କିମାଟ୍, ଇଦାଂ କାଜିଂ ଆପେଂ ଇସ୍ତର୍ ଲାଗାଂ ପାର୍ତାନା କିନାପା; ଆସେଙ୍ଗ୍ ଇନେସ୍ ପରିକ୍ୟାସିଦ୍ ଇଞ୍ଜି ଚଞ୍ଜୟା ଆନାସ୍, ଇଦାଂ କାଜିଂ ପାର୍ତାନା କିଉସା, ମତର୍ ପରିକ୍ୟାସିଦ୍ ଆଞ୍ଜି ଲାକେ ଚଞ୍ଜୟା ଆଡିସ୍ ପା ଇନେସ୍ ଏପେଙ୍ଗ୍ ହାର୍ଦି କାମାୟ୍ କିୟାଟ୍, ଇଦାଂ କାଜିଂ ପାର୍ତାନା କିନାପା । ୮ ଇନାକିଦେଂକି ଆପେଂ ହାଡ୍ପା ବିସ୍ତେ ଇନାକା କିଦେଙ୍ଗ୍ ଆଡ୍ପା, ମତର୍ ହାଡ୍ପା ବେରୁତ କିଦେଙ୍ଗ୍ ଆଡ୍ନାପ୍ । ୯ ଲାଗିଂ ଆପେଂ ଏଚେକାଡ୍ଡ ନାଦାର୍ ଆରି ଏପେଙ୍ଗ୍ ଆଟ୍ଝା, ହେ ପାଦ୍ନା ଆସେଙ୍ଗ୍ ଝାରି କିନାସ୍; ଏପେଙ୍ଗ୍ ଇନେସ୍ ହାର୍ ଆଡ୍, ଇଦାଂ ପା ଆପେଂ ପାର୍ତାନା କିନାସ୍ । ୧୦ ଇଦାଂ କାଜିଂ ମାନ୍ଝାଦାଂ ଆନ୍ ଇ ସବୁ ଲେକି କିନାଜ୍, ଇନେସ୍ ଏକିସ୍, ମାପୁ ନାଙ୍ଗେଙ୍ଗ୍ ଇମ୍ଝା ଆଦିକାର୍ ବାଙ୍ଗାୟ୍ କିନି କାଜିଂ ହିଡ୍ଝାଦାଂ ଗାଡି କିନି କାଜିଂ ହିଡ୍ନା, ହେ ଆଦିକାର୍ ଇସାବ୍ରେ ବେସି ବେବାର୍ କିଦେଙ୍ଗ୍ ନାଜ୍ ଆଡଡ୍ ।

୧୧ ହାରିହାରା, ଏ ଟଣ୍ଡାର୍, ଆରି ତଣ୍ଡଦେକ୍ ଝାରି କିୟାଟ୍, ହାର୍ଦାକା ଆଡ୍, ହାରି ଝାରିକିୟ୍ କିୟାଟ୍, ରମାନ୍ ଆଡ୍, ସୁସ୍ତାତ ବାହାକିୟାଟ୍, ଆରେ ଜିଉନନାକା ଆରି ସୁସ୍ତାନି ଇସ୍ତର୍ ମି ଲାହାଜ୍ ମାନ୍ଗାନାନ୍ ।

୧୨ ପୁଇପୁୟାତ ତନଞ୍ଜି ହାରି ଜୁଝାର୍ କିୟାଟ୍ ।

ଝିଜାର୍ ସାଦୁର୍ ମିଙ୍ଗେଙ୍ଗ୍ ଜୁଝାର୍ କିମ୍ପାରା ।

୧୩ ମାପୁ ଜିସ୍ତୁ କ୍ରିସ୍ତୁତି ଉପକାର୍, ଇସ୍ତର୍ ଜିଉନନାକା ଆରି ପୁଇପୁୟା ଜିବୁନ୍ ମେହାଣ୍ଟ ମି ଝିଜାର୍ ଲାହାଜ୍ ଆଏଡ୍ ।

ଗାଳାତିୟ ମଣ୍ଡଳୀ ନିକଟକୁ ପ୍ରେରିତ ପାଉଲଙ୍କ ପତ୍ର ଗାଳାତିୟ ମଣ୍ଡଳି ଲାଗାଂ ପକ୍ୟାତି ପାଉଲ୍‌ତି ଆକି ଗାଳାତିୟ ପତି ବିସ୍ତେ ପାଦେକ୍

ଗାଳାତିୟ ଆକି ପକ୍ୟାତି ପାଉଲ୍‌ତି ହୁକେ ଲେକାତାତନା । ୧:୧ ଇ ଆକି ଗାଳାତିୟ ମଣ୍ଡଳିନି ପାତ୍ କିନାକାରିଂ ଜିସୁ କ୍ରିଷ୍ଟୁତି ଜଲମ୍ ୪୮ ତାଂ ୫୭ ବାହୁଁ ବିତ୍ରେ ଲେକାଜି ମାତାତ୍ ଗାଳାତିୟାର ରମ୍ ଦେସ୍‌ନି ଗାତିୟାତ ବାହା କିଜି ମାତାତ୍ । ପାଉଲ୍ ଇ ଆକି ଲେକିକିନି ଖେଡାଙ୍ ଇମେତାକେ ମାତାନ୍ ଇବେ ପଣ୍ଡିତାର ସମାନ୍ ହିଲୁର୍, ମାତର୍ ଏପିସି କି କରନ୍ତିତ ଇ ରିବାହା ଆଜି ମାନ୍‌ଗାନାତ୍ ଇଞ୍ଜି ଇନାତ୍ । ପାଉଲ୍ ଗାଳାତିୟ ମଣ୍ଡଳିନି ରିୟାର୍ ଜିହୁଦି ଆରି ପାତ୍ କିଞ୍ଜି ଜିହୁଦି କ୍ରିଷ୍ଟିୟାନାତ୍ ନା ହିଜି ଆକି ଲେକିକିନାନ୍ । ହେଞ୍ଜାନ୍ ହାତ୍‌ପା ବାବ୍ରେ ମିର୍ ହିକ୍ୟାତିଂ ଲଡି କିନି କାଜିଂ ଲେକିକିଜି ମାତାନ୍, ହେଦାଂ କ୍ରିଷ୍ଟିୟାନିଂ ପୁନି ନିୟମନି ଜିହୁଦି ବିଦିତଂ ଚାଲାନାକା ଇନ୍ୟାନାତା, ହାତ୍‌ପା ରଚେ ସୁନ୍ନତ୍ ବିଦି ବିସ୍ତେ । କ୍ରିଷ୍ଟିୟାରିଂ ବିତ୍ରେ କେତେକ୍ ଦଲ୍ ମାତାତ୍ ଇମ୍‌ଶାକାରିଂ ଜୁଡାୟ୍ ଜମ୍ ଇଞ୍ଜି ମାତାତ୍ ହେଞ୍ଜାତ୍ ପାତ୍ କିଞ୍ଜି ଜିହୁଦି କ୍ରିଷ୍ଟିୟାରିଂ ସୁନ୍ନତ୍ ବିଦି ପାଲି କିଦେଙ୍ ଇଞ୍ଜି ମାତାତ୍ । ହେଞ୍ଜାତ୍ ପା ପାଉଲ୍‌ତି ପକ୍ୟାଜି ମାତି ଆଦିକାର୍ ବିସ୍ତେ ପର୍‌ସନ୍ କିଜି ମାତାତ୍ । ପାଉଲ୍ ଏଚେଗଟା କାତାଙ୍ ବିସ୍ତେ ତା ପକ୍ୟାଜି ମାତି ବିସ୍ତେ ଇଞ୍ଜି ହେଞ୍ଜାରିଂ ବୟ୍ କିନାନ୍ ୧:୧୧-୧୪ ଆରି ଜିସୁ କ୍ରିଷ୍ଟୁଙ୍ ପାତ୍ କିନି କାସି ମୁକ୍ତାନାକା ଇଦାଂ ବୁଜାୟ୍ କିଜି ନେକ୍ରିକାବୁର୍ତିଂ ରାକ୍ୟା କିତାତ୍ ୨:୧୬ । ଇନାକା ଇସ୍‌ବର୍ ଦୟାତାଂ ଆଜି ମାନାତ୍ ମାନାୟ୍ ଇନାକା କିଜି ମାନାନ୍ ହେବେତାଂ ଆକାୟ୍ ।

ପତି ବିସ୍ତେନି ରାହାଣ୍

- ୧. ପାଉଲ୍‌ତି ବାନ୍ଦାୟ୍ ୧:୧-୫
- ୨. ପାଉଲ୍‌ତି ନଙ୍‌ନି ଜିବୁନ୍, ତା ହିକ୍ୟା ହିନାକା ଆଦିକାର୍, ବିଦିନି କାମାୟ୍ ବିସ୍ତେ ୧:୬୨-୭୧
- ୩. ବିଦିନି କାମାୟ୍, ଆରି ଇସ୍‌ବର୍‌ତି ଦୟାତାଂ ମୁକ୍ତାନି ବିସ୍ତେ ୩:୪
- ୪. ହାତ୍‌ପି କ୍ରିଷ୍ଟିୟାନ୍ ଜିବୁନ୍ ଜିପକା କାଜିଂ ଖେଡ୍‌ନାକା ୫:୧-୬:୧୦
- ୫. ପାଉଲ୍‌ତି ଇନାକା, ଆରି ଇସ୍‌ବର୍‌ତି ହୁକେ ଜିବୁନ୍ ମାନ୍‌ବାଦ୍‌ଲାନାକା ଲଡା । ୬:୧୧-୧୮

୧ ଆନ୍ ପକ୍ୟାତାକାନ୍ ଚେଲା ପାଉଲ୍, ମାନାୟ୍‌ତାଂ ଆକାୟ୍, କି ମାନାୟ୍ ହୁକେ ଆକାୟ୍, ମାତର୍ ଜିସୁ କ୍ରିଷ୍ଟୁ ହୁକେ ଆରି ଇମ୍‌ଶି ଆବା ଇସ୍‌ବର୍ ତାଙ୍‌କେ ହାତାକାର୍ ବିତ୍ରେତାଂ ନିକ୍‌ତାନ୍, ହେ ଜିସୁ କ୍ରିଷ୍ଟୁତାଂ ପାୟାତାନ୍ନା । ୨ ଆରେ ନା ଲାହାଙ୍ ମାନି ପାତ୍ କିନି ଚଣ୍ଡାତ୍ ଆରି ତଣ୍‌ଦେକ୍ ଖିଜାତ୍ ଗାଳାତିଆ ମାନି ମଣ୍ଡଳିକାଂ ଜଞ୍ଜାତ୍ ଜାଣାୟ୍ କିନାଙ୍ ।

୩ ମା ଆବା ଇସ୍‌ବର୍ ଆରି ମାପୁ ଜିସୁ କ୍ରିଷ୍ଟୁ ମିଙ୍‌କେଙ୍ ଉପକାର୍ ଆରି ସୁସ୍ତା ମି କାଜିଂ ଆୟେତ୍ ।

୪ ହେଞ୍ଜାନ୍ ମା ଆବା ଇସ୍‌ବର୍ ଇଚାତାଂ ଇ ପାପ୍‌ନି ସିଂସାତାଂ ମାଙ୍‌କେଙ୍ ଉଦାର୍ କିଦ୍‌ନି କାଜିଂ ମା ପାପ୍ କାଜିଂ ଜାର୍‌ତିଂ ହେଲାୟ୍ କିତାନ୍; ୫ ଜୁଗ୍ ଜୁଗ୍ ଇସ୍‌ବର୍‌ତି ଜାଜ୍‌ମାଲ୍ ଆୟେତ୍ । ଆମେନ୍ ।

ରଞ୍ଜାଙ୍ ମାତର୍ ନେକ୍ରିକାବୁର୍

୬ କ୍ରିଷ୍ଟୁତି ଉପକାର୍‌ତ ଇନେର୍ ମିଙ୍ କୁକ୍ତାତାନ୍, ଏଚେକ୍ ବେଗି ଏପେଙ୍ ତାଙ୍ ପିସ୍‌ସି ବିନ୍ ର ନେକ୍ରିକାବୁର୍ କାଜିଂ ଖାରିୟା ଆନାଦେରା, ଇବେ ଆନ୍ କାବା ଆନାଙ୍; ୭ ହାତ୍‌ପାତ “ବିନ୍ ଇମ୍‌ଶି ନେକ୍ରିକାବୁର୍” ଆକାୟ୍, ମାତର୍ ଆନ୍ ଏଲେଙ୍ ଇଞ୍ଜିନାଙ୍, ଇନେକିଦେଂକି କେତେକ୍ କ୍ରିଷ୍ଟୁତି ନେକ୍ରିକାବୁର୍ ବିନ୍ ବାଦ୍‌ଲାୟ୍ କିଜି ସେସ୍ତା କିନାରା ମିଙ୍‌କେଙ୍ ଇଣ୍ଡିଙ୍ ହାଣ୍ଡିଙ୍ କିଦେଙ୍ ସେସ୍ତା କିନାରା । ୮ ମାତର୍ ଇମ୍‌ଶି ନେକ୍ରିକାବୁର୍ ଆପେଂ ମି ଲାଗାଂ ପର୍‌ଚାର୍ କିଜି ମାତାପ୍, ଜଦି ହେଦାଂ ତାଂ ବିନ୍ ର ନେକ୍ରିକାବୁର୍ ଆପେଂ ଜାର୍ ନଲେ ସାଗେଁ ଦୁତ୍ ପର୍‌ଚାର୍ କିନାତ୍, ଲାଗିଂ ହେଦେଲ୍ ତାଆତିସ୍ ହେଞ୍ଜାନ୍ ରାଣ୍ ପାୟା ଆଏତ୍ । ୯ ଇନେସ୍ ଆପ୍ ପୁର୍ବେତାଂ ଇଞ୍ଜାପ୍‌ନା, ହେ ଲାକେ ଆନ୍ ନଙ୍ ଆରେ ରଗ ଇଞ୍ଜିନାଙ୍, ଇମ୍‌ଶି ନେକ୍ରିକାବୁର୍ ଏପେଙ୍ ଇଡ୍‌ଜି ମାତାଦେର୍, ଇଦାଂ ବିନ୍ ଜଦି ଇମ୍‌ଶି ଲଗୁ ବିନ୍ ନେକ୍ରିକାବୁର୍ ମି ଲାଗାୟ୍ ପର୍‌ଚାର୍ କିନାନ୍, ଖାଟିଙ୍ ହେଞ୍ଜାନ୍ ରାଣ୍ ପାୟା ଆଏତ୍ ।

୧୦ ଇଦାଂ ଖେନ୍‌ଞ୍ଜି ଏପେଙ୍ ଇନାକା ମାନେ କିନାଦେରା ଜେ ଆନ୍ ମାନାୟାତ୍‌ତି ରାଜି ଲାବ୍ କିନି କାଜିଂ ସେସ୍ତା କିନାଙ୍ ? ଆକାୟ୍ ମୁଲେ ଆକାୟ୍ । ଆନ୍ ଇଚା କିତିସ୍ କେବଲ୍ ଇସ୍‌ବର୍‌ତି ରାଜି । ଆନ୍ ଇନାକା ମାନାୟାତ୍ ଖାରି ଆନି କାଜିଂ ଇଚା କିନାଙ୍ ? ଆନ୍ ଜଦି ଇ ପାତେକ୍ ମାନାୟାତ୍ ଖାରି ଆଦେଂ ସେସ୍ତା କିଜି ମାନାର୍, ଲାଗିଂ ଆନ୍ କ୍ରିଷ୍ଟୁତି ଆଡିୟା ଆଜି ମାନ୍‌ଗୁନ୍ ।

ପାଉଲ୍ ଇନେସ୍ ପକ୍ୟାତି ଚେଲା ଆତାନ୍

୧୧ ଇନାକିଦେଂକି, ଏ ଟଣ୍ଡାର ଆରି ତଣ୍ଡେକ୍, ଇମ୍ଫଣି ନେକ୍ରିକାରୁର୍ ନା ହୁଦାଂ ପରଚାର ଆତାଡ଼ନା, ହେ ବିସ୍ତେ ମିଙ୍ଗ୍ ଖେଚ୍ଚାନାଙ୍ଗା ଜେ, ହେଦାଂ ମାନାୟାର୍ତି ଖେୟତାଂ ଆକାୟ୍; ୧୨ ଆନ୍ ଇମ୍ଫଣି ହେ ମାନାୟତାଂ ହେଦାଂ ଗାଟା ଆଖାତାଂନା କି ଇନେର୍ ନାଙ୍ଗେଙ୍ଗ୍ ହିକ୍ୟା ହିଦ୍ଫାତାଂନା, ମତର୍ ଜିସୁ କ୍ରିସ୍ତୁତି ହୁଦାଂ ଗାଟାତାଂନା ।

୧୩ ଜିହୁଦି ଦରମ୍ କାଜିଂ ପାତର୍ କିଜି ମାନି ସମୁତ ଆନ୍ ଇନେସ୍ ଆଚାର୍ ବେବାର୍ କିଜି ମାଟାଙ୍ଗ୍, ଇନେସ୍ ମାନ୍ ଦିୟାନ୍ ବାବ୍ରେ ଇସ୍ପରତି ପାର୍ତାନା କିନି ମଣ୍ଡଲିତିଂ ନିୟା କିଜି ମାଟାଙ୍ଗ୍ ଆରି ହେଦାଂ ନାସ୍ କିଦେଙ୍ଗ୍ ସେସ୍ଟୁ କିଜି ମାଟାଙ୍ଗ୍, ଇ ସବୁ ବିସ୍ତେ ମିଙ୍ଗେଙ୍ଗ୍ ଖେଚ୍ଚୟାତାଡ଼ନା ୧୪ ଜିହୁଦି ଦରମ୍ ମାନିକିନାକା ସମାନ୍ଫେଡ଼ାଂ ଜିହୁଦିର୍ ବିତ୍ରେ ଆନ୍ ଆଗେ ମାଟାଙ୍ଗ୍ ଆରି ମା, ଆବାଲାତ୍ରାତି ଆଦିକ୍ ରିଡିନିଡି କାଜିଂ ବେସି ତାଟ୍ ମାଟାଙ୍ଗ୍ ।

୧୫ ମତର୍ ଇସ୍ପର ତା ଉପକାରତ ନା ଜଲମ୍ ଆଗେତାଂ ନାଂ ବାଟିକିଜି ମାନ୍ଚାନ୍ ଆରି ତା ହେବା କିନି କାଜିଂ ନାଙ୍ଗ୍ କୁକ୍ତି ମାନ୍ଚାନ୍ । ୧୬ ଆରେ ପାତର୍ କିଝି ଜିହୁଦିର୍ ଲାଗାଂ ନେକ୍ରିକାରୁର୍ ପରଚାର୍ କିନି କାଜିଂ ଏଚେକାଡ଼ଦ ନା ଲାଗାଂ ହେଖାନ୍ ତା ମାଜିଂ ହପ୍ତାନ୍, ଇ ବିସ୍ତେ ବୁଜାୟ୍ କିନି କାଜିଂ ଆନ୍ ବିନ୍ ମାନାୟ୍ ଲାଗାଂ ହାଲ୍ଫାଦାଂ ମାଟାଙ୍ଗ୍ । ୧୭ ଇ ଲାକେ କି ନା ଆଗେତାଂ ଇମ୍ଫଣାକାର୍ ପକ୍ୟାତାକାନ୍ ତେଲା ଆଜି ମାଟାନ୍ ହେଖାର୍ ଲାହାଂ ପା ବେଚ୍ ଆଦେଂ ଜିରୁସାଲମ୍ତ ହାଲ୍ଫାଦାଂ ମାଟାଙ୍ଗ୍ । ଇତିସ୍ ଆନ୍ ସାଙ୍ଗେ ସାଙ୍ଗେ ଆରବ୍ ଦେସ୍ତ ହାଲ୍ଫାଜି ମାଟାଙ୍ଗ୍ ଆରି ତା ପାଚେ ଦମ୍ବେସକ୍ତ ମାସ୍ତିଫାତାଂ । ୧୮ ତା ପାଚେ ତିନି ବାହୁଁ ହାଟିପାଚେ ଆନ୍ ପିତର୍ ଲାହାଙ୍ଗ୍ ବେଚ୍ ଆନି କାଜିଂ ଜିରୁସାଲମ୍ତ ହାଟାଙ୍ଗ୍ ଆରି ତା ଲାହାଙ୍ଗ୍ ପନ୍ଦର ଦିନ୍ ମାଟାଙ୍ଗ୍ । ୧୯ ମାତର୍ ମାପୁତି ଟଣ୍ଡେନ୍ ଜାକୁର୍ତିଂ ପିସ୍ତି ଆନ୍ ବିନ୍ ଇମ୍ଫଣି ପକ୍ୟାତାକାନ୍ ତେଲା ଲାହାଂ ବେଟା ଆଖାଦାଂ ମାଟାଙ୍ଗ୍ ।

୨୦ ଆନ୍ ଇନାକା ଲେକିକିନାଙ୍ଗା, ହେଦାଂ ହାଡ଼ପା; ଇସ୍ପର ପୁନାନ୍, ଆନ୍ ମିର୍ ଇନୁଙ୍ଗା ।

୨୧ ଇଦାଂ ପାଚେ ଆନ୍ ସିରିୟା ଆରି କିଲିକିୟାନ୍ ବେସି ବାହାତ ହାଲ୍ଫାଜି ମାଟାଙ୍ଗ୍ । ୨୨ ହେ ସମୁତ ଜିହୁଦା ଦେସ୍ ମାନି କ୍ରିସ୍ଟିୟାନ୍ ମଣ୍ଡଲିନି ପାତର୍ କିନାକାର୍ ନାଙ୍ଗ୍ ଜାର୍ତି ବିସ୍ତେ ପୁନ୍ଫାଦାଂ ମାଟାଟା; ୨୩ ନା ବିସ୍ତେ ବିନ୍ନିକାର୍ ଇନାକା ଇଞ୍ଜି ମାଟାଟା, ହେଖାର୍ କେବଲ୍ ହେ ଏଚେକ୍ ପୁନ୍ଞି ମାଟାଟା, “ବିନ୍ନିକାର୍ତାଂ ହେଖାର୍ ଖେନ୍ଞି ମାଟାଟା, ଇମ୍ଫଣି ମାନାୟ୍ ମାଂ ଇଣ୍ କିଜି ମାଞ୍ଚାନ୍, ଆରି ମେହାଜି ଦରମ୍ତିଂ ନାସ୍ କିଦେଙ୍ଗ୍ ସେସ୍ଟୁ କିଜି ମାଟାନ୍, ନଙ୍ଗ୍ ହେଖାନ୍ ହେ ଇମ୍ଫଣି ପାତର୍ ନେକ୍ରିକାରୁର୍ ପରଚାର୍ କିନାନା ।” ୨୪ ଆରେ ହେଖାର୍ ନା କାଜିଂ ଇସ୍ପରତିଂ ଜାଜ୍ମାଲ୍ କିଜି କେର୍ଜି ମାଟାଟା ।

୨

ପାଉଲ୍ ଆରି ବିନ୍ ପକ୍ୟାତି ତେଲାଟ୍

୧ ତା ପାଚେ ଚଉଦ ବାହୁଁ ହାଟିପାଚେ, ଆନ୍ ବର୍ଣ୍ଣବା ଲାହାଙ୍ଗ୍ ଆରେ ଜିରୁସାଲମ୍ତ ହାଟାଙ୍ଗ୍, ତିତସ୍ତିଂ ପା ହାଙ୍ଗ୍ଦାଂ ଅଜି ହାଲ୍ଫାଜି ମାଟାପ୍ । ୨ ହେବେ ହାନାକା ମାନାଡ଼ ଇଞ୍ଜି ଇସ୍ପରତାଂ ବିନ୍ଦେସ୍ତ ପାୟାଜି ହାଲ୍ଫାଜି ମାଟାପ୍ । ପାତର୍ କିଝି ଜିହୁଦିର୍ ଲାଗାଂ ଆନ୍ ଇମ୍ଫଣି ନେକ୍ରିକାରୁର୍ ସୁଣାୟ୍ କିଜି ମାଟାଙ୍ଗ୍, ଜିରୁସାଲମ୍ନି ନେତାରିଂ ର ଇଞ୍ଜିନି ସବାତ ହେଦାଂ ବୁଜାୟ୍ କିଜି ମାଟାଙ୍ଗ୍ । ଆଗେନିକା ନଲେ ନଙ୍ଗନିକା ସମୁନି କାମାୟ୍ ଇନେସ୍ ପଲ୍ୟା ଆଉଡ଼ ହେଦାଂ କାଜିଂ ହୁଡ଼ଜି ମାଟାଙ୍ଗ୍ । ୩ ମାତର୍ ନା ହାଙ୍ଗ୍ଦି ତିତସ୍, ରଞ୍ଜାନ୍ ଗ୍ରିକ୍ ଲଗୁ ଆଜି ମାଟିସ୍ପା, ହେଖାନ୍ ସୁନ୍ନଡ଼ ଆନି କାଜିଂ ଜବର୍ଦ୍ଦସ୍ତିତ କିଝାଦାଂ ମାଟାଟା; ୪ ଆତିସ୍ପା କେଡ଼ଜାଣ୍ ମାନାୟ୍ ହେଖାନ୍ ସୁନ୍ନଡ଼ କିଦେଙ୍ଗ୍ ଇଟା କିଜି ମାଟାଟା । ହେଖାର୍ ପାତର୍ କିନାକାର୍ ଟଣ୍ଡେନ୍ ଇଞ୍ଜି ଚାଲାକି କିଜି ଡ଼କ୍ଟି ଚରେନ୍ ଲାକେ ଦାଡ଼ଦ୍ ଏକିସ୍ ମାଟାନ୍ । କ୍ରିସ୍ଟୁ ଜିସୁ ଲାହାଂ ମେହାନାକା ହୁକେ ଆପେଂ ଇମ୍ଫଣି ଜାର୍ତାରେନ୍ ଲାବ୍ କିନାପା, ତାଦାଂ ତେକ୍ନାକା ହେଖାର୍ତି ଉଦେସ୍ ମାଟାଟା, ମାଙ୍ଗେଙ୍ଗ୍ ଆରେରଗ ବିଦିନି ଆଡ଼ିଏନ୍ ଆଦେଂ ହେଖାର୍ ଇଟା କିଜି ମାଟାଟା । ୫ ମାତର୍ ମି କାଜିଂ ନେକ୍ରିକାରୁର୍ ହାଡ଼ପାତିଂ ଚାଲା ଆଜି ମାନି କାଜିଂ ଆସେଙ୍ଗ୍ ହେ ପରଚାର୍ କିନାକାରିଂ ଚାନେକ୍ ମତର୍ ପାବ୍ ହିଝାଦାଂ ମାଟାଟା ।

୬ ମାତର୍ ଇମ୍ଫଣାକାର୍ ନେତା ଇଞ୍ଜି ତାକ୍ପୁଟା ଆଜି ମାଟାଟା, ହେଖାର୍ ଜେ ଇନେର୍ ଆନାର୍, ହେବେ ନାଦାଂ ଇନାକା ହାଲେଡ଼ କି ହାଲ୍ଫେଡ଼; ଇନେକିଦେଂକି ବାର୍ତି ବେବାର୍ ହୁଡ଼ଜି ଇସ୍ପର ଇନେର୍ ବିଚାର୍ କିଉନ୍, ହେ ନେତାର୍ ନାଙ୍ଗ୍ ଇମ୍ଫଣାକା ପା ପୁନି ହିକ୍ୟା ହିଦ୍ଫାଦାଂ ମାନ୍ଚାର୍ । ୭ ଇତିସ୍ ବିନ୍ ପାକ୍ୟାତ, ଏଚେକାଡ଼ଦ ହେଖାର୍ ହୁଡ଼ଜି ମାଟାଟା ଜେ, ପିତର୍ତିଂ ଇନେସ୍ ସୁନ୍ନଡ଼ ପାୟାତି ମାନାୟାର୍ ବିତ୍ରେ, ନାଙ୍ଗ୍ ହେ ଲାକେ ସୁନ୍ନଡ଼ ପାୟାଡ଼ିତି ବିତ୍ରେ ନେକ୍ରିକାରୁର୍ ପଚାର୍ କିନି ବଜ୍ ହେଲାୟ୍ କିତାଣ୍ଟା, « ଇନାକିଦେଂକି ସୁନ୍ନଡ଼ ପିତର୍ ଇନେସ୍ ଇସ୍ପରତି ସାକ୍ତି ହୁଦାଂ ଜିହୁଦିର୍ କାଜିଂ ପକ୍ୟାତି ତେଲା ଲାକେ ବାଟିକିୟାଜି ମାଟାନ୍, ଆନ୍ ପା ସମାନ୍ ହେ ଲାକେ ଇସ୍ପରତି ସାକ୍ତି ହୁକେ ପାତର୍ କିଝି ଜିହୁଦିର୍ କାଜିଂ ପକ୍ୟାତି ତେଲା ଲାକେ ବାଟିକିୟାତାଂ । ୮ ମୁଣ୍ଡା ଲାକେ ବାଟିକିୟାତି ଜାକୁର୍, ପିତର୍ ଆରି ଜହନ୍ ମାନିକିଜି ମାଟାଟା ଜେ, ଇସ୍ପର ନାଙ୍ଗ୍ ଇ ବିସ୍ତେ ଦୟା କାମାୟ୍ନି ବଜ୍ ହିଡ଼ତାନ୍ନା । ଲାଗିଂ ହେଖାର୍ ନାଙ୍ଗ୍ ଆରି ବର୍ଣ୍ଣବା ହାଙ୍ଗ୍ଦାକାନ୍ ଲାକେ ଖାରିତାଂ ଇଟାଜି ମାଟାନ୍ । ବର୍ଣ୍ଣବା ଆରି ଆନ୍ ପାତର୍ କିଝି ଜିହୁଦିର୍ ବିତ୍ରେ କାମାୟ୍ କିନାପ୍ ଆରି ହେଖାର୍ ସୁନ୍ନଡ଼ ବିତ୍ରେ କାମାୟ୍

☆ ୧:୧୪ ୧:୧୪ ପକ୍ୟାତାକା ୨୨:୩. ☆ ୧:୧୫ ୧:୧୫ ପକ୍ୟାତାକା ୯:୩-୬; ୨୨:୬-୧୦; ୨୬:୧୩-୧୮. ☆ ୧:୧୮ ୧:୧୮ ପକ୍ୟାତାକା ୯:୨୨-୩୦. ☆ ୨:୧ ୨:୧ ପକ୍ୟାତାକା ୧୧:୩୦; ୧୫:୨.

କିନାପ୍ ଇଞ୍ଜି ରମାନ କିଜି ମାଚାପ୍ । ୧୦ ହେୱାର୍ କେବଲ୍ ଏଚେକ୍ ଗୱାରି କିଜି ମାଚାନ୍ ଜେ, ଆପେଂ ହେୱାରିଂ ଦଲ୍ଦ ମାନି ହିଲ୍ଲାଇରିଂ ଏଡ୍ କିନାପ୍, ହେ ବିସ୍ତେ କାଜିଂ ନେ ନା ଇଚା ମାଚାଡ୍ ।

ଆନ୍ତ୍ରିୟକିଆତ ପିତରଂ ପାଉଲ୍ଡି ଗଡ୍

୧୧ ମାତର ପିତର ଆନ୍ତ୍ରିୟକିଆତ ୱାଜି ମାନିହିଂ ଆନ୍, ହେପାଦନା ଆନ୍ ମୁମ୍ ଜପି ହେୱାନିଂ କେଡ୍ତାଂ, ଇନାକିଦେଂକି ହେୱାନ୍ ଦସି କାମାୟ୍ କିଜି ମାଚାନ୍ । ୧୨ ଜାକୁବ୍ ହୁକେ ପକ୍ୟାତି କେଡ୍ତାଣ୍ ମାନାୟ୍ ହେବେ ୱାନି ପୁର୍ବେ, ପିତର ପାତ୍ କିଞ୍ଜି ଜିହୁଦିର୍ ଟଣ୍ଡାର୍ ଆରି ତଣ୍ଡେକ୍ ଲାହାଂ ଚିନ୍ତ୍ଜି ମାଚାନ୍, ମାତର ପାଣ୍ଡାତାର୍ । ହେୱାର୍ ଲାହାଂ ହେୱାନ୍ ଆରେ ତିନ୍ତ୍ଜାତାନ୍, ଇନେକିଦେଂକି ପାତ୍ କିଞ୍ଜି ଜିହୁଦିର୍ ସୁନ୍ଦ୍ ଆଦେଂ ଲଡା ଇଞ୍ଜି ଇମ୍ଣାକାର୍ ଇଞ୍ଜି ମାଚାର୍, ହେୱାନ୍ ହେୱାରିଂ ପାଣ୍ଡାଜି ମାଚାନ୍ । ୧୩ ବିନ୍ ଜିହୁଦି ଟଣ୍ଡାର୍ ପିତରତି ଲାହାଂ ଏକିସ୍ କାପ୍ଟିୟା ଲାକେ ବେବାର୍ କିଜି ମାଚାର୍, ଏଲେଙ୍ଗ୍ ଲାକେ କି ବର୍ଣ୍ଣବା ପା ହେୱାର୍ କୁଡ୍ତ ଆର୍ତାନ୍ ୧୪ ମାତର ଏଚେକାଡ୍ ଆନ୍ ହୁଡ୍ତାଂ ଜେ, ନେକ୍ରିକାରୁରି ହାଡ୍ପା ଇସାପ୍ରେ ହେୱାର୍ ହୁଦାର୍ ବେବାର୍ କିଉରା, ଆନ୍ ହେୱାର୍ ମୁମ୍ଦ ପିତରତିଂ ଇଞ୍ଜି ମାଚାଙ୍ଗ୍, “ଜଦି ଏନ୍ ଜିହୁଦି ଆଜି ପାତ୍ କିଞ୍ଜି ଜିହୁଦିର୍ ଲାକେ ଜିରୁନ୍ ଜିଉଣା କିନାଦେରା, ୱାଟିଙ୍ଗ୍ ଏପେଙ୍ଗ୍ ଇନେସ୍ ପାତ୍ କିଞ୍ଜି ଜିହୁଦିର୍ ଲାକେ ଚିନ୍ତା କିଦେଙ୍ଗ୍ କାଜିଂ ବଲ୍ଲକାର୍ କିନାଦେରା ?”

ପାତ୍ ହୁଦାଂ ମୁକ୍ତାନାକା

୧୫ ହାଡ୍ପା ଆପେଂ ଜଲମ୍ତାଂ ଜିହୁଦି, “ଆତିସ୍ପା ପାପିର୍ ପାତ୍ କିଞ୍ଜି ଜିହୁଦିର୍” ଆକାୟ୍, ୧୬ ଆତିସ୍ପା ଆସେଙ୍ଗ୍ ପୁନାସ୍, ବିଦିନି ଗଡ୍ କିନାକା ସବୁ ପାତ୍ କିନି କାଜିଂ ଆକାୟ୍, ମାତର କେବଲ୍ ଜିସୁ କ୍ରିସ୍ଟାକେ ପାତ୍ କିନି ହୁଦାଂ ରୱାନ୍ ଇସ୍ବର କାଣ୍ଡକାଂ ଦାମ୍ ଇଞ୍ଜି ଇନ୍ୟାନାନ୍ ଆସେଙ୍ଗ୍ ଆରେ ବିଦି ଜପି ବେବାର୍ କିୱାଦାଂ ଜିସୁ କ୍ରିସ୍ଟି ତାକେ ପାତ୍ କିନାସା, ଇନେକିଦେଂକି କେବଲ୍ ବିଦି ପାଲି କିନି ହୁଦାଂ ମାନାୟ୍ ଇସ୍ବର ମୁମ୍ଦ ଦାମ୍ ଗାଣାକିୟାଦେଂ ଆଡୁନ୍ । ୧୭ ମାତର କ୍ରିସ୍ଟି ହୁଦାଂ ମେହାଜି ଇସ୍ବର କାଣ୍ଡକାଂ ଦାମ୍ ଆନି କାଜିଂ ସେସ୍ କିନିଞ୍ଜେଡାଂ, ଜଦି ଆସେଙ୍ଗ୍ ପା ପାତ୍ କିଞ୍ଜି ଜିହୁଦିର୍ ଲାକେ “ପାପି” ଆଜି ମାନାସା, ଇଦାଂ କାଜିଂ କ୍ରିସ୍ଟ ଦାକ୍ ? ଆକାୟ୍, ଇଦାଂ ଇନାୱାଡାଙ୍ଗ୍ ଆକାୟ୍ । ୧୮ ଇନାକିଦେଂକି ଇମ୍ଣା ବିଦିନି ଗାଟ୍ଟାକା ଆନ୍ ନାଟ୍ଟାକା ହେଦାଂ ଆରେ ରଟ୍ଟାକା ହାଟିସ୍ ଆନ୍ ଅପାରାଦି ଆନାକା । ୧୯ ବିଦି କାଜିଂ ଆନ୍ ବାତ୍ ହାକି ହେ ବିଦି ହୁକେ ନେ ଆନ୍ ହାତାଙ୍ଗ୍ନା ମାତର ଆନ୍ ନଙ୍ଗ୍ ଇସ୍ବର କାଜିଂ ଜିରୁନ୍ । କ୍ରିସ୍ଟ ଲାହାଂ ତା କୁସ୍ତ ଜପି ଆନ୍ ପା ହାତାଙ୍ଗ୍ନା । ୨୦ ଲାଗିଂ ନଙ୍ଗ୍ ହାଡ୍ପାତ ଆନ୍ ଆରେ ଜିରୁନ୍ ଆକାୟ୍, ନା ତାକେ କ୍ରିସ୍ଟେ ଜିରୁନ୍ । ଆନ୍ ଗାଗାଡ୍ତ ମାନ୍ତ୍ଜି ନଂ ଇମ୍ଣା ଜିରୁନ୍ ଜିଉଣା କିନାକା ହେଦାଂ କେବଲ୍ ଇସ୍ବରତି ମାଜିତି ଜପି ନା ପାତ୍ ହୁକେ ଆତାଡ୍ନା ଇନେର୍ ନାଙ୍ଗେଙ୍ଗ୍ ଜିଉନଜି ନା କାଜିଂ ତା ଜିରୁନ୍ ଦାନ୍ କିତାନ୍ନା । ୨୧ ଇଦାଂ କାଜିଂ ଇସ୍ବରତି ଉପକାର୍ତି ଆନ୍ ଇନାଞ୍ଜେଡାଂ ପା ପଲ୍ୟା କିଦେଙ୍ଗ୍ ଆଡୁଙ୍ଗ୍ । ଇନାକିଦେଂକି କେବଲ୍ ବିଦି ହୁଦାଂ ଜଦି ରୱାନ୍ ଇସ୍ବର କାଣ୍ଡକାଂ ଦାମ୍ ଆଦେଂ ଆଡ୍ନାନ୍, ଲାଗିଂ କ୍ରିସ୍ଟି ହାନାକା ମୁଲ୍ହିଲ୍ୟାକା ଇଞ୍ଜି ଇଞ୍ଜେଙ୍ଗ୍ ଆନାଡ୍ ।

୩

ବିଦି ନଲେ ପାତ୍

୧ ଏ ବୁଜାଞ୍ଜି ଗାଳତ୍ରିୟାର୍ ! ଇନେର୍ ମି ଜପି ଗାଜାକିଡ୍ତାନ୍ ? ମି କାଣ୍ଡକା ମୁମ୍ଦ ତ କୁସ୍ତ ହାତି ଜିସୁ କ୍ରିସ୍ଟି ବାନା ରଟ୍ଟାଜି ମାଚାଡ୍ । ୨ ର କାତା ନାଙ୍ଗ୍ ଇଞ୍ଜା, ବିଦି ପାଲି କିନି କାଜିଂ ଏପେଙ୍ଗ୍ ପୁଇପୁୟା ଜିରୁନ୍ତିଂ ପାୟାତାୟ୍ନା, ଆକାୟ୍ ନେକ୍ରିକାରୁର୍ ଞ୍ଜେନ୍ତ୍ଜି ହେବେ ପାତ୍ କିନି ହୁକେ ? ୩ ଏପେଙ୍ଗ୍ ଇନାକା ଅବୁଜାକାଦେର୍ ଆନାଦେରା ଇନେସ୍ ? ମାପୁତି ସାକ୍ତିତ ଇମ୍ଣା ଜିରୁନ୍ତ ହାଙ୍ଗ୍ତାଦେଣ୍ଡା, ନିଜ୍ ସାକ୍ତିତାଂ ଇନାକା ହେଦେଲିଂ ଗାଗାଡ୍ତ ବାତ୍ କିଦେଙ୍ଗ୍ ଇଚା କିନାଦେରା ? ୪ ଇଦାଂ କାଜିଂ ମି ଡିଜୁ ବାଦ୍ନା ଇନାକା, ମଲ୍ ହିଲ୍ଲାଇ ହେବେଣ୍ଡାଂ ଇନାକା ହିକ୍ୟା କିୱାତାୟ୍ନା ? ୫ ଏପେଙ୍ଗ୍ କେବଲ୍ ବିଦିତ ପାତ୍ କିଜିମାଟିଲେ ଇନାକା ଇସ୍ବର ମିଙ୍ଗେଙ୍ଗ୍ ହେୱାନ୍ତି ଜିରୁନ୍ ହିଦ୍ନାନ୍ ଆରି ମି ବିତ୍ରେ ସାକ୍ତିନି କାମାୟ୍ ସବୁ କିଦେଙ୍ଗ୍ ଆଡ୍ନାର୍, ଆକାୟ୍, ଏପେଙ୍ଗ୍ ନେକ୍ରିକାରୁର୍ ଞ୍ଜେନ୍ତ୍ଜି ହେବେ ପାତ୍ କିନାଦେରା ଇଞ୍ଜି ?

୬*ଅବ୍ରାହାମ୍ କାତା ଏଡୁ କିୟାର୍ । ସାସ୍ବରତ ଲେକାମାନାଡ୍ “ହେୱାନ୍ ଇସ୍ବରତାଂ ପାତ୍ କିତାନ୍ ଆରି ହେୱାନ୍ତି ପାତ୍ କାଜିଂ ଇସ୍ବର ତାଙ୍ଗ୍ ଦାମ୍ ଲାକେ ମାନିକିତାନ୍ । ୭*ଇଦାଂ ଏପେଙ୍ଗ୍ ପୁନ୍ତ୍ଜି ମାନାଟ୍, ଇମ୍ଣାକାର୍ ପାତ୍ କିଦେଙ୍ଗ୍ ରାଜି, ହେୱାର୍ ଅବ୍ରାହାମ୍ତି ହାଡ୍ପା ଲାଡ୍ ଇଦାଂ ମିଙ୍ଗେଙ୍ଗ୍ ବେବାର୍ କିଦେଙ୍ଗ୍ ଆନାଡ୍ । ୮ ଆଗେତାଂ ଦରମ୍ ସାସ୍ବରତ ଲେକାତାଡ୍ନା, ପାତ୍ ହୁଦାଂ ଇସ୍ବର ପାତ୍ କିଞ୍ଜି ଜିହୁଦିରିଙ୍ଗ୍ ପା ଦାମ୍ ଇଞ୍ଜି ବାଟି କିନାନ୍ । ଅବ୍ରାହାମ୍ ଲାଗାଂ ଇ ବେରଣ୍ ପର୍ଡୁମ୍ ସୁଣାୟ୍ କିୟାଜି ମାଚାଡ୍, ମି ହୁକେ ଇସ୍ବର ପୁଟ୍ ନି ଡିଜାର୍ ଜାତିତିଂ ଆସିର୍ବାଦ୍ କିନାନ୍ । ୯ ଅବ୍ରାହାମ୍ ପାତ୍ କିଜି ଆସିର୍ବାଦ୍ ପାୟାଜି ମାଚାର୍ ଲାଗିଂ ଇମ୍ଣାକାର୍ ପାତ୍ କିନାର୍, ହେୱାର୍ ଅବ୍ରାହାମ୍ତି ଲାକେ ଆସିର୍ବାଦ୍ ଗାଟା ଆନାଡ୍ ।

☆ ୩:୭ ୩:୭ ରମିୟ ୪:୩. ☆ ୩:୭ ୩:୭ ରମିୟ ୪:୧୭.

୧୦ ଇମ୍ପେରୀୟର ବିଦି ପାଲି କିନି ଜପି ବାସ୍ କିତାର, ହେୱାର ସାଇପ୍‌ନିକାର ବିତ୍ତେ ଜିବୁନ୍ ଜିପ୍‌କା କିତାର । ଇନେକିଦେଂକି ଦରମ୍ ସାସ୍ତ୍ରତ ଲେକାମାନାତ୍, “ମସାତି ବିଦି ପତିତ ଇନାକା ସବୁ ଲେକା ଆତାତ୍‌ନା, ଜଦି ଇନେର ପୁରାବାବେ ହେଦାଂ ପାଲି କିତନ୍, ହେୱାନ୍ ଇସ୍‌ବୁତ ସାଇପ୍ ପାୟା ଆନାଦେର୍ ।” ୧୧ ମସାତି ବିଦି ହୁଦାଂ ଇନେର ଜେ ଇସ୍‌ବୁତ୍ ମୁମ୍‌ଦ ଦାମ୍ ଗାଣାକିୟାଉନ୍, ଇଦାଂ ତ ହାରକିଜି, “ଇନାକିଦେଂକି ଦାମ୍ ଲଗୁ ପାତ୍ ହୁଦାଂ ଜିନାନ୍ ।” ୧୨ ମାତର ବିଦି ଲାହାଂ ପାତ୍ ନି ଇନାକାପା ମେହାଣ୍ ଆକାୟ । ଦରମ୍ ସାସ୍ତ୍ରତ ଲେକାତାତ୍‌ନା, “ଇମ୍‌ଣି ମାନାୟ ବିଦିନି ଦାବି ଲାହାଂ କାମାୟ କିନାନ୍ ହେୱାନ୍ ଜିନାନ୍ ।”

୧୩ ମତର କ୍ରିଷ୍ଟୁ ମା କାଜିଂ ସାଇପ୍ ପାୟାଜି ବିଦିତ ଲେକାତି ରାଣ୍‌ତାଂ ମାଜେଙ୍ ମୁକ୍‌ଡାୟ କିତ୍‌ତାନ୍‌ନା । ଦରମ୍ ସାସ୍ତ୍ରତ ଲେକା ମାନାତ୍, “ଇନେର ମାରନି କୁସ୍‌ତ ହାନାନ୍, ହେୱାନ୍ ଇସ୍‌ବୁ ହୁକେ ସାଇପ୍ ଆନାନ୍ ।” ୧୪ ଇସ୍‌ବୁ ଅବ୍ରାହାମ୍‌ତି ଇମ୍‌ଣି ଆସିର୍‌ବାଦ୍ ହିନି କାଜିଂ ପାର୍‌ମାଣ୍ କିଜି ମାତାନ୍, ପାତ୍ କିଞ୍ଜି ଜିହୁଦିର୍ ପା ଇନେସ୍ ହେଦାଂ ଲାବ୍ କିଦେଙ୍ ଆତ୍‌ନାର, ଇଦାଂ କାଜିଂ ଜିସ୍ କ୍ରିଷ୍ଟୁ କାମାୟ କିନାନ୍ । ଲାଗିଂ ପାତ୍ ହୁକେ ଆସେଙ୍ ପା ଇସ୍‌ବୁତ୍ ତାଟ୍ ଇସାବ୍ରେ ପୁଇପୁୟା ଜିବୁନ୍ ଲାବ୍ କିଦେଙ୍ ଆତ୍‌ନାସ୍ ।

ବିଦି ଆରି ପାର୍‌ମାଣ୍

୧୫ ଏ ଟଣ୍ଡାର ଆରି ତଣ୍‌ଦେକ୍, ଆନ୍ ର ସଲ୍‌କେନି ଉତ୍‌ରମୁଡ୍ ହିଦ୍‌ନାଙ୍ଗା । ଏତେକାତ୍‌ଦ୍ ରିୟାର ଇମ୍‌ଣି ବିସ୍ତେ ର ଗଜା ସାକି କିନାରା, ଇନେର ହେ ଗଜା ବାଙ୍ଗାୟ କିଦେଙ୍ ଆତ୍‌ନୁ କି ହେବେ ଇନାକା ମେହାୟ କିଦେଙ୍ ଆତ୍‌ର । ୧୬ ଅବ୍ରାହାମ୍ ଆରି ହେୱାନ୍ତି ଲାତ୍ରା ଲାଗାଂ ଇସ୍‌ବୁ ହେୱାନ୍ତି ପାର୍‌ମାଣ୍ କିଜି ମାତାନ୍ । ମାତର ଇ ବିସ୍ତେ “ମି ଲାତ୍ରାରିଂ କାଜିଂ” ଇତିସ୍ ବେସି ମାନାୟାର କାଜିଂ ଇଞ୍ଜି ସାସ୍ତ୍ର ଲେକାଞ୍ଜାତାତ୍‌ନା । କେବଲ୍ “ମି ଲାତ୍ରା କାଜିଂ” ଇଞ୍ଜି ଲେକାତାତ୍‌ନା । ଲାଗିଂ ହେ ସାସ୍ତ୍ରତ କେବଲ୍ ରଞ୍ଜାନ୍ ମାନାୟ, ଇତିସ୍ “କ୍ରିଷ୍ଟୁ କାଜିଂ ଆନାକା ମାନାତ୍ ।” ୧୭ ନାଦାଂ ଇନାକା ଅରତ୍ ଆନାତା, ଇସ୍‌ବୁ ଅବ୍ରାହାମ୍ ଲାହାଂ ର ନିୟମ୍ ରତ୍ତି ମାତାନ୍ ଆରି ହେଦାଂ ରାକ୍ୟା କିନି କାଜିଂ ପାର୍‌ମାଣ୍ କିଜି ମାତାନ୍ । ତାର୍‌ସ୍ ତିରିସ୍ ବାହୁଁ ପାଚେ ହିଦ୍ୟାତାତ୍, ହେଦାଂ ହେ ଗଜାତିଂ ତ୍ରିକ୍‌ତି ଇସ୍‌ବୁତ୍ ପାର୍‌ମାଣ୍ ମୁନା କିଦେଙ୍ ଆତ୍‌ତ୍ । ୧୮ ଇସ୍‌ବୁତ୍ ପାର୍‌ମାଣ୍ ଆସିର୍‌ବାଦ୍ ପାୟାଜି ଜଦି ବିଦି ପାଲି କିନି ଜପି ବେବାର୍ କିତାର, ତେବେ ହେଦାଂ ତା ପାର୍‌ମାଣ୍‌ନି ପାତ୍ ଇଞ୍ଜି ଆରେ ଇନ୍‌ୟା ଆଉତ୍ । ଲାଗିଂ ଇସ୍‌ବୁ କେବଲ୍ ତା ପାର୍‌ମାଣ୍ ଇସାବ୍ରେ ହେ ଆସିର୍‌ବାଦ୍ ଅବ୍ରାହାମ୍‌ତି ହିତାନ୍ ।

୧୯ ତାଆତିସ୍ ବିଦି ଇନେକିଦେଂ ହିଦ୍ୟାତାତ୍ ? ମାନାୟତି ସତ୍‌ହିଲ୍‌ଞ୍ଜି କାମାୟ ସବୁ ଚତ୍‌ତି ହିନାକା ହେଦାଂ ଉଦେସ୍ ମାତାତ୍ ଆରି ଅବ୍ରାହାମ୍ ଇମ୍‌ଣି ଲାତ୍ରାରିଂ ଇଟ୍‌କାତ୍ କିଜି ଲେକାତି ଇସ୍‌ବୁ ପାର୍‌ମାଣ୍ କିଜି ମାତାନ୍, ହେ ମାନାୟତି ଞ୍ଜାନି ପାତେକ୍ ବିଦିନି ଲଡା ମାତାତ୍ । ରଞ୍ଜାନ୍ ମାନାୟତି ମାଦ୍‌ଶାକାନ୍‌ତି ସାଗେଁ ଦୁଡ୍‌ର୍ କାଜିଂ ବିଦି ହିୟାଜି ମାତାତ୍ । ୨୦ ମାଦ୍‌ଶାକାନ୍‌ତି ର ପାକ୍ୟା ନେତା ଆକାୟା, ମାତର ରଞ୍ଜାନ୍ ଇସ୍‌ବୁ ।

ବିଦିନି ଉଦେସ୍

୨୧ ଇଦାଂନି ଅରତ୍ ଇନାକା ? ବିଦି ଇନାକା ଇସ୍‌ବୁତ୍ ପାର୍‌ମାଣ୍ ବିରୁଦ୍ କିନାତ୍ ? ଆକାୟ ମୁଲେ ଆକାୟ ! ଇନେକିଦେଂକି ମାନାୟତିଂ ଜିବୁନ୍ ହିନି ଲାକେ ଜଦି ର ବିଦି କିତିସ୍, ଲାଗିଂ ହେଦାଂ ପାଲି କିଦେଙ୍ ହୁକେ ନେ ମାନାୟ ଇସ୍‌ବୁତ୍ କାଣ୍‌କୁତ ଦସ୍‌ହିଲ୍‌ଞ୍ଜାକାନ୍ ଆତାନ୍‌ମା । ୨୨ ମାତର ଦରମ୍ ସାସ୍ତ୍ରତ ଲେକାମାନାତ୍, ରାଜିନି ନାର ଜାତି ପାପ୍ ସାଲ୍‌ତାଂ ତାରେନ୍, ଲାଗିଂ ଇନେସ୍ ଜିସ୍ କ୍ରିଷ୍ଟୁ ତାକେ ପାତ୍ ନି ପାତ୍ ଲାକେ ପାର୍‌ମାଣ୍‌ନି ଆସିର୍‌ବାଦ୍ କ୍ରିଷ୍ଟୁ ପାତ୍ କିନାକାର ପାୟାନ୍‌ର ।

୨୩ ପାତ୍ ନି ଜୁଗ୍ ଞ୍ଜାନି ଆଗେ, ଆରି ହତେଙ୍ ହାଲ୍‌ଜିମାନି ପାତେକ୍ ବିଦି ମା ଞ୍ଜିଜାରିଂ ଗେହ୍ୟାଜି ଇଟ୍ୟା ଆଜି ମାତାସ୍ । ୨୪ କ୍ରିଷ୍ଟୁ ଞ୍ଜାନି ପାତେକ୍ ବିଦି ମା ତାରେନ୍ ମାତାତ୍; ମାତର ତା ପାଚେ କେବଲ୍ ପାତ୍ ହୁକେ ଆସେଙ୍ ଇସ୍‌ବୁ ମୁମ୍‌ଦ ଦାମ୍ ହିଲ୍‌ଞ୍ଜାକାନ୍ ଇଞ୍ଜି ଇନ୍‌ୟାନାନ୍ । ୨୫ ମାତର ନଙ୍ ହେ ପାତ୍ ଏକିତି ପାଚେ ଆସେଙ୍ ଆରେ ବିଦିନି ତାରେନ୍ ଆକାୟ ।

୨୬ ପାତ୍ ହୁକେ କ୍ରିଷ୍ଟୁ ଜିସ୍‌ତ ଲାହାଂ ବାଟିକିୟାଜି ଏପେଙ୍ ଞ୍ଜିଜାକାଦେର୍ ଇସ୍‌ବୁତ୍ ହିମ୍‌ଣାଂ ଆତାଦେଣ୍ । ୨୭ ବାପ୍‌ସିମ୍ ହୁକେ ଏପେଙ୍ କ୍ରିଷ୍ଟୁ ଲାହାଂ ଏକ୍ ଆତାଦେଣ୍ । ଆରି ନଙ୍ ଜିସ୍ କ୍ରିଷ୍ଟୁ ଜିବୁନ୍ ଲାକେ ହେୟା ଉସ୍ତାତାଦେଣ୍ । ୨୮ ଲାଗିଂ ଜିହୁଦି ଆରି ପାତ୍ କିଞ୍ଜି ଜିହୁଦି, ଗ୍ରିକ୍, ଆଡ୍‌ଏନ୍ କି ଜାର୍‌ତାରେନ୍, ଆଣ୍ଡେନ୍ କି କଗ୍‌ଲେ, ମି ବିତ୍ତେ ମୁଡ୍‌ତେପା ବିନେ ଆକାୟ । ଏପେଙ୍ ଞ୍ଜିଜାର୍ ଜିସ୍ କ୍ରିଷ୍ଟୁ ଲାହାଂ ମେହାଜି ଏକ୍ ଆତାଦେଣ୍ । ୨୯ ଆରେ ଜଦି ଏପେଙ୍ କ୍ରିଷ୍ଟୁ ମାନାୟାର ଲାଗିଂ ଅବ୍ରାହାମ୍‌ତି ଲାତ୍ରା ଆରି ଇସ୍‌ବୁ ଇନାକା ପାର୍‌ମାଣ୍ କିତାନ୍‌ନା, ହେଦାଂ ଲାବ୍ କିନାଦେର୍ ।

୪

୧ ମାତର ଆନ୍ ଇଞ୍ଜନାଙ୍ଗା, ମାଜି ଆବାତି ସବୁ ଦନି ହାଉକାର, ମାତର ସବୁ ବିସ୍ତେ ଆଦିକାର ଆଦେଂ ପା ପାୟାଞ୍ଜି ବିଞ୍ଜସ୍ ମାନି ପାତେକ୍ ହେୱାନ୍ ଆଡ୍‌ଏନ୍ ଲାକେ ମାନ୍‌ଗାନାନ୍, ୨ ହିମ୍‌ଣା ଅବସ୍ତାତ, ତା ଆବାତି ସମାନ୍ ସମୁ ପାତେକ୍

ଗୁମୁସ୍ତା ଜାତୁନ୍ ଅନାର୍ ଆରି ସବୁ ବିସ୍ତେନି ହସ୍ତାନାନ୍ । ୩ ସମାନ୍ ହେ ଲାକେ ଆପେଂ ପା ଆଦିକ୍ ବାବ୍ରେ ପାୟାତି ବ୍ଇସ୍ ଆଗେ, ପୁତ୍ ଜପି ରାଜ୍ କିଜି ମାନି ସାକ୍ରିନିକାର୍ତ୍ତି ଆଡ଼ୟା ମାଚାସ୍; ୪ ହାରିହାରା ଏଚେକାଡ଼ଦ ସମାନ୍ ସମୁ ଖାଡ଼ିଲେ, ଇସ୍ବର ଜାର୍ ମାଜିଂ ପକ୍ତାନ । ରଞ୍ଜେଲ୍ ହୁଦାର କଗଲେ ପଟତାଂ ଉବ୍ଜାତି ଜିହୁଦି ବିଦିନି ତାରେନ୍ ଜିବୁନ୍ ଜିପକା କିତାନ୍, ୫ ଇନେସ୍ ହେଖାନ୍ ଲଡାନି ମଲ୍ ହିଜି ହେ ବିଦିନି ଗାଟ୍ଯାତିତାଂ ବିନ୍ ଲଗାଂ ମୁକ୍ତାୟ୍ କିନାକା ଆରି ହେଖାରିଂ ଇସ୍ବରତି ମାଜି ଆନି ଉପାୟ୍ ହିନାକା ତା ଜିବୁନ୍ତନି ଉଦେସ୍ ମାଚାଡ଼ ।

୬ ଏପେଙ୍ଗ୍ ଜେ ଇସ୍ବରତି ମାଜି, ଇଦାଂ ପାର୍ମାଣ୍ କିନି କାଜିଂ, ଇସ୍ବର ତା ମାଜିତି ପୁଇପୁୟା ଜିବୁନ୍ତିଂ ମା ଖାସ୍ତିତିଂ ପକ୍ତାତାନ୍ନା । “ହେ ପୁଇପୁୟା ଜିବୁନ୍ ଗାଜା କାଟ୍ତାଂ ଇନାତା, ଆବା ଏ ନା ଆବା !” ୭ ଲାଗିଂ ଏପେଙ୍ଗ୍ ଆରେ କଡ଼କା ଆଡ଼ିୟାର୍ ଆକାୟ୍, ମାତର୍ ମାଜି କି । ଏପେଙ୍ଗ୍ ତା ମାଜି ଆଜି ମାଟିଲେ, ଇସ୍ବର ତା ମାଜିଗାଡ଼୍ କାଜିଂ ଇନାକା ଇଡ଼ତାନ୍ନା, ହେ ସବୁ ମିଙ୍ଗେଙ୍ଗ୍ ଦାନ୍ କିଦନାନ୍ ।

ଗାଳାତିୟାତ୍ କାଜିଂ ପାଉଲ୍ତି ଚିନ୍ତା

୮ ମାତର୍ ଆଗ୍ତୁ ଏପେଙ୍ଗ୍ ଇସ୍ବରତିଂ ପୁନ୍ଖାଦାଂ ମାଚାଦେର୍, ଲାଗିଂ ଇମ୍ଫାକାର୍ ହାତେନେ ଇସ୍ବର ଆକାୟ୍, ହେ ଲାକେ ମିର୍ ପେନ୍ ପୁଦାତିଂ ଆଡ଼ିୟା ମାଚାଦେର୍; ୯ ମାତର୍ ନଙ୍ଫୟ୍ ଏପେଙ୍ଗ୍ ଇସ୍ବରତିଂ ପୁଚାଦେର୍ଣ୍ଣା ଆନ୍ ଇଞ୍ଜନାଙ୍ଗ୍, ନଙ୍ଫୟ୍ ଇସ୍ବର ମିଙ୍ଗେଙ୍ଗ୍ ପୁନ୍ତାନନା । ଖାଟିଂ ଇଦାଂ ଇନେସ୍ ଆନାଡ଼୍ ଜେ, ଏପେଙ୍ଗ୍ ଆରେ ରଗ ହେ ନାଦାର୍ ବପୁ, ଦାଣ୍ଡିନି ପେନ୍ ପୁଦାଂ ଲାଗାଂ ମାସ୍ତି ହାଞ୍ଜେଙ୍ଗ୍ ମାନ୍ କିନାଦେରା ? ଏପେଙ୍ଗ୍ ଇନେକିଦେଂ ଆରେରଗ ହେଖାଡ଼ି ଆଡ଼ିଏନ୍ ଆଦେଂ ଇଚା କିନାଦେରା ? ୧୦ ଦୁକ୍ନି କାତା, ଏପେଙ୍ଗ୍ ଏଚେଗଟା ହାଦ୍ ଦିନ୍, ମାସ୍ ପାଗ୍ ଆରି ବାହୁଁ କାଜିଂ ବେସି ମାନ୍ ହିନାଦେରା । ୧୧ ମି କାଜିଂ ଆନ୍ ଇମ୍ଫାଣି କସ୍ କିନାଙ୍ଗା, ଏଚେକାଡ଼ଦ ହେଦାଂ ପଲ୍ୟା ଆନାଡ଼୍, ମି ବିସ୍ତେ ନାଦାଂ ଇ ପାଣ୍ଡୁ ।

୧୨ ଏ ଟଣ୍ଡାର୍, ଆରି ତଣ୍ଡେକ୍ ମିଙ୍ଗେଙ୍ଗ୍ ଗଞ୍ଜାରି କିଦନାଙ୍ଗା, ଏପେଙ୍ଗ୍ ନା ଲାକେ ଆଡ଼ । ଆନ୍ ମି ଲାକେ ଆତାଙ୍ଗନା ଆରି ଏପେଙ୍ଗ୍ ନା କାଜିଂ ଇମ୍ଫାକା ପା ଅନ୍ୟାୟ୍ କିଖାତାଦେର୍ଣ୍ଣା । ୧୩ ଆନ୍ ପର୍ତ୍ତୁମ୍ ହର୍ ଇନେକିଦେଂ ମି ଲାଗାଂ ନେକ୍ରିକାରୁର୍ ପର୍ଚାଟ୍ କିଜି ମାଚାଙ୍ଗ୍, ହେଦାଂ ଏଡ଼ୁ କିୟାଟ୍ । ହେପାଦନା ଆନ୍ ଗାଗାଡ଼୍ ନାଦାର୍ ମାନି କାଜିଂ ଇଦାଂ କିଜି ମାଚାଡ଼ । ୧୪ ମାତର୍ ନା ଗାଗାଡ଼ି ଅବସ୍ତା ମି ପାକ୍ୟାତ ରିସା ଆଡ଼ିସ୍ପା, ଏପେଙ୍ଗ୍ ନାଙ୍ଗ୍ ଗୁଇଦାଖାତାଦେର୍ କି ଗିଣ୍ କିଖାତାଦେର୍, ଇଚିସ୍ ଇସ୍ବର ନାଙ୍ଗ୍ ର ସାଗେଁ ଦୁଡ଼ ଲାକେ ଇଚ୍ୟାଜି ମାନ୍ତାନ । କ୍ରିସ୍ଟୁ ଜିସ୍ତୁତି ଏପେଙ୍ଗ୍ ଇନେସ୍ ମାନି କିତାଦେର୍ମା ହେ ଲାକେ ନାଙ୍ଗେଙ୍ଗ୍ ପା ମାନି କିଜି ମାନ୍ତାଦେର୍ । ୧୫ ଏପେଙ୍ଗ୍ ଏଚେକ୍ ଖାରିଖାଦାଂ ମାଚାଦେର୍ ! ମାତର୍ ନଙ୍ଫ ଇନାକା ଆତାଦେର୍ଣ୍ଣା ? ମି ମେହାବିଡ଼ା ଆନ୍ ଇ ସାକି କାତା ତାଟ୍ ବାବ୍ରେ ଇଞ୍ଜେଙ୍ଗ୍ ଆଡ଼ନାଙ୍ଗ୍ ଜେ, ଆଜି ମାଟିସ୍, ଏପେଙ୍ଗ୍ ଜାର୍ ଜାର୍ତି କାଣ୍ଗା ଉନ୍ଦି ତାଈଖାଜି ହିତାଦେର୍ମା । ୧୬ ଲାଗିଂ ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜିଲେ ମିଂ ଇନାକା ସାତୁ ଆତାଂନା ?

୧୭ ହେ ବିନ୍ନିକାର୍ ମି ହାର୍ କାଜିଂ ବେସି ଖାରିନିକାନ୍ ଇଞ୍ଜି ଚଞ୍ଜୟାନାନ୍ । ମତର୍ ଇବେ ହେଖାଡ଼ି ସଡ଼ ଉଦେସ୍ ହିଲୁଡ଼ । ହେଖାଡ଼ି ରଞ୍ଜାଙ୍ଗ୍ ମତର୍ ଇଚା, ଇନେସ୍ ଏପେଙ୍ଗ୍ ନା କାଜିଂ ବିନେ ଆଜି ହେଖାଡ଼ି କାଜିଂ ମାନ୍ ହିୟାଟ୍ । ୧୮ ମାତର୍ ସବୁ ସମୁତ ଆନ୍ ମି ଲାହାଙ୍ଗ୍ ମାନି ଖେଡ଼ାଲିଂ ଆକାୟ୍, ମତର୍ ସବୁ ଖେଡ଼ାଲିଂ ହାଦ୍ ବିସ୍ତେ ଜିବୁନ୍ ହିନାକା ହାର୍ । ୧୯ ଏ ନା କାଡ଼ଦେର୍, ଏଚେକ୍ ପାତେକ୍ ମି ତାକେ କ୍ରିସ୍ଟୁ ଲାକେ ଆଖାତାଦେର୍ଣ୍ଣା, ହେ ପାତେକ୍ ମି କାଜିଂ ଆରେ ରଗ କୁଡ଼ଚିତ ବିପ୍ରି ଆନାତା । ୨୦ ଆନ୍ ଇନେସ୍ ନଙ୍ଫ ମି ଲାଗେ ଏକିସ୍ ବିନ୍ ବାବ୍ରେ କାତା ଇଞ୍ଜେଙ୍ଗ୍ ଆଡ଼ନାଙ୍ଗ୍, ଇଦାଂ ନା ମାନ୍; ଇନାକିଦେଂକି ଆନ୍ ମି ବିସ୍ତେ ବୁଦିବାଣା ଆନାଙ୍ଗା ।

ହାଗାରା ଆରି ସାରାତି ଉଡ଼ର୍ମୁଡ଼୍

୨୧ ଇମ୍ଫାକାର୍ ବିଦିତ ମାନି କାଜିଂ ଇଚା କିତାର୍ ଏପେଙ୍ଗ୍, ନାଙ୍ଗ୍ ଖେଡ଼ଚାଟ୍ ତ, ଏପେଙ୍ଗ୍ ଇନାକା ବିଦିନି ବଚନ୍ ଖେନୁଦେରା ? ୨୨ ଇନାକିଦେଂକି ଲେକା ମାନାଡ଼୍, ଅବ୍ରାହାମ୍ତି ରିଆର୍ ହିମ୍ଫାଂ ମାଚାର୍, ରଞ୍ଜାନ୍ କଡ଼କା ଆଡ଼ିଏଣି ତାଙ୍ଗ୍ ଆରେ ରଞ୍ଜାନ୍ ଜାର୍ କଗଲେ ତାଂ ଚଞ୍ଚାକାନ୍ । ୨୩ ଇନେର୍ ଆଡ଼ିଏଣିତି ମେହି, ହେଖାନ୍ ଗାଗାଡ଼ି ମାସ୍ବେଲ୍ ଚଞ୍ଚାନ୍; ମାତର୍ ଇନେର୍ ଜାର୍ କଗଲେନି ମେହି, ଇସ୍ବରତି ପାର୍ମାଣ୍ ସାକ୍ରିତ ଚଞ୍ଚାନ୍ । ୨୪ ଇ ଖିଜୁ କାତାନି ର କାତା ପୁନାକା ମାନାଡ଼୍, ଇନାକିଦେଂକି ଇ କଗଲେକ୍ ରି ନିୟମି ଲାକେ; ର ନିୟମ୍ ସିନୟ୍ ମାଡ଼ିତାଂ ଉବ୍ଜାଣ୍, ହେଦାଂ ଆଡ଼ିଏନ୍ କାଜିଂ ହିମ୍ଫାଂ ଗାଟାଆନାକାଦେଲ୍, ହାଗାରା ହେବେନି ରଞ୍ଜେଲ୍ । ୨୫ ହାଗାରା, ଲାକେ ଇ ବେରଣ୍ ଆରବ୍ତ ସିନୟ୍ ମାଡ଼ିତିଂ ଆଣ୍ଗାନାଡ଼୍, ଆରେ, ହେଦାଂ ନଙ୍ଫି ଜିରୁସାଲମ୍ ସମାନ୍ ଲାକେ, ଇନାକିଦେଂକି ଇ ଜାର୍ ହିମ୍ଫାଂ ହୁଦାଂ ଆଡ଼ିଏନ୍ତ ମାଚାନ୍ନା । ୨୬ ମାତର୍ ସାଗେଁତାଂ ଜିରୁସାଲମ୍ କୁଲାସ୍, ଆରି ହେଦେଲ୍ ମା ତାଡ଼ି ।

୨୭ ଇନେକିଦେଂକି ସାସ୍ବରତ ଲେକାମାନାଡ଼୍,
 “ଆଗ ବାଞ୍ଜି, କଗଲେ, ଏପେଙ୍ଗ୍ ଖାରି କିୟାଟ୍

ଇନାଖାଡ଼ାଙ୍ଗ୍ କୁଡ଼ିନି ନଦନାକା ଏଡ଼କିଖାଦାଂ ମାଟିସ୍ପା, ଖାରି କିୟାଟ୍ ।
 ଇନେକିଦେଂକି ଆଣ୍ଡେନ୍ ଲାହାଂ ବାହା କିଜି ମାନି କଗଲେ ଲାକେ

☆ ୪:୫ ୪:୫ ରମିୟ ୮:୧୫-୧୭.

ରଖାନ ପିସ୍ତ୍ରକଗ୍ଲେନି ହିମ୍‌ଣାଂ ଲମର୍ ଆଦିକ୍ ।”

୨୮ ଏ ଟଣ୍ଡାର୍, ଏପେଙ୍ଗ୍ ଇସହାକ୍ ଲାକେ ପାର୍ମାଣ୍‌ନି ହିମ୍‌ଣାଂ । ୨୯ ମାତର୍ ଗାଗାଡ୍‌ନି ହେଦ୍‌ହବାୟ୍ ଇସାପ୍ରେ ଇନେର୍ ଜଲମ୍ ଆତାନ୍, ହେଖାନ ଇନେସ୍ ହେଖେଡାଲିଂ ପୁଇପୁୟା ଜିବୁନ୍ ପାର୍ମାଣ୍ ଇସାପ୍ରେ ଇନେର୍ ଜଲମ୍ ଆତାଣ୍, ଇସ୍‌ବର୍ତିଂ ନିନ୍ଦା କିଜି ମାଗାଡ୍ । ୩୦ ମାତର୍ ସାସ୍‌ବର୍ ଇନାକା ଇନାଡ୍ ? “କଡ୍‌ତି ଆଡ୍‌ଏଣି ଆରି ତା ମେହିଙ୍ଗ୍ ପିସ୍ତ୍ର ତୁହିୟାଡ୍; ଇନାକିଦେଂକି ଆଡ୍‌ଏଣି ମେହି ଜାର୍‌ତିଂ କଗ୍‌ଲେନି ମେହି ଲାହାଙ୍ଗ୍ ଆଦିକାର୍ ଆଉନ୍ ।” ୩୧ ଲାଗିଂ, ଟଣ୍ଡାର୍ ଆରି ତଣ୍‌ଦେକ୍ ଆସେଙ୍ଗ୍ କଡ୍‌କା ଆଡ୍‌ଏଣି ହିମ୍‌ଣାଂ ଆକାୟ୍, ମାତର୍ ଜାର୍ କଗ୍‌ଲେନି ହିମ୍‌ଣାଂ ।



କ୍ରିଷ୍ଟ ତାକେ ମି ଉଦାର୍

୧ ଆପ୍ ଜାର୍‌ତାରେଡିଂ । କ୍ରିଷ୍ଟ ମାଙ୍ଗେଙ୍ଗ୍ ଜାର୍‌ତାରେନ୍ କିଡ୍‌ତାନ୍ନା । ଲାଗିଂ ଏପେଙ୍ଗ୍ ଜାର୍‌ତାରେନ୍‌ତ ତିର୍ ମାନାଟ୍ । ଆରେରଗ ଆଡ୍‌ଏନ୍ ଜୁଖାଣ୍ ଗାଡ୍‌ୟାତି ରବେ ଆନି କାଜିଂ ଜାର୍‌ତିଂ ଜାଗା ଆମାଟ୍ ।

୨ ଆନ୍ ପାଉଲ୍, ଇନାକା ଇଞ୍ଜନାଙ୍ଗା ଖେନାଟ୍, ଏପେଙ୍ଗ୍ ଜଦି ସୁନ୍‌ଡ୍ ବିଦି ପାଲି କିୟାଟ୍, ତା ଅରଡ୍ ଆନାଡ୍, ମି କାଜିଂ କ୍ରିଷ୍ଟି ଇମ୍‌ଣି ଲଡା ଆକାୟ୍ । ୩ ଆନ୍ ସୁନ୍‌ଡ୍ ପାୟାନ୍‌ନି ଜାଣ୍‌କେତିଂ ଆରେ ରଗ ସାକି ହିନାଙ୍ଗା ଜେ, ହେଖାନ୍ ଡିଜୁ ବିଦି ପାଲି କିନି କାଜିଂ ଦାୟିଡ୍ । ୪ ମି ବିତ୍ରେତାଂ ଇମ୍‌ଣାକାର୍ ବିଦି ପାଲି କିନି ହୁକେ ଇସ୍‌ବର୍ତି କାଣ୍‌କୁତ ଦାମ୍ ବାଚିକିୟାଦେଂ ଆନି କାଜିଂ ସେସ୍‌ କିନାରା, ହେଖାର୍ ଜାର୍ ଜାର୍‌ତିଂ କ୍ରିଷ୍ଟାଂ ଚିର୍‌ବିର୍ କିତାର୍‌ନା, ହେଖାର୍ ଇସ୍‌ବର୍ତି ଉପକାର୍‌ତ ଦେହାଆତାଣ୍ । ୫ ମାତର୍ ଆପ୍ ଆହା କିନାପା ଜେ ଇନାକିଦେଂକି ଆସେଙ୍ଗ୍ ପୁଇପୁୟା ଜିବୁନ୍ ହୁଦାଂ ପାଟିଂ କାଜିଂ ଦାମ୍ କାତା ଗାଟାନି ଆହାତ କାନାସା । ୬ ଇନେକିଦେଂକି କ୍ରିଷ୍ଟ ଜିସ୍‌ତି ଲାହାଂ ମେହାଜି ଜିବୁନ୍ ଜିଉଣା କିତାନ୍, ସୁନ୍‌ଡ୍ କି ସୁନ୍‌ଡ୍‌ଆଡ୍ ମୁଡେ ଆକାୟ୍, ରଖାନ ମାତର୍ ଲଡାନି ବିସ୍ତେ ଆନାତା, ପାଟିଂ ତ ତିର୍ ମାନ୍‌ଞ୍ଜି ଜିଉନିତ କିନାକା ସାଦନ୍ କିନାସ୍ ।

୭ ଏପେଙ୍ଗ୍‌ତ ହାର୍ ଲାକେ ଆଗେ ତାଙ୍ଗି ମାଗାଦେର୍ । ହାଡ୍‌ପା ହାଜିତ୍ ହାନିହିଙ୍ଗ୍ ଇନେର୍ ମିଙ୍ଗେଙ୍ଗ୍ ବାଦା ହିଜି ମାନଟାର୍, ମିଙ୍ଗେଙ୍ଗ୍ ବୁଲ୍ ହାଜିତ୍ ହାଞ୍ଜେଙ୍ଗ୍ ହେଖାନ ଇନେସ୍ ଖେଡ୍‌ଚାତାନ୍ ? ୮ ମିଙ୍ଗେଙ୍ଗ୍ କୁକ୍‌ତିନି ଇସ୍‌ବର୍ତାଂ ଇ ବୁଜାୟ୍ କିନାକା ଆଖାତାଡ୍‌ନା । ୯ କାତାତ ମାନାଡ୍, ଚାଟ୍‌କାୟ୍‌କିତି ମଇଦାଗୁଣ୍ଡାତିଂ ପୁଲ୍‌ୟାକିନି କାଜିଂ “ଅଲପ୍ ମାତର୍ ହଇନାକା ଲଡା ।” ୧୦ ହେଦାଂ ଇନେସ୍ ଆଏଡ୍, ଇ ପାତେକ୍ ମି ଜପି ନା ଆହା ମାନାଡ୍ । ଇନେସ୍‌କି ଆସେଙ୍ଗ୍ ଖିଜାର୍ ମାପୁ ଲାହାଂ ମେହାତାସ୍‌ନା, ନା ଡାଟ୍ ପାଟିଂ, ଏପେଙ୍ଗ୍ ନା ଚିନ୍ତାତାଂ ବିରୁଦ୍ କିଦୁଦେର୍ । ଆରେ ଇମ୍‌ଣି ମାନାୟ୍ ମିଙ୍ଗେଙ୍ଗ୍ ଚାକ୍ରାୟ୍ କିଦ୍‌ନାନା, ହେଖାନ ଇନେର୍ ଆଏର୍ ଇନେକିଦେଂ ତାଙ୍ଗେଙ୍ଗ୍ ଇସ୍‌ବର୍ ହାଡ୍‌ପା ତାଣ୍ ହିନାନ୍ ।

୧୧ ମାତର୍ ଏ ଟଣ୍ଡାର୍, ତଣ୍‌ଦେକ୍, ଆନ୍ ଜଦି ନେଜେଙ୍ଗ୍ ପାତେକ୍ ସୁନ୍‌ଡ୍ ଲଡାନି ପାକ୍ୟାତ ପରଚାର୍ କିନାଙ୍ଗା, ଖାଟିଙ୍ଗ୍ ଆନ୍ ନଙ୍ଗ୍ ପା ଇନେକିଦେଂ ନିନ୍ଦା ପାୟାନାଙ୍ଗା ? ଜଦି ଆନ୍ ହେଦାଂ କିଜି ମାନାଙ୍ଗ୍, ତା ଆଡିସ୍ ହେ ସାଙ୍ଗେ ସାଙ୍ଗେ କ୍ରିଷ୍ଟି କୁସ୍ ବିସ୍ତେ ବାଦା କିନାକା ହୁକେ ନାଦାଂ ଇନାକା ଅସ୍‌ବିଦା ଆଖାତାମ୍ । ୧୨ ଇମ୍‌ଣାକାର୍ ମିଙ୍ଗେଙ୍ଗ୍ ତିର୍ ଆଖାଦାଂ କିଡ୍‌ତାର୍‌ନା, ହେଖାର୍ ପୁରା ସାକ୍ତି ହିଲିଖିତି ଲାକେ ଆଡିସ୍, ହାର୍ ଆତାମ୍ ।

୧୩ ଇନାକିଦେଂକି, ଏ ଟଣ୍ଡାର୍, ଆରି ତଣ୍‌ଦେକାଦେର୍, ଏପେଙ୍ଗ୍ ଜାର୍‌ତାରେନ୍ କାଜିଂ କୁକ୍ୟା ଆତାଦେଣ୍ଡା; ମାତର୍ ଜାଗ୍ରଡ୍, କେବଲ୍ ଗାଗାଡ୍‌ନି ଆହା ବେବାର୍ କିନି କାଜିଂ ହେ ଜାର୍‌ତାରେନ୍ ଇନେସ୍ ହାଡୁର୍ ଲାକେ ବେବାର୍ କିମାଟ୍ । ଇଡିସ୍ ଜିଉନି ହୁକେ ଚାଲାକିୟାଜି ଏପେଙ୍ଗ୍ ହାରି ହେବା କିୟାଟ୍ । ୧୪ ଇନାକିଦେଂକି ରଞ୍ଜାଙ୍ଗ୍ ମାତର୍ ବଲ୍‌ତ ଡିଜୁ ବିଦିତ ଇ ବଚନ୍ ବାଟିଂ ଆନାଡ୍, “ଏପେଙ୍ଗ୍ ଜାର୍ ପାଡ୍‌ହା ଇଞ୍ଜି ଲଗାଂ ଖାସ୍‌ଲାକେ ଜିଉନିଖାଟ୍ ।” ୧୫ ମାତର୍ ଏପେଙ୍ଗ୍ ଜଦି ପସୁ ଲାକେ ବେବାର୍ କିଜି ହାରିତିଂ ନସ୍ କିଜି ମାନାଦେର୍ ଆରେ ହାରି ନସ୍ କିଜି ମାନାଦେର୍, ଲାଗିଂ ଜାଗ୍ରଡ୍ ଆଡ୍, ଆଡ୍‌ଡିସ୍ ଏପେଙ୍ଗ୍ ହାରିତିଂ ପୁରା ନାସ୍ କିନାଦେରା ।

ପୁଇପୁୟା ଜିବୁନ୍ ଆରି ମାନାୟ୍‌ତି ଅବ୍ୟାସ୍

୧୬ ନା ଇନାକା କାତା ଆତାଡ୍, ପୁଇପୁୟା ଜିବୁନ୍ ମି ଜିବୁନ୍‌ତିଂ ଚାଲାୟ୍‌କିଏଡ୍ । ତା ଆଡିସ୍ ଏପେଙ୍ଗ୍ ଆରେ ମାନାୟ୍‌ତି ଅବ୍ୟାସ୍ ଆହା ବାଟିଂ କିଉଦେର୍ ୧୭ *ମାନାୟ୍ ଅବ୍ୟାସ୍ ପୁଇପୁୟା ଜିବୁନ୍‌ନି ଇଚାନି ବିରୁଦ୍ । ହେ ଲାକେ ପୁଇପୁୟା ଜିବୁନ୍‌ତି ଇଚା, ମାନାୟ୍ ଅବ୍ୟାସ୍ ବିରୁଦ୍ । ଇଖାଙ୍ଗ୍ ହାରି ସଡୁ । ଲାଗିଂ ଏପେଙ୍ଗ୍ ଇନାକା କିଦେଙ୍ଗ୍ ଇଚା କିନାଦେର୍, ହେଦାଂ କିଦେଙ୍ଗ୍ ରାଜି ଆକାୟ୍ । ୧୮ ଜଦି ପୁଇପୁୟା ଜିବୁନ୍ ମିଙ୍ଗେଙ୍ଗ୍ ତାଜିକିତିସ୍, ଲାଗିଂ ଏପେଙ୍ଗ୍ ଆରେ ମସାତି ବିଦିନି ତାରେନ୍ ଆକାୟ୍ ।

୧୯ ମାନାୟ୍‌ନି ଗାଗାଡ୍‌ନି କାମାୟ୍ ହାର୍ କିଜି ପୁଚାଦେଣ୍ଡା; ଦାରି, ବିଟାଡ୍, ୨୦ ଦାରିକାମାୟ୍, ପୁଡ୍‌ଡା ପୁଜା, ଗୁଣ୍ୟା, ସଡୁ, ଗଣ୍ଡଗଲ୍, ଆକାର୍, ରିସା, ମଡି, ଦଲ୍‌ରାଟ୍, ୨୧ ତାରା, ହେଖାର୍ ମଦୁଖା ରଙ୍ଗ୍‌ରସ୍ ଖାରି ଆରି ହେ ଲାକେ ବିନ୍‌ବିନ୍ ବାନ୍ୟାତ ବାଟିଂ ମାନାର୍ । ଆନ୍ ଆଗେ ଲାକେ ନଙ୍ଗ୍ ପା ମିଙ୍ଗେଙ୍ଗ୍ ଜାଗ୍ରଡ୍ କିଦ୍‌ନାଙ୍ଗା । ଇମ୍‌ଣାକାର୍ ଏଲେଙ୍ଗ୍‌ବାଟିଂ କାମାୟ୍ ସବୁ କିତାର୍, ହେଖାର୍ ଇସ୍‌ବର୍ତି ରାଜିନି ଆଦିକାର୍ ଆଦେଂ ଆଡୁର୍ ।

☆ ୫:୯ ୫:୧୧ କରନ୍ତ୍ରିୟ ୫:୭. ☆ ୫:୧୭ ୫:୧୭ ରମିୟ ୭:୧୫-୨୩.

^{୨୨} ମାତର ଜିବୁନ୍ତି ପାଡ଼ ଜିଉନନାକା, ଖାରି, ସୁସ୍ତା, ସାସ୍, ଦୟା, ସତ୍‌ଗୁଣ, ପାତ୍ କିନାକା, ହୁଦାର୍, ^{୨୩} ହୁଦାର୍, ହୂଦାଦ୍ ଆରି ଜିବୁନ୍‌ମେହାଣ୍ ଇ ସବୁ ବିରୁଦ୍‌ତ ଇମ୍‌ଣି ମସାତି ବିଦି ହିଲୁଡ଼ । ^{୨୪} ଇମ୍‌ଣାକାର୍ ଜିସୁ କ୍ରିସ୍‌ତି, ତାକେ ପାତ୍ କିଜି ହେଝାର୍ ଗାଗାଡ଼୍‌ନି ଆହା ଆରି କାମାୟ୍ ଆହା ହୁଦାଂ ମାନାୟ୍ ହାତ୍‌ପାତିଂ କୁସ୍‌ତ ହାତାଣ୍ଡା । ^{୨୫} ପୁଇପୁୟା ଜିବୁନ୍ ମାଜେଙ୍ଗ୍ ଜିବୁନ୍ ଦାନ୍ କିଡ଼ତାଡ଼ନା, ହେଦେଲ୍ ମା କାଜିଂ ଜିବୁନ୍‌ତିଂ ପା ଚାଲାୟ୍ କିଦ୍‌ନାଡ଼ । ^{୨୬} ଲାଗିଂ ଆସେଙ୍ଗ୍ ଗରବ୍ କିନାକା କି ହାରି କାକ୍ରି ଆଉସ୍ ଆରି ହାରିତିଂ ବେରସ୍ ଆଉସ୍ ।



ହାରିତି ବଜ୍ ପିଣ୍ଡନାସ୍

^୧ ଏ ଟଣ୍ଡାର୍ ଆରି ତଣ୍‌ଦେକ୍, ଜଦି ଇନେର୍ ଇମ୍‌ଣି ବାନି ପାପ୍ ହିଲୁଝି କାମାୟ୍‌ତ ଦାରାପଡ଼ା ଆନାନ୍, ଆମିକ୍ ମି ବିତ୍ରେତାଂ ଇମ୍‌ଣାକାର୍ ପୁଇପୁୟା ଜିବୁନ୍ ହୁକେ ଚାଲାନାତା, ହେଝାର୍ ହେଦେଲିଂ ବୁଜାୟ୍ କିନି ଲଡ଼ା, ମାତର ଏପେଙ୍ଗ୍ ଇ କାମାୟ୍‌ତ ହୂଦାଦ୍, ହୁଦାର୍ ବାବ୍ରେ କିନି ଲଡ଼ା, ଆରେ ଜାଗ୍ରଡ଼, ଜାର୍ ଇନେସ୍ ହେ ଲାକେ ପରିକ୍ୟାତ କାମାୟ୍ କିଦେଙ୍ଗ୍ ତାୟା ଆମାଟ୍ । ^୨ ହାରିତିଂ ବଜ୍ ପିଣ୍ଡନି କାଜିଂ ଉପକାର୍ କିୟାଟ୍, ଇଦାଂ କିନି ହୁକେ କ୍ରିସ୍‌ତି ମସାତି ବିଦି ପାଲି କିନାଦେର୍ । ^୩ ଜଦି ଇମ୍‌ଣି ଲଗୁ ଆହାର୍ ଆତିସ୍‌ପା ଜାର୍‌ତିଂ ଗାଜା ଇଞ୍ଜି ମାନେ କିନାନ୍, ଲାଗିଂ ହେଝାନ୍ ଜାର୍‌ତିଂ ନିୟା କିନାନ୍ ।

^୪ ମାତର ଜାଣକେ ଜାର୍ ଜାର୍‌ତି ବେବାର୍‌ତିଂ ପରିକ୍ୟା କିଜି ହୁଡ଼୍‌ନି ଲଡ଼ା । ଜଦି ହେଦାଂ ହାଦାକା ଆଜି ମାନାଡ଼, ହେଦାଂ କାଜିଂ ହେଝାନ୍ କାମାୟ୍ ମାନେ କିଏର୍, ଆରି ବିନେନି କାମାୟ୍ ଲାହାଙ୍ଗ୍ ଜାର୍‌ତିଂ କାମାୟ୍ ତୁଲାୟ୍ କିଜି ଗରବ୍ କିମେନ୍ । ^୫ ଇନାକିଦେଂକି ଝିଜାକାର୍ ଜାର୍ ବଜ୍ ପିଣ୍ଡଦେଂ ଲାଗ୍‌ଦାନାଡ଼ ।

^୬ କ୍ରିସ୍‌ତ୍‌ୟାନ୍ ନେକ୍ରିକାରୁର୍ ହିକ୍ୟା କିନିଝେଡ଼ାଂ, ହିକ୍ୟାହିନାକାନ୍ ଗୁରୁଙ୍ଗ୍ ଜାର୍ ପୁନ୍‌ଞ୍ଜି ମାନି ଝିଜୁ ହାର୍‌ଦି ବିସ୍ତେନି ବାଗ୍ ଅଦେଂ ଲଡ଼ା ।

^୭ ଚାକ୍ତାୟ୍ ଆମାଟ୍; ଇସ୍‌ବ୍ ବିଗ୍‌ଡ଼ାତି ଲଗୁ ଆକାୟ୍; ଇନାକିଦେଂକି ମାନାୟ୍ ଇନାକା ଝିଡ଼ନାନ୍, ହେଦାଂ ତ୍ରେସ୍‌ନାନ୍ । ^୮ ଇନେର୍ ଜାର୍ ଗାଗାଡ଼୍ ଉଦେସ୍ ଝିଡ଼ନାନ୍; ହେଝାନ୍ ଗାଗାଡ଼୍‌ତାଂ ହଡ଼ତି ଚାନେକ୍ରି ତାସ୍ ତ୍ରେସ୍‌ନାନ୍; ମାତର ଇନେର୍ ପୁଇପୁୟା ଜିବୁନ୍‌ତ ଉଦେସ୍ ଝିଡ଼ନାନ୍, ହେଝାନ୍ ପୁଇପୁୟା ଜିବୁନ୍‌ତାଂ ହଡ଼ତି ଝିଜୁଝି ଜିବୁନ୍‌ବାତ୍ ତାସ୍ ତ୍ରେସ୍‌ନାନ୍ ।

^୯ ଆସେଙ୍ଗ୍ ହାର୍ କାମାୟ୍ କିଦେଙ୍ଗ୍ ଝାହୁସ୍; ଇନାକିଦେଂକି ଝାଝିଦାଂ କାମାୟ୍ କିତିସ୍ ସମାନ୍ ସମୁତ ତାସ୍ ତ୍ରେସ୍‌ନାସ୍ ।

^{୧୦} ଲାଗିଂ, ଏଚେ ହଟ୍ ପାବ୍ ପାୟାନାସା, ସବୁଝେଡ଼ାଙ୍ଗ୍ ଝିଜାର୍‌ଡ଼ି, ହାରିହାରା ଇମ୍‌ଣାକାର୍ ମା ପାତ୍ କିନାକାର୍ କୁଟ୍‌ମ୍, ହେଝାର୍‌ଡ଼ି ହାର୍ କିନାକା ମାଙ୍ଗ୍ ଲଡ଼ା ।

ହାରିହାରା ଜାଗ୍ରଡ଼ କାତା ଆରି ବାୟାୟ୍

^{୧୧} ହୁଡ଼ାଟ୍, ଇନେସ୍ ଗାଜା ଗାଜା ଅକରତ ଜାର୍ କେଇଦ୍ ଆନ୍ ମି ଲାଗାୟ୍ ଲେକିକିନାଙ୍ଗା । ^{୧୨} ଇମ୍‌ଣାକାର୍ ମାନାୟ୍ ବାତ୍ ବିସ୍ତେ ଚଞ୍ଜୟାନ୍‌ର ଆରି ଉସ୍‌କାୟ୍ କିତାର୍, ହେଝାର୍ ନେ ହେଝାରିଂ ସୁନ୍‌ଡ଼୍ ଆନି କାଜିଂ ଜବର୍‌ଦସ୍ତ୍ରି କିନାରା । କ୍ରିସ୍‌ତି କୁସ୍ କାଜିଂ ନିୟା ବଗ୍ କିଝି ଉଦେସ୍‌ତ ହେଝାର୍ ଇଦାଂ କିନାରା । ^{୧୩} ଇନାକିଦେଂକି ଇମ୍‌ଣାକାର୍ ସୁନ୍‌ଡ଼୍‌ନି ନିୟମ୍ ପାଲି କିନାର୍, ହେଝାର୍ ନିଜେ ପା ମସାତି ବିଦି ପାଲି କିଜି ମାନୁର୍ । ଏପେଙ୍ଗ୍ ସୁନ୍‌ଡ଼୍ ଆତ ଇଞ୍ଜି ହେଝାର୍ ଇଚା କିନାରା । ଇ ଗାଗାଡ଼୍ ବିଦି ପାଲି କିଦେଙ୍ଗ୍ ମିଜେଙ୍ଗ୍ ଝେର୍‌ଚେଦେଂ ଆଡ଼୍‌ଦିତିସ୍ ହେଝାର୍ ଗରବ୍ କିତାର୍ । ^{୧୪} ମାତର ଆନ୍ କେବଲ୍ ମା ମାପୁ ଜିସୁ କ୍ରିସ୍‌ତି କୁସ୍ ବିସ୍ତେ ଗରବ୍ କିନାଙ୍ଗା; ଇନେକିଦେଂକି ତା କୁସ୍ ଲାହାଂ ଜଗଡ଼ ନା କାଜିଂ ହାତାଡ଼ ଆରି ଆନ୍ ଜଗଡ଼ କାଜିଂ ହାତାଙ୍ଗ୍ । ^{୧୫} ଇନେର୍ ସୁନ୍‌ଡ଼୍ କି ସୁନ୍‌ଡ଼୍‌ଆଝି, ହେବେ ଇନାକା ଆଏଡ଼ କି ଆମେଡ଼, ପୁନି ଉବ୍‌ଜାଣ୍ ନେ ସାର୍ ବିସ୍ତେ । ^{୧୬} ଇମ୍‌ଣାକାର୍ ଜାର୍ ଜିବୁନ୍‌ତ ଇ ରିତି ଦାହ୍‌ନାର୍ ହେଝାର୍ ଝିଜାର୍ ଆରି ଇସ୍‌ବ୍‌ଡ଼ି ମାନାୟାର୍ ଇସ୍‌ଆଏଲ୍ ଝିଜାର୍ ଜିବୁନ୍‌ନି ସୁସ୍ତା ଆରି ଦୟା ଆୟେଡ଼ ।

^{୧୭} ହାରିହାରା, ନା ଏଚେକ୍ ଇନି କାତା, ନାଙ୍ଗ୍ ଇନେର୍ ଆରେ ତୁକ୍ ହିଦ୍‌ମେର୍ । ଇନାକିଦେଂକି ନା ଗାଗାଡ଼୍ ଇମ୍‌ଣି ସବୁ ଗାଞ୍ଜାତି ଚିନ୍‌କୁ ମାନିକ୍, ହେବେଣ୍ଡାଂ ହନାଡ଼ ଜେ ଆନ୍ ଜିସୁ କ୍ରିସ୍‌ତି ଆଡ଼ିଏନ୍ ।

^{୧୮} ଏ ଟଣ୍ଡାର୍ ଆରି ତଣ୍‌ଦେକାଦେର୍, ମା ମାପୁ ଜିସୁ କ୍ରିସ୍‌ତି ଉପକାର୍ ମି ଝିଜାର୍ ଲାଗାଂ ଜିବୁନ୍‌ନି ଉପକାର୍ ମାନେଡ଼ । ଆମେନ୍ ।

ଏପିସିୟ ମଣ୍ଡଳୀ ନିକଟକୁ ପ୍ରେରିତ ପାଉଲଙ୍କ ପତ୍ର ଏପିସିୟ ମଣ୍ଡଳି ଲାଗାଂ ପକ୍ୟାତି ପାଉଲ୍‌ତି ଆକି ଏପିସିୟ ପତ୍ରିନି ପାଦେକ୍

ଏପିସିୟ ମଣ୍ଡଳି ତାକେ ପାଉଲ୍‌ତି ଆକି ପାଉଲ୍‌ତି ଆନୁମାନତାଂ ୬୦ ବାର୍ଷୁ ବିତ୍ରେ କଲସିୟ ମଣ୍ଡଳି ଲାଗାଙ୍ଗ୍ ଲେକିକିନି ସମୁ ଲେକା ଆଜି ମାତାତ୍ । ଲେକିକିନାକାନ୍ ହେୱାନ୍ ନିଜେ ପକ୍ୟାତି ପାଉଲ୍ ଇଞ୍ଜି ଜାଣାତିଣା ହିନାନ୍ ୧:୧ ଜଦି କଲସିୟ ପତ୍ରିତ ନିଜେ ମେହାଣ ହିଲ୍‌ଞ୍ଜିତିସ୍ ପା କେତେକ୍ ପଣ୍ଡିତାର୍ ଏପିସିୟ ପତ୍ରିତ ପାଉଲ୍ ଲେକିକିତାନନା ଇଞ୍ଜି ପାତ୍ କିନାର୍ । ଇ କାରଣତାଂ ଆଜି ମାନାତ୍ ସବୁ ମଣ୍ଡଳିକାଂ ଆକି ପକ୍ତି ଇସାପ୍ ଆସ୍ତି ଲେକାଜି ମାନୁଗାନାତ୍ । ପାଉଲ୍ ଇଦାଂ ପା ଚତ୍ରି ହିନାନ୍ ଜେ ହେୱାନ୍ ଇ ଆକି ଲେକିକିନି ସମୁତ ହେୱାନ୍ ବନ୍ଦି ମାଚାନ୍ ୩:୧୪:୧ ଆରେ ୬:୨୦ ପାଉଲ୍ ତୁକିକଂ ଏପିସିୟ ମଣ୍ଡଳିତ ପକ୍ତି ତା କେଇଦ ଇ ଆକି ପକ୍ତି ମାଚାନ୍ । ୬:୨୧-୨୨ ।

ଏପିସିୟ ଏସିଆତ ମାନି ରଞ୍ଜାଙ୍ଗ୍ ଆକି ଗାଡ୍ ଆରି ରାଜଦାନି ମାଚାତ୍ । ଏପିସିୟ ଗ୍ରିକ୍ ପେନ୍ ଅରଡ୍‌ନି ଉପାସ୍ ଆରି ଇଦାଂ ନି ମନ୍ଦିର୍ କାଜିଂ ଓନ୍ନାତ୍ । ପକ୍ୟାତାକା ୬:୨୩-୨୪ । ଏପିସିୟ ମଣ୍ଡଳି ପର୍ତୁମ୍ ତାତ୍ ମାଚାତ୍ । ମାତର୍ ପାଚେ ହାଲ୍‌କାଜି ଖାତାତ୍ । ହତ୍‌ତାକା ୨:୧-୭ । ପାଉଲ୍ ତା ଲେକାନି ଆଦା ବାଗ୍‌ତ ଇସ୍‌ବର୍ ଇନେସ୍‌କି ତା ମାନାୟାରିଂ କୁକ୍‌ତାନ୍ ଆରି ଇନେସ୍ ଜିସୁଙ୍ଗ୍ ହିଜି ପାପ୍‌ତାଂ ରାକ୍ୟା କିତାନ୍ ହେଦାଂ ବୁଜାୟ୍ କିତାନ୍ ।

ପାଉଲ୍ ମଣ୍ଡଳିତିଂ ଗାଗାଡ୍ ହୁଦାଂ ତୁଲ୍‌ୟା କିଜି କ୍ରିସ୍ଟ ଇ କାପ୍‌ଡା ଆରି କନାନି ମୁଡ୍‌କାଲ୍ ଆନାନ୍ ଇନାକା ଲାହାଙ୍ଗ୍ ମେହାଜି ରବେ ବାତାନାର୍ । ପାଉଲ୍‌ତି ଆକି ଆଦା ବାଗ୍‌ତ କ୍ରିସ୍ଟ ଜିବୁନ୍ ବିସ୍ତେ ଇନାନ୍ ।

ପତ୍ରି ବିସ୍ତେନି ରାହାଣ

- ୧. ପାଉଲ୍‌ତି ବାନ୍ଦାଣି ଆରି ଜାଣାତିଣାନି ମୁଡ୍ ୧:୧-୨
- ୨. କ୍ରିସ୍ଟ ଲାହାଂ ମଣ୍ଡଳିନି ଜାଣାତିଣା ୧:୩୩:୨୧
- ୩. କ୍ରିସ୍ଟିୟାନ୍ ଜିବୁନ୍ ଜିପ୍‌କା କିନି ଉପାୟ୍ ୪:୧-୬:୨୦
- ୪. ପାଉଲ୍‌ତି ହାରିହାରା ଓନ୍ନାନ୍ ୬:୨୧-୨୪

୧ * ଇସ୍‌ବର୍ ଇଚା ଇସାପ୍ରେ କ୍ରିସ୍ଟ ଜିସୁତି ରଞ୍ଜାନ୍ ପକ୍ୟାତାକାନ୍ ତେଲା ଲାକେ ବାତି କିୟାତି ପାଉଲ୍, ଜିସୁ କ୍ରିସ୍ଟ ଲାହାଂ ମେହାଆଜି ପାତ୍ ଜିବୁନ୍ ଜିପ୍‌କା କିଜି ମାନି ଏପିସିତ ଇସ୍‌ବର୍‌ତି ପୁଇପୁୟା ଲକୁ ହେବା କିନାକାର୍ ଲାଗାଂ ଲେକିକିତି ଇ ଆକି । ୨ ମା ଆବା ଇସ୍‌ବର୍ ଆରି ମାପୁ ଜିସୁ କ୍ରିସ୍ଟ ମି ଉପ୍‌କାର୍ ଆରି ସୁସ୍ତା ମି କାଜିଂ ଆଏଡ୍ ।

ଆମ୍ବିକ୍ ଆସିର୍ବାଦ୍

୩ ଦନ୍ୟ ମା ମାପୁ ଜିସୁ କ୍ରିସ୍ଟି ଆବା ଇସ୍‌ବର୍ । ଇନେକିଦେଂକି ହେୱାନ୍ ମାଙ୍ଗେଙ୍ଗ୍ କ୍ରିସ୍ଟି ଲାହାଂ ମେହାୟକିଜି ସାଗେନି ଲକୁନି ଓଜାରିଂ ସାଗେନି ଆମ୍ବିକ୍ ଆସିର୍ବାଦ୍ କିଡ୍‌ତାନନା, ୪ କ୍ରିସ୍ଟି ତାକେ ମେହାଜି ଆପେଂ ଇନେସ୍ ଇସ୍‌ବର୍‌ତି ଆତାପ୍ ହେଦାଂ ଜଗଡ୍ ଉବ୍‌ଜାଣ୍ ଆନି ଆଗେ ବାତି କିଡ୍‌ତାନନା ।

ଇନେସ୍‌କି ଜିଉନନିତ ତା ମୁମ୍‌ଦ ପୁଇପୁୟା ଆରି ଦସ୍‌ହିଲ୍‌ଖାକା ଆନାସ୍ ।

୫ ଜିସୁ କ୍ରିସ୍ଟି ହୁକେ ହେୱାନ୍ ମାଙ୍ଗେଙ୍ଗ୍ ତା ମେହି ଲାକେ ଇଡ୍‌ଦେଦେଂ ବାତି କିଜି ମାଚାନ୍; ଇଦାଂ ନେ ମାଚାତ୍ ତା ଖାରି ଆରି ଇଚା । ୬ ଇସ୍‌ବର୍‌ତିଂ ଜାଜ୍‌ମାଲ୍‌ନି ଦୟା କାଜିଂ ଆରି ତା ଜିଉନନି କାଜିଂ ପିସ୍ତି ମଲ୍‌ତ ଦାନ୍ ଇସାବ୍ରେ ପାୟାତି କାଜିଂ, ଆପ୍ ଇସ୍‌ବର୍‌ତିଂ ଦନ୍ୟବାଦ୍ କିନାପା । ୭ *କ୍ରିସ୍ଟି ହାକି କାଜିଂ ଆପେଂ ମୁକ୍‌ଡାନାକା, ଇଚିସ୍ ମା ସବୁ ନେତେର୍‌ତାଂ ପାପ୍ କେମା ଆତାଡ୍‌ନା । ଇସ୍‌ବର୍‌ତି ଉପ୍‌କାର୍ ଏଚେକ୍ ଗାଜା ! ୮ ହେ ଉପ୍‌କାର୍ ହେୱାନ୍ ସବୁ ବାନି ଗିଆନ୍ ଆରି ବାବ୍‌ନା ହିଜି ମା କାଜିଂ ବେସି ବାବ୍ରେ ହିଡ୍‌ତାର୍‌ନା । ୯ ଇସ୍‌ବର୍ ତା ଆଦିକ୍ ଗିଆନ୍ ଆରି ଖାସ୍ତିହୁଡ୍‌ନି ଲାହାଂ ଇନାକା ବାବି କିଜି ମାଚାନ୍, ହେଦାଂ ପୁରା କିତାନ୍ନା ଆରି ତାଙ୍ଗେଙ୍ଗ୍ କ୍ରିସ୍ଟି ଉପ୍‌କାର୍‌ତ ପୁରା କିନି କାଜିଂ ହେୱାନ୍ ଇମ୍‌ଣାକା ଡକ୍‌କ୍‌ତି ହେ ଲାକେ ହାନ୍ଦାୟ୍ କିଜି ମାଚାନ୍, ହେଦାଂ ମା ଲାଗାଂ ହପ୍‌ତାନନା । ୧୦ ହେ ଲାକେ ହାନ୍ଦାୟ୍ ଇସାବ୍ରେ ସାଗେନି ଆରି ପୁତ୍‌ନି ସବୁ ରଚ୍‌ତି ବିସ୍ତେ ରଞ୍ଜାଙ୍ଗ୍ ଆନାତ୍ ଆରି କ୍ରିସ୍ଟ ହେୱାନ୍ ଓଜାରିଂ କାପ୍‌ଡା ଲାକେ ମାନାନ୍ । ଇ ଲାକେ ହାନ୍ଦାୟ୍ କିଜି ସମାନ୍ ସମୁତ ପୁରା କିନାନ୍ ।

୧୧ ସବୁ ବିସ୍ତେ ଇସ୍‌ବର୍‌ତି ଲାକେ ହାନ୍ଦାୟ୍ ଆରି କେମ୍‌ତା ଇସାପ୍ରେ ସମାନ୍ ଆତିସ୍; ଆଗେତାଂ ବାଚିକିୟାଜି ଜାର୍ ଉଦେସ୍‌ତ ପୁରା କାଜିଂ କ୍ରିସ୍ଟି ହୁକେ ତା ନିଜେ ଲକୁ ଆନି କାଜିଂ ଇସ୍‌ବର୍ ମାଙ୍ଗ୍ ବାଚିକିଡ୍‌ତାନ୍ନା । ୧୨ ଖାଡ୍, ଇମ୍‌ଣାକାର୍ ସବୁ ପର୍‌ଡୁମ୍ କ୍ରିସ୍ଟି ତାକେ ବାସ୍ କିଜି ମାଚାପ୍, ଓଜାକାସ୍ ଇସ୍‌ବର୍‌ତି ପାଣ୍ କେର୍‌ନାସ୍ ।

☆ ୧:୧ ୧:୧ ପକ୍ୟାତାକା ୧୮:୧୯-୨୧; ୧୯:୧. ☆ ୧:୭ ୧:୭ କଲସିୟ ୧:୧୪.

୧୩ ଏପେଙ୍ଗ ପା ଏଚେକାଡ଼ଦ ମୁକ୍ତାନାକା ହିନି ଇ ନେକ୍ରିକାବୁରନି ସଡ଼ କାବୁର ଖେଚାଦେର, ହେ ସମୁତାଂ ଇସ୍ପରତି ଆତାଦେର୍ଣ୍ଣା । ଏପ୍ କ୍ରିସ୍ଟୁଙ୍ଗ ପାତର୍ କିନାଦେରା, ଇସ୍ପର ତା ପାର୍ମାଣ୍ ଇସାପ୍ରେ ପୁଇପୁୟା ଜିରୁନ୍ତଂ ଦାନ୍ କିଜି ମି ଜପି ତା ଇଚା ଚିନ୍ ଇଡ଼ଦାତାନନା । ୧୪ ଇସ୍ପରତି ଜାଜ୍ମାଲ୍ନି ଖାରିକିନି କାଜିଂ ହେଖାନ୍ତି ଜାରତି ମୁକ୍ତାନାକା ଉଦେସ୍ତ ହେଖାନ୍ ମା ଆଦିକାର୍ନି ଜାମ୍ଲି ଲାକେ ।

ପାଉଲ୍ତି ପାର୍ତାନା

୧୫ ଇ କାରଣତାଂ ମାପୁ ଜିସୁତି ତାକେ ମି ଇମ୍ଣି ପାତର୍ ଆରି ଇସ୍ପରତି ଲକୁ କାଜିଂ ମି ପୁଇପୁୟାତାଂ ଜିଉନନାକା ମାନାଡ଼ । ୧୬ ମି କାଜିଂ ପାର୍ତାନାତ ଏଡୁ କିଜି ଇସ୍ପରତିଂ ଦନ୍ୟବାଦ୍ ହିଜି ଖାନାଙ୍ଗା ଆନ୍ ପାନା ପାର୍ତାନାତ ମିଙ୍ଗ୍ ଦିନ୍କେ ଏଡୁ କିଦନାଙ୍ଗା । ୧୭ ଆରେ ଜାଜ୍ମାଲ୍ନି ଆବା, ମା ମାପୁ ଜିସୁ କ୍ରିସ୍ଟୁ ଇସ୍ପରତିଂ ପାର୍ତାନା କିନାନ୍ ଇନେସ୍ ହେଖାନ୍ ମିଙ୍ଗେଙ୍ଗ୍ ପୁଇପୁୟା ଜିରୁନ୍ ହିଦନାନ୍ । ହେ ଜିରୁନ୍ ମିଙ୍ଗ୍ ବୁଦିକାରୟା କିଦନାନ୍ ଆରି ଇସ୍ପରତିଂ ମି ଲାଗାଂ ଖେଚଚାନାନ୍ । ତା ଆତିସ୍, ଏପେଙ୍ଗ୍ ତାଙ୍ଗେଙ୍ଗ୍ ପୁଞ୍ଜେଙ୍ଗ୍ ଆଡ଼ନାଦେର । ୧୮ ଆନ୍ ଗଞ୍ଜାରି କିଦନାଂ, ଇନେସ୍ ତା ଅଜଡ଼ ହୁଡ଼ନି କାଜିଂ ମିତାକେନି ଖାସ୍ ହୁଡ଼ନାକା ସାରି ଆନାଡ଼ । ପାଚେ ଇମ୍ଣି ବାସର୍ ଜାଜ୍ମାଲ୍ନି ଦାନ୍ ପୁଇପୁୟା ଲକ୍ତାଂ ଜେ ସବୁ ଏପେଙ୍ଗ୍ ତା ହୁକେ କୁକ୍ୟାତାଦେର୍ଣ୍ଣା ହେଦାଂ ପୁନାଦେର । ୧୯ ତା ମାନାୟାର୍ କାଜିଂ ତା ପାର୍ମାଣ୍ ଗାଜା ଆସିର୍ବାଦ୍ ଜେ ଏଚେକ୍ ବେସି ଆରି ମା ଲାକେ ପାତର୍ କିନାକାର୍ ବିତ୍ରେ ତା ଗାଗାଡ଼ନି ସାକ୍ତି ଜେ ଏଚେକ୍ ଗାଜା, ହେଦାଂ ଏପେଙ୍ଗ୍ ପୁଞ୍ଜେଙ୍ଗ୍ ଆଡ଼ନାଦେର । ୨୦ ନଙ୍ଗ୍, ମା ବିତ୍ରେ ଗାଗାଡ଼ତ ମାନି ହେ ସାକ୍ତି କାଜିଂ ନେ ଇସ୍ପର କ୍ରିସ୍ଟୁଙ୍ଗ୍ ହାକିତାଂ ଆରେ ନିକ୍ତି ତା ସାଗେତ ଜାର ତିନି ବାଗାଙ୍ଗ୍ ଜପି କୁଚିକିତାନନା । ୨୧ କ୍ରିସ୍ଟୁ ଖିଜୁ ସାଗେନି ସାସନ୍କାରିୟା, କେମ୍ତା ପୁରା ଆଦିକାର୍, ସାକ୍ତିତ ଆରି ଆଦିକାରିଂ ଜପି ସାସନ୍ କିନାର୍, ଇ ଜୁଗ୍ନି ମାନି କାଡ଼ କି ହାନି କାଡ଼ କେମ୍ତା ଚର୍ନି ପାଦ୍ ପିସ୍ତ୍ର ତା ପାଦ୍ ବାଡ଼କାସ୍ । ୨୨ ☆ ଇସ୍ପର ସବୁ ବିସ୍ତେ କ୍ରିସ୍ଟୁତି ପାନା ତାରେନ୍ ଇଡ଼ତାଣ୍ଣା ଆରି ଖିଜୁ ବିସ୍ତେ ଜପିତାଂ ସବୁ ବାନିତ ମାପୁ ଲାକେ ମଣ୍ଡଲିତଂ ଦାନ୍ କିତାର୍ । ୨୩ ହେ ମଣ୍ଡଲି କ୍ରିସ୍ଟୁତି ଗାଗାଡ଼, ମଣ୍ଡଲି କାଜିଂ କ୍ରିସ୍ଟୁତି କାମାୟ ପୁରା ସମାନ୍ ଆନାଡ଼; ଆରେ କ୍ରିସ୍ଟୁ ସବୁ ବିସ୍ତେ ପୁରା କିନାନ୍ ।

୨

ହାକିତାଂ ଜିରୁନ୍ ପାୟାନାସ୍

୧ ☆ମିଦାଂ ଅମାନ୍ୟ ଆରି ପାପ୍ କାଜିଂ ପାଚେନିକାଡ଼ଦ ଆଗେନି ପୁଇପୁୟା ବାବ୍ରେ ହାଜି ମାଚାଦେର । ୨ ହେ ସମୁତ ଏପେଙ୍ଗ୍ ଇ ଜଗଡ଼ନି ସଡ଼ହିଞ୍ଜି ହାଜି ଦାହାର୍, ଗାଜା ଆକାସ୍ତ ଗାଗାଡ଼ହିଞ୍ଜି ଆଦିକାର୍ ଜିରୁନ୍ ତଲ୍ୟା ମାଚାଦେର । ହେ ମୁଡ଼ଦାକାନ୍ ନଂ ଇସ୍ପରତି ବଲ୍ ପିହିନି ଲକୁ ଜପି ସାସନ୍ କିନାନା । ୩ ହାଡ଼ପାତ ଆପେଂ ଖିଜାକାପ୍ ହେଖାର୍ ଲାକେ ମାଚାପ୍ ଆରି ଗାଗାଡ଼ ଆରି ମାନିନି ପିହିନାକା ଚାଲାବୁଲା କିଜି ଜିରୁନ୍ ଜିପ୍କା କିଜି ମାଚାପ୍ । ହାର୍ ବାବ୍ନା, ବିନେନିକାର୍ ଲାକେ ଆପ୍ ପା ବେବାର୍ କାକ୍ରିନି ସାରାଣ୍ ବଗି କିଦେଙ୍ଗ୍ ହାନାପା ।

୪ ମାତର୍ ଇସ୍ପରତି ଦୟା ଏଚେକ୍ ବେସି ଆରି ମା କାଜିଂ ତା ଜିଉନନାକା ଏଚେକ୍ ଗାଜା ଜେ, ମା ଉଡ଼ପାତ୍ୟା କାଜିଂ ଆସେଙ୍ଗ୍ ଆମିକ୍ ବାବ୍ରେ ହାଜି ମାନି ସମୁତ ହେଖାନ୍ କ୍ରିସ୍ଟୁ ଲାହାଂ ମାଙ୍ଗେଙ୍ଗ୍ ଜିରୁନ୍ କିଡ଼ତାନନା । ଇସ୍ପରତି ଦୟା ହୁକେ ନେ ଏପେଙ୍ଗ୍ ମୁକ୍ତାତାଣ୍ଣା । ୫ ମା ବାନ୍ୟା କାଜିଂ ମା ଆମିକ୍ ହାକି ମାନି ଖାଡ଼ାଂ ହେଖାନ୍ କ୍ରିସ୍ଟୁ ଲାହାଙ୍ଗ୍ ମାଙ୍ଗେଙ୍ଗ୍ ମେହାୟ୍ କିଡ଼ତାନ୍ । ଇସ୍ପରତି ଉପକାର୍ ହୁକେ ନେ ଏପେଙ୍ଗ୍ ମୁକ୍ତି ପାୟାତାଦେର୍ଣ୍ଣା, ୬ କ୍ରିସ୍ଟୁ ଜିସୁତି ଲାହାଂ ଏକ୍ ଆନି ହୁକେ ତା ଲାହାଂ ସାଗେତ ରାଜକିନି କାଜିଂ ହେଖାନ୍ ମାଂ ପା ନିକ୍ତାତାନନା । ୭ ଆରି କ୍ରିସ୍ଟୁ ଜିସୁତାଂ ହେଖାନ୍ ମା କାଜିଂ ଦୟା କିଜି ଖାନି ଜୁଗ୍ତ ଜାର ଉପକାର୍ନି ଆଦିକ୍ ବେସି ଦାନ୍ ହପନାନ୍ । ୮ ଇନାକିଦେଂକି ଉପକାର୍ତ ପାତର୍ ହୁକେ ଏପେଙ୍ଗ୍ ମୁକ୍ତି ଆତାଦେର୍ଣ୍ଣା; ହେଦାଂ ମିତାଂ ଆଖାତାଡ଼ନା, ହେଦାଂ ଇସ୍ପତର୍ ଦାନ୍ ଆନାଡ଼, ୯ ଲାଗିଂ ଇ ବିସ୍ତେ ଇନେର୍ ଗରବ୍ କିଦେଙ୍ଗ୍ ଆଡୁର୍ । ୧୦ ଆପେଂ ଇନାକା ଆତାପ୍ନା, କେବଲ୍ ଇସ୍ପର ନେ ହେଦାଂ କିତାନନା; ଇମ୍ଣି ହାର୍ଦି କାମାୟ ଆସେଙ୍ଗ୍ କିନାସ୍ ଇଞ୍ଜି ଇସ୍ପର ଆଗେତାଂ ବାଚିକିଜି ମାଚାନ୍, ଆସେଙ୍ଗ୍ କ୍ରିସ୍ଟୁ ଜିସୁ ଲାହାଂ ମେହାନି କାଜିଂ ମା ଜିରୁନ୍ତ ହେଦାଂ ଆପେଂ ଆତାଡ଼ନ୍ନା ।

କ୍ରିସ୍ଟୁତାକେ ଏକ୍ ଆନାସ୍

୧୧ ଜାରତି ପାଚେନି ଅବସ୍ତା ଏଡୁ କିୟାର୍ । ଏପେଙ୍ଗ୍ ପାତର୍ କିଞ୍ଜି ଜିହୁଦି ମାଚାଦେର, ଜାରତିଂ “ସୁନ୍ନଡ଼” ଇଞ୍ଜି ମାନି ପାତର୍ କିଞ୍ଜି ଜିହୁଦିର ହୁକେ ସୁନ୍ନଡ଼ ଆକାୟ ଇଞ୍ଜି ମାଚାର୍, ଇଦାଂ କେବଲ୍ ର ଗାଗାଡ଼ ଅବସ୍ତାତିଂ ବୁଜାନାଡ଼ । ୧୨ ଆଗେ ଏପେଙ୍ଗ୍ କ୍ରିସ୍ଟୁତାଂ ଦେହା ମାଚାଦେର, ଇସ୍ତାଏଲ୍ ବିଦେସିୟା ମାଚାଦେର ଆରି ଇସ୍ପରତି ବାଚିକିତି ମେହାଖାଦାଂ ମାଚାଦେର, ଇସ୍ପର ତା ଲକୁ କାଜିଂ କିଜିମାନି ପାର୍ମାଣ୍ ଜପି ରଚ୍ଚି ନିୟମ୍ତ ମି ଇମ୍ଣାକା ପା ବାଗ୍ ହିଲ୍ଖାତାଡ଼ । ବାସର୍ ହିଲ୍ଖାକା ଆରି ଇସ୍ପର ହିଲ୍ଖାକାନ୍ ଆଜି ଏପେଙ୍ଗ୍ ଜଗଡ଼ତ ବାହା କିଜି ମାଚାଦେର । ୧୩ ଆଗେ ଏପେଙ୍ଗ୍ ଦେହା ମାଚାଦେର,

☆ ୧:୨୨ ୧:୨୨ କଲସିୟ ୧:୧୮. ☆ ୨:୧ ୨:୧ କଲସିୟ ୨:୧୩.

ମାତର ନଙ୍ଗ ଜିହ୍ୱୁତି ଲାହାଁ ଏକ ଆଜି କ୍ରିଷ୍ଟି ହେଖାନ୍ତି ନେତେର ହୁକେ ଲାଗାଁ ଆତାଦେଣ୍ଟା । ୧୪ ଇନାକିଦେଂକି ଜିହ୍ୱୁତି ଆରି ପାତର୍ କିଞ୍ଚି ଜିହ୍ୱୁତିରି ଏକ କିଜି, କ୍ରିଷ୍ଟ ନିଜେ ମା ବିତ୍ରେ ସୁସ୍ତା ରଚନାନା । ହେଖାରି ବିନେ କିଜି ହାରି ସତ୍ତୁ ଲାକେ ଇଚ୍ଚି ଅଙ୍ଗୁର ବାଡ୍ ହେଖାନ୍ ହେଖାନ୍ତି ନିଜ ଗାଗାଡ୍ ହୁକେ ଡିକ୍ତାନ । ୧୫ ☆ ହେଖାନ୍ ଜିହ୍ୱୁତିରତି ଝିଜୁ ବିଦିବିଦାଣି ବଲ୍ ମସାତି ବିଦିତ ହପ୍ତି ଜିହ୍ୱୁତି ଆରି ପାତର୍ କିଞ୍ଚି ଜିହ୍ୱୁତି ବିତ୍ରେତାଁ ହେଖାନ୍ତି ଉପକାର ସୁକ୍ତବଗ୍ କିଜି ମାନି ର ପୁନି ନାର୍ ଜାତି ଉବ୍ଜାୟ କିତାନନା । ଇବେ ପୁତର୍ ତ ସୁସ୍ତା ରଚ୍ଯାନାଡ୍ । ୧୬ ☆ କୁସ୍ତ ହେଖାନ୍ତି ହାକି ହୁକେ କ୍ରିଷ୍ଟ ହେ ଜିହ୍ୱୁତି ପାତର୍ କିଞ୍ଚି ଜିହ୍ୱୁତି ବିତ୍ରେ ମାନି ସାତୁରି ବୁଡାୟ କିତାନ; କୁସ୍ ହୁକେ ହେଖାନ୍ ରି ଜାତିତିଂ ମେହାୟକିଜି ର ଗାଗାଡ୍ ଲାକେ କିଡ୍ତାନନା ଆରି ଇସ୍ବର ଲାଗାଁ ହେଖାରିଂ ତାଲଖାତାନ୍ନା । ୧୭ ହେଦାଁ କାଜିଂ କ୍ରିଷ୍ଟ ଖାଜି ମାତାନ୍ ଆରି ଇସ୍ବରତାଁ ଦେହା ହାଲ୍ଲଜି ମାନି ପାତର୍ କିଞ୍ଚି ଜିହ୍ୱୁତି ଆରି ତା ଲାଗାଁନି ଜିହ୍ୱୁତିର ବିତ୍ରେ ସୁସ୍ତାନି ନେକ୍ରିକାବୁର ସୁଶାୟ କିଜି ମାତାନ୍ । ୧୮ କ୍ରିଷ୍ଟି ହୁକେ ନେ ଜିହ୍ୱୁତି ଆରି ପାତର୍ କିଞ୍ଚି ଜିହ୍ୱୁତି ଝିଜାର ର ଜିବୁଡାଁ ଆବା ମୁମ୍ଦ ଖାନି କାଜିଂ ଇଡ୍ଡତାପନା ।

୧୯ ଲାଗିଂ, ଏପେଙ୍ଗ ନଙ୍ଗ ବିଦେସିୟା କି ଜାର ଦେସିନି ମାନାୟ ଆକାୟ ମାତର ସାଦୁର ଲାହାଁ ଏପେଙ୍ଗ ଇସ୍ବରତି ପୁଇପୁୟା ଲକୁ ଲାହାଁ ଏପେଙ୍ଗ ପା ତା ରାଜିନି ବାହା କିନାକାନ୍ ଆରି ଇସ୍ବରତି କୁଚୁମ୍ ଆତାଦେଣ୍ଟା । ୨୦ ଏପେଙ୍ଗ ପା ପକ୍ୟାତାକାନ୍ ଚେଲା ଆରି ବେଶ୍ବାକ୍ଶାୟକିନାକାତର୍ ହୁକେ ରଚ୍ଚି କୁନାଦି ଜପି ରପାତି ଇଲ୍ଲକୁ ଲାକେ । ହେ ଇଲ୍ଲନି କନାନି କାଲ୍ ନିଜେ କ୍ରିଷ୍ଟ ଜିସୁ । ୨୧ ହେଖାନ୍ କେବଲ୍ ଇ ଇଲ୍ଲତିଂ ମେହାୟକିଜି ଇଚ୍ଚନାନ୍ ଆରି ମାପୁତି କାଜିଂ ର ପୁଜାକିନି ପୁଇପୁୟା ମନ୍ଦିର ଲାକେ ବାଡାୟ କିତାନ । ୨୨ ହେଖାନ୍ତି ଉପକାରତ ଏପେଙ୍ଗ ପା ବିନ୍ ଝିଜାରିଂ ଲାହାଁ ଜିବୁନ୍ଲଗ୍ଦି ଇସ୍ବର କୁଚ୍ଚି କାଜିଂ ର ବାକ୍ତା ଲାକେ ରଚ୍ଯାନାତା ।

୩

ପାତର୍ କିଞ୍ଚି ଜିହ୍ୱୁତିରତି କାଜିଂ ପାଉଲ୍ଡି କାମାୟ

୧ ଇ କାର୍ଣତାଁ ମି ଲାକେ ପାତର୍ କିଞ୍ଚି ଜିହ୍ୱୁତିର କାଜିଂ କ୍ରିଷ୍ଟ ଜିସୁ ହୁକେ ବନ୍ଦି ଆଜି ମାନି ଆନ୍ ପାଉଲ୍, ଇସ୍ବର ତାକେ ପାର୍ତାନା କିନାଙ୍ଗା । ୨ ମି ହାର କାଜିଂ ଇସ୍ବର ତା ଦୟାତ ନାଙ୍ଗ ଇନେର ଇ କାମାୟ କିଦେଙ୍ଗ ହିଡ୍ତାଣ୍ଟା, ଇଦାଁ ହାତେନେ ଝେଚାଦେଣ୍ଟା । ୩ ଇସ୍ବର ତା ଡକ୍ତୁତି କାତା ହପ୍ତି ନାଙ୍ଗେଙ୍ଗ ଝେଚାତାନ୍ନା । ଇ ବିସ୍ତେ ଆନ୍ ହାରୁକିଜି ଲେକିକିନାଙ୍ଗା । ୪ ☆ ହେଦାଁ ପଡିକିତିସ୍ କ୍ରିଷ୍ଟି ଡକ୍ତୁ କାତା ବିସ୍ତେ ଆନ୍ ଇନାକା ବୁଜାଆତାଁନା ହେଦାଁ ଏପେଙ୍ଗ ପୁଞ୍ଜେଙ୍ଗ ଆଡ୍ନାଦେର । ୫ ଆଗେନି କାଡ୍ଡ ମାନାୟ ଜାତିତିଂ ଇ ଡକ୍ତୁ କାତା ବିସ୍ତେ ଇନାଖାଦାଁ ମାତାଡ୍ । ମାତର ଇସ୍ବର ନଙ୍ଗିନି ତା ପୁଇପୁୟା ପକ୍ୟାତାକାନ୍ ଚେଲାଙ୍ଗ ଆରି ବେଶ୍ବାକ୍ଶାୟକିନାକାର ଜିବୁନ୍ ହୁଦାଁ ଇଦାଁ ହପ୍ତାନନା । ୬ ହେ ଡକ୍ତୁ କାତା ଆନାତା, ନେକ୍ରିକାବୁର କାଜିଂ ଜିହ୍ୱୁତିର ଲାହାଁ ପାତର୍ କିଞ୍ଚି ଜିହ୍ୱୁତିର ପା ଇସ୍ବରତି ଆସିର୍ବାଦ୍ତ ମେହା ଆତାଣ୍ଟା । ହେଖାର ହେ ର ଗାଗାଡ୍ନି କେଇଗାଲ୍ ଆରି ଜିସୁ କ୍ରିଷ୍ଟି ଉପକାରତାଁ ଇସ୍ବର ହିଡ୍ତି ପାର୍ମାଣ୍ଡ ମେହା ଆନାଦେର ।

୭ ଇସ୍ବତର୍ ତା ସାକ୍ତି ହିଜି ନାଙ୍ଗ ଇମ୍ଣି ଦୟା ଦାନ୍ ହିତାନନା ହେଦାଁ କାଜିଂ ଆନ୍ ନେକ୍ରିକାବୁରନି ପର୍ଚାର୍ ହେବାକାରୟା ଆନାଙ୍ଗ । ୮ ଆନ୍ ଇସ୍ବରତି ସାଦୁର ବିତ୍ରେ ଝିଜାରତାଁ ହାରୁ, ଆତିସ୍ପା ପାତର୍ କିଞ୍ଚି ଜିହ୍ୱୁତିର ଲାଗାଁ କ୍ରିଷ୍ଟି ବେସି ଦାନ୍ନି ନେକ୍ରିକାବୁର ଅନି କାଜିଂ ନାଙ୍ଗ ଇସ୍ବର ସମୁ ହିଡ୍ତାଡ୍ନା । ୯ ଇସ୍ବରତି ହେ ପୁନି ସମୁନି ଡକ୍ତୁ ଉପାୟ ଇନେସ୍ କାମାୟ ଆଦେଁ ଆଡ୍ନାଡ୍, ହେଦାଁ ଝିଜାରିଂ ଜାଣାୟ କିଦେଙ୍ଗ ନି କାମାୟ ଆନ୍ ଲାବ୍ କିତାଁନା । ସବୁ ବିସ୍ତେନି ରାକ୍ୟାକାରିୟା ଇସ୍ବର ଆଗେ ସବୁ ଜୁଗ୍ତ ତା ଡକ୍ତୁ କାତାତିଂ ଡକ୍ତୁ ଇଡ୍ଡି ମାତାର, ୧୦ ଇନେସ୍ ନଙ୍ଗିନି ସମୁତ କ୍ରିଷ୍ଟିୟାନ୍ ମଣ୍ଡଲିନି କାମାୟ ହୁକେ ସାଗେନି ଆଦିକାର ଆରି ସାକ୍ତିକାଟାକାନ୍ ଇସ୍ବରତି ବେସି ଗିଆନ୍ ବିସ୍ତେ ହିକ୍ୟା କିଜି ବୁଜାନାସ୍ । ୧୧ ଇସ୍ବର ତା ଝିଜ୍ଝି ସମୁ ଉଦେସ୍ ଇସାବ୍ରେ ମା ମାପୁ କ୍ରିଷ୍ଟି ଜିସୁତି ହୁକେ ଇଦାଁ ପୁରା କିତାଣ୍ଟା । ୧୨ କ୍ରିଷ୍ଟି ଲାହାଁ ମେହାଜି ମାଟିଲେ ଆରି ତା ତାକେ ପାତର୍ କିଜି ମାଟିଲେ ବାସ୍ ଲାହାଙ୍ଗ ଇସ୍ବର ଲାଗାଙ୍ଗ ହାନି କାଜିଂ ମାଦାଁ ନଙ୍ଗ ସାସ୍ ମାନାଡ୍ । ୧୩ ଇଦାଁ କାଜିଂ ନାଦି ଗଞ୍ଜାରି, ମି କାଜିଂ ନା ଦୁକ୍ତବଗ୍ କାଜିଂ ନିସ୍ତାୟ ଆମାଟ୍, ଇନାକିଦେଂକି ଇଦାଁ ସବୁ ମିଦାଙ୍ଗ ଜାଜ୍ମାଲ୍ କାଜିଂ ଆତାଡ୍ନା ।

କ୍ରିଷ୍ଟି ଜିଉନନାକା

୧୪ ହେଦାଁ କାଜିଂ ଆବା ମୁମ୍ଦ ଆନ୍ ମେଶ୍ଯାଙ୍ଗକୁନ୍ଦିକିଜି ପାର୍ତାନା କିନାଙ୍ଗା, ୧୫ ଇନେରିଂ ସାଗେ ଆରି ପୁତର୍ ଜାଣକେ କୁଚୁମ୍ ତା ଆକର ଦାଦିର ତର ପାୟାତାଁନା । ୧୬ ଇନେସ୍ ହେଖାନ୍ ଜାର ଜାଜ୍ମାଲ୍ ଲାକେ ଦନ୍ ଇସାବ୍ରେ ଜାର ଜିବୁଡି ହୁକେ ମିଙ୍ଗେଙ୍ଗ ଜାର ମାନାୟତାଁ ସାକ୍ତି ପାୟା ଆଜି ବାପୁ ଆଦେଁ ହିଦ୍ନାନ୍ ହେଦାଁ କାଜିଂ ପାର୍ତାନା କିନାଙ୍ଗା, ୧୭ ଆନ୍ ପାର୍ତାନା କିନାଙ୍ଗ, ଇନେସ୍ ମି ପାତର୍ ହୁକେ କ୍ରିଷ୍ଟି ମି ଝାସ୍ତିତ ବାହା କିନାନ୍, ଆନ୍ ପାର୍ତାନା କିନାଙ୍ଗ, ଇନେସ୍କି ମି ମୁଡ୍ କୁନାଦି ଜିଉନନିତ ରଚ୍ଚି ବେସିଆର୍ଝା ଆନାଡ୍ । ୧୮ କ୍ରିଷ୍ଟି ଝାରି ଜେ ଏଚେକ୍ ଲାମା ଆରି ଅହାର, ଏଚେକ୍ ପାନ୍ତାକା, ଏପେଙ୍ଗ ଇସ୍ବରତି ପୁଇପୁୟା ମାନାୟାର ଲାହାଁ ବୁଜାନି ସାକ୍ତି ଗାଗାଆଏଡ୍ । ଇନେସ୍କି ଏପେଙ୍ଗ ଇଦାଁ ପା ବୁଜାଦେଁ

☆ ୨:୧୫ ୨:୧୫ କଲସିୟ ୨:୧୪. ☆ ୨:୧୬ ୨:୧୬ କଲସିୟ ୧:୨୦. ☆ ୩:୪ ୩:୪ କଲସିୟ ୧:୨୭,୨୭.

ଆଡ଼ନାଦେର ଜେ, ହେ ଖାରି ଏଚେକ ଅହାର । ୧୯ ଆଁ ଏପେଙ୍ଗ ତା ଜିଉନନି କାତା ପୁଞ୍ଜେଙ୍ଗ ଆଡ଼ନାଦେର, ଆତିସ୍ପା
ଇଦାଂ ଇନାଖାଡ଼ାଙ୍ଗ ପା ପୁରାତାଂ ପୁନ୍ୟା ଆଉଡ଼ । ଏଲେଙ୍ଗ ବାନି ଏପେଙ୍ଗ ଇସ୍ପୁରତି ଗୁଣ୍ ବାତ ାତ ପୁଞ୍ଜେଙ୍ଗ ଆଡ଼ନାଦେର
। ୨୦ ଇସ୍ପୁର ମା ଖାସ୍ତିତ କାମାୟ ପୁରା କିନି ଜାର ସାକ୍ତି ଇସାବରେ ମା ଏନ୍ନାକା କି ବାବିକିନି ତାଂ ଆଦିକ୍ ହଟ୍ ପୁରା
କିଦେଙ୍ଗ ଆଡ଼ନାସ୍; ୨୧ ମଣ୍ଡୁଲି ହୁକେ ଆରି କ୍ରିସ୍ଟ ଜିସ୍ତୁତି ହୁକେ ଜୁଗ୍ ଜୁଗ୍ ଓଁଜ୍ଓ କାଡ଼ ପାତେକ୍ ହେ ଇସ୍ପୁରତି ଜାଜ୍ମାଲ୍
ଆଏଡ଼ । ଆମେନ୍ ।

୪

ଗାଗାଡ଼ ଏକ୍

୧ ମାପୁତି ହେବା କିଜିମାନି କାଜିଂ ଗେହ୍ୟାଜିମାନି ଆନ୍ ପାଉଲ୍ ମିଙ୍ଗେଙ୍ଗ ଗଞ୍ଜାରି କିଦ୍ନାଙ୍ଗା, ଇନେସ୍ ଜିବୁନ୍ ଜିଉଣା
କିନି କାଜିଂ ଇସ୍ପୁର ମିଙ୍ଗେଙ୍ଗ କୁକ୍ତାତାନ୍ନା ତାଲାକେ ବେବାର୍ କିୟାଟ୍, ୨ *ସବୁଞ୍ଜେଡ଼ାଙ୍ଗ ହୁଦାର୍, ହିଡ଼ି ଆରି ସାହାସ୍ ଆଡ଼
। ହାରି ଲାମାହୁଦାର୍ ଆଜି ଜିଉନନିତ ହାରି କାଜିଂ ହୁଞ୍ଜନାକାଦେର ଆଡ଼; ୩ ପୁଇପୁୟା ଜିବୁନ୍ତ ଉପକାରତାଂ ସୁସ୍ତାତାଂ
ବାହାକିନି ହୁକେ ମି ବିତ୍ରେ ଇମ୍ଣି ରବେ ରଚ୍ଚାଦେଣ୍ଟା, ହେଦେଲିଂ ରାକ୍ୟା କିନି କାଜିଂ ଜାତୁନ୍ ଆଡ଼ । ୪ ମା ଗାଗାଡ଼
ରଞ୍ଜାଙ୍ଗ, ଜିବୁନ୍ ପା ରଞ୍ଜାଙ୍ଗ । ଆରି ର ବାସ୍ ହିଜି ଇସ୍ପୁର ମାଙ୍ଗେଙ୍ଗ କୁକ୍ତାତାନ୍ନା । ୫ ର ମାପୁ, ର ପାତ୍, ର ବାପ୍ତିସିମ୍, ୬
୭ ଓଁଜାର୍ ନାର୍ ଜାତିନି ଇସ୍ପୁର ଆରି ଆବା ରଞ୍ଜାନ୍; ହେଞ୍ଜାନ୍ ଓଁଜାର୍ ମାପୁ, ଓଁଜାର୍ ବିତ୍ରେ ଆରି ଓଁଜାର୍ ଖାସ୍ତିତ ମାନାନ୍ ।

୮ କ୍ରିସ୍ଟ ହିଜିମାନ୍ତି ଅଲପ୍ନେ ଆସେଙ୍ଗ ଜାଣ୍ଟକେ ରଞ୍ଜାଙ୍ଗ ରଞ୍ଜାଙ୍ଗ ଦୟା ଦାନ୍ ପାୟାତାସ୍ନା । ୮ ଦର୍ମ ସାସ୍ପୁରତ ଇ
ବିସ୍ତ୍ରେ ଲେକା ଆତାଡ଼ନ୍ନା

“ଏଚେକାଡ଼ଦ ହଞ୍ଜାନ୍ ଜପି ଦୁମ୍ତାନ୍,

ତା ଲାହାଂ ହେନି ବନ୍ଦିରଂ ହେଞ୍ଜାନ୍ ଅତାନ୍,
ଆରେ ନାର୍ ଜାତିତିଂ ବେସି ବର୍ ଦାନ୍ ହିତାନ୍ ।”

୯ “ହେଞ୍ଜାନ୍ ଜପି ଦୁମ୍ତାନ୍,” ଇଞ୍ଜି ଇନାକା ଅରଡ଼ ଇନାକା ? ଇଦାଂ ନି ଅରଡ଼, ପର୍ତୁମ୍ ହେଞ୍ଜାନ୍ ପୁତ୍ ନି ତାରେନ୍
ବାହାକାଂ ଜୁଡ଼ତାନ୍ । ୧୦ ଲାଗିଂ ଇନେନ୍ ଜୁଡ଼ତାନ୍, ହେଞ୍ଜାନ୍ ରାଜିନି ପୁତ୍ ତିଂ ହେଞ୍ଜାନ୍ତି ମାନିହିଂ ବାତ୍ କିନି କାଜିଂ
ହେଞ୍ଜାନ୍ ଆରେ ସାରେନି ଜପିତିଂ ଦୁମ୍ତାନ୍ । ୧୧ ହେଞ୍ଜାନ୍ ନେ ନାର୍ ଜାତିତିଂ ବେସି ବର୍ ଦାନ୍ ହିଜି ହାଚାନ୍ନା । ଇନେରିଂ
ପକ୍ୟାତାକାନ୍ ଚେଲା, ଆରେ ଇନେରିଂ ବେଶ୍‌ବାକ୍‌ଶାୟକିନାକାର୍, ଇନେ ଇନେରିଂ ନେକ୍ରିକାରୁର୍ ସୁଣାୟକିନାକାର୍,
ଆରେ ଇନେ ଇନେରିଂ ପାସ୍ପୁର ଆରି ଗୁରୁ ଲାକେ ବାତି କିତାନ୍ନା; ୧୨ କ୍ରିସ୍ଟୁତି ହେ ଗାଗାଡ଼ ରଚ୍ଚି ଉଦେସ୍ତ କ୍ରିସ୍ଟୁୟାନ୍
ହେବାକାମାୟ କାଜିଂ ଇସ୍ପୁର ସାଦୁରିଂ ଜାଲ୍ଦି କିଦେଙ୍ଗ ହେଞ୍ଜାନ୍ ଇଦାଂ କିତାନ୍ନା । ୧୩ ହେଦାଂ କାଜିଂ ଆସେଙ୍ଗ ଓଁଜାର୍
ପାତ୍ ଆରି ଇସ୍ପୁରତି ମାଜି ବିସ୍ତ୍ରେ ଗିଆନ୍ତ ରବେ ଆନାପ୍, କ୍ରିସ୍ଟୁତି ପୁରାପାୟାଜି ଆପେଂ ପ୍ଲାନିବୁଡ଼ାର୍ ଆନାପ୍ । ୧୪ ଡ଼କୁ
ଚାଲାନିତ ଆରି ଲଡ଼ି ଡୁକାନିତ ଏନେତେନେ ଆନି ହିମ୍ଣାଂ ଲାକେ ଆସେଙ୍ଗ ଆରେ ତିର୍ ଆଉସ୍ । ବିନ୍ନିକାରିଂ ବିନେ
ହାଞ୍ଜେଙ୍ଗ ଗାଣ୍ଟୁଟିରତି ଚାଲାକି ହିକ୍ୟାତ ଆସେଙ୍ଗ ଏନେତେନେ ଆଉସ୍ । ୧୫ ଇତିସ୍ ଜିଉନନିତ ହାଡ଼ପା ଇଞ୍ଜି ସବୁ ବିସ୍ତ୍ରେ
କାପ୍ଡା ଲାକେ କ୍ରିସ୍ଟୁତି ଲାକେ ଆନାସ୍ । ୧୬ *ହେଞ୍ଜାନ୍ତି ଗାଗାଡ଼ନି ବିନ୍ଦିନ୍ ହାଦିନି ଉପକାର୍ ହୁକେ ଆରେ, ଜାଣ୍ଟକେ ବାଗ୍ନି
କାମାୟକିନି ସାକ୍ତି ଇସାବ୍ରେ ମେହାଜି ଆରି ମେହାଜି ଜିଉନନିତ ଜାର୍ ହାର୍ କାଜିଂ ଜାର୍ତି ବାତାଦେଂ ରଚ୍ଚୟାନ୍ତାଡ଼ ।

କ୍ରିସ୍ଟାଂ ପୁନି ଜିବୁନ୍

୧୭ ଲାଗିଂ ମାପୁତି ତରଦ ବେସି ଗଞ୍ଜାରି କିଜି ଇଞ୍ଜନାଙ୍ଗା, ପାତ୍ କିଓଁ ଜିହୁଦିର୍ ଜିବୁନ୍ ଜିପ୍କା କିମାଟ୍ ଇନେସ୍ ଜାର୍
ଜାର୍ ମାନ୍ନି ମାଲ୍ୟା ପଲ୍ୟା କିତାର୍, ଏପେଙ୍ଗ ହେ ଲାକେ ବେବାର୍ କିମାଟ୍; ୧୮ ଆରି ହେଞ୍ଜାଡ଼ି ମାନ୍ ମାଜ୍‌ଗା । ଇସ୍ପୁର
ହିଡ଼ି ଜିବୁନ୍ତ ହେଞ୍ଜାଡ଼ି ଇମ୍ଣାକାସ୍ ମେହାଣ୍ ଆକାୟ । ଇନେକିଦେଂକି ହେଞ୍ଜାର୍ ପୁରା ଅଗିଆନ୍ ଆରି ଅମାନ୍ୟା
ମାନାୟ । ୧୯ ହେଞ୍ଜାର୍ ନିଲାଇ, ଲାଜ୍ ହିଲ୍‌ଖାକାର୍, ଆରି ଲଗ୍ ବାବ୍ରେ ସବୁ ବାନି ବିଚାଡ଼ କାମାୟତ ବାତ୍ ।

୨୦ ଇ ସବୁ ଏପେଙ୍ଗ କ୍ରିସ୍ଟୁତି ବିସ୍ତ୍ରେ ହିକ୍ୟା କିଜି ମାନି ବିସ୍ତ୍ରେ ଆକାୟ । ୨୧ ଏପେଙ୍ଗତ ହେଞ୍ଜାନ୍ତି ବିସ୍ତ୍ରେ ଞ୍ଜେଚାଦେଣ୍ଟା ଆରି
ହେଞ୍ଜାନ୍ ପାଚେହାନି ଲାକେ ଜିସ୍ତୁତି ବିସ୍ତ୍ରେ ହାଡ଼ପା ହିକ୍ୟା ପାୟା ଆତାଦେଣ୍ଟା । ୨୨ *ଲାଗିଂ ଇମ୍ଣି ପ୍ଲାନାକା ବେବାର୍ ଅଜି
ଏପେଙ୍ଗ ଜିବୁନ୍ ଜିପ୍କା କିଜି ମାଚାଦେର, ହେଦାଂ ପିହାଟ୍, ଇନେକିଦେଂକି ତା ଚାକ୍ତାୟ କାମାୟ ହୁକେ ମି ଜିବୁନ୍ ନସ୍
ଆଜି ମାଚାଡ଼ । ୨୩ ଆରେ ମି ମାନ୍ତ ଆରି ମାନ୍ନି ପୁରା ପୁନାକା ଆଦେଂ ଲଡ଼ା । ୨୪ *ଇମ୍ଣି ପୁନି ଅବ୍ୟାସ୍ ଇସ୍ପୁରତି ଲାକେ
ଉବ୍‌ଜାଣ୍ ଦାମ୍ କାତା ଆରି ହାଡ଼ପାନି ପୁଇପୁୟାତ ରଚ୍ଚୟା ଆତାଡ଼ନ୍ନା, ହେଦାଂ ଉସ୍‌ପେଦେଂ ହିକା ଆତାଦେଣ୍ଟା ।

୨୫ ଆରେ ମିର୍ ଇନ୍‌ମାଟ୍ । କ୍ରିସ୍ଟୁଙ୍ଗ ପାତ୍ କିନାର୍ ହାରିତିଂ ସଡ଼ ଇନାକା ମାନାଡ଼; ଇନେକିଦେଂକି ଆପେଂ କ୍ରିସ୍ଟୁତି
ଗାଗାଡ଼ କେଇଗାଲ୍ । ୨୬ ଏପେଙ୍ଗ ରିସା ଆଜି ପାପ୍ କିମାଟ୍ । ଞ୍ଜେଡ଼ା ହାଲ୍‌ଓଁହିଂ ମି ରିସା ଉଣା ଆଏଡ଼ । ୨୭ ଆରେ
ସୟ୍‌ତାନ୍ତିଂ ବାହା ହିମାଟ୍ । ୨୮ ଇତିସ୍ ହିଲ୍‌ଖାକାନ୍ ଲକୁରିଂ ଦାନ୍ କିନି କାଜିଂ ଇନେସ୍ ତା ତାକେ ଅଲପ୍ ମାନ୍‌ଗାନାଡ଼,

* ୪:୨ ୪:୨ କଲସିୟ ୩:୧୨,୧୩. * ୪:୧୭ ୪:୧୭ କଲସିୟ ୨:୧୯. * ୪:୨୨ ୪:୨୨ କଲସିୟ ୩:୯. * ୪:୨୪ ୪:୨୪ କଲସିୟ ୩:୧୦.

ଇଦାଂ କାଳିଂ ଜାର୍ କେଇଦ ହାର୍ଦି କାମାୟ କିଜି କସ୍ତୁ କିଏନ୍ । ୨୯ ମି ଖେଇଦାଂ ଇମ୍ପାକା ପା ବାନ୍ୟା ବଚନ୍ ହତ୍ତେଡ୍, ଆଞ୍ଜିତିସ୍ ଲତ୍ତା ଇସାପ୍ରେ ରନ୍ଦି ବଚନ୍ ହତ୍ତେଡ୍, ଇନେସ୍ ହେଦାଂ ଖେନାକାତ୍ ଉପକାର୍ ପାକ୍ୟାତ ଉପକାର୍ ଆନାଡ୍ । ୩୦ ଇସ୍ପରତି ପୁଇପୁୟା ଜିବୁନ୍ତିଂ ଦୁକ୍ ହିଡ୍ । ଇନେକିଦେଂକି ପୁଇପୁୟା ଜିବୁନ୍ ମି ଜପି ଇସ୍ପରତି ଆଦିକାର୍ନି ଚିନ୍ ଇଡ୍ଡିତି ଲାକେ ଆରି ଇସ୍ପର ଜେ ଦିନେକ୍ ମିଦାଂ ମୁକ୍ତାନାକା ପୁରା କିଦନାର୍, ଇଦାଂ ହାଡ୍ପା । ୩୧ ଓଜୁ ବାନି କୁର୍ ବାବନା, ରିସା, ଟାଣି, କୁଲ୍ ଆରି ଲକାର୍ ନିୟା ଆରେ ସବୁ ବାନି ଆକାର୍ ମିତାକେଣ୍ଟା ଦେହା ଆଏଡ୍ । ୩୨ ଆରେ, ହାରି କାଳିଂ ଦୟା ଆଡ୍, କଞ୍ଜାଣ୍ ମାନ୍ ଆଡ୍, ଆରି କ୍ରିସ୍ତି କାଳିଂ ଇସ୍ପର ଇନେସ୍ ମିଙ୍ଗେଙ୍ଗ୍ କେମା କିଡ୍ତାନ୍, ହେ ଲାକେ ହାରିତିଂ କେମା କିୟାଟ୍ ।

୫

ଅଜଡ୍ଡି ଜିବୁନ୍

୧ ଏପେଙ୍ଗ୍ ଇସ୍ପରତି ଖାରିନି ମାଜିକାଦେର୍, ଇତିସ୍ ତା ପାଚେ ହାଞ୍ଜେଙ୍ଗ୍ ସେସ୍ଟା କିୟା । ୨ କ୍ରିସ୍ଟ ଇନେସ୍ ମାଙ୍ଗେଙ୍ଗ୍ ଜିଉନଡ୍ତାନ୍, ଆରି ଇସ୍ପତ୍ ସାରି କାଳିଂ ଜାର୍ ଜିବୁନ୍ତିଂ ମା କାଳିଂ ହାଦ୍ ଆକାଡ୍ ଆରି ପୁଜାଲାକେ ହିତାନ୍, ମି ଜିବୁନ୍ ପା ହେ ଲାକେ ଜିଉନନାକା ହୁକେ ଚାଲା ଆଏଡ୍ ।

୩ ଇସ୍ପରତି ପୁଇପୁୟା ଲକୁ ଆଜି ମାଟିସ୍ ମି ବିତ୍ରେ ଦାରି, ବିଚାଡ୍ କି ଲାବଡ୍, ହେଦାଂ ସାଦୁର୍ ଲାଗାଂ ହାର୍ ଆକାୟ୍ । ୪ ମି ପାକ୍ୟାତ ହଞ୍ଜାଦ୍ ବେରଣ୍, ଅରାହିଲ୍ଡି କାତା କି ଆହାର୍ କାତା ବେବାର୍ କିନାକା ପା ଲତ୍ତା ଆକାୟ୍ । ଇତିସ୍ ମି କାତାବାର୍ତାତ ଇସ୍ପରତିଂ ଦନ୍ୟବାଦ୍ ହିଜି ମାନାଟ୍ । ୫ ଇନେକିଦେଂକି ଏପେଙ୍ଗ୍ ହାଡ୍ପା ଇଞ୍ଜି ପୁନ୍ଞି ମାନାଟ୍, ଇମ୍ପାଣି ଦାରୁଲା କି ରାଡ୍ ମାନାୟ୍ ନଲେ ଲବ୍ରା ହେଞ୍ଜାନ୍ ତ ପୁଡ୍ଡା ପୁଜାକିନାକାନ୍ ଇଞ୍ଜାଡ୍ଡି, କ୍ରିସ୍ଟ ଆରି ଇସ୍ପରତି ରାଜିନି ଆଦିକାର୍ ଆଦେଂ ଆଡୁର୍ ।

୬ ପଲ୍ୟା କାତା ଇଞ୍ଜି ଇନେର୍ ମିଙ୍ଗେଙ୍ଗ୍ ଟକାୟ୍ କିଦ୍ମେନ୍ । ଇ ସବୁ ବାନ୍ୟାକାମାୟ୍ ହୁକେ ଇମ୍ପାକାର୍ ଇସ୍ପରତି ବଲ୍ ମାନି କିଡ୍ଡର୍, ହେଞ୍ଜାର୍ କାଳିଂ ତା ରିସା ପଲ୍ୟା ଆନାଡ୍ । ୭ ଏଲେଙ୍ଗ୍ ବାନି ମାନାୟ୍ ଲାହାଙ୍ଗ୍, ଇମ୍ପାଣି ତାକେପା ମେହାଣ୍ ଆମାଟ୍, ୮ ଏପେଙ୍ଗ୍ ଦିନେକ୍ ମାଜ୍ଗାତ ମାଚାଦେର୍, ମତର୍ ନଙ୍ଗ୍ ମାପୁଡି ଲକୁ ଆଜି ମାଟିଲେ ଅଜଡ୍ଡି ହିମ୍ପାଂ ଲାକେ ବେବାର୍ କିୟାଟ୍, ୯ ଇନାକିଦେଂକି ଅଜଡ୍ ନେ ସବୁ ବାନି ସଡ୍ଗୁଣ୍, ଦାମ୍ ଆରି ହାଡ୍ପା ଲାକେ ପାଡ୍ ଉବ୍ଜା ଆନାଡ୍ । ୧୦ ମାପୁଡିଂ ବୁଜା ଆଦେଂ କାଳିଂ ହିକ୍ୟା କିୟାଟ୍ । ୧୧ ମାଜ୍ଗାନି ମାଲ୍ୟା କାମାୟ୍ ସବୁତାକେ ମେହାଆମାଟ୍, ଇତିସ୍ ସବୁନି ଦସିନେ ଚଚାଟ୍ । ୧୨ ଇନାକିଦେଂକି ହେଞ୍ଜାର୍ ଇନାକା ସବୁ ଡ୍ଗୁଜି କିତାର୍, ହେ ସବୁ କାତା ଇନାକା ପା ଲାଜୁ, ୧୩ ଏଚେକାଡ୍ଡି ଓଜୁ ବିସ୍ତେ ଅଜଡ୍ଡି ତାଈଞ୍ଜାନାର୍, ହେପାଦ୍ନା ହେଞ୍ଜାକା ହାଡ୍ପା ଲାକେ ହନାଡ୍ । ୧୪ ଇନେକିଦେଂକି ଅଜଡ୍ ଓଜୁ ବିସ୍ତେ ଅଜଡ୍ ଆନାଡ୍ । ହେଦାଂ କାଳିଂ ଏଲେଙ୍ଗ୍ ଲେକା ଆତାଡ୍ନା ।

“ଏ ହୁଞ୍ଜାକାଦେର୍, ନିଙ୍ଗାଟ୍, ହାତାକାର୍ ବିତ୍ରେତାଂ ନିଙ୍ଗାଟ୍, ଆରେ କ୍ରିସ୍ଟ ମି ତାକେ ଅଜଡ୍ ଆନାନ୍ ।”

୧୫ ଲାଗିଂ ଏପେଙ୍ଗ୍ ଇନେସ୍ ବେବାର୍ କିନାଦେର୍, ହେଞ୍ଜାନ୍ ବିସ୍ତେ ଜାଗୁଡ୍ ମାନାଟ୍, ଅଗିଆନି ଲାକେ ଆଞ୍ଜାଦାଂ ଗିଆନି ଲାକେ ବେବାର୍ କିୟାଟ୍, ୧୬ ଇନାକିଦେଂକି ଉପାୟ୍ନି ସଡ୍ ବେବାର୍ କିୟାଟ୍, ଇନାକିଦେଂକି କାଡ୍ ବାନ୍ୟା ଦିନ୍ ଏକାଞ୍ଜାନାଡ୍ । ୧୭ ଲାଗିଂ ବୁଦିହିଲ୍ଡି ଲାକେ ଆମାଟ୍, ମାତର୍ ମାପୁଡି ଇଚା ଇନାକା, ହେଦାଂ ବୁଜାଆଦେଂ ସେସ୍ଟା କିୟାଟ୍ । ୧୮ କାଳିଂ ଅଜୁର୍ ରାସ୍ ହଡ୍ମାଟ୍, ଇନେକିଦେଂକି ହେଦାଂ କେବଲ୍ ମିଙ୍ଗେଙ୍ଗ୍ ନାସ୍ କିଦନାଡ୍, ମାତର୍ ପୁଇପୁୟା ଜିବୁନ୍ତ ବାଡ୍ ଆଡ୍, ୧୯ ନାୟ୍, ଦନ୍ୟବାଦ୍ ନାୟ୍, ଆରି ବକ୍ତି ନାୟ୍, ହୁକେ ହାରିତିଂ ଖାରିକି କିୟାଟ୍ । ମାଡ୍ ଇଚା ଲାହାଂ ମାପୁଡି ଉଦେସ୍ତ କେର୍କଣ୍ ଆରି କେର୍କଣ୍ କେରାଟ୍ । ୨୦ ନିତ୍ରେ ଓଜୁ ବିସ୍ତେ କାଳିଂ ମା ମାପୁ ଜିସୁ କ୍ରିସ୍ତି ତର୍ଦ୍ଦ ଆବା ଇସ୍ପରତିଂ ଦନ୍ୟବାଦ୍ ହିଆଟ୍ ।

ଆଣ୍ଡେନ୍ ଆରି କଗ୍ଲେ

୨୧ ଆରେ କ୍ରିସ୍ଟ ପାଣ୍ଡୁ ଆଜି ଏପେଙ୍ଗ୍ ହାରି ତାରେନ୍ ଆଡୁ । ୨୨ ଏ କଗ୍ଲେକାଦେର୍, ଏପେଙ୍ଗ୍ ଇନେସ୍ ମାପୁଡି ତଲ୍ୟା ଆଡୁ, ହେ ଲାକେ ଜାର୍ ଜାର୍ ଆଣ୍ଡେନ୍ ତଲ୍ୟା ଆଡୁ, ୨୩ ମଣ୍ଡଲି ଜପି କ୍ରିସ୍ତି ଆଦିକାର୍ ଲାକେ କଗ୍ଲେ ଜପି ଆଣ୍ଡେନ୍ ଆଦିକାର୍ ମାନାଡ୍; ଆରେ କ୍ରିସ୍ଟେନେ ତା ଗାଗାଡ୍ ଲାକେ ମଣ୍ଡଲିନି ମୁକ୍ତିକିନାକାନ୍ । ୨୪ ମଣ୍ଡଲି ଇନେସ୍ କ୍ରିସ୍ତି ତାକେ ତଲ୍ୟା, ଆଣ୍ଡାଂ ସମାନ୍ ହେ ଲାକେ ଜାର୍ ଜାର୍ ଆଣ୍ଡେନ୍ ଲାଗାଂ ପୁରା ତଲ୍ୟା ଆଏକ୍ ।

୨୫ ଏ ଆଣ୍ଡାକାଦେର୍, କ୍ରିସ୍ଟ ଇନେସ୍ ମଣ୍ଡଲିତିଂ ଜିଉନତାନ୍, ତା କାଳିଂ ଜାର୍ ଜିବୁନ୍ ହିତାନ୍, ଏପେଙ୍ଗ୍ ସମାନ୍ ହେ ଲାକେ ଜାର୍ ଜାର୍ କଗ୍ଲେକାଂ ଜିଉନଞ୍ଜାଟ୍ । ୨୬ ଇନେସ୍ ବଚନ୍ ଆରି ଏଜୁଙ୍ଗ୍ତାଂ ନୁସ୍ୟାନି କାଳିଂ ହେଞ୍ଜାନ୍ ତାଙ୍ଗ୍ ସକର୍ କିଜି ପୁଇପୁୟା କିଦନାନ୍, ୨୭ ଇନେସ୍ ମଣ୍ଡଲି ପୁଇପୁୟା, ପ୍ରାଲ୍ହିଲ୍ଡିଞ୍ଜାକା ବୁଲ୍ହିଲ୍ଲାନାନ୍ ଆରି ସବୁ ବାନି ଦସ୍ହିଲ୍ଡି ଆଜି

☆ ୪:୩୨ ୪:୩୨ କଲସିୟ ୩:୧୩. ☆ ୫:୧୭ ୫:୧୭ କଲସିୟ ୪:୫. ☆ ୫:୧୯ ୫:୧୯ କଲସିୟ ୩:୧୭,୧୭. ☆ ୫:୨୨ ୫:୨୨ କଲସିୟ ୩:୧୮; ୧ ପିତର୍ ୩:୧. ☆ ୫:୨୫ ୫:୨୫ କଲସିୟ ୩:୧୯; ୧ ପିତର୍ ୩:୭.

ପୁରୁଷମାନେ ଆରି ହୁଞ୍ଜିଆକା ଆନାଡ଼, ଆରେ ହେ ଲାକେ ଜାଜ୍‌ମାଲ୍ ଅବସ୍ତାତ ହେଞ୍ଜାନ୍ ତାଙ୍ଗ୍ ଜାର୍ ଲାଗାଂ ନିଲି କିନାନ୍ । ୨୮ ଆଣ୍ଟାଂ ଜାର୍ ଗାଗାଡ଼ ଲାକେ ବାବି କିଜି ଜାର୍ କଗ୍‌ଲେଂ ଜିଉନନାକା ଲଡ଼ା । ଇନେନ୍ ଜାର୍ କଗ୍‌ଲେଂ ଜିଉନନାନ୍, ହେଞ୍ଜାନ୍ ଜାର୍‌ତିଂ ଜିଉନନାନ୍; ୨୯ ଇନେନ୍ ଇନାଞ୍ଜାଡ଼ାଂ ଜାର୍ ଗାଗାଡ଼ତିଂ ଗିଣ୍ କିଉନ୍ । ଇତିସ୍ ଗାଗାଡ଼ ପହାପାଲି କିନାନ୍ ଆରି ତାଙ୍ଗ୍ ଜାଡୁନ୍ କିନାନ୍, କ୍ରିଷ୍ଟ ଇନେସ୍ ମଣ୍ଡଲିନି ଜାଡୁନ୍ କିନାନ୍ । ୩୦ ଇନେକିଦେଂକି ଆସେଙ୍ଗ୍ ହେଞ୍ଜାନ୍ତି ଗାଗାଡ଼ି କେଇଗାଲ୍ । ୩୧ ଦରମ୍ ସାସ୍ତର ଇଞ୍ଜି ମାନି ଇସାବେ, “ଇ କାରଣତାଂ ମାନାୟ୍ ଜାର୍ ଆବା ଆୟାଂ ପିସ୍ତି ଜାର୍ କଗ୍‌ଲେ ଲାହାଂ ମେହା ଆନାନ୍ ଆରି ହେଞ୍ଜାନ୍ ରିୟାର୍ ମେହାଜି ର ଗାଗାଡ଼ ଆନାର୍ ।” ୩୨ ସାସ୍ତରନି ଇ ବାଗତ ର ଡ଼ଲ୍ଲି କାତା ହତାଡ଼ନା; ଇଦାଂ କ୍ରିଷ୍ଟ ଆରି ମଣ୍ଡଲି କାଜିଂ ଇଦାଂ ବେବାର୍ ଇଞ୍ଜି ବୁଜାନାଙ୍ଗା । ୩୩ ମାତର୍ ଇଦାଂ ମି କାଜିଂ ପା ବେବାର୍ । ଜାଣକେ ଆଣ୍ଟେନ୍ କଗ୍‌ଲେଂ ଖାସ୍ତିଲାକେ ଜିଉନଞ୍ଜେନ୍ ଆରି ଜାଣକେ କଗ୍‌ଲେକ୍ ନିଜ୍ ଆଣ୍ଟେନିଂ ମାନି କିଏଡ଼ ।



ଆବା ଆୟା ଆରି ହିମ୍‌ଣାଙ୍ଗ୍

୧ ହିମ୍‌ଣାଙ୍ଗ୍, ମାପୁ କାଜିଂ ଆବା ଆୟାକ୍ତି ବଲ୍ ମାନି କିନାକା ମି କ୍ରିଷ୍ଟିୟାନ୍ କାମାୟ୍, ଇନେକିଦେଂକି ଇଦାଂ ନେ ସମାନ୍ ବେବାର୍ । ୨ “ମି ଆବା ଆୟାକାଂ ମାନି କିୟାଟ୍ ।” କେବଲ୍ ଇ ବଲ୍‌ତ ରଞ୍ଜାଙ୍ଗ୍ ପାର୍ମାଣ୍ ମେହାୟ୍ କିୟାଜି ଇଟ୍ୟାତାଡ଼ନା । ୩ “ଇନେସ୍‌କି ମିଦାଙ୍ଗ୍ ହାର୍ ଆନାଡ଼, ଆରି ଏପେଙ୍ଗ୍ ପୁତ୍ ତ ବେସି ଦିନ୍ ଜିନାଦେର୍ ।”

୪ ଆବା ଆୟାକ୍, ହିମ୍‌ଣାକାଂ ରିସା କିନାକା ଇଞ୍ଜି ଇନାକାପା ବେବାର୍ କିମାଟ୍, ଇତିସ୍ ମାପୁତି ହିକ୍ୟାତ ହେଞ୍ଜାରିଂ ମାନି କିୟାଟ୍ ।

କଡ଼କାଆଡ଼ିଏନ୍ ଆରି ହାଉକାର୍

୫ କଡ଼କାଆଡ଼ିୟାର୍, ଏପେଙ୍ଗ୍ କ୍ରିଷ୍ଟି ହେବା କିନାଦେରା ଇଞ୍ଜି ଖାସ୍ତି ବାବେ ପାଣ୍ଡୁତିଂ ତ୍ରିଗ୍‌ଜି ସଁସାର୍‌ନି ହାଉକାରିକାଂ ବଲ୍ ମାନିକିୟାଟ୍ । ୬ କେବଲ୍ ହାଉକାର୍ ମିଙ୍ଗ୍ ଇଟ୍‌କାଡ଼ କିଜିମାନି ସମୁତ ତା ସାରି ଆଜି ହେବା କାଜିଂ ଇଦାଂ କିଞ୍ଜାଦାଂ, କ୍ରିଷ୍ଟି କଡ଼କାଆଡ଼ିଏନ୍ ଲାକେ ମି ଓଜୁ ଖାସ୍ତି ହିଜି ଇସ୍‌ତ୍ ଇଟା ମାନି କିୟାଟ୍ । ୭ କେବଲ୍ ମାନାୟାର୍‌ତି ହେବା କିନାଙ୍ଗା ଇଞ୍ଜି ବାବିକିଞ୍ଜାଦାଂ ମାପୁତି ହେବା କିନି ଲାକେ ଖାରିତାଂ ହେଦାଂ କିୟାଟ୍ । ୮ ମନ୍ତ୍ର ଇଟାଟ୍, ହେଞ୍ଜାନ୍ କଡ଼କାଆଡ଼ିଏନ୍ ଆଏନ୍ କି ଜାର୍ ଇଟାତ ଆଏନ୍ ମାପୁ ଓଜାରିଂ ତାଦି ହାର୍‌ଦି କାମାୟ୍ କାଜିଂ ଇନାମ୍ ହିଦ୍‌ନାନ୍ ।

୯ ଆରେ ଏ ହାଉକାର୍‌କାଦେର୍, ମି କଡ଼କାଆଡ଼ିୟାର୍ କାଜିଂ ଜାର୍ ଲାକେ ବେବାର୍ କିୟାଟ୍, ଦାକା ହିମାଟ୍ । ମନ୍ତ୍ର ଇଟାଟ୍, ଏନ୍ ଆରି ମି କଡ଼କାଆଡ଼ିୟାର୍ ଓଜାକାର୍ ସାରେନି ମାପୁତି ତଲ୍ୟା । ହେଞ୍ଜାନ୍ ଜାଣକେତିଂ ମୁକ୍‌ମେଟ୍ ହୁଡ଼ଦାଞ୍ଜାଦାଂ ସମାନ୍ ବାବେ ବିଚାର୍ କିନାନ୍ ।

ଇସ୍‌ବର୍ କାଜିଂ ଜୁଜ୍‌ନି ହାଜ

୧୦ ହାରିହାରା, ମାପୁ ଲାହାଙ୍ଗ୍ ମେହାଜି ତା ଜବର୍ ସାକ୍ତିତାଂ ବାଡ଼କାସ୍ ଆତ । ୧୧ ଇସ୍‌ବର୍‌ହିତି ସବୁ ଜୁଜ୍‌ତ ଜାଲ୍‌ଦି ଜାଗ୍ରତ୍ ଆତ, ଇନେସ୍ ସୟ୍‌ତାନ୍‌ନି ବାନ୍ୟା ଚିନ୍ତାତ ମେହାଆନି କାଜିଂ ଜାଗ୍ରତ୍ ଆତ । ୧୨ ଇନାକିଦେଂକି ମା ଜୁଜ୍ ମୈଡ଼ପୁର୍‌ନି ମାନାୟ୍ ବିରୁଦ୍‌ତ ଆକାୟ୍, ମତର୍ ଜଗତ୍ ଆଦିକାର୍ ବିରୁଦ୍‌ତ ଆକାୟ୍, ଆଦିକାରି ବିରୁଦ୍‌ତ, ଇ ମାଜ୍‌ଗାନି ସାରେନି ଆଦିକାରି ବିରୁଦ୍‌ତ ଆରେ ଆକାସ୍‌ନି ବାନ୍ୟାଜିବୁନିଂ ବିରୁଦ୍‌ତ ଜୁଜ୍ କିନାପା; ୧୩ ଲାଗିଂ ନଙ୍ଗ୍ ଇସ୍‌ବର୍ ହିଡ଼ତି ଜୁଜ୍‌ହାଜ ଉସ୍‌ପାଟ୍; ତା ଆତିସ୍ କସ୍‌ଦିନ୍ ସମୁତ ଏପେଙ୍ଗ୍ ସତୁ କାଗ୍ରାନାକା ବନ୍ଦକିଦେଂ ଆଡ଼ନାଦେର୍ ଆରି ହାରିହାରା ପାତେକ୍ ଜୁଜ୍ କିଜି ପା ତାଟ୍ ମାନ୍‌ଗାନାଡ଼ ।

୧୪ ଲାଗିଂ, ସଡ଼ ଲାଗଦି ମ୍ଳେଙ୍ଗାଙ୍ଗ୍ ଗାଟ୍‌ନାକା ଦାମ୍‌କାତା ଲାକେ ଗାଗାଡ଼ହାଜ ଉସ୍‌ପାଟ୍ । ୧୫ ଆରେ ସୁସ୍ତାନି ନେକ୍ରିକାବୁର୍ କାଜିଂ ଜାଲ୍‌ଦିଆତି ପାଣ୍ଡାୟ୍ ପାନାତ ତୁସ୍‌ଜି ଲେମ୍‌ଞ୍ଜାଦାଂ ମାନାଟ୍; ୧୬ ନିତ୍ରେ ପାତ୍‌ତ ଜାର୍‌ତିଂ ରାକ୍ୟାକିନାକା ପିଣ୍ଡାଟ୍, ଇଦାଂ ଉପ୍‌କାର୍‌ତାଂ ସୟ୍‌ତାନ୍ ହୁକେ ତୁହ୍ୟାତାକା ଓଜୁ ଜୟ୍‌ବାଣ୍ତିଂ ପାଗଦେଂ ଏପେଙ୍ଗ୍ କିଦେଙ୍ଗ୍ ଆଡ଼ନାଦେର୍ । ୧୭ ଆରେ, ମୁକ୍ତି ଟପ୍‌ଟି ମୁଗାଟ୍ ଆରି ଜିବୁନ୍‌ନି କାଣ୍ଡା ଇତିସ୍ ଇସ୍‌ତ୍ ବଚନ୍ ଆହାଟ୍; ୧୮ ଇସ୍‌ବର୍‌ତି ଉପ୍‌କାର୍ ବିକ୍ୟା କିଜି ପାର୍ତ୍ତାନା ଲାହାଂ ଇଦାଂ ସବୁ କିୟାଟ୍ । ସବୁ ନିତିତ ପୁରୁଷ୍ଟା ଜିବୁନ୍‌ତିଂ ଚାଲାନି ଇସାପ୍ରେ ପାର୍ତ୍ତାନା କିୟାଟ୍ । ଜାଗ୍ରତ୍ ମାନାଟ୍, ଇନାଞ୍ଜାଡ଼ାଂ ଖାହ୍‌ମାଟ୍ । ଇସ୍‌ବର୍‌ତି ମାନାୟାର୍ କାଜିଂ ତାଇନାଡ଼ ପାର୍ତ୍ତାନାତ ଜାଗ୍ରତ୍ ଆସି ମାନାଟ୍ । ୧୯ ନା କାଜିଂ ପା ପାର୍ତ୍ତାନା କିୟାଟ୍, ଇନେସ୍‌କି ନେକ୍ରିକାବୁର୍ ଡ଼ଲ୍ଲି କାତା ଖେଟ୍‌ରେଙ୍ଗ୍ ଆରି ପାଣ୍ଡାଞ୍ଜାଦାଂ ହେଦାଂ ଇଞ୍ଜେଙ୍ଗ୍ ଇସ୍‌ବର୍ ନା ଖେଇଦ ସମାନ୍ କାତା ହିଦ୍‌ନାନ୍ । ୨୦ ନଙ୍ଗ୍‌ପା ବନ୍ଦି ଆସି ମାତିସ୍‌ପା ଆନ୍ ନେକ୍ରିକାବୁର୍ କାଜିଂ ର ରାଜାଦୁଡ଼ । ପାର୍ତ୍ତାନା କିୟାଟ୍, ଇନେସ୍ ଆନ୍ ସାସ୍ ହୁଦାଂ ସମାନ୍ ବାବେ ନେକ୍ରିକାବୁର୍ ସୁଣାୟ୍ କିଦେଙ୍ଗ୍ ଆଡ଼ନାଙ୍ଗ୍ ।

ହାରିହାରାନି ବନ୍ଦାଣି

☆ ୬:୪ ୬:୪ କଲସିୟ ୩:୨୧. ☆ ୬:୫ ୬:୫ କଲସିୟ ୩:୨୨-୨୫.

୨୧ ☆☆ନା ଅବସ୍ଥା ବିସ୍ତେ ଏପେକ୍ ଇନେସ୍ ପୁଞ୍ଜେକ୍ ଆଡ଼ନାଦେର୍, ହେଦାଂ କାଜିଂ ମା ଖାରିନି ଟଣ୍ଡେନ୍ ଆରି ମାପୁତି କାମାୟ୍ କିଜି ମାନି ପାତ୍ କିନି ହେବାକାର୍ଯ୍ୟା ତୁକିକ ନା ବିସ୍ତେ ମିଲେକ୍ ସରୁ କାତା ଇଞ୍ଜନାନ୍ । ୨୨ ଆସେକ୍ ସରୁ ଇନେସ୍ ମାନାସ୍, ହେ ବିସ୍ତେ ଖେଚ୍ଚି ମିଲେକ୍ ଖାରିକିୟ୍ କିନି କାଜିଂ ଆନେକ୍ ତାଲେକ୍ ମି ଖାସ୍ ହେଖାନ୍ତି ହୁକେ ଖାରି କିୟା ଆନାନ୍ ।

୨୩ ଆବା ଇସ୍ବର ଆରି ମାପୁ ଜିସୁ କ୍ରିଷ୍ଟ ପାତ୍ କିନି ଟଣ୍ଡାର୍ ଆରି ତଣ୍ଡେକାଂ ସୁସ୍ଥା ଆତ, ଜିଉନନାକା ଆରି ପାତ୍ ଲାହାକ୍ ବାତାୟ୍ କିଏନ୍ । ୨୪ ଏଚେକ୍ ଲକୁ ମା ମାପୁ ଜିସୁ କ୍ରିଷ୍ଟେକ୍ ସରୁଖେଡ଼ାଂନି ଜିଉନନିତ ଖିଜ୍ଝାକା, ଜିସୁତି ଉପକାର୍ ହେ ଖିଜାକାର୍ ଲାହାକ୍ ଆୟେଡ୍ ।

ପିଲିପିୟ ମଣ୍ଡଳୀ ନିକଟକୁ ପ୍ରେରିତ ପାଉଲଙ୍କ ପତ୍ର ପିଲିପିୟ ମଣ୍ଡଳି ତାଙ୍କେ ପକ୍ୟାତି ପାଉଲ୍‌ତି ଆକି ଇ ପତି ବିସ୍ତେନି ପାଦେକ୍

ଜିସୁ କ୍ରିସ୍ତୁତି ଜଲମ୍ ଆଜି ମାନଗାନାତ୍ ୨୧ ବାହୁଁ ପାଚେ ପାଉଲ୍ ପିଲିପିୟ ମଣ୍ଡଳିନି ପାତର୍ କିନାକା ତାଙ୍କେ ଆକି ଲେକିକିତାନ୍ । ଇନେସକି ପାଉଲ୍ ରମ୍ତ ବନ୍ଦି ମାନିହିଙ୍ଗ୍ ଇ ଆକି ଲେକିକିଜି ମାଚାନ୍ ୧:୧୩ ।

ପିଲିପିୟ ଗାଡ୍ ବିତ୍ରେ ଆଁ ରଚ୍ଚି ମଣ୍ଡଳି ତାଙ୍କେ ଇ ଆକି ଲେକା ଆଜି ମାଚାତ୍ । ଆପେଂ ପକ୍ୟାତି ପତିତ ପା ଏଚେକ୍ ବିସ୍ତେ ପିଲିପିୟ ପତି ବିସ୍ତେ ପୁଞ୍ଜେଙ୍ଗ୍ ଆଡ୍‌ନାସ୍ । ପିଲିପିୟ ମାକିଦନିୟା ଦେସ୍ତ ରାଜାର୍ ଗାଡ୍ ମାଚାତ୍ । ଇଦାଂ ମାକିଦନିୟାତ ରଚ୍ଚି ପର୍ତୁମ୍ ମଣ୍ଡଳି ମାଚାତ୍ । ପାଉଲ୍ ଆରି ସିଲା ମେହାଜି ଇ ମଣ୍ଡଳି ଆରମ୍ କିଜି ମାଚାତ୍ ଆରେ ପା ହେବେ ମାନି ସମୁତ ର ନାଣା କାଜିଂ ହେଝାରିଂ ଜଇଲ୍‌ତ ଇଟ୍ୟାଜି ମାଚାତ୍ ପକ୍ୟାତାକା ୧୭ ।

ଆଜି ମାନଗାନାତ୍ ପାଉଲ୍ ଇ ଆକି ଲେକିକିନି କାଜିଂ କେତେକ୍ ଉଦେସ୍ ମାନଗାନାତ୍ । ହେଝାନ୍ ବନ୍ଦି ମାନି ବିସ୍ତେ ଝେନ୍‌ଞ୍ଜି ମଣ୍ଡଳିନି ମାନାୟାର୍ ଦାନ୍ ରୁଣ୍ଡାୟ କିଜି ପକ୍ତିଲେ ମଣ୍ଡଳିତିଂ ଦନ୍ୟବାଦ୍ ହିନି ଇସାବ୍‌ରେ ଇଡ୍‌ଜି ଆକି ଲେକିକିନାନା ୪:୧୦-୧୯ । ହେଝାନ୍ ପା ତା ବନ୍ଦି ଅବସ୍ତାତ ହୁଦାଂ ମଣ୍ଡଳିତ ତିମତି ଆରି ଏପାପ୍ରାତିତିଂ ଗାଚ୍‌ନାର୍, ପାତର୍ କିନାକାର୍ ଇନେସକି ହେଝାରିଂ ମାନି କିଜି ଜଝାର୍ ଜାଣାୟ କିତାର୍ ଆରି ତା ସତ୍‌ତାଂ ସନ୍‌ମାନ୍ ହିନାର୍ ୨:୧୯-୩୦ ।

ପତି ବିସ୍ତେନି ଗାହାଣ୍

- ୧. ପିଲିପି ମଣ୍ଡଳିତିଂ ପାଉଲ୍‌ତି ଜାଣାୟକିନାନ୍ ୧:୧-୨
- ୨. ପାଉଲ୍‌ତି ଅବସ୍ତା ଆରି ତା ଚିନ୍ତା ହୁକେ ୧:୩; ୨:୩୦
- ୩. ପାତର୍ କିନାକାରିଂ କ୍ରିସ୍ତୁନ୍ ଜିରୁନ୍ ଜିପକା କାଜିଂ ପାଉଲ୍‌ତିଂ ଦସ୍‌ଆକାୟ ୩:୧; ୪:୯
- ୪. ପାଉଲ୍ ଦାନ୍ କାଜିଂ ପିଲିପିୟ ମଣ୍ଡଳିତିଂ ଜଝାର୍ ଜାଣାୟକିନାନ୍ ୪:୧୦-୨୩

ବାନ୍ଦାୟ ଆରି ପାଉଲ୍‌ତି ପାର୍ତାନା

୧ *ପାଉଲ୍ ଆରି ତିମତି, କ୍ରିସ୍ତୁ ଜିସୁତି ରିୟାର୍ ଆଡିୟାର୍, ପିଲିପିତ ମାନି କ୍ରିସ୍ତୁ ଜିସୁତି ମାନି ଝିଜାର୍ ସାଦୁର୍ ଲାଗାଂ ଆରେ, ମୁଣିକା ଆରି ହେବା କାର୍‌ୟାର୍ ଲାଗାଂ; ୨ ମା ଆବା ଇସ୍‌ବ୍ ଆରି ମାପୁ ଜିସୁ କ୍ରିସ୍ତୁ ମିଜେଙ୍ଗ୍ ଉପକାର୍ ଆରି ସୁସ୍ତା ମି କାଜିଂ ଆୟେଡ୍ ।

୩ ଆନ୍ ମିଜେଙ୍ଗ୍ ଏଚେକ୍ ହଟ୍ ଏତୁ କିଦ୍‌ନାଙ୍ଗ୍, ହେଏଚେକ୍ ହଟ୍ ଆନ୍ ଇସ୍‌ବ୍‌ତିଂ ଦନ୍ୟବାଦ୍ ହିଜି ମାନାଙ୍ଗ୍ । ୪ ଆରେ ସବୁ ନାଞ୍ଜିଙ୍ଗ୍ ମି କାଜିଂ ଝାରିକିଜି ପାର୍ତାନା କିନି ସମୁତ, ୫ ଇନେକିଦେଂକି ମି ପାତର୍ ଆରମ୍ ଦିନ୍‌ତାଂ ନଙ୍ଗ୍ ପାଚେକ୍ ନେକ୍ରିକାରୁର୍ କାମାୟତ ଏପେଙ୍ଗ୍ ନାଙ୍ଗ୍ ଉପକାର୍ କିଦ୍‌ଦେଂ ଝାତାଦେଣ୍ଡା । ୬ ଲାଗିଂ ଆନ୍ ଇ ବିସ୍ତେତିଂ ହାଡ୍‌ପା ଜେ, ଇମ୍‌ଣି ମାପୁ ମି ତାଙ୍କେ ଇ ହାର୍‌ଦି କାମାୟ ଆରମ୍ କିତାନ୍ନା, କ୍ରିସ୍ତୁ ଜିସୁତି ଆରେଝାନି ଦିନ୍ତ ଇଦାଂ ଝିଜନ୍ ପାଚେକ୍ ହେଝାନ୍ ହେଦାଂ ପାତର୍ କିନାନ୍ । ୭ ଏପେଙ୍ଗ୍ ସବୁଝେଡାଙ୍ଗ୍ ନା ଝାସ୍ତିତ ମାନାଦେର୍; ଲାଗିଂ ମି ବିସ୍ତେ ବାବି କିନାକା ନା ପାକ୍ୟାତ ହାଚ୍ ଆକାୟ । ଆନ୍ ମାନ୍‌ଇଚା ମାନି ଝେଡାଲିଂ ଆରି ନଂ ଇ ବନ୍ଦି ଅବସ୍ତାତ ନେକ୍ରିକାରୁର୍‌ନି ନ୍ୟାୟ ହାଙ୍ଗ୍‌ତାକା ଆରି ରାକ୍ୟା କାଜିଂ କାମାୟ କିଦେଙ୍ଗ୍ ଇସ୍‌ବ୍ ନାଂ ଇମ୍‌ଣି ପାବ୍ ହିଡ୍‌ତାନ୍ନା, ଏପେଙ୍ଗ୍ ଝିଜାଦେର୍ ଇବେ ମେହା ଆତାଦେଣ୍ଡା । ୮ ଇନେକିଦେଂକି କ୍ରିସ୍ତୁ ଜିସୁତି ଜିଉନିନି ବାତର୍ ଦୟାତ ଆନ୍ ମି ଝିଜାର୍‌ତି କାଜିଂ ଇନେସ୍ ବାନି ଇଚା, ଇ ବିସ୍ତେ ଇସ୍‌ବ୍ ନା ସାକି ।

୯ ଆନ୍ ପାର୍ତାନା କିନାଙ୍ଗା, ଇନେସ୍ ହାଡ୍‌ପା ଗିଆନ୍ ଆରି ନ୍ୟାୟ ବିଚାର୍ ଲାହାଂ ମିଦାଂ ଜିଉନନାକା, ଆଦିକ୍‌ତାଂ ଆଦିକ୍ ବାତା ଆନାଡ୍ । ୧୦ ଆରେ ଏପେଙ୍ଗ୍ ଇନେସ୍ ବେସି ବିସ୍ତେ ସବୁ ବାଚିକିଦେଂ ଆଡ୍‌ନାଦେର୍ । ତା ଆଡିସ୍ ଏପେଙ୍ଗ୍ କ୍ରିସ୍ତୁତି ଝାନି ଦିନ୍ତ ହାଦାକା ଆରି ନିନ୍ଦାଝାଦାଂ ମାନ୍‌ଗାନାଦେର୍ । ୧୧ ଆରି ଇସ୍‌ବ୍‌ତି ଜାଜ୍‌ମାଲ୍ ଆରି ଝାରିକିୟ କାଜିଂ ମି ଜିରୁନ୍ ଜିସୁ କ୍ରିସ୍ତୁତି ହିଡ୍‌ତାକା ଝିଜୁ ଦାମ୍‌ତ ବାତର୍ ଆନାଦେର୍ ।

ବାଚାଆନାକା ଅରଡ୍ କ୍ରିସ୍ତୁ

୧୨ ଏ ଚଣ୍ଡାର୍ ଆରି ତଣ୍ଡେକ୍ ! ଆନ୍ ମିଂ ଝେଚ୍‌ଚେଦେଂ ମାନ୍ କିନାଙ୍ଗ୍ ଜେ, ନା କାଜିଂ ଇନା ଇନାକା ଗିଚା ଆତାଡ୍‌ନା, ହେଦାଂ ନେକ୍ରିକାରୁର୍ ବାତାନାକା ଉପକାର୍ କିନାତା । ୧୩ ଲାଗିଂ ନା ଗାଚ୍‌ୟାଜି ଜେ କ୍ରିସ୍ତୁ କାଜିଂ, ଇଦାଂ ବାଙ୍ଗ୍‌ଲାତ ସବୁ ମେଲ୍ୟା ଦାଡ୍ ଆରି ବିନ୍‌ବିନ୍ ଝିଜାର୍ ଲାଗାଂ ହତାଡ୍; ୧୪ ମାତର୍ ଆନ୍ ବନ୍ଦି ଆଜି ମାଚିଲେ ହେନି ଚଣ୍ଡାର୍ ଆରି ତଣ୍ଡେକ୍

☆ ୧:୧ ୧:୧ ପକ୍ୟାତାକା ୧୭:୧୨.

ମାପୁତି କାଜି ଆଦିକ୍ ପାତ ି ଜଲମ୍ ଆତାତ୍ନା, ଆରେ ଇଦାଂ କାଜିଂ ପାଣ୍ଡା ଆଖାଦାଂ ଇସ୍ତ ି ବଚନ୍ ସୁଶାୟ କିନି କାଜିଂ ହେଝାର୍ତି ସାସ୍ ବାତା ଆତାତ୍ନା ।

୧୫ ଆତିସ୍ପା ହେଝାର୍ ବିତ୍ରେତାଂ କେତେକଜାଣ୍ ଗଣ୍ଡଗଲ୍ଝାରି ଆରି ତାରା ଆଜି କ୍ରିସ୍ତୁଙ୍କ୍ ପର୍ଚାର୍ କାମାୟତ ନଙ୍କ୍ ଲାଗାତାରନା । ମାତର୍ ବିନ୍ନିକାର୍ ମାନ୍ଦିୟାନ୍ ଲାହାଂ ହେଦାଂ କିନାରା । ୧୬ ଇଝାର୍ ନା କାଜିଂ ଜିଉନନି କାଜିଂ ହେଦାଂ କିତାର୍ । ଇନେକିଦେଂକି ହେଝାର୍ ପୁନାର୍ ଜେ, ଇସ୍ତର୍ ନାଜେଙ୍କ୍ ନେକ୍ରିକାରୁର୍ନି ରାକ୍ୟା କାଜିଂ ଦାଇତ୍ ହିତ୍ତାନ୍ନା ୧୭ ବିନ୍ନିକାର୍ ପାତ ି ବାବ୍ରେ କ୍ରିସ୍ତୁତି ବଚନ୍ ପର୍ଚାର୍ କିଝାଦାଂ ଜାର୍ ଇଚା ବାବ୍ରେ ଅଜି ହେଦାଂ କିତାଣ୍ଟା । ଆନ୍ ବନ୍ଦି ଇଞ୍ଜ ମାନିହିଂ ନା ମାନ୍ତ ଆଦିକ୍ ଦୁକ୍ ହିଦେଂ ହେଝାର୍ ହେଦାଂ କିତାଣ୍ଟା ।

୧୮ ହେଦାଂ ଝାୟେତ୍ କି ଝାମେତ୍ । ହାଦ ି ଉଦେସ୍ତ ଆୟେତ୍ କି ସତ୍‌ଆଝି ଉଦେସ୍ତ ଆୟେତ୍, ଇମ୍‌ଶାକା ପା ଉପାୟତ କ୍ରିସ୍ତୁତି ବଚନ୍ ପର୍ଚାର୍ ଆତିସ୍ ହେବେ ନା ଝାରି । ଆନ୍ ଝାରି କିଜି ମାନ୍‌ଗାନାଂ । ୧୯ ଇନାକିଦେଂକି ଆନ୍ ପୁନାଙ୍କ୍ ମି ପାର୍ତାନା ଆରି ଜିସୁ କ୍ରିସ୍ତୁତି ଜିବୁନ୍ନି ଉପକାର୍ ହୁକେ ଆନ୍ ମୁକ୍ତା ଆନାଙ୍କ୍ । ୨୦ ଜିବୁନ୍ନତ କି ହାକିତ, ନା କାମାୟତ କି ଏଲାଝାଦାଂ ସବୁ ଝେଡାଲିଂ ଆରି ବେସି କିଜି ଇ କସ୍ ଝେଡାଲିଂ ବାସ ି କିଜି ବାତ ି ବାବ୍ରେ ଇନେସ୍ ଆନ୍ କ୍ରିସ୍ତୁତିଂ ନା ଗାଗାତ୍ତ ଜାଜ୍‌ମାଲ୍ କିନାଙ୍କ୍ । ୨୧ ହାତ୍‌ପାନେ ନା ଜିବୁନ୍ନତ କ୍ରିସ୍ତୁନେ ଝିଜେନିକାନ୍ । ଲାଗିଂ ନା ପାକ୍ୟାତ ହାକି ଆଦିକ୍ ଲାବ୍ ଆନାତ୍ । ୨୨ ମାତର୍ ଗାଗାତ୍ତ ଜଦି ଜିଜି ମାନ୍‌ଞ୍ଜି ଆନ୍ ଆଦିକ୍ ପାତ୍ ଲାବ୍‌ନିକା କାମାୟ କିଦେଙ୍କ୍ ଆଡନାଙ୍କ୍, ତେବେ ଜିବନ୍ କି ହାକି ଇନେରିଂ ମାନ୍ କିନାଙ୍କ୍, ଆନେଙ୍କ୍ ସମାନ୍ କିଦେଙ୍କ୍ ଆଡୁଙ୍ଗା । ୨୩ ଆନ୍ ରିକଣ୍ଡାଂ ରିଣ୍ଡି ବିସ୍ତେ ହର୍‌ବର୍ ଆନାଙ୍କା । ଇ ଜିବୁନ୍ ପିସ୍ତି କ୍ରିସ୍ତୁ ଲାହାଂ ମାଞ୍ଜେଙ୍କ୍ ନାଙ୍କ୍ ବେସି ଇଚା । ଆତିସ୍ପା ଇଦାଂ ହାଦାକା । ୨୪ ମାତର୍ ମି କାଜିଂ ନା ଜିଜି ମାନାକା ବେସି ଲଡା । ୨୫ ଆରେ ଆନ୍ ଆର୍‌ଝା ଲାକେ ଇଦାଂ ପୁନାଙ୍କ୍ ଜେ, ଆନ୍ ଜିଜି ମାନାଙ୍କ୍ । ମି ପାତ ି ତ ମିଦାଂ ବାତାନାକା ଆରି ଝାରି କାଜିଂ ମି ଲାହାଙ୍କ୍ ମାନାଂ, ୨୬ ତା ଆତିସ୍, ଏପେଙ୍କ୍ ଜିବୁନ୍ନତ କ୍ରିସ୍ତୁ ଜିସ୍ତୁତି ଲାହାଂ ମିହାଆଜି ନା କାଜିଂ ଆଦିକ୍ ଗରର୍ ବାବି କିଦେଙ୍କ୍ ଆଡନାଦେର୍ ।

୨୭ ଆନ୍ ମିଜେଙ୍କ୍ ହୁଡ୍‌ନି କାଜିଂ ହାଞ୍ଜେଙ୍କ୍ ରାଜି ଆନାଙ୍କ୍ କି ଆଉଙ୍କ୍, ନଙ୍କ୍ ମୁତ୍ ବିସ୍ତେ ଆନାତା, ମି ଝାସ୍ ଆଚାର୍ ବେବାର୍ ଇନେସ୍ କ୍ରିସ୍ତୁତି ନେକ୍ରିକାରୁର୍ନି ହନାତ୍ ଆନ୍ ଇନେସ୍ ଝେନାଙ୍କ୍, ଏପେଙ୍କ୍ ର ଉଦେସ୍ ଅଜି ତାଟ୍ ଲାକେ ନିଲ୍‌ତି ଆରି ର କାତା ଅଜି ନେକ୍ରିକାରୁର୍ ପାତ ି କାଜିଂ ରବେ ଜୁଜ୍ କିନାପା । ୨୮ ଆରେ, ସାତୁରିଂ ପାଣ୍ଡା ଆମାଟ୍, ସାସ୍ତ ତାଟ୍ ମାନାଟ୍ । ତା ଆତିସ୍, ହେଝାର୍ ପୁଞ୍ଜେଙ୍କ୍ ଆଡନାର୍ ଜେ, ହେଝାର୍ତି ଆରାନାକା ସତ୍ ଆରି ଏପେଙ୍କ୍ ଜିଶାନାଦେର୍, ଇନେକିଦେଂକି ଇସ୍ତର୍ ନେ ମିଜେଙ୍କ୍ ଜିଶାଆନି ମୁକ୍ତି କିଦନାନ୍ । ୨୯ କେବଲ୍ କ୍ରିସ୍ତୁ ତାକେ ପାତ ି କିନି କାଜିଂ ଆକାୟ୍, ତା କାଜିଂ ଦୁକ୍‌ବର୍ କିନି କାଜିଂ ମିଜେଙ୍କ୍ କ୍ରିସ୍ତୁତି ହେବା କିନି କାଜିଂ ପାବ୍ ହିୟାଆତାତ୍ନା । ୩୦ ନଙ୍କ୍ ଇ ଜୁଜ୍‌ତ ଏପେଙ୍କ୍ ନା ବାଗ୍ ଇଟ୍ୟାଦେଂ ଆଡନାଦେର୍ । ଆଗେ ଏପେଙ୍କ୍ ନାଙ୍କ୍ ଇମ୍‌ଣି ଜୁଜ୍ କିନାକା ହୁଡ୍‌ଜି ମାଚାଦେର୍, ନଙ୍କ୍ ପା ଆନ୍ ହେ ଜୁଜ୍‌ତ ଲାଗାତାନ୍ନା ଇଞ୍ଜି ଏପେଙ୍କ୍ ଝେନ୍‌ଞ୍ଜି ମାନାଦେର୍ ।

୨

କ୍ରିସ୍ତୁତି ହୁଦାର୍ ଆରି ବେସି ଗାଜାକାନ୍

୧ କ୍ରିସ୍ତୁତି ଲାହାଂ ମେହାଆନାକା ହୁକେ ଏପେଙ୍କ୍ ଜିବୁନ୍ନତ ବାଡକାସ୍ ଆତାଦେଣ୍ଟା, ଆରେ ହେଝାନ୍ତି ଜିଉନନାକା ମିଜେଙ୍କ୍ ଦୁକ୍‌ସାରାୟ୍ କିଦନାତା । ଏପେଙ୍କ୍ ପୁଇପୁୟା ଜିବୁନ୍ ଉପକାର୍ତାଂ ସୁକେ ଜିନାଦେରା ଆରି ହାରି କାଜିଂ ମି ଜିଉନନିତ ବେସି ଦୟାତ ମାନାତ୍, ୨ ଲାଗିଂ ଆନ୍ ମିଜେଙ୍କ୍ ଗଝାରି କିଦନାଙ୍କ୍, ର ଚିନ୍ତା ହୁଦାଂ ମାନ୍ କିଜି, ର ଜିଉତ ମେହା ଆଜି ମାନ୍ ଆରି ଜିବୁନ୍ନତ ଏକ୍ ଆଜି ଏପେଙ୍କ୍ ନାଜେଙ୍କ୍ ପୁରାବାବେ ଝାରି କିଦାଟ୍ । ୩ ନିଜେତିଂ ବାବିକିନାକାନ୍ କାଜିଂ ନଲେ ପଲ୍ୟା ଗରର୍ କାଜିଂ ଇନାକା କାମାୟ କିମାଟ୍, ଇତିସ୍ ହୁଦାର୍ ଆଜି ଝିଜାକାର୍ ବିନ୍‌ଲଗାଂ ଜାର୍ ତାଙ୍କ୍ ଗାଜା ମାନେ କିୟାଟ୍; ୪ ଝିଜାକାର୍ କେବଲ୍ ଜାର୍ ବିସ୍ତେ ମାନ୍‌ଦିଆନ୍ କିଝାଦାଂ ବିନ୍‌ନିକାନିଂ ବିସ୍ତେ ପା ମାନ୍‌ଦିଆନ୍ ଆତ । ୫ କ୍ରିସ୍ତୁ ଜିସ୍ତୁତି ଇନେସ୍ ମାନ୍ ମାଚାତ୍, ମିଦାଙ୍କ୍ ହେ ଲାକେ ଚିନ୍ତା ଆଏତ୍;

- ୬ ହେଝାନ୍ ଇସ୍ତର୍ ଆତିସ୍ପା ଇସ୍ତ ି ଲାହାଙ୍କ୍
 - ସମାନ୍ ଆଜି ମାନାକା ଜାର୍ କାଜିଂ ଆସ୍ତି ଇଟ୍ୟାନି ବିସ୍ତେ ବାବି କିଝାତାଂ,
- ୭ ଇତିସ୍ ନିଜ୍ ଇଚାତାଂ ତା ସବୁ ପିସ୍ତି ଆଡିଏନ୍ ଲାକେ ଆତାନ୍ ।
 - ମାନାୟ୍ ଲାକେ ଆଜି ମାନାୟ୍ ଲାକେ ଝାତାନ୍ ।
- ୮ ହେଝାନ୍ ଗଝାରି ଆରି ହୁଦାର୍ ଆଜି ହାକି ପାତେକ୍, କୁସ୍ ହାକି ପାତେକ୍
 - ବଲ୍ ମାନିକିନାକାନ୍ ଆତାନ୍ ।
- ୯ ଇଦାଂ କାଜିଂ ଇସ୍ତର୍ ତାଜେଙ୍କ୍ ବେସି ଉର୍ କିତାନ୍ନା,
 - ଆରେ ଝିଜୁ ତର୍ ବାଟା ଝିଜେତିଂ ହାଦ ି ତର୍ ତାଙ୍କ୍ ହିତାନ୍ନା,

☆ ୧:୩୦ ୧:୩୦ ପକ୍ୟାତାକା ୧୭:୧୯-୪୦.

୧୦ ଲାଗିଂ ଜିସୁତି ତରୁନି ଇନେସ୍ ସାଗେ, ବିତ୍ରେପୁର ଆରି
 ପାତାଲୁତ ମାନି ସବୁ ମାନାୟାର ଜିସୁତି ମୁମ୍ଦ ମେଣ୍ଡାକୁନ୍ଦିକିଜି ଜଞ୍ଜାର କିତାର ।
 ୧୧ ଆରେ, ଆବା ଇସ୍ବରତି ଜାଜମାଲ କାଜିଂ ଝିଜାକାରତି ଝେୟୁଲ୍
 ଜିସୁ କ୍ରିସ୍ଟୁଙ୍ ମାପୁ ଇଞ୍ଜି ମାନି କିନିକ୍ ।

ପୁତ ଠ ଅଜଡ଼ ଲାକେ ଆତ

୧୨ ଲାଗିଂ, ଏ ନା ଝାରିନିକାଦେର, ଆନ୍ ମି ଲାହାଂ ମାନିଝାଡ଼ାଲିଂ ଏପେଙ୍ଗ୍ ଇନେସ୍ ଦିନକେ ନା ବଲ୍ମାନି କିତାଦେଣ୍ଡା,
 ନଙ୍ଗ୍ ଆନ୍ ମିଙ୍ଗ୍ତାଂ ଦେହା ମାନି ଝାଡ଼ାଲିଂ ଆଦିକ୍ ପାତ ଠ ବାବ୍ରେ ନା ଜଜାୟ ଆଦେଂ ମିଙ୍ଗ୍ ଲଡ଼ା । ମି ମୁକ୍ତା ଆନାକା
 ଇନେସ୍ ପୁରା ଆନାଡ଼, ଇଦାଂ କାଜିଂ ପାଣ୍ଡୁ ଆରି ତ୍ରିଗ୍ଜି କାମାୟ କିଜି ମାନାଟ୍ । ୧୩ ଇନାକିଦେଂକି ମିଙ୍ଗେଙ୍ଗ୍ ହେଝାନୁତି
 ଉଦେସ୍ତ ପୁରା କିନି କାଜିଂ ଇଚା ଆରି ରାଜି କିଦେଙ୍ଗ୍ ନିଜେ ଇସ୍ବର ମି ବିତ୍ରେ ନିତ୍ରେ କାମାୟ କିନାନା ।

୧୪ ଆପତି ଆରି ବେଶ୍‌ବାଟ୍ କିଝାଦାଂ ସବୁ କାମାୟ କିୟାଟ୍, ୧୫ ଇନେସ୍ ଏପେଙ୍ଗ୍ ଦସି ଆଝାଦାଂ ଆରି ହୁଦାର ଆଜି
 ଡକୁତି ହାଜି ବାଣାତି ଲାଡ଼ା ବିତ୍ରେ ଇସ୍ବରତି ପୁଇପୁୟା ହିମ୍‌ଶାଝାକ୍ତା ଆତ; ହେଝାର ବିତ୍ରେ ଏପେଙ୍ଗ୍ ଜିବୁନ୍‌ନି ବଚନ୍
 ଆସି ଜଗଡ଼ତ ଅଜଡ଼ ଲାକେ ଆନାଦେରା; ୧୬ ବିନ୍‌ଲଗାତ ଠ ଲାଗାୟ ଜିବୁନ୍ ହିଦ୍‌ନି କାରୁର ପରଚାର କିନିଝେଡ଼ାଲିଂ ଏପ୍
 ଆକାସ୍ତିଂ ଅଜଡ଼ କିନି ହୁକାଂ ଲାକେ ପଙ୍ଗ୍‌ନାକା ଲଡ଼ା । ଏପେଙ୍ଗ୍ ଜଦି ଏଲେଙ୍ଗ୍ ଆତିସ୍, “କ୍ରିସ୍ଟି ଝେଡ଼ାଲିଂ” ମି ବିସ୍ତେ
 ଆନ୍ ଗରବ୍ କିଦେଙ୍ଗ୍ ଆଡ଼ନାଂ, ଇନେକିଦେଂକି ଇବେଣ୍ଡାଂ ପାମାଣ୍ ଆନାତା ଜେ, ନା ଝିଜୁ କସ୍ ଆରି କାମାୟ ପଲ୍ୟା
 ଆଝାତାଡ଼ନା ।

୧୭ ଇସ୍ବରତି ଉଦେସ୍ତ ମି ପାତ ଠ ବାତ ଠ ପୁଜାକିନିତ ଆଜି ମାନ୍‌ଗାନାଡ଼ ନା ଜିବୁନ୍‌ନି ନେତେର ଝାକ୍ତି ହିଦ୍‌ଦେଂ
 ଆନାଡ଼ । ଇଦାଂ କାଜିଂ ଆନ୍ ଝାରୟାନାକା ଆରି ନା ଇ ଝାରିତ ମିଂ ମେହାୟ କିଦେଙ୍ଗ୍ ଆନ୍ ଇଚା କିନାଙ୍ଗା । ୧୮ ଏପେଙ୍ଗ୍
 ପା ହେ ଲାକେ ଝାରି କିୟାଟ୍ ଆରି ହେ ଝାରିତାଂ ନା ଲାହାଙ୍ଗ୍ ପା ଝାରି କିୟାଟ୍ ।

ତିମତି ଆରି ଏପାପୁଦିତ

୧୯ ମାପୁତି ଇଚା ମାତିସ୍, ମି ଲାଗାୟ ତିମତିଂ ବେଗି ପଲ୍ଲାନାଙ୍ଗ୍ ଇଞ୍ଜି ମାପୁ ଜିସୁତିଂ ଆନ୍ ଆହା କିନାଙ୍ଗ୍ । ତା ଆତିସ୍, ମି
 କାରୁର ଗାଟାଜି ଆନ୍ ବେସି ଝାରୟା ଆନାଙ୍ଗ୍ । ୨୦ କେବଲ୍ ହେଝାଡ଼ି ମାନ୍‌ବାବ୍‌ନା ନା ଲାକେ ମାନାଡ଼ ହେଝାନ୍ ହାଡ଼ପାତ
 ମି କାଜିଂ ମାନ୍‌ଦିଆନ୍ କିନାଙ୍ଗ୍ । ୨୧ ବିନ୍ ଝିଜୁ ଜିସୁ କ୍ରିସ୍ଟି କାଜିଂ ସେସ୍ତା କିଝାଦାଂ ଜାରୁତି ସେସ୍ତା କିତାର । ୨୨ ତିମତି
 ଜେ ପରିକ୍ୟା କିୟାତାକାନ୍ ମାନାୟ, ଇଦାଂ ଏପେଙ୍ଗ୍ ପୁନାଟ୍; ମାଜି ଆବାତି ହେବା କିତି ଲାକେ ହେଝାନ୍ ତ ନେକ୍ରିକାରୁର
 କାମାୟତ ନା ଲାହାଙ୍ଗ୍ ହେବା କିଜି ମାଚାନ୍ । ୨୩ ଲାଗିଂ, ନା କାଜିଂ ଇନାକା ଗିଟାଆଦେଂ ହାନାତା, ହେଦାଂ ପୁଞ୍ଜେଙ୍ଗ୍ ମତର
 ହେଝାନିଂ ପଲ୍ଲାନାଂ ଇଞ୍ଜି ଆହା କିନାଙ୍ଗା; ୨୪ ମାତର ଆନ୍ ମାପୁତି ତାକେ ପାତ ଠ କିନାଙ୍ଗା ଜେ, ଆନ୍ ନିଜେ ବେଗି ପା ମି
 ଲାଗାଂ ହାନାଙ୍ଗ୍ ।

୨୫ ମାତର ନା ଟଣ୍ଡେନ୍, ହାଙ୍ଗ୍‌ଦାକାର, ହାଙ୍ଗ୍‌ଦି ମେଲ୍ୟାୟାର ଆରି ନା ଅବାବ୍ ବାତ ଠ କିନି କାଜିଂ ମି ପକ୍ୟାତାକାନ୍
 ଆରି ହେବାକାରିୟା ଏପାପୁଦିତ୍ତିଂ ମି ଲାଗାଂ ଆନ୍ ପଲ୍ଲିନି କାଜିଂ ଲଡ଼ା ବାବି କିତାଙ୍ଗ୍; ୨୬ ଇନାକିଦେଂକି ହେଝାନ୍ ମି
 ଝିଜାରିଂ ହୁଡ଼ିନି କାଜିଂ ବେସି ଇଚା କିନାନା, ଆରେ ହେଝାନ୍ ନାଦାର ମାନାନ୍ ଇଞ୍ଜି ଏପେଙ୍ଗ୍ ଝେନ୍‌ଞ୍ଜି ମାତିଲେ ହେଝାଡ଼ି
 ଦୁକ୍; ୨୭ ହାଡ଼ପାନେ ହେଝାନ୍ ହାତି ଲାକେ ନାଦାର ଆଜି ମାଚାନ୍, ମାତର ଇସ୍ବର ତାଙ୍ଗେଙ୍ଗ୍ ଦୟା କିତାନ୍, ଆରେ କେବଲ୍
 ତାଙ୍ଗେଙ୍ଗ୍ ଆକାୟ, ମତର ଇନେସ୍ ନା କାଜିଂ ଦୁକ୍ ଜପି ଦୁକ୍ ଗିଟା ଆଉଡ଼, ଇଦାଂ କାଜିଂ ନା ଜପି ପା ଦୟା କିଡ଼ତାନ୍ ।
 ୨୮ ଲାଗିଂ ଏପେଙ୍ଗ୍ ଇନେସ୍ ହେଝାନିଂ ଆରେ ରଗ ହୁଡ଼ିଜି ଝାରି କିୟାଟ୍ ଆରି ନା ଦୁକ୍ ଇନେସ୍ ଉଣା ଆନାଡ଼, ଇଦାଂ କାଜିଂ
 ଆନ୍ ହେଝାନିଂ ପକ୍‌ନି କାଜିଂ ଆଦିକ୍ ଜାତୁନ୍ ଆତାଙ୍ଗ୍ । ୨୯ ଲାଗିଂ, ମାପୁ କ୍ରିସ୍ଟି ପାତ ଠ କିନି ଟଣ୍ଡେନ୍ ବାବ୍ରେ ଏପେଙ୍ଗ୍
 ହେଝାନିଂ ଝାରିତାଂ ଇଚାଟ୍, ଆରେ ଇ ଲାକେ ଗୁଣିକାନ୍ ମୁଣିକାଂ ବକ୍ତି କିୟାଟ୍; ୩୦ ଇନାକିଦେଂକି ଏପେଙ୍ଗ୍ ନାଙ୍ଗେଙ୍ଗ୍
 ଇମ୍‌ଣି ଉପକାର ହିଦେଂ ଆଡ଼ଝାତାଦେର, କ୍ରିସ୍ଟି କାମାୟ ପୁରା କାଜିଂ ହେଝାନ୍ ହେଝାଡ଼ି ନା କାଜିଂ କିଦେଙ୍ଗ୍ ହାଲ୍‌ଜି ନିଜ୍
 ଜିବୁନ୍‌ତିଂ ରାଉ ଆରି ହାକିନି ମୁମ୍ଦ ଆଜି ମାଚାନ୍ ।

୩

ହାଡ଼ପା ଦାମ୍

୧ ହାରିହାରା, ଏ ନା ଟଣ୍ଡାର ଆରି ତଣ୍ଡେକାଦେର, ମାପୁତି ଲାହାଂ ମେହାଜିମାତିଲେ ଏପେଙ୍ଗ୍ ଝାରିୟା ଆତ ।
 ଆଗେତାଂ ଇନାକା ଲେକିକିତାଙ୍ଗ୍‌ନା, ହେଦାଂ ବାର୍‌ବାର କିଦେଙ୍ଗ୍ ଆନ୍ ଝାହ୍‌ନାକା ବାବି କିତାଙ୍ଗା, ଇନେକିଦେଂକି ମି
 ହାରମାନାକା କାଜିଂ ଇଦାଂ ଉପକାର କିଦ୍‌ନାଡ଼ । ୨ ଇମ୍‌ଣାକାର ବାନ୍‌ଧା କାମାୟତ ମୁଞ୍ଜିଟାଣ୍ଡା, ଇମ୍‌ଣାକାର ଗାଗାଡ଼ିଂ
 ସୁନ୍‌ଡ଼ ଆତାକାର କାଜିଂ ଜିଦ୍ ଆହ୍‌ନାର, ହେ ନିକ୍‌ଡ଼ିଂ ଲାଗେତାଂ ଜାଗ୍ରତ୍ । ୩ ଇନାକିଦେଂକି ଆସେଙ୍ଗ୍ ହାଡ଼ପାନେ ସୁନ୍‌ଡ଼
 ପାୟାଆତାକାସ୍, ହେଝାର ଆକାୟ । ଆସେଙ୍ଗ୍ ପୁଇପୁୟା ଜିବୁନ୍ ଉପକାରତାଂ ଇସ୍ବରତି ପାର୍ତ୍ତନା କିନାସା ଆରି କ୍ରିସ୍ଟି ଜିସୁତି
 ଲାହାଂ ମେହାଜି ଝାରିୟାନାସା । ବାତ ଠ ରିତିନିତି ଜପି ମା ବାସ ଠ ଆକାୟ । ୪ ଆତିସ୍‌ପା ହେ ସବୁ ଜପି ଆହା ଇଚ୍‌ନାକା

ନା ପାକ୍ୟାତ ହାର ଆତାମ୍ । ଜଦି ଇନେର୍ ବାତ ରିତିନିତିନି ଲଡ଼ା ଜପି ମାନ ଦ୍ୟାନ ହିତାଙ୍ଗମା, ହେ ଲାକେ କିଦେଙ୍ଗ କାଜିଂ ନା ଜବର୍ ଉପାୟ ମାନାତ୍ । * ଆନ୍ ଆର୍ ଦିନ୍ତାଂ ସୁନ୍ନତ୍ ପାୟାଆତାକାଂ, ଇସ୍ରାଏଲ୍ ଲାତ୍ରା ଜଲମ୍, ବିନ୍ୟାମିନ୍ କୁଟୁମ୍, ଏବ୍ରୟ ନେତେରତ ଜଲମ୍ ରଖାନ୍ ଏବ୍ରୟ, ଜିହୁଦି ବିଦି ପାଲି କିନି ଇସାପ୍ରେ ରଖାନ୍ ପାରୁସି ମାଚାଙ୍ଗ, ୨୬ ଆରି ନା କାଜିଂ ଇଚା ବିସ୍ତେ ମଣ୍ଡଲିନି ରଖାନ୍ କୁଲ୍ ଆ ମାଚାଙ୍ଗ, ଆରେ ବିଦି ହାଟି ଦାମ୍ ବିସ୍ତେ ଦସି ଆଖାଦାଂ ଚଞ୍ଜି ମାଚାଙ୍ଗ । ୨୭ ମାତର୍ ଇମଣି ଓଁଜୁ ବିସ୍ତେ ଲାବ୍ ଇଞ୍ଜି ଆନ୍ ବାବି କିଜି ମାଚାଙ୍ଗ, ହେଦେଲିଂ ନଙ୍ଗ୍ କ୍ରିସ୍ତୁତି କାଜିଂ ଲାସ୍ ଇଞ୍ଜି ବାବି କିନାଙ୍ଗା । ୮ ଆଁ ହାଡ଼ପା ଆନ୍ ନା ମାପୁ କ୍ରିସ୍ତୁ ଜିସ୍ତୁତି ଗିଆନ୍ନି ହାର କାଜିଂ ଓଁଜୁ ବିସ୍ତେ ନସ୍ ଇଞ୍ଜି ଗାଣା କିନାନ୍; ହେଖାନ୍ କାଜିଂ ଆନ୍ ଓଁଜୁ ବିସ୍ତେନି ନସ୍ ହୁଞ୍ଜିଆଙ୍ଗ, ଆରେ, ହେ ଓଁଜୁ ଗାତ୍ରା ଲାକେ ଗାଣା କିନାନ୍, ଇନେସ୍ ଆନ୍ କ୍ରିସ୍ତୁଙ୍ଗ୍ ଲାବ୍ କିଦେଙ୍ଗ୍ ଆଡ଼ନାସ୍ ଆରି ହେଖାନ୍ତି ଇଞ୍ଜି ପୁନ୍ୟାନାତ୍, ୯ ଆରି ମସାତି ବିଦି ପାଲି କିନିକାଜିଂ ଜାର୍ ଦାମ୍ ପାୟାଖାଦାଂ ଇଚିସ୍ ଇନେସ୍ କି କ୍ରିସ୍ତୁତାକେ ପାତ୍ ହୁଦାଂ ଇସ୍ପୁରତି ପାତ୍ କିନି ମୁଡ଼ ଦାମ୍ ବିଦି ପାଲି କିୟାଟ୍ । ୧୦ ନଂ ନାଦାଂ ବେସି ମାନ୍ ଆନ୍ ଇନେସ୍ କ୍ରିସ୍ତୁଙ୍ଗ୍ ପୁନାଙ୍ଗ୍ ଆରି ହେଖାନ୍ତି ଆରେ ନିନି ସାକ୍ତି ବାବି କିନାଙ୍ଗ୍; ହେଖାନ୍ତି ଦୁକ୍ ବଗ୍ନି ମେହାବିଡ଼ା ଏଡୁ କିଜି ହାକିତ ପା ତା ଲାକେ ଆନାଙ୍ଗ୍ । ୧୧ ହାତାକାର୍ ବିତ୍ରେ ଆରେ ନିଙ୍ଗ୍ନାକା ପାୟା ଆଦେଂ ବାସ୍ ଲାବ୍ କିନାଙ୍ଗ୍ ।

ଇଚ୍ଚକାଡ଼୍ ବାହାତ ହନ୍ନାସ୍

୧୨ ଆନ୍ ଜେ ନଙ୍ଗ୍ ହେ ଓଁଜୁ ପାୟା ଆତାଙ୍ଗ୍ନା କି ବାତ ଲାବ୍ କିତାଂନା, ହେଦାଂ ଆକାୟ, ମାତର୍ ଆନ୍ କ୍ରିସ୍ତୁ ଜିସ୍ତୁତି ହୁକେ କୁକ୍ୟାଜିମାଟିଲେ ହଡ୍ରେଙ୍ଗ୍ ଲାଗାତାଂନା । ନିଜେ କ୍ରିସ୍ତୁ ନାଂ ଆସି ତାସି ଇବେ ବାଟି କିଡ଼ତାନ୍ନା । ୧୩ ଏ ଟଣ୍ଡାର୍, ଆରି ତଣ୍ଡେକ୍ ଆନ୍ ଇପାତେକ୍ ଏକାଖାତାଂନା । ମାତର୍ ର କାମାୟତ ଆନ୍ମାନ୍ ଦିଆନ୍ କିତାଙ୍ଗ୍ନା; ପାଚେ ପିସ୍ତ୍ରୁ ଖାଜିମାନି ବିସ୍ତେକାଂ ବାଣାଜି, ମୁମ୍ଦ ମାନି ବିସ୍ତେକାଂ ଗାଟାଦେଂ ଜିବୁନ୍ ଲାଗାୟ କିଜି ସେସ୍ଟା କିନାଙ୍ଗା । ୧୪ ପାଚେନି ବିସ୍ତେ ଓଁଜୁ ମାନ୍ତାଂ ପିସ୍ତ୍ରୁ ମୁମ୍ଦ ମାନି ବିସ୍ତେକାଂ କାଜିଂ ଇଡ଼ଜି କ୍ରିସ୍ତୁ ଜିସ୍ତୁତି ତାକେ ଇସ୍ପତ୍ ସାଗେନି କୁକ୍ୟାତି ପାଡ଼୍ ପାୟାନି କାଜିଂ ଜିବୁନ୍ ଲାଗାୟ କିଜି ଏକିନି ବାହାତ ହନ୍ନାଙ୍ଗା ।

୧୫ ମା ବିତ୍ରେ ଇମ୍ଣାକାର୍ ଆମିକ୍ ବାବ୍ରେ ହେଖାରିଂ ଏଲେଙ୍ଗ୍, ମାନ୍ ବାବ୍ନା ମାନାକା ମାନାତ୍ । ଜଦି ମି ବିତ୍ରେତାଂ ଇନେରତି ବିନେ ମାନ୍ ବାବ୍ନା ମାଟିସ୍, ଇସ୍ପର୍ ମିଙ୍ଗେଙ୍ଗ୍ ସବୁ କାତା ହାର୍ କିଜି ଖେଚ୍ଚାନାନ୍ । ୧୬ ହେଖାନ୍ ଇନେସ୍ ଆଏନ୍, ନେଞ୍ଜେଙ୍ଗ୍ ପାଚେକ୍ ଆସେଙ୍ଗ୍ ଇମ୍ଣା ନିୟମ୍ ମାନି କିଜି ଖାନାସା, ହେ ଇସାବ୍ରେ ନଂ ଆଗେ ହାନି ଲଡ଼ା ।

୧୭ ଏ ଟଣ୍ଡାର୍ ଆରି ତଣ୍ଡେକ୍, ଏପେଙ୍ଗ୍ ରଚେ ମିହାଜି ନା ପାଚେ ଖାଡୁ, ଆରେ ମା ଜିବୁନ୍ ତାକେ ଇମ୍ଣା ହାର୍ଦାକା ହୁଡ଼ନାଦେରା, ଇମ୍ଣାକାର୍ ହେ ଲାକେ ବେବାର୍ କିତାର୍ ହେଖାରିଂ ହୁଡ଼ାଟ୍ । ୧୮ ଆଗେତାଂ ବେସିହଟ୍ ଆନ୍ ମିଙ୍ଗେଙ୍ଗ୍ ଇ କାତା ଇଞ୍ଜାଙ୍ଗ୍ନା, ଆରେ ନଙ୍ଗ୍ ପାଚେକ୍ ଆଡ଼ବି ଆଡ଼ବି ଆରେ ରଗ କିନାସ୍; ବେସି ଜାର୍ ଜାର୍ ଜିବୁନ୍ତ କ୍ରିସ୍ତୁତି କୁସ୍ନି ହାକିତ ସାଡୁ ବେବାର୍ କିନାରା । ୧୯ ନରକ୍ତ ହେଖାରିଂ ଜିବୁନ୍ନି ନାସ୍ ଆଦେଂ ହାନାତା, ଇନେକିଦେଂକି ଗାଗାଡ଼୍ ଆହା ନେ ହେଖାରିଂ ପେନ୍ । ଇନାକା ଲାଜୁ, ହେଖାର୍ ହେବେ ଗରବ୍ କିତାର୍; କେବଲ୍ ସ୍ପାୟର୍ ଜିନିସିଂ କାଜିଂ ହେଖାର୍ ଚିନ୍ତା କିତାର୍ । ୨୦ ହେଖାନ୍ ଇନେସ୍ ଆଏଡ଼୍, ଆପେଂ ସାଗେ ରାଜିନି ପାର୍ଜା, ସାଗେତାଂ ମା ମୁକ୍ତିକାରିୟା ମାପୁ ଜିସ୍ତୁ କ୍ରିସ୍ତୁତି ଖାନାକା ଆପେଂ ଖାରିତାଂ କାନାପା । ୨୧ ଇମ୍ଣା ସାକ୍ତି ବାପୁତାଂ ହେଖାନ୍ ଓଁଜୁ ବିସ୍ତେତିଂ ଜାର୍ ତାରେନ୍ କିଦେଙ୍ଗ୍ ଆଡ଼ନାନ୍, ହେ ସାକ୍ତି ବାପୁ ଚଚ୍ଚି ହେଖାନ୍ ମା ନାଦାର୍ ନା ଗାଗାଡ଼୍ ତା ଜାଜମାଲ୍ନି ଗାଗାଡ଼୍ ଲାକେ କିନାନ୍ ।

୪

ଖେଚ୍ଚନାକା ଆରି ହିକ୍ୟା

୧ ଲାଗିଂ, ଏ ନା ଖାରିନି ଟଣ୍ଡାର୍ ଆରି ତଣ୍ଡେକ୍, ମିଙ୍ଗେଙ୍ଗ୍ ହୁଡ଼ଦେଦେଂ କାଜିଂ ନାଦାଂ ବେସି ଇଚା । ମିଂ ଅଜି ଆନ୍ ବେସି ଖାରିନି ମୁକୁଟ୍ । ମି କାଜିଂ ନାଦାଂ ବେସି ଗରବ୍ । ଖାରିନି ଟଣ୍ଡାର୍ ଆରି ତଣ୍ଡେକ୍, ନା ହିକ୍ୟା ଇସାପ୍ରେ ମାପୁତି ତାକେ ତିର୍ ମାନ୍ଜି ଜିବନ୍ ଜିପକା କିୟାଟ୍ ।

୨ ମାପୁ ତାକେ ତଣ୍ଡେଲ୍ ଲାକେ ରଞ୍ଜି ମାନ୍ ଆଏକ୍, ଆନ୍ ଇୟଦିୟା ଆରି ସୁକ୍ତି ରିଣ୍ଡେକାଂ ପା ଗଞ୍ଜାରି କିନାଙ୍ଗା । ୩ ଆରେ ଏ ହାଡ଼ପାନି ହାଙ୍ଗ୍ଦାକାନ୍, ଇ କଗ୍ଲେକାଂ ଉପକାର୍ କିନି କାଜିଂ ମିଙ୍ଗେଙ୍ଗ୍ ପା ଗଞ୍ଜାରି କିଦ୍ନାଙ୍ଗା, ଇନେକିଦେଂକି ଇଖାର୍ କ୍ଲେମେନ୍ସ୍ ଆରି ନା ବିନ୍ ହାଙ୍ଗ୍ଦାକାର୍ ଲାହାଂ ନେକ୍ରିକାରୁର୍ କାମାୟତ ନା ଲାହାଙ୍ଗ୍ କସ୍ କିନାରା; ହେ ହଙ୍ଗ୍ଦାକାର୍ ତର୍ “ଜିବୁନ୍ ପତିତ” ମାନାତ୍ ।

୪ ନିତ୍ରେ ମାପୁ ତାକେ ଖାରି କିୟାଟ୍, ଆରେ ଖେଚ୍ଚନାକା, ଖାରି କିୟାଟ୍ ।

୫ ଓଁଜାକାର୍ ଲାଗାଂ ମି ହୁଦାର୍ ହପାଟ୍ । ମାପୁତି ଖାନାକା ଲାଗାଂ । ୬ ଇନାକା ବିସ୍ତେ ଚିନ୍ତା କିମାଟ୍, ମାତର୍ ଇନାକା ଲଡ଼ା, ପାର୍ତାନା ଆରି ଗଞ୍ଜାରି ହୁକେ ଜୁଖାର୍ ଲାହାଙ୍ଗ୍ ମି ଗଞ୍ଜାରି ସବୁ ଇସ୍ପର୍ ଲାଗାଂ ଖେଚାଟ୍ । ୭ ହେବେ ମାନାୟାରିଂ ବୁଜାନାକା କସ୍ ଜେ ଇସ୍ପତ୍ ସୁସ୍ତା କ୍ରିସ୍ତୁ ଜିସ୍ତୁତି ମେହାଣ୍ଡତ ମି ଜିବୁନ୍ ଆରି ମାନ୍ଦିଂ ଜାଲ୍ଦି କିଜି ଇଡ଼ଦାନାତ୍ । ୮ ହାରିହାରା, ଏ ଟଣ୍ଡାର୍ ଇନା ଇନାକା ହାଡ଼ପା, ଇନା ଇନାକା ଲଡ଼ା, ଇନା ଇନାକା ଦସି, ଇନା ଇନାକା ହାଦ୍ଦାକା, ଇନା ଇନାକା ଖାରିନିକା,

☆ ୩:୨ ୩:୨ ପକ୍ୟାତାକା ୮:୩; ୨୨:୪; ୨୭:୯-୧୧. ☆ ୩:୧୭ ୩:୧୭ ୧ କରକ୍ରିୟ ୪:୧୭; ୧୧:୧.

ଇନାକା ତାକ୍‌ପୁଟାମେହା, ଇମ୍‌ଣାକା ପା ସତ୍‌ଗୁଣ ଆରି ଖାରିକିୟକିନି ବିସ୍ତେ ମାନାଡ଼, ହେ ଓଁଜୁ ବିସ୍ତେ ବିଚାର କିୟାଟ୍ ।
୯ ଏପେଙ୍ଗ୍ ଜେ ଓଁଜୁ ବିସ୍ତେ ନା ତାକେ ହିକାଆତାଦେଣ୍ଟା, ପାୟା ତାଦେଣ୍ଟା, ଖେଚାଦେଣ୍ଟା, ଆରି ନା ତାକେ ହୁଡ଼ତାଦେଣ୍ଟା,
ହେ ସବୁ କାମାୟତ ପୁରା କିୟାଟ୍; ହେବେ ସୁସ୍ତାହିଦ୍‌ନାକାନ୍ ଇସ୍‌ବର୍ ମି ଲାହାଙ୍ଗ୍ ମାନାନ୍ ।

ଦାନ୍ କାଜିଂ ଜଞ୍ଜାର୍

୧୦ ମାପୁତି ଲାହାଂ ମିହାଆଜି ଜିବୁନ୍ ଜିପ୍‌କା କିନି ଖେଡ଼ାଲିଂ, ନା ଖାରି ଜେ, ଏପେଙ୍ଗ୍ ଚିନ୍ତା କାଜିଂ ମାନ୍‌ଦିଆନ୍ କିତାଦେର୍ ।
। ବେସି ଦିନ୍ ପାଚେ ଆରେ ରଗ ଚିନ୍ ଚଟ୍‌ତାଦେଣ୍ଟା । ଆନ୍ ଇଞ୍ଜୁଙ୍ଗା ଜେ, ଏପେଙ୍ଗ୍ ଓଁସ୍ତୁ ବିତ୍ରେ ନା କାଜିଂ ଆରେ ମାନ୍‌ଦିଆନ୍
ହିଞ୍ଜାଦାଂ ମାଚାଦେର୍ କେବଲ୍ ହେଦାଂ ହପ୍ରେଙ୍ଗ୍ ପାବ୍ ପାୟାଖାଦାଂ ମାଚାଦେର୍ । ୧୧ ଆନ୍ ଜାତ୍‌ଂ ଏଲ୍‌ଲା ବାବି କିଜି ଇ
କାତା ଇନ୍‌ଜୁଙ୍ଗା, ଇନେକିଦେଂକି ନାଦାଂ ଇନାକା ମାନାଡ଼, ହେ ଏଚେକ୍‌ନେ ସାରି କିଦେଙ୍ଗ୍ ଆନ୍ ହିକ୍ୟା କିତାଂନା । ୧୨ ଅବାବ୍
ଆୟେଡ଼, ଦନ୍ ବେସି ଆୟେଡ଼, ଇନେସ୍ ତା ମୁମ୍‌ଦ ହାଞ୍ଜେଙ୍ଗ୍ ଆନାଡ଼, ହେଦାଂ ଆନ୍ ପୁଚାଙ୍ଗ୍‌ନା । ଲାଗିଂ ଇମ୍‌ଣାକା ପା
ଖେଡ଼ାଲିଂ, ନାସ୍‌କିତ ମାନି ଖେଡ଼ାଲିଂ ଇନେସ୍, ସାରି ଆତି ପାଚେ ପା ହେ ଲାକେ, ଅବାବ୍ ଆନି ଖେଡ଼ାଲିଂ, ଆରେ ବେସି
ବିତ୍ରେ ପା ସବୁଖେଡ଼ାଙ୍ଗ୍ ଆନ୍ ସାରି । ୧୩ ନା ସାକ୍ତି ହିଦ୍‌କାନ୍ କ୍ରିସ୍ତୁତି ଉପ୍‌କାର୍‌ତାଂ ଆନ୍ ସବୁ କିଦେଙ୍ଗ୍ ଆଡ଼ନାଙ୍ଗ୍ ।

୧୪ ଆଡ଼ିସ୍‌ପା ଏପେଙ୍ଗ୍ ନା ଦୁକ୍‌ବଗ୍ ଖେଡ଼ାଲିଂ ନାଙ୍ଗେଙ୍ଗ୍ ମେହାଆନି କାଜିଂ ହାର୍ କିତାଦେଣ୍ଟା । ୧୫ ଏ ପିଲିପିନି ଟଣ୍ଡାର୍
ଆରି ତଣ୍‌ଦେକ୍, ମିଙ୍ଗେଙ୍ଗ୍ ହାର୍‌କିଜି ମାନ୍‌ତ ମାନାଡ଼, ନେକ୍‌କାବୁର୍ ସୁଣାୟକିନି ହାଙ୍ଗ୍‌ତି ସମୁତ, ଏଚେକାଡ଼୍‌ଦ ଆନ୍
ମାକିଦନିଆତାଂ ହାଚାଙ୍ଗ୍, ହେ ଖେଡ଼ାଲିଂ ମି ମଣ୍ଡୁଲି ନାଂ ଉପ୍‌କାର୍ କିଜି ମାଞ୍ଜାଡ଼, କେବଲ୍ ଏପେଙ୍ଗ୍ ନା ଲାବ୍ ଆରି
ଲାସ୍ ମେହା ଆଜି ମାଚାଦେର୍ । ୧୬ ଆନ୍ ତେସ୍‌ଲିନିକିତ ମାନିହିଂ ଏପେଙ୍ଗ୍ ବେସିହର୍ ନା ଲାଗାଂ ଲଡ଼ାନି ଉପ୍‌କାର୍
ପକ୍‌ଚି ମାଞ୍ଜାଦେର୍ । ୧୭ ମାତର୍ ମିତାଂ କେବଲ୍ ଦାନ୍ ଅନି କାଜିଂ ଆନ୍ ଇଚା କିଉଙ୍ଗ୍, ଇଦାଂ କାଜିଂ ଏପେଙ୍ଗ୍ ଇନେସ୍
ଆଦିକ୍‌ତାଂ ଆଦିକ୍ ଲାବ୍ ଆଡ଼, ଇଦାଂ ନା ଇଚା । ୧୮ ମିତାଂ ଆନ୍ ଗାଟା ଆଜି ମାନି ଓଁଜୁ ଦାନ୍ କାଜିଂ ପାୟାତାକା ମାନିକିଜି
ଜାଣାୟକିଦ୍‌ନାଙ୍ଗା । ହେଦାଂ ନା କାଜିଂ ସାରିତାଂ ଆଦିକ୍ ଅତାନ୍ନା । ଏପାପ୍ରାଦିଡ଼ତି କେଇଦ ଏପ୍ ପକ୍‌ଚି ମାଚି ଦାନ୍ ନାଦାଂ
ସବୁ ଅବାବ୍ ପୁରାୟ କିତାଂନା । ହେଦାଂ ଇସ୍‌ବର୍‌ତି କାଜିଂ ପୁଜାକିତି ହାଦ୍‌ ଗାନ୍‌ଗା ଗାର୍‌ଣି ଆରି ତାଦି ଇଟ୍ୟାତାକା ଇତିସ୍
ସାରିନି ପୁଜାଲାକେ । ୧୯ କ୍ରିସ୍ତୁ ଜିସ୍ତୁତି ହୁକେ ନା ଇସ୍‌ବର୍ ହେଖାନ୍ତି ବେସି ହଲ୍‌ନାକାତ ମିଦାଂ ଓଁଜୁ ଲଡ଼ାନିକା ତାସି କିଦ୍‌ନାନ୍
। ୨୦ ଜୁଗ୍ ଜୁଗ୍ ଆବା ଇସ୍‌ବର୍‌ତି ଜାଜ୍‌ମାଲ୍ ଆଏଡ଼ । ଆମେନ୍ ।

ହାରିହାରା କାତା

୨୧ କ୍ରିସ୍ତୁ ଜିସ୍ତୁ ତର୍‌ଦାଂ ସବୁ ସାଦୁରିଂ ଜଞ୍ଜାର୍ ଜାଣାୟ କିୟାଟ୍ । ନା ହାଙ୍ଗ୍‌ଦି ଟଣ୍ଡାର୍ ମିଙ୍ଗେଙ୍ଗ୍ ଜଞ୍ଜାର୍ ଜାଣାୟ କିଦ୍‌ନାରା
। ୨୨ ଇବେ ମାନି ଇସ୍‌ବର୍‌ତି ପୁଇପୁୟା ମାନାୟାର୍, ଓଁଜାର୍ ବିସ୍ତେ କାଇସର୍ ଇଞ୍ଜ ମାନାର୍, ସାଦୁର୍ ମିଙ୍ଗେଙ୍ଗ୍ ଜଞ୍ଜାର୍ କିଦ୍‌ନାରା
।

୨୩ ମାପୁ ଜିସ୍ତୁ କ୍ରିସ୍ତୁତି ଉପ୍‌କାର୍ ମି ଜିବୁନ୍ ଓଁଜାର୍ ଲାହାଙ୍ଗ୍ ଆଏଡ଼ ।

କଲସିୟ ମଣ୍ଡଳୀ ନିକଟକୁ ପ୍ରେରିତ ପାଉଲଙ୍କ ପତ୍ର କଲସିୟ ମଣ୍ଡଳି ଲାଗାଂ ପକ୍ୟାତି ପାଉଲ୍‌ତି ଆକି କଲସିୟ ବିସ୍ତେନି ପାଦେକ୍

କଲସିୟ ତାକେ ଲେକାତି ଆକି ଆନାତା ପାଉଲ୍ ଲେକିକିତି ଆକି ୧:୧ । ପାଉଲ୍‌ତି ଆତିସ୍‌ପା ଜିସୁ କ୍ରିସ୍ତୁତି ଜଲମ୍ ପାଚେ ଆଦିକ୍ ଆତିସ୍ ୬୦ ବାହୁଁ ରମ୍‌ଦ ଜଇଲ୍ ମାନି ସମୁତ ହେଝାନ୍ ଇ ଆକି ଲେକିକିଜି ମାଚାନ୍ । କଲସିୟ ଆକି ଲାହାଂ ଏପିସିୟ ପିଲିପିୟ ଆକିତିଂ ଜଇଲ୍‌ନି ଆକି ଇଞ୍ଜି ଇନାର୍ । ଇନେକିଦେଂକି ପାଉଲ୍ ଜଇଲ୍‌ତ ମାନି ସମୁତ ଇ ଆକି ଲେକିକିଜି ମାଚାନ୍ । ହେଝାନ୍ କଲସିୟ ବସ୍ତିତ ମାନି ମଣ୍ଡଳି ଲାଗାଂ ଇ ଆକି ଲେକିକିଜି ମାଚାନ୍ ।

ପାଉଲ୍ ହେଝାନ୍ ଇ ମଣ୍ଡଳିତିଂ ଆରମ୍ କିଝାଦାଂ ମାଚାନ୍ ଇନାକାକି ୨:୧ତ ଲେକାତାତ୍‌ନା, ମତର୍ ବେସି ହେବେ ତା ଦାୟିତ୍ ମାନାକା କାତା ଏତୁ କିତାନ୍ନା । ଏପାପ୍ରସ ଇ ମଣ୍ଡଳି ରଚ୍‌ତି ମାଚାନ୍ ଲାଗିଂ ହେଝାନ୍ କଲସିୟ ମାନାୟ୍ ମାଚାନ୍ । ପାଉଲ୍ କଲସିୟ ମଣ୍ଡଳିତ କେତେକ୍ ମିର୍ ହିକ୍ୟା ବିସ୍ତେ ତିନ୍ତା କିତାନ୍ । ହେଝାନ୍ ଇଦାଂ ବିସ୍ତେ ଆକି ଲେକିକିନି କାଜିଂ ବେସି ସମୁ ଲାଗାତାତ୍‌ନା । ଇବେ ଆତିସ୍‌ପା ଜିହୁଦି କ୍ରିସ୍ତୁୟାନ୍ ଇମ୍‌ଣାକାର୍ କି ବିନ୍ କ୍ରିସ୍ତୁୟାନ୍‌ରି ପ୍ଲାନି ନିୟମ୍ ଜିହୁଦି ବିଦିତିଂ ସମାନ୍ ବାବେ ସୁନ୍ନତ୍ ବିଦି ପାଲି କିନି କାଜିଂ ଟାଟାୟ୍ କିଦେଂ ସେସ୍ତୁ କିଜି ମାଚାନ୍ । ପାଉଲ୍ ସମାନ୍ ବାବେ ଲଡ଼ା ହିଲ୍‌ଝି କ୍ରିସ୍ତୁୟାନ୍ ବିସ୍ତେ ଲେକିକିଜି ମାଚାନ୍, ଇନେର୍ ଆତିସ୍‌ପା କ୍ରିସ୍ତୁୟାଂ ପିସ୍ତୁ ଇସ୍‌ବର୍ ଲାଗାଂ ଇଟ୍ୟା ଆଉକ୍ ୧:୧୫-୨୦ ଆରି ମାନାୟ୍‌ତି ଜିକାଟାଣା ହୁକେ ରଚ୍‌ତି ହିକ୍ୟା ମଲ୍ ଆକାୟ୍ ୨:୮ ।

ପତି ବିତ୍ତେନି ରାହାଣ୍

- ୧. କଲସିୟ ମଣ୍ଡଳିନି ପାଉଲ୍‌ତି ବାନ୍ଦାୟ୍ ୧:୧-୨
- ୨. କ୍ରିସ୍ତୁତି ଗାଜା ଆରି ମିର୍ ହିକ୍ୟା ଜପି ପାଉଲ୍‌ତି ଜବାର୍ ୧:୩-୩:୪
- ୩. ହାଦର୍ କ୍ରିସ୍ତୁୟାନ୍ ଜିବୁନ୍ ଜିପକା କାଜିଂ ପାଉଲ୍‌ତି ବଲ୍ ୩:୫-୪:୪
- ୪. ପାଉଲ୍ ଇ ଆକିତିଂ ବିନ୍ ମଣ୍ଡଳିତ ପା ପାର୍ ପଡ଼ିକିଦେଂ ଇଞ୍ଜି ବାନ୍ଦାୟ୍ ଜାଣାୟ୍‌କିଜି ଝିହ୍‌ନାନା ୪:୭-୧୮

କଲସିୟ ମଣ୍ଡଳି ଲାଗାଂ ପକ୍ୟାତି ପାଉଲ୍‌ତି ଆକି

^୧ ଇସ୍‌ବର୍ ଇଚା ଇସାବ୍‌ରେ କ୍ରିସ୍ତୁ ଜିସୁତି ରଝାନ୍ ପକ୍ୟାତାକାନ୍ ଚେଲା ପାଉଲ୍ ଆରି ଟଣ୍ଡେନ୍ ତିମତି ^୨ ତିମତି କଲସିତ ମାନି ସାଦୁ ଆରି କ୍ରିସ୍ତୁତି ତାକେ ପାତର୍ କିନି ଟଣ୍ଡାର୍ ଲାଗାୟ୍ ଲେକିକିନାନା; ମା ଆବା ଇସ୍‌ବର୍‌ତାଂ ଉପକାର୍ ଆରି ସୁସ୍ତା ମି କାଜିଂ ଆୟେଡ୍ ।

ଦନ୍ୟବାଦ୍ ପାର୍ତ୍ତାନା

^୩ ଆପ୍ ମି କାଜିଂ ପାର୍ତ୍ତାନା କିନି ସମୁତ ମା କ୍ରିସ୍ତୁ ଜିସୁତି ଆବା ଇସ୍‌ବର୍‌ତିଂ ନିତ୍ତେ ଦନ୍ୟବାଦ୍ ହିନାପା । ^୪ ଇନେକିଦେଂକି ଆପେଂ କ୍ରିସ୍ତୁ ଜିସୁତି ତାକେ ମି ପାତର୍ ଆରି ଇସ୍‌ବର୍‌ତି ପୁଇପୁୟା ଝିଜାର୍ ମାନାୟାର୍ କାଜିଂ ମି ଜିଉନନାକା ବିସ୍ତେ ଝେଟାପ୍‌ନା । ^୫ ଏଚେକାତ୍‌ଦ ନେକ୍ରିକାରୁର୍ ସର୍ କାରୁର୍ ମି ଲାଗାଂ ପର୍ତ୍ତମ୍ ଝାତାଡ୍, ଏପେଙ୍ ଝେଦାଂ ହୁଦାଂ ହିଡ୍‌ତି ବାସର୍ କାତା ଝେନ୍‌ଞ୍ଜି ମାଚାଦେର୍ । ଏପେଙ୍ ଇନାକା ବାସର୍ କିନାଦେର୍, ଇନାକା ମି କାଜିଂ ସାଗେତ୍ ହାର୍‌ମାନାନ୍, ତା ଜପି ମି ପାତର୍ ଆରି ଜିଉନନାକା ମାନାଡ୍ । ^୬ ଇମ୍‌ଣି ନେକ୍ରିକାରୁର୍ ପରଚାର୍ କାଜିଂ ଏପେଙ୍ ପର୍ତ୍ତମ୍ ଇସ୍‌ବର୍ ଉପକାର୍ ବିସ୍ତେ ଝେଟାଦେର୍ ଆରି ଇଦାଂ ହାଡ୍‌ପା ଏତୁ କିତାଦେର୍, ହେ ନେକ୍ରିକାରୁର୍ ନଙ୍ ସବୁ ଜଗଡ୍‌ତ ମେଙ୍‌ଜି ଲାବ୍ କିନାତା ଆରି ଆସିର୍ବାଦ୍ ରଚ୍‌ୟାତାଡ୍ । ^୭ ମା ପାକ୍ୟାତାଂ କ୍ରିସ୍ତୁତି ପାତର୍ କିନି ହେବାକାର୍‌ୟା ଆରି ମା ଝାରିନି ହାଙ୍‌ଦାକାନ୍ ଏପାପ୍ରାଙ୍‌ତାଂ ଏପେଙ୍ ଇସ୍‌ବର୍‌ତି ଇ ଉପକାର୍ ବିସ୍ତେ ଜାଣାୟ୍ କିୟାତାଦେର୍ଣ୍ଣା । ^୮ ପୁଇପୁୟା ଜିବୁନ୍‌ତ ମି ହିଜିମ୍‌ଞ୍ଜି ଜିଉନନାକା ବିସ୍ତେ ମାଙ୍‌ଜେଙ୍ ଝେଟାତାନ୍ନା ।

^୯ ଇ କାର୍‌ଣ୍‌ତାଂ ମି ବିସ୍ତେ ଝେନି ସମୁତାଂ ଆପେଂ ସବୁଝେଡ଼ାଙ୍ ମି କାଜିଂ ପାର୍ତ୍ତାନା କିନାପା । ପୁଇପୁୟା ଜିବୁନ୍ ହିଡ୍‌ତି ଝିଜୁ ଗିଆନ୍ ବୁଜାନି ଆମିକ୍ ସାକ୍ତି ହୁକେ ଇସ୍‌ବର୍‌ତି ଇଚା ପୁରା ଲାକେ ଏପେଙ୍ ଇନେସ୍ ପୁଞ୍ଜେଙ୍ ଆଡ୍‌ନାଦେର୍, ଇଦାଂ ମି କାଜିଂ ଆପେଂ ପାର୍ତ୍ତାନା କିନାପା । ^{୧୦} ତା ଆତିସ୍, ଏପେଙ୍ ମାପୁତି ଇଚା ଲାକେ ଜିବୁନ୍ ଜିପକା କିଦେଙ୍ ଆଡ୍‌ନାଦେର୍ ଆରି ତା ସାରିଆନି କାମାୟ୍ କିଦେଙ୍ ଆଡ୍‌ନାଦେର୍ । ଏପେଙ୍ ଜିବୁନ୍‌ତ ସବୁ ବାନି ହାର୍‌ଦି କାମାୟ୍ କିଦେଙ୍ ଆଡ୍‌ନାଦେର୍ ଆରି ଇସ୍‌ବର୍‌ତି ବିସ୍ତେ ମି ଗିୟାନ୍ ବାତାନାଡ୍ । ^{୧୧} ଲାଗିଂ ସବୁ ବିସ୍ତେ ସାସି ଆରି ହୁଦାର୍ ଆଦେଂ କାଜିଂ ହେଝାନ୍ତି ଜାଜ୍‌ମାଲ୍‌ନି ସାକ୍ତିକାଟାକାନ୍ ଇସାବ୍‌ରେ ଝିଜୁ ସାକ୍ତିତ ସାକ୍ତିକାଟାକାଦେର୍ ଆଡ୍, ^{୧୨} ଆବା ଇସ୍‌ବର୍ ରାଜିତ ତା ପୁଇପୁୟା ମାନାୟାରିଂ କାଜିଂ ଇନାକା ରୁଣ୍ଡାୟ୍ କିତାଣ୍ଣା, ତା ମେହାଆନି କାଜିଂ ହେଝାନ୍ ଜେ ମିଙ୍ ବାତି କିଡ୍‌ତାନ୍ନା, ଇଦାଂ କାଜିଂ ଝାରିତାଂ

ତାଙ୍କେଇଁ ଦନ୍ୟବାଦ୍ ହିୟାଟ୍ । ୧୩ ହେୱାନ୍ ମାଜ୍‌ଗାନି ଆଦିକାର୍ତାଂ ମାଙ୍କେଇଁ ରାକ୍ୟା କିତାନ୍‌ନା ଆରି ଆପତ୍ ହିଲ୍‌ୱାକା ମାଙ୍କେଇଁ ଜିଉନନି ମାଜିତି ରାଜିତ ତାଇୱାତାନ୍ନା । ୧୪ *ହେ ମାଜି କାଜିଂ ଆପେଂ ମୁକ୍‌ତାତାପ୍‌ନା, ଇତିସ୍ ମା ପାପ୍ କେମା ଆତାତ୍‌ନା ।

କ୍ରିଷ୍ଟୁ ଆରି ତା କାମାୟ

୧୫ କ୍ରିଷ୍ଟୁ ହୁଡ୍‌ଝି ଇସ୍‌ପତ୍ ହୁଡ୍‌ନି ଜାତିମୁତ୍ । ହେୱାନ୍ ପର୍ତ୍ତୁମ୍ ଉବଜାତି ମାଜି ଆରି ଝିଜୁ ଉବଜାଣ୍ ଆନି ବିସ୍ତେତାଂ ମୁଡ୍‌ଦାକାନ୍ । ୧୬ ଇନାକିଦେଂକି ହୁଡ୍‌ନାକା ଆରି ହୁଡ୍‌ୱାକା, ସାର୍ଗେନି ଝିଜୁ ବିସ୍ତେ ହେୱାନ୍ ହୁକେ ଉବଜା ଆତାତ୍, ଗାଦି କି ସାସନ୍ କିନାକାନ୍ କି ଆଦିକାର୍ କି ମୁଣିକା, ଝିଜାର୍ ହେୱାନ୍ ହୁକେ ଆରି ହେୱାନ୍ କାଜିଂ ଉବଜା ଆତାତ୍‌ନା । ୧୭ ଝିଜୁ ବିସ୍ତେ ଉବଜାଣ୍ ଆନି ଆଗେ କ୍ରିଷ୍ଟୁ ମାନାନ୍ ଆରି ହେୱାନ୍ ତା ଲାହାଂ ମେହାନି କାଜିଂ ଝିଜୁ ବିସ୍ତେନି ଗାତିମୁଟି ମାନାତ୍ । ୧୮ *ହେୱାନ୍ ତା ହେବା କିନାକାର୍ ମଣ୍ଡୁଲି ଲାକେ ଗାଗାଡ୍‌ନି କାପ୍‌ତା; ହେ ଗାଗାଡ୍‌ନି ହେୱାନ୍ ଜିରୁନ୍ ସାକ୍ତି । ଝିଜୁ ବିସ୍ତେ ପର୍ତ୍ତୁମ୍ ବାହା ପାୟାନ୍ କାଜିଂ ହେୱାନ୍ ହାକିତାଂ ପର୍ତ୍ତୁମ୍ ଆରେ ନିଙ୍ଗ୍‌ତାନ୍ନା । ୧୯ ଇନାକିଦେଂକି ଇସ୍‌ବର୍ ଇଚା ଇସାବ୍ରେ ମାଜି ନିଜେ ଇସ୍‌ବର୍ତି ବାତ୍ ଗୁଣ୍‌ଲାକେ କିତାନ୍‌ନା । ୨୦ *ମାଜି ହୁକେ ଇସ୍‌ବର୍ ଝିଜୁ ପୁତ୍ ତିଂ ଜାର୍ ଲାଗାଂ ଲେଉଟାୟ୍ କିଜି ତାଇୱାନି କାଜିଂ ତିର୍ କିତାନ୍ । କ୍ରିସ୍‌ତ ତା ମାଜିତି ନେତେର୍ ହୁକେ ଇସ୍‌ବର୍ ସୁସ୍ତା ରଚ୍‌ନାନ୍ ଆରି ପୁତ୍ ଆରି ସାର୍ଗେତ ମାନି ଝିଜୁ ବିସ୍ତେ ଜାର୍ ଲାଗାଂ ମେହାୟ୍‌କିଜି ତାଇୱାତାନ୍ନା ।

୨୧ ର ସମୁତ ବାନ୍ୟା ମାନ୍ ଆରି ବାନ୍ୟା କାମାୟ୍ କିଜି ମାନି ଇସ୍‌ବର୍ତାଂ ଏପେଇଁ ଦେହା ମାଚାଦେର୍ ଆରି ହେୱାନ୍ତି ସାତୁ ମାଚାଦେର୍, ୨୨ ମାଚର୍ ନଙ୍ଗ୍‌ୟ୍ ଇସ୍‌ବର୍ ମିଙ୍ଗ୍ ପୁଇପୁୟା, ବାତ୍ ଆରି ଦସିହିଲ୍‌ୱାଦାଂ ଲାକେ ତା ମୁମ୍‌ଦ ତାଇୱାନି କାଜିଂ ତା ମାଜିଂ ଗାଗାଡ୍‌ନି ହାକି କାଜିଂ ମିଙ୍ଗେଇଁ ଜାର୍ ଲାହାଙ୍ଗ୍ ଆରେ ମେହାୟ୍ କିତାନ୍ନା । ୨୩ ଏପେଇଁ ର ତାଟ୍ ଆରି ହାଡ୍‌ପା କୁନାଦି ଜପି ଝିସ୍ତି ରଚ୍‌ୟାଜି ମାନାଟ୍ ଆରି ନେକ୍ରିକାରୁର୍ ଝେନି ସମୁତ ଇମଣି ବାସ୍ ଲାବ୍ କିଜି ମାଚାଦେର୍, ହେବେଣ୍ଡାଂ ଏନେତେନେ ଆନି କାଜିଂ ପାବ୍ ହିମାଟ୍ । ହେ ନେକ୍ରିକାରୁର୍ ନେ ଆକାସ୍‌ନି ଝିଜାର୍ ଲାଗାଂ ପର୍ଚାଟ୍ ଆନାତା ଆରି ଆନ୍ ପାଉଲ୍, ହେୱାନ୍ତି ରୱାଙ୍ଗ୍ ପାତ୍ କିନାକାଂ ହେବାକାର୍‌ୟା ।

ମଣ୍ଡୁଲିତ ପାଉଲ୍‌ତି କାମାୟ

୨୪ ଆନ୍ ମି କାଜିଂ ଇମ୍‌ଣି ସରୁ ଦୁକ୍‌ବଗ୍ କିନାଙ୍ଗା, ହେବେ ନଙ୍ଗ୍ ୱାରି କିନାଙ୍ଗା, ଆରେ କ୍ରିଷ୍ଟୁତି ଇମ୍‌ଣି ଦୁକ୍‌ବଗ୍ ବାକି ମାନାତ୍, ହେଦାଂ ଆନ୍ ହେୱାନ୍ତି ଗାଗାଡ୍‌ନି ଲାଗ୍‌ଦି ମଣ୍ଡୁଲି କାଜିଂ ନା ଗାଗାଡ୍‌ତ ବାତ୍ କିନାଙ୍ଗା; ୨୫ ଇସ୍‌ବର୍ ନାଙ୍କେଇଁ ଇମ୍‌ଣି ହେବାକାର୍‌ୟା ପାଦ୍ ମି କାଜିଂ ହିଡ୍‌ତାନା, ହେ ଇସାପ୍ରେ ଆନ୍ ହେ ମଣ୍ଡୁଲିନି ରୱାଙ୍ଗ୍ ହେବାକାର୍‌ୟା ଆତାଂନା, ଇନେସ୍ ଆନ୍ ଇସ୍‌ବର୍ ବଚନ୍ ପୁରା ସୁଣାୟ୍‌କିଦେଂ ଆଡ୍‌ନାଂ । ୨୬ ହେ ଡ୍‌ଲ୍‌କା ଆଗେନି ସମୁ ଆରି ଆଗେନି ଆକର୍ ଦାଦିର୍ତାଂ ଡ୍‌ଗୁଜି ମାଚାଟ୍, ମାଚର୍ ନଙ୍ଗ୍ ହେୱାନ୍ତି ସାଦୁର୍ ଲାଗାଂ ହତାଡ୍‌ନା । ୨୭ ପାତ୍ କିଝି ଜିହୁଦିର୍ ବିତ୍ରେ ହେ ହାଦ୍ କାତାନି ଜାଜ୍‌ମାଲ୍ ଲାଗ୍‌ଦି ଦାନ୍ ଜେ ଇନାକା, ହେଦାଂ ଇସ୍‌ବର୍ ଜାର୍ ସାଦୁର୍ ବିତ୍ରେ ଚଞ୍ଚୟା ଆଦେଂ ଇଚା କିତାନ୍; ହେ ହାଦ୍ କାତା ଇଦାଂ, ମି ବିତ୍ରେ କ୍ରିଷ୍ଟୁ ହେୱାନ୍ ଜାଜ୍‌ମାଲ୍‌ନି ବାସ୍ ଲାକେ; ୨୮ ଇଦାଂ କାଜିଂ ଆପେଂ ଝିଜାର୍ ଲାଗାଂ କ୍ରିଷ୍ଟୁତି ପର୍ଚାଟ୍ କିନାପା । ଝିଜାର୍ କ୍ରିଷ୍ଟୁ ଲାହାଂ ମେହାଜି ର ପୁରାବାତ୍ ମାନାୟ୍ ଲାକେ ଇସ୍‌ବର୍ ମୁମ୍‌ଦ କୁଟିକିନି କାଜିଂ, ମା ଝିଜୁ ରୁଦି ଗିଆନ୍ ଚାଲାୟ୍ କିଜି, ଝିଜାରିଂ ଚେଡ୍‌ନା ଆରି ହିକ୍ୟା ହିନାପା । ୨୯ ଇଦିଲିଂ ଜିଦ୍ କିନି କାଜିଂ ନା ତାକେ କାମାୟ୍ କିଜିମାନି କ୍ରିଷ୍ଟୁ ହିଡ୍‌ତି ଜବର୍ ସାକ୍ତିତ୍ ବେବାର୍ କିଜି ଆନ୍ ହାଜିରିଜି ସେସ୍ତା ଆରି କସ୍ କିନାଙ୍ଗା ।

୨

୧ ମି କାଜିଂ, ଲାଅଦିକିଆନିକାର୍ ଆରି ନାଂ ଜାର୍‌ତି କାଜିଂ ଚିନ୍‌କିୱାଦାଂ ମାଟିକ୍ ଝିଜାର୍ ମାନାୟାର୍ କାଜିଂ ଆନ୍ ଜେ ଏଚେକ୍ ବେସି କସ୍ କିନାଙ୍ଗା, ହେଦାଂ ଏପେଇଁ ପୁନାଟ୍ ଇଞ୍ଜି ନା ଇଚା । ୨ ଏପେଇଁ ଝିଜାଦେର୍ ଇନେସ୍ ହେୱାନ୍ତି ୱାସ୍ ଝାରିୟା ଆନାଦେର୍ ହାରି ଲାହାଂ ଜିଉନନିତ ରବେ ମାନାଦେର୍, ଆରି ହାଡ୍‌ପାନେ ଗିଆନ୍ ଲାବ୍ କିଜି ହାଡ୍‌ପା ବାସ୍ ଲାକେ ପୁରା ସମ୍ପତିନି ଆଦିକାରି ଆନାଦେର୍, ଇଦାଂ ନା ଇଟ୍‌କାଡ୍ । ଇଦାଂ ହୁକେ ଏପ୍ ପୁନାଦେର୍ ଜେ, ଜିସ୍ତୁ କ୍ରିଷ୍ଟୁନେ ଇସ୍‌ବର୍ତି ହେ ଡ୍‌ଲ୍‌ବଚନ୍ । ୩ ଜିସ୍ତୁ କ୍ରିଷ୍ଟୁ ଆନାନା ହେ କୁଟି କାଡ୍, ଇନାକା ଇସ୍‌ବର୍ତି ରୁଦି ଆରି ଗିୟାନ୍ ଲାକେ ଝିଜୁ ଡ୍‌ଲ୍‌ ଦାନ୍ ସମ୍ପତିନି ଗାଦ୍ୟା ଜେସି ହିଦ୍‌ନାନ୍ ।

୪ ଇନେର୍ ମିଂ ଇନେସ୍ ଇନି ଚାଲାକିତାଂ ବୁଲାୟ୍ କିଦ୍‌ମେର୍, ହେଦାଂ କାଜିଂ ଆନ୍ ଇଦାଂ ଇଞ୍ଜିନାଙ୍ଗା । ୫ ଇନାକିଦେଂକି ଆଡିସ୍‌ପା ଆନ୍ ଗାଗାଡ୍‌ତ ୱା଱ାଦାଙ୍ଗ୍ ମାଟିସ୍ ପା, ଜିରୁନ୍ ବାବ୍ରେ ଆନ୍ ମି ଲାହାଂ ମାନାଙ୍ଗା । କ୍ରିଷ୍ଟୁତି ଜପି ତାଟ୍ ପାତ୍ ଇଡ୍‌ଜି ଏପେଇଁ ଇନେସ୍ ହାଟ୍‌ସୁସ୍ତା ଆତାନ୍ନା, ହେଦାଂ ହୁଡ୍‌ଜି ଆନ୍ ୱାରି ।

କ୍ରିଷ୍ଟୁତାକେ ଜିରୁନ୍

* ୧:୧୪ ୧:୧୪ ଏପିସିୟ ୧:୭. * ୧:୧୮ ୧:୧୮ ଏପିସିୟ ୧:୨୨,୨୩. * ୧:୨୦ ୧:୨୦ ଏପିସିୟ ୨:୧୭.

୭ ଇନେସକି ଏପେଙ୍ଗ କ୍ରିସ୍ଟୁ ଜିସୁତି ମାପୁ ଲାକେ ଇଡ଼ତାଦେଣ୍ଟା, ତା ଲାହାଙ୍ଗ୍ ମେହାଜି ଜିବୁନ୍ ଜିପକା କିୟାଟ୍ । ୭ ମିଦାଂ ମୁଡ଼କ୍ଳନାଦି ତା ଜପି ଆଟ୍‌ଝା ଲାକେ ରଚ୍ଚି ଜିବୁନ୍ ରଚାଟ୍ ଆରି ଏପେଙ୍ଗ୍ ଗାଗାତି ହିକ୍ୟା ଇସାବ୍ରେ ପାତ୍‌ତ ଆଦିକ୍ ବାଡ଼କାସ୍ ଆତ । ମି ଜିବୁନ୍ ପାତ୍‌ତ ପୁରା ଆଏଡ଼ ।

୮ ଜାଗ୍ରଡ଼, ଇନେର୍ ଇନେସ୍ ମିଂ ମାନାୟାଚ୍ଚି ଅରଡ଼ ହିଲ୍‌ଝି ଆହାର୍ ଗିଆନ୍ ହୁକେ ତଲ୍ୟା କିଦୁଡ଼ । ହେ ସବୁ ପଲ୍ୟା ଗିୟାନ୍ କ୍ରିସ୍ଟୁ ହିକ୍ୟାତାଂ ଖାଖାଦାଂ ମାନ୍‌ଗାନାଡ଼ । ହେଦାଂ ମାନାୟ କୁଚୁମ୍‌ନି ଚାଲାଆଜି ଖାଜି ମାନି ହିକ୍ୟା ଆରି ପୁତ୍‌ ଜପି କାମାୟ କିଜି ମାନି ହାୟାୟକିନି ସାଲ୍ଲିନି ହିକ୍ୟାନି ପାଡ଼ । ୯ କେବଲ୍ ନାର୍ ଲାକେ କ୍ରିସ୍ଟୁ ତାକେ ଇସ୍‌ଚ୍ଚି ଜାତିମୁତ୍‌ ପୁରାବାତ୍‌ ମାନାଡ଼ । ୧୦ ହେଖାନ୍ ଲାହାଂ ମେହାଣ୍ ମାନି କାଜିଂ ଏପ୍ ଜିବୁନ୍ ପୁରା ଲାବ୍ କିଦେଙ୍ଗ୍ ଆଡ଼ନାଦେର୍ । ବିନ୍ ଝିଲ୍ଲୁ ସାଲ୍ଲି ଆରି ଆଦିକାରି ଜପି କ୍ରିସ୍ଟୁ ରାଜ୍ ନେ ମୁଡ଼ଦାକା ।

୧୧ କ୍ରିସ୍ଟୁ ଲାହାଂ ମେହାତି ଜିବନ୍ ନେ ମି ସୁନ୍‌ଡ଼ ଲାକେ । ଇ ସୁନ୍‌ଡ଼ ମାନାୟ କିତାକା ଆକାୟ, ହେଦାଂ କ୍ରିସ୍ଟୁ ଲାହାଂ ପୁରା ଆତାକା । ହେଦାଂ ମାନାୟତିଂ ପାପ୍ ବାତ୍‌ ଝିଲ୍ଲୁ ଗାଗାଡ଼୍ ମୁକ୍‌ଡ଼ାୟ କିନାଡ଼ । ୧୨ ଇନେକିଦେଂକି ବାପ୍‌ସିମତ ଅନି ହୁଦାଂ ଏପେଙ୍ଗ୍ କ୍ରିସ୍ଟୁ ଲାହାଂ ମୁଚିୟା ଆଜି ମାଚାଦେର୍ ଆରି ଜିସୁ କ୍ରିସ୍ଟୁତିଂ ଆରେ ନିକ୍‌ନାକା ଇସ୍‌ଚ୍ଚି ଜାର୍‌ତି କାମାୟ ସାଲ୍ଲିତ ପାତ୍‌ କିନି ହୁକେ କ୍ରିସ୍ଟୁ ଲାହାଂ ଏପେଙ୍ଗ୍ ପା ଆରେ ନିଂତାଦେଣ୍ଟା । ୧୩ ମି ପାପ୍ ଆରି ଗାଗାଡ଼୍ ଆହା କାଜିଂ ଆରି ଏପେଙ୍ଗ୍ ବିଦିତ ବିନେ ଆଜି ପାତ୍‌ କିଝି ଜିହୁଦି ମାଚିଲେ ଦିନେକ୍ ଏପେଙ୍ଗ୍ ମାପୁ ଗିଆନ୍‌ତ ହାଜି ମାଚାଦେର୍; ମାତର୍ ଇସ୍‌ଚ୍ଚି ନଂ କ୍ରିସ୍ଟୁ ଲାହାଂ ମିଂ ହାର୍ କିଜି ଇଡ଼ତାନ୍ନା । ଇସ୍‌ଚ୍ଚି ମା ଝିଲ୍ଲୁ ପାପ୍ କେମା କିଦନାନ୍ । ୧୪ ହେଖାନ୍ ମା ବିରୁଦ୍‌ତ ମାନାକା ବିଦି ଦାବାଆକି ଆରି ଇଦାଂ ବିଦିବିଦାଣିତିଂ କୁସ୍‌ତ ନାସକିଜି ମାଙ୍ଗ୍‌ତାଂ ଦେହା କିତାନ୍ନା । ୧୫ ଆରେ ହେ କୁସ୍‌ ଜପି କ୍ରିସ୍ଟୁ ଝିଲ୍ଲୁ ବାନି ସାଲ୍ଲି ଆରି ଆଦିକାରି ଜାର୍‌ତିଂ ମୁକ୍‌ଡ଼ାୟ କିତାନ୍ନା ଆରି ହେଖାରିଂ ବନ୍ଦି କିଜି ଜାର୍ ବିସ୍ତେ ହାର୍ ହାନିତ ଝିଜାକାର୍ ମୁମ୍‌ଦ ହେଖାରିଂ ଗ୍ଲୁୟତାନ୍ନା ।

ମାନାୟ ରଚ୍ଚି ନିୟମକାଂ ମାନିକିମାଟ୍

୧୬ ଲାଗିଂ, ଇନେର୍ ତିନାଉଣା କି ପୁଇପୁୟା ନାଞ୍ଜିଙ୍ଗ୍ କି ଉଆଁସ୍ ପାର୍, କି ଜମ୍‌ନିବାର୍ ବିସ୍ତେ ଇମ୍‌ଣାକାପା ବିଚାର୍ ଜାଲ୍‌ଦି କିମେନ୍ । ୧୭ ହେ ସବୁ କେବଲ୍ ଖାନି ଦିନ୍‌ନି ଗିଗାନି ବିସ୍ତେନି ତିଗା ଲାକେ ମତର୍, କ୍ରିସ୍ଟୁନେ ଝିଲ୍ଲୁ ହାଡ଼ପାନି ଝିଜେନିକା । ୧୮ ଆରେ ଇମ୍‌ଣାକାର୍ ଦାମ୍ ଆରି ଦୁଡ଼ର୍ ପୁଜାତ ହାର୍ ପାୟାଜି କ୍ଳେଞ୍ଜକଣ୍ ହୁଡ଼ଜି ମାନି ବିସ୍ତେନିକିଂ ଦାସ୍ ଆରି ଜାର୍ ସଁସାର୍‌ନି ମାନାୟ ମାନ୍ ହୁକେ ପଲ୍ୟା ଗାବ୍ ଆଜି କାପ୍‌ଡ଼ା ଲାକେ ଇନେନ୍ କ୍ରିସ୍ଟୁ ହେଖାନ୍ ଆହାଖାଦାଂ ଇନାମ୍‌ତାଂ ମିଙ୍ଗେଙ୍ଗ୍ ବାଚାୟ କିଦମେଡ଼; ୧୯ ଗାଗାଡ଼୍‌ନି କାପ୍‌ଡ଼ା ଲାକେ କ୍ରିସ୍ଟୁ ତାଂ ହେଖାର୍ ଏଡ଼ା ଆତାଣ୍ଟା । ତା ବଲ୍‌ଦାଂ କେଇଗାଲ୍‌କୁ ହାୟାଣି ଆରି ଚିରାଂ ହୁକେ ହାରି ଲାହାଂ ମିହାଜି ପୁରା ସାଲ୍ଲି ଆନାଡ଼ ଆରି ଗାଗାଡ଼୍ ଇସ୍‌ଚ୍ଚି ଇଚା ଇସାପ୍ରେ ବାତା ଆନାଡ଼ ।

କ୍ରିସ୍ଟୁ ଲାହାଂ ହାନାସ୍ ଆରି ଜିନାସ୍

୨୦ ଏପେଙ୍ଗ୍ କ୍ରିସ୍ଟୁ ଲାହାଙ୍ଗ୍ ହାତାଦେଣ୍ଟା ଇ ପୁତ୍‌ ଜପି ରାଜକିନି ସାଲ୍ଲିତାଂ ମୁଲ୍ଲି ଲାବ୍ କିତାଂନା । ମାନାୟ ଲାକେ ଜିବୁନ୍ କାଚିକିନାଦେରା ? ଇନେକିଦେଂ ଏପେଙ୍ଗ୍ ଏଲେଙ୍ଗ୍‌ବାତ୍‌ ନିୟମିକାଂ ମାନି କିନାଦେରା । ୨୧ “ଇଦାଂ ଆହ୍‌ମାଟ୍, ହେଦାଂ ତିନ୍‌ମାଟ୍, ହେଦାଂ ତୁମାଟ୍ ?” ୨୨ ଇ ସବୁ ବିସ୍ତେ ଚାନେକ୍‌ନିକା । ଇଦାଂ ବେବାର୍ ଆନି ସାଙ୍ଗେ ସାଙ୍ଗେ ମଲ୍‌ହିଲ୍‌ଖାକା ଆଜି ହାନାଡ଼ । ଇଖାଙ୍ଗ୍ କେବଲ୍ ମାନାୟ ରଚ୍ଚି ନିୟମ୍ ଆରି ହିକ୍ୟା । ୨୩ ନିଜେ ସାର୍‌ଗେଦୁଡ଼ ପୁଜା, ମିର୍ ହୁଦାର୍ ଆରି ଜାତ୍‌ ବାଦା ହିନାକା କାଜିଂ କିୟକିଦେଂ ଇ ସବୁ ନିୟମ୍ ବେସି ଗିଆନ୍ତ ରଚ୍ଚାକା ଇଞ୍ଜି ବାବି କିନାନ୍, ମାତର୍ ଗାଗାଡ଼୍ କାମାୟତିଂ ମେହାୟ କିଦେଙ୍ଗ୍ ଆଡ଼ଖାକା ।

୩

୧ ଏପେଙ୍ଗ୍ ଏଚେକାଡ଼୍‌ କ୍ରିସ୍ଟୁ ଲାହାଙ୍ଗ୍ ହାକିତାଂ ନିଂତାଦେଣ୍ଟା । ଲାଗିଂ ସାର୍‌ଗେନି ବିସ୍ତେତିଂ ମାନ୍‌ଦ୍ୟାନ୍ କିୟାଟ୍, ଇନେକିଦେଂକି କ୍ରିସ୍ଟୁ ସାର୍‌ଗେତ ଇସ୍‌ଚ୍ଚି ବୁଜ୍‌ଣି ବାଗାଙ୍ଗ୍ କୁଚ୍‌ତାନ୍ନା । ୨ ପୁତ୍‌ନି ବିସ୍ତେ ଆହା କିଝାଦାଂ ସାର୍‌ଗେ ବିସ୍ତେ ଚିନ୍ତା କିୟାଟ୍ । ୩ ଇନାକିଦେଂକି ଏପେଙ୍ଗ୍ ହାତାଦେଣ୍ଟା, କ୍ରିସ୍ଟୁ ଲାହାଂ ମି ଜିବୁନ୍ ଇସ୍‌ଚ୍ଚି ତାକେ କ୍ରିସ୍ଟୁ ଲାହାଙ୍ଗ୍ ଡ଼କ୍ଳାତାଡ଼ନା । ୪ ମା ଜିବୁନ୍ ଲାକେ ଜେ କ୍ରିସ୍ଟୁ ଏଚେକାଡ଼୍‌ ହେଖାନ୍ ଚଞ୍ଜିୟା ଆନାନ୍, ହେ ପାଦ୍‌ନା ଏପେଙ୍ଗ୍ ପା ହେଖାନ୍ ଲାହାଙ୍ଗ୍ ଜାଜ୍‌ମାଲ୍‌ତ ଚଞ୍ଜିୟା ଆନାଦେର୍ ।

ପ୍ତାନାକା ଆରି ପୁନି ଜିବୁନ୍

୫ ଲାଗିଂ, ମିଦାଙ୍ଗ୍ ଗାଗାଡ଼୍‌ନି କେଇଗାଲ୍‌ନି ବାନ୍ୟା ଚିନ୍ତା ଇଚିସ୍ ଦାରି, ବିଚାଡ଼, ପୁତ୍‌ନି କାମାୟ, ବାନ୍ୟା ଆହା, ଆରେ ପୁଡ଼ଡ଼ା ପୁଜାଲାକେ ଲାବ୍‌ଡ଼ି, ଇ ସବୁ କାଜିଂ ହାତ; ୬ ଇ ସବୁ କାଜିଂ ମୁନ୍‌ଜି ମାନ୍‌ଜି ଇମ୍‌ଣାକାର୍ ଇସ୍‌ଚ୍ଚି ମାନିକିଉର୍,

☆ ୨:୧୨ ୨:୧୨ ରମିୟ ୭:୪. ☆ ୨:୧୩ ୨:୧୩ ଏପିସିୟ ୨:୧-୫. ☆ ୨:୧୪ ୨:୧୪ ଏପିସିୟ ୨:୧୫. ☆ ୨:୧୬ ୨:୧୬ ରମିୟ ୧୪:୧-୭. ☆ ୨:୧୯ ୨:୧୯ ଏପିସିୟ ୪:୧୭.

ହେୱାର ଜପି ଇସ୍‌ବର ରିସା ଆରନାଡ଼ । ୭ ଦିନେକ୍ ଏପେଙ୍ଗ୍ ଇସ୍‌ବୁ ବାନ୍ୟା ଆହା ମେହାଜି ଜିବୁନ୍ ଜିପ୍‌କା କିଜି ମାଚାଦେର୍ ।

୮ ମାତର୍ ନଙ୍ଗୟ୍ ଏପେଙ୍ଗ୍ ପା ଇ ସବୁ ବିସ୍ତେ, ଇଚିସ୍ ରିସା, ମୁକ୍‌ଆ, ଆକ୍ରିୟା, ନିନ୍ଦା, ୱେଇଦାଂ ବଟାୟ୍ ବଚନ୍ ଇ ସବୁ ପିହାଟ୍ । ୯ ହାରିତିଂ ମିର୍ ଇନ୍‌ମାଟ୍; ଇନେକିଦେଂକି ଏପେଙ୍ଗ୍ ତ ପୁନି ବାବ୍‌ନା ଆରି ତା ବେବାର୍ କିମାଟ୍ । ୧୦ ହେବେନି ଓଁଜୁ କାମାୟ୍ ପିସ୍ତି ପୁନି ଆଚାର୍ ବେବାର୍ ଉସ୍ତାଦେର୍ଣ୍ଣା । ହେ ପୁନି ଆଚାର୍ ବେବାର୍ ଜାର୍ ଉବ୍‌ଜାୟ୍ କିତି ମୁଣିକାତି ଜାତିମୁତ୍ ଇସାବ୍ରେ ପୁରା ଗିଆନ୍ ପାୟାନ୍ କାଜିଂ ପୁନାକାଦେର୍ ଆନାଦେରା । ୧୧ ଇ ଲାକେ ବାହାତ ଗ୍ରିକ୍ ଆରି ଜିହୁଦି ଆରି ପାତ୍ କିଓ୍ ଜିହୁଦି, ସୁନ୍ନତ୍ ଆରି ସୁନ୍ନତ୍ ଆଖାତାକାର୍, ଲେକାରାଜ୍ୟା, ସ୍ମୃତିୟ୍, ଆଡ଼ିଏନ୍, ମାନ୍‌ଇଚାଲଗ୍, ଇଞ୍ଜାର୍ ବିତ୍ରେ ଅଲପ୍‌ପା ଆଲ୍‌ଗା ହିଲେଡ୍, ମତର୍ କ୍ରିସ୍ଟ୍ ସବୁତ ସବୁ ଆନାନ୍, ଆରେ ଓଁଜାକାର୍ ତାକେ ବାହା କିନାନ୍ ।

୧୨ ଏପେଙ୍ଗ୍ ଇସ୍‌ବରତି ଲକୁ । ହେୱାନ୍ ମିଙ୍ଗେଙ୍ଗ୍ ଜିଉନନାକା ନିଜାର୍ ପୁଇପୁୟା ଲକୁ କାଜିଂ ବାଚିକିୟାତାନାନ୍ । ଲାଗିଂ ଏପେଙ୍ଗ୍ ମାନ୍, ଦୟା, ହୁଦାର୍, ସୁସାର୍ ଆରି ସାସ୍ ଲାକେ ହେୟା ଉସ୍‌ପାଟ୍ । ୧୩ ହାରି କାଜିଂ ହୁଞ୍ଜନାକାଦେର୍ ଆଡ, ଆରେ ଜଦି ଇନେର୍ ଇନେର୍ ବିରୁଦ୍‌ତ ଇମ୍‌ଣି କାତା ମାଚିସ୍, ତେବେ ରଞ୍ଜାନ୍ ଆରେରଞ୍ଜାନ୍ କେମା କିୟାଟ୍; ମାପୁ ଇନେସ୍ ମିଙ୍ଗେଙ୍ଗ୍ କେମା କିଡ଼ତାନାନ୍, ଏପେଙ୍ଗ୍ ପା ହେ ଲାକେ କିୟାଟ୍ । ୧୪ ଆରେ, ଇ ଓଁଜୁ ଗୁଣ୍ ଲାହାଂ ଜିଉତିଂ ମେହାୟ୍ କିୟାଟ୍ । ଜିଉନନାକା ଓଁଜୁ ବିସ୍ତେତିଂ ବାତ୍ କିଜି ରବେ କିନାଡ଼ । ୧୫ ଆରେ, କ୍ରିସ୍ଟ୍ ହିତି ଇମ୍‌ଣି ସୁସ୍ତା ବଗ୍ କିନି କାଜିଂ ଏପେଙ୍ଗ୍ ର ଗାଗାଡ଼ ଲାକେ କୁକ୍ୟା ଆତାଦେର୍ଣ୍ଣା, ହେଦାଂ ମି ଖାସ୍ତିତ ବାହା କିୟେଡ଼; ଆରେ ଏପେଙ୍ଗ୍ ସବୁନାଜିଂ ଦନ୍ୟବାଦ୍ ହିୟାଟ୍ । ୧୬ କ୍ରିସ୍ଟ୍ଟି ବଚନ୍ ବେସି ବାବ୍ରେ ମି ଖାସ୍ତିତ ବାହା କିଏଡ଼; ଏପେଙ୍ଗ୍ ହାରିତିଂ ପୁରା ଗିୟାନ୍ ହୁଦାଂ ହିକ୍ୟା ଆରି ଚେଡ଼ନା ହିୟାଟ୍, ଆରେ ଇସ୍‌ବର କାଜିଂ କେକର୍ଣ୍ଣା, ମାଣି ଆରି ଜିବୁନ୍‌ନି ନାୟ୍ ହୁଦାଂ ଜୁଞ୍ଜାର୍ ହୁଦାଂ କେରାଟ୍ । ୧୭ ଆରେ, ବଚନ୍ କି କାମାୟ୍‌ତ ଏପେଙ୍ଗ୍ ଇନାକା କିୟାଟ୍, ହେୱାନ୍ ଓଁଜୁ ମାପୁ ଜିସୁ ତରଦାଂ କିଜି ହେୱାନ୍ତି ହୁଦାଂ ଆବା ଇସ୍‌ବରତିଂ ଦନ୍ୟବାଦ୍ କିୟାଟ୍ ।

ପୁନି ଜିବୁନ୍ତ ଜାର୍‌ତି ଜାଣାଚିନା

୧୮ ଏ କଗ୍‌ଲେକାଦେର୍, ମାପୁତି ମେହାଣ୍ଡତ ସମାନ୍ ବେବାର୍ ଲାକେ ଜାର୍ ଜାର୍ ଆଣ୍ଡାକାଂ ତଲ୍ୟା ଆଡୁ ।

୧୯ ହେ ଆଣ୍ଡାକାଦେର୍, ଜାର୍ ଜାର୍ କଗ୍‌ଲେକାଂ ଜିଉନଞ୍ଜାଟ୍, ହେଞ୍ଜେକ୍ ହୁଦାଂ ବାଦିକିନି ଲାକେ ଚିନ୍ତା କିମାଟ୍ ।

୨୦ ଏ ହିମ୍‌ଣାଙ୍ଗ୍, ନିତ୍ରେ ମି ଆବା ଆୟା ତଲ୍ୟା ଆଡୁ । ଇଦାଂ ମି କ୍ରିସ୍ଟ୍‌ୟାନ୍ କାମାୟ୍, ଇନେକିଦେଂକି ଇବେ ଇସ୍‌ବର ସାରି ଆନାନ୍ ।

୨୧ ଏ ଆବା ଆୟାକାଦେର୍, ଜାର୍ ଜାର୍ ହିମ୍‌ଣାକାଂ ରିସା କିମାଟ୍, ଇନେସ୍‌କି ହେୱାର୍ ଖାରିକିୟା ଆମେର୍ ।

୨୨ ଏ କଡ଼କାଆଡ଼ିୟାର୍, ସବୁ ବିସ୍ତେ ମି ମାନାୟ୍‌ରିଂ ବଲ୍ ମାନିକିୟାଟ୍ । କେବଲ୍ ହେୱାର୍ ମି ଜପି କାଣ୍‌କୁଇଡ଼ିନି ମାନ୍ତି ଖାଡ଼ାଲିଂ ହେୱାରିଂ ସାରି କିନି କାଜିଂ ଆକାୟ୍, ମାତର୍ ମାପୁତି କାଜିଂ ମିଦାଂ ପାଣ୍ଡୁ କାଜିଂ ହୁଦାର୍ ମାନ୍ତ ଇଦାଂ କିୟାଟ୍ । ୨୩ ଏପେଙ୍ଗ୍ ଇନାକା କିନାଦେର୍, ହେଦାଂ ମାନାୟ୍ କାଜିଂ କିଞ୍ଜାଦାଂ ମାପୁତି କାଜିଂ କିନାଦେରା ଇଞ୍ଜି ବାବି କିଜି ବାତ୍ ଖାସ୍ତିତ କିୟାଟ୍ । ୨୪ ମାନ୍ତ ଇଚାଟ୍, ଇସ୍‌ବର ତା ଲକୁ କାଜିଂ ଇନାକା ଇଟ୍‌ତାନା, ହେଦାଂ ହେୱାନ୍ ମିଙ୍ଗେଙ୍ଗ୍ ଇନାମ୍ ଲାକେ ହିଦ୍‌ନାନ୍ । ଇନେକିଦେଂକି କ୍ରିସ୍ଟ୍‌ନେ ମି ହାଡ଼ପା ମାପୁ, ଇନେରତି ହେବା ଏପ୍ କିନାଦେରା । ୨୫ ଇନାକିଦେଂକି ଇନେନ୍ ଅନ୍ୟାୟ୍ କିନାନ୍, ହେୱାନ୍ ଜାର୍ ଅନ୍ୟାୟ୍‌ନି ପ୍ରାତ୍ ପାଡ଼୍ ଗାଟାନାନ୍; ହେ ବିସ୍ତେ ଇନାକାପା ଉଡ଼ାଆଖାକା ମାନାଡ଼ ।

୪

୧ ଏ ହାଉକାର୍, ସାଗେତ ମିଦାଙ୍ଗ୍ ପା ହାଉକାର୍ ମାନାନ୍ ଇଞ୍ଜି ପୁଞ୍ଜି ଜାର୍ ଜାର୍ ଆଡ଼ିୟାର୍ କାଜିଂ ନ୍ୟାୟ୍ ଆରି ସମାନ୍ ବେବାର୍ କିୟାଟ୍ ।

ବିନ୍‌ବିନ୍ ହିକ୍ୟା

୨ ସବୁଞ୍ଜେଡ଼ାଙ୍ଗ୍ ପାର୍ତାନାତ ଜିବୁନ୍ ଜିପ୍‌କା କିୟାଟ୍ ଆରି ଇସ୍‌ବରତିଂ ଦନ୍ୟବାଦ୍ କିଜି ପାର୍ତାନାତ ଜାଗ୍ରତ୍ ମାନାଟ୍ । ୩ ମା କାଜିଂ ପା ପାର୍ତାନା କିୟାଟ୍, ଇନେସ୍ ବଚନ୍ ଞ୍ଜେଡ଼ିନି କାଜିଂ ଇସ୍‌ବର ମା କାଜିଂ କାପାଟ୍ ଜେଡ଼ନାନ୍ । ଆରେ, କ୍ରିସ୍ଟ୍ଟି ଇମ୍‌ଣି ବଚନ୍ କାଜିଂ ଆନ୍ ଗେହ୍ୟା ଆତାଙ୍ଗ୍‌ନା, ୪ ପାର୍ତାନା କିୟାଟ୍ ଇନେସ୍‌କି ଆନ୍ ସମାନ୍ ବାବ୍ରେ ଆରି ହାର୍ ବାବ୍ରେ ହେଦାଂ ପରଚାର୍ କିଦେଙ୍ଗ୍ ଆଡ଼ନାଦେର୍ ।

୫ ପାଗ୍‌ଗିନ୍ ସଡ଼ ବେବାର୍ କିୟାଟ୍, ପାତ୍ କିଞ୍ଜାକାର୍ ଲାଗାଂ ଗିୟାନ୍ ଲାହାଙ୍ଗ୍ ବେବାର୍ କିୟାଟ୍ । ୬ ମି ବଚନ୍ ସବୁଞ୍ଜେଡ଼ାଙ୍ଗ୍ ହଞ୍ଜାଦ୍ ଆରେ, ହର୍ତ ଦୟାମେହା ଆଏଡ଼, ଇନେସ୍ ଇନେରିଂ ଇନେସ୍ ଉଡ଼ର୍ ହିୟାନାଡ଼, ହେଦାଂ ପୁଞ୍ଜେଙ୍ଗ୍ ଆଡ଼ନାଦେର୍ ।

✧ ୩:୯ ୩:୯ ଏପିସିୟ ୪:୨୨. ✧ ୩:୧୦ ୩:୧୦ ଏପିସିୟ ୪:୨୪. ✧ ୩:୧୨ ୩:୧୨ ଏପିସିୟ ୪:୨. ✧ ୩:୧୩ ୩:୧୩ ଏପିସିୟ ୪:୩୨. ✧ ୩:୧୬ ୩:୧୬ ଏପିସିୟ ୫:୧୯,୨୦. ✧ ୩:୧୮ ୩:୧୮ ଏପିସିୟ ୫:୨୨; ୧ ପିତର୍ ୩:୧. ✧ ୩:୧୯ ୩:୧୯ ଏପିସିୟ ୫:୨୫; ୧ ପିତର୍ ୩:୭. ✧ ୩:୨୦ ୩:୨୦ ଏପିସିୟ ୬:୧. ✧ ୩:୨୧ ୩:୨୧ ଏପିସିୟ ୬:୪. ✧ ୩:୨୨ ୩:୨୨ ଏପିସିୟ ୬:୫-୮. ✧ ୩:୨୫ ୩:୨୫ ଏପିସିୟ ୬:୯. ✧ ୪:୧ ୪:୧ ଏପିସିୟ ୬:୯. ✧ ୪:୫ ୪:୫ ଏପିସିୟ ୫:୧୬.

ହାରିହାରା ବନ୍ଦାଣି

୭ ✠✠ଝାରିନି ଟଣ୍ଡେନ୍, ମାପୁତି କାମାୟତ ପାତ୍ରିନି ହେବାକାରୟା ଆରି ହାଙ୍ଗଦାକାନ୍ ଆଡ଼ିଏନ୍ ଜେ ତୁକିକ, ହେଝାନ୍ ନା ଝିନ୍ତୁ ବିସ୍ତେ ମିଙ୍ଗେଙ୍ଗ୍ ଝେଟ୍ଟଚାନାନ୍; ୮ ଆପେଁ ଇନେସ୍ ମାନାପ, ସରୁ ବିସ୍ତେ ଇଞ୍ଜି ମି ଝାସ୍ତି ତା ହୁକେ ଝାରି କିଦେଙ୍ଗ୍ କାଜିଂ ଆନ୍ ତାଙ୍ଗେଙ୍ଗ୍ ମି ଲାଗାଂ ପକ୍ତାନାଙ୍ଗା । ୯ ✠ହେଝାନ୍ ହାଙ୍ଗଦାଂ ଆନ୍ ପାତ୍ରି ଆରି ଝାରିନି ଟଣ୍ଡେନ୍ ଅନିସିମ୍ତିଂ ପକ୍ତାଂ, ହେଝାନ୍ ମି ବିତ୍ରେତାଂ ରଝାନ୍ । ହେଝାନ୍ ଇ ବାହାନି ଝିନ୍ତୁ ବିସ୍ତେ ମିଙ୍ଗେଙ୍ଗ୍ ଝେଟ୍ଟଚାନାନ୍ ।

୧୦ ✠ନା ଲାହାଂ ରଚେ ଗେହ୍ୟା ଆତାକାନ୍ ଆରିସ୍ତାକ୍ ଆରେ ବର୍ଣ୍ଣବା କୁଟୁମ୍ବିନି ଟଣ୍ଡେନ୍ ମାର୍କ ଇଝାନ୍ ବିସ୍ତେ ଏପେଙ୍ଗ୍ ବଲ୍ ପାୟାତାଦେଣ୍ଟା; ହେଝାନ୍ ଜଦି ମି ଲାଗାଂ ଝାନାନ୍, ଝାଟିଙ୍ଗ୍ ତାଙ୍ଗ୍ ଇଟାଟ୍ ମିଙ୍ଗେଙ୍ଗ୍ ଜୁଝାନ୍ ଜାଣାୟ୍ କିଦ୍ନାନା, ୧୧ ଆରେ, ଜୁସ୍ତ ତରଦ୍ ତାକ୍ପୁଟା ଜିସୁ ମିଙ୍ଗେଙ୍ଗ୍ ଜୁଝାନ୍ ଜାଣାୟ୍ କିଦ୍ନାନା; ସୁନ୍ନଡ୍ରିଂ ବିତ୍ରେତାଂ କେବଲ୍ ଇଝାନ୍ ଇସ୍ତାଂ ରାଜି କାଜିଂ ନା ହାଙ୍ଗଦାକାର୍ କାମାୟକିନି ମାନାୟ୍, ଇଝାନ୍ ନା ଦୁକ୍ସାରୟ୍ କିନାକାର୍ ଆତାଣ୍ଟା ।

୧୨ ✠ଏପାପ୍ରା, ଜେ ମି ବିତ୍ରେତାଂ ରଝାନ୍, ମିଙ୍ଗେଙ୍ଗ୍ ଜୁଝାନ୍ ଜାଣାୟ୍ କିଦ୍ନାନା, ଏଝାନ୍ତ କ୍ରିସ୍ତୁ ଜିସୁତି ଆଡ଼ିୟା ଆରି ଜାର୍ ପାର୍ତାନାତ ମି କାଜିଂ ନିତ୍ରେ ଜିବୁନ୍ ହିନାନା, ଇନେସ୍ ଏପେଙ୍ଗ୍ ବାତ୍ରି ଆରି ଇସ୍ତାଂ ଝିନ୍ତୁ ଇଚା ବିସ୍ତେ ପୁରା ପାତ୍ରି ଆଜି ତାଟ୍ ମାନାଟ୍ । ୧୩ ଇନାକିଦେଂକି ହେଝାନ୍ ମି କାଜିଂ ଆରେ ଲାଅଦିକିଆ ଆରି ହିଏରାପଲି ନିକାରିଂ କାଜିଂ ଇନେର୍ ଆଦିକ୍ କସ୍ତୁ ପାୟାତାଣ୍ଟା, ହେଝାନ୍ ପାକ୍ୟାତ ଆନ୍ ଇ ସାକି ହିନାଙ୍ଗା । ୧୪ ✠ଝାରିନି ତାକ୍ତର୍ ଲୁକ ଆରି ଦିମା ମିଙ୍ଗେଙ୍ଗ୍ ଜୁଝାନ୍ ଜାଣାୟ୍ କିଦ୍ନାନା ।

୧୫ ଲାଅଦିକିଆତ ମାନି ଟଣ୍ଡାନ୍ ଆରି ତଣ୍ଡେକାଦେର୍, ନୁମ୍ପା ଆରି ହେଝାନ୍ ଇଞ୍ଜି ମାନି ମଣ୍ଡଲିତିଂ ଜୁଝାନ୍ ପକାଟ୍ । ୧୬ ଆରେ, ମି ବିତ୍ରେ ଇ ଆକି ପଡ଼ା ଆତି ପାଚେ ଲାଅଦିକିଆ ମଣ୍ଡଲିତ ପା ଇନେସ୍ ପଡ଼ା ଆନାଟ୍, ଆରେ ଲାଅଦିକିଆତାଂ ଇମ୍ଫଣି ଆକି ଝାନାଟ୍, ହେଦାଂ ଏପେଙ୍ଗ୍ ପା ଇନେସ୍ ପଡ଼ିକିନାଦେର୍, ଇଦାଂ କାଜିଂ ଜାତୁନ୍ କିୟାଟ୍ । ୧୭ ✠ଆକ୍ ପ୍ତିଂ ଝେଟାଟ୍, ଏପେଙ୍ଗ୍ “ମାପୁତି କାମାୟତ ଇମ୍ଫଣି ହେବାନି ପାଦ୍ ପାୟା ଆତାଦେଣ୍ଟା, ହେଦାଂ ପୁରା କିଦେଙ୍ଗ୍ ଜାଗ୍ରଟ୍ ଆଜି ମାନାଟ୍ ।”

୧୮ ଆନ୍ ପାଉଲ୍ ନା ନିଜେ କେଇଦ ଇ ଜୁଝାନ୍ ଲେକିକିନାଙ୍ଗା । ନା ଗାଟ୍ୟାତାକା ଏତୁ କିୟାଟ୍ । ଇସ୍ତାଂ ଉପକାର୍ ମି ଲାହାଙ୍ଗ୍ ଆଏଡ୍ ।

✠ ୪:୭ ୪:୭ ପକ୍ୟାତାକା ୨୦:୪; ୨ ତିମତି ୪:୧୨. ✠ ୪:୭ ୪:୭ ଏପିସିୟ ୭:୨୧,୨୨. ✠ ୪:୯ ୪:୯ ପିଲିମନ୍ ୧:୧୦-୧୨. ✠ ୪:୧୦ ୪:୧୦ ପକ୍ୟାତାକା ୧୯:୨୯; ୨୭:୨; ପିଲିମନ୍ ୧:୨୪; ପକ୍ୟାତାକା ୧୨:୧୨,୨୫; ୧୩:୧୩; ୧୫:୩୭-୩୯. ✠ ୪:୧୨ ୪:୧୨ କଲସିୟ ୧:୭; ପିଲିମନ୍ ୧:୨୩. ✠ ୪:୧୪ ୪:୧୪ ୨ ତିମତି ୪:୧୧; ପିଲିମନ୍ ୧:୨୪; ୭ ତିମତି ୪:୧୦; ପିଲିମନ୍ ୧:୨୪. ✠ ୪:୧୭ ୪:୧୭ ପିଲିମନ୍ ୧:୨.

ଡେସଲନିକିୟ ମଣ୍ଡଳୀ ନିକଟକୁ ପ୍ରେରିତ ପାଉଲଙ୍କ ପ୍ରଥମ ପତ୍ର

ଡେସଲନିକିୟ ମଣ୍ଡଳି ଲାଗାଂ ପକ୍ୟାତି ପାଉଲ୍‌ତି ପର୍ତ୍ତୁମ୍ ଆକି

୧ ଡେସଲନିକିୟ ପତି ବିସ୍ତେ ପାଦେକ୍

ପରତୁମ୍ ଡେସଲନିକିୟ ପକ୍ୟାତି ପାଉଲ୍‌ତି ହୁକେ ଲେକା ଆଜି ମାତାତ୍ । ଇଦାଂ ଆଜି ମାନଗାନାତ୍ ପାଉଲ୍‌ତି ହୁଦାଂ ପରତୁମ୍ ଆକି ଲେକା ଆଜି ମାତାତ୍ ଆରି ହେଦାଂ ବାଇବଲ୍‌ନି ରଞ୍ଜାଙ୍ଗ୍ ବାଗ୍ ଆତାତ୍‌ନା । ଇଦାଂ ଜିସୁ କ୍ରିଷ୍ଟି ଜଲମ୍‌ନି ଲାଗେ ଲାଗେ ଆଜି ମାନଗାନାତ୍ ରିକଡ଼ି ଏଗାର୍ ୫୧ ବାହୁଁ ପାଚେ ଲେକା ଆଜି ମାତାତ୍ । ପାଉଲ୍ ଏଚେକାତ୍‌ତ୍ ଡେସଲନିକିୟ ମଣ୍ଡଳିତଂ ଆକି ଲେକିକିତାନ୍, ହେଝାଡ଼ାଲିଂ ହେଝାନ୍ କରଡ଼ି ମଣ୍ଡଳିତ ମାତାନ୍ । ଇମ୍‌ଣି ମଣ୍ଡଳିତଂ ହେଝାନ୍ ରିହା ମିସେନେରି ହାଜି ହାନିଝାଡ଼ାଲିଂ ହେ ମଣ୍ଡଳି ରଚ୍‌ତି ମାତାନ୍ ପକ୍ୟାତାକା ୧:୧-୧୦ ଇଦାଂ ପକ୍ୟାତି ପତିତ ଇନ୍‌ପାତାନ୍ନା ଜେ, ଇଦାଂ ଏଚେକ୍ ଜିହୁଦି ଆରି ବେସି ଗ୍ରିକ୍ ବେରଣ୍ଡ ଇଞ୍ଜି ମାନି ମାନାୟାର୍ ହୁଦାଂ ରଚ୍ୟା ଆଜି ମାତାତ୍ ।

ପାଉଲ୍ ମଣ୍ଡଳି ରଚ୍‌ତି ପାଚେ ହେଝାନ୍ ବେସି ଦିନ୍ ଡେସଲନିକିୟତ ମାଞ୍ଜେଙ୍ଗ୍ ଆଡ଼ଝାତାନ୍ । ଲାଗିଂ ହାରିହାରା ହେବେ ମାନି ପାତ୍ କିନାକାରିଂ ସାସ୍ ହିଦେଂ ହେଝାନ୍ ଇ ଆକି ପକ୍‌ତାନ୍ । ରଝାନ୍ କ୍ରିଷ୍ଟିୟାନ୍ ଇନେସ୍ ଜିଦେଂ ଆନାତ୍, ଇ ଆକିତ ବେସି ବିସ୍ତେ ଆରି ବାରବିନି ଝେଡ଼ନାକା ମାନାତ୍ ।

ପାଉଲ୍ କେଚେଗଟାତ ରିହା ଝାନି ବିସ୍ତେ ମାନ୍ ଦିଆନ୍ ହିନାନ୍ । ଆଜି ମାନଗାନାତ୍ ଡେସଲନିକିୟ ମଣ୍ଡଳି ନି ପାତ୍ କିଝାକାର୍ ବିନ୍ ବାବ୍ରେ ଇ ବିସ୍ତେ ତିରକାତ୍ ମାତାତ୍ । ପାଉଲ୍ ରିହା ଝାନି ବିସ୍ତେ ଇଞ୍ଜି ଇନେସ୍ ଇସ୍‌ରତିଂ ଦୁକ୍‌କିନାକା କିନି ଲାକେ ଜିବୁନ୍ ଜିଉଣା କିନି କାଜିଂ ପକ୍‌ତାନ୍ ୫:୬-୮ ।

୧ ଡେସଲନିକିୟ ପତି ବିସ୍ତେନି ରାହାଣ

- ୧. ପାଉଲ୍ ମଣ୍ଡଳିତଂ ବାନ୍ଦାୟ୍ କିନାନ୍ ଆରି ଇସ୍‌ରତିଂ ଜଝାର୍ କିଜି ଇ ଆକି ଆରମ୍ କିତାନ୍‌ନା ୧ ପାର୍ତ୍ତୁ ।
- ୨. ପାଚେ ହେଝାନ୍ ତିମତି ତାହିଝାତି କାରୁର୍ ଆରି ହେଝାନ୍ତି କାମାୟ୍ ବିସ୍ତେ ଝେଡ଼ତାନ୍ ୨ ଆରି ୩ ପାର୍ତ୍ତୁ ।
- ୩. ପାଉଲ୍ ବଲ୍ ହିନାନ୍ ଜେ, କ୍ରିଷ୍ଟିନାର୍ ଜିସୁ କ୍ରିଷ୍ଟି ରିହା ଝାନାକା ଅଜଡ଼ତ୍ ଇନେସ୍ ଜିବୁନ୍ ଜିପକା କିନାକା ମାନାତ୍ ୪:୧-୫ ।
- ୪. ପାଉଲ୍ ଆରେ ରଗ ମଣ୍ଡଳିତ ବାନ୍ଦାୟ୍ କିନାନ୍ ଆରି ହେଝାରିଂ ହାତ୍‌ପା ବାବ୍ରେ ଚିତି ପଡ଼ିକିଦେଂ ଇଞ୍ଜି ଝିହ୍‌ନାନ୍ ୫:୧୬-୨୮ ।

୧ ପାଉଲ୍, ସିଲ୍‌ନା ଆରି ତିମତି ଆବା ଇସ୍‌ର ଆରି ମାପୁ ଜିସୁ କ୍ରିଷ୍ଟିତାକେ ମାନି ଡେସଲନିକିୟ ମାନାୟାର୍ ମଣ୍ଡଳି ଲାଗାଂ ଆକି ଲେକିକିନାନା । ଦୟା ଆରି ସୁସ୍ତା ମି କାଜିଂ ଆଏଡ଼ ।

ଡେସଲନିକିୟନିକାର୍‌ତି କାଜିଂ ଦନ୍‌ପବାଦ୍ ଆଏଡ଼

୨ ମା ଇସ୍‌ର ଆରି ଆବାତି ଲାଗାଂ ଆସେଙ୍ଗ୍ ମି ପାତ୍ ନି କାମାୟ୍, ଜିଉନନି କସ୍ ଆରି ମା ମାପୁ ଜିସୁ କ୍ରିଷ୍ଟି ବିସ୍ତେ ମି ବାସ୍‌ତ ପାର୍ତ୍ତାନା ବିସ୍ତେ ସବୁଝେଡ଼ାଙ୍ଗ୍ ଏଡୁ କିଜି. ୩ ମା ଆବା ଇସ୍‌ରତି ଲାଗାଂ ଏଡୁ କିଜି ମାନାସ୍, ଇନେସ୍ ଏପେଙ୍ଗ୍ ଜାର୍ ପାତ୍ କାମାୟ୍‌ତ ମେହାୟ୍ କିନାଦେରା, ଜିଉନନିତ ମେହାଜି ଇନେସ୍ କସ୍ କାମାୟ୍ କିନାଦେରା ଆରି ମା ମାପୁ ଜିସୁ କ୍ରିଷ୍ଟି ତାକେ ମି ବାସ୍ ଇନେସ୍ ତାତ୍ । ୪ ଇନାକିଦେଂକି ଏ ଇସ୍‌ତ ଜିଉନନି ଟଣ୍ଡାର୍ ଆରେ ତଣ୍ଡେକ୍ ଆପେଂ ପୁନାପ୍ ଜେ, ଏପେଙ୍ଗ୍ ବାଚିକିୟାତି ଲକୁ, ୫ ନେକ୍ରିକାରୁର୍ କେବଲ୍ ବତନ୍ ଆକାୟ୍, ମତର୍ ସାକ୍ତି ପୁଇପୁୟା ଜିବୁନ୍ ଆରି ଆଦିକ୍ ହାତ୍‌ପା ଲାହାଙ୍ଗ୍ ମି ଲାଗାଂ ଏକାଝାତାତ୍; ମି ବିଡ୍ରେ ମାନି ସମୁତ ମି କାଜିଂ ଆପେଂ ଇନେସ୍ କିଜି ଚିଡ଼ା କିଜି ମାନଟାପ୍, ହେଦାଂ ତ ଏପେଙ୍ଗ୍ ପୁନାଟ୍ । ୬ ଆରେ ଏପେଙ୍ଗ୍ ବେସି କସ୍ ବଗି କିନି ବିଡ୍ରେ ପୁଇପୁୟା ଜିବୁନ୍‌ତାଂ ପାୟାତି ଦୁକ୍‌କିନାକା ଲାହାଙ୍ଗ୍ ହେ ନେକ୍ରିକାରୁର୍ ମାନି କିଜି ମାଞ୍ଜେଙ୍ଗ୍ ଆରି ମାପୁତି ପାଚେହାନାକା ଆଜି ମାତାଦେର୍, ୭ ଇ ଲାକେ କି ଏପେଙ୍ଗ୍ ମାକିଦନିଆ ଆରି ଆକାୟାତ ମାନାକାର୍ ଝିଜାର୍ ପାତ୍ କିନାକାର୍ କାଜିଂ ହାର୍ ଲାକେ ଆଜି ମାତାନ୍ । ୮ ମିତାଂ ମାପୁତି କାତା ଜେ କେବଲ୍ ମାକିଦନିଆ ଆରି ଆକାୟାତ ସୁଣାୟ୍ କିୟାତାତ୍‌ନା, ହେଦାଂ ଆକାୟ୍, ମତର୍ ଇସ୍‌ତ କାଜିଂ ମି ପାତ୍ ନି ବିସ୍ତେ ସବୁ ବାହାତ ଏପେଙ୍ଗ୍ ମେଙ୍ଗ୍‌ତାତ୍‌ନା ଜେ, ହେ ବିସ୍ତେ ମାଦାଂ ଇନାକା ଇନି ଲଡ଼ା ଆକାୟ୍ । ୯ ଲାଗିଂ ଲକୁ ଜାର୍ ଜାର୍ ମା ବିସ୍ତେ ଇଞ୍ଜି ମାନାର୍ ଜେ, ମି ବିଡ୍ରେତ ମା ଝାନାକା ସମୁତ ଇନାକା ଗିଟା ଆଜି ମାତାତ୍, ଆରେ ଇନେସ୍ ଏପେଙ୍ଗ୍ ପୁଡ଼ତା ପୁଜା ସବୁ ପିସ୍ତି ପୁଇପୁୟା ଜିବୁନ୍ ଆରି ହାତ୍‌ପା ଇସ୍‌ତ ହେବା କିନି କାଜିଂ ଝାତାଦେର୍, ୧୦ ଆରେ, ହେଝାନ୍ ଜାର୍ ଇମ୍‌ଣି ମାଜିଙ୍ଗ୍ ହାତାକାର୍ ବିଡ୍ରେତାଂ ନିକ୍‌ତି ମାତାନ୍, ଝାନି ରିସାତାଙ୍ଗ୍ ମାଞ୍ଜେଙ୍ଗ୍ ରାକ୍ୟାକିଦେଂ ହେ ଜିସୁତି ସାଗେତାଂ, ଝାନାକା ମାନି କାଜିଂ ଇସ୍‌ର ନିପ ଝାତାଦେର୍ ।

୨

ଡେସ୍‌ଲନିକିୟାତ ପାଉଲ୍‌ତି କାମାୟ

୧୧ ଏ ଟଣ୍ଡାର୍, ଆରି ତଣ୍ଡେକ୍ ଏପେଙ୍ଗ୍ ତ ନିଜେ ପୁନାଦେର୍ ଜେ, ମି ଲାଗାଂ ମା ୱାନାକା ପଲ୍ୟା ଆଞ୍ଜାତାତ୍‌ନା; ୨ ମତର୍ ଇନେସ୍ ଏପେଙ୍ଗ୍ ପୁନାଟ୍, ଆପେଂ ତା ଆଗେ ପିଲିପିପିତ ଦୁକ୍ ଆରି ଅପମାନ୍ କିତି ପାଚେ ମି ତାକେ ବେସି ଜିବୁନ୍ ଜିପକା କିଜି ଇସ୍‌ବର୍‌ତି ନେକ୍ରିକାବୁର୍ ସୁଣାୟ୍ କିଦେଙ୍ଗ୍ ଇଞ୍ଜି ମା ଇସ୍‌ବର୍‌ତି ହୁଦାଂ ସାସ୍ ପାୟା ଆଜି ମାଚାପ୍ । ୩ ଇନାକିଦେଂକି ମା ଉପଦେସ୍ ବାଣାୟ୍‌କିନାକା ନୟେଲେ ବିଚାଡ୍ ଲାକେ ନୟେଲେ ଚାକ୍ରାୟ୍‌କିନାକା ଆକାୟ୍, ୪ ମତର୍ ମା କେଇଦ ନେକ୍ରିକାବୁର୍ ସୁଣାୟ୍‌କିନି ବଜ୍ ହେଲାୟ୍ ଆଦିନି କାଜିଂ ଆପେଂ ଇନେସକି ଇସ୍‌ବର୍‌ତି ହୁକେ ଜଗ ଗାଣା କିୟାତାପ୍‌ନା, ହେ ଲାକେ ଆସେଙ୍ଗ୍ ସୁଣାୟ୍ କିନାସ୍; ଲାଗିଂ ମା ମାତ୍ର ପରିକ୍ୟା କିନାକାନ୍ ଜେ ଇସ୍‌ବର୍, ହେଞ୍ଜାନିଂ ସାରି କିଦେଙ୍ଗ୍ କାଜିଂ ହେଦାଂ କିନାସ୍ । ୫ ଏପେଙ୍ଗ୍ ତ ପୁନାଦେର୍ ଜେ, ଆସେଙ୍ଗ୍ ଇମ୍‌ଣି ସମୁତ ମାତି କିନାକାନ୍ ଚିନ୍ତା କିଞ୍ଜାତାପ୍‌ନା ନଇଲେ ଲବ୍‌ତିଂ ତୁକୁନି କାଜିଂ ନାଡାୟ୍ କିଞ୍ଜାତାପ୍‌ନା, ଇସ୍‌ବର୍ ଇବେନି ସାକି । ୬ ଆତିସ୍‌ପା କ୍ରିସ୍‌ତୁତି ପକ୍ୟାତି ଲାକେ ଆସେଙ୍ଗ୍ ମାନିନି ଦାବା କିଦେଙ୍ଗ୍ ଆଡ୍‌ତାପ୍‌ନା, ଆତିସ୍‌ପା ମିତାଙ୍ଗ୍ ଆୟେଡ୍ ନଲେ ବିନେ ଇନେର୍ ତାଙ୍ଗ୍ ଆୟେଡ୍, ଇମ୍‌ଣି ମାନାୟ୍‌ତାଂ ଜାଜ୍‌ମାଲ୍ ଗାଟାଦେଂ ଉପାୟ୍ କିଞ୍ଜାତାପ୍‌ନା । ୭ ଜଦି କ୍ରିସ୍‌ତୁତି ପକ୍ୟାତାକାସ୍ ମତର୍ ଆସେଙ୍ଗ୍ ମି ବିତ୍ରେ ହୁଦାର୍ ଆଜି, ଆୟା ଇନେସ୍ ଜାର୍ ହିମ୍‌ଣାକାଂ ପହାପାଲି କିନାଡ୍, ୮ ମି କାଜିଂ ମାଦାଂ ୱାରି ମାତିସ୍ ଆପ୍ ହେ ଲାକେ ମିଙ୍ଗେଙ୍ଗ୍ ଇସ୍‌ବର୍‌ତି ନେକ୍ରିକାବୁର୍ କେବଲ୍ ଆକାୟ୍, ମତର୍ ଜାର୍ ଜାର୍ ୱାସ୍ ପା ହିଦେଂ ମାନ୍ କିଜିମାଚାପ୍, ଇନାକିଦେଂକି ଏପେଙ୍ଗ୍ ମା ୱାରିନିକାଦେର୍ ଆଜି ମାଚାଦେର୍ । ୯ ଏ ଟଣ୍ଡାର୍, ଆରି ତଣ୍ଡେକ୍ ମା କସ୍ ଆରି ଆଟ୍‌ଞ୍ଜା କାମାୟ୍ ମି ଏଡ୍‌ତ ମାନାଡ୍, ଇନେସ୍ ଆପେଂ ମି ବିତ୍ରେ ଇନେରିଂ ବଜ୍‌ଲାକେ ଆଉପ୍, ଇଦାଂ କାଜିଂ ୱେଡାନାଣା ବେସି କସ୍ କିଜି ଇସ୍‌ବର୍‌ତି ନେକ୍ରିକାବୁର୍ ମି ତାକେ ସୁଣାୟ୍ କିଜି ମାଚାପ୍ ।

୧୦ ଏପେଙ୍ଗ୍ ଆରି ନିଜେ ଇସ୍‌ବର୍ ମା ସାକି ମି ଲାକେ ପାତ୍ କିନାକାର୍ ଲାଗାଂ ମା ବେବାର୍ ନିର୍ମାଲ୍ ନ୍ୟାୟ୍‌ନିକା ଦସ୍ ହିଲ୍‌ଞ୍ଜାତାଡ୍ । ୧୧ ଆରେ ଏପେଙ୍ଗ୍ ତ ପୁନାଦେର୍, ଆବା ଇନେସ୍ ଜାର୍ ମାଜିରିଂ, ହେ ଲାକେ ଆପେଂ ମି ଜାଣକେତିଂ ବୁକାୟ୍‌କିଜି ଆରି ଉସକାୟ୍ ଜିସ୍ ଜବର୍ ଗଞ୍ଜାରି କିଜି ମାନାପ୍ । ୧୨ ଆପ୍ ମିଙ୍ଗେଙ୍ଗ୍ ୱାରି କିଜି ମାନ୍‌ଚାପ୍, ଦୁକ୍‌ସାରାୟ୍‌ତ ଗଞ୍ଜାରି କିଜି ମାନ୍‌ଚାପ୍ ଇନେସ୍ ମିଙ୍ଗେଙ୍ଗ୍ କୁକ୍‌ତି ଇମ୍‌ଣି ଇସ୍‌ବର୍, ଜିବୁନ୍ ହେଞ୍ଜାନ୍ତି ରାଜି ଆରି ସବୁ ନାଜିଂ ବାତା ଆନାର୍ ଜାଜ୍‌ମାଲ୍‌ତ ମେହାଆନି କାଜିଂ ଏପେଙ୍ଗ୍ ହେଞ୍ଜାନ୍ତି ହାଦ୍ ଚିନ୍ତା କିୟାଟ୍ ।

୧୩ ଆରେ, ଇନେକିଦେଂକି ଆପ୍ ପା ଲାଗିସ୍ ଇସ୍‌ବର୍‌ତି ଜଞ୍ଜାର୍ କିନାପା ଜେ, ଏଚେକାଡ୍‌ଦ ଏପେଙ୍ଗ୍ ମାହୁଦାଂ ସୁଣାୟ୍‌କିତି ଇସ୍‌ବର୍‌ତି କାତା ଇଟ୍‌ତାଦେର୍, ହେ ଏଚେଞ୍ଜେଡାଙ୍ଗ୍ ହେଦାଂ ମାନାୟ୍‌ତି କାତାଲାକେ ଇଟ୍‌ଞ୍ଜାଦାଂ ନଲେ ଇସ୍‌ବର୍‌ତି କାତାଲାକେ ଇଡ୍‌ଜି ମାଚାଦେର୍, ଆରେ ହାଡ୍‌ପାନେ ହେଦାଂ ଇସ୍‌ବର୍‌ତି କାତା ଆନାଡ୍, ଆରେ ପାତ୍ କିନାକାଦେର୍ ଜେ ଏପେଙ୍ଗ୍, ମି ୱାସ୍‌ତ ହେଦାଂ ପା କାମାୟ୍ କିନାତା । ୧୪ ଇନାକିଦେଂକି, ଏ ଟଣ୍ଡାର୍, ଆରି ତଣ୍ଡେକ୍ ଏପେଙ୍ଗ୍ କ୍ରିସ୍‌ତୁ ଜିସ୍‌ତୁତି ତାକେ ମାନି ଜିହୁଦା ଦେସ୍‌ନି ଇସ୍‌ବର୍ ମାଣ୍ଡିଲି ସବୁନି ହୁଡ୍‌ଦେଂ ଲାକେ ଆତାଦେଣ୍ଡା, ଲାଗିଂ ହେଞ୍ଜାର୍ ଜିହୁଦିତ୍ ହୁକେ ଇମ୍‌ଣି ସବୁ ଦୁକ୍‌ବଗ୍ କିଜି ମାଚାର୍, ଏପେଙ୍ଗ୍ ପା ଜାର୍ ଜାତିତ୍ ହୁଦାଂ ହେ ସବୁ ଦୁକ୍‌ବଗ୍ କିତାଦେଣ୍ଡା । ୧୫ ହେ ଜିହୁଦିର୍ ମାପୁ ଜିସ୍‌ତୁଙ୍ଗ୍, ଆରେ ଇସ୍‌ବର୍‌ତି ବେଶ୍‌ବାକ୍‌ଶାୟ୍‌କିନାକାରିଂ ପା ଅଜି ମାଚାର୍, ଆରେ ମାଙ୍ଗ୍ ନିୟା କିଡ୍‌ତାର୍, ହେଞ୍ଜାର୍ ଇସ୍‌ବର୍‌ତି ମାତ୍ରହାଲ୍‌ଞ୍ଜି ଲଗୁ ଆରି ୱିଜୁ ମାନାୟ୍ ଜାତିତି ସାପୁ, ୧୬ ଇନାକିଦେଂକି ଇସ୍‌ବର୍‌ତି ପାତ୍ କିଞ୍ଜି ଜିହୁଦିର୍‌ତି ମୁକ୍ତି ଆନାକା କାଜିଂ ହେଞ୍ଜାର୍ ଲାଗାଂ ସୁଣାୟ୍ କିଦେଙ୍ଗ୍ ହେଞ୍ଜାର୍ ମାଙ୍ଗେଙ୍ଗ୍ ବାଦା ହିଡ୍‌ତାର୍‌ନା; ଇ ଲାକେ ହେଞ୍ଜାର୍ ନିତ୍ରେ ଜାର୍ ଜାର୍‌ତିଂ ପାପ୍ ବାତ୍ କିତାଣ୍ଡା; ମତର୍ ହେଞ୍ଜାର୍‌ତି ଜପି ରିସା ପୁରାବାତ୍ ଆର୍‌ତାଚେ ।

ଆରେ ହାଞ୍ଜେଙ୍ଗ୍ ଇଞ୍ଜି ପାଉଲ୍‌ତି ୱାରି

୧୭ ମତର୍, ଏ ଟଣ୍ଡାର୍, ଆରି ତଣ୍ଡେକ୍ ଆପେଂ ମାତ୍ର ଆକାୟ୍, ମତର୍ ଗାଗାଡ୍‌ତ ଅଲପ୍ ସମୁ କାଜିଂ ମିଙ୍ଗେଙ୍ଗ୍‌ତାଂ ବିଗ୍‌ଡା ଆଜି ମାଚିଲେ ମି ମୁମ୍ ହୁଡ୍‌ଦେଂ ବେସି ଇଚା ହୁକେ ଆଦିକ୍ ସେସ୍ତୁ କିଜି ମାଚାପ୍ । ୧୮ ଇଦାଂ କାଜିଂ ଆପେଂ ମି ଲାଗାଂ ହାନି କାଜିଂ ମାନ୍ କିଜି ମାଚାପ୍, ଆନ୍ ପାଉଲ୍ ରଗ, ରିହା ମାନ୍ କିଜି ମାଚାଂ, ମତର୍ ସୟ୍‌ତାନ୍ ମାଙ୍ଗେଙ୍ଗ୍ ବାଦା ହିଡ୍‌ତାଡ୍ । ୧୯ ଇନାକିଦେଂକି ମାଙ୍ଗ୍ ମାପୁ ଜିସ୍‌ତୁତି ୱାନି ସମୁତ ତା କଚଣ୍ଡତ ମା ଆହା, ଦୁକ୍‌କିନାକା କି ଗରବ୍‌ନି ମୁକୁଟ୍ ଇନାକା ? କି ଏପେଙ୍ଗ୍ ଆକାୟ୍ ? ୨୦ ଏପେଙ୍ଗ୍ ତ ମା ଜାଜ୍‌ମାଲ୍ ଆରି ୱାରିକିନିତ କାରଣ୍ ଆନାଦେର୍ ।

୩

୧୧ ଇଦାଂ କାଜିଂ ଆପେଂ ଆରେ ହୁଞ୍ଜେଙ୍ଗ୍ ଆଡ୍‌ଞ୍ଜିତିଲେ ଏଡେନ୍‌ସ୍‌ତ ରଞ୍ଜାଙ୍ଗ୍ ମାଞ୍ଜେଙ୍ଗ୍ ଇଞ୍ଜି ତିର୍ କିତାଙ୍ଗ୍; ୨ ଆରେ, ମି ପାତ୍ ବିସ୍ତେ ମିଂ ୱାରିକିୟ୍ କିଦେଂ ଆରି ମିଙ୍ଗେଙ୍ଗ୍ ସୁସ୍ତା କିଦେଂ, କ୍ରିସ୍‌ତୁତି ନେକ୍ରିକାବୁର୍ କାମାୟ୍‌ତ ଇସ୍‌ବର୍‌ତି ହାଙ୍ଗ୍‌ଦାକାର୍ ଟଣ୍ଡେନ୍ ଡିମତିଙ୍ଗ୍ ପକ୍‌ତାତାପ୍ । ୩ ଇନେସକି ଇନେର୍ ଇ ୱିଜୁ କସ୍ ବିତ୍ରେ ଏନେତେନେ ଆମାଟ୍ । ଆସେଙ୍ଗ୍ ହେଦାଂ କାଜିଂ ବାଟିକିୟାତାସ୍‌ନା ଇଞ୍ଜି ଏପେଙ୍ଗ୍ ତ ନିଜେ ପୁନାଦେର୍ ଲାଗିଂ ଏପେଙ୍ଗ୍ ଇସ୍‌ବର୍‌ତି ମାନ୍ । ୪ ଇନାକିଦେଂକି ମାଙ୍ଗେଙ୍ଗ୍

☆ ୨:୧୫ ୨:୧୫ ପକ୍ୟାତାକା ୯:୨୩,୨୯; ୧୩:୪୫,୫୦; ୧୪:୨,୫,୧୯; ୧୭:୫,୧୩; ୧୮:୧୨. ☆ ୩:୧ ୩:୧ ପକ୍ୟାତାକା ୧୭:୧୫.

ଜେ କସ୍ତ ବଗି କିଦେଙ୍ଗ ଆନାଡ଼, ଇଦାଂ ଆପେଂ ମି ଲାହାଂ ମାନି ସମୁତ ମିଙ୍ଗେଙ୍ଗ ପୁର୍ବେତାଂ ଚାନେକ୍ତିଂ ଚାନେକ୍ ଖେର୍ଚ୍ଚି ମାନଚାପ୍, ଆରେ ହେ ଲାକେ ଗିଟା ଆଡାଡ଼, ଆରେ ଏପେଙ୍ଗ ହେଦାଂ ପୁନାଡ଼ । * ଇଦାଂ କାଜିଂ, ଏତେକାଡ଼ ସୟତାନ ମିଙ୍ଗେଙ୍ଗ ପରିକ୍ୟା କିଜି ମାନଞ୍ଜାନାନ ଆରି ମା କାମାୟ୍ ପଲ୍ୟା ଆଜି ମାନାଡ଼, ଇଦାଂ ପାଣ୍ଡାଜି ଆନ୍ ପା ଆରେ ହୁଞ୍ଜେଙ୍ଗ ଆଡ଼ଞ୍ଜାଦାଂ ମି ପାତର୍ କିନି ବିସ୍ତେ ପୁଞ୍ଜେଙ୍ଗ କାଜିଂ ମାନାୟ୍ ପକ୍ତାତାଂ ।

୨ ଈଦାଂ ପାଚେ ମି ଲାଗାଂତାଂ ମାସ୍ତି ଖାଜି ତିମତି ମି ପାତର୍ ଆରି ଜିଉନନି ବିସ୍ତେ ହାର୍ ନେକ୍ତିକାବୁର୍ ତାଇଖାତାଣ୍ଡା । ହେଞ୍ଜାନ୍ ମାଙ୍ଗେଙ୍ଗ ଖେର୍ଚ୍ଚାତାନ ଜେ, ଏପେଙ୍ଗ ନିତ୍ରେ ମାଦାଂ ହାର୍ କାମାୟ୍ କିନାଦେରା ଆରି ଆପ୍ ଇନେସ୍ ମିଙ୍ଗେଙ୍ଗ ହୁଡ଼ଦେଂ ଇଟା, ଏପ୍ ପା ହେ ଲାକେ ମାଙ୍ଗେଙ୍ଗ ହୁଡ଼ଦେଂ ଇଟା କିନାଦେରା । ୩ ଈଦାଂ କାଜିଂ, ଏ ଟଣ୍ଡାର୍, ଆରି ତଣ୍ଡେକ୍ ମି ପାତର୍ କିନି କାଜିଂ ଆପେଂ ମା ଖିଜୁ ହାବଡ଼ତ ଆରି କସ୍ତ ବଗିକିନିତ ମି ବିସ୍ତେ ଦୁକ୍ସାରାୟ୍ କିୟା ଆତାପ୍ନା; ଽ ଇନାକିଦେଂକି ଆପେଂ ନଂ ଜିତାପ୍ନା ଜଦି ଏପେଙ୍ଗ ମାପୁ ତାକେ ବିଞ୍ଜାହିଂ ଆଜି ମାନାଡ଼ । ଞ ଆଁ, ମା ଇସ୍ପୁର୍ତି ଲାଗେ ମି କାଜିଂ ଆପେଂ ଜେ ଖିଜୁ ଖାରିତ ଖାରି ଆନାପା । ହେବେନି ବାଦୁଲ୍ ଲାକେ ମି କାଜିଂ ନଙ୍ଗ ଇସ୍ପୁର୍ତିଂ ଜୁଞ୍ଜାର୍ କିଦେଙ୍ଗ ଆଡ଼ନାନ୍ । ୧୦ ମି ପାତର୍ ତ ଇନାକା ଉଣା ମାନାଡ଼, ହେଦାଂ ପୁରାୟ୍ କିଦେଙ୍ଗ ଇଞ୍ଜି ଆପେଂ ମି ଲାହାଂ ଇନେସ୍ ମେହାଆଦେଂ ଆଡ଼ନାସ୍, ଇଦାଂ କାଜିଂ ଖେଡ଼ା ନାଣା ବେସି ପାର୍ତାନା କିନାପା ।

୧୧ ମା ଆବା ଇସ୍ପୁର୍ ନିଜେ ଆରେ ମା ମାପୁ ଜିସୁ ମି ଲାଗାଂ ମା ହାନି ହାଜି ରଚ୍ଚନାନ୍ । ୧୨ ଆରେ, ମି କାଜିଂ ମାଦାଂ ଇନେସ୍ ଜିଉନନାକା, ହେ ଲାକେ ହାରିତିଂ ଆରି ଖିଜାର୍ କାଜିଂ ଜିଉନନିତ ମାପୁ ମିଙ୍ଗେଙ୍ଗ ଆରେ ଆଦିକ୍ ଲାକେ ବାଡାୟ୍ କିଦେନ୍ । ୧୩ ହେଞ୍ଜାନ୍ ମି ଖାସ୍ତି ସୁସ୍ତା କିଜି ଇଟାଡ଼, ଇନେସ୍ ମା ମାପୁ ଜିସୁ ଜାର୍ ଖିଜୁ ଦାମର୍ ଲାହାଂ ଖାନାକା ସମୁତ ଏପେଙ୍ଗ ମା ଇସ୍ପୁର୍ ଆରି ଆବାତି ଲାଗାଂ ପୁଇପୁୟାତାଂ ଦସି ଆଞ୍ଜାଦାଂ ଚଞ୍ଜୟାନାଦେର୍ । ଆମେନ୍ ।

୪

ଇସ୍ପୁର୍ ମୁମ୍ପଦ ସାରିନିକା ଜିବୁନ୍

୧ ଏ ଟଣ୍ଡାର୍, ଆରି ତଣ୍ଡେକ୍ ହାରିହାରାତ ଇନେସ୍ ଲାକେ ଚିନ୍ତା କିଜି ଇସ୍ପୁର୍ତିଂ ସାରି କିନାକା ମାନାଡ଼, ହେ ବିସ୍ତେ ଏପେଙ୍ଗ ମା ତାଙ୍ଗ ଇନେସ୍ ହିକ୍ୟା ଗାଟାତାଦେଣ୍ଡା, ଆରେ ଏପେଙ୍ଗ ପା ଇନେସ୍ ଜିବୁନ୍ ଜିପ୍କା କିନାଦେରା, ତା ଲାକେ ଆରେ ଆଦିକ୍ ଖାଦେଂ କାଜିଂ ଆପେଂ ମାପୁ ଜିସୁତି ତରଦ ମିଙ୍ଗ ଗଞ୍ଜାରି କିଜି ଖାରି କିଦନାପା । ୨ ଆପେଂ ମାପୁ ଜିସୁତି ଆଦିକାର୍ ମିଙ୍ଗେଙ୍ଗ ଇନା ଇନା ବଲ୍ ହିଜି ମାନଚାପ୍, ହେଦାଂ ତ ଏପେଙ୍ଗ ପୁନାଦେର୍ । ୩ ଇନାକିଦେଂକି ଏପେଙ୍ଗ ଇନେସ୍ ପୁଇପୁୟା ଆନାଦେର୍, ଇଦାଂ ଇସ୍ପୁର୍ ଇଟା, ଇନାକିଦେଂକି ଏପେଙ୍ଗ ଇନେସ୍ ଦାରିତାଂ ଦେହା ମାନାଡ଼, ୪ ଜାଣକେ ପୁଇପୁୟା ଆରି ହାରି ଦୁକ୍ତିନାକା ବାବ୍ରେ ଜାର୍ ଜାର୍ କାଜିଂ କଗ୍ଲେ ଇଡ଼ଦେଂ ପୁନାଦେର୍, ୫ ଆରେ, ଇନେସ୍ ଇସ୍ପୁର୍ ବିସ୍ତେ ପୁନ୍ଞାତାକାଦେର୍ ଇସ୍ପୁର୍ତିଂ ପାତର୍ କିଞ୍ଜି ଜିହୁଦିର୍ ଲାକେ ବାନ୍ୟାକାମାୟ୍ତ ହାଲ୍ଞାଦାଂ, ୬ ଆରେ, ଇନେସ୍ ଇନେର୍ ଇ ବିସ୍ତେ ହାଦି ନାସି ଜାର୍ କ୍ରିସ୍ଟ ଟଣ୍ଡେନିଙ୍ଗ ନିୟା କିଞ୍ଜାତାନ୍ତି, ଲାଗିଂ ମାପୁ ଇ ଖିଜୁ ବିସ୍ତେ ଦାଣ୍ଡିହିଦନାକାନ୍, ଇନେସ୍ ଆପେଂ ପୁର୍ବେ ପା ମିଙ୍ଗେଙ୍ଗ ଖେର୍ଚ୍ଚି ସାକି ହିଜି ମାଞ୍ଜାପ୍ । ୭ ଇନାକିଦେଂକି ଇସ୍ପୁର୍ ମାଙ୍ଗେଙ୍ଗ ବିଟାଡ଼ତ ଜିବୁନ୍ ଜିପ୍କା କିଦେଙ୍ଗ କାଜିଂ କୁକ୍ତାଞ୍ଜାଦାଂ ପୁଇପୁୟା ଆନି କାଜିଂ କୁକ୍ତାତାନ୍ନା । ଽ ଲାଗିଂ, ଇନେନ୍ ଇଦାଂ ଇଟୁଞ୍ଜାତାନ୍, ହେଞ୍ଜାନ୍ ମାନାୟ୍ତିଂ ଇଟଡାନ୍, ମତର୍ ଇମ୍ଫଣି ଇସ୍ପୁର୍ ମି ଖାସ୍ତିତ ଜାର୍ ପୁଇପୁୟା ଜିବୁନ୍ ହିଡ଼ତାନ୍ନା, ହେଞ୍ଜାନ୍ ଇଟୁନ୍ ।

୯ କ୍ରିସ୍ଟ ପାତର୍ ବିସ୍ତେ ମି ଲାଗେ ଲେକିକିନାକା ଲଡ଼ା ଆକାୟ୍, ଇନାକିଦେଂକି ଏପେଙ୍ଗ ଜାଣକେତିଂ ଜିଉନନି କାଜିଂ ଇସ୍ପୁର୍ତି ହୁଦାଂ ନିଜେ ହିକିଡ଼ ଆତାଦେଣ୍ଡା, ୧୦ ଆରେ, ହାଡ଼ପାନେ ଖିଜୁ ମାକିଦନିଆତ ମାନି ଖିଜାର୍ ଟଣ୍ଡେନ୍ କାଜିଂ ଏପେଙ୍ଗ ହେଦାଂ କିନାଦେରା । ଆଡିସ୍ପା ଏ ଟଣ୍ଡାର୍, ଏପେଙ୍ଗ ଇନେସ୍ ଆରି ଆଦିକ୍ ଲାକେ ହେଦାଂ କିନି କାଜିଂ ଗଞ୍ଜାରି କିନାଦେରା, ୧୧ ଆରେ, ମିଙ୍ଗ ହିଡ଼ତି ମା ବଲ୍ଞସାପେ ଏପେଙ୍ଗ ଇନେସ୍ ସୁସ୍ତାରେ ବାହା କିଜି ଜାର୍ ଜାର୍ କାମାୟ୍ତ ଲାଗାଆଦେଂ ଆରି ଜାର୍ ଜାର୍ କେଇଦ କାମାୟ୍ କିଦେଙ୍ଗ ମର୍ଜଦା ବିସ୍ତେ ବାବି କିନାଦେରା, ଇଦାଂ କାଜିଂ ଆସେଙ୍ଗ ମିଙ୍ଗେଙ୍ଗ ଗଞ୍ଜାରି କିଦନାପା । ୧୨ ଇ ବାନି କିନି ହୁକେ ଇନେସ୍ ବାର୍ତି ଲକୁ କାଜିଂ ଏପେଙ୍ଗ ହାଦର୍ ମାନ୍ କିୟାଡ଼, ଆରେ ମିଦାଙ୍ଗ ଇମ୍ଫଣାକା ଅବାବ୍ ଆଡ଼ତ ।

ମାପୁତି ଖାନାକା

୧୩ ଏ ଟଣ୍ଡାର୍, ଆରି ତଣ୍ଡେକ୍ ବାସ୍ ହିଲ୍ଞି ବିନ୍ ଖିଜାକାର୍ ଲାକେ ଏପେଙ୍ଗ ଇନେସ୍ ଦୁକ୍ ଆମାଡ଼, ଇଦାଂ କାଜିଂ ହାତି ଲଗାତର୍ ବିସ୍ତେ ଏପେଙ୍ଗ ଜେ ପୁନ୍ଞାଦାଂ ମାନାଦେର୍, ଇଦାଂ ମା ଇଟା ଆକାୟ୍ । ୧୪ ଇନାକିଦେଂକି ଜଦି ଆସେଙ୍ଗ ପାତର୍ କିନାସ୍ ଜେ, ଜିସୁ ହାଜି ଆରେ ରଗ ନିଙ୍ଗତାନନା, ଖାଟିଙ୍ଗ ଇସ୍ପୁର୍ ଜେ ଜିସୁତି କ୍ରିସ୍ଟ ତାକେ ପାତର୍ କିଜି ମାଟି ମାନାୟ୍ ହାତାକାର୍ ମାନାୟ୍ରିଂ ହେ ଲାକେ ତା ଲାହାଙ୍ଗ ତାନାନ୍, ଇଦାଂ ପା ପାତର୍ କିନି ଲଡ଼ା ।

☆ ୩:୨ ୩:୨ ପକ୍ୟାତାକା ୧୮:୫.

୧୫ ଲାଗିଂ ଆପେଂ ମାପୁତି କାତା ଇସାପ୍ରେ ମିଙ୍ଗ ଇଦାଂ ଇଞ୍ଜନାପା, ଆପେଂ ଏଚେକ୍ ମାନାୟ୍ ମାପୁତି ଖାନି ପାତେକ୍ ଜିଜି ମାନଞ୍ଜି ବାକି ମାନାପ୍, ଆପେଂ ଇନେସପା ହାତାକାର୍ ମାନାୟାତ୍ ନିପ ହାଲୁପ୍ । ୧୬ ଇନାକିଦେଂକି ମାପୁ ଆପେ ବଲ୍ ହିଜି ମୁଡ଼ ଦୁତତି କାଟ୍ ଆରି ଇସ୍ତର୍ ମରି ବାଜା ହୁଦାଂ ସାଗେତାଂ ଜୁଦନାନ୍, ହେବେତାଂ ଇମ୍ଣାକାର୍ କ୍ରିସ୍ତାକେ ମାନଞ୍ଜି ହାତାୟା, ହେଞ୍ଜାର୍ ପର୍ତୁମ୍ ନିଙ୍ଗନାର୍; ୧୭ ପାରେ ଆସେଙ୍ଗ୍ ଏଚେକ୍ ମାନାୟ୍ ଜିଜି ମାନଞ୍ଜି ବାକି ମାନାୟ୍, ମାପୁତି ଲାହାଙ୍ଗ୍ ବେଟ୍ ଆଦେଂ କାଜିଂ ଆସେଙ୍ଗ୍ ହେଞ୍ଜାର୍ତ୍ତି ହୁକେ ବାଦାଡ଼ତ୍ ଖାରି ପୁତର୍ ତ ଜୁଦନାୟ୍; ଇ ଲାକେ ଆସେଙ୍ଗ୍ ନିତ୍ରେ ମାପୁତି ଲାହାଙ୍ଗ୍ ମାନାୟ୍ । ୧୮ ଲାଗିଂ ଇ ଖିଜାର୍ ବଚନ୍ ହୁଦାଂ ଏପେଙ୍ଗ୍ ହାରି ଦୁକ୍ସାରାୟ୍ କିୟାଟ୍ ।

୫

ମାପୁତି ଆରେ ଖାନି କାଜିଂ ଜାଲ୍ଦି ଆଡୁ

୧ ମତର୍, ଏ ଟଣ୍ଡାର୍, ଆରି ତଣ୍ଡେକ୍ କାଡ଼ ଆରି ସମାନ୍ ଖେଡ଼ାଲିଂ ବିସ୍ତେ ଇନାଖାଡ଼ାଲିଂ ଇମ୍ଣା ସମୁତ ଗିଟା ଆଦନାଡ଼ ମି ଲାଗାଂ ଲେକିକିନାକା ଲଡ଼ା ଆକାୟ୍, ୨ *ଇନାକିଦେଂକି ନାଶା ଚର୍ ଖାତି ଲାକେ ମାପୁତି ଦିନ୍ ଜେ ଖାନାଡ଼, ଇଦାଂ ଏପେଙ୍ଗ୍ ହାରିକିଜି ପୁନାଦେର୍ । ୩ ଏଚେକାଡ଼ଦ୍ ଲକୁ ସୁସ୍ତା ଆରି ହାର୍ ଆକାୟ୍ ଇଞ୍ଜି ଇଞ୍ଜି ମାନାର୍, ହେ ଏଚେକାଡ଼ଦ୍ ଏସ୍ପିସ୍ତ୍ରି କୁଚ୍ନିକସ୍ ଲାକେ ହାଚାଗ୍ରେ ହେଞ୍ଜାର୍ତ୍ତି ନାୟ୍ ଏକାଖାନାଡ଼, ଆରେ ହେଞ୍ଜାର୍ ଇନେସପା ବାନି ରାକ୍ୟା ପାୟା ଆଦେଂ ଆଡୁର୍ । ୪ ମତର୍ ଏ ଟଣ୍ଡାର୍, ଆରି ତଣ୍ଡେକ୍ ଏପେଙ୍ଗ୍ ମାଜଗାତ୍ ଆକାୟ୍ ଜେ ହେ ଦିନ୍ ଚର୍ ଲାକେ ପୁନ୍ଝିଲାଡ଼େ ମି ଲାଗାଂ ଏକାଖାନାନ୍, ୫ ଇନାକିଦେଂକି ଏପେଙ୍ଗ୍ ଖିଜାଦେର୍ ଅଜଡ଼ ଆରି ଖେଡ଼ାନି ହିମ୍ଣାଂ । ଆସେଙ୍ଗ୍ ନାଶା କି ମାଜଗାନି ହିମ୍ଣାଂ ଆକାୟ୍; ୬ ଲାଗିଂ ଖାଡୁ, ଆସେଙ୍ଗ୍ ବିନ୍ନିକାର୍ ଲାକେ ହୁଞ୍ଜାଦାଙ୍ଗ୍, ମତର୍ ଜାଗ୍ରତ୍ ଆଜି ଚେଡ଼ନା ଆଜି ମାନାୟ୍ । ୭ ଲାଗିଂ ଇମ୍ଣାକାର୍ ହୁନ୍ଝି ହାନାର୍, ହେଞ୍ଜାର୍ ନାଶା ହୁଞ୍ଜି ହାନାର୍, ଆରେ ଇନେର୍ ମଦୁଆ ଆନାର୍, ହେଞ୍ଜାର୍ ନାଶା ହଚ୍ଚନାର୍ । ୮ *ମତର୍ ଖାଡ଼, ଆସେଙ୍ଗ୍ ଖେଡ଼ାନି ହିମ୍ଣାଂ ଆତିଲେ ପାତର୍ କିନାକାର୍ ଆରି ଜିଉନି ଲାକେ ମୁକ୍ତାନାକା ଚପ୍ତି ଆପର୍ ସ୍ ଆରି ମୁକ୍ତାତି ବାସର୍ ଲାକେ କାପଡ଼ା ଆତିୟାର୍ କାପଡ଼ାତ୍ ହିଜି ଜାଗ୍ରତ୍ ମାନାୟ୍ । ୯ ଇନାକିଦେଂକି ଇସ୍ତର୍ ମାଙ୍ଗେଙ୍ଗ୍ କାକ୍ରିନି ବାହା ଆଦେଂ କାଜିଂ ବାଟି କିଦ୍ଝାଦାଂ ମତର୍ ମାଂ ମାପୁ ଜିସୁ କ୍ରିସ୍ତ୍ତି ହୁଦାଂ ମୁକ୍ତାନାକା ଗାଟାଆଦେଂ କାଜିଂ ବାଟି କିତାନନ୍; ୧୦ କ୍ରିସ୍ତ୍ତି ମା କାଜିଂ ହାତାନ୍ ଇନେସ୍ ଆସେଙ୍ଗ୍ ଜାଗ୍ରତ୍ ମାନଞ୍ଜି କି ହୁଞ୍ଜାଦାଙ୍ଗ୍ ମାନଞ୍ଜି ତା ଲାହାଙ୍ଗ୍ ଜିବୁନ୍ ମାନଝାଦାଂ କି ଜିବୁନ୍ ମାନଗାନାପ୍ । ୧୧ ଲାଗିଂ ଇନେସ୍ କିତାପ୍ନା, ହେ ଲାକେ ହାରିତିଂ ଦୁକ୍ସାରାୟ୍ କିୟାଟ୍, ଆରେ ହାରି ହାର୍ ଇଟାଟ୍ ।

ହାରିହାରା ହିକ୍ୟା ଆରି ନେକ୍ରିକାବୁର୍

୧୨ ଏ ଟଣ୍ଡାର୍, ଆରି ତଣ୍ଡେକ୍ ଆପେଂ ମିଙ୍ଗେଙ୍ଗ୍ ଗଝାରି କିଦନାପା, ଇମ୍ଣାକାର୍ ମି ବିତ୍ରେ କସ୍ କିତାର୍ ଆରି ମାପୁତି ହେବାତ ମି ମୁଡ଼ଦାକାନ୍ ଲାକେ ବାଟିକିୟା ଆଜି ମିଙ୍ଗେଙ୍ଗ୍ ଚେଡ଼ନା ହିଦନାନ୍, ହେଞ୍ଜାରିଂ ଖାରି କିୟାଟ୍, ୧୩ ଆରେ, ହେଞ୍ଜାର୍ କାମାୟ୍ କାଜିଂ ହେଞ୍ଜାରିଂ ଜିଉନିତ ବେସି ଜିଉ ନଝାଟ୍ । ହାରି ରଚେ ସୁସ୍ତାତ ମାନାଟ୍ ।

୧୪ ଏ ଟଣ୍ଡାର୍, ଆରି ତଣ୍ଡେକ୍ ଆପେଂ ମିଙ୍ଗେଙ୍ଗ୍ ଗଝାରି କିଦନାପା; ଅରାହିଲ୍ଝି ଚିଡ଼ା କିନି ମାନାୟ୍ତିଂ ଜାଗ୍ରତ୍ କିୟାଟ୍, ସାସ୍ ହିଲ୍ଝାକାରିଂ ଦୁକ୍ସାରାୟ୍ କିୟାଟ୍, ନାଦାର୍ରିଂ ଉପକାର୍ କିୟାଟ୍, ଖିଜାର୍ କାଜିଂ ହୁଦାର୍ ଆଡୁ । ୧୫ ଜାଗ୍ରତ୍, ଇନେର୍ ଇମ୍ଣାକାର୍ତ୍ତି କାଜିଂ ଅନ୍ୟାୟ୍ ବାଦୁଲ୍ ଅନ୍ୟାୟ୍ କିମେନ୍, ଇତିସ୍ ଏପେଙ୍ଗ୍ ନିତ୍ରେ ହାରିତିଂ ଆରି ଖିଜାର୍ତ୍ତି ହାର୍ କିଦେଙ୍ଗ୍ ଜାଲ୍ଦି ଆଡୁ ।

୧୬ ସବୁଖେଡ଼ାଲିଂ ଦୁକ୍ସାରାୟ୍ କିନାକା ହାରି କିୟାଟ୍ । ୧୭ ନିତ୍ରେ ପାର୍ତାନା କିୟାଟ୍ । ୧୮ ସବୁ ଖେଡ଼ାଲିଂ ଜୁଝାର୍ ହିୟାଟ୍; ଇନାକିଦେଂକି ମି ବିସ୍ତେ କ୍ରିସ୍ତ୍ତି ଜିସୁ ସୁକ୍ତାକେ ଇଦାଂ ଇସ୍ତର୍ ଇଟା ।

୧୯ ପୁଇପୁୟା ଜିବୁଡ଼ିଙ୍ଗ୍ ପାଗି କିମାଟ୍ । ୨୦ ନିତ୍ରେ ମାପୁ ତାକେ ବେଶ୍ବାକ୍ଣାୟ୍ କିନାକା ପଲ୍ୟା ଇନ୍ମାଟ୍ । ୨୧ ମତର୍ ଖିଜୁ ବିସ୍ତେ ପରିକ୍ୟା କିଜି ହୁଡ଼ାଟ୍; ଇନାକା ନେକ୍ରିକା, ହେଦାଂ ଆସ୍ତି ଇଟାଟ୍; ୨୨ ଖିଜୁ ବାନି ବାନ୍ୟାତାଙ୍ଗ୍ ବିନେ ମାନାଟ୍ ।

୨୩ ସୁସ୍ତାହିଦ୍ନି ଇସ୍ତର୍ ତାଖେନ୍ ମାଙ୍ଗେଙ୍ଗ୍ ପୁରାପୁରି ପୁଇପୁୟା କିଦେନ୍, ଆରେ ମା ମାପୁ ଜିସୁ କ୍ରିସ୍ତ୍ତି ଖାନି କାଜିଂ ମି ଖାସ୍ତି, ପାରାଶ, ଗାଗାଡ଼୍ ବାତର୍ ଦସ୍ଆଝାଦାଂ ଇଟ୍ୟାୟେଡ଼ । ୨୪ ଇନେନ୍ ମିଙ୍ଗେଙ୍ଗ୍ କୁକ୍ତାନାନ୍, ହେଞ୍ଜାନ୍ ପାତର୍ ନିକାନ୍, ହେଞ୍ଜାନ୍ ହେଦାଂ ପା ପୁରାକିଦେଂ ଆଡ଼ନାନ୍ ।

୨୫ ଏ ଟଣ୍ଡାର୍, ଆରି ତଣ୍ଡେକ୍ ମା କାଜିଂ ପାର୍ତାନା କିୟାଟ୍ ।

୨୬ ଖିଜାର୍ ଟଣ୍ଡାରିଂ ପୁଇପୁୟାତ୍ ତନ୍ଝି ଜୁଝାର୍ କିୟାଟ୍ ।

୨୭ ଖିଜାର୍ ଟଣ୍ଡାର୍ ଆରି ତଣ୍ଡେକ୍ ତାକେ ଇ ଆକି ପାଟ୍ କିୟକିନି କାଜିଂ ଆନ୍ ମାପୁତି ଆଦିକାର୍ ମିଙ୍ଗେଙ୍ଗ୍ ହିଦନାଙ୍ଗ୍ ।

୨୮ ମା ମାପୁ ଜିସୁ କ୍ରିସ୍ତ୍ତି ଦୟା ମି ଲାହାଙ୍ଗ୍ ଆଏଡ଼ ।

☆ ୫:୨ ୫:୨ ମାଡ଼ିଉ ୨୪:୪୩; ଲୁକ ୧୨:୩୯; ୨ ପିତର୍ ୩:୧୦. ☆ ୫:୮ ୫:୮ ଏପିସିୟ ୬:୧୩-୧୭.

ତେସଲନିକିୟ ମଣ୍ଡଳୀ ନିକଟକୁ ପ୍ରେରିତ ପାଉଲଙ୍କ ପତ୍ର ତେସଲନିକି ମଣ୍ଡଳି ଲାଗାଂ ପକ୍ୟାତି ପାଉଲ୍‌ତି ରିଣ୍ଡି ଆକି ପତି ବିସ୍ତେନି ପାଦେକ୍

ତେସଲନିକିୟ ମଣ୍ଡଳି ଲାଗାଂ ରି ଆକି ପକ୍ୟାତି ପାଉଲ୍‌ତି ହୁଦାଂ ଲେକା ଆଜି ମାଚାତ୍ ୧:୧ । ପର୍ତୁମ୍ ତେସଲନିକିୟନି ଅଲପ୍ ସମୁ ପାଚେ ପାଚେ କ୍ରିସ୍ତତି ଜଲମ୍‌ନି ରିକଡ଼ି ଏଗାର୍ ୫୧ ବାହୁଁ ପାଚେ ଇ ଆକି ଲେକି କିଜି ମାଚାନ୍ । ପାଉଲ୍ ଏଚେକାଡ଼୍‌ଦ ତେସଲନିକିୟ ମଣ୍ଡଳିତ ଆକି ଲେକି କିତାନ୍, ହେ ପାଦ୍‌ନା ହେଞ୍ଜାନ୍ କରନ୍ତ୍ରିୟ ମଣ୍ଡଳିତ ମାଚାନ୍ । ଇମ୍‌ଣି ମଣ୍ଡଳି ହେଞ୍ଜାନ୍ ରି ମିସ୍‌ନେରି ହାରିହିଂ ରଡ଼ି ମାଚାନ୍ ପକ୍ୟାତାକା ୧୭:୧-୧୦ ।

ପକ୍ୟାତି ପତିତ ଇନ୍ୟାନାତ୍ ଜେ, ଏଚେକ୍ ଜିହୁଦି ଆରି ବେସି ଗ୍ରିକ୍ ବେରଣ୍ ଇଞ୍ଜି ମାନି ମାନାୟାର୍ ହୁକେ ଇ ତେସଲନିକିୟ ମଣ୍ଡଳି ରଡ଼ି ମାଚାର୍ । ତେସଲନିକିୟ ମଣ୍ଡଳି ଲାଗାୟ ଲେକା ଆଜି ମାଚି ଆକିତ କ୍ରିସ୍ତତି ଖାନାକା ଆରି ହାରିହାରା ସମୁ ବିସ୍ତେ ଲେକା ଆତାଡ଼୍‌ନା । ଇନାକିଦେଂକି ପାଉଲ୍ ହାରି ଆକିତ ତେସଲନିକିୟ ମଣ୍ଡଳି ଲାଗାୟ ଇଦାଂ ରିହା ଖାନାକା ବିସ୍ତେ ବେସି ବିସ୍ତେ ଲେକି କିତାନ୍‌ନା । ରି ତେସଲନିକିୟତ ଲେକାତି ବିସ୍ତେ ଆଦିକ୍ ଆତିସ୍ ହାରିହାରା ସମୁ ବିସ୍ତେ ଆନାତ୍ । ପାଉଲ୍ ପା ଆଡ଼୍‌ସାୟ ବିସ୍ତେ ଜାଲ୍‌ଦି କିୟକିତାନ୍ । ଜାଣ୍‌କେ ମାନାୟ ହେଞ୍ଜାଡ଼ି କାଦି କାଜିଂ କାମାୟ କିନି ଲଡ଼ା ୩:୬-୧୦

୨ ତେସଲନିକିୟ ପତି ବିସ୍ତେନି ରାହାଣ୍

- ୧. ପାଉଲ୍ ତା ଆକିତ ଜାର୍ ଆରି ହାଙ୍ଗ୍‌ଦାକାର୍ ଜାଣାତିନା ହିଜି ହାଂନାନ୍ ୧:୧-୨
- ୨. ଆରି ତେସଲନିକିୟ ମଣ୍ଡଳି କାଜିଂ ଇସ୍‌ବର୍‌ତିଂ ଜଞ୍ଜାର୍ ହିନାନ୍ ଆରି ପାର୍ତାନା କିନାନ୍ ୧:୩-୧୨
- ୩. ରି ପାର୍ତୁତ ଜଗଡ଼ନି ହାରିହାରା ସମୁ ବିସ୍ତେ ଇନାନ୍ ।
- ୪. ଆରି ହେଞ୍ଜାନ୍ ଆଡ଼୍‌ସାୟ ବିରୁଡ଼ତ ଆରି କସ୍ତ୍ କିନି ବିସ୍ତେ ଇନାନ୍ ୩:୧-୧୫
- ୫. ପାଉଲ୍ ଆରେ ରଗ ମଣ୍ଡଳିନି ମାନାୟାର୍ ବାନ୍ଦାୟ କିଜି ଝିହ୍‌ନାନ୍ ୩:୧୬-୧୮

୧ ପାଉଲ୍, ସିଲ୍‌କାନ୍ ଆରି ତିମତି ଆବା ଇସ୍‌ବର୍ ଆରି ମାପୁ ଜିସୁ କ୍ରିସ୍ତତାକେ ମାନି ତେସଲନିକିୟ ମାନାୟାର୍ ମଣ୍ଡଳି ଲାଗାଂ ଆକି ଲେକିକିତାନ୍‌ନା । ଦୟା ଆରି ସୁସ୍ତା ମି କାଜିଂ ଆଏଡ଼ । ୨ ଆବା ଇସ୍‌ବର୍ ଆରି ମାପୁ ଜିସୁ କ୍ରିସ୍ତ ତାଙ୍ଗ୍ ଦୟା ଆରି ସୁସ୍ତା ମି କାଜିଂ ଆଏଡ଼ ।

କ୍ରିସ୍ତତି ଆରେ ଖାନାକା ବିଚାର୍

୩ ଏ ଟଣ୍ଡାର୍, ଆରି ତଣ୍ଡାଦେକ୍ ମି କାଜିଂ ଇସ୍‌ବର୍‌ତିଂ ସବୁଞ୍ଜେଡ଼ାଙ୍ଗ୍ ଜୁଞ୍ଜାର୍ ହିନାକା ମା ଲଡ଼ା, ଆରେ ହେଦାଂ କିନାକା, ଆରେ ହେଦାଂ ହାଦ୍‌କା, ଇନାକିଦେଂକି ମି ପାତ୍ କିନାକା ଆଦିକ୍ ବାଡ଼ା ଆନାତା, ଆରେ ହାରି କାଜିଂ ମି ଝିଜାର୍ ଜାଣକେତି ଜିଉନନାକା ବାଡ଼ାନାତା, ୪ ଏଲେଙ୍ଗ୍‌କି ଏପେଙ୍ଗ୍ ଇମ୍‌ଣି ଝିଜୁ ଇଣ୍ ଆରି ଦୁକ୍‌ବର୍ କିନାଦେରା, ହେବେ ପା ମି ହୁଦାର୍ ଆରି ପାତ୍ କାଜିଂ ଆସେଙ୍ଗ୍ ନିଜେ ଇସ୍‌ବର୍‌ତି ମଣ୍ଡଳି ତାକେ ମି ବିସ୍ତେ ଗରବ୍ କିଜି ମାନାପ୍ ।

୫ ଇସ୍‌ବର୍ ଇମ୍‌ଣି ରାଜି କାଜିଂ ଏପେଙ୍ଗ୍ ଦୁକ୍‌ବର୍ କିନାଦେରା, ହେବେନି ଜଗ୍ ଇଞ୍ଜି ଗାଣାକିୟା ଆଦେଂ କାଜିଂ ଇଦାଂ ତ ଇସ୍‌ବର୍ ସମାନ୍ ବିଚାର୍ ଝିଜୁ ପାର୍ମାଣ୍ । ୬ ଇନାକାକି ନ୍ୟାୟନିକା, ଇନେକିଦେଂକି ମାପୁ ଜିସୁ ଏଚେକାଡ଼୍‌ଦ ଜାର୍ ସାକ୍ତିକାତି ଦୁତର୍ ଲାହାଂ ଆସ୍ତି ମାନି ନାଣି ଲାହାଂ ସାଗେତାଂ ହଡ଼ନାଡ଼, ୭ ଇସ୍‌ବର୍ ମିଙ୍ଗ୍ ଦୁକ୍ ଗିଗାଈ କିଜି ମାଙ୍ଗ୍ ପା ସାସ୍ତି କିଦ୍‌ନାନ୍ । ଇସ୍‌ବର୍ ଇ କାମାୟ କିନାନ୍, ଏଚେକାଡ଼୍‌ଦ ମାପୁ ଜିସୁ ହେଞ୍ଜାନ୍ତି ଗାଜା ସାକ୍ତି ଦୁତର୍‌ତି ଲାହାଙ୍ଗ୍ ସାଗେତାଂ ଜୁଦ୍‌ନାନ୍ । ୮ ଇମ୍‌ଣାକାର୍ ଇସ୍‌ବର୍‌ତିଂ ପୁନୁର୍ ଆରି ମା ମାପୁ ଜିସୁତି ନେକ୍ତିକାବୁର୍ ମାନିକିଉର୍, ହେଞ୍ଜାରିଂ ହେଞ୍ଜାନ୍ ମାପୁ ଜିସୁ ଜାର୍ ସାକ୍ତିକାଟାକାନ୍ ଦୁତର୍ ହୁଦାଂ ନାଣି ଲାହାଂ ସାଗେତାଂ ଚଞ୍ଜାୟ ଆଦ୍‌ନାନ୍; ହେ ଏଚେକାଡ଼୍‌ଦ ତାଣ୍ ହିନାନ୍, ୯ ହେ ନାଞ୍ଜିଙ୍ଗ୍ ହେଞ୍ଜାର୍ ତାଣ୍ ପାୟାନାର୍, ଇତିସ୍ ମାପୁତି ଲାଗେ ତାଙ୍ଗ୍ ଆରି ସାକ୍ତିତ ଜାଜ୍‌ମାଲ୍‌ତାଂ ଦେହା ଆଜି ଝିଜୁ ନାସ୍ ବର୍ କିତାର୍ । ୧୦ ମତର୍ ହେ ନାଞ୍ଜିଙ୍ଗ୍ ତା ମାନାୟାର୍‌ତାଂ ସମାନ୍ ଜାଜ୍‌ମାଲ୍ ପାୟାନାନ୍ ଇତିସ୍ ଇମ୍‌ଣି ନାଞ୍ଜିଙ୍ଗ୍ ହେଞ୍ଜାନ୍ ଜାର୍ ହୁଦାର୍ ହୁଦାଂ ଜାଜ୍‌ମାଲ୍ ଆଦେଂ ଆରି ପାତ୍ କିଜି ମାନି ପୁଈପୁୟା ମାନାୟାର୍ ଝିଜାର୍ କାଜିଂ କାବାତାଂ ଚଞ୍ଜିନି ଲାକେ ଆଦେଂ ଖାନାନ୍ ଇନାକିଦେଂକି ମି ଲାଗାୟ ମା ସାକି ଏପେଙ୍ଗ୍ ପାତ୍ କିତାଦେଣ୍ଟା ।

୧୧ ଲାଗିଂ ମା ଇସ୍‌ବର୍ ଇନେସ୍ ମିଦି ଜାର୍ କୁକ୍ୟାତିତ ସଡ଼୍‌ଗୁଣ୍ ଇଞ୍ଜି ଗାଣା କିନାନ୍, ଆରେ ସବୁ ସଡ଼ ଇଚା ଆରି ପାତ୍ କିନାକାୟ ସାକ୍ତିତ ବାତ୍ କିନାନ୍, ହେଦାଂ କାଜିଂ ପା ଆପେଂ ନିତ୍ରେ ମି କାଜିଂ ପାର୍ତାନା କିନାପା; ୧୨ ତା ଆତିସ୍ ମା ଇସ୍‌ବର୍ ଆରି ମାପୁ ଜିସୁ କ୍ରିସ୍ତତି ଦୟା ଲାକେ ମା ମାପୁ ଜିସୁତି ତର୍ ମିତାକେ ଜାଜ୍‌ମାଲ୍‌ତ ଆନାଡ଼ ଆରେ ଏପେଙ୍ଗ୍ ତା ତାକେ ଜାଜ୍‌ମାଲ୍ ଆନାଦେର୍ ।

୨

ବାନ୍ୟା କାମାୟୁ କିନାକାନ୍

^୧ *ଏ ଟଣ୍ଡାର, ଆରି ତଣ୍ଡେକ୍ ମା ମାପୁ ଜିସୁ କ୍ରିସ୍ଟି ଖାନିଦିନ୍ ଆରି ହେଖାନ୍ତି ଲାଗାଂ ତା ତାକେ ମା ରୁଣ୍ଡାନ୍ ବିସ୍ତେ ମିଙ୍ଗେଙ୍ଗ୍ ଗଞ୍ଜାରି କିଦ୍‌ନାପା, ^୨ ମାପୁତି ଦିନ୍ ଏକା ଖାତାତେ ଇଞ୍ଜି ଏପେଙ୍ଗ୍ ଇମ୍‌ଣି ଖାସ୍‌ନି କାତା କି ମାହୁଦାଂ ଲେକାତାତ୍‌ନା ଇଞ୍ଜି ବାବି କିଜି ଇମ୍‌ଣି ଚିଟି ହୁଦାଂ ବେଗି ଏନେତେନେ କି ଗାବ୍‌ରା ଆମାଟ୍ । ^୩ ଇନେର୍ ଇମ୍‌ଣି ବାନି ମିଦାଂ ବାମ୍‌ଣ୍ଡାନାକା ଜଲମ୍‌କିଦ୍‌ଖାଦାଂ, ଇନାକିଦେଂକି ପର୍ତ୍ତୁମ୍ ହାରିହାରା ଦରମ୍ ପିହ୍‌ନାକା ଗିଟାନାଡ୍, ଆରେ ନାସ୍‌ନି ହିମ୍‌ଣା ହେ “ବାନ୍ୟା ମାନାୟୁ” ଚଞ୍ଜାନାକା ଲଡ଼ା; ଆଞ୍ଜିତିସ୍ ମାପୁ ଦିନ୍ ଏକାଖାଉଡ୍ । ^୪ ହେଖାନ୍ ହେ ଦାରୁମ୍ ହିଲ୍‌ଞ୍ଜି ମାନାୟୁ ଜେ ଦୁକ୍‌ନିକାନ୍ ଇସ୍‌ବ୍‌ରତି ବେରୁ କିନାନ୍, ଝିଜାର୍‌ତାଂ ଜାର୍‌ତିଂ ଆଦିକ୍ ଖାରି କିନାନ୍ ଇନେସ୍‌କି ଇସ୍‌ବ୍‌ରତି ମନ୍ଦିରତ କୁଚ୍‌ତି ହେଖାନ୍ ଜାର୍‌ତିଂ ଇସ୍‌ବ୍‌ର ଇଞ୍ଜି ଚଞ୍ଜୟା ଆନାନ୍ ।

^୫ ଆନ୍ ମି ଲାହାଂ ମାନିଞ୍ଜେଡାଲିଂ ଇ ସବୁ ବିସ୍ତେ ଜେ ମିଙ୍ଗେଙ୍ଗ୍ ରଗତିଂ ରଗ ଖେଚ୍‌ଚି ମାନସ୍ତାଙ୍ଗ୍, ହେଦାଂ ଇନାକା ମି ଏଡ୍ ହିଲୁଡ୍ ? ^୬ ଆରେ ହେଖାନ୍ ଦାରୁମ୍ ହିଲ୍‌ଞ୍ଜି ମାନାୟୁ ସମାନ୍ ସମୁତ ଚଞ୍ଜୟା ଆଦେଂ କାଜିଂ ଇନାକା ବାଦା ହିଦ୍‌ନାତା, ହେଦାଂ ଏପେଙ୍ଗ୍ ପୁନାଦେର୍ । ^୭ ଇନାକିଦେଂକି ବାନ୍ୟା ତ୍ତୁତି କାତା ନଙ୍ଗୟ ପା କାମାୟୁ କିନାତା, ବାଦା ହିନି ମାନାୟୁ ହାଲ୍‌ଞ୍ଜି ପାତେକ୍ ହେଦାଂ କାମାୟୁ କିଜି ମାନାଡ୍ । ^୮ ହେ ଏତେକାଡ୍‌ଦ ହେ ଅଦାମ୍ ମାନାୟୁ ଚଞ୍ଜୟାନାନ୍, ତାଙ୍ଗେଙ୍ଗ୍ ମାପୁ ଜିସୁ ଜାର୍ ଖେଇନି ପୁଣ୍ଡା ହୁଦାଂ ଅହ୍‌ନାନ୍ ଆରି ଜାର୍ ଖାନାକା ହପ୍‌ନି ହୁଦାଂ ନାସ୍ କିନାନ୍ । ^୯ ସୟ୍‌ତାନ୍ ସାଲ୍ଲି ଲାକେ ଝିଲୁ ବାନି ମିଚ୍ ସାଲ୍ଲି, ଚିନ୍, ଆରି କାବାନି କାମାୟୁ, ଆରେ ନାସ୍ ବାହାନ୍ ଲାଗେ ଝିଲୁ ବାନିନି ଅଦାମ୍ ଟକାୟୁକିନି ହୁଦାଂ ହେ ଅଦାମ୍ ମାନାୟୁତି ଖାନାକା ଆନାଡ୍, ^{୧୦} ଇନେକିଦେଂ ଅଦାମ୍ ର୍ ମୁଲ୍ଲି ପାୟାଦେଂ ହେଖାର୍ ହାଡ୍‌ପା କାଜିଂ ଜିଉନନାକା ପାୟା ଆଖାତାଣ୍ଡା । ^{୧୧} ଆରେ, ଇଦାଂ କାଜିଂ ହେଖାର୍ ଇନେସ୍ ମିଚ୍‌ତ ପାତ୍ କିନାର୍, ହେଦାଂ କାଜିଂ ଇସ୍‌ବ୍‌ର ହେଖାଚ୍‌ଚି ଲାଗାଂ ବାମ୍‌ତାନାକା ସାଲ୍ଲି ପକ୍‌ତାତାନ୍ନା, ^{୧୨} ଇନେସ୍‌କି ଇମ୍‌ଣାକାର୍ ହାଡ୍‌ପାତିଙ୍ଗ୍ ପାତ୍ କିଞ୍ଜାଦାଂ ଅଦାମ୍ ତ କାମାୟୁତ ସାରି ଆତାଣ୍ଡା, ହେଖାର୍ ଝିଜାର୍ ତାଣ୍ଡି ଲକୁ ଆନାର୍ ।

ଏପେଙ୍ଗ୍ ମୁକ୍‌ତାନାକା କାଜିଂ ବାଚିକିୟାତାଦେଣ୍ଡା

^{୧୩} ମତର୍, ଏ ମାପୁତି ଜିଉନନି ଟଣ୍ଡାର, ଆରି ତଣ୍ଡେକ୍ ମି କାଜିଂ ସବୁଞ୍ଜେଡାଙ୍ଗ୍ ଇସ୍‌ବ୍‌ରତିଂ ଜୁଞ୍ଜାର୍ ହିନାକା ମା ଲଡ଼ା, ଇନାକିଦେଂକି ଇସ୍‌ବ୍‌ର ଜିଉନତିଂ ପୁଇପୁୟା ଆରି ହାଡ୍‌ପାତ ପାତ୍ କିନାକା କାଜିଂ ମୁକ୍‌ତା ଆଦେଂ କାଜିଂ ମିଙ୍ଗେଙ୍ଗ୍ ପର୍ତ୍ତୁମ୍ ବାଚି କିଡ୍‌ତାନ୍ନା; ^{୧୪} ହେଦାଂ କାଜିଂ ପା ହେଖାନ୍ ମା ନେକ୍‌କାରୁର୍ ହୁକେ ମା ମାପୁ ଜିସୁ କ୍ରିସ୍ଟି ଜାଜ୍‌ମାଲ୍ ପାୟାନ୍ କାଜିଂ ମିଙ୍ଗେଙ୍ଗ୍ କୁକ୍‌ତାତାଂନା । ^{୧୫} ଲାଗିଂ, ଏ ଟଣ୍ଡାର, ଆରି ତଣ୍ଡେକ୍ ତିର୍ ମାନାଟ୍, ଆରେ ମା କାତା କି ଚିଟି ହୁଦାଂ ଏପେଙ୍ଗ୍ ଇମ୍‌ଣି ହିକ୍ୟା ପାୟାତାଦେଣ୍ଡା, ହେ ସବୁ ଆସ୍ତି ମାନାଟ୍ ।

^{୧୬} ଆପ୍ ନିଜେ, ମାପୁ ଜିସୁ କ୍ରିସ୍ଟି ଆରେ ମା ଇମ୍‌ଣି ଆବା ଇସ୍‌ବ୍‌ର ମାଙ୍ଗେଙ୍ଗ୍ ଜିଉନଜି ଦୟାତ ମାଙ୍ଗେଙ୍ଗ୍ ଝିଲ୍‌ଞ୍ଜି ଦୁକ୍‌ସାରାୟୁ କିଜି ଆରି ହାଚ୍‌ଦି ଆହା ହିଡ୍‌ନା, ^{୧୭} ହେଖାନ୍ ନିଜେ ମିଙ୍ଗେଙ୍ଗ୍ ମାନ୍‌ତିଂ ଦୁକ୍‌ସାରାୟୁ କିଜି ଝିଲୁ ହାଚ୍‌ଦି କାମାୟୁ ଆରି କାତାତ ଆର୍‌ଞ୍ଜା କିଦେନ୍ ।

୩

ମା କାଜିଂ ପାର୍ତାନା କିୟାଟ୍

^୧ ଏ ଟଣ୍ଡାର, ଆରି ତଣ୍ଡେକ୍ ମା କାଜିଂ ପାର୍ତାନା କିୟାଟ୍, ଇନେସ୍ ମାପୁତି କାତା ମି ବିତ୍ରେ ଇନେସ୍ ଲାକେ, ହେ ଲାକେ ନିତ୍ରେ ବେଗି ମେଙ୍ଗ୍‌ଜି ଜାଜ୍‌ମାଲ୍ ପାୟାନାଦେର୍, ^୨ ଆରେ, ଇନେସ୍ ଆସେଙ୍ଗ୍ ବାବି କିଞ୍ଜି ଲକୁ ଆରି ଚାପ୍‌ବାର୍‌ତାଂ ରାକ୍ୟା ପାୟାନାସ୍, ଇନାକିଦେଂକି ଝିଜାକାତ୍ ପାତ୍ ହିଲୁଡ୍ ।

^୩ ମତର୍ ମାପୁ ପାତ୍ କିନାନ୍, ହେଖାନ୍ ମିଙ୍ଗେଙ୍ଗ୍ ତିର୍ କିଜି ସୟ୍‌ତାନ୍‌ତାଂ ରାକ୍ୟା କିଦ୍‌ନାନ୍ । ^୪ ଆସେଙ୍ଗ୍ ଇମ୍‌ଣି ସବୁ ବଲ୍ ହିଡ୍‌ତାନ୍, ହେ ଝିଲୁ ଜେ ଏପେଙ୍ଗ୍ କିନାଦେରା ଆରି କିନାଦେର୍, ଇଦାଂ ମି ବିତ୍ରେ ମାପୁତାକେ ମା ବାସ୍ ।

^୫ ଆରେ ମାପୁ ମି ମାନ୍‌ତିଂ ଇସ୍‌ବ୍‌ରତି ଜିଉନନାକା ଆରି କ୍ରିସ୍ଟି ସାସ୍‌ଲାକେ ହାଜିଡ୍ ହାଞ୍ଜେଙ୍ଗ୍ କିୟକିଏନ୍ ।

ଝିଜାର୍ କାମାୟୁ କିନି ଲଡ଼ା

^୬ ଏ ଟଣ୍ଡାର, ଆରି ତଣ୍ଡେକ୍ ମା ମାପୁ ଜିସୁ କ୍ରିସ୍ଟି ତରଦ ଆପେଂ ମିଙ୍ଗେଙ୍ଗ୍ ଇ ବଲ୍ ହିଦ୍‌ନାପା, ଇମ୍‌ଣାକାର୍‌ପା ଟଣ୍ଡେନ୍ ମା ତାଙ୍ଗ୍ ପାୟାତି ହିକ୍ୟା ଇସାପ୍‌ରେ ଚିନ୍ତା କିଞ୍ଜାଦାଙ୍ଗ୍ ଆଡ୍‌ସିୟା ଚିନ୍ତା କିନାନ୍, ତା ତାକେଣ୍ଡାଂ ଜାର୍ ଜାର୍‌ତିଂ ବିନେ କିୟାଟ୍ । ^୭ ଇନାକିଦେଂକି ଇନେସ୍ ମାଙ୍ଗ୍ ପାଚେହାଲ୍‌ଜି ମିଦାଂ ଆନାଡ୍, ହେଦାଂ ଏପେଙ୍ଗ୍ ନିଜେ ପୁନାଦେରା; ଲାଗିଂ ଆସେଙ୍ଗ୍ ମି ବିତ୍ରେ ଆଡ୍‌ସିୟା ଚିନ୍ତା କିଞ୍ଜାଦାଂ ମାଚାପ୍, ^୮ କି ମଲ୍‌ହିଲ୍‌ଞ୍ଜାଦାଂ ଇନେର୍‌ତି ଆରାଣ୍ ତିନ୍‌ଞ୍ଜାଦାଂ ମାଚାପ୍ ଲାଗିଂ ମି ବିତ୍ରେ ଇନେର୍‌ତି ବଜ୍‌ଲାକେ ଆଞ୍ଜିକାଜିଂ ବେସିକସ୍ ଆରି ଦୁକ୍ ହୁଦାଂ ଝେଡାନାଣା କାମାୟୁ କିଜି ମାଚାପ୍; ^୯ ମି ତାଙ୍ଗ୍ ଅଲପ୍

* ୨:୧ ୨:୧ ୧ ତେସ୍‌ଲନିକି ୪:୧୫-୧୭.

ଅନାକା ଜେ ମା ଆଦିକାର ହିଲୁଡ଼, ହେଦାଂ ଆକାୟ, ମତର୍ ଇନେସ୍ ଏପେଙ୍ଗ୍ ମା ପାଚେ ଖାଡୁ; ଇଦାଂ କାଜିଂ ଆପେଂ ମି ଲାଗେ ଜାର୍ ଜାର୍ତି ହାର୍ କିଜି ଚଚ୍ଚେଦେଂ କାଜିଂ ହେ ଲାକେ କିତାପ୍ । ୧୦ ଇନାକିଦେଂକି ମି ଲାହାଂ ମାନିହିଂ ନେ ଆପେଂ ମିଙ୍ଗେଙ୍ଗ୍ ଇ ବଲ୍ ହିଡ଼ତାପ୍, “ଇମ୍‌ଣାକାନ୍ କାମାୟ୍ କିଦେଙ୍ଗ୍ ମାନ୍ କିଉନ୍, ହେଞ୍ଜାନ୍ ତିଞ୍ଜେଙ୍ଗ୍ ପା କାମେନ୍ ।

୧୧ ଲାଗିଂ ମି ବିତ୍ରେ ଇନେର୍ ଇନେର୍ ଆଡ଼ସାୟ୍ ଚିନ୍ତା କିନାରା ଆରି ଇମ୍‌ଣାକା କାମାୟ୍ ଦୁକ୍‌ହିନାକା ବିପ୍ରି ଆନାରା ଇଞ୍ଜି ଆପେଂ ଖେନାପା । ୧୨ ଇ ବାନି ମାନାୟାରିଂ ସୁସ୍ତା ବାବ୍ରେ କାମାୟ୍ କିଜି ଜାର୍ ଜାର୍ତି ଆରାଣ୍ ତିଞ୍ଜେଙ୍ଗ୍ ଆପେଂ ମାପୁ ଜିସୁ କ୍ରିସ୍ଟି ତର୍ଦ୍ଦ ବଲ୍ ଆରି ଗଞ୍ଜାରି ଚେଡ଼ନା ହିଦ୍‌ନାପା ।

୧୩ ଏ ଚଣ୍ଡାର୍, ଆରି ତଣ୍ଡେକ୍ ହାଡ଼ପା କାମାୟ୍ କିନିତାକେ ଏପେଙ୍ଗ୍ ଖାହ୍‌ମାଟ୍ । ୧୪ ଆରେ ଏଚେକାଡ଼୍ ଇନେର୍ ଇ ଚିଚିତ ଲେକିକିତି ମା କାବୁର୍ ମାନିକିଉନ୍, ଖାଟିଙ୍ଗ୍ ହେ ଲଗାଂ ଚିନି କିଜି ଇଟାଟ୍, ଆରେ ହେଞ୍ଜାନ୍ ଇନେସ୍ ଲାଜ୍ କୁଗାନାନ୍, ଇଦାଂ କାଜିଂ ତା ଲାହାଙ୍ଗ୍ ମେହାମାଟ୍; ୧୫ ଆତିସ୍‌ପା ତାଙ୍ଗେଙ୍ଗ୍ ସାତୁ ଇଞ୍ଜି ବାବି କିମାଟ୍, ମତର୍ ତାଙ୍ଗ୍ ଚଣ୍ଡେନ୍ ଇଞ୍ଜି ବାବି କିଜି ଚେଡ଼ନା ହିୟାଟ୍ ।”

ହାରିହାରା କାତା

୧୬ ସୁସ୍ତାହିଦ୍‌ନି ମାପୁ ନିଜେ ମିଙ୍ଗେଙ୍ଗ୍ ନିତ୍ରେ ଆରି ସବୁ ବାନି ସୁସ୍ତା ହିଦେନ୍ । ମାପୁ ମି ଓଜାଦେରିଂ ଆୟେଡ଼ ।

୧୭ ଆନ୍ “ପାଉଲ୍ ନା ନିଜେ କେଇଦ ଲେକିକିଜି ଜୁଞ୍ଜାର୍ ଜାଣାୟ୍‌କିଦ୍‌ନାଙ୍ଗା; ଓଜୁ ଚିଚିତ ଇଦାଂ ଚିନ୍ ଲାକେ, ଆନ୍ ଇଦାଂ ଲେକିକିତାଂନା ।

୧୮ ମା ମାପୁ ଜିସୁ କ୍ରିସ୍ଟି ଦୟା ମି ଓଜାଦେର୍ ଲାହାଂ ଆଏଡ଼ ।”

ତିମତି ନିକଟକୁ ପ୍ରେରିତ ପାଉଲଙ୍କ ପର୍ଯ୍ୟନ୍ତ ପତ୍ର ତିମତି ଲାଗାଂ ପକ୍ୟାତି ପାଉଲ୍‌ତି ପର୍ତ୍ତୁମ୍ ଆକି ପର୍ତ୍ତୁମ୍ ତିମତି ପତି ବିସ୍ତେ ପାଦେକ୍

ପର୍ତ୍ତୁମ୍ ତିମତି ପତି ର ଆକି, ପକ୍ୟାତି ପାଉଲ୍‌ତାଂ ତା ଚେଲା ତିମତିଂ ଲେକା ଆତାଡ଼ନ୍ନା । ପର୍ତ୍ତୁମ୍ ତିମତି ଆଜି ମାନଗାନାଡ଼ ୬୨-୬୪ କ୍ରିଷ୍ଟି ଜଲମ୍ ପାଚେ ଲେକା ଆତାଡ଼ନ୍ନା । ଆଜି ମାନଗାନାଡ଼ ଇଦାଂ ଆଜି ମାନଗାନାଡ଼ ପାଉଲ୍‌ତି ଜିବୁନ୍‌ନି ହାରିହାରା ସମ୍ମୁ ଆନାଡ଼ । ପାଉଲ୍‌ତି ହାଙ୍ଗଦାକାନ୍ ତିମତି ବେସି ମେହାଣ୍ ମାଚାଡ଼, ହେଞ୍ଜାନ୍ ବେସି ଖେଡ଼ାଲିଂ ତିମତିଂ ମାଜି ଇଞ୍ଜି ଇଞ୍ଜି ମାଚାନ୍ ପିଲିପିୟ ୨:୨୨ ୧ ତିମତି ୧:୨୧:୧୮ । ଇଦାଂ ପାଉଲ୍‌ତି ହୁଦାଂ ଲେକାତି ଚାରି ଗଟା ନିଜାର ଅଲ୍‌ଗା ପତିଂ ବିତ୍ରେ ଇଦାଂ ରଞ୍ଜାଙ୍ଗ୍ ଇମେତାକେ କି ମଣ୍ଡଲି ପିସ୍ତୁ ରଞ୍ଜାନ୍ ମୁଣିକାତି ଜାଣା କିନାନ୍ । ବିନ୍ ତିମ୍‌ଗଟା ପତିଂ ଜେତି ତିମତି, ତିତସ୍, ଆରି ପିଲିମନ୍ ଆନାଡ଼ । ପର୍ତ୍ତୁମ୍ ତିମତି ମଣ୍ଡଲିନି ଆଦେକ୍ ହେବା କିନି ଦାରା ବିସ୍ତେ ମାନାଡ଼ ୨:୧-୫ । ଇବେ ମଣ୍ଡଲିନି ନେତାର୍‌ତି ସାକ୍ତି ବିସ୍ତେ ହୁଡ଼ନାସ୍ ୩:୧-୧୩ ଆରି ମିର୍ ଗୁରୁରତି ବିରୁଦ୍‌ତ ଜାଗ୍ରତ୍ ଇନାକା ମନାଡ଼ ୧:୩-୧୧୪:୧-୫୭:୨-୫ ମଣ୍ଡଲି ବିତ୍ରେ ତିମତି ଇନେସ୍ ବାନି ରଞ୍ଜାନ୍ ନେତା ଆନି ଲଡ଼ା ହେଦାଂ ପାଉଲ୍‌ ହିକ୍ୟା ହିନି ବିସ୍ତେ ଚନ୍‌ନାନ୍ । ପର୍ତ୍ତୁମ୍ ତିମତିତ ନଂନି ନାଟିନି ମଣ୍ଡଲିନି କାମାୟ ଚାଲାୟକିନି କାଜିଂ ମା ଜୁଗ୍‌ନି ମଣ୍ଡଲିନି ନେତାରିଂ ଆଦିକ୍ ବେସି ମୁଡ଼ ହପ୍‌ନାକା ଆହ୍‌ନାଡ଼ ।

୧ ତିମତି ପତି ବିସ୍ତେନି ରାହାଣ

- ୧ ପାଉଲ୍‌ ତିମତିଂ ବାନ୍ଦାୟ କିଜି ଲେକା ହାଙ୍ଗ୍‌ତାନ୍ନା । ୧:୧-୨
- ୨ ପାଉଲ୍‌ ତିମତିଂ ମିର୍ ଗୁରୁର୍ ବିରୁଦ୍‌ତ ଜାଗ୍ରତ୍ କିନାନ୍ । ୧:୩-୧୧
- ୩ କ୍ରିଷ୍ଟୁ ତାକେ ପାଉଲ୍‌ତି ଖାରିକିଜି ଆକି ଲେକି କିତାନ୍ । ୧:୧୨-୧୯
- ୪ ପାଉଲ୍‌ ମଣ୍ଡଲିନି ହେବାକାମାୟ ଆରି ନେତାର୍‌ତି ବିସ୍ତେ ତିମତିଂ ଟାଣ୍ଡନାନ୍ । ୨:୩
- ୫ ପାଉଲ୍‌ ତିମତିଂ ଏଚେଗଟା ହାରିହାରା ଟାଣ୍ଡି ଲେକା ଷ୍ଟିୟାନ୍ । ୪:୭

୧ ଆନ୍ ପାଉଲ୍‌, ମାଙ୍ଗ୍ ମୁକ୍ତିକିଦ୍‌ନି ଇସ୍‌ବ୍ ଆରି ବାସ୍‌ନି ଆହା କ୍ରିଷ୍ଟୁ ଜିସ୍ତୁଙ୍ଗ୍ ବଲ୍ ଇସାପରେ କ୍ରିଷ୍ଟୁ ଜିସ୍ତୁତି ରଞ୍ଜାନ୍ ପକ୍ୟାତାକାନ୍, ୨ *ପାତ୍‌ ଡ଼ ଜାର୍ ଦରମ୍ ମାଜି ତିମତି ଲାଗାଂ ଆକି ଲେକିକିନାଙ୍ଗା, ଆବା ଇସ୍‌ବ୍ ଆରି ମା ମାପୁ କ୍ରିଷ୍ଟୁ ଜିସ୍ତୁତାଂ ଉପ୍‌କାର୍, ଦୟା, ଆରି ସୁସ୍ତା ମି କାଜିଂ ଆଏଡ଼ ।

ବୁଲ୍‌କାୟକିନି ହିକ୍ୟା କାଜିଂ ଜାଗ୍ରତ୍

୩ ଆନ୍ ମାକିଦନିଆତ ହାନିହିଙ୍ଗ୍ ନିଙ୍ଗେଙ୍ଗ୍ ଇନେସ୍‌କି ଗଞ୍ଜାରି କିଜି ମାନଚାଙ୍ଗ୍, ହେ ଲାକେ ଏପେଙ୍ଗ୍ ଏପିସିତ ମାନାଟ୍ । ହେବେ କେତେଜାଣ୍ ବୁଲ୍ ହିକ୍ୟା ହିନାରା । ହେଞ୍ଜାରିଂ ବନ୍ଦ୍ କିୟାଟ୍ ଇନାଟ୍ । ୪ କି ହାନ୍ଦାୟ କାତା ଆରି ଷ୍ଟିଙ୍ଗ୍ ଲାତ୍ରାଟ୍‌ତି ମାନଦ୍ୟାନ୍ କିଡ଼ର୍, ଇଦାଂ କାଜିଂ ହେଞ୍ଜାରିଂ ବଲ୍ ହିୟାଟ୍; ହେ ଷ୍ଟିଙ୍ଗ୍ ପାତ୍ ବିସ୍ତେ ଇସ୍‌ବ୍‌ତି କାମାୟନି ଉପ୍‌କାର୍ ଆଞ୍ଜାଦାଙ୍ଗ୍ ନଲେ ଜିକାଟାଣା ଉବ୍‌ଜାୟ କିନାଟ୍ । ୫ ମାତର୍ ହାର୍‌ଦି ମାନ୍, ସକଟ୍ ବାବ୍‌ନା ଆରି କାପ୍‌ଟିୟା ପାତ୍ ତାଂ ହଡ଼ତି ଇମ୍‌ଣି ଜିଉନନାକା, ଜାଗ୍ରତ୍ କିଦେଂ ଆନ୍ ଇ ହିକ୍ୟା ହିନାଙ୍ଗା । ୬ ହେଦାଂ ମସାତି ବିଦିନି ଇସାବ୍ ଆନାଡ଼; ଇନେ ଇନେର୍ ଇସ୍‌ବ୍ ବିସ୍ତେ କାଜିଂ ଇଟ୍‌କାଡ଼ ହୁଡ଼ଞ୍ଜାଦାଙ୍ଗ୍ ଆହାର୍ କାତାତ ଆହା ଆଜି ହାଜି ବାଣାନାରା । ୭ ହେଞ୍ଜାର୍ ବିଦିତ ଗୁରୁ ଆଦେଙ୍ଗ୍ ଇଚା କିତାର୍, ମାତର୍ ଇମ୍‌ଣି ବିସ୍ତେ ଆଟ୍‌ଞ୍ଜା ହିକ୍ୟା ହିନାର୍, ହେଦାଂ ନିଜେ ବୁଜାଆଉର୍ ।

୮ ଆପ୍ ପୁନାପ୍ ଜେ, ବିଦି ସମାନ୍ ବାବ୍ରେ ପାଲି କିଡିସ୍, ହେଦାଂ ହାର୍ । ୯ ମାତର୍ ବିଦି ଅଦାମ୍ ଆରି ପାପିୟା, ବିଟାଡ଼ ଆରି ଦୟା ହିଲ୍‌ଞ୍ଜାକାନ୍, ଆବାଙ୍ଗ୍ ଅହ୍‌ନାକାନ୍ ଆରି ଆୟାଙ୍ଗ୍ ଅହ୍‌ନାକାନ୍, ନାର୍‌ଅହ୍‌ନାକାନ୍, ଦାରି, ମୁଟିଇଡିନାକାନ୍, ମାନାୟ ଚର୍, ମିର୍ ଇନାକାର୍ ଆରି ମିର୍ ପାର୍‌ମାଣ୍ କିନାକାର୍ କାଜିଂ, ଆରେ ହାର୍‌ଦି ହିକ୍ୟାନି ଉଲ୍‌ଟା ଜେ ଇମ୍‌ଣାକା ବିସ୍ତେ ମାନାଡ଼ ହେଦାଂ କାଜିଂ ଜେ ସମାନ୍ ଆତାନ୍ନା, ୧୦ ଇଦାଂ ପୁନଞ୍ଜି ଜଦି ଇନେର୍ ବିଦିନି ହାର୍‌ଦି ବେବାର୍ କିନାନ୍, ତେବେ ହେଦାଂ ଜେ ହାର୍‌ଦାକା, ଇଦାଂ ଆପ୍ ପୁନାପ୍, ୧୧ ଇଦାଂ ତ ନା ତାକେ ହେଲାୟ କିୟାତାଡ଼ନା ହାର୍‌ଦାକା ଦନ୍‌ସ ଇସ୍‌ବ୍ ଜାଜ୍‌ମାଲ୍ ନେକ୍ରିକାରୁର୍ ସୁଣାୟ କିନି ହିକ୍ୟା ହୁକେ ଆନାଡ଼ ।

ଇସ୍‌ବ୍ ଦୟା କାଜିଂ ଜୁଆର୍

୧୨ ମାଦାଙ୍ଗ୍ ଇମ୍‌ଣି ମାପୁ କ୍ରିଷ୍ଟୁ ଜିସ୍ତୁ ନାଙ୍ଗେଙ୍ଗ୍ ସାକ୍ତି ହିଡ଼ତାନ୍‌ନା, ତାଙ୍ଗେଙ୍ଗ୍ ଆନ୍ ଜୁଆର୍ କିନାଙ୍ଗା ଜେ, ହେଞ୍ଜାନ୍ ନାଙ୍ଗେଙ୍ଗ୍ ପାତ୍ କିଜି ହେବାକାର୍‌ୟା ପାଦ୍‌ତ ବାଟି କିଡ଼ତାନ୍‌ନା, ୧୩ ଆତିସ୍‌ପା ଆନ୍ ଆଗେ ନିନ୍ଦାନିକାଙ୍ଗ୍, କସ୍‌ହିନାକାନ୍

☆ ୧:୨ ୧:୨ ପକ୍ୟାତାକା ୧୭:୧.

ଆରି ହରବରକିନାକାଂ ମାତାଂ; ମାତର ଆନ୍ ପାତର୍ କିଞ୍ଜାକା ହୁକେ ଗିଆନ୍ ହିଲ୍ଫି ଲାକେ ହେଦାଂ କିଜି ମାତାଙ୍ ଇଞ୍ଜି ଦୟା ପାୟାତାଙ୍; ୧୪ ଆରେ, ମା ମାପୁତି ଦୟା କ୍ରିସ୍ଟ ଜିସୁତି ଲାହାଙ୍ ପାତର୍ ଆରି ଜିଉନନାକା ହୁଦାଂ ନା କାଜିଂ ବେସି ଆତାତ୍; ୧୫ ପାପିୟାରିଙ୍ ମୁକ୍ତି କିନି କାଜିଂ କ୍ରିସ୍ଟ ଜିସୁ ଜେ ପୁତର୍ ତ ଜୁଡ଼ତାନ୍, ଇ କାତା ପାତର୍ ଆରି ଇଟ୍ଟୟାନିଜଗ୍; ହେ ପାପିୟାର ବିତ୍ରେତାଂ ଆନ୍ ମୁଡ଼ଦାକାଂ । ୧୬ ଆତିସ୍ପା ଇମ୍ଫାକାର୍ ଖାନିଦିନ୍ତ କାଡ଼ଦ୍ ଓଡ଼ିଓ ଜିରୁନ୍ ପାୟା ଆନି କାଜିଂ ଜିସୁ କ୍ରିସ୍ଟତାକେ ପାତର୍ କିତାର୍, ହେଞ୍ଜାର୍ ତାକେ ଉତରମୁଡ଼ ଲାକେ ଆନି କାଜିଂ ମୁଡ଼ଦି ପାପିୟା ଜେ ଆନ୍, ନା ତାକେ ହେଞ୍ଜାନ୍ ଇନେସକି ଜାର୍ ବାତର୍ ଦୟା କିଦନାନ୍, ଇଦାଂ କାଜିଂ ଆନ୍ ଦୟା ପାୟା ଆତାଂ । ୧୭ ଜିରାଓ୍, ଚଞ୍ଜିୟାଆଓ୍, ରଞ୍ଜାନ୍ ମତର ଇସ୍ପର ଜେ ଓଡ଼ିଓ କାଡ଼ନି ରାଜା, ତା ପାଣ୍ ଆରି ଜାଜମାଲ୍ ଜୁଗ୍ ଜୁଗ୍ ଆସଡ଼ । ଆମେନ୍ ।

୧୮ ଏ କାଡ଼ଦେ ତିମତି, ନି ବିସ୍ତେ ପୁର୍ବେ ଇ ଓଡ଼ିଓ ବେଶ୍‌ବାକ୍‌ଶାୟକିନି ହୁଦାଂ ଆନ୍ ନିକ୍ଷେଙ୍ ଇ ବଲ୍ ହିଦନାଙ୍, ଇନେସକି ଏପେଙ୍ ହେ ସବୁ ବେଶ୍‌ବାକ୍‌ଶାୟକିନାକା ଉପକାରତାଂ ହାରଦାଂ ଜୁଜ୍ କିଦେଙ୍ ଆଡ଼ନାଦେର; ୧୯ ପାତର୍ ଆରି ହାରଦି ଚିନ୍ତା ସାକ୍ତି ଆସ୍ତି ଇଟାଟ୍; ହେଦାଂ ପିସ୍ତିଲେ କେତେଜାଣ୍ତି ପାତର୍ ବାଙ୍ଗାଆତାତ୍; ୨୦ ହେଞ୍ଜାର୍ ବିତ୍ରେତାଂ ହୁମନାୟ ଆରି ଆଲେକ୍‌ଜାଣ୍ଡର ରିକାର୍; ଇଞ୍ଜାର୍ ଇନେସ୍ ସାସନ୍ ପାୟା ଆଜି ଇସ୍ପର ନିୟା କିଉର, ଇଦାଂ କାଜିଂ ଆନ୍ ଇଞ୍ଜାରିଙ୍ ସୟତାନ୍ କେଇଦ ହେଲାୟ କିତାଂ ।

୨

ମଣ୍ଡଲିତ ପାର୍ତନା କିନି ବିଦି

୧ ଆନ୍ ପର୍ତୁମ୍ ଗଞ୍ଜାରି କିନାଙ୍, ପାର୍ତନା କିନିଞ୍ଜେତାଂ ଓଡ଼ିଜାର୍ କାଜିଂ ଇସ୍ପରତି ତାକେ ପାର୍ତନା କିୟାଟ୍, ପାର୍ତନା, ଗଞ୍ଜାରି, ଦନ୍ୟବାଦ୍ ଞ୍ଜେଟାଟ୍ । ୨ ବିନ୍‌ବିନ୍ ରାଜା ଆରି ସାସନ୍‌କାରିୟା ଆରେ ସବୁ ସାଦୁର କାଜିଂ ଇସ୍ପରତିଂ ପାର୍ତନା, ଗଞ୍ଜାରି ଆରି ଦନ୍ୟବାଦ୍ ଜାଣାୟ କିନାଦେର, ଆପେଂ ଇନେସ୍ ଇସ୍ପର ଦିୟାନ୍ତ ପାଣ୍ଡା ଆଉପ୍ ଆରି ବିନେନିକାର୍ କାଜିଂ ସବୁଞ୍ଜେଡ଼ାଙ୍ ସୁକ୍ ସୁସ୍ତାତ ଜିରୁନ୍ ଜିପକା କିଦେଙ୍ ଆଡ଼ନାପ୍ । ୩ ଇ ବାନି ପାର୍ତନା ମା ମୁକ୍ତି କିଡ଼ତାକାନ୍ ଇସ୍ପତର୍ କାଣ୍‌କ୍ରୁତ ହାର୍ ଆରି ଇଟ୍ୟାନାକା । ୪ ଓଡ଼ିଜାର୍ ଇନେସ୍ ମୁକ୍ତି ଆନାର୍ ଆରି ହାଡ଼ପା ବିସ୍ତେ ଗିୟାନ୍ ପାୟା ଆନାର୍, ଇଦାଂ ହେଞ୍ଜାନ୍ ମାନ୍ କିନାନ୍ । ୫ ଇନାକିଦେଂକି ରଞ୍ଜାନ୍ ମତର ଇସ୍ପର ମାନାନ୍, ଆରେ ଇସ୍ପର ଆରି ମାନାୟାର ବିତ୍ରେ ରଞ୍ଜାନ୍ ମତର ମାଦ୍‌ଶାକାନ୍ ମାନାନ୍, ହେଞ୍ଜାନ୍ ଆନାନା ମାନାୟ ଜିସୁ କ୍ରିସ୍ଟ; ୬ ଜିସୁ ଓଡ଼ିଜାକାତର୍ ମୁକ୍ତାନି ମଲ୍ ଲାକେ ଜାରତିଙ୍ ଦାନ୍ କିଜି ସମାନ୍ ଖାଡ଼ାଲିଙ୍ ହେବେନି ସାକି ହିତାନ୍ନା । ୭ ହେଦାଂ କାଜିଂ ଆନେଙ୍ ରଞ୍ଜାଙ୍ ସୁଶାୟ କିନାକାଙ୍, ପକ୍ୟାତାକାନ୍, ଆରେ ପାତର୍ ଆରି ସଡ଼ ବିସ୍ତେ ପାତର୍ କିଓ୍ ଜିହୁଦିରତ ରଞ୍ଜାଙ୍ ଗୁରୁ ଲାକେ ବାଟିକିୟା ଆତାଂନା, ଆନ୍ ହାଡ଼ପା ଇଞ୍ଜନାଙ୍, ମିର୍ ଇଞ୍ଜୁଙ୍ ।

୮ ଆନ୍ ଇଚା କିତିସ୍ ଜେ ପାର୍ତନାତ ପୁଇପୁୟା କେଇ ଲାମାୟ କିଜି ଓଡ଼ିଜାର୍ ମାନାୟାର ପାର୍ତନା କିସ୍, ମାତ୍ର ଓଡ଼ିଓ ବାନି କାକ୍ତି ଆରି ତାରାନାକା ପିହାଟ୍ । ୯ ହେ ଲାକେ ପା କଗ୍‌ଲେ ହିମ୍‌ଶାକାଂ କହାବଲିଂ ଗାର୍‌ମେକ୍ ଆରି ହନା କି ମୁକ୍ତା କି ଦାମ୍‌ନି ହେନ୍ଦାତ ଜାର୍ ଜାର୍ତିଂ ଗାଡ଼ିକିଞ୍ଜାଦାଂ ଲାଜ୍ ଆରି ହାରଦି ବୁଦି ହୁକେ, ଜାଗ୍ରତ୍ କିଜି ଉସ୍‌ପାଟ୍ ୧୦ ହାରଦି କାମାୟ କାଜିଂ ଜାର୍‌ତି ଦାମ୍ କଗ୍‌ଲେକ୍‌କାଂ ଲଡ଼ାନି ହାଡ଼ପା କାମାୟ ଲାକେ ରଞ୍ଜି ଜାର୍ ଜାର୍ତିଂ ରଞ୍ଜାଟ୍ । ୧୧ କଗ୍‌ଲେ ବାତର୍ ତଲ୍ୟା ମାନି କିଜି ଚିମ୍‌ରାଆଜି ହିକ୍ୟା ଇଟେଟ୍ । ୧୨ ଆନ୍ କଗ୍‌ଲେଙ୍ ହିକ୍ୟାହିଦେଙ୍ କି ଆଣ୍ଡେନ୍ ଜପି ରାଜ୍ କିଦେଙ୍ ଆଦିକାର୍ ହିଉଙ୍ ମାତର ହେଦେଲ୍ ମଦା ଆଜି ଞ୍ଜେନେଡ଼ । ୧୩ ଇନେକିଦେଂକି ପର୍ତୁମ୍ ଆଦମ୍ ଉର୍‌ଜାତାନ୍ ତାପାଟେ ହବା । ୧୪ ଆରେ ଆଦମ୍ ଚକ୍‌ଆଜି ମାନ୍‌ଞ୍ଜାଦାଂ ମାତାନ୍, ମାତର କଗ୍‌ଲେ ଚକ୍‌ତ ଆଜି ବଲ୍ ମାନିକିଞ୍ଜାଦାଂ ଦସ୍‌ତ ଦସି ଆତାତ୍ । ୧୫ ମାତର କଗ୍‌ଲେକ୍ ହାରଦିବୁଦି ଲାହାଙ୍ ପାତର୍, ଜିଉନନାକା ଆରି ପୁଇପୁୟାତାଂ ତିର୍ ମାଟିସ୍, ହେଦେଲ୍ ହିମ୍‌ଶା ଜଲମ୍ କିନି ସମୁତ ମୁକ୍ତି ପାୟା ଆନାତ୍ ।

୩

ମଣ୍ଡଲି ତାକେ ଚାଲାୟ କିନାକା

୧ ଇ କାତା ସଡ଼, ଇନେନ୍ ଜଦି ମୁଣିକା ପାଦ୍ ଦାଇଡ଼ ଆଦେଙ୍ ଇଚା କିନାନ୍, ଲାଗିଂ ହେଞ୍ଜାନ୍ ହାର୍ କାମାୟ ମାନ୍ କିଏନ୍ । ୨ ଲାଗିଂ, ମୁଣିକାତି ଦସିଆଞ୍ଜାଦାଂ ମାନାକା ମାନାତ୍ ହେଞ୍ଜାନ୍ ଆତିସ୍ ର ଡକ୍‌ନି ଡକ୍‌ନା, ଜାର୍‌ତିଂ ସମାଲି କିନାକା, ହାରଦିବୁଦି, ସବୁଞ୍ଜେଡ଼ାଙ୍, ଏଚେକ୍ ଖାରିତ ଆରି ହିକ୍ୟାଦାନତ ବାତର୍ ଆନାର୍, ୩ ମଦ୍‌ଞ୍ଜା କି କୁରୁଲିୟା ଆଞ୍ଜାଦାଙ୍ ଇତିସ୍ ଦାମ୍ ମତର ସୁସ୍ତା, ହୁଦାର୍, ବେରୁଆଞ୍ଜାଦାଂ, ଆରି ଦନ୍ ଲବ୍‌ରା ଆଉନ୍ । ୪ ଜାର୍ କୁରୁମ୍‌ତିଙ୍ ହାର୍ ଲାକେ ଜାତୁନ୍ କିନାନ୍, ତା ହିମ୍‌ଶାକାଂ ହିକ୍ୟା କିଜି ମାନାନ୍ । ୫ ଇନେନ୍ ଇନାଞ୍ଜାତାଙ୍ ଜାର୍ କୁରୁମ୍‌ତିଂ ଚାଲାୟ କିଦେଙ୍ ପୁନାନ୍, ହେଞ୍ଜାନ୍ ଇନେସ୍ ଇସ୍ପତର୍ ମଣ୍ଡଲିତିଂ ଜାତୁନ୍ କିଦେଂ ଆଡ଼ନାନ୍ ? ୬ ହେଞ୍ଜାନ୍ ପାତର୍ ତ ହେନ୍‌ଚି ମାନାକା ମାନାତ୍; ପୁନି ପାତର୍ କିନାକାନ୍ ଆଞ୍ଜାଦାଙ୍ ମାନାନ୍, ଏଚେକାଡ଼ଦ୍ ଆହାର୍ ଗାବ୍ ଆଜି ସୟତାନ୍ ଲାକେ ଡାଣ୍ ପାୟା ଆନାନ୍ । ୭ ହେଞ୍ଜାକ୍ତି ପା ବାତର୍

* ୨:୭ ୨:୭ ୨ ତିମତି ୧:୧୧. * ୨:୯ ୨:୯ ୧ ପିତର ୩:୩. * ୩:୭ ୩:୭ ତିତସ୍ ୧:୬-୯.

ଲକୁ ତାଙ୍କ ସମ୍ପାନ୍ ପାୟନାକା ଲଡ଼ା, ମାନାଡ଼, ଏଚେକାଡ଼୍ ହେୱାନ୍ ନିନ୍ଦା ପାୟା ଆଜି ସୟତାନ୍ନି ତୁକୁତ ହେଜେନାନ୍ ।

ମଣ୍ଡଲିନି ହେବାକାରୟା

୮ ହେ ଲାକେ ହେବାକାରିୟାର୍ତି, ହାଦର୍ ବାବ୍ନାତ ପାତର୍ ନି ତୁଲ୍ଲି ଗିୟାନ୍ ଦାସ୍ତି ସମାନ୍ ବେବାର୍ ଚକ୍ଲି ଆୱାଦାଙ୍କ୍, ଅଙ୍କୁର୍ ରାସ୍ ଉଣ୍ଡାଦାଙ୍କ୍ ମାନାନ୍ ଆରି କାମାୟ୍ ଦନ୍ ଲାବ୍ଡି ଆମେର୍; ୯ ମା ଦାରୁମ୍ ପାତର୍ ନି ବେରଣି ହତାକା ହାଡ଼ପାକା ହେୱାର୍ ସକର୍ ଚିନ୍ତା ସାଲ୍ଲିତା ତାବ୍ ବାବ୍ରେ ପାତର୍ କିଜି ମାନଗାନାର୍ । ୧୦ ହେୱାର୍ ପା ପର୍ତ୍ତୁମ୍ ପରିକ୍ୟାକିୟା ଆୟେର୍, ଆରେ ଦସି ଆୱାଦା ଚଞ୍ଜିୟା ଆତାନ୍, ହେବାକାରୟା ପାଦ୍ତ ବାଚିକିୟାୟେନ୍ । ୧୧ ହେ ଲାକେ କଗ୍ଲେକ୍ ପା ଲକାର୍ନିନ୍ଦା ଆୱାଦାଙ୍କ୍ କାଲେତା, ମିର୍ ଇନାକାଦେଲ୍ ଆରି ସବୁ ବିସ୍ତେ ପାତର୍ କିନାକାଦେଲ୍ ଆନାକା ମାନାଡ଼ । ୧୨ ହେବା କିନାକାର୍ ର ର କଗ୍ଲେନି ଆଣ୍ଡା ଆୟେର୍, ଆରି ଜାର୍ ଜାର୍ ହିମ୍‌ଶାକାଙ୍କ୍ ଆରି କୁଟୁମ୍‌ତିଙ୍କ୍ ହାର୍ ଲାକେ ଚାଲ୍ଲାୟ୍ କିଏନ୍ । ୧୩ ଇନେକିଦେକି ଇନେର୍ ହାର୍ କିଜି ହେବାକାରୟା କାମାୟ୍ କିତାଣ୍ଡା, ହେୱାର୍ ଜାର୍ ଜାର୍ କାଜି ତାକ୍‌ପୁଟାଆଜି ଆରି କ୍ରିସ୍ଟ ଜିସ୍ତୁତି ତାକେ ପାତର୍ ହୁଦା ବେସି ସାସ୍ ଲାବ୍ କିତାର୍ ।

ପାତର୍ ନି ହାଡ଼ପା

୧୪ ଇ ଆକି ଲେକିକିନିହିଁ ଆନ୍ ବେଗି ମି ତାକେ ହାନାଙ୍କ୍ ଇଞ୍ଜି ଆହା କିନାଙ୍କା; ୧୫ ମତର୍ ଏଚେକାଡ଼୍ ନାଦା ମାଲାଆନାଡ଼, ତେବେ ଇସ୍ତର୍ ଇଞ୍ଜି, ଇଚିସ୍ ହାଡ଼ପାନି ମୁଣ୍ଡା ଆରି ମୁଡ଼କୁନାଦି ଲାକେ ଜିତି ଇସ୍ତର୍ ମଣ୍ଡଲିତ, ଇନେସ୍ ବେବାର୍ କିୟାଆନାଡ଼, ହେଦା ଇନେସ୍ ଏପେଙ୍କ୍ ପୁନାଟ୍, ଇଦା କାଜି ଇ ଝିଜୁ ମି ଲାଗା ଲେକିକିଦନାଙ୍କା । ୧୬ ଇସ୍ତର୍ ହେବାକାରି ବିତ୍ରେନି ଅରଡ଼ ଜେ ଗାଜା କାତା ଇଦା ଝିଜାର୍ ମାନି କିତାର୍ । ହେଦା ଇ, କ୍ରିସ୍ଟ ମାନାୟ୍ ଗାଗାଡ଼ ଆଜି ଚଞ୍ଜିୟା ଆତାନ୍, ଜିବୁନ୍‌ତ ଦାମ୍ ଇଞ୍ଜି ତାକ୍‌ପୁଟାତାନ୍, ଦୁଡ଼ତକ୍ କାଜି ଚଞ୍ଜିୟାତାନ୍, ଜାତିର୍ ବିତ୍ରେ ସୁଣାୟ୍ କିୟାତାନ୍, ପାଣ୍ଡ ଇନ୍‌ପାତାନ୍ । ପୁତର୍ ତ ପାତର୍ କିୟାଆଜି ଜାଜ୍‌ମାଲ୍‌ତ ରଡ଼ୟାତାନ୍ ।



ମିର୍ ହିକ୍ୟାହିନାକାନ୍

୧ ପୁଲ୍‌ପୁୟା ଜିବୁନ୍ ପୁଟ୍‌ତେ ଇଞ୍ଜିନାତା, ପାଚେନି କାଡ଼୍ ଇନେ ଇନେର୍ ବାନ୍‌ପାମାନ୍ ମିର୍‌ୱା ଲଗାଙ୍କ୍ କୁଟ୍‌କିନିତାକେ, ଚାକ୍‌ମ୍ ଜିବୁନି କାଜି ଆରି ପୁଦାଙ୍କ୍ ହିକ୍ୟା କାଜି ମାନ୍ କିଜି ପାତର୍ ପିହ୍‌ନାର୍; ୨ ଇୱାର୍ କେଡ଼‌ଜାଣ୍ ଚାକ୍‌ମ୍ ଆରି କୁଟ୍ ଆନାର୍ ହେୱାର୍ ଚିନ୍ତା ସାଲ୍ଲିତ ହାତାକାର୍ । ୩ ହେ ମିର୍‌ୱାର୍ ବିବାଆନାକା ମୁନା କିତାର୍, ଆରେ ବାରବିନି କାଦି କାଜି ବିନେ ମାଞ୍ଜେଙ୍କ୍ ହିକ୍ୟା ହିନାର୍ । ପାତର୍ ନିକାନ୍ ଆରି ହାଡ଼ପା ପୁନ୍‌ଞ୍ଜି ମାନି ମାନାୟାର୍ ହୁଦା ଦନ୍‌ସବାଦ୍ ହୁକେ ଚିଞ୍ଜେଙ୍କ୍ କାଜି ଇସ୍ତର୍ ଇ ସବୁ ତ ଉବ୍‌ଜାଣ୍ କିତାନ୍‌ନା । ୪ ଇନେକିଦେକି ଇସ୍ତର୍ ସବୁ ଉବ୍‌ଜାଣ୍ ଦିନିସ୍ ହାର୍‌ଦାକା, ଆରେ ଜୱାର୍ ହୁକେ ଅତିସ୍ ଇମ୍‌ଣି ବିସ୍ତେ ଇଟ୍ୟା ଆଉଡ଼, ୫ ଲାଗି ଇସ୍ତର୍ କାତା ଆରି ପାର୍ତାନା ହୁଦା ହେଦା ପୁଲ୍‌ପୁୟା କିୟାଆନାଡ଼ ।

କ୍ରିସ୍ଟ ଜିସ୍ତୁଙ୍କ୍ ହାର୍‌ଦି ହେବାକାରୟା

୬ ଇ ସବୁ ବିସ୍ତେ ଏପେଙ୍କ୍ ଟଣ୍ଡାରିଙ୍କ୍ ଆରି ତଣ୍‌ଦେକା ହିକ୍ୟା ହିତିସ୍ କ୍ରିସ୍ଟ ଜିସ୍ତୁତି ରୱାନ୍ ହାର୍‌ଦି ହେବା କିନାକାନ୍ ଆନାନ୍, ଆରେ ଏପେଙ୍କ୍ ଇମ୍‌ଣି ପାତର୍ ଆରି ହାର୍‌ଦି ହିକ୍ୟାତ ଦାସ୍ତି ୱାତାଦେଣ୍ଡା, ହେ ବଚନ୍ ହୁଦା ସାଲ୍ଲି ଆନାଡ଼; ୭ ଇସ୍ତର୍‌ତି ଅଦାମ୍ ଅପ୍‌ମାନ୍ କିଜି ମାନି ମଲ୍‌ହିଲ୍‌ଝି କାତା ପିସ୍ତି, ଦାରୁମ୍ ଜିବୁନ୍‌ତି ବାଡ଼କାସ୍ କିଦେଙ୍କ୍ ଅବ୍ୟାସ୍ କିୟାଟ୍ । ୮ ଇନେକିଦେକି ଗାଗାଡ଼ନି କ୍ରାସ୍‌ଜି ଅଲ୍‌ପ୍ ବିସ୍ତେ ଲାବ୍‌ଆଦନାଡ଼, ମାତର୍ ଇସ୍ତର୍‌ତି ହେବାତ ଇ କାଡ଼‌ଦାଙ୍କ୍ ଆରି ପାଚେକାଡ଼‌ଦାଙ୍କ୍ ପାର୍ମାଣ୍ କିୟା ଆଜି ଝିଜୁ ବିସ୍ତେ ଜିବୁନ୍ ଲାବ୍‌ଆଦନାଡ଼ । ୯ ଇ ବେରଣ୍ ପାତର୍ ଆରି ସବୁତାକେ ଇଟ୍‌ୟାନ୍‌ଜଗ୍; ୧୦ ଇଦା କାଜି ତ ଆସେଙ୍କ୍ କାମାୟ୍ ଆରି ମାନ୍‌ଦ୍ୟାନ୍ କିଜି କସ୍ଟ କିନାସା, ଇନେକିଦେକି ଇମ୍‌ଣି ଜିତି ଇସ୍ତର୍ ଝିଜୁ ମାନାୟ୍‌ତି ଇଚିସ୍ ପାତର୍ କିନାକାରି ମୁଲ୍ଲି କିନାକାନ୍ତି ହେୱାନ୍ତି ତାକେ ମା ବାସ୍ ମାନାଡ଼ ।

୧୧ ଏପେଙ୍କ୍ ଇ ସବୁ ବିସ୍ତେ ବଲ୍ ହିଜି ହେୱାରି ହିକ୍ୟା ହିୟାଟ୍ । ୧୨ ମି ବେଣ୍ଡିୟା ୱାଡ଼ାଙ୍କ୍ ଇନେର୍ ମିଙ୍ଗେଙ୍କ୍ ପଲ୍ୟା ଇଞ୍ଜେମେର୍, ମାତର୍ କାତାତ, ବେବାଟ୍, ଜିଉନିତ, ପାତର୍ ତ ଆରି ପୁଲ୍‌ପୁୟାତ ପାତର୍ କିନାକା ହାର୍ ଉତର୍‌ମୁଡ଼ ଲାକେ ଆଡୁ । ୧୩ ଆନେଙ୍କ୍ ମି ଲାଗା ୱାନି ପାତେକ୍ ସାସ୍ତର୍‌ନି ପାଟ୍, ବୁଜାୟ୍‌କିନାକା ଆରି ହିକ୍ୟାହିନିତାକେ ମାନ୍‌ଦ୍ୟାନ୍ କିୟାଟ୍ । ୧୪ ମଣ୍ଡଲି ବୁଡ଼ାଲ୍‌ର ନେତାର୍ ମିଙ୍ଗେଙ୍କ୍ ଇସ୍ତର୍‌ତି ଝେନି କିଜି ନି ଜପି କେଇ ଇଟ୍‌ନିହିଁ ଏପ୍ ଇମ୍‌ଣି ମାପୁତି ଦାନ୍ ସାଲ୍ଲି ଲାବ୍ କିଜି ମାଗାଦେର୍, ହେଦେଲି ଏଲାମାଟ୍ । ୧୫ ମି ନିନାକା ଇନେସ୍‌କି ଝିଜାର୍ ତାକେ ହନାଡ଼, ଇଦା କାଜି ଇ ସବୁ ବିସ୍ତେ ମାନ୍ତ ଇଟାଟ୍, ହେ ଝିଜୁ ତାକେ ଦିଆନ୍ ଆଡୁ । ୧୬ ଜାର୍ ବିସ୍ତେ ଆରି ଜାର୍ ହିକ୍ୟା ବିସ୍ତେ ଜାଗ୍ରଡ଼ ଆଡୁ, ଇ ସବୁ ବିସ୍ତେ

ଲାଗିସ୍ ମାନାଟ୍, ଇନେକିଦେଂକି ହେଦାଂ କିଡିସ୍ ଏପେଙ୍ଗ୍ ଜାର୍ ମୁକ୍ତି ଆଦେଂ ଆରି ମି ଖେନାକାର୍ଡି ମୁକ୍ତାୟ୍ କିଦେଙ୍ଗ୍ ପା ଆଡ୍ନାଦେର୍ ।

୫

ପାତର୍ କିନାକାର୍ କାଜିଂ କାମାୟ୍ କିନାକା

୧ ଏପେଙ୍ଗ୍ ପ୍ରାଚିନାର୍ ଇନସ୍ତା କିମାଟ୍, ମାତର୍ ତାଙ୍ଗେଙ୍ଗ୍ ଆବା ଇଞ୍ଜି ବାବି ଗଞ୍ଜାରି କିୟାଟ୍; ବେଣ୍ଡିୟାରିଂ ଟଣ୍ଡାର୍ ଲାକେ, ୨ ପ୍ରାଚିନାର୍ କଗ୍ଲେକାଂ ଆୟା ଆରି ଜିପଲିକାଂ ପୁଇପୁୟା ବାବ୍ରେ ତଣ୍ଡେଲ୍ ଇଞ୍ଜି ଗିଆନ୍ କିଜି ହେ ଲାକେ ବେବାର୍ କିୟାଟ୍ ।

୩ ଆହର୍ ହିଲ୍ଡି ରାଣ୍ଡିକାଂ ଜାତୁନ୍ ଅଞ୍ଜାଟ୍ । ୪ ମାତର୍ ଏଚେକାଡ୍ ଇମ୍ଫି ରାଣ୍ଡିତି କାଡ୍ଦେ ଗାଡ୍ରେ କି ନାତିନାତିଣି ମାଟିସ୍, ବାଟିଙ୍ଗ୍ ହେଞ୍ଜେକ୍ ପର୍ଡୁମ୍ ଜାର୍ କୁଟୁମ୍ କାଜିଂ ବକ୍ତି ଚଟ୍ରେଙ୍ଗ୍ ଆରି ଆୟାଆବା କାଜିଂ ଉପକାର୍ କିଦେଙ୍ଗ୍ ହିକ୍ୟା କିଏର୍; ଇନେକିଦେଂକି ଇଦାଂ ତ ଇସ୍ପୁଟି କାଣ୍ଡୁତାଂ ହାର୍ଇଟ୍ୟା ଆନାର୍ । ୫ ଇମ୍ଫି ରାଣ୍ଡି ଆହ୍‌ରହିଲ୍‌ଖାକା ଆନାଡ୍ ଆରି ସାକାହିଲ୍‌ଖାକା, ହେଦେଲ୍ ଇସ୍ପୁର୍ ଜପି ବାସ୍ ଇଡ୍ଡି ଖେଡାନାଣା ଗଞ୍ଜାରି ଲାହାଂ ପାର୍ଡାନାତ ଲାଗିସ୍ ମାନେଡ୍; ୬ ମାତର୍ ଇମ୍ଫି ରାଣ୍ଡିକ୍ ସୁକ୍‌ବଗି କିନିକ୍ ଆହା, ହେଞ୍ଜେକ୍ ଜିରୁନ୍ ମାଟିସ୍ତା ହାଡିକ୍‌ନା । ୭ ହେଞ୍ଜେକ୍ ଇନେସ୍ ଦସିଆଞ୍ଜାଦାଂ ଆନିକ୍, ଇଦାଂ କାଜିଂ ଇ ସବୁ ପା ହେଞ୍ଜେକାଂ ବଲ୍ ହିୟାଟ୍ । ୮ ମାତର୍ ଜପି ଇନେର୍ ଜାର୍ ଖାସ୍‌ନି, ବେସିକିଜି ଜାର୍ କୁଟୁମି ଜାତୁନ୍ ଅଞ୍ଜିତିସ୍, ହେଞ୍ଜାନ୍ ପାତର୍ କିଞ୍ଜାକାର୍ତାଂ ପାତର୍ କିଉନ୍, ଆରେ ହେଞ୍ଜାନ୍ ପାତର୍ କିଞ୍ଜାକାନ୍ତାଂ ଦରମ୍ ହିଲାକାନ୍ ଆନାନ୍ ।

୯ ଇମ୍ଫି ରାଣ୍ଡିକି ବୈସ୍ ସାଟେ ବାହୁଁ ତାଙ୍ଗ୍ ଉଣା ଆକାୟ୍, ୧୦ ଆରେ ଇନ୍ଦେଲ୍ ର ଆଣ୍ଡେନ୍‌ନି କଗ୍ଲେ ଆରି ହାର୍‌ଦି ପୁଇପୁୟା କାମାୟ୍ କାଜିଂ ତାକ୍‌ପୁଟାଆଜି, ଇଟିସ୍, ହେଦେଲ୍ ଜପି ହିମ୍‌ଣାକାଙ୍ଗ୍ ପହାକିଜି, ଝିଜାରିଂ ସସ୍, ଚେଲାରିଂ ପାନା ନୁଜ୍‌ନାକା, ଦୁକ୍‌ଲୁଗାତର୍ ବଜ୍ ପିଣ୍ଡି କିଜି ମାନାଟ୍, ଆରେ ଝିଜୁ ହାଡ୍‌ପା କାମାୟ୍‌ତ ତିକ୍‌ତିକା ଆଜି ମାନାଟ୍, ବାଟିଙ୍ଗ୍ ହେଦେଲ୍‌ତି ତର୍ ରାଣ୍ଡି ଇଞ୍ଜି ଲେକାଏଡ୍ ।

୧୧ ମାତର୍ ଉଣା ବାହୁଁନି ଜିପଲି ରାଣ୍ଡିକାଂ ପିହାଟ୍, ଇନାକିଦେଂକି ହେଞ୍ଜେକ୍ ବାନ୍ୟାକାମ୍ ଆହାତିଂ ମାନ୍ କିଜି କ୍ରିସ୍ତୁ ତାକେନ୍‌ଶ୍ଟାଙ୍ଗ୍ ଏଡା ଆଜି ବିବା କିଦେଙ୍ଗ୍ ଇଚା କିନିକ୍; ୧୨ ହେଞ୍ଜେକ୍ ହେଞ୍ଜେକ୍‌ତି ଆଗେ ପାର୍ମାଣ୍ ପିହିନି କାଜିଂ ତାଣ୍ଡିପାୟାନ୍‌କି । ୧୩ ଆରେ ପା ହେଞ୍ଜେକ୍ ଇଲ୍‌କୁ ଇଲ୍‌କୁ ବୁଲାଆଜି ଆଡ୍‌ସିୟା ଆଦେଙ୍ଗ୍ ହିକାଆନିକ୍, ଆରେ କେବଲ୍ ଆଡ୍‌ସିୟା ଆକାୟ୍, ମତର୍ ଆହାର୍ କାତା ଆରି ଲକାର୍ ଗାଣ୍ଡୁ କିଜି ଅରାହିଲ୍‌ଝି କାତାବାର୍ଡା କିନିକ୍ ୧୪ ଲାଗିଂ, ନା ଇଚା, ଜିପଲି ରାଣ୍ଡିକ୍ ବିବା ଆୟେକ୍, ହିମ୍‌ଣା ଗାଟାଆୟେକ୍, ଇଲ୍‌କାମାୟ୍ ଚଲାୟ୍‌କିୟେକ୍, ନିନ୍ଦା କିନି କାଜିଂ ସାତୁଙ୍ଗ୍ ଇନାକାପା ଉପାୟ୍ ହିମେକ୍; ୧୫ ଇନେକିଦେଂକି ନଙ୍ଗ୍ ପା ଇନ୍ଦେକ୍ ଇନ୍ଦେକ୍ କ୍ରିସ୍ତୁତାକେ ଦେହା ଆଜି ସୟ୍‌ତାନ୍‌ନି ପାଟେ ହାନିକା । ୧୬ ଜପି ଇମ୍ଫି ପାତର୍ ନିକାଦେଲ୍ କଗ୍ଲେକ୍ ଇଞ୍ଜି ରାଣ୍ଡିକ୍ ମାନିକ୍, ଲାଗିଂ ହେଦେଲ୍ ହେଞ୍ଜେକ୍‌ତି ଦୁକ୍ ପଟିକିଏକ୍, ଆରେ ମଣ୍ଡଲି ଜପି ବଜ୍ ଆମେଡ୍, ଇନେସ୍‌କି ମଣ୍ଡଲି ଆହ୍‌ର ହିଲ୍‌ଡି ରାଣ୍ଡିକାଂ ଦୁକ୍ ପଟି କିଦେଙ୍ଗ୍ ଆଡ୍‌ନାଟ୍ ।

୧୭ ଇମ୍ଫି ପ୍ରାଚିନାର୍ ହାର୍ ଚାଲାୟ୍ କିତାର୍, ବେସି କିଜି ଇମ୍‌ଣାକାର୍ ବଚନ୍ ପର୍ଚାର୍ ଆରି ହିକ୍ୟାତ କସ୍ କିତାର୍, ହେଞ୍ଜାର୍ ରି ଗୁଣ୍ ଖାରି ପାୟାନ୍‌ନି ଜଗ୍ ଇଞ୍ଜି ଗାଣା କିୟା ଆନାର୍, ୧୮ ଇନେକିଦେଂକି ଦରମ୍ ସାସ୍ପୁର୍ ଇନାତା, “ତାସ୍ ତ୍ରେସ୍‌ନି ଝାଡାଂ ବଲ୍‌ଲା ଖେଇଦ କଡା ଗାଟ୍‌ମାଟ୍ ।” ଆରେ କାମାୟ୍ କିନାକାନ୍ ଜାର୍ କୁଲି ତାବୁଂ ପାୟାନ୍‌ନି ହକ୍ । ୧୯ ରିୟାର୍ କି ତିନ୍‌ଜାଣ୍ ସାକି ପିସି ଇମ୍ଫି ପ୍ରାଚିନାର୍ ବିରୁଡ୍‌ତ କାତା ମାନି କିମାଟ୍ । ୨୦ ମାତର୍ ଇନେର୍ ପାପ୍ କିଜି ମାନାର୍, ହେଞ୍ଜାରିଂ ଝିଜାର୍ ତାକେ କେତାଟ୍, ଇନେସ୍‌କି ଅଲ୍‌ଗା ଲଗୁ ପା ପାଣ୍ଡୁ ଆନାର୍ ।

୨୧ ଇସ୍ପୁଟି ସାକି ଇଡ୍‌ଜି, କ୍ରିସ୍ତୁ ଜିସ୍ତୁତି ଆରି ବାଟିକିତି ଦୁତକ୍ ମୁମ୍‌ଦ ଆନ୍ ଆଟ୍‌ଞ୍ଜା ଲାକେ ବଲ୍ ହିଦ୍‌ନାଙ୍ଗା, ଏପେଙ୍ଗ୍ ଆଗେନି ଦାରା ମେରା ହୁକେ ଚାଲାଞ୍ଜାଦାଂ ଇ ଝିଜୁ ପାଲି କିୟାଟ୍, ଆରେ, ତାରା ବାବ୍ରେ ଇମ୍ଫି କାମାୟ୍ ପା କିମାଟ୍ । ୨୨ ତ୍ରିପ୍‌କୁ ଇନେର୍ ଜପି କେଇ ଇଟ୍‌ମାଟ୍, କି ଦସିନିକାର୍ ପାପ୍‌ତ ମେହାଆମାଟ୍; ଜାର୍‌ତିଂ ପୁଇପୁୟା କିଜି ଇଟାଟ୍ ।

୨୩ ଆରେ କେବଲ୍ ଏପୁଙ୍ଗ୍ ଉଣ୍ଡାଦାଙ୍ଗ୍ ମି ପଟିନି ରଗ୍ ଆରି ନିତ୍ରେ ବେମାର୍ କାଜିଂ ଅଲପ୍ ଅଙ୍ଗୁର୍ ରାସ୍ ଉଣାଟ୍ ।

୨୪ କେତେକ୍ ଜାଣ୍ଡି ବାନ୍ୟା କାମାୟ୍ ଅଲପ୍‌ତିଂ ହନାଟ୍, ହେଞ୍ଜାର୍ ହେଦାଂ କାଜିଂ କରଟ୍‌ନି ମୁମ୍ ମାମ୍ ଆଦେଂ ଆନାଟ୍, ଆରେ କେତେକ୍ ଅପ୍‌ରାଡ୍‌ତି ବେସି ବିଲ୍‌ମ୍‌ତାଂ ଦାରାପଡା ଆନାର୍ । ୨୫ ହେ ଲାକେ ପା ହାଡ୍‌ପା କାମାୟ୍ ହିଗ୍‌ଦାଙ୍ଗ୍ ହନାଟ୍, ଆରେ ଇନାକା ହଡ୍‌ଡ୍, ହେଦାଂ ଡ୍‌କୁଟି ଇଟ୍ୟାଜି ମାଞ୍ଜେଙ୍ଗ୍ ଆଡ୍‌ଡ୍ ।

୬

୧ କ୍ରିସ୍ତୁଙ୍ଗ୍ ପାତର୍ କିନାକାର୍ ଏଚେକ୍ ଲଗୁ ଆଡ୍‌ସିୟା ଲାକେ ଜୁଞ୍ଜାଣ୍‌ନି ତାରେନ୍ ମାନାନ୍, ହେଞ୍ଜାର୍ ଜାର୍ ଜାର୍ ହାଡ୍‌କାରିଙ୍ଗ୍ ଏଚେକ୍ ଲଡାନି ପାୟାନାକା ଜଗ୍ ଇଞ୍ଜି ପୁନାଟ୍, ଇନେସ୍‌କି ଇସ୍ପୁଟର୍ ତର୍ ଆରି ହିକ୍ୟାତ ନିନ୍ଦା ଆମେଡ୍ । ୨ ଆରେ

☆ ୫:୧୮ ୫:୧୮ ମାଡିଉ ୧୦:୧୦; ଲୁକ ୧୦:୭.

ଇମ୍ପାଣକାର ହାଉକାର ପାତ୍ରିନିକାନ୍, ହେୱାର ହେୱାରିଂ ଟଣ୍ଡେନ୍ ଇଞ୍ଜି ବାବି କିଜି ଲାଜ୍ କିମେର୍ ଖାଟିଂ ଆଦିକ୍ ଜତନ୍ତାଂ ଉପକାରତାଂ ହେବା କିଏର୍, ଇନେକିଦେଂକି ଇନେର୍ ହେବା ହୁଦାଂ ଉପକାର ଅୟାନାର୍, ହେୱାର ପାତ୍ରିନିକାର୍ ଆରି ଖାରିନିକାର୍ । ଇ ଓଁଜୁ ବିସ୍ତେ ହିକ୍ୟା ଆରି ଉପଦେସ୍ ହିୟାଟ୍ ।

ଚାକ୍ରାଇ କିନି ହିକ୍ୟା ଆରେ ହାତ୍ପା ଦନ୍

୩ ଇନେର୍ ଜଦି ବିନ୍ ହିକ୍ୟା ହିଜି ମା ମାପୁ ଜିସୁ କ୍ରିସ୍ତୁଟି ନେକ୍ରିବେରଣ୍ ବଚନ୍ ଆରି ଇସ୍ପୁର୍ତି ହୁଦାଂ ହିକ୍ୟା ମାନିକିଉର୍, ୪ ବାଟିଙ୍ଗ୍ ହେୱାନ୍ ଅହାରଗାବ୍ ଆ ଆରି ଗିଆନ୍ହିଲ୍ଡି, ଆରେ କାତାବାର୍ତ୍ତା ଆରି ଗଣ୍ଡଗଲିଆତ ଲାଗାନାର୍; ହେବେତାଂ ତାରା, କିର, ଲକାର୍ ନିୟା, ବାନ୍ୟା ଆନ୍ମାନ୍, ୫ ଆରେ ଇନେର୍ ଇସ୍ପୁର୍ ତାକେ ଲାବ୍ ଉପାୟ୍ ଇଞ୍ଜି ମାନେ କିତାର୍, ଏଲେଙ୍ଗ୍ କାରାପମାନ୍ ଆରି ସତ୍ ପିସ୍ତ୍ର ଲକାର୍ତି ଦିନକେ ବିରୁଡ୍ଡତ ଜଲମ୍ ଆତାକାର୍ ।

୬ ଦାମ୍ ଲଗୁ ଇନେକିଦେଂକି ତାଦାଂ ଏତେକ୍ ମାନାଡ୍, ହେଏତେକ୍ ହେୱାନ୍ ସାରି; ୭ ଇନେକିଦେଂକି ଆସେଙ୍ଗ୍ ଜଗଡ୍ତ ଇନାକା ତାଖାତାସ୍ନା, ଆରେ ଇବେତାଂ ଇନାକାପା ଅଦେଂ ଆତୁସ୍; ୮ ଲାଗିଂ କାଦି ହେୟା ମାତିସ୍ ମା କାଜିଂ ସାରି । ୯ ମତର୍ ଇନେର୍ ମାଜାନ୍ ଆଦେଙ୍ଗ୍ ଇଟା କିତାର୍, ହେୱାର ପରିକ୍ୟାତ ଆରି ତ୍ତୁକ୍ତ, ଆରେ କେତେକ୍ ବାନି ବାନ୍ୟାତ ଆରି ଲାସ୍ଆବୁଡ୍ ଲାଲ୍ସାତାକେ ଆଣ୍ଟାର୍, ଇଦାଂ ଓଁଜୁ ମାନାୟ୍ତିଂ ସବୁ ନାସ୍ ଆରି ବୁଡାନି ଲାକେ ହାମ୍ପୁର୍ତ୍ତ ମୁର୍ନାଡ୍ । ୧୦ ଇନେକିଦେଂକି ଦାନ୍ ଲାବ୍ ଓଁଜୁ ନସୁନି ଦଲ୍; ଇନେ ଇନେର୍ ହେବେ ଆହା ଆଜି ପାତ୍ରି ପିସ୍ତ୍ର ହାଜି ବାଣାତାଣ୍ଟା, ଆରେ ବେସି ଦୁକ୍ତାଂ ଜାର୍ ଜାର୍ ମାନ୍ତିଂ ଦୁକ୍ କିତାଣ୍ଟା ।

ହାରିହାରାନ୍ ବିବରଣ୍

୧୧ ମାତର୍ ଏ ତିମତି ଏନ୍ ରକାୟ୍ ଜିସୁ ଲକ୍, ଏନ୍ ଇ ଓଁଜୁ ତାଙ୍ଗ୍ ହାଲ୍ଲଜି ଦାମ୍, ଇସ୍ପୁର୍ତାକେ, ପାତ୍ରି, ଜିଉନନିତ, ସାସ୍ ଆରି ହୁଦାର୍ନି ପାଚେ ସିଦାସାଦା ବାତ୍ରି ଆଦେଂ ସେସ୍ କିୟା । ୧୨ କ୍ରିସ୍ତୁ ପାତ୍ରିନି ହାଦ୍ ଜୁର୍ତାକେ ମାନ୍ପାରାଣ୍ କିୟା, ଓଁଜୁ ଜିବୁନ୍ ଆସ୍ତି ଇଟା; ହେଦାଂ କାଜିଂ ତ ଏପେଙ୍ଗ୍ କୁକ୍ୟାତାଦେଣ୍ଟା ଆରି ବେସି ସାକିର୍ ମୁମ୍ଦ ହାଦ୍ ସାକି ହିତାୟ୍ନା । ୧୩ ଓଁଜୁଜାରିତି ଜିବୁନ୍ ହିଦ୍ନି ଇସ୍ପୁର୍ତ୍ରି ବେଟାନିତ, ଆରେ ପନ୍ଦ୍ରିୟ ପିଲାତତି ମୁମ୍ଦ ହାଦ୍ ସାକି ହିଦ୍ନାକାନ୍ କ୍ରିସ୍ତୁ ଜିସୁଟି ବେଟାନିତ ଆନ୍ ନିଙ୍ଗେଙ୍ଗ୍ ବଲ୍ ହିଦ୍ନାକା, ୧୪ ମାପୁ ଜିସୁ କ୍ରିସ୍ତୁଟି ଆରେଖାନି ପାତେକ୍ ମିଙ୍ଗେଙ୍ଗ୍ ହିୟାଜି ମାନ୍ତି ବଲ୍କୁ ପାତ୍ରି କିଜି ପାଲି କିୟାଟ୍ । ୧୫ ହେୱାନ୍ ପରମ୍ ଦନ୍ୟ ରଖାନ୍ ମତର୍ ସାସନ୍ କାର୍ୟା, ହେୱାନ୍ ରାଜାର୍ ଜପି ରାଜା ଆରି ମାପୁ ତାଙ୍ଗ୍ ମାପୁ, ୧୬ ଇନେର୍ ରଖାନ୍ ମତର୍ ହାଖାକାନ୍ ଆରି ହାଞ୍ଜେଙ୍ଗ୍ ଅଜଡ୍ଡତ ବାହାକିନାକାନ୍, ଇନେନିଙ୍ଗ୍ ଇମ୍ପାଣି ମୟେଡ୍ପୁର୍ ଇନାଖାତାଙ୍ଗ୍ ହୁଡ୍ଡାତାନ୍ନା, କି ହୁଡ୍ଡେଙ୍ଗ୍ ଆତୁଡ୍, ହେୱାନ୍ ସମାନ୍ ଖାଡାଙ୍ଗ୍ ହେଦାଂ ଚର୍ନାନ୍; ଓଁଜୁକାଡ୍ ପାତେକ୍ ହେୱାନ୍ତି ମାନିନି ଆରି ସାକ୍ତିକାଟାକାନ୍ ହଖେଡ୍ । ଆମେନ୍ ।

୧୭ ଇମ୍ପାଣକାର୍ ଇ କାଡ୍ଦ ମାଜାନ୍, ହେୱାର ଇନେସ୍କି ଆକ୍ରିୟା ଆମେର୍ ଆରି ଓଁଜୁନି ଦାନ୍ ଜପି ବାସ୍ କିମେର୍, ଇଟିସ୍ ଦୁକ୍ବଗ୍ କାଜିଂ ସବୁ ବିସ୍ତେ ବେସିତାଂ ମାଙ୍ଗ୍ ଦାନ୍ କିଦ୍ନାନ୍ ଇମ୍ପାଣି ଇସ୍ପୁର୍, ହେୱାନ୍ତି ଜପି ବାସ୍ କିନାର୍; ତା ପାଚେ ବଗିକିଦେଂ ମା ସବୁ ବିସ୍ତେ ହେୱାନ୍ ମାଙ୍ଗେଙ୍ଗ୍ ହିଦ୍ନାନ୍ । ୧୮ ଆରେ ବିନ୍ ଲକାର୍ ବାଗ୍ କିଜି ଓଁଜୁ ହାର୍ କାମାୟ୍ତ ମାଜାନ୍ ଆନାର୍; ଆରେ ମେଲା କେଇଦାଂ ଆରି ଉଦାର୍ ବାବ୍ରେ ଦାନ୍ କିନାର୍, ଇଦାଂ କାଜିଂ ହେୱାରିଂ ବଲ୍ ହିୟାଟ୍; ୧୯ ତା ଆଡିସ୍, ଇ ଅବିନସର୍ ଟୁଣ୍ଡି ଉବ୍ଜାୟ୍ କିଜି ଜାର୍ତି ପାଚେନି କାଜିଂ ହେୱାର୍ ଆଟ୍ଝା କୁନାଦି ରଚ୍ନାର୍ ଆରି ହାରିହାରା ହେୱାର୍ ହାତ୍ପାନି ଜିବୁନ୍ ଲାବ୍ କିତାର୍ ।

୨୦ ଏ ତିମତି, ନି ତାକେ ଇନାକା ହିୟା ଆଡ୍ଡାତ୍ନା, ହେଦାଂ ରାକ୍ୟା କିୟା; ଆହାର୍ ଜାକ୍ଡା ଆରି ବେଣ୍ ବେଣ୍ଡତ “ଗିୟାନ୍ନି” ଜିକାଟାଣାତାଂ ବିନେ ଆତୁ ।

୨୧ ଇନେ ଇନେର୍ ହେଦାଂ ପାଲି କିଖାଦାଂ ପାତ୍ରି ବିସ୍ତେ ହାଜିବାଣା ଆତାଣ୍ଟା ।
ଇସ୍ପୁର୍ତି ଉପକାର୍ ଆରି ଦୟା ମିଙ୍ଗେଙ୍ଗ୍ ସମାନ୍ବାତ୍ରି ଆୟେଡ୍ । ଆମେନ୍ ।

ଫିଲମନଙ୍କ ନିକଟକୁ ପ୍ରେରିତ ପାଉଲଙ୍କ ପତ୍ର ପିଲିମନ୍ ଲାଗାଂ ପକ୍ୟାତି ପାଉଲ୍‌ତି ଆକି ପିଲିମନ୍ ଆକି ବିଷ୍ଣେ ପାଦେକ୍

ଇଚ୍ଛୁ ପିଲିମନ୍ ଆକି ପକ୍ୟାତି ପାଉଲ୍‌ତି ହୁକେ ଲେକା ଆଜି ମାତାତ୍ ୧:୧ ଏଚେକାଡ଼ଦ ଇଦାଂ ଲେକିକିତାନ୍ ହେଞ୍ଜାନ୍ ଜଇଲ୍ ଇଞ୍ଜ ଗେହ୍‌ୟା ଆଜି ମାତାନ୍, ଇନାକା ଅରଡ଼ ଆଜି ମାନ୍‌ଗାନାତ୍ ହେଞ୍ଜାନ୍ ରମ୍‌ତାଂ ଇଦାଂ ଲେକିକିତାନ୍ନା । ଜଦି ହେଞ୍ଜାନ୍ ରମ୍‌ତ ମାତାନ୍ କ୍ରିସ୍ତୁତି ଜଲମନ୍ ଆଦିକ୍ ଆତିସ୍ ତିନକଡ଼ି ଏକ୍ ୬୧ ବାହୁଁ ପାଚେ ଇ ଆକି ଲେକି କିଜି ମାନ୍‌ଗାନାନ୍ । ଇନାକା ହେ ସମାନ୍‌ଖେଡ଼ାଲିଂ କଲସିୟ ମଣ୍ଡଲିତିଂ ଲେକି କିଜି ମାନ୍‌ଗାନାନ୍ ।

ହେଞ୍ଜାନ୍ ଇ ଆକି ପିଲିମନ୍ ତରୁନି ରଞ୍ଜାନ୍ ମାନାୟ୍‌ତିଂ ଲେକିକିତାନ୍ନା । ପିଲିମନ୍ ରଞ୍ଜାନ୍ ମଣ୍ଡଲି ମେମର୍ ଆରି ଆଡ଼ିଏନ୍ ହାଉକାର୍ ମାତାନ୍ । ପାଉଲ୍ ଲେକିକିନାନ୍ ଜେ, ହେଞ୍ଜାନ୍ ଅନିସିମସତିଂ ଦାଣ୍ଡୁ ହିମେର୍, ଇନେରକି ପିଲିମନ୍ ତାଂ ମୁସି ଦେହା ହନ୍ତି ମାତାନ୍ । ରମ୍‌ନି ବିଦି ଇସାବ୍‌ରେ ପିଲିମନ୍ ଅନିସିମସତିଂ ହାକି ଦାଣ୍ଡୁ ହିନି ଆଦିକାର୍ ମାତାତ୍ ।

ଅନିସିମସତିଂ କ୍ରିସ୍ତୁନ୍ ଟଣ୍ଡେନ୍ ବାବ୍ରେ ଇଟ୍‌ନି କାଜିଂ ଇନେସ୍ ରାଜି ଆନାର୍ ହେଦାଂ କାଜିଂ ପିଲିମନ୍‌ତିଂ ପାଉଲ୍ ଗଞ୍ଜାରି କିତାନ୍ନା । ପାଉଲ୍ ଅନିସିମସତିଂ ତା ବାହାତ ହେବାକାମାୟ୍ କିନି କାଜିଂ ଆଦିକାର୍ ହିନି କାଜିଂ ବୁଜାୟ୍ କିତାନ୍ ୧:୧୩-୧୪

ପିଲିମନ୍ ଆକି ବିଷ୍ଣେନି ରାହାଣ୍

୧ ପାଉଲ୍ ପିଲିମନ୍‌ତିଂ ବାନ୍ଦାୟ୍ କିନାନ୍ ୧:୧-୩

୨ ପାଉଲ୍ ଅନିସିମସତି ତାପଣ୍ଡାଙ୍ଗ୍ ପିଲିମନ୍‌ତିଂ ରଞ୍ଜାଙ୍ଗ୍ କ୍ରିସ୍ତୁନ୍ ଟଣ୍ଡେନ୍ ବାବ୍ରେ ଇଟ୍‌ଦେଂ ଇନାନ୍ ୧:୪-୨୧

୩ ପାଉଲ୍ ହେଞ୍ଜାନ୍‌ତି ଆରେ ରଗ ହାନି ବିଷ୍ଣେ ମାନ୍‌ବାବ୍‌ନା ଆରି ବାନ୍ଦାୟ୍ କିଜି ଝିହ୍‌ନାନ୍ ୧:୨୨-୨୫

ପିଲିମନ୍ ଲାଗାଂ ପକ୍ୟାତି ପାଉଲ୍‌ତି ଆକି

୧ କ୍ରିସ୍ତୁ ଜିସୁତି କାଜିଂ ବନ୍ଦି ଆଜି ମାତିଲେ ଆନ୍ ପାଉଲ୍, ଟଣ୍ଡେନ୍ ତିମତି ମା ଝାରିନିକାନ୍ ଆରି ହାଙ୍ଗ୍‌ଦାକାନ୍ ପିଲିମନ୍ ତାଂ ଆକି ଲେକି କିନାଙ୍ଗା, ୨ ଆରେ, ତଣ୍ଡେଲ୍ ଆପ୍‌ପିୟା ଆରି ମା ହୁଦାଂ ମେଲ୍ୟା ଆକି ପ୍‌ପ ଆରି ମି ଇଞ୍ଜ ନି ମଣ୍ଡଲି ଲାଗାଂ ଆକି ଲେକିକିନାଙ୍ଗା ।

୩ ମା ଆବା ଇସ୍‌ବର୍ ଆରି ମାପୁ ଜିସୁ କ୍ରିସ୍ତୁତାଙ୍ଗ୍ ଦୟା ଆରି ସୁସ୍ତା ମି କାଜିଂ ଆଏଡ଼ ।

ପିଲିମନ୍‌ତି ଜିଉନନାକା ଆରି ପାତ୍

୪ ଟଣ୍ଡେନ୍ ପିଲିମନ୍ ନା ପାର୍ତ୍ତାନାତ ନି ତରୁ ଲେକି କିଜି ସବୁ ଝେଡ଼ାଙ୍ଗ୍ ନା ଇସ୍‌ବର୍‌ତିଂ ଜଞ୍ଜାର୍ କିନାଙ୍ଗା, ୫ ଇନାକିଦେଂକି ଆନ୍ ଝେଡ଼ାଙ୍ଗ୍‌ନା, ମାପୁ ଜିସୁତାକେ ମିଦାଂ ଏଚେଜାଣ୍ ପାତ୍ ଆରି ଇସ୍‌ବର୍‌ତିଂ ମାନିକିନି ସାଦୁର୍ କାଜିଂ ମିଦାଂ ଏଚେକ୍ ଝାରି ! ୬ ଇନେସ୍ ମି ପାତ୍ ନି ମେହାଣ୍, ମାଙ୍ଗେଙ୍ଗ୍ ହିୟାଜି ମାନି ଝିଜୁ ହାଉଦି ବିଷ୍ଣେ ମେହାତି ଗିଆନ୍ ହୁକେ କ୍ରିସ୍ତୁତି ପାକ୍ୟାତ କାମାୟ୍ ଆନାଙ୍ଗା । ୭ ଇନାକିଦେଂକି, ଏ ଟଣ୍ଡେନ୍, ପୁଇପୁୟା ସାଦୁର୍‌ତି ଜିବୁନ୍‌ତ ମି ହୁକେ ବାଡ଼କାସ୍ ପାୟା ଆଜି ଆନ୍ ନି ଜିଉନନାକା ବେସି ଦୁକ୍‌ସାରାୟ୍ ଆରି ଝାରି ଆନାଙ୍ଗା ।

ଅନିସିମସତି କାଜିଂ ଗଞ୍ଜାରି

୮ ଲାଗିଂ ଇନାକା ହାଉଦାକା, ହେ ବିଷ୍ଣେ ମିଙ୍ଗେଙ୍ଗ୍ ବଲ୍ ହିନି କାଜିଂ କ୍ରିସ୍ତୁତି ଆଡ଼ିଏନ୍ ଲାକେ ଆତିସ୍‌ପା ନା ବାତ୍ ସାସ୍ ମାନାତ୍, ୯ ଆତିସ୍‌ପା ଆନ୍ ବୁଡ଼ହି ପାଉଲ୍, ଜିଉନନି କାଜିଂ ମିଙ୍ଗ୍ ଗଞ୍ଜାରି କିଦ୍‌ନାଙ୍ଗା, କ୍ରିସ୍ତୁ ଜିସୁତି କାଜିଂ ନଙ୍ଗ୍ ଗେହ୍‌ୟା ଆତାଙ୍ଗ୍‌ନା ଜେ ଆନ୍, ୧୦ ନାଦାଂ ଏଲେଙ୍ଗ୍ ଗାଡ଼ୟା ଆତି ଅବସ୍ତାତ ନାତାଙ୍ଗ୍ ହଡ଼ତି ନା ବପା ଅନିସିମ୍ କାଜିଂ ମିଙ୍ଗ୍ ଗଞ୍ଜାରି କିଦ୍‌ନାଙ୍ଗା । ୧୧ ହେ ଆଗେ ମି କାଜିଂ କାମାୟ୍ ଆଡ଼ଞ୍ଜାକାନ୍ ମାତାନ୍, ମତର୍ ନଙ୍ଗ୍‌ୟ୍ ମିଦାଙ୍ଗ୍ ଆରି ନାଦାଂ ହାରି ଉପକାର୍ ଆନାତା ।

୧୨ ହେଞ୍ଜାନ୍ ତ ନା ଜିବୁନ୍‌ତ ଲାକେ; ଆନ୍ ତାଙ୍ଗେଙ୍ଗ୍ ମି ତାକେ ମାସ୍ତି ପଞ୍ଚାନାଙ୍ଗା । ୧୩ ନେକ୍ରିକାବୁର୍ କାଜିଂ ଗାଡ଼ିତିହିଂ ତାଙ୍ଗେଙ୍ଗ୍ ନି ବାହାତ ନା ହେବା କିନି କାଜିଂ ଲାଗେ ଇଡ଼ିଦେଂ ନା ମାନ୍ ଆନାତା, ୧୪ ମତର୍ ମି ଦାନ୍ ଅଞ୍ଜାଦାଂ ଆନ୍ ଇନାକା କିଦେଙ୍ଗ୍ ମାନ୍ କିଞ୍ଜାତାଂ, ଇନେସ୍ ମି ହାଉଦି କାମାୟ୍ ବଲ୍‌ଡକାର୍ କିତି ଲାକେ ଆଞ୍ଜାଦାଂ ଜାର୍‌ମାନ୍‌ତାଂ ଆଏଡ଼ ।

୧୫ ଇନାକିଦେଂକି ଆନାଡ଼ପା, ଇନେସ୍ ଏପେଙ୍ଗ୍ ତାଙ୍ଗେଙ୍ଗ୍ ଆରେ ଆଡ଼ିଏନ୍ ଲାକେ ଗାଟାଞ୍ଜାଦାଂ ନଲେ ଆଡ଼ିଏନ୍‌ତାଂ ଗାଜାକାନ୍, ଇତିସ୍, ରଞ୍ଜାନ୍ ଝାରିନି ଟଣ୍ଡେନ୍ ଲାକେ ଝିଜୁ କାଡ଼ ପାୟାଦେଂ ଆଡ଼ନାଦେର୍, ଇଦାଂ କାଜିଂ ଅନିସିମସ୍ ଅଲପ୍ କାଡ଼ କାଜିଂ ମିଂ ତାଂ ବିନେ ଆଜି ମାତାନ୍; ୧୬ ବେସିକିଜି ଆଡ଼ିୟା ନାଞ୍ଜାନ୍ ରଞ୍ଜାନ୍ ଝାରିନି ଟଣ୍ଡେନ୍, ଲାଗିଂ, ଗାଗାଡ଼ ଆରି ପା ମାପୁତାକେ ମି କାଜିଂ ଆଡ଼ିତିସ୍ ଏଚେକ୍ ଆଦିକ୍ ଲାଡ଼ ଆଉଡ଼ ।

☆ ୧:୧୦ ୧:୧୦ କଲସିୟ ୪:୯.

୧୭ ଲାଗିଂ ଜଦି ଏପ୍ ନାଢ଼େଢ଼ ରଞ୍ଜାନ୍ ମେହାଣ ଇଞ୍ଜି ବାବି କିୟା, ତା ଆଡ଼ିସ୍ ନାଢ଼େଢ଼ ଇଡ଼ିଦି ଲାକେ ହେଦେଲିଂ ଇଟାଟ୍ । ୧୮ ଜଦି ହେଞ୍ଜାନ୍ ମି କାଜିଂ ଇନାକା ଅନ୍ୟାୟ୍ କିଜି ମାନାନ୍ କି ମି ତାକେ ରିଣ୍ ଆଜି ମାନାନ୍, ତେବେ ହେଦାଂ ନା ଇସାବ୍ତ ଲେକିକିୟା; ୧୯ “ଆନ୍ ପାଉଲ୍ ଜାର୍ କେଇଦାଂ ଇଦାଂ ଲେକି କିଜି ହିଦନାଙ୍ଗା, ଆନ୍ ହେଦାଂ ହୁଜା ଆନାଙ୍ଗ୍,” ଏପେଙ୍ଗ୍ ନିଜେ ଜେ ନା ଲାଗାୟ୍ ସବୁ ଦିନ୍ନି ରିଣ୍ୟା, ଇ ବିସ୍ତେ ଆନ୍ ଇଞ୍ଜେଙ୍ଗ୍ ମାନ୍ କିଉଙ୍ଗା ମି ଜିବୁନ୍ତ ନା ତାକେ ରିଣ୍ । ୨୦ ଆଁ, ଟଣ୍ଟେନ୍, ମାପୁ ଲାହାଂ ରଚେମାଞ୍ଜି ମି ହୁକେ ନା ଲାବ୍ ଆଏଡ୍, କ୍ରିସ୍ଟ ତାକେ ନା ଜିବୁନ୍ତ ସୁସ୍ତା ହିଦା । ୨୧ ନି ବଲ୍ତାଂ ନା ପାତ୍ ମାଟିଲେ ଆନ୍ ନିଢ଼େଙ୍ଗ୍ ଲେକିକିଦନାଙ୍ଗା; ଆନ୍ ପୁନାଙ୍ଗ୍ ଜେ, ଆନ୍ ଇନାକା ଇଞ୍ଜନାଙ୍ଗା ଏପେଙ୍ଗ୍ ତା ତାକେଣ୍ଟା ଆଦିକ୍ ପା କିନାଦେର୍ । ୨୨ ହେ ହାଙ୍ଗେ ହାଙ୍ଗେ ନା ମାନି ବାହା ପା ରଚ୍ଚି ଇଟାଟ୍, ଇନାକିଦେଂକି ମି ପାତ୍ନା ହୁକେ ଏପେଙ୍ଗ୍ ନାଢ଼େଢ଼ ମାସ୍ତି ଗାଟାନାଦେର୍, ଆନ୍ ଇଦାଂ ଆହା କିନାଙ୍ଗା ।

ହାରିହାରା ଜୁଞ୍ଜାର୍

୨୩ କ୍ରିସ୍ଟ ଜିସୁତି କାଜିଂ ତାଢ଼େଙ୍ଗ୍ ନା ହାଙ୍ଗ୍ଦାକାନ୍ ରଚେ ଗାଟ୍ୟା ଆତାକାନ୍ ଏପାପ୍ରା ଆରି ନା ହାଙ୍ଗ୍ଦାକାର୍ ୨୪ କ୍ରିସ୍ଟ ଜିସୁ କାଜିଂ ନା ହାଙ୍ଗ୍ଦି ବନ୍ଦି ଏପାପ୍ରା ଆରି ନା ହାଙ୍ଗ୍ଦାକାର୍ ଇନେନ୍ ମାର୍କ, ଆରିସ୍ତାର୍କ, ଦିମା ଆରି ଲୁକ ନିଢ଼େଙ୍ଗ୍ ଜୁଞ୍ଜାର୍ ଜାଣାୟ୍ କିଦନାମା ।

୨୫ ମା ମାପୁ ଜିସୁ କ୍ରିସ୍ଟି ଉପକାର୍ ମି ଝିଜାକାର୍ ଜିବୁନ୍ତ ଆଏଡ୍ ।

ହିବ୍ରୁମାନଙ୍କୁ ଲିଖିତ ପତ୍ର ଏହିର ଲେକିକିତି ଆଜି । ଏହି ଆଜି ବିଷ୍ଣେ ପାଦେକ

ପ୍ଲୁନି ନିୟମନି ବାରବିନ୍ଦ ବେଶ୍‌ବାକ୍‌ଶାୟକିନାକା ସବୁ ବାଚି ଆତାକା ବିଷ୍ଣେ ଇବେ ଗାଟାନାସ୍ । ଇବେ ଆଦିକ୍ ଅତିସ୍ ୭୦ ତା° ଆଦିକ୍ ପ୍ଲୁନି ନିୟମନି ପାଟ୍ ମାନାଡ୍ । ଇନାକା ଜିସୁ କ୍ରିଷ୍ଟୁ ଇନେସ୍ ବାବ୍ରେ ବେଶ୍‌ବାକ୍‌ଶାୟକିତାକା ଆରି ଜିହୁଦି ମାପୁହେବାକିନାକାତ କାମାୟ ବାଚି କିତାନ୍ ଇବେ ଆସେଙ୍ଗ୍ ପାୟା ଆନାସ୍ ।

ଇ ବିଷ୍ଣେତା° ଇଦା° ଜିହୁଦିର୍ କ୍ରିଷ୍ଟିୟାରି° ସାସ୍ ହିନି ପତି । ଏହି ପତି ଜିସୁ ବିଦି ଝିହ୍ନି କାଜି° ମାପୁହେବାକିନାକାନ୍ ଆରେରଗ ଇନାଝାଡା° ପୁଜାକିନାକା ଲଡା ଆକାୟ । ଜିସୁ କ୍ରିଷ୍ଟୁ ଆନାନା ଝିଜୁ ପାପ୍‌ନି ପୁଜା ହିଆତାନ୍ ରଞ୍ଜେମାଡ୍ ସବୁଝେଡାଙ୍ଗ୍ କାଜି° । ନଙ୍ଗିନି ଜୁଗ୍‌ନି କ୍ରିଷ୍ଟିୟାର କାଜି° ଏହି ଆକିତ ସାସ୍ ହୁଡ୍‌ୟା ଆନାଡ୍ । କେବଲ୍ କ୍ରିଷ୍ଟୁ ମା ଇସ୍‌ବର୍‌ତି° ବାସି କିନି କାଜି° ଆଡ୍‌ନାସ୍ । ଆରେ ପା ହେଝାନ୍ ତାକେ ବାସି କିଜି ଚାଲାନାସ୍ ୧୨:୨ ।

ଏହି ପତି ଇନେର୍ ଲେକିକିତାଣ୍ଡା ପୁନ୍ୟାଉତା, ମାତର୍ ପଣ୍ଡିତାର ଇନାରା, ପକ୍ୟାତି ପାଉଲ୍, ଲୁକ, କି ବର୍ଣ୍ଣିବା ଆଜି ମାନ୍‌ଗାନାର୍ । ଇବେନି ଲେକା ପା ପୁନ୍ୟାଉତ ମାତର୍ କେତେକ୍ ଜାଣ୍ ପାଚି କିତାନ୍ ଜେ, ଇଦା° ଜିସୁ କ୍ରିଷ୍ଟୁତି ଜଲମ୍ ପାଚେ ୭୦ ତ ଲେକା ଆତାନ୍ । ଜିରୁସାଲମ୍ ମନ୍ଦିର୍ ୭୦ ତ ନାସ୍ ଆତାଡ୍ ମାତର୍ ଇ ଆକିନି ଲେକିକିନାକାନ୍ ଇଦା° ନାସ୍ ଆଝିତି ଲାକେ ଇନାନ୍ । ଏହି ଆକି ଆଜି ମାନ୍‌ଗାନାଡ୍ ରମିୟ ଗାଡ୍‌ଡ୍ ଲେକାଜି ମାତାଡ୍ ୧୩:୨୪ ଆରି ବାରବିନ୍ଦ ମଣ୍ଡୁଲିତ ପାସପିସ୍ ହିତାଣ୍ଡା ।

ଏହି ଆକି ବିଷ୍ଣେନି ରାହାଣ୍

୧. ଲେକିକିନାକାନ୍ ଇନାନ୍ ଜେ, ଜିସୁ କ୍ରିଷ୍ଟୁ ଆନାନା ଇସ୍‌ବର୍‌ତି ବେଶ୍‌ବାକ୍‌ଶାୟକିନାକାନ୍ ଆରି ଦୁତକ୍ ତା° ପା ଗାଜାକାନ୍ । ୧:୧-୪:୧୩
୨. ଜିରୁସାଲମ୍‌ତ ହେବା କିନି ମାପୁହେବାକିନାକାର୍ ତା° ପା ଜିସୁ କ୍ରିଷ୍ଟୁ ଗାଜାକାନ୍ ଇଞ୍ଜି ଲେକିକିନାକାନ୍ ଇନାନା । ୪:୧୪-୭:୨୮
୩. ମସାତି ହୁଦା° ମାନାୟାରି° ହିୟାଜି ମାତି ବିଦି ନି ପାନି ଗଜା ଜିସୁତି ହେବାକାମାୟ ଗାଜାକାନ୍ । ୮:୧-୧୦:୩୧
୪. ଜିସୁଙ୍ଗ୍ ଝିଜୁତାକେ ଗାଜାକାନ୍ । ୧୦:୩୨-୧୩:୧୭
୫. ଲେକିକିନାକାନ୍ ଇ ଆକିତ ଏତେଗଟା ସାସ୍‌ନି ବୁଜାୟ କିଜି ଲେକା ଝିହ୍ନାନ୍ । ୧୩:୧୮-୨୫

ମାଜିତି ଇସ୍‌ବର୍‌ ହିଡ୍‌ତି କାରୁର୍

୧ ଇସ୍‌ବର୍‌ ଆଗେକାଡ୍‌ଡ୍ ବିନ୍‌ବିନ୍ ବାଗ୍‌ତ ଆରି ବିନେବିନେ ବାନି ବେଶ୍‌ବାକ୍‌ଶାୟ କିନାକାର୍ କାଜି° ବୁଡାରିଙ୍ଗ୍ କାତା ଇଞ୍ଜି ମାତାର୍ ୨ ଇ ହାରିହାରା କାଡ୍‌ଡ୍ ମାଜି କାଜି° ମାଙ୍ଗେଙ୍ଗ୍ କାତା ଇଞ୍ଜାଣ୍ଡା; ତାଙ୍ଗେଙ୍ଗ୍ ହେ ସବୁ ବିଷ୍ଣେନି ଆଦିକାର୍ କିଜି ବାଚି କିତାନ୍, ତା ହୁକେ ପା ସବୁ ଜଗଡ୍ ଉଦ୍‌ଜାଣ୍ କିତାନ୍; ୩ ହେଝାନ୍ ତାକେ ଇସ୍‌ବର୍‌ତି ଜାଜ୍‌ମାଲ୍‌ନି ଅଜଡ୍ ଆରି ତାଦା° ପୁରା, ହଲନାକା ଆତାଡ୍‌ନା । ଆରେ ହେଝାନ୍ ଜାର୍‌ତି ବଚନ୍ କାଜି° ପୁତ୍‌ନି ଜଗଡ୍‌ତି° ତାବେ କିତାନ୍ । ହେଝାନ୍ ମାନାୟ ଜାତି କାଜି° ପାପ୍ ନିର୍ମଲ୍ କିଜି ସାଗେତ ସାଲ୍‌କାଟି ଇସ୍‌ବର୍‌ ବୁଜ୍‌ଣି ବାଗାଙ୍ଗ୍ କୁଡ୍‌ତାନ୍ନା ।

ଇସ୍‌ବର୍‌ତି ମାଜି ମୁଡ୍‌ଦାକାନ୍

୪ ହେଝାନ୍ ଇମ୍‌ଣି ଇସାପ୍‌ତ ସାଗେନି ଦୁଡ୍‌କୁକା° କାଜି° ଆଦେକ୍ ନେକ୍ରି ତର୍‌ଦି ଆଦିକାର୍ ଆତାଣ୍ଡା, ହେ ଇସାପ୍‌ତ ହେଝାନ୍ ହେଝାକ୍‌ତା° ଆଦିକ୍ ମୁଡ୍‌ଦାକାନ୍ ଆତାନ୍ନା, ୫ ଇନାକିଦେ°କି ଇସ୍‌ବର୍‌ ଦୁଡ୍‌କୁ ବିତ୍ରେ ଇନେରି° ଇନାଝାଡା° ଏଲେଙ୍ଗ୍ ଇନ୍‌ଝାତାନ୍ନା ।

“ଏନେଙ୍ଗ୍ ମା ମାଜି,

ନେଞ୍ଜେଙ୍ଗ୍‌ତା° ଆନ୍ ନି° ଜଲମ୍ ହିଡ୍‌ତାଙ୍ଗ୍‌ନା ?”

ଇସ୍‌ବର୍‌ ପା ଇଚାନ୍, ଆରେ

“ଆପ୍ ମି ଆବା ଆନାପ୍,

ଆରେ ହେଝାନ୍ ମା ମାଜି ଆନାନ୍ ?”

୬ ଆରେ, ଇମ୍‌ଣି ସମୁତ ହେଝାନ୍ ପର୍ତ୍ତମ୍ ଗାଗାଡ୍ ଆସ୍ତି ମାଜି ଆରେରଗ ପୁତ୍ ବିତ୍ରେ ନେବ୍‌କାନାର୍, ହେ ସମୁତିଙ୍ଗ୍ ଇଡ୍‌କାଡ୍ କିଜି ହେଝାନ୍ ଇନାନ୍ ।

“ଇସ୍‌ବର୍‌ନିକାର୍ ଝିଜାର୍ ଦୁଡ୍ ତାଙ୍ଗେଙ୍ଗ୍ ଜଝାର୍ କିଏଡ୍ ।”

୭ ମାତର୍ ର ପାକ୍ୟାତ ହେଝାନ୍ ଦୁଡ୍‌କୁ ବିଷ୍ଣେ ଇଞ୍ଜାନାନ୍,

“ହେୱାନ ଜାର ଦୁତରିଂ ଡ଼ଲୁଲୀକେ କିନାନ,
 ଆରେ ଜାର ହେବାକାରିରିଂ ନାଣିନି ପଞ୍ଜନିଲୀକେ କିନାନ,”
 ୮ ବିନ୍ ପାକ୍ୟାତ ହେୱାନ ମାଜିଡ଼ି ବିସ୍ତେ ଇନାନ,
 “ଏ ଇସ୍ବର, ନି ଗାଦି ଜୁଗ୍ ଜୁଗ୍,
 ଆରେ ନିୟାୟନି ଦାଣ୍ଟି ମି ରାଜିନି ଦାଣ୍ଟି ଆନାଡ଼ ।”
 ୯ “ଏପ୍ ଦାମ୍ ଡ଼ିଂ ଜିଉନତାୟନା ଆରି ଅଦାମ୍ କାତାତିଂ ବାନ୍ୟା କିତାୟନା,
 ଲାଗିଂ ହେଦାଂ ଏ ଇସ୍ବର ମି ଇସ୍ବର ମିଜେଙ୍ଗ୍ ବାଚିକିଡ଼ତାନ୍ନା,
 ମି ହାଙ୍ଗ୍ଦାକାର୍ ବାଟା ନିଜେଙ୍ଗ୍ ଆଦିକ୍ ଖାରି ଲାକେ ଚିକାଣ୍ଡତାଂ ସିଗ୍ କିତାନ୍ନା ।”
 ୧୦ ହେୱାନ ଆରେ ପା ଇଚାନ୍ନା,
 “ଏ ମାପୁ, ଏନ୍ ମୁଡ଼ଦାଂ ପୁତ୍ ଡ଼ିଂ କୁନାଦି ରଚ୍ଚି ମାଚାୟ,
 ଆରେ ଆକାସକାଂ ନି କେଇଦାଂ ରଚ୍ଚି କାମାୟ ।”
 ୧୧ “ହେ ସବୁ ରୁଡ଼ାନିକ୍, ମତର୍ ଏନ୍ ନିଡ଼େଡ଼ିର୍,
 ଆରେ ହେ ସବୁ ଆଜିଙ୍ଗ୍ ଲାକେ ଜିରା ଆଜି ହାନିଙ୍ଗ୍ ।”
 ୧୨ “ଆରେ ଏନ୍ ହେୟା ଲାକେ, ଆଁ ଆଜିଙ୍ଗ୍ ଲାକେ ହେ ସବୁ ପରିକିଦ୍ନାଡ଼, ଆରେ ହେ ସବୁ ବାଦ୍ଲାନାଡ଼ ।
 ମତର୍ ଏନ୍ ନିଡ଼େ ସମାନ, ଆରେ ନି ଜିବୁନ୍ ସବୁ ଇନିଖାଡ଼ାଂ ଖିଜୁଡ଼ ।”
 ୧୩ “ଆରେ ଆପ୍ ଏତେକ୍ ପାତେକ୍ ମି ସାଡ଼ୁରିଂ ମି ପାନା ତାରେନ୍ ଇଡ଼଼ାତାପ୍ନା ।
 ହେପାତେକ୍ ମା ତିନାକେଇ ନିପ କୁଚ୍ଚି ମାନାଟ୍,
 ଇଦାଂ ହେୱାନ ଦୁଡ଼ର୍ ବିଡ଼େ ଇନେରିଂ ଇନାଖାଡ଼ାଂ ଇନ୍ ଖାତାନ୍ନା ।”
 ୧୪ ଲାଗିଂ ସାଗେଡ଼ୁଡ଼ ଇନେର୍ ? ହେୱେକ୍ ଆନିକା ଇସ୍ବରତି ହେବାକାରି, ମୁକ୍ତାନି ମାନାୟାର୍ତି ଉପକାର୍ କାଜିଂ
 ଇସ୍ବର ହୁକେ ପକ୍ୟାତି ଜିବୁନିଂ ।

୨

ଗାଜା ମୁକ୍ତାନାକା

୧ ଲାଗ, ଖେଚି କାତାତିଂ ଆଦିକ୍ ମାନ ଦିଆନ୍ ଇଚ୍ଚନାକା ମା ଲଡ଼ା, ନଲେ ଏତେକାଡ଼ଦ ମା ଇଚ୍ଚକାଡ଼ ବାଙ୍ଗାନାଡ଼ ।
 ୨ ଇନାକିଦେଂକି ପର୍ତ୍ତୁମ୍ ଇସ୍ବର ସାଗେନି ଦୁଡ଼ର୍ ଲାହାଂ ଇମ୍ଣି କାରୁର୍ ଖେଚ୍ଚତାତାଣ୍ଟା ହେଦାଂ ହାଡ଼ପା ଇଞ୍ଜି ପାର୍ମାଣ୍
 ଇମ୍ଣାକାର୍ ଅମାନ୍ୟା ଆଜି ପାଲି କିଉରା ହେୱାର୍ ପାୟାନି ନିୟାୟ ପାୟାତାଣ୍ଟା । ୩ ଖାଟିଂ ଏଲେଙ୍ଗ୍ ଗାଜା ମୁକ୍ତି ଆନାକା
 ଏଲା କିତିସ୍ ଆସେଙ୍ଗ୍ ଇନେସ୍ ରାକ୍ୟା ପାୟାନାସ୍ ? ହେଦାଂ ତ ପର୍ତ୍ତୁମ୍ ମାପୁଡ଼ି ହୁଦାଂ ଇନ୍ୟା ଆଜି ଖେଚି ଲୁଗାଡ଼ି ହୁଦାଂ
 ମା ଲାଗାୟ ପାର୍ମାଣ୍ ପୁରା ଆତାଡ଼; ୪ ହେ ବିସ୍ତେ ଇସ୍ବର ପା ଜାର ଇଚା ଇସାପ୍ରେ ବାର୍ବିନି ଚିନ୍ ଆରି କାବାନି କାମାୟ
 ଆରେ ବାରବିନି ସାକ୍ତିନି କାମାୟ ଆରି ପୁଇପୁୟା ଜିବୁକ୍ତି ଆଦେକ୍ ଦାନ୍ ହୁଦାଂ ସାକି ହିଡ଼ତାନ୍ନା ।

ଜିସୁ ବାତ୍ ଗାଗାଡ଼ ଆସ୍ତାନ୍

୫ ଇନାକିଦେଂକି ଇମ୍ଣି ଏଡ଼ୁ ପୁଡ଼ିଂ ନି କାତା ଆସେଙ୍ଗ୍ ଇନାସା, ହେଦାଂ ହେୱାନ ଦୁଡ଼କ୍ତି ତଲ୍ୟା କିଡ଼଼ାତାନ୍ନା ।
 ୬ ଇନେକିଦେଂକି ଦରମ୍ ସାସ୍ତରତ ଲେକାତାଡ଼ନା, ଇମ୍ଣି ବାହାତ ଇ କାତା ଇଞ୍ଜି ସାକି ହିଡ଼ାନ୍ନା ମାନାୟ ଇନେର୍ ।
 ଜେ ଏପେଙ୍ଗ୍ ହେୱାନିଂ ଏଡ଼ କିଜି ମାନାଦେର୍ ?
 ମାନାୟ ମାଜି ଇନେର୍ ଜେ,
 ଏପେଙ୍ଗ୍ ହେୱାକ୍ତି ଜାଡ଼ନ୍ ଅନାଦେରା ?
 ୭ ଏପେଙ୍ଗ୍ ଦୁଡ଼ର୍ତାଂ ତାଜେଙ୍ଗ୍ ଅଲପ୍ ତଲ୍ୟା କିତାଦେଣ୍ଟା ।
 ଏପେଙ୍ଗ୍ ହେୱାନିଂ ଜାଜ୍ମାଲ୍ ଆରି ସନ୍ମାନନି ମୁକ୍ତର୍ ଲାକେ ତୁଜି କିତାଦେଣ୍ଟା,
 ୮ “ଖିଜୁ ବିସ୍ତେ ଜପି ଏପେଙ୍ଗ୍ ହେୱାନ ପାନା ତାରେନ୍ ଇଡ଼଼ାତାଦେଣ୍ଟା ।”
 ହାପୁରତେ ହେ “ଖିଜୁ ବିସ୍ତେଡ଼ିଂ ହେୱାକ୍ତି ତଲ୍ୟା କିଦେଙ୍ଗ୍ ଇମ୍ଣି ବିସ୍ତେ ହେୱାକ୍ତି ତଲ୍ୟା କିଖାଦାଂ ପିହ୍ଵାତାନ୍ନା ।”
 ଆପେଂ ଇ ପାତେକ୍ ଖିଜୁ ବିସ୍ତେ ହେୱାକ୍ତି ତାରେନ୍ ଆନାକା ହୁଡ଼଼ାତାପ୍ନା ହାଡ଼ପା, ୯ ଆପେଂ ହୁଡ଼଼ାପା ଇନେସ୍ ଜିସୁ
 ଦୁଡ଼କ୍ତାଂ ଅଲପ୍ ତଲ୍ୟା ଆଜି ମାଚାର୍, ହେୱାନିଂ ଇଚିସ୍ ଜିସୁ ହାକିନି ଦୁକ୍ବଗ୍ କାଜିଂ ଜାଜ୍ମାଲ୍ ଆରି ମାନିନି ଲାକେ
 ମୁକ୍ତର୍ ଉସପିସ୍ ମାନାକା ହୁଡ଼଼ାପା, ଇନେସ୍ ଇସ୍ବରତି ଦୟାତ ଜାଣ୍ଟକେ ମାନାୟ କାଜିଂ ହେୱାନ ହାକିତିଂ ହୁଡ଼଼ାନ୍ନା
 । ୧୦ ଇନାକିଦେଂକି ଇନେର୍ତି କାଜିଂ ଆରି ଇନେର୍ତି ହୁଦାଂ ଖିଜୁ ବିସ୍ତେ ଉବ୍ଜାଣ୍ ଆତାଡ଼ନା, ଆଦେକ୍ ହିମ୍ଣାକାଂ
 ଜାଜ୍ମାଲ୍ତାଂ ହଚ୍ପେଦେଂ ହେୱାର୍ତି ମୁକ୍ତାୟକିନି ମୁଣିକାଂ ଦୁକ୍ବଗ୍ ହୁଦାଂ ବାତ୍ କିନାକା ହେୱାକ୍ତି ହାର୍ ମାଚାଡ଼
 । ଜିସୁ ନେ ମୁକ୍ତାନି ହାଜି ଚଚ୍ଚାନାନ୍ ।

^{୧୧} ଲାଗିଂ ଜିସୁ ଆରି ଇମ୍‌ଣାକାରିଂ ପୁଇପୁୟା ଆନାର୍, ହେଝାର୍ ଝିଜାର୍ ର ଆବାର୍ତି ହିମ୍‌ଣାଂ; ହେଦାଂ କାଜିଂ ହେଝାନ୍ ହେଝାରିଂ ଟଣ୍ଡେକ୍ ଆରି ତଣ୍ଡେକ୍ ଇଞ୍ଜେକ୍ ଲାଜୁ ଆଉନ୍, ^{୧୨} “ହେଝାନ୍ ଇସ୍‌ରତିଂ ଇନାନ୍,”
 “ଆନ୍ ଜାର୍ ଟଣ୍ଡାର୍ ଆରି ତଣ୍ଡେକ୍ ଲାଗାୟ୍ ନି ତର୍ ସୁଣାୟ୍ କିନାଜ୍,
 ମଣ୍ଡୁଲି ବିତ୍ତେ ନି ଝାରିକିୟ୍ କେରକଣ୍ କେରନାଜ୍ ।”

^{୧୩} ହେଝାନ୍ ଇଦାଂ ଇଚାନ୍ନା “ଆନ୍ ଇସ୍‌ରତାକେ ପାତ୍ ଇଡ୍‌ନାଜ୍ ।” ଆରେରଗ, ଇଦାଂ ହୁଡାଟ୍, ଆନ୍ ଆରି “ଇସ୍‌ର ହିଡ୍‌ତି ନା ହିମ୍‌ଣାଜ୍ ।”

^{୧୪} ହେଝାନ୍ ଇମ୍‌ଣାକାରିଂ, ହିମ୍‌ଣାଜ୍ ଇଞ୍ଜି ଇନାରା, ନେତେର୍ ଜେଇନି ମେହାତିଲେ ହେଝାନ୍ ପା ନିଜେ ହେ ଲାକେ ହେବେନି ମିହାତାନ୍, ଇନେସ୍ ହାକି ହୁଦାଂ ହାକିନି ଆଦିକାର୍ତିଂ, ଇଚିସ୍ ସୟ୍‌ତାନ୍ତିଂ ନାସ୍ କିନାନ୍ ^{୧୫} ଆରେ ହାକିନି ପାଣ୍ଡୁତ୍ ଇମ୍‌ଣାକାର୍ ସବୁଝେଡାଜ୍ ଆଡ୍‌ଏନ୍ ମାଚାର୍, ହେଝାରିଂ ହେଝାନ୍ ଉଦାର୍ କିନାନ୍ । ^{୧୬} ଇନାକିଦେଂକି ହାଡ୍‌ପାନେ ହେଝାନ୍‌ତ ସାଗେ ଦୁଡ୍‌ରତି ଜାତୁନ୍ ଅଝାଦାଂ ଅଗ୍ରାହାମ୍‌ତି ଲାତ୍ରା ହିମ୍‌ଣାକାଂ ଉପକାର୍ କିତାର୍ । ^{୧୭} ଲାଗିଂ, ଝିଜୁ ବିସ୍ତେ ଜାର୍ ଟଣ୍ଡାର୍ତି ଲାକେ ଆନାକା ହେଝାନ୍ତି ଲଡା ମାଚାଟ୍, ଇନେସ୍ ହେଝାନ୍ ମାନାୟାତ୍ ପାପିନି କେମା କାଜିଂ ଇସ୍‌ରତି ହେବା ବିସ୍ତେ ରଝାନ୍ ଦୟା ନିକାନ୍ ଆରି ପାତ୍ ନି ମୁଡ୍ ମାପୁହେବାକିନାକାନ୍ ଆନାନ୍ । ^{୧୮} ଇନାକିଦେଂକି ହେଝାନ୍ ନିଜେ ପରିକ୍ୟାକିୟାଜି ଦୁକ୍‌ବଗ୍ କିଜିମାଟିଲେ ପରିକ୍ୟାକିୟା ଆଜି ମାନି ମାନାୟାତିଂ ଉପକାର୍ କିନି କାଜିଂ ଆଡ୍‌ନାନ୍ ।

୩

ଜିସୁ ମସାତାଂ ଗାଜାକାନ୍

^୧ କ୍ରିସ୍ଟୁଜ୍ ପାତ୍ କିନି ଟଣ୍ଡାର୍ ଆରି ତଣ୍ଡେକ୍ ଲାଗିଂ, ହେଝାନ୍ ସାଗେନି କୁକ୍ୟାତିତ ମେହାଜି ପୁଇପୁୟା ଟଣ୍ଡାର୍ ଆରି ତଣ୍ଡେକାଦେର୍, ମା ପାତ୍ ନି ଇସାବରେ ପକ୍ୟାତାକାନ୍ ଆରି ମୁଡ୍ ମାପୁହେବାକିନାକାନ୍ ଜିସୁତି ବିସ୍ତେ ଏଡୁ କିଜି ହୁଡାଟ୍;
^୨ ମସା ଇନେସ୍ ଇସ୍‌ରତି ଇଲ୍ ବିତ୍ତେ ପାତ୍ କିନାକାନ୍ ମାଚାନ୍, ଜିସୁ ହେ ଲାକେ ଜାର୍ ବାଟିକିତି ମୁଣିକା କାଜିଂ ପାତ୍ ମାଚାନ୍ । ^୩ ଇଲ୍ ବାଟା ଇଲ୍‌ନି ରଡ୍‌ତି ମୁଣିକା ଇନେସ୍ ଆଦିକ୍ ଝାରିକିୟା ଆନାନ୍, ହେ ଲାକେ ହେଝାନ୍ ମସାତି ବାଟା ଜିସୁଂ ଆଦିକ୍ ଜାଜ୍‌ମାଲ୍‌ନି ଜଗ୍ ଇଞ୍ଜି ଗାଣା କିୟାତାନ୍ନା । ^୪ ଲାଗିଂ ଜାଣକେ ଇଲ୍ ଇମ୍‌ଣାକା ପା କି ଇମ୍‌ଣି ଲଗୁତି ହୁଦାଂ ରଡ୍‌ଚାକା, ମତର୍ ଝିଜୁ ବିସ୍ତେ ଜେ ରଡ୍‌ତିମୁଣିକା, ହେଝାନ୍ ଇସ୍‌ର । ^୫ ହେବାକାର୍‌ୟା ବାବ୍ରେ ପାତେ ଇଚି ବିସ୍ତେ ସାକି ହିନି କାଜିଂ ମସା ହେଝାନ୍ତି ଇଲ୍ ପା ହେବା କିନାକାନ୍ ଲାକେ ହାଡ୍‌ପାରତେ ପାତ୍ ମାଚାନ୍ । ଆରି ହେଝାନ୍ତି କାମାୟ୍ ଇସ୍‌ର ପାତେନି ଦିକ୍ତ ଝେଡ୍‌ତି ମାଚାନ୍ ^୬ ମତର୍ କ୍ରିସ୍ଟୁ ମାଜି ଲାକେ ଇସ୍‌ରତି ଇଲ୍ ଜପି ମାଜି ଲାକେ ପାତ୍ ଲାକେ; ଜଦି ଆସେକ୍ ମାଦାଂ ସାସ୍ ଆରେ ଗରବ୍‌ନି କାରଣ୍ ଜେ ମା ବାସ୍, ହେଦାଂ ଆର୍‌ଝା ବାବ୍ରେ ହାରିହାରା ପାତେକ୍ ଆସ୍ତି ଇଡ୍‌ନାସ୍, ତା ଆତିସ୍ ଆସେକ୍ ତ ହେଝାନ୍ତି ଇଲ୍ ଲାକେ ଆନାସ୍ ।

ଇସ୍‌ରତି ମାନାୟାତ୍ କାଜିଂ ଜମ୍‌ନାକା

^୭ ଲାଗିଂ ପୁଇପୁୟା ଜିବୁନ୍ ଇନେସ୍ ଇନାନ୍, ନେଞ୍ଜେକ୍ “ଜଦି ଏପେକ୍ ଇସ୍‌ରତି କାତା ଝେନାଦେର୍,”
 ି ଇନେସ୍ ରିସା କିୟାକିନି ବାହାତ ଆରି ବାଟାତ ପରିକ୍ୟା ନାଜିଂ ଗିଟାଜି ମାଚାଟ୍,
 ହେ ଲାକେ ଜାର୍ ଜାର୍ ମାନ୍ତିଂ ଆର୍‌ଝା କିମାଟ୍;
^୮ ଇସ୍‌ର ଇନାନ୍, ହେ ବାଟାତ ମି ଆବା ଲାତ୍ରାର୍ ଇସ୍‌ର ମାଜ୍ ସାକ୍ତି ଆରି କାମାୟ୍ ପରିକ୍ୟା କିଜି ହୁଡ୍‌ତାନ୍,
 ଆରେ ରିକଡ୍‌ତି ବାହୁଁ ପାତେକ୍ ମା କାମାୟ୍ ହୁଡ୍‌ତାନ୍ ।
^୯ ଲାଗିଂ ଆପ୍ ଇ ବ୍‌ସ୍ କାଜିଂ ରିସା ଆଜି ଇଚାପ୍,
 ହେଝାର୍ ନିତ୍ତେ ମାତ୍ର ବୁଲ୍‌କା ଆତାଣ୍ଣା,
 ହେଝାର୍ ମା ହାଜି ସବୁ ପୁନ୍‌ଝାତାଣ୍ଣା ।

^{୧୦} ଆନ୍ ରିସାତ ପାର୍‌ମାଣ୍ କିତାଜ୍,
 ଆନ୍ ଇମ୍‌ଣି ଦେସ୍‌ତ
 ହେଝାରିଂ ଜମ୍‌ଦେଂ ହିତାଜ୍‌ନା ହେ ଦେସ୍‌ତ ହେଝାର୍ ମୁଡ୍‌ତେ ହଣ୍ଡେକ୍ ଆଡ୍‌ର ।

^{୧୧} ଏ ଟଣ୍ଡାର୍ ଆରି ତଣ୍ଡେକ୍, ଜାଗ୍‌ଡ୍‌ଆତ, ମି ବିତ୍ତେତାଂ ଇନେରତି ଝାସ୍ତି ଇନେସ୍ ପାପ୍ ଆରି ପାତ୍ କିଝାକାତ ବାତ୍ ଆଜି ଜିବୁନ୍‌ତି ଇସ୍‌ରତି କାଜିଂ ଦେହା ଆମାଟ୍ । ^{୧୨} ମତର୍ ଏଚେକାଡ୍‌ଦ ପାପିନି ଟକାୟ୍ ହୁଦାଂ ମି ବିତ୍ତେ ଇନେର୍ ଆର୍‌ଝା ମାନ୍ ଆତିସ୍, ଇଦାଂ କାଜିଂ “ନେଞ୍ଜେକ୍” ପାଗ୍ରା ମାନ୍ ମାନ୍ ସବୁ ଦିନ୍ ହାରି ଝାରି କିୟାଟ୍, ^{୧୩} ଇନାକିଦେଂକି ଆରମ୍‌ତାଂ ମାଦାଂ ଇମ୍‌ଣି ପାତ୍ ମାଚାଟ୍, ହେଦାଂ ଜଦି ହାରିହାରା ପାତେକ୍ ଆର୍‌ଝା କିଜି ଆସ୍ତି ଇଡ୍‌ନାସ୍, ତା ଆତିସ୍ କ୍ରିସ୍ଟୁତି ମେହାଜି ମାନାସ୍ ।

୧୫ ଏ ପାତକିନି ଟଣ୍ଡାର, ଜାଗ୍ରତ୍, ମି “ବିଦ୍ରେତାଂ ଇନେରତି ଜିବୁନ୍ ଇନେସ୍ ପାପ୍ ଆରି ପାତକିଞ୍ଜାଦାଂ ବାତକି ଆଜି ଜିବୁନ୍ ଇସ୍ପୁରତି କାଜିଂ ଦେହା ଆମାଟ୍ ।”

୧୬ ଖାଟିଂ ଇମ୍ଣାକାର୍ ଇସ୍ପୁରତି କାରୁର୍ ଝେନ୍ଝି ରିସା ଉବ୍ଜାୟ୍ କିତାର୍ ? ମସାତି ହୁଦାଂ ମିସର୍ ଦେସ୍ତାଂ ଇନେର୍ ହସି ଖାଜି ମାଚାର୍, ହେ ଝିଜାକାର୍ ଇନାକା ହେଝାର୍ ଆକାୟ୍ ? ୧୭ ଆରେ ଇନେରତି ଜପି ରିକଡି ବାହୁଁ ପାତେକ୍ ହେଝାନ୍ ରିସା ଆଜି ମାଚାନ୍ ? ଇମ୍ଣାକାର୍ ପାପ୍ କିଜି ମାଚାର୍, ଇମ୍ଣାକାତକି ମାଡ୍ ବାଗାତ ଆଜି ମାଚାଡ୍, ଇନାକା ହେଝାର୍ ଆକାୟ୍ ? ୧୮ ଇସ୍ପୁର୍ ଏଚେକାଡ୍ ପାର୍ମାଣ୍ କିଜି ଇଞ୍ଜି ମାଚାନ୍ ଜେ, ହେଝାର୍ ହେଝାର୍ତି ଜମ୍ନିତ ଇମ୍ଣାକାର୍ ଅମାନ୍ୟା ଆଜି ମାଚାର୍, ହେଝାରିଂ ପିସ୍ତି ଆରେ ଇମ୍ଣାକାର୍ ବିରୁଦ୍ଦତ ହେଝାନ୍ ପାର୍ମାଣ୍ କିଜି ମାଚାର୍ ଜେ, “ହେଝାର୍ ହେଝାନ୍ତି ଜମ୍ନିତାକେ ହଶ୍ଗୁର୍ ?” ୧୯ ଲାଗିଂ ଆସେକ୍ ହୁଡ୍ନାସ୍ ଜେ, ପାତକିଞ୍ଜାକାର୍ କାଜିଂ ହେଝାର୍ କିଶାନ୍ ଦେସ୍ତ ହଶ୍ଗେକ୍ ଆଡ୍ଝାତାର୍ ।

୪

୧ ମାଜେକ୍ ଇମ୍ଣା ଜମ୍ନାକା ହିଦ୍ନାନ୍ ଇଞ୍ଜି ଇସ୍ପୁର୍ ଇଞ୍ଜି ମାଚାନ୍, ହେଦାଂ ଆପେଂ ପାୟାନ୍ୟା ଇଞ୍ଜି ଇସ୍ପୁର୍ ପାର୍ମାଣ୍ କିତାନ୍ନା ଲାଗିଂ ଆସେକ୍ ପାଣ୍ଡୁ ଆନାସ୍, ଏଚେକାଡ୍ ଇସ୍ପୁର୍ ଜମ୍ନିତ ହଶ୍ଗେକ୍ ପାର୍ମାଣ୍ ମାନି ବାହାତ ପା ମି ବିଦ୍ରେ ଇନେର୍ ହେବେଣ୍ଡାଂ ଉଣା ଆତି ଲାକେ ଚଞ୍ଜାୟାନ୍ । ୨ ଇନାକିଦେଂକି ହେଝାର୍ତି ଲାଗେ ଇନେସ୍, ମା ଲାଗାୟ୍ ପା ହେ ଲାକେ ନେକ୍ଟିକାରୁର୍ ସୁଣାୟ୍ କିତାକା ଝେଚାପ୍, ଝେନାକାର୍ ପାତକି ହୁଦାଂ ହାଦକି କାତା ଲାଗେ କିଞ୍ଜାଦାଂ ହେଦାଂ ହେଝାର୍ତି ପାକ୍ୟାତ ଲାବ୍ ଆଞ୍ଜାତାଡ୍ । ୩ ଲାଗିଂ ପାତକିନିନାସା ଜେ ଆସେକ୍, କେବଲ୍ ଆସେକ୍ ହେ ଜମ୍ନିତାକେ ହଶାସ୍, ଇନେସ୍ ଇସ୍ପୁର୍ ଇଞ୍ଜାନ୍ନା,

ଲାଗିଂ “ଆପ୍ ଜାର୍ ରିସାତ ପାର୍ମାଣ୍ କିତାପ୍,
ହେଝାର୍ ମା ଜମ୍ନିତାକେ ହଶ୍ଗେକ୍ କଡର୍ ।” ଜଦି ଇ ଜମ୍ନାକା ଜଗଡ୍ନି ଉବ୍ଜାୟ୍ ସମୁତାଂ ଜାଗ୍ରତ୍ ଆତାଡ୍ନା ।

୪ ଇନାକିଦେଂକି ଝିଜୁ ଦିନ୍ ବିସ୍ତେ ହେଝାନ୍ ଇମ୍ଣାକା ପା ବାହାତ ଇ ବାନି ଇଞ୍ଜାନ୍ନା, “ଇସ୍ପୁର୍ ସାଡ୍ ଦିନ୍ତ ଜାର୍ତିଂ ଝିଜୁ କାମାୟ୍ତାଂ ଜମ୍ତାନ୍ ।” ୫ ଆରେ ଇ ବିସ୍ତେ ବିନ୍ ବାହାତ ଲେକାତାଡ୍ନା ଇସ୍ପୁର୍ ଆରେରଗ ଇଚାନ୍ନା, “ହେଝାର୍ ମା ଜମ୍ନିତାକେ ହଶ୍ଗୁର୍ ।” ୬ ଇମ୍ଣାକାର୍ ପର୍ତ୍ତମ୍ ନେକ୍ଟିକାରୁର୍ ଝେନ୍ଝି ମାଚାର୍, ଜାର୍ତି ପାତକିଞ୍ଜି କାଜିଂ ହେ ପାତକି ଲାବ୍ କିଦେକ୍ ଆଡ୍ଝାଦାଂ ମାଚାର୍ । ନକ୍ ବିନ୍ନିକାର୍ ହେ ଆରେ ଇମ୍ଣାକାତକି ଲାଗାୟ୍ ନେକ୍ଟିକାରୁର୍ ଆଗେ ପରଚାର୍ ଆଜି ମାଚାଡ୍, ହେଝାର୍ ଅମାନ୍ୟା କାଜିଂ ହଶ୍ଝିତିଲେ ହେଝାନ୍ ଆରେ ରଗ ୭ ଆରେ ର ଦିନ୍, ଇତିସ୍ “ନେଞ୍ଜେକ୍” ତିର୍ କିଜି ଏଚେକ୍ କାଡ୍ ପାଚେ ଦାଉଦ୍ତି ପତିତ ଇନାନ୍ନା, ଇନେସ୍ ଆଗେ ଇନ୍ୟା ଆତାଡ୍ନା,

“ନେଞ୍ଜେକ୍ ଜଦି ଏପେକ୍ ଇସ୍ପୁରତି କାରୁର୍ ଝେନାଦେର୍,
ଜାର୍ ଜାର୍ ମାନ୍ତିଂ ଆଡ୍ଝା କିମାଟ୍ ।”

୮ ଇନାକିଦେଂକି ଜଦି ଜିହସୁୟ୍ ମାନାୟାରିଂ ଇସ୍ପୁରତି ପାର୍ମାଣ୍ ଜମି କିତାନ୍ନା, ଖାଟିଂ ଇସ୍ପୁର୍ ପାଚେ ବିନ୍ ର ଜମ୍ନାକା କାତା ଲେକି କିଞ୍ଜାତାନ୍ନା । ୯ ଲାଗିଂ ଇଦାଂ ବୁଜାନ୍ନାକା ଜେ, ସାଡ୍ ଦିନ୍ତ ଇସ୍ପୁର୍ ଜମ୍ନି ଲାକେ, ତା ଲକୁ କାଜିଂ ର ଜମ୍ନିବାର୍ ସମୁ ଇଟ୍ୟାତାଡ୍ନା । ୧୦ ଇସ୍ପୁର୍ ଇନେସ୍ କାମାୟ୍ତାଂ ଜମ୍ତାନ୍ ଇନେରକି ଇସ୍ପୁରତି ଜମ୍ନିତାକେ ହଶାଣ୍ଡା, ହେଝାର୍ ଜାର୍ତି କାମାୟ୍ ଝାହନ୍ତାଂ ଜମ୍ତାର୍ନା । ୧୧ ଲାଗିଂ ମା ବିଦ୍ରେତାଂ ଇନେର୍ ଇନେସ୍ ଜାର୍ତି ପାତକିଞ୍ଜି କାଜିଂ ହେ ମାନାୟାନ୍ ଲାକେ ହେବେନି ଜମ୍ନିତାଂ ଜିଉନ୍ ଇଦାଂ କାଜିଂ ଆସେକ୍ ହେ ଜମ୍ନିତାକେ ହଶ୍ଗେକ୍ ଜାତୁନ୍ କିନାସ୍, ଇନେସ୍ ଇମ୍ଣା ଲଗୁ ଅମାନ୍ୟା ତାଦାଂ ହେ ଉତର୍ମୁଡ୍ ଇସାପ୍ରେ ନସ୍ ଆଉଡ୍ ।

୧୨ ଇନାକିଦେଂକି ଇସ୍ପୁରତି ବଚନ୍ ଜିବୁନ୍ନିକା ଆରି କାମାୟ୍ନିକା, ଆରେ ରି ଦାରା କାଣ୍ଡାତାଂ ଦାରା, ଆରେ ଝାସ୍ ଆରି ଜିବୁନ୍, ଗାଟି ଆରି ପ୍ରେନ୍ ମୁଟି ଆଲ୍ଗା ପାତେକ୍ ହଶାକା ଆରି ମାନ୍ତିନି ଚିତା ଆରି ବାବ୍ନାନି ହାରୁଗାଜା ବିଚାର୍କାର୍ୟା । ୧୩ ଇସ୍ପୁରତି ମୁମ୍ଦ ଇମ୍ଣାକା ପା ଡ୍ଗୁୟାଆଉଡ୍, ମତର୍ ଇନାକାନ୍ ଲାଗେ ମାଜେକ୍ ନାସ୍ ଆଦେଂ ଆନାଡ୍, ହେଝାନ୍ତି କାଶ୍ଗାତ ଝିଜୁ ବିସ୍ତେ ନାଗ୍ଡା ଆରି ତୁମ୍ତାନ୍ନାକା ।

ଜିସୁ ମୁଡ୍ଡି ମାପୁହେବାକିନାକାନ୍

୧୪ ଲାଗିଂ ସାର୍ଗେନି ଝିଜୁ ପା ହିଜି ହାଟିକ୍ନା ଜେ ଇସ୍ପୁରତି ମାଜି ଜିସୁ, ହେଝାନ୍ ମା ମୁଡ୍ ମାପୁହେବାକିନାକାନ୍ ଆତିଲେ ଝାଡୁ, ଆସେକ୍ ମା ପାତକିଞ୍ଜି ଆଡ୍ଝା ବାବ୍ରେ ଇଡ୍ନାସ୍ । ୧୫ ଇନାକିଦେଂକି ଇନେନ୍ ମା ବାଡ୍କାସ୍ ହିଲ୍ଝିତ ମା କାଜିଂ ଦୟା ଚଚ୍ଚେକ୍ ଆଡୁସ୍, ମାଦାଂ ଏଲେକ୍ ମୁଡ୍ ମାପୁହେବାକିନାକାନ୍ ହିଲୁନ୍, ଆଞ୍ଜିତିସ୍ ହେଝାନ୍ ପାପ୍ ହିଲ୍ଝାକାନ୍ ଆଜି ମା ଲାକେ ଝିଜୁତାକେ ପରିକ୍ୟାକିୟା ଆତାନ୍ । ୧୬ ଆଞ୍ଜିତିସ୍ ଝାଡୁ, ଦୟାପାୟାନି କାଜିଂ ଆରେ ସମାନ୍ ଝେଡାଲିଂ ଉପ୍କାର୍ ଆନି ସୁସ୍ତାତିଂ ଗାଟାନି କାଜିଂ ଆସେକ୍ ସାସ୍ତାଂ ସୁସ୍ତାନି ଗାଦି ଲାଗେ ହାନାସ୍ ।

୫

୧ ଇନାକିଦେଂକି ଜାଣକେ ମୁଡ଼୍ ମାପୁହେବାକିନାକାର ଇନେସ୍ ପାପ୍ କାଜିଂ ଆତାଡ଼ ଆରି ପୁଜା ହିନାକା, ହେଦାଂ କାଜିଂ ହେଖାନ ମାନାୟାତ ବିତ୍ରେତାଂ ଖାଜି ଇସ୍ବରତି ହେବା ବିସ୍ତେ ମାନାୟା ପାକ୍ୟାତାଂ ବାତି କିୟାଆନାନ୍ । ୨ ହେଖାନ ପୁନଂଖାକାର ଆରି ବାମ୍ବାନି ଲକାର କାଜିଂ ଦୟା ଚର୍ଚ୍ଚେକ୍ ଆଡ଼ନାନ୍, ଇନାକିଦେଂକି ହେଖାନ ନିଜେ ବିନ୍ ବିନ୍ ବାନିନି ଦସ୍ ନାଦାର ବାତ୍ ଆଜି ମାଚାନ, ୩ ଇଦାଂ କାଜିଂ ଲକାର କାଜିଂ ଇନେସ୍, ଜାର୍ କାଜିଂ ପା ହେ ଲାକେ ପାପ୍ନି ପୁଜା ହିନାକା ହେଖାନ୍ତି ଲଡ଼ା । ୪ ଆରେ ଇନେର୍ ଇ ମୁଡ଼୍ ମାପୁହେବାକିନାକାନ୍ ପାପ୍ ନିଜେ ଇଚୁର୍, ମତର୍ ହାରଣ୍ ଇନେସ୍ କୁକ୍ୟାଆତାନ୍, ହେ ଲାକେ ଇସ୍ବତ୍ କିତି କୁଲ୍ୟା ଆନାକା ଲଡ଼ା ।

୫ ହେ ଲାକେ କ୍ରିସ୍ଟ ପା ମୁଡ଼୍ମାପୁହେବାକିନି ପାପ୍ନି ଜାଜ୍ମାଲ୍ ନିଜେ ତେକ୍ଖାଦାଂ ମାଚାନ, ମତର୍ ଇସ୍ବର୍ ହେଖାନିଂ ହେ ଜାଜ୍ମାଲ୍ ପାପ୍ ହିଜି ମାଚାନ, ଇନାକିଦେଂକି ଇସ୍ବର୍ ହେଖାନିଂ ବାତିକିଜି ଇଞ୍ଜି ମାଚାନ, “ଏନ୍ ମା ମାଜି, ନେଞ୍ଜେକ୍ ଆପ୍ ନି ଆବା ଆତାପ୍ ।”

୬ ଆରେ ହେଖାନ ବିନ୍ ବାହାତ ପା ଇଚାନ୍ନା,
“ଏନ୍ ମଲ୍କିସେଦକ୍ତି ଲାକେ
ଓଜ୍ଝି ପାତେକ୍ ମାପୁ ହେବାକିନାକାନ୍ ଆତାୟନା ।”

୭ ଇନେର୍ ହେଖାନିଂ ହାକିତାଂ ରାକ୍ୟା କିଦେକ୍ ଆଡ଼ନାନ୍, ହେଖାନ୍ତି ଲାଗାୟା ହେଖାନ ଜାର୍ ପୁତ୍ ନି ଜିରୁନ୍ ମାନି ଖେଡ଼ାଲିଂ ବେସି ଆଡ଼ଜି ଆରି କାଣେଲିଂ ହୁକେ ପାର୍ତାନା ଆରି ଗଞ୍ଜାରି କିଜି ମାଚାର୍, ଆରେ ଉତର୍ ଲାକେ ଆପଦ୍ତାଂ ରାକ୍ୟା ପାୟାଜି ହେଖାନ ହୁଦାର୍ ଆରି ଦାମ୍ ମାଚିଲେ ଇସ୍ବର୍ ଖେଚାନ । ୮ ଜଦି ଇସ୍ବରତି ମାଜି ମାଚାନ ହେଖାନ ଇସ୍ବର୍ ମାଜି ଆତିସ୍ପା ଦୁକ୍ବଗ୍ ହୁଦାଂ ବଲ୍ମମାନି କିଜି ହିକ୍ୟା କିତାନ୍, ୯ ଇ ଲାକେ ହାଦାକାନ୍ ଆଜି ହେଖାନ ହେଖାନିଂ ବଲ୍ ମାନିକିନାକାର କାଜିଂ ଓଜ୍ଝି ମୁକ୍ତି ବାତିକିୟାତାନ୍ । ୧୦ ଆରେ ହେଖାନ ଇଦାଂ କାଜିଂ ହେଖାନ ଇସ୍ବରତି କିତି ମଲ୍କିସେଦକ୍ ମୁଣିକାପାପ୍ ଲାକେ ମୁଡ଼୍ମାପୁହେବାକିନାକାନ୍ ଇଞ୍ଜି ତର୍ ଗାଟା ଆତାନ୍ ।

ପାତ୍ ଆରାୟ କିନି ଅବସ୍ତା

୧୧ ଇ ବିସ୍ତେ ମାଦାଂ ବେସି କାତା ଇଞ୍ଜେକ୍ ମାନକିନାପା, ଆରେ ଏପେକ୍ ଖେଞ୍ଜେକ୍ ହିଡ଼ଡ଼ି ଆଜି ମାଚିଲେ ହେବେନି ଅରଡ଼ ବୁଜାୟକିଦେଂ କସ୍ । ୧୨ ଇନାକିଦେଂକି ଆତିସ୍ପା ଏଚେକ୍ ସମୁ ବିତ୍ରେ ଏପେକ୍ ମିଦାଂ ହିକିଡ଼ ଆଜି ଲଡ଼ା ମାଚାଡ଼, ଆତିସ୍ପା ଇସ୍ବରତି ବଚନ୍ତ ମୁଡ଼ଡ଼ି ହାଦ୍ ହୁଡୁରିଂ ଇନେର୍ ଜେ ହିକ୍ୟା ହିନାନ୍, ଇଦାଂ ଆରେ ରଗ ମିଦାଂ ଲଡ଼ା ମାନାଡ଼; ଗାଜାକାର ତିନି କାଦି ପାୟାନି ଲଡ଼ା ଆଖାଦାଂ ପାଲ୍ ମିଦାଂ ଲଡ଼ା ମାନାଡ଼ । ୧୩ ଇନେନ୍ ପାଲ୍ ଉଣାନ୍, ହେଖାନ ଦାମ୍ କାଡ଼ଦେ ଲାକେ ବଲ୍ମମ୍ ବିସ୍ତେ ଗିଆନ୍ ଆକାୟ । ୧୪ ମତର୍ ବୁଡ଼ା ଲଗ୍, ଇତିସ୍ ଇମ୍ଣାକାର ଗିୟାନ୍ବୁଦିକାଂ ଅବ୍ୟାସ୍ ହୁଦାଂ ବଲ୍ମମ୍ କିଦେକ୍ ଆଡ଼ନାଦେର୍, ହେଖାର୍ କାଜିଂ ବେସି ତିନାକା ଲଡ଼ା ।

୬

୧ ଲାଗିଂ, ଆସେକ୍ କ୍ରିସ୍ଟି ବିସ୍ତେ ପର୍ଡୁମ୍ନି ହିକ୍ୟା ପିସ୍ତି ହାକି କାରୁମ୍ତାଂ ମାନବାଦଲାୟା କିଜି, ଇସ୍ବର୍ ତାକେ ପାତ୍ କିଜି, ୨ ବାର୍ବିନି ବାପ୍ତିସିମ୍ ବିସ୍ତେ ହିକ୍ୟା, କେଇହିନାକା, ହାତାକାତ୍ ଆରେ ନିନାକା ଆରି ଓଜ୍ଝି ବିଚାର୍ ଲାକେ କୁନାଦି ଆରେ ରଗ କୁଚିକିଖାଦାଂ ବାତ୍ ଲାଦ୍ କିନି କାଜିଂ ହାନାସ୍ । ୩ ଆଁ, ଇସ୍ବର୍ ଇନାକା ବଲ୍ ହିଡ଼ତାନ୍ନା ଖେଚ୍ଚିତିସ୍ ଆସେକ୍ ଇଦାଂ କିନାସ୍ ।

୪ ଇନାକିଦେଂକି ଇମ୍ଣାକାର ରଗ ଅଜଡ଼ ଗାଟା ଆତାଣ୍ଣା, ସାର୍ଗେନି ଦାନ୍ ଖେଣ୍ଡାତାନ୍ନା, ପୁଇପୁୟା ଜିରୁନ୍ନି ମେହାଣ୍ ଆତାନ୍ନା, ୫ ଇସ୍ବରତି ହାଦ୍ ବଚନ୍ ଖାନି କାଡ଼ନି ଜୁଗ୍ ସାକ୍ତିତଂ ଖେଣ୍ଡାତାଣ୍ଣା, ୬ ଆତିସ୍ପା ହେଖାର୍ ପାତ୍ ପିସ୍ତାଣ୍ଣା ଲାଗିଂ ଆରେରଗ ମାନବାଦଲାୟା କାଜିଂ ଆରେ ରଗ ପୁନି କିୟକିଦେଂ ଅମାନ୍ୟା, ଲାଗିଂ ହେଖାର୍ ଜାର୍ ଜାର୍ତି ନାସ୍ କାଜିଂ ଇସ୍ବରତି ମାଜି, ଆରେ କୁସ୍ତ ହେଲାୟା ଆତି ଜିସ୍ତୁ ହୁଡ଼କ୍ତ ହେଖାନିଂ ନିଦା ଲକ୍ କିତାର୍ ।

୭ ଇମ୍ଣା ମେଦ୍ନି ଜାର୍ ଜପି ରଗତିଂ ରଗ ବୁଡ଼ାତି ବାହା ଏଜୁକ୍ ଉଣାଡ଼, ଆରେ ଇମ୍ଣାକାତ୍ କାଜିଂ ହେଦାଂ ତାସ୍ କିତିସ୍, ହେଖାର୍ତି ବାଡ଼ଦି କୁଚାକ୍ ଉପ୍ଜା ଆନାଡ଼, ହେଦାଂ ଇସ୍ବରତାଂ ଆସିର୍ବାଦ୍ ଗାଟା ଆନାଡ଼ । ୮ ମତର୍ ମେଦ୍ନି ଜଦି ଖାଡ଼ିକ୍ ଆରି କାରା ଆନାଡ଼, ଲାଗିଂ ହେଦାଂ ଇନାକାପା ମଲ୍ ହିଲ୍ଖାକା । ହେଦାଂ ଇସ୍ବରତି ସାଇପ୍ ଆନାଡ଼ ଆରି ନାଣିତ କାଡ଼ନାଡ଼ ।

୯ ମତର୍ ଏ ଖାରିନିକାଦେର୍, ମାଦାଂ ଆତିସ୍ପା ଏଲେକ୍ ଇନାସା, ଆତିସ୍ପା ମି ଅବସ୍ତା ଜେ ତା ତାଂ ନେକ୍ତାକା ଆରି ମୁକ୍ତାନାକା ପାୟାଦେଂ ମା ଆହା ମିହାତାକା, ଇଦାଂ ଆପେଂ ହାର୍ କିଜି ପାତ୍ କିନାପା । ୧୦ ଇସ୍ବର୍ ଅନ୍ୟାୟା କିଉନ୍ । ମି କାମାୟା, ବେସି କିଜି ସାଦୁରିଂ ହେବା କିଜି ଇସ୍ବର୍ ତର୍ କାଜିଂ ଏପେକ୍ ଇମ୍ଣା ଖାରି ହପ୍ତି ଖାନାଦେରା ହେଦାଂ ହେଖାନ ବାଣା ଆଉନ୍ । ୧୧ ମତର୍ ମାଦାଂ ରଞ୍ଜାକ୍ ଇଚା ଜେ, ଏପେକ୍ ଜାଣକେ ହାରିହାରା ପାତେକ୍ ପା ତାଡ଼ ବାସ୍ ଲାହାକ୍

ହେ ଲାକେ ଜାତୁନ୍ ଆତୁ, ୧୨ ତା ଆତିସ୍ ଏପେକ୍ ଇନାଖାଡ଼ା ହିଡ଼ଡ଼ି ଆଖାଦା, ଆବ୍‌ଖା ପାତ୍ ସାସ୍ ହୁଦାଂ ପାର୍ମାଣ୍ଡା ଆଦିକାରି, ନଲେ ହେଖାରତି ଆଦିକାରି ଆତୁ ।

ଇସ୍‌ବର୍ତ୍ତ ପାର୍ମାଣ୍ଡ ଗୁରାଖାକା

୧୩ ଇନାକିଦେଂକି ଇସ୍‌ବର୍ ଏଚେକାଡ଼ଦ ଅବ୍ରାହାମ୍ ଲାଗାୟ୍ ପାର୍ମାଣ୍ଡ କିଜି ମାଚାନ, ହେ ଏଚେକାଡ଼ଦ ହେଖାନ ଆରେ ଇମ୍‌ଶାକା ପା ଗାଜା ତର୍ ଗାଗାଞ୍ଜିଲେ ଜାର୍ ତର୍ଦାଂ ପାର୍ମାଣ୍ଡ କିଜି ଇଞ୍ଜି ମାଚାନ, ୧୪ ହେଖାନ ଇଚାନ “ଆପ୍ ନିକ୍‌କେକ୍ ଆସିର୍ବାଦ୍ କିଦ୍‌ନାପ୍ ଆରି ନି ବ୍‌ସ୍‌ତିଂ ବେସି ବାତାୟ୍ କିନାପ୍ ।” ୧୫ ଆରେ ଏଲେକ୍ ବାନି ଲାମାହୁଦାର୍ ଆଜି ଅବ୍ରାହାମ୍ ପାର୍ମାଣ୍ଡି ପାଡ଼୍ ଗାଗାଜି ମାଚାନ । ୧୬ ମାନାୟ୍‌ରତି ଗାଜା ତର୍ଦ ପାର୍ମାଣ୍ଡ କିଜି ମାଚାର୍, ଆରେ କାତା ତିର୍ କିନି କାଜିଂ ହେଖାରତି ଝିଜୁ ଗଣ୍ଡଗଲ୍‌ନି ତିର୍ ପାର୍ମାଣ୍ଡ ହୁଦାଂ ଆନାଡ଼ । ୧୭ ଲାଗିଂ ଇସ୍‌ବର୍ ପାର୍ମାଣ୍ଡି ଆଦିକାରିର୍ ଲାଗାୟ୍ ଜାର୍ ବେରଣ୍‌ନି ଆବ୍‌ଖା ଆଦିକ୍ ମେଲାତ ହପ୍‌ତେଂ ମାନ କିଜି ପାର୍ମାଣ୍ଡ ଲାହାଂ କିଜି ମାଚାନ, ୧୮ ଇନେସ୍ ଇମ୍‌ଶି ରିଣ୍ଡି ବାଦ୍‌ଲାଆଞ୍ଜି ବିସ୍ତେ ଇସ୍‌ବର୍‌ତି ମିର୍ ଇନାକା ଆଡ଼ଡ଼, ତା ହୁଦାଂ ମୁମ୍‌ଦ ମାନି ବାସ୍‌ତିଂ ଆହ୍‌ନି କାଜିଂ ଆସ୍ତା ବାହାତ ହନ୍ତାପ୍‌ନ୍ନା ଜେ ଆସେକ୍, ଆସେକ୍ ଡାବ୍ ଖାରିକିୟା ଆନାସ୍ । ୧୯ ହେ ବାସ୍‌ତିଂ ମା ଖାସ୍‌ନି ଆକ୍‌ସା ଲାକେ ପୁଞ୍ଜେକ୍ । ଇଦାଂ ଚେବାୟ୍ କିନି ହିକ୍‌ଡ଼ିଂ ଲାକେ, ଆରେ ସାଗେ ମନ୍‌ଦିର୍‌ନି ହେୟା ଆତି ଲାକେ ଗାଜା ପୁଇପୁୟା ବାହାତ ଏକାତାଡ଼ନା, ୨୦ ମାଦାଂ ଆରେ ଜିସୁ ହେ ବାହାତ ମଲ୍‌କିସେଦକ୍‌ତି ଲାକେ ଝିଜୁଞ୍ଜି କାଡ଼ଦ୍ ମୁଡ଼୍‌ମାପୁହେବାକିନାକାନ ଆଜି ମା ଆଗେ ଖାତିଲାକେ ହଗାନ୍ନା ।



ମଲ୍‌କିସେଦକ୍‌ତି ମାପୁହେବାକିନାନ ପାଦ୍

୧ ଇ ମଲ୍‌କିସେଦକ୍ ସାଲେମ୍‌ନି ରାଜା ଆରି ରଖାନ ମତର୍ ଇସ୍‌ବର୍‌ତି ମାପୁହେବାକିନାକାନ ମାଚାନ । ଅବ୍ରାହାମ୍ ଆରି ତା ହାକ୍‌ଖାରି ଚାରି ଜାଣ୍ ରାଜାରିଂ ଅସ୍ତି ମାସ୍‌ଦି ହାନି ଖେଡ଼ାଲିଂ, ମଲ୍‌କିସେଦକ୍ ହେଖାନ୍ତି ଲାହାଂ ବେର୍ ଆଜି ଆସିର୍ବାଦ୍ କିଜି ମାଚାନ; ୨ ଅବ୍ରାହାମ୍ ପା ହେଖାନିଂ ଝିଜୁ ଜୁଜ୍‌ନି ଦାନତାଂ ଦସ୍‌ବାଗ୍ ହିଜି ମାଚାନ । ବିଡ଼ାୟ୍ କିତିସ୍ ମଲ୍‌କିସେଦକ୍‌ତି ଇଞ୍ଜି ତିର୍‌ନି ଅରଡ଼ “ଦାମ୍‌ ରାଜା,” ସାଲେମ୍‌ତି ରାଜା, ଇତିସ୍, “ସୁସ୍ତା ରାଜା ।” ୩ ମଲ୍‌କିସାଦକ୍‌ତି ଆବା କି ଆୟା କି ବ୍‌ସ୍‌ତି କି ଆଇସ୍ ଆରମ୍ ଆରି ଜିବୁନ୍‌ନି ଝିଜୁନାକା ମୁଡ଼େ ଜାଣା ଆକାୟ୍; ହେଖାନ ଇସ୍‌ବର୍‌ତି ମାଜି ଲାକେ କିୟାଆଜି ଝିଜୁଞ୍ଜି କାଡ଼୍ ମାପୁହେବାକିନାକାନ ଆଜି ମାନଗାତାନ୍ନା ।

୪ ଲାଗିଂ ବାବି କିଜି ହୁଡ଼ାବ୍, ଇ ମୁଣିକା ଇନେସ୍‌ତିଂ ଗାଜାକାନ । ଆବା ଲାତ୍ରା କାଜିଂ ଅବ୍ରାହାମ୍ ହେଖାନିଂ ଝିଜୁତିଂ ହାଦ୍‌ ଚର୍ କିତି ଦନ୍ ପା ଦସ୍ ବାଗ୍ ହିଜି ମାଚାନ । ୫ ଲେବିର୍‌ତି ହିମ୍‌ଶାକ୍ ବିଡ଼େ ଇମ୍‌ଶାକାର୍ ମାପୁହେବାକିନାକାର୍ ପାଦ୍ ପାୟାନ୍‌ର, ହେଖାର୍ ମସାତି ବିଦି ଇସାପ୍ରେ ଲକାରତାଂ ଇତିସ୍ ହେଖାର୍‌ତି ଟଣ୍ଡାଟାଂ ଦସ୍ ବାଗ୍ ଅଦେଂ ବଲ୍ ପାୟାତାଣ୍ଡା, ହେଖାର୍ ଅବ୍ରାହାମ୍‌ତି ନେଡେର୍‌ଡ଼ ଜଲମ୍ ଆତିସ୍ ପା ହେଖାର୍‌ତାଂ ଇଦାଂ ଇଡ଼୍‌ନାର୍, ୬ ମାତର୍ ମଲ୍‌କିସେଦକ୍ ଲେବି ଲାତ୍ରାନି ହିଲିତିସ୍ ପା, ହେଖାନ ଇସ୍‌ବର୍‌ତାଂ ପାର୍ମାଣ୍ଡି ଅବ୍ରାହାମ୍‌ତାଂ ର ଦସ୍ ବାଗ୍ ଅଜି ଆସିର୍ବାଦ୍ କିଜି ମାଚାନ । ୭ ଆସିର୍ବାଦ୍ ପାୟାନି ମାନାୟ୍‌ତାଂ ଏଚେକ୍ ଗାଜାକାନ ଇବେ ପାତ୍‌ କିଞ୍ଜାତାଂ । ୮ ର ଦସ୍ ବାଗ୍ ଇଚ୍‌ନାକା ମାପୁହେବାକିନାକାର୍ ହାନି ମାନାୟ୍‌ର ମାତର୍ ମଲ୍‌କିସେଦକ୍ ସାକି ହିନାନ୍ ହେଖାର୍‌ତାଂ ଗାଜାକାନ ଇନେକିଦେଂକି ସାସ୍‌ତର୍ ଇସାପ୍ରେ ହେଖାନ ନକ୍ ପା ଜିତାନ । ୯ ଆରେ ଇଞ୍ଜେକ୍ ହାତିସ୍ ଇମ୍‌ଶି ଲେବି ଦସ୍ ବାଗ୍ ଅନାର୍, ହେଖାନ ପା ଅବ୍ରାହାମ୍‌ତି ହୁଦାଂ ଦସ୍ ବାଗ୍ ହିତାଣ୍ଡା; ୧୦ ଇନାକିଦେଂକି ମଲ୍‌କିସେଦକ୍ ଲାହାଂ ଅବ୍ରାହାମ୍ ବେର୍ ଆନି ଲେବି ଜଲମ୍ ଆଖାଦାଂ ହେଖାନ୍ତି ଖାନ୍ତ ମାଚାନ ।

୧୧ ଇ ଲେବିୟର୍‌ତି ମାପୁହେବା କିନାକାନ୍‌ତି ପିସ୍ତି ଇସ୍‌ବଲ୍ ଜାତିତିଂ ତା ବିଦି ହିୟାଜି ମାଚାଡ଼ । ଲେବିୟର୍‌ତି କାମାୟ୍ ଜଦି କୁଲ୍ୟାସ୍ ଆତାମ୍, ତେବେ ହାରଣ୍‌ତି ମାଜି ଇ ଲେବିୟ୍ ମାପୁହେବାକିନାକାରିଂ ପିସ୍ତି, ମଲ୍‌କିସେଦକ୍‌ତି ମାଜି ଲାକେ ବିନ୍ ର ମାପୁହେବାକିନାକାର୍ କୁଚୁମ୍‌ନି ଲଡ଼ା ହିଲ୍‌ଖାତାଡ଼ । ୧୨ ଇନାକିଦେଂକି ମାପୁହେବାକିନି କାମାୟ୍ ଜଦି ବାଦ୍‌ଲା ଆନାଡ଼, ଖାତିଂ ମସାତି ବିଦି ପା ବାଦ୍‌ଲା ଆନାଡ଼ । ୧୩ ଲାଗିଂ ଇନେର୍‌ତି ବିସ୍ତେ ଇ ଝିଜୁ ଇନ୍‌ପାତିସ୍, ହେଖାନ ବିନେନି ରଖାନ କୁଚୁମ୍‌ନି ଲଗ୍, ଇମ୍‌ଶି କୁଚୁମ୍‌ନି ଇନେର୍ ଗାର୍‌ଣିନି ମାପୁହେବାକିନାକାନ କାମାୟ୍ କିଞ୍ଜାତାଣ୍ଡା । ୧୪ ଇନାକିଦେଂକି ଇଦାଂ ପୁନ୍‌ପାନାଡ଼ ଜେ, ମା ମାପୁ ଜିହୁଦା କୁଚୁମ୍‌ତାଂ ଉବ୍‌ଜାଣ୍ ଆତାନ୍ନା, ଇମ୍‌ଶି କୁଚୁମ୍‌ନି ମାପୁହେବାକିନାକାନ ବିସ୍ତେ ମସା ଇନାକା ଇନ୍‌ଖାତାନ୍ନା ।

ମଲ୍‌କିସେଦକ୍‌ତି ଲାକେ ରଖାନ ମାପୁହେବାକିନାକାନ

୧୫ ଆରେ ଇଦାଂ ଇବେ ପା ଆରେ ଆଦିକ୍ ପୁନ୍‌ପାନାତା, ମଲ୍‌କିସେଦକ୍ ଲାକେ ଆରେ ରଖାନ ମାପୁହେବାକିନାକାନ ଉବ୍‌ଜାଣ୍ ଆତାନ୍ନା, ୧୬ ହେଖାନ ଗାଗାଡ଼୍‌ନି ମସାତି ବିଦି ବଲ୍ ଇସାପ୍‌ରେ ବାତିକିୟାଖାଦାଂ ଝିଜୁଞ୍ଜି ଜିବୁନ୍ ସାକ୍ତି ମାପୁହେବାକିନାକାନ ବାତି କିଆତାନ୍ନା । ୧୭ ଇନାକିଦେଂକି ହେଖାନ୍ତି ବିସ୍ତେ ଇ ସାକି ହିଆନାଡ଼, “ଏନ୍ ମଲ୍‌କିସେଦକ୍‌ତି ମୁଣିକା ଲାକେ ଜୁଗ୍ ଜୁଗ୍‌ନି ମାପୁହେବାକିନାକାନ ଆନାୟ୍ ।” ୧୮ ଇବେ ର ପାକ୍ୟାତ ଆଗେନି ବଲ୍ ନାଦାର୍ ଆରି

ଲେଖିବିଲେ ହେଦାଂ ବୁଢ଼ା ଆତାତ୍ ୧୯ ଇନାକିଦେଂକି ବିଦି ଇମ୍‌ଶାକା ପା ବିସ୍ତେ ବାତ୍ ଲାବ୍ କିଞ୍ଜାଦାଂ ମାତାତ୍ ବିନ୍ ପାକ୍ୟାତ ନିଜେନି ବାସ୍ ହଟାତ୍‌ନା, ତାହୁଦାଂ ଆସେଙ୍ଗ୍ ଇସ୍‌ବୁତ୍ତି ଲାଗାୟ୍ ଆନାସ୍ ।

୨୦ ଆଦିକ୍‌ତାଂ ମା କାଜିଂ ଇସ୍‌ବୁତ୍ ପାର୍ମାଣ୍ ପା ମାନାତ୍ । ହାରଣ୍ ଆରେ ଇଦାଂ ଇନେସ୍‌ବାନି ପିସ୍ତି ପାର୍ମାଣ୍‌ତ ଆଞ୍ଜାତାତ୍ ୨୧ ମତର୍ ଇନେର୍ ହେଞ୍ଜାନ୍ତି ବିସ୍ତେ ଇଦାଂ ଇଚାନ୍ନା,

“ମାପୁ ପାର୍ମାଣ୍ କିତାନ୍‌ନା, ଆରେ ହେଞ୍ଜାନ୍ ମାତ୍‌ଏତ୍ କିତ୍ତନ୍,

ଏନ୍ ଓଜ୍‌ଓଜ୍ କାତ୍‌ନି ମାପୁ ହେବା କିନାକାୟ୍, ଆନାୟ୍ ହେଞ୍ଜାନ୍ତି ହୁଦାଂ ହେଞ୍ଜାନ୍ ପାର୍ମାଣ୍ ଲାହାଙ୍ ମାପୁହେବାକିନାକାନ୍ ଆତାନ୍ନା ।”

୨୨ ଇ ପାର୍ମାଣ୍ କାଜିଂ ଜିସୁ ର ମୁତ୍‌ଦାକା ନିୟ୍‌ମ୍ ହାତ୍‌ପାନେ ହିନାନ୍ ।

୨୩ ପୁନି ନିୟ୍‌ମ୍ ବିନ୍ ମାପୁହେବାକିନାକାର୍ ତ ଜବର୍ତ୍ତ ବାଚିକିୟା ଆତାଣ୍ଟା, ଇନାକିଦେଂକି ହାକି ହେଞ୍ଜାରିଂ ନିତ୍ରେ ଜିଦେଂ ହିଞ୍ଜାତାତ୍, ୨୪ ମାତର୍ ଜିସୁ ଓଜ୍‌ଓଜ୍ କାତ୍ ଜିବୁନ୍ । ଇଚିସ୍ ହେଞ୍ଜାନ୍ତି ମାପୁହେବାକିନାକାନ୍ ପାଦ୍‌ତ ବିନେ ଇନେର୍ ବାଚି କିୟାଦେଂ ପର୍‌ସନ୍ ଆକାୟ୍ । ୨୫ ଲାଗିଂ ହେଞ୍ଜାନ୍ତି ହୁଦାଂ ଇମ୍‌ଶାକାର୍ ଇସ୍‌ବୁତ୍ତି ଲାଗେ ଆନାର୍, ହେଞ୍ଜାରିଂ ହେଞ୍ଜାନ୍ ଓଜ୍‌ବୁତ୍ତେ ମୁକ୍ତି କିଦେଙ୍ଗ୍ ଆତ୍‌ନାକାନ୍ ଆତାନ୍ନା, ଇସ୍‌ବୁତ୍ତି ଲାଗାଂ ହେଞ୍ଜାର୍ କାଜିଂ ପାର୍ତାନା କିନି କାଜିଂ ହେଞ୍ଜାନ୍ ନିତ୍ରେ ଜିବୁନ୍‌ନିକାନ୍ ।

୨୬ ଇନାକିଦେଂକି ଏଲେଙ୍ଗ୍ ବାନି ମୁତ୍‌ମାପୁହେବାକିନାକାନ୍ ମା ପାକ୍ୟାତ ହାଦ୍‌କାନ୍, ଇନେନ୍‌କି ପୁଇପୁୟା, ଦସ୍‌ହିଲ୍‌ଞ୍ଜାକାନ୍, ପ୍ରାଲ୍‌ହିଲ୍‌ଞ୍ଜାକାନ୍, ପାପିର୍‌ତାଂ ବିନେ, ଆରେ ଆକାସିଂ ଜପି ଉର୍‌ନିକାନ୍ । ୨୭ ହେ ମୁତ୍‌ମାପୁହେବାକିନାକାନ୍ ଲାକେ ଦିନ୍‌କେ ପର୍ତ୍ତୁମ୍‌ତ ଜାର୍ ପାପ୍ କାଜିଂ ଆରି ପାଚେ ଲକାର୍ ପାପ୍ କାଜିଂ ପୁଜାକିନାକା ହୁଦାଂ ହେଞ୍ଜାନ୍ ରଞ୍ଜେ ମାତ୍ ଇଦାଂ କିତାନ୍‌ନା । ୨୮ ଲାଗିଂ ମସାତି ବିଦି ନାଦାର୍‌ନିକା ମାନୟାରିଂ ମୁତ୍‌ମାପୁହେବାକିନାକାନ୍ ପାଦ୍‌ତ ବାଚି କିତାନ୍, ମତର୍ ଇମ୍‌ଶି ପାର୍ମାଣ୍‌କାତା ବିଦି ପାଚେ ଆଜି ମାତାତ୍, ହେଦାଂ ଓଜ୍‌ଓଜ୍ କାତ୍ ପାଚେକ୍ ବାତ୍ ପାୟାତି ମାଜିଙ୍ଗ୍ ବାଚି କିନାତ୍ ।

୮

କ୍ରିଷ୍ଟ ମା ମୁତ୍‌ମାପୁହେବାକିନାକାନ୍

୧ ମା ନେକ୍ରିକାବୁର୍‌ନି ରାହାଣ୍ ଇଦାଂ ଇନାକା ଇନାପା, ହେବେନି ମୁତ୍ ବିସ୍ତେ ଇଦାଂ, ମା କାଜିଂ ଏଲେଙ୍ଗ୍ ରଞ୍ଜାନ୍ ମୁତ୍‌ମାପୁହେବାକିନାକାନ୍ ମାନାନ୍, ଇନେନ୍ ସାଚେତ୍ ଗାଜା ଜାଜ୍‌ମାଲ୍ ଇସ୍‌ବୁତ୍ତି ଗାଦିନି ତିନା ବାଗାଙ୍ କୁର୍‌ଚାନ୍ନା; ୨ ହେଞ୍ଜାନ୍ ଗାଜା ପୁଇପୁୟା ବାହାତ୍ ଆରେ ଇମ୍‌ଶି ହାତ୍‌ପା ତୁମ୍ ମାନାୟ୍ ହୁଦାଂ ରଚ୍‌ଞ୍ଜାଦାଂ ମାପୁତି ହୁଦାଂ ରଚ୍ୟା ଆତାତ୍‌ନା, ହେବେନି ହେବାକାରି ଆତାନ୍ନା ।

୩ ଇନାକିଦେଂକି ଜାଣ୍‌କେ ମୁତ୍‌ମାପୁହେବାକିନାକାର୍ ଦାନ୍ ଆରି ପୁଜା ରିଶ୍ଟ୍ ଆକାତ୍ କିଦେଙ୍ଗ୍ ବାଚି କିଆନିକ୍, ଲାଗିଂ ମା ମୁତ୍‌ମାପୁହେବାକିନାକାତ୍ ପା ହେ ଲାକେ ଇଚୁଟିଂ ପୁଜାକିନି କାଜିଂ ଲଡା । ୪ ହେଞ୍ଜାନ୍ ଏଚେକାତ୍‌ଦ୍ ପୁତ୍‌ତ ମାଚିସ୍, ତା ଆତିସ୍ ମାପୁହେବାକିନାକାନ୍ ପା ଆଦେଂ ଆତ୍‌ଞ୍ଜାତାମା, ଇନାକିଦେଂକି ଜିହୁଦିର୍ ବିଦି ଇସାବ୍‌ରେ ଦାନ୍ ହିନାର୍, ଏଲେଙ୍ଗ୍ ମାପୁହେବାକିନାକାର୍ ମାନାର୍; ୫ ହେଞ୍ଜାର୍ ଇନେରିଂ ପୁଜା କିତାର୍, ହେଦାଂ ସାଚେ ବିସ୍ତେନିକିଙ୍ଗ୍ ଉତ୍‌ର୍‌ମୁତ୍ ଆରି ଡିଗା ମତର୍, ତୁମ୍ ରଚ୍‌ଚି କିନି କାଜିଂ ଜାଲ୍‌ଦି ଆନି ଷ୍ଟେଡାଲିଂ ମସା ଇନେସ୍ ବଲ୍ ପାୟା ଆଜି ମାତାନ୍, ଇନାକିଦେଂକି ଇସ୍‌ବୁର୍ ଇଞ୍ଜି ମାତାନ୍, “ଜାଗ୍ରତ୍, ମାଡିତ୍ ନିଙ୍ଗେଙ୍ଗ୍ ଇନେସ୍ ବାର୍ତାକା ଚର୍‌ଚ୍‌ ହିଦ୍ୟା ଆଜି ମାତାତ୍, ହେ ଇସାପ୍ରେ ରଚାଚ୍ ।” ୬ ମାତର୍ ନଙ୍ଗ୍ ଇମ୍‌ଶି ଇସାପ୍ରେ କ୍ରିଷ୍ଟ ହାଦ୍‌କା ପାର୍ମାଣ୍‌ଣିଂ ଜପି ରଚ୍‌ଚି ଗାଜା ନିୟ୍‌ମ୍‌ନି ମାଦ୍‌ଶାକାନ୍ ଆତାଣ୍ଟା, ହେ ଇସାବ୍‌ରେ ପା ହାର୍ ହେବା କିନାକାନ୍ ପାଦ୍ ପାୟା ତାଦେଣ୍ଟା ।

୭ ଇନାକିଦେଂକି ପର୍ତ୍ତୁମ୍ ନିୟ୍‌ମ୍ ଜଦି ଦସି ଆଜି ମାତାତ୍‌ଚି, ଞ୍ଜାଟିଂ ଜେତି ନିୟ୍‌ମ୍ କାତା ଲଡା ଆଦ୍‌ଞ୍ଜାତାତ୍‌ମା । ୮ ମାତର୍ ଇସ୍‌ବୁର୍ ତା ମାନାୟାର୍ ଦସ୍ ହପ୍‌ଚି ହେଞ୍ଜାରିଂ ଇନାନ୍,

“ମାପୁ ଇନାନ୍, ହୁଡାଚ୍, ସମୁ ଞ୍ଜାନାତା,

ଏଚେକାତ୍‌ଦ୍ ଆନ୍ ଇସ୍‌ସାଏଲ୍ ଇଚିସ୍ ଜିହୁଦାନି ମାନାୟାର୍ ଲାହାଂ

ର ପୁନି ନିୟ୍‌ମ୍ ରଚ୍‌ନାପ୍;

୯ ଇମ୍‌ଶି କାତ୍‌ଦ୍ ଆପ୍ ହେଞ୍ଜାର୍‌ଚି ଆବାଲାତ୍‌ରାରିଂ କେଇ ଆସ୍ତି

ମିସର୍ ଦେସ୍‌ତାଂ ହପ୍‌ଚି ତାହିଞ୍ଜାଜିମାତାପ୍, ହେ ଷ୍ଟେଡାଲିଂ ହେଞ୍ଜାର୍‌ଚି ଲାହାଂ ଆପ୍ ଇମ୍‌ଶି

ପୁନି ନିୟ୍‌ମ୍ କିଜି ମାତାପ୍,

ଈ ନିୟ୍‌ମ୍ ଇସାପ୍ରେ ଆକାୟ୍,

ଲାଗିଂ ହେଞ୍ଜାର୍ ମା ମେରାତ୍ ତିର୍ ଆଜି ମାଞ୍ଜେଙ୍ଗ୍ ଆତ୍‌ଞ୍ଜାତାଚ୍,

ଆରେ ଆପ୍ ହେଞ୍ଜାର୍‌ଚି କାଜିଂ ମାନ୍‌ଦିଆନ୍ କିଞ୍ଜାତାପ୍, ଇଦାଂ ମାପୁ ଇନାନ୍ ।

୧୦ ଇନାକିଦେଂକି ମାପୁତି କାତା ଇଦାଂ,
 ହେ ସମୁ ପାଚେ ଆପ୍ ଇସ୍ରାଏଲ୍ ବସ୍ ଲାହାଂ ଇମ୍ମଣି ନିୟମ୍ ରତ୍ନାସ୍, ହେଦାଂ ଇଦାଂ,
 ଆପ୍ ହେଝାରତି ମାନତ ଜାର୍ ମସାତି ବିଦି ହିନାସ୍,
 ହେଝାରତି ମାନତ ହେ ସବୁ ଲେକିକିନାସ୍, ଆନ୍ ହେଝାରତି ଇସ୍ବର ଆନାଙ୍ଗ୍, ହେଝାର ନା ଲକୁ ଆନାର୍ ।

୧୧ ଆପ୍ ହେଝାରତି ଇସ୍ବର ଆନାସ୍, ହେଝାର ମା ଲକୁ ଆନାର୍;
 ଆରେ, ମାପୁଙ୍ଗ୍ ପୁନାଟ୍ ଇଞ୍ଜି ଇଞ୍ଜି ହେଝାର ଜାଣକେ ଜାର୍ ଜାର୍ ରଚେ ମାନି ଗାଡ଼ଦାକାରିଂ,
 ଆରେ ଜାଣକେ ଜାର୍ ଜାର୍ ଟଣ୍ଡାରିଂ ହିକ୍ୟା ହିଉର୍,
 ଲାଗିଂ ହାରୁତାଂ ଗାଜା ପାଚେକ୍
 ହେଝାର୍ ଝିଜାକାର୍ ମାଂ ପୁଞ୍ଜନାର୍ ।

୧୨ ଇନାକିଦେଂକି ଆପ୍ ହେଝାରତି ଅଦାମ୍ କାଜିଂ କାର୍ମା ଆନାସ୍,
 ଆରେ, ହେଝାରତି ପାପ୍ ସବୁ ଆରେ ଏଡ଼ତ ତାଉସ୍ ।

୧୩ ହେଝାନ ପୁନି ନିୟମ୍ ଇଞ୍ଜି ଇଞ୍ଜନାକା ହୁଦାଂ ପର୍ତ୍ତମତିଂ ପୁନାକା କିତାନନ୍ନା, ଆରେ ଇନାକା ପୁନାକା ଆରି ବୁଡା ଆଜି
 ହାନାତା, ହେଝାନ୍ତି ଝାସ୍ତିତାଂ ଡଗୁଜି ଆନାକା ସମୁ ଲାଗେ ।”



ପାର୍ଥନା-ପୁତ୍ର ନିକା ଆରି ସାର୍ଗେନିକା

୧ ହାଡ଼ପାରଚେ ହେ ପର୍ତ୍ତମ୍ ନିୟମ୍ ପା ପାର୍ଥନା ବିସ୍ତେ ବାର୍ବିନି ବିଦିବିଦାଣି ଆରି ର ପୁତ୍ର ନି ପୁଇପୁୟା ବାହା ମାତାଡ଼
 । ୨ ଇନାକିଦେଂକି ର ତୁମ୍ ରତ୍ୟା ଆଜି ମାତାଡ଼, ହେବେନି ପର୍ତ୍ତମ୍ ବାଗ୍ତ ବଇଟା ଇଟ୍ନାକା, ପାଟା ଆରି ହୁଡ଼ନି ରୁଟି
 ମାତାଡ଼; “ହେଦେଲିଂ ପୁଇପୁୟା ବାହା ଇଞ୍ଜି ଇନାର୍ ।” ୩ ଆରେ, ଜେତି ତ୍ୱତି ହେୟା ପାଚେ ତୁମ୍ନି ଇମ୍ମଣି ବାଗ୍ ମାତାଡ଼,
 ହେଦେଲିଂ ଗାଜା ପୁଇପୁୟା ବାହା ଇଞ୍ଜି ଇନାର୍; ୪ ହେବେ ହନାନି ଦୁପ୍ନିଗାରୁଣି ଆରି ଚାରିବେଣ୍ଡାଂ ହନା ତାଙ୍ଗ୍ ରଚ୍ଚି
 ନିୟମ୍ସିନ୍ଦୁକ୍ ମାତାଡ଼ । ହେ ନିୟମ୍ ସିନ୍ଦୁକତ “ମାନ୍ନା ମାନି ର ହନା ବାହା ଇଡ଼ଜିମାନି ର ହନାନି ବାହା, ହାରଣ୍ଡି ବାଡ଼ଗାନି
 ହାଜିତ ହାନି ବାଡ଼ଗା ଆରି ଇସ୍ବରତି ବଲ୍ ଲେକିକିତାକା ବଲ୍ ରି କାଲ୍ପାଟା ମାତାଡ଼, ୫ ଆରେ ତା ଜପି ପାପ୍ ତାବାୟ୍
 କିତାକାଲ୍ଲିଙ୍ଗ୍ ହିଡ଼ଡ଼ି କିଜି ମାନି ଇସ୍ବତ୍ ଜାଜମାଲ୍ ଚଚ୍ଚି ରିଣ୍ଡି ପାରାଣିଂ ମାଟିକ୍, ହେ ସବୁ ବିସ୍ତେ ନଙ୍ଗ୍ ଆସେଙ୍ଗ୍ ହାର୍
 କିଜି ଇଞ୍ଜେଙ୍ଗ୍ ଆଡୁସ୍ ।”

୬ ଇ ସବୁ ଇବାନି ଜାଲ୍ଦି ଆଜି ମାଟିଲେ ମାପୁ ହେବାକିନାକାର୍ ପାର୍ଥନା କିନି କାଜିଂ ତୁମ୍ନି ପର୍ତ୍ତମ୍ ବାଗ୍ତ ନିତ୍ତେ ହଣ୍ଡି
 ମାନାର୍, ୭ ମତର୍ ରି ବାଗ୍ତ କେବଲ୍ ମୁଡ଼ମାପୁହେବାକିନାକାନ୍ ବାହେକ୍ତିଂ ରଗ ବେସି ପୁଇପୁୟା ବାହାତ ହଣାର୍, ଆରେ
 ହେଝାନ ଜାର୍ତିଂ ଆରି ଲକୁତ୍ ପୁନ୍ଝି କିଜି ମାନି ପାପ୍ କାଜିଂ ପୁଜାକିନି ନେତେର୍ ଅଝାଦାଂ ହଣ୍ଡୁର୍ । ୮ ଇବେ ପୁଇପୁୟା
 ଜିବୁନ୍ ଇଦାଂ ହପ୍ନାନ୍ ଜେ, ପର୍ତ୍ତମ୍ ତୁମ୍ ମାନି ପାଚେକ୍ ପୁଇପୁୟା ବାହାତ ହଣି ହାଜିତ ହଝାତାଡ଼ନା । ୯ ଇ ପର୍ତ୍ତମ୍
 ତୁମ୍ ନଙ୍ଗ୍ ସମୁ କାଜିଂ ଉତର୍ମୁଡ଼ ଲାକେ, ଆରେ ତା ଇସାପ୍ରେ ଦାନ୍ ଆରି ପୁଜା ରିବେ ପୁଜା କିଜି ମାତାଡ଼, ମତର୍ ଇ
 ସବୁ ପାର୍ଥନାତିଂ ଚିନ୍ତା ସାକ୍ତି ହାତି ବାଚ୍ ଦାନ୍ କିଦେଙ୍ଗ୍ ଆଡୁର୍; ୧୦ ଇ ଝିଜୁ ଆରେ କାଦି, ଏଜୁଂ, ଆରି ବାର୍ବିନି ସକର୍
 କାମାୟ୍ ଆରେ ରଚ୍ଚି ସମୁ ପାଚେକ୍ ପାଲି କିନାକା ଗାଗାଡ଼ନିକା ବିଦିବିଦାଣି ମତର୍ ।

୧୧ “ମତର୍ କ୍ରିସ୍ଟ ନଙ୍ଗ୍ ହାରଦି ବିସ୍ତେ ମୁଡ଼ମାପୁହେବାକିନାକାନ୍ ଲାକେ ଏକା ଝାଜି ଇ ଉପ୍ଜାଣ୍ଡିଂ ବିନ୍ କେଇଦାଂ କିଝିତି
 ମତ୍ତିଂ ଆରି ମୁଡ଼ଦି ତୁମ୍ ହିଜି ହାଲ୍ଜି ଅତା ଆରି କଡ଼ିତି ନେତେର୍ ଆକାୟ୍, ୧୨ ମତର୍ ଅତା ଜାର୍ତିଂ ଅହ୍ରି ନେତେର୍
 ଅଜି ରଞ୍ଜେମାଡ଼ ମୁଡ଼ନିପୁଇପୁୟା ବାହାତ ହଣ୍ଡି ଝିଜୁଝି ମୁକ୍ତାୟ୍ କିଡ଼ତାନ୍ନା ।” ୧୩ ଇମ୍ମଣାକାର୍ କିନି କାରୁମ୍ ମାନି କିଝି
 କାଜିଂ ବିଟାଡ଼, ହେଝାଙ୍ଗ୍ ଜପି ସଣ୍ଡି କି ଅତା ନେତେର୍ ଆରି କଡ଼ି ତିର୍ୟା ଆତିସ୍, ହେଝାରତି ପୁଇପୁୟା ଦେହାଜି ମାନାଡ଼
 । ୧୪ ଝାଟିଂ ଇମ୍ମଣି କ୍ରିସ୍ଟ ଝିଜୁଝି ଜିବୁଡ଼ି ହୁଦାଂ ଜାର୍ତିଂ ଦସିହଲ୍ଝି ପୁଜାଲାକେ ଇସ୍ବରତି ଲାଗାୟ୍ ପୁଜା କିତାନ୍, ହେଝାନ୍ତି
 ନେତେର୍ ଏଚେକ୍ ଆଦିକ୍ ପାଚେକ୍ ଜିତାକା ଇସ୍ବରତି ହେମାଣ୍ କିନି କାଜିଂ ହାତି କାମାୟ୍ତାଂ ମାଙ୍ଗେଙ୍ଗ୍ ଚିନ୍ତା ସାକ୍ତିଂ
 ସକର୍ କିଡ଼ଡ଼ !

୧୫ ଆରେ ଇ କାରଣତାଂ କ୍ରିସ୍ଟ ପୁନି ନିୟମ୍ନି ମାଦଣାକାନ୍ ଆତାନ୍ନା, ଇନେସ୍ ପର୍ତ୍ତମ୍ ନିୟମ୍କାଡ଼ନି ଅପରାଦ୍ ମତର୍
 ମୁକ୍ତାନାକା ହାକିବଗ୍ କିୟା ଆଜି ମାଟିଲେ କୁକ୍ୟାତି ଲକୁ ଝିଜୁଝିତି ଆଦିକାର୍ ବିସ୍ତେ ପାର୍ମାଣ୍ଡି ପାଡ଼ ପାୟା ଆନାର୍ ।

୧୬ ରଞ୍ଜାଙ୍ଗ୍ କି ଦାନ୍ ହିନି ଲଗୁନି ବିଦି ଇସାବ୍ରେ, ତା କାମାୟ୍ ଆନି କାଜିଂ ଉଇଲ୍ କିଜି ମାନି ମୁଣିକାତି ହାକି ପାର୍ମାଣ୍ଡି
 ଆନି ଲଡ଼ା । ୧୭ ଇନେକିଦେଂକି ଉଇଲ୍ କିଜି ମାନି ମୁଣିକା ବାଚାଜି ହାନାନ୍, ର ଇଲ୍ଲିନି ମଲ୍ ଆକାୟ୍ କେବଲ୍ ତା ହାତି
 ପାଚେ ହେଦାଂ କାମାୟ୍ ଆନାଡ଼ । ୧୮ ଇଦାଂ କାଜିଂ ପର୍ତ୍ତମ୍ ନିୟମ୍ ପା ନେତେର୍ ଆଝାଦାଂ ହେଲ୍ଲାୟ୍ ଆଝାଦାଂ ମାତାଡ଼ ।
 ୧୯ ଇନାକିଦେଂକି ମସା ମାନାୟାର୍ ତାକେ ମସାତି ବିଦି ଇସାପ୍ରେ ସବୁ ବଲ୍ ହପ୍ତି ପାଚେ ଏଜୁଙ୍ଗ୍, କାର୍ହା ଗେରୁ ମେଣ୍ଡାବୁରା
 ଆରି ର ମାର୍ନି ଆକି ଲାହାଂ କଡ଼ିହିମ୍ଣା ଆରି ଅହ୍ରି ନେତେର୍ ଅଜି ନିୟମ୍ ପତି ଆରି ଝିଜୁ ଲକୁ ଜପି କେନିରାସ୍ ତିର୍ଚ୍ଚି

ଇଚାନ, ୨୦ ଆରେ ହେୱାନ ଇଚାନ, ଇସ୍ବର ମି ବିସ୍ବେ “ଇମ୍ବଣି ନିୟମ୍ ବଲ୍ କିଡ଼ତାନନା, ହେ ନିୟମ୍ ନେତେର୍ ଇଦା ।” ୨୧ ଆରେ ପା ହେୱାନ ତୁମ୍ ମନ୍ଦିର ଆରି ଦାରୁମ୍ ହେବା ଆକ୍ରାନ୍ତି ଝିଲୁ ବାହା ଜପି ହେ ଲାକେ ନେତେର୍ ତିର୍ତାନ । ୨୨ ଜିନିସ୍, ବିଦି ଇସାବ୍ରେ ଝିଲୁ ବିସ୍ବେ ନେତେର୍ ହୁଦାଂ ସକର୍ ଆନାଡ଼, ଆରେ ନେତେର୍ ହୁକେ ନେ ପାପ୍ କେମା ଆନାଡ଼ ।

କ୍ରିଷ୍ଟି ପୂଜାହିନାକା ପାପ୍ ଦେହା କିନାଡ଼

୨୩ ଲାଗି, ସାର୍ଗେନି ବିସ୍ବେକାଂ ଉତରମୁଡ଼ ଝିଲୁ ଇ ସବୁ ହୁଦାଂ ସକର୍ ଆନି ଲଡ଼ା ମାତାଡ଼, ମତର ସାର୍ଗେନି ବିସ୍ବେକାଂ ତ ଇ ସବୁତାଂ ମୁଡ଼ଦି ପୂଜାନି ନେତେର୍ ହୁଦାଂ ସକର୍ ଆନି ଲଡ଼ା । ୨୪ ଇନାକିଦେଂକି ହାଡ଼ପା ବିସ୍ବେକାଂ ଡିଗାପୁଡ଼ଡ଼ା ଜେ କେଇଦାଂ କିତି ମୁଡ଼ନି ପୁଇପୁୟା ବାହା, ହେବେ କ୍ରିଷ୍ଟ ହେୱାନାଂ ନଲେ ମା କାଜିଂ ନକ୍ ଇସ୍ବରତି ମୁମଦ ଏକାଝାଦେଂ ଆନି କାଜିଂ ସାର୍ଗେତ ହଟାନ୍ନା । ୨୫ ଜିହୁଦି ମୁଡ଼ମାପୁହେବାକିନାକାନ ଇନେସ୍ ବିନେନିକାନ୍ତି ନେତେର୍ ଅଜି ବାହେକ୍ତିଂ ବାହୁଁ ମୁଡ଼ନି ପୁଇପୁୟା ବାହାତ ହେଗାର୍, ହେ ଲାକେ ହେୱାନ ଜେ ରଗତିଂ ରଗ ଜାରତିଂ ପୂଜା କିନାନ, ହେଦାଂ ଆକାୟ୍, ୨୬ ତା ଆତିସ୍ ଜଗଡ଼ ବୁଡାନି ପାତେକ୍ ରଗତିଂ ରଗ ହେୱାନିଂ ହାକି ବଗ୍ କିଦେକ୍ ଆତାମା, ମତର ନକ୍ ହେୱାନ ଜୁଗଝିଜିନି ଝେଡ଼ାଲିଂ ଜାରତିଂ ପୂଜାକିନାକା ହୁଦାଂ ପାପ୍ ଦେହା କିଦେକ୍ ହସିଝାତାନ୍ନା । ୨୭ ମାନାୟ୍ କାଜିଂ ଇନେସ୍ ରଗ ମତର ହାକି, ତା ପାଚେ ଇସ୍ବରତି ବିଚାର୍ ମାନାଡ଼ । ଆରେ, ହେଦାଂ ପାଚେ ବିଚାଣ୍ଟା ଆନାକା ସମୁ ମାନାଡ଼, ୨୮ ହେ ଲାକେ କ୍ରିଷ୍ଟ ପା ଆଦେକ୍ତି ପାପ୍ ପିଣ୍ଡନି କାଜିଂ ରଗ ମତର ପୂଜା କିୟା ଆଜି ରିହା ପାପ୍ କାଜିଂ ଆକାୟ୍, ନଲେ ଇମ୍ବଣାକାର୍ ହେୱାନିଂ କାଜିଂ ମାଚାଣ୍ଟା, ହେୱାର୍ତି ମୁକ୍ତାନି କାଜିଂ ଚଞ୍ଚୟା ଆନାନ ।

୧୦

୧ ଇନାକିଦେଂକି ମସାତି ବିଦି ଝାନିଦିକ୍ତ ହାର୍ଦି ବିସ୍ବେ ଡିଗା ଲାକେ ଆଜି ହେ ସବୁ ବିସ୍ବେ ତିରିଝିରି ପୁଡ଼ଡ଼ା ଆଝିତିଲେ ମାପୁହେବାକିନାକାତ ବାହୁଁତିଂ ବାହୁଁ ନିତ୍ରେ ହେ ରବାନି ପୂଜାକିନି କାଜିଂ ପାର୍ତାନା କିନାକାର୍ ମୁଡ଼େ ବାତ କିଦେକ୍ ଆତୁନ୍ । ୨ ଜଦି ଆଡ଼ତାଡ଼ତି, ଝାଟିକ୍ ପୂଜାକିନାକାର୍ ରଗ ସକର୍ ଆଜି ଚିନ୍ତା ସାକ୍ତିତ ଆରେ ପାପ୍ତିଂ ପୁନ୍ଝାଦାଂ ହେ ସବୁ ପୂଜା ଇନାକା ବାୟ୍ ଆଝାତାମା ? ୩ ମତର ହେ ଲାକେ ଆଝାଦାଂ ବାହୁଁତିଂ ବାହୁଁ ପୂଜା ହିନାକା ହୁକେ ମାନାୟ୍ତିଂ କେବଲ୍ ତା ପାପ୍ ବିସ୍ବେ ଏଡ଼ କିୟକିମ୍ପାଡ଼; ୪ ଇନାକିଦେଂକି ସଣ୍ ଆରି ଅତାନି ନେତେର୍ ଜେ ପାପ୍ ହାଲି କିଦେକ୍ ଆଡ଼ନାଡ଼, ଇଦାଂ କସ୍ମିନିକା ।

* ହେଦାଂ କାଜିଂ କ୍ରିଷ୍ଟ ପୁଡ଼ିତ ଝାନି ଆଗେ ଇସ୍ବରତିଂ ଇଞ୍ଜି ମାଚାନ,
“ପୂଜା ଆରି ଆତାଡ଼ତ ଏନ୍ ସାରି ଆକାୟ୍,
ମାତର ଏନ୍ ନା କାଜିଂ ର ଗାଗାଡ଼ ଜାଲ୍ଦି କିନାଦେର୍;

୬ କାଟ୍ପୂଜା ଆରି ପାପ୍ନି
ପୂଜାତ ଏପ୍ ସାରି ଆଝାତାୟ୍ ।”

୭ ହେ ଏଚେକାଡ଼ଦ୍ ଆନ୍ ଇଚାକ୍, ହୁଡ଼ାଟ୍,
ସାସ୍ବରତ ପତିତ ନା ବିସ୍ବେ ଲେକା ମାନାଡ଼,
“ଏ ଇସ୍ବର, ନି ଇଚା ପୁରା କିଦେକ୍ ଆନ୍ ଝାତାଂନା ।”

୮ ପର୍ତୁମ୍ କ୍ରିଷ୍ଟ ଇଚାନ, “ପୂଜା, ଆତାଡ଼, କାଟ୍ପୂଜା ଆରି ପାପ୍ନି ପୂଜା ଏପ୍ ଡେକ୍ଝାତାଦେର୍, କି ହେବେ ମିଦାଂ ସାରି ହିଲ୍ଝାତାଡ଼” ଇନାକା ସବୁ ବିଦି ଇସାପ୍ରେ ପୂଜା କିଆନାଡ଼, ୯ ତା ପାଚେ “ହେୱାନ ଇନାନ, ହୁଡ଼ାଟ୍, ନି ଇଚା ପୁରା କିଦେକ୍ ଆନ୍ ଝାତାଂନା । ଜେତି ନିୟମ୍ ତିର କିନି କାଜିଂ ପର୍ତୁମ୍ ନିକାଦିଂ ବୁଡ଼ାୟ୍ କିତାନନା ।” ୧୦ ଜିସ୍ କ୍ରିଷ୍ଟି ଗାଗାଡ଼ ରଞ୍ଜେ ମାଡ଼ ପୂଜା ଆନି କାଜିଂ ହେ ଇଚା କାଜିଂ ଆସେକ୍ ପୁଇପୁୟା କିୟା ଆତାସନା ।

୧୧ ଆରେ ପା, ଜାଣକେ ଜିହୁଦି ମାପୁ ହେବାକିନାକାନ ପାତିଦିନ୍ ହେମାଣ୍ କିନି କାଜିଂ ଆରି ରଗତିଂ ରଗ ହେ ରବାନି ପୂଜାକିନି କାଜିଂ ନିଲ୍ଡି ମାନଗାନାର୍, ଇ ସବୁ ପାପ୍ ଅଦେଂ ଆଡ଼ଡ଼ । ୧୨ ମତର କ୍ରିଷ୍ଟ ପାପ୍ କାଜିଂ କେବଲ୍ ର ପୂଜାକିତି ପାଚେ ଇସ୍ବତ୍ ବୁଜଣି ବାଗାକ୍ ସବୁଦିନ୍ କାଜିଂ କୁଟଚାନ; ୧୩ ଇସ୍ବର ହେୱାନ୍ତି ସାଡ଼ୁର୍ ହେୱାନ୍ତି ପାନା ତାରେନ୍ କିଝି ପାତେକ୍ ହେୱାନ କାସି ମାନାନ । ୧୪ ଇନାକିଦେଂକି ଇମ୍ବଣାକାର୍ ପାପ୍ତାଂ ପୁଇପୁୟା କିୟା ଆଜି ସକର୍ ଆତାଣ୍ଟା, ହେ ରଞ୍ଜାକ୍ ମତର ପୂଜା ହୁଦାଂ ହେୱାରିଂ ହେୱାନ ସବୁ ଦିନ୍ କାଜିଂ ବାତ କିତାନନା ।

୧୫ ଆରେ ପୁଇପୁୟା ଜିବୁନ୍ ପା ମାଂ ହେ ବିସ୍ବେ ସାକି ହିଜି ଇଞ୍ଜନାନା, ୧୬ ଇନାକିଦେଂକି “ମାପୁ ଇ କାତା ଇନାନ, ହେ ସମୁ ପାଚେ ଆପ୍ ହେୱାର୍ ଲାହାଂ ଇମ୍ବଣି ନିୟମ୍ ରଚନାସ୍, ହେଦାଂ ଇଦାଂ,
ଆପ୍ ହେୱାର୍ତି ଜିବୁନ୍ତ ଜାର୍ ମସାତି ବିଦି ହିନାସ୍, ଆରେ ହେୱାର୍ତି ମାନଡ଼ ହେ ସବୁ ଲେକିକିନାସ୍,
ଇଦାଂ ଇଚି ପାଚେ ହେୱାନ ଇଞ୍ଜନାନ ।”

୧୭ ଆରେ ପା ହେୱାନ ଇନାନ, “ହେୱାର୍ତି ପାପ୍ ଆରି ହେୱାର୍ତି ଅପ୍ରାଦ୍ ସବୁ ଆପ୍ ଆରେ ଏଡ଼ କିଡ଼ପ୍ ।” ୧୮ ଲାଗି ହେୱାର୍ ଜଦି କେମା ପାୟାତାଣ୍ଟା, ଝାଟିଂ ପାପ୍ କେମା କାଜିଂ ଆରେ ପୂଜାକିନାକା ଲଡ଼ା ଆକାୟ୍ ।

ଇସ୍ଵରତି ଲାଗେ ଆନାସ୍

୯୯ ଲାଗି ଏ ଟଣ୍ଡେନ୍ ଆରି ତଣ୍ଡେନ୍ କାଜି ଆସେଇ ମୁଡ଼ି ପୁଇପୁୟା ବାହାତ ହଣ୍ଡେଇ ପୁରା ଆଦିକାର ପାୟାତାସନା । ୧୦ ହେୱାନ ତା ଗାଗାଡ଼ଲାରଦି ହେୟା ବିତ୍ରେ ହିଜି ମା କାଜି ର ପୁନି ଜିବୁନି ହାଜି ଜେତାନନା । ୧୧ ଆରେ, ଇସ୍ଵର୍ ଇଲ୍ ନଇ ମା କାଜି ମୁଡ଼ି ମାପୁହେବାକିନାକାନ ତାରେନ୍ ମାନାଡ଼ । ୧୨ ୱାଡୁ, ଆସେଇ ମାଡ଼ ନୁଜ୍ଜି ହୁଦା ହାଡ଼ପା ଚିତ୍ତା ସାକ୍ତିତା କ୍ରିସ୍ତତି ନେତେର୍ ହୁକେ ସକର୍ ଆନାସ୍ ଆରି ଅଣ୍ଡାଇ ଏସ୍ତ ନୁସ୍ତି ଗାଗାଡ଼ ଆଜି ହୁଦାର ମାଡ଼ ହୁକେ ପୁରା ପାଟି ତ ଇସ୍ଵରତି ଲାଗାୟ ଆନାସ୍; ୧୩ ଆସେଇ ଇମ୍ଣି ବାସ୍ ମାନି କିନାସା, ହେଦା ତାଟ୍ ବାବ୍ରେ ଲେମ୍ଫାଦା ଆହ୍ନାସ୍, ଇନାକିଦେକି ଇସ୍ଵର୍ ପାର୍ମାଣ୍ କିତାନନା, ହେୱାନ ପାଟି ନିକାନ; ୧୪ ଆରେ ଜିଉନନାକା ଆରି ସଡ଼କାମାୟତ ଜାଣାୟକିନି କାଜି ହାରି ବିସ୍ତେ ମାନଦିଆନ୍ କିନାସ୍, ୧୫ ଆରେ ଇନେର୍ ଇନେର୍ ଇନେସ୍ ମା ମଣ୍ଡୁଲି ପାର୍ତାନା ଏଲା ଆଜି ମାନାସା, ଆସେଇ ଇନେସ୍ କିଉସ୍, ନଲେ ହାରି ୱାରିକିୟ କିନାସ୍, ବେସିକିଜି ଏଚେକାଡ଼ ଏପେଇ ମାପୁତି ଦିନ୍ ଲାଗାୟ ଆଜି ୱାନାତା ଇଞ୍ଜି ହୁଡ଼ନାଦେରା ।

୧୬ ଇନାକିଦେକି ହାଡ଼ପା ଗିଆନ୍ ପାୟାତି ପାଚେ ଜଦି ଆସେଇ ପୁନଞ୍ଜି ପାପ୍ କିଜି ମାନାସ୍, ୱାଟି ପାପ୍ତାକେନି ପୁଜା ଆରେ ଲଡ଼ା ଆକାୟ । ୧୭ ତା ଆତିସ୍, ଆପେ ୱାନି ଗାଜା ବିଚାର ମୁମ୍ଦ ଆଜି ଇସ୍ଵର୍ ମାନି ନିକାର କାଜି ବୟଙ୍କାର ଗାଜା ନାଣିତ ବୁଡାନାକା ଇସାବ୍ରେ ପାଣ୍ଡାଜି ବିରଦ୍ କିନାକା ପିସ୍ତି ମା ବିନ୍ ଦସା ହିଲୁଡ଼ । ୧୮ ଇନେର୍ ମସାତି ବିଦିତି ଅମାନ୍ୟା କିତିସ୍, ହେୱାନ ଦୟା ପାୟା ଆୱାଦା ଦୁଇ ନଇଲେ ତିନ୍ ଜାଣ୍ ସାକିନି ପାର୍ମାଣ୍ତ ହାକି ଆନାଡ଼; ୧୯ ୱାଟି ବାବି କିଜି ହୁଡ଼ାଟ୍, ଇନେନ୍ ଇସ୍ଵରତି ମାଜି କୁସ୍ତାତାନ୍ନା, ନିୟମ୍ ଇମ୍ଣି ନେତେର୍ ହୁଦା ହେୱାନ ପୁଇପୁୟା କିୟା ଆଜି ମାଚାନ, ହେୱାନି ଆଡ଼ୱାକା ବିସ୍ତେ ଇଞ୍ଜି ବାବି କିତାନ୍ନା ଆରି ଦୟାନି ହିଦ୍ନାକାନ ଜିବୁଡ଼ିଅମାନ୍ୟା କିତାନନା, ହେୱାନ ଏଚେକ୍ ଆଦିକ୍ ବେସି ତାଣ୍ଡି ଜଗ୍ ଆଉନ୍ । ୨୦ “ଇନାକିଦେକି ହୁଜାନାକା ମା ଆଦିକାର, ଆପ୍ ପାତିପାଡ଼ ହିନାପ୍,” ଇନେନ୍ ଇ କାତା ଇଚାନ୍ନା, ହେୱାନି ଆପେ ପୁନାପ୍, ଆରେ, ମାପୁ ଜାର୍ ଲକୁରି ବିଚାର କିନାନ୍ । ୨୧ ଜିତି ଇସ୍ଵରତି କେଇଦ୍ ବିଚାରତ ଆଣ୍ଡାକା ବୟଙ୍କାର ବିସ୍ତେ ।

୨୨ ମି ପାଚେନି କାତା ଏଡୁ କିୟାଟ୍ । ଇସ୍ଵରତି ଅଜଡ଼ ପାୟାତି ପାଚେ ଏଚେକାଡ଼ ଏପେଇ ବାରବିନି ଦୁକ୍ବଗ୍ ଲାକେ ଜବର୍ କସ୍ ପାୟାନାଦେର୍, ହେ ଆଗେ ୱେଡ଼ାତି ଏଡ଼ତ ତାହିୱାଡୁ; ୨୩ ର ସମ୍ପୁ ଗ୍ଲାୟଦାନାର୍ ଆରି କସ୍ ହୁଦା ଲାଜୁକୁୟିଜି ମାଚାଦେର୍, ବିନ୍ ସମୁତ ହେ ଲାକେ ବେବାର୍ ପାୟାତି ଲକୁଡ଼ି ମେହାଣ୍ ଆଜି ମାଚାଦେର୍ । ୨୪ ଇନେ ଇନେୱାଡ଼ାଞ୍ ଏପେଇ ସାଦାସିଦା ହୁଞ୍ଜି ଆରି ନିୟା କିୟାଜି ମାଚାଦେର୍ । ଆରେ ଇନେ ଇନାୱାଡ଼ାଞ୍ ବିନ୍ ଲକାର୍ତି ସୁକ୍ଦୁକ୍ତ ୱାସ୍ତିତା ଗଣ୍ଡଗଲ୍ କିଜି ମାଚାଦେର୍ ଆରି ଏଚେକାଡ଼ ମିଦା ସବୁ ଚରି ଆତାଡ଼, ହେପାଦନା ଏପେଇ ୱାରିତା ସବୁ ନସ୍ ହୁଞ୍ଜାଦେର୍, ଇନେକିଦେକି ମିଦା ଜେ ଆଦିକ୍ ହାଦାକା ଆରି ନିତ୍ରେମାନି ଦନ୍ ମାନାଡ଼, ହେଦା ଏପେଇ ପୁଞ୍ଜି ମାଚାଦେର୍ । ୨୫ ଲାଗି, ମି ସାସ୍ ପିହ୍ମାଟ୍, ଇନେକିଦେକି ସଡ଼ ସାସ୍ ଜବର୍ ଇନାମ୍ ମାନାଡ଼ । ୨୬ ଲାଗି ଏପେଇ ଇନେସ୍ ଇସ୍ଵରତି ଇଚା ପୁରା କିଦେଇ ପାର୍ମାଣ୍ ପାଡ଼ ପାୟାଦେ ଆଡ଼ନାଦେର୍, ଇଦା କାଜି ମି ସାସି ଆନାକା ଲଡ଼ା ମାନାଡ଼ । ୨୭ ଦରମ୍ ସାସ୍ପୁରତ ଲେକାମାନାଡ଼,

ଆରେ ଅଲପ୍ ସମ୍ପୁ କାସି ମାନାଟ୍, “ଇନାକାକ୍ତି ୱାନାକା ମାନାଡ଼,
ହେୱାନ ୱାନାନ୍ ଆରି ମାଲା ଆଉନ୍ ।”

୨୮ ନା ଦାମ୍ ଲକୁ ପାଟି ତ ତାଟ୍ ମାନଜି ଜିନାର୍,
ମାତର୍ ଇନେର୍ ଜଦି ପାଚେହାନାନ୍, ତା କାଜି ଆନ୍ ୱାସ୍ତିତ ଆଦେ ଆଡୁଇ ।

୨୯ ମତର୍ ଇମ୍ଣାକାର ନାସ୍ କାଜି ପାଚେପାନ୍ନା ଇଡ଼ନାର୍, ଆପେ ହେୱାର୍ତି କୁଦାନି ଲଗୁ ଆକାୟ, ମାତର୍ ଇମ୍ଣାକାର ୱାସ୍ତିତ ମୁକ୍ତାନି କାଜି ପାଟି କିତାର୍, ଆସେଇ ହେୱାର୍ତି କୁଦାନି ଲଗୁ ଆନାପ୍ ।

୧୧

ପାଟି ନି ଉତ୍ତରମୁଡ଼ି

୧ ପାଟି ଆହା ଇଡ଼ଜି ମାନି ବିସ୍ତେତି ଆବ୍ଝା ପାଟି ଆରି ହୁଡ଼ି ବିସ୍ତେ ହାଡ଼ପା ଗିଆନ୍ । ୨ ପ୍ରାଚିନାର୍ ମାନାୟାର୍ ହେୱାର୍ ପାଟି ହୁକେ ଇସ୍ଵରତି ସାରି ଆଜି ମାଚାର୍ ।

୩ ପାଟି ହୁଦା ଆସେଇ ବୁଜା ଆଦେ ଆଡ଼ନାସ୍ ଜେ, ୱିଜୁ ସ୍ଵାସ୍ତାନି ଇସ୍ଵର୍ ବଚନ୍ ହୁଦା ରତ୍ୟା ଆତାକା, ଲାଗି ଇମ୍ଣାକା ପା ହାଣ୍ଡୁ ବିସ୍ତେ ହୁଡ଼ି ବିସ୍ତେ ଉବ୍ଜାଣ୍ ଆୱାତାଡ଼ନା ।

୪ ପାଟି ହୁଦା ହେବଲ୍ ଇସ୍ଵରତି ଉଦେସ୍ତ କୟିନତି ବାଟା ହାଦ୍ ପୁଜା କିତାନ୍ ଆରି ତାହୁଦା ହେୱାନ ଦାମ୍ ଇଞ୍ଜି ସାକି ପାୟା ଆତାନ; ଇସ୍ଵରତି ନିଜେ ତା ଦାନ୍ ବିସ୍ତେ ସାକି ହିତାନ୍, ଆରେ ହେୱାନ ହାତିସ୍ ପା ପାଟି ହୁକେ ନେଜେଇ ପାଚେକ୍ କାତା ଇନିଧାନା ।

୩୦ ଇସ୍ରାଏଲ୍ ମାନାୟାର ପାତ ହୁଦା ଜିରିହ କୁଞ୍ଚାଡ଼ି ଯାତ୍ ଦିନ୍ ପାତେକ୍ କିନ୍ଦ୍ରା ଆତି ପାତେ ବୁଡା ଆତାତ୍ । ୩୧ ପାତ ହୁକେ ରାହାବ୍ ଦାରି ଚରକ୍କୁକାଂ ବାସିହିତିଲେ ବଲ୍ ମାନିକିଞ୍ଜାକାର ଲାହାଂ ନାସ୍ ଆଞ୍ଜାତାର୍ ।

୩୨ ଆରେ ଆଦିକ୍ ଇନାକା ଇଞ୍ଜନାଂ ? ଗିଦିୟନ, ବାରାକ୍, ସାମ୍ବନ୍, ଜିପ୍ତହ, ଦାଉଦ୍, ସାମୁୟେଲ୍ ଆରି ବେଶ୍ବାକ୍ଶାୟକିନାକାତ ବିସ୍ତେ ଜଦି ଆନ୍ ହାନ୍ଦାୟ କିନାକ୍, ଲାଗିଂ ସମୁ ଏକତୁତ୍; ୩୩ ପାତ ହୁଦା ହେଞ୍ଜାର ରାଜିକାଂ ଜିଶା ଆତାର୍, ଦାମ୍ ସାଦନ୍ କିତାର୍, ପାର୍ମାଣି ପାତ୍ ପାୟା ଆତାର୍, ହେଞ୍ଜାର ସିହ୍ନାଂ ଖେଇ ବନ୍ଦ କିତାର୍, ୩୪ ନାଶିନି ଆହ୍ନାକା ପାଗ୍ତାନ୍, କାଣ୍ଡାଦାରାତାଂ ରାକ୍ୟା ପାୟାତାର୍, ନାଦାର୍ ଖେଡାଲିଂ ସାକ୍ତି ଆତାର୍, ଜୁଜ୍ତ ଜିଶା ଆତାର୍, ଆରେ ପାତ କିଞ୍ଜି ଜିହୁଦିର୍ ମେଲ୍ୟାରିଂ ପେସ୍ତାର୍ । ୩୫ କଗ୍ଲେକ୍ ଜାର୍ ଜାର୍ ହାତାକାତ ଆରେ ନିନାକା ହୁଦା ଜିବୁନ୍ ପାୟା ଆତିକ୍ ।

ଆଦେକ୍ ହାର୍ ଆରେ ନିନାକା ପାୟାନି କାଜିଂ ଉଦାର୍ ପାୟାଦେଂ ଇଚା କିଞ୍ଜାଦାଂ ଗାଣ୍ଡୁ କସ୍ବରଗ୍ କିତିକ୍ । ୩୬ ବିନ୍ଲଗୁ କୁଲ୍, କରତା ଇଡ଼ୟାଜି, ଆଁ, ଗାଚ୍ଯାଜି ଆରି ଜଲ୍ଲ ହୁଦାଂ ପା ପରିକ୍ୟାକିୟା ଆତାର୍, ୩୭ ହେଞ୍ଜାର କାଲ୍କୁମାଡ଼ତ ହୁଞ୍ଜାର୍, କରତ୍ତ ରି ଗାଣ୍ଡା ଆତାର୍ ଆରି କାଣ୍ଡାତାଂ ହାତାର୍ । ଇନେ ଇନେର୍ ମେଣ୍ଡା ଆରି ଅତା ତଲ୍ଦ ଉସ୍ପିସ୍ ଅକ୍ ଡ, ବାଦା ଆରି ଇନସ୍ତା ଆଜି ଏନେ ତେନେ ହାଲ୍ବାତାର୍ । ୩୮ ବାଟାତ, ମାଡ଼ିତ, ପାରାତ, ଆରେ ପୁତ୍ ନି ବିତ୍ତେ ବୁଲ୍ଲାଆତାର୍, ପୁତ୍ କ୍ଷୁଇ ଜଗ୍ ହିଲ୍ଖାତାତ୍ ।

୩୯ ପାତ ହୁଦାଂ ଇ ଖିଜାର୍ ଡାକ୍ପୁଟା ଲାବ୍ କିଜି ପା ପାର୍ମାଣି ପାତ୍ ପାୟା ଆଞ୍ଜାତାର୍, ୪୦ ଲାଗିଂ ଇସ୍ବର୍ ମା କାଜିଂ ହାଦ୍ ବିସ୍ତେ ଜାଲ୍ଦି କିଞ୍ଜାଦାଂ ମାଗାନ୍, ଇନେସ୍ ହେଞ୍ଜାର୍ ମାଂ ପିସ୍ତି ବାତ ଲାବ୍ କିଉର୍ ।

୧୨

ଇସ୍ବର୍ ମା ଆବା

୧ ଇ ଲାକେ ସାକିତ ର ଗାଜା ଦାତ୍ ମାନାୟାର୍ ମା ଚାର୍ବେଶ୍ତାଂ ମୁକ୍ତାତାଣ୍ଡା । ଲାଗିଂ ଖାତ, ଇମ୍ଫଣି ସବୁ ବିସ୍ତେ ମା ହାନାକା ବନ୍ଦକିଦନାତା ଆରି ଇମ୍ଫଣି ପାପ୍ ସବୁ ମାଜେକ୍ ଜେଲ୍ଜି ଆସ୍ତାଡ଼ନା, ହେ ଖିଜୁ ପିସ୍ସି ଜିସୁକ୍ ଇଚ୍ଚକାଡ଼ କିଜି ସାସ୍ତାଂ ମା ହାନି ହାଜିତ୍ ହନ୍ନାସ୍ । ୨ ଇନେର୍ ଜପି ଆସେକ୍ ଚିମ୍ବରାଜି ପାତ ଚିନ୍ତା କିନାସ୍, ଜିସୁ କାଜିଂ ମା ହୁଡ଼ନାକା ବନ୍ଦ କିନାସ୍, କୁସ୍ନି ହାକି ବଗି କିତାନ୍, ଆରେ ଇସ୍ବର୍ତ୍ତି ଗାଦିନି ତିନା ବାଗାକ୍ କୁଚ୍ଚାନ୍ନା ।

୩ ଏପେକ୍ ଇନେସ୍ ଜାର୍ ଜାର୍ ମାକ୍ତ ବିଞ୍ଜାହିଂ ଦୁକ୍ ପାୟା ଆଞ୍ଜାଦାଂ; ଇଦାଂ କାଜିଂ ଇନେନ୍ ପାପିରତାଂ ଏତେକ୍ ଇଶ୍ ବିରୁଦ୍ତ ନକ୍ ଜାର୍ କୁଚ୍ଚମ୍ତାଂ ଚିନ୍ତା କିତାନ୍, ହେଞ୍ଜାନ୍ତି ବିସ୍ତେ ଚିନ୍ତା କିୟାଟ୍ । ୪ ଏପେକ୍ ପାପ୍ ବିରୁଦ୍ତ ଜୁଜ୍ କିଜି ନକ୍ ପାତେକ୍ ନେତେର୍ ନସ୍ତାନ୍ ପାତେକ୍ ଟେବାୟ୍ କିଞ୍ଜାତାଦେଣ୍ଡା, ୫ ଆରେ ହିମ୍ଶାକ୍ ଲାକେ ମି କାଜିଂ ଲେକିକିତି ଇ ଖାରିକିନି କାତା ବାଶାତାଦେଣ୍ଡା ?

“ଏ ନା ମାଜି, ମାପୁତି ସାସନ୍ତିଂ ହାରୁ ଇଞ୍ଜି ବାବି କିମାଟ୍,

ହେଞ୍ଜାନ୍ତି ହୁଦାଂ ଲେଡ଼ୟା ଆତିସ୍ ଖାହ୍ମାଟ୍,

୬ ଇନାକିଦେଂକି ମାପୁ ଇନେରିଂ ଜିଉନନାନ୍,

ହେଞ୍ଜାନିଂ ସାସନ୍ କିନାନ୍, ଆରେ ଇମ୍ଫଣି ମାଜିକ୍ ଇଡ଼ନାନ୍, ହେଞ୍ଜାନିଂ ଟ୍ରାକ୍ନାନ୍ ।”

୭ ସାସନ୍ ଉଦେସ୍ତ ଏପେକ୍ କସ୍ ବଗ୍ କିନାଦେରା, ଇସ୍ବର୍ ମି ଲାହାଂ ମାଜି ଲାକେ ଚିନ୍ତା କିଦ୍ନାନା, ଇନାକିଦେଂକି ଆବା ଇନେରିଂ ସାସନ୍ କିଉନ୍, ଏଲେକ୍ ମାଜି ଇନେର୍ ମାନାନ୍ ? ୮ ମତର୍ ଇମ୍ଫଣି ସାସନ୍ନି ମେହାନାକା, ଜଦି ଏପେକ୍ ହେବେନି ମେହାଣ୍ଡ ଆକାୟ୍, ଖାଟିକ୍ ଏପେକ୍ ମାଜି ଆଞ୍ଜାଦାଂ ଉପକା ମାଜି କାଦେର୍ । ୯ ଆରେ ପା, ମା ସାସନ୍ କାରିୟା ମା ଗାଗାଡ଼ିନି ଆବାରିଂ ଆସେକ୍ ଦୁକ୍ କିନାକା କିତାସ୍; ଖାଟିଂ ମା ଆବାତି ନଲେ ଏତେକ୍ ଆଦିକ୍ ଲାକେ ତଲ୍ୟା ଆଜି ଜିବୁନ୍ ଗାଟା ଆଉସ୍ ? ୧୦ ଇନାକିଦେଂକି ହେଞ୍ଜାରିଂ ଇନେସ୍ ବେସି ହାର୍ କିଜି ବୁଜାତାର୍, ହେ ଇସାପ୍ରେ ହେଞ୍ଜାର୍ ଅଲପ୍ ଦିନ୍ କାଜିଂ ମାଜେକ୍ ସାସନ୍ କିଡ଼ତାନ୍, ମତର୍ ଆସେକ୍ ଇନେସ୍ ହେଞ୍ଜାନ୍ତି ପୁଇପୁୟାତ ମେହାଣ୍ଡ ଆନାସ୍, ଇଦାଂ କାଜିଂ ହେଞ୍ଜାନ୍ ମା ବାଲ୍ କାଜିଂ ସାସନ୍ କିଦନାନ୍ । ୧୧ ସାସନ୍ ନକ୍ ଖାରିୟା ଆଞ୍ଜାଦାଂ ଦୁକ୍ ବୁଜାଦେଂ ଆନାଟ୍; ଆତିସ୍ପା ଇମ୍ଫଣାକାର୍ ତା ହୁଦାଂ ହିକ୍ୟା ଗାଟା ଆତାଣ୍ଡା, ତା ପାତେ ହେଞ୍ଜାରିଂ ସୁସ୍ତାନି ପାତ୍ ଲାକେ ଦାମ୍ ଉପକାର୍ ହିଦନାଟ୍ ।

ଉପଦେସ୍ ଆରି ଜାଗ୍ରତ୍ କାତା

୧୨ ଇଦାଂ କାଜିଂ ଏପେକ୍ ନାଦାର୍ କେଇ ଆରି ଖିଜୁ ମେଣ୍ଡା ବାଡ଼କାସ୍ କିୟାଟ୍, ୧୩ ଆରେ ଜାର୍ ଜାର୍ ପାନା କାଜିଂ ହାଣ୍ଡୁ ହାଜି ଜାଲ୍ଦି କିୟାଟ୍, ଇନେସ୍ ଇନାକା ଚଟା, ହେଦାଂ ଆଦିକ୍ ବାନ୍ୟା ଆଞ୍ଜାଦାଂ ନଲେ ଉଜ୍ ଆନାଟ୍ ।

୧୪ ଖିଜାର୍ ଲାହାଂ ସୁସ୍ତାତ ମାଞ୍ଜେକ୍ ସେସ୍ କିୟାଟ୍, ଆରେ ଇମ୍ଫଣି ପୁଇପୁୟା ପିସ୍ତି ଇନେର୍ ମାପୁକ୍ ହୁଡ଼ଦେଂ ଆଡୁର୍, ତା ପାତେ ହାଲ୍ବାଟ୍, ୧୫ ଏତେକାଡ଼ ଇନେର୍ ଇସ୍ବର୍ ଦୟାତାଂ ମୁଞ୍ଜୁନ୍ କି ଇମ୍ଫଣାକା ପା କେନି ଦଲ୍ ନେସ୍ଜି ବାତାଦେଂ ମିଦାକ୍ ନସ୍ କିଦନାଟ୍, ଆରେ ତା ହୁଦାଂ ଆଦେକ୍ ବିଚାଡ଼ ଆନିକ୍; ୧୬ ଇନେର୍ ବାନିୟା କାମାୟ୍ କିନାକାର୍, ର ଅଲିନି କାଦି କାଜିଂ ଜାର୍ ଗାଜା ଆଦିକାର୍ ପ୍ରତାକାନ୍ ଜେ ଏସୌ, ହେଦାଂ ଲାକେ ଅଦାମ୍ ଆନାଟ୍, ଇ ବିସ୍ତେ ବେସି ଜାଗ୍ରତ୍ ଆଡୁ

। ୧୭ ଏପେକ୍ଷା ତ ପୁନାଦେବ ଜେ, ପାଚେ ହେୱାନ ଆସିବାଦ୍ଦି ଆଦିକାରି ଆନି କାଜିଂ ଇଚା କିତିସ୍ ପା ମୁନାକିୟାତାନ, ଆରେ ମାନବାଦ୍ଲୟ କିନି କାଜିଂ କାଣେଲିଂ ଲାହାଙ୍ଗ ଜାତୁନ୍ତାଂ ସେସ୍ କିତିସ୍ ପା ହେଦାଂ କିନି କାଜିଂ ଆରେ ହୁତୁର୍ ଗାଟା ଆଖାତାତ୍ ।

୧୮ ଇନାକିଦେଂକି ଇସ୍ତାଏଲ୍ ଏପେକ୍ଷା ସିୟନ୍ ମାଡ଼ି ଆରି ଆହୁନି ନାଣି ଲାଗାୟ ଆରେ ଗେସ୍ତି ବାଦାଡ଼, ମାଜ୍ଗାନି ଡ଼ଲୁ, ୧୯ ମରିନି ଗାଜ୍ଜାନାକା ଆରି ବାଜାନି ଗାଜ୍ଜାନାକା ଲାଗାୟ ଖାଖାତାଦେଶ୍ଟା, ଖେନାକାର୍ ହେ ଗାଜ୍ଜାନାକା ଖେନ୍ଝି ଇନେସ୍ ହେଖାରିଂ ଆରେ ଇମ୍ଣାକା ପା ବଚନ୍ ଇନାୟା ଆଉଡ଼, ଇଦାଂ ଗଞ୍ଜାରି କିଜି ମାଚାନ; ୨୦ ଲାଗିଂ “ଇମ୍ଣାକା ପା ପସୁ ପା ଜଦି ହେ ମାଡ଼ି ତୁନାଡ଼, ଖାଟିଙ୍ଗ୍ ହେଦାଂ ଗାଜା କାଲ୍ଦାଂ ହାନାଡ଼, ଇଦାଂ ଇମ୍ଣା ବଲ୍ ହିଆତାନା, ହେଦାଂ ହେଖାର୍ ହୁଖେଙ୍ଗ୍ ଆଡ଼ଖାତାର୍” ୨୧ ଆରେ ହେ କାତା ଏଲେଙ୍ଗ୍ବାତ୍ ବୟଙ୍ଗାର୍ ମାଚାଡ଼ ଜେ, ମସାନେ ଇଚାନ, “ଆନ୍ ବେସି ପାଣ୍ଡୁ ଆରି ତ୍ରିଗ୍ନାଙ୍ଗା ।”

୨୨ ମତର୍ ଏପେକ୍ଷା ସିୟନ୍ ମାଡ଼ି ଆରି ଜିତି ଇସ୍ବର୍ତି ଗାଡ଼, ଇତିସ୍ ସାଗେନି ଜିରୁସାଲମ୍, ଗାଣାକିଦେଂଆଡ଼ଝି ଦୁତକ୍ତି ପାରୁ, ୨୩ ସାଗେତ ଲେକିକିତି ପର୍ତ୍ତମ୍ ଜଲମ୍ଆତାକାତ୍ ମଣ୍ଡୁଲି, ଝିଜାକାତ୍ ବିଚାରକାରୟା ଇସ୍ବର୍ ଲାଗାଂ ଏପେକ୍ଷା ବାତ୍ ପାୟାତି ଦାମ୍ ତ୍ ଜିବୁନିଙ୍ଗ୍, ୨୪ ପୁନି ନିୟମ୍ନି ମାଦ୍ଣାକାନ ଜିସୁ, ଆରେ ଇମ୍ଣା ତିରତି ନେତେର୍ ହେବଲ୍ନି ନେତେର୍ ବାଟା ହାଦ୍ ବଚନ୍ ଇନାଡ଼, ତା ଲାଗାୟ ଖାତାଦେଶ୍ଟା ।

୨୫ ଜାଗ୍ରଡ଼, ଇନେନ୍ ବଚନ୍ ଇନାନ୍ନା, ହେଖାନିଂ ମୁନା କିମାଟ୍, ଇନାକିଦେଂକି ଇନେନ୍ ପୁତ୍ ବଲ୍ ହିତାନ, ହେଖାନିଂ ମୁନା କିତିଲେ ହେଖାର୍ ଜଦି ରାକ୍ୟା ପାୟା ଆଖାତାର୍, ଖାଟିଂ ଇନେନ୍ ସାଗେତାଂ ବଲ୍ ହିଡ଼ତାନ୍ନା, ହେଖାଡ଼ିତାଂ ମାସ୍ଦି ହାଟିସ୍ ଆସେଙ୍ଗ୍ ଜେ ରାକ୍ୟା ପାୟା ଆଉସ୍, ଇଦାଂ ଏଚେକ୍ ଆଦିକ୍ ହାଡ଼ପା ! ୨୬ ହେ ଏଚେଖେଡ଼ାଲିଂ ହେଖାଡ଼ି କାଟ୍ ପୁତ୍ ତିଂ ଜଲ୍ଲୟକିତାଡ଼, ମତର୍ ନଙ୍ଗ୍ ହେଖାନ୍ ପାର୍ମାଣ୍ କିଜି ଇଞ୍ଜାଙ୍ଗ୍ନା, “ଆରେ ରଗ ଆପ୍ ଜେ ପୁତ୍ ତିଂ ଲେସ୍ତାନାସ୍, ହେଦାଂ ଆକାୟ୍, ମତର୍ ଆକାସ୍ତାଂ ପା ଲେପ୍ପାନାଙ୍ଗ୍ ।” ୨୭ “ଆରେରଗ” ଇଞ୍ଜି ଇନି ହୁଦାଂ ଇଦାଂ ବୁଜାୟା ଆନାଡ଼ ଜେ, ଲେମ୍ଫି ବିସ୍ତେ ସବୁ ମାନି କାଜିଂ ଟଡ଼ମ୍ଡ଼ ବିସ୍ତେ, ଇତିସ୍ ଉବ୍ଜାଣ୍ ବିସ୍ତେ ସବୁନି ବାଦ୍ଲା ଆନାଡ଼ ।

୨୮ ଲାଗିଂ, ଲେମ୍ଫି ରାଜି ଗାଟା ଆତିଲେ ଖାଡ଼ୁ, ଆସେଙ୍ଗ୍ ଖାରିୟା ଆଜି ପାଣ୍ଡୁ ଆରି ବଲ୍ଲି ହୁଦାଂ ଇସ୍ବର୍ତି ଜୁଖାର୍ କିଜି ମାନାସ୍ ଇ ଇଚାତ ସାରି ଆଜି ପାର୍ତାନା କିନାସ୍ । ୨୯ ଇନାକିଦେଂକି ମା ଇସ୍ବର୍ ତନ୍ଝିହାନି ନାଣି ଲାକେ ଆନାନ୍ ।

୧୩

ଇସ୍ବର୍ତିଂ ସାରି କିନାସ୍

୧ କ୍ରିସ୍ଟୁଙ୍ଗ୍ ପାତ୍ କିନାକାଦେର୍ ଏ ଟଣ୍ଡାର୍ ଆରି ତଣ୍ଡାଦେକ୍ ଜିଉନନିତ ତିର୍ ଆଜି ମାନାଟ୍ । ୨ ଖାଜି ମାନି ଗତାଂହେବା ପର୍ମାଟ୍, ଲାଗିଂ ତାହୁଦାଂ ଇନେ ଇନେର୍ ପୁନ୍ଝାଦାଂ ଦୁତକ୍ ହେବା କିନାରା । ୩ ଜାର୍ତିଂ ବନ୍ଦିଂ ରଚେବନ୍ଦି ଲାକେ ଗିଆନ୍ କିଜି ଆରେ ନିଜେ ଗାଗାଡ଼୍ ଆସ୍ତାପ୍ନା ଇଞ୍ଜି ପୁଞ୍ଜି କସ୍ ବଗ୍କିନି ଲକୁରିଂ ଏଡ଼ କିୟାଟ୍ ।

୪ ବିବା ଝିଜାକାତ୍ ବିତ୍ରେ ହାର୍ ଆୟେଡ଼ ଆରି ହେଖାଡ଼ି ଟାଟି ସକଟ୍ ଆୟେଡ଼, ଇନାକିଦେଂକି ଇସ୍ବର୍ ଲକାର୍ଦାରି ଆରି ପାପିରିଂ ବିଚାର୍ କିନାନ୍ ।

୫ ଇନିବେବାର୍ତ୍ତ ଦନ୍ ଲବ୍ତ ଖାରାକା ଆଡ଼ୁ, ମିଦାଙ୍ଗ୍ ଇନାକା ମାନାଡ଼, ହେବେ ସାରି ମାନାଟ୍, ଇନାକିଦେଂକି ଇସ୍ବର୍ ନିଜେ ଇନ୍ଞ୍ଜାନ୍ନା, “ଆପ୍ ମିଙ୍ଗେଙ୍ଗ୍ ସବୁଖେଡ଼ାଙ୍ଗ୍ ଆସ୍ତ୍ରି ମାଞ୍ଜନାପ୍, ଆପ୍ ମିଙ୍ଗେଙ୍ଗ୍ ଇନାଖାଡ଼ାଂ ପା ପିସ୍ତୁପୁ ।” ୬ ଲାଗିଂ ଆସେଙ୍ଗ୍ ସାସ୍ତାଂ ଇଞ୍ଜେଙ୍ଗ୍ ଆଡ଼ନାସ୍, “ମାପୁ ନା ରାକ୍ୟାକାର୍ଆ, ଆନ୍ ପାଣ୍ଡୁ ଆଉଙ୍ଗ୍, ମାନାୟ୍ ନାଦାଂ ଇନାକା କିଦ୍ନାନ୍ ?”

୭ ଇମ୍ଣାକାର୍ ମିଙ୍ଗେଙ୍ଗ୍ ଇସ୍ବର୍ତି ବଚନ୍ ଖେଡ଼ି ମାନ୍ଞ୍ଜାର୍, ମିଦାଂ ଏଲେଙ୍ଗ୍ ନେତାରିଂ ଏଡ଼ କିୟାଟ୍, ହେଖାଡ଼ି ବେବାର୍ ହାରିହାରା ତାଂନି କାଜିଂ ହୁଡ଼ଜି ହେଖାଡ଼ି ପାତ୍ ପାଚେ ହାଲାଟ୍ । ୮ ଜିସୁ କ୍ରିସ୍ଟୁ ନିହିଙ୍ଗ୍, ନେଞ୍ଜେଙ୍ଗ୍ ଆରି ସବୁ ଖେଡ଼ାଙ୍ଗ୍ ସମାନ୍ ମାନାନ୍ । ୯ ବାନ୍ୟାନିପ ଆରି ଉଲ୍ଟି ବାନି ହିକ୍ୟାତ ବିପ୍ରି ଆମାଟ୍, ଇନାକିଦେଂକି କାଦି ଜିନିସ୍ତିଂ ହୁଦାଂ ଆକାୟ୍, ମତର୍ ଦୟା ହୁଦାଂ ମାନ୍ ତିର୍ ଆନାକା ହାର୍; ଇମ୍ଣାକାର୍ ତିନାକାଉଣାକା ଚାଲାୟ୍ କିଜି ମାନି କିତାର୍, ହେଖାଡ଼ି ମୁଡେ ଲାବ୍ ଆଖାତାଡ଼ନା ।

୧୦ ଇମ୍ଣା ଗାର୍ଣିନି ଜିନିସିଂ ତୁମ୍ନିଆକାତିଂ ପୁଜାରିତ୍ ତିନି କାଜିଂ ଆଦିକାର୍ ହିଲୁଡ଼, ମାଦାଂ ଏଲେଙ୍ଗ୍ ର ଗାର୍ଣି ମାନାଡ଼ । ୧୧ ଇନାକିଦେଂକି ଇମ୍ଣା ସବୁ ପସୁତି ନେତେର୍ ପାପ୍ନି ପୁଜାଲାକେ ମୁଡ଼ ମାପୁହେବାକିନାକାନ୍ ହୁଦାଂ ମୁଡ଼ ପୁଇପୁୟା ବାହାତ ତାହିଞ୍ଜାନାର୍, ହେ ସବୁ ପସୁନି ଗାଗାଡ଼୍ ଚାଉଣି ବାର୍ତ୍ତ କାଡ଼ନାଡ଼ । ୧୨ ଇଦାଂ କାଜିଂ ଜିସୁ ପା ଜାର୍ ନେତେର୍ ହୁଦାଂ ଇନେସ୍ ମାନାୟାତ୍ ପୁଇପୁୟା କିନାନ୍, ଇଦାଂ କାଜିଂ ଗାଡ଼୍ ଦୁଆଣ୍ ବାର୍ତ୍ତ ହାକି ବଗି କିତାନ୍ । ୧୩ ଲାଗିଂ, ଖାଡ଼ୁ, ଆସେଙ୍ଗ୍ ହେଖାନ୍ ଲାକେ ନିନ୍ଦା, ଅପ୍ମାନ୍ ହୁନ୍ଝି ଗାଡ଼୍ ବାର୍ତ୍ତ ହେଖାଡ଼ି ଲାଗେ ହାନାସ୍ । ୧୪ ଇନାକିଦେଂକି

ଇ ପୁତ୍ର ତ ମାଦାଂ ସବୁଦିନି ମାନି ଗାଡ଼ ହିଲୁଡ଼, ମତର ଆସେଇଁ ଖାନିଦିନ୍ତିନି ଗାଡ଼ିଂ ଡେକନାସା । ୧୫ ଲାଗିଂ ଖାଡୁ, ଜିସୁଇଁ ହିଜି ଆସେଇଁ ଇସ୍ବରତି କାଜିଂ ଖାରିକିୟୁ ହୁକେ ପୁଜା, ଇତିସ୍ ହେଖାନ୍ତି ତର ମାନିକିନି ଓଟିନି ପାଡ଼ ନିଡେ ପୁଜାକିନାସ୍ । ୧୬ ଲକାର ଉପକାର ଆରି ଦାନ କିଦେଇଁ ପର୍ମାଟ୍, ଇନାକିଦେଂକି ଏଲେଇଁ ପୁଜାତ ଇସ୍ବରତି ବେସି ସିତକ୍ ।

୧୭ ମି ନେତାତ ବଲ୍ ମାନିକିୟାଟ୍, ହେଖାଟି ବଲ୍ ପାଲି କିୟାଟ୍ । ହେଖାର ଜାଗାଖାଡ଼ାର ଲାକେ ମି ଖାସ୍ତି ରାକ୍ୟା କାଜିଂ ଜମ୍ଝି ବାବ୍ରେ କାଡ଼ନାରା, ଇନାକିଦେଂକି ହେଖାରିଂ ଇସ୍ବର ଲାଗାଂ ଜାର କାମାୟନି ଇସାପ୍ ହିୟାନାଡ଼ । ଏପେଇଁ ଜଦି ହେଖାଟି ବଲ୍ ମାନିକିୟାଟ୍, ଲାଗିଂ ହେଖାର ଖାରି ମାନ୍ତାଈ ଜାର କାମାୟ କିତାର, ମାତର ଜଦି ହେଦାଂ କିଞ୍ଚିତିସ୍, ଖାଟିଈ ହେଖାର ମାନହିଞ୍ଚି ମାନ୍ତାଈ ହେଦାଂ କିତାର ଆରି ଇଦାଂ ମି ପାକ୍ୟାତ ହାର ଆଉଡ଼ ।

୧୮ ମା କାଜିଂ ପାର୍ତାନା କିୟାଟ୍, ଇନାକିଦେଂକି ମା ପାତ୍ର ଜେ, ମା ହାଦ୍ର ଚିନ୍ତା କାଜିଂ ମାନାଡ଼, ଲାଗିଂ ଖିଜୁ ବିସ୍ତେ ହାଦ୍ର ବେବାର କିଦେଇଁ ଆପେଂ ଇଚା କିନାପା । ୧୯ ଆରେ ଆନ୍ ଇନେସ୍ ବେଗି ମି ଲାଗେ ହାଞ୍ଜେଇଁ ଆଡ଼ନାଈ, ଇଦାଂ କାଜିଂ ପାର୍ତାନା କିଦେଇଁ ମିଞ୍ଜେଇଁ ବେସିକିଜି ଖାସ୍ତିତାଂ ଗଞ୍ଜାରି କିନ୍ନାଈ ।

ହାରିହାରା ପାର୍ତାନା

୨୦ ଇମ୍ଝି ସୁସ୍ତା ହିଦନି ଇସ୍ବର ଖିଜିକାଡ଼ ତିର ନିୟମନି ନେତେର କାଜିଂ ମୁଡ଼ ମେଣ୍ଡାଗଡ଼ିୟା, ଇତିସ୍ ମା ମାପୁ ଜିସୁତିଂ ହାକିନିକାର ବିଡେତାଂ ମାସ୍ତ ତାହିଖାତାନ; ୨୧ ହେଖାନ୍ତି କାଣ୍ଡୁତ ଇନାକା ହଲ୍ଲନାଡ଼, ହେଦାଂ ହେଖାନ୍ ମା ଖାସ୍ତିତ ଜିସୁ କ୍ରିସ୍ଟ ହୁଦାଂ ଖିସ୍ସି ହେଖାନ୍ତି ଇଚା ପୁରା କିଦେଇଁ ମିଞ୍ଜେଇଁ ଜାଣକେ ହାରଦି କାମାୟତ ବାତ୍ର କିଦେନ୍ । ଜୁଗ୍ ଜୁଗ୍ ଜାଜମାଲ୍ ହେଖାନ୍ତି । ଆମେନ୍ ।

ଖିସ୍ତି କାତା

୨୨ ଏ ଟଣ୍ଡାର ଆରି ତଣ୍ଡେକାଦେର, ଆନ୍ ମିଞ୍ଜେଇଁ ଗଞ୍ଜାରି କିନ୍ନାଈ, ଇ ଉପଦେସ୍ ମାନି କିୟାଟ୍, ଲାଗିଂ ଆନ୍ ହାରୁ ଆକିତ ମିଞ୍ଜେଇଁ ଖାରିକିୟୁକିଦନି କାଜିଂ ଲେକିକିଡ଼ତାଂନା, ହେଦାଂ ଦିଆନ୍ ହିୟାଟ୍ । ୨୩ ମା ଟଣ୍ଡେନ୍ ତିମତି ଜଇଲ୍ତାଂ ମୁକ୍ତା ଆତାନ୍ନା ଇଞ୍ଜି ପୁନାଦେର, ଜଦି ହେଖାନ୍ ବେଗି ଖାଟିସ୍, ଖାଟିଂ ହେଖାନିଂ ରଚେ ଆନ୍ ମି ଲାହାଂ ବେଟ୍ ଆଦେଂ ଖାନାଈ ।

୨୪ ମିଞ୍ଜେଇଁ ଖିଜାର ନେତା ଆରି ପୁଇପୁୟାନି ସାଦୁଖିଜାରିଂ ଜଖାର ଜାଣାୟକିଆଟ୍ । ଇମ୍ଝାକାର ଇତାଲିଆତାଂ ଖାତାଣ୍ଡା, ହେଖାର ମିଞ୍ଜେଇଁ ଜଖାର ଜାଣାୟକିଡ଼ତାଣ୍ଡା ।

୨୫ ଇସ୍ବରତି ଦୟା ମି ଖିଜାକାତ୍ର ଲାହାଂ ଆୟେଡ଼ ।

ଯାକ୍‌ବଙ୍କ ପତ୍ର ଜାକ୍‌ବଟି ଆଜି ଜାକ୍‌ବ ଆଜି ବିସ୍ତେନି ପାଦେକ୍

ଜାକ୍‌ବ ପତି ଜାକ୍‌ବ ତରଫ କୁକ୍ୟାତି ରଞ୍ଜାନ୍ ମୁଣିକାତାଂ ଲେକା ଆତାନ୍ । ଇ ଜାକ୍‌ବ ଆଜି ମାନଗାନାତ୍ ଜିସୁ କ୍ରିସ୍ତୁତି ଟଣ୍ଡେନ୍ ମାତାନ୍, ଇନେନକି ଆଗେନି ମଣ୍ଡଲିନି ରଞ୍ଜାନ୍ ନେତା ମାଞ୍ଜାନ୍ ଆରି ଜିରୁସାଲମ୍‌ନି ସବାନି ମେମର୍ ମାତାନ୍ ପକ୍ୟାତାକା ୧୫:୧୩ ପକ୍ୟାତି ପାଉଲ୍ ପା ଜାକ୍‌ବଂ ମଣ୍ଡଲିନି ମୁଣ୍ଡା ଇଞ୍ଜି କୁକ୍‌ନାନ୍ ଗାଲାତିୟ ୨:୯ । ଜାକ୍‌ବ ପତି ଜିସୁକ୍ରିସ୍ତୁତି ୫୦ ବାହୁଁ ପାଚେ ଲେକା ଆତାନ୍ ଇଞ୍ଜି ବାଇବଲ୍ ପଣ୍ଡିତ୍‌କୁର୍ ପାତ୍ କିତାର୍ । ଜାକ୍‌ବ ଜିରୁସାଲମ୍ ମଣ୍ଡଲିନି ନେତା ମାତାନ୍ ଲାଗିଂ ଆଜି ମାନଗାନାତ୍ ହେବେ ବାହା କିଜି ମାନିହିଂ ହେଞ୍ଜାନ୍ ଇ ପତି ଲେକିକିଜି ମାତାନ୍ । ଜାକ୍‌ବ ଦେସ୍‌ନି ଜେଡ଼େକେଡ଼ ଆଜି ମାନି ବାର୍ କୁଚୁମ୍‌ତିଂ ଜାଣାଚିନା କିନାନ୍ ୧:୧ ।

ଜାକ୍‌ବ ପତି ବେବାର୍ କିଦେଙ୍ଗ୍ ଝିଜାକାର୍ କ୍ରିସ୍ତୁୟାନାତ୍ କାଜିଂ ମାତାତ୍, ମାତର୍ ବାର୍ କୁଚୁମ୍ କାଜିଂ ବେବାର୍ କିତାକା ସବଦ୍ ଜାକ୍‌ବ ସିଦା ଜିହୁଦିର୍ କ୍ରିସ୍ତୁୟାନିଂ ଲେକିକିଜି ମାତାନ୍ । ଇନେକିଦେଂକି ଇ ପତି ଜେଡ଼େକେଡ଼ ବାହେ ମାନି ପଡ଼ିକିନାକାରିଂ ଏକିକିଦେଂ ବିସ୍ତେ ଟିକଣା ହିନାତ୍ । ଜାକ୍‌ବ, ପାତ୍ ଆରି କାମାୟତ ବେସି ମେହାଣ୍ ଜପି ଚତ୍‌ଚି ଇନାନ୍ ଜେ, ହାତ୍‌ପା ପାତ୍ କାମାୟତ ହୁଡ଼ୟାନାତ୍ ୨:୧୭ ହେଞ୍ଜାନ୍ ମାଜାନ୍ ମାନାୟତିଂ ମୁକ୍‌ମେଟ୍ ବିସ୍ତେ ଜାଗ୍ରତ୍ କିନାନ୍ ୨:୧-୪ ଡକ୍‌କି ଇଡ଼ଜି କାତାବାର୍ତା କିନି ବିସ୍ତେ ଜାଗ୍ରତ୍ ଆଦେଂ ଝେଡ଼ନାନ୍ । ୩:୧-୧୨

ପତି ବିସ୍ତେନି ରାହାଣ୍

- ୧. ଜାକ୍‌ବ ତା ପତି କିନାକାରିଂ ବାହାୟ କିନାନ୍ ୧:୧
- ୨. ହେଞ୍ଜାନ୍ କ୍ରିସ୍ତୁୟାନିଂ ଦୁକ୍ ଝେଡ଼ାଲିଂ ସାସ୍‌ତାଂ ମାଞ୍ଜେଙ୍ଗ୍ ଝେଡ଼ଚି ମାତାନ୍ ୧:୨-୨୭
- ୩. କାମାୟତାଂ ଇନେସ୍ ପାତ୍ ଚତ୍‌ଚେଙ୍ଗ୍ ଲଡ଼ା ହେ ବିସ୍ତେ ଇନାନ୍ ୨:୧-୨୬
- ୪. ବଚନ୍ ଇନେସ୍ ସାକ୍ତି ଆଦେଂ ଆଡ଼ନାତ୍ ହେ ବିସ୍ତେ ଲେକିକିତାନ୍ନା ୩:୧-୧୨
- ୫. ଜାକ୍‌ବ ଇସ୍‌ରତି ଗିଆନ୍ ଜଗଡ଼ନି ଗିଆନ୍‌ତାଂ ବିନ୍ ଆଜି ମାନଗାନାତ୍ ହେଦାଂ ଲେକି କିତାନ୍ନା ୩:୧୩-୪:୧୦
- ୬. ପାଚେ ହେଞ୍ଜାନ୍ ପତି କିନାକାରିଂ ଗାବ୍ ଆଝି ବିସ୍ତେ ସିକ୍ୟା ହିନାନ୍ ୪:୧୧-୫:୬
- ୭. ହାରିହାରା ଜାକ୍‌ବ ଏଚେଗଟା ବିସ୍ତେ ବଲ୍ ହିଜି ଲେକିକିନାକା ଝିହନାନ୍ ୫:୭-୨୦

ଜାକ୍‌ବଟି ଆଜି

୧ ଆନ୍ ଜାକ୍‌ବ ଇସ୍‌ରତି ଆରି ମାପୁ ଜିସୁ କ୍ରିସ୍ତୁତି ଆଡ଼ିଏନ୍, “ସବୁ ଜଗଡ଼ନି ଜେଡ଼େକେଡ଼ ଆଜି ମାନି ଇସ୍‌ରତି ମାନାୟାରିଂ ଜୁଞ୍ଜାର୍ କିଜି ଇ ଆଜି ଲେକିକିନାକା ।”

ପାତ୍ ଆରି ହୁଦାର୍

୨ ଏ ନା ଟଣ୍ଡାର୍ ଆରି ତଣ୍ଡାଦେକ୍, ଏପେଙ୍ଗ୍ ଏଚେକାଡ଼ଦ୍ ବାର୍‌ବିନ୍ ଦୁକ୍ କସ୍ ଝାତିସ୍, ହେଦାଂ ହାର୍ କାମାୟ ବିସ୍ତେ ଇଞ୍ଜି ବାବି କିୟାଟ୍; ୩ ଇନେକିଦେଂକି ଏପେଙ୍ଗ୍ ପୁନାଟ୍, ଏଲେଙ୍ଗ୍ ବାନି ଦୁକ୍‌ତ ଦୁକ୍ ଗିଟାଆଦ୍‌ନି ଝେଡ଼ାଲିଂ ପରିକ୍ୟା ପାତ୍ ତିର୍ ମାଟିସ୍, ସମାଲିକିନି ସାକ୍ତି ବାତାଆନାତ୍ । ୪ ଆରେ, ଏପେଙ୍ଗ୍ ଇନେସ୍ ଇମ୍‌ଣି ବିସ୍ତେ ଉଣାଞ୍ଜାଦାଂ ବାତ୍ ଆରି ପୁରା ଆଡୁ, ଇଦାଂ କାଜିଂ ହାରିହାରା ପାଚେକ୍ ହୁଦାର୍ ଆଜି ମାନାଟ୍ । ୫ ମାତର୍ ମି ବିଡ୍ରେ ଏଚେକାଡ଼ଦ୍ ଇନେରତି ଗିୟାନ୍‌ନି ଅବାବ୍ ମାଟିସ୍, ବାଟିଙ୍ଗ୍ ଇମ୍‌ଣି ଇସ୍‌ର ଦସ୍ ଆହ୍‌ଞ୍ଜାଦାଂ ମେଲା କେଇଦାଂ ଝିଜାରିଂ ଦାନ୍ କିନାନ୍, ହେଞ୍ଜାନ୍ ଲାଗେ ହେଞ୍ଜାନ୍ ପାର୍ତାନା କିଏନ୍, ହେବେଣ୍ଡାଂ ହେଞ୍ଜାନି ହିଆନାତ୍ । ୬ ମାତର୍ ହେଞ୍ଜାନ୍ ଅଲପ୍ ମତର୍ ଆନ୍‌ମାନ୍ ଆଞ୍ଜାଦାଂ ପାତ୍ ହୁକେ ପାର୍ତାନା କିଏନ୍, ଇନେକିଦେଂକି ଇନେର୍ ଆନ୍‌ମାନ୍ କିନାଟ୍, ହେଞ୍ଜାନ୍ ଡକ୍‌ଦାଂ ଇନିହାୟନି ତାଙ୍ଗି ହାମ୍‌ଦୁର୍‌ନି ଲଡ଼ି ଲାକେ । ୭ ହେ ଲାକେ ମାନାୟ ମାପୁତାକେଣ୍ଡାଂ ଅଲପ୍ ଗାଟାନାନ୍ ଇଞ୍ଜି ବାବି କିମେନ୍ ।

୮ ହେଞ୍ଜାନ୍ ତ ରିମାନ୍ୟା ମାନାୟ, ଜାର୍‌ତି ଝିଜୁ ତାଙ୍ଗି ତାଙ୍ଗି ତିର୍ ଆକାୟ ।

ମାଜାନ୍ ଆରି ଅକ୍‌ତ୍

୯ ଅକ୍‌ତ୍ ଅବସ୍ତାତ ମାନି ଟଣ୍ଡାର୍ ଜାର୍‌ତିଂ ନିଙ୍ଗିନି ବିସ୍ତେ ଗରବ୍ କିଏନ୍, ୧୦ ମାଜାନ୍ କ୍ରିସ୍ତୁ ପାତ୍ କିନାକାନ୍ ଜାର୍ ଅକ୍‌ତ୍ ଝେଡ଼ାଲିଂ ଗରବ୍ କିଏନ୍, ଇନେକିଦେଂକି କାରାନ୍ ପୁଇ ଲାକେ ହେଞ୍ଜାନ୍ ହାଡ଼ଜି ହାନାନ୍ । ୧୧ ଲାଗିଂ ଝେଡ଼ା ନାଡ଼ିହିଂ ହତିସ୍ କାରା ଇନେସ୍ ଝାଜ୍‌ଜି ହାନାତ୍ ଆରି ହେବେନି ପୁଇ ହାଡ଼ଜି ହାନାତ୍ ଆରେ ହେଦାଂ ନି ହଲ୍‌ନାକା ଡଗୁଜି ହାନାତ୍, ହେ ଲାକେ ମାଜାନ୍ ଲଗୁ ଜାର୍‌ତି ସବୁ ମୁକାଲିଂ ମୁରଜା ଆନାତ୍ ।

ପରିକ୍ଷା ଆରି ଲବାୟ କିନାକା

୧୨ ଇମ୍ବଣି ଲଗୁ ପରିକ୍ଷାତ ହୁଞ୍ଜେଇଁ ଆଡ଼ନାନ୍, ହେଞ୍ଜାନ୍ ଦନ୍ୟ, ଇନେକିଦେଂକି ମାପୁ ଜିଉନନି ଜାର୍ ଲକାରିଂ ଇମ୍ବଣି ଜିବୁନ୍ ବାତ୍ ମୁକୁର୍ ହିଦେଂ ପାର୍ମାଣ୍ କିତାନ୍ନା, ପରିକ୍ଷାସିଦ୍ ଆତି ପାଚେ ହେ ଲକୁ ହେ ମୁକୁର୍ ଗାଟା ଆନାନ୍ । ୧୩ ଇନେର୍ ପରିକ୍ଷାତ ଆତିସ୍, ନାଦାଂ ଇ ପରିକ୍ଷା ଇସ୍ବରତି ନିପ ଆନାତା ଇଞ୍ଜି ଇନ୍ମେନ୍, ଇନେକିଦେଂକି ଇସ୍ବର ବାନ୍ୟାତ ପରିକ୍ଷା ଆଦେଂ ଆଡୁନ୍, “ଆରେ ହେଞ୍ଜାନ୍ ନିଜେ ଇନେରିଂ ପରିକ୍ଷା କିଉନ୍ ।” ୧୪ ମାତର୍ ଓଜାର୍ ମାନାୟ୍ ଜାର୍ କାମାୟ୍ ହୁକେ ଚର୍ନାକା ଆରି ଚାକ୍ରାୟ୍ ଆଜି ପରିକ୍ଷାକିୟା ଆନାନ୍; ୧୫ ମାତର୍ ବାନ୍ୟା କାମାୟ୍ତ ଗରବ୍ତ ପାପ୍ କୁର୍ନାଡ୍, ଆରେ ପାପ୍ ବେସି ଗାଜାଜି ହାକିତିଂ ଜଲମ୍ ହିନାଡ୍ ।

୧୬ ଏ ନା ଖାରିନି ଟଣ୍ଡାର୍ ଆରି ତଣ୍ଡେକାଦେର୍, ବୁଦିବାଣାମାଟ୍ । ୧୭ ଓଜୁ ହାର୍ଦି ଦାନ୍ ଆରି ଓଜୁ ହାର୍ଦାକା ହିଦ୍ନାକା ଜପିତାଂ ଇତିସ୍ ହୁକାଂତି ବଞ୍ଚାତାଂ ଖାନାଡ୍, ଇଞ୍ଜାର୍ତାଂ ଇମ୍ବଣି ବାଦ୍ଲାନାକା କି ଅଲପ୍ ପା ବାନ୍ୟା ଆକାୟ୍ । ୧୮ ଆପ୍ ଇନେସ୍ ହେଞ୍ଜାନ୍ତି ଉପଜାଣ୍ ବିସ୍ତେ ବିତ୍ତେ ର ବାନି ପର୍ତ୍ତମ୍ ପାଡ୍ ଲାକେ ଆନାସ୍, ଇଦାଂ କାଜିଂ ହେଞ୍ଜାନ୍ ଜାର୍ ଇଚା ହୁଦାଂ ହାଡ୍ପା ବଚନ୍ ହୁଦାଂ ମାଞ୍ ଉପଜାଣ୍ କିଡ୍ତାନ୍ ।

ଝେନାସ୍ ଆରି କାମାୟ୍ କିନାସ୍

୧୯ ଏ ନା ଖାରିନି ଟଣ୍ଡାର୍ ଆରି ତଣ୍ଡେକାଦେର୍, ଏପେଞ୍ ଇଦାଂ ପୁଚାଦେଣ୍ଟା । ହିର୍ନେ ଜାଣ୍ ଝେଞ୍ଜେଞ୍ ଜାଲ୍ଦି, ଇନିତାକେ ବିଞ୍ଚାହିଂ ଆରେ ଟାକ୍ଟି ଆନିହିଞ୍ ହୁଦାର୍ ଆତ, ୨୦ ଇନେକିଦେଂକି ମାନାୟ୍ତି ଟାକ୍ଟି ଇସ୍ବରତି ଇଚା ଦାମ୍ ତ କାମାୟ୍ କିଉଡ୍ । ୨୧ ଲାଗିଂ, ଏପେଞ୍ ଓଜୁ ବିଚାଡ୍ ଆରି ସବୁବାନି ଉଡ୍ପାଡ୍ ପିସ୍ତି, ଇମ୍ବଣି ରୁସ୍ତି ବଚନ୍ ମି ଖାସ୍ତିଂ ମୁକ୍ତି କିଦେଞ୍ କାଜିଂ ରାଜି, ହେଦାଂ ହୁଦାର୍ତାଂ ଇଟାଟ୍ ।

୨୨ ମାତର୍ ଝେନାକାର୍ ଆଜି ଜାର୍ତିଂ କେଡ୍ଝାଦାଂ ମାତର୍ ବଚନ୍ତ କାମାୟ୍ କିନାକାଦେର୍ ଆତ । ୨୩ ଇନେକିଦେଂକି ଜଦି ଇନେର୍ ବଚନ୍ତ କାମ୍ଲିୟା ଆଞ୍ଜାଦାଂ ଝେନାକାର୍ ଆନାର୍ ବାଟିଞ୍ ହେଞ୍ଜାନ୍ ଦାର୍ପାଣ୍ ଜାର୍ ମୁମ୍ ହୁଡ୍ତି ମାନାୟ୍ ଲାକେ । ୨୪ ଲାଗିଂ ହେଞ୍ଜାନ୍ ଜାର୍ତିଂ ହୁଡ୍ତି ପାଚେ ହାଲ୍ଜି, ହେଞ୍ଜାନ୍ ଇନେସ୍ବାନି ମାନାୟ୍, ହେଦାଂ ହେ ଦାପ୍ତେ ବାଣାନାନ୍ । ୨୫ ମାତର୍ ମାନାୟ୍ ମୁକ୍ତାନି କାଜିଂ ର ପୁରା ବିଦି ମାନାଡ୍ । ଇନେନ୍ ହେଦାଂ ଝେନ୍ଞି ବାଣାଆଉନ୍ ଆରି ତା କାଜିଂ ସବୁତାକେ ମାନ୍ହିଜି ଜାର୍ ଜିବୁନ୍ତ ପାଲି କିନାନ୍, ତା ସବୁ କାମାୟ୍ତିଂ ଇସ୍ବର ଆସିର୍ବାଦ୍ କିନାନ୍ ।

୨୬ ଜଦି ଇନେର୍ ଜାର୍ତିଂ ଦାମ୍ ଇଞ୍ଜି ବାବି କିନାନ୍, ଆରେ ଜାର୍ ଝେନ୍ୟୁଲ୍ତିଂ ମଦାୟ୍ କିଞ୍ଜିତିସ୍ ଜାର୍ ମାନ୍ତିଂ ନିନ୍ଦାକିତିସ୍, ହେଞ୍ଜାନ୍ତି ଦାରୁମ୍ତି କାମାୟ୍ ସବୁ ପଲ୍ୟା । ୨୭ ଟୁରାର୍ ଆରି ରାଣ୍ଡିକାଂ ହେଞ୍ଜାର୍ତି ଦୁକ୍ ଝେଡାଲିଂ ସମାଲିକିଦେଂ ଆରେ ଜଗଡ୍ତାଂ ଜାର୍ତିଂ ପାପ୍ ହିଲ୍ଝି ଲାକେ ରାକ୍ୟା କିନାକା, ଇଦାଂ ମାଦାଂ ଇସ୍ବର ଆରି ବାଞ୍ଚାତି ମୁମ୍ଦ ସକର୍ ଆରି ସକର୍ ଦାରୁମ୍ କାରୁମ୍ ଆନାଡ୍ ।

୨

ମୁକ୍ତମେଟ୍ ହୁଡ୍ଜି ବିଚାର୍

୧ ଏ ନା ଟଣ୍ଡାର୍ ଆରି ତଣ୍ଡେକାଦେର୍, ଆସେଞ୍ ଜାଜ୍ମାଲ୍ନି ମାପୁ ଜିସ୍ବୁତାକେ ପାତ୍ କିଜି ମାତିଲେ ମାନାୟ୍ତିଂ ମୁକ୍ତମେଟ୍ କିମାଟ୍ । ୨ ଇନେକିଦେଂକି ଜଦି ହନା ଖାଡୁସ୍ ଆରି ଜିଲ୍ମାଲ୍ ଆଞ୍ଜିଞ୍ କି ହେନ୍ଦା ଉସପିସ୍ ଇମ୍ବଣି ମାନାୟ୍ ମି କୁଟୁମ୍ ଇଞ୍ଜି ଖାତିସ୍, ଆରେ ରଞ୍ଜାନ୍ ଅକ୍ ତ ଲଗୁ କାନ୍ଞି ଆଞ୍ଜି ଉସପିସ୍ ଖାତିସ୍, ୩ ଆରେ, ଏପେଞ୍ ଜିଲ୍ମାଲ୍ ହେନ୍ଦା ଉସପିତି ମାନାୟ୍ତିଂ ମର୍ଜଦା କିଜି ଇନାଟ୍, “ଇବେ ହାଦ୍ ବାହାତ କୁଚେନ୍, ଆରେ ଅକ୍ ମାନାୟ୍ତିଂ ଇନାଟ୍, ହେବେ ନିଲା, କି ତାରେନ୍ କୁଚେନ୍,” ୪ ତା ଆତିସ୍ ଏପେଞ୍ ଇନାକା ଜାର୍ ଜାର୍ ବିତ୍ତେ ହାରୁଗାଜା ଇଡ୍ଜି ମୁକ୍ତମେଟ୍ ବେବାର୍ ଆରି ବାନ୍ୟା ବାବ୍ରେ ବିଚାର୍ କିନାଦେରା ।

୫ ଏ ନା ଖାରିନି ଟଣ୍ଡାର୍ ଆରି ତଣ୍ଡେକାଦେର୍, ଝେନାଟ୍, ଇସ୍ବର ଇନାକା ଇ ପୁତ୍ ନଂଜରତ୍ ଅକ୍ ଲକୁରିଂ ପାତ୍ ଲାକେ ଦନ୍ତ ମାଜାନ୍ ଆଦେଂ ବାଟି କିଞ୍ଜାତାନ୍ନା କି, ଆରେ ଜାର୍ ଜିଉନନାକାରିଂ ଇମ୍ବଣି ରାଜି ହିନାନ୍ ହେବେନି ଆଦିକାର୍ ଆନି କାଜିଂ ପାର୍ମାଣ୍ ହିତାନ୍ନା, ହେବେନି ଆଦିକାର୍ ହିଦେଂ କାଜିଂ ବାଟି କିଞ୍ଜାତାନ୍ନା ? ୬ ମାତର୍ ଏପେଞ୍ ଅକ୍ ମାନାୟ୍ ଲିଉନଉଦେରା । ମାଜାନିଂ ଇନାକା ମି କାଜିଂ ଇନସ୍ତା କିଦୁର୍ ଆରି ଏପେଞ୍ ବିଚାଣ୍ଟା ବାହାତ ଜେଲ୍ଜି ଅଦୁର୍ ? ୭ ଇମ୍ବଣି ଜିସ୍ବୁ କ୍ରିସ୍ତୁ ତରଦ୍ ଏପେଞ୍ ଡାକ୍ପୁଟା, ହେଞ୍ଜାର୍ ଇନାକା ହେ ତରଦ୍ ନିନ୍ଦା କିଉର୍ ?

୮ ଏପେଞ୍ ଜାର୍ ପାଡ୍ହାଲ୍ଗାଂ ଖାସ୍ତିଲାକେ ଜିଉନଞ୍ଜାଟ୍ ସାସ୍ତୁର୍ ଇ ରାଜାତି ବିଦି ଜଦି ହାଡ୍ପା କାମାୟ୍ ପାଲି କିନାଦେରା, “ତା ଆତିସ୍ ଏପ୍ ହାର୍ କାମାୟ୍ କିନାଦେରା ।” ୯ ମାତର୍ ଜଦି ମାନାୟ୍ତିଂ ମୁକ୍ତମେଟ୍ କିନାଦେରା, ତା ଆତିସ୍ ଏପେଞ୍ ପାପ୍ କିନାଦେରା, ଆରେ ହେ ମସାତି ବିଦି ହୁଦାଂ ଦସି ଇଞ୍ଜି ପାର୍ମାଣ୍ ଆନାଦେର୍ । ୧୦ ଇନେକିଦେଂକି ଇନେର୍ ଓଜୁ ମସାତି ବିଦି ପାଲି କିଜି କେବଲ୍ ରଞ୍ଜାଞ୍ ବିସ୍ତେ ଆସ୍ତାର୍, ବାଟିଞ୍ ହେଞ୍ଜାନ୍ ଓଜୁ ମସାତି ବିଦି ଉଡାନି ଦସ୍ତ ଡାଣ୍ ପାୟାନାନ୍ । ୧୧ ଇନେକିଦେଂକି ଇମ୍ବଣି ଇସ୍ବର ଦାରି କିମାଟ୍ ଇଞ୍ଜି ଇଞ୍ଜି ମାଞ୍ଜାର୍, “ହେଞ୍ଜାନ୍ ପା ନାଦ୍ ଅହ୍ମାଟ୍ ଇଞ୍ଜି ଇଞ୍ଜି ମାଚାନ୍,” ଲାଗିଂ ଏପେଞ୍ ଜଦି ଦାରି କିଞ୍ଜାଦାଂ ନାଦ୍ ଅହ୍ନାଦେର୍, ତେବେ ମସାତି ବିଦି ଉଡାନାକାଦେର୍ ଆତାଦେଣ୍ଟା

୧୨ ମୁକ୍ତାନ୍ତି ଦିନ ବିଦି ଲାହାଙ୍ଗ୍ ଜେ ଏପେଙ୍ଗ୍ ବିଚାର କିୟାଆନାଦେର ଇଦାଂ ପୁନଞ୍ଜି ହେ ଲାକେ କାତା ଇନାଟ୍ ଆରି କାମାୟ୍ କିୟାଟ୍ । ୧୩ ଇନେକିଦେଂକି ଇନେର ବିନ୍ନିକାନିଂ ଦୟା କିତନ୍, ଇସ୍ପରତାଂ ଦୟା କିତନ୍, ନିୟାୟ୍ ବିଚାର ଜପି ଦୟାନେ ଜିଣା ଆନାନ୍ ।

ପାତର୍ ଆରି କାମାୟ୍

୧୪ ଏ ନା ଟଣ୍ଡାର୍ ଆରି ତଣ୍ଡେକାଦେର, ଜଦି ଇନେର ନା ପାତର୍ ମାନାତ୍ ଇଞ୍ଜି ଇନାନ୍, ମାତର ତା କାମାୟ୍ ମାନୁତ୍, ଲାଗିଂ ହେବେଣ୍ଡାଂ ହେଞ୍ଜାନ୍ତି ଇନା ଲାବ୍ ? ଇ ଲାକେ ପାତର୍ ଇନାକା ଇନେରିଂ ମୁକ୍ତି କିଦେଙ୍ଗ୍ ଆଡନାତ୍ କି ? ୧୫ ଜଦି ରଞ୍ଜାନ୍ ଟଣ୍ଡେନ୍ କି ତଣ୍ଡେଲ୍ ହେୟା ଆରି ଦିନକେନି ନାସକି ଆନାତ୍, ୧୬ ଆରେ ମି ବିତ୍ରେତାଂ ଇନେର ତାଙ୍ଗେଙ୍ଗ୍ ଗାଗାଡନି ଲଡାନି ଏଜୁଙ୍ଗ୍ ବିରକୁଲ୍ ହିଞ୍ଜାଦାଂ ଇନାନ୍, “ବିଞ୍ଜାହିଙ୍ଗ୍ ମାନା ଆରି ପାନ୍ତି ସୁସ୍ତା କିଜି ହାଲା,” ଲାଗିଂ ହେବେ ଇନା ଲାବ୍ ? ୧୭ ହେ ଲାକେ ପା ପାତର୍, କାମାୟ୍ ପିସ୍ତି ନିଜେ ପାତର୍ ତ ହାକି ।

୧୮ ମାତର ଇନେର ପା ଇନାର ରଞ୍ଜାନ୍ତି ପାତର୍ ମାନାତ୍, “ଆରେ ବିନ୍ ନିକାର୍ତି କାମାୟ୍ ମାନାତ୍, କାମାୟ୍ ପାତେ ମି ପାତର୍ ନାଙ୍ଗେଙ୍ଗ୍ ଚଟ୍ଟାଟ୍, ଆରେ ଆନ୍ କାରୁମ୍ ଲାହାଙ୍ଗ୍ ମିଙ୍ଗେଙ୍ଗ୍ ନା ପାତର୍ ଚଟ୍ଟନାଙ୍ଗ୍ ।” ୧୯ ଇସ୍ପର ଜେ ରକାନ୍ ମାତର, ଇଦାଂ ଏପେଙ୍ଗ୍ ପାତର୍ କିନାଦେରା ଜେ ହାର୍ କାତା, ପୁଦାଙ୍ଗ୍ ପା ପାତର୍ କିଜି ପାଣ୍ଡୁଟ୍ ତ୍ରିଗ୍ଜି ହାନିକ୍ ।

୨୦ ମାତର ଏ ନିରବୁଦିୟା ମାନାୟ୍ କାମାୟ୍ ପିସ୍ତି ପାତର୍ ଜେ ପଲ୍ୟା, ଇଦାଂ ଇନାକା ପୁନଞ୍ଜାତାୟ୍ନା ? ୨୧ ମା ଆବା ଲାଡ୍ରା ଅବ୍ରାହାମ୍, ଇସ୍ପରତି କାଣ୍ଡୁତ ଇନେସ୍ ଦାମର୍ ଇଞ୍ଜି ଇନ୍ୟାଜି ମାତାନ୍ ? ହେଞ୍ଜାନ୍ କାମାୟ୍ ହୁକେ ଦାମର୍ ଇନ୍ୟା ଆତାନ୍, ଏଚେକାଡଦ ହେଞ୍ଜାନ୍ ତା ମାଜି ଇସ୍ହାକ୍ତିଂ ଗାର୍ଣି ଜପି ପୁଜା କିତାନ୍ । ୨୨ ଇନାକା ଏପେଙ୍ଗ୍ ବୁଜା ଆତଦେରା ? ଜେ ଅବ୍ରାହାମ୍ ପାତର୍ ନି ତା କାମାୟ୍ ତାଙ୍ଗ୍ ମାତାତ୍ ଆରେ କାମାୟ୍ ଲାହାଙ୍ଗ୍ ପାତର୍ ବାତର୍ ମାତାତ୍ । ୨୩ ହେବେତାଂ ସାସ୍ପରତ ଇ ବଚନ୍ ପୁରା ଆତାତ୍, “ଅବ୍ରାହାମ୍ ଇସ୍ପରତାକେ ପାତର୍ କିତାନ୍ । ଆରେ ତା କଚଣ୍ଡ ହେଦାଂ ଦାମର୍ ଇଞ୍ଜି ଗାଣାକିୟାନାତ୍,” ଆରେ ହେଞ୍ଜାନ୍ ଇସ୍ପରତି ହାଙ୍ଗ୍ଦାକାନ୍ ଇଞ୍ଜି ତାକ୍ପୁଟାତାନ୍ । ୨୪ କେବଲ୍ ପାତର୍ ଲାହାଙ୍ଗ୍ ମାନାୟ୍ ଦାମର୍ ଇଞ୍ଜି ଗାଣାକିୟାଞ୍ଜାଦାଙ୍ଗ୍ କାମାୟ୍ ହୁକେ ଜେ ଇନେର ଦାମର୍ ଇଞ୍ଜି ଗାଣାକିୟାନାନ୍, ଇଦାଂ ଏପେଙ୍ଗ୍ ହୁଡନାଦେରା ।

୨୫ ହେ ଲାକେ ପା ରାହାବ୍ ପାଦରା ତ୍ତୁଟି ଚରକୁକାଂ ହେବା କିଜି ବିନ୍ ହାଜି ହିଜି ହେଞ୍ଜାରିଂ ପକ୍ତିଲେ ଇନାକା କାମାୟ୍ ହୁଦାଂ ଦାମର୍ ଗାଣାକିୟାଞ୍ଜାତାନ୍ ?

୨୬ ଇନେକିଦେଂକି ଜିବୁନ୍ ପିସ୍ତି ଗାଗାଡ୍ ଇନେସ୍ ହାକି, ହେ ଲାକେ କାମାୟ୍ ପିସ୍ତି ପାତର୍ ପା ହାକି ।

୩

ଞ୍ଜେୟୁଲ୍ ନି ଉତର୍ମୁଡ୍

୧ ଏ ନା ଟଣ୍ଡାର୍ ଆରି ତଣ୍ଡେକ୍, ଏପେଙ୍ଗ୍ ଆଦିକ୍ ଗୁରୁର୍ ଆମାଟ୍; ଇନାକିଦେଂକି ଏପେଙ୍ଗ୍ ପୁନାଟ୍ ଜେ, ମା ଲାକେ ହିକ୍ୟା ଗୁରୁର୍ ବାଦୁଲ୍ ବାଟା ଆଟ୍ଞା ବାବ୍ରେ ବିଚାର ଆନାଟ୍ । ୨ ଲାଗିଂ ଆପ୍ ଝିଜାସ୍ ଆଦିକ୍ ବିସ୍ତେ ପାପ୍ କିନାସ୍ । ଜଦି ଇନେର ବଚନ୍ତ ଇନେସ୍ ଉଜୁନ୍ ବାଟିଙ୍ଗ୍ ହେଞ୍ଜାନ୍ ହାର୍ ମାନାୟ୍, ଝିଜାର୍ ଗାଗାଡ୍ତିଂ ପା ଜାର୍ତିଂ ଇଟ୍ଦେଂ ଇଟା । ୩ ଆପ୍ ଗଡାକାଂ ରବେ କିନି କାଜିଂ ହେଞ୍ଜେକ୍ ଝେଇଦ ବାକାର୍ ଗାଟ୍ଟିସ୍, ତାପାଚେ ହେଞ୍ଜେକ୍ତି ଗାଗାଡ୍ ପା ବୁଲ୍ଲାୟ୍ କିଦେଙ୍ଗ୍ ଆଡନାସ୍ । ୪ ହୁଡାଟ୍, ଜାଜ୍ ପା ଏଚେ ଗାଜା ଆଜି ପା ଗାଜା ତ୍ତୁଦ ଚାଲା ଆତିସ୍ପା ର ଆଦିକ୍ ହିରୁ ହାଟ୍ଞା ଲାହାଙ୍ଗ୍ ଆକ୍ସା ଦାରାନି ଇଟା ଲାହାଙ୍ଗ୍ ବୁଲ୍ଲାୟ୍ କିୟାଆନାତ୍ । ୫ ଇଦାଂ ପା ର ଉତର୍ ମୁଡ୍ ଝେୟୁଲ୍ କାଜିଂ ଇନ୍ୟାନି ଜଗ୍ । ହେଦାଂ ହାରୁଟି ଆତିସ୍ପା ଗାଜା ଗାଜା କାତା ଇଞ୍ଜି ଗରବ୍ କିଦେଂ ଆଡନାତ୍ । ହୁଡାଟ୍ ଏଚେକ୍ ହିରୁ ନାଣି ପିସ୍ତି ଲାହାଂ ଏଚେ ଗାଜା ରାଡ୍ରା ନାଣି କାଟା ଆନାତ୍ । ୬ ଝେୟୁଲ୍ ନାଣି ଲାକେ, ବେସି ବାନ୍ୟା ବିସ୍ତେ ଜଗଡ୍ତ ବାତର୍; ଆରେ ହେଦାଂ ମା ଗାଗାଡ୍ ବିଚାଡ୍ତ ମାଟିଲେ ବାନ୍ୟା କୁଟୁମ୍ ମେଙ୍ଗ୍ଜି ମା ଝିଜାର୍ ମାନାୟ୍ରିଂ ବାନ୍ୟା କିନାତ୍ । ଝେୟୁଲ୍ ନି ନରକ୍ ନାଣିତ ମା ସବୁ ଜିବୁନ୍ତିଂ କାଡି କିନାତ୍ । ୭ ଇନେକିଦେଂକି ଝିଜୁ ବାନି ପସ୍, ପଟିଙ୍ଗ୍ ରାଙ୍ଗାନିକିଂ ଆରି ଏଜୁକାଂ ମାନି ଜାଡକୁକାଂ, ମାନାୟ୍ ହୁଦାଂ ନିଜ୍ ତଲ୍ୟା କିଜି ଇଟ୍ୟା ଆନାତ୍, ୮ ମାତର ଝେୟୁଲ୍ତିଂ ଇନେର ଇଟ୍ଦେଂ ଆଡୁନ୍, ବାନ୍ୟା କିନାକାତାଂ ତା ଜମନାକା ଆକାୟ୍ ଜିବୁନ୍ନସ୍ ବିସ୍ତ ହେଦାଂ ବାତର୍ । ୯ ତା ପାଚେ ଆପ୍ ମାପୁ ଆରି ଆବାତି ଦନ୍ୟବାଦ୍ କିଜି ମାନାସ୍, ଆରେ ତା ପାଚେ ଇସ୍ପରତି ତା ଲାକେ ଉବ୍ଜାଣ୍ ମାନାୟ୍ତିଙ୍ଗ୍ ରାଣ୍ ହିଜି ମାନାସ୍ ୧୦ ର, ଝେଇଦାଂ ଦନ୍ୟବାଦ୍ ଆରି ରାଣ୍ ହଡନାତ୍ । ଏ ନା ଟଣ୍ଡାର୍ ଆରି ତଣ୍ଡେକ୍, ଇ ଲାକେ ଆନାକା ହାର୍ ଆକାୟ୍ । ୧୧ ହଞ୍ଜିଜାରାଣ୍ ଇନାକା ର ହାଜି ହିଜି ହଞ୍ଜାଦ୍ ଆରି କେନାକା ରିବାନି ଏଜୁଙ୍ଗ୍ ହପ୍ନାତ୍ ? ୧୨ ଏ ନା ଟଣ୍ଡାର୍ ଆରି ତଣ୍ଡେକ୍, ତଗା ମାର୍ ଇନାକା ଜିଡ୍ ପାଡ୍, କି ଅଙ୍ଗୁର୍ ମାର୍ତ ଇନାକା ତଗା ପାଡ୍ ଆସ୍ତେଙ୍ଗ୍ ଆଡନାତ୍ ? ହେ ଲାକେ କାରୟା ଜାରାଣ୍ଡ ହଞ୍ଜାଦ୍ ଏଜୁଙ୍ଗ୍ ହିଦେଂ ଆଡୁଡ୍ ।

ସାର୍ଗେତାଂ ଞ୍ଜାନି ଗିୟାନ୍

୧୩ ମି ବିତ୍ରେ ଗିୟାନି ଆରି ବୁଦିକାରୟା ଇନେର ମାନାନ୍ ? ହେଝେନ୍ ଗିୟାନିକାନ୍ ହୁଦାର ଲାହାଙ୍ଗ୍ ଆଚାର ବେବାର ହୁକେ ଜାର କାମାୟ ହପେନ୍ । ୧୪ ମାତର୍ ଜଦି ମି ଖସ୍ତିତ କେନାକା ବେସି ରିସା, ଜାତର୍ ହୁଡ୍ନାକାନ୍ ଆରି ଗିଣ ବାବ୍ନା ମାନାଡ୍, ତା ଆତିସ୍ ହାଡ୍ପା ବିରୁଡ୍ତ ଗରବ୍ କିମାଟ୍ ଆରି ମିଟ୍ ଇନ୍ମାଟ୍ । ୧୫ ଇ ଲାକେ ଗିୟାନ୍ ସାଗେତାଂ ଖାଖାତାଡ୍ନା, ମତର୍ ହେଦାଂ ଜଗଡ୍ତାଂ, ଗାଗାଡ୍ତାଂ ଆରି ପୁଦାଂତି ଆନାଡ୍; ୧୬ ଇନେକିଦେଂକି ଇମ୍ଣି ବାହାତ ରିସା ଆରି ଗାବ୍ ମାନାଡ୍, ହେ ବାହାତ ଖିଜୁ ବାନି ଗଣ୍ଡଗଲ୍ ମାନାଡ୍ । ୧୭ ମାତର୍ ଜପିତାଙ୍ଗ୍ ଖାତି ଗିୟାନ୍ ପର୍ତ୍ତମ୍ ପୁଇପୁୟା, ପାଚେ ସୁସ୍ତାଖାରି, ହୁଦାର, ପା ଦୟା ହାରଦି ପାଡ୍ଦ ପୁରାବାତର୍, ମୁକ୍ମେଟ୍ ଆରି ଗିଣ ଆକାୟ । ୧୮ ଆରେ, ସୁସ୍ତାନିକାନ୍ ମାନାୟାର୍ ହୁଦାଂ ସୁସ୍ତାନି ବିୟାନ୍ ଖିତ୍ୟାନାଡ୍ ଆରି ଦାମ୍ ନିକା ଲାକେ ପାଡ୍ ଡ୍ରେସ୍ନାର୍ ।

୪

ଇସ୍ପୁର୍ତି ଲାଗେ ଆନାସ୍

୧ ମି ବିତ୍ରେ ଜୁଜ୍ ଆରି ଟେସ୍କେ ମେସ୍କେ ଇନେକିଦେଂ ଆନାଡ୍ ? ମି ଖସ୍ତିତ ଲାଗାଜି ମାନି ଦାର୍ଜା ନେ ଇଦାଂ ନି ମୁଡ୍ ବିସ୍ତେ । ୨ ଏପେଙ୍ଗ୍ ଆହା କିଜି ମାନାଦେର; ମାତର୍ ପାୟା ଆଡ୍ଦେର; ଏପେଙ୍ଗ୍ ଅହନାକା ଆରି ତାରା କିଜି ମାନାଦେର, ମାତର୍ ପାୟାଦେଂ ଆଡ୍ଦେର; ଏପେଙ୍ଗ୍ ଟେସ୍କେ ମେସ୍କେ ଆରି ଜୁଜ୍ କିଜିମାନାଦେର; ଏପେଙ୍ଗ୍ ଗାଟା ଆଡ୍ଦେର, ଇନେକିଦେଂକି ଏପେଙ୍ଗ୍ ଇସ୍ପୁର୍ତିଂ ଏନୁଦେର; ୩ ଏପେଙ୍ଗ୍ ଏନ୍ତାନାଦେର, ମାତର୍ ପାୟା ଆଡ୍ଦେର ଇନେକିଦେଂକି ଜାର୍ ଜାର୍ ସୁକ୍ଆହାତ କର୍ତ୍ତ କିନି କାଜିଂ ବାନିୟା ଆହାତ ଏନ୍ନାଦେରା । ୪ ଏ ଦାରୁଲାର୍, ଜଗଡ୍ନି ବନ୍ଧୁ ଇସ୍ପୁର୍ତି ସାଡୁ ଇଦାଂ ଇନାକା ପୁନୁଦେରା ? ଲାଗିଂ, ଜେ ଇନେର ଜଗଡ୍ତ ବନ୍ଧୁ ଆଦେଂ ମାନ୍ କିନାନ୍, ହେଝାନ୍ ଜାର୍ତିଂ ଇସ୍ପୁର୍ତିଂ ସାଡୁ ଇଞ୍ଜି ହନାଡ୍ । ୫ ଏପେଙ୍ଗ୍ ଇନାକା ଦରମ୍ ସାସ୍ତର ଇ ବଚନ୍ତିଙ୍ଗ୍ ପଲ୍ୟା ଇଞ୍ଜି ମାନେ କିନାଦେରା, “ଇମ୍ଣି ଜିବୁନ୍ତିଂ ଇସ୍ପୁର୍ ମା ବିତ୍ରେ ବାହା କିଦେଙ୍ଗ୍ ହିଡ୍ତାନ୍ନା, ହେଝେନ୍ ମାଙ୍ଗେଙ୍ଗ୍ ପୁରା ଆଦିକାର୍ କିନି କାଜିଙ୍ଗ୍ ରବେ ଇଟା କିନାନ୍,” ୬ ମାତର୍ ହେଝେନ୍ ପା ଆଦିକ୍ ଉପକାର୍ ଦାନ୍ କିଦନାନ୍; ଲାଗିଂ ସାସ୍ତରତ୍ ହେଦାଂ ଲେକା ମାନାଡ୍ “ଇସ୍ପୁର୍ ଆକ୍ରିୟାରିଂ ବିରୁଡ୍ କିନାନ୍ ମାତର୍ ହୁଦାର୍ ମାନାୟାରିଂ ଉପକାର୍ ଦାନ୍ କିନାନ୍ ।”

୭ ଲାଗିଂ ଏପେଙ୍ଗ୍ ଇସ୍ପୁର୍ତିଂ ଲାଗାଂ ଜାତର୍ ହେଲୟା କିୟାଟ୍ । ସୟତାନ୍ତିଂ ବାହାହିମାଟ୍, ତାଆତିସ୍ ସୟତାନ୍ ମି କଟଣ୍ଡାଙ୍ଗ୍ ହାନାଡ୍ । ୮ ଇସ୍ପୁର୍ତିଂ ଲାଗାଂ ଆଡ୍, ହେବେ ହେଝେନ୍ ମି ଲାଗାଂ ଆନାନ୍ । ଏ ପାପିୟାର୍, ମି କେଇ ସକଟ୍ କିୟାଟ୍, ଆରେ ଏ ରିମାନ୍ୟା କାଦେର, ମି ମାନ୍ତିଂ ନିର୍ମଲ୍ କିୟାଟ୍ । ୯ ବିତ୍ରେଦୁକ୍ ଆରି ଏଡ୍କିଜିକିଜି ଆଡ୍ବାନାର୍, ମି ଅପ୍ମାନ୍ ବାତର୍ ଆୟେଡ୍; ମି ଖାରି ଖାରିହିଲ୍ଖିତ ବାତର୍ ଆୟେଡ୍ । ୧୦ ମାପୁତି ମୁମ୍ଦ ଜାର୍ ଜାର୍ତିଂ ତଲ୍ୟା କିୟାଟ୍, ତାଆତିସ୍ ହେଝାନ୍ ମିଙ୍ଗେଙ୍ଗ୍ ଉଡ୍ କିଦନାନ୍ ।

ଲକାର୍ତି ବିଚାର୍ କିମାଟ୍

୧୧ ଏ ଟଣ୍ଡାକାଦେର ଆରି ଡଣ୍ଡେକାଦେର, ଏପେଙ୍ଗ୍ ହାରି ବିରୁଡ୍ ଆମାଟ୍; ଇନେର ଟଣ୍ଡେନିଙ୍ଗ୍ ବିରୁଡ୍ କିନାନ୍ କି ଟଣ୍ଡେନିଟି ବିଚାର୍ କିନାନ୍, ହେଝାନ୍ ବିଦିନି ବିରୁଡ୍ କିନାନ୍ ଆରି ହେବେନି ବିଚାର୍ କିନାନ୍; ମାତର୍ ଏପେଙ୍ଗ୍ ଜଦି ବିଦିନି ବିଚାର୍ କିନାଦେରା, ତା ଆତିସ୍ ଏପେଙ୍ଗ୍ ବିଦି ପାଲି କିନାକା ଆଖାଦାଂ ହେବେ ବିଚାର୍କାରୟା ଆନାଦେର । ୧୨ ବିଦିନିକାନ୍ ଆରି ବିଚାର୍ କିନାକାନ୍ ରକାନ୍ ମତର୍ ଇସ୍ପୁର୍, ହେଝେନ୍ ରାକ୍ୟା ଆରି ନସ୍ପୁକିଦେଂ ଆଡ୍ନାନ୍; ମାତର୍ ଜାର୍ ଲକ୍ବୁରିଂ ବିଚାର୍ କିନାଦେରା ଜେ ଏପେଙ୍ଗ୍, ଏପେଙ୍ଗ୍ ଇନେର ?

ଗରବ୍ କାଜିଂ ଚେଡ୍ନା

୧୩ ନଙ୍ଗ୍ ହୁଡାଟ୍, ଇମ୍ଣାକାର୍ ଇନାଦେରା, “ନେଞ୍ଜେଙ୍ଗ୍ କି ଖିଗା ଆସେଙ୍ଗ୍ ଅମ୍କ ବସ୍ତିତ ହାନାପ୍ ଆରି ହେବେ ର ବାହୁଁ ପାତେକ୍ ମାନ୍ଞି ବେପାର୍ବାର୍ କିଜି ଲାବ୍ କିନାପ୍,” ୧୪ ମାତର୍ ଖିଗା ମି ଜିବୁନ୍ତ ଇନାକା ଗିଟାଆନାଡ୍, ହେଦାଂ ତ ଏପ୍ ପୁନୁଦେର ! ମି ଜିବୁନ୍ ଗୁକ୍ଟା ଲାକେ, ଦାପ୍ରେ ଚଞ୍ଜୟାଜି ପାଚେ ଚାନେକ୍ତିଂ ଉମ୍ଜି ହାନାଡ୍ । ୧୫ ଲାଗିଂ ମିଦାଂ ଇନାକା ମାନାଡ୍, “ମାପୁତି ଇଟା ଆତିସ୍ ଆପ୍ ଜିବୁନ୍ ମାନ୍ଞି ଇଦାଂ କିନାସ୍ କି ହେଦାଂ କିନାସ୍, ଇ ଲାକେ ଇନାସ୍ ମି ଲଡା ।” ୧୬ ମାତର୍ ନଙ୍ଗ୍ ଏପେଙ୍ଗ୍ ଜାର୍ ଜାର୍ ଆକ୍ରିୟା ବାବ୍ରେ ଗରବ୍ କିନାଦେରା; ଇବାନି ଗରବ୍ ବାନିୟା ଆନାଡ୍ ।

୧୭ ଲାଗିଂ, ଇମ୍ଣି ମାନାୟା ଇମ୍ଣି ହାରଦି କାମାୟ କିନି ଲଡା ଇଞ୍ଜି ପୁନ୍ଞି ପା ହେଦାଂ କିଉନ୍, ହେଝାନ୍ ପାପ୍ କିନାନ୍ ।

୫

ମାଜାନ୍ ମାନାୟାର୍ କାଜିଂ ଚେଡ୍ନା

୧ ନଙ୍ଗ୍ ହୁଡାଟ୍, ଏ ହାଉକାରିଂ, ମି ଖାନି ଦୁକ୍ କାଜିଙ୍ଗ୍ ଆଡ୍ବିସ୍ ଆରି ଦୁକ୍ ଆଡ୍ । ୨ ମି ଦାନ୍ ଖିସ୍ଦି ଖାତାତେ, ମି ହେନ୍ଦା ଲିମ୍ ଚିଚାତେ, ୩ ଆରେ ମି ହନା ଆରେ ରୁପା ପ୍ରାଲ୍ ଆସ୍ତାତେ; ହେବେତାଂ ପ୍ରାଲ୍ ମି ବିରୁଡ୍ତ ସାକି ହିନାସ୍ ଆରି ନାଣି ଲାକେ ମି ଜେଇ ଡିଞ୍ଜନାଡ୍ । ଇ ଖିସ୍ତି ଦିନ୍ତ ଏପେଙ୍ଗ୍ ଦାନ୍ ଇସ୍ପାତାଦେଣ୍ଡା ! ୪ ଖେନାଟ୍ ମି ବାଡ୍ଦ ତାସ୍

✧ ୫:୨ ୫:୨ ମାଡିଉ ୬:୧୯.

ତ୍ରେଜନାକାରିଂ ବୁଡିତାରୁଜ୍ ହିଝାତାଦେଣ୍ଟା । ହେଝାରତି ଏପ୍ ଇମ୍ଫଣି ମୁଡ୍ ହିଦ୍ଝାତାଜ୍ନା ହେଦାଂ ବିଲ୍ଫିଆନାରା, ଆରେ ତାସ୍ ତ୍ରେଜନାକାରତି ରୁଣ୍ଟାୟ୍ ଦାନ୍ ଓଜେଡିଂ ପୁନି ମାପୁ ଇସ୍ଵର ଝେଟାନ୍ନା । ୫ ଇ ଜଗଡ୍ତ ମି ଜିବୁନ୍ ଦାର୍ଜାତ ବଗ୍ କିନାଦେରା ହାନ୍ ଦିନ୍ତ୍ରିନି ପସୁ ଲାକେ ଏପ୍ ମାନ୍ତ ଦୁମା ଆତାଦେଣ୍ଟା । ୬ ଏପେଜ୍ ଦାମ୍ ଫ୍ ଦସ୍ହିଝି ଲଗାଂ ଦସ୍ଆହି କିଜି ଚୁଟାଦେଣ୍ଟା; ହେଝାର ମିଜେଜ୍ ଦସ୍ କିଦୁଝାତାଣ୍ଟା ।

ସାସ୍ ଆସ୍ତି ପାର୍ତାନା କିୟାଟ୍

୭ ଇତିସ୍, ଏ ଟଣ୍ଟାର୍ ଆରି ତଣ୍ଡେକାଦେର୍, ମାପୁତି ଝାନି ପାତେକ୍ ସାସ୍ ଆସ୍ତି ମାନାଟ୍ । ହୁଡାଟ୍ କାମ୍ଲିୟା ମେଦ୍ନିତ ଦାମ୍କିୟା ପାଡ୍ ଗାଟାଆନି କାଜିଜ୍ ସାସ୍ ଆଜି ଆଗେ ଆରି ଓଜ୍ନି ବାରହା ଆଓ୍ଵି ପାତେକ୍ କାସି ମାନାନ୍ । ୮ ଏପେଜ୍ ପା ସାସ୍ ଆଜି ଜାର୍ ଜାର୍ ଝାସ୍ତି ସୁସ୍ତା କିୟାଟ୍, ଇନେକିଦେଂକି ମାପୁତି ଝାନିଦିନ୍ ଲାଗାଂ ।

୯ ଏ ଟଣ୍ଟାର୍ ଆରେ ତଣ୍ଡେକାଦେର୍, ଏପେଜ୍ ଇନେସ୍ ତାଣ୍ଟ ପାୟା ଆମାଟ୍, ଇଦାଂ କାଜିଜ୍ ହାରି ବିରୁଡ୍ତ ଗାଣ୍ଟୁ କିମାଟ୍, ହୁଡାଟ୍ ବିଚାରକିନାକାନ୍ ଦୁଝେର୍ ଲାଗାଂ ନିଲ୍ତାନ୍ନା । ୧୦ ଏ ଟଣ୍ଟାର୍ ଆରେ ତଣ୍ଡେକାଦେର୍ ଇମ୍ଫଣି ବେଣ୍ଟାକଣ୍ଟାୟ୍କିନାକାର୍ ମାପୁତି ତର୍ଦାଂ କାତା ଇଞ୍ଜି ମାଟାର୍, ହେଝାରିଂ ଏଡ୍ କିୟାଟ୍ । ଦୁକ୍ ବଗ୍ ଝେଡାଲିଂ ସାସ୍ ଆରି ହୁଦାର୍ ଆତିଲେ ହେଝାର୍ ମିଦାଂ ଉତର୍ମୁଡ୍ ଲାକେ ଆନାର୍ । ୧୧ ହୁଡାଟ୍, ଇମ୍ଫଣାକାର୍ ଦାମ୍ ଆଜି ମାଟାର୍, ଆସେଜ୍ ହେଝାରିଂ ଦନ୍ୟ ଇଞ୍ଜି ଇନାସ୍ । ଏପେଜ୍ ଆୟ୍ବଡି ଦାମ୍ ବିସ୍ତେ ଝେଟାଦେଣ୍ଟା । ଆରେ ମାପୁତି ଓସ୍ତି କାମାୟ୍ ହୁଡ୍ଜି ପୁଟାଦେଣ୍ଟା ଜେ, ହେଝେନ୍ କାର୍ମାତାଜ୍ ବାତ୍ ଆରି ଝାରିନିକାନ୍ ଆନାନ୍ ।

୧୨ ଲାଗିଂ, ଏ ନା ଟଣ୍ଟାର୍ ଆରି ତଣ୍ଡେକାଦେର୍, ପାର୍ମାଣ୍ କିମାଟ୍ ସାଗେନି ପାର୍ମାଣ୍ ଆଏଡ୍ କି ପୁତ୍ ନି ପାର୍ମାଣ୍ ଆଏଡ୍, ବିନ୍ ଇମ୍ଫଣାକା ପା ବିସ୍ତେ ଅଜି ପାର୍ମାଣ୍ ଆଏଡ୍; ମାଟର୍ ମିଦାଂ “ଆଁ” କାତା ଆଁ ଆଏଡ୍, “ଆକାୟ୍” କାତା ଆକାୟ୍ ଆଏଡ୍, ଇନେସ୍କି ଏପେଜ୍ ବିଚାରତ ତାଣ୍ଟ ପାୟା ଆମାଟ୍ ।

୧୩ ମି ବିତ୍ରେ ଇନାକା ଇନେର୍ କସ୍ ବଗି କିନାନା ? ହେଝେନ୍ ପାର୍ତାନା କିଏନ୍ । ଇନେର୍ ଇନାକା ଝାରିନିକାନ୍ ଆନାନ୍ ? ହେଝେନ୍ ଝାରିନିକା କେର୍କଣ୍ କେରେନ୍ । ୧୪ ଧ୍ମି ବିତ୍ରେ ଇନାକା ଇନେର୍ ବେମାର୍ ? ହେଝେନ୍ ମଣ୍ଟଲିନି ପ୍ରାଟିନାରିଜ୍ କୁକ୍ତି; ହେଝାର୍ ମାପୁତି ତର୍ଦାଂ ଚିକାଣ୍ କାସ୍ତି ତା କାଜିଜ୍ ପାର୍ତାନା କିୟେର୍ । ୧୫ ପାତ୍ ମେହା ପାର୍ତାନା ହେ ବେମାର୍ନିକାନ୍ ଇକାୟା କିନାଟ୍, ଆରେ ମାପୁ ତାଜ୍ ନିକ୍ନାଟ୍; ଆରେ ଜଦି ହେଝେନ୍ ପାପ୍ କିଜି ମାନାନ୍, ତା ଆତିସ୍ ତାଜ୍ କେମା ହିଆନାଟ୍ । ୧୬ ଲାଗିଂ, ହାରି ଲଗାଂ ଜାର୍ ଜାରତି ପାପ୍ ଏଡୁକିୟାଟ୍, ଆରେ ଉଜ୍ ଆନି କାଜିଜ୍ ହାରି କାଜିଂ ପାର୍ତାନା କିୟାଟ୍ । ଦାମ୍ ମାନାୟ୍ତିଂ ସାକ୍ତି ପାର୍ତାନା ଆଦିକ୍ କାମାୟ୍ତ ଲାଗାଦେଂ ଆଡ୍ଦାନାଟ୍ । ୧୭ ଏଲିୟ୍ ମା ଲାକେ ସୁକ୍ ଦୁକ୍ ମାନାୟ୍ ମାଟାନ୍; ବାରହା ଆଓ୍ଵି କାଜିଜ୍ ହେଝାନ୍ ର ମାନ୍ତ ପାର୍ତାନା କିତାନ୍, ଆରେ ତିନି ବାହୁଁ ଚ ମାସ୍ ପାତେକ୍ ପୁତ୍ ବାରହା ଆଝାତାଟ୍; ୧୮ ହେଝେନ୍ ଆରେରଗ ପାର୍ତାନା କିତିଲେ ବାଦାଡ୍ତାଂ ବାରହା ଆତାଟ୍, ଆରେ ପୁତ୍ ଆରେରଗ ପାଡ୍ ଉବ୍ଜା ଆତାଟ୍ ।

୧୯ ଏ ନା ଟଣ୍ଟାର୍ ଆରି ତଣ୍ଡେକାଦେର୍, ମି ବିତ୍ରେ ଜଦି ଇନେର୍ ହାଡ୍ପା ହାଜିତାଜ୍ ବାଣାନାନ୍, ଆରେ ଇନେର୍ ତାଜେଜ୍ ତାହିଝାନାନ୍, ୨୦ ଧ୍ମି ଲାଗିଂ ଇନେର୍ ପାପିଜ୍ ବାନିୟା ହାଜିଦାଜ୍ ତାହିଝାନାନ୍, ହେଝେନ୍ ଜେ ତା ଝାସ୍ତିଂ ହାକିତାଂ ରାକ୍ୟା କିନାନ୍ ଆରି ବେସି ପାପ୍ କେମା ଆନାଟ୍ ଇଦାଂ ପୁନାଟ୍ ।

☆ ୫:୧୪ ୫:୧୪ ମାର୍ଚ୍ଚ ୬:୧୩. ☆ ୫:୨୦ ୫:୨୦ ୧ ପିତର୍ ୪:୮.

ପିତୃ ଲେଖିଥିବା ପ୍ରଥମ ପତ୍ର ପିତୃ ଲେଖିକିତ ପତ୍ରମ୍ ଆକି ପିତୃତ ପତ୍ରମ୍ ଆକିନି ପାଦେକ୍

ପିତୃତ ପତ୍ରମ୍ ଆକି ପକ୍ୟାତି ପିତୃ ଲାହାଂ ଲେକାଜି ମାତାତ୍ । ପିତୃ ହେଖାନ୍ ଇନେନ୍ ଆରି “ହେଖାନ୍” ଇନେରିଂ ଇ ଆକି ଲେକିକିନାନ୍ ହେ ବିସ୍ତେ ଇଞ୍ଜି ଆକି ଲେକିକିନାନ୍ । ହେଖାନ୍ ଇ ଆକିତ ସବୁ ଲଗୁ କ୍ରିଷ୍ଟିନାରିଂ ଖାରି କିଜି ଆକି ଲେକିକିନାନ୍ । ୧:୧; ୧:୧୭ ଆରି ୨:୧୧ ହେଖାନ୍ ତା ଲେକାମାନାକାରିଂ ଏଲେଂ ବାନି ଖାରି କିଜି ଲେକିକିନାନ୍, “ଇନାକିଦେଂକି ହେଖାନ୍ ବିନବିନ୍ ଦେସ୍ତୁ ଜେତେକେତେ ଆଜି ମାତାତ୍ ।”

ଇନାକିଦେଂକି ଇ ଆକି ବାଗ୍ତ ଏପିସିୟ ଫଣ୍ଟି ଲାଗାଙ୍ଗ୍ ପାଉଲ୍ତି ଆକି ଲାକେ ଆନାତ୍ । ଏତେଜାଣ୍ ପାତ୍ କିତାର୍ ଜେ, ପତ୍ରମ୍ ପିତୃ ଜିସୁକ୍ରିଷ୍ଟି ଜଲମ୍ନି ୬୫ ବାହୁଁ ପାଚେ ଲେକାଆଜି ମାତାତ୍ । ପିତୃ ଇ ଆକି ରମ୍ତାଂ ଇନାକା କି ଏଖାନ୍ ବାବିଲ୍ ଇଞ୍ଜି ଇନାର୍ ହେବେତାଂ ହେଖାନ୍ ଲେକିକିଜି ମାତାନ୍ ୫:୧୩ ।

ପିତୃ ଇ ଆକିତ ଲେକିକିତାନ୍ନା ଜେ, ଇ ଆକିନି ଇନାକା ମିଙ୍ଗେଙ୍ଗ୍ ସାସ୍ ହିନି କାଜିଂ ଆରି ଇସ୍ତୁରିତ୍ ହାତ୍ପା ଉପକାର୍ ପରିକ୍ୟା କିନାକା ୫:୧୨ । ଇବେ ବେସି ସମାନ୍ ମାନାତ୍ ୧ ପିତୃ ୨:୧୧; ୩:୭, ଏପିସିୟ ୫:୧୮-୨:୯ ଆରି କଲସିୟ ୩:୧୮-୪:୬ । ଇ ତିନଗଟା ଆକିନି ଖିଜୁ ପାଟ୍ତ ମେହାଣ୍ ଆରି ଆଦିକାର୍ ବିସ୍ତେ ବଲ୍ ହିନାତ୍ । ହାରିହାରା ସମୁ ଏକାଖାତିଲେ କସ୍ତୁ ସମୁ ପା ହାରିକିଜି ତିର୍ ମାଞ୍ଜେଙ୍ଗ୍ କ୍ରିଷ୍ଟିୟାନ୍ରିଂ ସାସ୍ ହିନାନା ୪:୧ ।

ପତି ବିତ୍ତେନି ରାହାଣ୍

- ୧. ପିତୃ ହେଖାଜି ପତି କିନାକାରିଂ ଜାର୍ତି ଜାଣାତିନା କିନାନ୍ ୧:୧-୨
- ୨. ପିତୃ ଇସ୍ତୁରିତ୍ ଦନ୍ୟବାଦ୍ ହିନାନ୍ ଜେ, ଖିଜାକାର୍ ଇସ୍ତୁରିତ୍ ମୁକ୍ତାନିତାକେ ମେହାଆଜି ହେଖାରିତ୍ ଜିବୁନ୍ନି ର ହାଜି ୧:୩-୨:୧୦
- ୩. ପାଚେ ପୁତ୍ ତ ଇନେସ୍ ହାର୍ କିଜି ଜିଆନାତ୍ ଆରି ଆଣ୍ଡା ଆରି କଗ୍ଲେ, ମାପୁ ଆରି ଆଡିଏନ୍ ବିତ୍ତେ ଇନେସ୍ ମେହାଣ୍ ଇଡ୍ଦେଂ ଆନାତ୍ ହେଦାଂ ବଲ୍ ହିନାନା ୨:୧୧-୪:୧୧
- ୪. ଇଦାଂ ପାଚେ ପିତୃ କସ୍ତୁ ଖେଡାଲିଙ୍ଗ୍ ତିର୍ କିଜି ମାନ୍ୟାନାତ୍ ହେ ବିସ୍ତେ ସାସ୍ ହିନାନା ୪:୧୨-୫:୧୧
- ୫. ହେଖାଜି ଲେକିକିନାକା ଖିସ୍ତାନ୍ ୫:୧୨-୧୪

୧ ଆନ୍ ପିତୃ ଜିସୁ କ୍ରିଷ୍ଟି ରଖାନ୍ ପକ୍ୟାତାକାନ୍, ପତ୍ତ, ଗାଲାତିଆ, କାପ୍ପାଦକିଆ, ଆସିଆ ଆରି ବିତୁନିଆତ ରାଜିତ ଜେତେକେତେ ଆଜି ବାଟିକିତି ମାନାୟ୍ ତିଙ୍ଗ୍ ଆକି ଲେକିକିନାଙ୍ଗା, ୨ ଆବା ଇସ୍ତୁରିତ୍ ପୁର୍ବେ ଗିଆନ୍ ଇସାପ୍ରେ ଜିବୁନ୍ନି ହୁଦାଂ ପୁଇପୁୟା କିୟା ଆଜି ମାନିକିଜି, ଆରେ ଜିସୁ କ୍ରିଷ୍ଟି ନେତେରତ୍ ତିର୍ଆ ଆଦେଂ କାଜିଂ ବାଟି କିଆତାନ୍ନା, ମି କାଜିଂ ବେସି ଦୟା ଆରି ସୁସ୍ତା ଆୟେତ୍ ।

ର ଜିବୁନ୍ନି ବାସ୍

୩ ମା ମାପୁ ଜିସୁ କ୍ରିଷ୍ଟି ଆବା ଇସ୍ତୁରିତ୍ ଦନ୍ୟ ନାଦାଂ ଆଏଡ୍, ଇନାକିଦେଂକି ହେଖାନ୍ ତା ବେସି ଦୟାତ୍ ଜିସୁ କ୍ରିଷ୍ଟି ହାକିତ ଆରେ ନିନାକା ହୁକେ ଇଦାଂ ମାଙ୍ଗ୍ ଜିବୁନ୍ ବାସ୍ ତ ପାୟାତି କାଜିଂ । ୪ ଲାଗିଂ ଇସ୍ତୁରିତ୍ ତା ଲକୁ କାଜିଂ ଇମ୍ଫି ବେସି ମଲ୍ ଆସିବାଦ୍ ଇଡ୍ଡାନ୍ନା ହେଦାଂ ପାୟାଦେଂ ଆପେଂ କାନାପା । ଲାଗିଂ ହେଖାନ୍ ସାଗେତ୍ ମି କାଜିଂ ବାତ୍ କିଜି ଇଡ୍ଡାନ୍ନା । ହେବେ ହେଦାଂ ଜିରା ଆଉଡ୍, କି ନସ୍ତୁ କି ପାପ୍ ଆଉଡ୍ । ୫ ଇମ୍ଫି ମୁକ୍ତାନାକା ହାରିହାରା କାଡ୍ଦ ହିନି କାଜିଂ ଜାଲ୍ଦି ଆତାନ୍ନା, ହେଦାଂ କାଜିଂ ଏପେଙ୍ଗ୍ ଇସ୍ତୁରିତ୍ ସାକ୍ତିତ୍ ପାତ୍ ହୁଦାଂ ହାର୍ଇଟ୍ୟା ଆତାଦେଣ୍ଟା ।

୬ ଲାଗିଂ ଏପେଙ୍ଗ୍ ଖାରି କିୟାଟ୍, ଆତିସ୍ପା ନଂ ଅଲପ୍ ସମୁ କାଜିଂ ବାର୍ବିନି ପରିକ୍ୟା ହୁଦାଂ ଦୁକ୍ବଗ୍ କିନାକା ମି ପାକ୍ୟାତ ଲଡା ଆନାତ୍, ୭ ମି ପାତ୍ ହିନା ବାଟା ଆଦିକ୍ ବେସିମଲ୍ ଆତିଲେ ପରିକ୍ୟା ହୁଦାଂ ହାର୍ଦାକା କୁନି ଲଡା । ହେଦାଂ ଆତିସ୍, ଜିସୁ କ୍ରିଷ୍ଟି ହତି ଖାଡାଲିଂ, ଏପେଙ୍ଗ୍ ଖାରି, ଜାଜ୍ମାଲ୍ ଆରି ସନ୍ମାନ୍ ଲାବ୍ କିନାଦେର୍ । ୮ ଏପେଙ୍ଗ୍ ହେଖାନ୍ ହୁଡ୍ଡାଦାଂ ଜିଉନନାଦେରା, ଆରେ, ନଂ ପା ହୁଡ୍ଡିତିସ୍ତା ହେଖାନ୍ତାକେ ପାତ୍ କିଜି ଇନ୍ଫିକାତା ଆରି ଜାଜ୍ମାଲ୍ ମିହା ଖାରିତ୍ ଖାରିୟା ଆନାଦେରା । ୯ ଖାରି ଆଜି ମି ପାତ୍ ହିନା ପାତ୍ ଜେ ଖାସ୍ତିନି ମୁକ୍ତି, ହେଦାଂ ପାୟାନାଦେରା । ବେଶ୍ବାକ୍ଷାୟକିନାକାର୍ ମି କାଜିଂ ବାଟିକିତି ଉପକାର୍ ବିସ୍ତେ ବେଶ୍ବାକ୍ଷାୟ କିୟାଟ୍ ।

୧୦ ଇ ମୁକ୍ତାନାକା ବିସ୍ତେ ବେଶ୍ବାକ୍ଷାୟକିନାକାର୍ ମାନଦିଆନ୍ ଲାକେ ଦାସ୍ସି ଆରି ତେକ୍ତି, ଇସ୍ତୁରିତ୍ ଦୟାଦାନ୍ ବିସ୍ତେ ବେଶ୍ବାକ୍ଷାୟକିନାକା ହପ୍ତି ମାତାତ୍ । ୧୧ ହେ ଦାନ୍ ଇନାଖାଡାଙ୍ଗ୍ ଆରି ଇନେସ୍ ବାବ୍ରେ ପାୟାନାନ୍ ପୁନି କାଜିଂ

ହେୱାର ସେଷ୍ଟା କିଛି ମାଗାର ଇ ବିସ୍ତେ ପୁଇପୁୟା ଜିବୁନତିଂ ଉପକାରତାଂ ହେୱାର କ୍ରିସ୍ତୁତି ଦୁକ୍ତବଗ୍ ଆରି ପାଚେନି ଜାଜମାଲ୍ ପାୟାତି ବିସ୍ତେନି ଇଞ୍ଜି ମାଗାନ୍ ।^{୧୭} ଇସ୍ତର ଲେକିକିତାକା ବେଣ୍ଟବାକ୍‌ଶାୟକିନାକାର ଲାଗାଂ ହପ୍‌ତାନ୍, ହେୱାର ଜେ ଜାର ଜାରତି ହେବା କିଞ୍ଜାଦାଂ ମିଦାଂ ହେବା କିଛି ମାଗାର, ଇଦାଂ ହେୱାର ଲାଗାଂ ହସି ମାଗାଡ୍, ଆରେ, ହେୱାଜୁ ବିସ୍ତେ ସାଗେତାଂ ପକ୍ୟାତି ପୁଇପୁୟା ଜିବୁନତି ସାକ୍ତିତାଂ ମି ଲାଗେ ନେକ୍ରିକାବୁର୍ ସୁଶାୟକିନାକାରତି ହୁଦାଂ ନଂ ମିଜେଙ୍ଗ୍ ଜାଶାୟକିଦ୍ୟାନାତା; ହେ ସବୁ ବିସ୍ତେ ଦୁତକ୍ ଇଟ୍‌କାଡ୍ କିଦେଙ୍ଗ୍ ମାନକିନାର୍ ।

ପୁଇପୁୟା ଜିବୁନ୍ କାଟିକିନି କାଜିଂ କୁକ୍ୟାନାକା

^{୧୮} ଲାଗିଂ, ଜାର ଜାରତି ମାନଲାର୍‌ତି ମେଙ୍ଗ୍ ଗାତ୍ୟା ଆଜି ଚେଡ୍‌ନା ମାନାଟ୍, ଆରେ ଜିସୁ କ୍ରିସ୍ତୁତି ହନି ଝେଡାଲିଂ ଇମ୍‌ଣି ଉପକାର ମୁକ୍‌ଡାନାକା ମି କାଜିଂ ଆଏଡ୍, ହେବେ ବାଡ୍ ବାସ୍ ଇଟାଟ୍ ।^{୧୪} ଇସ୍ତରତି ବଲ୍ ମାନକିନାକା ଆଡ୍, ମି ଆଗେ ପୁନ୍‌ଝି ଗିଆନ୍ ଝେଡାଲିଂ ବାନ୍ୟାଆହା ତାରେନ୍ ହାଲ୍‌ମାଟ୍, ^{୧୫} ମତର୍ ମି କୁକ୍‌ନାକାନ୍ ଇନେସ୍ ପୁଇପୁୟା, ଏପେଙ୍ଗ୍ ପା ବଲ୍ ମାନକିନାକା ହିମ୍‌ଶାଙ୍ଗ୍ ଲାକେ ସବୁ ବେବାରତ ହେ ଲାକେ ପୁଇପୁୟା ଆଡୁ ।^{୧୬} ଲାଗିଂ ସାସ୍ତରତ ଲେକା ମାନାଟ୍, “ଏପେଙ୍ଗ୍ ପୁଇପୁୟା ଆଡୁ, ଇନେକିଦେଂକି ଆପେଂ ପୁଇପୁୟା ।”

^{୧୭} ଆରେ ଇନେର୍ ମୁକ୍‌ମେଟ୍ କିଞ୍ଜାଦାଂ ଜାଣକେ ଲକ୍‌ନି ପାର୍ତାନା ଇସାବ୍ରେ ବିଚାର୍ କିନାନ୍, ହେୱାନିଂ ଜଦି ଆବା ଇଞ୍ଜି ଇନାଦେରା, ତେବେ ଜାର ଜାରତି ନାଶାଙ୍ଗେ ପାଣ୍ଡୁ ଆଜି ବେବାର୍ କିୟାଟ୍; ^{୧୮} ଏପେଙ୍ଗ୍ ପୁନାଦେର୍ ମି ଆବା ଲାଡ୍‌ର ତାଙ୍ଗ୍ ପାୟାତି ରିତି ନିତିନି ପଲ୍ୟା ଜିବୁନତାଂ ମିଜେଙ୍ଗ୍ ମୁକ୍‌ଡାୟ କିନି କାଜିଂ ଏଚେକ୍ ମଲ୍ ହିଦେଂ ଲାଗ୍‌ଦାତାଡ୍ । ହେଦାଂ ବୁଡାଆନି ରୁପା କି ହନା ଆକାୟ, ^{୧୯} ମାତର୍ ହେଦାଂ ନିୟାଞ୍ଜାଦାଂ, ପ୍ରାଲ୍‌ହିଲ୍‌ଝି ପୁଇପୁୟା ମେଣ୍ଡାହିମ୍‌ଶା ଲାକେ କ୍ରିସ୍ତୁତି ବେସିମଲ୍ ନେତେରତ ମୁକ୍‌ଡାତାଦେଣ୍ଡା ।^{୨୦} ହେୱାନ୍ ଜଗଡ୍‌ନି ଉବ୍‌ଜାଣ୍ ଆଗେତାଂ ତିର୍ କିୟାଜି ମି କାଜିଂ ହାରିହାରା କାଡ୍‌ଦ୍ ଚଞ୍ଜାତାନ୍ନା; ^{୨୧} ଇମ୍‌ଣି ଇସ୍ତର୍ ହେୱାନିଂ ହାକି ବିତ୍ରେତାଂ ନିକ୍‌ଟି ଜାଜମାଲ୍ କିତାନ୍ନା, ହେ ଇସ୍ତରତାଂ ଏପେଙ୍ଗ୍ ହେୱାନ୍ ହୁଦାଂ ପାଡ୍ କିନାଦେରା, ହେ ଇସ୍ତର୍ ମି ପାଡ୍ ଆରି ବାସ୍ ନିକାନ୍ ଆନାନ୍ ।

^{୨୨} ଏପେଙ୍ଗ୍ ହାଡ୍‌ପାନି ବଲ୍ ମାନି କିନାକା ଆଜି କାପଟିୟାଞ୍ଜାଦାଂ ଟଣ୍ଡେନ୍ ଜିଉନନାକା କାଜିଂ ଜାର ଜାର ଜିବୁଡି ସକଟ୍ କିଜିମାଟିଲେ ଞ୍ଜାସ୍‌ନି ହୁକେ ରମାନ୍ତ ହାରି ଜିଉନଞ୍ଜାଟ୍; ^{୨୩} ଲାଗିଂ ଏପେଙ୍ଗ୍ ଜିରାନି ମାଞ୍ଜିଙ୍ଗ୍‌ତାଂ ଆକାୟ, ଆଞ୍ଜିତିସ୍ ଜିରାଞ୍ଜି ମାଞ୍ଜିଙ୍ଗ୍‌ତାଂ, ଇତିସ୍ ଇସ୍ତରତି ଜିଜି ମାନି ଆରି ସବୁଦିନ୍ ମାନାକା ବଚନ୍ ହୁଦାଂ ଆରେ ଜଲମ୍ ଆତାଦେଣ୍ଡା ।^{୨୪} ସାସ୍ତରତ ଲେକା ମାନାଟ୍,

“ମାନାୟ ଜାତି କାରା ଲାକେ,
ହେୱାରତି ଝିଜୁ ହଲ୍‌ନାକା ରାନ୍ତି ପୁଇ ଲାକେ,
କାରା ଞ୍ଜାଜି ହାନାଡ୍ ଆରେ ପୁଇ ହାଡ୍‌ଜି ହାନାଡ୍,
^{୨୫} ମାତର୍ ଇସ୍ତରତି ବଚନ୍ ଝିଜୁକାଡ୍ ତିର୍ ।”
ଇଦାଂ ହେ ନେକ୍ରିକାବୁର୍‌ନି ବଚନ୍, ଇନାକା ମି ଲାଗାଂ ସୁଶାୟ କିୟା ଆତାନ୍ ।

୨

ଜିବୁନି କାଲ୍ ଆରି ପୁଇପୁୟା କୁଟୁମ୍

^୧ ଲାଗିଂ ମାପୁ ଜେ ଉପକାର କିନାକାନ୍, ଇଦାଂ ଜଦି ଝେଟ୍‌ଚାତାନନା ତାଆତିସ୍ ସବୁ ବାନି ବାନ୍ୟା, ଚାଲାକି, କୁଟ୍, ତାରା ଆରି ଲକାର୍‌ନିୟା ପିହାଟ୍ ।^୨ ମିଟ୍ ଆରି କୁଟ୍, ତାରା ଆରି ଲକାର୍ ନିୟା ଗ୍ଲୁଇନାକା । ପୁନାକା ଚଞ୍ଚି ହିମ୍‌ଶାଲାକେ ଆଡ୍ । ନିତ୍ରେ ହାଦ୍‌କା ସବୁଦିନ୍ ପାଲ୍ ଉଣ୍ଡେଙ୍ଗ୍ ଏସ୍‌କି ଆଡ୍ । ତା ଆତିସ୍ ଏପେଙ୍ଗ୍ ବାଡା ଆଜି ମୁକ୍‌ଡାନାଦେର୍ ।^୩ ସାସ୍ତରତ ଲେକା ମାନାଟ୍, “ଇସ୍ତର୍ ଜେ ଇନେସ୍ ଦୟା କିଦ୍‌ନାକାନ୍, ହେଦାଂ ଏପ୍ ଜାର ବୁଦିତାଂ ପୁରାଦେଣ୍ଡା ।”

^୪ ଜିବୁନମାନି କାଲ୍ ଲାକେ ଜେ ହେ ମାପୁ, ହେୱାନ୍ ମାନାୟାର୍ ହୁକେ ମୁନା କିୟାତାନ୍ ସଡ୍, ମାତର୍ ଇସ୍ତରତି ତାକେ ବାଟିକିୟା ଆତାନ୍ ଆରି ବେସି ମଲ୍ ଆତାନ୍ନା, ^୫ ତା ଲାଗାଂ ଞ୍ଜାଜି ଏପେଙ୍ଗ୍ ପା ଜିସୁ କ୍ରିସ୍ତୁତି ହୁଦାଂ ଇସ୍ତରତି ଲାହାଙ୍ଗ୍ ହାର୍‌ଇଟ୍ୟାନି ଆମ୍‌କ୍ ପୁଇକିନି କାଜିଂ ପୁଇପୁୟା ମାପୁହେବାକିନାକାର୍ ଆନି କାଜିଂ ଜିବୁନି କାଲ୍ ଲାକେ ଆଜି ର ଆମ୍‌କ୍ ଇଲ୍ ଲାକେ ରଚ୍ୟା ଆଡୁ ।^୬ ଇନେକିଦେଂକି ସାସ୍ତରତ ଲେକା ଆତାଡ୍‌ନା, ହୁଡାଟ୍,
“ଆପ୍ ସିୟନ୍‌ତ ରଞ୍ଜାଙ୍ଗ୍ ବାଟିକିତି ଆରି ବେସିମଲ୍ କନାନି ମୁଡ୍ କୁନାଦି କାଲ୍

ରଟ୍‌ଚାପ୍‌ନା, ଆରେ ଇନେନ୍ ହେୱାନ୍ତି ତାକେ ପାଡ୍ କିତାର୍,
ହେୱାନ୍ ଲାଜା ଆଉନ୍ ।”

^୭ ଲାଗିଂ ପାଡ୍ କିନାଦେରା ଜେ ଏପେଙ୍ଗ୍, ଏପେଙ୍ଗ୍ ହେ ବେସିମଲ୍‌ନି ମିହାଣ୍ ଆନାଦେର୍, ମାତର୍ ଇମ୍‌ଶାକାର୍ ପାଡ୍ କିଡ୍‌ର୍,

“ଇଲ୍ ରଟ୍‌ନାକାର୍ ଇମ୍‌ଣି କାଲ୍‌ଦିଂ ମୁନାକିତାର୍,
ହେଦାଂ ହେୱାରତି ନଂ କନାନି ମୁଡ୍‌କାଲ୍ ଆତାଡ୍ ।”

୮ “ଆରେ, ପୁଇପୁୟା ସାସ୍ତରତ ଆରେ ପା ଲେକାଆତାଡ୍‌ନା”

“ଇ କାଲ୍ ଜପି ଆଦିକ୍ ଉତ୍ସନାର୍, ଇ କାଲ୍ ହେୱାର୍ତ୍ତି ବୁଡାନି ବିସ୍ତେ ଆନାଡ୍ ।
 ହେୱାର୍ତ୍ତି ଇସ୍ବରତି ବଚନତ ପାତ୍ କିଞ୍ଜାତାର୍, ଲାଗିଂ ହେୱାର୍ତ୍ତି ଅସ୍ତାର୍ ।
 ଆରେ ଇଦାଂ କାଜିଂ ପା ହେୱାର୍ତ୍ତି ବାଚିକିୟାଜି ମାଚାର୍ ।”

୯ ମାତର ଇସ୍ବର ଜେ ମିଙ୍ଗେଙ୍ଗ୍ ମାଜଗାତାଂ ଜାର୍ କାବାନି ଅଜଡ୍ ବିତ୍ରେତାଂ କୁକ୍ତାତାନ୍ନା, ଏପେଙ୍ଗ୍ ଇନେସ୍ବକି ତା ଗୁଣ୍ କେରାଟ୍, ଇଦାଂ କାଜିଂ ଏପେଦେର୍ ର ବାଚିକିତି ଜାତି, ରାଜାର୍ତ୍ତି ମାପୁହେବାକିନାକାର୍, ପୁଲ୍ପୁୟା ଜାତି ଆରେ ଇସ୍ବତ୍ ନିଜେନି ଲକୁ ଆତାଦେଣ୍ଟା । ୧୦ “ଆଗେ ଏପେଙ୍ଗ୍ ଇସ୍ବର ଲକୁ ବାଚିକିୟାଞ୍ଜାଦାଂ ମାଚାଦେର୍, ମାତର ନଂ ଇସ୍ବରତି ଲକୁ ଆତାଦେଣ୍ଟା, ଆଗେ ଏପେଙ୍ଗ୍ ଦୟା ପାୟା ଆଞ୍ଜାଦାଂ ମାଚାଦେର୍, ମତର ନଂ ଦୟା ପାୟା ଆତାଦେଣ୍ଟା ।”

ଇସ୍ବରତି କଡ଼କାଆଡ଼ିଏନ୍

୧୧ ଏ ଖାରିନିକାଦେର୍, ଏପେଙ୍ଗ୍ ଇ ସଂସାରତ ବିଦେସ୍ୟା ଆରି ବାହା କିତାକାଦେର୍ ଲାକେ । ଲାଗିଂ ଗଞ୍ଜାରି କିଦନାଜ୍ଜା, ଏପେଙ୍ଗ୍ ନିତ୍ରେ ଜିବୁନ୍ ବିରୁଦ୍ତ ଜୁଜ୍ କିଜି ମାନି ଗାଗାଡ୍ ଆହା ତଲ୍ୟା ଆମାଟ୍ । ୧୨ ଏପେଦେର୍ ପାତ୍ କିଞ୍ଜି ଜିହୁଦିରତି ବିତ୍ରେ ହାର୍ବେବାର୍ କିୟାଟ୍, ଇନେସ୍ବକି ହେୱାର୍ତ୍ତି ଇମ୍ଫଣି ବିସ୍ତେ ମିଙ୍ଗେଙ୍ଗ୍ ଦାରିୟା ଇଞ୍ଜି ନିଦା କିଦନାର୍, ମି ହାର୍ କାମାୟ୍ ହୁଡ଼ଜି ହେ ବିସ୍ତେ କ୍ରିସ୍ତୁତି ଖାନି ଦିନ୍ତ ଦୟା ହୁଡ଼ନି ଦିନ୍ତ ଇସ୍ବରତି ଜାଜ୍ମାଲ୍ କିଦନାନ୍ ।

୧୩ ମାପୁତି କାଜିଂ ଖିଜୁ ନାର୍ତ୍ତି ରଚ୍ଚି ତଲ୍ୟା ଆଡୁ, ୧୪ ପର୍ତ୍ତୁମ୍ ଗାଜା ରାଜା ନଲେ ଅନ୍ୟାୟ୍ କାମାୟ୍ କିନାକାରିଂ ସାସ୍ତି ହିନି କାଜିଂ ଆର ହାର୍ କାମାୟ୍ କିନାକାରିଂ ଖାରିକିଦେଂ କାଜିଂ ହେୱାକ୍ତି ହୁଦାଂ ପକ୍ୟାତି ସାସ୍ବନକିନାକାର୍ ଆୟେର୍, ହେୱାର୍ତ୍ତି ତଲ୍ୟା ଆଡୁ । ୧୫ ଇନେକିଦେଂକି ଏପେଙ୍ଗ୍ ଜେ ହାଡ଼ପା କାମାୟ୍ କିଜି ନିରୁଦ୍ଦିୟାର୍ ପୁନ୍ଝି ଗିଆଡ଼ ଇଞ୍ଜି ମାନି କାତା ବନ୍ଦ୍ କିୟାଟ୍, ଇଦାଂ ଇସ୍ବରତି ମାନ୍, ୧୬ ଏପେଙ୍ଗ୍ ଜାର୍ତାରେନ୍ ଆତିସ୍ପା ମି ଜାର୍ତାରେନ୍ତିଙ୍ଗ୍ ତୁଲ୍ଲୁଲିୟାନି ବାତ୍ ଲାକେ ବେବାର୍ କିଞ୍ଜାଦାଂ ନଲେ ଇସ୍ବରତି ଆଡ଼ିଏନ୍ ଆଜି ହାଡ଼ପା କାମାୟ୍ କିୟାଟ୍ । ୧୭ ଖିଜାରିଂ ସମାନ୍ଝାରି କିୟାଟ୍, କ୍ରିସ୍ତୁଙ୍ଗ୍ ପାତ୍ କିନି ଗଣ୍ଡାରିଂ ଜିଉନଞ୍ଜାଟ୍, ଇସ୍ବରତିଂ ପାଣ୍ଡା ଆଡୁ, ରାଜାଙ୍ଗ୍ ସମାନ୍ଝାରି କିୟାଟ୍ ।

କ୍ରିସ୍ତୁତି ଦୁକ୍ତ ଖାରି

୧୮ ଆଡ଼ିୟାର୍, ଏପେଙ୍ଗ୍ ପାଣ୍ଡା ଆଜି ଜାର୍ ଜାର୍ ହାଉକାର୍ରିଂ ତଲ୍ୟା ଆଡୁ, କେବଲ୍ ହାର୍ ଆରି ହୁଦାର୍ ହାଉକାର୍ରିଂ ଆକାୟ୍, ମତର ଦୟାହିଲ୍ଝାକାରିଂ ପା ତଲ୍ୟା ଆଡୁ ହେୱାରିଂ ସମାନ୍ ମାନି କିୟାଟ୍ । ୧୯ ଇନେକିଦେଂକି ଇନେର୍ ଏଚେକାଡ଼ଦ ଇସ୍ବରତିଂ ପାତ୍ କିନି କାଜିଂ ଅନ୍ୟାୟ୍ତ ଦୁକ୍ବଗ୍ କିଜି କସ୍ ହୁଞ୍ଜୁନାନ୍, ବାଚିଙ୍ଗ୍ ହେଦାଂ ଖାରିନି ବିସ୍ତେ । ୨୦ ଲାଗିଂ ଏପେଙ୍ଗ୍ ଜାର୍ ଜାର୍ ପାପ୍ କାଜିଂ ଜଦି ମାଡ୍ ହୁଞ୍ଜନାଦେର୍, ଲାଗିଂ ହେବେ କି ଇନାକା ତାକ୍ପୁଟା ? ମାତର ଜଦି ହାର୍ କାମାୟ୍ କିଜି ଦୁକ୍ ହୁଞ୍ଜନାଦେର୍, ଲାଗିଂ ହେଦାଂ ଇସ୍ବରତି ଲାଗାଂ ଆସିର୍ବାଦ୍ ବିସ୍ତେ । ୨୧ ଇଦାଂ କାଜିଂ ନେ ଏପେଙ୍ଗ୍ ଆହ୍ୟାତାଦେଣ୍ଟା, ଇନେକିଦେଂକି ଏପେଙ୍ଗ୍ ଇନେସ୍ବ କ୍ରିସ୍ତୁତି ପାନାଟିନା ହିଜି ହାନାଦେର୍, ହେଦାଂ କାଜିଂ ହେୱାନ୍ ପା ମି କାଜିଂ ଦୁକ୍ବଗ୍ କିଜି ମିଙ୍ଗେଙ୍ଗ୍ ର ଗୁଣ୍ ଚଚ୍ଚିହିଜି ହାଚାନ୍ନା; ୨୨ ହେୱାନ୍ ଇନାକାପା ପାପ୍ କିଞ୍ଜାତାନ୍, କି ହେୱାକ୍ତି ଖେଇଦାଂ ଇମ୍ଫଣାକା ପା ମିର୍ କାତା ଇନ୍ଝାଦାଂ ମାଚାନ୍ । ୨୩ ହେୱାନ୍ ନିଦା ପାୟାନି ଖେଡାଲିଂ ମାସ୍ବଦି ନିଦା କିଞ୍ଜାତାନ୍; ଦୁଗ୍ବଗ୍ କିନି ଖେଡାଲିଂ ଦୁକ୍ ବଗ୍ କିଦେଙ୍ଗ୍ ପାଣ୍ଡା କିଞ୍ଜାତାନ୍, ମାତର ନ୍ୟାୟ୍ ବିଚାରକିନାକାକ୍ତି କେଇଦ ଖିଜୁ ବିସ୍ତେ ହେଲାୟ୍ କିତାନ୍; ୨୪ ଆସେଙ୍ଗ୍ ଇନେସ୍ ପାପ୍ କାଜିଂ ହାଜି ମାନ୍ଞି ଦାମ୍ କାଜିଂ ଜିବୁନ୍ ଜିପକା କିନାସ୍, ଇଦାଂ କାଜିଂ ହେୱାନ୍ ଆପେ କୁସ୍ ଜପି ଜାର୍ ଗାଗାଡ଼ତ୍ ମା ଖିଜୁ ପାପ୍ ପିଣ୍ଡାନ୍; ହେୱାକ୍ତି ମାଡ଼ତ୍ ଏପେଙ୍ଗ୍ ଉଜ୍ ଆତାଦେଣ୍ଟା । ୨୫ ଇନେକିଦେଂକି ଏପେଙ୍ଗ୍ ମେଣ୍ଡା ଲାକେ ବିନ୍ ହାଜିଡ଼ ହାଲ୍ଜି ମାଚାଦେର୍, ମତର ନଂ ମି ଖାସ୍ବିତ୍ ମାନି କିଦେଂ ଆରି ମୁଣିକା ଲାଗାଂ ମାସ୍ବଦି ଖାତାଦେଣ୍ଟା ।

୩

ଆଣ୍ଡାଙ୍ଗ୍ ଆରି କଗ୍ଲେତି ହିକ୍ୟା

୧ ହେ ଲାକେ, ଏ କଗ୍ଲେକ୍, ଏପେଙ୍ଗ୍ ଜାର୍ ଜାର୍ ତକ୍ରାତ୍ ତଲ୍ୟା ଆଡୁ । ଇନେସ୍ବ ହେୱାର୍ତ୍ତି ବିତ୍ରେତାଂ ଇନେର୍ ଇନେର୍ ବଚନି ବଲ୍ ମାନିକିଞ୍ଜି ଆତିସ୍ ପା ଏପେଙ୍ଗ୍ ପାଣ୍ଡା ଆଞ୍ଜାଦାଂ ନିତ୍ରେବେବାର୍ ହୁଡ଼ଜି ବଚନ୍ ପିସ୍ସି ଜାର୍ ଜାର୍ ଚଣ୍ଡେନ୍ ବେବାର୍ ହୁଦାଂ ବାଦ୍ଲା ଆନାଡ୍ । ୨ ଇନେସ୍ବ ହେୱାର୍ତ୍ତି ବିତ୍ରେତାଂ ଇନେ ଇନେର୍ ବଚନି ବଲ୍ମାନି କିତିସ୍ପା ଏପେଙ୍ଗ୍ ପାଣ୍ଡା ଆଞ୍ଜାଦାଂ ସମାନ୍ ବେବାର୍ ହୁଡ଼ଜି ବଚନ୍ ପିସ୍ସି ଜାର୍ ଜାର୍ ତକ୍ରିନି ବେବାର୍ ହୁକେ ବାଦ୍ଲା ଆନାଡ୍ । ୩ ଆରେ ତେମ୍ଲୁ ବେସ୍, ହନା ହାସ୍ବୁ ତୁସ୍ନାକା ଆରି ହାର୍ଦି ହେନ୍ଦା ଉସ୍ପାନାକା, ଏଲେଙ୍ଗ୍ ଇମ୍ଫଣି ବାର୍ତାକା ଆର୍ପାନାକା, ହେଦାଂ ଏପେଙ୍ଗ୍ ଆର୍ପାନାକା ହାର୍ ଆକାୟ୍, ୪ ହାଡ଼ପା ହଲ୍ଲନାକା ନେ ମାନ୍ତ ଇମ୍ଫଣି କ୍ଠାଣ୍ ଆରି ସୁସ୍ପାମିହା ତ୍ଠୁ ମାନ୍ବାଦ୍ନା ଇସ୍ବରତି ମୁମ୍ବଦ ବେସ୍ମିଲ୍, ହେଦାଂ ନେ ମି ଜିରାଞ୍ଜି ହାରାଂ ଆଏଡ୍ । ୫ ଇନେକିଦେଂକି ଆଗେକାଡ଼ଦ ଦାମ୍ ନି ପୁଲ୍ପୁୟା କଗ୍ଲେକ୍ ପା ଇସ୍ବରତି ତାକେ ବାସ୍ ଇଡ଼ଜି ଜାର୍ ଜାର୍ ତକ୍ରାତି ତଲ୍ୟା ଆଜି ଇ ବାନି ଜାର୍ ଜାର୍ତିଂ

☆ ୩:୩ ୩:୩ ୧ ଡିମତି ୨:୯.

ତୁମ୍ଭେ ମାଟିକ ।^୭ ସାରା ହେ ଲାକେ ର କଗ୍ଲେ ମାଟାଡ଼ । ହେଦେଲ୍ ଅବ୍ରାହାମ୍ ତଲ୍ୟା ଆଜି ହେଖାନିଂ ମାପୁ ଇଞ୍ଜି ଇଞ୍ଜି ମାଟାଡ଼ । ଏପେଙ୍ଗ୍ ନଂ ହେଖାନ୍ତି ଗାଡ଼ଚେକ୍ । ଜଦି ହାର୍ ବେବାର୍ କିତିସ୍, ତା ଆତିସ୍ ଇମ୍ଣି ବିସ୍ତେ ମିଜେଙ୍ଗ୍ ଆରେ ପାଣ୍ଡୁ କିଦେଙ୍ଗ୍ ଆଡ଼ଦୁର୍ ।

^୭ ହେ ବାନି, ଏ ଡକ୍ଟାର୍, ମି ପାର୍ତାନାତ ଇନେସ୍ ବାଦା ଆମେଡ଼, ଇଦାଂ କାଜିଂ ଡକ୍ଟିକାଂ ପାଚେନିଦିନ୍ତ ନାଦାର୍ ଗାଡ଼ ଆରି ଜାର୍ଡି ଲାହାଙ୍ଗ୍ ଜିବୁନ୍ ଲାଗ୍ଦି ଉପକାର୍ ଦାନି ରଚେ ଆଦିକାର୍ଣ୍ଣି ପୁନ୍ଞି ହେଖେକାଂ ଖାରି କିୟାର୍ ଆରେ ଗିଆଡ଼ ହେଖେକ୍ ଲାହାଂ ମାନାର୍ ।

ଦାମ୍ କାଜିଂ ଦୁକ୍‌ବଗ୍

୮ ହାରିହାରା କାତା ଇଦାଂ, ଏପେଙ୍ଗ୍ ଓଜାଦେର୍ ରମାନ୍, ହାରି ସୁକ୍‌ଦୁକ୍‌ତ ସମାନ୍ ବଗ୍, ଟଣ୍ଡେନ୍‌ଲାଡ଼ତ୍ ଜିଉନନାକା, କଂଆଣ୍ ମାନ୍ ଆରି ହୁଦାର୍ ମାନ୍ ଆଡୁ; ^୯ ନସ୍ ବାଦୁଲ୍ ନସ୍ କି ନିନ୍ଦା ବାଦୁଲ୍ ନିନ୍ଦା କିଖାଦାଂ ବିନ୍ ପାକ୍ୟାତ ନଲେ ଆସିର୍ବାଦ୍ କିୟାର୍, ଇନେକିଦେଂକି ଏପେଙ୍ଗ୍ ଇନେସ୍ ଆସିର୍ବାଦ୍‌ନି ଆଦିକାର୍ ଆନାଦେର୍, ଇଦାଂ କାଜିଂ କୁକ୍ୟାତାଦେର୍ଣ୍ଣା । ^{୧୦} ପୁଇପୁୟା ସାସ୍ତରତ୍ ଲେକା ମାନାଡ଼,

“ଇନେର୍ ଜିବୁନ୍‌ନି ସୁକ୍‌ବଗ୍ କିଦେଙ୍ଗ୍
ଆରେ ଜିଉନନି ଦିନ୍ ହୁଡ଼ଦେଂ ଇଚା କିନାନ୍,
ହେଖାନ୍ ବାନ୍ୟା ବଚନ୍‌ତାଂ ଜାର୍ ଖେୟୁଲ୍‌ତିଂ
ଆରେ ନିନ୍ଦାନ୍ ବଚନ୍‌ତାଂ ଜାର୍ ଓଟିତିଂ ଚିମ୍ବା କିଏନ୍;

^{୧୧} ହେଖାନ୍ ବାନ୍ୟାତାଂ ମାସ୍‌ଦି ହାର୍‌ଦି କାମାୟ୍ କିଏନ୍;
ଆରି ଖାୟ୍‌ନିକାତା ଲାହାଂ ସୁସ୍ତାନି ଆସିର୍ବାଦ୍ କିନାସ୍ ।

^{୧୨} ଇନେକିଦେଂକି ଦାମ୍ ଲଗାତ୍ କାଜିଂ ମାପୁତି ନଞ୍ଜର୍ ମାନାଡ଼, ହେଖାର୍‌ତି ପାର୍ତାନା କାଜିଂ ହେଖାନ୍ତି କିଡୁଲ୍ ଜେୟା ଆତାନା, ମାତର୍ ମାପୁତି ଖେଇ ବାନ୍ୟାଲଗାତ୍ ବିରୁଦ୍‌ତ ମାନାଡ଼ ।”

^{୧୩} ଆରେ ଏପେଙ୍ଗ୍ ଜଦି ହାର୍‌ଦି ବିସ୍ତେ ଆଗେ ଆଡ଼, ବାଟିଙ୍ଗ୍ ଇନେର୍ ମିଦାଂ ନସ୍ କିଦନାର୍ ? ^{୧୪} ଆରେ ଜଦି ପା ଦାମ୍ କାଜିଂ ମିଂ ଦୁକ୍‌ବଗ୍ କିଦେଙ୍ଗ୍ ଲାଗ୍‌ଦାନାଡ଼, ତା ଆତିସ୍ ମିଙ୍ଗ୍ ଦନ୍ୟ । ହେଖାର୍ ପାଣ୍ଡୁ କ୍ରିଡ଼ତିସ୍ ପାଣ୍ଡୁ ଆଜି ବିଲ୍‌କି ଆମାଟ୍; ^{୧୫} ମାତର୍ କ୍ରିସ୍ତୁତିଂ ମାପୁ ଇଞ୍ଜି ଜାର୍ ଜାର୍ ମାନ୍‌ତିଂ ପୁଇପୁୟା ଲାକେ ମାନି କିୟାର୍ । ମି ତାକେ ମାନି ବାସ୍‌ନି କାରଣ ବିସ୍ତେ ଇନେର୍ ପରସନ୍ କିତିସ୍, ହେଖାନିଂ ଉଲ୍‌ଟି ଉତର୍ ହିଦେଂ ଜାଲ୍‌ଦି ଆଜି ମାନାଟ୍, ^{୧୬} ମାତର୍ ହୁଦାର୍ ଆରି ହାର୍ ବାବ୍ରେ ଉତର୍ ହିୟାର୍, ମି ବାବ୍‌ନାତିଂ ନିର୍‌ମଲ୍ ଇଟାଟ୍ । ତା ଆତିସ୍, ଏପେଙ୍ଗ୍ କ୍ରିସ୍ତୁତି ପାଚେହାନି ଲାକେ ସମାନ୍ ସନ୍‌ମାନ୍ କିନିଖେଡ଼ାଂ, ଇମ୍‌ଣାକାର୍ ମିଙ୍ଗ୍ ମିର୍ ନିନ୍ଦାକିଦନାର୍, ହେଖାର୍ ଲାଜୁ ଆନାର୍ । ^{୧୭} ଇନେକିଦେଂକି ବାନ୍ୟାକାମାୟ୍ କାଜିଂ ଦୁକ୍‌ବଗ୍ କିନି ତାଂ ନଲେ ଜଦି ଇସ୍‌ବରତି ଇଚା ଆତିସ୍, ତା ଆତିସ୍ ସଡ଼କାମାୟ୍ କାଜିଂ ଦୁକ୍‌ବଗ୍ କିନାକା ହାର୍ । ^{୧୮} ଲାଗିଂ ମା ଇସ୍‌ବରତି ଲାଗାଂ ତାନି କାଜିଂ ଜିସୁ କ୍ରିସ୍ତୁ ପା ଦାମ୍ ଆଜି ଅଦାମ୍‌ତି କାଜିଂ ପାପ୍ ଆତିଲେ ରଗ ହାକିବଗ୍ କିତାନ୍ । ହେଖାନ୍ ଗାଗାଡ଼ତ୍ ହାକିବଗ୍ କିନାକାନ୍ ହାଡ଼ପା, ମାତର୍ ଜିବୁନ୍‌ଜି ଜିତାନ୍; ^{୧୯} ହେବେ ପା ହେଖାନ୍ ଗେହ୍ୟାତି ଜିବୁନିକାଂ ଲାଗାଂ ହାଲ୍‌ଜି ସୁଣାୟ୍ କିତାନ୍; ^{୨୦} ଆଗେକାଡ଼ଦ ନହଡ଼ି ସମୁତ ଜାଜ୍ ରଚ୍‌ନି ଖେଡ଼ାଲିଂ, ଏଚେକାଡ଼ଦ ଇସ୍‌ବର ଲାମାହୁଦାର୍ ଆଜି କାସିମାତାନ୍, ହେଖେଡ଼ାଲିଂ ହେଖାର୍ ଅମାନ୍ୟା ଆତାର୍ । ହେ ଜାଜ୍‌ତ ହଣ୍‌ଜି ଅଲପ୍ ଲକୁ, ଇତିସ୍ କେବଲ୍ ଆଟ୍ ଜାଣି, ଏଜୁଙ୍ଗ୍ ବିଡ୍ରେତାଂ ରାକ୍ୟା ପାୟାତାର୍; ^{୨୧} ହେବେନି ର ଲାକେ ବାପ୍ରିସିମ୍ ଇତିସ୍ ଗାଗାଡ଼ନି ତୁକେର୍ ହାଡ଼ଚେଙ୍ଗ୍ ଆକାୟ୍, ମାତର୍ ଇସ୍‌ବରତି ଲାଗାଂ ସକର୍ ହାର୍‌ଦି ବାବ୍‌ନା ଗାଟାଦେଂ କାଜିଂ ପାର୍ତାନା, ଜିସୁ କ୍ରିସ୍ତୁତି ଆରେ ନିଂନି ହୁଦାଂ ନଂ ମିଂ ମୁଲ୍ଟି କିଡ଼ତାନ୍‌ନା; ^{୨୨} ହେ ଜିସୁ କ୍ରିସ୍ତୁ ସାଗେ ଦୁମ୍‌ଜି ଇସ୍‌ବରତି ବୁଜ୍‌ଣି ବାଗାଙ୍ଗ୍ କୁଚ୍‌ଚାନ୍ନା, ଆରେ ଦୁଡକ୍, ଆଦିକାର୍ ବାପୁ ଆରି ସାକ୍ରିକାଟିକିକ୍ ହେଖାନ୍ତି ତଲ୍ୟା ଆତିକ୍‌ନା ।

୪

ବାଦ୍‌ଲାନି ଜିବୁନ୍

^୧ କ୍ରିସ୍ତୁତି ଗାଗାଡ଼ତ୍ ଦୁକ୍‌ବଗ୍ କିତିଲେ ଏପେଙ୍ଗ୍ ପା ହେ ଲାକେ ମାନ୍ ଆଜି ଜାର୍‌ତିଂ ରଚାଟ୍, ଇନେକିଦେଂକି ଇନେନ୍ କ୍ରିସ୍ତୁତି କାଜିଂ ଗାଗାଡ଼ତ୍ ଦୁକ୍‌ବଗ୍ କିତାନ୍ନା, ହେଖାନ୍ ପାପ୍‌ତାଂ ଦେହା ଆତାନ୍ନା, ^୨ ଇନେସ୍ ଏପେଙ୍ଗ୍ ଜଗଡ଼ନି ଜିବୁନ୍ ବାକି କାଡ଼୍ ମାନାୟ୍‌ତିଂ ବାନ୍ୟାଆହା ଇସାପ୍ରେ କାଖାଦାଂ ଇସ୍‌ବରତି ଇଚା ଇସାପ୍ରେ କାଡୁ । ^୩ ଲାଗିଂ ପାଟ୍ କିଞ୍ଜି ଜିହୁଦିର୍‌ତି ଇଚା ଇସାପ୍ରେ କାମାୟ୍ କିଜି ଏପେଙ୍ଗ୍ ଏଚେ କାଡ଼୍ ବାନ୍ୟାକାମାୟ୍, ବାନ୍ୟା ଆହା, କାଲିଂଗହ୍‌ନାକା, ରଙ୍ଗରାସିକା, ହଜ୍‌ଜି ଆରି ଗିଣ୍ ପୁଡ଼ଡ଼ା ପୁଜା କିଜି ମାଟାଦେର୍, ହେଦାଂ ଲଡ଼ା; ^୪ ଏପେଙ୍ଗ୍ ନଂ ହେ ଲାକେ ଚିମ୍‌ରାଆଖାଦାଂ କାମାୟ୍‌ତ ହେଖାର୍ ଲାହାଙ୍ଗ୍ ମାନ୍‌ଖାଦାଂ ହେଖାର୍ କାବା ଆଜି ମିଜେଙ୍ଗ୍ ନିନ୍ଦା ହିଡ଼ତାଣ୍ଣା । ^୫ ମାତର୍ ଇମ୍‌ଣି ଇସ୍‌ବର ଜିତାକାନ୍ ଆରି ହାତି ଲଗାରିଂ ବିଚାର୍ କିନାନ୍, ହେଖାନ୍ତି ମୁମ୍‌ଦ ହେଖାର୍‌ତି ଇସାବ୍ ହିଦେଂ ଆନାଡ଼ । ^୬ ଇନେକିଦେଂକି ଇ ହିସାପ୍ରେ ହାତାକାର୍

ଲାଗେ ପା ନେକ୍ରିକାବୁର ସୁଶାୟ କିୟାତାତ୍, ଇନେସ୍ ହେୱାର୍ ମାନାୟ ଲାକେ ଗାଗାତ୍ତ ବିଚାର୍ଣ୍ଣା ଆତିସ୍ପା ଇସ୍ପୁରତି ଲାକେ ଜିବୁନ୍ତ ଜିବୁନ୍ ଆନାନ୍ ।

ଇସ୍ପୁରତି ଦାନ୍ ହାର୍ଦି କାର୍ନିୟା

୭ ମତରୁ ଝିଜୁ ବିସ୍ତେ ଝିସ୍ତିକାତ୍ ଲାଗେ । ଲାଗିଂ ହାର୍ବୁଦି ଆତୁ, ଆରେ ପାର୍ତାନା କିନି କାଜିଂ ଚେଡନା ମାନାଟ୍ । ଇତିସ୍ ଜବର ଜିଉନତିଲେ ହାରି ଜିଉନବିସ୍ ମାନାଟ୍, ଇନେକିଦେଂକି ଜିଉନନିତ ବେସି କିଜି ପାପତ ତାବାୟ କିନାତ୍ । ୯ ମଡିଆଝାଦାଂ ହାରି ଲବାୟ କିୟାଟ୍; ୧୦ ଜାଣକେ ଲକୁ ସସ୍ ଇନେସ୍ ଉପକାର୍ ଦାନ୍ ପାୟା ତାଦେର୍ଣ୍ଣା, ହେ ଲାକେ ଇସ୍ପୁରତି ବେସି ବିଦି ଦୟାନି ହାର୍ କାର୍ନିୟା ଲାକେ ତାହୁଦାଂ ହାରି ହେବା କିୟାଟ୍, ୧୧ ଇନେର ଜଦି ସୁଶାୟ କିନାନ୍, ବାଟିଙ୍ଗ୍ ହେୱାନ୍ ଇସ୍ପୁରତି ବଚନ୍ ସୁଶାୟକିନାକାନ୍ ଲାକେ ସୁଶାୟ କିଏନ୍; ଇନେର ଜଦି ହେବା କିନାନ୍, ବାଟିଙ୍ଗ୍ ହେୱାନ୍ ଇସ୍ପୁରତାଂ ସାକ୍ତିଗାଗାନି ମାନାୟ ଲାକେ ହେବା କିଏନ୍, ଇନେସ୍ ଜିସୁ କ୍ରିଷ୍ଟ ହୁଦାଂ ଇସ୍ପୁରତି ଜାଜ୍ମାଲ୍ ଆନାତ୍; ଜୁଗ୍ ଜୁଗ୍ ଜାଜ୍ମାଲ୍ ଆରି ବାପୁ ହେୱାନ୍ତି । ଆମେନ୍ ।

କ୍ରିଷ୍ଟିୟାନ୍ତି ଦୁକ୍ବଗ୍

୧୨ ଏ ୱାରିନିକାଦେର, ମି ପରିକ୍ୟା କାଜିଂ ଇମ୍ଫଣି ଦୁକ୍ବଗ୍ବାତାଂ ନାଣି ଏକାଝାତାଡନା, ହେଦାଂ ଚାନ୍ୟା ଗଟ୍ଟା ଇଞ୍ଜି ବାବି କିଜି କାବା ଗିଆନ୍ ଆମାଟ୍; ୧୩ ଇତିସ୍ ଏଚେକ୍ ଲଡା କ୍ରିଷ୍ଟି ଦୁକ୍ବଗ୍ନି ମେହା ଆନାଦେରା, ହେ ଏଚେକ୍ ୱାରି କିୟାଟ୍, ଇନେସ୍ ହେୱାନ୍ତି ଜାଜ୍ମାଲ୍ ଆନି ସମୁତ ପା ଏପେଙ୍ଗ୍ ବେସି ୱାରିତ ୱାରୟା ଆନାଦେର । ୧୪ ଜଦି ଏପେଙ୍ଗ୍ କ୍ରିଷ୍ଟି ତର କାଜିଂ ନିନ୍ଦା ଆନାଦେର, ତାଆତିସ୍ ଏପେଙ୍ଗ୍ ଦନ୍ୟ, ଇନେକିଦେଂକି ଜାଜ୍ମାଲ୍ନି ଜିବୁନ୍, ଇତିସ୍ ଇସ୍ପୁରତି ଜିବୁନ୍, ମି ତାକେ ବାହା କିନାତା । ୧୫ ଲାଗିଂ ମି ବିତ୍ରେ ଇନେର ଚୁଶାକାନ୍, କି ମ୍ଫାକେନ୍, କି ନାସ୍ତିଆ କୁଲ୍ ଆ ଆଜି ତାଣ୍ଟ ବଗ୍ କିମେନ୍; ୧୬ ମାତର ଜଦି କ୍ରିଷ୍ଟିୟାନ୍ ଆତିଲେ ତାଣ୍ଟ ବଗ୍ କିନାନ୍, ତାଆତିସ୍ ହେୱାନ୍ ଲାଜ୍ କୁଇ କିମେନ୍, ନଲେ ଇ ତର କାଜିଂ ଇସ୍ପୁରତିଂ ପାର୍ତାନା କିନାସ୍ ।

୧୭ ଇନେକିଦେଂକି ଇସ୍ପୁରତି ଇଲ୍ତାଂ ହାଂଜି ବିଚାର୍ କିନି ସମୁ ଏକାଝାତାଡନା; ଆରେ ଜଦି ହିଗ୍ଦ ମା ତାଂ ହାଙ୍ଗ୍ତିସ୍, ବାଟିଙ୍ଗ୍ ଇମ୍ଫାକାର୍ ଇସ୍ପୁରତି ନେକ୍ରିକାବୁରତ ପାଟିଂ କିଉର୍ ତା ଆତିସ୍, ହେୱାନ୍ତି ହାରିହାରା ଦସା କି ଇନାକା ଆଉଡ୍ ! ୧୮ ଆରେ ଦାମ୍ ଲଗୁ

“ଜଦି କସ୍ତ ମୁକ୍ତି ପାୟାଆନାନ୍,

ବାଟିଙ୍ଗ୍ ଅଦାମ୍ ଆରି ପାପିର୍ ଦସା ଇନାକା ଆଉଡ୍ !”

୧୯ ଲାଗିଂ, ଇମ୍ଫାକାର୍ ଇସ୍ପୁରତି ଇଚାତ ଦୁକ୍ବଗ୍ କିନାନ୍, ହେୱାର୍ ପାଟିଂନି ଉପକାଶକାରୟାତି କେଇଦ ଜାର୍ ଜାର୍ ୱାସ୍ତିତ୍ ହେଲାୟ କିଜି ହାର୍ କାମାୟନି ଦ୍ୟାନ୍ତ ମାନେର ଇନେକିଦେଂକି ହେୱାନ୍ ନିତ୍ରେ ହେୱାନ୍ତି ପାର୍ମାଣ୍ ରାକ୍ୟା କିନାନ୍ ।



ଇସ୍ପୁରତି ମେଣ୍ଟାମାନ୍

୧ ଆନ୍ ରଝାଙ୍ଗ୍ ବୁଡାଲ୍ ଇସାପତାଂ ମି ମଣ୍ଟଲିନି ବୁଡାଲ୍ରିଂ ଗଝାରି କିଜି ଇନାଙ୍ଗା । ଲାଗିଂ, ରଝାନ୍ ହାଙ୍ଗ୍ଦି ପାର୍ତିନ୍ ଆରେ କ୍ରିଷ୍ଟି ଦୁକ୍ବଗ୍ନି ସାକି ଆରି ୱାରି ଜାଜ୍ମାଲ୍ନି ମେହାଣ୍ ଆଦିକାରି ଜେ ଆନ୍, ଆନ୍ ମି ବିତ୍ରେ ମାନି ବୁଡାଲ୍ରିଂ ଗଝାରି କିନାଙ୍ଗା, ୨ ଇସ୍ପୁର ମି କେଇଦ ଇମ୍ଫଣି ମେଣ୍ଟା ମାନ୍ଦାତିଂ ହେଲାୟ କିତାନ୍ନା, ଆନ୍ ଗଝାରି କିଦ୍ନାଙ୍ଗା, ଏପେଙ୍ଗ୍ ମାନ୍ହିଲାଦାଂ ହେଦାଂ କିଝାଦାଂ ୱାରିତାଂ ହେୱାରିଂ ଜାତୁନ୍ କିୟାଟ୍, ଦାନ୍ ଲାବ୍ଡି ଆହାତାଂ ହେଦାଂ କିଝାଦାଂ ହାଡ୍ପା ହେବା ମାନ୍ବାବନା ଲାହାଂ ମି କାମାୟ ଉପାୟ କିୟାଟ୍ । ୩ ଆରେ ଇମ୍ଫାକାର୍ ଦାଇଡ୍ ମି କେଇଦ ହେଲାୟ ଆତାଡନ୍ନା, ହେୱାର୍ ଜପି କିନିପାଣ୍ କିଝାଦାଂ ମାନ୍ଦା ୱାରିୟାତି ଲାକେ ଆଜି ହେଦାଂ କିୟାଟ୍ । ୪ ହେବେଣ୍ଟାଂ ମୁଡ୍ ପାଲକ୍ ହନି ସମୁତ ଏପେଙ୍ଗ୍ ଜାଜ୍ମାଲ୍ନି ମୁକୁଟ୍ ଗାଗାନାଦେର ଆରି ତାଦି ଝିଜୁଝି ମୁକୁଟ୍ ପାୟାନାଦେର ।

୫ ହେ ଲାକେ, ଏ ଦାଂଶାର୍, ଏପେଙ୍ଗ୍ ବୁଡାଲ୍ରିତ ତଲ୍ୟା ଆତୁ । ଝିଜାଦେର ହାରି କାଜିଂ ହୁଦାର୍ ବାଟିଂ ଆଜି ଉସ୍ପାଟ୍, ଇନେକିଦେଂକି “ସାସ୍ପୁରତ ଲେକାମାନାଡ୍ ଇସ୍ପୁର ଆକ୍ରିୟାତ୍ ବାଦା ହିଜି ହୁଦାର୍ ଲଗାତ୍ ଦୟା କିନାନ୍ ।” ୬ ଲାଗିଂ, ଇସ୍ପୁରତି ବାଡ୍କାସ୍ନି କେଇ ତାରେନ୍ ଜାର୍ ଜାର୍ତିଂ ତଲ୍ୟା କିୟାଟ୍, ଇନେସ୍ ହେୱାନ୍ ମିଂ ସମାନ୍ ଝେଡାଲିଂ ଉଡ୍ କିଦ୍ନାନ୍; ୭ ମିଦାଂ ଝିଜୁ ଚିତାନି କାଉଡ୍ ଇସ୍ପୁରତି ଜପି ତୁହିୟାଟ୍, ଇନେକିଦେଂକି ହେୱାନ୍ ମି କାଜିଂ ଚିତା କିନାନ୍ ।

୮ ଚେଡନା ଆଜି ଜାଗ୍ରତ୍ ମାନାଟ୍ । ମି ଆଣ୍ଟିପାକ୍ୟା ସୟତାନ୍ ସିହ୍ ଲାକେ ଗାର୍ଜାନ୍ କିଜି ଇନେରିଂ ଗୁହ୍ନାଡ୍, ଇଦାଂ ତେକ୍ତି ବୁଲାନାତା; ୯ ପାଟିଂ ତ ଡିର୍ ମାନ୍ଞି ସୟତାନ୍ତିଂ ବିରୁଦ୍ କିୟାଟ୍, ଆରେ ଇଦାଂ ପୁନାଟ୍ ଜେ, ଜଗଡ୍ତ ମାନି ମି ପାଟିଂ କିନି ଟଣ୍ଟାତ୍ କାଜିଂ ଇ ବାନି ଦୁକ୍ବଗ୍ ଗିଗାନାତା । ୧୦ କ୍ରିଷ୍ଟି ଲାହାଂ ମେହାଜି ତା ଝିଜୁଝି ଝିଜୁ ଦୟାନି ମୁଡ୍ଦାକାନ୍

☆ ୫:୭ ୫:୭ ଜହନ୍ ୨୧:୧୫-୧୭. ☆ ୫:୭ ୫:୭ ମାତିଡ ୨୩:୧୨; ଲୁକ ୧୪:୧୧; ୧୮:୧୪.

ଇମ୍ପାଣି ଇସ୍ଵର ଜାର୍ ଓଜ୍ଞି ଜାଜ୍ଫାଲ୍ତ ରଚେବାଗ୍ ଆନି କାଜିଂ କ୍ରିଷ୍ଟ ଜିସୁତି ହୁଦାଂ ମିଙ୍ଗେଙ୍ଗ୍ କୁକ୍ତାନ୍ନା, ହେୱାନ୍ ମିଦାଂ ଚାନେକ୍ ଦୁକ୍ତବଗ୍ ପାଚେ ମିଂ ବାତ୍, ସୁସ୍ତା, ବାଡ଼କାସ୍ ଆରି କୁଚିକିଦ୍ନାନ୍ ।^{୧୧} ବାଡ଼କାସ୍ ଜୁଗ୍ ଜୁଗ୍ ହେୱାନ୍ତି ରାଜ୍ ଆଏଡ଼ । ଆମେନ୍ ।

ହାରିହାରା ବନ୍ଦାୟ

^{୧୨} ✨ଇସ୍ଵରତି ହାଡ଼ପା ଉପକାର୍ ଜେ ଏଲେଂ ବାନି, ଇ ବିସ୍ତେ ସାକି ହିଜି ମିଂ ୱାରିକିୟ୍ କିଦ୍ନିଂ କାଜିଂ ସିଲ୍ଲାନ୍ତି ହୁଦାଂ ଆନ୍ ଅକର୍ତାଂ ଆକି ଲେକିକିତାଂ; ନା ବୁଜାନିତ ହେୱାନ୍ ରୱାନ୍ ପାତ୍ ନି ଟଣ୍ଡେନ୍ । ଏପେଙ୍ଗ୍ ଇ ଦୟାତ ସୁସ୍ତା ଆଜି ମାନାଟ୍ ।

^{୧୩} ✨ମି ଲାହାଙ୍ଗ୍ ବାଚିକିୟାତି ବାବିଲନ୍ନି ମଣ୍ଡୁଲି ଆରି ନା ଦାମ୍ ମାଜି ମାର୍କ ମିଙ୍ଗେଙ୍ଗ୍ ଜୁୱାର୍ ଜାଣାୟ୍ କିଦ୍ନାନ୍ ।

^{୧୪} କ୍ରିଷ୍ଟିୟାନ୍ ଜିଉନିତ ବାନ୍ଦାୟ୍ କିଜି ହାରିତିଂ ଜୁଆର୍ କିୟାଟ୍ ।

କ୍ରିଷ୍ଟତାକେ ମାନି ମି କାଜିଂ ସୁସ୍ତା ଆୟେଡ଼ ।

☆ **୫:୧୨** ୫:୧୨ ପକ୍ୟାତାକା ୧୫:୨୨,୪୦. ☆ **୫:୧୩** ୫:୧୩ ପକ୍ୟାତାକା ୧୨:୧୨,୨୫; ୧୩:୧୩; ୧୫:୩୭-୩୯; କଲସିୟ ୪:୧୦; ପିଲିମନ୍ ୧:୨୪.

ପିତରଙ୍କ ଦ୍ୱିତୀୟ ପତ୍ର ପିତରୁ ଲେଖିକିତି ଜେତି ଆକି ପିତରୁ ଜେତି ଆକି ବିସ୍ତେନି ପାଦେକ୍

ପିତରୁ ଜେତି ଆକି ଇନାତ୍ ଜେ, ଇ ଆକି ପକ୍ୟାତି ପିତରୁତି ହୁଦାଂ ଲେକା ଆତାନା । ମତର ନଂ ବେସି ପଣ୍ଡିତ୍ କୁର ଇଦାଂ ସତ୍ ଆକାୟ୍ ଇଞ୍ଜି ଇନାରା । ଆଜି ମାନଗାନାତ୍ ଇଦାଂ ବିନ୍ ଲଗୁ ପିତରୁତି ବାଦୁଲ୍ ଲେକିକିତାର୍ଣ୍ଣା । ଲେକିକିନାକାନ୍ ଇନାନ୍ ଜେ ହେଞ୍ଜାନ୍ ଜିସୁ କ୍ରିସ୍ତୁତି କାଣ୍ କୁତ ସାକି । ବେସିକିଜି ଜିସୁତି ବଦଲାନି ବିସ୍ତେ ଇନାନ୍ ୧:୧୭-୧୮ । ପିତରୁ ଇ ଆକି ଆଜି ମାନଗାନାତ୍ କ୍ରିସ୍ତୁତି ଜଲମ୍ ପାଚେ ୫୭-୬୯ ବିତ୍ରେ ହେଞ୍ଜାନ୍ ହାନି ଆଗେ ଲେକି କିତାନା । ପିତରୁ ପା ତା ଜେତି ଆକି ଇଞ୍ଜି ଇନାନ୍ । ପିତରୁତି ୧ ମ୍ ଆକି ଲେକି କିତି ପାଚେ ହେଞ୍ଜାନ୍ ଲେକାନି ସମୁତିଂ ବାହା ହିଜି ଇଦିଲିଂ ଜେତି ଆକି ଇଞ୍ଜି ଇନାନ୍ । ୧ ପିତରୁ ୩:୧

ୱିଜାର୍ କ୍ରିସ୍ତୁୟାନରିଂ ଇ ଟିକ୍ ଶା ହିତାନା । ପିତରୁ ପାତ୍ ନିକାରିଂ ସାସ୍ ଆରି ହାର୍ କିଜି ଜିଦେଂ ଆରି ମିତ୍ ଗୁରୁତାଂ ଦେହା ମାଞ୍ଜେକ୍ ଜାଗ୍ରତ୍ କିନି କାଜିଂ ଇ ଆକିତ ଲେକିକିନାନା ୨ ।

ଜିସୁ ଖାଦେଂ ଲାମା ସମୁ ମାନାତ୍ ଇନି ଲୁଗାଂ ମୁନା କିନାକାରିଂ ସାସ୍ ହିନାନା । ଇସ୍ବର କାଲେ ଆକାୟ୍ ମତରୁ ୱିଜାର୍ ଉଦାର ପାୟାନାର ଇଦାଂ ଇସ୍ବର ମାନକିନାନ୍ ୨ ପିତରୁ ୩:୮-୯ ଇଦାଂ ରଞ୍ଜାକ୍ ହାଦ୍ ଜିବୁନ୍ନିକା ୩:୧୪

୨ ପିତରୁ ଆକି ବିସ୍ତେନି ରାହାଣ

୧. ପିତରୁ ହେଞ୍ଜାନ୍ତି ଜାଣା ହିନାନା ଆରି ପଡ଼ି କିନାକାରିଂ ଟିକ୍ ଶା ହିନାନ୍ ୧:୧-୨

୨. ପାତ୍ କିନାକାରିଂ ହାଦ୍ ଜିବୁନ୍ ଜିପ୍କା କାଜିଂ ଏତ୍ କିୟ୍ କିନାନ୍, ଇନେକିଦେଂକି ଇସ୍ବର ମାଂ ବାଟି କିଡ଼ତାନନା ୧:୩-୧୧

୩. ହେଞ୍ଜାନ୍ ମିତ୍ ଗୁରୁରିଂ ହାରିହାରା ଷ୍ଟେଡାଲିଂ ହେଞ୍ଜାନ୍ତି ଇନେସ୍ ଗିଟାନାତ୍ ହେଦାଂ ଇନାନା ୨:୧-୨୨

୪. ପିତରୁ ଜିସୁକ୍ରିସ୍ତୁତି ଜେତି ଖାନାକା କାଜିଂ ଜାଲ୍ଦି ଆଜି ମାନଞ୍ଜି ହାର୍ ଜିବୁନ୍ କାଟି ଆନାକା ସାସ୍ ହିନାନ୍ ୩:୧-୧୭

୧ ସିମନ୍ ପିତରୁ, ଜିସୁ କ୍ରିସ୍ତୁତି ରଞ୍ଜାନ୍ ଆଡ଼ିଏନ୍ ଆରି ପକ୍ୟାତାକାନ୍, ମା ଇସ୍ବର ଆର ମୁକ୍ତି କାରିୟା ଜିସୁ କ୍ରିସ୍ତୁତି ଦାମ୍ ତ କାଜିଂ ଇମ୍ ଶାକାର୍ ମା ଲାହାକ୍ ସମାନ୍ ବାବ୍ରେ ଜବର୍ମଲ୍ନି ପାତ୍ ଗାଟା ଆଡ଼ତାଡନା, ହେଞ୍ଜାନ୍ତି ଲାଗେ ଆକି ଲେକିକିନାକା ।

୨ ଇସ୍ବର ଆରି ମା ମାପୁ ଜିସୁତି ବିସ୍ତେ ଗିଆନ୍ ହୁଦାଂ ମି କାଜିଂ ଉପକାର୍ ଆରି ସୁସ୍ତା ବେସିତାଂ ଆୟେଡ୍ ।

ଇସ୍ବରୁତି କୁକ୍ନାକା ଆରି ବାଟିକିନାକା

୩ ଇନେର୍ ଜାର୍ ଜାଜ୍ମାଲ୍ ଆରି ସତ୍ ଗୁଣ୍ଡତ ମାକ୍ କୁକ୍ତାତାନା, ହେଞ୍ଜାନ୍ତି ବିସ୍ତେ ଗିଆନ୍ ହୁଦାଂ ତା ଇସ୍ବରୁତି ସାକ୍ତି ମା ଜିବୁନ୍ତ ଆରି ଦାମ୍ ତାଂ କାଜିଂ ୱିଜୁ ଲଡାନି ବିସ୍ତେ ଦାନ୍ କିଡ଼ତାନନା । ୪ ତା ହୁଦାଂ ହେଞ୍ଜାନ୍ ମାକ୍ ଇକ୍ ଜବର୍ମଲ୍ ଆରି ବେସିମାନତି ପାର୍ମାଣ୍ ଦାନ୍ କିଡ଼ତାନନା, ଇନେସ୍ ହେ ସବୁ ହୁଦାଂ ଏପେକ୍ ବାନ୍ୟାଲ୍ଲୟା ଉପକାଣ୍ ଇମ୍ ଶି ବୁଡାନି ଜଗତ୍ତ ମାନାତ୍, ହେବେଣ୍ଡାଂ ରାକ୍ୟା ପାୟାଜି ଇସ୍ବରୁତି ମାନ୍ ବାବନାତ୍ ମେହାଣ୍ ଆଡୁ । ୫ ଆଁ, ଇ କାରଣ୍ଡାଂ ଏପେକ୍ ବେସି ଜାତୁନ୍ ଲାହାକ୍ ପାତ୍ ହୁଦାଂ ହାଡ଼ପାଗୁଣ୍, ହାଡ଼ପାଗୁଣ୍ ଲାହାକ୍ ଗିଆନ୍ କିୟାଟ୍, ୬ ଗିଆନ୍ ଲାହାକ୍ ମଦାନାକା, ମଦାନାକା ଲାହାକ୍ ସାସ୍, ସାସ୍ ଲାହାକ୍ ଦାରୁମ୍ ଜିଉ, ୭ ଦାରୁମ୍ ଜିଉ ଲାହାକ୍ ଟ୍ରେନ୍ ଲାଡ଼, ଆରେ ଟ୍ରେନ୍ ଲାଡ଼ ଲାହାକ୍ ଜିଉନନାକା ମେହାୟ୍ କିୟାଟ୍ । ୮ ଇ ସବୁ ମିତାକେ ବାତାତିସ୍ ମା ମାପୁ ଜିସୁ କ୍ରିସ୍ତୁତି ବିସ୍ତେ ଗିଆନ୍ ବାତ୍ ଲାବ୍ କିନି କାଜିଂ ମିଂ ହିଡ଼ି ଆରି ପଲ୍ୟା ଆଦେଂ ଆଉଡ୍ । ୯ ମତରୁ ଇସ୍ବରୁ ଇନେର୍ ତାକେ ହିଲୁଡ୍, ହେଞ୍ଜାନ୍ ଦେହାନଞ୍ଜର ଆଞ୍ଜାଦାଂ କାଣା ଆତାନା, ଆରେ ଜାର୍ ଆଗେ କିତି ପାପ୍ତାଂ ନିର୍ମଲ୍ ଆନି ବିସ୍ତେ ବାଣାଆତାନ୍ ।

୧୦ ଲାଗିଂ, ଏ ଟ୍ରେଡ୍ ଆରି ତଣ୍ଡେକାଦେର୍, ଏପେକ୍ ଜାର୍ ଜାର୍ କୁକ୍ତିନି ତାକେ ଆରି ବାଟିକିନିତାକେ ତିର୍ କିନି କାଜିଂ ଆଦିକ୍ ଜାତୁନ୍ ଆଡୁ; ଲାଗିଂ ଏଲେଂ କିତିସ୍ ଏପେକ୍ ଇନାଞ୍ଜାଡାଂ ପା ପାପ୍ କିଉଦେର୍, ୧୧ ଆରେ ଇ ବାନି ମା ମାପୁ ଆରି ମୁକ୍ତି କାରିୟା ଜିସୁ କ୍ରିସ୍ତୁତି ୱିଜୁ ରାଜିତ ମାନତାଂ ହଣ୍ଡେକ୍ ମିକ୍ ଇକ୍ ପୁରା ଆଦିକାର୍ ହିଦ୍ୟାନାତ୍ ।

୧୨ ଲାଗିଂ, ଏପେକ୍ ଜଦିପା ଇ ସବୁ ଷ୍ଟେଡାକ୍ ପୁନାଟ୍ ଆରି ଗାଟାତି ହାଡ଼ପାତ୍ ତିର୍କିୟା ଆତାଦେଣ୍ଡା, ଆତିସ୍ପା ଆନ୍ ଇ ସବୁ ବିସ୍ତେ ମିଂ ଏତୁ କିୟ୍ କିଦେଂ ନିତ୍ରେ ଜାଲ୍ଦି ଆଜି ମାନାକା । ୧୩ ମା ମାପୁ ଜିସୁ କ୍ରିସ୍ତୁ ନାକ୍ ଇନେସ୍ ଷ୍ଟେଡ଼ତାତାନା, ତାପାଚେ ସାକ୍ ନାକ୍ ଇ ଗାଗାଡ଼ ଲାକେ ସମାନ୍ ତୁମ୍ ଜେ ପିହ୍ୟା ଆନାତ୍, ୧୪ ମା ମାପୁ ଜିସୁ କ୍ରିସ୍ତୁ ନାକ୍ ଇନେସ୍ ଷ୍ଟେଡ଼ତାତାନା, ହେ ଇସାପ୍ରେ ବେଗି ନାକ୍ ଇ ଗାଗାଡ଼ ଲାକେ ତୁମ୍ ଜେ ରଡ଼ନାକା ଆନାତ୍ ୧୫ ଆରେ ନା ହାଟିପାଚେ ଏପେକ୍ ଇ ୱିଜୁ ବିସ୍ତେ ଇନେସ୍ ନିତ୍ରେ ଏତୁଡ଼ ତାହିଞ୍ଜାଦେଂ ଆଡନାଦେର୍, ଇଦାଂ କାଜିଂ ଆନ୍ ଜାତୁନ୍ କିନାକା ।

କ୍ରିଷ୍ଟି ପାଶ୍ଚି ସାକି

୧୭ ଇନେକିଦେଂକି ଆସେଙ୍ଗ୍ ଏଚେକାଡ଼ଦ ମା ମାପୁ ଜିସୁ କ୍ରିଷ୍ଟି ସାକ୍ତି ଆରି ଖାନାକା କାତା ମିଙ୍ଗେଙ୍ଗ୍ ଖେଚ୍ଚାତାପ, ହେ ଏଚେକାଡ଼ଦ ଚାତୁର ଲାହାଙ୍ଗ୍ ହାନ୍ଦାୟକିତି ଇମ୍ଫଣାକା ପା କାତା ଆହ୍‌ଝାଦାଂ ମାଚାପ, ମତର ହେଝାକ୍ତି ପାଶ୍ଚି କାଶ୍ଚୁତାଂ ସାକି ଆଜି ମାଚାପ । ୧୭ ଲାଗିଂ ଏଚେକାଡ଼ଦ ବେସି ଜାଜମାଲ୍ ବିତ୍ରେତାଂ ହେଝାକ୍ତି କାଜିଂ ଇ କାତା ଆତାଡ଼, “ଏ ମା ଖାରିନି ମାଜି, ଇଝାକ୍ତି ତାକେ ମା ରଞ୍ଜାଙ୍ଗ୍ ମତର ସତକ୍, ହେ ଏଚେଝେଡ଼ାଲିଂ ହେଝାନ୍ ଆବା ଇସ୍‌ସୁରତାଂ ଖାରି ଆରି ଜାଜମାଲ୍ ପାୟା ଆତାନ୍ ।” ୧୮ ଆପେଂ ତା ଲାହାଙ୍ଗ୍ ପୁଇପୁୟା ମାଡ଼ିତ ମାନିଝେଡ଼ାଲିଂ ନିଜେ ଆକାସ୍‌ତାଂ ହତ୍‌ତି ଇ କାତା ଖେଚାପ ।

୧୯ ଇବେଣ୍ଡାଂ ବେଶ୍‌ବାକ୍‌ଶାୟକିନାକାର୍‌ତି ବେଶ୍‌ବାକ୍‌ଶାୟ ମା ଲାଗେ ଆଦିକ୍ ଆଟ୍‌ଝା ଆତାନ୍; ଏପେଙ୍ଗ୍ ହେଦାଂ ମାଜଗା ବାହାତ ଅଜଡ଼ ଆଜି ମାନି ବୈଟା ଲାକେ ବାବି କିଜି କୁଜୁକ୍ଟେପା ଆଝି ପାତେକ୍ ଆରି ମି ମାନ୍ତ ଅଜଡ଼ ହୁକା ହତ୍‌ଝି ପାତେକ୍ ହେଦାଂ କାଜିଂ ମାନ୍‌ଦିଆନ୍ କିତିସ୍ ହାର୍ ଆନାଡ଼ । ୨୦ ଆଗେ ଇଦାଂ ପୁନାଟ୍ ଜେ, ସାସ୍‌ସୁରିନି ଇମ୍ଫଣାକା ପା ବେଶ୍‌ବାକ୍‌ଶାୟ ଇନେର ଜାର ବୁଦିତ ବୁଜାଦେଂ ଆଡୁଦେର, ୨୧ ଇନେକିଦେଂକି ଇମ୍ଫଣାକା ପା ବେଶ୍‌ବାକ୍‌ଶାୟ ଇନାଝେଡ଼ାଂ ପା ମାନାୟ ଇଚାତାଂ ଉବ୍‌ଜାଣ୍ ଆଝାତାନ୍, ମତର ଇସ୍‌ସୁର ପକ୍ତିତି ମନାୟାର ପୁଇପୁୟା ଜିବୁନ୍ ଲାହାଙ୍ଗ୍ ଚାଲା ଆଜି କାତା ଇଞ୍ଜି ମାଚାଦେର ।

୨

ବାମ୍‌ତାୟକିନି ଗୁରୁ

୧ ମାତର ମାନାୟାର ବିତ୍ରେ ଚାକ୍ରାୟକିନି ବେଶ୍‌ବାକ୍‌ଶାୟକିନାକାର୍ ପା ହତ୍‌ନାର୍; ହେ ଲାକେ ମି ବିତ୍ରେ ପା ଚାକ୍ରାୟକିନି ହିକ୍‌ସାକିନାକାର୍ ହତ୍‌ନାର୍; ହେଝାର ବୁଡାନିଜଗତ୍‌ତ ବାନ୍‌ସା ମାନ୍ତ ଡକ୍ଟି ଚାଲାୟ କିଜି ହେଝାରିଂ କଡ଼ନାକାନ୍ ମାପୁଙ୍ଗ୍ ଆଁ ମାନିକିଉର, ଆରେ, ଜାର୍‌ତିଂ ମାନିକିଝାକା ଗିଟାନାଡ଼ । ୨ ଆରେ, ଆଦେକ୍ ହେଝାର୍‌ତି ବାନ୍‌ସାକାମାୟତ ତଲ୍ୟା ହାନାର୍, କାତାତ ଇଝାତ କାଜିଂ ହାଡ଼ପା ହାଜି ନିନ୍‌ସା କିତାର୍ । ୩ ହେଝାର୍ ଦନଲବ୍‌ତ ଚାକ୍ରାୟକାତା ହୁଦାଂ ମିତାଂ ଟାକାଂଲବ୍ କିଦେଙ୍ଗ୍ ସେସ୍‌ସୁ କିନାର୍; ହେଝାର୍‌ତି ତାଣ୍ ବେସି କାଡ଼ଦାଂ ଗିଟାଜି ଖାନାତା ଆରି ବେସିଦିନ୍‌ତାଂ ଇସ୍‌ସୁର ହେଝାର୍‌ତି ବିଚାର୍ କିତାନ୍‌ନା ଆରେ ହେଝାର୍‌ତି ହାକିନି ଦିନ୍ ଝାତାତେ ।

୪ ଇନେକିଦେଂକି ଇସ୍‌ସୁର ପାପତ ମୁଟାପି ଦୁତକ୍‌କାଂ କେମା ହିଝାଦାଂ ନରକ୍‌ତ ତୁହିଜି ବିଚାଣ୍ଟା କାଜିଂ ମାଜଗାନି କୁଇଦ ହିକ୍‌ଡ଼ିଂ ତାଙ୍ଗ୍ ଗାଟି ଇଡ଼ତାନ୍ନା ୫ ଇସ୍‌ସୁର ପୁନି ଜଗଡ଼ତିଙ୍ଗ୍ ପା ପିହ୍‌ଝାତାନ୍, ମାତର କେବଲ୍ ଦାରୁମ୍ ସୁଶାୟକିନାକାର୍ ନହତିଂ ବିନ୍ ସାଡ଼ ଜାଣ୍ ଲାହାଙ୍ଗ୍ ରାକ୍ୟା କିଜି ଦାରୁମ୍‌ବାମ୍‌ତାୟ ଜଗଡ଼ତ ଏସ୍‌ଚାଲାନାକା ଗିଟାୟକିତାନ୍; ୬ ତା ପାତେ ଇସ୍‌ସୁର ସଦମ୍ ଆରି ଗମରା ଗାଡ଼ସ୍‌ବୁତିଂ ନିସ୍‌ତ ମାଜି କିଜି ବାତ ଚେଚେ ବୁଡାଦେଂ କାଜିଂ ଦାଣ୍ ବଲ୍ ହିତାନ୍ ଆରି ହେଝାରିଂ ଖାନି କାଡ଼ଦ ଅଦାମ୍ ଡି ଉତ୍‌ରମ୍‌ଡ଼ ଲାକେ କିତାନ୍, ୭ ଆରେ, ହେଝାନ୍ ବିଦିହିଲ୍‌ଝାକାରିଂ ବାନ୍‌ସାକାମାୟତ ପୁରା ବେବାର୍ ପିସ୍ତି ଦାମ୍ ଲଟିଂ ଇସ୍‌ସୁର ରାକ୍ୟା କିତାନ୍, ୮ ଲାଗିଂ ହେ ଦାମ୍ ଲକୁ ହେଝାର୍‌ତି ବିତ୍ରେ ବାହା କିଜି ହେଝାର୍‌ତି ବାନ୍‌ସା କାମାୟ ହୁଡ଼ଜି ଆରି ଝେନ୍‌ଞ୍ଜି ନିତ୍ରେ ଜାର ଦାରୁମ୍‌ନିକାର୍ ପାରାଶ୍‌ତ କସ୍‌ସ୍ ବଗ୍ କିତାର୍ । ୯ ଇବାନି ମାପୁ ଦାରୁମ୍‌ନିକାରିଂ ପରିକ୍ୟାତାଂ ରାକ୍ୟା କିଦେଙ୍ଗ୍ ଆରେ, ଅଦାମ୍ ଚିଂ, ବେସି ଇମ୍ଫଣାକାର୍ ଗାଗାଡ଼ନି ବାନ୍‌ସା ଆହାତ ଚାଲା ଆଜି ପିସ୍ତେଙ୍ଗ୍ ମାନି କିଉର, ହେଝାରିଂ ବିଚାର୍ ଦିନ୍ କାଜିଂ ତାଣ୍‌ନି ତାରେନ୍ ଇଡ଼ଦେଂ ପୁନାର୍ । ୧୦ ହେଝାର୍ ପାଣ୍ଡାଝାକାର୍ ଆରି ଜାର୍‌ତିଂ ବାନ୍‌ସା ହୁଡ଼ନାକାର୍ ଆଜି କାବାନି ସାକ୍ତିନିକାରିଂ ଗାଗାଡ଼ ନିନ୍‌ସା କିଦେଙ୍ଗ୍ ପାଣ୍ଡା ଆଉର, ୧୧ ଆତିସ୍‌ପା ଆଦିକ୍ ସାକ୍ତି ଆରି ବାପୁନି ଦୁଡ଼ତର ମାପୁତି ଲାଗେ ନିନ୍‌ସା କିଜି ହେଝାର୍‌ତି ବିଚାଣ୍ଟା କିଉନ୍ । ୧୨ ଆହ୍‌ସାଜି ରାସ୍ୟାଦେଂ ଇମ୍ଫଣି ପସ୍‌ତି ଜଲମ୍, ହେଝାଙ୍ଗ୍ ଲାକେ ଇ ଚାକ୍ରାୟଗୁରୁର କେବଲ୍ ବାନ୍‌ସା ହୁଦାଂ ଚାଲାନାର୍ । ଇମ୍ଫଣି ବିସ୍ତେ ବୁଜାଉର, ହେଦେଲିଂ ହେଝାର୍ ନିନ୍‌ସା କିତାର୍ । ମାତର ହେଝାର୍ ରାନ୍‌ତି ପସ୍‌ସୁର ଲାକେ ନାସ୍ ଆନାର୍ । ୧୩ ଆରେ, ଅନ୍‌ସାୟ ବାର୍ତ୍ତାନ୍ ଲାକେ ଅଦାମ୍ ନି ପାଡ଼ ବଗି କିନାର୍, ହେଝାର୍ ଝେଡ଼ାଲିଂ ଆତାରେ ମାଞ୍ଜେଙ୍ଗ୍ ସୁକ୍ ପାୟାନାର୍, ଆରେ ପ୍ରାଲ୍ ଆରି ନିନ୍‌ସାନିକାନ୍ ଆଜି ମି ଲାହାଙ୍ଗ୍ ଡିନାଉଶାତ ସୁକ୍ ପାୟାନି ସମୁତ ଜାତ ବାମ୍‌ଶ୍ଟାନି ହାନ୍ଦାୟତ ନିନ୍‌ସାର୍ । ୧୪ ହେଝାର୍‌ତି କାଶ୍‌କା ଦାରି କଗଲେତ ବାତ ଆଜି ପାପ୍‌ତାଂ ଟେବା ଆଉର, ହେଝାର୍ ଡିରକାଡ଼ରୁଦି ଲକୁରିଂ ଦାନ୍ ଲାବ୍‌ଡ଼ି କିନାର୍, ହେଝାର୍‌ତି ମାନ୍ ଦାନ୍‌ଲାବ୍‌ତ ବିପ୍ତି, ହେଝାର୍ ସାଏପ୍‌ନି ହିମ୍‌ଶାଙ୍ଗ୍, ୧୫ ହେଝାର୍ ଆଡ଼ଝା ହାଜି ପିସ୍ତି ଅଦାମ୍ ତ ହାଚାଣ୍ଟା । ବିୟରନି ମାଜି ବିଲିୟାମ୍ ହାଜି ହେଝାର୍ ତା ପାତେ ହାଚାଣ୍ଟା । ହେଝାନ୍ ବାନ୍‌ସା କାମାୟ କିଜି ତାରୁଙ୍ଗ୍ ଲାବ୍ କିଦେଙ୍ଗ୍ ଜିଉନତାର୍; ୧୬ ମାତର ହେଝାନ୍ ଜାର ଅପ୍‌ରାଦ୍ କାଜିଂ ଗଡ଼ ଝେଚାନ୍, ରଞ୍ଜାଙ୍ଗ୍ ବଇରି ଗଦ ମାନାୟ ସୁଆତ କାତା ତନ୍‌ଞ୍ଜି ବେଶ୍‌ବାକ୍‌ଶାୟକିନାକାକ୍ତି ହତ୍‌ନାକାଦ୍‌ଲିଂ ଚିମ୍‌ରା କିତାନ୍ ।

୧୭ ଇ ଚାକ୍ରାୟ ଗୁରୁର ଝାଟି ଜାରାଣ୍ ଲାକେ ଆରି ଡକ୍ଟି ଚାଲାନି ବାଦାଡ଼ ଲାକେ । ଇସ୍‌ସୁର ଇଝାର୍ କାଜିଂ ବେସି ମାଜଗାନି କୁଇ ବାହା ରଚ୍‌ଚାନ୍‌ନା । ୧୮ ଇନେକିଦେଂକି ହେଝାର୍ ପଲ୍ୟା ଆକାର୍ କାତା ତନ୍‌ଞ୍ଜି ବାମ୍‌ଶ୍ଟାନି ପଲ୍ୟା କାରାପ୍‌ତାଂ ବେଜେକ୍ ଉଦାର୍ ପାୟାତି ଲକୁରିଂ ଗାଗାଡ଼ନି ସୁକ୍‌ଲାଲ୍‌ସାତ ବାନ୍‌ସାକାମାୟ ହୁଦାଂ ଲକାର୍ ଲବ୍ କିନାର୍; ୧୯ ହେଝାର୍ ହେଝାରିଂ ଜାର୍‌ତାରେନି ପାର୍‌ମାଣ୍ ହିନାନ୍, ମାତର ନିଜେ ବୁଡାନି ଆଡ଼ୟା ଆତାନ୍ନା; ଇନେକିଦେଂକି ଇନେର ଇନାକା

ହୁଦାଂ ଆରାମାର, ହେୱାନ ହେବେନି ଆଡ଼ିଏନ୍ । ୨୦ ଲାଗିଂ ହେୱାର ଜଦି ମାପୁ ଆରି ମୁକ୍ତି କିଦ୍ଦି ଜିସୁ କ୍ରିସ୍ଟି ବିସ୍ତେ ଗିଆନ୍ ହୁଦାଂ ଜଗତ୍‌ନି ବିଚାଡ଼ତାଂ ରାକ୍ୟା ପାୟାଜି ଆରେରଗ ହେବେ ଗାଟ୍ୟାଜି ଆରା ଆତିସ୍, ତା ଆତିସ୍ ହେୱାର୍‌ତି ପର୍ତ୍ତୁମ୍ ଦସା ବାଟା ହାରିହାରା ଦସା ଆଦିକ୍ ବାନ୍ୟା ଆନାଡ଼ । ୨୧ ଇନେକିଦେଂକି ଦାମ୍ ହାଜି ପୁଞ୍ଜି ଜାର୍ ଲକୁ ଲାଗାଂ ହେଲ୍ଲାୟ୍ ଆତି ପୁଞ୍ଜପୁୟା ବଲ୍‌ତାଂ ବିନ୍‌ମୁମ୍ ଆନି ବାଟା ନଲେ ହେ ହାଜି ପୁନ୍‌ୱାକା ହେୱାର୍‌ତି ପାକ୍ୟାତ ହାରା ଆତାମ୍ । ୨୨ ହେୱାର୍ କାଜିଂ ଇନାକା ଗିଟାଡ଼ନା ହେବେତାଂ ଇ ଉତ୍‌ର୍‌ମୁଡ଼ ଇନାକାର୍‌ତି ହାଡ଼ପା ଆନାତା । “ନିକୁଡ଼ ଇନାକା କାକ୍‌ନାଡ଼, ହେଦେଲିଂ ଆରେ ତିନାଡ଼, ପାଞ୍ଜିତିଂ ନୁସ୍‌ତିସ୍‌ପା ପାଟେ ଆରେ ଚିକ୍‌ଲତ ଚାକ୍‌ଟା ଆଗାନାଡ଼ ।”

୩

ମାପୁତି ଖାନାକା ପାର୍ମାଣ୍

୧ ଏ ଖାରିନିକାଦେର୍, ଆନ୍ ନଂ ମି ଲାଗେ ଇ ଜେତି ଆକି ଲେକିକିନାଜା, ଜେତି ଆକିତ ଇ ସବୁ ବିସ୍ତେ ଏଡୁକିଜି ମି ମାତ୍ର ହାର୍‌କା ଚିନ୍ତା କାଜିଂ ତାଇଖାନି କାଜିଂ ସେସ୍ତୁ କିତାଙ୍ଗନା । ଇଦାଂ କାଜିଂ ଜେତି ଆକିତ ଆନ୍ ମିଲେଙ୍ଗ୍ ହେ ସବୁ ଏଡୁ କିଜି ମି ସରଲ୍ ମାନତିଂ ରିସା କିଦେଙ୍ଗ୍ ସେସ୍ତୁ କିନାଜା ୨ ଏପେଙ୍ଗ୍ ଇନେସ୍ ପୁଞ୍ଜପୁୟା ବେଶ୍‌ବାକ୍‌ଶାୟ୍‌କିନାକାତ୍ ହୁଦାଂ ଆଗେ କାଡ଼ଦ ଇତି ବଚନ୍‌ନିଂ ଆରେ ମିଦାଂ ପକ୍ୟାତାକାର୍ ହୁଦାଂ ଇଞ୍ଜି ମାନି ମାପୁ ଆରି ମୁକ୍ତି କିଡ଼ତି ବଲ୍‌କୁ ଏଡୁତ ଇଟାଟ୍ । ୩ ✽ଆକ୍‌ତୁ ଇଦାଂ ପୁନାଟ୍ ଜେ, ହାରିହାରା କାଡ଼ଦ ଜାର୍ ଜାର୍ ଲାଲ୍‌ସା ହୁଦାଂ ବେବାର୍‌କାୟା ହାଡ଼ପାତିଂ ଗୁଞ୍ଜି କେବଲ୍ ଜାର୍ ଇଟାତ ବାନ୍ୟା କାମାୟ୍ ହୁଦାଂ ତାଙ୍ଗନାର୍, ୪ ଜିସୁତି ଖାନାକା ପାର୍ମାଣ୍ ଆମେଡ଼ ? “ଇନେକିଦେଂକି ଆବା ଲାତ୍ରାର୍ ହାଡ଼ି ସମୁତାଂ ଇ ପାଟେକ୍ ସମୁ ବିସ୍ତେ ଉଦ୍‌ଜାଣିନି ହାଙ୍ଗ୍‌ତିତାଂ ଇନେସ୍ ମାଟାଡ଼, ହେ ଲାକେ ମାନାଡ଼ ।” ୫ ହେୱାର୍ ପୁନ୍‌ଞ୍ଜି ପୁନ୍‌ଞ୍ଜି ବାଶାନାର୍ ଇନେର୍, ପର୍ତ୍ତୁମ୍ ଇସ୍‌ବର୍ ବଲ୍ କିତାନ୍, ଆରି ଆକାସିଂ ଆରି ପୁତ୍ ଉଦ୍‌ଜାଣ୍ ଆତାଡ଼ । ପୁତ୍ ଏଲ୍ ବିତ୍ରେତାଂ ହସି ଏଲ୍‌କାଂ ମେଙ୍ଗ୍‌ୟାଜି ମାଟାଡ଼ । ୬ ଆରେ ହେୱାନ ହୁଦାଂ ହେ ପ୍ଲାନି କାଡ଼ନି ଜଗଡ଼ ଏସ୍‌ତ ବଡ଼ା ଆଜି ନାସ୍ ଆତାଡ଼; ୭ ମାତର୍ ନଙ୍ ଇମ୍‌ଣି ଆକାସ୍ ମଣ୍‌ଲି ଆରି ପୁତ୍ ମାନାଡ଼, ହେଦାଂ ଇସ୍‌ବର୍‌ତି ଡିଗା ବଲ୍ ହୁକେ ନାଣିତ ନାସ୍ ଆନି କାଜିଂ ଇଟ୍ୟାତାଡ଼ନା । ଇମ୍‌ଣି ଷ୍ଟେଡାଲିଂ ଅଦାମ୍ ବିଚାର୍‌କିୟାଜି ନାସ୍ ଆନାର୍, ହେ ଦିନ୍ ପାଟେକ୍ ହେଦାଂ ଜାତୁନ୍ ଆଜି ମାନଗାନାଡ଼ ।

୮ ମାତର୍ ଏ ଖାରିନିକାଦେର୍, ମାପୁ ଲାଗେ ର ଦିନ୍ ଜେ ହାଜାର୍ ବାହୁଁ ଲାକେ ଆରି ହାଜାର୍ ବାହୁଁ ଜେ ର ଦିନ୍ ଲାକେ, ଇ ବିସ୍ତେ ଏପେଙ୍ଗ୍ ପର୍‌ମାଟ୍ ।

୯ ମାଲାନାତା ଇଞ୍ଜି ଇନେସ୍ ଏଟେକ୍ ବାବିକିନାର୍, ମାପୁ ଜାର୍ ପାର୍ମାଣ୍ ବିସ୍ତେ ହେ ଲାକେ ମାଲାୟ୍ କିଡନ୍; ମାତର୍ ଇନେସ୍ ଇନେର୍ ବୁଡାମେର୍, ନଲେ ଝିଜାର୍ ମାନ୍‌ବାଦ୍‌ଲାୟ୍ କିନାର୍, ଇଦାଂ ମାନି କିଜି ହେୱାନ ନିତ୍ରେ ମି କାଜିଂ ଲାମାହୁଦାର୍ ଆନାନ୍ ।

୧୦ ✽ମାପୁତି ଦିନ୍ ଚର୍ ଲାକେ ଇକାଖାନାଡ଼ । ହେ ଦିନ୍ ଆକାସିଂ ବେସିଗାଜ୍ରାନାକା ଲାହାଙ୍ଗ୍ ବୁଡା ଆନାଡ଼, ଆରେ ଜାର୍‌ତି ଆଡ଼ମାଡ଼ ସବୁ ବେସି କେଡ଼ତିତ ରୁଗ୍‌ଜି ହାନାଡ଼ ଆରି ପୁତ୍ ତ ମାନି ଝିଜୁ ଉଦ୍‌ଜାଣ୍ ବୁଡା ଆନାଡ଼ । ୧୧ ଏପେଙ୍ଗ୍ ମାପୁତି ଦିନ୍ତ କାସି ମାନି ଷ୍ଟେଡାଲିଂ, ହେଦାଂ ଇନେସ୍ ବେଗି ଖାନାଡ଼, ଇଦାଂ କାଜିଂ ନିଜ୍‌ତିଂ ପୁଞ୍ଜପୁୟା କିଜି ଜାଲ୍‌ଦି କିୟାଟ୍ । ହେ ଦିନ୍ ଆକାସିଂ ତାହାଜି ବୁଡାନାଡ଼ । ଆକାସ୍‌ନି ହୁକାଂ ବେସି କେଡ଼ତିତ ରୁଗ୍‌ଜି ହାନିକ୍ । ୧୨ ଜଦି ଇ ଲାକେ ସବୁ ବିସ୍ତେ ବୁଡାନାଡ଼, ଖାଟିଂ ବାବି କିଜି ହୁଡାଟ୍, ମିଦାଂ ଜିବୁନ୍ ଇନେସ୍ ଆନାକା ମାନାଡ଼ । ହେଦାଂ ପୁଞ୍ଜପୁୟା ଆରି ଇସ୍‌ବର୍ ଜିଉନି ଆନାକା ରଞ୍ଜାଙ୍ଗ୍ ମାତର୍ ଲଡ଼ା ଏପେଙ୍ଗ୍ ମାପୁତି ଦିନ୍ତ କାସି ମାନି ଷ୍ଟେଡାଲିଂ, ହେଦାଂ ଇନେସ୍ ବେଗି ଖାନାଡ଼, ଇଦାଂ କାଜିଂ ନିଜ୍‌ତିଂ ଜାଲ୍‌ଦି କିୟାଟ୍ । ହେ ଦିନ୍ ଆକାସିଂ ତାହାଜି ବୁଡାନାଡ଼ । ଆକାସ୍‌ନି ହୁକାଂ ବେସି କେଡ଼ତିତ ରୁଗ୍‌ଜି ହାନିକ୍ । ୧୩ ଆସେଙ୍ଗ୍ ହେୱାନ୍ତି ପାର୍ମାଣ୍ ଇସାପ୍ରେ ର ପୁନି ଆକାସିଂ ଆରି ପୁନି ପୁତ୍ ନି କାନିତାକେ ମାନାପ, ଇନାକା ଦାମ୍‌ତି ବାହାକିନାକା ଆନାଡ଼ ।

୧୪ ଲାଗିଂ, ଏ ଖାରିନିକାଦେର୍, ଏପେଙ୍ଗ୍ ଇ ଝିଜୁ ବିସ୍ତେ କାସି ମାଟିଲେ ଇସ୍‌ବର୍‌ତି ଲାଗେ ଇନେସ୍ ପ୍ରାଲ୍‌ଖାଦାଂ ଆରି ନିନ୍‌ଦାଖାଦାଂ ସୁସ୍ତାତ ମାନାକା ହୁଡ଼ୟାନାଡ଼, ଇଦାଂ କାଜିଂ ଜାତୁନ୍ କିୟାଟ୍; ୧୫ ଆରେ, ମା ମାପୁତି ଲାମାହୁଦାର୍ ମୁକ୍ତି ଇଞ୍ଜି ଗିଆନ୍ କିୟାଟ୍ । ମା ଖାରିନି ଟଣ୍ଡେନ୍ ପାଉଲ୍ ପା ଜାତ୍ ହିଡ଼ତି ଗିଆନ୍ ଇସାପ୍ରେ ମି ଲାହାଙ୍ଗ୍ ହେ ଲାକେ ଲେକିକିତାନ୍ନା । ୧୬ ହେୱାନ ଜାତ୍ ଝିଜୁ ଆକିତ ପା ଇସ୍‌ବୁ ବିସ୍ତେ ଲେକି କିଜି ହେବାନି ଇନାନ୍; ହେ ସବୁନି ଏଲେଂ ଏଟେକ୍ ବିସ୍ତେ ମାନିକ୍, ଇନାକାକି ବୁଜାଦେଂ କସ୍, ଆରେ ହିକାଞ୍ଜିତି ଡିକାଡ଼ବୁଦି ଲଗୁ ଜାର୍ ଜାର୍ ବୁଡାନି କାଜିଂ ଆଦେକ୍ ଝିଜୁ ସାସ୍‌ବର୍ ଇନେସ୍, ହେ ଝିଜୁନି ପା ହେ ଲାକେ ଅରାହିଲ୍‌ଝି ଅରଡ଼ କିନାର୍ ।

୧୭ ଲାଗିଂ, ଏ ଖାରିନିକାଦେର୍, ଏପେଙ୍ଗ୍ ପୁର୍ବେତାଂ ଇସ୍‌ବୁ ପୁନ୍‌ଞ୍ଜି ଜାଗଡ଼ ଆଜି ମାନାଟ୍, ଏଟେକାଡ଼ଦ ବିଦିହିଲ୍‌ଖାକାର୍‌ତାଂ ବାମ୍‌ଶ୍ଟାୟ୍ ଆଜ୍ ଏପେଙ୍ଗ୍ ପା ଜାତ୍ ଆଟ୍‌ଖାତାଂ ଲେମ୍‌ନାଦେର୍, ୧୮ ନଲେ ମା ମାପୁ ଆରି

✽ ୩:୩ ୩:୩ ଜିହୁଦା ୧:୧୮. ✽ ୩:୧୦ ୩:୧୦ ମାତିଉ ୨୪:୪୩; ଲୁକ ୧୨:୩୯; ୧ ତେସ୍‌ଲନିକି ୫:୨; ହଡ଼ତି ୧୨:୧୫.

ମୁକ୍ତିକିମାକାନ୍ ଜିସୁ କ୍ରିଷ୍ଟି ଉପକାର୍ ଆରି ଗିଆନ୍ତ ଗାଜା ଆଡୁ । ନଂ ଆରି ଓଢ଼ି କାଡ଼୍ ପାତେକ୍ ହେଝାନ୍ତି ଜାଜ୍ମାଲ୍ ଆଏଡ଼୍ । ଆମେନ୍ ।

ଯୋହନଙ୍କ ପ୍ରଥମ ପତ୍ର ଜହନ୍ତି ପର୍ତୁମ୍ ଆକି ୧ ଜହନ୍ ଆକିନି ପାଦେକ୍

ପର୍ତୁମ୍ ଜହନ୍ ଜିସୁକ୍ରିଷ୍ଟି ଜଲମ୍ ପାଚେ ୫୦ ତା° ୧୦୦ ବିତ୍ରେ ପକ୍ୟାତି ଜହନ୍ତି ହୁଦା° ଲେକା ଆତାନ୍ । ଜହନ୍ ଜାତୀ° ଲେକିକିନାକାନ୍ ବାବ୍ରେ ଜାଣା ହିଉନା, ମାତର୍ ପର୍ତୁମ୍ ପାଟ୍ତ ହେୱାନ୍ ଜିସୁକ୍ରିଷ୍ଟି ଜିବୁନ୍ ଆରି ଆରେ ନି°ନାକା ହେୱାନ୍ କାଣ୍ଟୁନି ସାକି ଇଞ୍ଜି ଜାଣା ହିନାନା ୧:୧-୩ । ପର୍ତୁମ୍ ଜହନ୍ନି ଲେକାନି ହାତୁର୍ ଜହନ୍ ଲେକିକିତି ନେକ୍ରିକାବୁର୍ନି ଲେକା ହାତୁର୍ ହୁଦା° ବେସି ଲାଗା° ଚଞ୍ଜାନାତ୍ । ଇଦା° ପାତ୍ କିଆନାତ୍ ଜେ ଏଚେକାତ୍ତ୍ତ୍ ହେୱାନ୍ ଏପିସିତ ମାଚାନ ହେ ଜହନ୍ ଲେକିକିତି ନେକ୍ରିକାବୁର୍ ଆରି ଜହନ୍ତି ତିନି ଗଟା ଆକି° ଲେକିକିଜି ମାଚାନ ୧ ଜହନ୍, ଜେତି ଜହନ୍ ଆରି ୩ ଜହନ୍ ।

ଗିଆନିର୍ ଇନ୍ୟାନି ର କୁଦା ଲକୁରି° ମଣ୍ଟୁଲି ଇଲ୍ଲିନି ଓଜାର୍ କ୍ରିସ୍ଟିୟାନିର୍ ଇ ଆକି ଲେକିକିଜି ମାଚାନ । ହେୱାର୍ ପାତ୍ କିନାର୍ ଜେ, ଜିସୁ କ୍ରିସ୍ଟି ହାତ୍ପା ବାତ୍ ଇସ୍ପର୍ ଆନାନ୍ ମାତର୍ ଜଗତ୍ତ୍ ମାନି ଷ୍ଟେଡାଲି° ହେୱାନ୍ ବାତ୍ ରଚେ ଜେୟ୍ ଆସ୍ତି ମାନାୟ୍ ଆକାୟ୍ । ଜହନ୍ ଜିସୁ କ୍ରିଷ୍ଟି କାଣ୍ଟୁନି ସାକି ଆରି ହେୱାନ୍ତି କେଇ ହେୱାନି° ତୁଜି ମାଚିଲେ ହେୱାନ୍ ଇଦା° ଲେକିକିନାକା ୧:୧-୩ । ଇନେକିଦେ°କି ଜହନ୍ ଇ ଆକି ଲେକିକିଦେ° ଇଦା° ଜେ, ହେୱାନ୍ତି ୱାରି ବାତ୍ କିଦେକ୍ ୧ ଜହନ୍ ୧:୪ଆରି ପାତ୍ ମାନାକାରି° ପାପ୍ତା° ଦେହା ମାଞ୍ଜେକ୍ ୧ ଜହନ୍ ୨:୧ଆରି ମିର୍ ହିକ୍ୟାତା° ପାତ୍ ନିକାରି° ଜାଗ୍ରତ୍ ଇଡ୍ଦେ° ୧ ଜହନ୍ ୨:୨୨ଆରେ ପାତ୍ ନିକାରି° ହାତ୍ପା ଜାଗ୍ରତ୍ରେ ଇଡ୍ଡନାତ୍ ଇଞ୍ଜି ୫:୧୩

୧ ଜହନ୍ ଆକି ବିସ୍ତେନି ରାହାଣ

- ୧. ଜହନ୍ ହେୱାନ୍ତି ଆକିନି ଜାଣା ହିଜି ଲେକାନି ବିସ୍ତେ ଲେକିକିନାକା ୧:୧-୪
- ୨. ଇସ୍ପର୍ ଇନେସ୍ ଅଜଡ୍ ବୁଜାୟ୍ କିଜି ଜିସୁତି ଲାକେ ଜିବୁନ୍ କାଟି କିଦେକ୍ ଇନାନ୍ ୧:୫-୩:୧୦
- ୩. ମାଞ୍ଜେକ୍ ହାରି ଜିଉନି ବିସ୍ତେ ଏଡ୍ କିଜି ହିନାନ୍ ୩:୧୧-୫:୧୨
- ୪. ହେୱାନ୍ତି ଲେକା ଓହ୍ନାନ୍ ୫:୧୩-୨୧

ଜିବୁନ୍‌ହିନି ବଚନ୍

୧ ଆଗେତା° ଇନେର୍ ମାଚାନ, ଇନେର୍ତି ବଚନ୍ ଆସେକ୍ ଷ୍ଟେଚାପ୍ନା, ଇନେରି° ନିଜ୍ କାଣ୍ଟୁତାକ୍ ହୁଡ୍ତାପ୍ନା, ଇନେରି° ଇଚ୍ଚକାତ୍ କିତାପ୍ନା ଆରି ଜାର୍ କେଇଦାକ୍ ତୁଡାପ୍ନା, ହେ ଜିବୁନ୍ ଲାକେ ବଚନ୍ ବିସ୍ତେ ଜାଣାୟ୍ କିଦ୍ନାପା ।
 ୨ ହେ ଜିବୁନ୍ ଚଞ୍ଜୟାତାନ୍, ଆରେ ଆପେ° ହୁଡ୍ତାପ୍ନା ଆରି ସାକି ହିନାପା; ଇମ୍ଣି ଓଜ୍ଝି ଜିବୁନ୍ ଆବା ଲାହାକ୍ ନିତ୍ରେ ମାଚାନ ଆରେ ମା କଚଣ୍ ହଡ୍ତାକା, ହେୱାନ୍ତି ବିସ୍ତେ ମିଞ୍ଜେକ୍ ଷ୍ଟେଚାପ୍ନାପା । ୩ ଇନାକା ଆପେ° ହୁଡ୍ତାପ୍ନା ଆରି ଷ୍ଟେଚାପ୍ନା, ହେଦା° ମିଞ୍ଜେକ୍ ପା ଷ୍ଟେଚାପ୍ନାପା, ଇନେସ୍କି ଏପେକ୍ ପା ମା ଲାହାକ୍ ମେହାଆଦେ° ଆଡ୍ଦାନାଦେର୍; ଆରେ ମା ମେହାଆନାକାନ୍ ଆବା ଇସ୍ପର୍ ଆରି ତା ମାଜି ଜିସୁ କ୍ରିଷ୍ଟି ଲାହାକ୍ ମାନାତ୍ ।
 ୪ ମା ୱାରି ଇନେସ୍କି ପୁରା ଆନାତ୍, ଇଦା° କାଜିକ୍ ଆପେ° ଇ ଓଜ୍ଝି ଲେକିକିନାପା ।

ଇସ୍ପର୍ତି ଅଜଡ୍

୫ ଆପେ° ତା ତାକେଣ୍ଟାକ୍ ଇମ୍ଣି ନେକ୍ରିକାବୁର୍ ଷ୍ଟେଚାପ୍ନା ଆରି ମିଞ୍ଜେକ୍ ଷ୍ଟେଚାପ୍ନାପା, ହେଦା° ଇସ୍ପର୍ତି ଅଜଡ୍ ଆରେ ତା ତାକେ ମାଜ୍ଗା ହିଲ୍ଲୁଡ୍ । ୬ ତା ଲାହାକ୍ ଆସେକ୍ ମେହାଆନାକା ମାନାତ୍, ଇଦା° ଇଞ୍ଜି ଜଦି ଆସେକ୍ ମାଜ୍ଗାନି ବେବାର୍ କିନାସ୍, ତା ଆତିସ୍ ଆସେକ୍ କାତାତ ଆରି କାମାୟ୍ତ ମିଚ୍ଝାକାସ୍, ଆରେ ହାତ୍ପା ବେବାର୍ କିଜିମାନ୍ତୁସ୍ । ୭ ମାତର୍ ହେୱେନ୍ ଇନେସ୍କି ଅଜଡ୍ନିକାନ୍ ଆସେକ୍ ଜଦି ହେ ଲାକେ ଅଜଡ୍ନି ବେବାର୍ କିନାସ୍, ଲାଗି° ମାଦା° ହାରି ମେହାଣ୍ ମାନାତ୍, ଆରେ ହେୱାନ୍ତି ମାଜି ଜିସୁତି ନେତେର୍ ଓଜ୍ଝି ପାପ୍ତା° ମାଞ୍ଜେକ୍ ସକର୍ କିଦ୍ନାତ୍ ।

୮ ମାଦା° ପାପ୍ ହିଲ୍ଲୁଡ୍, ଇଦା° ଜଦି ଇନାସ୍, ତା ଆତିସ୍ ଜାର୍ ଜାର୍ତିକ୍ ମିର୍ ଇନାସା, ଆରେ ମା ତାକେ ସଡ୍ ଆକାୟ୍ । ୯ ଜଦି ଆସେକ୍ ଜାର୍ ଜାର୍ତିକ୍ ପାପ୍ ମାନି କିନାସ୍, ଲାଗି° ହେୱାନ୍ ମା ପାପ୍ କେମା କିଦେକ୍ ଆରି ଓଜ୍ଝି ଅଦାମ୍ ତା° ମାଞ୍ଜେକ୍ ସକର୍ କିଦେକ୍ ପାତ୍ ଆରି ନ୍ୟାୟ୍ କାରିୟାର୍ ଆତାନ୍ । ୧୦ ଆପେ° ପାପ୍ କିଞ୍ଚାତାପ୍ନା, ଇଦା° ଜଦି ଇନାସ୍, ତା ଆତିସ୍ ଆସେକ୍ ତାଞ୍ଜେକ୍ ମିଚ୍ଝା ଇନାସ୍, ଆରେ ତା ତାକେ ହିଲ୍ଲୁଡ୍ ।

୨

ରାକ୍ୟାକାରିୟା ଜିସୁ

☆ ୧:୧ ୧:୧ ଜହନ୍ ୧:୧.

୧୧ ଏ ନା ହିମ୍ମତ୍ତା ଏପେକ୍ଷା ଇନେସ୍ ପାପ୍ କିମାଟ୍, ଇଦାଂ କାଜିଂ ଆନେକ୍ ଇ ଓଜୁ ଫି ଲାଗାଂ ଲେକିକିନାକ୍ । ମାତର୍ ଇନେର୍ ଜଦି ପାପ୍ କିନାନ୍, ତା ଆତିସ୍ ଆବା ଲାଗାଂ ମାଦାଂ ରକାନ୍ ଉପକାର୍ ନିକାନ୍ ମାନାନ୍ ହେ ଦାମ୍ ଜିସୁ କ୍ରିସ୍ଟୁ । ୨ ଆରେ ମା ପାପ୍ କାଜିକ୍, କେବଲ୍ ମା ପାପ୍ କାଜିକ୍ ଆକାୟ୍, ମତର୍ ସବୁ ଜଗତ୍ ନି ପାପ୍ କାଜିକ୍ ପା ଜିବୁନ୍ ହିନାକା ଲାକେ ଆନାନ୍ ।

୩ ଜଦି ଆସେକ୍ ତା ବଲ୍ ମାନି କିନାସ୍, ତେବେ ହେବେଶ୍ଟା ପୁନାସ୍ ଜେ, ଆସେକ୍ ତାକେକ୍ ପୁରାସ୍ନା । ୪ ତା ବଲ୍ ମାନି କିମାଦାଂ ତାକେକ୍ ପୁନାକ୍ ଇଞ୍ଜି ଇନେନ୍ ଇନାନ୍, ହେଖେନ୍ ମିଟ୍ତା ଆରି ତାତାକେ ସତ୍ ହିଲୁଡ୍; ୫ ମାତର୍ ଇନେର୍ ତା ବଚନ୍ ମାନି କିନାନ୍, ତା ତାକେ ଇସ୍ପୁର୍ତି ଜିଉନନାକା ହାତ୍ପା ଲାକେ ହାଦାକା ଆତାଡ୍ନା । ଇଦାଂ କାଜିକ୍ ଆସେକ୍ ପୁନାସ୍ ଜେ, ଆସେକ୍ ତା ତାକେ ମାନାସ୍ । ୬ ଇନେର୍ ଇସ୍ପୁର୍ତି ତାକେ ମାନାନ୍ ଇଞ୍ଜି ଇନାନ୍, ହେଖାନ୍ ଜିସୁ କ୍ରିସ୍ଟୁ ଲାକେ ଜିବୁନ୍ ଜିପକା କିନି ଲଡା ।

ପୁନି ବଲ୍

୭ ✧୪ ୱାରିନିକାଦେର୍, ଆନେକ୍ ଫି ଲାଗାଂ ଇମ୍ମଣାକାପା ପୁନି ବଲ୍ ଲେକିକିତକ୍, ମତର୍ ଆଗେତାଂ ଇମ୍ମଣି ପୁନି ବଲ୍ ଏପେକ୍ଷା ପାୟା ଆତାଦେଶ୍ଟା, ହେଦାଂ ଲେକିକିନାକା; ଇମ୍ମଣି ବଚନ୍ ଏପେକ୍ଷା ଖେଟାଦେଶ୍ଟା, ହେଦାଂ ନେ ହେ ପୁନି ବଲ୍ । ୮ ମାତର୍ ଇଦିଲିଂ ର ପୁନି ବଲ୍ ଲାକେ ଇବେ ଆନ୍ ଲେକିକିନାକା, ଇଦାଂ ତା ତାକେ ଆରି ମି ତାକେ ହାତ୍ପା ଇଞ୍ଜି ହନାଡ୍ । ଇନେକିଦେଂକି ମାଜଗା ଗୁରାଆନାତା ଆରି ହାତ୍ପା ଅଜଡ୍ ହତାତେ ।

୯ ଇନେର୍ ଜାର୍ ଟଣ୍ଡେନିକ୍ ଗିଶ୍ କିଜି ଇନାନ୍ ଜେ ହେଖାନ୍ ଅଜଡ୍ତ ମାନାନ୍, ହେଖାନ୍ ଇ ପାତେକ୍ ପା ମାଜଗାତ ମାନାନ୍ । ୧୦ ଇନେର୍ ଜାର୍ ଟଣ୍ଡେନିକ୍ ଜିଉନନାନ୍, ହେଖାନ୍ ଅଜଡ୍ତ ମାନକ୍ମାନାନ୍, ଆରେ ତା ତାକେ ଉଜ୍ଜନାକା ବିସ୍ତେ ହିଲୁଡ୍ । ୧୧ ମତର୍ ଇନେନ୍ ଜାର୍ ଟଣ୍ଡେନିକ୍ ଗିଶ୍ କିନାନ୍, ହେଖେନ୍ ମାଜଗାତ ମାନାନ୍, ଆରେ ମାଜଗାତ୍ ବୁଲା ଆଜି ଇମ୍ମିନିପଣ୍ଟା ହାନାନା, ହେଦାଂ ପୁନୁନ୍, ଇନେକିଦେଂକି ମାଜଗା ତା କାଶ୍ଗାତିକ୍ କାଶା କିତାଡ୍ନା ।

୧୨ ଏ ଇସ୍ପୁର୍ତି ହିମ୍ମତ୍ତାକାଦେର୍, ଆନେକ୍ ଫି ଲାଗାଂ ଲେକିକିନାକା, ଇନେକିଦେଂକି ତା ତର୍ କାଜିକ୍ ଫି ପାପ୍ କେମା ଆତାଡ୍ନା । ୧୩ ଏ ଆବାକାଦେର୍, ଆନେକ୍ ଫି ଲାଗାଂ ଲେକିକିନାକା, ଇନେକିଦେଂକି ଇନେନ୍ ଆଗେତାଂ ମାନାନ୍, ହେଖେନିକ୍ ଏପେକ୍ଷା ପୁନାଦେରା । ଏ ବେଶ୍ଟାକାଦେର୍, ଆନେକ୍ ଫି ଲାଗାଂ ଲେକିକିନାକା, ଇନେକିଦେଂକି ଏପେକ୍ଷା ସୟତାନତାଂ ଜିତା ଆତାଦେଶ୍ଟା ।

୧୪ ହିମ୍ମତ୍ତାକାଦେର୍, ଆନେକ୍ ଫି ଲାଗାଂ ଲେକିକିନାକା, ଇନେକିଦେଂକି, ଏପେକ୍ଷା ଆବାକ୍ ପୁରାଦେଶ୍ଟା । ଏ ଆବାକାଦେର୍ ଆନେକ୍ ଫି ଲାଗାଂ ଲେକିକିନାକା, ଇନେକିଦେଂକି ଇନେନ୍ ଆଗେତାଂ ମାନାନ୍, ହେଖେନିକ୍ ଏପେକ୍ଷା ପୁରାଦେଶ୍ଟା । ଏ ବେଶ୍ଟାକାଦେର୍, ଆନେକ୍ ଫି ଲାଗାଂ ଲେକିକିତାକ୍, ଇନେକିଦେଂକି ଏପେକ୍ଷା ବାପୁକାଦେର୍ ଆରେ ଇସ୍ପୁର୍ତି ବଚନ୍ ମି ତାକେ ମାନାଡ୍ ଆରି ଏପେକ୍ଷା ସୟତାନତାଂ ଜିଶା ଆତାଦେଶ୍ଟା ।

ଜଗତ୍ ଜିଉ ନମାଟ୍

୧୫ ଜଗତ୍ କି ହେବେ ମାନି ବିସ୍ତେ ଓଜାରିଂ ଜିଉ ନମାଟ୍ । ଇନେର୍ ଜଦି ଜଗତ୍ତିକ୍ ଜିଉନନାନ୍, ଆବାକ୍ ଜିଉନନାକା ତା ତାକେ ହିଲୁଡ୍; ୧୬ ଇନେକିଦେଂକି ଗାଗାଡ୍ନି ଆହା କାଶ୍ଗାନି ଆହା ଦାନ୍ ଗରବ୍ ଜଗତ୍ତ ମାନି ଇ ଓଜୁ ବିସ୍ତେ ଆବାତାଂ ଆକାୟ୍, ମାତର୍ ପୁତ୍ ତାଂ ଉବ୍ଜାଶ୍ ଆଜି ମାନକ୍ମାନାଡ୍ । ୧୭ ଆରେ, ଜଗତ୍ତିକା ଆରି ହେବେ ଆହା ହିଲ୍ଡିତିସ୍, ମାତର୍ ଇନେର୍ ଇସ୍ପୁର୍ତି ଇଚା ମାନି କିତାଡ୍, ହେଖେନ୍ ନିତ୍ରେ ଓଜ୍ଝିନିକାନ୍ ।

କ୍ରିସ୍ଟି ସାତୁ

୧୮ ଏ କାଡ୍ଦେର୍, ହାରିହାରା କାଡ୍ ଏକା ୱାତାତେ, ଆରେ ଚାକ୍ରାୟ୍ କ୍ରିସ୍ଟୁ ଇଞ୍ଜି ଏପେକ୍ଷା ଇନେସ୍ ଖେନ୍ଞି ମାଟାଦେର୍ ହେ ଲାକେ ନକ୍ ପା ବେସି ଚାକ୍ରାୟ୍ କ୍ରିସ୍ଟୁ ନିକ୍ତାରେ; ଇଦାଂ କାଜିକ୍ ଆସେକ୍ ପୁରାପନା ଜେ, ହାରିହାରା କାଡ୍ ଇକାଞ୍ଜାତାତେ । ୧୯ ହେଖାନ୍ ମା ବିତ୍ରେତାଂ ହତାଡ୍, ମାତର୍ ହାତ୍ପା ମା ଦଲ୍ ନି ଲକୁ ହିଲ୍ଡାତାଡ୍; ଇନେକିଦେଂକି ଜଦି ମା ଦଲ୍ ନି ଲକୁ ଆଜି ମାଟିସ୍, ଆତିସ୍ ମା ଲାହାକ୍ ମାନଗାତାଡ୍ମା; ମାତର୍ ହେଖାନ୍ ଜେ ମା ଦଲ୍ ନି ଲକୁ ଆକାୟ୍, ଇଦାଂ ଇନେସ୍ କି ହତ୍ନାଡ୍ ଇଦାଂ କାଜିଂ ହେଖାନ୍ ହସି ହାଚାଡ୍ ।

୨୦ ଆରେ ଏପେକ୍ଷା ହେ ପୁଇପୁୟା ମାନାୟ୍ତାଂ ସିରି ପାୟାଆତିଲେ ଏପେକ୍ଷା ଓଜୁ ଗିଆନ୍ ପାୟା ଆତାଦେଶ୍ଟା । ୨୧ ଏପେକ୍ଷା ସତ୍ ପୁନ୍ଝାଦାକ୍ ମାଟିଲେ ଆନେକ୍ ଜେ ମି ଲାଗାଂ ଲେକିକିତାଂ, ହେଦାଂ ଆକାୟ୍, ମାତର୍ ଏପେକ୍ଷା ହାତ୍ପା ପୁନ୍ଝି ମାଟିଲେ ଲେକିକିନାକା । ଆରି ହାତ୍ପାତାଂ ଇନାକା ମିଟ୍ ଉବ୍ଜାଶ୍ ଆଉଡ୍ ଇଞ୍ଜି ପୁନ୍ଝି ମାଟିଲେ ଆନେକ୍ ମି ଲାଗାଂ ଲେକିକିତାକ୍ ।

୨୨ ଜିସୁ ଜେ କ୍ରିସ୍ଟୁ ଆନାନ୍, ଇଦାଂ ଇନେର୍ ମୁନାକିନାନ୍, ତା ଲାକେ ଆରେ ମିଟ୍ତା ଇନେର୍ ? ଇନେର୍ ଆବା ଆରି ମାଜିକ୍ ମୁନାକିନାନ୍, ହେଖେନ୍ ତ ହେ ଚାକ୍ରାୟ୍ କ୍ରିସ୍ଟୁ । ୨୩ ଇନେର୍ ମାଜିକ୍ ମୁନାକିନାନ୍ ହେଖେନ୍ ଆବାକ୍ ଗାଟା ଆଞ୍ଜାତାନ୍ନା; ଇନେନ୍ ମାଜିକ୍ ଏତୁ କିନାନ୍; ହେଖେନ୍ ଆବାକ୍ ପା ଗାଟାଆତାନ୍ନା ।

✧ ୨:୭ ୨:୭ ଜହନ୍ ୧୩:୩୪.

୨୪ ଏପେଙ୍ଗ ଆଗେ ତାଙ୍ଗ ଇନାକା ୱେଚାଦେଣ୍ଟା. ହେଦାଂ ମି ତାକେ ମାନେଡ଼ । ଏପେଙ୍ଗ ଆଗେ ତାଙ୍ଗ ଇନାକା ୱେଚାଦେଣ୍ଟା, ହେଦାଂ ଜଦି ମି ତାକେ ମାନାଡ଼, ତା ଆତିସ୍ ଏପେଙ୍ଗ ପା ମାଜି ଆରି ଆବାତି ତାକେ ମାନଙ୍ଗାନାଦେର୍ ।

୨୫ ଆରେ ହେଝେନ୍ ମାଙ୍ଗେଙ୍ଗ ଇନାକା ପାର୍ମାଣ୍ କିଡ଼ତାନନା, ହେଦାଂ ଓଜ୍ଝି ଜିବୁନ୍ ।

୨୬ ଇନେରକି ମିଂ ଚାକ୍ରାୟ୍ କିଦେଙ୍ଗ ସେସ୍ କିଡ଼ାର୍, ହେଝାର୍ ବିସ୍ତେ ଆନେଙ୍ଗ ମି ଲାଗାଂ ଇ ଓଜ୍ଝି ଲେକିକିତାଂ ।

୨୭ ମାତର୍ ଏପେଙ୍ଗ ହେଝାନତାଙ୍ଗ ଇମ୍ଣି ସିଗ୍ ଗାଟାତାଦେଣ୍ଟା, ହେଦାଂ ମି ତାକେ ମାନାଡ଼, ଆରେ ଇନେର୍ ଜେ ମିଙ୍ଗେଙ୍ଗ ହିକ୍ୟା ହିଦ୍ନାନ, ଇଦାଂ ମିଙ୍ଗେଙ୍ଗ ଲଡ଼ା ଆକାୟ୍, ମତର୍ ହେଝାନତାକେଣ୍ଟା ହେ ସିଗ୍ ମିଙ୍ଗେଙ୍ଗ ଓଜ୍ଝି ବିସ୍ତେ ଇମ୍ଣି ହିକ୍ୟା ହିଦ୍ନାନ, ହେଦାଂ ହାଡ଼ପା ଆନାଡ଼; ମିର୍ ଆକାୟ୍; ଲାଗିଂ ହେ ହିକ୍ୟା ଇସାବ୍ରେ ହେଝାନତାକେ ମାନେଡ଼ ।

୨୮ ଲାଗିଂ, ଏ ବପାକାଦେର୍, କ୍ରିସ୍ଟି ତାକେ ମେହାଜି ମାନାଟ୍, ଇନେସ୍ କି ହେଝେନ୍ ଏଚେକାଡ଼ଦ୍ ହଡ଼ନାଡ଼, ହେ ପାଦ୍ନା ତା ଖାନି ସମୁତ ତା କଚଣ୍ଡ ଆସେଙ୍ଗ ଲାଜା ଆଝାଦାଙ୍ଗ୍ ସାସ୍ ପାୟାମାସ୍ । ୨୯ ହେଝାନ ଦାମ୍ ନିକାନ୍ ଇଦାଂ ଜିଜି ପୁନାଦେର୍ ତେବେ ଇନେର୍ ଦାରୁମ୍ ବେବାର୍ କିନାର୍, ହେଝାନ ଜେ ତାତାଂ ଜଲମ୍, ଇଦାଂ ପା ପୁନାଟ୍ ।

୩

ଇସ୍ପୁରତି ମାଜି

୧ *ହୁଡ଼ାଟ୍, ଆବା ମାଙ୍ଗେଙ୍ଗ ଇନେସ୍ ଜିଉନଦ୍ନାନା ଜେ, ଆସେଙ୍ଗ ଇସ୍ପୁରତି ହିମ୍ଣାଙ୍ଗ ଇଞ୍ଜି ତାକ୍ପୁଟା ଆନାସ୍, ଆରେ ଆସେଙ୍ଗ ହେଦାଂ ନେ ଆନାସ୍ । ଇଦାଂ କାଜିଙ୍ଗ୍ ଜଗଡ଼ ମାଙ୍ଗେଙ୍ଗ୍ ଚିନ୍ କିଦୁତା, ଇନେକିଦେଂକି ହେଦାଂ ତାଙ୍ଗେଙ୍ଗ୍ ଚିନ୍ କିଝାଦାଙ୍ଗ୍ ମାଟାଡ଼ । ୨ ଏ ଖାରିନିକାଦେର୍, ନଂ ଆସେଙ୍ଗ୍ ଇସ୍ପୁରତି ହିମ୍ଣା ଆତାସ୍ନା, ଆରେ ଆସେଙ୍ଗ୍ ଇନାକା ଆନାସ୍, ହେଦାଂ ନଙ୍ଗ୍ ପାତେକ୍ ହଡ଼ଝାତାଡ଼ନା । ଆସେଙ୍ଗ୍ ପୁନାସ୍ ଜେ, ହେଝାନ ଏଚେକାଡ଼ଦ୍ ହଡ଼ନାନ, ହେ ପାଦ୍ନା ଆସେଙ୍ଗ୍ ତା ଲାକେ ଆନାସ୍, ଇନେକିଦେଂକି ହେଝେନ୍ ଇନେସ୍ କି, ଆସେଙ୍ଗ୍ ହେ ଲାକେ ତାଙ୍ଗେଙ୍ଗ୍ ହୁଡ଼ନାସ୍ । ୩ ଆରେ ଇନେରକି ଦାମ୍ ତାବେ ଇ ବାସ୍ ଇଡ଼ତାନ୍ନା, ହେଝେନ୍ ଇନେସ୍ କି ପୁଇପୁୟା ଆତାନ୍ନା, ହେଝେନ୍ ହେ ଲାକେ ଜାର୍ ତିଙ୍ଗ୍ ପୁଇପୁୟା କିନାନ ।

୪ ଇନେରକି ପାପ୍ କିନାନ, ହେଝେନ୍ ପା ବିଦି ବଲ୍ ମାନି କିଉନ୍, ଇନେକିଦେଂକି ବିଦି ମାନିକିଝାକା ନେ ପାପ୍ । ୫ ଇଦାଂ ଏପେଙ୍ଗ୍ ପୁନାଟ୍ ଜେ କ୍ରିସ୍ଟ ଆଗେ ପାପ୍ ପିଣ୍ଡି ଅଦେଂ ଝାତାନ୍, ଆରେ ତା ତାକେ ପାପ୍ ହିଲୁଡ଼ । ୬ ଇନେରକି ତା ତାକେ ମାନଙ୍ଗାନାନ୍, ହେଝେନ୍ ପାପ୍ କିଉନ୍; ଇନେରକି ପାପ୍ କିନାନ, ହେଝେନ୍ ତାଙ୍ଗେଙ୍ଗ୍ ହୁଡ଼ଝାତାନ୍ନା, କି ତାଙ୍ଗ୍ ପୁନ୍ଝାତାନ୍ନା ।

୭ ଏ କାଡ଼ଦେର୍, ଇନେର୍ ମିଙ୍ଗେଙ୍ଗ୍ ବୁଲ୍କାୟ୍ କିଦ୍ମେନ୍; ଇନେର୍ ଦାମ୍ ବେବାର୍ କିନାନ, ହେଝେନ୍ ଇନେସ୍ କି ଦାମ୍ ଆନାନ, ହେଝେନ୍ ହେ ଲାକେ ଦାମ୍ ଆନାନ; ୮ ଇନେର୍ ପାପ୍ କିନାନ, ହେଝେନ୍ ସୟ୍ତାନତାଂ ହଡ଼ତାକାନ୍, ଇନେକିଦେଂକି ସୟ୍ତାନ ପର୍ଡୁମ୍ ପାପ୍ କିଜି ଝାନାତା । ସୟ୍ତାନତି କାମାୟ୍ କିନି କାଜିଙ୍ଗ୍ ଇସ୍ପୁରତି ମାଜି ଚଞ୍ଜିୟା ଆତାନ୍ ।

୯ ଇନେରକି ଇସ୍ପୁରତି ତାଂ ଉବ୍ଜାଣ୍, ହେଝେନ୍ ପାପ୍ କିଉନ୍, ଇନେକିଦେଂକି ଇସ୍ପୁରତି ମାଜି ତା ତାକେ ମାନଙ୍ଗାନାନ୍, ଆରେ ହେଝେନ୍ ଇସ୍ପୁରତାଂ ଉବ୍ଜାଣ୍ ଆତିଲେ ପାପ୍ କିଦେଙ୍ଗ୍ ଆଡୁନ୍ । ୧୦ ଇବେ ଇନେର୍ ଇସ୍ପୁରତି ହିମ୍ଣାଂ ଆରି ଇନେର୍ ସୟ୍ତାନତି ହିମ୍ଣା ଇଦାଂ ହଡ଼ନାଡ଼; ଇନେରକି ଦାମ୍ ବେବାର୍ କିଉନ୍, କି ଜାର୍ ପାତ୍ କିନି ଟଣ୍ଡେନ୍ ଆରି ତଣ୍ଡେକକାଂ ଜିଉନଉନ୍, ହେଝେନ୍ ଇସ୍ପୁରତାଂ ଉବ୍ଜାଣ୍ ଆକାୟ୍ ।

ରଝାନ୍ ଆରେ ରକାନିଂ କାଜିଂ ଜିଉନନାକା

୧୧ *ରଝାନ୍ ଆରେ ରଝାନିଂ ଜିଉନନାକା, ଇ କାତା ଏପେଙ୍ଗ୍ ଆଗେତାଂ ୱେଚାଦେଣ୍ଟା; ୧୨ ସୟ୍ତାନ ଜିବୁନ୍ନି ହିମ୍ଣା ଜେ କୟିନ, ତା ଲାକେ ଆମାଟ୍ ହେଝେନ୍ ଜାର୍ ଟଣ୍ଡେନିଙ୍ଗ୍ ଅସ୍ତାନ୍; ଆରେ ହେଝେନ୍ ହେଝାନିଂ ଇନେକିଦେଂ ଅସ୍ତାନ୍ ? ଇନେକିଦେଂକି ଇଦାଂ ଇନେସ୍ ତା କାମାୟ୍ତ ପାପ୍ ମାଟାଡ଼, ଆରେ ତା ଟଣ୍ଡେନି କାମାୟ୍ ଦାମ୍ ମାଟାଡ଼ ।

୧୩ ଏ ଟଣ୍ଡାର୍ ଆରି ତଣ୍ଡେକ୍ ପୁତ୍ ମିଙ୍ଗେଙ୍ଗ୍ ଗିଣ୍ କିଡ଼ତିସ୍ କାବା ଆନି କାମାୟ୍ କିମାଟ୍ । ୧୪ ଜଦି ଆପେଂ କ୍ରିସ୍ଟିୟାନ୍ ଟଣ୍ଡେନ୍ ଆରି ତଣ୍ଡେକାଂ ଜିଉନନାପା ଆପେଂ ପୁନାପ୍ ଜେ, ଆସେଙ୍ଗ୍ ହାକିତଂ ନାସି ହାଲ୍ଜି ଜିବୁନ୍ତ ହଟାସନା । ଇନେର୍ ଜିଉନଉର୍ ହେଝାନ ନଂ ପା ହାକି ତାରେନ୍ ମାନାର୍ । ୧୫ ଇନେରକି ଜାର୍ତିଂ କ୍ରିସ୍ଟୁଙ୍ଗ୍ ପାତ୍ କିନାକାନ୍ ଟଣ୍ଡେନ୍ ଆରି ତଣ୍ଡେକକାଂ ଗିଣ୍ କିନାନ, ହେଝେନ୍ ନାର୍ ଅହ୍ନାକାନ୍ ଆରେ ନାର୍ ଅହ୍ନାକାନ୍ ତାକେ ଇନେସ୍ ଓଜ୍ଝି ଜିବୁନ୍ ମାନଗୁଡ଼, ଇଦାଂ ଏପେଙ୍ଗ୍ ପୁନାଟ୍ । ୧୬ ହେଝାନ ମା କାଜିଂ ଜାର୍ ଜିବୁନ୍ ଦାନ୍ କିନି କାଜିଙ୍ଗ୍ ଆସେଙ୍ଗ୍ ଜିଉନନି ଚିନ୍ଲାକେ ଗାଟାଆତାସନା; ଆରେ କ୍ରିସ୍ଟ ଟଣ୍ଡାର୍ କାଜିଂ ମାଦାଙ୍ଗ୍ ପା ପାରାଣ୍ ଦାନ୍ କିନାକା ଲଡ଼ା । ୧୭ ମାତର୍ ଇନେର୍ ଜଗଡ଼ି ବାବ୍ରେ ମାଜାନ୍ ଆଜି ଜାର୍ ଟଣ୍ଡେନିଂ ଅବାବ୍ ହୁଡ଼ତିସ୍ ହେଦାଂ କାଜିଂ ଜାର୍ ଦୟା ଗେହ୍ନାନ, ତା ତାକେ ଇସ୍ପୁରତି ଜିଉନନାକା ଇନେସ୍ ମାଞ୍ଜେଙ୍ଗ୍ ଆଡ଼ନାଡ଼ ? ୧୮ ଏ ହିମ୍ଣାଂ, ଝାଡୁ, ଆସେଙ୍ଗ୍ ବଚନ୍ତ କି ୱେୟ୍ଲତ ଜିଉନଝାଦାଂ କାମାୟ୍ତ ଆରି ହାଡ଼ପାତ ଜିଉନନାସ୍ ।

☆ ୩:୧ ୩:୧ ଜହନ୍ ୧:୧୨. ☆ ୩:୫ ୩:୫ ଜହନ୍ ୧:୨୯. ☆ ୩:୧୧ ୩:୧୧ ଜହନ୍ ୧୩:୩୪. ☆ ୩:୧୪ ୩:୧୪ ଜହନ୍ ୫:୨୪.

ଇସ୍ଵରୁତି ମାନିତାକେ ସତ୍ ସାସ୍

୯୯ ତା ଆତିସ୍, ଆସେଙ୍ଗ୍ ପୁନାସ୍ ଜେ, “ହାଡ଼ପା” ନେ ମା ମାନାକା ଆରି ଏନେତେନେ ଆଖାଦାଂ ମାନ୍ତ ଇସ୍ଵର ଲାଗାଂ ହାଞ୍ଜେଙ୍ଗ୍ ଆଡ଼ନାସ୍ । ୧୦୦ ଆରେ ଇମଣି ବିସ୍ତେ ମା ମାନ୍ତ ମାଙ୍ଗ୍ ଦସି କିଦ୍ନାଡ଼, ହେ ବିସ୍ତେ ତାକାଜିଂ ହେଞ୍ଜାନ୍ତି ମୁମ୍ଦ ଜାର୍ତି ଇଚାତ ସୁସ୍ତା କିଦେଙ୍ଗ୍ ଆଡ଼ନାସ୍; ଇନେକିଦେଂକି ଇସ୍ଵର ମା ମାନ୍ତାଙ୍ଗ୍ ଗାଜା ଆରି ହେଞ୍ଜାନ୍ ଝିଜେ ପୁନାନ୍ । ୧୦୧ ଏ ଖାରିନିକାଦେର୍, ମା ମାନ୍ତ ଜଦି ମାଙ୍ଗ୍ ଦସି କିଦ୍ନାଡ଼, ତା ଆତିସ୍ ଇସ୍ଵରୁତି ମୁମ୍ଦ ମାଦାଂ ସାସ୍ ମାନାଡ଼, ୧୦୨ ଆରେ ଆସେଙ୍ଗ୍ ଇନା ଇନାକା ଏନ୍ନାସ୍, ହେ ସବୁ ହେଞ୍ଜାନ୍ତି ତାକେ ଗାଟାଆସି ମାନାସ୍, ଇନେକିଦେଂକି ଆସେଙ୍ଗ୍ ହେଞ୍ଜାନ୍ତି ବଲ୍ ମାନିକିନାସ୍, ଆରେ ହେଞ୍ଜାନ୍ତି କାଣ୍ଡାତ ଇନାକା ସାରି, ହେଦାଂ କିଜି ମାନାସ୍ । ୧୦୩ ✱ହେଞ୍ଜାନ୍ତି ବଲ୍ ଏଲେଙ୍ଗ୍ ଜେ, ଆସେଙ୍ଗ୍ ହେଞ୍ଜାନ୍ତି ମାଜି ଜିସୁ କ୍ରିସ୍ତୁ ତରଦ ପାତର୍ କିନାସ୍ ଆରି ହେଞ୍ଜାନ୍ତି ହିଡ଼ତାକା ବଲ୍ ହୁଦାଂ ହାରି ଜିଉନନାସ୍ । ୧୦୪ ଇନେର୍ ହେଞ୍ଜାନ୍ତି ବଲ୍ ମାନି କିନାନ୍, ହେଞ୍ଜାନ୍ ହେଞ୍ଜାନ୍ତି ତାକେ ମାନ୍‌ଗାନାନ୍ ଆରି ହେଞ୍ଜାନ୍ ହେଞ୍ଜାନ୍ତି ତାକେ ମାନ୍‌ଗାନାନ୍; ଆରେ ହେଞ୍ଜାନ୍ ଜେ ମା ତାକେ ମାନ୍‌ଗାନାନ୍, ଇଦାଂ ଆସେଙ୍ଗ୍ ହେଞ୍ଜାନ୍ତି ହିଡ଼ତାକା ଜିବୁନ୍ ଲାହାଙ୍ଗ୍ ପୁନାସା ।

୪

ଇସ୍ଵରୁତି ଜିବୁନ୍ ପରିକ୍ୟା

୧ ଏ ଖାରିନିକାଦେର୍, ଝିଜୁ ଜିବୁନ୍ତିଙ୍ଗ୍ ପାତର୍ କିମାଟ୍, ନଲେ ଜିବୁନିଙ୍ଗ୍ ଇସ୍ଵରତାକେ ଖାତାକା କି ଆକାୟ୍, ଇଦାଂ ହେଞ୍ଜାରିଂ ପରିକ୍ୟା କିଜି ହୁଡ଼ାଟ୍, ଇନେକିଦେଂକି ଜଗଡ଼ତ ଆଦେକ୍ ଚାକ୍ରାୟ୍ ବେଶ୍‌ବାକ୍‌ଶାୟ୍‌କିନାକାର୍ ହଡ଼ତାଣ୍ଟା । ୨ ଇଦାଂ ହୁଦାଂ ଏପେଙ୍ଗ୍ ଇସ୍ଵରୁତି ଜିବୁନ୍ତିଙ୍ଗ୍ ଚିଣିକିଦେଂ ଆଡ଼ନାଦେର୍, ଜିସୁ କ୍ରିସ୍ତୁ ଜେ ଗାଗାଡ଼୍ ଆସ୍ତି ଖାତାନ୍, ଇଦାଂ ଇମଣାକା ପା ଜିବୁନ୍‌ମାନି କିନାଡ଼, ହେଞ୍ଜାନ୍ ଇସ୍ଵର ତାକେ ଖାତାକାନ୍, ୩ ଆରେ ଇମଣାକା ପା ଜିବୁନ୍ ଜିସୁଙ୍ଗ୍ ମାନିକିଉର୍, ହେଞ୍ଜାନ୍ ଇସ୍ଵରତାଂ ଖାଖାତାକା; ଇଦାଂ ଚାକ୍ରାୟ୍‌କ୍ରିସ୍ତୁ ଜିବୁନ୍, ଇନେର୍ତି ଖାନି କାତା ଏପେଙ୍ଗ୍ ଝେଟାଦେଣ୍ଟା, ଆରେ ହେଦାଂ ନଂ ପା ଜଗଡ଼ତ ଏକାଖାତାଡ଼ନା ।

୪ ଏ ଖାରିନି ହିମଣାଂ, ଏପେଙ୍ଗ୍ ଇସ୍ଵରୁତି ତାଂ ଜଲମ୍, ଆରେ ଏପେଙ୍ଗ୍ ହେଞ୍ଜାରିଂ ଜିଣାତାଦେଣ୍ଟା, ଇନେକିଦେଂକି ମି ବିତ୍ରେ ବାହା କିତି ଜିବୁନ୍ ଜଗଡ଼ତ ଇନେନ୍ ମାନାନ୍, ହେଞ୍ଜାନ୍ତାଂ ଗାଜା । ୫ ବୁଲ୍‌କାୟ୍‌କିନି ବେଶ୍‌ବାକ୍‌ଶାୟ୍‌କିନାକାର୍ ଇ ସିଂସାର୍‌ନିକାର୍ ହେଞ୍ଜାର୍ ଆରି ଜଗଡ଼ନି ମାନାୟାର୍ ହେଞ୍ଜାର୍ କାତା ଝେନାର୍ । ୬ ମାତର୍ ଆସେଙ୍ଗ୍ ଇସ୍ଵରତାଂ ଉବ୍‌ଜାଣ୍; ଇନେନ୍ ଇସ୍ଵରୁତିଂ ପୁନାନ୍, ହେଞ୍ଜାନ୍ ମା କାତା ଝେନାନ୍; ଇନେନ୍ ଇସ୍ଵରତାଂ ଉବ୍‌ଜାଣ୍ ଆକାୟ୍, ହେଞ୍ଜାନ୍ ମା କାତା ଝେନ୍‌ନ୍ । ଇଦାଂ କାଜିଂ ଆସେଙ୍ଗ୍ ହାଡ଼ପାନି ଜିବୁନ୍ ଆରି ବାତର୍ ନାଡ଼ାୟ୍ ଜିବୁନ୍ତିଂ ଚିନିକିଦେଂ ଆଡ଼ନାସ୍ ।

ହାରି କାଜିଂ ଜିଉନନାକା

୭ ଏ ଖାରିନିକାଦେର୍, ହାରି ଖାରି କିୟାଟ୍, ଇନେକିଦେଂକି ଜିଉନନାକା ଇସ୍ଵରତାଂ ଉବ୍‌ଜାଣ୍, ଆରେ ଇନେନ୍‌କି ଜିଉନନାନ୍, ହେଞ୍ଜାନ୍ ଇସ୍ଵରତାଂ ଉବ୍‌ଜାଣ୍ ଆରି ଇସ୍ଵରୁତିଂ ପୁନାନ୍ । ୮ ଇନେନ୍ ଜିଉନନାନ୍, ହେଞ୍ଜାନ୍ ଇସ୍ଵରୁତିଂ ପୁନୁନ୍, ଇନେକିଦେଂକି ଇସ୍ଵରୁତିଂ ଜିଉନନାକାନ୍ । ୯ ଇବେ ଇସ୍ଵରୁତି ଜିଉନନାକା ମା କାଜିଂ ଚଞ୍ଜାୟାତାଡ଼ନା ଜେ, ହେଞ୍ଜାନ୍ ଜାତର୍ ରକାନ୍ ମାଜିଙ୍ଗ୍ ଜଗଡ଼ତ ପକ୍‌ତାତାନ୍ନା, ଇନେସ୍ ଆସେଙ୍ଗ୍ ହେଞ୍ଜାନ୍ତି ହୁଦାଂ ଝିଜୁ ଜିବୁନ୍ ଗାଟାନାସ୍ । ୧୦ ଆସେଙ୍ଗ୍ ଜେ ଇସ୍ଵରୁତିଂ ଜିଉନତାସ୍, ହେଦାଂ ଆକାୟ୍ ମତର୍ ହେଞ୍ଜାନ୍ ମାଙ୍ଗେଙ୍ଗ୍ ଜିଉନତାନ୍, ଆରେ ଜାର୍ ମାଜିଙ୍ଗ୍ ମା ପାପ୍‌ତ ଜିବୁନ୍ ହିଜି ପକ୍‌ତାତାନ୍; ଇବେଣ୍ଟା ତ ଜିଉନନାକା ମେଙ୍ଗ୍‌ନାଡ଼ ।

୧୧ ଏ ଖାରିନିକାଦେର୍, ଇସ୍ଵର ଜଦି ମାଙ୍ଗ୍ ଏଲେଙ୍ଗ୍ ଖାରି କିଡ଼ତିସ୍, ବାଟିଙ୍ଗ୍ ମାଙ୍ଗେଙ୍ଗ୍ ପା ହାରି ଜିଉନବାନାକା ଲଡ଼ା । ୧୨ ✱ଇନେର୍ ଇନାଖାତାଂ ଇସ୍ଵରୁତିଂ ହୁଡ଼ଞ୍ଜାତାନ୍ନା; ଆସେଙ୍ଗ୍ ଜଦି ହାରି ଜିଉନବାନାସ୍, ତା ଆତିସ୍ ଇସ୍ଵର ମା ତାକେ ମାନାନ୍ ଆରି ହେଞ୍ଜାନ୍ତି ଜିଉନନାକା ମା ତାକେ ପୁରା ଆତାଡ଼ନ୍ନା ।

୧୩ ଆସେଙ୍ଗ୍ ଜେ ଇସ୍ଵରୁତି ତାକେ ମାନାସ୍ ଆରି ହେଞ୍ଜାନ୍ ମା ତାକେ ମାନାନ୍, ଇଦାଂ ଆସେଙ୍ଗ୍ ପୁନାସ୍, ଇନେକିଦେଂକି ହେଞ୍ଜାନ୍ ମାଙ୍ଗ୍ ଜାର୍ ଜିବୁନ୍ତି ମେହାଣ୍ ଦାନ୍ କିଡ଼ତାନ୍ନା । ୧୪ ଆବା ଜେ ମାଜିଂ ଜଗଡ଼ନି ମୁକ୍ତି କାରୟା ଆନି କାଜିଂ ପକ୍‌ତାତାନ୍ନା, ଇଦାଂ ଆସେଙ୍ଗ୍ ହୁଡ଼ତାସ୍‌ନା ଆରି ସାକି ହିନାପା । ୧୫ ଇନେର୍‌କି ଜିସୁଙ୍ଗ୍ ଇସ୍ଵରୁତି ମେହି ଇଞ୍ଜି ମାନି କିନାର୍, ଇସ୍ଵର ହେଞ୍ଜାନ୍ତି ତାକେ ମାନାନ୍ ଆରି ହେଞ୍ଜାନ୍ ଇସ୍ଵରୁତି ତାକେ ମାନାନ୍ । ୧୬ ଆରେ ମା କାଜିଂ ଇସ୍ଵରୁତି ଇମଣି ଜିଉନନାକା ମାନାଡ଼, ହେଦାଂ ଆସେଙ୍ଗ୍ ପୁରାସ୍‌ନା ଆରି ପାତର୍ କିତାସ୍‌ନା ।

ଇସ୍ଵରୁତିଂ ଜିଉନନାକା; ଇନେନ୍ ଜିଉନନିତ ମାନାନ୍, ହେଞ୍ଜାନ୍ ଇସ୍ଵରୁତି ତାକେ ମାନାନ୍ ଆରି ଇସ୍ଵର ହେଞ୍ଜାନ୍ ତାକେ ମାନ୍‌ଗାନାନ୍ ।

୧୭ ଇସ୍ଵର ଜିଉନନି ଜିବୁନ୍ କାଟିକିନାକା ହୁକେ ଇବେତାଂ ଇସ୍ଵରୁତି ଜିଉନନାକା ମା ବିତ୍ରେତାଂ ବାତର୍ ଆତାଡ଼ନ୍ନା ଜେ, ବିଚାଣ୍ଟା ନାଜିଂ ଆସେଙ୍ଗ୍ ସାସ୍ ପାୟାନ୍ନାସ୍, ଇନେକିଦେଂକି ହେଞ୍ଜାନ୍ ଇନେସ୍‌କି ମାନାନ୍, ଆସେଙ୍ଗ୍ ପା ଇ ଜଗଡ଼ତ ହେ

✱ ୩:୨୩ ୩:୨୩ ଜହନ୍ ୧୩:୩୪; ୧୫:୧୨, ୧୭. ✱ ୪:୧୨ ୪:୧୨ ଜହନ୍ ୧:୧୮.

ଲାକେ ମାନାସା । ୧୮ ଜିଉନନିତ ପାଣ୍ଡୁମାନଗୁଡ଼, ମାତର ବାତ ଜିଉନନାକା ପାଣ୍ଡୁତ୍ୱି ଦେହା କିନାଡ଼, ଇନେକିଦେଂକି ପାଣ୍ଡୁ ହୁଣ୍ଡ ଲାହାଙ୍ଗ ମେହାଆତାନ୍ନା, ଆରେ ଇନେନ୍ ପାଣ୍ଡୁମାନ, ହେଝାନ୍ ଜିଉନନିତ ହାଦାକା ଆକାୟ ।

୧୯ ହେଝାନ୍ ପାର୍ତ୍ତମତ ମାଙ୍ଗ ଜିଉନଡ଼ତିଲେ ଆସେଙ୍ଗ ଜିଉନନାସ । ୨୦ ଇସ୍ୱରତି ଜିଉନନାଙ୍ଗା ଇଞ୍ଜି ଇନେନ୍ ଜଦି ଜାର ଟଣ୍ଡେନିଂ ଗିଣ୍ କିନାନ୍, ତାଆତିସ୍ ହେଝାନ୍ ମିଡ଼ଝା, ଲାଗିଂ ଇମ୍ପଣି ଟଣ୍ଡେନିଂ ହୁଡ଼ଜିମାଟିସ୍, ଜଦି ହେଝାନ୍ ଇନେନ୍ ଜିଉନଡ଼ତିସ୍, ତାଆତିସ୍ ଇମ୍ପଣି ଇସ୍ୱରତିଂ ହେଝାନ୍ ହୁଡ଼ଝାତାନ୍ନା, ହେଦାଂ ଜିଉନଦେଂ ଆଡୁନ୍ । ୨୧ ଇନେନ୍ ଇସ୍ୱରତିଂ ଜିଉନନାନ୍, ହେଝାନ୍ ଜାର ଟଣ୍ଡେନିଂ ପା ଜିଉନନାନ୍, ଇ ବଲ୍ ଆପେଂ ତା ତାକେଣ୍ଡାଙ୍ଗ ପାୟାତାପ୍ନା ।

୫

ଜଗତ୍ ଜପି ଜିଶାନାକା

୧ ଇନେରକି ଜିସୁ କ୍ରିସ୍ଟ ଇଞ୍ଜି ପାତ କିନାନ୍, ହେଝାନ୍ ଇସ୍ୱରତାଂ ଗାଗାଡ଼ଆସ୍ତାନା; ଆରେ, ଇନେନ୍କି ଗାଟାଆତି ଆବାଂ ଜିଉନନାନ୍, ହେଝାନ୍ ତା ତାଙ୍ଗ ଉବ୍ଜାଣ୍ ଆଜି ମାନି ଲକ୍ଷ୍ମିଂ ପା ଜିଉନନାନ୍ । ୨ ଆସେଙ୍ଗ ଏଚେକାଡ଼ଦ ଇସ୍ୱରତିଂ ଜିଉନନାସ୍ ଆରି ହେଝାନ୍ତି ବଲ୍ ମାନି କିନାସ୍, ହେ ଏଚେକାଡ଼ଦ ତାହୁଦାଂ ପୁନାସ୍ ଜେ, ଆସେଙ୍ଗ ଇସ୍ୱରତି ହିମ୍ପଣାକାଂ ଜିଉନନାସ୍ । ୩ ଇନେକିଦେଂକି ଇସ୍ୱରତି ଜିଉନନାକା ଅରଡ଼ ହେଝାନ୍ତି ବଲ୍ ମାନି କିନାକା, ହେଝାନ୍ତି ବଲ୍ ମାନି କିନାକା ବଜ୍ ଲାକେ ଆକାୟ । ୪ ଇନେରକି ଇସ୍ୱରତାଂ ଉବ୍ଜାଣ୍ ହେଝାନ୍ ଜଗତ୍ତିଙ୍ଗ ଜିଶାନାନ୍, ଆରେ ଇନାକା ଜଗତ୍ତିଙ୍ଗ ଜିଶାତାଡ଼ନା, ହେଦାଂ ମାଦାଂ ପାତ । ୫ ଜିସୁ ଇସ୍ୱରତି ମାଜି, ଇଦାଂ ଇନେର ପାତ କିନାନ୍, ହେଝାନ୍ ପିସ୍ୱି ଆରେ ଇନେନ୍ ଜଗତ୍ତିଙ୍ଗ ଜିଶାନାନ୍ ?

ଇସ୍ୱତ ମାଜିତି ବିସ୍ତେ ସାକି

୬ ଜିସୁ କ୍ରିସ୍ଟ ଇସ୍ୱରତି ମାଜି ଇଞ୍ଜି ବାପ୍ତିସିମ ହୁକେ ଆରି ଜାରତି ନେତେର ହପ୍ତି ମାନାୟ ମୁକ୍ତାନାକା ସାଦନ୍ କିନି କାଜିଂ ହପ୍ତି ମାତାନ୍ କେବଲ୍ ଏଜୁଂ ହୁକେ ଆକାୟ ମତର ରିଣ୍ଡି ଏଜୁଂ ନେତେର ହିଜି ଝାଜି ମାତାନ୍ ଜିରୁନ୍ ପା ଇଦାଂ ସାକି ହିନାଡ଼ ଇନେକିଦେଂକି ଜିରୁନ୍ ନେ ସଡ଼ । ଆରେ ଜିରୁନ୍ ପା ହେବେନି ସାକି ହିନାନ୍, ଇନେକିଦେଂକି ଜିରୁନ୍ ନେ ହାଡ଼ପା । ୭ ଆରେ ଇ ତିନିଜାଣତି ସାକି ମାନାଡ଼; ୮ ଜିରୁନ୍, ଏଜୁଙ୍ଗ ଆରି ନେତେର, ହେଝାର ର ସାକି ହିନାରା, ଆରେ ତିନି ସାକି ରଞ୍ଜାଙ୍ଗ । ୯ ଆସେଙ୍ଗ ଜଦି ମାନାୟତିଂ ସାକି ଇଡ଼ନାସ୍, ବାଟିଙ୍ଗ ଇସ୍ୱରତି ସାକି ତା ତାଙ୍ଗ ଗାଜା, ଆରେ ଇସ୍ୱରତି ସାକି ଇଦାଂ ଜେ, ହେଝାନ୍ ଜାର ମାଜିତି ବିସ୍ତେ ସାକି ହିତାନ୍ନା । ୧୦ ଇନେନ୍ ଇସ୍ୱରତି ମାଜିତି ତାକେ ପାତ କିନାନ୍, ହେଝାନ୍ ଜାର ଝାସ୍ତିତ ଇ ସାକି ଗାଟାତାନ୍ନା; ଇନେନ୍ ଇସ୍ୱରତି ସାକି ପାତ କିଉନ୍, ହେଝାନ୍ ହେଝାନ୍ ମିଡ଼ଝା କିତାନ୍ନା, ଇନେକିଦେଂକି ଇସ୍ୱର ଜାର ମାଜିତି ବିସ୍ତେ ଇମ୍ପଣି ସାକି ହିତାନ୍ନା, ହେବେ ହେଝାନ୍ ପାତ କିଞ୍ଜାତାନ୍ନା । ୧୧ ହେ ସାକି ଇଦାଂ ଜେ ଇସ୍ୱର ମାଙ୍ଗେଙ୍ଗ ଓଜ୍ଜି ଜିରୁନ୍ ହିଡ଼ତାନ୍ନା, ଆରେ ହେ ଜିରୁନ୍ ତା ମାଜିତି ତାକେ ମାନାଡ଼ । ୧୨ ଇନେର ମାଜି ପାୟାତାଣ୍ଡା ହେଝାନ୍ ଜିରୁନ୍ ପାୟାତାନ୍ନା; ଇନେନ୍ ଇସ୍ୱତ ମାଜିଙ୍ଗ ପାୟାଆଞ୍ଜାତାନ୍ନା, ହେଝାନ୍ ଜିରୁନ୍ପା ପାୟାଞ୍ଜାତାନ୍ନା ।

ଓଜ୍ଜି ଜିରୁନ୍

୧୩ ଇସ୍ୱତ ମାଜି ତରଦ ପାତ କିନାଦେରା ଜେ ଏପେଙ୍ଗ, ଏପେଙ୍ଗ ଇନେସ୍ ପୁନାଟ୍ ଜେ, ଏପେଙ୍ଗ ଓଜ୍ଜି ଜିରୁନ୍ ପାୟା ତାଦେଣ୍ଡା, ଇଦାଂ କାଜିଂ ଆନ୍ ମି ଲାଗେ ଇ ଓଜ୍ଜୁ ଲେକିକିତାଂନା । ୧୪ ଆରେ ଆପେଂ ଏଚେକାଡ଼ଦ ହେଝାନ୍ତି ଇଚା ହୁଦାଂ ଇମ୍ପଣାକା ପା ପାର୍ତାନା କିନାପ୍, ବାଟିଙ୍ଗ ହେଝାନ୍ ମାଦାଂ ହେ ପାର୍ତାନା ଝେନାନ୍, ହେଝାନ୍ତି ମୁମ୍ପଦ ମାଦାଂ ଇ ସାସ୍ ମାନାଡ଼ । ୧୫ ଆରେ ଆସେଙ୍ଗ ହେଝାନ୍ତି ଲାଗେ ଇନାକା ପାର୍ତାନା କିନାସ୍, ହେଦାଂ ହେଝାନ୍ ଝେନାନ୍ ଇଞ୍ଜି ଜଦି ଆସେଙ୍ଗ ପୁନାସ୍, ବାଟିଙ୍ଗ ହେଝାନ୍ତି ମୁମ୍ପଦ ଇନାକା ପାର୍ତାନା କିନାସା, ହେ ସବୁ ଜେ ଗାଟାତାସ୍ନା, ଇଦାଂ ପା ପୁନାସ୍ ।

୧୬ ଜଦି ମି ଟଣ୍ଡେନିଂ ପାପ୍ କିନାକା ହୁଡ଼ନାନ୍, ମାତର ତା ହେ ପାପ୍ ହାଞ୍ଜାଦାଂ ମାନାଡ଼, ତା କାଜିଂ ଇସ୍ୱରତିଂ ଗଞ୍ଜାରି କିୟାଟ୍, ଆତିସ୍ପପା ଇସ୍ୱର ହେଝାନ୍ କେମା ହିଜି ରାକ୍ୟା କିନାନ୍ । ଇମ୍ପଣାକାରତି ପାପ୍ ହାନାକା ଆକାୟ, କେବଲ୍ ହେଝାର କାଜିଂ ଆନ୍ ଇଦାଂ ଲେକିକିନାଙ୍ଗା । ଜିରୁନ୍ ଦାନ୍ କିତାର ମାତର କେତେକ୍ ପାପ୍ । ହାତି ପାପ୍ ମାନାଡ଼; ହେଦାଂ କାଜିଂ ହେଝାନ୍ ପାର୍ତାନା କିଏନ୍ ଇଞ୍ଜି ଆନ୍ ଇନୁଙ୍ଗା । ୧୭ ଓଜ୍ଜୁ ଅଦାମିଂ ନେ ପାପ୍ ଆନାଡ଼, ମାତର ସବୁ ପାପ୍ ହାତାକା ଆକାୟ ।

୧୮ ଇନେରକି ଇସ୍ୱରତାଂ ଗାଗାଡ଼ଆସ୍ତାକାନ୍ ହେଝାନ୍ ଜେ ପାପ୍ କିଉନ୍, ନଲେ ହେଝାନ୍ ଇସ୍ୱରତାଂ ଜାରମାଣ୍ ଆଜି ଜାତ୍ ଇଂ ରାକ୍ୟା କିନାନ୍, ଆରେ ସୟତାନ୍ ଜିରୁନ୍ ହେଝାନ୍ତି ତୁଉଡ଼, ଇଦାଂ ଆସେଙ୍ଗ ପୁନାସ୍ ।

୧୯ ଆସେଙ୍ଗ ଜେ ଇସ୍ୱରତାଂ ଜାରମାଣ୍ ଆରି ଓଜ୍ଜୁ ଜଗତ୍ ଜେ ସୟତାନ୍ ଜିରୁନ୍ ତଲ୍ୟା, ଇଦାଂ ଆସେଙ୍ଗ ପୁନାସ୍ ।

୨୦ ଆରେ ପା ଆସେଙ୍ଗ ପୁନାସ୍ ଜେ, ଇସ୍ୱରତି ମାଜି ଝାତାନ୍ନା ଆରି ହାଡ଼ପାତିଂ ପୁଞ୍ଜେଙ୍ଗ କାଜିଂ ମାଙ୍ଗେଙ୍ଗ ଗିୟାନ୍ ହିଡ଼ତାନ୍ନା; ଆରେ ଆସେଙ୍ଗ ହେ ହାଡ଼ପା ତାକେ, ଇଚିସ୍ ହେଝାନ୍ତି ମାଜି ଜିସୁ କ୍ରିସ୍ଟି ତାକେ ମାନେନ୍ । ହେଝାନ୍ ହାଡ଼ପା ଇସ୍ୱର ଆରି ଓଜ୍ଜି ଜିରୁନ୍ ଆନାନ୍ ।

୨୧ ଏ ହିମ୍‌ଶାଂ, ପୁତ୍ରତାଂ ତାଙ୍ଗ୍ ଜାର୍ ଜାର୍ତିଂ ରାକ୍ୟା କିୟାଟ୍ ।

ଯୋହନଙ୍କ ଦ୍ୱିତୀୟ ପତ୍ର ଜହନ୍ତି ଜେତି ଆକି ଜହନ୍ ଆକିନି ପାଦେକ୍

ଜହନ୍ ଲେକିକିତି ଜେତି ଆକି ଜିସୁ କ୍ରିସ୍ତୁ ଜଲମ୍ନି ୫୦-୧୦୦ ବିତ୍ରେ ପକ୍ୟାତି ଜହନ୍ତି ହୁଦାଂ ଲେକାଜି ମାଚାତ୍ । ଜହନ୍ ଜାତଂ ଲେକିକିତାକାନ୍ ଇଞ୍ଜି ଜାଣା ହିଉନା, ତା ବାଟା ହେଝାନ୍ ଜାତଂ ବୁଡାଲୁ ଇଞ୍ଜି ଜାଣା ହିନାନା । ଜହନ୍ତି ଜେତି ଆକିନି ରାହାଣ୍ ଲାହାଂ ଜହନ୍ ଲେକାତି ନେକ୍ରିକାବୁରତ ମାନି ବିସ୍ତେ ଲାହାଂ ସମାନ୍ । ହେଝାନ୍ ଜିସୁଙ୍ଗ୍ ଏକ୍ଟା ବାବ୍ରେ ହାରିତିଂ ଜିଉନନାକା ବିସ୍ତେ ଜିସୁତି ବଲ୍ ସବୁ ମାନିକିନାକା ଇନାନା, ହେଝାନ୍ ଜିଉନନାକା ୨ ଜହନ୍ ୧:୫-୬ଜହନ୍ ୧୫:୯-୧୦ ।

ଇଦାଂ ପାତଂ କିଆନାତ୍ ଜେ ଜହନ୍ ଏଚେକାତ୍ ଏପିସିତ ବାହା କିଜି ମାଚାନ୍, ଜହନ୍ ନେକ୍ରିକାବୁର ଲାହାଂ ଜହନ୍ତି ତିନି ଗଟା ଆକିଂ ପା ଲେକିକିତି ମାଚାନ୍, ୧ ଜହନ୍, ଜେତି ଜହନ୍, ଆରି ୩ ଜହନ୍ ।

ଜହନ୍ ଇ ଆକିତ ବାଟିକିତି କଗ୍ଲେକ୍ ଆରି ହିମ୍ପାଙ୍ଗ୍ ଇଞ୍ଜି ମଣ୍ଡଲିତିଂ ଆକି ଲେକିକିତାନ୍ନା । ଜହନ୍ତି ଇ ଆକି ଲେକିକିନାକା ଇଦାଂ ଜେ, ପାତଂ କିନାକାରିଂ ସାସ୍ ହିନି କାଜିଂ ଆରି ମିର୍ ଗୁରୁତାଂ ଜାଗ୍ରତ୍ ମାଞ୍ଜେଙ୍ଗ୍ ଲେକିକିତାନ୍ ।

୨ ଜହନ୍ ଆକି ବିସ୍ତେନି ରାହାଣ୍

- ୧. ଜହନ୍ ଇ ଆକିତ ପାତଂ କିନାକାରିଂ ବାନ୍ଦାୟ୍ କିନାନ୍ ୧:୧-୩
- ୨. ମୁଡ୍ ବଲ୍ଦିଂ ଏଡ୍ କିଜି ଜହନ୍ ମଣ୍ଡଲିତିଂ ସାସ୍ ହିନାନ୍ ୧:୪-୬
- ୩. ମିର୍ ହିକ୍ୟା ହିନାକାର୍ତାଂ ଜାଗ୍ରତ୍ ମାଞ୍ଜେଙ୍ଗ୍ କାଜିଂ ଇନାନ୍ ୧:୭-୧୧
- ୪. ଇମେତାକେ ବାହା କିଜିମାନି ପାତଂ କିନାକାରିଂ ବାନ୍ଦାୟ୍ କିଜି ଲେକିକିତି ଝିସ୍ତାନ୍ ୧:୧୨-୧୩

୧ ପ୍ରାତିନ୍ ଜହନ୍ ଜେ ଆନ୍, ର ବାଟିକିୟାତି କଗ୍ଲେ ଆରି ତା ମାଜିର୍ ଲାଗାଂ ଆକି ଲେକିକିନାକା । ହେଝାରିଂ ଆନେଙ୍ଗ୍ ହାଡ୍ପା ଲାକେ ଜିଉନନାକା, ଆରେ କେବଲ୍ ଆନେଙ୍ଗ୍ ଆକାୟ୍, ମତର୍ ହାଡ୍ପା ପୁନ୍ଝି ମାଟି ଝିଜାର୍ ଲକୁ ପା ଜିଉନନା । ୨ ଇମ୍ପାଣି ହାଡ୍ପା ମା ଝାସ୍ତିତ ମାନାତା ଆରି ଜୁର୍ ଜୁର୍ ମା ଲାହାଙ୍ଗ୍ ମାନ୍‌ଗାନାତ୍ ।

୩ ଆବା ଇସ୍ପୁର ଆରି ହେ ଆବା ମାଜି ଜିସୁ କ୍ରିସ୍ତୁତାଂ ଉପକାର୍, ଦୟା ଆରି ସୁସ୍ତା ମା ଲାହାଙ୍ଗ୍ ହାଡ୍ପା ଆରି ଜିଉନନିତ ମା ଲାହାଂ ମାନେତ୍ ।

ହାଡ୍ପା ଆରି ଜିଉନନାକା

୪ ମି ମାଜିର୍ ବିତ୍ରେ ଏଚେକାଣ୍ଡିଂ ଆବା ତାଙ୍ଗ୍ ପାୟାତି ବଲ୍ତାଂ ହାଡ୍ପାତ ବେବାର୍ କିଜିମାଚାକା ହୁଡ୍ଡି ଆନେଙ୍ଗ୍ ବେସି ଝାରି । ୫ ଏ ମାନିନିକାୟ୍, ନଙ୍ଗ୍ ଆନେଙ୍ଗ୍ ଜେ ନି ଲାଗାଂ ଇନାକା ପୁନି ବଲ୍ ଲେକିକିନାକା, ହେଦାଂ ଆକାୟ୍, ମତର୍ ଆଗେତାଂ ପାୟାତି ବଲ୍ ଲେକିକିତି ଗଝାରି କିଦ୍ନାକା ଜେ, ଆସେଙ୍ଗ୍ ହାରି ଜିଉନବା ଆନାସ୍ । ୬ ଆରେ ଆପେଂ ଜେ ତା ବଲ୍ ଲାକେ ବେବାର୍ କିନାସ୍, ଇଦାଂ ନେ ଜିଉନନାକା ସାର୍ । ଏପେଙ୍ଗ୍ ଆଗେତାଂ ଇନାକା ଝେନାଦେରା, ହେ ଲାକେ ବେବାର୍ କିୟାଟ୍, ଇଦାଂ ହେ ବଲ୍ ।

୭ ଇନେକିଦେଂକି ଇମ୍ପାଣାକାର୍ ଜିସୁ କ୍ରିସ୍ତୁ ଗାଗାଡ୍ ଆସ୍ତି ଜୁଡ୍‌ତାନାଂ ଇଞ୍ଜି ମାନି କିଉନ୍, ଏଲେଙ୍ଗ୍ ବେସି ବୁଲ୍‌କାୟ୍‌କିନାକାର୍ ଜଗଡ୍‌ତ ହଡ୍‌ତାଣ୍ଡା । ଏଲେଙ୍ଗ୍‌ବାତଂ ମାନାୟ୍ ବୁଲ୍‌କାୟ୍‌କିନାକାର୍ ଆରି ଚାକ୍ରାୟ୍‌କ୍ରିସ୍ତୁ । ଏପେଙ୍ଗ୍ ଇନେସ୍ ମାଦାଂ କିତି କାମାୟ୍‌ନି ପାଡ୍ ଆରାୟ୍ କିଝାଦାଂ ନଲେ ହେବେନି ବାତଂ ଇନାମ୍ ଗାଟା ଆଡୁ, ହେଦାଂ କାଜିଂ ଜାର୍ ଜାର୍ ବିସ୍ତେ ଜାଗ୍ରତ୍ ଆଡୁ ।

୮ ଇନେନ୍ କ୍ରିସ୍ତୁ ହିକ୍ୟାନି ହାନ୍ଦି ବିତ୍ରେ ମାନ୍‌ଝାଦାଂ ହେଦାଂ ନାତିସ୍, ହେଝାନ୍ ଇସ୍ପୁରତିଂ ଗାଟାଝାତାନ୍‌ନା; ଇନେନ୍ ହିକ୍ୟାନି ହାନ୍ଦି ବିତ୍ରେ ମାନାନ୍, ହେଝାନ୍ ଆବା ଆରି ମାଜିଙ୍ଗ୍ ରିଆରିଂ ଗାଟାତାନ୍ନା । ୧୦ ଇନେର୍ ଜଦି ଇ ହିକ୍ୟା ଅଝାଦାଂ ମି ଲାଗେ ଝାତିସ୍, ବାଟିଙ୍ଗ୍ ହେଝାନ୍ ଇଞ୍ଜି ଗତାଂ କିମାଟ୍ “ଆରି ଜୁଝାର୍ କିମାଟ୍ ।” ୧୧ ଇନେର୍‌କି ତାଙ୍ଗ୍ ଜୁଝାର୍ କିନାର୍, ହେଝାନ୍ ତା ବାନ୍ଧା କାମାୟ୍‌ତ ମେହା ଆନାନ୍ ।

ହାରିହାରାନ୍ କାତା

୧୨ ମି ଲାଗେ ଆଦେକ୍ ବିସ୍ତେ ଲେକିକିଦେଂ ମାନାତ୍, ମାତର୍ କାଗଜ୍ ଆରି କାର୍ହାତିତ ହେଦାଂ ଲେକିକିଦେଂ ଇଚା କିଉକା; ନା ଆହା ଜେ; ମି ଲାଗେ ଏକିସ୍ ମୁମ୍ ମାମ୍ କାତାବାର୍ତା କିଦ୍ନାକା, ଇନେସ୍ ମା ଝାରି ବାତଂ ଆନାତ୍ ।

୧୩ ଇସ୍ପୁରତି ବାଟିକିତି ତଣ୍ଡେକ୍ ହିମ୍ପାଙ୍ଗ୍ ମିଂ ଜଝାର୍ ଜାଣାୟ୍ କିଦ୍ନାରା ।

☆ ୧:୫ ୧:୫ ଜହନ୍ ୧୩:୩୪; ୧୫:୧୨,୧୭.

ଯୋହନଙ୍କ ତୃତୀୟ ପତ୍ର ଜହନ୍ତି ୩ ଗଟା ଆକି ୩ ଗଟା ଆକି ବିସ୍ତେ ପାଦେକ୍

୩ ଗଟା ଜହନ୍ତି ଆକି ହୁଦାଂ ୫୦-୧୦୦ ବିତ୍ତେ ଜିସୁକ୍ରିସ୍ତୁ ଜଲମ୍ ପାଚେ ଲେକାଜି ମାଚାଡ଼ । ଜହନ୍ତି ଜେତି ଆକି ଲାକେ ଇ ଆକିତ ପା ହେଝାନ୍ ଜାର୍ତିଂ ଜାତଂ ଲେକିକିନାକାନ୍ ଇଞ୍ଜି ଜାଣା ହିଝାଦାଂ ରଝାନ୍ ବୁଡ଼ି ଇଞ୍ଜି ଜାଣା ହିନାନା ୧:୧ । ହେଝାନ୍ ୨ ଜହନ୍ତି ଇନେସ୍ ଲେକିକିଜି ମାଚାନ୍ ୨ ଜହନ୍ ୧:୧ ଜହନ୍ ୩ ଜହନ୍ । ଇଦାଂ ପାତଂ କିଆନାଡ଼ ଜେ, ହେଝାନ୍ ଏପିସିତ ମାନିଝେଡ଼ାଲିଂ ଜହନ୍ ଲେକାତି ନେକ୍ରିକାବୁର୍ ଲାହାଂ ୩ ଗଟା ଆକି ପା ଲେକିକିଜି ମାଚାନ୍ । ଇତିସ୍ ୧, ୨ ଆରି ୩ ଗଟା ଜହନ୍ । ଜହନ୍ ଗାୟ ଇନି ରଝାନ୍ କ୍ରିସ୍ତୁତି ପାତଂ କିନାକାନିଂ ଇ ଆକିତ ଲେକିକିନାନା ।

ହେଝାନ୍ ଗାୟ ଇଞ୍ଜି ରଝାନିଂ ହାଙ୍ଗଦାକାନ୍ ବାବ୍ରେ ଇଞ୍ଜି ହେ ନିପ ପ୍ଲାଞ୍ଜି କ୍ରିସ୍ତୁୟାନ୍ ଟଣ୍ଡାରିଂ ହେବା କିଦେକ୍ ବଲ୍ ହିତାନ୍ନା ।

୩ ଜହନ୍ ଆକି ବିସ୍ତେନି ରାହାଣ

- ୧. ଜହନ୍ ତା ଜାଣା ହିନାନ୍ ୧:୧
- ୨. ହେଝାନ୍ ଗାୟତିଂ ସାସ୍ ହିଜି ହେ ନିପ ବୁଲାନାକାର୍ ଟଣ୍ଡାର୍ କାଜିଂ ଗଟାଂହେବା କିଦେକ୍ ବଲ୍ ହିନାନ୍ ୧:୨-୮
- ୩. ହେଝାନ୍ ରିଆରିଂ ତାୟଗ୍ରେପିସ୍ ଆରି ଡିମିଟ୍ରିଅସ୍ ବିସ୍ତେ ୧:୯-୧୨
- ୪. ହାରିହାରା ଲେକା ଝିହନାନ୍ ୧:୧୩-୧୪

^୧ ପ୍ରାଚିନାର୍ ଜହନ୍ ଜେ ଆନ୍, ନା ଝାରିନି ହାଙ୍ଗଦାକାନ୍ ଗାୟତି ଲାଗେ ଆକି ଲେକିକିନାକା; ହେଝାନିଂ ଆନ୍ ହାଡ଼ପାରଚେ ଜିଉନନାକ୍ ।

^୨ ଝାରିନି ହାଙ୍ଗଦାକାୟ, ନି ଝାସ୍ତିତ ଇନେସ୍, ହାର୍ ଆନାତା, ହେ ଲାକେ ସବୁ ବିସ୍ତେ ନିଦାଂ ହାର୍ ଆଏଡ଼ ଆରି ଏନ୍ ବାଡୁକ୍ ମାନାଟ୍, ଇଦାଂ ନା ପାର୍ତାନା । ^୩ ଇନେକିଦେଂକି ଟଣ୍ଡାର୍ ଝାଜି ଏଚେକାଡ଼ଦ୍ ଜିବୁନ୍ ହାଡ଼ପା କାଜିଂ ମିଦାଂ ହାଦଂ ବାବ୍ରେ, ଇତିସ୍ ହାଡ଼ପାତ ମି ବେବାର୍ ବିସ୍ତେ ସାକି ହିତାର୍, ହେ ଏଚେକାଡ଼ଦ୍ ଆନ୍ ବେସି ଝାର୍ଯ୍ୟା ଆତାକ୍ । ^୪ ନା ହିମ୍ଣାକ୍ ଜେ ହାଡ଼ପାତ ବେବାର୍ କିନାରା, ଇଦାଂ ଝେନିତାଂ ନା ଝାରି ଆରେ ଗାଜା ବିସ୍ତେ ଆକାୟ ।

ବିଦେସ୍ୟା ଟଣ୍ଡାର୍

^୫ ଝାରିନି ହାଙ୍ଗଦାକାନ୍ ଏପେକ୍ ଟଣ୍ଡାର୍, ବେସିକିଜି ବିଦେସ୍ୟା ଟଣ୍ଡାର୍ କାଜିଂ ଇନାକା କିନାଦେରା, ହେଦାଂ ପାତଂ ବାବ୍ରେ କିନାଦେରା । ^୬ ହେଝାର୍ ମଣ୍ଡଲି ଲାଗେ ମି ଜିଉନନାକା ବିସ୍ତେ ସାକି ହିନାରା; ଏପ୍ ଜଦି ହେଝାରିଂ ଇସ୍ପୁର୍ତି ଜଗ୍ ଉପକାର୍ ହିଜି ହାଜି ବାଦ୍ଲାୟ କିୟାଟ୍, ବାଟିକ୍ ହାଦଂ କାମାୟ କିନାଦେର୍, ^୭ ଲାଗିଂ ହେଝାର୍ ପାତଂ କିଝି ଜିହୁଦିର୍ ତାକ୍ ମୁଡେ ଇର୍ଝାଦାଂ କ୍ରିସ୍ତୁତି ତର୍ କାଜିଂ ହଡ଼ତାର୍ନା । ^୮ ଲାଗିଂ, ଆସେକ୍ ଇନେସ୍ ସଡ଼ କାଜିଂ ହେଝାର୍ତି ହାଙ୍ଗଦାକାର୍ ଆଦେଂ ଆଡ଼ନାସ୍, ଇଦାଂ କାଜିଂ ହେଝାର୍ତି ଉପକାର୍ କିନାକା ମା କାମାୟ ।

ତାୟଗ୍ରେପିସ୍ ଆରି ଡିମିଟ୍ରିଅସ୍

^୯ ଆନ୍ ମଣ୍ଡଲି ଲାଗେ ଅଲପ୍ ଲେକିକିତାଂ; ମତର୍ ଦିୟତ୍ରପା ମଣ୍ଡଲି ବିତ୍ତେ ମୁଡ଼ ଆଦେଂ ମାନ୍ କିଜି ମାକ୍ ମୁନା କିଡ଼ତାନ୍ନା । ^{୧୦} ହେଝାନ୍ ମା ବିରୁଡ଼ତ ବାନ୍ୟା କାତା ଇଞ୍ଜି ମାକ୍ଟେକ୍ ନିଦା କିଦନାନ୍, ଆରେ ହେବେ ସାରିଆଝାଦାଂ ନିଜାର୍ ଟଣ୍ଡାରିଂ ଲବାୟ କିଉନ୍, ଆରେ ବିନେନିକାର୍ ହେଦାଂ କିଦେକ୍ ଇଚା କିତିସ୍ ହେଝାରିଂ ମୁନାକିନାନ୍, ଆରେ ମଣ୍ଡଲିତାଂ ହେଝାରିଂ ପେଜନାନ୍; ଲାଗିଂ ଆନ୍ ହାତିସ୍ ହେଝାକ୍ରି ଇ ଝିଜୁ କିତାକା କାରାପ୍ କାମାୟତ ଏଡ଼ତ ତାକ୍ଝାନାକ୍ ।

^{୧୧} ଝାରିନି ହାଙ୍ଗଦାକାୟ, ଏନ୍ ବାନ୍ୟାକାମାୟନି ଗୁଣ୍ଡଦ୍ ହାଲ୍ଝାଦାଂ ହାର୍ କାମାୟନି ଗୁଣ୍ଡଦ୍ ହାଲା । ଇନେନ୍ ହାଡ଼ପା କାମାୟ କିନାନ୍, ହେଝାନ୍ ଇସ୍ପୁର୍ତାଂ ଉବ୍ଜାଣା; ଇନେନ୍ ବାନ୍ୟା କାମାୟ କିନାନ୍, ହେଝାନ୍ ଇସ୍ପୁର୍ତିଂ ହୁଡ଼ଝା ତାନ୍ନା ।

^{୧୨} ଦିମିଟ୍ରିୟ ପାକ୍ୟାତାଂ ଝିଜାର୍ ସାକି ହିତାର୍ନା; ହାଡ଼ପା ନିଜେ ପା ସାକି ହିତାନ୍ନା; ଆପେଂ ପା ସାକି ହିନାପା, ଆରେ ମା ସାକି ଜେ ହାଡ଼ପା; ଇଦାଂ ଏପେକ୍ ପୁଚାଦେର୍ଣ୍ଣା ।

ହାରିହାରା କାତା

^{୧୩} ମି ଲାଗେ ନା ଆଦିକ୍ ବିସ୍ତେ ଇନାକା ମାନାଡ଼, ମାତର୍ କାର୍ହାତାକା ଆରି ପେନ୍ତାଂ ହେଦାଂ ଲେକିକିଦେକ୍ ଇଚା କିଉକ୍ପା । ^{୧୪} ନା ଆହା ଜେ, ବେଗି ନି ଲାହାକ୍ ହୁଡ଼କା ଆଦେଂ, ଆରେ ଆସେକ୍ ବେଟା ଆଜି କାତାବାର୍ତା କିନାସ୍ ।

- ^{୧୫} ନି କାଜିଂ ସୁସ୍ତା ଆଏଡ଼; ହାଙ୍ଗଦାକାର୍ ମିକ୍ଟେକ୍ ଜଝାର୍ ଜାଣାୟ କିଦନାରା ।
- ଜାଣକେତି ତର୍ ଅଜି ମାସାଦାରିଂ ଜଝାର୍ ଜାଣାୟକିଆ ।

ଯିହ୍ୱଦାକ ପତ୍ର ଜିହ୍ୱଦାତି ଆକି ଜିହ୍ୱଦା ଆକିନି ପାଦେକ୍

ଇ ଆକି ଲେକିକିତାକାନ୍ତି ତର ଇସାପ୍ତେ ଜିହ୍ୱଦା କିଆତାନା । ଜିହ୍ୱଦା ଜାର୍ତି ଜାକବ ଆରି ଜିସୁତି ଟଣ୍ଡେନ୍ ଇଞ୍ଜି ଜାଣାଟିନା କିନାନା । ଲାଗି ଜିସୁ ଟଣ୍ଡେନ୍ ବିଦ୍ରେତା ରଞ୍ଜାନ୍ ହେଞ୍ଜାନି ଜିସୁତି ରକାନ୍ ଟଣ୍ଡେନ୍ ଲାକେ ପା ପାତ୍ କିଆନାତ୍ ୧ । ପ୍ଲାନି ନିୟମ୍ନି ବିସ୍ତେତି ଅଜି ମାତିଲେ, ଇଦା ର ମଣ୍ଡଲିତି ଲେକା ଆଜି ମାତି ଲାକେ ମାନେ ଆନାତ୍ । ଜିହ୍ୱଦା ଆକିନି ହାତ୍ପା ପଡ଼ିକିନାର ଜିହ୍ୱଦିର ବାବ୍ରେ ଜାଣାଟିନା । ଇନେରକି ଆବା ଇସ୍ପରତି ଜିଉନନିତ କ୍ରିସ୍ତିତି କାଜି ଇଟ୍ୟା ଆତାନା ୧ । ହେ ଇନାକାପାଆୟେଡ୍ ଜିହ୍ୱଦା ଝିଜାର୍ କୁକ୍ୟାତି ମାନାୟାରି ଟିକ୍‌ଣା ହିନାନ୍ । ଆକି ଜିସୁକ୍ରିସ୍ତିତି ଜଲମ୍ ପାଚେ ୬୦ ବାହୁଡ୍ ଲେକା ଆଜି ମାତାତ୍ ।

ଇ ଆକି ଇମ୍‌ଣାକାର ଚାକ୍ରାୟକ୍ରିସ୍ତି ନିପ ହାଲ୍‌ଜି ମାତାର, ହେ ଝିଜାର୍ କ୍ରିସ୍ତିୟାରି ଜାଗ୍ରତ୍ କିଦେକ୍ ଲେକା ଆଜି ମାତାତ୍ । ହେଞ୍ଜାନ୍ ଇନାବାନି ଆଟ୍‌ଞ୍ଜା କାଜି ପ୍ଲାନି ନିୟମ୍ନି ଆରି ଗଟ୍‌ଣା ବିସ୍ତେ ଇନାନ୍ । ଇ ଆକିତ ମିର୍ ହିକ୍ୟାହିନାକାତ୍ ବିରୁଦ୍‌ତ ପିତରତି ୨ ଆକିତ ଲେକା ଆଜି ମାନି ଚିନ୍ତା ଲାହା ମିହାନାତା । ଇବେ ଦୁଡ୍ ଆରି ସଦମ୍ ଗମରା ବିସ୍ତେ ପା ଲେକା ଆତାନା ଜିହ୍ୱଦା ୪ ଆରି ୨ ପିତର ୨:୧

ଜିହ୍ୱଦା ଆକି ବିସ୍ତେନି ରାହାଣ୍

- ୧. ଜିହ୍ୱଦା ପର୍ତ୍ତମ୍ ହେଞ୍ଜାନ୍ତି ପଡ଼ି କିନାକାରି ଜାଣା ହିନାନ୍ । ୧:୧-୨
- ୨. ମିର୍ ହିକ୍ୟା ହିନାକାର ବିରୁଦ୍‌ତ ଜାଗ୍ରତ୍ କିନାନ୍ । ୧:୩-୪
- ୩. ହେଞ୍ଜାନ୍ ପ୍ଲାନି ନିୟମ୍ନି ମାନାୟାରି ଆରି ଗଟ୍‌ଣାତି ଅଜି ଉତରମୁଡ୍ ଇନାନ୍ । ୧:୫-୧୬
- ୪. ଜାକୁବତି ଜାଗ୍ରତ୍‌ନି ଇନିତ ହେଞ୍ଜାରିତି ଦାଇଡ୍ ଇନାକା ଆନାତ୍ ହେ ବିସ୍ତେ ଇନାନ୍ । ୧:୧୭-୨୩
- ୫. ହାରିହାରା ଇସ୍ପରତି ଜାଜ୍‌ମାଲ୍ ହିଜି ଆକି ଝିସ୍ତାନ୍ ୧:୨୪-୨୫

ଜିହ୍ୱଦାତି ଆକି ବାନ୍ଦାୟ

୧ ଇମ୍‌ଣାକାର ଇସ୍ପର ହୁଦା କୁକ୍ୟାତାରନା ଆରି ତା ଜିଉନନି ମାଜି ଆରି ଜିସୁ କ୍ରିସ୍ତିତି ଲାହା ଚାକ୍ୟା, ହେଞ୍ଜାର ଲାଗା ଜିସୁ କ୍ରିସ୍ତିତି ଆଡ଼ିୟାର ଆରି ଜାକୁବ୍ ଟଣ୍ଡାହି ଜିହ୍ୱଦାତି ଆକି ।

୨ ମି କାଜି ଇସ୍ପରତି ଦୟା, ସୁସ୍ତା ଆରି ଜିଉନନିତ ବେସି ବାବ୍ରେ ଆଏଡ୍ ।

ଚାକ୍ରାୟ ଗୁରୁର କାଜି ଦାଣ୍ଡିନି ବଲ୍

୩ ଏ ଝାରିନିକାଦେର, ଆନ୍ ମାଦାକ୍ ସିଦାସାଦା ମୁକ୍ତାନାକା ବିସ୍ତେ ମି ଲାଗା ଅଲପ୍ ଲେକିକିଦେ ବେସି ଜାତୁନ୍ ଆଜି ପୁଲପୁୟା ହୁଦାର ଲାଗା ରଞ୍ଜେ ମାଡ୍ ହେଲ୍‌ୟା ପାତ୍ ପାକ୍ୟାତ ଜିରୁନ୍ ହିଜି ଜୁଜ୍ କିନି କାଜି ମି ଝାରିକିୟ କିଦନି କାଜି ଲେକିକିଦେ ଲଡା ବାବି କିତା । ୪ ଇନାକିଦେକି ପାରାଟିନାର ସାସ୍ପରତ ଡାଣ୍ଡିନି ଲଗୁ ଇଞ୍ଜି ହାନ୍ଦାୟ ଆତି ଏଚେକ୍ ଲଗୁ ମି ବିଦ୍ରେ ଡ୍ରୁଜି ହଟାଣ୍ଡା; ହେଞ୍ଜାର ଅଦାମ୍, ମା ଇସ୍ପତ୍ ଦୟା ଉଲ୍‌ଟା ବାବ୍ରେ ଦାରୁଲ୍‌ୟାତ ବେବାର୍ କିଜି ମେହାୟ କିତାର, ଆରେ ମା ରଞ୍ଜାନ୍ ମତର ମୁଣିକା ଆରି ମାପୁ ଜିସୁ କ୍ରିସ୍ତିତି ହେଞ୍ଜାର ପାତ୍ କିଉର୍ ।

୫ ଆତିସ୍ପା ଏପେକ୍ ଝିଜୁ ବିସ୍ତେ ବାତ୍ ରଚେ ପୁଚାଦେଣ୍ଡା, ଆତିସ୍ପା ଆନ୍ ମିଲେକ୍ ଏଡ୍ କିଇକିଦେକ୍ ମାନ୍ କିନା ଜେ, ମାପୁ ମିସର୍ ଦେସ୍ତା ଲକୁରି ଚାକ୍ୟା କିତାନ୍, ଆରେ ଇନେର୍ ପାତ୍ କିଞ୍ଜାତାର, ପାଚେ ହେଞ୍ଜାରି ବୁଡାୟ କିତାନ୍ । ୬ ଆରେ ଇମ୍‌ଣି ସାଗେନି ଦୁଡକ୍ ଜାର୍ ଜାର୍ ଉର୍ ପାଦ୍ ଇଟାଞ୍ଜାଦା ଜାର୍ ଜାର୍ ବାହା ପିସ୍ତାର, ହେଞ୍ଜାରି ହେଞ୍ଜାନ୍ ଗାଜା ବିଚାଣ୍ଡା ଦିନ୍ ପାଚେକ୍ ଝିଜୁଦିନ୍ ପାଚେକ୍ ଗାଟିତାକେ ହୁର୍ପିସ୍ ମାଜ୍‌ଗାତାକେ ବାହାତ ଇଟ୍‌ଡାଣ୍ଡା ଇଦା ଏପେକ୍ ମାନେ କିୟାଟ୍ । ୭ ହେ ଲାକେ ସଦମ୍ ଆରି ଗମରା ଆରେ ହେଞ୍ଜାରିତି ଚାରିବେଶ୍‌ତା ଗାଡ୍‌ଦାକାର ଦାରି ଆରି ବାନ୍ଦା କାମାୟତ ଆହା ଆତିଲେ ଝିଜୁ ନାଣିଲାକେ ଦାଣ୍ଡ ବଗ୍ କିଜି ଉତରମୁଡ୍ ଲାକେ ଆତାଣ୍ଡା ।

୮ ଆତିସ୍ପା ଇ କ୍ଲେଞ୍ଜକଣ୍ ହୁଡ୍‌ନାକାର ପା ହେ ଲାକେ ଗାଗାଡ୍‌ତି ବିଟାଡ୍ କିନାର, ମାପୁତ ମାନିକିଉର୍ ଆରି କାବାଆନି ସାକ୍ରିତି ନିନ୍ଦା କିନାର । ୯ ମାତର ମୁଡ୍ ଦୁଡ୍ ମିକାୟେଲ୍ ମସାତି ମାଡା ବିସ୍ତେ ସୟତାନ୍ ହୁଦା କାତାବାର୍ତା କିନିଞ୍ଜେଡାଲି ନିଦା କିଜି ତାଦାକ୍ ବିଚାର କିଦେକ୍ ସାସ୍ ଆଦେ ଆଡ୍‌ଞ୍ଜାଦା ମାତାଡ୍, କେବଲ୍ ଏଚେକ୍ ଇଚାଡ୍, “ମାପୁ ନିଲେକ୍ ଦାକା ହିଦେନ୍ ।” ୧୦ ଦିନ୍ ପାକ୍ୟାତ ଇଞ୍ଜାର ଇମ୍‌ଣି ଝିଜୁ ବିସ୍ତେ ପୁନୁର୍, ହେ ସବୁନି ନିନ୍ଦା କିନାର, ଆରେ ପୁନ୍‌ଝି ପସୁ ଲାକେ

☆ ୧:୯ ୧:୯ ହଡ୍‌ତି ୧୨:୭.

ଇନା ଇନାକା ହାତ୍‌ପା ଲାକେ ବୁଜାନାର୍, ହେ ସବୁ ହୁଦାଂ ବୁଜାନାର୍ । ୧୧ ଇନେସ୍ ହେଞ୍ଜାର୍ ଦୁକ୍‌ନିଲଗ୍, ଇନେକିଦେଂକି ହେଞ୍ଜାର୍ କୟିନତି ହାଜିତ୍ ତାଙ୍ଗି ହାଚାଣ୍ଡା, ତାରୁଙ୍ଗ୍ ଲାବ୍‌ଡି କାଜିଂ ବିଲିୟାମ୍ ଚାକାର୍‌ତ ଆର୍ତାଣ୍ଡା ଆରି କରହ୍ ଲାକେ କୁଲ୍ କିଜି ବୁତାତାଣ୍ଡା । ୧୨ ହେଞ୍ଜାର୍ ଲାଜାଞ୍ଜାଦାଂ ମି ହୁଦାଂ ତିନାଉଣା କିଜି ମିଦାଂ ଜିଉନି ବଜିନି ପ୍ରାଲ୍ ଲାକେ ଆତାଣ୍ଡା; ହେଞ୍ଜାର୍ ଜାର୍ ଜାର୍‌ତି ପଟ୍ ପାଞ୍ଜନାର୍; ହେଞ୍ଜାର୍ ଦୁକାତାଂନି ଏସ୍ ହିଲ୍‌ଞ୍ଜି ବାଦାଡ୍ ଲାକେ; ହେଞ୍ଜାର୍ ରିହା ହାକି, ଆରମ୍‌ତାଂ ଉର୍‌କାତି ଦିଞ୍ଜାଡ୍ କାଡ୍‌ନି ପାଡ୍‌ହିଲ୍‌ଞ୍ଜି ମାର୍ ଲାକେ; ୧୩ ହେଞ୍ଜାର୍ ଜାର୍ ଜାର୍ ଲାଜ୍ ଲାକେ ପୁମେଲ୍ କାକ୍‌ନି ହାମ୍‌ଦୁଣ୍ଡି ନିଙ୍ଗିତି ଲଡି ଲାକେ; ହେଞ୍ଜାର୍ ବୁଲାନି ହୁକାଂ ଲାକେ; ହେଞ୍ଜାର୍‌ତି କାଜିଂ ଝିଜ୍‌ଞି କାଡ୍‌ ବେସି ମାଜ୍‌ଗାତ ଇଟ୍ୟାତାଡ୍‌ନା ।

୧୪ ଆଦମ୍‌ତାଂ ସାଡ୍ ଟିକ୍ ଜେ ହନକ, ହେଞ୍ଜାନ୍ ପା ହେଞ୍ଜାର୍ ବିସ୍ତେ ବେଣ୍‌ବାକ୍‌ଶାୟ୍ କିଜି ସୁଣାୟ୍ କିଜି ମାଚାନ୍, “ମାପୁ ହାଜାର୍ ହାଜାର୍ ପୁଇପୁୟା ସାଗେନି ଦୁତକ୍ ଲାହାଂ ଖାନାନା । ୧୫ ହୁଡାଟ୍, ମାପୁ ଝିଜାରିଂ ବିଚାର୍ କିନି କାଜିଂ, ଆରେ ଅଦାମ୍ ଲଗୁ ଝିଜାର୍ ଜାର୍ ଜାର୍‌ତି ଅଦାମ୍ କାତାତ ଇମ୍‌ଣି ସବୁ ଅଦାମ୍ କାମାୟ୍ କିନାରା ଆରି ଅଦାମ୍ ପାପିର୍ ତା ବିରୁଡ୍‌ତ ଇମ୍‌ଣି ସବୁ ବାଦି କାତା ଇଞ୍ଜାନ୍ନା ।”

୧୬ ଇ ମାନାୟାର୍ ଗାଣ୍‌ଜୁଗତିଆର୍, ଜାର୍ ଜାର୍ ଅବସ୍ତାତ ସାରିଆଞ୍ଜାତାକା ଆରି ଜାର୍ ଜାର୍ ଦସ୍ ଆସ୍ତେଙ୍ଗ୍ ଲାଲ୍‌ସା ତାଙ୍ଗିତାକା; ହେଞ୍ଜାର୍‌ତି ମୁମ୍ ଗାଜା ଗାଜା କାତା ଇନାଡ୍ ଆରି ଗିଣ୍‌ମାନ୍ ବାଟ୍ କାଜିଂ ହେଞ୍ଜାର୍ ଲକାର୍ ମୁମ୍ ଜପି ଖାରି କିନାର୍ ।

ଚେଡ୍‌ନାହିନାକା ଆରି ବୁଜାମାଣା

୧୭ ମାତର୍, ଏ ଖାରିନିକାଦେର୍, ମା ମାପୁ ଜିସୁ କ୍ରିସ୍ଟି ପକ୍ୟାତାକାର୍ ଆଗେ ଇମ୍‌ଣି ସବୁ କାତା ଇଚାଣ୍ଡା, ହେ ସବୁ ଏଡ୍ କିୟାଟ୍; ୧୮ ହେଞ୍ଜାର୍ ଇନେସ୍ ମିଙ୍ଗେଙ୍ଗ୍ ଇଞ୍ଜିମାଞ୍ଜାର୍, “ହାରିହାରା କାଡ୍‌ଦ ଜାର୍ ଜାର୍ ଇସ୍‌ବୁର୍‌ତି ବିରୁଦ୍ ମାନାୟାର୍ ହସି ଖାଜି ମିଙ୍ଗେଙ୍ଗ୍ ଗ୍ଲୁଇଦାନାର୍ ।” ୧୯ ହେଞ୍ଜାର୍ ମାୟାମାୟା କେଡ୍‌ପା ଆନାକା ଉର୍‌ଜାଣ୍ କିନାର୍, ହେଞ୍ଜାର୍ ଜଗଡ୍‌ମାନ୍ ଆରି ଇସ୍‌ବୁର୍‌ତି ଜିବୁନ୍ ହିଲ୍‌ଞ୍ଜାକାର୍ । ୨୦ ମାତର୍, ଏ ଖାରିନିକାଦେର୍, ଏପେଙ୍ଗ୍ ଜାଟ୍ ବେସି ପୁଇପୁୟା ପାଟ୍ ଜପି ଜାର୍‌ତି ଦରମ୍ ଜିବୁନ୍ ଲାଗ୍‌ଦି ଇଲ୍ ରଚାଟ୍, ପୁଇପୁୟା ଜିବୁନ୍ ପାର୍ତାନା କିୟାଟ୍, ୨୧ ଆରେ, ଝିଜ୍‌ଞି ଜିବୁନ୍ କାଜିଂ ମା ମାପୁ ଜିସୁ କ୍ରିସ୍ଟି ଦୟାନି କାଇ କିଜି ଇସ୍‌ବୁର୍‌ତି ଜିଉତ ଜାଟ୍ ତିର୍ କିଜି ଇଚାଟ୍ ।

୨୨ ଇମ୍‌ଣାକାର୍ ଚିନ୍ତାତ ମାନାର୍ ଏଲେଙ୍ଗ୍ ଏଚେଜାଣ୍ଡିଂ ଦୟା କିଜି ନାଣିତାଂ ଉନ୍‌ନି ଲାକେ ପରିକ୍ୟା କିୟାଟ୍ । ୨୩ ଚାକାର୍‌ତ ଆଜ୍ ନାସ୍ ଆଦେଂ ହାଲ୍‌ଜି ମାନି ମାନାୟାତିଂ ନାଣିତାଂ ମୁକ୍‌ଡାୟ୍ କିୟାଟ୍ । ଆରେ ଏଚେଜାଣ୍ଡିଂ ପାପ୍ ପ୍ରାଲ୍‌ଆସ୍ତି ହେନ୍‌ଡାତିଂ ପା ଗିଣ୍ କିୟାଟ୍, ମାତର୍ ପାଣ୍ଡୁ ଲାହାଂ ହେଞ୍ଜାରିଂ ଦୟା ଚଚାଟ୍ ।

ଦନ୍ୟବାଦ୍ ପାର୍ତାନା

୨୪ ଇନେର୍ ମିଂ ହାକିତାଂ ରାକ୍ୟା କିଦେଙ୍ଗ୍ ଆରି ହେଞ୍ଜାନ୍ତି ଜାଜ୍‌ମାଲ୍‌ନି ଲାଗେ ଦସିଆଞ୍ଜାଦାଂ ଆରି ଖାରିଆଜି ଇଞ୍ଜେଙ୍ଗ୍ ଆଡ୍‌ନାଦେର୍, ୨୫ ଇନେର୍ ମାଙ୍ଗ୍ ମାପୁ ଜିସୁ କ୍ରିସ୍ଟି ହୁଦାଂ ମା ରାକ୍ୟାକାର୍‌ଆ ରଞ୍ଜାନ୍ ମତର୍ ଇସ୍‌ବୁର୍, ଜାଜ୍‌ମାଲ୍, ସାଲ୍, ବାପୁ ଆରି ହାଉକାର୍‌ପାଣ୍, ମା ମାପୁ ଜିସୁ କ୍ରିସ୍ଟି ହୁଦାଂ ଝିଜ୍‌ଞି କାଡ୍‌ଦାଂ ନଂ ପାତେକ୍ ଆରି ଆଦିକାର୍ ହେଞ୍ଜାନ୍ତି ଆଏଡ୍ । ଆମେନ୍ ।

☆ e:er e:er ୨ ପିତର୍ ୩:୩.

ଯୋହନଙ୍କ ପ୍ରତି ପ୍ରକାଶିତ ବାକ୍ୟ ଜହନ୍ତି କାଜିଂ ହତ୍ତ ବଚନ୍ ଜହନ୍ତି କାଜିଂ ହତ୍ତ ବଚନ୍ ବିଷ୍ଣେ ପାଦେକ୍

ହତ୍ତ ବଚନ୍ ପୁନି ନିୟମତ ହାରିହାରାନି ପତି । ଇଦାଂ ପା ଜହନ୍ ହୁଦାଂ ଜିସୁ କ୍ରିଷ୍ଟି ଜଲମ୍ନି ଆନମାନ୍ ତାଙ୍ ୯୫ ବାହୁତ ଲେକା ଆଜି ମାଚାତ୍ ୧:୧ । ହେୱାନ୍ ଜହନ୍ ନେକ୍ରିକାରୁର ଲାହାଙ୍ ତିନଗଟା ଆକି ପା ଲେକିକିତାନ୍ ୧ ଜହନ୍, ୨ ଜହନ୍, ୩ ଜହନ୍ । ଜହନ୍ ଇନେରିଂ ଜିସୁ ବେସି ଜିଉନଜି ମାଚାନ୍ ଇଞ୍ଜି ପା ପୁନ୍ୟା ଆନାତ୍ ଜହନ୍ ୧୩:୨୩ ଜହନ୍ ଆଇସ୍ଲାଣ୍ଟିନି ପାତ୍ମସତ ମାନି ସମୁତ ଇ ହତ୍ତ ବଚନ୍ ଲେକିକିଜି ମାଚାନ୍ ଇନାକିଦେଂକି ଜିସୁ କ୍ରିଷ୍ଟି ନେକ୍ରିକାରୁର ସୁଣାୟ୍ କିନି କାଜିଂ ତାଙ୍ ହେବେ ବାଚି କିଜି ମାଚାତ୍ । ୧:୯ ।

ଜିସୁତି ଖାନାକା ସମୁ ଲାଗେ ମାଚିଲେ ଜିସୁ କ୍ରିଷ୍ଟି ତାକେ ପାତ୍ ମାଞ୍ଜେଙ୍ ପତି କିନାକାରିଂ ସାସ୍ ଆରି ଆହା ହିନି କାଜିଂ ଜହନ୍ ଇ ହତ୍ତ ବଚନ୍ ଲେକିକିତାନ୍ । ୧:୩୨:୭ ହେ ସବୁ ପାତ୍ କିନାକାର୍ ଆରି ହାର୍ ବାଗ୍ରେ ସାତ୍ଗଟା ମଣ୍ଡଲିତିଂ ଏଲେଙ୍ ହୁଡ୍ନାନ୍ ୨-୩ ଜହନ୍ ତା ଲେକାତ ବେଶ୍‌ବାକ୍‌ଶାୟ୍‌କିନାନା ୧:୩ ଆରି ହେୱାନ୍ ହୁଡ୍‌ଜିମାନି ବେସି ଉଦ୍‌ଜାତି ବିଷ୍ଣେ ଲେକିକିତାନ୍ନା । ଇ ପତିତ ଏଚେକ୍ ବାଗ୍‌ତ ପୁନି ପତିନି ବାଗ୍‌ତାଂ ସମାନ୍ ମାନାତ୍, ପାତ୍ ଜିକରିୟ୍ ୨:୧-୮ତାକେ ହୁଡ୍‌ନାସ୍ ।

ହେ ସମୁତ ଆରି ସାତ୍‌ଗଟା କଣ୍ଡିଂ ଇନାକା ଇସ୍‌ବର୍ ମିସର୍ ନିକାରିଂ ତାଣ୍‌ହିନି କାଜିଙ୍ ଦୁକ୍‌ଦୁକା ପକ୍‌ନାର୍ ଜାତ୍ରା ୭:୯ ହତ୍ତ ବଚନ୍ ହାରିହାରା ସମୁତ ଇନ୍ୟା ଆନାତ୍ ଜିସୁ ହାରିହାରାତ ଜିତା ଆନାନ୍ ଆରି ଇମ୍‌ଶାକାର୍ ତା ତାକେ ବାସ୍ କିନାର୍ ହେୱାର୍ ସବୁଞ୍ଜେତାଙ୍ ତା ହୁଦାଂ ମାନ୍‌ଜାମାର୍ । ଇ ପତି ଜାର୍‌ତିଂ ଜାଗ୍‌ତ୍ କିଏନ୍ ଆରି ଆହା ହିଏନ୍ ଜେ, ଜିସୁ ବେଗି ମାସ୍‌ଦି ଖାନାନା ।

ହତ୍ତ ବଚନ୍ ବିଷ୍ଣେନି ରାହାଣ

- ୧. ଜହନ୍ତି ଜାଣାତିନା ଆରି ତା କେଚ୍‌କଣ୍ ହୁଡ୍‌ନାକା ୧:୧-୧:୨୦
- ୨. ଜିସୁ କ୍ରିଷ୍ଟିତାକେ ସାତ୍‌ଗଟା ମଣ୍ଡଲି କାଜିଂ ଜହନ୍ତି କାତା ୧:୧-୩:୨୨
- ୩. ସାତ୍‌ଗଟା ତାରୁଙ୍ ୪:୧-୮:୫ ସାତ୍‌ଗଟା ମରିଂ ୮:୬-୧୧:୧୯ ବିତ୍ରେ ଲେକା ଆତାତ୍‌ନା ।
- ୪. ହିମ୍‌ଶା କାଦେର୍ ଆରି ସାତ୍‌ଗଟା କାପ୍‌ଡା ହିଜି ପାଡ୍‌ନି ରାଚ୍ ଲାହାଂ ଜୁଜ୍ ୧୨:୧-୧୪:୨୦
- ୫. ସାତ୍‌ଗଟା ଗାତ୍ରା କଣ୍ଡି ବିଷ୍ଣେ ଇନାକା ୧୫:୧-୧୬:୧୮
- ୬. ଇସ୍‌ବର୍ ସାଗେତ ତା ସାତୁଙ୍ ଜିଶା ଆନାନ୍ ୧୭:୧-୨୦:୧୫
- ୭. ପୁନି ସାଗେ ଆରି ପୁନି ପୁତ୍ ୨୧:୧-୨୨:୨୧

୧ ଜିସୁ କ୍ରିଷ୍ଟି ହତ୍ତ ବଚନ୍; ବିଲମ୍ ଆଖାଦାଂ ଇନା ଇନାକା ହାତେନେ ଗିଟାମାତ୍, ହେ ଝିଜୁ ହେୱାନ୍ ଇନେସ୍ ଜାର୍ ଆଡ୍‌ୟାରିଂ ଝେଚ୍‌ନାନ୍, ଇଦାଂ କାଜିଂ ଇସ୍‌ବର୍ ଇଦାଂ ଜିସୁ ଲାଗାୟ୍ ହେଲାୟ୍ କିତାନ୍, ଆରେ ହେୱାନ୍ ଜାର୍ ଦୁଡ୍‌ତିଂ ପକ୍‌ତି ଜାର୍ ଆଡ୍‌ଏନ୍ ଜହନ୍‌ତିଂ ଇଦାଂ ପୁନି: କିୟ୍‌କିତାନ୍ । ୨ ଆରେ ଜହନ୍ ନିଜେ ଇନାକା ହୁଡ୍‌ତାନ୍ନା, ହେଦାଂ ଇବେ ହପ୍‌ତାନ୍ନା । ଇ ପତିତ ଇସ୍‌ବର୍‌ତି କାରୁର୍ ଆରି ଜିସୁ କ୍ରିଷ୍ଟି ସାକି ବିଷ୍ଣେ ଲେକା ଆତାତ୍‌ନା । ୩ ଇନେନ୍ ପତି କିତାନ୍ ଆରି ଇମ୍‌ଶାକାର୍ ଇ ବେଶ୍‌ବାକ୍‌ଶାୟ୍‌କିନାକା ଝେନାର୍, ଆରେ ହେବେ ଲେକାତି ବିଷ୍ଣେ ସବୁ ମାନିକିନାର୍, ହେୱାର୍ ଦନ୍ୟ ଇନେକିଦେଂକି ସମୁ ଲାଗେ ଖାତାତେ ।

ସାତ୍‌ଗଟା ମଣ୍ଡଲିତିଂ ବନ୍ଦାଇ କିନାକା

୪ ଜହନ୍ ଆସିଆତ ମାନି ସାତ୍‌ଗଟା ମଣ୍ଡଲି ଲାଗାଂ ନା ଜଖାର୍ ଜାଣାୟ୍‌କିନାକା, ଇନେର୍ ନଙ୍, ପୁନାକା ଆରି ଆଗେ ଖାନିଦିକ୍, ହେୱାନ୍‌ତାଂ ଆରି ହେୱାନ୍ତି ଗାଦି ମୁମ୍‌ତ ସାତ୍ ଜିବୁନ୍‌ତାଂ ୫ ଆରେ ପାତ୍ ନି ସାକି, ହାତାକାର୍ ବିତ୍ରେତାଂ ପର୍ତ୍ତୁମ୍ ଗାଗାତ୍ ଆସ୍ତାକାନ୍ ଆରି ପୁତ୍ ନି ମୁଡ୍‌ଦାକାନ୍ ରାଜାର୍‌ତାଂ ରାଜା ଜିସୁ କ୍ରିଷ୍ଟିତାଂ ଦୟା ଆରି ସୁସ୍ତା ମି କାଜିଂ ଆଏଡ୍ । ଇନେନ୍ ମାଙ୍ ଜିଉନଜି ଜାର୍ ନେତେର୍ ହୁକେ ମାଙ୍‌ଜେଙ୍ ମା ପାପ୍‌ତାଂ ମୁକ୍‌ତାୟ୍ କିଡ୍‌ତାନ୍ନା, ୬ ଆରେ, ମାଙ୍ ର ରାଜାକୁଚ୍‌ମ୍ ଲାକେ ଜାର୍ ଇସ୍‌ବର୍ ଆରି ଆବାତି ଲାଗେ ମାପୁହେବାକିନାକାନ୍ ଲାକେ ବାଚିକିଡ୍‌ତାନ୍ନା, ହେୱାନ୍ତି ଜାଜ୍‌ମାଲ୍ ଆରି ବପୁ ଜୁଗ୍ ଜୁଗ୍ ଆଏଡ୍ । ଆମେନ୍ ।

☆ ୧:୪ ୧:୪ ହତ୍ତ ୪:୫.

୭ *ହୁଡ଼ାଟ୍, ହେୱାନ ବାଦାଡ଼ତ୍ ଖାନାନା, ଜାଣକେ ମାନାୟାର୍ ହେୱାନିଂ ହୁଡ଼ନାର୍, ଇମ୍ନାକାର୍ ହେୱାନିଂ ଏଡ଼ଜି ମାଚାର୍, ହେୱାର୍ ପା ହୁଡ଼ନାର୍, ଆରେ ପୁତ୍ରିନି ସବୁ ଜାତି ତା ଖାନାକା କାଜିଂ ଆଡ଼ବାନାର୍ । ଇ ସବୁ ହାତେନେ ଗିଟାନାଡ଼ । ଆଁ ଆମେନ୍ ।

୮ *ଇନେନ୍ ନଙ୍ଗ, “ଆକ୍ତୁ ଆରି ଖାନିଦିତ୍” ଇନେନ୍ ସାକ୍ତିକାଟାକାନ୍, ହେ ମାପୁ ଇସ୍ବର ଇନାନ୍ “ଆପ୍ ଆରମ୍ ଆରି ହାରିହାରା ।”

କ୍ରିଷ୍ଟ ଚଞ୍ଚୟାତାନ୍

୯ ଆନ୍ ଜହନ୍, ମି ରଖାନ୍ ଚଣ୍ଡେନ୍ ଆରି ଜିସୁତି ଚେଲା ଲାକେ ତା ରାଜିନି ମାନାୟାର୍ ଦୁକ୍ ଜପି ଆଜି ମାନି ସାସ୍ ଲାହାଙ୍ଗ୍ ମେହା ଆନାକା, ଆନ୍ ଇସ୍ବତ୍ ବଚନ୍ ଆରି ଜିସୁତି ସାକି କାଜିଂ ପାମ୍ ତରନ୍ ଏସକ୍ସପୁଲିତ ବନ୍ଦି ମାଟାଂ । ୧୦ ଆନ୍ ମାପୁତି ଦିତ୍ତ ପୁଇପୁୟା ଜିବୁନ୍ ନା ଜପି ଜୁଡ଼ତାଡ଼ ଆରି ନା ପାଚେ ମରି ସବଦ୍ ଲାକେ ର ଗାଜା କାଟ୍ ଇଦାଂ ଇନାକା ଖେଚାଙ୍ଗ୍, ୧୧ ଏନ୍ ଇନାକା ହୁଡ଼ନାୟା, ହେଦାଂ ର ପତିତ ଲେକିକିଜି ସାଡ଼ ମଣ୍ଡଲି, ଇତିସ୍ ଏପିସିୟ, ସ୍ପୁଣ୍ଡା, ପର୍ଗମ୍, ତୁୟାତିରା ସାକ୍, ପିଲାଦେଲ୍ପିଆ ଆରି ଲାଅଦିକିଆ ଲାଗାଂ ପକା ।

୧୨ ଇନେନ୍ ନା ଲାହାଙ୍ଗ୍ କାତା ଇନାନା, ଇଦାଂ ହୁଡ଼ନି କାଜିଂ ଆନ୍ ଜେଣ୍ପାଡ଼କା ମାସ୍ତାଂ । ଆରେ ମାସ୍ତିଲେ ଆନ୍ ହୁଡ଼ତାଂ, ସାଡ଼ ହନା ବଇଟା, ୧୩ ଆରେ ହେ ବଇଟାଙ୍ଗ୍ ମାଦ୍ଣି ବାହାତ ମାନାୟା ମାଜିତି ଲାକେ ରଖାନ୍ ମାନାୟା; ହେୱାନ ପାନା ପାଚେକ୍ ହେନ୍ଦା ଉସପାତାକା ଆରି ନେଞ୍ଜେଡାକିତ ହନା ଚାର୍ବେଣ୍ଡାଂ ତରି ଗାଡ଼ୟାତାନ୍ନା; ୧୪ ହେୱାକ୍ତି କାପ୍ଡାନି ତେମୁଲ୍ ଆଞ୍ଜଗା ଲାକେ ଡିଞ୍ଜନାକା ମାଚାଡ଼, ଆରେ ହେୱାକ୍ତି କାଣ୍କୁ ଆହ୍ନି ନାଣି ଲାକେ; ୧୫ ହେୱାକ୍ତି ପାନା ରିଣ୍ଡି ନାଣି ହଲି ନିର୍ମଲ୍ ଅଜଡ଼ ପିତାଡ଼ ଲାକେ ଆରି ହେୱାକ୍ତି କାଟ୍ ବେସି କାଡ଼କାନି ଏଜୁଙ୍ଗ୍ ଲାକେ । ୧୬ ହେୱାନ ଜାର୍ ବୁଜଣି କେଇଦ ସାଡ଼ଗଟା ହୁକାଂ ଆସ୍ତି ମାଚାନ୍, ହେୱାକ୍ତି ଖେଇଦାଂ ତିପ୍ତିପା ରିଦାରା କାଣ୍ଡା ହସି ମାଚାଡ଼, ଆରେ ହେୱାକ୍ତି ମୁମ୍ ମୁଣ୍ଡାବେଲାନି ଖେଡ଼ା ଲାକେ ଡିଞ୍ଜି ମାଚାଡ଼ ।

୧୭ *ହେୱାନିଂ ହୁଡ଼ଜି ଆନ୍ ହାତି ଲାକେ ହେୱାନ ପାନା ତାରେନ୍ ଗୁର୍ତାଂ । ହେବେ ହେୱାନ ନା ଜପି ଜାର୍ ବୁଜଣି କେଇ ଇଡ଼ଜି ଇନ୍ତାନ୍, “ପାଣ୍ଡା ଆମା, ଆନ୍ ଆରମ୍ ଆରି ହାରିହାରା । ୧୮ ଆନ୍ ମାନେଜିତାକାଂ; ହାଜି ମାଚାଙ୍ଗ୍, ମାତର୍ ଆନ୍ ନଙ୍ଗ୍ ଜିତାଙ୍ଗ୍ନା ଖିଜ୍ଝି କାଡ଼ ଜିବୁନ୍ ମାନ୍ଗାନାଙ୍ଗ୍ । ହାକି ଆରି ହାତିଲକାର୍ ପାତାଲ୍ନି କୁଟିକାତି ନା କେଇଦ ମାନାଡ଼ । ୧୯ ଲାଗିଂ, ଇନା ଇନାକା ବିସ୍ତେ ହୁଡ଼ତାୟା, ଇନା ଇନାକା ନଙ୍ଗ୍ ଗିଟାନାତା ଆରି ଇଦାଂ ପାଚେ ଗିଟାନାଡ଼, ହେ ସବୁ ଲେକିକିୟା । ୨୦ ମା ବୁଜଣି କେଇଦ ଇମ୍ଣି ସାଡ଼ଗଟା ହୁକାଂ ହୁଡ଼ତାୟା, ହେବେନି ଆରି ସାଡ଼ଗଟା ହନା ବଇଟାନି ଅରଡ଼ ଇଦାଂ, ହେ ସାଡ଼ଗଟା ହୁକାଂ ସାଡ଼ଗଟା ମଣ୍ଡଲିନି ଦୁଡ଼କ୍” ଆରି ସାଡ଼ଗଟା ବୈଟାଂ ସାଡ଼ଗଟା ମଣ୍ଡଲି ଆନିକ୍ ।

୨

ଏପିସି ମଣ୍ଡଲିତିଂ କାବୁର୍

୧ “ଏପିସି ମଣ୍ଡଲିନି ଦୁଡ଼ତି ଲାଗାଂ ଲେକିକିୟା: ଇନେନ୍ ଜାର୍ ବୁଜଣି କେଇଦ ସାଡ଼ଗଟା ହୁକାଂ ମାସ୍ତିକ୍ ଆରି ସାଡ଼ଗଟା ହନା ବଇଟାଙ୍ଗ୍ ବିତ୍ତେ ବୁଲାଚାଲା କିନିକ୍, ହେୱାନ ଇଦାଂ ଇନାନ୍, ୨ ଆପ୍ ମି କାମାୟା, କସ୍ ଆରି ସାସ୍ ପୁନାପ; ଆରେ ଏପ୍ ଜେ ବାନିୟାର୍ତି କାମାୟା ହୁନ୍ଞେଙ୍ଗ୍ ଆଡୁଦେର୍, ଆରେ ଇମ୍ନାକାର୍ ଜାର୍ ଜାର୍ତିଂ ପକ୍ୟାତାକାଂ ଇଞ୍ଜି ଇନାର୍, ମତର୍ ପକ୍ୟାତାକାନ୍ ଆକାୟା, ହେୱାର୍ ପରିକ୍ୟା କିଜି ମିଡ଼୍ଝା ଇଞ୍ଜି ଚିନି କିତାଦେଣ୍ଡା, ୩ ଆରେ ସାସ୍ ଆସ୍ତି ନା ତର୍ କାଜିଂ କସ୍ ହୁଞ୍ଜାଦେଣ୍ଡା ଆରି ଖାହ୍ଝାତାଦେଣ୍ଡା, ଇଦାଂ ପା ଆନ୍ ପୁନାଙ୍ଗ୍ । ୪ ମାତର୍ ମି ବିରୁଡ଼ତ ନା ଇ ଦାବା ମାନାଡ଼, ଏପ୍ ହିଗ୍ଦ ଇନେସ୍ ଜିଉନଜି ମାଚାଦେର୍, ହେ ଲାକେ ଆରେ କିଉଦେରା । ୫ ଲାଗିଂ ଇମେତାଂ ମିଦାଂ ଆଦା ହାଚାଡ଼ନ୍ନା, ହେଦାଂ ଚିତ୍ତା କିୟାଟ୍ । ହେଦାଂ ଏଡୁ କିଜି ମାନ୍ବାଦ୍ଲାୟା କିୟାଟ୍ ଆରି ଆଗେନି କାମାୟା ସବୁ କିୟାଟ୍; ଆଞ୍ଜିତିସ୍ ଏତେକାଡ଼୍ ମାନ୍ବାଦ୍ଲାୟା କିଉଦେର୍, ବାଟିଙ୍ଗ୍ ଆପ୍ ବେଗି ମି ଲାଗାଂ ଖାଜି ମି ବଇଟା ହେ ବାହାତାଂ ଗୁରାୟକିନାଙ୍ଗ୍ । ୬ ମତର୍ ମି ପାକ୍ୟାତ ରଞ୍ଜାଙ୍ଗ୍ କାତା ମାନାଡ଼ । ହେଦାଂ ଆନାତା, ନା ଲାକେ ଏପେଙ୍ଗ୍ ପା ନିକଲାତିୟତ୍ ଇମ୍ଣି ସବୁ କାମାୟା ଗିଣ୍ କିନାପା, ଏପେଙ୍ଗ୍ ପା ହେ ସବୁ ଗିଣ୍ କିନାଦେରା ।”

୭ “ଖେଞ୍ଜେଙ୍ଗ୍ କିଡୁଲ୍ ମାତିସ୍, ମଣ୍ଡଲିକାଂ ପୁଇପୁୟା ଜିବୁନ୍ ଇନାକା ଇନାତା, ଖେନାଟ୍ !”

“ଇନେନ୍ ଜିତା ଆନାର୍, ଆନ୍ ହେୱାର୍ ଇସ୍ବତ୍ ସାଗେ ରାଜିନି ଆସ୍ତି ମାନି ଜିବୁନ୍ ମାର୍ନି ପାଡ଼୍ ଚିଞ୍ଜେଙ୍ଗ୍ କାଜିଂ ଆଦିକାର୍ ହିନାଂ ।”

ସର୍ଣ୍ଣ ମଣ୍ଡଲିତିଂ କାବୁର୍

୮ *ସ୍ପୁଣ୍ଡା ମଣ୍ଡଲିନି ଦୁଡ଼ ଲାଗାଂ ଲେକିକିୟା: “ଇନେନ୍ ଆରମ୍ ଆରି ହାରିହାରା, ଇନେନ୍ ହାଜି ଆରେ ଜିବୁନ୍ ଆତାନ୍, ହେୱାକ୍ତି ଲାଗାଂ ଇ କାବୁର୍ । ୯ ମି ଦୁକ୍ ସବୁ ନାଙ୍ଗେଙ୍ଗ୍ ଜାଣା; ଆନ୍ ପା ପୁନାଙ୍ଗ୍ ଜେ, ଏପ୍ ଅକ୍ ଡ଼; ମାତର୍ ହାଡ଼ପାନେ

* ୧:୭ ୧:୭ ମାତିଉ ୨୪:୩୦; ମାର୍କ ୧୩:୨୭; ଲୁକ ୨୧:୨୭; ୧ ତେସ୍ଲନିକି ୪:୧୭; ଜହନ୍ ୧୯:୩୪,୩୭; ମାତିଉ ୨୪:୩୦. * ୧:୮ ୧:୮ ହତ୍ତ ୨୨:୧୩.
* ୧:୧୭ ୧:୧୭ ହତ୍ତ ୨:୮; ୨୨:୧୩. * ୨:୮ ୨:୮ ହତ୍ତ ୧:୧୭; ୨୨:୧୩.

ଏଠା ମାଜାନ । ଇମ୍ପାକାର ଜାତୀୟ ଜିହ୍ୱା କୁରୁମ୍ ଇଞ୍ଜ ଇନାର୍, ମାତର ହାତ୍ପାଦେ ହେଞ୍ଜାର ଜିହ୍ୱାଦିର ଆକାୟ ଆରି ଇମ୍ପାକାର ସୟତାନତି ପାଚେ ହାନାର୍, ହେଞ୍ଜାର ଇନେସ୍ ମିଦା ନିନ୍ଦା କିଜି କାତା ଇନାର୍, ହେଦା ଆନ୍ ପୁନାଙ୍ ।
୧୦ ଏଠା ଇମ୍ପାଣି ସବୁ ଦୁକ୍ତବର୍ଗ କିଦେଙ୍ଗ୍ ହାନାଦେରା, ହେ ସବୁତି ପାଣ୍ଡା ଆମାଟ୍; ହୁଡାଟ୍, ମି ପରିକ୍ୟା କାଜି ସୟତାନ ମି ବିତ୍ତେତା ଇନେର୍ ଇନେରି ଜଇଲ୍ ଇଞ୍ଜ ବାତ କିଦ୍ନାଟ୍, ଆରେ ଏପେଙ୍ଗ୍ ଅଲ୍ପ ଦିନ୍ କାଜି ଦୁକ୍ତବର୍ଗ ଆଦ୍ନାଟ୍ । ଏପେଙ୍ଗ୍ ହାନି ପାଚେକ୍ ପାଚିତ ମାନାଟ୍, ହେବେ ଆପ୍ ମିଙ୍ଗେଙ୍ଗ୍ ଜିବୁନ୍‌ବାରତି ମୁକୁଟ୍ ହିଦ୍ନାପ୍ ।”

୧୧ *ମଣ୍ଡଲିକା ଜିବୁନ୍ ଇନାକା ଇନାତା, “ଇନେରି କିତୁଲିଙ୍ଗ୍ ମାନିକ୍, ହେଞ୍ଜାନ୍ ହେଦା ଝେନେନ୍ ।
ଇନେନ୍ ଜିତା ଆନାନ୍, ହେଞ୍ଜାନ୍ ରିହା ହାକି ଲାହାଙ୍ଗ୍ ଇନେସ୍‌କିତିସ୍‌ପା ନସ୍‌ଆଉଟ୍ ।”

ପର୍ଗମ ମଣ୍ଡଲିତି କାରୁର୍

୧୨ “ପର୍ଗମ ମଣ୍ଡଲିନି ଦୁଡ୍ ଲାଗା ଲେକିକିୟା ।”

“ଇନେର୍ତି ତିପ୍ତିପା ରିଦାରା କାଣ୍ଡା ମାନାଟ୍, ହେଞ୍ଜାନ୍ ଇଦା ଇନାନ୍, ହେଞ୍ଜାନ୍ ଇ କାରୁର୍ । ୧୩ ଆନ୍ ପୁଚାଙ୍ଗ୍‌ନା, ସୟତାନତି ଗାଦି ହେବେ ଜେ ଏପେଙ୍ଗ୍ ବାହାକିତାଦେଣ୍ଡା, ଇଦା ଆପ୍ ପୁନାପ୍; ଆତିସ୍‌ପା ଏପେଙ୍ଗ୍ ମା ତର୍ ଆଟ୍‌ଞ୍ଜା ଲାକେ ଆସ୍ତାଦେଣ୍ଡା, ଆରେ ମା ପାଚିତ ସାକି ଆକ୍ତିପା ଏଚେକାଡ୍‌ଦ୍ ମି ବିତ୍ତେନି ସୟତାନତି ହେ କୁଟ୍ଟି ବାହାତ ହାଜି ମାଚାଦେର୍, ଏପେଙ୍ଗ୍ ମାତାକେ ପାଚିତ କିନାଦେରା ଇଞ୍ଜି ହେ ଏଚେକାଡ୍‌ଦ୍ ପା ପାଚିତ କିଞ୍ଜାଦା ମାଚାଦେର୍ ।”

୧୪ “ମାତର୍ ମି ବିରୁଡ୍‌ତ ନାଦା ଏଚେଗଟା ବେରଣ୍ ଇନାକା ମାନାଟ୍ । ହେବେ ମି ଲାହା ମାନି ଏଚେକ୍, ବିଲିୟାମ୍ ହିକ୍ୟାତ ତିନାଜାଣା ଆନାରା ବାଲାକ୍ ଆକାଟ୍ ତିନାକା ଆରି ଦାରିୟାଲାକେ କିନି କାଜି ଇସ୍ତାଏଲ୍ ନିକାରି ଇଞ୍ଜେଙ୍ଗ୍ ବାଲାକ୍‌ତି ହିକ୍ୟା ହିଜି ମାଚାନ୍ । ୧୫ ସମାନ୍ ହେ ଲାକେ ନିକଲାତିୟରି ଇନ୍‌ବାନାକାରି ହୁଡ୍‌ନି ମାନାୟାର୍ ମି ବିତ୍ତେ ମାନାର୍ । ୧୬ ଲାଗି ମାନ୍‌ବାଦ୍‌ଲାୟ୍ କିୟାଟ୍; ଆଞ୍ଜିତିସ୍ ଆପ୍ ଦାପ୍ରେ ମି ଲାଗା ଝାଜି ନିନ୍ ଝେଇଦା ହତ୍ତନି କାଣ୍ଡା ହୁକେ ହେଞ୍ଜାର୍ ଲାହାଙ୍ଗ୍ ଜୁଜ୍ କିନାପ୍ ।”

୧୭ *ମଣ୍ଡଲିକା ଇସ୍‌ସ୍‌ରତି ଜିବୁନ୍ ଇନାକା ଇନାତା ।

“ଇନେରି କିତୁଲ୍ ମାନାଟ୍, ହେଞ୍ଜାନ୍ ହେଦା ଝେନେନ୍ ।” ଇନେନ୍ ଜିତା ଆନାନ୍, ତାଙ୍ଗେଙ୍ଗ୍ ଆନ୍ ଡ୍‌ଗୁତି ମାନ୍ନା ହିନାଙ୍ଗ୍, ଆରେ ଇମ୍ପାଣି ତର୍ ଇଟ୍‌ନାକାନ୍ ପିସ୍ତ୍ର ବିନେନିକାନ୍ ଇନେନ୍ ପୁନୁନ୍, “ଏଲେଙ୍ଗ୍ ପୁନି ତର୍ ଲେକାତି ରଞ୍ଜି ଡ୍‌ଞ୍ଜିନି କାଲ୍ ତାଙ୍ଗେଙ୍ଗ୍ ହିନାଙ୍ଗ୍ ।”

ଦୁୟତିରା ମଣ୍ଡଲି କାଜି କାରୁର୍

୧୮ “ଦୁୟତିରା ମଣ୍ଡଲିନି ଦୁଡ୍ ଲାଗା ଲେକିକିୟା, ଇସ୍‌ସ୍‌ତ କିମ୍ପାଣି ମାଜିତି କାଣ୍ଡା ଆହ୍‌ନି ନାଣି ଲାକେ ଆରି ପାନା ଅଜଡ୍‌ପିତାଡ୍ ଲାକେ, ହେଞ୍ଜାନ୍ ଇଦା ଇନାନ୍, ୧୯ ଆପ୍ ମି କାମାୟ୍, ଜିଉନନାକା, ପାଚିତ, ହେବା ଆରି ସାସ୍ ପୁନାପ୍, ଆରେ ମିଦା ନଙ୍ଗ୍‌ୟ୍ କାମାୟ୍ ମି ଆଗେନି କାମାଙ୍ଗ୍ ବାଟା ଜେ ଆଦିକ୍, ଇଦା ପା ପୁନାପ୍ । ୨୦ ଆତିସ୍‌ପା ମି ବିରୁଡ୍‌ତ ମାଦା ଇ ବେରଣ୍ ମାନାଟ୍, ଜିଜେବଲ୍ ତର୍‌ଦି ଇମ୍ପାଣି କଗ୍‌ଲେ ଜାତୀୟ ବେଶ୍‌ବାକ୍‌ଶାୟ୍‌କିନାକା ଇଞ୍ଜି ଇଞ୍ଜି ନା ଆଡ୍‌ୟାରି ଦାରିହାଞ୍ଜେଙ୍ଗ୍ ଆରି ଆକାଟ୍ ଚିଞ୍ଜେଙ୍ଗ୍ ହିକ୍ୟା ହିଜି ବୁଲାୟ୍‌କିନାତା, ଏପେଙ୍ଗ୍ ତା ବାନ୍‌ୟା କାମାୟ୍ ହୁଞ୍ଜନାଦେରା । ୨୧ ଆପ୍ ତାଙ୍ଗେଙ୍ଗ୍ ମାନ୍‌ବାଦ୍‌ଲାୟ୍ କିଦେଙ୍ଗ୍ ସମ୍ପୁ ହିଡ୍‌ତିସ୍‌ପା ହେଦେଲ୍ ଜାର୍ ଦାରିତା ମାନ୍‌ବାଦ୍‌ଲାୟ୍ କିଦେଙ୍ଗ୍ ଇତା କିଉତା । ୨୨ ଲାଗି ଆନ୍ ହେଦେଲ୍ ଆରି ତା ଲାହା ଦାରି କାମାୟ୍‌ତ ମେହାତାକାର୍ ଝିଜାରି ରଗ୍ ଟାଟିତ ତୁହିନା ଆରି ହେଞ୍ଜାର୍ ବୟ୍‌କାର୍ ନନିତ ବଗ୍ କିତାର୍ । ଜଦି ହେଞ୍ଜାର୍ ହେଦେଲ୍ ଲାହା କିଜି ମାନି ବାନ୍‌ୟାକାମାୟ୍ କାଜି ମାନ୍‌ବାଦ୍‌ଲାୟ୍ କିଞ୍ଜିତିସ୍, ଝାଟି ଆନ୍ ଇଦା ହାତ୍‌ପାଦେ କିନାଙ୍ଗ୍ । ୨୩ ହେଦେଲ୍ ପାଚେହାନାକାରି ପା ଟୁଣାଙ୍ଗ୍ । ତା ଆତିସ୍, ମଣ୍ଡଲି ଝିଜାର୍ ପୁଞ୍ଜେଙ୍ଗ୍ ଆଡ୍‌ନାର୍ ଜେ; ଆନ୍ ଝାସ୍‌ପୁନାକା, ମାନାୟ୍‌ନି ଝିଜୁ ଚିନ୍ତା ଆରି ଦାରି ପୁଞ୍ଜେଙ୍ଗ୍ ଆଡ୍‌ନାଙ୍ଗ୍ । ଏପେଙ୍ଗ୍ ଜାଣ୍‌କେ ଇନା ଇନାକା କିତାଦେଣ୍ଡା, ହେ ଇସାବ୍‌ରେ ଆନ୍ ମି ପାତିପାଡ୍ ହିଦ୍ନାଙ୍ଗ୍ ।”

୨୪ “ମାତର୍ ଦୁୟତିରା ମି ବିତ୍ତେତା ଇମ୍ପାକାର ଇ ବାନ୍‌ୟାହିକ୍ୟାତି ଇଡ୍‌ଞ୍ଜାତାଣ୍ଡା, ଆରି ସୟତାନତି ଡ୍‌କ୍ଲି ଇତି ବେରଣିକା ହିକ୍ୟା କିଞ୍ଜାତାନ୍ନା, ଆନ୍ ହେଞ୍ଜାର୍ ଜପି ଆରେ ଇମ୍ପାକା ପା ବଜ୍ ଲାଦି କିଉଙ୍ଗ୍ । ୨୫ ମତର୍ ମି ତାକେ ଇନାକା ମାନାଟ୍, ହେଦା ଆନ୍ ଝାଜି ପାଚେକ୍ ଆଟ୍‌ଞ୍ଜା କିଜି ଆସ୍ତ୍ର ମାନାଟ୍ ୨୬ ଇନେନ୍ ଜିତା ଆନାନ୍ ଆରି ହାରିହାରା ପାଚେକ୍ ନା କାମାୟ୍ କିନାନ୍, ଆନ୍ ଇନେସ୍ ଆବାତା ଆଦିକାର୍ ପାୟାତାନ୍‌ନା, ହେଦା ପା ହେ ଲାକେ ସବୁ ଜାତି ଜପି ଆଦିକାର୍ ହିନାଙ୍ଗ୍ ।

୨୭ ହେଞ୍ଜାନ୍ ହେଞ୍ଜାରି ଲଞ୍ଜା ବାଡ୍‌ଗା ହୁକେ ରାଜ୍ କିଦେଙ୍ଗ୍, ଆରେ ହେଞ୍ଜାର୍ ଚିକ୍‌ଲା ଟାଣ୍ଡି ଲାକେ ଗନ୍ଦା ଗନ୍ଦା କିଦେଙ୍ଗ୍ ହେଞ୍ଜାରି କେମ୍‌ତା ହିନାଙ୍ଗ୍ ।”

୨୮ ଆରେ ଆନ୍ ହେଞ୍ଜାରି ଅଜଡ୍‌ ହୁକା ପା ହିନାଙ୍ଗ୍ । ୨୯ ଝେଞ୍ଜେଙ୍ଗ୍ ସାକ୍ତି ମାତିସ୍, ମଣ୍ଡଲିକା ଇସ୍‌ସ୍‌ରତି ଜିବୁନ୍ ଇନାକା ଇନାତା, ଝେନାଟ୍ ।

☆ ୨:୧୧ ୨:୧୧ ହତ୍ତ ୨୦:୧୪; ୨୧:୮. ☆ ୨:୧୭ ୨:୧୭ ଜହନ୍ ୭:୪୮-୫୦.

୩

ସାଧୁ ମଣ୍ଡଳିତଂ କାବୁର୍

୧ ସାଧୁ ମଣ୍ଡଳିନି ଦୁତ୍ତ ଲାଗାଂ ଲେକିକିୟା । ଇନେର୍ ଇସ୍ତ ସାତ୍ ଜିବୁନିଂ ଆରି ସାତ୍‌ଗଟା ହୁକାଂ ହେ ଲାକେ ଆତିକ୍, ହେଞ୍ଜାନ୍ ଇଦାଂ ଇନାନ୍, ଆପ୍ ମି କାମାୟ ପୁନାପ୍, ଏପେଙ୍ଗ୍ ତରଦିଂ ଜିତାଦେଣ୍ଟା, ମତର୍ ହାତ୍‌ପାନେ ହାତାଦେଣ୍ଟା । ୨ ଜାଗ୍ରତ୍ ଆଜି ମାନାଟ୍ ଆରେ ହାକି କାଜିଂ ଜାଲ୍‌ଦି ବାକି ବିସ୍ତେ ବାଡ଼ାକାସ୍ କିୟାଟ୍; ଇନେକିଦେଂକି ଆନ୍ ପୁନାଙ୍ଗ୍, ମି କାମାୟ ସବୁ ଇସ୍ତ ମୁମ୍‌ଦ ଇ ପାତେକ୍ ବାତ୍ ଆଉତେ । ୩ ଲାଗିଂ ଇନେସ୍‌ବାତ୍ ହିକ୍ୟା ପାୟା ତାଦେଣ୍ଟା ଆରି ଷେରାଦେଣ୍ଟା, ହେଦାଂ ଏତୁ କିଜି ପାଲି କିୟାଟ୍ ଆରି ମାନ୍‌ବାଦ୍‌ଲାଇ କିୟାଟ୍; ଜଦି ଜାଲ୍‌ଦି ଆଞ୍ଜିତିସ୍, ତା ଆତିସ୍ ଆପ୍ ତର୍ ଲାକେ ଖାନାପ୍, ଆରେ ଇମ୍‌ଣି ସମୁତ ମି ଜପି ଖାଜି ଆର୍ଦାନାପ୍, ହେଦାଂ ଏପେଙ୍ଗ୍ ଇନେସ୍‌କିତିସ୍‌ପା ପୁଞ୍ଜେଙ୍ଗ୍ ଆତୁଦେର୍; ୪ ଆତିସ୍‌ପା ଇମ୍‌ଣାକାର୍ ଜାର୍ ଜାର୍ ହେନ୍ଦା କାଞ୍ଜି କିଞ୍ଜାତାଣ୍ଟା, ମି ବିତ୍ରେ ସାଧୁ ତ ଏଲେଙ୍ଗ୍ ଏତେକ୍ ମାନାର୍; ହେଞ୍ଜାର୍ ତିଞ୍ଜିନି ହେନ୍ଦା ଉସ୍‌ପିସ୍ ମା ଲାହାଙ୍ଗ୍ ବୁଲ୍‌ତାଲା ଆନାର୍, ଇନେକିଦେଂକି ହେଞ୍ଜାର୍‌ତି ଜଗ୍ । ୫ ଇନେର୍ ଜିତା ଆନାର୍, ହେଞ୍ଜାନ୍ ଇ ଲାକେ ତିଞ୍ଜିନି ହେନ୍ଦା ଉସ୍‌ପାନାର୍, ଆରେ ଆନ୍ ଜିବୁନ୍ ପତିତାଂ ତା ତର୍ ଇନେସ୍‌କିତିସ୍‌ପା ବୁତାୟ୍ କିଞ୍ଜାଦାଂ ନା ଆବା ଆରି ତା ଦୁତକ୍ ମୁମ୍‌ଦ ତା ତର୍ ମାନିକିନାଙ୍ଗ୍ । ୬ ମଣ୍ଡଳିନିକାରିଂ ପୁଇପୁୟା ଜିବୁନ୍ ଇନାକା ଇନାତ୍, ଇନେରିଂ କିତୁଲ୍ ମାନାତ୍, ହେଞ୍ଜାନ୍ ହେଦାଂ ମାନ୍ ହିଜି ଷେନେନ୍ ।

ପିଲାଦେଲ୍‌ପିଆ ମଣ୍ଡଳି କାଜିଂ କାବୁର୍

୭ ପିଲାଦେଲ୍‌ପିଆ ମାନି ମଣ୍ଡଳିନି ଦୁତ୍ତ ଲାଗାଂ ଲେକିକିୟା । ଇନେର୍ ପୁଇପୁୟା ଆରି ହାତ୍‌ପା, ଇନେର୍ କେଇଦ ଦାଉଦ୍‌ତି କୁଟିକାତି ମାନାତ୍, ଇନେର୍ ଜେତିସ୍ ଇନେର୍ ଗେସ୍‌ତେଂ ଆତୁର୍, ଆରେ ଗେସ୍‌ତିସ୍ ଇନେର୍ ଜେତେଙ୍ଗ୍ ଆତୁର୍, ୮ ହେଞ୍ଜାନ୍ ଇଦାଂ ଇନାନ୍, ଆନ୍ ମି କାମାୟ ପୁନାଙ୍ଗ୍; ହୁଡ଼ାଟ୍ ଆନ୍ ମି ମୁମ୍‌ଦ ର ଦୁଞ୍ଜେର୍ ଜେତାଙ୍ଗ୍‌ନା, ଇନେର୍ ହେଦାଂ ଗେସ୍‌ତେଂ ଆତୁର୍, ଇନେକିଦେଂକି ମି ସାକ୍ତି ଅଲପ୍, ଆତିସ୍‌ପା ଏପେଙ୍ଗ୍ ନା କାତା ମାନି କିଜି ନା ତର୍ ପାତ୍ କିନାକାଦେର୍ ଆତାଦେଣ୍ଟା । ୯ ହୁଡ଼ାଟ୍, ଇମ୍‌ଣାକାର୍ ଜିହୁଦିର୍ ଆକାୟ୍, ମାତର୍ ମିତ୍‌ତାଂ ଜାର୍‌ଲଗାଂ ଜିହୁଦି ଇଞ୍ଜି ଇନାର୍, ଏଲେଙ୍ଗ୍ ସୟ୍‌ତାନି କୁଟୁମ୍ ଇଞ୍ଜି କୁଦାନି ମାନାୟାରିଂ ଆପ୍ ତାସି ମି ପାନା ତାରେନ୍ ଜଞ୍ଜାର୍‌କିୟ୍‌କିଦ୍‌ନାପ୍, ଆରେ ଆନ୍ ଜେ ମିଙ୍ଗେଙ୍ଗ୍ ଜିଉନଦ୍‌ନାଙ୍ଗା ଇଞ୍ଜି ହେଞ୍ଜାର୍ ଷିଜାର୍ ପୁନାର୍ । ୧୦ ନା ବଲ୍ ଇସାପ୍‌ରେ ଏପେଙ୍ଗ୍ ନା ସାସ୍‌ନି ବତନ୍ ରାକ୍ୟା କିତାଦେର୍‌ନା, ଇଦାଂ କାଜିଂ ପୁତ୍ ନିକାରିଂ ପରିକ୍ୟା କିନି କାଜିଂ ସବୁ ଜଗତ୍ ଜପି ଇମ୍‌ଣି ପରିକ୍ୟା କାଡ୍ ଖାନାତ୍, ହେବେତାଂ ଆନ୍ ପା ମିଙ୍ଗେଙ୍ଗ୍ ରାକ୍ୟା କିଦ୍‌ନାଙ୍ଗ୍ । ୧୧ ଆନ୍ ଦାପ୍ରେ ଖାନାଙ୍ଗା; ମିଦାଂ ଇନାକା ମାନାତ୍, ହେଦାଂ ଜାତୁନ୍ କିଜି ଇଟାଟ୍, ଇନେସ୍ ଇନେର୍ ମିତାଂ, ମି ଜିତାତି ମୁକୁଟ୍ ତରି କିଜି ଅଦେଂ ଆତୁର୍ । ୧୨ ଇନେର୍ ଜିତା ଆନାର୍, ଆନ୍ ତାଙ୍ଗେଙ୍ଗ୍ ମା ଇସ୍ତ ମିହିରନି ମୁଣ୍ଡା ଲାକେ କିନାଙ୍ଗ୍, ହେଞ୍ଜାନ୍ ଆରେ ହେବେତାଂ ବାର୍‌ତ ହାଲୁନ୍; ଆପ୍ ମା ଇସ୍ତ ତର୍ ଆରି ସାଗେତାଂ ତା ତାକେଣ୍ଟାଂ ଆତାକା ଇମ୍‌ଣି ପୁନି ଜିରୁସାଲମ୍, ମା ଇସ୍ତ ହେ ଗାଡ୍‌ନି ତର୍ ଆରେ ନା ଜାର୍‌ତି ପୁନି ତର୍ ହେଦାଂ ଜପି ଲେକିକିନାପ୍ ।

୧୩ ମଣ୍ଡଳିକାଂ ଇସ୍‌ରତି ଜିବୁନ୍ ଇନାକା ଇନାତ୍, ଇନେରିଂ କିତୁଲ୍ ମାନାତ୍, ହେଞ୍ଜାନ୍ ହେଦାଂ ଷେନେନ୍ ।

ଲାଅଦିକିଆ ମଣ୍ଡଳି କାଜିଂ କାବୁର୍

୧୪ ଲାଅଦିକିଆ ମଣ୍ଡଳିନି ଦୁତ୍ତ ଲାଗାଂ ଲେକିକିୟା । ଇନେନ୍ ସତ୍, ଇନେନ୍ ପାତ୍ ନିକାନ୍ ଆରି ହାତ୍‌ପା ସାକି, ଇସ୍ତ ଷିଜୁ ଉବ୍‌ଜାଣି ଆଗେ ରତ୍‌କାନ୍ ହେଞ୍ଜାନ୍ ଇଦାଂ ଇନାନ୍, ୧୫ ଆନ୍ ମି କାମାୟ ପୁନାଙ୍ଗ୍, ଏପ୍ କାକାର୍ ଆକାୟ୍ କି ଉହୁମ୍ ଆକାୟ୍; ଏପ୍ କାକାର୍ କି ଉହୁମ୍ ଆତିସ୍ ହାର୍ ଆତାମ୍ । ୧୬ ଲାଗିଂ ଏପେଙ୍ଗ୍ କାକାର୍ କି ଉହୁମ୍ ଆଖାଦାଂ ଅଲପ୍ ଉହୁମ୍ ଆତିଲେ ଆନ୍ ମିଙ୍ଗେଙ୍ଗ୍ ନା ଷେଇଦାଂ କାକ୍‌ନାଙ୍ଗ୍ । ୧୭ ଏପେଙ୍ଗ୍ ଇନାଦେରା, ଆନେଙ୍ଗ୍ ମାଜାନ୍, ନାଦାଂ ବେସି ଦନ୍ ମାନାତ୍, ନାଂ ଇନାକା ଉଣା ଆକାୟ୍; ମତର୍ ଏପେଙ୍ଗ୍ ଜେ ଦୟା ହିଲାକାଦେର୍, ହିଲ୍‌ଖାକାଦେର୍, ଅକ୍‌ତ୍, କାଣା ଆରି ନାଗଡ଼ା, ଇଦାଂ ପୁନୁଦେର୍; ୧୮ ଲାଗିଂ ଆନ୍ ମିଙ୍ଗେଙ୍ଗ୍ ଇଦାଂ ଷେର୍‌ଚାନାଙ୍ଗା, ଏପେଙ୍ଗ୍ ମାଜାନ୍ ଆନି କାଜିଂ ନା ତାଂ ନିର୍ମଲ୍ ହନା କଡ଼ାଟ୍, ଆରେ ଏପେଙ୍ଗ୍ ନାଗଡ଼ାନି ଲାଜୁ ଇନେସ୍ ଚଞ୍ଜିୟା ଆଉଡ୍, ଇଦାଂ କାଜିଂ ଉସ୍‌ପିନି କାଜିଂ ତିଞ୍ଜିନି ହେନ୍ଦା ନା ତାଂ କଡ଼ାଟ୍ । ଆରେ ହୁଡ଼ନି ସାକ୍ତି ନିର୍ମଲ୍ କିନି କାଜିଂ କାଜଲ୍ କଡ଼ଜି କାଣ୍‌କୁକାଂ କାଜାର୍ । ୧୯ ଆନ୍ ଏତେକ୍ ମାନାୟାରିଂ ଜିଉନନାଙ୍ଗ୍, ହେଞ୍ଜାରିଂ ଲେଡ଼ନାଙ୍ଗ୍ ଆରି ସାସନ୍ କିନାଙ୍ଗ୍; ଇତିସ୍ ଷାସ୍‌ଲାଇଂ ମାନ୍‌ବାଦ୍‌ଲାଇ କିୟାଟ୍ । ୨୦ ହୁଡ଼ାଟ୍, ଆନ୍ ବାର୍ତ୍ ନିଲ୍‌ତି ଦୁଞ୍ଜେର୍‌ତ ଇଡ୍‌ଦାନାଙ୍ଗା; ଜଦି ଇନେର୍ ନା କାଟ୍ ଷେନ୍‌ଞ୍ଜି ଦୁଞ୍ଜେର୍ ଜେଡ୍‌ନାନ୍, ତା ଆତିସ୍ ଆନ୍ ହଣ୍ଡି ତା ଲାଗାଂ ହାନାଙ୍ଗ୍, ଆରେ ଆନ୍ ତା ଲାହାଙ୍ଗ୍ ତିନାଙ୍ଗ୍ ଆରି ହେଞ୍ଜାନ୍ ନା ଲାହାଙ୍ଗ୍ ତିନାନ୍ । ୨୧ ଆନ୍ ଇନେସ୍ ଜିତା ଆଜି ନା ଆବା ଲାହାଙ୍ଗ୍ ତା ଗାଦିତ କୁର୍‌ଚାଙ୍ଗ୍‌ନା, ହେ ଲାକେ ହେଞ୍ଜାନ୍ ଜିତା ଆନାନ୍, ଆନ୍ ହେଞ୍ଜାନିଂ ନା ଲାହାଙ୍ଗ୍ ନା ଗାଦିତ କୁର୍‌ଚେଙ୍ଗ୍ ହିନାଙ୍ଗ୍ ।

୨୨ “ଷେଞ୍ଜେଙ୍ଗ୍ କିତୁଲିଂ ମାତିସ୍, ଇସ୍‌ରତି ଜିବୁନ୍ ମଣ୍ଡଳିକାଂ ଇନାକା ଇନାତ୍, ଷେନାଟ୍ ।”

☆ ୩:୫ ୩:୫ ହତ୍ତ ୨୦:୧୨; ମାତିଉ ୧୦:୩୨; ଲୁକ ୧୨:୮. ☆ ୩:୧୨ ୩:୧୨ ହତ୍ତ ୨୧:୨. ☆ ୩:୧୯ ୩:୧୯ ଏବ୍ରୁ ୧୨:୬.

୪

ସାଗେତ ପାର୍ତ୍ତନା

୧ ଇଦାଂ ପାଚେ ଆନେଙ୍ଗ ହୁଡ଼ତାଂ, ଆରେ ହୁଡ଼ତାଂ, ସାଗେତ ରଞ୍ଜାଙ୍ଗ ଦୁଝେର୍ ଜେତାକା ମାଚାଡ଼; ଆରେ ମରି ଗାର୍ଜାନ ଲାକେ ନା ଲାହାଙ୍ଗ ଇଞ୍ଜି ମାନି ଇମ୍ଫାଣି କାଟ୍ ଆନେଙ୍ଗ ଆଗେ ଝେନ୍ଝି ମାଚାଂ, ହେଦାଂ ଇଚାଡ଼, ଇବେ ନିଙ୍ଗି ଝା; ଇନାକା ସବୁ ଇଦାଂ ପାଚେ ଆତିସ୍ପା ଗିଗାଆନାଡ଼, ହେ ସବୁ ଆନ୍ ମିଙ୍ଗେଙ୍ଗ ଚଟ୍ଟାନାଙ୍ଗ । ୨ ହେ ଦାପ୍ରେ ଆନେଙ୍ଗ ପୁଇପୁୟା ଜିବୁନ୍ତ ବାତ୍ ଆତାଂ, ଆରି ହୁଡ଼ତାଂ, ସାଗେତ ର ଗାଦିତ ରଞ୍ଜାନ୍ ଇନେର୍ କୁଟ୍ଟାନ୍ନା; ୩ କୁଟ୍ଟି ମାନାୟ୍ତିଂ ମୁମ୍ ହିରା ଆରି ମାଣିକ୍ୟ ଲାକେ, ଆରେ ଗାଦି ଚାରବେଣ୍ଡତାଂ ରଞ୍ଜାଙ୍ଗ ତୁବ୍ତାରାଡ଼, ହେଦାଂ କାଚାପାଡ଼ିୟା ବାନାନି ମୁଲ୍ଲା ଲାକେ । ୪ ଆରେ, ଗାଦିନି ଚାରବେଣ୍ଡତାଂ ୨୪ ଗାଦି ରଟ୍ଟାକା ଆରି ଗାଦିଂ ଜପି ୨୪ ପ୍ରାତିନାର୍ କୁଟ୍ଟାଚ୍ଚନା, ହେଝାର୍ ଡ଼ିଞ୍ଜିନି ହେୟା ଉସ୍ପାତାକାର୍ ଆରି ହେଝାର୍ କାପ୍ଡା ଜପି ହନା ମୁକୁର୍ । ୫ ଗାଦି ବିତ୍ରେ ବିଜ୍ଲି, ବାରବିନ୍ନି କାଟ୍ ଆରି ବାଦାଡ଼ ଗାର୍ଜାନ ହତ୍ତନାତା, ଆରେ ଗାଦି ଲାଗାଂ ନାଣିଲାକେ ସାଡ଼ଗଟା ବଇଟାଙ୍ଗ ଆହ୍ନିକା, ଇ ସାଡ଼ଗଟା ବଇଟାଙ୍ଗ ଇସ୍ପତ୍ ସାଡ଼ଗଟା ଜିବୁନ୍ । ୬ ଗାଦି ମୁମ୍ଦ କାଟ୍ ଲାକେ ନିର୍ମଲ୍ ର ହାମ୍ପୁର୍ ।

ଗାଦି ଚାରବେଣ୍ଡତାଂ ମାଦି ଚାର ପାରାଣିଂ, ହେଝାର୍ତି ଆଗେ ଆରି ପାଚେ କାଣ୍ଡକୃତ ବାତ୍ ମାଚାଡ଼ । ୭ ପର୍ତ୍ତୁମ୍ ପାରାଣି ସିହ୍ ଲାକେ ଚନ୍ଝି ମାଚାଡ଼, ରିଣ୍ଡି ପାରାଣି ଅହ୍ରି ଲାକେ, ତିନ୍ ପାରାଣି ମୁମ୍ ମାନାୟ୍ ମୁମ୍ ଲାକେ, ଆରେ ଚାରିପାରାଣି ଉମ୍ନି ମୁକ୍ତି ପଟି ଲାକେ ଚନ୍ଝି ମାଚାଡ଼ । ୮ ଝିଜୁ ପଟିକାଂ ଚଅ ଚଅ କେଲ୍ଲୁ; ହେ କେଲ୍ଲୁକାଂ ବାରତ ଆରି ବିତ୍ରେ କାଣ୍ଡକୃତ ବାତ୍ ମାଚାଡ଼ । ହେଝେକ୍ ଝେଡ଼ାନାଣା ଜମ୍ଝାଦାଂ ଇନିକା, ଇନେର୍ ସାଲ୍ଲିକାଟାକାନ୍, ଇନେର୍ ପ୍ଲୁନାକା, ନଙ୍ଗୟ୍ ଆରି ଝାନିଦିନ୍, ହେ ମାପୁ ଇସ୍ପର୍ ପୁଇପୁୟା, ପୁଇପୁୟା, ପୁଇପୁୟା ।

୯ ପାରାଣିଂ ଏଚେକାଡ଼ଦ ହେ ଗାଦିତ କୁଟ୍ଟି ଝିଜୁ ଜିତି ମାନାୟ୍ରିଂ ପାଣ୍ ଜାଜ୍ମାଲ୍, ଆରି ଦନ୍ୟବାଦ୍ ହିନିକ୍, ୧୦ ହେ ଏଚେକାଡ଼ଦ ୨୪ ବୁଡ଼ାଲ୍ଲୁର୍ ଗାଦିତ କୁଟ୍ଟି ମାନାୟ୍ ମୁମ୍ଦ ତାଣ୍ଡାହାଡ଼୍ ମାଗ୍ଜି ଝିଜୁ ଜିବୁନ୍ମାନି ମାନାୟ୍ତିଂ ଜଝାର୍ କିଡାର୍ ଆରି ଗାଦି ଲାଗାଂ ଜାର୍ ଜାର୍ ମୁକୁର୍ ଇଡ଼ଜି ଇଚାର୍,

୧୧ “ମା ମାପୁ ଆରି ଇସ୍ପର୍,
 ଏନେଙ୍ଗ ଜାଜ୍ମାଲ୍, ମାନି ଆରି ସାଲ୍ଲି ପାୟାଦେଂ ଜଗ୍ ଆନାୟ୍,
 ଇନେକିଦେଂକି ଏନ୍ ଝିଜୁ ଉବ୍ଜାଣ୍ କିତାୟ୍ନା ।
 ଆରେ ନି ଇଚାତ ହେ ସବୁକାଂ ଜିବୁନ୍ ହିତାୟ୍ନା, ପାରାଣିକାଂ ଜିପ୍ତାୟ୍ନା ।”

୫

ପତି ଆରି ମେଣ୍ଡାହିମ୍ଫାଣା

୧ ତା ପାଚେ ଆନ୍ ଗାଦିତ କୁଟ୍ଟି ମାନି ମାନାୟ୍ତିଂ ବୁଜ୍ଝି କେଇଦ ର ପତିତ ହୁଡ଼ତାଂ, ହେଦାଂ ରିକ୍ଷାଂ ଲେକାତାଡ଼ନା ଆରି ସାଡ଼ଗଟା ଚିନ୍ତ ହେଦାଂ ଚିନ୍ ଇଟ୍ୟାଜି ମାଚାଡ଼ । ୨ ଆରେ ଆନ୍ ର ସାଲ୍ଲିକାଟି ଦୁଡ଼ତିଂ ହୁଡ଼ତାଂ; ହେଦେଲ୍ ଗାଜା କାଟ୍ତାଂ ସୁଣାୟ୍ କିଜି ଇଞ୍ଜି ମାଚାଡ଼, “ଇନେର୍ ଇ ଚିନ୍ ସବୁତିଂ ତ୍ରିକ୍ଟି ପତି ଜେତେଙ୍ଗ କାଜିଂ ଇନେର୍ ଜଗ୍ ମୁଣିକା ମାତିସ୍, ହସି ଝାଏର୍ ।” ୩ ମାଚର୍ ହେ ପତି ଜେସି ହେବେ ଇନାକା ଲେକାମାନାଡ଼, ପଡ଼ିକିଦେଂ ସାଗେ, ପୁଡ଼ିତ କି ପାତାଲ୍ତ ଇନେର୍ ହଡ଼ଝାତାର୍ । ୪ ହେ ପତି ଜେସି ହେବେ ଇନାକା ଲେକା ଆଡ଼ନ୍ନା, ପଡ଼ି କିଦେଙ୍ଗ କାଜିଂ ରଞ୍ଜାନ୍ ପା ଜଗ୍ ମୁଣିକା ଗାଗାଆଡ଼ଝିଲେ, ଆନ୍ ଦୁକ୍ ଆଜି ଆଡ଼ବେଦେଂ ଲାଗାତାଂ । ୫ ହେବେ ପ୍ରାତିନାର୍ ବିତ୍ରେ ରଞ୍ଜାନ୍ ନାଙ୍ଗେଙ୍ଗ ଇନ୍ତାନ୍, ଆଡ଼ବାମା, ହୁଡ଼ା, ଇନେନ୍ ଜିହୁଦା ଲାତ୍ରାତାଂ ସିହ୍ ଆରି ଦାଉଦ୍ତି ଦଲ୍, ହେଝାନ୍ ପତିନି ସାଡ଼ଗଟା ଚିନ୍ ଇଡ଼ତାକା ତ୍ରିକ୍ଟି ହେଦାଂ ଜେନି କାଜିଂ ଜିତା ଆତାନ୍ନା ।

୬ ହେ ଏଚେକାଡ଼ଦ ଆନେଙ୍ଗ ହୁଡ଼ତାଂ, ଗାଦି, ଚାରି ପାରାଣିଂ ଆରି ପ୍ରାତିନାର୍ ମାଦ୍ଫିବାହାତ ର ମେଣ୍ଡାହିମ୍ଫାଣା ନିଲ୍ତାକା ହୁଡ଼ତାଂ, ହେଝାନ୍ ହାତି ଲାକେ ଚଞ୍ଜି ମାଚାନ୍, ହେଝାନ୍ତି ସାଡ଼ କମଙ୍ଗ୍ ଆରି ସାଡ଼ଗଟା କାଣ୍ଗାଂ; ହେ ଝିଜୁ କାଣ୍ଗାଂ ସବୁ ପୁଡ଼ିତ ପକ୍ୟାତି ଇସ୍ପତ୍ ସାଡ଼ଗଟା ଜିବୁନ୍ । ୭ ମେଣ୍ଡାହିମ୍ଫାଣା ଝାଜି ଗାଦି ଜପି କୁଟ୍ଟିମାନି ମୁଣିକାତିତାଂ ବୁଜ୍ଝି କେଇଦାଂ ହେ ପତି ଅତାନ୍ । ୮ ହେ ପତି ଅତିଲେ ହେ ଚାରି ପାରାଣିଂ ଆରି ୨୪ ପ୍ରାତିନାର୍ ମେଣ୍ଡାହିମ୍ଫାଣା ମୁମ୍ଦ ତାଣ୍ଡାହାଡ଼୍ ଇଡ଼ତାର୍; ହେଝାର୍ତି ଝିଜାର୍ତି କେଇଦ ଗମଣ୍ ଆରି ପୁଇପୁୟା ଦାମ୍ ତ୍ ପାର୍ତ୍ତନା ଲାକେ ଦୁପ୍ନିତ ବାତ୍ ହନା କଣ୍ଡି ମାଚାଡ଼ । ୯ ହେଝାର୍ ର ପୁନି କେରକଣ୍ କେରଜି ଇଚାର୍,

ଏନ୍ ହେ ପତି ଅଦେଂ ଆରି ହେବେନି ସିଲ୍ ତ୍ରିକ୍ଟେଂ ଜଗ୍ ଆଡ଼ନାୟ୍,
 ଇନେକିଦେଂକି ଏନ୍ ହାଜି ମାଚାୟ୍,
 ଆରେ ଜାର୍ ନେତେର୍ ହୁକେ ସବୁ କୁଟ୍ଟୁମ୍, ବାସାନିକାର୍, ଲାତ୍ରା
 ଆରି ଜାତି ବିତ୍ରେତାଂ ଇସ୍ପତ୍ କାଜିଂ ମାନାୟ୍ରିଂ କଡ଼ତାୟ୍ନା,

୫:୫ ୪:୫ ହତ୍ତ ୮:୫; ୧୧:୧୯; ୧୭:୧୮; ହତ୍ତ ୧:୪.

୧୦ ✨ଆରେ ହେୱାରିଂ ମା ଇସ୍ତର୍ ଇସାପ୍ତ ରାଜି ହେବା କିନି ରାଜା ଲାତ୍ରା ଆରେ

ମାପୁ ହେବାକିନାକାନ କିଜି ହିତାୟନା; ଆରେ ହେୱାର୍ ପୁତର୍ ଜପି ରାଜ କିନାନ ।

୧୧ ତା ପାଚେ ଆନ୍ ହୁଡ୍ତାଂ, ହାଜାର୍ ହାଜାର୍ ଆରି ଲାକେ ଲାକେ ସାଗେନି ଦୁଡ୍ତକୁ ଗାଦିତ, ଚାରିଗଟା ପାରାଣିଂ ପ୍ରାଚିନାର୍ ବେଡ୍ଡିକିଜି ନିଲ୍ଲଡିକନା । ୧୨ ହେୱେକ୍ ଗାଜା କାର୍ତାଂ କେରଜି ମାଚିକ୍, ବାଡ୍ଡକାସ୍, ଦାନ୍, ଗିଆନ୍, ସାକ୍ତି, ପାଣ୍ଡ, ଜାଜ୍ମାଲ୍ ଆରି ଦନ୍ୟବାଦ୍ ମାନିକିଦେଂ

ହାଜି ମାଚି ମେଣ୍ଡାହିମ୍ଣା ନେ ଜଗ୍ ଆନାନ ।

୧୩ ଆରେ ଆନ୍ ସାଗେ, ପୁତର୍, ପାତାଲ୍ତ ଆରି ହାମ୍ବୁରୁତ ମାନି ଓଁଜୁ ଉବଜାତି ପାରାଣିଂ, ଆଁ ହେ ବିଡ୍ଡେନି ଓଁଜୁ ଇଦାଂ ଇଞ୍ଜିମାଚାକା ୱେଚାକ୍, ହେୱେକ୍ କେରଜି ମାଚିକ୍ ।

“ଗାଦିତ କୁଚ୍ଚି ମାନାୟତି ଆରି ତା ମେଣ୍ଡାଗଡ୍ଡିୟାତି ଦନ୍ୟବାଦ୍ କିୟାଟ୍ ।

ତା ପାଣ୍ଡ, ଜାଜ୍ମାଲ୍ ଆରି ସାକ୍ତି ଓଁଜୁ କାଡ୍ ପାଚେକ୍ !”

୧୪ ହେବେଣ୍ଡାଂ ଚାର୍ ପାରାଣି ଇଚିକ୍, ଆମେନ୍, ଆରେ ପ୍ରାଚିନାର୍ ମେଣ୍ଡାକ୍କୁଦିକିଜି ଜୱାର୍ କିତାର୍ ।



ତାବୁକ୍

୧ ତା ପାଚେ ଆନ୍ ହୁଡ୍ତାଂ, ମେଣ୍ଡାହିମ୍ଣାତିଂ ସାତ୍ଗଟା ତାବୁକ୍ ବିଡ୍ଡେ ପର୍ଡୁମ୍ ସିଲ୍ ଡ୍ରିକ୍ନାକା ହୁଡ୍ତାଂ, ଆରେ ଚାରି ପାରାଣି ବିଡ୍ଡେତାଂ ରୱାନିଂ ବିଞ୍ଜି ଇଡ୍ଡିନି କାର୍ ଲାକେ ଇଦାଂ ଇଞ୍ଜିମାନାକା ୱେଚାଂ, ୱାଡ୍ । ୨ ହେବେ ଆନେକ୍ ହୁଡ୍ତାଂ, ଆରେ ହୁଡ୍ଡାଟ୍, ରଞ୍ଜାକ୍ ଡ୍ରିଞ୍ଜିନି ଗଡ୍ଡା, ଆରେ, ଗଡ୍ଡାଦୁମ୍ନାକାର୍ କେଇଦ ର ଓଁଲ୍ ଆସ୍ତି ମାଚାନ୍; ହେୱାନିଂ ର ମୁକୁଟ୍ ହିତାର୍, ଆରେ ହେୱାନ୍ ଜିତା ଆଜି ଜିଣାଦେଂ ହସି ହାଗାନ୍ ।

୩ ମେଣ୍ଡାହିମ୍ଣା ଏଚେକାଡ୍ଡ ଦେଡି ସିଲ୍ ଡ୍ରିକ୍ତାନ୍, ହେପାଦ୍ନା ଆନେକ୍ ରି ପାରାଣିକାଂ ଇଦାଂ ଇଞ୍ଜିମାନାକା ୱେଚାକ୍ ୱାଡ୍ । ୪ ହେବେଣ୍ଡାଂ ଆରେ ରଞ୍ଜାକ୍ ଗଡ୍ଡା ହସି ୱାଡାଡ୍, ହେଦାଂ ଗେରୁବାନି; ଲକୁ ଇନେସ୍ ହାରି ଟୁଣ୍ଡପାନାର୍, ଇଦାଂ କାଜିଂ ପୁତର୍ ତାଂ ସୁସ୍ତା ଦେହା କିନି କାଜିଂ ତା ଦୁମ୍ତାକାନିଂ ଆଦିକାର୍ ହିତାନ୍, ଆରେ ତାଙ୍ଗେକ୍ ର ଗାଜା କାଣ୍ଡା ହିତାନ୍ ।

୫ ମେଣ୍ଡାହିମ୍ଣା ଏଚେକାଡ୍ଡ ତିନିଗଟା ସିଲ୍ ଡ୍ରିକ୍ତାନ୍, ହେପାଦ୍ନା ଆନେକ୍ ତିନ୍ ପାରାଣିତିଂ ଇଦାଂ ଇଞ୍ଜିମାନାକା ୱେଚାକ୍, ୱାଡ୍ । ହେବେ ଆନେକ୍ ହୁଡ୍ତାଂ, ଆରେ ହୁଡ୍ଡାଟ୍, ରଞ୍ଜାକ୍ କାର୍ତାତି ବାନାନି ଗଡ୍ଡା, ଆରେ ତା ଦୁମ୍ତାକାନ୍ତି କେଇଦ ର ଲିଚ୍ଚିକି ମାଚାଡ୍ । ୬ ଆରେ ଆନେକ୍ ଚାର୍ ପାରାଣିଂ ବିଡ୍ଡେତାଂ ହତ୍ତ ଲାକେ ଇ କାର୍ ୱେଚାକ୍, “ଦିନେକ୍ନି କୁଲିନି ଟାକାଂ ପାଡେକ୍ ଗମ୍ ଆରି ଟାକାତିଂ ତିନ୍ ଆଡା କୁଜା ଆନାଡ୍, ମାତର୍ ଏପେକ୍ ଚିକାଣ୍ ଆରି ଅକୁର୍ ରାସ୍ ନସ୍ କିମାଟ୍ ।”

୭ ମେଣ୍ଡାହିମ୍ଣା ଏଚେକାଡ୍ଡ ଚାରିଗଟା ସିଲ୍ ଡ୍ରିକ୍ତାନ୍, ହେପାଦ୍ନା ଆନେକ୍ ଚାର୍ ପାରାଣିତିଂ ଇଦାଂ ଇନାକା ୱେଚାକ୍, ୱାଡ୍ । ୮ ହେବେ ଆନେକ୍ ହୁଡ୍ତାଂ, ଆରେ ହୁଡ୍ଡା, ରଞ୍ଜାକ୍ ମାଟୁଞ୍ଜା ବାନି ଗଡ୍ଡା, ତା ଦୁମ୍ତାକାନ୍ତି ତର୍ ହାକି, ଆରେ ପାତାଲ୍ତାଂ ହେଦାଂ ପାଚେ ହାଲ୍ଲି ମାଚାଡ୍; କାଣ୍ଡା, କାତାର୍, ମାର୍ଡି ଆରି ପୁତର୍ ନି ରାନ୍ ଜାଡ୍କୁ ହୁକେ ବୁଡାୟକିଦେଂ ପୁତର୍ ନି ଚାର୍ ବାଗ୍ତାଂ ଜପି ହେୱାକାଂ ଆଦିକାର୍ ହିତାନ୍ ।

୯ ମେଣ୍ଡାହିମ୍ଣା ଏଚେକାଡ୍ଡ ପାଞ୍ଚଗଟା ସିଲ୍ ଡ୍ରିକ୍ତାନ୍, ହେପାଦ୍ନା ଇମ୍ଣାକାର୍ ଇସ୍ତର୍ ବଚନ୍ କାଜିଂ ଆରି ହେୱାରିଂ ହିଆଜିମାଚି ସାକି କାଜିଂ ହାଜି ମାଚାର୍, ହେୱାର୍ଡି ୱାସ୍ତିକାଂ ଆନେକ୍ ଗାର୍ଣି ତାରେନ୍ ହୁଡ୍ତାଂ । ୧୦ ହେୱାର୍ ଗାଜା କାର୍ତାଂ କୁକ୍ଚି ଇଞ୍ଜି ମାଚାର୍, ହେୱାନ୍ ପୁଇପୁୟା ଆରି ହାଡ୍ପା ମାପୁ ଇସ୍ତର୍ ଆରେ ଏଚେକ୍ କାଡ୍ ଏନ୍ ବିଚାର୍ କିୱାଦାଂ ପୁତର୍ ନିକାର୍ତାଂ ମା ନେଡେରୁନି ବାଦୁଲ୍ ଆଉୟ୍ ? ୧୧ ହେବେ ହେୱାର୍ଡି ଜାଣ୍ଡକେତି ରୱାନିଂ ଡ୍ରିଞ୍ଜିନି ଆଜି ହିତାର୍, ଆରେ ହେୱାର୍ଡି ଇମ୍ଣା ହାଜ୍ଦାକାନ୍ ଆରି ଟଣ୍ଡାର୍ ହେୱାର୍ ଲାକେ ପା ଟୁଣ୍ଡୟାନାର୍, ହେୱାର୍ଡି ଗିଣ୍ଡି ବାଡ୍ ଆଞ୍ଜି ପାଚେକ୍ ଆରେ ଅଲ୍ପ୍ କାଡ୍ ପାଚେକ୍ ଜମ୍ନି କାଜିଂ ହେୱାରିଂ ଇଚାନ୍ ।

୧୨ ✨ତା ପାଚେ, ଆନ୍ ହୁଡ୍ତାଂ, ମେଣ୍ଡାହିମ୍ଣା ଚ ଗଟା ସିଲ୍ ଡ୍ରିକ୍ତିକ୍; ଦାପ୍ରେ ଜବର୍ ମେଦ୍ନିଲେମ୍ତାଡ୍ । ୱେଡା କାର୍ତାତି ବାନାନି ତୁସା ଲାକେ ମାଜ୍ଗା ଆତାଡ୍ ଆରି ଲେଞ୍ଜ ପୁରା ନେଡେର୍ ବାନି ଆଜି ହାଚାଡ୍ । ୧୩ ଜବର୍ ଡ୍ରିକ୍ ପଡ୍ଡିସ୍ ତଗା ମାର୍ଡାଂ ଇନେସ୍ ପାସେଦ୍ ତଗା ହାଡ୍ଡିହାନାଡ୍, ହେ ଲାକେ ବାଦାଡ୍ନି ହୁକାଂ ସବୁ ପୁତର୍ ଆଡିକ୍ । ୧୪ ✨ଆକାସ୍ତ ତଲ୍ ପଡିତ ତାବାତି ଲାକେ ତାବାଆସି ଗାର୍ଜାନ୍ ଆତାଡ୍, ଆରେ, ମାଡ୍ଡି ଆରି ସବୁ ଏସ୍କୁପ୍ଲିଂ ଗୁଚାତିକ୍ । ୧୫ ଆରେ ପୁତର୍ ନି ରାଜାର୍, ପାର୍ମତ୍ରିର୍, ମୁଡ୍ମେଲ୍ୟା ଆରି ମାଜାନିଂ, ବାପୁନିକାର୍ ଆରି ଲକାର୍ ତଲ୍ୟା ଆଡ୍ଡିୟାର୍ ମାନାକାର୍ ଆରି ଜାର୍ତାରେନ୍ ମାନାକାର୍ ଲକୁ ଓଁଜାର୍ ପାରା ଆରି ମାଡ୍ଡି ପାରା ବିଡ୍ଡେ ଜାର୍ ଜାର୍ଡିଂ ଡ୍ରିକ୍ତାଡ୍, ୧୬ ✨ଆରେ, ହେୱାର୍ ମାଡ୍ଡି ଆରି କୁପ୍ଲିକାଂ ଇଚାର୍, ମା “ଜପି ଆଜିଂ ଗାଦିତ କୁଚ୍ଚି ମାନାୟ୍ ମୁମ୍ଦାଂ ଆରି ମେଣ୍ଡାହିମ୍ଣା ରିସାତାଂ

☆ ୫:୧୦ ୫:୧୦ ହତ୍ତ ୧:୬. ☆ ୬:୧୭ ୬:୧୭ ହତ୍ତ ୧୧:୧୩; ୧୭:୧୮; ମାଡିଉ ୨୪:୨୯; ମାର୍କ ୧୩:୨୪,୨୫; ଲୁକ ୨୧:୨୫. ☆ ୬:୧୪ ୬:୧୪ ହତ୍ତ ୧୭:୨୦.
☆ ୬:୧୭ ୬:୧୭ ଲୁକ ୨୩:୩୦.

ମାଙ୍ଗେଇଁ ତୁକୁଟି ଇଡ଼ଦାଟ୍, ୧୭ ଇନେକିଦେଂକି ହେଝାର୍ଡି ରିସାତାଂ କସୁନିଦିନ୍ ଏକାଞାତାତ୍ନା, ଆରେ ଇନେର୍ ନିଲ୍ଡେଂ ଆଡ଼ନାର୍ ?”



୧୪୪,୦୦୦ ଇସ୍ରାଏଲିୟ

୧ ଇଦାଂ ପାଚେ ଆନେଇଁ ହୁଡ଼ତାଂ, ପୁତ୍ରି ଚାରି କନାତ ଚାରି ଜାଣ୍ ସରଗ୍ ଦୁଡ଼କୁ ନିଲ୍ଡିକନା ଆରି ପୁତ୍ରି ଚାରି ଦିଗ୍ତାଂ ତୁକୁ ହାନାକାଦଲିଂ ଚେବାୟ କିଜି ଇଡ଼ତିକନା । ଇନେସକି ପୁତ୍ରି, ହାମ୍ଦୁର୍ କି ଇମ୍ଣାକା ପା ମାର୍ କୁଡ଼ି ଜପି ଅଲପ୍ ପା ଦୁକା ଆହ୍ଝାତାତ୍ । ୨ ଆରେ ଆନ୍ ଆରେ ରଞ୍ଜେଲିଂ ଦୁଡ଼ତିଂ ଝେଡ଼ାହଡ଼ନି ନିପତାଂ ନିଙ୍ଗି ଖାନାକା ହୁଡ଼ତାଂ; ତା କେଇଦ ଜିତି ଇସ୍ପତ୍ରି ସିଲ୍ ମାଚାତ୍ । ପୁତ୍ରି ଆରି ହାମ୍ଦୁର୍ ନସ୍ କିନି କାଜିଂ ଆଦିକାର୍ ପାୟାତି ହେ ଚାରି ଜାଣ୍ ଦୁଡ଼କାଂ ହେଝାନ୍ ଗାଜା କାଟ୍ତାଂ କୁକ୍ତି ଇଚାନ୍, ୩ “ଆପେଂ ଜାର୍ଡିଂ ଇସ୍ପତ୍ରି ଆଡ଼ିୟାରିଂ ନିଦାଣ୍ଡତ ଚିନ୍ ଇଡ଼ନି ପାଚେକ୍ ଏପେଇଁ ପୁତ୍ରି କି ହାମ୍ଦୁର୍ କି ମାର୍କୁ ନସ୍ କିମାଟ୍ ।” ୪ ତା ପାଚେ ଚିନ୍ ଇଡ଼ୟାତାକାର୍ ମାନାୟାର୍ଡି ଗାଣ୍ଡି ଆନ୍ ଝେଚାଙ୍ଗ୍, ଇସ୍ରାଏଲ୍ ହିମ୍ଣାକାଂ ସବୁ ଲାତ୍ରା ବିତ୍ରେତାଂ ଏକ୍ ଲାକ୍ ରିକଡ଼ିଚାରି ହାଜାର୍ ୧, ୪୪,୦୦୦ ମାନାୟାର୍ ଚିନ୍ହିୟାତାର୍, ୫ ଜିହୁଦା ଲାତ୍ରାତାଂ ବାର୍ ହାଜାର୍, ଚିନ୍ ଇଡ଼ୟାତି ରୁବେନ୍ ଲାତ୍ରାତାଂ ବାର୍ ହାଜାର୍, ଗାଦ ଲାତ୍ରାତାଂ ବାର୍ ହାଜାର୍, ୬ ଆସେର୍ ଲାତ୍ରାତାଂ ବାର୍ ହାଜାର୍, ନପ୍ତାଲି ଲାତ୍ରାତାଂ ବାର୍ ହାଜାର୍, ମନସି ଲାତ୍ରାତାଂ ବାର୍ ହାଜାର୍, ୭ ସିମିୟନ ଲାତ୍ରାତାଂ ବାର୍ ହାଜାର୍, ଲେବି ଲାତ୍ରାତାଂ ବାର୍ ହାଜାର୍, ଇସାକ୍ତି ଲାତ୍ରାତାଂ ବାର୍ ହାଜାର୍, ୮ ଜବୁଲୁନ୍ ଲାତ୍ରାତାଂ ବାର୍ ହାଜାର୍, ଜସେପ୍ ଲାତ୍ରାତାଂ ବାର୍ ହାଜାର୍, ବିନ୍ୟାମିନ୍ ଲାତ୍ରାତାଂ ବାର୍ ହାଜାର୍ ଚିନ୍ ଇଡ଼ୟାତି ଲଗୁ ।

ଦାଡ଼ ମାନାୟାର୍

୯ ଇଦାଂ ପାଚେ ଆନ୍ ହୁଡ଼ତାଂ, ଆରେ ହୁଡ଼ାଟ୍, ସବୁ ଜାତି, ସବୁ କୁରୁମ୍, ସବୁ ଲାତ୍ରାର୍ ଆରି ସବୁ ବାସାନିକାର୍ ଗାଣାକିୟାଞ୍ଚି ର ବେସି ମାନାୟାର୍ ତ୍ରିଞ୍ଜିନି ଆଙ୍ଗି ଉସ୍ପିସ୍ ଆରି କାଜି ତାଡ଼ କେଇଦ ଆସ୍ତି ଗାଦି ଆରି ମେଣ୍ଡାହିମ୍ଣା ମୁମ୍ଦ ନିଲ୍ଡାର୍ନା; ୧୦ ହେଝାର୍ ଗାଜା କାଟ୍ତାଂ ଇଞ୍ଜି ମାଚାର୍, “କେବଲ୍ ଗାଦିତ କୁଚାକାନ୍ ଇସ୍ପର୍ ଆରି ମେଣ୍ଡାହିମ୍ଣା ମାଙ୍ଗେଇଁ ମୁକ୍ତାୟକିଦ୍ନାକାନ୍ ।” ୧୧ ଆରେ, ଝିଜେକ୍ ଦୁଡ଼ ଗାଦି, ପ୍ରାଚିନାର୍ ଆରି ଚାରି ପାରାଣିଙ୍ଗ୍ ଚାର୍ବେଣ୍ଡାଂ ନିଲ୍ଡିକନା, ଆରେ ଗାଦି ମୁମ୍ଦ ତାଣ୍ଡହାଣ୍ ମାଗ୍ଜି ଇସ୍ପର୍ଡିଂ ଜଞ୍ଜାର୍ କିଜି, ୧୨ ଇଚିକ୍ “ଆମେନ୍, ଝାରିକିୟକିଦେଂ, ଜାଜ୍ମାଲ୍, ଗିୟାନ୍, ଦନ୍ୟବାଦ୍, ସାକ୍ତି, ବାଡ଼କାସ୍ ଜୁଗ୍ ଜୁଗ୍ ମା ଇସ୍ପତ୍ରି; ଆମେନ୍ ।”

୧୩ ଆରେ ପ୍ରାଚିନାର୍ ବିତ୍ରେତାଂ ରଞ୍ଜାନ୍ ନାଙ୍ଗ୍ ଝେନ୍‌ବାତାନ୍, ତ୍ରିଞ୍ଜିନି ଆଙ୍ଗି ଉସ୍ପିତି ଇ ମାନାୟାର୍ ଇନେର୍ ଆରି ହେଝାର୍ ଇମେଣ୍ଡାଂ ଝାତାଣ୍ଡା ? ୧୪ *ଆନ୍ ହେଝାନ୍ ଇଚାଙ୍ଗ୍, ଏ ନା ମାପୁ, ଏନେଇଁ ନେ ହେଦାଂ ପୁନାୟ ।

ହେବେ ହେଝାନ୍ ନାଙ୍ଗ୍ ଇନ୍‌ଚାନ୍, ଇଞ୍ଜାର୍ ଗାଜା ଦୁକ୍ତାଂ ହସି ଝାତାନ୍ନା ଆରି ମେଣ୍ଡାହିମ୍ଣାତି ନେତେର୍ଡତ ଜାର୍ ଜାର୍ ଆଙ୍ଗି ହଗ୍ଜି ତ୍ରିଞ୍ଜି କିତାନ୍ନା । ୧୫ ହେଦାଂ କାଜିଂ ହେଝାର୍ ଇସ୍ପତ୍ରି ମନ୍ଦିର୍ଡତ ତା ଗାଦି ମୁମ୍ଦ ମାନ୍‌ଜି ଝେଡ଼ାନାଣା ହେଝାଡ଼ି ପାର୍ଡାନା କିଚାର୍, ଆରେ ଗାଦିତ କୁଚାକାର୍ ମୁଣିକା ହେଝାନ୍ ବାହା ହିନାନ୍ । ୧୬ ଆରେ ହେଝାର୍ଡି ଇନାଞାତାଂ ପା ନାସକି କି ଏସକି ଆଉର୍, ଆରେ, ଝେଡ଼ା କି ଇମ୍ଣାକା ପା କାରା ହେଝାରିଂ ବାଦା କିଉଡ଼, ୧୭ ଇନେକିଦେଂକି ଗାଦି ମାଦ୍‌ଶିବାହା ମେଣ୍ଡାହିମ୍ଣା ହେଝାର୍ଡି ଗଡ଼ିଆ ଆନାନ୍ ଆରି ଜିବୁନ୍‌ହିନି ଜାରାଣ୍ ଲାଗାଂ ହେଝାରିଂ କାତାୟ୍ ଅନାନ୍, ଆରେ ଇସ୍ପର୍ ହେଝାର୍ କାଣ୍‌ଗାତାଂ ଝିଜୁ କାଣେଲିଂ ନେନ୍‌ନାନ୍ ।



ସାଡ଼ଗଟା ସିଲ୍

୧ ମେଣ୍ଡାହିମ୍ଣା ଏଚେକାଡ଼ଦ ସାଡ଼ଗଟା ସିଲ୍ ତ୍ରିକ୍ତାନ୍; ହେପାଦନା ସାଗେଡ ଇଚିସ୍ ଆଦା ଗଣ୍ଡା ପାଚେକ୍ ଚିମ୍‌ରା ଆଜି ହାଚିକ୍ । ୨ ତା ପାଚେ ଆନ୍ ଇସ୍ପର୍ଡି ମୁମ୍ଦ ନିଲ୍ଡିକିକ୍ ସାଡ଼ ଜାଣ୍ ଦୁଡ଼ତକାଂ ହୁଡ଼ତାଂ; ହେଝାକାଂ ସାଡ଼ଗଟା ମରିଂ ହିତାନ୍ ।

୩ ଆରେ ରଞ୍ଜାନ୍ ଦୁଡ଼ ଝାଜି ଗାର୍‌ଶି ଲାଗାଂ ନିଲ୍ଡାନ୍, ଇସ୍ପର୍‌ନି ପୁଇପୁୟା ମାନାୟାର୍ ପାର୍ଡାନା ଲାହାଙ୍ଗ୍ ବେସି ଗାନ୍‌ନି ଦୁପ୍‌ନି ମାଚାତ୍, ଆରେ ଗାଦି ମୁମ୍ଦ ହନା ଗାର୍‌ଶି ଜପି ଝିଜାର୍ ସାଡ଼ୁର୍ଡି ପାର୍ଡାନା ଲାହାଙ୍ଗ୍ ହିନି କାଜିଂ ତାଙ୍ଗେଇଁ ବେସି ଦୁପ୍‌ନି ହିତାର୍ । ୪ ହେବେଣ୍ଡାଂ ଦୁଡ଼ କେଇଦାଂ ଦୁପ୍‌ନି କଦା ଦାମ୍‌ର୍ ପାର୍ଡାନା ଲାହାଙ୍ଗ୍ ପୁଇପୁୟା ଇସ୍ପତ୍ରି ମୁମ୍ଦ ଜପି ନିଙ୍ଗାତାତ୍ । ୫ *ପାଚେ ହେ ଦୁଡ଼ ଦୁପ୍‌ନି ଅଜି ଗାର୍‌ଶିନି ନାଣିତ ହେଦାଂ ବାଡ଼ି କିଜି ପୁତ୍ରି ଜପି ତୁହିହିତାତ୍ । ହେବେ ବିଞ୍ଜିଇଡ଼ନିକାଟ୍, ବାରବାନି କାଟ୍, ବିଜ୍‌ଲି ଆରି ମେଦ୍‌ନିଦାଲ୍‌କା ଆତାତ୍ ।

ମରି ବାଜା

୬ ହେ ଏଚେକାଡ଼ଦ ସାଡ଼ଗଟା ମରିଂ ଆସ୍ତାକା ସାଡ଼ ଦୁଡ଼କୁ ମରିକାଟ୍ କିଦେଇଁ ଜାଲ୍‌ଦି ଆତିକ୍ ।

☆ ୭:୧୪ ୭:୧୪ ମାଡିଉ ୨୪:୨୧; ମାର୍କ ୧୩:୧୯. ☆ ୮:୫ ୮:୫ ହତ୍ତ ୧୧:୧୯; ୧୭:୧୮.

୭ ପର୍ତ୍ତୁମ୍ ଦୁତ୍ତ ମରିକାଟ୍ କିତି ଦାପ୍ତେ ଆଞ୍ଜଗା, ନାଣି ଆରି ନେତେର୍ ପୁତ୍ ଜପି ଆର୍ତାତ୍ । ପାଚେ ଝିଜୁ ମାରଦେର୍, କାଚାପାତ୍ରିୟା କାଚା ଲାହାଁ ପୁତ୍ ନି ର ତିନ୍ ବାଗ୍ କାଡ଼ତାତ୍ ।

୮ ଜେତି ଦୁତ୍ତ ମରିଗାନ୍ତାୟ କିତିଲେ, ଇନେସ୍ ନାଣି ଆହ୍ନି ର ଗାଜା ମାଡ଼ି ହାମ୍ଦୁରତ୍ ତୁହିୟାତାତ୍, ହେବେ ହାମ୍ଦୁରନି ତିନି ବାଗ୍ ଏଜୁଙ୍ଗ୍ ନେତେର୍ ଆତାତ୍ । ୯ ଆରେ, ହାମ୍ଦୁରତ୍ ମାନି ପାରାଣିଙ୍ଗ୍ ବିତ୍ତେତାଁ ତିନି ବାଗ୍ ହାତିକ୍ ଆରି ଜାଜନିକିଁ ତିନି ବାଗ୍ ବୁଡାଆତିକ୍ ।

୧୦ ମାଜ୍ଗାଚ୍ୟା ଦୁତ୍ତ ମରିଗାନ୍ତାୟ କିତିଲେ ନାଣିନିଙ୍ଗ୍ତାକା ଲାକେ ଅଜଡ୍ ର ଗାଜା ହୁକା ଆକାସ୍ତାଁ ଆଜ୍ ହେବେନି ଏଜୁଙ୍ଗ୍ତାଁ ତିନି ବାଗ୍ତାଁ ର ବାଗ୍ ଆରି ଜାରାଣିଁ ଜପି ମୁଞ୍ଚାତ୍; ୧୧ ହେ ହୁକାତି ତର୍ କେନାକା । ପାଚେ ହାଦ୍ ଏଜୁଙ୍ଗ୍ନି ର ତିନି ବାଗ୍ କେତିକ୍ ଆରି ହେ ଏଜୁଙ୍ଗ୍ ଉଣ୍ଡି ବେସି ମାନାୟାର୍ ହାତାର୍ ।

୧୨ ଚାରି ଲମର୍ ଦୁତ୍ତ ମରିଗାନ୍ତାୟ କିତିଲେ ଝେଡ଼ା, ଲେଞ୍ଜ ଆରି ହୁକାଁ ତିନି ବାଗ୍ ତୁକାବା ଆତିଲେ ହେ ଝିଜୁନି ତିନି ବାଗ୍ ମାଜ୍ଗା ଆତାତ୍, ଦିନି ତିନି ବାଗ୍ ଅଜଡ୍ ଆଜି ମାଚାତ୍ ଆରି ନାଣା ପା ହେ ଲାକେ ଅଜଡ୍ ଆଞ୍ଜାତାତ୍ ।

୧୩ ପାଚେ ଆନେଙ୍ଗ୍ ହୁଡ଼ତାଁ, ଆରେ ବାଦାଡ଼ନି ମାଦିବାଗ୍ତ ଉମନି ର ମୁକ୍ତି ପଟି ଗାଜାକାଟ୍ତାଁ ଇଦାଁ ଇଞ୍ଜିମାନାକା ଝେଚାଙ୍ଗ୍, ହାଦି, ହାଦି, ହାଦି, ପୁତ୍ ନିକାର୍ ଦୁକ୍ ପାୟାନି ଲଗୁ, ଇନେକିଦେଁକି ଆରେ ତିନିଜାଣ୍ ଦୁତ୍ତ ମରିଗାନ୍ତାୟ କିଦେଙ୍ଗ୍ ହାନିକା ।

୯

୧ ତା ପାଚେ ପାଞ୍ଚଲମର୍ ଦୁତ୍ତ ମରି ଗାନ୍ତାୟ କିତିଲେ ଆନେଙ୍ଗ୍ ବାଦାଡ଼ତାଁ ର ହୁକା ପୁତ୍ ତ ଆଣ୍ଟାକା ହୁଡ଼ତାଁ; ହେଦେଲିଁ ପାତାଲ୍ କୁଣ୍ଡି କୁଟି ହିୟାଜିମାଚାତ୍ । ୨ ହେଞ୍ଜାନ୍ ହେ ପାତାଲ୍ କୁଣ୍ଡି ରିକ୍ତିଲେ ହେବେତାଁ ଗାଜା ବାଟିନି କଦା ଲାକେ କଦା ନିଙ୍ଗ୍ତାତ୍, ଆରେ ହେ ପାତାଲ୍ କୁଣ୍ଡିତ କଦା କାଜିଁ ଝେଡ଼ା ଆରେ ଆକାସ୍ ମାଜ୍ଗା ଆତାତ୍ । ୩ କଦା ବିତ୍ତେତାଁ ପାମିଙ୍ଗ୍ ହସି ପୁତ୍ ତ ଝାତିକ୍, ହେଞ୍ଜେକାଁ ପୁତ୍ ନି କାଚାକୁପିନି ବିସ୍ ଲାକେ ସାଲ୍ଲି ହିତାନ୍ । ୪ ପୁତ୍ ନି କାଚା କି କାଚାପାତ୍ରିୟା ବାନି କୁଟା କି ଇମ୍ପଣାକା ପା ମାରତିଁ ବୁଡାୟ କିଞ୍ଚାଦାଁ, ଇମ୍ପଣାକାରତି ନିଦାଣ୍ତ ଇସ୍ତ୍ ତିନ୍ ହିଲ୍ଡିତସ୍, କେବଲ୍ ହେଞ୍ଜାରତି ବୁଡାୟ କିଦେଙ୍ଗ୍ ହେଞ୍ଜାରିଁ ଝେଡ଼ଚାର୍ । ୫ ହେଞ୍ଜାରିଁ ଅହ୍ୟାଞ୍ଚାଦାଁ ପାଞ୍ଚ ମାସ୍ ପାଚେକ୍ ହେଞ୍ଜାରତି ନନାକା ଗିଟାୟକିଦେଁ ହେଞ୍ଜାରିଁ ପା ମିଁ ଆଦିକାର୍ ହିତାନ୍, କାଚାକୁପି ମାନାୟତିଁ କାପ୍ତିତିସ୍ ଇନେସ୍ ନାନାତ୍, ଇ ନନାକା ହେ ଲାକେ । ୬ ହେ ସମ୍ପତ୍ ମାନାୟାର୍ ହାନାକା ଦାହ୍ନାର୍, ମାତର୍ ଇନେସ୍ କିଜି ପା ବାନି କିତିସ୍ ପା ପାୟା ଆଉର୍; ହେଞ୍ଜାର୍ ହାଦେଁ ମାନ୍ କିତାର୍, ମାତର୍ ହାକି ହେଞ୍ଜାରତାଁ ହନ୍ନାତ୍ ।

୭ ପାମିଁ ଜାଲ୍ଦି ଆତି ଜୁଜ୍ କିନି କାଜିଁ ଗଡ଼ା ଲାକେ ଚଞ୍ଜୟାଜି ମାଟିକ୍, ହେଞ୍ଜେକ୍ତି କାପ୍ଡାନି ପ୍ଲୁକ୍ୟାତାକା ହନା ମୁକୁଟ୍ ଲାକେ ମାଚାତ୍, ଆରେ ହେଞ୍ଜେକ୍ତି ଝେଇ ମାନାୟାର୍ ଝେଇ ଲାକେ; ୮ କଗଲେ ହିମ୍ପଣାଁତି ତେମୁଲ୍ ଲାକେ ହେଞ୍ଜାଙ୍ଗ୍ ତେମୁଲ୍, ସିହଁ ଟାତାଙ୍ଗ୍ ଲାକେ ହେଞ୍ଜେକ୍ତି ଟାତାଙ୍ଗ୍ ମାଟିକ୍; ୯ ଲଞ୍ଜା ହାଜ ଉସ୍ପିତି ଲାକେ ହେଞ୍ଜେକ୍ତି ହାଜ ଉସ୍ପାନାକା, ଆରେ ଗଡ଼ାଗାଡ଼ି ଆରି ଜୁଜ୍ ବାହାତ ହନ୍ଞିମାନି ଜବର୍ ଗଡ଼ାଙ୍ଗ୍ ଗାଜାନି ଲାକେ ହେଞ୍ଜେକ୍ତି ମାରାଁ ଗାର୍ଜାନାକା ହସି ମାଚାତ୍ । ୧୦ କାଚାକୁପିତି ନିଙ୍ଗୁଣ୍ ଆରି ବାଡ଼କାସ୍ ଲାକେ ହେଞ୍ଜେକ୍ତି ନିଙ୍ଗୁଣ୍ ଆରି ବାଡ଼କାସ୍; ପାଞ୍ଚ ମାସ୍ ପାଚେକ୍ ମାନାୟାରତି ବୁଡାୟ କିଦେଙ୍ଗ୍ ହେଞ୍ଜେକ୍ ନିଙ୍ଗୁଣ୍ତ ସାଲ୍ଲି ମାଚାତ୍ । ୧୧ ପାତାଲ୍ କୁଣ୍ଡି ଦୁତ୍ତ ହେଞ୍ଜାକାଁ ରାଜା, ତା ତର୍ ଏବି ବାସାତ ଅବଦନ୍ ଆରି ଗିକ୍ ବାସାତ ଅପଲ୍ଲିୟନ୍ ଇନେର୍ ଅରଡ୍ ଅସ୍ପାନାକା ।

୧୨ ପର୍ତ୍ତୁମ୍ ଦୁକ୍ ଝିସ୍ତାତ୍, ହୁଡ଼ାଟ୍ ଇଦାଁ ପାଚେ ଆରେ ରିଣ୍ଡାଁ ଦୁକ୍ ଝାନାତା ।

୧୩ ତାପାଚେ ତଥ ଲମର୍ ଦୁତ୍ତ ମରିକାଟ୍ କିତିଲେ, ଆନେଙ୍ଗ୍ ଇସ୍ପରତି ମୁମ୍ଦ ହନା ଗାର୍ଣିନି ଚାରି କନାତାଁ ବିତ୍ତେତାଁ ର କାଟ୍ ଝେଚାଙ୍ଗ୍ । ୧୪ ହେଦାଁ ମରି ଆସ୍ତି ମାନି ହେ ତଥ ଲମର୍ ଦୁତ୍ତତିଁ ଇଚାନ୍, ପରାତ୍ ଗାଜା ନାଗୁଡ଼ତ୍ ବାଦିମାନି ଚାରି ଦୁତ୍ତତିଁ ମୁକ୍ତାୟ କିଜିହିୟାଟ୍, ୧୫ ହେବେ ମାନାୟାରତି ର ତିନି ବାଗ୍ ବୁଣି କାଜିଁ ଇ ଇମ୍ପଣି ଚାରି ଦୁତ୍ତ ହେ ତାଣ୍, ଦିନ୍, ମାସ୍ ଆରି ବାହୁଁ କାଜିଁ ଜାଲ୍ଦି କିୟା ଆଜି ମାଟିକ୍, ହେଞ୍ଜାର୍ ମୁକ୍ତାୟ କିୟାତାର୍ । ୧୬ ପାଚେ ଆନ୍ ହୁଡ଼ତାଁ, ଗଡ଼ା ଦୁମ୍ପତାକାର୍ ମେଲ୍ୟାରତାଁ ଲମର୍ ୨୦୦,୦୦୦ ଲକ୍ୟ ରି କଟି; ଆନେଙ୍ଗ୍ ହେଞ୍ଜାର୍ ଗାଣତି ଝେଚାଙ୍ଗ୍ । ୧୭ ଆରେ ଆନେଙ୍ଗ୍ ହୁଡ଼ତାଁ ଗଡ଼ା ଆରି ହେଞ୍ଜାର୍ ଦୁମ୍ପତାକାରିଁ ଇ ଲାକେ ହୁଡ଼ତାଁ, ହେଞ୍ଜାରତି ଜିଦ୍ନି ହାଜ୍ଦ ନାଣିବାନି ନିଲିବାନି ଆରି ଗନ୍ଦକ୍ବାନି, ଗଡ଼ା କାପ୍ଡାଙ୍ଗ୍ ସିହଁ କାପ୍ଡା ଲାକେ ଆରେ ହେଞ୍ଜାଙ୍ଗ୍ ଝେଇଦାଁ ନାଣି, କଦା ଆରି ଗନ୍ଦକ୍ ହସି ମାଚାତ୍ । ୧୮ ହେଞ୍ଜାଙ୍ଗ୍ତି ଝାଇଦାଁ ହଡ଼ନି ନାଣି, କଦା ଆରି ଗନ୍ଦକ୍ ଲାକେ ଇ ତିନି ଦୁକ୍ ହୁକେ ମାନାୟାରତି ର ତିନି ବାଗ୍ ଅହ୍ୟାତିକ୍ । ୧୯ ଇନେକିଦେଁକି ଗଡ଼ାଙ୍ଗ୍ ସାଲ୍ଲି ହେଞ୍ଜେକ୍ତି ଝେଇ ଆରି ନିଙ୍ଗୁଣ୍ତ ମାଚାତ୍, ଲାଗିଁ ହେଞ୍ଜାଙ୍ଗ୍ତି ନିଙ୍ଗୁଣ୍ ରାଟ୍ ଲାକେ ଆରି କାପ୍ଡା, ଲାକେ ତା ହୁଦାଁ ହେଞ୍ଜାଙ୍ଗ୍ ବୁଡାୟ କିନିକ୍ ।

୨୦ ଇମ୍ପଣି ବାକି ମାନାୟାର୍ ଇ ଝିଜୁ ଦୁକ୍ ହୁକେ ଅହ୍ୟାଞ୍ଚାଦାଁ ମାଟିକ୍, ହେଞ୍ଜେକ୍ ଜାର୍ ଜାର୍ କେଇଦାଁ ରଚ୍ତି କାମାୟତାଁ ମାନ୍ବାଦ୍ଲାୟ କିଞ୍ଚିକ୍, ଇତିସ୍ ବୁଡ଼କୁତି ପୁଜା ଆରି ହୁଡ଼ନାକା, ଝେନାକା ଆରି ବୁଲାଚାଲାଦେଁ ଆଡ଼ଞ୍ଚି ହନା, ରୁପା, ପିତାତ୍, କାଲ୍ ଆରି ଝେଜ୍ଗୁ ରଚ୍ତି ପୁଡ଼ତାଁ ପୁଜା ପିସ୍ତେଙ୍ଗ୍ ଆଡ଼ଞ୍ଚିକ୍, ୨୧ ଆରେ ହେଞ୍ଜେକ୍ ଜାର୍ତିଁ ନାର୍ଚୁଣାକା, ପାଙ୍ଗାଣ, ଦାରି ଆରି ଗାଣ୍ଡୁ କାମାୟତାଁ ମାନ୍ବାଦ୍ଲାୟ କିଞ୍ଚିକ୍ ।

୧୦

ସାଗେଦୁଡ଼ ଆରି ହାରୁ ପତି

^୧ ତା ପାଚେ ଆନ୍ ହୁଡ଼ତା, ଆରେ ରଞ୍ଜନ୍ ସାକ୍ତିକାଟି ଦୁଡ଼ତି ସାଗେତା ଜୁଜି ଖାନାତା । ହେଦେଲ ବାଦାଡ଼ତ ଡାବାୟକିଆ ଆଜି ମାଚାଡ଼ ଆରି ତୁବଡ଼ାରା ହେଦେଲତି କାପଡ଼ାତି ହୁରତି ମାଚାଡ଼ । ହେଦେଲତି ମୁମ୍ ଖେଡ଼ା ଲାକେ ଆରି କାଲକୁ ରିଣ୍ଡାଙ୍ଗ ନାଣି ମୁଣ୍ଡାଙ୍ଗ ଲାକେ ଚଞ୍ଜୟାଜି ମାଚାଡ଼ । ^୨ ତା କେଇଦ ର ଜେୟାତି ହିରୁ ପତି ମାଚାଡ଼ । ହେଦେଲତି ଜାର ବୁଜଣି ପାନା ହାମ୍‌ଦୁର ଜପି ଆରି ତେବରି ପାନା ପୁତ ଜପି ଇଡ଼ଜି ମାଚାଡ଼ । ^୩ ସିହଁ ଗାର୍ଜାନି ଲାକେ ଆଡ଼ବିସ୍ ହେଦେଲ କୁକତାଡ଼, ସମାନ୍ ହେ ଲାକେ ଆଡ଼ବିସ୍ ସାଡ଼ଗଟା ବାଦାଡ଼ି ଇଦେଲ କୁକନି ତାକେ ଉତର ହିତିକ । ^୪ ଚିନ୍ ଇଡ଼ନାକା ହେଖେକ୍ ଇନାକା କାତାବାର୍ତ୍ତା ଆତିକ୍, ହେଦା ଆନ୍ ଲେକିକିଦେ ହାଲଜି ମାଚାଙ୍ଗ, ମାତର ସାଗେତା ରଞ୍ଜାଙ୍ଗ କାଟ୍ ଖେଚାଙ୍ଗ । ହେ କାଟ୍ ନା ଇଞ୍ଚାଡ଼ । “ବାଦାଡ଼ ଗାର୍ଜାନ୍ତ ଇନାକା ଖେନାୟା, ହେଦା ଡ଼କୁତି ଇଟା; ଲେକି କିମ୍ ।”

^୫ ତାପାଚେ ଇମଣି ଦୁଡ଼ତି ହାମ୍‌ଦୁର ଆରି ପୁତ ଜପି ନିଲତାକା ଆନ୍ ହୁଡ଼ଜି ମାଚାଙ୍ଗ, ହେଦେଲ ତା ବୁଜଣି କେଇ ସାଗେ ନିପ ନିକତାଡ଼, ^୬ ଆରି ଇନେନ୍ ସାଗେ, ପୁତ, ହାମ୍‌ଦୁର ଆରି ତା ତାରେନ୍‌ନି ସବୁ ବିସ୍ତେ ଉବଜାୟ କିତାରନା ହେ ନିଡ଼େଜିନାକାନ୍ ଇସ୍‌ରତି ତରଦ ପାର୍ମାଣ୍ କିଜି ଇଚିକ୍, “ଆରେ କାଡ଼ ବିଲମ୍ ଆଉଡ଼ । ^୭ ଏରେକାଡ଼ଦ ସାଡ଼ ଦୁଡ଼ ମରି ତୁବଡ଼ାଡ଼, ଇସ୍‌ର ହେଖାନ୍ତି ଆଡ଼ିୟା ବେଶ୍‌ବାକ୍‌ଶାୟକିନାକାନ୍ତି ଲାଗା ଇମଣି ଡ଼କୁ ନେକ୍ତିକାରୁର ହପତି ମାଚାନ୍, ହେଦା ଖିହନାନ୍ ।”

^୮ ତାପାଚେ ସାଗେନି ହେ କାଟ୍ ନା ଆରେ ଇଞ୍ଚାଡ଼, “ହାଲା, ହାମ୍‌ଦୁର ଆରି ମେଦ୍‌ନି ଜପି ନିଲତିମାନି ଦୁତକ୍ତି କେଇଦା ଜେତାକା ପତି ଅଞ୍ଚା ।”

^୯ ଆନ୍ ଦୁଡ଼କ୍ତି ଲାଗାୟ ହାଲଜି ହେ ହିରୁ ତଲ୍ ପତିତି ଏନ୍ତାଙ୍ଗ । ହେଦେଲ ନା ଇଞ୍ଚାଡ଼, “ଅଜି ତିନା । ନି ପଟ କାଜି ଇଦା କେନାକା, ମାତର ନି ମୁମ୍‌ଦ ଇଦା ପୁକି ଲାକେ ହଞ୍ଚାଦ୍ ହଡ଼ନାଡ଼ ।”

^{୧୦} “ହେବେ ଆନ୍ ଦୁତକ୍ କେଇଦା ହେ ହିରୁ ପତି ଅଜି ହେଦା ଚିଚାଙ୍ଗ । ହେଦା ନା ଖେଇଦ ପୁକି ଲାକେ ହଞ୍ଚାଦ୍ ଆତାଡ଼, ମତର ଗୁସ୍‌ତି ଦାପ୍ରେ ପଟ ବିଡ଼େ କେସି ହାଚାଡ଼ । ^{୧୧} ତା ପାଚେ ନାଙ୍ଗ ଇନେର ନା ଇନ୍‌ଚାର, ବେସି ଦେସ୍, ଜାତି, ବାସାନିକାର ଆରି ରାଜାର ବିସ୍ତେ ଇସ୍‌ରତି କାରୁର ଏନ୍ ହାଲଜି ଆରେରଗ ସୁଶାୟ କିୟା ।”

୧୧

ରିୟାର ସାକି

^୧ ତା ପାଚେ ଇନେର ରଞ୍ଜନ୍ ଲାର୍‌ନି ବେଡ଼ଗା ଲାଗ୍‌ଦି ର କୁତା ବାଡ଼ଗା ନା ହିଜି ଇଞ୍ଚାନ୍, “ହାଲା, ଇସ୍‌ରତି ମନ୍ଦିର ଆରି ଗାର୍‌ଣି ଲାତା ଆରି ମନ୍ଦିରତ ପାର୍ତନା କିନାକାରି ଗାଣା କିୟା । ^୨ ମାତର ମନ୍ଦିରନି ବାରତ ମାନି ହାକଡ଼ିତି ଲାଟ୍‌ମାଟ୍ । ଇନେକିଦେକି, ହେଦା ପାଟ କିଞ୍ଜି ଜିହୁଦିରି ଦାନ ହିତାରନା । ହେଖାର ରିକଡ଼ି ଦୁଇ ୪୨ ମାସ ପାତେକ୍ ଇ ପୁଇପୁୟା ଗାଡ଼ି ପାନା ତାରେନ୍ କିଜି ଇଚନାର । ^୩ ହାରୁ ବାସ୍ତା ଉସ୍‌ପାତାକାର ନା ରିଆର ସାକିରି ଆନ୍ ପକ୍‌ତାନା । ହେଖାର ୧,୨୬୦ ଦିନ୍ ପାତେକ୍ ବେଶ୍‌ବାକ୍‌ଶାୟକିନାନ୍ ।”

^୪ ହେଖାର ପୁତ ନି ସାକି ମାପୁତି ମୁମ୍‌ଦ ନିଲତିମାଟି ରିଣ୍ଡି ଜିଡ଼ମାର ଆରି ରିଣ୍ଡି ବଚଟା ଲାକେ । ^୫ ଜଦି ଇନେର ହେଖାରତି ବୁତାୟ କିଦେଙ୍ଗ୍ ସେସ୍‌ କିତାର, ତେବେ ହେଖାରତି ଖେଇଦା ନାଣି ହସି ସାତୁରି ନାସ୍ କିନିକ୍ । ଏଲେଙ୍ଗ୍ ଜେ ଇନେନ୍ ହେଖାରତି ବୁତାୟ କିଦେଙ୍ଗ୍ ହନାଡ଼, ହେଖାନ୍ ବୁତାନାନ୍ । ^୬ ଇସ୍‌ରତି କାରୁର ସୁଶାୟ କିନି ଖେଡ଼ାଲି ଆକାସ୍‌ତି ମୁନାକିଜି ବାରହା ଆଦେ ବନ୍ଦ କିଦେଙ୍ଗ୍ କେମ୍‌ତା ହେଖାକ୍‌କା ହିୟାତାନ୍ । ଏସ୍ ଜାରାଣିକା ନେତେରତ ମେହାୟ କିଦେଙ୍ଗ୍ ଆରି ଜାର ଇଚା ଇସାବ୍ରେ ପୁତ ତ ବାରବାର ମାରତି ଉବଜାୟ କିଦେଙ୍ଗ୍ ହେଖାରି ଆଦିକାର ମାନାଡ଼ ।

^୭ ହେଖାରତି ସାକି ଖିସ୍ତି ପାଚେ ପାତାଲ୍ କୁଣ୍ଡତା ର ପସୁ ନିଙ୍ଗ୍‌ଜି ଖାଜି ହେଖାରତି ବିରୁଡ଼ତା ଜୁଜ୍ କିନାଡ଼ । ^୮ ହେଖାନ୍ ହେଖାକ୍‌କା ଆରାୟ କିଜି ଚୁଣାଡ଼ ଆରି ଇମଣି ଗାଜା ଗାଡ଼ି, ଆମ୍‌କ୍ ବାବ୍ରେ ସଦମ୍ ଆରି ମିସର୍ ଇଞ୍ଜି ଇନ୍‌ମାନାଡ଼, ରାଜାର ହାସ୍‌ଦ ମାପୁ କୁସ୍ ଇଡ଼ିୟା ଆଜି ମାଚାନ୍, ହେବେ ହେଖେକ୍ତି ମାଡ଼ା ଆଜି ମାନ୍‌ଗାନାଡ଼ । ହେ ବସ୍ତିତ ସଦମ୍ କି ମିସର୍ ଇଞ୍ଜି ଇନ୍‌ମାନାଡ଼ । ^୯ ଖିଜୁ ଦେସ୍, କୁଟୁମ୍, ବାସାକିନାକାର ଆରି ଜାତିର ମାନାୟ ତିନି ଦିନ୍ ଆଦା ପାତେକ୍ ହେ ମାଡ଼ାତି ହୁଡ଼ନାର ଆରି ହେଖାକା ମୁଚ୍‌ଚେ କାଜି ପିସ୍ତି ହିଉର । ^{୧୦} ହେ ରିୟାରି ହାକି କାଜି ପୁତ ନି ମାନାୟାର ଖାରୟାନାର, ସାର୍ଦା ଗିଆଣ୍ କିଜି ହାରି ଲାଗାୟ ଦାନ ପପ୍‌କାନାର; ଇନେକିଦେକି, ହେ ବେଶ୍‌ବାକ୍‌ଶାୟକିନାର ଲାଗି ପୁତ ନିକାର ବେସି ହରବର ଆଜି ମାଚାର । ^{୧୧} ମାତର ତିନି ଦିନ୍ ଅଦା ପାଚେ ଇସ୍‌ରତା ଜିବୁନ୍ ଡ଼କୁ ଖାଜି ହେଖାର ଗାଗାଡ଼ତ ହଚାଡ଼ ଆରି ହେଖାର ନିଜି ନିଲତାର । ଇମ୍‌ଶାକାର ଇ ଗଟ୍‌ଶା ହୁଡ଼ଜି ମାଚାର, ହେଖାର ପାଣ୍ଡା ଆତାର । ^{୧୨} ଆରେ, ହେ ରିୟାର ବେଶ୍‌ବାକ୍‌ଶାୟକିନାକାର ହେଖାରି ସାଗେତା ଗାଜା କାଟ୍‌ତା ଇ କାତା ଇଞ୍ଜିମାନାକା ର କାରୁର

☆ ୧୧:୨ ୧୧:୨ ଲୁକ ୨୧:୨୪. ☆ ୧୧:୭ ୧୧:୭ ହଡ଼ି ୧୩:୫-୭; ୧୭:୮.

ଖେଚାର୍; “ଇବେ ଖାତ” ହେଖାରତି ସାତୁର୍ ହୁଡ଼ ହୁଡ଼ ହୁଡ଼ ହୁଡ଼ ବାଦାଡ଼ ବିତ୍ତେ ଆଜି ସାଗେତ ଦୁମତାର । ୧୩ ହେ ସମୁତ
ବେସି ମେଦନିଦାଲକାତାଡ଼, ଗାଡ଼ନି ଦସ୍ ବାଗତା° ର ବାଗ ଦୁଡ଼ିତ ମେହାତାଡ଼, ଆରି ମେଦନିଦାଲକାତିଲେ ସାଡ଼ ହାଜାର୍
ମାନାୟାର୍ ହାତାର୍ । ଜିଜିମାନି ମାନାୟାର୍ ପାଣ୍ଡା ଆଜି ସାଗେନି ଇସ୍ତର୍ ସବୁମେଜ୍ତି ଜାଜମାଲ୍ ଏଡ଼ନାୟ୍ କିତାର୍ ।

୧୪ ଜେତି ଦୁକ୍ ଖିସ୍ତାଡ଼; ତନିଗଟା ଦୁକ୍ ବେଗି ଖାନାତା ।

ସାଡ଼ ମରି

୧୫ ସାଡ଼ ଦୁଡ଼ ମରିକାର୍ କିତିଲେ ସାଗେ ରାଜିନି ଗାଜା ସବଦ୍ ଲାହାଙ୍ ଇ ବେଶ୍ ଆତାଡ଼, ଜଗଡ଼ ଜପି ରାଜକିନାକା ମା
ମାପୁତି ଆରି ତା ମସିୟା କେଇଦହାଚାକା, ଆରେ ହେଖାନୁ ଜୁଗ୍ ଜୁଗ୍ ରାଜ୍ କିନାନ୍ । ୧୬ ହେବେ ଇସ୍ତର୍ ମୁମ୍ଦ ଜାର୍
ଜାର୍ ଗାଦିତ କୁଚ୍ତି ୨୪ ପ୍ରାଟିନାର୍ ମେଣ୍ଡାକୁଦିକିଜି ଇସ୍ତର୍ତି° ଜଖାର୍ କିଜି ।

୧୭ ଇଚାର୍ ଏ “ମାପୁ, ସବୁତି° ସାଲି କାଟି ଇସ୍ତର୍, ନଙ୍ଗୟ୍ ଆରି ପାଚେନିକାୟ୍ ଜେ ଏନେଙ୍,
ଆପ୍ ନିଙ୍ଗ୍ ଜୁଖାର୍ କିଦନାପା,
ଇନେକିଦେ°କି ଏନ୍ ଜାର୍ ଗାଜାସାଲି ଆଜି କିଜି ରାଜ୍ କିନାକା ଇଡ଼ତାୟନା ।

୧୮ ପାତର୍ କିଖି ଜିହୁଡ଼ିର୍ ନାସକି ଆତାଣ୍ଡା;
ଇନେକିଦେ°କି, ମି ରିସାନି ସମୁ ଏକାଖାତାଡ଼, ହାତାକାର୍ ନଙ୍ଗ୍ ବିଚାର୍ କିୟାନାର୍ ।
ମି ଆଡ଼ିଏନ୍ ବେଶ୍‌ବାକ୍‌ଶାୟକିନାକାର୍, ଆରି ଇମ୍‌ଶାକାର୍ ମିଙ୍ଗେଙ୍ ପାଣ୍ଡା ଆଦନାର୍,
ଗାଜାହାରୁ ଖିଜାର୍ ପୁଇପୁୟାତା° ନିର୍ମଲ୍ ଆନାର୍
ଆରି ଇମ୍‌ଶାକାର୍ ପୁଡ଼ି° ନାସ୍ କିତାର୍, ହେଖାର୍ ପା ନାସ୍ ଆନାର୍ ।”

୧୯ *ହେ ଏଚେକାଡ଼୍ ସାଗେତ ମାନି ଇସ୍ତର୍ ମନ୍ଦିରତ ମାନି ଦୁଖେର୍ ଜେୟାତାଡ଼ ଆରି ମନ୍ଦିରନି ନିୟମ୍ ସିଦୁକ୍ ପେଡ଼ି
ମାନାକା ଚଞ୍ଜିୟା ଆତାଡ଼ । ତା ପାଚେ ବିଜ୍‌ଲି, ଇଡ଼ତାଡ଼, ବାଦାଡ଼ ଗାଜାନାକା, ମେଦନିଦାଲକାନାକା ଆରି ଗାଜା ଆଞ୍‌ଗା
ବାରହା ଆତାଡ଼ ।

୧୨

କଗ୍‌ଲେ ଆରି ରାଡ଼

୧ ଖିଜୁଖି ଆକାସ୍ତ ର ଗାଜା ଚିନ୍ ଚଞ୍ଜିୟାତାଡ଼; ରଞ୍ଜେଲ୍ କଗ୍‌ଲେ ଲେଞ୍ ଜପି ନିଲ୍‌ତି ମାଚାଡ଼ ଆରି ଖେଡ଼ା ଅଜଡ଼ ଉସ୍ତସ୍
ମାଚାଡ଼ । ତା କାପଡ଼ାତ ବାରଗଟା ହୁକା° ରଚାକା ର ମୁକୁର୍ ମାଚାଡ଼ । ୨ ହେଦେଲ୍ ଏସ୍‌ପିସ୍ତ୍ର ମାଚାଡ଼ । ଜଲମ୍‌କିନିତ
ନନାକା କାଜି° ଆଡ଼ିସ୍ ମାଚାଡ଼ ।

୩ ଆକାସ୍ତ ଆରେ ରଞ୍ଜାଙ୍ ଚିନ୍ ଚଞ୍ଜିୟାତାଡ଼; ହୁଡ଼ାଟ୍, ଗେରୁ ବାନି ରାଡ଼ ଲାକେ ର ବେସିଗାଜା ପାରାଣି, ହେଦେଲ୍
ସାଡ଼ଗଟା କାପଡ଼ାଙ୍, ଦସଗଟା କମଙ୍ଗ୍, ଖିଜୁ କାପଡ଼ାଙ୍ ର ମୁକୁର୍ ମାଚାଡ଼ । ୪ ହେଦା° ତା ନିଙ୍ଗୁଣ୍ ଆକାସ୍‌ନି ର ତିନିବାଗ୍
ହୁକାକା° ଜେଲ୍‌ଜି ପୁଡ଼ି° ତ ତୁହିତାଡ଼ । କାଡ଼ଦେ ଜଲମ୍ ଆଡ଼ି ସାଙ୍ଗେ ସାଙ୍ଗେ ହେଖାନି° ଚିଞ୍ଜେଙ୍ ଉଦେସ୍ତ ରାଡ଼ ହେ
କଗ୍‌ଲେ ଲାଗା° ଖାଜି ନିଲ୍‌ତାଡ଼ । ୫ ସମାନୁ ସମୁତ କଗ୍‌ଲେ ର ମାଜି ହିମ୍‌ଶା ଜଲମ୍ କିତାଡ଼ । ମାତର୍ ବାଡ଼ଗାତା°
ଉପକାର୍‌ତ ଖିଜାର୍ ଜାତି ଜପି ରାଜ୍ କିନି କାଜି° ବାଟିକିତି ହେ ମାଜି ସାସ୍ତ ରିସା ଆଜି ଇସ୍ତର୍ତି ଗାଦି ଲାଗା° ଅୟାତାନ୍
। ୬ ଆରେ, ହେ କଗ୍‌ଲେ ବାଗାତ ହନ୍‌ତାଡ଼, ହେବେ ୧,୨୬୦ ଦିନ୍ ପାଚେକ୍ ତା ମାନାକା କାଜି° ଇସ୍ତର୍ ବିଦି କିଜି ମାଚାନ୍ ।

୭ *ତାପାଚେ ସାଗେତ ଜୁଜ୍ ଆରାମ୍ ଆତାଡ଼, ମିକାୟେଲ୍ ଆରି ତା ଦୁତକ୍ ହେ ଗାଜା ରାଡ଼ ଆରି ତା ହେବାକାରିୟାର୍
ଲାହାଙ୍ ଜୁଜ୍ କିତାର୍ । ୮ ଜୁଜ୍‌ତ ରାଡ଼ ଆରି ତା ହେବାକାରିୟାର୍ ଆରା ଆତାର୍ ଆରି ହେଖାର୍ ଆରେ ସାଗେତ ବାହା ଗାଟା
ଆଡ଼ିତିକ୍ । ୯ *ହେବେ ସବୁ ଜଗଡ଼ନି ବୁଲ୍‌କାୟକିନି ଦିଆବଲ୍ ଆରି ସୟତାନ୍ ତର୍ଦ୍ଦ ତାକ୍‌ପୁଟା ଜେ ଆଗେନି ରାଡ଼, ହେ
ପୁନି ନାଗ୍, ହେଖାନୁ ତା ଦୁତକ୍ ଲାହାଙ୍ ପୁଡ଼ି° ତ ଖାଜି ତୁହ୍ୟାତିକ୍ ।

୧୦ ତା ପାଚେ ଆନେଙ୍ ସାଗେତ ଗାଜା କାଟ୍ ର ସବଦ୍ ଖେଚାଙ୍, “ନଙ୍ଗୟ୍ ଇସ୍ତର୍ ମୁକ୍ତା ଆନାକା ଏକାଖାତାଡ଼
। ତା ରାଜା ସାଲି କାଟାକାନ୍ ଆରି ତା କ୍ରିସ୍ତି କେମ୍‌ତା ଚାଲାତାଡ଼ନା-ଇମ୍‌ଣି ବୁଲ୍‌କାୟକିନାକା, ଖେଡ଼ାନାଶା ଇସ୍ତର୍ତି
ମୁମ୍ଦ ନିଲ୍‌ତି, ମା ଟଣ୍ଡାର୍ ଆରି ତଶ୍‌ଦେକାଦେର୍ ବିରୁଦ୍‌ତ ମିର୍ ଦାବା କିଜି ମାଚାଡ଼, ହେଖାନି° ସାଗେତା° ହପ୍‌ତି ତୁହିତାନ୍
। ୧୧ ଆରେ ହେଖାର୍ ମେଣ୍ଡାହିମ୍‌ଶା ନେତେର୍ ଆରି ଜାର୍ ଜାର୍ ସାକିନି ବଚନ୍ ହୁକେ ତାଙ୍ଗେଙ୍ ଜିତା ଆତାଣ୍ଡା, ଆରି,
ହେଖାର୍ ହାକି ପାଚେକ୍ ଜାର୍ ଜାର୍ ଜିରୁନ୍ତି° ଖାରିନି ଗିଆନ୍ କିଖାଦା° ମାଚାର୍ । ୧୨ ଲାଗି°; ସାଗେ ଆରି ସାଗେନିକାର୍
ଖିଜାଦେର୍ ଖାରି ସାଦା କିୟାଟ୍ । ମାତର୍ ହାୟ୍, ପୁଡ଼ି° ନି ଜଡ଼ିନାଗୁଡ଼୍ ସବୁ ! ମି ଦସା ଏଚେକ୍ ବଇଁକାର୍ ! ନଙ୍ଗ୍ ସୟତାନ୍
ମି ଲାଗା° ଆରି ହେଦେଲ୍ ବେସି କମ୍‌ପାତାଡ଼, ଇନେକିଦେ°କି ହେଦେଲ୍ ପୁଚାଡ଼ନା, ତା କାଡ଼୍ ପୁରାଜି ଖାନାତା ।”

* ୧୧:୧୯ ୧୧:୧୯ ହଡ଼ି ୮:୫; ୧୭:୧୮; ହଡ଼ି ୧୭:୨୧. * ୧୨:୭ ୧୨:୭ ଜିହୁଦା ୧:୯. * ୧୨:୯ ୧୨:୯ ଲୁକ ୧୦:୧୮.

୧୩ ରାତ୍ ପୁତ୍ର ତ ଦୁହିୟାନି କାଜିଂ ହୁଡ଼ଜି ହେ ମାଜିହିମଣାଂ ଜଲମକିନାକାଦେଲ୍ କଗ୍ଲେଙ୍ଗ୍ ଏକାତାତ୍ । ୧୪ ତା ବିପତ୍ତାଂ ରକ୍ୟା ପାୟାନି କାଜିଂ ରାତ୍ କଗ୍ଲେହିମଣାତିଂ ରିଣ୍ଡି ରାମାଣ୍ ପଟିନି ମାରା ହିତାତ୍ । ତା ଉପକାରତାଂ ହେଦେଲ୍ ବାଲିବାଟାତ ଜାର ମାନି ବାହାତ ଉମଜି, ହେବେ ତିନି ବାହୁଁ ଆଦା ପାତେକ୍ ବିପଦ୍‌ଝାଦାଂ ମାଞ୍ଜେଙ୍ଗ୍ ରାଜି ଆତାତ୍ । ୧୫ ତା ପାତେ କଗ୍ଲେହିମଣାତିଂ ଏସୁଙ୍ଗ୍‌ହାନିତ ବଡ଼ାୟ୍ କିନି କାଜିଂ ରାତ୍ ଜାର୍ ଝେଇଦାଂ ତା ପାତେ ପାତେ ର ପୁର୍ ଲାକେ ଏଜୁଙ୍ଗ୍ କାକତାତ୍ । ୧୬ ମାତର୍ ତାଙ୍ଗ୍ ରାକ୍ୟା କିନି କାଜିଂ ପୁତ୍ର ଜାର୍ ଝେଇ ଜେସି ରାତ୍‌ନି ଝେଇଦାଂ ହସି ମାନି ଓଜୁ ଏଜୁକାଂ ଉଟାତ୍ । ୧୭ ହେବେ ରାତ୍ କଗ୍ଲେ ଜପି ରିସାଜି ତା ଲାତ୍ରା ଇମଣି ମାନାୟାର୍ ଇସ୍‌ବୁରତି ବଲ୍ ମାନି କିତାର୍, ଆରି ଜିସୁତି ବିସ୍ତେ ସାକି ଦାନ୍ ହିତାର୍ ହେଝାର୍ ଲାହାଂ ଜୁଜ୍ କିନାକା ସାକି ହିନାର୍ । ୧୮ ଆରେ ହେଝାନ୍ ହାମ୍‌ଦୁର୍‌ନି ବାଲି ଜପି ନିଲ୍‌ତାତ୍ ।

୧୩

ରିଣ୍ଡି ପସୁ

୧ ତା ପାତେ ଆନେଙ୍ଗ୍ ହୁଡ଼ତାଙ୍ଗ୍, ର ପସୁ ହାମ୍‌ଦୁର୍ ବିତ୍ରେତାଂ ନିଙ୍ଗ୍‌ଜି ଝାନାତା । ହେଦେଲିଂ ଦସ୍‌ଗଟା କମଙ୍ଗ୍ ଆରି ସାତ୍‌ଗଟା କାପ୍‌ଡାଙ୍ଗ୍ । ଜାଣକେ କମକାଂ ରଞ୍ଜାଙ୍ଗ୍ ରଞ୍ଜାଙ୍ଗ୍ ମୁକୁର୍ ମାତାତ୍ ଆରି ଜାଣକେ କାପ୍‌ଡାତ ରଞ୍ଜାଙ୍ଗ୍ ରଞ୍ଜାଙ୍ଗ୍ ଇସ୍‌ବୁ ନିନ୍ଦା କିନିକିଂ ବାରବିନି ତର୍ ମାତାତ୍ । ୨ ର ପସୁ ବିଜାପଲିଆ ବୁକା ଲାକେ ଚଞ୍ଜି ମାତାତ୍ । ତା ପାନା ବାଲୁ ପାନା ଲାକେ ଆରି ଝେଇ ସିହ୍ ଝେଇ ଲାକେ । ଆଗେ ରତ୍‌ଟି ନେତେର୍ ବାନିନି ଗାଜା ରାତ୍ ଇ ପସୁତିଂ ଜାର୍ ସାକ୍ତି, ଗାଦି ଆରି ବେସି କେମତା ହେଲାୟ୍ କିତାତ୍ । ୩ ପସୁତି ରଞ୍ଜାଙ୍ଗ୍ କାପ୍‌ଡା ଅଲପ୍ ଗାଉ ପାୟାତି ଲାକେ ମାନେ ଆଜି ମାତାତ୍ । ମାତର୍ ଆତିଗାଉ ବାହା ଉଜ୍ ଆଜି ମାତାତ୍ ଆରି ପୁତ୍ର ନିକାର୍ ଓଜାର୍ କାବାଜି ପସୁ ଦାସ୍‌ତେଂ ଲାଗାତାର୍ । ୪ ଆରେ, ଓଜୁ ପସୁତିଂ ଆଦିକାର୍ ହିଜି ମାନି ରାତ୍‌ନି ପୁଜା କିତାର୍ । ହେଝାର୍ ପସୁତିଂ ପା ପୁଜା କିଜି ଇତାର୍, “ଇନେର୍ ଇ ପସୁ ଲାକେ ସମାନ୍ ଆଦେଂ ଆଡ଼ନାର୍ ? ଇନେର୍ ତା ବିରୁଦ୍‌ତ ଜୁଜ୍ କିଦେଙ୍ଗ୍ ଆଡ଼ନାର୍ ?”

୫ ପସୁ ବାତାୟ୍ କିଜି କାତା ଇଞ୍ଜି ମାତାତ୍ ଆରି ଇସ୍‌ବୁ ନିନ୍ଦା କିଜି ମାତାତ୍, ଆତିସ୍‌ପା ରିକଡ଼ି ଦୁଇ ୪୨ ମାସ୍ ପାତେକ୍ ଆଦିକାର୍ କିନି କାଜିଂ ତାଙ୍ଗ୍ କେମତା ହିତାର୍ । ୬ ଇସ୍‌ବୁତିଂ ତା ତର୍ ଆରି ମାନି ଇଲ୍ ଆରି ସାଗେନିକାର୍ ଓଜାରିଂ ହେଝାନ୍ ସାଇପ୍ ହିଜି ନିନ୍ଦା କିଦେଙ୍ଗ୍ ଲାଗାତାର୍ । ୭ ଜିସୁ ପୁଇପୁୟା ଲକୁରିଂ ବିରୁଦ୍‌ତ ଜୁଜ୍ କିଜି ହେଝାରିଂ ଆରାୟ୍ କିଦେଙ୍ଗ୍ ହେଝାନ୍ ଆଦିକାର୍ ପାୟାତାନ୍ ଆରି ଜାଣକେ କୁଟୁମ୍, ରାଜିନି ବାସାବାସି ଆରି ଜାତି ଜପି ତାଙ୍ଗ୍ କେମତା ହିତାର୍ । ୮ ପୁତ୍ର ନି ଉଦ୍‌ଜାଣ୍ ଆଗେ ଇମଣାକାର୍‌ତି ତର୍ ଆସ୍ତି ମାତି ମେଣ୍ଡାହିମଣା ଜିବୁନ୍ ପତିତ ଲେକାଜି ମାତାତ୍, ହେଝାରିଂ ପିସ୍ତି ପୁତ୍ର ନି ବିନ୍ ଓଜାର୍ ହେ ପସୁତିଂ ପୁଜା କିତାର୍ ।

୯ “ଇନେରିଂ କିତୁଲ୍ ମାନାତ୍, ହେଝେନ୍ ଝେନେନ୍ । ୧୦ ଇସ୍‌ବୁତି ଇନି ଇସାବ୍ରେ ଇନେର୍ ବନ୍ଦି ଆଦେଂ ମାନାତ୍, ହେଝାନ୍ ହାଡ଼ପା ବନ୍ଦି ଆନାନ୍ । ଇନେର୍ ବିନ୍ କାଣ୍ଡାତାଂ ଅହ୍‌ନାର୍, ହେଝାନ୍ ଜାର୍ କାଣ୍ଡା ହୁକେ ନେ ହାନାର୍ । ଇ ସମୁତ ପୁଇପୁୟା ଇସ୍‌ବୁତି ମାନାୟାର୍ କାଜିଂ ସାସ୍ ଆରି ପାତ୍ର ରବେ ମାନାକା ଲଡ଼ା ।”

୧୧ ତା ପାତେ ଆନେଙ୍ଗ୍ ହୁଡ଼ତାଂ, ଆରେ ରଞ୍ଜାଙ୍ଗ୍ ପସୁତିଂ ମେଦ୍‌ନି ବିତ୍ରେତାଂ ନିଙ୍ଗ୍‌ଜି ଝାନାକା ହୁଡ଼ତାଂ; ମେଣ୍ଡାହିମଣା କମ ଲାକେ ତା ରିଣ୍ଡି କମଙ୍ଗ୍ ମାତିକ୍, ଆରି ହେଦେଲ୍ ଆରେରଗ ରାତ୍ ଲାକେ କାତା ଇଞ୍ଜି ମାତାତ୍ । ୧୨ ଇ ରି ପସୁ ପର୍ତ୍ତୁମ୍ ପସୁ ମାତିଲେ ତା ଆଦିକାର୍ ବେବାର୍ କାଜିଂ ପର୍ତ୍ତୁମ୍ ପସୁନି ହାକି ଗାଉ ଉଜ୍ ଆଜି ମାତିଲେ ପୁଜାକିନି କାଜିଂ ପୁତ୍ର ନିକାରିଂ ଓଜାରିଂ ଟାଟାୟ୍ କିତାତ୍ । ୧୩ ରି ପସୁ ବେସି କାବାଆନି କାମାୟ୍ ସବୁ ସାଦନ୍ କିନିକ୍ । ଓଜାର୍ ଝେଇଦ ସାଗେତାଂ ପୁତ୍ର ଜପି ନାଣି ବାରହା କିଇକିନାତ୍ । ୧୪ ଆରି ପର୍ତ୍ତୁମ୍ ପସୁନି ମାନିତ ଇ ଲାକେ ବେସି କାବାଆନି କାମାୟ୍ କିଜି ପୁତ୍ର ନିକାର୍ ଓଜାରିଂ ବୁଲ୍‌କାୟ୍ କିଜି । କାଣ୍ଡା ହୁକେ ହାଜି ଦୁମ୍‌ନି ଲାବ୍ କିଜିମାନି ପର୍ତ୍ତୁମ୍ ପସୁ ସମାନ୍‌ତ ତା ର ଡିଗା ରତ୍‌ନି କାଜିଂ ରି ପସୁ ମାନାୟାରିଂ ବଲ୍ ହିତାତ୍ । ୧୫ ପର୍ତ୍ତୁମ୍ ପସୁତି ଡିଗାତ ପୁଡ଼ତା ନେଞ୍ଜେନାକା ହିଜି ତା ଜିବୁନ୍ କିନାକା ରିଣ୍ଡାଙ୍ଗ୍ ପସୁ ପୁଞ୍ଜିମାତିକ୍ । ଓଜୁ ଡିଗା କାତା ଇତାତ୍ ଆରି ଇମଣାକାର୍ ତା ପୁଜା କିଝାତାର୍, ହେଝାରିଂ ଆରେ କିଦେଙ୍ଗ୍ ଆଡ଼ତାର୍ । ୧୬ ଆରେ ହେଦେଲ୍ ହାରୁ ଆରି ଗାଜାକାର୍, କଡ଼କାଆଡ଼ିଏନ୍ କି ଜାର୍‌ତାରେନ୍, ମାଜାନ୍, ହିଲ୍‌ଝାକାର୍ ହାରିହାରା ଓଜାର୍‌ତି ତିନିକେଇଦ କି ନିଦାଣ୍ଡତ ର ତିନ୍ ରତି କିଦେଙ୍ଗ୍ ହେଝାନ୍ ମାନାୟାରିଂ ଟାଟାୟ୍ କିତାତ୍ । ୧୭ ପସୁତି ତର୍ କି ହେ ତର୍‌ନି ତିନ୍ ର ଲମ୍‌ର୍ ବୁଲ୍ କିଜି ମାନ୍‌ଝି ଇନେର୍ ପତେଙ୍ଗ୍ କଡ଼ଦେଂ ଆଡ଼ର୍ ଇଞ୍ଜି ପସୁ ବଲ୍ ହିତାତ୍ ।

୧୮ ଇବେ ଗିଆନ୍ ଲଡ଼ା । ଇନେରିଂ ବୁଦି ମାନାତ୍, ହେଝାନ୍ ପସୁତି ଲମ୍‌ର୍ ଗାଣା କିଏନ୍, ଇନେକିଦେଂକି ହେଦାଂ ମନାୟତି ଲମ୍‌ର୍, ଆରେ ତା ଲମ୍‌ର୍ ଆନାତା ୬୬୬ ଚ ସହ ଚସଟି ।

୧୪

ମେଣ୍ଡାହିମଣା ଆରି ତା ପାତେ ହାନି ମାନାୟାର୍

^୧ ତାପାରେ ଆନେଙ୍ଗ ହୁଡ଼ତା; ଆରେ ହୁଡ଼ାଟ୍, ସିୟନ୍ ମାଡ଼ି ଜପି ନିଲତାରନା । ତା ଲାହାଁ ଏକ ଲକ୍ୟ ଚାଲିସ୍ ଚାନ୍ ହାଜାର ଜାଣି ମାନାୟାର ମାଚାର । ୧୪୪,୦୦୦ ହେଝାର ନିଦାଣ୍ଡତ ମେଣ୍ଡାହିମଣା ଆରି ଆବାତି ତର ଲେକା ଆଜି ମାଚାତ ।
^୨ ତା ପାରେ ଆନ୍ ଝେଚାଙ୍ଗ, ଏଜୁଙ୍ଗ ଚାଲାନାକା ତିଡ଼ନି ଲାକେ ଆରି ସାଗେତାଁ ର କାଟ୍ ଝେଚାଙ୍ଗ । ଇମଣି କାଟ୍ ଆନେଙ୍ଗ ଝେଚାଙ୍ଗ; ହେଦାଁ ଗମଣ୍ଡ ଡ଼ହନାକାରିଁ ଗମଣ୍ଡି ସବଦ୍ ଲାକେ ଝେନ୍ୟାଜି ମାଚାତ ।
^୩ ହେ ଲାକେ ଚୁରାଲିସି ହାଜାର ୧୪୪,୦୦୦ ସାଗେ ଗାଦି, ଚାରିଗଟା ପାରାଣିଙ୍ଗ୍ ଆରି ମଣ୍ଡୁଲିନି ବୁଡ଼ାଲୁର୍ ନେତାର ମୁମ୍ଦ ର ପୁନି କେରକଣ୍ କେରଜି ମାଚାର । ଆରେ ପୁତ୍ ତାଁ କଡ଼ିୟା ଆତାକାର ହେଝାରିଁ ପିସ୍ତି ବିନ୍ ଲଗୁ ଇନେର୍ କେରକଣ୍ କେରଦେଁ ଆଡ଼ଝାଦାଁ ମାଚାର । ସବୁ ନାର୍ ଜାତି ବିତ୍ତେତାଁ କେବଲ୍ ହେଝାର ମୁକ୍ତାଜି ମାଚାର ।
^୪ ହେଝାର କଗଲେହିମଣା ଲାହାଙ୍ଗ୍ ଜାରତିଁ ଇନାଝାଡ଼ାଙ୍ଗ୍ ଦସି କିଝାଦାଁ ମାଚାର, ହେଝାର ମାଚାର ପୁଇପୁୟା । ହେଝାର ନିତ୍ତେ ମେଣ୍ଡାହିମଣା ପାଚେ ହାଲୁଜି ମାଚାର । ହେଝାର ମାନାୟାରତ୍ ବିତ୍ତେତାଁ ପର୍ତ୍ତୁମ୍ ମୁକ୍ତାଜି ଇସ୍ବର୍ ଆରି ମେଣ୍ଡାହିମଣା ଲାଗାଁ ଆକାଡ଼ ହିତାରନା ।
^୫ ହେଝାର ଝାଇଦ ଇମଣାକା ପା ମିଟ୍ କାତା ହିଲୁଡ଼, ହେଝାର ଦସି ଆକାୟ ।

ତିନିଜାଣ୍ ଦୁଡ଼କୁ

^୬ ପାଚେ ଆନେଙ୍ଗ ଆରେ ରଞ୍ଜେଲ୍ ଦୁଡ଼ଙ୍ଗ୍ ଆକାସ୍ନି ମାଦ୍ଣିବାଗ୍ଦ ଉମନାକା ହୁଡ଼ତା, ହେଝାନ୍ ପୁତ୍ ତ ମାନି ଝିଜୁ ଜାତି, କୁଚୁମ୍, ବାସାନିକାର ଆରି ଲାଡ଼ା ମାନାୟାର ଲାଗାଁ ସୁଣାୟ କିନି କାଜିଁ ର ଝିଜୁଝିକାଡ଼ିନି ନେକ୍ତିକାବୁର୍ ପାୟାଜି ଗାଜା କାଟ୍ତାଁ ଇଚାର ।
^୭ ହେଝାନ୍ ଗାଜା କାଟ୍ତାଁ ଇଞ୍ଜି ମାଚାନ୍ । “ଇସ୍ବର୍ତିଁ ପାଣ୍ଡା ଆଡ଼ ତାଙ୍ଗେଙ୍ଗ୍ ଜାଜମାଲ୍ କିୟାଟ୍, ଇନେକିଦେଁକି ହେଝାରତି ବିଚାର ସମୁତ ଏକାଝାତାଡ଼, ଆରେ ଇନେନ୍ ସାଗେ, ପୁତ୍, ହାମ୍ଦୁର୍ ଆରି ହନି ଏସୁଙ୍ଗ୍ ଉର୍ଜାଣ୍ କିତାନନା ତାଙ୍ଗେଙ୍ଗ୍ ଜଝାର କିୟାଟ୍ ।”

୮ ହେ ପର୍ତ୍ତୁମ୍ ଦୁଡ଼ତି ପାଚେ ପାଚେ ଆରେ ରିଣ୍ଡି ଦୁଡ଼କୁ ଝାଜି ଇଚିକ୍, “ତାଦି ଝିଜୁଝି ଝାନାତା । ତାକ୍ପୁଟା ବାବିଲନ୍ ଦୁଡ଼ିମାସତାଡ଼ । ହେଝାନ୍ ତା ଜାତିନି ଦାରି କାମାୟ ଲାକେ ଅଙ୍ଗୁର୍ ରାସ୍ ଉର୍ପାତାଣ୍ଡା, ହେଦେଲ୍ ମୁଞ୍ଜତାଡ଼ ଆଦା ମୁକ୍ତାତାନନା ।”

^୯ ଇ ରି ଦୁଡ଼କୁ ପାଚେ ଆରେ ରଞ୍ଜେଲ୍ ଦୁଡ଼ ଝାଜି ଗାଜା କାଟ୍ତାଁ ଇଞ୍ଜେଙ୍ଗ୍ ଲାଗାତାଡ଼, ଜପି ଇନେର୍ ହେ ପସୁ ଆରି ତା ପୁଡ଼ଡ଼ାତିଁ ଜଝାର କିନାନ୍, ଆରେ ଜାର ନିଦାଣ୍ଡତ କି କେଇଦ ତା ଚିନ୍ ଇଟ୍ୟାନାନ୍,
^{୧୦} ହେଝାନ୍ ଇସ୍ବର୍ତ୍ ରିସାଲାକେ ଇମଣି କାଲିଁ ଗାବାୟକିଝିତି ବାବ୍ରେ ତା ରିସାନି କଣ୍ଡିତ ରଚ୍ଚାରନା, ହେଦାଁ ଉଣାଟ୍ ଆରେ ପୁଇପୁୟା ଦୁଡ଼କ୍ ଆରି ମେଣ୍ଡାହିମଣା ମୁମ୍ଦ ନାଣି ଆରି ଗନ୍ଦକ୍ ହୁକେ କସ୍ ପାୟା ଆନାଦେର୍ ।
^{୧୧} ଏଲେଙ୍ଗ୍ ମାନାୟାରତି କସ୍ନି କଦା ଜୁଗ୍ ଜୁଗ୍ ନିଙ୍ଗ୍ଜି ମାନାଡ଼; ଇମଣାକାର ପସୁ ଆରି ତା ପୁଡ଼ଡ଼ାତିଁ ଜଝାର କିତାର, ଆରେ ତା ତରନ୍ ଚିନ୍ ଇଟ୍ୟାନାର, ହେଝାରତି ଝେଡ଼ାନାଣା ଜମ୍ନାକା ଆକାୟ ।

^{୧୨} ଇମଣାକାର ଇସ୍ବର୍ତି ବଲ୍ ମାନି କିନାର ଆରି ଜିସୁ କାଜିଁ ପାତ୍ କିଜି, ଇସ୍ବର୍ତି ହେ ପୁଇପୁୟା ମାନାୟାର ପାକ୍ୟାତ ସାସ୍ ମାନାକା ଲଡ଼ା ।

^{୧୩} ତା ପାଚେ ଆନ୍ ଝେଚାଙ୍ଗ, ସାଗେତାଁ ଇ କାତା ଝେଚାଙ୍ଗ, ଇ କାତା ଲେକିକିୟାଟ୍, ଇମଣାକାର ଏଲେଙ୍ଗ୍ ମାପୁତାକେ ମାନ୍ଞ୍ଜି ହାନାର,

ହେଝାର ଦନ୍ୟ; ଆରେ ଆନ୍ ଝେଚାଙ୍ଗ, ପୁଇପୁୟା ଜିବୁନ୍ ଇନାଡ଼, “ଇଦାଁ ହାଡ଼ପା ଗିଟାତାଡ଼ । କସ୍ କାମାୟ ଲାହାଁ ହେବାନି ପାଡ଼ ଲାକେ, ହେଝାର ଜମ୍ନାକା ତିନାଉଣା କିତାର ।”

ତାସ୍ ତ୍ରେସ୍ଜି ତାନାକା

^{୧୪} ତା ପାଚେ ଆନେଙ୍ଗ ହୁଡ଼ତା; ଆରେ ହୁଡ଼ାଟ୍ ତିଞ୍ଜିନି ବାନି ଅଲପ୍ ବାଦାଡ଼, ତା ଜପି ମାନାୟ ମାଜିତି ଲାକେ ରଝାନ୍ କୁଚ୍ଚାକାନ୍, ହେଝାନ୍ କାପଡ଼ାତ ହନା ମୁକୁର୍ । ଆରି କେଇଦ ଡ଼ାହନି କଝେସ୍ ।
^{୧୫} ହେବେ ମନ୍ଦିର୍ତାଁ ଆରେ ରଝାନ୍ ଦୁଡ଼ ହସି ହେ ବାଦାଡ଼ ତାବାୟ କିତି ମାନାୟତିଁ ଗାଜା କାଟ୍ତାଁ ଇଚାଡ଼, ନି କଝେସ୍ ଆହି କିଜି ତାସ୍ ତ୍ରେସ୍ଜାଟ୍, ଇନେକିଦେଁକି ତ୍ରେସ୍ଜି ସମୁ ଏକାଝାତାଡ଼, ଆରେ ପୁତ୍ ନି ତାସ୍ ହେନ୍ତାତେ ।
^{୧୬} ପାଚେ ହେ ବାଦାଡ଼ ବିତ୍ତେ ମାନି ମୁଣିକା ପୁତ୍ ତ ଜାର କଝେସ୍ ଆହି କିତିଲେ ହେବେଣ୍ଡାଁ ତାସ୍ ତ୍ରେଜ୍ୟା ଆତାଡ଼ ।

^{୧୭} ତା ପାଚେ ଆନ୍ ହୁଡ଼ତା, ଆରେ ରଞ୍ଜେଲ୍ ଦୁଡ଼ ସାଗେ ବାହା ମନ୍ଦିର୍ତାଁ ଝାନାତା; ତା କେଇଦ ପା ର ଡ଼ାହନି କଝେସ୍ ମାଚାଡ଼ ।

^{୧୮} ତା ପାଚେ ଗାରଣି ନାଣି ଜପି ଆଦିକାର ପାୟାତି ଇନେର୍ କେଇଦ ଡ଼ାହନି କଝେସ୍ ଅଜି ମାନି ରି ଦୁଡ଼ତିଁ କିକିରାତିଁ କିଜି ଇଚାଡ଼, “ଡ଼ାହନି କଝେସ୍ ଆହିକିୟା ଆରି ପୁତ୍ ନି ଅଙ୍ଗୁର୍ପାଡ଼ ତ୍ରେଜାଟ୍; ହେଝାଙ୍ଗ୍ ହେନ୍ତାତେ ।”
^{୧୯} ହେବେ ହେ ଦୁଡ଼ ପୁତ୍ ତ ଜାର କଝେସ୍ ଆହି କିଜି ହେବେ ଅଙ୍ଗୁର୍ ପାଡ଼ସବୁ ରୁଣ୍ଡାୟ କିତାନ୍ ଆରି ଇସ୍ବର୍ତ୍ ରିସାଲାକେ ଗାଜା ଅଙ୍ଗୁର୍କୁଣ୍ଡିତ ହେ ସବୁ ତୁହିତାଡ଼ ।
^{୨୦} ଗାଡ଼ନି ବାର୍ତ ମାନି ହେ ଅଙ୍ଗୁର୍କୁଣ୍ଡିତ କୁସ୍ପିଆତାଡ଼, ଆରେ ହେବେତାଁ ନେତେର୍ ହସି ଗଡ଼ାଙ୍ଗ୍ ବାକାର ପାତେକ୍ ରି ମିଟ୍ ନିଙ୍ଗ୍ଜି ତିନ୍ଦ୍ ୩୦୦ କିଲମିଟ୍ ପାତେକ୍ ମେଙ୍ଗ୍ତାଡ଼ ।

☆ ୧୪:୧ ୧୪:୧ ହତ୍ତ ୭:୩.

୧୫

ହାରିହାରାନ୍ ଦୁକ୍ତୁକା ସାତ୍ ଦୁତ୍

୧ ଇଦାଂ ପାଚେ ଆନ୍ ଆକାସତ ଆରେ ର ଗାଜା କାବାନି ତିନ୍ ହୁଡ଼ତାଂ; ସାତ୍ ଜାଣ୍ ସାଗେ ଦୁତ୍କୁ, ଜାଣ୍କେ ର ର ଦୁକ୍ତୁକାଂ ଆଜି ଚଞ୍ଚାର୍ । ଇ ଦୁକ୍ତୁକାଂ ମାଚାତ୍, ଇସ୍ତ ରିସା ଝିସ୍ତାତ୍ ।

୨ ଆରେ ଆନ୍ ହୁଡ଼ତାଂ, ନାଣିମେହା ର କାଚ୍ ଲାକେ ହାମ୍‌ଦୁର୍, ଆରେ ଇମ୍‌ଶାକାର୍ ପସ୍ତୁ, ତା ପୁଡ଼ତା ଆରି ତା ତରୁନି ଲମର୍ ଜପି ଜିତା ଆତାଣ୍, ହେଞ୍ଜାର ଇସ୍ତରତି ଗମଣ୍ ଆସ୍ତି, ହେ କାଚ୍‌ବାତ୍ ହାମ୍‌ଦୁର୍ ଗୁଚିତ ନିଲ୍‌ତାନ୍ନା । ୩ ହେଞ୍ଜାର ଇସ୍ତରତି ହିଜି ମାନି ଗମଣ୍ ଇଡ଼ଜି ଇସ୍ତରତି ଆଡ଼ିଏନ୍ ମସାତି କେରକଣ୍ ଆରି ମେଣ୍ଡାହିମ୍‌ଶାତି କେରକଣ୍ କେରଜି ମାଚାର୍ ।

“ଏ ମାପୁ, ଝିଜୁ ସାକ୍ତିକାଟି ଇସ୍ତର,
ମି କାମାୟ୍ ସବୁ ଗାଜା ଆରି କାବାଆନାକା;
ଏ ଜାତି ସବୁନି ରାଜା, ମିହାଜି ଝିଜୁ ନ୍ୟାୟ୍ ଆରି ହାତ୍‌ପା ।

୪ ଏ ମାପୁ, ଇନେର୍ ନିକ୍ଷେଙ୍ଗ୍ ପାଣ୍ଡା ଆଦୁର୍ ?
ନି ଜାଜ୍‌ମାଲ୍ ସୁଣାୟ୍ କିଦେଙ୍ଗ୍ ଇନେର୍ ମାନି କିଉର୍ ?
କେବଲ୍ ଏନ୍ ନେ ପୁଇପୁୟା

ଝିଜୁ ଜାତି ଝାଜି ନି ପୁଜା କିଦନାର୍ ।
ଲାଗିଂ ନି ବିଦି କାମାୟ୍ ଝିଜାର୍ ହୁଡ଼ତାର୍ନା ।”

୫ ଇଦାଂ ପାଚେ ଆନ୍ ହୁଡ଼ତାଂ, ସାଗେନି ସାକି ତୁମ୍‌ନି ମନ୍ଦିରୁନି ଦୁଝେର୍ ଜେୟା ଆତାତ୍ । ୬ ସାତ୍ ଦୁକ୍ତୁକା ଆସ୍ତି ମାନି ସାତ୍ ଦୁତକ୍ ସାଗେ ମନ୍ଦିର ବିତ୍ରେତାଂ ହସି ଝାତିକ୍, ହେଝେକ୍ ସକର୍ ଡ଼ିଞ୍ଜିନି ହେୟା ଆରି ହେଝେକ୍ ନେଞ୍ଜେତାକିତ ହନା ତଲ୍ ତରି ଗାଚ୍‌ୟା ଆଜି ମାଚିକ୍ । ୭ ହେବେ ଚାରି ପାରାଣିଂ ବିତ୍ରେ ର ପସ୍ତୁ ଝିଜୁଝି ଜିନି ଇସ୍ତରତି ଗାକ୍ତିତାଂ ବାତ୍ ସାତ୍ ହନା କଣ୍ଡି ହେ ସାତ୍ ଦୁତକ୍‌କାଂ ହିତାତ୍ । ୮ ଆରେ ଇସ୍ତରତି ଜାଜ୍‌ମାଲ୍ ଆରି ସାକ୍ତିନି କଦାତ ମନ୍ଦିର ବାତ୍ ଆତାତ୍, ସାତ୍ ଦୁତକ୍ ସାତ୍ ଦୁକ୍ ଝିଜୁଝି ପାଚେକ୍ ଇନେର୍ ମନ୍ଦିରତ ହଣ୍ଡେଙ୍ଗ୍ ଆଡ଼ଝାତାର୍ ।

୧୬

ଇସ୍ତରତି ରିସାତ ବାତ୍ ସାତ୍ ବାହା

୧ ଇଦାଂ ପାଚେ ଆନ୍ ର ଗାଜା କାଚ୍ ଝେଚାଙ୍ଗ୍, ମନ୍ଦିରତାଂ ଇନେର୍ ରଝାନ୍ କିକିରାତିଂ ଆଜି ହେ ସାତ୍ ଦୁତ୍ତିଂ ଇତିକ୍, “ହାଲାଚ୍ ସାତ୍ କଣ୍ଡି ମାନି ଇସ୍ତରତି ରିସା ପୁତ୍ ଜପି ଝାକାଚ୍ ।

୨ ଇଦାଂ ଝେନ୍‌ଞ୍ଜି ପର୍ତ୍ତୁମ୍ ଦୁତ୍ ହାଲ୍‌ଜି ତା କଣ୍ଡିତ ଇନାକା ମାନାତ୍, ପୁତ୍ ଜପି ଝାକ୍‌ତାତ୍ । ସାଙ୍ଗେ ସାଙ୍ଗେ ଇମ୍‌ଶାକାର୍ ପସ୍ତୁନି ତିନ୍ ଇଡ଼ୟାଜି ମାଚାର୍ ଆରି ତା ପୁଡ଼ତାତିଂ ପୁଜା କିଜି ମାଚାର୍, ହେଞ୍ଜାରତି ଗାଗାଡ଼ତ୍ ବେସି କସ୍ତନିକା ଗାଞ୍ ଆତାତ୍ ।

୩ ତା ପାଚେ ଜେତି ଦୁତ୍ ତା କଣ୍ଡିତିଂ ହାମ୍‌ଦୁର୍ ଜପି ଝାକ୍‌ତାତ୍ । ହାମ୍‌ଦୁର୍ ଏଜୁଙ୍ଗ୍ ହାତି ମାନାୟ୍‌ତି ନେତେର୍ ଲାକେ ଆତାତ୍ ଆରି ହାମ୍‌ଦୁର୍‌ନି ଝିଜୁ ପାରାଣିଙ୍ଗ୍ ହାତିକ୍ ।”

୪ ତା ପାଚେ ତିନ୍ ଦୁତ୍‌ତି କଣ୍ଡିତ ଇନାକା ମାଚାତ୍, ହେଦାଂ ହେଦେଲ୍ ନାଗୁଡ଼୍ ଆରି ଜଡ଼ିଂ ଜପି ଝାକ୍‌ତାତ୍; ହେବେ ହେଦାଂ ଝିଜୁ ନେତେର୍ ଆଜି ହାଚାତ୍ । ୫ ଏଚେକାଡ଼୍‌ଦ ଆନ୍ ଝେଚାଙ୍ଗ୍, ଏସ୍ ଦାୟ୍‌ଡ଼ତ ମାନି ଦୁତ୍ ଇନାତା । “ଏପେଙ୍ଗ୍ ପୁଇପୁୟା, ଏପେଙ୍ଗ୍ ଆରି ଆଗେନିକା; ଏପେଙ୍ଗ୍ ସମାନ୍ ବିଚାର୍ କିତାଦେଣ୍ଡା । ୬ ଲାଗିଂ ହେଞ୍ଜାର ପୁଇପୁୟା ସାଦୁର୍‌ତି ଆରି ବେଣ୍‌ବାକ୍‌ଶାୟ୍‌କିନାକରତି ନେତେର୍ ହପ୍‌ତି ମାଚାର୍, ଆରେ ଏପ୍ ହେଞ୍ଜାରିଂ ଉଣି କାଜିଂ ନେତେର୍ ହିତାଦେର୍ନା, ହେଞ୍ଜାର କାମାୟ୍‌ନି ପାଡ଼ ପାୟାତାଣ୍ ।” ୭ ତା ପାଚେ ଆନ୍ ଗାଚ୍‌ଣିତାଂ ର କାଚ୍ ଝେଚାଙ୍ଗ୍, “ମାପୁ, ଝିଜୁ ସାକ୍ତିମାନି ଇସ୍ତର, ନି ଝିଜୁ ବିଚାଣ୍ଡା ହାତ୍‌ପା ଆରି ନ୍ୟାୟ୍‌ନିକା ।”

୮ ତା ପାଚେ ଚାର୍ ଦୁତ୍ ତା କଣ୍ଡିତ ମାନି ଜିନିସ୍ ଝେଡ଼ା ଜପି ଝାକ୍‌ତାତ୍; ହେବେ ତାଙ୍ଗେଙ୍ଗ୍ ମାନାୟାରିଂ ନାଣିତ କାଡ଼ିକିଦେଂ ସାକ୍ତି ହିୟାତାତ୍ । ୯ ହେପାଦ୍‌ନା ମାନାୟାର୍ ବେସି କାରାତ କାଡ଼ତାର୍, ଆରେ ଇନେର୍ ଇସ୍ତରତି ଇ ଝିଜୁ ଦୁକ୍ ଜପି ଆଦିକାର୍ ମାନାତ୍, ହେଞ୍ଜାନ୍ତି ତରୁଦ ନିୟା କିତାର୍, ହେଞ୍ଜାନିଂ ଜାଜ୍‌ମାଲ୍ ହିନି କାଜିଂ ମାନ୍‌ବାଦ୍‌ଲାୟ୍ କିଝାତାର୍ ।

୧୦ “ତା ପାଚେ ପାଞ୍ଚ ଦୁତ୍ ଜାର୍ କଣ୍ଡିତିଂ ପସ୍ତୁନି ଗାଡ଼ି ଜପି ଝାକ୍‌ତାତ୍; ପସ୍ତୁତି ରାଜି ମାଜ୍‌ଗା ଆତାତ୍, ଆରେ ମାନାୟାର୍ ନନି କାଜିଂ ଜାର୍ ଜାର୍ ଝେନ୍‌ଲ୍ କାପ୍‌ତେଂ ଲାଗାତାର୍; ୧୧ ହେଞ୍ଜାରତି ଗାଗାଡ଼ିଂ ଗାଅକୁ କାଜିଂ ଆରି ନନାକା କାଜିଂ ସାଗେନି ଇସ୍ତରତିଂ ନିୟା କିତାର୍ । ମାଚର୍ ଜାର୍ ବାନ୍ୟାହାଜିତିଂ ମାନ୍‌ବାଦ୍‌ଲାୟ୍ କିଝାତାର୍ ।

୧୨ ଚଅ ଦୁତ୍ ବେସିଗାଜା ମୁପ୍‌ପେଟିସ୍ ଜପି ତା କଣ୍ଡିତ ପରାଡ଼ତ ଝାକ୍‌ତାତ୍ । ସାଙ୍ଗେ ସାଙ୍ଗେ ନାଗୁଡ଼୍ ନିଗଜି ହାଚାତ୍ ଆରି ଝେଡ଼ାହନିପଣ୍ଡାଂ ସବୁ ରାଜାର୍‌ତି ଝାନାକା କାଜିଂ ହାଜି ଜେୟାତାତ୍ । ୧୩ ତା ପାଚେ ଆନେଙ୍ଗ୍ ହୁଡ଼ତାଂ, ରାଚ୍‌ନି ଝେଇଦାଂ,

ପସୁ ଝେଇଦାଂ ଆରି ଚାକ୍ରାୟ ବେଶ୍‌ବାକ୍‌ଶାୟକିନାକାନ ଝେଇଦାଂ ପାଣା ଲାକେ ତିନିଗଟା ପୁଇପୁୟାଆଞ୍ଜିତି ଜିବୁନିଂ ହତିକ୍; ୧୪ ଇଞ୍ଜାଙ୍ଗ୍ ପୁଦାଂ ଜିବୁନ୍ ଆଜି କାବାନି କାମାୟ କିଜି ସାଦନ୍ କିଦେଙ୍ଗ୍ ଆଡ଼ନିକ୍ । ହେଝେକ୍ ଝିଜୁ ସାଲ୍ଲିକାଟି ଇସ୍ତର୍ ଗାଜା ଦିନି ଜୁଜ୍ କାଜିଂ ସବୁ ପୁତର୍ ନି ରାଜାରିଂ ରୁଣ୍ଡାୟ କିନି କାଜିଂ ହେଝାର୍ ଲାଗାଂ ହସି ଝାତିକ୍ ।”

୧୫*“ହୁଡ଼ାଟ୍ ଆନ୍ ଚର୍ ଲାକେ ଝାନାଙ୍ଗ୍ । ଇମ୍‌ଣି ମାନାୟ ଜାଗ୍ରତ୍ ମାନ୍‌ଜି ଜାର୍ ହେନ୍ଦ୍ରା ରାକ୍ୟା କିନାନ୍, ହେଝେନ୍ ଦନ୍ୟ । ନାଗ୍ରଡ଼ା ଆଜି ବୁଲ୍‌ଆଉନ୍, ଆରି ମାନାୟାର୍ ତା ଲାଜୁ ହୁଡ଼ରୁର୍ ।”

୧୬ ରୁଡ଼କୁ ସମାନ୍ ସମୁତ ପୁତର୍ ନି ରାଜାରିଂ ଇମ୍‌ଣି ଜୁଜ୍ ହିକାନି ବାହାତ ରବେ ରୁଣ୍ଡାୟ କିତାତାର୍, ଏବ୍ରି ବାସାତ ତା ତର ହମର୍ ଗିଇନ୍ ।

୧୭ ତା ପାଚେ ସାଡ଼ ଦୁଡ଼ ତା କଣ୍ଡିନି ଆସ୍ତିବାଡ଼ି ଆକାସ୍ତ ଝାକ୍‌ତାଡ଼; ହେବେ ମନ୍ଦିରତ ମାନି ଗାଦିତାଂ ଗାଜା କାଟ୍‌ତାଂ ର ବେରଣ୍ ଝେନ୍‌ୟାତାଡ଼ । “କାମାୟ ଝିସ୍ତାଡ଼ ।” ୧୮*ହେ ଦାପ୍ରେ ବିଜ୍‌ଲି ଇଡ଼ତାଡ଼, ବିଞ୍ଜିଇଡ଼ନାକା ଆରି ର ଗାଜା ମେଦ୍‌ନିଦାଲ୍‌କା ଆତାଡ଼; ପୁତର୍ ତ ମାନାୟାର୍ ଉବ୍‌ଜା ଆନି ସମୁତାଂ ଏଲେଙ୍ଗ୍ ବଇଁକାର୍ ମେଦ୍‌ନିଦାଲ୍‌କାନାକା ଆରେ ଇନାଝାଡ଼ାଙ୍ଗ୍ ଆଝାଦାଂ ମାଚାଡ଼ । ୧୯ ଗାଜା ଗାଡ଼ ତିନି ବାଗ୍ରତ ବାଗ୍ ଆତାଡ଼, ପୁତର୍ ନି ସବୁ ଜାତି ଗାଡ଼ ନାସ୍ ଆତାଡ଼ । ଇସ୍ତର୍ ଗାଜା ଗାଡ଼ ବାବିଲନ୍‌ତିଂ ବାଶାଝାଦାଂ ମାଚାନ୍ । ହେଝାନ୍ ତା ଉଣିବାହା ବେସି ରିସା ଲାକେ କାଲିଂ ତାଙ୍ଗ୍ ଉଡ଼ପାତାର୍ । ୨୦*ଏସ୍‌କୁପ୍‌ଲି ସବୁ ହୁଡ଼ିୟା ଆଝାତାଡ଼, ଆରି ମାଡ଼ିଂ ଆରେ ଚଞ୍ଜିଞ୍ଜିତିକ୍ । ୨୧*ପଗାସ୍ କେଜି ୫୦ କେଜି ବଜ୍ ବେସିଗାଜା ଆଞ୍ଜିଗା ଆକାସ୍‌ତାଂ ମାନାୟାର୍ ଜପି ଆଡ଼ତିକ୍, ମାନାୟାର୍ ଇ ଗାଜା ପର୍‌ମାଦ୍ ଲାଗିଂ ଇସ୍ତର୍‌ତିଂ ନିନ୍ଦା କିତାର୍ ।

୧୭

ଗାଜା ଦାରି

୧ ତା ପାଚେ ସାଡ଼ଗଟା କଣ୍ଡିଆସ୍ତି ସାଡ଼ ଦୁଡ଼କ୍ ବିଡ୍ରେତାଂ ରଞ୍ଜେଲ୍ ନା ଲାଗାଂ ଝାଜି ଇଞ୍ଜାଡ଼, ଝା, ବେସି ନାଗ୍ରଡ଼ ଲାଗାଂ ରଚ୍‌ଟି ଦାରି ଲାଗ୍‌ଦି ହେ ଗାଜା ଗାଡ଼ ଇନେସ୍ ତାଣ୍ ପାୟାନ୍‌ତାଡ଼, ହେଦାଂ ଚର୍‌ଚାନାଙ୍ଗ୍ । ୨ ପୁତର୍ ନି ରାଜାର୍ ହେ ଦାରି ଲାହାଂ ଦାରିକିତାର୍‌ନା ଆରି ପୁତର୍ ତ ମାନାକାର୍ ଇନେର୍ ପାପ୍ ଲାକେ କାଲିଂ ଉଣ୍‌ଜି ହର୍‌ଚାଣ୍ଡା ।

୩*ହେପାଦ୍‌ନା ପୁଇପୁୟା ଜିବୁନ୍ ନା ତାକେ କୁଚ୍‌ଚାଡ଼ ଆରି ହେ ଦୁଡ଼ ନାଙ୍ଗ୍ ର ବାଟା ବିଡ୍ରେ ଅସିହାନ୍‌ଞ୍ଜିଲେ, ଆନ୍ ରଞ୍ଜେଲ୍ କଗ୍‌ଲେହିମ୍‌ଣାତିଂ ର ଗେରୁ ବାନି ପସୁ ଜପି କୁଚ୍‌ଟି ମାନାକା ହୁଡ଼ତାଂ, ହେ ପସୁନି ସବୁ ଇସ୍ତର୍ ନିନ୍ଦା କିନି ତର୍‌ଦ ବାଡ଼ି, ଆରେ ତାଦାଙ୍ଗ୍ ସାଡ଼ କାପ୍‌ଡ଼ାଙ୍ଗ୍ ଆରି ଦସ୍‌ଗଟା କମଙ୍ଗ୍ । ୪ କଗ୍‌ଲେହିମ୍‌ଣା ଝାଙ୍ଗାବାନି ଆରି ଗେରୁ କାର୍‌ହା ବାନି ହେନ୍ଦ୍ରା ଉସ୍‌ପାତାଡ଼ନା, ଆରେ ହନା ବେସି ମଲ୍ ମଣି ଆରି ମୁଲ୍‌ତ ରଞ୍ଜାଡ଼ନା; ତା କେଇଦ ରଞ୍ଜାଙ୍ଗ୍ ହନା ବାହା, ହେଦାଂ ଗିଣ୍ ଆଡ଼ମାଡ଼ ଆରି ତା ଦାରି ଲାକେ ରାଡ଼ା କାମାୟତ ବାଡ଼ି; ୫ ତା ନିଦାଣତ ଇ ଡ଼କୁଡ଼ି ତର୍ ଲେକା ଆଜି ମାଚାଡ଼, ଗାଜା ଗାଡ଼ ବାବିଲନ୍, ପୁତର୍ ନି ଝିଜୁ ଦାରି ଆରି ଗିଣ୍ ବିସ୍ତେନି କଗ୍‌ଲେ । ୬ ଆନ୍ ଆରେ ହୁଡ଼ତାଂ, ହେ କଗ୍‌ଲେହିମ୍‌ଣାତିଂ ପୁଇପୁୟା ସାଡ଼ୁରତି ଆରି ଜିସ୍ତୁତି ସାକିର୍ କାଜିଂ ପାତର୍ କିନାକାନ ମାନ୍‌ଜି ହାଜି ମାନି ମାନାୟାର୍‌ତି ନେତେର୍ ଉଣ୍‌ଜି ହଜ୍‌ଜି ମାଚାଡ଼ ।

ତାଙ୍ଗେଙ୍ଗ୍ ହୁଡ଼ଜି ଆନ୍ କାବା ଆତାଙ୍ଗ୍ । ୭ ହେବେଣ୍ଡାଂ ଦୁଡ଼ ଇଚାଡ଼ । “ଇନେକିଦେଂ କାବା ଆତାୟ ? ହେ କଗ୍‌ଲେହିମ୍‌ଣାତି ଆରି ସାଡ଼ କାପ୍‌ଡ଼ାଙ୍ଗ୍ ଆରି ଦସ୍‌ଗଟା କମଙ୍ଗ୍‌ଲାଗ୍‌ଦି ଇମ୍‌ଣି ପସୁ, ତା, ଡ଼କୁଡ଼ି ବିଡ୍ରେ ନନାଡ଼ ଆନ୍ ଇଞ୍ଜନାଙ୍ଗା ଝେନାଟ୍ !” ୮*ହେଦାଂ ଇମ୍‌ଣି ପସୁ ଦିନେକ୍ ଜିଜି ମାଚାଡ଼; ନଙ୍ଗ୍‌ୟ ଆରେ ଜିଝାତାଡ଼ନା, ହେଦାଂ ପାତାଲ୍ କୁଣ୍ଡାଂ ନିଙ୍ଗ୍‌ଜି ନସ୍ ଆନାଡ଼ । ହେବେ ପୁତର୍ ତ ମାନାକାର୍ ଏଚେକ୍ ମାନାୟାର୍ ତର୍ ଜଗଡ଼ନି ଆରାମ୍‌ତାଂ ଜିବୁନ୍ ପତିତ ଲେକାଆଝାତାଡ଼ନା, ହେଝାର୍ ଏଚେକାଡ଼୍‌ହ ହେ ପସୁତିଂ ହୁଡ଼ନାର୍ ଜେ ହେଦାଂ ମାଚାଡ଼, ନଙ୍ଗ୍‌ୟ ଆକାୟ ଆରି ପାଚେ ଝାନାଡ଼, ହେ ଏଚେକାଡ଼୍‌ହ ହେଝାର୍ କାବା ଆନାର୍ ।

୯ ଇ ସବୁ ବିସ୍ତେ ବୁଜାନି କାଜିଂ ମାନ୍ ଲଡ଼ା । ପସୁତି ସାଡ଼ଗଟା କାପ୍‌ଡ଼ାଙ୍ଗ୍ ହାତେନେ ସାଡ଼ଗଟା ମାଡ଼ିଂ ଇମ୍‌ଣି ଜପି କଗ୍‌ଲେହିମ୍‌ଣା କୁଚ୍‌ଚାଡ଼ନା । ହେଝାଙ୍ଗ୍ ପା ସାଡ଼ଗଟା ରାଜାର୍‌ତି ତିନ୍ ଲାକେ । ୧୦ ହେ ସାଡ଼ କାପ୍‌ଡ଼ା ସାଡ଼ ରାଜାରିଂ ବୁଜା ଆନାଡ଼, ହେଝାର୍ ବିଡ୍ରେତାଂ ପାଞ୍ଚଜାଣ୍ଡି ଝିସ୍ତାରେ । ରଝାନ୍ ନଙ୍ଗ୍ ରାଜ୍ କିନାନା, ବିନ୍ ରଝାନ୍ ନଙ୍ଗ୍‌ୟ ପାତେକ୍ ଝାଉନେ । ହେଝାନ୍ ଝାଜି ଅଲ୍‌ପ୍ ସମୁ ପାତେକ୍ ରାଜ୍ କିନାନ୍ । ୧୧ ଆରେ ଇମ୍‌ଣି ପସୁ ଦିନେକ୍ ଜିଜି ମାଚାଡ଼ ଆରେ ନଙ୍ଗ୍‌ୟ ହିଲୁଡ଼, ହେଝାନ୍ ଆଚ୍‌ଜାଣ୍ ରାଜା ହେଝାନ୍ ହେ ସାଡ଼ଜାଣ୍ ରାଜାର୍ ବିଡ୍ରେତାଂ ରଝାନ୍, ଆରେ ହେଝାନ୍ ନସ୍ ଆନାନ୍ ।”

୧୨ “ଏପେଙ୍ଗ୍ ହୁଡ଼ଜି ମାନି ଦସ୍ କମଙ୍ଗ୍ ହୁଡ଼ତାଦେର୍, ହେ ସବୁ ଦସ୍ ରାଜାରିଂ ବୁଜାନାଡ଼; ହେଝାର୍ ଇ ପାତେକ୍ ରାଜି ପାୟାଆଝାତାର୍‌ନା, ମାତର୍ ପସୁ ଲାହାଙ୍ଗ୍ ର ଗଣ୍ଡା ପାତେକ୍ ରାଜାର୍ ଲାକେ ଆଦିକାର୍ ପାୟାନ୍‌ର । ୧୩ ଇ ଦସ୍ ଜାଣ୍ ରାଜାର୍‌ତି ଉଦେସ୍ ଏକ୍ । ହେଝାର୍ ଜାର୍‌ତି ଝିଜୁ ସାଲ୍ଲି ଆରି କେମ୍‌ତା ପସୁତିଂ ହେଲ୍‌ୟ କିତାର୍ । ୧୪ ହେଝାର୍ ମେଣ୍ଡାହିମ୍‌ଣା ବିରୁଦ୍‌ତ ଜୁଜ୍ କିତାର୍, ଆରେ ମେଣ୍ଡାହିମ୍‌ଣା ହେଝାରିଂ ଜିତା ଆନାଡ଼, ଇନେକିଦେଂକି ହେଝାନ୍ ମାପୁତି

* ୧୭:୧୫ ୧୭:୧୫ ମାତିଡ ୨୪:୪୩,୪୪; ଲୁକ ୧୭:୩୯,୪୦; ହଡ଼ି ୩:୩. * ୧୭:୧୮ ୧୭:୧୮ ହଡ଼ି ୮:୫; ୧୧:୧୩,୧୯. * ୧୭:୨୦ ୧୭:୨୦ ହଡ଼ି ୭:୧୪. * ୧୭:୨୧ ୧୭:୨୧ ହଡ଼ି ୧୧:୧୯. * ୧୭:୨୩ ୧୭:୩ ହଡ଼ି ୧୩:୧. * ୧୭:୮ ୧୭:୮ ହଡ଼ି ୧୧:୭.

ମାପୁ ଆରି ରାଜାର୍ତ୍ତ ରାଜା ଆରେ ଇମ୍ଫଣାକାର ହେୱାନ ଲାହାଂ ମାନାର, ହେୱାର କୁକ୍ୟାତାକାର, ବାଟିକିୟାତାକାର, ଆରି ପାତ୍ନିକାର ମାନାୟାର ପା ଜିଣା ଆନାର । ଇନେକିଦେଂକି ହେୱାନ ମାପୁରତି ମାପୁ ଆରି ରାଜାତାଂ ରାଜା ।”

୧୫ ଦୁଡ଼ ନାଙ୍ଗ ଆରେ ଇନଟାଡ଼, “ଏପେଙ୍ଗ ଇମ୍ଫଣି ଏଜୁଙ୍ଗ ଲାଗାଂ ଏପେଙ୍ଗ ଦାରିକ୍ କୁଚ୍ଚି ମାନାକା ହୁଡ଼ତାଦେର, ହେ ଏଜୁଙ୍ଗ ବାରବିନି ଲାତ୍ରା, ମାନାୟାର, ଜାତିର ଆରି ବାସାକିନାକାରିଂ ବୁଜାନାଡ଼ । ୧୬ ଏପେଙ୍ଗ ହୁଡ଼ଜି ମାନି ସାଡ଼ଗଟା କମଙ୍ଗ ଆରି ହେ ପସୁ, ଦାରିଂ ଗିଣ୍ କିନିକ୍; ହେୱାର ତାକେଣ୍ଟା ତା ଝିଜୁ କ୍ଳିସି ଅଜି ତାଙ୍ଗ ନାଗଡ଼ା କିଜି ପିହ୍ନିକ୍ । ଆରେ ତା ଜେଇ ତିନିକ୍ ଆରି ତାଙ୍ଗେଙ୍ଗ ନାଣିତ ଦେହ୍ନିକ୍; ୧୭ ଇନେକିଦେଂକି ଇସ୍ପତ୍ ଜାର୍ ଉଦେସ୍ତ ସାଦନ୍ କିନି କାଜିଂ ହେୱାରିଂ ଇ କାତା ଚେଡ଼ନା ହିତାନ୍ନା । ଆରି ଇସ୍ପରତି ବଚନ୍ ଏଚେକାଡ଼ଦ ପୁରା ଆଉଡ଼, ହେ ପାତେକ୍ ରାଜି ସାସନ୍ ବଜ୍ ହେୱାରିଂ ମାନ୍ତ ପସୁ କେଇଦ ପିସି ହିନାର ।”

୧୮ “ଏପେଙ୍ଗ ଇମ୍ଫଣି କଗ୍ଲେହିମ୍ଫଣାତିଂ ହୁଡ଼ତାଦେର, ହେଦେଲ୍ ଆନାତା, ଇ ପୁତ୍ନି ରାଜାର ରାଜି ଜପି ରାଜ୍ କିଜି ମାନି ହେ ଗାଜାଗାଡ଼ ।”

୧୮

ବାବିଲ୍ ବୁଡ଼ାତାକା

୧ ତା ପାଚେ ଆନ୍ ଆରେ ରଞ୍ଜେଲ୍ ଦୁଡ଼ତିଂ ସାଗେତାଂ ଜୁଜି ୱାନାକା ହୁଡ଼ତାଂ; ହେଦେଲ୍ ବେସି ଆଦିକାର ମାଚାଡ଼, ତା ପାଶତ ପୁତ୍ନି ଅଜଡ଼ ଆଜି ହାଚାଡ଼ । ୨ ହେଦେଲ୍ ଗାଜା କାଚ୍ତାଂ ଇଚାଡ଼, “ଗାଜା ଗାଡ଼ ବାବିଲନ୍ ଦୁଡ଼ିମାସ୍ତାଡ଼ ! ଆଦା ମୁନ୍ଚାଡ଼ନା, ହେଦାଂ ବୁଡ଼କୁ ବାହା ଆରେ, ବାନ୍ୟା ପୁଦାଂ ଆରି ରାଡ଼ା ଆରି ଗିଣ୍ ପଟିଂତି ଆରି ପସୁ ଜମ୍ନିବାହା ଆତାଡ଼ନା । ୩ ଇନେକିଦେଂକି ହେଦେଲ୍ ପୁତ୍ନି ନାର୍ ଜାତିଂ ତା ଦାରିନି କାମାୟ୍ ଲାକେ କାଲିଂ ଉଚାଡ଼ନା, ପୁତ୍ନି ରାଜାର ତା ଲାହାଙ୍ଗ ଦାରି କିନାରା, ଆରି ପୁତ୍ନି ବେପ୍ରିୟାର ପାପ୍ତ ମାଜାନ୍ ଆନାରା ।”

୪ ଇଦାଂ ପାଚେ ଆନ୍ ୱେଚାଙ୍ଗ, ସାଗେତାଂ ଆରେ ରଞ୍ଜାଙ୍ଗ କାଚ୍ ୱେଚାଙ୍ଗ
“ନା ମାନାୟାର ଝିଜାଦେର ହସି ୱାଡ଼ !

ତା ଲାଗାଂତାଂ ହସି ୱାଡ଼ !
ଏପେଙ୍ଗ ଇନେସ୍ ତା ପାପ୍ତ ମେହା ଅମାଚ୍;
ହେଦେଲ୍ ଇମ୍ଫଣି ସାସ୍ତି ପାୟାନାଡ଼, ହେବେ ମେହାଆମାଚ୍ !

୫ ତା ପାପ୍ କିନାକା ଗାଦି ଆଜି ସାଗେ ପାତେକ୍ ପା ନିଙ୍ଗତାଡ଼ନା,
ଆରେ ଇସ୍ପର ତା ଅଦାମ୍ ସବୁ ଏଡୁକିତାରନା ।

୬ ହେୱାନ ଇନେସ୍ ମି କାଜିଂ ବେବାର୍ କିତାନ୍ନା,
ଏପେଙ୍ଗ ତା କାଜିଂ ସମାନ୍ ହେ ଲାକେ ବେବାର୍ କିୟାଚ୍ ।
ହେୱାନ ଇନାକା କିତାନ୍ନା, ତା କାମାୟ୍ ଇସାପ୍ତେ ହୁଡ଼ଜି ତାଙ୍ଗେଙ୍ଗ୍ ରି ଗୁଣ୍ ପୁଲିଂ ହିୟାଚ୍,
ଆରେ ହେୱାନ ଇମ୍ଫଣି ବାହାତ କାଲିଂ ମେହାୟ୍ କିତାନ୍ନା,
ହେବେ ହେଦାଂ କାଜିଂ ରି ଗୁଣ୍ କାଲିଂ ମେହାୟ୍ କିୟାଚ୍ ।

୭ ହେୱାନ ଜାର୍ତିଂ ଜାଜମାଲ୍ କିତାନ୍ନା
ଆରି ଦାର୍ଜ୍ୟାରେ ଦିନ୍ କାଟିକିନାତା, ତାଙ୍ଗେଙ୍ଗ୍
ହେଏଚେକ୍ କସୁ ଆରି ଡାଡ଼ପାଚ୍;
ଇନେକିଦେଂକି ହେଦେଲ୍ ମାନ୍ତ ମାନ୍ତ ଇନାତା,
ଆନେଙ୍ଗ୍ ରାଣି ଆଜି କୁଚ୍ଚାଙ୍ଗନା,
ଆନେଙ୍ଗ୍ ରାଣ୍ଡି ଆକାୟ୍ ।

୮ ତା ଇ ସବୁ ପାପ୍ ଲାଗିଂ ଝିଜୁ ଦୁକ୍, ଇଚିସ୍ ହାନାକା, ଦୁକ୍,
ଆରି କାତାର୍ ଆରନାଡ଼,
ଆରେ ହେଦେଲ୍ ପୁରା ବାବ୍ରେ ନାଣିତ କାଡ଼ନାଡ଼,
ଲାଗିଂ ତା ବିଚାର୍ କାରିୟା ମାପୁ ଇସ୍ପର ସାକ୍ତିକାଟାକାନ୍ ।”

୯ ପୁତ୍ନି ଇମ୍ଫଣି ସବୁ ରାଜା ଜେ ଝିଜାର୍ ରାଜାର ତା ଲାହାଙ୍ଗ ଦାରି ଆରି ପାପ୍ ବେବାର୍ କିଜି ମାଚାର୍, ହେୱାର ତା କାଡ଼ୟାଜିମାନି ଗାଗାଡ଼ତାଂ ଆହ୍ନି କଦା ହୁଡ଼ଜି ହେଦାଂ କାଜିଂ ଆଡ଼ବାନାର୍ ଆରି ଦୁକ୍ କିନାର୍ । ୧୦ ତା ଦୁକ୍ କସୁନି ମେହାଆଦେଂ ପାଣ୍ଡାଜି ହେୱାର ତା ତାଂ ବେସି ଦେହା ନିଲ୍ଚି ମାନାର୍ ଆରି, ହାୟ୍, ହାୟ୍, କିଜି ଇନାର୍, ଏଚେକ୍ ବଇଁକାର୍ ! ନିନ୍ଦା ଏନ୍ ଇନାକା ହେ ଗାଜାଗାଡ଼, ବାପୁକାଟିଗାଡ଼ ବାବିଲନ୍, ଇନେକିଦେଂକି ର, ଗନ୍ତା ବିତ୍ରେ ନି ତାଣ୍ଡି ଏକାଞ୍ଜାତାଡ଼ ।

୧୧ ଆରେ, ପୁତ୍ନି ବେପ୍ରିୟାର ହେଦାଂ କାଜିଂ ଆଡ଼ବାନାର୍ ଆରି ଦୁକ୍ କିନାର୍, ଇନେକିଦେଂକି ଇନେର୍ ହେୱାର୍ତି ବେପାର୍ନି ଦିନିସ୍ ଆରେ କଡ଼ଦେଂ ଆଡୁର, ଇଚିସ୍, ୧୨ ହନା, ରୁପା, ମଣି, ମୁକ୍ତା, କଞ୍ଜାଣ୍ ହେୟା, ୱାଙ୍ଗାବାଡ଼ି ବାନି

ହେୟା, ମାଟ୍‌ଆ ହେୟା, ଗେରୁବାନି ହେୟା ଝିଜୁ ବାନି ଚନ୍ଦନ ଝେଜଗୁ, ଆତି ଗାଡାଙ୍ଗନି ସବୁ ବାନି ଆଡ଼ମାଡ଼, ବେସି ମଲ୍ଲନି ଝେଜଗୁ, ପିତାଡ଼, ଲଖା, ଆରି କାଲ୍ ରତ୍‌ଚାକା ଲାହାଙ୍ଗ ରତ୍‌ଚି ସବୁବାନି ଆଡ଼ମାଡ଼ । ୧୩ ଚରାମାଲି, ଗାନ୍ଧାତିକାଣ, ଦୁପ୍‌ନି, ବାସନା କାସନି ଚିକାଣ, କୁନ୍ଦୁର, କାଲିଂ, ଚିକାଣ, ମଇଦା, ଗମ୍‌, ପସୁ, ମେଣ୍ଡାଙ୍ଗ, ଗଡ଼ା, ଗଡ଼ାହାଗାଡ଼, କଡ଼କାଆଡ଼ିଏନ, ଆରି ମାନାୟାର୍‌ତି ପାରାଣ । ୧୪ ବେପାର କିନାକାର ତାଙ୍ଗ ଇନାର । ଆହାଂ ସବୁ ଲକୁ ହାଦ୍ ନିତାଂ ଦେହା ଆତାଡ଼ନ୍ନା, ଆରି ମି ଦନ୍ ସଂପତି ହଲ୍‌ନାକା ଆରେ ଆକାୟ । ଏପେଙ୍ଗ ହେଝାକାଂ ଆରେ ଇନାଝାଡ଼ାଂ ପାୟା ଆଉଦେର୍ । ୧୫ ଇମ୍‌ଣି ବେପରିୟାର ହେ ଗାଡ଼ଦ ବେପାର କିଜି ମାଜାନ ଆଜି ମାଚାର, ହେଝାର ତା ଦୁକ୍‌ବଗତ ମେହାଆଦେଂ ପାଣ୍ଡାଜି ବେସି ଦେହା ନିଲ୍‌ଚି ଆଡ଼ବିସ୍ ଆରି ଦୁକ୍‌କିଜି ଇନାର । ୧୬ ହେଝାର ଆଡ଼ବିସ୍ ଇନାର, “ହାୟ, ଗାଜାଗାଡ଼ନି ଅବସ୍ତା ନଙ୍ଗ ଏଚେକ୍ ବଇଁକାର, ଏଚେକ୍ କସ୍ ! ହେଝାନ କଝାଣ ହେୟା, ଝାଙ୍ଗାବାନି ଆରି ଗେରୁବାନି ହେୟାଙ୍ଗ ଉସପିସ ମାଚାଡ଼, ଆରେ ହନା, ମଣି ଆରି ମୁକ୍ତାତ ଡ଼ୟାଆଜି ମାଚାଡ଼ । ୧୭ ମାଚର ର ଗଣ୍ଟା ବିତ୍ରେ ହେ ଇ ଝିଜୁ ଦାନ ରୁଡା ଆତାଡ଼ ।”

ଜାଜ୍ ମୁଣିକା, କେଉଗାର ଆରି ହାମ୍‌ଦୁର ବେପରିୟାର ବେସି ଦେହା ନିଲ୍‌ତାର ୧୮ ଆରି କାଡ଼ୟାଜିମାନି ଗାଡ଼ ଗାଜା କାଟ୍‌ତାଂ ହୁଡ଼ଜି ଇଚାର, “ଇ ଗାଜାଗାଡ଼ ଲାକେ ଆରେ ଇମ୍‌ଣି ଗାଡ଼ ହିଲ୍‌ଝାତାଡ଼ ।” ୧୯ ହେଝାର କାପ୍‌ଡା ଜପି ଦୁଡ଼ି ଚୁଡ଼ି ଆଡ଼ବିସ୍ ଇଚାର, “ଏଚେକ୍ ବଇଁକାର ! ଗାଡ଼ନି ଇ ଏଚେକ୍ ନନାକା କସ୍ ! ହାମ୍‌ଦୁରତ ମାନି ଜାଜ୍‌ନି ହାଉକାରିଂ ମାଜାନ ଆଜି ମାଚାର; ନଙ୍ଗ ର ଗଣ୍ଟା ବିତ୍ରେ ରୁଡା ଆତାଡ଼ ।”

୨୦ ଏ ସାଗେନିକାଦେର୍ ! ହେଝାନ ରୁଡାଜି ମାଚିଲେ ଝାରି କିୟାଟ୍ । ଏ ପୁଇପୁୟା ସାଦୁକାଦେର୍, ଏ ପକ୍ୟାତାକାନ ଚେଲା ଆରି ବେଶ୍‌ବାକ୍‌ଶାୟକିନାକାଦେର୍ ! ଝାରିୟା ଆତ, ଇନେକିଦେଂକି ମି କାଜିଂ ହେଝାନ ଇନାକା କିଜି ମାଚାନ, ହେଦାଂ କାଜିଂ ଇସ୍‌ର ତାଙ୍ଗ ତାଣ୍ଟ ହିତାନନା ।

୨୧ ତା ପାଚେ ରଞ୍ଜେଲ୍ ବାଡ଼କାସକାଟି ଦୁଡ଼ ର ଗାଜା ଜାତାକାଲ୍ ଲାକେ ର କାଲ୍ ହାମ୍‌ଦୁରତ ତୁହି ହିଜି ଇଚାଡ଼, “ଗାଜାଗାଡ଼ ବାବିଲନ୍ ଇ ଲାକେ ବାବ୍ରେ ତୁହିୟାନାଡ଼ ଆରି ତାଙ୍ଗ ଆରେ ଇନେର୍ ଇନାଝାଡ଼ାଂ ହୁଡ଼ଦେଂ ଆଡୁର୍ । ୨୨ କି ଗମଣ, କେରକଣ୍ ଝାଡ଼ିୟାର, କି ହୁରଡ଼ି ତୁବନାକାର, ଆରି ମରି ତୁବନାକାରତି ଗାର୍ଜାନନି, ଇନାଝାଡ଼ାଂ ଆରେ ନି ବିତ୍ରେ ଝେନ୍‌ୟାଆଉଡ଼ । ଇମ୍‌ଣି ରତ୍‌ନାକାର ନି ବିତ୍ରେ ଆରେ ଇନାଝାଡ଼ାଂ ପା ଚଞ୍ଜୟାଉଡ଼, ଜାତା କାଲ୍‌ନି ଗାର୍ଜାନ ନି ବିତ୍ରେ ଆରେ ଇନାଝାଡ଼ାଂ ପା ଝେନ୍‌ୟାଉଡ଼, ୨୩ ନି ବିତ୍ରେ ଆରେ ଇନାଝାଡ଼ାଂ ପା ଅଜଡ଼ କାଚା ଆଉଡ଼, ନଲେ ବିବାଦାଙ୍ଗଣେନ୍ ଗାଡ଼ଚେ ସବଦ୍ ନି ବିତ୍ରେ ଆରେ ଇନାଝାଡ଼ାଂ ପା ଝେନ୍‌ୟାଉଡ଼, ଇନେକିଦେଂକି ନି ବେପରିୟାର ପୁଡ଼ି ତ ଗାଜା ସାକ୍ତିକାଚାକାର ଆଜି ମାଚାର, ନି ମାୟାତ ହୁକେ ଏନ୍ ପୁଡ଼ି ନି ସବୁ ଜାତିରିଂ ବୁଲକାୟ କିଜି ଇଡ଼ଜି ମାଚାୟ ।”

୨୪ ଆରେ ଇ ଗାଡ଼ଦ ପୁଡ଼ି ନି ହେନି ବେଶ୍‌ବାକ୍‌ଶାୟକିନାକାର ଆରି ପୁଇପୁୟା ସାଦୁରତି ନେତେର୍ ବଡ଼ାଜି ମାଚାଡ଼ । ଇ ସବୁ ପାପ୍ କାଜିଂ ହେଦେଲ୍ ସାସ୍ତି ଦାଣ୍ଟ ପାୟାତାନ୍ନା ।

୧୯

ସାଗେତ ଝାରି

୧ ଇଦାଂ ପାଚେ ଆନ୍ ଇନାକା ଝେଚାଙ୍ଗ, ହେଦାଂ ସାଗେତ ବେସି ମାନାୟାର୍ ସବଦ୍ ଲାକେ ର ବେସି ସବଦ୍ ଇଦାଂ ଇନାକା ଝେଚାଙ୍ଗ, “ଇସ୍‌ରତି ତରଦ କେରାଟ୍ । ମା ଇସ୍‌ର ମୁକ୍‌ତାୟକିନାକାନ, ଜାଜ୍‌ମାଲ୍, ଆରି ସାକ୍ତିନି ଆଦିକାରି । ୨ ଇନେକିଦେଂକି, ତା ବିଚାର ହାଡ଼ପା ଆରି ନ୍ୟାୟ; ଇମ୍‌ଣି ବେସି ଦାରି ଜାର ଦାରି ହୁକେ ପୁଡ଼ି ତିଂ ନାହାୟ କିଜି ମାଚାଡ଼, ହେଝାନ ତାଙ୍ଗେଙ୍ଗ ତାଣ୍ଟ ହିଜି ଜାର ଆଡ଼ିୟାର ନେତେର୍ ହପ୍‌ଚି ହୁଜାନାକା ତାକେଣ୍ଡାଙ୍ଗ ଅତାନ୍ନା । ୩ ଆନ୍ ଝେଚାଙ୍ଗ, ହେଝାର ଆରେ ଗାଜା କାଟ୍‌ତାଂ ଇନାରା, ଇସ୍‌ରତି ତରଦ କେରକଣ୍ କେରାଟ୍ । ହେ ଗାଜା ଗାଡ଼ତିଂ ନାସ୍ କିଜିମାନି ନାଣି କଦା ଜୁଗ୍ ଜୁଗ୍ ଜପି ନିଙ୍ଗଜି ମାନାଡ଼ ।” ୪ ଗାଦିତକୁଚି ଇସ୍‌ରତି ମୁମ୍‌ଦ କଡ଼େ ଚାରି ୨୪ ଜାଣ୍ ପ୍ରାଚିନାର ଆରି ହେ ଚାରି ପସୁ ତାଣ୍ଟହାଡ଼ ଆଜି ଇସ୍‌ରତିଂ ପାର୍ତ୍ତନା କିଚାର । ହେଝାର ଇଚାର, “ଆମେନ୍ ! ଇସ୍‌ରତି ପାର୍ତ୍ତନା କିୟାଟ୍ ।”

ମେଣ୍ଡାହିମ୍‌ଣାତି ବିବା ବଜି

୫ ହେ “ଏଚେକାଡ଼ଦ ଗାଦିତାଂ ର ସବଦ୍ ଝେନ୍‌ୟାତାଡ଼ । ଏ ଇସ୍‌ତ୍ ଆଡ଼ିୟାକାଦେର୍, ଏ ହେଝାନିଂ ପାଣ୍ଡା ଆନାକାଦେର୍ ହାରୁ ଆରି ଗାଜା ମାନାୟାର୍, ହେଝାକ୍ତି ପାର୍ତ୍ତନା କିୟାଟ୍ ।” ୬ ହେ ସମୁତ ଆନେଙ୍ଗ ଝେଚାଙ୍ଗ, ହାମ୍‌ଦୁର୍ ଗାର୍ଜାନାକା ଆରି ବିଞ୍ଜିଇଡ଼ନାକା ଲାହାଂ ମାନାୟାର୍ ସବଦ୍ ଲାକେ କେଡ଼ାଜି ଝାନାତା । ମାନାୟାର୍ ଆରେ ପାର୍ତ୍ତନା କିଜି ଇନାରା । “ଇସ୍‌ରତି ତରଦ କେରକଣ୍ କେରାଟ୍, ଇନେକିଦେଂକି ମା ମାପୁ ଝିଜୁଡ଼ିଂ ସାକ୍ତିକାଚାକାନ ଇସ୍‌ର, ହେଝାନ କେବଲ୍ ମା ରାଜା । ୭ ଝାତ, ଆସେଙ୍ଗ ଝାରି ଆରି ସାରଦା କିନାସ୍, ଆରି ତାଙ୍ଗେଙ୍ଗ ଜାଜ୍‌ମାଲ୍ ହିନାସ୍, ଇନେକିଦେଂକି ମେଣ୍ଡାହିମ୍‌ଣାତି ବିବାନି ସମୁ ଏକାଝାତାଡ଼, ଆରେ ତା ଗାଡ଼ ଜାରତିଂ ରଞ୍ଚାଡ଼ନା ।” ୮ ତାଙ୍ଗେଙ୍ଗ ଡ଼ିଞ୍ଜିନି ଆରି ସକଟ୍ ହେୟା ଉସପିନି କାଜିଂ ହିଚାର; ହେ କଝାଣ୍ ହେୟା ପୁଇପୁୟା ସାଦୁରତି ଆନାତା ହେ କଝାଣ୍ ହେୟା ।

୯ ☆ହେ ଏତେକାଡ଼ ଦୁତ ନାଙ୍ଗେଙ୍ଗ ଇଞ୍ଚାନ, “ଲେକିକିଲି ଇଟାଟ୍, ଇମ୍ଫାକାର୍ ମେଣ୍ଡାହିମ୍ଫାଣତି ବିବା ବଜିତ କୁକ୍ୟାତାକାର୍, ହେଞ୍ଚାର୍ ଦନ୍ୟ ।” ଆରେ ପା ହେଞ୍ଚାନ ନାଙ୍ଗେଙ୍ଗ ଇଞ୍ଚାନ, “ଇଦାଂ ଇସ୍ତର୍ ହାଡ଼ପା ବଚନ୍ ।”

୧୦ “ହେବେ ଆନ୍ ହେଞ୍ଚାନିଂ ଜୁଞ୍ଚାର୍ କିନି କାଜିଂ ତା ପାନା ତାରେନ୍ ତାଣ୍ଡହାଡ଼୍ ମାଗ୍ତାଙ୍ଗ । ହେବେ ହେଞ୍ଚାନ ନାଙ୍ଗେଙ୍ଗ ଇଞ୍ଚାନ, ଜାଗ୍ରତ୍, ଇଦାଂ କିମାଟ୍, ଆନ୍ ମିଦାଂ ଆରି ଜିସ୍ତୁତି ସାକି ଜେ ମି ଟଣ୍ଡାର୍, ହେଞ୍ଚାର୍ତି ହାଙ୍ଗ୍ଦାକାନ; ଇସ୍ତର୍ତିଂ ଜୁଞ୍ଚାର୍ କିୟାଟ୍ । ଜିସ୍ତୁତି ବିସ୍ତେନି ସାକି ତ ସାରି ।”

ଡ଼ିଞ୍ଜିନି ଗଡ଼ା ଦୁମ୍ତାକାନ

୧୧ ତା ପାଚେ ଆନେଙ୍ଗ୍ ସାଗେ ଜେୟାତାକା ହୁଡ଼ତାଂ, ଆରେ ହୁଡ଼ାଟ୍, ର ଡ଼ିଞ୍ଜିନି ଗଡ଼ା; ତା ଦୁମ୍ତାକାନତି ତର୍ ପାଚ୍ ଆରି ହାଡ଼ପା ହେଞ୍ଚାନ ନିୟାୟ ଲାକେ ବିଚାର୍ ଆରି ହେଞ୍ଚାନ ଦାମ୍ ଜୁଜ୍ କିନାନ୍ । ୧୨ ତା କାଣ୍କୁ ଗୁଡ଼ଗିନି ନାଣି ଲାକେ, ତା କାପ୍ତାତାକେ ବେସି ମୁକୁଟ୍ ମାଚାଡ଼ । ତା ଜପି ର ତର୍ ଲେକାଜି ମାଚାଡ଼, ହେ ପୁନି ତର୍ ତାଙ୍ଗ୍ ପିସସି ବିନେନିକାନ ଇନେର୍ ପୁନୁର୍ । ୧୩ ହେଞ୍ଚାନ ନେତେରତ ନୁସ୍ତି ହେୟା ଉସପାତାକାନ, ଆରେ ତା ତର୍ ଆଜି ମାଚାଡ଼ ହେଞ୍ଚାନ “ଇସ୍ତର୍ ବଚନ୍” ଇଞ୍ଜି ଜାଣାଟିନା । ୧୪ ସାଗେନି ମେଲ୍ୟାର୍ ଡ଼ିଞ୍ଜିନି ଆରି ସକଟ୍ କଞ୍ଚାଣ୍ ହେୟା ଉସପିତି ଡ଼ିଞ୍ଜିନି ବାନି ଗଡ଼ାଙ୍ଗ୍ ଜପି ଦୁମ୍ଜି ତା ପାଚେ ହାଞ୍ଜେଙ୍ଗ୍ ଲାଗାତାର୍ । ୧୫ ତା ଖାଇଦାଂ ଦାରାକାଣ୍ଡା ହଡ଼ନାଡ଼, ତା ହୁଦାଂ ହେଞ୍ଚାନ ଜାତିରିଂ ଗାଅ କିନାନ୍; ହେଞ୍ଚାନ ହେଞ୍ଚାରିଂ ଲଞ୍ଚା ବାଡ଼ଗାତାଂ ସାସନ୍ କିନାନ୍ ଆରେ ହେଞ୍ଚାନ ନିଜେ ଡ଼ିଜୁ ସାଲିକାଟାକାନ ଇସ୍ତର୍ ଜବର୍ କାଜି ଲାକେ ଅଙ୍ଗୁରକୁଣ୍ଡି ଜାତା କଣ୍ଡି ଡ଼ିହ୍ନାନ୍ । ୧୬ ତା ହେୟାତ ତା କୁଟାତ ଇ ତର୍ ଲେକାତାଡ଼ନା, “ରାଜାର୍ଜପି ରାଜା ଆରି ମାପୁଜପି ମାପୁ ।”

୧୭ ତା ପାଚେ ଆନେଙ୍ଗ୍ ରଞ୍ଚାନ ଦୁଡ଼ତିଙ୍ଗ୍ ଖେଡ଼ା ବିଡ଼େ ନିଲ୍ଟି ମାନାକା ହୁଡ଼ତାଂ; ହେଞ୍ଚାନ ଆକାସ୍ତ ଉମ୍ନି ସବୁ ପଟିକାଙ୍ଗ୍ ଗାଜା କାଟ୍ତାଂ କୁକ୍ଟି ଇଚାର୍, “ଝାତ ଇସ୍ତର୍ ଗାଜା ବଜିତ ରୁଣ୍ଡା ଆଡ଼, ୧୮ ଇନେସ୍ ଏପେଙ୍ଗ୍ ରାଜାର୍ତି, ମେଲ୍ୟାମୁଡ଼ଦାକାନ, ବାପୁକାଟାକାର୍ତି, ଗଡ଼ା ଆରି ଗଡ଼ାଦୁମ୍ତାକାଚ୍, ଜାର୍ତାରେନ୍ ଆରି ଲକାର୍ ତାରେନ୍, ଆଡ଼ିୟା ହାରୁ ଆରି ଗାଜା ଡ଼ିଜାର୍ ମାନାୟାର୍ତି ଜେୟ୍ ତିନାଟ୍ ।

୧୯ ତା ପାଚେ ଆନେଙ୍ଗ୍ ପସ୍ତୁତିଂ ଆରି ପୁତ୍ ନି ରାଜାରିଂ ଆରି ହେଞ୍ଚାର୍ତି ମେଲ୍ୟାର୍ତିଂ କି ହେ ଗଡ଼ାଦୁମ୍ତାକାର୍ ଆରି ତା ମେଲ୍ୟାଚ୍ ଲାହାଙ୍ଗ୍ ଜୁଜ୍ କିନି କାଜିଂ ରୁଣ୍ଡା ଆଜି ମାନାକା ହୁଡ଼ତାଂ । ୨୦ ☆ହେବେଣ୍ଡାଂ ହେ ପସୁ ଦାରାପଡ଼ା ଆତାଡ଼, ଆରେ ଇମ୍ଫା ଚାକ୍ରାୟ୍ ବେଶ୍ ବାକ୍ଶାୟ୍ କିନାକାନ ତା ମୁମ୍ଦ କାବାଆନି କାମାୟ୍ ସବୁ କିଜି ତା ହୁଦାଂ ପସୁନି ଚିନ୍ ଇଡ଼ିୟାତି ମାନାୟାରିଂ ଆରି ତା ପୁଡ଼ଡ଼ା ପୁଜାକିନାକାରିଂ ବାଣାୟ୍ କିଜି ମାଚାଡ଼, ହେଞ୍ଚାନ ପା ତା ଲାହାଙ୍ଗ୍ ଦାରାପଡ଼ା ଆତାଡ଼; ହେଞ୍ଚାର୍ ହାରି ଜିତିତାଂ ଅବସ୍ତାତ ଗନ୍ଦକ୍ ଆହ୍ନି ହାମ୍ଦୁରତ ତୁହ୍ୟାତାର୍ । ୨୧ ଆରେ ହେଞ୍ଚାର୍ତି ମେଲ୍ୟାର୍ ଗଡ଼ାଦୁମ୍ତାକାନ ଖେଇଦିଂ ହନାକା କାଣ୍ଡା ହୁକେ ହାତାର୍; ଆକାସ୍ନି ପଟିଂ ମାନ୍ ଇଚା ହେଞ୍ଚାର୍ତି ଜେଇ ତିନିଜି ହାଟିକ୍ ।

୨୦

ହାଜାର୍ ବାହୁନି ରାଜ୍

୧ ତାପାଚେ ଆନେଙ୍ଗ୍ ରଞ୍ଜେଲ୍ ଦୁଡ଼ତଂ ସାଗେତାଂ ଜୁଜି ଖାନାକା ହୁଡ଼ତାଂ । ତା କେଇଦ ପାତାଲ୍ କୁଇନି କୁଟି ଆରି ରଞ୍ଜାଙ୍ଗ୍ ଗାଜା ହିକ୍ତିଂ ମାଚାଡ଼, ୨ ହେଞ୍ଚାନ ହେ ରାଟ୍, ହେ ପୁନି ନାଗ୍ ଇଚିସ୍ ଦିଆବଲ୍ ଆରି ସୟ୍ତାନତିଂ ଆସ୍ତି ହାଜାର୍ ବାହୁ ପାତେକ୍ ଗାଟ୍ତି ତୁହିତାର୍, ୩ ଆରେ ତାଙ୍ଗେଙ୍ଗ୍ ପାତାଲ୍ କୁଣ୍ଡିତ ତୁହିଜି ହେବେଣ୍ଡାଂ ଖେଇ ଗେସତାନ୍ ଆରି ତା ଜପି ଚିନ୍ ଇଡ଼ତାର୍, ଇନେସ୍ ହେ ହାଜାର୍ ବାହୁ ଡ଼ିଜୁ ପାତେକ୍ ହେଞ୍ଚାନ ଜାତିରିଂ ଆରି ବୁଲ୍କାୟ୍ କିଦେଙ୍ଗ୍ ଆଡୁଡ଼; ଇଦାଂ ପାଚେ ଅଲପ୍ କାଡ଼୍ କାଜିଂ ତାଙ୍ଗେଙ୍ଗ୍ ମୁକ୍ତା ଆଦେଂ ଆନାଡ଼ ।

୪ ପାଚେ ଆନେଙ୍ଗ୍ ଗାଦିକାଂ ହୁଡ଼ତାଂ; ହେ ସବୁ ଜପି ଏତେକ୍ ଲଗୁ କୁଟ୍ତାର୍, ହେଞ୍ଚାରିଂ ବିଚାର୍ କିନି କେମ୍ତା ହିତାର୍ । ଆରେ ଜିସ୍ତୁତି ସାକି ଆରି ଇସ୍ତର୍ ବଚନ୍ କାଜିଂ ଇମ୍ଫାକାର୍ତି କାପ୍ତା ରାଜୟା ଆଜି ମାଚାଡ଼, ଆରେ ଇମ୍ଫାକାର୍ ହେ ପସ୍ତୁତିଂ କି ତା ପୁଡ଼ଡ଼ାକାଂ ଜଞ୍ଚାର୍ କିଞ୍ଚାଦାଂ ମାଚାର୍ ଆରି ତା ଚିନ୍ ଜାର୍ ଜାର୍ ନିଦାଣ୍ଡ ଆରି କେଇଦ ଇଡ଼ୟାଞ୍ଚାଦାଂ ମାଚାର୍, ହେଞ୍ଚାର୍ତି ଖାସ୍ତିକାଂ ହୁଡ଼ତାଂ; ହେଞ୍ଚାର୍ ଜିଜି କ୍ରିସ୍ ଲାହାଙ୍ଗ୍ ହାଜାର୍ ୧,୦୦୦ ବାହୁ ପାତେକ୍ ସାସନ୍ କିତାର୍ । ୫ ବାକି ହାତି ମାନାୟାର୍ ହେ ହାଜାର୍ ୧,୦୦୦ ବାହୁ ଡ଼ିଜୁ ପାତେକ୍ ଜିଞ୍ଚାତାର୍ । ଇଦାଂ ନେ ପର୍ତ୍ତମ୍ ଆରେ ନିଂନାକା । ୬ ଇମ୍ଫାକାର୍ ପର୍ତ୍ତମ୍ ଆରେ ନିଂନାକା ମିହାନାର୍, ହେଞ୍ଚାର୍ ଦନ୍ୟ ଆରି ପୁଇପୁୟା; ହେଞ୍ଚାର୍ ଜପି ରିହା ହାନାକା ଇନାକାପା ଆଦିକାର୍ ଆକାୟ୍, ଇଚିସ୍ ହେଞ୍ଚାର୍ ଇସ୍ତର୍ ଆରି କ୍ରିସ୍ତି ମାପୁହେବାକିନାନ୍ ଆଜି ର ହାଜାର୍ ବାହୁ ପାତେକ୍ ତା ଲାହାଙ୍ଗ୍ ରାଜ୍ କିତାର୍ ।

ସୟ୍ତାନତି ହାରିହାରା ଆରାନାକା

☆ ୧୯:୯ ୧୯:୯ ମାଡ଼ିଉ ୨୨:୨,୩. ☆ ୧୯:୨୦ ୧୯:୨୦ ହଡ଼ି ୧୩:୧-୧୮.

୭ ହେ ର ହାଜାର ୧,୦୦୦ ବାହୁଁ ଓସ୍ତିଲେ ସୟତାନତିଂ ଜଇଲଜଞ୍ଜାଙ୍ଗ ପିହନାର୍; ଠ ହେବେଣ୍ଡା ହେଦେଲ୍ ପୁତ୍ ନି ଚାରିଗଟା କନାତ ମାନି ଜାତିତିଂ, ଇତିସ୍ ହାମ୍ଦୁରନି ବାଲି ଲାକେ ଗାଣାକିୟା ଆଉଡ୍ ଜେ ଗର୍ ଆରି ମାଗର୍ ହେଞ୍ଜାରିଂ ବୁଲକାୟକିଜି ଜୁନ୍ କାଜିଂ ରବେ ରୁଣ୍ଡାୟ କିଦେଙ୍ଗ୍ ହସି ହାନାଡ୍ । ୯ ମେଲ୍ୟାନ୍ ପୁତ୍ ନି ସବୁ ବାହାତ ମେଗ୍ୟାଜି ସାଦୁରତି ବାହା ଆରି ଜିଉନନି ଗାଡ୍ଦିଂ ହୁରିମୁକ୍ତାର୍ । ହେ ଏଚେଞ୍ଜେଡାଲିଂ ସାଗେତାଂ ନାଣି ଆଜିଂ ହେଞ୍ଜାରିଂ ଚିଚାଡ୍ । ୧୦ ଇମ୍ଫଣି ସୟତାନ ହେଞ୍ଜାରିଂ ବୁଲକାୟ କିଜି ମାଚାଡ୍, ତାଙ୍ଗ୍ ନାଣି ଆରି ଗନ୍ଦକ୍ ମାନି ହାମ୍ଦୁରତ ତୁହିତାର୍, ହେବେ ହେ ପସୁ ଆରି ଚାକ୍ରାୟ ବେଣ୍ଡାକ୍ଷାୟକିନାକାର୍ ପା ମାନାର୍; ଆରେ ହେଞ୍ଜାର୍ ଷେଡାନାଣା ଜୁଗ୍ ଜୁଗ୍ କସ୍ ବଗ୍ କିତାର୍ ।

ହାରିହାରା ବିଚାର୍

୧୧ ତାପାଚେ ଆନେଙ୍ଗ୍ ର ଗାଜା ଡିଞ୍ଜନାକା ଗାଦି ଆରି ହେବେ କୁଚ୍ଚି ରଞ୍ଜାନ୍ ମାନାୟତିଂ ହୁଡ୍ତାଂ; ତା ଲାଗାତାଂ ପୁତ୍ ଆରି ଆକାସିଂ ହନତାଡ୍, ଆରି ହେଦାଂ ହୁଡ୍ଡିତିକ୍ । ୧୨ ଆରେ ଆନେଙ୍ଗ୍ ହାରୁ ଆରି ଗାଜା ଓଜାର୍ ହାତାକାରିଂ ଗାଦି ଲାଗେ ନିଲ୍ଚି ମାନାକା ହୁଡ୍ତାଂ, ଆରେ ପତିସବୁ ଜେୟାତାଡ୍; ପାଚେ ଜିବୁନ୍ ପତି ତରନି ଆରେ ରଞ୍ଜାଙ୍ଗ୍ ପତି ଜେୟାତାଡ୍; ହେ ପତିକାଂ ଲେକାତି ବିସ୍ତେ ପାର୍ମାଣ୍ଡାଂ ହାତାକାର୍ ଜାର୍ ଜାର୍ କାରମ୍ ଇସାପ୍ତେ ବିଚାର୍ କିୟାତାକାର୍ । ୧୩ ହେ ସମୁତ ହାମ୍ଦୁର ବିତ୍ତେ ହାଜି ମାନି ମାନାୟାର ନିଙ୍ଗଜି ଖାତାର୍ । ପାତାଲ୍ପୁରତ ମାନି ହାତି ମାନାୟ ପା ହସି ଖାତାର୍ । ହେଞ୍ଜାର୍ ଓଜାର୍ ଜାର୍ ଜାର୍ କାରୁମ୍ ଇସାପ୍ତାଂ ବିଚାର୍ କିୟାତାର୍ । ୧୪ ତା ପାଚେ ହାକି ଆରି ପାତାଲ୍ଚିଂ ନାଣିମେହା ହାମ୍ଦୁରତ ତୁହିତାର୍ । ଇ ହାକି ଇତିସ୍ ନାଣିମେହା ହାମ୍ଦୁର, ରି ହାକି । ୧୫ ଇନେର୍ ତର୍ ଜିବୁନ୍ ପତିତ ଲେକା ଆଜି ମାନି ଚଞ୍ଜୟାଖାତାଡ୍, ତାଙ୍ଗେଙ୍ଗ୍ ନାଣି ଆହ୍ନି ହାମ୍ଦୁରତ ତୁହି ହିତାର୍ ।

୨୧

ପୁନି ସରଗ୍ ଆରି ପୁନି ପୁତ୍

୧ *ତା ପାଚେ ଆନେଙ୍ଗ୍ ର ପୁନି ଆକାସିଂ ଆରି ପୁନି ପୁତ୍ ହୁଡ୍ତାଂ; ଇନେକିଦେଂକି ପର୍ତ୍ତୁମ୍ ଆକାସିଂ ଆରି ପର୍ତ୍ତୁମ୍ ପୁତ୍ ବୁଡା ଆଜି ମାଚାଡ୍, ଆରେ ହାମ୍ଦୁର ଆରେ ହିଲ୍ଖାତାଡ୍ । ୨ *ଆରେ ଆନେଙ୍ଗ୍ ପୁଇପୁୟା ଗାଡ୍ଦି, ଇତିସ୍ ପୁନି ଜିରୁସାଲମ୍ତ ବିବାଦାଙ୍ଗେନ କାଜିଂ ରଞ୍ଜି ଗାଡ୍ ଲାକେ ଜାଗ୍ଡ ଆଜି ସାଗେତାଂ ଇସ୍ତ ଲାଗାତାଂ ପୁତ୍ ତ ଜୁନ୍ନାକା ହୁଡ୍ତାଂ । ୩ ଆରେ ଆନେଙ୍ଗ୍ ଗାଦି ବିତ୍ତେତାଂ ର ଗାଜା ସବଦ୍ ଇଦାଂ ଇନାକା ଷେଚାଙ୍ଗ୍, ହୁଡ୍ଡାଟ୍, ମାନାୟାର ବିତ୍ତେ ଇସ୍ତ ବାହାକିନାକା ମାନାଡ୍, ହେଞ୍ଜାନ୍ ହେଞ୍ଜାର୍ ଲାହାଙ୍ଗ୍ ବାହାକିନାନ୍, ଆରେ ହେଞ୍ଜାର୍ ଇସ୍ତ ଲକୁ ଆନାର୍ ଆରେ ଇସ୍ତ ନିଜେ ହେଞ୍ଜାର୍ ଲାହାଂ ମାନ୍ଗାନାନ୍, ୪ ହେଞ୍ଜାର୍ କାଣ୍ଡାତାଂ ଓଜୁ କାଣ୍ଡେଲ୍ ନେୟାନାନ୍; ହାକି ଆରେ ଗିଟା ଆଉଡ୍; ଦୁକ୍ କି ଆଡ୍ବାନାକା କି ନନାକା ଆରେ ଆଉଡ୍; ଇନେକିଦେଂକି ଆଗେନି ବିସ୍ତେ ସବୁ ବୁଡା ଆତାଡ୍ନା ।

୫ ପାଚେ ଗାଦିତ କୁଚ୍ଚି ମାନାୟ ଇଚାନ୍, ହୁଡ୍ଡାଟ୍ ଆପ୍ ସବୁ ବିସ୍ତେ ପୁନାକା କିତାପ୍ନା । ଆରେ ହେଞ୍ଜାନ୍ ଇଚାନ୍, ଲେକିକିୟା, ଇନେକିଦେଂକି ଇ ଓଜୁ କାତା ପାତ୍ ନିକିଂ ଆରି ହାଡ୍ପା । ୬ ହେଞ୍ଜାନ୍ ନାଙ୍ଗେଙ୍ଗ୍ ଆରେ ଇଚାନ୍, ଓଜୁ କାମାୟ ଓସ୍ତାଡ୍ନା । ଆନ୍ ଆରମ୍ ଆରି ହାରିହାରା, ଆରେ ଆଗେ ଆରି ଓଜ୍ଜନାକା । ଇନେର୍ ଏସକି ତାଙ୍ଗେଙ୍ଗ୍ ଆପ୍ ଜିବୁନ୍ ଲାକେ ଜାର୍ଣ୍ଡାତାଂ ଉପକା ମଲ୍ଦାଂ ଉଣ୍ଡେଙ୍ଗ୍ ହିଦ୍ନାପ୍ । ୭ ଇନେର୍ ଜିତାନାନ୍, ହେଞ୍ଜାନ୍ ଇ ଓଜୁତି ଆଦିକାର୍ ଆନାନ୍; ଆପ୍ ହେଞ୍ଜାନ୍ ଇସ୍ତ ଆନାପ୍, ଆରେ ହେଞ୍ଜାନ୍ ମା ମାଜି ଆନାନ୍ । ଠ ମାତର୍ ଇମ୍ଫାକାର୍ ପାଣ୍ଡାନାକାର୍, ପାତ୍ କିଞ୍ଜାକାର୍, ଗିଣ୍ପାଲ୍, ନାର୍ଅହ୍ନାକାନ୍, ଦାରିୟା, ଚୁଚ୍କିୟାର୍, ଆରି ପୁଡ୍ଡା ପୁଜାକିନାକାନ୍, ହେଞ୍ଜାର୍ ଆରି ଓଜାର୍ ମିଚ୍ କାତା ଇନାକାର୍ ନାଣି ଆରି ଗନ୍ଦକ୍ ଆହ୍ନି ହାମ୍ଦୁରତ ବାଗ୍ ଅୟାନାର୍; ଇଦାଂ ନେ ରି ହାକି ।

ପୁନି ଜିରୁସାଲମ୍

୯ ତାପାଚେ ଇମ୍ଫଣି ସାଡ୍ ଦୁଡ୍ ଓସ୍ତି ସାଡ୍ ଦୁକ୍ତ ବାତ୍ ସାଡ୍ କଣ୍ଡିଆସ୍ତି ମାଚାନ୍, ହେଞ୍ଜେକ୍ ବିତ୍ତେତାଂ ରଞ୍ଜେଲ୍ ଖାଜି ନାଙ୍ଗେଙ୍ଗ୍ ଇଞ୍ଜାଡ୍, ଇବେ ଖା, ଆନେଙ୍ଗ୍ ନିଙ୍ଗେଙ୍ଗ୍ ହେ ଗାଡ୍, ଇତିସ୍ ମେଣ୍ଡାହିମ୍ଣାତି ତକୁହିଂ ଚର୍ଚାନାଙ୍ଗ୍ । ୧୦ ହେବେ ହେଞ୍ଜାନ୍ ନାଙ୍ଗେଙ୍ଗ୍ ଜିବୁନ୍ତ ର ଗାଜା ଆରି ପାନ୍ତି ମାଡ୍ଡିତ ଅଜି ହାଲ୍ଜି ପୁଇପୁୟା ଗାଡ୍ଦି ଜିରୁସାଲମ୍ତ ଚର୍ଚାତାନ୍, ହେଦାଂ ସାଗେତାଂ ଇସ୍ତ ଲାଗାଂ ଜୁଜି ମାଚାଡ୍ ଆରି ଇସ୍ତ ଜାଜ୍ମାଲ୍ ଆତାଡ୍ । ୧୧ ଆରେ ତା ଇସ୍ତ ଜାଜ୍ମାଲ୍ ଲାକେ ମାଚାଡ୍; ତା ଅଜଡ୍ ବେସି ମଲ୍ଦି ମଣି ଲାକେ, ନିର୍ମଲ୍ ଷେଡାମଣି ଲାକେ । ୧୨ ତା ରଞ୍ଜାଙ୍ଗ୍ ଗାଜା ଆରି ପାନ୍ତି କୁଞ୍ଜାଡ୍ ମାନାଡ୍, ହେବେ ବାରଗଟା ଦୁଞ୍ଜେରିଂ ହେ ଦୁଞ୍ଜେରତ ବାରଜାଣ୍ ଦୁଡ୍ ଆରି ଦୁଞ୍ଜେରକାଂ ଜପି ଇସ୍ତାଏଲ୍ ହିମ୍ଣାତି ବାରଜାଣ୍ ଲାହାନ୍ ତର୍ ଲେକାତାଡ୍ନା । ୧୩ ଷେଡାହନି ନିପ୍ ତିନିଗଟା ଦୁଞ୍ଜେରିଂ, ପାଲ୍ନିପ୍ ତିନିଗଟା ଦୁଞ୍ଜାରିଂ, ଦିଗବାଗାଙ୍ଗ୍ ତିନିଗଟା ଦୁଞ୍ଜାରିଂ ଆରି ଷେଡାହାନିନିପ୍ ତିନିଗଟା ଦୁଞ୍ଜାରିଂ । ୧୪ ହେ ଗାଡ୍ନି କୁଞ୍ଜାଡ୍ନି ବାର କୁନାଦି, ହେ ସବୁ ଜପି ରଚ୍ଯାଜି ମାଚାଡ୍ ମେଣ୍ଡାହିମ୍ଣା ବାର ପକ୍ୟାତାକାର୍ ବାରଗଟା ତର୍ ଲେକାତାଡ୍ନା । ୧୫ ଇନେର୍ ନା ଲାହାଙ୍ଗ୍ କାତା ଇଞ୍ଜି ମାଚାନ୍, ତା କେଇଦ ଗାଡ୍ ତା ଦୁଞ୍ଜେରିଂ ଆରି କୁଞ୍ଜାଡ୍ ଲାଜ୍ଜେଙ୍ଗ୍ ର ହନା ଲାଚ୍ନାକା ବେଡ୍ଗା

☆ ୨୧:୧ ୨୧:୧ ୨ ପିତର୍ ୩:୧୩. ☆ ୨୧:୨ ୨୧:୨ ହତ୍ତ ୩:୧୨.

ମାତାତ୍ । ୧୭ ଗାଡ଼ ଚାରିକଣ୍ଠାଆଁ, ତା ଲାମା ଆରି ଅହାର୍ ସମାନ; ହେୱାନ ହେ ବେଡ଼ଗାତାଂ ଗାଡ଼ିଂ ଲାଜ୍‌ଚିଲେ ବାର ହାଜାର୍ ୧୨,୦୦୦ ଆପ୍‌କୁ ଆତିକ୍; ହେବେନି ଲାମା, ଅହାର୍ ଆରି ପାତ୍ରାକା ସମାନ । ୧୮ ପାତେ ହେୱାନ ହେବେନି କୁଞ୍ଜାଡ଼ ଲାଜ୍‌ଚିଲେ ହେଦାଂ ମାନାୟ୍‌ତିଂ ଲଡ଼ା ଇସାପ୍‌ରେ ସାଡ଼କଡ଼ିଚାରି ୧, ୪୪ ଆଡ଼ ଆତାଡ଼, ଦୁଡ଼ନେ ଇ ଲଡ଼ା ଇସାପ୍‌ରେ ଲାଜ୍‌ଚି ମାତାନ୍ । ୧୯ ହେ ଇଲ୍ ଖେଡ଼ାମଣି ରଚାକା, ଆରେ କୁଞ୍ଜାଡ଼ ସକର୍ କାଚ୍ ଲାକେ ନେକ୍ରି ହନା ଲାହାଂ ରଚାକା । ୨୦ ଗାଡ଼ି କୁଞ୍ଜାଡ଼ କୁନାଦି ଖିଜୁ ବାନି ବେସି ମଲ୍ ମଣି ରଞ୍ଜାକା । ପର୍ଡ଼ମ୍ କୁନାଦି ହିରା, ଜେତାକା ମଣିନି, ତିନି ବଦୁର୍ଜ୍ୟମଣି, ଚାରି ମରକତମଣି, ୨୧ ପାଞ୍ଚ ପୁଲକମଣି, ଚଅ ମାଣିକ୍ୟମଣି, ସାଡ଼ ପୁସ୍ପରାଗମଣି, ଆର୍ ପିରଜ୍‌ମଣି, ନଅ ଗମେଦକମଣି, ଦସ୍ ଲସୁନିୟମଣି, ଏଗାର୍ ଇନ୍ଦ୍ରନିଲମଣି, ଆରି ବାର ଗାନ୍ଧାନିମଣି । ୨୨ ବାର ଦୁଖେର୍ ବାର ମୁଲ୍ଲା, ଖିଜୁ ଦୁଖେର୍ ରଞ୍ଜାଙ୍ଗ୍ ରଞ୍ଜାଙ୍ଗ୍ ମୁଲ୍ଲାତ ରଚାକା; ଆରେ ଗାଡ଼ି ହାଜି ସକର୍ କାଚ୍ ଲାକେ ନେକ୍ରିକା ହନା ଲାହାଂ ରଚାକା ।

୨୨ ଆନେଙ୍ଗ୍ ହେ ଗାଡ଼ ଇମ୍‌ଶାକାପା ମନ୍ଦିରତ ପା ହୁଡ଼୍‌ଖାତାଂ, ଇନେକିଦେଂକି ମାପୁ, ଖିଜୁତିଂ ସାକ୍ତିକାଟାକାନ୍ ଇସ୍‌ବ୍ ଆରି ମେଣ୍ଡାହିମଣା ହେବେନି ମନ୍ଦିର ଲାକେ ମାନାନ୍ । ୨୩ ଅଜଡ଼ କାଜିଂ ହେ ଗାଡ଼ି ଖେଡ଼ା କି ଲେଞ୍ଜି ଲଡ଼ା ଆକାୟ୍, ଇନେକିଦେଂକି ଇସ୍‌ବ୍ ଜାଜ୍‌ମାଲ୍ ତାଙ୍ଗେଙ୍ଗ୍ ଅଜଡ଼ କିନାଡ଼ ଆରି ମେଣ୍ଡାହିମଣା ହେବେନି ବୈଟା ଲାକେ । ୨୪ ହେବେ ଅଜଡ଼ତ ଜାତିର୍ ବୁଲ୍‌ଗାଲ୍ କିତାର୍, ଆରି ପୁଡ଼ିଂ ରାଜାର୍ ଜାର୍ ଜାର୍ ହଲ୍‌ନାକା ତା ବିତ୍ରେ ତାସିଞ୍ଜାଜି ଗାନ୍ଦା ହିନାର୍ । ୨୫ ହେବେନି ଦୁଖେର୍ ଲାଗାଂ ଖେଡ଼ାଲିଂ ମୁଡ଼କେ ଗେହ୍‌ୟା ଆଉଡ଼, ଇନେକିଦେଂକି ହେ ବାହାତ ନାଶା ଆଉଡ଼ । ୨୬ ଲକୁ ଜାତିଲାହାଂ ହଲ୍‌ନାକା ଆରି ପାଣ୍ ତା ବିତ୍ରେ ତାସିଞ୍ଜାଜି । ୨୭ ଇମ୍‌ଶାକା ପା ସକର୍ ବିସ୍ତେ ନଲେ ଗିଣ୍ କିନାକାର୍ ଆରି ମିଚ୍‌ଖାର୍ ଇନେର୍ ହେବେ ମୁଡ଼କେ ହଣ୍ଡେଙ୍ଗ୍ ଆଡୁର୍; କେବଲ୍ ଇମ୍‌ଶାକାର୍‌ତି ତର୍ ମେଣ୍ଡାହିମଣା ଜିବୁନ୍ ପତିତ ଲେକାତାଡ଼ନା, ହେୱାର୍ ହଣ୍ଡେଙ୍ଗ୍ ଆଡ଼ନାର୍ ।

୨୨

ଜିବୁନ୍‌ନି ଏଜୁଂ ଜଡ଼ି

୧ ପାତେ ହେୱାନ ନାଙ୍ଗେଙ୍ଗ୍ ଜିବୁନ୍‌ମାନି ଏଜୁଂନି ର ନାଗୁଡ଼ ଚଚାତାନ୍, ହେଦାଂ ବେସି ହାର୍‌ଦି ଅଜଡ଼ ଲାକେ, ଆରେ ଇସ୍‌ବ୍ ଆରି ମେଣ୍ଡାହିମଣାତି ଗାଦିତାଂ ହସି ଗାଡ଼ି ହାଜି ହିଜି ହାନାତା । ୨ ହେ ନାଗୁଡ଼ି ରି ପାଡ଼କାତାଂ ବାର୍ ହର୍ ପାଡ଼ ଆହ୍‌ନି ଜିବୁନ୍ ମାର୍‌କୁ ମାନିକ୍, ହେବେ ସବୁମାସ୍ ପାଡ଼ ଆହ୍‌ନାଡ଼, ଆରେ ହେ ମାର୍‌ନି ଆକିଂ ଜାତିରିଂ ଉଜ୍ କିନାକା । ୩ ଇନାକାପା ସାଇପ୍ ବିସ୍ତେ ଆରେ ମାନ୍‌ଗୁଡ଼ ।

ଇସ୍‌ବ୍ ଆରି ମେଣ୍ଡାହିମଣାତି ଗାଦି ଗାଡ଼ ବିତ୍ରେ ମାନ୍‌ଗାନାଡ଼, ଆରେ ତା ଆଡ଼ିୟାର୍ ହେୱାନ୍ତି ପାର୍ତନା କିତାର୍ । ୪ ହେୱାର୍ ତା ମୁମ୍ ହୁଡ଼ନାର୍ ଆରି ତା ତର୍ ହେୱାର୍‌ତି ନିଦାଣତ ଲେକା ମାନ୍‌ଗାନାଡ଼ । ୫ ନାଶା ଆରେ ଆଉଡ଼, ହେୱାର୍‌ତି ବୈଟା କି ଖେଡ଼ା ଅଜଡ଼ି ଲଡ଼ା ଆଉଡ଼, ଇନେକିଦେଂକି ମାପୁ ଇସ୍‌ବ୍ ହେୱାର୍ ଜପି ଅଜଡ଼ ଲାକେ ଆନାନ୍, ଆରେ ହେୱାର୍ ଜୁଗ୍ ଜୁଗ୍ ରାଜ୍ କିତାର୍ ।

ଜିସୁତି ଖାନାକା

୬ ପାତେ ହେୱାନ ନାଙ୍ଗେଙ୍ଗ୍ ଇଞ୍ଜାନ୍, ଇ ଖିଜୁ ବଚନ୍ ପାତ୍ ଆରି ହାଡ଼ପା; ଇନା ଇନାକା ଚାଣ୍ଡେକ୍ ଗିଟାନାଡ଼, ହେ ସବୁ ଜାର୍ ଆଡ଼ିୟାର୍ ଚଚରେଙ୍ଗ୍ ଇଞ୍ଜି ମାପୁ, ବେଶ୍‌ବାକ୍‌ଶାୟ୍‌କିନାକାର୍‌ତି ସବୁ ଜିବୁନ୍‌ନି ଇସ୍‌ବ୍, ଜାର୍ ଦୁଡ଼ିତ୍ ପକ୍‌ତାତାନ୍ନା ।

୭ ଜିସୁ ଇନାନା ହୁଡ଼ାଟ୍ ଆପ୍ ବେଗି ଖାନାପା; ଇନେର୍ ଇ ପତିନି ବେଶ୍‌ବାକ୍‌ଶାୟ୍‌କିନାକା ମାନି କିନାନ୍, ହେୱାନ ଦନ୍ୟ ।

୮ ଆନ୍ ଜହନ୍ ନିଜେ ଇ ଖିଜୁ ଖେଚଚାତାଂ ଆରି ହୁଡ଼ତାଂ । ଖେନାକା ଆରି ହୁଡ଼ି ପାତେ, ଇମ୍‌ଣି ଦୁଡ଼ ନାଙ୍ଗ୍ ଇ ଖିଜୁ ଚଚଚାତାନ୍, ଆନ୍ ହେୱାନ୍ତି ପାନା ତାରେନ୍ ସାରାଣ୍ କିନି କାଜିଂ ତାଣ୍ଡାହାଣ୍ ମାଗ୍‌ତାଂ । ୯ ମାତର୍ ହେୱାନ ନାଙ୍ଗେଙ୍ଗ୍ ଇଞ୍ଜାନ୍, ଜାଗ୍‌ଡ଼, ଇଦାଂ କିମା, ଇନେକିଦେଂକି ଆନ୍ ନିଦାଂ, ନି ଟଣ୍ଡାର୍ ବେଶ୍‌ବାକ୍‌ଶାୟ୍‌କିନାକାର୍‌ତି ଆରି ଇ ପତିନି ବଚନ୍ ପାଲିକିନାକାର୍‌ତି ହାଙ୍ଗ୍‌ଦାକାନ୍; ଇସ୍‌ବ୍‌ତିଂ ପାର୍ତନା କିୟାର୍ । ୧୦ ଆରେ ହେୱାନ ନାଙ୍ଗେଙ୍ଗ୍ ଇଞ୍ଜାନ୍, ଏନେଙ୍ଗ୍ ଇ ପତିନି ବେଶ୍‌ବାକ୍‌ଶାୟ୍‌କିନାକା ସବୁ ଚିନ୍ ଇଡ଼ମାର୍, ଇନେକିଦେଂକି ସମ୍ ଲାଗେ । ୧୧ ଲାଗିଂ ଇ କାତା ପୁନ୍‌ଞ୍ଜି ଇନେର୍ ଇନାକା ଇତା ହେଦାଂ କିଏର୍, ଅଦାମ୍, ହେୱାନ ଆରେ ଅଦାମ୍ କିଏନ୍; ଇନେର୍ ଅନ୍ୟାୟ୍, ହେୱାନ ଆରେ ଅନ୍ୟାୟ୍ ଆଏନ୍; ଇନେର୍ ରାଡ଼ା, ହେୱାନ ଆରେ ରାଡ଼ା ଆଏନ୍; ଆରେ ଇନେର୍ ଦାମ୍, ହେୱାନ ଆଦିକ୍ ଦାମ୍ ଆଏନ୍; ଇନେର୍ ପୁଲପୁୟା, ହେୱାନ ଆଦିକ୍ ପୁଲପୁୟା ଆଏନ୍ ।

୧୨ ହୁଡ଼ାଟ୍, ଆପ୍ ବେଗି ଖାନାପା; ଜାଣକେ ଲକୁରିଂ ହେୱାନ୍ତି କାମାୟ୍ ଇସାବେ ପାଡ଼ ହିଦେଂ ମା ଇନାମ୍ ମା ଲାଗେ ମାନାଡ଼ । ୧୩ ଆପ୍ କି ଆରି ଆଁ, ପର୍ଡ଼ମ୍ ଆରି ହାରିହାରା, ଆରି ମୁଡ଼ ଆରି ଖିସ୍ତାକା ।

୧୪ ଜିବୁନ୍ ମାର୍‌ନି ଆଦିକାର୍ ଆନି କାଜିଂ ଆରି ଦୁଖେର୍ ହିଜି ଗାଡ଼ ହଣ୍ଡେଙ୍ଗ୍ ଇମ୍‌ଶାକାର୍ ଜାର୍ ଜାର୍ ଆଜି ହକ୍‌ତାଣ୍ଡା, ହେୱାର୍ ଦନ୍ୟ । ୧୫ ନିକୁଡ଼ିଂ, ଚୁଟ୍‌କିର୍, ଦାରିୟାର୍, ନାର୍‌ମାରୁ, ପୁଡ଼ଡ଼ା ପୁଜାକିନାକାନ୍ ଆରେ ମିଚ୍ ଖାରି ଆରି ମିଚ୍ ଇନାକାର୍ ଗାଡ଼ ବାଚ୍‌ଚ ମାଗାନାର୍ ।

☆ ୨୨:୧୩ ୨୨:୧୩ ହତ୍ତ ୧:୮; ହତ୍ତ ୧:୧୭; ୨:୮.

^{୧୬} “ଆନ୍ ଜିସୁ, ମଣ୍ଡଲି କାଜିଂ ମି ଲାଗେ ଇ ଝିଜୁ ସାକି ହିନି କାଜିଂ ମା ଦୁତ୍ତିଂ ପଲ୍ଲାନାପା । ଆପ୍ ଦାଉଦ୍ତି ମୁଡ୍ତି ଆରି ଲାଡ୍ଡା, ହେ ଅଜଡ୍ଡି ହୁକା ।”

^{୧୭} ଜିରୁନ୍ ଆରି ଗାଡ୍ ଇନାଡ୍, ଝାଡ ।

ଆରେ ଇନେର୍ ଝେନାର୍, ହେଝାନ୍ ଇନେନ୍, ଝାଡ ।

ଇନେର୍ ଏସ୍କି ଆତାକାର୍, ହେଝାନ୍ ଝାଏର୍; ଇନେର୍ ଇଚା କିନାନ୍, ହେଝାନ୍ କସ୍ତୁ କିଝାଦାଂ ଜିରୁନ୍ନି ଏଜୁଙ୍ଗ୍ ଉଣେନ୍ ।

ହାରିହାରା

^{୧୮} ଇମ୍ଫାକାର୍ ଇ ପତିନି ସବୁ ବେଶ୍‌ବାକ୍‌ଶାୟକିନାକା ଝେନାର୍, ହେଝାର୍ତି ଜାଶ୍‌କେତିଂ ଆନ୍ ସାକି ହିଜି ଇନାଙ୍ଗା, ଇନେର୍ ଜଦି ଇ ସବୁ ହୁଦାଂ ଅଲପ୍ ମେହାୟ୍ କିନାନ୍ ତେବେ ଇ ପତିତ ଲେକାତି ଦୁକ୍ ସବୁ ଇସ୍‌ର୍ ହେଝାନ୍ କାଜିଂ ଗିଟାୟକିନାନ୍; ^{୧୯} ଆରେ ଇନେର୍ ଜଦି ଇ ବେଶ୍‌ବାକ୍‌ଶାୟକିନି ପତିନି ଇମ୍ଫାକା ପା ବଚନ୍ ରୁଡାୟକିନାନ୍ ତେବେ ଇସ୍‌ର୍ ଇ ପତିନି ଲେକାତି ଜିରୁନ୍ ମାର୍ ଆରି ପୁଇପୁୟା ଗାଡ୍‌ଦ ହେଝାନ୍ତି ବାଗ୍ ରୁଡାୟ କିନାନ୍ ।

^{୨୦} ଇନେର୍ ଇ ଝିଜୁ ବିସ୍ତେ ସାକି ହିନାନା, ହେଝାନ୍ ଇନାନ୍, ହାଡ୍‌ପା “ଆନ୍ ଝାନାଙ୍ଗା । ଆମେନ୍, ଏ ମାପୁ, ଜିସୁ ଝା ।

^{୨୧} ମାପୁ ଜିସୁତି ଉପ୍‌କାର୍ ଝିଜାର୍ତି ଲାହାଂ ଆଏଡ୍ । ଆମେନ୍ ।”